



The New Testament the Kusaal language (Ghana)

ପୁସ୍ତକ ଖୋଲା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଖୋଲା,

କୁସାଲ ପୁସ୍ତକ ଖୋଲା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files dated 8 May 2025
c688c8bf-38ac-5c00-90bd-6e4eaa165a20

Contents

ମାଡ଼ିୟୁ	1
ମାର୍କ	62
ଲୁକ	100
ଜହନ	162
କାମା	208
ରମିୟୁ	265
୧କରନ୍ତୁ	291
୨କରନ୍ତୁ	315
ଗାଲାତିୟୁ	331
ଏପିସ୍ତ	340
ପିଲିପି	349
କଲସିୟୁ	355
୧ତେସଲନିକି	361
୨ତେସଲନିକି	367
୧ତିମତି	371
୨ତିମତି	378
ତିତସ୍	384
ପିଲିମନ	387
ଏବ୍ରୁ	389
ଜାକୁବ	407
୧ପିତର	414
୨ପିତର	422
୧ଜହନ	427
୨ଜହନ	434
୩ଜହନ	436
ଜୀହୁଦା	438
ଝେକ୍ସି ବନ୍ତୁ	441

ମାଥୁତ ଲିଖିତ ସୁସମାଚାର ମାତିୟୁ ରାତାମାନି ନେହୁଁ କାବୁ ମୂଲୁ ହାଡ଼ା

ପୁଃନି ଫେରାତି ସାରିଗଟା ନେହୁଁ କାବୁ ପତିୟାଁ ବିତ୍ରାତି ମାତିୟୁ ରାତାମାନି ନେହୁଁ କାବୁ ଜୀସୁ କ୍ରୀସୁ ଜୀସୁତି କାତା ରାସ୍ତକି ଆହାମାନେ □ ଇ ସାରିଗଟା ପତିୟାଁଇଁ ନେହୁଁ କାବୁ ଇନେରି □ ଏ ପତିୟାଁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡେ ଜହନ ରାତାମାନେରି □ ମାତିୟୁ ରାଡ଼ିତି ନେହୁଁ କାବୁ ଏଚେଲା ରାସ୍ତକି ଆହାମାନେ ଇଞ୍ଜୁଁ ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସୁ ଜାର୍ନାଆତି ୭୦ ବାର୍ଯା ତାୟୁ ରାସ୍ତକି ଆହାମାନେ, ଅଡେ ଆମିନି ଚାୟୁତା ରାସ୍ତକି ଆହାମାନେ, ଆମ୍ବାଆରି ପୁଞ୍ଜାହିଲଅରି, ଇ ନେହୁଁ କାବୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍ତକି ଆହାମାନେ □

ଜୀସୁ ମାତିୟୁଇଁ ତାନି ସୀସୁ ଆହାଲି ହାଡ଼ିତି ନକେଏ ମାତିୟୁ ର ସିସୁ ରୁାହନାସି ମାଚେସି, ଇଞ୍ଜାଁ ତାନି ଅଡେ ର ଦରୁ ଲେବି ମାଚେ, ଏଞ୍ଜାସି ବାରୁଜାଣା ବିତ୍ରାତି ରଅସି ମାଚେସି, ଏଞ୍ଜାସି ଜୀହୁଦି ଲକୁତାକି ଇ କାବୁ ରାତାମାନେସି □ ଜୀହୁଦିୟାଁ ଜୀସୁଇଁ, ଇ ରାଜିତା ସାଲୁଡ଼ି କିନି ରାଜା ଇଞ୍ଜୁଁ ଅଣ୍ଡପିମାଚେରି, ସାମା ମାତିୟୁ ଏ ନାମୁତି ବାଦଲି କିହାନା ରାତାମାନେସି; ଜୀସୁ ଦାରୁତିତି ରାଜି ଆଏ, ସାମା ଲାଲପୁରୁ ଜୀସୁତି ରାଜି କାତା ଖେସିହୁଁ ଜାଗ୍ରାତା କିହାଁ ଖେସାମାନେସି, ମାହାପୁରୁ ଆଡ଼ିତି ଗେଲୁପିକିନି ରାଜା, ଆମିନି ଗାଟାଣି ତାକି ପୁଃଇ ଫେରାତି ଦାର୍ମୁ ପତିତା ମାହାପୁରୁ ବଲୁ ଖେହନାରି ଖେସାମାନେରି, ଇଞ୍ଜୁଁ ପୁଃସ୍ତି କିହାଲି ଅଣ୍ଡପିମାଚେସି, ଇ ଆକୁତା ମାହାପୁରୁ ରାଜିତି କାତା ହାଡ଼େକା ଖେସିମାନେସି □

ମାତିୟୁ ରାଡ଼ିତି ନେହୁଁ କାବୁ ପୁଃନି ଫେରାତି ମୂଲୁ ପତି ଇଞ୍ଜୁଁ ତଞ୍ଜା ଆହାମାନେ, ଇତିହୁଁ ପୁଃଇ ଫେରାତି ମାହାପୁରୁ ବଲୁ ହାଡ଼େକା ରାସ୍ତକି ଆହାମାନେ, ଇ ପତି ପୁଃଇ ଫେରା ପୁଃନି ଫେରା ତଲେ ଆଣ୍ଡାମାନେ, ଖେଡ଼ା ହପୁଞ୍ଜାକିତି ସଗୁପୁନାରି ଖେସିମାନେରି, ମାତିୟୁ ତାନି ଆକୁତା ମସାତି ଫେରା ପାରିନାୟି □ ହରୁଲେକ ଜୀସୁ ଜାପୁନାୟି ମାତି ୫:୭, ମାହାପୁରୁ ମସାକି ହରୁଲେକ ଫେରା ହାନାୟି ଖେ ଫେରା ୧୯:୩; ୨୩-୩୩ □

ପତିତା ମାନାୟି

- ୧ ଜୀସୁ କ୍ରୀସୁତି ଜାର୍ନା ଅଡେ ତାନି ସେବା କାମା □ ୧:୧-୪:୨୫
- ୨ ଜୀସୁ କ୍ରୀସୁତି ସେବା ଅଡେ ତାନି ଜାପୁନାୟି □ ୫:୧-୨୫:୪୬
- ୩ ଜୀସୁ କ୍ରୀସୁ ହାନାୟି ଅଡେ ଖେଣ୍ଡେ ନିଜିନାୟି □ ୨୬:୧-୨୮:୨୦

ଜୀସୁ କ୍ରୀସୁତି ଆକୁ ଆବାୟାଁ
(ଲୁକ ୩:୨୩-୩୮)

- ୧ ଅବ୍ରାହାମ ମୀରୁଏସି ଅଡେ ଦାସୁଦତି ମୀରୁଏସି ଜୀସୁ କ୍ରୀସୁତି କୃଡ଼ା □
- ୨ ଅବ୍ରାହାମ ମୀରୁଏସି ଇସାହାକ, ଇସାହାକ ମୀରୁଏସି ଜାକୁବ, ଜାକୁବ ମୀରୁଏସି ଜୀହୁଦା ଇଞ୍ଜାଁ ତାନି ତାୟିୟାଁ,
- ୩ ଜୀହୁଦା ଅଡେ ତାମାର ମୀରୁଏସି ପେରସ ଅଡେ ଜେରହ, ପେରସ ମୀରୁଏସି ହେସ୍ରାଶ, ହେସ୍ରାଶ ମୀରୁଏସି ଅରାମ,
- ୪ ଅରାମ ମୀରୁଏସି ଅମିନାଦାବ, ଅମିନାଦାବ ମୀରୁଏସି ନହସନ, ନହସନ ମୀରୁଏସି ସଲମନ,
- ୫ ସଲମନ ଅଡେ ରାହାବ୍ ମୀରୁଏସି ବୟାଜ, ବୟାଜ ଅଡେ ରୁତ ମୀରୁଏସି ଅବେଦ, ଅବେଦ ମୀରୁଏସି ଜିସି □
- ୬ ଜିସି ମୀରୁଏସି ଦାସୁଦ ରାଜା, ଦାସୁଦ ଅଡେ ଭରିୟ ଡକ୍ଟିନି ତାଣାଟି ସଲମନ ଜାର୍ନା ଆଡେସି,
- ୭ ସଲମନ ମୀରୁଏସି ରିହବୟାମ, ରିହବୟାମ ମୀରୁଏସି ଅବିୟ, ଅବିୟ ମୀରୁଏସି ଅସା,
- ୮ ଅସା ମୀରୁଏସି ଜିହସାପାବ୍, ଜିହସାପାବ୍ ମୀରୁଏସି ଜରାମ, ଜରାମ ମୀରୁଏସି ଭଜିୟ,
- ୯ ଭଜିୟ ମୀରୁଏସି ଜତମ, ଜତମ ମୀରୁଏସି ଆହାଜ, ଆହାଜ ମୀରୁଏସି ହିଜକିୟ,
- ୧୦ ହିଜକିୟ ମୀରୁଏସି ମନସି, ମନସି ମୀରୁଏସି ଆମନ, ଆମନ ମୀରୁଏସି ଜିସିୟ,

୧୧ ଇସ୍ରାୟେଲଙ୍କ ବାବିଲନ ଦେସାତା ଦସାନା ଅନ୍ନି ବେଲତା ଜସିୟ ମୀରୁକା ଜିକନିୟ ଇଞ୍ଜା ତାନି ତାୟିୟା ଜାର୍ନା ଆଡେତରି □

୧୨ ବାବିଲନତା ଅଢ଼ିଆଡ଼ି ଜେତ ଜିକନିୟ ସଲ୍ଲଟିୟେଲ୍ଲ ଜାନି କିତେସି, ସଲ୍ଲଟିୟେଲ୍ଲ ମୀରୁସସି ଜିରୁବାବେଲ,

୧୩ ଜିରୁବାବେଲ ମୀରୁସସି ଅବିହୁଦ, ଅବିହୁଦ ମୀରୁସସି ଏଲିୟାକିମ, ଏଲିୟାକିମ ମୀରୁସସି ଅସର,

୧୪ ଅସର, ମୀରୁସସି ସାଦକ, ସାଦକ ମୀରୁସସି ଆକିମ, ଆକିମ ମୀରୁସସି ଏଲିହୁଦ,

୧୫ ଏଲିହୁଦ ମୀରୁସସି ଏଲିୟାଜର, ଏଲିୟାଜର ମୀରୁସସି ମତାନ, ମତାନ ମୀରୁସସି ଜାକୁବ,

୧୬ ଜାକୁବ ମୀରୁସସି ମରିୟମନି ତକ୍ରା ଜସେପ, ଇ ମରିୟମନି ବାଣ୍ଡିଟି ଜାସୁ ଜାର୍ନା ଆଡେସି, ଏଞ୍ଜାଣାଲ୍ଲ କ୍ରାସୁ ଇଶ୍ଟି ଆହିମାନେ □

୧୭ ଇଲେଆହି ଅବ୍ରାହାମ ତାଣ୍ଡାଟିଏ ଦାଢୁଦ ପାତେକା ସଦ ଜାଣା ଆକୁୟା, ଅଡେ ଦାଢୁଦ ତାଣ୍ଡାଟିଏ ବାବିଲନ ଅଢ଼ିଆଡ଼ି ପାତେକା ସଦ ମାଣସି, ଇଞ୍ଜା ବାବିଲନ ଅଢ଼ିଆଡ଼ି ତାଣ୍ଡାଟିଏ ଜାସୁ କ୍ରାସୁତି ଜାର୍ନା ପାତେକା ସଦ ମାଣସି □

**ଜାସୁ କ୍ରାସୁତି ଜାର୍ନା ଆନାୟି
(ଲୁକ ୧:୨୬-୩୮; ୨:୧-୬)**

୧୮ *ଜାସୁ କ୍ରାସୁତି ଜାର୍ନା ଇଲେକ୍ ଆଡେ □ ତାମି ଇୟା ମରିୟମ ଅଡେ ଜସେପ ତଲେ ବାହା ଆହାଲି ରାସ୍ପି ଆହାମାଟି ଜେତ, ଏଢ଼ି କାଲ୍ଲୁଢ଼ି ଆଥା ନକେଏ, ଏଡ଼ି ସୁଦୁଜାଢୁ ତଲେ ପୁରାମାସା ଆହାମାନେ ଇଞ୍ଜା ପୁଣ୍ଡି ଆଡେ □

୧୯ ଏରେଟିଏ ତାନି ତକ୍ରା ଜସେପ ର ଦାମ୍ବୁ ଲକୁ ମାଗାକି, ଇଞ୍ଜା ଏଦାଣି ଲକୁ ନକିତା ଦହ ଗାଗାୟି ଇଞ୍ଜା ତହୁଆପେଏ ଇଞ୍ଜା ଏଦାନି ତୁକୁହାନା ପିସାଲି ତାରି କିତେସି □

୨୦ ସାମା ଏଞ୍ଜାସି ଏଲେଇଞ୍ଜି ତାରିକିତି ତାୟୁ, ମେହ୍ଦୁ, ମାହାପୁରୁତି ର ଦୁରୁ ଏଞ୍ଜାଣାଲ୍ଲ ହାପାନାତା ଏଲେଇତେସି, “ଆଡେ ଦାଢୁଦ କୃତାତି ଜସେପ, ମରିୟମନି ତକ୍ରା କିହାଲିତାକି ଆଜାଆନି, ଏନାଆଁତାକି ଇଟିହୁ” ମାହାପୁରୁତି ସୁଦୁଜାଢୁ ତଲେ ପୁରାମାସା ଆହାମାନେ □

୨୧ *ଏଡ଼ି ର କକାଣାଲ୍ଲ ଜାନି କିନେ, ଅଡେ ମୀରୁ ଏଞ୍ଜାଣି ଦରୁ ଜାସୁ ଇଞ୍ଜା ଇଟାଦୁ, ଇଟିହୁ ଏଞ୍ଜାସି ତାନି ଲକୁଲ୍ ତାନି ବାରେ ପାପୁଟି ଗେଲ୍ପିନେସି □”

୨୨ ମାହାପୁରୁ ଅଣ୍ପୁଟି ବଲ୍ଲୁ ଝେହ୍ନାରି ତାଣ୍ଡାଟି ପ୍ରବୁତି ଇ କାତା ଏନିକ୍ ପୁରା ଆନେ, ଇଦାଆଁତାକି ଇ ବାରେ ଆଡେତ,

୨୩ “ମେହ୍ଦୁ ର ତାଆ ମାକ୍ରା ପୁରାମାସା ଆହାନା ର କକାଣାଲ୍ଲ ଜାନି କିନେ, ଅଡେ ଲକୁ ଏଞ୍ଜାଣି ଦରୁ ‘ଇମାନୁୟେଲ’ ଇଟିନେରି □” ଇ ଦରୁତି ଅର୍ତ “ମାହାପୁରୁ ମା ତଲେ ମାନେସି □”

୨୪ ଏମାଟିଏ ଜସେପ ଇଦାଟି ନିଜିତି ତାୟୁ ପ୍ରବୁତି ଦୁରୁ ଏନିକ୍ ହୁକୁମି ହାହାମାତେସି, ଏଲେକିହୁ ଏ କିତେସି, ଏଞ୍ଜାସି ମରିୟମଲ୍ ବାହା ଆଡେସି;

୨୫ *ସାମା ଏଡ଼ି କକାଣାଲ୍ଲ ଜାନି କିଆ ପାତେକା ଏଦାଣି ତଲେ କୃତାଆତେସି, ଅଡେ ଏ କକାଣି ଦରୁ ଜାସୁ ଇଟିତେରି □

୨

ଝେଡ଼ା ହପୁଞ୍ଜାକିତି ସଗୁପୁନାରି

୧ ହେରଦ ରାଜା ବେଲତା ଜାହୁଦା ଦେସାତି ବେତଲିହିମ ଗାଡ଼ାତା ଜାସୁ ଜାର୍ନାଆଡ଼ି ତାୟୁ, ମେହ୍ଦୁ, ଝେଡ଼ା ହପୁ ଞ୍ଜାକିତି ଏତରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି,

୨ “ଆମିନି କକାସି ଜାହୁଦିଜା ରାଜା ଆହାଲି ଜାର୍ନା ଆହାମାନାସି, ଏଞ୍ଜାସି ଆମ୍ବିୟା ? ମାୟୁ ଝେଡ଼ା ହପୁ ଞ୍ଜାକିତି ତାନି ହୁକା ମେସାନା ଏଞ୍ଜାଣାଲ୍ଲ ଜହରା କିହାଲି ଝାହାମାନି □”

୩ ଇ କାତା ଝେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକୁ କାବାଆହାନା ଆଜିତେରି □

୪ ଅତେ ଏଝାସି ଲକ୍ଷ୍ମି କାଜା ପୁଜେରାଜା ଇଞ୍ଜା ମୋରା ପୁନାରାଇଁ କୁଡ଼ି କିହାନା, କ୍ରୀସ୍ତ ଏମ୍ବିୟା ଜାର୍ନା ଆନେସି, ଏଦାଆଁ ଏଝାରି ତାଣାଟି ପୁଞ୍ଜାଲି ଅଣପିତେସି □

୫ ଏଝାରି ଏଝାଣାଇଁ ଏଲେଇଚେରି, ଜୀହୁଦା ଦେସାତି ବେତଲିହିମ ଗାଡ଼ାତା ମାହାପୁରୁ ଅଣପୁତି ବଲୁ ଖେହନାରି ତାଣାଟି ଇଲେଇଞ୍ଜା ରାସ୍ତା ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ,
ଜୀହୁଦାତି କାଜା ନାସ୍ତା ବିତ୍ରାଟି ନୀନୁ ଉଣା ଆସ;
ଇଚିହ୍ ଆମ୍ବାଆସି ନା ଇସ୍ରାୟେଲ ଲକ୍ଷ୍ମି ପହ୍ କିନେସି,
ଏଲେତି ର ସାଲଫି କିନାସି ନୀ ତାଣାଟି ଖାନେସି □”

୭ ତାୟୁ ହେରଦ ସପ୍ତ ପୁନାରାଇଁ ମୋଶୋଏ ହାଡ଼ାନା, ଏ ହୁକା ଏଚେଲା ତଞ୍ଜାଆତେ ଏ କାତା ଏଝାରି ତାଣାଟି ନେହ୍ କ୍ ଖେଚେସି □

୮ ଇଞ୍ଜା ଏଝାସି ଏଝାରାଇଁ ବେତଲିହିମତା ପାଣ୍ଡାନା ଏଲେଇଚେସି, “ମୀରୁ ହାଜାନା ଏ କକାଣି କାତା ନେହ୍ କ୍ ସିନକିହାନା ନାଜେ ଜିକେଏ ଖେସ୍ତାପୁ, ଇଚିହ୍ ନାନୁ ଜିକେଏ ହାଜାନା ଜହରା କିକାଇଁ □”

୯ ଏଚେଟିଏ ଏଝାରି ରାଜା କାତା ଖେଞ୍ଜାନା ହାଚେରି; ଅତେ ମେହଦୁ, ଏଝାରି ଖେଡ଼ା ହପୁଝାକି ଆମିନି ହୁକା ମେସାମାଚେରି, ଏଦି ଏଝାରି ନକି ନକିତା ହାଜାନା, ଏମ୍ବିୟା କକାସି ମାଚେସି ଏ ଲାକ ହାଜାନା ନିଚେ □

୧୦ ଏ ହୁକା ମେସାନା ଏଝାରି ହାଚେରକା ରାହ୍‌ତଲେ ରାହ୍‌ ଆଡ଼େରି □

୧୧ ଏଝାରି ଇଲୁ ବିତ୍ରା ହଡ଼ାନା ତାମି ଇୟା ମରିୟମ ଇଞ୍ଜା କକାଣି ତାଲୁଇଁ ମେସାନା, ଏଝାଣାଇଁ ମେଣ୍ଡାକୁତାନା ଜହରା କିଚେରି, ଇଞ୍ଜା ତାମ୍ବୁତାତାମାଟି ପେଡ଼ାୟିଟି ବାଂଗାରା, ଦୁପା ଦୁପାସି ଅତେ ଗାରା ନିହ୍ ବେଟୁ ହାଚେରି □

୧୨ ତାୟୁ ହେରଦ ରାଜା ତାଣା ଖେଣ୍ଡା ହାଲାଆପେରିଖା ଇଞ୍ଜା ମାହାପୁରୁ ଏଝାରାଇଁ ହାପାନାତା ହୁକୁମି ହାହାଲିଏ, ଏଝାରି ଅର ଜିରୁଟି ତାମି ଦେସାତା ଖେଣ୍ଡାହାଚେରି □

ମିସର ଦେସାତା ହାନାସି

୧୩ ଏଝାରି ହାଟି ତାୟୁ, ମେହଦୁ, ମାହାପୁରୁତି ଦୁତୁ ଜସେପଇଁ ହାପାନାତା ଏଲେଇଚେସି, “ନିଜାମୁ କକାଣି ତାଲୁଇଁ ଅତେ ତାମି ଇୟାନି ଅହ୍ ମିସରତା ହାଲାମୁ, ନାନୁ ମିଜେ ଖେସ୍ତାଆ ପାଚେକା ଏମ୍ବାଆଁ ମାଞ୍ଜୁ, ଇଚିହ୍ କକାଣି ତାଲୁଇଁ ପାୟାଲି ହେରଦ ଅଣପିମାନେସି □”

୧୪ ଜସେପ ନିଜାମନା କକାଣି ତାଲୁ ଇଞ୍ଜା ତାମି ଇୟାନି ଆସାନା ଲାଆଁ ଲାଆଁୟି ମିସର ଦେସାତା ଅହ୍ ହାଚେସି,

୧୫ ହେରଦ ହାନି ପାଚେକା ଏମ୍ବାଆଁ ଏଝାରି ତୁୟିଚେରି, ଇ ବାରେ ଗଚଫି ଆନାଣି ମାହାପୁରୁ ଅଣପୁତି ବଲୁ ଖେହନାରି ତାଣାଟି ଇ ମାହାପୁରୁ ଅଣପୁତି ବଲୁ ପୁରା ଆନେ, “ନା ମୀରୁଏଣାଇଁ ନାନୁ ମିସର ଦେସାତି ହାଡ଼ା ତାଚେସି □”

କକାରି ତାଲୁକାଣି ପାୟିନାସି

୧୬ ଖେଡ଼ା ହପୁ ଦେସାତି ଖାହାମାଟି ସଗୁପୁନାରି ଏଝାଣାଇଁ ନାଡ଼ିକିହାନା ହାଜାମାନେରି ଇଞ୍ଜା ପୁଞ୍ଜାନା, ହେରଦ ହାଚେରକା କପା ଆଡ଼େସି, ହୁକାତି ଉଜେଡ଼ି ଆମିନି ବେଲାତା ତଞ୍ଜାଆହାମାଚେ ସଗୁପୁନାରି ତାଣାଟି ନେହ୍ କ୍ ପୁଞ୍ଜାମାଚେସି, ଏଦାଆଁ ପୁଞ୍ଜାନା ବେତଲିହିମ ଅତେ ତାନି ତାଗେ ମାଟି ନାସ୍ତାକାତି ରା ବାର୍ଯାଟିଏ ଉଣା କକାରାଇଁ ପାୟାଲି ତାକି ହୁକୁମି ହାଚେସି □

୧୭ ଏଚିବେଲା ମାହାପୁରୁ ଅଣପୁତି ବଲୁ ଖେହନି ଜିରିମିୟ ଖେସି ଇ ବଲୁ ସାତା ଆଡ଼େ,

୧୮ “ରମାତା ହାଡ଼ା ଖେଜିମାନେ,
ଡ଼ାକି ଅତେ ହାଚେରକା ଦୁକୁତି ଗିୟାଁ
ରାହେଲ ତାନି ମୀରୁକା ତାକି ଡ଼ାହିମାଚେ;
ଅତେ ଏଝାରି ବାରେ ହାହାହାଚେରି ଇଞ୍ଜା,
ଏଦି ଦୁକୁ ଡ଼କହାଲି ମନ କିହି ହିଲାଆତେ □”

ମିସରତି ଖେଣ୍ଡାଖାନାସି

୧୯ ହେଉଦ ହାଡ଼ି ତାୟୁ, ମେହଦୁ, ପ୍ରବୁତି ର ଦୃତୁ ମିସରତା ଜସେପଇଁ ହାପାନାତା ତଞ୍ଜାଆହାନା ଏଲେଇଚେସି,

୨୦ “ନିଜାମ୍ନୁ, କକାଣାଇଁ ଅଡେ ତାମି ଇୟାନି ତଲେ ଇସ୍ତାୟେଲ ଦେସାତା ହାଲାମ୍ନୁ, ଇଚିହିଁ ଆମ୍ବାଆରି କକାଣି ଜୀଞ୍ଜୁ ଅହାଲି ତାକି ଅଣ୍ଡପିମାଚେରି ଏଞ୍ଜାରି ହାହାମାନେରି □”

୨୧ ଏଚେଚିଏ ଜସେପ ନିଜାମା କକାଣାଇଁ ଇଞ୍ଜା ତାମି ଇୟାନି ଆସାନା ଇସ୍ତାୟେଲ ଦେସାତା ଖାଡେସି □

୨୨ ସାମା ହେଉଦ ଚାୟୁତା ତାନି ମାରୁଏସି ଆକିଲାଇଁ ଜୀହୁଦାତି ରାଜା ଆହାମାନେସି ଇଞ୍ଜିଁ ଖେଞ୍ଜାନା ଏଞ୍ଜାସି ଏମ୍ବାଆଁ ହାଜାଲି ଆଜିଚେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି ରାଜି ଖାକି ହାଚେସି,

୨୩ ✠ଇଞ୍ଜା ନାଜରିତତି ଗାଡ଼ାତା ହାଜାନା ତୁୟିଚେରି, ଏନିକିହିଁ ମାହାପୁରୁ ଅଣ୍ଡପୁତି ବଲୁ ଖେହନାରି ରାଡିତି କାତା ସାତା ଆନେ, “ଏଞ୍ଜାସି ନାଜରିତତାସି ଇଞ୍ଜିଁ ଖେଞ୍ଜାନେସି □”

୩

ବାପ୍ତିସ୍ମା* ହାନି ଜହନତି ଖେକ୍ନାୟି

(ମାତି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

୧ ଏ ବେଲାତା ବାପ୍ତିସ୍ମା† ହାନି ଜହନ ଜୀହୁଦା ଦେସାତି ବାଞ୍ଜିଲି ବାଟାଟି ଖାହାନା ବଲୁ ଖେକ୍ନାଲି ମାରୁହେସି □

୨ ✠“ପାପୁ ପିସାନା ମନୁ ଖେଟ୍‌ହା କତାପୁ, ଇଚିହିଁ ଲାକପୁରୁ ରାଜି ଏଗାଞ୍ଜାହିମାନେ □”

୩ ମାହାପୁରୁ ଅଣ୍ଡପୁତି ବଲୁ ଖେହନି ଜିସାୟ ତାଣାଟି ଇ ହାଡ଼ା ଖେସ୍‌ପି ଆହାମାଚେ, ଏଞ୍ଜାସିଏ ଇଞ୍ଜାସି; “ରଅଣି ହାଡ଼ା ଲକୁ ହିଲାଆ ଚାୟୁତା ଖେଞ୍ଜାମାନେ, ପ୍ରବୁ ତାକି ଜିରୁ ତିୟି କିଦୁ □”

୪ ଜହନ ଉଚୁ ବାଣାୟିଁ ତଲେ କେପିତି ହିମ୍ବରିକା ତୁର୍‌ହିମାଚେସି, ଇଞ୍ଜା ତାନି ଚେତେଲିତା ର ତଲୁତି ବୁଡ଼ପା ମାଡ଼ା ଦସା କଡ଼ଞ୍ଜିଚେସି, ଗପ୍‌ଏରିକା ଅଡେ ଜାଡ଼ାତି କ୍ରିୟାଁ ଏଞ୍ଜାଣି କାଡ଼ି ମାଚେ □

୫ ଏଚିବେଲାତା ଜିରୁସାଲମ ଗାଡ଼ା ଇଞ୍ଜା ବାରେ ଜୀହୁଦା ଦେସା ଅଡେ ଜର୍ଦନ ଦାରିତି ନାସ୍‌କାତି ବାରେ ଲକୁ ତାନି ତାଣା ଖାହାଲି ମାରୁହେରି,

୬ ଏଞ୍ଜାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ତିସ୍ମା‡ ଅଡେଚି □

୭ ✠ସାମା ହାଚେରକା ପାରୁସିୟାଁ ଅଡେ ସାଦୁକିୟାଁ ବାପ୍ତିସ୍ମା‡ ଅହାଲି ଖାହିମାନାଣି ମେସାନା ଏଞ୍ଜାରାଇଁ ଏଲେଇଚେସି, “ଅଡେ ରାସ୍‌କା କୃଡ଼ାତାଚେରି ମାହାପୁରୁ ତାଣାଟି ଖାହିମାନି କପାଟି ପିସ୍‌ପି କିହାକତାଲି ଆମ୍ବାଆସି ମିଜେ ସେଡନା ହିୟାଚେସି

୮ ଇଦାଆଁତାକି ମନୁ ଖେଟ୍‌ହାମାନାଣି ନେହିଁ କାମାତା ତହୁଦୁ,

୯ ✠ଅଡେ ଅଗ୍ରାହାମା ମା ଆବା ଇଞ୍ଜିଁ ମା ମନୁ ବିତ୍ରା ଅଣ୍ଡପାଆପୁ, ଏନାଆଁତାକି ଇଚିହିଁ ନାନୁ ମିଜେ ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅଗ୍ରାହାମତି ମାରୁକାଣି ଗାଡ଼ି କିହାଲି ଆଡ଼ିମାନେସି □

୧୦ ✠ଅଡେ ନାଏଁ ଜିକେଏ ମାରୁନୁ ତାକିତା କାଞ୍ଜାଆଲି ଆଗାମାନେ, ଆମିନି ମାରୁନୁ ନେହିଁ ପାଡେଡିୟି ଆୟେଏ, ଏଦାନି ଚୁଣ୍ଡାହାନା ହିରୁତା ମେଡପି ଆନେ □

୧୧ ନାନୁସାଁ ମିଜେ ପାପୁତି ପିସ୍‌ପି କିହାଲି ଇଞ୍ଜା ମନୁ ଖେଟ୍‌ପି କିହାଲି ଏୟୁତଲେ ବାପ୍ତିସ୍ମା* ହାହିମାଞ୍ଜାଇଁ, ସାମା ନା ତାୟୁ ରଅସି ଖାହିମାନେସି ଏଞ୍ଜାସି ନା କିହାଁ ହାଚେରକା ବାଡ଼ୁୟୁ ଗାଟାସି, ଏଞ୍ଜାଣି ସେପୁୟାଁ ହୁକିହାଲି ଜିକେଏ ନାନୁ ପାଡ଼ାଆର୍ଡ଼ି; ଏଞ୍ଜାସି ମିଜେ ସୁଦୁଜୀଞ୍ଜୁ ଇଞ୍ଜା ହିରୁତଲେ ବାପ୍ତିସ୍ମା† ହିୟାନେସି □

୧୨ ଏଞ୍ଜାସି ତାନି କ୍ଲାନୁତି ନେହିଁକିଁ ତାସାହାଁ, ତାନି ଆନାତି କ୍ଲସାହାଁ ଗାଡେୟିତା ଇଗାଲି ଏଞ୍ଜାଣି କେୟୁତା ହେଚି ମାନେ, ସାମା ଚାଡ଼ା ପଡ଼ୁଡ଼ି ଏଚେଲା ତୁମ୍ବାଆଗାଟି ହିରୁତା ହୁଡା ତୁହନେସି □”

✠ ୨:୨୩ ୨:୨୩ ମାର୍ଚ୍ଚ ୧:୨୪; ଲୁକ ୨:୩୯; ଜହ ୧:୪୫ * ୩: ୩:୧ ମୁଞ୍ଜିନାୟି † ୩:୧ ୩:୧ ମୁଞ୍ଜିନାୟି ✠ ୩:୨ ୩:୨ ମାତି ୪:୧୭; ମାର୍ଚ୍ଚ ୧:୧୫ ‡ ୩:୬ ୩:୬ ମୁଞ୍ଜିନାୟି ✠ ୩:୬ ୩:୬ ମାତି ୧୨:୩୪; ୨୩:୩୩ S ୩:୬ ୩:୬ ମୁଞ୍ଜିନାୟି ✠ ୩:୯ ୩:୯ ଜହ ୮:୩୩ ✠ ୩:୧୦ ୩:୧୦ ମାତି ୭:୧୯ * ୩:୧୧ ୩:୧୧ ମୁଞ୍ଜିନାୟି † ୩:୧୧ ୩:୧୧ ମୁଞ୍ଜିନାୟି

ଜୀସୁ ଏୟତା ବାପ୍ତିସ୍ମା ଅନାୟି
(ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏଚିବେଲା ଜୀସୁ ଗାଲିଲିତି ଖାହାନା ବାପ୍ତିସ୍ମା ଅହାଲି ତାକି ଜର୍ଦନ କାତାତା ଜହନ ତାଣା ଖାଡେସି
□

୧୪ ସାମା ଜହନ ଜୀସୁଇଁ କାହିଁ କିହାଲି ଅଣପାନା ଏଲେଇଚେସି, “ନୀ ତାଣାଟି ନାନୁ ବାପ୍ତିସ୍ମା* ଅନାୟି
ନା ଲଡ଼ାମାନେ, ଇର୍ଜା ନାନୁ ନା ତାଣା ଖାହାମାଞ୍ଜି ?”

୧୫ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ହାଡ଼ା ଆହ୍ମୁ, ଏନାଆଁତାକି ଇଚିହିଁ ଇଲେ ତଲେ
ମାହାପୁରୁ ଦାମ୍ବୁତି କାମା କିନାୟିମାନେ □” ଏଚେଟିଏ ଜହନ ମାନସି ଆଡେସି □

୧୬ ଜୀସୁ ବାପ୍ତିସ୍ମା ଅଡି ଦେବୁଣିଏ ଏୟୁଟି ନିଜା ଖାଡେସି □ ଏଚେଟିଏ ହାଗୁ ଦେପିଆଡେ, ଇର୍ଜା
ମାହାପୁରୁତି ସୁଦୁଜୀଝୁ ପାରୁଖା ପଟାଲେହେଁ ଜୀସୁ ଲାକ ରେତା ଖାହିମାତାଣି ଜହନ ମେସ୍ତେସି □

୧୭ ଅଡେ ମେହ୍ମୁ, ହାଗୁଟି ଇ ହାଡ଼ା ଆଡେ, “ଇଖାସି ନା ଜୀସୁତି ମୀରୁଏସି ଇଖାଣି ତାଣା ନା
ହାରେକା ରାହାଁ ମାନେ □”

୪

ଜୀସୁଇଁ ତାୟିପାରି କିନାୟି
(ମାର୍କ ୧:୧୨-୧୩; ଲୁକ ୪:୧-୧୩)

୧ ଏଚିବେଲା ଜୀସୁ ସୟତାନ ତାଣାଟି ତାୟିପାରି କିସି ଆହାଲି ସୁଦୁଜୀଝୁ ଲକୁ ହିଲାଆ ଟାୟୁତା
ଅଡେ □

୨ ଜୀସୁ ରୀ କଡ଼ି ଦିନା ଲାଆଁୟାଁ ମାଦେନା ଏନାଆଁ ତିନାଆନା ଉପାସା କିହାଁ ହାକି ଆଡେସି □

୩ ଏଚିବେଲା ସୟତାନ ତାନି ଦାରିତା ଖାହାନା ଏଲେଇଚେ, “ନୀନୁ ମାହାପୁରୁ ମୀରୁଏଣାତି ଇଚିସାରେ
ଇ ଖାଲକାଣି ରୁଟି ଆହାଲି ହୁକୁମି ହୀମୁ □”

୪ ସାମା ଜୀସୁ ଏଲେଇଚେସି, “ଦାମ୍ବୁ ସାସ୍ତେରିତା ରାସ୍କି ଆହାମାନେ ମାଣ୍ଡସି ଖାଡ଼ଇ ରୁଟି ତିଜ୍ଜାନା
ନୀତଅସି, ସାମା ମାହାପୁରୁ ଗୁଡିଟି ହଚିମାନି ବଲୁ ତଲେ ନୀତିନେସି □”

୫ ତାୟୁ ସୟତାନ ଜୀସୁଇଁ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡିୟା ଲାକ ନିପହାନା,

୬ ଏଲେଇଚେ, “ନୀନୁ ମାହାପୁରୁ ମୀରୁଏଣାତି ଇଚିହିଁ ଇମ୍ବାଟି ଡ଼ଇକା ଗେମ୍ବାମୁ,” ଦାମ୍ବୁ ସାସ୍ତେରିତା
ରାସ୍କି ଆହାମାନେ,

ନିଜା ଜାଡ଼ନୁ କିହାଲିତାକି ମାହାପୁରୁ ତାନି ଦୁତୁୟାଁଇଁ ହୁକୁମି ହୀନେସି;

“ନୀ କତାୟାଁ ଏନିକିଁ ଖାଲକାଣା ଆଡ଼ାଉ ଇର୍ଜା

ଦୁତୁୟାଁ ନିଜା କେସ୍ତାତଲେ ପେରହା ଆସ୍ତାନୁ □”

୭ ଜୀସୁ ଏଦାନି ଏଲେଇଚେସି, “ଦାମ୍ବୁ ସାସ୍ତେରିତା ରାସ୍କି ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ
ତାୟିପାରି କିଆନି □”

୮ ଅଡେ ଖେଣ୍ଡେ ସୟତାନ ଜୀସୁଇଁ କାଜା ହରୁ ଲାକ ଅହାନା ଦାର୍ଡିତି ବାରେ ରାଜି ଅଡେ ଏମ୍ବାଟି
ବାରେ ଅଜୁ ଅଡେ ଜୁପକା ତସାନା ଏଲେଇଚେ,

୯ “ନୀନୁ ନାଜେ ମେଣ୍ଡାକୁତାନା ଜହରା କିୟାଦି ଇଚିହିଁ ନାନୁ ଇ ବାରେ ନିଜା ହିୟାଇଁ □”

୧୦ ଏମ୍ବାଟିଏ ଜୀସୁ ଏଲେଇଚେସି, “ଏ ସୟତାନ ନା ତାଣାଟି ହେକ ହାଲାମୁ! ଦାମ୍ବୁ ସାସ୍ତେରିତା
ରାସ୍କି ଆହାମାନେ, ‘ଖାଡ଼ଇ ନୀ ପ୍ରବୁ ମାହାପୁରୁଇଁ ଜହରା କିଦି ଅଡେ ଖାଡ଼ଇ ତାଜେଏ ସେବା କିଦି
□”

୧୧ ଏ ଦେବୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡେ ଦୁତୁୟାଁ ଖାହାନା ଏଞ୍ଜାଣି ସେବା କିତୁ
□

ଜୀସୁ ଗାଲିଲିତା ତାନି କାମା ମାଟ୍ନାୟି
(ମାର୍କ ୧:୧୪-୧୫; ଲୁକ ୪:୧୪-୧୫)

‡ ୩:୧୨ ୩:୧୩ ମୁଞ୍ଜିନାୟି § ୩:୧୩ ୩:୧୩ ମୁଞ୍ଜିନାୟି * ୩:୧୪ ୩:୧୪ ମୁଞ୍ଜିନାୟି † ୩:୧୬ ୩:୧୬ ମୁଞ୍ଜିନାୟି ☆ ୩:୧୭
୩:୧୭ ମାତି ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫ ☆ ୪:୧ ୪:୧ ଏବୁ ୨:୧୮; ୪:୧୫

୧୭ *ଜହନଇଁ କାୟିଦି ଇଲୁତା ଇଚିତେରି ଇଞ୍ଜିଁ ଖେଞ୍ଜାନା ଜୀସୁ ଏମ୍ବାଟିଏ ଗୁଟା ଆହାନା ଗାଲିଲିତା ଖାତେସି;

୧୮ *ଏଞ୍ଜାସି ନାକ୍ତରିତତା ତୟାଆତେସି, ସାମା କପର୍ନାହୁମତା ତୟାଲି, ସୁବୁଲୁନ୍ ଅଡେ ନପ୍ରାଲିତା ମାନି ର ଗାଲିଲି ସାମଦୁରି ଗାଟୁତା ମାନି ଗାଡ଼ାତା ହାତେସି []

୧୯ ଏନିକିହଁ ମାହାପୁରୁ ଅଣ୍ଡୁପୁତି ବଲୁ ଖେହ୍ନି କିସାୟତି ହାଡ଼ା ସାତା ଆନେ, ଏଞ୍ଜାସି ଏଲେଇଞ୍ଜାମାତେସି;

୧୫ "ସୁବୁଲୁନ୍ ଦେସା ଅଡେ ନପ୍ରାଲି ଦେସା ସାମଦୁରି ତାଗେ ଇଞ୍ଜା ଜର୍ଦନ କାତା ଆତାଲାଞ୍ଜକିତି, ଜୀହୁଦିଆଆତି ଗାଲିଲି!

୧୬ ଆନ୍ଦେରିତା ବାସା କିହିମାନି ଲକ୍ଷୁ କାଜା ଉଜେଡ଼ି ମେସ୍ତେରି ହାକିତି ନାସ୍କା ଅଡେ ସାହଡ଼ାତା ମାନି ଲକ୍ଷୁତାକି ଉଜେଡ଼ି ତଞ୍ଜାଆନେ []"

୧୭ *ଏ ବେଲ୍ଲଟିଏ ଜୀସୁ ତାନି କାତା ଖେକହାଲି ମାଟ୍‌ହେସି, "ମୀ ପାପୁ ପିସାନା ମନ ଖେଟ୍‌ହା କତାଦୁ, ଏନାଆଁତାକି ଇଚିହଁ ଲାକପୁରୁ ରାକି ଏଗାଞ୍ଜାହିମାନେ []"

ସାରି ଜାଣା ମୀଣ୍ଡକା ଆହନାରାଇଁ ଜୀସୁ ହାଟିନାୟି (ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମଦୁରି ଗାଟୁଟି ହାଜିମାଗାଟି ସିମନ ଇନି ପିତର ଅଡେ ତାନି ତାୟି ଆହିୟ, ଇ ତାୟି ରିଆରି ସାମଦୁରିତା ଜାଲା ମେଡ୍‌ହେ ମାଗାଣି ମେସ୍ତେସି, ଏନାଆଁତାକି ଇଚିହଁ ଏଞ୍ଜାରି ମୀଣ୍ଡକା ଆହନାରି ମାତେରି []

୧୯ ଜୀସୁ ଏଞ୍ଜାରାଇଁ ଏଲେଇତେସି, "ନା ଜେତ ଖାଦୁ, ନାନ୍ତୁ ମିଙ୍ଗ ଲକ୍ଷୁଣି ଆହନାଣି ଜାପ୍‌ହାଇଁ []"

୨୦ ଏତେଟିଏ ଏଞ୍ଜାରି ଦେବୁଣିଏ ଜାଲା ପିସାନା ଏଞ୍ଜାଣି ଜେତ ହାତେରି []

୨୧ ଏମ୍ବାଟିଏ ଜୀସୁ ନକିତା ହାଜାନା ଜେବଦି ମୀରକା ଜାକୁବ ଅଡେ ଏଞ୍ଜାଣି ତାୟି ଜହନ ଦରୁଗାଗସି ଇଞ୍ଜା ଅଡେ ରିଆରି ତାୟିୟାଁ ତାନି ଆବା ଜେବଦି ତଲେ ତଂଗତା ଜାଲା ମୁଦା କିହିମାଗାଣି ମେସାନା ଏଞ୍ଜାରାଇଁ ଜିକେଏ ହାଟିତେସି []

୨୨ ଏତେଟିଏ ଏଞ୍ଜାରି ଏ ଦେବୁଣିଏ ତଂଗ ଅଡେ ତାନି ଆବାଇଁ ପିସାନା ଜୀସୁ ଜେତ ହାତେରି []

ଜୀସୁ ସେବା କାମା ମାଟ୍‌ନାୟି (ଲୁକ ୬:୧୭-୧୯)

୨୩ *ତାୟୁ ଜୀସୁ ଗାଲିଲି ଦେସାତା ରେଜି ରେଜିହଁ ଜୀହୁଦି ଲକ୍ଷୁତି କୁଟମି ଇଲ୍‌କାଣା ଜାପ୍‌ହାଇଁ, ମାହାପୁରୁ ରାକିତି ନେହଁ କାତୁ ଖେସିହଁ ରଗାଗାଟି ଲକ୍ଷୁଣି ନେହଁ କିହାଲି ମାଟ୍‌ହେସି,

୨୪ ଅଡେ ଏଞ୍ଜାଣି କାତା ଦେସାତି ସାରିଞ୍ଜାକି ଇଞ୍ଜାଁ ସିରିୟା ଦେସାତା ଜିକେଏ ଖେଙ୍ଗାହାତେ, ଇଞ୍ଜାଁ ଲକ୍ଷୁ ବୁଡୁୟାଁ ଆଲ୍‌ଗା ମାଗାରାଇଁ, କାଟିଖେତାରାଇଁ, ଇଞ୍ଜାଁ ଟଟ ଖାୟିତାରାଇଁ; ଇଲେତି ହାରେକା ରଗାଟି କସ୍ତ ଆହିମାନାରାଇଁ ଜୀସୁ ନକିତା ତାତେରି, ଇଞ୍ଜାଁ ଏଞ୍ଜାସି ଏଞ୍ଜାରାଇଁ ନେହଁ କିତେସି []

୨୫ ଅଡେ ଗାଲିଲି, ଦସଗଟା ନାସ୍କା,* ଜିରୁସାଲମ, ଜୀହୁଦା ଅଡେ ଜର୍ଦନତି ଏ ଗାଟୁତା ମାନି ନାସ୍କାଟି ହାରେକା ଲକ୍ଷୁ ଜୀସୁ ଜେତ ହାତେରି []



ହରୁ ଲାକ ଜାପ୍‌ନାୟି

୧ ଜୀସୁ ହାରେକା ଲକ୍ଷୁଇଁ ମେସାନା ର ହରୁ ଲାକ ହାଜାନା କୁଗିତେସି, ଇଞ୍ଜାଁ ସୀୟୁୟାଁ ଏଞ୍ଜାଣି ତାଗେ ଖାତେରି []

୨ ଏମ୍ବାଟିଏ ଏଞ୍ଜାସି ଗୁତି ଏକ୍‌ହାନା ଜାପ୍‌ହାଲି ମାଟ୍‌ହେସି []

ଆମ୍ବାଆରି ନେହଁାରି (ଲୁକ ୬:୨୦-୨୩)

୩ ଆମ୍ବାଆରି ଜୀସୁତା ଏନାଆଁ ହିଲାଆ ଗାଟାରାକି ନେହେଁ,

* ୪:୧୨ ୪:୧୨ ମାତି ୧୪:୩; ମାର୍କ ୬:୧୨; ଲୁକ ୩:୧୯, ୨୦ * ୪:୧୩ ୪:୧୩ ଜହ ୨:୧୨ * ୪:୧୨ ୪:୧୨ ମାତି ୩:୨ * ୪:୨୩ ୪:୨୩ ମାତି ୯:୩୫; ମାର୍କ ୧:୩୯ * ୪:୨୫ ୪:୨୫ ଦେକାପଲି

ଏନିଇଚିହିଁ ଲାକପୁରୁ ରାଜି ଏଞ୍ଜାରି ଖାଈଁ ।

୪ ଆମ୍ବାଆରି ଦୁକୁଡା ଡାହିମାନି ଲକୁଡାକି ନେହେଁ,
ଏନାଆଁତାକି ଇଚିହିଁ ମାହାପୁରୁ ଏଞ୍ଜାରି ଦୁକୁ ତୁକନେସି ।

୫ କପା ହିଲାଆ ଗାଟାରି ନେହେଁ,
ଏନାଆଁତାକି ଇଚିହିଁ ଦାରୁଡିତା ଏଞ୍ଜାରି ଅଦିକାରା ଆନେରି ।

୬ ମାହାପୁରୁ ଦାମୁଡି କାମା କିହାଲି ହାକି ଏସ୍ତି ଗାଟାରି ଏଞ୍ଜାରାକି ନେହେଁ,
ଏନାଆଁତାକି ଇଚିହିଁ ମାହାପୁରୁ ଏଞ୍ଜାରାକି ଲଡ଼ାମାନାଣି ବାରେ ହୀନେସି ।

୭ ଏଟକା ଲକୁଣି କାମା ମେହନେରି, ଏଞ୍ଜାରାକି ନେହେଁ,
ଏନିଇଚିହିଁ ମାହାପୁରୁ ଏଞ୍ଜାରାଇଁ କାମା ମେହନେସି,

୮ ଆମ୍ବାଆରି ସୁଦୁ ହିୟାଁ ଗାଟାରି ଏଞ୍ଜାରାକି ନେହେଁ,
ଏନିଇଚିହିଁ ଏଞ୍ଜାରି ମାହାପୁରୁଇଁ ମେହନେରି ।

୯ ହିଡ଼ଡ଼ି ଗାଟି ଲକୁ ନେହେଁ,
ଏନିଇଚିହିଁ ଏଞ୍ଜାରି ମାହାପୁରୁଡି ମୀରକା ଇଞ୍ଜୁଁ ଝେଙ୍ଗିନେରି ।

୧୦ *ମାହାପୁରୁ ଦାମୁ କାତାତାକି ଦୁକୁ ବେଟାଆନାରି ଏଞ୍ଜାରାକି ନେହେଁ,
ଏନିଇଚିହିଁ ଲାକପୁରୁ ରାଜି ଏଞ୍ଜାରିଖାୟି ।

୧୧ *ଏଚିବେଲା ଲକୁ ମିଙ୍ଗ ନା ତାକି ନିୟା କି ଲାଜା କିୟାନେରି, ଅଡ଼େ ନା ତାକି ଉଜେ ଉଜେଏ ମୀ
କପାରି ମିତି କାତା ଜଲାନେରି, ଆତିହିଁ ମିଙ୍ଗେ ତାକି ନେହେଁ ।

୧୨ *ରାହାଁ ଆହାନା ଏନ୍ଦାଦୁ, ଏନାଆଁତାକି ଇଚିହିଁ ଲାକପୁରୁତା ମୀ ତାକି ହାରେକା ଦାମା ମାନେ;
ଏଲେକିହିଁ ଏ, ମୀ ନକିତି ମାହାପୁରୁ ଅଣ୍ଡପୁଡି ବଲୁ ଝେହନାରାଇଁ ଜିକେଏ ଇଲେକିହିଁ ନିୟା
କିହାମାରେରି ।

ହାରୁ ଅଡ଼େ ଉଜେଡ଼ି
(ମାର୍କ ୯:୫୦; ଲୁକ ୧:୩୪-୩୫)

୧୩ *ମୀରୁ ବାରେ ଦାରୁଡିତି ହାରୁ ଲେହେଁ, ସାମା ହାରୁ ମୁଆତିହିଁ, ଅଡ଼େ ଏଦାଆଁ ଏମ୍ବିୟା ଜିକେଏ
ଲେମ୍ବାଲି ଆଏ, ଇଞ୍ଜା ଏଦି ଏନି କାମାତା ପାଡ଼ା ଆଏ, ଲକୁ ଏଦାଆଁ କଡ଼ା ତୁଜ ଝିସା ହାନେରି ।

୧୪ *ମୀରୁ ଦାରୁଡିତି ଉଜେଡ଼ି ତେରି, ଆମିନି ଗାଡ଼ା ହରୁ ଲାକ କେପି ଆହାମାନେ, ଏଦି ଏଚେଲା
ଡ଼ଗ୍ଲାନା ଡ଼ୟାଲି ଆଡ଼େଏ ।

୧୫ *ଅଡ଼େ ଦୀଝିଁ ଡ଼ାସାନା ଆମ୍ବାଆରି ମାଣା ପୁକ୍‌ହାନା ଇଟଅରି, ସାମା ଏଦାନି ଦୀଝିଁ ସଡ଼ାତା
ଇଚିନେରି, ଆତିହିଁ ଇଲୁଡା ଖାନି ବାରେ ଲକୁ ଉଜେଡ଼ି ମେହନେରି ।

୧୬ *ଏଲେକିହିଁ ଏ ମୀ ଉଜେଡ଼ି ଲକୁ ନକିତା ନେହିଁକିଁ ତଞ୍ଜାଆଡ଼େ, ଏନିକିଁ ଏଞ୍ଜାରି ମୀ
ନେହିଁ କାମା ମେସାନା ଲାକପୁରୁଡି ଆଦାତି ଗାଝୁରମି କିନେରି ।

ମେରାତି କାତା ଜାପୁନାୟି

୧୭ ନାଙ୍ଗେ ମସାଡି ମେରା ଅଡ଼େ ମାହାପୁରୁ ଅଣ୍ଡପୁଡି ବଲୁ ଝେହନାରି ମେରାତି ମ୍ବେକହାଲି
ଝାହାମାନେସି ଇଞ୍ଜୁଁ ଅଣ୍ଡପାଆଦୁ; ନାନୁ ମ୍ବେକହାଲି ଝାହାହିଲଅଁ ସାମା ଈ ବାରେ ପୁରା କିହାଲି
ଝାହାମାଇଁ ।

୧୮ *ଏନାଆଁତାକି ଇଚିହିଁ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ହାଗୁପାକା ଅଡ଼େ ଦାରୁଡି ମେଣ୍ଡଙ୍ଗାଆ
ପାଡେକା ଇଞ୍ଜା ଈ ବାରେ ଆଆପାଡେକା ମସା ମେରାତି ଇତାୟି ସିନା ଜିକେଏ ମେଣ୍ଡଙ୍ଗେଏ ।

୧୯ ଏନାଆଁତାକି ଇଚିହିଁ ଆମ୍ବାଆସି ଈ ହୁକୁମିଟି ର ଉଣା ହୁକୁମି ମାନୁଞ୍ଜି ଆଅସି ଅଡ଼େ ଲକୁଇଁ
ଏଲେକିହିଁ ଏ ଜାପୁନେସି, ଏଞ୍ଜାସି ଲାକପୁରୁ ରାଜିତା ଉଣା ଇଞ୍ଜୁଁ ଝେଙ୍ଗିନେସି; ସାମା ଆମ୍ବାଆସି
ମାନୁଞ୍ଜି ଆନେସି ଅଡ଼େ ଜାପୁନେସି ଏଞ୍ଜାସି ଲାକପୁରୁ କାଜାସି ଇଞ୍ଜୁଁ ଝେଙ୍ଗିନେସି ।

* ୫:୧୦ ୫:୧୦ ପ୍ରିତି ୩:୧୪ * ୫:୧୧ ୫:୧୧ ପ୍ରିତି ୪:୧୪ * ୫:୧୨ ୫:୧୨ କାମା ୭:୫୨ * ୫:୧୩ ୫:୧୩ ମାର୍କ ୯:୫୦;
ଲୁକ ୧୪:୩୪, ୩୫ * ୫:୧୪ ୫:୧୪ ଜହ ୮:୧୨; ୯:୫ * ୫:୧୫ ୫:୧୫ ମାର୍କ ୪:୨୧; ଲୁକ ୮:୨୨; ୧୧:୩୩ * ୫:୧୬ ୫:୧୬
ପ୍ରିତି ୨:୧୨ * ୫:୧୮ ୫:୧୮ ଲୁକ ୧୭:୧୭

୨୦ ଏନାଆଁତାକି ଇଚିହଁ ନାନୁ ମିଜେ ଖେସିମାଞ୍ଜାଇଁ, ମୀ ଦାମ୍ବୁ ମେରା ପୁନାରି ଅଡେ ପାରୁସିୟାଁ ଦାମ୍ବୁ କିହାଁ ମୀ ନାମୁ ହାରେକା ଆଆତିହଁ, ମୀରୁ ଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅଡେରି □

କପା ଗାଗାଣି ଜାପୁନାୟି

୨୧ “ମୀରୁ ଖେଞ୍ଜାମାଞ୍ଜେରି, ତଲିକାଲାତି ଲକୁଇଁ ଖେସିପି ଆହାମାଡେ, ‘ଲକୁଇଁ ପାୟାଆଦୁ, ଆମ୍ବାଆରି ଲକୁଇଁ ପାୟିନେରି, ଏଞ୍ଜାରି ନାହାଁୟି ପାଞ୍ଜାତା ତଣ୍ଡ ବେଟା ଆନେରି □”

୨୨ ଯାମା ନାନୁ ମିଜେ ଖେସିମାଞ୍ଜାଇଁ, ଆମ୍ବାଆସି ତାନି ତାୟି ଲାକ କପାଆନେସି, ଏଞ୍ଜାସି ନାହାଁୟି ପିଣ୍ଡାତା ତଣ୍ଡ ବେଟା ଆନେସି, ଇଞ୍ଜା ଆମ୍ବାଆସି ତାନି ତାୟିଇଁ କାଡ଼ବିଗାଗାତି ଇଞ୍ଜାଁ ଇନେସି, ଏଞ୍ଜାସି ବେରଣିମାଣ୍ଡାତା ତଣ୍ଡ ବେଟା ଆନେସି; ଅଡେ ଆମ୍ବାଆସି ପଲ୍ଲୁଆଗାଗାତି ଇଞ୍ଜାଁ ଇନେସି, ଏଞ୍ଜାସି ହିଚୁ ଗାଡ଼ୁରୁତା ମେଡ଼ପି ଆନେସି □

୨୩ ଅଡେ ମାହାପୁରୁତି ପୂଜା ପିଣ୍ଡାତା ଦାନା ତାରିମାନାଟି ମୀ ତାୟି କପାଟି ଏନ୍ଦି ହାଡ଼ା ମାନେ ଇଞ୍ଜାଁ ଏମ୍ବାଆଁ ଅଣ୍ଡପୁ ଖାନେ,

୨୪ ଆତିହଁ ଏଦିଏମ୍ବାଆଁ ପୂଜା ପିଣ୍ଡାତା ମୀ ଦାନା ପିସାନା ହାଜୁ, ଇଞ୍ଜାଁ ମୀ ତାୟିତଲେ ଆଣ୍ଡିତି କେଡେ ଖେଣ୍ଡା ଖାହାନା ମାହାପୁରୁ ନକିତା ଏ ଦାନା ହେରପାଦୁ □

୨୫ ନାନୁ ଗଡ଼ହା ଆଡ଼ାଣି ତଲେ ନାହାଁୟି କିନାଣି ତାଣା ହାନିବେଲାତା ଜିରୁଡେଏ କାଲ୍ଲୁଫି ଆୟାଲି ଅଣ୍ଡପାମୁ, ଆଆଡ଼ି ଏଞ୍ଜାସି ନିଜେ ନାହାଁୟି କିନାଣି ତାଣା ହେରପାନେସି, ଅଡେ ନାହାଁୟି କିନାସି ନିଜେ ଜାମାନାକା କେୟୁତା ହେରପାନେସି, ଅଡେ ଏଞ୍ଜାସି କାୟିଦି ଇଲୁତା ସୁଣ୍ଡାନେରି □

୨୬ ନାନୁ ମିଜେ ସାତା ଖେସିମାଞ୍ଜାଇଁ ମୀ ତାକି କିଫିଆହାମାନି ର କାନି ଜିକେଏ ହାଆ ପାଡେକା ଏମ୍ବାଟି ଏନ୍ଦିଜିକେଏ ହଡ଼ାଞ୍ଜାହାଲି ଆଡ଼ଅଡେରି □

ଦାରିକାମା କିଆଦୁ ଇଞ୍ଜାଁ ଜାପୁନାୟି

୨୭ ମୀରୁ ଖେଞ୍ଜାମାଞ୍ଜେରି, ଇଲେଇଞ୍ଜାଁ ରାସ୍ତକି ଆହାମାନେ, ଦାରିକାମା କିଆଦୁ □

୨୮ ଯାମା ନାନୁ ମିଜେ ଖେସିମାଞ୍ଜାଇଁ, ଆମ୍ବାଆସି ର ଇୟାନି ଲାଗେଏତି ଅଣ୍ଡପୁ ତଲେ ସିନିକିନେସି, ଇଞ୍ଜାଁ ଏଞ୍ଜାସି ଏଦାନିତଲେ ମନୁ ମନତା ଦାରିକାମା କିଡେସିଏ □

୨୯ ଅଡେ ମୀ ଚିଠିନି କାନୁ ମିଜେ ପାପୁ କିଫିକିୟାନେ ଇଚିହଁ ଏ କାନୁ ଡେଞ୍ଜା କୁତାଦୁ, ଇଚିହଁ ମୀ ବାରେ ଆଜା ନକିତା ରାନି କିହାଁ, ଆଜାତି ର ବାଗା ହିଲାଆଗାଗାଜି ନେହେଁ □

୩୦ ଇଞ୍ଜାଁ ମୀ ଚିଠିନି କେୟୁ ମିଜେ ପାପୁ କିଫିକିୟାନେ ଇଚିହଁ ଏଦାଆଁ ଜାଡାନା କୁତାଦୁ, ଇଚିହଁ ମୀ ବାରେ ଆଜା ନକିତା ରିନିବାଗା ଆଜାତି ର କେୟୁ ହିଲାଆଗାଗାୟି ନେହେଁ □

ତକ୍ତୁନି ପିହ୍ନି କାତା

(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୬:୧୮)

୩୧ ଅଡେ ରାସ୍ତକି ଆହାମାନେ, ଆମ୍ବାଆସି ତାନି ତକ୍ତୁନି ପିହ୍ନେନେସି, ଇଚିହଁ ଏଞ୍ଜାସି ଏଦାନାକି ପିହ୍ନି ଆକୁ ରାଡାନା ହାପେସି □

୩୨ ଯାମା ନାନୁ ମିଜେ ଖେସିମାଞ୍ଜାଇଁ, ଆମ୍ବାଆସି ତାନି ତକ୍ତୁନି ଦାରି କାମାତି ଦହ ହିଲାଆନା ତକ୍ତୁନି ପିହ୍ନେନେସି, ଏଞ୍ଜାସି ଏଦାନି ଦାରେଣି କିନେସି; ଅଡେ ଆମ୍ବାଆସି ପିସି ଇୟାନି ବାହା ଆନେସି, ଏଞ୍ଜାସି ଜିକେଏ ଦାରେଲା ଆନେସି □

ପାର୍‌ମାଣା

୩୩ ଅଡେ ମୀରୁ ଖେଞ୍ଜାମାଞ୍ଜେରି, ତଲିକାଲାତି ଲକୁଣି ଖେସିପି ଆହିମାଡେ, ମୀରୁ ମିତି ପାର୍‌ମାଣା କିଆଦୁ, ଯାମା ପାର୍‌ମାଣା କିହାମାନାଣି ତିକିଆଦୁ, ମାହାପୁରୁ ନକିତା ପୂରା କିଦୁ □

୩୪ ଯାମା ନାନୁ ମିଜେ ଖେସିମାଞ୍ଜାଇଁ ପାର୍‌ମାଣା କିଝୁଏ କିଆଦୁ; ପାର୍‌ମାଣା କିନି ବେଲା ଲାକପୁରୁତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହଁ ଏଦି ମାହାପୁରୁତି ସିଂଗାସାଣି;

୩୫ ଅଡେ ଦାର୍‌ତିତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହଁ ଏଦି ମାହାପୁରୁତି କତାୟାଁ ଇଚିନି ଟାୟୁ; ଜିରୁସାଲମ ଦରୁତଲେ ପାର୍‌ମାଣା କିଆଦୁ, ଏଦି ଆହିମାନେ କାଜା ରାଜାତି ଗାଡ଼ା;

☆ ୫:୨୯ ୫:୨୯ ମାତି ୧୮:୯; ମାର୍କ ୯:୪୭ ☆ ୫:୩୦ ୫:୩୦ ମାତି ୧୮:୮; ମାର୍କ ୯:୪୩ ☆ ୫:୩୧ ୫:୩୧ ମାତି ୧୯:୭; ମାର୍କ ୧୦:୪
☆ ୫:୩୨ ୫:୩୨ ମାତି ୧୯:୯; ମାର୍କ ୧୦:୧୧,୧୨; ଲୁକ ୧୬:୧୮; ୧କର ୭:୧୦,୧୧ ☆ ୫:୩୪ ୫:୩୪ ଲାକପୁ ୫:୧୨; ମାତି ୨୩:୨୨

୩୭ ଇର୍ଜା ମୀ ତାୟଁଁ ତୁ ପାରମାଣା କିଆଦୁ, ଇତିହଁଁ ମୀ ତାୟଁଁ ତୁ ର.ବାଣା କାଡ଼ିୟା ଆଆତଁଁ ଦବଲା କିହାଲିତାକି ମୀ ବାଡ଼ୁରୁ ହିଲେଏ,

୩୮ ସାମା ମାଦି ହାଅ ଇନି କାତା ହାଅ ଆବେ, ଇର୍ଜା ଆଏ ଇନି କାତା ଆଏ ଆବେ; ଇଦାଆଁ ପିସ୍‌ପେ ଏନାଆଁ ଇଗାଣି ଆଗାଡ଼ା କାଲୁହିହଁଁ ଏଡ଼ି ଲାଗେଏ ତାଣାଟି ଝାଗେନ □

ରାକି ଆହନାୟି
(ଲୁକ ୭:୨୯-୩୦)

୩୯ ମୀରୁ ଇ କାତା ଝେଞ୍ଜାମାଞ୍ଜେରି, ରାସ୍‌କି ଆହାମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ □

୪୦ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ମିଙ୍ଗେ ଲାଗେଏ କିୟାନାଣାଇଁ ବାଦୁଲି ଅଥାଦୁ, ସାମା ଆଦାଆସି ମୀ ଚିଝିନି ଗେଏଲାତା ସାପୁଡ଼ା ଝେତାନେସି, ଏଞ୍ଜାଣାକି ଅର ଗେଏଲା ଜିକେଏ ତହୁଦୁ □

୪୧ ଇର୍ଜା ଆଦାଆସି ନାହାଁୟି ପାଞ୍ଜାତା ମୀ ସକା ଅହାଲି ମନ କିତିହଁଁ ଏଞ୍ଜାଣାକି ମୀ ହିମ୍‌ବି ଜିକେଏ ହୀଦୁ □

୪୨ ଆମିନି ଦେସା ସାଲୁଡ଼ି କିନାସି ମିଙ୍ଗେ ବଜୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନେସି, ଏଞ୍ଜାଣିତଲେ ରୀ କିଲମିଟର ହାଜୁ □

୪୩ ଆଦାଆସି ମିଙ୍ଗେ ରୀସ୍ତାନେସି, ଏଞ୍ଜାଣାକି ହୀଦୁ, ଅଡ଼େ ଆଦାଆସି ମୀ ତାଣାଟି ରୀଣା ଅହାଲି ମନ କିନେସି ଏଞ୍ଜାଣାଇଁ ଆଏ ଇନାଆଦୁ □

ସାତୁୟାଁଇଁ ଜୀଞ୍ଜନଦୁ
(ଲୁକ ୭:୨୭-୩୬)

୪୪ ମୀରୁ ଝେଞ୍ଜାମାଞ୍ଜେରି, ରାସ୍‌କି ଆହାମାନେ, ମୀ ପାଡ଼ିତାଣାଇଁ ଜୀଞ୍ଜନଦୁ ଇର୍ଜା ସାତୁୟାଁଣି ଅପାଆଦୁ □

୪୫ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ମୀ ସାତୁୟାଁଇଁ ଜୀଞ୍ଜନଦୁ, ଇର୍ଜା ଆଦାଆରି ମିଙ୍ଗେ ନିନ୍‌ଆ କିୟାନେରି, ଏଞ୍ଜାରି ତାକି ପ୍ରାତାନା କିଦୁ □

୪୬ ଏନିକଁଁ ମୀରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହାଁରି ଅଡ଼େ ଲାଗେଏ ପଲେଏତି ବାରେ ଲକ୍‌ତାକି ଝେଡ଼ା ଉଜେଡ଼ି ହୀନାସି ଅଡ଼େ ଦାମ୍‌ଗାଗାରି ଅଡ଼େ ଦାମ୍‌ ହିଲାଆ ଗାଗାରାକି ଜିକେଏ ପିୟୁ ହୀନେସି □

୪୭ ଇର୍ଜା ଆଦାଆରି ମିଙ୍ଗେ ଜୀଞ୍ଜ ନୟାଁନେରି ଏ ଲକ୍‌କଇଁଦେଁ ଜୀଞ୍ଜ ନଡ଼ିହଁଁ ଏନାୟି ଦେଡ଼ାଆୟାନେ ? ସିସ୍ତ ରୁହନାରି ଜିକେଏ ଏଦାଆଁ କିଅରିକି ?

୪୮ ଅଡ଼େ ମୀରୁ ମୀ ତାୟିୟାଁଇଁ ଜହରା କିଦେରି, ଏଦାଟିଏ ଅଡ଼େ ଏନି କାମା କିଦେରି ? ଜାହୁଦିଆଆତାରି ଜିକେଏ ଏଦାଆଁ କିଅରିକି ?

୪୯ ଏଦାଆଁତାକି ମୀ ଲାକପୁରୁତି ଆବା ଏନିକଁଁ ବାରେକିହାଁ ନେହାଁସି ମୀରୁ ଜିକେଏ ଏଲେକଁଁ ନେହଁଁ ଆଦୁ □



ଦାନା ହୀନାଣି ଜାପୁନାୟି

୧ ଲକ୍‌କ ମେସ୍ତାପେରିଝା ଇର୍ଜାଁଁ ଲକ୍‌କ ନକିତା ଦାମ୍‌ପୁତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆଡ଼ିହଁଁ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ □

୨ ଏଦାଆଁତାକି ଦାନା ହୀନାଟି କୁରୁ ଗାଗାରିଲେହେଁ ଜାହାରା ନକିତା ତୀଡ଼ି ଉକାଆଦୁ; ଏଞ୍ଜାରି ଲକ୍‌କ ତାଣାଟି ମାନି ବେଗାଆହାଲି ଜାହୁଦି ଲକ୍‌କି କୁଟମି ଇଲୁତା* ଅଡ଼େ ମାଦି ଆଏଗେଣିତା ଏଲେକିନେରି, ନାନୁ ମିଙ୍ଗେ ସାତା ଝେସିମାଞ୍ଜାଇଁ ଏଞ୍ଜାରି ତାମି ଦାନା ବେଗାଆହାମାନେରି □

୩ ସାମା ମୀରୁ ଦାନା ହୀନାଟି ମୀ ଚିଝିନି କେୟୁ ଏନାଆଁ କିହମାନେ ମୀ ଚେଡ଼ି କେୟୁ ପୁନାଆପେ,

୪ ଏନିକଁଁ ମୀ ଦାନା ହୀନାୟି ପୁନାଆରେଡ଼ୁ ଆଗେ, ମୀ ଲାକପୁରୁତି ଆବା ଜିକେଏ ପୁନାଆରେଡ଼ୁ ମେହନାସି, ଏଞ୍ଜାସି ମିଙ୍ଗେ ଦାନା ହିୟାନେସି □

* ୭:୧ ୭:୧ ମାତି ୨୩:୫ * ୭:୨ ୭:୨ ସିନଗର

ପ୍ରାତାନା
(ଲୁକ ୧୧:୨-୪)

୫ *ପ୍ରାତାନା କିନାଟି କୁଚୁ ଗାଟାରିଲେହେଁ ଆଆଦୁ, ଏନାଆଁତାକି ଇଚିହଁ ଏଝାରି ଲକୁଣି ତସାଲି ତାକି, ଜୀହୁଦି ଲକୁଚି କୁଚନି ଇଲୁତା† ଅଡ଼େ ଡେଡ଼ା ଜିରୁତି କନତା ନିଚାନା ପ୍ରାତାନା କିହାଲି ରାହଁ ଆଡ଼ନରି; ନାନୁ ମିଜେ ସାତା ଝେସିମାଞ୍ଜାଇ, ଏଝାରି ତାନି ଦାନା ବେଟାଆହାମାନେରି □

୬ ସାମା ମାରୁ ପ୍ରାତାନା କିନାଟି ମୀ ଇଲୁ ବିଡ଼ା ହାଲୁ, ଇଞ୍ଜା ଦାରା ସୁଣ୍ଠା କତାଦୁ ଅଡ଼େ ତଞ୍ଜା ଆଆଗାରି ମୀ ଆବା ମାହାପୁରୁ ତାଣା ପ୍ରାତାନା କିଦୁ; ଅଡ଼େ ମୀ ଆବା ଆମ୍ବାଆସି ଡ଼ୁନାନା ମେସ୍ତାନେସି ଏଝାସି ମିଜେ ଦାନା ହିୟାନେସି □

୭ ମାରୁ ପ୍ରାତାନା କିନାଟି ଜୀହୁଦିଆଆତାରି ଲେହେଁ ଉଜେ ଉଜେଏ ପେତେପେତେ ଜଲ୍ଲାଆଦୁ, ଏନାଆଁତାକି ଇଚିହଁ ଏଝାରି ଅଣପିନେରି, ହାଡ଼େକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ ଝେଞ୍ଜାନେସି □

† ଏନାଆଁତାକି ଏଝାରିଲେହେଁ ଆଆଦୁ, ଏନାଆଁତାକି ଇଚିହଁ ମିଜେ ଏନାୟି ଲଡ଼ାମାନେ, ରୀହଁଆ ନକେଏ ଏନାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି □

୯ ଅଡ଼େ ମାରୁ ଇଲେକିହଁ ପ୍ରାତାନା କିଦୁ;

ଏ ମା ଲାକପୁରୁତି ଆବା,

ନୀ ଦରୁ ନେହାୟି ଇଞ୍ଜା ମାନଞ୍ଜି ଆଡ଼ପେ;

୧୦ ନୀ ରାକି ଝାପେ;

ଲାକପୁରୁତି ଲେହେଁ ଦାରୁତିତା ଜିକେଏ ନୀ କାତେଏ ଆଡ଼ପେ,

୧୧ ନୀଞ୍ଜୁ ମାଜେ ଲଡ଼ା ଆନି ରାନ୍ଦା ହିୟାମ୍,

୧୨ ମା କପାତଲେ ଦହ କିହାମାନି ଲକୁଣି ମାମ୍ବୁ ଏନିକିହଁ ଦହ ଆହଁଅମି,

ଏଲେକିହଁ ମା ଦହ ବାରେ ମ୍ବେକ୍‌ହାମ୍ □

୧୩ ମାଜେ ପାନ୍ଦାତା ମେଡ଼ହାଆନି ଲାଗେଏ ପଲେଏ ତାଣାଟି ସିସି କିୟାମ୍,

ଏନିଇଚିହଁ ରାକି ବାଡ଼ୁୟୁ କାଜାପାଣା କାଲା କାଲାତାକି ନୀଦିଏ ଆଡ଼ପେ □ ଆଡ଼େନ୍ □

୧୪ *ଇଚିହଁ ମାରୁ ଏଟକା ଲକୁଚି ପାପୁ ବାରେ ମ୍ବେକ୍‌ହାସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ବେକ୍‌ହାନେସି;

୧୫ ସାମା ମାରୁ ଲକୁଚି ପାପୁ ମ୍ବେକ୍‌ଆସାରେ, ମୀ ଆବା ଜିକେଏ ମୀ ପାପୁ ମ୍ବେକ୍‌ହସି □

ଉପାସା କିନାଣି ଜାପୁନାୟି

୧୬ ଉପାସା କିନାଟି କୁଚୁ ଗାଟାରିଲେହେଁ ମୀ ମୁମ୍ବୁଡ଼ି ଝାଡ଼ି କିଆଦୁ, ଏନାଆଁତାକି ଇଚିହଁ ଏଝାରି ଉପାସା କିହମାନେରି ଇଞ୍ଜା ଲକୁଣି ତସାଲି ତାନି ମୁମ୍ବୁ ଝାଡ଼ି କିନେରି; ନାନୁ ମିଜେ ସାତା ଝେସିମାଞ୍ଜାଇ ଏଝାରି ତାନି ଦାନା ବେଟାଆହାମାନେରି □

୧୭ ସାମା ମାରୁ ଉପାସା କିନାଟି, ମୀ ତାୟି ତୁ ନିୟୁଁ ଉହଦୁ ଅଡ଼େ ମୁମ୍ବୁ ନିବହା କତାଦୁ □

୧୮ ଏନିକଁ ମାରୁ ଉପାସା କିହମାଞ୍ଜେରି ଇଞ୍ଜା ଲକୁ ନକିତା ତଞ୍ଜା ଆଆନା, ପୁନାଆରେଚୁ ମାନି ମୀ ଲାକପୁରୁତି ଆବା ନକିତା ତଞ୍ଜା ଆଡ଼େରି; ଅଡ଼େ ମୀ ଆବା ପୁନାଆରେଚୁ ମେସାନା ମିଜେ ଦାନା ହିୟାନେସି □

ଲାକପୁରୁତି ଦନ
(ଲୁକ ୧୨:୩୩-୩୪)

୧୯ “ଏମ୍ବିୟା ସୀରନେ ଇଞ୍ଜା ଲୀମ୍ବୁ ତ୍ରିନେ ଅଡ଼େ ସରକା କାତି ତୁଡ଼ହାନା ସରୁ କିହା ଅନେରି, ଇଲେତି ଦାରୁତିତା ମିଜେତାକି ଦନ କୁଡ଼ିକିହଁ ଇଟାଆଦୁ □

୨୦ ସାମା ଆମ୍ବିୟା ସୀରଏ ଇଞ୍ଜା ଲୀମ୍ବୁ ତ୍ରିନେଏ ଅଡ଼େ ସରକା କାତି ତୁଡ଼ହାନା ମାଣତା ଅଅରି ଇଲେତି ଲାକପୁରୁ ମିଜେତାକି ଦନ କୁଡ଼ି କିଦୁ,

୨୧ ଇଚିହଁ ଆମ୍ବିୟା ମୀ ଦନ ଏବେଏ ମୀ ମନ ଜିକେଏ ମାନେ □”

ଆଜ୍ଞାତ ଉଦ୍ଦେଶ୍ଟି
(ଲୁକ ୧୧:୩୪-୩୬)

୨୨ କାନୁ ଆଜ୍ଞାତ ଦୀର୍ଘ ଲେହେଁ, ଇଚିହେଁ ମୀ କାନୁ ନେହେଁ ମାନେ, ଆତିହେଁ ମୀ ବାରେ ଆଜ୍ଞା ଉଦ୍ଦେଶ୍ଟି ଆନେ □

୨୩ ସାମା ମୀ କାନୁ ଲାଗେଏ ମାନେ, ଆତିହେଁ ମୀ ବାରେ ଆଜ୍ଞା ଜିକେଏ ଆନ୍ଦେରି ଆନେ □ ଏନାଆଁତାକି ଇଚିହେଁ ମୀ ଆଜ୍ଞାତ ଉଦ୍ଦେଶ୍ଟି ଆନ୍ଦେରି ଆତିହେଁ ଏ ଆନ୍ଦେରି ଏଚେକା ଆଜିନାୟି ଆନେ □

ମାହାପୁରୁ ଅଡ଼େ ଦନ
(ଲୁକ ୧୨:୧୩; ୧୨:୨୨-୩୧)

୨୪ ଆମ୍ବାଆସି ଜିକେଏ ରୀ ସାଞ୍ଜୁକାରି ତାଣା ହୁଲେଏସି ଆହାଲି ଆଡ଼ଅସି; ଏନାଆଁତାକି ଇଚିହେଁ ଏଞ୍ଜାସି ରଅଣାଲ୍ ଜୀଞ୍ଜୁ ନନେସି, ଅଡ଼େ ରଅଣାଲ୍ ଅପଅସି, ରଅଣାଲ୍ ମାନ୍ନି କିନେସି ଅଡ଼େ ରଅଣାଲ୍ ମାନୁଡ଼ି ଆଅସି, ମୀରୁ ମାହାପୁରୁ ଅଡ଼େ ଦନତି ହଲିୟାଜ୍ଞା ଆହାଲି ଆଡ଼ଅଡ଼େରି □

୨୫ ଏନାଆଁତାକି ନାନୁ ମିଜେ ଖେସିମାଞ୍ଜାଲ୍, ଏନାଆଁ ତିନାୟି ଏନାଆଁ ଗହନାୟି, ଏଲେକେଁ ମୀ ଜୀଞ୍ଜୁତାକି, ଏନାଆଁ ତୁରନାୟି ଇଲେକେଁ ମୀ ଆଜ୍ଞା ତାକି ଅଣ୍ଡାପାଆଦୁ, ରାନ୍ଦାକିହା ଜୀଞ୍ଜୁ, ହିମ୍ବୁରିକା କିହାଁ ଆଜ୍ଞା କାଜାୟି ଆଏକି ?

୨୬ ପଟାୟାଣି ସିନକିଦୁ, ଏଞ୍ଜି ମାଟାଉ କି ଦାଡ଼ କି ଗାଦେୟିତା କୁଡ଼ିକିହାଁ ଇଚାଉ, ଏଲେଆଡ଼ିଞ୍ଜା ଲାକପୁରୁତି ଆବା ଏଞ୍ଜାସିକାକି ତାନି ରାନ୍ଦା ହାହିମାନେସି, ଏଞ୍ଜାସିକା କିହାଁ ମୀରୁ କାଜାତେରି ଆଏକି ?

୨୭ ଅଡ଼େ ମୀ ବିଡ଼ାତି ଆମ୍ବାଆସି ତାନି ଗାତି ଅଣ୍ଡାପୁ ତଲେ ତାନି ଜୀଞ୍ଜୁତି ଆଗାଡ଼ା ପାଡ଼ିକିହାଲି ଆଡ଼ିମାନେସି ?

୨୮ ହିମ୍ବୁରିକା ତାକି ଏନାଆଁତାକି ଅଣ୍ଡାପିମାଞ୍ଜେରି ? ଜାଡ଼ାତି ପୁଞ୍ଜାଣି ସିନକିହାଁ ଅଣ୍ଡାପାନା ଜାପାଦୁ, ଏଞ୍ଜି ଏନିକେଁ ପାତାଆନୁ; ଏଞ୍ଜି କସ୍ତ କିଉ କି ଲୁଲୁ ଦାଉ,

୨୯ ଆଡ଼ିଜିକେଏ ନାନୁ ମିଜେ ଖେସିମାଞ୍ଜାଲ୍, ରାଜା ସଲମନ ଗାତି ଦାରାତି ହିମ୍ବୁରିକା ହୁଟିମାତିହେଁ ଜିକେଏ ଏ ପୁଞ୍ଜା ବିଡ଼ାତି ର ପୁୟୁ ଲେହେଁ ଅଜା ହିଲାଆତେସି □

୩୦ ସାମା ପୁଡ଼ିୟାତା ତୁୟିନି ଗାକେଁ ଜାଡ଼ା ନୀଞ୍ଜୁ ମାନେ ଓଏ ହଲୁତା ହୁଡ଼କିଆନେ, ଏନାନାକି ମାହାପୁରୁ ଇଚେକା ନେହେଁ ଅଜୁ ହାତିହେଁ, ଏ ନାମୁ ହିଲାଆଗାଟାତେରି ମିଜେ ହାରେକା ଗାତି ହିମ୍ବୁରିକା ହିୟଅସିକି ?

୩୧ ଏନାଆଁତାକି ଏନାଆଁ ତିନି, ଏନାଆଁ ଗହନି, ଏନାଆଁ ପରନି ଏଲେକିହେଁ ଅଣ୍ଡାପାଆଦୁ □

୩୨ ଇଚିହେଁ ଜୀହୁଡ଼ିଆଆତି ଲକୁ ଈ ବାରେ ପାରିନେରି, ଅଡ଼େ ଈ ବାରେ ମିଜେ ଲଡ଼ାମାନେ ଇଞ୍ଜେଁ ମୀ ଲାକପୁରୁତି ଆବା ପୁଞ୍ଜାମାନେସି □

୩୩ ସାମା ମୀରୁ ନଟେଏ ମାହାପୁରୁତି ରାଜି ଅଡ଼େ ଦାମୁତି ପାରାଦୁ, ଆତିହେଁ ମୀ ଲଡ଼ାମାନି ବାରେ ହାପକିଆନେ □

୩୪ ଇଚିହେଁ ଓଏତାକି ଅଣ୍ଡାପାଆଦୁ, ଏନାଆଁତାକି ଇଚିହେଁ ଓଏତି ଅଣ୍ଡାପୁ ଓଏ ମୀରୁ ମିଜେତାକି ଅଣ୍ଡାପିଦେରି, ଇଚିହେଁ ନୀଞ୍ଜୁତି କସ୍ତ ନୀଞ୍ଜୁତାକି ସାଡ଼ି □



ଏଚ୍ଚକା ତାରାଲ୍ ନାହାୟି କିନାୟି
(ଲୁକ ୬:୩୭-୩୮; ୪:୧-୪୨)

୧ ମୀରୁ ଏନିକେଁ ନାହାୟି କିଓି ଆଅତେରି, ଏନାଆଁତାକି ମୀରୁ ଆମ୍ବାଆରାଲ୍ ନାହାୟି କିଆଦୁ □

୨ *ଇଚିହେଁ ମୀରୁ ଏନିକେଁ ଲକୁଣି ନାହାୟି କିଦେରି, ଏଲେକିହେଁ ଏ ମୀରୁ ଜିକେଏ ନାହାୟି କିଓିଆଦେରି; ଅଡ଼େ ଆନିନି ମାଣାତଲେ ଲାଡ଼ିଦେରି ଏ ମାଣା ତଲେ ମିଜେ ଲାଡ଼ା ହିୟାନେରି □

୩ ଅଡ଼େ ଏନାଆଁତାକି ମୀ ତାୟି କାନୁତି ଲାଗା ସିନକିହିମାଞ୍ଜି, ସାମା ନୀ କାନୁତା ଆନିନି କାଜା ଲାଗା ମାନେ, ଏନାଆଁ ଅଣ୍ଡାପି ହିଲଅତି କି ?

୪ ଅଡ଼େ ନାନୁ ଏନିକେଁ ମୀ ତାୟିଲ୍ ଏଲେଇଞ୍ଜି ଖାପୁ, ନୀ କାନୁତି ଲାଗା ଡ଼େଞ୍ଜାଲ୍, ଅଡ଼େ ମେହ୍ପୁ ନୀ କାନୁତେଏ କାଜା ଲାଗା ମାନେ!

☆ ୭:୨ ୭:୨ ମାର୍ଚ୍ଚ ୪:୨୪

୫ ଆଡ଼େ କୁହୁ ଗାଗାତି ତଲିଏ ନୀ କାନୁତି ଲାଟା ଡ଼େଝା କଡ଼ାମ୍, ଆତିହୁଁ ମୀ ତାୟି କାନୁତି ଲାଟା ଡ଼େଝାଲି ନେହୁଁ କୁଁ ମେସାଲି ଆଡ଼ିଦି □

୬ “ନେହୁଁ ଆସ୍ତି ନେସକାକି ହାଆଦୁ, ଏଞ୍ଜି ଖେଣ୍ଡେ ଡିରଝାହୁଁ କାତାନୁ ଇଞ୍ଜା ବାଂଗାରା କିହୁଁ ଆଗାଡ଼ା ଦାରାଗାଟି ହୀଙ୍ଗା ପାଜିୟାଁ ନକିତା ମେଡ଼ିଆଦୁ, ଏଞ୍ଜି ଏଦାନି କାଦତା ତୁଡ଼ିବିନୁ □”

ରାହୁଦୁ, ପାରାଦୁ ଅଡ଼େ ଦୁଝେରିତା ଝେଦୁ
(ଲୁକ ୧୧:୯-୧୩)

୭ “ରାହୁଦୁ ଆତିହୁଁ ମିଙ୍ଗେ ହୀପକିଆନେ; ପାରାଦୁ ଆତିହୁଁ ମିଙ୍ଗେ ମେଡ଼ାଆୟାନେ; ଦୁଝେରିତା ଝେଦୁ, ଏଚେଟିଏ ମିଙ୍ଗେତାକି ଦୁଝେରି ଦେପିଆନେ □

୮ ଇତିହୁଁ ଆମ୍ବାଆସି ରାହୁନେସି, ଏଞ୍ଜାସି ବେଗାଆନେସି; ଆମ୍ବାଆସି ପାରିନେସି, ଏଞ୍ଜାସି ମେଡ଼ିକିନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଞ୍ଜାଶାକି ଦାରା ଦେପିଆନେ □

୯ ଇତିହୁଁ ମୀ ବିଦ୍ରା ଆମ୍ବାଆସି ଇଲେତି ମାଣସି ମାନେସି, ତାନି ମୀରୁଏସି ରୁଟି ରାସ୍ତିସାରେ ଏଞ୍ଜାଶାକି ଖାଲୁକା ହୀନେସି,

୧୦ ଅଡ଼େ ମୀନୁ ରାସ୍ତିସାରେ ଏଞ୍ଜାଶାକି ରାତୁ ହୀନେସି ?

୧୧ ଏଦାଆଁତାକି ମୀରୁ ଲାଗେଏ ପଢେଲଏତି ଲକୁ ଆଡ଼ିଜିକେଏ ମୀ ମୀରୁକା ମାସକାକି ନେହୁଁଣି ହୀହିମାଞ୍ଜେରି, ଆତିହୁଁ ମୀ ଲାକପୁରୁତି ଆବା ନକିତା ରାହୁନି ଲକୁକି ଏଚେକା ନେହା ନେହୁଁଣି ହୀଅସି!”

୧୨ *“ଏଦାଆଁତାକି ଲକୁ ମିଙ୍ଗେ ତାକି ଏନିକିଁ ଲେମ୍ବାପେରି ଇଞ୍ଜୁଁ ମୀରୁ ଅଣ୍ଡିପିମାଞ୍ଜେରି, ମୀରୁ ଜିକେଏ ଏଞ୍ଜାରାଈଁ ଏଲେକିହୁଁ କିଦୁ, ଏନାଆଁତାକି ଇତିହୁଁ ଇଦିଏ ମସାତି ମେରା ଅଡ଼େ ମାହାପୁରୁ ଅଣ୍ଡିପୁତି ବଲୁ ଝେହୁନି ଦାମ୍ବୁ ପତିତି କାତା □”

ଜାକଣି ଦୁଝେରି
(ଲୁକ ୧୩:୨)

୧୩ ଜାକଣି ଦୁଝେରିଟି ହାଲୁ, ଏନାଆଁତାକି ଇତିହୁଁ ନକିତା ହାନି ଜିରୁ ଅସାରା ଅଡ଼େ ଉସାସା, ଏ ଜିରୁ ନାସା ଆନିଞ୍ଜାକି ଅନାୟି, ଏ ଜିରୁଟି ହାରେକା ଲକୁ ହାନେରି □

୧୪ ଅଡ଼େ ଜାହୁଡା ଅନି ଦୁଝେରି ଜାକଣି ଇଞ୍ଜାଁ ଏମ୍ବାଆଁ ହାନି ଜିରୁ କସୁଗାଟାୟି ଏ ଜିରୁଟି ହାନି ଲକୁ ହାରେକା ଉଣା □

ମୀରୁନୁ ଅଡ଼େ ତାନି ପାଡ଼େୟି
(ଲୁକ ୬:୪୩-୪୪)

୧୫ “ମାହାପୁରୁ ବଲୁ ଝେହୁନାତମି ଇଞ୍ଜୁଁ ଝେସାନା ମିଟି କାତା ଝେହୁନାରି ତାଣାଟି ଜାଗ୍ରାତା; ଏଞ୍ଜାରି ମେଣ୍ଡାୟାଁ ଖାଣା ଆସାନା ମୀ ତାଣା ଖାନ୍ନେରି, ସାମା ଏଞ୍ଜାରି ହିୟାତା କାରୁକି ଆଡ଼ି କ୍ଳାଞ୍ଜିନି!

୧୬ ଏଞ୍ଜାରି କାମା ମେସାନା ମୀରୁ ଏଞ୍ଜାରାଈଁ ପୁଞ୍ଜାଲି ଆଡ଼ିଦେରି, ଲକୁ ହାପକା ମୀରୁନୁତା ଅକୁରି ପାଡ଼େୟି ଆଆତିହୁଁ ଅଣ୍ଡା ମୀରୁନୁତା ତୟା ପାଡ଼େୟି ଏହୁନେରି ?

୧୭ ଏଲେକିହୁଁ ଏ ନେହୁଁ ମୀରୁନୁତା ବାରେ ନେହୁଁ ପାଡ଼େୟି ଅଡ଼େ ଲାଗେଏତି ମୀରୁନୁତା ବାରେ ଲାଗେଏତି ପାଡ଼େୟି ଆୟିନେ □

୧୮ ନେହୁଁ ମୀରୁନୁ ଲାଗେଏତି ପାଡ଼େୟି ଆୟାଲି ଆଡ଼େଏ, ଅଡ଼େ ଲାଗେଏତି ମୀରୁନୁ ନେହୁଁ ପାଡ଼େୟି ଆୟାଲି ଆଡ଼େଏ □

୧୯ *ଆମିନି ମୀରୁନୁ ନେହୁଁ ପାଡ଼େୟି ଆୟେଏ, ଏଦାନି ଚୁଣ୍ଡି ଆହାନା ହିରୁତା ମେଡ଼ିପି ଆନେ □

୨୦ *ଏଲେକିହୁଁ ଏ ମିଟି ମାହାପୁରୁ ବଲୁ ଝେହୁନାରାଈଁ ତାମା କାମା ତଲେ ପୁଞ୍ଜାଲି ଆଡ଼ିନାୟି □”

ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜୁଅଁ
(ଲୁକ ୧୩:୨୫-୨୭)

୨୧ “ନାଙ୍ଗେ ‘ପ୍ରବୁ, ପ୍ରବୁ’ ଇଞ୍ଜୁଁ ହାଟାନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆବା ଝେସ୍ତି କାତା ମାନଞ୍ଜି ଆନେରି, ଏଞ୍ଜାରି ହାଜାଲି ଆଡ଼ିନେରି □

୨୨ ଏ ଦିନା ହାରେକା ନାଙ୍ଗେ ଏଲେଇଞ୍ଜାନେରି, ଏ ପ୍ରବୁ ଏ ପ୍ରବୁ ମାମ୍ବୁନୀ ଦରୁତଲେ ମାହାପୁରୁ ଅଣ୍ଡପୁତି ବଲୁ ଝେହୁଆତମି କି ? ଅଡ଼େ ନୀ ଦରୁତଲେ ବୁଡୁୟାଈଁ ପିସ୍ପି କିଆତମି କି ? ଅଡ଼େ ନୀ ଦରୁତଲେ ହାରେକା କାବାଆନି କାମା କିଆତମି କି ?

୨୩ ଏଚିବେଲା ନାନୁ ଏଞ୍ଜରାଇଁ ତୀରେତଲେ ଏଲେଇଈଁ ‘ଏ ଲାଗେଏ ପଢେଏ ଗାଟାତେରି, ନା ତାଣ୍ଡାଟି ହେକ ଆବୁ, ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜଅଁ []’ ”

ରୀ ଇଲୁକା କେପିନାରି
(ଲୁକ ୭:୪୭-୪୯)

୨୪ “ଇଞ୍ଜା ଆମ୍ବାଆସି ଇ ନା ହାଡ଼ା ଝେନେସି ଅଡ଼େ ମାନଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେଁତାସି []

୨୫ ଗାତି ପିୟୁ ରାତେ ଖାରୁ ଖାଡେ ଅଡ଼େ ଗାଲି ଆଡେ, ଏ ଇଲୁତି ଗୁପିତେ, ସାମା ଏ ଇଲୁ ରିଆଡେ, ଇଚିହଁ ଏଦି ପାକାତା କାନ୍ଦା କାରୁହାନା ପୁନାଦି ଦସାମାଗାୟି []”

୨୬ “ଅଡ଼େ ଆମ୍ବାଆସି ଇ ନା ହାଡ଼ା ଝେଞ୍ଜାନା ମାନଞ୍ଜି ଆସି ଏଞ୍ଜାସି ବାଃଲି ଲାକ ଇଲୁ କେପା ତୁୟିନି ବୁଦି ହିଲାଆଗାଟି ଲକୁ ଲେହେଁତାସି []

୨୭ ଗାତି ପିୟୁ ରାତେ, ଖାରୁ ଖାଡେ ଅଡ଼େ ଗାଲି ଆଡେ, ଏ ଇଲୁତି ଗୁପିତେ ଏମ୍ବାଟିଏ ଇଲୁ ତରଂଗାହାଜା ବୁନିତା ଆଣ୍ଡିତେ []”

ଜୀସୁତି କାଜାପାଣା

୨୮ *ଜୀସୁ ଇ ବାରେ କାତା ରାପୁହି ଜେତ ତାନି କାତା ଝେଚାରି କାବା ଆଡେରି []

୨୯ ଇଚିହଁ ଏଞ୍ଜାସି ତାନି ବୁଦି ଗାଟାରିଲେହେଁ ଜୀପୁଆନା ଅଦିକାରା ବେଟାଆହାମାନି ମାଣ୍ଡିଲେହେଁ ଜୀପୁହି ମାଚେସି []

୮

ଜୀସୁ କାଜା ରଗ ଗାଟାଣାଇଁ ନେହଁ କିନାୟି
(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜୀସୁ ହରୁ ଲାକଟି ରେଟା ଖାଡ଼ି ତାୟୁ ମାନ୍ଦା ଲକୁ ତାନି ଜେତ ହାରେରି []

୨ ଏଚିବେଲା ର କାଜା ରଗ ଗାଟାସି ତାନି ନକିତା ଖାହାଁ ମେଣ୍ଡାକୁତାନା ଜହରା କିହାଁ ଏଲେଇଚେସି, “ପ୍ରବୁ ନୀନୁ ମନ କିଚିହଁ ନାଙ୍ଗେ ନେହଁ କିହାଲି ଆଡ଼ାଦି []”

୩ ଏଚେଟିଏ ଜୀସୁ କେୟୁ ଦାସାହାଁ ତାଙ୍ଗ ତୀଗାନା ଏଲେଇଚେସି, “ନାନୁ ମନ କିହିମାଇଁ ନୀନୁ ନେହଁ ଆମ୍ବୁ []” ଏ ଦେବୁଣିଏ କାଜା ରଗ ଗାଟାସି ନେହଁ ଆଡେସି []

୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଝେହୁଆନି, ସାମା ନୀନୁ କାଜା ପୂଜେରା ତାଣା ହାଜାନା ନିଙ୍ଗ ତସାକତାମ୍ବୁ, ଅଡ଼େ ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ସାକି ହାନିଲେହେଁ ହେରପାମ୍ବୁ []”

ଜୀସୁ ର ରମିୟ କସ୍କା ହଲେଏଣାଇଁ ନେହଁ କିନାୟି
(ଲୁକ ୭:୧-୧୦)

୫ ଜୀସୁ କପରନାହୁମ ଗାଡ଼ାତା ହାଜାଲିଏ ର ରମିୟ ପାସାକଡ଼ି କସ୍କା ମୁହେଁ କାଜାସି ଏଞ୍ଜାଣି ତାଣା ଖାହାନା ବାତିମାଲିହଁ ଏଲେଇଚେସି,

୬ “ଏ ପ୍ରବୁ, ନା ହଲେଏସି ଟଚଂଝାୟାନା ହାରେକା କସ୍ତ ଆହଁ ଇଜ କାଚେଲିତା ତୂରାମାନେସି []”

୭ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଖାହାନା ଏଞ୍ଜାଣାଇଁ ନେହଁ କିଇଁ []”

୮ ସାମା ପାସାକଡ଼ି କସ୍କା ମୁହେଁ କାଜାସି ଏଲେଇଚେସି, “ଆଏ, ପ୍ରବୁ ନୀନୁ ନା ଇଜ ପାସୁଲି ଇଚିଦି, ଏଲେତି ଜଡ଼େ ଆଏ; ସାମା ନୀନୁ ର ପବୁ ଝେସା ପାଣ୍ଡାମ୍ବୁ, ନା ହଲେଏସି ନେହଁ ଆନେସି []

୯ ଇଚିହଁ ନାନୁ ରଅଣି ତାଣା କାମା କିନି ମାଣ୍ଡି ଆଡ଼ିହଁ ଜିକେଏ ନା ଅଦିକାରାତା ଅଡ଼େ କସ୍କା ମାନେରି; ନାନୁ ରଅଣାଇଁ ହାଲାମ୍ବୁ ଇଚିହଁ ଏଞ୍ଜାସି ହାନେସି; ଅଡ଼େ ରଅଣାଇଁ ଖାମୁ ଇଚିହଁ ଖାନେସି; ଅଡ଼େ ନା ହଲେଏଣାଇଁ ଇଦାଆଁ କିମୁ ଇଚିହଁ ଏଦାଆଁ କିନେସି []”

* ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨

୧୦ ଜୀସୁ ଇ ବାରେ କାତା ଝେଞ୍ଜାନା କାବା ଆଡେସି, ଅଡ଼େ ତାନି ଜେତ ଝାହିମାଟି ଲକୁଣି ଏଲେଇଚେସି, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇସ୍ରାୟେଲ ବିତ୍ତା ଆମ୍ବାଆରି ତାଣା ଇଚେକା କାଜା ନାମୁ ମେସାହିଲଅଁ □

୧୧ *ସାମା ନାନୁ ମିଙ୍ଗେ ଝେସିମାଞ୍ଜାଇଁ, ହାରେକା ଲକୁ ଝେଡ଼ା ହପୁ ଝାକିଟି ଅଡ଼େ ଝେଡ଼ା କୁଡ଼ନି ଝାକିଟି ଝାହାନା ଅବାହାମ, ଇସାହାକ ଅଡ଼େ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁଗିନେରି □

୧୨ *ସାମା ରାଜିତି ମୀରକାଣି ପାଙ୍ଗାତି ଆନ୍ଦେରିତା ମେଡ଼ପି ଆନେ ଏମ୍ବାଆଁ ଏଝାରି ପାଲୁକା ଟୀତି କିହଁ ଡ଼ୀନେରି □

୧୩ ଅଡ଼େ ଜୀସୁ ଏ କସ୍‌କା ମୁହେଁ କାଜାଣାଇଁ ଏଲେଇଚେସି, ଇଜ ହାଲାମୁ, ଏନିକିହଁ ନାମାମାଞ୍ଜି ନିଙ୍ଗେତାକି ଏଲେକିହଁ ଆଡ଼େ □ ଏ ଦେବୁଣିଏ ଏ ହଚଲଏସି ନେହଁ ଆଡ଼େସି □

ଜୀସୁ ହାରେକା ଲକୁଣି ନେହଁ କିନାୟି
(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାହୁ ଜୀସୁ ପିତର ଇଜ ଝାହାନା ପିତରତି ପୟା ନଡ଼ମରି ତାକି କାଟେଲିତା ତୁରାମାନାଣି ମେସ୍ରେସି □

୧୫ ଏଚେଟିଏ ଜୀସୁ ତାନି କେୟୁ ତୀଗାଲିଏ ନଡ଼ମରି ପିସ୍ରେ, ଅଡ଼େ ନିଙ୍ଗାନା ଏଝାଣି ସେବା କିହାଲି ମାଟ୍‌ହେ □

୧୬ ମିଡ଼ଅଲ୍ଲା ଆହାଲିଏ ଲକୁ ହାରେକା ବୁଡୁ ଆଲଗାମାଟି ଲକୁଣି ଜୀସୁ ତାଣା ତାଚେରି, ଏଚେଟିଏ ଜୀସୁତି ର ବଲୁ ତାକି ବୁଡୁୟାଁ ଏଝାରି ତାଣାଟି ହଚାହାଚୁ, ଅଡ଼େ ହାରେକା ନଡ଼ମରି ଗାଟାରାଇଁ ନେହଁ କିଡେସି □

୧୭ ଏନିକିହଁ ମାହାପୁରୁ ଅଶପୁତି ବଲୁ ଝେହ୍ନି ଜିସାୟତି କାତା ସାତା ଆନେ, “ଏଝାସି ତାନୁଏ ମା ନଡ଼ମରି ଦୁକା ଅଡ଼େସି ଅଡ଼େ ମା ରଗତି ଡେକିଡେସି □”

ଜୀସୁ ସାସୁୟାଁ ଆହାଲି ମନ କିନାୟି
(ଲୁକ ୯:୫୭-୨୨)

୧୮ ଜୀସୁ ତାନି ସାରିଝାକି ଲକୁଣି ମେସାନା, ସାସୁୟାଁଇଁ ସାମଦୁରି ଆତାଲା ହାଜାଲି ହୁକୁମି ହୀଡେସି □

୧୯ ର ମେରା ଜାପୁନାସି ଝାହାନା ଜୀସୁଇଁ ଏଲେଇଚେସି, “ଗୁରୁ, ନୀନୁ ଆମ୍ବିୟା ହାଜି, ନାନୁ ଜିକେଏ ନୀ ତଲେ ଝାଇଁ □”

୨୦ ଏଚେଟିଏ ଜୀସୁ ଏଝାଣାଇଁ ଏଲେଇଚେସି, “ନାକାୟାଁକି ଡ଼ୟିନି ପାଝୁୟାଁ ମାନୁ, ହାଗୁ ଲାକ ଉମ୍ବିନି ପଟାୟାଁକି ବାସାଟାୟୁ ମାନେ, ସାମା ମାଣସି ମୀରଏଣାକି ତାୟୁଁ ଚୁନବହାଲି ବାସାଟାୟୁ ହିଲେଏ □”

୨୧ ଇଞ୍ଜାଁ ସାସୁୟାଁ ବିତ୍ତାଟି ଅଡ଼େ ରଅସି ଜୀସୁଇଁ ଏଲେଇଚେସି “ପ୍ରବୁ, ନକେଏ ହାଜାନା ନା ଆବାଇଁ ମାହଣିଣା ମୁସାଲି ହେଲ ହିୟାମୁ □”

୨୨ ସାମା ଜୀସୁ ଏଝାଣାଇଁ ଏଲେଇଚେସି, “ନା ଜେତ ଝାମୁ, ହାଡ଼ାରାଇଁ ତାମି ହାଡ଼ି ଲକୁଣି ମୁସାଲି ପିହ୍‌ମୁ □”

ଜୀସୁ ଗାଲି ପିୟୁ ସାପି କିନାୟି
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ତଂଗତା ହଚାଲିଏ ସାସୁୟାଁ ତାନି ଜେତ ହାଚେରି □

୨୪ ଅଡ଼େ ମେହ୍‌ଦୁ ଦେବୁଣିଏ ସାମଦୁରିତା କାଜା ଗାଲି ଆଡେ, ଇଞ୍ଜାଁ ତଂଗ ଏୟୁତା ମୁଞ୍ଜାଲି ମାଟ୍‌ହେ, ସାମା ଜୀସୁ ତଂଗତା ତୁରାମାଚେସି □

୨୫ ଏମ୍ବାଟିଏ ଏଝାରି ତାଗେ ଝାହାଁ ନିକହାନା ଏଲେଇଚେରି, “ପ୍ରବୁ, ମାଙ୍ଗ ଗେଲ୍‌ପାମୁ, ଆଆଡ଼ଁ ମାମୁ ହାହିମାନମି □”

୨୬ ଜୀସୁ ଏଝାରାଇଁ ଏଲେଇଚେସି, “ଏ ଉଣା ନାମୁ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି ?” ଏମ୍ବାଟିଏ ଜୀସୁ ନିଙ୍ଗାନା ଗାଲି ଅଡ଼େ ଝାଡ଼ିମାଟି ସାମଦୁରିତି ଦାକା ହୀଡେସି, ଇଞ୍ଜାଁ ଦେବୁଣିଏ ସାପିଆଡ଼େ □

* ୮:୧୧ ୮:୧୧ ଲୁକ ୧୩:୨୯ * ୮:୧୨ ୮:୧୨ ମାତି ୨୨:୧୩; ୨୫:୩୦; ଲୁକ ୧୩:୨୮

୨୭ ଏମ୍ବାଟିଏ ଏଞ୍ଜାରି କାବା ଆହଁ ଏଲେଇଚେରି, “ଇଞ୍ଜାସି ଏନିଲେହେଟି ମାଣସି ? ଗାଲି ଅଡେତ୍ ସାମଦୁରି ଜିକେଏ ଇଞ୍ଜାଣି ହାଡ଼ା ମାନୁଞ୍ଜି ଆହିମାନେ □”

ବୁତୁ ଆଲଗାମାଟି ରିଆରାଇଁ ଜୀସୁ ନେହଁ କିନାୟି
(ମାର୍କ ୫:୧-୨୦; ଲୁକ ୮:୨୭-୩୯)

୨୮ ତାୟୁ ଜୀସୁ ସାମଦୁରି ଆତଲାଞ୍ଜାକିତି ଗଦରିୟ ନାସ୍କାଣାଁ ଏଗାହାଜାଲିଏ ରୀ ବୁତୁୟାଁ ଆଲଗା ମାଟାରି ମାଡ଼ହା ମୁହନି ଟାୟୁଟି ଖାହାନା ଜୀସୁଇଁ ବେଟାଆଡେତରି, ଏଞ୍ଜାରି ଇଲେତି ଆଜିହସପତି ଲକୁ ମାଚେରି, ଏ ଜିରୁଟି ଲକୁ ରେଜାଲି ଆଡ଼ିହିଲାଆତେରି □

୨୯ ଇଞ୍ଜାଁ ମେହଦୁ ଏଞ୍ଜାରି କିରଡ଼ିହଁ ଏଲେଇଚେରି, “ଏ ମାହାପୁରୁ ମୀରୁଏଶାତି! ନୀ ତଲେ ନାଜେ ଏନାୟି ମାନେ ? ମା ବେଲା ଖାଆନେଏ ମାଜେ କସ୍ ହିୟାଲି ଇମ୍ପାଆଁ ଖାଡ଼ିକ ?”

୩୦ ଇଞ୍ଜାଁ ଏଞ୍ଜାରି ତାଣାଟି ହେକ ର ମାନ୍ଦା ପାଜିୟାଁ ମେୟାଁ ମାଚୁ □

୩୧ ଏ ଲକୁ ବିତ୍ରାତି ବୁତୁୟାଁ ଜୀସୁଇଁ ବାତିମାଲିହଁ ଏଲେଇଚୁ, “ମାଜେ ପେରହାଦି ଇଚିହଁ, ଏ ପାଜିୟାଁ ମାନ୍ଦା ବିତ୍ରା ପାଣ୍ଡାମ୍ □”

୩୨ ଜୀସୁ ଏଞ୍ଜାସିକାଣି ଏଲେଇଚେସି, “ହାକୁ □” ବୁତୁୟାଁ ଏ ଦେବୁଣିଏ ଲକୁଇଁ ପିସାନା ପାଜିୟାଁ ମାନ୍ଦା ବିତ୍ରା ହଚୁ; ଏ ପାଜିୟାଁ ହଚୁ କାଡ଼ଦିରି ଦାବଡ଼ି ହଚାନା ଦାରିତି ସାମଦୁରିତା ମେଦାନା ହାହାହାଚୁ □

୩୩ ପାଜିୟାଁ ମେଟିମାଟି ଗଡ଼କା ହଚିହଁ ହାଜାନା ଗାଡ଼ାତା ବାରେ କାଚୁ ଇଞ୍ଜାଁ ବୁତୁୟାଁ ଆଲଗା ମାଟାରି ଏନି ଆତେରି ଏ ବାରେ ହାଡ଼ା ଝେସୁରି □

୩୪ ଅଡେ ନାସ୍କାତି ବାରେ ଲକୁ ଜୀସୁଇଁ ମେସାଲି ଖାଡେତରି, ଇଞ୍ଜାଁ ଜୀସୁଇଁ ମେସାନା ତାନି ହାନ୍ଦିଟି ହାଜାଲି ବାତିମାଲିଚେରି □



ଜୀସୁ ର ଚଟଞ୍ଜାୟିତି ଲକୁଇଁ ନେହଁ କିନାୟି
(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍ବାଟିଏ ଜୀସୁ ତଂଗତା ହଚାନା ସାମଦୁରି ଗାଣ୍ଟବାହାଁ ତାନୁ ବାସାଆହାମାନି ଗାଡ଼ାତା ଖାଡେସି □

୨ ଅଡେ ମେହଦୁ କାଚେଲିତା ତୁରାମାଟି ର ଚଟଞ୍ଜାୟିତି ଲକୁଇଁ ଡେକାନା ତାନି ତାଣା ତାତେରି, ଇଞ୍ଜାଁ ଏଞ୍ଜାରି ନାମ୍ବୁ ମେସାନା ଜୀସୁ ଏ ଚଟ ଞ୍ଜାୟିତାଣାଇଁ ଏଲେଇଚେସି, “ଏ ମୀରୁଏଶା, ସାସା ଆହ୍ମୁ ନୀ ପାପୁ ବାରେ ମେଶ୍ଟାହାଚେ □”

୩ ଏଚେକା ମେରା ଜାପ୍ନାରି ଇ ହାଡ଼ା ଝେଞ୍ଜାନା ଏଞ୍ଜାରି ଝେସପି ଆଡେତରି, “ଇ ମାଣସି ମାହାପୁରୁଇଁ ନିନ୍ଦା କିହିମାନେସି □”

୪ ଜୀସୁ ଏଞ୍ଜାରି ମନତି ହାଡ଼ା ପୁଞ୍ଜାନା ଏଲେଇଚେସି, “ମୀରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଣ୍ପୁ ଅଣ୍ପିମାଞ୍ଜେରି ?

୫ ଇଚିହଁ ଏନାଆଁ ଇନାୟି ଉସାସା, ନୀ ପାପୁ ମେଶ୍ଟାହାଚେ, ଆଆତଁ ନିଜ୍ଞାନା ତାକାମୁ ?

୬ ସାମା ଦାବଡ଼ିତି ପାପୁ ମେଣ୍ଡକହାଲି ତାକି ମାଣସି ମୀରୁଏଶାକି ଅଦିକାରା ମାନେ, ଇଦାଆଁ ଏନିକଁ ପୁଞ୍ଜାଲି ଆଡ଼ିନେରି,” ଏଦାଆଁତାକି ଜୀସୁ ଚଟ ଞ୍ଜାୟିତାଣାଇଁ ଏଲେଇଚେସି, “ନିଜ୍ଞାମୁ ନୀ କାଚେଲି ଡେକାନା ଇଜ ହାଲାମୁ □”

୭ ଏମ୍ବାଟିଏ ଏଞ୍ଜାସି ନିଜ୍ଞାନା ତାନି ଇଜ ହାଚେସି □

୮ ଇଦାଆଁ ମେସାନା ଲକୁ ଆଜିଚେରି, ଅଡେ ଆମିନି ମାହାପୁରୁ ମାଣସିୟାକି ଇଲେତି ଅଦିକାରା ହାହାମାନେସି ଇଞ୍ଜିହଁ ଏ ମାହାପୁରୁତି ଗାଞ୍ଜୁରମି କିଚେରି □

ଜୀସୁ ମାତିତ୍ତୁଇଁ ହାଡ଼ିନାୟି
(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍ବାଟି ହାଜି ହାଜିହଁ ମାତିତ୍ତୁ ଦରୁଗାଟି ର ସିସୁରାହ୍ନାସି ତାନି ସିସୁରାହ୍ନି ଟାୟୁତା କୁଗାମାନାଣି ମେସାନା ହାଟାନା ଏଲେଇଚେସି, “ନା ଜେଟ ଖାମୁ □”

ଏମ୍ବାଟିଏ ମାତିତ୍ତୁ ନିଜ୍ଞାନା ତାନି ଜେଟ ହାଚେସି □

୧୦ *ଇଞ୍ଜାଁ ଜୀସୁ ମାତୃହୁ ଇଜ ତାନି ବେଲା ଏବେକା ସିସୁରାହନାରି ଅଡ଼େ ପାପୁଗାଟି ଲକୁ ତାମି ସାସୁୟାଁ ତଲେ ତିଞ୍ଜାଲି କୁରିତେରି □

୧୧ ପାରୁସିୟାଁ ଇଦାଆଁ ମେସାନା ସାସୁୟାଁଇଁ ଏଲେଇଚେରି, “ମୀ ଗୁରୁ ଏନାଆଁତାକି ସିସୁରାହନାରି ଅଡ଼େ ପାପୁ ଗାଟାରି ତଲେ ତିଞ୍ଜି ମାନେସି □”

୧୨ ସାମା ଜୀସୁ ଏଞ୍ଜାରି ହାଡ଼ା ଖେଞ୍ଜାନା ଏଲେଇଚେସି, “ନେହୁଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଡ଼ା ଗାଟାରାକି ଲଡ଼ାମାନେ □

୧୩ *ଇଦାଆଁତାକି ମୀରୁ ହାଜାନା ଇଦାନି କାତା ଜାପାଦୁ, ସାମା ପୂଜା ହାନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ; ଇଚିହୁଁ ନାନୁ ଦାମ୍ବୁ ଗାଟାରାଇଁ ଆଏ ସାମା ପାପୁ ଗାଟାରାଇଁ ହାଟାଲି ଖାହାମାଇଁ □”

ଉପାସା କିନାଣି ଖେନାୟି
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲାତା ବାପ୍ତିସ୍ମ* ହାନି ଜହନତି ସାସୁୟାଁ ଜୀସୁଇଁ ଖାହାନା ଖେଚେରି, “ମୀମୁ ଅଡ଼େ ପାରୁସିୟାଁ ଉପାସା କିହିମାନମି, ସାମା ମୀ ସାସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ହନେଏସି ଡ଼ୟିନି ପାତେକା ବୀହା ଲକୁ ଦୁକୁ ଆଅରି, ସାମା ଦିନା ଖାନ୍ନେ, ଏଚିବେଲା ବୀହା ହନେଣାଇଁ ଅନ୍ନେରି, ଏଚିବେଲା ଏଞ୍ଜାରି ଉପାସା କିନେରି □”

୧୬ “ଆମ୍ବାଆସି ପ୍ଲାଞ୍ଜ ହିମ୍ବରିତା ପୁଞ୍ଜି ପାସକି ତାଟଅସି, ଏନାଆଁତାକି ଇଚିହୁଁ ଏ ପାସକି ପ୍ଲାଞ୍ଜ ହିମ୍ବରିତି ଗେସାଅନ୍ନେ, ଇଞ୍ଜାଁ ଏଦି ହାରେକା କାଜାୟି ଆହୁଁ ଗେଞ୍ଜିନେ □

୧୭ ଅଡ଼େ ଲକୁ ପୁଞ୍ଜି ଅଜୁରି ରାସା ପ୍ଲାଞ୍ଜ ତ:କାତାଁ ଇଟଅରି; ଇଚିହୁଁ ଏ ତ:କା ଡ଼ାୟାହାନେ ଅଜୁରି ରାସା ବହାହାନେ, ସାମା ପୁଞ୍ଜି ଅଜୁରି ରାସା ପୁଞ୍ଜି ତ:କାତା ଇଚିନେରି, ଆତିହୁଁ ଅଜୁରି ରାସା ଅଡ଼େ ତ:କା ନେହୁଁ ଡ଼ୟିନେ □”

ର କାଜାଣି ମାଞ୍ଜା ଅଡ଼େ ର ଇୟା ଜୀସୁ ହିମ୍ବରି କୁକୁ ତାଗାନା ନେହୁଁ ଆନାୟି
(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଚିବେଲା ଇ ବାରେ କାତା ଜୀସୁ ଏଞ୍ଜାରାଇଁ ଖେସିମାଟି ବେଲାତା ର ଜୀହୁଦି କାଜାପାଣା ଗାଟାସି ତାଗେ ଖାହାନା ମେଣ୍ଡାକୁତାନା ଜହରା କିହାଁ ଏଲେଇଚେସି, “ନା ମାଞ୍ଜା ନୀର୍ସ ହାହାହାଚେ, ସାମା ନାନୁ ଖାହାନା ତାନି ଲାକ କେୟୁ ଇଚିତହୁଁ ଏଦି ନୀତିନେ □”

୧୯ ଏମ୍ବାଟିଏ ଜୀସୁ ନିଜ୍ଜାନା ତାନି ସାସୁୟାଁ ତଲେ ଏଞ୍ଜାଣି ଜ୍ଞେଚ ହାଚେରି □

୨୦ ଅଡ଼େ ମେହୁଦୁ ବାର ବାସାଁ ପାତେକା ନେତେରି ଖାଜ୍ଜିନି ରଡ଼ାଗାଟି ର ଇୟା ତାୟୁଖାକିଟି ଖାହାନା ଜୀସୁତି ହିମ୍ବରି କୁକୁ ତାଗିତେ □

୨୧ ଇଚିହୁଁ ଏ ଇୟା ମନ୍ଦତା ଅଣ୍ଡପିମାଚେ, “ଖାରଇ ତାନି ହିମ୍ବରି ତାଗିତିହୁଁ ନାନୁ ନେହୁଁ ଆଇଁ □”

୨୨ ସାମା ଜୀସୁ ଖେଣ୍ଡେ ତାୟୁଖାକି ସିନିକିହାନା ଏଲେଇଚେସି, “ମାଞ୍ଜା ସାସା ଆହୁମ୍ବୁ, ନୀ ନାନୁ ନିଜ୍ଜେ ନେହୁଁ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହୁଁ ଆଡ଼େ □

୨୩ ତାୟୁ ଜୀସୁ ଏ କାଜାପାଣା ଗାଟାରି ଇଜ ହାଚେସି, ଏମ୍ବାଆଁ ପୀରୁଡ଼ି ଉକିନାରାଇଁ ଅଡ଼େ ତାହୁଁ କାଲୁଞ୍ଜି ଆହିମାଟି ଲକୁଣି ମେସାନା ଏଲେଇଚେସି,

୨୪ ବାରେ ଇମ୍ବାଟି ପାଞ୍ଜାତା ହାଜୁ, ପଦା ହାହାହିଲେଏ, ସାମା ତୁରାମାନେ, ଏଚେଟିଏ ତାନି ହାଡ଼ା ଖେଞ୍ଜାନା ଏଞ୍ଜାରି କାକହେରି □

୨୫ ସାମା ବାରେ ଲକୁ ପାଞ୍ଜାତା ହାଜାଲିଏ, ଜୀସୁ ଇଜ ବିଡ଼ା ହାଜାନା ପଦାନି କେୟୁ ଆସାନା ନିକହେସି ଅଡ଼େ ଏ ଦେବୁଣିଏ ନିଜ୍ଜିତେ □

୨୬ ଇଞ୍ଜାଁ ଇ କାବୁ ଏ ଦେସାତି ସାରିଖାକି ଖେଜିତେ □

ଜୀସୁ ରିଆରି କାଣାୟାଁଇଁ ନେହୁଁ କିନାୟି

* ୯:୧୦ ୯:୧୦ ଲୁକ ୧୫:୧,୨ * ୯:୧୩ ୯:୧୩ ମାଟି ୧୨:୭ * ୯:୧୪ ୯:୧୪ ମୁଞ୍ଜିନାୟି † ୯:୧୭ ୯:୧୭ ତକୁ ତଲେ କେପିତି ଅଜୁରି ରାସା ଇଚିନି ବାସ୍ତା ତୁପୁ

୨୭ ଜୀମ୍ବୁ ଏମ୍ବାଟି ହାଜିମାଟି ବେଲ୍‌କାତା ରିଆରି କାଣ୍ଡାୟାଁ କାଜା ଗିୟାଁତଲେ ହାଟିହଁ ଏଲେଇଚେରି, “ଏ ଦାଢୁଦ ମୀରୁଏଣାତି ମାଙ୍ଗ କାର୍ମା ମେସ୍ତାମ୍ବୁ ୍”

୨୮ ଇଞ୍ଜାଁ ଜୀମ୍ବୁ ଇଲୁ ବିତ୍ତା ହଡ଼ାଲିଏ ଏ କାଣ୍ଡାୟାଁ ଜିକେଏ ଏଞ୍ଜାଣି ତାଗେ ୱାଡେତେରି, ଇଞ୍ଜାଁ ଜୀମ୍ବୁ ଏଞ୍ଜାରାଙ୍ଗ ଏଲେଇଚେରି, ମାଙ୍ଗେ ନେହଁ କିହାଲି ଆଡ଼ାନେସି ଇଞ୍ଜଁ ମୀରୁ ନାମିମାଞ୍ଜେରି ? ଏଞ୍ଜାରି ଏଲେଇଚେରି “ହାଅ ପ୍ରବୁ ୍”

୨୯ ଏଚେଟିଏ ଜୀମ୍ବୁ ଏଞ୍ଜାରି କାଣ୍ଡା ତାଗାନା ଏଲେଇଚେରି, “ମୀ ନାମିନି ଲେହେଁ ମିଙ୍ଗେତାକି ଆଠେ ୍”

୩୦ ଏଚେଟିଏ ଏଞ୍ଜାରି ମେସାଲି ଆଡ଼ିଚେରି, ଅଡ଼େ ଜୀମ୍ବୁ ଏଞ୍ଜାରାଙ୍ଗ ଜାଣେ ହୁକୁମି ହାହାନା ଏଲେଇଚେରି, “ହେଣ୍ଡୁ ଇ ହାଡ଼ା ଆମ୍ବାଆରି ଜିକେଏ ପୁନଅରି ୍”

୩୧ ସାମା ଏଞ୍ଜାରି ପାଙ୍ଗାତା ହାଜାନା ଜୀମ୍ବୁଟି ହାଡ଼ା ଦେସାତି ସାଡ଼ିଞ୍ଜାକି ୱେସ୍ତେରି ୍

ଜୀମ୍ବୁ ର.ଗୁଲାଇଁ ଜଲି କିତେସି

୩୨ ଏଞ୍ଜାରି ହଡ଼ା ହାଜିମାଟାଟି ଲକୁ ର.ଜଲାଇଁ ଆଡ଼ାଆଗାଟି ବୃତୁ ଆଲ୍‌ଗା ମାତାଣାଇଁ ଜୀମ୍ବୁ ନକିତା ତାଚେରି ୍

୩୩ ଜୀମ୍ବୁ ବୃତୁଇଁ ପେରୁହା ପାଣ୍ଡିତି ଦେବୁଣିଏ ଏଞ୍ଜାସି ଜଲାଇଁ ଆଡ଼ିଚେସି, ଏଚେଟିଏ ଲକୁ କାବାଆହାନା ଏଲେଇଚେରି, “ଇସ୍ତାୟେଲ ଦେସାତା ମାମ୍ବୁ ଇଲେତି କାବାଆନି କାମା ଏଚେଲା ମେସାହଲ୍‌ଆତମି ୍”

୩୪ ଏଚିଚେଲା ପାରୁସିୟାଁ ୱେଚେରି, ଏଞ୍ଜାରି ଏଲେଇଚେରି, “ଇଞ୍ଜାସି ବୃତୁୟାଁ ପିସ୍ପି କିହମାନେସି” ଏଦାଆଁତାକି ଇଚିହଁ ଏଞ୍ଜାସିକାଣି ସାଲ୍‌ଞ୍ଜି କିହମାନି ବାଲ୍‌ପେନୁ ଏଞ୍ଜାଣାକି ବାଡ଼ୁହୁ ହାହମାନେ ଲାକା ଆଡ଼ିମାନେସି ୍

୩୫ ଏମ୍ବାଟିଏ ଜୀମ୍ବୁ ଏଞ୍ଜାରି ଜୀହୁଦି ଲକୁଟି କୁଟମି ଇଲ୍‌କାଣାଃ ଜାପୁହିହଁ ମାହାପୁରୁ ରାଜିତି ନେହଁ କାକୁ ୱେସିହଁ ବାରେଲେହେଁତି ରଡ଼ା ନଡ଼େରି ଦୁକାଟି ନେହଁ କିହିହଁ, ବାରେ ଗାଡ଼ାୟାଁ ଇଞ୍ଜାଁ ନାସ୍‌କାଣାଁ ରେଜାଲି ମାଟୁହେସି ୍

ଲକୁତାକି ଜୀମ୍ବୁଟି କାର୍ମା

୩୬ ଅଡ଼େ ବାରେ ଲକୁଣି ମେସାନା ଏଞ୍ଜାସି କାର୍ମା ଆଡ଼େସି, ଇଚିହଁ ଏଞ୍ଜାରି ଗଡ଼ ହୁଲ୍‌ଆ ମେଣ୍ଡାୟାଁ ଲେହେଁ କାକୁଲିଟି ଇତାଲା ଆତାଲା ଆହିମାଚେରି ୍

୩୭ ଏଚିଚେଲା ଜୀମ୍ବୁ ତାମି ସୀସୁୟାଁଇଁ ଏଲେଇଚେରି, “ପାଟି ହାଡ଼େକା ସାମା ଦାଃଆନାରି ଡ଼ଣା ଜାଣା ୍”

୩୮ ଏଦାଆଁତାକି ପାଟି ଜାଡ଼ାଲି, ଲକୁଣି ପାଣ୍ଡାଲିତାକି ଗୁଡ଼ିୟାତି ସାଢୁକାରିଇଁ ବାଟିମାଲ୍‌ଦୁ ୍”

୧୦

ବାରଜାଣା ସୀସୁୟାଁ

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜୀମ୍ବୁ ତାମି ବାରଜାଣା ସୀସୁୟାଁଇଁ ତାଗେ ହାଡ଼ାନା ବୃତୁୟାଁ ପିସ୍ପି କିହାଲି, ଇଞ୍ଜାଁ ବାରେ ରଡ଼ା କସ୍ତୁଟି ନେହଁ କିହାଲି ଏଞ୍ଜାରାକି ଅଦିକାରା ହୀଚେସି ୍

୨ ଏ.ବାରଜାଣା ପାଣ୍ଡିଆଡ଼ି ସୀସୁୟାଁ ଦରୁକା ଆଡୁ, ସିମନ, ଆମ୍ବାଆରାଇଁ ପିତର ଇନେରି, ଅଡ଼େ ତାମି ତାୟି ଆହିୟ, ଜେବଦି ମୀରୁଏସି ଜାକୁବ ଅଡ଼େ ତାମି ତାୟି ଜହନ,

୩ ପିଲିପ ଅଡ଼େ ବାର୍ତ୍ତଲମି, ତମା ଅଡ଼େ ସିସୁରାହିନି ମାତୃଭୂ, ଆଲେପି ମୀରୁଏସି ଜାକୁବ ଅଡ଼େ ତଦିୟ,

୪ ଦେସାତି ଜୀଢୁ ନଡ଼ି ସିମନ ଅଡ଼େ ଇସ୍ତାରିୟତ ଜୀହୁଦା ଆମ୍ବାଆସି ଜୀସୁଇଁ ସାଡୁ କେୟୁତା ହେରପିଚେସି ୍

ବାରଜାଣା ସୀସୁୟାଁଇଁ ପାଣ୍ଡିନାୟି

(ମାର୍କ ୬:୬-୧୩; ଲୁକ ୯:୧-୬)

* ୯:୩୪ ୯:୩୪ ମାତ ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫ * ୯:୩୫ ୯:୩୫ ମାତ ୪:୨୩; ମାର୍କ ୧:୩୯; ଲୁକ ୪:୪୪
‡ ୯:୩୫ ୯:୩୫ ସିନଗଲ * ୯:୩୬ ୯:୩୬ ମାର୍କ ୬:୩୪ * ୯:୩୭ ୯:୩୭ ଲୁକ ୧୦:୨

୫ ଜୀମୁ ଇ ବାରଜାଣାତି ପାଣ୍ଡାନା ହୁକୁମି ହୀହାଁ ଏଲେଇତେସି, ମୀରୁ ଜୀହୁଦିଆଆତି ଲକୁତାଣା ହାଲ୍ଲାଆଦୁ, ଅଡ଼େ ଆମିନି ସମିରଣି ନାସ୍କାଣାଁ ହଡ଼ୁଆଦୁ,
 ୬ ସାମା ଜାଙ୍ଗାମାନି ମେଣ୍ଡାୟାଁ ଇତିହୁଁ ଇସ୍ରାୟେଲ ଲକୁତାଣା ହାଜୁ □
 ୭ ଏଞ୍ଜାରିତାଣା ହାଜୁ ଅଡ଼େ ଝେକଦୁ ଲାକପୁରୁ ରାଜି ଏଗାଞ୍ଜାହିମାନେ □
 ୮ ଅଡ଼େ ନମେରି ଗାଟାରାଇଁ ନେହୁଁ କିଦୁ, ହାଡ଼ାରାଇଁ ନିକଦୁ, କାଜା ରଟା ଗାଟାରାଇଁ ନେହୁଁ କିଦୁ, ବୁଡୁୟାଁଇଁ ଯେରଦୁ □ ମୀରୁ ଉଜେଏ ବେଟା ଆହାମାଞ୍ଜେରି ଏଦାଆଁ ଉଜେଏ ହୀଦୁ □
 ୯ ମୀ ତଲେ ବାଂଗାରା ଝେଣ୍ଡି କି ଅଟଡ଼ିତା ଟାକାୟାଁ ଅଆଦୁ,
 ୧୦ *ଅଡ଼େ ହାନାତି ଲେଟା କଡ଼ିନି ମଣା, ରୀ ଜଡ଼ୁ ସୁକାୟାଁ କି ସେପୁୟାଁ କି କୁତା ବାଡ଼ଗା ଜିକେଏ ପାରାଆଦୁ, କାମାକିନାସି ତାନି ରାନ୍ଦା ବେଟା ଆନେସି □
 ୧୧ ଅଡ଼େ ମୀରୁ ଆମିନି ନାୟୁଁତା କି ଗାଡ଼ାତା ହାଜେରି ଏମ୍ବାଆଁ ନେହାଁଣାଇଁ ପାରାଦୁ, ଅଡ଼େ ଏମ୍ବାତି ଝେଣ୍ଡାହାନି ପାତେକା ଏଞ୍ଜାଣି ଇଜ ଡ଼ୟାଦୁ □
 ୧୨ ଅଡ଼େ ଇଜ ହଡ଼ନାତି ଏଞ୍ଜାରାଇଁ ହିଡ଼ଡ଼ି ଜୀଝୁ ମିଜେ ଆୟାପେ ଇଞ୍ଜୁ;
 ୧୩ ଏଞ୍ଜାରି ଇଜତାରି ନେହାଁରି ଇତିହୁଁ ଏଞ୍ଜାରିତଲେ ମୀ ହିଡ଼ଡ଼ି ଡ଼ୟାପେ, ସାମା ଏଞ୍ଜାରି ନେହାଁରି ଆଆଡ଼େଁ ମୀ ହିଡ଼ଡ଼ି ମିଜେ ଝେଣ୍ଡା ଝାପେ □
 ୧୪ *ଅଡ଼େ ଆମିନି ଇଲୁତାକି ନାସ୍କାଣାଁ ମିଜା ଲକୁ ଅପଅରି, ମୀ କାତାତି ଝେନଅରି, ଏ ଇଲୁତି କି ଏ ଗାଡ଼ାତି ହଡ଼ାଞ୍ଜାନାତି ମୀ କତାତି ଦୁଡ଼ି ହାଣହା କତାନା ଏ ଗାଲୁ ପିହୁଦୁ □
 ୧୫ **ନାନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁତି ନାହାଁୟି ଦିନାତା ଏ ଗାଡ଼ାତି ତଣ୍ଡ କିହାଁ ସଦମ ଅଡ଼େ ଗମରା ଦେସାତି ତଣ୍ଡ ଉଣା କିଞ୍ଚିଆନେ □

ଞ୍ଜାହିମାନି କସୁ ଅଡ଼େ ନିନ୍ଦା
 (ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ *ହେଣ୍ଡୁ ମେଣ୍ଡାୟାଁଣି କ୍ଳାଠନିୟାଁ ବିତ୍ତା ପାଣ୍ଡିନିଲେହେଁ ନାନୁ ମିଜେ ପାଣ୍ଡିମାଞ୍ଜାଇଁ, ଏଦାଆଁତାକି ମୀରୁ ରାଡ଼ୁ ଲେହେଁ ବୁଦି ଗାଟାତେରି, ଅଡ଼େ ପାରୁଞ୍ଜା ପଗାଲେହେଁ କପା ହିଲ୍ଲାଆ ଗାଟାତେରି ଆଦୁ □
 ୧୭ *ସାମା ମାଣ୍ଡିୟାଁ ତାଣାଟି ଜାଗ୍ରାତା ଆହାନା ଡ଼ୟାଦୁ, ଏନାଆଁତାକି ଇତିହୁଁ ଏଞ୍ଜାରି ମିଜେ ଆସାନା ନାହାଁୟି କିନି ତାଣା ହେରପାନେରି, ଇଞ୍ଜାଁ ଜୀହୁଦି ଲକୁତି କୁଟିନି ଇଲ୍ଲକାଣା* ଏଞ୍ଜାରି ମିଜେ ସାଟ୍ଟାଣି ତଲେ ଝେଡାନେରି,
 ୧୮ ଅଡ଼େ ମୀରୁ ନା ତାକି ରାଜା ଅଡ଼େ ସାଲ୍ଡି କିନି ଲକୁତାଣା ଅହାନା ନାହାଁୟି କିଞ୍ଚିଆନେରି; ଏଦି ଏଞ୍ଜାରାକି ଅଡ଼େ ଜୀହୁଦିଆଆତି ଲକୁକି ମାହାପୁରୁତି ନେହୁଁ କାବୁ ଝେସାଲି ସାକି ଆନେ □
 ୧୯ ସାମା ଏତିବେଲା ଏଞ୍ଜାରି ମିଜେ ହେରପାନେରି, ମୀରୁ ନାହାଁୟି ଆନିବେଲା ଏନାଆଁ ଜଲିଦେରି ଅଡ଼େ ଏନିକିଁ ଜଲିଦେରି, ଏ କାତା ଅଣ୍ଡପାଆଦୁ, ଇତିହୁଁ ମୀରୁ ଏନାଆଁ ଜଲିଦେରି ଏ ବେଲାତେଏ ମିଜେ ଝେସ୍ତାନେସି □
 ୨୦ □ ଇତିହୁଁ ମୀରୁ ଜଲିନାତେରି ଆଏ, ଆବା ମାହାପୁରୁତି ସୁଦୁଜୀଝୁ ମୀ ଗୁତି ହାହାନା ହାଡ଼ା ଜଲିନେ, ଏଦି ଜଲିନାୟି □
 ୨୧ *ତାୟି ତାୟିଇଁ ଆବା ମୀରୁଏଣାଇଁ ପାୟାଲି ହେରପିନେସି, ମାସ୍କା, ମୀରୁକା ଏଞ୍ଜାରି ତାନି ଇୟା ଆବା କପାଟି ହଡ଼ାନା, ଏଞ୍ଜାରାଇଁ ପାୟିନେରି □
 ୨୨ *ଅଡ଼େ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାଜି ପାତେକା ସାସା ତଲେ ମାନେସି ଏଞ୍ଜାସି ଗେଲୁପି ଆନେସି □
 ୨୩ ସାମା ଏଞ୍ଜାରି ଏତିବେଲା ର ଗାଡ଼ାତା ମିଜେ ନିନ୍ଦା କିୟାନେରି, ଏତିବେଲା ଏଟକା ଗାଡ଼ାତା ହାଜୁ, ଇତିହୁଁ ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଇସ୍ରାୟେଲତି ବାରେ ଗାଡ଼ାୟାତା କାମା ରାପୁଆ ନକେଏ ମାଣ୍ଡିସି ମୀରୁଏସି ଝାନେସି □
 ୨୪ *“ସାସୁ ତାନି ଗୁରୁ କିହାଁ ହଡ଼ଲଏସି ସାଝୁକାରି କିହାଁ କାଜାସି ଆଏ □

* ୧୦:୧୦ ୧୦:୧୦ ୧କର ୯:୧୪; ୧ଡିମ ୫:୧୮ * ୧୦:୧୪ ୧୦:୧୪ କାମା ୧୩:୫୧ * ୧୦:୧୫ ୧୦:୧୫ ମାଟି ୧୧:୨୪ * ୧୦:୧୫ ୧୦:୧୫ ଲୁକ ୧୦:୪-୧୨ * ୧୦:୧୬ ୧୦:୧୬ ଲୁକ ୧୦:୩ * ୧୦:୧୭ ୧୦:୧୭ ମାର୍କ ୯:୧୧; ଲୁକ ୧୨:୧୧,୧୨; ୨୧:୧୨-୧୫ * ୧୦:୧୭ ୧୦:୧୭ସିନଗର * ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭ * ୧୦:୨୨ ୧୦:୨୨ ମାଟି ୨୪:୫; ମାର୍କ ୧୩:୧୩; ଲୁକ ୨୧:୧୨; ମାଟି ୨୪:୧୩; ମାର୍କ ୧୩:୧୩ * ୧୦:୨୪ ୧୦:୨୪ ଲୁକ ୫:୪୦; ଜହ ୧୩:୧୨; ୧୫:୨୦

୨୫ *ସୀସୁ ତାନି ଗୁରୁ ଅଡ଼େ ହଲେଏସି ତାନି ସାସୁକାରି ଲେହେ ଆଡିହି ଏଞ୍ଜରାକି ସମାନା ଆନେ, ଏଞ୍ଜାରି ଇଲୁତି ସାସୁକାରିଇ ବାଲୁଜିବୁଲୁ ଜନେରି ଇଚିହି ଏଞ୍ଜାଣି ଇଲୁତି ଲକୁବାକାଆଁ ହାରେକା ପଲୁଆ କାତା ଜଲିନେରି □”

ଆମ୍ବାଆରାଇଁ ଆଜିନାୟି ?
(ଲୁକ ୧୨:୨-୭)

୨୬ *ଏଦାଆଁତାକି ଲକୁଇଁ ଆଜାଆଦୁ; ଇଚିହି ତୁଗୁମାନାୟି ଏନାୟିଖା ର ଦିନା ତଞ୍ଜାଆନେ, ଏଲେକ ତଞ୍ଜାଆଆନା ତୁଗୁମାନାୟି ଏନାୟିଖା ହିଲେଏ, ଇଞ୍ଜା ପୁଣ୍ଡି କିଞ୍ଜିଆଆଗାଗାୟି ଇଲେକ ଏନାୟି ତୁଗୁ ହିଲେଏ □

୨୭ ନାନୁ ମିଙ୍ଗ ଏନାଆଁ ଆନ୍ଦେରିତା ଖେସ୍ତାଇଁ ଏଦାଆଁ ରଜେଡିତା ଖେହଦୁ, ଅଡ଼େ ଏନାଆଁ ତୁଗୁନା ଖେଞ୍ଜେରି ଏଦାଆଁ ଇଲୁ ତୁଡ଼ିୟା ଲାକ ହତାନା ଖେହଦୁ □

୨୮ ଅଡ଼େ ଆମ୍ବାଆରି ଖାରଇ ଆଙ୍ଗାତି ପାୟିନେରି, ସାମା ଜାସୁତି ପାୟାଲି ଆଡ଼ଅରି, ଏଞ୍ଜରାଇଁ ଆଜାଆଦୁ; ସାମା ଆମ୍ବାଆସି ମା ଜାସୁ ଅଡ଼େ ଆଙ୍ଗା ବାରେତି ନକିତା ନାସା କିହାଲି ଆଡିନେସି ଏଞ୍ଜାଣାଇଁ ଆଜାଦୁ □

୨୯ ରା ଜେତା ପଗାୟିଁ ର କାନି ତାକି ପାରପି ଆଡ଼ କି ? ଅଡ଼େ ମା ଲାକପୁରୁତି ଆବା ହେଲ ହାଆତି ଏଞ୍ଜାସିକା ବିତ୍ରାତି ରଣ୍ଡି ଜିକେଏ ତୁଇ ତରରେଏ □

୩୦ ସାମା ମା ତାୟିଁ ତୁ ବାରେ ବାଣାୟିଁ ଜିକେଏ ଏଜିକିଞ୍ଜି ଆହାମାନୁ □

୩୧ ଏଦାଆଁତାକି ଆଜାଆଦୁ, ମାତୁ ହାରେକା ଜେତା ପଗାୟିଁ ତାଣାତି ମା ଦାରା ହାରେକା □”

ଲକୁ ନକିତା ଜୀସୁଇଁ ଖେକନାୟି
(ଲୁକ ୧୨:୫୧-୫୩; ୧୪:୨୬-୨୭)

୩୨ “ଅଡ଼େ ଆମ୍ବାଆସି ଲକୁ ନକିତା ନାଙ୍ଗେ ଆବାନେସି, ଇଞ୍ଜା ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ □

୩୩ *ସାମା ଆମ୍ବାଆସି ଲକୁ ନକିତା ନାଙ୍ଗେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ □”

ହିଡ଼ଡ଼ି ପିସପେ କାଣ୍ଡା
(ଲୁକ ୧୨:୫୧-୫୩; ୧୪:୨୬-୨୭)

୩୪ “ନାନୁ ଦାରତିତା ହିଡ଼ଡ଼ି ହାହାଲି ଖାହାମାଇଁ ଇଞ୍ଜାଁ ମନ କିଆଦୁ; ହିଡ଼ଡ଼ି ହାହାଲି ଖାଆନା, କାଣ୍ଡା ହାହାଲି ଖାହାମାଇଁ □

୩୫ ଇଚିହିଁ ନାନୁ ଆବା କପାଟି ମାରଏଣାଇଁ, ଅଡ଼େ ଇୟାନି କପାଟି ମାଙ୍ଗା ଇଞ୍ଜା ପୟାନି କପାଟି କୁଡ଼ିୟାନି ଗଡ଼ହା କିହାଲି ଖାହାମାଇଁ □

୩୬ ଅଡ଼େ ମାଣ୍ଡସିତି ତାନି ଇଲୁତି ଲକୁଏ ବାରେଜାଣା ତାନି ସାତୁ ଆନେରି □”

୩୭ “ଆମ୍ବାଆସି ଆବା କି ଇୟାନି ନା କିହାଁ ହାରେକା ଜାସୁ ନନେସି, ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି, ଅଡ଼େ ଆମ୍ବାଆସି ନିଜେତି ମାଙ୍ଗା କି ମାରଏଣାଇଁ ହାରେକା ଜାସୁ ନନେସି ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି □

୩୮ *ଆମ୍ବାଆସି ନିଜେତି କୁଏ ଡେକାନା ନା ଜେଡ଼ ଖାଅସି, ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି □

୩୯ *ଆମ୍ବାଆସି ନିଜେତି ଜାସୁ ନାଟହା କତିନେସି ଏଞ୍ଜାସି ହାରେସି, ଅଡ଼େ ଆମ୍ବାଆସି ନା ତାକି ନିଜେତି ଜାସୁ ହାନେସି, ଏଞ୍ଜାସି ନୀତିନେସି □”

ଦାନା ପାଣ୍ଡନାୟି
(ମାର୍କ ୯:୪୧)

୪୦ *ଆମ୍ବାଆସି ମିଙ୍ଗେ ଆବାନେସି, ଏଞ୍ଜାସି ନାଙ୍ଗେ ଆବାନେସି; ଆମ୍ବାଆସି ନାଙ୍ଗେ ଆବାନେସି, ଏଞ୍ଜାସି ନାଙ୍ଗେ ପାଣ୍ଡାତାଣାଇଁ ଆବିନେସି □

* ୧୦:୨୫ ୧୦:୨୫ ମାତି ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ * ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭ * ୧୦:୩୩ ୧୦:୩୩ ୨ତିମ ୨:୧୨ * ୧୦:୩୮ ୧୦:୩୮ ମାତି ୧୭:୨୪; ମାର୍କ ୮:୩୪; ଲୁକ ୯:୨୩ * ୧୦:୩୯ ୧୦:୩୯ ମାତି ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଜହ ୧୨:୨୫ * ୧୦:୪୦ ୧୦:୪୦ ଲୁକ ୧୦:୧୬; ଜହ ୧୩:୨୦; ମାର୍କ ୯:୩୭; ଲୁକ ୯:୪୮

୪୧ ଆମ୍ଭାଆସି ମାହାପୁରୁ ଅଣ୍ଟପୁଡ଼ି ବଲୁ ଖେନ୍ଦନାରାଇଁ, ମାହାପୁରୁ ବଲୁ ଖେନ୍ଦନାରି ଇଞ୍ଜି ଆବିନେସି, ଏଝାସି ଏ ବଲୁ ଖେନ୍ଦନାରି ଦାନା ବେଟା ଆନେସି, ଅଡ଼େ ଆମ୍ଭାଆସି କି ତାରିଗାଟାରାଇଁ, ତାରିଗାଟାସି ଇଞ୍ଜି ଆବିନେସି ଏଝାସି ତାରିଗାଟାରି ଦାନା ବେଟା ଆନେସି □

୪୨ ଅଡ଼େ ଆମ୍ଭାଆସି ନା ସାମୁୟାଁ ବିଦ୍ରାଟି ରଅଣାଇଁ ନା ସାମୁ ଇଞ୍ଜି ଗିନାତା ଏରୁ ଗସାଲି ହାନେସି, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଝାସି ତାନି ଦାନାତି ଜାକ୍‌ଅସି □”

୧୧

ଜହନତି କାତୁ ହାନାରି
(ଲୁକ ୭:୧୮-୩୫)

୧ ଜାସୁ ତାନି ବାରୁଜାଣା ସାମୁୟାଁଇଁ ଇ ବାରେ ହେଲ ହାତି ତାରୁ ଗାଲିଲି ଦାରିତା ମାନି ନାସ୍‌କାଣାଁ ହାଜାନା ମାହାପୁରୁତି ହାଡ଼ା ଜାପୁହିହୁଁ ଖେସିହୁଁ ଏ ଚାନ୍ଦୁତି ହାଚେସି □

୨ ଏତିବେଲା ବାପ୍ତିସ୍ତା* ହାନି ଜହନ କାୟିଦିତା ମାଞ୍ଜାନା କ୍ରୀସ୍ତତି କାମା କିହିମାନାଣି ଖେଞ୍ଜାନା ଏ ବାରେ ପୁଞ୍ଜାଲି ତାନି ସାମୁୟାଁଣି ଜାସୁ ତାଣା ପାଣ୍ଡିଚେସି □

୩ ଏଝାରି ହାଜାନା ଜାସୁଇଁ ଖେଚେରି, “ଆମିନି ଲକୁ ଖାନେସି ଇଞ୍ଜି ଜହନ ଖେସାମାଚେସି, ନାନୁ କି ଏଝାତି ? କି ଅଡ଼େ, ଆମ୍ଭାଆରି ତାକି କାଟାନା ତୁୟିନମି ?”

୪ ଜାସୁ ଏଝାରାଇଁ ଏଲେଇଚେସି, “ମାରୁ ଖେଣ୍ଡା ହାଜାନା ଏନାଆଁ ଖେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ଖେହ୍‌ଦୁ □

୫ କାଣାୟାଁ ମେସିମାନେରି, ସଟାୟାଁ ତାକି ମାନେରି, କାଜା ରଗ ଗାଟାରି ନେହୁଁ ଆହିମାନେରି, ବେରାୟାଁ ଖେଞ୍ଜିମାନେରି, ହାଡ଼ାରି ନିଙ୍ଗିମାନେରି ଅଡ଼େ କାଙ୍ଗାଲା ଗାଟାରି ନେହୁଁ କାତୁ ଖେଞ୍ଜିମାନେରି;

୬ ନା ତାଣା ଆମ୍ଭାଆରି ଆନାମାନା ଆଅରି ଏଝାରି ନେହେଁ □”

୭ ଜହନତି ସାମୁୟାଁ ଖେଣ୍ଡାହାଜିମାଟି ବେଲା ଜାସୁ ଲକୁଇଁ ଜହନତି କାତା ଏଲେଇଚେସି, “ମାରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାଜିନି ତାଣ୍ଡି ଆକୁ ?

୮ ଏନାଆଁ ଆଆତିହୁଁ ଏନାଆଁ ମେସାଲି ହାଜାମାଚେରି ? ନେହୁଁ ଅଜିତି ପାଡ଼ାଡ଼ା ହିମ୍ବି ହୁଟାମାନି ର ଲକୁଇଁ ? ମେହ୍‌ଦୁ ଅଜିତି ହିମ୍ବି ହୁଟିତି ଲକୁ ରାଜା ଗାଡ଼ାତା ତୁୟିନେରି □

୯ ଏନାଆଁ ଆଆତି ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ଟପୁଡ଼ି ବଲୁ ଖେନ୍ଦନାଣାଇଁ ? ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁ ଅଣ୍ଟପୁଡ଼ି ବଲୁ ଖେନ୍ଦନାରି କିହିଁ ହାରେକା କାଜାଣାଇଁ;

୧୦ ଇତିହୁଁ ଏ ଜହନତି କାତା ରାସ୍‌କି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନାନୁ ନଚେଏ ନା ଦୁରୁଇଁ ପାଣ୍ଡାଇଁ, ଏଝାସିଏ ଇ ମାଣସି □

୧୧ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନୀଞ୍ଜୁ ପାଚେକା ଇ ଦାନ୍ତିତା ଏଚେକା ଜାନାଁ ଆହାମାନେରି, ଏ ବାରେଜାଣା କିହିଁ ବାପ୍ତିସ୍ତା* ହାନି ଜହନ କାଜାସି; ଆଡ଼ିଜିକେଏ ଲାକପୁରୁ ରାଜିତା ଆମ୍ଭାଆସି ବାରେକିହିଁ ଉଣା, ଏଝାସି ଜହନ କିହିଁ କାଜାସି □

୧୨ *ବାପ୍ତିସ୍ତା* ହାନି ଜହନତି କାତା ଖେନ୍ଦି ଦିନାଟିଏ ନୀଞ୍ଜୁପାଚେକା ଲାକପୁରୁ ରାଜି ବାଡ଼ୁ ତଲେ ପାଡ଼ାଆହିମାନେ; ଇଞ୍ଜା ବାଡ଼ୁତି ଆସାମାନାରି ଏନାଆଁ ବେଟାଆହାଲି ଅଣ୍ଟପିମାନେରି □

୧୩ ଇତିହୁଁ ବାରେ ମସାତି ମେରାତା ଅଡ଼େ ମାହାପୁରୁ ଅଣ୍ଟପୁଡ଼ି ବଲୁ ଖେନ୍ଦନାରି ତାଣା ଜହନତି ଖାନ୍ତି ଦିନା ପାଚେକା ଖେସପି ଆହାମାଚେ □

୧୪ *ଅଡ଼େ ମାରୁ ଏଝାରି କାତା ଆସାଲି ମୀ ମନ ମାଟିହୁଁ ଆମିନି ଏଲିୟ ଖାନାୟି ମାଚେ ଜହନଏ ଏଝାସି □

୧୫ ଆମ୍ଭାଆରି କୀର୍ଦ୍ଦା ମାନୁ ଏଝାସି ଖେଣ୍ଡାସି □”

୧୬ “ସାମା ନାନୁ ଆମ୍ଭାରିତଲେ ଇ ଜୁଗୁତି ଲକୁଣି ତୁକଇଁ, ଆମିନି ହାଡ଼ା ମାଦି କୁଗାନା କାହି ତୁୟିନି କକାରି ଲେହେଁ, ର ଗତିତି କକାରି ଅର ଗତିତି ଏଲେଇନେରି,

* ୧୧:୨ ୧୧:୨ ମୁଞ୍ଜିନାୟି † ୧୧:୧୧ ୧୧:୧୧ ମୁଞ୍ଜିନାୟି ☆ ୧୧:୧୨ ୧୧:୧୨ ଲୁକ ୧୭:୧୭ ‡ ୧୧:୧୨ ୧୧:୧୨ ମୁଞ୍ଜିନାୟି ☆ ୧୧:୧୪ ୧୧:୧୪ ମାଟି ୧୭:୧୦-୧୩; ମାର୍କ ୯:୧୧-୧୩

୧୭ ମାମୁ ମୁନୀ ନକିତା ପାରୁଡ଼ି ଉକିତମି, ସାମା ମୀରୁ ଏନ୍ଦାଆତେରି; ମାମୁ ଦୁକୁତି ପାରୁ ପାଡ଼ିତମି ସାମା ମୀରୁ ତୁଆତେରି, ନାଏଁତି ଲକୁ ଏଲେତାରି □

୧୮ ଇତିହୁ ଜହନ ଖାହାନା ରାନ୍ଦା ତିନାଆତେସି ଅଡ଼େ ଲକୁ ଏଞ୍ଜାଣାଇଁ ଏଲେଇତେରି ବୁଡୁ ଆଲୁଗାମାନାସି □

୧୯ ସାମା ମାଣସି ମୀରୁଏସି ଖାହାନା ରାନ୍ଦା ତିତେସି ଉତେସି, ଇଞ୍ଜାଁ ଲକୁ ବାରେଜାଣା ଏଲେଇତେରି, ଇଞ୍ଜାସି ଟିଶିକାସୁ, କାଡ଼ତୁଡୁ, ଏଞ୍ଜାସି ସିପୁ ରୁହନାରି ଅଡ଼େ ପାପୁ ଗାଟାରି ତଡ଼ଣସସି; ସାମା ମାହାପୁରୁତି ବୁଦି ଏଞ୍ଜାଣି କାମାଟି ସାତା ଇଞ୍ଜାଁ ଝେଜିନେ □”

**ନାମାଆଗାଟି ଗାଡ଼ାୟିଁ
(ଲୁକ ୧୦:୧୩-୧୫)**

୨୦ ଏଚିବେଲ୍ଲା ଆମିନି ଗାଡ଼ାତା ହାରେକା କାବାଆନି କାମା କିଞ୍ଜି ଆହାମାଚେ, ଏ ଗାଡ଼ାତି ଲକୁ, ତାମି ପାପୁତି ତାମା ମନ ଝେବ୍‌ହା ହିଲ୍ଲାଆତେରି, ଇଞ୍ଜାଁ ଜାସୁ ଏ ଗାଡ଼ାୟିଁତି ଲକୁଇଁ ଦାକା ହାହାନା ଏଲେଇତେସି,

୨୧ ଆୟତା ତଣ୍ଡ ପାଣ୍ଡିନି କରାଜିନୁ ଅଡ଼େ ବେଡ଼ସାୟିଦା, ଏନାଆଁତାକି ଇତିହୁଁ ମୀ ତାଣା ଆମିନି ବାଡ଼ୁୟିତି କାମା କିଞ୍ଜିଆହାମାନେ, ଏ ବାରେ ସର ଅଡ଼େ ସିଦନତା କିଞ୍ଜି ଆହାମାତିହୁଁମା; ଏମ୍ବାତି ଲକୁ ଆଜ୍ଞାତା ବାସ୍ରାୟିଁ ପରହାନା ଦାରମୁଡୁ କୁଗାନା ମନ ଝେବ୍‌ହାଲି ଅଣପିତେରିମା

୨୨ ଆଡ଼ିଜିକେଏ ନାନୁ ମିଜେ ଝେସିମାଞ୍ଜାଇଁ, ମାହାପୁରୁତି ନାହାଁୟି ଦିନାତା ମୀ ତଣ୍ଡ କିହାଁ ସର ଅଡ଼େ ସିଦନତି ତଣ୍ଡ ଅରୁହିନାୟି ଆନେ □

୨୩ ଏ କପରନାହୁମ, ନୀନୁ ଏନାଆଁ ଲାକପୁରୁ ପାତେକା ପାତାଆଦି ? ନୀନୁ ହାଡ଼ାରି ମାନି ରାଜିତା ଅଞ୍ଜିଆଦି, ନୀ ତାଣା ଆମିନି ବାଡ଼ୁୟିତି କାମା କିଞ୍ଜିଆହାମାନେ, ଏଦାଆଁ ସଦମତା କିଞ୍ଜିଆଡ଼ିହୁଁମା, ଏ ଗାଡ଼ା ନୀଞ୍ଜୁପାତେକା ଡ଼ୟିତେମା □

୨୪ *ଆଡ଼ିଜିକେଏ ନାନୁ ମିଜେ ଝେସିମାଞ୍ଜାଇଁ “ମାହାପୁରୁତି ନାହାଁୟି ଦିନାତା ମୀ ତଣ୍ଡ କିହାଁ ସଦମ ଦେସାତି ତଣ୍ଡ ଅରୁହିନାୟି ଆନେ □”

**ନା ତାଣା ଖାହାନା ଜମାଦୁ
(ଲୁକ ୧୦:୨୧-୨୨)**

୨୫ ଏ ବେଲ୍ଲାତା ଜାସୁ ପ୍ରାଡ଼ାନା କିହୁଁ ଏଲେଇତେସି; “ଏ ଆବା, ଲାକପୁରୁ ଅଡ଼େ ଦାରୁତିତି ପ୍ରୁ, ଇ ବାରେ ହାଡ଼ା ନୀନୁ ବୁଦି ଅଡ଼େ ପୁନି ଲକୁତାଣାଟି ତୁକୁହା ଇଗାନା, ଇ ବାରେ କାତା ପୁନାଆଗାଟି ଲକୁତାଣା ତସିମାନାକି ନାନୁ ନିଜା ଜହରା କିହିମାଞ୍ଜାଇଁ □

୨୬ ହାଅ ଆବା, ଇଦି ନୀ ନକିତା ରାହାଁତି କାତା ଆହିମାନେ □”

୨୭ *ନା ଆବା ନାଜେ ବାରେ ହାହାମାଞ୍ଜାନେସି, ଆବା ପିସପେ ଆମ୍ବାଆରି ମୀରୁଏଣାଇଁ ପୁନଅରି ଅଡ଼େ ମୀରୁଏଣା ପିସପେ ଆମ୍ବାଆରି ଆବାଇଁ ପୁନଅରି, ମୀରୁଏସି ଆମ୍ବାଆରି ତାଣା ତହ୍‌ନେସି ଏଞ୍ଜାସି ପୁନେସି □”

୨୮ “ଏ ଖାହୁ ରାଡ଼ା ଗାଟି ଲକୁ, ବାରେ ନା ତାଣା ଖାଦୁ, ନାନୁ ମିଜେ ଜମିକିୟାଇଁ □

୨୯ ନା ଜୁଝେଡ଼ି ମୀ ବମିତା ତେକାନା ନା ତାଣାଟି ଜାପାଦୁ, ଇତିହୁଁ ନାନୁ କପା କାର୍‌ବି ହିଲ୍ଲାଆନା ସୁଡୁ ହିୟାଁ ଗାଗାତେଏଁ, ଇଞ୍ଜାଁ ମୀରୁ ନା ତାଣାଟି ମୀ ଜାସୁତା ଜମିଦେରି;

୩୦ ଇତିହୁଁ ନା ଜୁଝେଡ଼ି ଉସାସା ଅଡ଼େ ବକୁ ଉଣା ମାନେ □”

୧୨

**ଜମିନି ଦିନାତି ମାନି
(ମାର୍କ ୨:୨୩-୨୮; ଲୁକ ୬:୧-୫)**

୧ ଏଚରଦିନା ତାୟୁ ର ଜମିନି ଦିନାତା ଜାସୁ ଗହଁ ଗୁଡ଼ିୟାଟି ହାଜିମାଚେସି, ଇଞ୍ଜାଁ ତାନି ସାସୁୟାଁ ହାକି ଆହାମାଚାକି ଗହଁ ଜେକା ତାପୁହାନା ତିଞ୍ଜାଲି ମାରୁହେରି □

୨ ସାମା ପାରୁସିୟାଁ ଏଦାଆଁ ମେସାନା ଜାସୁଇଁ ଏଲେଇତେରି, “ମେହ୍‌ମୁ ଜମିନି ଦିନାତା ଏନାଆଁ କିନି ମେରା ହିଲେଏ, ଏଦାଆଁ ମୀ ସାସୁୟାଁ କିହିମାନେରି □”

* ୧୧:୨୫ ୧୧:୨୫ ମାତୃ ୧୦:୧୫; ଲୁକ ୧୦:୧୨ * ୧୧:୨୭ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫

୩ ଯାମା ଜୀସୁ ଏଞ୍ଜରାଲ୍ ଏଲେଇଚେସି, “ର ଦିନା ଦାଞ୍ଜୁଦ ଅଡ଼େ ତାନି ତଃଣସିଙ୍ଗା ହାକି ଆହାଲିଏ ଏନାଆଁ କିହାମାଚେରି, ମୀରୁ ସାଢ଼େସ୍ତରିତା ପଡ଼଼ି ଆହାହିଲଅତେରି ?”

୪ ଏଞ୍ଜସି ଏନିକ୍ ମାହାପୁରୁ ଇଲୁତା ହତାନା ଆମିନି ମାହାପୁରୁକି ହେର୍ପାମାନି ରୁଟି ପୂଜେରାଙ୍ଗା ପିସପେ ଆମ୍ବାଆରି ତିନାଆଗାଟି ଫେରା ମାଚେ, ସାମା ଦାଞ୍ଜୁଦ ଅଡ଼େ ତାନି ତଃଣସିଙ୍ଗା ତିନାଆଗାଟାୟି ମାଚେ, ଏଦାଆଁ ଏଞ୍ଜାରି ତିଚେରି □

୫ ଅଡ଼େ ଜମିନି ଦିନାତା ମାହାପୁରୁ ଇଲୁ ବିତ୍ରା ପୂଜେରାଙ୍ଗା ଫେରା ଉରିତି ଜିକେଏ ଦହଗାଟାରି ଆଅରି, ମୀରୁ ଏନି ଏଦାଆଁ ପଡ଼଼ି ଆହାହିଲଅତେରି କି ?

୬ ସାମା ନାନୁ ମିଙ୍ଗେ ସାତା ଝେସିମାଞ୍ଜାଇ, ଇ ଟାୟୁତା ମାହାପୁରୁ ଇଲୁ କିହାଁ ହାରେକା କାଜାୟି ଇମ୍ବାଆଁ ମାନେ □

୭ “ସାଢ଼େସ୍ତରି ଝେସିମାନେ, ସାମା ପୂଜା ହୀନାୟି ଲତାଆଏ, ସାମା ଲକୁଣି କାର୍ମାମେହ୍ନାୟି ନେହେଁ, ଇଦାଣି କାତା ମୀରୁ ପୁଞ୍ଜାମାଟିହ୍ ମା ଇ ଦହ ହିଲ୍ଲାଆ ଗାଟାଣାଇ ଦହ କିଆତେରିମା;

୮ ଇଚିହ୍ ମାଣସି ମୀରୁଏସି ଜମିନି ଦିନାତି ପ୍ରବୁ ଆନେସି □”

ଝାୟିତି କେୟୁଗାଟାସି ନେହ୍ ଆନାୟି

(ମାର୍କ ୩:୧-୬; ଲୁକ ୬:୬-୧୧)

୯ ଜୀସୁ ଏମ୍ବାଟି ହାଜାନା ଜୀହୁଦି ଲକୁତି କୁଟମି ଇଲୁତା* ହାଚେସି □

୧୦ ଅଡ଼େ ମେହ୍ଦୁ ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ ଝାୟିହାଜାମାଚେ, ଜୀସୁଇଁ ଦହ ଆସାଲି ଏଚେକା ଲକୁ ଏମ୍ବାଆଁ କାଟାମାଚେରି, ଏଞ୍ଜାରି ଜୀସୁଇଁ ଝେଚେରି, “ଜମିନି ଦିନାତା ନେହ୍ କିନାୟି ଫେରା ମାନେକି ?”

୧୧ ସାମା ଜୀସୁ ଏଞ୍ଜରାଲ୍ ଏଲେଇଚେସି, “ମୀ ବିତ୍ରା ରଅଣାକି ର ଫେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ ଫେଣ୍ଡା ଗାଡ଼ୁୟୁତା ତରୁରିନେ, ଇଞ୍ଜା ଆମ୍ବାଆସି ଏଦାନି ନିକଅସି, ଇଲେତି ଲକୁ ଆମ୍ବାଆସି ମୀ ବିତ୍ରା ମାନେସି ?

୧୨ ଆତିହ୍ ର ଫେଣ୍ଡାତି ଦାରା କିହାଁ ମାଣସିତି ଦାରା ହାରେକା □ ଏଦାଆଁତାକି ଜମିନି ଦିନାତା ନେହ୍ କାମା କିନାୟି ଫେରାତି କାମା □”

୧୩ ଏଚିବେଲା ଏଞ୍ଜସି କେୟୁ ଝାୟିତାଣାଇ ଏଲେଇଚେସି, “କେୟୁ ଦାହ୍ମୁ □”

ଇଞ୍ଜା ଏଞ୍ଜସି ଏ କେୟୁ ଦାଢ଼େସ୍ତସି ଏମ୍ବାଟିଏ ଏ କେୟୁ ଅର କେୟୁଲେହେଁ ନେହ୍ ଆଡ଼େ □

୧୪ ସାମା ପାରୁସିୟାଁ ପାଙ୍ଗାତା ହାଜାନା ଜୀସୁଇଁ ପାୟାଲି ଏଞ୍ଜାଣି କପାଟି ପାରୁ ପାରିତେରି □

ମାହାପୁରୁ ଆଟାମାନି ହଲେଏସି

୧୫ ଜୀସୁ ଏଦାଆଁ ପୁଞ୍ଜାନା ଏମ୍ବାଟି ଏବକା ଆହାନା ହଟାହାଚେସି, ଇଞ୍ଜା ହାରେକା ଲକୁ ତାନି ଜେଟ ହାଚେରି, ଅଡ଼େ ଏଞ୍ଜସି ବାରେଜାଣାତି ରଗଟି ନେହ୍ କିଚେସି □

୧୬ ଇଞ୍ଜା ତାଙ୍ଗେ ଲକୁଇଁ ଝେକ୍ଆଦୁ ଇଞ୍ଜୁ ହୁକୁମି ହାଚେସି □

୧୭ ଏନିକିହ୍ ମାହାପୁରୁ ଅଣପୁତି ବଲୁ ଝେହ୍ନି ଜିସାୟିତି କାତା ସାତା ଆନେ,

୧୮ “ମେହ୍ଦୁ ନା ହଲେଏସି, ଆମ୍ବାଆରାଇଁ ନାନୁ ଆଟାମାଇଁ;

ଏଞ୍ଜସି ନା ଜୀଞ୍ଜୁତି ମୀରୁଏସି, ଆମ୍ବାଆରିତାଣା ନା ହାରେକା ରାହାଁ ମାନେ;

ନାନୁ ଏଞ୍ଜାଣିଲାଇ ନା ସୁଦୁଜୀଞ୍ଜୁ ହୀଇଁ,

ଅଡ଼େ ଏଞ୍ଜସି ଜୀହୁଦିଆଆତି ଲକୁତାଣା ନୀହାୟିତି କାତା ଝେକନେସି □

୧୯ ଏଞ୍ଜସି ଗଡ଼ହା କିଅସିକି କାଲଞ୍ଜି ଆଅସି,

ଇଞ୍ଜା ଆଂଗେଣିତା ଏଞ୍ଜାଣି ହାଟା ଆମ୍ବାଆରି ଝେନଅରି □

୨୦ ନୀହାୟିତା ଜୀଣା ଆଆପାଚେକା,

ଏଞ୍ଜସି ଝାୟିତି ତାଣ୍ଡିତି ତିକ୍ଅସି

ବୟ୍ ଆହ୍ ଡାଞ୍ଜିମାନି ଦୀଞ୍ଜିତି ତୁପଅସି □

୨୧ ଅଡ଼େ ଏଞ୍ଜାଣି ଦରୁତା ଜୀହୁଦିଆଆତି ଲକୁ ବାର୍ସୁ ଇଚିନେରି □”

* ୧୨:୬ ୧୨:୭ ମାତି ୯:୧୩ * ୧୨:୯ ୧୨:୯ ସିନଗର * ୧୨:୧୧ ୧୨:୧୧ ଲୁକ ୧୪:୫

ଜୀବୁ ଅଡ଼େ ବାଲୁଜିବୁଲୁ ବୁଡୁ
(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକ୍ଷୁ ବୁଡୁ ଆଲଗାମାଟି ର କାଣ୍ଡାଲୁ ତାତେରି ଏଝାଣାଲୁ ବୁଡୁ ଆଲଗା ମାତାକି ଗୁଲ୍ଲା ଆହାମାତେସି □ ଜୀବୁ ଏଝାଣାଲୁ ନେହୁଁ କିତେସି; ଇଞ୍ଜା ଏଝାସି ମେସାଲି ଅଡ଼େ ଜଲ୍ଲାଲି ଆଡ଼ିତେସି □

୨୩ ଇଞ୍ଜା ଲକ୍ଷୁ ବାରେ କାବାଆହାନା ଏଲେଇତେରି, “ଇଝାସି ଏନାଆଁ ଏ ଦାଝୁଦ କୃତାତାସି ଆଏକି ?”

୨୪ *ପାରୁସିୟାଁ ଇ କାତା ଝେଞ୍ଜାନା ଏଲେଇତେରି, ଇ ମାଣସି ବୁଡୁୟାଁ କିହାଁ କାଜା ବାଲୁଜିବୁଲୁ ବୁଡୁ ହିଲ୍ଲାଆନା ବୁଡୁୟାଁ ପେରଅସି □

୨୫ ସାମା ଜୀବୁ ପାରୁସିୟାଁ ମନତି ଅଣସୁ ପୁଞ୍ଜାନା ଏଝାଣାଲୁ ଏଲେଇତେସି, “ର ରାଜି ତାନୁ ତାନୁଏ ଆସପି ଆହାନା ରୀ ବାଗା ତାନି ବାଗା ଆଡ଼ିସାରେ ଏ ରାଜି ଅଡ଼େ ତାରିତଲେ ମାଞ୍ଜାଲି ଆଡେଏ, ଇଞ୍ଜା ର ଗାଡ଼ା କି ର ଇଲୁ କୁଟମି ତାମ୍ନୁ ତାମ୍ନୁସୁ ଆସପି ଆହାନା ବାଗା ଆଡ଼ିସାରେ ତାରିତଲେ ମାଞ୍ଜାଲି ଆଡେଏ □

୨୬ ଇଞ୍ଜା ସୟତାନ ସୟତାନଲୁ ପିସପି କିନେ ଆତିହୁଁ ଏଦି ବାଗା ଆହାନା ତାନି କପାଟି ନିଜିତେୟିଏ, ଆତିହୁଁ ଏଦାନି ରାଜି ଏନିକିଁ ତାରିଆହାଁ ତୁୟିନେ ?

୨୭ ମାରୁ ଏଲେଇଞ୍ଜିମାଞ୍ଜେରି, ନାନୁ ପଲ୍ଲଆ ବୁଡୁୟାଁ ବାଲୁଜିବୁଲୁ ତଲେ ବୁଡୁୟାଁ ପିସପି କିହିମାଲୁ, ଆତିହୁଁ ମୀ ମୀରକା ଆମ୍ବାଆରି ବାଡ଼ୁଲୁ ତଲେ ବୁଡୁୟାଁ ପେରନେରି □ ଇଦାଆଁତାକି ଏଝାରିଏ ମୀ ନାହାୟି କିୟାନାରି ଆନେରି □

୨୮ ସାମା ନାନୁ ମାହାପୁରୁ ଜୀଝୁତି ବାଡ଼ୁୟୁ ତଲେ ବୁଡୁୟାଁ ପେରୁହି ମାଲୁ, ଆତିହୁଁ ମାହାପୁରୁତି ରାଜି ମୀ ତାଣା ଏଦାତେୟିଏ □”

୨୯ “ଇଞ୍ଜା ଆମ୍ବାଆସି ର ବାଡ଼ୁୟୁଗାଟି ଲକ୍ଷୁଲୁ ତଲିଏ ଦହୁଆନା, ଏନିକିହୁଁ ଏଝାଣି ଇଜ ହତାନା ତାନି ଇଲୁ କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଝାଣାଲୁ ତଲିଏ ଦସିହୁଁ ଦେ ଏଝାଣି ଇଲୁ କାଣ୍ଡା ସରୁ ଆହାଲି ଆଡ଼ିନେସି □”

୩୦ * “ଆମ୍ବାଆସି ନା ଝାକିଟି ଆଆଗାଗାସି, ଏଝାସି ନା ସାଡୁ, ଇଞ୍ଜା ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାରା କିନେସି □

୩୧ ଇଦାଆଁତାକି ନାନୁ ମିଜେ ଝେସିମାଞ୍ଜାଲୁ, ମାଣସି ଲକ୍ଷୁତି ବାରେ ପାପୁ ଅଡ଼େ ଲାଗେଏ ପଲେଏଟି ଲକ୍ଷୁଣି ନିନ୍ଦା କାତା ଜଲ୍ଲାମାନାଣି ମେକ୍‌ହା ତୁସପିଆନେ, ସାମା ମାହାପୁରୁତି ସୁଦୁଜୀଝୁ ଦରୁତଲେ ଜଲ୍ଲିନାଣା ପାପୁ ମେଣ୍ଡାକି କିଞ୍ଜିଆଏ □

୩୨ ଅଡ଼େ ଆମ୍ବାଆସି ମାଣସି ମୀରଏଣା କପାଟି ଜଲ୍ଲିନେସି, ଏଝାଣି ପାପୁ ମେଣ୍ଡାକି କିଞ୍ଜିଆନେ, ସାମା ଆମ୍ବାଆସି ମାହାପୁରୁତି ସୁଦୁଜୀଝୁତି କପାଟି ଜଲ୍ଲିନେସି, ଇ କାଲ୍ଲାତା କି ତାୟୁ କାଲ୍ଲାତା ଜିକେଏ ଏଝାଣି ପାପୁ ମେଣ୍ଡାକି କିଞ୍ଜିଆଏ □”

ମାରୁ ଅଡ଼େ ତାନି ପାଡ଼େୟି
(ଲୁକ ୭:୪୩-୪୫)

୩୩ * “ମାରୁନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ, ଆଆତୁଁ ମାରୁନୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇତିହୁଁ ପାଡ଼େୟି ତଲେ ମାରୁନୁତି ପୁଣ୍ଡକି ଆନେ □

୩୪ * ଆଡ଼େ ରାସକା କୃତାତେରି, ମୀରୁ ପଲ୍ଲଆ ଗାଟାତେରି ଆହାଁ ଏନିକିଁ ମୀରୁ ନେହୁଁ ହାଡ଼ା ଝେସାଲି ଆଡ଼ିଦେରି ? ଇତିହୁଁ ହୁୟାଁତା ମାନି କାତା ଗୁତି ଜଲ୍ଲିମାନେ □

୩୫ ନେହୁଁ ଲକ୍ଷୁ ନେହୁଁ ମନ ବିତ୍ରାଟି ନେହୁଁ କାତା ହପ୍‌ନେସି, ଇଞ୍ଜା ପଲ୍ଲଆ ଗାଟାସି ପଲ୍ଲଆ ମନ ବିତ୍ରାଟି ପଲ୍ଲଆ କାତା ହପ୍‌ନେସି □”

୩୬ “ସାମା ନାନୁ ମିଜେ ସାତା ଝେସିମାଞ୍ଜାଲୁ, ବାରେଜାଣା ତାମ୍ନୁ ଝେସାମାନି ଉଜେଏଟି କାତାତାକି ବିଚାରା କିନି ଦିନାତା ଏମ୍ବାତି କାତା ଜଲ୍ଲିନେରି;

* ୧୨:୨୪ ୧୨:୨୪ ମାତି ୯:୩୪; ୧୦:୨୫ * ୧୨:୩୦ ୧୨:୩୦ ମାର୍କ ୯:୪୦ * ୧୨:୩୭ ୧୨:୩୭ ଲୁକ ୧୨:୧୦ * ୧୨:୩୩ ୧୨:୩୩ ମାତି ୭:୨୦; ଲୁକ ୭:୪୪ * ୧୨:୩୪ ୧୨:୩୪ ମାତି ୩:୭; ୨୩:୩୩; ଲୁକ ୩:୭; ମାତି ୧୫:୧୮; ଲୁକ ୭:୪୫

୩୭ ଇଦାଆଁତାକି ମୀ ଗୁଡିତି ହାଡ଼ାତଲେ ନୀହାଁୟି ଦିନାତା ମୀରୁ ଦହ ଗାଗାତେରି ଅଡ଼େ ଦହ ହିଲୀଆଗାଗାତେରି ଆଡ଼େରି □”

ସିନା ପାରିନାୟି
(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ ☆ଏତିବେଲା ମୋରା ପୁନାରି ଅଡ଼େ ପାରୁସିୟାଁ ବିତ୍ରାତି ଏଚରଜାଣା ଜୀସୁଇଁ ଏଲେଇଚେରି, “ଗୁରୁ, ମାମୁ ନୀ ତାଣାତି ର କାବାଆନ୍ତି ସିନା ମେସାଲି ଅଣ୍ଡପିମାନମି □”

୩୯ ☆ସାମା ଜୀସୁ ଏଝାରାଇଁ ଏଲେଇଚେସି, “ପଲୁଆ ଗାଗାରି ଅଡ଼େ ମାହାପୁରୁଇଁ ନାମାଆ ଗାଗାରିଦେହେଁ ସିନାୟାଁ ପାରିନେରି, ସାମା ମାହାପୁରୁ ଅଣ୍ଡପୁତି ବଲୁ ଖେହ୍ନି ଜୁନସତି ସିନା ପିସପେ ଏଝାରାଇଁ ଏନ୍ତି ସିନା ହୀପୁକି ଆଏ □

୪୦ ଇଚିହଁ ଜୁନସ ଏନିକଁ ତାନିଦିନା ତାନି ଲାଆଁୟାଁ କାଜା ମୀନୁ ବାଣି ବିତ୍ରା ମାଚେସି, ଏଲେକଁ ମାଣସି ମୀରୁଏସି ଜିକେଏ ବୁମି ବିତ୍ରା ତାନିଦିନା ତାନି ଲାଆଁୟାଁ ଡ଼ୟିନେସି □

୪୧ ନୀହାଁୟି ଦିନାତା ନିନିବିତି ଲକୁ ଇ କାଲାତି ଲକୁ ନକିତା ନିଗାନା ଏଝାରାଇଁ ଦହ କିନେରି, ଇଚିହଁ ଏଝାରି ଜୁନସ ଖେସ୍ତି କାତା ଆସାନା ପାପୁତି ମନ ଖେଟ୍‌ହା ମାଚେରି, ଅଡ଼େ ମେହଦୁ ଜୁନସକିହାଁ କାଜାସି ଇମ୍ପାଆଁ ମାନେସି □

୪୨ ନୀହାଁୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଗାନା ଏଝାରାଇଁ ଦହ କିନେ, ଇଚିହଁ ସଲମନତି ବୁଦିତିକାତା ଖେଞ୍ଜାଲି ଦାରୁତିତି ହେକ ଦେସାତି ଖାହାମାଚେ, ଇଞ୍ଜାଁ ମେହଦୁ ସଲମନକିହାଁ କାଜା କାତା ଇମ୍ପାଆଁ ମାନେ □”

ଲାଗେଏ ପଲେଏତି ବୁଡୁ ଖେଣ୍ଡାଝାନାୟି
(ଲୁକ ୧୧:୨୪-୨୬)

୪୩ “ର ପଲୁଆ ବୁଡୁ ର ମାଣସି ତାଣାତି ହଟା ହାଜାନା ଏୟୁ ହିଲୀଆ ଚାୟୁ ବାରେ ରେଜିହଁ ଜମାଲି ଚାୟୁ ପାରିଚେ, ଇଞ୍ଜାଁ ଏଦାଆଁ ପୁଃଆଚେ,

୪୪ ଏଚେଟିଏ ଏଡି ଏଲେଇନେ, ନାନୁ ଆମିନି ଇଲୁଚି ହଟା ଖାହାମାଇଁ, ନା ଏଇଲୁତା ଖେଣ୍ଡେ ହାଇଁ; ଇଞ୍ଜାଁ ଖେଣ୍ଡା ଖାହାନା ଖାରୁଆଣି ଇଞ୍ଜାଁ ଅଜିତାଣି ମେହ୍‌ନେ □

୪୫ ଏତିବେଲା ଏଡି ହାଜାନା ତାନିକିହାଁ ଆଗାଡ଼ା ପଲୁଆଗାଟି ସାତାଗଟା ଜୀସୁୟାଁ ଆସାନା ଖାନେ, ଇଞ୍ଜାଁ ଏଝି ବାରେ ଏମ୍ପାଆଁ ହଟାନା ବାସା କିନୁ, ଅଡ଼େ ଏ ଲକୁତି ତଲିତି କସ୍ତି କିହାଁ ତାୟୁତି କସ୍ତି ହାଚେକା ଆନେ, ଇ କାଲାତି ପଲୁଆ ଗାଗାରାଇଁ ଜିକେଏ ଏଲେଆହଁ ଏ ଆନେ □”

ଜୀସୁତି ଇୟା ଅଡ଼େ ତାୟିୟାଁ
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇଁ ହାଡ଼ା ଆହିମାଗାଟି ତାନି ଇୟା ଅଡ଼େ ତାୟିୟାଁ ପାଙ୍ଗାତା ନିଗାନା ହାଡ଼ା ଆହାଲି ମନ କିହିମାଚୁ □

୪୭ ଏଚେଟିଏ ରଅସି ଖାହାନା ଜୀସୁଇଁ ଏଲେଇଚେସି, “ମେହଦୁ, ମୀ ଇୟା ଅଡ଼େ ନୀ ତାୟିୟାଁ ପାଙ୍ଗାତା ନିଗାନା ହାଡ଼ା ଆହାଲି ମନ କିହିମାନେରି □”

୪୮ ସାମା ଇ କାତା ଖେସ୍ତାଣାଇଁ ଜୀସୁ ଏଲେଇଚେସି, “ଆମ୍ପାଆୟି ନା ଇୟା ଇଞ୍ଜାଁ ଆମ୍ପାଆରି ନା ତାୟିୟାଁ ?”

୪୯ ଅଡ଼େ ସାୟୁୟାଁ ଖାକି କେୟୁ ଦାସାନା ଏଲେଇଚେସି, “ମେହଦୁ ମାୟା ଇଞ୍ଜାଁ ମା ତାୟିୟାଁ,

୫୦ ଇଚିହଁ ଆମ୍ପାଆୟି ଜିକେଏ ନା ଲାକପୁରୁତି ଆଡ଼ା କାତା ଆହ୍‌ନେସି ଏଝାସି ନା ତାୟି ଏଡି ନା ତାଜି ଅଡ଼େ ମା ଇୟା □”

୧୩

ବିଚା ମାଟିନାଣି ପୁଣ୍ଡିକିନି କାତା
(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଚି ହଟା ହାଜାନା ସାମ୍ପଦୁରି ତାକିତା ଲକୁଇଁ ଜାପୁହାଲି କୁରିଚେସି □

☆ ୧୨:୩୮ ୧୨:୩୮ ମାଟି ୧୭:୧; ମାର୍କ ୮:୧୧; ଲୁକ ୧୧:୧୭ ☆ ୧୨:୩୯ ୧୨:୩୯ ମାଟି ୧୭:୪; ମାର୍କ ୮:୧୨

୨ *ଏବେଟିଏ ହାରେକା ଲକ୍ଷ୍ମ କୁଡ଼ା ଆହାଲିଏ, ଏଝାସି ହାଜାନା ର ତଂଗତା କୁରିତେସି, ଇଞ୍ଜା ଲକ୍ଷ୍ମ ବାରେ ସାମଦୁରି ଗାତୁତା ନିଚାମାରେରି □

୩ ଅଡ଼େ ଜୀସୁ ପୁଣ୍ଡିକିନି କାତା ହାରେକା ଝେସ୍ତେସି, ଏଝାସି ଏଲେଇଚେସି □ “ମେହଦୁ ର ବିଚା ମାଟିନାସି ମାଟାଲି ହଡ଼େସି □

୪ ଏଝାସି ବିଚା ମାଟିନି ବେଲା କଚେକା ବିଚା ଜିରୁତା ରୀତେ ଇଞ୍ଜା ପଟାୟାଁ ଝାହାନା ଏ ପାଡ଼େୟି ପେରହା ତିରୁ □

୫ ଅଡ଼େ କଚେକା ବିଚା ଝାଲକାତି ପାଡ଼ାଡ଼ା ବୁମିତା ରୀତେ, ଇଞ୍ଜା ଇରଥା ଗାତି ହିଲାଆତାକି ପାଡ଼େୟି ତବେ ଗଜା ଆଡ଼େ □

୬ ସାମା ଝେଡ଼ା ହଡ଼ାଲିଏ, ଗଜା ଆହାମାଟାୟି ଝେହା ହାଚେ, ଇଞ୍ଜା ତାନି ହୀରୁ ଗାତି ଡ଼ଇକା ହାଲାଆତାକି ଝାୟାହାଚେ □

୭ ଅଡ଼େ କଚେକା ବିଚା ହାପୁକା ବୁଟା ଡ଼ଇ ରୀତେ, ଇଞ୍ଜା ହାପୁକା ବୁଟାୟାଁ ବାରେ ପାଡ଼ାଆହାନା ଆନାଁ ତାକିତି ସ୍ତୁକହାଡ଼ୁସ୍ତେ □

୮ ଅଡ଼େ କଚେକା ବିଚା ନେହୁଁ ବୁମିତା ରୀତେ, ଇଞ୍ଜା କାମାନା ର ପାଡ଼େୟିଟିଏ ପାସାକଡ଼ି, ତାନିକଡ଼ି ଇଞ୍ଜା କଡ଼େଦସ ପାଡ଼େୟିକା କାମିରୁ □”

୯ “ଆମ୍ବାଆରାକି କୀର୍କା ମାନୁ ଏଝାସି ଝେଶମ୍ବାସି □”

ପୁସ୍ତପନି ପୁଣ୍ଡିକିନାୟି

(ମାର୍ଚ୍ଚ ୪:୧୦-୧୨; ଲୁକ ୮:୯-୧୦)

୧୦ ଏମ୍ବାଟିଏ ସୀସୁୟାଁ ଜୀସୁ ତାଣା ଝାହାନା ଝେଚେରି, “ଲକ୍ଷ୍ମଣି ଜାପୁନାଟି ନୀନୁ ଏନାଆଁତାକି ପୁଣ୍ଡିକିନି କାତାୟାଁ ଝେସିହୁଁ ଜାପୁହିମାଞ୍ଜି ?”

୧୧ ଜୀସୁ ଏଲେଇଚେସି, “ଏନାଆଁତାକି ଇଚିହୁଁ ଲାକପୁରୁ ରାଜିତି ବାରେ ଡ଼ୁମାମାନି ହାଡ଼ା ପୁଞ୍ଜାଲି ମିଜେ ବାଡ଼ୁରୁ ହାପୁକି ଆହାମାଞ୍ଜାନେ, ସାମା ଏଝାରାକି ହାପୁକି ଆହା ହିଲେଏ □

୧୨ *ଇଞ୍ଜା ଏମ୍ବାଆରାକି ମାନେ, ଏଝାରାକି ହାପୁକିଆନେ ଅଡ଼େ ଏଝାଣାକି ଗାଡ଼ିଆନେ; ସାମା ଆମ୍ବାଆରାକି ହିଲେଏ ତାନିତାଣା ଏନାୟି ମାନେ, ଏନାଆଁ ଜିକେଏ ଅଢ଼ିଆନେ □”

୧୩ ଏଝାରି ମେସି ମେସିହୁଁ ମେସାଲି ଆଡ଼ଅରି, ଅଡ଼େ ଝେଞ୍ଜିଝେଞ୍ଜି ଝେନଅରି କି ପୁନଅରି; ଏନାଆଁତାକି ନାନୁ ଏଝାରାଇଁ ପୁଣ୍ଡିକିନି କାତାତଲେ ଝେସିମାଇଁ □

୧୪ ଅଡ଼େ ମାହାପୁରୁ ବଲୁ ଝେହୁନି ଜିସାୟତି ଇ କାତା ଏଝାରାକି ସାତା ଆନେ □

ଇ ଲକ୍ଷ୍ମ ଝେଞ୍ଜିଝେଞ୍ଜିହୁଁ ଝେନେରି, ଏନାଆଁ ତେଲହଅରି, ମେସି ମେସିହୁଁ ମେହୁନେରି ସାମା ଏନାଆଁ ପୁନଅରି;

୧୫ ଇଚିହୁଁ ଇ ଲକ୍ଷ୍ମତି ହିୟାଁ ଅଣପାଲି ଆଡ଼ାଆ ଗାଟାୟି,

ଏଝାରି କସ୍ତୁଟି କୀର୍କା ତଲେ ଝେଚେରି,

ଇଞ୍ଜା ତାନି କାଣକା ପଟିତେରି,

ଏନିକିଁ ଏଝାରି କାଣକା ତଲେ ମେହଅରି,

ଅଡ଼େ କୀର୍କା ତଲେ ଝେନଅରି,

ଅଡ଼େ ହିୟାଁ ତଲେ ତେଲହଅରି

ଇଞ୍ଜା ଏଝାରି ନା ତାଣା ଝେଶ୍ଟା ଝାଅରି,

ଅଡ଼େ ନାନୁ ଏଝାରାଇଁ ନେହୁଁ କିଅଁ □

୧୬ *“ସାମା ନେହେଁ ମୀ କାଣକା ଇଚିହୁଁ ଏଢ଼ି ମେସି ମାନୁ, ନେହେଁ ମୀ କୀର୍କା ଇଚିହୁଁ ଏଢ଼ି ଝେଞ୍ଜିମାନୁ □

୧୭ ଇଚିହୁଁ ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି, ଏ ବାରେ ହାରେକା ମାହାପୁରୁ ଅଣପୁତି ବଲୁ ଝେହୁନାରି ଇଞ୍ଜା ତାରିଗାଟାରି ମେସାଲି ମନ୍ କିତେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଝେଞ୍ଜିମାଞ୍ଜେରି, ଏ ବାରେ ଏଝାରି ଝେଞ୍ଜାଲି ମନ୍ କିତେରି, ସାମା ଝେଞ୍ଜାଲି ଆଡ଼ାଆତେରି □”

☆ ୧୩:୨ ୧୩:୨ ଲୁକ ୫:୧-୩ ☆ ୧୩:୧୨ ୧୩:୧୨ ମାତୃ ୨୫:୨୯; ମାର୍ଚ୍ଚ ୪:୨୫; ଲୁକ ୮:୧୮; ୧୯:୨୭ ☆ ୧୩:୧୬ ୧୩:୧୭ ଲୁକ ୧୦:୨୩,୨୪

ଜୀସୁ ବିଚା ମାଟିନି କାତା ପୁଣ୍ୟକିନାୟି

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆତିହ~ ମୀରୁ ବିଚା ମାଟିନି ପୁଣ୍ୟକିନି କାତା ୱେଷ୍ଟୁ □

୧୯ ଆମ୍ବାଆସି ମାହାପୁରୁ ରାଜିତି କାତା ୱେଷ୍ଟାନା ପୁନାଆ ଗାଟାସି, ଏଞ୍ଜାଣି ହିୟାଁତା ୱେସାମାନି ମାହାପୁରୁ ବଲୁ ସୟତାନ ୱାହାନା ମୀଞ୍ଜା ଅନେସି, ଏଞ୍ଜାସି ଜିରୁ ଦାରି ମାଟାମାନି ବିଚା ଲେହେଁତାସି □

୨୦ ଅଡେ ଆମ୍ବାଆସି ୱାଲୁକା ବୁମିତା ମାଟିତି ବିଚା ଏଞ୍ଜାସି ଇଲେତାସି, ଆମ୍ବାଆସି ମାହାପୁରୁତି କାତା ୱେଷ୍ଟାନା ରାହାଁତଲେ ନାମିନେସି,

୨୧ ସାମା ଏଞ୍ଜାଣି ତାଣା ହୀରୁ ଜାଆତାକି ଗାଡେକେଏ ତାରିଆହାନା ମାନେସି, ତାୟୁ ମାହାପୁରୁ କାତାତାକି ବାଦା ଅଡେ ନିନ୍ଦା ବେଟାଆଡିସାରେ ଏ ବାରେ ପିସାଡୁହନେସି, ଏଞ୍ଜାସି ୱାଲୁକା ବୁମିତା ରିତି ବିଚା ଲେହେଁତାସି □

୨୨ ଆମ୍ବାଆସି ମାହାପୁରୁତି କାତା ୱେନେସି, ଇଞ୍ଜା ଦାଡତିତି ଅଣପୁ ଦନତି ଜୁପକା ଏଞ୍ଜାସି ୱେଷ୍ଟାନାମାନି କାତାତି ସ୍ତୁକହା ତୁସାଲିଏ, ତାନି ଜୀଞ୍ଜୁତା ପାଡେୟି କାମ୍ବାଆତେ, ଏଞ୍ଜାସି ହାପୁକା ବୁଟା ଡଳ ରିତି ବିଚା ଲେହେଁତାସି □

୨୩ ସାମା ଆମିନିଗାଟାସି କାତାତି ୱେନେସି ଇଞ୍ଜା ନେହ~କ~ ପୁନେସି, ଅଡେ ନେହ~ ପାଡେୟି କାମ୍ବିନେସି, ଆମ୍ବାଆସି ପାସାକଡି, ଆମ୍ବାଆସି ତାନିକଡି, ଆମ୍ବାଆସି କଡେଦସ ପାଡେୟିକା, ଏଞ୍ଜାସି ନେହ~ ବୁମିତା ରିତି ବିଚା ଲେହେଁତାସି □

ଚଲି ଜାଡାତି ପୁଣ୍ୟକିନି କାତା

୨୪ ଜୀସୁ ଏଞ୍ଜାରାଇଁ ଅଡେ ର ପୁଣ୍ୟକିନି କାତା ୱେସ୍ତେସି, ଲାକପୁରୁ ରାଜି ରଅସି ତାନି ଗୁଡିୟାତା ନେହ~ ବିଚା ମାଟାମାନି ମାଣସିଲେହେଁ;

୨୫ ସାମା ଲକୁ ତୁରାମାନାଟି ତାନି ସାଡୁ ୱାହାନା ଏ ଗହଁୟାଁ ବିତ୍ତା ଚଲି ଜାଡାତି ବିଚା ମାଟାନା ହାଚେସି □

୨୬ ଏଚିବେଲା ଗହଁୟାଁ ପାତାଆହାନା ଜେକା ଆନିବେଲା ଚଲି ଜାଡା ଜିକେଏ ତଞ୍ଜାଆଡେ □

୨୭ ଏଚେଟିଏ ସାଞ୍ଜୁକାରିତି ହଲିୟାଜା ତାନି ତାଣା ୱାହାନା ଏଲେଇଚେରି, ବାବୁ, ନୀନୁ ଏଦାଆଁ ନୀ ଗୁଡିୟାତା ନେହ~ ବିଚା ମାଟା ହିଲାଆତି ? ସାମା ଇ ଚଲି ଜାଡା ବାରେ ଏମ୍ବିତି ୱାଡେ ?

୨୮ ଏଞ୍ଜାସି ଏଞ୍ଜାରାଇଁ ଏଲେଇଚେସି, ର ସାଡୁ ଇଦାଆଁ କିହାମାନେସି □ ଅଡେ ହଲିୟାଜା ଏଞ୍ଜାଣାଇଁ ଏଲେଇଚେରି, ନୀ ମନ ଏନାୟି, ମାମ୍ବୁ ହାଜାନା ଚଲି ରେଜାନା କୁଡି କିନିମି,

୨୯ ସାମା ଏଞ୍ଜାସି ଏଲେଇଚେସି, ଆଏ ଏଚେଡା ମୀରୁ ଚଲି ଜାଡା ରେଜି ରେଜିହ~ ଗହଁୟାଁ ଜିକେଏ ରେଜେରି □

୩୦ ଗହଁ ଦାଃନି ପାଡେକା ଗହଁ ଅଡେ ଚଲି ଜାଡା ରହେଁଏ ପାତାଆପୁ, ଅଡେ ଆନା ଦାଃନି ବେଲାତା ଦାଃଆନାରାଇଁ ନୀନୁ ଏଲେଇଇଁ, ତଲିଏ ଚଲି ଜାଡା ଦାଟାନା ହୁଡାଲିତାକି ପେଣ୍ଡାୟାଁ ଏଡକା କିପୁ, ସାମା ଗହଁୟାଁ କୁଡି କିହାନା ନା ଗାଡେୟିତା ଇଟାପୁ □

ହାସୁ ପାଡେୟିତି ପୁଣ୍ୟକିନାୟି

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଞ୍ଜାରାଇଁ ଅଡେ ର ପୁଣ୍ୟକିନି କାତା ୱେସ୍ତେସି, ଲାକପୁରୁ ରାଜି ର ହାସୁ ପାଡେୟି ଲେହେଁତାୟି, ଏଦାଆଁ ଅହାନା ରଅସି ତାନି ବାଡାତା ମାଟିଚେସି □

୩୨ ଏ ପାଡେୟି ବାରେ ପାଡେୟିକା କିହାଁ ଉଣା, ସାମା ଏଡି ପାତା ଆଡିସାରେ ବାରେ କୁଟା କିହାଁ କାଜାୟି ଆହାଁ ଇଲେତି ମାରୁନୁ ଆନେ, ଇଞ୍ଜା ହାଗୁତା ଉମ୍ବିମାନି ପଟାୟାଁ ୱାହାନା ଏଦାନି କମାତା ବଣ କିହାନା ବାସା କିନୁ □

ପୁଲା ଏୟୁତି ପୁଣ୍ୟକିନାୟି

(ମାର୍କ ୧୩:୨୦-୨୧)

୩୩ ଜୀସୁ ଏଞ୍ଜାରାଇଁ ଅଡେ ର ପୁଣ୍ୟକିନି କାତା ୱେସ୍ତେସି, ଲାକପୁରୁ ରାଜି ର ପୁଲା ଏୟୁଲେହେଁତାୟି; ର ଇୟା ଗହଁୟାଁ ଗୁଣ୍ଡାତା ପୁଲାଏୟୁ କାଲହାନା ଇଚିଚେ, ଏଚେଟିଏ ଏ ଗୁଣ୍ଡା ପଜାମା ବାରେ ପୁଲା ଆଡେ □

ଜୀମ୍ବୁ ପୁଣ୍ୟକିନି କାତାତି ଅର୍ତ୍ତ ଝେହ୍ନାୟି

(ମାର୍କ ୪:୩୩-୩୪)

୩୪ ଈ ବାରେ ପୁଣ୍ୟକିନି କାତାତଲେ ଜୀମ୍ବୁ ଲକ୍ଷଣି ଝେହ୍ନେସି, ଇଞ୍ଜା ପୁଣ୍ୟକିନି କାତା ଆବ୍‌ଆନା ଏନାଆଁଝା ଲକ୍ଷଣି ଝେସି ହିଲ୍‌ଆତେସି,

୩୫ ଏନିକ୍ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍ନାଣି ତାଣ୍ଡାଟି ଈ କାତା ସାତା ଆନେ,
“ନାମୁ ନା ଗୁତି ଏକ୍‌ହାନା ପୁଣ୍ୟକିନି କାତାତଲେ ଝେହ୍‌ଇଁ;

ଦାବ୍‌ତି ଗାଡ଼ି ଆଡ଼ି ଦିନାଟିଏ ତୁଗ୍‌ମାନି କାତା ବାରେ ଝେହ୍‌ଇଁ □”

ଜୀମ୍ବୁ ଚଲି ଜାଡ଼ାତି ପୁଣ୍ୟକିନି କାତାତି ଅର୍ତ୍ତ ଝେହ୍ନାୟି

୩୬ ତାୟୁ ଜୀମ୍ବୁ ମାନ୍ଦା ଲକ୍ଷଣି ପିସାନା ଇଲ୍ଲୁ ବିତ୍ତା ହାଚେସି, ଇଞ୍ଜା ତାମି ସୀମୁୟାଁ ତାଗେ ଝାହାନା ଏଲେଇଚେରି, “ଗୁଡ଼ିୟାତି ଚଲି ଜାଡ଼ାତି ପୁଣ୍ୟକିନି କାତା ମାଙ୍ଗେ ନେହ୍‌କ୍ ଝେସ୍‌ସାମୁ □”

୩୭ ଜୀମ୍ବୁ ଏଲେଇଚେସି, “ନେହ୍‌ ବିଚା ମାଟିନାସି ଏଝାସି ମାଣସି ମୀରୁଏସି;

୩୮ ଈ ଦାବ୍‌ତି ଆହିମାନେ ଗୁଡ଼ିୟା, ନେହ୍‌ ବିଚା ମାହାପୁରୁ ରାଜିତି ମୀରୁକା ମାସ୍‌କା; ଚଲି ଜାଡ଼ା ସୟତାନତି ମୀରୁକା ମାସ୍‌କା;

୩୯ ଆମିନି ସାତୁ ଏଦାଆଁ ମାଟିଚେସି ଏଝାସି ସୟତାନ; ଆନାଁ ଦାଃନି ଦିନା ଇତିହ୍‌ ଜୁଗୁ ରାନ୍ତି ଦିନା, ଇଞ୍ଜା ଆନାଁ ଦାଃଆନାରି ମାହାପୁରୁତି ଦୁତୁୟାଁ □

୪୦ ଇତିହ୍‌ ଚଲି ଜାଡ଼ାତି ଏନିକ୍ ର.ତାଣା କୁଡ଼ି କିହାନା ହିରୁତା ହୁଡିନାୟି, ଜୁଗୁ ରାନ୍ତି ଦିନାତା ଜିକେଏ ଏଲେକିହ୍‌ ଆନେ □

୪୧ ମାଣସି ମୀରୁଏସି ତାନି ଦୁତୁୟାଁଣି ପାଣ୍ଡିନେସି, ଇଞ୍ଜା ଏଝାରି ତାନି ରାଜିତି ବାରେ ଲାଗେଏ ପଲେଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି □

୪୨ ଅଡ଼େ ଏଝାରାଇଁ ହିରୁ ଗାଡ଼ୁୟୁତା ମେଡ଼ନେରି, ଏଦାଆଁ ଏଝାରି ଡ଼ାହ୍‌ ପାଲ୍‌କା ଚୀଟି କିନେରି □

୪୩ ଏଚିବେଲ୍‌ ତାରିଗାଟାରି ତାମି ଆଦା ରାଜିତା ଝେଡ଼ାଲେହେଁ ଡ଼ାଞ୍ଜିହ୍‌ ତଞ୍ଜାଆନେରି □
ଆଦାଆରାକି କୀର୍କା ମାନ୍ଦୁ ଏଝାରି ଝେଶ୍‌ମାରି □”

ତୁଗ୍‌ମାନି ଦନ ପୁଣ୍ୟକିନି କାତା

୪୪ “ଲାକପୁରୁ ରାଜି ଗୁଡ଼ିୟାତା ତୁଗ୍‌ମାନି ଦନ ଲେହେଁତାୟି, ରଅସି ଏଦାଆଁ ମେସାନା ତୁକୁହା ଇଚିଚେସି, ଅଡ଼େ ରାହ୍‌ଟି ହାଜାନା ତାନି ଇସିତାସି ଆସ୍ତି ପାର୍‌ତାନା ଝେଣ୍ଡେ ହାଜାନା ଏ ଗୁଡ଼ିୟାତି କଡିଚେସି □”

ଦାରାଗାଟି ଅପ୍‌ନି ଝାଲିତି ପୁଣ୍ୟକିନି କାତା

୪୫ “ଅଡ଼େ ଲାକପୁରୁ ରାଜି ନେହ୍‌ ଅପ୍‌ନି ଝାଲି ପାରିମାନି ର ବେବାରା କିନାଣିଲେହେଁ □

୪୬ ର ଦାରାଗାଟି ଅପ୍‌ନି ଝାଲି ମେସାନା ଏଝାସି ହାଜାନା ତାନି ଇସିତାସି ଆସ୍ତି ପାର୍‌ତାନା ଏ ଅପ୍‌ନି ଝାଲିତି କଡିଚେସି □”

ମୀଣକା ଆହ୍‌ନି ଜାଲ୍‌ାତି ପୁଣ୍ୟକିନି କାତା

୪୭ “ଅଡ଼େ ଜିକେଏ ଲାକପୁରୁ ରାଜି ସାମ୍‌ଦୁରିତା ବାରେ କୁଡ଼ାତି ମୀଣକା ଆସାଲି ମେଡ଼ନି ଜାଲ୍‌ା ଲେହେଁତାୟି □

୪୮ ଏ ଜାଲ୍‌ା ନେଞ୍ଜାଲିଏ ମୀଣକା ଆହ୍‌ନାରି ଏଦାଆଁ ସାମ୍‌ଦୁରି ଗାଟୁତା ରେଜା ତାନେରି, ଇଞ୍ଜା କୁଗାନା ନେହ୍‌ଆଁ ବାରେ ରୁଣ୍ଡା କିହାନା ଡିରିତା ଇଚିନେରି, ସାମା ଲାଗେଏ ପଲେଏ ଗାଟାଆଁ ବାରେ କୁତା ତୁହ୍‌ନେରି □

୪୯ ଜୁଗୁ ରାନ୍ତି ଦିନାତା ଏଲେକିହ୍‌ ଆନେ; ଦୁତୁୟାଁ ହଡ଼ାଝାହାନା ତାରିଗାଟାରି ତାଣ୍ଡାଟିଏ ଲାଗେଏ ପଲେଏତାରାଇଁ ଏଡ଼କା କିନେରି □

୫୦ ଅଡ଼େ ଏଝାରାଇଁ ହିରୁ ଗାଡ଼ୁୟୁତା ମେଡ଼ହା ତୁହ୍‌ନେରି, ଏଦାଆଁ ଡ଼ାନାୟି ଅଡ଼େ ପାଲ୍‌କା ଚୀଟି କିନାୟି ଆନେ □”

ପୁଃଆଣି ଅଡ଼େ ପୁଃନାଣି ଜାପ୍‌ନାୟି

୫୧ ଜୀମ୍ବୁ ସୀମୁୟାଁଇଁ ଝେଚେସି, “ମୀରୁ ଈ ବାରେ କାତା ପୁଚେରି ?”

ଏଞ୍ଜାରି ଏଲେଇଚେରି, “ହାଅ ପ୍ରବୁ □”

୫୭ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆଡିହ୍ ଆମିନି ଇଲୁଗାଟାସି ତାନି ଇଲୁଟି ପୁଃନାଣି ପୁଃଆଣି ହପ୍ତେନସି, ଲାକପୁରୁ ରାଜିତି ସୀସୁ ଆହାମାନି ବାରେ ଫୋରା ପୁନାରି ଏଞ୍ଜାଣି ଲେହେଁତାରି □”

ଜୀସୁଇଁ ନାଜ୍‌ରିତତା ଅପାଆଗାଗାୟି

(ମାର୍କ ୬:୧-୬; ଲୁକ ୪:୧୬-୩୦)

୫୮ ଜୀସୁ ଇ ବାରେ ପୁଣ୍ଡିକିନି କାତା ଝେସାଲି ଆଡାଲିଏ, ତାୟୁ ଏମ୍ବାଟିଏ ହାଚେସି □

୫୯ ଇଞ୍ଜାଁ ଏଞ୍ଜାସି ତାନୁ ପାତାଆଡି ନାୟୁଁତା ଝାହାନା ଲକୁଣି ତାନି ଜୀହୁଦି ଲକୁଟି କୁଟମି ଇଲୁତା* ଇଲେକିହ୍ ଜୀପୁହେସି, ଇଞ୍ଜାଁ ଏଞ୍ଜାରି କାବାଆହାନା ଏଲେଇଚେରି, “ଇଞ୍ଜାଣାକି ଇଲେଟି ବୁଦି ଇଞ୍ଜାଁ ଇଲେଟି କାବାଆନ୍ତି କାମା କିହାଲି ଆମ୍ବିଟି ବାଡ଼ୟୁ ବେଟାଆଡେସି ?

୬୦ ଇଞ୍ଜାସି ଏ ବାଡିୟାଡି ମାର୍‌ଏସି ଆଏକି ? ଇଞ୍ଜାଣି ଇୟା ମରିୟମ ଆଏ ? ଅଡେ ଇଞ୍ଜାଣି ତାୟୁୟା ଦରକା ଜାକୁବ, ଜସେପ, ସିମନ ଇଞ୍ଜାଁ ଜୀହୁଦା ଆଏ ?

୬୧ ଅଡେ ଇଞ୍ଜାଣି ତାଜିୟା ମା ତଲେ ହିଲାର ? ଇଞ୍ଜାହାଁ ଇଞ୍ଜାସି ଏ ବାରେ ଆମ୍ବିଟି ଫେଡାଆଡେସି ?”

୬୨ ଇଞ୍ଜାଁ ଏଞ୍ଜାରି ଜୀସୁଇଁ ଅପାଆଡେରି □ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣ୍ଡପୁଡି ବଲୁ ଝେହ୍‌ନାରି ନିଜେଡି ନାୟୁଁତା ଇଞ୍ଜାଁ ନିଜେଡି ଇଲୁ କୁଟମିତା ମାନ୍ତି ପୁଃଅରି □”

୬୩ ଅଡେ ଏଞ୍ଜାରି ନାମାଆତାକି ଏଞ୍ଜାସି ଏମ୍ବାଆଁ ହାଚେରକା କାବାଆନ୍ତି କାମା କିଆଡେସି □

୧୪

ବାପ୍ତିସ୍ମା* ହାନି ଜହନ ହାନାୟି

(ମାର୍କ ୬:୧୪-୨୯; ଲୁକ ୯:୭-୯)

୧ ଏଡିବେଲାତା ଗାଲିଲିଡି ସାଲୁଝି କିନି ରାଜା ହେରଦ ଜୀସୁଡି କାବୁ ଝେଚେସି,

୨ ଅଡେ ତାନି ହଲିୟାଜାଣି ଏଲେଇଚେସି, “ଇଞ୍ଜାସି ବାପ୍ତିସ୍ମା* ହାନି ଜହନ ଏଞ୍ଜାସି ହାଡାରି ତାଣାଟି ନିଜାମାନେସି, ଏଡାଆଁତାକି ଇ ବାରେ ବାଡ଼ୟୁ ଏଞ୍ଜାଣି ତାଣା କାମା କିହିମାନେ □”

୩ ଇଚିହ୍ ତଲି ହେରଦ ତାନି ତାୟି ପିଲିପ ତକ୍ତି ହେରଦିୟାନି ତାକି ଜହନଇଁ ଦସ୍‌ପା ତାଚାନା କାୟିଦି ଇଲୁତା ଇଟାମାଚେସି □

୪ ଇଚିହ୍ ଜହନ ତାଜା ଏଲେଇଞ୍ଜିମାଚେସି, ହେରଦିୟାନି ଇଚିନାୟି ନୀ ଫୋରା ହିଲେଏ □

୫ ଅଡେ ହେରଦ ଏଞ୍ଜାଣାଇଁ ପାୟାଲି ମନ କିଡି ଜିକେଏ ଲକୁଣି ଆଜିମାଚେସି, ଏନାଆଁତାକି ଇଚିହ୍ ଏଞ୍ଜାଣାଇଁ ର ମାହାପୁରୁ ଅଣ୍ଡପୁଡି ବଲୁ ଝେହ୍‌ନାସି ଇଞ୍ଜାଁ ମାନ୍ତି କିହିମାଚେରି □

୬ ସାମା ହେରଦଡି ଜାନ୍‌ନା ଦିନା ଝାହାଲିଏ, ହେରଦିୟାଡି ତାଜାମା ରୁଣ୍ଡା ଆହାମାଟି ଲକୁ ନକିତା ଏନ୍‌ନାନା ହେରଦଇଁ ରାହାଁ କିଞ୍ଜିକେତେ □

୭ ଏଚେଟିଏ ଏଞ୍ଜାସି ପାରମାଣା କିହାନା ଆଞ୍ଜିଚେସି, ନୀନୁ ନାଜେ ଏନାଆଁ ରୀସ୍ତାଡିହ୍ ଏଡି ନିଜା ହୀପୁକିଆଡେନ □

୮ ଇଞ୍ଜାଁ ଏଡି ତାନି ଇୟାନି କାତା ଆସାହାଁ ଏଲେଇଚେ, “ବାପ୍ତିସ୍ମା* ହାନି ଜହନଡି ତାୟୁଁ ନୁନାଏଁ ଇମ୍ବାଆଁ ର ସାଡ଼ଝାତା ନାଜେ ହିୟାମୁ □”

୯ ଇଦାଆଁ ଝେଞ୍ଜାନା ରାଜା ଦୁକୁ ଆଡିହ୍ ଜିକେଏ ତାନୁ ପାରମାଣା କିହାଁ ଆଞ୍ଜାମାଟାକି ଅଡେ ତାନିତଲେ ବଜିତା କୁଗାମାଟାରି ନକିତା ଆଞ୍ଜାମାଟାକି ଏଡାନି ମନଲେହେଁ ହାହାଲି ହୁକୁମି ହାଚେସି □

୧୦ ଇଞ୍ଜାଁ ଲକୁଣି ପାଣ୍ଡାନା କାୟିଦି ଇଲୁତା ଜହନଡି ତାୟୁଁ ଦାପିକିଚେସି,

୧୧ ଅଡେ ଏଞ୍ଜାଣି ତାୟୁଁ ର ସାଡ଼ଝାତା ତାଚାନା ଏ ପଦାକି ହାଚେରି, ଇଞ୍ଜାଁ ଏଡି ଅହାନା ତାନି ଇୟାନି ତାଣା ଅଡେ □

୧୨ ଏଚେଟିଏ ଜହନଡି ସୀସୁୟାଁ ଝାହାନା ମାଡ଼ହା ଅହାନା ମୁସ୍ତେରି, ଅଡେ ହାଜାନା ଜୀସୁଇଁ ଝେସ୍ତେରି □

* ୧୩:୫୪ ୧୩:୫୪ ସିନଗର ☆ ୧୩:୫୭ ୧୩:୫୭ ଜହ ୪:୪୪ * ୧୪: ୧୪:୧ ମୁଞ୍ଜିନାୟି † ୧୪:୭ ୧୪:୭ ମୁଞ୍ଜିନାୟି ☆ ୧୪:୩ ୧୪:୩ ଲୁକ ୩:୧୯,୨୦ ‡ ୧୪:୮ ୧୪:୮ ମୁଞ୍ଜିନାୟି

ଜୀସୁ ପାସାମାଣା ଲକ୍ଷ୍ମି ତିଞ୍ଜାଲି ହୀନାୟି

(ମାର୍କ ୭:୩୦-୪୪; ଲୁକ ୯:୧୦-୧୭)

୧୩ ଜହନ ହାଡ଼ି କାତୁ ଖେଞ୍ଜାନା, ଜୀସୁ ର ତଂଗତା କୁଗାନା ଲକ୍ଷ୍ମ ହିଲାଆ ଚାୟୁତା ହାଚେସି, ଲକ୍ଷ୍ମ ଇ କାତା ଖେଞ୍ଜାନା ଗାଡ଼ାୟିତି ଖାହାନା ତାକି ତାକିହିଁ ଏଞ୍ଜାଣି କେଟ ହାଚେସି;

୧୪ ଅଡେ ଏଞ୍ଜାସି ତଂଗତି ରେଚାନା ମାନ୍ଦା ଲକ୍ଷ୍ମି ମେସାନା କାର୍ମା ଆହାନା ଏଞ୍ଜାରି ରଡ଼ ଗାଗରାଇଁ ନେହିଁ କିତେସି □

୧୫ ଖେଡ଼ା ହାଜାଲିଏ ତାନି ସୀସୁୟାଁ ତାନି ତାଣା ଖାହାନା ଏଲେଇଚେସି, “ଇ ଚାୟୁ ଲକ୍ଷ୍ମ ହିଲାଆ ଚାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ; ଏଦାଆଁତାକି ବାରେ ଲକ୍ଷ୍ମ ଏନିକିଁ ନାୟକାଣାଁ ହାଜାନା ତାମ୍ବେ ତାକି ଲହଡ଼ି ପାରିନେରି, ଏଦାଆଁତାକି ଏଞ୍ଜାରାଇଁ ହାଜାଲି ହେଲ ହୀମୁ □”

୧୬ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ଏଞ୍ଜାରି ହାନି ଲଡ଼ା ଆଏ, ମୀରୁ ଏଞ୍ଜାରାକି ତିଞ୍ଜାଲି ହୀମୁ □”

୧୭ ଏଞ୍ଜାରି ଏଞ୍ଜାଣାଇଁ ଏଲେଇଚେସି, “ମାଜେ ଇମ୍ବାଆଁ ପାସାଗଟା ରୁଟି ଇଞ୍ଜା ରୀ ମୀଣକା ମାମୁ □”

୧୮ ଜୀସୁ ଏଞ୍ଜାରାଇଁ ଏଲେଇଚେସି, “ଏଞ୍ଜାଆଁ ଇମ୍ବାଆଁ ନା ତାଣା ତାମୁ □”

୧୯ ଅଡେ ଏଞ୍ଜାସି ଲକ୍ଷ୍ମି ଗାକିଁ ଜାଡ଼ା ଲାକ କୁଗାଲି ହୁକୁମି ହୀଚେସି, ଅଡେ ଏ ପାସାଗଟା ରୁଟି ଇଞ୍ଜା ରୀ ମୀଣକାଣି ଅହାନା ଲାକପୁରୁ ଖାକି ସିନିକିହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ଡିକିହାନା ତାନି ସୀସୁୟାଁକି ହୀଚେସି, ଏଚେଟିଏ ସୀସୁୟାଁ ବାରେ ଲକ୍ଷ୍ମି ହୀଚେସି □

୨୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିଚେସି, ଇଞ୍ଜା ସୀସୁୟାଁ ହାରାମାଟି ରୁଟି ଗାଣ୍ଡାୟାଁ କୁଡ଼ି କିହାନା ବାରଗଟା ତାଲିତା ନେଞ୍ଜିକିତେସି □

୨୧ ରାନ୍ଦା ତିତି ଲକ୍ଷ୍ମ ଇୟାସିକା ଇଞ୍ଜା କକାରି ପଦାଁଣି ପିସାନା ବାରେ ପାସାମାଣା ଆଦାୟାଁ ମାଚେରି □

ଜୀସୁ ଏୟୁ ଲାକ ତାକିନାୟି

(ମାର୍କ ୭:୪୫-୫୨; ଜହ ୭:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସୀସୁୟାଁଣି ତଂଗତା ଏକହାନା ସାମ୍ବୁରି ଆତାଲାଞ୍ଜାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକ୍ଷ୍ମି ହାଜାଲି ହେଲ ହୀଚେସି □

୨୩ ଜୀସୁ ଲକ୍ଷ୍ମି ହେଲ ହୀତି ତାୟୁ ପ୍ରାତାନା କିହାଲି ହରୁ ଲାକ ହାଚେସି, ଇଞ୍ଜା ମିଡ଼ିଲ୍ଲା ଆହାଲିଏ ଏଞ୍ଜାସି ଏମ୍ବାଆଁ ରଅସିଏ ମାଚେସି □

୨୪ ସାମା ଏଚିବେଲା ତଂଗ ସାମ୍ବୁରି ଗାଟୁଟିଏ ହାରେକା ହେକ ମାଚେ, ଇଞ୍ଜା ସାମ୍ବୁରିତା ଗାଲି ଖେଚାଲିଏ ଏ ତଂଗ ଖୀତିମାଚେ □

୨୫ ସାମା ଖେୟା ନେକେରି ଜୀସୁ ଏୟୁ ଲାକ ତାକି ତାକିହିଁ ସୀସୁୟାଁ ତାଗେ ହାଚେସି □

୨୬ ଅଡେ ସୀସୁୟାଁ ଏଞ୍ଜାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାଚେସି, ଇଞ୍ଜା ଏଲେଇଚେସି, “ଇଦି ର ବୁଡୁ!” ଇଞ୍ଜା ଆଜିତାକି କିରଡ଼ିଚେସି □

୨୭ ସାମା ଜୀସୁ ଦେବୁଣିଏ ଏଞ୍ଜାଣାଇଁ ଏଲେଇଚେସି, “ସାସା ଆହଦୁ ଆଜାଆଦୁ ନାନୁ ଜୀସୁଚେସିଁ □”

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାଚେଏ ନୀନୁ ଇଚିହିଁ ଏୟୁଲାକଟି ତାକିହିଁ ନୀପ ଖାହାଲି ହୁକୁମି ହିୟାମୁ □”

୨୯ ଜୀସୁ ଏଲେଇଚେସି “ଞ୍ଜାମୁ!” ଏଚେଟିଏ ପିତର ତଂଗତି ରେଚାନା ଜୀସୁ ତାଣା ଏୟୁଲାକଟି ତାକିହିଁ ହାଚେସି □

୩୦ ସାମା ଗାଲି ମେସାନା ଆଜିଚେସି, ଇଞ୍ଜା ଏୟୁଣାଁ ମୁଞ୍ଜିହିଁ ଏଲେଇଚେସି, “ଏ ପ୍ରବୁ ନାଜେ ଗେଲ୍ପାମୁ □”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇଚେସି, “ଏ ଉଣା ନାମୁ ଗାଗାଟି! ଏନାଆଁ ତାକି ଆନାମାନା ଆଡ଼ି ?”

୩୨ ଅଡେ ଏଞ୍ଜାରି ତଂଗତା ହଚାଲିଏ ଗାଲି ତୁଞ୍ଜିଚେ □

୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେସି, “ନୀନୁ ସାଚେଏ ମାହାପୁରୁ ମୀରୁଏଣାଟି □”

ଗେନେସର ରାଜିତା ଜୀସୁ ରଗ ଗାଟାରାଇଁ ନେହଁ କିନାୟି

(ମାର୍କ ୭:୫୩-୫୭)

୩୪ ଏଞ୍ଜର ସାମୁଦୁରି ଗାଣ୍ଡାତାନା ଗେନେସର ରାଜିତା ଏତେରି □

୩୫ ଅଡ଼େ ଏମ୍ବାତି ଲକ୍ଷୁ ଜୀସୁଇଁ ପୁଞ୍ଜାନା ସାରିଞ୍ଜାକି ମାନି ବାରେ ରାଜିତା କାବୁ ପାଣ୍ଡିତେରି, ଇଞ୍ଜା ଲକ୍ଷୁ ବାରେ ରଗ ଗାଟାରାଇଁ ଜୀସୁ ତାଣା ତାତେରି;

୩୬ ଅଡ଼େ ରଗ ଗାଟାରି ଜୀସୁତି ହିମ୍ବୁରି କୁଞ୍ଜୁ ତାରିନେରି, ଏଦାଆଁତାକି ଜୀସୁଇଁ ବାତିମାଲିତେରି, ଇଞ୍ଜା ଏତେକା ଲକ୍ଷୁ ତାରିତେରି ବାରେ ନେହଁ ଆଡ଼େରି □

୧୫

ଆକୁ ଆବାୟାଁ ମେରା ଜାପୁନାୟି

(ମାର୍କ ୭:୧-୧୩)

୧ ଏତିବେଲାତା ଜିରୁସାଲମତି ପାରୁସିୟାଁ ଇଞ୍ଜା ମେରାପୁନାରି ଜୀସୁ ତାଣା ଖାହାନା ଏଲେଇତେରି,

୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପୁହି ମେରା ମାନି କିହିହିଲଅରି ? ଇତିହିଁ ରାନ୍ଦା ତିନାଟି କେସ୍ତା ନରୁଅରି □”

୩ ଜୀସୁ ଏଞ୍ଜରାଇଁ ଏଲେଇତେସି, “ଏନାଆଁତାକି ମୀରୁ ଜିକେଏ ମୀ ପାଣ୍ଡାପାରୁ ମେରାତାକି ମାହାପୁରୁତି ହୁକୁମି ମାନୁଡ଼ି ଆହି ହିଲଅତେରି ?”

୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନି କିପୁ, ଇଞ୍ଜା ଆମ୍ବାଆସି ଇୟା କି ଆବାଇଁ ବାକା ଇତିନେସି ଏଞ୍ଜାସି ହାନି ତଣ୍ଡ ବେଟା ଆନେସି □

୫ ସାମା ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ଆଡ଼େସି ତାମି ଇୟା କି ଆବାଇଁ ଏଲେଇନେସି, ନା ତାଣାଟି ମିଜେ ଏନାଆଁ ହିୟାତିହିଁ ନେହେଁ ଆଡ଼େମା, ଏ ବାରେ ମାହାପୁରୁକି ହେରୁପି ଆହାମାନେ,

୬ ଏଞ୍ଜାସି ସାତେଏ ତାମି ଇୟା ଆବାଇଁ ମାନି କିଅସି □ ଇଲେକିହିଁ ମୀରୁ ମୀ ପାଣ୍ଡାପାରୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି □

୭ ଆଡ଼େ କୁଟୁ ଗାଟାତେରି, ମାହାପୁରୁ ଅଣପୁତି ବଲୁ ଖେହ୍ନି ଜିସାୟ ମିଜେତାକି ନେହଁ କିଁ ଇ କାତା ଖେସାମାନେସି □

୮ ଇ କୁଡାତାରି ଖାରଇ ଗୁତି ତଲେ ସେବା କିୟାନେରି,

ସାମା ଏଞ୍ଜାରି ହିୟାଁ ନା ତାଣାଟି ହେକ ଡ଼ୟିନେ □

୯ ଏଞ୍ଜାରି ମାଣ୍ଡସି କେପିତି ପାଣା ପାରୁତି ଦାମୁତି ନେହଁ କାତା ଇଞ୍ଜାଁ ଜାପୁହାନା, ଉଜେଏ ନାଜେ ସେବା କିହିମାଞ୍ଜାନେରି □

ମାଣ୍ଡସିଇଁ ଲାଗେଏ କିନାୟି

(ମାର୍କ ୭:୧୪-୨୩)

୧୦ ଅଡ଼େ ଜୀସୁ ଲକ୍ଷୁଣି ତାଗେ ହାଟାନା ଏଞ୍ଜରାଇଁ ଏଲେଇତେସି, “ଖେଞ୍ଜୁ ଇଞ୍ଜା ପୁଞ୍ଜୁ □”

୧୧ ମାଣ୍ଡସି ଗୁତି ବିତ୍ରା ଏନାୟି ହଡ଼ନେ ଏଦି ଏଞ୍ଜାଣାଇଁ ଲାଗେଏ କିଏ, ସାମା ଗୁତି ବିତ୍ରାଟି ଏନାୟି ହଡ଼ନେ ଏଦି ମାଣ୍ଡସିଇଁ ଲାଗେଏ କିନେ □

୧୨ ଏତିବେଲା ସୀସୁୟାଁ ଜୀସୁ ତାଣା ଖାହାନା ଏଲେଇତେରି, ପାରୁସିୟାଁ ଇ କାତା ଖେଞ୍ଜାନା କସ୍ତ ବେଟାଆହି ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇତେସି, “ନା ଲାକପୁରୁତି ଆବା ଆମିନି ମୀରୁନୁ ଉହା ହିଲଅସି ଏ ବାରେ ରେଡ଼ି ଆନୁ □”

୧୪ ପାରୁସିୟାଁ କାତା ଖେନାଆଦୁ, ଏଞ୍ଜାରି କାଣାୟାଁ ଆହାନା କାଣାୟାଁଇଁ ଜିରୁ ତହ୍ନେରି, ଇଞ୍ଜା କାଣା ଅର କାଣାଇଁ ଜିରୁ ତସିହିଁ ରିଆରି ଜିକେଏ ଗାଡ଼ୁୟାତା ତରୁଗିନେରି □

୧୫ ପିତର ଏଲେଇତେସି, “ଏ ପୁଣ୍ଡିକିନି କାତା ମାଜେ ଖେସ୍ତାମୁ □”

୧୬ ଜୀସୁ ଏଲେଇତେସି, “ମୀରୁ ଜିକେଏ ନୀଏଁ ପାତେକା ପୁନାଆ ଗାଟାତେରି ?”

୧୭ ଏନାୟି ଗୁତିଟି ହଡ଼ନେ ଏଦି ବାଣ୍ଡିତା ହାଜାନା ଏଦି ବାଣ୍ଡିହାନିଲେହେଁ ହଡ଼ା ହାନେ, ଇଦାଆଁ ପୁଞ୍ଜି ହିଲଅତେରି ?

☆ ୧୫:୧୪ ୧୫:୧୪ ଲୁକ ୭:୩୯

୧୮ *ସାମା ଗୁଡ଼ିଚି ଏନାୟି ହଡ଼ିମାନେ ଏଦି ହିୟାଚି ହଡ଼ିମାନେ ଏଦିଏ ମାଣ୍ଡିସିଲ୍ ଲାଗେଏ କିହିମାନେ
□

୧୯ ଇଚିହ୍ ହିୟାଚି ଲାଗେଏଚି ଅଣ୍ଡୁ ହନେ, ଇଚିହ୍ ଲକ୍ଷ୍ମଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି, ସରୁ କାମା କିହାଲି, ମିଚି ସାକି ହାହାଲି ଇଞ୍ଜା ନିନ୍ଦା କାତା ଜଲ୍ଲାଲି;

୨୦ ଇ ବାରେ କାମା ମାଣ୍ଡିସିଲ୍ ଲାଗେଏ କିନେ, ସାମା କେୟୁ ନରଥାନା ତିନାୟି ମାଣ୍ଡିସିଲ୍ ଲାଗେଏ କିଏ □

ର ଇୟାନି ନାମୁ
(ମାର୍କ ୭:୨୪-୩୦)

୨୧ ଜୀସୁ ଏ ଟାୟୁ ପିସାନା ସର ଅଡ଼େ ସିଦନ ରାଜିତା ହାଚେସି □

୨୨ ଅଡ଼େ ମେହ୍ଦୁ ଏ ହାନ୍ଦିଚି କିଶାନ ଦେସାତି ର ଇୟା ଖାହାନା କାଜା ଗିୟାତଲେ ଏଲେଇଚେ, “ଏ ପ୍ରବୁ ଦାହ୍ଡୁଦ ମୀରୁଏଶାତି ନାଜେ କାର୍ମା ମେସ୍ତାମୁ ଇଚିହ୍ ନା ମାଜ୍ଜାନି ହାଚେକା ଆଜିହ୍ପେତି ବୁଡୁ ଆସାନା କସ୍ତୁ ଆହିମାନେ □”

୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲ୍ଲାଆଚେସି □ ଇଞ୍ଜା ତାନି ସୀସୁୟା ଖାହାନା ଏଞ୍ଜାଶାଲ୍ ଏଲେଇଚେରି, “ଇଦାନି ହେଲ ହାହାନା ପାଣ୍ଡାତୁହ୍ମୁ, ଏନାଆତାକି ଇଚିହ୍ ଇଦି ମା ଜେତ କାଲ୍ଲୁ ଆହିମାନେ □”

୨୪ ସାମା ଜୀସୁ ଏଲେଇଚେସି, “ନାନ୍ତୁ ଇସ୍ରାୟେଲ କୃତାତା ଜାଜ୍ଜାମାନି ମେଣ୍ଡାୟା ପିସ୍ପେ ଅଡ଼େ ଆମ୍ବାଆରି ତାଣା ପାଣ୍ଡୁ ଆହାହିଲଅଁ □”

୨୫ ଏ ଇୟା ଖାହାନା ଜହରା କିହାନା ଏଲେଇଚେ, “ଏ ପ୍ରବୁ ନାଜେ କାର୍ମା ମେସ୍ତାମୁ □”

୨୬ ସାମା ଜୀସୁ ଏଲେଇଚେସି, “ମୀରୁକା ମାସ୍କା କାଦି ଅହାନା ନେସ୍କା ତାଗେ ମେଡ଼ନାୟି ନେହ୍ ଆଏ □”

୨୭ ଏ ଇୟା ଏଲେଇଚେ, “ହାଅ ପ୍ରବୁ ଇଚିହ୍ ନେସ୍କା ତାନି ସାହୁକାରିୟା ତାଣାଚି ତରଗାମାନି କୁଟା ରାନ୍ଦା ପେଡ଼ହା ତିନୁ □”

୨୮ ଏଚେଟିଏ ଜୀସୁ ଏ ଇୟାନି ଏଲେଇଚେସି, “ଏ ଇୟା ନାଦି ହାଚେକା କାଜା ନାମୁ ନୀ ମନ ଲେହ୍‌ଏ ନିଜ୍ ଆୟାପେ □” ଏ ଦେବୁଣିଏ ତାନି ମାଜ୍ଜା ନେହ୍ ଆଡ଼େ □

ଜୀସୁ ହାଚେକା ଲକ୍ଷ୍ମଣି ନେହ୍ କିନାୟି

୨୯ ଜୀସୁ ଏମ୍ବାଟିଏ ହାଜାନା ଗାଲିଲି ସାମ୍ବୁରି ତାଗେ ଖାଚେସି, ଅଡ଼େ ହରୁ ଲାକ ହାଜାନା କୁଚିଚେସି □

୩୦ ଅଡ଼େ ହାଚେକା ଲକ୍ଷ୍ମଣି ସଟାୟା, ରୁଡୁଞ୍ଜାୟା, କାଣାୟା, ଗୁଲ୍ଲାୟା, ହାଚେକା ଲକ୍ଷ୍ମଣି ତାନିତଲେ ତାଗାନା ଜୀସୁ କର୍ତ୍ତା ଡ଼ଇ ଇଚିଚେରି, ଅଡ଼େ ଏଞ୍ଜାସି ଏଞ୍ଜାରାଲ୍ ନେହ୍ କିଚେସି □

୩୧ ଇଲେକିହ୍ ବେବ୍‌ଡାୟା ଜଲ୍ଲିମାନେରି, ରୁଡୁଞ୍ଜାୟା ନେହ୍ ଆହିମାନେରି, ସଟାୟା ତାକି ମାନେରି ଅଡ଼େ କାଣାୟା ମେସିମାନେରି; ଇ ବାରେ ମେସାନା ଲକ୍ଷ୍ମଣି କାବା ଆଡ଼େରି, ଇଞ୍ଜା ଇସ୍ରାୟେଲତି ମାହାପୁରୁଲ୍ ଜହରା କିଚେରି □

ଜୀସୁ ସାରି ମାଣା ଲକ୍ଷ୍ମଣି ତାସ୍ପେସି
(ମାର୍କ ୮:୧-୧୦)

୩୨ ଅଡ଼େ ଜୀସୁ ତାନି ସୀସୁୟାଲ୍ ତାଗେ ହାଟାନା ଏଲେଇଚେସି, “ଇ ବାରେ ଲକ୍ଷ୍ମଣିକି ନାଜେ କାର୍ମା ହଡ଼ିମାଜ୍ଜାନେ, ଏନାଆତାକି ଇଚିହ୍ ଇଞ୍ଜାରି ତାନିଦିନା ଆଡ଼େରିଏ ନା ତଲେ ମାଜ୍ଜାମାନେରି, ଅଡ଼େ ଇଞ୍ଜାରି ତାଣା ଏନାୟିଖା ତିଞ୍ଜାଲି ହିଲେଏ; ଇଞ୍ଜାରି ହାନାଚି ଜାହୁ ହଚା ହାଡ଼ିଲେହ୍ ଜିରୁତା ତରଗିନେରି, ଏନାଆତାକି ହାକିଚି ପାଣ୍ଡାଲି ନା ମନ ହିଲେଏ □”

୩୩ ସୀସୁୟା ଏଞ୍ଜାଶାଲ୍ ଏଲେଇଚେରି, “ଇଚେକା ଲକ୍ଷ୍ମଣିକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲାଆ ଗାୟୁତା ଏମ୍ବିଚି ରୁଚି ପାଣ୍ଡନାୟି □”

୩୪ ଜୀସୁ ଏଞ୍ଜାରାଲ୍ ଖେଚେସି, “ମୀ ତାଣା ଏଚରଗଟା ରୁଚି ମାନୁ ?”

ଏଞ୍ଜାରି ଏଲେଇଚେରି, “ସାଡ଼ାଗଟା ଇଞ୍ଜା ଏଚରଗଟା ଉଣା ମାଣ୍ଡାକା ମାନୁ □”

୩୫ ଏଚେଟିଏ ଜୀସୁ ଲକ୍ଷ୍ମଣି ବୁମିତା କୁଗାଲି ହୁକୁମି ହାଚେସି,

- ୩୬ ଅଡ଼େ ଜୀସୁ ଏ ସାଡ଼ାଗଟା ରୁଟି ଇଞ୍ଜାଁ ମୀଣକାଣି ମାହାପୁରୁ ତାଣା ଜହରା କିହାନା ସୀସୁୟାଁକି ହୀତେସି; ଏଞ୍ଜାରି ଲକ୍ଷ୍ମୀତାକି ହୀତେରି □
- ୩୭ ଅଡ଼େ ଲକ୍ଷ୍ମୀ ତିଞ୍ଜାନା ପାଞ୍ଜିତି ତାମ୍ଭୁ, ତୀଗିତି ରୁଟି ସାଡ଼ା ତାଲି ହାରିତାଣି କୃଡ଼ି କିତେରି □
- ୩୮ ରୁଟି ତିତି ଲକ୍ଷ୍ମୀ ଇୟାସିକା ଅଡ଼େ ଉଣା କକାରି ପଦାଁଣି ପିସାନା ସାରି ମାଣା ଆବାୟାଁ ମାତେରି □
- ୩୯ ଏତେରିଏ ଏଞ୍ଜାସି ଲକ୍ଷ୍ମୀ ହେଲ ହୀହାନା ତଂଗତା ହତାନା ମଗଦାନ ହାସିତା ଖାଡ଼େସି □

୧୭

କାବାଆନି କାମା ତସାଲି ଏଲେଇନାୟି
(ମାର୍କ ୮:୧୧-୧୩; ଲୁକ ୧୨:୫୪-୫୬)

- ୧ *ଏତେକା ପାରୁସି ଅଡ଼େ ସାଦୁକିୟାଁ ଜୀସୁ ତାଣା ଖାହାନା ତାୟିପାରି କିହାଲି, ମାଜେ ହାଗୁ ଲାକଟି ର ସିନା ତସ୍ତାମୁ ଇଞ୍ଜାଁ ବାଡ଼ିମାଲିତେରି □
- ୨ ସାମା ଜୀସୁ ଏଞ୍ଜାରିଇଁ ଏଲେଇତେସି, “ମିଡ଼ଅଲ୍ଲା ବେଲା ଏଲେଇଞ୍ଜେରି, ଝିଏ କାରା ଆନେ, ଇତିହଁ ହାଗୁ ଗାଦଗା ଆହାମାନେ □”
- ୩ ଅଡ଼େ ଲାଢ଼ ବେଲା ଏଲେଇଞ୍ଜେରି, ନୀଞ୍ଜୁ ପିୟୁ ଆନେ, ଇତିହଁ ହାଗୁ ଗାଦଗା ଅଡ଼େ ଦୁହା ମୁରାମାନେ □ ମୀରୁ ହାଗୁଡ଼ି ପାଣା ମେସାନା ନକିତି କାତା ପୁଞ୍ଜାଲି ଆଡ଼ି ମାଞ୍ଜେରି, ସାମା ନୀର୍ବିତି କାତା ଅଡ଼େ ସିନାୟାଁ ପୁଞ୍ଜି ହିଲଅତେରି □
- ୪ *ପଲ୍ଲଆ ଗାଗାରି ଇଞ୍ଜାଁ ମାହାପୁରୁଇଁ ଅଣ୍ଡାପାଆଗାଟି କୁଡ଼ାତାରି ସିନାୟାଁ ପାରିନେରି, ସାମା ଜୁନସତି ସିନା ପିସପେ ଅଡ଼େ ଏଟକାଟି ସିନା ଏଞ୍ଜାରିକି ହୀପୁକି ଆଏ, ଇଞ୍ଜାଁ ଏଞ୍ଜାସି ଏଞ୍ଜାରିଇଁ ପିସାନା ହାଚେସି □

ପାରୁସିୟାଁ ଅଡ଼େ ସାଦୁକିୟାଁ ତାଣାଟି ଜାଗ୍ରାତା
(ମାର୍କ ୮:୧୪-୨୧)

- ୫ ସୀସୁୟାଁ ସାମୁଦୁରି ଆତାଲା ହାଜାନା ସିନକିତେରି, ଏଞ୍ଜାରି ରୁଟି ଅହାଲି ବାଣା ଆହା ହାଜାମାନେରି □
- ୬ *ଜୀସୁ ଏଞ୍ଜାରିଇଁ ଏଲେଇତେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ସାଦୁକିୟାଁ ପୁଲା ଏୟୁଟି ଜାଗ୍ରାତା ଆହାଁ ମାଞ୍ଜୁ □”
- ୭ ଏମାଟିଏ ଏଞ୍ଜାରି ତାମ୍ଭୁ ତାମ୍ଭୁ ଜଲ୍ଲକି ଆହାଲି ମାଟୁହେରି, “ମୀରୁ ରୁଟି ତାତା ହିଲାଆୟି ଇଞ୍ଜାଁ ଏଞ୍ଜାସି ଏଲେଇଞ୍ଜାମାଞ୍ଜାନେସି □”
- ୮ ସାମା ଜୀସୁ ଏଦାଆଁ ପୁଞ୍ଜାନା ଏଲେଇତେସି, “ଆଡ଼େ ଉଣା ନାମୁ ଗାଗାତେରି, ମୀ ବିତ୍ରା ରୁଟି ହିଲେଏ ଇଞ୍ଜାଁ ଏନାଆଁତାକି ଝେସପି ଆହିମାଞ୍ଜେରି ?
- ୯ *ମୀରୁ ନୀର୍ବି ପାତେକା ପୁଞ୍ଜି ହିଲଅତେରି ? ଏ ପାସାମାଣା ଲକ୍ଷ୍ମୀତି ପାସାଗଟା ରୁଟି ଡ଼ିକହାନା ହୀହା ମାଚେସି, ଇଞ୍ଜାଁ ମୀରୁ ଏଚର ତାଲି ହାରିତାଣି କୃଡ଼ି କିତେରି,
- ୧୦ *ଇଞ୍ଜାଁ ଏ ସାରି ମାଣା ଲକ୍ଷ୍ମୀତି ସାତା ଗଟା ରୁଟି, ଇଞ୍ଜାଁ ଏଚର ତାଲି ହାରିତାଣି କୃଡ଼ି କିତେରି, ଏ ବାରେ ମିଜେ ଅଣ୍ଡପୁ ହିଲେଏ ?
- ୧୧ ନାନୁ ମିଜେ ରୁଟି କାତା ଝେସାମାଞ୍ଜାଆତେସି, ଇଦାଆଁ ଏନିକଁ ପୁଞ୍ଜି ହିଲଅତେରି ? ସାମା ପାରୁସିୟାଁ ଅଡ଼େ ସାଦୁକିୟାଁ ପୁଲା ଏୟୁଟି ଜାଗ୍ରାତା ଆହାନା ମାଞ୍ଜୁ □”
- ୧୨ ଏଞ୍ଜାସି ରୁଟି ତାକି ଲଡ଼ାମାନି ପୁଲା ଏୟୁଟାକି ଜାଗ୍ରାତା ଆହାନା ମାଞ୍ଜାଲି ଝେହୁଆନା, ପାରୁସିୟାଁ ଅଡ଼େ ସାଦୁକିୟାଁ ଜାପୁନି ତାଣାଟି ଜାଗ୍ରାତା ଆହାଁ ମାଞ୍ଜାଲି ଏଞ୍ଜାରିଇଁ ଝେସାମାଚେସି, ଏଦାଆଁ ଏଞ୍ଜାରି ଏଚିବେଲା ପୁଚେରି □

ଜୀସୁଇଁ ପିତର ସାତା ଇଞ୍ଜାଁ ଝେହୁନାୟି
(ମାର୍କ ୮:୨୭-୩୦; ଲୁକ ୯:୧୮-୨୧)

୩୩ ତାମ୍ଭୁ ଜୀସୁ କାୟିସରିୟା ପିଲିପି ରାଜିତା ଖାହାନା ତାନି ସୀସୁୟାଁଇଁ ଝେଚେସି, “ମାଣ୍ଡସି ମୀରୁଏସି ଆମ୍ବାଆସି ଇଞ୍ଜାଁ ଲକ୍ଷ୍ମୀ ଝେସିମାନେରି ?”

* ୧୭:୧ ୧୭:୧ ମାଟି ୧୭:୩୮; ଲୁକ ୧୧:୧୭ * ୧୭:୪ ୧୭:୪ ମାଟି ୧୭:୩୯; ଲୁକ ୧୧:୨୯ * ୧୭:୭ ୧୭:୭ ଲୁକ ୧୨:୧
* ୧୭:୯ ୧୭:୯ ମାଟି ୧୪:୧୭-୨୧ * ୧୭:୧୦ ୧୭:୧୦ ମାଟି ୧୫:୩୪-୩୮

୧୪ *ଏଚେଟିଏ ଏଝାରି ଏଲେଇଚେରି, “ଆମ୍ବା ଆମ୍ବାଆରି ବାପ୍ପିସ୍ତ* ହାନି ଜହନ, ଆମ୍ବା ଆମ୍ବାଆରି ଏଲିୟ, ଅଡ଼େ ଆମ୍ବା ଆମ୍ବାଆରି ଜିରିମିୟ ଆଆତ ମାହାପୁରୁ ଅଣପୁତି ବଲୁ ଝେହନାରି ତାଣାଟି ରଅସି □”

୧୫ ଜୀସୁ ଏଝାରାଇଁ ଝେଚେସି, “ସାମା ନାନୁ ଆମ୍ବାଆତେଏଁ ଇଞ୍ଜି ମୀରୁ ଝେସିମାଞ୍ଜେରି ?”

୧୬ *ସିମନ ପିତର ଏଲେଇଚେସି, “ନୀନୁ କ୍ରୀସ୍ତ, ଜୀଝୁଗାଟି ମାହାପୁରୁ ମୀରୁଏଣାତି □”

୧୭ ଏଚେଟିଏ ଜୀସୁ ଏଝାଣାଇଁ ଏଲେଇଚେସି, “ଏ ଜୁନସ ମୀରୁଏଣାତି ସିମନ, ନୀନୁ ନେହେଁ, ଇଚିହଁ ମାଣସି ନୀ ତାଣାଟି ଇଦାଆଁ ଝେକହାମାଞ୍ଜଅସି, ସାମା ନା ଲାକପୁରୁତି ଆବା ଝେକହାମାଞ୍ଜାନେସି □

୧୮ ଅଡ଼େ ନାନୁ ଜିକେଏ ନିଜେ ଝେସିମାଞ୍ଜାଇଁ, ନୀନୁ ପିତରଟି†, ଇଞ୍ଜାଁ ଇ ଝାଲି ଲାକ ନାନୁ ନା କୁଲମିତି କେପିଇଁ, ଅଡ଼େ ହାକିତି ବାଡ଼ୁଲୁ ଏଦାଆଁ ମେକହାଲି ଆଡ଼େଏ □

୧୯ *ନାନୁ ନିଜା ଲାକପୁରୁତି କୁଟିକାଡ଼ି ହିୟାଇଁ, ଅଡ଼େ ନୀନୁ ଦାର୍ତତା ଏନାଆଁ ସୁଣ୍ଡିତି, ଏଡ଼ି ଲାକପୁରୁ ରାଜି ଜିକେଏ ସୁଣ୍ଡି ଆଡ଼େ, ଅଡ଼େ ଦାର୍ତତା ଏନାଆଁ ଦେଏଡ଼ି ଏଡ଼ି ଲାକପୁରୁ ଜିକେଏ ଦେପି ଆଡ଼େ □”

୨୦ ଏଚିବେଲା ଏଝାସିଏ କ୍ରୀସ୍ତ ଇଞ୍ଜି ଆମ୍ବାଆରାଇଁ ଝେହଆଦୁ ଇଞ୍ଜି ଏଝାସି ତାନି ସୀସୁୟାଁଣି ଜାଣେ କିହଁ ହୁକୁମି ହୀଡେସି □

ଜୀସୁ ତାନି ଦୁକୁ ବେଗାଆନାଣି ଅଡ଼େ ହାନାଣି ଝେହନାୟି

(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଏଚିବେଲାଟିଏ ଜୀସୁ ତାନି ସୀସୁୟାଁଣି ଝେସାଲି ମାଡ଼ହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜାଁ ପ୍ରାଟିନାଜା, କାଜା ପୂଜେରାଜା ଅଡ଼େ ମୋରାପୁନାରି ତାଣାଟି ହାଡ଼େକା ଦୁକୁ ବେଗାଆହାନା ହାନାୟି ମାନେ, ଇଞ୍ଜାଁ ତାନି ଦିନାଟିଏ ଝେଣେ ନିଜିନାୟି ମାନେ □

୨୨ ଏଚେଟିଏ ପିତର ଏଝାଣାଇଁ ଅରୁଝାକି ଅହାନା ଲାଗାନା ଏଲେଇଚେସି, “ଏ ପ୍ରବୁ, ମାହାପୁରୁ ନିଜା କାର୍ମା ଆୟାପେସି, ଇଲେତାୟି ନିଜେ ଏଚେଲାଝା ଆୟାଆପେ □”

୨୩ ସାମା ଜୀସୁ ତାୟୁଝାକି ସିନିକହାନା ପିତରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍ବୁ, ନୀନୁ ନା ସାଡ଼ୁ ଲେହେଁ, ଇଚିହଁ ନୀନୁ ମାହାପୁରୁ କାତା ଅଣାପୋଆନା ମାଣସିତି କାତା ଅଣପିମାଞ୍ଜି □”

୨୪ *ଏଚିବେଲା ଜୀସୁ ତାନି ସୀସୁୟାଁଣି ଏଲେଇଚେସି, “ଆମ୍ବାଆସି ନା ଜେଚ ତାକାଲି ମନ୍ କିଚିହଁ , ଏଝାସି ତାନୁଏ ତାଜେ ଅପାକତାଆନା ତାନି କ୍ରସ ଡେକାନାହାଁ ନା ଜେଚ ତାକାପେସି □

୨୫ *ଇଚିହଁ ଆମ୍ବାଆସି ତାନି ଜୀଝୁ ନୀଟହା କତାଲି ମନ୍ କିନେସି, ଏଝାସି ହାଝି କିନେସି; ସାମା ଆମ୍ବାଆସି ନା ତାକି ତାନି ଜୀଝୁ ହୀନେସି ଏଝାସି ନୀଟହା କତିନେସି □

୨୬ ଅଡ଼େ ମାଣସି ଇ ଦାର୍ତତା ମାନାଣି ବାରେ ମେଡ଼ି କିହାନା ତାନି ଜୀଝୁତି ହାଝି କିନେସି, ଆତିହଁ ଏଝାଣାକି ଏନି ଲାବା, ଇଞ୍ଜାଁ ମାଣସି ତାନି ଜୀଝୁତି ବାଡୁଲି ଏନାଆଁ ହୀନେସି ?

୨୭ *ଇଞ୍ଜାଁ ମାଣସି ମୀରୁଏସି ତାନି ଆବାତି ଗାଝୁରମିତି ତାନି ଦୁଡୁୟାଁ ତଲେ ଝାଡ଼େସି, ଏଚିବେଲା ଏଝାସି ବାରେ ଲକୁକି ତାନି କାମାଡ଼ି ଲେକା ତଲେ ପାଡ଼େୟି ହୀନେସି □

୨୮ ନାନୁ ମିଜେ ସାତା ଝେସିମାଞ୍ଜାଇଁ, ମାଣସି ମୀରୁଏସି ତାନି ରାଜିତା ରାଜାଆହାଁ ଝାନ୍ତାଣି ମେହଆ ପାଡେକା ଇମ୍ବାଆଁ ମାନି ଲକୁ ବିତ୍ରାଟି ଏଚରଜାଣା ହାଅରି □”

୧୭

ଜୀସୁ ଅର ଝାଣା ଆନାୟି

(ମାର୍କ ୯:୨-୧୩; ଲୁକ ୯:୨୮-୩୬)

୧ ଜୀସୁ ସ ଦିନା ତାୟୁ ପିତର, ଜାକୁବ, ଅଡ଼େ ତାନି ତାୟି ଜହନଇଁ ଏଟକା କିହାନା ଏଝାରାଇଁ ର ପାତାଆଡ଼ି ହରୁ ଲାକ ଅଡ଼େସି □

୨ ଅଡ଼େ ଏଝାସି ଏଝାରି ନକିତା ତାନି ଝାଣା ବାଦଲଝି ଆହାନା ତାନି ମୂମ୍ ଝେଡ଼ାଲେହେଁ ଉଜେଡ଼ି ଇଞ୍ଜାଁ ତାନି ହିମ୍ବୁରି ଉଜେଡ଼ି ଲେହେଁ ଦବଲା ଆଡ଼େ □

* ୧୭:୧୪ ୧୭:୧୪ ମାତି ୧୪:୧,୨; ମାର୍କ ୭:୧୪,୧୫; ଲୁକ ୯:୨,୮ * ୧୭:୧୪ ୧୭:୧୪ ମୁଞ୍ଜିନାୟି * ୧୭:୧୭ ୧୭:୧୭ ଜହ ୭:୨୮,୨୯ † ୧୭:୧୮ ୧୭:୧୮ ପିତର ଇଚିହଁ ଝାଲି * ୧୭:୧୯ ୧୭:୧୯ ମାତି ୧୮:୧୮; ଜହ ୨୦:୨୩ * ୧୭:୨୪ ୧୭:୨୪ ମାତି ୧୦:୩୮; ଲୁକ ୧୪:୨୭ * ୧୭:୨୫ ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ * ୧୭:୨୭ ୧୭:୨୭ ମାତି ୨୫:୩୧; ରିନି ୨:୭

୩ ଇଞ୍ଜା ମେହ୍ନୁ ମସା ଅଡ଼େ ଏଲିୟ ଜୀସୁତଲେ କାତା ଆହିମାଚାଣି ମେସ୍ତେରି □

୪ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ପ୍ରବୁ ମାରୁ ଇ ଚାୟୁତା ମାନାୟି ନେହେଁ; ନୀ ମନୁ ଆତିହୁଁ ନାନୁ ଇମ୍ବାଆଁ ତାନିଗଟା ଗୁଡ଼ାୟାଁ କେପିଇଁ, ନିଜେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜା ଏଲିୟକି ରଣ୍ଡାଆଁ □”

୫ ୠଞ୍ଜ କାତା ଝେସ୍ପପନିଏ ମେହ୍ନୁ ଇଚାୟି ହାଗୁ ଝାହାନା ଏଝାରାଇଁ ପ୍ରିକ୍‌ହେ, ଇଞ୍ଜା ଏ ହାଗୁଟି ଇ ହାଡ଼ା ଝେଜ୍‌ଡେ, “ଇଝାସି ନା ଜୀସୁଟି ମୀରୁଏସି ଇଝାଣି ତାଣେଏ ନା ରାହାଁ ମାନେ, ଇଝାଣି ବଲୁ ଝେଞ୍ଜୁ □”

୬ ଇ ହାଡ଼ା ଝେଞ୍ଜାହାଁ ସୀସୁୟାଁ ମୁନୁ କୁତିହୁଁ ରିତେରି ଇଞ୍ଜା ହାରେକା ଆଜିତେରି □

୭ ଏମ୍ବାଟିଏ ଜୀସୁ ଝାହାନା ଏଝାରାଇଁ ତାଗାନା ଏଲେଇଚେସି, “ନିଜାମୁ ମୀରୁ ଆଜାଆଦୁ □”

୮ ଇଞ୍ଜା ଏଝାରି ଲାକ ସିନକିହାଲିଏ ଜୀସୁ ପିସ୍‌ପେ ଆମ୍ବାଆରାଇଁ ମେହ୍‌ଆତେରି □

୯ ଏଝାରି ହୁରୁ ଲାକଟି ରେଟା ଝାହିମାଚାଟି ଜୀସୁ ଏଝାରାଇଁ ହୁକୁମି ହାହାନା ଏଲେଇଚେସି, “ମାଣ୍‌ସି ମୀରୁଏସି ହାଡ଼ାରି ତାଣାଟି ନିଜାଆ ପାତେକା ଇ ମେସାମାନି କାତା ଆମ୍ବାଆରାଇଁ ଝେହ୍‌ଆତେରି □”

୧୦ ଏଦାଆଁତାକି ସୀସୁୟାଁ ଏଝାଣାଇଁ ଝେଚେରି, “ଆତିହୁଁ ନଟକଏ ଏଲିୟ ଝାନାୟି ମାନେ ଇଞ୍ଜୁଁ ମେରାପୁନାରି ଏନାଆଁତାକି ଝେସିମାନେରି ?”

୧୧ ଏଝାସି ଏଲେଇଚେସି, “ଏଲିୟ ଝାହାନା ବାରେ ଅଡ଼େ ଝେଣ୍ଡେ ଇଟିନାୟି ସାତା”

୧୨ ୠସାମା ନାନୁ ମିଜେ ଝେସିମାଞ୍ଜାଇଁ, “ଏଲିୟ ଝାହା ରାଡେସିଏ, ସାମା ଲକୁ ଏଝାଣାଇଁ ପୁନାଆନା ଏନିକିହାଲି ମନ ଏଲେକିତେରି □ ଏଲେକିହୁଁ ଏ ମାଣ୍‌ସି ମୀରୁଏସି ଜିକେଏ ଏଝାରି କେୟୁତା ଦୁକୁ ବେଟାଆହାଲି ହାଜିମାନେସି □”

୧୩ ଏରିବେଲା ଏଝାରାଇଁ ବାପ୍‌ସୁଁ* ହାନି ଜହନତି କାତା ଝେସିମାନେସି, ଏରିବେଲା ସୀସୁୟାଁ ପୁଚେରି □

ଜୀସୁ ବୁଡୁ ଆଲଗାମାଟି କକାଣାଇଁ ନେହୁଁ କିନାୟି

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାୟୁ ଏଝାରି ଲକୁତାଣା ଝାହାଲିଏ, ରଅସି ଜୀସୁ ତାଣା ଝାହାଁ ମେଣ୍ଡାକୁତାନା ଏଲେଇଚେସି,

୧୫ “ପ୍ରବୁ ନା କକାଣାଇଁ କାମା ମେହ୍‌ମୁ, ଇତିହୁଁ ଏଝାସି କାଟିଝେନି ନମେରି ତାକି ହାରେକା କସ୍ତ ଆହିମାନେସି, ଏଝାସି ଏଚର ପାଲି ହିରୁତା ଅଡ଼େ ଏୟୁଣାଁ ତରୁଗା ହାଜିମାନେସି □

୧୬ ନାନୁ ମୀ ସୀସୁୟାଁ ତାଣା ଏଝାଣାଇଁ ତାଚାମାଚେସୁଁ, ସାମା ଏଝାରି ଏଝାଣାଇଁ ନେହୁଁ କିହାଲି ଆଡ଼ାଆତେରି □”

୧୭ ଜୀସୁ ଏଲେଇଚେସି, “ଆଡ଼େ ନାମାଆଗାଟି ଲାଗେଏ ପଲେଏ କାମା କିନି କୁଡ଼ାତାତେରି, ଏଚର କାଲା ପାତେକା ନାନୁ ମୀ ତଲେ ଡ଼ୟିଇଁ ? ଏଚର କାଲା ମୀ ଲେୟାନାଣି ଅରହିଇଁ ? କକାଣାଇଁ ଇମ୍ବାଆଁ ନା ତାଣା ତାଦୁ □”

୧୮ ଅଡ଼େ ଜୀସୁ ବୁଡୁଇଁ ଦାକା ହାହାଲିଏ, ବୁଡୁ ଏଝାଣାଇଁ ପିସା ହାଡୁସ୍ତେ, ଏ ଦେବୁଣିଏ କକାସି ନେହୁଁ ଆଡେସି □

୧୯ ଏଚେଟିଏ ସୀସୁୟାଁ ମେଣେଏ ଜୀସୁ ତାଣା ଝାହାନା ଏଲେଇଚେଟି, “ମାମ୍ବୁ ଏନାଆଁତାକି ଏ ବୁଡୁ ପିସ୍‌ପି କିହାଲି ଆଡ଼ାଆତେମି ?”

୨୦ ଏଝାସି ଏଝାରାଇଁ ଏଲେଇଚେସି, “ମୀ ଡ଼ଶା ନାମୁ ତାକି, ଇତିହୁଁ ନାନୁ ମିଜେ ସାତା ଝେସିମାଞ୍ଜାଇଁ, ର ହାସୁଁ ପାଡେୟି ସମାନା ମୀ ନାମୁ ମାଟିହୁଁ, ଇ ହରୁତି ଇମ୍ବାଟି ଏମ୍ବାଆଁ ଗୁରାଆମୁ ଇତିହୁଁ, ଏଡ଼ି ଗୁରାଆନେ, ଅଡ଼େ ଏନାୟି ଜିକେଏ ଆଆଗାଚାୟି ହିଲେଏ □

୨୧ ସାମା ପ୍ରାଡ଼ାନା ଅଡ଼େ ଉପାସା ପିସ୍‌ପେ ଅଡ଼େ ଏନି ଉପେୟିତି ଇଲେଟି ବୁଡୁ ହଡ଼ା ହାଲେଏ □”

ଜୀସୁ ତାନି ହାନି କାତାଟି ଅଡ଼େ ଝେଣ୍ଡେ ଝେହ୍‌ନାୟି

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅଡ଼େ ଏଝାରି ଗାଲିଲିତା ରୁଣ୍ଡା ଆଡ଼ି ବେଲାତା ଜୀସୁ ଏଝାରାଇଁ ଝେସ୍ତେସି, “ମାଣ୍‌ସି ମୀରୁଏସି ମାଣ୍‌ସିୟାଁ କେୟୁତା ହେରୁସି ଆହାଲି ହାଜିମାନେସି,

☆ ୧୭:୫ ୧୭:୫ ମାଟି ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨ ☆ ୧୭:୫ ୧୭:୫ ୨ପିତ ୧:୧୭,୧୮ ☆ ୧୭:୧୭ ୧୭:୧୭ ମାଟି ୧୧:୧୪ * ୧୭:୧୩ ୧୭:୧୩ ମୁଞ୍ଜିନାୟି ☆ ୧୭:୨୦ ୧୭:୨୦ ମାଟି ୨୧:୨୧; ମାର୍କ ୧୧:୨୩; ୧କର ୧୩:୨

୨୩ ଇର୍ଷ୍ଟା ଏଞ୍ଜାରି ଏଞ୍ଜାଣାଇଁ ପାୟିନେରି; ଅଡ଼େ ତାନି ଦିନାଟିଏ ଏଞ୍ଜାସି ଝେଣ୍ଡେ ନିଜ୍ଜନେସି □
ଏଚେଟିଏ ଏଞ୍ଜାରି ହାଫେରକା ଦୁକୁ ଆଡ଼େରି □

ମାହାପୁରୁ ଇଲୁତାକି ସିସୁ ହୁାନାୟି

୨୪ ଏଞ୍ଜାରିଏ ଏଞ୍ଜାରି କପରନାହୁମତା ଖାହାଲିଏ ମାହାପୁରୁ ଇଲୁତି ସିସୁ ରୁଆହନରି ପିତରଇଁ ଖାହାନା
ଝେରେରି, “ମୀ ଗୁରୁ ମାହାପୁରୁ ଇଲୁତାକି ସିସୁ ହୁଅସିକି ?”

୨୫ ପିତର ଏଲେଇଚେସି, “ହାଅ ହାନେସି □”

ଅଡ଼େ ଏଞ୍ଜାସି ଇଜ ଖାହାଲିଏ ଜୀସୁ ନଚେଏ ଏଞ୍ଜାଣାଇଁ ଏଲେଇଚେସି, “ସିମନ ନୀ ଅଣପୁ ଏନାୟି,
ଦାରୁତିତି ରାଜାୟା ଆମ୍ବାଆରି ତାଣାଟି ସିସୁ ରୁଆହନେରି, ଏଞ୍ଜାରି ମୀରୁକା ତାଣାଟି କି ଏଟ୍ଟକା ଦେସାତି
ଲକୁ ତାଣାଟି ?”

୨୬ ଏଞ୍ଜାସି ଏଟ୍ଟକା ଦେସାତି ଲକୁ ତାଣାଟି ଏଲେଇଞ୍ଜାଲିଏ, ଜୀସୁ ଏଞ୍ଜାଣାଇଁ ଏଲେଇଚେସି, “ଆତିହୁ
ମୀରୁକା ହିୟାଲି ଲଡ଼ାଆଏ □”

୨୭ ସାମା ମାର ଏନିକି ଏଞ୍ଜାରାକି ବାଦା ହାନାତାୟି ଆଆୟି, ଏଦାଆଁତାକି ସାମଦୁରିତା ହାଜାନା
କାଟା ମେଡ଼ମ୍, ଇର୍ଷ୍ଟା ତଲିଏ ଆମିନି ମୀନୁ ଆହୁଦି, ଏଦାଣି ଆସାନା ତାନି ଗୁତି ଏକ୍ଟହସାରେ ର ଝେଣ୍ଡେ
ଟାକା ବେଟାଆଦି; ଏଦାଆଁ ଅହାନା ନାଜେ ଅଡ଼େ ନିଜେତାକି ଏଞ୍ଜାରାକି ହୀମୁ □

୧୮

ଲାକପୁରୁ ରାଜିତା ଆମ୍ବାଆସି କାଜାସି

(ମାର୍କ ୯:୩୩-୩୭; ଲୁକ ୯:୪୬-୪୮)

୧ *ଏଚିବେଲ୍ଲା ସୀସୁୟା ଜୀସୁ ତାଣା ଖାହାନା ଝେରେରି, “ଆତିହୁ ଲାକପୁରୁ ରାଜି ଆମ୍ବାଆସି କାଜାସି
?”

୨ ଏଞ୍ଜାସି ର ଉଣା କକାଣାଇଁ ତାଗେ ହାଟାହାଁ ନିପୁହାନା ଏଲେଇଚେସି,

୩ * “ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଝେଣ୍ଡେ ର ଉଣା କକାଣି ଲେହେଁ ଆଆତିହୁ,
ଏନିଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅଡ଼େରି □

୪ ଇଦାଆଁତାକି ଆମ୍ବାଆସି ଈ ଉଣା କକାଣି ଲେହେଁ ତାଜେତାକି ଉଣା କିହାକତିନେସି, ଏଞ୍ଜାସି
ଲାକପୁରୁ ରାଜିତା କାଜାସି □

୫ ଅଡ଼େ ଆମ୍ବାଆସି ଜିକେଏ ନା ଦରୁଚି ଈ ଉଣା କକାଣାଇଁ ଆବିନେସି, ଏଞ୍ଜାସି ନାଜେ ଆବାନେସି
□”

ପାପୁ କିହାଲି ତାୟିପାରି କିନାୟି

(ମାର୍କ ୯:୪୨-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା ନାମାମାନି ଈ ଉଣାୟା ବିତ୍ରାତି ରଅଣାଇଁ ତାୟିପାରି କିହାଲି
ପାପୁ କିଞ୍ଚି କିନେସି, ଏଞ୍ଜାଣି ହେଚ୍ଚକିତା ର କାଜା ଜେତାଖାଲି ଦସାନା ସାମଦୁରିତି କୁଡ଼ିନି ଏୟୁଣାଁ
ମେଡ଼ହୁ ଏଞ୍ଜାଣାକି ନେହେଁ ଆଡ଼େମା □

୭ ଆୟଡ଼ା, ଦାରୁତିତି ଲାଗେଏ କିନାକି ତଣ୍ଡ ବେଟା ଆନାଡେରି; ଲାଗେଏ ଆନାୟି ସାତେଏ ଆନେ,
ଆୟଡ଼ା ଆମିନି ଲକୁ ତାଣାଟି ଲାଗେଏ ଆନେ ଏଞ୍ଜାସି ତଣ୍ଡ ବେଟା ଆନେସି □”

୮ * “ମୀ କେୟୁ କି କଡ଼ା ମିଜେ ପାପୁ କିଞ୍ଚିକିୟାନେ, ଇଚିହୁ ଏଦାଆଁ ରାଡ଼ହାନା କୁତାଦୁ, ରୀ କେୟା
ଅଡ଼େ ରୀ କଡ଼ାୟା ଆସାନା କାଲ୍ଲାକାଲ୍ଲା ଡ଼ାଞ୍ଜିମାନି ହିରୁତା ହଡ଼ିନି କିହାଁ କଲ୍ଲା ଅଡ଼େ ସଟା ଆହାନା
କାଲ୍ଲେଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଜେତାକି ନେହେଁ □

୯ * ଅଡ଼େ ମୀ କାନୁ ମିଜେ ଲାଗେଏ କିଞ୍ଚିକିୟାତିହୁ, ଏଦାଆଁ ଡ଼େଞ୍ଜା କୁତାଦୁ; ରୀ କାଣକା ଆସାନା
କାଲ୍ଲେଏ ଡ଼ାଞ୍ଜିମାନି ହିରୁ ଗାଡ଼ୟୁତା ମେଦିନି କିହାଁ ର କାନୁ ତଲେ କାଲ୍ଲେଏତି ଜୀଞ୍ଜୁ ବେଟାଆହାନା
ମାହାପୁରୁ ରାଜିତା ହାନାୟି ମିଜେତାକି ନେହେଁ □”

ଜାଜିତି ମେଣ୍ଡାତି ପୁଣ୍ଡିକିନାୟି

(ଲୁକ ୧୫:୩-୭)

* ୧୮:୧ ୧୮:୧ ଲୁକ ୨୨:୨୪ * ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭ * ୧୮:୮ ୧୮:୮ ମାତୃ ୫:୩୦ * ୧୮:୯ ୧୮:୯
ମାତୃ ୫:୨୯

୧୦ *“ହେଣ୍ଡ ଇ ଉଣା କକାରି ବିଦ୍ରାଟି ରଅଣାଇଁ ଜିକେଏ ହୀଣି ମେହ୍‌ଆପୁ, ଇଟିହିଁ ନାନୁ ମିଜେ ସାତା ୱେସିମାଞ୍ଜାଇଁ, ଲାକପୁରୁ ମାନି ଏଞ୍ଜାରି ଦୁତୁୟାଁ ବାରେଦିନା ଲାକପୁରୁତି ମା ଆବାତି ମୁମ୍ ଫେସେ ମାନୁ □

୧୧ ଇଟିହିଁ ଏନାୟି ଜାଙ୍ଗାମାନେ ଏଦାଆଁ ପାରାନା ଗେଲପାଲି ମାଣସି ମୀରୁଏସି ୱାହାମାନେସି □”

୧୨ “ମୀରୁ ଏନାଆଁ ଅଣପିମାଞ୍ଜେରି ? ରଅଣାକି ପାସାକଡ଼ି ମେଣ୍ଡାୟାଁ ମାଟିହିଁ, ଏଞ୍ଜାସିକା ବିଦ୍ରାଟି ରଣ୍ଡି ଜାଙ୍ଗାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ମେଣ୍ଡାୟାଁ ହରୁତା ପିସାନା ଏଞ୍ଜାସି ହାଜାନା ଏ ଜାଙ୍ଗାମାନି ମେଣ୍ଡାଟି ପାରଅସି ?

୧୩ ଅଡ଼େ ଏଞ୍ଜାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଜେ ସାତା ୱେସିମାଞ୍ଜାଇଁ, ଜାଙ୍ଗା ହିଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଡାୟାଁ କିହାଁ ଜାଙ୍ଗାମାଟି ର ମେଣ୍ଡା ତାକି ହାରେକା ରାହାଁ କିନେସି □

୧୪ ଏଲେକିହିଁ ଏ ଇ ଉଣାୟାଁ ବିଦ୍ରାଟି ରଣ୍ଡି ଜିକେଏ ନସ୍‌ଆଆପେ ଇଞ୍ଜାଁ ମୀ ଲାକପୁରୁତି ଆବାତି ମନୁ □”

ପାପୁ କିତି ର ତାୟି

୧୫ *“ନୀ ତାୟି ପାପୁ କିତିହିଁ, ନୀନୁ ଏଞ୍ଜାଣାଇଁ ମେଣ୍ଡେଏ ଏଲେକିଆନି ଇଞ୍ଜାଁ ୱେସାନା ତାନି ପାପୁ ତହ୍‌ମୁ; ଏଞ୍ଜାସି ନୀ କାତା ଆସିହିଁ ନୀନୁ ଏଞ୍ଜାଣାଇଁ ନୀ ତାୟିଲେହେଁ ୱେଣ୍ଡେ ବେଟାଆଡ଼ି □

୧୬ ସାମା ଏଞ୍ଜାସି ନୀ କାତା ୱେନାଆତିହିଁ, ନୀ ତଲେ ରଅଣାଇଁ କି ରିଆରାଇଁ ଅହିହିଁ ହାଲମୁ, ଏନିକିହିଁ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତୀରି ଆନେ □

୧୭ ଏଞ୍ଜାସି ଏଞ୍ଜାରି କାତା ଜିକେଏ ଆହ୍‌ଆତିହିଁ କୁଲମିତି ୱେହ୍‌ମୁ, ଅଡ଼େ ଜିକେଏ କୁଲମି କାତା ୱେନଅସି, ଆତିହିଁ ଏଞ୍ଜାସି ମୀ କାନୁତା ଜାହୁଦିଆଆତାରି କି ସିସ୍‌ରୁଆହ୍‌ନାରି ଲେହେଁ ଆପେସି □”

ଅଦିକାରା ହାନାୟି

୧୮ *“ନାନୁ ମିଜେ ସାତା ୱେସିମାଞ୍ଜାଇଁ, ମୀରୁ ଦାରୁତିତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡିଆନେ, ଅଡ଼େ ଦାରୁତିତା ଏନାଆଁ ହେଲ ହୀଦେରି, ଲାକପୁରୁ ଜିକେଏ ହେଲ ହୀପକି ଆନେ □”

୧୯ “ଅଡ଼େ ମିଜେ ସାତା ୱେସିମାଞ୍ଜାଇଁ, ଦାରୁତିତା ମୀ ବିଦ୍ରାଟି ରିଆରି ରଣ୍ଡିଏ ମନୁ ଆହାନା ଏନାଆଁ ଜିକେଏ ରାସିହିଁ ଏଡ଼ି ଲାକପୁରୁତି ଆବା ତାଣାଟି ଏଞ୍ଜାରାକି ହୀପକିଆନେ □

୨୦ ଇଟିହିଁ ଏମ୍‌ୟା ରିଆରି କି ତାନି ଜାଣା ନା ଦରୁତଲେ ରୁଣ୍ଡା ଆନେରି ଏମ୍‌ୟାଁ ନାନୁ ଏଞ୍ଜାରିତଲେ ମାଇଁ □”

କାର୍ମା ମେହ୍‌ଆ ହଲେଏଣି କାତା ପୁଣ୍ଡିକିନାୟି

୨୧ *ଏରିବେଲା ପିତର ଜୀସୁ ତାଗେ ୱାହାନା ୱେଚେସି, “ଏ ପ୍ରକ୍‌ ନା ତାୟି ଏତର ପାଲି ନା କପାଟି ପାପୁ କିତିସାରେ ନାନୁ ଏଞ୍ଜାଣି ପାପୁ ମ୍‌େକ୍‌କ୍‌ ?”

୨୨ ସାତା ଦେବା ପାତେକା କି ? ଜୀସୁ ଏଞ୍ଜାଣାଇଁ ଏଲେଇଚେସି, ୱାରୁଇ ସାତା ଦେବା ପାତେକା ଆଏ, ସାତା ଗୁଣ୍ଡୁ ତାନିକଡ଼ି ଦସ ଦେବା ପାତେକା ମ୍‌େକ୍‌ନାୟି ମାନେ □

୨୩ ଇଟିହିଁ ଲାକପୁରୁ ରାଡ଼ି ତାନି ହଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେଁତାୟି □

୨୪ ଏଞ୍ଜାସି ଲେକା କିହାଲି ମାଟୁହାଲିଏ, ତାନି ଗାରୁହା ଦସ ମାଣା ଠାକାୟାଁ ରୀଣା ଆହାମାନି ର ହଲେଏଣାଇଁ ଏଞ୍ଜାଣି ତାଣା ତାତେରି □

୨୫ ସାମା ଏ ବାରେ ଡିକ୍‌ହାଲି ଏଞ୍ଜାଣି ତାଣା ଏନାୟି ହିଲାଆତାକି ଏ ସାଞ୍ଜୁକାରି ଏଞ୍ଜାଣାଇଁ ଅଡ଼େ ତାନି ଡିକ୍‌ନି ଇଞ୍ଜାଁ ତାନି କକାରି ପଦାଁଣି ଇଞ୍ଜାଁ ତାନି ଇଲୁଡି ଆସି ପାରୁଚାନା ରୀଣା ଡିକ୍‌ହାଲି ହୁକୁମି ହୀଦେସି □

୨୬ ଏଚେଟିଏ ଏ ହଲେଏସି ମେଣ୍ଡାକୁତାନା ଜହରା କିହାନା ଏଲେଇଚେସି, ନୀନୁ କାର୍ମାମେସାନା କାଡ଼ାମୁ, ନାନୁ ମିଜେ ବାରେ ଡିକ୍‌ହା ତୁସାଇଁ □

୨୭ ଏଚେଟିଏ ସାଞ୍ଜୁକାରି ଏ ହଲେଏଣାଇଁ କାର୍ମାମେସାନା ତାନି ରୀଣା ପିସପି କିଞ୍ଜିଆଡ଼େ ଇଞ୍ଜାଁ ତାନି ରୀଣା ମେଣ୍ଡାହାଟେ □

☆ ୧୮:୧୦ ୧୮:୧୦ ଲୁକ ୧୯:୧୦ ☆ ୧୮:୧୫ ୧୮:୧୫ ଲୁକ ୧୭:୩ ☆ ୧୮:୧୮ ୧୮:୧୮ ମାଟି ୧୭:୧୯; ଜହ ୨୦:୨୩ ☆ ୧୮:୨୧ ୧୮:୨୧ ଲୁକ ୧୭:୩,୪

୨୮ ସାମା ଏ ହୃଦୟଏସି ଏମ୍ବାଟି ପାଙ୍ଗାତା ହାଜାନା ତାନିତାଣାଟି ରୀ କଡ଼ି ଦସଟାକା ରୀଣା ଅହାମାନି ତାନି ତଲେତି ର ହୃଦୟଏଣାକ୍ ମେସାନା ଏଞ୍ଜାଣି ହେରକିତା ଆସାନା ଏଲେଇଚେସି, ନୀନୁ ଅହାମାନି ରୀଣା ଡିକହା ତୁସ୍ତାମୁ □

୨୯ ଏଚେଟିଏ ତାନି ତଲେତି ହୃଦୟଏସି ମେଣ୍ଡାକ୍ତାନା ଜହରା କିହ୍ ଏଲେଇଚେସି, ନୀନୁ ନାଜେ କାର୍ମାମେସାନା କାଡାମୁ ନୀନୁ ନିଜେ ବାରେ ଡିକହାକ୍

୩୦ ସାମା ଏଞ୍ଜାସି ରାଜି ଆଆଚେସି, ଇଞ୍ଜା ରୀଣା ଡିକଆ ପାଚେକା ଏଞ୍ଜାଣାକ୍ କାୟିଦି ଇକ୍ତୁତା ସୁଣ୍ଡିଚେସି □

୩୧ ଇଞ୍ଜା ତାନି ତଲେତି ହଲିୟାଙ୍ଗା ଏଦାଆଁ ମେସାନା ହାଚେରକା ଦୁକୁ କିଚେରି ଅଡେ ହାଜାନା ସାଞ୍ଜୁକାରିକ୍ ବାରେ କାତା ଝେସ୍ତେସି □

୩୨ ଏମ୍ବାଟିଏ ସାଞ୍ଜୁକାରି ଏଞ୍ଜାଣାକ୍ ତାଗେ ହାଟାନା ଏଲେଇଚେସି, ଆଡେ କାମାତା ଝାଆଗାଟି ହୃଦୟଏଣାଟି ନୀନୁ ନାଜେ ବାଡିମାଲାଇଏ ନୀନୁ ନୀ ବାରେ ରୀଣା ପିସ୍ତାଚେସି;

୩୩ ନୀନୁ ଏନିକ୍ ନିଜେ କାର୍ମା ଆୟାଚେସି, ଏଲେକିହ୍ ଏ ନୀନୁ ଜିକେଏ ନୀ ତଲେତି ହୃଦୟଏଣାକ୍ କାର୍ମାମେହନାୟି ମାଚେ □

୩୪ ଅଡେ ତାନି ପ୍ରବୁ ହାଚେରକା କପା ଆହାନା ବାରେ ରୀଣା ଡିକଆ ପାଚେକା ଏ ହୃଦୟଏଣାକ୍ କସୁ ହାନି ଲକୁ କେୟୁତା ହେରପିଚେସି □

୩୫ ମୀରୁ ବାରେଚେରି ମୀ ବାରେ ହିୟାଟି ମୀ ତାୟିକ୍ ତାନି ପାପୁ ମ୍ପେକ୍ଆତିହ୍ ଲାକପୁରୁତି ମୀ ଆବା ଜିକେଏ ମିଜେ ଏଲେ କିୟାନେସି □

୧୯

ଜୀସୁ ତକ୍ତିନି ପିହ୍ନାଣି ଜାମ୍ନାୟି (ମାର୍କ ୧୦:୧-୧୨)

୧ ଜୀସୁ ଇ ବାରେ କାତା ଝେସାଲି ରାପୁହି ତାୟୁ ଗାଲିଲି ରାଜି ପିସାନା ଜର୍ଦନ କାତା ଆତାଲାଟି ଜୀହୁଦା ରାଜିତି ହାଦିତା ଏଚେସି □

୨ ଇଞ୍ଜା ହାଚେରକା ଲକୁ ତାନି ଜେଚ ହାଚେରି, ଅଡେ ଏଞ୍ଜାସି ଏମ୍ବାଆଁ ଏଞ୍ଜାରି ରଚାଟି ନେହ୍ କିଚେସି □

୩ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା ଝାହାନା ଏଞ୍ଜାଣାକ୍ ତାୟିପାରିକିହ୍ ଝେଚେରି, “ରଅସି ଜାହାରା ତକ୍ତିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇଚେସି, “ମୀରୁ ପଡ଼଼ି ଆହାହିଲଅଚେରି ? ଗାଡ଼ି କିନାସି ନଜେଏଟିଏ ଏଞ୍ଜାରାକ୍ ଆୟା ଅଡେ ଆବା କିହ୍ ଗାଡ଼ିକିଚେସି,

୫ ଅଡେ ଏଦାଆଁତାକି ତକ୍ତା ତାଲି ତାଞ୍ଜିକ୍ ପିସାନା ତାନି ତକ୍ତି ତଲେ ଆଣିନେସି, ଅଡେ ଏଞ୍ଜାରି ରଣ୍ଡିଏ ଆଙ୍ଗା ଆନେରି,

୬ ଏଦାଆଁତାକି ଏଞ୍ଜାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି □ ଇଞ୍ଜା ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣସି ଏଦାଆଁ ଏଟକା କିଆପେସି □”

୭ ପାରୁସିୟାଁ ଏଞ୍ଜାଣାକ୍ ଝେଚେରି, “ଆତିହ୍ ମସା ଏନାଆଁତାକି ପିହ୍ନି ଆକୁ ରାଚାନା ତକ୍ତିନି ପିସାଲି ହେଲ ହାହାମାନେସି ?”

୮ ଜୀସୁ ଏଞ୍ଜାରାକ୍ ଏଲେଇଚେସି, “ଇଚିହ୍ ମୀ ଆଟ୍ଟା ହିୟାଟି ମେସାନା ମସା ମିଜେ ମୀ ତକ୍ତିସିକାଣି ପିସାଲି ହେଲ ହିୟାଚେସି, ସାମା ଗାଡ଼ିକିଚି ଦିନାଟିଏ ଏଲେକିହ୍ ହିଲାଆଚେ □

୯ ସାମା ନୀନୁ ମିଜେ ଝେସିମାଞ୍ଜାକ୍, ଆମ୍ବାଆସି ତାନି ତକ୍ତିନି ଦାରି ଦହ୍ ହିଲାଆନା ଏନି କାତାତାକି ପିସାନା ଅର ତକ୍ତିନି ତାତିହ୍, ଏଞ୍ଜାସି ଦାରିକାମା କିନେସି □”

୧୦ ସାମୁୟାଁ ଏଞ୍ଜାଣାକ୍ ଏଲେଇଚେରି, “ତକ୍ତିନି ତଲେ ମାଣସିକି ଇଲେତାୟି ମାଟିହ୍, ଏଞ୍ଜାସି ବୀହା ଆଆତିହ୍ ନେହ୍ ଆଡେମା □”

୧୧ ଜୀସୁ ଏଞ୍ଜାରାକ୍ ଏଲେଇଚେସି, “ବାରେଜାଣା ଇ କାତାଟି ଆସାଲି ଆଡ଼ଅରି, ଇଚିହ୍ ଆମ୍ବାଆରାକି ମାହାପୁରୁ ବାଡ଼ୁ ହାହାମାନେସି, ଝାଉଇ ଏଞ୍ଜାରିଦେହ୍ ଆସାଲି ଆଡ଼ିନେରି □

☆ ୧୯:୭ ୧୯:୯ ମାତୃ ୫:୩୧ ☆ ୧୯:୯ ୧୯:୯ ମାତୃ ୫:୩୨; ୧କର ୭:୧୦, ୧୧

୧୭ ଇତିହାସ ଆମ୍ବା ଆମ୍ବାଆରି ଇୟାନି ବାଣ୍ଟିଟିଏ ବୀହା ଆହାଲି ଆଡ଼ାଆରେରୁ ଜାନ୍ନା ଆହାମାନେରି; ଇଞ୍ଜା ଆମ୍ବା ଆମ୍ବାଆରି ଲକ୍ଷୁ ତାଣାଟି ଏଲେକିଞ୍ଜି ଆହାମାନେରି, ଅଡ଼େ ଆମ୍ବା ଆମ୍ବାଆରି ଲାକପୁରୁ ରାଜିତାକି ତାମ୍ବୁତାମ୍ବୁ ଏଲେ ଆହାମାନେରି, ଆମ୍ବାଆସି ଏ କାତାଟି ଆସାଲି ଆଡ଼ିନାସି ଆସପାସି ।”

ଜାମ୍ବୁ କକାରି ପଦାଁକି ବର ହାନାୟି
(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏତିବେଲା ଜାମ୍ବୁ କକାରି ପଦାୟାଁ ମୁହେଁ କେୟୁ ଇଟାନା ପ୍ରାଡ଼ାନା କିନେସି, ଏଦାଆଁତାକି ଲକ୍ଷୁ ଏଞ୍ଜାରାଇଁ ତାନି ତାଣା ତାତେରି, ସାମା ସାମ୍ବୁୟାଁ ତାଟିମାଟି ଲକ୍ଷୁଣି ଦାକା ହାତେରି ।

୧୪ ସାମା ଜାମ୍ବୁ ଏଲେଇଚେସି, “କକାରି ପଦାଁଣି ନା ତାଣା ଖାହାଲି ହାଦୁ, ଏଞ୍ଜାରାଇଁ ଆଂଗାଆଦୁ, ଏନାଆଁତାକି ଇତିହାସ ଲାକପୁରୁ ରାଜି ଏଲେତାରାଖାୟି ।”

୧୫ ଅଡ଼େ ଏଞ୍ଜାସି ଏଞ୍ଜାରି ଲାକ କେୟୁ ଇଟାନା ଏମାଟି ହାଚେସି ।

ର ଦନଗାଟି ଦାଂଗଣେଏସି
(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅଡ଼େ ମେହ୍ନୁ ରଅସି ଜାମ୍ବୁ ତାଣା ଖାହାନା ଖେଚେସି, “ଏ ଗୁରୁ କାଲାକାଲାଟି ଜୀଞ୍ଜୁ ବେଟାଆହାଲି ନାନୁ ଆମିନି ନେହାଁ କାମା କିଇଁ ?”

୧୭ ଜାମ୍ବୁ ଏଞ୍ଜାଣାଇଁ ଏଲେଇଚେସି, “ନେହାୟି ଇନି କାତାଟି ନାଜେ ଏନାଆଁତାକି ଖେଞ୍ଜିମାଞ୍ଜାଦି ? ଖାଠୁଇ ରଅସିଏ ନେହାଁସି; ସାମା ନାନୁ ଜୀଞ୍ଜୁ ବେଟାଆହାଲି ମନ କିତିହାଁ, ବାରେ ହୁକୁମି ମାନୁଞ୍ଜି ଆମ୍ବୁ ।”

୧୮ ଏଞ୍ଜାସି ଜାମ୍ବୁଇଁ ଏଲେଇଚେସି, “ଏନିଲେହେଁତି ହୁକୁମି ?”

ଜାମ୍ବୁ ଏଲେଇଚେସି, “ଲକ୍ଷୁଣି ପାୟାଆନି, ଦାରିକାମା କିଆନି, ସରୁ କିଆନି, ମିଟି ସାକି ହାଆନି,

୧୯ ତାଲି ତାଞ୍ଜି କାତା ଆହ୍ମୁ, ନୀ ପାଡ଼ିତ ଲକ୍ଷୁଣି ନୀ ଜୀଞ୍ଜୁ ଲେହେଁ ଜୀଞ୍ଜୁ ନମ୍ବୁ ।”

୨୦ ଏ ଦାଂଗଣେଏସି ଜାମ୍ବୁଇଁ ଏଲେଇଚେସି, “ନାନୁ ଇ ବାରେ ମାନୁଞ୍ଜି ଆହାମାଇଁ, ନାଜେ ଅଡ଼େ ଏନାଖା ଉଣା ମାନେ ?”

୨୧ ଜାମ୍ବୁ ଏଞ୍ଜାଣାଇଁ ଏଲେଇଚେସି, “ନାନୁ ନେହାଁତି ଆହାଲି ମନ କିତିହାଁ, ହାଜାନାହାଁ ନୀ ବାରେ ଦନ ପାଠତାନାହାଁ ହିଲାଆ ଗାଟାରାକି ଦାନା ହାମ୍ବୁ, ଇଞ୍ଜା ନା ଜେତ ଖାମ୍ବୁ, ଏଚେଟିଏ ଲାକପୁରୁ ନାନୁ ଦନ ବେଟାଆଡ଼ି ।”

୨୨ ଇ କାତା ଖେଞ୍ଜାନା ଦାଂଗଣେଏସି ଦୁକୁ ଆହାନା ହାଚେସି, ଇତିହାସ ଏଞ୍ଜାଣାକି ହାଠେକା ଦନ ମାଟେ ।

୨୩ ଏଚେଟିଏ ଜାମ୍ବୁ ତାନି ସାମ୍ବୁୟାଁଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ଦନ ଗାଟାରି ଲାକପୁରୁ ରାଜିତା ହଡ଼ାଲି ହାଠେକା କସ୍ତୁ ଆଠନ ।

୨୪ ଅଡ଼େ ଖେଣ୍ଡେ ନାନୁ ମିଜେ ଖେସିମାଞ୍ଜାଇଁ, ମାହାପୁରୁତି ରାଜିତା ଦନଗାଟାରି ହାନି କିହାଁ ଉରୁ ସୁଜା କାଣ୍ଡିଟି ହଡ଼ା ହାନାୟି ଉସାସା ଆଠନ ।”

୨୫ ସାମ୍ବୁୟାଁ ଇ କାତା ଖେଞ୍ଜାନା କାବାଆହାନା ଏଲେଇଚେରି, “ଆତିହାସ ଆମ୍ବାଆସି ଗେଲ୍ପି ଆହାଲି ଆଡ଼ିନେସି ?”

୨୬ ଜାମ୍ବୁ ଏଞ୍ଜାରାଇଁ ସିନିକିହାନା ଏଲେଇଚେସି, “ଇଦି ମାଣ୍ଡିତାକି ଆଆଗାଟାୟି, ସାମା ମାହାପୁରୁ ତାକି ବାରେ ଆଠନ ।”

୨୭ ଏଚେଟିଏ ପିତର ଏଲେଇଚେସି, “ମେହ୍ନୁ ମାମ୍ବୁ ରୁାରେ ପିସାନା ନୀ ଜେତ ଖାହାମାନମି; ଆତିହାସ ମାମ୍ବୁ ଏନାଆଁ ବେଟାଆନମି ?”

୨୮ ଜାମ୍ବୁ ଏଞ୍ଜାରାଇଁ ଏଲେଇଚେସି, ନାନୁ ମିଜେ ସାତା ଖେସିମାଞ୍ଜାଇଁ, ପୁଞ୍ଜି ଜୁଗୁ ଆନାଟି ଏଚେଟା ମାଣ୍ଡିସି ମୀରୁଏସି ତାନି ଗାଞ୍ଜୁରମିଟି କାଜାପାଣା ତଲେ ସିଂଗାସାଣିତା କୁଗିନି ଦିନା ନା ଜେତ ଖାହାମାନାଚେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସାୟେଲତି ବାର କୁଡ଼ାଟି ସାଲୁଞ୍ଜି କିଦେରି ।

☆ ୧୯:୨୮ ୧୯:୨୮ ମାଟି ୨୫:୩୧; ଲୁକ ୨୨:୩୦

୨୯ ଇଞ୍ଜି ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଜିସ୍ତା, ତାଲି ତାଞ୍ଜି, କକାରି ପଦାୟା, ଇଞ୍ଜି ବୁମି ବାଡ଼ା ପିସାମାନେସି, ଏଞ୍ଜାସି ଏ ବାରେକିହାଁ ହାରେକା ଗାତି ବେଟା ଆନେସି, ଇଞ୍ଜି କାଲକାଲାତି ଜୀଞ୍ଜୁତି ବେଟା ଆନେସି □

୩୦ *ସାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜି ତାୟୁତା ମାନି ହାରେକା ଲକୁ ନକିତା ଆନେରି □

୨୦

ଅଞ୍ଜୁରି ବାଡ଼ାତା କାମାକିନାରି

୧ ଇତିହ~ ଲାକପୁରୁ ରାଜି ଇଲେତି ର ସାଞ୍ଜୁକାରି ଲେହେଁତାୟି, ଲାଢ଼ ଝେୟାଲିଏ ତାନି ଅଞ୍ଜୁରି ବାଡ଼ାତା କୁଲି କାମା କିଞ୍ଜିକିହାଲି ହାରେସି □

୨ ଅଡ଼େ ଏଞ୍ଜାସି କୁଲି ଗାଟାରାଇଁ ଦିନାତାକି ର ଝେଣ୍ଡି ଟାକା ହିୟାଇଁ ଇଞ୍ଜ~ ଏଞ୍ଜାରାଇଁ ତାନି ଅଞ୍ଜୁରି ବାଡ଼ାତା ପାଣ୍ଡିତେସି □

୩ ଅଡ଼େ ନ ଗଂଟା ବେଲତା ଏଞ୍ଜାସି ପାଞ୍ଜାତା ହାଜାନା ଏବ୍‌କାତାରି କାମା ପୁଞ୍ଜଅନା ନିତାମାଟାଣି ମେସାନା ଏଞ୍ଜାରାଇଁ ଜିକେଏ ଏଲେଇଚେସି,

୪ ମୀରୁ ଜିକେଏ ଅଞ୍ଜୁରି ବାଡ଼ାତା ହାଜାନା କାମା କିଦୁ, ଇଞ୍ଜି ଏନିକ~ ତାରି ଆହାମାନେ, ଏଲେକିହ~ ମିଙ୍ଗେ ହିୟାଇଁ; ଇଞ୍ଜି ଏଞ୍ଜାରି ହାରେରି □

୫ ଅଡ଼େ ମାଦେନା ବାର ଗଂଟା ଇଞ୍ଜି ତାନି ଗଂଟା ବେଲତା ପାଞ୍ଜାତା ହାଜାନା ଏଲେକିତେସି □

୬ ଇଞ୍ଜି ମିଡ଼ଅଲ୍ଲା ପାସା ଗଂଟା ବେଲତା ପାଞ୍ଜାତା ହାଜାନା ଏଚରଜାଣା ନିତାମାନାଣି ମେସାନା ଝେଚେସି, ମୀରୁ ଏନାଆଁତାକି ମାଦେନା ଝେଡ଼ାତୁମ୍ବେ କାମା କିଆନା ଉଜେଏ ନିତାମାଞ୍ଜେରି ?

୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି, ଆମ୍ବାଆରି ମାଙ୍ଗେ କାମା ହେରୁପା ମାଞ୍ଜଅରି □ ଏଞ୍ଜାସି ଏଞ୍ଜାରାଇଁ ଏଲେଇଚେସି ମୀରୁ ଜିକେଏ ଅଞ୍ଜୁରି ବାଡ଼ାତା ହାକୁ □

୮ ତାୟୁ ମିଡ଼ଅଲ୍ଲା ଆହାଲିଏ, ଅଞ୍ଜୁରି ବାଡ଼ାତି ସାଞ୍ଜୁକାରି ତାନି ଗୁମ୍ବୁୟାଇଁ ଏଲେଇଚେସି, କୁଲି ଗାଟାରାଇଁ ହାଟାନା ତାୟୁ ଝାଡ଼ି ଲକୁ ତାଣ୍ଡାଟିଏ ମାଟ୍‌ହାନା ନକିତା ଝାଡ଼ି ଲକୁ ପାଚେକା କୁଲି ହୀମ୍ବୁ □

୯ ଏଚେଟିଏ ଆମିନି ଗାଟାରି ପାସା ଗଂଟା ବେଲତା କାମାତା ପାଣ୍ଡୁଞ୍ଜି ଆହାମାଚେରି, ଏଞ୍ଜାରି ଝାହାନା ର ଝେଣ୍ଡି ଟାକା ଲାକା ବେଟାଆଡ଼େରି □

୧୦ ଇଞ୍ଜି ନଚେଏ କାମାତା ପାଣ୍ଡୁଞ୍ଜି ଆହାମାନାରି ଝାହାନା ଗାତି ବେଟାଆନେରି ଇଞ୍ଜ~ ଅଣପିତେରି; ସାମା ଏଞ୍ଜାରି ଜିକେଏ ଏ ର ଝେଣ୍ଡି ଟାକା ଲାକା ବେଟାଆଡ଼େରି □

୧୧ ସାମା ଏଲେକ~ ବେଟାଆହାନା ଏଞ୍ଜାରି ସାଞ୍ଜୁକାରିଇଁ କପା ଆହାନା ଲାଗିତେରି □

୧୨ ଇ ତାୟୁତି ଲକୁ ଝାରଇ ର ଗଂଟା କାମା କିତେରି, ଇଞ୍ଜି ମାମ୍ବୁ ଝେଡ଼ା ତୁମ୍ବେ ଝାହୁ ଆହ~ କାରା ଝେହ~ କାମା କିତିହ~ ଜିକେଏ ନୀନୁ ଏଞ୍ଜାରାକି ମା ସମାନା କିତି □

୧୩ ଏଞ୍ଜାରି ବିଡ଼ାଟି ରଅଣାଇଁ ସାଞ୍ଜୁକାରି ଏଲେଇଚେସି ଏ ତଣ୍ଡେ, ଝେନାମ୍ବୁ, ନୀନୁ ନିଙ୍ଗେ ନାଡ଼ି କିହିମାଞ୍ଜଅଁ; ନୀନୁ ନା ତଲେ ର ଝେଣ୍ଡି ଟାକା ତାକି ରାଜି ଆହାହିଲ୍ଲାଆତି କି ?

୧୪ ନୀନୁ ଏଚେକା ପାଣ୍ଡନାୟି ମାନେ ଏଚେକା ଆସାନା ହାଜାତୁହମ୍ବୁ, ସାମା ଇ ତାୟୁତି ଲକୁକି ଜିକେଏ ନୀ ଲେହେଁକି ହିୟାଲି ନା ମନ୍ □

୧୫ ନା ଦନଡ଼ି ନା ମନ୍ ଲେହେଁ ଲେମ୍ବାଲି ନା ଅଦିକାରା ହିଲେଏ କି ? ନୀନୁ କାର୍ମାମେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି □

୧୬ *ଏଲେକିହ~ଏ ତାୟୁ ମାନି ଲକୁ ନକିତା ଆନେରି, ଇଞ୍ଜି ନକିତା ମାନି ଲକୁ ତାୟୁ ଆନେରି □

ତାନି ହାକିତି କାତା ଜୀସୁ ଟାନି ପାଲି ଝେହ୍‌ନାୟି
(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜୀସୁ ଜିରୁସାଲମତା ହାଜିମାଟାଟି ବାରଜାଣାତି ସୀସୁୟାଁଇଁ ଏବ୍‌କା କିହାନା, ଜିରୁତା ଏଞ୍ଜାରାଇଁ ଏଲେଇଚେସି,

* ୧୯:୩୦ ୧୯:୩୦ ମାତୃ ୨୦:୧୭; ଲୁକ ୧୩:୩୦ * ୨୦:୧୭ ୨୦:୧୭ ମାତୃ ୧୯:୩୦; ମାର୍କ ୧୦:୩୧; ଲୁକ ୧୩:୩୦

୧୮ ମେହ୍ନୁ ମାରୁ ଜିରୁସାଲମତା ହାଜିମାନାୟି, ମାଣ୍ଡସି ମୀରୁଏସି କାଜା ପୂଜେରାଜା ଅଡ଼େ ମେରାପୁନାରି କେୟୁତା ହେରୁପିଆନେସି,

୧୯ ଅଡ଼େ ଏଝାରି ଏଝାଣାଇଁ ହାନ୍ତି ତଣ୍ଡ ହୀହାନା ଏଡ଼କା କୁଡ଼ାତାରି କେୟୁତା ହେରୁପିନେରି, ଏରେଟିଏ ଏଝାରି ଏଝାଣାଇଁ କିଜ଼ି କିନେରି, ସାଟୁଣି ତ:ରିତଲେ ଝେନେରି, ଅଡ଼େ ପାସି ମୁଣ୍ଡାତା ଏକ୍‌ହାନା ପାୟିନେରି, ଇଞ୍ଜା ତାନି ଦିନାଟିଏ ହାକ୍‌ଟି ଝେଣ୍ଡେ ନିଜ୍‌ନେସି □

ର ଇୟାନି ବାଡ଼ିମାଲିନାୟି

(ମାର୍କ ୧୦:୩୫-୪୫)

୨୦ ଏରିବେଲା ଜେବଦି ତକ୍ତି ତାନି ରୀ ମୀରୁକା ତଲେ ଜୀସୁ ତାଣା ଝାହାନା ଜହରା କିହାନା ଏଝାଣି ତାଣା ବାଡ଼ିମାଲିହୁ ଏଲେଇଚେ □

୨୧ ଏରେଟିଏ ଜୀସୁ ଏଦାନି ଝେଚେସି, “ନୀନୁ ଏନାଆଁ ମନୁ କିହିମାଞ୍ଜି ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରୁକା ବିତ୍ରାଟି ରଅସି ନୀ ଚିଝନିଝାକି ଅଡ଼େ ରଅସି ନୀ ଚେବୁଝାକି କୁଗିନେରି ଇଞ୍ଜୁ ହୁକୁମି ହାମୁ □”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜିହିଲଅଡେରି □ ନୀନୁ ଆମିନି ସଲ୍ଲାତା ଗସାଲି ହାଜିମାଇଁ, ଏଦାଆଁ ମୀରୁ ଗସାଲି ଆଡ଼ିଦେରି ?”

ଏଝାରି ଏଝାଣାଇଁ ଏଲେଇଚେରି, “ଆଡ଼ିନମି □”

୨୩ ଜୀସୁ ଏଝାଣାଇଁ ଏଲେଇଚେସି, “ମୀରୁ ନା ସଲ୍ଲାତା ଗହ୍‌ଦେରି ସାତା, ସାମା ନା ଚିଝନି କି ଚେବୁଝାକି କୁଗାଲି ହାନି ନା ଅଦିକାରତି କାତା ଆଏ, ଇଚିହୁ ଆମିନି ଗାଟାରାକି ନା ଆବା ତାଣାଟି ଚାୟୁ କିଞ୍ଜିଆହାମାନେ ଏଝାରି କୁଗିନେରି □”

୨୪ ଏଡ଼କାଟି ଦସ ଜାଣା ଇ କାତା ଝେଞ୍ଜାନା ଏ ତାୟି ରିଆରାଇଁ କପା ଆଡ଼େରି □

୨୫ ସାମା ଜୀସୁ ଏଝାଣାଇଁ ତାଗେ ହାଟାନା ଏଲେଇଚେସି, “ଏଡ଼କା କୁଡ଼ାତାରି ସାଲ୍‌ଝି କିନାରି କାଜା ବାଡ଼ୁୟୁ ତଲେ ତାନି କାଜାପାଣା ତହ୍‌ନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି □

୨୬ ସାମା ବିତ୍ରା ଏଲେକିହୁ ଆଏ, ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ଅଣ୍ଡିପିନେସି, ଏଝାସି ମୀ ସେବା କିନାସି ଆପେସି;

୨୭ ଅଡ଼େ ଆମ୍ବାଆସି କାଜାପାଣା ବେଟାଆହାଲି ମନୁ କିନାସି ଏଝାସି ମୀ ହଲେଏସି ଆପେସି,

୨୮ ଏନିକି ମାଣ୍ଡସି ମୀରୁଏସି ଜିକେଏ ସେବା ବେଟାଆହାଲି ଝାହାହିଲଅସି, ସାମା ସେବା କିହାଲି ଅଡ଼େ ହାରେକା ଲକୁଣି ଗେଲ୍‌ପାଲି ଜୀସୁ ହୀହାଲି ଝାହାମାନେସି □”

ରୀ କାଣାୟିଣି ମେସାଲି ହାନାୟି

(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଜୀସୁ ଅଡ଼େ ତାନି ସାୟୁୟି ଜିରିହଟି ହାଜିମାଟାଟି ହାଡ଼େକା ମାନ୍ଦା ଲକୁ ତାନି ଜ୍ଞେଟ ହାଚେରି □

୩୦ ଅଡ଼େ ଜିରୁ ଦାରିତା ରିଆରି କାଣାୟି ଜୀସୁ ଏ ଜିରୁଟି ହାଜିମାନେସି ଇଞ୍ଜୁ ଝେଞ୍ଜାନା, କାଜା ଗିୟିତଲେ ଏଲେଇଚେରି, “ଏ ପ୍ରବୁ ଦାଝୁଦ ମୀରୁଏଣାତି! ମାଞ୍ଜେ କାର୍ମା ମେସ୍ତାମୁ □”

୩୧ ସାମା ଲକୁ ଏଝାଣାଇଁ ପାଲେଏ ଆହାଲି ଦାକା ହାଚେରି, ସାମା ଏଝାରି ଅଡ଼େ କାଜା ଗିୟିତଲେ ଏଲେଇଚେରି, “ଏ ପ୍ରବୁ ଦାଝୁଦ ମୀରୁଏଣାତି! ମାଞ୍ଜେ କାର୍ମା ମେସ୍ତାମୁ □”

୩୨ ଏମ୍ବାଟିଏ ଜୀସୁ ନିଗାନା ଏଝାଣାଇଁ ହାଟାନା ଝେଚେସି, “ନୀନୁ ମିଞ୍ଜେଟାକି ଏନାଆଁ କିଇଁ ଇଞ୍ଜୁ ମୀରୁ ଅଣ୍ଡିପିମାଞ୍ଜେରି ?”

୩୩ ଏଝାରି ଏଝାଣାଇଁ ଏଲେଇଚେରି, “ଏ ପ୍ରବୁ ଏନିକି ମା କାଣକା ଦେପି ଆନୁ □”

୩୪ ଅଡ଼େ ଜୀସୁ କାର୍ମା ଆହାନା ଏଝାରି କାଣକା ତାଗିଚେସି, ଇଞ୍ଜା ଏ ଦେବୁଣିଏ ଏଝାରି ମେସ୍ତେରି ଇଞ୍ଜା ଏଝାଣି ଜ୍ଞେଟ ହାଚେରି □

୨୧

ଜିରୁସାଲମତା ଜୀସୁ ରାହାଁଟି ହଡ଼ନାୟି

(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏବିବେଳା ଜୀସୁ ଅଡ଼େ ତାନି ସୀସୁୟାଁ ଜିରୁସାଲମ ତାଗେ ଆହ୍ୱାନା ଜାତ ଜନି ହରୁ ଦାରିତି ବେଡ଼ପାଗି ଏଜାଲିଏ ଏବିବେଳା ଜୀସୁ ତାନି ରୀ ସୀସୁୟାଁଣି ଏଲେଇଜ୍ଜା ପାଣ୍ଡିତେସି □

୨ “ମୀରୁ ନକିତା ମାନି ନାୟୁତା ହାଜୁ, ଇଜ୍ଜା ହାଲ୍‌ଖନିଏ ଦସାମାନି ର. ଗାଡ଼ଦେ ଇଜ୍ଜା ତାଲୁ ମେହ୍‌ଦେରି; ଏଞ୍ଜାଆଁ ହୁକହାନା ନା ତାଣା ତାଦୁ □

୩ ଅଡ଼େ ଆମ୍ବାଆରି ଏନାଆଁ ଇଜ୍ଜାତିହ, ଖେହ୍‌ଦୁ, ଇଝାସିକା ତାଣା ମା. ପ୍ରବୁକି ଲଡ଼ାମାନେ, ଏ ଦେବୁଣିଏ ଏଝାସିକାଣି ପାଣ୍ଡାନେସି □”

୪ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି କାତା ଏନିକି ସାତା ଆନେ, ଏଦାଆଁତାକି ଇ ବାରେ ଆଡ଼େ;

୫ “ସିୟନତି ଗାଡ଼ାଇଁ ଖେହ୍‌ଦୁ

ମେହ୍‌ମୁ ନୀ ରାଜା ନୀ ତାଣା ଝାହିମାନେସି,

ଏଝାସି ସୁଦୁଗାଟାସି ଇଜ୍ଜା ଗାଡ଼ଦେ ଲାକ କୁଗାମାନେସି

ଇତିହ ଗାଡ଼ଦେ ତାଲୁ ଲାକ କୁଗାମାନେସି □”

୬ ଏମ୍ବାଟିଏ ସୀସୁୟାଁ ହାଜାନା ଜୀସୁ ଖେସିଲେହେଁ କାମା କିତେରି,

୭ ଅଡ଼େ ଗାଡ଼ଦେ ଇଜ୍ଜା ତାଲୁତି ତାଚାନା ଏଝାସିକା ଲାକ ହିମ୍ବରିକା ପାଡ଼େରି, ଇଜ୍ଜା ଜୀସୁଇଁ କୁଗିକିତେରି □

୮ ଅଡ଼େ ହାରେକା ଲକୁ ତାନି ହିମ୍ବରିକା ଜିରୁତା ପାଡ଼େରି, ଅଡ଼େ ଏବେକା ଲକୁ ମାରକାତି ଗଚାୟାଁ ତାଚାନା ଜିରୁତା ପାଡ଼େରି □

୯ ଅଡ଼େ ଜୀସୁତି ତାୟୁତା ନକିତା ହାଜିମାଟି ଲକୁ ବାରେ କାଜା ଗିୟାଁତଲେ ଏଲେଇଚେରି, “ହସାନା ଦାଝୁଦ ମୀରୁଏସି! ମାହାପୁରୁ ଦରୁତି ଝାହିମାନେସି ନେହ୍‌ସି! ମାହାପୁରୁ ଏଝାଣାଇଁ ବର ହୀପାସି, ଲାକପୁରୁ ହସାନା □”

୧୦ ଅଡ଼େ ଏଝାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଝାସି ଆମ୍ବାଆସି ?” ଇଜ୍ଜା କାବାଆହ୍ୱାନା ଏଲେଇଚେରି □

୧୧ ଏଚେଟିଏ ବାରେ ଲକୁ ଏଲେଇଚେରି, “ଇଝାସି ଗାଲିଲି ଦେସାତା ମାନି ନାଜରିତତି ମାହାପୁରୁ ଅଣ୍‌ପୁତି ବଲୁ ଖେହ୍‌ନି ଜୀସୁ □”

ମାହାପୁରୁ ଇଲୁତା ଜୀସୁ ହାନାୟି

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଗାୟୁତା ଏମ୍ବାଆଁ ଆସି ମାସ୍କି ମାଚାରାଇଁ ବାରେତି ପାଜାତା ପେରହା ପାଣ୍ଡିତେସି, ଇଜ୍ଜା ଟାକାୟାଁ ବେବାରା ଗାଟାରି କୁଚିୟାଁ ଅଡ଼େ ପାର୍‌ଝା ପଚାୟାଁ ବେବାରା ଗାଟାରି ଜମ୍ବାୟାଁ ତିରିମ୍ବୁପହେସି,

୧୩ ଅଡ଼େ ଏଝାସି ଏଝାରାଇଁ ଏଲେଇଚେସି, ମାହାପୁରୁ ଦାମ୍‌ପତିତା ରାସ୍କି ଆହ୍ୱାନାନେ, “ନା ଇଲୁ ପ୍ରାତାନା ଇଲୁ ଇଜ୍ଜା ଖେଜିନେ, ସାମା ମୀରୁ ଏଦାଆଁ ଡ଼ାୟାଁ ପାଝୁ ମ୍ବୁହା ମାଞ୍ଜେରି □”

୧୪ ଇଜ୍ଜା ମାହାପୁରୁ ଇଲୁତା କାଣାୟାଁ, ସଚାୟାଁ ତାନି ତାଣା ଝାଡ଼େରି ଇଜ୍ଜା ଏଝାରାଇଁ ନେହ୍‌ କିତେସି □

୧୫ ସାମା କାଜା ପୂଜେରାଜା ଅଡ଼େ ମେରାପୁନାରି ତାଦୁ କିହିମାନି କାବାଆନି କାମା ମେସାନା ଅଡ଼େ “ମାହାପୁରୁ ଇଲୁତା ହସାନା ଦାଝୁଦ ମୀରୁଏସି” ଇଜ୍ଜା କାଜା ଗିୟାଁତଲେ କକାରି ଜଲିମାନାଣି ଖେଜାନା କପା ଆଡ଼େରି □

୧୬ ଏଝାରି ଜୀସୁଇଁ ଖେଚେରି, “ଇଝାରି ଏନାଆଁ ଇଜ୍ଜା ମାନେରି, ନୀନୁ ଏଦାଆଁ ଖେଜିମାଞ୍ଜି ?”

ଜୀସୁ ଏଝାରାଇଁ ଏଲେଇଚେସି, “ହାଅ, ଖେଜିମାଇଁ, ମୀରୁ କକାରି ଇଜ୍ଜା ପାଲୁ ଗହ୍‌ନରାଇଁ ନିକା ଜହରା ପାରୁ ପାଚାଲି ଜାପହାମାଞ୍ଜି, ଦାମ୍‌ ପତିତି ଇ କାତାତି ମୀରୁ ଏବେଲା ପଡ଼ୁଞ୍ଜି ଆହାହିଲଅଡ଼େରି ?”

୧୭ ଅଡ଼େ ଏଝାସି ଏଝାରାଇଁ ପିସାନା ଗାଡ଼ାଟି ହଡ଼ାନା ବେତନିୟାଁତା ହାଜାନା ଏମ୍ବାଆଁ ଲାଆଁୟାଁ ଡ଼ୟିତେସି □

ଜୀସୁ ତୟା ମାରୁନୁଇଁ ବାକା ଇତିନାୟି

(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଖେଣ୍ଡା ହାଜିମାଟାଟି ହାକି ଆଡ଼େସି,

୧୯ ଅଡ଼େ ଜିରୁ ଦାରିତା ର ତୟା ମାରୁନୁ ମେସାନା ଦାରିତା ହାଚେସି, ଇଞ୍ଜା ଖାଉଇ ଆକା ପିସପେ ଏମ୍ପାଆଁ ଏନାଆଁ ମେହୁଆତେସି ଇଞ୍ଜା ଏନାନି ବାକା ଇଚାନା ଏଲେଇଚେସି, “ନୀ ତାଣା ଏଚେଲା ପାଡ଼େୟି ଆୟାଆପେ” ଇଞ୍ଜା ଏ ଦେବୁଣିଏ ଏ ତୟା ମାରୁନୁ ଖାୟାହାଚେ □

୨୦ ସାମୁୟାଁ ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାରୁନୁ ଏନିକ୍ ଏ ଦେବୁଣିଏ ଖାୟା ହାଚେ □”

୨୧ *ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀ ନାମୁ ମାଟିହୁଁ, ଅଡ଼େ ମୀରୁ ଆନାମାନା ଆଆନା, ଇ ତୟା ମାରୁନୁତି ଏନି କିଝିଆହାମାନେ, ଏଲେକିହୁଁ ଏ କିଦେରି ଏଡ଼ି ଆଏ, ‘ସାମା ଇ ହରୁତି ଜିକେଏ ନୀନୁ ନିଜାନା ସାମୁଦ୍ଦରିତା ତର୍ଗାମୁ’ ଇଞ୍ଜେରି, ଆତିହୁଁ ଏଡ଼ି ଆଡ଼େ □

୨୨ ଇଞ୍ଜା ନାମୁତଲେ ପ୍ରାତାନାତା ଏନାଆଁ ରାହୁଦେରି ଏ ବାରେ ମିଙ୍ଗେ ମେଡ଼ାଆୟାନେ □”

ଜାସୁତି ଅଦିକାରା

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଜାପୁହି ମାଚାଟି, କାଜା ପୁଜେରାଙ୍ଗା ଅଡ଼େ ଲକ୍ଷୁତି କାଜାରି ଏଝାଣି ତାଣା ଖାହାନା ଝେଚେରି, “ନୀନୁ ଆମିନି ଅଦିକାରା ତଲେ ଇ ବାରେ କାମା କିହିମାଞ୍ଜି ? ନିଙ୍ଗେ ଏ ଅଦିକାରା ଆମ୍ବାଆସି ହିୟାତେସି ?”

୨୪ ଜୀସୁ ଏଝାରାଇଁ ଏଲେଇଚେସି, “ନାନୁ ଜିକେଏ ମିଙ୍ଗେ ର କାତା ଝେଞ୍ଜାଇଁ, ମୀରୁ ଏଦାଆଁ ଝେଣ୍ଡେ ଝେସୁତିହୁଁ, ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଇଁ, ନାନୁ ଜିକେଏ ମିଙ୍ଗେ ଝେସୁଇଁ □

୨୫ ଜହନ ବାପ୍ତିସ୍ତା* ହାହାଲି ଆମ୍ବାଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକ୍ଷୁ ତାଣାଟି ?”

ଏଚେଟିଏ ଏଝାରି ତାମ୍ବୁତାମ୍ବୁ ଜଲୁକି ଆଡ଼େରି, “ମାହାପୁରୁ ତାଣାଟି ଇଞ୍ଜୁଁ ଝେସୁହିଁ, ଏଝାସି ମାଙ୍ଗେ ଏଲେଇଞ୍ଜାନେସି, ‘ମୀରୁ ଏନାଆଁତାକି ଏଝାଣାଇଁ ନାମାଆତେରି ?’

୨୬ ସାମା ମାଣ୍ଡସିୟାଁ ତାଣାଟି ଇନାୟି, ଲକ୍ଷୁତାକି ଆଜି, ଇତିହୁଁ ବାରେ ଲକ୍ଷୁ ଜହନଇଁ ମାହାପୁରୁ ଅଣ୍ଡୁତି ବଲୁ ଝେହନାସି ଇଞ୍ଜିହୁଁ ମାନଝି ଆହିମାନେରି □”

୨୭ ଏଦାଆଁତାକି ଏଝାରି ଜୀସୁଇଁ ଏଲେଇଚେରି, “ମାମୁ ପୁଞ୍ଜାହିଲିଆମି □”

ଏଝାସି ଜିକେଏ ଏଝାରାଇଁ ଏଲେଇଚେସି, “ଆତିହୁଁ ନାନୁ ଜିକେଏ ଆମିନି ଅଦିକାରା ତଲେ ଇ ବାରେ କିହିମାଇଁ, ଏଦାଆଁ ନାନୁ ଜିକେଏ ମିଙ୍ଗେ ଝେସୁଅଁ □”

ରା ମୀରୁକାଟି ପୁଣ୍ଡିକିନି କାତା

୨୮ ମୀରୁ ଏନାଆଁ ଅଣ୍ଡିମାଞ୍ଜେରି ? ରଅଣାକି ରା ମୀରୁକା ମାଚେରି, ଏଝାସି କାଜା ମୀରୁଏଣି ତାଣା ଖାହାନା ଏଲେଇଚେସି, “ମୀରୁଏଣା ନୀଞ୍ଜୁ ଅଞ୍ଜୁରି ବାଡ଼ାତା ହାଜାନା କାମା କିମୁ □”

୨୯ ଏଝାସି ଏଲେଇଚେସି, “ନାଙ୍ଗେ କାମା କିହାଲି ମନୁ ହିଲେଏ” ସାମା ତାୟୁ ଏଝାସି ଅଣ୍ଡିମାନା କାମା କିହାଲି ହାଚେସି □

୩୦ ଇଞ୍ଜା ଉଣା ମୀରୁଏଣା ତାଣା ଖାହାନା ଏଲେଇଞ୍ଜି ଝେସୁସି, ଏଝାସି ଏଲେଇଚେସି, “ହାଅ ଆବ୍ କାନୁ ହାଜିମାଇଁ, ସାମା ଏଝାସି ହାଲାଆତେସି □

୩୧ ଇ ରିଆରି ବିଡ଼ାଟି ଆମ୍ବାଆସି ଆବା ମନୁ ଲେହେଁ କିତେସି ?”

ଏଝାରି ଏଲେଇଚେରି “କାଜାସି □”

ଜୀସୁ ଏଝାରାଇଁ ଏଲେଇଚେସି, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ସିସୁ ରୁଆହନାରି ଇଞ୍ଜା ଦାରେଣିସିକା ମୀ ନବେଏ ମାହାପୁରୁ ରାଜିତା ହଡ଼ନୁ □

୩୨ *ବାପ୍ତିସ୍ତାଁ ହାନି ଜହନ ଖାହାନା ମୀ ତାଣା ଦାମୁତି ଜିରୁ ତସ୍ତାତେସି, ଅଡ଼େ ମୀରୁ ଏଝାଣାଇଁ ନାମାଆତେରି, ସାମା ସିସୁ ରୁଆହନାରି ଇଞ୍ଜା ଦାରେଣିସିକା ଏଝାଣାଇଁ ନାମିତୁ, ସାମା ମୀରୁ ଏନିକ୍ ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟା ବାଦଲି କିଆତେରି □

ଅଞ୍ଜୁରି ବାଡ଼ାତା କାମାକିନାରି ପୁଣ୍ଡିକିନି କାତା

(ମାର୍କ ୧୨:୧-୧୨; ଲୁକ ୨୦:୯-୧୯)

☆ ୨୧:୨୧ ୨୧:୨୧ ମାଟି ୧୭:୨୦; ୧କର ୧୩:୨ * ୨୧:୨୫ ୨୧:୨୫ ମୁଞ୍ଜିନାୟି ☆ ୨୧:୩୨ ୨୧:୩୨ ଲୁକ ୩:୧୨; ୭:୨୯,୩୦ † ୨୧:୩୨ ୨୧:୩୨ ମୁଞ୍ଜିନାୟି

୩୩ ଅତେ ର ପୁଣ୍ୟମିକିନି କାତା ଖେଷ୍ଟ, ର ବୁନି ଗାଟାସି ମାଚେସି, ଏଝାସି ର ଅଙ୍ଗୁରି ବାଡ଼ା କିହାନା ସାରିଝାକି ବେୟ୍ ଗୁରତେସି, ଇଞ୍ଜା ଅଙ୍ଗୁରି ପାଡ଼େୟି ପାଚାଲି ର ଗାଡ଼ୁୟ କାରୁହାନା ର ଗାଣା ହଲୁଲେହେଁ କିତେସି, ଇଞ୍ଜା କାଞ୍ଚିଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଗା ହାହାନା ହେକ ଦେସାତା ହାଚେସି □

୩୪ ତାୟୁ ପାଡ଼େୟି କାମିନି ବେଲା ଆୟାଲିଏ, ଏଝାସି ତାନି ପାଡ଼େୟି ବାଗା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲିୟାଙ୍ଗାଣି ପାଣ୍ଡିତେସି □

୩୫ ସାମା କାମାକିନାରି ତାନି ହଲିୟାଙ୍ଗାଣି ଆସାନା ରଅଣାକ୍ ଖେତେରି ଇଞ୍ଜା ଅର ରଅଣାକ୍ ପାୟିତେରି, ଅତେ ରଅଣାକ୍ ଝାଲୁକା ଖେଚାନା ପାୟା କୁତାତୁସ୍ତେରି □

୩୬ ଅତେ ଏଝାସି ତଲିତି କିହାଁ ହାଡ଼େକା ଜାଣା ହଲିୟାଙ୍ଗାଣି ପାଣ୍ଡିତେସି, ଅତେ ଏଝାରି ଏଝାରାକ୍ ଜିକେଏ ଏଲେକିତେରି □

୩୭ ସାମା ନା ମୀରୁଏଣାକ୍ ଏଝାରି ମାନ୍ତି କିନେରି ଇଞ୍ଜା ଅଶ୍‌ପାନା, ଏଝାସି ତାୟୁ ତାନି ମୀରୁଏଣାକ୍ ଏଝାରିତାଣା ପାଣ୍ଡିତେସି □

୩୮ ସାମା ଏ କାମାକିନାରି ମୀରୁଏଣାକ୍ ମେସାନା ତାମ୍ବୁତାମ୍ବୁ ଖେସ୍‌ପି ଆଚେରି, ଇଝାସିତ ବାଡ଼ାତି ଅଦିକାରା ଗାଟାସି; ଝାଦୁ ଇଝାଣାକ୍ ପାୟାନା ଅଙ୍ଗୁରି ବାଡ଼ାତି ଅଦିକାରା କିହାକତିନି □

୩୯ ଇଞ୍ଜା ଏଝାରି ଏଝାଣାକ୍ ଅଙ୍ଗୁରି ବାଡ଼ା ଆତାଲା ମେଡ଼ହାନା ପାୟିତେରି □

୪୦ ଜାସୁ ଏଝାରାକ୍ ଖେଚେସି, “ଇଚିହୁଁ ଏଚିବେଲା ଏ ଅଙ୍ଗୁରି ବାଡ଼ାତି ସାଝୁକାରି ଝାନେସି, ଏଚିବେଲା ଏ କାମା କିନାରାକ୍ ଏନାଆଁ କିନେସି □”

୪୧ ଏଝାରି ଏଝାଣାକ୍ ଏଲେଇଚେରି, “ଏ ଲାଗେଏ ପଲେଏଚି କାମା କିନାରାକ୍ କସୁ ହାହୁଁ ପାୟିନେସି, ଇଞ୍ଜା ଏଝାଣାକି କାମିନିସାରି ବାଗା ହାନି ଏବକାଚି କାମା କିନାରାକି ଅଙ୍ଗୁରି ବାଡ଼ାତି ହେରପିନେସି □”

୪୨ ଜାସୁ ଏଝାରାକ୍ ଏଲେଇଚେସି, “ମୀରୁ ଦାମ୍ବୁ ପତିତି ଇ କାତା ଏଚେଲାଝା ପଡ଼ୁଝି ଆହାହିଲଅଚେରି କି ?”

ଇଲୁ ଦହନାରି ଆମିନି ଝାଲିତି ମିଶ୍‌ଏ ଇଞ୍ଜା କୂଚେରି,
ଏଦିଏ ଇଲୁ କନତି ମୁଲୁ ଝାଲି ଆଚେ;

ମାହାପୁରୁ ତାଣାଚି ଇଦି ଆଚେ,
ଇଞ୍ଜା ଏଦି ମା କାନୁତାକି କାବା ଆନାୟି □

୪୩ “ଏଦାଆଁତାକି ନାନୁ ମିଜେ ଖେସିମାଞ୍ଜାକ୍, ମାହାପୁରୁତି ରାକ୍ତି ମୀ ତାଣାଚି ମୀଞ୍ଜା ଅଝିଆଚେ, ଇଞ୍ଜା ଆମିନି ଜାଡ଼ିତି ଲକୁ ନେହୁଁ ପାଡ଼େୟି କାମି କିନେରି ଏଝାରାକି ହାନେସି □

୪୪ ଅତେ ଆମ୍ବାଆସି ଇ ଝାଲି ଲାକ ରିନେସି ଏଝାସି କାଣ୍ଡାମୁକା ଆଚେସି, ଇଞ୍ଜା ଇ ଝାଲି ଆମ୍ବାଆରି ଲାକ ରିନେ ଏଦି ଏଝାଣାକ୍ ନାସାକିନେ □”

୪୫ କାଜା ପୂଜେରାକା ଅତେ ପାରୁସିୟାଁ ଇଝାଣି ଇ ବାଚେ ପୁଣ୍ୟମିକିନି କାତା ଖେଞ୍ଜାନା, ଏଝାସି ଏଝାରି କାତା ଖେସିମାନେସି ଇଞ୍ଜା ପୁଚେରି,

୪୬ ଇଞ୍ଜା ଏଝାରି ଏଝାଣାକ୍ ଆସାଲି ଅଶ୍‌ପିମାଚେରି, ସାମା ଲକୁକ୍ ଆଜିତେରି, ଏନାଆଁତାକି ଇଚିହୁଁ ଏଝାଣାକ୍ ର ମାହାପୁରୁ ଅଶ୍‌ପୁତି ବଲୁ ଖେହନାସି ଇଞ୍ଜା ମାନ୍ତି କିହିମାଚେରି □

୨୨

ବୀହା ବକ୍ତିତ ପୁଣ୍ୟମିକିନି କାତା (ଲୁକ ୧୪:୧୫-୨୪)

- ୧ ଅତେ ଖେଶ୍‌ଣେ ଜାସୁ ପୁଣ୍ୟମିକିନି କାତାତଲେ ଏଲେଇଚେସି,
- ୨ ଲାକପୁରୁତି ରାକ୍ତି ଇଲେତାୟି, ର ରାଜା ଲେହେଁ, ଏଝାସି ତାନି ମୀରୁଏଣା ବୀହା ବକ୍ତି କିତେସି,
- ୩ ଇଞ୍ଜା ଏ ବୀହା ବକ୍ତିତା ହାଟାମାନି ଲକୁଣି ବକ୍ତିତା ଝାଡ଼ପରିଝା ଇଞ୍ଜା ତାନି ହଲିୟାଙ୍ଗାଣି ପାଣ୍ଡିତେସି, ସାମା ଏଝାରି ଝାହାଲି ମନ୍ କିଆଚେରି □
- ୪ ଅତେ ଖେଶ୍‌ଣେ ଏବକାଚି ହଲିୟାଙ୍ଗାଣି ପାଣ୍ଡାନା ଏଲେଇଚେସି, ହାଚି କିହାମାନି ଲକୁଣି ଖେହୁଦୁ, ମେହୁଦୁ ନାନୁ ନା ବକ୍ତି ଝାଜା ମାକ୍, ଆଙ୍ଗା ଆଡ଼ି କଡ଼ିୟାଁ ପାୟୁଝି ଆହାମାନୁ, ବାଚେ ରାନ୍ଦା ଆଚେୟିଏ, ମୀରୁ ବୀହା ବକ୍ତିତା ଝାଦୁ □

୫ ଯାମା ଏଞ୍ଜେଲି ଏଦାଆଁ ଅଣପାଆନା ଆମ୍ବାଆରି ତାନି ତାପା କାମାତା ହାଚେରି, ଇଞ୍ଜାଁ ଆମ୍ବା ଆମ୍ବାଆରି ତାନି ବେବାରା କିୟାଲି ହାଚେରି,

୬ ଅଡ଼େ ଏଚରଜାଣା ଲକୁ ତାନି ହଲିୟାଙ୍ଗାଣି ଆସାନା ପାୟିତେରି □

୭ ଯାମା ରାଜା କପା ଆହାନା ତାନି କସ୍କାଣି ପାଣ୍ଡାଣା ଏ ପାୟିତାରାଇଁ ପାୟି କିତେସି ଇଞ୍ଜାଁ ଏଞ୍ଜେରି ନାମ୍ବକା ମ୍ବେକହା ତୁସ୍ତେରି □

୮ ଏମ୍ବାଟିଏ ଏଞ୍ଜେସି ତାନି ହଲିୟାଙ୍ଗାଣି ଏଲେଇଚେସି, ବୀହା ବକ୍ତି ଆହାମାନେ, ଯାମା ହାଟ୍ଟକି ଆହାମାନି ଲକୁ ପାଡ଼ା ଆଆଡାରି,

୯ ଏଦାଆଁତାକି ନୀର୍ବ ମୀରୁ ଗାଡ଼ାତି କାଜା ତାଣ୍ଡେଣାଁ ହାଜାନା, ଏଚରଜାଣାତି ମେହ୍ଦେରି, ଏଞ୍ଜେରାଇଁ ବୀହା ବକ୍ତିତା ହାଡ଼ା ତାଡୁ □

୧୦ ଏମ୍ବାଟିଏ ଏ ହଲିୟାଙ୍ଗା କାଜା ତାଣ୍ଡେଣାଁ ହାଜାନା ଲାଚେଏ ପଲେଏତାରାଇଁ ଇଞ୍ଜାଁ ଏଚେକା ନେହାଁରାଇଁ ମେସ୍ତେରି, ଏ ବାରେଡି ରୁଣ୍ଡି କିହାନା ବୀହା ଇଲୁତା ତାଡେରି, ଇଞ୍ଜାଁ ଖାହାମାନି ଲକୁ ବୀହା ଇଲୁତା ନେଞ୍ଜିତେରି □

୧୧ ଯାମା ରାଜା ବୀହା ବକ୍ତିତା ଖାହାମାନି ଲକୁଣି ସିନିକିହାଲି ବିତ୍ତା ଖାହାନା ଏମ୍ବାଆଁ ବୀହା ହିମ୍ବରି ହୁଚାଆନା କୁଗାମାନି ରଅଣାଇଁ ମେସାନା ଏଞ୍ଜେଣାଇଁ ଏଲେଇଚେସି,

୧୨ ଏ ଡ଼େଣ, ନୀନୁ ବୀହା ହିମ୍ବରି ହୁଚାଆନା ଏନିକିଁ ଇମ୍ବାଆଁ ଖାଡ଼ି ? ଯାମା ଏଞ୍ଜେସି ଏନି ହାଡ଼ା ଆଆନା ତୁୟିତେସି □

୧୩ ଏମ୍ବାଟିଏ ରାଜା ଏମ୍ବାଆଁ ହଲିୟାଙ୍ଗାଁ ଏଲେଇଚେସି, ଇଞ୍ଜେଣି କେସ୍ତା କତାୟିଁ ଦସାନା ପାଙ୍ଗାତି ଆନେରିତା ମେଡ଼ହା ତୁହ୍ଦୁ, ଏମ୍ବାଆଁ ତାହଁ ପାଲୁକା ଟାଟି କିନେସି □

୧୪ ଇଚିହଁ ହାଟ୍ଟକି ଆଡ଼ି ଲକୁ ହାଚେରକା ଜାଣା ଯାମା ଆଡ଼ିତି ଲକୁ ହାଚେରକା ଡ଼ଣା ଜାଣା □

ସିସୁ ହୁନାଣି ଖେନାୟି

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏଚିବେଲା ପାରୁସିୟାଁ ହାଜାନା ଜୀସୁଇଁ ତାନି ଖେସି କାତାଟି ଦହ୍ ଦସାଲି ପାରୁ ପାରିତେରି □

୧୬ ଇଞ୍ଜାଁ ଏଞ୍ଜେରି ହେରଦ ଗତି ବିତ୍ତାଟି ଏଚେକା ଲକୁତଲେ ତାନି ସୀସୁୟାଁଇଁ ଜୀସୁ ତାଣା ଖେସା ପାଣ୍ଡିତେରି, “ଏ ଗୁରୁ ମାମ୍ବୁ ପୁଞ୍ଜାମାନି ନୀନୁ ସାତା ଖେହନାତି ଇଞ୍ଜାଁ ସାତା କିହଁ ମାହାପୁରୁତି ଜିରୁ ଜାପ୍ନାତି, ଇଞ୍ଜାଁ ଆମ୍ବାଆରାଇଁ ଆଜଅତି ଅଡ଼େ ଆମ୍ବାଆରି ପାର୍ଡ଼ା ବାରିକିହଁ ଜଲିନାତି ଆଏ □

୧୭ ଇଦାଆଁତାକି ନୀନୁ ମାଜେ ଖେସ୍ତାମ୍, ନୀ ଅଣ୍ଡପୁତା ଏନାୟି ମାନେ ? କାୟିସରକି ସିସୁ ହୁନାୟି ମେମା କି ଆଏ ?”

୧୮ ଯାମା ଜୀସୁ ଏଞ୍ଜେରି କାର୍ବି ପୁଞ୍ଜାଣା ଏଲେଇଚେସି, “ଆଡ଼େ କୁଟୁ ଗାଟାତେରି ନାଜେ ଏନାଆଁତାକି ତାୟିପାରି କିହିମାଞ୍ଜାଦେରି ?

୧୯ ଏ ସିସୁ ହୁନାଣି ଟାକା ନାଜେ ହିୟାଡୁ □” ଏମ୍ବାଟିଏ ଏଞ୍ଜେଣି ତାଣା ର ଟାକା ଆଦଲି ହାତେରି □

୨୦ ଜୀସୁ ଏଞ୍ଜେରାଇଁ ଖେଚେସି, “ଇ ଆଦଲି ଲାକ ଆମ୍ବାଆରି ଦରୁ ଅଡ଼େ ତାୟିଁ ରୁମା ମାନେ ?”

୨୧ ଏଞ୍ଜେରି ଏଲେଇଚେରି, “କାୟିସରଖାୟି □”

ଜୀସୁ ଏଞ୍ଜେରାଇଁ ଏଲେଇଚେସି, “ଆଡିହଁ ଆମିନାୟି କାୟିସରଖାୟି ଏଦାଆଁ କାୟିସରକି ହୀଡୁ, ଅଡ଼େ ଆମିନାୟି ମାହାପୁରୁଖାୟି ଏଦାଆଁ ମାହାପୁରୁକି ହୀଡୁ □”

୨୨ ଏଞ୍ଜେରି ଏଦାଆଁ ଖେଞ୍ଜାଣା କାବାଆହାନା ଏଞ୍ଜେଣାଇଁ ପିସାଁ ହାଜାତୁସ୍ତେରି □

ହାକିଟି ଖେଣ୍ଡେ ନିଜିନି କାତା

(ମାର୍କ ୧୨:୧୮-୨୬; ଲୁକ ୨୦:୨୭-୪୦)

୨୩ ଏହାକିଟି ଖେଣ୍ଡେ ନିଜିନାୟି ହିଲେଏ ଇଞ୍ଜିମାନି ଏଚରଜାଣା ସାଦୁକିୟାଁ ଏ ଦିନା ଜୀସୁ ତାଣା ଖାହାନା ଖେଚେରି □

୨୪ “ଏ ଗୁରୁ ମସା ଖେସାମାଞ୍ଜାନେସି, ରଅସି ପଡ଼ି ପଡ଼ା ଆଆନା ହାଡିହଁ ତାନି ତାୟି ତାନି ଡ଼କ୍ତିନି ଇଚାନା ଏ ହାଡାଣି କୁଡ଼ା ଏପାକିନେସି □

୨୫ ମେହ୍ମୁ ମା ତାଣା ସାତା ଜାଣା ତାୟିୟାଁ ମାଚେରି; ତଲି ମ୍ବୁ ତାସି ବୀହା ଆହାନା ହାହାହାଚେସି, ଇଞ୍ଜାଁ କକାରି ପଦାୟାଁ ହିଲାଆତାକି ଏଞ୍ଜେସି ତାନି ଡ଼କ୍ତିନି ତାନି ତାୟିକି ପିସାହାଚେସି;

୨୭ ଏଞ୍ଜେଲି ଜେରତାସି ଅଡ଼େ ଏଞ୍ଜେଲି ଜେରତାସି ଏଲେକିହିଁ ସାତା ଜାଣା ଜିକେଏ ହାଡ଼େରି □

୨୭ ବାରେଡି ତାମ୍ବ ଏ ଇୟାରି ଜିକେଏ ହାଡ଼େ □

୨୮ ଆତିହିଁ ଝେଣ୍ଡେ ନିଜିନାଟି ଏ ସାତା ଜାଣା ବିତ୍ତା ଆମ୍ବାଆରି ତକ୍ତି ଆନେ ? ଇତିହିଁ ବାରେଜାଣା ଏଦାନି ବାହା ଆହାମାତେରି □”

୨୯ ଜୀସୁ ଏଞ୍ଜେରାଇଁ ଏଲେଇଚେସି, “ମୀରୁ ଦାମ୍ବୁ ସାସ୍ତେରି ଅଡ଼େ ମାହାପୁରୁତି ବାଡ଼ୁଲୁ ପୁନାଆନା ନାଡ଼ି ଆହିମାଞ୍ଜେରି □

୩୦ ଇତିହିଁ ହାହାନା ଝେଣ୍ଡେ ନିଜିସାରେ ଲକୁ ବାହା ଆଅରି, କି ବାହା ହାଅରି, ସାମା ଲାକପୁରୁତି ଦୁରୁୟାଲେହେଁ ଆନେରି □

୩୧ ସାମା ହାଡ଼ାରି ଝେଣ୍ଡେ ନିଜିନି କାତା ମାହାପୁରୁ ମିଜେ ଏନାଆଁ ଝେସାମାଞ୍ଜାନେସି ଏଦାଆଁ ମୀରୁ ପଡ଼ୁଡ଼ି ଅହାହିଲଅଡେରି ?

୩୨ ନାନୁ ନଗ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁଡେଏଁ, ଏଞ୍ଜେସି ହାଡ଼ି ଲକୁତି ମାହାପୁରୁ ଆଏ ସାମା ଜୀଞ୍ଜୁଗାଗାରି ମାହାପୁରୁ □”

୩୩ ଲକୁ ବାରେ ଏଞ୍ଜେଲି ଜାପୁନାଣି ଝେଞ୍ଜାନା କାବା ଆହାହାଚେରି □

କାଜା ହୁକୁମି

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜୀସୁଇଁ ସାଦୁକିୟାଁ ଝେଣ୍ଡେ ଝେସାଲି ଆଡ଼ି ହିଲଅରି ଇଞ୍ଜିଁ ପୁଞ୍ଜାନା ପାରୁସିୟାଁ ବିତ୍ତାଟି ରୁଣ୍ଡା ଆଡେରି,

୩୫ ଅଡ଼େ ଏଞ୍ଜେରି ବିତ୍ତାଟି ମେରା ପୁନାସି ରଅସି ଜୀସୁଇଁ ତାୟିପାରିକିହିଁ ଝେଚେସି,

୩୬ “ଗୁରୁ ବାରେ ହୁକୁମିକା ବିତ୍ତାଟି ଆମିନି ହୁକୁମି କାଜାୟି ?”

୩୭ ଜୀସୁ ଏଞ୍ଜେରାଇଁ ଏଲେଇଚେସି, ନୀନୁ ନୀ ବାରେ ହିୟାଁ, ନୀ ବାରେ ଜୀଞ୍ଜୁ ବାରେ ଅଣ୍ଡପୁ ତଲେ ପ୍ରବୁ ନୀ ମାହାପୁରୁଇଁ ଜୀଞ୍ଜୁ ନମ୍ବୁ □

୩୮ ଇଦଏ ବାରେ ହୁକୁମିକା କିହାଁ କାଜାୟି ଇଞ୍ଜାଁ ତଲିତି ହୁକୁମି □

୩୯ ଏଦାଣି ଜେରତି ହୁକୁମି ଜିକେଏ ଏଲେକିହିଁଏ, ନୀନୁ ନୀ ପାଡ଼ିତି ଲକୁଣି ନୀ ଜୀଞ୍ଜୁତି ଜୀଞ୍ଜୁ ନହାଁ କଡିନି ଲେହେଁ ଜୀଞ୍ଜୁ ନମ୍ବୁ □

୪୦ ଧଇ ରୀ ହୁକୁମିତା ମସାତି ବାରେ ମେରା, ଅଡ଼େ ମାହାପୁରୁ ଅଣ୍ଡପୁତି ବଲୁ ଝେହନାରି କାତା ମାଞ୍ଜାମାନେ □

କ୍ରୀସ୍ତ ଆମ୍ବାଆସି

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଚାଟି ଜୀସୁ ଏଞ୍ଜେରାଇଁ ଝେଚେସି,

୪୨ “କ୍ରୀସ୍ତଇଁ ମୀରୁ ଆମ୍ବାଆସି ଇଞ୍ଜିଁ ମୀରୁ ଅଣ୍ଡପିମାଞ୍ଜେରି ? ଏଞ୍ଜେସି ଆମ୍ବାଆରି ମୀରୁଏସି ?” ଏଞ୍ଜେରି ଏଞ୍ଜେରାଇଁ ଏଲେଇଚେରି “ଦାଞ୍ଜୁଦ ମୀରୁଏସି □”

୪୩ ଜୀସୁ ଏଞ୍ଜେରାଇଁ ଏଲେଇଚେସି, “ଆତିହିଁ ଦାଞ୍ଜୁଦ ଏନିକିଁ ସୁଦୁଜୀଞ୍ଜୁ ତଲେ ଏଞ୍ଜେରାଇଁ ପ୍ରବୁ ଇଞ୍ଜିଁ ମାଚେସି ?” ଦାଞ୍ଜୁଦ ଏଲେଇଚେସି,

୪୪ “ପ୍ରବୁ ନା ପ୍ରବୁଇଁ ଝେସ୍ତେସି,

ନାନୁ ନୀ ସାତୁୟାଁଣି ନୀ କଡାୟାଁ ଡ଼ଇ ଇଗାଆ ପାଡେକା

ନା ଟିଞ୍ଜିନି ଟଟତା କୁଗାମାନାମ୍ବୁ □

୪୫ ଇତିହିଁ ଦାଞ୍ଜୁଦ ତାନୁଏ ଏଞ୍ଜେରାଇଁ ପ୍ରବୁ ଇତିହିଁ, କ୍ରୀସ୍ତ ଏନିକିଁ ଦାଞ୍ଜୁଦ ମୀରୁଏସି ଆନେସି ?”

୪୬ ଏମ୍ବାଟି ଆମ୍ବାଆସି ଜିକେଏ ଏଞ୍ଜେରାଇଁ ଝେଣ୍ଡେ ଝେସାଲି ଆଡ଼ାଆଡେସି, ଅଡ଼େ ଏ ନେଚୁଟିଏ ଆମ୍ବାଆସି ଜିକେଏ ଜୀସୁଇଁ ଏନି କାତା ଝେଞ୍ଜାଲି ସାସା କିଆଡେରି □

୨୩

ମେରାପୁନାରି ଇଞ୍ଜାଁ ପାରୁସିୟାଁ ତାଣାଟି ଜାଗ୍ରାତା ଆନାୟି

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

☆ ୨୨:୪୦ ୨୨:୪୦ ଲୁକ ୧୦:୨୫-୨୮

୧ ଏତିବେଲାତା ଜୀମୁ ବାରେ ଲକ୍ଷ୍ମୀ ଇଞ୍ଜା ତାନି ସୀମୁୟାଁଇଁ ଏଲେଇଚେସି,

୨ ଫେରାପୁନାରି ଅଡେ ପାରୁସିୟାଁ ମସାତି ଫେରା ଜାପୁହାଲି ପାଣା ବେଟାଆହାମାନେରି □

୩ ଏଦାଆଁତାକି ଏଞ୍ଜାରି ମିଙ୍ଗେ ଏନାଆଁ ଖେସ୍ତାତିହଁ ଏଦାଆଁ ମାନୁଞ୍ଜି ଆଦୁ, ଅଡେ ଏଞ୍ଜାରି ଖେସ୍ତିଲେହେଁ କିଦୁ, ସାମା ଏଞ୍ଜାରି କାମା କିନିଲେହେଁ କାମା କିଆଦୁ, ଇଚିହଁ ଏଞ୍ଜାରି ଏନାଆଁ କିନାୟିମାନେ ଇଞ୍ଜାଁ ଖେହ୍ନେରି ସାମା ଏଞ୍ଜାରି କିଅରି □

୪ ଏଞ୍ଜାରି ବଜୁଗାଟି କାୟକା ଦସାନା ଲକ୍ଷ୍ମୀ ବମିତା ଏକ୍ନେରି ସାମା ତାମୁ ତୁମି ର ଖାଞ୍ଜୁ ତଲେ ଜିକେଏ ପେରହାଲି ମନ୍ କିଅରି □

୫ ଏଞ୍ଜାରି ଲକ୍ଷ୍ମୀ ତସାଲି ତାନି କିନି କାମା ବାରେ କିନେରି, ଇଚିହଁ ଏଞ୍ଜାରି ପାଟାୟାଁଣା ଦାମୁ ପତିତି କାତା ରାଟାନା ମପା ଅଡେ ମୁଞ୍ଜୁତା ଦସା କଡିନେରି, ଇଞ୍ଜାଁ ତାନି ହିମ୍ବିରିକାତି ପୁରଡେୟାଁ କାଜା କାଜାଆଁ କିନେରି,

୬ ଅଡେ ବକିତା ନେହଁ ଟାୟୁ ଇଞ୍ଜାଁ ଜୀହୁଦି ଲକ୍ଷ୍ମୀ କୁଟମି ଇଲୁତା* ନେହଁ କାଜା ଟାୟୁ ପାରିନେରି,

୭ ଇଞ୍ଜାଁ ହାଟା ବାଜାରାତା ଜହରା ବେଟାଆହାଲି ଅଡେ ଲକ୍ଷ୍ମୀ ତାଣାଟି ଗୁରୁ ଇଞ୍ଜାଁ ମାନି ବେଟାଆହାଲି ନେହାୟି ଇଞ୍ଜାଁ ଅଶ୍ପିନେରି □

୮ ସାମା ମୀରୁ ଗୁରୁ ଇଞ୍ଜାଁ ମାନି ବେଟାଆହାଲି ଅଶ୍ପାଆଦୁ, ଇଚିହଁ ମୀ ଗୁରୁ ରଅସି ମାନେସି, ଇଞ୍ଜାଁ ମୀରୁ ବାରେତାୟି ତାୟିୟାଁତେରି □

୯ ଅଡେ ଦାର୍ତତିତା ଆମ୍ବାଆରାଲ୍ ଜିକେଏ ଆବା ଇଞ୍ଜାଁ ମାନି କିଆଦୁ, ଇଚିହଁ ମୀ ଆବା ରଅସିଏ ଲାକପୁରୁ ମାନେସି □

୧୦ ଅଡେ ମୀରୁ ସାଲୁଞ୍ଜି କିନାତମି ଇଞ୍ଜାଁ ମାନି ପୁଞ୍ଜିଆଦୁ, ଇଚିହଁ ମିଙ୍ଗେ ସାଲୁଞ୍ଜି କିୟାନାସି ରଅସିଏ ଏଞ୍ଜାସି କ୍ରୀସୁ □

୧୧ ଏସାମା ମୀ ବିତ୍ତା ଆମ୍ବାଆସି କାଜାସି ଏଞ୍ଜାସି ମୀ ସେବା କିନାସି ଆନେସି □

୧୨ ଏଅଡେ ଆମ୍ବାଆସି ତାଙ୍ଗେ କାଜାତେଏଁ ଇଞ୍ଜାଁ ଇଞ୍ଜାଁ କଡିନେସି, ଏଞ୍ଜାଣାଲ୍ ଉଣା କିଞ୍ଜିଆନେ, ଇଞ୍ଜାଁ ଆମ୍ବାଆସି ତାଙ୍ଗେ ଉଣା କିହାକଡିନେସି, ଏଞ୍ଜାଣାଲ୍ କାଜାସି କିଞ୍ଜିଆନେ □

ପାରୁସିୟାଁ ଅଡେ ଫେରା ପୁନାରାଲ୍ ଦହ୍ ଦହ୍ନାୟି
(ମାର୍ଚ୍ଚ ୧୨:୪୦; ଜୁଲ ୧୧:୩୯-୪୨, ୪୪, ୫୨; ୨୦:୪୭)

୧୩ ଆୟତା ତଣ୍ଡ ପାଣି କୁଟୁଗାଟି ପାରୁସିୟାଁ ଅଡେ ଫେରା ପୁନାତେରି, ଇଚିହଁ ମୀରୁ ଲକ୍ଷ୍ମୀକାକି ଲାକପୁରୁ ରାଜିତି ଦାଋ ସୁଣ୍ଡିଦେରି; ମୀରୁ ମୀରୁଏ ଏମ୍ବାଆଁ ହଡି ହିଲଅତେରି, ଇଞ୍ଜାଁ ହଡାଲି ମନ୍ ଗାଟି ଲକ୍ଷ୍ମୀ ଜିକେଏ ହଡାଲି ହାସି ହିଲଅତେରି □

୧୪ ଆୟତା ତଣ୍ଡ ପାଣି କୁଟୁଗାଟି ଫେରା ପୁନାତେରି ଅଡେ ପାରୁସିୟାଁତେରି, ଇଚିହଁ ମୀରୁ ଉଜେ ଉଜେଏ ଲାମ୍ବା ପ୍ରାତାନା କିହାନା ରାଣ୍ଡେଣିସିକା ଇଲ୍ଲକା ସେନିନାତେରି; ଏଦାଆଁତାକି ମୀରୁ ହାରେକା ତଣ୍ଡ ବେଟାଆଦେରି □

୧୫ ଆୟତା ତଣ୍ଡ ପାଣି କୁଟୁଗାଟି ପାରୁସିୟାଁ ଅଡେ ଫେରା ପୁନାତେରି, ଇଚିହଁ ମୀରୁ ରଅଣାଲ୍ ଜୀହୁଦି ଦାମୁତା ଆଡହାଲି ସାମୁଦି ଆତାଲା ଗାଣ୍ଡତାନା ଦେସା ରେଜେରି, ଇଞ୍ଜାଁ ଏତିବେଲା ଏଞ୍ଜାସି ଆଣ୍ଡାନେସି, ଏତିବେଲାତା ମୀରୁ ଏଞ୍ଜାଣାଲ୍ ମୀ କିହାଁ ହାରେକା ଆଗାଡା ନକ୍ତା ମେଡ଼ି ଆନାସି କିହାନା ଲାଣେଏ କିଦେରି □

୧୬ ଆୟତା ତଣ୍ଡ ବେଟା ଆନାତେରି କାଣାୟାଁଲ୍ ଜିରୁ ତହ୍ନାତେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁତି ପାରୁମାଣା କିଚିହଁ ଏନାୟି ହିଲେଏ, ସାମା ଆମ୍ବାଆସି ଇଲୁତି ବାଂଗାରାତି ପାରୁମାଣା କିଚିହଁ ଏଞ୍ଜାସି ପାରୁମାଣା କିଚିଲେହେଁ ତାପାଆନା କାମା କିନାୟିମାନେ □

୧୭ ଆଡେ କାଣାୟାଁ ଅଡେ ବୁଦି ହିଲ୍ଲଆଗାଟାତେରି ବାଂଗାରା କି ଏ ବାଂଗାରାତି ସୁଦୁ କିହାମାନି ଦେଞ୍ଜୁଡି, ଇ ରା ବିତ୍ତାଟି ଆମିନାୟି କାଜାୟି ?

* ୨୩:୫ ୨୩:୫ ମାତି ୬:୧ * ୨୩:୬ ୨୩:୬ ସିନଗର * ୨୩:୧୧ ୨୩:୧୧ ମାତି ୨୦:୨୭,୨୭; ମାର୍ଚ୍ଚ ୯:୩୫; ୧୦:୪୩,୪୪; ଜୁଲ ୨୨:୨୭ * ୨୩:୧୨ ୨୩:୧୨ ଜୁଲ ୧୪:୧୧; ୧୮:୧୪

୧୮ ଅତେ ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁ ପିଣ୍ଡାତି ପାର୍ମାଣା କିତିହିଁ ଏନାୟି ଆଏ, ସାମା ଆମ୍ବାଆସି ପୁଜାପିଣ୍ଡା ଲାକ ମାନି ଦାନାତି ପାର୍ମାଣା କିତିହିଁ, ପାର୍ମାଣା କିତିଲେହେଁ ତାପାଆନା କାମା କିନାୟିମାନେ □

୧୯ ଆତେ କାଣାୟିତେରି, ଦାନା କି ଏ ଦାନାତି ସୁଦୁ କିହିମାନି ମାହାପୁରୁ ଇଲୁତି ପୁଜାପିଣ୍ଡା, ଈ ରୀ ବିତ୍ତାରି ଆମିନାୟି କାଜାୟି ?

୨୦ ଏଦାଆଁତାକି ଆମ୍ବାଆସି ଦାନାହୀନି ପିଣ୍ଡାତି ପାର୍ମାଣା କିନେସି, ଏଝାସି ଏ ପିଣ୍ଡା ଅତେ ପିଣ୍ଡାତା ମାନି ଦାନାତି ପାର୍ମାଣା କିହିମାନେସି;

୨୧ ଅତେ ଆମ୍ବାଆସି ମାହାପୁରୁ ଇଲୁତି ପାର୍ମାଣା କିନେସି, ଏଝାସି ମାହାପୁରୁ ଇଲୁ ଇଞ୍ଜାଁ ଏମ୍ବାଆଁ ବାସାଆହାମାନି ମାହାପୁରୁଇଁ ପାର୍ମାଣା କିନେସି;

୨୨ ଅତେ ଆମ୍ବାଆସି ଲାକପୁରୁତି ପାର୍ମାଣା କିନେସି, ଏଝାସି ମାହାପୁରୁତି ସିଂଗାସାଣି ଇଞ୍ଜାଁ ଏମ୍ବାଆଁ କୁଗାମାନି ମାହାପୁରୁଇଁ ପାର୍ମାଣା କିନେସି □

୨୩ ଆୟଡା ତଣ୍ଡ ପାଣ୍ଡିନି କୁଟୁଗାଟି ମୋରା ପୁନାତେରି ଇଞ୍ଜାଁ ପାରୁସିୟାଁ, ଇତିହିଁ ମୀରୁ କୁମ୍ବୁରୁ କୁତା, ରାୟି, ଲିରା ଇନି ଉଣା ତାସା ବିତ୍ତାରି ଜିକେଏ ଦସ ବାଗାଟି ର ବାଗା ହାହିମାଞ୍ଜେରି, ଅତେ ମସା ମୋରାତି କାଜା କାତାୟି ଇତିହିଁ ସାତା ନାହାଁୟି କିନାୟି, କାର୍ମା ତହୁନାୟି, ଇଞ୍ଜାଁ ନାମ୍ବୁ, ଈ ବାରେ ପିସାମାଞ୍ଜେରି; ସାମା ଈ ବାରେ ମାନୁଞ୍ଜି ଆହାନା ଅତେ ଏ ବାରେ ପିହିଆୟି ମାନେ □

୨୪ ଆତେ କାଣାୟି ଜିରୁ ତହୁନାତେରି, ମୀରୁ ଝାହାଁତି ହାଣି କିଦେରି ସାମା ଉଟୁଇଁ ଗୁହ୍‌ଦେରି □

୨୫ “ଆୟଡା ତଣ୍ଡ ପାଣ୍ଡିନି କୁଟୁଗାଟି ମୋରା ପୁନାତେରି ଇଞ୍ଜାଁ ପାରୁସିୟାଁତେରି, ଇତିହିଁ ମୀରୁ ଗିନା ଅତେ ସାଡ଼ଝାତି ପାଞ୍ଜାତା ନରୁହି ମାଞ୍ଜେରି, ସାମା ଏ ବିତ୍ତା ଜୁପକା ଆହାଁ ସରୁ କିତି ଆସି ବାରେ ନେଞ୍ଜି କିହାମାଞ୍ଜେରି □

୨୬ ଆତେ କାଣକା ମେହୁଆଗାଟି ପାରୁସିୟାଁ, ନଟକଏ ଗିନାତି ବିତ୍ତାତାଣି ନରୁଦୁ, ଏନିକିଁ ପାଞ୍ଜାତା ଜିକେଏ ନରୁଞ୍ଜି ଆନେ □”

୨୭ ଆୟଡା ତଣ୍ଡ ପାଣ୍ଡିନି କୁଟୁଗାଟି ମୋରା ପୁନାତେରି ଇଞ୍ଜାଁ ପାରୁସିୟାଁ, ଏନାଆଁତାକି ଇତିହିଁ ମୀରୁ ହୁନୁ ଉସିପିତି ମାଡ଼ହା ମୁହ୍‌ନି ଟାୟୁଲେହେଁ ତାତେରି □ ଏଡି ପାଞ୍ଜାତା ଅଜିକିଁ ତଞ୍ଜାଆନେ, ସାମା ବିତ୍ତା ହାଡ଼ାରି ପୋଣକା ଇଞ୍ଜାଁ ସୀରୁତାୟି ନେଞ୍ଜାମାନେ;

୨୮ ଏଲେକିହିଁ ଏ ମୀରୁ ଜିକେଏ ପାଞ୍ଜାତି ଲକୁ ନକିତା ଦାମ୍ବୁଗାଟାତେରି ଲେହେଁ ତଞ୍ଜା ଆଦେରି, ସାମା ମୀ ହିୟାଁ ବିତ୍ତା କୁଟୁ ଅତେ ପାପୁ ନେଞ୍ଜାମାନେ □

ଜୀମ୍ବୁ ଏଝାରାଇଁ ତଣ୍ଡ ପାଣ୍ଡିନି କାତା ଝେହ୍‌ନାୟି (ଲୁକ ୧୧:୪୭-୫୧)

୨୯ ଆୟଡା ତଣ୍ଡ ପାଣ୍ଡିନି କୁଟୁଗାଟି ମୋରା ପୁନାତେରି ଇଞ୍ଜାଁ ପାରୁସିୟାଁ, ଇତିହିଁ ମୀରୁ ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ମାଡ଼ହା ମୁହ୍‌ନି ଟାୟୁ କେପାନା, ଦାମ୍ବୁଗାଟାରି ମାଡ଼ହା ମୁହ୍‌ନି ଟାୟୁତି ମୁଣ୍ଡା ଅଜିକିଁ କିହାନା ଏଲେଇଞ୍ଜିମାଞ୍ଜେରି;

୩୦ ମାମ୍ବୁମା ଆକୁ ଆବାୟାଁ ବେଲାତା ମାତିହିଁମା, ମାହାପୁରୁ ଅଣ୍ଡପୁତି ବଲୁ ଝେହ୍‌ନାରାଇଁ ପାୟାଲି ଆଣ୍ଡାଆତମିମା □

୩୧ ଏଦାଆଁତାକି ମୀରୁଏ ମାହାପୁରୁ ଅଣ୍ଡପୁତି ବଲୁ ଝେହ୍‌ନାରାଇଁ ପାୟାମାନି ଲକୁତି ମୀରୁକାତେରି, ଏ କାତାତାକି ମୀରୁଏ ମିଙ୍ଗେ ସାକି ହାହା କତିମାଞ୍ଜେରି □

୩୨ ମୀରୁ ହାଜାନା ମୀ ଆକୁ ଆବାୟାଁ କିତି କାମା ରାପୁଦୁ □

୩୩ ଆତେ ରାସ୍‌କାତେରି, ଇଞ୍ଜାଁ ବୀସା ଗାଟି ରାସ୍‌କା କୃତାତି ମୀରୁକାତେରି, ମୀରୁ ବିଚାରା ଦିନାତା ଏନିକିଁ ହିରୁ ଗୁଦ୍‌ଝାତି ତଣ୍ଡଟି ପିସିପି ଆଦେରି ?

୩୪ ଏଦାଆଁତାକି ମେହୁମୁ ନାମୁ ମୀ ତାଣା ମାହାପୁରୁ ଅଣ୍ଡପୁତି ବଲୁ ଝେହ୍‌ନାରାଇଁ, ବୁଦି ଗାଟାରାଇଁ, ଇଞ୍ଜାଁ ଜାପୁନି ଗୁରୁକାଇଁ ପାଣ୍ଡିମାଞ୍ଜାଇଁ; ଏଝାରି ବିତ୍ତାରି ଆମ୍ବା ଆମ୍ବାଆରାଇଁ ପାୟିଦେରି, ପାସି ମୁଣ୍ଡାତା ଏକହାନା ପାୟିଦେରି, ଅତେ ଆମ୍ବା ଆମ୍ବାଆରାଇଁ ଜୀହୁଦି ଲକୁତି କୁଟମି ଲକୁତାଁ ସାଟୁଣି ତ:ରିତଲେ ଝେଦେରି, ଇଞ୍ଜାଁ ଗାଡ଼ାତାକି ଗାଡ଼ା ଗଡ଼ହା ନିନ୍ଦା କିଦେରି □

☆ ୨୩:୨୨ ୨୩:୨୨ ମାତୃ ୫:୩୪ ☆ ୨୩:୨୭ ୨୩:୨୭ କାମା ୨୩:୩ ☆ ୨୩:୩୩ ୨୩:୩୩ ମାତୃ ୩:୭; ୧୨:୩୪; ଲୁକ ୩:୭ † ୨୩:୩୪ ୨୩:୩୪ ସିନଗଲ

୩୫ ଏନିକିଁ ଦାମ୍ଭାଗାଟି ହେବଲକ୍ଷ୍ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା ବେରିକିୟ ମୀରୁଏସି ଜିକରିୟକ୍ ପାୟିତି ପାତେକା, ଦାର୍ତ୍ତତା ଏଚେକା ନେହାଁରାକ୍ ପାୟାମାଞ୍ଜେରି, ଏ ବାରେ କାମାତି ତଣ୍ଡ ମୀ ମୁହେଁ ଖାନ୍ଦେ ।

୩୬ ନାନୁ ମିଙ୍ଗେ ସାତା ଝେସିମାଞ୍ଜାକ୍, ଇ କାଲ୍ଲାତି ଲକୁ ମୁହେଁ ଇ ବାରେ ତଣ୍ଡ ରିନେ ।

ଜିରୁସାଲମତି ଜୀସୁ ଜୀଝୁନନାୟି
(ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ! ମାହାପୁରୁ ଅଣପୁତ୍ର ବଲୁ ଝେହ୍ନାରାକ୍ ପାୟିନାତି ନୀ ତାଣା ପାଣ୍ଡୁଝି ଆଡାରାକ୍ ଖାଲକାତଲେ ଝେନାତି, କୟୁ ଏନିକିଁ ତାନି ହୀପାୟାଣି କୁଡ଼ି କିହାନା ମାରାୟା ତୁଇ ପୁକହାନା ଜଙ୍ଗନେ, ନାନୁ ନୀ ଲକୁକ୍ ଏଚର ପାଲି ଏଲେକିଁ କୁଡ଼ିକିହାଲି ମନ କିତେଏଁ, ସାମା ଏଞ୍ଜାରି ମନ ହୀଆତେରି ।

୩୮ ଅଡେ ମେହ୍ଦୁ ମୀ ମାହାପୁରୁ ଇଲୁ ମୀ କେୟୁତା ହୀପକି ଆହାମାଞ୍ଜାନେ ।

୩୯ ଇଚିହଁ ନାନୁ ମିଙ୍ଗେ ଝେସିମାଞ୍ଜାକ୍, ମାହାପୁରୁ ଦରୁଚି ଆମ୍ବାଆସି ଝାହିମାନେସି, ଏଞ୍ଜାସି ନେହାଁସି, ମୀରୁ ଏ କାତା ଜଲ୍ଲାଆ ପାତେକା ନୀଞ୍ଜୁଟିଏ ନାଙ୍ଗେ ଅଡେ ମେସୁଅତେରି ।

୨୪

ମାହାପୁରୁ ଇଲୁ ନସ୍ତୁ ଆନି କାତା
(ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଚି ହଡ଼ା ହାଜିମାଗାଟି ତାନି ସୀସୁୟାଁ ମାହାପୁରୁ ଇଲୁଚି ବାରେ ଇଲକାଣି ତସାଲି ତାନି ତାଣା ଖାଡେରି,

୨ ସାମା ଜୀସୁ ଏଞ୍ଜାରାକ୍ ଏଲେଇଚେସି, “ମୀରୁ ଇ ବାରେ ମେସି ହିଲଅତେରି ? ନାନୁ ମିଙ୍ଗେ ସାତା ଝେସିମାଞ୍ଜାକ୍, ଇମ୍ବାଆଁ ମାନି ର ଝାଲି ଅର ଝାଲି ଲାକ ତୁୟେଏ, ଇ ବାରେଏ ମେଣ୍ଡାମାହାନୁ ।”

କସ୍ତୁ ଅଡେ ନିନ୍ଦା ଖାନ୍ତି କାତା
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟାଁ ମେଣେଏ ଝାହାନା ଝେଚେରି, “ଇ ବାରେ ଏଚେଲା ଆନ୍ଦେ, ଅଡେ ନାନୁ ଖାନାୟି ଇଞ୍ଜା ଜୁଗୁ ରାନି ଦିନାତି ସିନା ଏନାୟି ଏଦାଆଁ ମାଙ୍ଗେ ଝେସ୍ତାମୁ ।”

୪ ଏମାଟିଏ ଜୀସୁ ଏଞ୍ଜାରାକ୍ ଏଲେଇଚେସି, “ଜାଗ୍ରାତା ଏନିକିଁ ଆମ୍ବାଆରି ମିଙ୍ଗେ ନାଡ଼ି କିୟଅରି ।

୫ ଇଚିହଁ ହାରେକା ନା ଦରୁଚି ଝାହାନା ନାନୁ କ୍ରୀସ୍ତତେଏଁ ଇଞ୍ଜା ଝେସାନା ହାରେକା ଲକୁକ୍ ନାଡ଼ି କିନେରି ।

୬ ଅଡେ ମୀରୁ ଜୁଜୁତି କାତା ଇଞ୍ଜା ଜୁଜୁତା କାଲ୍ଲାଝି ଆହିମାନି ଲକୁଚି ହାଡ଼ା ଝେଞ୍ଜେରି; ଜାଗ୍ରାତା କିଲିବିଲି ଆଆଦୁ । ଏନାଆଁତାକି ଇଚିହଁ ଇ ବାରେ ଆନାୟି ମାନେ, ସାମା ଏ କାଲ୍ଲା ଜୁଗୁ ରାନାୟି ଆଏ ।

୭ ଇଚିହଁ ଦେସା କପାରି ଦେସା, ଅଡେ ରାଜି କପାରି ରାଜି ଗଡ଼ହା ନିଜନେ, ଇଞ୍ଜା ଆସି ଆୟିୟା କାରୁଝୁ ଆନେ, ଅଡେ ବୁମି ଖାଡିନେ ।

୮ ସାମା ଇ ବାରେ କକାରି ପଦାୟାଁ ବେଗାଆନାଟି ତଲିଏ ଲୁଞ୍ଜିନି ବୀସାଲେହେଁତାୟି ।”

୯ “ଏଚିବେଲାତା ଲକୁ ମିଙ୍ଗେ କସ୍ତୁ ହିୟାଲି ହେର୍ପାନେରି, ଇଞ୍ଜା ମିଙ୍ଗେ ପାୟାନେରି, ଇଞ୍ଜା ନା ଦରୁ ତାକି ମୀରୁ ବାରେ କୁଡ଼ାତି ଲକୁ ତାଣା ଅପାଆ ଗାଗାତେରି ଆନ୍ଦେରି ।

୧୦ ଏଚିବେଲା ହାରେକା ଲକୁ ତାନି ନାମୁଚି ପିହ୍ନେରି, ଅଡେ ରଅସି ରଅଣାକ୍ ଆସ୍ତପି କିଞ୍ଜି କିନେରି, ଅଡେ ରଅସି ରଅଣାକ୍ ଅପୁଞ୍ଜି ଆଅରି,

୧୧ ଅଡେ ହାରେକା ମାହାପୁରୁଚି ମିଚି ବଲୁ ଝେହ୍ନାରି ନିଜ୍ଜାନା ହାରେକା ଲକୁକ୍ ନାଡ଼ି କିନେରି,

୧୨ ଅଡେ ଲାଗେଏ ପଢେଲଏ କାମା ଗାତି ଆଡ଼ିସାରେ, ହାରେକା ଲକୁଚି ତାନି ଜୀଝୁନନାୟି ଉଣା ଆନ୍ଦେ ।

୧୩ ଏସାମା ଆମ୍ବାଆସି ରାନି ପାତେକା ସାସା ଆସାନା ତୁୟିନେସି ଏଞ୍ଜାସି ଗେଲ୍ପି ଆନ୍ଦେସି ।

☆ ୨୪:୯ ୨୪:୯ ମାତି ୧୦:୨୨ ☆ ୨୪:୧୩ ୨୪:୧୩ ମାତି ୧୦:୨୨

୧୪ ଅତ୍ତେ ବାରେ ଲକ୍ଷ୍ମ ନକିତା ସାକି ଆହାଲିତାକି, ମାହାପୁରୁ ରାଜିତି ଇ ନେହଁ କାବୁ ବାରେ ଦାବ୍‌ତିତା ଝେପକିଆନେ, ତାୟୁ ଜୁଗୁ ରାନ୍‌ନେ □”

ନାସାକିନି ଅପାଆଗାଟି କାତା
(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଏଦାଆଁତାକି ମୀରୁ ଏତିବେଲା ମାହାପୁରୁ ଅଣ୍ଟପୁତି ବଲୁ ଝେହ୍‌ନି ଦାନିୟେଲ ଝେସ୍ତି କାତାଲେହେଁ ନାସାକିନି ଅପାଆଗାଟି ଆସ୍ତିତି ସୁଦୁ ଟାୟୁତା ଇଟାମାନାଣି ମେହ୍‌ଦେରି” ପଡ଼଼ି ଆନାସି ଜାଗ୍ରାତା ଆହାନା ପୁଣ୍ଡମେସି

- ୧୬ ଏତିବେଲା ଆମ୍ବାଆରି ଜୀହୁଦା ରାଜିତା ମାନେରି, ଏଞ୍ଜାରି ହରକା ଲାକ ହଣପାରି;
- ୧୭ *ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିତ୍ରା ଆସ୍ତି ତାକାହାଜାଲି ରେଟା ଝାଆପେସି;
- ୧୮ ଅତ୍ତେ ଆମ୍ବାଆସି ଗୁଡ଼ିୟାତା ମାନେସି, ଏଞ୍ଜାସି ତାନି ହିମ୍‌ରି ଅହାଲି ଝେଣ୍ଡେ ହାଲାଆପେସି □
- ୧୯ ଏତିବେଲାତା ପୁରାମାସା ଆହାମାନାଇ ଇଞ୍ଜା ପାଲୁ ଉତ୍‌ହିମାନାଇ ଆୟତା ଏଞ୍ଜି ଉଣେଏ କସ୍ତ ପାଣ୍ଡୁ,

- ୨୦ ସାମା ମୀ ହଣନାୟି ପେନି ବେଲାତା କି ଜମିନି ଦିନାତା ଆଆପେ, ଏଦାଆଁତାକି ପ୍ରାତାନା କିଦୁ □
- ୨୧ *ଇଚିହଁ ଏତିବେଲାତା ଇଲେତି କସ୍ତ ଆନେ, ମାହାପୁରୁ ଦାବ୍‌ତିତି ଗାଡ଼ିକିତି ଦିନାଟିଏ ନାଞ୍ଜୁପାତେକା ଏଲେକଁ ଆହା ହିଲେଏ, ଇଞ୍ଜା ଏଲେକଁ ଏଟେଲାଝା ଆଏ □
- ୨୨ ଅତ୍ତେ ମାହାପୁରୁ ଏ ବେଲାତି ଉଣା କିହା ହିଲାଆତିହଁ ମା; ଦାବ୍‌ତିତା ଆମ୍ବାଆସି ଜିକେଏ ଗେଲ୍‌ପି ଆଆତେସିମା, ସାମା ତାନି ଆଡ଼ିତି ଲକ୍ଷ୍ମତାକି ଏ କସ୍ତ ଉଣା କିନେସି □

୨୩ “ଏତିବେଲା, ‘ମେହ୍‌ଦୁ କ୍ରୀସ୍ତ ଇମ୍‌ଆଁ ମାନେସି ଆଆତଁ ଏମ୍‌ଆଁ ମାନେସି’ ଇଞ୍ଜା ଆମ୍ବାଆସି ମିଙ୍ଗେ ଏଲେକିହଁ ଝେସ୍ତାନେସି ଇଚିହଁ ଏଦାଆଁ ନାମାଆଦୁ □

୨୪ ଇଚିହଁ ନାଡ଼ିକିନି କ୍ରୀସ୍ତୟଁ ଅତ୍ତେ ମାହାପୁରୁ ବଲୁ ମିତି ଝେହ୍‌ନାରି ନିଜାମା ହାବେରକା କାଜା ସିନା ଅତ୍ତେ କାବାଆନି କାମାୟଁ ତହ୍‌ନେରି, ଆଡ଼ିତିହଁ ଆଡ଼ିଆଡ଼ି ଲକ୍ଷ୍ମଣି ଜିକେଏ ନାଡ଼ି କିନେରି □

- ୨୫ ମେହ୍‌ଦୁ ନାଦୁ ମିଙ୍ଗେ ତଲିଏ ଝେସାମାଞ୍ଜାଇ □”
- ୨୬ *“ଇଦାଆଁତାକି ‘ମେହ୍‌ଦୁ ଏଞ୍ଜାସି ବାଟାତା ମାନେସି’ ଇଞ୍ଜା ଲକ୍ଷ୍ମ ଝେସ୍ତାତିହଁ ହାଲାଆଦୁ; ‘ମେହ୍‌ଦୁ ବିତ୍ରା ବାକ୍ରାତା ମାନେସି’ ଇଞ୍ଜା ଝେସ୍ତାତିହଁ ଏଦାଆଁ ନାମାଆଦୁ □
- ୨୭ ଇଚିହଁ ହାଗୁ ମୁହ୍‌ନି ବେଲାତି ଉଜେଡ଼ି ଏନିକଁ ଝେଡ଼ା ହପୁ ଝାକିତି ହଟାନା ଝେଡ଼ା କୁଡ଼ିନି ପାତେକା ତଞ୍ଜାଆନେ, ଏଲେଆହଁ ଏ ମାଣସି ମୀରୁଏସି ଝାନେସି □”
- ୨୮ *ଏମ୍‌ୟା ମାଡ଼ହା ରିହାମାନେ ଏମ୍‌ଆଁ ରାମ୍‌ଣାୟଁ ରୁଣ୍ଡା ଆନୁ □

ମାଣସି ମୀରୁଏସି ଝାନାୟି
(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ *“ସାମା ଏତିବେଲାତି କସ୍ତ ତାୟୁ ଦେବୁଣିଏ ଝେଡ଼ା ଆନେରି ଆନେ, ଅତ୍ତେ ଲେଞ୍ଜୁ ଉଜେଡ଼ି ହାଏ, ଅତ୍ତେ ହାଗୁଟି ହୁକାୟଁ ତରୁନିନୁ, ଇଞ୍ଜା ହାଗୁ ଲାକତି ବାଡ଼ୟୁ ବାରେ ଝାଡ଼ିନେ □

୩୦ *ଏତିବେଲା ହାଗୁ ଲାକତି ମାଣସି ମୀରୁଏଣି ସିନା ତଞ୍ଜାଆନେ, ଇଞ୍ଜା ମାଣସି ମୀରୁଏଣାଇଁ କାଜା ବାଡ଼ୟୁ ଅତ୍ତେ ଗାଞ୍ଜୁରିମିଗାଟି ଉଜେଡ଼ି ତଲେ ହାଗୁତି ଦୂଢ଼ାଟି ଝାନାଣି ମେସାନା ଦାବ୍‌ତିତି ବାରେ କୁଡ଼ାତି ଲକ୍ଷ୍ମ ହାବେରକା ଦୁକୁତଲେ ଦାନେରି □

୩୧ ଅତ୍ତେ ଏଞ୍ଜାସି ତାଡ଼ି ମହ୍‌ରି ହାଡ଼ାତଲେ ତାନି ଦୁଡ଼ୟଁଣି ପାଣ୍ଡିନେସି ଇଞ୍ଜା ଏଞ୍ଜାରି ଦାବ୍‌ତି ମୁଡ଼ପେତି ହାନ୍‌ପିଏ ହାଗୁଲାକତି ମୁଡ଼ପେ ହାନ୍‌ ପାତେକା ସାରିଝାକିତି ତାନି ଆଟାମାନି ଲକ୍ଷ୍ମଣି ରୁଣ୍ଡା କିନେରି □”

ତୟା ମୀରୁଡ଼ି କାତା
(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମୀରୁନୁ ପୁଣ୍ଡି କିନି କାତାଟି ଜାପାଦୁ; ଏତିବେଲା କମାତା ଆକା ଗାଲ୍‌ନାଣି ମେସିହଁ କାରାୟଁ ଝେଡ଼ା ଝାଟେ ଇଞ୍ଜା ପୁଞ୍ଜେରି □

* ୨୪:୧୭ ୨୪:୧୭ ଲୁକ ୧୭:୩୧ * ୨୪:୨୧ ୨୪:୨୧ ଝେ ବଲୁ ୭:୧୪ * ୨୪:୨୭ ୨୪:୨୭ ଲୁକ ୧୭:୨୩, ୨୪ * ୨୪:୨୮ ୨୪:୨୮ ଲୁକ ୧୭:୩୭ * ୨୪:୨୯ ୨୪:୨୯ ଝେ ବଲୁ ୭:୧୨; ଝେ ବଲୁ ୭:୧୩ * ୨୪:୩୦ ୨୪:୩୦ ଝେ ବଲୁ ୧:୭

୩୩ ଏଲେକିହି ଏ ମୀରୁ ଜିକେଏ ଈ ବାରେ ମେସିସାରେ ଏଝାସି ଦୁଝେରି ତାଗେ ମାନେସି ଇଞ୍ଜି ପୁଞ୍ଜେରି □

୩୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଈ ବାରେ ଗଟଞ୍ଜି ଆଆପାତେକା ଈ କାଲ୍ଲାତି ଲକୁ ଏନିଜିକେଏ ମେଶଙ୍ଗାଅରି □

୩୫ ହାଗୁପାକା ଦାଋତି ବାରେ ମେଶଙ୍ଗାନେ, ସାମା ନା ବଲୁ ଏତେଲାଝା ମେଶଙ୍ଗେଏ □”

ୱାନି ଦିନା ଅଡ଼େ ତଣ୍ଡତି ଆମ୍ବାଆସି ପୁନଅସି

(ମାର୍କି ୧୩:୩୨-୩୭; ଲୁକ ୧୭:୨୭-୩୦,୩୪-୩୬)

୩୬ ସାମା ଏ ଦିନା ତଣ୍ଡତି କାତା ଆମ୍ବାଆସି ପୁନଅସି, ଲାକପୁରୁତି ଦୁରୁୟାଁ କି ମୀରୁଏସି ଜିକେଏ ପୁନଅସି, ଝାଋଇ ଆବାଦେ ପୁନେସି □

୩୭ ଅଡ଼େ ନହ ବେଲାତା ଏନିକି ଆହାମାତେ, ମାଶସି ମୀରୁଏସି ୱାନି ବେଲାତା ଏଲେକି ଆନେ □

୩୮ ଇଚିହିଁ ଝାରୁ କୁପନି ନକେଏ, ନହ ତଂଗତା ହଡ଼ନି ଦିନା ପାତେକା ଲକୁ ଏନିକି ତିଞ୍ଜି ଉଣ୍ଡିହିଁ, ବୀହା କିୟାଲି ବୀହା ହିୟାଲି ହେରାମାଚେରି,

୩୯ ଇଞ୍ଜାଁ କାଜା ପିମୁତଲେ ଝାରୁ ଝାହାନା କୁପୁହା ଅନି ପାତେକା ଏନିକି ଏଝାରି ପୁଞ୍ଜାହିଲାଆତେରି, ମାଶସି ମୀରୁଏଶା ୱାନାୟି ଜିକେଏ ଏଲେଆହିଁ ଏ ଆନେ □

୪୦ ଏଚିବେଲାତା ରିଆରି ଗୁଡ଼ିୟାତା ମାନେରି, ରଅସି ଅଞ୍ଜିଆନେସି ରଅସି ଏଦାଆଁ ତୁୟିନେସି □

୪୧ ରୀ ଇୟାସିକା ଜେତାତା ନୁୟିଁ ମାନୁ ରଣ୍ଡି ଅଞ୍ଜିଆନେ ଅଡ଼େ ରଣ୍ଡି ଏଦାଆଁ ତୁୟିନେ □

୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏନାଆଁତାକି ଇଚିହିଁ ମୀ ପୁରୁ ଆମିନି ଦିନା ୱାନେସି, ଏଦାଆଁ ମୀରୁ ପୁଞ୍ଜାହିଲଅତେରି □

୪୩ *ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ନେକେରିତା ସରୁ ୱାନେସି, ଏଦାଆଁ ସାଞ୍ଜୁକାରି ପୁଞ୍ଜାମାଚିହିଁ ମା, ଜାଗ୍ରାତା ଆହାନା ତାନି ଇଲୁତି କାତି ତୁଡ଼ହାଲି ହାଆତେସିମା □

୪୪ ଏଦାଆଁତାକି ମୀରୁ ଜିକେଏ କାଚାନା ମାଞ୍ଜୁ, ଇଚିହିଁ ଆମିନି ବେଲାତା ମୀରୁ ଅଶ୍ପା ହିଲଅତେରି, ଏ ବେଲାତା ମାଶସି ମୀରୁଏସି ୱାନେସି □

ଟିକାଶା ଗାଟାସି ଅଡ଼େ ଟିକାଶା ହିଲାଆଗାଚି ହଲେଏସି

(ଲୁକ ୧୨:୪୧-୪୮)

୪୫ ସାଞ୍ଜୁକାରି, ତାନି ଇଲୁତି ଲକୁତାକି, ରାଦା କାରୁତା ରାଦା ହୀହାଲି, ତାନି ଗୁମୁସ୍ତା ପାଶା ଆମ୍ବାଆରାକି ହୀହାମାନେସି, ଇଲେତି ନାମୁ ଅଡ଼େ ବୁଦିଗାଚି ଗୁମୁସ୍ତା ଆମ୍ବାଆସି,

୪୬ ପୁରୁ ଝାହାନା ତାନି ଆମିନି ହଲେଏଶାଈଁ ଏଲେକିହିଁ ମାନାଶାଈଁ ମେହନେସି, ଏଝାସି ନେହାସି □

୪୭ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାସି ଏଞ୍ଜାଶାଈଁ ତାନି ବାରେ ଦନତି ମୁହେଁ ଗୁମୁସ୍ତା କିନେସି □

୪୮ ସାମା ଏ ହଲେଏସି ଲାଗେଏ ପଲେଏତାସି ଆହାନା, ନା ସାଞ୍ଜୁକାରି ୱାନାୟି ମାନେୟିଏ ଇଞ୍ଜି ତାନି ମନତା ଅଶ୍ପାପାନା,

୪୯ ଏଝାସି ତାନି ତଲେତି ହଲିୟାଙ୍ଗାଶି ଝେଚିହିଁ, କାଡ଼ ନାହନାରି ତଲେ ତିଞ୍ଜିହିଁ ଗସିହିଁ ମାନେସି,

୫୦ ଆତିହିଁ ଆମିନି ନେଡ଼ୁ ହଲେଏସି କାଚାହିଲଅସି ଅଡ଼େ ଏମିନି ବେଲା ପୁଞ୍ଜାହିଲଅସି ଏ ଦିନା ଏ ବେଲାତା ତାନି ପୁରୁ ୱାନେସି □

୫୧ ଇଞ୍ଜାଁ ଏଞ୍ଜାଶାଈଁ ରୀ ବାଗା କିହିଁ ଦାଚାନା କୁରୁ ଗାଟାଚି ତଲେ ତାନି ବାଗା କିନେସି; ଏଦାଆଁ ତାନାୟି ଅଡ଼େ ପାଲ୍ଲକା ଟାଚି କିନାୟିମାନେ □

୨୫

ଦସ ଜାଶା ତାଆ ପଦାୟାତି ପୁଣ୍ଡିକିନି କାତା

୧ *ଏଚିବେଲା ଲାକପୁରୁତି ରାଜି ଦସ ଜାଶା ତାଆ ପଦାୟାଁ ଲେହେଁ ଆନେ; ଏଞ୍ଜି ତାନି ଦୀଞ୍ଜିୟାଁ ଆସାନା ବୀହା ହନେଏଶାଈଁ ବେଟାଆହାଲି ହାରୁ □

୨ ଏଞ୍ଜିସିକା ବିତ୍ରା ପାସା ଜାଶା ବୁଦି ହିଲାଆଗାଟାଇଁ ଇଞ୍ଜାଁ ପାସା ଜାଶା ବୁଦି ଗାଟାଇଁ ମାରୁ □

୩ ବୁଦି ହିଲାଆଗାଗାଇ ତାନି ଦୀର୍ଘୟାଁ ଅତୁ ସାମା ଏଟକା ନିୟୁଁ ଅଥାତୁ,

୪ ସାମା ବୁଦି ଗାଗାଇ ତାନି ଦୀର୍ଘୟାଁ ତଲେ ଗାଜୁତା ନିୟୁଁ ଅହୁଁ ହାତୁ □

୫ ବାହା ହନେଏସି ଝାନାୟି ଝେଡ଼ା ଆୟାଲିଏ, ବାରେଜାଣା କଟଣି ହଟିହୁଁ ତୁରାତୁସୁ □

୬ ସାମା ମାଦି ଲାଆଁୟାଁ ମେହଦୁ ବାହା ଦାଂଗଣେଏସି ଝାହିମାନେସି, ବେଟାଆହାଲି ଝାତୁ ଇଞ୍ଜୁଁ ର. କାଜା ହାଡ଼ା ଆଡେ □

୭ ଏମ୍ବାଟିଏ ଡାଆସିକା ନିଜ୍ଜାନା ତାନି ଦୀର୍ଘୟାଁ ପ୍ରତୁହୁ □

୮ ସାମା ବୁଦି ହିଲାଆଗାଗାଇ ବୁଦିଗାଟି ଡାଆସିକାଣି ଏଲେଇଚୁ, ମୀ ନିୟୁଁ ଇଟାଣି ଲାକା ମାଜେ ହିୟାଦୁ, ଇଟିହୁଁ ମା ଦୀର୍ଘୟାଁ ତୁମ୍ବାହାଜିମାନୁ □

୯ ସାମା ବୁଦିଗାଗାଇ ଏଲେଇଚୁ, ଆଏ ମିଜେ ଅଡେ ମାଜେତାକି ନିୟୁଁ ଏଦେଏ, ବାଜାରତା ହାଜାନା ମିଜେତାକି ନିୟୁଁ କଡା ତାଦୁ □

୧୦ ସାମା ଏଝି ନିୟୁଁ କଡାଲି ହାଜିମାଗାଟି ହନେଏସି ଝାଡେତସି; ଇଞ୍ଜା ଆମିନି ଗାଗାଇ ତିୟାରା ଆହାନା କାଟାମାରୁ, ଏଝି ହନେଏଣା ତଲେ ବାହା ବଜି ଇଜୁତା ହୁଚୁ, ଅଡେ ଦାରା ସୁଣିତେରି □

୧୧ ଏବେଟିଏ ତାୟୁ ଅର ଡାଆ ପଦାୟାଁ ଜିକେଏ ଝାହାନା ଏଲେଇଚୁ, ଏ ପ୍ରବୁ ଏ ପ୍ରବୁ ମାଜେତାକି ଦାରା ଦେତାମୁ ଇଞ୍ଜୁଁ ହାଟିତୁ □

୧୨ ଏବେଟିଏ ବାହା ହନେଏସି ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ନାନୁ ମିଜ୍ଜ ପୁଞ୍ଜାମାଞ୍ଜୁଅଁ □”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ତଣ୍ଡ ଆମ୍ବାଆରି ପୁନଅରି □

**ତାନି ଜାଣା ହଲିୟାଜାତି ପୁଣ୍ଡିକିନି କାତା
(ଲୁକ ୧୯:୧୧-୨୭)**

୧୪ ଲାକପୁରୁ ରାଜି ଇଲେତାୟି, ଇଟିହୁଁ ହେକ ରାଜି ହାଜିମାନି ର. ମାଣ୍ଡସି, ଏଝାସି ତାନି ହଲିୟାଜାଣି ହାଟାମାନା ତାନି ଦନ୍ଦତି ହେଉପିତେସି □

୧୫ ଏଝାସି ରଅଣାକି ପାସାମାଣା, ଅଡେ ରଅଣାକି ରୀ ମାଣା, ଇଞ୍ଜା ଅଡେ ରଅଣାକି ର. ମାଣା ଇଲେକିହୁଁ ବାରେତାକି ତାନି ଆଡିନି ବାଡୁୟୁ ତଲେ ହାହାନା ହେକ ରାଜିତା ହାଚେସି □

୧୬ ଆମିନିଗାଗାସି ପାସାମାଣା ବେଟା ଆହାମାଚେସି, ଏଝାସି ଏଝାଆଁ ଅହାନା ବେବାରା କିହାନା ଅଡେ ପାସାମାଣା ଲାବା କିତେସି □

୧୭ ଏଲେକିହୁଁ ଏ ଆମିନିଗାଗାସି ରୀ ମାଣା ବେଟା ଆହାମାଚାସି ଏଝାସି ଜିକେଏ, ଅଡେ ରୀ ମାଣା ଲାବା କିତେସି □

୧୮ ସାମା ଆମିନିଗାଗାସି ର. ମାଣା ବେଟା ଆହାମାଚେସି, ଏଝାସି ହାଜାନା ବୁନି କାରୁହାନା ତାନି ସାଝୁକାରି ଟାକାୟାଁଣି ମୁସାନା ତୁକୁହା ଇଟିତେସି □

୧୯ ହାରେକା ଦିନା ହାଟି ତାୟୁ ଏ ହଲିୟାଜାତି ସାଝୁକାରି ଝାହାନା, ଏଝାରିତଲେ ଲେକା କିତେସି □

୨୦ ଅଡେ ଆମିନିଗାଗାସି ପାସାମାଣା ବେଟା ଆହାମାଚେସି, ଏଝାସି ଅଡେ ପାସାମାଣା ତାତାନା ଏଲେଇଚେସି, ପ୍ରବୁ ନାନୁ ନାଜେ ପାସାମାଣା ହାହାମାଞ୍ଜାତି; ମେହମୁ ନାନୁ ଅଡେ ପାସାମାଣା ଲାବା କିହାମାଇଁ □

୨୧ ତାନି ସାଝୁକାରି ତାଜେ ଏଲେଇଚେସି, ଆୟାଲେତା ନେହୁଁ ଟିକାଣାଗାଟି ହଲେଏଣାତି, ନାନୁ ଉଣା କାମାତା ନାନୁ ଗାଗାଟି ଆହାମାଞ୍ଜା, ନାନୁ ନିଜ୍ଜ ହାରେକା କାଜା କାମାତା ହେବପାଇଁ, ନାନୁ ନା. ତଲେ ରାହାଁ କିହାଲି ଝାମୁ □

୨୨ ଅଡେ ଆମିନିଗାଗାସି ରୀ ମାଣା ବେଟା ଆହାମାଚେସି, ଏଝାସି ଜିକେଏ ଝାହାନା ଏଲେଇଚେସି, ଏ ପ୍ରବୁ ନାନୁ ନାଜେ ରୀ ମାଣା ହାହାମାଞ୍ଜାତି; ମେହମୁ ନାନୁ ଅଡେ ରୀ ମାଣା ଲାବା କିହାମାଇଁ □

୨୩ ତାନି ସାଝୁକାରି ଏଝାଣାଇଁ ଜିକେଏ ଏଲେଇଚେସି, ଆୟାଲେତା ନେହୁଁ ଇଞ୍ଜା ଟିକାଣାଗାଟି ହଲେଏଣାତି, ନାନୁ ଉଣା କାମାତା ନାନୁ ଗାଗାଟି ଆହାମାଞ୍ଜା, ନାନୁ ନିଜ୍ଜ ହାରେକା କାଜା କାମାତା ହେବପାଇଁ, ନାନୁ ନା. ତଲେ ରାହାଁ କିହାଲି ଝାମୁ □

୨୪ ତାହୁଁ ର ମାଣା ଟାକାୟାଁ ଅହାମାଟି ହଲେଏସି ଏଲେଇରେସି, ସାଧୁକାରି, ନାନୁ ପୁଞ୍ଜାମାଲ୍, ନାନୁ ର ଆତ୍ମା ହିୟାଁ ଗାଟାଟି □ ମାଟାଆତି ବୁମିତା ନାନୁ ଦାଃଆନାତି □ ବିଟା ମାଟାଆନା ଆନାଁ କୁଡ଼ି କିନାତି □

୨୫ ଏଦାଆଁତାକି ଆଜାହାଁ ନାନୁ ନୀ ଟାକାୟାଁଣି ବୁମିତା ମୁସାନା ଡ଼କୁହା ଇତିତେଏଁ; ମେହ୍ମୁ ନୀ ଦନ ନାନୁ ବେଟାଆଡ଼ି □

୨୬ ସାମା ତାନି ସାଧୁକାରି ଏଞ୍ଜାଣାଲ୍ ଏଲେଇରେସି, ଆଡ଼େ ଲାଗେଏ ଅଡ଼େ ନିସୁଗାଟି ହଲେଏଣାଟି, ନାନୁ ଆମ୍ବିୟା ମାଟା ହିଲେଅଁ ଏମ୍ବାଆଁ ଦାଃଆନାତେଏଁ, ଇଞ୍ଜାଁ ଆମ୍ବିୟା ଆନାଁ ଉଦ୍‌ହା ହିଲେଅଁ ଏମ୍ବାଆଁ କୁଡ଼ି କିନାତେଏଁ, ଇଦାଆଁ ନାନୁ ପୁଞ୍ଜାମାଟି ?

୨୭ ଆତିହଁ ବେଦାବା କିନାରି ତାଣା ନା ଟାକାୟାଁ ନାନୁ ଇତିନାୟି ମାଟେ; ଆତିହଁ ନାନୁ ଖାହାନା ଅଡ଼ିତଲେ ନା ଦନ ନାନୁ ବେଟାଆଡ଼େଏଁମା □

୨୮ ଇଦାଆଁତାକି ଇଞ୍ଜାଣି ତାଣାଟି ଇ ଟାକାୟାଁ ଅହାନା ଆମିନି ଗାଟାଣାକି ଦସ ମାଣା ମାନୁ ଏଞ୍ଜାଣାକି ହୀଦୁ □

୨୯ ଇତିହଁ ଆମ୍ବାଆରାକି ମାନୁ, ଏଞ୍ଜାଣାକି ହୀଦ୍‌କିଆନେ, ଇଞ୍ଜାଁ ଏଞ୍ଜାଣିଞ୍ଜାୟି ହାଡ଼େରକା ଗାଟିଆନେ; ସାମା ଆମ୍ବାଆରି ତାଣା ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଢ଼ିଆନେ □

୩୦ *ଅଡ଼େ ମୀରୁ ଇ କାମା କିଆଗାଟି ହଲେଏଣାଲ୍ ପାଙ୍ଗାଟି ଆନେରିତା ମେଡ଼ହା ହୁହୁ, ଏମ୍ବାଆଁ ଡ଼ହଁ ପାଲ୍‌କା ଟୀଟି କିନେସି □

ରାନ୍ତି ବେଲାତି ନାହାଁୟି

୩୧ *ମାଣସି ମୀରୁଏସି ଏତିବେଲା ବାରେ ଦୁଡୁୟାଁ ତଲେ ତାନି କାଜାପାଣାଟି ଖାନ୍‌ନେସି, ଏତିବେଲା ଏଞ୍ଜାସି ତାନି ଗାଧୁରିନାଟି ସିଂଗାସାଣିତା କୁରିନେସି,

୩୨ ଇଞ୍ଜାଁ ତାନି ନକିତା ବାରେ କୁଡ଼ାତି ଲକୁଣି କୁଡ଼ି କିଞ୍ଜିଆନେ, ଇଞ୍ଜାଁ ମେଣ୍ଡାୟାଁ ଗଡ଼ୁଏନିକଁ ଗରିୟାଁ ତାଣାଟି ମେଣ୍ଡାୟାଁଣି ଏଟକା କିନେସି, ଏଲେକିହଁ ଏଞ୍ଜାସି ଏଞ୍ଜାରାଲ୍ ଏଟକା କିହାନା,

୩୩ ମେଣ୍ଡାୟାଁଣି ତାନି ଟିଃନି ଟଟତା ଇଞ୍ଜାଁ ଗରିୟାଁଣି ତାନି ଚେବୁ ଟଟତା ଇତିନେସି □

୩୪ ଏତିବେଲା ରାଜା ତାନି ଟିଃନି ଟଟତି ଲକୁଣି ଏଲେଇନେସି, ଖାଦୁ ନା ଆବାତି ବର ବେଟା ଆନାତେରି, ମିଙ୍ଗେତାକି ଦାଡ଼ତି ଗାଡ଼ି ଆଡ଼ି ଦିନାଟିଏ ଆମିନି ରାଡ଼ି ଗାଡ଼ି କିଞ୍ଜିଆହାମାନେ ଏମ୍ବାଟି ଅଦିକାରା ଆଦୁ □

୩୫ ଇତିହଁ ନାନୁ ହାକିଟି ମାଟେଏଁ, ମୀରୁ ନାଙ୍ଗେ ତିଞ୍ଜାଲି ହିୟାତେରି; ଏସ୍‌କିଟି ମାଟେଏଁ, ନାଙ୍ଗେ ଗସାଲି ଏୟୁ ହିୟାତେରି; ଏଟକା ମାଟେଏଁ ନାଙ୍ଗେ ଆଡ଼ହାତେରି;

୩୬ ନାଗୁଡ଼ାଟି ମାଟେଏଁ ନାଙ୍ଗେ ହିମ୍ବରି ହୁଟି କିୟାତେରି; ନଡ଼ମିରି ମାଟେଏଁ ନାଙ୍ଗେ କେଡ଼ହାତେରି; କାୟିଦିତା ମାଟେଏଁ ନାଙ୍ଗେ ବେଟି ଖାଡ଼େରି □

୩୭ ଏମ୍ବାଟିଏ ଦାମ୍ବୁଗାଟାରି ଏଞ୍ଜାଣାଲ୍ ଏଲେଇନେରି, ଏ ପ୍ରୁ ଏରେଲା ହାକିଟି ମାନାଣି ମେସାନା ନିଙ୍ଗେ ତିଞ୍ଜାଲି ହିୟାତମି ? ଏରେଲା ଏସ୍‌କି ଆଡ଼ାଣି ମେସାନା ଏୟୁ ହିୟାତମି ?

୩୮ ଅଡ଼େ ଏରେଲା ଏଟକା ମାଟାଣି ମେସାନା ଆଡ଼ହାତମି ? ଏରେଲା ନାଗୁଡ଼ା ମେସାନା ହିମ୍ବରି ହୁଟି କିୟାତମି ?

୩୯ ଅଡ଼େ ଏରେଲା ନଡ଼ମିରିତା ଇଞ୍ଜାଁ କାୟିଦି ମାନାଣି ମେସାନା ନୀ ତାଣା ଖାଡ଼ମି ?

୪୦ ଇଞ୍ଜାଁ ରାଜା ଏଞ୍ଜାରାଲ୍ ଏଲେଇନେସି, ନାନୁ ମିଙ୍ଗେ ସାତା ଖେସିମାଞ୍ଜାଲ୍, ମୀରୁ ନା ଇ ଉଣା ତାୟିୟାଁଲ୍ ରଅଣାଲ୍ ଏମ୍ବାଆଁ କିହାମାଞ୍ଜେରି ଏ ବାରେ ନାଙ୍ଗେତାକି କିହାମାଞ୍ଜାଦେରି □

୪୧ ଏମ୍ବାଟିଏ ତାନି ଚେବୁ ଦାରିତି ଲକୁଣି ଜିକେଏ ଏଲେଇନେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜାଁ ତାନି ଦୁଡୁୟାଁକି କିହାମାନି କାଲ୍‌କାଲ୍‌କା ଡ଼ାଞ୍ଜିମାନି ହିଚୁ ଗାଡ଼ୟତା ହାଦୁ □

୪୨ ଇତିହଁ ନାନୁ ହାକିଟି ମାଟେଏଁ ନାଙ୍ଗେ ତିଞ୍ଜାଲି ହିୟାଆତେରି; ଏସ୍‌କିଟି ମାଟେଏଁ ନାଙ୍ଗେ ଗସାଲି ଏୟୁ ହିୟାଆତେରି;

* ୨୫:୩୦ ୨୫:୩୦ ମାତି ୮:୧୨; ୨୨:୧୩; ଲୁକ ୧୩:୨୮ * ୨୫:୩୧ ୨୫:୩୧ ମାତି ୧୭:୨୭; ମାତି ୧୯:୨୮

୪୩ ଏବଂକା ମାତାଟି ନାଜେ ଆବହାଆତେରି; ନାଗଡ଼ା ମାତାଟି ନାଜେ ହିମ୍ବି ହୁଟି କିୟାଆତେରି; ନଡ଼େରି ଇଞ୍ଜା କାୟିଦିତା ମାତାଟି ନାଜେ କେବହାଆତେରି □

୪୪ ଏମ୍ବାଟିଏ ଏଞ୍ଜାରି ଜିକେଏ ଏଲେଇନେରି, ଏ ପ୍ରଭୁ ଏଚେଲା ମାମୁ ନିଜେ ହାକି କି ଏସ୍କି, ଏବଂକା କି ନାଗଡ଼ା, ନଡ଼େରି କି କାୟିଦିତା ମାନାଣି ମେସାନା ନିଜେ ସେବା କିୟାଆତମି ?

୪୫ ଏଚେଟିଏ ରାଜା ଏଞ୍ଜାରାଇଁ ଏଲେଇନେସି, “ନାନ୍ ମିଜେ ସାତା ଝେସିମାଞ୍ଜାଇଁ, ନା ଇ ଉଣା ଲକୁ ବିତ୍ତାଟି ରଅଣାଇଁ କିହାହିଲାଆକି ନାଜେ କିହାମାଞ୍ଜଅତେରି □

୪୬ ଅଡେ ଇଞ୍ଜାରି କାଲାକାଲାତି ସାସ୍ତି ବେଟାଆନେରି, ସାମା ତୀରିଗାଟାରି କାଲାକାଲାତି ଜୀଝୁ ବେଟାଆନେରି □”

୨୨

ଜୀସୁ କପାଟି ପାରୁ ପାରିନାୟି

(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)

୧ ଜୀସୁ ଇ ବାରେ କାତା ରାପୁହାନା ତାନି ସାସୁୟାଁଇଁ ଏଲେଇଚେସି,

୨ “ରାଈନି ଜେଟ ପିସ୍ପିଆନି ପାରୁଁ ଆନେ, ଇଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜା ମାଣ୍ଡି ମୀରୁଏସି ପାସି ମୁଣ୍ଡାତା ହାୟାଲି ହେବ୍ପିଆନେସି □”

୩ ଏଚିବେଲାତା କାଜା ପୂଜେରାଜା ଅଡେ ଲକୁତି କାଜାରି କୟାପା ଦରୁଗାଟି କାଜା ପୂଜେରା ଆଂଗେଣିତା ରୁଣ୍ଡା ଆଡେରି,

୪ ଅଡେ ଜୀସୁଇଁ ଆସାନା ପାୟାଲି ପାରୁ ପାରିଚେରି;

୫ ସାମା ଏଞ୍ଜାରି ଏଲେଇଚେରି, “ପାରୁଁ ବେଲାତା ଆଏ ଇଚିହୁଁ ଏଚେତା ଲକୁ ଗଡ଼ହା କିନେରି □”

ବେତନିୟାତା ଜୀସୁ ତାୟୁଁ ତୁ ନିୟୁଁ ଝାକ୍ନାୟି

(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଡ଼ଗାଟି ସିମନ ଇଜ ତିଞ୍ଜାଲି କୁଗାମାଟାଟି,

୭ “ଇୟା ର ଗାଜୁତା ହାଚେକା ଦାରାଗାଟି ଗାନ୍ଦା ନିୟୁଁ ତାତାନା ଜୀସୁ ତାୟୁଁ ତୁ ଝାକ୍ନହେ □

୮ ସାମା ଏଦାଆଁ ମେସାନା ସାସୁୟାଁ କପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାରୁଁ ?

୯ ଇଦାଆଁ ହାଚେକା ଟାକାୟାତାକି ପାରୁପି ଆହାନା କାକୁଲି ଗାଟାରାକି ହିୟାଲି ଆଡେମା □”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଇ ଇୟାନି ଏନାଆଁତାକି କସ୍ ହାହିମାଞ୍ଜେରି ? ଏଦି ନାଜେତାକି ହାଚେକା ନେହୁଁ କାମା କିହାମାନେ □

୧୧ କାକୁଲି ଗାଟାରି କାଲେଏ ମୀ ତାଣା ମାନେରି, ସାମା ନାନ୍ କାଲେଏ ମୀ ତାଣା ମାନଅଁ □

୧୨ ଇଞ୍ଜା ଏଦି ନା ଆଜାତା ନକେଏ ନିୟୁଁ ଝାକ୍ନହାନା ମୁସାଲି ତାକି ନକେଏ ତିୟାରା କିହିମାନେ □

୧୩ ନାନ୍ ମିଜେ ସାତା ଝେସିମାଞ୍ଜାଇଁ, ବାରେ ଦାରୁତିତା ଆମିନି ଟାୟୁତା ଇ ନେହୁଁ କାବୁ ଝେପ୍କି ଆନେ, ଏମ୍ବାଆଁ ଏ ଇୟାନି ଅଣପାଲି ଏଦାନି ଇ କାମା ଜିକେଏ ଝେସ୍ପି ଆନେ □”

ଜୀହୁଦା ଜୀସୁଇଁ ଆସ୍ପି କିହାଲି ରାଜି ଆନାୟି

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏଚିବେଲା ବାରଜାଣା ବିତ୍ତାଟି ଇୟାରିୟତ ଜୀହୁଦା ଦରୁଗାଟାସି କାଜା ପୂଜେରାଜା ତାଣା ହାଜାନା ଏଲେଇଚେସି,

୧୫ “ନାଜେ ଏନାଆଁ ହିୟାଦେରି ଝେସ୍ପାଦୁ ? ନାନ୍ ଜୀସୁଇଁ ଆସ୍ପି କିୟାଇଁ □” ଏମ୍ବାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଝେଣ୍ଡି ଟାକାୟାଁ ଏଜିକିହାନା ହୀତେରି □

୧୬ ଅଡେ ଏ ଦିନାଟିଏ ଏଞ୍ଜାସି ଜୀସୁଇଁ ଏଞ୍ଜାରିତାଣା ହେବ୍ପାଲି ତାକି ପାରୁ ପାରାଲି ମାଟ୍‌ହେସି □

ଜୀସୁ ଅଡେ ସାସୁୟାଁ ପିସ୍ପିଆନି ପାରୁଁ କିନାୟି

☆ ୨୨:୨ ୨୨:୨ ଲୁକ ୭:୩୭,୩୮

୧୭ ତାହୁଁ ପୁଲୀଏୟୁ ଆଣ୍ଡାଆତି ରୁଟି ତିନି ପାର୍ବୁତି ତଲିତି ଦିନାତା ସୀସୁୟାଁ ଜୀସୁ ତାଣା ଖାହାନା ଖେରେରି, “ମାମ୍ନୁ ଆମିନି ଚାୟୁତା ନିଜେତାକି ପିସ୍ପିଆନି ପାର୍ବୁତି ବଜି କିନମି ଇଞ୍ଜି” ନୀନୁ ଅଣ୍ଡିପିମାଞ୍ଜି ?”

୧୮ ଜୀସୁ ଏଲେଇରେସି, “ମୀରୁ ଗାଡ଼ାତା ପାଲାଣା ଗାଟାଣି ତାଣା ହାଜାନା ଏଲେଇଞ୍ଜି, ମା ଗୁରୁ ଏଲେଇଞ୍ଜି ଖେସା ପାଣ୍ଡାତେସି, ନା କାକୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସ୍ପିଆନି ପାର୍ବୁତି ବଜି କିନମି □”

୧୯ ଏମ୍ବାଟିଏ ସୀସୁୟାଁ ଜୀସୁତି ହୁକୁମି ତଲେ କାମା କିହାନା ପିସ୍ପିଆନି ପାର୍ବୁତି ବଜି କିତେରି □

୨୦ ତାହୁଁ ମିଡ଼ଅଲ୍ଲା ଆୟାଲିଏ ଜୀସୁ ବାରେଜାଣା ସୀସୁୟାଁ ତଲେ ବଜିତା କୁଗିତେସି □

୨୧ ଏଝାରି ତିଞ୍ଜିମାଟି ବେଲାତା ଜୀସୁ ଏଲେଇରେସି, “ନାନୁ ମିଜେ ସାତା ଖେସିମାଞ୍ଜାଇଁ, ମୀ ବିତ୍ରାଟି ରଅସି ନାଜେ ସାତୁୟାଁ କେୟୁତା ହେରପାନେସି □”

୨୨ ଏମ୍ବାଟିଏ ଏଝାରି ହାରେକା ଦୁକୁ ଆହାନା ରଅ ରଅସି ଜୀସୁଇଁ ଖେରେରି, “ଏ ପ୍ରବୁ ଏଝାତେସିଁ ନାନୁ କି ?”

୨୩ ଜୀସୁ ଏଲେଇରେସି, “ନା ତଲେ ଆମ୍ବାଆସି ସାଡ଼ଝାତା କେୟୁ ପାରୁକି ମାନେସି, ଏଝାସି ନାଜେ ସାତୁୟାଁ କେୟୁତା ହେରପାନେସି □

୨୪ ମାଣସି ମୀରୁଏଣି କାତା ଏନିକିଁ ରାସୁକି ଆହାମାନେ ଏଲେକିଁ କିହିମାନେସି ସାତା; ସାମା ଆମିନି ଲକୁ ତାଣାଟି ସାତୁ କେୟୁତା ହେରପି ଆହିମାନେସି, ଆୟତା ଏଚେକା ତଣ୍ଡ ବେଟା ଆନେସି; ଏଝାସି ଜାନା ଆହାହିଲ୍ଲାଆତିହଁ ଏଝାଣାକି ନେହେଁ ଆଡେମା □”

୨୫ ଏଚେଟିଏ ଆମିନି ଜୀହୁଦା, ସାତୁୟାଁ କେୟୁତା ହେରପିତେସି, ଏଝାସି ଏଲେଇଞ୍ଜି ଇରେସି, “ଏ ଗୁରୁ ଏଝାତେସିଁ ନାନୁ କି ?”

ଜୀସୁ ଏଝାଣାଇଁ ଏଲେଇରେସି, “ନୀନୁତ ଏଲେ ଇଞ୍ଜିମାଞ୍ଜି □”

ପ୍ରବୁତି ବଜି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

୨୬ ଅଡ଼େ ଏଝାରି ତିଞ୍ଜିମାଟି ବେଲାତା, ଜୀସୁ ରୁଟି ଅହାନା ମାହାପୁରୁଇଁ ଜହରା କିତେସି, ଇଞ୍ଜାଁ ରୁଟି ଡିକହାନା ସୀସୁୟାଁକି ହାହାନା ଏଲେଇରେସି, “ଇଦାଆଁ ଅନୁ ଇଞ୍ଜାଁ ତିଞ୍ଜି ଇଦି ନା ଆଞ୍ଜା □”

୨୭ ଅଡ଼େ ଏଝାସି ଗହ୍ନି ସଲ୍ଲା ଆସାନା ମାହାପୁରୁଇଁ ଜହରା କିତେସି ଇଞ୍ଜାଁ ସୀସୁୟାଁକି ହାହାନା ଏଲେଇରେସି; “ଇଦାଆଁ ବାରେତେରି ଗହ୍ନୁ”

୨୮ “ଇଡିହଁ” ଆମିନି ନେତେରିତି ରାଜିମାନା ହାରେକା ଲକୁତାକି ପାପୁତି ମ୍ଲୋକହାଲି ଖାକୁହାମାନି ଇଦି ଏ ନା ନେତେରି □

୨୯ ସାମା ନାନୁ ମିଜେ ଖେସିମାଞ୍ଜାଇଁ, ଆମିନି ଦିନା ନା ଆବାତି ରାଜିତା ମୀ ତଲେ ପୁଝନି ଅଞ୍ଜୁରି ରାସା ଗହ୍ନା ପାତେକା ନୀଞ୍ଜୁଟିଏ ଏଚେଲାଝା ଅଞ୍ଜୁରି ରାସା ଗହ୍ନି □”

୩୦ ଅଡ଼େ ଏଝାରି ଜହରା ପାରୁ ପାଡ଼ିତି ତାହୁଁ ଜୀତ ହରୁତା ହଡ଼ା ହାଚେରି □

ପିତର ଜୀସୁଇଁ ପୁଞ୍ଜାହିଲଅଁ ଇନି କାତା ତଲିଏ ଖେହ୍ନାୟି

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ ୧୩:୩୬-୩୮)

୩୧ ଏରିବେଲା ଜୀସୁ ଏଝାରାଇଁ ଏଲେଇରେସି, “ନୀଞ୍ଜୁ ଲାଆଁୟାଁ ମୀରୁ ବାରେତେରି ନାଜେ ପିସାନା ହାଜାଦେରି, ଇଡିହଁ ରାସୁକି ଆହାମାନେ, ନାନୁ ମେଣ୍ଡାୟାଁ ଗଡ଼ୁଇଁ ଖେଞ୍ଜି ଅଡ଼େ ମାନ୍ଦାତି ମେଣ୍ଡାୟାଁ ଆଲାବା ଆହାହାନୁ □

୩୨ ଏସାମା ନାନୁ ହାହାନା ନିଜିତି ତାହୁଁ ମୀ ନକିତା ଗାଲିଲିତା ହାଇଁ □”

୩୩ ସାମା ପିତର ଜୀସୁଇଁ ଏଲେଇରେସି, “ବାରେଜାଣା ନିଜେ ପିସ୍ପାତିହଁ ଜିକେଏ, ନାନୁ କଡ଼େ ନିଜେ ଏଚେଲାଝା ପିସ୍ପିଅଁ □”

୩୪ ଜୀସୁ ପିତରଇଁ ଏଲେଇରେସି, “ନାନୁ ନିଜେ ସାତା ଖେସିମାଞ୍ଜାଇଁ, ନୀଞ୍ଜୁ ଲାଆଁୟାଁ କୟୁ କେଣ୍ଡାଆ ନବେଏ ନାନୁ ନାଜେ ତାନିପାଲି ନାନୁ ପୁଞ୍ଜାହିଲଅଁ ଇଞ୍ଜିଁ ଖେହ୍ନି □”

୩୫ ପିତର ଏଝାଣାଇଁ ଏଲେଇରେସି, “ନାନୁ ନୀ ତଲେ ହାହାଲି ଆଡି ଜିକେଏ ନାନୁ ନିଜେ ଏଚେଲା ପୁଞ୍ଜାହିଲଅଁ ଇଞ୍ଜିଁ ଇନଅଁ।” ଇଞ୍ଜାଁ ବାରେ ସୀସୁୟାଁ ଜିକେଏ ଏଲେଇରେସି □

ଗେଡ଼ସିମନିତା ଜୀସୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୭ ଏତେଟିଏ ଜୀସୁ ତାନି ସୀସୁୟାଁ ତଲେ ଗେଡ଼ସିମନି ଇନି ର ଚାନ୍ଦୁତା ହାଜାନା ଏଞ୍ଜରାଉଁ ଏଲେଇଚେସି, “ନାନୁ ଏମ୍ବାଆଁ ହାଜାନା ପ୍ରାତାନା କିନି ପାତେକା ମୀରୁ ଇମ୍ବାଆଁ କୁଗା ମାଞ୍ଜୁ []”

୩୭ ଅଡେଡ଼ ଏଞ୍ଜାସି ପିତର ଇଞ୍ଜା ଜେବଦିତି ରୀ ମୀରୁକାଣି ଅହାନା ହିୟାଁତା କିଲିବିଲି ଆଡେସି,

୩୮ ଇଞ୍ଜା ଏରିବେଲା ଏଞ୍ଜରାଉଁ ଏଲେଇଚେସି, “ନା ଜୀସୁ ହାନ୍ଦିଲେହେଁ ହାରେକା କିଲିବିଲି ହଡ଼ି ମାଞ୍ଜାନେ, ମୀରୁ ଇମ୍ବାଆଁ ତୁୟାନା ନା ତଲେ କାଡ଼ିହେଁ ମାଞ୍ଜୁ []”

୩୯ ଇଞ୍ଜା ଏଞ୍ଜାସି ହିରେ ହେକ ହାଜାନା ମୁନୁ କୁତାନା ପ୍ରାତାନା କିହିହେଁ ଏଲେଇଚେସି, “ଏ ନା ଆବା ଆଡିହେଁ ଇ ନା ଦୁକୁ କସ୍ରଗାଟି ସଲ୍ଲାତି ହେକ କିମ୍ବ; ସାମା ନା ମନ କଡେ ଆଏ ନୀ କାତେଏ ଆପେ []”

୪୦ ଅଡେଡ଼ ଏଞ୍ଜାସି ସୀସୁୟାଁତାଣା ଖାହାନା ଏଞ୍ଜରାଉଁ ଇଦା କିତାଣି ମେସ୍ତେସି ଇଞ୍ଜା ପିତରଇଁ ଏଲେଇଚେସି, “ମୀରୁ ନା ତଲେ ଗାଡେଡ଼କା ଜିକେଏ କାଡାଲି ଆଡାଆଡେଟି ?

୪୧ ପାନ୍ଦାତା ଏନିକେଁ ହେଡ଼ଅଡେଟି, ଏଦାଆଁତାକି କାଡାହାଁ ପ୍ରାତାନା କିହିଁ ମାଞ୍ଜୁ; ଇଡିହେଁ ମନ ମାନେ ସାମା ଆଜାତା ବାଡ଼ୁୟାଁ ହିଲେଏ []”

୪୨ ଅଡେଡ଼ ର ପାଲି ହାଜାନା ପ୍ରାତାନା କିହିହେଁ ଏଲେଇଚେସି, “ଏ ନା ଆବା ଇ ନା ଦୁକୁ କସ୍ରଗାଟି ସଲ୍ଲା ନା ତାଣାଟି ହେକ ଆହାଲି ଆଡାଆଡି, ନାନୁ ଏଦାଆଁ ଗହଇଁ ନା ମନ କଡେ ଆଏ ନୀ କାତେଏ ଆପେ []”

୪୩ ଅଡେଡ଼ ଏଞ୍ଜାସି ଖାହାନା ଏଞ୍ଜରାଉଁ ଇଦା କିହାମାନାଣି ମେସ୍ତେସି; ଇଡିହେଁ ଏଞ୍ଜାରି କଟଣି ହଡ଼ି ମାରେରି []

୪୪ ଏମ୍ବାଟିଏ ଏଞ୍ଜାସି ଏଞ୍ଜରାଉଁ ପିସାନା ଅଡେଡ଼ ଖେଣ୍ଡେ ହାଜାନା ଅଡେଡ଼ ଏ ପ୍ରାତାନା ତାନିପାଲି ତାକି କିଡେସି []

୪୫ ତାନ୍ଦୁ ସୀସୁୟାଁ ତାଣା ଖାହାନା ଏଲେଇଚେସି, “ଗାଡେଡ଼କା ତୁରାନା ଜମାଦୁ, ଇଡିହେଁ ମାଣ୍ଡସି ମୀରୁଏସି ପାପୁ ଗାଟାରି ତାଣା ହେଡ଼ସି ଆନିବେଲା ଏଦାଡେୟିଏ []

୪୬ ନିଜାଦୁ ମାର ହାନ, ଇଞ୍ଜା ମେହ୍ଦୁ ଆମ୍ବାଆସି ନାଜେ ସାଡୁୟାଁ କେୟୁତା ହେଡ଼ପାନେସି, ଏଞ୍ଜାସି ତାଗେ ଖାଡେସିଏ []”

ଜୀସୁଇଁ ସାଡୁୟାଁ କେୟୁତା ହେଡ଼ପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଜୀସୁ ଇ କାତା ଖେସିମାଟି ବେଲାତା, ମେହ୍ଦୁ, ବାରଜାଣା ସୀସୁୟାଁ ବିଦ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ଏଞ୍ଜାଣିତଲେ କାଜା ପୁଜେରାଜା ଅଡେଡ଼ ଲକୁତି କାଜାରି ତାଣାଟି ପାଣ୍ଡୁଆହାମାନି ହାରେକା ଲକୁ କାଣ୍ଡାୟାଁ ଅଡେଡ଼ ବାଡ଼ାୟାଁ ଆସାନା ଖାଡେଟି []

୪୮ ଜୀସୁଇଁ ସାଡୁୟାଁ କେୟୁତା ହେଡ଼ପିନାସି ଏଞ୍ଜରାଉଁ ଇ ସିନା ଖେସାମାରେସି, “ନାନୁ ଆମ୍ବାଆରାଉଁ ନଣ୍ଡିଇଁ ଏଞ୍ଜାସିଏ ଏଞ୍ଜାସି, ଏଞ୍ଜାଣାଉଁ ଆହ୍‌ଦେରି []”

୪୯ ଇଞ୍ଜା ଏଞ୍ଜାସି ଏ ଦେବୁଣିଏ ଜୀସୁ ତାଣା ଖାହାନା, “ଏ ଗୁରୁ ଜହରା ଇଚେସି” ଅଡେଡ଼ ଏଞ୍ଜାଣାଉଁ ହାରେକା ନଣ୍ଡିଚେସି []

୫୦ ସାମା ଜୀସୁ ଏଞ୍ଜାଣାଉଁ ଏଲେଇଚେସି, “ଏ ତଡେଣ ଏଦାଆଁ କିହାଲି ଖାହାମାଞ୍ଜି ଏଦାଆଁ କିମ୍ବୁ []”

ଏମ୍ବାଟିଏ ଏଞ୍ଜାରି ତାଗେ ଖାହାନା ଜୀସୁଇଁ ଆସ୍ତେରି []

୫୧ ଅଡେଡ଼ ମେହ୍ଦୁ, ଜୀସୁତଲେ ମାଟାରି ବିଦ୍ରାଟି ରଅସି କାଣ୍ଡା ହପ୍‌ହେସି ଇଞ୍ଜା କାଜା ପୁଜେରା ହେଲଏଣାଉଁ କିୟାଁ ରାଡ଼ହେସି []

୫୨ ଏମ୍ବାଟିଏ ଜୀସୁ ଏଞ୍ଜାଣାଉଁ ଏଲେଇଚେସି, “ନୀ କାଣ୍ଡା ଖେଣ୍ଡେ ନୀ ପାଡ଼କାତା ଇଟାମ୍ବୁ, ଇଡିହେଁ ଆମ୍ବାଆରି କାଣ୍ଡା ଆହ୍‌ନେରି ଏଞ୍ଜାରି କାଣ୍ଡା ତଲେଏ ହାନେରି []

୫୩ ନାନୁ ଏନାଆଁ ଅଣ୍ଡପିମାଞ୍ଜି, ନାନୁ ନା ଆବାଉଁ ବାଡ଼ିମାଲିଡିହେଁ ଇ ଦେବୁଣିଏ ବାର ଗଟି ରିଜାରି କସ୍‌କା କିହାଁ ହାରେକା ଦୂଡୁୟାଁଇଁ ପାଣ୍ଡୁଅସି ?”

୫୪ ଇଡିହେଁ ଇଲେକେଁ ସାତେଏ ଆନେ ଇଞ୍ଜାମାନି ଦାମ୍ବୁ ପଡିତି କାତା ଏନିକେଁ ସାତା ଆନେ ?

୫୫ ☆ଏବେଟିଏ ଜୀବୁ ମାୟା ଲକ୍ଷ୍ମଣୀ ଏଲେଇଚେସି, ତଂଗା ଗାଗାରାଇଁ ଆହୁନିଲେହେଁ କାଣ୍ଡାୟାଁ ଅଡ଼େ ଚେଙ୍ଗାୟାଁ ଆସାନା ମୀରୁ ନାଜେ ଆସାଲି ଖାହାମାଞ୍ଜେରି ? ନାନୁ ବାରେଦିନା ମାହାପୁରୁ ଇଲୁତା କୁଗାନା ଜାପୁହି ମାଚେର୍, ସାମା ମୀରୁ ନାଜେ ଆସାଆଚେରି □

୫୬ ସାମା ମାହାପୁରୁ ଅଣ୍ଡପୁତି ବଲୁ ଖେହ୍ନାରି ରାଡ଼ିତି ସାଫ୍ତେରି କାତା ଏନିକିଁ ସାତା ଆନେ, ଏଦାଆଁତାକି ଇ ବାରେ ଆହିମାନେ □ ଏଚିବେଲା ବାରେଜାଣା ସାପୁୟାଁ ଏଝାଣାଇଁ ପିସାନା ହଟାତୁସ୍ତେରି □

ବେରଣିମାଣ୍ଡାତା ଜୀବୁତି ନାହିଁୟି

(ମାର୍କ ୧୪:୫୩-୬୫; ଲୁକ ୨୨:୫୪,୫୫,୬୩-୬୧; ଜହ ୧୮:୧୩-୧୪,୧୯-୨୪)

୫୭ ତାୟୁ ଏମିନିଗାଗାରି ଜୀବୁଇଁ ଆସାମାଚେରି, ଏଝାରି ଜୀବୁଇଁ କୟାପା ଇନି କାଜା ପୂଜେରା ନକିତା ଅଡ଼େରି; ଏ ଟାୟୁତା ମେରାପୁନାରି ଅଡ଼େ ଲକ୍ଷ୍ମଣି କାଜାରି ରୁଣ୍ଡା ଆହାମାଚେରି □

୫୮ ସାମା ପିତର ହେକ ଡ଼ୟାନା କାଜା ପୂଜେରା ଆଂଗେଣି ପାଚେକା ଏଝାରି ଜେତ ହାଚେସି, ଇଞ୍ଜାଁ ତାୟୁ ଏନି ଆନେ, ଏଦାଆଁ ସିନିକିହାଲି ଏଝାସି ବିତ୍ତା ହାଜାନା ଜାମାନାକା ତଲେ କୁଗାମାଚେସି □

୫୯ ଏମ୍ବାଟିଏ କାଜା ପୂଜେରାକା ଅଡ଼େ ବାରେ ବେରଣି ମାଣ୍ଡାତାରି ଜୀବୁଇଁ ପାୟାଲି ଏଝାଣି କପାଟି ମିଟି ସାକିୟାଁ ପାରିଚେରି,

୬୦ ଇଞ୍ଜାଁ ହାଚେରକା ସାକିୟାଁ ଖେସ୍ତି ଜିକେଏ, ଏଝାଣି ଏନି ଦହ ପୁଞ୍ଜାଆଚେରି □ ଇଞ୍ଜାଁ ତାୟୁ ରିଆରି ନିରାନା ଖେସ୍ତେରି,

୬୧ ☆ଇଝାସି ଏଲେଇଞ୍ଜାମାଚେସି, “ନାନୁ ମାହାପୁରୁତି ଇଲୁ ତିକ୍‌ହାନା ତାନି ଦିନାଟିଏ କେପାଲି ଆଡ଼ିଇଁ □”

୬୨ ଏମ୍ବାଟିଏ କାଜା ପୂଜେରା ନିଜାନା ଏଲେଇଚେସି, “ନୀ କପାଟି ଜଲିମାନାରାକି ଖେଣ୍ଡେ ଖେସାଲି ନୀ ଏନି କାତା ହିଲେଏ କି ?”

୬୩ ସାମା ଜୀବୁ ପାଲେଏ ଆହାନା ଡ଼ୟିଚେସି □ ଏମ୍ବାଟିଏ କାଜା ପୂଜେରା ଜୀବୁଇଁ ଏଲେଇଚେସି, “ନାନୁ ଜୀବୁତି ମାହାପୁରୁ ଦରୁତଲେ ପାରମାଣା କିଝି କିହାନା ଖେଞ୍ଜିମାଞ୍ଜାଇଁ, ନାଜେ ଖେସ୍ତାମ୍ବୁ, ନାନୁ ସାଚେଏ ମାହାପୁରୁ ମୀର୍‌ଏଣାଟି କ୍ରୀସ୍ତୁତିକି ?”

୬୪ ଜୀବୁ ଏଝାଣାଇଁ ଏଲେଇଚେସି, “ନାନୁତ ଖେସିମାଞ୍ଜି; ଅଡ଼େ ନାନୁ ନିଜେ ଖେସିମାଞ୍ଜାଇଁ, ନୀଞ୍ଜୁଟିଏ ମୀରୁ ମାଣ୍ଡସି ମୀର୍‌ଏଣାଟି ବାଡ଼ୁୟୁଗାଟି ମାହାପୁରୁ ଚିଝନିଝାକି ନିରାମାନାଣି ଅଡ଼େ ହାଗୁ ଦୁହାଟି ଝାନାଣି ମେହ୍‌ଦେରି □”

୬୫ ଏମ୍ବାଟିଏ କାଜା ପୂଜେରା ତାନି ହିମ୍ବୁରି ଗେସାନା ଏଲେଇଚେସି, “ଇଝାସି ମାହାପୁରୁ ନିନ୍ଦା କିହିମାନେସି, ଇଞ୍ଜାଁ ମାଜେ ଅଡ଼େ ଏନି ସାକିୟାଁ ଲଡ଼ାମାନେ ? ମେହ୍‌ଦୁ ନୀର୍‌ଏ ଜିକେଏ ମାହାପୁରୁ ନିନ୍ଦା କିତାଣି ଖେଚେରି,

୬୬ ମୀ ଅଣ୍ଡପୁତା ଏନାୟି ମାନେ ?” ଏମ୍ବାଟିଏ ଏଝାରି ଏଲେଇଚେରି ଏଝାସି ହାନି ତଣ୍ଡା ପାଣ୍ଡନାୟି ମାନେ □

୬୭ ଏଚିବେଲା ଏଝାରି ଏଝାଣି ମୁମ୍ବୁତା ହୁପିଚେରି, ବିଦା ଖେଚେରି; ଇଞ୍ଜାଁ ଆମ୍ବା ଆମ୍ବାଆରି ସାପୁଡ଼ା ଖେଚାନା ଏଲେଇଚେରି,

୬୮ “ଏ କ୍ରୀସ୍ତ ନାନୁର୍‌ଏଁ ମାହାପୁରୁ ଅଣ୍ଡପୁତି ବଲୁ ଖେହ୍ନାଟି, ମାଜେ ଖେସ୍ତାମ୍ବୁ ନିଜ ଆମ୍ବାଆସି ଖେଡାଚେସି □”

ପିତର ଜୀବୁଇଁ ପୁଞ୍ଜାହିଲଅଁ ଇଞ୍ଜାଁ ଇନାୟି

(ମାର୍କ ୧୪:୬୬-୭୨; ଲୁକ ୨୨:୫୬-୬୨; ଜହ ୧୮:୧୫-୧୮,୨୫-୨୭)

୬୯ ଏମ୍ବାଟିଏ ପିତର ପାଜାଟି ଆଂଗେଣିତା କୁଗାମାଚେସି, ଇଞ୍ଜାଁ ର ହଲେଣି ପିତର ତାଗେ ଝାହାନା ଏଲେଇଚେ, “ନାନୁ ଜିକେଏ ଗାଲିଲିତି ଜୀବୁତଲେ ମାଟି □”

୭୦ ସାମା ଏଝାସି ବାରେତି ନକିତା “ନାନୁ ଏଝାଣାଇଁ ପୁଞ୍ଜାହିଲଅଁ ନାନୁ ଏନାଆଁ ଖେସିମାଞ୍ଜି ନାନୁ ପୁଞ୍ଜାହିଲଅଁ □”

୭୧ ଅଡ଼େ ପିତର ଆଂଗେଣି ଦୁଝେରିତା ହାଜାଲିଏ ଅଡ଼େ ର ହଲେଣି ଏଝାଣାଇଁ ମେସାନା ଏ ଟାୟୁତି ଲକ୍ଷ୍ମଣି ଏଲେଇଚେ, “ଇଝାସି ନାଜିଚିତ ଜୀବୁତଲେ ମାଚେସି □”

☆ ୨୭:୫୫ ୨୭:୫୫ ଲୁକ ୧୯:୪୭; ୨୧:୩୭ ☆ ୨୭:୬୧ ୨୭:୬୧ ଜହ ୨:୧୯

୭୨ ପିତର ପାର୍ମାଣା କିହାନ ଅଡ଼େ ଏଲେଇରେସି, “ନାନୁ ଏଝାଣାଇଁ ପୁଞ୍ଜାହିଲଅଁ”

୭୩ ଅଡ଼େ ର ଗାଡ଼େକା ହାଜାଲିଏ ଦାରିତା ନିତାମାଚାରି ପିତର ତାଗେ ଝାହାନା ଏଝାଣାଇଁ ଏଲେଇରେସି, “ନାନୁ ଜିକେଏ ଯାତେଏ ଏଝାରି ବିତ୍ତାଟି ରଅତି, ଇଚିହିଁ ନୀ ହାଡ଼ାଟି ପୁଣ୍ଡାସି ଆହିମାନେ

□” ୭୪ ଏମ୍ବାଟିଏ ପିତର ପାର୍ମାଣା ଅଡ଼େ ବାକା ଇଚିହିଁ ଏଲେଇରେସି, “ନାନୁ ଏଝାଣାଇଁ ପୁଞ୍ଜାହିଲଅଁ

□ ଏ ଦେବୁଣିଏ କୟୁ କେଶିତେ □

୭୫ ଏଚେଟିଏ “କୟୁ କେଶିଆ ନକେଏ ନାଜେ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜିଁ ଜୀସୁ ଝେସ୍ତି ଇ କାତା ପିତର ଅଣପୁତା ଝାଡ଼େ, ଇଞ୍ଜାଁ ଏଝାସି ପାଜାତା ହାଜାନା ହାରେକା କିଲିବିଲି ଦୁକୁଆହିଁ ଡୀତେସି □

୨୭

ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଜ ଝେୟାଲିଏ ବାରେ କାଜା ପୂଜେରାଜା, ଇଞ୍ଜାଁ ଲକୂତି କାଜାରି ଜୀସୁଇଁ ପାୟାଲି ଏଝାଣି କପାଟି କାତା ଆଡ଼େରି,

୨ ଇଞ୍ଜାଁ ଏଝାରି ଏଝାଣାଇଁ ଦସା ଅହାନା ପିଲାତ ଇନି ସାଲୁଝି କିନାଣି ତାଣା ହେର୍ପିତେରି □

ଇୟାରିୟତ ଜୀହୁଦା ହାନାୟି

(କାମା ୧:୧୮-୧୯)

୩ ✽ଏଚିବେଲା ଜୀସୁଇଁ ସାଡ଼ୁ କେୟୁତା ହେର୍ପିତି ଜୀହୁଦା, ଜୀସୁ ହାନି ତଣ୍ଡ ବେଟା ଆହାମାନେସି ଇଞ୍ଜିଁ ପୁଞ୍ଜାନା, ଜୀହୁତା ଅଣପାନା କାଜା ପୂଜେରାଜା ଅଡ଼େ ଲକୂତି କାଜାରି ତାଣା ଏ କଡ଼େଦସ ଟାକା ଝେଶ୍ଟେ ତାଚାନା ଏଲେଇରେସି,

୪ “ନାନୁ ଦହି ହିଲାଆଗାଗାଣି ନେତେରି ହେର୍ପିତା ପାପୁ କିହାମାଇଁ □”

ସାମା ଏଝାରି ଏଲେଇରେସି, “ମାଦି ଏମ୍ବାଆଁ ଏନାୟି ମାନେ ? ଏଦାଆଁ ନାନୁ ଅଣପାମୁ □”

୫ ଏମ୍ବାଟିଏ ଏଝାସି ଟାକାୟାଣି ମାହାପୁରୁ ଇଲୁ ବିତ୍ତା କୁତାତୁସାନା ହାଚେସି, ଇଞ୍ଜାଁ ହାଜାନା ହେର୍କି ଲେଜା ହାଡ଼େସି □

୬ ସାମା କାଜା ପୂଜେରାଜା ଏ ଟାକାୟାଁ ଅହାନା ଏଲେଇରେସି, “ଇଝାଆଁ ମାହାପୁରୁ ଇଲୁତି ଦନ ତଲେ ଇଚିନାୟି ମେରା ହିଲେଏ, ଇଚିହିଁ ଇଝି ନେତେରିଚି ଟାକାୟାଁ □”

୭ ଇଞ୍ଜାଁ ଏଝାରି କାତା ଆହାନା ଏବକା ଦେସାତି ଲକୂତି ମାଡ଼ହା ମୁହନି ଟାକା ଏ ଟାକାୟାଁ ହାହାନା ର କୁମ୍ବେ_ଏଣା ବୁମି କଡ଼ିତେରି □

୮ ଏଦାଆଁତାକି ନୀଞ୍ଜୁପାତେକା ଏଦାନି “ନେତେରି ବୁମି” ଇଞ୍ଜିଁ ଇନେରି □

୯ ଏମ୍ବାଟିଏ ମାହାପୁରୁ ଅଣପୁତି ବଲୁ ଝେହନି ଜିରିମିୟ ତାଣାଟି ରାଚିତି ଇ କାତା ସାତା ଆଡ଼େ, ଇସ୍ତାୟେଲ ମାରକା ଆମ୍ବାଆରି ତାକି ଏତେକା ଲେକା ହାନାୟି ମାନେ, ଏଝାଣି ଲେକାତଲେ ଏ କଡ଼େଦସ ଟାକା ଅହାନା,

୧୦ ନା ତାକି ମାହାପୁରୁତି ହୁକୁମି ଲେହେଁ କୁମ୍ବେ_ଏଣା ବୁମି ତାକି ହାତେରି □

ପିଲାତ ଜୀସୁଇଁ ଝେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୧୧ ଏମ୍ବାଟିଏ ସାଲୁଝି କିନାଣି ନକିତା ଜୀସୁଇଁ ନିପ୍ତହେରି, ଇଞ୍ଜାଁ ସାଲୁଝି କିନାସି ଏଝାଣାଇଁ ଝେଚେସି, “ନାନୁ ଜୀହୁଦି ଲକୂତି ରାଜାଟି ?”

ଜୀସୁ ଏଲେଇରେସି, “ନାନୁତ ଏଲେ ଇଞ୍ଜିମାଞ୍ଜି □”

୧୨ ସାମା କାଜା ପୂଜେରାଜା ଇଞ୍ଜାଁ ଲକୂତି କାଜାରି ଏଝାଣି କପାଟି ଝେସାଲିଏ, ଜୀସୁ ଏନାଆଁ ଇନାଆଡେସି □

୧୩ ଏଚେଟିଏ ପିଲାତ ଏଝାଣାଇଁ ଏଲେଇରେସି, “ଇଝାରି ନୀ କପାଟି ହାରେକା କାତା ଝେସିମାନେରି, ଏଦାଆଁ ଝେଞ୍ଜି ହିଲଅତି କି ?”

✽ ୨୭:୩ ୨୭:୩ କାମା ୧:୧୮,୧୯

୧୪ ସାମା ଏଝାସି ର କାତା ଜିକେଏ ଏଝାଣାଇଁ ଜଳାଆତେସି, ଏମାଟିଏ ସାଲୁଝି କିନାସି ହାଓରକା କାବା ଆଡେସି □

ଜୀସୁତି ହାନି ତଣ୍ଡ

(ମାର୍କ ୧୫:୨-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୧୫ ପିସିପିଆନି ପାର୍ବୁ ବେଲାତା ଲକୁ, ଆମିନି କାୟିଦିତା ଇଟାମାନାରାଇଁ ରାସିମାତେରି ଏଝାଣାଇଁ ପିସାଲି ସାଲୁଝି କିନାଣି ମୋରା ମାତେ □

୧୬ ଏଟିବେଲା ଏଝାରି ବାରବା ଦରୁଗାଟି ର କାଜା ଝେଝିତି କାୟିଦି ଗାଗସି ମାତେସି □

୧୭ ଏଦାଆଁତାକି ଏଝାରି ରୁଣ୍ଡା ଆହାମାନି ବେଲାତା ପିଲାତ ଏଝାରାଇଁ ଝେରେସି, ନାନୁ ମିଙ୍ଗେତାକି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ? ବାରବାଇଁ କି ଆମ୍ବାଆରାଇଁ କ୍ରୀସ୍ତ ଇଞ୍ଜି ମାଞ୍ଜେରି ଏ ଜୀସୁଇଁ ?

୧୮ ଇତିହିଁ ଏଝାରି ଏଝାଣାଇଁ କପାଟି ହେରପା ମାନେରି ଇଞ୍ଜି ପିଲାତ ପୁଞ୍ଜାମାତେସି □

୧୯ ଇଞ୍ଜା ପିଲାତ ନୀହାଁୟି କିନି ଟାମୁତା କୁଗାମାଗାଟି ତାନି ତକ୍ତି ତାନି ତାଣା ଝେସା ପାଣ୍ଡିତେ, “ଏ ଦାମ୍ବୁଗାଟି ମାଣସିଇଁ ଏନାଆଁ କିଆନି, ଇତିହିଁ ଏଝାଣି ତାକି ନୀଞ୍ଜୁ ଲାଆଁୟାଁ ହାପାନାତା ହାଓରକା କସ୍ତ ଆହାମାଇଁ □”

୨୦ ସାମା କାଜା ପୂଜେରାଜା ଅଡେ ଲକୁତି କାଜାରି, ବାରବାଇଁ ରାସାଲି ଇଞ୍ଜା ଜୀସୁଇଁ ନାସା କିହାଲି ଲକୁଣି ଜାପ୍‌ହେରି □

୨୧ ସାମା ପିଲାତ ଏଝାରାଇଁ ଏଲେଇତେସି, “ନାନୁ ଇ ରିଆରି ବିତ୍ରାଟି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ?”

ଏଝାରି ଏଲେଇତେରି, “ବାରବାଇଁ □”

୨୨ ପିଲାତ ଏଝାରାଇଁ ଝେରେସି, ଆତିହିଁ ଆମ୍ବାଆରାଇଁ କ୍ରୀସ୍ତ ଇନେରି ଏ ଜୀସୁଇଁ ନାନୁ ଏନାଆଁ କିଇଁ ?

ଏଝାରି ବାରେଜାଣା ଏଲେଇତେରି, “ଏଝାଣାଇଁ ପାସି ମୁଣ୍ଡାତା ଏକଦୁ □”

୨୩ ସାମା ପିଲାତ ଝେରେସି, “ଏନାଆଁତାକି, ଏଝାସି ଏନି ଦହ କିହାମାନେସି ?”

ସାମା ଏଝାରି ହାଓରକା କାଲୁଝି ଆହିଁ ଏଲେଇତେରି, “ଏଝାଣାଇଁ ପାସି ମୁଣ୍ଡାତା ଏକଦୁ □”

୨୪ ଏଟିବେଲା ପିଲାତ ଏନାଆଁ କିହାଲି ଆଡ଼ିହିଲଅସି, ଇଞ୍ଜା ହାଓରକା ଗଡ଼ହା ଆହିମାନାଣି ମେସାନା, ଏଟିବେଲା ଲକୁ ନକିତା ଏୟୁ ଅହାନା କେସ୍ତା ନରହାଁ ଏଲେଇତେସି, “ଇଝାଣି ପାୟିନି ତାଣା ନା ଦହ ହିଲେଏ, ମୀରୁ ଏଦାଆଁ ପୁଞ୍ଜୁ □”

୨୫ ଏମାଟିଏ ବାରେ ଲକୁ ଏଲେଇତେରି, “ଏଝାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରୁକା ମୁହେଁ ଝାପେ □”

୨୬ ଏମାଟିଏ ପିଲାତ ଏଝାରାକି ବାରବାଇଁ ପିସା ହାତେସି, ଇଞ୍ଜା ଜୀସୁଇଁ ସାଟ୍‌ଣି ଝେଚାନା ପାସି ମୁଣ୍ଡାତା ଏକହାଲି ହେରପିତେସି □

କସ୍ତା ଜୀସୁଇଁ ନିନ୍ଦାକିହିଁ କାକ୍‌ନାୟି

(ମାର୍କ ୧୫:୧୭-୨୦; ଜହ ୧୯:୨-୩)

୨୭ ଏମାଟିଏ ସାଲୁଝି କିନାଣି କସ୍ତା ଜୀସୁଇଁ ମୋଡ଼ା ଇଲୁ ବିତ୍ରା ଅହାନା ବାରେ କସ୍ତା ଏଝାଣି ନକିତା କୁଡ଼ା ଆତେରି □

୨୮ ଇଞ୍ଜା ଏଝାରି ଏଝାଣି ହିମ୍ବୁରି ହୁକ୍‌ହାନା ଏଝାଣାଇଁ ହେୟାଁ ଖାଣାଗାଟି ହିମ୍ବୁରି ହୁଚିକିତେରି,

୨୯ ଇଞ୍ଜା ହାପ୍‌କା ଚପେରି ଆଲାନା ଏଝାଣି ତାୟଁ ତୁ ଇତିତେରି ଅଡେ ଏଝାଣି ଟିଝିନି କେମୁତା ର ବାଡ଼ଗା ଆସପି କିତେରି, ଇଞ୍ଜା ଏଝାଣି ନକିତା ମେଣ୍ଡା କୁତିହିଁ “ଏ ଜୀସୁଦି ଲକୁତି ରାଜା ଜହରା” ଇଞ୍ଜି ଲାଜାକିହିଁ କାକ୍‌ହେରି □

୩୦ ଅଡେ ଏଝାଣିଲାକ ହୁପିତେରି, ଅଡେ ଏ ବାଡ଼ଗା ଆସାନା ଏଝାଣି ତାୟଁ ତୁ ଝେତେରି □

୩୧ ଅଡେ ଏଝାରି ଏଝାଣାଇଁ ଲାଜାକିହିଁ କାକ୍‌ହି ତାୟଁ, ଏ ହିମ୍ବୁରି ହୁକ୍‌ହା ଅହାନା ତାନି ହିମ୍ବୁରି ହୁଚିକିତେରି, ଇଞ୍ଜା ଏଝାଣାଇଁ ପାସି ମୁଣ୍ଡାତା ଏକହାଲି ଅଡେରି □

ଜୀସୁ ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଜହ ୧୯:୧୭-୨୭)

୩୨ ଏଝାରି ହାଜିମାଚାଟି ସିମନ ଦରୁଗାଟି ର କୁରିଣି ଦେସାତି ଲକ୍ଷୁଇଁ ମେସାନା ଜୀସୁତି ପାସିମୁଣ୍ଡା ତେକାଲି ଏଝାଣାଇଁ ବାଲାମାତମି କିତେରି □

୩୩ ଇଞ୍ଜା ଏଝାରି ଗଲ୍‌ଗତା ଜନି ଗାୟୁତା ଇଚିହିଁ ଏମିନାଣି ତାୟଁ ରୁପା ଜନେରି ଏମାଆଁ ଅଡେରି □

୩୪ ଏମାଆଁ ଏଝାରି ଏଝାଣାକି କାମ୍ବେଲି ଏୟୁ ଆଡ଼ିହି ଅଜୁରି ରାସା ଗସାଲି ହୀତେରି, ସାମା ଏଝାସି ଏଝାଆଁ ଖାଣ୍ଡାନା ଗସାଲି ମନୁ କିଆତେସି □

୩୫ ତାୟୁ ଏଝାରି ଏଝାଣାଇଁ ପାସି ମୁଣ୍ଡାତା ଏକ୍‌ହାନା ତାନି ହିମ୍ବରିକା ପାଦି କିହାନା ତାନି ବିଭା ବାଟି କିହା ଅଡେରି,

୩୬ ଇଞ୍ଜା ଏମାଆଁ କୁଗାନା ଏଝାଣାଇଁ କାଟିମାଚେରି □

୩୭ ଇଞ୍ଜା ଏଝାରି ଏଝାଣି ତାୟଁ ଲାକଟି ଇଲେଇଞ୍ଜୁଁ ରାଟାନା ଲେତେରି, “ଇଝାସି ଜୀହୁଦି ଲକ୍ଷୁତି ରାଜା ଜୀସୁ □”

୩୮ ଏଚିବେଲା ତାନି ଚିଟନିଝାକି ରଅସି ଇଞ୍ଜା ତାନି ଚେବୁଝାକି ରଅସି ଇଲେକିହିଁ ରୀ ସର୍‌କାଣି ତାନିତଲେ ପାସି ମୁଣ୍ଡାତା ଏକ୍‌ହେରି □

୩୯ ଇଞ୍ଜା ଏ ଜିରୁଟି ହାଜିମାନି ଲକ୍ଷୁ ତାନି ତାକା ଗୁଟକିକିହିଁ ଏଝାଣାଇଁ ନିନ୍ଦାକିହିଁ ଏଲେଇଚେରି,

୪୦ “ଆଡେ ମାହାପୁରୁ ଇଲ୍ଲୁ ତିକ୍‌ନାତି ଇଞ୍ଜା ତାନି ଦିନାଟିଏ ଏଦାଆଁ ଖେଣ୍ଡେ କେପିନାତି, ନୀନୁ ମାହାପୁରୁ ମୀରଏଣାତି ଇଚିହିଁ, ନୀନୁ ନିଜେ ଗେଲ୍‌ପା କତାନା ପାସି ମୁଣ୍ଡାଟି ରେଚା ଖାମୁ □”

୪୧ କାଜା ପୂଜେରାଜା ଜିକେଏ ଏଲେକିହିଁଏ ମେରାପୁନାରି ଇଞ୍ଜା ଲକ୍ଷୁତି କାଜାରି ତଲେ କିଜିକିହିଁ କାକ୍‌ହିହିଁ ଏଲେଇଚେରି,

୪୨ “ଏଝାସି ଏଟକା ଲକ୍ଷୁଣି ପିସପି କିତେସି ତାଜେ ଗେଲ୍‌ପାଲି ଆଡ଼ିହିଲଅସି □ ଏଝାସିତ ଇସାୟେଲତି ରାଜା, ଏଝାସି ଦେବୁଣିଏ ପାସି ମୁଣ୍ଡାଟି ରେଚା ଖାଡପସି, ଆଡିହିଁ ମାର୍ ଏଝାଣି ତାଣା ନାମିନ □

୪୩ ଏଝାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଝାଣାଇଁ ଜୀଝୁ ନହାଁ ମାନେସି, ଆଡିହିଁ ଏ ଦେବୁଣିଏ ଏଝାଣାଇଁ ଗେଲ୍‌ପାପେସି, ଏଝାସି ଝେସାମାତେସି ନୀନୁ ମାହାପୁରୁ ମୀରଏଣାତେସି □”

୪୪ ଇଞ୍ଜା ଆମିନି ସର୍‌କା ତାନିତଲେ ପାସି ମୁଣ୍ଡାତା ଏକ୍‌ହା ମାଚେରି, ଏଝାରି ଜିକେଏ ଏଲେକିହିଁ ନିନ୍ଦା କିହାଲି ମାଟ୍‌ହେରି □

ଜୀସୁତି ହାନାସି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

୪୫ ତାୟୁ ବାର ଗଂଟାଟିଏ ତାନି ଗଂଟା ପାତେକା ଦେସା ବାରେ ଆନ୍ଦେରି ଆହାହାଚେ □

୪୬ ମିଡ଼ଅଲା ତାନି ଗଂଟା ବେଲାତା ଜୀସୁ କାଜା ଗିୟାତଲେ ହାଟାନା ଏଲେଇଚେସି, “ଏଲି, ଏଲି, ଲାମା ସାବକ୍‌ତାନି ?” ଇଚିହିଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଜେ ଏନାଆଁତାକି ପିସ୍ତାତି ?”

୪୭ ଇ ହାଡ଼ା ଝେଞ୍ଜାନା ଦାରିତା ନିଚାମାଟି ଲକ୍ଷୁ ଏଲେଇଚେରି, “ଇଝାସି ଏଲିୟଇଁ ହାଟି ମାନେସି □”

୪୮ ଅଡେ ଏ ଦେବୁଣିଏ ରଅସି ଏଝାରି ବିଭାଟି ହଚିହିଁ ହାଜାନା ର ଦ୍ରାଝଆଲି ପୁଲା ଅଜୁରି ରାସାତା ମୁସାନା ଏଦାଆଁ ର ବାଡ଼ଗାତା ଦସାନା ଜୀସୁକି ଗସାଲି ହୀତେସି □

୪୯ ସାମା ଏତେକା ଲକ୍ଷୁ ଏଲେଇଚେରି, “ହେଣ୍ଡୁ, ଏଲିୟ ଇଝାଣାଇଁ ଗେଲ୍‌ପାଲି ଖାଝିମାନେସି କି ଆଏ ସିନିକିନି □”

୫୦ ସାମା ଜୀସୁ ଅଡେ ଝେଣ୍ଡେ କାଜା ଗିୟାତଲେ ହାଟାନା ହାଡେସି □

୫୧ ଇଞ୍ଜା ମେହ୍‌ଦୁ ମାହାପୁରୁ ଲକ୍ଷୁତା ଲେଚାମାନି ହିମ୍ବରି ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଟା ଆଡେ, ଇଞ୍ଜା ବୁମି ବାରେ ଝାଡିତେ ଅଡେ ଝାଲ୍‌କା ଅୟାହାଟୁ,

୫୨ ଇଞ୍ଜା ମାଡ଼ହା ମୁହ୍‌ନି ଚାମ୍ଲା ବାରେ ଦେପିଆଡୁ, ଅଡେ ହାହାମାଟି ହାଡେକା ସୁଦୁ ଲକ୍ଷୁତି ଆଞ୍ଜା ମାଡ଼ହା ମୁହ୍‌ନି ଚାୟୁଟି ନିଜ୍ଜାନା ଖାଡେରି,

☆ ୨୭:୪୦ ୨୭:୪୦ ମାତି ୨୭:୨୧; ଜହ ୨:୧୯

୫୩ ଇଞ୍ଜା ଜୀମ୍ବୁ ଖେଣ୍ଡେ ନିଜିତି ତାମ୍ବୁ ଏଞ୍ଜାରି ମାଡ଼ହା ମୁହନି ଚାୟୁତି ହଡ଼ାନା ସୁଦୁ ଗାଡ଼ାତା ହାଜାନା ହାରେକା ଜାଣାତି ତଞ୍ଜାଆଡ଼େସି □

୫୪ ପାସାକଡ଼ି କସ୍ତକା ମୁହେଁ କାଜାସି ଇଞ୍ଜା ତାନିତଲେ ଜୀମ୍ବୁକ୍ କାଡ଼ାମାଚାରି, ଏଞ୍ଜାରି ବୁମି ଖୀଡ଼ିତାଣି ଅଡ଼େ ଏମ୍ବାଆଁ ଗଟଞ୍ଜି ଆଡ଼ାଣି ମେସାନା ହାରେକା ଆଜାନା ଏଲେଇଚେରି, “ସାତେଏ ଇଞ୍ଜାସି ମାହାପୁରୁ ମୀରୁଏସି ମାଚେସି □”

୫୫ ଅଡ଼େ ହାରେକା ଇୟାସିକା ଜିକେଏ ଏମ୍ବାଆଁ ମାଞ୍ଜାନା ହେକଟି ସିନିକିହିମାତୁ; ଏଞ୍ଜି ଜୀମ୍ବୁତି ସେବା କିହିଁ ଗାଲିଲିଚି ଏଞ୍ଜାଣିତଲେ ଖାହାମାତୁ;

୫୬ ଏଞ୍ଜାସିକା ବିଡ଼ାଟି ମଗ୍ଦଲିନି ମରିୟମ, ଜାକୁବ ଅଡ଼େ ଜସେପ ତାନି ଇୟା ମରିୟମ, ଅଡ଼େ ଜେବଦି ତାନି ଇୟା ମାତୁ □

ଜୀମ୍ବୁକ୍ ମୁହନାସି

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଚାଟି ହାରାମାଡ଼ିୟା ଜସେପ ଦରୁଗାଟି ହାରାମାଡ଼ିୟାତି ର ଦନ ଗାଟାସି ଖାଡ଼େସି, ଏଞ୍ଜାସି ଜିକେଏ ଜୀମ୍ବୁତି ର ସୀମ୍ବୁ ଆହାମାଚେସି □

୫୮ ଏଞ୍ଜାସି ପିଲାତ ତାଣା ହାଜାନା ଜୀମ୍ବୁତି ଆଜା ରୀସେସି, ପିଲାତ ଜୀମ୍ବୁତି ମାଡ଼ହା ଏଞ୍ଜାଣାକି ହେରପାଲି ହୁକୁମି ହୀତେସି □

୫୯ ଜସେପ ମାଡ଼ହା ଆଜାତି ଅହାନା ନେହିଁ ପୁଃନି ପାଡ଼ାଡ଼ା ଦବ୍‌ଲା ହିମ୍ବୁରି ରୁପିତେସି,

୬୦ ଇଞ୍ଜା ତାନ୍ତୁ ତାଜେତାକି ହରୁଡ଼ା କାର୍‌ଞ୍ଜି କିହାମାନି ମାଡ଼ହା ମୁହନି ପୁଃନି ଚାୟୁତା ମାଡ଼ହାତି ଇଚିତେସି, ଇଞ୍ଜା ମାଡ଼ହାତି ମୁହନି ଚାୟୁତି ଦୁଃଖେରିତା ର କାଜା ଖାଲି ପ୍ରିକ୍‌ହାନା ହାଜାତୁସେସି □

୬୧ ମଗ୍ଦଲିନି ମରିୟମ ଅଡ଼େ ଏଟ୍‌କାଟି ମରିୟମ ଏ ମାଡ଼ହା ମୁହନି ଚାୟୁତା କୁଗା ଡ଼ୟିତୁ □

ମାହଣି ମାଣ୍ଡାତା କସ୍ତକା

୬୨ ତାନି ଅର ଦିନା, ଇଚିହିଁ ତିୟାରା ଆନି ଦିନାତି ତାୟୁତି ଦିନା କାଜା ପୂଜେରାଜା ଅଡ଼େ ପାରୁସିୟାଁ ପିଲାତ ତାଣା ରୁଣ୍ଡା ଆହାନା ଏଲେଇଚେରି,

୬୩ *“ବାବୁ, ଏ ନାଡ଼ି କିନାସି ଜୀମ୍ବୁତା ମାଚାଟି, ‘ନାନ୍ତୁ ତାନି ଦିନାଟିଏ ଖେଣ୍ଡେ ନିଜିକ୍’ ଇଞ୍ଜାଁ ଖେସାମାଚାଣି ନୀର୍‌ଏ ମାମ୍ବୁ ଅଣ୍ଡପିମାନନି □

୬୪ ଏଦାଆଁତାକି ତାନିଦିନା ପାତେକା ଏ ମାଡ଼ହା ମୁହନି ଚାୟୁତା କାଚାଲି ତାକି ହୁକୁମି ହୀମ୍ବୁ, ଆଆଡ଼ ତାନି ସୀପୁୟାଁ ଖାହାନା ମାଡ଼ହାତି ଡ଼ଗା ଆହାଁ ଏଞ୍ଜାସି ହାକିଚି ନିଜାମାନେସି ଇଞ୍ଜାଁ ଲକୁଣି ଖେହ୍‌ନେରି; ଆଡ଼ିହିଁ ତଲି ନାଡ଼ି କିତାଣି କିହାଁ ତାୟୁତି ନାଡ଼ିକିନାସି ହାରେକା ଆଗାଡ଼ା ଆଡ଼େ □”

୬୫ ପିଲାତ ଏଞ୍ଜାରାକ୍ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ମୀ ଆଡ଼ିନି ପାତେକା କାଃଆତୁ □”

୬୬ ଏଦାଆଁତାକି ଏଞ୍ଜାରି ହାଜାନା କାଃଆନାରି ତଲେ ଏ ଖାଲି ଗୁଚା ଆଆପେଞ୍ଜା ଇଞ୍ଜାଁ ଖାଲିଚି ଜାଣି କିହିଁ ସୀଲି ଖେଚାନା ମାଡ଼ହା ମୁହନି ଚାୟୁତା କାଃନାରାକ୍ କାପି କିଚେରି □

୨୮

ଜୀମ୍ବୁ ଖେଣ୍ଡେ ନିଜିନାସି

(ମାର୍କ ୧୬:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାଡ଼ି ତାୟୁ ଖାରାତି ତଲିଚି ଦିନାତା ଲାଲ ଲାଲସିଏ ମଗ୍ଦଲିନି ମରିୟମ ଅଡ଼େ ଏଟ୍‌କାଟି ମରିୟମ ମାଡ଼ହା ମୁହନି ଚାୟୁତି ସିନିକିହାଲି ହାତୁ □

୨ ଅଡ଼େ ମେହ୍‌ଦୁ ଏ ଦେବୁଣିଏ ବୁମି ଖୀଡ଼ିତେ, ଇଚିହିଁ ମାହାପୁରୁତି ର ଦୁତୁ ଲାକପୁରୁତି ରେଚାଖାହାନା ଏ ଖାଲିଚି ଗୁଚି କିହାନା ଏଡ଼ାଣି ଲାକ କୁରିତେସି □

୩ ତାନି ଖାଣା ମିଣ୍ଡସିମାନି ହାଗୁଲେହେଁ ମାଚେ ଅଡ଼େ ତାନି ହିମ୍ବୁରି ପେଣ୍ଡିଲେହେଁ ଦବ୍‌ଲା ମାଚେ □

୪ ଇଞ୍ଜା କାଃଆନାରି ଆଜିତାକି ତାବ୍‌ଗିହିଁ ହାଡ଼ିଲେହେଁ ଆଡ଼େଚି □

* ୨୭:୨୩ ୨୭:୨୩ ମାତି ୧୬:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

୫ ସାମା ଦୁହୁ ଇୟାସିକାଣି ଏଲେଇରେସି, “ମୀରୁ ଆଜାଆଦୁ, ଇତିହୁଁ ମୀରୁ ପାସି ମୁଣ୍ଡାତା ହାଡ଼ି ଜୀସୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ □”

୬ ଏଝାସି ଇମ୍ପାଆଁ ହିଲଅସି; ଇତିହୁଁ ଏଝାସି ଏନିକିଁ ଝେସାମାରେସି, ଏଲେକିହୁଁ ଏ ନିଜାମାନେସି, ଝାଦୁ ଏଝାସି ଆନିନି ଚାୟୁତା ତୁରାମାରେସି ଏ ଚାୟୁତି ସିନିକିଦୁ □

୭ ଅଡେ ମୀରୁ ତବେ ହାଜାନା ତାନି ସୀସୁୟାଁଣି ଝେହୁଦୁ, ଏଝାସି ହାଡାରି ତାଣାଟି ନିଜାମାନେସି, ଅଡେ ମେହୁଦୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏଦାଆଁ ମୀରୁ ଏଝାଣାଇଁ ମେହୁଦେରି; ନାନୁ ଝେସ୍ତାତାଣି ଅଣପାଦୁ □

୮ ଏଦାଟିଏ ଆଜି ଅଡେ ରାହୁଟି ମାହଣି ମାଣ୍ଡାଟି ତବେ ହାଜାନା ତାନି ସୀସୁୟାଁଣି ଝେସାଲି ଦାବୁଡ଼ି ହରୁ □

୯ ଅଡେ ମେହୁଦୁ ଜୀସୁ ଏଝାସିକାଣି ବେଟାଆହାନା ଏଲେଇରେସି, “ମିଜେ ହିଡ଼ି ଆୟାପେ” ଏଦାଟିଏ ଏଢ଼ି ତାଗେ ଝାହାନା ଏଝାଣି କତାୟାଁ ଆସାନା ଏଝାଣାଇଁ ଜହରା କିଦୁ □

୧୦ ଏରେଟିଏ ଜୀସୁ ଏଝାସିକାଣି ଏଲେଇରେସି, “ଆଜାଆଦୁ, ମୀରୁ ହାଜାନା ନା ତାୟାୟାଁଇଁ ଝେହୁଦୁ, ଏଝାରି ଗାଲିଲିତା ହାଲାପେରି; ଏଦାଆଁ ଏଝାରି ନାଜେ ମେସ୍ତାନେରି □”

ମାହଣି ମାଣ୍ଡା କାଝଆନାରି

୧୧ ଆୟାସିକା ହାଜିମାତାଟି, କାପୁ କାଟାମାଟି କସକା ବିତ୍ରାଟି ଏଚରଜାଣା ଗାଡ଼ାତା ହାଜାନା ଏ ବାରେ ଗଟଢ଼ି ଆଡାଣି କାଜା ପୁଜେରାଜାଣି ଝେସ୍ତେରି □

୧୨ ଏଝାରି ଲକ୍ଷୁଟି କାଜାରି ତଲେ ରୁଣ୍ଡା ଆହାନା ଅଣପିହୁଁ କାତା ତାରିକିତି ତାୟା, ଏ କସକାକି ହାରେକା ଟାକାୟାଁ ହାହାନା ଏଲେଇରେରି,

୧୩ “ମୀରୁ ଏଲେଇଞ୍ଜୁ, ମାମ୍ପୁ ତୁରାମାଟି ବେଲାତା ତାନି ସୀସୁୟାଁ ଲାଆଁୟାଁ ଝାହାନା ଏଝାଣାଇଁ ସରୁ ଆହାନା ଅଡେରି □

୧୪ ଅଡେ ଇ କାତା ସାଲୁଡ଼ି କିନାଣି କିୟାଁ ତୁା ହାଟିହୁଁ, ମାମ୍ପୁ ଏଝାଣାଇଁ ନେହୁଁ କିଁ ଝେସାନା ମୀ ଅଣପୁଟି ପିସପି କିୟାନି □”

୧୫ ଏଝାରି ଟାକାୟାଁ ଅହାନା ଏନିକିଁ ହୁକୁମି ବେଟାଆହା ମାରେରି, ଏଲେକିହୁଁ କିତେରି □ ଏଦାଆଁତାକି ଇ କାତା ଜୀହୁଦି ଲକ୍ଷୁତାଣା ଝେଜା ହାଜାନା ନୀର୍ବ ପାତେକା ମାନେ □

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି

(ମାର୍କ ୧୪:୩-୯; ଜହ ୧୨:୧-୮)

୧୬ ସାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆନିନି ହରୁ କାତା ଏଝାରାଇଁ ଝେସାମାରେସି, ଏ ହରୁତା ହାରେରି □

୧୭ ଅଡେ ଏଝାରି ଏଝାଣାଇଁ ମେସାନା ଜହରା କିତେରି, ସାମା ଆମ୍ପା ଆମ୍ପାଆରି ନାମାଆତେରି □

୧୮ ଇଞ୍ଜାଁ ଜୀସୁ ଏଝାରି ତାଗେ ଝାହାନା ଏଲେଇରେସି, “ଲାକପୁରୁ ଅଡେ ଦାବୁଡ଼ିଟି ଅଦିକାରା ନାଜେ ମେଡା ଆହାମାଞ୍ଜାନେ □

୧୯ ଏଦାଆଁତାକି ମୀରୁ ହାଜାନା ବାରେ କୁଡାଟି ଲକ୍ଷୁଣି ଆଡା, ମୀରୁଏସି ଅଡେ ସୁଦୁଜୀଝୁ ଦରୁଟି ବାପ୍ତିସ୍ତା* ହାହାନା,

୨୦ ନାନୁ ମିଜେ ହାହାମାଞ୍ଜାନି ହୁକୁମି ବାରେ ମାନୁଡ଼ି ଆହାଲି ଜାପହାନା ଏଝାରାଇଁ ନା ସୀସୁୟାଁ କିଦୁ; ମେହୁଦୁ ଜୁଗୁ ରାନି ପାତେକା ନାନୁ ବାରେବେଲା ମୀ ତଲେ ମାଞ୍ଜେ ମାଞ୍ଜାଇଁ □”

* ୨୮:୧୭ ୨୮:୧୭ ମାତୃ ୨୭:୩୨; ମାର୍କ ୧୪:୨୮ ☆ ୨୮:୧୯ ୨୮:୧୯ କାମା ୧:୮ * ୨୮:୧୯ ୨୮:୧୯ ମୁଞ୍ଜିନାୟି

ମାର୍କ ଲିଖିତ ସୁସମାଚାର ମାର୍କ ରାଡ଼ାମାନି ନେହଁ କାବୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀସୁ ଅଡ଼େ ଈ ଦାବୁତିତା ମାତି ତାନି କାତା ମାର୍କ ରାଡ଼ାମାନି ନେହଁ କାବୁ; ପୁଃନି ମେରାତି ସାରିଗଟା ନେହଁ କାବୁ ପତିୟା ବିଦ୍ରାତି ଈଦି ଆହମାନେ ର ପତି □ ଏ ବାରେ ନେହଁ କାବୁ ଇନେରି □ ଏ ପତିୟା ଜୀସୁ କ୍ରୀସ୍ତ ହାଡ଼ି ତାମୁ ମାତିମୁ, ମାର୍କ, ଲୁକ ଅଡ଼େ ଜହନ ରାଡ଼ାମାଚେରି □ ମାର୍କ ରାଡ଼ାମାନି ନେହଁ କାବୁ ସାରିଗଟା ନେହଁ କାବୁ ବିଦ୍ରାତି ବାରେତି କିହାଁ ସଚୁ କାବୁ □ ଈ ନେହଁ କାବୁ ବାରେ କିହାଁ ନକେଏ ଇତିହଁ ଜୀସୁ ଜାର୍ନାଆଡ଼ି ତାମୁ ୬୫-୭୦ ବାର୍ଯା ବିଦ୍ରା ରାସ୍ତି ଆହମାନେ ଇଞ୍ଜିଁ ବାଇବଲ ପୁତି ବୁଦିଗାଟାରି ଏଲେଇଞ୍ଜିମାନେରି □ ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଈ ପତି ରମ୍ ଗାଡ଼ାତା ରାଡ଼ାମାଚେସି □

ମାର୍କ ଅର ଦରୁ ଜହନ ମାର୍କ, ଏଞ୍ଜାସି ପାଞ୍ଜୁଲ ଅଡ଼େ ବର୍ନବା ତଣେ ମାଚେସି □ ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଉଣା ଆହମାଚେ କାମା ୧୩:୧୩ □ ମାର୍କ ଅଡ଼େ ଝେଣ୍ଡେ ବର୍ନବା ତଲେ ସେବା କାମାତା ହାଚେସି କାମା ୧୫:୩୭-୩୯ □ ମାର୍କ ପିତରତି ନେହଁ ଜାବୁ ମାଚେସି ୧ପିତ ୫:୧୩ □ ମାର୍କ ଜୀସୁ କ୍ରୀସ୍ତତି ଜୀସୁତି କାତା କି ସେବା କାମାତି ମେସା ହିଲାଆଚେସି, ବୁଦିଗାଟାରି ନାମିମାନେରି ମାର୍କ ରାଡ଼ାମାନି ନେହଁ କାବୁତା ପିତରତି କାତା ହାରେକା ରାଡ଼ାମାନେସି □ ମାର୍କ ସୀୟୁୟାଁତି କାମା ଇଞ୍ଜିଁ ଜୀସୁ ରାନ୍ତି ଦିନାତି କାତା ଜାପ୍ନାଣି ରାଡ଼ାମାନେସି □

ପତିତା ମାନାସି

- ୧ ମାର୍କ ପତିତି ମୂଲୁ ହାଡ଼ା □ ୧:୧-୧୩
- ୨ ଗାଲିଲିତା ଜୀସୁ କ୍ରୀସ୍ତତି ସେବା କାମା □ ୧:୧୪-୮:୨୧
- ୩ ଜୀସୁ କ୍ରୀସ୍ତ ଜିରୁସାଲମତା ହାନାସି □ ୮:୨୨-୧୦:୫୨
- ୪ ଜିରୁସାଲମତି କାତା, ଜୀସୁ କ୍ରୀସ୍ତ ହାନ୍ତି କାତା ଅଡ଼େ ଝେଣ୍ଡେ ନିଜିନି କାତା ରାଡ଼ାନା ରାପ୍ନାସି □ ୧୧:୧-୧୬:୨୦

ବାପ୍ତିସ୍ମ* ହାନି ଜହନ ଝେକ୍ନାସି
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

- ୧ ମାହାପୁରୁ ମୀରୁଏସି ଜୀସୁ କ୍ରୀସ୍ତତି ନେହଁ କାବୁ ଇଲେକଁ ଆଡ଼େ,
- ୨ ମାହାପୁରୁ ଅଣପୁତି ବଲୁ ଝେହ୍ନି ଜିସାୟ ସାପ୍ରେରିତା ଏନିକଁ ରାସ୍ତି ଆହମାନେ;
- “ମାହାପୁରୁ ଏଲେଇଞ୍ଜି ମାନେସି, ମେହ୍ନୁ ନାମୁ ନା କାବୁ ଝେହ୍ନନାଣାକଁ ନୀ ନକିତା ପାଣ୍ଡିମାଞ୍ଜାକଁ, ଏଞ୍ଜାସି ନିଜେତାକି ଜିରୁ ତିୟାରା କିନେସି;
- ୩ ଲକୁ ହିଲାଆ ଟାମୁତା ରଅଣି ହାଡ଼ା ଝେଜିମାନେ, ପ୍ରପୁତି ଜିରୁ ତିୟାରା କିପୁ, ଏଞ୍ଜାସି ତାକାଲି ତାକି ଜିରୁ ତିୟି କିପୁ □”
- ୪ ଏମ୍ବାଟିଏ ବାପ୍ତିସ୍ମ† ହାନି ଜହନ ଲକୁ ହିଲାଆ ଟାମୁତା ଝାହାନା ବଲୁ ଝେକ୍ହେସି, ଅଡ଼େ ବାପ୍ତିସ୍ମ‡ ହାହାନା ଏଲେଇଚେସି, “ଜାହାରା ପାପୁତି ପିସ୍ତି ଆୟାଲିତାକି ମନ ଝେହ୍ନାନା ବାପ୍ତିସ୍ମ§ ଅଦୁ, ଆତିହଁ ମାହାପୁରୁ ମୀ ପାପୁ ମ୍ଲେକ୍ହାନେସି □”

- * ଏମ୍ବାଟିଏ ଜୀହୁଦା ଦେସା ଇଞ୍ଜାଁ ଜିରୁସାଲମ ଗାଡ଼ାତି ବାରେ ଲକୁ ତାନି ତାଣା ଝାହାଲି ମାଟ୍ହେରି, ଇଞ୍ଜାଁ ତାମୁତାନି କିତି ପାପୁତି ଝେସାନା ଏଞ୍ଜାଣି ତାଣାତି ଜର୍ଦନ କାତାତା ବାପ୍ତିସ୍ମ* ଅଡ଼େରି □
- ‡ ଜହନ ଉଡୁ ବାଣାୟାଁ ତଲେ କେପିତି ହିମ୍ବିକା ତୁରହିମାଚେସି, ଅଡ଼େ ଚେଡେଲିତା ର ତଲୁତି ବୁଡ଼ପା ମାଡ଼ା କିହାଁ ଦସା କଡ଼ଝିଚେସି, ଗପ୍‌ଏରିକା ଅଡ଼େ ଜାଡ଼ାତି କ୍ରିୟାଁ ଏଞ୍ଜାଣି କାଡ଼ି ମାଚେ □

* ୧: ୧:୧ ମୁଞ୍ଜିନାସି † ୧:୪ ୧:୪ ମୁଞ୍ଜିନାସି ‡ ୧:୪ ୧:୪ ମୁଞ୍ଜିନାସି § ୧:୪ ୧:୪ ମୁଞ୍ଜିନାସି * ୧:୫ ୧:୫ ମୁଞ୍ଜିନାସି

୭ ଜହନ ଏଲେଇଜି ଝେକହାଲି ମାଟ୍‌ହେସି, “ଆମ୍ବାଆସି ନା କିହ୍ନ ହାରେକା ବାଡୁନ୍ନୁ ଗାଟାସି ଏଝାସି ନା ତାୟୁ ଝାହିମାନେସି; ନାନୁ ମେଣ୍ଡାକୁତାନା ଏଝାଣି ସେପୁୟ୍‌ତି ତ:ରକା ଜିକେଏ ହୁକହାଲି ପାଡ଼ାଆର୍ଡ଼ି
□

୮ ନାନୁ ମିଙ୍ଗେ ଏୟୁତଲେ ବାପ୍ରିସ୍ତାଁ ହାହିମାଞ୍ଜାକ୍, ସାମା ଏଝାସି ମିଙ୍ଗେ ସୁଦୁଜାସୁ ତଲେ ବାପ୍ରିସ୍ତାଁ ହିୟାନେସି □”

ଜୀସୁ ବାପ୍ରିସ୍ତାଁ ଅନାୟି ଇଞ୍ଜା ତାୟିପାରି କିଞ୍ଜି ଆନାୟି
(ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏଟିବେଲାତା ଜୀସୁ ଗାଲିଲିତି ନାଜରିତଟି ଝାହାନା ଜର୍ଦନ କାତାତା ଜହନ ତାଣାଟି ବାପ୍ରିସ୍ତାଁ* ଅଡେସି
□

୧୦ ଜୀସୁ ଏୟୁଟି ନିଙ୍ଗା ଝାହିମାଟାଟି ଦେବୁଣିଏ ଲାକପୁରୁ ଦେପି ଆଡେ ଇଞ୍ଜା ସୁଦୁଜାସୁ ପାର୍‌ଝା ପଟାଲେହେଁ ତାନି ଲାକ ରେଟା ଝାହିମାଟାଟି ମେସ୍ତେସି □

୧୧ *ଅଡେ ଲାକପୁରୁଟି ଇ ହାଡ଼ା ଆଡେ, “ନାନୁ ନା ଜୀସୁଟି ମୀର୍‌ଏଣାଟି, ନୀ ତାଡେଏ ନା ହାରେକା ରାହ୍ନାଁ ମାନେ □”

୧୨ ଏ ଦେବୁଣିଏ ସୁଦୁଜାସୁ ଏଝାଣାକ୍ ଲକୁ ହିଲାଆ ଟାୟୁତା ଅଡେ,

୧୩ ଜୀସୁ ଲକୁ ହିଲାଆ ଟାୟୁତା ରୀ କଡ଼ି ଦିନା ପାଡେକା ଡୟାନା ସୟତାନ ତାଣାଟି ତାୟିପାରି କିଞ୍ଜିଆଡେସି; ଏଝାସି ଜାଡ଼ାଟି ଜନ୍ତ ତଲେ ଡୟିଡେସି, ଇଞ୍ଜା ଲାକପୁରୁଟି ଦୂଡୁୟାଁ ଝାହାନା ଏଝାଣି ସେବା କିହିମାଟୁ □

ଜୀସୁ ସାରି ଜାଣା ମୀଣକା ଆହନାରାକ୍ ହାଡ଼ିନାୟି
(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନକ୍ କାୟିଦି ଇଲୁତା ଇଗାଲିଏ ଜୀସୁ ଗାଲିଲିତା ଝାଡେସି ଇଞ୍ଜା ମାହାପୁରୁଟି ନେହ୍ କାବୁ ଝେକ୍‌ହେସି □

୧୫ *“କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଝାହିମାନେ, ପାପୁତି ପିସାନା ମନ ଝେବ୍‌ଦୁ ଇଞ୍ଜା ମାହାପୁରୁଟି ନେହ୍ କାବୁଟି ନାମାଦୁ □”

୧୬ ଜୀସୁ ଗାଲିଲି ସାମ୍‌ଦୁରି ଗାଟୁଟି ହାଜିମାଟାଟି ସିମନ ଅଡେ ତାନି ତାୟି ଆନ୍ଦିୟକ୍ ସାମ୍‌ଦୁରିତା ମୀଣକା ଜାଲା ମେଡୁହେଁ ମାଟାଣି ମେସ୍ତେସି, ଇଟିହ୍ ଏଝାରି ମୀଣକା ଆହନାରି ମାଟେରି □

୧୭ ଜୀସୁ ଏଝାରାକ୍ ହାଡ଼ାନା ଏଲେଇଡେସି, “ନା ଜେଟ ଝାଦୁ ନାନୁ ମିଙ୍ଗେ ଲକୁଣି ଆହନାଣି ଜାପ୍‌ହାକ୍
□”

୧୮ ଏଝାରି ଦେବୁଣିଏ ଜାଲାୟାଁ ପିସାନା ଜୀସୁଟି ଜେଟ ହାଟେରି □

୧୯ ଏଟେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀର୍‌କା ଜାକୁବ ଇଞ୍ଜା ତାନି ତାୟି ଜହନକ୍ ତଂଗତା ଜାଲା ମୁଦା କିହିମାଟାଟି ମେସ୍ତେସି □

୨୦ ମେସ୍‌ପଦିଏ ଜୀସୁ ଏଝାରାକ୍ ହାଡ଼ିଡେସି, ଇଞ୍ଜା ଏଝାରି ତାନି ଆବା ଜେବଦିକ୍ ହଲିୟାଙ୍ଗା ତଲେ ତଂଗତା ପିସାନା ଜୀସୁ ଜେଟ ହାଟେରି □

ବୁଡୁ ଆଲଗା ମାଟାସି
(ଲୁକ ୪:୩୧-୩୭)

୨୧ ଜୀସୁ ଅଡେ ତାନି ସୀପୁୟାଁ କପରନାହୁମ ଗାଡ଼ାତା ଝାଡେଟି, ଇଞ୍ଜା ଅର ନେଟୁ ଜମିନି ଦିନା ମାଟାକି ଜୀସୁ ଜୀହୁଦି ଲକୁଟି କୁଟମି ଇଲୁତାଁ ହାଜାନା ଜାପ୍‌ହାଲି ମାଟ୍‌ହେସି □

୨୨ *ଲକୁ ତାନି ଜାପ୍‌ନାଣି ଝେଞ୍ଜାନା କାବା ଆହାହାଟେରି; ଇଟିହ୍ ଏଝାସି ସାପ୍‌ସୁରି ଝେହନାରି ଲେହେଁ ଜାପ୍‌ଆନା ଅଦିକାରା ବେଟାଆହାମାନି ଲେହେଁ ଜାପ୍‌ହି ମାଟେସି □

୨୩ ଜୀସୁ ଜାପ୍‌ହି ମାଟିବେଲାତା ଜୀହୁଦି ଲକୁଟି କୁଟମି ଇଲୁଟିଃ ର. ବୁଡୁ ଆଲଗା ମାଟାସି କାଲ୍‌ଞ୍ଜି ଆହ୍ ଏଲେଇଡେସି,

† ୧:୮ ୧:୮ ମୁଞ୍ଜିନାୟି ‡ ୧:୮ ୧:୮ ମୁଞ୍ଜିନାୟି § ୧:୮ ୧:୯ ମୁଞ୍ଜିନାୟି * ୧:୯ ୧:୯ ମୁଞ୍ଜିନାୟି ✱ ୧:୧୧ ୧:୧୧ ମାତି
୩:୧୭; ୧୨:୧୮; ମାର୍କ ୯:୭; ଲୁକ ୩:୨୨ ✶ ୧:୧୫ ୧:୧୫ ମାତି ୩:୨ † ୧:୨୧ ୧:୨୧ ସିନଗର ✱ ୧:୨୨ ୧:୨୨ ମାତି ୭:୨୮, ୨୯
‡ ୧:୨୩ ୧:୨୩ ସିନଗର

୨୪ “ଏ ନାଜରିତତି ଜୀସୁ ନୀ ତଲେ ମାଜେ ଏନି କାମା ମାନେ, ନୀନୁ କି ମାଜେ ନାସା କିହାଲି ଇମ୍ପାଆଁ
ଝାହାମାଞ୍ଜି ? ନୀନୁ ଆମ୍ପାଆତି ନାନୁ ପୁଞ୍ଜାମାଞ୍ଜି; ନୀନୁ ମାହାପୁରୁ ତାଣାଟି ଝାହାମାନି ଏ ସୁଦୁ ମାଣସିତି
□”

୨୫ ଜୀସୁ ଏଦାନି ଦାକା ହାହାନା ଏଲେଇତେସି, “ପାଲେଏ ଆମ୍ପୁ ଇଞ୍ଜା ଇଝାଣି ତାଣାଟି ହଡ଼ାହାଲାମ୍ପୁ
□”

୨୬ ଏଚେଟିଏ ଏ ପଲ୍ଲଆ ବୃତ୍ତ ଏଝାଣାଇଁ ମୁଡ଼ମୁଡ଼ା କିହାନା, କାଜା ରିୟାତଲେ କିରଡ଼ିହୁଁ ଏଝାଣି
ତାଣାଟି ହଡ଼ାହାରେ □

୨୭ ଏମ୍ପାଟିଏ ବାରେଜାଣା ହାରେକା କାବା ଆଡ଼େରି, ଇଞ୍ଜା ଇଲେକ୍ ହୁଲ୍ଲକି ଆଡ଼େରି, “ଇଦି
ଏନିଲେହେତାୟି ? ଇଦି ଅଦିକାରା ବେଟାଆହାମାନି ଲେହେତି ପୁଝନି ଜାପ୍ପନାୟି, ଏଝାସି ପଲ୍ଲଆ
ବୁଡ଼ୁୟାଁଇଁ ଜିକେଏ ହୁକୁମି ହାହିମାନେସି, ଅଡ଼େ ଏଝି ଏଝାଣି କାତା ଆସିମାନୁ □”

୨୮ ଏମ୍ପାଟିଏ ଏଝାସି କିତି କାମାତି କାବୁ ଏ ରେଟୁଏ ଗାଲିଲି ରାଜିତି ସାରିଝାକିତି ନାସ୍କାଣାଁ
ଝେଜାହାରେ □

ଜୀସୁ ହାରେକା ଲକୁଣି ନେହୁଁକିନାୟି
(ମାତି ୮:୧୪-୧୭; ଲୁକ ୪:୩୮-୪୧)

୨୯ ଏମ୍ପାଟିଏ ଏଝାରି ଜୀହୁଦି ଲକୁଡି କୁଟମି ଇଲୁଟିସି ହଡ଼ାନା ଜାକୁବ ଅଡ଼େ ଜହନ ତଲେ ଏ ଦେବୁଣିଏ
ସିମନ ଇଞ୍ଜା ଆନ୍ଦ୍ରିୟ ଇଜ ହାରେରି □

୩୦ ସିମନ ପୟା ନଡ଼େରି ତାକି ତୁରାମାତେ, ଅଡ଼େ ଏଝାରି ଏଦାଣି କାତା ରେଟୁଏ ଜୀସୁଇଁ ଝେସ୍ତେରି
□

୩୧ ଏମ୍ପାଟିଏ ଏଝାସି ତାଗେ ହାଜାନା ତାନି କେୟୁ ଆସାନା ଏଦାନି ନିକ୍ହେସି, ଅଡ଼େ ଏଦାନି ନଡ଼େରି
ପିସ୍ତେ, ଇଞ୍ଜା ଏଦି ଏଝାରି ସେବା କିତେ □

୩୨ ମିଡ଼ଅଲ୍ଲା ବେଲା ଝେଡ଼ା କୁଡ଼ହାଲିଏ ଲକୁ ରଗ ଗାଟାରାଇଁ ଇଞ୍ଜା ବୁଡ଼ୁୟାଁ ଆଲ୍ଗା ମାଟାରାଇଁ ଜୀସୁ
ତାଣା ତାତେରି,

୩୩ ଇଞ୍ଜା ଗାଡ଼ାତାରି ବାରେ ଜୀସୁ ମାତି ଇଲୁ ଦୁଝେରିତା ରୁଣ୍ଡା ଆଡ଼େରି □

୩୪ ଏମ୍ପାଟିଏ ଜୀସୁ ବାରେଲେହେତି ରଗ ଗାଟାରାଇଁ ନେହୁଁକିତେସି, ଇଞ୍ଜା ହାରେକା ବୁଡ଼ୁଣି ପିସ୍ତପି
କିତେସି, ଇଞ୍ଜା ଏଝାସି ବୁଡ଼ୁୟାଁଣି ଜଲ୍ଲାଲି ହାଆତେସି, ଇତିହୁଁ ଏଝି ଏଝାଣାଇଁ ପୁଞ୍ଜିମାତୁ □

ଜୀସୁ ଗାଲିଲିତା ମାହାପୁରୁ କାତା ଝେକ୍ନାୟି
(ଲୁକ ୪:୪୨-୪୪)

୩୫ ଝେୟାଆ ମାଟାଟିଏ ଆନ୍ଦେରି ମାଞ୍ଜା ମାଞ୍ଜାନା ଏଝାସି ନିଜା ହଡ଼ା ହାଜାନା ର ଲକୁ ହିଲାଆ ଟାୟୁତା
ହାଜାନା ପ୍ରାତାନା କିହିମାତେସି □

୩୬ ସିମନ ଇଞ୍ଜା ତାନି ଆଡ଼ିହତାରି ଏଝାଣାଇଁ ପାରାଲି ମାଟୁହେରି,

୩୭ ଏଝାଣାଇଁ ବେଟାଆହାନା ଏଲେଇତେରି, “ବାରେଜାଣା ନିଜେ ପାରିମାଞ୍ଜାନେରି □”

୩୮ ଏମ୍ପାଟିଏ ଜୀସୁ ଏଝାରିଆଁ ଏଲେଇତେସି, “ଝାପୁ ମାର ଏବ୍କା ଗାଡ଼ାତା, ଇତିହୁଁ ଦାରିମାରି
ନାସ୍କାଣାଁ ହାନ; ଏମ୍ପାଆଁ ଜିକେଏ ନାନୁ ମାହାପୁରୁତି ବଲୁ ଝେକ୍ନାଇଁ, ଇତିହୁଁ ଏଦାଆଁତାକି ନାନୁ
ଝାହାମାଞ୍ଜି □”

୩୯ ✠ଇଞ୍ଜା ଜୀସୁ ବାରେ ଗାଲିଲି ନାସ୍କାଣାଁ ରେଜି ରେଜିହୁଁ ଏଝାରି ବାରେ ଜୀହୁଦି ଲକୁଡି କୁଟମି
ଇଲ୍ଲକାଣାଁ* ମାହାପୁରୁ ବଲୁ ଝେକ୍ନେସି ଇଞ୍ଜା ବୁଡ଼ୁୟାଁଣି ପିସ୍ତପି କିତେସି □

କାଜା ରଗ ଗାଟାଣାଇଁ ଜୀସୁ ନେହୁଁକିନାୟି
(ମାତି ୮:୧-୪; ଲୁକ ୫:୧୨-୧୬)

୪୦ ଏମ୍ପାଟିଏ ର କାଜା ରଗ ଗାଟାସି ଜୀସୁ ତାଣା ଝାହାନା ମେଣ୍ଡାକୁତାନା ବାତିମାଲିହୁଁ ଜୀସୁଇଁ
ଏଲେଇତେସି, “ନୀନୁ ମନ କିତିହୁଁ ନାଜେ ନେହୁଁକିହାଲି ଆଡ଼ାଦି □”

୪୧ ଏମ୍ପାଟିଏ ଜୀସୁ ଏଝାଣାଇଁ କାର୍ମା ମେସ୍ତେସି, ଇଞ୍ଜା କେୟୁ ଦାସାନା ଏଝାଣାଇଁ ତୀଗାନା
ଏଲେଇତେସି, “ନୀନୁ ମନ କିହିମାଇଁ ନୀନୁ ନେହୁଁଆମ୍ପୁ □”

୪୨ ଏ ଦେବୁଣିଏ ଏଝାଣି ତାଣାଟି କାଜା ରଗ ଗୁଟାଆଡ଼େ, ଇଞ୍ଜା ଏଝାସି ନେହୁଁଆଡ଼େସି □

§ ୧:୨୧ ୧:୨୯ ସିନଗଗ ✠ ୧:୩୯ ୧:୩୯ ମାତି ୪:୨୩; ୯:୩୫ * ୧:୩୯ ୧:୩୯ ସିନଗଗ

୪୩ ଇଞ୍ଜା ଏଝାସି ଏଝାଶାଇଁ ଜାଣେ ହୁକୁମି ହାହାନା ସେସା ପାଣ୍ଡିତେସି,

୪୪ “ଜାଗ୍ରତା ଆମ୍ବାଆରାଇଁ ଏନାଆଁ ସେହୁଆନି, ସାମା ହାଲାମୁ ଇଞ୍ଜା ପୁଜେରା ତାଣା ହାଜାନା ନିକ୍ତ ପଦାକତାମୁ ଇଞ୍ଜା ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ନେହୁ ଆତାକି ସାକି ହାନିଲେହେଁ ହେରୁପାମୁ □”

୪୫ ସାମା ଏଝାସି ପାଞ୍ଜାତା ହାଜାନା ତାନୁ ନେହୁ ଆଡି କାତାଡି ସାରିଝାକି ସେକହାଲି ମାଟୁହେସି, ଇଞ୍ଜା ଜୀସୁ ଆମିନି ଗାଡାତା ପୁଣ୍ଡେ ହଡାଲି ଆଡାଆତେସି, ସାମା ପାଞ୍ଜାତା ଲକୁ ହିଲାଆ ଟାପ୍ପାଣା ଡିୟିତେସି; ଅଡେ ସାରି ଝାକିଟି ଲକୁ ଜୀସୁ ତାଣା ଝାହାଲି ମାଟୁହେରି □

୨

ଜୀସୁ ଟଟ ଝାୟିତାଣାଇଁ ନେହୁ କିନାୟି

(ମାତି ୯:୧-୮; ଲୁକ ୫:୧୭-୨୭)

୧ ଏଚରଦିନା ଆୟାଲିଏ ଜୀସୁ କପରନାହୁମତା ସେଣ୍ଡେ ହାଚେସି, ଇଞ୍ଜା ଏଝାସି ଇଜ ମାନେସି ଇଞ୍ଜୁ ସାରିଝାକି ସେଞ୍ଜାହାଚେ □

୨ ଏମ୍ବାଆଁ ଇଚେକା ଲକୁ ରୁଣ୍ଡା ଆଡେଡି ଇଞ୍ଜା ଦୁସେରିତା ଜିକେଏ ଟାମୁ ହିଲାଆତେ, ଇଞ୍ଜା ଏଝାସି ଏଝାରାଇଁ ମାହାପୁରୁ କାତା ସେକହେସି □

୩ ଏମ୍ବାଟିଏ ସାରି ଜାଣା ର ଟଟ ଝାୟିତାଣାଇଁ କାଚେଲିତା ଜୀସୁ ତାଣା ଡେକା ତାଚେରି □

୪ ସାମା ହାଚେକା ଲକୁ ମାଟାକି ଏଝାଣି ତାଣା ତାଚାଲି ଆଡାଆତେରି, ଇଞ୍ଜା ଆମିନି ଟାମୁତା ଜୀସୁ ମାଚେସି, ଏମ୍ବାଆଁ ଇକୁଡି ଡେପରି ରିକହେରି, ଇଞ୍ଜା ଏ ଟଟ ଝାୟିତାଣାଇଁ କାଚେଲି ସେଣ୍ଡେ ଇକୁ ବିତ୍ତା ରେପୁହେରି □

୫ ଜୀସୁ ଏଝାରି ନାମୁ ମେସାନା, ଏ ଟଟ ଝାୟିତାଣାଇଁ ଏଲେଇଚେସି, “ଏ ମୀରୁଏଣା ନୀ ପାପୁ ବାରେ ମେଣ୍ଡାହାଚେ □”

୬ ସାମା ଏମ୍ବାଆଁ ମାତି ଏଚେକା ମେରା ଜାପୁନାରି କୁଗାନା ତାମି ମନ୍ତତା ଅଣ୍ଡପିହୁଁ କାତାବାର୍ତା ଆହିମାଚେରି,

୭ “ଇଝାସି ଏନାଆଁତାକି ଏଲେଇଞ୍ଜି ମାନେସି ? ଇଝାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସପେ ଆମ୍ବାଆସି ପାପୁ ମେକହାଲି ଆଡିନେସି ?”

୮ ଏଝାରି ମନ୍ତତା ଇଲେକି ଅଣ୍ଡପିମାନାଣି ଜୀସୁ ଦେବୁଣିଏ ଜୀସୁତା ପୁଞ୍ଜାନା ଏଝାରାଇଁ ଏଲେଇଚେସି, “ମୀରୁ ମୀ ମନ୍ ବିତ୍ତା ଏନାଆଁତାକି ଇଲେକି ଅଣ୍ଡପିମାଞ୍ଜେରି ?

୯ ଏନାଆଁ ଇନାୟି ଉସାସା ? ଏ କାଜା ରଟ ଗାଟାଣାଇଁ ‘ନୀ ପାପୁ ମେଣ୍ଡାଜେତେ ଇନାୟି କି ନିଜାମୁ ନୀ କାଚେଲି ଡେକାନା ତାକାମୁ ଇନାୟି ଉସାସା ?’

୧୦ ସାମା ଦାଚିତତା ପାପୁ ମେକହାଲି ମାଣ୍ଡିସି ମୀରୁଏଣା ଅଦିକାରା ମାନେ, ଏଦାଆଁ ନୀର୍ବ୍ୟ ମୀରୁ ପୁଞ୍ଜାଲି ଆଡିଦେରି □” ଏଦାଆଁତାକି ଏ ଟଟ ଝାୟିତାଣାଇଁ ଏଲେଇଚେସି,

୧୧ “ନାନୁ ନିଜେ ସେସିମାଞ୍ଜାଇଁ ନିଜାମା ନୀ କାଚେଲି ଡେକାନା ନୀ ଇଜ ହାଲାମୁ □”

୧୨ ଏଚେଟିଏ ଏଝାସି ଦେବୁଣିଏ ନିଜାମା କାଚେଲି ଡେକାନା ବାରେଜାଣା ନକିଟି ହଡାହାଚେସି; ଏଚେଟିଏ ବାରେଜାଣା କାବାଆହାନା ମାହାପୁରୁଟି ଜହରା କିହୁଁ ଏଲେଇଚେରି, “ମାମୁ ଇଲେକି କାବାଆନି କାମା ଏଚେଲା ଜିକେଏ ମେସାହିଲାଆଡମି □”

ଜୀସୁ ଲେବିଇଁ (ମାତିମୁ) ହାଟିନାୟି

(ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡେ ସେଣ୍ଡେ ସାମପୁରି ଗାଟୁତା ହାଚେସି, ଇଞ୍ଜା ଲକୁ ଏଝାଣି ତାଣା ଝାହାଲିଏ, ଏଝାରାଇଁ ଜାପୁହାଲି ମାଟୁହେସି □

୧୪ ଅଡେ ଜିରୁଟି ହାଜି ହାଜିହୁଁ ଜୀସୁ ଆଲେପି ମୀରୁଏସି ଲେବିଇଁ* ସିସୁ ରୀହନି ତାଣା କୁଗାମାନାଣି ମେସୁସି, ଇଞ୍ଜା ଏଝାଣାଇଁ ଏଲେଇଚେସି, “ନା ଜେଟ ଝାମୁ” ଏଚେଟିଏ ଲେବି ନିଜାମା ଏଝାଣି ଜେଟ ହାଚେସି □

* ୨:୧୪ ୨:୧୪ ମାତିମୁ

୧୫ ଅଡ଼େ ଜୀସୁ ଲେବି ଇଜ ରାନ୍ଧା ତିଞ୍ଜାଲି କୁଗାମାଚାଟି ହାରେକା ସିସୁ ରୁାହନାରି ଇଞ୍ଜା ପାପୁ ଗାଟାରି ତାମି ସୀସୁୟାଁ ତଲେ କୁରିତେରି; ଇତିହୁଁ ଏଞ୍ଜାରି ହାରେକା ମାଚେରି ଇଞ୍ଜା ଏଞ୍ଜାଣି ଜେଚ ହାଜିମାଚେରି
□

୧୬ ଜୀସୁ ପାପୁ ଗାଟାରି ଇଞ୍ଜା ସିସୁ ରୁାହନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗଚିତି ମେରାପୁନାରି ତାନି ସୀସୁୟାଁଣି ଏଲେଇଚେରି, “ଏଞ୍ଜାସି ଏନାଆଁତାକି ପାପୁ ଗାଟାରି ଅଡ଼େ ସିସୁ ରୁାହନାରି ତଲେ ରାନ୍ଧା ତିଞ୍ଜି ମାନେସି ?”

୧୭ ଜୀସୁ ଇ କାତା ଖେଞ୍ଜାନା ଏଞ୍ଜାରାଇଁ ଏଲେଇଚେସି, “ନେହୁଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗା ଗାଟାରାକି ଲଡ଼ାମାନେ; ନାନୁ ଦାମ୍ବୁ ଲକୁତାକି ଖାହାହିଲଅଁ ସାମା ପାପୁ ଗାଟାରାକି ଖାହାମାଇଁ
□”

ଉପାସା କିନାଣି ଖେହନାୟି
(ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସୀସୁୟାଁ ଇଞ୍ଜା ପାରୁସିୟାଁ ଉପାସା କିହିମାଚାଟି, ଏଚେକା ଲକୁ ଜୀସୁ ତାଣା ଖାହାନା ଏଲେଇଚେରି, “ଜହନତି ସୀସୁୟାଁ ଇଞ୍ଜା ପାରୁସିୟାଁତି ସୀସୁୟାଁ ଉପାସା କିନେରି, ସାମା ନୀ ସୀସୁୟାଁ ଏନାଆଁତାକି ଉପାସା କିଅରି ?”

୧୯ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ଲକୁତଲେ ବୀହା ହନେଏସି ମାନି ପାଚେକା ବୀହା ଲକୁ ହାକିତି ମାଞ୍ଜାଲି ଆଡ଼ିନେରିକି ? ବୀହା ହନେଏସି ଏଞ୍ଜାରିତଲେ ମାନି ପାଚେକା ଏଞ୍ଜାରି ଉପାସା କିଅରି
□

୨୦ ସାମା ଦିନା ଖାନ୍ଦେ ଏଚିରେଲା ଏଞ୍ଜାରି ତାଣାଟି ବୀହା ହନେଏଶାଇଁ ହପୁହା ଅଡ଼ିସାରେ ଏଚିରେଲା ଏଞ୍ଜାରି ଉପାସା କିନେରି □”

୨୧ “ଆମ୍ବାଆସି ପୁଃଈ ହିମ୍ବୁରିତା ପୁଃନି ପାସକି ତାଡ଼ଅସି; ତାଡ଼ିସାରେ ପୁଃଈ ହିମ୍ବୁରିତି ପୁଃନି ପାସକି ମୁଦା ଆହାଁ ଗାଡ଼ି ଗେଞ୍ଜିକିନେ □

୨୨ ଆମ୍ବାଆସି ପୁଃନି ଅଙ୍କୁରି ରାସା ପୁଃଈ ତ:କାତା† ଇଚଅସି; ଇଚିସାରେ ତ:କା ଡ଼ାୟାହାନେ, ଇଞ୍ଜା ଅଙ୍କୁରି ରାସା ଅଡ଼େ ତ:କା ରିଶ୍ୱିଖା ନସ୍ତ ଆନୁ, ଏନାଆଁତାକି ପୁଃନି ଅଙ୍କୁରି ରାସା ପୁଃନି ତ:କାତା ଇଚିନାୟି ମାନେ □”

ଜମିନି ଦିନାତି କାତା ଖେହନାୟି
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜୀସୁ ଜମିନି ଦିନା ତାନି ସୀସୁୟାଁ ତଲେ ଗହୁଁ ଗୁଡ଼ିୟାଟି ହାଜିମାଚେସି, ତାନି ସୀସୁୟାଁ ହାଜି ହାଜିହୁଁ ଗହୁଁୟାଁ ଜେକା ଡ଼ାପହାଲି ମାଚୁହେରି □

୨୪ ଏମ୍ବାଟିଏ ପାରୁସିୟାଁ ଜୀସୁଇଁ ଏଲେଇଚେରି, “ମେହୁମୁ ଜମିନି ଦିନାତା ଏନାଆଁ କିନାୟି ମେରା ହିଲେଏ, ନୀ ସୀସୁୟାଁ ଏନାଆଁତାକି କିହିମାନେରି ?”

୨୫ ଜୀସୁ ଏଞ୍ଜାରାଇଁ ଏଲେଇଚେସି, “ଦାଞ୍ଜୁଦ ଅଡ଼େ ତାନି ତଣେସିଜା ହାକି ଆହାମାଚାଟି ଏଞ୍ଜାରି ଏନାଆଁ କିହାମାଚେରି, ଏଦାଆଁ ମାରୁ ଏଚେଲା ପଡ଼ୁଞ୍ଜି ଆହାହିଲଅଡ଼େରି,

୨୬ ଅବିୟତର କାଜା ପୂଜେରା ମାଚିରେଲାତା ଏଞ୍ଜାସି ଏନିକିଁ ମାହାପୁରୁ ଇକୁତା ହଡ଼ାନା ଆମିନି ମାହାପୁରୁକି ହେରପିତି ରୁଟି କାଜା ପୂଜେରାଜା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଏଦାଆଁ ଦାଞ୍ଜୁଦ ତିଞ୍ଜା ମାଚେସି ଇଞ୍ଜା ତାନି ଆଡ଼ିହ ତାରାକି ଜିକେଏ ତିଞ୍ଜାଲି ହାହାମାଚେସି □”

୨୭ ତାମୁ ଜୀସୁ ଏଞ୍ଜାରାଇଁ ଏଲେଇଚେସି, “ଜମିନି ଦିନା ମାଣ୍ଡିତାକି ଆହାମାନେ; ସାମା ମାଣ୍ଡିତା ଜମିନି ଦିନାତାକି ଆହାହିଲଅସି □”

୨୮ ଏଦାଆଁତାକି ମାଣ୍ଡିତା ମୀରଏସି ଜମିନି ଦିନାତି ପ୍ରବୁ ଆନେସି □



ଝାୟିତି କେମୁଗାଟାସି ନେହୁଁ ଆନାୟି
(ମାତି ୧୨:୯-୧୪; ଲୁକ ୬:୬-୧୧)

† ୨:୨୨ ୨:୨୨ ତଲୁ ତଲେ କେପିତି ଅଙ୍କୁରି ରାସା ଇଚିନି ବାସ୍ତା ଟୁପୁ

୧ ଜୀସୁ ଅଡ଼େ ଖେଣ୍ଡେ ଜୀହୁଦି ଲକୁଡି କୁଟମି ଇଲୁତା* ହାଚେସି, ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ ଖାୟାହାଜାମାଚେ ।

୨ ଜୀସୁ ଏଞ୍ଜାଣାଇଁ ଜମିନି ଦିନାତା ନେହୁଁ କିନେସିକି ଆଏ, ଏଞ୍ଜାଣି କପାଟି ଦହ ଦସାଲିତାକି ଗୁରି କିହାନା ସିନିକିହିମାଚେରି ।

୩ ଏମ୍ବାଟିଏ ଜୀସୁ ଆମିନି ଲକୁଡି କେୟୁ ଖାୟାହାଜାମାଚେ, ଏଞ୍ଜାଣାଇଁ ଜୀସୁ ଏଲେଇଚେସି, “ଖାୟୁ ମାଦି ନିମୁ ।”

୪ ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇଚେସି, “ଜମିନି ଦିନାତା ଏମ୍ବାଆଁ କିନାୟି ମେରା ମାନେ ? ନେହୁଁ କିନାୟି କି ଲାଗେଏ କିନାୟି ? ଜୀହୁଡି ଗେଲୁପିନାୟି କି ନାୟା କିନାୟି ?” ସାମା ଏଞ୍ଜାରି ଖେଣ୍ଡେ ହାଡ଼ା ଆୟାଲି ଆଡ଼ାଆଚେରି ।

୫ ଏମ୍ବାଟିଏ ଜୀସୁ ଏଞ୍ଜାରି ଆଡ଼ଝା ହିୟାଁତି ମେସାନା ଦୁକୁ ଆଚେସି, ଇଞ୍ଜାଁ କପାଟି ସାରିଞ୍ଜାକି ଏଞ୍ଜାରାଇଁ ସିନିକିହାନା ଏଲେଇଚେସି, “କେୟୁ ଲାକ ଦାହୁମୁ” ଏଞ୍ଜାସି ତାନି କେୟୁ ଦାସୁପିଏ ଏଦି ନେହୁଁ ଆହାହାଚେ ।

୬ ଏଚେଟିଏ ପାରୁସିୟାଁ ହଟା ହାଜାନା ଜୀସୁଇଁ ପାୟାଲି ତାକି ହେରଦ ଗଟିତି ଲକୁଡଲେ କାଲୁହାନା କାତା ଆଚେରି ।

ସାମୁଦୁରି ଗାରୁତା ମାନ୍ଦା ଲକୁ
(ମାତି ୪:୨୫; ମାର୍କ ୪:୧; ଲୁକ ୫:୧-୩)

୭ ଜୀସୁ ଅଡ଼େ ତାନି ସୀସୁୟାଁ ଗାଲିଲି ସାମୁଦୁରି ଗାରୁତା ହାଚେରି, ଇଞ୍ଜାଁ ହାଚେରକା ଲକୁ ଏଞ୍ଜାଣି ଜେତ ହାଚେରି; ଏଞ୍ଜାରି ଜୀହୁଦା,

୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରଞ୍ଜାକି, ସର ଅଡ଼େ ସିଦନ ଗାଡ଼ା ଞ୍ଜାକିତି ଲକୁ ତାନି ବାରେ କିତି କାମାତି କାତା ଖେଞ୍ଜାନା ତାନି ତାଣା ଖାଚେରି ।

୯ ଏମ୍ବାଆଁ ଇଚେକା ମାନ୍ଦା ଲକୁ ଆଚେରି ଏ ମାନ୍ଦା ଏନିକିଁ ଏଞ୍ଜାଣିଲାକ ଝିହୁଅରି, ଏଦାଆଁତାକି ଏଞ୍ଜାସି ତାନି ସୀସୁୟାଁଣି ତାଜେତାକି ର ଉଣା ତଂଗ ପାରା ଇଗାଲି ଖେସ୍ତେସି;

୧୦ ଏଞ୍ଜାସି ହାଚେରକା ଲକୁଣି ନେହୁଁ କିହାମାତାକି ରଗ ଗାଟାରି ବାରେ ଏଞ୍ଜାଣାଇଁ ତାଗାଲି ଏଞ୍ଜାଣି ମୁହେଁ ମୁହେଁ ଆହିମାଚେରି ।

୧୧ ଇଞ୍ଜାଁ ପଲୁଆ ବୁଡୁୟାଁ ଆସାମାନାରି ଏଞ୍ଜାଣାଇଁ ମେସପିଏ, ଏଞ୍ଜାଣି ନକିତା ରିହାନା କାଲୁଝି ଆହୁଁ ଏଲେଇଞ୍ଜି ମାଚେରି, “ନୀନୁଏ ମାହାପୁରୁ ମୀରୁଏଶାତି ।”

୧୨ ଏଞ୍ଜାସି ଆମ୍ବାଆସି ଇ କାତା ଆମ୍ବାଆରାଇଁ ଖେହୁଆଦୁ ଇଞ୍ଜାଁ ଜୀସୁ ପଲୁଆ ବୁଡୁୟାଁଇଁ ଦାକା ହାହାନା ହୁକୁମି ହାଚେସି ।

ଜୀସୁ ବାରଜାଣା ସୀସୁୟାଁଣି ଆଡ଼ିନାୟି
(ମାତି ୧୦:୧-୪; ଲୁକ ୬:୧୨-୧୬)

୧୩ ଜୀସୁ ହରୁ ଲାକ ହାଜାନା ଆମିନି ଗାଟାରାଇଁ ମନ କିଚେସି ଏଞ୍ଜାରାଇଁ ତାଗେ ହାଡ଼ିଚେସି, ଇଞ୍ଜାଁ ଏଞ୍ଜାରି ତାଗେ ଖାଚେରି ।

୧୪ ଇଞ୍ଜାଁ ଏଞ୍ଜାସି ବାରଜାଣାତି ଆଟାନା ପାଣ୍ଡୁଝି ଆଡ଼ାରି ଇଞ୍ଜାଣା, ଏଞ୍ଜାରାଇଁ ଏଲେଇଚେସି, “ନା ତଲେ ତୟାଲି ନୀନୁ ମିଜେ ଆଟାନାଞ୍ଜାଇଁ, ଇଞ୍ଜାଁ ଖେକହାଲି ପାଣ୍ଡାଇଁ ।

୧୫ ଇଞ୍ଜାଁ ମୀରୁ ବୁଡୁୟାଁ ପେରହାଲି ଜିକେଏ ଅଦିକାରା ବେଟାଆଦେରି ।”

୧୬ ଜୀସୁ ଇ ବାରଜାଣାତି ଆଡ଼ିଚେସି, ଏଞ୍ଜାରି ଆଚେରି ସିମନ ଆମ୍ବାଆରାଇଁ ଜୀସୁ ପିତର ଇଞ୍ଜାଁ ଇଚିଚେସି;

୧୭ ଜେବଦି ରୀ ମୀରକା ଜାକୁବ ଅଡ଼େ ତାନି ତାୟି ଜହନ ଆମ୍ବାଆରାଇଁ ବିନେରିଗସୁ ଇଚିହୁଁ ଗୁଣ୍ଡିମାନି ହାଗୁଡି ମୀରକା ଇଞ୍ଜାହୁଁ ଦରୁ ଇଚିଚେସି;

୧୮ ଆନ୍ଦ୍ରିୟ, ପିଲିପ, ବାର୍ତଲମି, ମାତିୟୁ, ତମା, ଆଲେପି ମୀରୁଏସି ଜାକୁବ, ତଦିୟ, ଦେସାତି ଜୀହୁ ନନି ସିମନ,

୧୯ ଅଡ଼େ ଇସ୍ତାରିୟତ ଜୀହୁଦା, ଆମ୍ବାଆସି ଜୀସୁଇଁ ସାଡୁୟାଁ କେୟୁତା ହେରପିଚେସି ।

* ୩:୧ ୩:୧ ସିନଗର ☆ ୩:୯ ୩:୯ ମାର୍କ ୪:୧; ଲୁକ ୫:୧-୩

ଜୀସୁ ଅଡ଼େ ବାଲୁଜିବୁଲୁ

(ମାତି ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ତାହୁଁ ଜୀସୁ ଇଜି ୱାଡ଼େସି; ଅଡ଼େ ୱେଣ୍ଟେ ଇଚେକା ଲକ୍ଷୁ ରୁଣ୍ଡା ଆଡ଼େରି ଜୀସୁ ଇଞ୍ଜା ତାନି ସୀସୁୟାକି ତିଞ୍ଜାଲି ଜିକେଏ ଆଆଡେ □

୨୧ “ଜୀସୁ ବାୟା ଆଡ଼େସି” ଇଞ୍ଜୁ ଲକ୍ଷୁ ଏଲେଇନାଣି ୱେଞ୍ଜାନା ତାନି କୁଟମି ଜୀସୁଇଁ ଅହାଲି ୱାଡ଼େରି □

୨୨ ଅଡ଼େ ଜିରୁସାଲମତି ୱାହାମାନି ମେରାପୁନାରି ଏଲେଇଚେରି, “ଇଞ୍ଜାଣାଇଁ ବାଲୁଜିବୁଲୁ ବୁଡୁ ଆଲଗାମାନେ, ଲାକା ଇଞ୍ଜାସି ବୁଡୁୟାଣି ପିସୁପି କିହିମାନେସି □”

୨୩ ଏମ୍ବାଟିଏ ଜୀସୁ ଏଞ୍ଜାଋଇଁ ତାଗେ ହାଟାନା ପୁଣ୍ଡିକିନି କାତାତଲେ ୱେସୁସି, “ସୟତାନ ଏନିକ୍ ସୟତାନଇଁ ପେରହାଲି ଆଡ଼ିନେ ?

୨୪ ର ରାଜି ବାଗା ଆହାନା ତାନି କପାଟି ନିଜିନେ, ଇଚିହ୍ ଏ ରାଜି ଅଡ଼େ ତୀରିତଲେ ତୁୟାଲି ଆଡ଼େଏ □

୨୫ ଇଞ୍ଜା ର ଇଲୁ କୁଟମିତାରି ବାଗା ଆହାନା ତାମ୍ବୁତାମି କପାଟି ନିଜିନେରି ଇଚିହ୍ ଏ ଇଲୁତାରି ତୀରିତଲେ ତୁୟାଲି ଆଡ଼ଅରି □

୨୬ ଏଲେକିହ୍ ଏ ସୟତାନ ବାଗା ଆହାନା ତାନି କପାଟି ନିଜାମାନେ, ଆଡ଼ିହ୍ ଏଡ଼ି ଅଡ଼େ ତୀରିତଲେ ତୁୟାଲି ଆଡ଼େଏ, ସାମା ଏଦାନି ବାରେ ନାସା ଆହିମାନେ □”

୨୭ “ସାମା ଆମ୍ବାଆସି ନକେଏ ବାଡ଼ୁଲୁ ଗାଟାଣାଇଁ ଦହଆଡ଼ିହ୍ ତାନି ଇଜତି ଆସି ସରୁ କିହାଲି ଆଡ଼ଅସି; ଏଞ୍ଜାଣାଇଁ ତଲିଏ ଦସିହ୍ ଦେ ଏଞ୍ଜାସି ଏଞ୍ଜାଣି ଇଜତାଣି ସରୁ କିନେସି □”

୨୮ “ନାନୁ ମିଙ୍ଗ ସାତା ୱେସିମାଞ୍ଜାଇଁ, ଲକ୍ଷୁତି ବାରେ ପାପୁ ଇଞ୍ଜା ଏଞ୍ଜାରି ଏଚେକା ନିନ୍ଦା କାତାତଲେ ମାହାପୁରୁ ନିନ୍ଦା କିନେରି ଏ ବାରେ ପାପୁ ମେଣ୍ଡିନେ □

୨୯ *ସାମା ଆମ୍ବାଆସି ସୁଡୁଜାସୁ କପାଟି ନିନ୍ଦା କାତା ଜଲିନେସି, ଏଞ୍ଜାଣି ଆମିନି କାଲ୍ଲାତା ଜିକେଏ ଦହ ମେଣ୍ଡିକ୍ଳେଏ, ସାମା ଏଞ୍ଜାସି କାଲ୍ଲାକାଲ୍ଲାତି ପାପୁତି ଦହଗାଟାସି ଆନେସି □”

୩୦ ଜୀସୁଇଁ ବୁଡୁ ଆଲଗାମାନେ ଇଞ୍ଜୁ ଏଚେକା ଲକ୍ଷୁ ଏଲେଇଞ୍ଜାଲିଏ ଜୀସୁ ଇ କାତା ୱେସୁସି □

ଜୀସୁତି ଇୟା ଅଡ଼େ ତାୟିୟାଁ

(ମାତି ୧୨:୪୬-୫୦; ଲୁକ ୮:୧୯-୨୧)

୩୧ ଏରିଚେଲା ଜୀସୁତି ଇୟା ଅଡ଼େ ତାୟିୟାଁ ୱାହାନା ଇଲୁ ପାଜାତା ନିଚାନା ଜୀସୁଇଁ ହାଟି କିଚେରି □

୩୨ ଏମ୍ବାଟିଏ ସାରିଞ୍ଜାକି କୁଗାମାଟି ଲକ୍ଷୁ ଏଲେଇଚେରି, “ମେହ୍ମୁ ମୀ ଇୟା, ତାୟିୟାଁ ଅଡ଼େ ତାଜିସ୍ବା ପାଜାତା ନିଚାନା ନିଜେ ପାରିମାଞ୍ଜାନେରି □”

୩୩ ଜୀସୁ ଏଞ୍ଜାଋଇଁ ଏଲେଇଚେସି, “ନା ଇୟା ଇଞ୍ଜା ନା ତାୟି ତାଜିସ୍ବା ଆମ୍ବାଆସି ?”

୩୪ ଇଞ୍ଜା ଏଞ୍ଜାସି ତାନି ସାରିଞ୍ଜାକି କୁଗାମାନି ଲକ୍ଷୁଣି ସିନିକିହାନା ଏଲେଇଚେସି, “ମେହ୍ମୁ ନା ଇୟା ଅଡ଼େ ନା ତାୟି ତାଜିସ୍ବା □

୩୫ ଆମ୍ବାଆସି ମାହାପୁରୁତି କାତା ଆହନେସି ଏଞ୍ଜାସିଦେଁ ନା ତାୟି, ତାଜି ଅଡ଼େ ନା ଇୟା □”

୪

ବିଚା ମାଟିନାଣି ପୁଣ୍ଡିକିନି କାତା

(ମାତି ୧୩:୧-୯; ଲୁକ ୮:୪-୮)

୧ *ଜୀସୁ ଗାଲିଲି ସାମଦୁରି ଗାଟୁତା ଅଡ଼େ ୱେଣ୍ଟେ ଜାପୁହାଲି ମାଟୁହେସି, ଅଡ଼େ ହାରେକା ଲକ୍ଷୁ ଏଞ୍ଜାଣି ତାଣ୍ଡା ରୁଣ୍ଡା ଆଡ଼େରି ଇଞ୍ଜା ଜୀସୁ ସାମଦୁରିତା ମାନି ର ତଂଗତା ହାଜାନା କୁରିତେସି ଇଞ୍ଜା ଲକ୍ଷୁ ସାମଦୁରି ଗାଟୁତା ନିଚାମାଚେରି □

୨ ଏମ୍ବାଟିଏ ଜୀସୁ ଏଞ୍ଜାଋଇଁ ହାରେକା ପୁଣ୍ଡିକିନି କାତା ଜାପୁହିହ୍ ଏଲେଇଚେସି □

୩ “ଞ୍ଜେଷ୍ଟୁ, ମେହ୍ମୁ ର ବିଚା ମାଟିନାସି ବିଚା ମାଟାଲି ହଚେସି □

୪ ଇଞ୍ଜା ଏଞ୍ଜାସି ମାଟିମାଟାଟି କଚେକା ବିଚା ଜିରୁତା ରାତେ, ଇଞ୍ଜା ପଟାୟାଁ ୱାହାନା ଏ ପାଡ଼େୟି ପେରହା ତିରୁ □

* ୩:୨୯ ୩:୨୯ ଲୁକ ୧୨:୧୦ * ୪:୧ ୪:୧ ଲୁକ ୫:୧୩

୫ ଅତ୍ତେ କରେକା ବିଚା ଇଚାୟି ଇଚୁଆ ମାନି ଖାଲୁକା ଲାକ ରାତେ, ଇଞ୍ଜା ଉଣା ଇଚୁଆ ମାଚାକି ଗାଡ଼େକେଏ ନେୟିତେ,

୬ ସାମା ଖେଡ଼ା ଆଡ଼ାଲିଏ ନେୟି ମାଚାୟି ଖେହା ହାଚେ ଇଞ୍ଜା ହୀରୁ ଜୀଆତାକି ଖାୟାନା ହାହାହାଚେ

୭ ଅତ୍ତେ କରେକା ବିଚା ହାପୁକା ବୁଟାଚା ରାତେ, ଇଞ୍ଜା ହାପୁକା ବୁଟା ପାତାଆହାନା ଆର୍ନା ତାକିତି ପୁକ୍‌ହାତୁସ୍ତେ ଇଞ୍ଜା ପାଡ଼େୟି ଆୟାଆତେ

୮ ଅତ୍ତେ କରେକା ବିଚା ନେହୁ ବୁମିତା ରାତେ, ଏଦି ନେୟାହାଁ ପାତାଆହାନା, କଡ଼େଦସ, ତାନିକଡ଼ି, ପାସାକଡ଼ି ପାଡ଼େୟି କାମିତେ

୯ ଅତ୍ତେ ଏଝାସି ଏଲେଇଚେସି, “ଖେଞ୍ଜାଲି ଆମ୍ବାଆରାକି କୀର୍କା ମାନ୍ତୁ ଏଝାସି ଖେଣ୍ଡାସି

ପୁଣ୍ଡିକିନି କାତାତି ଖେହୁନାୟି

(ମାତି ୧୩:୧୦-୧୭; ଲୁକ ୮:୯-୧୦)

୧୦ ଜାସୁ ରଥସିଏ ମାଚାରି ତାନି ତଲେତି ଏଚରଜାଣା ଇଞ୍ଜା ବାରଜାଣା ସାୟୁୟା ତଲେ ଏ ପୁଣ୍ଡିକିନି କାତା ଏନାୟି ଇଞ୍ଜି ଖେଚେରି

୧୧ ଏମାଟିଏ ଏଝାସି ଏଝାରାଇଁ ଏଲେଇଚେସି, ମାହାପୁରୁ ରାଜିତି ତୁମ୍ବାମାନାଣି ପୁଞ୍ଜାଲି ମିଙ୍ଗେ ବାଡ଼ୁମୁ ହାପୁକି ଆହାମାନେ, ସାମା ପାଞ୍ଜାତି ବାରେ ଲକୁତାକି ଇ ପୁଣ୍ଡିକିନି କାତାତଲେ ଖେସପି ଆହିମାନେ,

୧୨ ଏନିକି,

“ଏଝାରି ମେସି ମେସିହୁ,

ମେହୁଅରି;

ଇଞ୍ଜା ଖେଞ୍ଜିଖେଞ୍ଜିହୁ,

ଚେଲୁହୁଅରି,

ଏଝାରି ମାହାପୁରୁ ତାଣା ଖେଣ୍ଡା ଖାଡ଼ିହୁମା,

ପାପୁଟି ପିସପି ଆଡ଼େରିମା

ବିଚା ମାଟିନି କାତା ପୁଣ୍ଡିକିନାୟି

(ମାତି ୧୩:୧୮-୨୩; ଲୁକ ୮:୧୧-୧୫)

୧୩ ଜାସୁ ଅତ୍ତେ ଖେଣ୍ଡେ ଏଝାରାଇଁ ଏଲେଇଚେସି, “ମୀରୁ ଇ ପୁଣ୍ଡି କିନାଣି ପୁଞ୍ଜି ହିଲଅତେରି ? ଆତିହୁ ନା ପୁଣ୍ଡିକିନି କାତା ଏନିକି ପୁଞ୍ଜେରି ?

୧୪ ଆମ୍ବାଆସି ମାହାପୁରୁ ବଲୁ ଖେହୁନାସି ଏଝାସି ବିଚା ମାଟିନାସି

୧୫ ଆମିନି ଗାଗାରି ଖେନେରି, ଇଞ୍ଜା ଖେତି ଦେବୁଣିଏ ସୟତାନ ଖାହାନା ଏଝାରିତାଣା ଖେଣ୍ଡି ଆହାମାନି ବଲୁ ମୀଞ୍ଜାଅଚେନ, ଏଝାରି ଜିରୁ ଦାରିତା ରିତି ବିଚାଲେହେତାରି

୧୬ ଏଲେକିହୁ ଏ ଖାଲି ଲାକ ରିହାମାନି ବିଚାଲେହେତାରି, ଏ ବଲୁ ଖେଣ୍ଡାମିନିଏ ରାହାଁତି ନାମିନେରି,

୧୭ ସାମା ଏଝାରିତାଣା ହୀରୁ ଜୀଆତାକି ଗାଡ଼େକା ତାକି ତୀରି ମାନେରି, ତାୟୁ ମାହାପୁରୁ ବଲୁ ତାକି କସ୍ତ ବାଦା ଖାଡ଼ିସାରେ ଦେବୁଣିଏ ପିହୁନେରି, ଏଝାରି ଉଣା ଇଚୁଆ ମାନି ଖାଲୁକା ଲାକତି ବିଚାଲେହେତାରି

୧୮ ହାପୁକା ବୁଟାଚା ମାଟିତି ବିଚା ଏଝାରି, ଆମ୍ବାଆରି ବଲୁତି ଖେନେରି,

୧୯ ଦାବୁତିତି ଅଣପୁ ଦନତି ବାରେ ଜୁପୁକା ହଡ଼ାନା ଏଝାରାଇଁ ପୁକ୍‌ହାତୁହୁନେ, ଇଞ୍ଜା ଏଦି ପାଡ଼େୟି ଆୟାଲି ଆଡ଼େଏ

୨୦ ଅତ୍ତେ ଆମିନି ଗାଗାରି କାତା ଖେନେରି, ଇଞ୍ଜା ନାମିନେରି, ଅତ୍ତେ କଡ଼େଦସ, ତାନିକଡ଼ି, ଇଞ୍ଜା ପାସାକଡ଼ି ପାଡ଼େୟି କାମିନେରି, ଏଝାରି ନେହୁ ବୁମିତା ମାଟିତି ବିଚାଲେହେତାରି

ମାଣା ପୁକ୍‌ହି ଦୀଞ୍ଜି

(ଲୁକ ୮:୧୬-୧୮)

୨୧ ଜାସୁ ଅତ୍ତେ ଖେଣ୍ଡେ ଏଝାରାଇଁ ଏଲେଇଚେସି, “ଆମ୍ବାଆସି ଦୀଞ୍ଜି ତୀସାନା ମାଣା ପୁକ୍‌ହାନା କି କାଚେଲି ତୁଇ ଇଚିନେସି ? ଏଦାଆଁ ଏନାଆଁ ଦୀଞ୍ଜି ସଡ଼ାଚା ଇଚଅସି ?

* ୪:୨୧ ୪:୨୧ ମାତି ୫:୧୫; ଲୁକ ୧୧:୩୩

୨୨ *ଇଚିହଁ ତଞ୍ଜା ଆଆଗାଗାୟି ଏନାୟି ଜିକେଏ ଡୁଗୁାନା ଡ଼ୟେଏ; ଏନାୟି ଡୁଗୁାନା ଆହାମାନେ, ଏଦି ତଞ୍ଜାଆହାଲି ଡୁଗୁାମାନେ □

୨୩ ଇଚିହଁ ଆମ୍ବାଆରାକି ଖେଞ୍ଜାଲି କାକୀ ମାନୁ ଏଞ୍ଜାସି ଖେଣ୍ଡମ୍ବାସି □”

୨୪ *ଜୀସୁ ଅଡ଼େ ଏଲେଇଚେସି, “ଏନାଆଁ ଖେଞ୍ଜି ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା ତଲେ ଲାଡ଼ିଦେରି, ଏ ମାଣା ତଲେ ମିଙ୍ଗେ ଲାଟା ହିୟାନେରି, ଅଡ଼େ ମାରୁ ହାରେକା ବେଟାଆଦେରି □

୨୫ *ଇଚିହଁ ଆମ୍ବାଆରାକି ମାନେ ଏଞ୍ଜାଣାକି ହାପୁକି ଆନେ; ଅଡ଼େ ଆମ୍ବାଆରାକି ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆଡ଼େନ □”

ପାତାଆନି ବିଚାଡ଼ି ପୁଣ୍ଡିକିନାୟି

୨୬ ଜୀସୁ ଅଡ଼େ ଏଲେଇଚେସି, “ମାହାପୁରୁ ରାଜି ଇଲେତାୟି, ଏନିକଁ ର ମାଣସି ବୁମିତା ବିଚା ମାଟିନେସି;

୨୭ ଇଞ୍ଜା ଲାଆଁୟାଁ ଇଦା କିନେସି ଅଡ଼େ ମାଦେନା ତେଝଏଲିନେସି, ଅଡ଼େ ବିଚା ଏନିଆହଁ ଗଜା ଆହାଁ ପାତାଆନେ ଏଦାଆଁ ଏଞ୍ଜାସି ପୁନଅସି □

୨୮ ଗହଁ ବୁମିଚି ତାନୁଏ ନେୟଁନେ, ତଲିଏ ଆକୁ ଆନେ ତାୟୁ ଜେକୁ ଅଡ଼େ ତାୟୁ ଜେକୁଚି ପାଡ଼େୟି ଆନେ □

୨୯ ସାମା ଆନାଁ କାମ୍ବିସାରେ ମାଟିତାସି ଏ ଆନାଁତି କଟାତଖେଲି ତଲେ ଦାଃଆନେସି □”

ରାୟି ପାଡ଼େୟି କାତା

(ମାତି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡ଼େ ଜୀସୁ ଏଲେଇଚେସି, “ମାର ମାହାପୁରୁ ରାଜି ଏନାଆଁତଲେ ତୁକନାୟି ? ଇଞ୍ଜା ଏନିଲେହେଁତି ପୁଣ୍ଡିକିନି କାତାତଲେ ଖେହନାୟି ?

୩୧ ଏଦି ର ହାସୁଁ ପାଡ଼େୟି ଲେହେଁ; ବୁମିତା ମାଟିନି ବେଲ୍ଲାତା ଏଦି ଦାବୁତିତି ବାରେ ପାଡ଼େୟି କିହାଁ ଉଣା,

୩୨ ସାମା ମାଟିତି ଜେଚ ପାତାଆହାନା ବାରେ କୁଟା କିହାଁ କାଜାୟି ଆନେ, ଇଞ୍ଜା ଏଦାନି କମାୟାଁ ଇଲେକଁ କାଜାଲ ଆନୁ, ଇଞ୍ଜା ହାଗୁ ଲାକ ଉମ୍ବିନି ପଗାୟାଁ ଖାହାନା ଏଦାନି କମାଣାଁ ବଣ ଦସାଁ ବାସାଆନୁ □”

୩୩ ଜୀସୁ ଇଲେକିହଁ ହାରେକା ପୁଣ୍ଡିକିନି କାତା ଖେସିହଁ ଏଞ୍ଜାରି ପୁନିଲେହେକଁ ମାହାପୁରୁ କାତା ଖେସିମାଚେସି,

୩୪ ଅଡ଼େ ପୁଣ୍ଡିକିନି କାତା ଆବୁଆନା ଜୀସୁ ଏନାଆଁଖା ଖେସି ହିଲାଆଚେସି, ସାମା ଲକୁ ହିଲାଆ ବେଲ୍ଲାତା ତାନି ସାସୁୟାଁ ବାରେ ପୁଣ୍ଡି କିହିମାଚେସି □

ଜୀସୁ କାଜା ଗାଲିତି ସାପି କିନାୟି

(ମାତି ୮:୨୩-୨୬; ଲୁକ ୮:୨୨-୨୫)

୩୫ ଏ ଦିନା ମିଡ଼ଅଲ୍ଲା ବେଲ୍ଲା ଜୀସୁ ତାନି ସାସୁୟାଁ ଇଲେଇଚେସି, “ଖାଦୁ ମାର ସାମ୍ବୁରି ଆତାଲା ହାନ □”

୩୬ ଏମ୍ବାଟିଏ ଏଞ୍ଜାରି ଲକୁଣି ପିସାନା ଏଞ୍ଜାସି ଏନିକଁ ଡ଼ଗତା ମାଚେସି ଏଲେକିହଁଏ ଅଡ଼େରି, ଇଞ୍ଜା ଏମ୍ବାଆଁ ଏଚରଗଟା ଡ଼ଗାୟାଁ ଜିକେଏ ମାରୁ □

୩୭ ଇଞ୍ଜା ଦେବୁଣିଏ ହାରେକା କାଜା ଗାଲି ଆଡ଼େ, ଇଞ୍ଜା ଡ଼ଗ ସାମ୍ବୁରିତି ଗାଲିତାକି ମୁଞ୍ଜାଲି ମାବୁହେ □

୩୮ ଏଚିବେଲ୍ଲା ଜୀସୁ ଡ଼ଗତି ତାୟୁଞ୍ଜାକି ର ମୁଲ୍ଲତା ତାରୁପୁ ଆଗାନା ଇଦା କିହାମାଚେସି; ଇଞ୍ଜା ସାସୁୟାଁ ଏଞ୍ଜାଣାଲ୍ ନିକହାନା ଏଲେଇଚେରି, “ଏ ଗୁରୁ ମାର ହାନାୟିଦେଁ ନିଙ୍ଗେ ଅଣ୍ଡପୁ ହିଲେଏ କି ?”

୩୯ ଏମ୍ବାଟିଏ ଜୀସୁ ନିଙ୍ଗାନା ଗାଲିତି ଦାକା ହାହାନା ଏଲେଇଚେସି, “ତୁଙ୍ଗାମୁ” ଇଞ୍ଜା ସାମ୍ବୁରିତି ଏଲେଇଚେସି, “ସାପି ଆମୁ” ଏମ୍ବାଟିଏ ଗାଲି ପାଲେଏ ଆଡ଼େ ଇଞ୍ଜା ବାରେ ସୂସି ଆଡ଼େ □

୪୦ ଇଞ୍ଜା ଜୀସୁ ଏଞ୍ଜାରିଇଁ ଏଲେଇଚେସି, “ମାରୁ ଏନାଆଁତାକି ଇଚେକା ଆଜିମାଞ୍ଜେରି ? ମୀ ନାମୁ ହିଲେଏ କି ?”

☆ ୪:୨୨ ୪:୨୨ ମାତି ୧୦:୨୬; ଲୁକ ୧୨:୨ ☆ ୪:୨୪ ୪:୨୪ ମାତି ୭:୨; ଲୁକ ୭:୩୮ ☆ ୪:୨୫ ୪:୨୫ ମାତି ୧୩:୧୨; ୨୫:୨୯; ଲୁକ ୧୯:୨୭

୪୧ ଏମ୍ବାରିଏ ଏଞ୍ଜାରି ହାବେରକା ଆଜାନା ତାମ୍ବୁ ତାମ୍ବୁସୁ କାତା ଆଡେରି, “ଇଝାସି ଆମ୍ବାଆସି ? ଗାଲ୍ଲି ଅଡେଡ଼ ସାମ୍ବୁରୁରି ଜିକେଏ ଇଝାଣି ହାଡ଼ା ମାନ୍ତୁଝି ଆହିମାନ୍ତୁ □”



ଜୀସୁ ବୁଡୁୟାଁ ଆଲ୍ଲଗିତାଣାଇଁ ନେହୁଁକିନାୟି
(ମାତି ୮:୨୮-୩୪; ଲୁକ ୮:୨୬-୩୯)

୧ ତାମ୍ବୁ ଜୀସୁ ଅଡେଡ଼ ସାମ୍ବୁୟାଁ ଗାଲ୍ଲି ଆତାଲ୍ଲାତି ଗରାସିୟା* ରାଜିତା ଏଗାହାଚେରି □

୨ ଜୀସୁ ତଂଗି ରେପନଏ ର ବୁଡୁ ଆଲ୍ଲଗା ମାଗାସି ମାଡ଼ହା ମୁହନି ଟାମ୍ବୁଟି ହଡ଼ାଝାହାନା ଜୀସୁଇଁ ବେଗାଆଡେସି □

୩ ଏଝାସି ମାଡ଼ହା ମୁହନି ଟାମ୍ବୁତା ବାସା କିହିମାଚେସି, ଇଞ୍ଜାଁ ଆମ୍ବାଆସି ଜିକେଏ ଏଝାଣାଇଁ ହିକ୍‌ଣିୟାଁ ତଲେ ଦସାଲି ଆଡ଼ିହିଲାଆଚେରି;

୪ ଇଚିହୁଁ ଏଝାଣାଇଁ ହାବେରକା ଦେବା ହିକ୍‌ଣିୟାଁ ତଲେ ଦସାମାଚେରି, ସାମା ଏ ହିକ୍‌ଣିୟାଁ ତାପ୍‌ହାନା କୁଟୁକୁଟା କିଚେସି, ଇଞ୍ଜାଁ ଏଝାଣାଇଁ ଦସା ଇଟାଲି ଆମ୍ବାଆରାକି ଜିକେଏ ବାଡ଼ୁୟାଁ ହିଲାଆଚେ □

୫ ଏଝାସି ଲାଆଁୟାଁ ମାଦେନା ବାରେବେଲା ମାଡ଼ହା ମୁହନି ଟାମ୍ବୁତା ଅଡେଡ଼ ହୁରୁତା ଡ଼ୟାନା କିରଡ଼ି ମାଚେସି, ଇଞ୍ଜାଁ ଝାଲ୍ଲକାତଲେ କଡ଼ହା କଡ଼ିହୁଁ ରାଣାରାକା କିହା କଡ଼ିମାଚେସି □

୬ ଏଝାସି ହେକଟିଏ ଜୀସୁଇଁ ମେସାନା ହଟି ହଟିହୁଁ ଝାହାନା ଏଝାଣି କତାଣା ରିହାଁ ଜହରା କିଚେସି,

୭ ଅଡେଡ଼ କାଜା ଗିୟାଁତଲେ କିରଡ଼ିହୁଁ ଏଲେଇଚେସି, “ଏ ବାଡ଼ୁୟାଁଗାଟି ମାହାପୁରୁ ମୀରୁଏଣାତି ଜୀସୁ, ନୀ ତଲେ ନାଙ୍ଗେ ଏନାୟି ମାଚେ ? ନିଙ୍ଗେ ମାହାପୁରୁ ଦରୁତଲେ ପାରମାଣା କିହିମାଞ୍ଜାଇଁ, ନାଙ୍ଗେ କସ୍ତ ହିୟାଆନି □”

୮ ଏନାଆଁତାକି ଇଚିହୁଁ ଜୀସୁ ଏଝାଣାଇଁ ଏନାଆଁ ଇଞ୍ଜାଲି ହାଜିମାଚେସି, “ଏ ପଲ୍ଲଆ ବୁଡୁତି ଇଝାଣି ତାଣାଟି ହଡ଼ାହାଲାମ୍ବୁ □”

୯ ଜୀସୁ ଏଝାଣାଇଁ ଝେଚେସି, “ନୀ ଦରୁ ଏନାୟି ?” ଏଝାସି ଏଲେଇଚେସି, “ନା ଦରୁ ‘ମାନ୍ଦା’ ଇଚିହୁଁ ମାମ୍ବୁ ହାବେରକା ଜାଣାତମି □”

୧୦ ଇଞ୍ଜାଁ ଜୀସୁ ଏନିକିଁ ଏ ପଲ୍ଲଆ ବୁଡୁୟାଁଣି ଏ ରାଜିଟି ଅର ରାଜିତା ପାଣ୍ଡୁଅସି, ଏନାଆଁତାକି ଏଝି ଜୀସୁଇଁ ହାବେରକା ବାତିମାଲ୍ଲିତୁ □

୧୧ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟିମାତୁ □

୧୨ ଅଡେ ଏ ବୁଡୁୟାଁ ବାତିମାଲ୍ଲିହୁଁ ଏଲେଇଚୁ, “ମାଙ୍ଗେ ଏ ପାଜିୟାଁ ମାନ୍ଦାତା ହଡ଼ାଲି ପାଣ୍ଡୁମ୍ବୁ □”

୧୩ ଏଝାସି ଏଝାରାଇଁ ହୁକୁମି ହାହାଲିଏ, ଏ ପଲ୍ଲଆ ବୁଡୁୟାଁ ଏଝାଣି ତାଣାଟି ହଟାନା ପାଜିୟାଁ ମାନ୍ଦା ବିତ୍ତା ହଟୁ; ଏମ୍ବାଟିଏ ମାନ୍ଦା ପାଜିୟାଁ ତବେ ହଟାନା ତାଗେ ମାତି ସାମ୍ବୁରିତା ମେଦାନା ହାହାହାତୁ, ବାରେ ରୀ ମାଣା ପାଜିୟାଁ ମାତୁ □

୧୪ ଏ ପାଜିୟାଁ ମେଟିମାତି ଗଡ଼ୁକା ଗାଡ଼ାତା ଅଡେଡ଼ ନାସ୍କାଣାଁ ଏ କାତା ଝେସ୍କା ହାଚେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜୁଁ ସିନିକିହାଲି ଝାଚେରି □

୧୫ ଅଡେ ଏଝାରି ଜୀସୁ ତାଗେ ଝାହାନା, ଏ ବୁଡୁ ଆଲ୍ଲଗା ମାଗାଣାଇଁ ଇଚିହୁଁ ଆମ୍ବାଆରାକି ନକେଏ ମାନ୍ଦା ବୁଡୁୟାଁ ଆସାମାତୁ, ଏଝାଣାଇଁ ହିମ୍ବୁରି ହୁଟାନା ନେହୁଁ ମନ୍ତତଲେ କୁଗାମାଗାଣି ମେସାନା ଆଜିଚେରି □

୧୬ ଆମ୍ବାଆରି ମେସାମାଚେରି, ବୁଡୁ ଆଲ୍ଲଗା ମାଗାସି ଏନିକିଁ ନେହୁଁଆଡେସି, ଅଡେ ପାଜିୟାଁ ଏନିକିଁ ନାସା ଆତୁ ଏ ବାରେ ଝେସ୍ତେରି □

୧୭ ଏମ୍ବାଟିଏ ଏଝାରି ଜୀସୁଇଁ ତାମି ହାନ୍ଦିଟି ହାଜାଲି ବାତିମାଲ୍ଲିଚେରି □

୧୮ ତାମ୍ବୁ ଜୀସୁ ତଂଗତା ହଟିମାଗାଟି ଆମିନି ଗାଗାଣାକି ବୁଡୁ ଆଲ୍ଲଗାମାଚେ, ଏଝାସି ତାମିତଲେ ଡ଼ୟାଲି ତାକି ବାତିମାଲ୍ଲିଚେସି □

୧୯ ସାମା ଜୀସୁ ହେଲ ହାଆନା ଏଝାଣାଇଁ ଏଲେଇଚେସି, “ନୀ ଇଜ ନୀ ଲକୁତାଣା ହାଲାମ୍ବୁ, ଇଞ୍ଜାଁ ପ୍ରୁ ନିଙ୍ଗେତାକି ଏନି କାମା ଅଡେ ନିଙ୍ଗେତାକି ଏମିନି କାମା କିହାମାଞ୍ଜାନେସି, ଏ ବାରେ ଏଝାରାଇଁ ଝେହ୍‌ମ୍ବୁ □”

* ୫:୧ ୫:୧ କଚେକା ସାସ୍ତେରିତା ଗବନିୟ ରାସ୍କି ଆହାମାନେ

୨୦ ଏମ୍ବାଟିଏ ଏଞ୍ଜାସି ହାଜାନା, ଜୀସୁ ଏଞ୍ଜାଣାକି ଏନ୍ନି କାମା କିହାମାରେସି, ଏଞ୍ଜାସି ଦେକାପଲିତାଂ
ଝେକହାଲି ମାଟ୍‌ହେସି; ଏମ୍ବାଟିଏ ବାରେଜାଣା କାବା ଆଡ଼ତରି □

ଜାୟିରସ ମାଙ୍ଗାନି ଜୀସୁ ଇଞ୍ଜା ନେତେରି ଝାଙ୍ଗିମାଟି ଇୟା ନେହ୍ ଆନାୟି
(ମାଟି ୯:୧୮-୨୬; ଲୁକ ୮:୪୦-୫୬)

୨୧ ଜୀସୁ ତଂଗଟି ଗାଣ୍ଡଗାନା ଅରଞ୍ଜାକି ଝେଣ୍ଡେ ଝାଡ଼ତସି, ମାନ୍ଦା ଲକୁ ଏଞ୍ଜାଣି ତାଣା ରୁଣ୍ଡା ଆଡ଼ତରି;
ଇଞ୍ଜା ଏଞ୍ଜାସି ସାମ୍‌ଦୁରି ଗାଟୁତା ଡ଼ୟିତେସି □

୨୨ ଏଟିବେଲା ଜୀହୁଦି ଲକୁଟି କୁଟମି ଇଲୁଟିଃ କାଜାରି ବିତ୍ରାଟି ଜାୟିରସ ଦରୁଗାଟାସି ରଅସି ଜୀସୁଇଁ
ମେସାନା ଏଞ୍ଜାଣି କତାଣା ରାତେସି,

୨୩ ଇଞ୍ଜା ହାରେକା ବାତିମାଲିହ୍ ଏଲେଇତେସି, “ନା ମାଙ୍ଗା ହାନିହଗେ ଆହାମାନେ; ଏଦି ଏନିକ୍
ନେହ୍ ଆହାନା ନାତିନେ, ଏଦାଆଁତାକି ନାନୁ ଝାହାନା ଏଦାନି ଲାକ କେୟୁ ଇଟାମୁ □”

୨୪ ଏମ୍ବାଟିଏ ଜୀସୁ ଏଞ୍ଜାଣିତଲେ ହାଚେସି, ଇଞ୍ଜା ହାରେକା ଲକୁ ଏଞ୍ଜାଣିତଲେ ହାଜାଲି ମାଟ୍‌ହେରି,
ଇଞ୍ଜା ଏଞ୍ଜାଣି ମୁହେଁ ମୁହେଁ ଝିସପି ଆହିମାଚେରି □

୨୫ ଏଟିବେଲାତା ର ଇୟା ବାର ବାସା ପାତେକା ନେତେରି ଝାଙ୍ଗିନି ରଗତା ନେତେରି ତୁଙ୍ଗାଆନା
ନେହ୍ ଆହି ହିଲାଆତେ,

୨୬ ଇଞ୍ଜା ଅସଗୁରୁ ତାଣା ହାଜାନା ଜିକେଏ ହାରେକା ଟାକାୟା କାରୁଁ କିହାମାଚେ, ଅଡ଼େ ଜିକେଏ
ନେହ୍ ଆହାହଲିଆତେ, ସାମା ହାରେକା କସୁ ବେଟାଆହି ମାଚେ □

୨୭ ଏଦି ଜୀସୁଟି କାତା ଝେଞ୍ଜାନା ଲକୁ ମାନ୍ଦାତା ଝାହାନା ତାୟୁ ଝାକିଟି ଏଞ୍ଜାଣି ହିମ୍ବୁରି ତାଗିତେ;
୨୮ ଇଟିହ୍ ଏଦି ଏଲେ ଇଞ୍ଜିମାଚେ, “ଏଞ୍ଜାଣି ହିମ୍ବୁରି ତାଗିତିହ୍ ନେହ୍ ଆଇଁ □”

୨୯ ଏ ଦେବୁଣିଏ ଏଦାଣି ନେତେରି ବନାୟି ତୁଙ୍ଗିତେ, ଇଞ୍ଜା ଏଦି ରଗଟି ନେହ୍ ଆହାମାନେ ଏଦାଆଁ
ତାନି ଆଙ୍ଗାତା ପୁଞ୍ଜା କଡିତେ □

୩୦ ଦେବୁଣିଏ ଜୀସୁ ତାନି ଆଙ୍ଗାଟି ବାଡ଼ୁୟୁ ହାଚାଣି ହିୟାଁତା ପୁଞ୍ଜାନା, ଲକୁ ମାନ୍ଦାତା ଝେଣ୍ଡେ
ସିନିକିହାନା ଏଲେଇତେସି, “ଏମ୍ବାଆୟି ନା ହିମ୍ବୁରି ତାଗାତେ ?”

୩୧ ଏମ୍ବାଟିଏ ତାନି ସୀସୁୟାଁ ଏଲେଇତେରି, “ନାନୁଡ଼ ମେସିମାଞ୍ଜି ଲକୁ ଏନିକ୍ ନୀ ମୁହେଁ
ଆହିମାନେରି, ଏଡ଼େ ଏଲେ ଇଞ୍ଜିମାଞ୍ଜି ଆମ୍ବାଆୟି ନାଙ୍ଗେ ତାଗାତେ ?”

୩୨ ସାମା ଆମ୍ବାଆୟି ତାଙ୍ଗେ ତାଗିତେ ଏଦାଆଁ ମେସାଲି ଜୀସୁ ସାରିସୁଟୁ ସିନିକିତେସି □

୩୩ ଏମ୍ବାଟିଏ ଏ ଇୟା ଝାହାନା ତାଙ୍ଗେତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତାରିରିହ୍
ଝାହାଁ ତାନି କତାଣା ରିହାନା ବାରେ ସାତା କାତା ଏଞ୍ଜାଣାଇଁ ଝେସ୍ତେ □

୩୪ ଏମ୍ବାଟିଏ ଜୀସୁ ଏ ଇୟାସି ଏଲେଇତେସି, “ଆଲ ମାଙ୍ଗା ନୀ ନାମୁ ନିଙ୍ଗେ ନେହ୍ କିହାମାଞ୍ଜାନେ;
ହିଡ଼ଡ଼ି ତଲେ ହାଲାମୁ ଇଞ୍ଜା ନୀ ରଗଟି ନେହ୍ ଆମୁ □”

୩୫ ଜୀସୁ ଇ କାତା ଝେସିମାଚାଟି, ଜୀହୁଦି ଲକୁଟି କୁଟମି ଇଲୁଟି କାଜାଣା ଇଜଟି ରଅସି ଝାହାନା
ଏଲେଇତେସି, “ନୀ ମାଙ୍ଗା ହାଡ଼ତୟିଏ ଗୁରୁଇଁ ଅଡ଼େ ଏନାଆଁତାକି କସୁ ହାହିମାଞ୍ଜି ?”

୩୬ ସାମା ଜୀସୁ ଏ କାତା ଝେଞ୍ଜାନା ଝେନାଆତିଲେହେଁ ଆହାନା ଜାୟିରସଇଁ ଏଲେଇତେସି,
“ଆଜାଆନି ସାମା ନାମାମୁ □”

୩୭ ଅଡ଼େ ଏଞ୍ଜାସି ପିତର, ଜାକୁବ, ଅଡ଼େ ତାନି ତାୟି ଜହନ ପିସପେ ଆମ୍ବାଆରାଇଁ ତାନିତଲେ
ଅଆତେସି □

୩୮ ଏଞ୍ଜାରି ଜାୟିରସ ଇଜ ଏଜାଲିଏ, ଏମ୍ବାଆଁ ହାରେକା କାଲୁଝି ଆହିଁ ତ୍ରୀହିମାନାଣି ମେସ୍ତେସି,
୩୯ ଇଞ୍ଜା ବିତ୍ରା ହାଜାନା ଏଞ୍ଜାସିକାଣି ଏଲେଇତେସି, “ଏନାଆଁତାକି କାଲୁଝି ଆହିଁ ତ୍ରୀହି ମାଞ୍ଜେରି,
ଇ ପଦା ହାହାହିଲେଏ ସାମା ଇଦା କିହାମାନେ” ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ କାକିହେରି □

୪୦ ଏଞ୍ଜାରି ଏଞ୍ଜାଣାଇଁ ଲାଜା କିହାନା କାକିହେରି, ସାମା ଏଞ୍ଜାସି ବାରେଡି ପାଙ୍ଗାତା ପାଣ୍ଡାମା ପଦାନି
ଇୟା ଆବା ଅଡ଼େ ତାନି ତାନି ଜାଣା ସୀସୁୟାଁ ତଲେ ଏ ପଦା ମାଟି ତାଣା ହାଚେରି,

୪୧ ଇଞ୍ଜା ଏ ପଦାନି କେୟୁ ଆସାନା ଏଦାନି ଏଲେଇତେସି, “ଟଲିତା କୁମ୍” ଇଟିହ୍ “ଆଲ ମାଙ୍ଗା
ନାନୁ ନିଙ୍ଗେ ଝେସିମାଞ୍ଜାଇଁ ନିଙ୍ଗାମୁ □”

୪୨ ଏ ଦେବୁଣିଏ ପଦା ନିଜ୍ଞାନା ତାକିତେ (ଇଚିହଁ ଏଦି ବାର ବାର୍ଯା ଆହାମାତେ) ଏମ୍ବାଟିଏ ଏଝାରି ହାରେକା କାବା ଆଡେରି □

୪୩ ଇଞ୍ଜା ଇ କାତା ଏନିକଁ ଆମ୍ବାଆରି ପୁନଅରି, ଏଦାଆଁତାକି ଏଝାସି ଏଝାରାଇଁ ଜାଣେ ହୁକୁମି ହାଡେସି, ଇଞ୍ଜା “ପଦାନାକି ଏନାଆଁ ତିଞ୍ଜାଲି ହୀଦୁ” ଇଚେସି □



ଜୀସୁଇଁ ନାଜରିତତା ଅପାଆଗାଟାୟି
(ମାତି ୧୩:୫୩-୫୮; ଲୁକ ୪:୧୭-୩୦)

୧ ଜୀସୁ ଏ ଚାମୁ ପିସାନା ତାନୁ ପାତାଆଡି ନାୟୁଁତା ହାଚେସି ଇଞ୍ଜା ତାନି ସୀସୁୟାଁ ତାନି ଜେଚ ହାଚେରି □

୨ ଜମିନି ଦିନା ଝାହାଲିଏ, ଏଝାସି ଜୀହୁଦି ଲକୁତି କୁଟମି ଇଲୁତା* ଜାପୁହାଲି ମାଟୁହେସି; ଇଞ୍ଜା ହାରେକା ତାନି କାତା ଝେଞ୍ଜାନା କାବା ଆହାଁ ଏଲେଇଚେରି, “ଇଝାଣାକି ଇ ବାରେ ଏମ୍ବିଟି ଆଡେ ? ଇଝାସି ଇଲେତି ବୁଦି ଏନିକଁ ପୁଚେସି ? ଇଞ୍ଜା ଇଲେତି କାବାଆଡି କାମା ଏନି ବାଡୁୟୁ ତଲେ କିହିମାନେସି ?”

୩ ଇଝାସି ଏ ବାଡିୟାତି ମୀରୁଏସି ଆଏକି ? ଇଝାସି ମରିୟମିନି ମୀରୁଏସି ଇଞ୍ଜା ଜାକୁବ, ଜସି, ଜୀହୁଦା ଇଞ୍ଜା ସିମନତି ତାୟି ଆଏକି ? ଇଞ୍ଜା ତାନି ତାଜିୟା ଇମ୍ବାଆଁ ମା ତଲେ ହିଲାଇ କି ? ଅଡେ ଏଝାରି ଏଝାଣାଇଁ ଅପାଆଡେରି □

୪ *ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ଅଣପୁତି ବଲୁ ଝେହନାରି ଏଟକା ଲକୁ ତାଣାଟି ମାନି ବେଟାଆନେରି ସାମା ତାନି ନାୟୁଁତି ଲକୁ ଇଞ୍ଜା ତାନି ଇଲୁ କୁଟମିତି ଲକୁ ଏଝାଣାଇଁ ମାନି କିଅରି □”

୫ ଇଞ୍ଜା ଏଚରଜାଣା ରଗ ଗାଟାରାଇଁ କେୟୁ ଇଟାନା ନେହଁ କିନାଣି ପିସପେ ଏ ଚାମୁତା ଏନି ବାଡୁୟୁତି କାମା କିହାଲି ଆଡାଆଡେସି □

୬ ଇଞ୍ଜା ଏଝାରି ନାମାଆତାକି ଜୀସୁ ହାରେକା କାବା ଆଡେସି ଏମ୍ବାଟି ବାରେ ନାସକାଣାଁ ହାଜାନା ଜାପୁହେସି □

ଜୀସୁ ବାରଜାଣା ସୀସୁୟାଁଣି ପାଣ୍ଡିନାୟି
(ମାତି ୧୦:୫-୧୫; ଲୁକ ୯:୧-୬)

୭ ତାୟୁ ଏଝାସି ନାସକା ନାସକାଣାଁ ରେଜି ରେଜିହଁ ଜାପୁହାଲି ମାଟୁହେସି, ଏମ୍ବାଟିଏ ବାରଜାଣାଟି ତାଗେ ହାଟାନା ଏଝାରାଇଁ ରିଆରି ଲାକା କିହାନା ପାଣ୍ଡାଲି ମାଟୁହେସି ଇଞ୍ଜା ଲାଗେଏ ପଲେଏତି ଜୀସୁୟାଁ ଲାକ ଏଝାରାକି ଅଦିକାରା ହାଚେସି,

୮ ଅଡେ ହାଜାଲିତାକି ବାଡ଼ଗା ପିସପେ, ଲହଡ଼ି କି ମଣା କି ଅଟଡିତା ଟାକାୟାଁ ଅଥାଦୁ ଇଞ୍ଜା ହୁକୁମି ହାଚେସି;

୯ ସାମା ଏଝାରାଇଁ କତାତା ସେପୁୟାଁ ତୁରହାଲି ଏଲେଇଚେସି, ଇଞ୍ଜା ରୀ ସକାୟାଁ ତୁରହାଲି କାହି କିଚେସି □

୧୦ ଇଞ୍ଜା ଜୀସୁ ଏଝାରାଇଁ ଏଲେଇଚେସି, “ମିଜା ଆମିନି ଇଲୁତା ହାଟାନେରି, ଏମ୍ବାଟି ଝେଣ୍ଡା ଝାଆ ପାଡେକା ଏମ୍ବାଆଁ ଡୟାଦୁ □

୧୧ **ସାମା ଆମିନି ଚାୟୁତି ଲକୁ ମିଜା ଆବଅରି, କି ମୀ କାତା ଝେନଅରି, ଏମ୍ବାଟି ଝେଣ୍ଡା ଝାନାଟି ଏଝାରି ନକିତା ସାକି ହାହାଲି ତାକି ମୀ କତାତି ଦୁଡ଼ି ହାଣ୍ଡୁ □”

୧୨ ଏମ୍ବାଟିଏ ଏଝାରି ରେଜି ରେଜିହଁ ପାପୁ ପିସାନା ମନ ଝେଟନି କାତା ଝେକ୍‌ହେରି,

୧୩ *ଇଞ୍ଜା ହାରେକା ବୁଡୁଣି ପିସପି କିଚେରି, ଇଞ୍ଜା ହାରେକା ରଗ ଗାଟାରାଇଁ ନିୟୁଁ ରୁବାନା ନେହଁ କିଚେରି □

ବାପୁସ୍ତାଁ ହାନି ଜହନତି ହାନାୟି
(ମାତି ୧୪:୧-୧୨; ଲୁକ ୯:୭-୯)

* ୭:୨ ୭:୨ ସିନଗର † ୭:୪ ୭:୪ ଜହ ୪:୪୪ ‡ ୭:୧୧ ୭:୧୧ କାମା ୧୩:୫୧ § ୭:୧୧ ୭:୧୧ ଲୁକ ୧୦:୪-୧୧ ¶ ୭:୧୩ ୭:୧୩ ଲାକୁବ ୫:୧୪ †† ୭:୧୩ ୭:୧୪ ମୁଞ୍ଜିନାୟି

୧୪ ଏମ୍ବ୍ରାଟିଏ ଜୀମୁ ଦରୁ ସାରି ଖାକି ଖେଳା ହାଜାଲିଏ ହେରଦ ରାଜା ଏଝାଣି କାତା ଖେରେସି, ଇଞ୍ଜା ଲକୁ ଏଲେଇଞ୍ଜାମାରେରି, “ବାପ୍ତିସ୍ତା ହାନି ଜହନ ହାଡ଼ାରି ତାଣାଟି ନିଜାମାନେସି, ଏଦାଆଁତାକି ଇ ବାରେ କାବାଆନି ବାଡ଼ୁଡ଼ି କାମା ଏଝାଣି ତାଣା ଆହିମାନେ □”

୧୫ ସାମା ଏଟକାତାରି ଏଲେଇଞ୍ଜାମାରେରି, “ଇଝାସି ଏଲିୟ □”

ଇଞ୍ଜା ଅଡ଼େ ଏଚରଜାଣା ଏଲେଇଞ୍ଜାମାରେରି, “ମାହାପୁରୁ ଅଣପୁତି ବଲୁ ଖେହନାରି ଲେହେଁ ଇଝାସି ଜିକେଏ ମାହାପୁରୁ ଅଣପୁତି ବଲୁ ଖେହନାସି □”

୧୬ ସାମା ହେରଦ ଇଦାଆଁ ଖେଞ୍ଜାନା ଏଲେଇରେସି, “ଆନିନି ଜହନତି ତାୟ୍ ନାନୁ ଦାପି କିହାମାଲ୍, ଏଝାସି ନିଜାମାନେସି □”

୧୭ ଇଚିହ୍ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବୀହା ଆହାମାତାକି, ଏଦାନି ତାକି ତାନୁ ଲକୁଣି ପାଣ୍ଡାନା ଜହନଇଁ ଦସ୍ପା ତାଚାନା କାୟିଦିତା ଇଟାମାରେସି □

୧୮ ଇଚିହ୍ ଜହନ ହେରଦଇଁ ଏଲେଇଞ୍ଜାମାରେସି, “ନୀ ତାୟି ତକ୍ତିନି ଇଚିନାୟି ନୀ ଦେରା ହିଲାଆତେ □”

୧୯ ଏମ୍ବ୍ରାଟିଏ ହେରଦିୟା କାର୍ବି ଆହାନା ଜହନଇଁ ପାୟାଲି ମନ କିହିମାତେ ସାମା ଏଦି ଏନାଆଁ କିହାଲି ଆଡ଼ିହିଲାଆତେ □

୨୦ ଇଚିହ୍ ହେରଦ ଜହନଇଁ ର ଦାମ୍ବୁଗାଗସି ଅଡ଼େ ସୁଦୁଗାଗସି ଇଞ୍ଜା ଆଜିମାରେସି, ଇଞ୍ଜା ଏଝାଣାଇଁ ଗେଲ୍ପାଲି ଅଣପିମାରେସି, ଏଝାଣି କାତା ଖେଞ୍ଜାନା ଆଜିଚିହ୍ ଜିକେଏ ଏଝାଣି କାତା ଖେଞ୍ଜାଲି ମନ କିହିମାରେସି □

୨୧ ତାୟୁ ହେରଦିୟାକି ର ପାରୁ ଦେଡ଼ାଆତେ, ହେରଦ ତାନି ଜାର୍ନା ଦିନାତା କାଜା କାଜା ମନ୍ତ୍ରିୟାଣି ଇଞ୍ଜା ଗାଲିଲିତି କାଜା କାଜାରାଇଁ ଲାଆଁ ବେଲାତା ର ବକ୍ତିତା ହାଟିତେସି;

୨୨ ଇଞ୍ଜା ହେରଦିୟାନି ମାଜା ବିତ୍ତା ହାଜାନା ଏନାହାଁ ହେରଦ ଇଞ୍ଜା ତାନିତଲେ ବକ୍ତିତା କୁଗାମାଟି ଲକୁଣି ରାହାଁ କିଝିକିତେ, ଏମ୍ବ୍ରାଟିଏ ରାଜା ଏ ପଦାନି ଏଲେଇରେସି, “ଏନାଆଁ ମନ କିହିମାଞ୍ଜି ରାସ୍ତାମୁ ନାନୁ ଏଦାଆଁ ନିଜେ ହିୟାଇଁ □”

୨୩ ଇଞ୍ଜା ଏଝାସି ପଦା ନକ୍ତିତା ପାର୍ମାଣା କିତେସି, “ନାନୁ ନାଜେ ଏନାଆଁ ରାସ୍ତାଦି, ରାକ୍ତିତି ଆଦା ଜିକେଏ ନାନୁ ନିଜେ ହିୟାଇଁ □”

୨୪ ଏମ୍ବ୍ରାଟିଏ ଏ ପଦା ହାଜାନା ତାନି ଇୟାନି ଖେଚେ, “ନାନୁ ଏନାଆଁ ରାହଇଁ?”

ଏମ୍ବ୍ରାଟିଏ ଏଦି ଏଲେଇଚେ, “ବାପ୍ତିସ୍ତା ହାନି ଜହନତି ତାୟ୍ □”

୨୫ ଏ ଦେବୁଣିଏ ରାଜା ତାଣା ତବେ ଖାହାନା ଏଲେଇଞ୍ଜି ରାସ୍ତେ, “ନାଜେ ନାନୁ ବାପ୍ତିସ୍ତା* ହାନି ଜହନତି ତାୟ୍ ର ସାଡ଼ଝାତା ନୀଏ ନାଜେ ହିୟାମୁ □”

୨୬ ଏମ୍ବ୍ରାଟିଏ ରାଜା ହାଚେରକା ଦୁକୁ ଆଡ଼ିହ୍ ଜିକେଏ, ତାନୁ କିତି ପାର୍ମାଣା ଅଡ଼େ ବକ୍ତିତା କୁଗାମାଟାରି ତାକି ଆଏ ଇଞ୍ଜାଲି ଆଡ଼ାଆତେସି □

୨୭ ଏଦାଆଁତାକି ରାଜା ଦେବୁଣିଏ ର କହ୍‌ଏଣାଇଁ ପାଣ୍ଡାନା ତାନି ତାୟ୍ ତୁତାଗାଲି ହୁକୁମି ହୀତେସି, ଏମ୍ବ୍ରାଟିଏ ଏଝାସି ହାଜାନା କାୟିଦି ଇଲୁତା ତାନି ତାୟ୍ ଦୁାଡ଼େସି;

୨୮ ଅଡ଼େ ଏଦାଆଁ ର ସାଡ଼ଝାତା ତାଚାନା ପଦାନାକି ହାତେସି, ଇଞ୍ଜା ପଦା ଏଦାଆଁ ଅହାନା ତାନି ଇୟାନାକି ହୀତେ □

୨୯ ଇଞ୍ଜା ଜହନତି ସୀସୁୟାଁ ଏ କାତା ଖେଞ୍ଜାନା ଖାଡ଼େରି, ଇଞ୍ଜା ତାନି ମାଡ଼ହାଡ଼ି ଅହାନା ମାଡ଼ହା ଇଚିନି ଗାୟୁତା ଇଚିତେରି □

ଜୀସୁ ପାସାମାଣା ଲକୁତାକି ତୀହନାୟି
(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୬:୧-୧୪)

୩୦ ତାୟୁ ପାଣ୍ଡୁଝି ଆହାମାଟାରି ଜୀସୁ ତାଣା ଖାଡ଼େରି, ଇଞ୍ଜା ଏଝାରି ଏନା ଏନାଆଁ କିହାମାରେରି, ଇଞ୍ଜା ଏନା ଏନାଆଁ ଜାପୁହା ମାରେରି, ଏ ବାରେ ଏଝାଣାଇଁ ଖେପ୍ରେରି □

* ୬:୧୪ ୬:୧୪ ମାତି ୧୭:୧୪; ମାର୍କ ୮:୮; ଲୁକ ୯:୧୯ † ୬:୧୪ ୬:୧୪ ମୁଞ୍ଜାନାୟି * ୬:୧୭ ୬:୧୭ ଲୁକ ୩:୧୯,୨୦ § ୬:୨୪ ୬:୨୪ ମୁଞ୍ଜାନାୟି * ୬:୨୫ ୬:୨୫ ମୁଞ୍ଜାନାୟି

୩୧ ଏମ୍ବାଟିଏ ଜୀମ୍ବୁ ଏଝାରାଇଁ ଏଲେଇଚେସି, “ମାରୁ ଇମ୍ବାଟି ଲକ୍ଷୁ ହିଲିଆ ଗାମ୍ବୁଡା ହାନ, ଏମ୍ବାଆଁ ମାରୁ ଗାଡ଼େକା ଜମାଦୁ □” ଇଚିହଁ ହାରେକା ଲକ୍ଷୁ ହାଜି ଝାହି ଆହିମାଚାକି ଏଝାରାଇଁ ତିଞ୍ଜାଲି ଜିକେଏ ମୁଆଡେ □

୩୨ ଏମ୍ବାଟିଏ ଏଝାରି ଏଟକା ଆହାନା ର ଡଂଗତା ହଚାନା ଲକ୍ଷୁ ହିଲିଆ ଗାମ୍ବୁଡା ହାଚେରି □

୩୩ ସାମା ହାରେକା ଲକ୍ଷୁ ଏଝାରି ହଡ଼ା ହାଚାଣି ମେସ୍ଵେରି ଅଡ଼େ ପୁଚେରି, ଇଞ୍ଜା ଲକ୍ଷୁ ବାରେ ଗାଡ଼ାୟିତି ତାକିହଁ ହାଜାନା ଏଝାରି ନକିତା ଏଗାହାଚେରି □

୩୪ ଏଝାସି ଡଂଗଟି ରେଚାନା ହାରେକା ଲକ୍ଷୁ ମେସାନା ଏଝାରାଇଁ କାର୍ମା ଆଡ଼େସି, ଇଚିହଁ ଏଝାରି ଗଡ଼ୁ ହିଲିଆ ମେଣ୍ଡାୟି ଲେହେଁ ମାଚେରି; ଇଞ୍ଜା ଏଝାସି ଏଝାରାଇଁ ହାରେକା କାତା ଜାପୁହେସି □

୩୫ ଗାତି ଝେଡ଼ାଆୟାଲିଏ ତାନି ସୀୟୁୟି ତାନି ତାଣା ଝାହାନା ଏଲେଇଚେରି, “ଇ ଗାମ୍ବୁ ଲକ୍ଷୁ ହିଲିଆ ଗାମ୍ବୁ ଇଞ୍ଜା ଆନ୍ଦେରି ଜିକେଏ ଆହିମାନେ;

୩୬ ଲକ୍ଷୁ ଏନିକଁ ସାରିଝାକି ମାନି ଝାଲିହାଝାଡ଼ି ଅଡ଼େ ଗାଡ଼ାତା ହାଜାନା ତାମ୍ବେ ତାକି ତିଞ୍ଜାଲି ରାନ୍ଦା କଡ଼ାପେରିଝା, ଏଡ଼ାଆଁତାକି ଏଝାରାଇଁ ହେଲ ହାହାନା ପାଣ୍ଡାମୁ □”

୩୭ ସାମା ଜୀମ୍ବୁ ତାନି ସୀୟୁୟିୟି ଏଲେଇଚେସି, “ମାରୁ ଏଝାରାଇଁ ତିଞ୍ଜାଲି ହୀଦୁ □”

୩୮ ଏଝାରି ଏଲେଇଚେରି, “ମାରୁ ରୀ ଝାଞ୍ଜା ଝେଣ୍ଡି ଟାକାୟିତିଂ ରୁଟି ତାଚାନା ଇଝାରାଇଁ ତିଞ୍ଜାଲି ହୀନାୟି କି ?”

୩୯ ଜୀମ୍ବୁ ଏଝାରାଇଁ ଏଲେଇଚେସି, “ମୀ ତାଣା ଏଚରଗଟା ରୁଟି ମାଦୁ ? ହାଜାନା ସିନିକିଦୁ □”

୪୦ ଏଝାରି ଝେଞ୍ଜା ଝାହାନା ଜୀମ୍ବୁ ଏଲେଇଚେରି, “ପାସାଗଟା ରୁଟି ଇଞ୍ଜା ରୀ ମୀଣକା ମାଦୁ □”

୪୧ ଇଞ୍ଜା ଜୀମ୍ବୁ ତାନି ସୀୟୁୟିୟି ଏଲେଇଚେସି, ବାରେ ଲକ୍ଷୁ ଗଟି ଗଟି କିହଁ କ୍ବୁରି ଜାଡ଼ା ଲାକ କ୍ବୁରିକିହାଲି ଝେସ୍ଵେସି □

୪୨ ଏଚେଟିଏ ଏଝାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହଁ କ୍ବୁରିଚେରି □

୪୩ ତାମ୍ବୁ ଜୀମ୍ବୁ ଏ ପାସାଗଟା ରୁଟି ଇଞ୍ଜା ରୀ ମୀଣକା ଅହାନା ଲାକପୁରୁ ଝାକି ସିନିକିହାଁ ମାହାପୁରୁଇଁ ଜହରା କିଚେସି, ଅଡ଼େ ରୁଟି ଡ଼ିକ୍ବୁହାନା ଲକ୍ଷୁତାକି ବାଟି କିହା ହାହାଲି ତାନି ସୀୟୁୟିୟି ହାଚେସି, ଇଞ୍ଜା ରୀ ମୀଣକା ଜିକେଏ ଏଲେକିହଁ ଏ ବାଡ଼ା କିହାନା ହାଚେସି □

୪୪ ଏମ୍ବାଆଁ ବାରେଜାଣା ତିଞ୍ଜାନା ପାଞ୍ଜିଚେରି,

୪୫ ଇଞ୍ଜା ଏଝାରି ହାଚାମାଟି ରୁଟି ଅଡ଼େ ମୀଣକା କୁଡ଼ି କିହାନା ବାଚରଗଟା ତାଲିତା ନେଞ୍ଜିକିଚେରି □

୪୬ ରୁଟି ତିଚି ଲକ୍ଷୁ ପାସାମାଣା ଝାଚ୍ଚ ଥାବୀୟା ମାଚେରି □

ଜୀମ୍ବୁ ଏମ୍ବୁ ଲାକ ତାକିନାୟି
(ମାତି ୧୪:୨୨-୩୩; ଜହ ୭:୧୫-୨୧)

୪୭ ଏ ଦେବୁଣିଏ ଏଝାସି ତାନି ସୀୟୁୟିୟି ଡଂଗତା ହଚାନା ଆତାଲାଝାକି ମାନି ବେଡ଼ସାୟିଦା ଗାଡ଼ାତା ହାଜାଲି ତାନି ନକେଏ ପାଣ୍ଡିଚେସି, ଏମ୍ବାଟିଏ ବାରେ ଲକ୍ଷୁ ହାଜାଲିତାକି ହେଲ ହାହାନା ପାଣ୍ଡିଚେସି □

୪୮ ଏଝାରି ତାଣାଟି ହେଲ ଅଡ଼ି ତାମ୍ବୁ ଏଝାସି ପ୍ରାଡ଼ାନା କିହାଲି ହରୁଡ଼ା ହାଚେସି □

୪୯ ମିଡ଼ଅଲା ଆହାଲିଏ ଡଂଗ ସାମ୍ବୁରି ମାଦିଏ ମାଚେ, ଇଞ୍ଜା ଜୀମ୍ବୁ ସାମ୍ବୁରି ଗାଚୁଡ଼ା ରଅସିଏ ମାଚେସି □

୫୦ ଏମ୍ବାଟିଏ ହାରେକା ଗାଲି ଏଝାରି ଝାକି ଝେଟିମାଚାକି ଡଂଗ ତାକି କିହାଲି କସ୍ତୁ ଆହିମାଚାଣି ମେସାନା ଏଝାସି ଝେୟା ନେକେରି ସାମ୍ବୁରି ଏମ୍ବୁ ଲାକ ତାକିହଁ ଏଝାରି ତାଗେ ଝାଡ଼େସି, ଇଞ୍ଜା ଏଝାରି ତାଗେଟି ଆଗାଡ଼ା ହାଜାଲି ଅଣ୍ଡାମାଚେସି,

୫୧ ସାମା ଏଝାରି ଏଝାଣାଇଁ ସାମ୍ବୁରି ଲାକ ତାକି ମାନାଣି ମେସାନା ବୁଡୁ ଇଞ୍ଜା ଅଣ୍ଡାମା କାଲ୍ଝି ଆଚେରି □

୫୨ ଇଚିହଁ ବାରେଜାଣା ଏଝାଣାଇଁ ମେସାନା ଆଜାହାଜା ମାଚେରି □

୫୩ ସାମା ଜୀମ୍ବୁ ଦେବୁଣିଏ ଏଝାରିତଲେ କାତା ଆହାନା ଏଝାରାଇଁ ଏଲେଇଚେସି, “ସାସା ଆହ୍ବୁ ନାନୁଏ ଏଝାଚେସି, ଆଜାଆଦୁ □”

୫୪ ଇଞ୍ଜା ଏଝାସି ଏଝାରିତାଣା ହାଜାନା ଡଂଗତା କ୍ବୁରିଚେସି, ଇଞ୍ଜା ଗାଲି ତୁଞ୍ଜିଚେ, ଏମ୍ବାଟିଏ ଏଝାରି ମନ ମନତା ହାରେକା କାବା ଆଡ଼େରି □

* ୭:୩୪ ୭:୩୪ ମାତି ୯:୩୭ † ୭:୩୭ ୭:୩୭ ର ଦିନାତି ବୁଡି ର ଝେଣ୍ଡି ଟାକା

୫୭ ଇତିହାସ ଏହାର ରୂପିୟା କାତା ପୁଣ୍ୟପୁ ପୁଞ୍ଜାହିଲାଆତେରି, ଏନାଆଁତାକି ଇତିହାସ ଏହାର ହିୟାଁ ଆଡ଼ାଆ ଆହାମାତେ ।

ଗେନେସର ରତ୍ନ ଗାଗାରାଇଁ ନେହୁଁକିନାୟି
(ମାତି ୧୪:୩୪-୩୬)

୫୩ ଏହାର ସାମୁଦ୍ରି ଗାଗାରାନା ଗେନେସର ରାଜିତା ଏଜାନା କାତା ଗାଟୁତା ତଂଗତି ଦସ୍ତେରି ।

୫୪ ଅଡ଼େ ଏହାର ତଂଗତି ରେତାଲିଏ, ଦେବୁଣିଏ ଲକୁ ଏହାଣାଇଁ ପୁଞ୍ଜାନା,

୫୫ ଏ ରାଜିତି ସାରିଖାକି ହାତେରି, ଏହାର ଆମିନି ଚାୟୁତା ମାନେରି ଇଞ୍ଜୁଁ ଖେଚେରି, ଅଡ଼େ ଜାସୁ ମାନି ଚାୟୁତା ରତ୍ନ ଗାଗାରାଇଁ କାଚେଲିତା ତେକା ତାତାଲି ମାଟୁହେରି ।

୫୬ ଇଞ୍ଜା ଏହାସି ଆମିନି ନାୟକା, ଅଡ଼େ ଗାଡ଼ାତା ହାଚେସି, ଲକୁ ଏ ବାରେ ଚାୟୁତି ହାଟା ବାଜାରାଟି ରତ୍ନ ଗାଗାରାଇଁ ଏହାଣି ନକିତା ଏହାରାଇଁ ଇତିତେରି, ଏହାରି ଏନିକିଁ ଏହାଣି ହିସୁରି କୁକୁଁ ତାଗିନେରି, ଏନାଆଁତାକି ଏହାଣାଇଁ ବାତିମାଲିତେରି; ଇଞ୍ଜା ଏଚେକା ଲକୁ ଏହାଣାଇଁ ତାଗିତେରି ଏହାରି ବାରେ ନେହୁଁ ଆଡ଼େରି ।



ଆକୁ ଆବାୟାତି ପାଣାପାଟୁ
(ମାତି ୧୫:୧-୯)

୧ ତାୟୁ ପାରୁସିୟାଁ ଅଡ଼େ ଜିରୁସାଲମତି ଖାହାମାନି ଏଚରଜାଣା ଫୋରାପୁନାରି ଜୀସୁ ତାଣା ରୁଣ୍ଡା ଆଡ଼େରି ।

୨ ଏହାର ସୀସୁୟାଁ ବିତ୍ରାଟି ଏଚରଜାଣାତି କେସ୍ତା ନରୁଆନା ତିଞ୍ଜି ମାଚାଣି ମେସ୍ତେରି ।

୩ ପାରୁସିୟାଁ ଅଡ଼େ ବାରେ ଜୀହୁଦି ଲକୁ ଆକୁ ଆବାୟାଁ ଇଟାମାନି ଫୋରାତି ମାନୁଖି ଆହାନା ନେହୁଁକିଁ କେୟୁ ନରୁଆସାରେ ତିଞ୍ଜି ହିଲାଆତେରି,

୪ ଇଞ୍ଜା ହାଟା ବାଜାରାଟି ଖାହାନା ତାମି ଲାକ ଏୟୁ ଡାଞ୍ଜା କତାଆନା ତିଞ୍ଜି ହିଲାଆତେରି; ଅଡ଼େ ଗିନା ମୁତା ଇଞ୍ଜା ପିତାଡ଼ା ତ:କାୟାଁ, ପାସ୍ପନି ନରୁନାୟି, ଇଲେତି ହାଡ଼େକା ଫୋରା ମାନୁଖି ଆହାଲି ହୁକୁମି ବେଟା ଆହାମାନେରି ।

୫ ଏନାଆଁତାକି ପାରୁସିୟାଁ ଅଡ଼େ ଫୋରାପୁନାରି ଜୀସୁଇଁ ଖେଚେରି, “ନୀ ସୀସୁୟାଁ ତଲିତି ଆକୁ ଆବାୟାଁ ଫୋରା ତଲେ ତାକାଆନା ଏନାଆଁତାକି କେସ୍ତା ନରୁଆନା ତିନେରି ?”

୬ ଜାସୁ ଏହାରାଇଁ ଏଲେଇଚେସି, “ଆଡ଼େ କୁଟୁଁ ଗାଟାତେରି, ମାହାପୁରୁ ଅଣ୍ଡପୁତି ବଲୁ ଖେହ୍ନି ଜିସାୟ ନେହୁଁକିଁ ଇ କାତା ଖେସାମାନେସି, ଏନିକିଁ ରାସ୍ପି ଆହାମାନେ;

ଇ କୁଡ଼ାତାରି ଖାରଇ ଗୁତି ତଲେ ନାଜେ ସେବା କିୟାନେରି,

ସାମା ଏହାରି ହିୟାଁ ନା ତାଣାଟିଏ ହାଚେକା ହେକ ତୁୟିନେ ।

୭ ଏହାରି ମାଣସିୟାଁ କେପିତି ଫୋରାତି ଦାମୁତି ନେହୁଁ କାତା ଇଞ୍ଜୁଁ ଜାପୁହାନା, ଉଜେଏ ନା ସେବା କିୟାନେରି ।

୮ ମୀରୁ ମାହାପୁରୁତି ହୁକୁମି ପିସାନା ମାଣସିୟାଁ ଫୋରାତି ଆସାମାଞ୍ଜେରି ।”

୯ ଅଡ଼େ ଜୀସୁ ଏହାରାଇଁ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ ଜାପୁହାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିହିଲଅତେରି ।

୧୦ ଇତିହାସୁଁ ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିଇଁ ଜୀଞ୍ଜୁନପୁ, ଇଞ୍ଜା ଆମ୍ବାଆସି ତାଲି କି ତାଞ୍ଜିଇଁ ବାକା ଇତିନେସି, ଏହାସି ହାନି ତଣ୍ଡ ବେଟା ଆନେସି ।’

୧୧ ମୀରୁ ଜାପୁହି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଇଁ ଏଲେଇନେସି, ନା ତାଣାଟି ଏନାଆଁ ହିୟାତିହୁଁ ନିଜେ ନେହେଁ ଆଡ଼େମା, ଏଦି କର୍ବାନ ଇତିହାସୁଁ ମାହାପୁରୁ ତାକି ହେରୁପି ଆହାମାନାୟି ।

୧୨ ଇଞ୍ଜା ମୀରୁ ଏଲେକିହୁଁ ତାମି ଇୟା କି ଆବାଇଁ ଏନି ସାୟେମି କିହାଲି ହାହି ହିଲଅତେରି;

୧୩ ଏଲେକିହୁଁଏ ମୀରୁ ମୀ ତାଣା ମାନି ଫୋରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି, ଇଞ୍ଜା ଏଲେକିହୁଁ ହାଡ଼େକା କାମା କିହିମାଞ୍ଜେରି ।”

ମାଣସିକ୍ ଲାଗେଏ କିନାୟି

(ମାତି ୧୫:୧୦-୨୦)

୧୪ ଜୀସୁ ଅଡ଼େ ଖେଣ୍ଡେ ଲକ୍ଷ୍ମି ତାଗେ ହାତାନା ଏଝାଗାକ୍ ଏଲେଇରେସି, “ମୀରୁ ବାରେ ନା କାତା ଖେଷ୍ଟୁ ଅଡ଼େ ତେଲହାଦୁ □

୧୫ ମାଣସିତି ପାଙ୍ଗାତା ଇଲେତି ଏନାୟି ହିଲେଏ, ଏଦି ମାଣସି ବିଦ୍ରା ହତାନା ଏଝାଣାକ୍ ଲାଗେଏ କିହାଲି ଆଡ଼ିନେ, ସାମା ଏନା ଏନାୟି ମାଣସି ତାଣାଟି ହଡ଼ିମାନେ, ଏ ବାରେ ଏଝାଣାକ୍ ଲାଗେଏ କିହିମାନେ □”*

୧୬ ଖେଞ୍ଜାଲି କୀର୍କୀ ମାନସି ଖେଣ୍ଡାସି □

୧୭ ଅଡ଼େ ଏଝାସି ଲକ୍ଷ୍ମି ତାଣାଟି ଇଲୁ ବିଦ୍ରା ଝାହାଲିଏ ତାନି ସୀୟୁୟାଁ ଏଝାଣାକ୍ ପୁଣ୍ଡିକିନି କାତାତି ଅର୍ଥ ଖେଚେରି □

୧୮ ଏମ୍ବାଟିଏ ଜୀସୁ ଏଝାଗାକ୍ ଏଲେଇରେସି, “ମୀରୁ ଜିକେଏ ଏଲେକିହିଁଏ ପୁନାଆ ଗାଗାତେରି ? ଏନାୟି ପାଙ୍ଗାଟି ମାଣସି ବିଦ୍ରା ହଡ଼ିହିଁ ଏଦି ଏଝାଣାକ୍ ଲାଗେଏ କିହାଲି ଆଡ଼େଏ,

୧୯ ଇଚିହିଁ ଏଦି ଏଝାଣି ହିୟାଁତା ହଡ଼ିଆନା ବାଣ୍ଡିତା ହଡ଼ିନେ ଇଞ୍ଜା ବାଣ୍ଡିହାନିଲେହେଁ ହଡ଼ାହାନେ ଇଲେଆହିଁ ବାରେ ରାନ୍ଦା ଅର୍ବୁହି ଆହିମାନେ, ଇଦାଆଁ ପୁଞ୍ଜି ହିଲଅତେରି ?”

୨୦ ଅଡ଼େ ଏଝାସି ଏଲେଇରେସି, “ଏନାୟି ମାଣସି ତାଣାଟି ହଡ଼ିମାନେ ଏଦି ଏଝାଣାକ୍ ଲାଗେଏ କିହିମାନେ □

୨୧ ଇଚିହିଁ ମାଣସି ହିୟାଁ ବିଦ୍ରାଟି ଲାଗେଏତି ଅଣ୍ଡୁ ହଡ଼େନ, ଦାରି କିୟାଲି, ସରୁ କିୟାଲି, ଲକ୍ଷ୍ମି ପାୟିନାୟି,

୨୨ ଜୁପକା, ଲାଗେଏ ପଲେଏ କାମା, ନାଡ଼ିକିନାୟି, ତାହାରା, ନିନ୍ଦା କିନାୟି, ତାହାରା ଆନାୟି, କାର୍ବି ଆନାୟି;

୨୩ ଏଲେତି ଲାଗେଏତାୟି ବିଦ୍ରାଟି ହଡ଼ାଝାହାନା ମାଣସିକ୍ ଲାଗେଏ କିହିମାନେ □”

ର ଇୟାନି ନାମୁ

(ମାତି ୧୫:୨୧-୨୮)

୨୪ ଏମ୍ବାଟିଏ ଜୀସୁ ଏ ଚାୟୁ ପିସାନା ସରତି ହାଦି ଝାକି ହାରେସି, ଇଞ୍ଜା ର ଇଲୁତା ହତାନା ଏନିକିଁ ଆମ୍ବାଆରି ପୁନଅରି ଇଞ୍ଜିଁ ଅଣପିମାନେସି, ସାମା ଏଝାସି ତୁନ୍ଦାନା ତୁୟାଲି ଆଡ଼ାଆତେସି □

୨୫ ଏ ଦେବୁଣିଏ ର ଇୟା, ଆମ୍ବାଆରି ମାଙ୍ଗାନି ବୁତୁ ଆଲଗାମାତେ, ଏଦି ଜୀସୁ କାତା ଖେଞ୍ଜାନା ଝାହାଁ ଏଝାଣି କତାଣା ରୀତେ □

୨୬ ଏ ଇୟା ସୁରପୟିନିକି ଜାଡ଼ିତି ର ଗ୍ରିକ୍ ଇୟା ମାତେ, ତାନି ମାଙ୍ଗାନି ତାଣାଟି ବୁତୁ ପିସପି କିହାଲି ଏଦି ଜୀସୁକ୍ ବାଡ଼ିମାଲିତେ □

୨୭ ଏମ୍ବାଟିଏ ଜୀସୁ ଏଦାନି ଏଲେଇରେସି, “ତଲିଏ କକାରି ପଦାଁଣି ପାଞ୍ଜି କିଦୁ, ଇଚିହିଁ କକାରି ପଦାୟାଁ ରାନ୍ଦା ଅହାନା ନେସକା ନକିତା ମେଡ଼ନାୟି ନେହେଁ ଆଏ □”

୨୮ ସାମା ଏଦି ଏଝାଣାକ୍ ଏଲେଇରେ, “ହାଅ ପ୍ରବୁ ନେସକା ଜିକେଏ କକାରି ପଦାୟାଁ ତ୍ରୁକ୍‌ହାମାନି ଲିତାତି ପେରହା ତିନୁ □”

୨୯ ଏମ୍ବାଟିଏ ଜୀସୁ ଏଲେଇରେସି, “ଇ କାତାତାକି ନୀ ମାଙ୍ଗାନି ତାଣାଟି ବୁତୁ ହଡ଼ା ହାରେସିଏ, ହାଲମୁ □”

୩୦ ଇଞ୍ଜାଁ ଏଦି ଇଜ ହାଜାନା ତାନି ମାଙ୍ଗା ପାସ୍‌ପନିତା ହୁଞ୍ଜାମାନାଣି ଇଞ୍ଜାଁ ବୁତୁ ହଡ଼ା ହାଜା ମାନାଣି ମେସ୍ତେ □

ର ବେରା ଅଡ଼େ ଗୁଲାକ୍ ଜୀସୁ ନେହିଁ କିନାୟି

୩୧ ଅଡ଼େ ଖେଣ୍ଡେ ଏଝାସି ସର ହାଦିତି ହାଜାନା ସିଦନ ଅଡ଼େ ଦସଗଗା ନାସ୍କା† ହାଦି ହାହାନା ଗାଲିଲି ସାମ୍ବୁରି ତାଗେ ଝାଡ଼େସି □

୩୨ ଇଞ୍ଜାଁ ଲକ୍ଷ୍ମି ର ବେରା ଅଡ଼େ ଗୁଲାକ୍ ଏଝାଣି ନକିତା ତାତାନା ଏଝାଣିଲାକ କେୟୁ ଇଗାଲି ବାଡ଼ିମାଲିତେରି □

* ୭:୧୫ ୭:୧୫ ଏଚେକା ସାଗ୍‌ସ୍‌ପିରିତା ୧୫ ପଦ କ୍ଳେତ ତୁଲକା ମାନି ବଲୁତି ୧୭ ପଦୁତା ରାସ୍କି ଆହାମାନେ; † ୭:୩୧ ୭:୩୧ ଦେକାପଲି

୩୩ ଜୀମୁ ଲକ୍ଷ୍ମୀ ତାହାଟି ରଥଶାଳୀ ଏବଂ କିହା ଅହାନା ଏଞ୍ଜାଣି ରୀ କୀର୍ଦ୍ଧାଣା ତାନି ଖାସ୍ତକା ଇତିତେସି ଅଡ଼େ ହୁପାନା ଏଞ୍ଜାଣି ଖେନ୍ଦରି ତାଗିତେସି,

୩୪ ଅଡ଼େ ଲାକପୁରୁ ଖାକି ସିନିକିହାନା ଗାତିକିହୁଁ ନେଞ୍ଜାନା ଏଞ୍ଜାଣାଇଁ ଏଲେଇଚେସି, “ଇପପତ” ଇତିହୁଁ “ଦେପି ଆମୁ □”

୩୫ ଏମ୍ବାଟିଏ ଏଞ୍ଜାଣି କୀର୍ଦ୍ଧା ଦେପିଆରୁ, ଇଞ୍ଜା ଖେନ୍ଦରିତି ଜାଲା ଏ ଦେବୁଣିଏ ଗୁରାଆଡ଼େ, ଇଞ୍ଜା ଏଞ୍ଜାସି ନେହୁଁକଁ ଜଲ୍ଲାଲି ଆଡ଼ିତେସି □

୩୬ ଇଞ୍ଜା ଏ କାତା ଆମ୍ବାଆରାଇଁ ଖେହୁଆଦୁ ଇଞ୍ଜୁଁ ଏଞ୍ଜାରାଇଁ ଗାତିକିହୁଁ ହୁକୁମି ହୀତେସି; ସାମା ଏଞ୍ଜାସି ଏଞ୍ଜାରାଇଁ ଏଚେକା କାହି କିତେସି, ଏଞ୍ଜାରି ଏଚେକା ଗାତି ଖେକହେରି □

୩୭ ଅଡ଼େ ଲକ୍ଷ୍ମୀ କାବାଆହାନା ଏଲେଇଚେରି, “ଏଞ୍ଜାସି ବାରେ କାମା ନେହୁଁକଁ କିହିମାନେସି; ଏଞ୍ଜାସି ବେରାୟାଁଇଁ ଖେଞ୍ଜାଲି ଗୁଲାୟାଁଇଁ ଜଲ୍ଲିନି ବାଡ଼ୁୟୁ ଜିକେଏ ହୀହିମାନେସି □”



ଜୀମୁ ସାରି ମାଣା ଲକ୍ଷ୍ମୀ ତିଞ୍ଜାଲି ହୀନାୟି
(ମାତି ୧୫:୩୨-୩୯)

୧ ଏଚିବେଲା ହାଚେରକା ମାମା ଲକ୍ଷ୍ମୀ ରୁଣ୍ଡା ଆଡ଼େରି, ଅଡ଼େ ଏଞ୍ଜାରିତାଣା ତିନାୟି ଉନାୟି ଏନାୟି ହିଲାଆତାକି ଜୀମୁ ସୀମୁୟାଁଣି ତାଗେ ହାଚାନା ଏଞ୍ଜାରାଇଁ ଏଲେଇଚେସି,

୨ “ଲକ୍ଷ୍ମୀତାକି ନାଞ୍ଜେ କାର୍ମା ହାଚିମାଞ୍ଜାନେ, ଇତିହୁଁ ଇଞ୍ଜାରି ତାନିଦିନା ଆଡ଼େରିଏ ନା ତଲେ ମାଞ୍ଜାମାନେରି, ଅଡ଼େ ଇଞ୍ଜାରି ତାଣା ଏନାୟି ତିନାୟି ହିଲେଏ □

୩ ଏଞ୍ଜାରାଇଁ ତାହୁଆନାଁ ପାଣ୍ଡିସାରେ, ଖେଣ୍ଡାହାନାଟି ଏଞ୍ଜାରି ହାହା ଜିକେଏ ହାନ୍ଦେରି □ ଏଞ୍ଜାରି ବିତ୍ରାଟି ଏଚରଜାଣା ହେକଟି ଖାହାମାନେରି □”

୪ ସୀମୁୟାଁ ଏଞ୍ଜାଣାଇଁ ଏଲେଇଚେରି, “ଇମ୍ବାଆଁ ଇ ଲକ୍ଷ୍ମୀ ହିଲାଆ ଗାୟୁତା ଆମ୍ବାଆସି ଆସିଟି ରୁଟି ତାଗାନା ଇଞ୍ଜାରାଇଁ ପାଞ୍ଜି କିନେସି ?”

୫ ଜୀମୁ ଏଞ୍ଜାରାଇଁ ଖେଚେସି, “ମୀ ତାଣା ଏଚରଗଟା ରୁଟି ମାନ୍ତୁ ?” ଏଞ୍ଜାରି ଏଲେଇଚେରି, “ସାତାଗଟା □”

୬ ଏମ୍ବାଟିଏ ଜୀମୁ ଲକ୍ଷ୍ମୀ ବୁମିତା କୁଗାଲି ହୁକୁମି ହୀତେସି; ଅଡ଼େ ଏଞ୍ଜାସି ସାତାଗାଟା ରୁଟି ଅହାନା ଜହରା କିହାନା ଏ ବାରେ ଡ଼ିକହାନା ବାଟି କିହାଲି ତାନି ସୀମୁୟାଁକି ହୀତେସି, ଅଡ଼େ ଏଞ୍ଜାରି ଲକ୍ଷ୍ମୀତାକି ବାଟି କିହା ହୀତେସି □

୭ ଇଞ୍ଜା ଏଞ୍ଜାରିତାଣା ଏଚରଗଟା ଉଣା ମାଣକା ମାନ୍ତୁ; ଏ ବାରେତି ଜିକେଏ ଜୀମୁ ମାହାପୁରୁ ତାଣା ଜହରା କିହାନା ବାଟି କିହା ହୀହାଲି ସୀମୁୟାଁଇଁ ଏଲେଇଚେସି □

୮ ଏମ୍ବାଟିଏ ଏଞ୍ଜାରି ତିଞ୍ଜାନା ପାଞ୍ଜିତେରି ଇଞ୍ଜା ହାରିତାଣି ସାତା ତାଲି କୁଡ଼ି କିତେରି □

୯ ଏଞ୍ଜାରି ବାରେ ସାରି ମାଣା ଲକ୍ଷ୍ମୀ ମାଚେରି □ ଏଚେଟିଏ ତାୟୁ ଏଞ୍ଜାରାଇଁ ହେଲ ହୀତେସି,

୧୦ ଇଞ୍ଜା ଦେବୁଣିଏ ତାନି ସୀମୁୟାଁ ତଲେ ତଂଗତା ହଚାନା ଦଲ୍ଲମନ୍ତୁ ଗାଡ଼ାତା ହାଚେରି □

ପାରୁସିୟାଁ ସିନା ରାହନାୟି
(ମାତି ୧୭:୧-୪)

୧୧ ଡ଼ାୟୁ ପାରୁସିୟାଁ ଖାହାନା ଜୀମୁତଲେ ବାଦିବାଦା କିହାଲି ମାଟୁହେରି ଇଞ୍ଜା ଏଞ୍ଜାଣାଇଁ ତାୟିପାରି କିହାଲିତାକି ହାଗୁ ଲାକଟି ର ସିନା ରୀପ୍ରେରି □

୧୨ ଡ଼ାୟୁ ଜୀମୁତା କିଲିବିଲି ଆହାନା ଗାତି ନେଞ୍ଜାନା ଖେପ୍ରେସି, “ଇ ଜୁଗୁତି ଲକ୍ଷ୍ମୀ ଏନାଆଁତାକି ସିନା ପାରିମାନେରି ? ନାନ୍ତୁ ମିଞ୍ଜେ ସାତା ଖେସିମାଞ୍ଜାଇଁ, ନୀର୍ସତି ମାଣ୍ଡିକି ଏନି ସିନା ହୀପୁକି ଆଏ □”

୧୩ ଅଡ଼େ ଏଞ୍ଜାସି ଏଞ୍ଜାରାଇଁ ପିସାନା ଅଡ଼େ ଖେଣ୍ଡେ ତଂଗତା ହଚାନା ଆତାଲାଖାକି ହାଚେସି □

ହେରଦ ଅଡ଼େ ପାରୁସିୟାଁ ପୁଲାଗୁଣ୍ଡା
(ମାତି ୧୭:୫-୧୨)

୧୪ ଏଚିବେଲାତା ସୀମୁୟାଁ ରୁଟି ଅହାଲି ବାଣାଆଡ଼େରି; ତଂଗତା ଏଞ୍ଜାରିତାଣା ରଣ୍ଡିଏ ରୁଟି ମାଚେ □

୧୫ ଡ଼ାୟୁ ଜୀମୁ ଏଞ୍ଜାରାଇଁ ଜାଣ୍ଡେ ହୁକୁମି ହୀତେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ହେରଦତି

ପୂଲ୍ଲାଗୁଣ୍ଡାଚି ଜାଗ୍ରତା ଆହ୍ୱାନା ମାଞ୍ଜୁ □”

୧୭ ଏତେଟିଏ ଏଝାରି ତାମ୍ବୁ ତାମ୍ବୁସୁ ଝେସ୍‌ପିଆହୁ ଏଲେଇଞ୍ଜାଲି ମାଟୁହେରି, “ମା ତାଣା ରୁଚି ହିଲେଏ ଇଞ୍ଜୁ ଏଝାସି ମାଙ୍ଗେ ଏଲେଇଞ୍ଜିମାଞ୍ଜାନେସି □”

୧୭ ଜୀସୁ ଏଦାଆଁ ପୁଞ୍ଜାନା ଏଝାରାଇଁ ଏଲେଇଚେସି, “ମୀ ତାଣା ରୁଚି ହିଲେଏ ଇଞ୍ଜୁ ଏନାଆଁତାକି ମୀରୁ ମୀରୁ ଝେସ୍‌ପି ଆହିମାଞ୍ଜେରି ? ମୀରୁ ନୀର୍ବ୍ୟ ପାତେକା ପୁଞ୍ଜି ହିଲଅତେରି କି ତେଲୁହି ହିଲଅତେରି ?”

୧୮ *କାଣକା ମାଞ୍ଜାନା ମେସି ହିଲଅତେରି ? ଅଡ଼େ, କୀର୍କା ମାଞ୍ଜାନା ଝେଞ୍ଜି ହିଲଅତେରି ? ମୀରୁ ଇଦାଣି ଅଣ୍ଡିସି ହିଲଅତେରି ?

୧୯ ଏ ପାସାମାଣା ଲକୁ ବିତ୍ରା ନାନୁ ଏଚିବେଲା ପାସାଗଟା ରୁଚି ଡିକହା ମାଚେର୍ବ, ଏଚିବେଲା ମୀରୁ ଏଚର ତାଲି ହାରିତାଣି କୁଡ଼ି କିତେରି, ଏଦି ମୀ ଅଣ୍ଡପୁତା ହିଲେଏ କି ?” ଏଝାରି ଏଝାଣାଇଁ ଏଲେଇଚେରି, “ବାର ତାଲି □”

୨୦ “ଅଡ଼େ ଏ ସାରି ମାଣା ଲକୁ ବିତ୍ରା ନାନୁ ଏଚିବେଲା ସାତାଗଟା ରୁଚି ଡିକହା ମାଚେର୍ବ, ଏଚିବେଲା ମୀରୁ ଏଚର ତାଲି କୁଡ଼ି କିହାମାଚେରି ?” ଏଝାରି ଏଲେଇଚେରି, “ସାତା ତାଲି □”

୨୧ ଏଚିବେଲା ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ନୀର୍ବ୍ୟ ପାତେକା ତେଲୁହାଲି ଆଡ଼ିହିଲଅତେରି ?”

ବେତ୍‌ସାୟିଦାତା ର କାଣାଇଁ ମେସ୍‌ପିକିନାୟି

୨୨ ତାୟୁ ଏଝାରି ବେତ୍‌ସାୟିଦାତା ଝାଡ଼େରି, ଅଡ଼େ, ଲକୁ ର କାଣାଇଁ ଏଝାଣି ତାଣା ତାଗାନା ଏଝାଣାଇଁ ତାଗାଲି ତାକି ଜୀସୁଇଁ ବାଡ଼ିମାଲିତେରି □

୨୩ ଏଦାଆଁତାକି ଜୀସୁ କାଣାଚି କେୟୁ ଆସାନା ଏଝାଣାଇଁ ନାୟୁଁ ପାଙ୍ଗାତା ଅଡ଼େସି, ଇଞ୍ଜା ଏଝାଣି କାଣକାଣା ହୁପକା ରୁବାନା ଅଡ଼େ ଏଝାଣିଲାକ କେୟୁ ଇଚାନା ଏଝାଣାଇଁ ଝେଚେସି, “ନୀନୁ ଏନାଆଁ ମେସାଲି ଆଡ଼ିମାଞ୍ଜି କି ?”

୨୪ ଏଝାସି ସିନିକିହାନା ଏଲେଇଚେସି, “ନୀନୁ ମାଣ୍ଡସିୟାଁଇଁ ମେସିମାଇଁ, ଇଚିହୁଁ ନୀନୁ ମାରୁକା ଲେହେଁ ଏନାଈ ତାକି ମାନାଣି ମେସିମାଇଁ □”

୨୫ ତାୟୁ ଜୀସୁ ଅଡ଼େ ଝେଣ୍ଡେ ଏଝାଣି କାଣକାଣା କେୟୁ ଇଚିତେସି; ଏମ୍ବାଟିଏ ଏଝାସି ନେହୁଁ କିଁ ମେସାଲି ଆଡ଼ିତେସି, ନେହୁଁ ଆହ୍ୱାନା ବାରେ ତୀରିତଲେ ସିନିକିହାଲି ମାଟୁହେସି □

୨୬ ତାୟୁ ଜୀସୁ ଏଝାଣାଇଁ ତାନି ଇଜ ପାଣ୍ଡାନା ଏଲେଇଚେସି, “ଏ ନାୟୁଁ ବିତ୍ରା ଜିକେଏ ଝେଣ୍ଡେ ହାଲାଆନି □”

ପିତର ଜୀସୁଇଁ ଜୀସୁ ଇଞ୍ଜୁ ଝେକ୍‌ନାୟି

(ମାଡ଼ି ୧୭:୧୩-୨୦; ଲୁକ ୯:୧୮-୨୧)

୨୭ ଏତେଟିଏ ଜୀସୁ ଅଡ଼େ ତାନି ସୀସୁୟାଁ କାୟିସରିୟା ପିଲିପି ରାଜିତି ନାୟକାଝାକି ହାଚେରି, ଅଡ଼େ ଜିରୁତା ଏଝାସି ତାନି ସୀସୁୟାଁଇଁ ଝେଚେସି, “ନୀନୁ ଆମ୍ବାଆତେର୍ବ ଇଞ୍ଜୁଁ ଲକୁ ଏଲେଇଞ୍ଜି ମାଞ୍ଜାନେରି ?”

୨୮ *ଏମ୍ବାଟିଏ ଏଝାରି ଏଝାଣାଇଁ ଏଲେଇଚେରି, “ବାପ୍ତିସ୍ତୁ* ହାନି ଜହନ, ଅଡ଼େ ଆମ୍ବା ଆମ୍ବାଆରି ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ବିତ୍ରାଟି ରଅସି □”

୨୯ *ଏଝାସି ଏଝାରାଇଁ ଝେଚେସି, “ସାମା ନୀନୁ ଆମ୍ବାଆତେର୍ବ ଇଞ୍ଜୁଁ ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଝାଣାଇଁ ଏଲେଇଚେସି, “ନୀନୁ ଜୀସୁତି □”

୩୦ ଏମ୍ବାଟିଏ ଜୀସୁ ଏଝାରାଇଁ ତାନି କାତାଡ଼ି ଆମ୍ବାଆରାଇଁ ଏନାଆଁ ଝେହ୍‌ଆଦୁ ଇଞ୍ଜୁଁ ଜାଣ୍ଡେ କିହୁଁ ହୁକୁମି ହାତେସି □

ଜୀସୁ ତାନି ଦୁକୁ ଇଞ୍ଜା ତଣ୍ଡ ପାଣ୍ଡିନି କାତା ଝେହ୍‌ନାୟି

(ମାଡ଼ି ୧୭:୨୧-୨୮; ଲୁକ ୯:୨୨-୨୭)

* ୮:୧୮ ୮:୧୮ ମାର୍କ ୪:୧୭ ☆ ୮:୨୮ ୮:୨୮ ମାର୍କ ୭:୧୪,୧୫; ଲୁକ ୯:୭,୮ * ୮:୨୮ ୮:୨୮ ମୁଞ୍ଜିନାୟି ☆ ୮:୨୯ ୮:୨୯ ଜହ ୭:୨୮,୨୯

୩୧ ଅଡ଼େ, ଜୀସୁ ଏଝାରାଇଁ ଜାପୁହାଲି ମାଟ୍‌ହେସି, “ଇଚିହିଁ ମାଣସି ମୀରୁଏସି ହାରେକା ଦୁକୁ କସ୍‌ ବେଟାଆନାୟି ମାନେ ଇଞ୍ଜା ପ୍ରାଚିନାଙ୍ଗା, କାଜା ପୁଜେରାଙ୍ଗା, ଇଞ୍ଜା ମୋରାପୁନାରି ତାଣାଟି ଅପାଆଗାଟାସି ଆହାନା ପାୟୁଝି ଆନାୟି ମାନେ, ଅଡ଼େ ତାନିଦିନା କ୍ଳେଟ ଝେଣ୍ଡେ ନିଜ୍ଜିନାୟି ମାନେ □”

୩୨ ଇ କାତା ଏଝାସି ତୀରପୁତଲେ ଝେସ୍ତେସି □ ଏମ୍ବାଟିଏ ପିତର ଏଝାଣାଇଁ ଅରୁଝାକି ଅହାନା ଦାକା ହାହାନା ଲାଗାଲି ମାଟ୍‌ହେସି □

୩୩ ସାମା ଏଝାସି ତାୟୁଝାକି ତିରୁଝାହାଁ ତାନି ସାୟୁୟାଣି ସିନିକିହାନା ପିତରଇଁ ଦାକା ହାହାନା ଏଲେଇଚେସି, “ସୟତାନ, ନା ନକିଟି ହେକ ହାଲାମ୍, ଇଚିହିଁ ନୀନୁ ମାହାପୁରୁ କାତା ଅଣ୍‌ପାଆନା ମାଣସିୟାଁ କାତା ଅଣ୍‌ପିମାଞ୍ଜି □”

୩୪ *ଏମ୍ବାଟିଏ ଜୀସୁ ତାନି ସାୟୁୟାଁ ତଲେ ଲକୁଣି ହାଟାନା ଏଲେଇଚେସି, “ଆମ୍ବାଆସି ନା କ୍ଳେଟ ଝାହାଲି ମନ କିନେସି, ଆତିହିଁ ଏଝାସି ଜାହାରାଇଁ ପିସ୍‌ପେସି, ଇଞ୍ଜା ଏଝାସି ତାନି କୁସ୍‌ ଡେକାନା ନା କ୍ଳେଟ ଝାପେସି □

୩୫ *ଇଚିହିଁ ଆମ୍ବାଆସି ତାନି ଜୀସୁ ଗେଲ୍‌ପାଲି ମନ କିନେସି, ଏଝାସି ଏଦାଆଁ ହାଝି କିନେସି; ସାମା ଆମ୍ବାଆସି ନା ଡାକି ଇଞ୍ଜା ନେହିଁ କାଟୁତାକି ତାନି ଜୀସୁ ହାନ୍‌ନେସି, ଏଝାସି ଏଦାଆଁ ନୀଟ୍‌ନେସି □

୩୬ ଅଡ଼େ, ମାଣସି ଇ ଦାରୁଡିତା ମାନାଣି ବାରେ ମେଡ଼ି କିହାନା ତାନି ଜୀସୁଟି ହାଝି କିନେସି, ଆତିହିଁ ଏଝାଣାକି ଏନ୍‌ ଲାବା ?

୩୭ ଅଡ଼େ, ମାଣସି ତାନି ଜୀସୁଟି ବାଦୁଲି ଏନାଆଁ ହାହାଲି ଆଡ଼ିନେସି ?

୩୮ ଏଦାଆଁତାକି ଆମ୍ବାଆସି ଇ କାଲାଟି ଦାରି କିନାରି ଅଡ଼େ ପାପୁଗାଟି ଲକୁ ବିତ୍ତା ନାଜେ ଅଡ଼େ ନା ବଲୁ ତାକି ଲାଜା ଆନେସି, ମାଣସି ମୀରୁଏସି ଏଟିବେଲା ସୁଦୁ ଦୁଡୁୟାଁ ତଲେ ତାନି ଆବାତି ଗାସ୍ତୁରମି ତଲେ ଝାନ୍‌ନେସି, ଏଟିବେଲା ଏଝାସି ଜିକେଏ ଏଝାଣି କାତାତାକି ଲାଜା ଆନେସି □”



୧ ଅଡ଼େ ଜୀସୁ ତାନି ସାୟୁଣି ଏଲେଇଚେସି, “ନୀନୁ ମିଜେ ସାତା ଝେସିମାଞ୍ଜାଇଁ, ଇମ୍ବାଆଁ ଏଚରଜାଣା ମାନେରି ମାହାପୁରୁଟି ରାଜି ବାଡ଼ୁୟୁ ତଲେ ଝାନାଣି ମେହିଆ ପାତେକା ହାଆରି □”

ଜୀସୁ ଅର ଝାଣା ଆନାୟି
(ମାତି ୧୭:୧-୧୩; ଲୁକ ୯:୨୮-୩୬)

୨ *ଏ ଦିନା ତାୟୁ ଜୀସୁ ଝାରୁଇ ପିତର, ଜାକୁବ ଅଡ଼େ ଜହନଇଁ ତାନିତଲେ ଏଟ୍‌କା କିହାନା ଏଝାରାଇଁ ର ପାତାଆଡ଼ି ହରୁଡା ଅଡ଼େସି □ □

୩ ଅଡ଼େ ଏଝାସି ଏଝାରି ନକିତା ଅର ଝାଣା ଆଡ଼େସି, ଏଝାଣି ହିମ୍ବୁରି ଇଲେକିଁ ଉଜେଡ଼ି ଆହାନା ହାରେକା ଦବ୍‌ଲା ଆଡ଼େ, ଇ ଦାରୁଡିତା ଆମ୍ବାଆସି ଏଲେଟି ଦବ୍‌ଲା କିହାଲି ଆଡ଼ଅସି □

୪ ମସା ଅଡ଼େ ଏଲିୟ ଜୀସୁତଲେ ହାଡ଼ାକାତା ଆହିମାଗଣି ତାନି ଜାଣା ସାୟୁୟାଁ ମେସ୍ତେରି □

୫ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ଗୁରୁ ମାର ଇ ଗାୟୁତା ମାନାୟି ହାରେକା ନେହାୟି; ମାର ତାନିଗଟା ଗୁଡ଼ାୟାଁ କେପିନ, ନିଜେତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ □”

୬ ପିତର ଏନାଆଁ ଜଲାଲି ଆନେ ଇଞ୍ଜା ପୁଞ୍ଜା ହିଲାଆଡେସି, ଏନାଆଁତାକି ଇଚିହିଁ ଏଝାରି ହାରେକା ଆଜାମାଚେରି □

୭ *ଇଞ୍ଜା, ଇଚାୟି ଦୁନ୍ଦା ଝାହାନା ଏଝାରାଇଁ ପିକ୍‌ହେ, ଅଡ଼େ ଏ ଦୁନ୍ଦାଟି ଇ ହାଡ଼ା ଝାଡ଼େ, “ଇଝାସି ନା ଜୀସୁଟି ମୀରୁଏସି, ଇଝାଣି ବଲୁ ଝେଞ୍ଜୁ □”

୮ ବେଦୁଣିଏ ଏଝାରି ସାରିଝାକି ସିନିକିଚେରି, ତାନିତଲେ ଜୀସୁଇଁ ପିସ୍‌ପେ ଆମ୍ବାଆରାଇଁ ମେହିଆଡେରି □

୯ ଏଝାରି ହୁରୁଟି ରେଟା ଝାହି ମାଗାଟି ଜୀସୁ ଏଝାରାଇଁ ଜାଣେ ହୁକୁମି ହାହାନା ଏଲେଇଚେସି, “ମୀରୁ ଏନାଆଁ ମେସାମାଞ୍ଜେରି, ଏ ବାରେ ହାଡ଼ାରି ବିତ୍ତାଟି ମାଣସି ମୀରୁଏସି ଝେଣ୍ଡେ ନିଜ୍ଜାଆ ପାତେକା ଆମ୍ବାଆରାଇଁ ଝେହିଆଦୁ □”

୧୦ ଏମ୍ବାଟିଏ ଏଝାରି ଏ କାତା ଆସାନା “ହାଡ଼ାରି ବିତ୍ତାଟି ଝେଣ୍ଡେ ନିଜ୍ଜିନାୟି ଏନାୟି ?” ଏ କାତାଟି ତାନି ବିତ୍ତା ଝେସ୍‌ପି ଆଡ଼େରି □

* ୮:୩୪ ୮:୩୪ ମାତି ୧୦:୩୮; ଲୁକ ୧୪:୨୭ * ୮:୩୫ ୮:୩୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ * ୯:୨ ୯:୨ ୨ପିତ ୧:୧୭,୧୮ * ୯:୨ ୯:୨ ମାତି ୩:୧୭; ମାର୍କ ୧:୧୧; ଲୁକ ୩:୨୨

୧୧ *ଅଡ଼େ ଏଞ୍ଜାରି ଜୀସୁଙ୍କୁ ଖେଚେରି, “ନଚକଏ ଏଲିୟ ଖାନାୟି ଆନେ, ମେରାପୁନାରି ଏନିକିଁ ଇ କାତା ଖେହ୍ନେରି ?”

୧୨ ଏମ୍ବାଟିଏ ଜୀସୁ ଏଞ୍ଜାରାଙ୍କୁ ଏଲେଇଚେସି, “ଏଲିୟ ନଚକଏ ଖାହାନା ବାରେ ମେରା ଅଡ଼େ ଖେଣ୍ଡେ ଇଟିନାୟି ସାତା, ସାମା ମାଣସି ମୀରୁଏସି ହାଚେରକା ଦୁକୁ ବେଟାଆହାନା ଅପାଆଗାଟାସି ଆନେସି, ଇଦି ଏନିକିଁ ଏଞ୍ଜାଣି କାତା ରାସ୍କି ଆହାମାନେ ?

୧୩ ସାମା ନାନୁ ନିଜେ ଖେସିମାଞ୍ଜାଙ୍କୁ, ଏଲିୟ ଖାଚେସିଏ, ଅଡ଼େ ଏଞ୍ଜାଣି କାତା ଏନିକିଁ ରାସ୍କି ଆହାମାନେ, ଏଲେକିହଁ ଏଞ୍ଜାରି ଏଞ୍ଜାଣାଙ୍କୁ ଜିକେଏ ଏନାଆଁ ମନ ଏନାଆଁ କିହାମାନେରି □”

ବୃତ୍ତ ଆଲ୍‌ଗାମାଟି କକାଣାଙ୍କୁ ନେହଁକିନାୟି
(ମାଟି ୧୭:୧୪-୨୧; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ସୀସୁୟା ତାଣା ଖାହାନା ମେସ୍ତେରି, ଏଞ୍ଜାରି ସାରିଖାକି ହାଚେରକା ମାନ୍ଦା ଲକୁ ଅଡ଼େ ମେରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି □

୧୫ ଲକୁ ବାରେ ଏଞ୍ଜାଣାଙ୍କୁ ମେସ୍‌ପନିଏ ହାଚେରକା କାବାଆହାନା ଅଡ଼େ ଦାବ୍‌ଡ଼ି ଖାହାନା ଜହରା କିତେରି □

୧୬ ଏମ୍ବାଟିଏ ଜୀସୁ ଏଞ୍ଜାରାଙ୍କୁ ଖେଚେସି, “ମୀରୁ ଏଞ୍ଜାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି ?”

୧୭ ଲକୁ ବିତ୍ତାଟି ରଅସି ଏଞ୍ଜାଣାଙ୍କୁ ଏଲେଇଚେସି, “ଏ. ଗୁରୁ, ନାନୁ ନା. ମୀରୁଏଣାଙ୍କୁ ନୀ ତାଣା ତାଟାମାଚେସି; ଏଞ୍ଜାଣାଙ୍କୁ ର. ଗୁଲ୍ଲା ବୃତ୍ତ ଆଲ୍‌ଗାମାନେ □

୧୮ ଏନିନି ଚାୟୁତା ଏଦି ଏଞ୍ଜାଣାଙ୍କୁ ଆହ୍‌ନେ, ଏଞ୍ଜାଣାଙ୍କୁ ଡ଼ଇ ଡ଼କ୍‌ନେ, ଇଞ୍ଜାଁ ଏଞ୍ଜାଣି ଗୁଡ଼ିଟି ପମ୍ବୁଲି ହନେ, ଅଡ଼େ ଏଦି ପାଲକା ଚୀଟି କିନେ, ଇଞ୍ଜାଁ ଏଞ୍ଜାସି ଖାୟାହାକି ମାନେସି; ଏଞ୍ଜାଣାଙ୍କୁ ପିସ୍‌ପି କିହାଲି ନାନୁ ନୀ ସୀସୁୟାଙ୍କୁ ଏଲେଇଚେସି, ସାମା ଏଞ୍ଜାରି ଆଡ଼ାଆତେରି □”

୧୯ ଜୀସୁ ଏଞ୍ଜାରାଙ୍କୁ ଏଲେଇଚେସି, “ଆଡ଼େ ନାମାଆଗାଟି କୁଡ଼ାତାତେରି, ଏଚରଦିନା ନାନୁ ମୀ ତଲେ ଡ଼ୟିଙ୍କୁ ? ଏଚରଦିନା ମୀ ଲେମ୍‌ନାଣି ଅରୁହିଙ୍କୁ ? କକାଣାଙ୍କୁ ନା. ତାଣା ତାଦୁ □”

୨୦ ଏମ୍ବାଟିଏ ଏଞ୍ଜାଣାଙ୍କୁ ଜୀସୁ ତାଣା ତାତେରି □ ଅଡ଼େ, ଜୀସୁଙ୍କୁ ମେସ୍‌ପନିଏ ଏ. ବୃତ୍ତ ଏଞ୍ଜାଣାଙ୍କୁ ହାଚେରକା ଡ଼ରୁଞ୍ଜି କିଚେ ଇଞ୍ଜାଁ ବୁନିତା ତରୁଗାନା ଗୁଡ଼ିଟି ପମ୍ବୁଲି ହପୁହାନା ଡ଼ସାଲି ମାଡ଼ହେସି □

୨୧ ଏଚିବେଲ୍ଲା ଜୀସୁ ତାନି ଆବାଙ୍କୁ ଖେଚେସି, “ଏଚରଦିନା ଆଡ଼େ ଇଞ୍ଜାଣାଙ୍କୁ ଇଲେ କିହାମାନେ ?” ଏଞ୍ଜାସି ଏଲେଇଚେସି, “ଊଣା ଖେଡ଼ାଟିଏ

୨୨ ଏଦି ଏଞ୍ଜାଣାଙ୍କୁ ହାଞ୍ଜି କିହାଲି ଏଚେ ଏଚେତା ହିତୁତା ଅଡ଼େ ଏୟୁଣାଁ ମେଡ଼ହାମାନେ; ସାମା ନାନୁ ଏନାଆଁ କିହାଲି ଆଡ଼ିତ, ମାଞ୍ଜେ କାର୍ନା ଆହାନା ମା ସାୟେମି ଆୟାମୁ □”

୨୩ ଏମ୍ବାଟିଏ ଜୀସୁ ଏଞ୍ଜାଣାଙ୍କୁ ଏଲେଇଚେସି, “ଏନାଆଁ ଇଚି ? କିହାଲି ଆଡ଼ିତ, ଆମ୍ବାଆସି ନାନିନେସି ଏଞ୍ଜାଣାକି ବାରେଏ ଆନେ □”

୨୪ ଏ. ଦେବୁଣିଏ କକାଣି ତାନି ଆବା କାଜା ଗିୟାତଲେ ଏଲେଇଚେସି, “ନାନୁ ନାନିମାଙ୍କୁ ନା. ନାମାଆଗାଟାଣି ଗୁଡ଼ି କିହାଲି ସାୟେମି କିୟାମୁ □”

୨୫ ତାୟୁ ମାନ୍ଦା ଲକୁ ରହେଁଏ ହଚିହଁ ଖାହି ମାଟାଣି ମେସାନା, ଜୀସୁ ଏ. ପଲ୍‌ଆ ବୃତ୍ତୁଡ଼ି ଦକା ହାହାନା ଏଲେଇଚେସି, “ଆଡ଼େ ଗୁଲ୍ଲା ଅଡ଼େ ବେରା ବୃତ୍ତୁଡ଼ି, ନାନୁ ନିଜେ ହୁକୁମି ହାହିମାଞ୍ଜାଙ୍କୁ, ଇଞ୍ଜାଣି ତାଣାଟି ହଡ଼ାହାଲ୍ଲାମୁ, ଇଞ୍ଜାଁ ଏଚେଲ୍ଲା ଜିକେଏ ଇଞ୍ଜାଣି ତାଣା ହଡ଼ୁଆନି □”

୨୬ ଏମ୍ବାଟିଏ ଏଦି ହାଚେରକା କିରୁଡ଼ିହଁ କକାଣାଙ୍କୁ ଡ଼ରୁଞ୍ଜି କିହାନା ବୁନିତା ଡ଼କ୍‌ହାନା ହଡ଼ାହାଚେ, ଅଡ଼େ କକାସି ହାଡ଼ିଲେହେଁ ଆଡ଼େସି, ଇଲେକିହଁ ହାଚେରକା ଲକୁ ଏଲେଇଞ୍ଜିମାଚେରି, “କକାସି ହାଡ଼େସି □”

୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକ୍‌ହେସି, ଇଞ୍ଜାଁ ଏଞ୍ଜାସି ନିଚେସି □

୨୮ ଇଞ୍ଜାଁ ଜୀସୁ ଇଜ ଖାହାଲିଏ ତାନି ସୀସୁୟା ମେଣେଏ ଖେଚେରି, “ମୀମ୍ବୁ ଏନାଆଁତାକି ଏଞ୍ଜାଣାଙ୍କୁ ପିସ୍‌ପି କିହାଲି ଆଡ଼ାଆତନି ?”

୨୯ ଜୀସୁ ଏଞ୍ଜାରାଙ୍କୁ ଏଲେଇଚେସି, “ପ୍ରାତାନା* କିଆନା ଅଡ଼େ ଏନିକିଁ ଜିକେଏ ଇଲେଚି ବୃତ୍ତ ମେରହାଲି ଆଡ଼ାଆୟି □”

* ୯:୧୧ ୯:୧୧ ମାଟି ୧୧:୧୪ * ୯:୨୯ ୯:୨୯ ଏଚେକା ସାସ୍ତେରିତା ପ୍ରାତାନା ଇଞ୍ଜାଁ ଉପାସା ରାସ୍କି ଆହାମାନେ □

ତାନି ହାକିକି କାବୁ ଅଡ଼େ ଖେଣ୍ଡେ ଖେହ୍ନାୟି

(ମାତି ୧୭:୨୨-୨୩; ଲୁକ ୯:୪୩-୪୫)

୩୦ ଏଞ୍ଜାରି ଏ ଟାୟୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜା ଆମ୍ବାଆସି ପୁନାଆପେସି ଇଞ୍ଜି ଏଞ୍ଜାଣି ମନ ହିଲାଆଡେ;

୩୧ ଇଚିହ୍ ଜୀସୁ ତାନି ସୀୟୁୟାଣି ଇ କାତା ଖେସିହ୍ ଜାପୁହି ମାଚେସି, “ମାଣସି ମୀରୁଏସି ମାଣସିୟା କେୟୁତା ହେରପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ପାୟିନେରି, ଇଞ୍ଜା ଏଞ୍ଜାସି ହାଡ଼ି ତାୟୁ ତାନିଦିନା ଜେଟ ଖେଣ୍ଡେ ନିଜ୍ଜିନେସି”

୩୨ ସାମା ଏଞ୍ଜାରି ଏ କାତାଟି ତେଲହାଆଡେରି, ସାମା ଏଞ୍ଜାଣାଇଁ ଖେଞ୍ଜାଲି ଆଜିମାଚେରି □

ଆମ୍ବାଆସି କାଜାସି

(ମାତି ୧୮:୧-୫; ଲୁକ ୯:୪୬-୪୮)

୩୩ ତାୟୁ ଏଞ୍ଜାରି କପରନାହୁମତା ଖାଡେରି □ ଜୀସୁ ଇଜ ଏଜାନା ସୀୟୁୟାଣି ଖେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି?”

୩୪ ଏସାମା ଏଞ୍ଜାରି ହାଡ଼ା ଆଆନା ପାଲେଏ ଡୁୟିଚେରି, ଇଚିହ୍ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି □

୩୫ ଏସାମାଟିଏ ଜୀସୁ କୁଜାନା ବାର ଜାଣାଇଁ ହାଡ଼ିଚେସି ଇଞ୍ଜା ଏଞ୍ଜାରାଇଁ ଏଲେଇଚେସି, “ଇଚିହ୍ ଆମ୍ବାଆସି କାଜାସି ଆହାଲି ମନ କିନେସି, ଆଚିହ୍ ଏଞ୍ଜାସି ବାରେଡି କିହାଁ ଉଣା ଅଡ଼େ ବାରେଡି ସେବା କିନସି ଆପେସି”

୩୬ ଅଡ଼େ ଏଞ୍ଜାସି ର ଉଣା କକାଣାଇଁ ଅହାନା ଏଞ୍ଜାରି ମାଦି ନିପୁହେସି ଇଞ୍ଜା ଏଞ୍ଜାଣାଇଁ ପମାନା ଏଞ୍ଜାରାଇଁ ଏଲେଇଚେସି,

୩୭ “ଆମ୍ବାଆସି ନା ଦରୁ ତାକି ଇଲେଡି ଉଣା କକାରି ବିଡ୍ରାଟି ରଅଣାଇଁ ଆବିନେସି, ଏଞ୍ଜାସି ନାଜେ ଆବାନେସି; ଅଡ଼େ ଆମ୍ବାଆସି ନାଜେ ଆବାନେସି, ଏଞ୍ଜାସି ଖାରୁଇ ନାଜେ ଆବଅସି, ସାମା ନାଜେ ପାଣ୍ଡାତାଣାଇଁ ଜିକେଏ ଆବିନେସି”

ମା କପାରି ନିଜାଆ ଗାଟାସି ମା ତଲେତାସି

(ଲୁକ ୯:୪୯-୫୦)

୩୮ ଜହନ ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମା ଗିତା ହିଲାଆଗାଟାସି ରଅସି ନୀ ଦରୁତଲେ ବୁଡୁଣି ପେରୁହି ମାଗାଣି ମେସୁମି, ଇଞ୍ଜା ଏଞ୍ଜାସି ମା ଗିତା ହିଲାଆତାକି ଏଞ୍ଜାଣାଇଁ କାହିକିତମି □”

୩୯ ସାମା ଜୀସୁ ଏଲେଇଚେସି, “ଏଞ୍ଜାଣାଇଁ କାହିକିଆଦୁ; ଇଚିହ୍ ନା ଦରୁତଲେ କାବାଆନି କାମା କିହାନା ଖେଣ୍ଡେ ନାଜେ ନିଦା କିୟାନେସି, ଇଲେଡି ଲକୁ ଆମ୍ବାଆସି ହିଲଅସି;

୪୦ ଇଚିହ୍ ଆମ୍ବାଆସି ମା କପାରି ନିଜାଆ ଗାଟାସି ଏଞ୍ଜାସି ମା ତଲେତାସି □

୪୧ ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ କ୍ରୀସୁତି ଲକୁ ଇଞ୍ଜି ଆମ୍ବାଆସି ଜିକେଏ ମିଜେ ଜାଡେକା ଏୟୁ ଗସାଲି ହିୟାନେସି, ଏଞ୍ଜାସି ଏନିଜିକେଏ ତାନି ଦାନାଡି ଜାକ୍ଅସି □”

ନାମୁତା ପାପୁ କିଞ୍ଜି କିନାଣି ତଣ୍ଡ

(ମାତି ୧୮:୬-୯; ଲୁକ ୧୭:୧-୨)

୪୨ ଅଡ଼େ ଆମ୍ବାଆସି ନାମାମାନି ଇ ଉଣାୟାଁ ବିଡ୍ରାଟି ରଅଣାଇଁ ପାପୁ କିଞ୍ଜି କିନେସି, ଏଞ୍ଜାଣି ହେରକିତା କାଜା ଜେତାଞ୍ଜାଲି ଦସାନା ଏଞ୍ଜାଣାଇଁ ସାମଦୁରିତା ମେଡୁହିହ୍ ନେହେ ଆଡେତମା □

୪୩ ଏମୀ କେୟୁ ମିଜେ ପାପୁ କିଞ୍ଜିକିୟାନେ, ଇଚିହ୍ ଏଦାଆଁ ଜାଟାନା କୁତାଦୁ; ରୀ କେୟା ମାଞ୍ଜାନା ନର୍କ ଇଚିହ୍ ତୁମ୍ବାଆଗାଟି ହିରୁ ଗାଡୁୟୁତା ମେଡୁପି ଆନି ବାଟା କଲା ଆହାନା ଜୀଞ୍ଜୁତା ହଡୁନାୟି ମିଜେ ତାକି ନେହେଁ □

୪୪ ଇଚିହ୍ ନର୍କତା ଏମାଡି ପିଡୁକା ଏଚେଲା ହାଡ଼, ଅଡ଼େ ହିରୁ ଏଚେଲା ତୁମ୍ବେଏ †

୪୫ ଅଡ଼େ ମୀ କତା ମିଜେ ପାପୁ କିଞ୍ଜିକିୟାନେ, ଏଦାଣି ରାଡୁହା କୁତାଦୁ, ରୀ କତାୟାଁ ନେହେଁ ମାଞ୍ଜାନା ନର୍କତା ମେଡୁପି ଆନି ବାଟା ସଟା ଆହାନା ଜୀଞ୍ଜୁତା ହଡୁନାୟି ମିଜେ ତାକି ନେହେଁ □

* ୯:୩୪ ୯:୩୪ ଲୁକ ୨୨:୨୪ * ୯:୩୫ ୯:୩୫ ମାତି ୨୦:୨୬,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୬ * ୯:୩୭ ୯:୩୭ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦ * ୯:୪୦ ୯:୪୦ ମାତି ୧୨:୩୦; ଲୁକ ୧୧:୨୩ * ୯:୪୧ ୯:୪୧ ମାତି ୧୦:୪୨ * ୯:୪୩ ୯:୪୩ ମାତି ୫:୩୦ † ୯:୪୪ ୯:୪୪ କଚେକା ସାସ୍ତେରିତା ଇ କାତା ରାସ୍ତି ଆହାହିଲେଏ □

୪୬ ଇଚିହ୍ ନର୍କତା ଏମ୍ବାତି ପିଡ଼କା ଏଚେଲା ହାଉ, ଅଡ଼େ ହିଚୁ ଏଚେଲା ତୁମ୍ବେଏ †

୪୭ *ଇଞ୍ଜା ମୀ କାନୁ ମିଜେ ପାପୁ କିଞ୍ଜିକିୟାନେ ଇଚିହ୍ ଏଦାନି ଡ଼େଞ୍ଜା କୁତାପୁ, ରୀ କାଣକା ନେହେ ମାଞ୍ଜାନା ନର୍କତା ମେଡ଼ପି ଆନି କିହ୍ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଜେ ତାକି ନେହେ
□

୪୮ ଇଚିହ୍ ନର୍କତା ଏମ୍ବାତି ପିଡ଼କା ଏଚେଲା ହାଉ, ଅଡ଼େ ହିଚୁ ଏଚେଲା ତୁମ୍ବେଏ □

୪୯ “ହାରୁ ତଲେ ଏନିକି ପୂଜା ହାନାୟି ସୁଦୁ ଆନେ, ଏଲେକିହ୍ ଏ ହିଚୁତଲେ ବାରେ ସୁଦୁ କିଞ୍ଜିଆନେ □”

୫୦ *“ହାରୁ ନେହାୟି, ସାମା ହାରୁ ମୁଆସାରେ ଆତିହ୍ ଏନିକି ମୁପି କିନାୟି ଆନେ ? ମୀରୁ ମୀ ତାଣା ହାରୁ ଲେହେ ଆଦୁ, ଅଡ଼େ ରଅତେରି ରଅଣାକି ହିଚୁଡ଼ି ଜାଞ୍ଜୁତଲେ ନେହ୍ ଆହ୍ ଡ଼ୟାଦୁ □”

୧୦

ତକ୍ତି ତକ୍ତା ପିସ୍ପିଆନି କାତା ଜୀସୁ ଜାପୁନାୟି (ମାତି ୧୯:୧-୧୨; ଲୁକ ୧୭:୧୮)

୧ ଏ ଚାମୁଟି ଜୀସୁ ହାଜାନା ଜାହୁଦା ରାଜିତି ହାନ୍ଦି ଅଡ଼େ ଜର୍ଦନ କାତା ଆତାଲାଞ୍ଜାକି ଖାଡ଼େସି; ଇଞ୍ଜା ଲକୁ ଅଡ଼େ ଖେଣ୍ଡେ ଏଞ୍ଜାଣି ତାଣା ରୁଣ୍ଡା ଆହାଲିଏ, ଏଞ୍ଜାସି ତାନି ମେରା ଲେହେ ଏଞ୍ଜାରାଇଁ ଅଡ଼େ ଜାପୁହାଲି ମାଟୁହେସି □

୨ ଏମ୍ବାଟିଏ ପାରୁସିୟା ଏଞ୍ଜାଣି ତାଣା ଖାହାନା ଏଞ୍ଜାଣାଇଁ ତାୟିପାରିକିହ୍ ଖେଚେରି, “ଜାହାରା ତକ୍ତିନି ପିସାଲି ଆବାୟାକି ମେରା କି ?”

୩ ଜୀସୁ ଏଞ୍ଜାରାଇଁ ଏଲେଇଚେସି, “ମସା ମିଜେ ଏନି ହୁକୁମି ହାହାମାଞ୍ଜାନେସି ?”

୪ *ଏଞ୍ଜାରି ଏଲେଇଚେରି, “ପିହ୍ନି ଆକୁ ରାଚାନା ତକ୍ତିନି ପିସାଲି ମସା ହେଲ ହାହାମାଞ୍ଜାନେସି □”

୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମୀ ଆଟୁଞ୍ଜା ହିୟାତି ମେସାନା ଏଞ୍ଜାସି ମିଜେତାକି ଇ ହୁକୁମି ରାଚାନାମେସି □

୬ ସାମା ମାଣସି ଗାଡ଼ି ଆଡ଼ି ବେଲାଟିଏ ଏଞ୍ଜାସି ଏଞ୍ଜାରାଇଁ ଆୟା ଅଡ଼େ ଆବା କିହ୍ ମାହାପୁରୁ ଗାଡ଼ିକିଚେସି □

୭ ଏଦାଆଁତାକି ଆବା ତାଲି ତାଞ୍ଜିଇଁ ପିହ୍ନେସି, ଇଞ୍ଜା ତାନି ତକ୍ତି ତଲେ ଆଣିନେସି,

୮ ଇଞ୍ଜା ଏଞ୍ଜାରି ରିଆରି ଆଏ, ସାମା ରଣ୍ଡିଏ ଆଜ୍ଞା ଆନେରି □

୯ ଇଞ୍ଜା ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣସି ଏଦାଆଁ ଏଟକା କିଆପେସି □”

୧୦ ତାୟୁ ସାସୁୟା ଇଜ ଇ କାତାତି ଜୀସୁଇଁ ଅଡ଼େ ଖେଣ୍ଡେ ଖେଚେରି □

୧୧ *ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆମ୍ବାଆସି ତାନି ତକ୍ତିନି ପିସାନା ଏଟକାତାଣି ବୀହା ଆନେସି, ଏଞ୍ଜାସି ତଲିତି ତକ୍ତିନି କପାଟି ଦାରିକାମା କିନେସି □

୧୨ ଅଡ଼େ ତକ୍ତି ତାନି ତକ୍ତାଇଁ ପିସାନା ଏଟକାତାଣାଇଁ ବୀହା ଆନେ, ଆତିହ୍ ଏଡ଼ି ଦାରିକାମା କିନେ
□”

କକାରି ପଦାଣି ଜୀସୁ ବର ହାନାୟି (ମାତି ୧୯:୧୩-୧୫; ଲୁକ ୧୮:୧୫-୧୭)

୧୩ ଏଞ୍ଜାସି ଏନିକି କକାରି ପଦାଣି ତାଗିନେସି, ଏଦାଆଁତାକି ଲକୁ ଏଞ୍ଜାରାଇଁ ଜୀସୁ ତାଣା ତାଗାଲି ମାଟୁହେରି; ସାମା ସାସୁୟା ଏଞ୍ଜାରାଇଁ ଦାକା ହାତେରି □

୧୪ ଜୀସୁ ଏଦାଆଁ ମେସା କାରବି ଆହାନା ଏଞ୍ଜାରାଇଁ ଏଲେଇଚେସି, “କକାରି ପଦାଣି ନା ତାଣା ଖାହାଲି ହାଦୁ, ଏଞ୍ଜାରାଇଁ ଆଗାଆଦୁ; ଇଚିହ୍ ମାହାପୁରୁତି ରାଜି ଇଲେତି ଲକୁତାୟି □

୧୫ *ନାନୁ ମିଜ ସାତା ଖେସିମାଞ୍ଜାଇଁ, ଆମ୍ବାଆସି କକାରି ପଦାୟା ଲେହେ ମାହାପୁରୁତି ରାଜି ଆବଅସି, ଏଞ୍ଜାସି ଏନିଜିକେଏ ଏମ୍ବାଆଁ ହଡ଼ାଲି ଆଡ଼ଅସି □”

୧୬ ଇଞ୍ଜା ଏଞ୍ଜାସି ଏଞ୍ଜାରାଇଁ କତାଣା ଜଜ୍ଞାନା ଏଞ୍ଜାରି ଲାକ କେୟୁ ଇଟାନା ବର ହାତେସି □

† ୯:୪୭ ୯:୪୭ କଚେକା ସାପ୍ତେରିତା ଇ କାତା ରାୟି ଆହାହିଲେଏ □ * ୯:୪୭ ୯:୪୭ ମାତି ୫:୨୯ * ୯:୫୦ ୯:୫୦ ମାତି ୫:୧୩; ଲୁକ ୧୪:୩୪,୩୫ * ୧୦:୪ ୧୦:୪ ମାତି ୫:୩୧ * ୧୦:୧୧ ୧୦:୧୧ ମାତି ୫:୩୭; ୧କର ୭:୧୦,୧୧ * ୧୦:୧୫ ୧୦:୧୫ ମାତି ୧୮:୩

ର ଦନ ଗାତି ଦାଂଗଣେଏସି
(ମାତି ୧୯:୧୭-୩୦; ଲୁକ ୧୮:୧୮-୩୦)

୧୭ ଜୀସୁ ଅଡ଼େ ଖେଣ୍ଡେ ହାଜିମାଚାଟି ରଅସି ଦାବଡ଼ି ଖାହାନା ଏଞ୍ଜାଣି ନକିତା ମେଣ୍ଡାକୁତାନା ଏଞ୍ଜାଣାଇଁ ଖେରେସି, “ଏ ନେହଁ ଗୁରୁ କାଲ୍ଲାକାଲ୍ଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ ?”

୧୮ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇରେସି, “ନାଜେ ନେହଁତି ଇଞ୍ଜିଁ ଏନାଆଁତାକି ଏଲେଇଞ୍ଜି ମାଞ୍ଜାତି ? ରଅଣି ପିସ୍‌ପେ ଇଚିହଁ ମାହାପୁରୁ ପିସ୍‌ପେ ଅଡ଼େ ଆମ୍ବାଆସି ନେହଁସି ହିଲଅସି □

୧୯ ନାନୁ ସାସ୍‌ପୁରିଚି ବାରେ ହୁକୁମିକା ପୁଞ୍ଜାମାଞ୍ଜି, ଲକୁଣି ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିଚି ସାକି ଜଲ୍ଲାଆଦୁ, ଲକୁଣି ନାଡ଼ି କିଆଦୁ, ଇଞ୍ଜା ତାଲି ତାଞ୍ଜିଇଁ ଜୀସୁନଦୁ □”

୨୦ ଏଞ୍ଜାସି ଏଞ୍ଜାଣାଇଁ ଏଲେଇରେସି, “ଏ ଗୁରୁ ଇ ବାରେ ନାନୁ ଉଣା ଶ୍ରେଡ଼ାଟିଏ ମାନୁଞ୍ଜି ଆହିମାଇଁ □”

୨୧ ଜୀସୁ ଏଞ୍ଜାଣାଇଁ ତୀରେ ସିନିକିହାଁ ଜୀସୁ ନଡ଼େସି ଇଞ୍ଜାଁ ଏଲେଇରେସି, “ନାନୁ ର କାମାତା ଉଣା ମାଞ୍ଜି, ନାନୁ ହାଜାନା ନୀ ଦନ ବାରେ ପାରତାନାହାଁ ହିଲଆ ଗାଟାରାକି ଦାନା ହୀମୁ, ଅଡ଼େ ନା ଜେଚ ଖାମୁ, ଇଞ୍ଜା ନାନୁ ଲାକପୁରୁ ଦନ ବେଟାଆଡ଼ି □”

୨୨ ସାମା ଇ କାତାତା ଏଞ୍ଜାଣି ମୁମୁ ହାପୁଲି ଆହାହାଚେ, ଇଞ୍ଜାଁ ଏଞ୍ଜାସି ଦୁକୁ ଆହାନା ହାରେସି, ଇଚିହଁ ଏଞ୍ଜାଣାକି ହାରେକା ଦନ ମାଚେ □

୨୩ ଏମ୍ବାଟିଏ ଜୀସୁ ସାରିଞ୍ଜାକି ସିନିକିହାନା ତାନି ସୀସୁୟାଁଣି ଏଲେଇରେସି, “ଦନ ଗାଟାରି ହାରେକା କସ୍‌ତଲେ ମାହାପୁରୁ ରାଜିତା ହଡ଼ନେରି □”

୨୪ ଏଞ୍ଜାଣି କାତା ଖେଞ୍ଜାନା ସୀସୁୟାଁ କାବା ଆଡ଼େରି, ସାମା ଜୀସୁ ଅଡ଼େ ଖେଣ୍ଡେ ଏଞ୍ଜାରାଇଁ ଏଲେଇରେସି, “ଆଡ଼େ କକାତେରି ମାହାପୁରୁ ରାଜିତା ହଡ଼ନାୟି ହାରେକା କସ୍‌ □

୨୫ ମାହାପୁରୁଚି ରାଜିତା ଦନ ଗାଟାରି ହଡ଼ନି କିହାଁ ସୂଜା କାଣିଚି ଉଡ଼ୁ ହଡ଼ନାୟି ଉସାସା □”

୨୬ ଏମ୍ବାଟିଏ ଏଞ୍ଜାରି ହାରେକା କାବାଆହାନା ତାମୁ ତାମୁସୁ କାତା ଆଡ଼େରି, “ଆଡିହଁ ଆମ୍ବାଆସି ଗେଲୁପି ଆହାଲି ଆଡ଼ିନେସି ?”

୨୭ ଜୀସୁ ଏଞ୍ଜାରାଇଁ ତୀରିତଲେ ସିନିକିହାନା ଏଲେଇରେସି, “ଇପି ମାଣ୍ଡିକି ଆଡ଼ାଆଗାଟାୟି, ସାମା ମାହାପୁରୁକି ଆଏ; ଇଚିହଁ ମାହାପୁରୁ ବାରେ କିହାଲି ଆଡ଼ିନେସି □”

୨୮ ପିଚର ଏଞ୍ଜାଣାଇଁ ଏଲେଇରେସି, “ମେହ୍‌ମୁ ମାମୁ ବାରେ ପିସାନା ନୀ ଜେଚ ଖାଞ୍ଜାମାନମି □”

୨୯ ଜୀସୁ ଏଲେଇରେସି, “ନାନୁ ମିଜେ ସାତା ଖେସିମାଞ୍ଜାଇଁ, ଆମିନି ଲକୁ ନା ନେହଁ କାବୁତାକି ଇଲୁ କି ତାୟିକି ତାଞ୍ଜି କି ତାଲି, ତାଞ୍ଜି, କକାରି ପଡ଼ାଁଣି କି ବୁମି ବାଡ଼ା ପିସାମାନେରି,

୩୦ ଅଡ଼େ ଇ କାଲ୍ଲାତା କସ୍‌ ବେଟାଆହଁ, ଖାଞ୍ଜା ଗୁଣ୍ଡୁଚି ଇଲ୍ଲକା, ତାୟି, ତାଞ୍ଜି, ତାଲି ତାଞ୍ଜି, କକାରି ପଡ଼ାୟାଁ ଅଡ଼େ ବୁମି ବାଡ଼ା, ଇଞ୍ଜାଁ ଖାନ୍ତି ଜୁଗୁତା କାଲ୍ଲାକାଲ୍ଲାତି ଜୀସୁ ବେଟାଆସି, ଇଲେଚି ଲକୁ ଆମ୍ବାଆସି ହିଲଅସି □

୩୧ *ସାମା ନକିତା ମାନି ହାରେକା ଲକୁ ତାୟି ଆନେରି, ଇଞ୍ଜାଁ ତାୟି ମାନି ହାରେକା ଲକୁ ନକିନେରି □”

ଜୀସୁ ତାନି ପାଲି ତାନି ହାନ୍ତି କାତା ଖେହ୍‌ନାୟି
(ମାତି ୨୦:୧୭-୧୯; ଲୁକ ୧୮:୩୧-୩୪)

୩୨ ଏଞ୍ଜାରି ଜିରୁସାଲମତା ହାଜିମାଚାଟି ଜିରୁତା ମାଚେରି ଇଞ୍ଜାଁ ଜୀସୁ ଏଞ୍ଜାରି ନକି ନକିତା ହାଜିମାଚେସି, ଅଡ଼େ ଏଞ୍ଜାରି କାବାଆହାନା ତାୟି ଖାହିମାନି ଲକୁ ଆଜାମାଚେରି, ଇଞ୍ଜାଁ ଏଞ୍ଜାସି ଖେଣ୍ଡେ ବାରଜାଣାଚି ଏଟ୍‌କା କିହାନା ତାଜେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଞ୍ଜାରାଇଁ ଖେସାଲି ମାଟ୍‌ହେସି □

୩୩ ଜୀସୁ ଏଲେଇରେସି, “ମେହ୍‌ମୁ ମାରୁ ଜିରୁସାଲମତା ହାଜିମାନାୟି; ମାଣ୍ଡିସି ମୀରୁଏସି କାଜା ପୁଜେରାଞ୍ଜା ଅଡ଼େ ମୋରାପୁନାରି କେୟୁତା ହେରପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ହାନ୍ତି ଡ଼ଣ୍ଡ ହୀହାନା ଏଟ୍‌କା କୁତାତାରି କେୟୁତା ହେରପିନେରି,

୩୪ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ କିଜଞ୍ଜି କିନେରି, ଏଞ୍ଜାଣିଲାକ ହୁପିନେରି, ଏଞ୍ଜାଣାଇଁ ସାବୁଣି ତଲେ ଖେନେରି, ଇଞ୍ଜାଁ ପାୟିନେରି, ଅଡ଼େ ତାନି ଦିନାଟିଏ ଖେଣ୍ଡେ ନିଜିନେସି □”

* ୧୦:୩୧ ୧୦:୩୧ ମାତି ୨୦:୧୭; ଲୁକ ୧୩:୩୦

ଜାକୁବ ଅଡ଼େ ଜହନ ବାତିମାଲିନାୟି

(ମାତି ୨୦:୨୦-୨୮)

୩୫ ତାୟୁ ଜେବଦି ମାର୍ଚ୍ଚକା ଜାକୁବ ଅଡ଼େ ଜହନ ଜୀସୁ ତାଣା ଖାହାନା ଏଲେଇଚେରି, “ଏ ଗୁରୁ ମା ଅଣ୍ଟୁ ମାମ୍ବୁ ନୀ ତାଣାଟି ଏନାଆଁ ରାହନମି ଏଦାଆଁ ମା ତାକି ନୀନୁ କିମ୍ପୁ □”

୩୬ ଇଞ୍ଜା ଜୀସୁ ଏଞ୍ଜାରାଇଁ ଖେଚେସି, “ନାନୁ ମା ତାକି ଏନାଆଁ କିଇଁ ଇଞ୍ଜାଁ ମୀରୁ ଅଣ୍ଟିମାଞ୍ଜେରି ?”

୩୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ନୀନୁ ଗାଞ୍ଜୁରମିଗାଟି ରାଜିତା କୁଗିସାରେ ଏନିକଁ ମା ବିତ୍ରାଟି ରଅତମି ନୀ ଚିଝିନି ଚଟ ଅଡ଼େ ରଅତମି ନୀ ଚେହି ଚଟ କୁଗିନମି ଇ ବର ମାଙ୍ଗେ ହିୟାମ୍ପୁ □”

୩୮ *ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜାହିଲଅଡେରି □ ନାନୁ ଆମିନି ସଲ୍ଲାତା ଗସିମାଇଁ, ଏମ୍ପାଆଁ ମୀରୁ ଗସାଲି ଆଡ଼ିଦେରି ? ଇଞ୍ଜାଁ ନାନୁ ଆମିନି ବାପ୍ତିସ୍ମତା* ବାପ୍ତିସ୍ମାଁ ଅହିମାଇଁ ଏମ୍ପାଆଁ ମୀରୁ ବାପ୍ତିସ୍ମାଁ ଆହାଲି ଆଡ଼ିଦେରି ?”

୩୯ ଏଞ୍ଜାରି ଏଲେଇଚେରି, “ଆଡ଼ିନମି □”

ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଆମିନି ସଲ୍ଲାତା ଗସିମାଇଁ ଏମ୍ପାଆଁ ଗସାଲି ଆଡ଼ିଦେରି, ଇଞ୍ଜାଁ ନାନୁ ଆମିନି ବାପ୍ତିସ୍ମତାସି ବାପ୍ତିସ୍ମାଁ* ଆହିମାଇଁ ମୀରୁ ଏମ୍ପାଆଁ ବାପ୍ତିସ୍ମାଁ ଆଡ଼ିଦେରି;

୪୦ ସାମା ନା.ଚିଝିନି ଅଡ଼େ ଚେଟ୍ଟିଞ୍ଜାକି କୁଗାଲି ହାହାଲି ନା.ଅଦକାରାଟି କାତା ଆଏ, ଆମ୍ପାଆରାକି ମାହାପୁରୁ ଚାୟୁ କେପାମାନେସି ଏଞ୍ଜାରି କୁଗିନେରି □”

୪୧ ଏଚକାଟି ଦସ ଜାଣା ଇଦାଆଁ ଖେଞ୍ଜାନା ଜାକୁବ ଅଡ଼େ ଜହନଇଁ କାର୍ବି ଆହାଲି ମାଟ୍‌ହେରି □

୪୨ *ଏମ୍ପାଟିଏ ଜୀସୁ ଏଞ୍ଜାରାଇଁ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଚକା କୃତାଟି ସାଲ୍‌ଞ୍ଜି କିନାରି ଲେହେଁ ଆହାମାନେରି, ଏଞ୍ଜାରି ଲାକ ସାଲ୍‌ଞ୍ଜି କିନେରି, ଅଡ଼େ ଏଞ୍ଜାରି କାଜାପାଣା ଗାଟାରି ଏଞ୍ଜାରି ମୁହେଁ ସାଲ୍‌ଞ୍ଜି କିନେରି, ଇଦାଆଁ ମୀରୁ ପୁଞ୍ଜୁ □

୪୩ *ସାମା ମା ବିତ୍ରା ଏଲେକିହଁ ଆଏ; ସାମା ମା ବିତ୍ରା ଆମ୍ପାଆସି କାଜାସି ଆହାଲି ମନ୍ କିନେସି, ଏଞ୍ଜାସି ମା ସେବା କିପେସି,

୪୪ ଅଡ଼େ ମା ବିତ୍ରା ଆମ୍ପାଆସି କାଜାସି ଆହାଲି ମନ୍ କିନେସି, ଏଞ୍ଜାସି ବାରେଟି ହଲେଏସି ଆପେସି □

୪୫ ଇଚିହଁ ମାଣ୍ଡସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଇଞ୍ଜାଁ ହାଚେରକା ଲକୁଣି ପାପ୍ତିଟି ପିସପି କିହାଲିତାକି ତାନି ଜୀସୁ ହାହାଲି ଖାହାମାନେସି □”

ଜୀସୁ ବାଟିମୟ କାଣାଇଁ ନେହଁ କିନାୟି

(ମାତି ୨୦:୨୯-୩୪; ଲୁକ ୧୮:୩୫-୪୩)

୪୬ ତାୟୁ ଏଞ୍ଜାରି ଜିରିହତା ଏଗାଡେରି, ଅଡ଼େ ଏଞ୍ଜାସି ତାନି ସୀସୁୟାଁ ଇଞ୍ଜାଁ ମାମା ଲକୁଚଲେ ଜିରିହଟି ହାଜିମାନି ବେଲ୍‌ତା ଟିମାୟ ମୀରୁଏସି ବାଟିମୟ ଦରୁଗାଟି ର.କାଣା, ରାସପାଲି ଜିରୁ ଦାରିତା କୁଗାମାଚେସି □

୪୭ ଏଞ୍ଜାସି ନାଜ୍‌ରିତତି ଜୀସୁ, ଇମ୍ପାଟି ହାଜିମାନେସି ଇଞ୍ଜାଁ ଖେଞ୍ଜାନା ଏଞ୍ଜାସି କାଜା ଗିୟାତଲେ ଏଲେଇଚେସି, “ଏ ଦାଞ୍ଜୁଦ ମୀରୁଏଣାଟି ଜୀସୁ ନାଙ୍ଗେ କାର୍ମା ମେସ୍‌ପାମ୍ପୁ □”

୪୮ ଏମ୍ପାଟିଏ ହାଚେରକା ଲକୁ ଏଞ୍ଜାଣାଇଁ ପାଲେଏ ଆହାଲି ଦାକା ହାଚେରି, ସାମା ଏଞ୍ଜାସି ଅଡ଼େ କାଜା ହାଡ଼ାତଲେ ଏଲେଇଚେସି, “ଏ ଦାଞ୍ଜୁଦ ମୀରୁଏଣାଟି ଜୀସୁ ନାଙ୍ଗେ କାର୍ମା ମେସ୍‌ପାମ୍ପୁ □”

୪୯ ଏମ୍ପାଟିଏ ଜୀସୁ ନିତାନା ଏଲେଇଚେସି, “ଏଞ୍ଜାଣାଇଁ ହାଟାମ୍ପୁ □” ଏଞ୍ଜାରି ଏ.କାଣାଇଁ ହାଟାନା ଏଲେଇଚେରି, “ସାସା ଆହାନା ନିଙ୍ଗାମ୍ପୁ, ଏଞ୍ଜାସି ନିଙ୍ଗେ ହାଟିମାଞ୍ଜାନେସି □”

୫୦ ଏମ୍ପାଟିଏ ଏଞ୍ଜାସି ନିଙ୍ଗାନା ତାନି ହିମ୍ପୁରି କୁତାନା ଜୀସୁ ତାଣା ଖାଚେସି □

୫୧ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନିଙ୍ଗେତାକି ଏନାଆଁ କିଇଁ ଇଞ୍ଜାଁ ନୀନୁ ଅଣ୍ଟିମାଞ୍ଜି ?” ଏ.କାଣା ଏଞ୍ଜାଣାଇଁ ଏଲେଇଚେସି, “ଏ ଗୁରୁ ନାନୁ ଏନିକଁ ମେସାଲି ଆଡ଼ିଇଁ □”

୫୨ ଜୀସୁ ଏଞ୍ଜାଣାଇଁ ଏଲେଇଚେସି, “ହାଲ୍‌ମାମ୍ପୁ ନୀ ନାମ୍ପୁ ନିଙ୍ଗେ ନେହଁ କିୟାତେ □” ଏ.ଦେବୁଣିଏ ଏଞ୍ଜାସି ମେସାଲି ଆଡ଼ିଚେସି, ଇଞ୍ଜାଁ ଏଞ୍ଜାରି ଜେଟ ଜେଟ ହାଚେସି □

* ୧୦:୩୮ ୧୦:୩୮ ଲୁକ ୧୨:୫୦ * ୧୦:୩୮ ୧୦:୩୮ ମୁଞ୍ଜିନାୟି † ୧୦:୩୮ ୧୦:୩୮ ମୁଞ୍ଜିନାୟି ‡ ୧୦:୩୮ ୧୦:୩୮ ମୁଞ୍ଜିନାୟି
§ ୧୦:୩୯ ୧୦:୩୯ ମୁଞ୍ଜିନାୟି * ୧୦:୩୯ ୧୦:୩୯ ମୁଞ୍ଜିନାୟି † ୧୦:୩୯ ୧୦:୩୯ ମୁଞ୍ଜିନାୟି * ୧୦:୪୨ ୧୦:୪୨ ଲୁକ
୨୨:୨୫,୨୬ * ୧୦:୪୩ ୧୦:୪୩ ମାତି ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୬

୧୧

ଜୀସୁ ଜିରୁସାଲମତା ହତ୍ତନାୟି

(ମାତ ୨୧:୧-୧୧; ଲୁକ ୧୯:୨୮-୪୦; ଜହ ୧୨:୧୨-୧୯)

୧ ଏତିବେଲା ଏଝାରି ଜିରୁସାଲମ ତାଗେ ଆହାନା ଜୀତ ହୁରୁ ତାଗେ ବେତ୍‌ପାଗି ଇଞ୍ଜା ବେତନିୟାଁ ତାଗେ ଖାତେରି, ଏତିବେଲା ଏଝାସି ତାନି ସୀସୁୟାଁ ବିତ୍ରାଟି ରିଆରାଇଁ ଇ କାତା ଝେସା ପାଣ୍ଡିତେସି,

୨ “ମୀ ନକିତା ମାନି ଏ ନାୟୁଁତା ହାଲୁ; ଏ ନାୟୁଁତା ହତ୍ତଞ୍ଜନିଏ ଆମିନି ଲାକ ଆମ୍ବାଆରି ଏତେଲା ହତା ହିଲଅରି ଇଲେତି ର ଗାତ୍‌ଦେ ତାଲୁତି ଦସାମାନାଣି ମେହ୍‌ଦେରି; ଏଦାନି ହୁକହାନା ତାବୁ □

୩ ଅଡ଼େ ଆମ୍ବାଆସି ଏନାଆଁ କିହିମାଞ୍ଜେରି ଇଞ୍ଜି ମିଙ୍ଗେ ଝେଞ୍ଜାନେସି, ଆତିହ୍ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡ଼ାମାନେ, ଅଡ଼େ ଝେଶ୍ରେ ଇଦାଣି ଝେଡ଼ାକିଆନା ପାଣ୍ଡାଦେସି □”

୪ ଏଝାରି ହାଜାନା ଦୁଝେରିଦାରି ଆଂଗେଣିତା ର ଗାତ୍‌ଦେ ତାଲୁତି ଦସାମାନାଣି ମେସାନା ଏଦାଣି ହୁକହେରି,

୫ ଏମ୍ବାଟିଏ ଏମ୍ବାଆଁ ନିଗାମାଟି ଲକୁ ବିତ୍ରାଟି ଏଚରଜାଣା ଝେଚେରି, “ଗାତ୍‌ଦେ ତାଲୁତି ପିସାନା ଏନାଆଁ କିହିମାଞ୍ଜେରି ?”

୬ ଜୀସୁ ଏନିକିଁ ଝେସାମାଚେସି, ଏଝାରି ଏଲେକିଁ ଏଝାରାଇଁ ଏଲେଇଚେରି; ଏମ୍ବାଟିଏ ଏଝାରି ଏଝାରାଇଁ ହେଲ ହୀତେରି □

୭ ଜୀସୁ ନକିତା ଗାତ୍‌ଦେ ତାଲୁତି ତାଗାନା ଏଝାରି ଏଦାଣି ଲାକ ତାନି ହିମ୍ବରିକା ପାଢ଼େସି, ଅଡ଼େ ଜୀସୁ ଏଦାନିଲେକ କୁଗିତେସି □

୮ ଅଡ଼େ ହାରେକା ଜିରୁତା ତାନି ହିମ୍ବରିକା ପାଢ଼େସି ଅଡ଼େ ଏଚକାତାରି ଜାଡ଼ାତି ଗଗାୟାଁ ଚୁଣ୍ଡା ହା ତାଗାନା ପାଢ଼େସି □

୯ ଇଞ୍ଜା ନକିତା ତାୟୁଝାକି ହାଜିମାନି ଲକୁ କାଜା ହାଡ଼ାତଲେ ଏଲେଇଚେରି, “ହସାନା ମାହାପୁରୁ ଦରୁତି ଆମ୍ବାଆସି ଝାହିମାନେସି, ଏଝାସି ନେହାସି □

୧୦ ମା ଆକୁ ଦାଝୁଦତି ଆମିନି ରାକି ଝାହିମାନେ, ଏଦି ଜହରା, ଲାକପୁରୁତି ହସାନା □”

୧୧ ତାୟୁ ଜୀସୁ ଜିରୁସାଲମତା ଝାହାନା ମାହାପୁରୁ ଇଲୁତା ହାଚେସି, ଇଞ୍ଜା ସାରିଝାକି ମାନାଣି ବାରେ ସିନିକିହାନା ମିଡ଼ଅଲ ଆହାଲିଏ ବାରଜାଣା ସୀସୁୟାଁ ତଲେ ବେତନିୟାଁତା ହାଚେସି □

ଜୀସୁ ତୟା ମାର୍‌ନୁତି ବାକା ଇତିନାୟି

(ମାତ ୨୧:୧୮-୧୯)

୧୨ ତାନି ଅର ଦିନା ବେତନିୟାଁଟି ଝାହିମାଗାଟି ଜୀସୁ ହାକି ଆଚେସି;

୧୩ ଇଞ୍ଜା ହେକଟି ଆକା ମାନି ର ତୟା ମାର୍‌ନୁତି ଆକା ମେସାନା ଏମ୍ବାଆଁ ପାଢ଼େସି ବେଟାଆନି ଆସା ତଲେ ତାଗେ ହାଚେସି □ ସାମା ତାଗେ ଝାହାନା ଏଝାସି ଆକା ପିସ୍‌ପେ ଅଡ଼େ ଏନାଆଁ ପୁଞ୍ଜାଆଚେସି, ଇତିହ୍ ଏଦି ତୟା ଆୟିନି ଝେଡ଼ା ହିଲାଆଚେ □

୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଢ଼େସି ଲକୁ ଏତେଲା ତିନାଆପେରି □” ଏଝାଣି କାତା ତାନି ସୀସୁୟାଁ ଝେଞ୍ଜାମାଚେରି □

ଜୀସୁ ମାହାପୁରୁ ଇଲୁତା ହାନାୟି

(ମାତ ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାୟୁ ଏଝାରି ଜିରୁସାଲମତା ଝାତେରି, ଅଡ଼େ ଜୀସୁ ମାହାପୁରୁ ଇଲୁତା ହତାନା ଏ ଗାୟୁତା ବେବାରା କିହିମାଟି ଲକୁଣି ପାଞ୍ଜାତା ପେରହାଲି ମାଟ୍‌ହେସି, ଇଞ୍ଜା ଟାକାୟାଁ ବେବାରା ଗାଗାରି କୁଚିୟାଁ ଅଡ଼େ ପଟାୟାଁ ବେବାରା କୁଚିୟାଁ ତିରିମ୍ବିପ୍‌ହେସି □

୧୬ ଇଞ୍ଜା ପ୍ରାଡ଼ାନା ଇଲୁ ବିତ୍ରାଟି ଆମ୍ବାଆରାକି ଏନାଆଁ ଅହାଲି ତାଗାଲି ହେଲ ହାଆଚେସି,

୧୭ ତାୟୁ ଜୀସୁ ଏଝାରାଇଁ ଜାପ୍‌ହେ ଏଲେଇଚେସି, “ଦାମ୍ବୁ ପତିତା ରାସ୍‌କି ଆହାମାନେ, ନା ଇଲୁ ବାରେ କୁଡ଼ାଟି ଲକୁଡାକି ପ୍ରାଡ଼ାନା ଇଲୁ ଇଞ୍ଜିଁ ଝେଜିନେ ? ସାମା ମାରୁ ଏଦାଆଁ ତଂଗାୟାଁ ପାଝୁ କିହିମାଞ୍ଜେରି □”

୧୮ ଇ କାତା ଝେଞ୍ଜାନା କାଜା ପୂଜେରାଞ୍ଜା ଅଡ଼େ ମେରାପୁନାରି ଏଝାଣାଇଁ ଏନିକିଁ ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇତିହ୍ ଲକୁ ଏଝାଣି ଜାପ୍‌ନି ତାଣା କାବା ଆହିମାଚାକି ଏଝାରି ଏଝାଣାଇଁ ଆଜିମାଚେରି □

୧୯ ଏ ଦିନା ମିଡ଼ିଆଲ ବେଲା ଜୀସୁ ଅଡ଼େ ସୀସୁୟାଁ ଗାଡ଼ାଟି ହାଚେରି □

ୱାୟିତି ତୟା ମାରୁନୁଟି ଜାପିନାୟି

(ମାତି ୨୧:୨୦-୨୨)

୨୦ ଅର ଦିନା ଲାଜଏ ଏ ଜିରୁଟି ହାଜିମାଗାଟି ଏଞ୍ଜାରି ତୟା ମାରୁନୁ ତାକିଟିଏ ୱାୟିତାଣି ମେସ୍ତେରି □

୨୧ ଏମ୍ବାଟିଏ ପିତର ତଲିତି କାତା ଅଣପାନା ଏଲେଇଚେସି, “ଏ ଗୁରୁ ମେହ୍ମୁ ନୀନୁ ଆମିନି ତୟା ମାରୁନୁଟି ବାକା ହାହାମାଟି ଏଦି ୱାୟାହାଚେୟିଏ □”

୨୨ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ତାଣା ନାମାଦୁ □

୨୩ *ନାନୁ ମିଜେ ସାତା ୱେସିମାଞ୍ଜାଇଁ, ଆମ୍ବାଆସି ଇ ହରୁତି ନୀନୁ ନିଜ୍ଞାନା ସାମ୍ବୁରୁତିତା ତର୍ଗାମୁ ଇନେସି, ଇଞ୍ଜା ତାନି ହିୟାଁତା ଆନାମାନା ଆଆନା, ଏନାଆଁ ଜଲିମାଇଁ ଏଦି ଆଡେ ଇଞ୍ଜା ନାମିନେସି, ଏଞ୍ଜାଣାକି ଏଦି ଆନେ □

୨୪ ଏଦାଆଁତାକି ନାନୁ ମିଜେ ୱେସିମାଞ୍ଜାଇଁ, ମୀରୁ ଏନାଆଁ ପ୍ରାଡ଼ାନା କିଦେରି ଅଡ଼େ ରୀହ୍‌ଦେରି, ଏ ବାରେ ମିଜେ ମେଡ଼ା ଆୟାତେ ଇଞ୍ଜା ନାମାଦୁ, ଏଚେଟିଏ ଏ ବାରେ ସାତେଏ ବେଟାଆଡ଼େରି □

୨୫ *ଇଞ୍ଜା ମୀରୁ ଆମିନି ବେଲାତା ପ୍ରାଡ଼ାନା କିହାଲି ନିଦେରି, ଇଞ୍ଜା ଆମ୍ବାଆରି କପାଟି ଏଦି କାତା ମାଟିହ୍, ଏଞ୍ଜାଣି ପାପୁ ମ୍ଲେକ୍‌ଦୁ, ଏନିକ୍ ମୀ ଲାକପୁରୁତି ଆବା ଜିକେଏ ମୀ ପାପୁତି ମ୍ଲେକ୍‌ହାନେସି □

୨୬ ସାମା ମୀରୁ ଏଞ୍ଜାଣି ପାପୁ ମ୍ଲେକ୍‌ଅଡେରି, ଆତିହ୍ ମୀ ଲାକପୁରୁତି ଆବା ଜିକେଏ ମୀ ବାରେ ପାପୁତି ମ୍ଲେକ୍‌ଅସି □”*

ଜୀସୁତି ଅଦିକାରା

(ମାତି ୨୧:୨୩-୨୭; ଲୁକ ୨୦:୧-୮)

୨୭ ତାୟୁ ଏଞ୍ଜାରି ଅଡ଼େ ୱେଣ୍ଡେ ଜିରୁସାଲମତା ୱାଚେରି; ଇଞ୍ଜା ଏଞ୍ଜାସି ପ୍ରାଡ଼ାନା ଇଲୁତା ହଡ଼ିମାଟି ବେଲାତା କାଜା ପୁଜେରାଜା ମୋରାପୁନାରି ଇଞ୍ଜା ପ୍ରାଟିନାଜା ଏଞ୍ଜାଣି ତାଣା ୱାହାନା ୱେଚେରି,

୨୮ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି ? ଇଞ୍ଜା ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାତେସି ?”

୨୯ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଜେ ର କାତା ୱେଞ୍ଜାଇଁ, ନାଜେ ୱେସ୍ତାଦୁ, ଆତିହ୍ ନାନୁ ଆମିନି ଅଦିକାରା ତଲେ କିହିମାଇଁ, ଏଦାଆଁ ମିଜେ ୱେସ୍ତାଇଁ □

୩୦ ଜହନତି ବାପ୍ତିସ୍ତାଁ ଲାକପୁରୁଟି କି ମାଣସିୟାଁ ତାଣାଟି ଆହାମାଚେ ? ଏଦାଆଁ ନାଜେ ୱେସ୍ତାଦୁ □”

୩୧ ଏଚେଟିଏ ଏଞ୍ଜାରି ତାମ୍ବୁ ତ୍ରାମ୍ବୁ କାତା ଆହାଲି ମାଟ୍‌ହେରି, “ଲାକପୁରୁଟି ଇନାୟି, ଆତିହ୍ ଏଞ୍ଜାସି ଏଲେଇଞ୍ଜାନେସି ମୀରୁ ଏନାଆଁତାକି ଏଞ୍ଜାଣାଇଁ ନାମାଆଚେରି ?

୩୨ ଅଡ଼େ ମାଣସି ତାଣାଟି ଇନାୟି, ଏଞ୍ଜାରି ଲକୁଣି ଆଜିମାଚେରି; ଇତିହ୍ ବାରେଜାଣା ଜହନ ସାତା ମାହାପୁରୁ ଅଣପୁତି ବଲୁ ୱେହ୍‌ନାସି ଇଞ୍ଜା ମାନୁଞ୍ଜି ଆହିମାଚେରି □”

୩୩ ଏଦାଆଁତାକି ଜୀସୁଇଁ ଏଞ୍ଜାରି ଏଲେଇଚେସି, “ମାମ୍ବୁ ପୁଞ୍ଜାହିଲଅମି □” ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଆମିନି ଅଦିକାରା ତଲେ କିହିମାଇଁ ଏଦାଆଁ ନାନୁ ଜିକେଏ ମିଜେ ୱେସ୍ତାଅଁ □”

୧୨

ଅଜ୍ଞୁରି ବାଡ଼ାତା ଲାଗେଏତି ବାଗା କାମାକିନାରି

(ମାତି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ପୁଣ୍ଡିକିନି କାତାତଲେ ୱେସାଲି ମାଟ୍‌ହେସି, “ରଅସି ର ଅଜ୍ଞୁରି ବାଡ଼ା କିହାନା ବାଡ଼ା ସାରିଞ୍ଜାକି ବେୟ୍ ଗୁଚେସି, ଇଞ୍ଜା ଅଜ୍ଞୁରି ପାଡ଼େୟି ପାଟାଲି ର ଗାଡ଼ୁୟୁ କାର୍‌ହାନା ଏମ୍ବାଆଁ କାଃଆନାରାକି କାଃଆନି ଇଲୁ କେପିଚେସି, ଇଞ୍ଜା କାମା କିନାରାକି ଏ ବାଡ଼ା ବାଗା ହାହାନା ହେକ ରାଜି ହାଚେସି □

୨ ତାୟୁ କାମାକିନାରି ତାଣାଟି ଅଜ୍ଞୁରି ବାଡ଼ାଟି ପାଡ଼େୟି ବାଗା ବେଟାଆହାଲି ଏଞ୍ଜାସି ର ହଲେଏଣାଇଁ ପାଡ଼େୟି କାମ୍ବିନିଞ୍ଜେଡ଼ା ଏଞ୍ଜାରିତାଣା ପାଣ୍ଡିଚେସି □

* ୧୧:୨୩ ୧୧:୨୩ ମାତି ୧୭:୨୦; ୧କର ୧୩:୨ * ୧୧:୨୫ ୧୧:୨୫ ମାତି ୬:୧୪,୧୫ * ୧୧:୨୬ ୧୧:୨୬ କଚେକା ସାସ୍ତେରିତା ଇ କାତା ରାସ୍ତିକି ଆହାହିଲେଏ † ୧୧:୩୦ ୧୧:୩୦ ମୁଞ୍ଜିନାୟି

୩ ଯାମା ଏଞ୍ଜାରି ଏଞ୍ଜାଣାଇଁ ଆସାନା ଝେତେରି ଇଞ୍ଜା ଝାବୁଇ କେୟୁଟି ପାଣ୍ଡିତେରି □

୪ ଏଞ୍ଜାସି ଅଡେ ଏଞ୍ଜାରିତାଣା ଅଡେ ର ହବେଲଏଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ତାୟୁଁ ତାୟେ ଝେତାନା ହାଣି କିତେରି □

୫ ଏଞ୍ଜାସି ଅଡେ ରଅଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ପାୟିତେରି, ଏମ୍ବାଟିଏ ଏଞ୍ଜାସି ଅଡେ ହାଡେକା ଜାଣାତି ପାଣ୍ଡିତେସି; ଏଞ୍ଜାରି ବିଡ୍ରାଟି ଏଚରଜାଣାତି ଝେତେରି ଇଞ୍ଜା ଏଚରଜାଣାତି ପାୟିତେରି □

୬ ତାନି ତାଣା ରଅସିଏ ଡୟିତେସି, ଏଞ୍ଜାସି ତାନି ଜୀଝୁଟି ମୀରୁଏସି, ତାୟୁ ଅଣ୍ଡପିତେସି ‘ଏଞ୍ଜାରି ନା ମୀରୁଏଣାଇଁ ମାନ୍ତି କିନେରି’ ଇଞ୍ଜା ଏଞ୍ଜାସି ଏଞ୍ଜାଣାଇଁ ପାଣ୍ଡିତେସି □

୭ ଯାମା ଏ କାମାକିନାରି ତାୟୁ ତାୟୁ ଜାତା ଆଡେରି, ‘ଇଞ୍ଜାସିତ ଅଦିକାରା ଗାଟାସି, ଝାଦୁ ଇଞ୍ଜାଣାଇଁ ପାୟିନ; ଆଡିହୁଁ ବାଡାତି ଅଦିକାରା ମାଦି ଆନେ □’

୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଆସାନା ପାୟିତେରି ଇଞ୍ଜା ଅଞ୍ଜୁରି ବାଡାତି ପାଞ୍ଜାତା ମେଡହାଡୁସ୍ତେରି □”

୯ ଜୀୟୁ ଏଞ୍ଜାରାଇଁ ଝେତେସି, “ଝେସ୍ତାଦୁ, ଇଦାଆଁ ତାୟୁ ଏ ଅଞ୍ଜୁରି ବାଡାତି ସାଝୁକାରି ଏନାଆଁ କିନେସି ? ଏଞ୍ଜାସି ଝାହାନା କାମା କିନାରାଇଁ ନାସା କିନେସି ଇଞ୍ଜା ଏଟକାତି କାମା କିନାରାକି ଏ ଅଞ୍ଜୁରି ବାଡା ହୀନେସି □

୧୦ ମୀରୁ ଦାୟୁଁ ପତିତା ଇ କାତା ପଡ଼ଝି ଆହାହିଲଅଡେରି ? ଇଲୁ କେପିନାରି ଆମିନି ଝାଲିତି ମିଣ୍ଡଏ ଇଞ୍ଜା ଅପାଆଡେରି,

ଏଦିଏ ଇଲୁତି ମୁଲୁ ଝାଲି ଆଡେ □

୧୧ ମାହାପୁରୁ ତାଣାଟି ଇଦି ଆଡେ,

ଇଞ୍ଜା ଏଦି ମା କାନ୍ତୁତାକି ର କାବା ଆନାୟି □”

୧୨ ଏଚେଟିଏ ଜୀହୁଦି ଲକୁଡି କାଜାରି ଏଞ୍ଜାଣାଇଁ ଆସାଲି ଅଣ୍ଡପିମାଚେରି, ଯାମା ଏଞ୍ଜାରି ଲକୁଣି ଆଜିତେରି; ଇଡିହୁଁ ଏ ପୁଣ୍ଡିକିନି କାତା ଏଞ୍ଜାରାଇଁ ସିନିକହାନା ଝେସିମାଚେସି ଇଞ୍ଜା ପୁଚେରି, ଇଞ୍ଜା ଏଞ୍ଜାରି ଏଞ୍ଜାଣାଇଁ ପିସାନା ହାଜାଡୁସ୍ତେରି □

ସିସୁ ହୁନାଣି ଝେନାୟି

(ମାତି ୨୨:୧୫-୨୨; ଲୁକ ୨୦:୨୦-୨୨)

୧୩ ତାୟୁ ଜୀୟୁ କାତାତି ଦହ ଆସାଲି ତାକି ଏଞ୍ଜାରି ପାୟୁସି ଅଡେ ହେରଦ ଗତିତି ଏଚେକା ଲକୁଣି ଏଞ୍ଜାଣି ତାଣା ପାଣ୍ଡିତେରି □

୧୪ ଏଞ୍ଜାରି ଝାହାନା ଏଞ୍ଜାଣାଇଁ ଏଲେଇଚେରି, “ଏ ଗୁରୁ ମାୟୁ ପୁଞ୍ଜାମାନମି, ନୀନୁ ସାତା କାତା ଝେହନାତି ଅଡେ ଆମ୍ବାଆରାଇଁ ଆଜାଆ ଗାଟାଟି; ଇଡିହୁଁ ନୀନୁ ମାଣସିତି ମୁୟୁ ମେସାନା ଜଲ୍ଲାଆ ଗାଟାଟି ଇଞ୍ଜା ସାତା ତଲେ ମାହାପୁରୁତି ଜିରୁ ଜାପନାତି, କାୟିସରକି ସିସୁ ହୁନାୟି ମେରା କି ଆଏ, ମାୟୁ ହୁନାମି କି ଆଏ ?”

୧୫ ଯାମା ଏଞ୍ଜାସି ଏଞ୍ଜାରି କାରୁବିତି ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଏନାଆଁତାକି ନାଜେ ତାୟିପାରି କିହମାଞ୍ଜାଦେରି ? ର ଝେଣ୍ଡି ଟାକା ନା ତାଣା ତାଦୁ ନାନ୍ତୁ ଏଦାଆଁ ସିନିକଇଁ □”

୧୬ ଏଚେଟିଏ ଏଞ୍ଜାରି ଏଦାଆଁ ତାଚେରି, ଏଞ୍ଜାସି ଏଞ୍ଜାରାଇଁ ଝେଚେସି, “ଇ ବମା ଅଡେ ଦରୁ ଆମ୍ବାଆରାଞ୍ଜାୟି ?” ଏଞ୍ଜାରି ଏଞ୍ଜାଣାଇଁ ଏଲେଇଚେରି, “କାୟିସରଞ୍ଜାୟି □”

୧୭ ଏମ୍ବାଟିଏ ଜୀୟୁ ଏଞ୍ଜାରାଇଁ ଏଲେଇଚେସି, “କାୟିସରଞ୍ଜାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଞ୍ଜାୟି ଏନାୟି ଏଦାଆଁ ମାହାପୁରୁକି ହୀଦୁ □” ଏଚେଟିଏ ଏଞ୍ଜାରି ଏଞ୍ଜାଣି କାତାତାକି କାବା ଆଡେରି □

ସାଦୁକିୟାଁ ହାକିଟି ଝେଣ୍ଡେ ନିଜିନି କାତା ଝେନାୟି

(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮ ଏମ୍ବାଟିଏ ହାକିଟି ଝେଣ୍ଡେ ନିଜିନାୟି ହିଲେଏ ଇଞ୍ଜମାନି ସାଦୁକି ଲକୁ ଜୀୟୁ ତାଣା ଝାହାନା ଝେଚେରି,

୧୯ “ଏ ଗୁରୁ ମସା ମାଙ୍ଗେଡାକି ରାତାମାନେସି, ଇଚିହଁ ଆମ୍ବାଆରି ତାୟି ହାନେସି ଇଞ୍ଜା ତାନି ଡକ୍ତି ନାତାମାନେ ଇଞ୍ଜା ଏଦାନି ଏନି କକାରି ପଦାୟା ହିଲାର ଆତିହଁ ତାନି ତାୟି ତାନି ଡକ୍ତିନି ଇଗାନା ତାନି ତାୟିକି କୃତା ଏପାକିନେସି □

୨୦ ମେହ୍ମୁ ସାଡା ଜାଣା ତାୟିୟା ମାଚେରି; କାଜାସି ର ଆୟାନି ବାହା ଆଡେସି, ଇଞ୍ଜା କକାରି ପଦାଁ ଆଆନା ହାଡେସି;

୨୧ ଏଝାଣି ଢେଚତାସି ଏ ଇୟାନି ଇଚିତେସି ଇଞ୍ଜା କକାରି ପଦାଁ ଆଆନା ହାଡେସି; ଅଡେ ଢେଚତାସି ଏଲେକିତେସି,

୨୨ ଇଞ୍ଜା ସାଡା ଜାଣା ଜିକେଏ କକାରି ପଦାଁ ଆଆନା ହାଡେରି; ବାରେଚି ତାୟୁ ଏ ଇୟା ଜିକେଏ ହାଡେ □

୨୩ ଖେଣ୍ଡେ ନିଜିନି ବେଲାତା ଏଚିବେଲା ଏଝାରି ନିଜିନେରି, ଏଚିବେଲା ଏଝାରି ବିତ୍ରାଟି ଆମ୍ବାଆରି ଡକ୍ତି ଆନେ ? ସାଡା ଜାଣା ଜିକେଏ ଇଟାମାଚେରି □”

୨୪ ଜାସୁ ଏଝାରାଇଁ ଏଲେଇଚେସି, “ମିଙ୍ଗେ ହାରେକା ନାଡିକିନି ଅଣ୍ଡୁ ମାନେ □ ଦାମ୍ବୁ ସାସ୍ତେରି, ଇଞ୍ଜା ମାହାପୁରୁତି ବାଡୁୟୁତି କାତା ପୁଞ୍ଜାହିଲଅତେରି □

୨୫ ଏନାଆଁତାକି ଇଚିହଁ ହାଡାରି ନିଜିତି ତାୟୁ ଲକୁ ବାହା ଆଅରି କି ବାହା ହାଅରି, ସାମା ଲାକପୁରୁତି ଦୁଡୁୟାଲେହେଁ ଡୁୟିନେରି □

୨୬ ଇଞ୍ଜା ହାଡାରି ନିଜିନେରି ଏ କାତାତି ମୀରୁ ମସା ରାଡିତି ପତିତା ଖେହିମାନି ବୁଗାତି କାବୁ ପଡ଼ି ଆହାହିଲଅତେରି କି ? ମାହାପୁରୁ ଏନିକଁ ଏଲେଇଞ୍ଜା ମାନେସି, ‘ନାନୁ ଅଭାହାମତି ମାହାପୁରୁ, ଇସାହାକତି ମାହାପୁରୁ, ଅଡେ ଜାକୁବତି ମାହାପୁରୁତେଏଁ □’

୨୭ ଏଝାସି ହାଡାରି ମାହାପୁରୁ ଆଏ, ସାମା ଜାସୁଗାଗାରି ମାହାପୁରୁ ମୀରୁ ହାରେକା ନାଡିକିଝି ଆହାମାଞ୍ଜରି □”

କାଜା ହୁକୁମି
(ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏଚିବେଲା ର ମେରା ଜାପୁନାସି ତାଗେ ଝାହାନା ଏଝାରି ବାଦିବାଦା ଆହିମାଗାଣି ଖେଞ୍ଜାନା ଅଡେ ଜାସୁ ସାଦୁକି ଲକୁଇଁ ସମାନା କାତା ଖେଣ୍ଡେ ଖେସିମାଗାଣି ଖେଞ୍ଜାନା ଜାସୁଇଁ ଖେଚେସି, “ଆମିନି ହୁକୁମି ଦାମ୍ବୁପତିତା ବାରେକିହାଁ କାଜାୟି ?”

୨୯ ଜାସୁ ଏଲେଇଚେସି, “କାଜା ହୁକୁମି ଇଦି ‘ଏ ଇସାୟେଲ ଖେଞ୍ଜୁ; ପ୍ରବୁ ମା ମାହାପୁରୁ ରଣ୍ଡିଏ ପ୍ରବୁ ମାନେସି;

୩୦ ଅଡେ ନୀନୁ ନୀ ବାରେ ହିୟାଁ ବାରେ ଜାସୁ ମନ ହାହାନା ଅଡେ ବାରେ ବାଡ଼ୁୟୁ ତଲେ ପ୍ରବୁ ନୀ ମାହାପୁରୁଇଁ ଜାସୁ ନମୁ □”

୩୧ ଅଡେ ରଣ୍ଡି ଇଦି ନୀନୁ ନୀ ପାଡିତାଣାଇଁ ନୀ ଜାହାରାଲେହେଁ ଜାସୁ ନମୁ □ ଇ ହୁକୁମିକା ପିସପେ ଅଡେ ଆମିନି କାଜା ହୁକୁମି ହିଲେଏ □

୩୨ ଏମାଚିଏ ଏ ମେରା ପୁନାସି ଜାସୁଇଁ ଏଲେଇଚେସି, “ଏ ଗୁରୁ ଏଦି ସାଡା ମାହାପୁରୁ ରଅସିଏ ଇଞ୍ଜା ଏଝାଣି ପିସପେ ଅଡେ ଆମ୍ବାଆସି ହିଲଅସି, ଏଦାଆଁ ନୀନୁ ନେହଁ କଁ ଖେସ୍ତାତି;

୩୩ ଇଞ୍ଜା ବାରେ ହିୟାଁ, ବାରେ ବୁଦି, ବାରେ ବାଡ଼ୁୟୁ ହାହାନା ଏଝାଣାଇଁ ଜାସୁନନାୟି ଇଞ୍ଜା ପାଡିତାଣାଇଁ ମା ଜାହାରାଲେହେଁ ଜାସୁନନାୟି ବାରେ ଜନ୍ତତି ପୂଜା ହାନି* କିହାଁ କାଜାୟି □”

୩୪ ☆ଏଝାସି ବୁଦିତଲେ ଜଳାମାଞ୍ଜାନେସି ଇଞ୍ଜୁଁ ମେସାନା ଜାସୁ ଏଝାଣାଇଁ ଏଲେଇଚେସି, “ମାହାପୁରୁତି ରାଜିତି ନୀନୁ ହେକ ହିଲଅତି □ ଏଚେଟିଏ ଆମ୍ବାଆସି ଜାସୁଇଁ ଏନାଆଁ ଖେଞ୍ଜାଲି ସାସା କିଆଚେସି □”

କ୍ରୀସ୍ତ ଆମ୍ବାଆରି ମୀର୍ଏସି
(ମାତି ୨୨:୪୧-୪୬; ଲୁକ ୨୦:୪୧-୪୪)

୩୫ ସାମା ଜାସୁ ପ୍ରାଡାନା ଇଲୁତା ଜାପୁହି ମାଚିବେଲାତା ଏଲେଇଚେସି, “କ୍ରୀସ୍ତ ଦାସୁଦ ମୀର୍ଏସି, ଇଦାଆଁ ମେରାପୁନାରି ଏନିକଁ ଏଲେଇନେରି ?

୩୬ ଦାସୁଦ ତାନୁଏ ମାହାପୁରୁତି ସୁଦୁଜାସୁ ବେଟାଆହାନା ଖେସାମାଚେସି,

* ୧୨:୩୩ ୧୨:୩୩ ହେବୁପିନାୟି ☆ ୧୨:୩୪ ୧୨:୩୪ ଲୁକ ୧୦:୨୫-୨୮

‘ପ୍ରଭୁ ନା ପ୍ରଭୁଙ୍କ ଏଲେଇଚେସି,

ନାନୁ ଏଚେ ପାତେକା ନୀ ସାତୁୟାଁଙ୍କ ନୀ କଡ଼ାଁ ତୁଇ କିହାହିଲଅଁ,
ଏଚେ ପାତେକା ନା ଚିଃନିଝାକି କୁଗାମାନାମୁ □’

୩୭ ଦାଝୁଦ ତାନୁଏ ଏଝାଣାଙ୍କ ପ୍ରଭୁ ଇଞ୍ଜିମାନେସି; ଆତିହୁଁ ଏଝାସି ଏନିକିଁ ଦାଝୁଦ ମୀରୁଏସି □ □

ମେରାପୁନାରି ତାଣାଟି ଜାଗ୍ରାତା କିନାୟି
(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାୟା ଲକୁ ରାହାଁଟି ତାନି କାତା ଝେଞ୍ଜିମାଚେରି, ଅଡ଼େ ଝେଣ୍ଡେ ଏଝାସି ତାନି ଜାପୁହି ମାତି କାତାତା ଏଲେଇଚେସି, “ମେରାପୁନାରି ତାଣାଟି ଜାଗ୍ରାତା, ଏଝାରି ଲାମ୍ବା ହିମ୍ବୁରିକା ହୁଚାନା ରେଜାଲି ଇଞ୍ଜା ହାଟା ବାଜାରାତା ଜହରା ବେଟାଆହାଲି ରାହାଁ ଆନେରି,

୩୯ ଜୀହୁଦି ଲକୁଡି କୁଟମି ଇଲୁତାଁ କାଜା କୁଟିଁ, ବଜିତା ନେହୁଁ ଚାୟୁତା କୁଗାଲି ପାରିନେରି;

୪୦ ଏଝାରି ରାଣ୍ଡେଣିସିକା ଇଲୁକା ସେଦିନେରି, ଲକୁଣି ତସାଲି ଲାମ୍ବା ପ୍ରାତାନା କିନେରି; ଏଝାରି ହାରେକା ତଣ୍ଡ ବେଟାଆନେରି □”

ରାଣ୍ଡେଣି ଇୟାନି ଦାନା
(ଲୁକ ୨୧:୧-୪)

୪୧ ତାୟୁ ଜୀସୁ ମାହାପୁରୁ ଇଲୁଡି ଦାନା ପେଡ଼ା ତାଗେ କୁଗାନା ଲକୁ ଏମ୍ବାଆଁ ଏନିକିଁ ଦାନା ହାହିମାନେରି, ଏଦାଆଁ ସିନିକିହିମାଚେସି □ ଏଚିବେଲାତା ହାରେକା ଦନ ଗାଟାରି ଗାଡି ମେଡ଼ହେରି;

୪୨ ଅଡ଼େ ର ହାକି କାକୁଲିଗାଟି ରାଣ୍ଡେଣି ଇୟା ଝାହାନା ରା ଉଣା ତାମ୍ବାଟି ଆଦଲିଃ ଏ ପେଡ଼ାତା ମେଡ଼ହେ □

୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାଟାନା ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଙ୍କ, ଦାନା ପେଡ଼ାତା ଚାକାୟାଁ ମେଡ଼ହିମାନି ବାରେ ଲକୁ କିହାଁ ଇ ହାକି କାକୁଲିଗାଟି ରାଣ୍ଡେଣି ଇୟା ଗାଡି ମେଡ଼ହାମାନେ;

୪୪ ଇତିହୁଁ ବାରେଜାଣା ତାନି ହାରେକା ଦନଟି ଇଚାଣି ମେଡ଼ହା ମାନେରି, ସାମା ଇଦି ତାନି ହିଲାଆବେଲାତା ତାଙ୍ଗେ ନୀତାଲି ତାଙ୍ଗେ ଏନାୟି ମାଚେ, ଏ ବାରେ ମେଡ଼ହାମାନେ □”

୧୩

ପ୍ରାତାନା ଇଲୁ ନସ୍ତ ଆନାଣି ଜୀସୁ ଝେହ୍ନାୟି
(ମାତି ୨୪:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଡି ହାଜିମାଚାଟି ତାନି ସୀସୁୟାଁ ବିତ୍ରାଟି ରଅସି ଏଝାଣାଙ୍କ ଏଲେଇଚେସି, “ଏ ଗୁରୁ ମେହ୍ନୁ ଏନିଲେହେଡି ଅଜିଡି ଝାଲୁକା ଅଡ଼େ ଏନିଲେହେଡି ଅଜିଡି ମେଡ଼ା ଇଲୁକା □”

୨ ଏଚେଟିଏ ଜୀସୁ ଏଝାଣାଙ୍କ ଏଲେଇଚେସି, “ନାନୁ ଏନାଆଁ ଇ କାଜା ମେଡ଼ା ମେସିମାଞ୍ଜି ? ର ଝାଲି ଅର ଝାଲି ଲାକ ତୁୟେଏ, ବାରେ ମେଣ୍ଡାହାନୁ □”

କସ୍ତ ଅଡ଼େ ସାସି କାତା ଝେହ୍ନାୟି
(ମାତି ୨୪:୩-୧୪; ଲୁକ ୨୧:୭-୧୯)

୩ ତାୟୁ ପ୍ରାତାନା ଇଲୁ ନକିତା ମାନି ଜୀତ ହରୁ ଲାକ କୁଗାଲିଏ ପିତର, ଜାକୁବ, ଜହନ, ଅଡ଼େ ଆନ୍ଦ୍ରିୟ ତାନି ତାଣା ମେଣ୍ଡେଏ ଝାହାନା ଝେଚେରି, “ଇ ବାରେ ଏଚେଲା ଆନେ,

୪ ଅଡ଼େ ଆମିନି ବେଲାତା ଇ ବାରେ ଗଟଞ୍ଜି ଆନେ ଏ ବେଲାତି ସିନା ଏନାୟି, ଏଦାଆଁ ମାଙ୍ଗେ ଝେସ୍ତାମୁ □”

୫ ଏମ୍ବାଟିଏ ଜୀସୁ ଏଝାଣାଙ୍କ ଏଲେଇଚେସି, “ଜାଗ୍ରାତା, ଆମ୍ବାଆସି ଏନିକିଁ ମିଙ୍ଗେ ନାଡ଼ି କିୟଅସି □

୬ ହାରେକା ନା ଦରୁତଲେ ଝାହାନା, ‘ନାନୁ ଏଝାଡେଏଁ’ ଇଞ୍ଜୁଁ ହାରେକା ଲକୁଣି ନାଡ଼ି କିନେରି □

୭ ସାମା ମୀରୁ ଏଚିବେଲା ଜୁକୁଡି କାତା ଅଡ଼େ ଗଡ଼ହାଡି ହାଡ଼ା ଝେଞ୍ଜେରି, ଏଚିବେଲା କିଲିବିଲି ଆଆଦୁ; ଏ ବାରେ ଆନାୟି ମାନେ, ସାମା ଏ କାଲ୍ଲା ଜିକେଏ ଜୁଗୁ ରାନାୟି ଆଏ □

† ୧୨:୩୯ ୧୨:୩୯ ସିନଗର ‡ ୧୨:୨୭ ୧୨:୪୨ ରା ଉଣା ତାମ୍ବାଟି ଆଦଲି, ରା ଆଗାଅଣା ର ଚାକାଟି କାଜା ଆଦଲି ସମାନା, ଏଡ଼ି ଗ୍ରୁକ୍ ତଲେ ଉଣା ଆଦଲିଟି “ଲେପଟସ୍” କାଜା ଆଦଲିଟି “କଡ଼ାନଟସ୍” ଇନେରି □

୮ ଇତିହାସ ଦେଖା କପାଟି ଦେଖା, ରାଜି କପାଟି ରାଜି ନିଜ୍ଞାନେ, ବାରେଖାକି ବୁମି ଖୀତିନେ ଅଡ଼େ କାଡ଼ାରା ଆନେ; ଈ ବାରେ କକାରି ପଡ଼ାୟା ଆନାଟି ଲୁଜ୍ଜିନି ବୀସା ଲେହେଁ ।”

୯ *ସାମା ମୀରୁ ମିଜେ ତାକି ଜାଗ୍ରାତା ଆହାମାଞ୍ଜୁ; ଲକୁ ମିଜେ ନୀହାୟି କିନି ତାଣା ଦସାନା ଅୟାନେରି, ଅଡ଼େ ମିଜେ ଜୀହୁଦି ଲକୁତି କୁଟମି ଇଲକାଣା* ଝେତାନେରି, ଇଞ୍ଜା ନା.ତାକି ସାଲୁଝି କିନାରି ତାଣା ରାଜାୟା ନକିତା ନିଦେରି, ଏଞ୍ଜାରି ନକିତା ସାକି ଆଡ଼େରି ।

୧୦ ଇଞ୍ଜା ବାରେ କୃତ୍ତା ନକିତା ନେହାଁ କାବୁ ନଟକଏ ଝେସ୍ପି ଆନେ ।

୧୧ ଇଞ୍ଜା ଏତିବେଲା ଲକୁ ମିଜେ ଅହାନା ହେରପାନେରି, ଏତିବେଲା ମୀରୁ ଏନାଆଁ ଜଲିଦେରି, ଏ କାତା ନଟକଏ ଅଣପାଆଦୁ, ସାମା ଏ ବେଲାତା ମିଜେ ଏନାଆଁ ଜଲଲି ହୀପକିଆନେ ଏନାଆଁ ଝେହୁଦୁ; ଇତିହାସ ମୀରୁ ଜଲିନାତେରି ଆଏ ସାମା ସୁଦୁଜୀହୁ ଜଲିନାୟି ।

୧୨ ତାୟି ତାୟିକି ଅଡ଼େ ତାଞ୍ଜି ମୀରୁଏଣାଇ ହାହାଲି ତାକି ହେରପିନେରି; ଇଞ୍ଜା ମୀରୁକା ତାଲି ତାଞ୍ଜି କପାଟି ନିଜ୍ଞାନା ଏଞ୍ଜାରାଇଁ ପାୟିନେରି;

୧୩ *ଅଡ଼େ ନାଜେତାକି ବାରେ ଲକୁ ମିଜେ ଅପଅରି; ସାମା ଆମ୍ବାଆସି ରାଜି ପାତେକା ସାସା ଆସାନା ତୁୟିନେସି ଏଞ୍ଜାସି ଗେଲପି ଆନେସି ।

ନାସା ଆନି କାଲମି

(ମାତି ୨୪:୧୫-୨୮; ଲୁକ ୨୧:୨୦-୨୪)

୧୪ ମୀରୁ ଏତିବେଲା ଏ ନାସାକିନି ଅପାଆଗାଟି ଆସ୍ତି ଆମିନି ତାଣା ତୁୟିନି କାତା ହିଲେଏ, ଏମ୍ବାଆଁ ତୁୟିମାନାଣି ମେହ୍ଦେରି (ପଡ଼ୁଝି ଆନାରି ତେଲହାପେରି) ଏତିବେଲା ଆମ୍ବାଆରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣପେରି;

୧୫ *ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିତ୍ରା ଖାହାନା ଏନି ଦିଶସୁ ଅହାଲି ରେତା ଖାଆପେସି କି ବିତ୍ରା ହାଲାଆପେସି;

୧୬ ଇଞ୍ଜା ଆମ୍ବାଆସି ବାଡ଼ାତା ମାନେସି, ଏଞ୍ଜାସି ତାନି ହିମ୍ବୁରି ଅହାଲି ଝେଶ୍ଵେ ଖାଆପେସି ।

୧୭ ଏ ବେଲାତା ଆମିନି ଗାଟାଇ ପୁରାମାସା ଆହାମାନୁ ଇଞ୍ଜା ପାଲୁ ଉର୍ହମାନୁ, ଏ ଦିନା ଆୟତ୍ତା ଏଞ୍ଜି ଏଚେକା କସ୍ତ ବେଗାଆନୁ ।

୧୮ ସାମା ଏଦି ଏନିକିଁ ପେନି ବେଲାତା ଆଏ ଏନାଆଁତାକି ପ୍ରାଡ଼ାନା କିଦୁ ।

୧୯ *ଇତିହାସ ଏ କାଲାତା ଇଲେତି କସ୍ତ ଖାନେ, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକିଁ ଆହା ହିଲେଏ, ଇଞ୍ଜା ଏଲେକିଁ ଏଚେଲାଞ୍ଜା ଆଏ ।

୨୦ ସାମା ପ୍ରବୁ ଏ ଲାଗେଏତି କାଲାଇଁ ଉଣା କିହାମାନେସି । ଏଲେ କିହାହିଲାଆତୁଁ ମା, ଏଦି ଏମ୍ବାଟି ଆମ୍ବାଆରି ଗେଲପି ଆଆଡେରିମା । ତାନି ଆଡ଼ୁଝିଆଡ଼ି ଲକୁତାକି ଏ କାଲା ଉଣା କିହାମାନେସି ।

୨୧ “ଏତିବେଲା ‘ମେହ୍ଦୁ କ୍ରୀସ୍ତ ଇମ୍ବାଆଁ’ ଅଡ଼େ ‘ଏମ୍ବାଆଁ’ ଇଞ୍ଜୁଁ ଲକୁ ମିଜେ ଝେସ୍ତାନେରି, ଆତିହାସ ମୀରୁ ଏନାଆଁ ନାମାଆନୁ ।

୨୨ ନାଡ଼ିକିନି କ୍ରୀସ୍ତ ଅଡ଼େ ମାହାପୁରୁ ବଲୁ ମିଟି ଝେହ୍ନାରି ନିଜ୍ଞାନା ଇଲେତି ସିନା ଅଡ଼େ କାବାଆନି କାମାୟା ତହ୍ନେରି, ଆଡ଼ିତିହାସ, ଆଡ଼ୁଝିଆଡ଼ି ଲକୁଣି ଜିକେଏ ନାଡ଼ି କିନେରି ।

୨୩ ସାମା ମୀରୁ ଜାଗ୍ରାତା ଆହାମାଞ୍ଜୁ; ନାନୁ ମିଜେ ତଲିଏ ବାରେ ଝେସିମାଞ୍ଜାଇଁ ।

ମାଣସି ମୀରୁଏସି ଝେଶ୍ଵେ ଖାନାୟି

(ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ *ସାମା ଏ ବେଲାତି ଏ କସ୍ତ ତାୟୁ ଝେଡ଼ା ଆନ୍ଦେରି ଆନେ ଅଡ଼େ ଲେଞ୍ଜୁ ଉଜେଡ଼ି ହୀଏ,

୨୫ *ହୁକାୟା ହାଗୁଟି ତର୍ଗାଲି ମାଟୁନୁ ଅଡ଼େ ହାଗୁ ଲାକତି ବାଡ଼ୁଲୁ ବାରେ କିଲିବିଲି ଆନେ ।

୨୬ *ଏତିବେଲା ଲକୁ ମାଣସି ମୀରୁଏଣାଇ କାଜା ବାଡ଼ୁୟୁଟି କାଜାପାଣା ତଲେ ହାଗୁ ଲାକତି ଖାନାଣି ମେହ୍ନେରି ।

୨୭ ଏତିବେଲା ଏଞ୍ଜାସି ଦୁତୁୟାଣି ପାଣାନା ଦାରୁତି ମୁଟ୍ପେତି ସାରିଖାକିତି ତାନି ଆଡ଼ାମାନି ଲକୁଣି ରୁଣ୍ଡା କିନେସି ।

* ୧୩:୯ ୧୩:୧୦ ମାତି ୧୦:୧୭-୨୦; ଲୁକ ୧୨:୧୧,୧୨ * ୧୩:୯ ୧୩:୧୧ ୧୩:୧୩ ମାତି ୧୦:୨୨ * ୧୩:୧୫ ୧୩:୧୬ ଲୁକ ୧୭:୩୧ * ୧୩:୧୯ ୧୩:୧୯ ଝେ ବଲୁ ୭:୧୪ * ୧୩:୨୪ ୧୩:୨୪ ଝେ ବଲୁ ୭:୧୨ * ୧୩:୨୫ ୧୩:୨୫ ଝେ ବଲୁ ୭:୧୩ * ୧୩:୨୬ ୧୩:୨୬ ଝେ ବଲୁ ୧:୭

ତୟା ମାରୁନୁତି ଜାପିନାୟି
(ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମାରୁନୁ ପୁଣ୍ୟି କିନି କାତାଟି ଜାପାତୁ □ ଏଚିବେଲାତା ଏ ମାରୁନୁତା କଡ଼ିଟି କମାୟା ଅଡ଼େ ଗଞ୍ଜେଡ଼ି ଗାଲୁନୁ, କାରା କାଲମି ଝାଡେ ଇଞ୍ଜି ପୁଞ୍ଜେରି □

୨୯ ଏଲେକିହି ଏ ମୀରୁ ଜିକେଏ ଇ ବାରେ ମେସ୍ତ୍ରସାରେ ଏଝାସି ଦୁଞ୍ଜେରି ତାଗେ ମାନେସି ଇଞ୍ଜି ପୁଞ୍ଜେରି □

୩୦ ନାନୁ ମିଙ୍ଗେ ସାତା ଝେସିମାଞ୍ଜାଇଁ ଇ ବାରେ ଆଆପାତେକା ଇ କାଲାତି ଲକୁ ଏନିଜିକେଏ ମେଣ୍ଡିଙ୍ଗଅରି □

୩୧ ହାଗୁପାକା ଦାରୁତି ବାରେ ମେଣ୍ଡିଙ୍ଗନେ, ସାମା ନା ବଲୁ ଏଚେଲାଞ୍ଜା ମେଣ୍ଡିଙ୍ଗେଏ □”

ଆମ୍ବାଆସି ଇ ଦିନା ଅଡ଼େ ବେଲାତି ପୁନଅସି
(ମାତି ୨୪:୩୬-୪୪)

୩୨ *ସାମା ଏ ଦିନା କି କାଲାତି କାତା ଆମ୍ବାଆସି ପୁନଅସି, ଲାକପୁରୁତି ଦୁତୁୟାଁ କି ମୀରୁଏସି ଜିକେଏ ପୁନଅସି, ଝାଉଇ ଆବାଦେଁ ପୁନେସି □

୩୩ ମୀରୁ ଜାଗ୍ରାତା ଆହାନା ମାଞ୍ଜୁ, କାଚାନା ମାଞ୍ଜୁ; ଇତିହି ଏ ବେଲା ଏଚେଲା ଆନେ ଏଦାଆଁ ମୀରୁ ପୁନଅଡେରି □

୩୪ *ଏଦି ଇଲେକିହି, ର ମାଣ୍ଡସି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହଲିୟାଙ୍ଗାଣି ବାରେ କାମାତି ଅଦିକାରା ହାଡେସି ଇଞ୍ଜା ଦୁଞ୍ଜେରିତା କାଚାଲି ଜିକେଏ ହୁକୁମି ହାଡେସି □

୩୫ ଏଦାଆଁତାକି କାଚାନା ତୟାମୁ; ଇତିହି ନୀନୁ ପୁଞ୍ଜାହିଲଅତି ଇଲୁଡ଼ି ସାଞ୍ଜୁକାରି ଏଚେଲା ଝାନେସି, ମିଡ଼ଅଲା କି ମାଦି ଲାଆଁୟାଁ, ଝେୟାଆ ନଚେଏ କି ଝେଡ଼ା ହନି ବେଲାତା ଏଝାସି ଝାନେସି □

୩୬ ଏଝାସି ଦେବୁଣିଏ ଝାଡ଼ିସାରେ ମୀରୁ ହୁଞ୍ଜାମାନାଣି ମେସ୍ତ୍ରାଆପେସି □

୩୭ ନାନୁ ମିଙ୍ଗେ ଏନାଆଁ ଝେସିମାଞ୍ଜାଇ, ଏଦାଆଁ ବାରେତି ଝେସିମାଇଁ, ଜାଗ୍ରାତା ମାଞ୍ଜୁ □

୧୪

ଜୀସୁଇଁ ଆସାଲି ପାରୁ ପାରିନାୟି
(ମାତି ୨୬:୨-୫; ଲୁକ ୨୨:୧-୨; ଜହ ୧୧:୪୫-୫୩)

୧ ପିସପିଆନି ପାରୁଁ ଇଞ୍ଜା ପୁଲାଏୟୁ ଆଣ୍ଡାଆତି ରୁତି ତିନି ପାରୁଁ ଆହାଲି ରୀ ଦିନା ମାଚେ □ ଏଚିବେଲାତା କାଜା ପୁନେରାଙ୍ଗା ଇଞ୍ଜା ମୋରା ପୁନାରି ଏନିକି ଏଞ୍ଜାଣାଇଁ ନାଡ଼ିକିହାଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି □

୨ ଇତିହି ଏଝାରି ଏଲେଇଚେରି, “ପାରୁଁ ବେଲାତା ଆଏ ଏଚେତା ଲକୁ ଗଡ଼ହା କିନେରି □”

ବେତନିୟାତା ଜୀସୁ ତାୟୁଁ ତୁ ନିୟୁଁ ଝାକୁନାୟି
(ମାତି ୨୬:୬-୧୩; ଜହ ୧୨:୧-୮)

୩ ଜୀସୁ ବେତନିୟାତା କାଜା ରଗାଗାଟି ସିମନ ଇଜ ତିଞ୍ଜାଲି କୁଗାମାଚାଟି ର ଇୟା ର ଗାଲୁତା ହାଚେରକା ଦାରାତି ଗାୟା ନିୟୁଁ ତାରାନା ଗାଲୁତି ଦେଚାନା ଜୀସୁ ତାୟୁଁ ତୁ ଝାକୁହାଲି ମାଟୁହେରି □

୪ ସାମା ଏଚେକା ଲକୁ କାରୁବି ଆହାନା, ତାମୁତାମୁସୁ ଝେସିପି ଆଡେରି, “ନିୟୁଁ ଏନାଆଁତାକି ନସୁ ଆଡେ ?

୫ ଇ ନିୟୁଁ ସାଡ଼ାକଡ଼ି ଦସଟାକା କିହାଁ ଆଗାଡ଼ା ପାରୁପି ଆହାନା ହାକି ଗାଗାରାକି ହୀପୁକି ଆହାଲି ଆଡ଼ିଚେମା” ଏଦାଆଁତାକି ଏଝାରି ଏ ଇୟାନି ଲାଗାଲି ମାଟୁହେରି □

୬ ସାମା ଜୀସୁ ଏଲେଇଚେସି, “ଏଦାନି ପିହୁଦୁ; ଏନାଆଁତାକି କସୁ ହାହିମାଞ୍ଜେରି ? ଏଦି ନାଙ୍ଗେତାକି ନେହିଁ କିହାମାନେ □

୭ ଇତିହିଁ ହାକି ଗାଗାରି କାଡ଼ଲେଏ ମୀ ତାଣା ମାନେରି, ଅଡ଼େ ମିଙ୍ଗେ ଏଚେତା ମନ ଏଚେତା ଏଝାରି ସାଡ଼େମି କିହାଲି ଆଡ଼ିଦେରି; ସାମା ନାନୁ କାଡ଼ଲେଏ ମୀ ତାଣା ତୟଅଁ □

* ୧୩:୩୨ ୧୩:୩୬ ମାତି ୨୪:୩୬ * ୧୩:୩୪ ୧୩:୩୪ ଲୁକ ୧୨:୩୬-୩୮

୮ ଏହି ଏକାଥାଁ ଆଡ଼ିନାୟି ମାନେ ଏକାଥାଁ କିହାମାନେ; ଏହି ନା ଆଜ୍ଞାତି ମୁସାଲି ତାକି ତଲିଏ ନିହୁଁ
ଝାକ୍‌ହାନା ତିୟାରା କିହାମାନେ □

୯ ନାନୁ ମିଜେ ସାତା ଝେସିମାଞ୍ଜାଇଁ, ବାରେ ଦାଋତିତା ଆମ୍ବିୟା ଜିକେଏ ନେହୁଁ କାବୁ ଝେକ୍‌ନେରି,
ଏ ଚାୟୁତା ଇ ଇୟାନି ଅଣ୍ଠପାଲିତାକି ଏକାନି ଇ କାମାତି କାତା ଜିକେଏ ଝେସିପି ଆନେ □”

ଜୀହୁଦା ଜୀସୁ ଆସିପି କିହାଲି ରାଜି ଆନାୟି
(ମାତି ୨୭:୧୪-୧୬; ଲୁକ ୨୨:୩-୬)

୧୦ ଏମାଟିଏ ବାରଜାଣା ବିତ୍ତାଟି ଇସ୍‌ପାରିୟତ ଜୀହୁଦା ଦରୁଗାଟାସି ରଥସି ଜୀସୁଇଁ କାଜା ପୂଜେରାଜ୍ଞା
କେୟୁତା ହେର୍‌ପାଲି ଏଝାରିତାଣା ହାଚେସି □

୧୧ ଏଝାରି ଏକାଥାଁ ଝେଞ୍ଜାନା ରାହାଁ ଆଚେରି, ଇଞ୍ଜାଁ ଏଝାଣାକି ଟାକାୟାଁ ହାହାଲି ଆଞ୍ଜିତେରି, ଏମାଟିଏ
ଏଝାସି ଏଝାଣାଇଁ ଆସିପି କିହାଲି ନେହୁଁ ପାରୁ ପାରିତେସି □

ତାନି ସୀସୁୟାଁ ତଲେ ପିସିପିଆନି ପାରୁତି ବକ୍ତି
(ମାତି ୨୭:୧୭-୨୫; ଲୁକ ୨୨:୭-୧୪, ୨୧-୨୩; ଜହ ୧୩:୨୧-୩୦)

୧୨ ତାୟୁ ପୁଲ୍‌ଗୁଣ୍ଡା ଆଣ୍ଡାଆତି ରୁଟି ତିନି ପାରୁତି ମୁଲୁ ଦିନାତା ଆମିନି ନେରୁ ପିସିପିଆନି ପାରୁତି
ନେଣ୍ଡା ତାଲୁଚି ହେର୍‌ପିଆନେ, ଏ ଦିନା ତାନି ସୀସୁୟାଁ ଏଝାଣାଇଁ ଝେଚେରି, “ମାୟୁ ହାଜାନା ଆମିନି
ଚାୟୁତା ନିଜେତାକି ପିସିପିଆନି ପାରୁତି ବକ୍ତି କିନମି ଇଞ୍ଜୁଁ ନାନୁ ଅଣ୍ଠପିମାଞ୍ଜି ?”

୧୩ ଏମାଟିଏ ଏଝାସି ତାନି ସୀସୁୟାଁ ବିତ୍ତାଟି ରିଆରାଇଁ ଏଲେଇଞ୍ଜା ପାଣ୍ଡିତେସି, “ମାରୁ ଗାଡ଼ାତା ହାଜୁ
ଇଞ୍ଜାଁ ଏୟୁ ତ:କା ଅହିମାନି ରଥସି ମିଜେ ବେଟାଆୟାନେସି; ଏଝାଣି ଜେଟ ଜେଟ ହାଜୁ;

୧୪ ଏଝାସି ଆମିନି ଇଜ ହଡ଼ନେସି, ଏ ଇଲୁ ଗାଟାଣାଇଁ ଝେଞ୍ଜୁ, ‘ଗୁରୁ ଝେଞ୍ଜିମାଞ୍ଜାନେସି, ନାନୁ ନା
ସୀସୁୟାଁ ତଲେ ଆମିନି ଚାୟୁତା ପିସିପିଆନି ପାରୁତି ବକ୍ତି କିହାଲି ଆନେ ଏ ବାକ୍ତା ଆମିନାୟି ?’

୧୫ ଏଚେଟିଏ ଏଝାସି ମିଜେ ନେହୁଁ କିଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ତା
ତସ୍ତାନେସି; ଏକାଥାଁ ମାଜେତାକି ରାନ୍ଦା ଝାଜାବୁ □”

୧୬ ଏମାଟିଏ ସୀସୁୟାଁ ହାଜାନା ଗାଡ଼ାତା ହଚେରି, ଇଞ୍ଜାଁ ଏଝାସି ଏଝାରାଇଁ ଏନିକିଁ ଝେସାମାଚେସି,
ଏଲେକିଁ ମେସାନା ପିସିପିଆନି ପାରୁତି ବକ୍ତି ଝାଜିତେରି □

୧୭ ମିଡ଼ଆଲା ଆହାଲିଏ ଜୀସୁ ବାରଜାଣା ସୀସୁୟାଁ ତଲେ ଝାଚେସି □

୧୮ ଏଝାରି କୁଗାନା ରାନ୍ଦା ତିଞ୍ଜି ମାଚାଟି ଜୀସୁ ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ମୀ
ବିତ୍ତାଟି ରଥଚେରି ନାଜେ ସାତୁ କେୟୁତା ହେର୍‌ପିଆନେସି, ଆୟତା ଏଝାଣି ତଣ୍ଡା! ଏ
ଲକ୍ତା ଜାନାଁ ଆହାହିଲ୍‌ଆତିହୁଁ ଏଝାଣାକି ନେହେଁ ଆଚେମା □”

୧୯ ଏମାଟିଏ ଏଝାରି ଦୁକୁ ଆହାନା ରଥ ରଥରି ଏଝାଣାଇଁ ଝେଞ୍ଜାଲି ମାଚ୍‌ହେରି, “ନାନୁ ଏଝାଚେସିଁ କି
?”

୨୦ ଜୀସୁ ଏଝାରାଇଁ ଏଲେଇଚେସି, “ବାରଜାଣା ବିତ୍ତାଟି ରଥସି, ଆମ୍ବାଆସି ନା ତଲେ ସାଡ଼ଝାତା କେୟୁ
ମେଡ଼ିହ ମାନେସି □

୨୧ ମାଣ୍ଡିସି ମୀରୁଏଣା କାତା ଏନିକିଁ ରାସ୍‌କି ଆହାମାନେ, ଏଲେକିହୁଁ ଏ ହାନେସି ସାତା, ସାମା
ଆମିନି ଲକ୍ତା ତାଣ୍ଡାଟି ମାଣ୍ଡିସି ମୀରୁଏସି ସାତୁ କେୟୁତା ହେର୍‌ପିଆନେସି, ଆୟତା ଏଝାଣି ତଣ୍ଡା! ଏ
ଲକ୍ତା ଜାନାଁ ଆହାହିଲ୍‌ଆତିହୁଁ ଏଝାଣାକି ନେହେଁ ଆଚେମା □”

ପ୍ରବୁତି ବକ୍ତି

(ମାତି ୨୭:୨୬-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଝାରି ତିଞ୍ଜି ମାଚାଟି ଜୀସୁ ରୁଟି ଅହାନା ମାହାପୁରୁଇଁ ଜହରା କିହାନା ଏକାଥାଁ ଡିକ୍‌ହା ହାହାନା
ଏଲେଇଚେସି, “ଅଦୁ ତିଞ୍ଜୁ, ଇଦି ନା ଆଜ୍ଞା □”

୨୩ ଇଞ୍ଜାଁ ଏଝାସି ଗହ୍‌ନି ସଲ୍‌ମା ଆସାନା ମାହାପୁରୁଇଁ ଜହରା କିହାଁ ଏଝାରାକି ହାଚେସି, ଇଞ୍ଜାଁ
ବାରଜାଣା ଏକାଥାଁ ଗସ୍ତେରି □

୨୪ ଇଞ୍ଜାଁ ଜୀସୁ ଏଝାରାଇଁ ଏଲେଇଚେସି, “ଆମିନି ରାଜିମାନା ନେଚେରି ହାଚେକା ଲକ୍ତାକି
ଝାଜ୍ଞାମାନେ, ଇଦି ଏ ନା ନେଚେରି □

୨୫ ନାନୁ ମିଜେ ସାତା ଝେସିମାଞ୍ଜାଇଁ, ଆମିନି ଦିନା ମାହାପୁରୁତି ରାଜିତା ପୁଞ୍ଜି କିହୁଁ ଅଜ୍ଞୁରି
ପାଡ଼େୟିତି ରାସା ଗହ୍‌ଇଁ ଏ ଦିନା ପାଚେକା ଇକାଥାଁ ଅଡ଼େ ନାନୁ ଏଚେଲା ଗହ୍‌ଅଁ □”

୨୭ ଇଞ୍ଜା ଏଞ୍ଜାରି ଜହରା ପାରୁ ପାଟିତି ତାୟୁ ଜାତ ହରୁତା ହଡ଼ା ହାଚେରି □

ପିତର ଜୀସୁଇଁ ପୁଞ୍ଜାହିଲଅଁ ଇନି କାତା

(ମାତି ୨୭:୩୧-୩୫; ଲୁକ ୨୨:୩୧-୩୪; ଜହ ୧୩:୩୬-୩୮)

୨୮ ଏଚିବେଲା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ବାରେ ପିସା ହାଜାଦେରି, ଇଚିହଁ ରାସ୍‌କି ଆହାମାନେ, ନାନୁ ମେଣ୍ଡା ଗଡ଼ୁଁ ପାୟିଇଁ ଇଞ୍ଜା ମେଣ୍ଡାୟା ଆଲାରା ଆହାହାନୁ □

୨୮ *ସାମା ନାନୁ ହାହାନା ଖେଣ୍ଡେ ନିଜିତି ତାୟୁ ମୀ ନକିତା ଗାଲିଲିତା ହାଇଁ □”

୨୯ ଏମାଟିଏ ପିତର ଏଲେଇଚେସି, “ବାରେଜାଣା ପିସା ହାଜାନେରି ନାନୁ କଡ଼େ ନିଜେ ଏଚେଲା ପିସୁଅଁ □”

୩୦ ଜୀସୁ ପିତରଇଁ ଏଲେଇଚେସି, “ନାନୁ ନିଜେ ସାତା ଖେସିମାଞ୍ଜାଇଁ, ନୀଞ୍ଜୁ ଈ ଲାଆଁୟାଁ କୟୁ ରା ଦେବା କେଣ୍ଡା ମାନାଟିଏ, ନାନୁ ଏଞ୍ଜାଣାଇଁ ପୁଞ୍ଜାହିଲଅଁ ଇଞ୍ଜୁଁ ତାନିପାଲି ଏଲେଇଞ୍ଜି □”

୩୧ ସାମା ପିତର ଆଡ଼ୁଏ ତଲେ ଏଲେଇଚେସି, “ନାଜେ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଜେ ଏଚେଲା ପୁଞ୍ଜାହିଲଅଁ ଇଞ୍ଜୁଅଁ □” ଇଞ୍ଜା ବାରେଜାଣା ଜିକେଏ ଏଲେଇଚେରି □

ଜୀସୁ ଗେଡ଼ସିମନିତା ପ୍ରାତାନା କିନାୟି

(ମାତି ୨୭:୩୬-୪୭; ଲୁକ ୨୨:୩୯-୪୭)

୩୨ ତାୟୁ ଏଞ୍ଜାରି ଗେଡ଼ସିମନି ଇନି ର ଗାୟୁତା ଖାଡ଼େରି, ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, “ନାନୁ ପ୍ରାତାନା କିହମାନି ପାତେକା ଇମ୍ପାଆଁ କୁଗାନା ମାଞ୍ଜୁ □”

୩୩ ଇଞ୍ଜା ଏଞ୍ଜାସି ପିତର, ଜାକୁବ ଅଡ଼େ ଜହନଇଁ ତାନିତଲେ ଅଡ଼େସି □ ଏଞ୍ଜାସି ହାଡ଼େକା ଦୁକୁତି କସୁ ତାକି କିଲିବିଲି ଆଡ଼େସି □

୩୪ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ନା ଜୀସୁ ହାନିଲେହେଁ ହାଡ଼େକା କିଲିବିଲି ହଡ଼ିମାଞ୍ଜାନେ; ମୀରୁ ଇମ୍ପାଆଁ ତେଝଏଲାନା କାଟାମାଞ୍ଜୁ □”

୩୫ ଜୀସୁ ନକିତା ହାଜାନା ବୁନିତା ମୁନୁ କୁଚିତେସି, ଅଡ଼େ ଆହାଲି ଆଡ଼ିତିହଁ, ଏ ଦୁକୁ ଏଞ୍ଜାଣି ତାଣାଟି ଏନିକିଁ ହେକ ଆନେ, ଏଦାଆଁତାକି ପ୍ରାତାନା କିତେସି □

୩୬ ଇଞ୍ଜା ଜୀସୁ ଏଲେଇଚେସି, “ଆବା, ନାନୁ ବାରେଏ କିହାଲି ଆଡ଼ିଦି; ଈ କସୁ ବାଦା ନା ତାଣାଟି ହେକ କିମ୍ପୁ; ଆଡ଼ିଜିକେଏ ନା କାତା ଆଏ ନୀ କାତେଏ ଆପେ □”

୩୭ ଇଞ୍ଜା ଏଞ୍ଜାସି ହାହାନା ସୀସୁୟାଁ ଇଦା କିତାଣି ମେସ୍ତେସି, ଇଞ୍ଜା ପିତରଇଁ ଏଲେଇଚେସି, “ସିମନ ନାନୁ ତୁରିତିକି ? ଗାଡ଼େକା ଜିକେଏ କାଟାଲି ଆଡ଼ାଆତେରି ?

୩୮ ଏଦାଆଁତାକି କାଟାନା ପ୍ରାତାନା କିଦୁ; ଏନିକିଁ ମୀରୁ ପାଠାତା ହେରୁଅତେରି, ମନ ମାନେ ସାତା, ଆଜାତା ବାଡ଼ୁୟୁ ହିଲେଏ □”

୩୯ ଏଞ୍ଜାସି ଅଡ଼େ ଖେଣ୍ଡେ ହାଜାନା ତଲିତିଲେହେଁ ପ୍ରାତାନା କିତେସି □

୪୦ ଅଡ଼େ ଖେଣ୍ଡେ ଖାହାନା ଏଞ୍ଜାସି ଏଞ୍ଜାରାଇଁ ଇଦା କିହାମାନାଣି ମେସ୍ତେସି, ଇଚିହଁ ଏଞ୍ଜାରି କାଣ୍ଡକା ପଜୁଡ଼ି ଆହିମାଡ଼ୁ, ଇଞ୍ଜା ଏଞ୍ଜାରି ଏଞ୍ଜାଣାଇଁ ଏନାଆଁ ଜଲିନେରି ପୁଞ୍ଜାଲି ଆଡ଼ାଆତେରି □

୪୧ ଜୀସୁ ତାନି ଦେବା ଖାହାନା ସୀସୁୟାଁଇଁ ଏଲେଇଚେସି, “ମୀରୁ ଗାଡ଼େକା ତୁରାନା ଜମାଦୁ; ହାଡ଼େକା ବେଲା ଆଡ଼େୟିଏ, ଏ ବେଲା ଏଗାଞ୍ଜାହିମାନେ; ମେହଦୁ ମାଣସି ମୀରୁଏସି ସାଡ଼ୁୟାଁ କେୟୁତା ହେରୁପି ଆହିମାନେସି □

୪୨ ନିଜାଦୁ, ମାର ହାନ, ମେହଦୁ ଆମ୍ପାଆସି ନାଜେ ସାଡ଼ୁୟାଁ କେୟୁତା ହେରୁପାନେସି ଏଞ୍ଜାସି ଏଗାଞ୍ଜାଚେସିଏ □”

ଜୀସୁ ସାଡ଼ୁ କେୟୁତା ହେରୁପି ଆନାୟି

(ମାତି ୨୭:୪୭-୫୬; ଲୁକ ୨୨:୪୭-୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀସୁ ଖେସିମାଟି ବେଲାତା, ବାରେଜାଣା ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ତାନିତଲେ କାଜା ପୁଜେରାଜା, ମେରା ପୁନାରି ଇଞ୍ଜା ଲକୁଚି କାଜାରି ତାଣାଟି କାଣ୍ଡା ଟେଙ୍ଗା ଆସାନା ଖାଡ଼େରି □

* ୧୪:୨୮ ୧୪:୨୮ ମାତି ୨୮:୧୭

୪୪ ଜୀସୁଙ୍କ ସାହୁଯ୍ୟ କେୟୁତା ହେଉପିନାସି ଏଞ୍ଜାରାଙ୍କୁ ଛ ସିନା ଝେସାମାରେସି, “ନାନୁ ଆମ୍ବାଆରାଙ୍କୁ ନଶ୍ଚିଙ୍କୁ ଏଞ୍ଜାସିଏ ଏଞ୍ଜାସି □ ଏଞ୍ଜାଶାଙ୍କୁ ଦସାନା ଜାଗ୍ରାତା ତଲେ ଅନୁ □”

୪୫ ଇଞ୍ଜା ଏଞ୍ଜାସି ଏ ଦେବୁଣିଏ ଏଞ୍ଜାଣି ତାଗେ ହାଜାନା, “ଏ ଗୁରୁ” ଇଞ୍ଜାନା ଏଞ୍ଜାଶାଙ୍କୁ ନଶ୍ଚିତେସି □

୪୬ ଏମ୍ବାଟିଏ ଏଞ୍ଜାରି ଏଞ୍ଜାଶାଙ୍କୁ ଆସାନା ଦସା ଅତେରି □

୪୭ ସାମା ତାଗେ ନିଗାମାଟି ଲକ୍ଷୁ ବିତ୍ରାଟି ରଅସି କାଣ୍ଡା ହପୁହେସି ଇଞ୍ଜା କାଜା ପୂଜେରା ହଟ୍ଲେଏଶା କିୟ୍ ଯାତେସି □

୪୮ ଜୀସୁ ଏଞ୍ଜାରାଙ୍କୁ ଏଲେଇଚେସି, “ସରୁଙ୍କୁ ଆସାଲି ହାନିଲେହେଁ କାଣ୍ଡା ଅଡ଼େ ଟେଙ୍ଗା ଆସାନା ମୀରୁ ନାଜେ ଆସାଲି ଖାତେରି ?

୪୯ ନାନୁ ବାରେଦିନା ମୀ ତଲେ ପ୍ରାତାନା ଇଲୁତା ମାଞ୍ଜାନା ଜାପୁହି ମାଞ୍ଜାତେସି, ସାମା ମୀରୁ ନାଜେ ଆସାଆତେରି; ସାମା ଦାମ୍ବୁ ପତିତି ରାସ୍ତି ଆଡ଼ି ବଲୁ ଏନ୍ନିକିଁ ସାତା ଆନେ, ଏଦାଆଁତାକି ଛ ବାରେ ଆହିମାନେ □”

୫୦ ଏରିଚେଲା ବାରେଜାଣା ସାମୁୟାଁ ଏଞ୍ଜାଶାଙ୍କୁ ପିସାନା ହାଚେରି □

୫୧ ର ଦାଂଗଣା କକାସି ର ହିମ୍ବରି ପିଡ଼ଗାହାଁ ଜୀସୁ ଜେଚ ଜେଚ ହାଜିମାରେସି; ଏଞ୍ଜାରି ଏଞ୍ଜାଶାଙ୍କୁ ଆସାଲି ହାଜାଲିଏ,

୫୨ ଏଞ୍ଜାସି ଏ ପାଡ଼ାଡ଼ା ହିମ୍ବରି ପିସାନା ଖାବୁଇ ଆଜାଟି ହଟାଡୁସ୍ତେସି □

ଜୀସୁଙ୍କ ବେରଣିମାଣ୍ଡାତା ନୀହାଁସି କିନାସି

(ମାତି ୨୨:୫୭-୬୮; ଲୁକ ୨୨:୫୪-୫୫, ୬୩-୭୧; ଜହ ୧୮:୧୩-୧୪, ୧୯-୨୪)

୫୩ ତାୟୁ ଏଞ୍ଜାରି ଜୀସୁଙ୍କୁ କାଜା ପୂଜେରା ନକିତା ଅତେରି, ଇଞ୍ଜା କାଜା ପୂଜେରା, ଲକ୍ଷୁତି କାଜାରି ଅଡ଼େ ମୋରା ପୁନାରି ବାରେ ଖାହାନା ରୁଣ୍ଡା ଆତେରି □

୫୪ ପିତର ହେକ ମାଞ୍ଜାନା ଏଞ୍ଜାଣି ଜେଚ ଜେଚ କାଜା ପୂଜେରା ଆଂଗେଣି ବିତ୍ରା ହାଚେସି ଇଞ୍ଜା ଜାମାନାଜା ତଲେ କୁଗାନା ହିରୁ କେରୁଞ୍ଜି ମାଚେସି □

୫୫ ଏମ୍ବାଟିଏ କାଜା ପୂଜେରାଜା ଇଞ୍ଜା ବେରଣି ମାଣ୍ଡାତି ବାରେଜାଣା ଜୀସୁଙ୍କୁ ପାୟାଲି ଏଞ୍ଜାଣି କପାଟି ସାକିୟାଁ ପାରିଚେରି, ସାମା ଏନ୍ନି ଦହ ବେଟାଆଆତେରି;

୫୬ ଇଚିହଁ ହାଚେରକା ଏଞ୍ଜାଣି କପାଟି ମିଟି ସାକିୟାଁ ହାତି ଜିକେଏ ଏଞ୍ଜାରି ହାତି ସାକି ଆଣ୍ଡାଆତେ □

୫୭ ତାୟୁ ଏଚରଜାଣା ହଟାନା ଏଞ୍ଜାଣି କପାଟି ମିଟି ସାକି ହାହାନା ଏଲେଇଚେରି,

୫୮ “ମାମ୍ବୁ ଛୁଞ୍ଚାଣାଙ୍କୁ ଛ କାତା ଝେସିମାଚାଣି ଝେଞ୍ଜାମାନମି, ନାନୁ ଛ କେୟୁଟି କେପିତି ପ୍ରାତାନା ଇଲୁତି ଡିକହାନା ତାନିଦିନା ବିତ୍ରା ଅଡ଼େ ମାଣ୍ଡସି କେପାଆତି ପ୍ରାତାନା ଇଲୁ କେପିଲି □

୫୯ ସାମା ଏମ୍ବାଆଁ ଜିକେଏ ସାକି ଆଣ୍ଡାଆତେ □”

୬୦ ଏଚେଟିଏ କାଜା ପୂଜେରା ମାଦିଏ ନିଗାନା ଜୀସୁଙ୍କୁ ଝେଚେସି, “ନୀ କପାଟି ଇଞ୍ଜାରି ଆନିନି ସାକି ହାହିମାନେରି, ଝେଣ୍ଡେ ଜଲ୍ଲାଲି ଏନ୍ନି କାତା ହିଲେଏ କି ?”

୬୧ ସାମା ଏଞ୍ଜାସି ପାଲେଏ ଆହାନା ଏନ୍ନି କାତା ଜଲ୍ଲାଆତେସି, କାଜା ପୂଜେରା ଅଡ଼େ ଝେଣ୍ଡେ ଏଞ୍ଜାଶାଙ୍କୁ ଝେଚେସି, “ନାନୁ କି ମାନ୍ନିଗାଟି ମାହାପୁରୁ ମାର୍ବଣାତି କ୍ରାସୁ ?”

୬୨ ଜୀସୁ ଏଲେଇଚେସି, “ନାନୁ ଏଞ୍ଜାତେସି, ମୀରୁ ମାଣ୍ଡସି ମାର୍ବଣାଙ୍କୁ ବାଡ଼ୁଡୁଗାଟି ଟିଝନିଞ୍ଜାକି କୁଗାମାନାଣି ମେହଦେରି ଇଞ୍ଜା ହାଗୁ ଦୁହାଟି ଝେଣ୍ଡେ ଖାନାଣି ମେହଦେରି □”

୬୩ ଏଚେଟିଏ କାଜା ପୂଜେରା ତାନି ହିମ୍ବରି ଗେସାନା ଏଲେଇଚେସି, “ମାଜେ ଅଡ଼େ ଏନ୍ନି ସାକିୟାଁ ଲଡ଼ା ହିଲେଏ □

୬୪ ମୀରୁ ମାହାପୁରୁ ନିନ୍ଦା ଝେଚେରି; ମୀ ଅଣ୍ଡପୁ ଏନାସି ?”

ଏମ୍ବାଟିଏ ବାରେଜାଣା ଏଞ୍ଜାସି ହାନ୍ନି ତଣ୍ଡ ବେଟାଆପେସି ଇଞ୍ଜା ଏଲେଇଚେରି □

୬୫ ଇଞ୍ଜା ଆମ୍ବା ଆମ୍ବାଆରି ଏଞ୍ଜାଣିଲାକ ହୁପିଚେରି ଇଞ୍ଜା ଏଞ୍ଜାଣି କାଣ୍ଡକା ପଜାନା ଏଞ୍ଜାଶାଙ୍କୁ ଝେଚାନା ଝେଚେରି, “ମାହାପୁରୁ ଅଣ୍ଡପୁତି ବଲୁ ଝେହ୍ନାତି ଆମ୍ବାଆସି ନିଜେ ଝେଡାତେସି, ଝେସ୍ତାମ୍ବା!” ଜାମାନାଜା ଜିକେଏ ଆସାନା ସାପୁଡ଼ା ଝେଚିହଁ ଅତେରି □

ପିତର ଜୀସୁଙ୍କ ପୁଞ୍ଜାହିଲଅଁ ଇନାସି

(ମାତି ୨୭:୨୯-୩୫; ଲୁକ ୨୨:୫୭-୬୨; ଜହ ୧୮:୧୫-୧୮, ୨୫-୨୭)

* ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭

୭୬ ଏମ୍ବ୍ରାଟିଏ ପିତର ଆଂଗେଣିତା ମାଟିବେଲ୍ଲାତା କାଜା ପୂଜେରା ହଲେଣି ଝାହାନା ପିତର ହିରୁ କେରୁଞ୍ଜି ମାଗାଣି ମେସ୍ତେ,

୭୭ ଇଞ୍ଜା ପିତରଇଁ ସିନିକିହାନା ଏଲେଇଚେ, “ନୀନୁ ଜିକେଏ ନାଜ୍ଜିରତ ଜୀସୁତଲେ ମାଟି □”

୭୮ ସାମା ଏଝାସି, ନୀନୁ ଏଝାଣାଇଁ ପୁଞ୍ଜାହିଲଅଁ, ନୀନୁ ଏନାଆଁ ଝେସିମାଞ୍ଜି ନୀନୁ ପୁଞ୍ଜିହିଲଅଁ, ତାୟୁ ଏଝାସି ଆଂଗେଣି ଦୁଝେରିତା ହାଚେସି, ରେଟୁଏ କୟୁ କେଶ୍ଚେ □

୭୯ ଇଞ୍ଜା ଏ ହଲେଣି ଏଝାଣାଇଁ ମେସାମା ଦାରିତା ନିଗାମାନି ଲକୁଣି ଅଡେ ଝେଶ୍ଚେ ଝେସାଲି ମାଟୁହେ, “ଇଝାସି ଏଝାରି ବିତ୍ରାଟି ରଅସି □”

୮୦ ସାମା ଏଝାସି ଅଡେ ଝେଶ୍ଚେ ପୁଞ୍ଜାହିଲଅଁ ଇଚେସି, ଅଡେ ଗାଡ଼କା ଆହାଲିଏ ଦାରିତା ମାଟି ଲକୁ ପିତରଇଁ ଏଲେଇଚେରି, “ନୀନୁ ସାଚେଏ ଏଝାରି ବିତ୍ରାଟି ରଅତି, ଇଚିହିଁ ନୀନୁ ର ଗାଲିଲି ଲକୁତି □”

୮୧ ସାମା ଏଝାସି ପାରମାଣା ଇଞ୍ଜା ବାକା ଇଗାନା ଏଲେଇଚେସି, ମୀରୁ ଆମିନି ଲକୁତି କାତା ଝେସିମାଞ୍ଜେରି, ନୀନୁ ଏଝାଣାଇଁ ପୁଞ୍ଜାହିଲଅଁ □

୭୭ ଏ ଦେବୁଣିଏ କୟୁ ରୀ ଦେବା କେଶ୍ଚେ □ ଏମ୍ବ୍ରାଟିଏ କୟୁ ରୀ ଦେବା କେଶ୍ଚା ନକେଏ ନୀନୁ ନାଜ୍ଜେ ତାନି ଦେବା ନୀନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରଇଁ ଏଲେଇଞ୍ଜାମାଚେସି, ଏଦି ଏଝାଣି ମନ୍ଦତା ଝାଡ଼େ, ଇଞ୍ଜା ଏଝାସି ଏ କାତା ଅଣ୍ପିହିଁ ହାଚେରକା ଡାହାଲି ମାଟୁହେସି □

୧୫

ପିଲାତ ନକିତା ଜୀସୁ

(ମାଟି ୨୭:୧-୨,୧୧-୧୪; ଲୁକ ୨୩:୧-୫; ଜହ ୧୮:୨୮-୩୮)

୧ ଲାଜ୍ ଝେୟାଲିଏ ବେରଣି ମାଣ୍ଡାତାରି, ଇଚିହିଁ ଲକୁତି କାଜାରି ଇଞ୍ଜା ମେରା ପୁନାରି ତଲେ କାଜା ପୂଜେରାଞ୍ଜା ବେରଣି କିହାନା କାତା ଆଡେରି □ ଜୀସୁଇଁ ଦସ୍ପା ଅହାନା ପିଲାତ କେୟୁତା ହେରପିତେରି □

୨ ପିଲାତ ଏଝାଣାଇଁ ଝେଚେସି, “ନୀନୁ କି ଜୀହୁଦି ଲକୁତି ରାଜା ?”

ଜୀସୁ ଏଝାଣାଇଁ ଏଲେଇଚେସି, “ନୀନୁଏ ଏଲେ ଇଞ୍ଜିମାଞ୍ଜି □”

୩ ଇଞ୍ଜା କାଜା ପୂଜେରାଞ୍ଜା ଜୀସୁ କପାଟି ହାଚେରକା କାତାୟାଁ ଝେସ୍ତେରି □

୪ ଏମ୍ବ୍ରାଟିଏ ପିଲାତ ଅଡେ ଝେଶ୍ଚେ ଏଝାଣାଇଁ ଝେଚେସି, “ନୀନୁ ଏନାଆଁତାକି ଝେସିମାଞ୍ଜିଅତି ? ମେହ୍ମୁ ଇଝାରି ନୀ କପାଟି ହାଚେରକା କାତା ଜଲିମାନେରି □”

୫ ସାମା ଜୀସୁ ଏନି ହାଡ଼ା ଜଲାଆଚେସି, ଏଚେଟିଏ ପିଲାତ କାବା ଆଚେସି □

ଜୀସୁ ହାନି ତଣ୍ଡ

(ମାଟି ୨୭:୧୫-୨୬; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୬ ସାମା ପାର୍ବୁ ବେଲ୍ଲାତା ଲକୁ ଆମିନି କାୟିଦି ଗାଟାଣାଇଁ ରାସିମାଚେରି, ଏଝାଣାଇଁ ପିଲାତ ଏଝାରି ତାକି ପିସିମାଚେସି □

୭ ଆମିନି ଗଡ଼ହା ଗାଗାରି ଗଡ଼ହା ବେଲ୍ଲାତା ଲକୁଣି ପାୟାମାଚେରି, ଏଝାରିତଲେ ବାରବା ଦରୁଗାଗାସି କାୟିଦିତା ମାଚେସି □

୮ ଏନାଆଁତାକି ତାନି ମେରା ଲେହେଁ କିହାଲି ପିଲାତଇଁ ବାଟିମାଲିତେରି □

୯ ଏମ୍ବ୍ରାଟିଏ ପିଲାତ ଏଝାରାଇଁ ଏଲେଇଚେସି, “ମୀରୁ ଏନାଆଁ ଅଣ୍ପିମାଞ୍ଜେରି ? ନୀନୁ ମିଜ୍ଜେତାକି ଜୀହୁଦି ଲକୁତି ରାଜାଇଁ ପିସାହିୟାଇଁ ?”

୧୦ ଇଚିହିଁ କାଜା ପୂଜେରାଞ୍ଜା ଏଝାଣାଇଁ ଡାହାରା ତଲେ ହେରପାମାଚେରି, ଏନାଆଁ ଏଝାସି ପୁଚେସି □

୧୧ ସାମା ଏଝାସି ଏନିକିଁ ଏଝାରି ତାକି ବାରବାଇଁ ପିହ୍ନେସି, ଏନାଆଁତାକି କାଜା ପୂଜେରାଞ୍ଜା ଲକୁଣି ଝେସ୍ତେରି □

୧୨ ସାମା ପିଲାତ ଝେଶ୍ଚେ ଏଝାରାଇଁ ଏଲେଇଚେସି, “ଆଡିହିଁ ଆମ୍ବାଆରାଇଁ ଜୀହୁଦି ଲକୁତି ରାଜା ଇଞ୍ଜା ମାଞ୍ଜେରି, ଜୀସୁଇଁ ନୀନୁ ଏନାଆଁ କିଇଁ ?”

୧୩ ଲକୁ ବାରେ କାଲୁଞ୍ଜି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ □”

୧୪ ଏମ୍ବ୍ରାଟିଏ ପିଲାତ ଏଝାରାଇଁ ଝେଚେସି, “ଏନାଆଁତାକି ଏଝାସି ଏନି ଦହ୍ କିହାମାନେସି ?” ସାମା ଏଝାରି ଗାତି କାଲୁଞ୍ଜି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ □”

୧୫ ଏତେଟିଏ ପିଲାତ ଲକ୍ଷ୍ମଣ ରାହୁଁ କିହାଲି ମନ କିହାନା ଏଝାରି ତାକି ବାରବାଇଁ ପିପ୍ରେସି, ଇଞ୍ଜା ଜୀସୁଇଁ ସାବୁଣି ତଲେ ଝେପି କିହାନା ପାସି ମୁଣ୍ଡାତା ଏକହାଲି ହେଦପିତେସି □

କସ୍କା ଜୀସୁଇଁ ନିନ୍ଦାକିହିଁ କାକନାସି

(ମାତି ୨୭:୨୭-୩୧; ଜହ ୧୯:୨-୩)

୧୬ ଏମ୍ବାରିଏ କସ୍କା ଜୀସୁଇଁ ଆଂଗେଣିଟି ମେଡ଼ା ଇଲୁ ବିତ୍ରା ଅହାନା ବାରେ କସ୍କାଣି ହାଡ଼ାନା ରୁଣ୍ଡା କିତେରି □

୧୭ ଏଝାରି ଏଝାଣାଇଁ ହେୟାଁ ଖାଣା ହିମ୍ବୁରି ହୁଟିକିତେରି ଇଞ୍ଜା ହାପୁକା ଚପେରି ଆଲାନା ଏଝାଣି ତାୟୁଁ ତୁ ହୁରୁଝି କିତେରି;

୧୮ ଅଡ଼େ “ଏ ଜୀହୁଦି ଲକ୍ଷ୍ମଣି ରାଜା ଜହରା” ଇଞ୍ଜା ଏଝାଣାଇଁ ନିନ୍ଦାକିତେରି □

୧୯ ଇଞ୍ଜା ଏଝାରି ର ବାଡ଼ଗା ଆସାନା ଏଝାଣି ତାୟୁଁ ତୁ ଝେତେରି ଇଞ୍ଜା ମେଣ୍ଡାକୁତାନା ଜହରା କିତେରି □

୨୦ ଏଝାରି ଏଝାଣାଇଁ ଲାଜାକିହିଁ କାକହି ତାୟୁ, ଏ ହେୟାଁ ଖାଣାଗାଟି ହିମ୍ବୁରି ହୁକହା ଅହାନା ତାନି ହିମ୍ବୁରି ହୁଟିକିତେରି □ ଇଞ୍ଜା ଏଝାରି ଏଝାଣାଇଁ ପାସି ମୁଣ୍ଡାତା ଏକହାଲି ପାଞ୍ଜାତା ଅତେରି □

ଜୀସୁଇଁ ପାସି ଏକନାସି

(ମାତି ୨୭:୩୨-୪୪; ଲୁକ ୨୩:୨୭-୪୩; ଜହ ୧୯:୧୭-୨୭)

୨୧ *ଏତିବେଲା ଆଲେକଜାଣ୍ଡାର ଇଞ୍ଜା ରୁପତାନି ଆବା ସିମନ ଦରୁଗାଟି ର କୁରିଣିୟ ଲକ୍ଷ୍ମଣ ନାୟୁଁଟି ଖାହାନା ଏ ଜିରୁଟି ହାଜିମାତେସି; ଏଝାରି ଏଝାଣାଇଁ ଜୀସୁଟି ପାସିମୁଣ୍ଡା ଡେକାଲି ବାଲାମାତମି କିତେରି □

୨୨ ଇଞ୍ଜା ଏଝାରି ଏଝାଣାଇଁ ଗଲଗତା ଇଟିହିଁ “ତାୟୁଁ ରୁପା” ଇନି ଟାୟୁତା ତାତେରି □

୨୩ ଇଞ୍ଜା ଏଝାରି ଏଝାଣାକି ପୁଲା ଆଣ୍ଡିତି ଅଜୁରି ରାସା ଗସାଲି ହାତେରି, ସାମା ଏଝାସି ଏଝାଆଁ ଗହଆତେସି □

୨୪ ଏତେଟିଏ ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି, ଇଞ୍ଜା ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ବୁରିକା ତାମ୍ବୁ ତାମ୍ବୁ ଚାଟି କିହାନା ଅତେରି □

୨୫ ଦିନା ନ ଗଂଗା ବେଲାତା ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି □

୨୬ ଇଞ୍ଜା ଏଝାଣିଲାକ ଇଲେଇଞ୍ଜା ରାସୁକି ଆହାମାତେ, “ଇଝାସି ଜୀହୁଦି ଲକ୍ଷ୍ମଣି ରାଜା □”

୨୭ ଇଞ୍ଜା ଏଝାଣି ଚିଝନିଝାକି ରଅଣାଇଁ ଅଡ଼େ ଚେଟୁଝାକି ରଅଣାଇଁ, ଇଲେକିହିଁ ରୀ ସବୁକାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକହେରି □

୨୮ ଏତେଟିଏ ଦାମ୍ବୁ ପତିତି କାତା ସାତା ଆଡ଼େ, ଏଝାସି ପାପୁ ଗାଟାରି ତଲେ ଲେକା କିଝିଆଡ଼େସି □*

୨୯ *ଏ ଜିରୁଟି ହାଜିମାନି ଲକ୍ଷ୍ମଣ ତାନି ତାକା ଗୁଟୁକିକିହିଁ ଏଝାଣାଇଁ ନିନ୍ଦାକିହିଁ ଏଲେଇତେରି, “ଆବା, ମାହାପୁରୁ ଲକ୍ଷ୍ମଣି ତିକନାତି ଇଞ୍ଜା ତାନି ଦିନାଟିଏ ଏଦାଆଁ କେପିନାତି,

୩୦ ପାସି ମୁଣ୍ଡାଟି ରେଟାଖାହାନା ନିଜେ ଗେଲୁପା କତାମ୍ବୁ □”

୩୧ କାଜା ପୁଜେରାଞ୍ଜା ଜିକେଏ ଏଲେକିହିଁ ମେରାପୁନାରି ତଲେ ତାମ୍ବୁ ତାମ୍ବୁ ଏଝାଣାଇଁ ନିନ୍ଦାକିହିଁ ଏଲେଇତେରି, “ଏଝାସି ଅର ଲକ୍ଷ୍ମଣି ଗେଲୁପିତେସି, ସାମା ତାଜେ ଗେଲୁପାଲି ଆଡ଼ିହିଲଅସି □

୩୨ ଇସ୍ରାୟେଲତି ରାଜା କ୍ରୀସୁଟି ଇଟିହିଁ ଦେବୁଣିଏ ପାସି ମୁଣ୍ଡାଟି ରେଟା ଖାମ୍ବୁ, ଏନିକିହିଁ ମାମ୍ବୁଏଦାଆଁ ମେସାଜା ନାମାନି □”

ଇଞ୍ଜା ଆନିନି ଗାଗାଗାଇଁ ଜୀସୁତଲେ ପାସି ମୁଣ୍ଡାତା ଏକହା ମାତେରି, ଏଝାରି ଜିକେଏ ଏଝାଣାଇଁ ନିନ୍ଦାକିତେରି □

ଜୀସୁ ହାନାସି

(ମାତି ୨୭:୪୫-୫୬; ଲୁକ ୨୩:୪୪-୪୯; ଜହ ୧୯:୨୮-୩୦)

୩୩ ବାର ଗଂଗା ବେଲା ଏ ଡେସା ଆନେରି ଆହାନା ତାନି ଗଂଗା ପାତେକା ଡ଼ୟିତେ □

୩୪ ତାନି ଗଂଗା ବେଲାତା ଜୀସୁ କାଜା ହାଡ଼ାତଲେ ହାଡ଼ାନା ଏଲେଇତେସି, “ଏଲହି ଏଲହି ଲାମା ସାବକତାନି ?” ଇଟିହିଁ “ଏ ନା ମାହାପୁରୁ ଏ ନା ମାହାପୁରୁ ନାନୁ ନାଜେ ଏନାଆଁତାକି ପିସ୍ତାତି ?”

* ୧୫:୨୧ ୧୫:୨୧ ରମି ୧୭:୧୩ * ୧୫:୨୮ ୧୫:୨୮ ଜିସାୟ ୫୩:୧୨ କତେକା ସାପ୍ରେରିତା ଇ କାତା ରାସୁକି ଆହାହିଲେଏ □
* ୧୫:୨୯ ୧୫:୨୯ ମାର୍ଚ୍ଚ ୧୫:୫୮; ଜହ ୨:୧୯

୩୫ ଈ ହାତୀ ଖେଞ୍ଜାନା ଦାରିତା ନିତାମାନି ଲକ୍ଷୁ ଆମ୍ବା ଆମ୍ବାଆରି ଏଲେଇଚେରି, “ମେହ୍ଦୁ ଏଝାସି ଏଲିୟଇଁ ହାଟି ମାନେସି □”

୩୬ ଇଞ୍ଜା ରଅସି ହଟିହଁ ହାଜାନା ର ଡ୍ରାଃଆଲି ପୁଲ୍ଲା ଅକ୍ଳୁରି ରାସାତା ମେହ୍ଦହାନା ଏଦାଆଁ ର ବାଡ଼ଗାତା ରୁପାନା ଏଝାଣାକି ଗସାଲି ହାହାନା ଏଲେଇଚେସି, “ହେଣ୍ଡୁ ଏଲିୟ ଇଝାଣାଇଁ ଗେଲ୍ପାଲି ଝାହିମାନେସି କି ଆଏ ସିନିକନ □”

୩୭ ସାମା ଜୀସୁ କାଜା ଗିୟାଁତଲେ ଜଲ୍ଲାନା ହାଚେସି □

୩୮ ଇଞ୍ଜା ମାହାପୁରୁ ଇଲୁତା ଲେଟାମାନି ହିମ୍ବୁରି ଲାକଟିଏ ଡ଼କ ପାଚେକା ଗେଞ୍ଜାନା ରୀ ବାଗା ଆଚେ □

୩୯ ଏଝାଣି ନକିତା ନିତାମାନି ପାସାକଡ଼ି କସ୍‌କା ମୁହେଁ କାଜାସି ଏଝାଣି ଇଲେଟି ହାତୀଣି ମେସାନା ଏଲେଇଚେସି, “ସାଚେଏ, ଇଝାସି ମାହାପୁରୁତି ମୀରଏସି ମାଚେସି □”

୪୦ *ଏଚେକା ଇୟାସିକା ଜିକେଏ ହେକଟି ସିନିକିହିମାତୁ; ଏଝାସିକା ବିତ୍ରାଟି ମଗଦଲିନି ମରିୟମ, ଉଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଚେ ସାଲମି ମାତୁ;

୪୧ ଏଝାସି ଗାଲିଲିତା ମାଚାଟି ଏଢ଼ି ଏଝାଣି କେଚ ହାଜାନା ଏଝାଣି ସେବା କିହିମାତୁ; ଏଝାସିକା ତଲେ ଜିରୁସାଲମତା ଝାହାମାନି ହାଚେକା ଇୟାସିକା ସିନିକିହିମାତୁ □

ଜୀସୁଇଁ ମାହଣି ମାଣ୍ଡାତା ମୁହ୍‌ନାୟି

(ମାତି ୨୭:୫୭-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଖେଡ଼ା ହାଜିମାଚାଟି, ଏ ଦିନା ତିୟାୟା ଆନି ଦିନା ଇଚିହଁ ଜମିନି ଦିନାଟି ନକିତି ଦିନା ମାଚାକି, ୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନିଗାଗାସି ମାଚେସି, ଇଞ୍ଜା ଆମିନିଗାଗାସି ତାନୁଏ ମାହାପୁରୁତି ରାଜି କାଟିମାଚେସି, ଏଝାସି ସାସାତଲେ ପିଲାତ ତାଣା ହାଜାନା ଜୀସୁତି ଆଜା ରାସେସି □

୪୪ ସାମା ଏଝାସି ହାଚେସିଏ ଈ କାତା ପିଲାତ ଖେଞ୍ଜାନା କାବା ଆଚେସି, ଇଞ୍ଜା ପାସାକଡ଼ି କସ୍‌କା ମୁହେଁ କାଜାଣାଇଁ ତାଗେ ହାଚାନା ଖେଚେସି, “ଏଝାସି ହାହାନା ହାଚେକା ବେଲା ଆଚେସିଏ ?”

୪୫ ପାସାକଡ଼ି କସ୍‌କା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଜାଟି ଅହାଲି ଜସେପଇଁ ହେଲ ହାଚେସି □

୪୬ ଏଝାସି ର ପାତାଡ଼ା ହିମ୍ବୁରି କତାନା ଏଝାଣାଇଁ ରେପହା ତାଗାନା ଏ ହିମ୍ବୁରି ରୁପିଚେସି ଇଞ୍ଜା ହରୁତା କାରୁହାମାନି ମାଡ଼ହା ମୁହ୍‌ନି ଗାୟତା ଏଝାଣାଇଁ ଇଟାନା ଦୁଖେରିତା ର କାଜା ଝାଲି ଉସି କିଚେରି □

୪୭ ଏଝାଣାଇଁ ଆମିନି ଗାୟତା ଇଟକି ଆହାମାନେ, ଏଦାଆଁ ମଗଦଲିନି ମରିୟମ ଇଞ୍ଜା ଜସି ତାମି ଇୟା ମରିୟମ ମେସାମାତୁ □

୧୭

ଜୀସୁ ଖେଣ୍ଡେ ନିଜିନାୟି

(ମାତି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗଦଲିନି ମରିୟମ, ଜାକୁବ ତାମି ଇୟା ମରିୟମ, ଇଞ୍ଜା ସାଲମି ଗାଦାଗାଟି ନିୟୁଁ କଡ଼ିଚୁ, ଏନିକିଁ ଏଢ଼ି ହାଜାନା ଜୀସୁ ଆଜାତା ରୁବାଲି ଆଡ଼ିନୁ □

୨ ଏଢ଼ି ଝାଗାଟି ମୁଲ୍ଲୁ ଦିନା ଲାଜୁ ଖେଡ଼ା ହନି ବେଲାତା ମାହଣି ମାଣ୍ଡାତା ହାତୁ □

୩ ଏଢ଼ି ତାମ୍ବୁତାମ୍ବୁ ଖେସ୍‌ସି ଆହିମାତୁ, “ଆମ୍ବାଆସି ମାଜେତାକି ମାହଣି ମାଣ୍ଡା ଦୁଖେରିତି ଝାଲି ଉସିକିହା ହିୟାନେସି ?” ଏଦାଆଁତାକି ଇଚିହଁ ଏ ଝାଲି ହାଚେକା କାଜାୟି ମାଚେ □

୪ ସାମା ଏଢ଼ି ଏମ୍ବାଆଁ ସିନିକିନି ବେଲାତା, ଝାଲି ଉସିକିଢ଼ି ଆହାମାଚେ □

୫ ଏଢ଼ି ମାହଣି ମାଣ୍ଡାତା ହାତାନା ଦବ୍‌ଲା ହିମ୍ବୁରି ହୁତାମାନି ର ଦା*ଗଣେଏଣାଇଁ ଚିଃନିଝାକି କୁଗାମାନାଣି ମେସାନା ହାଚେକା କାବାଆଡ଼ୁ □

୬ ଏମ୍ବାଟିଏ ଏଝାସି ଏଝାସିକାଣି ଏଲେଇଚେସି, “ଆଜାଆଦୁ; ମୀରୁ ପାସି ମୁଣ୍ଡାତା ହାହାମାନି ନାଜରିଚ ଜୀସୁଇଁ ପାରିମାଖେରି; ଏଝାସି ନିଜାମାନେସି, ଏଝାସି ଇମ୍ବାଆଁ ହିଲଅସି, ମେହ୍ଦୁ ଇମ୍ବାଆଁ ଏଝାଣାଇଁ ଇଟାମାଚେରି □

୭ *ସାମା ମୀରୁ ହାଜାନା ତାମି ସାମୁୟାଁ ଇଞ୍ଜା ପିତରଇଁ ଖେହ୍‌ଦୁ, ଏଝାସି ମୀ ନକି ନକିତା ଗାଲିଲିତା

* ୧୫:୪୦ ୧୫:୪୦ ଲୁକ ୮:୨,୩ * ୧୭:୭ ୧୭:୭ ମାତି ୨୭:୩୨; ପାର୍କ ୧୫:୨୮

ହାଜିମାନେସି; ଏଞ୍ଜାସି ମିଜେ ଏନିକିଁ ଝେସାମାଞ୍ଜାତେସି, ଏଲେକିହିଁ ଏ ମୀରୁ ଏଞ୍ଜାଣାଇଁ ଏମ୍ବାଆଁ ମେହ୍‌ଦେରି □

୮ ଏମ୍ବାଟିଏ ଏଞ୍ଜି ମାହ୍‌ଣି ମାଣ୍ଡାଟି ହରୁ, ଇତିହିଁ ଏଞ୍ଜି କାବା ଆହାନା ଆଜିତାକି ତୀରୁଗିମାରୁ, ଇଞ୍ଜା ଆମ୍ବାଆରାଇଁ ଏନାଆଁ ଝେହ୍‌ଆରୁ* □

ଜୀସୁ ମଗଦଲିନି ମରିୟମଇଁ ତଞ୍ଜା ଆନାୟି
(ମାତି ୨୮:୯-୧୦; ଜହ ୨୦:୧୧-୧୮)

୯ ଝାରାତି ମୁଲୁତି ଦିନା ଲାଇସିଏ ଏଞ୍ଜାସି ଝେଣ୍ଡେ ନିଜାନା, ଆମିନିଗାଟାଣି ସାତାଗଟା ବୁତୁୟାଁ ପିସ୍‌ପି କିହାମାଚେସି, ଏ ମଗଦଲିନି ମରିୟମନି ତଲିଏ ତଞ୍ଜାଆଡେସି □

୧୦ ଏଦି ହାଜାନା ଆମିନି ଗାଟାରି ତାମିତଲେ ମାଚେରି, ଏଞ୍ଜାରାଇଁ ଝେସ୍ତେ; ଇତିହିଁ ଏଞ୍ଜାରି ଦୁକୁଟି ତାହି ମାଚେରି □

୧୧ ଜୀସୁ ନୀତାମାନେସି, ଇଞ୍ଜା ଏଦାନି ତଞ୍ଜା ଆହାମାନେସି, ଇଦାଆଁ ଝେଞ୍ଜାନା ଏଞ୍ଜାରି ନାମାଆଡେରି □

ଜୀସୁ ରୀ ସୀସୁୟାଁଣି ତଞ୍ଜା ଆନାୟି
(ଲୁକ ୨୪:୧୩-୩୫)

୧୨ ଏଚେଟିଏ ଇ ବାରେ ଆଡି ତାୟୁ ଏଞ୍ଜାରି ବିଦ୍ରାଟି ରୀ ସୀସୁୟାଁ ର ନାୟୁଁତା ହାଜିମାଗାଟି ଏଞ୍ଜାସି ଅର ଝାଣା ତଲେ ଏଞ୍ଜାରାଇଁ ତଞ୍ଜାଆଡେସି,

୧୩ ଇଞ୍ଜା ଏଞ୍ଜାରି ହାଜାନା ଏଟ୍‌କା ତାରାଇଁ ଝେସ୍ତେରି; ସାମା ଏଞ୍ଜାରି କାତା ଜିକେଏ ଏଞ୍ଜାରି ନାମାଆଡେରି □

ଜୀସୁ ଏଗାର ଜାଣା ସୀସୁୟାଁଇଁ ତଞ୍ଜା ଆନାୟି
(ମାତି ୨୮:୧୭-୨୦; ଲୁକ ୨୪:୩୬-୪୯; ଜହ ୨୦:୧୯-୨୩; କାମା ୧:୬-୮)

୧୪ ଏମ୍ବାଟିଏ ଏଗାର ଜାଣା ସୀସୁୟାଁ ତିଞ୍ଜାଲି କୁଗାମାଗାଟି ଜୀସୁ ଏଞ୍ଜାରାଇଁ ତଞ୍ଜାଆଡେସି ଇଞ୍ଜା ଏଞ୍ଜାରି ନାମିହିଲଆତାକି ଇଞ୍ଜା ହିୟାଁତି ଆଟ୍‌ଝାତାକି ଏଞ୍ଜାରାଇଁ ଦାକା ହୀତେସି, ଇତିହିଁ ଆମିନି ଗାଟାରି ଏଞ୍ଜାଣି ଝେଣ୍ଡେ ନିଜିତାଣି ମେସାମାଚେରି, ଏଞ୍ଜାରି କାତା ଏଞ୍ଜାରି ନାମା ହିଲଆଡେରି □

୧୫ ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ବାରେ ଦାରୁଡିତା ହାଜାନା ବାରେ କୁଡାତି ଲକୁଡାଣା ନେହିଁ କାତୁ ଝେହ୍‌ଦୁ □

୧୬ ଆମ୍ବାଆସି ନାମାନା ବାପ୍ତିସ୍ମା ଅନେସି ଏଞ୍ଜାସି ଗେଲ୍‌ପି ଆନେସି; ସାମା ଆମ୍ବାଆସି ନାମଅସି ଏଞ୍ଜାସି ତଣ୍ଡ ବେଟାଆନେସି □

୧୭ ଇଞ୍ଜା ନାମିନାରାକି ଇ ସିନାୟାଁ ଆନୁ, ଏଞ୍ଜାରି ନା ଦରୁତଲେ ବୁତୁୟାଁ ପିସ୍‌ପି କିନେରି, ପୁଠନି ପୁଠନି ହାଡାତଲେ ଜଲିନେରି,

୧୮ କେସ୍ତାତଲେ ରାସ୍‌କା ଆହ୍‌ନେରି, ଇଞ୍ଜା ହାନି ଅସ ଗସିହିଁ ଜିକେଏ ଏଞ୍ଜାରି ଏନାଆଁ ଆଅରି; ଏଞ୍ଜାରି ନମେରି ଦୁକା ଗାଟାରି ଲାକ କେୟୁ ଇଟିତିହିଁ ଏଞ୍ଜାରି ନେହିଁ ଆନେରି □”

ଜୀସୁ ଲାକପୁରୁ ଅଞ୍ଜିଆନାୟି
(ଲୁକ ୨୪:୫୦-୫୩; କାମା ୧:୯-୧୧)

୧୯ *ଇଲେକିହିଁ ଏଞ୍ଜାରାଇଁ ବାରେ କାତା ଝେସ୍ତି ତାୟୁ ଜୀସୁ ଲାକପୁରୁ ଅଞ୍ଜିଆହାନା ମାହାପୁରୁଟି ଚିଠିଞ୍ଜାକି କୁରିତେସି □

୨୦ ସାମା ଏଞ୍ଜାରି ହାଜାନା ବାରେଞ୍ଜାକି କାତୁ ଝେସ୍ତେରି, ଇଞ୍ଜା ପ୍ରବୁ ଜୀସୁ ଏଞ୍ଜାରିତଲେ କାମା କିହାନା ତାନି ବାରେ ସିନାୟାଁ ତଲେ ଏଞ୍ଜାରି ଝେକ୍‌ହାମାନାଣି ସାତା ଇଞ୍ଜା ତଡ୍‌ସ୍ତେସି □

* ୧୭:୮ ୧୭:୮ ଏଞ୍ଜି ପିତର ତଲେ ମାତି ବାରେ ଲକୁଡାଣା ଏ କାତା ଝେସ୍ତୁ □ ୧୭:୨୦ ଇଦାଆଁ ତାୟୁ, ଜୀସୁ ତାୟୁ ଜିକେଏ ଏଞ୍ଜାସିକା ତଲେ ସୁଦ ଅଡେ କାଲ୍‌କାଲ୍‌କାଟି ଗେଲ୍‌ପି ଆନାଣି ଝେକ୍‌ହାଲି ତାକି ଝେଡା ହପ୍ତ ଝାକିଟି ଝେଡା ହାନି ଝାକି ପାଣ୍ଡିତେସି □ † ୧୭:୧୭ ୧୭:୧୭ ମୁଞ୍ଜିନାୟି * ୧୭:୧୯ ୧୭:୧୯ କାମା ୧:୯-୧୧

ଲୁକ ଲିଖିତ ସୁସମାଚାର ଲୁକ ରାଫାମାନି ନେହଁ କାରୁ ମୂଲୁ ହାଡ଼ା

ଲୁକ ରାଫାମାନି ନେହଁ କାରୁତା ଜୀସୁ କ୍ରୀସ୍ତ ଜୀଝୁତି କାତା ରାସ୍ତକି ଆହାମାନେ □ ପୁଝନି ମୋରାତି ସାରିଗଟା ନେହଁ କାରୁ ପତିୟାଁ ବିତ୍ରାତି ଇଦି ରଣ୍ଣି “ନେହଁ କାରୁ” ଇନେରି □ ଇ ବାରେ ପ୍ରବୁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡେ ଜହନ ରାଫାମାନେରି □ ଲୁକ ଜୀସୁ ମାହାପୁରୁଖାଣି ଏନାଆଁ ଗଟ଼ି ଆହାମାନେ ଅଡେ ଜୀସୁ ହାହାନା ଖେଣ୍ଡେ ନିଜିତି ତାୟୁ ଲାକପୁରୁ ହାଚାଣି ଇଞ୍ଜାଁ ତାନି ସୀସୁୟାଁ ଏନିକଁ କାମା କିତେରି ଏ ବାରେ ରାଫାମାନେସି □ ଏ ପତିଇ “ପାଣ୍ଡି ଆହାମାନାରି କାମା” ଇଞ୍ଜାଁ ଇନେରି □ ଇ ପତି ଏଡେତା ରାସ୍ତକି ଆହାମାନେ, ଅଡେ ଆମିନି ଚାୟୁତା ରାସ୍ତକି ଆହାମାନେ, ଏ କାତା ଆମାଆସି ନେହଁ କଁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ ଜାର୍ନା ଆଡ଼ି ୨୨ ବାର୍ଯା ତାୟୁ ରାସ୍ତକି ଆହାମାନେ □

ଇ ପତିତା ଜୀସୁ ଇସ୍ରାୟେଲତି ଗେଲ୍‌ପିନାସି ଅଡେ ବାରେ କୃତାତି ଲକୁଣି ଗେଲ୍‌ପିନାସି ଇଞ୍ଜାଁ ଲୁକ ତାନି ନେହଁ କାରୁତା ରାଫାନା ତସାମାନେସି □ ହିଲାଆ ଗାଟାରି ତାଣା ନେହଁ କାରୁ ଝେକ୍‌ହାଲି, ମାହାପୁରୁତି ସୁଦ୍‌ଜୀଝୁ ଜୀସୁଇଁ ଆଚାମାତେ, ଇଞ୍ଜାଁ ଜୀସୁ ଏନିକଁ ହାରେକା ଦେବା ଦୁକୁ କସ୍ତ ଗାଟାରାଇଁ ଅଡେ ହିଲାଆଗାଟାରାଇଁ ସାୟେନି କିହାମାତେସି ଲୁକ ରାଫାମାନେସି □

ଜୀସୁ ଜାର୍ନାଆଡ଼ି ବେଲ୍‌ତା ଦୂତୁୟାଁ ପାଚୁ ପାଡ଼ିନାୟି ଅଡେ ମୋଣ୍ଡା ଗଡ଼କା ଜୀସୁଇଁ ବେଟି ହାନାୟି, ଜୀସୁ ବାର ବାର୍ଯା ଆହାମାଗାଟି ମାହାପୁରୁ ଇଲୁତା ହାନାୟି, ଇଞ୍ଜାଁ ନେହଁ ସମିରଣି ଅଡେ ଜାଜିତି ମୀରଏଣି ପୁଣ୍ଡିକିନି କାତା ଇ ବାରେ ସାରିଗଟା ନେହଁ କାରୁ ରାଫାମାନାରି ବିତ୍ରା ଲୁକ ନେହଁ କଁ ରାଫାନା ତସାମାନେସି □ ଅଡେ ମାହାପୁରୁ ତାଣା ପ୍ରାତାନା କିନାଣି ଜିକେଏ ଲୁକ ହାରେକା ରାଫାନା ତସାମାନେସି ୩:୨୧; ୬:୧୭; ୬:୧୨; ୧୧:୧-୧୨ □ ସୁଦ୍‌ଜୀଝୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା କାତା ଇଞ୍ଜାଁ ମାହାପୁରୁ ଲକୁଇଁ ତାନି ପାପୁ ମୋକ୍‌ନି କାତା ଇ ବାରେ କାତା ଲୁକ ହାରେଏ ନେହଁ କଁ ରାଫାନା ଝେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ □

ପତିତା ମାନାୟି

- ୧ ଲୁକ ଝେକ୍‌ନାୟି ଅଡେ ଏନାଆଁତାକି ରାଫାମାନାଣି ଝେହ୍‌ନାୟି □ ୧:୧-୪
- ୨ ଜୀସୁ କ୍ରୀସ୍ତ ଜାର୍ନା ଅଡେ ସେବା କାମା ମାଟ୍‌ନାୟି □ ୧:୫-୪:୧୩
- ୩ ଜୀସୁ କ୍ରୀସ୍ତତି କାବାଆନି କାମାୟାଁ ଅଡେ ଜାପ୍‌ନାୟି □ ୪:୧୪-୨୧:୩୮
- ୪ ଜୀସୁ କ୍ରୀସ୍ତ ହାନାୟି, ମାହ୍‌ଣିଣା ମୁହ୍‌ନାୟି ଅଡେ ଝେଣ୍ଡେ ନିଜିନାୟି □ ୨୨:୧-୨୪

ମାଟ୍‌ନି କାତା

- ୧ ମୂଲୁଟିଏ ଆମାଆରି ତାରେ ମୋସ୍ତାରି ଇଞ୍ଜାଁ ବଲୁ ଝେକ୍‌ନାରି, ଏଞ୍ଜାରି ମାଜେ ହେର୍‌ପା ମାଞ୍ଜାନି ଲେହେଁ,
- ୨ ମା ବିତ୍ରା ଆହାମାନି କାମା ବାରେ ହାରେକା ନେହଁ କଁ ରାଫାଲି ଜାଗ୍ରାତା ଆହାମାନେରି □
- ୩ ଜୀଝୁତି ତିୟପିଲ, ମୂଲୁଟିଏ ବାରେ କାତା ନେହଁ କଁ ସିନିକିହାନା ଏନାଆଁ ଏନାୟି ମାନେ ଏନାଆଁ ନିଜେତାକି ରାଫାଲି ନାନୁ ଜିକେଏ ନେହେଁ ଇଞ୍ଜାଁ ଅଣ୍ଡପିତେଏଁ □
- ୪ ଏନିକଁ ନୀନୁ ଏ ବାରେ କାତା ଜାପାମାଞ୍ଜି, ଏଦି ସାତା ଇଞ୍ଜାଁ ପୁଞ୍ଜାଲି ଆଡ଼ିଦି □

ବାପ୍ତିସ୍ତା* ହାନି ଜହନତି ଜାର୍ନାତି କାରୁ

- * ଜୀହୁଦା ଦେସାତି ରାଜା ହେରଦ ବେଲ୍‌ତା ଅବିୟ କୃତାତି ଜିକରିୟ ଦରୁଗାଟି ର ପୂଜେରା ମାତେସି; ତାନି ତକ୍ତି ହାରେଣା କୃତାତି ମାଜା, ଏଦାନି ଦରୁ ଏଲିସାବେତ □
- ୨ ଜିକରିୟ ଅଡେ ଏଲିସାବେତ ମାହାପୁରୁତି ହୁକୁମି ଇଞ୍ଜାଁ ମୋରା ତଲେ ଦହ୍ ହିଲାଆଗାଟାଇ ଆହାନା ମାହାପୁରୁ ନକିତା ଦାମ୍‌ ଗାଟାଇ ମାତୁ □

* ୧:୪ ୧:୫ ମୁଞ୍ଜିନାୟି

୭ ସାମା ଏଞ୍ଜରାକି କକାରି ପଦାୟାଁ ହିଲାଆତୁ, ଇଚିହଁ ଏଲିସାବେତ ବାଢ଼େଣି ମାତେ, ଅଡ଼େ ତକ୍ତି ତକ୍ତା ରିଆରି ଜିକେଏ ଗାତି ବୁଡ଼ହି ବୁଡ଼ହା ଆହାମାଚେରି □

୮ ର ଦିନା ଜିକରିୟ ତାମି ଗଚିତି ପାଲି ଏଜାଲିଏ ମାହାପୁରୁ ନକିତା ପୂଜେରା କାମା କିନି ବେଲାତା,

୯ ପୂଜେରା କାମାତି ମେରା ତଲେ ଆଡ଼ୁ଼ି ଆହାନା ଏଞ୍ଜାଣାକି ମାହାପୁରୁ ଇଲୁତା ହଡ଼ାନା ଦୁପ୍ତାଣି ହାହାଲି ଆଡ଼େ,

୧୦ ଇଞ୍ଜା ଦୁପ୍ତାଣି ହାନି ବେଲାତା ବାରେ ଲକ୍ଷୁ ପାଙ୍ଗାତା ପ୍ରାଡ଼ାନା କିହିମାଚେରି □

୧୧ ଏଚିବେଲା ମାହାପୁରୁତି ର ଦୁତୁ ଦୁପ୍ତାଣି ପିଣ୍ଡା ଚିଃନିଞ୍ଜାକି ନିଗନା ଏଞ୍ଜାଣାଇଁ ତଞ୍ଜାଆଡ଼େ □

୧୨ ଜିକରିୟ ଏଦାଣି ମେସାନା କାବାଆହାନା ଆଜିତେସି □

୧୩ ସାମା ଦୁତୁ ଏଞ୍ଜାଣାଇଁ ଏଲେଇଚେ, “ଜିକରିୟ, ଆଜାଆନି, ଇଚିହଁ ମୀ ଗହାରା ଖେଣ୍ଡି ଆହାମାନେ, ଇଞ୍ଜା ନୀ ତକ୍ତି ଏଲିସାବେତ ନିଜେତାକି ର କକାଣାଇଁ ଜାନି କିନେ, ଇଞ୍ଜା ଏଞ୍ଜାଣି ଦରୁ ଜହନ ଇଞ୍ଜାଁ ହୀଦେରି □

୧୪ ଇଚିହଁ ଏଞ୍ଜାସି ମୀ ରାହାଁତି ରାହାଁ ଆନେସି, ଇଞ୍ଜା ହାରେକା ଏଞ୍ଜାଣି ଜାନୀତା ରାହାଁ କିନେରି □

୧୫ ଇଞ୍ଜାଁ ଏଞ୍ଜାସି ମାହାପୁରୁ ନକିତା କାଜାସି ଆନେସି; ଏଞ୍ଜାସି ଅଞ୍ଜୁରି ରାସା କି କାଡ଼ୁ ଏଚେଲାଞ୍ଜା ଗହସି, ଇଞ୍ଜାଁ ତାଲିନି ବାଣ୍ଟିଚିଏ ସୁଦୁଜାଧୁତା ବେଟାଆନେସି,

୧୬ ଏଞ୍ଜାସି ଇସ୍ରାୟେଲ ମୀରକା ବିତ୍ତାଚି ହାରେକା ଲକ୍ଷୁଇଁ ମାହାପୁରୁ ଞ୍ଜାକି ଖେବୁହା ତାନେସି □

୧୭ ତାଞ୍ଜାୟାଁ ହୟାଁ ମୀରକା ଞ୍ଜାକି ଇଞ୍ଜାଁ କାତା ମାନଞ୍ଜି ଆଆଗାଟାରାଇଁ ତାରିଗାଟି ବୁଦିତା ତାକାଲି ଖେବୁହା ତାଚାଲି ଇଞ୍ଜାଁ ମାହାପୁରୁ ତାକି ତିୟାରା ଆହାମାନି ର ଲକ୍ଷୁତି କୁଲମି ଜାଗ୍ରାତା କିହାଲି ବାପ୍ତିସ୍ତାଁ ହାନି ଜହନ ଏଲିୟତି ଜାଧୁ ଅଡ଼େ ବାଡ଼ୁୟ ତଲେ ପ୍ରବୁତି ନକିତା ତାକିନେସି □”

୧୮ ଏଚେଟିଏ ଜିକରିୟ ଦୁତୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ ? ଇଚିହଁ ନାନୁ ବୁଡ଼ହାତେସି, ଇଞ୍ଜାଁ ନା ତକ୍ତିନି ବାର୍ଯା ଗାତି ଆଡ଼େସିଏ □”

୧୯ ଦୁତୁ ଏଞ୍ଜାଣାଇଁ ଏଲେଇଚେ, “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିଗା ତ୍ରିୟନାତେସି, ଇଞ୍ଜାଁ ନିଜେ ଖେସାଲି ଅଡ଼େ ଇ ନେହଁ କାଡ଼ୁ ପୁଣ୍ଡି କିହାଲି ନାନୁ ପାଣ୍ଡୁଞ୍ଜି ଆହାମାଇଁ □

୨୦ ମେହ୍ମୁ ଇ ବାରେ ଆଆପାତେକା ନାନୁ ବେବଡ଼ା ଆହାନା ତ୍ରିୟିଦି, ଇଚିହଁ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି □”

୨୧ ଏମ୍ବାଟିଏ ଲକ୍ଷୁ ଜିକରିୟଇଁ କାଚିମାଚେରି, ଇଞ୍ଜାଁ ମାହାପୁରୁ ଇଲୁତା ଇଚେକା ଖେଡ଼ା ଆଡ଼ାକି କାବା ଆହିମାଚେରି □

୨୨ ସାମା ଏଞ୍ଜାସି ପାଙ୍ଗାତା ଞ୍ଜାହାନା ଏଞ୍ଜାରାଇଁ କାତା ଆହାଲି ଆଡ଼ାଆତେସି; ଏମ୍ବାଟିଏ ଏଞ୍ଜାସି ମାହାପୁରୁ ଇଲୁତା ଏନାଆଁ ମେସାମାନେସି ଇଞ୍ଜାଁ ଏଞ୍ଜାରି ପୁଚେରି, ଇଞ୍ଜାଁ ଏଞ୍ଜାସି ଏଞ୍ଜାରାଇଁ କେୟୁ ହୁଚିହଁ ତସାଲି ମାଡ଼ହେସି ଇଞ୍ଜାଁ ବେବଡ଼ା ଆହାନା ତ୍ରିୟିତେସି □

୨୩ ତାୟୁ ମାହାପୁରୁ ଇଲୁତି ସେବା କାମା ରାୟାଲିଏ, ଏଞ୍ଜାସି ତାମି ଇଜ ହାଚେସି □

୨୪ ଏଚରଦିନା ହାଚି ତାୟୁ ତାନି ତକ୍ତି ଏଲିସାବେତ ପୁରାମାସା ଆଡ଼େ ଅଡ଼େ ଏଦି ପାସା ଲେଞ୍ଜୁ ପାତେକା ଲକ୍ଷୁଣି ତଞ୍ଜା ଆଆଡ଼େ □

୨୫ ଏଦି ଏଲେଇଚେ, “ନୀସି ନାଜେ ପ୍ରବୁ କାର୍ଯ୍ୟାମେସାନା ଲକ୍ଷୁ ନାଜେ ଲାଜା କିହିମାଞ୍ଜାତାଣି ପିସ୍ପି କିହାଲି ନାଜେ ଇଲେକିଁ କିହାମାଞ୍ଜାନେସି □”

ଜାସୁ ଜାର୍ନାତି କାଡ଼ୁ

୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୁତୁ ମାହାପୁରୁ ତାଣାଟି ଗାଲିଲିତି ନାଜୁରିତ ଗାଡ଼ାତି ର ତାଆ ପଦାନି ତାଣା ପାଣ୍ଡୁଞ୍ଜିଆଡ଼େ;

୨୭ ଏ ତାଆ ପଦାନି ଦାଧୁଦ କୃଡ଼ାତି ଜସେପ ଇନାଣାକି ରାସା ମାଚେରି; ଏ ତାଆ ପଦା ଦରୁ ମରିୟମ □

୨୮ ଦୁତୁ ପଦା ତାଣା ଞ୍ଜାହାନା ଏଲେଇଚେ, “ଆଲ ମାହାପୁରୁତି କାର୍ଯ୍ୟା ମେହ୍ନାତି ନିଜେ ହିଡ଼ଡ଼ି ଆୟାପେ □”

୨୯ ମରିୟମ ଏ ହାଡ଼ା ଖେଞ୍ଜାନା ଇଦି ଏନିଲେହେତି କାତା ଇଞ୍ଜାଁ ଆଜାନା ମନତା ଅଣ୍ଡିପିତେ □

୩୦ ଏମ୍ବାରିଏ ଦୂତୁ ଏଲେଇରେ, “ଆଲ୍‌ ଫରିୟମ୍ ଆଜାଆନି; ନିଙ୍ଗେ ଫାହାପୁରୁ କାର୍ମା ମେସାମାଞ୍ଜାନେସି
□

୩୧ *ନୀନୁ ପୁରାମାସା ଆହ୍ମାନା ର ମୀରୁଏଣାଲ୍ ବେଟାଆଦି ଏଞ୍ଜାଣି ଦରୁ ଜୀସୁ ଇଞ୍ଜିଁ ଇଚିଦେରି □

୩୨ ଏଞ୍ଜାସି କାଜାସି ଆନେସି ଇଞ୍ଜାଁ ମାହାପୁରୁ ମୀରୁଏସି ଇଞ୍ଜିଁ ୱେଙ୍ଗିନେସି; ପ୍ରବୁ ମାହାପୁରୁ ଏଞ୍ଜାଣାକି
ତାମି ଆକୁ ଦାଞ୍ଜୁଦତି ସିଂଗାସାଣି ହୀନେସି,

୩୩ ଏଞ୍ଜାସି ଜାକୁବ କୃତାତା ଜୁଗୁ ଜୁଗୁତାକି ରାଜି କିନେସି, ଇଞ୍ଜାଁ ଏଞ୍ଜାଣି ରାଜି ଏରେଲ୍‌ଆ ରାଏ □”

୩୪ ସାମା ମରିୟମ୍ ଦୂତୁଲ୍ ଏଲେଇରେ, “ଇଦି ଏନିକିଁ ଆନେ ? ନୀନୁ ତଞ୍ଜାଲ୍ ଜିକେଏ ପୁଞ୍ଜାହିଲଥାଁ
□”

୩୫ ଦୂତୁ ଏଲେଇରେ, “ସୁଦୁଜୀଞ୍ଜୁ ନୀ ଲାକ ରେଟାଞ୍ଜାନେ ଅଡେ ମାହାପୁରୁତି ବାଡୁୟୁ ୱାନେ,
ଏଦାଆଁତାକି ନୀ ତାଣାଟି ଜାନାଁ ଆନେସି, ଏଞ୍ଜାସି ମାହାପୁରୁତି ମୀରୁଏସି ଇଞ୍ଜିଁ ୱେଙ୍ଗିନେସି □

୩୬ ଅଡେ ମେହ୍‌ମୁ ନୀ କୃତାତି ଏଲିସାବେତ ଜିକେଏ ବୁଡୁହି ବେଲାତା ପୁରାମାସା ଆହ୍ମାନେନେ □
ଆମିନି ଇୟା ବାଡେଞ୍ଜାଣି ଇଞ୍ଜିଁ ୱେଙ୍ଗାମାନେ, ଏଦି ନୀସି ସି ଲେଞ୍ଜୁ ଆହ୍ମାନେନେ;

୩୭ ଇଚିହଁ ମାହାପୁରୁତି ବଲୁ ବାଡୁୟୁ ହିଲାଆଗାଟାୟି ଆଏ □”

୩୮ ଏମ୍ବାରିଏ ମରିୟମ୍ ଏଲେଇରେ, “ନୀନୁତ ପ୍ରବୁତି ହଲେଣିଡେସି; ନୀ କାଡେଏ ନାଙ୍ଗେତାକି
ଆୟାପେ □” ଏମ୍ବାରିଏ ଦୂତୁ ଏଦାନି ତାଣାଟିଏ ହାଡେ □

ମରିୟମ୍ ଏଲିସାବେତ ଇଜ ହାନାୟି

୩୯ ଏମ୍ବାରିଏ ମରିୟମ୍ ନିଙ୍ଗାମା ଜୀହୁଦା ଦେସାତି ହରୁକା ରାଜିତି ର ଗାଡାତା ତବେ ହାଡେ,

୪୦ ଅଡେ ଜିକରିୟ ଇଜ ହାଜାନା ଏଲିସାବେତନି ଜହରା କିଡେ □

୪୧ ଅଡେ ଏଲିସାବେତ ମରିୟମ୍‌ନି ଜହରା ୱେଣ୍‌ମୁନିଏ ତାନି ବାଣ୍ଡିତି ମୀଲା ୱାଡିଡେ, ଇଞ୍ଜାଁ
ଏଲିସାବେତ ସୁଦୁଜୀଞ୍ଜୁଟି,

୪୨ କାଜା ଗିୟାତଲେ ଏଲେଇରେ, “ଇୟାସିକା ବିତ୍ରାଟି ନୀନୁ ହାରେକା ନେହାଁତି, ଇଞ୍ଜାଁ ନୀ ବାଣ୍ଡିତି
ମୀଲା ଜିକେଏ ନେହାୟି □

୪୩ ଅଡେ ନା ପ୍ରବୁତି ଇୟା ନା ତାଣା ୱାନେ ଇ କାର୍ମା ନାଙ୍ଗେ ଏମ୍ବିତି ୱାଡେ ?

୪୪ ଇଚିହଁ ନୀ ଜହରା ହାଡା ନା କିୟଁ ୱେଣ୍‌ମୁନିଏ ନା ବାଣ୍ଡିତି ମୀଲା ରାହାଁଟି ୱାଡିଡେ

୪୫ ଆମିନି ଗାଟାୟି ନାମିଡେ ଏଦାନାକି ନେହେଁ, ଇଚିହଁ ପ୍ରବୁ ତାଣାଟି ଏଦାନାକି ଏନାଆଁ ୱେସ୍‌ସି
ଆହ୍ମାନେ ଏ ବାରେ ପୁରା ଆନେ □”

ମରିୟମ୍‌ତି ଜହରା ପାଚୁ

୪୬ ଏରେଟିଏ ମରିୟମ୍ ଏଲେଇରେ,
“ନା ଜୀଞ୍ଜୁ ପ୍ରବୁତି ଜହରା କିହିମାନେ;

୪୭ ଅଡେ ନା ଜୀଞ୍ଜୁ ନାଙ୍ଗେ ଗେଲ୍‌ପାନି ମାହାପୁରୁ ତାଣା ରାହାଁ ଆହିମାନେ,

୪୮ ଇଚିହଁ ଏଞ୍ଜାସି ତାନି ହଲେଣିନି କାର୍ମା କାକୁଲି ମେସାମାନେସି □

ଏନିଇଚିହଁ ନୀଞ୍ଜୁଟିଏ ବାରେ ଲକୁ ନାଙ୍ଗେ ନେହାୟି ଇଞ୍ଜିଁ ଜଲ୍‌ନେରି,

୪୯ ଇଚିହଁ ଆମ୍ବାଆସି ବାରେକିହାଁ ବାଡୁୟୁଗାଟି ମାହାପୁରୁ ଏଞ୍ଜାସି ନା ତାକି କାଜା କାମା
କିହାମାନେସି,

ଏଞ୍ଜାଣି ଦରୁ ସୁଦୁ;
୫୦ ଇଞ୍ଜାଁ ତାଙ୍ଗେ ଆଜିନାରାକି ପାଚୁ ପାଚୁ ତାକି ତାନି କାର୍ମାମେହ୍‌ନାୟି ଡୟିନେ □

୫୧ ଏଞ୍ଜାସି ତାନି ବାଡୁୟୁଗାଟି କେୟୁଟି କାଜା କାମା କିହାମାନେସି,
ତାହାରା ଗାଟାରାଲ୍ ଏଞ୍ଜାରି ହିୟାଁତି ଅଣ୍ଡାପୁତା ମାନାଣି ଗୁଟି କିହାମାନେସି;

୫୨ ଏଞ୍ଜାସି ସାଲ୍‌ଞ୍ଜି କିନାରାଲ୍ ତାମି ରାଜା ଗାଦି ପିସ୍‌ସି କିହାମାନେସି,
କାକୁଲି ଗାଟାରାଲ୍ ନିକ୍‌ହାମାନେସି,

୫୩ ଏଞ୍ଜାସି ହାକି ଗାଟାରାଲ୍ ନେହଁ ଆସି ହୀହାନା ପାଞ୍ଜି କିହାମାନେସି,
ଇଞ୍ଜାଁ ଦନ ଗାଟାରାଲ୍ ୱାଡେଲ କେୟୁଟି ପାଣ୍ଡାମାନେସି □

୫୪ କାଲାକାଲା ତାକି ଅଣ୍ଡାଲି ତାନି ହଲେଏସି ଇସ୍‌ୟାଲେଡି କାର୍ମା ଆହ୍ମାନେସି □

* ୧:୩୧ ୧:୩୧ ମାଡି ୧:୨୧

୫୫ କାଳାକାଳା ତାକି ଅଗ୍ରାହାମ ଅଡ଼େ ତାନି ବାରେ କୃତାତାରାଇଁ କାର୍ମାମୋହନାଣି ବାଣା ଆହାହିଲଅସି
□

୫୬ ଅଡ଼େ ମରିୟମ ତାନି ଲେଖୁ ଏଲିସାବେତ ତଲେ ଡ଼ୟାନା ତାନି ଇଜ ଖାଡ଼େ □

ବାପୁସ୍ତଃ ହାନି ଜହନତି ଜାର୍ନା

୫୭ ତାୟୁ ଏଲିସାବେତ ପୁରାମାସା ଏଜାଲିଏ ର କକାସି ଜାର୍ନା ଆଡେସି,

୫୮ ଅଡ଼େ ମାହାପୁରୁ ଏଦାନି ହାରେକା କାର୍ମା ମୋସାମାନାଣି ଖେଞ୍ଜାନା ତାନି କୃତାତାରି ଇଞ୍ଜା ଅଡ଼େ
ଆବୁହିତାରି ଏଦାନିତଲେ ହାରେକା ରାହାଁ କିଡେରି □

୫୯ କକାସି ଖାରେକା ଆହାଲିଏ, ଏଞ୍ଜାରି ତଲୁ ଦାତାଲି ଖାହାନା ତାନି ଆବା ଦରୁଲେହେଁ ତାନି ଦରୁ
ଜିକରିୟ ଇଟାଲି ମନ କିଡେରି □

୬୦ ସାମା ତାନି ଇୟା ଏଲେଇଚେ, “ଆସ! ଏଞ୍ଜାଣି ଦରୁ ଜହନ ଆନେ □”

୬୧ ଏଞ୍ଜାରି ଏଲେଇଚେରି, “ମୀ କୃତାତା ଆମ୍ବାଆରାକି ଏଲେତି ଦରୁ ହିଲେଏ!”

୬୨ ଏମ୍ବାଟିଏ ଏଞ୍ଜାରି ତାଞ୍ଜିଗାଟାଣାଇଁ କେୟୁ ହୁଟାନା କକାଣାଇଁ ଏନି ଦରୁ ଇଟିନାୟି ଇଞ୍ଜାଁ ଖେଚେରି
□

୬୩ ଜିକରିୟ ର ରାଡ଼ିନି ପାଟା ରାସାନା ଏଞ୍ଜାଣି ଦରୁ ଜହନ ଇଞ୍ଜାଁ ରାଡ଼ିଡେସି, ଏଦାଆଁ ମୋସାନା
ବାରେଜାଣା କାବା ଆଡେରି □

୬୪ ଅଡ଼େ ଏ ଦେବୁଣିଏ ଏଞ୍ଜାଣି ଗୁତି ଅଡ଼େ ଖେନ୍ଦରି ପିସପି ଆଡେ ଅଡ଼େ ଏଞ୍ଜାସି ଜଲିହଁ ମାହାପୁରୁତି
ଜହରା କିଡେସି □

୬୫ ଏମ୍ବାଟିଏ ତାନି ଲକୁ ବାରେ ଆଜାହାଚେରି, ଅଡ଼େ ଇ କାତା ଜୀହୁଦା ଦେସାତି ହରକା ରାଡ଼ିତା
ବାରେଖାକି ଖେଜିଡେ,

୬୬ ଇଞ୍ଜାଁ ଖେନି ବାରେ ଲକୁ ଏ କାତା ତାନି ମନତା ଇଟାନା ଏଲେଇଚେରି, “ଆଡିହଁ ଇ କକାସି
ଏନିଲେହେତାସି ଆନେସି ?” ଏନିଇଡିହଁ ପ୍ରବୁ ଇଞ୍ଜାଣି ତଲେ ମାନେସି ଇଞ୍ଜାଁ ପୁଚେରି □

ଜିକରିୟତି ତାୟୁ ଆନି କାତା ଖେକନାୟି

୬୭ ଅଡ଼େ ଜିକରିୟ ସୁଦୁଜାଝୁ ତଲେ ଇ ତାୟୁ ଆନି କାତା ଏଲେଇଚେସି,

୬୮ ଇସ୍ରାୟେଲତି ମାହାପୁରୁ ଜହରା □

ଏନିଇଡିହଁ ଏଞ୍ଜାସି ତାନି ଲକୁଣି କାର୍ମାମୋସାନା ଗେଲୁପି କିହାମାନେସି;

୬୯ ଏଞ୍ଜାସି ତାନି ହଲେଏସି ଦାଝୁଦ କୃତାଟି ମା ତାକି ର ଗେଲୁପିନାଣାଇଁ ହାହାମାଞ୍ଜାନେସି □

୭୦ ତଲି କାଲୀଟିଏ ତାନି ନେହଁ ମାହାପୁରୁ ଅଣପୁତି ବଲୁ ଖେହନାରି ଗୁତି ତଲେ ଏନିକଁ ଜଲ୍ଲା
ମାଚେରି,

୭୧ ଏଲେକିହଁଏ ମାଜେ ମା ସାତୁୟାଁ ତାଣାଟି ଅଡ଼େ ମାଜେ ଅପାଆଗାଟାରି ତାଣାଟି ଗେଲୁପି
କିହାମାଞ୍ଜାନେସି,

୭୨ ଏଞ୍ଜାସି ଏଲେ ଇଞ୍ଜାମାନେସି, ଏଞ୍ଜାସି ମା ଆକୁୟାଁଣି କାର୍ମା ମୋସାମାଇଁ ଅଡ଼େ ତାନି ସୁଦୁଗାଟି
ରାଡ଼ିମାନାତି ଅଣପିନେସି □

୭୩ ମା ଆବା ଅଗ୍ରାହାମ ତାଣା ଏନିମି ପାର୍ମାଣା କିହାଁ ଆଞ୍ଜାମାନାଣି ଅଣପାନା ପୁରା କିହାମାନେସି,

୭୪ ଅଡ଼େ ମା ସାତୁୟାଁ ତାଣାଟି ଗେଲୁପି ଆହାନା, ଆଜାଆନା କାଲେଏ ତାଜେ ସେବା କିହାଲି ଆଡ଼ିନାୟି,

୭୫ ତାନି ନକିତା ମାର ନୀତାମାନି ପାତେକା ସୁଦୁ ଅଡ଼େ ଦାର୍ମୁ ଗାଟାତାୟି ଆହାନା ଡ଼ୟିନାୟି □

୭୬ ଏ ନା ମାରୁଏଣାତି ନୀନୁ ବାରେତି କିହାଁ ବାଡ଼ୁଗୁଗାଟି ମାହାପୁରୁ ଅଣପୁତି ବଲୁ ଖେହନାତି ଇଞ୍ଜାଁ
ଖେଜିଡି;

୭୭ ପାପୁ ମ୍ପେପକି ଆହାନା ଏଞ୍ଜାରି ଗେଲୁପି ଆନାଣି ବେଟାଆନେରି, ଏ କାତା ପୁଣ୍ଡି କିହାଲି ତାକି ତାନି
ଲକୁତାଣା ହାଜି □

୭୮ ଇଞ୍ଜାଁ ମାଜେ ହିଡ଼ଡ଼ି ଜିରୁତା ତାତାଲି ମା ମାହାପୁରୁତି ଜୀଝୁନନି କାର୍ମାତଲେ ଲାକପୁରୁତି ମାଜେତାକି
ଡ଼େଡ଼ା ହଡ଼ିମାନି ଲେହେଁ ଆନେ,

୭୯ ଆମ୍ବାଆରି ହାନିଲେହେତି ତାଣା ବାସା କିନେରି, ହିଡ଼ଡ଼ି ଜିରୁତା ଅହାଲି ତାକି ଏଞ୍ଜାସି ବାରେତି
ଲାକ ଲାକପୁରୁତି ଉଜେଡ଼ି ହୀନେସି □

୮୦ ଇଞ୍ଜା ଏ କକାସି ଆଜ୍ଞାତା ଜୀସୁତା ପାତାଆହାନା ଇସ୍ରାୟେଲ ଲକ୍ଷ୍ମଣା ଝେଙ୍ଗାଆ ପାତେକା ଲକ୍ଷ୍ମଣାଆ ଚାୟତା ଡୟିତେସି □

୨

ଜୀସୁତି ଜାର୍ନା
(ମାତି ୧:୧୮-୨୫)

୧ ଏଚିବେଲାତା ରମ୍ ଦେସାତି ବାରେ ଲକ୍ଷ୍ମଣ ଦରୁ ରାଡି କିହାଲି କାୟିସର ଅଗସ୍ତସ୍ ତାଣାଟି ହୁକୁମି ଆଡେ □

୨ ସିରିୟାତି ସାଲ୍ଡି କିନାସି କୁରିଣିୟ ବେଲାତା ତଲି ମୁଲୁ ଦରୁ ରାସ୍ତି ଆହାମାତେ □

୩ ଏଦାଆଁତାକି ବାରେକାଣା ଦରୁ ରାଡି କିହାଲି ନାୟୁଟିଏ ଜାହାରା ଗାଡ଼ାତା ହାଚେରି □

୪ ଜସେପ ଜିକେଏ ଦରୁ ରାଡି କିହାଲି ମରିୟମନି ତଲେ ଗାଲିଲିତି ନାଜୁରିତ ଗାଡ଼ାଟି ଜୀହୁଦା ରାଜିତି ବେତଲିହିମ ଇନି ଦାସୁଦ ଗାଡ଼ାତା ହାଚେସି, ଇଚିହ୍ ଏସ୍ତାସି ଦାସୁଦ କୁଡ଼ା ଇଞ୍ଜାହାଁ ଏ ଗତିତାସି ମାଚେସି;

୫ ଏସ୍ତାସି ଦରୁ ରାଡି କିୟାଲି ମରିୟମନି ତଲେ ହାଚେସି, ଏଦି ଏସ୍ତାଶାକି ବାହା ଆହାଲି ରାସ୍ତି ଆହାମାତେ ଅଡେ ଏଦି ପୁରାମାସା ଆହାମାତେ □

୬ ଅଡେ ଏ ଲକ୍ଷ୍ମଣ ବେତଲିହିମତା ମାନିବେଲା, ଏଦାନାକି ଜାନି କିନି କାଟୁ ଏଗାସ୍ତେ,

୭ ଇଞ୍ଜା ଏଦି ତାନି ପାଣ୍ଡାଣା ମୀରୁଏଣାଲ୍ ଜାନି କିତେ ଇଞ୍ଜା ହିମ୍ବି ପୁକ୍‌ହାନା କଡ଼ିୟାଁ ଗହ୍‌ନି ତଂଗତା ତ୍ରିପ୍‌ହେ, ଇଚିହ୍ ଏ ଲକ୍ଷ୍ମଣାକି ବାସାଗାୟୁ ହିଲିଆତେ □

ମେଣ୍ଡା ଗଡ଼କା ଅଡେ ଦୁଡୁୟାଁ

୮ ଏ ଦାରିମାରି ନାସ୍‌କାଣାଁ ମେଣ୍ଡା ଗଡ଼କା ଲାଆଁୟାଁ ପାଜ୍ଞାତା ଡୟାନା ମେଣ୍ଡାୟାଁ କାଡ଼ିମାଚେରି □

୯ ପ୍ରବୁତି ର ଦୁଡୁ ଏସ୍ତାରିତାଣା ସ୍ତାଡେ ଇଞ୍ଜା ପ୍ରବୁତି ଗାସ୍ତୁରମିତି ଉଜେଡ଼ି ଏସ୍ତାରି ସାରିସ୍ତାକି ତଞ୍ଜାଆଡେ, ଅଡେ ଏସ୍ତାରି ହାଚେକା ଆଜିତେରି □

୧୦ ଏସ୍ତାରିଏ ଦୁଡୁ ଏସ୍ତାରିଲ୍ ଏଲେଇଚେ, “ମୀରୁ ଆଜାଆଦୁ! ନାନୁ ମୀ ବାରେ ଲକ୍ଷ୍ମଣାକି ହାଚେକା ରାହାତି କାଟୁ ମିଙ୍ଗେ ଝେସିମାଞ୍ଜାଲ୍,

୧୧ ଇଚିହ୍ ନୀଞ୍ଜୁ ଦାସୁଦ ଗାଡ଼ାତା ମିଙ୍ଗେ ଗେଲ୍‌ପାନାସି ଜାର୍ନା ଆହାମାନେସି, ଏସ୍ତାସି କ୍ରାସ୍ତୁ ପ୍ରବୁ □

୧୨ ଅଡେ ଇଦି ମିଙ୍ଗେତାକି ସିନାଲେହେଁ ଆନେ, ମୀରୁ ର କକାଣାଲ୍ ହିମ୍ବି ପୁକ୍‌ହାନା କଡ଼ିୟାଁ ଗହ୍‌ନି ତଂଗତା ତୁରାମାନାଣି ମେହ୍‌ଦେରି □”

୧୩ ଦେବୁଣିଏ ଏ ଦୁଡୁ ତଲେ ଲାକପୁରୁତି ହାଚେକା ଦୁଡୁୟାଁ ସ୍ତାହାନା ମାହାପୁରୁଲ୍ ଜହରା ପାରୁ ପାଡ଼ିତୁ,

୧୪ “ଲାକପୁରୁ ମାହାପୁରୁତି ଗାସ୍ତୁରମି, ଅଡେ ଦାର୍‌ଡିତା ଏସ୍ତାଣି ରାହାଁ ଇଞ୍ଜା ମାଣ୍ଡିୟାଁ ବିତ୍ରା ହିଡ଼ି □”

୧୫ ଦୁଡୁୟାଁ ଏସ୍ତାରି ଲାକପୁରୁ ହାଜାଲିଏ ମେଣ୍ଡା ଗଡ଼କା ତାମ୍‌ଡୁମ୍‌ଜୁ ଜାତା ଆଡେଚି, “ମୀରୁ ବେତଲିହିମ ପାତେକା ହାଜାନା ପ୍ରବୁ ମାଙ୍ଗେ ଆମିନି କାତା ଝେସାମାଞ୍ଜାନେସି ଏଦାଆଁ ସିନି କିକାନ □”

୧୬ ଏସ୍ତାରିଏ ତବେ ହାଜାନା ପାରାନା ମରିୟମ ଅଡେ ଜସେପ ଇଞ୍ଜା କଡ଼ିୟାଁ ଗହ୍‌ନି ତଂଗତା ପୁଞ୍ଜି ଜାର୍ନାଆଡ଼ି କକାଣାଲ୍ ତୁରାମାନାଣି ମେସ୍ତେରି □

୧୭ ଏସ୍ତାରି ଇ ବାରେ ମେସାନା ଏ କକାଣି କାତା ଏଦାଆଁ ଇଣ୍ଡି ଆହାମାତେ ଏଦାଆଁ ଝେକ୍‌ହେରି □

୧୮ ଅଡେ ଏଚେକା ଲକ୍ଷ୍ମଣ ମେଣ୍ଡା ଗଡ଼କା ତାଣାଟି ଏ ବାରେ କାତା ଝେଚେଚି, ଏସ୍ତାରି ବାରେ ଏ କାତାତାକି କାବା ଆଡେଚି □

୧୯ ସାମା ମରିୟମ ଇ ବାରେ କାତା ହିୟାତା ଇଗାନା ହାଚେକା ଅଣ୍ଡାଲି ମାଟ୍‌ହେ □

୨୦ ଅଡେ ମେଣ୍ଡା ଗଡ଼କାକି ଏନିକ୍‌ହେଁ ଝେସ୍ତି ଆହାମାତେ, ଏଲେକିହ୍ ଏ ଏସ୍ତାରି ଏନା ଏନାଆଁ ଝେଚେଚି ଇଞ୍ଜା ମେସ୍ତେରି ଏ ବାରେତାକି ମାହାପୁରୁତି ଗାସ୍ତୁରମି ଅଡେ ଜହରା କିହ୍ ଝେଣ୍ଡା ହାଚେଚି □

ଜୀସୁଲ୍ ଦରୁ ଇଚିନାୟି

୨୧ *ଏଞ୍ଜେଲୀକି ଆତ୍ମାଦିନା ଆତେ ଅଡ଼େ ତଲୁ ଦାଝନି ଦିନା ଖାତେ ଇଞ୍ଜା ଏଞ୍ଜାଣି ଦରୁ ଜୀସୁ ଇଞ୍ଜା ଇଚିତେରି; ଇ ଦରୁ ତାନି ପୁରାମାସା ଆନି ନଚେଏ ଦୁଡୁ ତାଣାଟି ଖେସ୍‌ପି ଆହାମାତେ □

ମାହାପୁରୁ ଇଲୁତା ଜୀସୁ

୨୨ ଅଡ଼େ ଏଚେତା ମସାତି ମେରା ତଲେ ଏଞ୍ଜାରି ଅବହା କଡିନି ଦିନା ଏଗାଖାତେ, ଏଚେଟିଏ ଜସେପ ଅଡ଼େ ମରିୟମ ଜୀସୁଇଁ ମାହାପୁରୁ ନକିତା ଜିରୁସାଲମତା ଅହୁଁ ହାଚେରି □

୨୩ ଏନିକିଁ ମାହାପୁରୁତି ସାଡ଼ସ୍‌ରିତା ରାସ୍‌କି ଆହାମାନେ, “ବାରେ ପାଞ୍ଜା ମୀରକା ପ୍ରବୁ ତାକି ସୁଦୁଗାଟାରି ଇଞ୍ଜା ଝେଜିନେରି □”

୨୪ ଅଡ଼େ ମେରାତା ରାସ୍‌କି ଆହାମାନି ଇ ମେରା ତଲେ ରା କୁଗୁରି ପଗାୟାଁ ଆଆତୁଁ ରୀ ପାରୁଖା ପଗାୟାଁ ମାହାପୁରୁ ନକିତା ପୂଜା କିହାଲି ଏଞ୍ଜାଣାଇଁ ଜିରୁସାଲମତା ଅଡ଼େରି □

୨୫ ଏଚିବେଲା ଜିରୁସାଲମତା ସିନିୟନ ଦରୁଗାଟି ର ମାଣସି ମାଚେସି; ଏଞ୍ଜାସି ର ଦାମ୍‌ଗାଟାସି ଅଡ଼େ ମାହାପୁରୁଇଁ ଆଜିନାସି ମାଚେସି, ଅଡ଼େ ଇସ୍ରାୟେଲ ଲକ୍ଷୁ ବାସୁଁ ବେଟାଆନାଣି କାଟିମାଚେସି, ଇଞ୍ଜା ସୁଦୁଜୀସୁ ଏଞ୍ଜାଣି ତାଣା ମାଚେ □

୨୬ ମାହାପୁରୁ ପାଣ୍ଡାନି କ୍ରୀସୁଇଁ ମେହୁଆ ପାଚେକା ଏଞ୍ଜାସି ହାଅସି ଇଞ୍ଜାଁ ସୁଦୁଜୀସୁ ତଲିଏ ଖେସାମାତେ □

୨୭ ସିନିୟନ ସୁଦୁଜୀସୁଟି ମାହାପୁରୁ ଇଲୁତା ଖାତେସି; ଅଡ଼େ ତାଲି ତାଞ୍ଜି ମସାତି ମେରାଲେହେଁ କିହାଲି ଜୀସୁଇଁ ବିତ୍ତା ତାଡୁ,

୨୮ ଏଚିବେଲା ସିନିୟନ କକାଣାଇଁ ପମାନା ମାହାପୁରୁଇଁ ଜହରା କିଚେସି;

୨୯ “ଏ ପ୍ରବୁ ନୀସୁଁ ନୀନୁ ଝେସିଲେହେଁ

ନୀ ହଚଲଏଣା ଜୀସୁ ହିଡ଼ିତଲେ ଅମ୍;

୩୦ ନା କାନୁ ନୀ ଗେଲୁପିନାଣାଇଁ ମେସାମାନେ □

୩୧ ଏନିଇଚିହୁଁ ବାରେ ଲକ୍ଷୁତାକି କେପାମାନି

୩୨ ଜୀହୁଦିଆଆତାରାକି ସାତା ତହୁନି ର ଉଜେଡି ଆନେସି, ଅଡ଼େ ନୀ ଇସ୍ରାୟେଲ ଲକ୍ଷୁତି ଗାଝୁରିନି ଲେହେଁ କିହାମାଞ୍ଜି □”

୩୩ ଇଞ୍ଜା ତାନି ଇୟା ଅଡ଼େ ଆବା ଏଞ୍ଜାଣି ତାକି ଝେସ୍‌ପି ଆହିମାନି ବାରେ କାତାତାକି କାବା ଆହିମାଚେରି □

୩୪ ଏଚେଟିଏ ସିନିୟନ କକାଣାଇଁ ବର ହୀହାନା ତାନି ଇୟା ମରିୟମନି ଏଲେଇଚେସି, “ମେହୁମୁ ଇଞ୍ଜାସି ଇସ୍ରାୟେଲତି ହାଚେକା ଲକ୍ଷୁଣି ନାସା କିହାଲି ଅଡ଼େ ଗେଲୁପାଲି ଆତୁଞ୍ଜି ଆହାମାନେସି, ଆମ୍‌ଆରି କପାଟି ହାଚେକା ଜଲିନେରି □ ଏଞ୍ଜାସି ମାହାପୁରୁ ତାଣାଟି ର ସିନାଲେହେଁ ଆନେସି □

୩୫ ଆଆତୁଁ ନୀ ଜୀସୁତା ଜିକେଏ କାଣ୍ଡାତଲେ ଗୁକ୍‌ହିସାରେ ହଚାହାନି ଲେହେଁ, ଏ କସ୍‌ ନୀ ହିୟାତା ଆୟାନେ □”

୩୬ ଅଡ଼େ ହାନା ଦରୁଗାଟି ର ମାହାପୁରୁ ଅଣ୍‌ପୁତି ବଲୁ ଝେହ୍‌ନାୟି ମାଚେ; ଏଦି ଆସେବ୍ କୃତାତି ପନୁଏଲ ମାଜ୍ଜା □ ଏଦାନାକି ହାଚେକା ବାସାଁ ଆହାମାଚେ; ଏଦି ତାଆ ଆଡି ଜେତ ସାତା ବାସାଁ ତକ୍ରାତଲେ ବାସା କିହାମାଚେ, ଅଡ଼େ ସାରିକଡ଼ି ସାରି ବାସାଁ ରାଣ୍ଡେଣି ଆହାନା ନାତାମାଚେ □

୩୭ ଏଦି ମାହାପୁରୁ ଇଲୁ ପିହୁଆନା ବାତିମାଲିହୁଁ ଲାଆଁ ମାଚେନା ରାନ୍ଦା ତିନାଆନା ପ୍ରାତାନା କିହିମାଚେ □

୩୮ ଏ ଦେବୁଣିଏ ଏଦି ଖାହାନା ମାହାପୁରୁତି ଜହରା କିହୁଁ ଜିରୁସାଲମତି ଗେଲୁପିନାଣାଇଁ କାଟି ମାନାରାଇଁ ଏଞ୍ଜାଣି କାତା ଝେସାଲି ମାଚୁହେ □

ନାଜରିତତା ଝେଣ୍ଡା ଖାନାୟି

୩୯ *ତାୟୁ ଜସେପ ଅଡ଼େ ମରିୟମ ମାହାପୁରୁତି ମେରା ତଲେ ବାରେ କାମା ରାପୁହାନା ଗାଲିଲିତି ତାନି ଗାଡ଼ା ନାଜରିତତା ଝେଣ୍ଡା ଖାତେରି

୪୦ ଅଡ଼େ ଜୀସୁ ଆଜ୍ଜାତା ବୁଦିତା ଅଡ଼େ ବାଡ଼ୟୁତା ପାତା ଆଚେସି, ଅଡ଼େ ମାହାପୁରୁତି କାର୍ମା ଏଞ୍ଜାଣିଲାକ ମାଚେ □

ଜୀସୁ ମାହାପୁରୁ ଇଲୁତା

* ୨:୨୧ ୨:୨୧ ଲୁକ ୧:୩୧ * ୨:୩୯ ୨:୩୯ ମାତି ୨:୨୩

୪୧ ତାମି ଇୟା ଆବା ବାରେ ବାର୍ଯା ପିସ୍ପିଆନି ପାର୍ବୁତାକି ଜିରୁସାଲମତା ହାଜିମାରେରି □

୪୨ ଜୀସୁ ବାର ବାର୍ଯା ଆହାଲିଏ ଏଞ୍ଜାରି ପାର୍ବୁତି ମୋରାଲେହେ ଜିରୁସାଲମତା ହାରେରି □

୪୩ ଅଡେ ପାର୍ବୁତି ଦିନା ରାପହାନା ଏଚେତା ଏଞ୍ଜାରି ଝେଣ୍ଡା ଖାହିମାରେରି, ଏଚିବେଲ୍ଲାତା ଉଣା କକାସି ଜୀସୁ ଜିରୁସାଲମତା ଡୟାହାରେସି, ସାମା ତାମି ଇୟା ଆବା ପୁଞ୍ଜାହିଲ୍ଲାଆଚେରି;

୪୪ ସାମା ଏଞ୍ଜାରି ତାମିତଲେ ଖାହାମାତି ଲକ୍ଷ୍ମତଲେ ମାନେସି ଇଞ୍ଜି ଅଣ୍ଡପାନା ର ଦିନାତି ଜିରୁ ହାରେରି, ଅଡେ ତାମି ଲକ୍ଷ୍ମ ପୁତି ଲକ୍ଷ୍ମତାଣା ପାରାଲି ମାଟ୍‌ହେରି,

୪୫ ଇଞ୍ଜା ଏଞ୍ଜାଣାଲ୍ ମୋଡ଼ା ଆଆନା ପାରି ପାରି ଜିରୁସାଲମତା ଝେଣ୍ଡା ହାରେରି □

୪୬ ତାନିଦିନା ତାୟୁ ଏଞ୍ଜାରି ଏଞ୍ଜାଣାଲ୍ ମାହାପୁରୁ ଲକ୍ଷ୍ମତା ବେଟାଆଡେତି; ଏଞ୍ଜାସି ମୋରାପୁନାରି କାତା ଝେଞ୍ଜିହ ଏଞ୍ଜାରାଲ୍ ଝେଣ୍ଡେ କାତା ଝେଞ୍ଜିମାରେସି,

୪୭ ଅଡେ ଏଚେକା ଲକ୍ଷ୍ମ ଏଞ୍ଜାଣି କାତା ଝେଞ୍ଜିମାରେରି, ବାରେଜାଣା ଏଞ୍ଜାଣି ବୁଦିତା ଅଡେ ଝେହ୍ନି କାତା କାବା ଆହିମାରେରି □

୪୮ ଏଚିବେଲ୍ଲା ତାମି ଇୟା ଆବା କକାଣାଲ୍ ମେସାନା କାବାଆଡୁ ଇଞ୍ଜା ତାମି ଇୟା ଏଞ୍ଜାଣାଲ୍ ଏଲେଇଚେ, “ମାରୁଏଣା ମାଜେ ଏନାଆଁତାକି ଇଚେକା ଦୁକୁ ହିୟାତି ? ମେହ୍‌ମୁ ନାନୁ ଅଡେ ମୀ ଆବା ଏଚେକା ଦୁକୁଆହ୍ ନିଜେ ପାରିମାଞ୍ଜାନମି □”

୪୯ ଏମ୍ବାଟିଏ ଜୀସୁ ଏଲେଇଚେସି, “ମାରୁ ନାଜେ ଏନାଆଁତାକି ପାରିମାଞ୍ଜାଦେରି ? ନା ଆବା ଇଜ ନାନୁ ମାନାଣି ମାରୁ ପୁଞ୍ଜାହିଲ୍ଲାଅଚେରି ?”

୫୦ ସାମା ଏଞ୍ଜାସି ଆମିନି କାତା ଜଲିଚେସି, ତାମି ଇୟା ଆବା ପୁଞ୍ଜାଲି ଆଡ଼ାଆଚେରି □

୫୧ ତାୟୁ ଜୀସୁ ତାମି ଇୟା ଆବା ତଲେ ଝେଣ୍ଡେ ନାଜ୍‌ରିତତା ଖାଡେସି, ଇଞ୍ଜା ଏଞ୍ଜାରି କାତା ମାନଞ୍ଜି ଆହାନା ଡୟିଚେସି, ଅଡେ ତାମି ଇୟା ଇ ବାରେ କାତା ଜାଗ୍ରାତା ତଲେ ମନ୍‌ତା ଇଟାମାଚେ □

୫୨ ଅଡେ ଜୀସୁ ଆଜ୍ଞାତା, ବୁଦିତା ଇଞ୍ଜା ମାହାପୁରୁ ଅଡେ ମାଣ୍‌ସିୟା କାମାଟି ପାତା ଆଡେସି □

୩

ବାପ୍ତିସ୍ମ* ହାନି ଜହନ ଝେକ୍‌ନାୟି

(ମାତି ୩:୧-୧୨; ମାର୍କ ୧:୧-୮; ଜହ ୧:୧୯-୨୮)

୧ ତିବିରିୟା କାୟିସରତି ସାଲ୍‌ଝି କିନି ପନ୍‌ର ବାର୍ଯା ଆୟାଲିଏ, ଏଚିବେଲ୍ଲା ପତ୍ରିୟ ପିଲ୍ଲାତ ଜୀହୁଦା ରାଜ୍‌ତି ସାଲ୍‌ଝି କିନାସି ଅଡେ ହେରପ ଗାଲିଲି ରାଜ୍‌ତି ରାଜା ମାରେସି, ଅଡେ ତାମି ତାୟି ପିଲିପ ଇଡୁରିୟା ଅଡେ ତ୍ରାକନିତି ରାଜି ଅଡେ ଲୁସାନିୟା ଅବିଲିନିତି ରାଜା ମାରେସି □

୨ ହାନାନ ଅଡେ କୟାପା କାଜା ପୁଜେରା ମାରେରି, ଏଚିବେଲ୍ଲାତା ମାହାପୁରୁତି ବଲ୍ଲୁ ଲକ୍ଷ୍ମ ହିଲ୍ଲାଆ ଗାୟୁତା ଜିକରିୟ ମାରୁଏସି ଜହନ ତାଣା ଖାଡେ □

୩ ଏମ୍ବାଟିଏ ବାପ୍ତିସ୍ମ† ହାନି ଜହନ ଜର୍‌ଦନ ଦାରିତି ବାରେ ନାସ୍‌କାଞ୍ଜାକି ହାଜାନା ପାପୁ ମ୍ପେପ୍‌କି ଆହାଲି ମନ୍‌ ଝେଟ୍‌ହାନା ବାପ୍ତିସ୍ମ‡ ଅନି କାତା ଝେକ୍‌ହାଲି ମାଟ୍‌ହେସି,

୪ ଏନିଇଚିହ୍ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍ନି ଜିସାୟ ପତିତା ରାସ୍‌କି ଆହାମାନେ,

“ଲକ୍ଷ୍ମ ହିଲ୍ଲାଆ ଗାୟୁତା ରଅଣି ହାଡ଼ା ଝେଜ୍‌ମାନେ;

ପ୍ରବୁତି ଜିରୁ ନେହ୍ କେପାଦୁ;

ଅଡେ ଏଞ୍ଜାଣି କାଜା ଆଂଗେଣି ତିୟି କିଦୁ □

୫ ବାରେ ଗାଡ଼ଙ୍ଗା ନେଞ୍ଜି କିଞ୍ଜିଆଡୁ,

ବାରେ ହରକା ମୋଟାୟା ଉଣା କିଞ୍ଜିଆଡୁ,

ତଂଗିତି ଜିରୁ ତିୟି କିଞ୍ଜିଆନେ,

କାଡ଼ଦି ଡେପା ବୁମିତି ବାରେ ସମାନା କିଞ୍ଜିଆନେ □

୬ ବାରେ ଦାର୍‌ତିତି ଲକ୍ଷ୍ମ ମାହାପୁରୁତି ଗେଲ୍‌ପିନାଣି ମେହ୍‌ନେରି □”

୭ *ଏଲେକିହ୍, ଜହନ ତାଣାଟି ବାପ୍ତିସ୍ମ§ ଅହାଲି ଖାହିମାନି ଲକ୍ଷ୍ମଣି ମେସାନା ଏଞ୍ଜାରାଲ୍ ଏଲେଇଚେସି, “ଆଡେ ରାସ୍‌କା କୃତାତାଚେରି ମାହାପୁରୁ ପାଣ୍ଡାମାଞ୍ଜାନି କପାଟି ପିସ୍ପି ଆହାଲି ମାଜେ ଆମ୍ବାଆସି ସେଡ଼ନା ହିୟାଚେସି ?

* ୩: ୩:୧ ମୁଞ୍ଜିନାୟି † ୩: ୩: ୩:୩ ମୁଞ୍ଜିନାୟି ‡ ୩: ୩: ୩: ୩ ମୁଞ୍ଜିନାୟି ☆ ୩: ୨ ୩: ୨ ମାତି ୧୨: ୩୪; ୨୩: ୩୩ § ୩: ୨ ୩: ୨ ମୁଞ୍ଜିନାୟି

୮ *ଏଦାଆଁତାକି ମନ ଖେବ୍‌ହାକତିତି ନେହ~ କାମା ତହ୍‌ଦୁ; ଅଡେ ଅବ୍ରାହାମ ମା ଆବା ଇଞ୍ଜିହ~ ଅଣ୍ଡାପାଆଦୁ, ନାନୁ ମିଜ୍ ଖେସିମାଞ୍ଜାଇ, ମାହାପୁରୁ ଇ ଖାଲ୍‌କାଟି ଜିକେଏ ଅବ୍ରାହାମତି ମୀର୍କାଣି ଗାଡ଼ି କିହାଲି ଆଡ଼ିମାନେସି □

୯ *ଅଡେ ନାର୍ବ ଜିକେଏ ମାରୁନୁ ତାକିତା କାଃଆଲି ଆଟାମାନେ; ଆମିନି ମାରୁନୁ ନେହ~ ପାଡେୟି ଆୟେଏ ଏଦାନି ଚୂଣ୍ଡାହାନା ହିଚୁତା ମେଡ଼ପି ଆନେ □

୧୦ ଏମ୍‌ଗାରିଏ ଲକୁ ଏଞ୍ଜାଆଇ ଖେରେରି, “ଆଡିହ~ ମାମ୍‌ୟୁନାଆଁ କିନମି ?”

୧୧ ଏଞ୍ଜାସି ଏଲେଇଚେସି, “ଆମ୍‌ଆରାକି ଜଡେତକା ସକାୟାଁ ମାମ୍‌, ଏଞ୍ଜାସି ଆମ୍‌ଆରାକି ହିଲାର ଏଞ୍ଜାଣାକି ରଣ୍ଡାଆଁ ହାପେସି; ଇଞ୍ଜାଁ ଆମ୍‌ଆରାକି କାଡ଼ି ମାନେ ଏଞ୍ଜାସି ଜିକେଏ ଏଲେକିପାସି □”

୧୨ *ସିସ୍ତୁ ରାହ୍‌ନାରି ଜିକେଏ ବାପ୍ତିସ୍ତା* ଅହାଲି ଖାହାନା ଏଲେଇଚେରି, “ଏ ଗୁରୁ ମାମ୍‌ୟୁନାଆଁ କିନମି ?”

୧୩ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମିଜେତାକି ଏଚେକା ମେରା ମାନେ ଏଚେକାଟିଏ ଆଗାଡ଼ା ରାହ୍‌ଆଦୁ □”

୧୪ ଏଚରଜାଣା ରିଜାରି କସ୍‌କା ଖାହାନା ଏଲେଇଚେରି, “ମାମ୍‌ୟୁନାଆଁ କିନମି ?”

ଏଞ୍ଜାସି ଏଞ୍ଜାରାଇଁ ଏଲେଇଚେସି, “ବାଡ଼ୟୁଟି କି ନାଡ଼ିକିହାନା ଆମ୍‌ଆରି ଦନ ମାଞ୍ଜା ଅଆଦୁ, ଅଡେ ମାରୁ ଏଚେକା ବେଟାଆଦେରି ଏଚେକା ତଲେଏ ନୀତାଦୁ □”

୧୫ ଲକୁ ମସିହାଇଁ କାଡ଼ିମାଚେରି, ଇଞ୍ଜାଁ ଜହନଏ କ୍ରୀସ୍ତ ହାବୁଲ୍‌ଲାଇଁ ଇଞ୍ଜାଁ ଅଣ୍ଡାପାନା ବାରେଜାଣା ତାମି ମନତା କାତା ଆହିମାଚାକି,

୧୬ ଜହନ ଏଞ୍ଜାରାଇଁ ଏଲେଇଚେସି, “ନାନୁସାଁ ଏୟୁତଲେ ବାପ୍ତିସ୍ତାଁ ହାହିମାଞ୍ଜାଇଁ, ସାମା ନା କିହାଁ ଆମ୍‌ଆସି ବାଡ଼ୟୁ ଗାଟାଏ ଏଞ୍ଜାସି ଖାହିମାନେସି, ଏଞ୍ଜାଣି ସେପୁୟାଁତି ତ:ରକା ଜିକେଏ ହୁକ୍‌ହାଲି ନାନୁ ପାଡ଼ାଆଆଁ; ଏଞ୍ଜାସି ମିଜେ ସୁଦ୍‌ଜାଞ୍ଜୁ ଅଡେ ହିଚୁତଲେ ବାପ୍ତିସ୍ତାଁ ହିୟାନେସି □

୧୭ ତାନି କ୍ଳାନୁତି ତାସାଲି ଅଡେ ତାନି ଆନାତି କ୍ଳୟାହାଁ କୃଡ଼ି କିହାନା ଗାଦେୟିତା ଇଗାଲି ଏଞ୍ଜାଣି କେୟୁତା ହେଡି ମାନେ, ଇଞ୍ଜାଁ ଚାଟା ପଡ଼ତୁଁ ଏଚେଲେ ତୁମ୍‌ଆଗାଟି ହିଚୁତା ହୁଡା ତୁହ୍‌ନେସି □”

୧୮ ଏଞ୍ଜାସି ଇଲେଡି ହାରେକା କାତା ଖେସିହ~ ଅଡେ ରାହ୍‌ଡି କାତା ଜଲିହ~ ଲକୁତାଣା ନେହ~ କାବୁ ଖେକ୍‌ହି ମାଚେସି;

୧୯ *ସାମା ରାଜା ହେରଦ ତାମି ତାୟି ତକ୍ତି ହେରଦିୟାନି କାତା ଅଡେ ତାନୁ କିହାମାନି ବାରେ ଲାଗେଏଡି କାମାତାକି ଜହନ ତାଣାଟି ଲାଗି ବେଟା ଆହାମାଚାକି,

୨୦ ହେରଦ ଜହନଇଁ ଦସ୍‌ପାନା କାୟିଦିତା ଇଟାନା ହାରେକା ଲାଗେଏଡି କାମା କିତେସି □

ଜାସୁତି ବାପ୍ତିସ୍ତାଁ

(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକୁ ବାପ୍ତିସ୍ତା* ଅଡି ତାୟୁ ଜିକେଏ ବାପ୍ତିସ୍ତାଁ ଅହାନା ପ୍ରାତାନା କିହିମାଗାଟି ହାଗୁ ଦେପିଆଡେ,

୨୨ *ଅଡେ ସୁଦ୍‌ଜାଞ୍ଜୁ ପାର୍‌ଞ୍ଜା ପଟାଲେହେଁ ଏଞ୍ଜାଣିଲାକ ରେତାଞ୍ଜାଡେ; ଇଞ୍ଜାଁ ହାଗୁଟି ଇ ହାଡ଼ା ଆଡେ, “ନାନୁ ନା ଜାଞ୍ଜୁତି ମୀର୍କାଣାଟି ନୀ ତାଣା ନା ରାହ୍‌ ମାନେ □”

ଜାସୁତି ଆକୁ ଆବାୟାଁ

(ମାତି ୧:୧-୧୭)

୨୩ ଜାସୁ ସେବା କାମା ମାଡ଼ିହ୍‌ ବେଲ୍‌ତା ଏଞ୍ଜାଣାକି କଡେଦସ ବାର୍‌ସା ଆହାମାଚେ; ଲକୁତି କାତାତଲେ ଏଞ୍ଜାସି ଜସେପ ମୀର୍କଏସି; ଜସେପ ଏଲି ମୀର୍କଏସି,

୨୪ ଏଲି ମତାତ ମୀର୍କଏସି, ମତାତ ଲେବି ମୀର୍କଏସି, ଲେବି ମଲ୍‌କି ମୀର୍କଏସି, ମଲ୍‌କି ଜନୟ ମୀର୍କଏସି, ଜନୟ ଜସେପ ମୀର୍କଏସି,

୨୫ ଜସେପ ମତିଡିୟା ମୀର୍କଏସି, ମତିଡିୟା ଆମସ ମୀର୍କଏସି, ଆମସ ନାହୁମ ମୀର୍କଏସି, ନାହୁମ ହେସ୍‌ଲି ମୀର୍କଏସି, ହେସ୍‌ଲି ନଗୟ ମୀର୍କଏସି,

* ୩:୮ ୩:୮ ଜହ ୮:୩୩ * ୩:୯ ୩:୯ ମାତି ୭:୧୯ * ୩:୧୨ ୩:୧୨ ଲୁକ ୭:୨୯ * ୩:୧୭ ୩:୧୭ ମୁଞ୍ଜିନାୟି † ୩:୧୭ ୩:୧୭ ମୁଞ୍ଜିନାୟି ‡ ୩:୧୭ ୩:୧୭ ମୁଞ୍ଜିନାୟି * ୩:୧୯ ୩:୧୯ ମାତି ୧୪:୩,୪; ମାର୍କ ୭:୧୭,୧୮ S ୩:୨୦ ୩:୨୧ ମୁଞ୍ଜିନାୟି * ୩:୨୧ ୩:୨୧ ମୁଞ୍ଜିନାୟି † ୩:୨୧ ୩:୨୧ ମୁଞ୍ଜିନାୟି * ୩:୨୨ ୩:୨୨ ମାତି ୩:୧୭; ମାର୍କ ୧:୧୧; ଲୁକ ୯:୩୫

୨୬ ନଗୟ ମହତ ମୀରୁଏସି, ମହତ ମତିଡିୟସ୍ ମୀରୁଏସି, ମତିଡିୟସ୍ ସିମିୟି ମୀରୁଏସି, ସିମିୟି ଜସେକ ମୀରୁଏସି, ଜସେକ ଜଦା ମୀରୁଏସି,
 ୨୭ ଜଦା ଜହନ ମୀରୁଏସି, ଜହନ ରେସା ମୀରୁଏସି, ରେସା ଜିରୁବାବେଲ ମୀରୁଏସି, ଜିରୁବାବିଲ ସଲ୍ଲଟିୟେଲ୍ ମୀରୁଏସି, ସଲ୍ଲଟିୟେଲ୍ ନେରି ମୀରୁଏସି,
 ୨୮ ନେରି ମଲ୍ଲକି ମୀରୁଏସି, ମଲ୍ଲକି ଅଦ୍ଦି ମୀରୁଏସି, ଅଦ୍ଦି କସାମ ମୀରୁଏସି, କସାମ ଏଲ୍ଲାଦାନ ମୀରୁଏସି, ଏଲ୍ଲାଦାନ ଏର ମୀରୁଏସି,
 ୨୯ ଏର ଜିହସୁୟ ମୀରୁଏସି, ଜିହସୁୟ ଏଲିୟାଜର ମୀରୁଏସି, ଏଲିୟାଜର ଜରିମ ମୀରୁଏସି, ଜରିମ ମତାତ ମୀରୁଏସି, ମତାତ ଲେବି ମୀରୁଏସି,
 ୩୦ ଲେବି ସିମିୟନ ମୀରୁଏସି, ସିମିୟନ ଜୀହୁଦା ମୀରୁଏସି, ଜୀହୁଦା ଜସେପ ମୀରୁଏସି, ଜସେପ ଜନାମ ମୀରୁଏସି, ଜନାମ ଏଲିୟାକିମ ମୀରୁଏସି,
 ୩୧ ଏଲିୟାକିମ ମଲ୍ଲାହ ମୀରୁଏସି, ମଲ୍ଲାହ ମନ୍ନା ମୀରୁଏସି, ମନ୍ନା ମତତା ମୀରୁଏସି, ମତତା ନାତନ ମୀରୁଏସି, ନାତନ ଦାସୁଦ ମୀରୁଏସି,
 ୩୨ ଦାସୁଦ ଜିସି ମୀରୁଏସି, ଜିସି ଅବେଦ ମୀରୁଏସି, ଅବେଦ ବୟାଜ ମୀରୁଏସି, ବୟାଜ ସେଲହ ମୀରୁଏସି, ସେଲହ ନହସନ ମୀରୁଏସି,
 ୩୩ ନହସନ ଅମିନାଦାବ ମୀରୁଏସି, ଅମିନାଦାବ ଅଦ୍ମିନି ମୀରୁଏସି, ଅଦ୍ମିନି ଅର୍ନି ମୀରୁଏସି, ଅର୍ନି ହେସୁଣ ମୀରୁଏସି, ହେସୁଣ ପେରସ ମୀରୁଏସି, ପେରସ ଜାହୁଦା ମୀରୁଏସି,
 ୩୪ ଜାହୁଦା ଜାକୁବ ମୀରୁଏସି, ଜାକୁବ ଇସାହାକ ମୀରୁଏସି, ଇସାହାକ ଅବ୍ରାହାମ ମୀରୁଏସି, ଅବ୍ରାହାମ ତେରହ ମୀରୁଏସି, ତେରହ ନାହରୁ ମୀରୁଏସି,
 ୩୫ ନାହରୁ ସରୁଗ ମୀରୁଏସି, ସରୁଗ ରଗୁ ମୀରୁଏସି, ରଗୁ ପେଲଗ ମୀରୁଏସି, ପେଲଗ ଏବର ମୀରୁଏସି, ଏବର ସେଲହ ମୀରୁଏସି,
 ୩୬ ସେଲହ କେନାନ ମୀରୁଏସି, କେନାନ ଅର୍ପକ୍ୟଦ ମୀରୁଏସି, ଅର୍ପକ୍ୟଦ ସେମ ମୀରୁଏସି, ସେମ ନହ୍ ମୀରୁଏସି, ନହ୍ ଲେମକ ମୀରୁଏସି,
 ୩୭ ଲେମକ ମତୁସେଲହ ମୀରୁଏସି, ମତୁସେଲହ ହନକ ମୀରୁଏସି, ହନକ ଜେରଦ ମୀରୁଏସି, ଜେରଦ ମହଲଲେଲ ମୀରୁଏସି, ମହଲଲେଲ କେନାନ ମୀରୁଏସି,
 ୩୮ କେନାନ ଏନସ ମୀରୁଏସି, ଏନସ ସେତ ମୀରୁଏସି, ସେତ ଆଦମ ମୀରୁଏସି, ଆଦମ ମାହାପୁରୁ ମୀରୁଏସି □

୪

ଜୀସୁଇଁ ତାୟିପାରି କିନାୟି
 (ମାତି ୪:୧-୧୧; ମାର୍କ ୧:୧୨-୧୩)

୧ ଜୀସୁ ସୁଦ୍‌ଜୀସୁ ବେଟାଆହାନା ଜର୍ଦନ କାତାଟି ଝେଣ୍ଡାଝାଡେସି ଇଞ୍ଜାଁ ରୀ କଡ଼ି ଦିନା ପାତେକା ସୁଦ୍‌ଜୀସୁ ତଲେ ଲକ୍ତୁ ହିଲାଆ ଟାୟୁତା ହାଚେସି □
 ୨ ଏମ୍ମାଆଁ ଏଝାସି ସୟତାନ ତାଣାଟି ତାୟିପାରି କିଝିଆଡେସି □ ଇ ରୀ କଡ଼ି ଦିନା ଏଝାସି ଏନାଆଁ ତିନାଆଡେସି, ଅଡେ ଏ ରୀ କଡ଼ି ଦିନା ରାହାଲିଏ ଏଝାସି ହାକି ଆଡେସି □
 ୩ ଏମ୍ମାଟିଏ ସୟତାନ ଏଝାଣାଇଁ ଏଲେଇଚେ, “ନୀନୁ ମାହାପୁରୁ ମୀରୁଏଣାତି ଇଚିହ୍ ଇ ଝାଲ୍‌କାଣି ରୁଟି ଆହାଲି ହୁକୁମି ହୀମ୍ମୁ □”
 ୪ ସାମା ଜୀସୁ ଏଲେଇଚେସି, “ଦାମ୍ବୁ ସାପ୍ତେରିତା ରାସ୍‌କି ଆହାମାନେ, ମାଣସି ଝାଡ଼ଇ ରୁଟି ତିଞ୍ଜାନା ନୀତଅସି □”
 ୫ ଅଡେ ସୟତାନ କାଜା ହରୁ ଲାକ ଅହାନା ଗାଡ଼େକା ତାକି ଦାର୍‌ତିତି ବାରେ ରାକ୍ତି ଏଝାଣାଇଁ ତଡ୍‌ସେ □
 ୬ ଇଞ୍ଜାଁ ସୟତାନ ଏଝାଣାଇଁ ଏଲେଇଚେ, “ନୀନୁ ନିଙ୍ଗେ ଇ ବାରେ ଦନ୍‌ତି ଅଦିକାରା କିୟାଇଁ, ଏନାଆଁତାକି ଇଚିହ୍ ବାରେ ନାଙ୍ଗେ ହେର୍‌ପି ଆହାମାଞ୍ଜାନେ, ଅଡେ ନୀନୁ ଆମ୍ମାଆରାକି ମନ୍ ଏଝାଣାକି ହୀଇଁ □
 ୭ ଇଦାଆଁତାକି ନୀନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇଚିହ୍ ଇ ବାରେ ନୀଦି ଆନ୍‌ନେ □”

୮ ଜୀସୁ ଏଲେଇରେସି, “ରାସ୍‌କି ଆହାମାନେ, ‘ନୀନୁ ନୀ ମାହାପୁରୁଇଁ ଜହରା କିଦି, ଅଡ଼େ ଝାରୁଇ ଏଞ୍ଜାଣି ସେବା କିଦି’ ”

୯ ଅଡ଼େ ସୟତାନ ଏଞ୍ଜାଣାଇଁ ଜିରୁସାଲମତା ଅହାନା ମାହାପୁରୁ ଇଲୁ ତୁଡ଼ିୟା ଲାକ ନିପୁହାନା ଏଲେଇରେ, “ନୀନୁ ମାହାପୁରୁତି ମୀରୁଏଣାତି ଇତିହୁଁ ଇମ୍ପାଟି ଡ଼ଇକା ଚେମ୍ପାମ୍ପୁ;

୧୦ ଇତିହୁଁ ରାସ୍‌କି ଆହାମାନେ, ‘ନିଜେ ଗେଲ୍‌ପାଲିତାକି ମାହାପୁରୁ ତାନି ପୁତୁୟାଁଇଁ ହୁକୁମି ହୀନେସି’

୧୧ ଅଡ଼େ ରାସ୍‌କି ଆହାମାନେ, ‘ନୀ କତାୟାଁ ଏନିକିଁ ଖାଲ୍‌କାଣା ଆଡ଼ାତ ଏଦାଆଁତାକି ଏଞ୍ଜି ନିଜେ କେସ୍‌ତାଲେ ପେରହା ଆସ୍ତାନୁ’ ”

୧୨ ସାମା ଜୀସୁ ଏଦାନି ଏଲେଇରେସି, “ଦାମ୍‌ସୁ ସାସ୍‌ସ୍‌ପରିତା ରାସ୍‌କି ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି’ ”

୧୩ ସୟତାନ ଜୀସୁଇଁ ବାରେ ତାୟିପାରି କିନାଣି ରାପୁହାନା ଗାଡ଼େକା ତାକି ଏଞ୍ଜାଣାଇଁ ପିସାନା ହାଚେ
□

ଜୀସୁ ଗାଲିଲିତା ସେବା କାମା ମାଟ୍‌ନାୟି
(ମାତି ୪:୧୨-୧୭; ମାର୍କ ୧:୧୪-୧୫)

୧୪ ଏ ତାମ୍‌ସୁ ଜୀସୁ ସୁଦୁଜୀଞ୍ଜୁତି ବାଡ଼ୁଡୁ ତଲେ ଗାଲିଲିତା ଖାଡ଼େସି, ଅଡ଼େ ସାରିଞ୍ଜାକି ଏଞ୍ଜାଣି କାତା ଝେଜିତେ □

୧୫ ଅଡ଼େ ଏଞ୍ଜାସି ଏଞ୍ଜାରି ଜୀହୁଦି ଲକ୍‌କୁଚି କୁଟମି ଇଲ୍‌କାଣା* ଜାପୁହିହୁଁ ବାରେ ଲକ୍‌କୁ ତାଣାଟି ଗାଞ୍ଜୁରମି ବେଟାଆଡ଼େସି □

ଜୀସୁଇଁ ନାଜରିତତା ଅପାଆଡ଼େରି
(ମାତି ୧୩:୫୩-୫୮; ମାର୍କ ୬:୧-୬)

୧୬ ଅଡ଼େ ଏଞ୍ଜାସି ଆନିନି ନାଜରିତତା ପହିପାତି ଆହାମାଚେସି, ଏଚେତା ଏ ଚାମୁଡା ହାଚେସି ଅଡ଼େ ତାନି ମେରାଲେହେଁ ଜମିନି ଦିନାତା ଜୀହୁଦି ଲକ୍‌କୁଚି କୁଟମି ଇଲ୍‌କାଟା† ହାଚେସି ଇଞ୍ଜା ପଡ଼ୁଞ୍ଜି ଆହାଲି ନିଚେସି,

୧୭ ଏମ୍ପାଟିଏ ମାହାପୁରୁ ଅଣ୍‌ପୁତି ବଲୁ ଝେହୁନି ଜିସାୟତି ପତି ହାଚେରି, ଜୀସୁ ଏଦାଆଁ ଏକ୍‌ହାନା ଏମିନିତାଣା ଇ କାତା ରାସ୍‌କି ଆହାମାନେ ଏ କାତା ବେଟାଆଡ଼େସି;

୧୮ “ପ୍ରବୁତି ଜୀଞ୍ଜୁ ନା ତାଣା ମାନେ,
ଏନିଇତିହୁଁ ହିଲ୍‌ଆ ଗାଟାରି ତାଣା ନେହୁଁ କାରୁ ଝେକ୍‌ହାଲି ଏଞ୍ଜାସି ନାଜେ ଆଡ଼ାମାଞ୍ଜାନେସି;

କାୟିଦିତା ମାନାରାଇଁ ପିସ୍‌ପି ଆନାଣି ଝେକ୍‌ହାଲି,

କାଣକା ମେହୁଆଗାଟାରାଇଁ ମେସ୍‌ପି କିହାଲି,

ଦୁକୁ ବେଟାଆହି ମାନାରାଇଁ ଗେଲ୍‌ପାଲି,

୧୯ ଇଞ୍ଜା ମାହାପୁରୁ କାର୍ମା ମେସ୍‌ପାନି ବେଲ୍‌ମାତି ବାର୍ଯା ଝେକ୍‌ହାଲି
ପ୍ରବୁ ନାଜେ ପାଣ୍ଡାମାଞ୍ଜାନେସି □”

୨୦ ଏମ୍ପାଟିଏ ଜୀସୁ ପତିତି ମୁଦା କିହାନା ସେବା କିନାଣି କେୟୁତା ହାହାନା କୁଗିଚେସି □ ଅଡ଼େ ଜୀହୁଦି ଲକ୍‌କୁଚି କୁଟମି ଇଲ୍‌କା‡ କୁଗାମାନି ବାରେ ଲକ୍‌କୁ ଜୀସୁ ଖାକି ସିନିକିଚେରି □

୨୧ ଇଞ୍ଜା ଜୀସୁ ଏଞ୍ଜାରାଇଁ ଏଲେଇରେସି, “ନୀଞ୍ଜୁଟିଏ ଦାମ୍‌ସୁ ପତିତି ଇ କାତା ମୀରୁ ଝେଣ୍‌ମୁନିଏ ପୂରା ଆଡ଼େ □”

୨୨ ଅଡ଼େ ବାରେଜାଣା ତାନି କାତାତାକି ସାକି ହାଚେରି, ଅଡ଼େ ତାନି ଗୁତିଟି ହୁଟିମାନି କାର୍ମାଟି ବଲୁତା କାବା ଆଡ଼େରି ଇଞ୍ଜା ଏଲେଇଚେରି, “ଇଞ୍ଜାସି ଏନାଆଁ ଜସେପ ମୀରୁଏସି ଆଏକି ?”

୨୩ ଏମ୍ପାଟିଏ ଏଞ୍ଜାସି ଏଞ୍ଜାରାଇଁ ଏଲେଇରେସି, “ମୀରୁ ସାଚେଏ ନାଜେ ଏଲେ ଇଞ୍ଜାଦେରି, ଏ ଅସଗୁରୁ ନୀନୁଏ ନିଜେ ନେହୁଁ କିହାକତାମ୍ପୁ; କପରନାହୁମତା ଏନା ଏନାଆଁ କିହାମାଞ୍ଜି ଇଞ୍ଜୁଁ ମାମ୍‌ସୁ ଝେଞ୍ଜାମାନନି ଏଲେକିଁ ମୀ ଆକୁ ଆବାର୍ଯା ନାୟୁତା ଜିକେଏ କିମ୍ପୁ □”

୨୪ *ଅଡ଼େ ଏଞ୍ଜାସି ଏଲେଇରେସି, “ନୀନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁ ଅଣ୍‌ପୁତି ବଲୁ ଝେହୁନାରାଇଁ ତାନୁ ପାତାଆଡ଼ି ନାୟୁତି ଲକ୍‌କୁ ଅପଅରି □

* ୪:୧୫ ୪:୧୫ ସିନଗର † ୪:୧୭ ୪:୧୭ ସିନଗର ‡ ୪:୨୦ ୪:୨୦ ସିନଗର ☆ ୪:୨୪ ୪:୨୪ ଜହ ୪:୪୪

୨୫ ସାମା ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଲିୟ ବେଲୀତା ଏନିକ ତାନି ବାସୀ ସ ଲେଞ୍ଜୁ ପାତେକା ହାଗୁଟି ପିୟୁ ରିଆତାକି ବାରେ ଦେସା କାରୁଧୁ ଆହାମାତେ, ଏଚିବେଲୀ ଇସ୍ରାୟେଲତା ହାରେକା ରାଣ୍ଡେଣିସିକା ମାଚିହ ଜିକେଏ;

୨୬ ଏଲିୟ ଏଞ୍ଜାସିକା ତାଣା ପାଣ୍ଡୁଞ୍ଜି ଆଆନା ସିଦନ ଦେସାତି ସାରିପତ ନାୟୁତି ର ରାଣ୍ଡେଣିନି ତାଣା ପାଣ୍ଡୁଞ୍ଜି ଆଡେସି □

୨୭ ଅଡେ ମାହାପୁରୁ ଅଣପୁତି ବଲୁ ଝେହୁନି ଏଲିସାୟ ମାଗାଚି ଇସ୍ରାୟେଲ ବିତ୍ରା ହାରେକା କାଜା ରଗା ଗାଗାରି ମାଚେରି; ଆଡିଜିକେଏ ଏଞ୍ଜାରି ବିତ୍ରାଚି ରଅସି ଜିକେଏ ନେହ ଆଆଡେସି, ସାମା ସିରିୟା ଦେସାତି ନାମାନ ନେହ କିଞ୍ଜିଆଡେସି □

୨୮ ଜୀହୁଦି ଲକୁତି କୁଟମି ଇଲୁତାଁ ଇ ବାରେ କାତା ଝେଞ୍ଜାନା ବାରେଜାଣା କାରୁବି ଆଡେଚି,

୨୯ ଅଡେ ଏଞ୍ଜାରି ନିଜ୍ଞାନା ଏଞ୍ଜାଣାଇଁ ଗାଡ଼ାଚି ପାଙ୍ଗାତା ପେଡ଼ହେରି ଇଞ୍ଜା ଏଞ୍ଜାରି ଏମିନି ଗାଡ଼ା ହରୁଲେକ ଦସାମାଚେରି ଏ ହରୁ ଲାକଟି ତୁଇକା ମେଡ଼ହାଲି ଏଞ୍ଜାଣାଇଁ ଅଡେଚି;

୩୦ ସାମା ଏଞ୍ଜାସି ଏଞ୍ଜାରି ମାଦିଚି ହଡ଼ାହାଡେସି □

ଜୀସୁ ବୃତୁ ଆଲଗା ମାଚାଣାଇଁ ନେହ କିନାୟି

(ମାର୍କ ୧:୨୧-୨୮)

୩୧ ଜୀସୁ କପରନାହୁମ ଦରୁଗାଚି ଗାଲିଲିଚି ର ଗାଡ଼ାତା ଖାଡେସି, ଇଞ୍ଜା ଜମିନି ଦିନା ଲକୁଣି ଜାପୁହି ମାଚେସି,

୩୨ ଅଡେ ଏଞ୍ଜାରି ଏଞ୍ଜାଣି ଜାପୁନି ତାଣା କାବା ଆଡେଚି, ଏନାଆଁତାକି ଇଚିହ ଏଞ୍ଜାଣି ଜଲିନାୟି ଅଦିକାରା ଗାଗାୟି ଲେହେଁ ମାଚେ □

୩୩ ର ଦିନା ଜୀହୁଦି ଲକୁତି କୁଟମି ଇଲୁତା* ର ପଲୁଆ ବୃତୁ ଆଲଗାମାଚି ଲକୁ ମାଚେସି; ଏଞ୍ଜାସି କିରୁଡ଼ିହ ଏଲେଇଚେସି,

୩୪ “ଏ ନାଜରିଚତି ଜୀସୁ ନୀ ତଲେ ମାଙ୍ଗେ ଏନାୟି ମାନେ ? ନୀନୁ ମାଙ୍ଗେ ନାସା କିହାଲି ଖାହାମାଞ୍ଜି କି ? ନୀନୁ ଆମ୍ବାଆଚି ନୀନୁ ପୁଞ୍ଜାମାଞ୍ଜି; ନୀନୁ ମାହାପୁରୁଚି ସୁଦୁ ମାଣସିତି □”

୩୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆମୁ ଇଞ୍ଜା ଇଞ୍ଜାଣି ତାଣାଚି ହଡ଼ାହାଲାନୁ □” ଏମ୍ବାଚିଏ ଏ ବୃତୁ ଏଞ୍ଜାଣାଇଁ ମାଦିଏ ତୁକହାନା ଏଞ୍ଜାଣାଇଁ ଏନାଆଁ କିଆନା ହଡ଼ାହାଚେ □

୩୬ ଏମ୍ବାଚିଏ ବାରେଜାଣା କାବାଆହାନା ଏଲେଇଚିସି ଆଡେଚି, “ଇଦି ଏନିଲେହେଁଚି କାତା ? ଏଞ୍ଜାସି ବୃତୁୟାଁ ଅଦିକାରା ଅଡେ ବାଡ଼ୁୟି ହୁକୁମି ହାହିମାନେସି ଇଞ୍ଜା ଏଞ୍ଜି ହଡ଼ା ହାଜିମାନୁ □”

୩୭ ଏମ୍ବାଚିଏ ଏଞ୍ଜାଣି ହାଡ଼ାଚି କାରୁ ଦେସାତି ସାରିଞ୍ଜାକି ଝେଙ୍ଗାହାଚେ □

ଜୀସୁ ହାରେକା ଲକୁଇଁ ନେହ କିନାୟି

(ମାଚି ୮:୧୪-୧୭; ମାର୍କ ୧:୧୯-୩୪)

୩୮ ଏମ୍ବାଚିଏ ଜୀସୁ ଜୀହୁଦି ଲକୁତି କୁଟମି ଇଲୁଚି† ହଡ଼ାନା ସିମନ ଇଜ ହାଚେସି □ ସିମନ ପୟା ଗାଚି ନମେରି ଆହାମାଚେ, ଅଡେ ଏଞ୍ଜାରି ଇ କାତା ଜୀସୁଇଁ ଏଲେଇଚେଚି □

୩୯ ଏମ୍ବାଚିଏ ଏଞ୍ଜାସି ଏଦାନି ତାଗେ ନିଗାନା ନମେରିଚି ଦାକା ହାଚେସି, ଇଞ୍ଜା ଏଦାନାକି ନମେରି ପିସ୍ତେ, ଏଦି ଏ ଦେବୁଣିଏ ନିଜ୍ଞାନା ଏଞ୍ଜାରି ସେବା କିଚେ □

୪୦ ଝେଡ଼ା କୁଡ଼ିହି ମାଗାଚି ଆମ୍ବାଆରି ତାଣା ଏନିଲେହେଁଚି ରଗା ମାଚେ, ଏଲେଚି ରଗା ଲକୁଣି ଜୀସୁ ତାଣା ତାଚେରି, ଇଞ୍ଜା ତାନି ତାକାଣା କେୟୁ ଇଗାନା ବାରେଚି ନେହ କିଚେସି □

୪୧ ଅଡେ ବୃତୁୟାଁ ଜିକେଏ କିରୁଡ଼ିହ ହାରେକା ଲକୁ ତାଣାଚି ଏଲେଇଞ୍ଜି ହଡ଼ାହାଡ଼ୁ, “ନୀନୁ ମାହାପୁରୁ ମୀରୁଏଣାଚି □”

ଅଡେ ଜୀସୁ ଏ ବାରେଚି କାତା ଆହାଲି ହୀଆନା ଦାକା ହାଚେସି, ଇଚିହ ଏଞ୍ଜାସି କ୍ରୀସୁ ଇଦାଆଁ ଏଞ୍ଜି ପୁଞ୍ଜାମାରୁ □

ଜୀସୁ ଜୀହୁଦି ଲକୁତି କୁଟମି ଇଲୁତା ଝେକ୍ନାୟି

(ମାର୍କ ୧:୩୫-୩୯)

§ ୪:୨୮ ୪:୨୮ ସିନଗଲ * ୪:୩୨ ୪:୩୨ ମାଚି ୭:୨୮,୨୯ † ୪:୩୩ ୪:୩୩ ସିନଗଲ ‡ ୪:୩୮ ୪:୩୮ ସିନଗଲ

୪୨ ଲାଜ ହେୟାଲିଏ ଏଝାସି ହତାନା ଲକୁ ହିଲାଆ ଚାୟୁତା ହାଚେସି; ଅଡ଼େ ଲକୁ ଏଝାଶାଈଁ ପାରି ପାରିହୁଁ ଏଝାଣି ତାଶା ଖାଡ଼େରି, ଅଡ଼େ ଏଝାସି ଏନିକ୍ ଏଝାରି ତାଶାଟି ହାଲଅସି, ଏଦାଆଁତାକି ଏଝାଶାଈଁ ମାଞ୍ଜାଲି ବାଡ଼ିମାଲିତେରି □

୪୩ ସାମା ଏଝାସି ଏଝାରାଇଁ ଏଲେଇଚେସି, “ଏଡ଼କା ଗାଡ଼ାତା ଜିକେଏ ନାନୁ ମାହାପୁରୁ ରାଜିତି ନେହୁଁ କାରୁ ଝେକନାୟି ମାନେ, ଇତିହୁଁ ଏଦାଆଁତାକି ନାନୁ ପାଶୁଝି ଆହାମାଇଁ □”

୪୪ ଇଞ୍ଜାଁ ଏଝାସି ଜାହୁଦା ଦେସାତି ଜାହୁଦି ଲକୁତି କୁଚେନି ଇଲ୍ଲକାଶାଃ ହାଜାନା ନେହୁଁ କାରୁ ଝେକହେସି □

୫

ଜୀସୁ ମୀଶକା ଆହନାରାଇଁ ହାଡ଼ିନାୟି

(ମାତି ୪:୧୮-୨୨; ମାର୍କ ୧:୧୭-୨୦)

୧* ର ଦିନା ଜୀସୁ ଗେନେସର ବାନ୍ଦା ଗାରୁତା ନିଚାମାଚାଟି ହାରେକା ଲକୁ ମାହାପୁରୁତି କାତା ଝେଞ୍ଜାଲି ଏଝାଣି ସାରିସୁଚୁ ରୁଣ୍ଡା ଆଡ଼େରି □

୨ ଇଞ୍ଜାଁ ଏଝାସି ବାନ୍ଦା ଗାରୁତା ରା ତଂଗାଁୟାଁ ମାନାଣି ମେସ୍ତେସି; ଏମ୍ବାଟି ମୀଶକା ଆହନାରି ଏମ୍ବାଟି ରେଚାନା ତାମି ଜାଲାଇଁ ନରୁହି ମାଚେରି □

୩ ଏ ତଂଗା ବିତ୍ରାଟି ଏମିନାୟି ସିମନଖାୟି ମାଚେ, ଏ ତଂଗତା କୁଗାନା ଗାରୁଟିଏ ହିରେ ହେକ ହାଜାଲି ବାଡ଼ିମାଲିତେସି; ଇଞ୍ଜାଁ ଏଝାସି କୁଗାନା ଲକୁଣି ଜାପୁହେସି □

୪ ଏଝାସି ତାନି କାତା ରାପୁହାଲିଏ ସିମନଇଁ ଏଲେଇଚେସି, “ମୀଶକା ଆସାଲି କୁଡ଼ନି ଏୟୁଝାକି ହାଜାନା ମୀ ଜାଲାଇଁ ମେଡ଼ୁ □”

୫* ଏମ୍ବାଟିଏ ସିମନ ଏଲେଇଚେସି, “ଏ ଗୁରୁ ମାମୁ ଲାଆଁ ଝେୟେ କସୁ କିତିଝା ର ମାନୁ ଜିକେଏ ବେଟାଆଆତମି; ସାମା ନୀ କାତା ଆସାନା ଜାଲାଇଁ ମେଡ଼ୁଁ □”

୬* ଇଞ୍ଜାଁ ଏଝାରି ଜାଲାଇଁ ମେଡ଼ହାଲିଏ ଏମ୍ବାଆଁ ଜାଲାଇଁ ନେଞ୍ଜେ ମୀଶକା ହଚୁ, ଇଞ୍ଜାଁ ଏଝାରି ଜାଲାଇଁ ତାମ୍ବାଲି ମାଡ଼ହେ □

୭ ଏମ୍ବାଟିଏ ଏଝାରି ଆମିନି ତଡ଼ଗୁାଗାରି ଅର ତଂଗତା ମାଚେରି, ଏଝାରି ଏନିକ୍ ଏଝାହାନା ସାୟେମି କିନେରି, ଏଦାଆଁତାକି ଏଝାରି ଏଝାରାଇଁ କେୟୁ ଜାଞ୍ଜିତେରି, ଏମ୍ବାଟିଏ ଏଝାରି ଝାହାନା ରା ତଂଗାଁଶା ମୀଶକା ନେଞ୍ଜି କିୟାଲିଏ ଏ ତଂଗାଁୟାଁ ମୁଞ୍ଜିମାଚୁ □

୮ ସାମା ସିମନ ପିତର ଏଦାଆଁ ମେସାନା ଜୀସୁ କତାଶା ରିହାନା ଏଲେଇଚେସି, “ଏ ପ୍ରବୁ ନା ତାଶାଟି ହାଜାତୁହମୁ ଏନାଆଁତାକି ଇତିହୁଁ ନାନୁ ପାପୁଗାଟି ମାଶ୍ସିତେସି □”

୯ ଇତିହୁଁ ଏଝାରି ହାରେକା ମୀଶକା ଆସାମାଚାକି ତାନୁ ଅଡ଼େ ତାନିତଲେ ମାଚାରି କାବା ଆହାହାଚେରି;

୧୦ ଜେବଦିତି ରୀ ମୀରକା ଜାକୁବ ଅଡ଼େ ଜହନ, ଆମ୍ବାଆରି ସିମନ ଆଡ଼ହିତାରି ମାଚେରି, ଏଝାରି ଜିକେଏ କାବା ଆହାହାଚେରି □ ଅଡ଼େ ଜୀସୁ ସିମନଇଁ ଏଲେଇଚେସି, “ଆଜାଆନି ନୀଞ୍ଜୁଟିଏ ନୀନୁ ଲକୁଣି ଆହୁଦି □”

୧୧ ଏଚେଟିଏ ଏଝାରି ତଂଗାଁୟାଁ ଗାରୁତା ତାଚାନା ଏମ୍ବାଆଁ ବାରେ ପିସାନା ଜୀସୁ ଜେଡ ହାଚେରି □

କାଜା ରଗା ଗାଶାଈଁ ନେହୁଁ କିନାୟି

(ମାତି ୮:୧-୪; ମାର୍କ ୧:୪୦-୪୫)

୧୨ ଜୀସୁ ର ଗାଡ଼ାତା ମାଚାଟି ମେହୁଦୁ ଏମ୍ବାଆଁ ଗୁଡ଼ା ଆଜା କାଜା ରଗା ଗାସି ମାଚେସି; ଏଝାସି ଜୀସୁଇଁ ମେସାନା ମୁନୁ କୁତାନା ଏଝାଶାଈଁ ଏଲେଇଚେସି, “ଏ ପ୍ରବୁ ନୀନୁ ମନ କିତିହୁଁ ନାଜେ ନେହୁଁ କିହାଲି ଆଡ଼ାଦି □”

୧୩ ଏଚେଟିଏ ଏଝାସି କେୟୁ ଦାସାହାଁ ତୀଗାନା ଏଲେଇଚେସି, “ନାନୁ ମନ କିହିମାଇଁ ନୀନୁ ନେହୁଁ ଆମୁ □” ଏ ଦେବୁଣିଏ କାଜା ରଗାଟି ଏଝାସି ନେହୁଁ ଆଡ଼େସି □

‡ ୪:୪୪ ୪:୪୪ ସିନଗର ✧ ୫:୧ ୫:୧ ମାତି ୧୩:୧,୨; ମାର୍କ ୩:୧,୧୦; ୪:୧ ✧ ୫:୫ ୫:୫ ଜହ ୨୧:୩ ✧ ୫:୭ ୫:୭ ଜହ ୨୧:୭

୧୪ ଜୀସୁ ଏଞ୍ଜାଣାଇଁ ହୁକୁମି ହୀହାନା ଏଲେଇଚେସି, “ଆମ୍ବାଆରାଇଁ ଖେହୁଆନି, ସାମା ହାଜାନା ପୂଜେରାଜାଣି ତହୁମ୍, ଅଡ଼େ ମସାତି ମେରାଲେହେଁ ନାନୁ ନେହୁଁ ଆତାଣି ସାକି ହୀହାଲି ପୂଜା ହୀମୁ
□”

୧୫ ସାମା ଏଞ୍ଜାଣି କାତା ହାରେକା ଖେଜାହାଚେ, ଅଡ଼େ ହାରେକା ଲକୁ ଖେଜାଲିତାକି ଅଡ଼େ ରଚିଚି ନେହୁଁ ଆହାଲିତାକି ରୁଣ୍ଡା ଆଡ଼େଚି □

୧୬ ସାମା ଜୀସୁ ଲକୁ ହିଲୀଆ ଚାୟୁତା ହାଜାନା ପ୍ରାତାନା କିହିମାଚେସି □

ଜୀସୁ ର.ଚଟ ଖାୟିତାଣାଇଁ ନେହୁଁକିନାୟି

(ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜୀସୁହି ମାଗାଚି, ଗାଲିଲି ଦେସାତି ବାରେ ନାସକାଚି, ଜୀହୁଦା ଦେସା ଇଞ୍ଜା ଜିରୁସାଲମଚି ଖାହାମାନି ପାରୁସିୟାଁ ଅଡ଼େ ମେରାପୁନାରି ଜୀସୁ ତାଣା କୁଗାମାଚେଚି, ଇଞ୍ଜା ଏଞ୍ଜାସି ଏନିକିଁ ନେହୁଁ କିନେସି ଇଦାଆଁତାକି ପ୍ରବୁତି ନେହୁଁ କିନି ବାଡ଼ୁୟୁ ଜୀସୁ ତାଣା ମାଚେ □

୧୮ ଏଚରଜାଣା ଲକୁ ର.ଚଟ ଖାୟିତାଣାଇଁ କାଚେଲିତା ଡେକା ତାଚାନା ଜୀସୁ ନକିତା ବିଦ୍ରା ଅହାଲି ଅଣପିଚେଚି □

୧୯ ସାମା ଏମ୍ବାଆଁ ହାରେକା ଲକୁ ମାଗାକି ଜିରୁ ବେଟାଆଆଚେଚି, ଇଞ୍ଜା ଏଞ୍ଜାରି ଇଲୁ ଚେପରିତା ଡେକା ଅହାନା ତୁଡ଼ିୟାତି ଚାୟିଲି ହୁକହାନା କାଚେଲି ତଲେ ଜୀସୁ ନକିତା ଚେପହେଚି □

୨୦ ଜୀସୁ ଏଞ୍ଜାରି ନାମୁ ମେସାନା ଚଟ ଖାୟିତାଣାଇଁ ଏଲେଇଚେସି, “ତଡ଼େ ନୀ ପାପୁ ବାରେ ମେଶଜାମାନେ □”

୨୧ ଏଚେଟିଏ ମେରା ଜୀସୁନାରି ଅଡ଼େ ପାରୁସିୟାଁ କାତା ଆହୁଁ ଏଲେଇଶ୍ଚି ଆଡ଼େଚି, “ଇଞ୍ଜାସି ମାହାପୁରୁ ନିନ୍ଦା କିହିମାନେସି, ଇଞ୍ଜାସି ଆମ୍ବାଆସି! ମାହାପୁରୁ ପିସପେ ଅଡ଼େ ଆମ୍ବାଆସି ପାପୁ ମେକହାଲି ଆଡ଼ିମାନେସି □”

୨୨ ସାମା ଜୀସୁ ଏଞ୍ଜାରି କାତାବାର୍ତା ଆହିମାନାଣି ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ମୀରୁ ମୀ ମନତା ଏନାଆଁତାକି ଏଲେକିଁ ଅଣପିମାଞ୍ଜେଚି ?

୨୩ ଏନାଆଁ ଇନାୟି ଉସାସା ‘ନୀ ପାପୁ ବାରେ ମେଶଜାଚେ ଇନାୟି କି ନିଜ୍ଞାନା ତାକାମୁ ଇନାୟି ?’

୨୪ ଦାଚିତା ପାପୁ ମେକହାଲି ମାଣସି ମୀରୁଏଶାକି ଅଦିକାରା ମାନେ, ଇଦାଆଁ ମୀରୁ ଏନିକିଁ ପୁଞ୍ଜାଲି ଆଡ଼ିଦେଚି” ଇଦାଆଁତାକି ଚଟ ଖାୟିତାଣାଇଁ ଏଲେଇଚେସି, “ନାନୁ ନିଜେ ଖେସିମାଞ୍ଜାଇଁ, ନିଜ୍ଞାନା ନୀ କାଚେଲି ଡେକାନା ନୀ ଇଜ ହାଲୀମୁ □”

୨୫ ଏଚେଟିଏ ଏଞ୍ଜାସି ଏ ଦେବୁଣିଏ ଏଞ୍ଜାରି ନକିତା ନିଜ୍ଞାନା ଆମିନି କାଚେଲିତା ତୁରାମାଚେସି, ଏଦାଆଁ ଡେକାନା ମାହାପୁରୁଇଁ ଜହରା କିହୁଁ ତାମି ଇଜ ହାଚେସି □

୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଚେଚି, ଅଡ଼େ ଆଜିତଲେ ଏଲେଇଚେଚି, “ନୀଞ୍ଜୁ ମାମୁ କାବାଆନି କାମା ମେସୁମି □”

ଜୀସୁ ଲେବିଇଁ ହାଚିନାୟି

(ମାତି ୯:୯-୧୩; ମାର୍କ ୨:୧୩-୧୭)

୨୭ ଏମ୍ବାଟିଏ ଜୀସୁ ପାଜାତା ହାଜାନା ଲେବି* ଦରୁଗାଚି ର.ସିସୁରାହନାସି ସିସୁରାହନି ଚାୟୁତା କୁଗାମାନାଣି ମେସାନା ଏଞ୍ଜାଣାଇଁ ଏଲେଇଚେସି, “ନୀ ଜେଟ ଖାମୁ □”

୨୮ ଏମ୍ବାଟିଏ ଏଞ୍ଜାସି ବାରେ ପିସାନା ନିଜ୍ଞାନା ଏଞ୍ଜାଣି ଜେଟ ହାଚେସି □

୨୯ ଅଡ଼େ ଲେବି ତାମି ଇଜ ର କାଜା ବକ୍ତି କିଚେସି, ଇଞ୍ଜା ହାରେକା ସିସୁରାହନାରି ଅଡ଼େ ଏବକାଚି ଲକୁ ବାରେ ଏଞ୍ଜାରିତଲେ ତିଞ୍ଜାଲି କୁଚିଚେଚି □

୩୦ ଏଚେଟିଏ ପାରୁସିୟାଁ ଅଡ଼େ ଏଞ୍ଜାରି ଗଚିଚି ମେରାପୁନାରି ତାମି ସୀସୁୟାଁଇଁ ଏଲେଇଚେଚି, “ମୀରୁ ଏନାଆଁତାକି ସିସୁରାହନାରି ଅଡ଼େ ପାପୁ ଗାଟାଚି ତଲେ ତିଞ୍ଜି ଉଣ୍ଡି ମାଞ୍ଜେଚି ?”

୩୧ ଜୀସୁ ଏଞ୍ଜାରାଇଁ ଏଲେଇଚେସି, “ନେହୁଁ ମାନାରାକି ଅସଗୁରୁ ଲଡ଼ା ହିଲେଏ, ସାମା ରଚା ଗାଟାରାକି ଲଡ଼ାମାନେ □

୩୨ ନାନୁ ତାରିଗାଟାରାଇଁ ହାଟାଲି ଖାହାହିଲଅଁ, ସାମା ମନ ଖେବପି କିହାଲି ପାପୁ ଗାଟାରାଇଁ ହାଟାଲି ଖାହାମାଇଁ □”

* ୫:୨୭ ୫:୨୭ ମାତିୟୁ ☆ ୫:୩୦ ୫:୩୦ ଲୁକ ୧୫:୧,୨

ଉପାସା କିନି କାତା ଝେନାୟି
(ମାତି ୯:୧୪-୧୭; ମାର୍କ ୨:୧୮-୨୨)

୩୩ ଏତେକା ଲକ୍ଷୁ ଜୀସୁଇଁ ଝେଚେରି, “ଜହନତି ସୀସୁୟାଁ ଅଡ଼େ ପାରୁସିୟାଁତି ସୀସୁୟାଁ ଅଲେ ଅଲେ ଉପାସା ଅଡ଼େ ପ୍ରାତ୍ନାନା କିହିମାନେରି, ସୀମା ନୀ ସୀସୁୟାଁ ତିଞ୍ଜି ଉଣି ମାନେରି □”

୩୪ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ବୀହୀ ଲକ୍ଷୁତଲେ ହନେଏସି ମାନି ପାତେକା ବୀହୀ ଲକ୍ଷୁ ଉପାସା ମାଞ୍ଜାଲି ଆଡ଼ିନେରି ?

୩୫ ସୀମା ର ଦିନା ଝାନେ; ଏଝାରି ତାଣାଟି ହନେଏସି ହାନେସି, ଏଚେଟିଏ ଏଝାରି ଉପାସା କିନେରି □”

୩୬ ଇଞ୍ଜା ଏଝାସି ର ପୁଣ୍ଡିକିନି କାତା ଜିକେଏ ଝେସେସି, “ଆମ୍ବାଆସି ପୁଞ୍ଜଇ ହିମ୍ବରିତା ପୁଞ୍ଜି ପାସକି ତାରଅସି; ତାଡ଼ିତିଝା ଏ ପୁଞ୍ଜି ପାସକି ଗେହନେ ଇଞ୍ଜା ପୁଞ୍ଜି ପାସକି ପୁଞ୍ଜଇ ପାସକି ତଲେ ଆଣ୍ଡେସି □

୩୭ ଅଡ଼େ ଆମ୍ବାଆସି ପୁଞ୍ଜି ଅଞ୍ଜୁରି ରାସା ପୁଞ୍ଜଇ ତ:କାତା^୧ ଇଟଅସି; ଇଟିତିହ^୨ ଅଞ୍ଜୁରି ରାସା ତ:କାତା ଅୟି କିହାନା ବହାହାନେ ଅଡ଼େ ତ:କା ଜିକେଏ ନସ୍ତୁ ଆନେ,

୩୮ ସୀମା ପୁଞ୍ଜି ଅଞ୍ଜୁରି ରାସା ପୁଞ୍ଜି ତ:କାତା ଇଟିନାୟି ମାନେ □

୩୯ ଆମ୍ବାଆରି ପୁଞ୍ଜଇ ଅଞ୍ଜୁରି ରାସା ଗସ୍ତି ତାୟୁ ପୁଞ୍ଜି ଅଞ୍ଜୁରି ରାସା ଗହ^୩ଅଚେରି □ ପୁଞ୍ଜଆୟି ନେହେଁ ଇଞ୍ଜେରି □”



ଜମିନି ଦିନାତି ପ୍ରବୁ
(ମାତି ୧୨:୧-୮; ମାର୍କ ୨:୨୩-୨୮)

୧ ର ଜମିନି ଦିନା ଜୀସୁ ତାନି ସୀସୁୟାଁ ତଲେ ଗହଁ ଗୁଡ଼ିୟାଟି ହାଜିମାଟାଟି ସୀସୁୟାଁ ଗହଁ ଜେକା ତାପୁହାନା କେୟୁତଲେ ରାକ୍ତହା ତିଞ୍ଜିମାଚେରି □

୨ ସୀମା ପାରୁସିୟାଁ ବିତ୍ରାଟି ଏଚରଜାଣା ଏଲେଇଚେରି, “ଜମିନି ଦିନାତା ଏନାଆଁ କିନାୟି ମେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି □”

୩ ଜୀସୁ ଏଝାରାଇଁ ଏଲେଇଚେସି, “ଦାଝୁଦ ଅଡ଼େ ତାନି ତଣେସିଙ୍ଗା ହାକିଟି ମାଟାଟି ଏନାଆଁ କିହାମାଚେରି, ଏନାଆଁ ମୀରୁ ଏଚେଲା ପଡ଼ୁଝି ଆହାହିଲଅଚେରି ?

୪ ଏଝାସି ମାହାପୁରୁ ଇଲୁତା ହତାନା ଆମିନି ହେରପିଆହାମାନି ରୁଟି ପୁଜେରାଙ୍ଗା ପିସ୍ପେ ଆମ୍ବାଆରି ତିନି ମେରା ହିଲାଆତେ ଏନାଆଁ ତିଚେସି ଇଞ୍ଜା ତାନି ତଣେସିଙ୍ଗାକି ଜିକେଏ ହୀଡ଼େସି □”

୫ ଅଡ଼େ ଏଝାସି ଏଝାରାଇଁ ଏଲେଇଚେସି, “ମାଣସି ମୀରୁଏସି ଜମିନି ଦିନାତି ପ୍ରବୁ ଆନେସି □”

ଝାୟିତି କେୟୁ ଗାଟାଣାଇଁ ନେହ^୪କିନାୟି
(ମାତି ୧୨:୯-୧୪; ମାର୍କ ୩:୧-୬)

୬ ଏଝାସି ର ଜମିନି ଦିନାତା ଜୀହୁଦ ଲକ୍ଷୁତି କୁଟମି ଇଲୁତା* ହାଜାନା ଜାପୁହି ମାଚେସି; ଏମ୍ବାଆଁ ରଅସି ମାଚେସି ଏଝାଣି ଚିଞ୍ଜି କେୟୁ ଝାୟାହାଜାମାଚେ □

୭ ଅଡ଼େ ଏଝାସି ଜମିନି ଦିନାତା ନେହ^୫ କିନେସିକି ଆଏ ଏନାଆଁ ସିନିକିହାଲି ମେରାପୁନାରି ଅଡ଼େ ପାରୁସିୟାଁ କୁଗାନା ସିନିକିହିମାଚେରି, ଏନିକ^୬ ଏଝାଣାଇଁ ଦହ ଆସାଲି ପାରୁ ବେଟାଆନେରି □

୮ ସୀମା ଏଝାସି ଏଝାରି ହିୟାଁତି ଅଣପୁ ପୁଞ୍ଜାନା ଆମିନି ଲକ୍ଷୁତି କେୟୁ ଝାୟାହାଜାମାଚେ ଏଝାଣାଇଁ ଏଲେଇଚେସି, “ନିଙ୍ଗାମୁ ମାଦି ନିମୁ □” ଏଚେଟିଏ ଏଝାସି ନିଚେସି □

୯ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ଝେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ କିନାୟି ମେରା ମାନେ ? ନେହ^୬କିନାୟି କି ଲାଗେଏ କିନାୟି ? ଜୀଝୁତି ଗେଲ୍ପିନାୟି କି ନାସା କିନାୟି ?”

୧୦ ଅଡ଼େ ଏଝାସି ସାରିଝାକି ଲକ୍ଷୁଣି ସିନିକିହାନା ଏଝାଣାଇଁ ଏଲେଇଚେସି, “ନୀ କେୟୁ ଦାହୁମୁ □” ଏମ୍ବାଟିଏ ଦାସ୍ପେସି, ଇଞ୍ଜା ଏଝାଣି କେୟୁ ନେହ^୭ ଆହାହାଚେ □

୧୧ ଏନାଆଁ ମେସାନା ଏଝାରି କାରବି ଆହାହାଚେରି ଅଡ଼େ ଜୀସୁଇଁ ଏନିକିହାଲି ଆନେ ଇଞ୍ଜା^୮ ତାୟୁ ତାୟୁ କାତା ଆଡ଼େରି □

୧ ୫:୩୨ ୫:୩୨ ତଲୁ ତଲେ କେପିତି ଅଞ୍ଜୁରି ରାସା ଇଟିନି ବାସ୍ତା ତୁପୁ * ୨:୨ ୨:୨ ସିନଗର

ଜୀସୁ ବାରଜାଣା ସାମୁୟାଁଙ୍କ ଆଚିନାୟି

(ମାତି ୧୦:୧-୪; ମାର୍କ ୩:୧୩-୧୯)

୧୨ ଏଚିବେଲାତା ଏ ଦିନା ପ୍ରାଡାନା କିହାଲି ହରୁ ଲାକ ହାଚେସି ଇଞ୍ଜାଁ ଲାଆଁ ଝେୟେ ମାହାପୁରୁ ତାଣା ପ୍ରାଡାନା କିଚେସି □

୧୩ ଲାଈ ଝେୟାଲିଏ ଏଞ୍ଜାସି ତାନି ସାମୁୟାଁ ତାଗେ ହାଟାନା ଏଞ୍ଜାରି ବିଭ୍ରାଟି ବାରଜାଣାତି ଆଚିଚେସି; ଇଞ୍ଜାଁ ଏଞ୍ଜାରାଇଁ ପାଣ୍ଡୁଞ୍ଜି ଆଡାରି ଇଞ୍ଜାଁ ଦରୁ ଇଚିଚେସି,

୧୪ ଏଞ୍ଜାରି ଆଡେଚି ସିମନ ଆମ୍ବାଆରାଇଁ ଏଞ୍ଜାସି ପିତର ଦରୁ ହାଚେସି, ଅଡ଼େ ତାନି ତାୟି ଆୟିୟ, ଜାକୁବ ଅଡ଼େ ଜହନ, ପିଲିପ, ବାର୍ତଲମି,

୧୫ ମାତିୟୁ ଅଡ଼େ ତମା, ଆଲେସି ମୀରଏସି ଜାକୁବ ଅଡ଼େ ସିମନ, ଆମିନି ଗାଟାଣାଇଁ ତାନି ଦେସାତି ଜୀସୁ ନନାସି ଇନେଚି,

୧୬ ଜାକୁବ ମୀରଏସି ଜୀହୁଦା ଅଡ଼େ ଇସ୍ତାରିୟତ ଜୀହୁଦା, ଆମ୍ବାଆସି ଜୀସୁଙ୍କୁ ସାତୁ କେୟୁତା ହେଚପିଚେସି □

ଜୀସୁତି ଜାପୁନାୟି ଅଡ଼େ ରଗଟି ନେହୁଁକିନାୟି

(ମାତି ୪:୨୩-୨୫)

୧୭ ଅଡ଼େ ଏଞ୍ଜାସି ଏଞ୍ଜାରିତଲେ ରେଟାଞ୍ଜାହାନା ନିମା ଗାଟି ଟାୟୁତା ନିଚେସି, ଇଞ୍ଜାଁ ତାନି ହାରେକା ସାମୁୟାଁ ଅଡ଼େ ବାରେ ଜୀହୁଦା ଦେସା ଜିରୁସାଲମ ଇଞ୍ଜାଁ ସର ଅଡ଼େ ସିଦନ ଦାରିଚି ହାରେକା ଞ୍ଜାଚେଚି □

୧୮ ଏଞ୍ଜାରି ଜୀସୁତି କାତା ଝେଞ୍ଜାଲି ଅଡ଼େ ତାନି ରଗଟି ନେହୁଁ ଆହାଲି ଞ୍ଜାହାମାଚେଚି, ଅଡ଼େ ଆମିନି ଗାଟାରି ବୁଡୁୟାଁ ତାଣାଟି କସ୍ତ ବେଟାଆହି ମାଚେଚି, ଏଞ୍ଜାରି ଜିକେଏ ନେହୁଁ ଆଚେଚି;

୧୯ ବାରେଜାଣା ଏଞ୍ଜାଣାଇଁ ତୀଗାଲି ମନ କିହିମାଚେଚି, ଇଚିହୁଁ ଏଞ୍ଜାଣି ତାଣାଟି ବାଡୁୟୁ ହଟାନା ବାରେଜାଣାଟି ନେହୁଁ କିହିମାଚେ □

ଆମ୍ବାଆରି ନେହେଁ

(ମାତି ୫:୧-୧୨)

୨୦ ଏଚିବେଲାତା ଜୀସୁ ତାନି ସାମୁୟାଣି ସିନିକିହାନା ଏଲେଇଚେସି, “ହିଲାଆଗାଟାଚେଚି ମୀରୁ; ମିଙ୍ଗେ ନେହେଁ,

ଇଚିହୁଁ ମାହାପୁରୁ ରାକ୍ତି ମାଦିଏ □

୨୧ ନୀଏଁ ହାକି ଗାଟାଚେଚି ମୀରୁ; ମିଙ୍ଗେ ନେହେଁ,

ଇଚିହୁଁ ମୀରୁ ତାୟୁ ପାଞ୍ଜିଦେଚି □

ନୀଏଁ ଡୀହିମାନାଚେଚି ମୀରୁ; ମିଙ୍ଗେ ନେହେଁ,

ଇଚିହୁଁ ମୀରୁ ତାୟୁ କାକଦେଚି □”

୨୨ *ଏଚେଡା ଲକୁ ମିଙ୍ଗେ ଅପୁଅରି ଅଡ଼େ ମାଣ୍ଡସି ମୀରଏଣା ତାକି ଏଟକା କିୟାନେଚି, ଅଡ଼େ ନିନ୍ଦା କିୟାନେଚି ଇଞ୍ଜାଁ ମୀ ଦରୁତି ଲାଗେଏତାୟି ଇଞ୍ଜାଁ ଅପୁଅରି, ଆତିହୁଁ ମୀରୁ ନେହେଁ □

୨୩ *ଏ ଚେଲାତା ରାହାତଲେ ଏନ୍ଦାଦୁ, ଏନିଇଚିହୁଁ ଲାକପୁରୁ ମିଙ୍ଗେତାକି ହାରେକା ଦାନା ମାନେ; ଅଡ଼େ ଏଲେକିହୁଁ ଏ ଏଞ୍ଜାରି ଆକୁ ଆବାୟାଁ ମାହାପୁରୁ ଅଣପୁତି ବଲୁ ଝେହ୍ନାରାଇଁ କିହିମାଚେଚି □”

୨୪ “ସାମା ଆୟଡା ଡଣ୍ଡ ବେଟାଆକି ଦନ ଗାଟାଚେଚି ମୀରୁ;

ମୀରୁ ମୀ ଅଣପିମାଟି ସୁକୁ ବେଟା ଆହାମାଞ୍ଜେଚି □

୨୫ ଆୟଡା ଡଣ୍ଡ ବେଟାଆନାଚେଚି ନୀଏଁ ପାଞ୍ଜାମାନାଚେଚି ମୀରୁ;

ଇଚିହୁଁ ତାୟୁ ମୀରୁ ହାକି ଆଦେଚି □

ଆୟଡା ନୀଏଁ କାକହି ମାନାଚେଚି ମୀରୁ;

ଇଚିହୁଁ ତାୟୁ ମୀରୁ ଦୁକୁ ଆହାନା ଡୀଦେଚି □”

୨୬ “ଏଚିବେଲା ବାରେ ଲକୁ ମିଙ୍ଗେ ନେହାଁଚେଚି ଇଞ୍ଜାନେଚି, ଏଚିବେଲା ଆୟଡା ଡଣ୍ଡ ବେଟା ଆନାଚେଚି; ଏଲେକିହୁଁ ଏ ଏଞ୍ଜାରି ଆକୁ ଆବାୟାଁ ମିଚି ବଲୁ ଝେହ୍ନାରାଇଁ କିହିମାଚେଚି □”

ସାତୁୟାଙ୍କ ଜୀବୁନନାୟି
(ମାତି ୫:୩୮-୪୮; ୭:୧୨)

୨୭ ସାମା ମୀରୁ ଖେଞ୍ଜିମାଞ୍ଜେରି, ନାନୁ ମିଙ୍ଗେ ଖେସିମାଞ୍ଜାଙ୍କ, ମୀ ସାତୁୟାଙ୍କ ଜୀବୁନନୁ; ଆମ୍ବାଆରି ମିଙ୍ଗ ଅପଅରି ଏଞ୍ଜାରି ନେହୁଁ କିଦୁ;

୨୮ ଆମ୍ବାଆରି ମିଙ୍ଗ ବାକା ଇଟାନେରି, ଏଞ୍ଜାରାଙ୍କ ବର ହୀଦୁ; ଆମ୍ବାଆରି ମିଙ୍ଗେ ଲାଗେଏ କିହୁଁ ଲେମ୍ବାନେରି ଏଞ୍ଜାରି କସମି ପ୍ରାଡାନା କିଦୁ □

୨୯ ଆମ୍ବାଆସି ମିଙ୍ଗେ ର ଗେଏଲାତା ସାପୁଡା ଝେଡାନେସି, ଏଞ୍ଜାଣାକି ଅର ଗେଏଲା ଜିକେଏ ଅଗାହୀଦୁ; ଇଞ୍ଜା ଆମ୍ବାଆସି ମୀ ହିମ୍ବୁରି ଅନେସି ଏଞ୍ଜାଣାଙ୍କ ମୀ ସକା ଜିକେଏ ଅହାଲି କାହିକିଆଦୁ □

୩୦ ଆମ୍ବାଆସି ମିଙ୍ଗେ ରାସ୍ତାନେସି, ଏଞ୍ଜାଣାକି ହୀଦୁ; ଇଞ୍ଜା ଆମ୍ବାଆସି ଦନ ଅନେସି, ଏଞ୍ଜାଣାଙ୍କ ଝେଣ୍ଡେ ରାହୁଆଦୁ □

୩୧ ଲକୁ ମିଙ୍ଗେ ଏନିକଁ ଲେମ୍ବାପେରି ଇଞ୍ଜୁଁ ଅଣପିମାଞ୍ଜେରି, ମୀରୁ ଜିକେଏ ଏଞ୍ଜାରାଙ୍କ ଏଲେକିହୁଁ ଲେମ୍ବାଦୁ □

୩୨ ଇଞ୍ଜା ଆମ୍ବାଆରି ମିଙ୍ଗେ ଜୀବୁ ନୟାନେରି, ଏଞ୍ଜାରାଙ୍କ ଜୀବୁ ନଡିହୁଁ ଏନି ବର ବେଟାଆଦେରି ? ଇଚିହୁଁ ପାପୁ ଗାଟାରି ଜିକେଏ ତାମଙ୍ଗେ ଜୀବୁ ନନାରାଙ୍କ ଜୀବୁ ନନେରି □

୩୩ ଅଡେ ଆମ୍ବାଆରି ମିଙ୍ଗେତାକି ନେହୁଁ କିୟାନେରି, ମୀରୁ ଏଞ୍ଜାରି ନେହୁଁ କିଦେରି, ଆତିହୁଁ ମୀରୁ ଏନି ବର ବେଟାଆଦେରି ? ଇଚିହୁଁ ପାପୁ ଗାଟାରି ଜିକେଏ ଏଲେକିନେରି □

୩୪ ଇଞ୍ଜା ଆମ୍ବାଆରି ତାଣାଟି ବେଟାଆହାଲି ଆସା ମାନେ, ଏଞ୍ଜାରାକି ରାଣା ହାତିସାରେ ମୀରୁ ଏନି ବର ବେଟାଆଦେରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରାଣା ହୀନେରି □

୩୫ ସାମା ମୀ ସାତୁୟାଣି ଜୀବୁନନୁ ଇଞ୍ଜା ଏଞ୍ଜାରି ନେହୁଁ କିଦୁ, ଝେଣ୍ଡେ ବେଟାଆହାଲି ଆସା କିଆନା ଉଦାରା ହୀଦୁ; ଆତିହୁଁ ମିଙ୍ଗେତାକି କାଜା ଦାନା ମାନେ, ଇଞ୍ଜା ମୀରୁ କାଜା ମାହାପୁରୁତି ମୀରୁକା ଆଦେରି, ଇଚିହୁଁ ଏଞ୍ଜାସି ଜୀବୁ ନଆଗାଟାରାଙ୍କ ଅଡେ ପାପୁ ଗାଟାରାଙ୍କ ଜିକେଏ ଜୀବୁ ନନାସି □

୩୬ ମୀ ଲାକପୁରୁତି ଆବା ଏନିକଁ କାର୍ମା ମେହନାସି ମୀରୁ ଜିକେଏ ଏଲେକିହୁଁ ଏ କାର୍ମା ମେହନାତେରି ଆଦୁ □

ଏବ୍‌କା ତାରାଙ୍କ ନାହାଁୟି କିଆଦୁ
(ମାତି ୭:୧-୫)

୩୭ “ଅଡେ ନାହାଁୟି କିଆଦୁ, ଆତିହୁଁ ମୀରୁ ମାହାପୁରୁ ତାଣା ନାହାଁୟି କିଞ୍ଜି ଆଅତେରି; ଦହୁ ଦହୁଆଦୁ, ଆତିହୁଁ ମୀରୁ ମାହାପୁରୁ ତାଣା ଦହୁ ଗାଟାତେରି ଆଅତେରି; ଦହୁ ମ୍ବେକ୍‌ଦୁ, ଆତିହୁଁ ମାହାପୁରୁ ମୀ ଦହୁ ଜିକେଏ ମ୍ବେକ୍‌ହାନେସି;

୩୮ ହୀଦୁ ଆତିହୁଁ ମିଙ୍ଗେ ଜିକେଏ ହୀପୁକିଆନେ; ଲକୁ ମାଣାତି ନେଞ୍ଜିକିହାନା ଏଦାନି ନାବ୍‌ଗାନା ଦାକ୍‌ହାନା ତେଲି କିହାନା ମୀ ଅବଡିତା ହିୟାନେରି; ଇଚିହୁଁ ଆମିନି ମାଣାତଲେ ଲାଡିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଡା ହିୟାନେରି □”

୩୯ ଏଞ୍ଜାସି ଏଞ୍ଜାରାଙ୍କ ର ପୁଣ୍ଡିକିନି କାତା ଜିକେଏ ଏଲେକିହେସି, “ର କାଣା ଅର କାଣାଙ୍କ ଜିରୁ ତସାଲି ଆଡିନେସିକି ? ଏଞ୍ଜାରି ରିଆରି ଜିକେଏ ରହେଁଏ ଗାଡୁରୁତା ତର୍ରଅରି କି ?

୪୦ ଏସାସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀପୁୟାଁ ନେହୁଁ କଁ ଜାପାଲି ଆଡିସାରେ ତାନି ଗୁରୁ ସମାନା ଆନେରି □”

୪୧ ଅଡେ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଣପି ହିଲଅତି ?

୪୨ ନୀନୁ ନୀ କାନୁତା ମାନି କାଜା ଲାଟାତି ଅଣପାଆନା, ଏନିକଁ ନୀ ତାୟିଙ୍କ ଏଲେକିଞ୍ଜାଲି ଆଡିଦି, ତାୟି ଝାମୁ ନୀ କାନୁତା ମାନି ଲାଟା ଡେଞ୍ଜାଙ୍କ, ଆଡେ କୁଟୁ ଗାଟାତି ତଲିଏ ନୀ କାନୁତି କାଜା ଲାଟା ଡେଞ୍ଜା କତାମୁ, ତାୟି ମୀ ତାୟି କାନୁତି ଲାଟା ନେହୁଁ କଁ ମେସାଲି ଆଡିଦି □

☆ ୭:୩୧ ୭:୩୯ ମାତି ୭:୧୨ ☆ ୭:୩୯ ୭:୩୯ ମାତି ୧୫:୧୪ ☆ ୭:୪୦ ୭:୪୦ ମାତି ୧୦:୨୪,୨୫; ଜହ ୧୩:୧୭; ୧୫:୨୦

ମାର୍ତ୍ତୁ ଅଡ଼େ ତାନି ପାଡ଼େୟି
(ମାତି ୭:୧୭-୨୦; ୧୨:୩୩-୩୫)

୪୩ “ଇଚିହିଁ ଇଲେତି ଏନ୍ନି ର ନେହିଁ ମାର୍ତ୍ତୁ ହିଲେଏ, ଏମିନାୟି ଲାଗେଏତି ପାଡ଼େୟି ଆୟିନେ, ଅରୁଖାକି ଇଲେତି ଏନ୍ନି ମାର୍ତ୍ତୁ ହିଲେଏ ଏମିନାୟି ନେହିଁ ପାଡ଼େୟି ଆୟିନେ □

୪୪ *ଇଚିହିଁ ବାରେ ମାର୍କାଣି ତାନି ପାଡ଼େୟି ତଲେ ପୁନାୟି; ହାପୁକା ମାର୍ତ୍ତୁଟି ଲକୁ ତୟା ପାଡ଼େୟି ଏହିଅରି, ଇଞ୍ଜାଁ ହାପୁକା ବୃଟାଟି ଅଙ୍ଗୁରି ପାଡ଼େୟି ଏହିଅରି □

୪୫ *ନେହିଁ ଲକୁ ନେହିଁ ମନ ବିତ୍ରାଟି ନେହିଁ କାତା ହପୁନେସି, ଇଞ୍ଜାଁ ପଲୁଆ ଗାଗସି ପଲୁଆ ମନ ବିତ୍ରାଟି ପଲୁଆ କାତା ହପୁନେସି; ଇଚିହିଁ ହିୟାଁ ବିତ୍ରା ମାନାଣି ଗୁଡିଟି ଜଲିନେସି □

ରା ଇଲୁକା କେପିନାରି
(ମାତି ୭:୨୪-୨୭)

୨୬ ଅଡ଼େ ମାରୁ ଏନାଆଁତାକି ନାଙ୍ଗେ ପ୍ରବୁ ପ୍ରବୁ ଇଞ୍ଜାଁ ମାଞ୍ଜାଦେରି, ସାମା ନା କାତା ମାନୁଞ୍ଜି ଆହି ହିଲଅତେରି ?

୨୭ ଆମ୍ବାଆସି ନା ତାଣା ଖାହାନା ନା କାତା ଖେଞ୍ଜାନା ବାରେ ମାନୁଞ୍ଜି ଆନେସି, ଏଞ୍ଜାସି ଏନ୍ନିଲେହେଁତାସି, ନାନୁ ମିଙ୍ଗେ ଖେସ୍ତାଇଁ □

୨୮ ଏଞ୍ଜାସି ଇଲେତି ର ଇଲୁ ଦହିନିଲେହେତି ଲକୁ, ଏମିନିଗାଗସି ଗାତି ଗାଡ଼ୁୟୁ କାରୁହାନା ପୁନାଦି ଖାଲକାତଲେ କାତି ନିପୁନେସି; କାଜା କାତା ଖାହାନା ଏ ଇଲୁତି ଗୁପିତେ, ଖାଲକାତଲେ ଇଲୁ ଦସାମାଟାକି କାତା ଇଲୁତି ଦାକ୍‌ହାଲି ଆଡାଆଡେ □

୨୯ ସାମା ଆମ୍ବାଆସି ଖେଞ୍ଜାନା ମାନୁଞ୍ଜି ଆଅସି ଏଞ୍ଜାସି ଗାଡ଼ୁୟୁଟିଏ ପୁନାଦି କିଆନା ଇରଥା ଲାକ ଇଲୁ କିହାମାନି ଲକୁ ଲେହେଁତାସି; କାଜା କାତା ଖାହାନା ଇଲୁତି ଗୁପାଲିଏ ଦେବୁଣିଏ ଇଲୁ ରିହା ହାଚେ ଇଞ୍ଜାଁ କୁଡ଼ପୁନାସା ଆହାହାଚେ □”



ଜୀସୁ ର ରମିୟ ହଲେଏଣାଇଁ ନେହିଁ କିନାୟି
(ମାତି ୮:୫-୧୩)

୧ ଜୀସୁ ଲକୁ ନକିତା ବାରେ କାତା ଖେସାଲି ରାପୁହାଲିଏ କପରନାହୁମ ଗାଡ଼ାତା ହାଚେସି □

୨ ଏଚିବେଲାତା ରଅସି ପାସାକଡ଼ି କସ୍‌କା ମୁହେଁ କାଜାଣା ହଲେଏସି ହାନ୍ନିଲେହେଁ ନଫେରି ଆହାମାଚେସି; ଏ ହଲେଏଣାଇଁ ଏଞ୍ଜାସି ହାରେକା ଜୀସୁ ନହିଁ ମାଚେସି □

୩ ଏଞ୍ଜାସି ଜୀସୁ କାତା ଖେଞ୍ଜାନା, ଏଞ୍ଜାସି ଏନ୍ନିକିଁ ଖାହାନା ତାନି ହଲେଏଣାଇଁ ନେହିଁ କିନେସି, ଇଦାଆଁତାକି ଜୀହୁଦି ଲକୁତି କାଜାରି ବିତ୍ରାଟି ଏଚରଜାଣାତି ଏଞ୍ଜାଣି ତାଣା ପାଣ୍ଡାନା ବାତିମାଲିଚେସି □

୪ ଏଞ୍ଜାରି ଜୀସୁ ତାଣା ଖାହାନା ହାରେକା ବାତିମାଲିହିଁ ଖେସ୍ତେରି, “ଏଞ୍ଜାସି ନୀ ତାଣାଟି ହାରେକା ସାୟେମି ବେଟାଆହାଲି ପାଡ଼ା ଆନାସି;

୫ ଇଚିହିଁ ଏଞ୍ଜାସି ମା ଜୀହୁଦି ଲକୁଣି ଜୀସୁ ନଫେସି ଅଡ଼େ ତାନୁଏ ମାଙ୍ଗେତାକି ଜୀହୁଦି ଲକୁତି କୁଚମି ଇଲୁ* କିହାମାନେସି □”

୬ ଏମ୍ପାଟିଏ ଜୀସୁ ଏଞ୍ଜାରିତଲେ ହାଚେସି, ଏଞ୍ଜାସି କାଜାଣି ଇଲୁଟିଏ ହିରେ ହେକ ମାଚାଟିଏ, କସ୍‌କା ମୁହେଁ କାଜାସି ତାନି ତଃସିଙ୍ଗାଣି ଖେସା ପାଣ୍ଡିଚେସି, “ଏ ପ୍ରବୁ ନୀନୁ ଅଡ଼େ କସ୍ ପୁଞ୍ଜିଆନିଦେ; ଇଚିହିଁ ନୀନୁ ନା ଇଜ ପାଞ୍ଜୁଲି ଇଚିଦି ଇଲେକିଁ ପାଡ଼ାଆଆତାଡେସି;

୭ ଇଦାଆଁତାକି ନାନୁ ନୀ ତାଣା ଖାହାଲି ପାଡ଼ାଆଆଁ ଇଞ୍ଜାଁ ଅଣ୍ଡିଚେସି; ସାମା ନୀନୁ ର ପବୁ ଖେସା ପାଣ୍ଡାମୁ ନା ହଲେଏସି ନେହିଁ ଆନେସି □

୮ ଇଚିହିଁ ନାନୁ ରଅଣି ତାଣା କାମା କିନି ମାଣସି ଆଡ଼ିହିଁ ଜିକେଏ ନା ଅଦିକାରାତା ଅଡ଼େ କସ୍‌କା ମାନେରି; ଅଡ଼େ ନାନୁ ରଅଣାଇଁ ହାଲମୁ ଇଚିହିଁ ହାଚେସି; ରଅଣାଇଁ ଖାପୁ ଇଚିହିଁ ଖାଚେସି; ଇଞ୍ଜାଁ ନା ହଲେଏଣାଇଁ ଇଦାଆଁ କିମୁ ଇଚିହିଁ ଏଞ୍ଜାସି କିନେସି □”

* ୭:୪୪ ୭:୪୪ ମାତି ୧୨:୩୩ * ୭:୪୫ ୭:୪୫ ମାତି ୧୨:୩୪ * ୭:୫ ୭:୫ ବିନଗରୁ

୯ ଜୀସୁ ଈ ବାରେ କାତା ୱେଞ୍ଜାନା କାବା ଆଡେସି, ଅଡେ ଜେଚ ୱାହିମାନି ଲକୁଞ୍ଜାକି ସିନିକିହାନା ଏଲେଇଚେସି, “ନାନୁ ମିଜେ ୱେସିମାଞ୍ଜାଇଁ ଇସ୍ରାୟେଲ ଲକୁ ବିତ୍ରା ଜିକେଏ ନାନୁ ଇଲେତି ନାନୁ ମେସାହିଲଅଁ □”

୧୦ ଅଡେ ପାଣ୍ଡୁଞ୍ଜି ଆହାମାତି ଲକୁ ଇଜ ୱାହାନା ହଲେଏସି ନେହଁ ଆହାମାନାଣି ମେସ୍ତେରି □

ରାଣ୍ଡେଣି ଇୟାନି ମୀର୍ଏଣାଇଁ ଜୀସୁ ହାନାୟି

୧୧ ଏମ୍ବାଟିଏ ନାଜନ ଦରୁଗାଟି ଗାଡ଼ାତା ହାଚେସି, ତାନି ସୀସୁୟାଁ ଇଞ୍ଜାଁ ହାଚେକା ଲକୁ ଏଞ୍ଜାଣିତଲେ ହାଜିମାଚେରି □

୧୨ ଏଞ୍ଜାସି ଗାଡ଼ାତି ଗଲିମ୍ବଟାତା ଏଜାଲିଏ ଲକୁ ର ମାଡ଼ହାତି ପାଙ୍ଗାତା ଡେକା ତାତି ମାଚେରି, ଏଞ୍ଜାସି ତାନି ଇୟାନି ରଣ୍ଡିଏ ମୀର୍ଏସି ମାଚେସି, ଇଞ୍ଜାଁ ଏ ଇୟା ରାଣ୍ଡେଣି ମାଚେ; ଅଡେ ଗାଡ଼ାତି ହାଚେକା ଲକୁ ଏଦାନିତଲେ ମାଚେରି □

୧୩ ଏଦାନି ମେସାନା ଜୀସୁ ହାଚେକା କାର୍ମା ଅଣ୍ଡପାନା ଏଦାନି ଏଲେଇଚେସି, “ଡୀଆନି □”

୧୪ ଅଡେ ଏଞ୍ଜାସି ତାଗେ ହାଜାନା ଡେକାମାତି ଚେଚେଣିତି ଡାଗିଚେସି, ଇଞ୍ଜାଁ ଡେକା ଅହିମାତି ଲକୁ ନିଚାଲିଏ ଜୀସୁ ଏଲେଇଚେସି, “ଆଡେ ଦାଂଗଣେଣାଁତି! ନାନୁ ଏଲେଇଞ୍ଜିମାଞ୍ଜାଇଁ ନିଙ୍ଗାମୁ □”

୧୫ ଏଚେଟିଏ ହାହାମାତି ଦାଂଗଣେଏସି ନିଙ୍ଗାନା କୁଗିଚେସି ଇଞ୍ଜାଁ ଜଲିଚେସି, ଇଞ୍ଜାଁ ଏଞ୍ଜାସି ତାନି ଇୟାନି କେୟୁତା ହେଚପିଚେସି □

୧୬ ଏଚେଟିଏ ବାରେଜାଣା ଆଜିତାକି ମାହାପୁରୁଇଁ ଜହରା କିହଁ ଏଲେଇଚେରି; “ମା ବିତ୍ରା ର ମାହାପୁରୁ ଅଣ୍ଡପୁତି ବଲୁ ୱେହ୍ନାସି ହଡ଼ାମାନେସି, ଇଚିହଁ ମାହାପୁରୁ ତାନି ଲକୁଣି କାର୍ମା ମେସାମାନେସି □”

୧୭ ଇଞ୍ଜାଁ ଜୀସୁ କିଚି ଈ କାତା ବାରେ ଜୀହୁଦା ଦେସାତା ଅଡେ ସାରିସୁରୁ ମାନି ରାଜିତା ୱେଙ୍ଗାହାଚେ □

ବାପ୍ତିସ୍ତାଁ ହାନି ଜହନତି କାବୁ ୱେହ୍ନାନାରି

(ମାତି ୧୧:୨-୧୯)

୧୮ ତାୟୁ ବାପ୍ତିସ୍ତାଁ ହାନି ଜହନତି ସୀସୁୟାଁ ଈ ବାରେ କାତା ଏଞ୍ଜାଣାଇଁ ୱେସ୍ତେରି □

୧୯ ଏଚେଟିଏ ଜହନ ତାନି ରୀ ସୀସୁୟାଁଇଁ ତାଗେ ହାଚାନା ପ୍ରବୁ ତାଣା ଏଲେଇଞ୍ଜା ପାଣ୍ଡିଚେସି, “ଆମ୍ବାଆସି ୱାନ୍ଦାୟି ମାଚେ, ନାନୁଏ ଏଞ୍ଜାତିକି, ଆଆଡ଼ ମାମ୍ବୁ ଅର ରଅଣାଇଁ କାଃଆନମି ?”

୨୦ ଏଞ୍ଜାରି ଜୀସୁ ତାଣା ୱାହାନା ଏଲେଇଚେରି, “ବାପ୍ତିସ୍ତାଁ ହାନି ଜହନ ମାଜେ ଏଲେଇଞ୍ଜା ପାଣ୍ଡାଚେସି, ଆମ୍ବାଆସି ୱାନ୍ଦାୟି ମାଚେ ଏଞ୍ଜାତି ନାନୁଏ କି ଆଆଡ଼ ମାମ୍ବୁ ଅର ରଅଣାଇଁ କାଃଆନମି ?”

୨୧ ଏଚିବେଲା ଏଞ୍ଜାସି ହାଚେକା ରଗ, କସ୍ତ ଅଡେ ପଲୁଆ ବୁଡୁୟାଁ ତାଣାଟି ହାଚେକା ଲକୁଣି ନେହଁ କିଚେସି, ଇଞ୍ଜାଁ ହାଚେକା କାଣ୍ଡକା ମେହଆଗାଟାରାଇଁ ମେହନି ବାଡୁୟୁ ହାଚେସି □

୨୨ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ହାଜାନା ଏଦା ଏଦାଆଁ ମେସାମାଞ୍ଜେରି ଅଡେ ୱେଞ୍ଜାମାଞ୍ଜେରି, ଏ ବାରେ ଜହନଇଁ ୱେହ୍ନୁ; କାଣ୍ଡକା ମେହଆଗାଟାରି ମେସାଲି ଆଡ଼ିମାନେରି, ସଚାୟାଁ ତାକାଲି ଆଡ଼ିମାନେରି, କାଜା ରଗା ଗାଟାରି ନେହଁ ଆହିମାନେରି, ବେରାୟାଁ ୱେଞ୍ଜିମାନେରି, ହାଡ଼ାରି ନାଡ଼ିମାନେରି, ଅଡେ ହିଲାଆ ଗାଟାରି ନେହଁ କାବୁ ୱେଞ୍ଜିମାନେରି;

୨୩ ନା ତାଣା ଆମ୍ବାଆସି ଆନାମାନା ଆଆନା ନାମାନେରି, ତାମଜେଏ ନେହେଁ □”

୨୪ ଜହନ ସୀସୁୟାଁ ହାଜାଲିଏ, ଜୀସୁ ଲକୁଣି ଜହନତି କାତା ଏଲେଇଚେସି, “ଏଚିବେଲା ବାଃଲି ବାଟାତା ମୀରୁ ହାଜାମାଚେରି, ଏଦାଆଁ ଏଦାଆଁ ମେସାଲି କାଟାମାଚେରି ? ଏଦାଆଁ ଗାଲି ତଲେ ୱାଲିମାନି ତାଣ୍ଡିତି ?

୨୫ ଏଦାଆଁ ଆଆଡ଼ିହଁ ଏଦାଆଁ ମେସାଲି ହାଜାମାଚେରି ? ନେହଁ ଅଜିତି ପାଡ଼ାଡ଼ା ହିମ୍ବିଚି ହୁଚାମାନି ର ମାଣ୍ଡିସିଇଁ ? ମେହ୍ନୁ ଆମ୍ବାଆସି ନେହଁ ନେହଁ ହିମ୍ବିଚି ହୁଚାନା ସୁକୁ ତଲେ ଡ଼ୟିନାରି ଏଞ୍ଜାରି ରାଜା ଗାଡ଼ାତା ଡ଼ୟିନେରି □

୨୬ ଏଦାଆଁ ଆଆଡ଼ିହଁ ଏଦାଆଁ ମେସାଲି ହାଜାମାଚେରି ? ଏଦାଆଁ ର ମାହାପୁରୁ ଅଣ୍ଡପୁତି ବଲୁ ୱେହ୍ନାଣାଇଁ ? ନାନୁ ମିଜେ ସାତା ୱେସିମାଞ୍ଜାଇଁ, ମାହାପୁରୁ ବଲୁ ୱେହ୍ନାରି କିହାଁ କାଜାଣାଇଁ □

୪୭ ଇଦାଆଁତାକି ନାନୁ ନିଙ୍ଗ ଝେସିମାଞ୍ଜାଇଁ, ଇଦାନି ହାରେକା ପାପୁ ମେଣ୍ଡାମାନେ ଏଦାଣିତାକି ଏଡ଼ି ହାରେକା ଜୀଞ୍ଜୁନହୁଁ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଣ୍ଡାକିନେ ଏଝାସି ଉଣା ଜୀଞ୍ଜୁ ନନେସି □

୪୮ ଅଡ଼େ ଜୀସୁ ଏ ଇୟାନି ଏଲେଇଚେସି, “ନୀ ପାପୁ ବାରେ ମେଣ୍ଡାମାନେ □”

୪୯ ଏମ୍ବାଟିଏ ଏଝାଣିତଲେ ତିଞ୍ଜାଲି କୁଗାମାଚାରି ମନ ମନତା ଏଲେଇଚେରି, “ପାପୁ ଜିକେଏ ମେଣ୍ଡାକି କିହିମାନେସି ଇଝାସି ଆମ୍ବାଆସି ?”

୫୦ ସାମା ଜୀସୁ ଏ ଇୟାନି ଏଲେଇଚେସି, “ନୀ ନାମୁ ନିଙ୍ଗେ ଗେଲ୍‌ପାମାଞ୍ଜାନେ; ହିଡ଼ଡ଼ି ତଲେ ହାଲ୍‌ମାମୁ □”

୮

ଜୀସୁତଲେ ତୁୟିନି ଇୟାସିକା

୧ ଏଚରଦିନା ତାୟୁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହୁଁ ମାହାପୁରୁ ରାଜିତି ନେହୁଁ କାରୁ ଝେକହେସି, ଅଡ଼େ ବାରଜାଣା ସାସୁୟାଁ ଏଝାଣିତଲେ ମାଚେରି,

୨ ଅଡ଼େ ଏନିନଗାଟି ଇୟାସିକା ପଲ୍‌ଆ ବୃତୁୟାଁ ତାଣାଟି ରଗଟି ନେହୁଁ କିଝି ଆହାମାରୁ, ଇଚିହୁଁ ମଗଦଲିନି ମରିୟମ, ଆମ୍ବାଆରି ତାଣାଟି ସାଡ଼ାଗାଟା ବୃତୁୟାଁ ହଡ଼ାହାଜାମାରୁ,

୩ ହେରଦ ଇଜତି ଗୁମୁସ୍ତା କୁଜା ଅଡ଼େ ତାନି ତକ୍ତି ଜହାନା, ସସାନା ଅଡ଼େ ହାରେକା ଇୟାସିକା ଏଝାଣିତଲେ ମାଞ୍ଜାନା ତାନି ଦନ ହାହାନା ଏଝାରି ସେବା କିହିମାରୁ □

ବିଚା ମାଟିନି ପୁଣ୍ଡାକିନି କାତା

(ମାତି ୧୩:୧-୧୯; ମାର୍କ ୪:୧-୯)

୪ ଲକୁ ବାରେ ଗାଡ଼ାୟାଁଟି ଝାହିମାଚାକି ହାରେକା ଲକୁ ଏଝାଣି ତାଣା ରୁଞ୍ଜା ଆଡେଚି ଇଞ୍ଜା ଏଝାସି ଏଝାରାଇଁ ପୁଣ୍ଡାକିନି କାତାତଲେ ଝେସୁସି □

୫ “ରଅସି ବିଚା ମାଟିନାସି ବିଚା ମାଗାଲି ହଡେସି □ ଏଝାସି ମାଟି ମାଟିହୁଁ କଚେକା ବିଚା ଜିରୁତା ରାଚେ ଏଦାଆଁ ଲକୁ ଝିସାତୁସ୍ତେରି, ଅଡ଼େ ହାପୁ ଲାକ ଉଦିନି ପଟା କାଟି ପେରହା ତିରୁ □

୬ ଅଡ଼େ କଚେକା ଝାଲ୍‌କା ଲାକ ରାଚେ, ଇଞ୍ଜା ନେୟାଁନା ବୁନି ଅଲୁ ହିଲ୍‌ଆତାକି ଝାୟାହାଚେ □

୭ ଅଡ଼େ କଚେକା ହାପୁକା ବୁଟାତା ରାଚେ, ଇଞ୍ଜା ହାପୁକା ବୁଟା ପାତାଆହାନା ଆନାଁ ତାକିତି ପୁକହାତୁସ୍ତେ □

୮ ଅଡ଼େ କଚେକା ବିଚା ନେହୁଁ ବୁନିତା ରାଚେ, ଇଞ୍ଜା ପାତାଆହାନା ପାସାକଡ଼ି ପାଡ଼େୟି ଆୟିଚେ □” ଏଚେଟିଏ ଜୀସୁ କାଜା ଗିୟାଁତଲେ ଏଲେଇଚେସି, “ଆମ୍ବାଆରାକି ଝେଞ୍ଜାଲି କାକା ମାନୁ ଏଝାରି ଝେଣ୍ଡାରି □”

ପୁଣ୍ଡାକିନି କାତାତି ଅଣପୁ

(ମାତି ୧୩:୧୦-୧୭; ମାର୍କ ୪:୧୦-୧୭)

୯ ତାନି ସାସୁୟାଁ ଇ ପୁଣ୍ଡାକିନି କାତାତି ଅର୍ତ୍ତ ଏନାୟି ଇଞ୍ଜାଁ ଝେଚେରି,

୧୦ ଏଝାସି ଏଲେଇଚେସି, “ମାହାପୁରୁ ରାଜିତି କାତା ପୁଞ୍ଜାଲି ମିଙ୍ଗେ ବାଡ଼ୁୟୁ ହାପୁକି ଆହାମାନେ, ସାମା ଏଡ଼କା ତାରାଇଁ ପୁଣ୍ଡାକିନି କାତାତଲେ ଝେସୁପିଆନେ, ଇଚିହୁଁ ଏଝାରି ମେସି ମେସିହୁଁ ମେହଅରି ଅଡ଼େ ଝେଞ୍ଜେଞ୍ଜେ ତେଲ୍‌ହଅରି □”

ଜୀସୁ ବିଚା ମାଟିନି କାତାତି ପୁଣ୍ଡାକିନାୟି

(ମାତି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଣ୍ଡାକିନି କାତା ଅର୍ତ୍ତ ଇଦି, ବିଚା ମାହାପୁରୁ ବଲୁ,

୧୨ ଜିରୁ ଦାରିତି ପାଡ଼େୟି ଇଲେତାରି, ଏଝାରି ମାହାପୁରୁ କାତା ଝେନେରି; ତାୟୁ ସୟତାନ ଝାହାନା ଏଝାରି ଏନିକୁଁ ନାମାଆପେରିଝା ଅଡ଼େ ଗେଲ୍‌ପି ଆଆପେରିଝା ଇଞ୍ଜାଁ ଏଝାରି ହିୟାଁତା ଝେଞ୍ଜାମାନାଣି ମାଞ୍ଜାଅନେ □

୧୩ ଝାଲ୍‌କା ବୁନିତା ରିତି ଲକୁ ଇଲେତାରି, ଏଝାରି କାତା ଝେଞ୍ଜାନା ରାହାଁଟି ଆହନେରି; ଏଝାରିତାଣା ହାରୁ ଜୀଆତାକି ଗାଡ଼େକା ତାକି ନାମିନେରି, ଅଡ଼େ ତାୟିପାରି କିନାୟି ଝାଡ଼ିସାରେ ମାହାପୁରୁଇଁ ପିସା ତୁହନେରି □

୧୪ ଅଡ଼େ ହାପକା ବୁଗାତା ରିତି ଲକ୍ଷ୍ମ ଇଲେତାରି ଆମିନି ଗାଟାରି ମାହାପୁରୁ କାତା ଖେଞ୍ଜାନା ଦାର୍ତ୍ତିତି ଦୁକୁ କାକୁଲି, ଦନତି ଜୁପକା ଅଡ଼େ ଦାର୍ତ୍ତିତି ରାହ୍ନା ଏଞ୍ଜାରାଜ୍ଞି ପୁକ୍‌ହାତୁସାମାନାକି ନେହଁକଁ କାମାଲି ଆଡ଼ଅରି □

୧୫ ନେହଁ ବୁମିତା ରିତି ପାଡ଼େୟି ଇଲେତାରି, ଏମିନିଗାଟାରି ନେହଁ ସୁଦୁଜୀଞ୍ଜୁ ହିୟାତି କାତା ଖେଞ୍ଜାନା ଆହ୍‌ନେରି, ଅଡ଼େ ବାରେ ଅରହାନା କାମା କିହାନା ପାଡ଼େୟି ଆୟିନେରି □

ମାଣା ପୁକ୍‌ହି ଦୀର୍ଘ
(ମାର୍କ ୪:୨୧-୨୫)

୧୬ *ଦୀର୍ଘ ଡୀସାନା ଆମ୍ବାଆରି ମାଣା ପୁକ୍‌ହାନା କି କାଟେଲି ତୁଇକା ଇଟଅରି, ସାମା ଦୀର୍ଘ ସତାତା ଇଟିନେରି, ଏନିକଁ ଇଜଞ୍ଜାନି ଲକ୍ଷ୍ମ ଉଜେଡ଼ି ମେହ୍‌ନେରି □

୧୭ *ତୁଗୁମାନାୟି ଏନାୟିଞ୍ଜା ହିଲେଏ, ଏନାୟି ତଞ୍ଜା ଆଏ ଇଲେକଁ ଏନାୟି ଜିକେଏ ହିଲେଏ, ଖେସ୍‌ପି ଆହ୍‌ନା ତଞ୍ଜା ଆଏ ଇଲେକି ତୁଗୁମାନାୟି ଏନାୟି ହିଲେଏ □

୧୮ ଏନିକଁ ଖେଞ୍ଜାମାଞ୍ଜେରି ଏଦାଆତାକି ଜାଗ୍ରାତା; ଇଟିହଁ ଆମ୍ବାଆରାଞ୍ଜାୟି ମାନେ ଏଞ୍ଜାଣାକି ହାପକିଆନେ, ଅଡ଼େ ଆମ୍ବାଆରାଞ୍ଜାୟି ହିଲେଏ ଏଞ୍ଜାସି ନାଦି ମାନେ ଇଞ୍ଜଁ ଅଣ୍ଡିମାନେସି, ଏଦାଆ ଜିକେଏ ଅଞ୍ଜିଆନେ □

ଜୀସୁତି ଇୟା ଅଡ଼େ ତାୟିୟା
(ମାତି ୧୨:୪୭-୫୦; ମାର୍କ ୩:୩୧-୩୫)

୧୯ ଜୀସୁତି ଇୟା ଅଡ଼େ ତାମି ତାୟିୟା ଏଞ୍ଜାଣି ତାଣା ଖାଡ଼େରି, ସାମା ଲକ୍ଷ୍ମ ମାନ୍ଦା ମାଟାକି ଏଞ୍ଜାଣି ତାଣା ହାଜାଲି ଆଡ଼ାଆଡ଼େରି □

୨୦ ଏମ୍ବାଟିଏ ଜୀସୁଜ୍ଞି ଖେସ୍‌ପେରି, “ମୀ ଇୟା ଅଡ଼େ ମୀ ତାୟିୟା ନିଜେ ମେସାଲି ପାଞ୍ଜାତା ନିଟାମାନେରି □”

୨୧ ସାମା ଏଞ୍ଜାସି ବାରେଡି ଏଲେଇଡେସି, “ମାୟା ଅଡ଼େ ମା ତାୟିୟା ଏଞ୍ଜାରି, ଆମ୍ବାଆରି ମାହାପୁରୁତି କାତା ଖେନେରି ଅଡ଼େ ମାନଞ୍ଜି ଆନେରି □”

ଜୀସୁ କାଜା ଗାଲିତି ସାପି କିନାୟି
(ମାତି ୮:୨୩-୨୭; ମାର୍କ ୪:୩୫-୪୧)

୨୨ ର ଦିନା ଜୀସୁ ଅଡ଼େ ତାମି ସାସୁୟା ତଂଗତା କୁଗିଡେରି, ଇଞ୍ଜା ଜୀସୁ ଏଞ୍ଜାରାଜ୍ଞି ଏଲେଇଡେସି, “ଞ୍ଜାଦୁ ମାର ସାମ୍ବୁରି ଆତାଲା ହାନ □” ଏମ୍ବାଟିଏ ଏଞ୍ଜାରି ତଂଗତି ହାଡେରି □

୨୩ ସାମା ଏଞ୍ଜାରି ତଂଗତା ହାଜିମାନି ବେଲାତା ଜୀସୁ ତୁରିଡେସି □ ଏଟିବେଲା ସାମ୍ବୁରିତା କାଜା ଗାଲି ଆଡ଼େ, ଅଡ଼େ ଏୟା ତଂଗତା ହଡ଼ିମାଟାକି ଏଞ୍ଜାରି ହାଡେରକା କସ୍ ଆଡ଼େରି ଇଞ୍ଜା ଆଜିଡେରି □

୨୪ ଏବେଟିଏ ସାସୁୟା ତାଗେ ଖାହାନା ନିକହଁ ଏଲେଇଡେରି, “ଏ ଗୁରୁ ଏ ଗୁରୁ ମାର ହାହିମାନାୟି □” ଏମ୍ବାଟିଏ ଏଞ୍ଜାସି ନିଜ୍ଜାନା କାଜା ଗାଲିତି ଦାକା ହାଡେସି, ଇଞ୍ଜା ଏ ବାରେ ସାପି ଆହ୍‌ନା ସୁସ୍ତି ଆଡ଼େ □

୨୫ ଇଞ୍ଜା ଏଞ୍ଜାସି ଏଞ୍ଜାରାଜ୍ଞି ଏଲେଇଡେସି, “ମୀ ନାମ୍ ଆମ୍ବିୟା ?” ସାମା ଏଞ୍ଜାରି ଆଜି ଅଡ଼େ କାବାଆହାନା ତାମ୍ବୁ ଏଲେଇଣ୍ଡି ଆଡ଼େରି, “ଇଞ୍ଜାସି ଏନିଲେହେଡାସି ଇଟିହଁ ଗାଲି ଅଡ଼େ ଖୀଡ଼ିମାନି ଏୟାଣି ଜିକେଏ ହୁକୁମି ହାହିମାନେସି □”

ବୁଡ଼ୁୟା ଆଲ୍‌ଗା ମାଟାଣାଜ୍ଞି ଜୀସୁ ନେହଁକିନାୟି
(ମାତି ୮:୨୮-୩୪; ମାର୍କ ୫:୧-୨୦)

୨୬ ତାୟା ଏଞ୍ଜାରି ଗାଲିଲି ନକିତି ଆତାଲାଞ୍ଜାକି ଗରାସିୟା ଦେସାତା ଏଡେରି □

୨୭ ଜୀସୁ ତଂଗତି ରେଟାନା ଗାଡୁତା ଖାହାଲିଏ, ଏ ଗାଡୁତି ର ବୁଡୁ ଆଲ୍‌ଗା ମାଟାସି ଖାହାନା ଏଞ୍ଜାଣାଜ୍ଞି ବେଟାଆଡ଼େସି; ଏଞ୍ଜାସି ଗାଡୁ ଦିନାଟିଏ ହିମ୍ବୁରିକା ହୁଟାଆନା ଅଡ଼େ ଇଜ ମାନାଆନା ମାଡ଼ହା ମୁହନି ଗାୟାତା ଡ଼ୟିମାଡେସି □

* ୮:୧୭ ୮:୧୭ ମାତି ୫:୧୫; ଲୁକ ୧୧:୩୩ * ୮:୧୭ ୮:୧୭ ମାତି ୧୦:୨୨; ଲୁକ ୧୨:୬

୨୮ ଏଝାସି କିବୁଡ଼ିହୁଁ ଜୀସୁ କତାଣା ରିହାନା କାଜା ଗିୟାଁତଲେ ଏଲେଇଚେସି, “ଏ ବାଡ଼ୁମୁଗାଟି ମାହାପୁରୁ ମୀରଏଣାତି ଜୀସୁ ନୀ ତଲେ ନାଜେ ଏନାୟି ମାନେ ? ନାନୁ ବାତିମାଲିମାଞ୍ଜାଇଁ ନାଜେ ଅଡ଼େ କସ୍ତ ହିୟାଆନି ।”

୨୯ ଇଚିହୁଁ ଜୀସୁ ଏ ପଲ୍ଲଆ ବୁଡୁତି ଏ ମାଣ୍ଡସି ତାଣାଟି ହଡ଼ା ହାଜାଲି ହୁକୁମି ହୀହାଲି ହାଜିମାଚେସି । ଏ ପଲ୍ଲଆ ବୁଡୁ ହାଡ଼େକା ପାଲି ଏଝାଣାଇଁ ଆଲ୍‌ଗାମାଚେ, ଇଞ୍ଜାଁ ଲକୁ ଏଝାଣାଇଁ କେସ୍ତା କତାଣା ହିକଣିୟାଁ ତଲେ ଦସ୍ତା ଇଚିମାଚେରି, ସାମା ଏ ଦସ୍ତା ମାଚାଣି ତାପହାନା ବୁଡୁ ତଲେ ବାୟା ଆହାନା ଲକୁ ହିଲ୍‌ଆ ଗାୟୁତା ହଚିମାଚେସି ।

୩୦ ଜୀସୁ ଏଝାଣାଇଁ ଏଲେଇଚେସି, “ନୀ ଦରୁ ଏନାୟି ?”

“ନା ଦରୁ ମାନ୍ଦା” ଇଞ୍ଜାଁ ଇଚେସି, ଏନାଆଁତାକି ଇଚିହୁଁ ହାଡ଼େକା ବୁଡୁୟାଁ ଆଲ୍‌ଗାମାଚୁ ।

୩୧ ଇଞ୍ଜାଁ ଜୀସୁ ଏଝାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହୀଅସି, ଇଦାଆଁତାକି ଏଝାଣାଇଁ ବାତିମାଲିଚୁ ।

୩୨ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟିଁମାଚୁ, ଇଞ୍ଜାଁ ଜୀସୁଇଁ ଏ ବୁଡୁୟାଁ ପାଜିୟାଁ ମାନ୍ଦା ବିତ୍ତା ହାଜାଲି ହେଲ ରାସ୍ତା ।

୩୩ ଏଝାସି ହେଲ ହୀହାଲିଏ, ବୁଡୁୟାଁ ଏ ମାଣ୍ଡସି ତାଣାଟି ହଡ଼ା ହାଜାନା ପାଜିୟାଁ ବିତ୍ତା ହଚୁ; ଏଚେଟିଏ ଏ ପାଜିୟାଁ ଏ ହରୁଟି ଦାବଡ଼ି ହାଜାନା ଦାରିତା ମାତି ସାମଦୁରିତା ମେଦା ହାହାହାଚୁ ।

୩୪ ଏ ପାଜିୟାଁ ମାନ୍ଦା ମେଚିମାଚି ଗଡ଼କା ଏଦାଆଁ ମେସାନା ହଚେରି ଇଞ୍ଜାଁ ଗାଡ଼ା ଅଡ଼େ ନାସ୍‌କାଣାଁ ଏ କାତା ଖେସ୍ତେରି ।

୩୫ ଏନାୟି ଆହାମାନେ ଏଦାଆଁ ମେସାଲି ଲକୁ ହଡ଼ାଝାଡ଼େରି; ଇଞ୍ଜାଁ ଏଝାରି ଜୀସୁ ତାଗେ ଝାହାନା, ଆମିନି ମାଣ୍ଡସି ତାଣାଟି ବୁଡୁୟାଁ ହଡ଼ା ହାଜାମାଚୁ, ଏଝାଣାଇଁ ନେହୁଁ ହିମ୍ବରକା ହୁଚାନା ନେହୁଁ ମନତଲେ ଜୀସୁ କତାଁ ଡ଼ଇ କୁଗାମାଚାଣି ମେସାନା ଆଜିଚେରି ।

୩୬ ଅଡ଼େ ଆମିନି ଗାଚାରି ମେସାମାଚେରି ଏଝାରି ଏ ବୁଡୁ ଆଲ୍‌ଗା ମାଚାସି ଏନିକିଁ ନେହୁଁ ଆଚେସି, ଏଦାଆଁ ଏଝାଚାଇଁ ଖେସ୍ତେରି ।

୩୭ ଏମ୍ବାଟିଏ ଗରାସିୟ ବାରେ ନାସ୍‌କାତି ସାରିଝାକି ବାରେ ଲକୁ ଜୀସୁଇଁ ତାମି ଡେସାଟି ହାଜାଲି ବାତିମାଲିଚେରି, ଇଚିହୁଁ ଏଝାରି ହାଡ଼େକା ଆଜିମାଚେରି । ଇଞ୍ଜାଁ ଏଝାସି ର ତଂଗତା ହଚାନା ଖେଣ୍ଡାହାଚେସି ।

୩୮ ସାମା ଏମିନିଗାଚାଣି ତାଣାଟି ବୁଡୁୟାଁ ହଡ଼ା ହାଜାମାଚୁ, “ନାଜେ ନୀ ତଲେ ହାଜଲି ହେଲ ହିୟାମୁ” ଇଞ୍ଜାଁ ବାତିମାଲିଚେସି;

୩୯ ସାମା ଜୀସୁ ଏଝାଣାଇଁ ହେଲ ହୀହାନା, “ମୀ ଇଜ ଖେଣ୍ଡା ହାଲ୍‌ମା, ଇଞ୍ଜାଁ ମାହାପୁରୁ ନିଜେତାକି ଆମିନି କାମା କିହାମାଞ୍ଜାନେସି ଏ କାତା ଖେକ୍‌ମୁ ।” ଏଚେଟିଏ ଏଝାସି ହାଜାନା ଜୀସୁ ତାଜେତାକି ଆମିନି କାମା କିହାମାଚେସି, ଏ ବାରେ ଗାଡ଼ାତା ଖେକ୍‌ହେସି ।

ଜାୟିରସତି ମାକ୍ସା ଅଡ଼େ ଜୀସୁତି ହିମ୍ବର କୁଜୁ ତାରିତି ଇୟା

(ମାତି ୯:୧୮-୨୭; ମାର୍କ ୫:୨୧-୪୩)

୪୦ ଜୀସୁ ଖେଣ୍ଡା ଝାହାଲିଏ ମାନ୍ଦା ଲକୁ ଏଝାଣାଇଁ ରାହାଁତଲେ ବେଟାଆଚେରି, ଇଚିହୁଁ ଏଝାରି ବାରେଜାଣା ଏଝାଣାଇଁ କାଚିମାଚେରି ।

୪୧ ଏମ୍ବାଟିଏ ଜାୟିରସ ଦରୁଗାଚାସି ଝାଡ଼େସି; ଏଝାସି ଜୀହୁଦି ଲକୁତି କୁଚମି ଲକୁତି* କାଜାସି ମାଚେସି । ଏଝାସି ଜୀସୁ କତାଣା ରିହାନା ତାମି ଇଜ ହାଜାଲି ବାତିମାଲିଚେସି,

୪୨ ଇଚିହୁଁ ଏଝାଣାକି ବାର ବାସାତି ରଣିଏ ମାକ୍ସା ମାଚେ, ଏଦି ହାଜିଲେହେଁ ନମେରି ଆହାମାଚେ । ସାମା ଏଝାସି ହାଜିମାଚାଟି ଲକୁ ଏଝାଣା ମୁହେଁ ମୁହେଁ ଆହିମାଚେରି ।

୪୩ ଏଚିବେଲ୍‌ତା ବାର ବାସା ପାଚେକା ନେଚେରି ଝାଜିନି ରଗାଗାଟି ର ଇୟା, ଏମିନି ଗାଚାସି ଆମ୍ବାଆରି ତାଣାଟି ଜିକେଏ ନେହୁଁ ଆହାଲି ଆଡ଼ିହିଲ୍‌ଆଆଚେ,

୪୪ ଏଦି ତାୟୁ ଝାକିଟି ଝାହାନା ଜୀସୁତି ହିମ୍ବର କୁଜୁ ତାରିଚେ, ଏ ଦେବୁଣିଏ ଏଦାନି ନେଚେରି ବନାୟି ପିସେ ।

୪୫ ଏମ୍ବାଟିଏ “ନାଜେ ଆମ୍ବାଆୟି ତାଗାଚେ” ଇଞ୍ଜାଁ ଜୀସୁ ଖେଚେସି ?

* ୮:୪୧ ୮:୪୧ ସିନଗ୍ସ

ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇଚେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାନେରି □”

୪୭ ସାମା ଜୀସୁ ଏଲେଇଚେସି, “ନାଙ୍ଗେ ଆମ୍ବାଆୟିମା ତୀଗାତେ, ଇଚିହୁଁ ନା ତାଣାଟି ର ବାଡ଼ୁୟୁ ହଡ଼ାକି ନାନୁ ପୁଚେର୍ଏ □”

୪୮ ଏମ୍ବାଟିଏ ଏ ଇୟା ଖାହାନା ଅଣ୍ପିଚେ ନାନୁ ଅଡ଼େ ତୁଗାନା ମାଞ୍ଜାଲି ଆଡ଼ଅଁ ଇଞ୍ଜୁଁ ଅଣ୍ପିପାନା ଆଜିତାକି ତାରା ତାରା ଆହୁଁ ଜୀସୁ କତାଣା ରିହାନା, ଏନାଆଁତାକି ତୀଗିଚେ ଇଞ୍ଜା ଦେବୁଣିଏ ଏନିକଁ ନେହୁଁ ଆଡ଼େ, ବାରେ ଲକୁ ନକିତା ଖେସ୍ତେ □

୪୯ ଏମ୍ବାଟିଏ ଜୀସୁ ଏଦାନି ଏଲେଇଚେସି, “ମାଙ୍ଗା ନୀ ନାମୁ ନିଙ୍ଗେ ନେହୁଁ କିହାମାଞ୍ଜାନେ, ହିଡ଼ଡ଼ିଟି ହାଲାମୁ □”

୫୦ ଜୀସୁ ଇ କାତା ଖେସିମାଟି ବେଲୋତା ଜୀହୁତି ଲକୁତି କୁଚିନି ଇଲୁତିଂ କାଜାଣା ଇଜତି ରଅସି ଖାହାନା ଜାୟିସଇଁ ଏଲେଇଚେସି, “ନୀ ମାଙ୍ଗା ହାହାହାଚେୟିଏ ଗୁରୁଇଁ ଅଡ଼େ କସ୍ତ ହାଆନିଦେହେଁ □”

୫୧ ସାମା ଜୀସୁ ଏ କାତା ଖେଞ୍ଜାନା ଏଞ୍ଜାଣାଇଁ ଏଲେଇଚେସି, “ଆଜାଆନି ନାମାମୁ ଏଦି ନାତିନେ □”

୫୨ ଅଡ଼େ ଜୀସୁ ଇଜ ଖାହାନା ପିତର, ଜହନ ଅଡ଼େ ଜାକୁବ ଇଞ୍ଜା ପଦାନି ତାନି ଆବା ଇୟାନି ପିସପେ ଆମ୍ବାଆରାଇଁ ବିତ୍ରା ହାଜାଲି ହାଆଚେସି □

୫୩ ସାମା ବାରେଜାଣା ଡ଼ାହି ଡ଼ାହିଁ ବକତା ଖେଟା କଡ଼ିମାଡ଼ୁ □ ଏମ୍ବାଟିଏ ଜୀସୁ ଏଲେଇଚେସି, “ଡ଼ାଆଦୁ; ଏଦି ହାହାହିଲେଏ, ସାମା ତୁରାମାନେ □”

୫୪ ସାମା ପଦା ହାହାମାନାଣି ପୁଞ୍ଜାନା ଏଞ୍ଜି ଏଞ୍ଜାଣାଇଁ କାକହୁ □

୫୫ ସାମା ଜୀସୁ ପଦାନି କେୟୁ ଆସାନା ହାଟାହାଁ ଏଲେଇଚେସି, “ଆକେ ପଦା, ନିଙ୍ଗାମୁ □”

୫୬ ଏମ୍ବାଟିଏ ପଦାନି ଜୀସୁ ଖେଣ୍ଡା ଖାଟେ ଅଡ଼େ ଏ ଦେବୁଣିଏ ନିଙ୍ଗିଚେ, ଇଞ୍ଜା ଇଚାଣି ତିଞ୍ଜାଲି ହାଦୁ ଇଚେସି □

୫୭ ଏମ୍ବାଟିଏ ତାନି ତାଲି ତାଞ୍ଜି କାବାଆଡ଼ୁ; ସାମା ଇ ପଦା ନେହୁଁ ଆଡ଼ାଣି ଆମ୍ବାଆରାଇଁ ଖେହୁଆଦୁ ଇଞ୍ଜୁଁ ଏଞ୍ଜାସିକାଣି ହୁକୁମି ହାଚେସି □



ଜୀସୁ ବାରେଜାଣା ସୀସୁୟାଁଇଁ ପାଣ୍ଡିନାୟି

(ମାଟି ୧୦:୫-୧୫; ମାର୍କ ୭:୭-୧୩)

୧ ଏଚେଟିଏ ଜୀସୁ ବାରେଜାଣାଟି ହାଟାନା ରୁଣ୍ଡା କିହାନା ଏଞ୍ଜାରାଇଁ ବାରେ ବୁଡ଼ୁୟାଁ ଲାକ ଅଡ଼େ ରଗଟି ନେହୁଁ କିହାଲି ବାଡ଼ୁୟୁ ଅଡ଼େ ଅଦିକାରା ହାଚେସି □

୨ ଅଡ଼େ ଏଞ୍ଜାସି ଏଞ୍ଜାରାଇଁ ମାହାପୁରୁତି ରାଜିତି କାତା ଖେକହାଲି ଅଡ଼େ ରଗ ଗାଟାରାଇଁ ନେହୁଁ କିହାଲି ପାଣ୍ଡିଚେସି

୩ ଇଞ୍ଜା ଏଞ୍ଜାରାଇଁ ଏଲେଇଚେସି, “ମୀରୁ ହାଜାଲିତାକି କୁତା ବାଡ଼ୁଗା କି ମଣା କି ରୁଟି କି ଏଦି ଟାକାୟାଁ ଜିକେଏ ଅଆଦୁ, ଅଡ଼େ ଜଡ଼ଡ଼କା ସକାୟାଁ ଜିକେଏ ଅଆଦୁ □

୪ ଅଡ଼େ ମୀରୁ ଆମିନି ଇଜ ହାଜେରି, ଏମ୍ବାଟି ଖେଣ୍ଡାହାନି ପାଚେକା ଏମ୍ବାଆଁ ଡ଼ୟାଦୁ;

୫ ଅଡ଼େ ଏଚେକା ଲକୁ ନିଙ୍ଗେ ଆବଅରି ଏଞ୍ଜାରି କପାଟି ସାକି ହାହାଲି ଏ ଗାଡ଼ାଟି ହଡ଼ା ଖାନ୍ତାଟି ମୀ କତାଟି ଦୁଡ଼ି ହାଣ୍ଡାହାନା ଖାଦୁ □”

୬ ଏମ୍ବାଟିଏ ଏଞ୍ଜାରି ହାଜାନା ସାରିଞ୍ଜାକି ନେହୁଁ କାବୁ ଖେକହୁହୁଁ ରଗ ଗାଟାରାଇଁ ନେହୁଁ କିହିହୁଁ ନାୟୁଁ ନାୟୁଁତା ରେଚେରି □

ହେରଦ ରାଜା ବିଲୁକି ଆନାୟି

(ମାଟି ୧୪:୧-୧୨; ମାର୍କ ୭:୧୪-୨୯)

୭ ଏମ୍ବାଟିଏ ଏ ଦେସାଟି ରାଜା ହେରଦ ଇ ବାରେ କାତା ଖେଞ୍ଜାନା କାବା ଆଡ଼େସି, ଇଚିହୁଁ ବାପ୍ତିସ୍ତା* ହାନି ଜହନ ହାଡ଼ାରି ତାଣାଟି ନିଙ୍ଗାମାନେସି ଇଞ୍ଜୁଁ ଆମ୍ବା ଆମ୍ବାଆରି ଏଲେଇଞ୍ଜିମାଚେରି;

† ୮:୪୯ ୮:୪୯ ସିନଗର * ୯:୫ ୯:୫ କାମା ୧୩:୫୧ * ୯:୫ ୯:୫ ଲୁକ ୧୦:୪-୧୧ * ୯:୭ ୯:୭ ମାଟି ୧୭:୧୪; ମାର୍କ ୮:୨୮; ଲୁକ ୯:୧୯ * ୯:୭ ୯:୭ ମୁଞ୍ଜିନାୟି

୮ ଅଡ଼େ ଆମ୍ବା ଆମ୍ବାଆରି ଏଲିୟ ତଞ୍ଜା ଆହାମାନେସି ଇଞ୍ଜା ଏଟକାତାରି ତଲିକାଲାତି ମାହାପୁରୁ ଅଣପୁତି ବଲୁ ଷ୍ଟେହନାରି ବିତ୍ରାଟି ରଅସି ନିଜାମାନେସି ଇଞ୍ଜା ଷ୍ଟେସିମାନେରି □

୯ ସାମା ହେରଦ ଏଲେଇଚେସି, “ଜହନତି ତାୟ୍ ମାରୁତ ଦାତା ମାନାୟି, ସାମା ଆମ୍ବାଆରି କାତା ମାରୁ ଷ୍ଟେଞ୍ଜିମାନାୟି ଏଝାସି ଆମ୍ବାଆସି ?” ଅଡ଼େ ଏଝାସି ଏଝାଣାଇଁ ମେସାଲି ମନ କିହିମାଚେସି □

ଜାମୁ ପାସାମାଣା ଲକୁଣି ତାହନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

୧୦ ତାୟ୍ ପାଣ୍ଡୁଞ୍ଜି ଆହାମାଚାରି ଝାହାନା ଏନା ଏନାଆଁ କିହାମାଚେରି, ଏ ବାରେ ଏଝାଣାଇଁ ଷ୍ଟେସ୍ତେରି □ ଅଡ଼େ ଏଝାସି ଏଝାରିତଲେ ଏଟକା ଆହାନା ବେଟସାୟିଦା ଦରୁଗାଟି ଗାଡ଼ାତା ହାଚେରି □

୧୧ ସାମା ଲକୁ ଏଦାଆଁ ପୁଞ୍ଜାନା ଏଝାଣି ଜେତ ଜେତ ହାଚେରି; ଇଞ୍ଜା ଏଝାସି ଏଝାରାଇଁ କାର୍ମା ଆହାଁ ଆବାନା ମାହାପୁରୁ ରାଜିତି କାତା ଷ୍ଟେସ୍ତେସି, ଅଡ଼େ ଏମିନିଗାଟାରି ରଗଟି ନେହଁ ଆନାୟି ମାଚେ, ଏଝାରାଇଁ ନେହଁ କିଚେସି □

୧୨ ଏଚେତା ମିଡ଼ଅଲ୍ଲା ଆହାଲି ମାଟ୍‌ହେ; ଏଚେଟିଏ ବାରଜାଣା ସାମୁୟାଁ ତାନି ତାଣା ଝାହାନା ଏଲେଇଚେରି, “ଲକୁ ଏନିକିଁ ନାୟ୍‌କା ଅଡ଼େ ଗାଡ଼ାତା ହାଜାନା ବାସାଟାୟ୍ ଅଡ଼େ ତିଞ୍ଜାଲି କାଦି ପାରିନେରି, ଏଦାଆଁତାକି ଏଝାରାଇଁ ହେଲ ହାମୁ ଇତିହଁ ମାରୁ ଲକୁ ହିଲାଆ ଟାୟ୍‌ତା ମାନାୟି □”

୧୩ ସାମା ଏଝାସି ଏଝାରାଇଁ ଏଲେଇଚେସି, “ମାରୁ ଏଝାରାକି ତିଞ୍ଜାଲି ହାଦୁ □”

ଏଝାରି ଏଲେଇଚେରି, “ମା ତାଣା ପାସାଗଟା ରୁଟି ଇଞ୍ଜା ରା ମାଣକା ପିସ୍‌ପେ ଆଗାଡ଼ା ହିଲାତ; ଏନାଆଁ ମାରୁ ହାଜାନା ଇ ବାରେତାକି କାଦି କଡ଼ିନାୟି ?”

୧୪ ଇତିହଁ ଏଝାରି ପାସାମାଣା ଆଦାୟାଁ ମାଚେରି □

ଇଞ୍ଜା ଏଝାସି ତାନି ସାମୁଣି ଏଲେଇଚେସି, “କଡ଼େଦସ ଜାଣା ଲାକା କୁଟିକିଦୁ □”

୧୫ ଏଚେଟିଏ ଏଝାରି ଏଲେକିହଁଏ ବାରେଡି କୁଟିକିଚେରି □

୧୬ ଅଡ଼େ ଏଝାସି ପାସାଗଟା ରୁଟି ଅଡ଼େ ରା ମାଣକାଣି ଆସାନା ଲାକପୁରୁ ଝାକି ସିନିକିହାନା ବଚ ହାଚେସି, ଇଞ୍ଜା ରୁଟି ଡିକହାନା ଲକୁକି ହାସ୍‌ପାଲି ସାମୁୟାଁକି ହାଚେସି □

୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିଚେରି, ଅଡ଼େ ହାରିତାଣି ବାର ତାଲି ରୁଟି କୁଡ଼ି କିଚେରି □

ଜାମୁଇଁ ପିତର କ୍ରୀସ୍ତ ଇଞ୍ଜା ଷ୍ଟେକନାୟି

(ମାତି ୧୬:୧୩-୧୯; ମାର୍କ ୮:୨୭-୨୯)

୧୮ ର ଦିନା ଜାମୁ ରଅସିଏ ପ୍ରାଡ଼ାନା କିନି ବେଲାତା ସାମୁୟାଁ ଏଝାରିତଲେ ମାଚେରି, ଅଡ଼େ ଏଝାସି ଏଝାରାଇଁ ଷ୍ଟେଚେସି, “ନାନୁ ଆମ୍ବାଆଚେସଁ ଇଞ୍ଜା ଲକୁ ଏଲେଇଞ୍ଜିମାନେରି ?”

୧୯ ଏଚେଟିଏ ଏଝାରି ଏଲେଇଚେରି, “ଆମ୍ବାଆରି ବାପ୍ତିସ୍ତାଁ ହାନି ଜହନ, ଆମ୍ବାଆରି ଏଲିୟ, ଅଡ଼େ ଆମ୍ବାଆରି ତଲିକାଲାତି ମାହାପୁରୁ ଅଣପୁତି ବଲୁ ଷ୍ଟେହନାରି ବିତ୍ରାଟି ରଅସି ନିଜାମାନେସି □”

୨୦ ଏଝାସି ଏଝାରାଇଁ ଏଲେଇଚେସି, “ନାନୁ ଆମ୍ବାଆଚେସଁ ମାରୁ ଏନାଆଁ ଇଞ୍ଜା ମାଞ୍ଜେରି ?”

ପିତର ଏଲେଇଚେସି, “ନାନୁ ମାହାପୁରୁତି କ୍ରୀସ୍ତ □”

ଜାମୁ ତାନି ଦୁକୁ ଅଡ଼େ ହାକିତି କାତା ଷ୍ଟେହନାୟି

(ମାତି ୧୭:୨୦-୨୮; ମାର୍କ ୮:୩୦-୯:୧)

୨୧ ଏଚେଟିଏ ଏଝାସି ଏଝାରାଇଁ ଆମ୍ବାଆରାଇଁ ଷ୍ଟେହଆଦୁ ଇଞ୍ଜା ଜାଣେ କିହଁ ହୁକୁମି ହାଚେସି,

୨୨ “ମାଣସି ମାରୁଏସି ହାଟ୍‌ରେକା ଦୁକୁ ପାଣ୍ଡନାୟି ମାନେ ଇଞ୍ଜା ଲକୁତି କାଜାରି, କାଜା ପୂଜେରାଞ୍ଜା ଇଞ୍ଜା ମେରାପୁନାରି ତାଣାଟି ଅପାଆନା ଏଝାଣାଇଁ ପାୟିନେରି, ଇଞ୍ଜା ତାନି ଦିନାଟିଏ ନିଜ୍ଜନେସି □”

୨୩ ଏଚେଟିଏ ଏଝାସି ବାରେଡି ଏଲେଇଚେସି, “ଆମ୍ବାଆସି ନା ଜେତ ତାକାଲି ମନ କିନେସି, ଏଝାସି ତାଜେ ଅପାଆନା ବାରେଦିନା ତାନି କୁସ ଡେକାନାହାଁ ନା ଜେତ ତାକାପେସି □

୨୪ ଏଚେଟିଏ ଆମ୍ବାଆସି ଜାହାରା ଜାଧୁ ଗେଲ୍‌ପାଲି ମନ କିନେସି ଏଝାସି ନାସା କିନେସି; ସାମା ଆମ୍ବାଆସି ନା ତାକି ଜାହାରା ଜାଧୁ ନାସା କିନେସି ଏଝାସି ଗେଲ୍‌ପି କିହାକଡିନେସି □

୬ ୯:୧୯ ୯:୧୯ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮ † ୯:୧୯ ୯:୧୯ ମୁଞ୍ଜିନାୟି * ୯:୨୦ ୯:୨୦ ଜହ ୬:୨୮,୭୯
* ୯:୨୩ ୯:୨୩ ମାତି ୧୦:୩୮; ଲୁକ ୧୪:୨୭ * ୯:୨୪ ୯:୨୪ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫

୨୫ ଅଡ଼େ ମାଣସି ଇ ଦାଋତିତା ମାନାଣି ବାରେ ମେଡ଼ି କିହାନା ତାନି ଜୀଝୁତି ନାସା କିନେସି, ଇଚିହ~ ଏଝାଣାକି ଏନ୍ନି ଲାବା ?

୨୬ ଇଚିହ~ ଆମ୍ବାଆସି ନାଜେତାକି ଅଡ଼େ ନା କାତାତାକି ଲାଜା ଆନେସି, ମାଣସି ମୀରୁଏସି ତାନି କାଜାପାଣା ତଲେ ଇଞ୍ଜାହାଁ ମାହାପୁରୁ ଆବା ଅଡ଼େ ତାନି ସୁଦୁଗାଟି ଦୂଢୁୟାଁ ତଲେ କାଜାପାଣାଟି ଝାନ୍ନେସି ଏଚିବେଲା ଏଝାସି ଜିକେଏ ଏଝାଣି ତାକି ଲାଜା ଆନେସି □

୨୭ ସାମା ନାନୁ ମିଜେ ସାତା ଝେସିମାଞ୍ଜାଈଁ, ମାହାପୁରୁତି ରାଡ଼ି ମେହୁଆ ପାତେକା ଇମ୍ବାଆଁ ନିଚାମାନାରି ଏଚରଜାଣା ହାଅରି □”

ଜୀସୁ ଅର ଝାଣା ଆନାୟି

(ମାତି ୧୭:୧-୮; ମାର୍କ ୯:୨-୮)

୨୮ ଇ କାତା ଝେସାନା ଆଡ଼ାଦିନା ହାଜାଲିଏ ପିତର, ଜହନ ଅଡ଼େ ଜାକୁବଇଁ ଅହ~ ହାଜାନା ପ୍ରାତାନା କିହାଲି ହରୁତା ହାଚେସି □

୨୯ ଅଡ଼େ ଏଝାସି ପ୍ରାତାନା କିହିମାଚାଟି ତାନି ମୁମ୍ବୁଟୁ ଝାଣା ତିରିମୁହେ ଇଞ୍ଜାଁ ତାନି ହିମ୍ବୁରି ଦବଲା ଆହାନା ହାଚେକା ଉଜେଡ଼ି ଆଡେ □

୩୦ ମସା ଅଡ଼େ ଏଲିୟ ଏଝାଣିତଲେ କାତା ଆହିମାଚେରି;

୩୧ ଏଝାରି ଗାଝୁରମିଚି ତଞ୍ଜାଆହାନା ଜୀସୁ ଜିରୁସାଲମତା ହାନିକାତା ଜଲୁକି ଆହିମାଚେରି □

୩୨ ଏଚିବେଲା ପିତର ଅଡ଼େ ତାନି ତଣେସିଜାକି ଗାଡ଼ି ଇଦାକାଣାକା ହଡ଼ିମାଡୁ; ସାମା ଏଝାରି ଇଦାଚି ନିଜାଲିଏ ତାନି ଗାଝୁରମି ଇଞ୍ଜାଁ ଏଝାଣିତଲେ ରିଆରି ନିଚାମାନାଣି ମେସ୍ତେରି □

୩୩ ଇଞ୍ଜାଁ ଏଝାରି ତାଣାଟି ହାଜିମାଚାଟି ପିତର ଜୀସୁଇଁ ଏଲେଇଚେସି, “ଗୁରୁ ମାମ୍ବୁ ଇମ୍ବାଆଁ ମାନାୟି ନେହେଁ; ମାମ୍ବୁ ଇମ୍ବାଆଁ ତାନିଗଟା ଗୁଡ଼ାୟାଁ କେପିନମି, ନିଜେତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ □” ସାମା ତାନୁ ଏନାଆଁ ଇଞ୍ଜିମାଚେସି ତାନୁଏ ପୁଞ୍ଜି ହିଲାଆଚେସି □

୩୪ ଏଝାସି ଏଲେଇଞ୍ଜି ମାଚାଟି ଇଚାୟି ହାଗୁ ଦୁହାଁ ଝାହାନା ଏଝାରାଇଁ ସୁକହେ, ଇଞ୍ଜାଁ ଏଝାରି ଦୁହାତା ହଡ଼ି ମାଚାଟି ଆଜିଚେରି □

୩୫ *ଈଞ୍ଜାଁ ଏ ଦୁହାଟି ଇ ହାଡ଼ା ଝାଚେ, “ଇଝାସି ନା ମୀରୁଏସି, ନାନୁ ଆଚିତାସି, ଇଝାଣି ବଲୁ ଝେଞ୍ଜୁ □”

୩୬ ଏଲେଇଞ୍ଜି ଝେସି ତାୟୁ ଜୀସୁ ରଅସିଏ ତଞ୍ଜାଆଡ଼େସି □ ଏଝାରି ଇ କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାଚେରି ଏ ବେଲାତା ଆମ୍ବାଆରାଇଁ ଜିକେଏ ଝେହୁଆଚେରି □

ଜୀସୁ ବୁଡୁ ଆଲଗାମାଚି କକାଣାଇଁ ନେହ~କିନାୟି

(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡ଼େ ର ନେରୁ ହରୁଚି ରେଟା ଝାହାଲିଏ ହାଚେକା ଲକୁ ଏଝାଣାଇଁ ବେଟା ଆୟାଲି ଝାଚେରି □

୩୮ ଅଡ଼େ ଏ ମାନ୍ଦା ଲକୁ ବିତ୍ରାଟି କାଜା ଗିୟାଁତଲେ ହାଚାନା ଏଲେଇଚେସି, “ଏ ଗୁରୁ ନାନୁ ବାତିମାଲିମାଞ୍ଜାଇଁ ନା ମୀରୁଏଶାଇଁ କାର୍ମା ଆମ୍ବୁ, ଇଚିହ~ ଏଝାସି ନା ରଣ୍ଡିଏ ମୀରୁଏସି;

୩୯ ଏଝାଣାଇଁ ର ବୁଡୁ ଆଲଗାମାଚେ, ଇଞ୍ଜାଁ ଏଝାସି ପେଦ୍ରାହାଁ ଦେବୁଣିଏ କିଚଡ଼ି ମାନେସି, ଇଞ୍ଜାଁ ଏଝାଣାଇଁ ଇଲେକ~ ବୁମିତା ତୁକହାନା ଗୁଡ଼ିଚି ପମ୍ବୁଲି ହପ୍ପୁହି ମାନେ, ଇଞ୍ଜାଁ ଏଝାଣାଇଁ ଗାଡ଼ି ବାଦା କିହାନା ଏଝାଣି ତାଣାଟି କାକୁଲିଚି ହଚାହାନେ □

୪୦ ନାନୁ ବୁଡୁଚି ପସପି କିହାଲି ନା ସୀସୁୟାଁଣି ବାତିମାଲିଚେଏଁ, ସାମା ଏଝାରି ପିସପି କିହାଲି ଆଡ଼ାଆଚେରି □”

୪୧ ଜୀସୁ ଏଲେଇଚେସି, “ଆଡ଼େ ନାମାଆଗାଟି ଏଚକା ଜିରୁ ଆହନି କୁଡ଼ା, ନାନୁ ଅଡ଼େ ଏଚେକା ମା ତଲେ ମାଞ୍ଜାନା ମା କାତା ଅରୁହାଇଁ ? ନୀ ମୀରୁଏଶାଇଁ ଇମ୍ବାଆଁ ତାମ୍ବୁ □”

୪୨ ବୁଡୁ ଆଲଗାମାଚି କକାସି ଝାହିମାଚାଟି ବୁଡୁ ଏ କକାଣାଇଁ ବୁମିତା ତାଡ଼ି କିହାନା ତ୍ରେପହାଡୁସ୍ତେ, ସାମା ଜୀସୁ ଏ ପଲ୍ଲଆ ବୁଡୁଚି ଦାକା ହାଚେସି ଇଞ୍ଜାଁ କକାଣାଇଁ ନେହ~ କିହାନା ତାନି ଆବା କେୟୁତା ହେଚପିଚେସି □

୪୩ ଏଚେଚିଏ ବାରେ ଲକୁ ମାହାପୁରୁତି ବାଡ଼ୁୟୁ ମେସାନା ଜାଗଲା ଆଚେରି □ ସାମା ଏଝାସି କିହାମାନି ବାରେ କାମାତାକି ଜାଗଲା ଆହିମାଚାକି ଜୀସୁ ତାନି ସୀସୁୟାଁଣି ଏଲେଇଚେସି □

* ୯:୩୫ ୯:୩୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ * ୯:୩୫ ୯:୩୫ ୨ପିତ ୧:୧୭,୧୮

ଜୀସୁ ତାନି ହାକିତି କାତା ଅଡ଼େ ଖେଣ୍ଡେ ଖେହ୍ନାୟି

(ମାତି ୧୭:୨୨,୨୩; ମାର୍କ ୯:୩୦-୩୨)

୪୪ “ଇ ବାରେ କାତା ମୀ କାର୍ନୀ ଅତାନା ଖେଞ୍ଜୁ; ଇଚିହିଁ ମାଣସି ମୀରୁଏସି ସାତୁୟାଁ କେୟୁତା ହେବିଆନେସି □”

୪୫ ସାମା ଏଞ୍ଜାରି ଏ କାତା ତେଲହାଆତେରି, ଏଞ୍ଜାରି ତେଲହାଲି ଆଡ଼ାଆରେଟୁ ଏଞ୍ଜାରି ତାଣାଟି ତୁରାମାରେ, ଇଞ୍ଜାଁ ଏଞ୍ଜାରି ଏ କାତା ଜିକେଏ ଜୀସୁଇଁ ଖେଞ୍ଜାଲି ଆଜିମାରେରି □

ବାରେକିହାଁ କାଜାସି ଆମ୍ବାଆସି

(ମାତି ୧୮:୧-୫; ମାର୍କ ୯:୩୩-୩୭)

୪୬ *ଏଞ୍ଜାରି ବିତ୍ରାଟି ଆମ୍ବାଆସି କାଜାସି, ଇ କାତାତାକି ଏଞ୍ଜାରି ବିତ୍ରା ବାଦିବାଦା ଆତେରି □

୪୭ ସାମା ଜୀସୁ ଏଞ୍ଜାରି ବିତ୍ରା ବାଦିବାଦା ଆହିମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପୁହାନା ଏଞ୍ଜାରାଇଁ ଏଲେଇରେସି,

୪୮ *“ଆମ୍ବାଆସି ନା ଦରୁଟି ଇ ଉଣା କକାଣାଇଁ ଆବିନେସି, ଏଞ୍ଜାସି ନାଜେ ଆବାନେସି, ଅଡ଼େ ଏଞ୍ଜାସି ନାଜେ ପାଣ୍ଡାତାଣାଇଁ ଆବିନେସି; ଇଚିହିଁ ମୀ ବିତ୍ରାଟି ଆମ୍ବାଆସି ବାରେକିହାଁ ଉଣା ଏଞ୍ଜାସି କାଜାସି □”

ମୀ କପାଟି ନିଜାଆ ଗାଟାସି ମୀ ତଲେତାସି

(ମାର୍କ ୯:୩୮-୪୦)

୪୯ ଏତେଟିଏ ଜହନ ଏଲେଇରେସି, “ଗୁରୁ, ମାମ୍ବୁ ନୀ ଦରୁଟି ବୁଡୁୟାଁ ପେରୁହି ମାବାଣି ମେସୁନି ଇଞ୍ଜାଁ ଏଞ୍ଜାସି ମା ତଲେ ନୀ ଜେତ ଖାଆଲିଏ କାହିକିତମି □”

୫୦ ସାମା ଜୀସୁ ଏଞ୍ଜାରାଇଁ ଏଲେଇରେସି, “କାହିକିଆଦୁ, ଇଚିହିଁ ଆମ୍ବାଆସି ମୀ କପାଟି ନିଜା ହିଲଅସି ଏଞ୍ଜାସି ମୀ ତଲେତାସି □”

ସମିରଣି ନାସକାଣାଁ ଜୀସୁଇଁ ଆବାଆତାୟି

୫୧ ଏଚିରେଲା ଜୀସୁ ଲାକପୁରୁ ହାନି ବେଲା ଏଗାଞ୍ଜାହିମାତାକି ଏଚିରେଲା ଜୀସୁ ଜିରୁସାଲମତା ହାଜାଲି ମନଟି ତାରି କିତେସି □

୫୨ ଅଡ଼େ ତାନି ନକେଏ କସକାଣି ପାଣ୍ଡିତେସି, ଏଞ୍ଜାରି ହାଜାନା ର ସମିରଣ ନାୟୁଁତା ଜୀସୁ ଖାନେସି ଇଞ୍ଜାଁ ଜାଗ୍ରାତା କିହାନା କାତେରି;

୫୩ ସାମା ଏଞ୍ଜାସି ଜିରୁସାଲମତା ହାଜାଲି ମନ କିହାମାନେସି ଇଞ୍ଜାଁ ପୁଞ୍ଜାନା ଏଞ୍ଜାଣାଇଁ ଆବାଆତେରି □

୫୪ ଇଦାଆଁ ମେସାନା ଜାକୁବ ଅଡ଼େ ଜହନ ଇ ରୀ ସୀସୁୟାଁ ଏଲେଇରେରି, “ଏ ପ୍ରବୁ ଏଲିୟ ଏନିକିଁ ଏଲେଇଞ୍ଜାମାରେସି, ଏଲେକିହିଁ ଏ ହାଗୁଲାକଟି ହିରୁ ରିହାନା ଏଞ୍ଜାରାଇଁ ନାସା କିପେ, ଏଲେଇଞ୍ଜାଲି ନୀ ମନ ମାନେକି ?”

୫୫ ସାମା ଏଞ୍ଜାସି ଖେଣ୍ଡେ ସିନିକିହାନା ଏଞ୍ଜାରାଇଁ ଲାଗାନା ଏଲେଇରେସି, “ମୀରୁ ଏନିଲେହେଁତି ଜୀସୁ ଗାଟାତେରି, ମୀରୁ ପୁଞ୍ଜାହିଲଅତେରି ମାଣସି ମୀରୁଏସି ମାଣସିୟାଁତି ଜୀସୁ ନାସା କିହାଲି ଖାଆନା ଗେଲପାଲି ଖାହାମାନେସି □

୫୬ ଏତେଟିଏ ଏଞ୍ଜାରି ଅର ନାୟୁଁତା ହାତେରି □”

ଜୀସୁତି ସୀସୁ ଆହାଲି ପାଡ଼ା ଆନାୟି

(ମାତି ୭:୧୯-୨୨)

୫୭ ଏଞ୍ଜାରି ଜିରୁତା ହାଜିମାଗାଟି ରଅସି ଖାହାନା ଜୀସୁଇଁ ଏଲେଇରେସି, “ନୀନୁ ଆସିୟା ହାଜି, ନୀନୁ ଜିକେଏ ନୀ ତଲେ ଖାଈଁ □”

୫୮ ଜୀସୁ ଏଞ୍ଜାଣାଇଁ ଏଲେଇରେସି, “ନାକାର୍ଯ୍ୟାକି ତୁୟିନି ପାସୁୟାଁ ମାନୁ, ହାଗୁ ଲାକ ଉସିନି ପଟାୟାଁକି ବାସାଟାୟୁ ମାନେ, ସାମା ମାଣସି ମୀରୁଏଶାକି ତାୟୁଁ ୁନଟହାଲି ଟାୟୁଁ ହିଲେଏ □”

୫୯ ଇଞ୍ଜାଁ ଏଞ୍ଜାସି ଅଡ଼େ ରଅଣାଇଁ ଏଲେଇରେସି, “ନା ଜେତ ଖାମୁ □” ସାମା ଏଞ୍ଜାସି ଏଲେଇରେସି, “ପ୍ରବୁ ନକେଏ ହାଜାନା ନା ଆବାଇଁ ମାହଣିଣା ମୁସାଲି ହେଲ ହିୟାମୁ □”

* ୯:୪୬ ୯:୪୭ ଲୁକ ୨୨:୨୪ * ୯:୪୮ ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୬୦

୨୦ ଜୀସୁ ଏଲେଇରେସି, “ହାଡ଼ାରାଇଁ ତାମି ହାଡ଼ି ଲକୁଣି ମୁସାଲି ପିହ୍‌ଦୁ, ସାମା ମୀରୁ ହାଜାନା ମାହାପୁରୁ ରାଜିତି କାତା ଖେହ୍‌ଦୁ □”

୨୧ ଅଡେ ରଅସି ଝାହାନା ଏଲେଇରେସି, “ପ୍ରବୁ ନାନୁ ଜେତ ଝାଉଁ ସାମା ନବେଏ ଇଜତି ଲକୁ ତାଣାଟି ହେଲ ଅହାଲି ହିୟାମୁ □”

୨୨ ସାମା ଜୀସୁ ଏଝାଣାଇଁ ଏଲେଇରେସି, “ଆମ୍ବାଆସି ନାଜେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡ଼ା ଆଅସି □”

୧୦

ଜୀସୁ ତାନିକଡ଼ି ବାରଜାଣାଟି ପାଣ୍ଡିନାୟି

୧ ଏମ୍ବାଟିଏ ପ୍ରବୁ ଅଡେ ତାନିକଡ଼ି ବାରଜାଣାଟି ଆଡ଼ାନା ତାନୁ ଆମିନି ଗାଡ଼ା ଅଡେ ନାସ୍‌କାଣାଁ ହାଜାଲି ମନ କିହାମାରେସି, ଏ ନାସ୍‌କା ଅଡେ ଗାଡ଼ାୟାଁଣା ରିଆରି ଲାକା କିହାଁ ପାଣ୍ଡିରେସି □

୨ *ଇଞ୍ଜାଁ ଏଝାସି ଏଝାରାଇଁ ଏଲେଇରେସି, “ପାଡ଼ି ହାରେକା ସାମା ଦାଃଆନାରି ଉଣା ଜାଣା; ଇଦାଆଁତାକି ଗୁଡ଼ିୟାତା କାମା କିନାରାଇଁ ପାଣ୍ଡାଲିତାକି ଗୁଡ଼ିୟାତି ସାଝୁକାରିଇଁ ବାଡ଼ିମାଲ୍ଲାଦୁ □

୩ *ମୀରୁ ହାଜୁ; ନାନୁ ମିଜେ କ୍ଲାଃନିୟାଁ ବିଡ଼ା ମେଣ୍ଡା ତାଲକା ଲେହେଁ ମିଜେ ପାଣ୍ଡିମାଞ୍ଜାଇଁ □

୪ ତାବୁୟାଁ, ମଣା କି ସେପୁୟାଁ ଜିକେଏ ଅଆଦୁ, ଅଡେ ଜିରୁତା ଆମ୍ବାଆରାଇଁ ଜହରା କିଆଦୁ □

୫ ଅଡେ ମୀରୁ ଆମିନି ଇଲୁତା ହଡ଼ଦେରି ନବେଏ ଇ ଇଲୁତାକି ହିଡ଼ଡ଼ି ଆପେ ଇଞ୍ଜୁ □

୬ ଅଡେ ଏ ଇଜ ହିଡ଼ଡ଼ିତି ମାଣସି ରଅସି ମାଟିହେଁ ମୀ ହିଡ଼ଡ଼ି ଏଝାଣାକି ଆପେ; ଅଡେ ହିଲାଆତିହେଁ ମୀ ହିଡ଼ଡ଼ି ମିଜେ ଖେଣ୍ଡେ ଝାବେନ □

୭ *ଇଞ୍ଜାଁ ଏଝାରିତାଣା ଏନାୟି ମାବେ ଏଦାଆଁ ତିଞ୍ଜା ଉଣ୍ଡାନା ଏ ଇଜ ମାଞ୍ଜୁ, ଇତିହେଁ କାମାକିନାସି ତାନି କାମାତି ବୁଡ଼ି ମେଡ଼ା ଆନାୟି ମାବେ □ ଏ ଇଜ ପିସାନା ଅର୍ ଇଜ ହାଲାଆଦୁ □

୮ ଅଡେ ଆମିନି ଗାଡ଼ାତା ହାଜେରି ଅଡେ ଲକୁ ମିଜେ ଅପାନେରି ଅଡେ ଏମ୍ବାଆଁ ଏନାଆଁ ତିଞ୍ଜାଲି ହିୟାନେରି ଏଦାଆଁ ତିଞ୍ଜୁ □

୯ ଏମ୍ବାଆଁ ମାନି ରଗା ଗାଗରାଇଁ ନେହେଁ କିପୁ, ଅଡେ ଏଝାରାଇଁ ଏଲେଇଞ୍ଜୁ ‘ମାହାପୁରୁତି ରାଜି ମୀ ତାଣା ଏଦାତେୟିଏ □’

୧୦ *ସାମା ମୀରୁ ଆମିନି ଗାଡ଼ାତା ହାଜେରି ଇଞ୍ଜାଁ ଲକୁ ମିଜେ ଅପଅରି, ଏମ୍ବାତି ଆଂଗେଣିକାଟି ପାଜାତା ହାଜାନା ଏଲେଇଞ୍ଜୁ,

୧୧ *ମୀ ଗାଡ଼ାତି ଆମିନି ଦୁଡ଼ି ମା କଡ଼ାୟାଁଣା ଆଗାମାରେ, ଏଦାଆଁ ଜିକେଏ ମିଜେ ତାକି ହାଣ୍ଡିହି ମାନନି; ସାମା ମାହାପୁରୁତି ରାଜି ଏଗାଝାହିମାବେ ଇଦାଆଁ ପୁଞ୍ଜୁ □’

୧୨ *ନାନୁ ମିଜେ ଝେସିମାଞ୍ଜାଇଁ, ନୀହାଁୟି ଦିନାତା ଏ ଗାଡ଼ାତି ତଣ୍ଡ କିହାଁ ସଦମ ଗାଡ଼ାତି ତଣ୍ଡ ଉଣା କିଝିଆବେନ □

ନାମାଆଗାଟି ନାସ୍‌କା

(ମାତି ୧୧:୨୦-୨୪)

୧୩ ଆୟତା ତଣ୍ଡ ପାଣ୍ଡିନି କରାଜିନି ଅଡେ ବେଡ଼ସାୟିଦା ଇତିହେଁ ମୀ ତାଣା ଆମି ଆମିନି କାବାଆନି କାମାୟାଁ କିଝିଆହାମାନୁ, ଏ ବାରେ ସର୍ ଅଡେ ସିଦନତା କିଝି ଆହାମାଟିହେଁ ମା, ଏଝାରି ହାରେକା ଦିନା ନବେଏ ବାସାୟାଁ ପରହାଁ ଦାରମ୍ବୁଡ଼ା କୁଗାନା ମନ ଝେଟ୍‌ହେରିମା □

୧୪ ଆଡ଼ିଜିକେଏ ନୀହାଁୟି ଦିନାତା ସର୍ ଅଡେ ସିଦନତି ତଣ୍ଡ ଉଣା କିଝିଆବେନ □

୧୫ ଏ କପରନାହୁମ ନାନୁ ଲାକପୁରୁ ପାତେକା ପାଡ଼ାଆଦି ? ହାଡ଼ାରି ମାନି ରାଜିତା ମେଡ଼ପି ଆଦି □”

୧୬ *ଜୀସୁ ଏଲେଇରେସି “ଆମ୍ବାଆସି ମୀ କାତା ଝେନେସି, ଏଝାସି ନା କାତା ଝେନେସି, ଇଞ୍ଜାଁ ଆମ୍ବାଆସି ମିଜେ ଅପଅସି ଏଝାସି ନାଜେ ଅପଅସି, ଅଡେ ଆମ୍ବାଆସି ନାଜେ ଅପଅସି ଏଝାସି ନାଜେ ପାଣ୍ଡାତାଣାଇଁ ଅପଅସି □”

ତାନିକଡ଼ି ବାରଜାଣା ଝେଣ୍ଡା ଝାନ୍ଦାୟି

* ୧୦:୨ ୧୦:୨ ମାତି ୯:୩୭, ୩୮ * ୧୦:୩ ୧୦:୩ ମାତି ୧୦:୧୭ * ୧୦:୭ ୧୦:୭ ୧କର ୯:୧୪; ୧ଡିମ ୫:୧୮ * ୧୦:୧୦ ୧୦:୧୦ କାମା ୧୩:୫୧ * ୧୦:୧୧ ୧୦:୧୧ ମାତି ୧୦:୭-୧୪; ମାର୍କ ୭:୮-୧୧; ଲୁକ ୯:୩-୫ * ୧୦:୧୨ ୧୦:୧୨ ମାତି ୧୧:୨୪ମାତି ୧୦:୧୫ * ୧୦:୧୨ ୧୦:୧୨ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦

୧୭ ଏମାଗିଏ ତାନିକଡ଼ି ବାରଜାଣା ଖେଣ୍ଡା ଖାହାନା ରାହାଁଟି ଏଲେଇଚେରି, “ପ୍ରଭୁ ବୁଢ଼ୁୟାଁ ଜିକେଏ ନୀ ଦରୁଟି ମା ଡ଼ଇକା ହେରପି ଆହିମାନୁ □”

୧୮ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ହାଗୁ ମୁହନିଲେହେଁ ଲାକଟି ସୟତାନ ରିହିମାନାଣି ମେସ୍ତେସିଁ □

୧୯ ମେହଦୁ ନାନୁ ମିଜେ ରାସ୍ତାକା, କାଚାକୁପିୟାଁ ମୁହେଁ ତାକାଲି ଅଡ଼େ ସାଡୁତି ବାରେ ବାଡ଼ୁୟୁ ମୁହେଁ ଜିକେଏ ଅଦିକାରା ହାହିମାଞ୍ଜାଇଁ, ଅଡ଼େ ଏନାୟି ଜିକେଏ ମିଜେ ନସ୍ତୁ କିହାଲି ଆଡ଼େଏ □

୨୦ ସାମା ପଲ୍ଲଆ ବୁଡ଼ୁୟାଁ ବାଡ଼ୁୟୁ ମୀ ଡ଼ଇକା ମାନେ ଇଞ୍ଜିଁ ରାହାଁ ଆଥାଦୁ, ସାମା ମୀ ଦରୁ ଲାକପୁରୁ ରାସ୍କି ଆହାମାନେ ଏଦାଆଁତାକି ରାହାଁ କିଦୁ □”

ଜୀସୁତି ରାହାଁ

(ମାତି ୧୧:୨୫-୨୭; ୧୩:୧୭,୧୭)

୨୧ ଏଚିବେଲା ଜୀସୁ ସୁଦୁଜୀସୁ ତଲେ ରାହାଁ ଆହାନା ଏଲେଇଚେସି, “ଆବା ଲାକପୁରୁ ଅଡ଼େ ଦାରୁଡିତି ପ୍ରଭୁ, ନାନୁ ବୁଦିଗାଟି ଲକ୍ତତାଣା ଇ ବାରେ କାତା ଡ଼କୁହାନା ଉଣା କକାରି ତାଣା ତସାମାଞ୍ଜି, ଇଦାଆଁତାକି ନିଜେ ଜହରା କିହିମାଞ୍ଜାଇଁ; ଏ ଆବା ଇଦିଏ ନୀ ନକିତା ନେହାୟି ଆଡେ □”

୨୨ * “ନା ଆବାଟି ବାରେ ଅଦିକାରା ନାଜେ ହେରପି ଆହାମାନେ; ଅଡ଼େ ମୀରୁଏସି ଆମ୍ବାଆସି, ଇଦାଆଁ ଆବା ପିସପେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଇଦାଆଁ ମୀରୁଏଣା ପିସପେ ଆମ୍ବାଆସି ପୁନଅସି, ଇଞ୍ଜାଁ ମୀରୁଏସି ଆମ୍ବାଆସି ତାଣା ଏଞ୍ଜାଣାଇଁ ତସାଲି ମନ କିନେସି, ଏଞ୍ଜାସିଦେଁ ପୁନେସି □”

୨୩ ଅଡ଼େ ଜୀସୁ ତାୟୁ ସିନିକିହାନା ତାମି ସୀସୁୟାଁଇ ଏଡ଼କେଏ ଏଲେଇଚେସି, “ହାରେକା ନେହେଁ ଏ କାଣକା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି □

୨୪ ଇଚିହଁ ନାନୁ ମିଜେ ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାରେକା ମାହାପୁରୁ ଅଣ୍ଟପୁତି ବଲ୍ଲୁ ଖେସ୍ତନାରି ଅଡ଼େ ରାଜାୟାଁ ମେସାଲି ମନ କିହାମାଚେରି, ସାମା ମେସାଲି ଆଡ଼ାଆଡେରି; ଅଡ଼େ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ କିଡେରି ସାମା ଖେଞ୍ଜାଲି ଆଡ଼ାଆଡେରି □”

ନେହଁ ସମିରଣତି ପୁଣ୍ଡିକିନି କାତା

୨୫ * ମେହଦୁ ର ମସାତି ମେରା ଜାପ୍ନାସି ଖାହାନା ଜୀସୁଇଁ ତାୟିପାରିକିହଁ ଖେଚେସି, “ଏ ଗୁରୁ କାଲ୍ଲକାଲ୍ଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ ?”

୨୬ ଏଚେଟିଏ ଜୀସୁ ଏଲେଇଚେସି, “ମସାତି ମେରାତା ଏନାଆଁ ରାସ୍କି ଆହାମାନେ, ନୀନୁ ଏନିକଁ ପଡ଼ୁଞ୍ଜି ଆହିମାଞ୍ଜି ?”

୨୭ ଏଞ୍ଜାସି ଏଲେଇଚେସି, “ନୀନୁ ନୀ ବାରେ ହିୟାଁ, ବାରେ ଜୀସୁ, ବାରେ ବାଡ଼ୁୟୁ ଅଡ଼େ ବାରେ ମନ ହାହାନା ପ୍ରଭୁ ନୀ ମାହାପୁରୁଇଁ ଜୀସୁନମ୍; ଅଡ଼େ ପାଡ଼ିତି ଲକ୍ତଣି ନୀ ଜୀସୁ ଲେହେଁ ଜୀସୁ ନମ୍ □”

୨୮ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁ ନେହଁକଁ ଖେସାମାଞ୍ଜି; ଏଲେଏ କିମ୍ବୁ ଆତିହଁ ଏ ଜୀସୁ ମେଡ଼ିକିଦି □”

୨୯ ସାମା ଏଞ୍ଜାସି ତାଜେ ତାରିତାସି କିହାକତାଲି ମନ କିହାନା ଜୀସୁଇଁ ଖେଚେସି, “ଆତିହଁ ନା ପାଡ଼ିତାସି ଆମ୍ବାଆସି ?”

୩୦ ଜୀସୁ ଏ କାତା ଆସାନା ଏଲେଇଚେସି, “ର ଲକ୍ତୁ ଜିରୁସାଲମଟିଏ ଜିରିହତା ହାଜିମାଗାଟି ସରୁକା ତାଣା ହେରହେସି □ ଏଞ୍ଜାରି ଏଞ୍ଜାଣି ହିମ୍ବିରଦୁକି ମାଞ୍ଜାନା ହାଜିଲେହେଁ ମାଡ଼ା ଡ଼େଟାନା ପିସା ହାଚେରି □

୩୧ ଏଚିବେଲାତା ର ପୁଜେନା ଏ ଜିରୁଟି ହାଜିମାଚେସି, ଇଞ୍ଜାଁ ଏଞ୍ଜାସି ଏଞ୍ଜାଣାଇଁ ମେସାନା ଜିରୁ ପିସାନା ଅର ଜିରୁଟି ହାଚେସି □

୩୨ ଏଲେକିହଁ ଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଖାହାନା ଏଞ୍ଜାଣାଇଁ ମେସାନା ଅର ଜିରୁ ହାହାନା ହାଚେସି □

୩୩ ସାମା ର ସମିରଣ ଲକ୍ତୁ ଏ ଜିରୁଟି ହାଜିମାଚେସି, ଇଞ୍ଜାଁ ଏଞ୍ଜାଣାଇଁ ମେସାନା ହାରେକା କାର୍ମା ଆଡ଼େସି,

୩୪ ଅତ୍ତେ ତାଗେ ହାଜାନା ଏଞ୍ଜାଣି ଗାହ୍ଲାୟା ବାରେ ନିୟୁଁ ଅତ୍ତେ ଅଜ୍ଞୁରି ରାସା ରୁବାନା ଗାହ୍ଲାୟାଣା ଦସ୍‌ପାନା ଏଞ୍ଜାଣାଇଁ ର ଗାଡ଼ଦେ ଲାକ କୁରିକିହାନା ର ସେବାକିନି ଇଲୁତା ଅହାନା ଏଞ୍ଜାଣି ସେବା କିତେସି □

୩୫ ଅର ଦିନା ସେବାକିନି ଇଲୁ ଗାଟାଣାକି ରୀ କାନି ହାହାନା ଏଲେଇଚେସି, ‘ଇଞ୍ଜାଣି ସେବା କିମ୍ପୁ, ଅତ୍ତେ ଏଚେକା ଗାଡ଼ି କାର୍ତୁ ଆମ୍ପୁ, ଖେଣ୍ଡା ଖାନାଟି ବାରେ ହିୟାଇଁ □’

୩୬ ଜୀସୁ ଏଲେଇଚେସି, “ଇ ତାନି ଜାଣାଟି ବିତ୍ତା ଆମ୍ପାଆସି ସର୍କାତାଣା ହେର୍‌ହା ମାତାଣି ପାଡ଼ିତାସି ଇଞ୍ଜୁଁ ଅଣ୍ଡାପିମାଞ୍ଜେରି ?”

୩୭ ଏ ନେରା ଜାମ୍ପନାସି ଏଲେଇଚେସି, “ଆମ୍ପାଆସି ଏଞ୍ଜାଣାଇଁ କାର୍ମା ଆତେସି ଏଞ୍ଜାସି □”
ଜୀସୁ ଏଲେଇଚେସି, “ହାଲାମ୍ପୁ ନୀନୁ ଜିକେଏ ଏଲେଏ କିମ୍ପୁ □”

ଜୀସୁ ମାର୍ତୀ ଅତ୍ତେ ମରିୟମନି ଇଜ

୩୮ ✨ଏଞ୍ଜାରି ହାଜିମାନି ବେଲତା ର ନାୟୁଁତା ହାଚେରି, ଇଞ୍ଜାଁ ମାର୍ତୀ ଦରୁଗାଟି ର ଇୟା ଜୀସୁଇଁ ତାନି ଇଜ ହାଟିଚେ □

୩୯ ଏଦାନାକି ର ତାଜି ମାଚେ ଏଦାନି ଦରୁ ମରିୟମ, ଏଦି ପ୍ରବୁତି କର୍ତ୍ତା ତ୍ତଇ କୁଗାନା ଏଞ୍ଜାଣି କାତା ଖେଞ୍ଜିମାଚେ □

୪୦ ସାମା ମାର୍ତୀ ରାନ୍ଦା ଖାଜାଲି ହାଚେରକା କିଲିବିଲି ଆହିମାଚେ; ଇଦାଆଁତାକି ଜୀସୁ ତାଣା ଖାହାନା ଏଲେଇଚେ, “ଏ ପ୍ରବୁ ନା ତାଜି ଖାଜିନି କାମା ବାରେ ନା ଲାକ ହେର୍‌ପା ମାଞ୍ଜାନେ ଇଦାଆଁ ଅଣ୍ଡିପି ହିଲଅତି କି ? ଇଦାଆଁତାକି ନାଜେ ସାଚେୟି କିହାଲି ଏଲେଇନାମ୍ପୁ □”

୪୧ ସାମା ପ୍ରବୁ ଏଲେଇଚେସି, “ମାର୍ତୀ, ମାର୍ତୀ ନୀନୁ ହାଚେରକା କାମାତା ଅଣ୍ଡିପିହିଁ କିଲିବିଲି ଆହିମାଞ୍ଜି,

୪୨ ସାମା ଖାରୁଇ ର କାତା ଲଡ଼ାମାନେ □ ମରିୟମ ଏ ନେହିଁ କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଞ୍ଜି ଆଏ □”

୧୧

ଜୀସୁ ଜାମ୍ପହାନି ପ୍ରାତାନା

(ମାତି ୭:୯-୧୩; ମାତି ୭:୭-୧୧)

୧ ର ଦିନା ଜୀସୁ ର ଗାୟୁତା ପ୍ରାତାନା କିହିମାଚେସି; ଏଞ୍ଜାସି ପ୍ରାତାନା କିହାଲି ରାପ୍‌ହାଲିଏ, ତାନି ସୀସୁୟାଁ ବିତ୍ତାଟି ରଅସି ଏଲେଇଚେସି, “ଏ ପ୍ରବୁ, ଜହନ ଏନିକିଁ ତାନି ସୀସୁୟାଁଇଁ ପ୍ରାତାନା କିହାଲି ଜାମ୍ପହି ମାଚେସି, ନୀନୁ ଜିକେଏ ମାଜେ ଏଲେକିହିଁ ଏ ପ୍ରାତାନା କିହାଲି ଜାମ୍ପହାମ୍ପୁ □”

୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଟିବେଲା ମୀରୁ ଏଲେଇଞ୍ଜି ପ୍ରାତାନା କିମ୍ପୁ; ‘ଏ ଆତ୍ତା

ନୀ ଦରୁ ନେହାୟି ଇଞ୍ଜୁଁ ମାନୁଞ୍ଜି ଆପେ;

ନୀ ରାକ୍ତି ଖାପେ □

୩ ବାରେଦିନା ମାଜେ ଲଡ଼ା ଆନି ରାନ୍ଦା ହିୟାମ୍ପୁ □

୪ ମା ଦହୁ ବାରେ ମ୍ପେକ୍‌ହାମ୍ପୁ,

ଇଚିହିଁ ମାମ୍ପୁ ଜିକେଏ ମା ଦହୁ କିତାରାଇଁ ମ୍ପେକ୍‌ନମି □

ମାଜେ ପାନ୍ଦାତା ମେଡ଼ହାଆନି □’ ”

୫ ଅତ୍ତେ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ତାଣା ଆମ୍ପାଆସି ଇଲେଟି ତଟ୍‌ଣଏସି ମାନେସି, ଆମ୍ପାଆରି ତାଣା ମାଦି ଲାଆଁୟାଁ ହାଜାନା ଏଲେଇଚେସି, ‘ଏ ତଟ୍‌ଣ ନାଜେ ତାନିଗଟା ରୁଟି ହିୟାମ୍ପୁ,

୬ ଇଚିହିଁ ନା ଗତାଗାଟି ତଟ୍‌ଣଏସି ନା ତାଣା ଖାହାମାନେସି, ଏଞ୍ଜାଣାକି ତିଞ୍ଜାଲି ହାହାଲି ନା ତାଣା ଏନ୍‌ୟିଞ୍ଜା ହିଲେଏ □’

୭ ଅତ୍ତେ ବିତ୍ତାଟି ଏଲେଇଚେସି, ‘ନାଜେ କସ୍ପ ହିୟାଆନି; ଦାରା ସୁଣ୍ଡକି ଆଚେୟିଏ, ଇଞ୍ଜାଁ ନା ମୀରକା ନା ତଲେ ତୁରା ମାନେରି; ନୀନୁ ନିଜାନା ହାହାଲି ଆଡ଼ଅଁ □’

୮ ନୀନୁ ମିଜେ ଖେସିମାଞ୍ଜାଇଁ, ଏଞ୍ଜାସି ତାନି ତଟ୍‌ଣଏସି ଆହାମାନାକି ଲାଜା ପିସାନା ଅଲେ ଅଲେ ରାପ୍‌ସାକି ଏଞ୍ଜାସି ନିଜାନା ଏଞ୍ଜାଣି ଲଡ଼ାମାନି ପାଚେକା ଏଞ୍ଜାସି ଏଞ୍ଜାଣାକି ହାନେସି □”

✨ ୧୦:୩୮ ୧୦:୩୮ ଇହ ୧୧:୧

୯ ନାନୁ ଜିକେଏ ମିଙ୍ଗେ ଝେସିମାଞ୍ଜାଇଁ, ରୀହୁଦୁ ଆତିହୁଁ ମିଙ୍ଗେ ହୀପୁକିଆନେ; ପାରାଦୁ ଆତିହୁଁ ମେଡ଼ି କିଦେରି; ଦୁଝେରିତା ଝେଦୁ ଆତିହୁଁ ମିଙ୍ଗେତାକି ଦାଋ ଦେପି ଆନେ □

୧୦ ଇତିହୁଁ ଆମ୍ବାଆସି ରୀହୁନେସି ଏଝାସି ବେଟାଆନେସି; ଆମ୍ବାଆସି ପାରିନେସି ଏଝାସି ମେଡ଼ି କିନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଝାଣି ତାକି ଦାଋ ଦେପିଆନେ □

୧୧ “ଅଡ଼େ ମୀ ତାଣା ଇଲେତି ଆମିନି ଆଠା ମାନେସି, ତାନି ମୀରୁଏସି ମୀନୁ ରାସ୍ତିସାରେ ଏଝାସି ମୀନୁଡ଼ି ବାଦୁଲି ରାଡ଼ ହୀନେସି ?

୧୨ ଅଡ଼େ ଗୁଡ଼ୁ ରାସ୍ତିସାରେ ଏଝାଣାକି କାଗାକୁପି ହୀନେସି ?

୧୩ ଇଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରୁକା ମାସ୍କାକି ନେହାଁଣି ହାହିମାଞ୍ଜେରି, ଆତିହୁଁ ଆମିନି ଆଠା ଲାକପୁରୁଟି ହାହିମାଞ୍ଜାନେସି, ଏଝାସି ତାନି ତାଣା ରୀହୁନି ଲକୁକି ଏଡେ ହାଡ଼େକା ସୁଦୁଜୀଝୁ ହୀଅସି □”

ଜୀସୁ ଅଡ଼େ ପଲୁଆ ବୁଡୁ
(ମାତି ୧୨:୨୨-୩୦; ମାର୍କ ୩:୨୦-୨୭)

୧୪ ଜୀସୁ ର ପାଲି ବୁଡୁ ପେରୁହି ମାଡେସି ଏ ବୁଡୁ ଗୁଲ୍ଲା □ ବୁଡୁ ଏଝାଣି ତାଣାଟି ହଡ଼ା ହାଜାଲିଏ ଏ ଗୁଲ୍ଲା ଜଲିଡେସି; ଏମ୍ବାଟିଏ ଲକୁ ବାରେ କାବା ଆଡ଼େରି □

୧୫ *ସାମା ଏଝାରି ବିଡ଼ାଟି ଆମ୍ବା ଆମ୍ବାଆରି ଏଲେଇଡେରି, “ଏଝାସି ପଲୁଆ ବୁଡୁୟାଁ କାଜା ପେନୁ ବାଲୁଜିବୁଲୁ ବୁଡୁ ତଲେ ବୁଡୁୟାଁ ପିସ୍ପି କିହିମାନେସି □”

୧୬ *ଇଞ୍ଜା ଏଡ଼କାତାରି ଏଝାଣାଇଁ ତାୟିପାରି କିହାଲିତାକି ଏଝାଣି ତାଣାଟି ହାଗୁଟି ର ସିନା ରୀସ୍ତେରି □

୧୭ ସାମା ଏଝାସି ଏଝାରି ମନତି ଅଣପୁ ପୁଞ୍ଜାନା ଏଝାଠାଇଁ ଏଲେଇଡେସି, ଆମିନି ରାଜି ବାଗା ଆହାନା ତାନି କପାଟି ନିଜିନେ ଏଡ଼ି ନାସା ଆହାହାନେ ଇଞ୍ଜା ଇଲୁ ଲାକ ବାରେ ରିହାହାନେ □

୧୮ ଇଞ୍ଜା ସୟତାନ ବାଗା ଆହାନା ଜାହାରା କପାଟି ନିଜିନେ, ଇତିହୁଁ ତାନି ରାଜି ଏନିକଁ ତାରିଆହାନା ଡ଼ୟିନେ ? ନାନୁ ପଲୁଆ ବୁଡୁୟାଁ ବାଲୁଜିବୁଲୁ ତଲେ ବୁଡୁୟାଁ ପିସ୍ପି କିହିମାଇଁ ଇଞ୍ଜିମାଞ୍ଜେରି □

୧୯ ସାମା ନାନୁ ପଲୁଆ ବୁଡୁୟାଁ ବାଲୁଜିବୁଲୁ ତଲେ ବୁଡୁୟାଁ ପିସ୍ପି କିହିମାଇଁ, ଆତିହୁଁ ମୀ ମୀରୁକା ଆମ୍ବାଆରି ବାଡ଼ୟୁ ତଲେ ପିସ୍ପି କିନେରି ? ଇଞ୍ଜା ଏଝିଏ ମିଙ୍ଗେ ନୀହାୟି କିୟାନୁ □

୨୦ ସାମା ନାନୁ ମାହାପୁରୁ ବାଡ଼ୟୁ ତଲେ ବୁଡୁୟାଁ ପିସ୍ପି କିହିମାଇଁ ଇତିହୁଁ ମାହାପୁରୁଟି ରାଜି ମୀ ତାଣା ଏଗାଝାଡ଼େୟିଏ □

୨୧ ବାଡ଼ୟୁଗାଟି ଲକୁ ଏଡ଼େପାଡେକା ଆସ୍ତି ଆସାନା ତାନି ଗାଡ଼ାଟି ଗେଲୁପିନେସି, ଏଡ଼ିବେଲା ପାଡେକା ତାନି ଦନ ଗେଲୁପିଆହାନା ଡ଼ୟିନେ;

୨୨ ସାମା ଏଡ଼ିବେଲା ଏଝାଣି କିହାଁ ହାଡ଼େକା ବାଡ଼ୟୁଗାଟି ଲକୁ ଏଝାଣିତଲେ ଲୁକୁ କିହାନା ଜୀଣା ଆନେସି, ଏଡ଼ିବେଲା ଏଝାସି ଆମିନି ଆସ୍ତିତି ବାସ୍ତି କିହାମାଡେସି, ଏ ବାରେ ଏଝାସି ମୀଞ୍ଜା ଅନେସି, ଇଞ୍ଜା ମୀଞ୍ଜା ଅହାମାନି ଦନ ବାଟିକିହା ଅନେରି □

୨୩ *ଆମ୍ବାଆସି ନା ଝାକିଟି ଆଆଗାଗାସି ଏଝାସି ନା ସାଡୁ; ଇଞ୍ଜା ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାବା କିନାସି □

ପଲୁଆ ବୁଡୁ ଝେଣ୍ଡା ଝାନାୟି
(ମାତି ୧୨:୪୩-୪୫)

୨୪ “ର ପଲୁଆ ବୁଡୁ ର ମାଣ୍ଡସି ତାଣାଟି ହଡ଼ା ହାଜାନା ଏୟୁ ହିଲାଆ ଝାୟିତି ଚାୟୁତା ଜମାଲି ପାରିନେ, ଇଞ୍ଜା ମେଡ଼ି କିଆନା ଏଲେଇନେ, ‘ନାନୁ ଆମିନି ଇଲୁଟି ହଡ଼ା ଝାହାମାଡେସି, ଏ ଇଲୁତା ଝେଣ୍ଡା ହାଜି □’

୨୫ ଇଞ୍ଜା ଏଡ଼ି ଝେଣ୍ଡା ଝାହାନା ଏଦାଆଁ ଅଜିହୁଁ ନେହୁଁ ଆହାମାନାଣି ମେହୁନେ □

୨୬ ଏଡ଼ିବେଲା ଏଡ଼ି ହାଜାନା ତାନିକିହାଁ ହାଡ଼େକା ପଲୁଆଗାଟି ସାଡ଼ାଗଟା ବୁଡୁୟାଁ ଆସାନା ଝାନେ, ଅଡ଼େ ବାରେଜାଣା ଏମ୍ବାଆଁ ହଡ଼ାନା ବାସା କିନୁ, ଇଞ୍ଜା ଏ ମାଣ୍ଡସିତି ତଲିତି କସ୍ପି କିହାଁ ତାୟୁତି କସ୍ପି ହାଡ଼େକା ଆନେ □”

* ୧୧:୧୫ ୧୧:୧୫ ମାତି ୯:୩୫; ୧୦:୨୫ * ୧୧:୧୬ ୧୧:୧୬ ମାତି ୧୨:୩୮; ୧୬:୧; ମାର୍କ ୮:୧୧ * ୧୧:୨୩ ୧୧:୨୩ ମାର୍କ ୯:୪୦

ଆସୁଲି ରାହୁଁ

୨୭ ଜୀସୁ ଇ ବାରେ କାତା ଝେସିମାଚାଟି ଲକ୍ଷୁ ମାନ୍ଦା ବିତ୍ତାଟି ର ଇୟା କାଜା ଗିୟାଁତଲେ ଏଲେଇଚେ, “ଆମିନିଗାଟି ଇୟା ନିଜେ ଜାନ କିହାନା ପାଲୁ ଉଟ୍‌ହାତେ ଏ ଇୟା ହାଚେରକା ନେହେଁ ।”

୨୮ ସାମା ଜୀସୁ ଏଲେଇଚେସି, “ଆମ୍ବାଆରି ମାହାପୁରୁତି ବଲୁ ଝେନେରି ଅଡେ ମାନୁଝି ଆନେରି ଏଝାରାକିଦେହେଁ ନେହେଁ ।”

**ସିନା ପାରିନାୟି
(ମାତି ୧୨:୩୮-୪୨)**

୨୯ ଲକ୍ଷୁ ମାନ୍ଦା ମାନ୍ଦା ଆହାନା ଏଝାଣି ତାଣା ରୁଣ୍ଡା ଆହାଲିଏ ଜୀସୁ ଏଝାରାଇଁ ଝେସେସି, “ଇ କାଲାତି ଲକ୍ଷୁ ହାଚେରକା ଲାଗେଏତାରି; ଇଝାରି ବାରେ ସିନାୟାଁ ପାରିନେରି, ସାମା ଏଝାରାକି ଜୁନସତି ସିନା ପିସପେ ଏନି ସିନା ହୀପୁକିଆଏ ।”

୩୦ ଇଚିହଁ ଜୁନସ ଏନିକଁ ନିନିବି ଲକ୍ଷୁତାକି ର ସିନାଲେହେଁ, ମାଣସି ମୀରୁସି ଜିକେଏ ଏଲେକିହଁ ଏ ଇ ଜୁଗୁତି ଲକ୍ଷୁତାକି ଆନେସି ।

୩୧ ନୀହାୟି ଦିନାତା ସିବା ଦେସାତି ରାଣି ଇ କାଲାତି ଲକ୍ଷୁ ନକିତା ନିଚାନା ଏଝାରି କପାଟି ସାକିହାନେ, ଇଚିହଁ ଏଦି ସଲମନତି ବୁଦିତିକାତା ଝେଞ୍ଜାଲି ଦାରୁତିତି ହେକ ଦେସାଟି ଝାହାମାତେ; ମେହୁଦୁ ସଲମନକିହାଁ କାଜାସି ଇମ୍ବାଆଁ ମାନେସି ।

୩୨ ନୀହାୟି ଦିନାତା ନିନିବି ଗାଡାତି ଲକ୍ଷୁ ନିଚାନା ଏଝାରି କପାଟି ସାକି ହୀନେରି, ଇଚିହଁ ଏଝାରି ଜୁନସ ଝେସି କାତା ଝେଞ୍ଜାନା ଅଣ୍ଡା କତାନା ମନ୍ ଝେଟ୍‌ହେରି; ମେହୁଦୁ ଜୁନସକିହାଁ ହାଚେରକା କାଜାସି ଇମ୍ବାଆଁ ମାନେସି ।”

**ଆଜ୍ଞାତି ଉଜେଡ଼ି
(ମାତି ୫:୧୫; ୬:୨୨,୨୩)**

୩୩ “ଆମ୍ବାଆରି ଦୀଝିଁ ତୃସାନା ତୁଜୁନି ଚାୟୁତା କି ମାଣା ସୁକହାନା ଇଟଅରି, ସାମା ଦୀଝିଁ ସତାତା ଇଚିନେରି, ଏନିକଁ ଇଲୁ ବିତ୍ତା ଝାନ୍ତି ଲକ୍ଷୁ ଉଜେଡ଼ି ମେହୁନେରି ।”

୩୪ ମୀ କାଣକା ଆଜ୍ଞାତି ଦୀଝିଁ ଏଚେତା ମୀ କାଣକା ନେହଁ ମାନୁ ଏଚିଚେଲା ପାଚେକା ମୀ ଆଜ୍ଞା ବାରେ ଉଜେଡ଼ି ଆନେ; ସାମା ଏଚେତା ମୀ କାଣକା ନେହଁ ହିଲାଉ ଇଚିହଁ ଏଚେତା ମୀ ଗୁଡା ଆଜ୍ଞା ଜିକେଏ ଆନ୍ଦେରି ଆନେ ।

୩୫ ଇଦାଆଁତାକି ଜାଗୁତା ଏନିକଁ ମୀ ହିୟାଁତା ମାନି ଉଜେଡ଼ି ଆନ୍ଦେରି ଆଏ ।

୩୬ ଏନାଆଁତାକି ଇଚିହଁ ମୀ ଗୁଡା ଆଜ୍ଞା ବାରେ ଉଜେଡ଼ି ଆନେ ଇଞ୍ଜାଁ ଏମ୍ବାଆଁ ଏନି ଆନ୍ଦେରି ତୁୟେଏ, ଆତିହଁ ଦୀଝିଁ ଏନିକଁ ମିଜେ ତାହାଣା ଉଜେଡ଼ିତା ଉଜେଡ଼ି କିୟାନେ, ଏଲେକିହଁ ଏ ମୀ ଗୁଡା ଆଜ୍ଞା ଉଜେଡ଼ି ଆନେ ।”

**ଜୀସୁ ପାରୁସି ଅଡେ ମେରା ଜାପୁନାରାଇଁ ଦହୁ ଦହୁନାୟି
(ମାତି ୧୩:୧-୩୬; ମାର୍କ ୧୨:୩୮-୪୦)**

୩୭ ଜୀସୁ ଇ କାତା ଝେସି ତାୟୁ ର ପାରୁସି ଏଝାଣାଇଁ ତାନି ଇଜ ତିଞ୍ଜାଲି ଏଲେଇଚେସି; ଇଞ୍ଜାଁ ଏଝାସି ଇଜ ହାଜାନା ତିଞ୍ଜାଲି କୁରିଚେସି ।

୩୮ ସାମା ତିଞ୍ଜାଲି କୁରିନି ନକେଏ ଏଝାସି କେୟା କତାୟାଁ ନଚ୍‌ହା ହିଲାଆଚେସି, ଇଦାଆଁ ମେସାନା ଏ ପାରୁସି କାବା ଆଚେସି ।

୩୯ ଏଚେଟିଏ ପ୍ରୁ ଏଝାଣାଇଁ ଏଲେଇଚେସି, “ମୀ ପାରୁସିୟାଁତେରି ଗିନାୟାଁ ଅଡେ ସାଡ଼ଝାୟାଁ ପାଜ୍ଞାତା ନରୁହି ମାଞ୍ଜେରି, ସାମା ମୀ ବିତ୍ତା ଜୁପୁକା ଅଡେ ଲାଗେଏତାୟି ନେଞ୍ଜାମାନେ ।”

୪୦ ଆଡେ ବୁଦି ହିଲାଆଗାଚାଚେରି, ଆମ୍ବାଆସି ପାଜ୍ଞାତାଣି ଗାଡ଼ିକିଚେସି, ଏଝାସି ବିତ୍ତାତାଣି ଜିକେଏ ଗାଡ଼ି କିହାହିଲଅସି କି ?

୪୧ ସାମା ମୀ ସାଡ଼ଝାୟାଁ ଅଡେ ଗିନାୟାଁଣା ମାନାଣି ହିଲାଆ ଗାଗାରାକି ହୀତିହଁ ମିଜେତାକି ବାରେଏ ଅଡ଼ହାୟି ଆନେ ।”

☆ ୧୧:୨୯ ୧୧:୨୯ ମାତି ୧୫:୪; ମାର୍କ ୮:୧୭ ☆ ୧୧:୩୩ ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୭

୪୨ ଯାମା ଆୟତା ତଣ୍ଡ ପାଣ୍ଡନି ପାରୁସିୟାଁତେରି, ଇଚିହିଁ ମୀରୁ ହାର୍ସ୍, ରାୟି ଇଞ୍ଜା ବାରେ କୁଚାତି ଦସ ବାଗାଚି ର ବାଗା ହୀହିମାଞ୍ଜେରି, ସାମା ନୀହାଁୟିତା ଅଡ଼େ ମାହାପୁରୁତି ଜୀଞ୍ଜୁ ନନ୍ତି ତାଣା ଅଣ୍ଡପି ହିଲଅତେରି; ସାମା ଇ ବାରେ ମାନଞ୍ଜି ଆହାନା ଏଟକାତାଣି ହେଲା ଆନାୟି ହିଲେଏ ।

୪୩ “ଆୟତା ତଣ୍ଡ ପାଣ୍ଡନି ପାରୁସିୟାଁତେରି, ଇଚିହିଁ ମୀରୁ ମାହାପୁରୁ ଇଲୁତା କାଜା ଟାୟୁ ଇଞ୍ଜା ହାଟା ବାଜାରାତା ଜହରା ବେଟାଆହାଲି ନେହେଁ ଅଣ୍ଡପିଦେରି ।

୪୪ ଆୟତା ମୀରୁ ତଣ୍ଡ ବେଟା ଆନାତେରି, ଇଚିହିଁ ମୀରୁ ତଞ୍ଜା ଆଆଗାଚି ମାଡ଼ହା ମୁହନି ଟାୟୁଲେହେଁ ତାତେରି; ଇଚିହିଁ ପୁନାଆନା ଲକୁ ଲାକ ତାକି ମାନେରି ।”

୪୫ ଏତେଟିଏ ମସାତି ମେରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନୀନୁ ଏଲେଇଞ୍ଜି ମାଜେ ଲାଜା କିହିମାଞ୍ଜାଦି ।”

୪୬ ଜୀସୁ ଏଲେଇଚେସି, ଆୟତା ମସାତି ମେରା ପୁନାତେରି ମୀରୁ, ମୀରୁ ଜିକେଏ ତଣ୍ଡ ବେଟାଆଦେରି, ଇଚିହିଁ ମୀରୁ ମାଣସିୟାଁ ଲାକ ବଜୁଗାଚି କାସ୍ତାକା ଏକହି ମାଞ୍ଜେରି ଅଡ଼େ ଏ ବଜୁତି ମୀରୁ ର ଖାଞ୍ଜୁ ତଲେ ଜିକେଏ ତାଗଅତେରି ।

୪୭ ଆୟତା ତଣ୍ଡ ବେଟା ଆନାତେରି ମୀରୁ ମାହାପୁରୁ ଅଣ୍ଡପୁତି ବଲୁ ଖେହନାରାଇଁ ପାୟାନା ଏଞ୍ଜାରି ମାଡ଼ହା ମୁହନି ଟାୟୁ ତିୟାରା କିହିମାଞ୍ଜେରି ।

୪୮ ଇଚିହିଁ ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଞ୍ଜେରି ଇଞ୍ଜା ଏଞ୍ଜାରିଲେହେଁ ଆହିମାଞ୍ଜେରି; ଇଚିହିଁ ଏଞ୍ଜାରିସାଁ ଏଞ୍ଜାରାଇଁ ପାୟାନାତେରି, ସାମା ମୀରୁ ଏଞ୍ଜାରି ମୁହନି ଟାୟୁତି କାତିୟାଁ ନିପ୍ହି ମାଞ୍ଜେରି ।

୪୯ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଞ୍ଜା ମାନେସି, ନାନୁ ଏଞ୍ଜାରି ନକିତା ମାହାପୁରୁ ଅଣ୍ଡପୁତି ବଲୁ ଖେହନାରାଇଁ ଅଡ଼େ ପାଣ୍ଡଞ୍ଜି ଆହାମାନାରାଇଁ ପାଣ୍ଡଞ୍ଜି; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିନେରି ଇଞ୍ଜା ନିନ୍ଦା କିନେରି,

୫୦ ଇ ଜୁଗୁତି ଲକୁ ଦାରତି ଗାଡ଼ି ଆଡ଼ି ନକେଏଟିଏ ବାରେ ମାହାପୁରୁ ଅଣ୍ଡପୁତି ବଲୁ ଖେହନାରାଇଁ ପାୟିତାକି ତଣ୍ଡ ବେଟାଆନେରି,

୫୧ ଏନିକିଁ ହେବଲାଇଁ ପାୟିତି ଦିନାଟିଏ ଜିକରିୟ ପାତେକା ଆମ୍ବାଆରାଇଁ ମାହାପୁରୁ ଇଲୁତି ଡାକିନି ପିଣ୍ଡା ଅଡ଼େ ସୁଦୁ ବାକ୍ତା ମାଦିଏ ପାୟୁଞ୍ଜି ଆହାମାଟେ । ହାଅ, ନାନୁ ମିଜେ ସାତା ଖେସିମାଞ୍ଜାଇଁ, ଏଦାନି ବାଦୁଲି ଇ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆନେରି ।

୫୨ ଆୟତା ତଣ୍ଡ ପାଣ୍ଡନି ମେରା ପୁନାତେରି ମୀରୁ, ଇଚିହିଁ ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହତି ହିଲଅତେରି ସାମା ହଡାଲି ଅଣ୍ଡପି ମାନାରାଇଁ ଆଂରିମାଞ୍ଜେରି ।

୫୩ ଜୀସୁ ଏ ଇଜତି ହାଜାଲିଏ ପାରୁସିୟାଁ ଅଡ଼େ ମେରାପୁନାରି ହାରେକା ତାହାରା ଆହାନା ।

୫୪ ଏଞ୍ଜାଣି ଜଲିନି ହାଡାତା ଦହ ଆସାଲି ଏଞ୍ଜାଣାଇଁ ହାରେକା କାତା ଖେଚେରି ।

୧୨

କୁଚୁ ଗାଟାରି ତାଣାଚି ଜାଗ୍ରାତା (ମାତି ୧୦:୨୬,୨୭)

୧ *ଏଚିବେଲାତା ମାଣା ମାଣା ଲକୁ ରୁଣ୍ଡା ଆହାନା ଖିସ୍ପି ଆହିମାଟେରି; ଏଚିବେଲା ଏଞ୍ଜାସି ନକେଏ ତାନି ସୀସୁୟାଁ ଏଲେଇଚେସି, ପାରୁସିୟାଁ ଲାଗେଏଚି କୁଚୁଗାଚି ତାଣାଚି ଜାଗ୍ରାତା ଆହାନା ମାଞ୍ଜୁ ।

୨ *ସାମା ଏନାୟି ତଞ୍ଜା ଆଏ, ଇଲେକିଁ ପୁପ୍ତି ଆହା ହିଲେଏ, ଅଡ଼େ ଏନାୟି ପୁନାଆରେଟୁ ଇଲେକିଁ ତୁଗୁମାନାୟି ଏନାୟି ହିଲେଏ ।

୩ ଇଚିହିଁ ମୀରୁ ଏନା ଏନାଆଁ ଆନେରିତା ଖେସାମାଞ୍ଜେରି, ଏ ବାରେ ଉଜେଡ଼ିତା ଖେଣ୍ଡିଆନେ, ଏନା ଏନାଆଁ ପୁନାଆ ରେଟୁ ଇଲୁ ବିତ୍ରା ତୁଗୁନା ଖେସାମାଞ୍ଜେରି, ଏନାଆଁ ଇଲୁ ତୁଡ଼ିୟାତା ଖେପ୍ତିକି ଆନେ ।

ଆମ୍ବାଆରାଇଁ ଆଜିନାୟି (ମାତି ୧୦:୨୮-୩୧)

* ୧୨:୧ ୧୨:୧ ମାତି ୧୨:୨; ମାର୍କ ୮:୧୫ * ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭

୪ ଇତିହାସି ନା ତତ୍ତ୍ଵୋପାଦେରି ମୀରୁ, ନାନୁ ମିଜେ ଝେସିମାଞ୍ଜାଇଁ, “ଆମ୍ବାଆରି ଆଜାତି ପାୟିନେରି ସାମା ତାୟୁ ଏନାଆଁ କିହାଲି ଆଡ଼ଅରି, ଏଞ୍ଜାରାଇଁ ଆଜାଆଦୁ □

୫ ସାମା ଆମ୍ବାଆରାଇଁ ଆଜିଦେରି ଏନାଆଁ ମିଜେ ଝେସ୍ତାଇଁ; ପାୟିତି ଜେଡ ହିତୁ ଗାଡ଼ୁତୁତା ମେଡ଼ହାଲି ଆମ୍ବାଆରି ଅଦିକାରା ମାନେ, ଏଞ୍ଜାଣାଇଁ ଆଜାଦୁ; ହାଅ ନାନୁ ମିଜେ ସାତା ଝେସିମାଞ୍ଜାଇଁ, ଏଞ୍ଜାଣାଇଁ ଆଜାଦୁ □”

୬ ପାସାଗଟା ଜେତା ପଟାୟି ରୀ କାନ୍ତି ତାକି ପାରୁପି ଆରୁ କି ? ଆଡ଼ିଜିକେଏ ଏଞ୍ଜାସିକା ବିଦ୍ରାଟି ରଣ୍ଡାଣି ଜିକେଏ ମାହାପୁରୁ ବାଣା ଆଅସି □

୭ ସାମା ମୀ ତାୟୁଁ ତୁ ବାରେ ବାଣାୟି ଜିକେଏ ଏଜିକିଝି ଆହାମାନୁ □ ଆଜା ଆଦୁ; ଏନାଆଁତାକି ଇତିହାସି ମୀରୁ ଜେତା ପଟାୟି କିହାଁ ହାଡ଼େକା ଦାରା ଗାଟାତେରି □

ଲକୁ ନକିତା ଜାସୁଇଁ ଝେକନାୟି
(ମାତି ୧୦:୩୨,୩୩; ୧୨:୩୨; ୧୦:୧୯-୨୦)

୮ “ଅଡ଼େ, ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ଲକୁ ନକିତା ନାଜେ ଝେକହାନେସି, ମାଣସି ମୀରୁଏସି ଜିକେଏ ମାହାପୁରୁତି ଦୁତୁୟି ନକିତା ଝେକନେସି □

୯ ସାମା ଆମ୍ବାଆସି ଲକୁ ନକିତା ନାଜେ ଝେକହଅସି, ଏଞ୍ଜାଣାଇଁ ଜିକେଏ ମାହାପୁରୁ ଦୁତୁୟି ନକିତା ଝେକଅସି □

୧୦ *ଇଞ୍ଜା ଆମ୍ବାଆସି ମାଣସି ମୀରୁଏଣା କପାଟି ଜଲିନେସି, ଏଞ୍ଜାଣି ପାପୁ ମେଣ୍ଡଜିନେ; ସାମା ଆମ୍ବାଆସି ସୁଦୁଜାସୁ କପାଟି ନିନ୍ଦା କାତା ଜଲିନେସି, ଏଞ୍ଜାଣି ପାପୁ ମେଣ୍ଡଜେଏ □

୧୧ *ଏରିବେଲା ଏଞ୍ଜାରି ମିଜେ ଜାହୁଦି ଲକୁତି କୁଟମି ଇଲକାଣା*, ସାଲୁଝି କିନାରି ତାଣା ଇଞ୍ଜା ଅଦିକାରା ବେଟା ଆହାମାନାରି ତାଣା ଅହାନା ନିପହାନେରି ଏରିବେଲା ନା ଝାକିଟି ଆହାନା ଏନା ଏନାଆଁ ଜଲିନମି ଇଞ୍ଜା ଅଣପାଆଦୁ;

୧୨ ଇତିହାସି ଏନାଆଁ ଜଲିନାୟି ମାନେ, ଏଦାଣି ଏରିବେଲାତେଏ ସୁଦୁଜାସୁ ମିଜେ ଜାପହାନେ □”

ବୁଦି ହିଲାଆ ଦନ ଗାଟାସି

୧୩ ଲକୁ ମାନ୍ଦା ବିଦ୍ରାଟି ରଅସି ଜାସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାତି ଦନ ବାଡ଼ି କିହାଲି ଏଲେଇଞ୍ଜା ହିୟାମୁ □

୧୪ ସାମା ଜାସୁ ଏଲେଇଚେସି, ଏ ତାୟି ଆମ୍ବାଆସି ନାଜେ ମୀ ମୁହେଁ ନାହାଁୟି କିହାଲି ମାଦି କିହାନା ଆଟାମାଞ୍ଜାନେସି ?

୧୫ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, ଜାଗ୍ରାତା, ବାରେଝାକିତି ଜୁପକାଟି ମିଜେ ଗେଲପିକିହା କତାଦୁ, ଇତିହାସି ର ମାଣସିତି ଜାସୁ ତାନି ଦନତି ବାସୁଁ କିନେ □

୧୬ ଜାସୁ ଏଞ୍ଜାରାଇଁ ଇ ପୁଣ୍ଡିକିନି କାତା ଝେସ୍ତେସି, “ର ସାସୁକାରିକି ବୁମିତା ଗାତି ତାସା କାମ୍ବିତେ □

୧୭ ଏମ୍ବାଟିଏ ଏଞ୍ଜାସି ମନ ମନତା ଅଣପାନା ଏଲେଇଚେସି, ‘ନାନୁ ନାଏଁ ଏନାଆଁ କିଇଁ ? ନା ଆନାଁ କୁଡ଼ି କିହାନା ଇଟାଲି ଟାୟୁ ହିଲେଏ □’

୧୮ ଅଡ଼େ ଏଲେଇଚେସି; ‘ନାଏଁ ଇଲେ କିଇଁ ମାନି ଗାଡ଼େୟିକା ରିକହାନା କାଜାଆଁ କିହାନା ଏମ୍ବାଆଁ ଗହଁୟି ଇଞ୍ଜା ଏନି ଏନି ଆନାଁ କୁଡ଼ି କିହାନା ଇଟିଇଁ,

୧୯ ଅଡ଼େ ନା ଜାସୁତି ଏଲେଇଇଁ, ଏ ଜାସୁ, ହାରେକା ବାର୍ଦା ତାକି ନିଜେ ତାକି ଗାତି ଆନାଁ କୁଡ଼ି କିଝିଆହାମାନେ, ନୀଏଟି ଜମାନା ମନକିତି ଲେହେଁ ତିଞ୍ଜା ଉଣ୍ଡାନା ରହାଁ କିମୁ □’

୨୦ ସାମା ମାହାପୁରୁ ଏଞ୍ଜାଣାଇଁ ଏଲେଇଚେସି, ଆଡ଼େ ବୁଦି ହିଲାଆଗାଟାଟି, ନୀଞ୍ଜୁ ଲାଆଁୟି ନୀ ଜାସୁ ନୀ ତାଣାଟି ଅଝିଆନେ; ଏଚେଟିଏ ନୀନୁ କୁଡ଼ିକିହା ଇଟାମାନି ବାରେ ଦନ ଆମ୍ବାଆରାଝାୟି ଆନେ □”

୨୧ ଜାସୁ ଏଲେଇଚେସି, “ଆମ୍ବାଆସି ତାଜେତାକି ଦନ କୁଡ଼ି କିନେସି, ସାମା ମାହାପୁରୁ ତାଣା ଦନଗାଟାସି ଆଅସି, ଏଞ୍ଜାସି ଇଞ୍ଜାଣି ଲେହେଁତାସି □”

ଅଣପାଆଦୁ
(ମାତି ୬:୨୫-୩୪)

* ୧୨:୧୦ ୧୨:୧୦ ମାତି ୧୨:୩୨; ମାର୍କ ୩:୨୯ * ୧୨:୧୧ ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫ * ୧୨:୧୧ ୧୨:୧୧ ସିନଗରୁ

୨୨ ଜୀମୁ ତାନି ସାପ୍ତାୟାଣି ଏଲେଇଚେସି, ଇଦାଆଁତାକି ମିଜେ ଝେସିମାଞ୍ଜାଇଁ, ଏନାଆଁ ତିନାୟି, ଇଲେକିମିମି ମୀ ଜୀମୁତାକି, ଏନାଆଁ ତୁରନାୟି ଇଲେକିମିମି ମୀ ଆଞ୍ଜା ତାକି ଜିକେଏ ମୀରୁ ଅଣ୍ଠାଆଦୁ □

୨୩ ଇଚିହିଁ ରାନ୍ନା କିହାଁ ଜୀମୁ କାଜାୟି ଅଡ଼େ ହିମ୍ବୁରିକା କିହାଁ ଆଞ୍ଜା କାଜାୟି □

୨୪ ପଟାୟାଣି ସିନିକିଦୁ, ଏଞ୍ଜି ମାଟାଉ କି ଦାଡ଼, ଇଞ୍ଜା ଏଞ୍ଜାସିକା ଗାଡ଼େୟିକା ହିଲାଇ, ଅଡ଼େ ମାହାପୁରୁ ଏଞ୍ଜାସିକାକି ତିନି କାଡ଼ି ହାନେସି; ମୀରୁ ପଟାୟାଁ କିହାଁ ଏଚେକା କାଜାତେରି □

୨୫ ଅଡ଼େ ମୀ ବିତ୍ରାତି ଆମ୍ବାଆତେରି ଅଣ୍ଠି ଅଣ୍ଠିହିଁ ମୀ ଜୀମୁତି ଆଗାଡ଼ା ପାତିକିହାଲି ଆଡ଼ିଦେରି ?

୨୬ ମୀରୁ ର ଉଣା କାମାତି କିହାଲି ଆଡ଼ିହିଲଅତେରି, ଆତିହିଁ ଏଟକାତି କାତା ଏନାଆଁତାକି ଗାଡ଼ି ଅଣ୍ଠିମାଞ୍ଜେରି ?

୨୭ ଜାଡ଼ାତି ପୂଞ୍ଜାଣି ସିନିକିହାଁ ଅଣ୍ଠାପାଦୁ, ଏଞ୍ଜି ଏନି କାମା କିଉ; ଆଡ଼ିଜିକେଏ ନାନୁ ମିଜେ ଝେସିମାଞ୍ଜାଇଁ, ସଲମନକି ବାରେ ଅଡ଼ିତାୟି ମାଚିହିଁ ଜିକେଏ ଏଞ୍ଜାଣାକି ଇ ପୂଞ୍ଜା ଏଚେକା ଅଡ଼ିତି ହିମ୍ବୁରିକା ହିଲାଇଦୁ □

୨୮ ଆମିନି ଜାଡ଼ା ନୀଞ୍ଜୁ ମାନେ, ଝିଏ ଝାୟା ହାନେ ଅଡ଼େ ହଲୁଡା ହୁଡ଼କିଆନେ, ମାହାପୁରୁ ଏ ଜାଡ଼ାତି ଇଲେତି ଝାଣା ହାନେସି, ଏନାଆଁ ଏଞ୍ଜାସି ମିଜେ ହିମ୍ବୁରିକା ପଡ଼ଝି କିୟଅସି ? ମୀ ନାମୁ ଏଚେକା ଉଣା □

୨୯ ଏଦାଆଁତାକି ଏନାଆଁ ତିନାୟି ଏନାଆଁ ଗହନାୟି, ଏଦାଆଁ ମୀରୁ ପାରିହିଁ ରେଆଦୁ କି ଅଣ୍ଠାଆଦୁ,

୩୦ ଇଚିହିଁ ଦାରୁତି ଜୀହୁଦିଆଆତାରି ଏ ବାରେ ପାରିହିଁ ରେନେରି; ସାମା ଇ ବାରେ ମୀ ଲଡ଼ାମାନେ ଏଦାଆଁ ମୀ ଲାକପୁରୁତି ଆବା ପୁଞ୍ଜାମାନେସି □

୩୧ ମୀରୁ ମାହାପୁରୁତି ରାଜି ପାରାଦୁ, ଆତିହିଁ ଇ ବାରେ ମିଜେ ହୀପକିଆନେ □

ଲାକପୁରୁତି ଦନ
(ମାତି ୬:୧୯-୨୧)

୩୨ ଏ ଉଣା ମେଣ୍ଡାୟାଁ ମାନ୍ଦାତେରି ଆଜାଆଦୁ, ଇଚିହିଁ ମିଜେ ଏ ରାଜିତି ହୀହାଲି ମୀ ଲାକପୁରୁତି ଆବାକି ଏଚେକା ରାହାଁ □

୩୩ ମୀରୁ ମୀ ଦନତି ପାର୍ତାନା ହିଲାଇ ଗାଟାରାକି ହୀଦୁ; ମୀରୁ ମିଜେତାକି ଇଲେତି ବଟ୍ଝା କେପାଦୁ; ଇଚିହିଁ ଏମିୟା ସରୁ ଝାଅସି ଅଡ଼େ ଲାମୁ ତିନେଏ ଇଲେତି ଲାକପୁରୁ ଦନ କୁଡ଼ି କିଦୁ,

୩୪ ଇଚିହିଁ ଆମିୟା ଦନ ଏମ୍ବେଏ ଜିକେଏ ମୀ ମନ ମାଞ୍ଜେମାନେ □

ଜାଗ୍ରାତା ହଢ଼େଲଏସି

୩୫ * ମୀ ଚେଡେଲି ଦସା କତାନା ମାଞ୍ଜୁ ଅଡ଼େ ମୀ ଦୀଞ୍ଜାୟାଁ ଡ଼ାଞ୍ଜିହିଁ ମାଣ୍ଡା;

୩୬ * ଅଡ଼େ ପ୍ରବୁ ବୀହା ଇଜ ହାଜାନା ଝେଣ୍ଡା ଝାନ୍ନାଟି ଏଞ୍ଜାଣାଇଁ ଦାରା ଦେନମିଝା ଇଞ୍ଜା କାଟାମାନାରି, ମୀରୁ ଜିକେଏ ଏଞ୍ଜାରିଲେହେଁ କାଟାହାଁ ମାଞ୍ଜୁ □

୩୭ ପ୍ରବୁ ଝାହାନା ଆମିନି ହଲିୟାଞ୍ଜାଣି ଜାଗ୍ରାତା ମାନାଣି ମେହୁନେସି, ଏଞ୍ଜାରି ନେହେଁ; ନାନୁ ମିଜେ ସାତା ଝେସିମାଞ୍ଜାଇଁ, ଏଞ୍ଜାସି ତାନି ଚେଡେଲି ରୁପାନା ଏଞ୍ଜାରାଇଁ ତିଞ୍ଜାଲି କୁଗି କିହାଁ ତାଗେ ହାଜାନା ସେବା କିନେସି □

୩୮ ଅଡ଼େ ଏଞ୍ଜାସି ମାଦି ଲାଆଁୟାଁ କି ଝେୟା ନେକେରିତା ଜିକେଏ ଝାହାନା ଏଞ୍ଜାରାଇଁ ଏଲେକିମି କାଟାମାନାଣି ମେହୁନେସି ଏ ହଲିୟାଞ୍ଜା ନେହେଁ □

୩୯ * ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲାତା ସରୁ ଝାନ୍ନେସି, ଇଦାଆଁ ଇଲୁଗାଟାସି ପୁଡ଼ିହିଁ ଏଞ୍ଜାସି ତାନି କୁଡ଼ୁ ତୁଡ଼ହାଲି ହୀଆତେସିମା □

୪୦ ମୀରୁ ଜିକେଏ ଜାଗ୍ରାତା ଆହାନା ମାଞ୍ଜୁ, ଇଚିହିଁ ମୀରୁ ଆମିନି ବେଲାତା ଅଣ୍ଠା ହିଲଅତେରି, ଏଚିବେଲାତା ମାଣ୍ଡାସି ମୀରୁଏସି ଝାନ୍ନେସି □”

ଟିକାଣା ହିଲାଇଆଗାଟି ହଢ଼େଲଏସି
(ମାତି ୨୪:୪୫-୫୧)

୪୧ ଏଚେଟିଏ ପିତର ଏଲେଇଚେସି, “ଏ ପ୍ରବୁ ନାନୁ ପୁଣ୍ଡିକିନି କାତା ମାଞ୍ଜେ କି ବାରେତାକି ଝେସିମାଞ୍ଜୁ ?”

* ୧୨:୩୫ ୧୨:୩୫ ମାତି ୨୫:୧-୧୩ * ୧୨:୩୬ ୧୨:୩୬ ମାତି ୧୩:୩୪-୩୬ * ୧୨:୩୯ ୧୨:୩୯ ମାତି ୨୪:୪୩,୪୪

୪୨ ପ୍ରଭୁ ଏଲେଇଚେସି, “ସାଧୁକାରି ତାନି ଇଲୁଡ଼ି ଲକ୍ଷ୍ମତାକି ତାନି ରାନ୍ଦା କାଟୁତା ରାନ୍ଦା ହାହାଲି ତାନି ଗୁମ୍ଫା ପାଣା ହେରପିନେସି, ଇଲେଡ଼ି ଚିକାଣାଗାଟି ଅଡ଼େ ବୁଦିଗାଟି ହଢ଼ଲଏସି ଆମ୍ବାଆସି ?”

୪୩ ପ୍ରଭୁ ଖାହାନା ତାନି ଆମିନି ହଢ଼ଲଏଣାଇଁ ଏଲେ କିହିମାନାଣି ମେହନେସି ଏଝାସି ନେହେଁ □

୪୪ ନାନୁ ମିଜେ ସାତା ଝେସିମାଞ୍ଜାଇଁ, ଏଝାସି ଏଝାଣାଇଁ ତାନି ବାରେ ଦନ୍ତତି ମୁହେଁ ଗୁମ୍ଫା କିହା ଇଚିନେସି □

୪୫ ସାମା ଏ ହଢ଼ଲଏସି ନା ସାଧୁକାରି ଝାନାୟି ମାନେୟିଏ ଇଞ୍ଜିଁ ମନ୍ତତା ଅଣ୍ଢାପାନା ହଲିୟାଙ୍ଗା ହଢ଼ଲଣିସିକାଣି ଝେଚାଲି ଇଞ୍ଜିଁ ତିଞ୍ଜି ଉଣ୍ଡିହଁ କାଡ଼ ହୁଚାଲି ମାଟ୍ଟନେସି,

୪୬ ଆତିହଁ ଏମିନି ଦିନା ହଢ଼ଲଏସି କାଡ଼ାହିଲଅସି ଇଞ୍ଜିଁ ଏମିନି ବେଲା ଏଝାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରଭୁ ଝାନେସି, ଇଞ୍ଜିଁ ଏଝାସି ଏଝାଣାଇଁ ରା ବାଗା କିହାନା ନାମୁ ହିଲଆଗାଗାଟି ତଲେ ଏଝାଣାଇଁ କାଲୁନେସି □

୪୭ ଅଡ଼େ ଆମିନି ହଢ଼ଲଏସି ତାନି ସାଧୁକାରିତି ମନ୍ ଅଣ୍ଢାପାନା ଜାଗ୍ରାତା ଆଅସି କି ଏଝାଣି ମନ୍ତତଲେ କାମା କିଅସି, ଏଝାସି ଗାତି ମାଡ଼ା ବେଟା ଆନେସି;

୪୮ ସାମା ଆମ୍ବାଆସି ପୁନାଆନା ମାଡ଼ା ପାଣି କାମା କିନେସି, ଏଝାସି ଉଣା ମାଡ଼ା ବେଟା ଆନେସି □ ଆମ୍ବାଆରାକି ଗାତି ହାପୁକି ଆହାମାନେ, ଏଝାଣି ତାଣାଟି ହାରେକା ରାହାନାୟି ମାନେ; ଇଞ୍ଜିଁ ଲକ୍ଷୁ ଆମ୍ବାଆରାକି ଗାତି ହାହାମାନେରି ଏଝାଣି ତାଣାଟି ହାରେକା ଆଗାଡ଼ା ରାହନେରି □

ଜାସୁ ଲକ୍ଷୁଣି ବାଗା କିଝିକିନାୟି
(ମାତି ୧୦:୩୪-୩୬)

୪୯ “ନାନୁ ଇ ଦାରତିତା ହିରୁ ପ୍ରଡ଼ହାଲି ଝାହାମାଇଁ, ଇଦି ନୀର୍ବୁ ଗୁଡୁ ଆହିମାନେ ଆତିହଁ ନାଜେ ଏନ୍ ଅଣ୍ଢପୁ ?

୫୦ ସାମା ନାନୁ ର ବାପ୍ତିସ୍ମା ପାଣନାୟି ମାନେ, ଅଡ଼େ ଏନ୍ ରାଆ ପାତେକା ନାଜେ ଏଚେକା କସ୍ତ ହଡ଼ି ମାଞ୍ଜାନେ □

୫୧ ନାନୁ ଦାରତିତା ହିଡ଼ି ହାହାଲି ଝାହାମାଇଁ ଇଞ୍ଜିଁ ମୀରୁ ଅଣ୍ଢପମାଞ୍ଜେରି ? ନାନୁ ମିଜେ ଝେସିମାଞ୍ଜାଇଁ, ଆଏ, ବାଗା କିହାଲି ଝାହାମାଇଁ □

୫୨ ଇତିହଁ ର ଇଜ ପାସାଜାଣା ମାନେରି, ରିଆରି କପାଟି ତାନିଜାଣା ଅଡ଼େ ତାନିଜାଣା କପାଟି ରିଆରି ଏଟ୍ଟକା ଆନେରି □

୫୩ ମୀରୁଏଣା କପାଟି ତାଞ୍ଜି, ତାଞ୍ଜି କପାଟି ମୀରୁଏସି, ମାଙ୍ଗା କପାଟି ତାଲି, ତାଲି କପାଟି ମାଙ୍ଗା, କୁଡ଼ିୟାନି କପାଟି ପୟା, ଅଡ଼େ ପୟା କପାଟି କୁଡ଼ିୟା ଏଟ୍ଟକା ଆନୁ □”

କାଲ୍ଲାତି ପୁନାୟି
(ମାତି ୧୨:୨,୩)

୫୪ ଇଞ୍ଜିଁ ଏଝାସି ଲକ୍ଷୁଣି ଜିକେଏ ଏଲେଇଚେସି, “ଝେଡ଼ା କୁଡ଼ନିଝାକି ହାଗୁ ନିଜି ମାନାଣି ମେସିସାରେ ଦେବୁଣିଏ ଏଲେଇଞ୍ଜେରି ପିୟୁ ଝାନେ, ଅଡ଼େ ଏଲେକିହଁ ଏ ଆନେ;

୫୫ ଅଡ଼େ ଚିଷିନି ଝାକିଟି ଗାଲି ଝେନାଣି ମେସିସାରେ ମୀରୁ ଏଲେଇଞ୍ଜେରି, ଗାତି କାରା ଆନେ, ଅଡ଼େ ଏଲେଏ ଆନେ □

୫୬ ଆଡ଼େ କୁହୁ ଗାଟାତେରି, ମୀରୁ ଦାରତି ଅଡ଼େ ହାଗୁଡ଼ି ସିନାୟି ପୁଞ୍ଜିମାଞ୍ଜେରି, ସାମା ଇ କାଲ୍ଲାତି ସିନାୟି ଏନ୍ଲେହେଁତାଜ ପୁଞ୍ଜି ହିଲଅତେରି ?”

ଗଡ଼ହା ଆଡ଼ାଣି ତଲେ ଆଣ୍ଡିନାୟି
(ମାତି ୫:୨୫,୨୬)

୫୭ ଏନାଆଁ କିନାୟିମାନେ ଇଞ୍ଜିଁ ମୀରୁ ଏନାଆଁତାକି ମୀ ବିତ୍ତା ନୀହାୟି କିହିହିଲଅତେରି ?

୫୮ ଇତିହଁ ମୀ ଗଡ଼ହା ଆଡ଼ାଣି ତଲେ ନୀହାୟି କିନାଣି ତାଣା ହାନିବେଲାତା ଜିରୁତେଏ କାଲ୍ଝିଆନ୍ତି ଉପେୟି ଅଣ୍ଢାମା, ଏଲାଆଆତିହଁ ଏଝାସି ନିଜେ ଅଡ଼େ ଝେଣେ ନୀହାୟି କିନାଣି ତାଣା ରେଜା ଅୟାନେସି, ଅଡ଼େ ନୀହାୟି କିନାସି କସ୍ତକା କେୟୁତା ହେରପାନେସି, ଅଡ଼େ କସ୍ତକା ନିଜେ କାୟିଦି ଇଲୁତା ଇଟାନେରି □

☆ ୧୨:୫୦ ୧୨:୫୦ ମାର୍କ ୧୦:୩୮ † ୧୨:୫୦ ୧୨:୫୦ ମୁଞ୍ଜିନାୟି

୫୯ ନାନୁ ମିଙ୍ଗେ ୱେସିମାଞ୍ଜାଇଁ, “ମୀରୁ ର କାନ୍ତି ଜିକେଏ ପିହୁଆନାହା ହାତିହୁଁଦେଁ ଏମ୍ବାଟି ହଡ଼ା ଖାହାଲି ଆଡ଼ିଦେରି □”

୧୩

ମନ୍ ଝେଟ୍‌ଆତିହୁଁ ନାସା ଆନାୟି

୧ ଏଟିବେଲାତା ଏରେକା ଲକ୍ଷୁ ଖାହାନା, ପିଲାତ ଏମିନି ଗାଲିଲି ଲକ୍ଷୁତି ନେତେରି ଏଞ୍ଜାରି ପୂଜା ତଲେ ଆଟ୍‌ହାମାରେସି, ଏ କାତା ଜୀସୁଇଁ ୱେସ୍ତେରି □

୨ ଏମ୍ବାଟିଏ ଜୀସୁ ଏଞ୍ଜାରିଇଁ ଏଲେଇରେସି, “ଏ ଗାଲିଲିତାରି ତଣ୍ଡ ବେଟାଆହାଲିଏ ଏଞ୍ଜାରି ଅର ଗାଲିଲିତାରି କିହାଁ ହାରେକା ପାପୁ ଗାଟାରି ଇଞ୍ଜୁଁ ମୀରୁ ଅଣ୍‌ପିମାଞ୍ଜେରି ?

୩ ନାନୁ ମିଙ୍ଗେ ୱେସିମାଞ୍ଜାଇଁ, ଏଲେକିଁ ଆଏ, ସାମା ମୀରୁ ମନ୍ ଝେଟ୍‌ଆତିହୁଁ ବାରେ ଜାଣାତେରି ଏଞ୍ଜାରିଲେହେଁ ହାଦେରି □

୪ ସିଲହଡା ଆମିନି ଅଟ୍‌ର ଜାଣାତି ଲାକ ପାତାଆଡ଼ି କଟା ଇଲୁ ରିହାନା ହାଡେରି, ଏଞ୍ଜାରି ବାରେଜାଣା ଜିରୁସାଲମତି ଲକ୍ଷୁ କିହାଁ ହାରେକା ପାପୁ ଗାଟାରି ଇଞ୍ଜୁଁ ମୀରୁ ଅଣ୍‌ପିମାଞ୍ଜେରି ?

୫ ନାନୁ ମିଙ୍ଗେ ୱେସିମାଞ୍ଜାଇଁ, ଏଲେକିଁ ଆଏ, ମୀରୁ ମନ୍ ଝେଟ୍‌ଆତିହୁଁ ବାରେଜାଣା ତେରି ଏଲେକିହୁଁଏ ନାସା ଆଦେରି □”

ପାଡ଼େୟି ଆୟାଆଗାଟି ତୟା ମାରୁନୁ

୬ ଜୀସୁ ଇ ପୁଣ୍ଡିକିନି କାତା ୱେସ୍ତେସି, ରଅଣି ଅଲୁରି ବାଡ଼ାତା ର ତୟା ମାରୁନୁ ଉହି ଆହାମାରେ □ ଏଞ୍ଜାସି ଖାହାନା ପାଡ଼େୟି ପାରିତେସି ସାମା ମେଡ଼ିକିଆତେସି □

୭ ଇଞ୍ଜାଁ ଏଞ୍ଜାସି କାମା କିନାଣାଇଁ ଏଲେଇରେସି, “ମେହ୍‌ମୁ ନାନୁ ତାନି ବାର୍ଯ୍ୟା ଆଡ଼େୟି ଇ ତୟା ମାରୁନୁତା ଖାହାନା ପାଡ଼େୟି ପାରିମାଇଁ, ସାମା ମେଡ଼ିକିହି ହିଲଅଁ; ଏଦାଣି ଚୁଣ୍ଡା ତୁହ୍‌ମୁ, ଇଦି ଏନାଆଁତାକି ବୁମିତି ପାଡ଼ିୟା କିନେ ?”

୮ ସାମା କାମାକିନାସି ଏଲେଇରେସି, “ପ୍ରବୁ ଇଦି ଇୟନା ତାକି ମାଣ୍‌ମେ, ନାନୁ ଇଦାଣି ସାରିସୁଟୁ କାରୁହାନା ଗାତା ହାଲି,

୯ ଅଡ଼େ ତାୟୁ ପାଡ଼େୟି ଆୟିତିହୁଁ ନେହେଁ ଆୟାଆତିହୁଁ ଏଦାଣି ଚୁଣ୍ଡା ତୁହ୍‌ମୁ □”

ଜୀସୁ ଜମିନି ଦିନା ର ଚୁଡ଼ୁଞ୍ଜା ଇୟାନି ନେହୁଁକିନାୟି

୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକ୍ଷୁତି କୁଟମି ଇଲୁତା* ଜାପୁହି ମାରେସି □

୧୧ ଏମ୍ବାଆଁ ର ଇୟା ମାରେ, ଏଦି ଅଟ୍‌ର ବାର୍ଯ୍ୟା ପାତେକା ପଲୁଆ ବୁଡୁ ତଲେ କସ୍ତୁ ଆହିମାରେ, ଏଦି ଚୁଡ଼ୁଞ୍ଜା ଆହାନା ସଲକେ ଆହୁଁ ତାକାଲି ଆଡ଼ିହିଲାଆତେ □

୧୨ ଜୀସୁ ଏଦାନି ମେସାନା ତାଗେ ହାଟାନା ଏଲେଇରେସି, “ଏ ଇୟା ନାନୁ ନୀ ଆଡ଼ାଆ କସ୍ତୁଟି ନେହୁଁ ଆଡ଼ି □”

୧୩ ଅଡ଼େ ଏଞ୍ଜାସି ଏଦାନିଲେକ କେୟୁ ଇଟିତେସି, ଏମ୍ବାଟିଏ ଏଦି ଏ ଦେବୁଣିଏ ସଲକେ ଆହାନା ମାହାପୁରୁତି ଜହରା କିତେ □

୧୪ ସାମା ଜୀସୁ ଜମିନି ଦିନାତା ନେହୁଁ କିହିମାତାକି ଜୀହୁଦି ଲକ୍ଷୁତି କୁଟମି ଇଲୁତି† କାଜାସି କାରୁଦି ଆହାନା ଲକ୍ଷୁଣି ଏଲେଇରେସି, “କାମା କିହାଲି ସ ଦିନା ମିଙ୍ଗେ ମାନେ; ଏଦାଣିତାକି ସ ଦିନା ନେହୁଁ ଆହାଲି ଖାପୁ, ଜମିନି ଦିନାତା ଖାଆପୁ □”

୧୫ ସାମା ପ୍ରବୁ ଏଞ୍ଜାଣାଇଁ ଏଲେଇରେସି, “ଆଡ଼େ କୁଟୁ ଗାଟାତେରି, ମୀରୁ ବାରେଜାଣା ତେରି ଜମିନି ଦିନାତା ମୀ କଡ଼ି କି ଗାଡ଼ଦେଡ଼ି ହାଃଅଲାଟି ଅହାନା ଏୟୁ ଉଟ୍‌ହି ହିଲଅତେରି କି ?

୧୬ ଅଟ୍‌ର ବାର୍ଯ୍ୟା ପାତେକା ସୟତାନ ତାଣାଟି ଦସ୍‌ପି ଆହାମାନି ଅବୁହାମ କୁଡ଼ାତି ଇ ଇୟାନି ଜମିନି ଦିନାତା ନେହୁଁକିନାୟି ହିଲଆତେ କି ?”

୧୭ ଏଞ୍ଜାସି ଇ ବାରେ କାତା ୱେସାଲିଏ, ତାନି ସାଡୁୟାଁ ବାରେ ଲାଜା ବେଟାଆଡ଼େରି, ସାମା ଜୀସୁ କିହାମାନି କାମା ମେସାନା ଲକ୍ଷୁ ରାହାଁ ଆଡ଼େରି □

* ୧୩:୧୦ ୧୩:୧୦ ସିନଗଲ † ୧୩:୧୪ ୧୩:୧୪ ସିନଗଲ

ହାର୍ସ ପାଡ଼େଇ

(ମାତି ୧୩:୩୧,୩୨; ମାର୍କ ୪:୩୦-୩୨)

୧୮ ଜୀସୁ ଏଲେଇଚେସି, “ମାହାପୁରୁ ରାଜି ଏନିଲେହେତାୟି ? ଆମ୍ବାରିତଲେ ଏଦାନି ତୁକ୍‌ଇ ?

୧୯ ଏଦି ଇଲେତି ର ହାର୍ସ ପାଡ଼େଇ ଲେହେ, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି, ଅଡ଼େ ଏଦି ପାଡ଼ାଆହାନା ର ମାରୁନୁ ଆଡ଼େ, ଅଡ଼େ ହାଗୁ ଲାକ ଉସିନି ପଗାୟାଁ ଖାହାନା ଏ କମାତା ବାସା କିତୁ
□”

ପୁଲାଏମୁ

(ମାତି ୧୩:୩୩)

୨୦ ଜୀସୁ ଅଡ଼େ ଏଲେଇଚେସି, “ନାନୁ ଆମ୍ବାରିତଲେ ମାହାପୁରୁତି ରାଜି ତୁକ୍‌ଇ ?

୨୧ ଏଦି ପୁଲା ଏମୁଲେହେତାୟି, ର ଇୟା ତାନିମାଣା ଗୁଣ୍ଡାତା କାଲହା ଇଟିତେ, ତାମୁ ବାରେ ଗୁଣ୍ଡା ପୁଲା ଆଡ଼େ □”

ଜାକଣି ଦୁଖେରି

(ମାତି ୭:୧୩,୧୪,୨୧-୨୩)

୨୨ ତାମୁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହେଁ ଜାପୁହିହେଁ ଜିରୁସାଲମ ଖାକି ହାଜିମାଚେସି □

୨୩ ରଅସି ଏଞ୍ଜାଣାଇଁ ଖେଚେସି, “ପ୍ରବୁ ଗେଲୁପି ଆନାରି ଖାଉଇ ଇଚରା ଜାଣାକି ?”

ଜୀସୁ ଏଞ୍ଜାରାଇଁ ଏଲେଇଚେସି,

୨୪ “ଜୀସୁ ତୁସାନା ଜାକଣି ଦୁଖେରିତି ହାଜୁ; ଇତିହେଁ ନାନୁ ମିଜେ ଖେସିମାଞ୍ଜାଇଁ, ହାରେକା ହଡ଼ାଲି ଅଣପିନେରି, ସାମା ହଡ଼ାଲି ଆଡ଼ୁଅରି □

୨୫ ଇଲୁଗାଗାସି ନିଜ୍ଜାନା ଦାରା ସୁଣ୍ଡିତି ତାମୁ ଏଚେତା ମୀରୁ ପାଙ୍ଗାତା ନିଗାନା ଦାରା ତୀ ତୀ ଖେଚିହେଁ ‘ଏ ପ୍ରବୁ ମାଙ୍ଗେତାକି ଦାରା ଦେତାମୁ’ ଇଞ୍ଜେଁ ହାଡ଼ିଦେରି, ଏଚେତା ଏଞ୍ଜାସି ମିଜେ ଏଲେଇଞ୍ଜାନେସି, ‘ମୀରୁ ଏମିତାତେରି ନାନୁ ପୁଞ୍ଜାମାଞ୍ଜଅଁ’ □

୨୬ ଏଚିବେଲା ମୀରୁ ଏଲେଇଞ୍ଜେରି, ‘ଏ ପ୍ରବୁ ମାମୁନୀ ତଲେ ତିତା ଉଗାତମି, ଅଡ଼େ ନାନୁ ମା ଆଂଗେଣିକାଣା ଜାପୁହିମାଞ୍ଜାତି □’

୨୭ ଅଡ଼େ ଏଞ୍ଜାସି ମିଜେ ଏଲେଇଞ୍ଜାନେସି, ‘ମୀରୁ ଆମିନି ଚାୟୁତି ଲକୁତେରି ନାନୁ ପୁଞ୍ଜାମାଞ୍ଜଅଁ; ଏ ଲାଗେଏ ପଚେଲଏ ତାତେରି ନା ତାଣାଟି ହେକ ଆତୁ □’

୨୮ ✠ଏଚିବେଲା ମୀରୁ ଅବ୍ରାହାମ, ଇସାହାକ, ଜାକ୍‌ବ ଇଞ୍ଜା ବାରେ ମାହାପୁରୁ ଅଣପୁତି ବଲୁ ଖେହନାରାଇଁ ମାହାପୁରୁ ରାଜିତା ମାନାଣି ଅଡ଼େ ମିଜେ ପାଙ୍ଗାତା କୁତା ମାଞ୍ଜାନାଣି ଅଣପାନା ପାଲକା ଗଟି କିହେଁ ତୀଦେରି □

୨୯ ଅଡ଼େ ହାରେକା ଲକୁ ଖେଡ଼ା ହପୁ ଖାକିଟି ଅଡ଼େ ଖେଡ଼ା କୁଡ଼ିନି ଖାକିଟି, ଚିଃନି ଖାକିଟି ଚେବୁ ଖାକିଟି ଖାହାନା ମାହାପୁରୁତି ରାଜିତି ବଜିତା କୁଟିନେରି □

୩୦ ✠ଅଡ଼େ ମେହଦୁ ତାମୁ ମାନି କଚେକା ନକିତା ଆନେରି ଅଡ଼େ ନକିତା ମାନି କଚେକା ତାମୁ ଆନେରି □”

ଜୀସୁ ଜିରୁସାଲମତି ଜୀଞ୍ଜନନାୟି

(ମାତି ୨୩:୩୭-୩୯)

୩୧ ଏଚିବେଲାତେଏ ଏଚରଜାଣା ପାଉସିୟାଁ ଖାହାନା ଜୀସୁଇଁ ଖେସ୍ତେରି, “ନାନୁ ଇ ଚାୟୁ ପିସାନା ହାଜାତୁହମୁ ଏନାଆଁତାକି ଇଚିହେଁ ହେରଦ ନିଜେ ପାୟାଲି ଅଣପିମାନେସି □”

୩୨ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ହାଜାନା ଏ ନାକାଇଁ ଖେହଦୁ, ‘ମେହମୁ ନାନୁ ନୀଞ୍ଜୁ ଅଡ଼େ ଓଏ ବୁଡୁୟାଁ ପିସପି କିହିମାଇଁ ଅଡ଼େ ନେହେଁ କିହିମାଇଁ ଇଞ୍ଜା ତାନି ଦିନାଟିଏ ନା କାମା ରାପୁଇଁ □’

୩୩ ଏନିଜିକେଏ ନୀଞ୍ଜୁ ଓଏ ଅଡ଼େ ମାଏଁ ନାଙ୍ଗେ ତାକିହେଁ ହାଜାଲି ଆନେ, ଇଚିହେଁ ମାହାପୁରୁ ଅଣପୁତି ବଲୁ ଖେହନାସି ଜିରୁସାଲମ ପିସପେ ପାଙ୍ଗାତା ହାନାୟି ନେହେଁ ଆଏ □”

✠ ୧୩:୨୮ ୧୩:୨୮ ମାତି ୨୨:୧୩; ୨୫:୩୦ ✠ ୧୩:୨୮ ୧୩:୨୮ ମାତି ୮:୧୧,୧୨ ✠ ୧୩:୩୦ ୧୩:୩୦ ମାତି ୧୯:୩୦; ୨୦:୧୭; ମାର୍କ ୧୦:୩୧

୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣପୁତ୍ର ବଲ୍ଲୁ ଖେଦନାରାଜ୍ଞ ପାୟିନାତି ଅଡ଼େ ନୀ ତାଣା ପାଣ୍ଡୁ ଆହାମାନାରାଜ୍ଞ ଖାଲୁକାତଲେ ଖେନାତି, ତାଲି କମ୍ପୁ ଏନିକି ତାନି ହୀପାୟାଣି ତାନି ମାରାୟା ତୁଲ ଜଳିନେ, ଏଲେକି ଏଚର ଦେବା ନୀ ପଦି ପଦାତି ପୁକ୍ତହାନା ଇଚିକ୍ଞି ଇଞ୍ଜି ଅଣ୍ଡାପିମାଚେଏ ସାମା ମୀରୁ ଏଲେକିହାଲି ହିୟାଆତେରି □

୩୫ ମେହ୍‌ଦୁ ମୀ ଇଲୁ ମୀ କେମ୍ପୁତା ହୀପୁକି ଆହିମାଞ୍ଜାନେ; ଅଡ଼େ ନାନୁ ମିଙ୍ଗେ ଏଲେକିଞ୍ଜିମାଞ୍ଜାଇଁ ମାହାପୁରୁ ଦରୁଚି ଆମ୍ବାଆସି ଖାହିମାନେସି ଏଞ୍ଜାସି ନେହାସି ଇଞ୍ଜି ଏନିନ ନେଚୁ ଇ କାତା ଏଲେକିଞ୍ଜେରି ଏ ଦିନା ଖାଆ ପାତେକା ମୀରୁ ଅଡ଼େ ନାଙ୍ଗେ ମେସୁଅତେରି □”

୧୪

ଜୀସୁ ରଚା ଗାଟାଣାଇଁ ନେହଁକିନାୟି

୧ ଜୀସୁ ର ଜମିନି ଦିନା ରାୟା ତିଞ୍ଜାଲି ପାରୁସିୟା ବିତ୍ରାତି ର କାଜାଣି ଇଜ ହଡାଲିଏ ଏଞ୍ଜାରି ଏଞ୍ଜାଣାଇଁ ଦହ୍ ଦସାଲି ପରୁହି ମାଚେରି □

୨ ଅଡ଼େ ମେହ୍‌ଦୁ ଏଞ୍ଜାଣି ନକିତା କେସ୍ତା କତାୟା ପଂଗିତାସି ରଅସି ମାଚେସି □

୩ ଏମ୍ବାଟିଏ ଜୀସୁ ମସାତି ମୋରାପୁନାରି ଅଡ଼େ ପାରୁସିୟାକ୍ଞ ଏଲେକିଚେସି, “ଜମିନି ଦିନାତା ରଅଣାଇଁ ନେହଁକିନି ମୋରା ମାନେକି ଆଏ ?”

୪ ଏମ୍ବାଟିଏ ବାରେକାଣା ପାଲେଏ ଅଡ଼େଚି □ ଇଞ୍ଜା ଜୀସୁ ଏଞ୍ଜାଣାଇଁ ତୀଗାହାଁ ନେହଁ କିହାନା ମୀ ଇଜ ହାଲାନୁ ଇଞ୍ଜି ହେଲ ହୀତେସି □

୫ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେକିଚେସି, “ମୀ ବିତ୍ରାତି ଆମ୍ବାଆସି ମୀରୁଏସି କି କଡ଼ି ଜମିନି ଦିନାତା କୁହିତା ରିତିହଁ ଏ ଦେବୁଣିଏ ଡେଞ୍ଜା କଡ଼ଅସି କି ?”

୬ ଅଡ଼େ ଏଞ୍ଜାରି ଇ ବାରେ କାତା ଖେଞ୍ଜାନା ଏନାଆଁ ଜଲାଇଁ ଆଡାଆତେରି □

ସେବା କିନାୟି ଅଡ଼େ ତାମଙ୍ଗେ ଉଣା କିହା କଡିନାୟି

୭ ବଜିତା ହାଟୁକି ଆହାମାଚାରି ନେହଁ ନେହଁ ଚାୟୁତା କୁଗାଲି ବାଚି କିହିମାଚାଣି ମେସାନା, ଏଞ୍ଜାରାଇଁ ର ପୁଣ୍ଡାମିକିନି କାତା ଖେସ୍ତେସି,

୮ “ଏଚିବେଲ୍ଲା ରଅସି ମିଙ୍ଗେ ବାହା ବଜିତା ହାଟାଚେସି, ଏମ୍ବାଆଁ ନେହଁ ଚାୟୁତା କୁଗାଆଦୁ, ଇଚିହଁ ଏମ୍ବାଆଁ ମୀ କିହାଁ କାଜାସି ଜିକେଏ ହାଟୁକି ଆହାଡ଼ୟିନେସି,

୯ ଏଚେତା ନିଙ୍ଗେ ଅଡ଼େ ଏଞ୍ଜାଣାଇଁ ହାଟା ମାନାସି, ଏଞ୍ଜାସି ଖାହାନା ଇଞ୍ଜାଣାକି ଇ ଚାୟୁ ପିସାହୀମୁ ଇଞ୍ଜାନେସି, ଏଚେତା ନୀନୁ ଲାଜାତଲେ ଉଣା ଚାୟୁତା କୁଚିଦି □

୧୦ ସାମା ଏଚିବେଲ୍ଲା ନୀନୁ ହାଟୁକି ଆହାମାନି ତାଣା ହାଜାନା ତୁଇତି ଚାୟୁତା କୁଗାମୁ, ଏଚେଚିଏ ନିଙ୍ଗେ ହାଟି କିହାମାଞ୍ଜାନାସି, ଏ ଚେଣେ ନୀନୁ ଇ ନେହଁ ଚାୟୁତା କୁଗାମୁ ଇଞ୍ଜି ହାଟାସାରେ ଏଚିବେଲ୍ଲା କୁଡା ଆହାମାନି ଲକୁ ନକିତା ଗାତି ମାନି ବେଟାଆଦି □

୧୧ ଇଚିହଁ ଆମ୍ବାଆସି ନାନୁ କାଜାତେଏଁ ଇଞ୍ଜି ଇଞ୍ଜା କଡିନାଣାଇଁ ଉଣା କିଞ୍ଜିଆଚେ, ଅଡ଼େ ଆମ୍ବାଆସି ତାଙ୍ଗେ ଉଣା କିହାକଡିନେସି ଏଞ୍ଜାଣାଇଁ କାଜାସି କିଞ୍ଜିଆଚେ □”

୧୨ ଇଞ୍ଜା ଜୀସୁ ତାଙ୍ଗେ ହାଟି କିହା ମାଚାଣାଇଁ ଜିକେଏ ଏଲେକିଚେସି, “ନୀନୁ ବଜି ହୀନାତି ନୀ ଚେଣେସିଙ୍ଗାଣି, ତାୟିୟା, ସାମାଦିୟା କି ନୀ ନାୟୁତା ମାନି ଦନ ଗାଟାରାଇଁ ହାଟାଆନି, ଇଚିହଁ ଏଞ୍ଜାରି ଜିକେଏ ନିଙ୍ଗେ ହାଟାଲି ଆଡାଚେରି ଅଡ଼େ ନୀନୁ ଖେଣ୍ଡେ ବେଟାଆଦି □

୧୩ ସାମା ବଜି କିଡିସାରେ ହିଲ୍ଲାଆ ଗାଟାରି, କଲ୍ଲାୟା, ସଚାୟା, କାଣାୟାଣି ହାଟାମୁ; ଆଚିହଁ ନୀନୁ ନେହାତି ଆଦି,

୧୪ ଆଚିହଁ ନିଙ୍ଗେତାକି ନେହେଁ, ଇଚିହଁ ନିଙ୍ଗେ ଖେଣ୍ଡେ ହାହାଲି ଏଞ୍ଜାରିତାଣା ଏନାୟି ହିଲେଏ; ଇଞ୍ଜା ତାରିଗାଟାରି ଖେଣ୍ଡେ ନିଙ୍ଗନାଟି ମାହାପୁରୁ ନିଙ୍ଗେ ଖେଣ୍ଡେ ହିୟାନେସି □”

କାଜା ବଜିତି ପୁଣ୍ଡାମିକିନାୟି
(ମାତି ୨୨:୧-୧୦)

୧୫ ଇ କାତା ୱେଞ୍ଜାନା ଏଝାଣିତଲେ ତିଞ୍ଜାଲି କୁଗାମାଚାରି ବିତ୍ରାଟି ରଥସି ଜୀସୁଇଁ ଏଲେଇଚେସି, “ଆମିନିଗାଗାସି ମାହାପୁରୁ ରାଜିତା ବକ୍ତି ତିନାସି ଏଝାସି ନେହୁଁସି □”

୧୬ ସାମା ଜୀସୁ ଏଝାଣାଇଁ ଏଲେଇଚେସି, “ରଥସି ର କାଜା ବକ୍ତି ଲକୁକି ହାଇଁ ଇଞ୍ଜୁଁ ଅଣ୍ଟାପାନା ହାରେକା ଲକୁଇଁ ହାଟିଚେସି;

୧୭ ଅଡ଼େ ତିନି କାଟୁ ଆୟାଲିଏ, ଏଝାସି ହାଟାମାନି ଲକୁତାଣା ତାନି ହଲେଏଣାଇଁ ପାଣ୍ଡାନା ଏଲେଇଚେସି, ‘ବାରେ ଆଡ଼େୟିଏ ନାଏଟି ମୀରୁ ତିଞ୍ଜାଲି ଝାବୁ □’

୧୮ ସାମା ବାରେଜାଣା ଏଝାଣାଇଁ ରଣ୍ଡିଏ କାତା ଏଲେଇଚେରେ, ରଥସି ୱେସ୍ତେସି, ‘ନାନୁ ଇଚାଣି ବୃମି କତାମାଇଁ ଏଦାଆଁ ସିନକିହାଲି ହାନାୟିମାନେ; ଏଦାଆଁତାକି ନାଜେ କାର୍ମା ଅଣ୍ଟାପାନୁ ନାନୁ ଝାହାଲି ଆଡ଼ଅଁ □’

୧୯ ଅଡ଼େ ରଥସି ଏଲେଇଚେସି, ‘ନାନୁ ପାସା ହେରୁ କଡ଼ିୟାଁ କତାମାଇଁ, ନାନୁ ଏଝାସିକାଣି ମାଟୁନାୟି ମାନେ ଏଦାଣିତାକି ନାଜେ କାର୍ମା ଅଣ୍ଟାପାନୁ ନାନୁ ଝାହାଲି ଆଡ଼ଅଁ □’

୨୦ ଅଡ଼େ ରଥସି ଏଲେଇଚେସି, ‘ନାନୁ ନୀଞ୍ଜୁ ବାହା ଆହାମାଇଁ ଏଦାଆଁତାକି ନାନୁ ଝାହାଲି ଆଡ଼ଅଁ □’

୨୧ ଇଞ୍ଜାଁ ଏ ହଲେଏସି ଝାହାନା ବାରେ ତାନି ସାଝୁକାରିଇଁ ୱେସ୍ତେସି □ ଏଚେଟିଏ ଏ କାତା ୱେଞ୍ଜାନା ଏଝାସି କାରବି ଆହାନା ତାନି ହଲେଏଣାଇଁ ଏଲେଇଚେସି, ନାନୁ ତବେ ଗାଡ଼ାତି ସାହ୍‌ଡାୟାଁ ଅଡ଼େ ତାଣ୍ଡେଣାଁ ହାଜାନା ହିଲାଆଗାଟାରାଇଁ, କଲାୟାଇଁ, ସଟାୟାଇଁ ଇଞ୍ଜାଁ କାଣାୟାଇଁ ଇମ୍ପାଆଁ ହାଟାଟାମୁ □

୨୨ ତାୟୁ ଏ ହଲେଏସି ଏଲେଇଚେସି, ‘ଏ ପ୍ରୁ ନୀ କାତାତଲେ ବାରେ କିତମି ସାମା ଇଲୁ ନେଞ୍ଜା ହିଲେଏ □’

୨୩ ଏମ୍ପାଟିଏ ସାଝୁକାରି ହଲେଏଣାଇଁ ଗାଣ୍ଡିଚେସି, ‘କାଜା ଆଂଗେଣି ଅଡ଼େ ମାଟୁରୁ ତୁଇ ହାଜାନା ନା ଇଲୁ ଏନିକଁ ନେଞ୍ଜିନେ ଏଦାଆଁତାକି ଲକୁଣି ଝାହାଲି ଏଲେଇନାମୁ □

୨୪ ନାନୁ ୱେସିମାଞ୍ଜାଇଁ ତଲି ହାଟାମାଚାରି ବିତ୍ରାଟି ରଥସି ଜିକେଏ ନା ବକ୍ତି ଝାଣ୍ଡାଲି ବେଟାଆଅସି □”

ଏନିଲେହେଁତାସି ଜୀସୁତି ସୀସୁ ଆନ୍ଦନସି
(ମାତି ୧୦:୩୭,୩୮)

୨୫ ମାନ୍ଦା ଲକୁ ଜୀସୁତଲେ ହାଜିମାଚେରି, ଏଝାସି ତାୟୁଝାକି ସିନକିହାନା ଏଝାରେଇଁ ଏଲେଇଚେସି,

୨୬ *“ଆମ୍ପାଆସି ନା ତାଣା ଝାହାନା ତାନି ତାଲି, ତାଞ୍ଜି, ତକ୍ତି, ମୀଟକା, ମାସ୍କା, ତାୟି ତାଜିସ୍ପାଣି ଅଡ଼େ ତାନି ଜୀସୁତି ଜିକେଏ ଅଦିନେସି ଏଝାସି ନା ସୀସୁ ଆୟାଲି ଆଡ଼ଅସି □

୨୭ *ଆମ୍ପାଆସି ତାନି କ୍ରସ ଡେକାନା ନା ଡେଟ ଡେଟ ଝାଅସି, ଏଝାସି ନା ସୀସୁ ଆୟାଲି ଆଡ଼ଅସି □

୨୮ ମୀ ବିତ୍ରାଟି ଆମ୍ପାଆସି ପାତିକିହଁ କଟା ଇଲୁ ଦସାଲି ଅଣ୍ଟାପାନେସି, ଦହନି କାର୍ମା ରାପୁହାଲି ଟାକାୟାଁ ଏନୁ କି ଏର ଇଞ୍ଜିହଁ ଏମ୍ପାଟି ଲେକା କିଅସିକି ?

୨୯ ଏଚେତା ଏଝାସି ପୁନାଦି ନିପୁହାନା ରାପୁହାଲି ଆଡ଼ାଆସାରେ, ଏଚେକା ଲକୁ ଏଦାଆଁ ମେହ୍‌ନେରି, ବାରେଜାଣା ଏଝାଣାଇଁ କାକ୍‌ନେରି,

୩୦ ଲକୁ ଏଝାଣାଇଁ ଲାଜାକିହଁ ଏଲେଇନେରି, ଇଝାସି ଇଲୁ ଦସାଲି ମାଟୁହେସି ରାପୁହାଲି ଆଡ଼ାଆଚେସି □

୩୧ ର ରାଜା ଅର ରାଜା କପାଟି ଜୁଜୁ କିହାଲି ହାଜିମାନାଟି ଦସ ମାଣା କସ୍କା ଏଝାଣି କଡ଼େ ମାଣା କସ୍କା କପାଟି ଜୁଜୁ କିହାଲି ଆଡ଼ନେରିକି ଆଏ ଇଞ୍ଜୁଁ ଅଣ୍ଟାପଅସିକି ?

୩୨ ଆଡ଼ାଆଲେହେଁ ଇତିହଁ ଏ ରାଜା ହେକ ମାନାଟିଏ ଏଝାସି ରାଜିମାନା ଆୟାଲି କସ୍କାଣି ହିଡ଼ିଡ଼ି ତାକି ଏଲେଇଞ୍ଜା ପାଣ୍ଡିନେସି □

୩୩ ଏଲେକିହଁ ଏ ମୀ ବିତ୍ରାଟି ଜିକେଏ ଆମ୍ପାଆସି ତାନି ବାରେ ପିହ୍‌ଆତିହଁ ଏଝାସି ନା ସୀସୁ ଆୟାଲି ଆଡ଼ଅସି □”

ମୁଆ ହାରୁ
(ମାତି ୫:୧୩; ମାର୍କ ୯:୫୦)

୩୪ “ହାରୁତ ନେହାୟି; ସାମା ହାରୁ ମୁଆସାରେ ଏଦାଆଁ ଏନିକଁ ଅଡ଼େ ଏନାଆଁତଲେ ହାରୁ ଲେହେଁ ମୁପି କିନାୟି ?

* ୧୪:୨୭ ୧୪:୨୭ ମାତି ୧୦:୩୭ * ୧୪:୨୭ ୧୪:୨୭ ମାତି ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩

୩୫ ଏହି ବୁଦ୍ଧିତା କି ଗାତା କହୁତା କୁହୁଯାଲି ଜିକେଏ ଜଗେ ଆଏ □ ଲକ୍ଷ୍ମ ଏଦାନି ପାଙ୍ଗାତା କୁତା କୁହୁନେରି □ ଆମ୍ବାଆରି ଖେଞ୍ଜାଲି କୀର୍କା ମାଚିହୁଁ, ଖେଞ୍ଜୁ □”

୧୫

ଜାଜିତି ମେଣ୍ଡା (ମାତି ୧୮:୧୨-୧୪)

୧୧ *ର ଦିନା ସିସୁ ରୁଆହନାରି ଅଡ଼େ ପାପୁ ଗାଗାରି ବାରେଜାଣା ତାନି କାତା ଖେଞ୍ଜାଲି ଖାହିମାଚେରି □

୧୨ ଏଚେଟିଏ ପାରୁସିୟା ଅଡ଼େ ମେରାପୁନାରି ଜୀସୁଇଁ ଗୁରୁମୁରୁ ଆହୁଁ ଏଲେଇଚେରି, “ଇଝାସି ପାପୁ ଗାଗାରାଇଁ ଆବିମାନେସି, ଇଞ୍ଜା ଏଝାରିତଲେ ତିଞ୍ଜି ଉଣ୍ଠି ମାନେସି □”

୩ ଏମ୍ବାଟିଏ ଜୀସୁ ଏଝାରାଇଁ ଇ ପୁଣ୍ଡିକିନି କାତା ଖେସେସି □

୪ “ମୀ ବିତ୍ରାତି ଆମ୍ବାଆଚେରି ଇଲେତି ଲକ୍ଷ୍ମ ମାଞ୍ଜେରି, ଏଝାଣାକି ପାସାକଡ଼ି ମେଣ୍ଡାୟାଁ ମାଚିହୁଁ, ଏଝାସିକା ବିତ୍ରାତି ରଣ୍ଠି ଜାଜିତିହୁଁ ଏଝାସି ଏନାଆଁ କିନେସି, ରଣ୍ଠି ଉଣା ପାସାକଡ଼ି ମେଣ୍ଡାୟାଁ ବାଗାତା ପିସାନା ଜାଙ୍ଗାମାନି ମେଣ୍ଡା ବେଗାଆନ୍ତି ପାତେକା ପାରଅସି କି ?

୫ ଇଞ୍ଜା ବେଗାଆଡ଼ିସାରେ ରାହାଁତଲେ ଡେକାନା ଇଜ ତାନେସି,

୬ ଇଞ୍ଜା ତାନି ତଣ୍ଡେସିଜାଣି ଅଡ଼େ ନାୟୁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହାଁ କିଦୁ, ଏନାଆଁତାକି ଇଚିହୁଁ ଜାଙ୍ଗାମାତି ନା ମେଣ୍ଡା ବେଗାଆଡେଅଁ □

୭ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହୁଁ ଏ ମନ୍ ଖେଟହାଲି ଲଡ଼ା ଆଆଗାତି ରଅସି ଉଣା ପାସାକଡ଼ି ଡାରିଗାଗାରି କିହାଁ ପାପୁ ଗାଗାସି ରଅସି ତାନି ମନ୍ ଖେଟହା କଡ଼ିତିହୁଁ, ଏଝାଣି କସମି ଲାକପୁରୁ ହାଚେରକା ରାହାଁ ଆନେ □”

ଜାଜିତି ଟାକା

୮ “ଅଡ଼େ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଠି ଟାକା ମାଚିହୁଁ ରଣ୍ଠାଆଁ ଜାକ୍‌ହିହୁଁ ଏଡ଼ି ଏନାଆଁ କିନେ, ଦୀର୍ଝି ଡ଼ସାନା ଇଲୁ ହେପାନା ଏ ଜାକ୍‌ହି ଟାକା ବେଗାଆନ୍ତି ପାତେକା ଜାଡ଼ନୁ ତଲେ ପାରେଏକି ?

୯ ଇଞ୍ଜାହାଁ ଏ ଟାକା ବେଗାଆଡ଼ିସାରେ ଏଡ଼ି ତାନି ତଡ଼ୁ ଲକ୍ଷ୍ମଣି ଇଞ୍ଜା ନାସକାତି ଲକ୍ଷ୍ମଣି ରୁଣ୍ଠି କିହାନା ଏଲେଇନେ ନା ତଲେ ରାହାଁ କିଦୁ, ଏନାଆଁତାକି ଇଚିହୁଁ ଜାକ୍‌ହାମାତି ଟାକା ବେଗାଆଡେଅଁ □

୧୦ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହୁଁ ଆମ୍ବାଆସି ମନ୍ ଖେଟନେସି, ଇଲେତି ପାପୁ ଗାଗାରାକି ମାହାପୁରୁତି ଦୁଡୁୟାଁ ନକିତା ରାହାଁ ଆନେ □”

ଜାଜିତି ମାର୍‌ଏସି

୧୧ ଜୀସୁ ଅଡ଼େ ଏଲେଇଚେସି, ରଅଣାକି ରିଆରି ମୀରୁକା ମାଚେରି □

୧୨ ଏଝାରି ବିତ୍ରାତି ଉଣା ମାର୍‌ଏସି ଆବାଇଁ ଏଲେଇଚେସି, ଆବା ଇଲୁତି ଦନ୍ ବାଡ଼ି କିହାନା ନାଜେ ଆୟାନି ବାଟା ହିୟାମୁ □ ଏଚେଟିଏ ତାନି ଆବା ତାନି ଦନ୍ ବାଡ଼ି କିହାନା ରୀ ମୀରୁକାକି ହୀଚେସି □

୧୩ ଏମ୍ବାଟିଏ ଏଚରଦିନା ହାଜାଲିଏ ଇତି ମୀରୁଏସି ଇଲୁ ବାଟା ହୀହାମାଟାଣି ପାରଗାହାଁ ଟାକାୟାଁ ଆସାହାଁ ହେକରାକି ହାଜାଡୁସେସି, ଇଞ୍ଜା ଲେନିପନିଏ ତାୟୁ ଏକି ଅଣ୍ଡାପାଆନା ଲାଗେଏତି କାମାତା ତାନି ଦନ୍ ରାପୁହେସି □

୧୪ ସାମା ବାରେ ଦନ୍ ରାପୁହି ଜେଟ ଏ ଦେସାତା କାର୍‌ଖୁ କାତାରା ଆହାଲିଏ ଏଝାସି କାକୁଲି ଆଡେସି □

୧୫ ଏଚେଟିଏ ଏଝାସି ହାଜାନା ଏ ଦେସାତି ର ସାଧୁକାରି ତାଣା ଗତି ଡ଼ୟିଚେସି, ଏଝାସି ଏଝାଣାକି ପାଜିୟାଁ ମେଗାଲି ଗୁଡ଼ିୟାତା ପାଣ୍ଠିଚେସି;

୧୬ ଇଞ୍ଜା ପାଜିୟାଁ ଆମିନି କାଙ୍ଗା ସାଲିୟାଁ ତିଞ୍ଜି ମୀରୁ, ଏଝାଆଁ ତିଞ୍ଜାଲି ମନ୍ କିଚେସି, ସାମା ଆମ୍ବାଆରି ଏଝାଣାକି ତିଞ୍ଜାଲି ହୀହି ହିଲ୍‌ଆଚେରି □

୧୭ ର ଦିନା ତୀରପୁ ଆହାନା ଅଣ୍ଡିଚେସି, ମା ଆବା ତାଣାତି ଗତି ବୁତି ତିନି ରାଡ଼େଏ ହାଚା ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାହିମାଇଁ □

୧୮ ନାନୁ ନିଜ୍ଞାନା ମା ଆବା ତାଣା ହାଇଁ ଇଞ୍ଜା ଏଞ୍ଜାଣାଇଁ ଖେହ୍‌ଇଁ, “ଲାଇପୁରୁତି ଆବା କପାଟି ଅଡ଼େ ନୀ ନକିତା ନାନୁ ପାପୁ କିତେଏଁ;

୧୯ ନୀ ମୀରୁଏଣାତେଏଁ ଇଞ୍ଜା ନାନୁ ଅଡ଼େ ପାଡ଼ା ଆଅଁ; ନାଜେ ର ହରେଲଏଣା ଲେହେଁ ଇଟାମୁଁ” ଏମ୍ବାଟିଏ ଏଞ୍ଜାସି ନିଜ୍ଞାନା ତାମି ଆବା ଖାକି ହାରେସି

୨୦ ସାମା ଆବା ତାନି ମୀରୁଏଣା ଖାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହଁ ହାଜାନା ପମାହାଁ ନଶ୍ୱିତେସି

୨୧ ଏମ୍ବାଟିଏ ମୀରୁଏ ଗାଗାସି ଏଲେଇରେସି, “ଲାଇପୁରୁ ଆବା କପାଟି ଅଡ଼େ ନୀ ନକିତା ନାନୁ ପାପୁ କିତେଏଁ, ନୀ ମୀରୁଏଣାତେଏଁ ଆୟାଲି ପାଡ଼ା ଆଅଁ

୨୨ ସାମା ଆବା ତାନି ହଲିୟାଜାଣା ଏଲେଇରେସି, “ଅକ୍ରିତି ହିମ୍ବିରି ତବେ ତାଚାନା ଇଞ୍ଜାଣାକି ହୁଟି କିପୁ, ଇଞ୍ଜାଣା କେୟୁତା ମୁଦି ଅଡ଼େ କତାୟାଣା ସେପୁୟା ତୁରଞ୍ଜି କିପୁ,

୨୩ ଇଞ୍ଜାହାଁ ଆଜା ଆଡ଼ି କଡ଼ି ତାଲୁ ତାକା ହାଜାନା ପାୟାଦୁ; ମାରୁ ତିଞ୍ଜା ଉଣ୍ଡାନା ରାହାଁ କିନ,

୨୪ ଇଚିହଁ ନା ମୀରୁଏସି ହାହା ହାଜାନାରେସି, ଖେଣ୍ଡେ ନୀତାମାନେସି; ଜାଜା ହାଜାନାରେସି ଅଡ଼େ ମେଡ଼ା ଆୟାତେସି” ଏମ୍ବାଟିଏ ଏଞ୍ଜାରି ରାହାଁ କିହିମାରେସି

୨୫ ଏଚିଡେଲାତା କାଜା ମୀରୁଏସି ଗୁଡ଼ିୟାତା ମାରେସି, ଏଞ୍ଜାସି କାମା କିହାଁ ଇଲୁ ତାଗେ ଖାୟାଲିଏ, ତାନି ଇଜ ବାଜାଗାଜା ଅଡ଼େ ରାହାଁ କିହିମାନି ହାଲି ଖେଞ୍ଜାନା,

୨୬ ର ହରେଲଏଣାଇଁ ହାଟାନା ଖେରେସି, “ମାଜ ଏନାଆଁ କିହିମାନେରି

୨୭ ଏଞ୍ଜାସି ଏଞ୍ଜାଣାଇଁ ଏଲେଇରେସି, “ନୀ ଉଣା ତାୟି ଖେଣ୍ଡା ଖାହାମାନେସି, ଅଡ଼େ ଏଞ୍ଜାସି ନେହଁ ଆଜା ତଲେ ଖେଣ୍ଡା ଖାତାଣି ମେସାନା ମୀ ଆବା ଆଜା ଆଡ଼ି କଡ଼ି ପାୟାମାନେସି

୨୮ ଏମ୍ବାଟିଏ କାଜା ତାୟି କାରୁଦି ଆହାନା ଇଜ ହାଲାଆତେସି; ସାମା ତାନି ଆବା ପାଜାତା ଖାହାନା ଏଞ୍ଜାଣାଇଁ କାହିବ କପା ଆଆନି ଇଜ ଖାମୁ ଇଞ୍ଜା ବାଡ଼ିମାଲିତେସି

୨୯ ଇଞ୍ଜା ଏଞ୍ଜାସି ତାନି ଆବାଇଁ ଏଲେଇରେସି, “ମେହ୍‌ମୁ ନାନୁ ଇଚର ବାସା ଆଡେ ନୀ ହରେଲଏଣା ଲେହେଁ କାମା କିହିମାଇଁ, ଏରେଲା ଜିକେଏ ନୀ ହୁକୁମି ଉରାହିଲଅଁ, ଆଡ଼ିଜିକେଏ ନା ତଣେସିଜା ତଲେ ବଜି କିହାଲି ନାନୁ ନାଜେ ର ଗରି ତାଲୁ ଜିକେଏ ହାହାମାଞ୍ଜଅତି;

୩୦ ସାମା ଇ ନୀ ମୀରୁଏସି ଇଲୁତି ବାରେ ଦନ ଅହାନା ସାନେଣିସ୍ତାତଲେ ମାଞ୍ଜାନା ବାରେ ରାପୁହେସି, ଏଡେତା ଇଞ୍ଜାସି ଖେଣ୍ଡାଖାଡେସି, ଏଡେତା ଏଞ୍ଜାଣାକି ଆଜା ଆଡ଼ି କଡ଼ି ପାୟାମାଞ୍ଜି

୩୧ ଏଚେଟିଏ ତାଞ୍ଜି ଗାଗାସି ଏଲେଇରେସି, “ମୀରୁଏଣା ନାନୁତ କାଲେଏ ନା ତଲେ ମାଞ୍ଜାମାଞ୍ଜି, ଅଡ଼େ ଏନା ଏନାୟି ନାଦି ଏ ବାରେତ ନାଦି;

୩୨ ସାମା ଇ ନୀ ତାୟି ହାହା ହାଜାନାରେସି, ଖେଣ୍ଡେ ନୀତାମାନେସି, ଜାଜା ହାଜାନାରେସି, ମେଡ଼ା ଆୟାତେସି, ଏଦାଆଁତାକି ରାହାଁ କିନାୟି ମାରେ

୧୭

ଲାଗେଏତି ଗୁମୁସ୍ତା

୧ ଜାସୁ ତାନି ସାସୁୟାଁଇଁ ଏଲେଇରେସି, “ର ଦନଗାଗାସି ମାରେସି; ଏଞ୍ଜାଣାକି ର ଗୁମୁସ୍ତା ମାରେସି, ଏଞ୍ଜାସି ତାନି ଦନତି ଆଲାବା କିହାମାନାଣି ପୁଞ୍ଜାନା,

୨ ଏଞ୍ଜାସି ଏଞ୍ଜାଣାଇଁ ହାଟାନା ଏଲେଇରେସି, ‘ନାନୁ ନୀ କାତା ଖେରେଏଁ ନାନୁ ନୀ ଗୁମୁସ୍ତା କାମା ଏନି କିହିମାଞ୍ଜି ଲେକା ତସ୍ତାମୁ, ଇଚିହଁ ନାନୁ ଅଡ଼େ ଗୁମୁସ୍ତା ଆହା ମାଞ୍ଜାଲି ଆଡ଼ଅତି

୩ ଏମ୍ବାଟିଏ ଏ ଗୁମୁସ୍ତା ଅଣ୍ଡା କଡ଼ିତେସି, ‘ନା ସାସୁକାରି ନା ଗୁମୁସ୍ତା କାମା ପିସପି କିହିମାଞ୍ଜାନେସି, ନାନୁ ଏନାଆଁ କିଇ ? ଇରଥା କାରୁହାଲି ନାଜେ ବପୁ ହିଲେଏ, ଅଡ଼େ ରାସପା ତିଞ୍ଜାଲି ଲାଜା ହଟି ମାଞ୍ଜାନେ

୪ ନୀଏଁ ପୁରେଏଁ, ନାଜେ ଗୁମୁସ୍ତା ପାଣାଟି ପିସପି କିୟାତି ତାୟୁ ଲକୁ ନାଜେ ତାନି ଇଲକାଣା ଆବାନିଲେହେଁ କିଇଁ

୫ ଇଞ୍ଜା ଏଞ୍ଜାସି ତାନି ସାସୁକାରି ତାଣାଟି ରୀଣା ଅହାମାଚାରାଇଁ ହାଟାନାହାଁ ତଲିତାଣାଇଁ ଖେରେସି, ‘ନା ସାସୁକାରି ତାଣା ନୀ ରୀଣା ଏଚେକା ମାନେ ?’

୬ ଏଞ୍ଜାସି ଏଲେଇରେସି, ‘ପାସାକଡ଼ି ତାବା ନିୟୁଁ’ ଗୁମୁସ୍ତା ଏଞ୍ଜାଣାଇଁ ଏଲେଇରେସି, ‘ନାନୁ ତବେ ଇମ୍ବାଆଁ କୁଗାନା ରୀ କଡ଼ି ଦସ ଇଞ୍ଜା ରାଟାମୁଁ

୭ ତାହୁଁ ଅଡ଼େ ରଥଣାଙ୍କୁ ଖେରେସି, ‘ନୀନୁ ଏଚେକା ରୀଣା ଅହାମାଞ୍ଜି ?’ ଏଝାସି ଏଲେଇଚେସି, ‘ର.ମାଣା ବାସ୍ତା ଗହ୍ମାୟା’ ଗୁମୁସ୍ତା ଏଝାଣାଙ୍କୁ ଏଲେଇଚେସି, ‘ନୀନୁ ତବେ ଇମ୍ପାଆଁ କୁଗାନା ଆଟା ଝାଞ୍ଜା ଇଞ୍ଜିଁ ରାଟାମୁଁ ।’

୮ ଏ ଲାଗେଏତି ଗୁମୁସ୍ତା ବୁଦିତଲେ କାମା କିହାମାନାକି ସାଝୁକାରି ଏଝାଣାଙ୍କୁ ନୀନୁ ନେହଁ କାମା କିହାମାଞ୍ଜି ଇଚେସି; ଏନାଆଁତାକି ଇଚିହଁ ଉଜେଡ଼ିତି ମୀରକା କିହାଁ ଇ ଦାର୍ତ୍ତତାରି ତାମି କାମାତା ହାରେକା ବୁଦିଗାଟାରି ।”

୯ ନାନୁ ଜିକେଏ ମିଜେ ଖେସିମାଞ୍ଜାଙ୍କୁ, “ମୀରୁ ଦାର୍ତ୍ତତି ଲାଗେଏତି ଦନ ତଲେ ତଣେ ଦହ୍ତୁ, ଏଦି ରାଡ଼ିସାରେ ମିଜେ କାଲାକାଲାତି ବାସା ଟାୟୁତା ମିଜେ ଆବାନେରି ।

୧୦ ଆମ୍ବାଆସି ଉଣା କାମାତା ନାମୁଗାଟାସି ଆନେସି ଏଝାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ବାଆସି ଉଣା କାମାତା ନାମୁଗାଟାସି ଆଆସାରେ ଏଝାସି କାଜା କାମାତା ଜିକେଏ ନାମୁଗାଟାସି ଆଅସି ।

୧୧ ଲାଗେଏତି ଦନତା ନାମୁ ଗାଟାଟେରି ଆହାହିଲଅଡେରି, ଆତିହଁ ଆମ୍ବାଆସି ମିଜେ ନାମାହାଁ ସାତା ଦନ ମୀ କେୟୁତା ହେରୁପାଚେସି ?

୧୨ ମୀରୁ ଏଟକାତାଣା ଦନତି ନାମୁତଲେ ଲେମ୍ବା ହିଲାଆସାରେ ମିଜେ ମୀ ଲଡ଼ାମାନାଣି ଆମ୍ବାଆସି ହିୟାନେସି ?”

୧୩ * “ର. ହଚଲଏସି ରୀ ସାଝୁକାରି ତାଣା ହଚଲଏସି ଆହାଲି ଆଡ଼ଅସି; ଇଚିହଁ ରଥଣାଙ୍କୁ ଜୀଝୁ ନନେସି ରଥଣାଙ୍କୁ ଜୀଝୁ ନନେସି, ଆଆଡ଼େଁ ରଥଣାଙ୍କୁ ମାନୁଝି ଆନେସି ରଥଣାଙ୍କୁ ଅପଅସି । ମୀରୁ ମାହାପୁରୁ ଅଡ଼େ ଦନତି ହଲିୟାଙ୍ଗା ଆହାଲି ଆଡ଼ଅଡେରି ।”

ଜୀସୁ ଖେସି କାତାୟାଁ

(ମାତି ୧୧:୧୨,୧୩; ୫:୩୧,୩୨; ମାର୍କ ୧୦:୧୧,୧୨)

୧୪ ଇ ବାରେ କାତା ଖେଞ୍ଜାନା ଦନ ଜୁପକା ପାରୁସିୟାଁ ଜୀସୁଙ୍କୁ କାକହେରି ।

୧୫ ଏଚେଟିଏ ଜୀସୁ ଏଝାରାଙ୍କୁ ଏଲେଇଚେସି, “ଆମ୍ବାଆରି ମାଣସି ନକିତା ତୀରିଗାଟାରି ଇଞ୍ଜିଁ ତସା କତିମାନେରି, ମୀରୁ ଏଲେତି ଲକୁ, ସାମା ମାହାପୁରୁ ମୀ ହିୟାଁତି ପୁନାସି ଇଚିହଁ ଏନାସି ମାଣସି ଅଣପୁତା କାଜାସି ଲେହେଁ ତଞ୍ଜା ଆନେ, ଏଦି ମାହାପୁରୁ ନକିତା ଅପାଆଗାଟାସି ।”

୧୬ * “ମସାତି ମୋରା ଅଡ଼େ ମାହାପୁରୁ ଅଣପୁତି ବଲୁ ଖେହ୍ନାରି ରାଡ଼ିତି ପତି ଜହନ ପାଡେକା ସାଲୁଝି ଆହିମାଟୁ; ଏତିବେଲାଟିଏ ମାହାପୁରୁ ରାଜିତି ନେହଁ କାତୁ ଖେକ୍‌ହି ମାନେରି ଇଞ୍ଜା ବାରେଜାଣା ତାମି ବାଡ଼ୁତୁ ତଲେ ମାହାପୁରୁ ରାଜିତା ହଡ଼ିମାନେରି ।

୧୭ * ହାଗୁପାକା ଅଡ଼େ ଦାର୍ତ୍ତ ବାରେ ମେଣ୍ଡାଜିନେ ସାମା ମୋରାତି ଇଚାୟି ସିନା ଜିକେଏ ମେଣ୍ଡାଜେଏ ।”

୧୮ * “ଆମ୍ବାଆସି ତାନି ତକ୍ଜିନି ପିସାନା ଏଟକାତାଣି ବାହା ଆନେସି, ଏଝାସି ଦାରି କିନେସି; ଇଞ୍ଜା ଆମ୍ବାଆସି ପିସି ତକ୍ଜିନି ବାହା ଆନେସି, ଏଝାସି ଦାରେଲା ଆନେସି ।”

ଦନ ଗାଟାସି ଅଡ଼େ ଲାଜର

୧୯ “ର.ଦନ ଗାଟାସି ମାଚେସି, ଏଝାସି ହାରେକା ଅଜିତି ହିମ୍ପରିପୁକି ହୁଟାନା ନେହଁ ରାନ୍ଦା ତିଞ୍ଜିହଁ ହାରେକା ରାହାଁତଲେ ଡ଼ୟିମାଚେସି ।

୨୦ ସାମା ଏଝାଣି ଦୁଝେରି ଦାରିତା ଲାଜର ଦରୁଗାଟି ରାସପା ତିନାସି ଡ଼ୟାମାଚେସି,

୨୧ ଗୁଡ଼ା ଆଞ୍ଜା ଗାହାଁୟାଁ ଆହାମାଚେସି; ଏ ଦନ ଗାଟାଣି ଜୁଟା ଲିତା ତିଞ୍ଜାନା ତାନି ବାଣ୍ଡି ପାଞ୍ଜିକିହାଲି ଆସା କିହମାଚେସି; ଇଞ୍ଜା ନେସକା ଝାହି ତାନି ଗାହାଁୟାଁ ନାକିମାଟୁ ।

୨୨ ର.ଦିନା କାର୍ମାଗାଟି ଲାଜର ହାହାହାଚେସି ଇଞ୍ଜା ଲାକପୁରୁତି ଦୁଡ଼ୁୟାଁ ତଲେ ଅବ୍ରାହାମ ମାତିତାଣା ଅଝିମାଚେସି; ତାହୁଁ ଏ ଦନ ଗାଟାସି ଜିକେଏ ହାହାହାଚେସି ଇଞ୍ଜା ମାହାଣି ମାଣ୍ଡାତା ମୁସ୍‌ପି ଆଚେସି,

୨୩ ଅଡ଼େ ଏଝାସି ହାଡ଼ାରି ମାନି ରାଜିତି କସ୍ତତଲେ କିଲିବିଲି ଆହଁ ଲାକ ସିନିକିହାଲିଏ ହେକତି ଅବ୍ରାହାମ ଅଡ଼େ ତାନିତଲେ ଲାଜରଙ୍କୁ ମେସ୍ତେସି ।

* ୧୭:୧୩ ୧୭:୧୩ ମାତି ୭:୨୪ * ୧୭:୧୭ ୧୭:୧୭ ମାତି ୧୧:୧୨,୧୩ * ୧୭:୧୭ ୧୭:୧୭ ମାତି ୫:୧୮ * ୧୭:୧୮ ୧୭:୧୮ ମାତି ୫:୩୨; ୧କର ୭:୧୦,୧୧

୨୪ ଏତେଟିଏ ଏଝାସି ହାଡ଼ିତେସି, 'ଏ ଆବା ଅବାହାମ, ନାଜେ କାର୍ମା ଅଣପାନା ଲାଜରଇଁ ନା ତାଣା ପାଣ୍ଡାମ୍, ଏଝାସି ତାନି ଖାଞ୍ଜୁତା ଏମ୍ମ ବନ୍ଦା ତାଚାନା ନା ଝେନ୍ଦରିଡ଼ି ହିଡ଼ଡ଼ି କିୟାପେସି, ଇତିହଁ ନାନୁ ଇ ହିରୁତା କିଲିବିଲି ଆହ୍ମିମାଇଁ ।'

୨୫ ସାମା ଅବାହାମ ଏଲେଇଚେସି, 'ମୀରଏଣା ନୀନୁ ନୀତାମାଚି ବେଲୀତା ନୀ ନେହାଣି ବେଟାଆଡ଼ି, ଇଞ୍ଜା ଲାଜର ଏଲେକିହଁଏ ପଲ୍ଲିଆ ଗାଟାଣି ବେଟାଆଡ଼େସି, ଇଦାଆଁ ଅଣ୍ପାମ୍; ସାମା ନୀଏଁ ଏଝାସି ଇମ୍ପାଆଁ ସୁକୁ ବେଟାଆହ୍ମି ମାନେସି, ଅଡ଼େ ନୀନୁ କିଲିବିଲି ଆହ୍ମିମାଞ୍ଜି ।'

୨୬ ଅଡ଼େ ର କାତା ମୀ ମାଦି ମା ମାଦି ର କାଜା ଗାଡ଼ୁମ୍ମୁ ମାନେ, ଆମ୍ପାଆରି ଇ ଚାୟୁଟି ମୀ ତାଣା ହାଜାଲି ମନ କିନେରି, ଏଝାରି ହାଜାଲି ଆଡ଼ଅରି ଆଆଡ଼େଁ ଏ ଚାୟୁଟି ଇ ଚାୟୁତା ଗାଣ୍ଡାଚାନା ଝାୟାଲି ଆଡ଼ଅରି ।'

୨୭ ଏମ୍ପାଟିଏ ଦନ ଗାଟାସି ଏଲେଇଚେସି, 'ଏ ଆବା, ଆତିହଁ ନାନୁ ନିଜେ ବାତିମାଲିମାଞ୍ଜାଇଁ, ଲାଜରଇଁ ମା ଆବା ଇଜ ପାଣ୍ଡାମ୍,

୨୮ ଇତିହଁ ନା ପାପାଜାଣା ତାୟିୟାଁ ମାନେରି; ଏଝାରି ଜିକେଏ ଏନିକଁ ଇ କସ୍ତାଗାଟି ଚାୟୁତା ଝାଅରି, ଏଦାଆଁତାକି ଏଝାରିତାଣା ସାକି ହୀନେସି ।'

୨୯ ସାମା ଅବାହାମ ଏଲେଇଚେସି, 'ଏଝାରିତାଣା ମସା ଅଡ଼େ ମାହାପୁରୁ ଅଣ୍ପୁତି ବଲୁ ଝେହ୍ନାରି ପତିୟାଁ ମାନୁ, ଏଝାରି ଏ କାତାତି ଝେଣ୍ଡାମ୍ପାରି ।'

୩୦ ଏମ୍ପାଟିଏ ଦନ ଗାଟାସି ଏଲେଇଚେସି, 'ଏ ଆବା ଅବାହାମ, ଏତେକେଏ ସାରି ଆଏ, ସାମା ହାଡ଼ାରି ବିତ୍ରାଟି ରଅସି ଏଝାରିତାଣା ହାନେସି ଆତିହଁ ଏଝାରି ମନ ଝେହ୍ନେରି ।'

୩୧ ସାମା ଅବାହାମ ଏଲେଇଚେସି, ଏଝାରି ମସା ଅଡ଼େ ମାହାପୁରୁ ଅଣ୍ପୁତି ବଲୁ ଝେହ୍ନାରି କାତା ଝେନଅରି, ଆତିହଁ ହାଡ଼ାରି ବିତ୍ରାଟି ଝେଣ୍ଡେ ନିଜିତଁ ଜିକେଏ ଏଝାଣି କାତା ନାମଅରି ।'

୧୭

ପାପୁ (ମାତି ୧୮:୭,୭,୨୧,୨୨; ମାର୍କ ୯:୪୨)

୧ ଜାସୁ ତାନି ସାସୁୟାଁଇଁ ଏଲେଇଚେସି, "ଏମିନି ତାୟିପାରି କିନି ତାଣାଟି ଲକୁ ପାପୁତା ହେରନେରି, ଏ ବାରେ ପିଟଞ୍ଜି ଆସ, ସାମା ତାୟିପାରି କିଞ୍ଜି କିନାସି ଆୟତା ଏଝାସି ଗାଡ଼ି ତଣ୍ଡ ବେଟାଆନେସି;

୨ ଉଣା କକାରି ବିତ୍ରାଟି ରଅଣାଇଁ ତାୟିପାରି କିନିବାଟା ତାନି ହେରକିତା କାଜା ଜେତାଝାଲି ଦସାନା ସାମ୍ପଦୁରିତା ମେଡ଼ହିହଁ ଏଝାଣାକି ନେହେଁ ଆଡ଼େମା ।'

୩ ଏମୀରୁ ମୀ ତାକି ଜାଗ୍ରାତା ଆହ୍ମିମାଞ୍ଜି ।" "ନୀ ତାୟି ପାପୁ କିନେସି, ଆତିହଁ ଏଝାଣାଇଁ ଲାଗାମ୍; ଏଝାସି ନାନୁ ପାପୁ କିତେଏଁ ଇଞ୍ଜଁ ମନ ଝେହ୍ନହିହଁ, ଏଝାଣି ପାପୁ ମ୍ପେକ୍‌ହା ତୁହ୍ମୁ ।'

୪ ଅଡ଼େ ଏଝାସି ସାତା ପାଲି ନୀ କପାଟି ପାପୁ କିନେସି ଅଡ଼େ ସାତା ପାଲି ନୀ ତାଣା ଝେଣ୍ଡା ଝାହାନା ନାନୁ ମନ ଝେହ୍ନହିମାଇଁ ଇଞ୍ଜଁ ଇଞ୍ଜାନେସି ଆତିହଁ ଏଝାଣି ପାପୁ ମ୍ପେକ୍‌ହା ତୁହ୍ମୁ ।'

ନାମ୍

୫ ଏତେଟିଏ ପାଣ୍ଡୁଞ୍ଜି ଆହ୍ମାମାନାରି ପ୍ରବୁଇଁ ଏଲେଇଚେରି, "ମା ନାମ୍ପୁତି ପାତି କିୟାମ୍ ।"

୬ ପ୍ରବୁ ଏଲେଇଚେସି, "ର ହାସ୍ତୁ ପାଡ଼େୟି ଏତେକା ମୀ ନାମ୍ ମାତିହଁ ମା, ଇ ତୁଡ଼କଲି ମାବୁନୁତି ହୀରୁତଲେ ମେଗାହାଜାନା ସାମ୍ପଦୁରିତା ଉହି ଆମ୍ପୁ ଇତିହଁ ଏଦି ମୀ କାତା ମାନଞ୍ଜି ଆନେ ।"

ର ହଲେଏସି କିନି କାମା

୭ "ସାମା ମୀ ବିତ୍ରାଟି ଇଲେତାସି ଆମ୍ପାଆସି ମାନେସି, ତାନି ହଲେଏସି ହେରୁ ତୁହ୍ମାନା କି କଡ଼ିୟାଁ ମେଚାନା ଖାଡ଼ିସାରେ ଏଝାସି ଏଝାଣାଇଁ ଜୁରୁୟାଁ ଗହ୍ମୁଦେଁ ଇନେସି ?

୮ ନାଜେ ତିଞ୍ଜାଲି ହିୟାମ୍, ନାନୁ ତିଞ୍ଜାଲି ଆଡ଼ାଆ ପାତେକା ଟେଡେଲି ହିମ୍ପରି ରୁପାନା ନା ସେବା କିୟାମ୍, ଇଞ୍ଜା ତାୟୁ ନୀନୁ ତିନାମ୍ ଇଞ୍ଜଁ ଏଝାଣାଇଁ ଏଲେଇନଅସି ?

୯ ର ହଲେଏସି ସାଞ୍ଜୁକାରି କାତା ମାନଞ୍ଜି ଆହ୍ମାନା କାମା କିନାକି ଏଝାଣାଇଁ ଜହରା କିନେସିକି ?

୧୦ ଏଲେକିହଁଏ ମୀରୁ ଜିକେଏ ବୁକୁମି ତଲେ କାମା କିତି ତାୟୁ 'ମାମ୍ପୁ ପାଡ଼ା ଆଆ ହଲିୟାଙ୍ଗାତନି; ଏନାୟି ମାମ୍ପୁ କିନାୟି ମାଚେ ଏଦାଆଁ କିହାମାନମି' ଇଞ୍ଜେରି ।"

* ୧୭:୩ ୧୭:୩ ମାତି ୧୮:୧୫

ଜୀମ୍ବୁ ଦସଜାଣା କାଜା ରତ୍ନ ଗାଗାବାଇଁ ନେହଁ କିନାୟି

୧୧ ଜୀମ୍ବୁ ଜିରୁସାଲମତା ହାଜିମାଗାଟି ଗାଲିଲି ଅଡ଼େ ସମିରଣି ଦେସା ମାଦିଟି ହାଜିମାଗେସି □

୧୨ ଏମ୍ବାଟିଏ ଏଝାସି ର. ନାୟୁଁତା ଏଗାହାଜାଲିଏ ଦସଜାଣା କାଜା ରତ୍ନ ଗାଗାରି ଏଝାଣାଇଁ ବେଟାଆଡ଼େରି;

୧୩ ଏଝାରି ହେକ ନିତାନା କାଜା ଗିୟାଁତଲେ ଏଲେଇଚେରି, “ଏ ଜୀମ୍ବୁ ଗୁରୁ ମାଜେ କାର୍ମା ମେସ୍ତାମ୍ବୁ □”

୧୪ ଜୀମ୍ବୁ ଏଝାବାଇଁ ମେସାନା ଏଲେଇଚେସି, “ମୀରୁ ହାଜାନା ପୂଜେରାଜା ତାଣା ତଞ୍ଜା ଆକାବୁ □” ଅଡ଼େ ଏଝାରି ହାଜି ହାଜିହଁ ନେହଁ ଆଡ଼େରି □

୧୫ ସାମା ଏଝାରି ବିତ୍ତାଟି ରଅସି ତାମ୍ବୁ ନେହଁ ଆଡ଼ାଣି ମେସାନା କାଜା ଗିୟାଁତଲେ ମାହାପୁରୁତି ଜହରା କିହଁ କିହଁ ଝେଣ୍ଡା ଝାହାନା,

୧୬ ଜୀମ୍ବୁଟି କତାୟାଁ ତୁଇ ମୁରୁ କୁତାନା ଜହରା କିଚେସି; ଏଝାସି ସମିରଣି ଲକୁ ମାଗେସି □

୧୭ ଏଚେଟିଏ ଜୀମ୍ବୁ ଏଲେଇଚେସି, “ଦସଜାଣା ନେହଁ ଆଆଡେରିକି ? ଅଡ଼େ ନ.ଜାଣା ଏମ୍ବିୟା ମାନେରି ?

୧୮ ମାହାପୁରୁଇଁ ଜହରା କିହାଲି ଈ ଜାହୁଦିଆଆତି ଲକୁ ପିସପେ ଆମ୍ବାଆସି ଝେଣ୍ଡା ଝାଆଡେସି ?”

୧୯ ଇଞ୍ଜା ଜୀମ୍ବୁ ଏଝାଣାଇଁ ଏଲେଇଚେସି, “ନିଜ୍ଜାନା ହାଲାମ୍ବୁ ନୀ ନାମ୍ବୁ ନିଜେ ନେହଁ କିହାମାଞ୍ଜାନେ □”

ମାହାପୁରୁ ରାଜି ଝାନାୟି

(ମାତି ୨୪:୨୩-୨୮, ୩୭-୪୧)

୨୦ ମାହାପୁରୁତି ରାଜି ଏଚେଲା ଝାହିମାନେ, ଈ କାତା ପାରୁସିୟାଁ ଝେଞ୍ଜାଲିଏ ଏଝାସି ଏଝାବାଇଁ ଏଲେଇଚେସି, “ମାହାପୁରୁତି ରାଜି ତଞ୍ଜା ଆହଁ ଝାଏ;

୨୧ ଇମ୍ବାଆଁ ମାନେକି ଏମ୍ବାଆଁ ମାନେ ଇଞ୍ଜାଁ ଲକୁ ଝେସ୍ତାଅରି; ଇଚିହଁ ମାହାପୁରୁତି ରାଜି ମୀ ବିଡ଼େଏ ମାନେ □”

୨୨ ଇଞ୍ଜାଁ ଜୀମ୍ବୁ ତାନି ସୀସୁୟାଁଇଁ ଏଲେଇଚେସି, “ଇଲେତି ବେଲା ଝାନେ, ଏଚିବେଲା ମାଣ୍ଡସି ମୀରୁଏଣାଟି ର ଦିନା ମେସାଲି ମନ କିଚିହଁ ଜିକେଏ ମେହ୍‌ଅଡେରି □

୨୩ ଏଚିବେଲା ଲକୁ ମିଜେ ଝେସ୍ତାନେରି, ଏଝାସି ଇମ୍ବାଆଁ ମାନେସି ଏମ୍ବାଆଁ ମାନେସି; ସାମା ଏଝାରି କାତା ଆହ୍‌ଆଦୁ କି ଏଝାରିତଲେ ତାକାଆଦୁ □

୨୪ ଏନିଇଚିହଁ ହାଗୁ ମ୍ବୁହ୍‌ନାଟି ର.କନଟି ଅର୍ କନଝାକି ଉଜେଡ଼ି ଆନେ, ଏଲେକିହଁଏ ମାଣ୍ଡସି ମୀରୁଏଣା ଦିନାତା ଆନେ □

୨୫ ସାମା ଏଝାସି ଗାତି କସ୍ତ ପାଣ୍ଡନାୟି ମାନେ, ଇଞ୍ଜାଁ ଈ କାଲାତି ଲକୁ ଏଝାଣାଇଁ ଅପଅରି □

୨୬ ଅଡ଼େ ନହ୍ ବେଲାତା ଏନିକଁ ଆହାମାଚେ, ମାଣ୍ଡସି ମୀରୁଏସି ଝାନି ଦିନାତା ଜିକେଏ ଏଲେକିହଁଏ ଆନେ;

୨୭ ନହ୍ ଜାଜାତା ହଡ଼ୁନି ଦିନା ପାଚେକା ଲକୁ ତିଞ୍ଜି ଉଣ୍ଡିହଁ ବାହା କିୟାଲି ବାହା ହିୟାଲି ହେରାମାଚେରି, ଏଚିବେଲା କାଜା ପିୟୁ ଝାଡ଼େ ଇଞ୍ଜାଁ ବାରେତି କୁପହାତୁସ୍ତେ □

୨୮ ଲଟ ବେଲାତା ଜିକେଏ ଏଲେଏ ଆଡ଼େ, ଲକୁ ତିଞ୍ଜି ଉଣ୍ଡି ମାଚେରି, ପାରୁତି ମାଚେରି, ମାରୁକା ଉହି ମାଚେରି ଅଡ଼େ ଇଲୁକା କିହାଲି ହେରାମାଚେରି,

୨୯ ସାମା ଲଟ ସଦମ ଗାଡ଼ାଟି ହଡ଼ା ହାଲୁଝିନିଏ, ଲାକପୁରୁତି ହିଡ଼ୁ ଅଡ଼େ ଗାଦାଗୁଣ୍ଡା ଝାହାନା ବାରେତି ନାସା କିଚେ □

୩୦ ମାଣ୍ଡସି ମୀରୁଏସି ଝାନି ଦିନାତା ଜିକେଏ ଏଲେଆହଁଏ ଆନେ □”

୩୧ ✠ “ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଝାସି ଇଲୁ ବିତ୍ତାମାନି ତାନି ଆସି ଅହାଲି ରେତା ଝାଆପେସି; ଏଲେକିହଁଏ ଆମ୍ବାଆସି ନେଝଏଲାତା ମାନାସି ଇଜ ଝେଣ୍ଡା ଝାଆପେସି □

୩୨ ଲଟ ତକ୍ତିନି କାତା ଅଣ୍ଡପାଦୁ □

୩୩ ✠ ଆମ୍ବାଆସି ତାନି ଜୀଝୁତି ନୀହ୍‌ହାଲି ମନ କିନାସି, ଏଝାସି ନାସା ଆନେସି, ଅଡ଼େ ଆମ୍ବାଆସି ତାନି ଜୀଝୁତି ଆସା କିଆଗାଗାସି ଏଝାସି ନାତିନେସି □

✠ ୧୭:୩୧ ୧୭:୩୧ ମାତି ୨୪:୧୭,୧୮; ମାର୍କ ୧୩:୧୫,୧୬ ✠ ୧୭:୩୩ ୧୭:୩୩ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଜହ ୧୨:୨୫

୩୪ ନାନୁ ମିଙ୍ଗେ ଝେସିମାଞ୍ଜାଇଁ, ଏ ଲାଆଁୟାଁ ରିଆରି କାଚେଲିତା ତୁରା ତୁୟିନେରି, ରଅସି ଅଢ଼ିଆନେସି ଅଡ଼େ ରଅସି ଏମ୍ବାଆଁ ତୁୟିନେସି □

୩୫ ରୀ ଇୟାସିକା ରଣ୍ଡିଏ ତାଣା ନୁୟିମାନୁ, ରଣ୍ଡି ଅଢ଼ିଆନେ ରଣ୍ଡି ଏମ୍ବାଆଁ ତୁୟିନେ □

୩୬ ରିଆରି ନେଃଏଲୀତା ମାନେରି, ରଅସି ଅଢ଼ିଆନେସି, ରଅସି ଏମ୍ବାଆଁ ତୁୟିନେସି □”

୩୭ ଏଚେଟିଏ ସାମୁୟାଁ ଏଲେଇଚେରି, “ଏ ପ୍ରବୁ ଏମ୍ବିୟା ?” ଜାସୁ ଏଲେଇଚେସି, “ମାତୁହ୍ ଏମ୍ବିୟାମାନେ ଏମ୍ବାଆଁ ରାମ୍ବାୟାଁ ରୁଣ୍ଡା ଆନୁ □”

୧୮

ରାଣ୍ଡେଣି ଇୟାନ୍ତି ନୀହାଁୟି

୧ ୱାହାଆନା ଅଲେ ଅଲେ ପ୍ରାତାନା କିନାୟିମାନେ, ଇ କାତାତି ଜୀସୁ ସାମୁୟାଁଇଁ ପୁଣ୍ଡିକିନି କାତାତଲେ ଝେସ୍ତେସି

୨ “ର ଗାତାତା ର ନୀହାଁୟି କିନାସି ମାଚେସି, ଏଞ୍ଜାସି ମାହାପୁରୁଇଁ ଆଜି ହିଲାଆଚେସି କି ମାଣ୍ଡସିୟାଁଇଁ ଜିକେଏ ଅଣ୍ଡିପି ହିଲାଆଚେସି □

୩ ଏ ଗାତାତା ର ରାଣ୍ଡେଣି ମାଚେ, ଏଡ଼ି ନୀହାଁୟି କିନାସି ତାଣା ଅଲେ ଅଲେ ହାଜିହଁ ନାନୁ ନେହଁ ନୀହାଁୟି କିହଁ ନା କପାଟି ନିଙ୍ଗିମାଞ୍ଜାନାଣା ତାଣାଟି ଗେଲ୍‌ପାମୁ ଇଞ୍ଜଁ ବାଟିମାଲିମାଚେ □

୪ ଅଡ଼େ ଏଞ୍ଜାସି ଏଦାନି କାତା ଝେଞ୍ଜି ହିଲାଆଚେସି; ତାୟୁ ଏଞ୍ଜାସି ମନ ମନତା ଅଣ୍ଡିପିଚେସି, ନାନୁ ମାହାପୁରୁଇଁ ଆଜିହିଲଅଁ କି ମାଣ୍ଡସିଇଁ ଅଣ୍ଡିପି ହିଲଅଁ,

୫ ଆଡ଼ିଜିକେଏ ଇ ରାଣ୍ଡେଣି ନାଙ୍ଗେ କସ୍ତୁ ହାହିମାଞ୍ଜାନାକି ନାନୁ ତାନି କପାଟି ନିଙ୍ଗାମାନି ନୀହାଁୟି ଡିକହାତୁହ୍‌ଇଁ, ଆଆତେଁ ଏଡ଼ି ନାଙ୍ଗେ ବାରେବେଲା ଗିଜିଗିଜା କିହେମାଞ୍ଜାନେ □”

୬ ଏମ୍ବାଟିଏ ପ୍ରବୁ ଏଲେଇଚେସି, “ଇ ଲାଗେଏତି ନୀହାଁୟି କିନାସି କାତା ଅଣ୍ଡିପାମୁ □

୭ ଆତିହଁ ମାହାପୁରୁ ଆଡ଼ିତି ଲକ୍ଷୁ ଲାଆଁ ମାଦେନା ଏଞ୍ଜାଣାଇଁ ହାଟିହଁ ତୁୟିନେରି, ଏଞ୍ଜାସି କି ଏଞ୍ଜାରି ନୀହାଁୟି କିଅସି ? ଆଡ଼ିଜିକେଏ ଏଞ୍ଜାସି ଏଞ୍ଜାରି ସାତୁୟାଁକି ହାଚେରକା ଅରୁହିନାସି ଆନେସି କି ?

୮ ନାନୁ ମିଙ୍ଗେ ଝେସିମାଞ୍ଜାଇଁ, ଏଞ୍ଜାସି ତବେ ଏଞ୍ଜାରି ତାକି କିଢ଼ି ଆହାମାନି ପଲ୍ଲଆ କାମାଟି ନୀହାଁୟି କିନେସି, ଆଡ଼ିଜିକେଏ ମାଣ୍ଡସି ମୀରୁଏସି ବାରୁଡିତା ୱାହାନା ନାମୁଡି ମେହ୍‌ନେସି ?”

ପାରୁସି ଅଡ଼େ ସିସ୍ତୁ ରାହ୍‌ନାଣି ପୁଣ୍ଡିକିନି କାତା

୯ ତାମଙ୍ଗେ ତାରିଗାଗାତମି ଇଞ୍ଜଁ ଅଣ୍ଡିପାମା ଏବ୍‌କା ତାରାଇଁ ହାଣି କିନି ଲକ୍ଷୁଣି ଜୀସୁ ଇ ପୁଣ୍ଡିକିନି କାତା ଝେସ୍ତେସି,

୧୦ ରିଆରି ପ୍ରାତାନା କିହାଲି ର ପ୍ରାତାନା ଇଲୁତା ହାଚେରି, ରଅସି ପାରୁସି ଅଡ଼େ ରଅସି ସିସ୍ତୁ ରାହ୍‌ନାସି □

୧୧ ପାରୁସି ନିଚାନା ଇଲେକିହଁ ପ୍ରାତାନା କିଚେସି, “ଏ ମାହାପୁରୁ ନାନୁ ମିଙ୍ଗେ ଜହରା କିହିମାଞ୍ଜାଇଁ, ନାନୁ ଏବ୍‌କା ଲକ୍ଷୁ ଲେହେଁ ଦାମ୍ବୁ ହିଲାଆ ଗାଗାଚେଏଁ ଆଏ, ସରୁ, ଦାରି ଗାଗାଚେଏଁ ଆଏ କି ଇ ସିସ୍ତୁ ରାହ୍‌ନାଣି ଲେହେଁ ଜିକେଏ ଆଏ;

୧୨ ନାନୁ ୱାହା ତାକି ରୀ ଦେବା ଉପାସା କିହିମାଇଁ, ଅଡ଼େ ନାନୁ ବେଟାଆହି ମାନାଣି ବାରେ ଦସ ବାଗାଟି ର ବାଗା ହାହିମାଇଁ □”

୧୩ ସାମା ସିସ୍ତୁ ରାହ୍‌ନାସି ହେକ ନିଚାନା ତାନି କାନୁ ଲାକପୁରୁ ୱାକି ଜିକେଏ ପେରହାଁ ସିନିକିହାଲି ସାସା କିଆଚେସି, ସାମା ତାନି ବକତା ୱେଟା କତାନା ଏଲେଇଚେସି, “ଏ ମାହାପୁରୁ ନାନୁ ପାପୁ ଗାଗାଚେଏଁ ନାଙ୍ଗେ କାର୍ମା ମେସ୍ତାମୁ □”

୧୪ * “ନାନୁ ମିଙ୍ଗେ ଝେସିମାଞ୍ଜାଇଁ, ଏଞ୍ଜାସି ଆଏ ସାମା ସିସ୍ତୁ ରାହ୍‌ନାସି ତାରିଗାଗାସି ଆହାନା ତାମି ଇଜ ହାଚେସି; ଏନିଇଚିହଁ ଆମ୍ବାଆସି ନାନୁ କାଜାଚେଏଁ ଇଞ୍ଜା କତିନେସି, ଏଞ୍ଜାଣାଇଁ ଉଣା କିଢ଼ିଆନେ, ସାମା ଆମ୍ବାଆସି ନାନୁ ଉଣାଚେଏଁ ଇନେସି, ଏଞ୍ଜାଣାଇଁ କାଜାସି କିଢ଼ିଆନେ □”

ଜୀସୁ ଉଣା ପଡ଼ି ପଦାୟାଣି ବରୁ ହୀନାସି

(ମାଟି ୧୯:୧୩-୧୫; ମାର୍କ ୧୦:୧୩-୧୬)

* ୧୮:୧୪ ୧୮:୧୪ ମାଟି ୨୩:୧୨; ଲୁକ ୧୪:୧୧

୧୫ ଏଝାସି ଏନିକି କକାରି ପଦାଁଣି ତାଗିନେସି, ଏଦାଆଁତାକି ଲକ୍ଷୁ ଏଝାରାଇଁ ଜୀସୁ ତାଣା ତାଚାଲି ମାଟ୍‌ହେରି; ସାମା ସୀସୁୟାଁ ଏଦାଆଁ ମେସାନା ଏଝାରାଇଁ ଦାକା ହୀତେରି □

୧୬ ସାମା ଜୀସୁ କକାରି ପଦାଁଣି ତାଗେ ହାଟାନା ଏଲେଇଚେସି, “କକାରି ପଦାଁଣି ନା ତାଗେ ଝାହାଲି ହୀସୁ, ଏଝାରାଇଁ କାହିକିଆଦୁ; ଏନିକିହିଁ ମାହାପୁରୁତି ରାଜି ଇଲେତାରାଝାୟି □

୧୭ ନାନୁ ମିଜେ ସାତା ଝେସିମାଞ୍ଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି ଆହୁଅସି ଏଝାସି ଏନିକି ଜିକେଏ ଏମ୍ବାଆଁ ହଡାଲି ଆଡୁଅସି □”

ର ଦନ ଗାଟାସି

(ମାତି ୧୯:୧୬-୩୦; ମାର୍କ ୧୦:୧୭-୩୧)

୧୮ ଜୀହୁଦି ଲକ୍ଷୁ ବିତ୍ରାତି କାଜାସି ଜୀସୁଇଁ ଝେଚେସି, “ଏ ନେହଁ ଗୁରୁ କାଲ୍ୟାକାଲ୍ୟାତି ଜୀହୁ ବେଟାଆହାଲି ନାନୁ ଏନାଆଁ କିଇଁ ?”

୧୯ ଜୀସୁ ଏଝାଣାଇଁ ଏଲେଇଚେସି, “ନାଜେ ନେହଁତି ଇଞ୍ଜିଁ ଏନାଆଁତାକି ଏଲେଇଞ୍ଜିମାଞ୍ଜି ? ଇଚିହିଁ ମାହାପୁରୁ ରଅସିଏ ନେହଁସି ମାନେସି ଏଝାଣି ପିସପେ ଆମ୍ବାଆସି ନେହଁସି ହିଲଅସି □

୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକ୍ଷୁଣି ପାୟାଆନି, ସରୁ କିଆନି, ମିତିସାକି ହୀଆନି, ତାଲି ତାଞ୍ଜି କାତା ମାନି କିମୁ □”

୨୧ ଦନଗାଟାସି ଏଲେଇଚେସି, “ନାନୁ ଈ ବାରେ ଉଣାଝେଡ଼ାଟିଏ କିହିମାଇଁ □”

୨୨ ଜୀସୁ ଈ କାତା ଝେଞ୍ଜାନା ଏଝାଣାଇଁ ଏଲେଇଚେସି, “ନାନୁ ର କାମା କିନାୟିମାନେ; ନାନୁ ନୀ ତାଣା ମାନି ବାରେ ଦନବିତି ପାରୁତାନାହାଁ ହିଲଆ ଗାଟାରାକି ଦାନା ହୀମୁ, ଇଞ୍ଜାଁ ତାୟୁ ନାନୁ ଲାକପୁରୁତା ଦନ ବେଟାଆଦି; ଏଚେଟିଏ ନା ଜେଚ ଜେଚ ଝାମୁ □”

୨୩ ସାମା ଏଝାସି ଈ ବାରେ କାତା ଝେଞ୍ଜାନା ହାରେକା ଦୁକୁ ଆଚେସି, ଇଚିହିଁ ଏଝାସି ବାଚକୁ ଗାଟାସି ମାଚେସି □

୨୪ ଏଚେଟିଏ ଜୀସୁ ଏଝାଣାଇଁ ମେସାନା ଏଲେଇଚେସି, “ଆମ୍ବାଆସି ଦନ ମାନେ, ଏଝାରି ହାରେକା କସୁତଲେ ମାହାପୁରୁତି ରାଜିତା ହଡ଼ନେରି □

୨୫ ଇଚିହିଁ ମାହାପୁରୁତି ରାଜିତା ଦନଗାଟାସି ହଡ଼ନି କିହାଁ ଉଟୁ ସୂଜା କାଣିଟି ହଡ଼ାହାନାୟି ଉସାସା □”

୨୬ ଏ କାତା ଝେଞ୍ଜିମାଗାରି ଏଲେଇଚେରି, “ଆତିହିଁ ଆମ୍ବାଆସି ଗେଲପି ଆହାଲି ଆଡ଼ିନେସି ?”

୨୭ ଜୀସୁ ଏଲେଇଚେସି, “ଏନାଆଁ ଲକ୍ଷୁ କିୟାଲି ଆଡ଼ାଆଗାଟାଣି ମାହାପୁରୁ କିହାଲି ଆଡ଼ିନେସି □”

୨୮ ଏଚେତା ପିଚର ଜୀସୁଇଁ ଝେଚେସି, “ମେହମୁ ମାମୁ ବୁାରେ ପିସାନା ନୀ ଜେଚ ଝାହିମାନମି □”

୨୯ ଜୀସୁ ଏଝାରାଇଁ ଝେସେସି, “ନାନୁ ମିଜେ ସାତା ଝେସିମାଞ୍ଜାଇଁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍ତିନି, ତାୟି, ତାଲି ତାଞ୍ଜି, ଅଡ଼େ ମୀରୁକା ମାସକାଣି ପିସାମାନେରି,

୩୦ ଏଝାରି ଈ ଜୁଗୁତା ହାରେକା ଆଗାଡ଼ା ବେଟାଆହାନା, ଝାନି ଜୁଗୁତା କାଲ୍ୟାକାଲ୍ୟାତି ଜୀହୁ ବେଟା ଆନେରି □”

ଜୀସୁ ତାନି ଦେବା ତାନି ହାକିତି ଝେହନାୟି

(ମାତି ୨୦:୧୭-୧୯; ମାର୍କ ୧୦:୩୨-୩୪)

୩୧ ଜୀସୁ ତାନି ବାରଜାଣା ସୀସୁୟାଁଇଁ ହାଟାନା ଝେସେସି, “ମେହମୁ ମାରୁ ଜିରୁସାଲମତା ହାଜିମାନାୟି, ଏମ୍ବାଆଁ ମାଣସି ମୀରୁଏଣି ତାକି ମାହାପୁରୁ ଅଣପୁତି ବଲୁ ଝେହନାରି ଏନା ଏନାଆଁ ରାଟାମାନେରି, ଏ ବାରେ ମାଣସି ମୀରୁଏଣା ତାଣା ସାତା ଆନେ;

୩୨ ଇଚିହିଁ ଏଝାଣାଇଁ ଏଟକା କୁଡ଼ାତାରି କେୟୁତା ହେର୍ପିନେସି, ଇଞ୍ଜାଁ ଏଝାରି ଏଝାଣାଇଁ କାକନେରି, ଏଝାଣାଇଁ ହୀଣି କିହାନା ହୁପିନେରି,

୩୩ ଏଝାଣାଇଁ ସାଟୁଣି ତ:ରିତଲେ ଝେଚାନା ପାୟିନେରି, ଇଞ୍ଜାଁ ତାନି ଦିନାଟିଏ ନିଜିନେସି □”

୩୪ ସାମା ସୀସୁୟାଁ ଈ ବାରେ କାତା ପୁଞ୍ଜାଲି ଆଡ଼ାଆଚେରି; ଈ କାତା ଏଝାରିତାଣା ତୁଗ୍ଗାନା ମାଚେ, ଏନାଆଁ ଝେସପି ଆହିମାଚେ ଏ ବାରେ ପୁଞ୍ଜିହିଲଆଚେରି □

ରାସପାତିନି କାଣାଇଁ ଜୀସୁ ନେହଁକିନାୟି

(ମାତି ୨୦:୨୪-୩୪; ମାର୍କ ୧୦:୪୬-୫୨)

୩୫ ଜୀସୁ ଜିରିହ ଗାଡ଼ାତା ଏଜିମାଗରି ର କାଣା ଜିରୁତା କୁଗାନା ରୀୟିମାରେସି □

୩୬ ଏଝାସି ଲକ୍ଷ୍ମି ହାଜିମାନି ହାଡ଼ା ଝେଞ୍ଜାନା, “ଇଦି ଏନାୟି ଆହ୍ମାମାନେ ଇଞ୍ଜିଁ ଝେରେସି □”

୩୭ “ନାଜ୍ଜିରତତି ଜୀସୁ ଇମ୍ବାଟି ହାଜିମାନେସି” ଇଞ୍ଜିଁ ଝେସ୍ତେରି □

୩୮ ଏରେଟିଏ କାଣା କାଜା ଗିୟାତଲେ ଏଲେଇଞ୍ଜି ଇରେସି, “ଏ ଜୀସୁ ଦାଝୁଦ ମୀରୁଏଣାତି ନାଜେ କାର୍ମା ମେସ୍ତାମୁ □”

୩୯ ସାମା ନକିତା ହାଜିମାଗରି ଏଝାଣାଇଁ ପାଲେଏ ମାଞ୍ଜାଲି ଦାକା ହୀତେରି, ସାମା ଏଝାସି ଅଡ଼େ କାଜା ଗିୟାତଲେ ଏଲେଇରେସି, “ଏ ଜୀସୁ ଦାଝୁଦ ମୀରୁଏଣାତି ନାଜେ କାର୍ମା ମେସ୍ତାମୁ □”

୪୦ ଏରେଟିଏ ଜୀସୁ ଏଦାଆଁ ନିଗାନା କାଣାଇଁ ତାନି ଦାରିତା ତାଗାଲି ଚାଣ୍ଡିତେସି; ଏଡ଼େତା କାଣା ତାଗେ ଝାଡ଼େସି ଇଞ୍ଜିଁ ଜୀସୁ ଏଝାଣାଇଁ ଝେରେସି,

୪୧ “ନାନୁ ନିଜେତାକି ଏନାଆଁ କିଇଁ ଇଞ୍ଜିଁ ମନୁ କିହିମାଞ୍ଜି ?”

କାଣା ଏଲେଇରେସି, “ଏ ପ୍ରବୁ ନାନୁ ଏନିକିଁ ମେସାଲି ଆଡ଼ିଇଁ □”

୪୨ ଜୀସୁ ଝେସ୍ତେସି, “ନାନୁ ମେହ୍ମୁ, ନୀ ନାମୁ ନିଜେ ନେହଁ କିୟାତେ □”

୪୩ ଏ ଦେବୁଣିଏ ଏଝାସି ମେସାଲି ଆଡ଼ିତେସି ଇଞ୍ଜିଁ ମାହାପୁରୁତି ଜହରା କିହଁ କିହଁ ଜୀସୁ ଜେଡ ହାରେସି, ଅଡ଼େ ଲକ୍ଷ୍ମି ଏଦାଆଁ ମେସାନା ମାହାପୁରୁଇଁ ଜହରା କିତେରି □

୧୯

ଜୀସୁ ଅଡ଼େ ଜକିୟ

୧ ଜୀସୁ ଜିରିହତା ହଡ଼ାନା ଗାଡ଼ା ମାଦିଟି ହାଜିମାରେସି □

୨ ଏମ୍ବାଆଁ ଜକିୟ ଦରୁଗାଟାସି ରଅସି ମାରେସି, ଏଝାସି ସିସ୍ତୁରାହ୍ନାରି ବିତ୍ରାଟି କାଜାସି ଅଡ଼େ ଏଝାଣାକି ହାଡ଼େକା ଦନ ମାରେ □

୩ ଜୀସୁ ଏନିଲେହେଁତାସି ଇଞ୍ଜିଁ ଏଝାଣାଇଁ ମେସାଲି ହାରେକା ମନ ମାରେ, ସାମା ହାଡ଼େକା ଲକ୍ଷ୍ମି ମାଗାକି ମେସାଲି ଆଡ଼ିହିଲାଆତେସି, ଏନାଆଁତାକି ଇତିହଁ ଏଝାସି କୁଜା ମାରେସି □

୪ ଏମ୍ବାଟିଏ ଏଝାସି ନକିତା ହତି ହତି ହାଜାନା ଜୀସୁ ହାନି ଜିରୁତା ଏଝାଣାଇଁ ମେସାଲି ର ତୟା ମାରୁନୁତା ହଡ଼େସି, ଇତିହଁ ଜୀସୁ ଏ ଜିରୁତି ହାନାୟି ମାରେ □

୫ ଜୀସୁ ଏମ୍ବାଆଁ ଏଜାନା ଲାକ ସିନିକିହାନା ହାଡ଼ିତେସି, “ଆଡ଼େ ଜକିୟ ତବେ ରେଚାଝାମୁ ଇତିହଁ ନୀଞ୍ଜୁ ନାନୁ ମୀ ଇଜ ଗତା ଝାନାୟି ମାନେ □”

୬ ଏଝାସି ତବେ ରେଚାଝାହାନା ଏଝାଣାଇଁ ରାହ୍ମାଟି ତାମି ଇଜ ହାଡ଼ିତେସି □

୭ ଇଦାଆଁ ମେସାନା ବାରେ ଲକ୍ଷ୍ମି ମୁରୁ ମୁରୁ ଆହଁ କାତା ଆଡ଼େରି, “ଇଝାସି ର ପାପୁ ଗାଟାରି ଇଜ ଗତା ହାଜିମାନେସି □”

୮ ସାମା ଜକିୟ ନିଗାନା ପ୍ରବୁଇଁ ଏଲେଇରେସି, “ଏ ପ୍ରବୁ ନାନୁ ନା ଦନତି ର ବାଗା ହିଲାଆ ଗାଟାବାକି ହାଇଁ, ଅଡ଼େ ନାନୁ ଆମ୍ବାଆରି ତାଣାଟି ଏନାଆଁ ତାଗାମାଟିହଁ ସାରି ବାଗା ଆଗାଡ଼ା ଝେବୁଇଁ □”

୯ ଏମ୍ବାଟିଏ ଜୀସୁ ଏଲେଇରେସି, “ନୀଞ୍ଜୁ ଇ ଇଜତି ଲକ୍ଷ୍ମିତାକି ଗେଲ୍ପିନାୟି ଝାହାମାନେ, ଇତିହଁ ଇଝାସି ଜିକେଏ ଅଗ୍ରାହାମତି କୃତାତାସି □

୧୦ *ଇତିହଁ ଏନାୟି ଜାଜ୍ଜା ହାଜାମାନେ ଏଦାଆଁ ପାରାନା ଗେଲ୍ପାଲି ମାଣ୍ଡସି ମୀରୁଏସି ଝାହାମାନେସି □”

ବାଂଗାରା ଟାକା

(ମାତି ୨୫:୧୪-୩୦)

୧୧ ଲକ୍ଷ୍ମି ଇ କାତା ଝେଞ୍ଜି ମାଗାଟି ଏଝାସି ଅଡ଼େ ର ପୁଣ୍ଡିକିନି କାତା ଝେସ୍ତେସି, ଇତିହଁ ଏଝାସି ଜିରୁସାଲମ ତାଗେ ଆହାମାରେସି, ଇତିହଁ ମାହାପୁରୁ ରାଜି ତବେ ତଞ୍ଜାଆନେ ଇଞ୍ଜିଁ ଅଣ୍ଡିମାରେରି □

୧୨ ଏଝାସି ଏଲେଇରେସି, “ର କାଜା କୃତାତାସି ରାଜା ପାଣା ବେଟାଆହ୍ମାଁ ଝେଣ୍ଡା ଝାଇଁଝା ଇଞ୍ଜିଁ ର ହେକ ରାଜି ହାରେସି □

୧୩ ଏଝାସି ତାନି ଦସଜାଣା ହଲିୟାଜାଣି ହାଗାନା ଏଝାଗାକି ଦସଗଟା ଝେଣ୍ଡି ଟାକା ଲାକା ହୀହାନା ଏଲେଇରେସି, ‘ନାନୁ ଝେଣ୍ଡା ଝାନି ପାଡେକା ମୀରୁ ଇ ଟାକା ତଲେ ବେବାରା କିଦୁ □’

* ୧୯:୧୦ ୧୯:୧୦ ମାତି ୧୮:୧୧

୧୪ ଯାମା ତାନି ଦେସାତାରି ଏଞ୍ଜାଣାଇଁ ଅପିହିଲାଆତେରି, ‘ଇଞ୍ଜାସି ମାଙ୍ଗେତାକି ରାଜା ଆୟାଆପେସି’ ଇଞ୍ଜିଁ ତାନି ଜ୍ଞେବ କସ୍‌କାଣି କାତୁ ଖେସା ପାଣ୍ଡିତେରି ।”

୧୫ ତାମୁ ଏଞ୍ଜାସି ରାଜା ପାଣା ବେଟାଆହାନା ତାନି ରାଜିତା ଖେଣ୍ଡାଞ୍ଜାତେସି, ଇଞ୍ଜିଁ ତାନୁ ଟାକାୟାଁ ହାହାମାଟି ହଲିୟାଙ୍ଗା ବେବାରା କିହାଁ ଏଚେକା ଲାବା କିହାମାନେରି ଏଦାଆଁ ପୁଞ୍ଜାଲି ଏଞ୍ଜାରାଇଁ ହାଟିକିତେସି, ଇଞ୍ଜିଁ ଖେଚେସି ।

୧୬ ତଲିତାସି ଖାହାନା ଏଲେଇଚେସି, “ବାବୁ ନାନୁ ହାହାମାଞ୍ଜାତି ର ଟାକା ତଲେ ବେବାରା କିହାନା ଦସଟାକା ଲାବା କିହାମାଇଁ ।”

୧୭ ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ନେହଁ ଟିକାଣାଗାଟି ନାମୁତି ହଲେଏଣାତି, ନାନୁ ଉଣା କାମାତାକି ନେହଁ କାମା କିହାମାନାକି ନାନୁ ଦସଟାଗା ଗାଡ଼ାୟାଁ ସାଲୁଖି କିନି ଅଦିକାରା କିମୁ ।”

୧୮ ଅଡ଼େ ରଅସି ଖାହାନା ଏଲେଇଚେସି, “ବାବୁ ନାନୁ ହାହାମାଞ୍ଜାତି ଟାକା ତଲେ ପାସାଗଟା ଲାବା କିହାମାଇଁ ।”

୧୯ ଏଞ୍ଜାସି ଏଞ୍ଜାଣାଇଁ ଜିକେଏ ଏଲେଇଚେସି, “ନାନୁ ଜିକେଏ ପାସାଗଟା ଗାଡ଼ାୟାଁ ମୁହେଁ ଅଦିକାରା ଆମୁ ।”

୨୦ ଅଡ଼େ ରଅସି ଖାହାନା ଏଲେଇଚେସି, “ପ୍ରବୁ ମେହମୁ ଇଦି ନାନୁ ହାହାମାଞ୍ଜାତି ଟାକା; ଇଦାଆଁ ନାନୁ ବ୍ରାଞ୍ଜାଆଲିତା ରୁପାନା ଇଟାମାଚେଏଁ ।

୨୧ ଇଚିହଁ ନାନୁ ନିଜେ ଆଜାଚେଏଁ, ନାନୁ ର ଗିରିଗିରା ଗାଟାତି, ଇଟା ହିଲାଆଗାଟାଣି ପାରିନାତି, ମାଟା ହିଲାଆତାଣା ଦାଃଆନାତି ।”

୨୨ ଏଞ୍ଜାସି ଏଞ୍ଜାଣାଇଁ ଏଲେଇଚେସି, ଆଡ଼େ ପଲୁଆଗାଟି ହଲେଏଣାତି, ନୀ ଗୁଡିତି ହାଡ଼ାତଲେ ନୀ ନାହାୟି କିୟାଇଁ, ନାନୁ ଗିରିଗିରା ଗାଟାଚେଏଁ, ଇଟାହିଲାଆ ତାଣା ପାରିନାତେଏଁ ମାଟାଆତି ତାଣା ଦାଃଆନାଚେଏଁ ଇଦାଆଁ ପୁଞ୍ଜାମାଟି ?

୨୩ ଆତିହଁ ଏନାଆଁତାକି ନା ଟାକାତି ରାଣା ଅନାରାକି ହାଆତି, ନାନୁ ଖାହାନା ଅତିତଲେ ବେଟାଆଚେଏଁମା ।

୨୪ ଇଞ୍ଜିଁ ଦାରିତା ନିଟାମାଚାରାଇଁ ଖେସୁସି, “ଇଞ୍ଜାଣି ତାଣାଟି ଏ ଟାକା ମାଞ୍ଜା ଅହାନା ଆମ୍ବାଆରିକି ଦସଟାକା ମାନୁ ଏଞ୍ଜାଣାକି ହାଦୁ ।”

୨୫ ଏଚେଟିଏ ଏଞ୍ଜାରି ଖେସୁସି, “ପ୍ରବୁ ଏଞ୍ଜାଣାକି ଦସଟାକା ମାନୁ ।”

୨୬ *ନାନୁ ମିଜେ ଖେସିମାଞ୍ଜାଇଁ, “ଆମିନିଗାଟାଣାକି ମାନେ, ଏଞ୍ଜାଣାକି ଗାତି ହୀପୁକିଆନେ । ଯାମା ଆମ୍ବାଆରାୟି ହିଲେଏ ଏଞ୍ଜାଣି ତାଣା ଏନାୟି ମାନେ ଏଦାଆଁ ଜିକେଏ ଏଞ୍ଜାଣି ତାଣାଟି ଅଢ଼ିଆନେ ।

୨୭ *ଯାମା ନାଜେ ତାମି ରାଜା ଆହାଲି କୁହାମାଞ୍ଜାନି ସାତୁୟାଁଇଁ ଇଦାଆଁ ତାକା ହାଜାନା ଏଞ୍ଜାରାଇଁ ନା ନକିତା ଚୁଣହାତୁହଦୁ ।”

ଜୀସୁ ଜିରୁସାଲମତା ରାହାଁଟି ହାନାୟି

(ମାତି ୨୧:୧-୧୧; ମାର୍କ ୧୧:୧-୧୧; ଜହ ୧୨:୧୨-୧୯)

୨୮ ଈ ବାରେ କାତା ଖେସି ତାମୁ ଜୀସୁ ଜିରୁସାଲମ ଖାକି ହାଚେସି ।

୨୯ ଏଞ୍ଜାସି ଜୀତ ହରୁ ଦାରିତା ମାନି ବେତନିୟାଁ ଅଡ଼େ ବେଦପାଗି ନାମ୍‌କାଣାଁ ଏଜାନା ତାନି ସାସୁୟାଁ ବିତ୍ତାଟି ରିଆରାଇଁ ଈ କାତା ଖେସା ପାଣ୍ଡିତେସି ।

୩୦ “ମାନୁ ହାଜାନା ମୀ ନକିତି ନାୟୁଁତା ହଡ଼ଦୁ ଇଞ୍ଜିଁ ଲକ୍ଷୁ ଏଚେଲା ହଟା ହିଲଅରି; ଇଲେତି ର ଗାଡ଼ଦେ ତାଲୁତି ଦସାମାନାଣି ମେହଦେରି; ଏଦାଆଁ ଦାଢ଼ିଁ ହୁକହାଁ ନା ଡାଣା ତାଟିହଁ ଖାଦୁ ।

୩୧ ଆମ୍ବାଆସି ଏନାଆଁତାକି ହୁକହିମାଞ୍ଜେରି ଇଞ୍ଜିଁ ଖେଞ୍ଜାତିହଁ, ଇଦାନି ମା ପ୍ରବୁକି ଲଡ଼ାମାନେ ଇଞ୍ଜିଁ ଖେହଦୁ ।”

୩୨ ଏମ୍ବାଟି ଜୀସୁ ପାଣ୍ଡାମାଚାରି ଏଞ୍ଜାସି ଏନିକଁ ଖେସାମାଚେସି, ଏଲେହେଁ ମେସୁସି ।

୩୩ ଇଞ୍ଜିଁ ଏଞ୍ଜାରି ଗାଡ଼ଦେ ତାଲୁତି ଦାଢ଼ିଁ ହୁକହିମାଚାଟି ଗାଡ଼ଦେ ସାଢ଼ୁକାରିୟାଁ “ଏନାଆଁତାକି ହୁକହିମାଞ୍ଜେରି ଇଞ୍ଜିଁ ଖେଚେରି ?”

୩୪ ଏଞ୍ଜାରି ଏଲେଇଚେରି, “ଇଦାନି ମା ପ୍ରବୁକି ଲଡ଼ାମାନେ ।”

* ୧୯:୨୨ ୧୯:୨୨ ମାତି ୧୩:୧୨; ମାର୍କ ୪:୨୫; ଲୁକ ୮:୧୮ * ୧୯:୨୨ ୧୯:୨୨ ମାତି ୨୫:୧୪-୩୦

୩୫ ଏମ୍ବାଟିଏ ଗାଡ଼ଦେ ଜୀସୁ ତାଣା ତାରାନା ଏଦାନିଲେକ ହିମ୍ବରକା ପାସାନା ଜୀସୁଇଁ ଲାକ କୁଗିକିତେରି
□

୩୬ ଅଡ଼େ ଏଞ୍ଜାସି ନକିତା ହାଜିମାତାଟି ଲକୁ ଜିରୁତା ତାନି ହିମ୍ବରକା ପାସେସିରି □

୩୭ ଇଞ୍ଜା ଏଞ୍ଜାସି ଜିରୁସାଲମ ତାଗେ ମାନି ଜାତ ହରୁଟି ଖିନି ବେଲ୍ଲାତା ଏଞ୍ଜାସି ଇଞ୍ଜା ତାନି ସୀସୁୟାଁ
ଜୀସୁ କିତି ବାଡ଼ୁୟିତି କାମାତାକି ମାହାପୁରୁଇଁ ଜହରା କିହିହୁଁ ରାହାଁଟି ପାରୁ ପାଡ଼ିତେରି □

୩୮ “ପୁବୁତି ଦରୁଟି ଆମିନି ରାଜା ଖାହିମାନେସି ଏଞ୍ଜାଣାକି ନେହେଁ □ ଲାକପୁରୁ ହିଡ଼ଡ଼ି ଅଡ଼େ
ଲାକପୁରୁତି ମାହାପୁରୁଇଁ ଗାଞ୍ଜରମି ଆପେ □”

୩୯ ଏଚେଟିଏ ଲକୁ ମାନ୍ଦାଟି ଏଚରଜାଣା ପାରୁସିୟାଁ ଜୀସୁଇଁ ଏଲେଇଚେରି, “ଏ ଗୁରୁ ନୀ ସୀସୁୟାଁଇଁ
ଲାରାମୁ □”

୪୦ ନାନୁ ମିଙ୍ଗେ ଖେସିମାଞ୍ଜାଇଁ, “ଇଞ୍ଜାରି ପାଲେଏ ଆଡ଼ିସାରେ, ଖାଲକା ହାଲେହେଁ କାଜା ଗିୟାତଲେ
ଜଲିତୁମା □”

ଜୀସୁ ଜିରୁସାଲମ ତାକି ତ୍ୱାନାସି

୪୧ ଅଡ଼େ ଏଚେତା ଗାଡ଼ା ତାଗେ ଖାଡ଼େସି, ଏଚିବେଲ୍ଲା ଗାଡ଼ାଟି ମେସାନା ତ୍ୱାହିହୁଁ ଏଲେଇଚେସି,

୪୨ “ନାନୁ, ହାଅ, ନାନୁ ନୀଞ୍ଜୁ ହିଡ଼ଡ଼ି ଜିରୁ ପୁଟିହୁଁ ଅଜିତେମା! ସାମା ଏଦି ନୀ ତାଣାଟି ତ୍ୱାମାନେ
□

୪୩ ଏଚିବେଲ୍ଲା ମାହାପୁରୁ ନିଙ୍ଗେ ଗେଲ୍ପାଲି ଅଣ୍ଡାମାଞ୍ଜାତେସି ଏଡ଼ାଆଁ ପୁନାଆତାକି ଏଚିବେଲ୍ଲାତା
ନୀ ସାଡ଼ୁୟାଁ ନୀ ସାରିପୁରୁ କାଜା କଟା ଦସାନା ମୁଚାନେରି,

୪୪ ଇଞ୍ଜା ନିଙ୍ଗେ ଅଡ଼େ ନୀ ତାଣା ମାନି ନୀ ମୀରକାଣି କୁଡ଼ପୁନାସା କିୟାନେରି, ଅଡ଼େ ର ଖାଲିତି ଅର୍
ଖାଲି ଲାକ ତାରି ଆହାଲି ହିୟଅରି, ଇଲେତି ଦିନା ଖାହିମାନେ □”

ମାହାପୁରୁ ଇଲୁତା ଜୀସୁ ହଡ଼ନାସି

(ମାତି ୨୧:୧୨-୧୭; ମାର୍କ ୧୧:୧୫-୧୯; ଜହ ୨:୧୩-୨୨)

୪୫ ଏମ୍ବାଟିଏ ଜୀସୁ ମାହାପୁରୁ ଇଲୁତା ହଡ଼ନାହାଁ ବେବାରା କିନାରାଇଁ ଏମ୍ବାଟି ହାସା ପେଡ଼ହାଡ଼ୁପ୍ରେସି,

୪୬ ଦାମ୍ବୁପତିତା ରାସ୍ତିକି ଆହାମାନେ, “ନା ଇଲୁ ପ୍ରାତାନା ଇଲୁ ଆନେ, ସାମା ମୀରୁ ଏଡ଼ାଆଁ ତଂଗାଁୟାଁ
ପାଞ୍ଜୁ ମୁପହାଡ଼ୁପ୍ରେସି □”

୪୭ ଅଡ଼େ ଜୀସୁ ଦିନାତାକି ଦିନା ପ୍ରାତାନା ଇଲୁତା ଜାପୁହି ମାଚେସି, ସାମା କାଜା ପୁଜେରାଙ୍ଗା ଅଡ଼େ
ମେରାପୁନାରି ଲକୁତି କାଜାରି ତଲେ ଜୀସୁଇଁ ପାୟାଲି ଅଣ୍ଡିମାଚେରି,

୪୮ ସାମା ଲକୁ ରାହାଁଟି ଏଞ୍ଜାଣି ଜାପୁନାଣି ଖେଞ୍ଜିମାତାକି ଏଞ୍ଜାରି ଏନିକିହାଲି ଆନେ ପାରୁ ବେଟାଆହି
ହିଲାଆଚେରି □

୨୦

ଜୀସୁତି ଅଦିକାରା

୧ ର ଦିନା ଜୀସୁ ମାହାପୁରୁ ଇଲୁତା ଲକୁଣି ଜାପୁହି ମାଚେସି, ଅଡ଼େ ନେହୁଁ କାରୁ ଖେକ୍‌ହି ମାଚେସି,
ଏଚିବେଲ୍ଲା କାଜା ପୁଜେରାଙ୍ଗା ଅଡ଼େ ମେରାପୁନାରି ପ୍ରାତିନାଙ୍ଗା ତଲେ ଖାହାନା ଖେଚେରି,

୨ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଲେକିହାଲି ଆମ୍ବାଆସି ଅଦିକାରା
ହାହାମାଞ୍ଜାନେସି, ମାଙ୍ଗେ ଖେସ୍ତାମୁ □”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଜିକେଏ ର କାତା ଖେଞ୍ଜାଇଁ, ନାଙ୍ଗେ ଖେସ୍ତାଡ଼ୁ

୪ ଜହନଇଁ ବାପ୍ତିସ୍ତ* ହୀମୁ ଇଞ୍ଜୁଁ ଆମ୍ବାଆସି ଗାଣ୍ଡିତେସି, ଲାକପୁରୁଟି କି ମାଣସି ତାଣାଟି ?”

୫ ଏଚେଟିଏ ଏଞ୍ଜାରି ତାମ୍ବୁତାମ୍ବୁ ଜଲ୍ଲକି ଆଚେରି, “ଲାକପୁରୁଟି ଇନାସି, ଆଡ଼ିହୁଁ ଏଞ୍ଜାସି
ଏଲେଇଞ୍ଜାନେସି ଏନାଆଁତାକି ଏଞ୍ଜାଣାଇଁ ନାମାଆଚେରି ?

୬ ସାମା ମାଣସି ତାଣାଟି ଇନାସି, ଇଞ୍ଜା ଲକୁ ମାଙ୍ଗେ ଖାଲକାତଲେ ପାୟାନେରି, ଇଡ଼ିହୁଁ ଜହନଇଁ
ମାହାପୁରୁ ଅଣ୍ଡପୁତି ବଲୁ ଖେହୁନାରି ତାଣାଟି ରଅସି ଇଞ୍ଜୁଁ ହାରେକା ନାମାମାନେରି □”

୭ ଏଞ୍ଜାରି ଏଲେଇଚେରି, “ମାମୁ ପୁଞ୍ଜାହିଲଅମି ଏଦି ଏମ୍ବିଟି ଆହାମାନେ □”

* ୧୯:୪୭ ୧୯:୪୭ ଲୁକ ୨୧:୩୭ * ୨୦:୪ ୨୦:୪ ମୁଞ୍ଜନାସି

୮ ଜୀସୁ ଏଝାରାଇଁ ଏଲେଇଚେସି, “ଆତିହୁଁ ନାନୁ ଆମିନି ଅଦିକାରା ତଲେ କିହିମାଇଁ ନାନୁ ଜିକେଏ ଝେସୁଅଁ”

ଅଜ୍ଞୁରି ବାଡ଼ାତା ବାଗା କାମାକିନାରି ପୁଣ୍ଡିକିନି କାତା

(ମାତି ୨୧:୩୩-୪୬; ମାର୍କ ୧୨:୧-୧୨)

୯ ଏମ୍ବାଟିଏ ଜୀସୁ ଈ ପୁଣ୍ଡିକିନି କାତା ଝେସୁସି, “ରଅସି ର ଅଜ୍ଞୁରି ବାଡ଼ା କିହାନା କାମା କିନାରାକି ବାଗା ହୀହାନା ହାରେକା ଦିନାତାକି ଅର ଦେସାତା ହାରେସି

୧୦ ଅଜ୍ଞୁରି ପାଡ଼େୟି କାମ୍ବିନି ଚେଲା ଏଝାସି ତାନି ବାଗା ବେଟାଆହାଲି ର ହଲେଏଶାଇଁ ପାଣ୍ଡିଚେସି, ସାମା ଅଜ୍ଞୁରି ବାଡ଼ାତା କାମାକିନାରି ଏଝାଶାଇଁ ମାଡ଼ା ଝେଚାନା ଝାରଇ କେୟୁଟି ପେରହାତୁସ୍ତେରି

୧୧ ଏଝାସି ଅଡ଼େ ର ହଲେଏଶାଇଁ ପାଣ୍ଡିଚେସି; ଏଝାରି ଏଝାଶାଇଁ ଜିକେଏ ଝେଚାନା ନିନ୍ଦା କିହିଁ ଝାରଇ କେୟୁଟି ପେରହା ପାଣ୍ଡିଚେସି;

୧୨ ତାୟୁ ଅଡ଼େ ରଅଶାଇଁ ପାଣ୍ଡିଚେସି, ସାମା ଏଝାଶାଇଁ ଜିକେଏ ରାଣାରାକା କିହାନା ବାଡ଼ାତି ପାଜାତା ମେଡ଼ହାତୁସ୍ତେରି

୧୩ ଏମ୍ବାଟିଏ ଅଜ୍ଞୁରି ବାଡ଼ାତି ସାଝୁକାରି ନାଏଟି ଏନାଆଁ କିଇଁ ଇଞ୍ଜୁଁ ଅଣ୍ଡାପାନା, ନା ଜୀସୁଟି ମାର୍ଏଶାଇଁ ପାଣ୍ଡିଇଁ ଆତିହୁଁ ଏଝାଶାଇଁ ମାନ୍ତି କିନେରି

୧୪ ସାମା କାମାକିନାରି ଏଝାଶାଇଁ ମେସାନା ତାମ୍ବୁତାମ୍ବୁ ଏଲେଇଶମ୍ବି ଆଡ଼େରି ‘ଇଝାସି ଅଦିକାରା ଗାଗାସି, ଇଝାଶାଇଁ ପାୟାତୁହନ, ଆତିହୁଁ ଈ ଅଜ୍ଞୁରି ବାଡ଼ା ମାଜେ ଆୟାନେ

୧୫ ଅଡ଼େ ଏଝାଶାଇଁ ଅଜ୍ଞୁରି ବାଡ଼ା ପାଜାତା ମେଡ଼ହାନା ପାୟିଚେରି

“ଆତିହୁଁ ଅଜ୍ଞୁରି ବାଡ଼ାତି ସାଝୁକାରି ଏଝାରାଇଁ ଏନାଆଁ କିନେସି ?

୧୬ ଏଝାସି ଝାହାନା ଈ କାମା କିନାରାଇଁ ପାୟାତୁହନେସି, ଅଡ଼େ ଏଟକାତାରାକି ଏ ଅଜ୍ଞୁରି ବାଡ଼ା ହୀନେସି

ଲକୁ ଈ କାତା ଝେଞ୍ଜାନା ଏଲେଇଚେରି, “ଏଲେକିହୁଁ ଆଝୁଏ ଆଆପେ

୧୭ ସାମା ଜୀସୁ ଏଝାରାଇଁ ଝେସୁସି, “ଆତିହୁଁ ରାଡ଼ାମାନି ଈ ବଲୁ ଏନାୟି ?

ଇଲୁ କେପିନାରି ଆମିନି ଝାଲିତି କୂଚେରି,

ଏଦି ଇଲୁ କନତି ମୂଲୁ ଝାଲି ଆଡ଼େ

୧୮ ଆମ୍ବାଆସି ଏ ଝାଲି ଲାକ ତରରିନେସି, ଏଝାସି କାଣ୍ଡାମୁକା ଆନେସି; ଇଞ୍ଜୁଁ ଏ ଝାଲି ଆମ୍ବାଆରି ମୁହେଁ ତରରିନେ ଏଝାଶାଇଁ ଗୁଣ୍ଡୁଗୁଣ୍ଡା କିନେ

ସିସୁ ହାନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

୧୯ ଏଚେଟିଏ ମେରାପୁନାରି ଅଡ଼େ କାଜା ପୂଜେରାଜା ଦେବୁଣିଏ ଜୀସୁଇଁ ଆସାଲି ଅଣ୍ଡପିଚେରି, ସାମା ଲକୁ ମାନ୍ଦାତି ଆଜିଚେରି, ଇତିହୁଁ ଏଝାସି ଏ ପୁଣ୍ଡିକିନି କାତା ଏଝାରାଇଁ ସିନିକିହାନା ଝେସାମାଚେସି ଇଞ୍ଜୁଁ ଏଝାରି ପୁଚେରି

୨୦ ଏମ୍ବାଟିଏ ଏଝାରି ଜୀସୁଇଁ ପାଣା ଅଡ଼େ ବାଡ଼ୁଗାଟି ସାଲୁଝି କିନାରି କେୟୁତା ଏଝାଶାଇଁ ହେରପାଲି ପାରୁ ପାରିଚେରି, ଇଞ୍ଜୁଁ ଏଚରଜାଣା ତାମ୍ବୁତାମ୍ବୁ କେ ଦାମ୍ବୁଗାଟାରି ଇଞ୍ଜୁଁ ତସା କତିନି ନାଡ଼ିକିନାରି ଜୀସୁଇଁ ତାନି ଝେହନି କାତାତା ଦହ ଦସାଲି ଏଝାଣି ତାଣା ପାଣ୍ଡିଚେରି

୨୧ ଏଝାରି ଜୀସୁଇଁ ଝେଚେରି, “ଗୁରୁ, ମାମ୍ବୁ ପୁଞ୍ଜାମାନମି, ନାନୁ ଏନାଆଁ ଝେସାମାଞ୍ଜି ଅଡ଼େ ଜାପୁହାମାଞ୍ଜି ଏଦି ସାତା, ଅଡ଼େ ଆମ୍ବାଆରାଇଁ ପାରଡ଼ା ବାଟି କିଅତି, ସାମା ସାତା ମାହାପୁରୁଟି ଜିରୁଟି କାତା ଜାପୁଦି

୨୨ ଆତିହୁଁ କାୟିସରକି ସିସୁ ହାନାୟି ମେରା ମାନେକି ଆଏ

୨୩ ସାମା ଜୀସୁ ଏଝାରି ନାଡ଼ିକିନି ଅଣ୍ଡପୁଟି ପୁଞ୍ଜାନା ଏଝାରାଇଁ ଝେସୁସି, “ନାଜେ ର ଝେଣ୍ଡି ଟାକା ହିୟାବୁ

୨୪ ଏ ଝେଣ୍ଡି ଟାକାତା ଆମ୍ବାଆରି ବମା ଅଡ଼େ ଦରୁ ମାନେ, ଏଝାରି ଝେସୁସି, “କାୟିସରଝାୟି

୨୫ ଏଚେଟିଏ ଜୀସୁ ଏଝାରାଇଁ ଝେସୁସି, “ଆତିହୁଁ କାୟିସରଝାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜୁଁ ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହୀଦୁ

୨୬ ଏଚେଟିଏ ଏଝାରି ଲକ୍ଷୁ ନକିତା ଏଝାଣାଈଁ ଏନ୍ ଦହ ଦସାଲି ଆଡାଆଡେରି, ଇଞ୍ଜା ଏଝାରି ଜାସୁ ଖେସ୍ତି କାତାତାକି ଆଡାଜାକା ଆହାନା ପାଲେଏ ମାଚେରି □

ହାଡାରି ଖେଣ୍ଡେ ନିଜିନି କାତା
(ମାତି ୨୨:୨୩-୩୩; ମାର୍କ ୧୨:୧୮-୨୭)

୨୭ ଏସ୍ପାଟିଏ ହାଡାରି ଖେଣ୍ଡେ ନିଜିନାଣି ନାମିହିଲ୍ଲାଆଗାଟି ଏଚରଜାଣା ସାଦୁକିୟାଁ ଜାସୁତାଣା ଝାହାନା ଖେଚେରି,

୨୮ “ଏ ଗୁରୁ ମସା ମାଜେତାକି ରାଡାମାନେସି, ରଅସି ବାହା ଆହାଁ କକାରି ପଦାଁ ଆଆନା ହାଡିହୁଁ , ଏଝାଣି ତାୟି ତାନି ତକ୍ତିନି ଇଟାନା ଏଝାଣି କୁଡା ଏପିକିୟାଲି ଆନେ □

୨୯ ସାତା ଜାଣା ତାୟିୟାଁ ମାଚେରି; କାଜାସି ବାହା ଆହାନା କକାରି ପଦାଁ ଆଆନା ହାଡେସି;

୩୦ ତାୟୁ ଏଝାଣି ଜେଚତାସି ଇଚିତେସି, ଅଡେ ଏଝାଣି ଜେଚତାସି ଇଚିତେସି;

୩୧ ଏଲେକିହୁଁ ଏ ସାଡା ଜାଣା ଜିକେଏ କକାରି ପଦାଁ ଆଆନା ହାଡେତି □

୩୨ ତାୟୁ ଏ ଇୟା ଜିକେଏ ହାଡେ □

୩୩ ଆତିହୁଁ ଖେଣ୍ଡେ ନିଜିନି ଦିନା ଏଝାରି ବିଡ୍ରାଟି ଏ ଇୟା ଆମ୍ବାଆରି ତକ୍ତି ଆନେ ? ଇଚିହୁଁ ସାତା ଜାଣା ଜିକେଏ ଏଦାନି ଇଟାମାଚେରି □”

୩୪ ଜାସୁ ଏଝାରାଇଁ ଏଲେଇଚେସି, “ଇ ଦାରତତି ଲକ୍ଷୁ ବାହା କିନେରି ଅଡେ ଆନେରି,

୩୫ ସାମା ଝାନ୍ତି ଜୁଗୁତାକି ଇଞ୍ଜା ହାକିଚି ନିଜାଲିତାକି ପାଡା ଆଦାରି ବାହା ଆଅରି କି ବାହା ହାଅରି;

୩୬ ଇଚିହୁଁ ଏଝାରି ଦୁଡୁୟାଲେହେଁ ଆହାନା ଏଚେଲାଝା ହାଅରି, ଇଞ୍ଜା ହାକିଚି ନିଜାମାନାକି ଏଝାରି ମାହାପୁରୁତି ମାରକା ଆନେରି □

୩୭ ସାମା ହାଡାରି ସାତେଏ ନିଜିନେରି ଇଞ୍ଜୁଁ ମସାଇଁ ଜିକେଏ ଖେହିମାନି ବୁଟାତି କାବୁତଲେ ନେହୁଁ କୁଁ ତସାମାଚେସି, ଇଚିହୁଁ ଏଝାସି ପ୍ରବୁଇଁ ଅଗ୍ରାହାମତି ମାହାପୁରୁ, ଇସାହାକତି ମାହାପୁରୁ ଅଡେ ଜାକୁବତି ମାହାପୁରୁ ଇଞ୍ଜାମାଚେସି □

୩୮ ଏଝାସି ହାଡାରି ମାହାପୁରୁ ଆଏ ସାମା ଜାସୁଗାଗାରି ମାହାପୁରୁ; ଇଚିହୁଁ ମାହାପୁରୁ ନକିତା ବାରେଜାଣା ନାତାମାନେରି □”

୩୯ ଏସ୍ପାଟିଏ ଫେରାପୁନାରି ବିଡ୍ରାଟି ଏଚରଜାଣା ଏଲେଇଚେରି, “ହାଅ, ଗୁରୁ ନାନୁ ଅଜେ ଖେସ୍ତିତି □”

୪୦ ଇଚିହୁଁ ଏଝାଣାଇଁ ଅଡେ ଏନାଆଁ ଖେଞ୍ଜାଲି ଏଝାରାକି ସାସା ହିଲ୍ଲାଆଡେ □

କ୍ରୀସ୍ତ ଆମ୍ବାଆସି
(ମାତି ୨୨:୪୧-୪୬; ମାର୍କ ୧୨:୩୫-୩୭)

୪୧ ଏସ୍ପାଟିଏ ଜାସୁ ଏଝାରାଇଁ ଖେଚେସି, କ୍ରୀସ୍ତ ଦାସୁଦ ମାରୁଏସି, ଲକ୍ଷୁ ଏନିକିଁ ଏଲେଇଚେରି ?

୪୨ ଇଚିହୁଁ ଦାସୁଦ ତାନୁଏ ପାରୁ ପତିତା ଏଲେଇଞ୍ଜି ମାନେସି,

ପ୍ରବୁ ନା ପ୍ରବୁଇଁ ଖେସ୍ତିସି,

୪୩ ନାନୁ ନୀ ସାଦୁୟାଁଣି ନୀ କତାୟାଁ ତୁଇ ଇଟାଆ ପାଡେକା,

ନାନୁ ନା ଚିଃନିଝାକି କୁଗାମାନାମ୍ବୁ □

୪୪ ଦାସୁଦ ତାନୁଏ ଏଝାଣାଇଁ ପ୍ରବୁ ଇଞ୍ଜୁଁ ମାନେସି; ଆତିହୁଁ କ୍ରୀସ୍ତ ଏନିକିଁ ଏଝାଣି ମାରୁଏସି ?

ଫେରାପୁନାରି ତାଣାଟି ଜାଗ୍ରାତା
(ମାତି ୨୩:୧-୩୬; ମାର୍କ ୧୨:୩୮-୪୦)

୪୫ ତାୟୁ ବାରେ ଲକ୍ଷୁ ନକିତା ସାସୁୟାଁଇଁ ଖେସ୍ତିସି,

୪୬ “ଫେରା ଜାପୁନାରି ତାଣାଟି ଜାଗ୍ରାତା! ଇଚିହୁଁ , ଏଝାରି ଲାମ୍ବା ଲାମ୍ବା ହିମ୍ବୁରିକା ହୁଟାନା ତିରୁଝିହୁଁ ରେଜାଲି, ଅଡେ ହାଡା ବାଜାରାତା ଜହରା ବେଟାଆହାଲି, ପ୍ରାଡାନା ଇଲ୍ଲକାଣା ନେହୁଁ ନେହୁଁ କୁଚୁଁୟାଁ ଅଡେ ବକିତା ନେହୁଁ ଗାୟୁ ବେଟାଆହାଲି ଅଣ୍ଡିନେରି;

୪୭ ଏଝାରି ରାଡେଣ୍ଡାସିକା ଇଲ୍ଲ ସେଦିନେରି ଅଡେ ଉଜେ ଉଜେଏ ଲାମ୍ବା ଲାମ୍ବା ପ୍ରାଡାନା କିନେରି; ଏଝାରି ହାରେକା ତଣ୍ଡୁ ବେଟାଆନେରି □”

୨୧

ରାତ୍ରେଣିନି ଦାନା
(ମାତି ୧୭:୪୧-୪୪)

୧ ଏଚିବେଲା ଦନଗାଗାରି ଦାନା ପେଡ଼ାତା ତାନି ଦାନା ମେଡ଼ହ ମାଚାଣି ଜୀସୁ ସିନକିହିମାଚେସି,

୨ ଅଡ଼େ ର କାର୍ମାଗାଚି ରାତ୍ରେଣି ଖାହାନା ଏମ୍ପାଆଁ ରା ଡ଼ଣା ତାମ୍ପାତି ଆଦଲି ମେଡ଼ହାଣି ମେସାନା ଏଲେଇଚେସି,

୩ “ନାନୁ ମିଜେ ସାତା ଝେସିମାଞ୍ଜାଇଁ ଇ କାର୍ମାଗାଚି ରାତ୍ରେଣି ଗାତି ଦାନା ହୀହାମାନେ,

୪ ଇଚିହୁଁ ଦନ ଗାଗାରି ତାନି ଗାତି ଦନଟି ଇଚାଣି ତାଚାନା ବେଟୁ ହୀହାମାନେରି, ସାମା କାର୍ମାଗାଚି ରାତ୍ରେଣି ତାନି ହିଲାଆବେଲାତା ତାଜେ ନୀତାଲିତାକି ଏନାୟି ମାଚେ ଏ ବାରେ ହୀହାମାନେ □”

ମାହାପୁରୁ ଇଲୁ ନସ୍ତ ଆନି କାତା
(ମାତି ୧୪:୩-୧୪; ମାର୍କ ୧୩:୩-୧୩)

୫ ଅଡ଼େ ଆମ୍ବା ଆମ୍ବାଆରି ମାହାପୁରୁ ଇଲୁ ଅକ୍ତି ଅକ୍ତିତ ଖାଲକା ଅଡ଼େ ଦାନା ହୀନାଣି ତଲେ ଅକ୍ତିକିଁ ଅକ୍ତାମାନେ ଇଞ୍ଜିଁ ଇଞ୍ଜାଲିଏ ଜୀସୁ ଏଲେଇଚେସି,

୬ “ମୀରୁ ନୀଏଁ ଏନା ଏନାଆଁ ମେସିମାଞ୍ଜେରି, ଦିନା ଖାନ୍ଦେ, ଏଚିବେଲା ର ଖାଲି ଅର ଖାଲି ଲାକ ଡ଼ୟେଏ, ଇ ବାରେ ମେଶ୍ଟାହାନେ □”

କସ୍ତ୍ର ଅଡ଼େ ନିନ୍ଦା ଖାନ୍ତି କାତା
(ମାତି ୨୪:୩-୧୪; ମାର୍କ ୧୩:୩-୧୩)

୭ ଏଚିବେଲା ଏଞ୍ଜାରି ଏଞ୍ଜାଣାଇଁ ଝେଚେରି, “ଏ ଗୁରୁ ଆତିହୁଁ ଇ ବାରେ ଏଚେଲା ଆନ୍ଦେ ? ଇଞ୍ଜାଁ ଇ ବାରେ ଆମିନି ବେଲାତା ଆନ୍ଦେ, ଏ ବେଲାତି ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା ମୀରୁ ଏନିକିଁ ଆନ୍ଦା ଆଅଡ଼େରି; ଇଚିହୁଁ ହାଚେକା ନା ଦରୁଟି ଖାହାନା ନାନୁ ଏଞ୍ଜାଚେଏ ଅଡ଼େ ଏ ଦିନା ଏଦାତେୟିଏ ଇଞ୍ଜିଁ ଇଞ୍ଜାନେରି; ଏଞ୍ଜାରି ଜେତ ହାଲାଆଦୁ □

୯ ଇଞ୍ଜାଁ ମୀରୁ ଏଚେତା ଜୁଡୁ ଇଞ୍ଜାଁ ମେଲି ଆହିମାନାଣି ଝେଟିସାରେ ଆଜାଆଦୁ; ଏନିକିହିଁ ଇ ବାରେ ନଚେଏ ଆୟାଲି ଆନ୍ଦେ, ଆଡ଼ିଜିକେଏ ଏଚିବେଲା ଜୁଗୁ ରାଏ □”

୧୦ ତାୟୁ ଏଞ୍ଜାରାଇଁ ଏଲେଇଚେସି, “ଦେସା କପାଟି ଦେସା, ରାକ୍ତି କପାଟି ରାକ୍ତି ମେଲି ନିଜ୍ଜାନେ,

୧୧ ଇଞ୍ଜାଁ ଇମ୍ପାଆଁ ଏମ୍ପାଆଁ ବୁମି ଖାତିନେ, ହାଚେକା ଚାୟୁତା ମର୍ଡ଼ି ଇଞ୍ଜାଁ କାର୍ଡ଼ୁ ଖାନ୍ଦେ, ଅଡ଼େ ହାଗୁ ପାକାତା ଆଜିହପେତି ସିନାୟିଁ ତଞ୍ଜା ଆନୁ □

୧୨ ସାମା ଇ ବାରେ ଆଆ ନଚେଏ ଲକ୍ଷୁ ମିଜେ ଆସାନା ନା ଦରୁ ତାକି ନିନ୍ଦା କିହାନା ଜୀହୁଦି ଲକ୍ଷୁତି କୁଟମି ଇଲକାଣା*, କାୟିଦି ଇଲକାଣା, ରାଜା ଇଞ୍ଜାଁ ନୀହାୟି କିନାରି ତାଣା ହେର୍ପାନେରି;

୧୩ ଇଦି ମିଜେତାକି ସାକି ଆନ୍ଦେ □

୧୪ ଇଞ୍ଜାଁ ଏନାଆଁ ଜଲିଇଁ ଏନାଆଁ ଝେହୁଇଁ ଇଞ୍ଜିଁ ତଲିଏ ମନତା ଅଶ୍ଵାଆଦୁ;

୧୫ ଏନାଆଁତାକି ଇଚିହୁଁ ମୀ ସାତୁୟିଁ ମିଜେ ଝେଶ୍ଵେ ଜଲାଲି କି ଝେସାଲି ଆଡ଼ାଆପେରିଖା ଇଞ୍ଜିଁଁ ନାନୁ ମିଜେ ଏଚିବେଲାତା ନେହୁଁ ବୁଦି ଅଡ଼େ ସୁଖା ହିୟାଇଁ □

୧୬ ସାମା ମୀ ତାଲି ତାଞ୍ଜି ତାୟିୟାଁ ସାମ୍ପାୟିୟାଁ ଇଞ୍ଜାଁ ମୀ ତଶେସିକା ଜିକେଏ ମିଜେ ହେର୍ପାନେରି, ଅଡ଼େ ମୀ ବିତ୍ରାଟି ଆମ୍ବା ଆମ୍ବାଆରାଇଁ ଇର୍ହାନା ପାୟିନେରି,

୧୭ ଇଞ୍ଜାଁ ନା ଦରୁ ତାକି ବାରେ ଲକ୍ଷୁତାଣା ଲାଜା ବେଟାଆଦେରି ଅଡ଼େ ଅପଅରି □

୧୮ ସାମା ମୀ ତାୟୁଁ ତୁ ର ବାଣା ଜିକେଏ ନସ୍ତ ଆଏ;

୧୯ ଅର୍ହନି ତାଣାଟି ମୀରୁ ମୀ ଜୀଞ୍ଜୁତି ଗେଲପକିହା କତିଦେରି □”

ଜିରୁସାଲମ ନାସା ଆନି କାତା

(ମାତି ୨୪:୧୫-୨୧; ମାର୍କ ୧୩:୧୪-୧୯)

୨୦ “ସାମା ମୀରୁ ଏଚିବେଲା ସାତୁୟିଁ ଜିରୁସାଲମ ଗାଡ଼ାତା ମୁଚାମାନାଣି ମେହଦେରି, ଏଚିବେଲା ଏଦି ନାସା ଆନି କାଲା ଏଦାତେ ଇଞ୍ଜିଁ ପୁଞ୍ଜୁ □

* ୨୧:୧୭ ୨୧:୧୭ ସିନଗର ✨ ୨୧:୧୪ ୨୧:୧୪ ଲୁକ ୧୨:୧୧,୧୨

୨୧ ଏଚିବେଲା ଏମିନିଗାଟାରି ଜୀହୁଦା ଦେସାତା ମାନେରି, ଏଝାରି ହରକାଣା ହଣ୍ଡାପାରି; ଇଞ୍ଜି ଏମିନିଗାଟାରି ଗାଡ଼ା ବିଦ୍ଵା ମାନେରି, ଏଝାରି ହରା ହାଲବେରି; ଏମିନିଗାଟାରି ନାୟକାଣା ମାନେରି, ଏଝାରି ଗାଡ଼ାତା ହଡ଼ଆପେରି;

୨୨ ଏନିଇଚିହିଁ ମାହାପୁରୁ ପତିତା ରାୟକି ଆହାମାନି ବାରେ କାତାଲେହେଁ ଆୟାଲିତାକି ଏଡ଼ି ଡଣ୍ଡ ହାନି କାଲା □

୨୩ ଆୟଡ଼ା ଏଚିବେଲା ପୁରାମାସା ଆହାମାନୁ କି ପାଲୁ ଉର୍ବହିମାନୁ ଏଢ଼ି ଉଣେଏ କସ୍ତ ପାଣ୍ଡନୁକି! ଏନିଇଚିହିଁ ଏଚିବେଲା ଇ ଦାର୍ତତିତା କାଜା ଡଣ୍ଡ ଅଡ଼େ ଇ ଲକୁତାକି ମାହାପୁରୁତି କପା ଆନେ,

୨୪ ଏଚରଜାଣା କାଣ୍ଡାତଲେ ଚୁଣ୍ଡି ଆନେରି, ଇଞ୍ଜି ଏଚର ଜାଣାଇଁ ଦସପି କିହାଁ ଏବକା କୁଡ଼ାତି ଲକୁତାଣା ଅନେରି, ଇଞ୍ଜି ଏବକା ଜାଡ଼ିତି ଲକୁତି କାଲା ଏଥା ପାତେକା ଏଝାରି କତାୟାଁ ଡ଼ଇ ଜିରୁୟାଲମା ଗାଡ଼ା ଷ୍ଟିସପିଆହିଁ ଡ଼ୟିନେ □”

ମାଣସି ମୀରୁଏସି ଷ୍ଟେଣ୍ଡା ଖାନାୟି

(ମାତି ୨୪:୨୯-୩୧; ମାର୍କ ୧୩:୨୪-୨୭)

୨୫ *ଏମାଟିଏ ଷ୍ଟେଡ଼ା ଲେଞ୍ଜୁ ଅଡ଼େ ହୁକାୟାଁ ବିତ୍ରାଟି ଏନି ଏନି ସିନାୟାଁ ତଞ୍ଜାଆନେ, ସାମଦୁରି ଗାଜି ନାଣି ଇଞ୍ଜି ଏମୁ ନିଜିନାଣି ମେସାନା ଦାର୍ତତିତା ବାରେ ଦେସାତି ଲକୁ ଆତାଜାକା ଆନେରି,

୨୬ ଇଞ୍ଜି ଦାର୍ତତିତା ଏନା ଏନାୟି ଗଟ୍ଢି ଆହିମାନେ ଇଞ୍ଜି କାଟାନା ଲକୁ ଆଜିତାକି ଜୀଝୁ ପିସ୍ତିଲେହେଁ ଆନେରି, ଏନିଇଚିହିଁ ହାଗୁ ପାକାତି ବାଡ଼ୁୟୁ ବାରେ ଖୀତିନେ □

୨୭ ଏଚିବେଲା ମାଣସି ମୀରୁଏସି କାଜା ବାଡ଼ୁୟୁ ଅଡ଼େ ଗାଝୁରମି ତଲେ ହାଗୁ ଲାକତି ଦୁହାଟି ଖାନାଣି ମେହ୍‌ଦେରି □

୨୮ ସାମା ଇ ବାରେ ଗଟ୍ଢି ଆୟାଲି ମାବୁହିସାରେ ମୀରୁ ଲାକ ସିନିକିଦୁ ଏନିଇଚିହିଁ ମିଙ୍ଗେ ଗେଲ୍‌ପିନି କାତା ଏଜିମାଞ୍ଜାନେ □”

ତୟା ମୀରୁନୁତି ଜାପିନାୟି

(ମାତି ୨୪:୩୨-୩୫; ମାର୍କ ୧୩:୨୮-୩୧)

୨୯ ଅଡ଼େ ଜୀସୁ ଏଝାରାଇଁ ର ପୁଣ୍ଡିକିନି କାତା ଷ୍ଟେସ୍ତେସି, “ତୟା ମୀରୁନୁ ଅଡ଼େ ବାରେ ମୀରୁକାଣି ସିନିକିଦୁ;

୩୦ ଏଚିବେଲା ଏଢ଼ି ଗଢ଼େଡ଼ି ଗାଲୁନୁ, ଏ ଗଢ଼େଡ଼ି ଗାଲୁନାଣି ମେସାନା କାରା ଷ୍ଟେଡ଼ା ଖାଡ଼େ ଇଞ୍ଜି ମୀରୁ ପୁଞ୍ଜେରି;

୩୧ ଏଲେକିହିଁ ଏ ମୀରୁ ଇ ବାରେ ମେସାନା ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜି ପୁଞ୍ଜେରି □”

୩୨ “ନାନୁ ମିଙ୍ଗ ସାତା ଷ୍ଟେସିମାଞ୍ଜାଇଁ, ଇ ବାରେ ଆଥାପାତେକା ଇ କାଲାତି ଲକୁ ଏନିଜିକେଏ ମେଣ୍ଡାକ୍‌ଅରି □

୩୩ ହାଗୁପାକା ଦାର୍ତତି ବାରେ ମେଣ୍ଡାକ୍‌ନେ, ସାମା ନା ବଲୁ ଏଚେଲାଝା ମେଣ୍ଡାକ୍‌ଏ □”

କାଟିହିଁ ମାନାୟି

(ମାତି ୨୪:୩୬-୪୪; ମାର୍କ ୧୩:୩୨-୩୭)

୩୪ “ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ, ଆଆତିହିଁ ତିନାଣି ଉନାଣି ଅଡ଼େ ବାଡ଼କିନି ଅଣପୁ ମୀ ହିୟାତା ନେଞ୍ଜେନେ ଅଡ଼େ ଏ ଦିନା ଦେବୁଣିଏ ପାନ୍ଦାଲେହେଁ ମୀ ମୁହେଁ ଖାଡ଼େ;

୩୫ ଏନିଇଚିହିଁ ଏଡ଼ି ପାନ୍ଦା ଲେହେଁ ଦାର୍ତତିତା ବାରେ ଜାଡ଼ିତି ଲକୁ ମୁହେଁ ଖାଡ଼େ □

୩୬ ସାମା ମୀରୁ ଏନିକିଁ ଇ ବାରେ ଖାହିମାନି ଡଣ୍ଡଟି ଗେଲ୍‌ପି ଆହାଲି ଅଡ଼େ ମାଣସି ମୀରୁଏସି ନକ୍ତିତା ନିଚାଲି ଆଡ଼ିଦେରି, ଏଦାଆଁତାକି ବାରେବେଲା କାଟାନା ପ୍ରାଡାନା କିହେମାଞ୍ଜୁ □”

୩୭ *ଜୀସୁ ଏଚିବେଲା ପ୍ରାଡାନା ଇଲୁତା ଜାପୁହି ମାଚେସି, ଇଞ୍ଜି ଲାଆଁୟାଁ ଗାଡ଼ାଟି ହଡ଼ା ହାଜାନା ଜୀତ ଇନି ହରୁତା ମାଣ୍ଡିଚେସି □

୩୮ ଅଡ଼େ ବାରେ ଲକୁ ପ୍ରାଡାନା ଇଲୁତା ଜୀସୁ କାତା ଷ୍ଟେଞ୍ଜାଲି ଲାକ ଲାଇସିଏ ରୁଣ୍ଡା ଆହିମାଚେରି □

* ୨୧:୨୫ ୨୧:୨୫ ଷ୍ଟେ ବଲୁ ୬:୧୨,୧୩ * ୨୧:୨୭ ୨୧:୨୭ ଷ୍ଟେ ବଲୁ ୧:୭ * ୨୧:୩୭ ୨୧:୩୭ ଲୁକ ୧୯:୪୭

୨୨

ଜୀସୁଙ୍କ ପାୟାଲି ପାରୁ ପାରିନାହି

(ମାତି ୨୪:୧-୫; ମାର୍କ ୧୪:୧,୨; ଜହ ୧୧:୪୫-୫୩)

୧ ପିସ୍‌ପିଆନ୍ ପାରୁ ଦରୁଗାଟି ପୁଲାଏୟୁ ଆଣ୍ଡାଆତି ରୁଟି ତିନି ପାରୁ ତାଗେ ଆହିମାଟେ □

୨ ଇଞ୍ଜା କାଜା ପୂଜେରା ଅଡ଼େ ମୋରାପୁନାରି, ଜୀସୁଙ୍କ ଏନିକି ପାୟାଲି ଆଡ଼ିନେରି, ଏଦାଆଁତାକି ପାରୁ ପାରିମାଟେରି, ସାମା ଏଞ୍ଜାରି ଲକୁଣି ଆଜିମାଟେରି □

ଜୀହୁଦା ଜୀସୁଙ୍କ ଆସ୍‌ପି କିହାଲି ରାଜି ଆନାୟି

(ମାତି ୨୨:୧୨-୨୬; ମାର୍କ ୧୪:୧୦,୧୧)

୩ ଏଟିବେଲା ବାରଜାଣା ସାୟୁୟା ବିତ୍ରାମାନି ଇସ୍‌ପାରିୟତ ଦରୁଗାଟି ଜୀହୁଦା ହିୟାତା ସୟତାନ ହଟେ;

୪ ଅଡ଼େ ଜୀହୁଦା ହାଜାନା ଏନିକି କାଜା ପୂଜେରାଜା ଅଡ଼େ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସ୍‌ପି କିନେସି, ଏଦାଆଁତାକି ଏଞ୍ଜାରିତଲେ କାତାବାର୍ତା ଆଡ଼େସି □

୫ ଏମ୍ପାଟିଏ ଏଞ୍ଜାରି ରାହାଁ ଆହାନା ଏଞ୍ଜାଣାକି ଟାକାୟାଁ ହାହାଲି ଆଞ୍ଜିତେରି □

୬ ଅଡ଼େ ଜୀହୁଦା ରାଜି ଆହାନା ଲକୁ ହିଲାଆବେଲାତା ଜୀସୁଙ୍କ ଏଞ୍ଜାରି କେୟୁତା ହେର୍‌ପାଲି ପାରୁ ପାରିତେସି □

ପିସ୍‌ପିଆନ୍ ପାରୁତି ବଜି ତିୟାରା କିନାୟି

(ମାତି ୨୨:୧୭-୨୫; ମାର୍କ ୧୪:୧୨-୨୧; ଜହ ୧୩:୨୧-୩୦)

୭ ତାୟୁ ଆମିନି ଦିନା ପୁଲାଏୟୁ ଆଣ୍ଡାଆତି ରୁଟି ତିନି ପିସ୍‌ପିଆନ୍ ପାରୁତାକି ମୋଣ୍ଡା ତାଲକାଣି ପୂଜା କିନି ଦିନା ଏତେ;

୮ ଏଟେଟିଏ ଜୀସୁ ପିତର ଅଡ଼େ ଜହନଇଁ ଇ କାତା ଖେସା ପାଣ୍ଡିତେସି, “ମୀରୁ ହାଜାନା ମାଜେତାକି ପିସ୍‌ପିଆନ୍ ପାରୁତାକି ରାନ୍ଦା ଖାଜାଦୁ ମାର ତିନିଏା □”

୯ ଏମ୍ପାଟିଏ ଏଞ୍ଜାରି ଜୀସୁଙ୍କ ଖେଟେରି, “ମାମୁ ଆମ୍ପିୟା ହାଜାନା ରାନ୍ଦା ଖାଜିହାଲାପାରି ଇଞ୍ଜାଁ ନୀନୁ ଅଣ୍ଡିମାଞ୍ଜି ?”

୧୦ ଏଞ୍ଜାସି ଏଞ୍ଜାରାଇଁ ଏଲେଇତେସି, “ମୀରୁ ଗାଡ଼ା ହଟିସାରେ ତ:କାତା ଏୟୁ ଅହିମାନାଣାଇଁ ମେହ୍‌ଦେରି; ଏଞ୍ଜାଣି ଜେତ ଜେତ ହାଜାନା ଏଞ୍ଜାସି ଆମିନି ଇଜ ହଡ଼ନେସି ଏ ଇଲୁ ଗାଟାଣାଇଁ ଖେହ୍‌ଦୁ,

୧୧ ଗୁରୁ ନିଙ୍ଗ ଇଲେଇଞ୍ଜାଁ ଖେସା ପାଣ୍ଡାମାଞ୍ଜାନେସି, ନାନୁ ନା ସାୟୁୟାଁ ତଲେ ପିସ୍‌ପିଆନ୍ ପାରୁତି ବଜି ଏମିନି ଇଲୁତା ତିଇଁ ଏ ବାକ୍ତା ଆମିନାୟି ତସ୍ତାମୁ ?

୧୨ ଏମ୍ପାଟିଏ ଏଞ୍ଜାସି ନେହ୍‌ ତିୟାରା ଆହାମାନି ଲାକନି ପାରୁତି ର କାଜା ବାକ୍ତା ତସ୍ତାନେସି; ଏମ୍ପାଆଁ ମାଜେତାକି ରାନ୍ଦା ଖାଜାଦୁ □”

୧୩ ଏଞ୍ଜାରି ହାଜାନା ଜୀସୁ ଏଞ୍ଜାରାଇଁ ଏନିକି ଖେସାମାଟେସି, ଏଲେକି ମେସାନା ପିସ୍‌ପିଆନ୍ ପାରୁତି ରାନ୍ଦା ଖାଜିତେରି □

ପ୍ରବୁତି ବଜି

(ମାତି ୨୨:୨୬-୩୦; ମାର୍କ ୧୪:୨୨-୨୬; ୧କର ୧୧:୨୩-୨୫)

୧୪ ପିସ୍‌ପିଆନ୍ ପାରୁତି ବେଲା ଆୟାଲିଏ, ଜୀସୁ ଅଡ଼େ ତାନି ପାଣ୍ଡି ଆଡ଼ି ସାୟୁୟାଁ ତଲେ ତିଞ୍ଜାଲି କୁରିତେରି □

୧୫ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇତେସି, “ନାନୁ ଦୁକୁ କସ୍ତ ପ୍ଲା୪ଥା ନକେଏ ମୀ ତଲେ ଇ ପିସ୍‌ପିଆନ୍ ପାରୁତି ବଜି ତିଞ୍ଜାଲି ହାରେକା ଅଣ୍ଡାମାଟେଏଁ □

୧୬ ଏନିଇଟିହ୍‌ ନାନୁ ମିଜେ ଖେସିମାଞ୍ଜାଇଁ, ମାହାପୁରୁ ରାଜିତା ଇ କାତା ବାରେ ପୁରା ଆଆପାତେକା ନାନୁ ଅଡ଼େ ଏଟେଲାଖା ଏଦାଆଁ ତିନିଏାଁ □”

୧୭ ଇଞ୍ଜା ଏଞ୍ଜାସି ର ସଲ୍‌ ଆସାନା ମାହାପୁରୁଙ୍କ ଜହରା କିହାନା ଏଲେଇତେସି, “ମୀରୁ ଇଦାଆଁ ଅହାନା ମୀ ବିତ୍ରା ବାଟିକିଦୁ □

୧୮ ଇଟିହ୍‌ ନାନୁ ମିଜେ ଖେସିମାଞ୍ଜାଇଁ, ମାହାପୁରୁ ରାଜି ଖାଆ ପାତେକା ନାନୁ ନୀଞ୍ଜିଟିଏ ଅଞ୍ଜୁରି ରାସା ଏଟେଲାଖା ଗହ୍‌ଏଁ □”

୧୯ ଅତ୍ତେ ଏଝାସି ରୁଚି ଅହାନା ମାହାପୁରୁଛ ଜହରା କିହାଁ ତ୍ରିକହାନା ହାହାଁ ଏଲେଇଚେସି, “ମିଙ୍ଗେତାକି ହାପୁକି ଆହାମାନି ନା ଆଜା ଇଦି; ନାଙ୍ଗେ ଅଣପାଲି ଇଦାଆଁ କିଦୁ □”

୨୦ ଏଲେକିହୁଏ ତିଚି ତାୟୁ ଏଝାସି ଗହୁନି ସଲ୍ଲା ଆସାନା ଏଲେଇଚେସି, “ଇ ସଲ୍ଲାତା ମିଙ୍ଗେତାକି ଝାକୁହମାନି ନା ନେତେରିଚି ପୁଃନି ରାଜ୍ଜିମାନା □”

୨୧ “ସାମା ମେହଦୁ ଆମ୍ବାଆସି ନାଙ୍ଗେ ସାତୁ କେୟୁତା ହେରପିମାଞ୍ଜାନେସି, ଏଝାସି ନା ତଲେ ବକ୍ତିତା କୁଗାମାନେସି □

୨୨ ଏନିଇଚିହୁଏ ମାହାପୁରୁ ତାରି କିହାମାଚି ଲେହେଁ ମାଣସି ମୀରୁଏସି ହାନେସି, ସାମା ଏଝାଣାଇଁ ସାତୁ ତାଣା ହେରପିନାସି ଆୟତା ଏଝାସି ଉଣେଏ ତଣ୍ଡ ବେଟା ଆନେସି □”

୨୩ ଏମ୍ବାଟିଏ ଏଝାରି ମା ବିତ୍ରାଟି ଆମ୍ବାଆସି ଇଲେଚି କାମା କିନେସି ଇଞ୍ଜୁଁ ତାମ୍ବୁତାମ୍ବୁ ଜଲ୍ଲକି ଆଡେଚି □

ଆମ୍ବାଆସି କାଜାସି ଇଞ୍ଜୁଁ ବାଦିବାଦା

୨୪ ଇଞ୍ଜାଁ ଏଝାରି ବିତ୍ରାଟି ଆମ୍ବାଆସି କାଜାସି ଆନେସି ଇଞ୍ଜୁଁ ସୀୟୁୟାଁ ବିତ୍ରା ଆସପି ଆଡେଚି □

୨୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଏଟକା କୃତାଚି ରାଜାୟାଁ ଏଝାରି ମୁହେଁ ସାଲ୍ଲୁକି କିନେରି, ଅତ୍ତେ ଆମିନି ଗାଟାରି ଏଝାରାଇଁ ସାଲ୍ଲୁକି କିନେରି, ଏଝାରି ଲକୁତାଣା ନେହାଁରି ଇଞ୍ଜୁଁ ଝେଙ୍ଗାଲି ଅଣସିନେରି □

୨୬ ଏମ୍ବାମା ମୀ ବିତ୍ରା ଏଲେଆଆଦୁ ଇଚିହୁଏ ମୀ ବିତ୍ରା ଆମ୍ବାଆସି କାଜାସି ଏଝାସି ଉଣା ଆପେସି, ଇଞ୍ଜାଁ ଆମ୍ବାଆସି ସାଲ୍ଲୁକି କିନାସି ଏଝାସି ସେବା କିନାସି ଆପେସି □

୨୭ ଏମ୍ବାଆସି କାଜାସି ? ତିଞ୍ଜାଲି କୁରିନାସି କାଜାସି କି ସେବା କିନାସି କାଜାସି ? ତିଞ୍ଜାଲି କୁରିନାସି କାଜାସି ଆଏକି ? ସାମା ନାନୁ ମୀ ବିତ୍ରା ସେବା କିନାତେଏଲେହେଁ ଆହାମାଇଁ □”

୨୮ “ସାମା ମୀରୁ ନା ବାରେ କସ୍ତତା ନା ତଲେ ମାଞ୍ଜାମାଞ୍ଜେରି;

୨୯ ଇଞ୍ଜାଁ ନା ଆବା ଏନିକିଁ ନାଙ୍ଗେ ସାଲ୍ଲୁକି କିହାଲି ପାଣା ହାହାମାଞ୍ଜାନେସି, ନାନୁ ଜିକେଏ ଏଲେକିହୁଏ ମିଙ୍ଗେ ହିୟାଇଁ,

୩୦ ଏନିକିଁ ମୀରୁ ନା ରାଜ୍ଜିତା ନା ତଲେ କୁଗାନା ତିଞ୍ଜେରି, ଇଞ୍ଜାଁ ସିଂଗାସାଣିତା କୁଗାନା ଇସ୍ତାୟେଲଚି ବାର କୃତାଚି ସାଲ୍ଲୁକି କିଦେରି □”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜୁଁ ଝେହୁନି କାତା

(ମାଚି ୨୬:୩୧-୩୫; ମାର୍କ ୧୪:୨୭-୩୧; ଜହ ୧୩:୩୬-୩୮)

୩୧ “ସିମନ, ସିମନ ମେହମୁ ସୟତାନ ଗହଁ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେଟାଆହାମାନେ;

୩୨ ସାମା ନୀ ନାମୁ ଏନିକିଁ ମେଣ୍ଡେଏ, ଇଦାଆଁତାକି ନାନୁ ନୀ ତାକି ପ୍ରାତାନା କିତେଏ; ଇଞ୍ଜାଁ ନାନୁ ନେହୁଁ ଆହାନା ଝେଣ୍ଡାସାରେ ନୀ ତାୟିୟାଣି ତୀରପୁକିମୁ □”

୩୩ ସାମା ପିତର ଏଲେଇଚେସି, “ଏ ପ୍ରଭୁ ନାନୁ ନୀ ତଲେ କାୟିଦିତା ହାଜାଲି ଅତ୍ତେ ହାହାଲି ଜିକେଏ ଆଣ୍ଡାଇଁ □”

୩୪ ସାମା ଜୀସୁ ଏଲେଇଚେସି, “ଏ ପିତର ନାନୁ ଏଲେଇଞ୍ଜିମାଞ୍ଜାଇଁ, ନୀଞ୍ଜୁ କୟୁ କେଣ୍ଡାଆ ନକେଏ ନାନୁ ନାଙ୍ଗେ ତାନିପାଲି ପୁଞ୍ଜାହିଲଅଁ ଇଞ୍ଜୁଁ ଝେହୁଦି □”

ଟାକାୟାଁ ମଣା ଅତ୍ତେ କାଣ୍ଡା

୩୫ ଜୀସୁ ଏଝାରାଇଁ ଏଲେଇଚେସି, “ଏଚିବେଲା ନାନୁ ମିଙ୍ଗେ ତାବୁୟାଁ ମଣା ଇଞ୍ଜାଁ ସେପୁୟାଁ ଅଆନା ହାକୁ ଇଞ୍ଜୁଁ ପାଣ୍ଡା ମାଞ୍ଜାତେଏ ଏ ବେଲା ମିଙ୍ଗେ ଏନାୟି ଉଣା ଆୟାତେକି ?” ଏଝାରି ଏଲେଇଚେଚି, “ଏନାୟି ଆଏ □”

୩୬ ଏମ୍ବାଟିଏ ଜୀସୁ ଏଲେଇଚେସି, “ସାମା ନୀଏଁ ଆମ୍ବାଆରାକି ତାବୁୟାଁ ମାନୁ ଏଝାସି ଏଝାଆଁ ଅପେସି, ଏଲେକିହୁଏ ମଣା ଜିକେଏ ଅପେସି, ଅତ୍ତେ ଆମ୍ବାଆରାକି କାଣ୍ଡା ହିଲେଏ ଏଝାସି ତାନି ହିମ୍ବିରି ପାର୍ଚାନା କତାପେସି □

☆ ୨୨:୨୪ ୨୨:୨୪ ମାଚି ୧୮:୧; ମାର୍କ ୯:୩୪; ଲୁକ ୯:୪୬ ☆ ୨୨:୨୭ ୨୨:୨୭ ମାଚି ୨୩:୧୧; ମାର୍କ ୯:୩୫ ☆ ୨୨:୨୭ ୨୨:୨୭ ମାଚି ୨୦:୨୫-୨୭; ମାର୍କ ୧୦:୪୨-୪୪ ☆ ୨୨:୨୭ ୨୨:୨୭ ଜହ ୧୩:୧୨-୧୫ ☆ ୨୨:୩୦ ୨୨:୩୦ ମାଚି ୧୯:୨୮ ☆ ୨୨:୩୫ ୨୨:୩୫ ମାଚି ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪

୩୭ ଇତିହାସୀମାନେ ନାନୁ ନିଜ ଖେସିମାଞ୍ଚାକୁ, ମାହାପୁରୁ ପତିତା ରାସୁକି ଆହାମାନାୟି ସାତେଏ ନାଜେତାକି ଆନାୟି ମାନେ, ଏଝାସି ପାପୁ ଗାଗାରି ତଲେ ଲେକା ଆନେସି, ଏଲେଆହୁ ଏ ଏ.ବାରେ ନାଜେ ଏଜାତାରିମାନେ □

୩୮ ଏମ୍ବାରିଏ ଏଝାରି ଏଲେଇଚେରି, “ଏ ପ୍ରବୁ ଇମ୍ବାର୍ଥୀ ରୀ କାଣ୍ଡା ମାନୁ □” ଇଞ୍ଜା ଏଝାସି ଏଲେଇଚେସି, “ହାଅ, ଏଝିଏ ସାରି ଆନୁ ଇଚେସି □”

ଜୀସୁ ଜୀତ ହରୁତା ପ୍ରାତାନା କିନାୟି
(ମାତି ୨୨:୩୭-୪୭; ମାର୍କ ୧୪:୩୨-୪୨)

୩୯ ଏଝାସି ଗାଡ଼ାଟି ହଡ଼ା ହାଜାନା ତାନୁ ହାଲୁଝିତିଲେହେଁ ଜୀତ ହରୁତା ହାଚେସି, ଅଡ଼େ ସୀସୁୟାଁ ଜିକେଏ ଏଝାଣି ଜେଚ ହାଚେରି □

୪୦ ଏମ୍ବାର୍ଥୀ ଏଜାନା ଏଝାସି ତାନି ସୀସୁୟାଁଙ୍କ ଖେସେସି, “ମୀରୁ ଏନିକିଁ ପାନ୍ଦାତା ହେରୁଝି ଆଅଡ଼େରି, ଇଦାଆଁତାକି ପ୍ରାତାନା କିଦୁ □”

୪୧ ଅଡ଼େ ଏଝାସି ଏଝାରି ତାଣ୍ଡାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାତାନା କିହଁ ଖେସେସି,

୪୨ “ଏ ଆଦା ନୀନୁ ମନ କିତିହଁ ଇ ଦୁକୁ କସ୍ୟ ନା ତାଣ୍ଡାଟି ଗୁଟି କିଦୁ; ସାମା ନା ମନ କଡ଼େ ଆଏ ନୀ କାଡ଼େଏ ଆଡ଼େ □”

୪୩ ଅଡ଼େ ଲାକପୁରୁଟି ର ଦୁତୁ ତଞ୍ଜାଆହାନା ଏଝାଣାକି ବାଡ଼ୁୟୁ ହାଡ଼େ □

୪୪ ଏଚେଟିଏ ଏଝାସି ହାଡ଼େକା ଦୁକୁତଲେ ଅଡ଼େ ଗାଡ଼ିକିହଁ ପ୍ରାତାନା କିଡ଼େସି, ଇଞ୍ଜା ଏଝାଣି ଗାମ୍ବା ନେଡ଼େରିଲେହେଁ ବୁମିତା ତରୁଗିମାଡ଼େ □

୪୫ ଅଡ଼େ ଏଝାସି ପ୍ରାତାନାଟି ନିଜା ଖାହାନା ତାନି ସୀସୁୟାଁଣି ଦୁକୁତଲେ ଇଦା କିତାଣି ମେସେସି;

୪୬ ଇଞ୍ଜା ଏଝାସି ଏଝାରାକି ଏଲେଇଚେସି, “ଏନାଆଁତାକି ତୁରାମାଞ୍ଜେରି ? ପାନ୍ଦାତା ଏନିକିଁ ହେରୁଝିଅଡ଼େରି ଏଦାଆଁତାକି ନିଜାନା ପ୍ରାତାନା କିଦୁ □”

ଜୀସୁଙ୍କ ଦହନି କାତା
(ମାତି ୨୨:୪୭-୫୭; ମାର୍କ ୧୪:୪୩-୫୦; ଜହ ୧୮:୩-୧୧)

୪୭ ଏଝାସି ଜଲିମାଗାଟି ର ମାନ୍ଦା ଲକୁ ଏମ୍ବାର୍ଥୀ ଏଗା ଖାଡ଼େରି, ଅଡ଼େ ବାରଜାଣା ସୀସୁୟାଁ ବିତ୍ରାଟି ଜାହୁଦା ଦରୁଗାଗାସି ଏଝାରି ନକିତା ଖାହାନା ଜୀସୁଙ୍କ ନଣ୍ଡାଲି ତାନି ତାଣ୍ଡା ହାଚେସି □

୪୮ ସାମା ଜୀସୁ ଏଝାଣାକି ଏଲେଇଚେସି, “ଏ ଜାହୁଦା ନଣ୍ଡାମା ମାଣ୍ଡସି ମୀରୁଏଣାକି ସାତୁୟାଁ କେୟୁତା ହେରୁପିମାଞ୍ଜି ?”

୪୯ ଏମ୍ବାରିଏ ଜୀସୁତଲେ ମାଗାରି ଇଦି ଏନାୟି ଇଞ୍ଜା ପୁଞ୍ଜାନା ଜୀସୁଙ୍କ ଏଲେଇଚେରି, “ଏ ପ୍ରବୁ ମାମୁ ଇଝାରାକି କାଣ୍ଡାତଲେ ପାୟିନମି କି ?”

୫୦ ଅଡ଼େ ଏଝାରି ରଅସି କାଜା ପୁଜେରା ହଲେଏଣାକି ଇର୍ହାନା ତାନି ଚିଝନି କିୟଁ ଦୁାଡ଼ାତୁସେସି □

୫୧ ସାମା ଜୀସୁ ଏଲେଇଚେସି, “ଇଚେକେଏ ଆଡ଼େ” ଇଞ୍ଜାନା ଏଝାଣି କିୟଁ ତୁାଗାନା ନେହଁ କିଡ଼େସି □

୫୨ ଅଡ଼େ ଜୀସୁ ତାଜେ ଆସାଲି ଖାହାମାଟି କାଜା ପୁଜେରା, ମାହାପୁରୁ ଇଲୁଟି କାପୁଗାଗାରି ଅଡ଼େ ଲକୁଟି କାଜାରାକି ଏଲେଇଚେସି, “ମୀରୁ ସରୁକି ଆହନିଲେହେଁ ଇଟା କାଣ୍ଡା ଅଡ଼େ ଚେଙ୍ଗାୟାଁ ଆସାନା ଖାହାମାଞ୍ଜେରି ?

୫୩ ନାନୁ କାଲେଏ ମୀ ତଲେ ମାହାପୁରୁ ଇଲୁତା ମାଚେଏଁ, ଏତିବେଲା ମୀରୁ ନାଜେ ଆସ୍ତାଆଡ଼େରି; ସାମା ଇ ଦିନା ମୀଦିଏ ଅଡ଼େ ଆନେରିତି ବାଡ଼ୁୟୁ ରାଜିକିନି ଦିନା □”

ପିତର ଜୀସୁଙ୍କ ପୁଞ୍ଜାହିଲଅଁ ଇଞ୍ଜାଁ ଇନାୟି

(ମାତି ୨୨:୫୭,୫୮,୬୯-୭୫; ମାର୍କ ୧୪:୫୩,୫୪,୬୭-୭୨; ଜହ ୧୮:୧୨-୧୮,୨୫-୨୭)

୫୪ ତାୟୁ ଏଝାରି ଏଝାଣାକି ଅହାନା କାଜା ପୁଜେରା ଇଜ ତାଡ଼େରି; ସାମା ପିତର ହେକ ମାଞ୍ଜାନା ଜେଚ ଜେଚ ହାଚେସି □

୫୫ ଅଡ଼େ ଏଝାରି ଆଁଗେଣିତା ହିରୁ ତାସାନା ହିରୁ ସାରିସୁରୁ କୁଗିଡ଼େରି, ଇଞ୍ଜା ପିତର ଜିକେଏ ଏଝାରିତଲେ କୁଗିଡ଼େସି □

☆ ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭

୫୬ ଏମ୍ବାଟିଏ ର ହଲେଇଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଞ୍ଜାଣାକ୍ ସିନିକିହାନା ଏଲେଇଚେ, “ଇଝାସି ଜିକେଏ ଏଞ୍ଜାଣିତଲେ ମାଚାସି □”

୫୭ ସାମା ପିତର ଏଲେଇଚେସି, “ଆଏକା ନାନୁ କଡେ ଏଞ୍ଜାଣାକ୍ ପୁଣ୍ଡାମ୍ବୁ ପୁଞ୍ଜାହିଲଅଁ □”

୫୮ ଅଡେ ଗାଡ଼େକା ହାଜାଲିଏ ଅଡେ ରଅସି ଏଲେଇଚେସି, “ନାନୁ ଜିକେଏ ଏଞ୍ଜାରି ବିଡ୍ରାତି ରଅତି □” ସାମା ପିତର ଏଲେଇଚେସି, “ଆଏ ତାସି ନାନୁ କଡେ ଆଏ □”

୫୯ ଅଡେ ର ଗଂଟା ହାଜାଲିଏ ଅର ରଅସି ଏଲେଇଚେସି, “ସାଡେଏ ଇଝାସି ଏଞ୍ଜାରିତଲେ ମାଚାସି, ଏନିଇଚିହଁ ଇଝାସି ଗାଲିଲି ଦେସାତାସି □”

୬୦ ସାମା ପିତର ଏଲେଇଚେସି, “ନାନୁ ଏନାଆଁ ଇଞ୍ଜିମାଞ୍ଜି ତାସି ନାନୁ ଏଦାଆଁ ପୁଞ୍ଜିହିଲଅଁ □”

ଏ ଦେବୁଣିଏ କମ୍ପୁ କେଣିତେ;

୬୧ ଏମ୍ବାଟିଏ ପ୍ରବୁ ମୁମ୍ବୁ ପେରହାନା ପିତରକ୍ ସିନିକିତେସି; ଏମ୍ବାଟିଏ ନୀଞ୍ଜୁ କମ୍ପୁ କେଣିଆ ନକେଏ ନାନୁ ପୁଞ୍ଜାହିଲଅଁ ଇଞ୍ଜାଦି, ପ୍ରବୁ ଖେସି ଇ କାତା ତାନି ମନତା ଖାଡେ,

୬୨ ଇଞ୍ଜା ଏଞ୍ଜାସି ଦାଙ୍ଗାତା ହାଜାନା ଗାତି ଦୁକୁ ଆହାନା ଡୀତେସି □

ଜାସୁଇଁ ନିନ୍ଦାକିହଁ କାକନାସି ଅଡେ ଖେନାସି

(ମାତି ୨୬:୨୭,୨୮; ମାର୍କ ୧୪:୨୫)

୬୩ ଅଡେ ଆମିନିଗାଟାରି ଜାସୁଇଁ ଆସା ଇଟାମାଚେରି, ଏଞ୍ଜାରି ଏଞ୍ଜାଣାକ୍ ଖେତି ଖେତିହଁ କାକହେରି,

୬୪ ଅଡେ ଏଞ୍ଜାଣି ମୁମ୍ବୁ ହିମ୍ବୁରି ପୁକିହାନା ଖେଚେରି, “ନାନୁଆଁ ମାହାପୁରୁ ଅଣପୁତି ବଲୁ ଖେହନାତି! ଖେସ୍ତାମୁ ନିଙ୍ଗେ ଆମ୍ବାଆସି ଖେଡାତେସି ?”

୬୫ ଅଡେ ଏଞ୍ଜାରି ହାରେକା କାତା ଏଞ୍ଜାଣି କପାଟି ଜଲାନା ଏଞ୍ଜାଣି ନିନ୍ଦାକିତେରି □

ବେରଣିମାଣ୍ଡା ନକିତା ଜାସୁ

(ମାତି ୨୬:୫୯-୬୬; ମାର୍କ ୧୪:୫୫-୬୪; ଜହ ୧୮:୧୯-୨୪)

୬୬ ଲାଲ ଖେୟାଲିଏ ଲକୃତି କାଜାରି, କାଜା ପୂଜେରାଙ୍ଗା ଅଡେ ଦେରାପୁନାରି ରୁଣ୍ଡା ଆହାନା ତାନି ବେରଣିମାଣ୍ଡାତା ଜାସୁଇଁ ଅହାନା ଖେଚେରି,

୬୭ “ନାନୁ କ୍ରାସ୍ତତିକି ମାଙ୍ଗେ ଖେସ୍ତାମୁ □” ସାମା ଏଞ୍ଜାସି ଏଞ୍ଜାରାକ୍ ଏଲେଇଚେସି, “ନାନୁ ମିଙ୍ଗେ ଖେସ୍ତାସାରେ ମୀରୁ ନାମଅତେରି;

୬୮ ଅଡେ ନାନୁ ଖେଞ୍ଜାତିହଁ ମୀରୁ ଖେସାଲି ଆଡ଼ଅତେରି □

୬୯ ସାମା ନାଏଟିଏ ମାଣସି ମୀରୁଏସି ବାଡ଼ୁମୁଗାଟି ମାହାପୁରୁ ଚିଠିନି ଚଟତା କୁଗିନେସି □”

୭୦ ଏମ୍ବାଟିଏ ବାରେଜାଣା ଖେଚେରି, “ଆତିହଁ ନାନୁ ମାହାପୁରୁ ମୀରୁଏଶାତିକି ?”

ଏଞ୍ଜାସି ଏଞ୍ଜାରାକ୍ ଏଲେଇଚେସି, “ମୀରୁତ ଖେସିମାଞ୍ଜାଦେରି, ନାନୁ ଏଞ୍ଜାଡେଏଁ □”

୭୧ ଏଚେଟିଏ ଏଞ୍ଜାରି ଏଲେଇଚେରି, “ମାଙ୍ଗେ ଅଡେ ଏନି ସାକି ଲଡ଼ା, ମୀରୁତ ଇ କାତା ତାନି ଗୁଡିଟିଏ ଖେଚାସି □”

୨୩

ପିଲାତ ନକିତା ଜାସୁ

(ମାତି ୨୭:୧,୨; ୨୭:୧୧-୧୪; ମାର୍କ ୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାମ୍ବୁ ବାରେଜାଣା ନିଙ୍ଗାନା ଜାସୁଇଁ ପିଲାତ ନକିତା ଅଡେରି □

୨ ଇଞ୍ଜା ଏଞ୍ଜାରି ଜାସୁ କପାଟି ଦହ ଦସାନା ଏଲେଇଚେରି, “ମାମୁ ପୁରମି ଇଝାସି ମା କୁଡ଼ାତି ଲକୁଣି ପଲ୍ଲଆ ଜାପୁହିମାନେସି, ଇତିହଁ ଇଝାସି କାୟିସରକି ସିସୁ ହୁଆଥୁ ଇଞ୍ଜା, ତାନୁ ନାନୁଏ କ୍ରାସ୍ତ ଅଡେ ରାଜାଡେଏଁ ଇଞ୍ଜା ଖେସା କଡିମାନେସି □”

୩ ଏଚେଟିଏ ପିଲାତ ଜାସୁଇଁ ଖେଚେସି, “ନାନୁ କି ଜାହୁଦି ଲକୁଡି ରାଜାତି ?”

ଜାସୁ ଖେସ୍ତେସି, “ନାନୁତ ଖେସିମାଞ୍ଜି □”

୪ ଏଚେଟିଏ ପିଲାତ କାଜା ପୂଜେରା ଅଡେ ବାରେ ଲକୁଣି ଏଲେଇଚେସି, “ନାନୁ ଇଝାଣି ତାଣା ଏନି ଦହ ପ୍ଲାଃଆଡେଏଁ □”

୫ ସାମା ଏଞ୍ଜାରି ଗାଡିକିହଁ ଜଲିଚେରି, “ଇଝାସି ଗାଲିଲିଟିଏ ମାଟ୍‌ହାନା ଇମ୍ବା ପାଡେକା ବାରେ ଜାହୁଦା ଦେସାତି ଲକୁଣି ଜାପୁହାନା ଲାଗେଏ କିହିମାନେସି □”

ହେରଦ ନକ୍ତିତା ଜୀସୁ

୨ ଯାମା ପିଲାତ ଈ କାତା ୱେଞ୍ଜାନା ୱେରେସି, “ଇଝାସି ଗାଲିଲିତାସିକି ?”

୩ ଇଞ୍ଜା ଏଝାସି ହେରଦ ରାଜା ରାଜି ତାସି ଇଞ୍ଜା ପୁଞ୍ଜାନା ଏଝାଣାଇଁ ହେରଦ ତାଣା ପାଣ୍ଡିତେସି, ଏନିଇଚିହଁ ଏଚିବେଲା ହେରଦ ଜିରୁସାଲମତା ମାଚେସି □

୪ ହେରଦ ଜୀସୁଇଁ ମେସାନା ହାରେକା ରାହାଁ ଆଚେସି, ଏନିଇଚିହଁ ଏଝାସି ଏଝାଣି କାତା ୱେଞ୍ଜା ମାଚାକି ଏଝାଣାଇଁ ହାରେକା ଦିନାଚିଏ ମେସାଲି ମନ କିହିମାଚେସି, ଇଞ୍ଜା ଏଝାଣି ତାଣାଚି ଏନି କାବାଆନି କାମାକିନାଣି ମେହୁଇଁ ଇଞ୍ଜା ଆସା କିହିମାଚେସି □

୫ ହେରଦ ଜୀସୁଇଁ ଏନି ଏନି କାତାୟାଁ ୱେରେସି, ସାମା ଜୀସୁ ଏଝାଣାଇଁ ଏନି କାତାଝା ୱେଣ୍ଡେ ୱେହୁଆଚେସି □

୬ ସାମା କାଜା ପୂଜେରାଜା ଅଡେ ମେରାପୁନାରି ନିଚାନା ଏଝାଣି କପାଚି ଆଜିହୁଡପତି କାତାୟାଁ ଜଲିମାଚେରି □

୭ ଏଚେଚିଏ ହେରଦ ତାନି କସ୍କା ତଲେ ଏଝାଣାଇଁ କାକହି କାକହିହଁ ନିନ୍ଦାକିତେରି ଏଚେଚିଏ ର ପାଟୁ ହିମ୍ବିରି ଏଝାଣାଇଁ ହୁଚି କିହାନା ପିଲାତ ତାଣା ୱେଣ୍ଡେ ପାଣ୍ଡିତେରି □

୮ ଏ ଦିନାଚିଏ ପିଲାତ ଅଡେ ହେରଦ ତଣେ ଆଚେଚି; ଏଝାରି ନଚକଏ ସାତୁୟାଲେହେଁ ମେସପି ଆଝିତେରି □

ଜୀସୁକି ହାନି ତଣ୍ଡ

(ମାଚି ୨୭:୧୫-୨୬; ମାର୍କ ୧୫:୬-୧୫; ଜହ ୧୮:୩୯; ୧୯:୧୬)

୯ ଏମ୍ବାଚିଏ ପିଲାତ କାଜା ପୂଜେରା ଜୀହୁଦି ଲକୁଚି କାଜାରି ଅଡେ ବାରେ ଲକୁଇଁ ହାଚି କିହାନା ଏଝାରାଇଁ ଏଲେଇଚେସି,

୧୦ “ଇଝାସି ଲକୁଣି ପଲୁଆ ଜାପୁହିମାନେସି ଇଞ୍ଜା ମୀରୁ ନା ତାଣା ତାଚେଚି; ସାମା ନାନୁ ଏଝାଣାଇଁ ମୀ ନକ୍ତିତା ତାୟିପାରି କିଚେଏଁ ଇଞ୍ଜା ମୀରୁ ୱେସାମାଞ୍ଜାଚି ଏନି ଦହ ଏଝାଣି ତାଣା ପୁଞ୍ଜାଆଚେଏଁ, ଇଞ୍ଜା ହେରଦ ଜିକେଏ ପୁଞ୍ଜାଆଚେସି,

୧୧ ଏନିଇଚିହଁ ହେରଦ ଅଡେ ୱେଣ୍ଡେ ନା ତାଣା ପାଣ୍ଡାଚେସି; ଇଞ୍ଜା ମେହୁଦୁ ଇଝାସି ହାନି ତଣ୍ଡ ପାଣ୍ଡି ଏନି ଦହଝା କିହାହିଲଅସି;

୧୨ ଏଦାଆଁତାକି ନାନୁ ଇଝାଣାଇଁ ସାଚୁଣି ତଲେ ୱେଚାନା ପିହୁଇଁ □”

୧୩ ପିସପିଆନି ପାରୁ ବେଲା କାୟିଦି ମାନାରି ବିତ୍ରାଚି ରଅଣାଇଁ ଏଝାରାକି ପିସାଲି ମେରା ମାଚେ □

୧୪ ସାମା ଏଝାରି ରହେଏ ଗାଚିକିହଁ ଏଲେଇଚେଚି, “ଇଝାଣାଇଁ ପାୟାଦୁ ବାରବାଇଁ ମାଚେ ପିସାହିୟାମୁ □”

୧୫ ଈ ବାରବାଇଁ ଗାଡାଚି ଗଡହା ତାକି ଇଞ୍ଜା ରଅଣାଇଁ ପାୟାମାଚାକି କାୟିଦି ଇଟାମାଚେରି □

୧୬ ସାମା ପିଲାତ ଜୀସୁଇଁ ପିସାଲି ଅଣପାନା ଲକୁ ମାଚାଚି ଅଡେ ପୁଣ୍ଡି କିହାଲି ୱେସୁସି □

୧୭ ସାମା ଏଝାରି କାଜା ହାଡାତଲେ ଏଲେଇଚେଚି, “ଏଝାଣାଇଁ ପାସି ମୁଣ୍ଡାତା ଏକଦୁ ପାସି ମୁଣ୍ଡାତା ଏକଦୁ ଇଞ୍ଜା ଇଚେଚି □”

୧୮ ଇଞ୍ଜା ଏଝାସି ଅଡେ ତାନି ପାଲି ୱେସୁସି, “ଏଦାଆଁତାକି, ଏଝାସି ଏନି ଦହ କିହାମାନେସି ? ନାନୁ ଏଝାଣି ତାଣା ଏନି ହାନିହଚେଚି ଦହ ପୁଞ୍ଜାଆଚେଏଁ; ଏଦାଆଁତାକି ନାନୁ ଏଝାଣାଇଁ ସାସି ହାହାନା ପିହୁଇଁ □”

୧୯ ସାମା ଏଝାରି କାଜା ଗିୟାତଲେ ଏଝାଣାଇଁ ପାସି ମୁଣ୍ଡାତା ଏକହାଲି ୱେସୁସି, ତାୟୁ ଏଝାରି ୱେସୁସିଏ ଆଚେ □

୨୦ ଇଞ୍ଜା ଏଝାରି ୱେସୁଲେହେଏ କିୟାଲି ପିଲାତ ହୁକୁମି ହାଚେସି;

୨୧ ସାମା ଆନିନିଗାଚାସି ଗଡହା ଅଡେ ଲକୁଣି ପାୟାଲିଏ କାୟିଦିତା ଇଟାମାଚାଣାଇଁ ରାସା ମାଚେଚି ପିସୁସି, ଅଡେ ଜୀସୁଇଁ ଏଝାସି ଏଝାରି ଅଣପିଚି ଲେହେଁ କିୟାଲି ଏଝାରିତାଣା ହେଚପିଚେସି □

ଜୀସୁଇଁ ପାସି ଏକନାୟି

(ମାଚି ୨୭:୩୨-୪୪; ମାର୍କ ୧୫:୨୧-୩୨; ଜହ ୧୯:୧୭-୨୭)

୨୨ ଏଝାରି ଜୀସୁଇଁ ଅହିମାଚାଚି ସିମନ ଦରୁଗାଚି କୁରିଣି ଦେସାଚି ର ନାୟୁଟି ୱାହିମାଚେସି, ଏଝାରି ଏଝାଣାଇଁ ପାସିମୁଣ୍ଡା ତେକି କିହାନା ଜୀସୁ ଜେତ ଜେତ ଅଚେଚି □

୨୭ ମାନ୍ଦା ଲକ୍ଷ୍ମ ଜୀସୁ ଜେତ ହାଜିମାଚେରି ଅଡେଡ଼ ତାନି ତାକି ବକତା ଝେଟା କତିହୁଁ ଡ଼ାହି ଡ଼ାହିଁ
ଏଚରଜାଣା ଇୟାସିକା ଜିକେଏ ଏଝାଣି ଜେତ ହାଜିମାଚୁ □

୨୮ ସାମା ଜୀସୁ ଏଝାସିକା ଝାକି ସିନିକିହାନା ଏଲେଇଚେସି, “ଆଲ, ଜିରୁସାଲମତି ମାସ୍‌କାଚେରି ନା
ତାକି ଡ଼ାଆଡୁ ସାମା ମୀ ତାକି ଅଡେଡ଼ ମୀ କକାରି ପର୍ଦା ତାକି ଡ଼ାଡୁ;

୨୯ ହେଶୁ ଇଲେତି ଦିନା ଝାହିମାନେ, ଆମ୍ବାଆୟି ବାଞ୍ଜେଣିସିକା, ଆମ୍ବାଆୟି ଏଚେଲା ପୂରାମାସା
ଆହାହିଲାର ଅଡେଡ଼ ପାଲୁ ଉଚ୍‌ହା ହିଲାର ଲକ୍ଷ୍ମ ଏଝାସିକାଣି ମିଜେଏ ନେହେଁ ଇଞ୍ଜାନେରି □

୩୦ ଏଚିଚେଲା ଲକ୍ଷ୍ମ ହରକାଣି ଏଲେଇନେରି ମା ଲାକ ତରଗାଡୁ ଅଡେଡ଼ ଉଣା ହରକାଣି
ଏଲେଇନେରି ମାଜେ ଡ଼ିକହାନା ଡ଼ୁହୁହାଡୁ □

୩୧ ଏନିଇଚିହୁଁ ଲକ୍ଷ୍ମ ହିଲଲି ମାରୁନୁତି ଏଲେକିତିହୁଁ, ଏଦି ଝାୟିସାରେ ଏଦାଆଁ କିହୁଁ ଆଗାଡ଼ା
କିଅରିକି ?”

୩୨ ଦହଗାଗାରି ରିଆରି ଜିକେଏ ପାସି ଏକହାଲି ଜୀସୁତଲେ ଅଝିଆଡେରି □

୩୩ ଏମ୍ବାଟିଏ ଏଝାରି ତାୟୁଁ ରୁପାଁ ଇନି ଚାୟୁତା ଏଜାନା ଏମ୍ବାଆଁ ଜୀସୁଇଁ ପାସି ମୁଣ୍ଡାତା ଏକହାନା ଏ
ରୀ ଦହଗାଗାରି ବିତ୍ତାଚି ରଅଣାଇ ଏଝାଣି ଚିଠିଝାକି ଅଡେଡ଼ ରଅଣାଇଁ ଏଝାଣି ଚେଟୁଝାକି ପାସି ଏକହେରି
□

୩୪ ଏଚିଚେଲା ଜୀସୁ ଏଲେଇଚେସି, “ଏ ଆବା ଏଝାରି ଦହ ଆହଆନି, ଇଚିହୁଁ ଏଝାରି ଏଦାଆଁ
କିହିମାନେରି ଏଦାଆଁ ପୁଞ୍ଜାହିଲଅରି □”

ଅଡେଡ଼ ଏଝାରି ଏଝାଣି ହିମ୍ବୁରି ବାଟିକିହାଲି ପାଦି କିଚେରି □

୩୫ ଇଞ୍ଜାଁ ଲକ୍ଷ୍ମ ବାରେ ନିଚାନା ସିନିକିହିମାଚେରି, ଏଝାରି ବିତ୍ତାଚି କାଜାରି ଜିକେଏ ନିନ୍ଦାକିହୁଁ
ଏଲେଇଚେରି, “ଏଝାସି ଏଡ଼କା ଲକ୍ଷ୍ମଣି ଗେଲପିଚେସି; ଏଝାସି ମାହାପୁରୁ ଆଚିତି କ୍ରୀସ୍ତ ଇଚିହୁଁ ତାନୁଏ
ତାଜେ ଗେଲପିକିହା କତାପେସି □”

୩୬ କସ୍‌କା ଜିକେଏ ଏଝାଣି ତାଗେ ହାଜାନା ପୁଲାଏୟୁ ଗସାଲି ହାହାଁ ଏଝାଣାଇଁ କାକିହୁଁ
ଏଲେଇଚେରି,

୩୭ “ନୀନୁ ଜୀହୁଦି ଲକ୍ଷ୍ମୁତି ରାଜାତି ଇଚିହୁଁ ନୀନୁଏ ନିଜେ ପିସପି କିହାକତାମୁ □”

୩୮ ଇଞ୍ଜାଁ ଏଝାଣି ପାସିମୁଣ୍ଡା ଲାକ ଇଲେଇଞ୍ଜୁଁ ରାସ୍‌କି ଆହାମାଚେ, “ଇଝାସି ଜୀହୁଦି ଲକ୍ଷ୍ମୁତି ରାଜା
□”

୩୯ ଅଡେଡ଼ ପାସି ମୁଣ୍ଡାତା ପାସି ଏକହାମାଚି ଦହଗାଗାରି ବିତ୍ତାଚି ଜିକେଏ ରଅସି ଏଝାଣାଇଁ ନିନ୍ଦାକିହୁଁ
ଏଲେଇଚେସି, “ନୀନୁ କ୍ରୀସ୍ତତି ଆଏକି ? ନିଜେ ଅଡେଡ଼ ମାଜେ ପିସପି କିୟାମୁ □”

୪୦ ସାମା ଅଡେଡ଼ ରଅସି ଏଝାଣାଇଁ ଦାକା ହାହାନା ଏଲେଇଚେସି, “ନୀନୁ ଏଝାଣିଲେହେଁ ତଣ୍ଡ
ବେଟାଆହୁଁ ଜିକେଏ ନିଜେ ମାହାପୁରୁଇଁ ଆଜି ହିଲେଏ ?

୪୧ ଅଡେଡ଼ ମାରୁସା ନାହାଁୟି ତଲେ ତଣ୍ଡ ବେଟାଆହି ମାନାୟି, ଇଚିହୁଁ ମା କିତି କାମାତି ପାଡେଡ଼ି
ବେଟାଆହି ମାନାୟି; ସାମା ଇଝାସି ଏନି ଦହ କିହାହିଲଅସି □”

୪୨ ଇଞ୍ଜାଁ ଏଝାସି ଜୀସୁଇଁ ଏଲେଇଚେସି, “ଏ ଜୀସୁ ନୀନୁ ନୀ ରାଜିତା ହାଚିସାରେ ନାଜେ ଅଣ୍ଡପାମୁ
□”

୪୩ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନୀନୁ ନିଜ ସାତା ଝେସିମାଞ୍ଜାଇଁ, ନୀଞ୍ଜୁ ନୀନୁ
ପାରଦେସାତା* ନା ତଲେ ମାଞ୍ଜି □”

ଜୀସୁତି ହାକି

(ମାତି ୨୭:୪୫-୪୭; ମାର୍କ ୧୫:୩୩-୪୧; ଜହ ୧୯:୨୮-୩୦)

୪୪ ଏଚିଚେଲା ସମାନା ବାରଗଟା ଆହାମାଚେ, ଅଡେଡ଼ ଝେଡ଼ା ଉଜେଡ଼ି ହାଆତାକି ତାନି ଗଟା
ପାଚେକା ଦେସା ବାରେ ଆନ୍ଦେରି ଆହାମାଚେ,

୪୫ ଇଞ୍ଜାଁ ମାହାପୁରୁ ଇଲୁତା ଲେଚାମାନି ହିମ୍ବୁରି ରୀ ବାଗା ଆହୁଁ ଗେଞ୍ଜା ହାଚେ □

୪୬ ଅଡେଡ଼ ଜୀସୁ କାଜା ଗିୟାତଲେ ହାଚିହୁଁ ଏଲେଇଚେସି, “ଏ ଆବା ନୀ କେୟୁତା ନା ଜୀସୁତି
ହେରପିମାଞ୍ଜାଇଁ □” ଏଲେଇଞ୍ଜି ଜଲାନା ତାନି ଜୀସୁ ହାଚେ □

୪୭ ଏଦାଆଁ ମେସାନା ପାସାକଡ଼ି କସ୍‌କା ମୁହେଁ କାଜାସି ମାହାପୁରୁଇଁ ଜହରା କିହୁଁ ଏଲେଇଚେସି,
“ଇଝାସି ସାଚେଏ ତାରିଗାଗାସି ମାଚେସି □”

* ୨୩:୩୦ ୨୩:୩୦ ଝେ ବଲୁ ୬:୧୭ * ୨୩:୪୩ 23:43 ପାରଦେସା/ହାଡ଼ାରି ଚୁୟିନି ଗାରୁ

୪୮ ଇଞ୍ଜି ଏଞ୍ଜାଣାଇଁ ମେସାଲି ରୁଣ୍ଡା ଆହାମାଟି ବାରେ ଲକ୍ଷୁ ଇ ବାରେ ମେସାନା ବକତା ଝେଟା କତିହିଁ ଝେଣ୍ଡା ହାଚେରି □

୪୯ ସାମା ଜୀସୁଇଁ ପୁଞ୍ଜାମାଟି ବାରେ ଲକ୍ଷୁ ଇଞ୍ଜି ଗାଲିଲିତି ରହେଁଏ ଆଣ୍ଡାନା ତାନି ଜେଟ ଜେଟ ଝାହାମାଟି ଇୟାସିକା ହେକ ନିତାନା ଏ ବାରେ ସିନକିହିମାତୁ □

ଜୀସୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୭; ଜହ ୧୯:୩୮-୪୨)

୫୦ ଇଞ୍ଜି ଜୀହୁଦି ଦେସାତି ହାରାମାତିୟା ଇନି ଗାଡ଼ାତି ଜସେପ ଇନାସି ଜୀହୁଦି ଲକ୍ଷୁତି କାଜା କୁଲମିତି ରଅସି ମାଚେସି; ଏଞ୍ଜାସି ନେହାଁସି ଇଞ୍ଜି ତାରିଗାଟାସି ମାଚେସି □

୫୧ ଜୀହୁଦାତି ହାରାମାତିୟା ଇନି ନାୟୁଁତି ଜସେପ ଇନାସି ର ମାଣସି ମାଚେସି □ ଏଞ୍ଜାସି ବାମୁଗାଟାସି ଇଞ୍ଜି ମାନ୍ନିଗାଟାସି ମାଚେସି ଅଡେ ମାହାପୁରୁତି ରାଜି ଝାନାଣି କାଟିମାଚେସି □ କାଜା ବେରଣିତି ମାଣସି ମାଟିହିଁ ଜିକେଏ, ଏଞ୍ଜାସି ଏଞ୍ଜାରି କାତା ଅଡେ କାମାତା ଆଣ୍ଡିହିଲିଆଥେସି □

୫୨ ଏଞ୍ଜାସି ପିଲାତ ତାଣା ହାଜାନା ଜୀସୁ ମାଡ଼ହାତି ରାସ୍ତେସି,

୫୩ ଇଞ୍ଜି ମାଡ଼ହାତି ରେପହାନା ନେହିଁ ପାଡ଼ାଡ଼ା ହିମ୍ବରି ରୁପାନା ଏମ୍ବାଆଁ ହରୁତା କାରହାମାଟି ଏଚେଲା ଆମ୍ବାଆରି ମୁସାହିଲାଆ ମାଡ଼ହା ମୁହନି ଗାୟୁତା ଏଞ୍ଜାଣାଇଁ ମୁସ୍ତେରି □

୫୪ ଏ ଦିନା ତିୟାରା ଆନି ଦିନା ମାଚେ ଅଡେ ଜମିନି ଦିନା ଏଗା ଝାହିମାଚେ □

୫୫ ଅଡେ ଗାଲିଲିତି ଝାହାମାଟି ଇୟାସିକା ଜେଟ ଜେଟ ହାଜାନା ମାହଣି ମାଣ୍ଡା ଅଡେ ତାନି ମାଡ଼ହା ଏନିକିଁ ମୁସାମାଗାଣି ମେସୁ

୫୬ ଇଞ୍ଜି ଏଞ୍ଜି ଝେଣ୍ଡା ହାଜାନା ଗାନ୍ଦା ନିୟୁଁ ଇଞ୍ଜି ଗାନ୍ଦାଗାଟି ଆସି ତିୟାରା କିତୁ □ ଇଞ୍ଜି ଜମିନି ଦିନାତା ତାନି ମେରାଲେହେଁ ଜମିତୁ □

୨୪

ଜୀସୁ ହାହାନା ଝେଣ୍ଡେ ନିଜିନାୟି

(ମାତି ୨୮:୧-୧୦; ମାର୍କ ୧୬:୧-୮; ଜହ ୨୦:୧-୧୦)

୧ ଅଡେ ଜମିନି ଦିନାତି ମେରା ତଲେ ଜମିତୁ, ସାମା ଝାରାତି ତଲିତି ଦିନାତା ଜୁଲୁପୁଲୁ ଝେୟାଲିଏ ଏଞ୍ଜି ତାମୁ କିହାମାଟି ଗାନ୍ଦାନିୟୁଁ ଆସାନା ମାହଣି ମାଣ୍ଡାତା ହାତୁ □

୨ ଇଞ୍ଜି ମାହଣି ମାଣ୍ଡାତା ସ୍ତୁକହାମାଟି ଝାଲି ଗୁତା ଆହାମାନାଣି ମେସୁ □

୩ ସାମା ଏଞ୍ଜି ବିତା ହାଜାନା ପ୍ରବୁ ଜୀସୁତି ମାଡ଼ହା ଏମ୍ବାଆଁ ମେହୁଆତୁ □

୪ ଏଞ୍ଜି ଏଦାଆଁତାକି ବିଲକି ଆହିମାଟି ଦେବୁଣିଏ ମୁହନି ହିମ୍ବରି ହୁଟାମାଟି ରିଆରି ଏଞ୍ଜାସିକା ନକିତା ନିତାମାନେରି □

୫ ଏମ୍ବାଟିଏ ଏଞ୍ଜି ଆତାଜାକା ଆହାନା ବୁମିତା ତାର୍କା ଲେସୁ ଇଞ୍ଜି ଏଞ୍ଜାରି ଏଞ୍ଜାସିକାଣି ଏଲେଜଚେରି, “ମୀରୁ ଏନାଆଁତାକି ହାଡ଼ାରି ବିତାଟି ନୀତାମାନାରାଇଁ ପାରିମାଞ୍ଜେରି ?

୬ *ଏଞ୍ଜାସି ଇମ୍ବାଆଁ ହିଲଅସି, ଏଞ୍ଜାସି ନିଜାମାନେସି, ଏଞ୍ଜାସି ଗାଲିଲିତା ମାଟାଟି ଝେସାମାଞ୍ଜାତାଣି ଅଣପାତୁ □

୭ ମାଣସି ମୀରଏସି ପାସି ମୁଣ୍ଡାତା ହାୟାଲି ପାପୁ ଗାଗାରି ତାଣା ହେରଏ ଆନାୟି ମାନେ ଇଞ୍ଜି ତାନି ଦିନାଟିଏ ହାକିଟି ଝେଣ୍ଡେ ନିଜିନେସି □”

୮ ଏମ୍ବାଟିଏ ଏଞ୍ଜି ଏଞ୍ଜାଣି ଝେସୁ କାତା ଅଣପିତୁ,

୯ ଇଞ୍ଜି ଏଞ୍ଜି ମାହଣି ମାଣ୍ଡାଟି ଝେଣ୍ଡା ହାଜାନା ଏଗାର ଜାଣା ସାୟୁୟାଁ ଅଡେ ଏଟକା ତାରାଇଁ ଇ ବାରେ କାତା ଝେସୁ □

୧୦ ଏଞ୍ଜି ମଗଦଲିନି ମରିୟମ, ଜହାନା, ଜାକୁବ ତାନି ଇୟା ମରିୟମ ଅଡେ ଏଞ୍ଜାସିକାତଲେ ମାଟି ଏଟକାଟି ଇୟାସିକା; ଇଞ୍ଜି ପାଣ୍ଡୁଞ୍ଜି ଆହାମାନାରାଇଁ ଇ ବାରେ କାତା ଝେସୁ □

୧୧ ସାମା ଇ ବାରେ କାତା ଏଞ୍ଜାରି ନକିତା ମନତା ଗାଡ଼ିକିତି ର ପୁସ୍ତପନି ଲେହେଁ ଆଡେ, ଅଡେ ଏଞ୍ଜାରି ଏଞ୍ଜାସିକାଣି ନାମାଆତେରି □

* ୨୪:୬ ୨୪:୭ ମାତି ୧୭:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

୧୨ ସାମା ପିତର ନିଜ୍ଞାନା ମାତୃହା ମୁହନି ଚାମୁଡ଼ା ହଟି ହଟିହିଁ ହାଚେସି, ଇଞ୍ଜା କାପାନା ସିନିକିତେସି ଏମ୍ବାଆଁ ପାଡ଼ାଡ଼ା ହିମ୍ବରିକା ମେସ୍ତେସି, ଇଞ୍ଜା ଇଦି ଏନ୍ଦି ଆଡେ ଇଞ୍ଜା କାବାଆହାନା ତାମି ଇଜ ହାଚେସି
□

ଇମାୟୁତା ହାନାସି
(ମାତି ୧୭:୧୨,୧୩)

୧୩ ଏ ନେହୁ ଏଞ୍ଜାରି ବିତ୍ରାଟି ରିଆରି ଜିରୁସାଲମଟିଏ ଏଗାର କିଲମିଟରଲେହେଁ ହେକ ମାଟି ଇମାୟୁ ଇନି ନାୟୁତା ହାଜିମାଚେରି □

୧୪ ଅଡେ ହାଜି ହାଜିହିଁ ଇ ବାରେ କାତା ଜଲ୍ଲକି ଆହିମାଚେରି □

୧୫ ଏଲେକିଁ ଝେସସି ଆହିଁ ତାମ୍ବୁ ଡାମ୍ବୁସୁ ଜଲ୍ଲକି ଆହିମାଚାଟି ଜାସୁ ତାମ୍ବୁ ଏଞ୍ଜାରିତାଣା ଝାହାନା ଏଞ୍ଜାରିତଲେ ହାଚେସି;

୧୬ ସାମା ଏଞ୍ଜାରି ଏଞ୍ଜାଣାଇଁ ମେସି ଜିକେଏ ପୁଞ୍ଜାଲି ଆଡ଼ାଆଚେରି □

୧୭ ଜାସୁ ଏଞ୍ଜାରାଇଁ ଝେଚେସି, “ମାରୁ ହାଜି ହାଜିହିଁ ଏନା ଏନାଆଁ ଜଲ୍ଲକି ଆହିମାଞ୍ଜେରି ?” ଏମ୍ବାଟିଏ ଏଞ୍ଜାରି ମୁମ୍ବୁ ଝାଡ଼ି କିହାନା ନିତେରି □

୧୮ ଅଡେ ଏଞ୍ଜାରି ବିତ୍ରାଟି ଲ୍ଲେୟାପା ଇନାସି ରଅସି ଏଞ୍ଜାଣାଇଁ ଝେସ୍ତେସି, “ଇ ଝାରା ବିତ୍ରା ଜିରୁସାଲମତା ଏନା ଏନାୟି ଆଡେ ଏମ୍ବାଆଁ ମାନାରି ବିତ୍ରାଟି ନାନୁ ରଅତିଏ ପୁଞ୍ଜାହିଲଅତିକି ?”

୧୯ ଏଞ୍ଜାସି ଏଞ୍ଜାରାଇଁ ଝେଚେସି, “ଏନା ଏନାୟି ଆଡେ ?”

ଏଞ୍ଜାରି ଏଞ୍ଜାଣାଇଁ ଝେସ୍ତେରି, “ନାଜ୍ଜରିତ ଜାସୁତି କାତା; ମାହାପୁରୁ ନକିତା ଅଡେ ବାରେ ଲକୁ ନକିତା ଏ ଜାସୁ କାମାତା ଅଡେ କାତାତା ର ବାଡ଼ୁଗାଟି ମାହାପୁରୁ ଅଣପୁତି ବଲୁ ଝେହନାସି ମାଚେସି,

୨୦ ଅଡେ ମା କାଜା ପୂଜେରାଜା ଅଡେ ସାଲ୍ଲି କିନାରି ଏଞ୍ଜାଣାଇଁ ହାକି ତଣ୍ଡ ହାହାଲି ହେଚ୍ଚପାନା ଏଞ୍ଜାଣାଇଁ ପାସି ମୁଣ୍ଡାତା ଏକ୍ତହାନା ପାୟିତି କାତା □

୨୧ ସାମା ଏଞ୍ଜାସି ଇସ୍ରାୟେଲ ଲକୁଣି ପିପି କିନାସି ଇଞ୍ଜାଁ ମାମ୍ବୁ ଆସା କିହାମାଚମି; ସାମା ଇ ବାରେ ଆହାନା ନାଞ୍ଜୁଟିଏ ତାନିଦିନା ଆହିମାନେ □

୨୨ ଅଡେ ଜିକେଏ ମା ବିତ୍ରାଟି ଏଚରଜାଣା ଇୟାସିକା ମାଜେ ଆଡାଜାକା କିହାମାଞ୍ଜାନୁ; ଏଞ୍ଜି ଲାଇସିଏ ମାତୃହା ମୁହନି ଚାମୁଡ଼ା ହାଜାମାରୁ,

୨୩ ଏମ୍ବାଆଁ ଏଞ୍ଜି ଏଞ୍ଜାଣି ମାତୃହା ମେହ୍ଆନା ଝାହାନା ଝେସ୍ତ୍ରାଡୁ, ଇଞ୍ଜା ଦୁଡୁୟାଁ ତଞ୍ଜାଆହାନା ଝେସ୍ତ୍ରାଚେରି, ଏଞ୍ଜାସି ନୀତାମାନେସି □

୨୪ ଅଡେ ମା ବିତ୍ରାଟି ଏଚରଜାଣା ମାତୃହା ମୁହନି ଚାମୁଡ଼ା ହାଜାନା ଇୟାସିକା ଝେସ୍ତ୍ରାଲେହେଁଏ ମେସ୍ତେରି ସାମା ଏଞ୍ଜାଣାଇଁ ମେହ୍ଆଚେରି □”

୨୫ ଏମ୍ବାଟିଏ ଜାସୁ ଏଞ୍ଜାରାଇଁ ଏଲେଇଚେସି, “ଆଡେ ବୁଦି ହିଲାଆଗାଟାଚେରି, ଅଡେ ମାହାପୁରୁ ଅଣପୁତି ବଲୁ ଝେହନାରି ବାରେ କାତାଟି ନାମାଲି ଆଡ଼ାଆଲେହେଁତି ହିୟାଁ ଗାଟାଚେରି,

୨୬ କ୍ରୀସ୍ତ ଇ ବାରେ କସ୍ତ ବେଟାଆହାନା ତାନି ଗାଞ୍ଜୁରମିତା ହଡ଼ନାୟି ହିଲାଆଡେ କି ?”

୨୭ ମସା ଇଞ୍ଜାଁ ବାରେଜାଣା ମାହାପୁରୁ ଅଣପୁତି ବଲୁ ଝେହନାରି ତାଣାଟି ମାତୃହାନା ଦାମ୍ବୁ ସାସ୍ତେରିତା ତାନି ତାକି ରାସ୍ତକି ଆହାମାନି ବାରେ କାତା ଏଞ୍ଜାସି ଏଞ୍ଜାରାଇଁ ପୁଣ୍ଡି କିତେସି □

୨୮ ଏଞ୍ଜାରି ହାଜିମାଟି ନାୟୁଁ ତାଗେ ଏଜାଲିଏ ଜାସୁ ଅଡେ ନକିତା ହାନି ଅଣପୁ ତସ୍ତେସି □

୨୯ ସାମା ଏଞ୍ଜାରି ଏଞ୍ଜାଣାଇଁ ଆଂରିହିଁ ଏଲେଇଚେରି, “ମା ତଲେ ଡ଼ୟାହାଲାମ୍ବୁ ଏନ୍ଦିଇଟିହିଁ ଆନେରି ଆହିମାନେ, ଝେଡ଼ାହାଚେୟିଏ □” ଏମ୍ବାଟିଏ ଏଞ୍ଜାସି ଏଞ୍ଜାରିତଲେ ଡ଼ୟାଲି ଇଲୁ ବିତ୍ରା ହାଚେସି □

୩୦ ଅଡେ ଏଞ୍ଜାରିତଲେ ରାନ୍ଦା ତିଞ୍ଜାଲି କୁଗିତି ତାୟୁ ଏଞ୍ଜାସି ରୁଟି ଆସାଁ ମାହାପୁରୁଇଁ ଜହରା କିତେସି, ଇଞ୍ଜା ଡ଼ିକ୍ତହାନା ଏଞ୍ଜାରାକି ହାଚେସି □

୩୧ ଏମ୍ବାଟିଏ ଏଞ୍ଜାରି କାଣକା ଦେପିଆଡୁ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ପୁଚେରି; ଅଡେ ଏ ଦେବୁଣିଏ ଏଞ୍ଜାସି ଏଞ୍ଜାରି କାଣକାତା ତଞ୍ଜା ଆଆଚେସି □

୩୨ ଏଚେଟିଏ ଏଞ୍ଜାରି ତାମ୍ବୁ ଡାମ୍ବୁସୁ ଏଲେଇଚେରି, “ଏଚିବେଲା ଏଞ୍ଜାସି ମାଜେ ଜିରୁତା କାତାବାଟାଁ ଆହିମାଚେସି ଅଡେ ମାଜେ ଦାମ୍ବୁ ସାସ୍ତେରି ତେଲ୍ଲହିଁ କିହାମାଞ୍ଜାଚେସି, ଏଚିବେଲା ମା ହିୟାଁ କାଡ଼ି ମାଞ୍ଜାଆଡେ କି ?”

୩୩ ଅନ୍ତେ ଏଞ୍ଜର ଦେବୁଣିଏ ନିଜ୍ଞାନା ଜିରୁସାଲମତା ଖେଣ୍ଡା ହାଜାନା କୃତ୍ତା ଆହାମାଟି ଏଗାର ଜାଣା ସାମୁୟାଁ ଅନ୍ତେ ଏଞ୍ଜର ଆବୁହିତାରାଇଁ ମେସ୍ତେରି;

୩୪ ଏଞ୍ଜର ଏଲେଇଞ୍ଜିମାଚେରି, “ପ୍ରବୁ ସାତେଏ ନିଜ୍ଞାନାନ୍ଦେସି ଅନ୍ତେ ସିମନଇଁ ତଞ୍ଜାଆନ୍ତେସି □”

୩୫ ଅନ୍ତେ ଏଞ୍ଜର ଜିକେଏ ଜିରୁତି ବାରେ କାତା ଅନ୍ତେ ରୁତି ଡିକହାଟିଏ ଏଞ୍ଜର ପୁଞ୍ଜାଲି ଆଡିତମି ଇଞ୍ଜି ଏଞ୍ଜର ଖେସ୍ତେରି □

ଜୀସୁ ତାନି ସାମୁୟାଁଇଁ ତଞ୍ଜା ଆନାୟି

(ମାଟି ୨୮:୧୬-୨୦; ମାର୍କ ୧୬:୧୪-୧୮; ଜହ ୨୦:୧୯-୨୩; କାମା ୧:୬-୮)

୩୬ ସାମା ଏଞ୍ଜର ଇ ବାରେ କାତା ଜଲୁକି ଆହିମାଟାଟି ଜୀସୁ ଏଞ୍ଜର ମାଦି ନିତାନା ଏଲେଇଚେସି, “ମିଜେ ହିଡ଼ି ଆୟାପେ □”

୩୭ ଏମ୍ବାଟିଏ ଏଞ୍ଜର ବୁଡୁ ମେସ୍ତମି ଇଞ୍ଜି ଅଣ୍ଡାମାନା ଆତାଜାକା ଆତେରି □

୩୮ ଏଚେଟିଏ ଏଞ୍ଜସି ଏଞ୍ଜରାଇଁ ଏଲେଇଚେସି, “ମୀ ହିୟାଁତା ଏନାଆଁତାକି ଆଜିମାଞ୍ଜେରି, ଇଞ୍ଜା ମୀ ହିୟାଁ ଏନାଆଁତାକି ଆନାମାନା ଆହିମାନେ ?

୩୯ ନାନୁଏ ଏଞ୍ଜାଚେଏଁ ନା କେସ୍ତା କତାୟାଁ ମେହ୍‌ବୁ, ନାଜେ ଡାଗାବୁ ମୀରୁ ନାଜେ ଉଜ୍ଞା ପେଣ୍ଡାକା ମାନାଣି ମେସ୍ତିଲେହେଁ ବୁଡୁକି ହିଲାଉ □”

୪୦ ଅନ୍ତେ ଏଞ୍ଜସି ଏଲେଇଞ୍ଜାନା ଏଞ୍ଜରାଇଁ ତାନି କେସ୍ତା କତାୟାଁ ଚସ୍ତେସି □

୪୧ ଏଲେଜିକେଏ ଏଞ୍ଜର ରାହାଁତାକି ନାମାଲି ଆଡାଆନା ଆନାମାନା ଆହାଁ କାବା ଆହିମାଟାକି ଜୀସୁ ଏଲେଇଚେସି, “ମିଜେ ଇମ୍ବାଆଁ ଏନି ରାନ୍ଦା ମାନେକି ?”

୪୨ ଏମ୍ବାଟିଏ ଏଞ୍ଜର ଏଞ୍ଜାଣାକି ର ଞ୍ଜସି ମୀନୁ ହାଚେରି,

୪୩ ଅନ୍ତେ ଏଞ୍ଜସି ଏଦାଆଁ ଆସାନା ଏଞ୍ଜର ନକିତା ତିଚେସି □

୪୪ ଇଞ୍ଜା ଏଞ୍ଜସି ଏଞ୍ଜରାଇଁ ଏଲେଇଚେସି, “ମସାତି ମେରା ପତିତା ଇଞ୍ଜା ମାହାପୁରୁ ଅଣ୍ଡପୁତି ବଲୁ ଖେହନାରି ପତିତା ଅନ୍ତେ ପାରୁ ପତିତା ନାଜେତାକି ଏନାୟି ରାସ୍ତକି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମୀ ତଲେ ମାଟାଟି ଇ ବାରେ ଖେସାମାଞ୍ଜାଚେଏଁ □”

୪୫ ଏଚେଟିଏ ଏଞ୍ଜର ଏନିକ୍ ଏନାଁ ସାସ୍ତେରି ତେଲହାଲି ଆଡିନେରି, ଏଦାଆଁତାକି ଏଞ୍ଜର ହିୟାଁତି ଦାରା ଦେଚେସି;

୪୬ ଅନ୍ତେ ଏଞ୍ଜସି ଏଞ୍ଜରାଇଁ ଏଲେଇଚେସି, “ଏଲେଆହ୍ ରାସ୍ତକି ଆହାମାନେ, କ୍ରୀସ୍ତ ଦୁକୁ କସ୍ତ ବେତା ଆନେସି ଅନ୍ତେ ତାନି ଦିନାଟିଏ ହାଡାରି ତାଣାଟି ଖେଣ୍ଡେ ନିଜିନେସି,

୪୭ ଇଞ୍ଜା ଜିରୁସାଲମଟିଏ ମାଟହାନା ବାରେ କୃତ୍ତା ତାଣା ଏଞ୍ଜାଣି ଦରୁତି ପାପୁ ମ୍ବେସ୍ତକି ଆୟାଲି ମନ ଖେଡ଼ନି କାତା ଖେକନାୟି ମାନେ □

୪୮ ମୀରୁ ଇ ବାରେତାକି ସାକି ଆଦେରି □

୪୯ ଅନ୍ତେ ହେଣ୍ଡୁ ଆବା ଏନାଆଁ ଆଞ୍ଜାମାନେସି ଏଦାଆଁ ନାନୁ ମୀ ତାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଟି ବାଡ଼ୁୟୁ ପୁଞ୍ଜାଆ ପାଚେକା ମୀରୁ ଇ ଗାଡାଚେଏ ମାଞ୍ଜୁ □”

ଜୀସୁ ଲାକପୁରୁ ଅଞ୍ଜିଆନାୟି

(ମାର୍କ ୧୬:୧୯, ୨୦; କାମା ୧:୯-୧୧)

୫୦ ଏମ୍ବାଟିଏ ଜୀସୁ ଏଞ୍ଜରାଇଁ ଦେତନିୟାଁ ପାଚେକା ଅନ୍ତେସି ଇଞ୍ଜା ତାନି କେସ୍ତା ପେରହାନା ଏଞ୍ଜରାଇଁ ବର ହାଚେସି □

୫୧ ଇଞ୍ଜା ଏଞ୍ଜରାଇଁ ବର ହାହି ହାହି ଏଞ୍ଜସି ଏଞ୍ଜର ତାଣାଟି ଏଟ୍‌କା ଆହାନା ଲାକପୁରୁ ଅଞ୍ଜିଆନ୍ତେସି □

୫୨ ଏଚେଟିଏ ଏଞ୍ଜର ଏଞ୍ଜରାଇଁ ଜହରା କିହାନା ହାରେକା ରାହାଁତଲେ ଜିରୁସାଲମତା ଖେଣ୍ଡା ହାଚେରି,

୫୩ ଇଞ୍ଜା ଏ ଦିନାଟିଏ କାଲେଏ ମାହାପୁରୁ ଇଲୁତା ମାଞ୍ଜାନା ମାହାପୁରୁଇଁ ଜହରା କିହେମାଚେରି □

ଯୋହନ ଲିଖିତ ସୁସମାଚାର ଜହନ ରାଜାମାନି ନେହଁ କାବୁ ମୂଲୁ ହାଡ଼ା

ଜାସୁ କ୍ରୀସ୍ତ ତି ଜୀସୁ ଅଡ଼େ ଛ ଦାର୍ତ୍ତିତା ମାତି କାତା ଜହନ ରାଜାମାନି ନେହଁ କାବୁ; ପୁଣି ମୋରାତି ସାରିଗଟା ନେହଁ କାବୁ ପତିୟା ବିଦ୍ରାତି ଛଦି ଆହିମାନେ ର ପତି □ ଏ ବାରେ ପତିୟାଲ୍ ନେହଁ କାବୁ ଇନେରି □ ଏ ପତିୟା ଜାସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଜାମାତେରି □ ପାଣ୍ଡିଆଡ଼ି ଜହନ ଜୀସୁ କ୍ରୀସ୍ତ ଜାର୍ନାଆଡ଼ି ୯୦ ବାର୍ଯା ତାୟୁ ଜହନ ରାଜାମାନି ନେହଁ କାବୁ ରାଜାମାତେସି □ ଛ ପତିତା ଜହନ ରାଡ଼ିତି କାତା ଝେସା ହିଲାଆଡ଼ି ଜିକେଏ; ୧ଜହ୨ଜହ ଇଞ୍ଜା ଖଜହ ଆକୁ ସମାନା ମାତୁ □ ଜହନ ଏପିସିୟ ଗାଡ଼ାତା ମାଗାକି ଛ ପତି ଏପିସତା ରାସ୍ତକି ଆହାମାନେ ଇଞ୍ଜିହଁ ଇନେରି □ ଜାସୁଲ୍ କ୍ରୀସ୍ତ ଜୀସୁତି ମାହାପୁରୁ ମାର୍ସସି ଇଞ୍ଜିହଁ ଲକୁ ଏନିକଁ ନାମିନେରି, ଏଦାଆଁତାକି ଜହନ ଛ ପତି ରାଜାମାତେସି ୨୦:୩୧ □ ଛଦାଆଁ ନାମାହାଁ ଏଝାଣି ଦରୁତଲେ ମାରୁ ଜୀସୁ ବେଟାଆନାୟି □ ଛ ପତି ଜୀହୁଦି ଅଡ଼େ ଜୀହୁଦିଆଆଡ଼ି ଲକୁତାକି ରାସ୍ତକି ଆହାମାତେ □ ଜହନ ରାଜାମାନି ନେହଁ କାବୁ ଏ ତାନିଗଟା ନେହଁ କାବୁ କିହାଁ ରଲେ ମାନେ □ ଜହନ ଜୀସୁ କିତି କାବାଆନି କାମାୟାଁ ହାଡ଼େକା ରାଜାମାନେସି ସାମା ପୁଣ୍ଡିକିନି ପୁସ୍ତପନିକା ହାଡ଼େକା ରାଜାହିଲଅସି □ ଏଡ଼କା ପତିୟାଣା ଜୀସୁ ବାପ୍ତିସ୍ତ ଆନାଣି ଅଡ଼େ ଲକୁ ହିଲାଆ ଟାୟୁତା ତାୟିପାରି ଆଡ଼ାଣି ରାସ୍ତକି ଆହାମାନେ ଏଦାଆଁ ଛ ପତିତା ରାସ୍ତକି ଆହା ହିଲେଏ □

ପତିତା ମାନାୟି;

- ୧ ତଲିତି ହାଡ଼ା □ ୧:୧-୧୮
- ୨ ବାପ୍ତିସ୍ତ ହାନି ଜହନ ଅଡ଼େ ଜୀସୁତି ମୂଲୁ ସୀସୁୟାଁ □ ୧:୧୯-୫୧
- ୩ ଜୀସୁ ସେବା କାମା ମାଡ଼ନାୟି □ ୨:୧-୧୨:୫୦
- ୪ ଜିରୁସାଲମ ଅଡ଼େ ଦାରିମାରି ଜୀସୁତି କାମା □ ୧୩:୧-୧୯:୪୨
- ୫ ଜୀସୁ ହାକିଡ଼ି ଝେଣ୍ଡେ ନିଜାମାୟି ଅଡ଼େ ସୀସୁୟାଁଲ୍ ତଞ୍ଜା ଆନାୟି □ ୨୦:୧-୩୧
- ୬ ଗାଲିଲିତା ଝେଣ୍ଡେ ତଞ୍ଜା ଆନାୟି □ ୨୧:୧-୨୫

ଜୀସୁତି ବଲୁ

- ୧ ମୂଲୁଏ ବଲୁ ମାତେ, ବଲୁ ମାହାପୁରୁ ତଲେ ମାତେ, ଏ ବଲୁଏ ମାହାପୁରୁ ମାତେସି □
- ୨ ମୂଲୁଏ ଏ ବଲୁ ମାହାପୁରୁ ତଲେ ମାତେ □
- ୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡ଼େ ଏନାୟି ବାରେ ଗାଡ଼ି ଆହାମାନେ, ଏ ବିଦ୍ରାତି ରଣ୍ଡି ଜିକେଏ ଏ ବଲୁ ପିସପେ ରାଡ଼ି ଆହା ହିଲେଏ □
- ୪ ଏ ବଲୁତା ଜୀସୁ ମାତେ ଅଡ଼େ ଏ ଜୀସୁ ମାଣସିୟାଡ଼ି ଉଜେଡ଼ି □
- ୫ ଏ ଉଜେଡ଼ି ଆନେରିତା ଡ଼ାଞ୍ଜିହଁ ଝାହିମାନେ, ଇଞ୍ଜା ଆନେରି ଏଦାଆଁ ଏତେଲା ଜିକେଏ ଅପାହିଲେଏ □
- ୬ ମାହାପୁରୁ ତାଣାତି ତାନି କାବୁ ଝେହ୍ନାଣାଲ୍ ପାଣ୍ଡାତେସି; ଏଝାଣି ଦରୁ ଜହନ □
- ୭ ଏଝାସି ଉଜେଡ଼ିତି କାତା ଲକୁଲ୍ ଝେସାଲି ଝାଡ଼େସି, ଅଡ଼େ ଏନିକିହଁ ବାରେଜାଣା ଏଝାଣି ତାଣାତି ନାମିନେରି, ଏଦାଆଁତାକି ଏଝାସି ସାକି ହୀହାଲି ଝାଡ଼େସି □
- ୮ ଏଝାସିଏ ତାନୁଏ ଉଜେଡ଼ି ହିଲାଆତେସି; ସାମା ଏଝାସି ଏ ଉଜେଡ଼ିତି କାତା ଝେସାଲି ଝାଡ଼େସି □
- ୯ ଏନିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହୀନେ, ଏଝାସି ଦାର୍ତ୍ତିତା ଝାଡ଼େସି □
- ୧୦ ଏଝାସି ଦାର୍ତ୍ତିତା ମାତେସି ଅଡ଼େ ଏଝାଣି ତାଣାତି ଦାର୍ତ୍ତି ବାରେ ରାଡ଼ି ଆଡ଼େ, ଆଡ଼ିଜିକେଏ ଛ ଦାର୍ତ୍ତି ଏଝାଣାଲ୍ ପୁଞ୍ଜାଲି ଆଡ଼ାଆତେ □
- ୧୧ ଏଝାସି ତାନି ରାଡ଼ିତା ଝାଡ଼େସି, ଆଡ଼ିଜିକେଏ ତାନି ଜାହାରା ଲକୁ ଏଝାଣାଲ୍ ଆବାଆତେରି □

☆ ୧:୬ ୧:୬ ମାତି ୩:୧; ମାର୍କ ୧:୪; ଲୁକ ୩:୧,୨

୧୨ ଆମ୍ବାଆରି ଏଝାଣାଇଁ ଆବିତେରି ଇଞ୍ଜାଁ ଏଝାଣି ତାଣା ନାମିତେରି; ଏଝାସି ଏଝାରାଇଁ ମାହାପୁରୁତି ମାର୍କା ମାସ୍କା ଆହାଲି ଅଦିକାରା ହାତେସି □

୧୩ ମାଣସିତି ତାଞ୍ଜାୟାଁ ତାଣାଟି ଜାର୍ନା ଆଡାକି ଏଝାରି ମାହାପୁରୁତି ମାର୍କା ଆହାହିଲଅରି, ମାହାପୁରୁ ତାନୁଏ ଏଝାରି ତାଞ୍ଜି ଆଡେସି □

୧୪ ଅଡେ, ଏ ବଲୁ ମାଣସି ଝାଣା ଆଡେ, ମାହାପୁରୁତି କାର୍ମା ଇଞ୍ଜାଁ ସାତା ତଲେ ମା ତାଣା ବାସା କିତେସି, ଅଡେ ଆଡା ତାଣାଟି ଝାହାମାନି ରଣ୍ଡିଏ ମାରୁଏଣାଟି ଗାଝୁରମି ଲେହେଁ ମାରୁ ଏଝାଣି ଗାଝୁରମି ମେସ୍ତାୟି □

୧୫ ଜହନ ଏଝାଣି କାତାତି ସାକି ହାହାନା କାଜା ଗିୟାଁତଲେ ଏଲେଇଚେସି, “ଆମ୍ବାଆସି ନା ତାହୁ ଝାହିମାନେସି, ଏଝାସି ନା କିହାଁ କାଜାସି, ଏନାଆଁତାକି ଇତିହ” ଏଝାସି ନାନୁ ଜାର୍ନାଆଡି ନକେଏ ମାଚେସି, ଇଞ୍ଜାଁ ଏଝାଣି କାତା ନାନୁ ତଲିଏ ଏଲେଇଞ୍ଜି ଝେସାମାଞ୍ଜାଚେସଁ, ଏଝାସିଏ ଇଝାସି □”

୧୬ ଏନାଆଁତାକି ତାନୁ ପୁରା କିନି ତାଣାଟି ମାରୁ ବାରେ ଜାଣାତାୟି ବାରେ ବେଟାଆହାନା, କାର୍ମା ମୁହେଁ କାର୍ମାମେହନାଣି ବେଟାଆହାମାନାୟି □

୧୭ ମାହାପୁରୁ ମସା ତାଣାଟି ମେରା ହିୟାଚେସି, ସାମା ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡେ ସାତା ଝାଡେ □

୧୮ ଆମ୍ବାଆସି ଏଚେଲା ମାହାପୁରୁଇଁ ମେସାହିଲଅସି, ତାନିତଲେ ମାନି ରଣ୍ଡିଏ ମାରୁଏସି ଏଝାସି ମାହାପୁରୁ ଆବାଇଁ ପୁଣ୍ଡି କିହାମାଞ୍ଜାନେସି □

ବାପ୍ତିସ୍ମ* ହାନି ଜହନତି କାରୁ

(ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନାନୁ ଆମ୍ବାଆତି ଇଞ୍ଜାଁ ଜହନଇଁ ଝେଞ୍ଜାଲି ଜୀହୁଦିୟାଁ ଏରିବେଲା ଜିରୁସାଲମଟି କାଜା ପୁଜେରାଜା ଇଞ୍ଜାଁ ଲେବିୟଜାଣି ଜହନ ତାଣା ପାଣ୍ଡିତେରି, ଏଝାସି ଇ କାତା ଝେସ୍ତେସି □

୨୦ ଜହନ ସାତା କାତା ଝେସ୍ତେସି, ଆଏ ଇଞ୍ଜାଁ ଇନାଆଚେସି, ତାରୁପୁତଲେ ଝେସ୍ତେସି, “ନାନୁ ମସିହା ଆଏ □”

୨୧ ଏଝାରି ଏଝାଣାଇଁ ଝେଚେରି, ଆତିହ” “ନାନୁ ଆମ୍ବାଆତି ? ନାନୁ ଏନାଆଁ ଏଲିୟତି କି ?”

ଜହନ ଏଲେଇଚେସି, “ନାନୁ ଏଲିୟତେସଁ ଆଏ □”

ଏଝାରି ଝେଚେରି, “ନାନୁ ଏନାଆଁ ମାହାପୁରୁ ଅଣ୍ଡପୁତି ବଲୁ ଝେହନାତି କି ?” ଏଝାସି ଏଲେଇଚେସି, “ନାନୁ ଆଏ □”

୨୨ ଏମ୍ବାଟିଏ ଏଝାରି ଏଝାଣାଇଁ ଏଲେଇଚେରି, “ମାଜେ ଝେସ୍ତାମୁ, ମାମୁ ମାଜେ ପାଣ୍ଡା ମାଞ୍ଜାନାରାଇଁ ଏନି କାତା ଝେହନମି □ ନାନୁ ଆମ୍ବାଆଚେସଁ ଇଞ୍ଜାଁ ଝେସାକତିମାଞ୍ଜି ?”

୨୩ ଜହନ ଏଲେଇଚେସି, “ମାହାପୁରୁ ଅଣ୍ଡପୁତି ବଲୁ ଝେହନି ଜିସାୟ ଏନିକିଁ ଜଲ୍ଲାମାଚେସି, ‘ନାନୁ ଲକୁ ହିଲାଆ ଟାୟୁତା କାଜା ଗିୟାଁତଲେ କାଲଝି ଆହିମାନି ରଅଣି ହାଡାଲେହେଁ ତାଚେସଁ, ପ୍ରବୁତି ଜିରୁ ସଲକେ କିପୁ □”

୨୪ ଅଡେ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡି ଆହାମାଚେରି,

୨୫ ଏଝାରି ଜହନଇଁ ଝେଚେରି, “ନାନୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ଡପୁତି ବଲୁ ଝେହନାତି ଆଏ, ଆତିହ” ନାନୁ ଏନାଆଁତାକି ବାପ୍ତିସ୍ମ† ହାହିମାଞ୍ଜି ?”

୨୬ ଜହନ ଏଝାରାଇଁ ଏଲେଇଚେସି, “ନାନୁ ଏୟୁତା ବାପ୍ତିସ୍ମ‡ ହାହିମାଇଁ; ଆମ୍ବାଆରାଇଁ ମୀରୁ ପୁଞ୍ଜାହିଲଅଚେରି, ଏଝାସି ମୀ ବିତ୍ରା ମାନେସି □

୨୭ ଏଝାସି ନା ତାହୁ ଝାହିମାନେସି, ନାନୁ ଏଝାଣି ସେପୁୟାଁତି ତ:ରକା ଜିକେଏ ହୁକହାଲି ଜଗେ ଆଏ □”

୨୮ ଏମିନି ଜର୍ଦନ କାତାତି ଝେଡା ହପୁଝାକିତି ବେତନିୟାଁତା ଜହନ ବାପ୍ତିସ୍ମ§ ହାହିମାଚେସି, ଏ ଟାୟୁତା ଇ ବାରେ ଆହାମାଚେ □

ମାହାପୁରୁତି ମେଣ୍ଡା ତାଲୁ

* ୧:୧୮ ୧:୧୯ ମୁଞ୍ଜିନାୟି † ୧:୨୫ ୧:୨୫ ମୁଞ୍ଜିନାୟି ‡ ୧:୨୬ ୧:୨୬ ମୁଞ୍ଜିନାୟି § ୧:୨୮ ୧:୨୮ ମୁଞ୍ଜିନାୟି

୨୯ ଏ ଅର ନେତୁ ଜହନ ଜୀସୁଙ୍କୁ ତାନି ଖାକି ଖାହିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ, ଆମିନିଗାଟାସି ଈ ଦାର୍ତତି ପାପୁ ବାରେ ଡେକା ଅନେସି □

୩୦ ଈଝାସିଏ ଏଝାସି, ଆମ୍ବାଆରି କାତା ନାନୁ ଝେସାମାଞ୍ଜାତେସି, ‘ର ମାଣସି ନା ତାଲୁ ଖାହିମାନେସି, ସାମା ଏଝାସି ନା କିହାଁ କାଜାସି, ଇଞ୍ଜା ଏଝାସି ନାନୁ ଜାନ୍ଆଡ଼ି ନକେଏ ମାଚେସି □’

୩୧ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେସି, ସାମା ଏଝାସି ଏନିକିହୁଁ ଇସ୍ତାୟେଲ ଲକ୍ଷୁ ନକିତା ତଞ୍ଜାଆନେସି, ଈଦାଆଁତାକି ନାନୁ ଏମୁତା ବାପ୍ତିସ୍ତା* ହାହାଲି ଖାହାମାଇଁ □”

୩୨ ଅଡ଼େ ଜହନ ସାକି ହାହାନା ଝେସ୍ତେସି, “ନାନୁ ସୁଦୁଜୀଝୁ ପାର୍ଝା ପଟାଲେହେଁ ଲାକପୁରୁତି ରେଟା ଖାହିମାନାଣି ମେସ୍ତେସି, ଇଞ୍ଜା ଏଦି ଏଝାଣିଲାକ କୁଗିତେ □

୩୩ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେସି, ସାମା ଆମ୍ବାଆସି ନାଜେ ଏମୁତା ବାପ୍ତିସ୍ତା† ହାହାଲି ପାଣ୍ଡାମାଞ୍ଜାନେସି, ଏଝାସି ନାଜେ ଝେସ୍ତାତେସି, ‘ଆମିନିଗାଟାଣି ଲାକ ସୁଦୁଜୀଝୁ ରେଟା ଖାନ୍ତାଣି ଅଡ଼େ କୁଗିନାଣି ମେହ୍ଦି, ଆମ୍ବାଆସି ସୁଦୁଜୀଝୁ ତଲେ ବାପ୍ତିସ୍ତା‡ ହାନେସି, ଏଝାସି ଏ ମାଣସି □’ ”

୩୪ ଜହନ ଏଲେଇଚେସି, “ନାନୁ ଏଦାଆଁ ମେସାମାଇଁ, ଏଦାଆଁତାକି ନାନୁ ମିଙ୍ଗା ଝେସିମାଞ୍ଜାଇଁ, ଏଝାସି ମାହାପୁରୁ ମାର୍‌ଏସି □”

ଜୀସୁତି ମୂଲୁ ସାସୁ

୩୫ ତାନି ଅର ନେତୁ ଜହନ ତାନି ରା ସୀସୁୟାଁ ତଲେ ନିଚାମାଚେସି;

୩୬ ଏଝାସି ଜୀସୁଙ୍କୁ ଏ ଜିରୁତି ହାଜିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ □”

୩୭ ଏ ରା ସୀସୁୟାଁ ଏଝାଣି ହାଡ଼ା ଝେଞ୍ଜାନା ଜୀସୁ ଜେଟ ଜେଟ ହାଚେରି □

୩୮ ଜୀସୁ ଝେଣ୍ଡେ ତିରଝାନା ଏଝାରାଇଁ ତାନି ଜେଟ ଜେଟ ହାଜିମାନାଣି ମେସାନା ଝେଚେସି, “ମାରୁ ଏନାଆଁ ପାରିମାଞ୍ଜେରି ?” ଏଝାରି ଝେଚେରି, “ରାବିଠି ନାନୁ ଆମ୍ବିୟା ଡ଼ୟିମାଞ୍ଜି ?”

୩୯ ଜୀସୁ ଏଝାରାଇଁ ଏଲେଇଚେସି, ଖାଦୁ, ମେହ୍ଦେରି □ ଏମ୍ବାଟିଏ ଏଝାରି ହାଜାନା ତାନି ଡ଼ୟିନି ଟାଲୁ ମେସ୍ତେରି, ଇଞ୍ଜା, ଏ ଦିନା ଏଝାଣିତଲେ ଡ଼ୟିତେରି; ଏନାଆଁତାକି ଇଚିହୁଁ ଏଚିବେଲା ଲାକ୍ଷତି ଦସ ଗଂଟା ଆହାମାଚେ □

୪୦ ଜହନତି କାତା ଝେଞ୍ଜାନା ଆମିନି ରିଆରି ଜୀସୁ ଜେଟ ଜେଟ ହାଜାମାଚେରି, ଏଝାରି ବିଡ଼ା ରଅସି ସିମନ ପିତରତି ତାୟି ଆନ୍ଦ୍ରିୟ ମାଚେସି □

୪୧ ଏଝାସି ତଲିଏ ତାନି ତାୟି ସିମନଙ୍କୁ ମେସାନା ଏଲେଇଚେସି, “ମାମ୍ବୁ ମସିହାଙ୍କୁ* ମେସ୍ତମି □”

୪୨ ଆନ୍ଦ୍ରିୟ ସିମନଙ୍କୁ ଜୀସୁ ତାଣା ତାତେସି □ ଜୀସୁ ଏଝାଣାଇଁ ଆଚେ ସିନିକିହାନା ଏଲେଇଚେସି, “ନାନୁ ଜହନ ମାର୍‌ଏଣା ସିମନତି □ ନାନୁ କେପା† ଦରୁତି ଝେଜିଦି □”

ଜୀସୁ ପିଲିପ ଅଡ଼େ ନିତନିୟେଲଙ୍କୁ ହାଡ଼ିନାୟି

୪୩ ଅର ନେତୁ ଜୀସୁ ଗାଲିଲିତା ହାଜାଲି ଅଣ୍ଡପିତେସି, ଏଝାସି ପିଲିପଙ୍କୁ ମେସାନା ଏଲେଇଚେସି, “ନା ଜେଟ ଖାମ୍ବୁ!”

୪୪ ପିଲିପ ବେଡ଼ସାୟିଦା ଗାଡ଼ାତାସି ମାଚେସି, ଏଦି ଆନ୍ଦ୍ରିୟ ଇଞ୍ଜା ପିତରତି ଗାଡ଼ା ମାଚେ □

୪୫ ପିଲିପ ନିତନିୟେଲଙ୍କୁ ମେସାନା ଏଝାଣାଇଁ ଏଲେଇଚେସି, “ଆମ୍ବାଆରି କାତା ମସାତି ମେରାତା ରାଟାମାନେରି, ଅଡ଼େ, ମାହାପୁରୁ ଅଣ୍ଡପୁତି ବଲ୍ଲୁ ଝେହ୍ନାରି ଜିକେଏ ରାଟାମାନେରି, ମାମ୍ବୁ ଏଝାଣାଇଁ ବେଟାଆହାମାନି □ ଏଝାସି ଜସେପ ମାର୍‌ଏସି ନାଜୁରିତତି ଜୀସୁ □”

୪୬ ନିତନିୟେଲ ଏଝାଣାଇଁ ଝେଚେସି, “ନାଜୁରିତତା କି ଏନି ନେହୁଁ କାମା ଆହିମାନେ ?” ପିଲିପ ଏଲେଇଚେସି, “ଝାହାନା ସିନିକିମ୍ବୁ □”

୪୭ ଜୀସୁ ନିତନିୟେଲଙ୍କୁ ତାନି ତାଣା ଖାହିମାନାଣି ମେସାନା ଜୀସୁ ଏଝାଣି କାତା ଝେସ୍ତେସି, “ମେହ୍ଦୁ ଈଝାସି ସାତା ତଲେ ଇସ୍ତାୟେଲତି ଲକ୍ଷୁ; ଈଝାଣି ତାଣା ଏନାୟି ନାଡ଼ିକିନି ବୁଦି ହିଲେଏ □”

୪୮ ନିତନିୟେଲ ଜୀସୁଙ୍କୁ ଝେଚେସି, “ନାନୁ ନାଜେ ଏନିକିହୁଁ ପୁଞ୍ଜାତି ?”

ଜୀସୁ ଏଲେଇଚେସି, “ପିଲିପ ନିଜେ ହାଡ଼ାତି ନକେଏ ନାନୁ ତୟା ମାରୁନୁ ଡ଼ଇ ମାଚି, ଏଚେତା ନାନୁ ନିଙ୍ଗା ମେସାମାଞ୍ଜାତେସି □”

* ୧:୩୧ ୧:୩୧ ମୁଞ୍ଜିନାୟି † ୧:୩୩ ୧:୩୩ ମୁଞ୍ଜିନାୟି ‡ ୧:୩୩ ୧:୩୩ ମୁଞ୍ଜିନାୟି § ୧:୩୮ ୧:୩୮ ଗୁରୁ * ୧:୪୧ ୧:୪୧ ମସିହାତି ଇଚିହୁଁ ଗ୍ରାସୁ † ୧:୪୨ ୧:୪୨ କେପା ଇଚିହୁଁ ପିତର

୪୯ ନିତନିୟେଲ ଏଲେଇରେସି, “ଏ ଗୁରୁ ନୀନୁ ମାହାପୁରୁ ମୀର-ଏଣାଡି! ନୀନୁଏ ଇସ୍ରାୟେଲ ରାଜାତି
□”

୫୦ ଜୀସୁ ଏଲେଇରେସି, “ନୀନୁ ନିଜେ ତୟା ମାରୁନୁ ତୁଇ ମେସ୍ସାତେଏଁ ଇଞ୍ଜିଁ ଝେସାଲିଏ ନୀନୁ
ନୀମିମାଞ୍ଜି ?” ନୀନୁ ଇଦାଆଁ କିହାଁ ହାରେକା କାଜା କାମାୟାଁ ମେହଦି □

୫୧ ଜୀସୁ ନିତନିୟେଲଇଁ ଏଲେଇରେସି, “ନୀନୁ ନିଜେ ସାତା ଝେସିମାଞ୍ଜାଇଁ ନୀନୁ ଲାକପୁରୁ
ଦେପିଆହାମାନାଣି ଇଞ୍ଜାଁ ମାଣ୍ଡିଏ ମୀର-ଏଣା ତାଣା ମାହାପୁରୁତି ଦୁହୁୟାଁ ଲାକ ହାଜିମାନାଣି ଅଡେ ତୁଇ
ଝାହିମାନାଣି ମେହଦି □”

୨

କାନା ଗାଡ଼ାତି ବାହା ବଢ଼ିତା ଜୀସୁ

୧ ତାନି ଦିନା ଜେତ ଗାଲିଲିତି କାନା ଗାଡ଼ାତା ର ବାହା ମାତେ, ଜୀସୁ ତାନି ଇୟା ମରିୟମ ଜିକେଏ
ଏମ୍ବାଆଁ ମାତେ;

୨ ଜୀସୁ ଜିକେଏ ତାନି ସୀସୁୟାଁ ତଲେ ବାହାତା ହାଜାଲି ହାଟ୍ଟି ଆହାମାରେସି □

୩ ଏରିବେଲା ଅଜୁରି ରାସା ରାହାହାଚୁ, ଜୀସୁଇଁ ତାନି ଇୟା ଏଲେଇରେ, “ଏଞ୍ଜାରି ଅଜୁରି ରାସା
ରାହାହାଚେ □”

୪ ଏମ୍ବାଟିଏ ଜୀସୁ ତାନି ଇୟାନି ଏଲେଇରେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି
ଝେସିମାଞ୍ଜାଦି ? ନା କାଜା ନାଏଁ ପାତେକା ଝାହାହିଲେଏ □”

୫ ଜୀସୁ ତାନି ଇୟା କାମା କିନାରାଇଁ ଏଲେଇରେ, “ଏଞ୍ଜାରି ମିଜେ ଏନାଆଁ ଝେସ୍ତାନେସି ଏଲେକିହିଁଏ
କିଦୁ □”

୬ ଅଡେ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରନି ମେରାତାକି ସ ଗଟା କାଜା ଝାଲକାତି ଏୟୁ ଗୁନାୟାଁ
ମାରୁ □

୭ ଜୀସୁ ହଲିୟାଜାଣି ଏଲେଇରେସି, “ଇ ଗୁନାୟାଁଣା ଏୟୁ ନେଞ୍ଜିକିଦୁ □” ଏଞ୍ଜାରି ଏମ୍ବାଆଁ
ନେଞ୍ଜିକିତେରି □

୮ ଜୀସୁ ଏଞ୍ଜାରାଇଁ ଏଲେଇରେସି, “ଇମ୍ବାଟି ଇତରା ଅହାନା ବଢ଼ିତି ଗୁମୁସ୍ତାକି ହୀଦୁ □” ଏମ୍ବାଟିଏ
ଏଞ୍ଜାରି ଅଡେରି □

୯ ବଢ଼ିତି ଗୁମୁସ୍ତା ଅଜୁରି ରାସା ଆହାମାନି ଏ ଏୟୁତି ଝାଣ୍ଡାହାଁ ଏଞ୍ଜି ଏମ୍ବିତି ତାପିଆଚୁ, ପୁଞ୍ଜା
ହିଲାଆତେସି □ ସାମା ଏ ହଲିୟାଜା ଏୟୁ ଝାକ୍ତା ମାତାରି ପୁଞ୍ଜାମାତେରି ଏଦାଆଁତାକି ହନେଏଣାଇଁ
ହାଟାହାଁ ଏଲେଇରେସି □

୧୦ ବାରେଜାଣା ତଲିଏ ନେହିଁ ଅଜୁରି ରାସା ହୀନେରି ଅଡେ ଏମ୍ବାଆଁ ଝାହାଡ଼ୟିନି ଲକୁ ହଡ଼ିସାରେ
ତାୟୁ ଲାଗେଏତି ଅଜୁରି ରାସା ହୀନେରି; ସାମା ମାରୁ ବାରେ ନେହିଁ ଅଜୁରି ରାସା ନାଏଁ ପାତେକା
ଇଟାମାଞ୍ଜେରି □

୧୧ ଜୀସୁ ଇଲେକିଁ ଗାଲିଲିତି କାନା ଗାଡ଼ାତା କାବାଆନି କାମା ମାଟ୍ଟହାନା ତାନି ଗାଝୁରମି ତଡ଼ସି,
ଅଡେ ସୀସୁୟାଁ ଏଞ୍ଜାଣି ତାଣା ନୀମିତେରି □

୧୨ ଏଦାଆଁ ତାୟୁ ଜୀସୁ ତାନି ଇୟା, ତାୟିୟାଁ ଅଡେ ସୀସୁୟାଁ ତଲେ କପରନାହୁମତା ହାଚେରି; ଇଞ୍ଜାଁ
ଏମ୍ବାଆଁ ହାରେକା ଦିନା ତୟାଆତେରି □

ଜୀସୁ ଜିରୁସାଲମତା ହାନାୟି

(ମାତି ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୭)

୧୩ ଏରିବେଲାତା ଜୀହୁଦିଜା ପିସପିଆନି ପାର୍ଟୁ ତାଗେ ଆହାମାତେ, ଅଡେ ଜୀସୁ ଜିରୁସାଲମତା
ହାଚେସି □

୧୪ ଏମ୍ବାଆଁ ଜୀସୁ ମେସ୍ସେସି, ମାହାପୁରୁ ଇଲୁ ବିତ୍ରା ଲକୁ କଡ଼ିୟାଁ ମେଣ୍ଡାୟାଁ ଅଡେ ପଟାୟାଁ ବେବାରା
କିନାରି ଅଡେ ତାୟୁୟାଁ ବେବାରା କିନାରି କୁଗାମାତେରି;

୧୫ ଏମ୍ବାଟିଏ ଜୀସୁ ତ:ରିତି ସାଟ୍ଟି କେପାନା କଡ଼ିୟାଁ, ମେଣ୍ଡାୟାଁ ମାହାପୁରୁ ଇଲୁଟି ପାଞ୍ଜାତା ପେହ୍ତା
ପାଣ୍ଡାନା ଟାକାୟାଁ ବେବାରା ଗାଟାରି କୁଟିୟାଁ ତିରିମ୍ବୁସ୍ତହାନା ଟାକାୟାଁ ବାରେ ତାଞ୍ଜିତେସି □

୧୬ ପଚାରିବେ ବେବାରା ଗାଟାରାଇଁ ଏଲେଇଚେସି, “ଇ ବାରେଡି ଇମ୍ବାଟି ଅହାଡ଼ହୁଦୁ, ନା ଆବା ଇଲୁଡି ବେବାରା ଇଲୁ କିଆଦୁ □”

୧୭ ଇଦାଆଁ ମେସାନା ସାସ୍ତେରିତା ରାସ୍ତକି ଆହାମାନି ର କାତା ସାସୁୟାଁ ମନ୍ତତା ଖାଡେ, “ନୀ ଇଲୁଡାକି ନା ରାହାଁ ନାଜେ ହାରେକା ନାସା କିୟାନେ □”

୧୮ ଜୀହୁଦିୟାଁ ଜୀସୁଇଁ ଖେଚେରି, “ନୀନୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ବାଡି ସିନା ମାଜେ ଏନାଆଁ ତସିମାଞ୍ଜାଡି ?”

୧୯ *ଜୀସୁ ଏଲେଇଚେସି, “ଇ ଦେଝୁଡିତି ନାସା କିଦୁ, ଅଡେ ତାନି ଦିନାଟିଏ ନାନୁ ଏଦାଆଁ ଖେଶ୍ତେ କେପିଇଁ □”

୨୦ ଏଚେଟିଏ ଜୀହୁଦି ଲକୁ ଏଲେଇଚେରି, “ଏନାଆଁ ତାନିଦିନା ବିତ୍ତା ନୀନୁ ଇଦାଆଁ କେପାଲି ଆଡିଦି ? ଇ ଦେଝୁଡି କିହାଲିତାକି ରୀ କଡି ସ ବାସାଁ ଆହାମାନେ □”

୨୧ ସାମା ଜୀସୁ ଜାହାରା ଆଜ୍ଞା ଲେହେଡି ଦେଝୁଡିତି ତସାନା ଇଦାଆଁ ଖେସାମାଚେସି □

୨୨ ଇଦାଆଁତାକି ଜୀସୁ ହାହାନା ନିଜାଲିଏ ତାନି ସାସୁୟାଁ ଜୀସୁ ଇ କାତା ଖେସାମାଚେସି ଇଞ୍ଜି ଅଣ୍ଡିଚେରେ; ଅଡେ ଦାମ୍ବୁ ସାସ୍ତେରି ଅଡେ ଜୀସୁ ଖେସାମାଚି କାତାଡି ନାମିଚେରି □

ଜୀସୁ ଲକୁଡି ଗୁଣ୍ଡ ପୁନାସି

୨୩ ପିସ୍ପିଆନ୍ତି ପାର୍ବୁ ଆହିମାଟି ବେଲତା ଜିରୁସାଲମତା ଜୀସୁ ମାଚାଟି ହାରେକା ତାନି କାବାଆନ୍ତି କାମା ମେସାନା ତାନି ଦରୁତା ହାରେକା ଜାଣା ନାମିଚେରି □

୨୪ ସାମା ଜୀସୁ ଏ ଲକୁଣି ନାମାଆନା ଏଞ୍ଜାରି ତାଣାଟି ଏଟକା ତ୍ରିୟିଚେସି, ଏନାଆଁତାକି ଇଚିହୁଁ ଏଞ୍ଜାରାଇଁ ନେହୁଁ କି ପୁଞ୍ଜାମାଚେସି □

୨୫ ଅଡେ ଆମ୍ବାଆସି ମାଣସି କାତା ସାକି ହାନେସି, ଇଦି ଏଞ୍ଜାଣାକି ଲଡା ହିଲାଆଚେ, ଇଚିହୁଁ ମାଣସି ବିତ୍ତା ଏନାୟି ମାନେ ଏଞ୍ଜାସି ତାନୁଏ ପୁଞ୍ଜାଲି ଆଡିମାଚେସି □

୩

ଜୀସୁ ଅଡେ ନିକଦିମ

୧ ପାରୁସିୟାଁ ଗଟିଚି ନିକଦିମ ଇଞ୍ଜି ର ମାଣସି ମାଚେସି, ଏଞ୍ଜାସି ଜୀହୁଦି ଲକୁଣି ସାଲଞ୍ଜି କିନାସି ମାଚେସି □

୨ ଏଞ୍ଜାସି ଲାଆଁ ବେଲତା ଜୀସୁ ତାଣା ଖାହାନା ଏଲେଇଚେସି, “ଏ ରାବି,* ମାମ୍ବୁ ପୁଞ୍ଜାମାନମି ନୀନୁ ମାହାପୁରୁ ପାଣ୍ଡାମାଞ୍ଜାନ୍ତି ଗୁରୁ □ ନୀନୁ ଆମିନି ବାରେ କାବାଆନ୍ତି କାମା କିହିମାଞ୍ଜି, ମାହାପୁରୁ ସାୟେମି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡଅସି □”

୩ ଜୀସୁ ଏଞ୍ଜାଣାଇଁ ଏଲେଇଚେସି, ସାତା ସାତା ନାନୁ ନିଜା ଖେସିମାଞ୍ଜାଇଁ, ଅଡେ ଖେଶ୍ତେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାକି ମେସାଲି ଆଡଅସି □

୪ ନିକଦିମ ଏଞ୍ଜାଣାଇଁ ଖେଚେସି, “ବୁଡହା ଆଡିସାରେ ମାଣସି ଅଡେ ଖେଶ୍ତେ ଏନିକିଁ ଜାର୍ନା ଆହାଲି ଆଡିନେସି ? ତାଲିନି ବାଣ୍ଡିତା ହଡାନା ଏଞ୍ଜାସି ଖେଶ୍ତେ ଜାର୍ନା ଆହାଲି ଆଡିନେସି ?”

୫ ଜୀସୁ ଏଲେଇଚେସି; “ସାତା ସାତା ନାନୁ ନିଜା ଖେସିମାଞ୍ଜାଇଁ” ଏୟୁ ଅଡେ ସୁଦୁଜୀଝୁଟି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାକିତା ହଡାଲି ଆଡଅସି □

୬ ଆଜ୍ଞାଟି ଏନାୟି ଜାର୍ନା, ଏଦି ଆଜ୍ଞା; ଅଡେ ସୁଦୁଜୀଝୁଟି ଏନାୟି ଜାର୍ନା ଆନେ, ଏଦି ସୁଦୁଜୀଝୁ □

୭ ନିଜେ ଖେଶ୍ତେ ଜାର୍ନା ଆନାୟି ଲଡାମାନେ ଇଞ୍ଜି ନାନୁ ନିଜା ଖେସାଚେଏଁ, ଏଦାଆଁତାକି କାବା ଆଆନି □

୮ ଗାଲି ଆମ୍ବିୟାଞ୍ଜାକି ମନ୍ କିନେ, ଏତାଲା ଞ୍ଜାକି ହାନେ, ଅଡେ ନୀନୁ ଞ୍ଜାରଇ ଏଦାନି ହାଡା ଖେଞ୍ଜାଲି ଆଡିଦି, ସାମା ଏଦି ଏନିନି ତାଣାଟି ଞ୍ଜାନେ ଅଡେ, ଏମ୍ବିୟା ହାନେ, ଏଦାଆଁ ପୁନଅଡି; ସୁଦୁଜୀଝୁଟି ଜାର୍ନା ଆହାମାନି ବାରେଜାଣା ଏଲେକିହୁଁଏ □

୯ ନିକଦିମ ଏଞ୍ଜାଣାଇଁ ଏଲେଇଚେସି, “ଏଦି ଏନିକିଁ ଆହାଲି ଆଡିନେ ?”

* ୨:୧୯ ୨:୧୯ ମାଡି ୨୭:୭୧; ୨୭:୪୦; ମାର୍କ ୧୪:୫୮; ୧୫:୨୯ * ୩:୨ ୩:୨ ଗୁରୁ

୧୦ ଜୀମୁ ଏଝାଣାଛଁ ଏଲେଇଚେସି; “ନୀନୁ ଇସ୍ରାୟେଲତି ଗୁରୁ ଆହ୍ୱାନା ଜିକେଏ, ଇ ବାରେ ତେଲ୍‌ହି ହିଲଅତି କି ?

୧୧ ନାନୁ ନିଜ ସାତା ଝେସିମାଞ୍ଜାଛଁ, ନାନୁ ଏନାଆଁ ପୁଞ୍ଜାମାଛଁ, ଏଦାନି କାତା ଝେସିମାଞ୍ଜାଛଁ, ଏନାଆଁ ମେସାମାଛଁ, ଅଡେ ନୀନୁ ନା କାତା ନାମିହିଲଅତି □

୧୨ ନାନୁ ଦାରୁତି କାତାତି ଝେସ୍ରାସାରେ ନୀନୁ ନାମଅତି, ଆତିହଁ ଲାକପୁରୁତି ହାଡ଼ା ଝେସ୍ରାସାରେ ଏନିକଁ ନାମିଦି ?

୧୩ ଆମିନି ମାଣସି ମୀରୁଏସି ଲାକପୁରୁତି ରେଚା ଝାଡ଼େସି, ଏଝାଣି ପିସପେ ଅଡେ ଆମ୍ବାଆସି ଲାକପୁରୁ ହାଜାହିଲଅସି □”

୧୪ ଅଡେ, ମସା ଏନିକଁ ଲକୁ ହିଲଆ ଟାୟୁତା ପିତାଡ଼ା ରାଚୁତି ଲାକ ପେରହା ମାଚେସି, ମାଣସି ମୀରୁଏସି ଜିକେଏ ଏଲେକିହଁ ଏ ଲାକ ପେରୁଝି ଆନେସି □

୧୫ ଏନିଇଚିହଁ ଆମ୍ବାଆସି ତାନି ତାଣା ନାମିନେସି, ଏଝାସି କାଲାକାଲାତି ଜୀସୁ ବେଟା ଆନେସି □

୧୬ ଇଚିହଁ ମାହାପୁରୁ ଦାରୁତିତି ଏଚେକା ଜୀସୁ ନଡେସି, ଏଝାସି ତାନି ରଣ୍ଡିଏ ମୀରୁଏଣାଛଁ ଦାନା ହାଚେସି, ଏନିଇଚିହଁ ଏଝାଣି ତାଣା ନାମିନାସି ନାସା ଆଆନା କାଲାକାଲାତି ଜୀସୁ ବେଟା ଆନେସି □

୧୭ ଇଚିହଁ ଦାରୁତିତା ନାହାଁୟି କିହାଲିତାକି ମାହାପୁରୁ ତାନି ମୀରୁଏଣାଛଁ ଦାରୁତିତା ପାଣ୍ଡାଆନା, ଦାରୁତି ଏନିକଁ ତାନିତାଣାଟି ଗେଲପିଆନେ, ଏଦାଆଁତାକି ତାନି ମୀରୁଏଣାଛଁ ପାଣ୍ଡାଚେସି □

୧୮ ଆମ୍ବାଆସି ତାନି ତାଣା ନାମିନେସି, ଏଝାସି ନାହାଁୟି କିଝି ଆଅସି ଆମ୍ବାଆସି ନାମଅସି, ଏଝାସି ନାହାଁୟି କିଝି ଆଡେସିଏ, ଏନାଆଁତାକି ଇଚିହଁ ମାହାପୁରୁତି ରଣ୍ଡିଏ ମୀରୁଏଣା ଦରୁତି ନାମାହିଲଅସି □

୧୯ ଅଡେ ଏ ନାହାଁୟି ଇଦି, ଇ ଦାରୁତିତା ଉଜେଡ଼ି ତଞ୍ଜା ଆହ୍ୱାନାମାନେ, ଅଡେ ଲକୁ ଉଜେଡ଼ି ପିସାନା ଆନେରିତି ଜୀସୁ ନଡେରି, ଏଦାଆଁତାକି ଏଝାରି ବାରେ କାମା ଲାଗେଏତାୟି □

୨୦ ଇଚିହଁ ଆମ୍ବାଆରି ଲାଗେଏତି କାମାକିନାରି, ଉଜେଡ଼ିତି ଅପଅରି, ଅଡେ ଏଚେଡ଼ା ତାନି ପାପୁ କାମା ତଞ୍ଜାଆନେ, ଏଦାଆଁତାକି ଉଜେଡ଼ିତା ଝାଅରି □

୨୧ ସାମା ଆମ୍ବାଆରି ସାତା କାମା କିନେରି, ଏଝାରି ଉଜେଡ଼ିତା ଝାନେରି, ଏନିକଁ ତାନି କାମା ବାରେ ମାହାପୁରୁ ତାଣାଟି ତାନି ଆଡାୟି ଇଞ୍ଜଁ ତଞ୍ଜାଆନେ □

ଜୀମୁ ଅଡେ ଜହନ

୨୨ ଇଦାଆଁ ତାୟୁ ଜୀମୁ ଅଡେ ତାନି ସୀୟୁୟାଁ ଜୀହୁଦା ରାଜିତା ହାଚେରି, ଅଡେ ଏଝାସି ଏ ଟାୟୁତା ତୟାନା ବାପ୍ତିସ୍ତାଁ ହାହାଲି ମାଟୁହେସି □

୨୩ ଜହନ ଜିକେଏ ସାଲମତି ଡାଗେ ଏନନ୍‌ତା ବାପ୍ତିସ୍ତାଁ ହାହିମାଚେସି, ଇଚିହଁ ଏମ୍ବାଆଁ ଗାତି ଏରୁ ମାଟୁ, ଅଡେ ଲକୁ ଝାହାନା ବାପ୍ତିସ୍ତାଁ ଅହିମାଚେରି □

୨୪ ଏଚିବେଲା ପାତେକା ଜହନ କାୟିଦିତା ହାଜାହିଲଆଚେସି □

୨୫ ଏମ୍ବାଟିଏ ଜହନତି ଏଚରଜାଣା ସୀୟୁୟାଁ ର ଜୀହୁଦି ତଲେ ମେରାତାକି ନର୍‌ନି କାତାତାକି ବାଦିବାଡ଼ା ଆଡେରି □

୨୬ ଏଝାରି ଜହନଛଁ ଏଲେଇଚେରି, “ଗୁରୁ ଆମ୍ବାଆସି ଜର୍‌ଦନ କାତାତି ଅଡ଼ଝାକି ନୀ ତଲେ ମାଚେସି, ଆମ୍ବାଆରି କାତା ନାନୁ ସାକି ହାହାମାଞ୍ଜାତି, ମେହମୁ ଏଝାସି ବାପ୍ତିସ୍ତାଁ ହାହିମାଚେସି ଅଡେ ବାରେଜାଣା ଏଝାଣି ତାଣା ହାଜିମାନେରି □”

୨୭ ଜହନ ଏଲେଇଚେସି, “ଲାକପୁରୁତି ମାହାପୁରୁ ହାଆସାରେ ମାଣସି ଏନାଆଁ ମେଡ଼ାଆହାଲି ଆଡ଼ଅସି □

୨୮ *ନାନୁ କ୍ରୀସ୍ତଚେଏଁ ଆଏ, ସାମା ଏଝାଣି ନକିତା ପାଣ୍ଡ଼ି ଆହ୍ୱାନାଛଁ, ଇ କାତା ନାନୁ ମିଜେ ଝେସାମାଞ୍ଜାଚେଏଁ ଇଞ୍ଜଁ ମୀରୁ ନା ସାକି □

୨୯ ମାଜ୍ଜାନି ଅନାସି, ଏଝାସି ହନେଏସି, ସାମା ହନେଏଣି ଏମିନି ତଡ଼ ନିତାନା ତାନି ହାଡ଼ା ଝେନେସି, ଏଝାସି ହନେଏଣି ହାଡ଼ା ଝେଜ୍ଜାନା ହାଡ଼େକା ରାହାଁ ଆନେସି □ ଏଲେକିହଁ ଏ ନା ରାହାଁ ଜିକେଏ ପୁରା ଆଡେ □

୩୦ ସାଚେଏ ଏଝାସି କାଜାସି ଆନାୟି ମାନେ, ଅଡେ ନାଜେ ଉଣା ଆନାୟି ମାନେ □”

ଲାକପୁରୁତି ଝାନ୍ଦାସି

୩୧ ଆତ୍ମାଆସି ଲାକପୁରୁତି ଖାନେସି, ଏଝାସି ବାରେକିହାଁ କାଜାସି, ଆତ୍ମାଆସି ଦାର୍ତ୍ତିତି ଜାନା ଆନେସି, ଏଝାସି ଦାର୍ତ୍ତିତି କାତା ଝେହ୍ନେସି; ଆତ୍ମାଆସି ଲାକପୁରୁତି ଖାନେସି ଏଝାସି ବାରେଜାଣା କିହାଁ କାଜାସି □

୩୨ ଏଝାସି ଏନାଆଁ ମେସାମାନେସି ଅଡ଼େ ଏନାଆଁ ଝେଞ୍ଜାମାନେସି, ଏଦାଆଁ ଏଝାସି ସାକି ହାହିମାନେସି, ସାମା ଆତ୍ମାଆସି ତାନି ହାଡ଼ାତି ଅପଅସି □

୩୩ ଇଞ୍ଜା ଆତ୍ମାଆସି ତାନି କାତାତି ଅପିନେସି, ଏଝାସି ମାହାପୁରୁ ସାତା ଇଞ୍ଜା ଏ କାତାତି ଆବା ମାନେସି □

୩୪ ସାମା ମାହାପୁରୁ ଆତ୍ମାଆରାଇଁ ପାଣ୍ଡାମାଞ୍ଜାନେସି, ଏଝାସି ମାହାପୁରୁ ବଲୁ ଝେହ୍ନେସି, ଏଝାଣାକି ମାହାପୁରୁ ସୁଦୁଜୀଝୁ ହାନେସି □

୩୫ ଆବା ମୀରଏଣାଇଁ ଜୀଝୁ ନନେସି, ଅଡ଼େ ବାରେ ତାନି କେୟୁତା ହେରୁସା ମାନେସି □

୩୬ ଆତ୍ମାଆସି ମୀରଏଣାଇଁ ନାମନେସି, ଏଝାସି କାଲାକାଲାତି ଜୀଝୁ ବେଗାଆହାମାନେସି, ସାମା ଆତ୍ମାଆସି ମୀରଏଣାଇଁ ଅପଅସି, ଏଝାସି ଜୀଝୁ ଜିକେଏ ମେହଅସି, ସାମା ଏଝାସି ମାହାପୁରୁତି ଡଣ୍ଡତା ଡ଼ୟନେସି □

୪

ଜୀସୁ ଅଡ଼େ ସମିରଣ ଇୟା

୧ ପାରୁସିୟାଁ ଝେରେରି, ଜୀସୁ ଜହନ କିହାଁ ଗାଡ଼ି ସୀସୁୟାଁ କିହିମାନେସି ଅଡ଼େ ବାପ୍ତିସ୍ତା* ହାହିମାନେସି □

୨ ଜୀସୁ ତାନୁ ବାପ୍ତିସ୍ତା ହାହିହିଲିଆତେସି, ସାମା ତାନି ସୀସୁୟାଁ ବାପ୍ତିସ୍ତା ହାହିମାନେସି, ଇ କାତା ପାରୁସିୟାଁ ଝେଞ୍ଜାମାନେରି ଇଞ୍ଜା ପ୍ରବୁ ଏଡ଼େତା ପୁରେସି,

୩ ଏଡ଼େତା ଜୀହୁଦା ଦେସା ପିସାନା ଅଡ଼େ ଝେଣ୍ଡେ ଗାଲିଲିତା ହାରେରି □

୪ ସାମା ତାଙ୍ଗେ ସମିରଣ ଜିରୁତି ହାଜାଲି ଲାଗିତେ □

୫ ଅଡ଼େ ଏଝାସି ହାଜାନା ଜାକୁବ ତାନି ମୀରଏସି ଜସେପକି ଏମିନି ବୁମି ହାହାମାନେସି ଏ ତାଗେ ସମିରଣତି ସୁକାର ଦରୁଗାଟି ର ନାୟୁତା ଏଗାହାରେସି □

୬ ଏ ଟାୟୁତା ଜାକୁବତି କୁହି ମାରେ, ଇଞ୍ଜା ଜୀସୁ ଖାହାହାଜାମାଟାକି ଏ କୁହି ତାଗେ କୁଗିତେସି □ ଏଡ଼େତା ମାଦେନା ଆହାମାରେ □

୭ ଅଡ଼େ ର ସମିରଣ ଇୟା ଏୟୁ ଅହାଲି ଖାଡ଼େ □ ଜୀସୁ ଏଦାନି ଏଲେଇରେସି “ନାଙ୍ଗେ ଏୟୁ ଗସାଲି ହିୟାମୁ □”

୮ ତାନି ସୀସୁୟାଁ କାଦି କତାଲି ଗାଡ଼ାତା ହାଜାମାନେରି □

୯ ଏମାଟିଏ ସମିରଣ ଇୟା ଜୀସୁଇଁ ଏଲେଇରେ, “ନୀନୁ ର ଜୀହୁଦି ଲକୁ ଆହାଁ, ନୀନୁ ସମିରଣ ଆୟାଡେଏଁ, ଏନିକି ନା କେୟୁତି ଏୟୁ ଗସାଲି ରାସି ମାଞ୍ଜାଦି ?” ଏନିକିତିହୁଁ ଜୀହୁଦିୟାଁ ତଲେ ସମିରଣ ଲକୁତି ଲେମିନାୟି ହିଲେଏ □

୧୦ ଜୀସୁ ଏଦାନି ଏଲେଇରେସି, “ମାହାପୁରୁତି ଦାନା ଅଡ଼େ ନାଙ୍ଗେ ଗସାଲି ହିୟାମୁ ଇଞ୍ଜା ଆତ୍ମାଆସି ନିଙ୍ଗେ ଏଲେଇଞ୍ଜାମାଞ୍ଜାନେସି, ଏଝାସି ଆତ୍ମାଆସି, ଇଦାଆଁ ନୀନୁ ପୁତିହୁଁ ମା, ନୀନୁ ଏଝାଣାଇଁ ରାସିମା, ଅଡ଼େ ଏଝାସି ନିଙ୍ଗେ ଜୀଝୁତି ଏୟୁ ହିୟାଡେସିମା □”

୧୧ ଏ ଆୟାଟି ଏଲେଇରେ, “ଗୁରୁ ନୀ ତାଣା ଏୟୁ କତାଲି ତାକି ନକି ହିଲେଏ, ଅଡ଼େ ଇ କୁହି କୁଡ଼ହାମାନେ; ଆତିହୁଁ ନୀନୁ ଏମିଟି ଏ ଜୀଝୁଗାଟି ଏୟୁ ବେଗାଆହାମାଞ୍ଜି ?

୧୨ ମା ଆକୁୟାଁତି ଆବା ଜାକୁବ ଇ କୁହି ମାଙ୍ଗେ ହାହାମାଞ୍ଜାଡେସି, ଅଡ଼େ, ତାନି ମୀରକା ଅଡ଼େ ତାନି କଡ଼ି ଗରି ଇମାଟି ଏୟୁ ଗସିମା, ଏଝାଣି କିହାଁ ନୀନୁ କି କାଜାତି ?”

୧୩ ଜୀସୁ ଏଲେଇରେସି, “ଆତ୍ମାଆସି ଇ ଏୟୁ ଗହ୍ନେସି, ଅଡ଼େ ଝେଣ୍ଡେ ଏସକି ଆନେସି;

୧୪ ସାମା ନୀନୁ ଏମିନି ଏୟୁ ହିୟାଈଁ, ଏଝାଆଁ ଆତ୍ମାଆସି ଗହ୍ନେସି, ଏଝାସି ଏରେଲାଖା ଏସକି ଆଅସି, ଇତିହୁଁ ନୀନୁ ଏମିନି ଏୟୁ ହାଈଁ, ଏଡ଼ି କାଲାକାଲାତି ଜୀଝୁତି ଡସା ଲେହେଁ ଏଝାଣି ତାଗାଟି ଡେଲାବୟା ହାନ୍ତୁ □”

* ୪:୧ ୪:୧ ମୁଞ୍ଜିନାୟି † ୪:୨ ୪:୨ ମୁଞ୍ଜିନାୟି ‡ ୪:୨ ୪:୨ ମୁଞ୍ଜିନାୟି

୧୫ ଆୟାତି ଏଲେଇଚେ, “ଗୁରୁ, ନାଜେ ଏନିକି ଏସକି ଆୟେଏ, ଅଡ଼େ ଏୟୁତାକି ଇଚେକା ହେକ ଇ କୁହିଡା ଖାୟାଲି ଆଏ, ଏଦାଆଁତାକି ଏ ଏୟୁ ନାଜେ ହିୟାମୁ □”

୧୬ ଜୀସୁ ଏଦାନି ଏଲେଇଚେସି, “ହାଲାମୁ, ନୀ ତକ୍ରାକ୍ ହାଡାତାମୁ □”

୧୭ ଏ ଆୟାତି ଏଲେଇଚେ, “ନା ତକ୍ରା ହିଲଅସି □” ଜୀସୁ ଏଦାନି ଏଲେଇଚେସି “ନୀ ତକ୍ରା ହିଲଅସି ଇଞ୍ଜି ସାତା ଝେସାମାଞ୍ଜି □

୧୮ ନିଜେ ପାସାଜାଣା ତକ୍ରାୟାଁ ମାଚେରି, ଅଡ଼େ ନାଏଁ ନୀ ତଲେ ଆମ୍ବାଆସି ମାନେସି ଏଝାସି ନୀ ତକ୍ରା ଆଏ ଇଦାଆଁ ସାତା ଝେସାମାଞ୍ଜି □”

୧୯ ଆୟାତି ଏଲେଇଚେ, “ଗୁରୁ, ନାନୁ ପୁଞ୍ଜିମାକ୍ ନୀନୁ ର.ମାହାପୁରୁ ଅଣ୍ଟପୁତି ବଲୁ ଝେହନାତି, ଇଦାଆଁ ନାନୁ ପୁଞ୍ଜିମାକ୍ □

୨୦ ମା ଆକୁ ଆବାୟାଁ ଇ ହରୁ ଲାକ ପ୍ରାତାନା କିହିମାଚେରି; ଅଡ଼େ ମୀ ଜୀହୁଦି ଲକୁ ଏଲେଇଚେରି, ପ୍ରାତାନା କିନି ଟାୟୁ ଆହିମାନେ ଜିରୁସାଲମ □”

୨୧ ଜୀସୁ ଏଦାନି ଏଲେଇଚେସି, “ଇୟା ନା ହାଡାତି ନାମାମୁ, ଏନି ବେଲାତା ମୀରୁ ଇ ହରୁତା କି ଜିରୁସାଲମତା ଆଡା ତାଣା ପ୍ରାତାନା କିଅତେରି ଇଲେତି କାଲମି ଖାନ୍ତେ □

୨୨ ଆମ୍ବାଆରାକ୍ ମୀରୁ ପୁଞ୍ଜାହିଲଅତେରି, ଏଝାଣାକ୍ ପ୍ରାତାନା କିହିମାଞ୍ଜେରି; ଆମ୍ବାଆରାକ୍ ମୀରୁ ପୁଞ୍ଜାମାନାୟି, ଏଝାଣାକ୍ ପ୍ରାତାନା କିହିମାନାୟି, ଇଚିହ୍ ଗେଲପିନାୟି ଜୀହୁଦି ଲକୁ ତାଣାଟି ଖାନ୍ତେ □

୨୩ ସାମା ଏନିନି କାଲମିତା ସାତା ତଲେ ପ୍ରାତାନା କିନି ଲକୁ ଜୀହୁତଲେ ଅଡ଼େ ସାତା ତଲେ ଆବାକ୍ ପ୍ରାତାନା କିନେରି, ଇଲେତି କାଲମି ଖାହିମାନେ; ଅଡ଼େ, ନୀଏଁ ଜିକେଏ ମାନେ; ଇଚିହ୍ ଆବା ଇଲେତି ପ୍ରାତାନା କିନାରାକ୍ ପାରିମାନେସି □

୨୪ ମାହାପୁରୁ ସୁଦୁଜୀହୁ ଗାଗାସି, ଅଡ଼େ ଆମ୍ବାଆରି ତାନି ପ୍ରାତାନା କିନେରି, ଏଝାରି ଜୀହୁ ଇଞ୍ଜା ସାତା ତଲେ ତାନି ପ୍ରାତାନା କିନାୟିମାନେ □”

୨୫ ଏ ଆୟାତି ଜୀସୁକ୍ ଏଲେଇଚେ, “ନାନୁ ପୁଞ୍ଜାମାକ୍, ମସିହା, ଆମ୍ବାଆରାକ୍ କ୍ରୀସୁ ଇନେରି, ଏଝାସି ଖାନ୍ତେସି; ଏଡ଼େତା ଏଝାସି ଖାନ୍ତେସି ମାଜେ ବାରେ କାତା ପୁଣ୍ଡୁ କିୟାନେସି □”

୨୬ ଜୀସୁ ଏଦାନି ଏଲେଇଚେସି, “ନୀଏଁ ନୀ ତଲେ ହାଡା ଆହିମାନାତେଏଁ ନାନୁ, ନାନୁ ଏଝାତେଏଁ □”

୨୭ ଏଚିବେଲାତା ତାନି ସୀସୁୟାଁ ଖାହାନା ତାନୁ ର ଆୟାତି ତଲେ ହାଡା ଆହିମାନାଣି ମେସାନା କାବା ଆଡ଼େରି, ଆଡ଼ିଜିକେଏ ନାନୁ ଏନାଆଁ ମନ୍ କିହିମାଞ୍ଜି, ଆଆତେଁ ଏନାଆଁତାକି ଏଦାନିତଲେ ହାଡା ଆହିମାଞ୍ଜି ଇଞ୍ଜି ? ଆମ୍ବାଆରି ଝେନାଆତେରି □

୨୮ ଏମ୍ବାଟିଏ ଆୟାତି ଏମ୍ବାଆଁ ତାନି ଏୟୁ ତ:କା ପିସାନା ଗାଡାତା ହାଜାନା ଲକୁଣି ଝେସେ, “ଝାଦୁ, ରଅଣାକ୍ ମେହ୍‌ଦେରି,

୨୯ ନାନୁ ଏନା ଏନାଆଁ ନା ଜୀହୁତା କିହାମାକ୍, ଏଝାସି ନାଜେ ବାରେ ଝେସ୍ତାତେସି; ଏଝାସି ମସିହା ଆହାଡ଼ୟିନେସି ?”

୩୦ ଏମ୍ବାଟିଏ ଏମ୍ବାତି ଲକୁ ଗାଡାତି ହଡାନା ଜୀସୁ ତାଣା ହାଚେରି □

୩୧ ଏଚିବେଲାତା ସୀସୁୟାଁ ବାଡିମାଲିହ୍ ଏଲେଇଚେରି, “ଏ ଗୁରୁ, ତିନାମୁ □”

୩୨ ସାମା ଜୀସୁ ଏଝାରାକ୍ ଏଲେଇଚେସି, “ତିଞ୍ଜାଲି ତାକି ଏନିନି କାଡି ନା.ତାଣା ମାନେ, ମୀରୁ ଏ କାଡିତି କାତା ପୁଞ୍ଜାହିଲଅତେରି □”

୩୩ ସୀସୁୟାଁ ତାମୁ ତାମୁ ହାଡାକାତା ଆଡେରି, “ଆମ୍ବାଆୟି ତାଜେତାକି କାଡି ତାତା ହାହାମାନେ ହାବୁଲା ?”

୩୪ ଜୀସୁ ଏଝାରାକ୍ ଏଲେଇଚେସି, “ନାଜେ ପାଣ୍ଡାମାଞ୍ଜାନାଣା ଅଣ୍ଟପୁ ଅଡ଼େ ତାନି କାମା ରାପୁନାୟି ଏଦିଏ ନା କାଡି □

୩୫ ଆନାଁ ଦାଡାଲି ଅଡ଼େ ସାରି ଲେଞ୍ଜୁ ମାନେ, ଇ କାତା ମୀରୁ ଝେସିହିଲଅତେରି ସାମା ନାନୁ ନିଜେ ଝେସିମାଞ୍ଜାକ୍, ଗୁଡିୟାକା ବାରେ ସିନିକିଦୁ ଏ ବାରେ ଦାଡାଲି ତାକି କାମ୍ବାହାତେୟିଏ □

୩୬ ନୀଏଁ ଜିକେଏ ଦାଃଆନାରାକି କୁଲି ହୀପୁକି ଆହିମାନେ ଅଡ଼େ କାଲକାଲାତି ଜୀହୁତାକି ପାଡ଼େୟି କୁଡି କିହିମାନେରି, ଏନିକିହ୍ ଦାଃଆନାସି ଅଡ଼େ କୁଡିକିନାସି ରହେଏଁ ରାହାଁ କିନେରି □

୩୭ ଏନାଆଁତାକି ଇଚିହ୍ ରଅସି ମାଟିନେସି ଅଡ଼େ ଅରୁ ରଅସି ଦାଃଆନେସି ଇ କାତା ସାତା □

୩୮ ମୀରୁ ଏନାଆଁତାକି କାମା କିହାହିଲଅତେରି, ଏଦାଆଁ ଦାଡାଲି ତାକି ନାନୁ ପାଣ୍ଡାତେଏଁ; ଏଟକାତାରି କାମା କିହାମାନେରି, ଅଡ଼େ ମୀରୁ ଏଝାରି କାମାତି ଲାଡା ବେଟାଆହିମାଞ୍ଜେରି □”

୩୯ “ନାନୁ ଏନା ଏନାଆଁ କିହାମାଜ୍, ଏ କାତା ଏଝାସି ନାଜେ ବାରେ ଝେସ୍ତାତେସି” ଇଞ୍ଜି ଏମିନି ଆୟାଟି ସାକି ହାହାମାଚେ, ଏଦାନି କାତାତାକି ଏ ଗାଡ଼ାତି ସମିରଣ ଲକୁ ବିତ୍ରାତି ହାରେକା ଜାସୁଇଁ ନାମିତେରି □

୪୦ ଅଡ଼େ ସମିରଣ ଲକୁ ଜାସୁ ତାଣା ଝାହାନା ତାମିତଲେ ଡ଼ୟାଲି ତାକି ତାଜେ ବାତିମାଲିତେରି ଜାସୁ ଏଝାରିତଲେ ଅଡ଼େ ରା ଦିନା ଡ଼ୟିତେସି □

୪୧ ଜାସୁତି ବଲୁ ଝେଞ୍ଜାନା ହାରେକା ଲକୁ ନାମିତେରି □

୪୨ ଏଝାରି ଏ ଆୟାଟିଇଁ ଏଲେଇଚେରି, “ଝାବୁଇ ନାନୁ ଏଲେଇଞ୍ଜାତାକି ମାମ୍ବୁ ନୁମାହିଲଅମି, ସାମା ମାମ୍ବୁ ଝେଞ୍ଜାମାନମି, ଅଡ଼େ, ଇଝାସି ସାତେଏ ଦାରୁତିତି ଗେଲୁପିନାସି, ଇଦାଆଁ ମାମ୍ବୁ ପୁଞ୍ଜାମାନମି □”

ଜାସୁ ସାଲୁଝି କିନାଣି ମାରୁଏଣାଇଁ ନେହୁଁ କିନାୟି

୪୩ ରା ଦିନା ତାୟୁ ଜାସୁ ଏମ୍ବାଟି ହତାନା ଗାଲିଲିତା ହାଚେସି □

୪୪ ଇଚିହୁଁ ଜାସୁ ତାଜେତାକି ସାକି ହାହୁଁ ଏଲେଇଚେସି, “ମାହାପୁରୁ ଅଣପୁତି ବଲୁ ଝେହୁନାରି ଜାହାରା ଦେସାତା ମାନ୍ତି ବେଗାଆଅରି □”

୪୫ ଅଡ଼େ ଏଝାସି ଗାଲିଲିତା ଏଜାଲିଏ ଏ ଗାଲିଲିତାରି ଏଝାଣାଇଁ ଆବିତେରି, ଇଚିହୁଁ ପିସ୍ପିଆନ୍ତି ପାରୁଁ ବେଲାତା ଜାସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଝାରି ଜିକେଏ ପାରୁତା ହାଜାମାଚେରି □

୪୬ ଏମ୍ବାଟିଏ ଜାସୁ ଗାଲିଲିତି କାନା ଗାଡ଼ାତା ଝେଶ୍ଟେ ହାଚେସି, ଏମ୍ବିୟା ଜାସୁ ଏୟୁଣି ଅଜୁରି ରାସା କିହାମାଚେସି, ଏମ୍ବାଆଁ ପାସାକଡ଼ି କସ୍ତକା ମୁହେଁ କାଜାସି ରଅସି ମାଚେସି, ତାନି ମାରୁଏସି କପରୁନାହୁମତା ଆଡ଼ିହିଲିଆଚେସି □

୪୭ ଜାସୁ ଜାହୁଦା ଗାଡ଼ାତି ଗାଲିଲିତା ଝାହାମାନେସି ଇଞ୍ଜିଁ ଝେଞ୍ଜାନା, ତାନି ତାଣା ହାଜାନା ଏଝାସି ଝାହାନା ଏନିକିଁ ତାନି ମାରୁଏଣାଇଁ ନେହୁଁ କିନେସି ଏଦାଆଁତାକି ବାତିମାଲିତେସି, ଇଚିହୁଁ ଏଝାସି ହାନ୍ତିହଗେ ଆହାମାଚେସି

୪୮ ଜାସୁ ଏଝାଣାଇଁ ଏଲେଇଚେସି, “ସିନା ଅଡ଼େ କାବାଆନ୍ତି କାମାୟାଁ ମେହୁଆତିହୁଁ ମାରୁ ଏନିଜିକେଏ ନାମଅଚେରି □”

୪୯ ଏ ସାଲୁଝି କିନାସି ଏଲେଇଚେସି, “ଏ ପ୍ରବୁ, ନା ମାରୁଏସି ହାନ୍ତି ନକେଏ ନା ତଲେ ଝାମୁ □”

୫୦ ଜାସୁ ଏଝାଣାଇଁ ଏଲେଇଚେସି, “ହାଲାମୁ, ନା ମାରୁଏସି ନାତିନେସି □” ଏ ମାଣ୍ଡିଇଁ ଜାସୁ ଏମିନି ହାଡ଼ା ଝେସ୍ତେସି, ଏଝାସି ଏଦାଆଁ ନାମାନା ହାଚେସି □

୫୧ ଅଡ଼େ, ଏଝାସି ହାଲୁଝିନିଏ ତାନି ହଲିୟାଜା ଜିରୁତେଏ ନା ମାରୁଏସି ନାତିତେସି ଇଞ୍ଜିଁ ଝେସ୍ତେରି □

୫୨ ଏଚିବେଲାତା କକାସି ନେହୁଁଆଚେସି, ଏଦାଆଁ ଏଝାସି ଝେଚେସି □ ଏମ୍ବାଟିଏ ଏଝାରି ଏଲେଇଚେରି, “ରେ୪ଏନି ସାଡ଼ା ଗଂଗା ବେଲାତା ନମେରି ପିସ୍ତେ □”

୫୩ ଏମ୍ବାଟି ତାନି ଆବା ପୁଚେସି ଜାସୁ ଆମିନି ବେଲାତା “ନା ମାରୁଏସି ନାତିତେସି” ଇଞ୍ଜିଁ ଝେସାମାଚେସି, ଏଚିବେଲାତେଏ ଏଡ଼ି ଗଟଝି ଆଡ଼େ □ ଏମ୍ବାଟିଏ, ଏଝାସି ଅଡ଼େ ତାନି ଇଜତି ବାରେ ଇଲୁ କୁଟିମି ଜାସୁ ତାଣା ନାମିତେରି □

୫୪ ଜାହୁଦାଟିଏ ଗାଲିଲିତା ଝେଶ୍ଟା ଝାହୁଁ, ଜାସୁ ରା ପାଲି ତାକି ଇ କାବାଆନ୍ତି କାମା କିଚେସି □

୫

ଜାସୁ କଡ଼େ ଅଚର ବାର୍ଯା ତାଣାଇଁ ନେହୁଁ କିନାୟି

୧ ଇଦାଣି ତାୟୁ ଜାହୁଦି ଲକୁତି ର ପାରୁଁ ଆଡ଼େ, ଅଡ଼େ ଜାସୁ ଜିରୁସାଲମତା ହାଚେସି □

୨ ଜିରୁସାଲମତି ମେଶ୍ଟାୟାଁ ଦୁଝେରି ତାଗେ ର ବାନ୍ଦା ମାନେ; ଏବ୍ରି ହାଡ଼ାତଲେ ବେଡ଼ସାୟିଦା ଇନେରି, ଏ ବାନ୍ଦାତା ପାସାଗଟା ପିଶ୍ଟାୟାଁ ମାମ୍ବୁ □

୩ ଏମ୍ବାଆଁ କାଣାୟାଁ, ସଗାୟାଁ ଅଡ଼େ ଆଜା ଝାୟିତି ରଡ଼ା ଗାଟାରି ହାରେକା ଜାଣା ନେହୁଁ ଆୟାଲି କାଡ଼ାହାଁ ମାଣ୍ଡିତେରି;

୪ ଇତିହାସ ଏରିବେଲାତା ପ୍ରବୃତ୍ତି ର ଦୁତ୍ତ ବାନ୍ଦାତା ରେଚାନା ଏମୁ ଖୀର୍ତ୍ତହସାରେ, ଅଡ଼େ ଏମୁ ଖୀଡ଼ିତି ତାମୁ ଆମ୍ବାଆସି ତଲିଏ ହଡ଼ନେସି, ଏଞ୍ଜାଣାକି ଏନି ରତ୍ତା ଆହାମାତି ଜିକେଏ ନେହ ଆହିମାରେସି* □

୫ କଡ଼େ ଅଟର ବାର୍ଥା ପାତେକା ରତ୍ତା ଗାଟାସି ରଅସି ଏମ୍ବାଆଁ ମାରେସି □

୬ ଜୀମୁ ଏଞ୍ଜାଣାକି ତ୍ତୟାମାନାଣି ମେସାନା ଗାଡୁ ଦିନାତି ରତ୍ତା ଗାଟାସି ଇଞ୍ଜୁ ପୁଞ୍ଜାହାଁ ଏଞ୍ଜାଣାକି ଖେରେସି, “ନୀନୁ ଏନାଆଁ ନେହ ଆହାଲି ମନ କିହିମାଞ୍ଜି ?”

୭ ରତ୍ତା ଗାଟାସି ଏଞ୍ଜାଣାକି ଏଲେଇରେସି, “ବାବୁ, ଏମୁ ଖୀଡ଼ିନାତି ନାଜେ ବାନ୍ଦାତା ଅହାଲି ତାକି ଆମ୍ବାଆସି ହିଲଅସି; ଅଡ଼େ, ନାନୁ ହାନିବେଲାତା ଅଡ଼େ ରଅସି ନା ନକେଏ ହଡ଼ାହାନେସି □”

୮ ଜୀମୁ ଏଞ୍ଜାଣାକି ଏଲେଇରେସି, “ନିଜ୍ଜାମୁ, ନୀ ପାସ୍ପନି ତେକାହାଁ ତାକାମୁ □”

୯ ଏ ଦେବୁଣିଏ ଏଞ୍ଜାସି ନେହ ଆଡ଼େସି ଅଡ଼େ ତାନି ପାସ୍ପନି ତେକାନା ତାକାଲି ମାଟ୍‌ହେସି □

ଏ ଦିନା ଜମିନି ଦିନା ମାରେ □

୧୦ ଇଦାଆଁତାକି, ଜୀହୁଦିୟାଁ ନେହ ଆହାମାନି ମାଣ୍‌ସିକ୍ ଏଲେଇରେରି, “ନୀଞ୍ଜୁ ଜମିନି ଦିନା, ପାସ୍ପନି ତେକା ଅହାଲି ନିଜେତାକି ମେରା ଆଏ □”

୧୧ ସାମା, ଏଞ୍ଜାସି ଏଞ୍ଜାରାକି ଏଲେଇରେସି, “ଆମ୍ବାଆସି ନାଜେ ନେହ କିୟାତେସି, ଏଞ୍ଜାସି ନାଜେ ଏଲେଇଞ୍ଜାତେସି, ନୀ ପାସ୍ପନି ତେକାନା ତାକାମୁ □”

୧୨ ଏଞ୍ଜାରି ଏଞ୍ଜାଣାକି ଖେରେରି, “ନୀ ପାସ୍ପନି ତେକାନା ତାକାମୁ ଇଞ୍ଜୁ ଏଲେଇଞ୍ଜାତାସି, ଏଞ୍ଜାସି ଆମ୍ବାଆସି ?”

୧୩ ସାମା ଏଞ୍ଜାସି ଆମ୍ବାଆସି, ଏ ନେହ ଆଡ଼ାସି ପୁଞ୍ଜା ହିଲ୍‌ଆତେସି, ଇତିହାସ ଏମ୍ବାଆଁ ଲକୁ ମାନ୍ଦା ମାଟାକି ଜୀମୁ ମେହ୍‌ଆରେଟୁ ହାଜାମାରେସି □

୧୪ ଇଦାଆଁ ତାମୁ ଜୀମୁ ମାହାପୁରୁ ଇଲ୍‌ତା ଏଞ୍ଜାଣାକି ମେସାନା ଏଲେଇରେସି, “ମେହ୍‌ମୁ, ନୀନୁ ନେହ ଆହାମାଞ୍ଜି, ଅଡ଼େ ପାମୁ କିଆନି, ଏନିକ ନିଜେତାକି ଗାତି କସ୍ତ୍ର ଖାଏ □”

୧୫ ଏ ମାଣସି ଖେଣ୍ଡା ହାଜାନା, ଆମ୍ବାଆସି ତାଜେ ନେହ କିହାମାରେସି, ଏଞ୍ଜାସି ଜୀମୁ ଇଞ୍ଜୁ ଜୀହୁଦିଜାଣି ଖେସ୍ତେସି □

୧୬ ଇଦାଆଁତାକି ଜୀମୁ ଜମିନି ଦିନାତା ଇଦାଆଁ କିହିମାଟାକି ଜୀହୁଦିଜା ଏଞ୍ଜାଣାକି ନିନ୍ଦା କିହାଲି ମାଟ୍‌ହେରି □

୧୭ ସାମା ଜୀମୁ ଏଞ୍ଜାରାକି ଏଲେଇରେସି, “ନା ଆବା ନୀଏଁ ପାତେକା କାମା କିହିମାନେସି, ଅଡ଼େ ନାନୁ ଜିକେଏ କାମା କିହିମାକି □”

୧୮ ଇ ହାଡ଼ା ତାକି ଜୀହୁଦିଜା ଜୀମୁକି ପାୟାଲି ତାକି ଅଡ଼େ ଗାତି ଅଣ୍‌ପିତେରି, ଏଞ୍ଜାସି ଜମିନି ଦିନାତି ମେରାତି ଉରିତେସି ଖାରୁକି ଏନି ଆଏ, ସାମା ମାହାପୁରୁକି ନା ଆବା ଇଞ୍ଜୁ ଖେସାନା ତାଜେ ମାହାପୁରୁ ତଲେ ସମାନା କିହିମାରେସି □

ମୀର୍‌ଏଣି ଅଦିକାରା

୧୯ ଜୀମୁ ଏଞ୍ଜାରାକି ଏଲେଇରେସି, “ସାତା ସାତା ନାନୁ ମିଜେ ଖେସିମାଞ୍ଜାକି, ମୀର୍‌ଏସି ଆବାକି ଏନାଆଁ କିହିମାନାଣି ମେହ୍‌ନେସି, ଏଦାଆଁ ପିସ୍‌ପେ ଏଞ୍ଜାସି ତାନୁଏ ଏନାଆଁ କିହାଲି ଆଡ଼ଅସି □ ଇତିହାସ ଆବା ଏନା ଏନାଆଁ କିନେସି, ମୀର୍‌ଏସି ଜିକେଏ ଏଦାଆଁ ବାରେ ଏଲେକିହ ଏ କିନେସି □

୨୦ ଇତିହାସ ଆବା ମୀର୍‌ଏଣାକି ଜୀଞ୍ଜୁ ନନେସି, ଅଡ଼େ ଏଞ୍ଜାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମୀର୍‌ଏଣାକି ତହ୍‌ନେସି, ଅଡ଼େ ମୀର୍‌ଏ ଏନିକ କାବା ଆଦେରି, ଏଦାଆଁତାକି ଏଞ୍ଜାସି ଏଞ୍ଜାଣି ତାଣାତି ଇଦାନି କିହାଁ ଆଡ଼େ କାଜା କାଜା କାମା ତହ୍‌ନେସି □

୨୧ ଆବା ଏନିକ ହାଡ଼ି ଲକୁଣି ନିକହାନା ଜୀଞ୍ଜୁ ହାନେସି, ଏଲେକିହ ଏ ମୀର୍‌ଏସି ଜିକେଏ ଆମ୍ବା ଆମ୍ବାଆରାକି ମନ କିନେସି ଏଞ୍ଜାରାକି ଜୀଞ୍ଜୁ ହାନେସି □

୨୨ ଆବା ତାନୁଏ ଆମ୍ବାଆରାକି ନୀହାଁସି କିଅସି, ସାମା ବାରେଜାଣା ଏନିକ ଆବାକି ମାନି କିହିମାନେରି, ଏଲେକିହ ଏ ମୀର୍‌ଏଣାକି ଜିକେଏ ମାନି କିନେରି, ଏଦାଆଁତାକି ମୀର୍‌ଏଣାକି ବାରେ ନୀହାଁସି କିହାଲି ଅଦିକାରା ହାହାମାନେସି □

୨୩ ଆମ୍ବାଆସି ମୀର୍‌ଏଣାକି ମାନି କିଅସି, ଏଞ୍ଜାସି ତାଜେ ପାଣ୍ଡାତି ଆବାକି ଜିକେଏ ମାନି କିଅସି □”

* ୫:୪ ୫:୪ ଇ କାତା ପୁଞ୍ଜା ପରିତା ହିଲେଏ □

୨୪ “ନାନୁ ମିଜେ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁ ଝେଞ୍ଜାନା ନାଜେ ପାଣ୍ଡାତାଣାଇଁ ନାମିନାସି, ଏଝାସି କାଲାକାଲାତି ଜୀଝୁ ବେଟା ଆହାମାନେସି, ଅଡ଼େ, ଏଝାସି ନାହାଁୟି କିଞ୍ଜିଆଆନା ହାକିତି ଜୀଣାଆହାନା ରାଆଗାଟି ଜୀଝୁତା ହଡ଼ାମାନେସି □

୨୫ ନାନୁ ମିଜେ ସାତା ଝେସିମାଞ୍ଜାଇଁ, ର ଦିନା ଝାନ୍ତେ ନୀର୍ଦ୍ଦି କିକେଏ ଏଦାତେୟିଏ, ଏମିନି ଦିନାତା ହାଡ଼ାରି ମାହାପୁରୁ ମୀରୁଏଣି ହାଡ଼ାତି ଝେନେରି ଅଡ଼େ ଆମ୍ବାଆରି ଝେନାରି ଏଝାରି ନାତିନେରି □

୨୬ ଇତିହ ଆବା ଏନିକ ତାନୁଏ ଜୀଝୁ ଗାଟାସି, ଏଲେକିହ ଏଏଝାସି ମୀରୁଏଣାଇଁ କିକେଏ ଜୀଝୁ ଗାଟାସି ଆହାଲି ହାହାମାନେସି □

୨୭ ଅଡ଼େ, ଏଝାସି ମାଣ୍ଡସି ମୀରୁଏସି ଆହାମାନାକି ଏଝାସି ଏଝାଣାକି ନାହାଁୟି କିନି ଅଦିକାରା ହାତେସି □

୨୮ ଇଦାଆଁତାକି କାବା ଆଆଧୁ, ଇତିହ ଏତିବେଲା ହାଡ଼ି ଲକୁ ମାହୁଣି ମାଣ୍ଡାଟି ତାନି ଗିୟାଁ ଝେନେରି ଅଡ଼େ ଆମ୍ବାଆରି ସାତା କାମା କିହାମାନେରି,

୨୯ ଏଝାରି ଜୀଝୁତା ଝେଣ୍ଡେ ନୀତାଲିତାକି ଅଡ଼େ ଆମ୍ବାଆରି ଲାଗେଏତି କାମା କିହାମାନେରି, ଏଝାରି ନାହାଁୟିତି ତଣ୍ଡ ତାକି ଝେଣ୍ଡେ ନିଜା ଝାନ୍ତେରି, ଇଲେତି ଦିନା ଝାହାମାନେ □”

ଜୀଝୁ ଝାକିତି ସାକି

୩୦ “ନାନୁ ନା ତାଣାଟି ଏନାଆଁ କିହାଲି ଆଡ଼ଅଁ; ନାନୁ ଏନିକ ଝେଇଁ, ଏଲେକିହ ଏ ନାହାଁୟି କିଇଁ, ଅଡ଼େ ନା ନାହାଁୟି ଟିକାଣାତାୟି, ଇତିହ ନାନୁ ନା ମନତଲେ କିହାଲି ଅଣ୍ଡାପାଆନା, ନାଜେ ପାଣ୍ଡାତାଣା ମନ ଲେହେଁ କିହାଲି ଅଣ୍ଡାପାଆଇଁ □”

୩୧ “ନାନୁ ନାଜେତାକି ସାକି ହାଇଁ, ଆଡ଼ିଜିକେଏ ନା ସାକି ସାତା ଆଏ □

୩୨ ନା କାତାତି ଆମ୍ବାଆସି ସାକି ହାନେସି, ଏଝାସି ଅର ରଅସି; ଅଡ଼େ, ନା କାତାତାକି ଏଝାଣି ସାକି ସାତା, ଏଦାଆଁ ନାନୁ ପୁଞ୍ଜାମାଇଁ □

୩୩ ମୀରୁ ଜହନ ତାଣା ଲକୁଣି ପାଣ୍ଡାମାଞ୍ଜେରି ଅଡ଼େ ଏଝାସି ସାତା ତାକି ସାକି ହାହାମାନେସି □

୩୪ ସାମା ନାଜେ ମାଣ୍ଡସି ତାଣାଟି ସାକି ଲଡ଼ା ଆଏ, ସାମା ମୀରୁ ଏନିକ ଗେଲ୍‌ସି ଆଦେରି, ଏଦାଆଁତାକି ଇ ବାରେ ଝେସିମାଞ୍ଜାଇଁ □

୩୫ ଜହନ ତୀଞ୍ଜିତି ମିଣ୍ଡାସିମାନି ଦୀର୍ଝ ମାତେସି, ଇଞ୍ଜା ମୀରୁ ଏଝାଣି ଉଜେଡ଼ିତା ଗାଡ଼େକା ତାକିଏ ରାହାଁ ଆହାଁ ମାଞ୍ଜାଲି ମନ କିହାମାତେରି □

୩୬ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏନାଆଁତାକି ଇତିହ ଆବା ନାଜେ ଏନି ଏନି କାମା ରାପୁହାଲି ହାହାମାଞ୍ଜାନେସି, ନାନୁ ଏମିନି କାମା କିହିମାଇଁ, ଆବା ନାଜେ ପାଣ୍ଡାମାଞ୍ଜାନେସି ଇଞ୍ଜା ଏ ବାରେ ନା ଝାକିତି ସାକି ହାହିମାନେସି □

୩୭ ଅଡ଼େ ଏମିନି ଆବା ନାଜେ ପାଣ୍ଡାତେସି, ଏଝାସି ନା ତାକି ସାକି ହାହାମାନେସି □ ମୀରୁ ଏବେଲା ଏଝାଣି ହାଡ଼ା ଝେଞ୍ଜା ହିଲଅତେରି କି ତାନି ମୁମୁ ମେସା ହିଲଅତେରି □

୩୮ ଅଡ଼େ ଏଝାଣି ବଲୁ ମୀ ହିୟାତା ଇଟାହିଲଅତେରି, ଇତିହ ଏଝାସି ଆମ୍ବାଆରାଇଁ ପାଣ୍ଡାତେସି ମୀରୁ ଏଝାଣାଇଁ ନାମିହିଲଅତେରି □

୩୯ ମୀରୁ ଦାମ୍ବୁ ପତିତି କାତା ପାରିମାଞ୍ଜେରି, ଇତିହ ଏମ୍ବାଆଁ କାଲାକାଲାତି ଜୀଝୁ ବେଟାଆହାମାନମି ଇଞ୍ଜା ଅଣ୍ଡାପାଞ୍ଜେରି ଅଡ଼େ ଏ ଦାମ୍ବୁ ପତି ନା ଝାକିତି ସାକି ହାହିମାନେ □

୪୦ ସାମା ମୀରୁ ଜୀଝୁ ବେଟାଆହାଲି ତାକି ନା ତାଣା ଝାହାଲି ମନ କିହିହିଲଅତେରି □”

୪୧ “ନାନୁ ମାଣ୍ଡସିୟାଁ ତାଣାଟି ଗାଝୁରମି ପାରିହିଲଅଁ □

୪୨ ସାମା ନାନୁ ମିଜେ ପୁଞ୍ଜାମାଞ୍ଜାଇଁ, ମୀ ହିୟାତା ମାହାପୁରୁତି ଜୀଝୁନନାୟି ହିଲେଏ □

୪୩ ନାନୁ ନା ଆବା ଦରୁଟି ଝାହାମାଇଁ, ଅଡ଼େ ମୀରୁ ନାଜେ ଅପିମାଞ୍ଜଅତେରି; ଅର ରଅସି ତାନି ଦରୁଟି ଝାଡ଼ିହ, ମୀରୁ ଏଝାଣାଇଁ ଅପିଦେରି □

୪୪ ମୀରୁ ଏନିକ ନାମିମାଞ୍ଜେରି ? ମୀରୁ ମୀ ତାଣାଟି ଗାଝୁରମି ବେଟାଆହି ମାଞ୍ଜେରି, ଅଡ଼େ ଏମିନି ରଣ୍ଡସି ମାହାପୁରୁ ତାଣାଟି ଗାଝୁରମି ଏଦାଆଁ ବେଟାଆହାଲି ମନ କିହିହିଲଅତେରି

୪୫ ନାନୁ ଆବା ନକିତା ମୀ କପାଟି ଦହ ଦସ୍ତାଇଁ, ଏଲେଇଞ୍ଜି ଅଣ୍ଡାପାଆଧୁ; ଆମିନି ମସା ତାଣା ମୀରୁ ବାସୁଁ ଇଟାମାଞ୍ଜେରି, ଏଝାସିଏ ମୀ କପାଟି ଦହ ଦସି ମାଞ୍ଜାନେସି □

☆ ୫:୩୩ ୫:୩୩ ଜହ ୧:୧୯-୨୭; ୩:୨୭-୩୦

୪୭ ଇତିହାସ ମୀରୁ ମସାଲ୍ ନାମା ମାରିହାସ, ନାକୋ ଜିକେଏ ନାମାତେରିମା, ଇତିହାସ ଏଝାସି ନା. କାତେଏ ରାତାମାନେସି □

୪୮ ସାମା ମୀରୁ ଏଝାଣି ରାତାମାନି କାତା ନାମା ହିଲଅତେରି, ଆତିହାସ ନା କାତା ଏନିକା ନାମିଦେରି ?”



ଜୀସୁ ପାସାମାଣା ଲକୁଣି ତୀହନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଇଦାଆଁ ତାୟୁ ଜୀସୁ ଗାଲିଲି ସାମ୍ବୁର, ଇତିହାସ ଡିବିରିୟା ସାମ୍ବୁର ଆତାଲାଝାକି ହାତେସି □

୨ ଅଡେ ଏଝାସି ରତା ଗାଟାରାଇଁ ଏନି ଏନି କାବାଆନି କାମା କିହାମାତେସି, ଏ ବାରେ ମେସାନା ହାରେକା ଲକୁ ଏଝାଣି ଜେତ ଜେତ ହାରେରି □

୩ ଏମ୍ବାଟିଏ ଜୀସୁ ସୀସୁୟାଁ ତଲେ ର ହରୁ ଲାକ ହାଜାନା କୁଗିତେସି □

୪ ଏଟିବେଲା ଜୀହୁଦି ଲକୁତି ପିସ୍ପିଆନି ପାର୍ବୁ ତାଗେ ଆହାମାରେ □

୫ ହାରେକା ଲକୁ ତାନି ତାଣା ଝାହିମାନାଣି ମେସାନା, ଜୀସୁ, ପିଲିପଇଁ ଏଲେଇତେସି, “ଇଝାରାକି ତିଞ୍ଜାଲି ମାରୁ ଆମ୍ବୁଟି ରାନ୍ଦା କଡିନାୟି ?”

୬ ସାମା ଏଝାସି ପିଲିପଇଁ ତାୟିପାରି କିୟାଲି ଏଲେଇତେସି, ଇତିହାସ ଏଝାସି ଏନାଆଁ କିନାୟିମାନେ, ଏଦାଆଁ ତାୟୁଏ ପୁଞ୍ଜାମାତେସି □

୭ ପିଲିପ ଏଝାଣାଇଁ ଏଲେଇତେସି, “ବାରେ ଲକୁତାକି ଇଚା ଇଚାଣି ତିଞ୍ଜାଲି ରୀ ଝାଞ୍ଜାଟିଏ ଆଗାଡ଼ା ଝେଣ୍ଡି ଟାକାୟାଁତି* ରୁଟି ଜିକେଏ ହାଲାଉ □”

୮ ତାନି ସୀସୁୟାଁ ବିତ୍ରାଟି, ସିମନ ପିତର ତାୟି ଆହିୟ ଦରୁଗାଗାସି ଜୀସୁଇଁ ଏଲେଇତେସି,

୯ “ଇମ୍ବାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜାଁ ଝାଜିତି ମୀଣକା ରିଣ୍ଡି ମାନୁ, ସାମା ଇଚେକା ଲକୁତାକି ଏଝି ହାଲିନୁ କି ?”

୧୦ ଜୀସୁ ଏଲେଇତେସି, “ଲକୁଣି କୁପକି କିଦୁ □” ଏ ଟାୟୁତା ହାରେକା ଗାକି ଜାଡ଼ା ମାରେ □ ଏମ୍ବାଆଁ ପାସାମାଣା ଆବାୟାଁ କୁଗିତେରି □

୧୧ ଏମ୍ବାଟିଏ ଜୀସୁ ରୁଟି ଆସାନା ମାହାପୁରୁଇଁ ଜହରା ହାହାନା ଏମ୍ବାଆଁ କୁଗାମାନାରାକି ଏଦାଆଁ ବାଟିକିହାଁ ହାତେରି, ମୀଣକା ଜିକେଏ ଏଲେଇହାସ ଏ ବାଟିକିତେରି, ଏଚେକା ମନ କିତେରି ଏଝାରାକି ଏଚେକା ହାତେରି □

୧୨ ଅଡେ ଏଝାରି ବାରେ ପାଞ୍ଜିତି ତାୟୁ, ଜୀସୁ ତାନି ସୀସୁୟାଁଇଁ ଏଲେଇତେସି, “ଏଚେକା ହାତାମାନେ, ଏଦାଆଁ ବାରେ କୁଡ଼ି କିଦୁ ଏନିକାଁ ଇଚାୟି ଜିକେଏ ନସ୍ତ ଆଏ □”

୧୩ ଏଚେଟିଏ ଲକୁ ତିଟି ତାୟୁ ପାସାଗଟା ରୁଟି ବିତ୍ରାଟି ହାତାମାଟି ମୁକାୟାଁ ବାଟି ତାଲି କୁଡ଼ି କିତେରି □

୧୪ ଜୀସୁତି ଇ କାବାଆନି କାମା ମେସାନା ଲକୁ ଏଲେଇତେରି, “ଆମିନି ମାହାପୁରୁ ଅଣ୍ଡୁତି ବଲୁ ଝେକନାସି ଦାଟିତା ଝାନ୍ଦାୟି ମାରେ, ଏଝାସି ସାତେଏ ଇଝାସି □”

୧୫ ଏଦାଆଁତାକି ଏଝାରି ଝାହାନା ରାଜା କିୟାଲି ବାଲ୍ମିପିଟି ଆସା ଅୟାନେରି ଇଞ୍ଜାଁ ପୁଞ୍ଜାନା ଜୀସୁ ଏଚକା ଆହାନା ରଅସିଏ ଦାରିତା ମାତି ହରୁ ଲାକ ହଡ଼ାହାତେସି □

ଜୀସୁ ଏୟୁ ଲାକ ତାକିନାୟି

(ମାତି ୧୪:୨୨-୩୩; ମାର୍କ ୬:୪୫-୫୨)

୧୬ ମିଡ଼ଅଲା ଆହାଲିଏ ତାନି ସୀସୁୟାଁ ସାମ୍ବୁରି ଗାରୁତା ହାରେରି □

୧୭ ଅଡେ ସାମ୍ବୁରି ଆତାଲା ମାନି କପରନାହୁମ ଝାକି ହାଜାଲି ତଂଗତା ହଡ଼ତରି □ ଆନ୍ଦେରି ଆହାହାରେ, ଅଡେ, ଜୀସୁ ଏଟିବେଲା ପାତେକା ଏଝାରିତାଣା ଝାହା ହିଲାଆତେସି □

୧୮ ଇଞ୍ଜାଁ କାଜା ଗାଲି ଝେଟିମାଟାକି ସାମ୍ବୁରିତା ଆଜିହପେତି ଏୟୁ ଉଣ୍ଡାୟାଁ ନିଜିମାଡୁ □

୧୯ ଏଟିବେଲା ଏଝାରି ସ କିଲମିଟର ହେକ ହାଜାଲିଏ ଜୀସୁ ସାମ୍ବୁରିତା ତାକିହାଁ ତଂଗ ଝାକି ଝାହିମାନାଣି ମେସାନା ଆଜିତେରି □

* ୬:୨ ଝେଣ୍ଡି ଟାକା ର ରୁପାଟାକା ର ଦିନାତି କୁଲି ମାତି ୨୦:୨

୨୦ ସାମା ଜୀସୁ ଏଝାରାଇଁ ଏଲେଇଚେସି, “ଆଜାଆଦୁ ଇଝାଡେଏଁ ନାନୁ □”

୨୧ ଏମ୍ବାଟିଏ ଏଝାରି ଏଝାଣାଇଁ ଡଂଗତା ଅହାଲି ମନ କିଚେରି, ଅଡ଼େ, ଏମିନି ସାମଦୁରି ଗାଟୁତା ହାଜିମାଚେରି, ଦେବୁଣିଏ ଏ ଚାୟୁତା ଡଂଗ ଏଡେ □

ଜୀସୁଇଁ ଲକୁ ପାରିନାୟି

୨୨ ଏ ଚାୟୁତା ର ଡଂଗ ପିସ୍‌ପେ ଏଟକାତି ଡଂଗୟାଁ ହିଲିଆଡୁ, ଅଡ଼େ ଏମ୍ବାଆଁ ଜୀସୁ ତାନି ସୀସୁୟାଁ ତଲେ ହାଜାହିଲିଆଡେସି, ସାମା ଖାଉଇ ସୀସୁୟାଁ ହାଜାମାଚେରି, ଇଦାଆଁ ଆମିନି ଲକୁ ତାନି ଅର ନେଚୁ ସାମଦୁରି ଆତାଲା ନିଗାମାଚେରି ଏଝାରି ମେସାମାଚେରି □

୨୩ ଆମିନି ତାଣା ଜୀସୁ ଜହରା କିହାନା ଲକୁଣି ରୁଚି ତିଞ୍ଜାଲି ହୀହାମାଚେସି, ତିବିରିୟାତି ଅଡ଼େ ଏଚରଗଟା ଡଂଗାୟାଁ ଏ ଚାୟୁତା ଖାଡୁ □

୨୪ ଇଞ୍ଜା ଜୀସୁ ତାନି ସୀସୁୟାଁ ଏମ୍ବାଆଁ ହିଲିଆଡେରି, ଇଦାଆଁ ମେସାନା ବାରେ ଲକୁ ଇ ଡଂଗତା ହଚାନା ଜୀସୁଇଁ ପାରି ପାରିହେଁ କପରନାହୁମତା ଖାଡେରି □

ଜୀସୁ ଜୀସୁତି ରାନ୍ଦା

୨୫ ଏଝାରି ସାମଦୁରି ଆତାଲା ଜୀସୁଇଁ ବେଟାଆହାନା ଝେଚେରି, ଏ “ଗୁରୁ, ନାନୁ ଏଚିବେଲା ଇମ୍ବାଆଁ ଖାଡ଼ି ?”

୨୬ ଜୀସୁ ଏଝାରାଇଁ ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ନା କାବାଆନି କାମା ମେସାକି ନାଜେ ପାରିମାଞ୍ଜାଦେରି ଏଡ଼ି ଆଏ, ସାମା ରୁଚି ତିଞ୍ଜା ପାଞ୍ଜିତାକି ମୀରୁ ନାଜେ ପାରିମାଞ୍ଜାଦେରି □

୨୭ ସୀରୁନି ରାନ୍ଦା ତାକି କାମା କିଆନା, କାଲାକାଲାତି ଜୀସୁତାକି ତୁୟିନି ରାନ୍ଦା ତାକି କାମା କିଦୁ, ଏ ରାନ୍ଦା ମାଣସି ମୀରୁଏସି ମିଜେ ହିୟାନେସି, ଇଚିହେଁ ତାନି ଆବା ମାହାପୁରୁ ଏଝାଣାକି ଅଦିକାରା ହୀହାମାଚେସି □”

୨୮ ଏମ୍ବାଟିଏ ଏଝାରି ଏଝାଣାଇଁ ଝେଚେରି, “ମାହାପୁରୁତି ବାରେ କାମା କିହାଲିତାକି ମାଜେ ଏନାଆଁ କିହାଲି ଆନେ ?”

୨୯ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଝାଣି ତାଣା ନାମିନାୟି ମାହାପୁରୁତି କାମା □”

୩୦ ଏଚେଚିଏ ଏଝାରି ଏଝାଣାଇଁ ଝେଚେରି, “ଆତିହେଁ ନାନୁ ସିନାଲେହେଁ ଏନାଆଁ କିହିମାଞ୍ଜି, ଏଦାଆଁ ମେସାନା ମାମ୍ବୁ ନିଜେ ନାମାନମି ?

୩୧ ମା ଆକୁ ଆବାୟାଁ ଲକୁ ତୁୟାଆ ଚାୟୁତା ‘ମାନା’† ତିଞ୍ଜା ମାଚେରି, ଦାମ୍ବୁପତିତା ରାସ୍‌କି ଆହାମାନେ, ତିଞ୍ଜାଲି ଏଝାସି ଏଝାରାକି ଲାକପୁରୁଚି ରାନ୍ଦା ହୀଡେସି □”

୩୨ ଏଚେଚିଏ ଜୀସୁ ଏଝାରାଇଁ ଏଲେଇଚେସି, “ସାତା ସାତା ନାନୁ ମିଜେ ଝେସିମାଞ୍ଜାଇଁ, ମସା ମିଜେ ଲାକପୁରୁଚି ରାନ୍ଦା ହୀହାମାଞ୍ଜାଅସି, ସାମା ନା ଆବା ମିଜେ ଲାକପୁରୁଚି ସାତା ରାନ୍ଦା ହିୟାନେସି;

୩୩ ଇଚିହେଁ ଆମିନି ରାନ୍ଦା ଲାକପୁରୁଚି ଖାହାନା ଦାଡ଼ତିତି ଲକୁଣି ଜୀସୁ ହୀନେ, ଏଡ଼ି ମାହାପୁରୁ ହିୟାତି ରାନ୍ଦା □”

୩୪ ଏଝାରି ଜୀସୁଇଁ ଏଲେଇଚେରି, “ପ୍ରବୁ, ମାଜେ ବାରେଦିନା ଏ ରାନ୍ଦା ହିୟାମ୍ବୁ □”

୩୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ନାନୁଏ ଜୀସୁତି ରାନ୍ଦାଡେଏଁ; ଆମ୍ବାଆସି ନା ତାଣା ଖାନେସି, ଏଝାସି ଏଚେଲା ହାକି ଆଅସି, ଅଡ଼େ ନା ତାଣା ନାମିନାସି, ଏଚେଲା ଏସ୍‌କି ଆଅସି □

୩୬ ସାମା ନାନୁ ମିଜେ ଝେସିମାଞ୍ଜାଇଁ, ମୀରୁ ନାଜେ ମେସାତି ଜିକେଏ ନାମିମାଞ୍ଜାଅଡେରି □

୩୭ ଆବା ନାଜେ ଆମ୍ବାଆରାଇଁ ହିୟାନେସି, ଏଝାରି ବାରେଜାଣା ନା ତାଣା ଖାନେରି; ଅଡ଼େ ନା ତାଣା ଖାନାଣାଇଁ, ନାନୁ ଏଚେଲାଖା ପାଞ୍ଜାତା ପିହେଁ □

୩୮ ଇଚିହେଁ ନାନୁ ଅଣ୍‌ପିନି ଲେହେଁ କିହାଲି ଖାହାହିଲଅଁ, ସାମା ନାଜେ ପାଣ୍ଡାତାଣା ଅଣ୍‌ପୁ ତଲେ କିହାଲି ଲାକପୁରୁଚି ଖାହାମାଇଁ □

୩୯ ଅଡ଼େ ନାଜେ ପାଣ୍ଡାମାଞ୍ଜାନାସି ଆମିନି ଗାଟାରାଇଁ ନାଜେ ହିୟାନେସି, ଏଝାରି ବିତ୍ତାଚି ଆମ୍ବାଆରାଇଁ ଜିକେଏ ଏନିକେଁ ନାନୁ ଜାକଅଁ, ସାମା ରାନି ଦିନାତା ଏଝାରାଇଁ ହାଡ଼ାରି ତାଣାଚି ନିକଇଁ, ଇଦି ଏଝାଣି ଅଣ୍‌ପୁ □

† ୨:୩୯ ୨:୩୯ ମାନା ଇଚିସାରେ ଇସ୍‌ପାୟେଲ ଲକୁକି ମାହାପୁରୁ ହୀହାମାଚି କାଡ଼ିତି ଦରୁ

୪୦ ଇତିହାସ ଆମ୍ବାଆସି ମୀରୁଏଣାଙ୍କୁ ମେସାନା ଏଞ୍ଜାଣି ତାଣା ନାମିନେସି, ଏଞ୍ଜାସି ଏନିକି କାଲ୍ଲକାଲ୍ଲାତି ଜୀଞ୍ଜୁ ବେଟା ଆନେସି, ଇଦି ନା ଆବାତି ଅଣ୍ଡପୁ, ଅଡେ ନାନୁ ଏଞ୍ଜାଣାଙ୍କୁ ରାନ୍ଦି ଦିନାତା ହାଡ଼ାରି ତାଣାଟି ନିକିଙ୍କୁ ।”

୪୧ ନାନୁ ଲାକପୁରୁଟି ରେଟା ଖାହାମାନି ରାନ୍ଦାତେଏଁ ଇଞ୍ଜୁ ଏଞ୍ଜାସି ଏଲେଇଞ୍ଜାଲିଏ ଜୀହୁଦିୟାଁ ଏଞ୍ଜାଣି କପାଟି ଏଲେଇଞ୍ଜି ଜଲ୍ଲକି ଆଡେରି ।

୪୨ “ଇଞ୍ଜାସି ଜସେପ ମୀରୁଏସି ଜୀସୁ ଆଏକି, ଅଡେ ମୀରୁ ଇଞ୍ଜାଣି ଇୟା ଆବାତି ପୁଞ୍ଜାହିଲାଆୟି କି ? ଆତିହାସ ନାନୁ ଲାକପୁରୁଟି ରେଟା ଖାହାମାଙ୍କୁ ଇଞ୍ଜୁ ଏଞ୍ଜାସି ନୀଏଁ ଏନିକିଁ ଝେସିମାନେସି ?”

୪୩ ଜୀସୁ ଏଞ୍ଜାରାଙ୍କୁ ଏଲେଇଚେସି, “ମୀରୁ ମୀରୁ ମୁରୁମୁରୁ ଜଲ୍ଲକି ଆଆବୁ ।”

୪୪ ନାଜେ ପାଣ୍ଡାମାଞ୍ଜାନି ଆବା ଆମ୍ବାଆରାଙ୍କୁ ରେଜା କଡିନେସି, ଏଞ୍ଜାସିଦେଁ ନା ତାଣା ଖାହାଲି ଆଡିନେସି, ଅଡେ ନାନୁ ରାନ୍ଦି ଦିନାତା ଏଞ୍ଜାଣାଙ୍କୁ ହାଡ଼ାରି ତାଣାଟି ନିକିଙ୍କୁ ।

୪୫ ମାହାପୁରୁ ଅଣ୍ଡପୁତି ବଲ୍ଲୁ ଝେହନାରି ଦାମୁପତିତା ରାସ୍ତିକି ଆହାମାନେ, “ବାରେଜାଣା ମାହାପୁରୁ ତାଣାଟି ଜାମିନେରି । ଆମ୍ବାଆସି ଆବାତି କାତା ଝେଞ୍ଜାନା ଜାପାମାନେସି, ଏଞ୍ଜାସି ନା ତାଣା ଖାନେସି ।

୪୬ ଆମ୍ବାଆସି ଆବାଙ୍କୁ ମେସାହିଲଅସି, ଆମ୍ବାଆସି ମାହାପୁରୁ ତାଣାଟି ଖାହାମାନାସି, ଖାନ୍ଦୁ ଏଞ୍ଜାସି ମେସାମାନେସି ।

୪୭ ନାନୁ ମିଜେ ସାତା ଝେସିମାଞ୍ଜାଙ୍କୁ, ଆମ୍ବାଆସି ନାମିନେସି, ଏଞ୍ଜାସି କାଲ୍ଲକାଲ୍ଲାତି ଜୀଞ୍ଜୁ ବେଟା ଆହାମାନେସି ।

୪୮ ନାନୁ ଜୀଞ୍ଜୁତି ରାନ୍ଦାତେଏଁ ।

୪୯ ମୀ ଆକୁ ଆବାୟାଁ ଲକୁ ତୁୟାଆ ଚାୟୁତା ମାନା ତିଞ୍ଜାନା, ହାଡେରି ।

୫୦ ଆମ୍ବାଆସି ଏନିକିଁ ରାନ୍ଦା ତିଞ୍ଜାନା ହାଅରି, ଏଦାଆଁତାକି ଲାକପୁରୁଟି ଖାନ୍ଦି ରାନ୍ଦା ଇଦି ।

୫୧ ନାନୁ ଲାକପୁରୁଟି ଖାହାମାନି ଏ ଜୀଞ୍ଜୁଗାଟି ରାନ୍ଦାତେଏଁ; ଆମ୍ବାଆସି ଏ ରାନ୍ଦା ତିନେସି, କାଲ୍ଲକାଲ୍ଲା ତାକି ନାତିନେସି; ହାଅ, ନାନୁ ଏମିନି ରାନ୍ଦା ହାଙ୍କୁ, ଏଞ୍ଜି ନା ଉଞ୍ଜା, ନାନୁ ଏଞ୍ଜାଆଁ ଦାନ୍ତଡିତି ଜୀଞ୍ଜୁତାକି ହାଙ୍କୁ ।”

୫୨ ଇ ହାଡ଼ା ଝେଞ୍ଜାନା ଜୀହୁଦିୟାଁ କାର୍ବି ଆହାନା ଏଲେଇଶ୍ଚାଁ ଆଡେରି, “ଇଞ୍ଜାସି ଏନିକିଁ ମାଜେ ତାନି ଉଞ୍ଜା ତିଞ୍ଜାଲି ହିୟାଲି ଆଡାନେସି ?”

୫୩ ଜୀସୁ ଏଞ୍ଜାରାଙ୍କୁ ଏଲେଇଚେସି, “ନାନୁ ସାତା ଝେସିମାଞ୍ଜାଙ୍କୁ, ମାଣ୍ଡି ମୀରୁଏଣା ଉଞ୍ଜା ତିନାଆସାରେ ଅଡେ ତାନି ନେଡେରି ଗହୁଆସାରେ, ମୀ ତାଣା ଜୀଞ୍ଜୁ ହିଲେଏ ।

୫୪ ଆମ୍ବାଆସି ନା ଉଞ୍ଜା ତିନେସି ଅଡେ ନା ନେଡେରି ଗହୁନେସି, କାଲ୍ଲକାଲ୍ଲାତି ଜୀଞ୍ଜୁ ବେଟା ଆନେସି, ଅଡେ ନାନୁ ଏଞ୍ଜାଣାଙ୍କୁ ରାନ୍ଦି ଦିନାତା ହାଡ଼ାରି ତାଣାଟି ନିକିଙ୍କୁ ।

୫୫ ଇତିହାସ ନା ଉଞ୍ଜା ସାତା ରାନ୍ଦା ଅଡେ ନା ନେଡେରି ସାତା ଗହୁନାୟି ।

୫୬ ଆମ୍ବାଆସି ନା ଉଞ୍ଜା ତିନେସି ଅଡେ ନା ନେଡେରି ଗହୁନେସି, ଏଞ୍ଜାସି ନା ତାଣା ତୁୟିନେସି ଅଡେ ନାନୁ ଏଞ୍ଜାଣି ତାଣା ତୁୟିଙ୍କୁ ।

୫୭ ଜୀଞ୍ଜୁତି ଆବା ନାଜେ ଏନିକିଁ ପାଣ୍ଡାମାଞ୍ଜାନେସି ଅଡେ ନାନୁ ତାନିତାଣାଟି ନୀତାମାଙ୍କୁ, ଏଲେକିହା ଏ ଆମ୍ବାଆସି ନାଜେ ତିଞ୍ଜାନେସି, ଏଞ୍ଜାସି ଜିକେଏ ନା ତାଣାଟି ନୀତିନେସି ।

୫୮ ଆମିନି ରାନ୍ଦା ଲାକପୁରୁଟି ଖାହାମାନେ, ଏଦି ଇଦି; ମୀ ଆକୁ ଆବାୟାଁ ଏନିକିଁ ତିଞ୍ଜାନା ହାଡେରି, ଇଦି ଏଲେତାୟି ଆଏ, ଆମ୍ବାଆସି ଇ ରାନ୍ଦା ତିନାସି ଏଞ୍ଜାସି କାଲ୍ଲକାଲ୍ଲା ତାକି ଜୀଞ୍ଜୁତଲେ ତୁୟିନେସି ।”

୫୯ ଜୀସୁ କପରନାହୁମତି ର ଜୀହୁଦି ଲକୁତି କୁଟମି ଲକୁତାଃ ମାହାପୁରୁ ବଲ୍ଲୁ ଝେସିମାଟାଟି ଇ ବାରେ କାତା ଝେସେସି ।

କାଲ୍ଲକାଲ୍ଲା ଜୀଞ୍ଜୁତି ବଲ୍ଲୁ

୬୦ ଜୀଞ୍ଜୁତି ସୀସୁୟାଁ ବିତ୍ରାଟି ହାରେକା ଇ ବାରେ କାତା ଝେଞ୍ଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଝେଞ୍ଜାଲି ଆଡିନେସି ?”

୬୧ ଏଞ୍ଜାରି ଇ କାତାତାକି ଝେସ୍ତି ଆହିମାନେରି ଇଞ୍ଜୁ ଜୀସୁ ପୁଞ୍ଜାନା ସୀସୁୟାଁଙ୍କୁ ଏଲେଇଚେସି, “ଇ କାତା ମିଜେ ଅପାଆଗାଟାୟି ଆହିମାନେ କି ?

୬୨ ଆତିହାସ ମାଣ୍ଡି ମୀରୁଏସି ତଲିଏ ମାଟି ଚାୟୁତା, ଝେଶ୍ଚେ ହାନାଣି ମେସ୍ତିହା, ଏନାଆଁ ଇଞ୍ଜେରି ?

‡ ୨:୫୯ ୨:୫୯ ସିନଗଗ

୨୩ ମାହାପୁରୁଷ ଜୀଞ୍ଜୁ ନୀତାଲି ହୀନାୟି; ମାଣସିତି ଆଜ୍ଞା ଏନାଆଁ କିୟାଲି ଆଡେତଏ; ନାନୁ ମିଜେ ଖେସ୍ତାତି ବଲୁ ବାରେ, ସୁଦୁଜୀଞ୍ଜୁ ଅଡେ ନୀତିନି ବଲୁ □

୨୪ ସାମା ମୀ ବିତ୍ତାଟି ଏଚରଜାଣା ନାମିହିଲଅରି” ଇଚିହିଁ ଆମ୍ବାଆରି ନାମି ହିଲାଆତେରି ଅଡେ ଆମ୍ବାଆସି ଏଞ୍ଜାଣାଇଁ ସାତୁ କେୟୁତା ହେବ୍ପିନେସି ଏଦାଆଁ ଜୀସୁ ତଲିଏ ପୁଞ୍ଜାମାରେସି □

୨୫ ଅଡେ ଏଞ୍ଜାସି ଏଲେଇରେସି, “ଏଦାଆଁତାକି ନାନୁ ମିଜେ ଖେସିମାଞ୍ଜାଇଁ, ଆବା ହେଲ ହୀଆତିହିଁ ଆମ୍ବାଆସି ନା ତାଣା ଖାୟାଲି ଆଡଅସି □”

୨୬ ଏ ଦିନାଟିଏ ତାନି ସାୟୁୟାଁ ବିତ୍ତାଟି ହାରେକା ଜାଣା ଅପାଆନାହାଁ ହାଜାତୁସ୍ତେରି, ଇଞ୍ଜା, ଏଞ୍ଜାଣିତଲେ ଅଡେ ହାଲାଆତେରି □

୨୭ ଏମ୍ବାଟିଏ ଜୀସୁ ବାରଜାଣା ସାୟୁୟାଁଣି ଖେରେସି, “ମୀରୁ ଜିକେଏ ହାଜାଲି ମନ କିହିମାଞ୍ଜେରି କି ?”

୨୮ ଏସିମନ ପିତର ଏଞ୍ଜାଣାଇଁ ଏଲେଇରେସି, “ପ୍ରବୁ ଆମ୍ବାଆରି ତାଣା ହାନମି ? କାଲ୍ଲକାଲ୍ଲିତ ଜୀଞ୍ଜୁତି ବଲୁ ନୀ ତାଣା ମାନେ □

୨୯ ନାନୁ, ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି ଇଦାଆଁ ମାୟୁନାମା ମାନମି ଅଡେ ପୁଞ୍ଜାମାନମି □”

୩୦ ଜୀସୁ ଏଞ୍ଜାଣାଇଁ ଏଲେଇରେସି, “ନାନୁ ଏନାଆଁ ମୀ ବାରଜାଣାତେରି ମିଜେ ଆତାମାଞ୍ଜଅଁ କି ? ଅଡେ ମୀ ବିତ୍ତାଟି ରଅସି ସୟତାନ □”

୩୧ ଏଞ୍ଜାସି ଇୟାରିୟତ ସିମନ ମୀରଏସି ଜୀହୁଦାଇଁ ସିନିକିହାନା ଏଲେଇରେସି, ଇଚିହିଁ ଏଞ୍ଜାସି ବାରଜାଣା ସାୟୁୟାଁ ବିତ୍ତାଟି ରଅସି, ଅଡେ ଏଞ୍ଜାସି ଜୀସୁଇଁ ସାତୁ କେୟୁତା ହେବ୍ପାଲି ହାଜିମାରେସି □



ଜୀସୁ ଅଡେ ତାନି ତାୟିୟାଁ

୧ ଇଦାଆଁ ତାୟୁ ଜୀସୁ ଗାଲିଲିତା ରେଜିମାରେସି, ଇଚିହିଁ ଜୀହୁଦିୟାଁ ଏଞ୍ଜାଣାଇଁ ପାୟାଲି ଅଣ୍ଡିପି ମାତାକି ଏଞ୍ଜାସି ଜୀହୁଦା ରାଜିତା ରେଜାଲି ମନ କିହି ହିଲାଆତେସି □

୨ ସାମା ଜୀହୁଦି ଲକୁତି “ଗରାୟାଁ ଗୁତାତା ବାସାଆନି” ପାର୍ବୁ ତାଗେ ଖାହିମାତାକି □

୩ ଜୀସୁତି ତାୟିୟାଁ ଏଞ୍ଜାଣାଇଁ ଏଲେଇରେରି, “ନାନୁ କିହିମାନି କାମାୟାଁ, ନୀ ସାୟୁୟାଁ ଜିକେଏ ମେହ୍ନେରି ଇଦାଆଁତାକି ନାନୁ ଇମ୍ବାଟି ହଡା ହାଜାନା ଜୀହୁଦା ରାଜିତା ହାଲ୍ଲାମ୍ବୁ □

୪ ଇଚିହିଁ ଲକୁତାଣା ଖେଜାଲି ମନ କିନାସି ତାନି କାମା ତୁଗୁଆଁ କିଅସି □ ନାନୁ ଇ ବାରେ କାମା କିହିମାଞ୍ଜ, ଆତିହିଁ ନାନୁ ଦାର୍ଡତି ନକିତା ତସାକତାମ୍ବୁ □”

୫ ଇଚିହିଁ ତାନି ତାୟିୟାଁ ଜିକେଏ ତାଜେ ନାମି ହିଲାଆତେରି □

୬ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇରେସି, “ନୀଏଁ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ □”

୭ ଦାର୍ଡତିତାରି ମିଜେ ଅପାନେରି ସାମା ନାଜେ ଅପଅରି ଏନାଆଁତାକି ଇଚିହିଁ ତାନି କାମା ବାରେ ଲାଗେଏତାୟି ଇଞ୍ଜେଁ ନାନୁ ସାକି ହାହାନା ତସିମାଇଁ □

୮ ମୀରୁ ଇ ପାର୍ବୁତା ହାଜୁ, ନାନୁ ନୀଏଁ ଇ ପାର୍ବୁତା ହାଜିହିଲଅଁ, ଇଚିହିଁ ନା ଦିନା ଖାହାହିଲେଏ □

୯ ଏଞ୍ଜାସି ଏଞ୍ଜାଣାଇଁ ଇ ବାରେ କାତା ଖେସାମା ଗାଲିଲିତା ତୁୟିତେସି □

ଗରାୟାଁ ଗୁତାତା ବାସାଆନି ପାର୍ବୁତା ଜୀସୁ

୧୦ ଜୀସୁତି ତାୟିୟାଁ ଏ ପାର୍ବୁତା ହାତି ତାୟୁ, ଜୀସୁ ଜିକେଏ ହାରେସି ସାମା ଲକୁ ମେହ୍ନାରେରୁ ମେଣେଏ ହାରେସି □

୧୧ ପାର୍ବୁ ବେଲାତା ଜୀହୁଦି ଲକୁ ଏଞ୍ଜାଣାଇଁ ପାରି ପାରିହିଁ, “ଏଞ୍ଜାସି ଏମ୍ବିୟା ମାନେସି ଇଞ୍ଜେଁ ଖେରେରି ?”

୧୨ ବାରେ ଲକୁ ଏଞ୍ଜାଣି ତାକି କିଲିବିଲି ଆହିମାରେରି, ଏଚରଜାଣା “ଏଞ୍ଜାସି ନେହିଁ ମାଣସି” ଇଚେରି; ଅଡେ ଏଚରଜାଣା “ଆଏ, ଏଞ୍ଜାସି ଲକୁଣି ନାଡୁ କିହିମାନେସି” ଇଞ୍ଜେଁ ଇଚେରି □

୧୩ ସାମା ଜୀହୁଦିୟାଁ ଆଜିତାକି ଆମ୍ବାଆରି ତାନି କାତା ପାଜାଞ୍ଜେଜେ ଖେସି ହିଲାଆତେରି □

* ୨:୨୮ ୨:୨୮ ମାଟି ୧୭:୧୭; ମାର୍କ ୮:୨୯; ଲୁକ ୯:୨୦

୧୪ ସାମା ପାର୍ଶୁତି ମାଦି ପାତେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପୁହାଲି ମାଟୁହେସି
□

୧୫ ଏମାଟିଏ ଜୀହୁଦିୟାଁ କାବାଆହାନା ଏଲେଇତେରି, “ଇଝାସି ପାଟା ଜାପାଆନାହାଁ ଏନିକିଁ ଇତେକା
ବୁଦି ପୁଚେସି ?”

୧୬ ଜୀସୁ ଏଝାରାଇଁ ଏଲେଇତେସି, “ନାନୁ ଜାପୁହିମାନାୟି ନା ତାଣାଟି ଆଏ, ସାମା ନାଜେ
ପାଣ୍ଡାତାଣାଝାୟି □

୧୭ ଆମ୍ବାଆସି ତାନି ଅଣପୁ ତଲେ କିହାଲି ଅଣପିନେସି, ଆଡ଼ିସାରେ ଈ ଜାପୁନାୟି ମାହାପୁରୁ ତାଣାଟି
ଝାହାମାନେ, କି, ନା ତାଣାଟି ଝେସିମାଇଁ, ଏଦାଣି ଏଝାସି ପୁନେସି □

୧୮ ଆମ୍ବାଆସି ନାଦିଏ ଇନେସି, ଏଝାସି ତାନି ଗାଝୁରମି ପାରିନେସି, ସାମା ଆମ୍ବାଆସି ତାଜେ
ପାଣ୍ଡାମାଞ୍ଜାନାଣା ଗାଝୁରମି ପାରିନେସି, ଏଝାସି ସାତା, ଅଡ଼େ ଏଝାଣି ତାଣା ଏନାୟି ଲାଗେଏ କିନାୟି
ହିଲେଏ □

୧୯ ମସା ମିଜେ ମେରା ହାହାମାଞ୍ଜଅସି କି ? ଆଡ଼ିଜକେଏ ମୀ ବିତ୍ରାଟି ଆମ୍ବାଆତେରି ମେରାଟି ମାନଝି
ଆହି ହିଲଅତେରି, ମୀରୁ ଏନାଆଁତାକି ନାଜେ ପାୟାଲି ଅଣପିମାଞ୍ଜାଦେରି ?”

୨୦ ଲକୁ ବାରେ ଏଲେଇତେରି, “ନିଜେ ବୁଡୁ ଆଲଗାମାଞ୍ଜାନେ, ନିଜେ ଆମ୍ବାଆସି ପାୟାଲି ଅଣପି
ମାଞ୍ଜାନେସି ?”

୨୧ ଜୀସୁ ଏଝାରାଇଁ ଏଲେଇତେସି, “ନାନୁ ର କାବାଆଡ଼ି କାମା କିତେଏଁ, ଅଡ଼େ ମୀରୁ ବାରେ କାବା
ଆଡ଼େରି □

୨୨ ଇଦାଆଁତାକି ମସା ମିଜେ ତଲୁ ଦାପି କିନି ମେରା ହାହାମାଞ୍ଜାନେସି, ଈ ମେରା ମସା ତାଣାଟି
ଆହାମାନେ, ଏଡ଼ି ଆଏ, ସାମା ଆକୁ ଆଦାୟାଁ ତାଣାଟି, ଇଞ୍ଜାଁ ମୀରୁ ଜମିନି ଦିନାତା ଜିକେଏ କକାରି
ତଲୁ ଦାପି କିହିମାଞ୍ଜେରି ?

୨୩ ଇମିନି ଦିନାତା ର କକାଣି ତଲୁ ଦାପି କିନାଣିତାକି ମସାଟି ମେରା ଉରିହିଲଅତେରି, ଆଡ଼ିହୁଁ
ନାନୁ ଜମିନି ଦିନାତା ର ମାଣସିତି ଗୁଡ଼ା ଆଜା ନେହୁଁ କିୟାଲିଏ ମୀରୁ ନାଜେ ଏନାଆଁତାକି କପା
ଆହିମାଞ୍ଜାଦେରି ?

୨୪ ଝାରଇ ଲାକ ଲାକ କାତା ମେସାନା ନୀହାଁୟି କିଆଦୁ ସାତା ତଲେ ନୀହାଁୟି କିପୁ □”

ଇଝାସି ଏନାଆଁ ମସିହା ?

୨୫ ଏତେଟିଏ ଜିରୁସାଲମତା ମାନାରି ବିତ୍ରାଟି ଏତରଜାଣା ଝେସପି ଆଡ଼େରି, “ଆମ୍ବାଆରାଇଁ ଇଝାରି
ପାୟାଲି ଅଣପିମାନେରି ଇଝାସି ଏଝାସି ଆଏକି ?

୨୬ ଅଡ଼େ ମେହୁଡୁ, ଏଝାସି ଲକୁ ପୁଣମ୍ବେ କାତା ଝେସିମାନେସି, ଇଞ୍ଜାଁ ଏଝାଣାଇଁ ସାଲଝି କିନାରି
ଏନାଆଁ କିହିହିଲଅରି □ ଏଝାସି କ୍ରୀସୁ ଇଞ୍ଜୁଁ ଏଝାରି ଏନାଆଁ ସାତା ତଲେ ପୁଚେରି କି ?

୨୭ ଆଡ଼ିହୁଁ ଏଝାସି, ଆମ୍ବିଟି ଝାହାମାନେସି, ଇଦାଆଁ ମୀରୁ ପୁଞ୍ଜାମାନାୟି, ସାମା କ୍ରୀସୁ ଏଡ଼ିବେଲା
ଝାନେସି, ଏଡ଼ିବେଲାତା ଆମ୍ବାଆସି ପୁନଅସି, ଇଡ଼ିହୁଁ ଏଝାସି ଆମ୍ବିଟି ଝାହାମାନେସି □”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଝେସି ଝେସିହୁଁ କାଜା ଗିୟାଁତଲେ ଏଲେଇତେସି,
“ମୀରୁ ସାତେଏ ନାଜେ ପୁଞ୍ଜାମାଞ୍ଜାଦେରି ଅଡ଼େ ନାନୁ ଏମ୍ବିଟି ଝାହାମାଇଁ ଏଦାଆଁ ସାତେଏ ପୁଞ୍ଜାମାଞ୍ଜେରି;
ନାନୁ ନା ଅଣପୁ ତଲେ ଝାହାହିଲଅଁ, ସାମା ନାଜେ ପାଣ୍ଡାତାସି ଏଝାସି ସାତା, ମୀରୁ ଏଝାଣାଇଁ
ପୁଞ୍ଜାହିଲଅତେରି □

୨୯ ନାନୁ ଏଝାଣାଇଁ ପୁଞ୍ଜାମାଇଁ, ଇଡ଼ିହୁଁ ନାନୁ ଏଝାଣି ତାଣାଟି ଝାହାମାଇଁ, ଅଡ଼େ ଏଝାସି ନାଜେ
ପାଣ୍ଡାତେସି □”

୩୦ ଏମାଟିଏ ଜୀସୁଇଁ ଆସାଲି ତାକି ଅଣପିତେରି; ସାମା ଆମ୍ବାଆରି କେନ୍ଦୁ ଏଝାଣି ମୁହେଁ ଏଆତେ,
ଇଡ଼ିହୁଁ ଏଝାଣାଇଁ ଆହୁନି କାରୁ ଏଡ଼େତା ଏଜାହିଲାଆତେ □

୩୧ ସାମା ଲକୁ ବିତ୍ରାଟି ହାରେକା ଏଝାଣି ତାଣା ନାମାନା ଏଲେଇତେରି, “ଇଝାସି ଏଡ଼ି ଏନି କାବାଆଡ଼ି
କାମା ବାରେ କିହିମାନେସି, କ୍ରୀସୁ ଝାହାନା ଇଝାଣି କିହାଁ ଏନାଆଁ ଆଗାଡ଼ା କିନେସି ?”

ଜୀସୁଇଁ ଦସାଲି କସକାଣି ପାଣ୍ଡିନାୟି

☆ ୭:୨୩ ୭:୨୩ ଜହ ୫:୯

୩୭ ଲକ୍ଷ୍ମୀ ଜୀବୁ କାତା ତାମି ବିଦ୍ରା ଝେସ୍‌ପି ଆହିମାଗାଣି ପାରୁସିୟାଁ ଝେଚେରି ଅଡ଼େ ପାରୁସିୟାଁ ଅଡ଼େ କାଜା ପୂଜେରାଜା ଜୀବୁଇଁ ଦସାଲି ଜାମାନାଜାଣି ପାଣ୍ଡିଚେରି □

୩୮ ଏମ୍ବାଟିଏ ଜୀବୁ ଏଲେଇଚେସି, “ନାନୁ ମୀ ତଲେ ଗାଡ଼େକା ତାକି ଡ଼ୟାହାଁ ନାଜେ ପାଣ୍ଡାତାଣା ତାଣା ହାଉଁ □

୩୯ ମୀରୁ ନାଜେ ପାରାଦେରି, ସାମା ବେଟାଆୟଅତେରି; ଅଡ଼େ, ନାନୁ ଏମ୍ବିୟା ମାଉଁ, ମୀରୁ ଏମ୍ବାଆଁ ଝାହାଲି ଆଡ଼ଅତେରି □”

୪୦ ଜାହୁଦିୟାଁ ତାମ୍ବୁ ତାମ୍ବୁସୁ ଝେସ୍‌ପି ଆଡେରି, “ଇଝାସି ଆମ୍ବିୟା ହାଜିମାନେସି, ମୀରୁ ଏଝାଣାଇଁ ବେଟାଆହାଲି ଆଡ଼ାଆୟି ଏନାଆଁ ଇଝାସି ଇତାଲା ଆତାଲା ଜାଙ୍ଗାହାଜାମାନି ଗ୍ରିକ୍ ଲକ୍ଷ୍ମୁଇଁ ଜାମ୍‌ହାଲି ହାଜିମାନେସି କି ?”

୪୧ “ମୀରୁ ନାଜେ ପାରାଦେରି, ସାମା ବେଟାଆୟଅତେରି, ଅଡ଼େ ନାନୁ ଏମ୍ବିୟା ମାଉଁ, ମୀରୁ ଏମ୍ବାଆଁ ଝାହାଲି ଆଡ଼ଅତେରି, ଇଞ୍ଜିଁ ଏଝାସି ଝେସ୍‌ପାତି ଇ କାତା ଏନାୟି ଇଞ୍ଜିଁ ଝେସ୍‌ପି ଆଡେରି ?”

ଜାହୁହାନି ଜାରଣା ଏୟୁ

୪୨ ରାନ୍ଦି ଦିନା, ଇତିସାରେ ପାର୍ବୁତି କାଜା ଦିନା, ଜୀବୁ ନିଗାନା କାଜା ଗିୟାତଲେ ଏଲେଇଚେସି, ଆମ୍ବାଆସି ଏସ୍‌କି ଆଡ଼ିହ, ଏଝାସି ନା ତାଗେ ଝାହାନା ଗସ୍‌ପେସି □

୪୩ ଅଡ଼େ ଆମ୍ବାଆସି ନା ତାଣା ନାନିନେସି, “ଦାମ୍ବୁ ପତିତା ରାସ୍‌କି ଆହାମାନି ଲେହେଁ, ଏଝାଣି ହିୟାଁଟି ଜାହୁତି ଜାରଣା ଏୟୁ ହେମ୍ବୁ* □”

୪୪ ଜୀବୁ ସୁଦୁଜାହୁତି କାତା ଝେସିମାଚେସି, ଆମିନି ଗାଗାରି ଜୀବୁ ତାଣା ନାନି ମାଚେରି, ଏଝାରି ସୁଦୁଜାହୁ ବେଟାଆନାୟି ମାଚେ, ଜୀବୁ ଗାହୁରମି ବେଟାଆହା ହିଲାଆତାକି ଏଝାରାକି ଏଚେତା ସୁଦୁଜାହୁ ହାପ୍‌କି ଆହାହିଲାଆଚେ □

ଲକ୍ଷ୍ମୁ ବିଦ୍ରା ବାଗା ଆନାୟି

୪୫ ଏଚେତା, ଲକ୍ଷ୍ମୁ ଏ କାତା ଝେଚେରି, ଏଝାରି ବିଦ୍ରାଟି ଏଚରଜାଣା ଏଲେଇଚେରି, “ଇଝାସି ସାଚେଏ ମାହାପୁରୁ ଅଣ୍‌ପୁତି ବଲୁ ଝେହ୍‌ନାସି □”

୪୬ ଏଡ଼କାତାରି ଏଲେଇଚେରି, “ଏଝାସି ମସିହା!” † ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା! ‡ ଏନାଆଁ ଗାଲିଲିଟି ଝାନେସି କି ?

୪୭ ଦାମ୍ବୁ ସାସ୍‌ପୁରିତା ରାସ୍‌କି ଆହାମାନେ, ଜ୍ରାସ୍ତ ଦାହୁଦ ରାଜା କୁଡ଼ାଟି ଇଞ୍ଜା ଦାହୁଦ ଏମିନି ଚାୟୁତା ବାସା ଆହାମାଚେସି, ଏ ବେତଲିହିମ ନାୟିଁଟି ଝାନେସି □”

୪୮ ଇଦାଆଁତାକି ଲକ୍ଷ୍ମୁ ତାମି ବିଦ୍ରାଟି ଏଝାଣା ତାକି ବାଗା ଆଡେରି;

୪୯ ଅଡ଼େ, ତାମି ବିଦ୍ରାଟି ଆମ୍ବା ଆମ୍ବାଆରି ଏଝାଣାଇଁ ଆସାଲି ଅଣ୍‌ପି ମାଚେରି, ସାମା ଆମ୍ବା ଆମ୍ବାଆରି ତାନି ଲାକ କେୟୁ ଇଗାଲି ଆଡ଼ାଆଚେରି □

ସାଲ୍‌ଝି କିନି ଜାହୁଦିୟାଁ ନାମାଆ ଗାଟାୟି

୫୦ ଏଚେଟିଏ ଜାମାନାଜା କାଜା ପୂଜେରା ଅଡ଼େ ପାରୁସିୟାଁ ତାଣା ଝେଣ୍ଡା ହାଚେରି, ଅଡ଼େ ଏଝାରି ଏଝାରାଇଁ ଝେଚେରି, “ଏଝାଣାଇଁ ଏନାଆଁତାକି ଆସା ତାଆଚେରି ?”

୫୧ ଜାମାନାଜା ଏଝାରାଇଁ ଏଲେଇଚେରି, “ଇ ମାଣ୍‌ସି ଏନିକିଁ ହାଡ଼ା ଝେହ୍‌ନାସି, ଏଲେକିହଁ ଏମିନି ମାଣ୍‌ସି ଏଚେଲା ଝେସାହିଲଅସି □”

୫୨ ପାରୁସିୟାଁ ଏଝାରାଇଁ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଝି ଆଡେରି ?

୫୩ ପାରୁସିୟାଁ ବିଦ୍ରାଟି କି ସାଲ୍‌ଝି କିନାରି ବିଦ୍ରାଟି ଆମ୍ବାଆରି ଏଝାଣି ତାଣା ନାମାମାନେରି କି ?

୫୪ ସାମା ଇ ଏମିନି ଲକ୍ଷ୍ମୁ ମସାତି ମେରା ପୁଞ୍ଜାହିଲଅସି, ଏଦାଆଁତାକି ଇଝାରି ବାକା ଗାଟି ଲକ୍ଷ୍ମୁ □”

୫୫ ଏମିନି ନିକଦିମ ଇଦାଆଁ ନଡ଼କଏ ଜୀବୁଇଁ ମେସାଲି ତାକି ଝାହାମାଚେସି ଇଞ୍ଜାଁ ଏଝାସି ଏଝାରି ବିଦ୍ରାଟି ପାରୁସି ମାଚେସି, ଏଝାସି ଏଝାରାଇଁ ଝେଚେସି,

୫୬ “ରଅଣି ତାଣାଟି ନଡ଼କଏ ଝେନାଆନା ଇଞ୍ଜାଁ ତାନି ମାଣ୍‌କି ପୁନାଆନା ମା ମସାତି ମେରା ଏନାଆଁ ଏଝାଣାଇଁ ଦହ କିନେ ?”

* ୭:୩୮ ୭:୩୮ ଇ କାତା ପୁଞ୍ଜା ପତିତା ହିଲେଏ † ୭:୪୧ ୭:୪୧ ଜ୍ରାସ୍ତ ‡ ୭:୪୧ ୭:୪୧ ଜ୍ରାସ୍ତ ☆ ୭:୫୦ ୭:୫୦ ଜହ ୩:୧,୨

୫୭ ଏଞ୍ଜରୀ ଏଞ୍ଜାଣାଇଁ ଏଲେଇଚେରି, “ନୀନୁ ଜିକେଏ ଏନାଆଁ ଗାଲିଲିତ ଲକୁ କି ? ଗାଲିଲିତ ଏନି ମାହାପୁରୁ ଅଣପୁତ ବଲୁ ଝେହନାରି ଏଚେଲା ଖାହାଲି ଆଡ଼ଅରି, ଇଦାଆଁ ସାବୁସ୍ତରିତା ସିନିକିମୁ □”

୫୮ ଅଡ଼େ ଏଞ୍ଜରୀ ବାରେଜାଣା ଜାହାରା ଇଜ ହାଚେରି □



ଦାରେଣି ଆୟାତି

୯ ସାମା ଜୀସୁ ଜୀତ ହରୁତା ହାଚେସି □

୨ ଅର ଦିନା ଲାଇ ଏଞ୍ଜସି କୁଗାନା ଜାପୁହାଲି ମାଟ୍‌ହେସି □

୩ ଫେରା ଜାପୁନାରି ଅଡ଼େ ପାରୁସିୟାଁ ଦାରି କାମାତା ଆସ୍‌ସି ଆହାମାନି ର ଇୟାନି ତାଚେରି, ବାରେଜାଣା ନକିତା ନିପୁହାନା ଜୀସୁଇଁ ଏଲେଇଚେରି □

୪ “ଗୁରୁ, ଇ ଇୟା ଦାରିକାମା କିହିମାଚାଟି ଆସ୍‌ସି ଆଡ଼େ □

୫ ଇଲେତ ଇୟାସିକାଣି ଖାଲକା କୁତାନା ଝେଚାଲିତାକି ମସା ମା ଫେରାତା ହୁକୁମି ହାହାମାଞ୍ଜାନେସି; ଆଡିହୁଁ ନୀନୁ ଏନାଆଁ ଝେସିମାଞ୍ଜାଦି ?”

୬ ଏଞ୍ଜରୀ ଜୀସୁଇଁ ଏନିକିଁ ପାନ୍ଦାତା ମେଟ୍‌ହାଲି ଆଡିନେରି, ଇଦାଆଁତାକି ଏଞ୍ଜରୀ ଏଞ୍ଜାଣାଇଁ ତାୟିପାରି କିହାଲି ଝେଚେରି, ସାମା ଜୀସୁ ମୁନୁକାପାନା ଖାଞ୍ଜୁ ତଲେ ବୁମିତା ରାଚାଲି ମାଟ୍‌ହେସି □

୭ ଏଞ୍ଜରୀ ଏମାଆଁ ନିଚାନା ଝେଣ୍ଡେ ଝେଞ୍ଜାଲିଏ, ଜୀସୁ ତାୟିଁ ଯେପ୍‌ହାନା ଏଞ୍ଜରାଇଁ ଏଲେଇଚେସି, “ମୀ ବିତ୍ରାଟି ଆମ୍ବାଆସି ଏଚେଲା ଏନି ପାପୁ କିହାହିଲଅସି, ଏଞ୍ଜସି ମୂଲୁଏ ଖାଲି କୁତାପେସି □”

୮ ଅଡ଼େ ଝେଣ୍ଡେ ଜୀସୁ ମୁନୁକାପାନା ବୁମିତା ରାଚାଲି ମାଟ୍‌ହେସି □

୯ ଜୀସୁତି ହାଡ଼ା ଝେଞ୍ଜାନା ଏଞ୍ଜରୀ କାଜାରିଟିଏ ମାଟ୍‌ହାଁ ରଅଣି ଜେତ ରଅସି ହାଜାଲି ମାଟ୍‌ହେରି, ଏମାଆଁ ଖାରଇ ଜୀସୁ ଅଡ଼େ ମାଦି ମାନି ଏ ଇୟା ଡ଼ୟିତେ □

୧୦ ଜୀସୁ ତାୟିଁ ଯେପ୍‌ହାନା ଏଦାନି ଏଲେଇଚେସି, “ଏ ଇୟା ଏଞ୍ଜରୀ ଏମ୍‌ୟା ? ଆମ୍ବାଆରି ନିଜେ ତଣ୍ଡ ହାହାଲି ହିଲଅରି କି ?”

୧୧ ଏନି ଏଲେଇଚେ, “ଆଏ, ପ୍ରବୁ, ଆମ୍ବାଆରି ହିଲଅରି □”

ଏମାଟିଏ ଜୀସୁ ଏଦାନି ଏଲେଇଚେସି; “ନୀନୁ ଜିକେଏ ନିଜେ ତଣ୍ଡ ହିୟଅଁ; ହାଲାମୁ, ସାମା ଅଡ଼େ ପାପୁ କିଆନି* □”

ଜୀସୁ ଦାର୍‌ତତି ଉଜେଡ଼ି

୧୨ *ଜୀସୁ ଝେଣ୍ଡେ ପାରୁସିୟାଁଇଁ ଏଲେଇଚେସି, “ନୀନୁ ଦାର୍‌ତତି ଉଜେଡ଼ି, ଆମ୍ବାଆସି ନା ଜେତ ଖାନ୍‌ନେସି, ଏଞ୍ଜସି ଜୀସୁତି ଉଜେଡ଼ି ବେଟା ଆନ୍‌ନେସି ଅଡ଼େ ଏଚେଲା ଜିକେଏ ଆନ୍‌ନେରିତା ତାକଅସି □”

୧୩ *ପାରୁସିୟାଁ ଏଞ୍ଜାଣାଇଁ ଏଲେଇଚେରି, “ନୀଏଁ ନୀନୁ ନିଜେତାକି ସାକି ହାହିମାଞ୍ଜି, ନୀନୁ ଏନାଆଁ ଏଲେ ଇଞ୍ଜିମାଞ୍ଜି ଏନି ସାତା ପାର୍‌ମାଣା ହିଲଆଗାଗାୟି □”

୧୪ ଜୀସୁ ଏଞ୍ଜରାଇଁ ଏଲେଇଚେସି, “ଆଏ ନୀନୁ ନା ତାକି ସାକି ହାଡ଼ି ଜିକେଏ, ନୀନୁ ଏନାଆଁ ଝେସିମାଞ୍ଜାଇଁ ଏନି ସାତା, ଇଡିହୁଁ ନୀନୁ ଆମ୍ବିଟି ଖାହାମାଇଁ ଅଡ଼େ ଏମ୍‌ୟା ହାଜିମାଇଁ ଏଦାଆଁ ପୁଞ୍ଜାମାଇଁ, ମୀରୁ ପୁଞ୍ଜାହିଲଅଚେରି ଏମ୍ବାଟି ଖାକ୍ ଅଡ଼େ ଏମ୍‌ୟା ହାଇଁ □

୧୫ ମୀରୁ ଖାରଇ ମାଣସିୟାଁ ଲେହେଁ ବିଚାରା କିହିମାଞ୍ଜେରି, ନୀନୁ ଆମ୍ବାଆରି ବିଚାରା କିଅଁ □

୧୬ ସାମା ନୀନୁ ବିଚାରା କିଇଁ, ଆଡିଜିକେଏ ନା ବିଚାରା ସାତା; ଇଡିହୁଁ ନୀନୁ ରଅଚେଏଁ ଆଏ ସାମା ଏମିନି ଆବା ନାଜେ ପାଣ୍ଡାମାଞ୍ଜାନସି ନା ତଲେ ମାନେସି □

୧୭ ମା ମସାଡି ଫେରାତା ରାକ୍‌କି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଞ୍ଜରୀ ଏନାଆଁ ଇନେରି ଏନି ସାତା □

୧୮ ନୀନୁ ନାଜେତାକି ସାକି ହାହିମାଇଁ, ଅଡ଼େ, ନାଜେ ପାଣ୍ଡାମାଞ୍ଜାନି ଆବା ଜିକେଏ ନା ଖାକିଟି ସାକି ହାହିମାନେସି □”

୧୯ ଏଞ୍ଜାଣାଇଁ ଏଞ୍ଜରୀ ଝେଚେରି, “ନୀ ଆବା ଏମ୍‌ୟା ?” ଜୀସୁ ଏଲେଇଚେସି, “ନାଜେ କି ନା ଆବାଇଁ ମୀରୁ ପୁଞ୍ଜାହିଲଅଚେରି; ନାଜେ ପୁଞ୍ଜାଡିହୁଁ ମା, ନା ଆବାଇଁ ଜିକେଏ ପୁଚେରିମା □”

* ୮:୧୧ ୮:୧୧ ଇ ବାରେ କାଚା ବାରେ ପଡିଣାଁ ହିଲେଏ ☆ ୮:୧୨ ୮:୧୨ ମାଡି ୫:୧୪; ଜହ ୯:୫ ☆ ୮:୧୩ ୮:୧୩ ଜହ ୫:୩୧

୨୦ ମାହାପୁରୁ ଇଚ୍ଛୁତି ଦାନା ଇଚିନି ବାକ୍ରାତା ଜୀସୁ ଏ ବାରେ କାତା ଜାପୁହିମାରେସି, ସାମା ଆମ୍ବାଆରି ଜିକେଏ ଏଞ୍ଜାଣାଇ ଆହୁଆତେରି ଏନାଆଁତାକି ଇଚିହିଁ ତାନି ବେଲା ଖାହା ହିଲାଆତେ ।

ନାନୁ ହାନି ତାଣା ମୀରୁ ହାଜାଲି ଆଡ଼ଅତେରି

୨୧ ଜୀସୁ ଅଡ଼େ ଖେଣ୍ଡେ ଏଞ୍ଜାରାଇଁ ଏଲେଇଚେସି, “ନାନୁ ହାଜିମାଇଁ, ମୀରୁ ନାଜେ ପାରାଦେରି, ଅଡ଼େ ମୀରୁ ମୀ ପାପୁତା ହାଦେରି । ନାନୁ ଏମ୍ବିୟା ହାଜିମାଇଁ, ଏମ୍ବାଆଁ ମୀରୁ ହାଜାଲି ଆଡ଼ଅତେରି ।”

୨୨ ଇଞ୍ଜା ଜୀହୁଦିୟାଁ ଏଲେଇଚେରି, “ଇଞ୍ଜାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଇଁ ମୀରୁ ଏମ୍ବାଆଁ ହାଜାଲି ଆଡ଼ଅତେରି ?”

୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଇ ତୁଇପୁରୁଚି ଜାର୍ନା ଆହାମାଞ୍ଜେରି, ସାମା ନାନୁ ଲାକଟି ଖାହାମାଇଁ । ମୀରୁ ଇ ଦାରୁଚିଟି, ନାନୁ ଇ ଦାରୁଚିଟି ଆଏ ।

୨୪ ଏନାଆଁତାକି ନାନୁ ଖେସିମାଞ୍ଜାଇଁ, ମୀରୁ ମୀ ପାପୁ ତଲେ ହାଦେରି । ନାନୁ ଏଞ୍ଜାଦେଏଁ ଇଞ୍ଜୁଁ ଖେସ୍ତାସାରେ ମୀରୁ ନାମାଆସାରେ, ମୀ ପାପୁତା ହାଦେରି ।”

୨୫ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ନାନୁ ଆମ୍ବାଆତି ?”

ଜୀସୁ ଏଞ୍ଜାରାଇଁ ଏଲେଇଚେସି, “ଇ ହାଡ଼ା ନାନୁ ମୁଲୁଟିଏ ଖେସାମାଞ୍ଜାଇଁ ।

୨୬ ମିଜେତାକି କାତା ଜଲ୍ଲାଲି ଅଡ଼େ ବିଚାରା କିହାଲି ନା ତାଣା ହାରେକା କାତା ମାନେ; ସାମା ନାଜେ ପାଣ୍ଡାମାଞ୍ଜାନାସି, ଏଞ୍ଜାସି ସାତା, ଅଡ଼େ ନାନୁ ଏନାଆଁ ଖେଞ୍ଜାମାଇଁ; ଏ ବାରେ ଦାରୁଚିଟି ଖେସିମାଇଁ ।”

୨୭ ଏଞ୍ଜାସି ମାହାପୁରୁ ଆବା କାତା ଖେସିମାରେସି, ଏଞ୍ଜାରି ତେଲହାଲି ଆଡ଼ାଆତେରି ।

୨୮ ଏନାଆଁତାକି ଜୀସୁ ଏଲେଇଚେସି; “ଏଚେତା ମୀରୁ ମାଣସି ମୀରୁଏଣାଇଁ ଗାଞ୍ଜୁରମି ହୀଦେରି, ଏଚେତା ନାନୁ ଏ ମାଣସିଚେଏଁ ଅଡ଼େ ନାନୁ ଜାହାରାଞ୍ଜାଣି ଏନାଆଁ କିଆନା, ଆବା ନାଜେ ଏନିକଁ ଜାପୁହା ମାଞ୍ଜାନେସି, ଏଲେକଁ ଇ ବାରେ କାତା ଖେସିମାଞ୍ଜାଇଁ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି ।

୨୯ ଆମ୍ବାଆସି ନାଜେ ପାଣ୍ଡାମାଞ୍ଜାନାସି ଏଞ୍ଜାସି ନା ତଲେ ମାନେସି, ଏଞ୍ଜାସି ନାଜେ ରଅଡେଏଁ କିହିଁ ପିସାମାଞ୍ଜଅସି, ଇଚିହିଁ ନାନୁ ତାନି ରାହାଁ ଆନି କାମା କିଇଁ ।”

୩୦ ଜୀସୁ ଇ ବାରେ ହାଡ଼ା ଖେଞ୍ଜାନା ହାରେକା ଜାଣା ତାନି ତାଣା ନାମିତେରି ।

ପିସିଆଡ଼ି ଲକୁ ଅଡ଼େ କଚିତି ହଲିୟାଜା

୩୧ ଏମ୍ବାଟିଏ ଜୀସୁ ତାନି ତାଣା ନାମିତି ଜୀହୁଦିଙ୍ଗାଣି ଏଲେଇଚେସି, “ନା ବଲୁତା ତୀରିଆହୁଁ ତୁୟିଦେରି, ଆତିହିଁ ମୀରୁ ସାତେଏ ନା ସାମୁୟାଁତେରି ।

୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଜେ ଗେଲପାନେ ।”

୩୩ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାମୁ ଅବ୍ରାହାମତି କୁଡାତମି, ଅଡ଼େ ଏଚେଲା ଆମ୍ବାଆରି ହଲିୟା ଆହାହିଲଅମି, ଆତିହିଁ ମୀରୁ ମୁକଲଞ୍ଜି ଆଡ଼େରି ଇଞ୍ଜୁଁ ଏନିକଁ ଖେସିମାଞ୍ଜାଦି ?”

୩୪ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ଆମିନିଗାଟାସି ପାପୁ କିନେସି, ଏଞ୍ଜାସି ପାପୁତି ହଲେଏସି ।

୩୫ ହଲେଏସି କାଲେଏ ତାକି ଇଲୁ କୁଟମିତା ତୁୟିଅସି, ମୀରୁଏସି ଇଲୁ କୁଟମିତା କାଲେଏ ତାକି ତୁୟିନେସି ।

୩୬ ମୀରୁଏସି ମିଜେ ମୁକଲଞ୍ଜି କିୟାନେସି, ମୀରୁ ସାତେଏ ମୁକଲଞ୍ଜି ଆଡ଼େରି ।

୩୭ ମୀରୁ ଅବ୍ରାହାମତି କୁଡାତାତେରି ନାନୁ ପୁଞ୍ଜାମାଇଁ; ସାମା ନା ବଲୁ ମୀ ହିୟାଁତି ଚାୟୁତା ହିଲାଆକି ମୀରୁ ନାଜେ ପାୟାଲି ଅଣ୍ଡିମାଞ୍ଜେରି ।

୩୮ ନା ଆବା ତାଣା ନାନୁ ଏନାଆଁ ମେସାମାଇଁ, ଏ ବାରେ ନାନୁ ଖେସିମାଞ୍ଜାଇଁ । ଏନାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ଖେଞ୍ଜାମାଞ୍ଜେରି ଏ ବାରେ କିଦୁ ।”

୩୯ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଅବ୍ରାହାମ ମା ଆବା ।” ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଅବ୍ରାହାମତି ମୀରୁକା ମାୟାକାତେରି, ଆତିହିଁ ଅବ୍ରାହାମ କିହାମାଟି କାମା କିଦୁ;

୪୦ ମାହାପୁରୁ ତାଣାଟି ଖେଞ୍ଜାମାନି ସାତାତି ମିଜେ ଖେସିମାଞ୍ଜାଇଁ, ନାନୁ ଇଲେତି ଲକୁ, ମୀରୁ ନାଜେ ପାୟାଲି ତାକି ଅଣ୍ଡିମାଞ୍ଜାଦେରି; ଅବ୍ରାହାମ ଇଲେତି କାମା କିଆଡେସି ।

୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି ।”

୫ ୮:୩୩ ୮:୩୩ ମାଟି ୩:୯; ଲୁକ ୩:୮

ଏଝାରି ଜୀସୁଇଁ ଏଲେଇଚେରି; “ମାମ୍ମୁ ଦୁଋକାମାତି ଜାନ୍ନା ଆହାହିଲଅମି; ମା ରଣ୍ଡିଏ ଆବା, ଏଝାସି ମାହାପୁରୁ □”

୪୭ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ସାତେଏ ମୀ ଆବା ଆଡ଼ିହିଁମା, ମୀରୁ ନାଜେ ଜୀସୁ ନୟାଚେରିମା, ଇଚିହିଁ ନାନୁ ମାହାପୁରୁ ତାଣାଟି ଝାହାମାଇଁ; ନାନୁ ନା ତାଣାଟି ଝାହାହିଲଅଁ, ସାମା ଏଝାସି ନାଜେ ପାଣ୍ଡାଚେସି □

୪୮ ନାନୁ ଏନାଆଁ ଝେସିମାଞ୍ଜାଇଁ, ମୀରୁ ଏନାଆଁତାକି ନା ହାଡ଼ାତି ତେଲହାଲି ଆଡ଼ିହିଲଅଚେରି ? ଇଦାନି କାତା ଆହିମାନେ ମୀରୁ ନା ବଲୁତି ଝେଞ୍ଜାଲି ଆଡ଼ିହିଲଅଚେରି □

୪୯ ମୀରୁ ମୀ ଆବା ସୟତାନତି ମୀରୁକା ମାସ୍କାଚେରି, ଅଡ଼େ ମୀରୁ ମୀ ଆବାତି କାମା କିହାଲି ମୀ ଅଣ୍ଡପୁ □ ଏଝାସି ମୂଲୁଟିଏ ଲକୁଣି ପାୟିନାସି, ଅଡ଼େ ଏଝାସି ସାତାତା ତୁୟଅସି, ଇଚିହିଁ ଏଝାଣି ତାଣା ସାତା ହିଲେଏ □ ଏଚିବେଲା ଏଝାସି ମିଚି ଜଲିନେସି, ଏଡ଼େତା ତାନିତାଣାଟି ଜଲିନେସି; ଇଚିହିଁ ଏଝାସି ମିଚି ଗାଟାସି ଇଞ୍ଜା ମିଚିତାଞ୍ଜି □

୫୦ ସାମା ନାନୁ ସାତା ଜଲିମାନାକି, ମୀରୁ ନାଜେ ନାମିମାଞ୍ଜଅଚେରି □

୫୧ ନାନୁ ପାପୁ ଗାଟାଚେଏଁ ଇଞ୍ଜାଁ ମୀ ବିଡ଼ାଟି ଆମ୍ବାଆଚେରି ପାରମାଣା କିହାଲି ଆଡ଼ିଦେରି ? ନାନୁ ସାତା ଝେସ୍ତାସାରେ, ନାଜେ ମୀରୁ ଏନାଆଁତାକି ନାମିମାଞ୍ଜଅଚେରି ?

୫୨ ଆମ୍ବାଆସି ମାହାପୁରୁ ତାଣାଟି ଝାହାମାନେସି, ଏଝାସି ମାହାପୁରୁତି ବଲୁ ଝେନେସି; ମୀରୁ ମାହାପୁରୁ ତାଣାଟି ଝାହାହିଲଅଚେରି, ଏନାଆଁତାକି ଇ ବଲୁ ଝେଞ୍ଜିହିଲଅଚେରି □”

ଜୀସୁ ଅଡ଼େ ଅବ୍ରାହାମ

୫୮ ଜୀହୁଦିୟାଁ ଜୀସୁଇଁ ଏଲେଇଚେରି, “ନାନୁ ସମିରଣାତି ଇଞ୍ଜା ନିଜେ ବୃତୁ ଆଲ୍ଗାମାଞ୍ଜାନେ, ଏଦାଆଁ ମାମ୍ମୁ ସାତା ଝେସି ହିଲଅମି କି ?”

୫୯ ଜୀସୁ ଏଝାରାଇଁ ଏଲେଇଚେସି; “ନାଜେ ବୃତୁ ଆଲ୍ଗା ମାଞ୍ଜେଏ, ନାନୁ ନା ଆବାଇଁ ମାନି କିହିମାଇଁ, ସାମା ମୀରୁ ନାଜେ ଲାଜା କିହିମାଞ୍ଜାଦେରି □

୬୦ ନାନୁ ନା ଗାଝୁରମି କିହାଲି ଅଣ୍ଡପି ହିଲଅଁ; ରଅସି ଅଣ୍ଡପିମାନେସି ଏଝାସି ନା ଝାକିଚି ବିଚାରା କିନେସି □

୬୧ ନାନୁ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁତି ମାନୁଞ୍ଜି ଆନେସି, ଏଝାସି ଏଚେଲା ହାଅସି □”

୬୨ ଜୀହୁଦିୟାଁ ଏଝାଣାଇଁ ଏଲେଇଚେରି, “ନୀଏଁ ମାମ୍ମୁ ପୁଚମି, ନିଜେ ବୃତୁ ଆଲ୍ଗାମାଞ୍ଜାନେ, ଅବ୍ରାହାମ ଅଡ଼େ ମାହାପୁରୁ ଅଣ୍ଡପୁତି ବଲୁ ଝେହ୍ନାରି ବାରେଜାଣା ହାଡ଼େରି, ଅଡ଼େ ନାନୁ ଝେସିମାଞ୍ଜି, ଆମ୍ବାଆସି ନା ବଲୁ ମାନୁଞ୍ଜି ଆନେସି, ଏଝାସି ଏଚେଲା ଜିକେଏ ହାଅସି □

୬୩ ମା ଆକୁ ଅବ୍ରାହାମ ହାଡ଼େସି, ନାନୁ ଏନାଆଁ ଅବ୍ରାହାମ କିହାଁ କାଜାତି ଇଞ୍ଜାଁ ଅଣ୍ଡପିମାଞ୍ଜି ? ମାହାପୁରୁ ଅଣ୍ଡପୁତି ବଲୁ ଝେହ୍ନାରି ଜିକେଏ ହାଡ଼େରି; ନାନୁ ଆମ୍ବାଆତି ଇଞ୍ଜାଁ ଝେସିମାଞ୍ଜି ?”

୬୪ ଜୀସୁ ଏଲେଇଚେସି, “ନାନୁ ନା ଗାଝୁରମି କିହିମାଇଁ, ଆଡ଼ିହିଁ ନା ଗାଝୁରମି ଏନାସି ଆଏ; ଆମ୍ବାଆସି ନାଜେ ଗାଝୁରମି କିୟାନେସି ଏଝାସି ନା ଆବା ଆମ୍ବାଆରାଇଁ ମୀରୁ ମୀ ମାହାପୁରୁ ଇଞ୍ଜାଁ ଏଲେ ଇଞ୍ଜିମାଞ୍ଜେରି;

୬୫ ମୀରୁ ଏଝାଣାଇଁ ଏଚେଲା ପୁଞ୍ଜାହିଲଅଚେରି, ସାମା ନାନୁ ଏଝାଣାଇଁ ପୁଞ୍ଜାମାଇଁ □ ଏଝାଣାଇଁ ପୁଞ୍ଜାହିଲଅଁ ଇଞ୍ଜାଁ ନାନୁ ଝେସିହିଁ, ମୀ ଲେହେଁ ନାନୁ ଜିକେଏ ମିଚି ଗାଟାଚେଏଁ ଆଇଁ, ସାମା ନାନୁ ଏଝାଣାଇଁ ପୁଞ୍ଜାମାଇଁ ଅଡ଼େ ତାନି ବଲୁତି ମାନୁଞ୍ଜି ଆଇଁ □

୬୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ କିଚେସି, ଅଡ଼େ ଏନାଆଁ ମେସାନା ଏଝାସି ରାହାଁ ଆଡ଼େସି □”

୬୭ ଜୀହୁଦିୟାଁ ଏଝାଣାଇଁ ଏଲେଇଚେରି, “ନିଜେ ରୀ କଡ଼ି ଦସ ବାସା ଆହାମାଞ୍ଜେଏ, ନାନୁ ଏନାଆଁ ଅବ୍ରାହାମଇଁ ମେସାମାଞ୍ଜି ?”

୬୮ ଜୀସୁ ଏଝାରାଇଁ ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ଅବ୍ରାହାମତି ଜାନ୍ନା ନକେଏ ନାନୁ ମାଇଁ □”

୬୯ ଏଝାରି ଏଝାଣାଇଁ ଝେଗାଲିତାକି ଝାଲ୍ଲକା ପେର୍ହା କତିଚେରି, ସାମା ଜୀସୁ ମାହାପୁରୁ ଇଲୁଚି ମେହଆରେଟୁ ହଡ଼ାହାଚେସି □



ଜୀସୁ ଜାର୍ନାଟିଏ କାଣାଇଁ ନେହୁଁ କିନାୟି

୧ ଜୀସୁ ହାଜିମାଗାଟି ର ଜାର୍ନାଟିଏ କାଣାଇଁ ବେଟାଆତେସି □

୨ ତାନି ସାସୁୟାଁ ୱେଚେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଝାସି କାଣା ଆହାନା ଜାର୍ନା ଆଡେସି, ତାନୁ କି ତାନି ଇୟା ଆବା ପାପୁ କିତାକି ?”

୩ ଜୀସୁ ଏଲେଇଚେସି, “ଇଝାସି କି ତାନି ଇୟା ଆବା ପାପୁ କିତାକି ଆଏ, ସାମା ମାହାପୁରୁତି କାମା ଏନିକିଁ ଇଝାଣି ତାଣାଟି ତସ୍ପିଆନେ, ଏଦାଆଁତାକି ଇଦି ଆହାମାନେ □

୪ ଦିନା ମାଞ୍ଜା ମାଞ୍ଜାନା, ନାଙ୍ଗେ ପାଣ୍ଡାମାଞ୍ଜାନାଣା କାମା କିନାୟିମାନେ; ଏମିନି ବେଲାତା ଆମ୍ବାଆସି କାମା କିହାଲି ଆଡ଼ଅସି, ଇଲେତି ଲାଆଁ ଖାହିମାନେ □

୫ ନାନୁ ଏବେପାତେକା ଦାରୁତିତା ମାଇଁ, ଏବେପାତେକା ନାନୁ ଦାରୁତିତି ଉଜେଡ଼ିତେସ୍ □”

୬ ଇ କାତା ଏଲେଇଞ୍ଜାନା, ଜୀସୁ ଇରୁଆତା ହୁପାନା ହୁପକା ତଲେ କାଦ କିତେସି; ଅଡ଼େ ତାନି ରା କାଣକାଣାଁ ରୁବିତେସି ଅଡ଼େ ଏଝାଣାଇଁ ଏଲେଇଚେସି,

୭ ହାଲାନୁ “ସିଲହ* ବାଦାତା ମୁମ୍ ନୁରହା ଖାମୁ □” ଏମ୍ବାଟିଏ ଏଝାସି ହାଜାନା ନରହା କତାନା ୱେଣ୍ଡା ଖାହିମାଗାଟି ମେସାଲି ଆଡ଼ିତେସି □

୮ ତାନି ପାଡ଼ିତାରି, ଅଡ଼େ ଏମିନିଗାଗାରି ଏଝାଣାଇଁ ନବେଏ ରାସ୍ପି ମାଗାଣି ମେସାମାଗେରି, ଏଝାରି ୱେଚେରି, “ଇଝାସି ଏନାଆଁ କୁଗାନା ରାସ୍ପି ମାଗେସି ଏଝାସି ଆଏକି ?”

୯ ଏଚରଜାଣା ଏଲେଇଚେରି, “ଇଝାସିଏ ଏଝାସି;” ଅଡ଼େ ଏଚରଜାଣା ଏଲେଇଚେରି, “ଆଏ, ଏଝାଣିଲେହେଁ ତାସି □” ଏଝାସି ଏଲେଇଚେସି, “ନାନୁଏ ଏଝାତେସ୍ □”

୧୦ ଲକୁ ଏଝାଣାଇଁ ୱେଚେରି, “ଆଡିହୁଁ, ନାନୁ ନୀଏଁ ଏନିକିଁ ମେସାଲି ଆଡ଼ିମାଞ୍ଜି ?”

୧୧ ଏଝାସି ଏଲେଇଚେସି, “ଆମ୍ବାଆରାଇଁ ଜୀସୁ ଇନେରି, ଏଝାସି ଇରୁଆତି କାଦ କିହାନା ନା କାଣକାଣାଁ ରୁବାତେସି ଅଡ଼େ ସିଲହତା ହାଜାହାଁ ମୁମ୍ ନୁରହା କତାମୁ ଏଲେଇଞ୍ଜାତେସି; ଏଚେଟିଏ ନାନୁ ହାଜାନା ମୁମ୍ ନୁରହାଲିଏ ମେସାଲି ଆଡ଼ିତେସ୍ □”

୧୨ “ଏଝାସି ଆମ୍ବିୟା ?” ଇଞ୍ଜୁ ଏଝାଣାଇଁ ୱେଚେରି, ଏଝାସି ଏଲେଇଚେସି, “ନାନୁ, ପୁଞ୍ଜାହିଲଅଁ □”

ପାରୁସିୟାଁ ଇ କାମାତି ତାୟିପାରି କିନାୟି

୧୩ ଆମ୍ବାଆସି ନବେଏ କାଣା ମାଗେସି, ଏଝାଣାଇଁ ପାରୁସିୟାଁ ତାଣା ତାତେରି □

୧୪ ଜୀସୁ ଏମିନି ଦିନା କାଦ କିହାନା ତାନି କାଣକା ନେହୁଁ କିହାମାଗେସି, ଏ ଦିନା ଜମିନି ଦିନା ମାଗେ □

୧୫ ପାରୁସିୟାଁ ଏଝାଣାଇଁ ୱେଚେରି, ଏନିକିଁ ଏଝାସି ମେସାଲି ଆଡ଼ିତେସି ? ଏଝାସି ଏଲେଇଚେସି, “ନା କାଣକାଣାଁ ଏଝାସି ଇଚାଣି କାଦ ରୁବାତେସି, ନାନୁ ହାଜାନା ମୁମ୍ ନୁରହାନା ଖାଡ଼ତେସ୍ ଅଡ଼େ ମେସାଲି ଆଡ଼ିମାଇଁ □”

୧୬ ପାରୁସିୟାଁ ତାନି ବିଡ୍ରାଟି ଏଚରଜାଣା ଏଲେଇଚେରି, “ଏଝାସି ମାହାପୁରୁ ତାଣାଟି ଖାହାହିଲଅସି, ଇଚିହୁଁ ଏଝାସି ଜମିନି ଦିନାତି ମାନୁଝି ଆହିହିଲଅସି □” ଅଡ଼େ ଏଚରଜାଣା ଏଲେଇଚେରି, “ପାପୁ ଲକୁ ଆହାନା ଇଲେତି କାବାଆନି କାମା ଏନିକିଁ କିହାଲି ଆଡ଼ିନେସି ?” ଇଲେଆହୁଁ ଏଝାରି ତାନି ବିଡ୍ରା ବାଗା ଆଡ଼େ ?

୧୭ ପାରୁସିୟାଁ ଅଡ଼େ ୱେଣ୍ଡେ ଏ କାଣାଇଁ ୱେଚେରି, “ଏଝାସି ନୀ କାଣକା ନେହୁଁ କିୟାତେସି, ଏଝାଣି କାତା ନାନୁ ଏନାଆଁ ଇଞ୍ଜିମାଞ୍ଜି ?” ଏଝାସି ଏଲେଇଚେସି “ଏଝାସି ର ମାହାପୁରୁ ଅଣ୍ଡପୁତି ବଲୁ ୱେହ୍ନାସି □”

୧୮ ଏଝାସି ଜାର୍ନାଟିଏ କାଣା ମାଗେସି ଅଡ଼େ ନୀଏଁ, ଇ ହାଡ଼ା ତାନି ଇୟା ଆବାତି ୱେନାଆ ପାତେକା, ଜୀହୁଦିୟାଁ ନାମାଆତେରି □

୧୯ ଏଝାରି ତାନି ଇୟା ଆବାତି ୱେଚେରି, “ମୀ ଆମିନି ମୀରୁଏସି କାଣା ଆହାନା ଜାର୍ନା ଆହାମାଗେସି ଇଞ୍ଜୁ ଏଲେଇଶ୍ଚିତେରି ଇଝାସି ଏନାଆଁ ଏ ମୀ ମୀରୁଏସି ? ଆଡିହୁଁ ଏଝାସି ନୀଏଁ ଏନିକିଁ ମେସାଲି ଆଡ଼ିମାନେସି ?”

* ୯:୫ ୯:୫ ମାତି ୫:୧୪; ଜହ ୮:୧୨ * ୯:୭ ୯:୭ ସିଲହ ଇଚିସାରେ ପାଣ୍ଡୁଝି ଆହାମାନାୟି

୨୦ ଏମ୍ବାରିଏ ତାନି ଇୟା ଆବା ଏଲେଇଚୁ, “ହାଅ, ଏଝାସି ମା ମୀରୁଏସି, ଏଝାସି କାଣା ଆହାନା ଜାର୍ନି ଆହାମାରେସି ଏଦାଆଁ ମାମ୍ବୁ ପୁଞ୍ଜାମାନସି;

୨୧ ସାମା ଏଝାସି ନୀର୍ବି ଏନିକ୍ ମେସାଲି ଆଡ଼ିମାନେସି, ଏଦାଆଁ ମାମ୍ବୁ ପୁଞ୍ଜାହିଲଅନି, ଅଡ଼େ ଆମ୍ବାଆସି ଏଝାଣାଇଁ ମେସ୍ପି କିହାମାନେସି, ମାମ୍ବୁ ଏଦାଆଁ ଜିକେଏ ପୁଞ୍ଜାହିଲଅନି; ଏଝାଣାଇଁ ଝେଞ୍ଜୁ, ଏଝାସି କାଜାସି ଆଡ଼େସିଏ, ଏଝାସି ତାନି କାତା ତାନୁଏ ଝେସାଲି ଆଡ଼ିନେସି □”

୨୨ ଏଝାଣି ତାନି ଇୟା ଆବା ଜାହୁଦି ଲକ୍ଷୁତି କାଜାରାଇଁ ଆଜିମାତାକି ଛ ବାରେ କାତା ଝେସ୍ପୁ, ଏଦାଆଁତାକି ଇଚିହ୍ ଆମ୍ବାଆସି ଜାମ୍ବୁଇଁ କ୍ରୀସ୍ ଇଞ୍ଜି ଇନେସି, ଏଝାଣାଇଁ ଜାହୁଦି ଲକ୍ଷୁତି କୁଟନି ଇଲୁଟିଠି ପେର୍ଝି ଆନେ ଇଞ୍ଜି ଜାହୁଦି ଲକ୍ଷୁ ଏ ନକେଏ କାତା ଆହାମାରେସି □

୨୩ ଏଦାଆଁତାକି ତାନି ଇୟା ଆବା ଏଲେଇଚୁ, “ଏଝାସି କାଜାସି ଆଡ଼େସିଏ, ଏଝାଣାଇଁ ଝେଞ୍ଜୁ □”

୨୪ ପାପୁସିୟାଁ ଏ ଜାର୍ନାଟିଏ କାଣାଇଁ ଅଡ଼େ ଝେଣ୍ଡେ ହାଟାନା ଏଲେଇଚେରି, “ମାହାପୁରୁଇଁ ଗାଝୁରିନି କିହାନା ଏଲେଇନାମ୍, ଆମ୍ବାଆସି ନିଙ୍ଗେ ନେହ୍ କିହାମାଞ୍ଜାନେସି, ଏଝାସି ର ପାପୁ ଗାଟାସି ଛ କାତା ମାମ୍ବୁ ପୁଞ୍ଜାମାନସି □”

୨୫ ଏଝାସି ଏଲେଇଚେସି, “ଏଝାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଇଁ; ନାନୁ କାଣା ମାଚେର୍, ନୀର୍ବି ମେସାଲି ଆଡ଼ିମାଇଁ □”

୨୬ ଏଝାରି ଏଝାଣାଇଁ ଏଲେଇଚେରି, “ଏଝାସି ନିଙ୍ଗେ ଏଦାଆଁ କିୟାତେସି ? ଏନିକ୍ ଏଝାସି ନୀ କାଣକା ଦେପି କିୟାତେସି ?”

୨୭ ଏଝାସି ଏଲେଇଚେସି, “ନକେଏ ଝେସା ରାହାମାଞ୍ଜାଇଁ, ଅଡ଼େ ମୀରୁ ଝେନାଆଡେରି; ଅଡ଼େ ଝେଣ୍ଡେ ଏଦାଆଁତାକି ଝେଞ୍ଜାଲି ଅଣ୍ଡିମାଞ୍ଜେରି ? ମୀରୁ ଜିକେଏ ଏଦାଆଁ ତାନି ସୀସୁ ଆହାଲି ଅଣ୍ଡିମାଞ୍ଜେରି □”

୨୮ ଏଝାରି ଏଝାଣାଇଁ ଲାଟାନା ଏଲେଇଚେରି, “ନୀରୁ ତାନି ସୀସୁତି, ସାମା ମାମ୍ବୁ ମସାତି ସୀସୁୟାଁତନି □

୨୯ ମାମ୍ବୁ ପୁଞ୍ଜାମାନସି, ମାହାପୁରୁ ମସାଇଁ କାତା ଆହାମାରେସି, ସାମା ଛ ମାଣ୍ଡି ଆମ୍ବିତି ଝାହାମାନେସି, ଏଦାଆଁ ମାମ୍ବୁ ପୁଞ୍ଜାହିଲଅନି □”

୩୦ ଏଝାସି ଏଝାଣାଇଁ ଏଲେଇଚେସି, “ଇଦି ରଣ୍ଡି କାବାଆନି କାତା ଏଝାସି ଏମ୍ବିତି ଝାହାମାନେସି, ମୀରୁ ପୁଞ୍ଜାହିଲଅଡେରି, ସାମା ଏଝାସି ନାଙ୍ଗେ କାଣକା ଦେପି କିୟାତେସି □

୩୧ ମାମ୍ବୁ ପୁଞ୍ଜାମାନସି, ମାହାପୁରୁ ପାପୁଗାଟି ଲକ୍ଷୁତି ହାଡ଼ା ଝେନଅସି, ଆମିନି ଗାଟାରି ମାହାପୁରୁଇଁ ମାନି କିନେରି ଅଡ଼େ ତାନି ଅଣ୍ଡୁ ତଲେ କାମା କିନେରି, ଏଝାରି ହାଡ଼ାତି ଏଝାସି ଝେନେସି □

୩୨ ତଲି କାଲାଟିଏ ଆମ୍ବାଆସି ଜାର୍ନା କାଣାଇଁ ମେସ୍ପିକିତି କାତା ଏଚେଲା ଝେଣ୍ଡି ଆହାହିଲାଆଡେ □

୩୩ ଇଝାସି ମାହାପୁରୁ ତାଣାଟି ଝାହା ହିଲାଆଡ଼େ, ଏଦାଆଁ କିହାଲି ଆଡ଼ାଆଡେସିମା □”

୩୪ ଏଝାରି ଏଝାଣାଇଁ ଏଲେଇଚେରି, “ପାପୁ ତଲେ ନୀରୁ ଜାର୍ନା ଆହାନା ପାପୁ ତଲେ ପାତାଆଡ଼ି, ନୀରୁ ମାଙ୍ଗେ ଜାପୁହି ମାଞ୍ଜାଦି ?” ଏଦାଆଁତାକି ଏଝାରି ଏଝାଣାଇଁ ଜାହୁଦି ଲକ୍ଷୁତି କୁଟନି ଇଲୁଟିଠି ପେର୍ଝାଡ଼ୁସେରି □

ପୁତୁଗାଟି ମାଣକି ମେହ୍‌ଆ ଗାଟାସି

୩୫ ଏଝାରି ଏଝାଣାଇଁ ପେର୍ଝା ମାନେରି, ଇଞ୍ଜା ଜୀସୁ ଛ କାତା ଝେଞ୍ଜାନା, ଏଝାଣାଇଁ ମେସାନା ଏଲେଇଚେସି, “ନୀରୁ ଏଦାଆଁ ମାଣ୍ଡି ମୀରୁଏଣି ତାଣା ନାନିମାଞ୍ଜି ?”

୩୬ ଏଝାସି ଏଝାଣାଇଁ ଏଲେଇଚେସି, “ପ୍ରୁ, ଝେସ୍ତାମ୍ବୁ ଏଝାସି ଆମ୍ବାଆସି, ଆଡ଼ିହ୍ ନାନୁ ଏଝାଣାଇଁ ନାନିଇଁ □”

୩୭ ଜୀସୁ ଏଝାଣାଇଁ ଏଲେଇଚେସି, “ନୀରୁ ଏଝାଣାଇଁ ମେସାମାଞ୍ଜି, ନୀ ତଲେ ଆମ୍ବାଆସି ନୀର୍ବି କାତା ଆହିମାନେସି, ଏଝାସିଏ □”

୩୮ ଏମ୍ବାରିଏ ଏଝାସି ଏଲେଇଚେସି, “ନୀରୁ ନାନିମାଇଁ, ପ୍ରୁ!” ଇଞ୍ଜା ଜୀସୁ ନକିତା ମେଣ୍ଡାକୁତାନା ଜହରା କିତେସି □

୩୯ ଜୀସୁ ଏଲେଇଚେସି, “ମେହ୍‌ଆଗାଟି ଲକ୍ଷୁ ଏନିକ୍ ମେହ୍‌ନେରି ଇଞ୍ଜା ମେହ୍‌ନି ଲକ୍ଷୁ ଏନିକ୍ କାଣା ଆନେରି, ଛ ବିଚାରା କିହାଲି ନାନୁ ଦାର୍ଡିତା ଝାହାମାଇଁ □”

† ୯:୨୨ ୯:୨୨ ସିନଗର ‡ ୯:୩୪ ୯:୩୪ ସିନଗର

୪୦ ଏମ୍ବାଆଁ ମାଟି ଏଚରଜାଣା ପାରୁସିୟାଁ ଛ କାତା ଝେଞ୍ଜାନା, ଏଝାଣାଛ ଏଲେଇଚେରି, “ମାମ୍ବୁ ଜିକେଏ ଏନାଆଁ କାଣ୍ଡାୟାତମି ?”

୪୧ ଜାସୁ ଏଝାରାଇଁ ଏଲେଇଚେସି, “କାଣ୍ଡାୟାଁ ଆହାମାଟିହୁଁ ମୀରୁ ଦହୁ ହିଲ୍ଲାଆଗାଟାଚେରି ଆଡ଼େଚରିମା, ସାମା ମେସାଲି ଆଡ଼ିମାନମି ଇଞ୍ଜିମାନାକି ମୀରୁ ହାଚେକା ପାପୁତା ମାଞ୍ଜେରି □”

୧୦

ମେଣ୍ଡାୟାଁ ଅଡ଼େ ଗଡ଼ୁ

୧ ଜାସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ଦାରା ଝାକିଟି ମେଣ୍ଡାୟାଁ ମାମାତା ହଡ଼ଅସି, ସାମା ଅର ଝାକିଟି ଡେଝାଁନା ହଡ଼ନେସି, ଏଝାସି ସରୁ ଇଞ୍ଜା ତଂଗେଏସି;

୨ ସାମା ଆମ୍ବାଆସି ଦାରା ଝାକିଟି ହଡ଼ନେସି, ଏଝାସି ମେଣ୍ଡା ଗଡ଼ୁ □

୩ ଦାରାତା କାଞ୍ଚିଆନାସି ଏଝାଣାକି ଦାରା ଦେଚା ହୀନେସି, ଅଡ଼େ, ଏଝାସି ତାନି ମେଣ୍ଡାୟାଁଆଁ ଦରୁ ଆସାନା ହାଚିନେସି, ଏଝି ତାନି ହାଚିନାଣି ଝେନୁ ଅଡ଼େ ଏଝାସି ଏ ମାମାତି ପାଙ୍ଗାତା ଜିରୁ ନକି କିହାନା ଅନେସି □

୪ ମେଣ୍ଡାୟାଁଣି ପାଙ୍ଗାତା ଅନାଟି ମେଣ୍ଡାୟାଁ ଗଡ଼ୁ ନକି ନକିତା ତାକିନେସି, ଅଡ଼େ ମେଣ୍ଡାୟାଁ ତାନି ଜେଚ ଜେଚ ତାକିନୁ, ଇଚିହୁଁ ଏଝି ଏଝାଣି ଗିୟାଁ ତେଲ୍ଲହାଉ □

୫ ସାମା ଏଝି ପୁନାଆତି ଲକୁ ଜେଚ ଏଚେଲ୍ଲା ଜିକେଏ ତାକାର, ସାମା ଏଝାଣି ଦାରି ଦାରିଟି ହଚାତୁହୁନ୍, ଇଚିହୁଁ ଏଝି ପୁନାଆତାରି ଗିୟାଁ ତେଲ୍ଲହିନ୍ନୁ □”

୬ ଜାସୁ ଏଝାରାଇଁ ଛ ପୁଣ୍ଡିକିନି କାତା ଝେସାନା ଏଲେଇଚେସି, ସାମା ଏଝାସି ଏନା ଏନାଆଁ ଝେସିମାଚେସି, ଏ ବାରେ ଏନାୟି ଇଞ୍ଜୁଁ ଏଝାରି ପୁନାଆଚେରି □

ଜାସୁ ନେହୁଁ ମେଣ୍ଡାୟାଁ ଗଡ଼ୁ

୭ ଜାସୁ ଅଡ଼େ ଝେଣ୍ଡେ ଏଲେଇଚେସି, “ସାତା ସାତା ନାନୁ ମିଙ୍ଗେ ଝେସିମାଞ୍ଜାଇଁ, ନାନୁ ମେଣ୍ଡାୟାଁ ଦୁଝେରିଚେସି □

୮ ଏଚରଜାଣା ନା ନକେଏ ଝାହାମାନେରି, ଏଝାରି ବାରେ ସର୍କା ଅଡ଼େ ତଂଗାୟାଁ, ସାମା ମେଣ୍ଡାୟାଁ ଏଝାରି କାତା ଝେନାଆତୁ □

୯ ନାନୁ ଆହିମାଇଁ ଦାରା □ ଆମ୍ବାଆସି ନା ତାଣାଟି ହଡ଼ନେସି, ଏଝାସି ଗେଲ୍ଲପି ଆନେସି ଇଞ୍ଜା ବିତ୍ତା ଝାହାନା ଅଡ଼େ ପାଙ୍ଗାତା ହାଜାନା ହାରା ବେଟାଆନେସି □

୧୦ ସରୁ ଝାଉଇ ସରୁ କିହାଲି, ମାୟାଲି ଅଡ଼େ ନାସା କିହାଲି ଝାନେସି; ଏଝାରି ଏନିକ୍ ଜାସୁ ବେଟାଆନେରି ଅଡ଼େ ହାଚେକା ବେଟାଆନେରି ଏଦାଆଁତାକି ନାନୁ ଝାହାମାଇଁ □”

୧୧ “ନାନୁ ନେହୁଁ ମେଣ୍ଡାୟାଁ ଗଡ଼ୁଚୁତସି; ନେହୁଁ ମେଣ୍ଡାୟାଁ ଗଡ଼ୁ ଚୁମେଣ୍ଡାୟାଁ ତାକି ତାନି ଜାସୁ ହୀନେସି □

୧୨ ଆମ୍ବାଆସି ମେଣ୍ଡାୟାଁ ଗଡ଼ୁ ଆଏ, ଗତି ଦାଂଗଣେଏସି, ଜାହାରା ମେଣ୍ଡାୟାଁ ହିଲ୍ଲାଉ ଏଝାସି କ୍ଲୁଝନି ଝାନ୍ଦାଣି ମେସାନା ମେଣ୍ଡାୟାଁ ପିସା ହଣ୍ଡେସି ଅଡ଼େ କ୍ଲୁଝନି ଝାହାନା ଏ ବାରେଟି ସିନାସାତ୍ରା କିନେ,

୧୩ ଇଚିହୁଁ ଏଝାସି ଗତି ଦାଂଗଣେଏସି, ଇଞ୍ଜା ମେଣ୍ଡାୟାଁକି ଅଣ୍ଡାପୁ ହିଲେଏ,

୧୪ ନାନୁ ନେହୁଁ ମେଣ୍ଡାୟାଁ ଗଡ଼ୁ □ ଆବା ଏନିକ୍ ନାଙ୍ଗେ ପୁଞ୍ଜାମାଞ୍ଜାନେସି ଅଡ଼େ ନାନୁ ଆବାଇଁ ପୁଞ୍ଜାମାଇଁ,

୧୫ ଏନିକ୍ ଆବା ନାଙ୍ଗେ ପୁଞ୍ଜାମାଞ୍ଜାନେସି, ଅଡ଼େ ନାନୁ ଆବାଇଁ ପୁଞ୍ଜାମାଇଁ, ଏଲେକିହୁଁ ଏ ନାନୁ ନା ମେଣ୍ଡାୟାଁଇଁ ପୁଇଁ, ଅଡ଼େ ନା ମେଣ୍ଡାୟାଁ ଜିକେଏ ନାଙ୍ଗେ ପୁଞ୍ଜାନୁ, ଅଡ଼େ ମେଣ୍ଡାୟାଁ ତାକି ନାନୁ ନା ଜାସୁ ହୀଇଁ □

୧୬ ଏମିନି ମେଣ୍ଡାୟାଁ ଛ ମାମାତାଇ ଆଏ, ନା ଇଲେଟି ମେଣ୍ଡାୟାଁ ମାନୁ, ଏଝାଆଁ ଜିକେଏ ନାଙ୍ଗେ ତାନାୟି ଆନେ, ଅଡ଼େ ଏଝି ନା ହାତା ତେଲ୍ଲହିନ୍ନୁ; ଏମ୍ବାଟିଏ ରଣ୍ଡିଏ ମାମା ଅଡ଼େ ରଣ୍ଡିଏ ଗଡ଼ୁ ଆନେସି □”

୧୭ “ନାନୁ ନା ଜାସୁ ହୀନାକି ଆବା ନାଙ୍ଗେ ଜାସୁ ନୟାଁନେସି, ଅଡ଼େ ନାନୁ ନା ଜାସୁ ଝେଣ୍ଡେ ଅହାକତାଲି ନାନୁ ଏଦାଆଁ ହୀଇଁ □

☆ ୧୦:୧୪ ୧୦:୧୪ ମାଟି ୧୧:୨୭; ଲୁକ ୧୦:୨୨

୧୮ ନା ଜୀବୁ ଏଟକାତାରି ଆମ୍ବାଆରି ଅହାଲି ଆଡ଼ଅରି, ଏଦାଆଁ ନାନୁ ନା ଅଣପୁ ତଲେ ହାଲି, ନା ଜୀବୁ ହାହାଲିତାକି ଅଡ଼େ ଏଦାଆଁ ଖେଣ୍ଡେ ଅହାକତାଲି ତାକି ନା ଅଦିକାରା ମାନେ □ ଇଦାଆଁ କିହାଲି ଆବା ମାହାପୁରୁ ନାଜେ ହୁକୁମି ହାହାମାଞ୍ଜାନେସି □”

୧୯ ଜୀସୁତି ଈ ବାରେ କାତାତାକି ଜୀହୁଦି ଲକୁତାଣା ଗଡ଼ହା ହଡ଼େ □

୨୦ ଏଞ୍ଜାରି ବିଦ୍ରାଟି ଏଚରଜାଣା ଏଲେଇଚେରି, “ଏଞ୍ଜାଣାଇଁ ବୁଡୁ ଆଲ୍‌ଗାମାନେ, ଏଞ୍ଜାସି ବାୟା ଆହାମାନେସି, ଏନାଆଁତାକି ଏଞ୍ଜାଣି କାତା ଖେଞ୍ଜିମାଞ୍ଜେରି ?”

୨୧ ଏଟକାତାରି ଏଲେଇଚେରି, “ଈ ବାରେ କାତା ବୁଡୁ ଆଲ୍‌ଗାମାନାରି କାତା ଆଏ; ବୁଡୁ ଏନାଆଁ କାଣାତି କାଣ୍‌କା ମେସପି କିହାଲି ଆଡ଼ିନେ □”

ଜୀସୁଇଁ ଅପାଆଗାଗାସି

୨୨ ଏଚିବେଲ୍‌ଲା ଜିରୁସାଲମତା ମାହାପୁରୁ ଇଲୁତି ମାହାପୁରୁ ଦରୁଚି ହେରପିନି ପାର୍ବୁ ଆଡେ; ଏଦି ପେନିବେଲ୍‌ଲା ମାଡେ,

୨୩ ଜୀସୁ ମାହାପୁରୁ ଇଲୁତି ସଲମନ ପିଣ୍ଡାତା ରେଜିମାଡେସି □

୨୪ ଏମ୍ବାଟିଏ ଜୀହୁଦି ଲକୁ ସାରିଞ୍ଜାକି ମୁଚାନା ଖେଞ୍ଜାଲି ମାଟୁହେରି, “ଏଚରଦିନା ପାଡେକା ମା ମନତା ଆନାମାନା କିୟାଦି ? ନାନୁ ଜୀସୁତି ଇଚିହଁ ମାଜେ ନେହଁକଁ ଖେସ୍ତାମୁ □”

୨୫ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଜେ ଖେସାମାଞ୍ଜାଇଁ, ସାମା ମାରୁ ନାମିହିଲଅଡେରି; ନା ଆବା ଦରୁଚି ନାନୁ ଏମିନି ବାରେ କାମା କିହମାଇଁ, ଏ ବାରେ ନା ଞ୍ଜାକିତି ସାକି ହାହିମାନେ;

୨୬ ଆଡ଼ିଜିକେଏ ମାରୁ ନାମିହିଲଅଡେରି, ଇଚିହଁ ମାରୁ ନା ମେଣ୍ଡାୟାଁଡେରି ଆଏ □

୨୭ ନା ମେଣ୍ଡାୟାଁ ନା ହାଡ଼ା ଖେନୁ ଅଡ଼େ ନାନୁ ଏଞ୍ଜାଆଁ ପୁଇଁ, ଅଡ଼େ ଏଞ୍ଜି ନା ଜେଚ ଜେଚ ତାକିନୁ,

୨୮ ଅଡ଼େ ନାନୁ ଏଞ୍ଜାସିକାକି କାଲ୍‌କାଲ୍‌କାତି ଜୀବୁ ହାଲି, ଅଡ଼େ ଏଞ୍ଜି ଏଚେଲ୍‌ଲା ଜିକେଏ ନାସା ଆଡ଼, ଆମ୍ବାଆସି ନା କେୟୁଚି ଏଞ୍ଜାଆଁ ମାଞ୍ଜା ଅୟଅସି □

୨୯ ନା ଆବା ନାଜେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଗାସି, * ଇଞ୍ଜା ଆବା ତାଣାତି ଆମ୍ବାଆସି ମାଞ୍ଜାଲି ଆଡ଼ଅସି □

୩୦ ଆବା ଅଡ଼େ ନାନୁ ରଅଚମିଏ □”

୩୧ ଜୀହୁଦି ଲକୁ ଏଞ୍ଜାଣାଇଁ ଖେଚାଲି ଅଡ଼େ ଖେଣ୍ଡେ ଖାଲ୍‌କା ତାଚିହଁ ଖାଡ଼େରି □

୩୨ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଆବା ତାଣାତି ହାଚେକା ନେହଁ କାମାୟାଁ ମିଜେ ତସାମାଞ୍ଜାଇଁ; ଏ ବାରେ କାମାୟାଁ ବିଦ୍ରାଟି ଏମିନି କାମାତାକି ନାଜେ ଖାଲ୍‌କା ଖେଚି ମାଞ୍ଜାଦେରି ?”

୩୩ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନେହଁ କାମାତାକି ନିଜେ ଖାଲ୍‌କା ଖେଚିମାଞ୍ଜଅମି, ସାମା ମାହାପୁରୁ ନିନ୍ଦା କିହିମାନାକି, ନାନୁ ମାଣ୍‌ସି ଆହାନା ମାହାପୁରୁଡେଏଁ ଇଞ୍ଜିମାନାକି □”

୩୪ ଜୀସୁ ଏଞ୍ଜାରାଇଁ ଏଲେଇଚେସି, “ମା ମସା ମେରାତା ରାସକି ଆହାହିଲେଏ, ନାନୁ ଏଲେଇଞ୍ଜାଡେଏଁ ‘ମାରୁ ମାହାପୁରୁୟାଁଡେରି □’

୩୫ ଆମ୍ବାଆରି ତାଣା ମାହାପୁରୁଚି ବଲୁ ତଞ୍ଜାଆଡ଼େ, ଏଞ୍ଜାରି ମାହାପୁରୁୟାଁ ଇଚିହଁ ଦାର୍ମୁ ସାପ୍ତେରି ଉଜେଏ କିହାଲି ଆଡ଼ଅସି,

୩୬ ଆବା ମାହାପୁରୁ ନାଜେ ସୁଦୁ କିହାନା ଦାର୍‌ତତା ପାଣ୍ଡାମାଞ୍ଜାନେସି □ ଇଞ୍ଜା ନାନୁ ନାଜେ ମାହାପୁରୁ ମାର୍‌ଏଣାଡେଏଁ ଇଞ୍ଜିମାନାକି ମାହାପୁରୁ ନିନ୍ଦା କିହିମାଞ୍ଜି ଇଞ୍ଜିଁ ଏନିକଁ ଏଲେଇଞ୍ଜି ମାଞ୍ଜାଦେରି ?

୩୭ ନାନୁ ନା ଆବାତି ବାରେ କାମା କିହା ହିଲାଆଡିହଁ ନାଜେ ନାମାଆଦୁ;

୩୮ ସାମା ନାନୁ କିହିମାଇଁ, ଆଡିହଁ ମାରୁ ନାଜେ ନାମି ମାଞ୍ଜଅଡେରି, ଆଡ଼ିଜିକେଏ ଆବା ନା ତାଣା ମାନେସି ଅଡ଼େ ନାନୁ ଆବା ତାଣା ମାଇଁ, ଇଦାଆଁ ମାରୁ ଏନିକଁ ପୁଞ୍ଜେରି ଅଡ଼େ ଡେଲ୍‌ହିଦେରି, ଇଦାଆଁତାକି ବାରେ କାମାତି ନାମାଦୁ □”

୩୯ ଏମ୍ବାଟିଏ ଏଞ୍ଜାରି ଜୀସୁଇଁ ଆସାଲି ଅଣ୍‌ପିଡେରି, ସାମା ଏଞ୍ଜାସି ଏଞ୍ଜାରି କେୟୁତା ହେରପି ଆଆନା ଏମ୍ବାଟି ହଡ଼ାହାଡେସି □

* ୧୦:୨୯ ୧୦:୨୯ ଆବା ନାଜେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଗାସି, ଇଦାଣି ଅର୍ଥ ଅମିନି ଆବା ନାଜେ ଈ ଲକୁଇଁ ହାହାମାଞ୍ଜାନେସି, ଏଞ୍ଜାସି ଏଞ୍ଜାରି କିହାଁ କାଜାସି □

୪୦ *ଏମ୍ବାଟି ଏଝାସି ଅଡ଼େ ଝେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏନିନି ଚାୟୁତା ବାପ୍ତିସ୍ମା ହାହିମାଚେସି, ଏ ଚାୟୁତା ଝାହାନା ଡ଼ୟିତେସି □

୪୧ ଅଡ଼େ ହାରେକା ଲକୁ ଏଝାଣି ତାଣା ଝାହାନା ଏଲେଇଚେରି, “ଜହନ ଏନି କାବାଆନି କାମା କିଆଚେସି, ସାମା ଈ ମାଣସି କାତା ଜହନ ଏନା ଏନାଆଁ ଝେସାମାଚେସି, ଏ ବାରେ ସାତା □”

୪୨ ଏମ୍ବାଆଁ ହାରେକା ଲକୁ ଏଝାଣି ତାଣା ନାମିତେରି □

୧୧

ଲାଜର ହାନାୟି

୧ *ବେତନିୟାତି ଲାଜର ଦରୁଗାଚାସି ରଅସି ନଫେରି ଆହାମାଚେସି; ତାମି ତାଜିସ୍ମା ମରିୟମ ଅଡ଼େ ମାର୍ତା ଏ ନାୟୁତା ଡ଼ୟିମାରୁ □

୨ *ଏନିନି ଇୟା ପ୍ରବୁକ୍ ନିୟୁଁ ଝାକହାନା ତାନି ତାୟୁଁ ରାଣାୟାଁ ତଲେ ଏଝାଣି ପାଞ୍ଚଆନାୟାଁ ଜେଜା ମାଚେ, ଇଦି ଏ ମରିୟମ; ତାମି ତାୟି ଲାଜର ନଫେରି ଆହାମାଚେସି □

୩ ଏଦାଆଁତାକି ଏ ତାଜିସ୍ମା ଜୀସୁ ତାଣା କାବୁ ପାଣ୍ଡିତୁ, “ପ୍ରବୁ, ନୀନୁ ଆମ୍ବାଆରାଇଁ ଜୀସୁ ନହୁଁ ମାଞ୍ଜି ଏଝାସି ନଫେରି ଆହାମାଚେସି □”

୪ ସାମା ଜୀସୁ ଈ କାତା ଝେଞ୍ଜାନା ଏଲେଇଚେସି, “ଇ ନଫେରି ହାହାଲି ତାକି ଆଏ, ସାମା ମାହାପୁରୁତି ଗାଝୁରମି ତାକି, ଏନିକଁ ଏମ୍ବାଟି ମାହାପୁରୁତି ମାରଏସି ଗାଝୁରମି ବେଟା ଆନେସି □”

୫ ଜୀସୁ ମାର୍ତା, ତାନି ତାଜି ମରିୟମାଇଁ ଅଡ଼େ ଲାଜରଇଁ ଜୀସୁ ନହୁଁ ମାଚେସି □

୬ ଏଡ଼େତା ଏଝାସି ନଫେରି ଆହାମାଚେସି ଇଞ୍ଜୁଁ ଝେଚେସି, ଏଡ଼େତା ଏଝାସି ଏନିନିତାଣା ମାଚେସି, ଏ ଚାୟୁତା ରୀ ଦିନା ଡ଼ୟିତେସି □

୭ ଏବେଟିଏ ଏଝାସି ସୀସୁୟାଁଇଁ ଏଲେଇଚେସି, “ଜୀବୁ ମାରୁ ଝେଣ୍ଡେ ଜୀହୁଦା ରାଜିତା ହାନ □”

୮ ସୀସୁୟାଁ ଏଝାଣାଇଁ ଏଲେଇଚେରି, “ଏ ଗୁରୁ ଜୀହୁଦିୟାଁ ନୀଏଁ ନିଜେ ଝାଲକାତଲେ ଝେଚାଲି ଅଣ୍ଡି ପାଞ୍ଜାଚେରି, ଅଡ଼େ ଝେଣ୍ଡେ ନୀନୁ ଏମ୍ବାଆଁ ହାଜିମାଞ୍ଜି ?”

୯ ଜୀସୁ ଏଲେଇଚେସି, “ଦିନାତାକି ବାର ଗଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି, ଇଚିହୁଁ ଏଝାସି ଦାରୁତି ଉଜେଡ଼ି;

୧୦ ସାମା ଲାଆଁୟାଁ ତାକିସାରେ ଏଝାସି ପୁଟିକିନେସି, ଇଚିହୁଁ ଏଝାଣି ହିୟାଁତା ଉଜେଡ଼ି ହିଲେଏ □”

୧୧ ଈ ବାରେ କାତା ଝେସ୍ତି ତାୟୁ ଏଝାଣାଇଁ ଅଡ଼େ ଏଲେଇଚେସି, “ମା ତଣେ ଲାଜର ଇଦା କିହାମାନେସି, ସାମା ଏଝାଣାଇଁ ଇଦାଟି ନିକହାଲି ନୀନୁ ହାଜିମାଇଁ □”

୧୨ ଏମ୍ବାଟିଏ ସୀସୁୟାଁ ଏଝାଣାଇଁ ଏଲେଇଚେରି, “ପ୍ରବୁ ଏଝାସି ତୁରାନା ଇଦା କିହାମାଚିହୁଁ ନେହୁଁ ଆନେସି □”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇଚେସି, ସାମା ଏଝାଣି ଇଦା କିହାମାନି କାତା ଝେସ୍ତିଚେସି ଇଞ୍ଜୁଁ ଅଣ୍ଡିମାଚେରି □

୧୪ ଏରିବେଲା ଜୀସୁ ତୀରେତଲେ ଏଲେଇଚେସି, “ଲାଜର ହାହାମାନେସି;

୧୫ ଅଡ଼େ ନୀନୁ ଏମ୍ବାଆଁ ହିଲାଆଚେସୁଁ, ଏଦାଆଁତାକି ମୀ ତାକି ରାହୁଁ କିହିମାଇଁ, ଏନିକଁ ମୀରୁ ନାମିଦେରି; ସାମା ଜୀବୁ ମାରୁ ଏଝାଣି ତାଣା ହାନ □”

୧୬ ଏମ୍ବାଟିଏ ତମା, ଆମ୍ବାଆରାଇଁ ଦିପୁମ ଇଞ୍ଜୁଁ ଇନେରି, ଏଝାସି ତାମି ତଣେ ସୀସୁୟାଁଇଁ ଏଲେଇଚେସି, “ଜୀବୁ, ମାରୁ ଜିକେଏ ହାଜାନା ଏଝାଣିତଲେ ହାନ □”

ଜୀସୁଏ ଝେଣ୍ଡେ ନିଜିନାସି ଅଡ଼େ ଜୀସୁ

୧୭ ଜୀସୁ ବେତନିୟାତା ଏଜାନା ଝେଚେସି, ଏଝାସି ସାରି ଦିନା ଆଡ଼େସି ମାହଣି ମାଣ୍ଡାତା ଇତାମାନେରି □

୧୮ ବେତନିୟାଁ ଜିରୁସାଲମତି ରୀ କିଲମିଚର ହେକ ମାଚେ,

୧୯ ଅଡ଼େ ଜୀହୁଦିୟାଁ ବିତ୍ରାଟି ହାରେକା ମାର୍ତା ଇଞ୍ଜାଁ ମରିୟମାଇଁ ତାମି ତାୟିତି ଦୁକୁ ତୁକହାଲି ଏମ୍ବାଆଁ ଝାହାମାଚେରି □

* ୧୦:୪୦ ୧୦:୪୦ ଜହ ୧:୨୮ † ୧୦:୪୦ ୧୦:୪୦ ମୁଞ୍ଜିନାୟି * ୧୧:୧ ୧୧:୧ ଲୁକ ୧୦:୩୮,୩୯ * ୧୧:୨ ୧୧:୨ ଜହ ୧୨:୩

୨୦ ଜୀସୁ ଖାହିମାନେସି ଇଞ୍ଜିଏରେତା ମାର୍ତ୍ତା ଖେରେ, ଏରେତା ମାର୍ତ୍ତା ଏଞ୍ଜାଣାଇଁ ବେଟାଆୟାଲି ହାରେ, ସାମା ମରିୟମ ଇଜ କୁଗାନା ତୁୟିତେ ।

୨୧ ମାର୍ତ୍ତା ଜୀସୁଇଁ ଏଲେଇରେ, “ପ୍ରବୁ ନୀନୁ ଇମ୍ପାଆଁ ମାଟିହୁଁମା, ନା ତାୟି ହାଆଡେସିମା,

୨୨ ସାମା ନୀନୁ ମାହାପୁରୁଇଁ ଏନାଆଁ ରାହୁଦି, ମାହାପୁରୁ ନିଙ୍ଗେ ଏଦାଆଁ ହିୟାନେସି, ଏଦାଆଁ ନୀଏଁ ଜିକେଏ ପୁଞ୍ଜାମାଇଁ ।”

୨୩ ଜୀସୁ ଏଦାନି ଏଲେଇରେସି, “ନୀ ତାୟି ଅଡେ ଖେଣ୍ଡେ ନିଙ୍ଗିନେସି ।”

୨୪ “ମାର୍ତ୍ତା ଜୀସୁଇଁ ଏଲେଇରେ, ଏଞ୍ଜାସି ତାୟୁ ଖେଣ୍ଡେ ନିଙ୍ଗିନି ଦିନାତା ନିଙ୍ଗିନେସି, ଇଦାଆଁ ନୀନୁ ପୁଞ୍ଜାମାଇଁ ।”

୨୫ ଜୀସୁ ଏଦାନି ଏଲେଇରେସି, “ନୀନୁ ଖେଣ୍ଡେ ନିଙ୍ଗିନାତେଏଁ ଅଡେ ଜୀସୁତେଏଁ; ଆମ୍ବାଆସି ନାଙ୍ଗେ ନାମାନେସି, ଏଞ୍ଜାସି ହାଡ଼ି ଜିକେଏ ନୀଡିନେସି,

୨୬ ଆମ୍ବାଆସି ନୀଡିନେସି ଅଡେ ନାମିନେସି, ଏଞ୍ଜାସି ଏରେଲା ଜିକେଏ ହାଅସି; ଇ କାତା ନାମିମାଞ୍ଜି ?”

୨୭ ମାର୍ତ୍ତା ଏଲେଇରେ, “ଏ ପ୍ରବୁ ଆମ୍ବାଆସି ଦାର୍ତ୍ତିତା ଖାନାୟି ମାରେ, ନୀନୁ ଏ କ୍ରୀସ୍ତ ମାହାପୁରୁ ମାର୍-ଏଣାତି, ଇ କାତା ନାମିମାଇଁ ।”

ଜୀସୁ ତ୍ପାତେସି

୨୮ ଇ କାତା ଖେସାନା ମାର୍ତ୍ତା ହାଜାନା ତାମି ତାଙ୍ଗି ମରିୟମଇଁ ଏଟକା ହାଟାନା ଏଲେଇରେ, “ଗୁରୁ ଖାଡେସିଏ ନିଙ୍ଗେ ପାରିମାଞ୍ଜାନେସି ।”

୨୯ ମରିୟମ ଇ କାତା ଖେଞ୍ଜାନା ଦାପେ ନିଙ୍ଗାନା ଏଞ୍ଜାଣି ତାଣା ହାରେ ।

୩୦ ଏରିବେଲା ଜୀସୁ ନାୟୁଁ ବିତ୍ତା ଖାହାହିଲାଆଡେସି, ସାମା ମାର୍ତ୍ତା ଏଞ୍ଜାଣାଇଁ ଏମିନି ଟାୟୁତା ବେଟାଆହାମାରେ, ଏଡେପାତେକା ଏ ଟାୟୁତେଏ ମାରେସି ।

୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା ଦୁକୁ ତୁକ୍ ହିମାରେରି, ଏଞ୍ଜାରି ମରିୟମ ଦାପେ ନିଙ୍ଗାନା ପାଙ୍ଗାତା ହାଟାଣି ମେସାନା, ଏଡି ମାହୁଣି ମାଣ୍ଡାତା ତାହାଲି ହାଜିମାନେ, ଇ କାତା ଅଣ୍ପାୟାନା ଏଦାନି ଜେଟ ଜେଟ ହାରେରି ।

୩୨ ଏମ୍ବାଟିଏ ଜୀସୁ ଏମିନି ଟାୟୁତା ମାରେସି, ମରିୟମ ଏ ଟାୟୁତା ହାଜାନା ଏଞ୍ଜାଣାଇଁ ମେସାନା ଏଞ୍ଜାଣି କତାୟାଁ ତୁକ୍ ରିହାନା ଏଲେଇରେ, “ପ୍ରବୁ ନୀନୁ ଇମ୍ପାଆଁ ମାଟିହୁଁମା ନା ତାୟି ହାଆଡେସିମା ।”

୩୩ ଜୀସୁ ମରିୟମ ଅଡେ ତାନିତଲେ ଖାହାମାନି ଜୀହୁଦି ଲକୁ ତାହିମାନାଣି ମେସାନା ଜୀସୁତା ହାରେକା ଦୁକୁ ଆହାନା ଖେରେସି,

୩୪ “ଏଞ୍ଜାଣାଇଁ ଆମ୍ବିୟା ଇଟାମାଞ୍ଜେରି ?” ଏଞ୍ଜାରି ଏଲେଇରେରି, “ପ୍ରବୁ, ଖାହାନା ସିନିକିମୁ ?”

୩୫ ଜୀସୁ ତ୍ପାତେସି ।

୩୬ ଏରେଟିଏ ଜୀହୁଦି ଲକୁ ଏଲେଇଣ୍ଡି ଆଡେରି, “ଏଞ୍ଜାସି ଏଞ୍ଜାଣାଇଁ ଏରେକା ଜୀସୁ ନହୁଁମାରେସି ।”

୩୭ ସାମା ଏଞ୍ଜାରି ବିତ୍ତାଟି ଏଚରଜାଣା ଏଲେଇରେରି, “ଇ ମାଣ୍ଡିଏ ଏ କାଣାଇଁ ମେସପି କିହାମାରେସି, ଏଞ୍ଜାସି ଇଞ୍ଜାଣାଇଁ ହାକିଟି ଗେଲ୍ପାଲି ଆଡ଼ିତେସିମା ?”

ହାଡ଼ି ଲାଜରଇଁ ଜୀସୁ ହାନାୟି

୩୮ ଏମ୍ବାଟିଏ ଜୀସୁ ଦୁକୁ ଆହାନା ମାହୁଣି ମାଣ୍ଡା ତାଗେ ଖାଡେସି; ଏଡି ର ପାଧୁ ମାରେ, ଇଞ୍ଜା ପାଧୁ ଦୁଖେରିତା ର କାଜା ଖାଲି ମାରେ ।

୩୯ ଜୀସୁ ଏଲେଇରେସି, “ଇ ଖାଲି ଗୁଟି କିଦୁ ।” ହାଟାଣି ତାଙ୍ଗି ମାର୍ତ୍ତା ଏଲେଇରେ, “ପ୍ରବୁ, ଏଞ୍ଜାସି ଗାନ୍ଦା ଆହାହାରେସିଏ, ଇରିହୁଁ ହାହାନା ସାରି ଦିନା ଆଡେସିଏ ।”

୪୦ ଜୀସୁ ଏଦାନି ଏଲେଇରେସି, “ନୀନୁ ନାମିଦି, ଆଡ଼ିହୁଁମା ହାହାପୁରୁଟି ଗାଧୁରି ମେହୁଦି, ଇ କାତା ନୀନୁ ନିଙ୍ଗେ ଖେସାମାଞ୍ଜାଆଡେଏଁ ?”

୪୧ ଅଡେ ଏଞ୍ଜାରି ଖାଲି ଗୁଟି କିତେରି । ଅଡେ ଜୀସୁ ଲାକଖାକି ସିନିକିହାନା ଏଲେଇରେସି, “ଆଡ଼ା ନା ପ୍ରାତାନା ଖେଟି ଇଞ୍ଜିଏ ନୀନୁ ନିଙ୍ଗେ ଜହରା କିହମାଞ୍ଜାଇଁ ।”

୪୨ ନୀନୁ କାଲେଏ ନା ପ୍ରାତାନା ଝେଞ୍ଜିମାଞ୍ଜି, ଛ କାତା ନାନୁ ପୁଞ୍ଜାମାଞ୍ଜି; ସାମା ଏମିନି ଲକ୍ଷୁ ସାରିସୁରୁ ନିତାମାନେରି, ନୀନୁ ନାଜେ ପାଣ୍ଡାମାଞ୍ଜାଦି ଇଞ୍ଜି ଏଞ୍ଜାରି ଏନିକି ନାମିନେରି, ଏଦାଆଁତାକି ଏଞ୍ଜାରି ତାକି ନାନୁ ଏଲେଇଚେଏସି □

୪୩ ଏଞ୍ଜାସି ଏଲେଇଞ୍ଜାନା କାଜା ଗିୟାତଲେ ଏଲେଇଚେସି, “ଲାଜର ପାଙ୍ଗାତା ହଡ଼ା ଖାମୁ □”

୪୪ ଦେବୁଣିଏ ଲାଜର ପାଙ୍ଗାତା ହଡ଼ାଞ୍ଜାଚେସି; ତାନି କେସ୍ତା କଡ଼ାଣା ମାହୁଣି ମାଣ୍ଡାତି ହିମ୍ବୁରିକା ତଲେ ରୁପି ଆହାମାଚୁ, ଇଞ୍ଜା ତାନି ମୁମ୍ବୁହୁ ଇଚାୟି ପାସ୍କି ପିଡ଼ାଗିଞ୍ଜି ଆହାମାଚେ □ ଜୀସୁ ଏଞ୍ଜାରାଞ୍ଜି ଏଲେଇଚେସି, “ହିମ୍ବୁରିକା ହୁକଦୁ ଏଞ୍ଜାସି ତାକାପେସି □”

ଜୀସୁଞ୍ଜି ପାୟାଲି ପାରୁ ପାରିନାୟି

(ମାତି ୨୬:୧-୫; ମାର୍କ ୧୪:୧,୨; ଲୁକ ୨୨:୧,୨)

୪୫ ହାରେକା ଜୀହୁଦି ଲକ୍ଷୁ, ଇଚିହୁ ଆମ୍ବାଆରି ମରିୟମ ତାଣା ଖାହାମାଚେରି ଅଡ଼େ ଜୀସୁତି କାମା ମେସାମାଚେରି, ଏଞ୍ଜାରି ଏଞ୍ଜାଣାଞ୍ଜି ନାମିଚେରି □

୪୬ ଅଡ଼େ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ପାରୁସିୟା ତାଣା ହାଜାନା ଜୀସୁ ଏନା ଏନାଆଁ କିହାମାଚେସି ଏ ବାରେ ଏଞ୍ଜାରାଞ୍ଜି ଝେସ୍ତେରି □

୪୭ ଛ କାତା ଝେଞ୍ଜାନା ପାରୁସିୟା ଅଡ଼େ କାଜା ପୂଜେରାଞ୍ଜା କାଜା ବେରଣିମାଣ୍ଡାତା ଏଲେଇଚେରି, “ମାରୁ ଏନି କିନାୟି ଛ ମାଣ୍ଡିସି ହାରେକା କାବାଆନି କାମାୟା କିହିମାନେସି □

୪୮ ମାରୁ ଏଞ୍ଜାଣାଞ୍ଜି ଏଲେଇହୁ ପିସୁହୁ ବାରେ ଲକ୍ଷୁ ଏଞ୍ଜାଣି ତାଣା ନାମିନେରି, ଅଡ଼େ ରମିୟ ଲକ୍ଷୁ ଖାହାମା ଇ ଚାୟୁ କୁଡ଼ା ବାରେଡି ନାସା କିନେରି □”

୪୯ ସାମା ଏଞ୍ଜାରି ବିତ୍ରାଟି ର କାଜା ପୂଜେରା, ଇଚିହୁ କୟାପା ଏ ବାସୀତି କାଜା ପୂଜେରା ଏଞ୍ଜାରାଞ୍ଜି ଏଲେଇଚେସି, “ମାରୁ ଏନାଆଁ ପୁଞ୍ଜାହିଲଅଚେରି ?

୫୦ ବାରେ କୁଡ଼ାତାରି ନାସା ଆନି କିହାଁ ବାରେ ଲକ୍ଷୁ ତାକି ରଅସି ହାନ୍ଦାୟି ମିଙ୍ଗେ ତାକି ନେହେଁ, ଇଦାଆଁ ମାରୁ ଅଣ୍ଡିପି ହିଲଅଚେରି □”

୫୧ ଏଞ୍ଜାସି ତାନିତାଣାଟି ଏଲେଇଞ୍ଜା ହିଲାଆଚେସି, ସାମା ଏଞ୍ଜାସି ଏ ବାସୀତି କାଜା ପୂଜେରା ମାଚାକି ଛ ତାୟୁ ଆନି କାତା ତାନି ଗୁଡିଚି ହଡ଼ାମାଚେ, ଜୀସୁ ଏ କୁଡ଼ାତି ଲକ୍ଷୁ ତାକି,

୫୨ ଅଡ଼େ ଖାଚୁଇ ଏ କୁଡ଼ା ତାକି ଆଏ, ସାମା ମାହାପୁରୁତି ଇତାଲା ଆତାକା ଆହାମାନି ମୀରକାଣି ଜିକେଏ କୁଡ଼ି କିହାନା ରଣ୍ଡିଏ କିହାଲିତାକି ହାହାଲି ହାଜିମାନେସି, ଇଦାଆଁତାକି ଛ କାତା ଝେକ୍‌ହେସି □

୫୩ ଇଞ୍ଜା ଏ ଦିନାଟିଏ ଏଞ୍ଜାଣାଞ୍ଜି ପାୟାଲି ତାକି ପାରୁ ପାରିଚେରି □

୫୪ ଏଦାଆଁତାକି ଜୀସୁ ଜୀହୁଦି ଲକ୍ଷୁ ବିତ୍ରା ପାଙ୍ଗାଞ୍ଜେ ରେଆଚେସି, ସାମା ଏଞ୍ଜାସି ଏ ଚାୟୁଚି ହଡ଼ା ହାଜାନା ଲକ୍ଷୁ ହିଲାଆ ଚାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡ଼ାତା ହାଚେସି, ଅଡ଼େ ସାୟୁୟା ତଲେ ଏମ୍ବାଆଁ ତୁୟିଚେସି □

୫୫ ଏଚିବେଲା ଜୀହୁଦି ଲକ୍ଷୁତି ପିସ୍‌ପିଆନି ପାରୁ ତାଗେ ମାଚେ, ଅଡ଼େ ନାସ୍‌କାଟି ହାରେକା ଲକ୍ଷୁ ଜାହାରାଞ୍ଜି ଅଡ଼ହା କଡାଲି ପିସ୍‌ପିଆନି ପାରୁ ନକେଏ ଜିରୁସାଲମତା ହାଚେରି □

୫୬ ଏମ୍ବାଟିଏ ଏଞ୍ଜାରି ଜୀସୁଞ୍ଜି ପାରି ପାରିହୁ ମାହାପୁରୁ ଇଲୁତା ନିତାମାଚାଟି ତାୟୁ ତାୟୁ ଏଲେଇଣ୍ଡି ଆଚେରି, “ମାରୁ ଏନାଆଁ ଅଣ୍ଡିପିମାଞ୍ଜେରି ? ଏଞ୍ଜାସି କି ପାରୁତା ଖାଅସି ?”

୫୭ କାଜା ପୂଜେରାଞ୍ଜା ଅଡ଼େ ପାରୁସିୟା ଏଞ୍ଜାଣାଞ୍ଜି ଆସାଲି ତାକି, ଏଞ୍ଜାସି ଏମ୍ବିୟା ମାନେସି, ଛ କାତା ଆମ୍ବାଆସି ପୁଞ୍ଜାମାନେସି, ଏ କାତା ଝେସାଲି ତାକି ହୁକୁମି ହାହାମାଚେରି □

୧୨

ଜୀସୁଞ୍ଜି ନିୟୁ ରୁବିନାୟି

(ମାତି ୨୬:୬-୧୩; ମାର୍କ ୧୪:୩-୯)

୧ ଏମ୍ବାଟିଏ ଜୀସୁ ପିସ୍‌ପିଆନି ପାରୁତି ସ ଦିନା ନକେଏ ବେତନିୟାତା ଖାଚେସି; ଏମିନି ଲାଜରାଞ୍ଜି ହାଡ଼ାରି ତାଣାଟି ନିକହା ମାଚେସି, ଏଞ୍ଜାସି ଏ ଚାୟୁତା ମାଚେସି □

୨ ଏଦାଆଁତାକି ଏଞ୍ଜାରି ଏଞ୍ଜାଣାକି ଏ ଚାୟୁତା ଲାଆଁୟା ର ବଜି କିଚେରି; ମାର୍ତ୍ତା ବାଟି କିହିମାଚେ, ଅଡ଼େ ଆମିନି ଗାଚାରି ଏଞ୍ଜାଣିତଲେ ତିଞ୍ଜାଲି କୁଗାମାଚେରି, ଲାଜର ଏଞ୍ଜାରି ବିତ୍ରାଟି ରଅସି ମାଚେସି □

୩ ଏଚିବେଲା ମରିୟମ ଆଦା ଗାଳୁ ଗାନ୍ଧା ନିହୁଁ ତାତାନା ଜୀସୁ କତାଣା ରୁବାନା ତାନି ତାୟ୍ ରୁଣାୟ୍ ତଲେ ତାନି କଡ଼ାଣି ଜେତେ, ଅଡ଼େ ବାରେ ଇଲୁତା ନିହୁଁ ଗାନ୍ଧା ଆଡ଼େ □

୪ ସାମା ତାନି ସୀସୁୟ୍ ବିତ୍ତାଟି ଇସ୍ତାରିୟତ ଜୀହୁଦା ଆମିନି ସୀସୁ ଜୀସୁୟ୍ ସାତୁୟ୍ କେୟୁତା ହେବପାଲି ହାଜିମାରେସି, ଏଝାସି ଏଲେଇରେସି,

୫ “ଇ ନିହୁଁ ତାନି ଝାଞ୍ଜା ଟାକାୟ୍ ତାକି ପାଡ଼ସି ଆହାନା ଏନାଆଁତାକି କାକୁଲି ଗାଟାରାକି ହୀପ୍ କି ଆଆତେ ?”

୬ ଏଝାସି କାକୁଲି ଗାଟାରାକି ଅଣପିମାରେସି ଇଞ୍ଜ୍ ଏଲେଇରେସି, ଏଡ଼ି ଆଏ, ସାମା ଏଝାସି ର ସରୁ ଅଡ଼େ ଏଝାଣି ତାଣା ଟାକାୟ୍ ମଣା ମାଟାକି, ଏମ୍ପାଆଁ ଏନା ଏନାଆଁ ଇଟ୍ କି ଆହିମାତେ, ଏଦାଆଁ ସରୁ କିହିମାରେସି □

୭ ସାମା ଜୀସୁ ଏଲେଇରେସି, “ଇଦାଆଁ ପିହ୍ଦୁ, ଏନିକ୍ ନା ମାଡ଼ହା ମୁହନି ଦିନାତାକି ଏଡ଼ି ଏଦାଆଁ ଇଗାଲି ଆଡ଼ିନେ □

୮ କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାନ୍ତୁ ବାରେବେଲା ମୀ ତଲେ ମାନଅଁ □”

ଲାଜର କପାଟି ପାରୁ ପାରିନାୟି

୯ ଏଚେଟିଏ ହାଡ଼େକା ଜୀହୁଦି ଲକୁ ଏଝାସି ଏମ୍ପାଆଁ ମାନେସି ଇଞ୍ଜ୍ ପୁଞ୍ଜାନା ଝାବୁଇ ଜୀସୁ ତାକି ଆଏ, ସାମା ଏମିନି ଲାଜରଇଁ ଏଝାସି ହାକିଟି ନିକହା ମାରେସି, ଏଞ୍ଜାଣାଇଁ ମେସାଲି ଝାଡ଼େରି □

୧୦ ସାମା ଲାଜରଇଁ ଜିକେଏ ପାୟାଲି କାଜା ପୂଜେରାଜା ପାରୁ ପାରିତେରି,

୧୧ ଇଚିହ୍ ଏଝାଣି ତାକି ଜୀହୁଦିୟ୍ ବିତ୍ତାଟି ହାଡ଼େକା ହାଜାନା ଜୀସୁ ତାଣା ନାମି ମାଚେରି □

ଜୀସୁ ଜିରୁସାଲମତା ରାହାଟି ହଡ଼ନାୟି

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅର ଦିନା ପାର୍ବୁତା ଝାହାମାନି ହାଡ଼େକା ଲକୁ ଜୀସୁ ଜିରୁସାଲମତା ଝାହାମାନେସି ଇଞ୍ଜ୍ ଝେଚେରି

୧୩ ଇଞ୍ଜା କାକୁରି ମାଟାୟ୍ ଆସାନା ଜୀସୁଇଁ ବେଟାଆହାଲି ଝାଡ଼େରି ଅଡ଼େ କାଜା ଗିୟ୍ତଲେ ଏଲେଇଚେରି, “ହସାନା □ ପ୍ରବୃତି ଦରୁତଲେ ଆମ୍ପାଆସି ଝାହିମାନେସି, ଏଝାସି ନେହେଁ; ଇସ୍ତାୟେଲତି ରାଜାକି ମାହାପୁରୁ ବର ହୀପାସି □”

୧୪ ଜୀସୁ ର ଗାଡ଼ଦେ ତାଲୁ ଲାକ କୁଗାନା ଝାହିମାଚେସି, ଏନିକ୍ ରାସ୍ କି ଆହାମାନେ,

୧୫ “ଆକେ ସିୟନତି ମାସ୍କା, ଆଜାଆଦୁ ମେହ୍ଦୁ ମୀ ରାଜା ଝାହିମାନେସି,

ଏଝାସି ଗାଡ଼ଦେ ତାଲୁ ଲାକ କୁଗାନା ଝାହିମାନେସି □”

୧୬ ଏଚିବେଲା ସୀସୁୟ୍ ଏଦାନି କାତା ପୁଞ୍ଜାଲି ଆଡ଼ାଆତେରି, ସାମା ଜୀସୁ ଗାଝୁରମିଟି ଝେଣ୍ଡେ ନିଜାଲିଏ ଏଝାରି ଅଣପୁତା ଝାଡ଼େ, ଇ ବାରେ କାତା ସାଡ଼େସିରିତା ରାସ୍ କି ଆହାମାନେ, ଇଚିହ୍ ଏଲେକିହ୍ ଏ ଏଝାରି କାମା କିହାମାଚେରି □

୧୭ ଜୀସୁ ହାଡ଼ି ଲାଜରଇଁ ମାହ୍ଣି ମାଣ୍ଡାଟି ହାଟାନା ନିକହାମାଟି ବେଲାତା ଏମିନିଗାଟାରି ଏଝାଣିତଲେ ମାଚେରି, ଏଝାରି ଇ ବାରେ କାତା ସାରିଝାକି ଝେକହା ମାଚେରି □

୧୮ ଇଦାଆଁତାକି ଲକୁ ବାରେ ଏଞ୍ଜାଣାଇଁ ବେଟାଆହାଲି ହାଜାମାଚେରି, ଅଡ଼େ ଏଝାସି ଇ କାବାଆନି କାମା କିହାମାଚେସି ଇଞ୍ଜ୍ ଝେଞ୍ଜାମାଚେରି □

୧୯ ଇଦାଆଁ ମେସାନା ପାରୁସିୟ୍ ତାନି ବିତ୍ତା କାତା ଆଡ଼େରି, “ମେସିମାଞ୍ଜେରି ମାର୍ ଏନାଆଁ କିହାଲି ଆଡ଼ିହଲାଆୟି; ଦାରତିତି ବାରେ ଲକୁ ଏଝାଣି ଜେଟ ହାଜିମାନେରି □”

ଏଚେକା ଗ୍ରିକ୍ ଲକୁ ଜୀସୁଇଁ ପାରିନାୟି

୨୦ ପାର୍ବୁ ବେଲାତା ପ୍ରାଡ଼ାନା କିହାଲି ଜିରୁସାଲମତା ଝାହାମାନି ଲକୁ ବିତ୍ତା ଏଚେକା ଗ୍ରିକ୍ ଲକୁ ମାଚେରି □

୨୧ ଏଝାରି ଗାଲିଲିତି ବେଡ଼ସାୟିଦାତି ପିଲିପ ତାଣା ଝାହାନା ବାତିମାଲିହ୍ ଏଲେଇଚେରି, “ବାବୁ, ମାମ୍ ଜୀସୁଇଁ ମେସାଲି ଅଣପିମାନି □”

୨୨ ପିଲିପ ହାଜାନା ଆହିୟଇଁ କାରୁ ହାଡ଼େସି ଅଡ଼େ ରିଆରି ହାଜାନା ଜୀସୁଇଁ ଝେସୁେରି □

☆ ୧୨:୩ ୧୨:୩ ଲୁକ ୭:୩୭,୩୮

୨୩ ଜୀବୁ ଏଞ୍ଜରାଲ୍ ଏଲେଇଚେସି, “ମାଣସି ମୀରୁଏସି ଗାଞ୍ଜୁରମି ଆନି ବେଲା ଖାହାମାନେ □

୨୪ ନାନୁ ମିଙ୍ଗେ ସାତା ଝେସିମାଞ୍ଜାଲ୍ ଗହ୍ ପାଡ଼େୟି ବୁମିତା ରିହାନା ହାନି ପାତେକା ଏଦି ରଣ୍ଡିଏ ପାଡ଼େୟି ଆହାନା ଡ଼ୟିନେ, ସାମା ଏଦି ହାଡ଼ିସାରେ ଏମ୍ବାଟି ହାରେକା ପାଡ଼େୟିକା ଆନୁ □

୨୫ *ଆମ୍ବାଆସି ଜାହାରା ଜୀଞ୍ଜୁତି ଜୀଞ୍ଜୁ ନନେସି, ଏଞ୍ଜାସି ଏଦାଆଁ ହାଉଞ୍ଜି କିନେସି, ଆମ୍ବାଆସି ଜାହାରା ଜୀଞ୍ଜୁତି ଈ ଦାରୁତିତା ଅପଅସି, ଏଞ୍ଜାସି ଏଦାଆଁ କାଲ୍ଲାକାଲ୍ଲା ତାକି ଗେଲ୍ଲପିନେସି □

୨୬ ଆମ୍ବାଆସି ନା ସେବା କାମାକିନାସି ଆନେସି, ଆତିହ୍ ଏଞ୍ଜାସି ନା ଢେଡ଼ ଖାପେସି; ଅଡ଼େ ନାନୁ ଆମ୍ବିୟା ଡ଼ୟିଲ୍, ନା ସେବା କାମାକିନାସି ଜିକେଏ ଏଦାଆଁ ଡ଼ୟିନେସି; ଆମ୍ବାଆସି ନା ସେବା କିନେସି, ଆତିହ୍ ଆବା ଏଞ୍ଜାଶାଲ୍ ମାନି କିନେସି □

ଜୀବୁ ତାନି ହାକିତି କାତା ଏଲେଇନାୟି

୨୭ ନୀର୍ବ ନା ଜୀଞ୍ଜୁ କିଲିବିଲି ଆହିମାନେ, ଇଞ୍ଜା ନାନୁ ଏନାଆଁ ଇଞ୍ଜାଲ୍ ? ଆବା ଇ ଲାଗେଏ ତାଣ୍ଡାଟି ଗେଲ୍ଲପାମୁ, ସାମା ଏଦାଆଁତାକି ନାନୁ ଇ ଟାୟୁତା ଖାହାମାଲ୍ □

୨୮ ଆବା ନୀ ଦରୁ ଗାଞ୍ଜୁରମି ଆପେ □”

ଏତିବେଲାତା ହାଗୁ ଲାକତି ଈ ହାଡ଼ା ଆଡ଼େ ନାନୁ ଏଞ୍ଜାଶାଲ୍ ଗାଞ୍ଜୁରମି କିହାମାଲ୍ ଅଡ଼େ ଗାଞ୍ଜୁରମି କିଲ୍ □

୨୯ ଇଞ୍ଜା ଏମ୍ବାଆଁ ଦାରି ନିଚାମାଟି ଲକୁ ବାରେ ଇ ହାଡ଼ା ଝେଞ୍ଜାନା ଏଲେଇଚେସି, “ଇଦି ହାଗୁ ଗୁଣ୍ଡାହିମାନେ □” ଅଡ଼େ ଏଡ଼କାତାରି ଏଲେଇଚେସି, “ଲାକପୁରୁତି ଦୁଡୁ ଏଞ୍ଜାଣିତଲେ କାତା ଆହିମାନେ □”

୩୦ ଜୀବୁ ଏଲେଇଚେସି, “ଇ ହାଡ଼ା ନାଙ୍ଗେତାକି ଆହା ହିଲେଏ, ସାମା ଇ ହାଡ଼ା ମିଙ୍ଗେତାକି ଆହାମାନେ □

୩୧ ନୀର୍ବ ଇ ଦାରୁତି ବିଚାରା କିନି ଦିନା; ନୀର୍ବ ଇ ଦାରୁତିତି ସାଲ୍ଲୁ କିନାଇ ଡ଼ଇ ମେଡ଼ପିଆନୁ □

୩୨ ନାନୁ ଏତିବେଲା ଦାରୁତିତି ଲାକପୁରୁ ଅଞ୍ଜିଆଲ୍, ଏତିବେଲା ବାରେତି ନା ତାଣ୍ଡା ଭେଜା ଅଲ୍ □”

୩୩ ଏଞ୍ଜାସି ଏନିକ୍ ହାହାଲି ହାଜିମାନେସି, ଏଞ୍ଜାସି ଇ କାତାତା ଏଲେଇଚେସି □

୩୪ ଲକୁ ଏଞ୍ଜାଶାଲ୍ ଏଲେଇଚେସି, “ମସିହା କାଲେଏ ଡ଼ୟିନେସି ଇଞ୍ଜା ମାମ୍ବୁମସାତି ମେରାତା ଝେଞ୍ଜାମାନମି, ଆତିହ୍ ମାଣସି ମୀରୁଏସି ଲାକ ପେରୁଞ୍ଜି ଆନେସି ଇଞ୍ଜା ନାନୁ ଏନିକ୍ ଏଲେ ଇଞ୍ଜାମାଞ୍ଜି ? ଏ ମାଣସି ମୀରୁଏସି ଆମ୍ବାଆସି ?”

୩୫ ଜୀବୁ ଏଞ୍ଜାରାଲ୍ ଏଲେଇଚେସି, “ଅଡ଼େ ଗାଡ଼େକା ତାକି ଉଜେଡ଼ି ମୀ ତାଣ୍ଡା ମାନେ □ ଆନ୍ଦେରି ମିଙ୍ଗେ ଏନିକ୍ ଗୁସ୍ତେଏ, ଏଦାଆଁତାକି ମୀ ତାଣ୍ଡା ଉଜେଡ଼ି ମାଞ୍ଜା ମାଞ୍ଜାନା ତାକାଦୁ; ଆମ୍ବାଆସି ଆନ୍ଦେରିତା ତାକିନେସି, ଏଞ୍ଜାସି ଆମ୍ବିୟା ହାଜିମାନେସି ପୁଞ୍ଜାଲି ଆଡ଼ଅସି □

୩୬ ମୀରୁ ଏନିକ୍ ଉଜେଡ଼ିତି ମୀରୁକା ମାସ୍ତକା ଆନ୍ଦେରି, ଏଦାଆଁତାକି ଉଜେଡ଼ି ମୀ ତାଣ୍ଡା ମାଞ୍ଜା ମାଞ୍ଜାନା ଉଜେଡ଼ିତା ନାମାଦୁ □” ଜୀବୁ ଇ ବାରେ କାତା ଝେସାନା ହାଚେସି ଇଞ୍ଜା ଏଞ୍ଜାରି ତାଣ୍ଡାଟି ଡ଼ଗୁାନା ଡ଼ୟିଚେସି □

ଲକୁ ନାମାଆ ଗାଗାୟି

୩୭ ଏଞ୍ଜାରି ନକିତା ଏଚେକା କାବାଆନି କାମାୟା କିହାମାଚେସି, ଆଡ଼ିଜିକେଏ ଏଞ୍ଜାରି ଏଞ୍ଜାଣି ତାଣ୍ଡା ନାମା ହିଲ୍ଲାଆଚେସି,

୩୮ ଏନିକ୍ ମାହାପୁରୁ ଅଣପୁତି ବଲୁ ଝେହ୍ନି ଜିସାୟ ତାଣ୍ଡାଟି ରାଗାମାନି କାତା ପୁରା ଆନେ, “ପ୍ରବୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?

ଆମ୍ବାଆରି ତାଣ୍ଡା ପ୍ରବୁ ତାନି ବାଡ଼ୁୟୁ ତସାମାନେସି ?”

୩୯ ଇଦାଆଁତାକି ଏଞ୍ଜାରି ନାମାଲି ଆଡ଼ିହିଲ୍ଲାଆଚେସି, ଇଞ୍ଜା ଜିସାୟ ଏଲେଇଞ୍ଜାମାଚେସି,

୪୦ ସାତେଏ ମାହାପୁରୁ ଏଞ୍ଜାରି କାଣ୍ଡାକା କାଣ୍ଡା କିହାମାନେସି □

ଏଦାଆଁତାକି ଏଞ୍ଜାରି ହିୟାତା ଏନାଆଁ ମେସାଲି ଆଡ଼ଅସି, ଇଞ୍ଜା ହିୟାତା ଏନାଆଁ ତେଲ୍ଲହାଲି ଆଡ଼ଅସି

ମାହାପୁରୁ ଏଲେଇଞ୍ଜି ମାନେସି,

“ନେହ୍ ଆହାଲିତାକି ଏଞ୍ଜାରି ନା ତାଣ୍ଡା ଝେଣ୍ଡା ଖାହିହିଲଅସି □”

* ୧୨:୨୫ ୧୨:୨୫ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩

୪୧ ଜିସାୟ ଜୀସୁ କ୍ରୀସ୍ତତି ଗାଞ୍ଜୁରମି ମେସ୍ତେସି ଏଦାଆଁତାକି ଏଞ୍ଜାସି ଏଞ୍ଜାଣି କାତା ୱେସ୍ତେସି □

୪୨ ଆଡ଼ିଜିକେଏ ଜୀହୁଦି ଲକ୍ଷୁତି କାଜାରି ହାରେକା ଏଞ୍ଜାଣି ତାଣା ନାମିତେରି, ସାମା ଏଚେତା ଜୀହୁଦି କୁଲମିଟି ପେରୁହାନେରି ଇଞ୍ଜୁ ପାରୁସିୟା ଆଜିତାକି ବାରେଜାଣା ଏ କାତାବାର୍ତା ଆହି ହିଲୀଆତେରି,

୪୩ ଇଚିହୁ ଏଞ୍ଜାରି ମାହାପୁରୁ ତାଣାଟି ଗାଞ୍ଜୁରମି କିହାଁ ମାଣସିୟାଁ ତାଣାଟି ଗାଞ୍ଜୁରମି ଜୀସୁ ନହୁମାଚେରି □

ମାଣସିୟାଁ ତାଣାଟି ଜୀସୁତି କାତା ବିଚାରା କିନାୟି

୪୪ ଜୀସୁ କାଜା ଗିୟାଁତଲେ ଏଲେଇଚେସି, “ଆମ୍ବାଆସି ନା ତାଣା ନାମିନେସି, ଏଞ୍ଜାସି ନା ତାଣା ନାମଅସି, ସାମା ନାଜେ ପାଣ୍ଡାତାଣାଇଁ ନାମିନେସି;

୪୫ ଆମ୍ବାଆସି ନାଜେ ମେସ୍ତାନେସି, ଏଞ୍ଜାସି ନାଜେ ପାଣ୍ଡାତାଣାଇଁ ମେହ୍ନେସି □

୪୬ ଆମ୍ବାଆସି ନା ତାଣା ନାମିନେସି, ଏଞ୍ଜାସି ଏନିକ୍ ଆନ୍ଦେରିତା ବାସା କିଅସି, ଏଦାଆଁତାକି ନାନୁ ଦାରୁତିତା ଉଜେଡ଼ି ଆହାନା ୱାହାମାଇଁ □

୪୭ ଆମ୍ବାଆସି ନା ବଲୁ ୱେଞ୍ଜାନା ମାନଞ୍ଜି ଆଅସି, ଆଡ଼ିହୁଁ ନାନୁ ଏଞ୍ଜାଣି ବିଚାରା କିଅଁ; ଇଚିହୁଁ ନାନୁ ଦାରୁତିତା ବିଚାରା କିହାଲି ୱାଆନା ଦାରୁତିତି ଗେଲପାଲି ୱାହାମାଇଁ □

୪୮ ଆମ୍ବାଆସି ନାଜେ ଅପଅସି ଅଡେ ନା ବଲୁତି ଆବଅସି, ନାନୁ ଏମିନି ବଲୁ ଜଲ୍ଲମାଇଁ, ନା ଗୁତିତି ବଲୁ ତାୟୁତି ଦିନାତା ଏଞ୍ଜାଣି ବିଚାରା କିନେ;

୪୯ ଇଚିହୁଁ ନାନୁ ନା ତାଣାଟି ଜଲ୍ଲା ହିଲିଅଁ, ସାମା ନାନୁ ଏନାଆଁ ଜଲିଇଁ ଅଡେ ଏନାଆଁ ୱେକ୍ଇଁ, ଏଦାଆଁ ନାଜେ ପାଣ୍ଡାମାଞ୍ଜାନି ଆବା ହୁକୁମି ହାହାମାଞ୍ଜାନେସି

୫୦ ଇଞ୍ଜାଁ ନାନୁ ପୁଞ୍ଜାମାଇଁ ତାନି ହୁକୁମି କାଲ୍ଲକାଲ୍ଲାତି ଜୀସୁ ହୀନେ □ ନା ଆବା ନାଜେ ଏନାଆଁ ଜଲ୍ଲାଲି ହୁକୁମି ହାହାମାଞ୍ଜାନେସି, ୱାଉଇ ଏଲେକିହୁଁଏ ୱେହ୍ଇଇଁ □”

୧୩

ଜୀସୁ ସାସୁୟାଁ କତାୟାଁ ନରୁନାୟି

୧ ପିସପିଆନି ପାରୁଁ ନକେଏ ଜୀସୁ ଇ ଦାରୁତିତି ଆବା ତାଣା ହାନି କାରୁ ଆହାଲିଏ, ଦାରୁତିତା ମାନି ତାନି ଲକୁଣି ଏଞ୍ଜାସି ଜୀସୁ ନହୁଁମାଚେସି, ଏଞ୍ଜାରିଇଁ ହାରେକା ଜୀସୁ ନନାଣି ତସାମାଚେସି □

୨ ଜୀସୁ ତାନି ସାସୁୟାଁ ତଲେ ଲାଆଁୟାଁ ତିନି ବେଲ୍ଲାତା ସୟତାନ ସିମନ ମୀରୁଏସି ଇସ୍ତାରିୟତ ଜୀସୁଦା ହିୟାତା ଜୀସୁଇଁ ସାଡୁ କେୟୁତା ହେରୁପାଲି ଅଣ୍ଡପି କିହାମାଚେ □

୩ ଏଚିବେଲା ଆବା ତାନି କେୟୁତା ବାରେ ହେରୁପା ମାନେସି ଅଡେ ଏଞ୍ଜାସି ମାହାପୁରୁ ତାଣାଟି ୱାହାମାନେସି, ଅଡେ ମାହାପୁରୁ ତାଣା ହାଜିମାନେସି,

୪ ଇଦାଆଁ ପୁଞ୍ଜାନା ରାୟା ତିନି ତାଣାଟି ନିଜାମା, ତାନି ହିମ୍ବୁରି ଇଚିତେସି ଇଞ୍ଜାଁ ର ତୁଞ୍ଜାଲା ତାନି ଚେତେଲିତା ରୁପା କଡିତେସି □

୫ ତାୟୁ ଏଞ୍ଜାସି ମୁତାତା ଏୟୁ କଡିତେସି, ଅଡେ ସାସୁୟାଁତି କତାୟାଁ ନରୁହାନା ତାନି ଚେତେଲିତା ମାନି ତୁଞ୍ଜାଲା ତଲେ ଜେଜାଲି ମାଟ୍‌ହେସି □

୬ ଏଚିବେଲା ଜୀସୁ ସିମନ ପିତର ଦାରିତା ୱାଡେସି; ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ପ୍ରୁ ନୀନୁ ନା କତାୟାଁ ନରୁହି ମାଞ୍ଜାଦି ?”

୭ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଏନାଆଁ କିହମାଇଁ ନାନୁ ନୀଏଁ ଏଦାଆଁ ପୁଞ୍ଜାଲି ଆଡଅତି, ତାୟୁ ପୁଞ୍ଜି □”

୮ ପିତର ଏଲେଇଚେସି, “ଆଏ, ନା କତାୟାଁ ଏଚେଲାଞ୍ଜା ନରୁଅତି □” ସାମା ଜୀସୁ ଏଲେଇଚେସି, “ନାନୁ ନୀ କତାୟାଁ ନରୁହାଆଡିହୁଁ ନାନୁ ଅଡେ ନା ସାସୁ ଆୟାଲି ଆଡଅତି □”

୯ ସିମନ ପିତର ଏଲେଇଚେସି, “ପ୍ରୁ, ଆଡିହୁଁ କତାୟାଁ ଏନାଆଁକି, ନା କେସ୍ତା ଅଡେ ତାୟୁଁ ଜିକେଏ ନରୁହାମୁ □”

୧୦ ଜୀସୁ ଏଞ୍ଜାଣାଇଁ ଏଲେଇଚେସି, “ଆମ୍ବାଆସି ଏୟୁ ମାହାମାନେସି, ଏଞ୍ଜାଣି କତାୟାଁ ନରୁନି କିହାଁ ଏନାୟି ଲଡା ହିଲେଏ, ମୀରୁ ଅଡ଼ଞ୍ଜି ଆହାମାଞ୍ଜେରି; ସାମା ବାରେଜାଣା ଆଏ □”

୧୧ ଇଚିହୁଁ ଆମ୍ବାଆସି ଏଞ୍ଜାଣାଇଁ ସାଡୁୟାଁ କେୟୁତା ହେରୁପିନେସି ଜୀସୁ ତଲିଏ ଏଞ୍ଜାଣାଇଁ ପୁଞ୍ଜାମାଚେସି; ଏଦାଆଁତାକି ଏଞ୍ଜାସି ଏଲେଇଚେସି, “ମୀରୁ ବାରେଜାଣା ଅଡ଼ଞ୍ଜି ଆହାହିଲଅଚେରି □”

୧୨ *ତାହୁଁ ଜୀବୁ ଏଞ୍ଜାରି କତାୟାଁ ନରହାନା ତାନି ହିମ୍ବର ପରହାନା ଖେଣ୍ଡେ ତିଞ୍ଜାଲି କୁରିତେସି ଇଞ୍ଜାଁ ଖେରେସି, “ନାନୁ ମିଙ୍ଗେ ତାକି ଏନାଆଁ କିହାମାଲ୍ ମୀରୁ ପୁଞ୍ଜାଲି ଆଡ଼ିତେରି କି ?

୧୩ ମୀରୁ ନାଙ୍ଗେ ଗୁରୁ ଇଞ୍ଜୁଁ ହାଡ଼ିମାଞ୍ଜାଦେରି, ଏଦି ସାତା; ଇଚିହୁଁ ନାନୁ ଏଞ୍ଜାତେଏଁ □

୧୪ ମୀ ଗୁରୁ ଅଡ଼େ ପ୍ରବୁତେଏଁ ନାନୁ, ନାନୁ ମୀ କତାୟାଁ ନରହାମାଞ୍ଜାଲ୍ ଆଡ଼ିହୁଁ ମୀରୁ ଜିକେଏ ରଅତେରି ରଅଣି କତାୟାଁ ନରନାୟି ମାନେ □

୧୫ ଇଚିହୁଁ ନାନୁ ମିଙ୍ଗେତାକି ଏନିକଁ କିହାମାଲ୍ ମୀରୁ ଜିକେଏ ଏଲେକିହୁଁ କିଦୁ, ଇଦାଆଁତାକି ଇଦାଆଁ ତସାମାଞ୍ଜାଲ୍ □

୧୬ *ସାତା ସାତା ନାନୁ ମିଙ୍ଗେ ଖେସିମାଞ୍ଜାଲ୍, ହଚ୍ଚଲଏସି ତାନି ସାଧୁକାରି କିହାଁ କାଜାସି ଆଏ, ଅଡ଼େ ପାଣ୍ଡୁଞ୍ଜି ଆଡ଼ାସି ତାନି ପାଣ୍ଡିତାଣା କିହାଁ କାଜାସି ଆଏ □

୧୭ ମୀରୁ ଇ ବାରେ ପୁଞ୍ଜାନା ଏଲେକଁ କିଦେରି ଇଚିହୁଁ ମୀରୁ ନେହାଁତେରି □”

୧୮ “ନାନୁ ମୀ କାତା ଖେସିହିଲଅଁ; ଏନିଲେହେତି ଲକ୍ଷୁଣି ନାନୁ ଆଡ଼ାମାଲ୍, ଏ କାତା ନାନୁ ପୁଞ୍ଜାମାଲ୍; ସାମା ଦାମ୍ବୁ ପଚିତି ଇ ବଲୁ ଏନିକଁ ପୁରା ଆନେ, ଇଦାଆଁତାକି ଇ ବାରେ ଆହୁମାନେ, ‘ଆମ୍ବାଆସି ନା କାଦି ତିନେସି ଏଞ୍ଜାସି ନା କପାଟି ନିଙ୍ଗିତେସି □’

୧୯ ଏଦି ଗଟଞ୍ଜି ଆନାଟି ନାନୁ ଏଞ୍ଜାତେଏଁ ଇଞ୍ଜୁଁ ମୀରୁ ନାମିଦେରି, ଏଦାଆଁତାକି ଗଟଞ୍ଜି ଆନି ନକେଏ ନାନୁ ମିଙ୍ଗେ ଖେସିମାଞ୍ଜାଲ୍ □

୨୦ *ସାତା ସାତା ନାନୁ ମିଙ୍ଗେ ଖେସିମାଞ୍ଜାଲ୍, ଆମ୍ବାଆସି ନା ତାଣାଟି ପାଣ୍ଡୁଞ୍ଜି ଆଡ଼ାଣାଲ୍ ଆବିନେସି, ଏଞ୍ଜାସି ନାଙ୍ଗେ ଆବାନେସି, ଅଡ଼େ ଆମ୍ବାଆସି ନାଙ୍ଗେ ଆବାନେସି ଏଞ୍ଜାସି ନାଙ୍ଗେ ପାଣ୍ଡାତାଣାଲ୍ ଆବିନେସି □”

ସାତୁୟାଁ କେୟୁତା ହେରପିନି କାତା ଖେହୁନାୟି

(ମାତି ୨୬:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜୀବୁ ଇ ବାରେ କାତା ଖେସି ତାହୁଁ ଜୀବୁତା ହାରେକା ଦୁକୁ ଆହାନା ବାରେତି ନକିତା ଖେକହେସି, “ନାନୁ ମିଙ୍ଗେ ସାତା ଖେସିମାଞ୍ଜାଲ୍ ମୀ ବିତ୍ତାଟି ରଅସି ନାଙ୍ଗେ ସାତୁୟାଁ କେୟୁତା ହେରପାନେସି □”

୨୨ ଏଞ୍ଜାସି ଆମ୍ବାଆରି କାତା ଏଲେଇଚେସି, ପୁନାଆନା କାବାଆହାନା ସୀସୁୟାଁ ତାମ୍ବୁ ତାମ୍ବୁ ସିନିକିଞ୍ଜି ଆଡ଼େରି □

୨୩ ଏଞ୍ଜାରି ବିତ୍ତାଟି ଏମିନି ସୀସୁଲ୍ ଜୀସୁ ହାରେକା ଜୀବୁ ନହୁଁ ମାଚେସି, ଏଞ୍ଜାସି ଜୀସୁତି ଚିଃନିଞ୍ଜାକି କୁଗାନା ତିଞ୍ଜିମାଚେସି □

୨୪ ସିମନ ପିତର ଏଞ୍ଜାଣାଲ୍ କେୟୁ ତସାନା ଏଲେଇଚେସି, “ଏଞ୍ଜାସି ଆମ୍ବାଆରି କାତା ଏଲେଇଞ୍ଜି ମାନେସି, ଏଦାଆଁ ଖେଞ୍ଜୁ □”

୨୫ ଏ ସୀସୁ ଅଡ଼େ ତାଗେ ଆହାନା ଜୀସୁଲ୍ ଖେଚେସି, “ଏଞ୍ଜାସି ଆମ୍ବାଆସି ପ୍ରବୁ □”

୨୬ ଜୀସୁ ଏଲେଇଚେସି, “ଇ ରୁଚି ଗିନାତା କୁଚି କିହାନା ହୀଲ୍ ଏଞ୍ଜାସି □” ଏଲେଇଞ୍ଜାନା ଜୀସୁ ରୁଚି ଗିନାତା କୁଚି କିହାନା ସିମନ ମୀରଏସି ଇସ୍ତାରିୟତ ଜୀହୁଦାକି ହାଚେସି □

୨୭ ରୁଚି ରାସାଲିଏ ସୟତାନା ଏଞ୍ଜାଣି ହିୟାଁତା ହଡ଼େ □ ଏଚେଟିଏ ଜୀସୁ ଏଲେଇଚେସି, “ଏଦାଆଁ କିନାୟିମାନେ ତବେ କିମ୍ବୁ □”

୨୮ ଜୀସୁ ଏଞ୍ଜାଣାଲ୍ ଇ କାତା ଏନାଆଁତାକି ଏଲେଇଚେସି ଏଚ୍ଚକାତାରି ଆମ୍ବାଆରି ପୁଞ୍ଜାଲି ଆଡ଼ାଆଚେରି □

୨୯ ଜୀହୁଦା କେୟୁତା ଟାକାୟାଁ ମଣା ମାତାକି, ପାର୍ବୁତାକି ଏନା ଏନାଆଁ ଲଡ଼ାମାନେ, ଏଦାଆଁ କତାଲି ଆଆଡ଼େ କାକୁଲି ଗାଟାରାକି ହାହାଲିତାକି ଜୀସୁ ଏଞ୍ଜାଣାଲ୍ ଏଲେଇଚେସି ଇଞ୍ଜୁଁ ଆମ୍ବା ଆମ୍ବାଆରି ଅଣ୍ଡିଚେରି □

୩୦ ରୁଚି ତିଞ୍ଜାନା ଜୀହୁଦା ଏ ଦେବୁଣିଏ ପାଙ୍ଗାତା ହାଚେସି, ଏଡ଼େତା ଲାୟାଁୟାଁ ଆହାମାଚେ □

ପୁଃନି ଦୋର

୩୧ ଜୀହୁଦା ପାଙ୍ଗାତା ହାଜାଲିଏ ଜୀସୁ ଏଲେଇଚେସି, “ନୀଏଁ ମାଣସି ମୀରଏସି ଗାଧୁରମି ଆନି ବେଲା ଖାହାମାନେ; ଅଡ଼େ ତାନିତାଣାଟି ମାହାପୁରୁ ଗାଧୁରମି ଆଚନସି □

☆ ୧୩:୧୨ ୧୩:୧୨ ଲୁକ ୨୨:୨୭ ☆ ୧୩:୧୭ ୧୩:୧୭ ମାତି ୧୦:୨୪; ଲୁକ ୬:୪୦; ଜହ ୧୫:୨୦ ☆ ୧୩:୨୦ ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭

୩୨ ମାହାପୁରୁ ମାଣସି ମୀରୁଏଣା ତାଣାଟି ଗାଞ୍ଜୁରମି ଆଡ଼ିହିଁ, ମାହାପୁରୁ ତାନ୍ଦୁ ଗାଞ୍ଜୁରମିଟି ମାଣସି ମୀରୁଏଣାକୁ ଗାଞ୍ଜୁରମି କିନେସି □ ତବେ ଏଝାଣାକୁ ଗାଞ୍ଜୁରମି କିହାଲି ହାଜିମାନେସି □

୩୩ ଧକକାତେରି ନାନୁ ଅଡ଼େ ଗାଡ଼ି ଦିନା ତୁୟଅଁ, ମୀରୁ ନାଙ୍ଗେ ପାରାଦେରି, ସାମା ନାନୁ ଆମ୍ବିୟା ହାଜିମାକୁ ମୀରୁ ଏମ୍ବାଆଁ ହାଜାଲି ଆଡ଼ଅତେରି, ଈ କାତା ଜୀହୁଦି ଲକୁଡ଼ି କାଜାରାକୁ ଏଲେଇଞ୍ଜା ମାରେଏଁ ଏଲେକିହିଁ ମିଙ୍ଗେ ଜିକେଏ ଝେସିମାଞ୍ଜାକୁ □

୩୪ ଧମୀରୁ ରଅତେରି ରଅଣାକୁ ଜୀଞ୍ଜୁନଦୁ, ଈ ପୁଠନି ମେରା ମିଙ୍ଗେ ହାହିମାଞ୍ଜାକୁ; ନାନୁ ଏନିକିଁ ମିଙ୍ଗେ ଜୀଞ୍ଜୁନହାମାଞ୍ଜାକୁ, ମୀରୁ ଜିକେଏ ଏଲେକିହିଁଏ ରଅତେରି ରଅଣାକୁ ଜୀଞ୍ଜୁନଦୁ □

୩୫ ମୀ ତାଣା ରଅସି ରଅଣାକୁ ଜୀଞ୍ଜୁନନାୟି ମାନେ, ଆଡ଼ିହିଁ ମୀରୁ ନା ସାୟୁୟାତେରି, ଈ କାତା ବାରେଜାଣା ପୁଞ୍ଜେରି □”

ପିତର ପୁଞ୍ଜାହିଲଅଁ ଇନି କାତା ତଲିଏ ଝେହୁନାୟି
(ମାତି ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ ପିତର ଏଝାଣାକୁ ଝେରେସି, “ପ୍ରବୁ ନାନୁ ଆମ୍ବିୟା ହାଜିମାଞ୍ଜି ?”

ଜୀସୁ ଏଲେଇଚେସି, “ନାନୁ ଆମ୍ବିୟା ହାଜିମାକୁ, ନାନୁ ନୀଏଁ ନା ନେଚ ନେଚ ହାଜାଲି ଆଡ଼ଅଡ଼ି, ସାମା ତାୟୁ ହାଜି □”

୩୭ ପିତର ଏଝାଣାକୁ ଏଲେଇଚେସି, “ପ୍ରବୁ ନୀଏଁ ନାନୁ ଏନାଆଁକି ହାଜାଲି ଆଡ଼ଅଁ ? ନାନୁ ନୀ ତାକି ନା ଜୀଞ୍ଜୁ ଜିକେଏ ହାକୁ □”

୩୮ ଜୀସୁ ଏଲେଇଚେସି, “ଏନାଆଁ ନାନୁ ନା ତାକି ନୀ ଜୀଞ୍ଜୁ ହାଦି ? ନାନୁ ମିଙ୍ଗେ ସାତା ଝେସିମାଞ୍ଜାକୁ, କୟୁ କେଣିଆ ନକେଏ ନୀରୁ ନାଙ୍ଗେ ତାନିପାଲି ପୁଞ୍ଜାହିଲଅଁ ଇଞ୍ଜୁଁ ଇଞ୍ଜାଦି □”

୧୪

ଜୀସୁ ଜିରୁ, ସାତା ଅଡ଼େ ଜୀଞ୍ଜୁ

୧ “ମୀ ହିୟା ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡ଼େ ନା ତାଣା ଜିକେଏ ନାମାଦୁ □

୨ ନା ଆବାଡ଼ି ଇଜ ହାଚ୍ଚରକା ବାସାଗାୟୁ ମାନେ; ବାସାଗାୟୁ ହିଲାଆଡ଼ିହିଁମା ନାନୁ ମିଙ୍ଗେ ଝେସ୍ତାଆତେଏଁମା, ନାନୁ ମିଙ୍ଗେତାକି ଟାୟୁ ତିୟାରା କିହାଲି ହାଜିମାକୁ;

୩ ଅଡ଼େ ନାନୁ ହାଜାନା ମିଙ୍ଗେତାକି ଟାୟୁ କେପିତି ତାୟୁ, ଝେଣ୍ଡେ ଝାକୁ, ଅଡ଼େ ନାନୁ ଆମ୍ବିୟା ମାକୁ, ମୀରୁ ଜିକେଏ ଏନିକିଁ ଏ ଟାୟୁତା ତୁୟିଦେରି, ଏନାଆଁତାକି ମିଙ୍ଗେ ଏ ଟାୟୁତା ଅହିଁ ହାଜାକୁ □

୪ ନାନୁ ଆମ୍ବିୟା ହାଜିମାକୁ ଏ ଜିରୁ ପୁଞ୍ଜାମାଞ୍ଜେରି □”

୫ ତମା ଏଲେଇଚେସି, “ପ୍ରବୁ, ନୀରୁ ଆମ୍ବିୟା ହାଜିମାଞ୍ଜି, ମାୟୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁତି ଏନିକିଁ ପୁନମି ?”

୬ ଜୀସୁ ଏଲେଇଚେସି, “ନାନୁ ଜିରୁ, ସାତା ଅଡ଼େ ଜୀଞ୍ଜୁତେଏଁ; ନା ତାଣାଟି ତାକାଆସାରେ ଆମ୍ବାଆସି ଆବା ତାଣା ହାଜାଲି ଆଡ଼ଅସି □

୭ ମୀରୁ ନାଙ୍ଗେ ପୁଞ୍ଜାଡ଼ିହିଁମା, ନା ଆବାକୁ ଜିକେଏ ପୁଚେରିମା; ନୀଏଁ ଜିକେଏ ଏଝାଣାକୁ ପୁଞ୍ଜାମାଞ୍ଜେରି ଅଡ଼େ ଏଝାଣାକୁ ମେସାମାଞ୍ଜେରି □”

୮ ପିଲିପ ଏଝାଣାକୁ ଏଲେଇଚେସି, “ପ୍ରବୁ, ମାଙ୍ଗେ ଆବାକୁ ତସ୍ତାୟୁ, ଏଚେକେଏ ମାଙ୍ଗେତାକି ସାରି □”

୯ ଜୀସୁ ଏଲେଇଚେସି, “ପିଲିପ ଇଚର ଦିନା ନାନୁ ମୀ ତଲେ ତୁୟାମାକୁ, ମୀରୁ ଏନାଆଁ ନାଙ୍ଗେ ପୁଞ୍ଜାଆତେରି ? ଆମ୍ବାଆସି ନାଙ୍ଗେ ମେସାମାଞ୍ଜାନେସି ଏଝାସି ଆବାକୁ ମେସାମାନେସି; ମାଙ୍ଗେ ଆବାକୁ ତସ୍ତାୟୁ ଇଞ୍ଜୁଁ ଏନିକିଁ ଏଲେ ଇଞ୍ଜିମାଞ୍ଜି ?

୧୦ ନାନୁ ଆବା ତାଣା ଅଡ଼େ ଆବା ନା ତାଣା ମାନେସି, ଈ କାତା ଏନାଆଁ ମୀରୁ ନାମିହିଲଅତେରି ? ନାନୁ ମିଙ୍ଗେ ଏନିନି କାତା ଝେସିମାଞ୍ଜାକୁ, ଏ ବାରେ ନା ତାଣାଟି ଝେସିମାଞ୍ଜାକୁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି □

☆ ୧୩:୩୩ ୧୩:୩୩ ଜହ ୭:୩୪ ☆ ୧୩:୩୪ ୧୩:୩୪ ଜହ ୧୫:୧୨,୧୭; ୧ଜହ ୩:୨୩; ୨ଜହ ୧:୫

୧୧ ନାନୁ ଆବା ତାଣା ମାଈ ଅଡ଼େ ଆବା ନା ତାଣା ମାନେସି ଈ କାତା ନାମାଦୁ, ଆଆତ କାମାତି ମେସାନା ନାମାଦୁ □

୧୨ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ନା ତାଣା ନାମିନେସି, ନାନୁ ଏନ୍ଦି ଏନ୍ଦି କାମା କିହିମାଈଁ, ଏଞ୍ଜାସି ଜିକେଏ ଏ ବାରେ କିନେସି, ଅଡ଼େ ଏ ବାରେକିହିଁ ହାଡ଼େକା କାଜା କାମା କିନେସି, ଇତିହିଁ ନାନୁ ଆବା ତାଣା ହାଜିମାଈଁ □

୧୩ ଆବା ଏନ୍ଦିକଁ ମୀରଏଣା ତାଣା ଗାଞ୍ଜୁରମି ଆନେସି, ଏଦାଆଁତାକି ମୀରୁ ନା ଦରୁଚି ଏଦାଆଁ ରାହ୍‌ଦେରି, ଏ ବାରେ ନାନୁ ହିୟାଈଁ □

୧୪ ମୀରୁ ନା ଦରୁଚି ଏଦାଆଁ ନାଙ୍ଗେ ରାସ୍ତାଦେରି, ନାନୁ ମିଙ୍ଗେ ଏ ବାରେ ହିୟାଈଁ □”

ସୁଦୁଜୀଞ୍ଜୁତି ହାହାଲି ଆଞ୍ଜିନାୟି

୧୫ “ମୀରୁ ନାଙ୍ଗେ ଜୀଞ୍ଜୁନହିଁ ମାଞ୍ଜାଦେରି, ଆତିହିଁ ନା ହୁକୁମି ମାନୁଞ୍ଜି ଆଦୁ □

୧୬ ଅଡ଼େ ନାନୁ ନା ଆବାଈଁ ବାତିମାଈଁ, ଅଡ଼େ ମୀ ତଲେ କାଲେଏ ଡ଼ୟାଲି ତାକି ଏଞ୍ଜାସି ମିଙ୍ଗେ ଅଡ଼େ ର ସାୟେମି କିନାଣାଇଁ,

୧୭ ଇତିହିଁ ଏ ସାତା ଜୀଞ୍ଜୁତି ହିୟାନେସି □ ଦାରୁତି ଏଦାଣି ଆବାଲି ଆଡ଼େଏ, ଇତିହିଁ ଦାରୁତି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇତିହିଁ ଏନ୍ଦି ମୀ ତଲେ ମାନେ, ଅଡ଼େ ଏନ୍ଦି ମୀ ହିୟାଁତା ଡ଼ୟିନେ □”

୧୮ “ନାନୁ ମିଙ୍ଗେ କାମା କିହା ହାଜଅଁ, ନାନୁ ମୀ ତାଣା ଖେଣ୍ଡା ଖାଈଁ □

୧୯ ଗାଡ଼େକା ଜେତ ଦାରୁତି ଅଡ଼େ ନାଙ୍ଗେ ମେସାଲି ଆଡ଼େଏ; ସାମା ମୀରୁ ନାଙ୍ଗେ ମେସ୍ତାଦେରି, ଇତିହିଁ ନାନୁ ନୀତାମାଈଁ, ଅଡ଼େ ମୀରୁ ଜିକେଏ ନୀତାନା ଡ଼ୟିଦେରି □

୨୦ ନାନୁ ନା ଆବା ତାଣା ଅଡ଼େ ମୀରୁ ନା ତାଣା ଅଡ଼େ ନାନୁ ମୀ ତାଣା ଡ଼ୟିଈଁ, ଇଦାଆଁ ଏ ଦିନା ମୀରୁ ପୁଞ୍ଜେରି □”

୨୧ “ଆମ୍ବାଆସି ନା ହୁକୁମି ଆବାହିଁ ମାନୁଞ୍ଜି ଆନେସି, ଏଞ୍ଜାସି ନାଙ୍ଗେ ଜୀଞ୍ଜୁ ନୟାଁନେସି, ଅଡ଼େ ଆମ୍ବାଆସି ନାଙ୍ଗେ ଜୀଞ୍ଜୁ ନୟାଁନେସି, ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡ଼େ ନାନୁ ଏଞ୍ଜାଣାଇଁ ଜୀଞ୍ଜୁ ନଇଁ ଅଡ଼େ ଏଞ୍ଜାଣି ତାଣା ତସାକତିଈଁ □”

୨୨ ଜାହୁଦା* ଏଞ୍ଜାଣାଇଁ ଏଲେଇଚେସି, “ଏ ପ୍ରବୁ, ଏନାଆଁ ଆଡ଼େ, ନୀନୁ ଦାରୁତିନା ନିଙ୍ଗେ ତସା କତାଆନା ମା ତାଣା ତସିମାଞ୍ଜାଦି ?”

୨୩ ଜୀସୁ ଏଞ୍ଜାଣାଇଁ ଏଲେଇଚେସି, “ଆମ୍ବାଆସି ନାଙ୍ଗେ ଜୀଞ୍ଜୁ ନୟାଁନେସି ଆତିହିଁ ଏଞ୍ଜାସି ନା ବଲୁତି ମାନୁଞ୍ଜି ଆନେସି, ଅଡ଼େ ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡ଼େ ନାନୁ ଏଞ୍ଜାଣି ତାଣା ଖାହାନା ଏଞ୍ଜାଣିତଲେ ବାସା କିଈଁ □

୨୪ ଆମ୍ବାଆସି ନାଙ୍ଗେ ଜୀଞ୍ଜୁ ନୟାଁଅସି, ଏଞ୍ଜାସି ନା ବଲୁତି ମାନୁଞ୍ଜି ଆଅସି, ଅଡ଼େ ମୀରୁ ଏମିନି ବଲୁ ଖେଞ୍ଜାମାଞ୍ଜେରି, ଏନ୍ଦି ନାଦି ଆଏ, ସାମା ନାଙ୍ଗେ ପାଣ୍ଡାମାଞ୍ଜାନି ଆବା ମାହାପୁରୁଞ୍ଜାସି □”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଙ୍ଗେ ଈ କାତା ଖେସ୍ତାଡ଼େଏଁ □

୨୬ ସାମା ଏ ସାୟେମି କିନାୟି, ଇତିହିଁ ଏମିନି ସୁଦୁଜୀଞ୍ଜୁ ଆବା ନା ଦରୁଚି ହିୟାନେସି, ଏନ୍ଦି ମିଙ୍ଗେ ବାରେ ଜାପୁହାନେ, ଅଡ଼େ ନାନୁ ମିଙ୍ଗେ ଏନା ଏନାଆଁ ଖେସାମାଞ୍ଜାଇଁ, ଏ ବାରେ ମିଙ୍ଗେ ଅଣ୍ଡି କିୟାନେ □”

୨୭ “ନାନୁ ମିଙ୍ଗେ ହିଡ଼ଡ଼ି ହାହାନା ହାଜିମାଈଁ, ନା ହିଡ଼ଡ଼ି ମିଙ୍ଗେ ଦାନା କିହିମାଞ୍ଜାଇଁ; ଦାରୁତି ଏନ୍ଦିକଁ ଦାନା କିନେ ନାନୁ ମିଙ୍ଗେ ଏଲେକଁ ଦାନା କିହିହିଲଅଁ, ମୀ ହିୟାଁ କିଲିବିଲି ଅଡ଼େ ଆଜି ଗାଗାୟି ଆଆପେ □

୨୮ ନାନୁ ହାଜିମାଈଁ ଅଡ଼େ ମୀ ତାଣା ଖେଣ୍ଡା ଖାଈଁ, ଈ ନା କାତା ଖେଞ୍ଜାମାଞ୍ଜେରି □ ମୀରୁ ନାଙ୍ଗେ ଜୀଞ୍ଜୁ ନୟାତିହିଁ ମା, ନାନୁ ନା ଆବା ତାଣା ହାଜିମାଈଁ ଇଞ୍ଜୁଁ ରାହିଁ କିତେରିମା, ଇତିହିଁ ଆବା ନା କିହିଁ କାଜାସି □

୨୯ ଏନାୟି ବାରେ ଗଟଞ୍ଜି ଆନାୟି ମାନେ, ଏ ନକେଏ ନାନୁ ମିଙ୍ଗେ ଖେସ୍ତାଡ଼େଏଁ □ ଏ ବାରେ ଗଟଞ୍ଜି ଆଡ଼ିସାରେ ମୀରୁ ନାଙ୍ଗେ ନାମାଦେରି □

୩୦ ନାନୁ ମୀ ତଲେ ହାଡ଼େକା କାତା ଆୟଅଁ, ଇତିହିଁ ଦାରୁତିତି ସାଲୁଞ୍ଜି କିନାୟି ଖାହିମାନେ; ଅଡ଼େ ନା ତାଣା ତାନିଞ୍ଜାୟି ଏନାୟି ହିଲେଏ;

* ୧୪:୨୨ ୧୪:୨୨ ଇସ୍ତାରିୟତ ଜାହୁଦା ଆଏ

୩୧ ଯାମା ଆବା ନାଜେ ଏନିକ୍ ହୁକୁମି ହାହାମାଞ୍ଜାନେସି, ଏଲେକିହ୍ ନାନୁ କାମା କିଇଁ ଆତିହ୍ ନାନୁ ଆବାଇଁ ଜାସୁ ନହ୍ ମାଇଁ ଇଞ୍ଜି ଦାବ୍ତି ପୁନେ ”
 “ଝାବୁ ମାର, ଇମ୍ବାଟି ହାନ ”

୧୫

ଜାସୁ ସାତା ଅଞ୍ଜୁରିମାଡ଼ା

୧ “ନାନୁ ସାତା ଅଞ୍ଜୁରିମାଡ଼ା, ଅଡ଼େ ନା ଆବା କାମାକିନାସି ”

୨ ନା ତାଣା ମାନି ଏମିନି କମା ପାଡ଼େୟି ଆୟେଏ, ଏଦାମି ଏଝାସି ଚୁଣହାବୁହ୍ନେସି; ଅଡ଼େ ଏମିନି କମା ପାଡ଼େୟି ଆୟିନେ, ଗାତି ପାଡ଼େୟି ଆୟାଲି ତାକି ଜାଡ଼େୟି କିନେସି ”

୩ ନାନୁ ମିଜେ ଏମିନି ବଲୁ ଝେସାମାଞ୍ଜାଇଁ, ଏଦାଆଁତାକି ଜାଡ଼େୟି ଆହାମାଞ୍ଜେରି ”

୪ ନା ତାଣା ଡ଼ୟାଦୁ ଆତିହ୍ ନାନୁ ମୀ ତାଣା ଡ଼ୟିଇଁ କମା ଏନିକ୍ ଅଞ୍ଜୁରିମାଡ଼ାତା ଡ଼ୟାଆସାରେ ତାନିତାଣାଟି ପାଡ଼େୟି ଆୟାଲି ଆଡ଼େଏ, ଏଲେକିହ୍ ଏ ମୀରୁ ଜିକେଏ ନା ତାଣା ଡ଼ୟାଆସାରେ ପାଡ଼େୟି ଆୟାଲି ଆଡ଼ଅଡ଼େରି ”

୫ “ନାନୁ ଅଞ୍ଜୁରିମାଡ଼ା ମୀରୁ କମାୟା, ଆମ୍ବାଆସି ନା ତାଣା ଡ଼ୟିନେସି ଅଡ଼େ ନାନୁ ଆମ୍ବାଆରି ତାଣା ଡ଼ୟିଇଁ, ଏଝାସି ହାରେକା ପାଡ଼େୟି ଆୟିନେସି; ଇତିହ୍ ନା ପିସପେ ମୀରୁ ଏନାଆଁ କିହାଲି ଆଡ଼ଅଡ଼େରି ”

୬ ଆମ୍ବାଆସି ନା ତାଣା ଡ଼ୟଅସି, ଆତିହ୍ ଏଝାସି କମା ଲେହେଁ ଦାଙ୍ଗାତା ମେଡ଼ପି ଆନେସି ଅଡ଼େ ଝାୟା ହାନେସି, ଇଞ୍ଜା ଲକୁ ଏଝାଆଁ କୁଡ଼ି କିହାନା ହିରୁତା ମେଡ଼ନେରି ଅଡ଼େ ଏଝି ବାରେ ଝେହାହାନୁ ”

୭ ମୀରୁ ନା ତାଣା ଡ଼ୟିଦେରି, ଅଡ଼େ ନା ବଲୁ ମୀ ତାଣା ଡ଼ୟିନେ, ଆତିହ୍ ମୀରୁ ଏନାଆଁ ମନ କିଦେରି, ଏଦାଆଁ ରାହ୍ ଦୁ, ଆତିହ୍ ଏଦି ମିଜେତାକି କିଝିଆନେ ”

୮ ମୀରୁ ହାରେକା ପାଡ଼େୟି ଆୟିସାରେ ନା ଆବା ଗାସୁରମି ଆନେସି, ଅଡ଼େ ମୀରୁ ନା ସାତା ସୀସୁ ଆନେରି ”

୯ ଏନିକ୍ ଆବା ନାଜେ ଜାସୁ ନହ୍ମାମାଞ୍ଜାନେସି, ନାନୁ ଜିକେଏ ଏଲେକିହ୍ ଏ ମିଜେ ଜାସୁନହ୍ମାମାଞ୍ଜାଇଁ; ନା ଜାସୁ ନସୁତା ତାରିଆହାନା ଡ଼ୟାଦୁ ”

୧୦ ନାନୁ ଏନିକ୍ ନା ଆବାତି ହୁକୁମି ମାନଝି ଆହାନା ତାନି ଜାସୁ ନସୁତା ତାରିଆହାନା ଡ଼ୟିମାଇଁ, ଏଲେକିହ୍ ଏ ମୀରୁ ଜିକେଏ ନା କାତା ମାନଝି ଆନେରି, ଆତିହ୍ ନା ଜାସୁ ନସୁତା ତାରିଆହାନା ଡ଼ୟିଦେରି ”

୧୧ “ଏନିକ୍ ନା ରାହ୍ ମୀ ତାଣା ଡ଼ୟିନେ, ଅଡ଼େ ମୀ ରାହ୍ ଏନିକ୍ ପୁରାଆନେ, ଏଦାଆଁତାକି ଇ ବାରେ ମିଜେ ଝେସୁଡ଼େଏଁ ”

୧୨ ନାନୁ ଏନିକ୍ ମିଜେ ଜାସୁନହ୍ମାମାଞ୍ଜାଇଁ, ମୀରୁ ଜିକେଏ ଏଲେକିହ୍ ଏ ରଅଡ଼େରି ରଅଣାଇଁ ଜାସୁନସୁ, ଇଦି ନା ହୁକୁମି ”

୧୩ ଜାହାରା ତଣେସିଙ୍ଗା ତାକି ଜାସୁହାନି କିହ୍ ଅଡ଼େ କାଜା ଜାସୁନନାସି ହିଲେଏ ”

୧୪ ନାନୁ ମିଜେ ଆମିନି ହୁକୁମି ହାହାମାଞ୍ଜାଇଁ, ଏଦାଆଁ ମୀରୁ ମାନଝି ଆନେରି ଆତିହ୍ ମୀରୁ ନା ତଣେସିଙ୍ଗା ”

୧୫ ନାନୁ ମିଜେ ଅଡ଼େ ହଲେଏସି ଇଞ୍ଜି ମାଞ୍ଜୁଆଁ, ଇତିହ୍ ସାସୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ଯାମା ନାନୁ ମିଜେ ତଣେ ଇଞ୍ଜିମାଞ୍ଜାଇଁ, ଇତିହ୍ ନାନୁ ନା ଆବା ତାଣାଟି ଏନା ଏନାଆଁ ଝେଞ୍ଜାମାଇଁ, ଏ ବାରେ ମିଜେ ଝେସାମାଞ୍ଜାଇଁ ”

୧୬ ମୀରୁ ନାଜେ ଆବା ମାଞ୍ଜଅଡ଼େରି, ଯାମା ନାନୁ ମିଜେ ଆବାମାଞ୍ଜାଇଁ, ଅଡ଼େ ମୀରୁ ଏନିକ୍ ପାଡ଼େୟି ଆୟାଲି ଆଡ଼ିଦେରି ଅଡ଼େ ମୀ ପାଡ଼େୟି ତାରିଆହାନା ଡ଼ୟିନେ, ଏଦାଆଁତାକି ମିଜେ ଆବାମାଞ୍ଜାଇଁ ଏଡ଼େଟିଏ ମୀରୁ ନା ଦରୁତଲେ ଆବାଇଁ ଏନାଆଁ ରାହ୍ଦେରି ଏଝାସି ମିଜେ ହିୟାନେସି ”

୧୭ ମୀରୁ ଏନିକ୍ ରଅଡ଼େରି ରଅଣାଇଁ ଜାସୁ ନଦେରି, ଏଦାଆଁତାକି ନାନୁ ଇ ବାରେ ହୁକୁମି ହାହିମାଞ୍ଜାଇଁ ”

ଦାର୍ତ୍ତି ଅପାଆଗାଗାୟି

୧୫:୧୭ ୧୫:୧୭ ଜହ ୧୩:୩୪; ୧୫:୧୭; ୧ଜହ ୩:୨୩; ୨ଜହ ୧:୫

୧୮ “ଦାରୁତି ମିଜେ ଅପେଏ, ଆତିହୁଁ ମିଜେ ଅପାଆ ନକେଏ ନାଜେ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ ।

୧୯ ମୀରୁ ଦାରୁତିତାତେରି ଆହାମାତିହୁଁମା, ଦାରୁତି ମିଜେ ନା ଲକୁ ଇଞ୍ଜୁଁ ପୁଞ୍ଜାନା ଜୀଞ୍ଜୁ ନୟାଁତେମା; ମୀରୁ ଦାରୁତିତି ଖାହା ହିଲଅତେରି, ଯାମା ନାନୁ ମିଜେ ଦାରୁତିତି ଆଡ଼ାମାଞ୍ଜାଇଁ, ଏଦାଆଁତାକି ଦାରୁତି ମିଜେ ଅପେଏ ।

୨୦ *ହଲେଏସି ସାଞ୍ଜୁକାରି କିହାଁ କାଜାସି ଆଏ, ନାନୁ ମିଜେ ଏମିନି ବଲୁ ଝେସାମାଞ୍ଜାଇଁ, ଏଦାଆଁ ଅଣପାଦୁ । ଏଞ୍ଜାରି ନାଜେ ସାସି ହାହାମାଞ୍ଜାନେରି, ଆତିହୁଁ ମିଜେ ଜିକେଏ ସାସି ହିୟାନେରି; ଅଡ଼େ ଏଞ୍ଜାରି ନା ବଲୁତି ମାନୁଞ୍ଜି ଆହାମାନେରି, ଆତିହୁଁ ମୀ ବଲୁ ଜିକେଏ ମାନୁଞ୍ଜି ଆନେରି ।

୨୧ ଯାମା ଏଞ୍ଜାରି ନାଜେ ପାଣ୍ଡାତାଣାଇଁ ପୁଞ୍ଜାହିଲାଆକି, ନା ଦରୁ ତାକି ମିଜେ ଇ ବାରେ ଆନେ ।

୨୨ ନାନୁ ଖାହାନା ଏଞ୍ଜାରାଇଁ ଝେହୁଆତିହୁଁ, ଏଞ୍ଜାରି ପାପୁ ଗାଟାରି ଆଆତେରିମା; ଯାମା ନୀଏଁ ଇ ପାପୁ ତାକି ଏନି ମିତି କାତା ଝେସାଲି ଆଡ଼ଅରି

୨୩ ଆମାଆସି ନାଜେ ଅପଅସି, ଏଞ୍ଜାସି ନା ଆବାଇଁ ଜିକେଏ ଅପଅସି ।

୨୪ ନାନୁ ଏଞ୍ଜାରିତାଣା ଏନି କାବାଆନି କାମା କିହାହିଲାଆତୁଁ, ଏଞ୍ଜାରି ପାପୁ ଗାଟାରି ଇଞ୍ଜୁଁ ଏଜିକିଞ୍ଜି ଆଆତେରିମା । ଯାମା ନା ବାରେ କାମା ମେସାନା ଜିକେଏ ଏଞ୍ଜାରି ନାଜେ ଅଡ଼େ ନା ଆବାଇଁ ଅପାହିଲଅରି ।

୨୫ ଯାମା ଏଞ୍ଜାରି ନାଜେ ଭଜେଏ ଅପାମାଞ୍ଜଅରି, ମସା ମେରାତା ରାସକି ଆହାମାନାୟି ଏନିକିଁ ପୁରା ଆନେ ଇଦାଆଁତାକି ଇ ବାରେ ଆହିମାନେ ।

୨୬ “ଆବା ତାଣାଟି ନାନୁ ମୀ ତାଣା ଏମିନି ସାୟେମି କିନାଣି ପାଣ୍ଡାଇଁ, ଆବା ତାଣାଟି ଖାନି ଏ ସାତା ଜୀଞ୍ଜୁ ଖାତିହୁଁ ନା କାତା ସାକି ହିୟାନେ;

୨୭ ମୀରୁ ଜିକେଏ ନା କାତାତାକି ସାକି ହୀଦେରି, ଇତିହୁଁ ମୂଲୁଟିଏ ମୀରୁ ବାରେ ନା ତଲେ ମାଟେରି ।”

୧୭

୧ “ମୀ ନାମୁତି ଏନିକିଁ ପିହୁଅତେରି, ଇଦାଆଁତାକି ଇ ବାରେ କାତା ଝେସାମାଞ୍ଜାଇଁ ।

୨ ଏଞ୍ଜାରି ମିଜେ କୁଲମତି ହପୁହାନେରି, ଇଲେତି ଦିନା ଖାହିମାନେ, ଏଚେତା ଆମାଆସି ମିଜେ ପାୟାନେସି, ଏଞ୍ଜାସି ମାହାପୁରୁ ତାକି ଜହରାତି ପୂଜା କିହିମାଇଁ ଇଞ୍ଜୁଁ ଅଣପିନେସି ।

୩ ଲକୁ ଇ ବାରେ କୟାନେରି, ଇତିହୁଁ ଏଞ୍ଜାରି ଆବା ଆଆତୁଁ ନାଜେ ପୁଞ୍ଜାମାଞ୍ଜଅରି ।

୪ ଇ ବାରେ ଗଟିଞ୍ଜି ଆଡ଼ିସାରେ, ନାନୁ ମିଜେ ଝେସାମାଞ୍ଜାତେଏଁ ଇ କାତା ମୀରୁ ଏନିକିଁ ଅଣପିଦେରି, ଇଦାଆଁତାକି ଇ ବାରେ କାତା ମିଜେ ଝେସାମାଞ୍ଜାଇଁ । ନାନୁ ମୀ ତଲେ ମାତାକି ମୂଲୁଟିଏ ଇ ବାରେ କାତା ମିଜେ ଝେସାମାଞ୍ଜଅଁ ।”

ସୁବୁଜୀଞ୍ଜୁତି କାମା

୫ “ସାମା ନାନୁ ନୀଏଁ ନା ପାଣ୍ଡାତାଣା ତାଣା ହାଜିମାଇଁ, ଅଡ଼େ ମୀରୁ ଆମିୟା ହାଜିମାଞ୍ଜି ଇଞ୍ଜୁଁ ମୀ ବିତାରି ଆମାଆତେରି ନାଜେ ଝେଞ୍ଜି ମାଞ୍ଜଅତେରି ।

୬ ଯାମା ନାନୁ ଇ ବାରେ କାତା ଝେସାମାଞ୍ଜାନାକି ମୀ ହିୟାଁ ହାରେକା ଦୁକୁ ଆହିମାନେ ।

୭ ଯାମା ନାନୁ ମିଜେ ସାତା ଝେସିମାଞ୍ଜାଇଁ, ନାନୁ ହାନାୟି ମିଜେତାକି ନେହେଁ, ଇତିହୁଁ ନାନୁ ହାଲାଆସାରେ ଏ ସାୟେମି କିନାୟି ମୀ ତାଣା ଖାଏ, ଯାମା ନାନୁ ହାତିସାରେ ଏଦାଣି ମୀ ତାଣା ପାଣ୍ଡାଇଁ ।

୮ ଏନି ଖାହାନା ପାପୁ, ଦାମୁଁ ଅଡ଼େ ମାହାପୁରୁତି ବିଚାରାତି କାତା ଇ ଦାରୁତିତି ଲକୁଣି ଝେହୁନେ;

୯ ପାପୁତି କାତା, ଇତିହୁଁ ଏଞ୍ଜାରି ନା ତାଣା ନାମା ହିଲଅରି;

୧୦ ଦାମୁଁତି କାତା, ଇତିହୁଁ ନାନୁ ଆବା ତାଣା ହାଜିମାଇଁ ମୀରୁ ଅଡ଼େ ନାଜେ ମେସୁଅତେରି;

୧୧ ବିଚାରାତି କାତା, ଇତିହୁଁ ଇ ଦାରୁତି ସାଲୁଞ୍ଜି କିନାରି ବିଚାରା କିଞ୍ଜି ଆହାମାନେରି ।”

୧୨ “ମିଜେ ନାନୁ ଅଡ଼େ ହାରେକା କାତା ଝେସାମାଞ୍ଜିମାନେ, ଯାମା ନୀଏଁ ମୀରୁ ଏ ବାରେ ଅରୁହାଲି ଆଡ଼ଅତେରି

* ୧୫:୨୦ ୧୫:୨୦ ମାତି ୧୦:୨୪; ଲୁକ ୬:୪୦; ଜହ ୧୩:୧୬

୧୩ ସାମା ସାତାତି ଜୀବୁ ଖାଡ଼ିସାରେ, ଏହି ବାରେ ସାତାତି ତେଲହାଲି ବାଡ଼ୁମୁ ହିୟାନେ, ଏହି ମିଜେ ଜିରୁ ତସାନା ତାନିତାଣାତି ଏନାଆଁ ଖେହ୍‌ଏ, ମାହାପୁରୁ ତାଣାତି ଏନା ଏନାଆଁ ଖେଜ୍‌ମାନେ ଖାରୁଇ ଏତେକେଏ ଖେହ୍‌ନେ, ଅଡ଼େ ଏନାୟି ଆହାଲି ହାଜିମାନେ ଏନାଆଁ ଏହି ଖେସ୍‌ସାନେ □

୧୪ ଏଝାସି ନାଜେ ଗାବୁରମି କିୟାନେସି, ଇତିହ୍‌ ନା ତାଣାତି ବାରେ କାତା ପୁଞ୍ଜାନା ଏହି ଏନାଆଁ ମୀ ତାଣା ଖେସ୍‌ସାନେ □

୧୫ ଏନା ଏନାୟି ଆବାଝାୟି, ଏ ବାରେ ନାହିଁ; ଇଦାଆଁତାକି ନାନୁ ଏଲେଇଞ୍ଜାତେଏଁ, ଏଝାସି ନା କାତା ଅହାନା ମିଜେ ଖେସ୍‌ସାନେସି □”

ଦୁକୁ ଅଡ଼େ ରାହ୍‌

୧୬ “ଗାଡ଼େକା ଜେତ ମୀରୁ ଅଡ଼େ ନାଜେ ମେସ୍‌ଅତେରି, ସାମା ଏଚରଦିନା ଜେତ ମେସ୍‌ସାଦେରି □”

୧୭ ଏତେଟିଏ ତାନି ସାସୁୟାଁ ବିତ୍ରାତି ଆମ୍ବା ଆମ୍ବାଆରି ଏଲେଇଚେରି, “ଗାଡ଼େକା ଜେତ ନାଜେ ମେସ୍‌ଅତେରି, ଅଡ଼େ ଏଚରଦିନା ହାତି ତାମୁ ନାଜେ ମେସ୍‌ସାଦେରି, ନାନୁ ଆବା ତାଣା ହାଜିମାଲ୍, ଏଝାସି ଏମିନି କାତା ମାଜେ ଖେସ୍‌ସାତେସି, ଇଦି ଏନାୟି ?”

୧୮ ଏଝାରି ଏଲେଇଚେରି, “ଗାଡ଼େକା ଇଞ୍ଜ୍‌ ଏନାଆଁ ଏଲେଇଞ୍ଜି ମାନେସି ? ଏଝାସି ଏନାଆଁ ଏଲେଇଞ୍ଜି ମାନେସି ମାମ୍ବୁ ଚୁତଲହାଲି ଆଡ଼ିହିଲଅମି □”

୧୯ ସାସୁୟାଁ ତାଙ୍ଗ ଖେଜ୍‌ଲି ଅଣ୍ଡିମାନେରି ଇଞ୍ଜ୍‌ ପୁଞ୍ଜାନା ଜୀସୁ ଏଝାରାଇଁ ଏଲେଇଚେସି, “ଗାଡ଼େକା ଜେତ ନାଜେ ମେସ୍‌ଅତେରି, ଅଡ଼େ ଏଚରଦିନା ହାତି ତାମୁ ନାଜେ ମେସ୍‌ସାଦେରି, ନାନୁ ଇ ଏମିନି କାତା ମିଜେ ଖେସ୍‌ସାତେଏଁ, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ?

୨୦ ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ ଦୁକୁ ରାହ୍‌ତା ତିରି ମୀଣ୍‌ନେ □

୨୧ ଜାନି କିନି ବେଲା ଖାଡ଼ିସାରେ ଇୟା ଦୁକୁ ବେଟାଆଡ଼େନ; ସାମା ଏହି କକାଣାଇଁ ଜାନି କିତି ତାମୁ ଦାରୁତିତା ର ମାଣ୍ଡିସି ଜାନି ଆହାମାନେସି, ଇ ରାହ୍‌ତାକି କସ୍‌ତି ଅଣ୍ଡିପେଏଦେଁ □

୨୨ ଏଲେକହ୍‌ ଏ ମୀରୁ ନାଏଁ ଦୁକୁ ବେଟାଆହିମାଞ୍ଜେରି, ସାମା ନାନୁ ଅଡ଼େ ଖେଣ୍ଡେ ମିଜେ ତଞ୍ଜା ଆୟାଇଁ, ଅଡ଼େ ମୀ ହିୟାଁ ରାହ୍‌ ଆନେ ଅଡ଼େ ଆମ୍ବାଆସି ମୀ ତାଣାତି ମୀ ରାହ୍‌ ମୀଞ୍ଜା ଅୟଅସି □”

୨୩ “ଏ ଦିନା ମୀରୁ ନାଜେ ଏନାଆଁ ଖେଜ୍‌ଅତେରି □ ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ ଆବାଇଁ ଏନାଆଁ ରାହ୍‌ଦେରି, ଏଝାସି ନା ଦରୁତଲେ ମିଜେ ହିୟାନେସି □

୨୪ ନାଏଁ ପାତେକା ନା ଦରୁତଲେ ଏନାଆଁ ରାସା ହିଲଅତେରି; ରାହ୍‌ଦୁ, ଏନିକ୍‌ ମୀ ରାହ୍‌ ଗାତି ଆନେ, ଏନାଆଁତାକି ମୀରୁ ଏନାଆଁ ବେଟାଆଡ଼େରି □”

ଦାରୁତିତା ଜାଣା ଆନାୟି

୨୫ “ନାନୁ ମିଜେ ପୁଣ୍ଡିକିନି କାତାତଲେ ଇ ବାରେ ଖେସାମାଞ୍ଜାଇଁ; ଦିନା ଖାହିମାନେ, ଏତିବେଲା ନାନୁ ଅଡ଼େ ପୁଣ୍ଡିକିନି କାତାତଲେ ମିଜେ ଖେସ୍‌ଅଁ, ଆବାତି କାତା ତୀରେତଲେ ଖେସ୍‌ୟାଇଁ □

୨୬ ଏ ଦିନା ମୀରୁ ନା ଦରୁତଲେ ରାହ୍‌ଦେରି; ଅଡ଼େ ନାନୁ ମୀ ଖାକିତି ଆବାଇଁ ବାତିମାଲିଲ୍, ଇ କାତା ନାନୁ ମିଜେ ଖେସିମାଞ୍ଜାଅଁ;

୨୭ ଇତିହ୍‌ ଆବା ତାନୁଏ ମିଜେ ଜୀବୁ ନହ୍‌ମାଞ୍ଜାନେସି, ମୀରୁ ନାଜେ ଜୀବୁନହ୍‌ ମାଞ୍ଜାଦେରି ଅଡ଼େ ନାନୁ ମାହାପୁରୁ ତାଣାତି ଖାହାମାଲ୍, ଏନାଆଁ ମୀରୁ ନାମାମାଞ୍ଜେରି □

୨୮ ନାନୁ ଆବା ତାଣାତି ଦାରୁତିତା ଖାହାମାଲ୍; ଦାରୁତି ପିସାନା ଖେଣ୍ଡେ ଆବା ତାଣା ହାଜିମାଲ୍ □”

୨୯ ଇ ହାଡ଼ା ଖେଜ୍‌ଜାନା ସାସୁୟାଁ ଏଝାଣାଇଁ ଏଲେଇଚେରି, “ନାଏଁ ନାନୁ ପୁଣ୍ଡିକିନି କାତା ଲେୟାଆନା ତୀରେତଲେ ଖେସିମାଞ୍ଜି □

୩୦ ନାନୁ ବାରେ କାତା ପୁଞ୍ଜାମାଞ୍ଜି, ଆମ୍ବାଆସି ମିଜେ ଖେଜ୍‌ଜାନାୟି ଲଡ଼ା ହିଲେଏ, ଏନାଆଁ ନାଏଁ ମାମ୍ବୁ ପୁଚମି; ମାହାପୁରୁ ତାଣାତି ଖାହାମାଞ୍ଜି ଇଞ୍ଜ୍‌ ମାମ୍ବୁ ଲୁ କାତା ନାମି ମାନମି □”

୩୧ ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ନାଏଁ ନାମିମାଞ୍ଜେରି ?

୩୨ ମେହ୍‌ଦୁ ଦିନା ଖାହିମାନେ, ଏ ବେଲା ଖାଡ଼େୟିଏ, ଏତିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡ଼େ ନାଜେ ରଅତେଏଁ କିୟାଦେରି; ଆଡ଼ିକିକେଏ ନାନୁ ରଅତେଏଁ ଆଏ, ଇତିହ୍‌ ଆବା ନା ତଲେ ମାନେସି □

୩୩ ମାନୁ ଏନିକିଁ ନା ତାଣାଟି ହିଡ଼ଡ଼ି ବେଟାଆବେରି, ଏଦାଆଁତାକି ନାନୁ ମିଙ୍ଗେ ଛ ବାରେ କାତା
ଝେସାମାଞ୍ଜାଇଁ ଦାଋତିତା ମିଙ୍ଗେତାକି ହାରେକା ସାସ୍ତି ମାନେ, ସାମା ସାସା ଆହୁଦୁ; ଇତିହଁ ନାନୁ
ଦାଋତିତି ଜାଣା ଆହାମାଇଁଁ”

୧୭

ଜାସୁ ତାନି ସାସୁୟାଁକି ପ୍ରାତାନା କିନାୟି

୧ ଜାସୁ ଛ ବାରେ କାତା ଏଲେଇଞ୍ଜାଁ ଲାକପୁରୁ ଝାକି ସିନିକିହାନା ଏଲେଇଚେସି, “ଆବା, ବେଲା
ଆଡେୟିଏ; ନୀ ମାରୁଏଣାଇଁ ଗାଝୁରମି କିମୁ, ଏନିକିଁ ମାରୁଏସି ନିଙ୍ଗେ ଗାଝୁରମି କିୟାନେସି”

୨ ନାନୁ ଏଞ୍ଜାଣାଇଁ ବାରେ ମାଣସି କୁଡ଼ାତି ମୁହେଁ ଅଦିକାରା ହାହାମାଞ୍ଜିଁ ଅଡ଼େ ଆମ୍ବାଆରାଇଁ ଏଞ୍ଜାଣି
କେୟୁତା କାଲାକାଲାତି ଜୀଝୁ ହାହାଲିତାକି ହେରପାମାଞ୍ଜିଁ ଏଞ୍ଜାଣାକି ବାଡ଼ୁଲୁ ହାହାମାଞ୍ଜିଁ

୩ ଅଡ଼େ ରଣ୍ଡିଏ ସାତା ମାହାପୁରୁତି ନାନୁ, ନିଙ୍ଗେ ଅଡ଼େ ନୀ ତାଣାଟି ପାଣ୍ଡିଆହାମାନି ଜୀସୁ କ୍ରୀସୁଇଁ
ପୁନାୟି ଆହିମାନେ କାଲାକାଲାତି ଜୀଝୁ

୪ ନାନୁ ନାଙ୍ଗେ ଏମିନି କାମା କିହାଲି ହାହାମାଞ୍ଜାଦି, ଏଦାଆଁ ନାନୁ ରାପୁହାନା ଦାଋତିତା ନିଙ୍ଗେ
ଗାଝୁରମି କିହାମାଞ୍ଜାଇଁ

୫ ଏ ଆବା ଦାଋତି ଗାଡ଼ି ଆଆ ନକଏଏ ନୀ ତଲେ ନା ଏମିନି ଗାଝୁରମି ମାଚେ, ଏମ୍ବାଟି ନାନୁ ନାଙ୍ଗେ
ନୀ ତଲେ ଗାଝୁରମି କିୟାମୁ

୬ “ନାନୁ ନାଙ୍ଗେ ଦାଋତି ବିତ୍ରାଟି ଏମିନି ଲକୁଣି ନାଙ୍ଗେ ହାହାମାଞ୍ଜାଦି, ନାନୁ ନୀ ଦରୁ ଏଞ୍ଜାରି ନକିତା
ତସାମାଇଁ; ଏଞ୍ଜାରି ନୀ ଲକୁ ମାଚେରି ଅଡ଼େ ନାନୁ ଏଞ୍ଜାରାଇଁ ନାଙ୍ଗେ ହାହାମାଞ୍ଜାତି, ଏଞ୍ଜାରି ନୀ ବଲୁତି
ମାନୁଞ୍ଜି ଆହାମାନେରି

୭ ନାନୁ ନାଙ୍ଗେ ଏନା ଏନାଆଁ ହାହାମାଞ୍ଜାଦି, ଏ ବାରେ ନୀ ତାଣାଟି ଝାହାମାନେ, ଇଦାଆଁ ନୀଏଁ ଏଞ୍ଜାରି
ପୁଞ୍ଜାମାନେରି

୮ ଇତିହଁ ନାନୁ ନାଙ୍ଗେ ହାହାମାଞ୍ଜାନି ବଲୁ ନାନୁ ଏଞ୍ଜାରାକି ହାହାମାଇଁ, ଅଡ଼େ ଏଞ୍ଜାରି ଆବା
ମାନେରି ଇଞ୍ଜାଁ ନାନୁ ନୀ ତାଣାଟି ଝାହାମାଇଁ, ଏଦାଆଁ ସାତା ତଲେ ପୁଞ୍ଜାମାନେରି, ଅଡ଼େ ନାନୁ ନାଙ୍ଗେ
ପାଣ୍ଡାମାଞ୍ଜାଦି ଇଞ୍ଜାଁ ଏଞ୍ଜାରି ନାମାମାନେରି

୯ “ନାନୁ ଏଞ୍ଜାରି ତାକି ପ୍ରାତାନା କିହିଲିଅଁ, ସାମା ନାନୁ ନାଙ୍ଗେ
ଏମିନି ଗାଟାରାଇଁ ହାହାମାଞ୍ଜାଦି, ଏଞ୍ଜାରି ତାକି ପ୍ରାତାନା କିହିଲିଅଁ, ଇତିହଁ ଏଞ୍ଜାରି ନୀ ଲକୁ;

୧୦ ଏନା ଏନାୟି ନାଦି ମାନେ ଏ ବାରେ ନୀଦି, ଅଡ଼େ ଏନା ଏନାୟି ନାଦି ମାନେ, ଏ ବାରେ ନାଦି
ଅଡ଼େ ଏଞ୍ଜାରି ତାଣାଟି ନାନୁ ଗାଝୁରମି ଆହିମାଇଁ

୧୧ ନାନୁ ଅଡ଼େ ଛ ଦାଋତିତା ଡ଼ୟିହିଲିଅଁ, ସାମା ଇଞ୍ଜାରି ଦାଋତିତା ଡ଼ୟିମାନେରି, ଇଞ୍ଜାଁ ନାନୁ ନୀ
ତାଣା ଝାହିମାଇଁ; ସୁଦୁଗାଟି ଆବା ଆମିନି ଗାଟାରାଇଁ ନୀ ଦରୁତି ବାଡ଼ୁଲୁ ତଲେ ନାଙ୍ଗେ ହେରପା ମାଞ୍ଜାଦି
ଏଞ୍ଜାରାଇଁ ଗେଲୁପାମୁ, ନାନୁ ଅଡ଼େ ନାନୁ ଏନିକିଁ ରଣ୍ଡିଏ ଆହାମାନାୟି ଏଲେକିହଁଏ ଏଞ୍ଜାରାଇଁ
ଜିକେଏ ରଣ୍ଡିଏ କିହାଲି ସାୟେମି କିମୁ

୧୨ ଏଞ୍ଜାରିତଲେ ମାଟିବେଲାତା ନାନୁ ଏଞ୍ଜାରାଇଁ ନୀ ଦରୁତଲେ ଗେଲୁପାମାଇଁ, ଆମିନି ଦରୁ ନାନୁ
ନାଙ୍ଗେ ହାହାମାଞ୍ଜାଦି, ଅଡ଼େ ନାନୁ ଏଞ୍ଜାରାଇଁ ଜାଗ୍ରାତା ତଲେ ଗେଲୁପାମାଇଁ, ଦାମୁଁ ପତି ଏନିକିଁ ପୁରା
ଆନେ, ଏଦାଆଁତାକି ଏଞ୍ଜାରି ନାସା ଆନାୟି ମାଟି ଜିକେଏ, ରଅସି ଜିକେଏ ନାସା ଆହାହିଲଅସି

୧୩ ସାମା ନୀଏଁ ନାନୁ ନୀ ତାଣା ଝାହିମାଇଁ, ଅଡ଼େ ଦାଋତିତା ମାଞ୍ଜା ମାଞ୍ଜାନା ନା ରାହାଁତା ଏଞ୍ଜାରି ହିୟାଁ
ଏନିକିଁ ରାହାଁ ଆନେ, ଏଦାଆଁତାକି ନାନୁ ଛ ବାରେ କାତା ଝେସିମାଞ୍ଜାଇଁ

୧୪ ନାନୁ ଏଞ୍ଜାରାକି ନୀ ବଲୁ ହାହାମାଇଁ, ଏଦାଆଁତାକି ଦାଋତି ଏଞ୍ଜାରାଇଁ ଅପିହିଲେଏ, ନାନୁ ଏନିକିଁ
ଦାଋତିତି ଝାହାହିଲଅଁ ଏଞ୍ଜାରି ଜିକେଏ ଛ ଦାଋତିତାରି ଆଏ

୧୫ ନାନୁ ଏଞ୍ଜାରାଇଁ ଛ ଦାଋତିତି ଅହଁ ହାଲାମୁ ଇଞ୍ଜାଁ ବାତିମାଲି ମାଞ୍ଜାଅଁ, ସାମା ଏଞ୍ଜାରାଇଁ
ଲାଗେଏତି ପାନ୍ଦାଟି ଗେଲୁପାମୁ ଇଞ୍ଜାଁ ବାତିମାଲିମାଞ୍ଜାଇଁ

୧୬ ନାନୁ ଏନିକିଁ ଦାଋତିତି ଝାହାହିଲଅଁ, ଏଞ୍ଜାରି ଏଲେକିଁ ଦାଋତିତି ଝାହାହିଲଅରି

୧୭ ସାତା ତଲେ ଏଞ୍ଜାରାଇଁ ସୁଦୁ କିମୁ, ଇତିହଁ ନୀ ବଲୁଏ ସାତା

* ୧୭:୧୧ ୧୭:୧୧ ଛ କାତା ପୁଞ୍ଜଇ ପତିତା ହିଲେଏ ☆ ୧୭:୧୭ ୧୭:୧୭ ଜହ ୧୩:୧୮ † ୧୭:୧୭ ୧୭:୧୭ ଛ କାତା ପୁଞ୍ଜଇ
ପତିତା ହିଲେଏ

୧୮ ନାନୁ ଏନିକି ନାଜେ ଦାର୍ତ୍ତିତା ପାଣ୍ଡାମାଞ୍ଜାଦି, ନାନୁ ଜିକେଏ ଏଞ୍ଜାରାଇଁ ଦାର୍ତ୍ତିତା ପାଣ୍ଡାମାଞ୍ଜାଦି ।
୧୯ ଅଡେ ଏଞ୍ଜାରି ଜିକେଏ ଏନିକି ସାତା ତଲେ ସୁଦୁ ଆନେରି, ଏଦାଆଁତାକି ନାନୁ ଏଞ୍ଜାରି ତାକି ନାଜେ ସୁଦୁ କିହିମାଇଁ ।”

୨୦ “ନାନୁ ଖାରଇ ଏଞ୍ଜାରି ତାକି ପ୍ରାତାନା କିହିହିଲଅଁ, ଏଞ୍ଜାରି ବଲୁ ଝେଞ୍ଜାନା ଆମ୍ବାଆସି ନା ତାଣା ନାମିନେସି, ଏଞ୍ଜାରି ତାକି ଜିକେଏ ପ୍ରାତାନା କିହିମାଇଁ ।

୨୧ ଏନିକି ଏଞ୍ଜାରି ବାରେ ରଣ୍ଡିଏ ଆନେରି; ଏ, ଆବା ନାନୁ ଏନିକି ନା ତାଣା ମାଞ୍ଜି ଅଡେ ନାନୁ ନୀ ତାଣା ମାଇଁ, ଏଞ୍ଜାରି ଜିକେଏ ଏଲେକିହି ଏ ମା ତାଣା ଡୟାପେରି, ଏନିକି ନାନୁ ନାଜେ ପାଣ୍ଡାତି ଇଞ୍ଜି ଦାର୍ତ୍ତି ନାମିନେ ।

୨୨ ଅଡେ ନାନୁ ନାଜେ ଏମିନି ଗାଞ୍ଜୁରମି ହାହାମାଞ୍ଜାଦି, ନାନୁ ଏଦାଆଁ ଏଞ୍ଜାରାକି ହାହାମାଞ୍ଜାଦି, ମାର ଏନିକି ରଣ୍ଡିଏ ଏଞ୍ଜାରି ଏଲେକି ରଣ୍ଡିଏ ଆନେରି;

୨୩ ନାନୁ ଏନିକି ନା ତାଣା ନାନୁ ଏଲେକିହି ଏଞ୍ଜାରିତାଣା ଡୟିଇଁ । ଏନିକି ଏଞ୍ଜାରି ମାନି ତଲେ ରଣ୍ଡିଏ ଆନେରି, ଇଞ୍ଜା ଦାର୍ତ୍ତି ପୁନେ କି ନାନୁ ନାଜେ ପାଣ୍ଡାମାଞ୍ଜାଦି, ନାଜେ ଏନିକି ଜୀଞ୍ଜୁ ନହଁ ମାଞ୍ଜାଦି ଏଞ୍ଜାରାଇଁ ଜିକେଏ ଏଲେକିହି ଏ ଜୀଞ୍ଜୁ ନହଁ ମାଞ୍ଜି ।”

୨୪ “ଏ ଆବା! ନାନୁ ଏଞ୍ଜାରାଇଁ ନା କେୟୁତା ହାହାମାଞ୍ଜାଦି । ନାନୁ ଆମ୍ବିୟା ଡୟିଇଁ, ଏଞ୍ଜାରି ଜିକେଏ ଏନିକି ଏମ୍ବାଆଁ ଡୟିନେରି ଅଡେ ଦାର୍ତ୍ତି ଗାଡ଼ି ଆଆ ନକେଏ ନାନୁ ନାଜେ ଜୀଞ୍ଜୁ ନହଁ ମାଞ୍ଜାନାକି ନାଜେ ଏମିନି ଗାଞ୍ଜୁରମି ହାହାମାଞ୍ଜାଦି, ନା ଏ ଗାଞ୍ଜୁରମି ଏନିକି ଏଞ୍ଜାରି ମେସାଲି ଆଡ଼ିନେରି ଇଦି ନା ଅଣ୍ଡପୁ ।

୨୫ ଏ ଦାର୍ମଗାଟି ଆବା, ଦାର୍ତ୍ତି ନିଜେ ପୁଞ୍ଜାମାଞ୍ଜେଏ, ସାମା ନାନୁ ନିଜେ ପୁଞ୍ଜାମାଞ୍ଜାଇଁ; ଅଡେ ନାନୁ ନାଜେ ପାଣ୍ଡାମାଞ୍ଜାଦି, ଏଦାଆଁ ଇଞ୍ଜାରି ପୁଞ୍ଜାମାଞ୍ଜାନେରି;

୨୬ ନାନୁ ନାଜେ ଏମିନି ଜୀଞ୍ଜୁ ନହଁ ଗାଞ୍ଜୁ ନହଁ ମାଞ୍ଜାଦି, ଏଦି ଏନିକି ଏଞ୍ଜାରିତାଣା ଡୟିନେ ଅଡେ ନାନୁ ଏଞ୍ଜାରିତାଣା ଡୟିଇଁ, ଏଦାଆଁତାକି ନାନୁ ଏଞ୍ଜାରାଇଁ ଝେସାମାଇଁ ଅଡେ ଝେହଇଁ ।”

୧୮

ଜୀସୁ ସାତୁୟାଁ କେୟୁତା ହେରପି ଆନାସି

(ମାତି ୨୭:୪୭-୫୭; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜୀସୁ ଇ ପ୍ରାତାନା ରାପୁହି ତାୟୁ ତାନି ସାସୁୟାଁ ତଲେ କିପୁଣ କାତା ଆତାଲା ହାଚେରି, ଏମ୍ବାଆଁ ର ବାଡ଼ା ମାଚେ, ଇଞ୍ଜା ଏଞ୍ଜାସି ତାନି ସାସୁୟାଁ ତଲେ ଏମ୍ବାଆଁ ହଟେରି ।

୨ ଏମିନି ଜୀହୁଦା ଏଞ୍ଜାଣାଇଁ ସାତୁୟାଁ କେୟୁତା ହେରପିତେସି, ଏଞ୍ଜାସି ଜିକେଏ ଏ ଟାୟୁତି ପୁଞ୍ଜାମାଚେସି, ଇତିହି ଜୀସୁ ହାରେକା ପାଲି ସାସୁୟାଁ ତଲେ ଏ ଟାୟୁତା ହାଜାମାଚେସି ।

୩ ଏଦାଆଁତାକି ଜୀହୁଦା ଜାମାନାଜା ଇଞ୍ଜା କାଜା ପୂଜେରା ଅଡେ ପାୟୁୟାଁ ତାଣାଟି ମାହାପୁରୁ ଇଲୁତି ଜାମାନାଜା ଲକୁ ଦୀଞ୍ଜି, ହିକୁ ବନ୍ଦାୟାଁ ଅଡେ ଚେଜା ବାଲାୟାଁ ଆସାନା ଏମ୍ବାଆଁ ଖାଡେରି ।

୪ ଏମ୍ବାଟିଏ ଜୀସୁ ତାଜୋତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଞ୍ଜାରାଇଁ ଝେଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି ?”

୫ ଏଞ୍ଜାରି ଏଲେଇଚେରି, “ନାଜୁରିତତି ଜୀସୁ ।”

ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଏଞ୍ଜାଚେଏଁ ?”

ଏମିନି ଜୀହୁଦା ଏଞ୍ଜାଣାଇଁ ସାତୁୟାଁ କେୟୁତା ହେରପିତେସି, ଏଞ୍ଜାସି ଜିକେଏ ଏଞ୍ଜାରିତଲେ ଏମ୍ବାଆଁ ନିଚାମାଚେସି ।

୬ ଜୀସୁ ଏଚିବେଲା ଏଞ୍ଜାରାଇଁ ଏଲେଇଚେସି, “ନାନୁ ଏଞ୍ଜାଚେଏଁ” ଏଚିବେଲା ଏଞ୍ଜାରି ତାୟୁଞ୍ଜାକି ଗୁଚା ଆହାନା ବୁମିତା ତରଗା ହାଚେରି ।

୭ ଜୀସୁ ଝେଣ୍ଡେ ଝେଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି ?” ଏଞ୍ଜାରି ଏଲେଇଚେରି, “ନାଜୁରିତତି ଜୀସୁଇଁ ।”

୮ ଜୀସୁ ଏଲେଇଚେସି, “ନାନୁ ଝେସାମାଞ୍ଜାଇଁ, ନାନୁ ଏଞ୍ଜାଚେଏଁ । ମୀରୁ ନାଜେ ପାରିମାଞ୍ଜାଦେରି ଇତିହି ଇଞ୍ଜାରାଇଁ ପିହୁଦୁ ।

୯ “ଆତ୍ମାଆରାଜ୍ଞ ନାଜେ ହାହାମାଞ୍ଜାଦି, ଏଞ୍ଜରୀ ବିଦ୍ରାଟି ରଥଣାଜ୍ଞ ଜିକେଏ ଜାକ୍‌ହା ହିଲଅଁ” ଏନିକ୍ ଦାର୍ମ୍ବ ପତିତି କାତା ସାତା ଆନେ ଏଦାଆଁତାକି ଏଲେ ଇରେସି

୧୦ ସିମନ ପିତର ତାନି ତାଣା କାଣ୍ଡା ମାତାକି ଏଞ୍ଜାସି କାଜା ପୂଜେରା ହଲେଏଣା ଚିଃନି କିୟ୍ ଦୁାଡେସି, ଏଞ୍ଜାଣି ଦରୁ ମାଲ୍‌କସ୍

୧୧ ଏବେଟିଏ ଜୀସୁ ପିତରଜ୍ଞ ଏଲେଇରେସି, “କାଣ୍ଡା, କାଣ୍ଡା ଇଟିନି ଚାୟୁତା ଇଟାମ୍; ନାନୁ ଏନାଆଁ ଅଣପିମାଞ୍ଜି, ଆତା ମାହାପୁରୁ ନାଜେ ହାହାମାଞ୍ଜାନି ଦୁକୃତି ସଲ୍ଲାତା ଗସାଲି ଆଡ଼ର୍ଥ କି ?”

ହାନାନ ନକିତା ଜୀସୁ

୧୨ ଏମ୍ବାଟିଏ ରମିୟ କସ୍‌କା, ଇଞ୍ଜା ରିଜାରି କସ୍‌କା ମୁହେଁ କାଜାସି, ଅଡେ ଜୀହୁଦି ଲକୃତି କସ୍‌କା ଜୀସୁଜ୍ଞ ଆସାନା ଦସପିତେରି

୧୩ ଏଞ୍ଜାଣାଜ୍ଞ ଦସପାନା ମ୍‌ଲୁଏ ହାନାନ ତାଣା ଅଡେରି, ଇଟିହ୍ ଏଞ୍ଜାସି ଏ ବାସୀତି କାଜା ପୂଜେରା କୟାପାତି ପଡ୍‌ଲେଏସି ମାରେସି

୧୪ ଏ କୟାପା ବାରେ ଲକୃ ତାକି ରଅସି ହାନାୟି ମିଜେ ତାକି ନେହେଁ ଇଞ୍ଜ୍ ଜୀହୁଦି ଲକୃଣି ଝେସାମାରେସି

ପିତର ଜୀସୁଜ୍ଞ ପୁଞ୍ଜାହିଲଅଁ ଇନାୟି

(ମାତି ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୯)

୧୫ ସିମନ ପିତର ଅଡେ ର ସୀସୁ ଜୀସୁତି ଜେଟ ଜେଟ ହାଜିମାରେରି ଏ ସୀସୁ କାଜା ପୂଜେରା ତଲେ ପୁଣ୍ଡାସି ଆହାମାରେରି ଅଡେ ଜୀସୁତଲେ କାଜା ପୂଜେରା ଆଂଗେଣିତା ହାରେସି;

୧୬ ସାମା ପିତର ପାଞ୍ଜାତି ଦୁଞ୍ଜେରି ଦାରିତା ନିଗନା ଡୟିତେସି ସାମା ଏମିନି ସୀସୁ କାଜା ପୂଜେରା ତଲେ ପୁଣ୍ଡାସି ଆହାମାରେରି, ଏଞ୍ଜାସି ପାଞ୍ଜାତା ହାଜାନା ଦୁଞ୍ଜେରିତା କାଃଆନାଣାଜ୍ଞ ଏଲେଇଞ୍ଜାନା ପିତରଜ୍ଞ ବିଦ୍ରା ଅଡେସି

୧୭ ଏମ୍ବାଟିଏ ଦୁଞ୍ଜେରିତା କାଃଆନାଣି ହଲେଣି ପିତରଜ୍ଞ ଏଲେଇତେ, “ନାନୁ ଜିକେଏ ଏନାଆଁ ଇ ଲକୃତି ସୀସୁୟାଁ ବିଦ୍ରାଟି ରଅତି ଆଏକି ?”

ପିତର ଏଲେଇରେସି, “ନାନୁ ଏଞ୍ଜାତେଏଁ ଆଏ”

୧୮ ଏରିବେଲାତା ପେନି ଆହ୍‌ମାତାକି ହଲିୟାଜ୍ଞା ଅଡେ କାଃଆନାରି ହିରୁ ତାସାନା ସାରିଞ୍ଜାକି ନିଗନା କେରୁଞ୍ଜି ମାରେରି; ପିତର ଜିକେଏ ଏଞ୍ଜାରିତଲେ ନିଗନା ହିରୁ କେରୁଞ୍ଜି ମାରେସି

କାଜା ପୂଜେରା ଜୀସୁଜ୍ଞ ଝେନାୟି

(ମାତି ୨୬:୫୯-୬୨; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ କାଜା ପୂଜେରା ଜୀସୁଜ୍ଞ ତାନି ଜାମ୍‌ନାଣି ଇଞ୍ଜା ସୀସୁୟାଁତି କାତା ଝେରେସି

୨୦ ଜୀସୁ ଏଲେଇରେସି, “ନାନୁ ବାରେ ଦାରିତି ନକିତା ତସାନା ଜାମ୍‌ହାମାଜ୍ଞ, ଆଦିୟା ବାରେ ଜୀହୁଦି ଲକୃ କୃତା ଆନେରି, ମାହାପୁରୁ ଇଲୁତା ଅଡେ ଜୀହୁଦି ଲକୃତି କୁଟମି ଇଲ୍‌କାଣା*, ଲକୃ କୃତା ଆହାମାନି ବେଲାତା ନାନୁ ଜାମ୍‌ହାମାଜ୍ଞ, ଡକ୍‌ହାନା ଏନାଆଁ କିହାହିଲଅଁ

୨୧ ନାଜେ ଏନାଆଁତାକି ଝେଞ୍ଜିମାଞ୍ଜାଦି ? ନାନୁ ଏଞ୍ଜାରାଜ୍ଞ ଏନାଆଁ ଏଲେଇଞ୍ଜାମାଜ୍ଞ, ଆମ୍ବାଆରି ଝେଞ୍ଜାମାନେରି ଏଞ୍ଜାରାଜ୍ଞ ଝେନାମ୍; ନାନୁ ଏନା ଏନାଆଁ ଏଲେଇଞ୍ଜାମାଜ୍ଞ, ଏଞ୍ଜାରି ବାରେ ପୁଞ୍ଜାମାନେରି

୨୨ ଜୀସୁ ଏଲେ ଇଞ୍ଜିମାନାଣି ଝେଞ୍ଜାନା ଦାରିତା ନିଗାମାଟି ମାହାପୁରୁ ଇଲୁ ଜାମାନାଜ୍ଞା ବିଦ୍ରାଟି ରଅସି ଏଞ୍ଜାଣାଜ୍ଞ ସାପ୍‌ଡା ଝେନାନା ଏଲେଇରେସି, “ନିଜେ ଇରେକା ସାସା କାଜା ପୂଜେରାଜ୍ଞ ଏଲେ ଇଞ୍ଜିମାଞ୍ଜି ?”

୨୩ ଜୀସୁ ଏଞ୍ଜାଣାଜ୍ଞ ଏଲେଇରେସି, “ନାନୁ ଲାଗେଏ ଜଲ୍‌ମାଟିହ୍, ଏ ଲାଗେଏତି ପାର୍‌ମାଣା ହିୟାମ୍; ନେହ୍ ଜଲ୍‌ମାଜ୍ଞ ଇଟିହ୍ ଏନାଆଁତାକି ନାଜେ ଝେରିମାଞ୍ଜାଦି ?”

୨୪ ଏମ୍ବାଟିଏ ହାନାନ ଜୀସୁଜ୍ଞ ଏଲେକିହ୍ ଏ ଦସପି ଆହାମାନାଣାଜ୍ଞ କାଜା ପୂଜେରା କୟାପା ତାଣା ପାଣ୍ଡିତେସି

* ୧୮:୧୧ ୧୮:୧୧ ମାତି ୨୬:୩୯; ମାର୍କ ୧୪:୩୬; ଲୁକ ୨୨:୪୨ * ୧୮:୧୪ ୧୮:୧୪ ଜହ ୧୧:୪୯,୫୦ * ୧୮:୨୦ ୧୮:୨୦ ସିନଗଲ

ପିତର ଜୀସୁଙ୍କୁ ଅଡ଼େ ଖେଣ୍ଡେ ପୁଞ୍ଜାହିଲଅଁ ଇନାୟି

(ମାତି ୨୭:୭୧-୭୫; ମାର୍କ ୧୪:୬୯-୭୧; ଲୁକ ୨୨:୫୮-୬୨)

୨୫ ସିମନ ପିତର ହିରୁ ତାଗେ ନିଗାନା ହିରୁ କେରୁଞ୍ଜି ମାରେସି, ଏମ୍ବାଟିଏ ଏଝାରି ଏଝାଣାଙ୍କୁ ଖେରେରି, “ନାନୁ ଜିକେଏ ଏଝାଣି ସୀସୁୟାଁ ବିତ୍ତାଟି ରଅତି ଆଏକି ?”

ପିତର ଏଲେଇରେସି, “ନାନୁ ଆଏ □”

୨୬ ପିତର, ଏମିନି କାଜା ପୂଜେରା ହଲିୟାଙ୍ଗା ବିତ୍ତାଟି ରଅଣି କିୟଁ ଦାଡ଼ା ମାରେସି, ଏଝାଣି କୁଟମିତାସି ଏଲେଇରେସି, “ନାନୁ ନିଜେ ବାଡ଼ାତା ଏଝାଣିତଲେ ମାତାଣି ମେସାମାଞ୍ଜାଆଡେଏଁ କି ?”

୨୭ ପିତର ଅଡ଼େ ଖେଣ୍ଡେ ଏଲେଇରେସି, “ଆଏ ପୁଞ୍ଜାହିଲଅଁ □” ଏତିରେଲାତା କୟୁ କେଣ୍ଡେ □

ପିଲାତ ତାଣା ଜୀସୁ

(ମାତି ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେରୁ ଲାକ୍ ଏଝାରି ଜୀସୁଙ୍କୁ କୟାୟା ଇଲୁଟି ଅହାନା ରମିୟ ରାକ୍ତି ସାଲୁଞ୍ଜି କିନାଣି ମେଡ଼ା ଇଲୁତା ଏଡେରି, ଜୀହୁଦି ଲକୁ ମେଡ଼ା ଇଲୁ ବିତ୍ତା ହାଲାଆଡେରି, ଇତିହଁ ଏଦାଆଁ ତଲେ ପିସ୍ପିଆଡ଼ି ପାରୁଟି ବକ୍ତି ତାକି ତାମଙ୍ଗେ ଲାଗେଏ କିହାକତାଲି ଅଣ୍ଡିପି ହିଲାଆଡେରି □

୨୯ ଏଦାଆଁତାକି ସାଲୁଞ୍ଜି କିନି ପିଲାତ ଏଝାରିତାଣା ପାଙ୍ଗାତା ଝାହାନା ଖେରେସି, “ଇ ମାଣ୍ଡି କପାଟି ମୀ ଏନିଲେହେତି ଦାଝା ମାନେ ?”

୩୦ ଏଝାରି ଏଝାଣାଙ୍କୁ ଏଲେଇରେରି, “ଇ ମାଣ୍ଡି ଲାଗେଏତି କାମା କିହା ହିଲାଆଡିହଁ ମା, ମାମ୍ ଏଝାଣାଙ୍କୁ ନୀ ତାଣା ତାଆଡମିମା □”

୩୧ ପିଲାତ ଏଝାରାଙ୍କୁ ଏଲେଇରେସି, “ଆଡିହଁ ଇଝାଣାଙ୍କୁ ଅହାନା ମୀ ମେରା ତଲେ ନୀହାୟି କିଦୁ □” ଜୀହୁଦିୟାଁ ଏଝାଣାଙ୍କୁ ଏଲେଇରେରି, “ଆମ୍ବାଆରାଙ୍କୁ ହାନି ତଣ୍ଡ ହାହାଲି ମା ଅଦିକାରା ହିଲେଏ □”

୩୨ ଜୀସୁ ଏନିକଁ ହାହାଲି ହାଜିମାନେସି, ଏ କାତା ଜୀସୁ ଏନାଆଁ ଏଲେଇଞ୍ଜାମାରେସି, ଏଦି ଏନିକଁ ପୁରା ଆନେ, ଏଦାଆଁତାକି ଏଝାରି ଏଲେଇରେରି □

୩୩ ପିଲାତ ଖେଣ୍ଡେ ମେଡ଼ା ଇଲୁ ବିତ୍ତା ହାଜାନା ଜୀସୁଙ୍କୁ ଖେରେସି, “ଏନାଆଁ ନାନୁ ଜୀହୁଦି ଲକୁତି ରାଜାଟି ?”

୩୪ ଜୀସୁ ଏଲେଇରେସି, “ଇ କାତା ନୀ ମନଟି ଖେଞ୍ଜିମାଞ୍ଜାଦି କି ଏବ୍‌କାତାରି ନା କାତାଟି ନିଜେ ଏନାଆଁ ଏଲେଇଞ୍ଜା ମାଞ୍ଜାନେରି ?”

୩୫ ପିଲାତ ଏଲେଇରେସି, “ନାନୁ ଏନାଆଁ ଅଣ୍ଡିପାମାଞ୍ଜି, ନାନୁ ର ଜୀହୁଦିତେଏଁ ? ନୀ କୃତାଟି ଲକୁ ଇଞ୍ଜା କାଜା ପୂଜେରାଙ୍ଗା ନିଜେ ତାଗାନା ନା କେୟୁତା ହେରପା ମାଞ୍ଜାନେରି □ ଖେସ୍ତାମ୍ବୁ ନାନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇରେସି, ନା ରାକ୍ତି ଇ ଦାରୁତିତାୟି ଆଏ; ନା ରାକ୍ତି ଦାରୁତିତାୟି ଆଡିହଁ ମା, ନାନୁ ଜୀହୁଦି ଲକୁତାଣା ହେରପି ଆଆରେରୁ ନାଙ୍ଗେ ସେବା କିୟାନାରି ନା ତାକି ଜୁଜୁ କିତେରିମା, ସାମା ନା ରାକ୍ତି ସାଡେଏ ଇ ଦାରୁତିତାୟି ଆଏ □

୩୭ ପିଲାତ ଏଝାଣାଙ୍କୁ ଖେରେସି, “ଆଡିହଁ ନାନୁ ଜୀହୁଦି ଲକୁତି ରାଜାଟି ?”

ଜୀସୁ ଏଲେଇରେସି, “ନାନୁ ଏଲେ ଇଞ୍ଜିମାଞ୍ଜି ନାନୁ ର ରାଜାତେଏଁ □ ନାନୁ ସାତା ଝାକିଟି ସାକି ହାହାଲି ଜାର୍ନା ଆହାମାଙ୍କୁ ଅଡ଼େ ଦାରୁତିତା ଝାହାମାଙ୍କୁ □ ଆମ୍ବାଆସି ସାତାଟି ମୀରୁଏସି ଏଝାସି ନା କାତା ଖେନେସି □”

ଜୀସୁଙ୍କୁ ହାନି ତଣ୍ଡ ହାନାୟି

(ମାତି ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୩୮ ପିଲାତ ଖେରେସି, “ସାତା ଏନାୟି ?”

ପିଲାତ ପାଙ୍ଗାତା ହାଜାନା ଜୀହୁଦି ଲକୁଣି ଏଲେଇରେସି, “ନାନୁ ଇଝାଣି ତାଣା ଏନି ଦହ ବେଟାଆଡ଼ି ହିଲଅଁ □

୩୯ ସାମା ନାନୁ ପିସ୍ପିଆଡ଼ି ପାରୁ ବେଲାତା ମିଙ୍ଗେତାକି କାୟିଦିତା ମାନାରାଙ୍କୁ ରଅଣାଙ୍କୁ ପିସାଲି ତାକି ମୀ ମେରା ମାନେ, ଏଦାଆଁତାକି ଜୀହୁଦି ଲକୁତି ରାଜାଙ୍କୁ ମାଙ୍ଗେତାକି ପିସା ହିୟାପେସି ଇଞ୍ଜଁ ମୀ ମନ ମାନେକି ?”

☆ ୧୮:୩୨ ୧୮:୩୨ ଜହ ୩:୧୪; ୧୨:୩୨

୪୦ ଏମ୍ବାଟିଏ ଏଝାରି କାଲୁଝି ଆହୁଁ ଏଲେଇଚେରି, “ଇଝାଣାଇଁ ଆଏ, ସାମା ବାରବାଇଁ †ପିସାହିୟାମୁ
□”

୧୯

୧ ତାୟୁ ପିଲାତ ଜୀସୁଇଁ ଅହାନା ସାଟ୍‌ଣି ମାଡ଼ା କିଝି କିଚେସି □

୨ ଅଡ଼େ ରିଜାରି କସ୍‌କା ହାପୁକା ଚପେରି ଆଲାନା ଜୀସୁ ତାୟୁଁ ତୁା ଇଚିଚେରି, ଅଡ଼େ ଏଝାଣାଇଁ ହେୟାଁ ଝାଣା ହିମ୍ବରି ହୁଚିକିଚେରି;

୩ ଏଝାରି ଏଝାଣି ତାଣା ଝାହାନା ଏଲେଇଚେରି, “ଏ ଜୀହୁଦିୟାଁ ରାଜା ଜହରା;” ଇଞ୍ଜାଁ ଏଝାରି ଏଝାଣାଇଁ ସାପୁଡ଼ା ଝେଚେରି □

୪ ପିଲାତ ଝେଣ୍ଡେ ପାଙ୍ଗାତା ହାଜାନା ଏଲେଇଚେସି, “ନାନୁ ଏଝାଣି ତାଣା ଏନ୍ଦି ଦହ ବେଟାଆହି ହିଲଅଁ, ଇଦାଆଁ ଏନ୍ଦିକ୍ ମୀରୁ ପୁଞ୍ଜେରି, ଇଦାଆଁତାକି ନାନୁ ଏଝାଣାଇଁ ମୀ ତାଣା ତାଡ଼ିମାଇଁ □”

୫ ଏମ୍ବାଟିଏ ଜୀସୁ ଏ ହାପୁକା ଚପେରି ଅଡ଼େ ହେୟାଁ ଝାଣା ହିମ୍ବରି ପଚହାନା ପାଙ୍ଗାତା ଝାଡ଼େସି, ପିଲାତ ଏଝାରିଇଁ ଏଲେଇଚେସି, “ମେହଦୁ ଇଝାସି ଏ ମାଣସି □”

୬ ଏମ୍ବାଟିଏ କାଜା ପୁଜେରାଙ୍ଗା ଅଡ଼େ ମାହାପୁରୁ ଇଲୁ କାଝଆନି ଜାମାନାଙ୍ଗା ଏଝାଣାଇଁ ମେସାନା କାଲୁଝି ଆହୁଁ ଏଲେଇଚେରି, “ଏଝାଣାଇଁ ପାସି ଏକଦୁ ପାସି ଏକଦୁ □” ପିଲାତ ଏଝାରିଇଁ ଏଲେଇଚେସି, “ମୀରୁ ଏଝାଣାଇଁ ଅହାନା ପାସି ଏକଦୁ, ଇଚିହଁ ନାନୁ ଏଝାଣି ତାଣା ଏନ୍ଦି ଦହ ବେଟାଆହି ହିଲଅଁ □”

୭ ଜୀହୁଦି ଲକୁ ଏଝାଣାଇଁ ଏଲେଇଚେରି, “ଇଚିହଁ ମାଙ୍ଗେ ରଣ୍ଡିଏ ମେରା ମାନେ, ଏ ମେରାଲେହେଁଏ ଏଝାସି ହାନି ତଣ୍ଡ ବେଟାଆନାୟି ମାନେ, ଇଚିହଁ ଏଝାସି ତାଙ୍ଗେ ମାହାପୁରୁଚି ମୀରୁଏସି ଇଞ୍ଜାଁ ଝେସାମାନେସି □”

୮ ଏମ୍ବାଟିଏ ପିଲାତ ଇ କାତା ଝେଞ୍ଜାନା ଗାଡ଼ି ଆଜିଚେସି □

୯ ଝେଣ୍ଡେ ମେଡ଼ା ଇଲୁତା ହାଜାନା, ଜୀସୁଇଁ ଝେଚେସି, “ନାନୁ ଆମ୍ବିଟି ଝାହାମାଞ୍ଜି ?” ସାମା ଜୀସୁ ସାପି ଆହାନା ତୁୟିଚେସି □

୧୦ ପିଲାତ ଏଲେଇଚେସି, “ନାଙ୍ଗେ ଜଲିମାଞ୍ଜିଅତି ? ନିଙ୍ଗ ଗେଲୁପାଲି ନା ଅଦିକାରା ମାନେ ଅଡ଼େ ପାସିତା ଏକହାଲି ନା ଅଦିକାରା ମାନେ ଇ କାତା ନାନୁ ପୁଞ୍ଜାହିଲଅତି ?”

୧୧ ଜୀସୁ ଏଲେଇଚେସି, “ମାହାପୁରୁ ତାଣାଟି ନିଙ୍ଗେ ଅଦିକାରା ହାଆତିହଁ, ନା ଲାକ ନୀ ଏନ୍ଦି ଅଦିକାରା ହିଲାଆଚେମା; ଇଞ୍ଜାଁ ଆମ୍ବାଆସି ନାଙ୍ଗେ ନୀ କେୟୁତା ହେରପା ମାଞ୍ଜାନେସି ଏଝାଣି ପାପୁ ହାରେକା □”

୧୨ ଇ କାତା ଝେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣପିଚେସି, ସାମା ଜୀହୁଦି ଲକୁ କାଲୁଝି ଆହୁଁ ଏଲେଇଚେରି, “ନାନୁ ଇଝାଣାଇଁ ପିହୁଦି ଆତିହଁ ନାନୁ କାୟିସରତି ତଣ୍ଡେଟି ଆଏ; ଆମ୍ବାଆସି ଜାହାରାଇଁ ରାଜା ଇନେସି ଏଝାସି କାୟିସର କପାଟି କାତା ଜଲିମାନେସି □”

୧୩ ପିଲାତ ଇ କାତା ଝେଞ୍ଜାନା ଜୀସୁଇଁ ପାଙ୍ଗାତା ଝାଲୁକାଟି ବେରଣିମାଣ୍ଡାତା ତାଚେରି □ ଏମିନାଣି ଏବୁ ହାଡ଼ାତଲେ “ଗବ୍‌ବତା” ଇଞ୍ଜାଁ ଇନେରି, ଏ ଟାୟୁଟି ବିଚାରା କିନି ଟାୟୁତା କୁଗିଚେସି □

୧୪ ଏ ଦିନା ପିସପିଆନି ପାରୁତି ତଲିତି ଦିନା ମାଚେ, ଏଚିବେଲା ଲାଲୁ ସ ଗଂଟା ଆହାମାଚେ □ ଇଞ୍ଜାଁ ଏଝାସି ଜୀହୁଦି ଲକୁଣି ଏଲେଇଚେସି, “ଇଝାସି ମେହଦୁ ମୀ ରାଜା □”

୧୫ ଏମ୍ବାଟିଏ ଏଝାରି ଏଲେଇଚେରି, “ଏଝାଣାଇଁ ପାୟାଦୁ, ପାୟାଦୁ, ପାସି ଏକଦୁ □” ପିଲାତ ଏଝାରିଇଁ ଏଲେଇଚେସି, “ନାନୁ ମୀ ରାଜାଇଁ ପାସିତା ଏକଇଁ ?” କାଜା ପୁଜେରାଙ୍ଗା ଏଲେଇଚେରି, “କାୟିସର ପିସପେ ମା ରାଜା ଆମ୍ବାଆସି ହିଲଅସି □”

୧୬ ତାୟୁ ପିଲାତ ଜୀସୁଇଁ ପାସି ମୁଣ୍ଡାତା ଏକହାଲି ତାକି ଏଝାରି କେୟୁତା ହେରପିଚେସି, ଇଞ୍ଜାଁ ତାୟୁ ଏଝାରି ଜୀସୁଇଁ ଅହୁଁ ହାଚେରି □

ଜୀସୁଚି ପାସି ଆନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୬-୪୩)

୧୭ ଏଚେଚିଏ ଏଝାରି ଜୀସୁଇଁ ଅଚେରି; ଅଡ଼େ ଜୀସୁ ଜାହାରା ପାସିମୁଣ୍ଡା ଡେକାନା “ତାୟୁଁ ଗୁର୍ପା” ଇନି ଟାୟୁତା, ଇଚିହଁ ଏମିନାଣି ଏବୁ ହାଡ଼ାତଲେ “ଗଲ୍‌ଗତା” ଇଞ୍ଜାଁ ଇନେରି ଏମ୍ବାଆଁ ହାଚେସି □

† ୧୮:୪୦ ୧୮:୪୦ ଇ ବାରବର ଚ ଡ଼ାଗେଏସି ମାଚେସି

୧୮ ଏମାଆଁ ଏଝାରି ଜୀସୁଇଁ ପାସି ମୁଣ୍ଡାତା ଏକହେରି, ଏଝାଣିତଲେ ଅଡ଼େ ରିଆରାଇଁ ପାସି ମୁଣ୍ଡାତା ଏକହେରି, ରିକଝାକି ରିଆରି ଅଡ଼େ ମାଦିଏ ଜୀସୁ ।

୧୯ ଅଡ଼େ ପିଲାତ ର ଆକୁତା ରାଚାନା ପାସିମୁଣ୍ଡା ଲାକ ଆଟିକତେସି, ଏମାଆଁ ରାସ୍କି ଆହାମାଚେ, “ନାଜରିତତି ଜୀସୁ ଜୀହୁଦିୟାଁ ରାଜା ।”

୨୦ ଜୀହୁଦିୟାଁ ବିତ୍ରାଟି ହାଡ଼େରକା ଏ ଆକୁତି ପଡ଼ୁ଼ି ଆଡ଼େରି, ଇଚିହଁ ଜୀସୁଇଁ ଏମିନିତାଣା ପାସି ଏପକି ଆହାମାଚେ, ଏଡ଼ି ଗାଡ଼ା ତାଗେ ମାଚେ; ଇଞ୍ଜା ଏ ଆକୁ ଏବୁ, ଲାଟିନ୍ ଅଡ଼େ ଗ୍ରିକ୍ ହାଡ଼ାତଲେ ରାସ୍କି ଆହାମାଚେ ।

୨୧ ଜୀହୁଦି ଲକୁତି କାଜା ପୂଜେରାଜା ପିଲାତଇଁ ଏଲେଇଚେରି, “ଜୀହୁଦିୟାଁ ରାଜା ଇଞ୍ଜିଁ ରାଚାଆନା, ନାନୁ ଜୀହୁଦି ଲକୁତି ରାଜା ଇଞ୍ଜିମାଚେସି ଇଞ୍ଜିଁ ରାଚାମୁଁ ।”

୨୨ ସାମା ପିଲାତ ଏଲେଇଚେସି, “ନାନୁ ଏନାଆଁ ରାଚାମାଇଁ ଏଲେକିହଁ ଏ ଡ଼ୟିନେ ।”

୨୩ ରିଜାରି କସ୍କା ଜୀସୁଇଁ ପାସିତା ଏକହି ଜେଚ ଏଝାଣି ହିମ୍ବରକା ଅହାନା ସାରି ବାଗା କିଚେରି, ର ର କହୁଁଣାକି ରଣ୍ଡାଲାକା, ଅଡ଼େ ଏଝାଣି ଲାମ୍ବା ସକା ଜିକେଏ ଅଡ଼େରି । ଏ ଲାମ୍ବା ସକା ତାଚାନା ହେରକି ଟିଏ ପାଃଆନା କତାୟା ପାଚେକା କିଞ୍ଚି ଆହାମାଚେ ।

୨୪ ଏଦାଆଁତାକି ଏଝାରି ଏଲେଇଚେରି, “ଇଦାଆଁ ଗେହୁଆପ, ସାମା ଇଦି ଆମ୍ବାଆରାଝାୟି ଆଡ଼େନ, ଏଦାଆଁତାକି ପାଦି କିନ ।” ଏନିକଁ ଦାମୁଁ ପତିତି କାତା ପୂରା ଆଡ଼େନ,

“ଏଝାରି ତାମି ବିତ୍ରା ନା ହିମ୍ବରକା ବାଗା କିଚେରି, ଅଡ଼େ ନା ଲାମ୍ବା ସକାତାକି ପାଦି କିଚେରି ।” ରିଜାରି କସ୍କା ସାମାନା ଏଲେକିହଁ ଏ କିଚେରି ।

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଜି, କୁପାତି ତୁକ୍ତି ମରିୟମ ଅଡ଼େ ମଗଦଲିନି ମରିୟମ ନିଚାମାରୁ ।

୨୬ ଜୀସୁ ତାମି ଇୟା ଅଡ଼େ ଏମିନି ସୀସୁଇଁ ଜୀସୁ ନହଁ ମାଚେସି, ଏଝାସି ତାଗେ ନିଚାମାନାଣି ମେସାନା ଏଲେଇଚେସି, “ଏ ଇୟା ମେହମୁ ନୀ ମୀରସି ।”

୨୭ ତାୟୁ ଜୀସୁ ଏ ସୀସୁଇଁ ଏଲେଇଚେସି, “ଇଦି ମୀ ଇୟା ।” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଡ଼େସି ।

ଜୀସୁ ହାକି

(ମାତି ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାୟୁ ଜୀସୁ ଦାମୁଁ ପତିତି ବଲୁ ଏନିକଁ ପୂରା ଆଡ଼େନ, ଏଦାଆଁତାକି ବାରେ ରାହାମାନେ ଇଞ୍ଜିଁ ପୁଞ୍ଜାନା ଏଲେଇଚେସି, “ନାଜେ ଏସ୍କି ହଡ଼ିମାଞ୍ଜାନେ ।”

୨୯ ଏମାଆଁ ପୁଲାଏୟୁ ନେଞ୍ଜାମାନି ର ଡ଼:କା ମାଚେ; ଏଝାରି ଏମାଆଁ ର ଡ୍ରାଃଆଲି ମୁସାନା ବାଲାତି ମୁନୁତା ରୁପାନା ଜୀସୁତି ଗୁଡ଼ିତା ହାତେରି ।

୩୦ ଏଚେଟିଏ ଜୀସୁ ଏ ପୁଲାଏୟୁ ଗସାନା ଏଲେଇଚେସି, “ରାହାହାଚେ” ଏଲେଇଞ୍ଜାନା ତାୟୁଁ ଲେସାନା ହାଡ଼େସି ।

ଜୀସୁ ପାଡ଼କା ଚଟତା ବାଲା ତଲେ ଉହ୍ନାୟି

୩୧ ପାସି ଏପକି ଆହାମାନାରି କତାୟାଁ ଡିକହାନା ଏଝାରି ହାଡ଼ି ମାଡ଼ହାଡ଼ି ପାସି ମୁଣ୍ଡାତି ଚେପହା ତାଚାଲି ଜୀହୁଦି ଲକୁଇଁ କାଜାରି ପିଲାତଇଁ ବାଡ଼ିମାଲିଚେରି, ଇଚିହଁ ଏ ଦିନା ସୁକ୍ତି ତାନି ଅର ଦିନା ସୁଦୁ ଜମିନି ଦିନାତା ହାଡ଼ି ମାଡ଼ହା ପାସିମୁଣ୍ଡା ଲାକ ପିସାଲି ଏଝାରି ମନ କିହିଲିଆଆଚେରି ।

୩୨ ଇଞ୍ଜା ରିଜାରି କସ୍କା ଝାହାନା ଜୀସୁତଲେ ପାସି ମୁଣ୍ଡାତା ଏକହାମାଚି ରିଆରି କତାୟାଁ ଡିକହେରି ।

୩୩ ସାମା ଏଝାରି ଜୀସୁ ତାଣା ଝାହାନା ଏଝାସି ହାହାମାନାଣି ମେସେରି, ଏଦାଆଁତାକି ଏଝାରି ଏଝାଣି କତାୟାଁ ଡିକଆଚେରି ।

୩୪ ଆଡ଼ିଜିକେଏ କସ୍କା ବିତ୍ରାଟି ରଅସି ଜୀସୁତି ପାଡ଼କା ଚଟତା ବାଲା ତଲେ ଗୁକହେସି ଇଞ୍ଜା ଦେବୁଣିଏ ଏମାଟି ଏୟୁ ଅଡ଼େ ନେଚେରି ହଡ଼େ ।

୩୫ ଆମ୍ବାଆସି ମେସାମାନେସି, ଏଝାସି ସାକି ହାହାମାନେସି, ଏନିକଁ ମୀରୁ ଜିକେଏ ନାମିଦେରି; ଇଞ୍ଜା ଏଝାଣି ସାକି ସାତା, ଏଝାସି ସାତା ଝେସାମାନେସି ଇ କାତା ଏଝାସି ପୁଞ୍ଜାମାନେସି ।

୩୬ ଇତିହାସ ଦାମ୍ଭୁ ପତିତି କାତା ପୂରା ଆହାଲିତାକି ଇ ବାରେ ଆଡେ, “ଏଞ୍ଜାରି ରି ତୁମ୍ଭୁ ଜିକେଏ ତିକଅରି □”

୩୭ *ଦାମ୍ଭୁ ପତିତି ଅର କାତା ଇଦି, “ଏଞ୍ଜାରି ଆମ୍ବାଆରାଇଁ ବାଲା ତଲେ ଗୁକହା ମାଗାରି ଜିକେଏ ଏଞ୍ଜାଣାଇଁ ସିନିକନେରି □”

ଜୀସୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬)

୩୮ ଇଦାଆଁ ତାମ୍ଭୁ ହାରାମାତିୟାତି ଜସେପ ଇନାସି ପିଲୀତ ତାଣା ହାଜାନା ଜୀସୁତି ଆଜ୍ଞା ଅହାଲି ବାଡିମାଲିତେସି □ ଇ ଜସେପ ଜୀସୁତି ର ସୀସୁ ମାରେସି, ସାମା ଜୀହୁଦି ଲକ୍ଷୁତି କାଜାରି ଆଜିତାକି ତୁଗୁନା ମାରେସି, ପିଲୀତ ଏଞ୍ଜାଣାଇଁ ହେଲ ହାହାଲିଏ ଏଞ୍ଜାସି ଜୀସୁତି ଆଜ୍ଞା ମୁସାଲି ଅଡେସି □

୩୯ *ଏଞ୍ଜାଣିତଲେ ନିକଦିମ ମାରେସି □ ଇ ନିକଦିମ ର ଦିନା ଲାଆଁୟାଁ ଜୀସୁତଲେ କାତା ଆହାଲି ଖାହାମାରେସି, ଏ ନିକଦିମ କଡେଦସ କେଜି ଗାନ୍ଦା ନିୟୁଁ ତାତିହୁଁ ଖାହାମାରେସି □

୪୦ ଏଞ୍ଜାରି ଜୀସୁତି ଆଜ୍ଞା ଅହାନା ଜୀହୁଦି ଲକ୍ଷୁତି ମୁହନି ମେରା ତଲେ ଏଦାଆଁ ଗାନ୍ଦା ନିୟୁଁତଲେ ପାଡାଡା ହିମ୍ବରି ରୁପିତେରି □

୪୧ ଜୀସୁ ଏମିନି ଚାୟୁତା ପାସି ମୁଣ୍ଡାତା ଏପକି ଆହାମାରେସି ଏ ଦାରିତା ର ବାଡା ମାରେ, ଏ ବିତ୍ରା ର ପୁଣି ମାହଣି ମାଣ୍ଡା ମାରେ, ଏମାଆଁ ନକେଏ ଆମ୍ବାଆରାଇଁ ଇଡ଼ି ଆହାହିଲିଆଡେ □

୪୨ ଏ ଦିନା ଜୀହୁଦି ଲକ୍ଷୁତି ଜମିନି ଦାନାତି ନକିତି ଦିନା ମାଗାକି, ଗାତି ହେକ ହାଲାଆନା ଏଞ୍ଜାରି ଜୀସୁତି ଆଜ୍ଞା ଅହାନା ମାହଣି ମାଣ୍ଡାତା ଇତିତେରି □

୨୦

ଞ୍ଜାରିକ ମାହଣି ମାଣ୍ଡା

(ମାତି ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ଞ୍ଜାରିକି ମୁଲୁ ଦିନା ଲାକ ଲାକ ଆଦେରି ମାଞ୍ଜା ମାଞ୍ଜାନା ମଗ୍ବଲିନି ମରିୟମ ମାହଣି ମାଣ୍ଡା ଦାରିତା ଖାହାନା ଏମ୍ବାତି ଞ୍ଜାଲି ଗୁଚା ଆହାମାନାଣି ମେସ୍ତେ □

୨ ଇଞ୍ଜାଁ ଏଦି ହଟି ହଟି ହାଜାନା ସିମନ ପିତର ଆମ୍ବାଆରାଇଁ ଜୀସୁ ଜୀସୁ ନହୁଁ ମାରେସି, ଏ ସୀସୁୟାଁଇଁ ଏଲେଇଚେ, “ଆମ୍ବାଆରି ପ୍ରବୁଇଁ ମାହଣି ମାଣ୍ଡାଟି ଅହାମାନେରି, ଇଞ୍ଜାଁ ଆମ୍ବିୟା ଇଗାମାନେରି ଏଦାଆଁ ମାମ୍ଭୁ ପୁଞ୍ଜାହିଲଅମି □”

୩ ଇ କାତା ଞ୍ଜେଞ୍ଜାନା ପିତର ଅଡେ ଅର ସୀସୁ ମାହଣି ମାଣ୍ଡା ଞ୍ଜାକି ହଚେରି □

୪ ଏଞ୍ଜାରି ରିଆରି ରହେଁସ ହଚେରି, ଅର ସୀସୁ ପିତରଇଁ ତାମ୍ଭୁ ପିସାନା ତଲିଏ ମାହଣି ମାଣ୍ଡା ଏଡେସି □

୫ ଏଞ୍ଜାସି ବଜାହାଁ ଏମିନି ପାଡାଡା ହିମ୍ବରି ଆଜ୍ଞାତା ରୁପା ମାଚେରି ଏମାଆଁ ରିହାମାଗାଣି ମେସ୍ତେସି, ସାମା ବିତ୍ରା ହାଲାଆଡେସି □

୬ ତାମ୍ଭୁ ସିମନ ପିତର ଜିକେଏ ଞ୍ଜାଡେସି ଇଞ୍ଜାଁ ମାହଣି ମାଣ୍ଡା ବିତ୍ରା ହଡାନା ସିନିକିତେସି ଏମାଆଁ ପାଡାଡା ହିମ୍ବରିକା ମାମ୍ଭୁ,

୭ ଇଞ୍ଜାଁ ତାନି ତାୟୁଁ ତୁ ଦସାମାତି ଏ ପାଡାଡା ହିମ୍ବରିକା ତଲେ ହିଲାଆଡେ ଏଦି ଏଟକା ମାରେ □

୮ ଏଚିବେଲା ଏମିନି ସୀସୁ ତଲିଏ ମାହଣି ମାଣ୍ଡା ତାଗେ ଖାହାମାରେସି, ଏଞ୍ଜାସି ଜିକେଏ ବିତ୍ରା ହଡାନା ମେସ୍ତେସି ଅଡେ ନାମିତେସି;

୯ ଇତିହାସ ହାଡାରି ବିତ୍ରାଟି ଏଞ୍ଜାଣାକି ନିଜାଲି ଆନେ, ଦାମ୍ଭୁ ପତିତି ଇ ବଲୁ ଏଚେ ପାଡେକା ତେଲ୍‌ହା ହିଲାଆଡେରି □

୧୦ ତାମ୍ଭୁ ସୀସୁୟାଁ ଞ୍ଜେଣ୍ଡେ ଇଜ ହାଚେରି □

ଜୀସୁ ମଗ୍ବଲିନି ମରିୟମଇଁ ତଞ୍ଜା ଆନାୟି

(ମାତି ୨୮:୯,୧୦; ମାର୍କ ୧୬:୯-୧୧)

୧୧ ସାମା ମରିୟମ ଡାହି ଡାହି ପାଜାତା ନିତା ତୁୟିତେ; ଇଞ୍ଜାଁ ଡାହି ଡାହି ବଜାହାଁ ମାହଣି ମାଣ୍ଡା ବିତ୍ରା ସିନିକିତେ,

☆ ୧୯:୩୭ ୧୯:୩୭ ଞ୍ଜେ ବଲୁ ୧:୭ ☆ ୧୯:୩୯ ୧୯:୩୯ ଜହ ୩:୧,୨

୧୨ ଜୀବୁଡି ଆଜ୍ଞା ଏମିନି ଚାୟୁତା ଇବକି ଆହାମାଚେ, ଏମ୍ବାଆଁ ତାୟୁଁ ୱାକି ରଅସି ଅବେଡ଼ କତାୟିଁ ୱାକି ରଅସି ଦବଲା ହିମ୍ବରକା ପରହାନା ରିଆରି ଦୁତୁୟାଁ କୁଗାମାନାଣି ମେସ୍ତେ □

୧୩ ଏଞ୍ଜାରି ଏଦାନି ଏଲେଇଚେସି, “ଏ ଇୟା ଏନାଆଁତାକି ତ୍ପାହିମାଞ୍ଜି ?” ଏଡ଼ି ଏଞ୍ଜାରାଇଁ ଏଲେଇଚେ, “ଆମ୍ବାଆରି ନା ପ୍ରବୁଇଁ ଅହାମାନେରି, ଅବେଡ଼ ଏଞ୍ଜାଣାଇଁ ଆମ୍ବିୟା ଇଟାମାନେରି ପୁଞ୍ଜାହିଲଅଁ □”

୧୪ ଏଡ଼ି ଏଲେଇଞ୍ଜାନା ତାୟୁଞ୍ଜାକି ସିନିକିହାନା ଜୀବୁଇଁ ମେସ୍ତେ, ସାମା ଏଞ୍ଜାସି ଜୀବୁ ପୁଞ୍ଜାଲି ଆଡ଼ାଆଚେ □

୧୫ ଜୀବୁ ଏଦାନି ଏଲେଇଚେସି, “ଏ ଇୟା ଏନାଆଁତାକି ତ୍ପାହିମାଞ୍ଜି ? ଆମ୍ବାଆରାଇଁ ପାରିମାଞ୍ଜି ?”

ଏଡ଼ି ଏଞ୍ଜାଣାଇଁ ବାଡ଼ା ଗାଟାସି ଇଞ୍ଜିଁ ଅଣପାନା ଏଲେଇଚେ, “ବାବୁ ନୀବୁ ଏଞ୍ଜାଣାଇଁ ଅହାମାଞ୍ଜି ଇଚିହଁ ଆମ୍ବିୟା ଇଟାମାଞ୍ଜି, ନାଞ୍ଜେ ଖେସ୍ତାମୁ ନୀବୁ ଅଇଁ □”

୧୬ ଜୀବୁ ଏଦାନି ଏଲେଇଚେସି, “ମରିୟମା!” ମରିୟମା ଏଞ୍ଜାଣି ୱାକି ସିନିକିହାନା ଏବୁ ହାଡ଼ାତଲେ ଏଲେଇଚେ, “ରାବ୍ବୁନି” ଇଚିହଁ ଏ ଗୁରୁ □

୧୭ ଜୀବୁ ଏଦାନି ଏଲେଇଚେସି, “ନାଞ୍ଜେ ଆସା ଇଗାଲି ଅଣପାଆନି, ଇଚିହଁ ନୀବୁ ନୀବୁଁ ପାଚେକା ଆବା ତାଣା ହାଜାହିଲଅଁ; ସାମା ନା ଚାୟିୟାଁ ତାଣା ହାଜାନା କାବୁ ହୀମୁ, ନୀବୁ ନା ଆବା ମୀ ଆବା ନା ମାହାପୁରୁ ମୀ ମାହାପୁରୁ ତାଣା ହାଜିମାଇଁ □”

୧୮ ମଗଦଲିନି ମରିୟମା ହାଜାନା ସାୟୁୟାଁଇଁ କାବୁ ହାଚେ, ନୀବୁ ପ୍ରବୁଇଁ ମେସାମାଇଁ ଏଞ୍ଜାସି ନାଞ୍ଜେ ଇ ବାରେ କାତା ଖେସାମାଞ୍ଜାନେସି □

ଜୀବୁ ସାୟୁୟାଁଇଁ ତଞ୍ଜା ଆନାୟି

(ମାତି ୨୮:୧୬-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଏ ଦିନା ଇଚିହଁ ୱାଡ଼ାତି ତଲିତି ଦିନା ମିଡ଼ଅଲା ବେଲା ଏଚେତା ସାୟୁୟାଁ ଏମିନି ଇଲୁତା ଜୀହୁଦି ଲକ୍ଷୁତି ଆଜିତାକି ଦାରାୟାଁ ସୁଣ୍ଠାମାଚେରି, ଏଚିବେଲା ଜୀବୁ ୱାହାନା ମାଦିଏ ନିଚାନା ଏଲେଇଚେସି, “ମିଞ୍ଜେ ହିବୁଡ଼ି ଆୟାପେ □”

୨୦ ଏଞ୍ଜାସି ଏଲେଇଞ୍ଜାନା ତାନି କେସ୍ତା, ପାଡ଼କା ଡ଼ଇକା ତସ୍ତେସି, ଏମ୍ବାଟିଏ ସାୟୁୟାଁ ପ୍ରବୁଇଁ ମେସାନା ରାହାଁ ଆଡ଼େରି □

୨୧ ଜୀବୁ ଖେଶ୍ତେ ଏଲେଇଚେସି, “ମିଞ୍ଜେ ହିବୁଡ଼ି ଆୟାପେ ଆବା ଏନିକିଁ ନାଞ୍ଜେ ପାଶ୍ଟାମାଞ୍ଜାନେସି, ନୀବୁ ଜିକେଏ ମିଞ୍ଜେ ଏଲେକିହଁ ଏ ପାଶ୍ଟିମାଞ୍ଜାଇଁ □”

୨୨ ଏଲେଇଞ୍ଜାନା ଏଞ୍ଜାରି ଲାକ ନେଞ୍ଜାନା ଏଲେଇଚେସି, “ସୁଦୁଜୀବୁଇଁ ଆବାକତାଦୁ,

୨୩ *ମୀରୁ ମାଣସିୟାଁ ପାପୁ ମ୍ବେକ୍ସିସାରେ, ମାହାପୁରୁ ଜିକେଏ ଏଞ୍ଜାରି ପାପୁ ମ୍ବେକ୍ସନେସି; ଇଞ୍ଜା ଆମ୍ବାଆରି ପାପୁ ମ୍ବେକ୍ସାଚେରି, ଇଚିହଁ ଏଞ୍ଜାଣି ପାପୁ ମେଣ୍ଡେଞ୍ଜେ □”

ଜୀବୁ ଅବେଡ଼ ତମା

୨୪ ସାମା ଜୀବୁ ଏଚିବେଲା ୱାହାମାଚେସି, ଏଚିବେଲାତା ବାରଜାଣା ବିତ୍ରା ତମା ଆମ୍ବାଆରାଇଁ ଦିବୁମ ଇନେରି, ଏଞ୍ଜାସି ଏଞ୍ଜାରିତଲେ ହିଲାଆଚେସି □

୨୫ ଏବକାତି ସାୟୁୟାଁ ଏଲେଇଚେରି, “ମାମୁ ଜୀବୁଇଁ ମେସ୍ତମି □” ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଞ୍ଜାଣି କେୟୁଡ଼ି କୁଚିୟାଁ ସିନା ମେହ୍ଆତିହଁ ଅବେଡ଼ ଏ ବାରେ ତାଣା ନା ୱାଞ୍ଜୁ ଉହ୍ଆନା ଇଞ୍ଜା ଏଞ୍ଜାଣି ପାଡ଼କା ଡ଼ଇକା ତାଗାଆନା ନୀବୁ ଏଚେଲା ଜିକେଏ ନାମଅଁ □”

୨୬ ଆଟାଦିନା ଜେଟ ତାନି ସାୟୁୟାଁ ଏ ଇଲୁଚେଏ ମାଚେରି, ଅବେଡ଼ ତମା ଜିକେଏ ଏଞ୍ଜାରିତଲେ ମାଚେସି, ଦାରାୟାଁ ସୁଣ୍ଠି ଆହାମାଚୁ, ସାମା ଜୀବୁ ୱାହାନା ଏଞ୍ଜାରି ମାଦି ନିଚାନା ଏଲେଇଚେସି, “ମିଞ୍ଜେ ହିବୁଡ଼ି ଆୟାପେ □”

୨୭ ତାୟୁ ଏଞ୍ଜାସି ତମାଇଁ ଏଲେଇଚେସି, “ଇମ୍ବାଆଁ ନୀ ୱାଞ୍ଜୁ ଉସାନା ସିନିକିମୁ, କେୟୁ ଦାସାନା ନା ପାଡ଼କା ଡ଼ଇକା ତାଗାମୁ; ଆନାମାନା ଆଆନା ନାମାମୁ □”

୨୮ ତମା ଜୀବୁଇଁ ଏଲେଇଚେସି, “ନା ପ୍ରବୁ ନା ମାହାପୁରୁ □”

୨୯ ଜୀବୁ ଏଞ୍ଜାଣାଇଁ ଏଲେଇଚେସି, “ନୀବୁ ନାଞ୍ଜେ ମେସାନା ନାମିମାଞ୍ଜାଦି, ଆମ୍ବାଆରି ମେହ୍ଆନା ନାମିନେରି ଏଞ୍ଜାରି ନେହେଁ □”

* ୨୦:୨୩ ୨୦:୨୩ ମାତି ୧୬:୧୯; ୧୮:୧୮

ଇ ପତି ଏନାଆଁତାକି ରାସ୍ତକି ଆହାମାନେ

୩୦ ଜୀସୁ ସୀସୁୟାଁ ନକିତା ହାରେକା କାବାଆନି କାମାୟାଁ କିହାମାଚେସି, ଏଝି ବାରେ ଇ ପତିତା ରାସ୍ତକି ଆହାହିଲାତ;

୩୧ ସାମା ମାରୁ ଏନିକିଁ ନାମିଦେରି, ଜୀସୁ ମାହାପୁରୁ ମୀରଏସି ମସିହା, * ଇ କାତା ନାମାହାଁ ଏନିକିଁ ମାରୁ ଏଝାଣି ଦରୁଟି ଜୀସୁ ବେଟାଆଦେରି, ଏଦାଆଁତାକି ଇ ବାରେ ରାସ୍ତକି ଆହାମାନେ □

୨୧

ସାତା ଜାଣା ସୀସୁୟାଁ ଜୀସୁ ତଞ୍ଜା ଆନାୟି

୧ ଇଦାଆଁ ତାୟୁ ଜୀସୁ ତିବିରିୟା ସାମଦୁରି ଗାରୁତା ସୀସୁୟାଁ ଝେଣ୍ଡେ ତଞ୍ଜାଆଚେସି;

୨ ଏଦାଆଁ ସିମନ ପିତର ତମା ଆଦାଆରାଇଁ ଦିଦୁମ ଇନେରି, ଗାଲିଲିତି କାନା ଗାଡ଼ାତି ନିତନିୟେଲ, ଜେବଦିତି ମୀରକା ଅଡ଼େ ତାନି ସୀସୁୟାଁ ବିତ୍ରାଟି ରିଆରି କୃଡ଼ା ଆହାମାଚେରି □

୩ ସିମନ ପିତର ଏଝାରାଇଁ ଏଲେଇଚେସି, “ନାନୁ ମୀଶକା ଆସାଲି ହାଜିମାଇଁ □” ଏଝାରି ଏଝାଣାଇଁ ଏଲେଇଚେରି, “ମାୟୁ ଜିକେଏ ନୀ ତଲେ ଖାନମି □” ଏଝାରି ହାଜାନା ତଂଗତା ହଡ଼େରି, ଏ ଲାଆଁୟାଁ ଏଝାରି ଏନାଆଁ ଜିକେଏ ବେଟାଆଆଚେରି □

୪ ସାମା ଜୁଲୁପୁଲୁ ଆହାଲିଏ ଜୀସୁ ଗାରୁତା ନିଚେସି; ଆଡ଼ିଜିକେଏ ଏଝାସି ଜୀସୁ ଇଞ୍ଜିଁ ସୀସୁୟାଁ ପୁନାଆଚେରି □

୫ ଜୀସୁ ଏଝାରାଇଁ ଏଲେଇଚେସି, “ଏ କକାଚେରି ମୀ ତାଣା ଏନାଆଁ ମୀଶକା ମାନୁ କି ?” ଏଝାରି “ଆସ” ଇଚେରି □

୬ ଏଝାସି ଏଝାରାଇଁ ଏଲେଇଚେସି, “ତଂଗତି ଚିଷନିଝାକି ଜାଲା ମେଡ଼ଦୁ, ଆତିହଁ ମାରୁ ବେଟାଆଦେରି □” ଏଦାଟିଏ ଏଝାରି ଜାଲା ମେଡ଼ହେରି, ଏଦାଆଁ ଇଚେକା ମୀଶକା ଖାଡୁ ଏଝାରି ଏଦାଆଁ ରେଜାଲି ଆଡ଼ାଆଚେରି □

୭ ଏଦାଟିଏ ଜୀସୁ ଏନିନି ସୀସୁଇଁ ଜୀସୁ ନହଁ ମାଚେସି, ଏ ପିତରଇଁ ଏଲେଇଚେରି, “ଇଝାସିତ ପ୍ରବୁ □” ସିମନ ପିତର ଇ କାତା ଝେଞ୍ଜାନା ତୁମଣ୍ଡା ମାଚାକି ତାନି ସକା ତୁହାନା ସାମଦୁରିତା ଡ଼େଝିଚେସି;

୮ ସାମା ଏଡ଼କାତି ସୀସୁୟାଁ ନେଞ୍ଜାମାନି ମୀଶକା ଜାଲାତି ରେଜି ରେଜି ତଂଗତି ଗାରୁତା ତାଚେରି, ଇଚିହଁ ଏଝାରି ଗାରୁଟିଏ ହାରେକା ହେକ ହାଜା ହିଲାଆଚେରି □

୯ ଏଝାରି ସାମଦୁରି ଗାରୁତା ଚେଟାନା, ଏଦାଆଁ ରାଜାୟାଁତି ହିଚୁ ଇଞ୍ଜାଁ ହିଚୁ ଲାକ ମୀଶକା ଅଡ଼େ ରୁଚି ଇଟାମାନାଣି ମେସ୍ତେରି □

୧୦ ଜୀସୁ ଏଝାରାଇଁ ଏଲେଇଚେସି, “ମାରୁ ନୀଏଁ ଏନିନି ମୀଶକା ଆସାମାଞ୍ଜେରି ଏଦାଟି ଇଚରା ତାଚିହଁ ଖାଦୁ □”

୧୧ ସିମନ ପିତର ହାଜାନା ସାତାକଡ଼ି ଡ଼େରଗଟା ମୀଶକା ମାଚି ଜାଲାତି ଗାରୁତା ରେଜା ତାଚେସି; ଇଚେକା ମୀଶକା ତାକି ଜିକେଏ ଜାଲା ତାମ୍ବାଆଚେ □

୧୨ ଜୀସୁ ଏଝାରାଇଁ ଏଲେଇଚେସି, “ଖାଦୁ ତିଞ୍ଜୁ □” ସୀସୁୟାଁ ବିତ୍ରାଟି ଆଦାଆରି ଏଝାଣାଇଁ ନାନୁ ଆଦାଆଡ଼ି ଇଞ୍ଜିଁ ଝେଞ୍ଜାଲି ସାସା କିଆଚେରି, ଇଚିହଁ ଏଝାସି ପ୍ରବୁ ଇ କାତା ଏଝାରି ପୁଞ୍ଜାମାଚେରି □

୧୩ ଜୀସୁ ଖାହାନା ରୁଚି ଅହାନା ହାଚେସି, ଇଞ୍ଜାଁ ମୀଶକା ଜିକେଏ ଏଲେକିହଁ ଏ ହାଚେସି □

୧୪ ଜୀସୁ ହାକିଟି ନିଜିତି ତାୟୁ ଇଦି ତାନି ପାଲି ତାକି ସୀସୁୟାଁଇଁ ତଞ୍ଜାଆଚେସି □

ଜୀସୁ ଅଡ଼େ ପିତର

୧୫ ଏଝାରି ତିଞ୍ଜାଲି ଆଡ଼ିତି ଜେତ ଜୀସୁ ସିମନ ପିତରଇଁ ଝେଚେସି, “ଏ ଜହନତି ମୀରଏଣା ସିମନ ଏନାଆଁ ନାନୁ ନାଜେ ଇଝାରି କିହା ହାରେକା ଜୀସୁ ନହଁ ମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନାନୁ ନିଜେ ଜୀସୁନହଁ ମାଞ୍ଜାଇଁ ନାନୁ ଏଦାଆଁ ପୁଞ୍ଜାମାଞ୍ଜି □” ଜୀସୁ ଏଝାଣାଇଁ ଏଲେଇଚେସି, “ନା ମେଣ୍ଡା ତାଲକାଣି ତାହମୁ □”

୧୬ ଜୀସୁ ଝେଣ୍ଡେ ରୀ ପାଲି ତାକି ଝେଚେସି, “ଏ ଜହନତି ମୀରଏଣା ସିମନ ଏନାଆଁ ନାନୁ ନାଜେ ଜୀସୁ ନହଁ ମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନାନୁ ନିଜେ ଜୀସୁନହଁ ମାଞ୍ଜାଇଁ ନାନୁ ଏଦାଆଁ ପୁଞ୍ଜାମାଞ୍ଜି □” ଏଝାସି ଏଝାଣାଇଁ ଏଲେଇଚେସି, “ନା ମେଣ୍ଡାୟାଁଣି ପହିକିମୁ □”

* ୨୦:୩୧ ୨୦:୩୧ କ୍ରୀୟା ☆ ୨୧:୩ ୨୧:୩ ଲୁକ ୫:୫ ☆ ୨୧:୬ ୨୧:୬ ଲୁକ ୫:୬

୧୭ ଜୀସୁ ଅଡ଼େ ତାନି ପାଲି ତାକି ଖେରେସି, “ଏ ଜହନତି ମୀରୁଏଣା ସିମନ ଏନାଆଁ ନୀନୁ ନାଜେ ଜୀସୁ ନହୁଁ ମାଞ୍ଜାଦି ?” ଏଲେଇଞ୍ଜି ତାନି ପାଲି ଖେଞ୍ଜାଲିଏ ଏଝାସି ଦୁକୁ ଆହାନା ଏଲେଇରେସି, “ଏ ପ୍ରବୁ ନୀନୁ ବାରେ ପୁଞ୍ଜାମାଞ୍ଜି; ନୀନୁ ନିଜେ ଜୀସୁନହୁଁ ମାଞ୍ଜାଇଁ, ଏଦାଆଁ ନୀନୁ ପୁଞ୍ଜାମାଞ୍ଜି ।” ଜୀସୁ ଏଝାଣାଇଁ ଏଲେଇରେସି, “ନା ମେଣ୍ଟାୟାଣି ଜାଡ଼ନୁ ଅମ୍ବୁ ।”

୧୮ ନୀନୁ ନିଜେ ସାତା ଖେସିମାଞ୍ଜାଇଁ, ନୀନୁ ଦୀଂଗଣା ମାନି ବେଲାତା ନୀ ଚେଡେଲି ରୁପା କତାନା ଆମ୍ବିୟାଞ୍ଜାକି ନୀ ମନ ଏନିକା ରେଜିମାଟି, ସାମା ବୁଡ଼ହା ଆଡ଼ିହୁଁ ନୀନୁ ନୀ କେସ୍ତା ଦାହୁଦି ଇଞ୍ଜା ଅର ଅସି ନୀ ଚେଡେଲିତା ଦସାନା ଆମ୍ବିୟା ନୀ ମନ ହିଲେଏ ଏନିକା ରେଜା ଅୟାନେସି ।

୧୯ ପିତର ଏନିଲେହେଡ଼ି ହାକି ତଲେ ମାହାପୁରୁଇଁ ଗାଝୁରମି କିନେସି, ଏଦାଆଁ ପୁଣ୍ଡି କିହାଲି ଏଲେଇଞ୍ଜାମାରେସି । ଏଲେଇଡ଼ି ତାୟୁ ଏଝାସି ଏଝାଣାଇଁ ଏଲେଇରେସି, “ନା ଜେତ ଝାମ୍ବୁ ।”

ଜୀସୁ ତାନି ଜୀସୁତି ସାସୁ

୨୦ ଜୀସୁ ଏମିନି ସାସୁଇଁ ଜୀସୁ ନହୁଁ ମାରେସି, ଅଡ଼େ ଲାଆଁୟାଁ ବକ୍ତି ବେଲାତା ତାନି ବକତା ଲାବନା ପ୍ରବୁ ନିଜେ ଆମ୍ବାଆସି ସାତୁୟାଁ କେୟୁତା ହେରପାନେସି ଇଞ୍ଜି ଖେଞ୍ଜାମାରେସି, ଏ ସାସୁ ଜେତ ଝାହିମାନାଣି ପିତର ଖେଣ୍ଡେ ତିରୁଞ୍ଜାନା ମେସେସି ।

୨୧ ପିତର ଏଝାଣାଇଁ ମେସାନା ଜୀସୁଇଁ ଖେରେସି, “ପ୍ରବୁ ଇଝାଣି କାତା ଏନାଆଁ ଇଞ୍ଜିମାଞ୍ଜି ?”

୨୨ ଜୀସୁ ଏଝାଣାଇଁ ଏଲେଇରେସି, “ନା ଝାନି ଦିନା ପାତେକା ତୟାପେସି ଇଞ୍ଜି ନୀନୁ ମନ କିଇଁ, ଆଡ଼ିହୁଁ ଏମ୍ବାଆଁ ନୀଦି ଏନାୟି ମାନେ ? ନୀନୁ ନା ଜେତ ଝାମ୍ବୁ ।”

୨୩ ଏମ୍ବାଟିଏ ଏ ସାସୁ ହାଅସି, ଇ କାତା ତାୟାୟାଁ ବିତ୍ତା ଖେଞ୍ଜାହାଚେ, ସାମା ଏଝାସି ହାଅସି ଇଞ୍ଜି ଜୀସୁ ଏଝାଣାଇଁ ଏଲେଇଞ୍ଜା ହିଲାଆଚେସି, ସାମା ନା ଝାନି ଦିନା ପାତେକା ଏଝାସି ତୟାପେସି ଇଞ୍ଜି ନୀନୁ ମନ କିଇଁ, ଆଡ଼ିହୁଁ ଏମ୍ବାଆଁ ମୀ ଏନାୟି ମାନେ ଇଞ୍ଜି ଖେସାମାରେସି ।

୨୪ ଆମ୍ବାଆସି ଇ ବାରେ ସାକି ହାହିମାନେସି, ଅଡ଼େ ଇ ବାରେ ରାଡ଼ାମାନେସି, ଏଝାସି ଏ ସାସୁ; ଅଡ଼େ ଏଝାଣି ସାକି ସାତା ଇଦାଆଁ ମାମ୍ବୁପୁଞ୍ଜାମାନମି ।

ରାନି ହାଡ଼ା

୨୫ ଜୀସୁ ହାଚେ ହାଚେକା କାମାୟାଁ କିହାମାରେସି; ଏ ବାରେ ରଣ୍ଡା ରଣ୍ଡାଆଁ କିହୁଁ ରାଡ଼ିତିହୁଁମା, ଇଚେକା ପତିୟାଁ ରାସ୍ତକି ଆତୁମା, ଇଚିହୁଁ ନା ଅଣ୍ଡପୁତା ବାରେ ଦାରତିତା ଜିକେଏ ଏ ବାରେ ଇଟାଲି ଟାୟୁ ଆଆଚେମା ।

ପ୍ରେରିତ ମାନଙ୍କ କାର୍ଯ୍ୟ ପାଣ୍ଡୁ ଆହ୍ୱାନାନାରି କାମା ମୂଲ୍ୟ ହାତୀ

ପାଣ୍ଡୁ ଆହ୍ୱାନ କାମାତି ପତି କୁଲମିକା ମାତୁହି କାତା ଅଡେ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଝେସାମାତି ଲେହେ, ଏନିକି ଜିରୁସାଲମତିଏ ଜୀହୁଦା, ସମିରଣା, ଅଡେ ସାରିଖାକି ଏଡେ, ଏ କାତାତି ପୁସପନି ୧:୮ ଇ ପତି ଲୁକ ରାତାମାରେସି, ଆମ୍ବାଆସି ଲୁକ ରାତାମାନି ନେହ କାତୁ ରାତାମାରେସି □ ଏଝାସି ତାଙ୍କାଦର ମାରେସି ଇଞ୍ଜା ବାରେ କାତା ଜାତୁନୁ ତଲେ ରାତାମାରେସି □ ଏଝାସି ତାନି ଲୁକ ନେହ କାତୁ ପାଣ୍ଡୁ ଆହ୍ୱାନାନାରି କାମା ଇ ରୀ ପତିତା ଜିକେଏ ତିୟପିଲ ଇଞ୍ଜା ଝେସାମାନେସି, ଏଝାସି ଗ୍ରିକ ଲକୁ ମାରେସି, ସାମା ଗ୍ରିକ ଅଡେ ଜୀହୁଦି ଲକୁଣି ଆତୁହି କ୍ରୀସ୍ତୀନା ଲକୁକି ଜିକେଏ ଇ ପତି ରାସ୍ତକି ଆହ୍ୱାନାରେ ୧:୧ □

କ୍ରୀସ୍ତ ଜାର୍ନାଆଡି ତାୟୁ ୬୦-୬୪ ବାର୍ଷା ବିତ୍ରା ପାଣ୍ଡୁଆଡି ପତି ରାସ୍ତକି ଆହ୍ୱାନାଣ୍ଡିନେ, ଏନାଆଁତାକି ଇତିହ ପାଞ୍ଚୁଲ କାୟିଦିତି ପିସପିଆଡି ନକେଏ ପତି ରାତାଲି ରାହାମାରେ □ ଲୁକ ଜିକେଏ ପାଣ୍ଡୁଆଡି ପାଞ୍ଚୁଲ ତଲେ ରେଜିମାରେସି ଅଡେ ଆଡ୍ରିୟକତି ଗାଡାତା ଇ ପାଣ୍ଡୁ ଆହ୍ୱାନାନାରି କାମା ପତି ରାତାମାରେସି □ ପାଣ୍ଡୁ ଆହ୍ୱାନ କାମା ପତି “ଲୁକ ରାତାମାନି ନେହ କାତୁ” ରାଡିତି ଜେଚ ଜେଚ ଜୀସୁ ଲାକପୁରୁ ହାଜାଲିଏ ରାତାଲି ମାତୁହା ମାରେସି □ ଲୁକ ତାନି ନେହ କାତୁ ଏନାଆଁତାକି ରାତାମାରେସି, ଏଲେକିହ ଏ ଇ ପାଣ୍ଡୁ ଆହ୍ୱାନାନାରି କାମା ପତି ରାତାମାରେସି □ ଏଝାସି ତିୟପିଲ ଅଡେ ଗାଡି ଜାନା ଆହିମାନି କ୍ରୀସ୍ତୀନା ଲକୁକି ଏନାଆଁ ଜାପୁଝି ଆହ୍ୱାନାରେ, ଏମ୍ବାଆଁ ତାରି ଆହ୍ୱାଲି ଅଣ୍ଡିମାରେସି, ଏନାଆଁତାକି ଜୀସୁତି ବାରେ କାତା ଅଡେ କ୍ରୀସ୍ତୀନା ଲକୁ ବାରେଖାକି ଆହିମାନି କାତା ରାତାମାନେସି □

ପାଣ୍ଡୁ ଆହ୍ୱାନାନାରି କାମା ପତି ମୂଲ୍ୟ ଆଡି କୁଲମିକାତି କାତା ଅଡେ ଜୀସୁ ତାଣା ନାମୁତଲେ ନୀତିନାୟି ଏନିଆହ୍ ତଞ୍ଜା ଆନାୟି ଏନାଆଁ ମାଜେ ଝେସ୍ତାନେ □ ସୁଦୁଜୀସୁତି ବାଡୁୟୁ ତଲେ ଏନିକିହ ଏଟକା ଲକୁତାଣା ନେହ କାତୁ ଏପ୍ନାୟି ପାଣ୍ଡୁ ଆହ୍ୱାନ କାତା ଝେସ୍ତାନେ □

ପତିତା ମାନାୟି

- ୧ ମୂଲ୍ୟ ସୀସୁୟାଁ ଲାକ ସୁଦୁଜୀସୁ ଝାନ୍ନାୟି ଅଡେ କୁଲମି ପାତାଆନାୟି □ ୧:୧-୮:୧
- ୨ କୁଲମି ସାସି ବେଟାଆନାୟି ଅଡେ ଜିରୁସାଲମ ସାରିଖାକି ଏନାୟି □ ୮:୨-୧୨:୨୩
- ୩ ପାଞ୍ଚୁଲ ମୂଲ୍ୟ ତାନି ସେବା କାମାତାକି ହାନାୟି □ ୧୨:୨୪-୧୪:୨୮
- ୪ ଜିରୁସାଲମତା କୁଟମି କୁଗିନାୟି □ ୧୫:୧-୩୫
- ୫ ପାଞ୍ଚୁଲ ରୀ ପାଲି ତାନି ସେବା କାମାତା ହାନାୟି □ ୧୫:୩୬-୧୮:୨୨
- ୬ ପାଞ୍ଚୁଲ ତାନି ପାଲି ତାନି ସେବା କାମାତା ହାନାୟି □ ୧୮:୨୩-୨୦:୩୮
- ୭ ପାଞ୍ଚୁଲ ଜିରୁସାଲମତା ଦସପି ଆନାୟି □ ୨୧-୨୬
- ୮ ରମ୍ପତା ପାଞ୍ଚୁଲଇଁ ପାଣ୍ଡିନାୟି □ ୨୭-୨୮

ସୁଦୁଜୀସୁ ତାକି ଆଞ୍ଜିନାୟି

୧ ଏ ଜୀସୁତି ତିୟପିଲ, ନା ମୂଲୁତି ପତିତା ଇ ବାରେ କାତା ରାତାମାଲ୍, ଜୀସୁ ଏମିନି କାମା ମାତୁହେସି ଅଡେ ଜାପୁହେସି,

୨ ଏ ଦିନା ପାତେକା ଏଝାସି ପାଣ୍ଡୁ ଆହ୍ୱାନାଇଁ ଆତାମାରେସି, ସୁଦୁଜୀସୁ ତଲେ ହୁକୁମି ହୀହାନା ଲାକପୁରୁ ଅଝି ଆହ୍ୱାନାରେସି □

୩ ଏବେଟିଏ ଜୀସୁ ତାନି ଦୁକୁ ବେଟାଆଡି ତାୟୁ ହାରେକା ଦିନା ଏଝାସି ଜୀସୁତଲେ ମାରେସି ଇଦାଆଁ ପାଣ୍ଡୁ ଆହ୍ୱାନାନାରି ତାଣା ପାରମାଣା କିଡେସି, ଇଞ୍ଜା ରୀ କଡି ଦିନା ପାତେକା ହାରେକା ଦେବା ତଞ୍ଜାଆହ୍ୱାନା ମାହାପୁରୁ ରାଜିତି କାତା ଜାପୁହେସି □

* ୧:୧ ୧:୧ ଲୁକ ୧:୧-୧୪

୪ *ର ଦିନା ଏଞ୍ଜାରି ରଣ୍ଡିଏ ତାଣା ତିଞ୍ଜାଲି କୁଡ଼ା ଆହାମାତି ବେଲାତା ଜୀସୁ ଏଞ୍ଜାରାକି ଇ ହୁକୁମି ହାତେସି; “ମୀରୁ ଜିରୁସାଲମ ପିଆଁ ଆମ୍ବିୟା ହାଲାଆବୁ, ସାମା ମୀରୁ ମାହାପୁରୁ ଆବାତି ଆଞ୍ଜାମାନାଣି ନା ତାଣାତି ଖେଞ୍ଜା ମାଞ୍ଜେରି, ଏଦାଆଁ ପାଣିନି ପାତେକା କାଚାନା ତୁୟାଦୁ;

୫ *ଇଚିହିଁ ଜହନ ଏୟୁତା ବାପ୍ତିସ୍ମା* ହାତେସି ସାତା, ସାମା ମୀରୁ ଏଚରଦିନା ଜେତ ସୁବୁଜୀସୁ ତଲେ ବାପ୍ତିସ୍ମା† ବେଗାଆଦେରି □”

ଜୀସୁ ଲାକପୁରୁ ହାନାୟି

(ମାର୍ଚ୍ଚ ୧୭:୧୯-୨୦; ଲୁକ ୨୪:୫୦-୫୩)

୬ ର ଦିନା ପାଣ୍ଡିଏ ଆଡ଼ାରି ରୁଣ୍ଡା ଆହାମାତି ବେଲା ଜୀସୁଇଁ ଖେତେରି, “ପ୍ରବୁ, ନୀନୁ ଏନାଆଁ ନୀଏଁ ଇସ୍ରାୟେଲ କେୟୁତା ଅଡ଼େ ଖେଣ୍ଡେ ଇ ରାଜିତି ହେରପିଦି ?”

୭ ଜୀସୁ ଏଞ୍ଜାରାଇଁ ଏଲେଇଚେସି, “ଆମିନି ଦିନା ଅଡ଼େ କାଲା ନା ଆବା ତାନି ଅଦିକାରାତା ଇଗାମାନେସି, ଏ ବାରେ ମିଙ୍ଗେ ପୁଞ୍ଜାଲି ଲଡ଼ା ଆଏ □

୮ *ସାମା ସୁବୁଜୀସୁ ମୀ ତାଣା ଖାଡ଼ିସାରେ, ମୀରୁ ବାଡ଼ୁରୁ ବେଗାଆଦେରି, ଇଞ୍ଜା ଜିରୁସାଲମ ବାରେ ଜୀହୁଦା ଦେସା ଇଞ୍ଜା ସମିରଣତା ଅଡ଼େ ବୁମି ମୁଟ୍ଟେ ତାକି ନା ସାକି ଆଦେରି □”

୯ *ଏଞ୍ଜାସି ଇ ବାରେ କାତା ଖେସ୍ତି ତାୟୁ ଏଞ୍ଜାରି ମେସପନିଏ ଜୀସୁ ଲାକପୁରୁ ହାତେସି, ଅଡ଼େ ଇଚାୟି ଦୁହା ଏଞ୍ଜାଣାଇଁ ଏଞ୍ଜାରି ତାଣାତି ଅହିଁ ହାଚେ, ଏଞ୍ଜାରି ଅଡ଼େ ଏଞ୍ଜାଣାଇଁ ମେହଆତେରି □

୧୦ ଏଞ୍ଜାସି ଲାକପୁରୁ ହାଜାଲିଏ ଜିକେଏ ଏଞ୍ଜାରି ହାଗୁଞ୍ଜାକି ମୁମ୍ବୁ କିହାନା ସିନିକିହି ମାନେରି; ଏଚିବେଲା ଦବଲା ହିମ୍ବୁରିକା ହୁଚାମାନି ରିଆରି ଦେବୁଣିଏ ଏଞ୍ଜାରି ନକିତା ନିତେରି,

୧୧ ଇଞ୍ଜା ଏଞ୍ଜାରି ଏଲେଇଚେରି “ଏ ଗାଲିଲିତି ଲକୁତେରି, ଏନାଆଁତାକି ହାଗୁଞ୍ଜାକି ମୁମ୍ବୁ କିହାନା ନିଚାମାଞ୍ଜେରି ? ଇ ଆମିନି ଜୀସୁ ମୀ ତାଣାତି ଲାକପୁରୁ ଅଢ଼ିଆଡ଼େସି, ଏଞ୍ଜାଣାଇଁ ଏନିକି ଲାକପୁରୁ ହାଚାଣି ମୀରୁ ମେସ୍ତେରି, ଅଡ଼େ ଏଲେକିହିଁଏ ଖେଣ୍ଡେ ଖାନାଣି ମେହଦେରି □”

ଜୀହୁଦା ଗାୟୁତା ମାତିୟୁଇଁ ଆଡ଼ିନାୟି

୧୨ ଏମାଟିଏ ତାୟୁ ଏଞ୍ଜାରି ଜାତ ଇନି ହରୁ ଲାକଟି ଜିରୁସାଲମତା ଖେଣ୍ଡାଖାଡ଼େରି, ଏ ଜାତ ହରୁଚିଏ ଜିରୁସାଲମ ର କିଲମିଚର ହେକ ମାଚେ □

୧୩ *ଇଞ୍ଜା ଏଞ୍ଜାରି ପିତର, ଜହନ, ଜାକୁବ, ଆନ୍ଦ୍ରିୟ, ପିଲିପ, ତମା, ବାର୍ତଲମି, ମାତିୟୁ, ଆଲେସି ମୀରୁଏସି ଜାକୁବ, ଦେସାତି ଜୀସୁ ନିନି ସିମନ ଅଡ଼େ ଜାକୁବ ମୀରୁଏସି ଜୀହୁଦା, ଗାଡ଼ାତା ଏଜାନା, ଏମିନି ଲାକନି ଇଲୁତା ବାସା ଆହାମାଚେରି, ଏମ୍ବାଆଁ ହାଚେରି □

୧୪ ଏଞ୍ଜାରି ବାରେଜାଣା ଇୟାସିକା ତଲେ ଇଞ୍ଜା ଜୀସୁତି ଇୟା ମରିୟମ ଅଡ଼େ ତାମି ତାୟିୟାଁ ତଲେ ରଣ୍ଡିଏ ଅଣ୍ଡୁ ତଲେ ପ୍ରାଚାନା କିହିଁ ରୁଣ୍ଡା ଆହାମାଚେରି □

୧୫ ଏଚରଦିନା ତାୟୁ ନାମିତାରି କୁଡ଼ା ଆହାମାଚେରି, ଏମ୍ବାଆଁ ସ କଡ଼ି ଜାଣା ଲକୁ କୁଡ଼ା ଆହାମାଚେରି, ପିତର ତାୟିୟାଁ ବିତ୍ରାଟି ନିଚାନା ଏଲେଇଚେସି,

୧୬ “ଜୀସୁତି ତାୟିୟାଁ ଅଡ଼େ ତାଜିସା, ଆମିନି ଇସ୍ତାରିୟତ ଜୀହୁଦା ଜୀସୁଇଁ ସାତୁୟାଁ କେୟୁତା ଆସ୍ତି କିହାଲିତାକି ଜିରୁ ତସାମାଚେସି, ଏଞ୍ଜାଣି ତାକି ସୁବୁଜୀସୁ ନଡ଼କଏ ଦାସୁଦ ଗୁଡ଼ିଚି ଏନାଆଁ ଖେସାମାଚେସି, ଏ ଦାମ୍ବୁ ସାସ୍ତେରି ପୁରା ଆନାୟି ମାଚେ;

୧୭ ଇଚିହିଁ ଏଞ୍ଜାସି ମା ବିତ୍ରାଟି ରଅସି ଇଞ୍ଜାଁ ଏଜିକିଞ୍ଜି ଆହିମାଚେସି, ଅଡ଼େ ଇ ସେବା କାମାତା ପାଣା ବେଗାଆହା ମାଚେସି □”

୧୮ *ଇ ଇସ୍ତାରିୟତ ଜୀହୁଦା ଲାଗେଏ କାମା କିତି ତାବୁୟାଁ ତଲେ ରଚାଣି ବୁମି କଡ଼ିଞ୍ଜି ଆହାମାଚେ, ଅଡ଼େ ଏଞ୍ଜାସି ହାଡ଼ି ତାଣା ତାୟୁଁ ଡୁଇ କିହିଁ ତରଗାଲିଏ ତାନି ବାଣ୍ଡି ତାୟାହାଚେ ଇଞ୍ଜା ଖାହିୟାଁ ହଚାହାଡ଼ୁ □

୧୯ ଅଡ଼େ, ଇଦାଆଁ ଜିରୁସାଲମ ଗାଡ଼ାତା ବାସା କିହିମାନି ଲକୁ ବାରେ ପୁଞ୍ଜାଲିଏ ଏ ବୁମିତି ଏଞ୍ଜାରି ହାଡ଼ାତଲେ “ହକଲଦାମା” ଇଚିହିଁ “ନେତେରି ବୁମି” ଇଞ୍ଜାଁ ଖେଜିତେ □

* ୧:୪ ୧:୫ ଲୁକ ୨୪:୪୯ * ୧:୫ ୧:୫ ମାତି ୩:୧୧; ମାର୍ଚ୍ଚ ୧:୮; ଲୁକ ୩:୧୭; ଜହ ୧:୩୩ * ୧:୫ ୧:୫ ମୁଞ୍ଜାଲିୟା † ୧:୫ ୧:୫ ମୁଞ୍ଜାଲିୟା * ୧:୮ ୧:୮ ମାତି ୨୮:୧୯; ମାର୍ଚ୍ଚ ୧୭:୧୫; ଲୁକ ୨୪:୪୭,୪୮ * ୧:୧୯ ୧:୧୯ ମାର୍ଚ୍ଚ ୧୭:୧୯; ଲୁକ ୨୪:୫୦,୫୧ * ୧:୧୩ ୧:୧୩ ମାତି ୧୦:୨-୪; ମାର୍ଚ୍ଚ ୩:୧୭-୧୯; ଲୁକ ୭:୧୪-୧୭ * ୧:୧୮ ୧:୧୮ ମାତି ୨୭:୩-୮

୨୦ ଅଡ଼େ ପାରୁ ପତିତା ରାସ୍ନି ଆହ୍ମାନାନ୍ନେ,
 “ଏଞ୍ଜାଣି ବାସାଗାନ୍ନୁ ଖାରଆୟି ଆପେ;
 ଏମ୍ମାଆଁ ଆମ୍ମାଆରି ବାସା କିଆପେରି □”

ଅଡ଼େ ଜିକେଏ ରାସ୍ନି ଆହ୍ମାନାନ୍ନେ;
 “ଏଞ୍ଜାଣି କାମାତି ପାଣା ଅର ରଅସି ବେଟା ଆପେସି □”

୨୧ * “ଏଦାଆଁତାକି, ପ୍ରବୁ ଜୀସୁ ଖେଣ୍ଡେ ନିଜିତି କାତା ସାକି ଆହ୍ମାଲି ଅର ରଅସି ମା ତଲେ ଆଣ୍ଡାନାୟି ମାନେ □

୨୨ ଜୀସୁ ଜହନ ତାଣାଟି ବାପ୍ତିସ୍ମା ଅଡ଼ି ବେଲ୍ଲାଟିଏ ଲାକପୁରୁ ହାନି ପାତେକା ପ୍ରବୁ ଜୀସୁ ମା ତଲେ ନୀତାମାତି ବେଲ୍ଲତା, ଆମିନି ଲକୁ ମା ଗତିତା ମାଚେରି, ଏଞ୍ଜାରି ତାଣାଟି ରଅସି ଖେଣ୍ଡେ ନିଜିନି ସାକି ଆନାୟି ମାନେ □”

୨୩ ଏଚେଟିଏ ଏଞ୍ଜାରି ରିଆରାଜ୍ ଇଟିହ୍ ଜସେପଜ୍, ଆମ୍ମାଆରାଜ୍ ବର୍ସବା ଇନେରି ଅଡ଼େ ଆମ୍ମାଆରି ହାଡ଼ା ଦରୁ ଜୁସୁ ଏଞ୍ଜାଣାଜ୍ ଇଞ୍ଜା ମତିୟଜ୍ ବାଟି କିହାନା,

୨୪ ଇ ପ୍ରାତାନା କିତେରି, “ପ୍ରବୁ ନୀନୁ ବାରେଡି ହିୟାତି ଅଣପୁ ପୁନାତି, ଜୀହୁଦା ଏମିନି ଚାୟୁତା ତୟିନାୟି ମାନେ ଏଞ୍ଜାସି ହାଜାଲିଏ, ଏଞ୍ଜାଣି ଚାୟୁତା ଇ ରିଆରି ବିଡ଼ାଟି ନୀ ତାଣାଟି ଆଡ଼ିତାସି ଆମ୍ମାଆସି,

୨୫ ଏ ପାଣ୍ଡୁଟି ଆହ୍ମାନାନାରି ସେବା କାମା କିହାଲି ଆମ୍ମାଆରାଜ୍ ଜୀହୁଦା ପାଣାତା ବାଟି କିହାମାଞ୍ଜି ତସ୍ତାମୁ □”

୨୬ ଅଡ଼େ ଏଞ୍ଜାରି ଏ ରିଆରି ତାକି ପାଦି କିହାଲିଏ ମତିୟ ଦରୁତଲେ ଆଡ଼େ; ଅଡ଼େ ଏଞ୍ଜାସି ଏଗାର ଜାଣା ପାଣ୍ଡୁଟି ଆହ୍ମାନାନାରି ଗତିତା ଆଣ୍ଡିତେସି □

୨

ସୁଦୁଜୀସୁ ରେତା ଖାନାୟି

୧ ପେଡ୍ରିକସ୍* ଦିନାତା କ୍ରୀସ୍ତଜ୍ ନାମିତି ବାରେଜାଣା ର ଚାୟୁତା ରୁଣ୍ଡା ଆହ୍ମାମାଚେରି □

୨ ଏ ଦେବୁଣିଏ କାଜା ଗାଲି ଖାହିମାନି ଲେହେଁ ର ହାଡ଼ା ଲାକପୁରୁଟି ଖାହାଁ, ଆମିନି ଇଲୁତା ଏଞ୍ଜାରି କୁଗାମାଚେରି, ଏ ଇଲୁତି ବାରେଞ୍ଜାକି ଖେଜିତେ □

୩ ଇଞ୍ଜା ହିଚୁ ଗୁଦ୍‌ଖା ଲେହେଁ ତଞ୍ଜାଆହ୍ମାନା ଏଞ୍ଜାରି ନକିତା ରଣ୍ଡି ରଣ୍ଡି ଆହ୍ମ୍ ଏ ବାରେଜାଣାତି ଲାକ ରେଟାଖାତେ □

୪ ଏଗୁାଟିଏ ଏଞ୍ଜାରି ବାରେଜାଣା ସୁଦୁଜୀସୁ ବେଟାଆହ୍ମାନା ଏ ଜୀସୁ ଏନିକ୍ ଜଲ୍ଲାଲି ବାଡ଼ୁୟୁ ହୀତେ, ଏଲେକ୍ ଏଞ୍ଜାରି ଏଟ୍‌କା ଏଟ୍‌କା ହାଡ଼ାତଲେ ଜଲ୍ଲାଲି ମାଟ୍‌ହେରି □

୫ ଏଟିବେଲ୍ଲତା ପେଡ୍ରିକସ୍ ପାରୁତାକି ହାଗୁ ତୁଇତି ଏଟ୍‌କା ଏଟ୍‌କା ଦେସାଟି ଖାହାମାଟି ଜୀହୁଦି ଲକୁ ଜିରୁସାଲମତା ତୟା ମାଚେରି;

୬ ଅଡ଼େ, ଏ ହାଡ଼ା ଖେଞ୍ଜାଲିଏ, ହାରେକା ଲକୁ କୁଡ଼ା ଆହ୍ମାନା ବାରେଜାଣା ଜାହା ଜାହାରା ହାଡ଼ାତଲେ ଏଞ୍ଜାରି ଜଲ୍ଲିମାନାଣି ଖେଞ୍ଜାନା କାବା ଆହ୍ମାହାଚେରି □

୭ ଇଞ୍ଜା ଏଞ୍ଜାରି ଆତାଜାକା ଅଡ଼େ କାବାଆହ୍ମାନା ଏଲେଇଚେରି, “ମେହ୍‌ଦୁ ଇ ଆମିନି ଲକୁ ହାଡ଼ା ଜଲ୍ଲିମାନେରି, ଏଞ୍ଜାରି ବାରେ ଗାଲିଲିତାରି ଆଏକି ?

୮ ଆତିହ୍, ମାର ଏନିକ୍ ବାରେଜାଣା ଜାହା ଜାହାରା ଜାର୍ନା ଚାୟୁତି ହାଡ଼ାତଲେ ଜଲ୍ଲିମାନାଣି ଖେଞ୍ଜିମାନାୟି ?

୯ ପାତୟ, ମାଦିୟ, ଏଲାମିୟ, ଅଡ଼େ ମେସପଟାମିୟା, ଜୀହୁଦା ଦେସା, କାପାଦକିୟା; ପନ୍ତ ଅଡ଼େ ଆସିୟା,

୧୦ ପୁଗୟା, ପଂପୁଲିୟା, ମିସର ଇଞ୍ଜା କୁରିଣି ଦାରିତା ତୁଇନି ଲିବିୟା ନାସ୍କାଣାଁ ବାସା କିନାରି, ଇଞ୍ଜା ରମ୍‌ଟି ଖାହାମାନି ଜୀହୁଦି,

୧୧ ଅଡ଼େ ଏଟ୍‌କା କୁଡ଼ାତି ଲକୁ ଜୀହୁଦି ଦାମ୍‌ତି ନାମାହାଁ ତୟାମାନାରି; ଅଡ଼େ କ୍ରିତି ଇଞ୍ଜା ଆରବିୟ ଦେସାଟି ଲକୁତାୟି ମାର, ମାର ଜାହା ଜାହାରା ହାଡ଼ାତଲେ ମାହାପୁରୁତି କାଜା କାଜା କାମାତି କାତା ଜଲ୍ଲିମାନାଣି ଖେଞ୍ଜିମାନାୟି □”

* ୧:୨୧ ୧:୨୧ ମାତି ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧ † ୧:୨୨ ୧:୨୨ ମୁଞ୍ଜିନାୟି * ୨:୧ ୨:୧ ପିସ୍‌ପିଆକି ପାରୁତି ରା କଡ଼ି ଦସ ଦିନା

୧୭ ଅଡ଼େ ବାରେକାଣା ଆତାଜାକା ଅଡ଼େ କାବାଆହାନା ତାମ୍ନୁତାମ୍ନୁ ହାଡ଼ାକାତା ଆଡେରି, “ଇଦାଣି ଅର୍ଥ ଏନାୟି ?”

୧୮ ସାମା ଏବକାତାରି ଲାଜାକିହି ଏଲେଇଚେରି, “ଇଝାରି ପୁଝିନି ଡାକ୍‌ହି ଅଙ୍ଗୁରି ରାସା ଗସାନା ହଡ଼ା ହାଜାମାନେରି □”

ପିତର କାବୁ ଝେକ୍‌ନାୟି

୧୯ ସାମା ପିତର ଏଗାର ଜାଣା ସାୟୁୟା ତଲେ ନିତାନା କାଜା ଗିୟାତଲେ ଏଲେଇଚେସି, “ଜୀହୁଦି ତାୟିୟା ଅଡ଼େ ଜିରୁସାଲମତା ବାସା କିହିମାନାତେରି, ମୀରୁ ନା କାତାତି ଝେଞ୍ଜାଦୁ ଅଡ଼େ ଇଦାଆଁ ପୁଞ୍ଜୁ □

୧୯ ଇତିହିଁ ମୀରୁ ଏନିକ୍‌ ଅଣ୍ଡିପିମାଞ୍ଜେରି, ଇଝାରି ଏଲେକିହିଁ ଅଙ୍ଗୁରି ରାସା ଗସାହାଁ ହଡ଼ା ହିଲଅରି; ଇତି ଆଡେ ଲାଜିତି ନ ଗଂଟା ଆହାମାନେ □

୧୭ ସାମା ମାହାପୁରୁ ଅଣ୍ଡପୁତି ବଲୁ ଝେହ୍‌ନି ଆମିନି ଜୟେଲ ତାଣାଟି ରାସ୍‌କି ଆହାମାନେ ଇଦି ଆହିମାନେ ଏଡି;

୧୭ ‘ମାହାପୁରୁ ଝେସିମାନେସି ରାନ୍‌ ଦିନାତା ଇ ବାରେ ଗଟଝି ଆନେ,

ନାନୁ ବାରେ ଲକ୍ଷୁତାକି ନା ଜୀଝୁ ପାଣ୍ଡାଜ୍,

ଏଡେଟିଏ ମୀ ମୀରକା ମାସ୍କା ମାହାପୁରୁ ଅଣ୍ଡପୁତି ବଲୁ ଝେହ୍‌ନେରି,

ମୀ ଦାଂଗଣାୟା କାବା ଆନାଣି ମେହ୍‌ନେରି,

ଅଡ଼େ ମୀ ବୁଡ଼ହାୟା ହାପାନା ହେଣ୍‌ନେରି □

୧୮ ହାଅ, ଏ କାଲୀତା ନା ହଲିୟାଙ୍ଗା ଇଞ୍ଜା ହେଲଣିସିକା ଲାକ,

ନାନୁ ନା ଜୀଝୁତି ଏଝାରି ଲାକ ଝାକ୍‌ଜ୍,

ଏଡେଟିଏ ଏଝାରି ମାହାପୁରୁ ଅଣ୍ଡପୁତି ବଲୁ ଝେହ୍‌ନେରି □

୧୯ ନାନୁ ହାଗୁ ଲାକ କାବାଆନ୍‌ କାମା;

ଅଡ଼େ ଡ଼ଇ ଦାର୍‌ତିତା କାବାଆନ୍‌ ସିନାୟା,

ଏମ୍‌ଆଁ ନେଡେରି, ହିରୁ ଇଞ୍ଜା ହାରେକା ବୟ୍‌ ତହ୍‌ଜ୍;

୨୦ ପ୍ରବୁତି କାଜା ଗାଝୁରମି ଦିନା ଝାନ୍‌ ନଡ଼କଏ,

ଝେଡ଼ା ଆନେରି ଆନେ,

ଅଡ଼େ ଲେଞ୍ଜୁ ନେଡେରିଲେହେଁ ଆନେ □

୨୧ ଅଡ଼େ ଇଲେକିହିଁ ଆନେ, ଆମ୍‌ଆସି ପ୍ରବୁ ଦରୁ ଆସାନା ପ୍ରାଡାନା କିନେସି, ଏଝାସି ଗେଲ୍‌ପି ଆନେସି □”

୨୨ “ଇସ୍ରାୟେଲ ଲକ୍ଷୁଡେରି, ଇ ବାରେ କାତା ଝେଞ୍ଜୁ! ନାଜ୍‌ରିତ ଜୀସୁ ହାରେକା ବାଡ଼ୁୟୁତି କାମା, କାବାଆନ୍‌ କାମା ଇଞ୍ଜା ସିନାୟା ତଲେ ମୀ ନକିତା ମାହାପୁରୁତି ପାଣ୍ଡଝି ଆଡ଼ାସି ଇଞ୍ଜୁ ଦାର୍‌ମାଣା ଆହାମାନେସି, ଏଝାଣି ତାଣାଟି ମାହାପୁରୁ ମୀ ତାଣା ଇ ବାରେ କାମା କିହିମାନେସି, ଇଦାଆଁ ମୀରୁ ପୁଞ୍ଜାମାଞ୍ଜେରି □

୨୩ *ଏ ଜୀସୁ ମାହାପୁରୁ କିହିମାନି ଅଣ୍ଡପୁ ଅଡ଼େ ତଲିତି କାତାତଲେ ହେରୁପି ଆହାଲିଏ, ମୀରୁ ଏଝାଣାଜ୍ ପାପୁ ଗାଟାରି କେୟୁତି ପାସି ମୁଣ୍ଡାତା ଏକ୍‌ହାନା ପାୟାମାଚେରି □

୨୪ *ସାମା ମାହାପୁରୁ ଏଝାଣାଜ୍ ହାକିତି ବାଡ଼ୁୟୁତି ଗେଲ୍‌ପାନା ନୀଡ଼ହା ମାଚେସି, ଇତିହିଁ ଏଝାସି ହାକିତା ଦସପି ଆହା ଡ଼ୟିନେସି ଏଡି ଆହାଲି ଆଡ଼ତଏ □”

୨୫ ଦାଝୁଦ ଏ କାତାତି ଝେସାମାନେସି,

“ନାନୁ ବାରେବେଲ୍‌ ନା ନକିତା ପ୍ରବୁଜ୍ ମେସିମାଚେଏଁ;

ଇତିହିଁ ନାନୁ ଏନିକ୍‌ କଲିବିଲି ଆଅଁ, ଏଡ଼ାଆଁତାକି ଏଝାସି ନା ଚିଝିନି ଗଟତା ମାନେସି □

୨୬ ଏଡ଼ାଆଁତାକି ନା ହିୟାଁ ରାହାଁ

ଅଡ଼େ ନା ଝେନ୍‌ନି ରାହାଁ ଆଡ଼େ,

ଅଡ଼େ ନା ଆଙ୍ଗା ଜିକେଏ ବାସୁଁ ତଲେ ବାସା କିନେ,

୨୭ ଇତିହିଁ ନାନୁ ନା ଜୀଝୁତି ହାକିପୁରୁତା ପିହିଅତି;

* ୨:୨୩ ୨:୨୩ ମାତି ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହ ୧୯:୧୮ * ୨:୨୪ ୨:୨୪ ମାତି ୨୮:୫,୬; ମାର୍କ ୧୭:୨; ଲୁକ ୨୪:୫

ଅଡ଼େ ନୀ ନାମ୍ନୁ ଅଡ଼େ ସ୍ୱପ୍ନ ଗାଗାଣାଙ୍କୁ ମାହୁଣି ମାଣ୍ଡାତା ସୀରହାଲି ହୀଅତି □

୨୮ ନୀନୁ ନାଙ୍ଗେ ଜୀଝୁତି ଜିରୁ ତସାମାଞ୍ଜାଦି,

ଅଡ଼େ ନୀନୁ ନାଙ୍ଗେ ନୀ ନକିତା ରାହୁଁତା ନେଞ୍ଜକିୟାଦି □”

୨୯ “ଇସ୍ତାୟେଲତି ତାୟିୟାଁ ଅଡ଼େ ତାଜିସ୍ତାତେରି, ମା ଆକୁ ଦାଝୁଦତି କାତା ନାମ୍ନୁ ମିଙ୍ଗେ କାଜା ହାଡ଼ାତଲେ ଖେସାଲି ଆଡ଼ାଙ୍ଗ, ଇରିହୁଁ ଏଝାସି ହାଡ଼େସି ଇଞ୍ଜା ମୁସ୍ତପି ଆଡ଼େସି, ଇଞ୍ଜା ଏଝାଣି ମାହୁଣି ମାଣ୍ଡା ନୀର୍ବ ପାତେକା ଇମ୍ବାଆଁ ମା ବିତ୍ରା ମାନେ □

୩୦ ରାଜା ଦାଝୁଦ ର ମାହାପୁରୁ ଅଣ୍ଟପୁତି ବଲ୍ଲୁ ଖେହୁନାସି ଲେହେଁ, ତାନି ନେତେରି ତଲେ ଜାନି ଆଡ଼ାଣାଙ୍କୁ ମାହାପୁରୁ ତାନି ସିଂଗାସାଣିତା କୁରିକିହାଲି ତାନି ତାଣା ଆଞ୍ଜାମାତେସି ଇଞ୍ଜୁ ପୁଞ୍ଜାମାତେସି □

୩୧ ଦାଝୁଦ ଇଦାଆଁ ପୁଞ୍ଜାମାତାକି, କ୍ରୀସ୍ତତି ଖେଶେ ନିଜିନି କାତା ଖେସାମାତେସି □”

“ଇରିହୁଁ ଏଝାସି ହାଡ଼ାରି ତାଣା ତୁୟାଆତେସି;

ଇଞ୍ଜା ଏଝାଣି ଆଙ୍ଗା ମାହୁଣି ମାଣ୍ଡାତା ସୀରହାତେ □”

୩୨ ମାହାପୁରୁ ଇ ଜୀସୁଇଁ ଅଡ଼େ ଖେଶେ ହାକିତି ନିକ୍ହାମାନେସି ଇଦାଣି ତାକି ମାମ୍ନୁ ବାରେ ସାକି □

୩୩ ଏଦାଆଁତାକି ଆଡ଼ା ମାହାପୁରୁ ଜୀସୁଇଁ କାଜାସି କିହାନା ତାନି ଚିଃନିଝାକି କୁରିକିହାନା ତାନିତଲେ ସାଲୁଝି କିହାଲି ହାଡ଼େସି, ଇଞ୍ଜା ଏଝାସି ମାଙ୍ଗେ ଆଞ୍ଜାମାତି ସୁଦୁଜୀଝୁ ହିୟାତେସି, ଇଦି ମୀରୁ ବାରେ ଆମିନିଗାଗାଣି ମେସିମାଞ୍ଜେରି ଇଞ୍ଜା ଖେଞ୍ଜିମାଞ୍ଜେରି □

୩୪ ଇରିହୁଁ ଦାଝୁଦ ଲାକପୁରୁ ହାଜାହିଲାଆତେସି; ଏଝାସି ତାନୁଏ ଖେସାମାତେସି,

“ପ୍ରବୁ ନା ପ୍ରବୁଇଁ ଏଲେଇଚେସି;

୩୫ ନାମ୍ନୁ ନୀ ସାତୁୟାଁଣି ନୀ କତାୟାଁ ତୁଇ ଇଗାଆ ପାତେକା,

ନୀନୁ ନା ଚିଃନିଝାକି କୁଗାମାନାମ୍ନୁ □”

୩୬ “ଇଦାଆଁତାକି ବାରେ ଇସ୍ତାୟେଲତି ଲକୁ ସାତେଏ ପୁନାପେରି, ଇରିହୁଁ ଆମିନି ଜୀସୁଇଁ କ୍ରୀସ୍ତତି ପାୟିତେରି, ସାତେଏ ଏଝାଣାଙ୍କୁ ମାହାପୁରୁ, ପ୍ରବୁ ଅଡ଼େ ମସିହା ପାଣା ହାଡ଼େସି □”

୩୭ ଇ କାତା ଖେଞ୍ଜାନା ଲକୁତି ହିୟାଁ ତୀହାହାତେ, ଇଞ୍ଜା ଏଝାରି ପିତର ଅଡ଼େ ଏମ୍ବାଆଁ ମାତି ପାଣ୍ଡୁଝି ଆଡ଼ାରାଙ୍କୁ ଏଲେଇଚେରି, “ତାୟିୟାଁ ମାମ୍ନୁ ଏନାଆଁ କିନି ?”

୩୮ ପିତର ଏଝାରାଙ୍କୁ ଏଲେଇଚେସି, “ମୀରୁ ମୀ ହିୟାଁ ଖେହୁହା କତାଦୁ, ଅଡ଼େ ଜାହାରା ପାପୁତି ମେକ୍‌ହାଲି ବାରେଜାଣା ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ମାଁ ଅଦୁ; ଆତିହୁଁ ଦେଁ ମୀରୁ ସୁଦୁଜୀଝୁତି ଦାନା ବେଗାଆଦେରି □

୩୯ ଇରିହୁଁ ମାହାପୁରୁ ଆଞ୍ଜାମାନାୟି ମିଙ୍ଗେତାକି, ଇଞ୍ଜା ମୀ ମୀରୁକା ମାସ୍‌କା ତାକି, ଅଡ଼େ ହେକତି ଏଚେକା ଲକୁ ମା ପ୍ରବୁ ମାହାପୁରୁ ତାନି ତାଣା ହାଡ଼ିନେସି, ଏ ବାରେ ଲକୁତାକି ଆନେ □”

୪୦ ଅଡ଼େ ପିତର ଏଝାରାଙ୍କୁ ହାରେକା କାତାତଲେ ବାତିମାଲିହୁଁ ଅଡ଼େ ଏଝାରାଙ୍କୁ ଜାପୁନି ହାଡ଼ା ଖେସିହୁଁ ସାକି ହାଡ଼େସି, “ଇ କୁଚୁଗାଟି କୁଡ଼ାତି ଲକୁଟିଏ ମୀରୁ ଗେଲପି ଆକୁ □”

୪୧ ହାରେକା ଲକୁ ଏଝାଣି ହାଡ଼ା ନାମିତେରି ଇଞ୍ଜା ବାପ୍ତିସ୍ମାଁ ଅଡ଼େରି, ଅଡ଼େ ଏ ଦିନା ବାରେ ତାନି ମାଣ୍ଡା ଲକୁ କୁଲମି ତଲେ ଆଣିତେରି □

୪୨ ଏ ଦିନାଟିଏ ଏଝାରି ପାଣ୍ଡୁଝି ଆଡ଼ାରି ଜାପୁନି ତାଣା, ଏଝାରିତଲେ ଆଣ୍ଡାନା ରୁଟି ଡିକିହାଲି, ପ୍ରାତାନା କିହାଲି ଆଣ୍ଡୁଝି ଆହୁଁ ତୁୟିତେରି □

ନାମ୍ନୁଗାଗାରି ମାଣ୍ଡକି

୪୩ ପାଣ୍ଡୁଝି ଆଡ଼ାରି ତାଣାଟି ହାରେ ହାରେକା କାବାଆନି କାମା ଇଞ୍ଜା ସିନାୟାଁ ତଞ୍ଜାଆହାଲି ମାଟ୍‌ହେ; ଅଡ଼େ, ଲକୁ ବାରେ ଆଜାଲି ମାଟ୍‌ହେରି □

୪୪ ଯାମା ବାରେ ନାମିତାରି, ଏଝାରି ବାରେଜାଣା ରଣ୍ଡିଏ ତାଣା ତୁୟାନା ବାରେ ଦନ୍ତତି ବାରେତାୟି ଇଞ୍ଜୁ ଅଣ୍ଟପିତେରି,

୪୫ ଅଡ଼େ ଏଝାରି ଜାହାରା ଦନ୍ତତି ଆସି ମାଗାଣି ପାରୁଗାନା, ଆମ୍ବାଆରାକି ଏନାୟି ଲଡ଼ାମାନେ, ଏଲେକିହୁଁ ବାରେତାକି ବାଟିକିହାଁ ହାହାଲି ମାଟ୍‌ହେରି □

† ୨:୩୮ ୨:୩୮ ମୁଞ୍ଜନାୟି ‡ ୨:୪୧ ୨:୪୧ ମୁଞ୍ଜନାୟି * ୨:୪୪ ୨:୪୪ କାମା ୪:୩୨-୩୫

୪୭ ଅତ୍ତେ, ଏଞ୍ଜାରି ରଣ୍ଡିଏ ହିୟାଁ ଆହାଁ ବାରେଦିନା ପ୍ରାତାନା ଇଲୁତା ରୁଣ୍ଡା ଆହାନା ତୁୟିମାଚେରି, ଇଞ୍ଜା ଇଲୁତାକି ଇଲୁ ରୁଟି ତ୍ରିକ୍‌ହଁ ରାହାଁ ଅତ୍ତେ ହିଡ଼ଡ଼ି ହିୟାଁ ତଲେ ତିଞ୍ଜି ଉଣ୍ଡିହଁ ,

୪୮ ମାହାପୁରୁତି ଜହନା କିହିମାଚେରି ଇଞ୍ଜା ବାରେ ଲକ୍‌କୃତି ଜୀସୁ ନନାରି ଆହିମାଚେରି □ ଅତ୍ତେ ପ୍ରବୁ ତାଣା ଗେଲ୍‌ପି ଆହିମାନି ଲକ୍‌କୃଣି ବାରେଦିନା କୁଲମି ତଲେ କାଲ୍‌ହାଲି ମାଟ୍‌ହେରି □

୩

ପିତର ସଗାଲ୍ ନେହଁ କିନାୟି

୧ ପିତର ଅତ୍ତେ ଜହନ ର ଦିନା ପ୍ରାତାନା କିନି କାଟୁତା ଇଚିହଁ ତାନି ଗଂଟା ବେଲାତା ପ୍ରାତାନା ଇଲୁତା ହାଜିମାଚେରି □

୨ ଏଚିବେଲାତା ଜାନୀଟିଏ ସଗା ରଅସି ତ୍ରେକି କିଞ୍ଚି ଆହାଁ “ଅକ୍‌ଡିତି” ଦରୁଗାଟି ଦୁଞ୍ଚେରିତା ଇଟ୍‌ଞ୍ଚି ଆହିମାଚେରି; ଇଞ୍ଜା ଏଞ୍ଜାସି ପ୍ରାତାନା ଇଲୁତା ଖାନି ଲକ୍‌କୃଣି ରାସିମାଚେରି □

୩ ଅତ୍ତେ ଏଞ୍ଜାସି ପିତର ଇଞ୍ଜା ଜହନଇଁ ପ୍ରାତାନା ଇଲୁ ବିତ୍ତା ହାଜିମାନାଣି ମେସାନା ଏଞ୍ଜାରାଇଁ ରାସାଲି ମାଟ୍‌ହେସି □

୪ ପିତର ଅତ୍ତେ ଜହନ ଏଞ୍ଜାଣାଇଁ ଆଟେ ସିନିକିତେରି, ଇଞ୍ଜା ପିତର ଏଲେଇଚେସି “ମା ଝାକି ସିନିକିୟାମ୍ବୁ □”

୫ ଏମ୍ବାଟିଏ ଏଞ୍ଜାସି ଏଞ୍ଜାରି ତାଣାଟି ଇଚାଣି ବେଟାଆହାଲି ଏଞ୍ଜାରି ଝାକି ସିନିକିତେସି □

୬ ସାମା ପିତର ଏଲେଇଚେସି, “ନା ତାଣା ବାଂଗାରା କି ଝେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଇଁ; ନାଜ୍‌ରିତ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜାଇଁ ନିଜ୍ଜାନା ତାକାମ୍ବୁ!”

୭ ଅତ୍ତେ, ଏଞ୍ଜାସି ଏଞ୍ଜାଣି ଚିଟିନି କେୟୁ ଆସାନା ଏଞ୍ଜାଣାଇଁ ନିକ୍‌ହେସି, ଏଚେଟିଏ ଏ ଦେବୁଣିଏ ଏଞ୍ଜାଣି କତାୟିତି ହାନ୍ଦୁଲିକା ବାଡ଼ୟୁ ଆତୁ;

୮ ଏଞ୍ଜାସି ତ୍ରେଞ୍ଚଁ ତ୍ରେଞ୍ଚଁ ତାନି କତାତଲେ ନିତେସି, ଅତ୍ତେ ତାକାଲି ମାଟ୍‌ହେସି □ ଏଚେଟିଏ ଏଞ୍ଜାସି ଏଞ୍ଜାରିତଲେ ପ୍ରାତାନା ଇଲୁତା ତାକହଁ ଅତ୍ତେ ତ୍ରେଞ୍ଚିହଁ ଇଞ୍ଜା ମାହାପୁରୁଇ ଗାଞ୍ଜୁରମି କିହଁ ହାଚେସି □

୯ ଏମ୍ବାଆଁ ମାନି ଲକ୍‌କୃ ବାରେ ଏଞ୍ଜାଣି ତାକିନାଣି ଅତ୍ତେ ମାହାପୁରୁତି ଗାଞ୍ଜୁରମି କିହିମାନାଣି ମେସେରି;

୧୦ ଅତ୍ତେ ଆନିନିଗାଟାସି ପ୍ରାତାନା ଇଲୁତି ଅକ୍‌ଡିତି ଦୁଞ୍ଚେରିତା କୁଗାନା ରାସିମାଚେସି, ଏଞ୍ଜାସିଏ ଇଞ୍ଜାସି ଇଞ୍ଜଁ ପୁଚେରି, ଏଞ୍ଜାଣାକି ଏନାଆଁ କିଞ୍ଚି ଆହାମାଚେ ଏଦାଆଁ ମେସାନା ଆତାଜାକା ଆହାନା କାବା ଆଚେରି □

ପ୍ରାତାନା ଇଲୁତା ପିତର ଝେକ୍‌ନାୟି

୧୧ ଏଞ୍ଜାସି ପିତର ଇଞ୍ଜା ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକ୍‌କୃ ଆତାଜାକା ଆହାନା ଏଞ୍ଜାରି ତାଗେ ହଟାଚେରି □

୧୨ ପିତର ଏଞ୍ଜାରାଇଁ ମେସାନା ଏଲେଇଚେସି, “ଇସ୍ତାୟେଲ ଲକ୍‌କୃତେରି, ମୀରୁ ଏନାଆଁତାକି ଆତାଜାକା ଆହିମାଞ୍ଜେରି ? ମାମ୍ବୁମ୍ବା ବାଡ଼ୟୁ କି ମାହାପୁରୁ ଆଜିତଲେ ଇଞ୍ଜାଣାକି ତାକାଲି ବାଡ଼ୟୁ ହାହାମାନମି, ଏଦାଆଁ ଅଣ୍ଡାପାନା ମାଜେ ରଣ୍ଡିଏ ଅଣ୍ଡାପୁ ତଲେ ଏନାଆଁତାକି ସିନିକିହିମାଞ୍ଜାଦେରି ?

୧୩ ଅପ୍ରାହାମ, ଇସାହାକ ଅତ୍ତେ ଜାକୁବତି ମାହାପୁରୁ, ମା ଆକୁ ଆବାୟିତି ମାହାପୁରୁ, ତାନି ହଲେଏସି ଜୀସୁଇଁ ମାହାପୁରୁତି ଗାଞ୍ଜୁରମି ହାହାମାନେସି □ ସାମା ଜୀସୁଇଁ ମୀରୁଏ ସାଲ୍‌ଞ୍ଚି କିନାରି କେୟୁତା ହେଡ଼ପିତେରି, ଏଚିବେଲା ପିଲାତ ଜୀସୁଇଁ ପିସାଲି ଅଣ୍ଡାପା ମାଚିହଁ ଜିକେଏ, ଏଞ୍ଜାଣାଇଁ ମୀରୁ ପିଲାତ ନକ୍‌ଡା ଅପାଆଚେରି □

୧୪ ଏଞ୍ଜାସି ସୁଦୁ ଅତ୍ତେ ଦାର୍ମିଗାଟାସି ମାଚେସି, ସାମା ମୀରୁ ଏଞ୍ଜାଣାଇଁ ଅପାଆଚେରି, ଅତ୍ତେ ଏଞ୍ଜାଣି ଗାୟୁତା ର ଲକ୍‌କୃଣି ପାୟିନାଣାଇଁ ପିସାଲି ପିଲାତଇଁ ବାତିମାଲିତେରି,

୧୫ ଆମ୍ବାଆସି ଜୀସୁତି ଜିରୁ ତହ୍‌ନାସି ଏଞ୍ଜାଣାଇଁ ମୀରୁ ପାୟିତେରି; ଏଞ୍ଜାଣାଇଁ ମାହାପୁରୁ ହାତାରି ତାଣାଟି ନିକ୍‌ହାମାନେସି, ମାମ୍ବୁ ଛଦାଣି ସାକି □

* ୩:୧୪ ୩:୧୫ ମାଟି ୨୭:୧୫-୨୩; ମାର୍କି ୧୫:୬-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

୧୭ ଏଞ୍ଜାଣି ଦରୁତି ବାଡ଼ୁୟୁ ଈ ସଟାକ୍ ନେହ୍ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜୁ ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି ଆହାମାନେ □ ଜୀସୁକ୍ ନାମିତାକି ଏଞ୍ଜାସି ନେହ୍ ଆହାମାନେସି ଇଦାଆଁ ମୀରୁ ମେସାମାଞ୍ଜେରି □”

୧୮ “ଅଡ଼େ ନୀର୍ବ ଇସ୍ତାୟେଲତି ତାୟିୟାଁ ଅଡ଼େ ତାଞ୍ଜିସ୍ତାତେରି, ମୀ କାଜାରି ଏନିକ୍, ମୀରୁ ଜିକେଏ ଏଲେକ୍ ବୁଦି ହିଲାଆକି ଇଦାଆଁ କିହାମାନେରି ଇଞ୍ଜୁ ନାନୁ ପୁଞ୍ଜାମାକ୍ □

୧୯ ତଲି କାଲାଟିଏ ମାହାପୁରୁ ଅଣ୍ଟପୁତି ବଲୁ ଖେହ୍ନାରି ତାଣାଟି ମାହାପୁରୁ ଖେସାମାରେସି ମସିହାତି ଦୁକୁ ପାଣ୍ଡାନାୟି ମାନେ; ଏ ବାରେ ଏଞ୍ଜାସି ଇଲେକ୍ ପୁରା କିହାମାନେସି □

୨୦ ଇତିହ୍, ଏନିକ୍ ମୀ ପାପୁ ମେଣ୍ଡଜନେ, ଏଦାଆଁତାକି ମନ ଖେହ୍ନାନା ମାହାପୁରୁ ତାଣା ଖେଣ୍ଡା ଖାପୁ,

୨୧ ପ୍ରବୁ ତାଣାଟି ମୀରୁ ଜୀଞ୍ଜୁତି ବାଡ଼ୁୟୁ ବେଟାଆଡ଼େରି, ମାହାପୁରୁ ମିଙ୍ଗେତାକି ତଲିଏ ଆଡ଼ାମାନି ମସିହା ଜୀସୁକ୍ ପାଣ୍ଡାନେସି □

୨୨ ବାରେ କାତାତି ଖେଣ୍ଡେ କିନାଣି ଆମିନି ବେଲାତି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣ୍ଟପୁତି ବଲୁ ଖେହ୍ନାରି ତାଣାଟି ଖେକ୍ହା ମାରେସି, ଏ କାଲା ଖାଆ ପାତେକା ଏଞ୍ଜାଣାକି ସାତେଏ ଲାକପୁରୁ ହାଜାଲି ଆଡ଼େ □

୨୩ ମସା ଖେସାମାରେସି, ‘ପ୍ରବୁ ମାହାପୁରୁ ମୀ ତାୟିୟାଁ ବିତ୍ରାଟି ମିଙ୍ଗେତାକି ନା ଲେହ୍ନେକି ର ମାହାପୁରୁ ଅଣ୍ଟପୁତି ବଲୁ ଖେହ୍ନାଣାକ୍ ନିକ୍ନେସି; ଏନା ଏନାଆଁ ମିଙ୍ଗେ ଖେସ୍ତାନେସି, ଏ ବାରେ ମୀରୁ ଏଞ୍ଜାଣି କାତା ଖେଞ୍ଜେରି □

୨୪ ଆମିନିଗାଟାସି ମାହାପୁରୁ ଅଣ୍ଟପୁତି ବଲୁ ଖେହ୍ନାରି କାତା ନାମଅରି ଏଞ୍ଜାରି ମାହାପୁରୁତି ଲକୁ ତାଣାଟି ଏଟକା କିଞ୍ଜିଆନେରି ଅଡ଼େ ନାସା କିଞ୍ଜିଆନେରି □’

୨୫ ସାମୁୟେଲ ଇଞ୍ଜାଁ ତାନି ତାୟୁତି ଏତରଜାଣା ମାହାପୁରୁ ଅଣ୍ଟପୁତି ବଲୁ ଖେହ୍ନାରି ଖେସାମାନେରି, ଏଞ୍ଜାରି ବାରେ ଈ କାଲାତା ଆହିମାନି କାତା ଖେସାମାନେରି □

୨୬ ମାହାପୁରୁତି ଆଞ୍ଜାମାନି ମାହାପୁରୁ ଅଣ୍ଟପୁତି ବଲୁ ଖେହ୍ନାରି ତାଣାଟି ମିଙ୍ଗେତାକି ନେହ୍, ମାହାପୁରୁ ମୀ ଆକୁ ଆବାୟାଁ ତଲେ କିତି ରାଜିମାନା ମୀରୁ କିହିମାଞ୍ଜେରି □ ଏନିକ୍ ଏଞ୍ଜାସି ଅବୁହାମକ୍ ଏଲେକ୍ରେସି, ‘ନାନୁ ମୀ କୁଡ଼ାଟି ବାରେ ଦାରୁତି ଲକୁକି ବରୁ ହାକ୍ □’

୨୭ ମାହାପୁରୁ ତଲିଏ ତାନି ହଲେଏଣାକ୍ ମିଙ୍ଗେତାକି ବାଟି କିହାନା ପାଣ୍ଡାତେସି, ଏନିକ୍ ଏଞ୍ଜାସି ମୀ ବାରେଜାଣା ତେରି ମିଙ୍ଗେ ଲାଗେଏ ଜିରୁତି ଖେହ୍ନାନା ବରୁ ହିୟାନେସି □”

୪

ପିତର ଅଡ଼େ ଜହନ ବେରଣିମାଣ୍ଡାତା

୧ ପିତର ଅଡ଼େ ଜହନ ଲକୁ ନକିତା ଖେସିମାଟି ବେଲାତା ପୂଜେରାଜା, ମାହାପୁରୁ ଇଲୁତି କାଜାରି ଇଞ୍ଜାଁ ସାଦୁକିୟାଁ ଏଞ୍ଜାରି ନକିତା ଖାଡ଼େରି □

୨ ଏଞ୍ଜାରି କପା ଆହିମାରେରି, ଇତିହ୍ ପାଣ୍ଡୁଞ୍ଜି ଆହାମାନାରି ଲକୁଣି ଜାପୁହି ମାରେରି, ଇଞ୍ଜାଁ ଜୀସୁତି କାତା ଆସାନା ହାଡ଼ାରି ବିତ୍ରାଟି ଖେଣ୍ଡେ ନିଙ୍ଗିତି କାତା ଖେକ୍ହା ମାରେରି □

୩ ଏତିବେଲା ମିଡ଼ଅଲା ଆହିମାରେ, ଏଦାଆଁତାକି ଏଞ୍ଜାରି ସାପୁୟାଁଣି ଦସ୍ପାନା ଅର ନେଟୁ ପାତେକା କାୟିଦି ଇଲୁତା ଇତିତେରି □

୪ ସାମା ଏତେକା ଲକୁ ବଲୁ ଖେଚାରି ନାମିତେରି, ଇଞ୍ଜାଁ ଖାରକ୍ ଆବାୟାଁ ପାସାମାଣା ଆଡ଼େରି □

୫ ତାନି ଅର ଦିନା ଜୀହୁଦିଙ୍ଗାଟି କାଜାରି, ଇଞ୍ଜାଁ ପ୍ରାଟିନାଜା, ଜାପୁନାରି ଅଡ଼େ ମେରାପୁନାରି ଜିରୁସାଲମତା କୁଡ଼ା ଆଡ଼େରି □

୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକ୍ଜାଣ୍ଡାରିତି କାଜା ପୂଜେରାଜା କୁଡ଼ାତି ବାରେ ଲକୁ କୁଡ଼ା ଆଡ଼େରି □

୭ ଏଞ୍ଜାରି ପାଣ୍ଡୁଞ୍ଜି ଆଡ଼ାରାକ୍ ମାଦିଏ ନିପୁହାନା ଖେରେରି, “ଏନିକିହ୍ କିତେରି ? ଏନି ବାଡ଼ୁୟୁ ଇଞ୍ଜାଁ ଆମ୍ବାଆରି ଦରୁତଲେ ମୀରୁ ଈ ବାରେ କାମା କିହିମାଞ୍ଜେରି ?”

୮ ଏମ୍ବାଟିଏ ପିତର ସୁଦୁଜୀଞ୍ଜୁତା ନେଞ୍ଜାନା ଏଞ୍ଜାରାକ୍ ଏଲେକ୍ରେସି, “ଲକୁତି କାଜାତେରି ଇଞ୍ଜାଁ ପ୍ରାଟିନାଜାତେରି,

୯ ନୀଞ୍ଜୁ ମାମୁ ସ୍ୱଗାକି କିହାମାନି ନେହୁଁ କାମାତାକି ମୀରୁ ଖେଞ୍ଜି ମାଞ୍ଜାଦେରି, ଏଝାସି ଏନ୍ନିକିହୁଁ ନେହୁଁ ଆଡ଼ତସି ଇଞ୍ଜୁଁ ପୁଞ୍ଜାଲି ଅଣପିଯାଞ୍ଜେରି,

୧୦ ଆତିହୁଁ ମୀରୁ ବାରେଜାଣା ତେରି ପୁନିକାତା, ଇସାୟେଲତି ବାରେ ଲକୁ ପୁନାୟିମାନେ, ଆମିନି ନାଜରିତ ଜୀସୁ କ୍ରୀସ୍ତଇଁ ମୀରୁ କ୍ରସତା ପାୟିତେରି, ଆମ୍ବାଆରାଇଁ ମାହାପୁରୁ ହାକିଟି ନିକହାମାନେସି ଏ ଜୀସୁ ଦରୁଟି ଇ ମାଣସି ନେହୁଁ ଆହାନା ମୀ ନକିତା ନିଚାମାନେସି □”

୧୧ ଜୀସୁ ରଅସିଏ, ଦାମ୍ବୁ ସାଡ଼ସ୍ତରି ଝେସିମାଞ୍ଜାନେ,
“ଇଲୁ କେପିନାତେରି ମୀରୁ, ମୀ ତାଣାଟି ଆମିନି ଝାଲି ଲାଗେଏତାୟି ଆହାମାତେ,
ସାମା ଆମିନାୟି କନତି କାଜା ଝାଲି ଆଡ଼େ, ଏଝାସି ଏ ଝାଲି □”

୧୨ ଏଝାଣି ପିସପେ ଅଡ଼େ ଆମ୍ବାଆରି ତାଣା ଗେଲପିନାୟି ହିଲେଏ; ଇତିହୁଁ ଆମ୍ବାଆରି ତାଣାଟି ମୀରୁ ଗେଲପି ଆନାୟି ଆନେ, ହାଗୁ ତୁଲ ମାଣସିୟାଁ ବିତ୍ତା ଏନ୍ନି ଦରୁ ହାପକି ଆହା ହିଲେଏ □

୧୩ ଏଝାରି ପିତର ଅଡ଼େ ଜହନତି ସାସା ମେସାନା ଇଞ୍ଜାଁ ଏଝାରି ଏନାଆଁ ପୁନାଆତାରି ଅଡ଼େ ବୁଦି ହିଲାଆ ଲକୁ, ଇଦାଆଁ ପୁଞ୍ଜାନା ଆତାଜାକା ଆହାହାଚେରି, ଇଞ୍ଜାଁ ଏଝାରି ଜୀସୁତଲେ ମାଚେରି ଇଞ୍ଜୁଁ ପୁଚେରି,

୧୪ ସାମା ଏ ନେହୁଁ ଆହାମାଚାସି ଜହନ ଇଞ୍ଜାଁ ପିତର ତଲେ ନିଚାମାଚାଣି ମେସାନା ଏଝାରି କପାଟି ଏନାଆଁ ଜଲ୍ଲାଲି ଆତାଆତେରି □

୧୫ ତାମୁ ଏଝାରାଇଁ ବେରଣି ମାଣ୍ଡାଟି ହଡ଼ା ହାଜାଲି ହୁକୁମି ହାହାନା ଏଝାରି ତାମୁତାମୁସୁ ଝେସପି ଆଡ଼େରି

୧୬ “ଇ ଲକୁଣି ଏନାଆଁ କିନାୟି ?” ଏଝାରି ଏଲେଇଚେରି, “ଇତିହୁଁ ଇଝାରି ତାଣାଟି କାବାଆନି କାମା କିଝିଆହାମାନେ, ଇଦି ଜରୁସାଲମତି ବାରେଜାଣା ନକିତା ତଞ୍ଜା ଆହାମାନେ, ଇଞ୍ଜାଁ ମୀରୁ ଏଦାଆଁ ଆଏ ଇଞ୍ଜାଲି ଆଡ଼ାଆୟି;

୧୭ ସାମା ଇ କାତା ଲକୁତାଣା ଏନ୍ନିକିଁ ଗାତି ଝେଜେଏ, ଏଦାଆଁତାକି ଏଝାରାଇଁ ଜୀସୁ ଦରୁ ଏଚେଲା ଆମ୍ବାଆରି ନକିତା ଆସାଲି ଏଝାରାଇଁ କାହିକିନାୟି ମାନେ □”

୧୮ ତାମୁ ଏଝାରି ଜହନ ଅଡ଼େ ପିତରଇଁ ହାଟାନା ଜୀସୁତି ଦରୁ ଝେହୁଆଦୁ କି ଜାପୁଆଦୁ ଇଞ୍ଜୁଁ ହୁକୁମି ହାଚେରି □

୧୯ ସାମା ପିତର ଅଡ଼େ ଜହନ ଏଝାରାଇଁ ଏଲେଇଚେରି, “ମାହାପୁରୁ କାତା ଝେନିକିହୁଁ ମୀ କାତା ଝେନାୟି ମାହାପୁରୁ ନକିତା ନେହେଁ କି ଆଏ, ଏଦାଆଁ ମୀରୁ ଅଣପା କତାଦୁ □

୨୦ ଇତିହୁଁ ମାମୁ ଏନାଆଁ ମେସାମାନି ଇଞ୍ଜାଁ ଝେଞ୍ଜାମାନି, ଏ ବାରେ ଝେହୁଆନା ତୁୟାଲି ଆଡ଼ଅମି □”

୨୧ ସାମା ଏ ବେରଣି ମାଣ୍ଡାତାରି ଏଝାରାଇଁ ଅଡ଼େ ହାରେକା ଆଜି କିହାନା ପିସ୍ତେରି, ଏଝାରାଇଁ ତଣ୍ଡୁ ହାହାଲି ଆଏ ଇଞ୍ଜୁଁ ଏଝାରି ପୁଚେରି, ଏନାଆଁତାକି ଇତିହୁଁ ଏ କାମାତାକି ଲକୁ ବାରେ ମାହାପୁରୁଇଁ ଜହରା କିଚେରି □

୨୨ ଇତିହୁଁ ଆମିନିଗାଗାଣି ତାଣା କାବାଆନି ନେହୁଁ କାମା କିଝି ଆହାମାତେ, ଏଝାସି ରୀ କଡ଼ି ବାସୀଟିଏ ଲାକ ମାଚେସି □

ପାଣ୍ଡୁଝି ଆହାମାନାରି ବାଡ଼ୁୟୁ ତାକି ପ୍ରାତାନା

୨୩ ପିତର ଅଡ଼େ ଜହନ ପିସପିଆଡ଼ି ଦେବୁଣିଏ ତାମି ତଣ୍ଡେସିଙ୍ଗା ତାଣା ହାଚେରି ଇଞ୍ଜାଁ କାଜା ପୁଜେରାଙ୍ଗା ଅଡ଼େ ପ୍ରାଚିନାଙ୍ଗା ଏନାଆଁ ଝେସାମାଚେରି, ଏ ବାରେ ଏଝାରାଇଁ ଝେସ୍ତେରି □

୨୪ ଏଝାରି ଏନାଆଁ ଝେଞ୍ଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା କାଜା ହାଡ଼ାତଲେ ପ୍ରାତାନା କିହୁଁ ଏଲେଇଚେରି, “ପ୍ରବୁ ନୀରୁ ହାଗୁ, ଦାରୁତି, ସାମଦୁରି ଇଞ୍ଜାଁ ଏ ବାରେ ତାଣା ମାନାଣି ବାରେ ଗାଡ଼ି କିହାମାଞ୍ଜି □

୨୫ ସୁଦୁଜୀଝୁ ତଲେ ନୀରୁ ମା ଆକୁ ଦାଝୁଦ ନୀ ହଲେଏଣା ଗୁଟିଟି, ଇ କାତା ଝେସାମାଟି;
‘ଜୀହୁଦିଆଆତାରି ଏନାଆଁତାକି କାରବି ଆଡ଼େରି;

ଇଞ୍ଜାଁ ଲକୁ ଏନାଆଁତାକି ଉଜେଏତାଣି ଅଣପିଚେରି ?

୨୬ ପ୍ରବୁ ଅଡ଼େ ତାନି ବରୁ ବେଗାଆହାମାନି ମସିହା କପାଟି,
ଦାରୁତିଟି ରାଜାୟାଁ ନିଜିଚେରି,
ଇଞ୍ଜାଁ ସାଲ୍ଝି କିନାରି କୁଡ଼ା ଆଡ଼େରି □”

୨୭ ଇତିହାସ ନୀ ସୁଦୁଗାଟି ହଲେଏସି ଜୀସୁଇଁ ବର ହାଟି, ସାତେଏ ଏଝାଣି କପାଟି ହେରଦ ଅଡ଼େ ପନ୍ତ୍ରୟ ପିଲାତ ଇ ରିଆରି ଜୀହୁଦିଆଆଡାରି ଅଡ଼େ ଇସ୍ରାୟେଲ ଲକ୍ଷ୍ମତଲେ ଇ ଗାଡ଼ାତା ପାରୁ ପାରିତେରି,

୨୮ ମୀ ଅଣ୍ଡପୁ ତଲେ ଏନାୟି ବାରେ ଗଟ୍ଟି ଆନେ ଇଞ୍ଜି ତଲିଟିଏ କିଞ୍ଚି ଆହାମାଚେ, ଏଦାଆଁ କିହାଲି କୁଡ଼ା ଆଡ଼େରି □

୨୯ ଅଡ଼େ ନୀର୍ସ, ଏ ପ୍ରବୁ, ଏଝାରି ମାଜେ ଆଜି କିହିମାଞ୍ଜାନାଣି ସିନକିୟାମ୍; ଅଡ଼େ ନୀ ହଲିୟାଜାଣି ହାରେକା ସାସାତଲେ ନୀ ବଲୁ ଝେସାଲି ବାଡ଼ୁୟୁ ହାମ୍,

୩୦ ଇଞ୍ଜି ଏଦାଆଁ ତଲେ ନୀ ସୁଦୁ ହଲେଏସି ଜୀସୁତି ଦରୁତଲେ ନେହଁ କିହାଲି ଅଡ଼େ ସିନାୟଁ ଇଞ୍ଜି କାବାଆଡ଼ି କାମାୟଁ କିହାଲିତାକି ନୀ କେୟୁ ଦାସା ଡ଼ୟାମ୍ □

୩୧ ଏଝାରି ପ୍ରାଡ଼ାନା ରାପ୍ତ ହି ତାୟୁ, ଆମିନି ଚାୟୁତା ରୁଣ୍ଡା ଆହାମାଚେରି, ଏଦି ଝାଡ଼ିତେ □ ଇଞ୍ଜି ବାରେଜାଣା ସୁଦୁଜୀଞ୍ଜୁ ତଲେ ନେଞ୍ଜାନା ବାଡ଼ୁୟୁ ତଲେ ମାହାପୁରୁତି ବଲୁ ଝେକହାଲି ମାଟ୍‌ହେରି □

ନାମୁଗାଟାରି ଦନ୍ତତି ସମାନା ବାଗା ବେଟାଆଡ଼େରି

୩୨ ନାମୁଗାଟି ଲକ୍ଷ୍ମ ରଣ୍ଡିଏ ହିୟଁ ରଣ୍ଡିଏ ମନତଲେ ମାଚେରି; ଏଝାରି ବିଡ୍ରାଟି ଆମ୍ବାଆରି ଜିକେଏ ତାମି ଦନ୍ତତି ମାଡ଼ି ଇଞ୍ଜି ଅଣ୍ଡପି ହିଲାଆଡ଼େରି, ସାମା ଏଝାରିଝାୟି ବାରେ ସମାନା ଇଞ୍ଜି ଅଣ୍ଡପିମାଚେରି □

୩୩ ପାଣ୍ଡୁଞ୍ଚି ଆହାମାନାରି ଗାଡ଼ି ବାଡ଼ୁୟୁ ତଲେ ପ୍ରବୁ ଜୀସୁତି ଝେଣ୍ଡେ ନିଜ୍ଜିତି କାତା ଝେସାଲି ମାଟ୍‌ହେରି, ଇଞ୍ଜି ବାରେଡ଼ି ଲାକ ମାହାପୁରୁତି ହାରେକା କାର୍ମା ମାଚେ □

୩୪ ଇତିହାସ ଏଝାରି ବିଡ୍ରା ଆମ୍ବାଆରାକି ଏନାୟି ଉଣା ଆହି ହିଲାଆଡ଼େ, ଇତିହାସ ଏଚେକା ଲକ୍ଷ୍ମତି ବୁମି ଇଞ୍ଜି ଇଲକା ମାରୁ ପାରୁତି ମାଚେରି

୩୫ ଅଡ଼େ ପାଣ୍ଡୁଞ୍ଚି ଆଡ଼ାରି କଡ଼ାଁ ଡ଼ଇକା ଏ ଡ଼ାବୁୟଁ ହାହିମାଚେରି, ଅଡ଼େ ବାରେ ଲକ୍ଷ୍ମତାକି ତାମି ଲଡ଼ାମାନି ଲେହେଁ ଏ ଡ଼ାବୁୟଁ ବାଟିକିଞ୍ଚି ଆହାମାଚେ □

୩୬ କୁପୁ ଇନି ଚାୟୁତା ଜାର୍ନା ଆହାମାଟି ଲେବି କୁଡ଼ାଡ଼ି ଜସେପ, ଆମିନାଣାଈଁ ପାଣ୍ଡୁଞ୍ଚି ଆଡ଼ାରି ବର୍ନବା ଇଞ୍ଜି ମାଚେରି, ଇ ଦରୁ ଅର୍ତ୍ତ “ବାସୁଁ ହାନାସି,”

୩୭ ଏଝାଣିଝାୟି ଇଚାୟି ବୁମି ମାଚେ, ଏଝାସି ଏଦାଆଁ ପାର୍‌ଚାନା ଏମ୍ବାଡ଼ି ଟାକାୟଁ ଡ଼ାଚାନା ପାଣ୍ଡୁଞ୍ଚି ଆଡ଼ାରି କଡ଼ାୟଁ ଡ଼ଇ ଇଟିତେସି □



ହନନିୟ ଅଡ଼େ ସପିରା

୧ ହନନିୟ ଦରୁଗାଟାସି ରଅସି ମାଚେସି, ଏଝାସି ତାନି ତକ୍ତି ସପିରା ତଲେ ଇଚାଣି ବୁମି ପାର୍‌ତେସି □

୨ ହନନିୟ ତାନି ତକ୍ତି ତଲେ ଏ ଟାକାୟଁ ବିଡ୍ରାଟି କଚେକା ଡ଼କ୍ଷୁହା ଇଚାନା କଚେକା ଡ଼ାଚାନା ପାଣ୍ଡୁଞ୍ଚି ଆଡ଼ାରାକି ହାତେସି □

୩ ପିଚର ଏଝାଣାଈଁ ଏଲେଇଚେସି, “ହନନିୟ, ସୁଦୁଜୀଞ୍ଜୁ ନକିତା ମିତି ଜଲ୍ଲାଲି ଇଞ୍ଜି ବୁମି ପାର୍‌ଚାନା କଚେକା ଡ଼କ୍ଷୁହା ଇଚାଲି ସୟତାନ ଏନାଆଁତାକି ମୀ ହିୟଁତି ଲକ୍ଷ୍ମହାମାନେ ?

୪ ପାରୁନି ନକେଏ ଏଦି ନୀ ଅଦିକାରାତା ହିଲାଆଡ଼େ କି ? ପାରୁତି ତାୟୁ ଜିକେଏ ଏମ୍ବାଡ଼ି ଟାକାୟଁ ଜିକେଏ ନାଞ୍ଚି ଆହାହିଲାଆଡ଼େ କି ? ଆଡ଼ିହଁ ନୀନୁ ଏନିକଁ ନୀ ହିୟଁତା ଇ ଅଣ୍ଡପୁ ଅଣ୍ଡପିତି ? ଏଦାଆଁ ନୀନୁ ମାଣ୍ଡସି ନକିତା ମିତି ଜଲ୍ଲିମାଞ୍ଜି ଏଦି ଆଏ, ସାମା ମାହାପୁରୁ ନକିତା ମିତି ଜଲ୍ଲିମାଞ୍ଜି □”

୫ ହନନିୟ ଇ ହାଡ଼ା ଝେଣ୍ଡମ୍‌ନିଏ ଡ଼ଇ ଡ଼ରଗାନା ହାହାହାଚେସି; ଏମ୍ବାଆଁ ଏଚେକା ଲକ୍ଷ୍ମ ଇ କାତା ଝେଚେରି, ଏଝାରି ବାରେ ହାରେକା ଆଜିତେରି □

୬ ଅଡ଼େ, ଦାଂଗଣାୟଁ ବିଡ୍ରା ଝାଜାନା ହିମ୍ବୁରି ପ୍ଟାକହେରି ଇଞ୍ଜି ପାଜାତା ଅହାନା ମାହ୍‌ଣି ମାଣ୍ଡାତା ମୁସ୍‌ପୁରି □

୭ ତାନି ଗଂଟା ତାୟୁ ତାନି ତକ୍ତି ଝାଡ଼େ, ସାମା ଏନାଆଁ ଆହାମାନେ, ଏଦାଆଁ ଏଦି ପୁଞ୍ଜା ହିଲାଆଡ଼େ □

୮ ପିଚର ଏଦାନି ଝେଚେସି, “ନୀନୁ ଅଡ଼େ ନୀ ତକ୍ତା ଇଚେକା ଟାକାୟଁତାକି କି ମୀ ବୁମି ପାରୁତେରି ?” ଏଦି ଏଲେଇଚେ, “ହାଅ ଏଚେକା ତାକିଏ □”

☆ ୪:୩୨ ୪:୩୨ କାମା ୨:୪୪,୪୫

୯ ପିତର ଏଦାନି ଏଲେଇଚେସି, “ପ୍ରବୃତ୍ତି ଜୀବୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଡ଼ତେରି ? ମେହ୍‌ଦୁ ଆମିନି ଗାଟାରି ନୀ ତକ୍ରାଜ୍ ମୁସାନା ଝାହ୍‌ମାନେରି, ଏଝାରି ଦୁଝେରିତା ଝାଡ଼ତେରିଏ, ଇଞ୍ଜା ଏଝାରି ନିଜେ ପାଙ୍ଗାତା ଡେକା ଅୟାନେରି □”

୧୦ ଏ କାତା ଝେଣ୍ଡମିନିଏ ଏଦି ପିତର କର୍ତ୍ତା ତୁଇ ତରଗାନା ହାହାହାଚେ, ଇଞ୍ଜା ଦାଂଗଣାୟା ବିତ୍ରା ଝାହାନା ହାହାମାନାଣି ମେସ୍ତେରି ଇଞ୍ଜା ପାଙ୍ଗାତା ଡେକା ଅହାନା ତାନି ତକ୍ରା ଟଟତା ମୁସ୍ତେରି □

୧୧ ଏମ୍ବାଟିଏ ବାରେ କୁଲମି ଇଞ୍ଜା ଏଚେକା ଲକୁ ଇ ବାରେ କାତା ଝେଚେରି, ଏଝାରି ବାରେ ହାଡ଼େକା ଆଜିତେରି □

କାବାଆନ୍ତି ସିନାୟା

୧୨ ପାଣ୍ଡୁ ଆଡ଼ାରି ତାଣାଟି ହାଡ଼େକା କାବାଆନ୍ତି କାମାୟା ଅଡ଼େ ସିନାୟା ଆହାଲି ମାଟ୍‌ହେ, ଇଞ୍ଜା ବାରେ ନାମିତାରି ରଣ୍ଡିଏ ଅଣ୍ଡପୁ ତଲେ ସଲମନତି ପିଣ୍ଡାତା କୃତା ଆହିମାଚେରି,

୧୩ ସାମା ଏଟକାତି ଲକୁ ଆମ୍ବାଆରି ଏଝାରିତଲେ କୃତାଲି ସାସା କିହିଲିଆଆଚେରି; ଆଡ଼ିଜିକେଏ ଲକୁ ଏଝାରି ଗାଝୁରମି କିହିମାଚେରି,

୧୪ ଇଞ୍ଜା, ହାଡ଼େ ହାଡ଼େକା ଇୟାସିକା ଅଡ଼େ ଆବାୟା ନାମାହାଁ ପ୍ରବୁ ତାଣା କୃତାଲି ଆଣ୍ଡିତେରି,

୧୫ ପାଣ୍ଡୁ ଆଡ଼ାରି କାମା ଦିନାତାକି ଦିନା ପାତାଆଡ଼େ, ଇଲ୍ଲାଆହୁ, କି ପିତର ଝାନ୍ତି ବେଲ୍ଲାତା ଏନ୍ତିକ ତାନି ସାୟା ରଗ ଗାଟାରି ଲାକ ଆଡ଼ିନେ, ଏଦାଆଁତାକି ରଗ ଗାଟାରାଇଁ ଆଂଗେଣିତା ଡେକା ତାତାନା କାଚେଲି ଇଞ୍ଜା ପାସ୍‌ପନିତା ଇତିମାଚେରି □

୧୬ ଜିରୁସାଲମତି ସାରିସୁରୁ ଗାଡ଼ାୟାତି ହାଡ଼େକା ଲକୁ ରଗ ଗାଟାରାଇଁ ଅଡ଼େ ବୃତୁୟା ଆଲ୍‌ଗିତାରାଇଁ ଚାରିହୁଁ ଝାଡ଼ତେରି, ଅଡ଼େ ଏଝାରି ବାରେଜାଣା ନେହୁଁ ଆଡ଼େରି □

ପାଣ୍ଡୁ ଆଡ଼ାରାଇଁ ସାସି

୧୭ ଏଚେଟିଏ କାଜା ପୂଜେରାଙ୍ଗା ଅଡ଼େ ଏଝାଣି ବାରେ ତଡ଼ ଲକୁ, ନାୟୁତି ସାଦୁକିୟା ଗତିତାରି ପାଣ୍ଡୁ ଆଡ଼ାରାଇଁ ତାହାରା ଆହାନା ଏଝାରି କପାରି ନିଜିତେରି □

୧୮ ଏଝାରି ପାଣ୍ଡୁ ଆହାମାନାରାଇଁ ଆସାନା କାୟିଦି ଇଲ୍ଲୁତା ଇତିତେରି □

୧୯ ସାମା ଲାଆୟା ବେଲ୍ଲାତା ପ୍ରବୃତ୍ତି ର ଦୁତୁ କାୟିଦି ଇଲ୍ଲୁତି ଦାନ୍ତାୟା ବାରେ ଦେଚାତୁସ୍ତେ, ଇଞ୍ଜା ଏଝାରାଇଁ ପାଙ୍ଗାତା ତାତାନା ଏଲେଇଚେ,

୨୦ “ହାକୁ, ଇଞ୍ଜା ମାହାପୁରୁ ଇଲ୍ଲୁତା ନିତାନା ଲକୁଣି ଇ ଜୀବୁତି ବାରେ କାତା ଝେହ୍‌ଦୁ □”

୨୧ ଇ କାତା ଝେଞ୍ଜାନା ଏଝାରି ଲାଜଅଲି ମାହାପୁରୁ ଇଲ୍ଲୁତା ହତାନା ଜାପୁହାଲି ମାଟ୍‌ହେରି □

ଏମ୍ବାଟିଏ କାଜା ପୂଜେରାଙ୍ଗା ଅଡ଼େ ତାମି ତଣେସିଙ୍ଗା ଝାହାନା କୁଟମିତି କାଜାରାଇଁ ଅଡ଼େ ଇସାୟେଲ ଲକୁତି ପ୍ରାଚିନାଙ୍ଗାଣି ହାଟାନା କୃତି କିତେରି; ଇଞ୍ଜା ପାଣ୍ଡୁ ଆଡ଼ାରାଇଁ ତାଗାଲି କାୟିଦି ଇଲ୍ଲୁତା ଲକୁଣି ପାଣ୍ଡୁତେରି □

୨୨ ସାମା କାମାକିନାରି ହାଜାନା କାୟିଦି ଇଲ୍ଲୁତା ପାଣ୍ଡୁ ଆଡ଼ାରାଇଁ ବେଟାଆଆନା ଝେଣ୍ଡା ଝାହାନା ବେରଣି ମାଣ୍ଡାତାରାଇଁ ଝେସ୍ତେରି,

୨୩ “ମାମ୍ କାୟିଦି ଇଜ ହାଜାନା ସିନିକିତମି, କାୟିଦି ଇଲ୍ଲୁ ଦାବା ଆଡ଼ଝା ତଲେ ସୁଣ୍ଡିଆହାମାଚେ; ଇଞ୍ଜା ଦୁଝେରିକାଣା କାଟାମାଟି କସ୍‌କା ନିଚାମାଚେରି, ସାମା ଦାବା ଦେଚାଲିଏ ବିତ୍ରା ଆମ୍ବାଆରାଇଁ ଜିକେଏ ବେଟାଆଆତମି □”

୨୪ ଇ ହାଡ଼ା ଝେଞ୍ଜାନା କାଜା ପୂଜେରାଙ୍ଗା ଅଡ଼େ ମାହାପୁରୁ ଇଲ୍ଲୁତି କସ୍‌କା ମୁହେଁ କାଜାସି ପାଣ୍ଡୁ ଆଡ଼ାରାଇଁ ଏନାଆଁ ଆଡ଼େ ଅଣ୍ଡପାନା ଏଝାରି କାତାତା ଆଡ଼ାଜାକା ଆହାହାଚେରି □

୨୫ ଏଚିବେଲା ରଅସି ଝାହାନା ଏଝାରାଇଁ ଏଲେଇଚେସି, “ମେହ୍‌ଦୁ ମୀରୁ ଆମିନି ଗାଟାରାଇଁ କାୟିଦି ଇଲ୍ଲୁତା ଇଟାମାଚେରି, ଏଝାରି ମାହାପୁରୁ ଇଲ୍ଲୁତା ଜାପୁହିମାନେରି □”

୨୬ ଏଚେଟିଏ କସ୍‌କା ମୁହେଁ କାଜାସି, କାମାକିନାରି ତଲେ ହାଜାନା ପାଣ୍ଡୁ ଆଡ଼ାରାଇଁ ଝେଣ୍ଡେ ହାଡ଼ା ତାଡ଼େରି, ସାମା ବାଡ଼ୁତୁ ତଲେ ଆଏ, ଇଚିହୁଁ ଲକୁ ଝାଲ୍‌କାତଲେ ଝେତାନେରି ଜିକେଏ ଇଞ୍ଜା ଆଜିମାଚେରି □

୨୭ ଏଝାରି ଏଝାରାଇଁ ତାତାନା କୁଲମି ପାଙ୍ଗାତା ନିପୁହେରି, ଏମ୍ବାଟିଏ କାଜା ପୂଜେରା ଏଝାରାଇଁ ଝେଚେସି □

୨୮ * “ଇ ମାଣସି ଦରୁତଲେ ଆମ୍ବାଆରାଇଁ ଜିକେଏ ଝେହୁଆଦୁ ଇଞ୍ଜିଁ ମାମ୍ବୁ ଜାଣ୍ଡେ ହୁକୁମି ହାହାମାଞ୍ଜାତମି, ସାମା ସିନିକିଦୁ, ମୀରୁ ଏନାଆଁ କିହାମାଞ୍ଜେରି! ଜିରୁସାଲମତି ସାରିଝାକି ମୀରୁ ଏ କାତା ଜାପୁହି ମାଞ୍ଜେରି ଇଞ୍ଜାଁ ଏଞ୍ଜାଣାଇଁ ନେତେରିତି ଦହ ମା ମୁହେଁ ଏକହାଲି ଅଣ୍ଡିମାଞ୍ଜେରି ।”

୨୯ ସାମା ପିତର ଇଞ୍ଜାଁ ଏଟକାତି ପାଣ୍ଡୁଝି ଆହାମାନାରି ଏଲେଇଚେରି, “ମାଣସିୟାଁତି ହୁକୁମି ମାନି କିନି କିହାଁ ମାହାପୁରୁତି ହୁକୁମି ମାନି କିନାୟିମାନେ ।”

୩୦ ଆମିନି ଜାସୁଇଁ ମୀରୁ ପାସି ମୁଣ୍ଡାତା ଏକହାନା ପାୟାମାଚେରି, ମା ଆକୁ ଆବାୟାଁତି ମାହାପୁରୁ ଏଞ୍ଜାଣାଇଁ ଝେଣ୍ଡେ ନିକହାମାନେସି ।

୩୧ ଇଞ୍ଜାଁ ଏଞ୍ଜାସି ଏନିକିଁ ଇସ୍ରାୟେଲତି ମନୁ ଝେଟ୍ପି କିହାଁ ପାପୁ ମେଣ୍ଡାଜି କିନେସି, ଏଦାଆଁତାକି ମାହାପୁରୁ ତାନି ଚିଝିନି କେୟୁତଲେ ଏଞ୍ଜାଣାଇଁ କାଜାପାଣା ଇଞ୍ଜାଁ ଗେଲପିନାଣା ଲେହେଁ କାଜାସି କିହାମାନେସି ।

୩୨ ଅଡେ, ମାମ୍ବୁ ଛୁ ବାରେତି ସାକି, ଇଞ୍ଜାଁ ଆମିନି ସୁଦୁଜାଞ୍ଜୁଇଁ ମାହାପୁରୁ ତାନି ହୁକୁମି ମାନିଝି ଆନାରାକି ହାହାମାଞ୍ଜାନେସି, ଏଡି ଜିକେଏ ସାକି ।”

୩୩ ଈ କାତା ଝେଞ୍ଜାନା କୁଟମିତି କାଜାରି ହାଡେକା କାରୁବି ଆହାହାଚେରି, ଇଞ୍ଜାଁ ଏଞ୍ଜାରାଇଁ ପାୟାଲି ତାକି କାତା ଆଡେରି ।

୩୪ ସାମା ଗମଲିୟେଲ ଦରୁଗାଟି ର ମାନିଗାଟି ପାରୁସି, ଆମିନିଗାଟାସି ମସାତି ମେରା ଜାପୁନାସି ମାଚେସି, ଏଞ୍ଜାସି ବେରଣିମାଣ୍ଡାତା ନିତାନା ପାଣ୍ଡୁଝି ଆହାମାନାରାଇଁ ଗାଡେକା ତାକି ପାଜାତା ପାଣ୍ଡାଲି ହୁକୁମି ହାଚେସି ।

୩୫ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇଚେସି “ଏ ଇସ୍ରାୟେଲ ଲକୁତେରି, ଇଞ୍ଜାରି ତାକି ମୀରୁ ଏନାଆଁ କିହାଲି ଅଣ୍ଡିମାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ ।

୩୬ ଇଚିହଁ ଇଦାଆଁ ନକେଏ ତିଝୁଦା ଇନାସି ହଡାନା ତାନୁ ର କାଜା ମାଣସି କିହା କତିଚେସି, ଇଞ୍ଜାଁ ସାରି ଝାଞ୍ଜା ଲକୁ ଏଞ୍ଜାଣିତଲେ ଆଣ୍ଡିଚେରି; ଏଞ୍ଜାସି ପାୟାଝି ଆଡେସି, ଇଞ୍ଜାଁ ଏଚେକା ଲକୁ ଏଞ୍ଜାଣି ତାଣା ବାସୁଁ କିହାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାଁ ଏନି କାମାତା ହାଆଚେରି ।

୩୭ ଏ ଲକୁତି ଜେଡ ଲକୁଣି ଏଜିକିନି ବେଲାତା ଗାଲିଲିତି ଜୀହୁଦା ଇନାସି ହଡାନା ଲକୁଣି ତାନି ଝାକି ରେଜା ଅହାନା ତାନି ସାୟୁୟାଁ କିଚେସି; ଏଞ୍ଜାସି ଜିକେଏ ପାୟାଝି ଆଡେସି, ଇଞ୍ଜାଁ ଏଚେକା ଲକୁ ଏଞ୍ଜାଣି ଜେଡ ଆଣ୍ଡାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାହାଚେରି ।

୩୮ ଇଞ୍ଜାଁ ନାଏଁ ନାନୁ ନିଜେ ଝେସିମାଞ୍ଜାଇଁ, ମୀରୁ ଈ ଲକୁଣି ଏନାଆଁ କିଆନା ଏଞ୍ଜାରାଇଁ ପିସାଚୁହୁଦୁ, ଇଚିହଁ ଈ କାତା କି କାମା ମାଣସି ତାଣାଟି ଆହାମାନେ, ଇଚିହଁ ଏଡି ଉଜେଏ ଆନେ;

୩୯ ସାମା ଏଡି ମାହାପୁରୁ ତାଣାଟି ଆହାମାନେ, ଇଚିହଁ ମୀରୁ ଏଞ୍ଜାରାଇଁ ଜୀଣା ଆନି ସାସା ହିଲେଏ, ଇଚିହଁ ମୀରୁ ମାହାପୁରୁ କପାଟି ଜୁକୁ କିହିମାଞ୍ଜେରି ଇଞ୍ଜାଁ ତଞ୍ଜା ଆଡେରି ।” ଏ ବାରେ କୁଟମି ଗମଲିୟେଲ କାତାତି ଝେଚେରି ।

୪୦ ଇଞ୍ଜାଁ ପାଣ୍ଡୁଝି ଆଡାରାଇଁ ବିତ୍ରା ହାଟାନା ସାଟ୍ଟି ମାଡା ଝେଟାନା ଜୀସୁ ଦରୁତି କାତା ଝେହୁଆଦୁ ଇଞ୍ଜାଁ ହୁକୁମି ହାହାନା ପିସ୍ତେରି ।

୪୧ ମାହାପୁରୁ ନକିତା ଏଞ୍ଜାରି ଜୀସୁ ଦରୁ ତାକି ଲାଜା ବେଟାଆହାଲି ଜଡେ ଇଞ୍ଜାଁ ଅଣ୍ଡାମାଚେରି, ଏଦାଆଁତାକି ଏଞ୍ଜାରି ରାହାଁ କିହଁ କୁଟମି ବିତ୍ରାଟି ହଟାଞ୍ଜାଚେରି;

୪୨ ଅଡେ, ଏଞ୍ଜାରି ଦିନାତାକି ଦିନା ମାହାପୁରୁ ଲକୁତା ଇଞ୍ଜାଁ ଲକୁତାକି ଇଲୁ ଜାପୁହାଲି ଇଞ୍ଜାଁ ଜୀସୁଏ ମସିହା, ଈ ନେହଁ କାଚୁ ଝେକହାଲି ଉଣା ଆଆଚେରି ।



ସାତା ଜାଣାତି କାମା ହେରପିନାୟି

୧ ଏମାଟିଏ ସାୟୁୟାଁ ହାଚେ ହାଚେକା ଜାଣା ଆହାଲି ମାଟ୍ଟହେରି, ଗ୍ରିକ ଜଲିନି ଜୀହୁଦି ଲକୁ ଏଡି ଜଲିନି ନାମିତି ଲକୁଣି ଲାଜା କିହାଲି ମାଟ୍ଟହେରି, ଏନାଆଁତାକି ଇଚିହଁ ଦିନାତାକି ଦିନା କାଦିକଣ୍ଡା ବାଟିକିନି ବେଲାତା ରାଞ୍ଜେଣିସିକାକି ହାସି ହିଲାଆଚେରି ।

୨ ଏମାଟିଏ ବାଚଜାଣା ସାୟୁୟାଁ ବାରେ ନାମିତି ଲକୁଇଁ ର ତାଣା କୁଡି କିହାନା ଏଲେଇଚେରି, “ମାହାପୁରୁତି ବଲୁ ଝେକହାଲି ପିସାହାଁ ବାଟି କିହାଲି ହିକିତହଁ ନେହେଁ ଆଏ ।”

୩ ଇଦାଆଁତାକି ଏ ତାୟିୟାଁ ଅଡ଼େ ତାଜିୟା, ମୀ ବିତ୍ରାତି ନେହାଁରି ଇଞ୍ଜାଁ ଝେଜ୍ଜିତି ସୁଦୁଜୀସୁ ତଲେ ନେଞ୍ଜାମାନି ବୁଦିଗାଟି ସାଡ଼ା ଜାଣାଇ ଆଡ଼ାଦୁ. ଏଞ୍ଜାବାକି ଇ ବାଟିକିନି କାମା ହେରପାଦୁ □

୪ ଆତିହ୍ ମାମ୍ ପ୍ରାଡ଼ାନାତା ଇଞ୍ଜାଁ ବଲ୍ଲୁ ଝେହ୍ନି ସେବା କାମାତା ରଣ୍ଡିଏ ଅଣପୁ ତଲେ ଡ଼ୟିନି □”

୫ ଇ କାତା ବାରେ ଲକ୍ଷୁତି କାନୁତା ନେହ୍ ତଞ୍ଜାଆଡ଼େ, ଇଞ୍ଜାଁ ଏଞ୍ଜାରି ନାମ୍ ଅଡ଼େ ସୁଦୁଜୀସୁତା ନେଞ୍ଜାମାନି ସ୍ତ୍ରୀପାନ ଦରୁ ଗାଟାଣାଇଁ ଇଞ୍ଜାଁ ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡ଼େ ଆଡ଼ିୟକିୟାତି ତଲି ଜୀହୁଦି ଦାମ୍ବୁତା ଆଣ୍ଡାମାଟି ନିକଲାୟଇଁ ଆଡ଼ିତେରି,

୬ ଏଞ୍ଜାରି ଏଞ୍ଜାରାଇଁ ପାଣ୍ଡୁଝି ଆଡ଼ାରି ତାଣା ତାତେରି, ଇଞ୍ଜାଁ ଏଞ୍ଜାରି ଲାକ କେସ୍ତା ଇଟାନା ପ୍ରାଡ଼ାନା କିତେରି □

୭ ଏଚେଟିଏ ମାହାପୁରୁତି ବଲ୍ଲୁ ହାରେକା ଝେଜ୍ଜିତେ, ଇଞ୍ଜାଁ ଜିରୁସାଲମତା ସୀୟୁୟାଁ ହାରେକା ପାତାଆହାଲି ମାଟ୍‌ହେରି; ଅଡ଼େ ପୂଜେରାଇଁ ବିତ୍ରାଟି ହାରେକା ଜାଣା କ୍ରୀସ୍ତଇଁ ନାମାଲି ମାଟ୍‌ହେରି □

ବେରଣିମାଣ୍ଡାତା ସ୍ତ୍ରୀପାନ

୮ ସ୍ତ୍ରୀପାନ ମାହାପୁରୁତି କାର୍ମା ଇଞ୍ଜାଁ ବାଡ଼ୁୟ ବେଟାଆହାନା ଲକ୍ଷୁ ବିତ୍ରା କାଜା କାଜା କାବାଆନି କାମା ଅଡ଼େ ସିନାୟାଁ କିହାଲି ମାଟ୍‌ହେସି □

୯ ସାମା ଲିବର୍ତନ, କୁରିଣି ଅଡ଼େ ଆଲେକଜାଣ୍ଡ୍ରିୟା ଗାଡ଼ାୟାଁଣା ବାସା କିହାମାନି ଦରୁତା ଝେଜ୍ଜାମାନି ଜୀହୁଦି ଲକ୍ଷୁତି ପ୍ରାଡ଼ାନା ଇଲ୍ଲୁତି ଏଚେକା ଲକ୍ଷୁ ଅଡ଼େ କିଲିକିୟା ଇଞ୍ଜାଁ ଆସିୟା ଦେସାତି ଏଟ୍‌କା ଜୀହୁଦିଜା ନିଜାମା ସ୍ତ୍ରୀପାନ ତଲେ ବାଡ଼ିବାଦା ଆଡ଼େରି □

୧୦ ସାମା ଏଞ୍ଜାସି ଆମିନି ସୁଦୁଜୀସୁ ଅଡ଼େ ବୁଦିତଲେ ଜଲିମାଚେସି, ଏଞ୍ଜାରି ଏ କାତାତି ଝେଣ୍ଡେ ଜଲ୍ଲାଲି ସାସା କିହିଲିଆତେରି □

୧୧ ଏଚେଟିଏ ଏଞ୍ଜାରି ଏଚେରଜାଣାତି ମାଡ଼ୁଝି କିହାନା ଏଲେଇଞ୍ଜି ଝେସାଲି ଜାପୁହେରି, “ମାମ୍ ଛୁଞ୍ଜାଣି ତାଣାଟି ମସା ଅଡ଼େ ମାହାପୁରୁ ନିୟା କାତା ଜଲିମାଚାଣି ଝେଞ୍ଜାମାନି □”

୧୨ ଅଡ଼େ, ଏଞ୍ଜାରି ବାରେ ଲକ୍ଷୁଣି, ଇଞ୍ଜାଁ ପ୍ରାତିନାଜାଣି ଅଡ଼େ ମେରା ପୁନାରାଇଁ କାର୍‌ବି କିହାନା ଏଞ୍ଜାଣାଇଁ ବାଡ଼ୁୟ ତଲେ ଆସାନା ବେରଣିମାଣ୍ଡାତା ତାତେରି,

୧୩ ଇଞ୍ଜାଁ ମିତି ସାକି ହାନାରାଇଁ ନିପହାନା; ଏଞ୍ଜାରାଇଁ ଏଲେଇଚେରି, “ଇଞ୍ଜାସି ଇ ସୁଦୁ ପ୍ରାଡ଼ାନା ଇଲ୍ଲୁ ଇଞ୍ଜାଁ ମସା ମେରାତି କପାଟି ଜଲ୍ଲାଲି ଉଣା ଆହିଲିଅସି,

୧୪ ଇତିହ୍ ନାଜ୍‌ରିତ ଜୀସୁ ମାହାପୁରୁ ଇଲ୍ଲୁତି ମ୍ଲେକନେସି, ଇଞ୍ଜାଁ ମସା ମାଜେ ଆମିନି ମେରା ହାହାମାଞ୍ଜାନେସି, ଏ ବାରେ ତିରିମ୍ଲୁପନେସି ଇଞ୍ଜାଁ ଝେସିମାଚାଣି ମାମ୍ ଝେଞ୍ଜାମାନି □”

୧୫ ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକ୍ଷୁ ସ୍ତ୍ରୀପାନଇଁ ଆଟେ ସିନିକିତେରି, ଏଞ୍ଜାଣି ମ୍ଲୁମ୍ ଦୁଡୁତି ମ୍ଲୁମ୍ ଲେହେଁ ଉଜେଡ଼ି ତଞ୍ଜାଆଡ଼େ □



ସ୍ତ୍ରୀପାନ ଝେହ୍ନାୟି

୧ ଏଚେଟିଏ କାଜା ପୂଜେରା ସ୍ତ୍ରୀପାନଇଁ ଝେଚେସି, “ଇ ବାରେ କାତା ସାତା କି ?”

୨ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡ଼େ ଆବାୟାଁତେରି ଝେଞ୍ଜୁ! ମା ଆବା ଅବାହାମ ହାରଣତା ବାସାଆନି ନକେଏ ଏଚିବେଲା ଏଞ୍ଜାସି ମେସପଟାମିୟାଁ ଦେସାତା ମାଚେସି, ଏଚିବେଲା ଗାଝୁରମିଗାଟି ମାହାପୁରୁ ଏଞ୍ଜାଣାଇଁ ତଞ୍ଜାଆଡ଼େସି,

୩ ଅଡ଼େ ଏଲେଇଚେସି ‘ନୀମ୍ ମୀ ଇଲ୍ଲୁ କୁଟମି ଇଞ୍ଜାଁ ମୀ ଦେସାତି ହଡ଼ା ଝାମ୍, ଇଞ୍ଜାଁ ନାମ୍ ଏମିନି ଦେସା ତସ୍ତାଇଁ ଏ ଦେସାତା ହାଲ୍ଲାମ୍ □’

୪ ଏଚେଟିଏ ତାନି କଲ୍‌ଦିୟାୟାଁ ଦେସାତି ହଡ଼ାଞ୍ଜାହାନା ହାରଣତା ବାସା କିତେସି, ଇଞ୍ଜାଁ ଅବାହାମତି ଆବା ହାଡ଼ି ତାୟୁ ଏମ୍‌ପାଟିଏ ମୀରୁ ନୀର୍‌ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଞ୍ଜାଣାଇଁ ତାତିହ୍ ଝାଡ଼େସି,

୫ ଅଡ଼େ, ମାହାପୁରୁ ଅବାହାମକି ଏମ୍‌ପାଆଁ ଏନି ଅଦିକାରା ହାଆତେସି, ଅଡ଼େ ର ପାଝୁଲି ଝିହ୍‌ନି ବୁମିଗାରି ଜିକେଏ ହାଆତେସି, ଇଞ୍ଜାଁ ଏଚିବେଲା ଏଞ୍ଜାଣାକି ପଦି ପଦା ହିଲ୍ଲାଆତି ଜିକେଏ ଏଞ୍ଜାସି ଏଞ୍ଜାଣାଇଁ ଇଞ୍ଜାଁ ତାନି ଝାହିମାନି କୁଡ଼ାତାରିକି ଏଦାଆଁ ଅଦିକାରା କିହାଲିତାକି ହାଇଁ ଇଞ୍ଜାଁ ଆଞ୍ଜିତେସି □

୨ ଇଞ୍ଜା ମାହାପୁରୁ ଇଲେଇଞ୍ଜିଁ ଖେସ୍ତେସି, ‘ତାନି କୁଡ଼ାତାରି ଏବଂକା ଦେସାତା ବାସା କିନେରି ଇଞ୍ଜା ଏ ଗାୟୁତି ଲକୁ ଏଞ୍ଜାରାଇଁ ସାରି ଖାଞ୍ଜା ବାସା ପାତେକା ହଲ୍ଲିୟାଙ୍ଗା କିହାଁ ଏଞ୍ଜାରାଇଁ ଖେଟି କାମା କିଞ୍ଜି କିହାନା ସାସ୍ତି ହାନେରି □’

୩ ଅଡେ ମାହାପୁରୁ ଏଲେଇଚେସି, ନାନୁ ଏଞ୍ଜାରାଇଁ ହଲ୍ଲିୟା କାମା କିଞ୍ଜିକିନାରାଇଁ ବିଚାରା କିଇଁ; ଅଡେ ତାୟୁ ମା କୁଡ଼ାତାରି ଏ ଦେସାଟି ହଡ଼ା ଖାନ୍ନେରି ଅଡେ ଇ ଗାୟୁତା ନାଙ୍ଗେ ପ୍ରାତାନା କିୟାନେରି □

୪ ଅଡେ ମାହାପୁରୁ ଅବ୍ରାହାମକି ତଲୁ ଦାୟିନି ରାଜ୍ଜିମାନା ସିନାତି ହାତେସି, ଇଞ୍ଜା ଏଲେକିହଁ ଏ ଅବ୍ରାହାମ ଇସାହାକଇଁ ଜାନିଁ କିହାନା ଆଡ଼ାଦିନା ଆହାଲିଏ ଏଞ୍ଜାଣି ତଲୁ ବାଡେସି; ଇସାହାକ ଜାକୁବଇଁ, ଅଡେ ଜାକୁବ ବାରଜାଣା ଖେଜିତି ଆକୁ ଆବାୟାଣି ଜାନିଁ କିହାନା ତଲୁ ବାପିକିତେସି □”

୫ “ଜାକୁବ ମୀରୁଏସି ଜସେପଇଁ ତାନି ତାୟିୟାଁ ତାହାରା ଆହାନା ମିସର ଦେସାତା ଅଞ୍ଜିଆୟାଲି ଏଞ୍ଜାଣାଇଁ ପାରୁତେରି; ସାମା ମାହାପୁରୁ ଏଞ୍ଜାଣିତଲେ ମାଚେସି,

୬ ଅଡେ ବାରେ କସ୍ତ୍ରି ଜସେପଇଁ ଗେଲ୍ପାୟାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହାତେସି; ଏମ୍ବାଟିଏ ପାର ଜସେପଇଁ ମିସର ଦେସା ଇଞ୍ଜା ତାନି ଇଲୁତି ସାଲ୍ପି କିହାଲି ଅଦିକାରା ହାତେସି □

୭ ତାୟୁ ମିସର ଇଞ୍ଜା କିଶାନ ଦେସାତା କାରୁଷୁ କାଡ଼ାରା ଆଡେ, ଲକୁ ହାରେକା କସ୍ତ୍ର ଆଡେରି, ମା ଆକୁ ଆବାୟାଁ ତିଞ୍ଜାଲି କାଦିକଣ୍ଡା ବେଟାଆଆଡେରି,

୮ ସାମା ମିସର ଦେସାତା ଆନା ମାନେ ଇଞ୍ଜିଁ ଖେଞ୍ଜାନା, ଜାକୁବ ତାନି ମୀରୁକା ଇଚିହଁ ମା ଆକୁ ଆବାୟାଁଣି ତଲିଏ ପାଣ୍ଡିତେସି □

୯ ଏଞ୍ଜାରି ଅର ଦେବା ହାଜାଲିଏ ଜସେପ ତାନି ତାୟିୟାଁ ତାଣା ପୁଣ୍ଡାମି କିହା କଡିତେସି, ଇଞ୍ଜା ମିସରତି ରାଜା ପାର ଜସେପ କୁଡ଼ାତାରି ଇଞ୍ଜିଁ ପୁଚେସି □

୧୦ ଏମ୍ବାଟିଏ ଜସେପ ତାନି ଆବା ଜାକୁବ ଇଞ୍ଜା ତାନିକଡ଼ି ପନ୍ଦର ଜାଣା ତାନି କୁଚମିତି ହାଟାଲି ପାଣ୍ଡିତେସି,

୧୧ ଏମ୍ବାଟିଏ ଜାକୁବ ମିସର ଦେସାତା ହାଚେସି; ଇଞ୍ଜା ଏଞ୍ଜାସି ଅଡେ ତାନି ମୀରୁକା ଏମ୍ବାଆଁ ହାଡେରି □

୧୨ ଇଞ୍ଜା ଏଞ୍ଜାରି ମାଡ଼ହା ସିକିମତା ଅଞ୍ଜିଆଡେ, ଇଞ୍ଜା ଅବ୍ରାହାମ ଏମ୍ବାଆଁ ହମର ମୀରୁକା ତାଣାଟି ଆମିନି ମାହଣି ମାଣ୍ଡା ଟାକାୟାଁ ହାହାଁ କତାମାଚେସି, ଏମ୍ବାଆଁ ମୁସ୍ତି ଆଡେରି □”

୧୩ “ସାମା, ମାହାପୁରୁ ଅବ୍ରାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆଦି କାଳା ଖାହାଲିଏ ମା ଲକୁ ମିସର ଦେସାତା ହାରେକା ଗାଡି ପାତା ଆଡେରି □

୧୪ ତାୟୁ ମିସର ଦେସାତା ଅଡେ ର ରାଜା ଆଡେସି, ଏଞ୍ଜାସି ଜସେପଇଁ ପୁଞ୍ଜା ହିଲ୍ଲାଆଡେସି □

୧୫ ଏଞ୍ଜାସି ମା ଆକୁ ଆବାଣି ଖେପିକିତେସି ଅଡେ ସାସ୍ତି ହାତେସି, ତାନି କକାରି ହାପାରିଖା ଇଞ୍ଜିଁ ଇଲୁତି ପାଙ୍ଗାତା କୁଡ଼ସାଲି ହୁକୁମି ହାତେସି □

୧୬ ଏଚିବେଲାତା ମସା ଜାନା ଆଡେସି, ଏଞ୍ଜାସି ମାହାପୁରୁ ନକିତା ହାରେକା ଅଡିତାସି ଇଞ୍ଜା ତାନି ଲେଞ୍ଜୁ ପାତେକା ତାନି ଆବା ଇଜ ପଞ୍ଜିକିଞ୍ଜି ଆଡେସି □

୧୭ ତାୟୁ ଏଚିବେଲା ଏଞ୍ଜାସି ପାଙ୍ଗାତା ମେଡ଼ପି ଆଡେସି, ଏଚିବେଲା ପାର ରାଜା ମାଙ୍ଗା ଏଞ୍ଜାଣାଇଁ ଅହାନା ତାନି ମୀରୁଏଣା ଲେହେଁ ପଞ୍ଜିକିତେ □

୧୮ ଅଡେ ମସା ମିସର ଲକୁଚି ବାରେ ବୁଦି ଜାପାନା କାତାତା ଅଡେ କାମାତା ଖେଜିତେସି □”

୧୯ “ମସାକି ରୀ କଡ଼ି ବାସା ଆୟାଲିଏ ତାନି ତାୟିୟାଁ ଇଚିହଁ ଇସାୟେଲ ଲକୁଚି ମାସ୍କା ମୀରୁକାଣି ଏନିକିହଁ ଲେମ୍ବୁଞ୍ଜି ଆହିମାନେ ଇଞ୍ଜିଁ ପୁଞ୍ଜାଲି ଅଣ୍ଡିତେସି □

୨୦ ଏଞ୍ଜାସି ରଅଣାଇଁ ମିସରତାସି ଗଡ଼ହା କିହିମାଟାଣି ମେସ୍ତେସି, ଏଞ୍ଜାଣାଇଁ ସାୟେମି କିହାଲି ହାଚେସି ଅଡେ ବାଦୁଲି ଅହାନା ଏଞ୍ଜାଣାଇଁ ପାୟିତେସି □

୨୧ ଏଞ୍ଜାଣି କେୟୁଟି ମାହାପୁରୁ ତାନି ତାୟିୟାଁଣି ଗେଲ୍ପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡିନେରି ଇଞ୍ଜିଁ ଅଣ୍ଡିମାଚେସି, ସାମା ଏଞ୍ଜାରି ପୁଞ୍ଜାଲି ଆଡ଼ାଆଡେରି □

୨୨ ତାନି ଅର ଦିନା ଇସାୟେଲ ଲକୁ ରିଆରି ମାଡ଼ା ଆହିମାଟାଣି ମେସ୍ତେସି, ଇଞ୍ଜା ଏଞ୍ଜାରାଇଁ ଆଣ୍ଡି କିହାଲି ମାଦି ଆହାଁ ଏଲେଇଚେସି, ‘ଆଡେ, ମୀରୁଚ ଇସାୟେଲ ତାୟିୟାଁତେରି; ଏନାଆଁତାକି ଇଲେଆହଁ ଗଡ଼ହା ଆହିମାଞ୍ଜେରି ?’

୨୭ ସାମା ଆମିନିଗାଗାସି ପାଡ଼ିତାଣାଇଁ ଲାଗେଏ କିହିମାତେସି, ଏଝାସି ମସାଇଁ ମେତାନା ଏଲେଇଚେସି, 'ଆମ୍ବାଆସି ନିଜେ ମା ଲାକ ସାଲୁଝି କିହାଲି ଅଡେ ନୀହାଁୟି କିହାଲି ହିୟାତେସି ?'

୨୮ 'ରେଷଏନି ଏନିକ୍ ମିସର ତାଣାଇଁ ପାୟାମାଟି, ଏଲେକିହ୍ କି ନାନୁ ନାଜେ ପାୟାଲି ଅଣ୍ଡିମାଞ୍ଜାଦି ?'

୨୯ ଈ କାତା ଖେଞ୍ଜାନା ମସା ମିଦିୟନ ଦେସାତା ହାଜାନା ବାସା କିତେସି; ଇଞ୍ଜା ଏମ୍ବାଆଁ ରା ମୀରକା ଜାର୍ନା ଆଡେଚି ।"

୩୦ ତାୟୁ ରା କଡ଼ି ବାସା ଆୟାଲିଏ, ସିନୟ ହରୁ ତାଗେତି ଜାଡ଼ାତା ର ଦୂତୁ ର ବୃଟାତା ହିରୁ ଡ଼ାଞ୍ଜାନା ତଞ୍ଜାଆଡେଚି ।

୩୧ ମସା ଏଦାଆଁ ମେସାନା ଆତାଜାକା ଆଡେଚି, ଇଞ୍ଜା ନେହ୍ କି ସିନିକିହାଲି ତାଗେ ହାଜିମାଟି ବେଲାତା ପ୍ରବୁତି ଈ ହାଡ଼ା ଖେଚେସି,

୩୨ "ନାନୁ ମୀ ଆକୁ ଆବାୟାଁ ମାହାପୁରୁ, ଅରାହାମତି, ଇସାହାକ ଅଡେ ଜାକୁବତି ମାହାପୁରୁ" ଏଚେଚିଏ ମସା ଆଜିତାକି ନେହ୍ କି ସିନିକିହାଲି ସାସା କିଆଡେଚି ।

୩୩ ପ୍ରବୁ ଏଞ୍ଜାଣାଇଁ ଏଲେଇଚେସି, "ନୀ କତାତି ସେପୁୟାଁ ହୁକୁମି, ଇଚିହ୍ ନାନୁ ଆମିନି ଗାୟୁତା ନିଗାମାଞ୍ଜି ଏଡ଼ି ସୁଦୁଗାଟି ଗାୟୁ ।

୩୪ ମିସରତା ନା ଆମିନି ଲକୁ ମାନେରି, ନାନୁ ଏଞ୍ଜାରି କସୁ ମେସାମାଜ୍, ଅଡେ ଏଞ୍ଜାରି ଡ଼ାହିମାନାଣି ଖେଞ୍ଜାମାଜ୍, ଇଞ୍ଜା ଏଞ୍ଜାରାଇଁ ଗେଲପାଲି ରେଚା ଖାହାମାଜ୍; ଇଞ୍ଜା ନୀଏଁ ଖାମୁ ନାନୁ ନିଜେ ମିସର ଦେସାତା ପାଣ୍ଡାଇଁ ।"

୩୫ "ମସାଇଁ ଇସ୍ରାୟେଲତି ଲକୁ ଅପାଆଡେଚି । ଏଞ୍ଜାରି ଏଞ୍ଜାଣାଇଁ ଏଲେଇଚେଚି, 'ମାଜେ ସାଲୁଝି କିହାଲି ଅଡେ ନୀହାଁୟି କିହାଲି ଆମ୍ବିଟି ଅଦିକାରା ବେଟାଆଡ଼ି ? ଏଞ୍ଜାଣାଇଁ ମାହାପୁରୁ ଲକୁଣି ସାଲୁଝି କିହାଲି ଅଡେ ମୁକଲୁଝି କିହାଲି ଦୂତୁତି ସାୟେମି ତଲେ ହିରୁ ଡ଼ାଞ୍ଜିମାନି ବୃଟାତା ତଞ୍ଜାଆହାନା ପାଣ୍ଡାଡେଚି ।

୩୬ ଏଞ୍ଜାସି ଲକୁଣି ମିସର ଦେସାଟି, ସୁପ ସାମ୍ପୁରୁ, ଇଞ୍ଜା ରା କଡ଼ି ବାସା ପାତେକା ବାଟାତା ହାଡେକା କାବାଆନି କାମା ଅଡେ ସିନାୟାଁ ତସାହାଁ ଏଞ୍ଜାରାଇଁ ହପୁହା ତାଡେସି ।

୩୭ ଏ ମସା ତାନୁଏ ଇସ୍ରାୟେଲ ମୀରକାଣି ଏଲେଇଚେସି, ମାହାପୁରୁ ମୀ ତାୟିୟାଁ ବିତ୍ରାଟି ମିଜେତାକି ନା ଲେହେଁକି ର ମାହାପୁରୁ ଅଣ୍ଡିପୁତି ବଲୁ ଖେହ୍ନାଣାଇଁ ହିୟାନେସି ।"

୩୮ ଏ ମସା ବାଞ୍ଜାଲି ବାଟାତା କୁଡ଼ା ଆହାମାନି ଇସ୍ରାୟେଲ ଲକୁତଲେ ମାଚେସି । ସିନୟ ହରୁତା ତାନିତଲେ କାତା ଆହିମାଟି ଦୂତୁ ଇଞ୍ଜା ମା ଆକୁ ଆବାୟାଁ ବିତ୍ରା ମାଦିତାସି ମାଚେସି; ଏଞ୍ଜାସି ମିଜେ ହାହାଲିତାକି ମାହାପୁରୁ ତାଣାଟି ଜାଞ୍ଜୁତି ବଲୁ ବେଟାଆଡେଚି ।"

୩୯ "ସାମା ମା ଆକୁ ଆବାୟାଁ ଏଞ୍ଜାଣି କାତା ଆହ୍‌ଆନା ଏଞ୍ଜାଣାଇଁ ଅପାଆଡେଚି, ଅଡେ ମିସର ଦେସାତା ଖେଣ୍ଡା ହାଜାଲି ମନ କିତେଚି,

୪୦ ଏଦାଆଁତାକି ଏଞ୍ଜାରି ହାରଣାଇଁ ଏଲେଇଚେଚି । 'ମା ନକି ନକିତା ହାଜାଲି ମାଜେତାକି ପେଣକାଣି କେପାମୁ, ଇଚିହ୍ ମାଜେ ମିସର ଦେସାଟି ହପୁହା ତାତାତି ମସାକି ଏନାଆଁ ଆଡେ ମାମୁ ପୁଞ୍ଜାହିଲଅମି ।"

୪୧ ଅଡେ, ଏଚିବେଲାତା ଏଞ୍ଜାରି ର କଡ଼ି ତାଲୁତି ବମା କେପାନା ଏ ବମା ତାକି ପୂଜା ହାହାନା ତାନି କେୟୁଚି କେପିତି ଆସି ତାକି ରାହାଁ କିତେଚି ।

୪୨ ସାମା ମାହାପୁରୁ ଏଞ୍ଜାରି ତାଣାଟି ଏବକା ଆହାନା ଏଞ୍ଜାରାଇଁ ହାଗୁଲକତି ହୁକାୟାଁଣି ସେବା କିୟାଲି ପିସେସି, ଏନିକ୍ ମାହାପୁରୁ ଅଣ୍ଡିପୁତି ବଲୁ ଖେହ୍ନାରି ପତିତା ରାସକି ଆହାମାନେ;

'ଏ ଇସ୍ରାୟେଲ କୁଡ଼ାଡେଚି,

ବାଟାତା ରା କଡ଼ି ବାସା ପାତେକା ମୀରୁ ନାଜେତାକି କଡ଼ି ଗରି ପୂଜା କିହାହିଲାଆଡେଚି ।

୪୩ ମୀରୁ ପୂଜା କିହାଲି ଆମିନି ବମାୟାଁ କେପାମାଚେଚି,

ଏ ମଲକ ପେନ୍ନୁତି ତୁମ୍ ଅଡେ ରମପାନ୍ ପେନ୍ନୁତି ହୁକାତି ମୀରୁ ଆସାନା ସେବା କିତେଚି,

ଏଦାଆଁତାକି ନାନୁ ମିଜେ ବାବିଲନ ଆତାଲା ବାସା ଆୟାଲି ପାଣ୍ଡାଇଁ ।" "

୪୪ "ନାନୁ ଏନିକ୍ ମେସାମାଞ୍ଜି, ଏଲେକିହ୍ ଏ ସାକି ହାନି ତୁମ୍ ଇଲୁ କେପାମୁ ଇଞ୍ଜା ମସାକି ଆମ୍ବାଆସି ଖେସାମାଚେସି, ଏଞ୍ଜାଣି ହୁକୁମି ତଲେ ମା ଆକୁୟାଁ ବାଟାତା ସାକି ହାନି ତୁମ୍ ଇଲେ କେପାମାଚେଚି ।

୪୫ ତାମ୍ଭୁ ମା ଆକୁ ଆବାୟାଁ ଏଦାଆଁ ତାମି ଆବାୟାଁ ତାଣାଟି ବେଟାଆଡେତରି ଇଞ୍ଜାଁ ଜିହ୍ମୁୟ୍ ତଲେ ତାକିମାଟିବେଲା ଏଞ୍ଜାରି ଏଦାଆଁ ଡେକା ଅଡେତରି, ଏମ୍ପାଟିଏ ମାହାପୁରୁ ଏଞ୍ଜାରି ନକିତା ମାଟି ବାରେ କୁଡାତି ଲକୁଣି ପେରହା ତୁସାଲିଏ, ଇସ୍ତାୟେଲ ଲକୁ ଇଞ୍ଜାରି ଦେସା ଜାଣାଆହାନା ଇ କୁଡାଆନି ତୁମ୍ଭୁ ଇଲୁ ଏମ୍ପାଆଁ ତାଚାନା ଇଟିତେରି, ଇଞ୍ଜାଁ ଏଡି ଦାଞ୍ଜୁଦ ରାଜା ପାତେକା ଏମ୍ପାଆଁ ତୁୟିତେ ।

୪୬ ଦାଞ୍ଜୁଦ ମାହାପୁରୁ ନକିତା କାମାଁ ବେଟାଆହାନା, ଜାକୁବତି ମାହାପୁରୁକି ର.ବାସାଟାୟ୍ କିହାଲି ପ୍ରାତାନା କିତେସି ।

୪୭ ସାମା ସଲମନ ମାହାପୁରୁକି ଏ ଇଲୁ କେପିତେସି ।”

୪୮ “ସାମା ବାଡୁୟ୍ ଗାଟି ମାହାପୁରୁ ମାଣସି କେୟ୍ତଲେ କେପିତି ଇଲୁତା ବାସା କିଅସି; ଏନିକିଁ ମାହାପୁରୁ ଅଣପୁତି ବଲୁ ଝେହ୍ନାରି ଝେସାମାନେରି ।”

୪୯ ପ୍ରବୁ ଏଲେଇଞ୍ଜା ମାନେସି, “ଲାକପୁରୁ ନା ସିଂଗାସାଣି, ଦାରତି ନା କତା ଇଟିନି ଟାୟ୍,

ମୀରୁ ନା ତାକି ଏନିଲେହେତି ଇଲୁ କେପିତେରି ?

ଇଞ୍ଜାଁ ନା ଜମିନି ଟାୟ୍ ଏମ୍ପିୟାମାନେ ?

୫୦ ନା କେୟ୍ତ ଇ ବାରେ ଗାଡ଼ି କିହାହିଲେଏ କି ?”

୫୧ ସ୍ତ୍ରୀପାନ ଏଲେଇଚେସି, “ମୀରୁ ଏଚେକା ମୁଣ୍ଡି ଗାଟାତେରି, ଇଞ୍ଜାଁ ଅବହା କତାଆତି ହିୟାଁ ଗାଟାତେରି ଅଡେ ମାହାପୁରୁତି ବଲୁ ତାକି କୀର୍କା ଝେନାଆ ଗାଟାତେରି, ମୀରୁ କାଟେଲଏ ସୁଦୁଜାଞ୍ଜୁତି କସ୍ତ ହାହିମାଞ୍ଜେରି; ମୀ ଆକୁ ଆବାୟାଁ ଏନିକିଁ ମୀରୁ ଜିକେଏ ଏଲେତାତେରି ।

୫୨ ମାହାପୁରୁ ଅଣପୁତି ବଲୁ ଝେହ୍ନାରାଇଁ ଆମ୍ପାଆରାଇଁ ଜିକେଏ ମୀ ଆକୁ ଆବାୟାଁ ନିନ୍ଦା କିହାହିଲାଆତେରି ? ଆମିନି ଗାଟାରି ଏ ଦାମ୍ପିଗାଟାସି ଝାନ୍ନି କାତା ନକେଏ ଝେସାମାଚେରି, ଏଞ୍ଜାରିଇଁ ଏଞ୍ଜାରି ପାୟିତେରି; ନୀଏଁ ମୀରୁ ଏଞ୍ଜାଣାଇଁ ସାତୁୟାଁ କେୟ୍ତତା ହେରପାନା ପାୟିତେରି ।

୫୩ ମୀରୁ ମାହାପୁରୁତି ମେରା ବେଟାଆହା ମାଚେରି, ଏ ମେରା ଦୁତୁୟାଁ ତାଣାଟି ହାପକି ଆହାମାଚେ, ଆଡ଼ିଜିକେଏ ମୀରୁ ଏଦାଆଁ ନାମାଆତେରି ।”

ଝାଲକାତଲେ ସ୍ତ୍ରୀପାନଇଁ ପାୟିନାୟି

୫୪ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି ଲକୁଇଁ ଇ ବାରେ କାତା ଝେସ୍ତେସି, ଏମ୍ପାଆଁ ମାଟି ପାରୁସି ଇଞ୍ଜାଁ ବାରେ କୁଡା ଆହାମାଚାରି କାରୁରି ଆହାଁ ପାଲକା ଟାଟି କିହାଲି ମାଟୁହେରି ।

୫୫ ସାମା ସ୍ତ୍ରୀପାନ ସୁଦୁଜାଞ୍ଜୁ ତଲେ ନେଞ୍ଜାନା ଲାକପୁରୁ ଝାକି ସିନିକିତେସି, ଇଞ୍ଜାଁ ମାହାପୁରୁତି ଗାଞ୍ଜୁରମି ଅଡେ ଜାସୁଇଁ ମାହାପୁରୁତି ଚିଃନିଝାକି ନିଚାମାନାଣି ମେସାନା ଏଲେଇଚେସି ।

୫୬ “ମେହ୍ଦୁ ନାନ୍ନୁ ଲାକପୁରୁ ଦେପିଆହାମାନାଣି ଅଡେ ମାଣସି ମୀରୁଏସି ମାହାପୁରୁତି ଚିଃନିଝାକି ନିଚାମାନାଣି ମେସିମାଇଁ ।”

୫୭ ଏ କାତା ଝେନାଆପ ଇଞ୍ଜାଁ କାଲୁଝି ଆହ୍ ବେରଣି ମାଣ୍ଡାତାରି କୀର୍କା ମୁଚାକତିତେରି । ତାୟ୍ ବାରେଜାଣା ରୁଣ୍ଡା ଆହାନା ଏଞ୍ଜାଣାଇଁ ମୁଚିତେରି ।

୫୮ ଅଡେ ଏଞ୍ଜାରି ଏଞ୍ଜାଣାଇଁ ଗାଡ଼ାଟିଏ ପାଙ୍ଗାତା ରେଜା ଅହାନା ଏଞ୍ଜାଣାଇଁ ଝାଲକାତଲେ ଝେଚାଲି ମାଟୁହେରି; ଅଡେ ସାକିୟାଁ ବିଡ଼ାଟି ସାଞ୍ଜୁଲ କତାୟାଁ ତୁଇ ହିମ୍ପରିକା କାଟିମାଚେସି ।

୫୯ ଏଟିବେଲା ଏଞ୍ଜାରି ସ୍ତ୍ରୀପାନଇଁ ଝାଲକା ଝେଟି ମାଚେରି, ଏଟିବେଲା ଏଞ୍ଜାସି ମାହାପୁରୁ ତାଣା ପ୍ରାତାନା କିହାନା ଏଲେଇଚେସି, “ପ୍ରବୁ ଜୀସୁ ନା ଜୀଞ୍ଜୁତି ଅହାକତାମ୍ ।”

୬୦ ଇଞ୍ଜାଁ ଏଞ୍ଜାସି ମେଣ୍ଡାକୁତାନା କାଜା ରିୟାତଲେ ଏଲେଇଚେସି, “ପ୍ରବୁ! ଇ ପାପୁ ଇଞ୍ଜାରି ତାଣା ଲେକା କିଆନି” ଏଲେଇଞ୍ଜାହାଁ ହାଡେସି ।



ସାଞ୍ଜୁଲ ଜ୍ରୀସ୍ତାନା କୁଲମିତି ସାସ୍ତ୍ରୀ ହାନାୟି

୧ ସ୍ତ୍ରୀପାନଇଁ ପାୟିନାୟି ନେହେଁ ଆଡେ ଇଞ୍ଜାଁ ସାଞ୍ଜୁଲ ଅଣପିମାଚେସି । ଏ ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ଦା ସାସ୍ତ୍ରୀ ଝାଡେ; ଏମ୍ପାଟିଏ ପାଣ୍ଡୁଝି ଆହାମାନାରି ପିସ୍ତେପ ବାରେ ନାମିତାରି, ଜୀହୁଦା ଦେସା ଇଞ୍ଜାଁ ସମିରଣ ନାସ୍ତକା ସାରିସ୍ତୁ ଇତାଲା ଆତାଲା ଆଡେରି ।

୨ ଆଡ଼ିଜିକେଏ ଏଚେକା ନାମୁଗାଟି ଲକୁ ସ୍ତ୍ରୀପାନଇଁ ମୁସ୍ତେରି ଇଞ୍ଜାଁ ହାରେକା ଦୁକୁତଲେ ଡୀତେରି ।

୩ *ସାମା ସାଧୁଲ କୁଲମିତା ହାଜିହଁ ଇଲୁତାକି ଇଲୁ ହଡ଼ିହଁ ନାମିତି ଆୟାସିକା, ଆବାଣି ରେଜା ତାଚାନା କାୟିଦି ଇଲୁତା ହେରପିହଁ କୁଲମିତି ନାସା କିହାଲି ମାଟ୍‌ହେସି []

ସମିରଣତା ନେହଁ କାବୁ ଝେକ୍‌ନାୟି

୪ ଏମ୍ବାଟିଏ ଆମିନି ଗାଟାରି ଇତାଲା ଆତାଲା ଆହାମାଚେରି, ଏଝାରି ସାରିସୁଟୁ ରେଜି ରେଜି ନେହଁ କାବୁ ଝେକ୍‌ହେସି []

୫ ଇଞ୍ଜା ପିଲିପ ସମିରଣତି କାଜା ଗାଡ଼ାତା ହାଜାନା ଲକୁ ନକିତା ମସିହାତି କାତା ଝେକ୍‌ହେସି []

୬ ଅଡ଼େ, ଲକୁ ବାରେ ପିଲିପ ହାଡ଼ା ଝେଚେରି ଇଞ୍ଜା ଏଝାସି କିହାମାନି କାବାଆନି କାମା ମେସାନା ରଣ୍ଡିଏ ହିୟାଁ ତଲେ ଏଝାଣି କାତାତି ଝେଞ୍ଜିମାଚେରି []

୭ ଇଚିହଁ ଆଲଗାମାତି ପଲୁଆ ବୁଡୁ ହାରେକା ଲକୁ ତାଣାଟି କାଜା ଗିୟାଁତଲେ କିର୍ଡ଼ିହଁ ହଡ଼ାହାଡୁ, ଇଞ୍ଜା ଟଟ ଖାୟିତାରି ଅଡ଼େ ସପାୟାଁ ହାରେକା ଜାଣା ନେହଁ ଆଡ଼େରି []

୮ ଏଦାଆଁତାକି ଏ ଗାଡ଼ାତା ହାରେକା କାଜା ରାହାଁ ଆଡ଼େ []

୯ ସାମା ସିମନ ଦରୁଗାଟାସି ରଅସି ଇ ନକେଏ ଏ ଗାଡ଼ାତା ଗାଟ୍‌ଡ଼ି କିହଁ ନାନୁ କାଜାତେଏଁ ଇଞ୍ଜାଁ ଝେସା କଡ଼ିହଁ ସମିରଣତି ଲକୁଣି କାବା କିହିମାଚେସି []

୧୦ ମାହାପୁରୁତି ଆମିନି ବାଡ଼ୁୟୁତି କାଜାୟି ଇଞ୍ଜାଁ ଇଣ୍ଡାସି ଆନେ, ଉଣାଟିଏ କାଜାରି ପାତେକା ବାରେଜାଣା ଇଝାସିଏ ଏଝାସି ଇଞ୍ଜାଁ ଏଝାଣାଇଁ ମାନି କିହିମାଚେରି []

୧୧ ଏଝାରି ଏଝାଣାଇଁ ମାନି କିହିମାନାୟି ଆଡ଼େ, ହାରେକା ଦିନାଟିଏ ତାନି ଗାଟ୍‌ଡ଼ି କାମା ତଲେ ଏଝାରିଇଁ କାବା କିହିମାଚେସି []

୧୨ ସାମା ପିଲିପ ମାହାପୁରୁତି ରାଜି ଇଞ୍ଜାଁ ଜୀସୁ କ୍ରୀସୁ ଦରୁତି ନେହଁ କାବୁ ଝେକ୍‌ହାଲିଏ ଏଝାରି ଏଚିଚେଲା ଏଝାଣି କାତାତା ନାମିଚେରି, ଇଞ୍ଜାଁ ଆୟାସିକା ଅଡ଼େ ଆବାୟାଁ ବାପ୍‌ସୁ* ଅହାଲି ମାଟ୍‌ହେରି []

୧୩ ଅଡ଼େ ସିମନ ତାନୁଏ ନାମିଚେସି ଇଞ୍ଜାଁ ବାପ୍‌ସୁ* ଅଡ଼େସି, ଇଞ୍ଜାଁ ପିଲିପ ତଲେ ତୁୟିଚେସି, ଅଡ଼େ ହାରେକା ସିନାୟାଁ ଇଞ୍ଜାଁ ହାରେକା ବାଡ଼ୁୟୁତି କାବାଆନି କାମାୟାଁ ମେସାନା କାବା ଆହାହାଚେସି []

୧୪ ସମିରଣତି ଲକୁ ଜିକେଏ ମାହାପୁରୁ ବଲୁତି ନାମିମାନେରି, ଇଞ୍ଜାଁ ଜିରୁସାଲମତା ମାନି ପାଣ୍ଡୁଝି ଆଡ଼ାରି ଝେଚେରି, ଏମ୍ବାଟିଏ ଏଝାରି ପିତର ଅଡ଼େ ଜହନଇଁ ଏଝାରିତାଣା ପାଣ୍ଡୁଚେରି []

୧୫ ଏଝାରି ଏଗାହାଜାନା, ଏଝାରି ଏନିକଁ ସୁଦୁଜୀସୁ ବେଗାଆନେରି, ଏଦାଆଁତାକି ଏଝାରି ତାକି ପ୍ରାଡ଼ାନା କିଚେରି []

୧୬ ଇଚିହଁ ନୀଏଁ ପାତେକା ଏଝାରିତାଣା ଆମ୍ବାଆରି ଲାକ ସୁଦୁଜୀସୁ ରେଟା ହିଲାଆଚେ, ଇଚିହଁ ଏଝାରି ଝାଡ଼ଇ ପ୍ରୁ ଜୀସୁ ଦରୁତଲେ ବାପ୍‌ସୁ* ଅହାମାଚେରି []

୧୭ ପିତର ଅଡ଼େ ଜହନ ଏଝାରି ଲାକ କେୟୁ ଇଚିଚେରି ଇଞ୍ଜାଁ ଏଝାରି ସୁଦୁଜୀସୁ ବେଗାଆଡ଼େରି []

୧୮ ପାଣ୍ଡୁଝି ଆଡ଼ାରି କେୟୁ ଇଚିସାରେ ସୁଦୁଜୀସୁ ଝାହିମାନାଣି ମେସାନା, ସିମନ ଏଝାରିକି ଟାକାୟାଁ ହାହାନା ଏଲେଇଚେସି,

୧୯ “ନାଙ୍ଗେ ଜିକେଏ ଇ ବାଡ଼ୁୟୁ ହିୟାପୁ, ଏନିକଁ ନାନୁ ଆମିନି ଗାଟାଣା ଲାକ କେୟୁ ଇଚିଇଁ ଏଝାସି ସୁଦୁଜୀସୁ ବେଗାଆନେସି []”

୨୦ ସାମା ପିତର ଏଝାଣାଇଁ ଏଲେଇଚେସି “ନୀ ଟାକାୟାଁ ନୀ ତଲେ ନସୁ ଆପୁ, ଇଚିହଁ ନୀନୁ ଟାକାୟାଁ ହାହାନା ମାହାପୁରୁତି ଦାନା କତାଲି ଅଣ୍ଡିପିତି []

୨୧ ଇ କାମାତା ନୀଦି ଏନି ବାଗା କି ଅଦିକାରା ହିଲେଏ, ଇଚିହଁ ମାହାପୁରୁ ତାଣା ନୀ ହିୟାଁ ଟିକାଣା ହିଲେଏ []

୨୨ ଇଦାଆଁତାକି ନୀ ଲାଗେଏତି ଅଣ୍ଡପୁତି ମନ ଝେଡ଼ହାଁ ପ୍ରୁ ତାଣା ପ୍ରାଡ଼ାନା କିମୁ, ଏନିଆଡ଼ିହଁ ନୀ ହିୟାଁତା ମାନି ଲାଗେଏତି ଅଣ୍ଡପୁ ମ୍ଲେକ୍‌ନେସି;

୨୩ ଇଚିହଁ ନାନୁ ମେସିମାଞ୍ଜାଇଁ ନୀ ହିୟାଁ ବିତ୍ତା ତାହାରା ଆନାୟି ମାନେ, ନୀନୁ ଲାଗେଏତି ପାନ୍ଦାତା ଦସ୍‌ପି ଆହାମାଞ୍ଜି []”

୨୪ ଏଚେଟିଏ ସିମନ, ପିତର ଅଡ଼େ ଜହନଇଁ ଏଲେଇଚେସି, “ମୀରୁ କାର୍ମା ଅଣ୍ଡପାନା ନା ତାକି ପ୍ରୁ ତାଣା ପ୍ରାଡ଼ାନା କିପୁ, ମୀରୁ ଏନାଆଁ ଜଲିଚେରି ଏ ବାରେ ଏନିକଁ ନାଙ୍ଗେତାକି ଏଲେଆହଁ ଆଏ []”

* ୮:୩ ୮:୩ କାମା ୨୨:୪,୫; ୨୨:୯-୧୧ * ୮:୧୨ ୮:୧୨ ମୁଞ୍ଜିନାୟି † ୮:୧୩ ୮:୧୩ ମୁଞ୍ଜିନାୟି ‡ ୮:୧୭ ୮:୧୭ ମୁଞ୍ଜିନାୟି

୨୫ ଇଲେକିହିଁ ପିତର ଅଡ଼େ ଜହନ ସାକି ହାହିଁ ପ୍ରବୃତି ବଲୁ ଝେସିହିଁ, ହାରେକା ସମିରଣ ନାୟକାଣାଁ ନେହିଁ କାରୁ ଝେସି ଝେସିହିଁ ଜିରୁସାଲମତା ଝେଣ୍ଡା ହାରେରି □

ପିଲିପ ଅଡ଼େ ଇତିୟପିୟାତି କାମାକିନାସି

୨୬ ତାୟୁ ପ୍ରବୃତି ର ଦୁତୁ ପିଲିପଇଁ ଏଲେଇରେସି, “ନିଜ୍ଞାମୁ ଇଞ୍ଜା ଚିଃନି ଝାକିତି ଆମିନି ଜିରୁ ଜିରୁସାଲମଟିଏ ଗଜା ଝାକି ମାନେ ଏ ଜିରୁତା ହାଲାମୁ □” ଏ ଜିରୁତି ଅଡ଼େ ଲକୁ ତାକିହିଲଅରିଃ □

୨୭ ଏମ୍ବାଟିଏ ଏଝାସି ନିଜ୍ଞାନା ହାରେସି, ଇତିୟପିୟା ଦେସାତି କାଣ୍ଡାକି ଦରୁଗାଟି ରାଣିନି ତ୍ଵଇ ର କାଜାପାଣ୍ଡା ବେଟାଆହାମାନି ପେଜୁ ଆମିନିଗାଟାସି ଇତିୟପିୟା ରାଣିନି ବାରେ ଦନତି ଗୁମୁସ୍ତା ମାଚେସି, ଏଝାସି ମାହାପୁରୁ ତାଣ୍ଡା ପ୍ରାଚାନା କିହାଲି ଜିରୁସାଲମତା ଝାହାମାଚେସି;

୨୮ ଏଝାସି ମାହାପୁରୁ ଅଣ୍ଡପୁତି ବଲୁ ଝେହ୍ନି ଜିସାୟତି ପତି କାଜା ଗିୟାଁତଲେ ପଡ଼ଝି ଆହିଁ ରାତାତା କୁଗାନା ଝେଣ୍ଡା ହାଜିମାଚେସି □

୨୯ ଏତିବେଲା ସୁଦୁଜୀଝୁ ପିଲିପଇଁ ଏଲେଇରେ, “ନକିତା ହାଜାନା ରାତାତା ହାଜିମାନାଣି ତାଣ୍ଡା ହାଲାମୁ;”

୩୦ ଏଚେଟିଏ ପିଲିପ ହତି ହତି ହାଜାନା ଜିସାୟତି ପତି କାଜା ଗିୟାଁତଲେ ମାହାପୁରୁ ଅଣ୍ଡପୁତି ବଲୁ ପଡ଼ଝି ଆହିମାନାଣି ଝେଞ୍ଜାନା ଝେଚେସି, “ନାନୁ ଆମିନିଗାଟାଣି ପଡ଼ଝି ଆହିମାଞ୍ଜି ଏଦାଆଁ ପୁଞ୍ଜାଲି ଆଡ଼ିମାଞ୍ଜି କି ?”

୩୧ ପେଜୁ ଏଲେଇରେସି, “ଆମ୍ବାଆସି ନାଜେ ଝେସ୍ତାଆସାରେ ନାନୁ ଏନିକିଁ ପୁଇଁ ?” ଇଞ୍ଜା ଏଝାସି ପିଲିପଇଁ ରାତାତା ହଟାନା ତାନିତଲେ କୁଗାଲି ଏଲେଇରେସି □

୩୨ ଏଝାସି ଦାମ୍ବୁ ପତିତା ପଡ଼ଝି ଆହିମାଟି କାତା ଇଦି; “ଏଝାସି ପାୟିଝିଆନି ଦେଣ୍ଡା ତାଲୁ ଲେହେଁ ଅଝିଆଡ଼େସି, ଇଞ୍ଜା ଦେଣ୍ଡା ତାଲୁ ବାଣାୟାଁ ଦାଃନି ବେଲାତା ଦେଣ୍ଡା ତାଲୁ ଏନିକିଁ ତ୍ଵାଆନା ପାଲେଏ ତ୍ଵୟିନେ, ଏଲେକିହିଁ ଏ ଏଝାସି ତାନି ଗୁତି ଏକ୍‌ଆଡ଼େସି □

୩୩ ଏଝାଣାଇଁ ଉଣା କିହିଁ ନାହିଁୟି କିଆଡ଼େରି, ଏଝାଣି କୁଡ଼ାତି କାତା ଆମ୍ବାଆସି ଝେସାଲି ଆଡ଼ଅସି, ଇତିହିଁ ତାନି ଜୀଝୁ ଦାରତିତା ରାଡ଼େ □”

୩୪ ଏ ପେଜୁ ପିଲିପଇଁ ଏଲେଇରେସି, “ନାଜେ ଝେସ୍ତାମ୍, ମାହାପୁରୁ ଅଣ୍ଡପୁତି ବଲୁ ଝେହ୍ନାସି ଆମ୍ବାଆରି କାତା ଝେସିମାନେସି ? ତାନି କାତା କି ଅର ରଅଣି କାତା ?”

୩୫ ଏମ୍ବାଟିଏ ପିଲିପ ଗୁତି ଦେବନା ଦାମ୍ବୁ ସାସ୍ତେରିଟିଏ ମାଟ୍‌ହାନା ଏଝାଣି ତାଣ୍ଡା ଜୀସୁତି ନେହିଁ କାରୁ ଝେସ୍ତେସି □

୩୬ ଏଝାରି ଜିରୁତା ହାଜିମାଟାଟି ଏୟୁ ମାନି ର ଟାୟୁତା ଏଗାହାଚେରି; ଏଚେଟିଏ ପେଜୁ ଏଲେଇରେସି,

୩୭ “ଇମ୍ବାଆଁ ଏୟୁ ମାନୁ, ଏନାଆଁ ନାନୁ ବାପ୍ତିସ୍ତା* ଅହାଲି ଆଡ଼ିଇଁ ?”

୩୮ ଇଞ୍ଜା ଏଝାସି ରାତା ନିପହାଲି ହୁକୁମି ହାଡେସି, ଇଞ୍ଜା ପିଲିପ ଅଡ଼େ ପେଜୁ ଏୟୁଣାଁ ରେଡେରି, ଇଞ୍ଜା ପିଲିପ ଏଝାଣାଇଁ ବାପ୍ତିସ୍ତା* ହାଡେସି □

୩୯ ଏଝାରି ଏୟୁତି ହଟା ଝାଡ଼ି ତାୟୁ, ପ୍ରବୃତି ସୁଦୁଜୀଝୁ ପିଲିପଇଁ ଅହିଁ ହାଚେ, ଇଞ୍ଜା ପେଜୁ ଅଡ଼େ ଏଝାଣାଇଁ ମେହଆଡେସି; ଆଡ଼ିଜିକେଏ ରାହିଁ କିହିଁ ତାନି ଜିରୁତା ହାଚେସି □

୪୦ ସାମା ପିଲିପ ଅସଦଦ୍ ଗାଡ଼ାତା ତଞ୍ଜାଆଡ଼େସି; ଇଞ୍ଜା ଏଝାସି ଗାଡ଼ାତାକି ଗାଡ଼ାତା ହାଜାହିଁ ନେହିଁ କାରୁ ଝେସ୍ତେସି ଇଞ୍ଜା କାୟିସରିୟାତା ଏଗାହାଚେସି □



ସାଝୁଲ ମନ୍ ଝେଟ୍‌ନାୟି
(କାମା ୨୨:୬-୧୬; ୨୬:୧୨-୧୮)

§ ୮:୨୨ ୮:୨୬ ଲକୁ ହିଲାଆ ଟାୟୁ * ୮:୩୭ ୮:୩୭ ମୁଞ୍ଜିନାୟି † ୮:୩୭ ୮:୩୭ ପିଲିପ ଏଲେଇରେସି, “ନାନୁ ବାରେ ହିୟାଁ ତଲେ ନାନିସାରେ ଅହାଲି ଆଡ଼ିଦି” ଏମ୍ବାଟିଏ ଏଝାସି ଏଲେଇରେସି, “ଜୀସୁ ଜୀସୁ ମାହାପୁରୁତି ମାଟ୍‌ଏସି ଇଦାଆଁ ନାନୁ ନାନିମାଇଁ □” ‡ ୮:୩୮ ୮:୩୮ ମୁଞ୍ଜିନାୟି

୧୧ ସାମା ସାଧୁଲ ନୀର୍ଘ ପାତେକା ପ୍ରବୃତ୍ତି ସାମୁଦ୍ରିୟ କପାଟି ଆଜି ତସାନା ଅଡ଼େ ଜୀଘ୍ନ ନାସାକିନି କାତାୟି ଜଲିହୁଁ କାଜା ପୂଜେରାଜା ତାଣା ହାରେସି □

୧୨ ଅଡ଼େ ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟାଣି ମେସିହୁଁ, ବାରେଜାଣାତି ଦସପାନା ଜିରୁସାଲମତା ତାଚାଲି ଆଡ଼ିମାନେସି, ଏଦାଆଁତାକି ଏଝାସି କାଜା ପୂଜେରାଜା ତାଣା ହାଜାନା ଦମେସକତା ମାନି ଜୀଘ୍ନଦି ଲକ୍ଷୁତି କୁଟମି ଇଲ୍ଲକାଣା* ହିୟାଲି ଏଝାରି ତାଣାଟି ଆକୁ ରାସ୍ତେସି □

୧୩ ସାଧୁଲ ଦମେସକ ତାଗେ ଝାଡ଼ିମାତାଟି ଦେବୁଣିଏ ର ଉଜେଡ଼ି ହାଗୁଲକଟି ତାନି ସାରିଝାକି ମୁସ୍ତେ □

୧୪ ଏମ୍ବାଟିଏ ଏଝାସି ବୁମିତା ତରଗା ହାରେସି ଇଞ୍ଜା ତାଜେତାକି ଇ ହାଡ଼ା ଝେରେସି, “ଏ ସାଧୁଲ, ଏ ସାଧୁଲ! ନୀନୁ ଏଦାଆଁତାକି ନାଜେ ନିନ୍ଦା କିହିମାଞ୍ଜାଦି ?”

୧୫ ଏଝାସି ଏଲେଇରେସି, “ପ୍ରବୁ, ନୀନୁ ଆମ୍ବାଆତି ?” ଏଝାସି ଏଲେଇରେସି, “ନୀନୁ ଆମ୍ବାଆରାଇଁ ନିନ୍ଦା କିହିମାଞ୍ଜି ଏ ଜୀଘ୍ନତେର୍ସି ନୀନୁ □

୧୬ ସାମା ନିଜାମୁ ଇଞ୍ଜା ଗାଡ଼ାତା ହାଲାମୁ, ଏଦାଆଁ କିହାଲି ଆଡ଼େ, ଏମ୍ବାଆଁ ନିଜେ ଝେସିପି ଆୟାନେ □”

୧୭ ଏଝାଣିତଲେ ଆମିନି ଲକୁ ହାଜିମାରେରି, ଏଝାରି ଏ ହାଡ଼ା ଝେଞ୍ଜାନା ଆମ୍ବାଆରାଇଁ ମେହୁଆତେରି, ଇଞ୍ଜା ଆତାଜାକା ଆହାହାରେରି □

୧୮ ଅଡ଼େ ସାଧୁଲ ବୁମିଟି ନିଜାମା ତାନି କାଣକା ଦେତେସି, ସାମା ଏଝାସି ଏଦାଆଁ ମେସାଲି ଆଡ଼ାଆତେସି □ ଇଞ୍ଜା ଏଝାରି ତାନି କେୟୁ ଆସାନା ଦମେସକତା ଅଡ଼େରି □

୧୯ ଅଡ଼େ ତାନିଦିନା ପାତେକା ଏଝାସି ଏଦାଆଁ ମେସାଲି ଆଡ଼ାଆତେସି, ଅଡ଼େ ଏଦାଆଁ ତିନାଆତେସି ଏଦାଆଁ ଗହୁଆତେସି □

୨୦ ଦମେସକତା ହନନିୟ ଦରୁଗାଟାସି ର ସାମୁ ମାରେସି; ପ୍ରବୁ ଏଝାଣାଇଁ ତଞ୍ଜାଆହାଁ ଏଲେଇରେସି, “ଏ ହନନିୟ!” ଏଝାସି ଏଲେଇରେସି, “ଏ ପ୍ରବୁ ନାଜେ ଝେସ୍ତାମୁ □”

୨୧ ଏରେଟିଏ ପ୍ରବୁ ଏଝାଣାଇଁ ଏଲେଇରେସି, “ତିୟାରା ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀଘ୍ନଦା ଇଲୁତା ତାସି ଗାଡ଼ାତି ସାଧୁଲ ଇନାଣାଇଁ ପାରାମୁ; ଇତିହୁଁ ଏଝାସି ପ୍ରାଡ଼ାନା କିହିମାନେସି;

୨୨ ଅଡ଼େ, ଏଝାସି ସେୟାଣା ହାପାନା ମେସାମାନେସି, ହନନିୟ ଇନାସି ର ମାଣସି ଝାହାନା ତାନି ଲାକ କେୟୁ ଇରିମାନେସି, ଏନିକି ଏଝାସି ମେସାଲି ଆଡ଼ିମାନେସି □”

୨୩ ହନନିୟ ଏଲେଇରେସି, “ପ୍ରବୁ, ଜିରୁସାଲମତା ମାହାପୁରୁ ଲକ୍ଷୁଇଁ ଇଝାସି ଏରେକା ନିନ୍ଦା କିହିମାନେସି ଇଞ୍ଜା ନୀନୁ ହାରେକା ଲକୁ ତାଣାଟି ଇ ଲକ୍ଷୁତି କାତା ଝେଞ୍ଜାମାଇଁ □

୨୪ ଅଡ଼େ ଇ ଗାୟୁତା ନୀ ଦରୁଟି ପ୍ରାଡ଼ାନା କିହିମାନାରାଇଁ ବାରେଜାଣାତି ଦସା ଅୟାଲି ଏଝାସି କାଜା ପୂଜେରାଜା ତାଣାଟି ଅଦିକାରା ଆକୁ ବେଟାଆହାମାନେସି □”

୨୫ ସାମା ପ୍ରବୁ ଏଝାଣାଇଁ ଏଲେଇରେସି, “ହାଲାମୁ; ଇତିହୁଁ ଏଝାସି ଏଟକା କୃତାତି ରାଜାୟାଁ ଅଡ଼େ ଇସ୍ରାୟେଲ ଲକ୍ଷୁତି ମାସ୍କା ମାଟକା ନକିତା ନା ଦରୁ ଝେକହାଲି ନୀନୁ ଏଝାଣାଇଁ ନା ସେବା କିନାସି କିହାନା ଆଡ଼ାମାଇଁ;

୨୬ ଅଡ଼େ ନା ଦରୁ ତାକି ଏଝାସି ଏରେକା ଦୁକୁ ବେଟାଆଡ଼େସି, ଏଦାଆଁ ନୀନୁ ଏଝାଣାଇଁ ଝେହୁଇଁ □”

୨୭ ଏରେଟିଏ ହନନିୟ ହାଜାନା, ଏ ଇଲୁତା ହରେସି, ଇଞ୍ଜା ତାନି ଲାକ କେୟୁ ଇଗାନା ଏଲେଇରେସି, “ତାୟି ସାଧୁଲ, ଇମ୍ବାଆଁ ଝାଡ଼ି ଜିରୁତା ଆମିନି ପ୍ରବୁ ଜୀଘ୍ନ ନିଜେ ତଞ୍ଜା ଆୟାତେସି, ଏଝାସି ନାଜେ ପାଣାମାଞ୍ଜାନେସି, ନୀନୁ ଏନିକି ଝେଣ୍ଡେ ମେହୁମୁ ଇଞ୍ଜା ସୁଦୁଜୀଘ୍ନ ବେଟାଆମୁ □”

୨୮ ଏ ଦେବୁଣିଏ ଏଝାଣି କାଣକାଟି ମୀନୁ ହିପି ଲେହେଁତାୟି ତୁଲିତେ, ଇଞ୍ଜା ଏଝାସି ଝେଣ୍ଡେ ମେସାଲି ଆଡ଼ିତେସି, ଅଡ଼େ ନିଜାମା ବାପ୍ତିସ୍ତା ଅଡ଼େସି,

୨୯ ଅଡ଼େ ଏଝାସି ତିଞ୍ଜା ଉଣ୍ଡାନା ବାଡ଼ୁୟୁ ବେଟାଆଡ଼େସି, ଏରେଟିଏ ସାଧୁଲ ଏରରଦିନା ସାମୁୟାଁ ତଲେ ଦମେସକତା ତୁୟିତେସି □

ଦମେସକତା ସାଧୁଲ ଝେକନାୟି □

୩୦ ଅଡ଼େ, ଜୀଘ୍ନ ମାହାପୁରୁତି ମୀରୁଏସି ଇଞ୍ଜା ଆଟ୍ଝା ତଲେ ଜୀଘ୍ନଦି ଲକ୍ଷୁତି କୁଟମି ଇଲ୍ଲକାଣାଃ ଝେସାଲି ମାଟ୍ଝେସି □

* ୯:୨ ୯:୨ ସିନଗର † ୯:୧୮ ୯:୧୮ ମୁଞ୍ଜିନାୟି ‡ ୯:୨୦ ୯:୨୦ ସିନଗର

୨୧ ଅଡ଼େ, ଆମିନି ଗାଗାରି ତାନି ହାଡ଼ା ଖେଚେରି, ଏଞ୍ଜାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାତାନା କିନି ଲକ୍ଷୁଣି ଆମ୍ବାଆସି ଜିରୁସାଲମତା ପାୟି କିହିମାଚେସି, ଅଡ଼େ ଏଞ୍ଜାରାଇଁ ଦସ୍‌ପାହାଁ କାଜା ପୂଜେରାଜା ତାଣା ଅହାଲି ତାକି ଇମ୍ବାଆଁ ଖାହାମାଚେସି, ଏଞ୍ଜାସି କି ଇଞ୍ଜାସି ଆଏ ?”

୨୨ ସାମା, ସାଞ୍ଜୁଲତି ଖେକନାୟି ହାଚେରକା ବାଡ଼ୁଲୁ ଗାଗାୟି ମାଚେ, ଅଡ଼େ ଏଞ୍ଜାସି ପାର୍ମାଣା କିହାଁ ଖେସ୍ତେସି ଜାସୁ ଏ.ମସିହା, ଇଦାଣି ଦମେସକତା ବାସା କିହାମାନି ଜୀହୁଦି ଲକ୍ଷୁଣି ଖେଶ୍ତେ ଖେସାଲି ଆଡ଼ାଆଚେରି □

୨୩ ✠ଏଚରଦିନା ହାଚି ତାୟୁ ଜୀହୁଦିୟାଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଚେରି;

୨୪ ସାମା ଏଞ୍ଜାରି କାତା ଆହିମାଚାଣି ସାଞ୍ଜୁଲ କିୟାଁ ତୁା ହାଚେ, ଅଡ଼େ ଏଞ୍ଜାରି ଏନିକିଁ ସାଞ୍ଜୁଲଇଁ ପାୟାଲି ଆଡ଼ିନେରି, ଏଦାଆଁତାକି ଲାଆଁ ମାଦେନା ଗାଡ଼ାତି ଦୁଞ୍ଜେରିକାଣା କାଚିହଁ ତୁୟିଚେରି □

୨୫ ସାମା ସାଞ୍ଜୁଲତି ସୀସୁୟାଁ ଲାଆଁୟାଁ ବେଲାତା ଏଞ୍ଜାଣାଇଁ ର.ତାଲିତା ରସାହାଁ କଟା କାଚିଚି ତୁଇ ଚେପହେରି □

ଜିରୁସାଲମତା ସାଞ୍ଜୁଲ

୨୬ ତାୟୁ ଏଞ୍ଜାସି ଜିରୁସାଲମତା ହାଜାନା ସୀସୁୟାଁ ତଲେ ଆଣ୍ଡାଲି ଅଣାପିମାଚେସି; ସାମା ଏଞ୍ଜାସି ର. ସୀସୁ ଇଞ୍ଜୁଁ ଏଞ୍ଜାସି ଇଚାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାଚେରି □

୨୭ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁଞ୍ଜି ଆଡ଼ାରି ତାଣା ତାଚେସି, ଇଞ୍ଜାଁ ଜିରୁତା ଏଞ୍ଜାସି ଏନିକିଁ ପ୍ରବୁଇଁ ମେସ୍ତେସି ଇଞ୍ଜାଁ ପ୍ରବୁ ଏନାଆଁ ତାଙ୍ଗେ ହାଡ଼ା ଆଚେସି, ଦମେସକତା ଜୀସୁ ଦରୁତି ସାସାତଲେ ସାଞ୍ଜୁଲ ଏନିକିଁ ଖେସାମାଚେସି, ଇ ବାରେ କାତା ଏଞ୍ଜାରି ନକିତା ଖେସ୍ତେସି □

୨୮ ଅଡ଼େ ସାଞ୍ଜୁଲ ଏଞ୍ଜାରିତଲେ ତୁୟିଚେସି ଅଡ଼େ ଜିରୁସାଲମତି ବାରେଖାକି ହାଜାନା ସାସାତଲେ ପ୍ରବୁତି ଦରୁ ଖେକହେସି □

୨୯ ଇଞ୍ଜାଁ ଏଞ୍ଜାସି ଗ୍ରିକ୍ ଜଲିନି ଜୀହୁଦି ଲକ୍ଷୁତଲେ ବାଦିବାଦା କିହିମାଚେସି, ସାମା ଏଞ୍ଜାରି ଏଞ୍ଜାଣାଇଁ ପାୟାଲି ପାରୁ ପାରିମାଚେରି □

୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଞ୍ଜୁଲଇଁ କାୟିସରିୟାତା ଅହାନା ଏମ୍ବାତି ଏଞ୍ଜାଣାଇଁ ତାର୍ସତା ପାଣ୍ଡିଚେରି □

୩୧ ଇଲେଆହଁ ଏ ବାରେ ଜୀହୁଦା ରାଜି, ଗାଲିଲି ଅଡ଼େ ସମିରଣାତି କୁଲମି ବାସୁଁ ଆହାନା ପ୍ରବୁଇଁ ଆଜାନା ହିଡ଼ଡ଼ି ଜୀଞ୍ଜୁତଲେ ମାଚେରି, ଇଞ୍ଜାଁ ସୁଦୁଜୀଞ୍ଜୁତି ସାୟେମି ତଲେ ପାତାଆହାଲି ମାଟ୍‌ହେରି □

ଲୁଦ ଅଡ଼େ ଜାପତା ପିତର

୩୨ ଏଚେଟିଏ ପିତର ବାରେ ରାଜିତା ରେଜି ରେଜିହଁ ଲୁଦତା ତୁୟିନି ମାହାପୁରୁ ଲକ୍ଷୁଣି ଆଣ୍ଡାଲି ହାଚେସି □

୩୩ ଏମ୍ବାଆଁ ଏଞ୍ଜାସି ଏନିୟ ଦରୁଗାଚି ରଅଣାଇଁ ବେଟାଆଚେସି, ଏଞ୍ଜାସି ଆଟା ବାର୍ସା ପାଚେକା ଚଟ ଖାୟିତି ରଟା ଆହାନା କାଚେଲିଚି ନିଜାଲି ଆଡ଼ିହିଲାଆଚେସି □

୩୪ ପିତର ଏଞ୍ଜାଣାଇଁ ଏଲେଇଚେସି, “ଏନିୟ, ଜୀସୁ ଜ୍ରାସୁ ନିଙ୍ଗେ ନେହଁ କିହାମାଞ୍ଜାନେସି; ନିଜାମ୍ବୁ ନୀ ପାସ୍‌ପନି ମୁଦା କିମୁ” ଏଚେଟିଏ ଏଞ୍ଜାସି ଏ ଦେବୁଣିଏ ନିଙ୍ଗିଚେସି □

୩୫ ଏଚେଟିଏ ଲୁଦ ଇଞ୍ଜାଁ ସାରଣତା ବାସା କିହାମାନି ଲକ୍ଷୁ ଏଞ୍ଜାଣାଇଁ ମେସାନା, ପ୍ରବୁ ତାଣା ହିୟାଁ ଖେଟ୍‌ହେରି □

ଦର୍କା ଖେଶ୍ତେ ନୀଡିନାୟି

୩୬ ଜାପତା ଚାବିତା ଦରୁଗାଚି ମାହାପୁରୁଇଁ ନାମିତି ର.ଇୟା ମାଚେ, ଗ୍ରିକ୍ ତଲେ ଦର୍କା ଇଚିସାରେ ତାନି ଦରୁ “ର.କୂର୍ତ୍ତୁ □” ଏଦି ବାରେବେଲା ନେହଁ କାମା କିହଁ, ହିଲାଆ ଗାଗାଚାକି ସାୟେମି କିହିମାଚେ □

୩୭ ଏଚିବେଲାତା ଏଦି ନଚେମି ଆହାନା ହାହାହାଚେ, ଲକ୍ଷୁ ଏଦାନି ଏୟୁ ମୀଡ଼ହାନା ଲାକନି ପାରୁତି ର.ବାକ୍ରାତା ତ୍ରିପହୁ □

୩୮ ଇଞ୍ଜାଁ ଲୁଦ ଜାପ ତାଗେ ମାଚାକି ସୀସୁୟାଁ ପିତର ଜାପତା ମାନେସି ଇଞ୍ଜୁଁ ଖେଞ୍ଜାନା, ରୀ ଲକ୍ଷୁଣି ଏଞ୍ଜାଣି ତାଣା ପାଣ୍ଡାନା ଇ କାତା ବାତିମାଲିଚେରି, “ମା.ତାଣା ଖାହାଲି ଖେଡ଼ା କିଆନି □”

✠ ୯:୨୩ ୯:୨୩ ୨କର ୧୧:୩୨,୩୩

୩୯ ପିତର ନିଜ୍ଞାନା ଏଞ୍ଜାରିତଲେ ହାଚେସି, ଏମ୍ବାଆଁ ଏଞ୍ଜାସି ଝାହାଲିଏ ଏଞ୍ଜାଣାଙ୍ଗ ଲାକନି ପାରୁତି ବାକ୍ରାତା ଅଡେରି, ଅଡେ ରାଢେଣ୍ଡିସିକା ସାରିସୁଟୁ ମୁଚାନା ଡାହି ଡାହିଁ ଦକା ନୀତାମାଟି ବେଲାତା କେପାମାଟି ହିମ୍ବରକା ବାରେ ଏଞ୍ଜାଣାଙ୍ଗ ତସ୍ତୁ ।

୪୦ ସାମା ପିତର ବାରେଜାଣାତି ପାଜାତା ପାଣ୍ଡାନା ମେଣ୍ଡାକୁତାନା ପ୍ରାତାନା କିତେସି; ଇଞ୍ଜା ମାଡହା ଝାକି ତିରଝାନା ଏଲେଇଚେସି, “ଟାବିତା, ନିଜ୍ଞାମୁ” ଏଚେଟିଏ ଏଡି କାଣକା ଦେଚାନା ପିତରଙ୍ଗ ମେସ୍ତେ ଇଞ୍ଜା ନିଜ୍ଞାନା କୁରିତେ ।

୪୧ ଇଞ୍ଜା ପିତର କେୟୁ ଦାସାନା ଦକାଙ୍ଗ ନିକହେସି, ଇଞ୍ଜା ମାହାପୁରୁ ଲକୁ ଅଡେ ରାଢେଣ୍ଡିସିକାଣି ହାଟାନା ଏଦାନି ନୀତାମାନାଣି ତସ୍ତୁସି ।

୪୨ ଇ କାତା ଜାପତି ସାରିସୁଟୁ ଝେଙ୍ଗାହାଚେ ଅଡେ ହାରେକା ଲକୁ ପ୍ରବୁଙ୍ଗ ନାମିତେରି ।

୪୩ ଅଡେ, ପିତର ହାରେକା ଦିନା ପାତେକା ଜାପତି ସିମନ ଦରୁଗାଟି ତଲ୍ଲକା କାମାକିନାଣି ଇଜ ଦୁୟିତେସି ।

୧୦

ପିତର ଅଡେ କର୍ନଲିୟ

୧ କାୟିସରିୟା ଗାଡାତା କର୍ନଲିୟ ଦରୁଗାଟାସି ର ଲକୁ ମାଚେସି, ଏଞ୍ଜାସି ଇତାଲିକ ଦରୁଗାଟି ରମିୟ ରିଜାରି କସ୍କାତି ପାସାକଡି କସ୍କା ମୁହେଁ କାଜାସି ମାଚେସି ।

୨ ଏଞ୍ଜାସି ର ଦାମ୍ବୁ ଲକୁ ମାଚେସି; ତାନି ଇଲୁ କୁଟମି ତଲେ ମାହାପୁରୁଙ୍ଗ ଆଜିମାଚେସି, ଏଞ୍ଜାସି କାକୁଲି ଲକୁଡାକି ଦାନା ହାହିମାଚେସି, ଅଡେ ମାହାପୁରୁ ତାଣା କାଲେଏ ପ୍ରାତାନା କିହିମାଚେସି ।

୩ ର ଦିନା ମିଡ଼ଅଲ୍ଲା ତାନି ଗଂଟା ବେଲାତା ଏଞ୍ଜାସି ସେୟାଣା ହାପାନାତା ଡାବୁପୁତଲେ ମେସ୍ତେସି, ର ମାହାପୁରୁତି ଦୁତୁ ଝାହାନା ଏଞ୍ଜାଣାଙ୍ଗ ଏଲେଇଚେସି, “କର୍ନଲିୟ ।”

୪ ଏଞ୍ଜାସି ଆଜିତଲେ ଦୁତୁ ଝାକି ସିନିକିତେସି ଅଡେ ଝେଚେସି, “ଇଦି ଏନାୟି ପ୍ରବୁ ?” ଦୁତୁ ଏଞ୍ଜାଣାଙ୍ଗ ଏଲେଇଚେସି, “ନୀ ପ୍ରାତାନା ଅଡେ ଦାନା ହାନାୟି ଲାକ ମାହାପୁରୁ ନକିତା ଏଜାମାନେ ।”

୫ ନୀଏଁ ନୀନୁ ଜାପତା ଲକୁଣି ପାଣ୍ଡାନା ସିମନ ପିତର ଦରୁଗାଟି ଲକୁଙ୍ଗ ହାଟାତାମ୍ବୁ, ଏଞ୍ଜାଣି ହାଟା ଦରୁ ପିତର ଇନେରି;

୬ ଏଞ୍ଜାସି ସିମନ ଦରୁଗାଟି ର ତଲ୍ଲକା କାମାକିନାଣି ଇଜ ଗତାଗାଟାସି ଆହାମାନେସି, ଏଞ୍ଜାଣି ଇଲୁ ସାମାଦୁରି ଗାଟୁତା ।”

୭ ତାନିତଲେ କାତା ଆହିମାଟି ଦୁତୁ ହାଜାଲିଏ, ଏଞ୍ଜାସି ତାନି ଇଜ କାମା କିନି ରୀ ହଲିୟାଙ୍ଗାଣି ଇଞ୍ଜା ତାଙ୍ଗେ ସେବାକିନି ରିଜାରି କସ୍କା ବିପ୍ରାଟି ର ଦାମ୍ବୁତି କହୁଏଣାଙ୍ଗ ହାଟିତେସି,

୮ ଅଡେ ଏଞ୍ଜାସି ଏଞ୍ଜାରାଙ୍ଗ ଏମ୍ବାଆଁ ଆହାମାଟି ବାରେ କାତା ଝେସାନା ଜାପତା ପାଣ୍ଡିତେସି ।

ପିତର ସେୟାଣା ହାପାନା ହେଣ୍ଡନାୟି

୯ ଅର ଦିନା ଏଞ୍ଜାରି ହାଜି ହାଜିହୁଁ ଏ ଗାଡାତି ତାଗେ ଆଡେରି, ଏଟିବେଲା ପିତର ମାଦେନା ବାର ଗଂଟା ବେଲାତା ପ୍ରାତାନା କିହାଲି ଇଲୁ ଲାକ ହାଚେସି,

୧୦ ଏଞ୍ଜାସି ହାକି ଆଡେସି ଅଡେ ଏନାଆଁ ତିଞ୍ଜାଲି ମନ କିତେସି; ସାମା ଏଞ୍ଜାରି ରାନ୍ଦା ଝାଜିମାଟି ବେଲାତା, ଏଞ୍ଜାସି ସେୟାଣା ହାପାନା ମେସ୍ତେସି,

୧୧ ଲାକପୁରୁ ଦେପିଆହାମାନେ, ଇଞ୍ଜା ଏନିକଁ ର ହିମ୍ବରିତି ସାରି କନତା ଆସ୍ତପି ଆହାନା ଦାର୍ଡି ଲାକ ରେତା ଝାହିମାନେ;

୧୨ ଏମ୍ବାଆଁ ଦାର୍ଡିତି ବାରେ କୁଡାତି ସାରିଗଟା କତା ଗାଟି ଜନ୍ତ ଜୀଝେଡିକା, ରାସ୍କା ତ୍ରୁଗିୟାଁ ଅଡେ ହାଗୁତି ପଗାୟାଁ ମାନୁ ।

୧୩ ଇଞ୍ଜା ଏଞ୍ଜାଣାକ ଇ ହାଡା ଆଡେ, “ପିତର; ନିଜ୍ଞାମ୍ବୁ, ପାୟାନା ତିନାମୁ ।”

୧୪ ସାମା ପିତର ଏଲେଇଚେସି, “ଆଏ ପ୍ରବୁ, ନାନୁ ଏଚେଲାଞ୍ଜା ଏଡି ଲାଗେଏ ପଲେଏତି ଦିଣ୍ଡୁ ତିଞ୍ଜାହିଲଅଁ ।”

୧୫ ଅଡେ ର ପାଲି ଇ ହାଡା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏନାଆଁ ନୀନୁ ଲାଗେଏତାୟି ଇନାଆନି ।”

୧୬ ଇଲେକିହୁଁ ତାନି ପାଲି ଆଡେ, ତାୟୁ ଏ ହିମ୍ବରି ଲାକପୁରୁ ଅଢିଆଡେ ।

୧୭ ପିତର ଏନାଆଁ ସେୟାଣା ହାପାନା ହେଣ୍ଡାମାଚେସି, ଏଦି ଏନାୟି, ଇଞ୍ଜି ଅଣ୍ଡପିହି ଆତାଜାକା ଆହାମାନି ବେଲାତା, କର୍ନଲିୟୁ ତାଣାଟି ପାଣ୍ଡୁଞ୍ଜି ଆହାମାନାରି ସିମନ ଇଲୁ ପାରିହି ଦୁଝେରିତା ନିକା ଖାଚେରି,

୧୮ ଇଞ୍ଜା ଏଞ୍ଜାରି ଖେଚେରି, “ସିମନ ଇନି ପିତର ଦରୁଗାଟାସି ରଅସି ଇମ୍ପାଆଁ ଗଡେଏସି ମାନେସି କି ?”

୧୯ ପିତର ଏ ସେୟାଣା ହାପାନା ହେଟାଣି ଅଣ୍ଡପିମାଟି ବେଲାତା ଜାଞ୍ଜୁ ଏଞ୍ଜାଣାଇଁ ଏଲେଇଚେ, “ମେହମ୍! ତୀନି ଜାଣା ଲକୁ ନିଜେ ପାରିମାଞ୍ଜାନେରି □

୨୦ ଏଦାଆଁତାକି ତିୟାରା ଆମୁ ଅଡେଡେ ଡଇ ହାଲାମୁ, ଅଡେ ଆନାମାନା ଆଆନା ଏଞ୍ଜାରିତଲେ ହାଲାମୁ, ଏନାଆଁତାକି ଇଚିହିଁ ନାନୁ ଏଞ୍ଜାରାଇଁ ପାଣ୍ଡାମାଞ୍ଜାଇଁ □”

୨୧ ଏଚେରିଏ ପିତର ଏ ଲକୁଡାଣା ରେଟାଖାହାନା ଏଲେଇଚେସି, “ମୀରୁ ଆମ୍ପାଆରାଇଁ ପାରିମାଞ୍ଜେରି, ନାନୁ ଏଞ୍ଜାଚେଏଁ □ ମୀରୁ ଏନାଆଁତାକି ଖାହାମାଞ୍ଜେରି ?”

୨୨ ଏଞ୍ଜାରି ଏଲେଇଚେରି, “କର୍ନଲିୟୁ ଦରୁଗାଟି ପାସାକଡ଼ି କସକା ମୁହେଁ କାଜାସି ମାଜେ ପାଣ୍ଡାମାଞ୍ଜାନେସି, ଏଞ୍ଜାସି ର ସୁଦୁ, ଦାମ୍ପୁଗାଟାସି ଇଞ୍ଜା ମାହାପୁରୁଇଁ ଆଜିନାସି, ଅଡେ ବାରେ ଜାହୁଦି କୁଡାତା ଖେଜିତାସି, ଏଞ୍ଜାସି ନିଜେ ତାମି ଇଜ ହାଟାନା ନୀ ଜାପୁନାଣି ଖେଞ୍ଜାଲିତାକି ମାହାପୁରୁଡି ଦୁଡୁ ତାଣାଟି ହୁକୁମି ବେଟା ଆହାମାନେସି □”

୨୩ ପିତର ବିଡା ହାଟା ଅହାନା ଏଞ୍ଜାରାଇଁ ସେବା କିତେସି □ ଅର ନେରୁ ନିଜାମା ତିୟାରା ଆହାନା ଏଞ୍ଜାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଞ୍ଜାରିତଲେ ହାଚେରି □

୨୪ ଅର ନେରୁ ଏଞ୍ଜାରି କାୟିସରିୟାତା ଏଚେରି, ଏମ୍ପାଆଁ କର୍ନଲିୟୁ ତାନି କୁଟିନି ଇଞ୍ଜା ଅଡେ ଜାରୁଡି ତଣେସିଜାଣି ହାଟାହାଁ କୁଡ଼ି କିହାନା ଏଞ୍ଜାରାଇଁ କାଟିମାଚେରି □

୨୫ ପିତର ବିଡା ହାଜାଲିଏ କର୍ନଲିୟୁ ଏଞ୍ଜାଣି କଡ଼ାଁ ଡଇ ମୁନୁ କୁତାନା ଜହରା କିତେସି □

୨୬ ସାମା ପିତର ତାଜେ ନିକହାନା ଏଲେଇଚେସି, “ନିଜାମୁ, ନାନୁ ଜିକେଏ ର ମାଣସିଚେଏଁ □”

୨୭ ଏଚେରିଏ ପିତର କର୍ନଲିୟୁ ତଲେ କାତା ଆହୁଁ ଆହୁଁ ଇଲୁ ବିଡା ହାଜାନା ଏମ୍ପାଆଁ ହାଚେକା ଲକୁ ରୁଣ୍ଡା ଆହାମାନାଣି ମେସ୍ତେସି □

୨୮ ଅଡେ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଟକା କୁଡାତି ଏଦି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜାହୁଦି ଲକୁତାକି ଏଦିକିହିଁ ମେରା ହିଲେଏ, ଏଦାଆଁ ମୀରୁ ନେହିଁ କି ପୁଞ୍ଜାମାଞ୍ଜେରି ଆଡ଼ିଜିକେଏ ଆମିନି ଲକୁଇଁ ସୁଦୁ ହିଲାଆ ଗାଟାରି କି ଲାଗେଏତାରି ଇଞ୍ଜିହିଁ ଇନାଆନି ଇଞ୍ଜି ମାହାପୁରୁ ନାଜେ ତସାମାଞ୍ଜାନେସି □

୨୯ ଏଦାଆଁତାକି ହାଟନଏ ନାନୁ ଏନାଆଁ ଅଣ୍ଡପାଆନା ଖାଚେଏଁ □ ଇଦାଆଁତାକି ନାନୁ ଖେଞ୍ଜାମାଞ୍ଜାଇଁ, ଏନାଆଁ କିହାଲି ମୀରୁ ନାଜେ ହାଟାଚେରି ?”

୩୦ କର୍ନଲିୟୁ ଏଲେଇଚେସି, “ତାନିଦିନା ନକେଏ ଇ ବେଲାତା ମିଡ଼ଅଲା ତୀନି ଗଟା ବେଲା ନାନୁ ନା ଇଜ ପ୍ରାଡାନା କିହିମାଚେଏଁ; ମେହମ୍ ଏମ୍ପାଆଁ ଉଜେଡିଗାଟି ଦବଲା ହିମ୍ବିକା ତୁରହାମାନି ର ଲକୁ ନା ନକିତା ନିଚେସି,

୩୧ ଅଡେ ଏଞ୍ଜାସି ଏଲେଇଞ୍ଜାଚେସି, ‘କର୍ନଲିୟୁ! ମାହାପୁରୁ ନୀ ପ୍ରାଡାନା ଖେଞ୍ଜାମାନେସି; ଇଞ୍ଜା ହିଲାଆ ଗାଟାରିକି ନୀ ଦାନା ହାନାୟି ବାରେ ମାହାପୁରୁ ନକିତା ନେହିଁ ତଞ୍ଜା ଆହାମାନେ □

୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଚାଲି ଜାପତା ଲକୁଇଁ ପାଣ୍ଡାମୁ, ଏଞ୍ଜାସି ସାମଦୁରି ଗାରୁଡା ତୁୟିନି ତଲୁକା କାମା କିନି ସିମନ ଇଜ ଗତାଗାଟାସି ଆହାମାନେସି □’

୩୩ ଏଦାଆଁତାକି ଖେଡ଼ାକିଆନା ନାନୁ ନୀ ତାଣା ଲକୁ ପାଣ୍ଡାଚେଏଁ, ଅଡେ ନୀନୁ ଖାହାମାଞ୍ଜି ନେହିଁ କିହାମାଞ୍ଜି, ଇଚିହିଁ ପ୍ରଦୁ ନିଜେ ଏନାଆଁ ହୁକୁମି ହାହାମାଞ୍ଜାନେସି, ଏଦାଆଁ ଖେଞ୍ଜାଲିତାକି ମାମୁ ବାରେ ମାହାପୁରୁ ନକିତା କୁଡ଼ା ଆହାମାନମି □”

ପିତର ଜାପୁନାୟି

୩୪ ଏଚେରିଏ ପିତର ଗୁଡ଼ି ଏକହାନା ଏଲେଇଚେସି, “ମାହାପୁରୁ ସାଚେଏ ବାରେ ଲକୁଣି ପାରଡ଼ା ବାଚି କିଅସି,

୩୫ ଆମିନି ଲକୁ ଏଞ୍ଜାଣାଇଁ ଆଜିନେରି ଅଡେ ଏଞ୍ଜାସି ଅପିନି ଲେହେଁ ନେହିଁ କାମା କିନେରି ଏଞ୍ଜାରି ଆମିନି କୁଡ଼ାତାରି ଇଚିହିଁ ଜିକେଏ, ଏଞ୍ଜାସି ଆବିନେସି □

୩୭ ଏଞ୍ଜାସି ଜୀସୁ କ୍ରୀସ୍ତ ତାଣାଟି ହିଡ଼ଡ଼ିତି ନେହଁ କାତୁ ଝେସାନା ଇସ୍ରାୟେଲ ମୀରକା ନକିତା ଇ ବଲୁ ପାଣ୍ଡିତେସି; ଏ ଜୀସୁ କ୍ରୀସ୍ତ ବାରେଡି ପ୍ରବୁ □

୩୮ ମୀରୁ ପୁଞ୍ଜାମାଞ୍ଜେରି ଜହନ ବାପ୍ତିସ୍ମା* କାତା ଝେକହି ତାଣାଟିଏ ଏ ନେହଁ କାତୁ ଗାଲିଲିଟିଏ ମାଟ୍‌ହାନା ବାରେ ଜୀହୁଦା ରାଜିତି ଲକ୍ଷୁତାଣା ଝେଙ୍ଗାମାନେ,

୩୯ ଇତିହଁ ନାଜ୍‌ରିତ ଜୀସୁତି କାତା ପୁଞ୍ଜାମାଞ୍ଜେରି, ଏନିକଁ ମାହାପୁରୁ ଏଞ୍ଜାଣାକି ସୁଦୁଜୀଞ୍ଜୁ ଇଞ୍ଜା ବାଡ଼ୁୟ ହୀହାନା ବର ହାତେସି, ଇଞ୍ଜା ନେହଁ କାମା କିହଁ ସୟତାନ ପାନ୍ଦାତା ଦସ୍‌ପି ଆହାମାନି ଲକ୍ଷୁଣି ନେହଁ କିହଁ ବାରେଞ୍ଜାକି ରେଚେସି, ଇତିହଁ ମାହାପୁରୁ ଏଞ୍ଜାଣିତଲେ ମାଚେସି □

୪୦ ଏଞ୍ଜାସି ଜୀହୁଦି ଲକ୍ଷୁତି ଦେସାତା ଅଡେ ଜିରୁସାଲମତା ଏନା ଏନାଆଁ କିତେସି, ମାମ୍‌ସୁ ବାରେଡି ସାକି; ଏଞ୍ଜାରି ଏଞ୍ଜାଣାଇ ପାସି ମୁଣ୍ଡାତା ଏକ୍‌ହାନା ପାୟିତେରି □

୪୦ ସାମା ମାହାପୁରୁ ଏଞ୍ଜାଣାଇ ତାନି ଦିନାତା ନିକ୍‌ହେସି ଅଡେ ତଞ୍ଜାଆଞ୍ଜି କିତେସି;

୪୧ ବାରେଜାଣା ତାକି ଆଏ, ୱାଉଇ ମାହାପୁରୁ ଆଡ଼ିତି ସାକି, ଇତିହଁ ମା ନକିତା ତଞ୍ଜାଆଚେସି □ ମାହାପୁରୁ ଏଞ୍ଜାଣାଇ ହାକିଟି ନିକ୍‌ହି ଜ୍ଞେଚ ମାମ୍‌ସୁ ଏଞ୍ଜାଣିତଲେ ତିଚମି ଉଚମି □

୪୨ ଅଡେ ଲକ୍ଷୁ ନକିତା ଇ ନେହଁ କାତୁ ଝେକ୍‌ହାଲି, ଇଞ୍ଜା ହାଡ଼ାରି ଅଡେ ଜୀଞ୍ଜୁତା ନୀତାମାନାରି ନାହାଁୟି କିନାସି ଆହାଲି ମାହାପୁରୁ ଏଞ୍ଜାଣାଇ ଆଚାମାନେସି ଇଞ୍ଜା ସାକି ହାହାଲି ଏଞ୍ଜାସି ମାଜେ ହୁକୁମି ହିୟାଚେସି □

୪୩ ଆମ୍‌ଆସି ଏଞ୍ଜାଣି ତାଣା ନାମିନେସି, ଏଞ୍ଜାସି ଏଞ୍ଜାଣି ଦରୁତଲେ ପାପୁ ମ୍ଲେପକି ଆନେସି, ଇଦାଆଁ ବାରେ ମାହାପୁରୁ ଅଣପୁଡ଼ି ବଲୁ ଝେହନାରି ଏଞ୍ଜାଣି କାତାଡି ସାକି ହାହାମାନେରି □”

ଜୀହୁଦିଆଆଡି ଲକ୍ଷୁ ସୁଦୁଜୀଞ୍ଜୁ ବେଟାଆନାୟି

୪୪ ପିତର ଇ ବାରେ କାତା ଝେସିମାତି ବେଲାତା ଆମିନି ଗାଟାରି ତାନି ବଲୁ ଝେଞ୍ଜିମାଚେରି, ଏ ବାରେଜାଣାତି ମୁହେଁ ସୁଦୁଜୀଞ୍ଜୁ ରେଟାଞ୍ଜାଡେ □

୪୫ ଜୀହୁଦିଆଆଡି ଲକ୍ଷୁତାଣା ଜିକେଏ ସୁଦୁଜୀଞ୍ଜୁ ରେଟା ୱାଡ଼ାଣି ମେସାନା ପିତର ତଲେ ଜାପତି ୱାହାମାତି ତଲୁ ଦାପି ଆଡ଼ି ନାମିତି ଜୀହୁଦିୟାଁ, ଏଞ୍ଜାରି ବାରେଜାଣା କାବା ଆଚେରି □

୪୬ ଇତିହଁ ଏଞ୍ଜାରି ଏଚକା ଏଚକା ହାଡ଼ାତଲେ କାତା ଆହିମାଟାଣି ଇଞ୍ଜା ମାହାପୁରୁତି ଜହରା କିହିମାନାଣି ଝେଚେରି □ ଏଚିବେଲା ପିତର ଏଲେଇଚେସି □

୪୭ “ଇଞ୍ଜାରି ଆମିନି ଲକ୍ଷୁ ମା ଲେହେଁ ସୁଦୁଜୀଞ୍ଜୁ ବେଟାଆହାମାନେରି, ଇଞ୍ଜାରି ଏମୁତଲେ ବାପ୍ତିସ୍ମା† ବେଟାଆହାଲି ଆମ୍‌ଆସି କାହି କିୟାଲି ଆଡ଼ିମାନେସି ?”

୪୮ ଇଞ୍ଜା, ଏଞ୍ଜାସି ଏଞ୍ଜାଣାଇ ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ମା‡ ହାହାଲି ହୁକୁମି ହାତେସି, ତାୟୁ ଏଞ୍ଜାରି ଏଚରଦିନା ତ୍ଵୟାଲି ଏଞ୍ଜାଣାଇ ବାଡିମାଲିତେରି □

୧୧

ପିତର କାମାତି କାତା ଜିରୁସାଲମ କୁଲମିତା ଝେହନାୟି

୧ ଜୀହୁଦିଆଆଡାରି ଜିକେଏ ମାହାପୁରୁତି ବଲୁ ନାମିତେରି, ଇ କାତା ପାଣ୍ଡି ଆଡ଼ାରି ଇଞ୍ଜା ଜୀହୁଦା ରାଜିତା ମାନି ତାୟିୟାଁ ଝେଚେରି □

୨ ପିତର ଏଚିବେଲା ଜିରୁସାଲମତା ୱାଡ଼େସି, ଏଚିବେଲା ତଲୁ ଦାପି ଆଡ଼ି ସୀୟୁୟାଁ ପିତର ତଲେ ବାଡିବାଦା ଆଡ଼େରି,

୩ “ନୀନୁ ଜୀହୁଦିଆଆଡି ଲକ୍ଷୁ ଇଲକାଣା ହାଜାନା ଏଞ୍ଜାରିତଲେ ତିଞ୍ଜାମାଞ୍ଜି □”

୪ ସାମା ପିତର ଇ ବାରେ କାତାଡି ମୁଲୁଟିଏ ଝେସାଲି ମାଟ୍‌ହାନା ଏଲେଇଚେସି □

୫ “ନୀନୁ ଜାପ ଗାଡ଼ାତା ପ୍ରାଡ଼ାନା କିହିମାଚେସଁ, ଇଞ୍ଜା ସେୟାଁଣା ହାପାନାତା ମେସ୍‌ସେସଁ, ଏନିକଁ ର କାଜା ହିମ୍‌ରିତି ସାରି କନତା ଆସାହାଁ ଲାକପୁରୁତି ତ୍ଵଇ ରେଟା ୱାହିମାଚେ, ଅଡେ ଏଡି ନା ପାଚେକା ୱାଡ଼େ;

୬ ନୀନୁ ଏମ୍‌ଆଁ ସିନିକିହାନା ଅଣପାଲି ମାଟ୍‌ହେସଁ, ଏମ୍‌ଆଁ ଦାରୁତିତି ସାଡ଼ିଗଟା କତାୟାଁ ତଲେ ତାକିନି ନାସ୍‌କାତି ଜନ୍ତ ଇଞ୍ଜା ଜାଡ଼ାତି ଜନ୍ତ ତ୍ଵରିୟାଁ ରାସ୍‌କା ଅଡେ ହାକୁଡ଼ି ପଟାୟାଁ ମେସ୍‌ସେସଁ,

୭ ଅଡେ ନାଜେ ଝେସାମାଞ୍ଜାନି ଇ ହାଡ଼ା ଜିକେଏ ଝେଚେସଁ, ‘ପିତର; ନିଜାମ୍‌, ପାୟାନା ତିନାମ୍‌!’

* ୧୦:୩୭ ୧୦:୩୮ ମୁଞ୍ଜିନାୟି † ୧୦:୪୭ ୧୦:୪୭ ମୁଞ୍ଜିନାୟି ‡ ୧୦:୪୮ ୧୦:୪୮ ମୁଞ୍ଜିନାୟି

୮ ସାମା ନାନୁ ଏଲେଇଚେଏ, 'ଆଏ ପ୍ରବୁ! ତୀଗାଆଗାଟି ଲାଗେଏ ପଢେଲଏତି କାଦି ନାନୁ ଏଚେଲାଝା ନା ଗୁଡିତା ଅହାହିଲଅଁ' ୮

୯ ସାମା ଅର ଦେବା ଲାକପୁରୁଚି ଈ ହାଡ଼ା ଝେସ୍ତାଚେ, 'ମାହାପୁରୁ ଏନାଆଁ ସୁବୁ କିହାମାନେସି, ଏନାଆଁ ନାନୁ ଲାଗେଏତାୟି ଇନାଆନି ୮'

୧୦ ଇଲାଆହୁଁ ତାନି ପାଲି ଆଡେ, ଅଡେ ତାୟୁ ଏ ବାରେ ଝେଣ୍ଡେ ଲାକପୁରୁ ଅଢ଼ିଆଡେ ୮

୧୧ ଅଡେ ମେହ୍ଦୁ, ଦେବୁଣିଏ ତାନି ଜାଣା ଲକୁ ମାୟୁ ଆମିନି ଇଲୁତା ମାଚମି ଏମ୍ବାଆଁ ଝାହାନା ନିଚେରି, ଏଝାରି କାୟିସରିୟାଟିଏ ନା ତାଣା ପାଣ୍ଡୁଝି ଆହାମାଚେରି ୮

୧୨ ଇଞ୍ଜା ଆନାମାନା ଆଆନା ଏଝାରିତଲେ ହାଜାଲି ଜୀବୁ ନାଜେ ଝେସ୍ତାଚେ, ଅଡେ ଇ ସ ଜାଣା ତାୟିୟା ଜିକେଏ ନା ତଲେ ଜାପଟି କାୟିସରିୟାତା ଝାଡେରି, ଇଞ୍ଜା ମାୟୁ ଏ କର୍ନଲିୟ ଇଜ ହାଚମି ୮

୧୩ ଏଝାସି ଏନିକଁ ର ଦୁଡୁଇ ସେୟାଣା ହାପାନାତା ମେସାମାଚେସି, ଏନାଆଁ ମାଜେ ଝେସ୍ତାଚେସି, ଏ ଦୁଡୁ ଏନିକଁ ଏଝାଣି ଇଜ ନିଗାନା ଝେସ୍ତେ, ଜାପତା ଲକୁଣି ପାଣ୍ଡାମା ପିତର ଇନି ସିମନଇଁ ହାଟାତାମ୍ବୁ;

୧୪ ଏଝାସି ମିଜେ ଝେସ୍ତାନି କାତାତଲେ 'ମୀରୁ ଅଡେ ମୀ ବାରେ କୁଟମି ଗେଲପି ଆଡେରି ୮'

୧୫ ତାୟୁ ନାନୁ ଜଲାଲି ମାଟୁହାଲିଏ ସୁଦୁଜୀବୁ ମା ଲାକ ଏନିକଁ ରେଟାଝାଡେ, ଏଲେକଁ ଏଝାରି ଲାକ ଜିକେଏ ରେଟାଝାଡେ ୮

୧୬ ଏଚିବେଲା ପ୍ରବୁ ଝେସି ଇ ହାଡ଼ା ନା ଅଣପୁତା ଝାଡେ; 'ଜହନ ଏୟୁତଲେ ବାପ୍ରିସ୍ତା* ହୀଡେସି ସାତା, ସାମା ମୀରୁ ସୁଦୁଜୀବୁ ତଲେ ବାପ୍ରିସ୍ତା† ଆଡେରି ୮'

୧୭ ଇଚିହଁ ମୀରୁ ପ୍ରବୁ ଜୀସୁ କ୍ରୀସ୍ତ ତାଣା ନାମିତି ବେଲାତା ମାହାପୁରୁ ଏନିକଁ ମାଜେ ଆମିନି ଦାନା ହୀହାମାଞ୍ଜାଚେସି, ଏଲେକିହଁ ଏ ଏଝାରାକି ଜିକେଏ ସମାନା ଦାନା ହୀଡେସି; ନାନୁ ଆମ୍ବାଆଚେଏଁ ମାହାପୁରୁଇଁ କାହି କିହାଲି ଆଡିଇଁ ୮"

୧୮ ଏଝାରି ଇ ବାରେ କାତା ଝେଞ୍ଜାଲିଏ ଏଝାରି ପାଲେଏ ଆଡେରି, ଇଞ୍ଜା ମାହାପୁରୁଇଁ ଜହରା କିହଁ ଏଲେଇଚେରି, "ଆଚିହଁ ମାହାପୁରୁ ଜୀହୁଦିଆଆତି ଲକୁକି ଜିକେଏ ହିୟା ଝେଟୁହାଲି ଅଡେ ନୀତାଲି ପାରୁ ହୀହାମାନେସି ୮"

ଆନ୍ତ୍ରିୟକିୟା କୁଲମି

୧୯ ଏଚେଟିଏ ସ୍ତ୍ରିପାନ ହାଡ଼ି ତାୟୁ, ଏଚେକା ନାମ୍ବାଗାଗାରି କସ୍ତ ନିଦା ଆଡାକି ଆଲାବା ଆହାମାଗାରି ବିତ୍ତାଟି, ପୟିନିକିୟା, କୁପ୍ର ଅଡେ ଆନ୍ତ୍ରିୟକିୟା ପାଚେକା ରେଜାନା ଝାରଇ ଜୀହୁଦି ଲକୁ ପିସପେ ଅଡେ ଆମ୍ବାଆରି ତାଣା ନେହଁ କାରୁ ଝେସିହିଲାଆଡେରି ୮

୨୦ ସାମା ଏଝାରି ବିତ୍ତାଟି ଏଚରଜାଣା କୁପ୍ର ଅଡେ କୁରିଣିୟ ଲକୁ ଆନ୍ତ୍ରିୟକିୟା ଝାହାନା ଗ୍ରିକ ଲକୁତାଣା ଜିକେଏ କାତା ଝେସିହଁ ପ୍ରବୁ ଜୀସୁତି ନେହଁ କାରୁ ଝେକହେରି ୮

୨୧ ଅଡେ, ଏଝାରିତଲେ ପ୍ରବୁତି ବାଡୁୟୁ ମାଚେ, ଅଡେ ହାଡେର ହାଡେରକା ଲକୁ ନାମାହାଁ ପ୍ରବୁ ଝାକି ଝେଣ୍ଡାଝାଡେରି ୮

୨୨ ଏଝାରି ହାଡ଼ା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଝାରି ଆନ୍ତ୍ରିୟକିୟା ପାଚେକା ବର୍ନବାଇଁ ପାଣ୍ଡାଚେରି ୮

୨୩ ଏଝାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା ରାହାଁ ଆଡେସି, ଇଞ୍ଜା ଏଝାରି ଏନିକଁ ହିୟାତା ରଣିଏ ରାହାଁତଲେ ପ୍ରବୁ ତାଣା ମାନାପେରି ଇଞ୍ଜା ଏଝାରାକି ବାର୍ସୁ ହୀଡେସି ୮

୨୪ ବର୍ନବା ର ନେହଁ ଲକୁ, ନାମ୍ବାତା ଇଞ୍ଜା ସୁଦୁଜୀବୁ ବେଗାଆହାମାନାସି ମାଚେସି, ଇଞ୍ଜା ଇଲେତି ବଲୁ ଝେକନି ତାଣା ହାଡେରକା ଲକୁ ପ୍ରବୁ ତାଣା ଆଣ୍ଡିଚେରି ୮

୨୫ ତାୟୁ ବର୍ନବା ସାଝୁଲଇଁ ପାରାଲି ତାର୍ଯ୍ୟ ଗାଡ଼ାତା ହାଚେସି,

୨୬ ଇଞ୍ଜା, ଏଝାସି ଏଝାଣାଇଁ ବେଗାଆହାନା ଆନ୍ତ୍ରିୟକିୟାତା ତାଚିହଁ ଝାଡେସି, ଏଝାରି ର ବାର୍ଯ୍ୟ ପାଚେକା କୁଲମି ତଲେ ମାଞ୍ଜାନା ହାଡେରକା ଲକୁଣି ଜାପୁହେରି, ଅଡେ ଆନ୍ତ୍ରିୟକିୟାତି ସୀସୁୟାଁ ତଲିଏ କ୍ରୀସ୍ତାନା ଇଞ୍ଜା ଝେଜିଚେରି ୮

୨୭ ଏଚିବେଲାତା ଏଚରଜାଣା ମାହାପୁରୁ ଅଣ୍ଡପୁତି ବଲୁ ଝେହନାରି ଜିରୁସାଲମତି ଆନ୍ତ୍ରିୟକିୟାତା ଝାଡେରି ୮

* ୧୧:୧୭ ୧୧:୧୭ କାମା ୧:୫ * ୧୧:୧୭ ୧୧:୧୭ମୁଞ୍ଜିନାୟି † ୧୧:୧୭ ୧୧:୧୭ମୁଞ୍ଜିନାୟି * ୧୧:୧୯ ୧୧:୧୯ କାମା ୮:୧-୪

୨୮ ✧ ଏଞ୍ଜର ବିଦ୍ରାଢି ଆଗାବ ଦରୁଗାଟି ର ଲକ୍ଷ୍ମ ନିଜ୍ଞାନା ବାରେ ଦାରୁଡିତା କାଜା କାଡ଼ାରା ଆଡେ ଇଞ୍ଜିଁ ଜାଞ୍ଜିତ ବାଡ଼ୁରୁ ତଲେ ଖେପ୍ରେସି; ଏଦି ଲ୍ଲାଞ୍ଜୁଦିୟା ସାଲ୍ଲଖି କିନାଣି ବେଲାତା ଆଡେ □

୨୯ ଏମ୍ବାଟିଏ ସାମ୍ବୟାଁ ତାମ୍ବୁଡ଼ାମି ଆଡ଼ିନି ଲେହେଁ ଜାହୁଦା ରାଜିତା ମାନି ନାମିତି ତାୟିୟାକି ସାଫେମି କିୟାଲି ତାରି କିଡେରି,

୩୦ ଅଡେ, ଏଞ୍ଜରି ଜିକେଏ ଟାକାୟାଁ କୃଡ଼ି କିହାନା ଏ କୁଲମିତି ପ୍ରାଟିନାଜା କେୟୁତା ହାହାଲି ବର୍ନବା ଅଡେ, ସାଞ୍ଜୁଲ କେୟୁତା ଟାକାୟାଁ ପାଣ୍ଡିଡେରି □

୧୨

ହାରେକା ସାସ୍ତି ପାଣ୍ଡନାୟି

୧ ଏଟିବେଲାତା ରାଜା ହେରଦ କୁଲମିତି ଏତର ଜାଣାଇଁ ସାସ୍ତି ହାହାଲି ମାଟ୍‌ହେସି □

୨ ଏଞ୍ଜାସି ଜହନତି ତାୟି ଜାକୁବଇଁ କାଣ୍ଡାତଲେ ପାୟି କିଡେସି □

୩ ଅଡେ, ଜାହୁଦି ଲକ୍ଷ୍ମ ଏଞ୍ଜାଣି ତାକି ରାହାଁ ଆହାମାନାଣି ମେସାନା ଏଞ୍ଜାସି ପିତରଇଁ ଜିକେଏ ଆସ୍ତେସି, ଏଟିବେଲାତା ପୁଲ୍ଲା ଆଣ୍ଡାଆତି ରୁଟି ତିନି ପାର୍ବୁ ମାରେ □

୪ ଏଚେଟିଏ ଏଞ୍ଜାସି ପିତରଇଁ ଦସପାନା କାୟିଦି ଇଲୁତା ଇଟିଡେସି, ଇଞ୍ଜାଁ ପିସପିଆନି ପାର୍ବୁ ରାଡ଼ି ତାୟୁ ଏଞ୍ଜାଣାଇଁ ବାରେ ଲକ୍ଷ୍ମ ନକିତା ତାଚାଲି ଅଣ୍ଡପାନା ଏଞ୍ଜାଣାଇଁ କାଚାଲି ସାରି ଜାଣା ଲାକା ସାରି ଗଟି କସ୍‌କା କେୟୁତା ହେରପିଡେସି □

୫ ପିତରଇଁ କାୟିଦିତା ସୁଣ୍ଡିଡେରି, ସାମା ଏଞ୍ଜାଣି ତାକି କୁଲମି ରଣ୍ଡିଏ ହିୟାଁ ତଲେ ମାହାପୁରୁ ତାଣା ପ୍ରାଡ଼ାନା କିହିମାରେରି □

ପିତର କାୟିଦି ଇଲୁଟି ଗେଲ୍‌ପି ଆନାୟି

୬ ତାୟୁ ହେରଦ ଆମିନି ଦିନା ପିତରଇଁ ହପ୍‌ହାଲି ଅଣ୍ଡପାମାରେସି, ଏ ନେଟୁ ଲାଆଁୟାଁ ପିତର ରା ହିକିଣିୟାଁ ତଲେ ଦସପି ଆହାନା ରା କସ୍‌କା ମାଦି ତୁରାମାରେସି, ଅଡେ କାଃଆନାରି କାୟିଦି ଇଲୁ ଦୁଝେରିତା କାଚାମାରେରି □

୭ ଅଡେ ମେହ୍‌ଦୁ, ଦେବୁଣିଏ ପ୍ରବୁଡି ର ଦୁଟୁ ଏମ୍ବାଆଁ ତଞ୍ଜାଆଡେ, ଇଞ୍ଜାଁ ଇଲୁ ବିଡ୍ରା ଉଜେଡ଼ି ଆହାହାରେ, ଅଡେ ପିତରଇଁ ବମିତା ତାଗାହାଁ ନିକହାନା ଏଲେଇଚେ, “ତବେ ନିଜ୍ଞାମ୍, ” ଏମ୍ବାଟିଏ ଏଞ୍ଜାଣି କେସ୍‌ପାତି ହିକିଣିୟାଁ ତୁଜାହାଟୁ □

୮ ଏଚେଟିଏ ଦୁଟୁ ଏଞ୍ଜାଣାଇଁ ଏଲେଇଚେ, “ଚେଡେଲି ରୁପା କତାମ୍ ଇଞ୍ଜାଁ ସେପୁୟାଁ ତୁରମ୍” ଇଞ୍ଜାଁ ପିତର ଏଲେକିଡେସି, ଅଡେ ଦୁଟୁ ଏଲେଇଚେ, “ନୀ ହିମ୍ବୁରି ପରହାନା ନା ଜେଚ ଜେଚ ଖାମ୍” □

୯ ପିତର ହଚାନା ଏଞ୍ଜାଣି ଜେଚ ଜେଚ ହାରେସି; ସାମା ଦୁଟୁ ତାଣାଟି ଏନାଆଁ କିଞ୍ଜିଆଡେ, ଏଦି ସାଡେଏ ଏନାଆଁ ପୁନାଆନା ଏଞ୍ଜାସି ହାପାନା ହେଣ୍ଡିମାଇଁ ଇଞ୍ଜିଁ ଅଣ୍ଡପିମାରେସି □

୧୦ ଏଟିବେଲାତା ଏଞ୍ଜାରି ନକିତି ଅଡେ ଏଦାଣି ତାୟୁ କାଚାମାଚାରାଇଁ ଗାଣ୍ଡାଚାନା ଆମିନି ଲହ ଦୁଝେରି ହାହାନା ଗାଡ଼ାତା ହଡ଼ାଲି ଆନେ, ଏଦାଆଁ ତାଗେ ଖାହାଲିଏ, ଏଚେତା ଏ ଦୁଝେରି ତାନ୍ତୁ ତାନ୍ତୁ ଏଞ୍ଜାଚାକି ଦେପି ଆହାହାରେ, ଅଡେ ଏଞ୍ଜାରି ହଚା ହାଜାନା ର ଆଂଗେଣି ମୁଟ୍‌ହାମାନି ପାଡେକା ହାଚେରି, ଇଞ୍ଜାଁ ଦେବୁଣିଏ ଏ ଦୁଟୁ ଏଞ୍ଜାଣାଇଁ ପିସା ହାଚେ □

୧୧ ଏଚେଟିଏ ପିତର ସେଡନା ଆହାନା ଏଲେଇଚେସି, “ପ୍ରବୁ ତାନି ଦୁଟୁଇଁ ପାଣ୍ଡାନା ହେରଦ କେୟୁଟି ଅଡେ ବାରେ ଜାହୁଦି ଲକ୍ଷ୍ମ ଅଣ୍ଡପିମାଟି ତାଣାଟି ପିସପି କିହାଁ ମାଞ୍ଜାନେସି, ଇଦାଆଁ ନୀର୍ବ ନାନ୍ତୁ ସାଡେଏ ପୁଚେର୍ବି □”

୧୨ ଏଞ୍ଜାସି ଇ କାତା ଅଣ୍ଡପିହଁ ମାର୍କ ଦରୁଗାଟି ଜହନ ତାମି ଇୟା ମରିୟମାନି ଇଜ ହାଚେସି; ଏମ୍ବାଆଁ ହାରେକା ଲକ୍ଷ୍ମ ରୁଣ୍ଡା ଆହାନା ପ୍ରାଡ଼ାନା କିହିମାରେରି □

୧୩ ପିତର ପାଜାଟି ଦୁଝେରିତା ଝେଡାଲିଏ, ରଦା ଦରୁଗାଟି ର ହଫେଲି ଆମ୍ବାଆଡେରି ଇଞ୍ଜିଁ ଝେଞ୍ଜାଲି ହାଚେ □

୧୪ ଏଦି ପିତରତି ହାଡ଼ା ଝେଞ୍ଜାନା ରାହାଁତାକି ଦାଚା ଦେଞ୍ଜାଆନା ବିଡ୍ରା ଦାବଡ଼ି ହାଜାନା ଦାଚା ତାକିତା ପିତର ନିଚାମାନେସି ଇଞ୍ଜିଁ ଝେପ୍ରେସି □

୧୫ ଏଞ୍ଜରୀ ଏଦାନି ଏଲେଇଚେରି, “ନୀନୁ ବାୟା ଆଡ଼ିକି ଇଞ୍ଜିଁ ଇଚେରି,” ସାମା ଏଦି ଏଦାଆଁ ସାତା ଇଞ୍ଜିଁ ଗାଡ଼ିକିହିଁ ଖେସ୍ତେ, ଇଞ୍ଜିଁ ଏଞ୍ଜାରି ଏଲେଇଚେରି, “ଏଦି ଏଞ୍ଜାଣି ଦୁତୁଁ”

୧୬ ସାମା ପିତର ଦାରାତା ଅଲେ ଅଲେ ଖେଚିମାଚାକି, ଏଞ୍ଜାରି ଦାରା ଦେଚାନା ଏଞ୍ଜାଣାଇଁ ମେସାନା କାବା ଆଡେଚରି □

୧୭ ସାମା ଏଞ୍ଜାସି ଏଞ୍ଜାରାଇଁ ପାଲେଏ ମାଞ୍ଜାଲି କେୟୁ ଜୀଞ୍ଜିତେସି, ଇଞ୍ଜିଁ ପ୍ରବୁ ଏଞ୍ଜାଣାଇଁ ଏନିକିଁ କାୟିଦି ଇଲୁଚି ହସ୍ତହା ତାଚେସି ଏଞ୍ଜାରାଇଁ ଖେସ୍ତେସି, ଅଡେ ଏଞ୍ଜାସି ଏଲେଇଚେସି “ଇ ବାରେ କାତା ଜାକୁବ ଅଡେ ବାରେ ନାମିତି ତାୟିୟାଇଁ ଖେସ୍ତୁ,” ଇଞ୍ଜିଁ ଏଞ୍ଜାସି ତାକିହିଁ ଅର ଗାୟୁତା ହାଜାତୁସ୍ତେସି □

୧୮ ଲାଇ ଖେୟାଲିଏ ପିତର ଆୟିୟା ହାଚେସି ଇଞ୍ଜିଁ କାପୁ କାଞ୍ଜିଆନି କସ୍ତାକା କାବାଆହାନା ହାଚେକା ବିଲିକି ଆଡେଚରି ?

୧୯ ଅଡେ, ହେରଦ ଏଞ୍ଜାଣାଇଁ ପାରି କିହାନା ପ୍ଲାଞ୍ଜାଲିଏ, କାପୁ କାଞ୍ଜିନାରାଇଁ ଖେଚି ତାୟୁ, ଏଞ୍ଜାରାଇଁ ପାୟାଲି ହୁକୁମି ହାଚେସି □ ଏଦାଆଁ ତାୟୁ ହେରଦ ଜାହୁଦା ରାଜିଚି କାୟିସରିୟାତା ହାଜାନା ଏଦାଆଁ ଡୟିଚେସି □

ହେରଦ ହାନାୟି

୨୦ ଏଚିବେଲା ହେରଦ ସର ଅଡେ ସିଦନତି ଲକୁତାକି ଆଜିହସ୍ତେପତି କପା ଆହାମାଚେସି, ଅଡେ ଏଞ୍ଜାରି ରଣ୍ଡିଏ କାତା ଆହାନା ଏଞ୍ଜାଣି ତାଣା ଖାଚେଚରି, ଇଞ୍ଜିଁ ରାଜା ଇଲୁଚି ଲୁସ୍ତସ୍ତ ଇନି ସାଲୁଖି କିନାଣାଇଁ ତାମି ଖାକି କିହାନା, ରାଜାଇଁ ହିଡ଼ଡ଼ି ତାକି ବାଡ଼ିମାଲିଚେଚି, ଇଚିହିଁ ହେରଦ ରାଜା ଦେସାଚି ସର ଅଡେ ସିଦନ ଦେସାତା ଆନାଁ ହାଜିମାଚେ □

୨୧ ଏଚେଚିଏ ହେରଦ ତୀରିକିତି ଦିନାତା ରାଜା ହୁଚିନି ହିମ୍ବରିକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଖେସ୍ତେସି;

୨୨ ଏଚେଚିଏ ଲକୁ କାଲୁଖି ଆହୁଁ ଏଲେଇଚେଚି, “ଇଦି ମାହାପୁରୁତି ଗିୟାଁ, ମାଣ୍ଡସିତି ଗିୟାଁ ଆଏ □”

୨୩ ଏ ଦେବୁଣିଏ ପ୍ରବୁଚି ର ଦୁତୁ ହେରଦଇଁ ତୀରିଚେ, ଇଚିହିଁ ଏଞ୍ଜାସି ମାହାପୁରୁଇଁ ଜହରା କିଆଚେସି, ଇଞ୍ଜିଁ ଏଞ୍ଜାଣାଇଁ ପିଡ଼ୁଲୁଲି ତିଞ୍ଜାଲିଏ ଏଞ୍ଜାସି ହାଚେସି □

୨୪ ସାମା ମାହାପୁରୁଚି ବଲୁ ପାତାଆହାନା ହାଚେକା ଖେଜିଚେ □

୨୫ ତାୟୁ ବର୍ନବା ଅଡେ ସାଞ୍ଜୁଲ ତାମି ସେବା କାମା ରାପୁହାନା ଜହନ ଇନି ମାର୍କଇଁ ତଡୁ କିହାନା ଜିରୁସାଲମଚି ଖେଣ୍ଡା ହାଚେଚି □

୧୩

ବର୍ନବା ଅଡେ ସାଞ୍ଜୁଲଇଁ ଆଗାନା ପାଣ୍ଡିନାୟି

୧ ଏଚିବେଲା ଆକ୍ରିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି, କୁରିଣି ଦେସାଚି ଲୁକିୟ, ହେରଦ ରାଜା ତାୟିଲେହେଁ ପାତାଆଡ଼ି ମନହେମ ଅଡେ ସାଞ୍ଜୁଲ, ଆକ୍ରିୟକିୟାତା ମାଚି କୁଲମିତା ମାହାପୁରୁ ଅଣପୁଚି ବଲୁ ଖେହ୍ନାରି ଅଡେ ଜାପନାରି ମାଚେଚି □

୨ ଏଞ୍ଜାରି ପ୍ରବୁଚି ସେବା ଅଡେ ଉପାସା କିହିମାଚାଚି, ସୁଦୁଜାସୁ ଏଞ୍ଜାରାଇଁ ଏଲେଇଚେ, “ନୀନୁ ଆମିନି କାମାତାକି ବର୍ନବା ଅଡେ ସାଞ୍ଜୁଲଇଁ ହାଚାମାଇଁ, ଏ କାମାତାକି ଏଞ୍ଜାରାଇଁ ଏଟକା କିଦୁ □”

୩ ଏଚେଚିଏ ଏଞ୍ଜାରି ଉପାସା ଅଡେ ପ୍ରାଡାନା କିଚି ତାୟୁ ଏଞ୍ଜାରି ତାକାଣା କେସ୍ତା ଇଚାନା ଏଞ୍ଜାରାଇଁ ହେରପାନା ପାଣ୍ଡିଚେଚି □

କୁପ୍ରତା କାମା

୪ ଇଲେଆହୁଁ ବର୍ନବା ଅଡେ ସାଞ୍ଜୁଲ ସୁଦୁଜାସୁ ତଲେ ପାଣ୍ଡି ଆହାନା ସେଲୁକିୟାତା ହାଚେଚି; ଇଞ୍ଜିଁ ର ସାମଦୁରି ଜାଜାତା ହଚାନା କୁପ୍ରତା ହାଚେଚି □

୫ ଏଞ୍ଜାରି ସାଲମି ଗାଡ଼ାତା ଏଗାହାଜାଲିଏ ଜାହୁଦି ଲକୁଚି ବାରେ ଜାହୁଦି ଲକୁଚି କୁଚି ଇଲୁକାଣା* ମାହାପୁରୁଚି ବଲୁ ଖେକହାଲି ମାଟୁହେରି; ଅଡେ, ଜହନ ମାର୍କ ଜିକେଏ ସାୟିନି କିୟାଲି ଏଞ୍ଜାରିତଲେ ମାଚେସି □

* ୧୩:୫ ୧୩:୫ ସିନଗର

୭ ଇଞ୍ଜା ଏଞ୍ଜାରି ଏ ଦେସା ମାଦିଚି ରେଜିହଁ ପାପସ ଗାଡ଼ାତା ହାଚେରି; ଏମାଆଁ ଏଞ୍ଜାରି ବାରୁ-ଜାସୁ, ଦରୁଗାଚି ର ଜାହୁଦି ଗାରୁଡ଼ି ଗାଟାଣାଇଁ ବେଟାଆଡ଼େରି, ଏଞ୍ଜାସି ମିଚି ମାହାପୁରୁ ବଲୁ ଝେହ୍ନାସି □

୮ ଏ ଦେସା ସାଲୁଝି କିନି ସେଗର୍ ଯ ପାଞ୍ଜୁଲ ତଲେ ମାଚେସି, ଏ ସାଲୁଝି କିନାସି ର ବୁଦିଗାଟାସି, ଏଞ୍ଜାସି ସାଞ୍ଜୁଲ ଅଡ଼େ ବର୍ନବାଇଁ ହାଡ଼ି କିହାନା ମାହାପୁରୁଚି କାତା ଝେଞ୍ଜାଲି ଅଣ୍ଡପିମାଚେସି □

୯ ସାମା ଏ ଗାରୁଡ଼ିଗାଚି “ଏଲିମା” ଇଦି ଗ୍ରିକ୍ ଦରୁ ଏ ସାଲୁଝି କିନାଣାଇଁ ନାମୁଚି ପିସ୍ପିକିନି ଅଣ୍ଡପୁ ତଲେ ଏଞ୍ଜାରାଇଁ ବାଦା ହାଚେସି □

୧୦ ସାମା ସାଞ୍ଜୁଲ ଆମ୍ବାଆରାଇଁ ପାଞ୍ଜୁଲ ଜିକେଏ ଇନେରି, ସୁଦୁଜାଞ୍ଜୁଚି ନେଞ୍ଜାନା; ଏଲିମାଇଁ ସିନିକିଚେସି,

୧୧ ଅଡ଼େ ଏଲେଇଚେସି, “ଆଡ଼େ ସୟତାନ ମୀରୁଏଣାତି, ବାରେଲେହେଟି ନାଡ଼ିକିନି ଲାଗେଏଚି ଅଣ୍ଡପୁତା ନେଞ୍ଜାମାନାଚି, ଅଡ଼େ ବାରେ ନେହଁ କାମାଚି ସାଡୁ, ନୀନୁ ପ୍ରବୁଚି ସଲକେ ଜିରୁଚି ଲାଗେଏ କିହାଲି ପିହ୍ଅଚି କି ?

୧୨ ଅଡ଼େ ନୀର୍ସ ମେହ୍ମୁ ପ୍ରବୁଚି କେୟୁ ନୀ ଲାକ ମାନେ; ଇଞ୍ଜା ନୀନୁ କାଣା ଆହାନା ଗାଡ଼େକା ତାକି ଝେଡ଼ାଚି ଉଜେଡ଼ି ମେହ୍ଅଚି □” ଏ ଦେବୁଣିଏ ଏଲିମା କାଣକାତା ଦୁନ୍ଦା ପଜିଚି ଲେହେଁ ଆଡ଼େ ଇଞ୍ଜା ତାନି କେୟୁ ଆର୍ସାଁ ଜିରୁ ତସାଲି ରଅଣାଇଁ ପାରିଚେସି □

୧୩ ଇଦାଆଁ ମେସାନା ସାଲୁଝି କିନାସି ପ୍ରବୁଚି ଜାପୁନାଣି ଝେଞ୍ଜାନା କାବାଆହାନା ନାମିଚେସି □

ପିସିଦିୟାଚି ଆନ୍ତ୍ରିୟକିୟାତା କାମା

୧୪ ତାୟୁ ପାଞ୍ଜୁଲ ଅଡ଼େ ତାନି ତଣେସିଙ୍ଗା ପାପସ୍ପିଏ ସାମ୍ବୁରି ଜିରୁଚି ହାଜାନା ପଂପୁଲିୟା ଗାଡ଼ାଚି ପଗର୍ ତା ଝାଡ଼େରି; ସାମା ଜହନ ମାର୍କ ଏଞ୍ଜାରାଇଁ ପିସାନା ଜିରୁସାଲମତା ଝେଣ୍ଡାହାଚେସି □

୧୫ ଏଞ୍ଜାରି ପଗର୍ ଚି ହାଜାନା ପିସିଦିୟାଚି ଆନ୍ତ୍ରିୟକିୟାତା ଏଗାହାଚେରି, ଅଡ଼େ ଜମିନି ଦିନା ଜାହୁଦି ଲକୁଚି କୁଟମି ଇଲୁଡାଁ ହାଜାନା କୁଗିଚେରି □

୧୬ ଅଡ଼େ, ମସା ରାଚିଚି ମେରା ଇଞ୍ଜା ମାହାପୁରୁ ଅଣ୍ଡପୁଚି ବଲୁ ଝେହ୍ନାରି ପଚି ପଡ଼ଝି ଆଡ଼ି ତାୟୁ, ପ୍ରାଡାନା ଇଲୁଚି କାଜାରି ଏଞ୍ଜାରିତାଣା ଏଲେଇଞ୍ଜି ଝେସା ପାଣ୍ଡିଚେରି; “ତାୟିୟାଁ, ଲକୁତାକି ବାର୍ସୁ ହୀନି କାତା ମାଚିହଁ ଝେହ୍ନୁ □”

୧୭ ଏଚେଟିଏ ପାଞ୍ଜୁଲ ନିଚାନା ଲକୁଣି କେୟୁ ତସିହଁ ଏଲେଇଚେସି; “ଇସ୍ରାୟେଲ ଲକୁଚେରି ଇଞ୍ଜା ଜାହୁଦିଆଆଚି ଲକୁଚେରି ଅଡ଼େ ମାହାପୁରୁଇଁ ଆଜିନାଚେରି ନା କାତା ଝେଞ୍ଜୁ □”

୧୮ ଇ ଇସ୍ରାୟେଲ କୁଡ଼ାଚି ମାହାପୁରୁ ମା ଆକୁ ଆବାୟାଣି ଆଚିଚେସି, ଅଡ଼େ ଏଞ୍ଜାରି ମିସର ଦେସାତା ବାସା କିହାମାନି ବେଲାତା, ଏଞ୍ଜାରାଇଁ ପାଚି କିଚେସି, ଇଞ୍ଜା ବାଡ଼ୟୁ ଗାଚି କେୟୁତଲେ ଏଞ୍ଜାରାଇଁ ହପୁହା ତାଚେସି,

୧୯ ତାୟୁ ରୀ କଡ଼ି ବାର୍ସା ପାଚେକା ବାଝଲି ବାଟାତା ଏଞ୍ଜାସି ଏଞ୍ଜାରି ଲେମ୍ବିନାଣି ଅରୁହଚେସି □

୨୦ ଏଞ୍ଜାସି କିଣାନ ଦେସାଚି ସାଡ଼ାଗାଟା କୁଡ଼ାଚି ଲକୁଣି ନାସା କିହାନା ତାନି ଆଡ଼ାମାନି ଲକୁକି ଏ ଦେସାଚି ଅଦିକାରା ହାଚେସି □

୨୧ ସାଚି ଝାଞ୍ଜା ରୀ କଡ଼ି ଦସ ବାର୍ସା ବିଡ଼ା ଇ ବାରେ ଆଡ଼େ □ ଏଚେଟିଏ ମାହାପୁରୁ ଅଣ୍ଡପୁଚି ବଲୁ ଝେହ୍ନି ସାମ୍ବୁୟେଲ ପାଚେକା ବିଚାରା କିନାରାଇଁ ଆଚିଚେସି □

୨୨ ଏମାଚିଏ ଏଞ୍ଜାରି ର ରାଜାଇଁ ହିୟାପୁ ଇଞ୍ଜୁଁ ରୀସାଲିଏ ମାହାପୁରୁ ରୀ କଡ଼ି ବାର୍ସା ପାଚେକା ବିନାମିନି କୁଡ଼ାଚି କିଏ ମୀରୁଏସି ସାଞ୍ଜୁଲଇଁ ରାଜା ଆହାଲି ହାଚେସି □

୨୩ ତାୟୁ ମାହାପୁରୁ ଏଞ୍ଜାଣାଇଁ ରାଜା ପାଣା ପିସ୍ପି କିହାନା, ଏଞ୍ଜାରି ରାଜା ଆହାଲିତାକି ଦାଞ୍ଜୁଦଇଁ ଆଚିଚେସି, ମାହାପୁରୁ ଜିକେଏ ଏଞ୍ଜାଣି କାତା ସାକି ହାହାନା ଏଲେଇଚେସି; “ନୀନୁ ଜିସି ମୀରୁଏସି ଦାଞ୍ଜୁଦଇଁ ବେଟାଆହାମାଇଁ, ଏଞ୍ଜାସି ନା ହିୟାଚି ଅଣ୍ଡପୁ ଲେହେଁତାସି, ଏଞ୍ଜାସି ବାରେ କାତାତା ନା କାତା ମାନଝି ଆନେସି □”

୨୪ ଏଞ୍ଜାଣି କୁଡ଼ାଚି ମାହାପୁରୁ ଆଞ୍ଜାମାଚି ଲେହେଁ ଇସ୍ରାୟେଲ ଲକୁତାକି ର ଗେଲ୍ପିନାଣାଇଁ ଇଚିହଁ ଜାସୁଇଁ ଜାନି କିହାମାନେସି □

† ୧୩:୧୪ ୧୩:୧୪ ସିନଗର

୨୪ *ଜୀମୁ ତାନି କାମା ମାତୁନି ନଚେଏ, ଜହନ ଇସ୍ରାୟେଲତି ବାରେ ଲକୁ ନକିତା ପାପୁତି ଝେଣ୍ଡିନି କାତା ଅଡେ ବାପୁସ୍ତଃ ଅନି କାତା ଝେକ୍‌ହା ମାଚେସି []

୨୫ *ଅଡେ ଜହନ ତାନି କାମା ରାପୁହିମାଟି ବେଲାତା ଲକୁଣି ଏଲେଇଚେସି, “ନାଜେ ମୀରୁ ଆମ୍ବାଆସି ଇଞ୍ଜି ଅଣ୍ଡିମାଞ୍ଜାଦେରି ନାନୁ ଏଞ୍ଜାଚେର୍ଏ ଆଏ, ସାମା ମେହ୍‌ଦୁ ନା ତାୟୁ ରଅସି ଝାହିମାନେସି, ଏଞ୍ଜାଣି କତାତି ସେପୁୟା ହୁକହାଲି ନାନୁ ଜଗେ ଆର୍ଥ []”

୨୬ ଏ ତାୟି ତାଜିସ୍ତା, ଅଗ୍ରାହାମ କୃତାତି ମୀରକା ମାସ୍‌କାଚେରି, ଅଡେ ମୀ ତାଣାଟି ମାହାପୁରୁଇଁ ଆଜିମାନି ଜାହୁଦିଆଆତି ଲକୁଚେରି; ମା ତାଣା ଇ ଗେଲପିଆନି ବଲୁ ପାଣ୍ଡି ଆହାମାଞ୍ଜାନେ []

୨୭ ସାମା ଏଞ୍ଜାସି ଗେଲପିନାସି, ଜିରୁସାଲମତା ମାନାରି ଅଡେ ତାନି ବାରେ କାଜାରି ଏଦାଆଁ ପୁଞ୍ଜାହିଲାଆଚେରି, ଅଡେ ବାରେ ଜମିନି ଦିନା ପଡ଼ି ଆହିମାନି ମାହାପୁରୁ ଅଣପୁତି ବଲୁ ଝେହନାରି କାତା ପୁଞ୍ଜିହିଲାଆଚେରି, ଆଡ଼ିଜକେଏ ଜୀୟୁଇଁ ଦହ୍ କିହାନା ମାହାପୁରୁ ବଲୁ ଝେହନାରି କାତା ପୁରା କିଚେରି []

୨୮ *ଅଡେ ଏଞ୍ଜାଣାକ ହାନି ତଣ୍ଡତି ଏନି ଦହ୍ ପୁଞ୍ଜାଆତି ଜିକେଏ ଏଞ୍ଜାଣାଇଁ ପାୟାଲି ପିଲାତଇଁ ବାତିମାଲିଚେରି []

୨୯ *ଏଞ୍ଜାଣି ତାକି ଦାମ୍ବୁ ସାପ୍ରେରିତା ବାରେ କାତା ରାସ୍‌କି ଆହାମାନେ, ଏଲେଆହୁଁ ବାରେ ଗଟ୍‌ଡି ଆଡ଼ି ଜେଚ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାଟି ରେପହା ତାଗାନା, ମାଡ଼ହା ଇଚିନି ଟାୟୁତା ଇଚିଚେରି []

୩୦ ସାମା ମାହାପୁରୁ ଏଞ୍ଜାଣାଇଁ ହାତାରି ତାଣାଟି ନିକହେସି,
୩୧ ଅଡେ ଆମିନି ଗାଗାରି ଗାଲିଲିଟି ଜିରୁସାଲମତା ତାନିତଲେ ଝାହାମାଚେରି, ଏଞ୍ଜାରି ହାରେକା ଦିନା ପାଚେକା ଏଞ୍ଜାଣାଇଁ ମେସ୍ତେରି; ଏଞ୍ଜାରି ଇସ୍ରାୟେଲ ଲକୁତାଣା ନୀର୍ଏ ଏଞ୍ଜାରି ସାକି []

୩୨ ଅଡେ ଆକୁ ଆବାୟା ନକିତା ମାହାପୁରୁ ଆଞ୍ଜାମାନାଣି ମାମ୍ବୁ ମିଜେ ଇ ନେହୁଁ କାକୁ ଝେସିମାଞ୍ଜାନମି;
୩୩ ଜୀୟୁଇଁ ମାହାପୁରୁ ନିକହାନା ଏଞ୍ଜାରି ମୀରକାତାୟି ମାର, ମାଜେତାକି ଏ ଆଞ୍ଜାମାନାଣି ପୁରା କିହାମାନେସି, ଏନିକ ରୀ ଲମ୍ବର ପାଚୁ ପତିତା ରାସ୍‌କି ଆହାମାନ,
“ନୀରୁ ନା ମୀରଏଣାତି;
ନୀଞ୍ଜୁଟିଏ ନାନୁ ନୀ ଆବାଚେର୍ଏ []”

୩୪ ଏଞ୍ଜାସି ହାତାରି ତାଣାଟି ଝେଣ୍ଡେ ନିକହାମାନେସି, ଏଞ୍ଜାସି ସୀରୁନି ତାଣା ହାଲଅସି ଇଞ୍ଜିଁ ମାହାପୁରୁ ଝେସାମାନେସି;
“ନାନୁ ଦାସ୍ତୁଦ ନକିତା ଆଞ୍ଜାମାନି ସୁଦୁ,
ଇଞ୍ଜାଁ ତାରି ଆନି ବର ମିଜେ ସାଚେଏ ହିୟାଇଁ []”

୩୫ ଇଞ୍ଜାଁ ଏଞ୍ଜାସି ଅଡେ ର ପତିତା ଏଲେଇଞ୍ଜା ମାନେସି,
“ନାନୁ ନୀ ତୀରି ଗାଟାଣାଇଁ ସୀରହାଲି ହାଅତି []”

୩୬ ଦାସ୍ତୁଦ ତାନୁ ରାକି କିହିମାଟି ବେଲାତା ଲକୁ ବିତ୍ତା ମାହାପୁରୁ ଅଣପୁ ତଲେ ସେବା କାମା କିତି ତାୟୁ ହାଚେସି, ଇଞ୍ଜାଁ ତାନି ଆକୁ ଆବାୟାଁ ଗଟତା ମୁସ୍‌ସି ଆହାନା ସୀରହେସି []
୩୭ ସାମା ମାହାପୁରୁ ଆମ୍ବାଆରାଇଁ ହାକିଟି ନିକହାମାନେସି ଏଞ୍ଜାସି ସୀରହା ହିଲଅସି []
୩୮ ଇଦାଆଁତାକି ଏ ତାୟିୟାଁ ଇଦାଆଁ ପୁଞ୍ଜୁ, ଇ ଜୀୟୁ ତାଣାଟି ମୀ ନକିତା ପାପୁତି ମୋକ୍‌ନି କାତା ଝେସିପି ଆହାମାନେ;
୩୯ ଅଡେ ମସାତି ଆମିନି ମେରାତି ବାରେ ତାଣାଟି ମୀରୁ ପିସ୍‌ସି ଆହାଁ ଦାମ୍ବୁଗାଟେରି ଆହାଲି ଆଡ଼ାଆଚେରି, ଇଞ୍ଜାଁ ନାନିମାନି ବାରେ ଲକୁ ଏଞ୍ଜାଣି ତାଣାଟି ଏ ବାରେ ତାଣାଟି ପିସ୍‌ସି ଆହାନା ଦାମ୍ବୁଗାଟାରି ଆନେରି []

୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣପୁତି ବଲୁ ଝେହନାରି ସାପ୍ରେରିତା ଏନାୟି ଝେସିପି ଆହାମାନେ, ଏନି ଏନିକ ମିଜେତାକି ଆୟେସି;
୪୧ “ମାହାପୁରୁଇଁ ଅପାଆ ଗାଟାଚେରି ମୀରୁ ମେସାନା, କାବା ଆହାଁ, ନାସା ଆଦୁ;
ଇଚିହୁଁ ମୀ ବେଲାତା ମାମ୍ବୁ ରୁ କାମା କିହିମାନମି,

* ୧୩:୨୪ ୧୩:୨୪ ମାର୍କି ୧:୪; ଲୁକ ୩:୩ † ୧୩:୨୪ ୧୩:୨୪ ମୁଞ୍ଜିନାୟି * ୧୩:୨୫ ୧୩:୨୫ ଜହ ୧:୨୦; ମାତି ୩:୧୧; ମାର୍କି ୧:୭; ଲୁକ ୩:୧୭; ଜହ ୧:୨୭ * ୧୩:୨୮ ୧୩:୨୮ ମାତି ୨୭:୨୨,୨୩; ମାର୍କି ୧୫:୧୩,୧୪; ଲୁକ ୨୩:୨୧-୨୩; ଜହ ୧୯:୧୫ * ୧୩:୨୯ ୧୩:୨୯ ମାତି ୨୭:୫୭-୬୧; ମାର୍କି ୧୫:୪୨-୪୭; ଲୁକ ୨୩:୫୦-୫୨; ଜହ ୧୯:୩୮-୪୨

ଅଡ଼େ ଏ କାମାତି ଆମ୍ବାଆସି ମୀ ନକିତା ଝେସ୍ତାନେସି,
ଏଦାଆଁ ମୀରୁ ଏନିଜିକେଏ ନାମଅଡେରି □”

୪୬ ପାଞ୍ଜଲ ଅଡ଼େ ବର୍ନବା ଜାହୁଦି ଲକ୍ଷୁତି କୁଟମି ଇଲୁଟି^୧ ହଡ଼ାହାନି ବେଲାତା ଝାନି ଜମିନି ଦିନାତା
ମାଜେ ଈ ବାରେ କାତା ଅଡ଼େ ଝେସ୍ତାଦୁ ଇଞ୍ଜି ଲକ୍ଷୁ ଏଞ୍ଜାରାଇଁ ବାତିମାଲିତେରି □

୪୭ ବେରଣି ରାତି ତାୟୁ ଏଚେକା ଜାହୁଦି ଅଡ଼େ, ଜାହୁଦି ଦାମ୍ବୁ ନାମିତି ଏଟ୍ଟକା କୁଡ଼ାତି ଲକ୍ଷୁ ବିତ୍ରାତି
ହାରେକା ପାଞ୍ଜଲ ଅଡ଼େ ବର୍ନବା ଜେଟ ହାରେରି; ପାଣ୍ଡୁଞ୍ଜି ଆଡ଼ାରି ଏଞ୍ଜାରିତଲେ କାତାବାର୍ତା ଆହୁଁ
ମାହାପୁରୁ କାର୍ମାତା ତୀରୁପୁ ଆହୁଁ ମାଞ୍ଜାଲି ଏଞ୍ଜାରାଇଁ ଝେସ୍ତେରି □

୪୪ ଇଞ୍ଜା ଅର ଜମିନି ଦିନାତା ଗାଡ଼ାତି ବାରେ ଲକ୍ଷୁ ମାହାପୁରୁ ବଲୁ ଝେଞ୍ଜାଲି ରୁଣ୍ଡା ଆଡେରି □

୪୫ ସାମା ଜାହୁଦିୟାଁ ଲକ୍ଷୁ ମାନ୍ଦାତି ମେସାନା ତାହାରା ଆଡେରି, ଇଞ୍ଜା ପାଞ୍ଜଲ କାତା କପାଟି
ନିନ୍ଦାକିହୁଁ ବାଡ଼ିବାଦା ଆଡେରି □

୪୬ ଏଚେଟିଏ ପାଞ୍ଜଲ ଅଡ଼େ ବର୍ନବା ସାସା ଆସାନା ଝେସ୍ତେରି, “ତଲିଏ ମୀ ତାଣା ମାହାପୁରୁତି ବଲୁ
ଝେସ୍ତାନାୟି ମାଚେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜାଞ୍ଜୁ ବେଟାଆହାଲି ପାଡ଼ା ଆଅମି
ଇଞ୍ଜି ଅଣପି ମାନାକି ମେହଦୁ ମାମ୍ବୁ ମିଜେ ପିସାନା ଜାହୁଦିଆଆତି ଲକ୍ଷୁତାଣା ହାଜିମାନମି □

୪୭ ଇତିହୁଁ ପ୍ରବୁ ମାଜେ ଈ ହୁକୁମି ହାହାମାଞ୍ଜାନେସି;
‘ନାନ୍ ମିଜେ ଜାହୁଦିଆଆତି ଲକ୍ଷୁତାକି ଉଜେଡ଼ି ଲେହେଁ କିହାମାଞ୍ଜାଇଁ,
ଏନିକିଁ ନାନ୍ ଦାରୁତିତି ହାନ୍ ମୁଟ୍ଟପେ ଗେଲପିନାଣି ତାଦି □”

୪୮ ଜାହୁଦିଆଆତାରି ଈ ହାଡ଼ା ଝେଞ୍ଜାନା ରାହାଁ ଆଡେରି; ଅଡ଼େ ମାହାପୁରୁତି ବଲୁତି ଗାଞ୍ଜୁରମି କିହାଲି
ମାଟ୍ଟହେରି, ଅଡ଼େ ଏଚେକା ଲକ୍ଷୁ କାଲ୍ଲକାଲ୍ଲାତି ଜାଞ୍ଜୁତାକି ଆଡ଼ୁଞ୍ଜି ଆହାମାଚେରି, ଏଞ୍ଜାରି ନାମିତେରି □

୪୯ ଇଞ୍ଜା ପ୍ରବୁତି ବଲୁ ଏ ରାଜିତା ବାରେଞ୍ଜାକି ଏଜାହାଚେ □

୫୦ ସାମା ଜାହୁଦି ଲକ୍ଷୁ ଗାଡ଼ାତି ଆବାୟାଣି ଅଡ଼େ ମାହାପୁରୁଇଁ ମାନି କିହିମାନି ପାଞ୍ଜାଝେଜିତି
ଆୟାସିକାଣି ରୁଣ୍ଡି କିହାନା ପାଞ୍ଜଲ ଅଡ଼େ ବର୍ନବାଇଁ ସାସି ହାହାନା ତାନି ରାଜିତି ପେରହାଡୁସ୍ତେରି □

୫୧ *ଏଚେଟିଏ ପାଣ୍ଡୁଞ୍ଜି ଆଡ଼ାରି ଜାହାରା କତାୟାଁତି ଦୂଡ଼ି ଏଞ୍ଜାରି କପାଟି ହାଣ୍ଡାହାନା ଇକନିୟତା
ହାଚେରି □

୫୨ ଅଡ଼େ ଆଡ଼ିୟକିୟାତି ସାସୁୟାଁ ସୁଦୁଜାଞ୍ଜୁ ବେଟାଆହାନା ରାହାଁତଲେ ତୁୟିତେରି □

୧୪

ଇକନିୟତା ସେବା କାମା

୧ ଇକନିୟତା ଜିକେଏ ଏଲେଆହୁଁଏ ଆଡେ; ପାଞ୍ଜଲ ଅଡ଼େ ବର୍ନବା ଜାହୁଦି ଲକ୍ଷୁତି ଜାହୁଦି ଲକ୍ଷୁତି
କୁଟମି ଇଲୁତା* ହାଜାନା ଇଲେକିଁ ଝେସ୍ତେରି, ଇଞ୍ଜା ଜାହୁଦି ଅଡ଼େ ଜାହୁଦିଆଆତି ଲକ୍ଷୁ ବିତ୍ରାତି
ହାରେକା ନାମିତେରି □

୨ ସାମା ଆମିନି ଜାହୁଦିଜାମା ନାମାଆଡେରି, ଜାହୁଦିଆଆତି ଲକ୍ଷୁତି ମନ୍ଦତି କିଲିବିଲି କିହାନା, ଏଞ୍ଜାରାଇଁ
ନାମିତି ତାୟିୟାଁ କପାଟି ଲାଗେଏତି ଅଣପୁ ଅଣପି କିତେରି □

୩ ପାଞ୍ଜଲ ଅଡ଼େ ବର୍ନବା ହାରେକା ଦିନା ପାଡେକା ଏ ଟାୟୁତା ତୁୟାନା ପ୍ରବୁ ତାଣା ବାସୁଁ ଇଗାନା
ସାସାତଲେ ପ୍ରବୁତି କାତା ଝେସ୍ତେରି; ଇଞ୍ଜା ଏଞ୍ଜାରି ତାଣାତି ହାରେକା ସିନାୟାଁ ଅଡ଼େ କାବାଆନି କାମାୟାଁ
କିହାନା ତାନି କାର୍ମାତି ବଲୁ ସାତା ଇଞ୍ଜି ସାକି ହାଡେରି □

୪ ସାମା ଗାଡ଼ାତି ଲକ୍ଷୁ ରୀ ବାଗା ଆଡେରି ର ବାଗା ଜାହୁଦି ଲକ୍ଷୁ ଝାକି ଅଡ଼େ ର ବାଗା ପାଣ୍ଡୁଞ୍ଜି
ଆହାମାନାରି ଝାକି ଆଡେରି □

୫ ଏଚିବେଲା ଜାହୁଦିଆଆତି ଲକ୍ଷୁ ଅଡ଼େ ଜାହୁଦି ଲକ୍ଷୁ ତାନି କାଜାରି ତଲେ ଆଣ୍ଡାନା, ପାଣ୍ଡୁଞ୍ଜି
ଆହାମାନାରାଇଁ ଲାଗେଏ କିୟାଲି ଅଡ଼େ ଝାଲ୍ଲକାତଲେ ଇରହାଲି ଅଣପିତେରି,

୬ ଏଚିବେଲା ପାଞ୍ଜଲ ଅଡ଼େ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା ଦେସାତି ଲୁସ୍ତା ଅଡ଼େ ଦବ ଗାଡ଼ା
ଅଡ଼େ ସାରିଞ୍ଜାକିତି ନାସକାଣାଁ ହଚେରି,

୭ ଅଡ଼େ ଏଞ୍ଜାରି ଏଦାଆଁ ନେହୁଁ କାବୁ ଝେକହାଲି ମାଟ୍ଟହେରି □

୧ ୧୩:୪୨ ୧୩:୪୨ ସିନଗଲ * ୧୩:୫୧ ୧୩:୫୧ ମାତି ୧୦:୧୪; ମାର୍କି ୬:୧୧; ଲୁକ ୯:୫; ୧୦:୧୧ * ୧୪:୧ ୧୪:୧ ସିନଗଲ

ଲୁଗ୍ନା ଅଡ଼େ ଦବତା ସେବା କାମା

୮ ଲୁଗ୍ନାତା ର ଲକ୍ଷ୍ମୀ ମାତେସି, ଏଞ୍ଜାସି ସଗା ମାତେସି, ଏଞ୍ଜାସି ଜାର୍ନାଟିଏ ସଗା, ଏଞ୍ଜାସି ଏଚେଲାଞ୍ଜା ତାକା ହିଲାଆତେସି □

୯ ଏଞ୍ଜାସି ପାଞ୍ଜୁଲ ଖେହ୍ନି କାତା ଖେଞ୍ଜିମାତେସି, ଏଞ୍ଜାସି ହିୟାତା ନାମା ମାନେସି ଇଞ୍ଜା ଏଞ୍ଜାସି ନେହ୍ ଆହାଲି ଆଡ଼ିମାନେସି ଇଞ୍ଜା ପୁଞ୍ଜାନା ଆଚେ ସିନିକିତେସି,

୧୦ ଏଞ୍ଜାଣାଇଁ କାଜା ଗିୟାତଲେ ଏଲେଇଚେସି, “ନୀ କଡ଼ାତି ବାଡ଼ୁୟୁ ହୀହାନା ସଲ୍‌କେ ନିମୁ” ଏଚେଟିଏ ଏଞ୍ଜାସି ଡ଼େଞ୍ଜିହ୍ ତାକାଲି ମାଟୁହେସି □

୧୧ ପାଞ୍ଜୁଲ ଏନାଆଁ କିହାମାନେସି, ଲକ୍ଷ୍ମୀ ବାରେ ଏନାଆଁ ମେସାନା ଲୁକାୟନିୟା କାଜା ହାଡ଼ାତଲେ ଏଲେଇଞ୍ଜାଲି ମାଟୁହେରି, “ମାହାପୁରୁୟା ମା ତାଣା ରେଚା ଞ୍ଜାହାମାନୁ □”

୧୨ ଏଞ୍ଜାରି ବର୍ନବାଇଁ ବୁହସପତି ଇଞ୍ଜା ଇଚେରି, ଅଡ଼େ ପାଞ୍ଜୁଲ ଗାଡ଼ି କାତା ଖେହ୍‌ନାସି ମାଚାକି ଏଞ୍ଜାଣାଇଁ ବୁଦ ଇଞ୍ଜା ଇଚେରି □

୧୩ ଗାଡ଼ା ତାଗେ ମାନି ବୁହସପତି ଦେଞ୍ଜୁଡ଼ିତି ପୂଜେରାଞ୍ଜା ଏଚେକା ଡ଼କୁ କଡ଼ିୟା ଇଞ୍ଜା ପୂଞ୍ଜା ପେତାୟା ଗାଡ଼ା ଦୁଞ୍ଜେରିତା ତାଗାହାଁ ଏଞ୍ଜାସି ବାରେ ଲକ୍ଷ୍ମୀତଲେ ଆଣ୍ଡାନା ପାଣ୍ଡୁଞ୍ଜି ଆଡ଼ାରି ନକିତା ପୂଜା ହୀହାଲି ଅଣ୍ଡାପିମାତେସି □

୧୪ “ସାମା ପାଣ୍ଡୁଞ୍ଜିଆହାମାନି ବର୍ନବା ଅଡ଼େ ପାଞ୍ଜୁଲ, ଇଦାଆଁ ଖେଞ୍ଜାନା ତାମି ହିମ୍‌ବିକା ଗେସାନା ଲକ୍ଷ୍ମୀ ମାଦିଟି ହଟି ହଟି ହାଜାନା କାଜା ଗିୟାତଲେ ଏଲେଇଚେରି,

୧୫ ଏ ମାନିଗାଟି ଲକ୍ଷ୍ମୀଚେରି, ଏନାଆଁତାକି ଇ ବାରେ କିହିମାଞ୍ଜେରି, ମାମୁ ଲିକେଏ ମୀ ଲେହେଁତି ମାଣ୍ଡିୟାତମି, ମୀ ତାଣା ଇ ନେହ୍ କାବୁ ଖେସିମାଞ୍ଜାନମି, ଏନିକ୍ ମୀରୁ ଇ ବାରେ ଉଜେଏତି ପେଣକା ବମାୟାଟି ହେକ ଆହାନା ଜାଞ୍ଜୁଗାଟି ମାହାପୁରୁ ତାଣା ଖେଣ୍ଡା ଞ୍ଜାଚେରି, ଏଞ୍ଜାସି ହାଗୁପାକା ଦାରତି, ସାମଦୁରି ଅଡ଼େ ଏମାଆଁ ମାନି ବାରେତି ରାଡ଼ି କିହାମାନେସି;

୧୬ ମାହାପୁରୁ ତଲିଏ ବାରେ ଲକ୍ଷ୍ମୀ ତାମି ମନତଲେ ଡ଼ୟାଲି ପିସାମାତେସି □

୧୭ ସାମା ଏଞ୍ଜାସି ବାରେ ନେହ୍ କାମାଟି ଏଞ୍ଜାସି କାଟଲଏ ତାନି ଗୁଣ୍ଡୁତି ତସାମାନେସି; ଏଞ୍ଜାସି ହାଗୁଟି ପିୟୁ ଅଡ଼େ ସମାନା ବେଲାତା ଆନାଁ ହିୟାନାସି, କାଦି ଅଡ଼େ ମୀ ହିୟାତା ରାହାଁ ହିୟାନାସି □”

୧୮ ଇ ବାରେ କାତା ଖେସାନା ପାଣ୍ଡୁଞ୍ଜି ଆହାମାନାରି ଲକ୍ଷ୍ମୀ ମାଦାତି ହାରେକା କସୁତଲେ ତାମ୍‌ଜେ ତାକି ପୂଜା କିହାଲି କାହି କିହାଲି ଆଡ଼ିଚେରି □

୧୯ ସାମା ପିସିଦିୟାତି ଆନ୍ତ୍ରିୟକିୟା ଅଡ଼େ ଇକନିୟତି ଏଚେକା ଜାହୁଦି ଏମାଆଁ ଞ୍ଜାଚେରି, ଏଞ୍ଜାରି ଲକ୍ଷ୍ମୀ ମାଦାତି ତାମି ଞ୍ଜାକି କିହାନା ପାଞ୍ଜୁଲଇଁ ଞ୍ଜାଲକାତଲେ ଇରହାନା ଏଞ୍ଜାସି ହାହାହାଚେସି ଇଞ୍ଜା ଅଣ୍ଡାପାନା ଗାଡ଼ାତି ପାଞ୍ଜାତା ରେଜା ଅଡ଼େରି □

୨୦ ସାମା ନାମିତି ସାମୁୟାଁ ସାରି ଞ୍ଜାକିଟି ନିଚାମାଚାକି ଏଞ୍ଜାସି ନିଞ୍ଜାନା ଗାଡ଼ା ବିତ୍ରା ହାଚେସି, ଅର ନେବୁ ବର୍ନବା ତଲେ ଦବତା ହାଚେସି □

ସିରିୟାତି ଆନ୍ତ୍ରିୟକିୟାତା ଖେଣ୍ଡାଞ୍ଜାନାସି

୨୧ ପାଞ୍ଜୁଲ ଅଡ଼େ ବର୍ନବା ଦବତା ନେହ୍ କାବୁ ଖେସାହାଁ ହାରେକା ସାମୁୟାଁ କିତି ତାୟୁ ଏଞ୍ଜାରି ଲୁଗ୍ନା, ଇକନିୟ ଅଡ଼େ ପିସିଦିୟାତି ଆନ୍ତ୍ରିୟକିୟାତା ଖେଣ୍ଡାହାଚେରି □

୨୨ ଅଡ଼େ, ଏ ଗାୟୁତି ନାମିତି ସାମୁୟାଁ ମନତି ସୂସ୍ତି କିହାନା ନାମୁତା ଗାଡ଼ିକିହ୍ ଆଡ଼ଞ୍ଜା ତଲେ ଡ଼ୟାଲି ବାର୍ସୁ ହୀହାନା ଏଲେଇଚେରି, “ମାହାପୁରୁ ରାଜିତା ହଡ଼ାଲି ତାକି ହାରେକା କସୁ ପାଣ୍ଡାନାସି ମାନେ □”

୨୩ ଅଡ଼େ, ବାରେ କୁଲମିତା ଏଞ୍ଜାରି ପ୍ରାତିନାଞ୍ଜାଣି ଆଡ଼ାନା ଉପାସା ତଲେ ପ୍ରାଡ଼ାନା କିଚେରି, ଅଡ଼େ ଆମିନି ପ୍ରବୁ ତାଣା ନାମା ମାତେରି, ଏଞ୍ଜାଣି କେୟୁତା ଏଞ୍ଜାଣାଇଁ ହେରପିଚେରି □

୨୪ ତାୟୁ ଏଞ୍ଜାରି ପିସିଦିୟା ନାସକାଟି ପଂପୁଲିୟାତା ଞ୍ଜାଚେରି,

୨୫ ଅଡ଼େ ପଗତା ନେହ୍ କାବୁ ଖେସାନା ଆତାଲିୟାତା ହାଚେରି □

୨୬ ଏମାଟି ଏଞ୍ଜାରି ଜାଜାତା ହଚାନା ଆନ୍ତ୍ରିୟକିୟାତା ହାଚେରି; ଏଞ୍ଜାରି ଆମିନି କାମା କିହାମାତେରି, ଏନାଆଁ କିହାଲି ମାହାପୁରୁତି କାର୍ମାତା ହେରପି ଆହାନା ଏମାଟି ହାଚେରି □

୨୭ ଏତିବେଳା ଏଞ୍ଜର ଆନ୍ତ୍ରିୟକିୟାତା ଏଗାହାଜାନା କୁଲମିତି ଲକୁଣି କୃତି କିତେରି; ଅଡ଼େ ମାହାପୁରୁ ଏଞ୍ଜରତଲେ ମାଞ୍ଜାନା କିହାମାତି କାମାତାକି, ଅଡ଼େ ଜୀହୁଦିଆଆତି ଲକୁ ନାମାଲି ଦୁଝେରି ଦେତାମାଗାଣି ବାରେ ଏଞ୍ଜରାଇଁ ଝେସ୍ତେରି □

୨୮ ଅଡ଼େ ଏଞ୍ଜର ନାମିତି ସୀସୁୟାଁ ତଲେ ହାରେକା ଦିନା ଡ଼ୟିତେରି □

୧୫

ଜିରୁସାଲମତା ନାମିତାରି ବେରଣି କିନାୟି

୧ ଏମ୍ବାଟିଏ ଏଚରଜାଣା ଲକୁ ଜୀହୁଦା ରାଜିତି ଆନ୍ତ୍ରିୟକିୟାତା ଖାହାନା ନାମିତି ତାୟିୟାଁଣି ଈ କାତା ଝେସିହଁ ଜାପୁହେରି, “ମସାତି ମେରା ଲେହେଁ ମୀ ତଲୁ ଦାପି ଆଆତିହଁ ମୀରୁ ଗେଲପିଆୟାଲି ଆଡ଼ଅତେରି □”

୨ ଏମ୍ବାଟିଏ ପାଝୁଲ ବର୍ନବା ତଲେ ହାରେକା ଆସପି ଆହାନା ବାଦିବାଦା ଆୟାଲିଏ ପାଝୁଲ, ବର୍ନବା ଅଡ଼େ ଆନ୍ତ୍ରିୟକିୟାତି ଏଚରଜାଣା ତାୟିୟାଁ ଈ କାତା ଆସାନା ଜିରୁସାଲମତା ମାନି ପାଣ୍ଡି ଆଡ଼ାରି ଇଞ୍ଜାଁ କୁଲମିତି ପ୍ରାତିନାଜା ତାଣା ହାଲବେରି ଇଞ୍ଜାଁ ତାୟିୟାଁ ତୀରି କିତେରି □

୩ ଏଚେଟିଏ କୁଲମି ଏଞ୍ଜରାଇଁ ପାଣ୍ଡାଲି ଜିରୁ ତସ୍ତି ଜେଡ, ଏଞ୍ଜର ପୟିନିକିୟା ଅଡ଼େ ସମିରଣ ଝାକି ହାଜି ହାଜିହଁ ଜୀହୁଦିଆଆତି ଲକୁ ହିୟାଁ ଝେହ୍‌ହାମାତି କାତା ଝେସିହଁ ବାରେ ତାୟିୟାଁଇଁ ହାରେକା ରାହାଁ କିତେରି □

୪ ତାୟୁ ଏଞ୍ଜର ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜାଁ, ପାଣ୍ଡି ଆଡ଼ାରି ଅଡ଼େ ପ୍ରାତିନାଜା ଏଞ୍ଜରାଇଁ ଆବିତେରି, ଅଡ଼େ ମାହାପୁରୁ ଏଞ୍ଜରତଲେ ମାଞ୍ଜାନା ଆମିନି କାମା କିହାମାତେସି, ଏ ବାରେ କାତା ଏଞ୍ଜରାଇଁ ଝେସ୍ତେରି □

୫ ସାମା ପାରୁସିୟାଁ ଗତିଟି ଏଚେକା ନାମୁଗାଟାରି ନିତାନା ଏଲେଇତେରି, “ନାମାମାନି ଜୀହୁଦିଆଆତାରି ତଲୁ ଦାପି କିନାୟିମାନେ, ଅଡ଼େ ମସାତି ମେରା ମାନଝି ଆୟାଲି ଏଞ୍ଜରାଇଁ ହୁକୁମି ହୀନାୟି ମାନେ □”

୬ ତାୟୁ ଈ କାତା, କାତା ଆହାଲିତାକି ପାଣ୍ଡି ଆଡ଼ାରି ଅଡ଼େ ପ୍ରାତିନାଜା ରୁଣ୍ଡା ଆତେରି □

୭ ହାରେକା ଜଲୁକି ଆଡ଼ି ତାୟୁ ପିତର ନିଜାନା ଏଞ୍ଜରାଇଁ ଏଲେଇତେସି, “ତାୟିୟାଁ ଅଡ଼େ ତାଜିସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁତିଟି ଜୀହୁଦିଆଆତାରି ନେହଁ କାତୁ ଝେଞ୍ଜାନା ନାମାପେରିଝା ଇଞ୍ଜାଁ ହାରେକା ଦିନା ନଚେଏ ମାହାପୁରୁ ନାଜେ ଆଡ଼ାମାଞ୍ଜାତେସି □

୮ ବାରେ ଲକୁତି ହିୟାଁ ପୁନି ମାହାପୁରୁ ମାଜେ ଏନିକଁ ସୁଦୁଜୀଝୁ ହାହାମାଞ୍ଜାନେସି, ଜୀହୁଦିଆଆତି ଲକୁକି ଜିକେଏ ଏଲେକିହଁ ହାହାନା ଏଞ୍ଜର ଡାକି ସାକି ହାହାମାନେସି □

୯ ଅଡ଼େ ଏଞ୍ଜସି, ମା ବିଡ୍ରା ଅଡ଼େ ଏଞ୍ଜରି ବିଡ୍ରା ଏନି ପାରଡ଼ା ବାତି କିହାମାଞ୍ଜସି; ଇଞ୍ଜାଁ ନାମୁତଲେ ଏଞ୍ଜସି ଏଞ୍ଜରି ହିୟାଁ ସୁଦୁ କିହାମାନେସି □

୧୦ ଇଦାଆଁତାକି ଆମିନି ଜୁଝେଡି ମା ଆକୁ ଆବାୟାଁ ଅଡ଼େ ମାର ଡେକାଲି ଆଡ଼ାଆତାୟି, ଏ ଜୁଝେଡି ସୀସୁୟାଁ ବମିତା ଏକହାନା ମୀରୁ ଏନାଆଁତାକି ମାହାପୁରୁଇଁ ତାୟିପାରି କିହିମାଞ୍ଜେରି ?

୧୧ ଇଦି ନେହେଁ ଆଏ, ସାମା ଏଞ୍ଜରି ଏନିକିହଁ ନାମାହାଁ ଗେଲପି ଆହାମାନେରି ମାର ଜିକେଏ ଏଲେକିହଁ ଏ ନାମାହାଁ ପ୍ରକୁ ଜୀସୁତି କାର୍ମାମେହ୍‌ନାଣି ତଲେ ଗେଲପି ଆହାମାନାୟି □”

୧୨ ଏଚେଟିଏ ଏମ୍ବାଆଁ ରୁଣ୍ଡା ଆହାମାତାରି ବାରେ ଲକୁ ପାଲେଏ ଆଡ଼ତେରି, ଇଞ୍ଜାଁ ପାଝୁଲ ଅଡ଼େ ବର୍ନବା ତାଣାଟି ଜୀହୁଦିଆଆତି ଲକୁତାଣା ମାହାପୁରୁ ତାଣାଟି ଆହିମାନି ସିନାୟାଁ ଅଡ଼େ କାବାଆନି କାମାୟାଁ କିହାଁ ମାତେସି ଏଞ୍ଜାଆଁ ଏଞ୍ଜରି ତାଣାଟି ଝେଞ୍ଜାଲି ମାଟୁହେରି □

୧୩ ଏଞ୍ଜରି କାତା ରାଡ଼ି ତାୟୁ ଜାକୁବ ନିଜାନା ଏଲେଇତେସି; “ତାୟିୟାଁ ଅଡ଼େ ତାଜିସ୍ତା, ନା କାତା ଝେଞ୍ଜୁ,

୧୪ ମାହାପୁରୁ ତଲିଏ ତାନି ଦରୁ ତାକି ଜୀହୁଦିଆଆତି ଲକୁ ବିଡ୍ରାଟି ତାନି ଲକୁ କିୟାଲି ଏଞ୍ଜରାଇଁ କାର୍ମାମେସାନା ଆଡ଼ାମାନେସି ଇଞ୍ଜାଁ ସିମନ ଝେସାମାଞ୍ଜାନେସି □

୧୫ ଅଡ଼େ, ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି କାତାତଲେ ଆଣ୍ଡିମାନେ, ଏନିକଁ ଦାର୍ମୁ ସାସ୍ତେରିତା ରାସ୍‌କି ଆହାମାନେ □”

☆ ୧୫:୨ ୧୫:୨ କାମା ୧୦:୧୨୩ ☆ ୧୫:୮ ୧୫:୮ କାମା ୧୦:୪୪; ୨:୪

୧୭ ପ୍ରଭୁ ଏଲେଇଞ୍ଜି ମାନେସି,

“ତାମ୍ଭୁ ନାମ୍ନୁ ଖେଣ୍ଡା ଖାହାନା, ଦାସ୍ତଦ ବାସାତାମ୍ଭୁ ଖେଣ୍ଡେ ଗେଲ୍ପିଇଁ,
ଇଞ୍ଜା ଏମ୍ପାତି ବିଡ଼ହାମାନି କାତିୟାଁ ବାରେ ଖେଣ୍ଡେ କେପାନା ଆଟ୍ଝା କିଇଁ,

୧୮ ଏନିକ୍ ତୟାମାତି କୁଡ଼ାତି ଲକୁ ଅଡ଼େ ଏଚେକା ଜାହୁଦିଆଆତାରି ନା ଦରୁଚି ଖେଙ୍ଗାମାନେରି,
ଏଞ୍ଜାରି ବାରେ ପ୍ରଭୁଇଁ ପାରିନେରି, ବାରେ ଗାଡ଼ିକିତି ପ୍ରଭୁ ଏଲେ ଇଞ୍ଜିମାନେସି □

୧୯ ପ୍ରଭୁ ଈ କାତା ଏଲେଇଞ୍ଜା ମାନେସି, ଆମ୍ପାଆସି ତଲି କାଲାଟିଏ ଈ କାତା ତସାମାନେସି □”

୨୦ ଜାକୁବ ଅଡ଼େ ଜିକେଏ ଏଲେଇଚେସି, “ନା ଅଣ୍ଡପୁ ଈଦି, ଜାହୁଦିଆଆତି ଲକୁ ବିତ୍ରାତି ଆମ୍ପାଆରି
ମାହାପୁରୁ ଖାକି ଖେଣ୍ଡା ଖାନ୍ଦେରି, ଏଞ୍ଜାରାକି ମାର ବଜୁ ହାଆପ;

୨୧ ସାମା ଏଞ୍ଜାରାକି ଇଲେକ୍ ଆକୁ ରାତାନା ଖେହ୍ନ, ପେଣକା ବମାୟାଁ ତାକି ପୂଜା କିହାମାନି
ଲାଗେଏତାଣି ତିନାଆଦୁ; ଦାରିକାମାତି ଏଟ୍ଝା ଆଦୁ; ହେରକି ଦାଆନା ପାୟିତି ଜନ୍ତତି ଉଞ୍ଜା ଅଡ଼େ
ନେତେରି ତିନାଆଦୁ □

୨୨ ଏନାଆଁତାକି ଇଚିହ୍ ତଲି କାଲାଟିଏ ବାରେ ଗାଡ଼ାଣା ମସା ମୋରାତି କାତା ଖେକ୍ନନାରି ମାନେରି,
ଇଞ୍ଜା ବାରେ ଜମିନି ଦିନାତା ଜାହୁଦି ଲକୁତି କୁଟମି ଇଲ୍‌କାଣା* ଏଞ୍ଜାଣି ମୋରାତି କାତା ପଡ଼ଢ଼ି
ଆହିମାନେ □”

ଜାହୁଦିଆଆତି ନାମିତି ଲକୁତାକି ଆକୁ

୨୩ ଏଚିଚେଲା ପାଣ୍ଡୁଢ଼ି ଆହାମାନାରି ଅଡ଼େ ପ୍ରାତିନାଞ୍ଜା ବାରେ କୁଲମି ତଲେ ତାମି ବିତ୍ରାତି ଲକୁଇଁ,
ଇଚିହ୍ ତାୟିୟାଁ ବିତ୍ରାତି ମାନିଗାତି ବର୍ସବା, ଦରୁଗାତି ଜାହୁଦା ଇଞ୍ଜା ସିଲାଇଁ ଆତାନା ପାସ୍ତୁଲ ଅଡ଼େ
ବର୍ନବା ତଲେ, ଆନ୍ତିୟକିୟାତା ପାଣ୍ଡାଲି ତୀରି କିତେରି □

୨୪ ନାମିତାରି ତାଣାତି ରାସ୍ତକି ଆହାମାନି ଆକୁ ଏ ରିଆରି କେୟୁତା ପାଣ୍ଡିତେରି □

“ମାମ୍ନୁ ପାଣ୍ଡୁଢ଼ି ଆଡ଼ାତମି ଅଡ଼େ ପ୍ରାତିନାଞ୍ଜା, ମା ତାୟିୟାଁତମି ମା ବାରେ ଜାହୁଦିଆଆତି ତାୟିୟାଁ
ଆମିନି ଗାଟାରି ଆନ୍ତିୟକିୟା, ସିରିୟା ଅଡ଼େ କିଲିକିୟାତା ମାନେରି ଏଞ୍ଜାରାକି ଜହରା □

୨୫ ମାମ୍ନୁ ଚୁଞ୍ଚାମାନମି, ମାମ୍ନୁ ଆମିନି ଲକୁଇଁ ଏନି ହୁକୁମି ହାହାହିଲଅମି, ମା ତାଣାତି ଏଲେତି ଏଚେକା
ଲକୁ ମା ତାଣା ଖାହାନା ତାମି କାତାତଲେ ମା ମନତି ଏଟ୍ଝା କିହାନା କିଲିବିଲି କିହାମାଞ୍ଜାନେରି;

୨୬ ଅଡ଼େ ମାମ୍ନୁ ବାରେଜାଣା ରୁଣ୍ଡା ଆହାନା ରଣ୍ଡିଏ ହିୟାଁ ତଲେ ଏଚରଜାଣାତି ଆତାନା ମା ତାଣା
ପାଣ୍ଡାଲି ତାରି କିହାମାନମି, ଏଞ୍ଜାରି ମା ଜାସ୍ତୁତି ତଡ଼େ ବର୍ନବା ଅଡ଼େ ପାସ୍ତୁଲ ତଲେ ହାନେରି □

୨୭ ଏଞ୍ଜାରି ଇଲେତି ମାଣ୍ଡସିୟାଁ ମା ପ୍ରଭୁ ଜାସ୍ତୁ କ୍ରାସ୍ତ ଦରୁ ତାକି ଜାସ୍ତୁ ତୁସାନା କାମା କିହାମାନେରି □

୨୮ ଏଦାଆଁତାକି ମାମ୍ନୁ ଜାହୁଦା ଅଡ଼େ ସିଲାଇଁ ମା ତାଣା ପାଣ୍ଡିମାଞ୍ଜାନମି □ ମାମ୍ନୁ ଏନାଆଁ ରାତାମାନମି,
ଏଞ୍ଜାରି ମିଙ୍ଗେ ଖେସ୍ତାନେରି □

୨୯ ଏଚରଗଟା ଲଡ଼ାମାନି ମୋରା ପିସ୍ପେ ମା ଲାକ ଅଡ଼େ ଏନି ବଜୁ ହେରପାଲି ମାମ୍ନୁ ସୁଦୁଜାସ୍ତୁତି
ହୁକୁମି ବେଟାଆହାମାନମି □

୩୦ ଏ ମୋରାୟାଁ ଆହିମାନୁ, ପେଣକା ବମାୟାଁକି ହେବ୍ପିଆହାମାନି ରାନ୍ଦା ତିନାଆଦୁ, ନେତେରି
ତିନାଆଦୁ, ହେରକି ଦାଆନା ପାୟିତି ଆହାମାନି ଜନ୍ତତି ଉଞ୍ଜା ତିନାଆଦୁ, ଦାରି କିଆଦୁ, ଈ ବାରେ
କାମାତି ହେକ ଆହାଲି ଜାଗ୍ରାତା ମାତିହ୍ ମିଙ୍ଗେ ନେହେଁ ଆନେ □ ନେହ୍ କି ମାଞ୍ଜୁ □”

୩୧ ଏଚେଟିଏ କାବୁ ଅନାରାଇଁ ପାଣ୍ଡାଲିଏ ଆନ୍ତିୟକିୟାତା ହାଚେରି, ଇଞ୍ଜା ବାରେ ନାମିତାବାରାଇଁ ରୁଣ୍ଡି
କିହାନା ଏ ଆକୁ ହାଚେରି □

୩୨ ଏ ଲକୁ ବାରେ ଏଦାଆଁ ପଡ଼ଢ଼ି ଆହାନା ବାସ୍ତୁ ବେଟାଆହାନା ରାହାଁ ଆଡ଼େରି □

୩୩ ଜାହୁଦା ଅଡ଼େ ସିଲା ତାମ୍ନୁ ଜିକେଏ ମାହାପୁରୁ ଅଣ୍ଡପୁତି ବଜୁ ଖେହ୍ନନାରି ମାଟାକି ହାଚେରକା
କାତାତଲେ ତାୟିୟାଁଇଁ ବାସ୍ତୁ ହାହାନା ସ୍ତସ୍ତି କିତେରି □

୩୪ ଅଡ଼େ, ଏଞ୍ଜାରି ଏଦାଆଁ ଏଚରଦିନା ମାତି ତାମ୍ନୁ ଏଞ୍ଜାରାଇଁ ପାଣ୍ଡାମାତି ଲକୁତାଣା ଖେଣ୍ଡାହାଜାଲି
ତାୟିୟାଁ ତାଣାତି ହେଲ ବେଟାଆହାନା ହିଡ଼ଡ଼ି ଜାସ୍ତୁତଲେ ଖେଣ୍ଡା ହାଚେରି □

୩୫ ସାମା ସିଲା ଏଦାଆଁ ତୟାଲି ତୀରି କିହାମାଚେସି† □

* ୧୫:୨୧ ୧୫:୨୧ ସିନଗର † ୧୫:୩୪ ୧୫:୩୪ ଈ କାତା ପୁଣ୍ଡ ପତିତା ହିଲେଏ □

୩୫ ପାଞ୍ଚଲ ଅଡ଼େ ବର୍ନବା ଆନ୍ତ୍ରିୟକିୟାତା ମାଞ୍ଜାନା ଏବଂକାତି ଏତେକା ଲକ୍ଷୁତାଣା ଜିକେଏ ପ୍ରବୁତି ନେହୁଁ ବଲ୍ଲୁ ଜାପୁହାନା ଝେକହାଲି ମାଟୁହେରି □

ପାଞ୍ଚଲ ଅଡ଼େ ବର୍ନବା ଏବଂକା ଆନାୟି

୩୬ ଏଚରଦିନା ହାଜାଲିଏ ପାଞ୍ଚଲ ବର୍ନବାଇଁ ଏଲେଇଚେସି, “ଝାମ୍ବୁ, ମାର ପ୍ରବୁତି ବଲ୍ଲୁ ଝେକହାମାନି ବାରେ ଗାଡ଼ାୟିଣା ଝେଣ୍ଡା ହାଜାନା, ତାୟିୟା ନୀଏଁ ଏନ୍ତିଆହୁଁ ମାନେରି ଇଞ୍ଜୁଁ ବେଟିହାନ □”

୩୭ ଏଚେଟିଏ ଜହନ ଇନି ମାକିଇଁ ଜିକେଏ ତାନିତଲେ ଅୟାଲି ବର୍ନବା ଅଣ୍ଡିମାଚେସି □

୩୮ ଏସାମା ଏଝାସି ଏଝାରାଇଁ ପିସାନା ପଂପୁଲିୟାଟି ଝେଣ୍ଡାହାଚାସି ଅଡ଼େ କାମା ରାନ୍ତି ପାଚେକା ଏଝାରିତଲେ ମାନାଆତାକି ତାନିତଲେ ଅୟାଲି ପାଞ୍ଚଲ କୁଚେସି □

୩୯ ଏମାଟିଏ ଏଝାରି ହାରେକା ବାଦିବାଦା ଆୟାଲିଏ ତାମ୍ବୁଏବଂକା ଆଡେରି, ଇଞ୍ଜା ବର୍ନବା ଜହନ ମାର୍କଇଁ ତାନିତଲେ ଅହୁଁ ଜାଜାତା ହଚାନା କୁପ୍ରତା ହାଚେରି,

୪୦ ସାମା ପାଞ୍ଚଲ ସିଲାଇଁ ଆଚାନା ତାୟିୟା ତାଣାଟି ପ୍ରବୁତି କାର୍ମାତଲେ ହେରୁପି ଆହାନା ହାଚେରି,

୪୧ ଅଡ଼େ ଏଝାସି ସିରିୟା ଅଡ଼େ କଲିକିୟାଟି ହାଜାହୁଁ ବାରେ କୁଲମିକାଣି ନାମୁତା ଆବୁଝା କିଚେସି □

୧୭

ପାଞ୍ଚଲ ଅଡ଼େ ସିଲା ତଲେ ତିମତି ହାନାୟି

୧ ତାମ୍ବୁ ପାଞ୍ଚଲ ଦବୁଁ ଅଡ଼େ ଲୁଣ୍ଡାତା ହାଚେସି, ଏମାଆଁ ତିମତି ଦରୁଗାଗାସି ର ସାମୁ ମାଚେସି, ଏଝାସି ର ନାମିତି ଜାହୁଦି କ୍ରାସ୍ତାୟା ଇୟାନି ମାରୁଏସି ମାଚେସି, ସାମା ତାନି ଆବା ର ଗ୍ରିକ୍ ଲକ୍ଷୁ □

୨ ଲୁଣ୍ଡା ଅଡ଼େ ଇକନିୟତା ମାନି ବାରେ ନାମିତି ତାୟିୟାଁ ଏଝାଣାଇଁ ନେହାଁସି ଇଞ୍ଜୁଁ ଏଲେଇଚେରି □

୩ ପାଞ୍ଚଲ ତାନିତଲେ ତିମତିଇଁ ଅହାଲି ଅଣ୍ଡିଚେସି, ଅଡ଼େ ଏ ନାସ୍କାଣାଁ ମାନି ଜାହୁଦି ଲକ୍ଷୁତାକି ଏଝାଣି ତଲ୍ଲୁ ବାପିକିଚେସି; ଇଚିହୁଁ ତାନି ଆବା ଗ୍ରିକ୍ ଲକ୍ଷୁ ଇଞ୍ଜୁଁ ବାରେ ପୁଞ୍ଜାମାଚେରି □

୪ ଇଞ୍ଜାଁ ଏଝାରି ଗାଡ଼ାୟିଟି ହାଜି ହାଜିହୁଁ ଜିରୁୟାଲମତି ପାଣ୍ଡୁଝି ଆଡ଼ାରି ଅଡ଼େ ପ୍ରାଚିନାଙ୍ଗା ତାଣାଟି କିଝି ଆହାମାନି ମୋରା ମାନୁଝି ଆହାଲି ଏଝାରିତାଣା ହେରୁପି ମାଚେସି □

୫ ଏଲେକିହୁଁ କୁଲମିକା ବାରେ ନାମୁତା ଆବୁଝା ଆହାନା ଦିନାତାକି ଦିନା ପାତା ଆଡୁ □

ତ୍ରୟାତା ପାଞ୍ଚଲ ହାପାନା ହେଣ୍ଡନାୟି

୬ ଏଝାରି ଆସିୟାତା ମାହାପୁରୁ କାତା ଝେସାଲି ସୁଦୁଜାଝୁ କାହି କିୟାଲିଏ, ଏଝାରି ପୁଞ୍ଜିୟା ଅଡ଼େ ଗାଲାତିୟ ରାଜି ମାଦିଟି ରେଜିହୁଁ ହାଚେରି □

୭ ଅଡ଼େ, ଏଝାରି ମୁସିଆ ରାଜି ତାଗେ ଏଗାହାଜାନା ବେତନିୟାତା ହାଜାଲିତାକି ଅଣ୍ଡିଚେରି, ସାମା ଜାସୁତି ଜାଝୁ ଏଝାରାଇଁ ହାଜାଲି ହେଲ ହାଆଚେ □

୮ ଏଝାରି ମୁସିଆ ମାଦିଟି ହାଜାନା ତ୍ରୟାତା ଝାଡ଼େରି □

୯ ଅଡ଼େ ଲାଆଁ ବେଲାତା ପାଞ୍ଚଲ ର ସେୟାଁଣା ହାପାନା ହେଚେସି, ମାକିଦନିୟାତି ର ଲକ୍ଷୁ ନିଚାନା ଏଝାଣାଇଁ ବାଟିମାଲିହୁଁ ଏଲେଇଚେସି, “ମାଙ୍ଗେ ସାଫ୍ଟେନି କିୟାଲି ମାକିଦନିୟାତା ଗାଣ୍ଡିତା ଝାମ୍ବୁ □”

୧୦ ଏଝାସି ସେୟାଁଣା ହାପାନାତା ମେସାଲିଏ ମାମ୍ବୁ ଦେବୁଣିଏ ମାକିଦନିୟାତା ହାଜାଲି ତିୟାରା ଆଡ଼ିନି, ଇଚିହୁଁ ଏଝାରିତାଣା ନେହୁଁ କାବୁ ଝେସାଲି ତାକି ମାହାପୁରୁ ମାଙ୍ଗେ ହାଡ଼ାମାଞ୍ଜାନେସି ଇଞ୍ଜୁଁ ମାମ୍ବୁ ପୁଚିନି □

ଲୁଦିୟା ମନ୍ତ ଝେଟ୍ଟନାୟି

୧୧ ଏଚେଟିଏ ମାମ୍ବୁ ତ୍ରୟାତି ଜାଜାତା ହଚାନା ତିୟିତି ଜିରୁଟି ହାଜାନା ସାମତ୍ରାକିତା ଅଡ଼େ ଅର ନେଡୁ ନୟାପଲିତା ଏଗାହାଚିନି □

୧୨ ଏମାଟିଏ ପିଲିପିତା ହାଚିନି, ଇଦି ମାକିଦନିୟା ଜିଲାତି ର କାଜା ଗାଡ଼ା, ଇଞ୍ଜା ରମ୍ ଦେସାତାରି ତ୍ରୟିନି ଟାମ୍ବୁ ମାଚେ; ଏ ଗାଡ଼ାତା ମାମ୍ବୁ ଏଚରଦିନା ମାଚିନି □

୧୩ ଜମିନି ଦିନାତା ମାମ୍ବୁ ଗାଡ଼ାଟି ହଚାନା କାତା ତାଗେ ହାଚିନି, ଏମାଆଁ ପ୍ରାଚାନା କିନି ଟାମ୍ବୁ ମାଚେ ଇଞ୍ଜୁଁ ଅଣ୍ଡିପାଚିନି, ଅଡ଼େ ମାମ୍ବୁ କୁଗାନା ରୁଣ୍ଡା ଆହାମାଟି ଇୟାସିକା ତଲେ କାତା ଆଡ଼ିନି □

* ୧୫:୩୮ ୧୫:୩୮ କାମା ୧୩:୧୩

୧୪ ଅଡ଼େ, ତୁୟାତିରା ଗାଡ଼ାତି ହେୟାଁ ଖାଣା ହିମ୍ବିକା ପାର୍ବିନି ଲୁଦିୟା ଦରୁଗାଟି ର ଇୟା ମା କାତା ଖେଞ୍ଜିମାତେ, ଏଦି ମାହାପୁରୁ ସେବା କିନାୟି, ଏଦି ଏନିକି ପାଞ୍ଜୁଲତି କାତାତି ମନ ହାନେ ଏଦାଆଁତାକି ପ୍ରବୁ ଏଦାନି ହିୟାଁ ଦେବାମାତେସି □

୧୫ ଅଡ଼େ ଏଦି ଇଞ୍ଜାଁ ତାନି କୁଟନି ବାପ୍ପିସ୍ତୁ* ଅଡ଼ି ତାୟୁ ମାଜେ ବାତିମାଲିହୁଁ ଏଲେଇଞ୍ଜାତେ, “ମୀରୁ ନାଜେ ପ୍ରବୁ ତାଣା ନାମୁଗାଚାୟି ଇଞ୍ଜୁଁ ଅଣ୍ପିମାଟିହୁଁ, ନା ଇଜ ଖାହାନା ବାସା ଆଦୁ,” ଇଞ୍ଜୁଁ ବାଲାମାତନି କିହାଁ ହାଟା ଅୟାତେ □

ପିଲିପିତି କାୟିଦି ଇଲୁତା ପାଞ୍ଜୁଲ ଅଡ଼େ ସିଲା

୧୬ ର ଦିନା ମାମୁ ପ୍ରାତାନା ଚାୟୁତା ହାନିବେଲାତା ର ହଲେଣି ପଦାଈଁ ବେଟାଆଡ଼ିନି ଏଦି ପଲୁଆ ପେନୁ ଆଲଗାନା ତାୟୁ ଆନି କାତାୟାଁ ଖେସାଲି ଆଡ଼ିମାତେ □ ତାୟୁ ଆନି କାତାୟାଁ ଖେସାନା ତାନି ସାଞ୍ଜୁକାରିକି ହାଚେକା ତାୟୁୟାଁ କୁଡ଼ି କିହିମାତେ □

୧୭ ଏଦି ପାଞ୍ଜୁଲ ଅଡ଼େ ମା ଜେତ ଜେତ ଖାହାନା କିରୁଡ଼ିହୁଁ ଏଲେଇଞ୍ଜାଲି ମାଟୁହେ, “ଇ ଲକୁ ବାରେକିହାଁ କାଜା ମାହାପୁରୁତି ହଲିୟାଜା, ଏଞ୍ଜାରି ମିଜେ ଗେଲୁପିଆନି ଜିରୁତି ଖେକହି ମାଞ୍ଜାନେରି □”

୧୮ ଏଦି ହାଚେକା ଦିନା ପାତେକା ଏଲେକିୟାତେ, ସାମା ପାଞ୍ଜୁଲ କପା ଆହାନା ଖେଣେ ସିନିକିହାନା ଏ ବୁଡ଼ୁଇଁ ଏଲେଇତେସି, “ଏଦାନି ତାଣାଟି ହଟା ହାଜାଲି ନାନୁ ନିଜେ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜାଇଁ,” ଏ ଦେବୁଣିଏ ଏଦି ହଟାହାଚେ □

୧୯ ସାମା ଏଦାନି ସାଞ୍ଜୁକାରିୟାଁ ତାନି ଲାଡ଼ା ପାଣ୍ଡିନି ଆସା ହାଚେ, ଇଞ୍ଜୁଁ ପୁଞ୍ଜାନା ପାଞ୍ଜୁଲ ଅଡ଼େ ସିଲାଈଁ ଦସାନା ବେରଣିମାଣ୍ଡାତା ସାଲୁଞ୍ଜି କିନାରି ତାଣା ରେଜା ଅଡ଼େରି □

୨୦ ଅଡ଼େ, ଏଞ୍ଜାରି ରମିୟ ସାଲୁଞ୍ଜି କିନାରି ତାଣା ତାଚାନା ଏଲେଇତେରି, “ଇଞ୍ଜାରି ଜୀହୁଦି ଲକୁ ମା ଗାଡ଼ାତା ଗଡ଼ହା କିହିମାନେରି □

୨୧ ମାର ରମିୟ ଲକୁତି ମେରା ପାଣାପାରୁ ଆବାଲି କି ମାନୁଞ୍ଜି ଆହାଲି ମେରା ହିଲେଏ, ଏଦାଆଁ ଇଞ୍ଜାରି ଖେସିମାନେରି □”

୨୨ ଏମ୍ବାଟିଏ ବାରେ ଲକୁ ପାଞ୍ଜୁଲ ଅଡ଼େ ସିଲା କପାଟି ନିଜିତେରି □ ଅଡ଼େ ନାହାଁୟି କିନାରି ପାଞ୍ଜୁଲ ଅଡ଼େ ସିଲା ହିମ୍ବିକା ହୁକୁହାନା ଏଞ୍ଜାରାଇଁ ବାଡ଼ଗା ତଲେ ଖେଚାଲି ହୁକୁମି ହାତେରି □

୨୩ ଏଞ୍ଜାରି ଏଞ୍ଜାରାଇଁ ହାଚେକା ଖେଡ଼ି ତାୟୁ କାୟିଦି ଇଲୁତା ଇଟିତେରି, ଇଞ୍ଜାଁ ଏଞ୍ଜାରାଇଁ ଜାଗ୍ରାତା କିହୁଁ କାପୁ କାଚାଲି କାୟିଦି ଇଲୁତି କାଃଆନାଣାଇଁ ହୁକୁମି ହାତେରି □

୨୪ କାୟିଦି କାଃଆନାସି ଇଲେତି ହୁକୁମି ବେଟାଆହାନା ଏଞ୍ଜାରାଇଁ କାୟିଦି ଇଲୁତି ବାରେକିହାଁ ବିଦ୍ରାତି ବାକ୍ରାତା ମେଡ଼ହାନା ଏଞ୍ଜାରି କତାଣା ବଲୁଗାଟି ମାରୁନୁ କୁଡ଼ୁଲିକା ଦସା ପିସ୍ତେସି □

୨୫ ସାମା ମାଦି ଲାଆଁୟାଁ ପାଞ୍ଜୁଲ ଅଡ଼େ ସିଲା ମାହାପୁରୁ ତାଣା ପ୍ରାତାନା ଅଡ଼େ ଜହରା ପାରୁ ପାଡ଼ିମାତେରି, ଇଞ୍ଜାଁ ଏଞ୍ଜାରିତଲେ କାୟିଦି ଇଲୁତା ମାଚାରି ବାରେ ଖେଞ୍ଜିମାତେରି □

୨୬ ଏଟିବେଲାତା ଦେବୁଣିଏ ବୁମି ଖାଡ଼ିତେ, ଇଞ୍ଜାଁ କାୟିଦି ଇଲୁତି ପୁନାଦି ଜିକେଏ ଖାଡ଼ାଲିଏ ବାରେ ଦୁଖେରିକା ଦେପି ଆହାହାଡ଼, ଇଞ୍ଜାଁ ବାରେଜାଣାତି ଦସାମାଟି ହିକିଣିୟାଁ ହୁକୁହାଡ଼ୁ □

୨୭ ଏଚେଟିଏ କାୟିଦି ଇଲୁ କାଃଆନାସି ଇଦାଟି ନିଜାମନା, ଦାୟାୟାଁ ଦେପିଆହାମାନାଣି ମେସାନା, କାୟିଦିତାରି ହଣପି ଆଡ଼େରି ଇଞ୍ଜୁଁ ଅଣ୍ପିପାନା, କାଣ୍ଡା ହପୁହାନା ଗୁକୁହା କଡ଼ିମାତେସି □

୨୮ ସାମା ପାଞ୍ଜୁଲ କାଜା ଗିୟାତଲେ ହାଚାନା ଏଲେଇତେସି, “ନାନୁ ନିଜେ ନାସା କିହା କଡ଼ାଆନି, ଏନାଆଁତାକି ଇଚିହୁଁ ମାମୁ ବାରେଡ଼ିନି ଇମ୍ପାଆଁ ମାନମି □”

୨୯ କାୟିଦି ଇଲୁ କାଃଆନାସି ଦୀଞ୍ଜି ତାଚାଲି ଏଲେଇତେସି, ତବେ ବିଦ୍ରା ହାଚେସି ଇଞ୍ଜାଁ ତୀରୁରି ତୀରୁରିହୁଁ ପାଞ୍ଜୁଲ ଅଡ଼େ ସିଲା କତାୟାଁ ଡ଼ଇ ରାତେସି □

୩୦ ଅଡ଼େ ଏଞ୍ଜାରାଇଁ ପାଜାତା ତାଚାନା ଏଲେଇତେସି, “ବାବୁୟାଁ ଗେଲୁପିଆୟାଲି ନାନୁ ଏନାଆଁ କିଇଁ ?”

୩୧ ଏଞ୍ଜାରି ଏଲେଇତେରି, “ପ୍ରବୁ ଜୀସୁ ତାଣା ନାମାଦୁ, ଆତିହୁଁ ନୀନୁ ଅଡ଼େ ନୀ ଇଲୁ କୁଟନି ବାରେ ଗେଲୁପି ଆଡ଼େରି □”

୩୨ ତାୟୁ ଏଞ୍ଜାରି ଏଞ୍ଜାଣାଇଁ ଅଡ଼େ ଏଞ୍ଜାଣି ଇଜ ମାଟି ବାରେ ଲକୁଣି ମାହାପୁରୁତି ବଲୁ ଖେସ୍ତେରି □

* ୧୭:୧୫ ୧୭:୧୫ମୁଞ୍ଜିନାୟି

୩୩ ଅତେ, ଏ କାୟିଦି ଇଲୁ କାଃଆନାସି ଏଞ୍ଜରାଇଁ ଏ ଲାଆଁୟାଁ ବେଲତା ଅହାନା ଏଞ୍ଜରି ଗାହାଁୟାଁ ନରହେସି, ଇଞ୍ଜା ଏଞ୍ଜାସି ଅତେ ଏଞ୍ଜାଣି ଇଲୁ କୁଟମି ବାରେ ଏ ଦେବୁଣିଏ ବାପ୍ତିସ୍ମା* ଅତେରି □

୩୪ ଏତେଟିଏ ଏଞ୍ଜାସି ଏଞ୍ଜରାଇଁ ତାମି ଇଜ ଅହାନା ତିଞ୍ଜାଲି ରାନ୍ନା ବାଟିକିହାଁ ହାତେସି, ଅତେ ବାରେ କୁଟମି ମାହାପୁରୁ ତାଣା ନାମାନା ହାରେକା ରାହାଁ ଆତେରି □

୩୫ ଲାଈ ଖେୟାଲିଏ ରମିୟ ଲକୃତି କାଜାରି ରିଜାରି କସ୍କାଣି ଇଲେଇଞ୍ଜି~ ଝେସା ପାଣ୍ଡିତେରି, “ଏ ଲକୃଣି ପିସାଡୁହୁଡୁ □”

୩୬ ଏତେଟିଏ କାୟିଦି ଇଲୁ କାଃଆନାସି ପାଞ୍ଜୁଲଇଁ ଈ କାତା ଝେସୁସି, “ନାହାଁୟି କିନାରି ନିଜେ ଅତେ ସିଲାଇଁ ପିସାଲି କାବୁ ପାଣ୍ଡା ମାଞ୍ଜାନେରି, ଇଞ୍ଜା ନୀଏଁ ହଟାଞ୍ଜାହାନା ହିଡ଼ଡ଼ି ତଲେ ହାକୁ □”

୩୭ ସାମା ପାଞ୍ଜୁଲ କସ୍କାଣି ଏଲେଇତେସି, “ମାମ୍ବୁ ରୁମିୟ ଦେସାତି ଲକୃତମି, ମାଜେ ନାହାଁୟି କିଆନା ଝେତାତି ତାୟୁ କାୟିଦି ଇଲୁତା ସୁଣ୍ଡାତେରି, ଅତେ ନୀଏଁ ତୁକୁହାନା ପିସିମାଞ୍ଜାନେରି, ଏଡ଼ି ମିଣଏ, ସାମା ଏଞ୍ଜାରି ତାମ୍ବୁ ଝାହାନା ମାଜେ ପାଞ୍ଜାତା ଅୟାପେରି □”

୩୮ ଏତେଟିଏ କସ୍କା ହାଜାନା ନାହାଁୟି କିନାରାଇଁ ବାରେ କାତା ଝେସୁସି, ଇଞ୍ଜା ଇଞ୍ଜାରି ରମିୟ ଲକୃ ଇଞ୍ଜି~ ପୁଞ୍ଜାନା ଆଜିତେରି,

୩୯ ଏମ୍ବାଟିଏ ଏଞ୍ଜାରି ଝାହାନା ମାମ୍ବୁ ପୁନାଆନା ଏଲେକିତମି ଇଞ୍ଜି~ ବାଟିମାଲିହ~ ଏଞ୍ଜରାଇଁ ପାଞ୍ଜାତା ହପୁହା ତାଗନା, ଗାଡ଼ା ପିସାନା ହାଜାଲି ବାଟିମାଲିତେରି □

୪୦ ଏତେଟିଏ ପାଞ୍ଜୁଲ ଅତେ ସିଲା କାୟିଦି ଇଲୁଟି ହଟାନା ଲୁଦିୟା ଇଜ ହାରେରି, ଅତେ ତାୟିୟାଁ ତଲେ ଆଣ୍ଡାନା ଏଞ୍ଜରାଇଁ ବାସୁଁ ହାହାନା ହାଜାଡୁସୁସି □

୧୭

ତେସଲନିକିତା କାମା

୧ ତାୟୁ ଏଞ୍ଜାରି ଆପିପଲି ଅତେ ଆପଲନିୟା ହାହାନା ତେସଲନିକିତା ଝାତେରି; ଏମ୍ବାଆଁ ଜୀହୁଦି ଲକୃତି ର ଜୀହୁଦି ଲକୃତି କୁଟମି ଇଲୁ* ମାତେ □

୨ ଅତେ, ପାଞ୍ଜୁଲ ତାନି ମେରା ଲେହେଁ ଜୀହୁଦି ଲକୃତି କୁଟମି ଇଲୁତା† ହାରେସି, ଇଞ୍ଜା ତାନିଗଟା ଜମିନି ଦିନା ପାତେକା ଦାମ୍ବୁ ପତିତି କାତା ଆସାନା ଲକୃତଲେ ଜଲୁକି ଆତେସି,

୩ ଦାମ୍ବୁ ସାଫୁସି ତେଲହି କିହାନା ଏ କାତା ଇଦି ଇଞ୍ଜି~ ଇତେସି, ମସିହା ସାସ୍ତି ପାଣ୍ଡନାୟି ଅତେ ହାକିଟି ନିଜିନାୟି ଲଡ଼ାମାନେ □ ପାଞ୍ଜୁଲ ଏଲେଇତେସି, “ଆମିନି ଜୀସୁତି କାତା ଝେସିମାଞ୍ଜାଈ, ଏଞ୍ଜାସି ଏ ମସିହା □”

୪ ଏମ୍ବାଟିଏ ଏଞ୍ଜାରି ବିତ୍ରାଟି ଏତରଜାଣା ନାମାହାଁ ପାଞ୍ଜୁଲ ଅତେ ସିଲା କାତାତା ଆଣ୍ଡିତେରି; ଅତେ, ଜୀହୁଦି ଦାମ୍ବୁ ନାମାମାନି ଗ୍ରିକ୍ ଲକୃ ବିତ୍ରାଟି ହାରେକା ଲକୃ ଅତେ ମାନ୍ତିଗାଟି ହାରେକା ଇୟାସିକା ବିତ୍ରାଟି ଏଞ୍ଜାରିତଲେ ମାହାପୁରୁ ସେବାତା ଆଣ୍ଡିତୁ □

୫ ସାମା ଜୀହୁଦିୟାଁ ତାହାରା ଆହାନା ଏତେକା ଲାଗେଏତାରାଇଁ ପାଠହେରିତା କୁଡ଼ି କିତେରି, ଇଞ୍ଜା ଲକୃଣି ମାୟା କିହାନା ଗାଡ଼ାତା ଗଡ଼ହା ହପୁହେରି, ଇଞ୍ଜା ପାଞ୍ଜୁଲ ଅତେ ସିଲାଇଁ ସାଲୁଞ୍ଜି କିନାରି ନକିତା ହପୁହାତାଗାଲି ଏଞ୍ଜାରି ହାଜାନା ଜାସନ ଇଲୁତି ମୁଚାନା ପାରିତେରି □

୬ ସାମା ଏଞ୍ଜରାଇଁ ବେଟାଆଲିଏ ଏଞ୍ଜାରି ଜାସନ ଅତେ ଏତେକା ତାୟିୟାଁ ଗାଡ଼ାତି ସାଲୁଞ୍ଜି କିନାରି ନକିତା ରେଜା ତାଗନା କାଜା ଗିୟାତଲେ କାଲୁଞ୍ଜି ଆହ~ ଏଲେଇତେରି, “ଆମିନି ଲକୃ ଦାରୁତି ଇତାଲା ଆତାଲା କିହିମାନେରି, ଏଞ୍ଜାରି ଇମ୍ବାଆଁ ଜିକେଏ ଝାହାମାନେରି;

୭ ଜାସନ ଏଞ୍ଜରାଇଁ ଆବାମାନେସି, ଜୀସୁ ଦରୁଗାଟି ଅତେ ର ରାଜା ମାନେସି ଇଞ୍ଜି~ ଝେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନୁଞ୍ଜି କିହିଲିଅରି □”

୮ ଈ କାତା ଆସାନା ଲକୃ ଅତେ ସାଲୁଞ୍ଜି କିନାରି ବିତ୍ରା ହାରେକା କାରବି ଆତେରି ଅତେ ଗଡ଼ହା ଆତେ □

୯ ତାୟୁ ସାଲୁଞ୍ଜି କିନାରି ଜାସନ ଅତେ ଏଟକା ଲକୃଣି ତାୟୁୟାଁ ରାସାନା ଜାମଲି ତଲେ ଏଞ୍ଜରାଇଁ ପିସୁସି □

ବେରିୟାତା କାମା

† ୧୭:୩୩ ୧୭:୩୩ ମୁଞ୍ଜିନାୟି * ୧୭:୧ ୧୭:୧ ସିନଗର † ୧୭:୨ ୧୭:୨ ସିନଗର

୧୦ ଅଡ଼େ, ତାୟିୟାଁ ଝେଡ଼ାକିଆନା ପାଞ୍ଜୁଲ ଅଡ଼େ ସିଲାଈଁ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜାରି ଏମ୍ବାଆଁ ଏଜାନା ଜୀହୁଦି ଲକ୍ଷୁତି ଜୀହୁଦି ଲକ୍ଷୁତି କୁଟମି ଇଲ୍ଲୁତାଃ ହାଚେରି □

୧୧ ତେସଲନିକିତା ମାନି ଜୀହୁଦି ଲକ୍ଷୁ କିହାଁ ଇଞ୍ଜାରି ସାତାପାଣା ଗାଗାରି ମାଚେରି, ଇଞ୍ଜାରି ହାଚେରକା ରାହାଁତଲେ ମାହାପୁରୁ କାତା ଝେଚେରି, ଅଡ଼େ ପାଞ୍ଜୁଲ ଝେସ୍ତ୍ର କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପତି ପଡ଼ଞ୍ଜି ଆହିମାଚେରି □

୧୨ ଇଦାଆଁତାକି ଏଞ୍ଜାରି ବିତ୍ରାଟି ହାଚେରକା ଲକ୍ଷୁ ନାମିତେରି ଅଡ଼େ ଗ୍ରିକ୍ ଲକ୍ଷୁତି କାଜାରି ବିତ୍ରାଟି ହାଚେରକା ଇୟାସିକା ଅଡ଼େ ଆଦାୟାଁ ଜିକେଏ ନାମିତେରି □

୧୩ ସାମା ଏଚିବେଲା ତେସଲନିକିତି ଜୀହୁଦିଜ୍ଞା ପୁଚେରି, କି ବେରିୟାତା ଜିକେଏ ପାଞ୍ଜୁଲ ତାଣାଟି ମାହାପୁରୁତି ବଲ୍ଲୁ ଝେସ୍ତ୍ର ଆହିମାନେ, ଏଚିବେଲା ଏଞ୍ଜାରି ଏମ୍ବାଆଁ ଜିକେଏ ଖାହାନା ଲକ୍ଷୁ ମାନ୍ଦାତି ନିକହାନା ଗଡ଼ହା କିଞ୍ଜିକିତେରି □

୧୪ ଏଚେଟିଏ ତାୟିୟାଁ ଝେଡ଼ାକିଆନା ପାଞ୍ଜୁଲଈଁ ସାମ୍ବୁଦୁରି ଖାକି ହାଜାଲି ପାଣ୍ଡିତେରି; ଇଞ୍ଜାଁ ସିଲା ଅଡ଼େ ତିମତି ବେରିୟାତା ଡ଼ୟିତେରି □

୧୫ ସାମା ଆମ୍ବାଆରି ପାଞ୍ଜୁଲଈଁ ଇଚିହାଚାରି ଏଞ୍ଜାରି ଆତିନି ପାଚେକା ହାଚେରି, ଇଞ୍ଜାଁ ସିଲା ଅଡ଼େ ତିମତି ତବେ ନା ତାଣା ଖାଡ଼ପରି ଇଞ୍ଜାଁ ପାଞ୍ଜୁଲ ତାଣାଟି ହୁକୁମି ବେଗାଆହାନା ଏଞ୍ଜାରି ବେରିୟାତା ଝେଣ୍ଡେ ଖାଚେରି □

ଆତିନିତା ପାଞ୍ଜୁଲତି ସେବା କାମା

୧୬ ଆତିନିତା ପାଞ୍ଜୁଲ, ସିଲା ଅଡ଼େ ତିମତିଈଁ କାଟିମାଚେସି, ଏଞ୍ଜାସି ଏ ଗାଡ଼ାତା ହାଚେରକା ପେଣ୍ଡକା ବମାୟାଁ ମାନାଣି ମେସାନା ତାନି ଜୀହୁ ହାଚେରକା ଖୀତିତେ □

୧୭ ଏଦାଆଁତାକି ଏଞ୍ଜାସି ଜୀହୁଦି ଲକ୍ଷୁତି କୁଟମି ଇଲ୍ଲୁତାଃ ଜୀହୁଦି ଲକ୍ଷୁତଲେ ମାହାପୁରୁଈଁ ନାମାମାନି ଜୀହୁଦିଆଆତି ଲକ୍ଷୁତଲେ ଈ କାତା ବାରେଦିନା ଝେକହେସି □ ଗାଡ଼ାତି ଜିରୁ ଗାଗାତା ହାକି ଖାହିମାନି ଲକ୍ଷୁତଲେ ଏ କାତାତି ଝେସ୍ତ୍ରସି □

୧୮ ଏଚରଜାଣା ଏପିକୁରିୟା ଇଞ୍ଜାଁ ପ୍ରୟିକ୍ ଜାପୁନି ଗୁରକା ତଲେ ଏଞ୍ଜାରି ରୁକୁବାଡ଼ି ଆଡ଼େ □ ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଇ ରୁଦି ହିଲାଆ ହାଡ଼ାକାଣ୍ଡୁ ଏନାଆଁ ଝେସାଲି ଅଣ୍ଡିମାନେସି ?” ଅଡ଼େ ଏଚରଜାଣା ଏଲେଇଚେରି, “ଏଞ୍ଜାସି ପୁନାଆତି ପେଣ୍ଡକାତି କାତା ଝେହ୍ନିଲେହେଁ ଝେସିମାନେସି;” ଇଚିହଁ ଏଞ୍ଜାସି ଜୀସୁ ଅଡ଼େ ତାନି ଝେଣ୍ଡେ ନିଜାତି କାତାତି ନେହଁ କାବୁ ଝେକ୍‌ହି ମାଚେସି □

୧୯ ଏଦାଆଁତାକି ଏଞ୍ଜାରି ପାଞ୍ଜୁଲଈଁ ଆରିୟପାଗ ଗାଡ଼ାତି ବେରଣି ନକିତା ତାଚେରି, “ନାନୁ ଆମିନି ପୁଞ୍ଜି କାତା ଜାପୁହିମାଞ୍ଜି ଏଦି ଏନାୟି ଇଞ୍ଜାଁ ମାମ୍ବୁ ପୁଞ୍ଜାଲି ଆଡ଼ିନମି କି ?

୨୦ ଇଚିହଁ ନାନୁ ଏଚେକା କାବାଆନି କାତା ମାଜେ ଝେଣ୍ଡାମ୍ବି କିହିମାଞ୍ଜାଦି; ଈ ବାରେ କାତା ଏନାୟି ଏଦାଆଁ ମାମ୍ବୁ ପୁଞ୍ଜାଲି ଅଣ୍ଡିମାନମି □”

୨୧ ଆତିନି ଗାଡ଼ାତି ଲକ୍ଷୁ ଅଡ଼େ ଏମ୍ବାଆଁ ବାସାଆହାମାନି ଏଚକା ଦେସାତି ଲକ୍ଷୁ ପୁଞ୍ଜି କାତା ଝେସାଲି ଇଞ୍ଜାଁ ଝେଞ୍ଜାଲି ରାହାଁ ଆହିମାଚେରି □ ଏମ୍ବାଆଁ ଏଞ୍ଜାରି ଦିନା ରାପୁହି ମାଚେରି □

୨୨ ଏଚେଟିଏ ପାଞ୍ଜୁଲ ଆରିୟପାଗତି ବେରଣି ମାଦିଏ ନିଚାନା ଏଲେଇଚେସି, “ଏ ଆତିନିତି ଲକ୍ଷୁ, ମୀରୁ ବାରେ ଗାଡ଼ି ଦାମ୍ବୁଗାଗାଚେରି, ଇଞ୍ଜାଁ ହାଚେରକା ପେଣ୍ଡକାଣି ସେବା କିନାଚେରି, ଏଦାଆଁ ନାନୁ ମେସିମାଈଁ □

୨୩ ଇଚିହଁ ନାନୁ ମୀ ଗାଡ଼ାଟି ହାଜିମାଚେସି, ଅଡ଼େ ମୀରୁ ପୂଜା କିନି ଟାୟୁତା ସିନିକିତେସି, ନାନୁ ପୂଜା ପିଣ୍ଡାତା ମେସ୍ତ୍ରସି ଏମ୍ବାଆଁ ରାସ୍‌କି ଆହାମାନେ, ‘ପୁନାଆତି ମାହାପୁରୁ □’ ଆମିନିଗାଟାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲାଆତିହଁ ଜିକେଏ, ଏଦେଏ ନାନୁ ମିଜେ ଝେସିମାଞ୍ଜାଈଁ □

୨୪ *ଆମିନି ମାହାପୁରୁ ଦାରୁତି ଅଡ଼େ ଏମ୍ବାଆଁ ମାନି ବାରେ ରାତି କିହାମାନେସି, ଏଞ୍ଜାସି ଲାକପୁରୁ ଅଡ଼େ ଦାରୁତି ପ୍ରବୁ ଆହାମାନାକି ମାଣସି କେୟୁଟି କେପିତି ଦେଞ୍ଜୁଡ଼ିତା ବାସା କିଅସି □

୨୫ ଇଚିହଁ ଏଞ୍ଜାଣାକି ଏନାୟି ଲଡ଼ା ମାନାୟି ହିଲାଆକି ମାଣସି କେୟୁଟି ସେବା ଆଅସି, ଇଚିହଁ ଏଞ୍ଜାସି ତାନୁଏ ବାରେତାକି ଜୀହୁ, ନେଞ୍ଜାଲି ଇଞ୍ଜାଁ ବାରେ ଲଡ଼ାମାନାଣି ଇନେସି □

‡ ୧୭:୧୦ ୧୭:୧୦ ସିନଗର § ୧୭:୧୭ ୧୭:୧୭ ସିନଗର * ୧୭:୨୪ ୧୭:୨୪ କାମା ୭:୪୮

୨୭ ର ମାଣସି ତାଣ୍ଡାଟି ଏଝାସି ବାରେ ଲକ୍ଷ୍ମ ବାକାଈଁ ରାଟି କିହାମାନେସି; ଇଞ୍ଜାଁ ଏଝାଣି ହୁକୁମି ତଲେ ଏଝାରି ଦାଋତିତି ବାରେଝାକି ବାସା କିହାମାନେରି □ ଆମିନି ବେଲତା, ଆମ୍ବାଆସି ଆମିନି ତାଣ୍ଡା ବାସା କିନେସି, ମାହାପୁରୁ ମୁଲୁଟିଏ ଏଦାଆଁ ତାରି କିହାମାନେସି □

୨୮ ମାହାପୁରୁଟି ଅଣ୍ଟପୁ ମାଚେ, ବାରେଜାଣା ଏନିକିହଁ ଏଝାଣାଈଁ ପାରାନା ବେଟାଆଠେରି □ ସାମା ମାହାପୁରୁ ଆମ୍ବାଆରି ତାଣ୍ଡାଟି ହେକ ହିଲଅସି □”

୨୯ ଏନିକିହଁ ରଅସି ଝେସାମାନେସି,
“ଏଝାଣି ତାଣ୍ଡା ମାର ନାତିନାୟି, ତାକିନାୟି ଅଡେ ଡୟିନାୟି □
ଇଞ୍ଜାଁ ମା ବିଦ୍ରାଟି ଜିକେଏ ଏଚରଜାଣା ଝେସାମାନେରି,
ମାର ଜିକେଏ ଏଝାଣି ମୀରକା ମାସକା □”

୩୦ “କଚିହଁ ମାର ମାହାପୁରୁଟି ମୀରକା ମାସକା ଆଡାକି ଈ ମାହାପୁରୁ ଲେହେଁ ମାଣସି ବୁଦି ଅଡେ ଅଣ୍ଟପୁ ତଲେ କେପିତି ବାଂଗାରା, ଝେଣ୍ଡି କି ଝାଲକାଟି ବମା ଲେହେଁ ଅଣ୍ଟପିନାୟି ଆଏ □

୩୧ ଲକ୍ଷ୍ମ ମାହାପୁରୁଈଁ ପୁଞ୍ଜା ହିଲଆ ବେଲତା ଏଝାସି ଦହ ଆସା ହିଲଆତେସି, ସାମା ନୀଏଁ ଏଝାସି ବାରେଜାଣାଟି ବାରେଝାକି ତାମି ପାପୁ ଜିରୁଟି ଝେଣ୍ଡା ଝାହାଲି ଝେସିମାନେସି □

୩୨ କଚିହଁ ଆମିନି ଦିନା ତାନୁ ଆଡିତି ମାଣସି ତାଣ୍ଡାଟି ଦାମୁଁତଲେ ଦାଋତିତି ନୀହାୟି କିନେସି, ଇଲେତି ର ଦିନା ତାରି କିହାମାନେସି, ଇଞ୍ଜାଁ ଈ ବାରେ ସାତା ଇଞ୍ଜାଁ ତସାଲି ଏଝାସି ଏଝାଣାଈଁ ହାଡାରି ତାଣ୍ଡାଟି ନିକିହାମାନେସି □”

୩୩ ପାଝୁଲ ତାଣ୍ଡାଟି ହାଡାରି ଝେଣ୍ଡେ ନିଜିନି କାତା ଝେଞ୍ଜାନା ଏଚରଜାଣା ଲାଜା କିତେରି, ଅଡେ ଏଚରଜାଣା ଏଲେଇଚେରି, “ମାଞେ ଅଡେ ଝେଣ୍ଡେ ଝେସ୍ତାମ୍, ନୀ ତାଣ୍ଡାଟି ଈ କାତା ଝେନମି □”

୩୪ ଏଚେଟିଏ ପାଝୁଲ ବେରଣିଟି ହଡାହାଚେସି □

୩୫ ଆରିୟାପାରି ଦିୟନୁସିୟ ଗଚିତି ଦାମାରି ଇନି ର ଇୟା ଇଞ୍ଜାଁ ଅଡେ ଏଚେକା ଲକ୍ଷ୍ମ ନାମିତେରି ଇଞ୍ଜାଁ ଏଝାଣିତଲେ ଆଣ୍ଡିତେରି □

୧୮

କରନ୍ତିତା ପାଝୁଲତି କାମା

୧ ଏମ୍ବାଟିଏ ପାଝୁଲ ଆତିନି ଗାଡ଼ା ପିସାନା କରନ୍ତିତା ହାଚେସି □

୨ ଇଞ୍ଜାଁ ଏଝାସି ଆକିଝିଲା ଦରୁଗାଟି ର ଜୀହୁଦି ଲକ୍ଷ୍ମଈଁ ବେଟାଆଠେସି, ପନ୍ତ ଏଝାଣି ଜାନ୍ନା ଟାୟୁ; ଏଚରଦିନା ନକେଏ ଏଝାସି ତାନି ତକ୍ତି ପ୍ରିୟିଲା ତଲେ ଇଟାଲିଟି ଝାହାମାଚେସି, କଚିହଁ ଲୁଝୁଦିୟା ବାରେ ଜୀହୁଦି ଲକ୍ଷ୍ମଈଁ ରମ୍ ପିସା ହାଜାଲି ହୁକୁମି ହାହାମାଚେସି, ପାଝୁଲ ଏଝାସିକାଣି ବେଟି ହାଚେସି,

୩ ଅଡେ ଏଝାରି ଏଝାଣିଲେହେଁ ତୁମ୍ ବେବାରା କିନାରି ମାଚାକି ଏଝାରିତଲେ ଡୟିତେସି, ଅଡେ ଏଝାରି କାମା କିହାଲି ମାଡ଼ହେରି, ଏଦାଆଁତାକି କଚିହଁ ବେବାରାତା ଏଝାରି ତୁମ୍ କିନାରି ମାଚେରି □

୪ ଅଡେ ବାରେ ଜମିନି ଦିନାତା ଏଝାସି ଜୀହୁଦି ଲକ୍ଷ୍ମଟି କୁଟମି ଇଲୁତା* ଜଲ୍ଲକି ଆହଁ ଜାପୁହେସି, ଜୀହୁଦି ଅଡେ ଗ୍ରିକ୍ ଲକ୍ଷ୍ମଣି ନାମି କିଝିକିହାଲି ଅଣ୍ଟପିମାଚେସି □

୫ ଏଚିବେଲା ସିଲା ଅଡେ ତିମତି ମାକିଦନିୟାଟି ଝାଚେରି, ଏଚିବେଲା ପାଝୁଲ ନେହଁ ବଲୁ ଝେକ୍‌କିନି କାମା ଜମାଆନା କିହିମାଚେସି, ଅଡେ ଜୀହୁଦି ମସିହା ଇଞ୍ଜାଁ ଜୀହୁଦି ଲକ୍ଷ୍ମତାଣା ସାକି ହାହିମାଚେସି □

୬ ସାମା ଏଝାରି ଅପାଆନା ନିୟା କିହାଲିଏ ଏଝାସି ତାନି ହିମ୍‌ବି ହାଣ୍ଡାଣା ଏଲେଇଚେସି, “ମୀରୁ ନାସା ଆତିହଁ ଏଦାଆଁତାକି ମୀରୁ ଦାୟି ଆଠେଦି □ ଏଦାଆଁତାକି ନାନ୍ତୁ ଦାୟି ଆଏ, ନୀଏଁ ନାନ୍ତୁ ଜୀହୁଦିଆଆତି ଲକ୍ଷ୍ମତାଣା ହାଜିମାଈଁ □”

୭ ଏମ୍ବାଟିଏ ଏଝାସି ଏ ଟାୟୁଟି ହଡା ହାଜାନା ତିତସ ଜୁସ୍ ଇନି ଜୀହୁଦିଆଆତି ମାହାପୁରୁ ସେବା କିନାସି ଏଝାଣି ଇଜ ହାଚେସି, ଏଝାଣି ଇଲୁ ଜୀହୁଦି ଲକ୍ଷ୍ମଟି କୁଟମି ଇଲୁ† ତାଗେ ମାଚେ □

୮ ସାମା ଜୀହୁଦି ଲକ୍ଷ୍ମଟି କୁଟମି ଇଲୁ‡ କାଜାସି କ୍ରିସ୍‌ପ ବାରେ ଇଲୁ କୁଟମି ତଲେ ପ୍ରବୁ ତାଣା ନାମିତେରି, ଅଡେ କରନ୍ତି ଗାଡ଼ାଟି ଲକ୍ଷ୍ମ ବିଦ୍ରାଟି ହାରେକା ପାଝୁଲତି କାତା ଝେଞ୍ଜାନା ନାମିତେରି ଅଡେ ବାପ୍ରିସ୍‌ସି ଅଡେରି □

* ୧୮:୪ ୧୮:୪ ସିନଗଲ † ୧୮:୭ ୧୮:୭ ସିନଗଲ ‡ ୧୮:୮ ୧୮:୮ ସିନଗଲ § ୧୮:୮ ୧୮:୮ ମୁଞ୍ଜିନାୟି

୯ ଅଡ଼େ ପ୍ରବୁ ଲାଆଁୟାଁ ବେଲାତା ସେୟାଁଣା ହାପାନାତା ପାଞ୍ଜୁଲଇଁ ଏଲେଇଚେସି, “ଆଜାଆନି, ସାପି ଡ଼ୟାଆନା ଜିଲ୍ଲାମୁ,

୧୦ ଇତିହଁ ନାନୁ ନୀ ତଲେ ମାଇଁ, ଆମିନି ଲକୁ ଜିକେଏ ନୀ କପାଟି ନିଜୀନା ନିଜେ ନାସା କିହାଲି ଆଡ଼ଅସି, ଇତିହଁ ଈ ଗାଡ଼ାତା ହାଡ଼େକା ନା ଲକୁ ମାନେରି □”

୧୧ ଇଞ୍ଜି ପାଞ୍ଜୁଲ ଏଞ୍ଜାରିତାଣା ମାହାପୁରୁତି କାତା ଜାପୁହିହଁ ର ବାସୀ ସ ଲେଞ୍ଜୁ ଡ଼ୟିତେସି □

୧୨ ସାମା ଗାଲିୟ ଆକାୟାତି ରମିୟ ସାଲୁଞ୍ଜି କିନାସି ମାଟିବେଲାତା, ଜୀହୁଦି ଲକୁ ପାଞ୍ଜୁଲ କପାଟି ନିଜୀନା ଏଞ୍ଜାଣାଇଁ ନୀହାଁୟି କିନାରି ତାଣା ଦସା ଅହାନା ଏଲେଇଚେରି,

୧୩ “ଇଞ୍ଜାସି ମସାତି ମେରା କପାଟି ଅର ରଲେକଁ ମାହାପୁରୁତି ସେବା କିହାଲି ଲକୁଣି ଜାପୁହିମାନେସି □”

୧୪ ସାମା ପାଞ୍ଜୁଲ ଗୁତି ଏକହାନା ଜିଲ୍ଲାଲି ମାବୁହି ମାଟାଟି, ଗାଲିୟନ ଜୀହୁଦି ଲକୁଣି ଏଲେଇଚେସି, “ଆଡ଼େ ଜୀହୁଦି ଲକୁଡେରି ଏନିଲେହେତି ଦହ କି ଲାଗେଏତି କାମା ଆଡ଼ିହଁ ମା ସୁସ୍ତି ତଲେ ମୀ କାତା ଖେନାୟି ନାଜେତାକି ନେହେଁ ଆଡ଼େମା,

୧୫ ସାମା ଇଦି ଖାରଇ ବଲୁ ଅଡ଼େ ଦରୁ ଅଡ଼େ ମୀ ମେରାତି କାତା ମୀରୁଏ ଇଦାଆଁ ସୁସ୍ତି କିଦୁ □ ଇଲେତି କାତାତି ନାନୁ ନୀହାଁୟି କିଅଁ □”

୧୬ ଏଲେଇଞ୍ଜାନା ଏଞ୍ଜାସି ଏଞ୍ଜାରାଇଁ ନୀହାଁୟି କିନି ତାଣାଟି ପେରହା ତୁସ୍ତେସି □

୧୭ ଏଚେଟିଏ ବାରେଜାଣା ସସ୍ତାନ ଇନି ଜୀହୁଦି ଲକୁତି କୁଟମି ଇଲୁଡି* କାଜାଣାଇଁ ଆସାନା ନୀହାଁୟି ପାଜୀତା ଝେଡେରି; ସାମା ଗାଲିୟନ ଏ ବାରେ କାତାତା ମନ ହାଆଡେସି □

ପାଞ୍ଜୁଲ ଆନ୍ତ୍ରିୟକିୟାତା ଝେଣ୍ଡାଞ୍ଜାନାୟି

୧୮ ପାଞ୍ଜୁଲ କରନ୍ତିତା ନାମିତି ତାୟି ତାଜିସ୍ତା ତଲେ ହାଡ଼େକା ଦିନା ଡ଼ୟାନା ତାୟିୟାଁ ତାଣାଟି ହେଲ ବେଗାଆହାନା ଏମୁ ଜାଜାଟି ସିରିୟାତା ହାଚେସି, ପ୍ରିସ୍ତିଲା ଅଡ଼େ ଆକଞ୍ଜିଲା ତାନିତଲେ ହାଚେରି, ତାନି ଆଞ୍ଜିତାୟି ମାତାକି ଏଞ୍ଜାସି କେକେୟାତା ତାନି ତାୟି ହୁଣହେସି □

୧୯ ତାୟି ଏଞ୍ଜାରି ଏପିସିୟତା ଖାଡ଼େରି, ଅଡ଼େ ଏଞ୍ଜାସି ଏ ଚାୟୁତା ଆକଞ୍ଜିଲା ଅଡ଼େ ପ୍ରିସ୍ତିଲାଇଁ ହେଲ ହାହାନା ପାଞ୍ଜୁଲ ରଅସିଏ ଜୀହୁଦି ଲକୁତି କୁଟମି ଇଲୁଡା† ହଡ଼ାନା ଜୀହୁଦିୟାଁ ତଲେ ହାଡ଼ାକାତା ଆଡ଼େରି □

୨୦ ଇଞ୍ଜା ଏଞ୍ଜାରି ଏଞ୍ଜାଣାଇଁ ହାଡ଼େକା ଦିନା ଡ଼ୟାଲି ବାତିମାଲିତିହଁ ଞ୍ଜା ଏଞ୍ଜାସି ଡ଼ୟାଲି କୁଚେସି □

୨୧ ସାମା ଏଞ୍ଜାରି ତାଣାଟି ହେଲ ଅହାନା ଏଲେଇଚେସି, “ମାହାପୁରୁତି ମନ ଆତିହଁ ଅଡ଼େ ର ଦେବା ମୀ ତାଣା ଝେଣ୍ଡା ଖାଈଁ,‡ ଇଞ୍ଜା ଏଞ୍ଜାସି ଏପିସିୟଟି ହାଚେସି □

୨୨ କାୟିସିରିୟାତା ଏଗାହାଜାନା ଏମ୍ବାଟି ଜିରୁୟାଲମତା ହାଚେସି, ଅଡ଼େ କୁଲମିତି ଜହରା କିହାନା ଏମ୍ବାଟିଏ ଆନ୍ତ୍ରିୟକିୟାତା ହାଚେସି □

୨୩ ଏମ୍ବାଆଁ ଏଚରଦିନା ଡ଼ୟିତି ତାୟି, ଏଞ୍ଜାସି ଅଡ଼େ ଝେଣ୍ଡେ ହାଜାନା ଗାଲାତିୟ ଇଞ୍ଜା ପୁଗିୟା ନାସ୍ତକା ହାହାନା ହାଚେସି, ଅଡ଼େ ଜିରୁତା ସାୟୁୟାଁଣି ତାନି ନାମୁତା ଆବୁଞ୍ଜା ତଲେ ଡ଼ୟାଲି ରାହାଁ ହାଚେସି □

ଏପିସିୟ ଅଡ଼େ କରନ୍ତିତା ଆପଲ

୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା ଖାଡ଼େସି, ଏଞ୍ଜାସି ଆଲେକକାଣ୍ଡିୟାତା ଜାନି ଆହାମାଚେସି, ଏଞ୍ଜାସି ନେହଁକଁ ଝେସାଲି ଆଡ଼ିନାସି ଅଡ଼େ ଦାମ୍ବୁ ପତିତି କାତା ଗାଡ଼ି ପୁନାସି ମାଚେସି □

୨୫ ଇଞ୍ଜାସି ପ୍ରବୁ ଜିରୁତି କାତା ନେହଁକଁ ଜାପାମାଚେସି, ଇଞ୍ଜା ଜୀହୁତଲେ ବାଡ଼ୁମୁ ବେଗାଆହାନା ଜୀମୁତି କାତା ନେହଁକଁ ଜାପୁହି ମାଚେସି, ଏଞ୍ଜାସି ଖାରଇ ଜହନତି ବାପ୍ରିସ୍ତା‡ କାତା ପୁଞ୍ଜାମାଚେସି □

୨୬ ଏଞ୍ଜାସି ସାପାତଲେ ଜୀହୁଦି ଲକୁତି କୁଟମି ଇଲୁଡା§ ଜିଲ୍ଲାଲି ମାବୁହିହେସି, ସାମା ଆକଞ୍ଜିଲା ଅଡ଼େ ପ୍ରିସ୍ତିଲା ଏଞ୍ଜାଣି କାତା ଝେଣ୍ଡାନା ଏଞ୍ଜାଣାଇଁ ତାନି ଇଜ ଅହାନା ଏମ୍ବାଆଁ ହାଡ଼େକା ନେହେଁ ମାହାପୁରୁ ଜିରୁତି କାତା ପୁଣ୍ଡିକିଡ଼ୁ □

୨୭ ତାୟି ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାମିତି ତାୟିୟାଁ ଏଞ୍ଜାଣାଇଁ ସାଡ଼େସି କିଚେରି, ଇଞ୍ଜା ଏଞ୍ଜାଣାଇଁ ରାହାଁତଲେ ଆବାଲି ଆକାୟାତା ମାନି ସାୟୁୟାଁକି ର ଆକୁ

* ୧୮:୧୭ ୧୮:୧୭ ସିନଗର † ୧୮:୧୯ ୧୮:୧୯ ସିନଗର ‡ ୧୮:୨୫ ୧୮:୨୫ମୁଞ୍ଜିନାୟି § ୧୮:୨୭ ୧୮:୨୭ ସିନଗର

ରାଚିତେରି, ଏଞ୍ଜାସି ଏମ୍ବାଆଁ ଏଗାହାଜାନା ମାହାପୁରୁ କାର୍ମାଚି ନାମା ମାନାରାକି ହାରେକା ସାୟେନି କିତେସି □

୨୮ ଇଚିହିଁ ଜୀସୁସ ମସିହା ଇଞ୍ଜିଁ ଦାର୍ମୁ ପତିଚି ନେହିଁକିଁ ତସାହିଁ ଏଞ୍ଜାସି ବାରେଜାଣା ନକିତା ତାନିତଲେ ଆସପି ଆହିମାନି ଜୀହୁଦି ଲକୁଣି ହାରଞ୍ଜି କିତେସି □

୧୯

ଏପିସିୟତା ପାଞ୍ଚୁଲ

୧ ଆପଲ କରନ୍ତିତା ମାଚିବେଲିତା ପାଞ୍ଚୁଲ ଖେଡ଼ା ହପୁଞ୍ଜାକିଚି ରାଜି ରେଜାନା ଏପିସିୟ ଗାଡ଼ାତା ଏଗାଞ୍ଜାଡେସି □ ଏମ୍ବାଆଁ ଏଚରଜାଣା ସୀସୁୟାଣି ବେଟାଆଡେସି,

୨ ଏଞ୍ଜାସି ଏଞ୍ଜାରାଇଁ ଖେଚେସି, “ମୀରୁ ନାମିଚି ଚେଚୁଏ ସୁଦୁଜୀଞ୍ଜୁ ବେଟାଆହା ମାଚେରି କି ?” ଏଞ୍ଜାରି ଏଲେଇଚେରି, “ଆଏ ସୁଦୁଜୀଞ୍ଜୁ ମାନେ ଇଞ୍ଜିଁ ମୀମ୍ ଶ୍ରେଞ୍ଜା ଜିକେଏ ହିଲଅମି □”

୩ ପାଞ୍ଚୁଲ ଏଞ୍ଜାରାଇଁ ଖେଚେସି, “ଆଚିହିଁ ମୀରୁ ଏନିଲେହେଚି ବାପ୍ରିସ୍ତା* ବେଟାଆହା ମାଚେରି □” ଏଞ୍ଜାରି ଏଲେଇଚେରି, “ମୀମ୍ ଜୁହନତି ବାପ୍ରିସ୍ତା† ଅହାମାଚମି □”

୪ *ଏମ୍ବାଚିଏ ପାଞ୍ଚୁଲ ଏଲେଇଚେସି, “ଜୁହନତି ବାପ୍ରିସ୍ତା‡ ହିୟାଁ ଖେଚପି କିଞ୍ଜିକିନି ବାପ୍ରିସ୍ତା§ ଜୁହନ ଇସାୟେଲ ଲକୁଣି ବାପ୍ରିସ୍ତା* ହୀହାନା ଏଲେଇଚେସି, ନା ଜେଡ ଆମ୍ବାଆସି ଖାହିମାନେସି, ଏଞ୍ଜାଣାଇଁ ଇଚିହିଁ ଜୀସୁଇଁ ନାମାଦୁ ଇଞ୍ଜିଁ ଖେସିମାଚେସି □”

୫ ଇଦାଆଁ ଖେଞ୍ଜାନା ଏଞ୍ଜାରି ପ୍ରବୁ ଜୀସୁ ଦରୁତଲେ ବାପ୍ରିସ୍ତା† ଅଚେରି □

୬ ଅଡେ ପାଞ୍ଚୁଲ ଏଞ୍ଜାରି ଲାକ କେସା ଇଗାଲିଏ ସୁଦୁଜୀଞ୍ଜୁ ଏଞ୍ଜାରି ଲାକ ରେଟାଞ୍ଜାଡେ, ଇଞ୍ଜାଁ ଏଞ୍ଜାରି ଏଚକା ଏଚକା ହାଡାତଲେ କାତା ଜଲାନା ମାହାପୁରୁଚି ତାୟୁ ଆନି କାତା ଜିକେଏ ଖେକହେରି □

୭ ଏଞ୍ଜାରି ବାରେ ବାରଜାଣା ଆବାୟାଁ ମାଚେରି □

୮ ତାୟୁ ପାଞ୍ଚୁଲ ଜୀହୁଦି ଲକୁଚି ଜୀହୁଦି ଲକୁଚି କୁଚମି ଇଲୁତା‡ ହାଜାନା ତାନି ଲେଞ୍ଜୁ ପାଚେକା ସାସାତଲେ ମାହାପୁରୁ ରାଜିଚି କାତା ଖେକହିହିଁ ଲକୁଚି ମନତି ନାମି କିହାଲି ଅଣପିତେସି □

୯ ସାମା ଏଚିବେଲି ଏଚେକା ଲକୁ ଆବୁଞ୍ଜା ହିୟାଁ ଅଡେ ମୁଣ୍ଡି ଆହାନା ଲକୁ ନକିତା ପ୍ରବୁ ଜିରୁ କପାଚି ନିଜାନା ନିନ୍ଦା କାତା ଖେସ୍ତେରି, ଏଚିବେଲି ପାଞ୍ଚୁଲ ଏଞ୍ଜାରାଇଁ ପିସାନା ସୀସୁୟାଁ ଏଚକା କିତେସି, ଇଞ୍ଜାଁ ତୁରାନନ ଇନି ଜାପୁନି ଲକୁତା ବାରେଦିନା ଜାପୁହିଁ ମାଚେସି □

୧୦ ଇଲେଆହିଁ ରୀ ବାସାଁ ପାଚେକା ଆଡେ; ଏଚେଚିଏ ଆସିୟା ଦେସାତା ବାସାଆହାମାନି ହାରେକା ଜୀହୁଦି ଅଡେ ଜୀହୁଦିଆଆଚି ଲକୁ ବାରେଜାଣା ପ୍ରବୁଚି କାତା ଖେଚେରି □

ସ୍ତେବା ମୀରକା

୧୧ ଅଡେ, ମାହାପୁରୁ ପାଞ୍ଚୁଲ ତାଣାଚି ହାରେକା ବାଡୁରୁଚି କାମାୟାଁ କିହିମାଚେସି □

୧୨ ଇଲୀଆହିଁ ପାଞ୍ଚୁଲ କେମ୍ବିମାନି ପାଞ୍ଜାତା ତୁରନି ସକା କି ତୁଞ୍ଜାଲୀ ରଗା ଗାଗାରି ତାଣା ତାଚିସାରେ ଏଞ୍ଜାରି ତାଣାଚି ରଗା ପିସିମାଚେ ଅଡେ ବୁଡୁୟାଁ ହଡ଼ା ହାଜମାଚୁ □

୧୩ ସାମା ରେଜି ରେଜିହିଁ ବୁଡୁୟାଁ ପେନି ଜୀହୁଦିୟାଁ ବିଡ୍ରାଚି ଏଚରଜାଣା ପଲୁଆ ବୁଡୁୟାଁ ଆସାମାନାରି ଲାକ ପ୍ରବୁ ଜୀସୁ ଦରୁ ଆସାନା ପେରହାଲି ଅଣପାନା ଏଲେଇଚେରି, “ପାଞ୍ଚୁଲ ଆମିନି ଜୀସୁଇଁ ଖେକହିଁ ମାନେସି ନାଦୁ ଏଞ୍ଜାଣି ଦରୁଚି ନିଜେ ହୁକୁମି ହୀହିମାଞ୍ଜାଇଁ □”

୧୪ ସ୍ତେବା ଦରୁଗାଚି ର ଜୀହୁଦି କାଜା ପୁଜେରାଚି ସାଡ଼ା ଜାଣା ମୀରକା ଏଲେ କିହିମାଚେରି □

୧୫ ସାମା ପଲୁଆ ବୁଡୁୟାଁ ଏଞ୍ଜାରାଇଁ ଏଲେଇଚୁ, “ନାଦୁ ଜୀସୁଇଁ ପୁଞ୍ଜାମାଇଁ ଅଡେ ପାଞ୍ଚୁଲଇଁ ପୁଞ୍ଜାମାଇଁ; ସାମା ମୀରୁ ଆମ୍ବାଆଚେରି ?”

୧୬ ଏଚେଚିଏ ଏ ପଲୁଆ ବୁଡୁ ଆଲଗା ମାଚାସି ଏଞ୍ଜାରି ଲାକ ଡେଞ୍ଜାଁନା ଏଞ୍ଜାରାଇଁ ଇରହାଲିଏ ଏଞ୍ଜାରି ନାଗଡ଼ା ଉଗଡ଼ା ରାଣାରାକା ଆହାନା ଏ ଇଲୁଚି ହଚେରି □

୧୭ ଇ କାତା ଏପିସିୟତା ମାନି ଜୀହୁଦି ଅଡେ ଜୀହୁଦିଆଆଚି ଲକୁ ବାରେଜାଣା ପୁଚେରି, ଇଞ୍ଜାଁ ବାରେଜାଣା ଆଜିତେରି, ଅଡେ ଏମ୍ବାଆଁ ପ୍ରବୁ ଜୀସୁଚି ଦରୁ ହାରେକା ଗାଞ୍ଜୁରମି କିତେରି □

* ୧୯:୩ ୧୯:୩ ପୁଞ୍ଜିନାୟି † ୧୯:୩ ୧୯:୩ ପୁଞ୍ଜିନାୟି * ୧୯:୪ ୧୯:୪ ମାଚି ୩:୧୧; ମାର୍କି ୧:୪,୭,୮; ଲୁକା ୩:୪,୧୭; ଜହ ୧:୨୭,୨୭
‡ ୧୯:୪ ୧୯:୪ ପୁଞ୍ଜିନାୟି § ୧୯:୪ ୧୯:୪ ପୁଞ୍ଜିନାୟି * ୧୯:୪ ୧୯:୪ ପୁଞ୍ଜିନାୟି † ୧୯:୫ ୧୯:୫ ପୁଞ୍ଜିନାୟି ‡ ୧୯:୮ ୧୯:୮ ସିନଗଗ

୧୮ ଅଡ଼େ ନାମୁଗାଟାରି ବିତ୍ରାଟି ହାରେକା ଖାହାନା ତାମ୍ବୁ କିହାମାନି ପଲୁଆ କାମାଟି ଖେସ୍ତେରି □

୧୯ ଅଡ଼େ ଗାଠଡ଼ି କାମା କିହିମାଟି ହାରେକା ଜାଣା ତାମ୍ବୁତାମି ପତିୟା ତାଟିହି ରୁଣ୍ଡା କିହାନା ବାରେଜାଣା ନକିତା ହୁତିତେରି; ଏଞ୍ଜାରି ଏ ବାରେତି ଲେକା କିହାଲିଏ ରୀ କଡ଼ି ଦସ ମାଣା ଖେଣ୍ଡି ଗାକାୟାତି ପତିୟା ମାରୁ □

୨୦ ଇଲେଆହି ପ୍ରବୁତି ବଲୁ ବାଡ଼ୁଲୁ ତଲେ ପାତାଆଡ଼େ ସାରିସ୍ତୁ ଖେଜିତେ □

ଏପିସିୟ ଗାଡ଼ାତା ଗଡ଼ହା

୨୧ ଈ ବାରେ କାତା ରାଡ଼ି ତାମ୍ବୁ ପାଞ୍ଜୁଲ ମାକିଦନିୟା ଅଡ଼େ ଆକାୟା ମାଦିଟି ଜିରୁସାଲମତା ହାଜାଲି ମନତା ତୀରି କିତେସି □ ଏଞ୍ଜାସି ଏଲେଇରେସି, “ଏମାଆଁ ହାଟି ତାମ୍ବୁ ନାନୁ ରମ୍ତା ଜିକେଏ ହାନାୟିମାନେ □”

୨୨ ଅଡ଼େ ଆମ୍ବାଆରି ଏଞ୍ଜାଣି ସେବା କିହିମାରେରି, ଏଞ୍ଜାରି ବିତ୍ରାଟି ତିମତି ଅଡ଼େ ଏରାସ୍ତ ଈ ରିଆରାଈ ମାକିଦନିୟାତା ପାଣ୍ଡାମା ଏଞ୍ଜାସି ଏଚରଦିନା ପାତେକା ଆସିୟାତା ଡ଼ୟିତେସି □

୨୩ ଏଟିବେଲ୍ଲାତା ପ୍ରବୁ ତସାମାନି ଜିରୁତି କାତା ଅହାନା ଏପିସିୟତା ହାରେକା ଗଡ଼ହା ଆଡ଼େ □

୨୪ ଦିମିତ୍ରିୟ ଦରୁଗାଟି ର ଖେଣ୍ଡି କାମାକିନାସି ଆର୍ଡେମି ପେନୁତି ର ଖେଣ୍ଡିତି ଦେଞ୍ଜୁଡ଼ି କିହିମାରେସି, ଇଞ୍ଜା ଏଞ୍ଜାଣି ଈ ବେବାରା କାମା କିନାରାକି ହାରେକା ଲାବା ଆହିମାରେ □

୨୫ ଏମ୍ବାଟିଏ ଏଞ୍ଜାସି ଇଞ୍ଜା ଏଞ୍ଜାରିଲେହେଁ କାମା କିନାରାଈ ହାଟାନା ଏଲେଇରେସି, “ବାବୁୟାଁ ଈ କାମାଟି ମାରୁ ଦନ ବେଗାଆହି ମାନାୟି ଇଞ୍ଜା ମାରୁ ବାରେ ପୁଞ୍ଜାମାଞ୍ଜେରି;

୨୬ ଅଡ଼େ, କେସ୍ତାତଲେ କେପିତି ପେଣକା ମାହାପୁରୁ ଆଏ ଇଞ୍ଜା ଖେସାନା ପାଞ୍ଜୁଲ ଖାଠ୍ଲ ଏପିସିୟତା ଆଏ, ସାମା ବାରେ ଆସିୟାତା ଜିକେଏ ହାରେକା ଲକୁଣି ଜାପୁହାନା ଏମ୍ବାଟି ମାଡ଼଼ି କିହିମାନେସି, ଈଦାଆଁ ମାରୁ ମେସାମାଞ୍ଜେରି ଅଡ଼େ ଖେଞ୍ଜାମାଞ୍ଜେରି □

୨୭ ଇମ୍ବାଆଁ ଖାଠ୍ଲ ମା ବେବାରା କାମା ଲାଗେଏ ଆନେ, ଏଦି ଆଏ, ସାମା ଆମିନି କାଜା ପେନୁ ଆର୍ଡେମିଈ ବାରେ ଆସିୟା ଅଡ଼େ ଦାର୍ଡତି ଲକୁ ପୂଜା କିହିମାନେରି, ଏଦାନି ଦେଞ୍ଜୁଡ଼ିତି ଜିକେଏ ଲକୁ ମାନ୍ତି କିଅରି, ଇଞ୍ଜା ଆର୍ଡେମି ପେନୁତି ଦରୁ କାଜା ଦରୁ ଇଞ୍ଜା ଖେଜେଏ □”

୨୮ ଈ କାତା ଖେଞ୍ଜାନା ବାରେଜାଣା କାର୍ଡି ଆହାନା କାଜା ଗିୟାତଲେ ଏଲେଇରେରି, “ଏପିସିୟ ଲକୁତି ଆର୍ଡେମିଏ କାଜା ପେନୁ □”

୨୯ ଏରେଟିଏ ଗାଡ଼ା ବାରେ ଗଡ଼ହା ଆଡ଼େ, ଇଞ୍ଜା ଲକୁ ବାରେ କାଲ୍ଡି ଆହାନା ପାଞ୍ଜୁଲ ତଲେ ହାଜିମାଟି ମାକିଦନିୟାତି ଗାୟ ଅଡ଼େ ଆରିସ୍ତାକିଈ ଦସାନା କାହିନି ବାଟାତା ହଟେରି □

୩୦ ଏମ୍ବାଟିଏ ପାଞ୍ଜୁଲ ଲକୁ ମାଦା ବିତ୍ରା ହାଜାଲି ଅଣପିତେସି, ସାମା ସାସୁୟାଁ ଏଞ୍ଜାଣାଈ ହାଜାଲି ହାଆତେରି □

୩୧ ଅଡ଼େ ଆସିୟାତି ସାଲ୍ଡି କିନାରି ବିତ୍ରାଟି ଜିକେଏ ଏଞ୍ଜାରି ତଡ଼ ଗାଟାରି ମାଟାକି କାହିନି ବାଟା ମାଦି ହାଲାଆପେସି ଇଞ୍ଜା ଲକୁଣି ଖେସା ପାଣ୍ଡାମା ଏଞ୍ଜାଣାଈ ବାଟିମାଲିତେରି □

୩୨ ଏଟିବେଲ୍ଲା ହାରେକା ଗଡ଼ହା ଆହିମାରେ, ଇଞ୍ଜା ଲକୁ ମାଦା ମାଦା ଆହିଁ ଏଚରଜାଣା ଈ କାତା ଅଡ଼େ ଏଚରଜାଣା ଏ କାତା ଇଞ୍ଜା କାଲ୍ଡି ଆହିମାରେରି, ଅଡ଼େ ଏଞ୍ଜାରି ଏନାଆଁତାକି ରୁଣ୍ଡା ଆହାମାନେରି ହାରେକା ଲକୁ ପୁଞ୍ଜାହିଲାଆତେରି □

୩୩ ଲକୁ ବିତ୍ରାଟି ଏଚରଜାଣା ଏଲେଇରେରି, ଆଲେକଜାଣ୍ଡାର ଈଦାଆଁତାକି ଦାୟି, ଇଟିହିଁ ଜାହୁଦି ଲକୁ ଏଞ୍ଜାଣାଈ ନକିତା ନିପୁହା ମାରେରି, ଆଲେକଜାଣ୍ଡାର କେୟୁ ପେର୍ହାନା ଲକୁଣି ପାଲେଏ ଆହାଲି କେୟୁ ଜାଞ୍ଜିତେସି, ଅଡ଼େ ନାମୁଗାଟାରି ଖାକିଟି ଖେସାଲି ଅଣପିତେସି □

୩୪ ସାମା ଏଞ୍ଜାସି ର ଜାହୁଦି ଇଞ୍ଜା ଏଟିବେଲ୍ଲା ଏଞ୍ଜାରି ପୁଚେରି; ଏଟିବେଲ୍ଲା ବାରେଜାଣା କାଜା ଗିୟାତଲେ ରୀ ଗଟା ପାତେକା କାଲ୍ଡି ଆହାନା ଏଲେଇରେରି, “ଆର୍ଡେମିଏ ଏପିସିୟ ଲକୁତି କାଜା ପେନୁ □”

୩୫ ତାମ୍ବୁ ଗାଡ଼ାତି କାଜାସି ଲକୁଣି ସ୍ତ୍ରି କିହାଲି ଖେସ୍ତେସି, “ଏ ଏପିସିୟତା ମାନି ତାୟିୟାତେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାତି କାଜା ପେନୁ ଆର୍ଡେମିତି ଦେଞ୍ଜୁଡ଼ି ଇଞ୍ଜା ହାଗୁଲାକଟି ରେଟା ଖାହାମାନି ସୁଦୁତି ବମା ଗେଲପିକିଞ୍ଜି ଆହାମାନେ □

୩୬ ଆମ୍ବାଆସି ଈଦାଆଁ ଆଏ ଇଞ୍ଜାଲି ଆଡ଼ଅସି, ଏଦାଆଁତାକି ମାରୁ ବାରେ ସ୍ତ୍ରି ଆଦୁ, ଏନ୍ତି ବୁଦି ହିଲାଆ କାମା କିଆଦୁ □

୩୭ ଇଚିହଁ ଇ ଆମିନି ଲକ୍ଷ୍ମିଂ ମୀରୁ ଦଧା ତାରାମାଞ୍ଜେରି, ଇଞ୍ଜାରି ଦେଫୁଡ଼ିତି ସରୁ କିହାହିଲଅରି, ଇଞ୍ଜା ମା ପ୍ରେଣକା କପାଟି ଏନି ନିନ୍ଦା କାତା ଜଲ୍ଲା ହିଲଅରି □

୩୮ ଏଦାଆଁତାକି ଦିମିତ୍ରିୟ ଅଡେ ଏଞ୍ଜାଣିତଲେ କାମାକିନାରି ଆମ୍ବାଆରି କପାଟି ଏନି କାତା ମାଟିହଁ, ନାହାଁୟି କିହାଲି ନାହାଁୟି ଇଲୁ ଦେପିଆହାମାନେ, ଇଞ୍ଜା ନାହାଁୟି କିନାରି ମାନେରି, ଏଞ୍ଜାରି ନକିତା ତାମ୍ବୁ ତାମି ଦାଞ୍ଜା କିପେରି □

୩୯ ଇଦାଣିକିହାଁ ଆଗାଡ଼ା ଅର୍ଥପାଟିହଁ, ଲକ୍ଷ୍ମି ତାଣାଟି ମେରା କିଞ୍ଚି ଆହାମାନି ନାହାଁୟି କିନି ତାଣା ଏଦାଆଁ ଡିକନାୟି ଆନେ □

୪୦ ଇଚିହଁ ସାତେଏ ନୀଞ୍ଜୁତି ଗଡ଼ହା ତାକି ମା କପାଟି ଦାଞ୍ଜା ଆନାୟି ମାନେ; ଏନିଇଚିହଁ ଏ ଗଡ଼ହା ଏନାଆଁତାକି ହଡେ ଏଦାଆଁ ମାର ଏନି କାତାତଲେ ତସାଲି ଆଡ଼ାଆୟି □”

୪୧ ଇ ବାରେ କାତା ଷ୍ଟେସାନା ଲକ୍ଷ୍ମିଣି ସୂସ୍ତି କିହାନା ନାହାଁୟି ତୁକହେସି □

୨୦

ମାକିଦନିୟା ଅଡେ ଆକାୟାତା ହାନାୟି

୧ ଏ ଗଡ଼ହା ହୁଜିତି ତାୟୁ ପାଞ୍ଜୁଲ ସୀୟୁୟାଣି କୁଡ଼ି କିହାନା ଏଞ୍ଜାରାଇଁ ବାସୁତି କାତା ଷ୍ଟେସେସି, ଏଞ୍ଜାରି ତାଣାଟି ହେଲ ଅହାନା ମାକିଦନିୟାତା ହାରେସି □

୨ ଏଞ୍ଜାସି ବାରେ ନାୟକାଟି ହାଜିହଁ, ହାରେକା ସୀୟୁୟାଣି ବାସୁ ହାହାନା ଗ୍ରିସ୍ ଦେସାତା ହାରେସି □

୩ ଏମ୍ବାଟିଏ ଏଞ୍ଜାସି ଏମ୍ବାଆଁ ତାନି ଲେଞ୍ଜୁ ତୁୟିତେସି, ଏଞ୍ଜାସି ସିରିୟାତା ହାଜାଲି ତିୟାରା ଆହିମାଟି ବେଲାତା, ଜାହୁଦି ଲକ୍ଷ୍ମି ଏଞ୍ଜାଣାଇଁ ପାୟାଲି ତାରି କିହାମାନେରି ଇଞ୍ଜୁଁ କାରୁ ପୁଞ୍ଜାନା ମାକିଦନିୟା ଖାକିଟି ଷ୍ଟେଣ୍ଡେ ହାଜାଲି ତାରି କିତେସି □

୪ ଅଡେ ବେରିୟା ତାସି ପୁରତି ମୀରୁଏସି ସପାତର, ଅଡେ ତେସଲନିକି ଗାଡ଼ାଟି ଆରିସ୍ପାର୍କ, ସେକୁନ୍ଦ, ଦବ ିତ ଗାୟ, ତିମତି ଅଡେ ଆସିୟାତି ଲକ୍ଷ୍ମି ବିଡ୍ରାଟି ତୁକିକ ଅଡେ ତୁସିମ ଏଞ୍ଜାଣିତଲେ ହାରେରି □

୫ ଏଞ୍ଜାରି ବାରେଜାଣା ନକେଏ ହାଜାନା ତୁୟାତା ମାଜେ କାଟିମାଞ୍ଜାତେରି □

୬ ଅଡେ ପୁଲ୍ଲା ଗୁଣ୍ଡା ଆଣ୍ଡାଆତି ରୁଟି ତିନି ପାର୍ସୁ ତାୟୁ ମାମ୍ବୁ ପିଲିପିଟି ଏୟୁ ଜାଜାଟି ହାଚମି, ଇଞ୍ଜା ପାସା ଦିନା ତାୟୁ ତୁୟାତା ଏଞ୍ଜାରାଇଁ ବେଟାଆହାନା; ଏମ୍ବାଆଁ ର ଞ୍ଜାରି ତୁୟିତମି □

ତୁୟାତା ପାଞ୍ଜୁଲ ତାୟୁ ପାଲି ହାନାୟି

୭ ଖାରାତି ମୂଲୁ ଦିନାଟି ମିଡ଼ଅଲ୍ଲା ରାଦା ତିଞ୍ଜାଲି ରୁଣ୍ଡା ଆହାମାଚମି, ପାଞ୍ଜୁଲ ଅର ନେରୁ ହାନାୟି ମାଟାକି ଏଞ୍ଜାସି ଲକ୍ଷ୍ମିଣି ମାଟି ନେକେରି ପାତେକା ନେହଁ କାତା ଷ୍ଟେସିମାରେସି □

୮ ମାମ୍ବୁ କୁଡ଼ା ଆହାମାନି ଲାକିନି ପାରୁଡ଼ି ଇଲୁତା ଏମ୍ବାଆଁ ହାରେକା ଦାଞ୍ଜୁୟାଁ ତାଞ୍ଜିମାରୁ □

୯ ଅଡେ ଇଞ୍ଜୁତୁକ ଇନି ର ଦାଂଗଣେଏସି କିଡ଼କି ଲାକ କୁଗାମାରେସି, ଏଞ୍ଜାଣାକି ହାରେକା ଇଦା ଖାହିମାରେ; ଇଞ୍ଜା ପାଞ୍ଜୁଲ କାତା ହାରେକା ଲାମ୍ବା କିହଁ ଷ୍ଟେସିମାଟାକି ଇଞ୍ଜୁତୁକ ତାନି ପାରୁ ଗାଟି ଇଲୁ ଲାକିଟି ତୁଲ ରାତେସି, ଏଟିବେଲା ଏଞ୍ଜାରି ଇଞ୍ଜୁତୁକଇଁ ନିକହେରି, ଏଞ୍ଜାସି ହାହାମାରେସି □

୧୦ ସାମା ପାଞ୍ଜୁଲ ତୁଲ ରେଟାଖାହାନା ଏଞ୍ଜାଣି ମୁହେଁ ମାରହାଆ ଏଞ୍ଜାଣାଇଁ ପମାନା ଏଞ୍ଜାଣି ତାଣା ଖାଲି ଲେଲି, “ଆଜାଆଦୁ ଇଚିହଁ ଇଞ୍ଜାଣି ତାଣା ଜାଞ୍ଜୁ ମାନେ □”

୧୧ ତାୟୁ ଲାକ ହାଜାନା ରୁଟି ବାଟିକିହାଁ ତିତେରି, ଇଞ୍ଜା ଲାକ ଷ୍ଟେସିନି ପାତେକା ହାଡ଼ାକାତା ଆହାନା ପାଞ୍ଜୁଲ ହାରେସି □

୧୨ ଅଡେ ଲକ୍ଷ୍ମି ଏ ଦାଂଗଣା କକାଣାଇଁ ଜାଞ୍ଜୁତଲେ ଇଜ ଅହଁ ହାରେରି ଇଞ୍ଜା ଏଞ୍ଜାରି ହାରେକା ବାସୁ ବେଟାଆଡେରି □

ତୁୟାଟିଏ ମିଲିତତା ହାନାୟି

୧୩ ସାମା ମାମ୍ବୁ ନକେଏ ଜାଜାତା ହଚାନା ଆସସତା ହାଚମି, ଏମ୍ବାଟିଏ ମାମ୍ବୁ ପାଞ୍ଜୁଲଇଁ ଅହାଲି ଅଣ୍ଡପାମାଚମି, ଇଚିହଁ ଏଞ୍ଜାସି ତାନ୍ସୁଏ ତାକିହଁ ହାଜାଲି ତାରି କିହାମାରେସି □

୧୪ ଏଟିବେଲା ଏଞ୍ଜାସି ଆସସତା ମାଜେ ବେଟା ଆୟାଲିଏ, ମାମ୍ବୁ ଜାଜାତା ଏଞ୍ଜାଣାଇଁ ମିତିଲିନିତା ତାଟିହଁ ଖାଡ଼ମି,

୧୫ ଅଡେ ଏମ୍ବାଟି ହାଜାନା ଏ ଅର ନେରୁ କିଅସତା ଏଗାହାଚମି, ଅଡେ ର ଦିନାଟି ଜ୍ଞେଟ ସାମସତା ଏଜାହାଁ, ତାନି ଅର ନେରୁ ମିଲିତତା ଏଗାହାଚମି □

୧୭ ଇତିହଂ ପାଞ୍ଚଲ ଆସିୟା ରାଜିତା ହାରେକା ଦିନା ତୃୟାଆନା, ଇଦାଆଁତାକି ଏଞ୍ଜାସି ଏପିସିୟ ପିସାନା ହାଜାଲି ତୀରି କିହାମାଚେସି, ଆଡ଼ିସାରେ ପେଟ୍ଟିକସ୍ତ ଦିନା ଜିରୁସାଲମତା ଏଗାହାଜାଲି ଦାଗା ଆହୁମାଚେସି □

ଏପିସିୟ କୁଲମିତି କାଜାରାଇଁ ପାଞ୍ଚଲ ଝେହ୍ନାୟି

୧୭ ମିଲିତଟିଏ ପାଞ୍ଚଲ ଏପିସିୟ କୁଲମିତି କାଜା ଲକୁଣି କାବୁ ପାଣ୍ଡାନା ହାଟିକିତେସି □

୧୮ ଏଞ୍ଜାରି ତାମି ତାଣା ଝାୟାଲିଏ, ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଆସିୟାତା ନାନୁ ଏଦାତି ଦିନାଟିଏ ମୀ ତଲେ ଏନିକିହଂ ମାଚେସି ମୀରୁ ପୁଞ୍ଜାମାଞ୍ଜେରି,

୧୯ ପ୍ରବୁତି ହଲେଏଶା ଆହାନା ଜାହାରାଇଁ ଉଣା କିହାଁ ଅଡେ କାଣ୍ଡୁ, ରୁକହାଁ ନାଜେ ସାସ୍ତି ଝାଡାଟି ନାନୁ ପ୍ରବୁତି ସେବା କିତେସି, ଏନାଆଁତାକି ଇତିହଂ ଏଚରଜାଣା ଜୀହୁଦି ଲକୁତି ପାରୁ ପାରିମାଚାକି □

୨୦ ମୀରୁ ପୁଞ୍ଜାମାଞ୍ଜେରି, ନାନୁ ପାଞ୍ଜାଞ୍ଜେଲେ ଲକୁତାଣା ଝେହ୍ନାରି ଅଡେ ମିଜେତାକି ଇଲୁତା ଝେସ୍ତାନି ବେଲୀତା ମୀ ନେହେ ଆନିଲେହେତି ଏନାଆଁ ଜିକେଏ ତୁକୁହା ହିଲଆତେସି,

୨୧ ଜୀହୁଦି ଅଡେ ଜୀହୁଦିଆଆତି ଲକୁ ନକିତା ଜାଗ୍ରାତା କିହଂ ସାକି ହାହାନା ଝେସାମାଚେସି, ଏଞ୍ଜାରି ପାପୁତି ଏଟ୍ଟକା ଆହାନା ମାହାପୁରୁ ଝାକି ମନ ଝେଟ୍ଟହା କତାନା ମା ପ୍ରବୁ ଜୀସୁଇଁ ନାମିନେରି □

୨୨ ନୀସି ମେହ୍ଦୁ, ନାନୁ ସୁଦୁଜୀଞ୍ଜୁଇଁ ମାନଝି ଆହାନା ଜିରୁସାଲମତା ହାଜିମାଇଁ, ଏମ୍ପାଆଁ ନାଜେତାକି ଏନାଆଁ ଆନେ ନାନୁ ପୁଞ୍ଜାହିଲଅଁ;

୨୩ ସୁଦୁଜୀଞ୍ଜୁ ନାଜେ ଜାଗ୍ରାତା କିହାଁ ସାକି ହାହିମାଞ୍ଜାନେ, ଗାଡାତାକି ଗାଡା କାୟିଦି ଆହାନା କସ୍ତ ବେଗାଆଇଁ □

୨୪ ସାମା ନାନୁ ଏନିକିହଂ ନା ତୀରିଆହାମାନି ଗାୟୁ ପାତେକା ହଟାଲି ଆଡ଼ିଇଁ, ଅଡେ ମାହାପୁରୁତି କାର୍ମାଟି ନେହଂ କାବୁତା ସାକି ହାହାଲିତାକି ଜୀସୁ ତାଣାଟିଏ ଏମିନି ସେବା କାମା ବେଗାଆହାମାଇଁ, ଏଦାଆଁ ଏନିକିହଂ ରାପୁହାଲି ଆଡ଼ିଇଁ, ଏଦାଆଁତାକି ନା ଜୀଞ୍ଜୁତି କାଜାୟି ଇଞ୍ଜୁଁ ଅଣ୍ଡିପି ହିଲଅଁ □”

୨୫ “ଅଡେ ନୀସି ନାନୁ ପୁଞ୍ଜାମାଇଁ ମୀରୁ ଅଡେ ନାଜେ ଝେଣ୍ଡେ ମେସ୍ତଅତେରି □ ନାନୁ ମୀ ବାରେ ତାଣା ମାହାପୁରୁ ରାଜିତି କାତା ରେଜିହଂ ଝେସାମାଞ୍ଜାଇଁ □

୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆଟ୍ଟା ତଲେ ଝେସିମାଇଁ, ମୀ ବିଡାଟି ଆମ୍ପାଆସି ନାସା ଆଟିହଂ ଏମ୍ପାତି ଦାୟି ନାନୁ ଆଏ

୨୭ ଇତିହଂ ମାହାପୁରୁ ଅଣ୍ଡିପିମାନାଣି ବାରେ ମିଜେ ଝେସାଲି ନାନୁ ପିସା ହିଲଅଁ □

୨୮ ମୀରୁ ମିଜେ ଜାହାରା କାତା ଅଡେ ଆମିନି କୁଲମିତି ମାହାପୁରୁ ତାନି ନେତେରି ତଲେ କତାମାନେସି, ତାନି ଏ କୁଲମିତି ପହି ପାତିକିହାଲିତାକି ସୁଦୁଜୀଞ୍ଜୁ ବାରେ ମାମା ବିଡାଟି ଗୁମ୍ପା କିହାଁ ମିଜା ଆତାମାଞ୍ଜାନେସି, ଏଞ୍ଜାରାଇଁ ଜାଗ୍ରାତା କିମୁ □

୨୯ ନାନୁ ହାତି ତାୟୁ ଆଜିହ୍ପେତି ଗଦ କ୍ଲୀଞ୍ଜନିଁ ଝାନ୍ତୁ, ଅଡେ ମେଣ୍ଡାୟିଁ ମାହାତି ରାଣାରାକା କିଆନା ପିହ୍ଡେ,

୩୦ ଦିନା ଝାନ୍ତେ, ଏଟିବେଲୀ ମୀ ଗଟିତି ଏଚେକା ସୀସୁୟାଁ ନିଜାମା ନାମୁ ଗାଗାରାଇଁ ମିତି କାତା ଝେସାନା ଏଟ୍ଟକା ଜିରୁତା ଅନେରି,

୩୧ ଏଟିବେଲୀ ଜାଗ୍ରାତା ତୃୟାଦୁ, ନାନୁ ଲାଆଁ ମାଦେନା କାଣ୍ଡୁ ଝାକିହିହଂ ତାନି ବାର୍ଯା ପାତେକା ବାରେତେରି ମିଜେ ଜାପୁହା ମାଞ୍ଜାଇଁ, ଇ କାତା ଅଣ୍ଡିପୁତା ଇଟାଦୁ □”

୩୨ ନୀସି ନାନୁ ମିଜେ ମାହାପୁରୁ ଇଞ୍ଜାଁ ତାନି କାର୍ମାମେହ୍ନି ବଲୁ ନକିତା ହେରପିମାଞ୍ଜାଇଁ, ଇ କାର୍ମାଟି କାତା ମିଜେ ବାଡୁୟୁ ତଲେ ପାତିକିହାଲିତାକି ଅଡେ ସୁଦୁ ଆହାମାନି ବାରେ ଲକୁ ବିଡା ଅଦିକାରା ହାହାଲି ଆଡାମେସି □

୩୩ ନାନୁ ଆମ୍ପାଆରି ବାଂଗାରା, ଝେଣ୍ଡି କି ହିମ୍ପୁରିକା କୁପକା ଆହାହିଲଆତେସି □

୩୪ ମୀରୁ ପୁଞ୍ଜାମାଞ୍ଜେରି ଇ ନା ରୀ କେସ୍ତାତଲେ କାମା କିହାନା ନାଜେ ଅଡେ ନା ତଡୁ ଲକୁତି ବାରେ ଲଡାମାନାଣି ବେଗାଆହାମାଇଁ □

୩୫ ଇଲେକିହଂ କସ୍ତ କିହାନା ଆଡାଆ ଗାଗାରି ସାୟିମି କିନାୟି, “ଇତିହଂ ରୀହ୍ନି କିହାଁ ହୀନାୟି ହାରେକା ନେହାୟି” ପ୍ରବୁ ଜୀସୁ ତାନୁଏ ଇ କାତା ଝେସାମାଞ୍ଜାନେସି, ଇ କାତା ମୀରୁ ଅଣ୍ଡିପିନାୟି ମାନେ, ଇ ବାରେ କାତାତଲେ ମିଜେ ପୁଣ୍ଡି କିହମାଞ୍ଜାଇଁ □

୩୭ ଈ ବାରେ କାତା ଝେସାଲି ରାପୁହି ତାମ୍ଭୁ ପାଞ୍ଜୁଲ ମେଣ୍ଡାକୁତାନା ବାରେଜାଣା ତଲେ ପ୍ରାତାନା କିତେସି
□

୩୭ ଅଡେ, ଏଞ୍ଜାରି ବାରେଜାଣା ତ୍ରୀହି ତ୍ରୀହି ପାଞ୍ଜୁଲଇଁ ପମାହାଁ ନଶ୍ଚିତେରି □

୩୮ ଏଞ୍ଜାରି ଅଡେ ତାନି ମୁମ୍ବୁ ଚୁଝେଣେ ମେସାଲି ଆଡ଼ଅରି, ଏଞ୍ଜାସି ଝେସାମାଟି କାତାତାକି ହାରେକା ଦୁକୁ କିତେରି, ତାମ୍ଭୁ ଏଞ୍ଜାରି ଏଞ୍ଜାଣାଇଁ ଏମ୍ଭୁ ଜାଜା ପାଡେକା ଇଟି ହାଚେରି □

୨୧

ପାଞ୍ଜୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣାଟି ହେଲ ବେଟାଆହାନା ମାମ୍ବୁ ଏମ୍ଭୁ ଜାଜାତା ହଚାହାଁ ସଲକେ ଜିରୁଟି କସ୍ତା ଖାଡ଼ମି, ତାନି ଅର ନେଚୁ ରଦାତା, ଇଞ୍ଜା ଏମ୍ବାଟିଏ ପାତାରାତା ଖାଡ଼ମି □

୨ ଏମ୍ବାଟିଏ ପୟିନିକିୟା ହାନି ଏମ୍ଭୁ ଜାଜା ବେଟାଆହାନା ଏମ୍ବାଆଁ ହଚାହାଁ ହାଚମି □

୩ ତାମ୍ଭୁ କୁପ୍ର ତଞ୍ଜା ଆହାଲିଏ ତାନି ଚେତ୍ରିଞ୍ଜାକି ପିସାନା ମାମ୍ବୁ ସିରିୟାତା ହାଜାନା ସରତା ଏଗାଡମି, ମାମ୍ବୁ ଶ୍ରାୟତ୍ତା ଜାଜାଟି ରେଡମି, ଇଟିହି ଏମ୍ବାଆଁ ଜାଜାଟି ଆସି ରେପନାୟି ମାଚେ □

୪ ଏମ୍ବାଆଁ ନାନିତି ସାମୁୟାଣି ପାରାନା ଏଞ୍ଜାରାଇଁ ବେଟାଆହାନା ଏମ୍ବାଆଁ ସାଡା ଦିନା ତ୍ରିୟିତମି; ଇଞ୍ଜା ପାଞ୍ଜୁଲ ଏନିକିଁ ଜିରୁସାଲମତା ହାଲଅସି ଏଡାଆଁତାକି ଏଞ୍ଜାରି ସୁଦୁଜାଞ୍ଜୁ ତଲେ ବାଟିମାଲିତେରି □

୫ ମାମ୍ବୁ ସାଡା ଦିନା ତ୍ରିୟିତ ତାମ୍ଭୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାଚମି, ଅଡେ ମାଜେ ହେଲ ହିୟାଲି ଏଞ୍ଜାରି ବାରେଜାଣା ଇୟାସିକା କକାରି ପଦାୟାଁ ତଲେ ଗାଡ଼ାତି ପାଜାତା ମାନି ସାମ୍ବୁରି ଗାଚୁ ପାଡେକା ଇଟି ଖାଚେରି, ଏମ୍ବାଆଁ ମେଣ୍ଡାକୁତାନା ମାମ୍ବୁ ବାରେଡମି ପ୍ରାତାନା କିତମି,

୬ ତାମ୍ଭୁ ମାମ୍ବୁ ବାରେଜାଣାଟି ହେଲ ହାହାନା; ଜାଜାତା ହଚମି, ଇଞ୍ଜା ଏଞ୍ଜାରି ତାନି ଇଜ ଝେଣ୍ଡା ହାଚେରି
□

୭ ମାମ୍ବୁ ସୁର ଗାଡ଼ାତି ପତଲମାୟିତା ଏଗାହାଚମି, ଇଞ୍ଜା ଏମ୍ବାଆଁ ତାୟିୟାଣି ଜହରା କିହାନା ଏମ୍ବାଆଁ ର ଦିନା ଏଞ୍ଜାରିତଲେ ତ୍ରିୟିତମି □

୮ ଅଡେ ଅର ନେଚୁ ହାଜାନା କାୟିସରିୟାତା ଏଗାହାଚମି, ଏମ୍ବାଆଁ ମାମ୍ବୁ ନେହିଁ ବଲୁ ଝେକ୍ଚିନି ପିଲିପ ଇଜ ହାଜାନା ତ୍ରିୟିତମି, ଜିରୁସାଲମତା ସେବା କାମା କିହାଲି ଆଚାମାନି ସାଡା ଜାଣା ବିତ୍ରାଟି ଏଞ୍ଜାସି ରଅସି ମାଚେସି □

୯ ଏଞ୍ଜାଣାକି ସାରି ଜାଣା ତ୍ରୀଆ ମାସ୍କା ମାଚୁ, ଏଞ୍ଜି ବାରେ ମାହାପୁରୁ ଅଶ୍ପୁତି ବଲୁ ଝେହ୍ନାଇ ମାଚୁ
□

୧୦ ଏମ୍ବାଆଁ ହାଚେକା ଦିନା ତ୍ରିୟିତ ତାମ୍ଭୁ ଆଗାବ ଦରୁଗାଟି ର ମାହାପୁରୁ ଅଶ୍ପୁତି ବଲୁ ଝେହ୍ନାସି ଜାହୁଦା ଦେସାଟି ଖାଚେସି □

୧୧ ଏଞ୍ଜାସି ମା ତାଣା ଖାହାନା ପାଞ୍ଜୁଲତି ଜାଟି ତ:ରି ଅହାନା ତାନି କେସ୍ତା କତାଣା ଦସା କତାନା ଏଲେଇଚେସି, “ସୁଦୁଜାଞ୍ଜୁ ଏଲେଇଞ୍ଜି ଝେସିମାଞ୍ଜାନେ, ଇଦାଆଁ ଦସା କଡିନି ଜାଟି ତ:ରି ଗାଗାଣାଇଁ ଜିରୁସାଲମତି ଜାହୁଦି ଲକୁ ଇଲେକିଁ ଦସାନା ଜାହୁଦିଆଆତି ଲକୁତି କେୟୁତା ହେଉପିନେରି □”

୧୨ ଈ ବାରେ କାତା ଝେଞ୍ଜାନା ଜିରୁସାଲମତା ହାଲଆନି ଇଞ୍ଜିଁ ମାମ୍ବୁ ଅଡେ ଏମ୍ବାଟି ଲକୁ ବାଟିମାଲିତମି □

୧୩ ସାମା ପାଞ୍ଜୁଲ ଏଲେଇଚେସି, “ମାରୁ ତ୍ରୀହି ତ୍ରୀହି ଏନାଆଁତାକି ନା ହିୟାଁତି କାଡ଼ି କିହିମାଞ୍ଜେରି, ଏନିଇଟିହିଁ ନାନୁ ପ୍ରଭୁ ଜାସୁ ତାକି ଜିରୁସାଲମତା ଦସ୍ପି ଆହାଲି ଆଏ ସାମା ହାହାଲି ଜିକେଏ ଅଶ୍ପିମାଇଁ, ଇଞ୍ଜିଁ ଇଚେସି □”

୧୪ ଏଞ୍ଜାସି ମା କାତା ମାନଞ୍ଜି ଆଆତାକି ମାମ୍ବୁ ବାରେ ପାଲେଏ ଆଡ଼ମି, ଇଞ୍ଜା “ପ୍ରବୁତି କାଚେଏ ଆପେ” ଇଞ୍ଜିଁ ଇଚମି □

୧୫ ଏମ୍ବାଆଁ ଏଚରଦିନା ମାଟି ତାମ୍ଭୁ ମାମ୍ବୁ ମା ଆସି ଆସାନା ଜିରୁସାଲମତା ହାଚମି □

୧୬ ଅଡେ କୁପୁତି ମନାସନ ଦରୁଗାଟି ର ନାମ୍ବୁଗାଟସି ଅଡେ କାୟିସରିୟାଟି ଏଚରଜାଣା ସାମୁୟାଁ ମା ତଲେ ହାଚେରି; ମନାସନ ଇଜ ମାମ୍ବୁ ତ୍ରିୟିନାୟି ମାଚେ □

ଜାକୁବ ତଲେ ପାଞ୍ଜୁଲ ବେଟାଆହାନାୟି

୧୭ ମାମ୍ବୁ ଜିରୁସାଲମତା ଏଗାହାଜାଲିଏ ନାନିତି ତାୟିୟାଁ ମାଜେ ରାହାଁଟି ହାଚା ଅୟାଚେରି □

୧୮ ଏ ଅର ନେତୁ ପାଞ୍ଚଲ ମା ତଲେ ଜାକୁବ ଇଜ ହାଚେସି; ଅଡ଼େ ବାରେ ପ୍ରାଚିନାଙ୍ଗା ଏମ୍ବାଆଁ କୃତା ଆଡ଼େରି □

୧୯ ପାଞ୍ଚଲ ଏଞ୍ଜାରାଇଁ ଜହରା କିତି ତାୟୁ, ମାହାପୁରୁ ତାନି ସେବା କାମାତା ଜୀହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଝେସ୍ତେସି □

୨୦ ଏଞ୍ଜାରି ଏନାଆଁ ଝେଞ୍ଜାନା ମାହାପୁରୁତି ଜହରା କିତେରି, ଅଡ଼େ ଏଞ୍ଜାଣାଇଁ ଏଲେଇଚେରି, “ଏ ତାୟି, ପାଞ୍ଚଲ ନାଏଁ ମେସିମାଞ୍ଜି ଜୀହୁଦିୟା ବିଦ୍ରାତି ମାଣା ମାଣା ଲକୁ ନାମିମାନେରି, ଏଞ୍ଜାରି ବାରେଜାଣା ମୋରାତି ମାନୁଞ୍ଜି ଆହିମାନେରି □

୨୧ ଏଞ୍ଜାରି କାତୁ ବେଟାଆହା ମାନେରି, ନୀନୁ ଏଟକା କୃତାତାରି ତାଣା ବାସା ଆହାମାନି ବାରେ ଜୀହୁଦି ଲକୁଣି ମସାତି ମୋରା ପିସାଲି, ଏଞ୍ଜାରି କକାରି ତଲୁ ଦାଦୁ, ଅଡ଼େ ଜୀହୁଦି ଲକୁତି ପାଣାପାଠୁ ମାନୁଞ୍ଜି ଆଆଦୁ ଇଞ୍ଜିଁ ଜାପୁହିମାଞ୍ଜି □

୨୨ ନୀନୁ ଇମ୍ବାଆଁ ଝାହାମାନି କାତୁ ସାଚେଏ ଏଞ୍ଜାରି ଝେନେରି, ଆତିହୁଁ ଏନି କିନାୟି ?

୨୩ ଏଦାଆଁତାକି ମାମୁ ନିଜେ ଏନାଆଁ ଝେସିମାଞ୍ଜାନମି ଏଦାଆଁ କିମୁ, ମା ତାଣା ସାରି ଜାଣା ମାନେରି, ଏଞ୍ଜାରି ପାରମାଣା କିହାମାନେରି;

୨୪ ଏଞ୍ଜାରିତଲେ ହାଲାମୁ ଇଞ୍ଜିଁ ଏଞ୍ଜାରିତଲେ ଆଣ୍ଡାନା ନିଜେ ଅଟହା କତାମୁ, ଇଞ୍ଜିଁ ଏଞ୍ଜାରି ତାକା ହିଣି କାରୁଁ ହୀମୁ, ଆତିହୁଁ ବାରେ ଲକୁ ମେସାନା ଏଞ୍ଜାରି ନୀ କପାଟି ଝେସାମାନି କାତା ଏନି ସାତା ହିଲେଏ, ସାମା ନୀନୁ ଜିକେଏ ମସା ମୋରା ମାନୁଞ୍ଜି ଆହିମାଞ୍ଜି ଇଞ୍ଜିଁ ପୁଞ୍ଜାମାନେରି □

୨୫ *ସାମା ଆମିନି ଏଟକା କୃତାତାରି ନାମାମାନେରି, ଏଞ୍ଜାରି ପୋଣକା ବମାୟାକି ପୂଜା ହୀହାମାନି ବଗୁ, ନେତେରି ଇଞ୍ଜିଁ ହେରକି ତିଣତାନା ପାୟିତି ଜନ୍ତୁତି ଉଙ୍ଗା ତିନାଆଦୁ, ଇଞ୍ଜିଁ ଦାରିକାମାଟି ଏଟକା ଆଦୁ, ଇଞ୍ଜିଁ ମାମୁ ତ୍ତାରିକିହାଁ ଏଞ୍ଜାରାକି ର ଆକୁ ରାଟାମାନମି □”

୨୬ ଏମ୍ବାଟିଏ ପାଞ୍ଚଲ ଅର ଦିନା ଏଞ୍ଜାରିତଲେ ହାଜାନା ଅଟହା କତିନି ମୋରା ମାନୁଞ୍ଜି ଆଡ଼େସି, ଇଞ୍ଜିଁ ମାହାପୁରୁ ଇଲୁତା ହାଜାନା ତାନି ଅଟହା କତିନି ଦିନାୟାଁ ଏଚେଲା ରାନେ ଅଡ଼େ ବାରେଜାଣା ତାକି ଏନି ଏନି ପୂଜା କିନାୟିମାନେ ଏ ବାରେ ଝେସ୍ତେସି □

ମାହାପୁରୁ ଇଲୁତା ପାଞ୍ଚଲ ଦସ୍ପି ଆନାୟି

୨୭ ଏ ସାତା ଦିନା ପୁରା ଆହିମାଗାଟି ଆସିୟା ଦେସାଟି ଏଚେକା ଜୀହୁଦି ଲକୁ ମାହାପୁରୁ ଇଲୁତା ପାଞ୍ଚଲଇଁ ମେସାନା ଏଞ୍ଜାରି ଏମ୍ବାଆଁ କୃତା ଆହାମାନି ମାନ୍ଦା ଲକୁଣି ମାତୁଞ୍ଜି କିତେରି, ଅଡ଼େ ଏଞ୍ଜାଣାଇଁ ଆସାନା କାଲୁଞ୍ଜି ଆହୁଁ ଏଲେଇଚେରି □

୨୮ “ଏ ଇସ୍ତାୟେଲତି ଲକୁ ସାୟେମି କିୟାଦୁ; ଇଞ୍ଜାସି ସାରିଞ୍ଜାକି ହାଜାନା ଇସ୍ତାୟେଲ ଲକୁତି କପାଟି ଅଡ଼େ ମସା ହାତି ମୋର ଇଞ୍ଜିଁ ଇ ମାହାପୁରୁ ଇଲୁ କପାଟି ଜାପୁହିମାନେସି □ ଇଞ୍ଜିଁ ନାଏଁ ଏଚରଜାଣା ଜୀହୁଦିଆଆତି ଲକୁଣି ମାହାପୁରୁ ଇଲୁତା ତାଟାନା ସୁଦୁ ଟାୟୁତି ପଲୁଆ କିହାମାନେସି □”

୨୯ *ଇଚିହୁଁ ଏଞ୍ଜାରି ଗାଡ଼ାତା ଏପିସିୟତି ତ୍ରପିମଇଁ ପାଞ୍ଚଲ ତଲେ ମେସାମାଚେରି, ଅଡ଼େ ଏଞ୍ଜାଣାଇଁ ମାହାପୁରୁ ଇଲୁତା ତାଟାମାନେସି ଇଞ୍ଜିଁ ଅଣ୍ଡପିମାଚେରି □

୩୦ ଏମ୍ବାଟିଏ ବାରେ ଗାଡ଼ା କିଲିବିଲି ଆଡେ, ଇଞ୍ଜିଁ ଲକୁ ମାନ୍ଦା ମାନ୍ଦା ଆହୁଁ ହଟାନା ପାଞ୍ଚଲଇଁ ଆସାନା ମାହାପୁରୁ ଇଲୁଟି ରେଜା ତାଚେରି; ଇଞ୍ଜିଁ ଏ ଦେବୁଣିଏ ମାହାପୁରୁ ଇଲୁତି ଦାରାୟାଁ ସୁଣିତେରି □

୩୧ ଅଡ଼େ ଏଞ୍ଜାରି ପାଞ୍ଚଲଇଁ ପାୟାଲି ଅଣ୍ଡପିତେରି, ଇଞ୍ଜିଁ ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜିଁ ରିଜାରି କସ୍ତକାତି କାଜାଣି ତାଣା କାତୁ ହୀଚେରି □

୩୨ ଏମ୍ବାଟିଏ ଏଞ୍ଜାସି ଦେବୁଣିଏ ରିଜାରି କସ୍ତକା ଇଞ୍ଜିଁ ପାସାକଡ଼ି କସ୍ତକା ମୁହେଁ କାଜାରାଇଁ ଆସାନା ଏଞ୍ଜାରିତାଣା ଦାବଡ଼ି ହାଚେସି, ଲକୁ ରିଜାରି କସ୍ତକା ଅଡ଼େ କସ୍ତକା ମୁହେଁ କାଜାରାଇଁ ମେସାନା ଏଞ୍ଜାରି ପାଞ୍ଚଲଇଁ ଝେତାଲି ପିସ୍ତେରି □

୩୩ ଏମ୍ବାଟିଏ କସ୍ତକା ମୁହେଁ କାଜାସି ପାଞ୍ଚଲ ତାଚେ ହାଜାନା ଏଞ୍ଜାଣାଇଁ ଆସାନା ରୀ ହିକ୍ସିୟାଁ ତଲେ ଦସାଲି ହୁକୁମି ହୀଚେସି, ଅଡ଼େ “ଇଞ୍ଜାସି ଆମ୍ବାଆସି ? ଏନାଆଁ କିହାମାନେସି ଇଞ୍ଜିଁ ଝେଚେସି ?”

୩୪ ଏଚେଟିଏ ଲକ୍ଷ୍ମ ବାରେ ଆମ୍ବାଆରି ଈ କାତା ଆମ୍ବାଆରି ଏ କାତା ଇଞ୍ଜି କାଲୁଓ ଆଚେରି, ଇଞ୍ଜି ଏନାଆଁ ଆହାମାନେ ଇଞ୍ଜି ତୀରପୁତି କାତା ପୁନାଆନା ପାଞ୍ଜୁଲଇଁ କଟା ଇଲୁତା ଅହାଲି କସକାଣି ହୁକୁମି ହୀତେସି □

୩୫ ଏଚିବେଲା ଏଞ୍ଜାସି ପାଞ୍ଜୁଲି ପିଣ୍ଡାଣା ଏଗାହାଜାଲିଏ, ଲକ୍ଷ୍ମିତ ମାନ୍ଦା କାର୍ବିଟି କାଲୁଓ ଆୟାଲିଏ କସକା ପାଞ୍ଜୁଲଇଁ ଇଲୁ ବିତ୍ରା ଡେକା ଅଚେରି □

୩୬ ଇଚିହିଁ ମାନ୍ଦା ମାନ୍ଦା ଲକ୍ଷ୍ମି ଡେକା ଖାହିହିଁ “ଏଞ୍ଜାଣାଇଁ ପାୟାଦୁ” ଇଞ୍ଜି କାଲୁଓ ଆହିମାଚେରି □

ପାଞ୍ଜୁଲ ତାନୁଏ ତାଙ୍ଗେତାକି ଖେହନାୟି

୩୭ ଏଞ୍ଜାରି ପାଞ୍ଜୁଲଇଁ କଟା ଇଲୁ ବିତ୍ରା ଅହିମାଚାଟି ଏଞ୍ଜାସି କସକା ମୁହେଁ କାଜାଣାଇଁ ଏଲେଇଚେସି, “ନାନୁ ନିଙ୍ଗେ ର କାତା ଖେସାଲି ଆଡାଇଁ କି ?” ଏମ୍ବାଟିଏ କାଜାସି ଏଲେଇଚେସି “ନାନୁ ଗ୍ରିକ ହାଡା ପୁଞ୍ଜି କି ?

୩୮ ଆଚିହିଁ ଇଦାଆଁ ନକେଏ ଏମିନି ମିସରତି ଲକ୍ଷ୍ମ ଗଡ଼ହା ହପୁହାନା ସାରି ମାଣା କାଗଂରାଣି ଲକ୍ଷ୍ମ ହିଲାଆ ଗାୟୁତା ଅହାମାଚାଟି ନାନୁ ଏଞ୍ଜାଟି ଆଏ କି ?”

୩୯ ଏମ୍ବାଟିଏ ପାଞ୍ଜୁଲ ଏଲେଇଚେସି “ନାନୁତ ର ଜୀହୁଦି କିଲିକିୟା ଦେସାତି ତାର୍ଯ ଇଞ୍ଜିହିଁ ଖେଜିତି ଗାଡାତା ଜାନା ଆଡାଚେସି; ଈ ଲକ୍ଷ୍ମଣି କାତା ଖେସାଲି ନାଙ୍ଗେ ହେଲ ହିୟାମୁ □”

୪୦ ଏ କାଜାସି ହେଲ ହିୟାଲିଏ, ପାଞ୍ଜୁଲ ପାଞ୍ଜୁଲିକାଣା ନିଗାନା ଲକ୍ଷ୍ମଣି କେୟୁତଲେ ସାପି କିତେସି; ଇଞ୍ଜା ବାରେଜାଣା ସାପି ଆହାଲିଏ ଏଞ୍ଜାସି ଏବୁ ହାଡାତଲେ ଏଞ୍ଜାରାଇଁ ଏଲେଇଚେସି □

୨୨

୧ “ଏ ତାୟିୟାଁ ଅଡେ ତାଞ୍ଜିୟାଁଚେରି, ନାନୁ ନୀଏଁ ମୀ ନକିତା ନା ଖାକିଟି କାତା ଖେସିମାଞ୍ଜାଇଁ, ଖେଞ୍ଜାଦୁ!”

୨ ପାଞ୍ଜୁଲ ଏଞ୍ଜାରି ନକିତା ଏବୁ ହାଡାତଲେ ଜଲିମାନାଣି ଖେଞ୍ଜାନା; ଏଞ୍ଜାରି ହାଡା ଆଆନା ପାଲେଏ ଆଚେରି, ଅଡେ ପାଞ୍ଜୁଲ ଜଲାଇଁ ମାଟୁହେସି □

୩ ଏମ୍ବାଟିଏ ଏଞ୍ଜାସି ଏଲେଇଚେସି, “ନାନୁ ର ଜୀହୁଦି ଲକ୍ଷ୍ମତେସି, କିଲିକିୟାତି ତାର୍ଯତା ନା ଜାନା, ସାମା ନାନୁ ଈ ଜିରୁସାଲମ ଗାଡାତା ପହିପାତି ଆହାମାଇଁ, ଗମଲିୟେଲ ତାଣା କୁଗାନା ଜାପାମାଇଁ, ମା ଆକୁ ଆବାୟାଟି ମେରାଟି ନେହିଁ କିଁ ଜାପାମାଇଁ; ମୀରୁ ଏନିକିଁ ମାହାପୁରୁତି ସେବା କିହିମାଞ୍ଜେରି ନାନୁ ଜିକେଏ ଏଲେକିହିଁ ମାନୁଓ ଆନାଚେସି ମାଚେସି;

୪ ନାନୁ ଈ ଜିରୁତା ତାକିମାନି ଇୟାସିକା ଆବାୟାଣି ହାନି ପାଚେକା ସାସ୍ତି କିହିମାଚେସି, ଅଡେ ଦସପାନା କାୟିଦି ଇଲକାଣା ହେରପିମାଚେସି □

୫ ନା ଈ କାତା ସାତା, କାଜା ପୂଜେରାଞ୍ଜା ଅଡେ କାଜା ବେରଣି ମାଣ୍ଡାତାରି ନା ସାକି; ନାନୁ ଏଞ୍ଜାରି ତାଣାଟି ତାୟିୟାକି ଆକୁ ରାସାନା ଲକ୍ଷ୍ମଣି ହିକଣିୟାଁ ତଲେ ଦସପାନା ଜିରୁସାଲମତା ତାତାଲି ତାକି ନାନୁ ଦମେସକତା ମାନି ଜୀହୁଦି ଲକ୍ଷ୍ମତାଣା ହାଜାମାଚେସି □”

ପାଞ୍ଜୁଲ ତାନି ମନୁ ଖେଟୁହାଣି ଖେହନାୟି

(କାମା ୯:୧-୧୯; ୨୬:୧୨-୧୮)

୬ “ନାନୁ ଦମେସକ ତାଗେ ଏଜିମାଚାଟି ମାଦେନା ବେଲାତା ଦେବୁଣିଏ ନା ସାରିଞ୍ଜାକି ହାଗୁଲାକିଟି ର ତାର୍ଯାଣା ଉଜେଡି ଡାଞ୍ଜିଚେ □

୭ ଏମ୍ବାଟିଏ ନାନୁ ବୁମିତା ତରୁଗିଚେସି, ଇଞ୍ଜା ନାଙ୍ଗେ ତାକି ଖେସିମାଚି ଈ ହାଡା ଖେଚେସି, ‘ସାଞ୍ଜୁଲ, ସାଞ୍ଜୁଲ ଏନାଆଁତାକି ନାଙ୍ଗେ ସାସ୍ତି ହାହିମାଞ୍ଜାଦି ?’

୮ ନାନୁ ଏଲେଇଚେସି, ‘ପ୍ରୁ ନାନୁ ଆମ୍ବାଆଟି ?’ ଏମ୍ବାଟିଏ ଏଞ୍ଜାସି ନାଙ୍ଗେ ଏଲେଇଞ୍ଜାଚେସି, ‘ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜା ନାଜରିଚତି ଜୀସୁତେସି ନାନୁ □’

୯ ନା ତଲେ ମାଟି ଲକ୍ଷ୍ମ ଏ ଉଜେଡି ମେସ୍ତେରି ସାତା, ସାମା ନାଙ୍ଗେ ଖେସ୍ତାତି ହାଡା ଖେନାଆଚେରି □
୧୦ ଏଚେଟିଏ ନାନୁ ଏଲେଇଚେସି, ‘ପ୍ରୁ ନାନୁ ଏନାଆଁ କିଇଁ ?’ ଏଚେଟିଏ ପ୍ରୁ ନାଙ୍ଗେ ଖେସ୍ତାଚେସି, ‘ନିଙ୍ଗାନା ଦମେସକତା ହାଲାମୁ, ଅଡେ ନିଙ୍ଗେ ଏନାଆଁ କିହାଲି ଆନେ ଏଦାଆଁ ଏମ୍ବାଆଁ ଖେସ୍ତାଇଁ □’

☆ ୨୨:୩ ୨୨:୩ କାମା ୫:୩୫-୩୯ ☆ ୨୨:୪ ୨୨:୪ କାମା ୮:୩; ୨୬:୯-୧୧

୧୧ ଏ ଭଲେଡ଼ି ମିଣସି ମାଚାକି ନାନୁ କାଣା ଆହାହାଚେଏ, ଇଞ୍ଜା ନା ତଲେ ଖାହିମାଚାରି ନାଙ୍ଗେ କେନ୍ଦୁ ଆସାନା ଦମେସକତା ଅୟାତେରି □

୧୨ “ଏ ଗାଡ଼ାତା ହନନିୟ ଇଞ୍ଜିହଁ ର ଦାମ୍ବୁଗାଗାସି ମାଚେସି, ଏଞ୍ଜାସି ମା ମେରାତି ମାନୁଞ୍ଜି ଆନାସି, ଇଞ୍ଜା ଦମେସକତି ଜାହୁଦି ଲକୁତାଣା ମାନିଗାଗାସି ଅଡ଼େ ଝେଙ୍ଗାତାସି ମାଚେସି □

୧୩ ଏଞ୍ଜାସି ନା ତାଣା ଖାହାନା ଦାରିତା ନିଚାନା ନାଙ୍ଗେ ଏଲେଇଞ୍ଜାତେସି, ‘ଏ ସାଞ୍ଜୁଲ ତାୟି ମେହ୍ମୁ’ ଏ ଦେବୁଣିଏ ନା କାଣକା ଦେପିଆତୁ ଇଞ୍ଜା ନାନୁ ଏଞ୍ଜାଣାଇଁ ମେସାଲି ଆଡ଼ିତେଏଁ □

୧୪ ଏଞ୍ଜାସି ଏଲେଇଞ୍ଜାତେସି, ‘ମା ଆକୁ ଆଦାୟାତି ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ ତାରି ଗାଟାଣାଇଁ ମେସାଲି, ଅଡ଼େ ତାନି ଗୁଡ଼ିଚି ହଡ଼ିମାନି ହାଡ଼ା ଝେଞ୍ଜାଲି ଆଚାମାଞ୍ଜାତେସି □

୧୫ ଇଚିହଁ ନାନୁ ଏନାଆଁ ମେସାମାଞ୍ଜି ଇଞ୍ଜା ଝେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଝେସାଲି ନାନୁ ସାକି ଆଡ଼ି □

୧୬ ଅଡ଼େ ନାଏଁ ଏନାଆଁତାକି ଝେଡ଼ା କିହିମାଞ୍ଜି, ନିଙ୍ଗାମୁ ବାପୁସ୍ତୁ* ଆହାନା ତାନି ତାଣା ପ୍ରାତାନା କିହାନା ନୀ ପାପୁ ବାରେ ନରଞ୍ଜି କିହାକତାମୁ □ ”

ପାଞ୍ଜୁଲ ଜାହୁଦିଆଆତି ଲକୁତାଣା ପାଣ୍ଡାଞ୍ଜି ଆନାୟି

୧୭ “ଏମ୍ବାଟିଏ ନାନୁ ଜିରୁସାଲମତା ଝେଣ୍ଡା ଖାହାନା ମାହାପୁରୁ ଲକୁତା ପ୍ରାତାନା କିହିମାଚାଟି, ସେୟାଣା ହାପାନାତା ମେସ୍ତେଏଁ,

୧୮ ନାନୁ ସେୟାଣା ହାପାନାତା ପ୍ରବୁଇଁ ମେସ୍ତେଏଁ, ଏଞ୍ଜାସି ନାଙ୍ଗେ ଏଲେଇଞ୍ଜାତେସି, ‘ତବେ ଜିରୁସାଲମ ପିହ୍ମୁ, ଇଚିହଁ ଇମ୍ବାଟି ଲକୁ ନା ସାକି ହାନାଟି ନୀ କାତା ଆହ୍ଅରି □’

୧୯ ଏମ୍ବାଟିଏ ନାନୁ ଏଲେଇଚେଏଁ ‘ପ୍ରବୁ ନାନୁ ଜାହୁଦି ଲକୁତି କୁଚମି ଲକୁକାଣାଁ ହାଜାନା ନିଙ୍ଗେ ନାମାନାରାଇଁ ଝେଚାନା କାୟିଦି ଲକୁତା ସୁଣ୍ଡିମାଚାଣି ଏଞ୍ଜାରି ନେହଁ କଁ ପୁଞ୍ଜାମାନେରି;

୨୦ *ଅଡ଼େ ଏଚିବେଲା ନୀ ସାକି ପ୍ରିପାନଇଁ ପାୟିତେରି, ନାନୁଏ ଏମ୍ବାଆଁ ମାଚେଏଁ; ଇଞ୍ଜା ବେଲେଏ ହାଡ଼େସି ଇଞ୍ଜି ଅଣ୍ଡିପିମାଚେଏଁ, ଅଡ଼େ ପାୟିମାଚାଟି ହିମ୍ବୁରିକା କାଡ଼ିମାଚେଏଁ □’

୨୧ ସାମା ପ୍ରବୁ ନାଙ୍ଗେ ଏଲେଇଞ୍ଜାତେସି, ‘ହାଲାମୁ ଇଚିହଁ ନାନୁ ନିଙ୍ଗେ ହେକ ଦେସାତି ଜାହୁଦିଆଆତି ଲକୁତାଣା ପାଣ୍ଡାଞ୍ଜି □’ ”

୨୨ ପାଞ୍ଜୁଲ ଏଲେଇଞ୍ଜି ଝେହ୍ନି ପାଚେକା ଲକୁ ଝେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟାତଲେ କାଲଞ୍ଜି ଆହାନା ଏଲେଇଚେରି, “ଏଞ୍ଜାଣାଇଁ ପାଞ୍ଜାତା ତାଚାହାଁ ପାୟାନା ଦାରୁଚିଟି ମେକ୍ହା ହୁହ୍ମୁ, ଏଞ୍ଜାସି ନୀତାଲି ପାଡ଼ାଆଅସି □”

୨୩ ଅଡ଼େ ଏଚିବେଲା ଏଞ୍ଜାରି କିଲଡ଼ି କିହଁ ତାନି ହିମ୍ବୁରିକା କୁଚିହଁ ଲାକଞ୍ଜାକି ଦୁଡ଼ି ତାଞ୍ଜିତେରି,

୨୪ ଏଚିବେଲା ପାସାକଡ଼ି କସ୍ତା ମୁହେଁ କାଜାସି ପାଞ୍ଜୁଲଇଁ କଟା ଲକୁ ବିତ୍ତା ଅହାଲି ହୁକୁମି ହୀତେସି, ଅଡ଼େ ଜାହୁଦି ଲକୁ ଏନାଆଁତାକି ଏଞ୍ଜାଣି କପାଟି ଗଡ଼ହା କିହିମାନେରି, ଏଦାଆଁ ପୁଞ୍ଜାଲି ପାଞ୍ଜୁଲଇଁ ସାବୁଣି ତଲେ ଝେଚାନା ଝେଞ୍ଜୁ ଇଞ୍ଜି ହୁକୁମି ହୀତେସି □

୨୫ ସାମା ଏଞ୍ଜାରି ଏଞ୍ଜାଣାଇଁ ସାବୁଣି ତଲେ ଝେଚାଲି ତ:ରିତଲେ ଦସାଲିଏ, ପାଞ୍ଜୁଲ ଦାରିତା ମାଟି ପାସାକଡ଼ି କସ୍ତା ମୁହେଁ କାଜାଣାଇଁ ଏଲେଇଚେସି, “ଏନିନି ଦହତା ନୀହାୟି କିଞ୍ଜି ଆହାହିଲଆ ର ରମ୍ ଦେସା ତାଣାଇଁ ସାବୁଣି ତଲେ ଝେଚାଲି ଏନି ମେରା ମାନେ କି ?”

୨୬ ଇଦାଆଁ ଝେଞ୍ଜାନା କହ୍ଏସି ପାସାକଡ଼ି କସ୍ତା ମୁହେଁ କାଜାଣା ତାଣା ହାଜାନା ଏଲେଇଚେସି, “ନାନୁ ଏନାଆଁ କିହାଲି ହାଜିମାଞ୍ଜି, ଇଚିହଁ ଇଞ୍ଜାସି ରମିୟ ଲକୁ □”

୨୭ ଏମ୍ବାଟିଏ ପାସାକଡ଼ି କସ୍ତା ମୁହେଁ କାଜାସି ଖାହାନା ପାଞ୍ଜୁଲଇଁ ଝେଚେସି, “ନାନୁ ନାଙ୍ଗେ ଝେସ୍ତାମୁ ନାନୁ ରମ୍ ଦେସାତାତି କି ?” ପାଞ୍ଜୁଲ ଏଲେଇଚେସି “ହାଅ □”

୨୮ ଏମ୍ବାଟିଏ ପାସାକଡ଼ି କସ୍ତା ମୁହେଁ କାଜାସି ଏଲେଇଚେସି, “ନାନୁ ହାରେକା ଟାକାୟାଁ ହାହାନା ରମ୍ ଦେସାତାତେଏଁ ଆହାକଇଁ □” ସାମା ପାଞ୍ଜୁଲ ଏଲେଇଚେସି, “ନାନୁତ ଜାନାଟିଏ □”

୨୯ ଏମ୍ବାଟିଏ ଆମ୍ବାଆରି ପାଞ୍ଜୁଲଇଁ ଝେଞ୍ଜାଲି ତିୟାରା ଆହାମାଚେରି, ଦେବୁଣିଏ ଗୁଟା ଆହାହାଚେରି, ଇଚିହଁ ପାଞ୍ଜୁଲ ରମ୍ ଦେସାତାସି ଇଞ୍ଜି ପୁଞ୍ଜାନା ର ମାଣା କସ୍ତା ମୁହେଁ କାଜାସି ଏଞ୍ଜାଣାଇଁ ହିକ୍ଣିୟାଁ ତଲେ ଦସ୍ପି କିହାମାଚାକି ତାନୁଏ ଆଜିତେସି □

* ୨୨:୧୭ ୨୨:୧୭ମୁଞ୍ଜିନାୟି † ୨୨:୧୯ ୨୨:୧୯ ବିନଗ୍ଗୁ ☆ ୨୨:୨୦ ୨୨:୨୦ କାମା ୭:୫୮

କାଜା ବେରଣିମାଣ୍ଡା ନକିତା ପାଞ୍ଚୁଲ

୩୦ ଜାହୁଦି ଲକୁ ପାଞ୍ଚୁଲ କପାଟି ଏନି ଦାଞ୍ଜା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର ମାଣା କସକା ମୁହେଁ କାଜାସି ତାନି ଅର ନେରୁ ପାଞ୍ଚୁଲତି ହିକଣିୟାଁ ହୁକହାନା କାଜା ବେରଣିମାଣ୍ଡାତି ବାରେଜାଣାତି କୃତିକହାଲି ପୂଜେରାଜାଣି ହୁକୁମି ହାତେସି □ ତାୟୁ ପାଞ୍ଚୁଲଇଁ ଏଞ୍ଜାରି ନକିତା ନିପୁହେସି □

୨୩

୧ ପାଞ୍ଚୁଲ ଜାହୁଦି ଲକୁତି କାଜା ବେରଣିମାଣ୍ଡାତା କୁଗାମାନି ଲକୁଣି ଆଚେ ସିନିକିହାନା ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ନୀଞ୍ଜୁପାତେକା ମାହାପୁରୁ ନକିତା ନେହଁ ଅଣପୁ ତଲେ ନୀତାମାଇଁ, ଏଦାଆଁତାକି ନା ହିୟାଁ ହାଚେରକା ଅତିତାୟି □”

୨ ଇ କାତା ଖେଞ୍ଜାନା କାଜା ପୂଜେରା ହାନାନ ପାଞ୍ଚୁଲ ଦାରିତା ନିତାମାନି ଲକୁଇଁ ତାନି ଗୂତିତା ଖେଦୁ ଇଞ୍ଜୁ ହୁକୁମି ହାତେସି □

୩ ପାଞ୍ଚୁଲ ଏଞ୍ଜାଣାଇଁ ଏଲେଇଚେସି, “ଏ ହୁନୁ ଉସପିତି ଦବଲା କାତି ମାହାପୁରୁ ନିଜେ ଖେତାନେସି, ନାନୁ ମସାତି ମେରା ଲେହେଁ ନାଜେ ନୀହାଁୟି କିହାଲି କୁଗାମାଟି ଜିକେଏ, ନାନୁ ନାଜେ ଖେଚାଲି ହୁକୁମି ହାହାନା ନାନୁଏ ମସାତି ମେରା ଉରିମାଞ୍ଜି □”

୪ ଏଚେଟିଏ ଦାରିତା ନିତାମାଟି ଲକୁ ପାଞ୍ଚୁଲଇଁ ଏଲେଇଚେରି, “ନାନୁ ମାହାପୁରୁତି କାଜା ପୂଜେରାଇଁ ଲାଜା କିହମାଞ୍ଜି □”

୫ ପାଞ୍ଚୁଲ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ଏଞ୍ଜାଣାଇଁ ନାନୁ କାଜା ପୂଜେରା ଇଞ୍ଜୁ ପୁଞ୍ଜା ହିଲାଆତେଏ; ଇଚିହଁ ଦାମୁପିତାତା ରାସକି ଆହାମାନେ, ‘ମୀରୁ ମୀ ସାଲଞ୍ଜି କିନାରାଇଁ ବାକା ଇଗାଆଦୁ □’ ”

୬ ସାମା ପାଞ୍ଚୁଲ ର ବାଗା ସାଦୁକିୟାଁ ଅଡେ ର ବାଗା ପାରୁସିୟାଁ ମାନେରି ଇଞ୍ଜୁ ପୁଞ୍ଜାନା, କାଜା ବେରଣିମାଣ୍ଡାତା କାଜା ଗିୟାଁତଲେ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ର ପାରୁସିତେଏଁ ଇଞ୍ଜା ପାରୁସି ମୀରୁଏଣାତେଏ; ଇଞ୍ଜା ହାଡାରି ଖେଣ୍ଡେ ନିଜନେରି ଇଞ୍ଜୁ ଆସା କିହମାନାକି ମୀରୁ ନାଜେ ନୀହାଁୟି କିହମାଞ୍ଜାଦେରି □”

୭ ଏଞ୍ଜାସି ଇ କାତା ଏଲେଇଶମୁନିଏ ପାରୁସି ଅଡେ ସାଦୁକି ଲକୁ ବିତ୍ରା ଗଡହା ହଡେ, ଇଞ୍ଜା କାଜା ବେରଣି ମାଣ୍ଡାତାରି ଗଟି ଗଟି ଆହାଁ ରା ବାଗା ଆଚେରି □

୮ ଇଚିହଁ ସାଦୁକିୟାଁ ଖେଣ୍ଡେ ନିଜନାୟି ହିଲେଏ, ଦୁରୁୟାଁ ଅଡେ ଜୀଞ୍ଜୁୟାଁ ହିଲାଉ ଇନେରି, ସାମା ପାରୁସିୟାଁ ଏ ବାରେଟି ନାମିନେରି □

୯ ଏମାଟିଏ କାଜା ଗଡହା ଆଡେ, ଅଡେ ପାରୁସିୟାଁ ବିତ୍ରାଟି ଏଚରଜାଣା ମେରାପୁନାରି ନିଜ୍ଜାନା ଏଲେଇଚେରି; “ମାନୁ ଇଞ୍ଜାଣି ତାଣାଟି ଏନି ଦହ ବେଟାଆଆତମି, ସାତେଏ ଏଞ୍ଜାଣି ତାଣାଟି ର ଜୀଞ୍ଜୁ ଆଆତୁଁ ଲାକପୁରୁତି ଦୁତୁ କାତା ଖେସାମାନେ □”

୧୦ ଇଲେଆହଁ କାଜା ଗଡହା ଆହାଲିଏ, ପାଞ୍ଚୁଲଇଁ ଏଞ୍ଜାରି କାଣ୍ଡାମୁକା କିନେରି ଇଞ୍ଜୁ ଆଜିତାକି ର ମାଣା କସକା ମୁହେଁ କାଜାସି ପାଞ୍ଚୁଲଇଁ ଏଞ୍ଜାରି ତାଣାଟି ଗେଲପାନା ବାଲ୍ମିଟି କଟା ଇଲୁ ବିତ୍ରା ଅହାଲି କସକାଣି ହୁକୁମି ହାତେସି □

୧୧ ଏ ନେରୁ ଲାଆଁୟାଁ ପ୍ରୁ ପାଞ୍ଚୁଲଇଁ ଏଲେଇଚେସି, “ଆଜାଆନି, ସାସା ଆହମୁ ଇଚିହଁ ନାନୁ ଜିରୁସାଲମତା ଏନିକଁ ନା ସାକି ହାଟି, ରମ୍ ଗାଡାତା ଜିକେଏ ଏଲେକିହଁ ନା ସାକି ହାନାୟି ମାନେ □”

ପାଞ୍ଚୁଲଇଁ ପାୟାଲି ଅଣପିନାୟି

୧୨ ଅର ଦିନା ଲାଜ, ଜାହୁଦିୟାଁ ଜାରୁ ଆହାନା ପାଞ୍ଚୁଲଇଁ ପାୟାଆ ପାତେକା ଏନି ରାନ୍ଦା କି ଏରୁ ତାଗାଆପ ଇଞ୍ଜୁ ତାମୁ ତାମୁସୁ ପାରମାଣା କିହାମାଚେରି □

୧୩ ଏଲେଇଞ୍ଜି ଅଣପି ମାଚାରି ରା କଡ଼ି ଜାଣାଟିଏ ଆଗାଡ଼ା ମାଚେରି □

୧୪ ଏଞ୍ଜାରି କାଜା ପୂଜେରାଜା ଅଡେ ପ୍ରାଟିନାଜା ତାଣା ଖାହାଁ ଏଲେଇଚେରି, “ମାନୁ ପାଞ୍ଚୁଲଇଁ ପାୟାଲି ଆଡାଆ ପାତେକା ଏଦାଆଁ ତିନଅମି କି ତୀଗଅମି ଇଞ୍ଜୁ ମାନୁ ମୁାଜେତାକି ପାରମାଣା କିହାମାନମି □

☆ ୨୩:୩ ୨୩:୩ ମାଟି ୨୩:୨୭,୨୮ ☆ ୨୩:୬ ୨୩:୬ କାମା ୨୬:୫; ପିଲିପି ୩:୫ ☆ ୨୩:୮ ୨୩:୮ ମାଟି ୨୨:୨୩; ମାର୍କି ୧୨:୧୮; ଲୁକ ୨୦:୨୭

୧୫ ଏଦାଆଁତାକି କାଜା ବେରଣିମାଣ୍ଡାତି କାଜାରି ହାଜାନା, ର ମାଣା କସ୍‌କା ମୁହେଁ କାଜାଣାଇଁ ନାଡ଼ି କିହୁଁ ଏଲେଇଞ୍ଜୁ, ମାମୁ ପାଞ୍ଜୁଲ ଏନାଆଁ କିହାମାନାଣି ନେହୁଁ କୁଁ ଖେନମି ଇଞ୍ଜିହୁଁ ମୀ ତାଣା ହାଡ଼ିକିମୁ, ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ ନଚେଏ ପାୟାଲି ଜାଗ୍ରାତା ଆହା ତୁୟିନମି []

୧୬ ସାମା ପାଞ୍ଜୁଲ ତାମି ବାଣଞ୍ଜା କସ୍‌କା ଜଲୁକି ଆହୁମାଟି କାତା ତୁଗୁନା ଖେଚେସି; ଇଞ୍ଜା କଟା ଇଲୁ ବିତ୍ରା ଖାହାନା ପାଞ୍ଜୁଲଇଁ ଈ ବାରେ କାତା ଖେସ୍ତେସି []

୧୭ ଏଚେଟିଏ ପାଞ୍ଜୁଲ ର ରମିୟ କହୁର୍ବଣାଇଁ ହାଟାନା ଏଲେଇଚେସି, “ଇ ଦାଂଗଣେଣାଇଁ ର ମାଣା କସ୍‌କା ମୁହେଁ କାଜାଣି ତାଣା ଅମୁ, ଇଚିହୁଁ ଇଞ୍ଜାସି ର କାତା ଏଞ୍ଜାଣାଇଁ ଖେହନାୟି ମାନେ []”

୧୮ ଏଚେଟିଏ ଏଞ୍ଜାସି ର ମାଣା କସ୍‌କା ମୁହେଁ କାଜାଣି ତାଣା ଅହାନା ଏଲେଇଚେସି, “କାୟିଦିତା ମାନି ପାଞ୍ଜୁଲ ନାଜେ ହାଟାନା ନୀ ତାଣା ଈ ଦାଂଗଣେଣାଇଁ ତାଚାଲି ବାଡ଼ିମାଲ୍ଲାତେସି, ନିଜେ ଖେସାଲି ଇଞ୍ଜାଣାକି ର କାତା ମାନେ []”

୧୯ ର ମାଣା କସ୍‌କା ମୁହେଁ କାଜାସି ଏଞ୍ଜାଣି କେୟୁ ଆସାନା ଲକୁ ହିଲାଆ ତାଣା ଅହାନା ଖେଚେସି, “ନାଜେ ନାନୁ ଏନାଆଁ ଖେସ୍ତାନାୟିମାନେ ଖେସ୍ତାମୁ []”

୨୦ ଏଞ୍ଜାସି ଏଲେଇଚେସି, “ପାଞ୍ଜୁଲ ଏନାଆଁ କିହାମାନେସି ଏଦାଆଁ ନେହୁଁ କୁଁ ପୁଞ୍ଜାଲି ଏଞ୍ଜାଣାଇଁ ଓସି କାଜା ବେରଣିମାଣ୍ଡାତା ମା ତାଣା ତାମୁ ଇଞ୍ଜୁ ଜାହୁଦି ଲକୁଡ଼ି କାଜାରି ନାଡ଼ିକିହାନା ନିଜେ ବାଡ଼ିମାଲ୍ଲାନେରି,

୨୧ ସାମା ନାନୁ ଏଞ୍ଜାରି କାତା ମାନୁଡ଼ି ଆଆନି, ଇଚିହୁଁ ଏଞ୍ଜାଣାଇଁ ପାୟାଲି ଆଡ଼ାଆ ପାଚେକା ରାନ୍ଦା ଡିଚିହୁଁ କି ତାମିଚିହୁଁ ମାଜେ ବାକା ଆଗାପେ ଇଞ୍ଜୁ ମାନି କିହାନା ରୀ କଡ଼ିଚିଏ ଆଗାଡ଼ା ଲକୁ ତୁଗୁହାଁ କାଟାମାନେରି, ନୀଏଁ ଏଞ୍ଜାରି ନୀ ତାଣାଟି ହେଲ ବେଟାଆହାଲି କାଟିମାନେରି []”

୨୨ ଏଚେଟିଏ ର ମାଣା କସ୍‌କା ମୁହେଁ କାଜାସି ଏଲେଇଚେସି, “ନାନୁ ନାଜେ ଖେସ୍ତାତି କାତା ଆମ୍ବାଆରାଇଁ ଖେହୁଆନି” ଇଞ୍ଜୁ ଖେସାନା ଏ ଦାଂଗଣେଣାଇଁ ପାଣ୍ଡିତେସି []

ପେଲିକସ୍ ତାଣା ପାଞ୍ଜୁଲଇଁ ପାଣ୍ଡିନାୟି

୨୩ ର ମାଣା କସ୍‌କା ମୁହେଁ କାଜାସି ତାନି ତୁଇ କାମା କିନି ପାସାକଡ଼ି କସ୍‌କା ମୁହେଁ କାଜାରାଇଁ ରିଆରାଇଁ ହାଟାନା ଏଲେଇଚେସି, “ନୀଞ୍ଜୁ ଲାଆଁୟାଁ ନ ଚାଟା ବେଲାତା କାୟିସରିୟାତା ହାଜାଲିତାକି ତାନିକଡ଼ି ଦସ ଜାଣା ଗଡ଼ାତା ହାନାରି ଅଡ଼େ ରୀ ଖାଞ୍ଜା ବାଲ୍ଲୀ ଗାଟାରି ତଲେ ରୀ ଖାଞ୍ଜା କସ୍‌କାଣି ତିୟାରା କିମୁ []

୨୪ ଅଡ଼େ ଏଞ୍ଜାରି ଏନିକି ପାଞ୍ଜୁଲଇଁ ଗଡ଼ା ଲାକ କୁରିକିହାନା ସାଲୁଡ଼ି କିନି ପେଲିକସ୍ ତାଣା ଜାଗ୍ରାତା ତଲେ ଅନେରି, ଏଦାଆଁତାକି ବାରେ କିହାଲି ହୁକୁମି ହୀତେସି []”

୨୫ ର ମାଣା କସ୍‌କା ମୁହେଁ କାଜାସି ଇଲେଇଞ୍ଜୁଁ ର ଆକୁ ରାଡ଼ିତେସି;

୨୬ “ଏ ମାନୁଗାଟି ଦେସା ସାଲୁଡ଼ି କିନି ପେଲିକସ୍ କ୍ଲାଞ୍ଜୁଦିୟା ଲୁସିୟାତି ଜହରା []

୨୭ ଜାହୁଦିୟାଁ ଈ ଲକୁଇଁ ଆସାନା ପାୟାଲି ଅଣ୍ଡିପାଟି ବେଲାତା, ଏଞ୍ଜାସି ର ରମିୟ ଲକୁ ଇଞ୍ଜୁଁ ପୁଞ୍ଜାନା, ନାନୁ କସ୍‌କା ତଲେ ହାଜାନା ଏଞ୍ଜାଣାଇଁ ପିସ୍‌ପି କିଚେର୍ବି []

୨୮ ଏଞ୍ଜାସି ଏଞ୍ଜାରି କପାଟି ଏନି ଦହ କିହାମାନେସି ପୁଞ୍ଜାଲି ନାନୁ ଏଞ୍ଜାଣାଇଁ ତାମି କାଜା ବେରଣିମାଣ୍ଡାତା ଅହାମାଚେର୍ବି []

୨୯ ସାମା ଏଞ୍ଜାସି ହାଡ଼ି ତଣ୍ଡ କି କାୟିଦି ତଣ୍ଡ ବେଟାଆନି ଲେହେଟି ଏନି ଦହ କିହାହିଲଅସି ଇଞ୍ଜୁଁ ନାନୁ ପୁଚେର୍ବି, ତାନି କପାଟି ଖାଉଲ ତାମି ମୋରାତି କାତାତାକି ଏଞ୍ଜାଣାଇଁ ଦହ ଦସାମାନେରି []

୩୦ ଏଞ୍ଜାରି ନାଡ଼ିକିହାଁ ଏଞ୍ଜାଣାଇଁ ପାୟାଲି ଅଣ୍ଡିପାଟିନେରି ଇଞ୍ଜୁଁ ନାଜେ କାବୁ ହିୟାଲିଏ ନାନୁ ଇଞ୍ଜାଣାଇଁ ଖେଡ଼ାକିଆନା ନୀ ତାଣା ପାଣ୍ଡାତେର୍ବି; ଏଞ୍ଜାଣାଇଁ ଦହ ଦସାମାନାରାଇଁ ଜିକେଏ ନୀ ନକିତା ଏଞ୍ଜାଣି କପାଟି ସାକି ହାହାଲି ଖେସା ପାଣ୍ଡାତେର୍ବି []”

୩୧ ଏମାଟିଏ କସ୍‌କା ହୁକୁମି ବେଟାଆହାନା ପାଞ୍ଜୁଲଇଁ ଅହାନା ଲାଆଁୟାଁ ବେଲାତା ଏଞ୍ଜାଣାଇଁ ଆଡ଼ିପାଡ଼ିତା ତାଚେରି []

୩୨ ଅର ଦିନା ଗଡ଼ାୟାଁ ଗାଟାରାଇଁ ଏଞ୍ଜାଣିତଲେ ହାଜାଲି ପିସାନା, କସ୍‌କା କଟା ଇଲୁତା ଖେଣ୍ଡା ଖାଡ଼େରି []

୩୩ ଗଡ଼ାୟାଁ ଗାଟାରି କାୟିସରିୟାତା ଖାହାନା, ସାଲୁଡ଼ି କିନି ପେଲିକସ୍‌କି ଆକୁ ହାହାନା ପାଞ୍ଜୁଲଇଁ ଏଞ୍ଜାଣି ତାଣା ହେର୍‌ପିଚେରି []

୩୪ ଏଝାସି ଏ ଆକୁ ପଡ଼଼ି ଆଡ଼ି ତାୟୁ ନାନୁ ଏନିନି ରାଜିତାତି ଇଞ୍ଜିଁ ଝେରେସି; ଅଡ଼େ ଏଝାସି କିଲିକିୟାତି ଲକୁ ଇଞ୍ଜିଁ ପୁରେସି,
 ୩୫ ଇଞ୍ଜିଁ ଏଝାସି ଏଲେଇରେସି, “ନିଜେ ଦହ ଦସାମାଞ୍ଜାନାରି ଇମ୍ପାଆଁ ଝାଡ଼ିସାରେ ନାନୁ ନୀ କାତା ଝେଞ୍ଜାଇଁ” ଅଡ଼େ ଏଝାସି ପାଞ୍ଜୁଲଇଁ ହେରଦତି ଇଜ ଇଗାଲି ହୁକୁମି ହାତେସି □

୨୪

ଜାହୁଦି ଲକୁ ପାଞ୍ଜୁଲ କପାଟି ଦାଝା କିନାୟି

୧ ପାସା ଦିନା ତାୟୁ କାଜା ପୁଜେରା ହାନାନ, ଏରେକା ପ୍ରାଟିନାଜା ଅଡ଼େ ତରତୁଲ ଦରୁଗାଟି ଅକିଲା ତଲେ କାୟିସରିୟାତା ଝାଡ଼େରି, ଅଡ଼େ ଏଝାରି ପାଞ୍ଜୁଲ କପାଟି ସାଲୁଝି କିନି ପେଲିକସ୍ ତାଣା ଦାଝା କିଡେରି □

୨ ପାଞ୍ଜୁଲଇଁ ଏମ୍ପାଆଁ ତାରାଲିଏ, ତରତୁଲ ଏଝାଣି କପାଟି ଏଲେଇରେସି, “ଏ ମାନିଗାଟି ପେଲିକସ୍ ନୀ ତାଣାଟି ମାମ୍ପୁ ହାରେକା ଦିନାଟିଏ ହିଡ଼଼ି ବେଟାଆହି ମାନନି, ଇଞ୍ଜିଁ ନାନୁ ମା ଦେସାତାକି କିହାମାନି କାମା ବାରେ ଇ କୁଡ଼ା ତାରାକି ହାରେକା ନେହେଁ ଆହାମାନେ □

୩ ଇଦାଆଁ ମାମ୍ପୁ ବାରେଜାଣା ତଲେ ବାରେ ତାଣା ହାରେକା ମାନିତଲେ ପେଲିକସ୍ ମାନୁଝି ଆହିମାନନି □

୪ ସାମା ନାନୁ ନିଜେ ଏନିକିଁ ହାରେକା ବିତିବିତା କିୟଅଁ, ଇଦାଆଁତାକି ନାନୁ ନାଜେ କାମାମେସାନା ମା ଏତରଗଟା କାତା ଝେଞ୍ଜାଲିତାକି ନିଜେ ବାଟିମାଲିମାଞ୍ଜାଇଁ □

୫ ଇତିହଁ ଇ ମାଣସି ଆଜିହପେତି ଗଡ଼ହା ଗାଟାସି, ଏଝାସି ଦାରୁତିତି ବାରେଝାକି ମାନି ଜାହୁଦିୟାଁ ତାଣା ଗଡ଼ହା ହପ୍ପନାସି, ଅଡ଼େ ନାଜରିତ ଗରିତି ର କାଜାସି ଇଞ୍ଜିଁ ମାମ୍ପୁ ପୁଞ୍ଜାମାନନି;

୬ ଅଡ଼େ ଜିକେଏ ମାହାପୁରୁ ଇଲୁଡି ଲାଗେଏ କିହାଲି ଅଣପାମାରେସି, ଏରିବେଲା ମାମ୍ପୁ ଇଝାଣାଇଁ ଆସୁମି, ଅଡ଼େ ମା ମୋରାତି ଲେହେଁ ଇଝାଣାଇଁ ନୀହାଁସି କିୟାଲି ଅଣପାମାଟନି □

୭ ସାମା ର ମାଣା କସକା ମୁହେଁ କାଜାସି ଲୁସିୟା ଝାହାନା ଏଝାଣାଇଁ ମା ତାଣାଟି ବାଡ଼ୁୟୁ ତଲେ ମାଞ୍ଜା ଅୟାତେସି,

୮ ଅଡ଼େ ଇଝାଣାଇଁ ଦହ ଦସିମାନାରାଇଁ ନୀ ତାଣା ଝାହାଲି ହୁକୁମି ହାତେସି, ଇ ବାରେ କାତାତାକି ନାନୁ ଇଝାଣାଇଁ ଝେଡିହଁ ମାମ୍ପୁ ଏଝାଣି କପାଟି ଦାଝା କିହାମାନାଣି ପୁଞ୍ଜାଲି ଆଡ଼ିଦି □”

୯ କୁଡ଼ା ଆହାମାଟି ଜାହୁଦିୟାଁ ଜିକେଏ ଦାଝା କିହାମାନାରି ତଲେ ଆଣ୍ଡାନା ଇ ବାରେ କାତା ସାତା ଇଞ୍ଜିଁ ଇଡେରି □

ତାନି ଝାକିଟି ପାଞ୍ଜୁଲ ପେଲିକସ୍ ନକିତା ଝେହ୍ନାୟି

୧୦ ଏରେଟିଏ ସାଲୁଝି କିନାସି ଝାଞ୍ଜୁ ହୁଟାନା ପାଞ୍ଜୁଲଇଁ ଜଲ୍ଲାଲି ହେଲ ହାତେସି, ଇଞ୍ଜିଁ ପାଞ୍ଜୁଲ ଏଲେଇରେସି, “ନାନୁ ହାରେକା ବାସା ଆଡ଼େ ଇ କୁଡ଼ାତାରାଇଁ ନୀହାଁସି କିନାଟି ଆହାମାଞ୍ଜି ଇଞ୍ଜିଁ ପୁଞ୍ଜାନା, ନାନୁ ସାସାତଲେ ନା ଝାକିଟି ଝେସିମାଞ୍ଜାଇଁ □

୧୧ ବାର ଦିନାଟିଏ ଆଗାଡ଼ା ଆଏ, ନାନୁ ମାହାପୁରୁତି ସେବା କିହାଲି ଜିରୁସାଲମତା ହାଜାମାଟେଏଁ, ଇଦାଆଁ ନାନୁ ଝେଞ୍ଜାନା ପୁଞ୍ଜାଲି ଆଡ଼ିଦି □

୧୨ ଅଡ଼େ ଇଝାରି ମାହାପୁରୁ ଇଲୁଡାକି ଜାହୁଦି ଲକୁଡି କୁଟନି ଲକୁଡା* କି ଗାଡ଼ାତି ଆନିନି ଗାୟୁତା ଆମ୍ପାଆରି ତଲେ ବାଡ଼ିବାଡ଼ା କିତାଣି କି ଗଡ଼ହା ହପ୍ପହାଣି ଇଞ୍ଜିଁ ଜାହୁଦିୟାଁଣି ମାଡ଼଼ି କିହିମାଟାଣି ଇଝାରି ମେସାମାଞ୍ଜାଅରି,

୧୩ ଇଞ୍ଜିଁ ନାଏଁ ନା କପାଟି ତାରାମାନି ଦହ ତାକି, ଏଝାରି ନୀ ନକିତା ଏନି ପାରମାଣା ତସାଲି ଆଡ଼ଅରି □

୧୪ ସାମା ନାନୁ ନିଜେ ଇଦାଆଁ ଝେସିମାଞ୍ଜାଇଁ; ଇଝାରି ଏନିନି ଜିରୁତି ମିତି ଇଞ୍ଜିମାନେରି, ଏ ଜିରୁ ତାକାନା ନାନୁ ମା ଆକୁ ଆବାୟିତି ମାହାପୁରୁଇଁ ଜହରା କିହିମାଇଁ, ସାମା ନାନୁ ଜିକେଏ ମସାତି ମୋରା ଅଡ଼େ ମାହାପୁରୁ ଅଣପୁତି ବଲୁ ଝେହ୍ନାରି ପତିତା ଏନାୟି ରାସ୍ତିକି ଆହାମାନେ ଏ ବାରେ ନାନିମାଇଁ;

୧୫ ଇଝାରି ଲେହେଁ ମାହାପୁରୁ ତାଣା ନା ଏ ରଣ୍ଡିଏ ଆସା ମାନେ ଦାମ୍ପୁଗାଟାରି ଅଡ଼େ ଦାମ୍ପୁ ହିଲାଆ ଗାଟାରି ବାରେ ଲକୁ ହାଡ଼ାରି ତାଣାଟି ଝେଣ୍ଡେ ନିଜାନେରି ଇଞ୍ଜିଁ ନୀ ନକିତା ଝେସିମାଞ୍ଜାଇଁ □

* ୨୪:୧୨ ୨୪:୧୨ ସିନଗ୍ର

୧୬ ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକ୍ଷୁ ନକିତା ବାରେଦିନା ନେହଁ ଅଣ୍ଡୁ ତଲେ ତୁୟାଲି ଅଣ୍ଡପିମାଲ୍ ।”

୧୭ “ହାରେକା ବାସୀ ଜେତ ନାନୁ ମା ଲକ୍ଷୁତାଣା ଦାନା ତାଚାଲି ଅଡ଼େ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଝାହାମାଚେଏଁ ।”

୧୮ ଏତିବେଲାତା ନାନୁ ମାହାପୁରୁ ଲକ୍ଷୁତା ଅଡ଼ହା କଡ଼ିନି ମେରା ରାପୁହିମାତି ବେଲାତା ଇଝାରି ନାଜେ ମାହାପୁରୁ ଇଲୁତା ମେସ୍ତାତେରି; ଏତିବେଲା ନା ତଲେ ମାନ୍ଦା ଲକ୍ଷୁ ହିଲାଆତେରି କି ଏମ୍ବାଆଁ ଏନି ଗଡ଼ହା ହିଲାଆତେ,

୧୯ ସାମା ଆସିୟାତି ଏଚରଜାଣା ଜୀହୁଦିୟାଁ ଏମ୍ବାଆଁ ମାଚେରି; ନା କପାଟି ଏଝାରି ଏନି କାତା ମାଚିହଁ ଏଝାରି ନୀ ନକିତା ଝାହାନା ଦାଝା କିତିହଁ ନେହେଁ ଆଚେମା ।”

୨୦ ନାନୁ କାଜା ବେରଣିମାଣ୍ଡା ନକିତା ନିଚାମାତି ବେଲାତା ଏନି ଦହ୍ ମେସାମାଚିହଁ ଇମ୍ବାଆଁ ମାନି ଇ ଲକ୍ଷୁ ନାଜେ ଝେସ୍ତାପେରି,

୨୧ *ନାନୁ ରଣ୍ଡାଏ କାତା ଝେସାମାଚେଏଁ ଏଝାରି ନକିତା ନିଚାମାତି ବେଲାତା ନାନୁ ଆଡ଼ଝାତଲେ ଏଲେଇଞ୍ଜା ମାଚେଏଁ, “ହାତାରି ଝେଣ୍ଡେ ନିଜିନେରି ଇଞ୍ଜଁ ନାନୁ ନାମାମାନାକି ନୀଞ୍ଜୁ ମୀ ତାଣାଟି ନୀହାଁୟି କିଝି ଆହିମାଲ୍ ।”

୨୨ ସାମା ପେଲିକସ୍ ଏ ଜିରୁତି କାତା ପୁଞ୍ଜାମାଚାକି ନୀହାଁୟି କିହାଲି ବାୟିଦା କିହାନା ଏଲେଇଚେସି, “ର ମାଣା କସ୍ତକା ମୁହେଁ କାଜାସି ଲୁସିୟା ଝାଡ଼ିଦେହେଁ ନାନୁ ମୀ ନୀହାଁୟି ଡିକହାଲ୍,” ଇଞ୍ଜଁ ଝେସା ପାଣ୍ଡିଚେସି ।”

୨୩ ଏଝାସି ପାସାକଡ଼ି କସ୍ତକା ମୁହେଁ କାଜାଣାଲ୍ ଏଲେଇଚେସି, ତାନି ଲକ୍ଷୁ ଅଡ଼େ ତଡ଼େସିଙ୍ଗା ତାନି ସେବା କିହାଲି କାହି କିଆନି, ଅଡ଼େ ତାନି କାୟିଦିତା ମାନାସି ଇଞ୍ଜଁ ଗେଲ୍ପାନା ଏଝାଣାଲ୍ ହିଡ଼ଡ଼ି ତଲେ ଲେମ୍ବାଲି ଏଲେଇଚେସି ।”

ପେଲିକସ୍ ଅଡ଼େ ଦୁସିଲା ନକିତା ପାଞ୍ଜୁଲ

୨୪ ଏଚରଦିନା ତାୟୁ ପେଲିକସ୍ ଦୁସିଲା ଦରୁଗାଟି ଜୀହୁଦି ତାନି ତକ୍ତି ତଲେ ଝାଡ଼େସି, ଏଝାସି ପାଞ୍ଜୁଲଲ୍ ହାଡ଼ି କିହାନା କ୍ରୀସୁ ଜୀସୁ ତାଣା ନାନିନି କାତା ଏଝାଣି ତାଣାଟି ଝେଚେସି ।”

୨୫ ସାମା ପାଞ୍ଜୁଲ ଦାମୁତି କାତା, ତୀରପୁ ହିୟାଁ ଅଡ଼େ ଝାହିମାନି ନୀହାଁୟି ଦିନାଟି କାତା ଝେସିମାଚାକି, ପେଲିକସ୍ ଆଜାନା ଏଲେଇଚେସି, “ନୀଏଁ ନାନୁ ହାଲାମୁ ବେଲା ସିନିକିହାନା ଅଡ଼େ ର ଦିନା ହାଡ଼ି କିୟାଲ୍ ।”

୨୬ ପାଞ୍ଜୁଲ ନାଜେ ଟାକାୟାଁ ହିୟାନେସି ଇଞ୍ଜଁ ଏଝାସି ଆସା କିହାମାଚେସି, ଏଦାଆଁତାକି ଏଝାସି ଅଲେ ଅଲେ ଏଝାଣାଲ୍ ହାଡ଼ି କିହାନା ଏଝାଣିତଲେ କାତା ଆଝିଚେସି ।”

୨୭ ଏଲେକିହଁ ରୀ ବାସୀ ଆଡ଼ି ତାୟୁ ପକ୍ତ ପେସ୍ତସ୍, ପେଲିକସ୍ ଟାୟୁତା ସାଲ୍ଝି କିନାସି ଆଡ଼େସି, ଅଡ଼େ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜଁ ଇଞ୍ଜାପେରିଝା ଇଞ୍ଜଁ ଅଣ୍ଡପାନା ପାଞ୍ଜୁଲଲ୍ କାୟିଦିତା ଇଟାନା ହାଚେସି ।”

୨୫

ସାଲ୍ଝି କିନାଣି ତାଣା ପାଞ୍ଜୁଲ ଗହାରା କିନାସି

୧ ଏମ୍ବାଟିଏ ପେସ୍ତସ୍ ଇ ରାଜିତା ଝାହାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାଚେସି, ୨ ଅଡ଼େ ଏମ୍ବାଆଁ କାଜା ପୂଜେରାଙ୍ଗା ଇଞ୍ଜାଁ ଜୀହୁଦି ଲକ୍ଷୁତି କାଜାରି ପାଞ୍ଜୁଲ କପାଟି ପେସ୍ତସ୍ ତାଣା ଝେଣ୍ଡେ ଦାଝା କିଚେରି,

୩ ଅଡ଼େ ଏଝାସି ଏନିକିଁ ପାଞ୍ଜୁଲଲ୍ ଜିରୁସାଲମତା ହାଚା ପାଣ୍ଡାଚେସି, ଏଦାଆଁତାକି ଗହାରା କିହାନା ଏଝାଣି କପାଟି କାର୍ମାଆନି ଲେହେଁ ପେସ୍ତସ୍ ବାଡ଼ିମାଲିଚେରି; ଇଞ୍ଜାଁ ଏଝାରି ଜିରୁତା ତୁଣାହାଁ ପାୟାଲି ଅଣ୍ଡପିମାଚେରି ।”

୪ ପେସ୍ତସ୍ ଏଲେଇଚେସି, “ପାଞ୍ଜୁଲ କାୟିସରିୟାତା କାୟିଦିତା ମାନେସି, ଇଞ୍ଜାଁ ନାନୁ ଜିକେଏ ତବେ ଏମ୍ବାଆଁ ଝେଣ୍ଡା ହାଜିମାଲ୍,

* ୨୪:୨୧ ୨୪:୨୧ କାମା ୨୩:୭

୫ ଏଞ୍ଜାସି ଏନ୍ ଦହ୍ କିହାମାନେସି, ଆତିହ୍ୱଂ ମୀ କାଜାରି ନା ତଲେ କାୟିସରତା ହାଲାପେରି ଅଡ଼େ ଏଞ୍ଜାଣି କପାଟି ତାମି ଦାଞ୍ଜା କିପାରି ॥

୬ ପେସୁସ୍ ଏମ୍ବାଆଁ ଆଡ଼ା କି ଦସ ଦିନା ଏଞ୍ଜାରିତଲେ ତ୍ତୟାହ୍ୱାଁ କାୟିସରିୟାତା ଝେଣ୍ଡେ ହାଚେସି, ଏ ଅର ନେରୁ ନାହାଁୟି କିନି ଟାୟୁତା କୁଗାନା ପାଞ୍ଜୁଲଇଁ ତାଗାଲି ହୁକୁମି ହାଚେସି ॥

୭ ପାଞ୍ଜୁଲ ଖାହାଲିଏ ଜିରୁସାଲମାଟି ଖାହାମାନି ଜୀହୁଦିୟାଁ ତାନି ସାରିସୁରୁ ନିଗାନା ଏଞ୍ଜାଣି କପାଟି ହାରେକା ଦହ୍ ଦସାଲି ମାଟୁହେରି, ସାମା ଏଞ୍ଜାରି ଏ ବାରେଡି ପାର୍ମାଣା କିହାଲି ଆଡ଼ାଆଡେରି ॥

୮ ଏଚେଟିଏ ପାଞ୍ଜୁଲ ତାନି ଖାକିଟି ଝେସାକତାନା ଏଲେଇଚେସି, “ଜୀହୁଦିୟାଁ ମୋରା କପାଟି ଆଥାତ୍ ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନାନୁ ଏନ୍ ଦହ୍ କିହାହିଲଅଁ ॥”

୯ ସାମା ପେସୁସ୍, ଜୀହୁଦି ଲକୁ ନକିତା ନେହାଁସି ଆୟାଲି ପାଞ୍ଜୁଲଇଁ ଝେଚେସି, “ନୀନୁ ଜିରୁସାଲମତା ହାଜାନା ଏମ୍ବାଆଁ ନା ନକିତା ଇ ବାରେଡକା ନିହାଁୟି ଆୟାଲି ମନ୍ କିହମାଞ୍ଜି କି ?”

୧୦ ସାମା ପାଞ୍ଜୁଲ ଏଲେଇଚେସି, “ନାନୁ କାୟିସର ନକିତା ନିହାଁୟି କିନି ଟାୟୁତା ନିଗମାଲ୍, ଏମ୍ବାଆଁ ନା ନିହାଁୟି ଆନାୟି ମାନେ, ନାନୁ ଜୀହୁଦିୟାଁ କପାଟି ଏନ୍ ଲାଗେଏ କାମା କିହାହିଲଅଁ, ଏଦାଆଁ ନୀନୁ ଜିକେଏ ନେହ୍ କ୍ ପୁଞ୍ଜାମାଞ୍ଜି ॥

୧୧ ମୋରା ମାନି କିଆନା ଲାଗେଏତି କାମା କିହାମାଟିହ୍ୱଂ, ନାନୁ ହାହାଲି ଆଜିହିଲଅଁ; ସାମା ଇଞ୍ଜାରି ନା କପାଟି ଆମିନି ବାରେ ଦାଞ୍ଜା କିହମାନେରି, ଏ ବାରେ ବିତ୍ରାଟି ଆମିନି ର ପଦୁ ଜିକେଏ ସାତା ଆଥାତିହ୍ୱଂ, ଆମ୍ବାଆସି ଏଞ୍ଜାରି କେୟୁତା ନାଜେ ହେଚପାଲି ଆଡ଼ଅସି, ନାନୁ କାୟିସର ନକିତା ନିହାଁୟି କିଞ୍ଚିଆୟାଲି ଗହାରା କିହମାଲ୍ ॥”

୧୨ ଏମ୍ବାଟିଏ ପେସୁସ୍ ତାନି ନିହାଁୟିତି କାଜାରି ତଲେ ଜଲୁକି ଆହାନା ଏଲେଇଚେସି, “ନୀନୁ କାୟିସର ନକିତା ନିହାଁୟି କିଞ୍ଚିଆୟାଲି ରାସିମାଞ୍ଜି, ଆତିହ୍ୱଂ ନୀନୁ କାୟିସର ତାଟେଏ ହାଜି ॥”

ଆଗ୍ରିପା ଅଡ଼େ ବନ୍ କି ନକିତା ପାଞ୍ଜୁଲ

୧୩ ଏଚରଦିନା ତାୟୁ ରାଜା ଆଗ୍ରିପା ଅଡ଼େ ବନ୍ କି କାୟିସରିୟାତା ଖାହାନା ପେସୁସ୍ ଆଶ୍ୱାଲି ହାଚେରି ॥

୧୪ ଏଞ୍ଜାରି ଏମ୍ବାଆଁ ଏଚରଦିନା ତ୍ତୟିତି ତାୟୁ, ପେସୁସ୍ ରାଜା ନକିତା ପାଞ୍ଜୁଲ କାତା ଝେସେସି, “ପେଲିକସ୍ କାୟିଦିତା ଇଗାମାନାସି ରଅସି ଇମ୍ବାଆଁ ମାନେସି;

୧୫ ନାନୁ ଏଚିବେଲା ଜିରୁସାଲମତା ହାଜାମାଚେଏଁ ଏଚିବେଲାତା ଜୀହୁଦି ଲକୁତି କାଜା ପୂଜେରାଞ୍ଜା ଅଡ଼େ ପ୍ରାତିନାଞ୍ଜା ଏଞ୍ଜାଣି କପାଟି ଝେସାନା ଏଞ୍ଜାଣାଇଁ ତଣ୍ଡ ହାହାଲି ନାଜେ ବାତିମାଲି ମାଞ୍ଜାତେରି ॥

୧୬ ସାମା ନାନୁ ଏଞ୍ଜାରିଇଁ ଏଲେଇଚେଏଁ, ଦହ୍ଗାଟାସି ତାନି ଦହ୍ ଦସାମାନାରା ନକିତା ନିଆ ପାତେକା ଇଞ୍ଜା ତାଜେ ତାନି ଖାକିଟି ଜଲୁଲି ହାଆ ପାତେକା ଏଞ୍ଜାଣାଇଁ ତଣ୍ଡ ହାହାଲି ମା ରମ୍ ଲକୁତି ମୋରା ହିଲେଏ ॥

୧୭ ଏଞ୍ଜାରି ନା ତଲେ ଇମ୍ବାଆଁ ଖାୟାଲିଏ, ନାନୁ ଝେଡାକିଆନା ତାନି ଅର ନେରୁ ନିହାଁୟି କିନି ତାଣା କୁଗାନା, ଏଞ୍ଜାଣାଇଁ ତାଗାଲି ହୁକୁମି ହାଚେଏଁ ॥

୧୮ ଏଞ୍ଜାଣାଇଁ ଦହ୍ ଦସାମାନାରି ଖାହାନା ନିତେରି, ସାମା ଏଞ୍ଜାରି ଏନ୍ଲେହେଟି ଦାଞ୍ଜା କିନେରି ଇଞ୍ଜାଁ ନାନୁ ଅଣ୍ଡିମାଚେଏଁ, ଏଞ୍ଜାରି ଏନ୍ ଦହ୍ ଏଞ୍ଜାଣି କପାଟି ଝେସ୍ତାଆଡେରି ॥

୧୯ ଏଞ୍ଜାରି ଖାଚର ଡାମି ଦାମୁତି କାତା ଇଞ୍ଜାଁ ଜୀସୁ ଦରୁଗାଟି ଏମିନି ହାଡ଼ାଣାଇଁ ପାଞ୍ଜୁଲ ନୀତାମାନେସି ଇଞ୍ଜାଁ ଝେସିମାନେସି, ତାନି କାତାତାକି ଆସି ଆଡେରି ॥

୨୦ ଇ ବାରେ କାତା ନେହ୍ କ୍ ପୁଞ୍ଜାଲିତାକି ଏମ୍ବାଆଁ କିହାଲି ଆନେ, ଏମ୍ବାଆଁ ଚାରି କିହାଲି ଆଡ଼ାଆନା ଇ ଦାଞ୍ଜା ତାକି ନିହାଁୟି ଆହାଲିତାକି ପାଞ୍ଜୁଲ ଜିରୁସାଲମତା ହାନେସି କି ଆଏ ଏଦାଆଁ ନାନୁ ଝେଚେଏଁ ॥

୨୧ ସାମା ପାଞ୍ଜୁଲ ସାଲୁକି କିନି କାୟିସର ନକିତା ନିହାଁୟି କିଞ୍ଚିଆୟାଲି ନାନୁ ହାଇଁ ଇଞ୍ଜାଁ ଝେସିମାଚାକି, ନାନୁ ଏଞ୍ଜାଣାଇଁ କାୟିସର ତାଣା ପାଣ୍ଡିନି ପାତେକା କାୟିଦିତା ଇଗାଲି ହୁକୁମି ହାଚେଏଁ ॥”

୨୨ ଆଗ୍ରିପା ପେସୁସ୍ ଏଲେଇଚେସି, “ନାନୁ ଜିକେଏ ଇଞ୍ଜାଣି କାତା ଝେଞ୍ଜାଲି ମନ୍ କିହମାଲ୍ ॥ ହାଅ ଝିଏ ନୀନୁ ଏଞ୍ଜାଣି କାତା ଝେଞ୍ଜାଁ ଇଞ୍ଜାଁ ପେସୁସ୍ ଏଲେଇଚେସି ॥

୨୩ ତାନି ଅର ଦିନା ଆଗ୍ରିପା ଇଞ୍ଜା ବନିକି କାଜାପାଣା ଅଡ଼େ ଗାଞ୍ଜୁରମିଗାଟି କସକା ଇଞ୍ଜା ଗାଡ଼ାତି କାଜାରି ତଲେ ହାଜାନା ନାହାଁୟି କିନି ଚାନ୍ଦୁତା ଖାଡ଼େସି, ଏମ୍ବାଟିଏ ପେସ୍ତସ୍ ହୁକୁମି ତଲେ ପାଞ୍ଜୁଲ ଏମ୍ବାଆଁ ତାପିଆଡ଼େସି □

୨୪ ଏମ୍ବାଟିଏ ପେସ୍ତସ୍ ଏଲେଇରେସି, “ଏ ରାଜା ଆଗ୍ରିପା ଅଡ଼େ ଇମ୍ବାଆଁ ମାନି ମାନିଗାଟି କାଜାଡେରି, ମାରୁ ବାରେ ଇଞ୍ଜାଣାଲ୍ ମେସିମାଞ୍ଜେରି; ଇଞ୍ଜାଣି କପାଟି ଜିରୁସାଲମ ଇଞ୍ଜା ଇମ୍ବାଆଁ ମାନି ଜୀହୁଦି ଲକୁ ନା ତାଣା ଦାଞ୍ଜା କିହାମାନେରି, ଇଞ୍ଜାସି ନୀତାମାନାୟି ଲଡ଼ା ହିଲେଏ ଇଞ୍ଜା ବାରେଜାଣା କାଲ୍ଡି ଆଡ଼େରି □

୨୫ ସାମା ଇଞ୍ଜାସି ହାନିଲେହେଟି ଏନି ଦହ୍ କିହାମାନାଣି ନାନୁ ମେସାହିଲଅଁ ଇଞ୍ଜା ଏଞ୍ଜାସି ତାନୁଏ କାୟିସର ତାଣା ନାହାଁୟି କିଞ୍ଜିଆୟାଲି ବାଟିମାଲ୍ଲାତାକି ନାନୁ ଏଞ୍ଜାଣାଲ୍ ଏମ୍ବାଆଁ ପାଣ୍ଡାଲି ତାକି ତାରି କିଡେସଁ □

୨୬ ସାମା ରାଜା କାୟିସର ତାଣା ଏଞ୍ଜାଣି ତାକି ରାଟାଲି ନାଜେ ଏନି କାତା ହିଲେଏ, ଏଦାଆଁତାକି ନାନୁ ଏଞ୍ଜାଣାଲ୍, ବାରେକିହାଁ ରାଜା ଆଗ୍ରିପା ନୀ ତାଣା ଏଞ୍ଜାଣାଲ୍ ତାଟାମାଲ୍, ଏନିକି ଏଞ୍ଜାଣି କାତା ଖେଞ୍ଜାନା, ପୁଟିତାନ୍ଦୁ ନାନୁ ଏଞ୍ଜାଣାକି ଇଟାଣି ରାଟାଲି ଆଡ଼ିଲ୍ □

୨୭ ଇତିହଁ ର କାୟିଦି ଗାଟାଣାଲ୍ ପାଣ୍ଡିନି ବେଲ୍ଲାତା ତାନି କପାଟି କିହାମାନି ଦାଞ୍ଜା ନେହଁକି ତହ୍‌ଆନା ପାଣ୍ଡାଲି ନେହେଁ ଆଏ ଇଞ୍ଜା ନାନୁ ଅଣ୍ଡିମାଲ୍ □”

୨୭

ରାଜା ଆଗ୍ରିପା ନକିତା ପାଞ୍ଜୁଲ ତାଜେତାକି ଖେହ୍‌ନାୟି

୧ ଆଗ୍ରିପା ପାଞ୍ଜୁଲଲ୍ ଏଲେଇରେସି, “ନିଜେ ନୀ ଖାକିଟି କାତା ଜଲ୍ଲାଲି ହେଲ ହୀପ୍‌କିଆଡ଼େ” ଏମ୍ବାଟିଏ ପାଞ୍ଜୁଲ କେୟୁ ଦାସାନା ତାନି ଖାକିଟି ଏଲେଇରେସି □

୨ “ରାଜା ଆଗ୍ରିପା, ଜୀହୁଦିୟାଁ ନା କପାଟି ଏନି ଦହ୍ ଦସାମାଞ୍ଜାନେରି, ଏଦାଆଁ ନୀଞ୍ଜୁ ନୀ ନକିତା ଖେସାଲି ନାନୁ ହେଲ ବେଟାଆହାମାନାକି ନାନୁ ନାଜେ କପଲ ଗାଟାଡେସଁ ଇଞ୍ଜା ଅଣ୍ଡାପା କଡିମାଲ୍,

୩ ଏନାଆଁତାକି ଇତିହଁ, ନାନୁ ଜୀହୁଦିୟାଁ ପାଣାପାଟୁ ଅଡ଼େ କାତା ନେହଁକି ପୁଞ୍ଜାମାଞ୍ଜି; ଏଦାଆଁତାକି ନା କାତା ସାସାତଲେ ଖେଞ୍ଜାଲି ନିଜେ ବାଟିମାଲ୍‌ମାଞ୍ଜାଲ୍ □”

୪ “ନା ଦାଗଣା ଖେଡ଼ାଟିଏ ନୀସଁ ପାଡେକା ନାନୁ ତଲି ମା କୁଡ଼ାତାରି ତଲେ ଅଡ଼େ ଜିରୁସାଲମତା ଏନିଆହଁ ନୀତା ମାଚେସଁ ଏଦାଆଁ ଜୀହୁଦିୟାଁ ବାରେ ନେହଁକି ପୁଞ୍ଜାମାନେରି;

୫ ନାନୁ ମା ମାହାପୁରୁତି ମେରା ହାରେକା ନେହଁକି ମାନୁଞ୍ଜି ଆହିମାନି ପାନ୍ଦିୟାଁ ଗଟିତା ମାଚେସଁ, ଏଞ୍ଜାରି ନାଜେ ତଲିଟିଏ ପୁଞ୍ଜାମାଞ୍ଜାନେରି, ଏଞ୍ଜାରି ମନ କିତିହଁ ସାକି ହାହାଲି ଆଡ଼ିନେରି □

୬ ମାହାପୁରୁ ମା ଆକୁ ଆଦାୟାଁଣି ଏମିନି କାତା ଆଞ୍ଜାମାଚେସି, ଏ କାତା ହାହାମାନାଣି ବାସୁ କିହାମାନାକି ନୀଞ୍ଜୁ ନାନୁ ଇମ୍ବାଆଁ ନାହାଁୟି କିଞ୍ଜିଆୟାଲି ନିଟାମାଲ୍

୭ ମା ଲକୁତି ବାର କୁଡ଼ାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣ୍ଡିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନାଏ ବାସୁ ତାକି ଜୀହୁଦିୟାଁ ନାଜେ ଦହ୍ କିହିମାଞ୍ଜାନେରି □

୮ ମାହାପୁରୁ ହାଡ଼ାରାଲ୍ ନିକ୍‌ନେସି, ଇଦାଆଁ ନାମାଲି ଆଡ଼ାଆ ଗାଟାୟି ଇଞ୍ଜା ମାରୁ ଏନାଆଁତାକି ଅଣ୍ଡିମାଞ୍ଜେରି ?”

୯ “ନାକ୍‌ରିତ ଜୀସୁ ଦରୁ କପାଟି ନାଜେ ହାରେକା କାମା କିନାୟିମାନେ ଇଞ୍ଜା ନାନୁ ଅଣ୍ଡିମାଚେସଁ □

୧୦ ଜିରୁସାଲମତା ନାନୁ ଏଲେଜିକେଏ କିଡେସଁ □ କାଜା ପୁଜେରାଜା ତାଣାଟି ଅଦିକାରା ଆକୁ ବେଟାଆହାନା, ମାହାପୁରୁ ଲକୁ ତାଣାଟି ହାରେକା ଜାଣାଲ୍ କାୟିଦିତା ପୁଣ୍ଡିକିହାମାଚେସଁ ଇଞ୍ଜା ଏଞ୍ଜାରାଲ୍ ପାୟିନାଟି ନାନୁ ଜିକେଏ ଆଣ୍ଡିମାଚେସଁ □

୧୧ ହାରେକା ଦେବା ଜୀହୁଦି ଲକୁତି କୁଟମି ଇଲ୍‌କାଣା* ନାନୁ ଏଞ୍ଜାରାଲ୍ ଲାଜାକିହଁ ତଣ୍ଡ ହାହିମାଚେସଁ ଇଞ୍ଜା ଏଞ୍ଜାରି ନାମୁତି ଏଟକା କିହାଲି ଅଣ୍ଡାପାମାଚେସଁ, ନାନୁ ଏଞ୍ଜାରି କପାଟି ହାରେକା କାରବି ଆହାମାଚେସଁ, ଏଞ୍ଜାରାଲ୍ ସାସି ହାହାଲି ଏଟକା ଦେସାତା ଜିକେଏ ହାଜାମାଚେସଁ □”

* ୨୭:୫ ୨୭:୫ କାମା ୨୩:୭; ପିଲିପି ୩:୫ * ୨୭:୯ ୨୭:୯ କାମା ୮:୩; ୨୨:୪,୫ * ୨୭:୧୧ ୨୭:୧୧ ସିନଗର

ପାଞ୍ଚୁଲ ତାନି ମନୁ ଝେଟ୍‌ହି କାତା ଝେହ୍‌ନାୟି
(କାମା ୯:୧-୧୯; ୨୨:୭-୧୭)

୧୭ ଇଦାଆଁତାକି କାଜା ପୁଜେରାଜା ତାଣାଟି ଅଦିକାରା ଆକୁ ଅଡେ ହୁକୁମି ବେଟାଆହାନା ନାନୁ ଦମେସକ ହାଜାମାତେଏଁ □

୧୮ ଏ ରାଜା ଆଗ୍ରିପା, ର ଦିନା ମାଦେନା ବେଲା ଜିରୁତା ହାଗୁଲାକଟି ଝେଡାକିହାଁ ହାଡେରକା ଉଜେଡି ମେସେଏଁ, ଏ ଉଜେଡି ନାଜେ ଅଡେ ନା ତଲେ ହାଜିମାତାରି ସାରିଝାକି ତଞ୍ଜାଆଡେ □

୧୯ ମାମୁ ହାରେଜାଣା ବୁମିତା ତରଗାଲିଏ, ଏବୁ ହାଡାତଲେ ନାଜେଡାକି ଇ ହାଡା ଝେବେଏଁ, “ଆଡେ ସାଞ୍ଚୁଲ ଆଡେ ସାଞ୍ଚୁଲ ଏନାଆଁତାକି ନାଜେ ସାସ୍ତି ହାହିମାଞ୍ଜାଦି ? ଏନିକିଁ ତୁକୁ କଡି ହେରୁ ତୁନୁଣି ହୁଡୁ ବାଡ଼ଗାତା ଦୟିନେ ଏଲେକିହଁ ନାନୁ ତାୟୁଝାକି ଦୟାହାଁ ଜାହାରା କତାତା ଗାଣ୍ଡି ମାଞ୍ଜି □”

୨୦ ଏମାଟିଏ ନାନୁ ଝେବେଏଁ, “ପ୍ରବୁ ନାନୁ ଆମାଆତି ?” ଏବେଟିଏ ପ୍ରବୁ ଏଲେଇଞ୍ଜାତେସି “ନାନୁ ଆମାଆରାଇଁ ସାସ୍ତି ହାହିମାଞ୍ଜି ନାନୁ ଏ ଜାୟୁତେଏଁ □

୨୧ ସାମା ନିଜାମୁ କତାତା ବାଡ଼ୟୁ ହାହାନା ନିମୁ, ଇତିହଁ ନାନୁ ନିଜେ ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇଁ, ନାଞ୍ଜୁ ନାନୁ ଏନାଆଁ ମେସାମାଞ୍ଜି ତାୟୁ ନାନୁ ନିଜେ ଏନାଆଁ ତସ୍ତାଇଁ ଏ କାତା ଏଟକା ତାରାଇଁ ସାକି ହାଦି □

୨୨ ଜାହୁଦି ଅଡେ ଜାହୁଦିଆଆତି ଲକୁତାଣା ନାନୁ ନିଜେ ପାଣ୍ଡାଇଁ, ଏଝାରି ତାଣାଟି ନାନୁ ନିଜେ ଗେଲ୍‌ପାଇଁ □

୨୩ ନିଜେ ଏଝାରି କାଣକା ଦେଗାଲି ଆନେ, ଅଡେ ଏଝାରାଇଁ ଆନେରିଟି ଉଜେଡିତା ଅଡେ ସୟତାନ ପାନ୍ଦାଟି ମାହାପୁରୁ ତାଣା ଝେଟ୍‌ହା ତାନାୟି ଆନେ, ଏନିକିଁ ନା ତାଣା ନାନିନି ତାଣାଟି ସୁଦୁ କିଞ୍ଜି ଆହାନା ଏଝାରି ପାପୁ ମେଣ୍ଡଜନେ ଅଡେ ମାହାପୁରୁ ଆଡିତି ଲକୁ ବିତ୍ରା ଏଝାରି ଟାୟୁ ବେଟାଆନେରି □”

ପାଞ୍ଚୁଲ ତାନି କାମାଟି ଝେହ୍‌ନାୟି

୧୯ “ରାଜା ଆଗ୍ରିପା, ଏ ଲାକପୁରୁଟି ମେସ୍ତାଣି ନାନୁ ଉରାଆତେଏଁ,
୨୦ ତଲିଏ ଦମେସକତା ଇଞ୍ଜା ଜିରୁସାଲମତି ଲକୁତାଣା ତାୟୁ ଜାହୁଦା ରାଜିତି ବାରେ ନାୟକାଣାଁ, ଅଡେ ଜାହୁଦିଆଆତି ଲକୁତାଣା ଜିକେଏ ଝେକହେଏଁ, ଏନିକିଁ ଏଝାରି ମନୁ ଝେଟ୍‌ହାନା ମାହାପୁରୁ ତାଣା ଝାନ୍ନେରି, ଇଞ୍ଜା ଏଝାରି ମନୁ ଝେଟ୍‌ହା କତାମାନେରି, ଏଦାଆଁ କାମାତା ତହୁନେରି □

୨୧ ଏଦାଆଁତାକି ନାନୁ ମାହାପୁରୁ ଇଲୁତା ମାତାଟି ଜାହୁଦିୟାଁ ନାଜେ ଆସାନା ପାୟାଲି ଅଣ୍ଡି ମାଞ୍ଜାତେରି □

୨୨ ସାମା ନୀଞ୍ଜୁପାତେକା ମାହାପୁରୁ ନାଜେ ସାୟେମି କିହାମାଞ୍ଜାନେସି, ଏଦାଆଁତାକି ନୀଞ୍ଜୁ ନାନୁ ଉଣା କାଜାରି ବାରେତି ନକିତା ସାକି ହାହାଲି ନିତାମାଇଁ □ ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ଅଡେ ମସା ଏନାଆଁ ଆନେ ଇଞ୍ଜାଁ ଝେସାମାନେସି ନାନୁ ଏ କାତା ଝେସିମାଇଁ,

୨୩ *ଇତିହଁ ମସିହା ସାତେଏ ଦୁକୁ ବେଟାଆହାନା ହାଡାରି ବିତ୍ରାଟି ତଲିଏ ନିଜାମା ଜାହୁଦି ଲକୁ ଇଞ୍ଜାଁ ଜାହୁଦିଆଆତି ଲକୁ ନକିତା ଗେଲ୍‌ପିନି ଉଜେଡି ତହୁନେସି □”

୨୪ ପାଞ୍ଚୁଲ ଇଲେକିହଁ ତାନି ଝାକିଟି ଜଲିମାଗାଟି ପେସ୍‌ସ୍ କାଜା ଗିୟାତଲେ ଏଲେଇଚେସି, “ପାଞ୍ଚୁଲ ନାନୁ ବାୟା ଆଡି; ଗାଡି ଜାପିତାକି ନାନୁ ବାୟା ଆହାମାଞ୍ଜି □”

୨୫ ସାମା ପାଞ୍ଚୁଲ ଏଲେଇଚେସି, “ଏ ମାନିଗାଟି ପେସ୍‌ସ୍ ନାନୁ ବାୟା ଆହାହିଲଅଁ; ସାମା ନାନୁ ଏନାଆଁ ଜଲିମାଇଁ ଏଦି ସାତା, ତାରି ବୁଦିତଲେ ଝେସିମାଇଁ □

୨୬ ରାଜା ଆଗ୍ରିପା ନାନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା ଜଲିମାଇଁ, ନାନୁ ସାତେଏ ନାନିମାଇଁ, ଇ ବାରେ ନାନୁ ପୁନାଆରେଟୁ ଆହା ହିଲେଏ; ଅଡେ ଇ ବାରେ କାତା ତୁଗୁନା ମେଣେଏ ଆହାହିଲେଏ □

୨୭ ଏ ରାଜା ଆଗ୍ରିପା, ନାନୁ ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି କାତା ନାନିମାଞ୍ଜି କି ? ହାଅ ନାନୁ ନାନିମାଞ୍ଜି ଇଞ୍ଜାଁ ନାନୁ ପୁଞ୍ଜାମାଇଁ □”

୨୮ ଆଗ୍ରିପା ପାଞ୍ଚୁଲାଇଁ ଏଲେଇଚେସି, “ନାନୁ ନାଜେ ଗାଡ଼କେଏ କ୍ରୀସ୍ତାନା କିଇଁ ଇଞ୍ଜାଁ ଅଣ୍ଡିମାଞ୍ଜାଦି ?”

* ୨୭:୨୩ ୨୭:୨୩ ୧କର ୧୫:୨୦

୨୯ ପାଞ୍ଚଲ ଏଲେଇଚେସି, “ଗାଡ଼େକା ତାକି ଆପେ କି ଗାଡ଼ିତାକି ଆପେ ପାହାପୁରୁ ତାଣା ଇଚେକେଏ ନା ପ୍ରାଡ଼ାନା, ନୀନୁ, ଅଡ଼େ ଏଚରଜାଣା ନୀଞ୍ଜୁ ନା କାତା ଖେଞ୍ଜିମାନେରି, ବାରେଜାଣା ନାଚଲହେଁ ଆପେରି ସାମା ନାଚଲହେଁ ହିକଣିୟା ତଲେ ଦସପି ଆପେରି ଇଞ୍ଜି ନୀନୁ ଖେସିମାଞ୍ଜିଅଁ”

୩୦ ଏଚେଚିଏ ରାଜା, ସାଲୁଝି କିନାସି ଅଡ଼େ ବନିକି ଇଞ୍ଜା ଏବକାତାରି ବାରେ ହାଜାଲି ନିଜିତେରି,

୩୧ ଏଞ୍ଜାରି ହାନିବେଲାତା ତାମ୍ବୁ ତାମ୍ବୁ ଜଲୁକି ଆଡ଼େରି, “ଇ ମାଣସି ଇଲେଚି ଏନି କାମା କିହାହିଲଅସି ଏନାଆଁତାକି ଏଞ୍ଜାସି ଦସପି ଆନେସି କି ପାୟୁଝି ଆନେସି”

୩୨ ଅଡ଼େ ଆଗ୍ରିପା ପେସ୍ତସଲ୍ ଏଲେଇଚେସି, “ଇ ମାଣସି କାୟିସର ତାଣା ନୀହାଁୟି କିଝିଆୟାଲି ବାଡ଼ିମାଲୁଆଡ଼ିହଁ ମା ମାମ୍ବୁ ଏଞ୍ଜାଣାଇଁ ପିସାଲି ଆଡ଼ିତମିମା”

୨୭

ପାଞ୍ଚଲ ସାମଦୁରିଚି ରମ୍ପତା ହାନାୟି

୧ ମାମ୍ବୁ ଲୁଗାଲି ଦେସାତା ଏୟୁ ଜାଜା ତଲେ ହାଜାଲି ଡାରି କିଝିଆଡ଼ି ତାୟୁ ପାଞ୍ଚଲ ଅଡ଼େ ଏଚରଜାଣା କାୟିଦିତା ମାଚାରାଇଁ, ରାଜାତି କସକା ଜୁଲିୟସ୍ ଦରୁଗାଟି ପାସାକଡ଼ି କସକା ମୁହେଁ କାଜାଣି କେୟୁତା ହେଚପିତେରି

୨ ଏମ୍ପାଟିଏ ମାମ୍ବୁ ଆସିୟା ଦେସାତି ଏବକା ଏବକା ଚାୟୁତା ହାନି ଏୟୁ ଜାଜା ନିନି ଚାୟୁଚି ଆଦାମୁତିୟ ଜାଜାତା ହଡ଼ମି; ଇଞ୍ଜା ମାକିଦନିୟା ଦେସାତି ତେସଲନିକି ଗାଡ଼ାତି ଆରିସ୍ପାକି ମା ତଲେ ମାଚେସି

୩ ତାନି ଅର ନେଚୁ ମାମ୍ବୁ ସିଦନତା ଏଗାତମି, ଅଡ଼େ ଜୁଲିୟସ୍ ପାଞ୍ଚଲଇଁ କାମା ଆହାନା ତାନି ତଣେସିଜା ତାଣା ହାଜାନା ଲଡ଼ାମାନାଣି ସେବା ବେଟାଆହାଲି ହେଲ ହାଡ଼େସି

୪ ଏମ୍ପାଟି ଜାଜାତା ହଡ଼ାମାଗାଟି ମା ଖାକି ଗାଲି ଝେଚାଲିଏ ମାମ୍ବୁ କୁପ୍ରୁ ଦାରି ଦାରିଚି ହାଚମି,

୫ କଲିକିୟା ଅଡ଼େ ପଂପୁଲିୟା ନକିତା ମାନି ସାମଦୁରି ଗାଣଚାନା ଲୁକିୟାତି ମୁରାତା ଖାଚମି

୬ ଏମ୍ପାଆଁ ପାସାକଡ଼ି କସକା ମୁହେଁ କାଜାସି, ଇଚାଲିତା ହାଜିମାନି ର ଆଲେକଜାଣିୟା ଏୟୁ ଜାଜା ବେଟାଆହାନା ମାଜେ କୁଚି କିୟାତେସି

୭ ତାୟୁ ହାଚେକା ଦିନାତାକି ଦୀରେ ଦୀରେ ହାଜାନା କସ୍ତଲେ କ୍ରିଦ ଗାଡ଼ା ତାଗେ ହାଚମି ନକିଚି ଗାଲି ମାଜେ ନକିତା ହାଜାଲି ହିୟାଆଲିଏ ସାଲୁମନିଚି ଅରଞ୍ଜାକି କ୍ରିଚି ଦାରି ଦାରିଚି ହାଚମି

୮ ଅଡ଼େ କସ୍ତଲେ ଗାଚୁ ଗାଚୁଚି ହାଜାନା “ଅକ୍ରିଚି ବାନ୍ଦା” ଇନି ଚାୟୁତା ହାଚମି, ଏଦି ଲାସାୟା ଗାଡ଼ାତି ତାଗେ ମାଚେ

୯ ଇଲାଆହଁ ହାଚେକା ଦିନା ଆହାହାଚେ, ଇଞ୍ଜା ସାମଦୁରିଚି ହାନାୟି କସ୍ତ ଆହାହାଚେ, ଇଚିହଁ ଏଚିବେଲା ଉପାସା ପାର୍ବୁ ରାହାମାଚେ, ଏଦାଆଁତାକି ପାଞ୍ଚଲ ଜାଗ୍ରାତା କିହାନା ଏଲେଇଚେସି

୧୦ “ବାବୁୟାତେରି ଇ ସାମଦୁରିଚି ହାନାଟି ଜାଜାତି ଆସି ଅଡ଼େ ଏୟୁ ଜାଜା ନସ୍ତ ଆନେ ଏଦି ଆଏ, ସାମା ଜାଜାତା ହାଜିମାନାରି ଜୀଞ୍ଜୁ ଜିକେଏ ନସ୍ତ ଆନେ ନୀନୁ ପୁଞ୍ଜିମାଇଁ”

୧୧ ସାମା ପାସାକଡ଼ି କସକା ମୁହେଁ କାଜାସି, ପାଞ୍ଚଲଚି କାତା କିହାଁ ଜାଜାତି ସାଲୁଝି କିନାଣାଇଁ ଇଞ୍ଜା ସାଞ୍ଜାରି କାତାତି ହାଚେକା ନାମିତେସି

୧୨ ଇ ବାନ୍ଦାତା ପେନିଝେଡ଼ା ଡ଼ୟାଲି ନେହେଁ ହିଲାଆତେ, ଇଦାଆଁତାକି ଜାଜାତା ହାଜିମାଚାରି ହାଚେକା ସାମଦୁରିଚି ହାଜାନା ପିନିକସ୍ତା ପେନିବେଲା ରାପୁହାଲି ଅଣପିମାଚେରି, ଏ ପିନିକସ୍ତ କ୍ରିଚିଚି ର ଜାଜାୟା ନିନି କାଜା ଚାୟୁ ମାଚେ, ଏଦି ଝେଡ଼ା କୁଡ଼ନି ଚିଝନିଞ୍ଜାକି ଅଡ଼େ, ଝେଡ଼ା କୁଡ଼ନି ଚେବୁଞ୍ଜାକି ମୁମ୍ବୁଲିହାମାଚେ

ସାମଦୁରିଚା ଗାଲି ପିୟୁ

୧୩ ଏଚିବେଲା ଚିଝନି ଞ୍ଜାକିଚି ଗାଲି ଦୀରେ ଦୀରେ ଖାଡ଼େ, ହାଜିମାଚାରି ନୀଏଚି ମା ଅଣପିମାଚି ଲେହେଁ ଆଡ଼େ ଇଞ୍ଜି ଅଣପିତେରି, ଜାଜା ନିପୁହାମାଚି କାଜା ଲହତି ରେଜାନା କ୍ରିଚିଚି ଗାଚୁ ଗାଚୁଚି ହାଜାଲି ମାଚୁହେରି,

୧୪ ସାମା ଗାଡ଼େକା ହାଜାଲିଏ ଇୟୁରକଞ୍ଜିଲ୍ ଇନି ଆଜିହଡ଼ପତି କାଜା ଗାଲି ଝେଡ଼ା ହନି ଚେବୁ ଞ୍ଜାକିଚି ହଡ଼ାନା ଜାଜା ମାଚିଞ୍ଜାକି ଖାଡ଼େ

୧୫ ଗାଲି ଜାଜାତି ଝେଚାଲିଏ, ଜାଜାତି ଗାଲିଞ୍ଜାକି ଅୟାଲି ଆଡ଼ାଆନା ଜାଜାତି ଗାଲି ତଲେ ଅଝିଆୟାଲି ପିସ୍ତମି

୧୭ ମାମୁ ଲୁହାଝୁଦାତି ସାମଦୁରି ମାଦି ମାନି ଉଣା ବୁମିତି ଜମିନି ଚାନ୍ଦୁ ବେଟାଆଡ଼ମି □ ଏମ୍ବାଟି ହାରେକା କସ୍ତୁଟି ଏନ୍ଦୁ ଜାକାତି ଉଣା ତଂଗ ତଲେ ଗେଲ୍ପି ଆଡ଼ମି □

୧୮ ଜାକା ସାଲୁଖି କିନାରି ଏଦାଆଁ ଜାକା ଲାକ ଅଡ଼ି ତାନ୍ଦୁ ତ:ରକା ତଲେ ଜାକା ସାରିସୁଟୁ ଦସ୍ତେରି, ଇଞ୍ଜା ଜାକା ଲିବିୟାତି ସୁରତି ଇନି ବାଃଲି ତିବାତା ଗୁପିନେ ଇଞ୍ଜା ଆଜିତାକି ଜାକା ସାଲୁଖି କିନାରି ଜାକାତା ଗଞ୍ଜାମାତି ହିମ୍ବରିକା ହୁକ୍‌ହାନା ଜାକାତି ଗାଲି ତଲେ ସାମଦୁରି ବିତ୍ତା ତୁୟାଲି ପିସ୍ତେରି □

୧୯ କାକା ଗାଲି ପିୟୁ ତାକି ହାରେକା କସ୍ତୁ ଆହାଲିଏ ତାନି ଅର ନେତୁ ଜାକାତି ସାଲୁଖି କିନାରି ଜାକାତା ମାଟି ଆସ୍ତିତି ସାମଦୁରିତା ମେଡ଼ହାଲି ମାଟୁହେରି,

୧୯ ଅଡ଼େ ତାନିଦିନା ନେତୁ ଏଞ୍ଜାରି ତାନି ଜାକାତି କଚେକା କାଣ୍ଡା ମୁଣ୍ଡା ଏନ୍ଦୁଣାଁ ମେଡ଼ହେରି □

୨୦ ହାରେକା ଦିନା ପାତେକା ଝେଡ଼ା କି ହୁକାୟାଁ ମେସାଲି ଆଡ଼ାଆଡ଼ମି, ଅଡ଼େ ହାରେକା ଗାଲି ପିୟୁ ପିହ୍‌ଆଲିଏ ମାମୁ ଲୁହାଟି ଗେଲ୍ପିଆଡ଼ି ଆସା ପିସାତୁସ୍ତମି □

୨୧ ବାରେଜାଣା ହାରେକା ଦିନା ପାତେକା ରାନ୍ଦା ତିନାଆନା ତୁୟିତି ତାନ୍ଦୁ, ପାଞ୍ଜୁଲ ଏଞ୍ଜାରି ବିତ୍ତା ନିଗାନା ଏଲେଇଚେସି, “ବାବୁୟାଁ ନା କାତା ଆସାନା କ୍ରିତିତି ସାମଦୁରି ଜାକା ହୁକ୍‌ହା ହିଲାଆତିହ୍ ମାଡ଼ି ଏନାୟିଝା ନସ୍ତୁ ଆଆଡେମା □

୨୨ ସାମା ନାଏଁ ନାନ୍ଦୁ ମିଜେ ଝେସିମାଞ୍ଜାଇଁ, ସାସା ଆହ୍‌ଦୁ, ଇତିହ୍ ମୀ ବିତ୍ତା ଆମ୍ବାଆରି ଜାଞ୍ଜୁ ଜିକେଏ ନାସା ଆଏ; ଝାଉଲ ଜାକାଦେ ନସ୍ତୁ ଆନେ □

୨୩ ଇତିହ୍ ନାନ୍ଦୁ ଏମିନି ମାହାପୁରୁତି ସେବା କିହିମାଇଁ, ନୀଞ୍ଜୁ ଲାଆଁୟାଁ ଏଞ୍ଜାଣି ର ଲାକପୁରୁତି ଦୁତୁ ନା ତାଗେ ଝାହାନା ଏଲେଇଞ୍ଜାତେ,

୨୪ ଏ ପାଞ୍ଜୁଲ ‘ଆଜାଆନି; ନାନ୍ଦୁ ସାଲୁଖି କିନି କାୟିସର ନକିତା ନିନାୟି ମାନେ, ମାହାପୁରୁ ନିଜେ କାର୍ମା ଆହାମାଞ୍ଜାନାକି ନୀ ତଲେ ଝାହିମାନି ବାରେତି ଜାଞ୍ଜୁ ଏଞ୍ଜାସି ଗେଲ୍ପିନେସି □’

୨୫ ଏଦାଆଁତାକି ଏ ବାବୁୟାଁତେରି ସାସା ଆହ୍‌ଦୁ ଇତିହ୍ ନାନ୍ଦୁ ମାହାପୁରୁ ତାଣା ନା ନାମୁ ମାନେ, ନାଜେ ଏନିକ୍ ଝେସ୍ତି ଆହାମାନେ, ଏଲେଆହ୍ ଏ ଆନେ □

୨୬ ସାମା ମାଜେ ର ସାମଦୁରି ମାଦିଏ ମାନି ଦେସାତା ଏଗାହାନାୟି ମାନେ □”

୨୭ ଇଲେକିହ୍ ମାମୁ ଆଦ୍ରିଆ ସାମଦୁରି ଇତାଲା ଆତାଲା ଆହ୍ ରୀ ଝାଉ ଆୟାଲିଏ, ମାଦି ଲାଆଁୟାଁ ଜାକା ସାଲୁଖି କିନାରି ର ବୁମି ଦାରିତା ଏଜିମାନାୟି ଇଞ୍ଜା ଅଣପିମାଚେରି □

୨୮ ଏମ୍ବାଟିଏ ଏଞ୍ଜାରି ଏନ୍ଦୁଣି ଲାଟାଲିଏ ପଦର ହାଡ଼ା ଏନ୍ଦୁ କୁଡ଼ହା ମାଟୁ, ଇଞ୍ଜା ଅଡ଼େ ନକିତା ହାଜାନା ଝେଶ୍ଟେ ଲାଟାଲିଏ ଏଗାର ହାଡ଼ା ଏନ୍ଦୁ କୁଡ଼ହା ମାଟୁ □

୨୯ ମାର ହାଜାନା ଜାକା ଝାଲୁକା ବୁମିତା ଗୁପିକିନାୟି ଇଞ୍ଜା ଅଣପାନା ଆଜିତାକି ଏଞ୍ଜାରି ଜାକାତି ତାନ୍ଦୁଝାକି ସାରିଗଟା ବଜୁ ଗାଟି ଲହ୍ ମୁଣ୍ଡାୟାଁ ରେପହାନା ଏଚେଲା ଝେୟିନେ ଇଞ୍ଜା ପ୍ରାତାନା କିହିମାଚେରି □

୩୦ ଇଞ୍ଜା ଜାକାତି ସାଲୁଖି କିନାରି ଜାକାତି ରେଗାନା ହଟାତୁସାଲି ଅଣପାନା ନାଡ଼ିକିହାଁ ଜାକାତି ନକିଝାକି ଲହ୍ ମୁଣ୍ଡାୟାଁ ରେପିନି ଲେହେଁ ଉଣା ତଂଗତି ସାମଦୁରିତା ରେପହେରି □

୩୧ ସାମା ପାଞ୍ଜୁଲ ପାସାକଡ଼ି କସ୍ତା ମୁହେଁ କାଜାଣାଇଁ ଇଞ୍ଜା କସ୍ତାଣି ଏଲେଇଚେସି, “ଜାକା ସାଲୁଖି କିନାରି ଜାକାତା ମାନାଆତିହ୍ ମୀରୁ ଗେଲ୍ପିଆଡ଼ି ଆସା ହିଲେଏ □”

୩୨ ଏମ୍ବାଟିଏ ଜାମାନାଜା ଉଣା ତଂଗତି ତ:ରକା ଦାଗାନା ସାମଦୁରିତା ପିସ୍ତେରି □

୩୩ ଲାଲ ଜୁଲୁପୁଲୁ ଝେୟି ମାଟାଟି ପାଞ୍ଜୁଲ ଏଞ୍ଜାରାଇଁ ଏନି ରାନ୍ଦା ମାଟିହ୍ ତିଞ୍ଜାଲି ବାସୁଁ ହାହାନା ଏଲେଇଚେସି, “ନୀଞ୍ଜୁଟିଏ ରୀ ଝାଉ ଆଡ଼େ ମୀରୁ ଏନାଆଁ ତିନାଆନାହାଁ ହାକିଟିଏ ମାଞ୍ଜାମାଞ୍ଜେରି □

୩୪ ବାଡ଼ିମାଲିମାଞ୍ଜାଇଁ, ନାଏଁ ଇଟାଣି ତିଞ୍ଜୁ, ମୀ ଜାଞ୍ଜୁ ଗେଲ୍ପାଲିତାକି ତିନାୟିମାନେ, ଆଜାଆଦୁ, ମୀ ତାର୍କାତି ର ବାଣା ଜିକେଏ ନାସା ଆଏ □”

୩୫ ପାଞ୍ଜୁଲ ଇ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ଡ଼ିକହାନା ତିଞ୍ଜାଲି ମାଟୁହେସି □

୩୬ ଏମ୍ବାଟିଏ ଏଞ୍ଜାରି ବାରେଜାଣା ବାସୁଁ ବେଟାଆହାନା ବାରେଜାଣା କାଦି ତିଚେରି □

୩୭ ମାମୁ ଜାକାତା ରୀ ଝାଞ୍ଜା ତାନିକଡ଼ି ସଡ଼ ଜାଣାତମି ମାଟମି □

୩୮ ଏଞ୍ଜାରି ପାଞ୍ଜେ ତିତି ତାନ୍ଦୁ ଜାକାତି ବଜୁ ଉଣା ଆପେଝା ଇଞ୍ଜା ଜାକାତି ବାରେ ଗହ୍‌ୟାଁ ସାମଦୁରିତା ମେଡ଼ହେରି □

ଜାଜା ତାନାୟି

୩୯ ଅର ନେତୁ ଲାଜ ଝେୟାଲିଏ ଏଞ୍ଜାରି ଏମିନି ଦେସାତି ଚାମୁତା ଝାଡ଼ତରି ପୁଞ୍ଜାଲି ଆଡ଼ାଆଡେରି, ସାମା ଏଞ୍ଜାରି ଗାଟୁ ଦାରି ର ବାଝଲି ଚାମୁ ମେସାନା ଏନିକି ଜିକେଏ ଏମ୍ବାଆଁ ଜାଜାତି ନିପହାଲି ଅଣପିତେରି □

୪୦ ଏଡ଼ାଆଡ଼ାକି ଏଞ୍ଜାରି ଲହ ମୁଣ୍ଡାୟିତି ତ:ରକା ଦାଡ଼ାନା ସାମଦୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେବୁଣିଏ ଏମୁ ଜାଜାତି ହାଡ଼ଝା ବାଡ଼ଗାୟିତି ତ:ରକା ବାରେ ହୁକହାନା ଜାଜା ନକିତା ଗାଲିଝାକି ହିମ୍ବୁରିକା ଗଞ୍ଜାନା ଗାଟୁଝାକି ହାଜାଲି ଅଣପିତେରି □

୪୧ ସାମା ଏଞ୍ଜାରି ରୀ ସାମଦୁରିକା କାଲୁଝି ଆହିମାନି ଚାମୁତା ଏଜାଲିଏ ଜାଜା ସାମଦୁରି ଗାଟୁତି ର ବାଝଲି ତିବାତା ଗୁପିତେ, ଜାଜାତି ନକି ଝାକିତାୟି ଜାଣାନା ତୟାହାଚେ, ସାମା ତାମୁତାୟି ସାମଦୁରିତି ଏମୁ ଉଣ୍ଡାୟି ଗୁପାଲିଏ ତାହାଲି ମାଟୁହେ □

୪୨ କାୟିଦି ଗାଟାରି ସାମଦୁରି ଗାଟୁଟି ପରୁହ ପରୁହ ହଣନେରି ଇଞ୍ଜି ଅଣପାନା କସକା ଏଞ୍ଜାରାଇଁ ପାୟାଲି ଅଣପିତେରି □

୪୩ ସାମା ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ ଗେଲପାଲି ମନ କିହାନା, ଏଞ୍ଜାରି ଅଣପୁତି କାହି କିହାନା ଏଲେଇଞ୍ଜି ହୁକୁମି ହୀତେସି, ଆମ୍ବାଆସି ପରୁହାଲି ପୁନାସି ଏଞ୍ଜାସି ସାମଦୁରିତା ଡେଞ୍ଜାନା ତଲିଏ ଗାଟୁତା ହାଲାପେସି;

୪୪ ତୟାମାନାରି ଜାଜାତି ମାରକା ପାଟାୟି ଇଞ୍ଜା ଏନି ଏନି ତୀତି ମୁକାୟି ଆସାନା ହାଲାପେରି ଇଞ୍ଜାଲିଏ, ଇଲେକିହ ବାରେଜାଣା ନେହ ଆହ ଗାଟୁତା ଏତେରି □

୨୮

ମେଲିତି ଦେସାତା ପାଞ୍ଜୁଲ

୧ ମାମୁ ଏମ୍ବାତି ଗେଲପିଆଡ଼ି ତାମୁ ସାମଦୁରି ମାଦି ମାନି ଚାମୁ ମେଲିତି ଇଞ୍ଜିହ ପୁଟମି □

୨ ଏମ୍ବାଆଁ ବାସାଆହାମାନି ପାଙ୍ଗାତି ଲକୁ ମାଙ୍ଗେ ତଣେସିଙ୍ଗା ଲେହେଁ କାର୍ମା ଆୟାତେରି, ଇତିହ ପିମୁ ଇଞ୍ଜା ପେନି ଆହିମାଚାକି ଏଞ୍ଜାରି ମାଙ୍ଗେ ହିଚୁ ତାସାନା କେରୁଞ୍ଜାଲି ହିୟାତେରି □

୩ ସାମା ପାଞ୍ଜୁଲ ର ପେଣ୍ଡା ଝେସକା ହିଚୁତା କୁମାଲିଏ, ଉସମି ତାକି ର ରାଚୁ ହଡ଼ାନା ପାଞ୍ଜୁଲ କେରୁତା କାଚାହାଁ ଆଟା ତୟିତେ □

୪ ଏମ୍ବାଆଁ ବାସା ଆହାମାଚି ପାଙ୍ଗାତି ଲକୁ ପାଞ୍ଜୁଲ କେରୁତା ଏ ରାଚୁ ଲେଜା ମାନାଣି ମେସାନା ତାମୁ ତାମୁ ଝେସପି ଆଡେରି, “ଇ ମାଣସି ସାତେଏ ଲକୁଣି ପାୟିନାସି, ସାମଦୁରିତି ଗେଲହାଲିଏ ଜିକେଏ ଦାର୍ମୁ ନୀତାଲି ହାହି ହିଲେଏ □”

୫ ସାମା ପାଞ୍ଜୁଲ ଏ ରାଚୁତି ହିଚୁତା ହାଣହାଁନା ମେଡ଼ହା ତୁସ୍ତେସି, ଇଞ୍ଜା ଏଞ୍ଜାଣାକି ଏନି ନସ୍ତ ଆଆଡେ □

୬ ଏଞ୍ଜାଣି ଆଙ୍ଗା ପଙ୍ଗା ହାନେ ଆଆଡେ ଦେବୁଣିଏ ହାନେସି ଇଞ୍ଜି କାଡ଼ିମାତେରି; ସାମା ହାରେକା ବେଲା ଆଡି ତାମୁ ଏଞ୍ଜାଣାକି ଏନି ନସ୍ତ ଆଆଡାଣି ମେସାନା ଏଞ୍ଜାରି ତାମି ହିୟାଁ ଝେବହାନା ଏଲେଇଚେରି, “ଇଞ୍ଜାସି ର ମାହାପୁରୁ □”

୭ ଏ ଚାମୁ ତାଗେ ପୁଲ୍ଲିୟ ଦରୁଗାତି ଏ ଚାମୁତି କାଜାଣି ଇଲୁ ଅଡେ ବୁମି ମାତେ; ଏଞ୍ଜାସି ମାଙ୍ଗେ ହାଟା ଅହାନା ତାନିଦିନା ପାତେକା କାର୍ମା ଆହାନା ରାହୁଁତି ସେବା କିୟାତେସି □

୮ ଏତିବେଲାତା ପୁଲ୍ଲିୟ ତାମି ଆଟା ନଡ଼ମେରି ଇଞ୍ଜା ନେତେରି ବାଣ୍ଡି ତାକି ପାସ୍ପପନିତା ତୁରାମାତେସି, ଇଞ୍ଜା ପାଞ୍ଜୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେରୁ ଇଟାନା ନେହ କିତେସି □

୯ ଇଦି ଆଡି ତାମୁ ଏମ୍ବାଆଁ ମାନି ରଟ ଗାଟାରି ବାରେ ପାଞ୍ଜୁଲ ତାଣା ଝାହାନା ନେହ ଆଡେରି;

୧୦ ଏଞ୍ଜାରି ମାଙ୍ଗେ ଜିକେଏ ହାରେକା ମାନି ତଲେ ଜାଞ୍ଜୁ ନୟିତେରି, ଅଡେ ମାମୁ ହାଜିମାଚାଟି ମା ଲଡ଼ାମାନାଣି ହୀହାନା ପାଣ୍ଡାତେରି □

ମେଲିତିଟିଏ ରମ୍ବତା ପାଞ୍ଜୁଲ ହାନାୟି

୧୧ ତାନି ଲେଞ୍ଜୁ ଜେତ ମାମୁର ଆଲେକଜାଣ୍ଡିୟାତି ଏମୁ ଜାଜାତା ହଡ଼ାନା ହାଚମି, ଏମୁ ଜାଜା ପେନିବେଲା ହାଲୁଝେ ଏ ଚାମୁତା ତୟାମାଚେ, ଏଦାନି ଦରୁ “ଜାଣ୍ଡା ପେଣ୍ଡାକା,” ଇଞ୍ଜିମାତେରି □

୧୨ ସୁରାକୁସା ଗାଡ଼ାତା ଏଜାନା ଏମ୍ବାଆଁ ମାମୁ ତାନିଦିନା ମାଚମି □

୧୩ ଅତ୍ତ ଏମାତି ଏମୁ ଜାକା ତଲେ ହାଜାନା ରେଗିୟା ଗାଡ଼ାତା ଏତମି, ତାନି ଅର ଦିନା ଚିଃନି ଖାକିତି ଗାଲି ଖେଟାଲିଏ ଅତ୍ତ ରା ଦିନା ତାୟୁ ପୁତେଅଲି ଗାଡ଼ାତା ଏତମି;

୧୪ ଏମାଆଁ ମାମୁ ଏତେକା କ୍ରାସ୍ତାନା ତାୟିୟାଁ ଅତ୍ତ ତାଜିସ୍ତାଣି ବେଟାଆଡ଼ମି, ଏଞ୍ଜାରିତଲେ ର ଖାଡ଼ା ତୟାଲି ମାଜେ ବାତିମାଲାତେରି; ଇଲାଆହୁଁ ମାମୁ ରୁମ୍ତା ଏଗାତମି □

୧୫ ରମ୍ତା ମାନି ତାୟିୟାଁ ଅତ୍ତ ତାଜିସ୍ତା ମା କାତୁ ପୁଞ୍ଜାନା ଏମାଟିଏ ଅପିୟତି ହାଟା ଇଞ୍ଜାଁ ତାନିଗଟା ବାଡ଼ା ଇଲକା ପାତେକା ମାଜେ ମେସାଲି ଖାଡ଼ତେରି, ଇଞ୍ଜାଁ ପାଞ୍ଜୁଲ ଏଞ୍ଜାରାଇଁ ମେସାନା ମାହାପୁରୁଇଁ ଜହରା କିହାନା ବାସୁଁ ବେଟାଆଡ଼ତେସି □

ରମ୍ ଗାଡ଼ାତା ପାଞ୍ଜୁଲ

୧୬ ମାମୁ ରୁମ୍ ଏଜାଲିଏ, ପାଞ୍ଜୁଲଇଁ କାଃଆନି କସକା ତଲେ ତାନି ମନତଲେ ବାସା ଆୟାଲି ହେଲ ହାପକିଆଡ଼ତ □

୧୭ ତାନିଦିନା ତାୟୁ ପାଞ୍ଜୁଲ ଜାହୁଦିୟାଁତି କାଜାରାଇଁ ହାଟାନା କୂଡ଼ି କିତେସି, ଅତ୍ତ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଜୁଲ ଏଞ୍ଜାରାଇଁ ଏଲେଇତେସି, “ଏ ଇସ୍ତାୟେଲ ତାୟିୟାଁତେରି ନାନୁ ମା ଲକୁ କପାଟି କି ମା ଆକୁ ଆବାୟାଁତି ପାଣ୍ଡାପାଟୁ କପାଟି ଏନାଆଁ କିହା ହିଲାଆତି ଜିକେଏ ଜିରୁସାଲମତା ଦସ୍ପି ଆହାନା ରମ୍ ଦେସାତି ଲକୁତାଣା ହେରସି ଆହାମାଇଁ □

୧୮ ଏଞ୍ଜାରି ନାଜେ ନାହାଁୟି କିହାନା ନା ତାଣାଟି ହାଡ଼ି ତଣ୍ଡ ପାଣ୍ଡିନି ଏଡ଼ି ଦହ ବେଟାଆଆଲିଏ ନାଜେ ପିସାଲି ଅଣପାମାତେରି;

୧୯ *ସାମା ଜାହୁଦିକ୍ଷା ଏଦାଣି କପାଟି ଖେସାଲିଏ ନାନୁ କାୟିସର ନକିତା ନାହାଁୟି କିୟାଦୁ ଇଞ୍ଜୁଁ ବାତିମାଲିତେସି; ଏଲେଆଡ଼ି ଜିକେଏ ନାଜେ ମା ଲକୁ କପାଟି ଏଡ଼ି କାତା ଖେସାଲି ହିଲାଆତେ, ଏଡ଼ି ଆଏ □

୨୦ ଏଦାଆଁତାକି ନାନୁ ମିଜେ ନା ତଲେ ବେଟାଆହାନା ଜଲୁକି ଆହାଲି ବାତିମାଲାତେସି, ଏନାଆଁତାକି ଇଚିହୁଁ ଆମ୍ବାଆରି ଲକ ଇସ୍ତାୟେଲ ଲକୁ ବାସୁଁ କିହାମାନେରି, ଏଞ୍ଜାରି ତାକି ନାନୁ ନୀଞ୍ଜୁ ଇ ହିକିଣିୟାଁ ତଲେ ଦସ୍ପି ଆହାମାଇଁ □”

୨୧ ଏଞ୍ଜାରି ଏଲେଇତେରି, “ମାମୁ ଜାହୁଦା ଦେସାତି ନୀ କପାଟି ଏଡ଼ି ଆକୁ ବେଟାଆହା ହିଲଅମି, ଅତ୍ତ ନୀ କାତୁ ଆସାନା କି ନୀ କପାଟି ଦହ ଦସାନା ଖେସାଲି ମା ତାୟିୟାଁ ବିତ୍ରାଟି ଆମ୍ବାଆରି ଇମ୍ବାଆଁ ଖାହାହିଲଅରି □

୨୨ ସାମା ନୀ ଅଣପୁ ଏଦାୟି ଏଦାଆଁ ମାମୁ ନୀ ତାଣାଟି ଖେଞ୍ଜାଲି ମନ କିହିମାନମି, ଇଚିହୁଁ ବାରେଖାକିତି ଲକୁ ଇ ଗତି କପାଟି କାତା ଖେସିମାନେରି ଇଞ୍ଜୁଁ ମାମୁ ପୁଞ୍ଜିମାନମି □”

୨୩ ଏତେଟିଏ ଏଞ୍ଜାରି ର ଦିନା ତୀରି କିହାନା ହାରେକା ଲକୁ ପାଞ୍ଜୁଲ ମାଟି ଇଲୁତା ଖାଡ଼ତେରି, ଅତ୍ତ ଏଞ୍ଜାସି ଲାକଟିଏ ଲାଆଁ ପାତେକା ଏଞ୍ଜାରି ନକିତା ମାହାପୁରୁତି ରାକ୍ତିତି କାତାତାକି ସାକି ହାତେସି, ଅତ୍ତ ମସାତି ମେରା ଇଞ୍ଜାଁ ମାହାପୁରୁ ଅଣପୁତି ବଲୁ ଖେହନାରି କାତା ଆସାନା ଏଞ୍ଜାସି ଜୀସୁଇଁ ନାମି କିଞ୍ଜି କିୟାଲି ଅଣପିତେସି □

୨୪ ଏମାଟିଏ ଆମ୍ବା ଆମ୍ବାଆରି ତାନି ଖେସୁ କାତାତି ନାମିତେରି ଇଞ୍ଜାଁ ଆମ୍ବା ଆମ୍ବାଆରି ନାମାଆତେରି □

୨୫ ଏ କାତାତାକି ଏଞ୍ଜାରି ତାନି ବିତ୍ରା ରଣ୍ଡିଏ କାତା ଆଆଲିଏ ହେଲ ଅତେରି; ଏଞ୍ଜାରି ହାନି ନକେଏ ପାଞ୍ଜୁଲ ର କାତା ଖେସେସି, “ସୁଦୁଜାସୁ ମା ଆକୁ ଆବାୟାଁଣି ମାହାପୁରୁ ଅଣପୁତି ବଲୁ ଖେହନି ଜିସାୟ ତାଣାଟି ଖେସାମାତେସି □”

୨୬ ଏଞ୍ଜାସି ଏଲେଇଞ୍ଜି ମାନେସି, “ଇ ଲକୁତାଣା ହାଜାନା ଖେହମୁ, ମୀରୁ ଖେଞ୍ଜିଖେଞ୍ଜି ଖେଞ୍ଜେରି, ସାମା ଏନାଆଁ ତେଲହଅ ତେରି, ଇଞ୍ଜାଁ ମୀରୁ ମେସି ମେସି ମେହଦେରି, ସାମା ଏନାଆଁ ପୁଞ୍ଜାଲି ଆଡ଼ଅତେରି,

୨୭ ଇଚିହୁଁ ଇ ଲକୁ ହିୟାଁତା ତଣା ବୁଦିଗାଟାରି,
ଏଞ୍ଜାରି ଜାହା ଜାହାରା କାର୍କା କାଣକା ମୁତା କତାମାନେରି,
ଏଲେଆହାଁ ହିଲାଆତିହୁଁ ମା,
ଏଞ୍ଜାରି କାଣକା ଦେତାନା ମେସାଲି ଆଡ଼ିତେରିମା,

ଅବେଦ କୀର୍ତ୍ତା ତଲେ ଖେଞ୍ଜାଲି ଆଡ଼ିତେରିମା □

ଏଞ୍ଜାରି ହିୟାତା ତେଲହାଲି ଆଡ଼ିନି ବାଡ଼ୁଲୁ ଡ଼ିୟିତେମା;

ଏଞ୍ଜାରି ମାହାପୁରୁ ଖାକି ଖେଣ୍ଡା ଖାଡ଼େରିମା,

ଅବେଦ ନାନୁ ଏଞ୍ଜାରାଇଁ ନେହୁଁ କିତେଏଁମା □”

୨୮ ତାୟୁ ପାଞ୍ଜୁଲ ଏଲେଇଚେସି, “ଏଦାଆଁତାକି ମାହାପୁରୁତି ଈ ଗେଲ୍‌ପିନାଣି ଏଚକା କୃତାତି ଲକୁତାଣା ପାଶୁଢ଼ି ଆହାମାନେ, ଈଦାଆଁ ମୀରୁ ପୁଞ୍ଜୁ; ଏଞ୍ଜାରି ଜିକେଏ ଖେନେରି □”

୨୯ ପାଞ୍ଜୁଲ ଈ ବାରେ କାତା ଖେସାଲିଏ, ଜାହୁଦିୟାଁ ତାମ୍ବୁତାମି ବିତ୍ରା ବାଦିବାଦା ଆହୁଁ ହାଚେରି* □

୩୦ ପାଞ୍ଜୁଲ ରା ବାର୍ଯ୍ୟା ପାତେକା ତାନି ବାଡ଼ା ଈଲୁତା ଡ଼ିୟିତେସି, ଅବେଦ ଏତେକା ଲକୁ ଏଞ୍ଜାଣି ତାଣା ଖାହିମାଚେରି, ବାରେତି ଈଜ ହାଚା ଅହିମାଚେସି □

୩୧ ଈଞ୍ଜାଁ ସାସାତଲେ ନୀରାସା ଆଆନା ମାହାପୁରୁ ରାଜିତି କାତା ଖେସିମାଚେସି, ଈଞ୍ଜାଁ ପ୍ରବୁ ଜାସୁ କ୍ରୀସ୍ତତି କାତା ଜାପୁହି ମାଚେସି □

* ୨୮:୨୯ ୨୮:୨୯ ଈ କାତା ପୁଞ୍ଜୁ ପତିତା ହିଲେଏ □

ରମିୟ ମଣ୍ଡଳୀ ନିମନ୍ତେ ପାତଳକ ଲିଖିତ ପତ୍ର ରମିୟ କୁଲମିକି ପାଞ୍ଚଲ ରାଫାମାନି ଆକୁ ମୂଲୁ ହାଡ଼ା

ଜୀସୁ କ୍ରୀସ୍ତ ଜାର୍ନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବାର୍ଦ୍ଧା ବିଦ୍ବା ପାଣ୍ଡୁଆଡ଼ି ପାଞ୍ଚଲ ରାଫାମାତେସି
ଇଞ୍ଜିଲ୍ଲି ଇନେରି □ ପାଞ୍ଚଲ ରମ୍ପତା ହାନି ନକେଏ ଜୀହୁଦି ଅଡ଼େ ଜୀହୁଦିଆଆଡ଼ି କ୍ରୀସ୍ତାନା ଲକୁଣି
ଜାପୁହାଲି ଇ ଆକୁ ରାଫାମାତେସି □ ବାରେ କୃତାତି ଲକୁ ଏନିକିଲ୍ଲି ଜୀସୁ କ୍ରୀସ୍ତଇଁ ନାମିନେରି ଇଞ୍ଜି
ମାନି କିନେରି ୧୬:୨୬ ଏଦାଆଁତାକି ପାଞ୍ଚଲ କରନ୍ତି ଗାଡ଼ାତା ମାଗାରି ରମ୍ପତା ମାନି କ୍ରୀସ୍ତାନା ଲକୁଣି
ଜାପୁହାଲି ଇ ଆକୁ ରାଫାମାତେସି □

ବାରେ ଚାୟୁତି ବାରେ ବେଲାତି କ୍ରୀସ୍ତାନା ଲକୁତାକି ରମିୟ ର ଲଡ଼ାମାନି ପତି, ଏଦାଆଁତାକି ଇତିହ
ମାଗ ଏନିକିଲ୍ଲି ଜୀସୁ କ୍ରୀସ୍ତ ତାଣାଟି ଗେଲ୍ପି ଆହାଲି ଆଡ଼ିନାୟି, ପାଞ୍ଚଲ ଅନିକିହିଲ୍ଲି ରଗାଣି ପିହୁଆନାହାଁ
ତେଲ୍ଲିହି କିହାମାନେସି □ ପାଞ୍ଚଲ ପୁଃଇ ମେରାତି ଜୀସୁ କ୍ରୀସ୍ତତି ନେହିଲ୍ଲି ବଲୁ ତଲେ ଆଡ଼ହାମାନେସି
□ ଇ ପତିତି ୧-୧୭ ପଦୁତି ହାଡ଼େକା ବୁଦିଗାଗାରି ନେହିଲ୍ଲି କିଲ୍ଲି ଅଣପାନା ଝେସାମାନେରି, ଇ ବଲୁ
ମାଦିତାୟି □ ଇମ୍ପାଆଁ ଝେସ୍ପି ଆହାମାନେ, “ନାନ୍ତୁ ନେହିଲ୍ଲି ବଲୁ ଝେକ୍‌ହାଲି ଲାଜା ଆଆଁ ଏଦାଆଁତାକି
ଇତିହିଲ୍ଲି ଆମିନି ଗାଗାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୁଲୁ □ ନକେଏ ଜୀହୁଦି
ଲକୁକି ତାୟୁ ଜୀହୁଦିଆଆଡ଼ି ଲକୁତାକି ଜିକେଏ □”

ମୂଲୁ ବାଡ଼ା ୧-୧୨ ହାଡ଼େକା ମାହାପୁରୁତି କାତା ଅଡ଼େ ଅର ବାଡ଼ା ୧୩-୧୫ କ୍ରୀସ୍ତାନା ଜୀହୁତା ଲଡ଼ାମାନି
କାତା ଜାପିନାୟି ମାନେ □

ପତିତା ମାନାୟି

- ୧ ପାଞ୍ଚଲ ତାନି କାତା ପୁଣ୍ଡି କିହାନା, ଆମ୍ପାଆରାକି ଆକୁ ରାଫିମାତେସି ଏଦାଆଁ ଝେସାନା ଆକୁ
ରାଫିନାୟି □ ୧:୧-୧୫
- ୨ ମାଣସି କୃତାତି ରାଜି ଅଡ଼େ ଜୀସୁ କ୍ରୀସ୍ତ ତାଣାଟି ଗେଲ୍ପି ଆନାୟି □ ୧:୧୬-୧୧:୩୭
- ୩ କ୍ରୀସ୍ତାନା ଲକୁ ଏନିକିଲ୍ଲି ନାଡ଼ିନାୟି ଏ କାତା ହାଡ଼େକା ଜାପୁହାମାନେସି □ ୧୨:୧-୧୫:୧୩
- ୪ ରମ୍ପତା ମାନି କୁଲମିକାଣି ଜହରା କିହାନା ରାପୁନାୟି □ ୧୬

ପାଞ୍ଚଲତି ଜହରା ଝେହ୍ନି କାତା

୧ କ୍ରୀସ୍ତ ଜୀସୁତି ହଲେଏସି ଅଡ଼େ ମାହାପୁରୁ ହାହାମାନି ନେହିଲ୍ଲି ବଲୁ ଝେକ୍‌ହାଲି ପାଣ୍ଡୁ ଆହାଁ
ଆଗାନା ହାଡ଼କି ଆହାମାନି ସୀସୁ ପାଞ୍ଚଲତି ଆକୁ □

୨ ଦାମ୍ପି ସାସ୍ପେରିତା ରାୟି ଆହାମାନି ଲେହେଁ ଇ ନେହିଲ୍ଲି କାହୁତି କାତା ତଲି କାଲାଟିଏ ମାହାପୁରୁ
ଅଣପୁତି ବଲୁ ଝେହ୍ନାରି ତାଣାଟି ଆଞ୍ଜାମାତେସି □

୩ ଇଦି ମାହାପୁରୁ ମୀରଏଣାତି କାତା, ମା ପ୍ରବୁ ଜୀସୁ କ୍ରୀସ୍ତ ମାଣସି ଆହାଁ ଏଝାସି ଦାଞ୍ଜୁଦ କୃତାତା
ଜାର୍ନା ଆତେସି □

୪ ସାମା ତାନି ଲାକପୁରୁତି ସୁଦୁଜୀଞ୍ଜୁ ତାକି, କାଜା ହାକିଟି ନିଜାମା ଏଝାସି ବାଡ଼ୁଲୁ ତଲେ ଜୀସୁ
ମାହାପୁରୁତି ମୀରଏସି ମସିହା* ଇଞ୍ଜିଲ୍ଲି ଝେଜିତେସି,

୫ କ୍ରୀସ୍ତ ତାକି, ମାହାପୁରୁ ନାଜେ ପାଣ୍ଡୁଆହାମାନି ସୀସୁ ଲେହେଁ ହାଡ଼ାନା, ବାରେ କୃତାତି ଲକୁତାଣା
ନେହିଲ୍ଲି ବଲୁ ଝେକ୍‌ହାଲି ପାରୁ ହାହାମାଞ୍ଜାନେସି, ଏନିକିହିଲ୍ଲି ଏଝାରି କ୍ରୀସ୍ତ ଜୀସୁ ତାଣା ନାମାନା ତାଜେ
ମାନଞ୍ଜି ଆହାନା ଡ଼ୟିନେରି □

୬ ରମ୍ପ ଗାଡ଼ାତା ବାସାଆହାମାନି ଲକୁତେରି, ମୀରୁ ଜିକେଏ ଜୀସୁ କ୍ରୀସ୍ତତି ଲକୁ ଆହାଲି ହାଡ଼କି
ଆହାମାଞ୍ଜେରି □

* ୧:୪ ୧:୪ କ୍ରୀସ୍ତ

୭ ରମ୍ଭତି ଆମିନି ଲକ୍ଷ୍ମଣୀ ମାହାପୁରୁ ଜୀଞ୍ଜୁ ନହାମାନେସି ଇଞ୍ଜା ତାନି ଲକ୍ଷ୍ମ ଆହାଲିତାକି ହାଟାମାନେସି, ଏ ବାରେ ଲକ୍ଷ୍ମତାକି ନାନୁ ଇ ଆକୁ ରାଡ଼ିମାଈ, ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି ମିଙ୍ଗେ କାର୍ମାମେହନାସି ଅଡ଼େ ହିଡ଼ଡ଼ି ଆୟାପେ □

ଜହରା କିନି ପ୍ରାତାନା

୮ ମୁଲୁଏ, ମୀ ନାମୁତି ନେହୁଁ ହାଡ଼ା ବାରେ ଦାରତିତା ଝେଙ୍ଗିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜୀସୁ କ୍ରୀସ୍ତ ତାଣାଟି ନା ମାହାପୁରୁଇଁ ଜହରା କିହିମାଈ □

୯ ନା ବାରେ ହିୟାଁ ଜୀଞ୍ଜୁତଲେ ନାନୁ ଆମିନି ମାହାପୁରୁତି ସେବା କିହିମାଈ ଇଞ୍ଜା ଆମିନି ମାହାପୁରୁତି ମୀରୁଏଣାତି ନେହୁଁ କାବୁ ଝେକ୍‌ହମାଈ, ଏ ମାହାପୁରୁ ନା ସାକି □

୧୦ ପ୍ରାତାନା କିନାଟି ନାନୁ କାଲେଏ ମିଙ୍ଗେ ଅଣ୍ଡପାଇଁ ଇଞ୍ଜା ମୀ ତାଣା ଖାହାଲି ନାଙ୍ଗେ ପାରୁ ହିୟାନି ମାହାପୁରୁ ତାଣା ବାଡ଼ିମାଲିମାଈ □

୧୧ ଇତିହୁଁ ନାନୁ ମିଙ୍ଗେ ଆଣ୍ଡାଲି ହାରେକା ମନ କିହିମାଈ, ଇଞ୍ଜା ମିଙ୍ଗେ ର ଜୀଞ୍ଜୁତି ବର ହିୟାଇଁ, ଏନିକିଁ ମୀରୁ ତାରିଆହାନା ମାଞ୍ଜେରି □

୧୨ ଇଦାଆଁ ତଲେ ମାର ରଅତଞ୍ଜି ରଅଣା ନାମୁତି ଆବୁଝା କିହାଲି ଆଡ଼ିନାସି □

୧୩ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି, ମୀ ତାଣା ଖାହାଲି ତାକି ନାନୁ ହାରେକା ଦେବା ଅଣ୍ଡପାମାଈ, ସାମା ହାରେକା ବାଦା ବେଟାଆତାକି, ନୀର୍ବ ପାତେକା ଖାହାଲି ଆଡ଼ାଆତେର୍ଏଁ ଏବକା କୁଡ଼ାତି ଲକ୍ଷ୍ମତାଣା ଜିକେଏ ବଲୁ ଝେକ୍‌ହାନା ଏନିକିହୁଁ ପାଡ଼େୟି ବେଟାଆହାମାଈ, ମୀ ତାଣା ଜିକେଏ ଏଲେକିହାଲି ନା ଅଣ୍ଡପୁ □*

୧୪ ଏନାଆଁତାକି ଇତିହୁଁ ବୁଦିଗାଟାରିଃ ଅଡ଼େ ପାଙ୍ଗାତାରିଃ ଜାପିତାରି ଅଡ଼େ ଜାପାଆତି ଲକ୍ଷ୍ମ ବାରେ ଗଟିତି ଲକ୍ଷ୍ମତାକି ନା ଦାୟିପତି ମାନେ □

୧୫ ଏନାଆଁତାକି ରମ୍ଭ ଗାଡ଼ା ତାତେରି ମୀରୁ, ମୀ ତାଣା ଜିକେଏ ନେହୁଁ ବଲୁ ଝେକ୍‌ହାଲି ନା ଅଣ୍ଡପୁ □

ନେହୁଁ କାବୁତି ବାଡ଼ୁୟୁ

୧୬ ଇତିହୁଁ ନାନୁ ନେହୁଁ କାବୁ ଝେକ୍‌ହାଲି ଲାଜା ଆଆଁ, ଏଦି ନାମିମାନି ବାରେ ଲକ୍ଷ୍ମତାକି ଗେଲ୍‌ପି ଆହାଲିତାକି ମାହାପୁରୁତି ବାଡ଼ୁୟୁ, ମୁଲୁଏ ଜୀହୁଦି ଅଡ଼େ ତାୟୁ ଜୀହୁଦିଆଆତି ନାମିତି ଲକ୍ଷ୍ମତାକି □*

୧୭ ମାଣସି ଏନିକିହୁଁ ମାହାପୁରୁ ନକିତା ଦାମ୍ବୁଗାଟାସି ଇଞ୍ଜୁଁ ତଞ୍ଜାଆନେସି, ଏ ଉପେୟି ଏମାଆଁ ତସ୍ପି ଆହାମାନେ □ ମୁଲୁଟିଏ ରାନି ପାତେକା ଗେଲ୍‌ପିଆନାଣି ବେଟାଆନି ଉପେୟି ନାମୁ □ ଦାମ୍ବୁ ସାଡ଼େରିତା ରାସ୍‌କି ଆହାମାନେ, “ଦାମ୍ବୁଗାଟାସି ନାମୁତଲେ ନୀତିନେସି □”*

ପାପୁ ତାକି ମାହାପୁରୁତି କାରବି

୧୮ ଆମିନି ଲକ୍ଷ୍ମ ବାରେ ଲାଗେଏ କାମାଟି ସାତାଇଁ ଆଜ୍ଞିମାନେରି, ଏଞ୍ଜାରି କପାଟି ଲାକପୁରୁତି ମାହାପୁରୁତି କାରବି ତଞ୍ଜା ଆହାମାନେ □

୧୯ ଏନାଆଁତାକି ଇତିହୁଁ ମାହାପୁରୁତି କାତା ଏନାଆଁ ପୁନାସି ମାଟେ, ଏଦାଆଁ ଏଞ୍ଜାରି ପୁଞ୍ଜାମାନେରି, ମାହାପୁରୁ ଏଞ୍ଜାରି ନକିତା ଏଦାଆଁ ଝେସାମାନେସି □

୨୦ ମାହାପୁରୁ ଦାରତି ଗାଡ଼ିକିତି ତାଣାଟିଏ, ତାନି ତଞ୍ଜା ଆଆଗାଟି ଗୁଣ୍ଡୁୟାଁ, ତାନି ରାଆଗାଟି ବାଡ଼ୁୟୁ ଅଡ଼େ ଲାକପୁରୁତି ଗୁଣ୍ଡୁ, ନେହୁଁ କିଁ ତଞ୍ଜା ଆହିମାନୁ; ତାନି ଗାଡ଼ିକିତାଆଁ ବାରେ ଏଞ୍ଜାଆଁ ମେସାଲି ଆଡ଼ିନାସି □ ଏଦାଆଁତାକି ଏଞ୍ଜାରି ପୁଞ୍ଜାହିଲଅମି ଇଞ୍ଜୁଁ ଇଞ୍ଜାଲି ଆଡ଼ଅରି □

୨୧ *ଏଞ୍ଜାରି ମାହାପୁରୁଇଁ ପୁଞ୍ଜା ଜିକେଏ ଏଞ୍ଜାଣାଇଁ ଗାଞ୍ଜୁରିମି କିଆତେରି କି ଏଞ୍ଜାଣାଇଁ ଜହରା କିଆତେରି □ ସାମା ଏଞ୍ଜାରି ଅଣ୍ଡପୁ ବାରେ ଉଜେଏତି ଅଣ୍ଡପୁ ଅଡ଼େ ଏଞ୍ଜାରି ତେଲ୍‌ହାଆଗାଟି ମନ ଆଦେରି ଆହାମାନେ □*

୨୨ ଏଞ୍ଜାରି ଜାହାରାଇଁ ବୁଦିଗାଟାତମି ଇଞ୍ଜୁଁ ଇନେରି, ସାମା ସାତା ତଲେ ଏଞ୍ଜାରି ବୁଦି ହିଲ୍‌ଆ ଗାଗାରି;

* ୧:୧୩ ୧:୧୩ କାମା ୧୯:୨୧ † ୧:୧୪ ୧:୧୪ ଗ୍ରିକ୍ ‡ ୧:୧୪ ୧:୧୪ ବୁଦି ହିଲ୍‌ଆ ଗାଗାରି, * ୧:୧୭ ୧:୧୭ ମାର୍କି ୮:୩୮ * ୧:୧୭ ୧:୧୭ ଏବ୍ରି ୨:୪ * ୧:୨୧ ୧:୨୧ ଏପିସି ୪:୧୭,୧୮ * ୧:୨୧ ୧:୨୧ ଏପିସି ୪:୧୭,୧୮

୩୩ ଅତ୍ତେ ନାସା ଆଆଗାଟି ମାହାପୁରୁତି ଗାଝୁରମିତି ନାସା ଆନି ମାଣସି, ସାରିଗଟା କତାୟା ଗାଟି ଜନ୍ତୁ, ପତାୟା ଅତ୍ତେ ରାମ୍ବକା କୁଡ଼ାତି ବମାୟା କିହାନା ଏଝାଆତି ପୂଜା କିହିମାନେରି □^୬

୩୪ ଏଦାଆଁତାକି ମାହାପୁରୁ ଏଝାରି ହିୟାତି ଲାଗେଏତି ଜୁପକାତାକି ଏଝାରାଇଁ ଲାଗେଏତି ତାଣା ହେର୍ପିତେସି, ଏନିକିହିଁ ଏଝାରି ଆଜ୍ଞା ରଅସି ରଅଣି ତଲେ ଲାଜାଗାଟି କାମା କିହିମାନେରି □

୩୫ ଏଝାରି ମାହାପୁରୁ କାତାତି ସାତା ପିସାନା ମିତିତି ବାସୁଁ କିହିମାନେରି □ ଗାଡ଼ିକିତି ମାହାପୁରୁଇଁ ପୂଜା କିଆନା, ଗାଡ଼ିଆଡ଼ି ଦିଣସୁ ପୂଜା କିହିମାନେରି; ଏ ଗାଡ଼ି କିତାଣାଇଁ କାଲ୍ଲକାଲ୍ଲତାକି ଜହରା □ ଆମେନ୍ଦ୍ □

୩୬ ଏଝାରି ଏଲେକିତାକି ମାହାପୁରୁ ଏଝାରାଇଁ ଲାଜାଗାଟି ପାପୁ କାମାତା ହେର୍ପିତେସି, ଇତିହିଁ ଏଝାରି ତକ୍ତସିକା ତକ୍ତାୟା ତଲେ କୁଡ଼ାଲି ପିସାନା ଏଝି ତାମ୍ବୁତାମ୍ବୁ କିଆଗାଟି ଲାଜା କାମାୟା କିତୁ

୩୭ ଏଲେକିହିଁ ଏ ଆବାୟା ଜିକେଏ ଜାହାରା ତକ୍ତ ତଲେ କୁଡ଼ାଆନା ଜାହା ଜାହାରା ବିତ୍ତା ଲାଗେଏତି କାମା କିତେରି □ ଆତା ଆବାୟା ତଲେ ଲାଜା ଆନି କାମା କିତେରି, ଏଦାଆଁତାକି ଏଝାରି ଲାଗେଏ କାମାତି ତଣ୍ଡ ବେଟା ଆହିମାନେରି □

୩୮ ଅତ୍ତେ ଏନିକିହିଁ ଏଝାରି ମାହାପୁରୁତି ବୁଦିତି କୁହାଲିଏ, ଏଲେକିହିଁ ଏ ମାହାପୁରୁ କିଆଗାଟି କାମା କିହାଲି ଏଝାରାଇଁ ଲାଗେଏତି ଅଣପୁତା ହେର୍ପିତେସି □

୩୯ ଏଝାରି ଦାମ୍ବୁ ହିଲ୍ଲଆଗାଗାୟି, ଲାଗେଏ ପଲେଏ, ଜୁପକା ଅତ୍ତେ ଇର୍ସା, ଲକୁଇଁ ପାୟିନାୟି, ଗଡ଼ହା କିନାୟି, ନାଡ଼ିକିନାୟି ଅତ୍ତେ ଲାଗେଏତି କାମା ନେଞ୍ଜାମାନେ;

୪୦ ଏଝାରି ଉତୁପାତି, ନିୟା କିନାରି, ମାହାପୁରୁଇଁ ଅପାଆଗାଗାୟି, ଲାଗେଏତି କାମା କିନାୟି, ଏଝାରି ଲାଗେଏ କାମା କିହାଲି ପାରୁ ପାରିନେରି; ଏଝାରି ତାଲି ତାଞ୍ଜିଇଁ ମାନି କିଆଗାଗାରି,

୪୧ ଏଝାରି ବୁଦି ହିଲ୍ଲଆ ଗାଗାରି, ଜାହାରା ହାତିକାତା ଆହୁଅରି □ ଇଞ୍ଜା ଏଟ୍ଟକାତାରାକି ଇଗାଣି କାର୍ମା ହିଲେଏ □

୪୨ ଏଝାରି ପୁଞ୍ଜାମାନେରି, ମାହାପୁରୁତି ମୋରା ଲେହେଁ ଇଲେତି ଲକୁ ହାନି ତଣ୍ଡ ପାଣ୍ଡନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଝାରି ଏଲେକିହିଁ ଏ ଲାଗେଏତି କାମା କିହେମାନେରି, ଅତ୍ତେ ଏଲେତି କାମା କିହିମାନି ଲକୁତଲେ ରାହାଁତଲେ ଆଣିନେରି □

୨

ମାହାପୁରୁତି ନାହାଁୟି

୧ ଏ ତାୟି ଅତ୍ତେ ତାଜି, ମାମ୍ବୁ ଏଦାଆଁ ଏଟ୍ଟକା ଲକୁଣି ନାହାଁୟି କିହିମାଞ୍ଜେରି ? ମୀରୁ ଆମ୍ବାଆତେରି ଆଡ଼ିଜିକେଏ, ଇଲେ କିନାୟି ମିଜେ ତାକି ନେହେଁ ଆଏ, ଏଟ୍ଟକା ଲକୁଣି ଦହ ଦସାନା ମାମ୍ବୁ ଏଲେତି କାମା କିହାନା ଏମ୍ବାଟି ମୀରୁଏ ଦହ କିହିମାଞ୍ଜେରି □^୬

୨ ଆମିନି ଗାଗାରି ଇଲେତି କାମା କିନେରି, ମାହାପୁରୁ ଏଲେତି ଲକୁଣି ସାତା ତଲେ ନାହାଁୟି କିନେସି, ଇଦାଆଁ ମାମ୍ବୁ ପୁଞ୍ଜାମାନମି □

୩ ଏ ତାୟି ଅତ୍ତେ ତାଜି, ଆମିନି ଗାଗାରି ଲାଗେଏତି କାମା କିନେରି, ଏଝାରାଇଁ ନାହାଁୟି କିହାନା, ମାମ୍ବୁ ଏଲେତି କାମା କିହିମାଞ୍ଜେରି, ମୀରୁ ମାହାପୁରୁତି ନାହାଁୟିତି ଜୀଣା ଆନାୟି ଇଞ୍ଜା ଅଣପିମାଞ୍ଜେରି କି ?

୪ ଆଆତ୍ତେ, ମାହାପୁରୁତି ହାରେକା କାର୍ମାମେହନାୟି ମୀ ହିୟା ବାଦ୍ଲି କିନି ଝାକି ଅହାଲି ଅଣପିନେ, ଇଦାଆଁ ପୁନାଆନା ମୀରୁ କି ତାନି କାର୍ମାମେହନାଣି, ସାସା, ଅରହାନା ତ୍ତୟିନି ଲେହେଁତି ଦନଇଁ ଅପିହିଲଅତେରି କି ?

୫ ସାମା ମୀରୁ ମୀ ଆଟ୍ଟା ଅତ୍ତେ ବାଦ୍ଲଝି ଆଆଗାଟି ହିୟା ଲେହେଁ, ଆମିନି ଦିନା ମାହାପୁରୁତି ନାହାଁୟି ତଞ୍ଜାଆନେ, ଏ କାରୁବିତି ଦିନାତାକି ଜାହାରାତାକି କାରୁବି କୂଡ଼ି କିହିମାଞ୍ଜେରି;

୬ ଏଝାସି ବାରେ ଲକୁତାକି ତାନି କିହାମାନି କାମାତି ପାଡ଼େୟି ହାନେସି;^୬

୭ ଆମିନି ଗାଗାରି ସାସାତଲେ ନେହିଁ କାମା କିହାନା ଗାଝୁରମି, ମାନି ଇଞ୍ଜା ହାଆଗାଗାଣି ପାରିନେରି, ଏଝାରାକି କାଲ୍ଲକାଲ୍ଲାତି ଜାଝୁ ହାନେସି,

୬ ୧:୨୩ ୧:୨୩ ଝେ ମେରା ୪:୧୭-୧୮ ୬ ୨:୧ ୨:୧ ମାଡି ୭:୧; ଲୁକ ୬:୩୭ ୬ ୨:୧ ୨:୧ ମାଡି ୭:୧; ଲୁକ ୬:୩୭ ୬ ୨:୭ ପାତୁ ୭୨:୧୨

୮ ଆତ୍ମାଆରି ଖାବୁଇ ତାମଙ୍ଗେ ଅଣ୍ଡିନେରି, ଇଞ୍ଜାଁ ସାତାତି ମାନ୍ତ୍ରୀ ଆଅରି, ସାମା ଲାଗେଏତାଣି ମାନ୍ତ୍ରୀ ଆନେରି; ଏଞ୍ଜାରାକି କାରୁରି ଅଡେ କପା ଖାନ୍,

୯ ଆତ୍ମାଆରି ଲାଗେଏତି କାମା କିହିମାନେରି ଏଞ୍ଜାରାକି କାକୁଲି ଅଡେ କସତି ଦିନା ଖାହିମାନେ, ମୂଲୁଏ ଜାହୁଦି ଲକୁତାକି ଇଞ୍ଜାଁ ତାରୁ ଜାହୁଦିଆଆତି ଲକୁତାକି ଆନେ ।।

୧୦ ସାମା ମୂଲୁଏ ଜାହୁଦି ଲକୁକି ଅଡେ ଜିକେଏ ଜାହୁଦିଆଆତି ଲକୁତାକି, ନେହିଁ କାମା କିହାମାନି ବାରେଜାଣା ତାକି ଗାଧୁରମି, ମାନି ଇଞ୍ଜାଁ ହିଡଡ଼ି ହିୟାନେସି ।।

୧୧ ଇତିହିଁ ମାହାପୁରୁ ତାଣା ପାରଡ଼ା ବାତି କିନାୟି ହିଲେଏ ।।*

୧୨ ଜାହୁଦିଆଆତି ଲକୁକି ମସାତି ଦେରା ହିଲାଆନା ପାପୁ କିହାମାନେରି; ଏଞ୍ଜାରି ଜିକେଏ ମସାତି ଦେରା ହିଲାଆନା ନାସା ଆନେରି, ଅଡେ ଏଡେକା ଜାହୁଦି ଲକୁକି ମସାତି ଦେରା ପୁଞ୍ଜାମାନାକି; ଏଞ୍ଜାରି ପାପୁ କିହାମାନେରି ଅଡେ ଏ ଦେରା ତଲେ ନାହାୟି କିଞ୍ଚିଆନେରି ।।

୧୩ ଇତିହିଁ ଦେରାତି ଖେଞ୍ଜାନା ଲକୁ ମାହାପୁରୁ ନକିତା ଦାମ୍ବୁଗାଟାରି ଆଅରି, ସାମା ଦେରାତି ମାନ୍ତ୍ରୀ ଆଡ଼ିସାରେ ଦାମ୍ବୁଗାଟାରି ଆନେରି ।।

୧୪ ଜାହୁଦିଆଆତି ଲକୁକି ଦେରା ହିଲାଆତିହିଁ ଜିକେଏ ଏଡିବେଲା ଏଞ୍ଜାରି ଦେରାତା ମାନି ଲେହେଁ କାମା କିନେରି, ଏଡିବେଲା ଏଞ୍ଜାରି ଦେରା ବେଗା ଆଆତିହିଁ ଜିକେଏ ତାମଙ୍ଗେ ଦେରା ଲେହେଁ ଆନେ;

୧୫ ଏଞ୍ଜାରି କିହିମାନି କାମାଟି ଇଦି ନେହିଁ ତଲେ ତଞ୍ଜା ଆହିମାନେ, ଦେରାତି ମାନି ଏଞ୍ଜାରି ହିୟାତା ରାସ୍ତି ଆହାମାନେ ।। ଈ କାତାତି ସାତା ଏଞ୍ଜାରି ଅଣ୍ଡପୁତା ଜିକେଏ ପାରମାଣା ସାତା ତଲେ ଅଣ୍ଡପିନାଟି ଅଣ୍ଡପିନି ଅଣ୍ଡପୁ ଏଞ୍ଜାରି କାତାତା ରାକି ଆହିମାନେ, ସାତା ଅଣ୍ଡପୁ ଅଣ୍ଡପିନାଟି ଅଣ୍ଡପୁ ଏଞ୍ଜାରାକି ନେହାରି କିନେ, ଲାଗେଏତି ଅଣ୍ଡପୁ ଅଣ୍ଡପିନାଟି ଦହି କିହିମାନେ ।।

୧୬ ଏମିନି ଦିନା ମାହାପୁରୁ କ୍ରାସ୍ତ ଜାସ୍ତ ତାଣାଟି ମାଣ୍ଡସିତି ତରୁମାନି କାତା ବାରେ ନାହାୟି କିନେସି, ଏ ଦିନା ନାନୁ ଖେକିହିମାନି ନେହିଁ କାତୁ ଲେହେଁ ଈ ବାରେ ଆନେ ।।

ଜାହୁଦି ଲକୁ ଅଡେ ଦେରା

୧୭ ମୀରୁ ଜାହାରାଇଁ ଜାହୁଦିତମି ଇଞ୍ଜାଁ କଡିମାଞ୍ଜେରି; ଦେରାତି ବାସ୍ତୁ ଇଟାମାଞ୍ଜେରି ଅଡେ ମାହାପୁରୁ ତାଣା ବଡପଣ କିହିମାଞ୍ଜେରି;

୧୮ ଅଡେ ମସାତି ଦେରାଟି ଜାପାନା ଏଞ୍ଜାଣି ଅଣ୍ଡପୁ ପୁଞ୍ଜିମାଞ୍ଜେରି, ଇଞ୍ଜାଁ ନେହାଣି ଲାଗେଏତାଣି ବାତି କିହିମାଞ୍ଜେରି,

୧୯ ସାତେଏ ମୀରୁ ନେହିଁ କିହିଁ ପୁଞ୍ଜାମାଞ୍ଜେରି, ମୀରୁ କାଣାୟାଣି ଜିରୁ ତହୁନାତେରି, ଆନେରିତା ମାନି ଲକୁତାକି ଉଜେଡ଼ି ଲେହେଁ,

୨୦ ବୁଦି ହିଲାଆ ଲକୁଣି ଖେହନାତେରି, ପୁନାଆତି ଲକୁଣି ଜାପନାତେରି ।। ମୀ ନାମୁ, ଦେରାଟି ମୀରୁ ସାତା ଅଡେ ବୁଦି ଦେଡ଼ା ଆହାମାଞ୍ଜେରି ।।

୨୧ ମୀରୁ ଏଡକାତି ଲକୁଣି ଜାପୁହି ମାଞ୍ଜେରି, ସାମା ଜାହାରାଇଁ ଏନାଆଁତାକି ଜାପୁହି ହିଲଅତେରି ? ସରୁ କିଆତୁ ଇଞ୍ଜାଁ ଜାପୁହାନା ମୀରୁଏ ଏନାଆଁତାକି ସରୁ କିହିମାଞ୍ଜେରି ?

୨୨ ଦାରି କିଆତୁ ଇଞ୍ଜାଁ ଇଞ୍ଜାନା ମୀରୁଏ ଦାରି କିହିମାଞ୍ଜେରି ? ମୀରୁ ଦେଶକା ବମାୟାଁ ପୂଜା ଅପାଆନା ଦେଞ୍ଜୁଡ଼ିକାତି ଦିଶସୁ ମାଣ୍ଡଟି ହିଲଅତେରି କି ?

୨୩ ମୀରୁ ମାହାପୁରୁତି ଦେରା ବେଗା ଆହାମାନମି ଇଞ୍ଜାଁ ବଡପଣ ଆହିମାଞ୍ଜେରି, ସାମା ଏଦାଆଁ ମାନି କିଆନା ମାହାପୁରୁଇ ଲାଜା ପାଣ୍ଡପି କିହିମାଞ୍ଜେରି କି ?

୨୪ ସାପ୍ତେରିତା ରାସ୍ତି ଆହାମାନେ, "ମିଙ୍ଗେ ତାକି ଜାହୁଦିଆଆତି ଲକୁତାଣା ମାହାପୁରୁ ଦରୁ ନିନ୍ଦା ବେଗା ଆହିମାନେ ।।"*

୨୫ ମୀରୁ ଦେରାତି ମାନି କିହିମାଟିସାରେ, ମୀ ତଲୁ ଦାପିଆନାୟି ଲାବା ମାନେ ।। ସାମା ଦେରାତି ମାନି କିଆସାରେ, ମୀ ତଲୁ ଦାପି ଆଡାୟି ତଲୁ ଦାପିଆଆତି ଲକୁତଲେ ସମାନା ।।

୨୬ ର.ଜାହୁଦିଆଆତି ଲକୁ ଦେରାତି ହୁକୁମିକା ମାନି କିତିସାରେ ମାହାପୁରୁ ଏଞ୍ଜାଣାଇଁ ତଲୁ ଦାପି ଆଡାସି ଲେହେଁ ଇନଅସି କି ?

* ୨:୧୧ ୨:୧୧ ଖେ ଦେରା ୧୦:୧୭ * ୨:୨୪ ୨:୨୪ କିସା ୫୨:୫

୨୭ ଏଦାଆଁତାକି ଆଜ୍ଞା ତଲେ ତଲୁ ଦାପିଆଆତି, ଆମିନି ଜୀହୁଦିଆଆତାରି ମସାତି ମେରା ମାନ୍ତି କିନେରି, ଆତିହୁଁ ମସା ରାଡିତି ମେରା ଅଡେ ତଲୁ ଦାପି ଆଡିଜିକେଏ ମେରା ମାନ୍ତି କିହିହିଲଅତେରି, ଏଝାରି ମିଜେ ବିଚାରା କିୟାନେରି □

୨୮ ଝାବୁଲ ଆଜ୍ଞା ତଲେ ତଲୁ ଦାପି ଆହାନା ପାଜ୍ଞାତା ଜୀହୁଦି ଇଞ୍ଜିହୁଁ ତସାକତିମାନି ଲକୁ ଜୀହୁଦି ଆଏ □

୨୯ ଆମ୍ବାଆସି ହିୟାଁ ବିତ୍ତା ଜୀହୁଦି, ଏଝାସି ସାତା ତଲେ ଜୀହୁଦି, ଅଙ୍କରି ତଲେ ଆଏ, ଜୀହୁ ଅଡେ ହିୟାଁ ତଲେ ଆମ୍ବାଆସି ତଲୁ ଦାପି ଆଡାସି, ଏଦି ସାତା ତଲୁ ଦାପି ଆନାୟି □ ଏଲେତି ଲକୁ ମାଣସି ତାଣାତି ମାନ୍ତି ବେଟାଆଅସି, ସାମା ମାହାପୁରୁ ତାଣାତି ମାନ୍ତି ବେଟା ଆନେସି □

୩

୧ ଆତିହୁଁ ଜୀହୁଦିଆଆତି ଲକୁ କିହାଁ ଜୀହୁଦି ଲକୁକି ଏନାୟି ଗାତି ଲାଡା ମାନେ ? ତଲୁ ଦାଝନାୟି ଏନ୍ତି ଲଡାମାନେ ?

୨ ହାରେକାତି, ମୂଲୁଏ ମାହାପୁରୁ ତାନି ନେହୁଁ କାବୁ ଝେକହାଲି ଦାୟିପତି ଜୀହୁଦି ଲକୁକି ହେରପିତେସି □

୩ ଆତିହୁଁ ଏନାୟି ? ଜୀହୁଦିଜ୍ଞା ତାଣାତି ଏତରଜାଣା ନାମାଆସାସେ, ଏଝାରି ମାନ୍ତି କିଆଗାଗାୟି ଏନାଆଁ ମାହାପୁରୁ ନାମୁତି ଉଜେଏ କିନେ ?

୪ ଏଲେଆହୁଁ ଆଆପେ, ଲକୁ ବାରେଜାଣା ମିତିତାରି ଆତିହୁଁ ଜିକେଏ ମାହାପୁରୁ ସାତା □ ସାସ୍ତେରିତା ରାସ୍ତକି ଆହାମାନେ;

“ନୀ ବଲୁ ତଲେ ନୀନୁ ଦାମ୍ବୁ ଗାଟାତି ଇଞ୍ଜୁଁ ଝେଜ୍ଜିଦି,
ନୀହାଁୟି ଆନ୍ତି ବେଲାତା ନୀନୁ ଜୀଣା ଆନ୍ତି □” *

୫ ମା ଲାଗେଏତି କାମା ମାହାପୁରୁତି ନେହୁଁ କାମାତି ପାରମାଣା କିନେ, ଆତିହୁଁ ମାରୁ ଏନାଆଁ ଇନାୟି ? ଆମିନି ମାହାପୁରୁ ଲାଗେଏତି କାମାତାକି ତଣ୍ଡ ହାନେସି, ଏଝାସି କି ଦାମ୍ବୁ ହିଲାଆଗାଗାସି ? ନୀନୁ ମାଣସିଲେହେଁ ଝେସିମାଲ୍ □

୬ ଏଲେଆହୁଁ ଆଏ □ ମାହାପୁରୁ ଦାମ୍ବୁଗାଗାସି ଆଆତିହୁଁ, ଏଝାସି ଏନ୍ତିକିହୁଁ ଦାର୍ତତି ନୀହାଁୟି କିନେସି ?

୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାଝୁରମି ତାକି ହାରେକା ଗାତି ଆଡେ, ଆତିହୁଁ ନୀନୁ ପାପୁ ଗାଟାତେଏଁ ଇଞ୍ଜୁଁ ଏନାଆଁତାକି ନୀହାଁୟି କିଝି ଆଇଁ ?

୮ ମାରୁ ଏନାଆଁତାକି ଏଲେଇନାଆୟି, “ଝାଦୁ ମାରୁ ଲାଗେଏତି କାମା କିନ, ଆତିହୁଁ ମାଜେତାକି ନେହେଁ ଆନେ ?” ନୀନୁ ଇଲେତି କାତା ଝେସିମାନାକି ଦାଝା କିହାନା ଏତେକା ଲକୁ ନାଜେ ନିହା କିହିମାଞ୍ଜାନେରି, ଏଝାରି ଇଦାଆଁତାକି ଆମିନି ତଣ୍ଡ ପାଣ୍ଡନାୟି ମାନେ, ସାତାତଲେ ବେଟାଆନେରି □

ଦାମ୍ବୁଗାଗାସି ଆମ୍ବାଆସି ହିଲଅସି

୯ ଆତିହୁଁ ଜୀହୁଦି ଲକୁ ଜୀହୁଦିଆଆତି ଲକୁ କିହାଁ ହାରେକା ନେହାଁରି ମାନେରି ? ଏତେଲାଝା ଆଏ, ନୀନୁ ନକେଏ ଝେସାମାଞ୍ଜାଲ୍ ଜୀହୁଦି ଅଡେ ଜୀହୁଦିଆଆତି ଲକୁ ପାପୁତି ବାଡ଼ୁୟୁତା ମାନେରି,

୧୦ ଦାମ୍ବୁ ସାସ୍ତେରିତା ରାସ୍ତକି ଆହାମାନେ;

“ଦାମ୍ବୁଗାଗାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି, *

୧୧ ରଅସି ଜିକେଏ ବୁଦିଗାଗାସି ହିଲଅସି;

କି ମାହାପୁରୁଇଁ ପାରିନାସି ହିଲଅସି □

୧୨ ଏଝାରି ବାରେଜାଣା ମାହାପୁରୁ ତାଣାଟିଏ ହେକ ହାଜାମାନେରି;

ଏଝାରି ବାରେଜାଣା ଲାଗେଏ ଜିରୁତା ହାଜାମାନେରି;

ଆମ୍ବାଆସି ଜିକେଏ ରଅସି ସାତାପାଣାତି କାମାକିନାସି ହିଲଅସି □

୧୩ ଏଝାରି ହାଡା ଦେପିଆଡି ମାଡ଼ହା ମୁହନି ଚାୟୁ,

ଏଝାରି ଗୁଡିତି ମିତି କାତା ହଡିମାନେ,

ଲୁଡା ତୁଇ ଅଟୁ କାଟାମାନି ରାଟୁତି ବୀସାମାନେ □*

* ୩:୪ ୩:୪ ପାତୁ ୫୧:୧୫ * ୩:୧୦ ୩:୧୦ ପାତୁ ୧୪:୧-୩; ୫୩:୧-୩ * ୩:୧୩ ୩:୧୩ ପାତୁ ୫:୧; ୧୪୦:୩

୧୪ ଏଞ୍ଜାରି ଗୁଡିତି କାତା କାମ୍ବେଲି ଗାଟାୟି ଇଞ୍ଜା ବାକା ତଲେ ନେଞ୍ଜାମାନେ □ *

୧୫ ଏଞ୍ଜାରି ଇର୍ହାଲି ଅଡେ ପାୟାଲି ଦେବୁଣିଏ ହନ୍ନେରି □*

୧୬ ଏଞ୍ଜାରି ଆମ୍ବୁୟାଞ୍ଜାକି ହାନେରି, ଏମ୍ବାଆଁ ନାୟା ଇଞ୍ଜା ସାସ୍ତି ବେଟାଆନ୍ନେରି □

୧୭ ଏଞ୍ଜାରି ହିଡ଼ଡିତି ଜିରୁ ପୁଞ୍ଜାହିଲଅରି,

୧୮ ମାହାପୁରୁଇଁ ଆଜନାୟି ଏଞ୍ଜାରି ନକିତା ହିଲେଏ □**

୧୯ ମାରୁ ପୁଞ୍ଜାମାନାୟି, ମେରା ମାନି କିହିମାନେରି, ଏମ୍ବାତି ବାରେ ହୁକୁମିଇଁ ଏଞ୍ଜାରି ମାନି କିନାୟିମାନେ □ ମାହାପୁରୁ ଏଟିବେଲା ବାରେ ଦାଡ଼ଡିତି ବିଚାରା କିନେସି, ମେରାତି ମାନି କିଆଗାତି ଲକୁ ଜାହାରାଇଁ ଦହ ହିଲାଆ ଗାଟାତମି ଇଞ୍ଜା ଇଞ୍ଜାଲି ଆଡ଼ଅରି □

୨୦ *ସାମା ମେରା ତଲେ କିନି କାମା ମାନି କିହିଁ ଆମ୍ବାଆସି ଜିକେଏ ମାହାପୁରୁ ନକିତା ଦାମ୍ବୁଗାଟାସି ଆହାଲି ଆଡ଼ଅସି □ ଇତିହଁ ମେରାତି ମାଣସି ଖାଉଇ ପାପୁତି ପୁଞ୍ଜାଲି ଆଡ଼ମାନେସି □*

ନାମୁତଲେ ଦାମ୍ବୁଗାଟି ଲକୁ ଆନାୟି

୨୧ ମାହାପୁରୁ ମାଣସିଇଁ ତାନିତଲେ ନେହଁକଁ ଆଣ୍ଡାଲି ତାକି ମେରା ପିସ୍ତେ ଏନାଆଁ କିହାମାନେସି, ଏଦି ନାଏଁ ତଞ୍ଜା ଆହମାନେ □ ଏ କାତା ମସାତି ମେରା ଇଞ୍ଜା ମାହାପୁରୁ ଅଣପୁତି ବଲୁ ଖେହନାରି ଜିକେଏ ସାକି ହାହାମାନେରି □

୨୨ *ଖାଉଇ ଜୀସୁ କ୍ରୀସ୍ତ ତାଣା ନାମିତାକି ଲକୁ ମାହାପୁରୁ ନକିତା ଦାମ୍ବୁଗାଟାରି ଆନେରି □ ମାହାପୁରୁ ଆମ୍ବାଆରାଇଁ ପାରଡ଼ା ବାଟି କିଆନା କ୍ରୀସ୍ତଇଁ ନାମିତି ବାରେ ଜାଣାକି ର ପାରୁ ହାନେସି □*

୨୩ ବାରେଜାଣା ପାପୁ କିହାମାନେରି ଅଡେ ମାହାପୁରୁତି ଗାଞ୍ଜୁରମିତି ହେକ ଆହାମାନେରି □

୨୪ ସାମା, ଏଞ୍ଜାରି ଉଜେଏ ମାହାପୁରୁତି କାର୍ମାମେହ୍ନି ଦାନା ତଲେ କ୍ରୀସ୍ତ ଜୀସୁ ତାଣା ଆମିନି ଗେଲପି ଆନାୟି ମାନେ, ଏଦାଆଁ ତଲେ ଦାମ୍ବୁଗାଟାରି ଆନ୍ନେରି □

୨୫ ମାହାପୁରୁ ଜୀସୁଇଁ ଦାନା ହାତେସି, ଏନିକଁ ଏଞ୍ଜାଣି ହାକି, ଏଞ୍ଜାଣି ତାଣା ନାମାମାନି ଲକୁତାକି ପାପୁ ମେଣ୍ଡାକିନି ଉପେୟି ଆନ୍ନେ □ ମାହାପୁରୁ ଅର୍ହାନା ଲକୁ କିହାମାନି ତଲିତି ପାପୁତି ତସାହିଲଅସି □

୨୬ ସାମା ନୀଏଁ ଏଞ୍ଜାସି ଜାହାରା ଦାମ୍ବୁ ଗାଟାଣି ତସାଲି ତାକି ପାପୁ ମ୍ବେକ୍ନି ମେରା କିହାମାନେସି □ ଇଦାଆଁ ତଲେ ମାହାପୁରୁ ତସାମାନେସି, ଏଞ୍ଜାସି ତାନୁଏ ଦାମ୍ବୁଗାଟାସି ଇଞ୍ଜା ଆମ୍ବାଆସି ଜୀସୁ ତାଣା ନାମିନେସି, ଏଞ୍ଜାସି ବାରେଜାଣାତି ଦାମ୍ବୁ ଗାଟାରିଲେହେଁ ଆବିନେସି □

୨୭ ଆତିହଁ ଆମିନି କାତାତା ମାରୁ ବତପଣ ଆନାୟି ଆଏ, ଏଲେତି କାତା ଏନାୟି ହିଲେଏ □ ବତପଣ ଆହାଲିତାକି ମା ତାଣା ଏନାୟି ମାନେ ? ମାରୁ ବାରେ ହୁକୁମି ମାନିଞ୍ଜି ଆହିମାନାୟି ଇଞ୍ଜିହଁ କି ? ଆଏ, ଖାଉଇ ନାମୁଏ ମା ବତପଣ ଆନେ □

୨୮ ମାରୁ ନେହଁକଁ ତେଲହାଲି ଆଡ଼ିନାୟି ରଅସି ଖାଉଇ ତାନି ନାମୁତଲେ ମାହାପୁରୁ ନକିତା ଦାମ୍ବୁଗାଟାସି ଇଞ୍ଜା ଖେଜିନେସି, ମେରାତି ମାନି କିତିସାରେ ଆଏ □

୨୯ ମାହାପୁରୁ ଖାଉଇ ଜୀହୁଦି ଲକୁତି ମାହାପୁରୁକି ? ଏଞ୍ଜାସି ଜୀହୁଦିଆଆତି ଲକୁତି ମାହାପୁରୁ ଆଏକି ? ସାତେଏ ଏଞ୍ଜାସି ବାରେ ଲକୁତି ମାହାପୁରୁ □

୩୦ ଏନାଆଁତାକି ଇତିହଁ, ମାହାପୁରୁ ରଅସିଏ, ଅଡେ ଏଞ୍ଜାସି ଜୀହୁଦି ଇଞ୍ଜା ଜୀହୁଦିଆଆତି ଲକୁତି ନାମୁ ତାକି ଏଞ୍ଜାସି ଏଞ୍ଜାରାଇଁ ଦାମ୍ବୁ ଗାଟାରିଲେହେଁ ଆବିନେସି □*

୩୧ ଆତିହଁ, ମାରୁ କି ନାମୁତଲେ ମସାତି ମେରା ମ୍ବେକ୍ନି ମାନାୟି ? ଏଦି ଏଚେଲା ଜିକେଏ ଆଆପେ, ସାମା ମାରୁ ନାମୁତଲେ ମସାତି ମେରାଇଁ ଜାଣ୍ଡେ ତୀରି କିହିମାନାୟି □

୪

ଅବ୍ରାହାମତି ମାଣକି

୧ ଆତିହଁ ଆଜାମ ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜିହଁ ମାରୁ ଏଲେଇନାୟି ?

* ୩:୧୪ ୩:୧୪ ପାରୁ ୧୦:୭ * ୩:୧୫ ୩:୧୫ ଜିସା ୫୯:୭,୮ * ୩:୧୮ ୩:୧୮ ପାରୁ ୩୭:୧ * ୩:୨୦ ୩:୨୦ ଗାଲା ୨:୧୭
* ୩:୨୦ ୩:୨୦ ପାରୁ ୧୪୩:୨; ଗାଲା ୨:୧୭ * ୩:୨୨ ୩:୨୨ ଗାଲା ୨:୧୭ * ୩:୨୨ ୩:୨୨ ଗାଲା ୨:୧୭ * ୩:୩୦ ୩:୩୦
ଖେ ମେରା ୭:୪; ଗାଲା ୩:୨୦

୨ ଅବ୍ରାହାମ ତାନି ଜାହାରା କାମାତି ମାହାପୁରୁ ତାଣା ଦାମ୍ଭୁଗାଟାସି ଆହା ମାତିହୁଁମା, ଏଞ୍ଜାଣାକି ବଡ଼ପଣ କିନି କାତା ମାତେ □ ସାମା ମାହାପୁରୁ ଖାକିତି ଏଡ଼ି ଆହାହିଲାଆତେ □

୩ *ଦାମ୍ଭୁ ସାଢ଼ସୁରି ଲେହେଁ, “ଅବ୍ରାହାମ ମାହାପୁରୁଛୁ ନାମିତେସି, ଅଡ଼େ ଏ ନାମୁତାକି ମାହାପୁରୁ ଏଞ୍ଜାଣାଛୁ ଦାମ୍ଭୁ ଗାଟାଣି ଲେହେଁ ଅପିତେସି □”

୪ ଆମ୍ବାଆସି କାମା କିନେସି, ଏଞ୍ଜାଣାକି ତାନି କୁଲି ମେଡ଼ାଆନେ, ଏଡ଼ି ଦାନା ହୀନାୟି ଆହାଲି ଆଡେଏ, ଏଡ଼ି କାମାତି ପାଡ଼େୟି ଇଞ୍ଜୁ ଇଣ୍ଡି ଆନେ □

୫ ସାମା ଆମ୍ବାଆସି ତାନି କାମାତା ଆସା କିଆନା, ଦାମ୍ଭୁ ହିଲାଆଗାଟାଣାଛୁ ଏମିନି ମାହାପୁରୁ ଦାମ୍ଭୁଗାଟାସି ଇଞ୍ଜୁ ଆବିନେସି, ଏଞ୍ଜାଣି ତାଣା ନାମିନେସି, ଏଞ୍ଜାଣି ନକିତା ଏଞ୍ଜାଣି ନାମୁ ଦାମ୍ଭୁଗାଟାସି ଇଞ୍ଜୁ ଖେଜିନେ □

୬ ଆମିନି ଲକୁଛୁ କାମା ଲଡ଼ାତି ସିନି କିଆନା ମାହାପୁରୁ ଏଞ୍ଜାଣାଛୁ ଦାମ୍ଭୁଗାଟାସି ଇଞ୍ଜୁ ଆବିନେସି, ଏଞ୍ଜାଣାଛୁ ନେହାସି ଇଞ୍ଜୁ ଦାଞ୍ଜୁଦ ଏଲେଇଞ୍ଜା ମାନେସି;

୭*“ଆମ୍ବାଆରି ଦହ ମେଣ୍ଡି କିଞ୍ଜିଆହାମାନେ, ଆମ୍ବାଆରି ପାପୁ ମେଣ୍ଡି କିଞ୍ଜିଆହାମାନେ, ଏଞ୍ଜାଋକି ନେହେଁ □

୮ ପୁରୁ ଆମ୍ବାଆରି ପାପୁ ଆହୁଅସି, ଏଞ୍ଜାଣାକି ନେହେଁ □”

୯ ଇମ୍ବାଆଁ ଦାଞ୍ଜୁଦ ଆମ୍ବାଆରାଛୁ ନେହେଁ ଇଞ୍ଜୁ ଖେସାମାନେସି, ଏଞ୍ଜାରି କି ଖାରୁଇ ତଲୁ ଦାପି ଆଡ଼ି ଲକୁ ମାତେରି ? କି, ତଲୁ ଦାପିଆଆତି ଲକୁ ଜିକେଏ ନେହାରି ଆହାଲି ଆଡ଼ିନେରି □ ମାର ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ଭୁଗାଟାସି ଇଞ୍ଜୁ ଖେଜିନେସି □”

୧୦ ଆତିହୁଁ ଏଡ଼ି ଏତେଲା ଆହାମାତେ ? ଅବ୍ରାହାମ ତଲୁ ଦାପି ଆଡ଼ି ତାୟୁ କି, ତାନି ନଡ଼େଏ ? ତଲୁ ଦାପି ଆଆନକେଏ, ତାୟୁ ଆଏ □

୧୧ ତଲୁ ଦାପି ଆଡ଼ି ନଡ଼େଏ ଅବ୍ରାହାମ ନାମୁ ତାକି ମାହାପୁରୁ ଏଞ୍ଜାଣାଛୁ ଦାମ୍ଭୁ ଗାଟାଣା ଲେହେଁ ଆବା ମାତେସି □ ଇଦାଆଁ ପୁଣ୍ଡି କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆନି ମେରା ବେଟାଆହା ମାତେସି, ଇତିହୁଁ, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାଟି ଦାମ୍ଭୁଗାଟାସି ଇଞ୍ଜିହୁଁ ଆବିତାସି, ସୁଦୁ ମାଣକିତି ଅବ୍ରାହାମ ଏଞ୍ଜାରି ତାଞ୍ଜି □*

୧୨ ଆବା ଅବ୍ରାହାମ ତଲୁ ଦାପି ଆଡ଼ି ନଡ଼େଏଟିଏ ଆମିନି ନାମୁତି କାତା ତସାମାତେସି, ତଲୁ ଦାପିଆଆତି ଲକୁ ଜାହାରା ଜୀଞ୍ଜୁତା ଏଲେତି ନାମୁ ତସାଲି ଆଡ଼ିସାରେ, ଅବ୍ରାହାମ ଏଞ୍ଜାଋକି ଜିକେଏ ତାଞ୍ଜି ଆନେସି □

ମାହାପୁରୁତି ଆଞ୍ଜାମାନାଣି ନାମୁତଲେ ବେଟାଆନାୟି

୧୩ *ଅବ୍ରାହାମ ମେରାତି ମାନି କିହାମାନାକି ଆଏ □ ଖାରୁଇ ତାନି ନାମୁ ତାକି ମାହାପୁରୁ ତାଣାଟି ଦାମ୍ଭୁଗାଟାସି ଇଞ୍ଜୁ ଖେଜିମାତେସି ଇଞ୍ଜା ଏଦାଆଁତାକି ତାନି ମାରୁକା ମାସୁକା ଦାରୁତିତି ଅଦିକାରା ବେଟାଆନେରି ଇଞ୍ଜୁ ମାହାପୁରୁ ଆଞ୍ଜାମାତେସି □*

୧୪ *ଆମ୍ବାଆରି ମେରାତି ମାନି କିନାରି, ଖାରୁଇ ଏଞ୍ଜାରି ମାହାପୁରୁତି ଦାନା ବେଟାଆନେରି ଇତିସାରେ, ମାଣସିତି ନାମୁ ଉଜେଏ, ମାହାପୁରୁ ଆଞ୍ଜାମାନାୟି ଜିକେଏ ଉଜେଏତାୟି ଆନେ □*

୧୫ ଇତିହୁଁ ମସାତି ମେରା ଉରିନି ତାଣାଟି ମାହାପୁରୁତି କାରୁବି ଗାଟାସି ଆନେସି, ସାମା ଆମ୍ବିୟା ମେରା ହିଲେଏ, ଏମ୍ବାଆଁ ମେରା ଉରିନି କାତା ହିଲେଏ □

୧୬ *ଏଦାଆଁତାକି ମାହାପୁରୁତି ଆଞ୍ଜାମାନାୟି ନାମୁ ଅଡ଼େ କାର୍ମାତି ଲାକ ଇଟୁକି ଆହାମାନେ □ ଆମିନି ଗାଟାରି ମେରାତି ମାନି କିନେରି, ଖାରୁଇ ଏଞ୍ଜାଋକିଦେହେଁ ମାହାପୁରୁତି ଆଞ୍ଜାମାନାୟି ଆଏ □ ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏଦାଆଁତାକି ଇତିହୁଁ ଅବ୍ରାହାମ ଏଞ୍ଜାରି ସୁଦୁ ମାଣକିତି ତାଞ୍ଜି;*

୧୭ ଆମିନି ମାହାପୁରୁଛୁ ଅବ୍ରାହାମ ନାମିମାତେସି, ଆମ୍ବାଆସି ହାଡ଼ାରାଛୁ ଖେଣ୍ଡେ ଜୀଞ୍ଜୁ କିନେସି, ଅଡ଼େ ହିଲାଆଗାଟି ଦିଣ୍ଡୁତି ମାନି ଲେହେଁ ହାଡ଼ିନେସି, ଏ ମାହାପୁରୁ ନକିତା ଏଞ୍ଜାସି ମା ତାଞ୍ଜି ଆହାମାନେସି,

* ୪:୩ ୪:୩ ମୂଲୁ ୧୫:୬; ଗାଲା ୩:୬ * ୪:୭ ୪:୭ ପାତୁ ୩୨:୧,୨ * ୪:୧୧ ୪:୧୧ ମୂଲୁ ୧୭:୧୦ * ୪:୧୩ ୪:୧୩ ଗାଲା ୩:୨୯ * ୪:୧୩ ୪:୧୩ ମୂଲୁ ୧୭:୪-୬; ୨୨:୧୭,୧୮; ଗାଲା ୩:୨୯ * ୪:୧୪ ୪:୧୪ ଗାଲା ୩:୧୮ * ୪:୧୪ ୪:୧୪ ଗାଲା ୩:୧୮ * ୪:୧୭ ୪:୧୭ ଗାଲା ୩:୭ * ୪:୧୭ ୪:୧୭ ଗାଲା ୩:୭

ଇ କାତା ଦାମ୍ବୁ ସାପ୍ତେରିତା ରାସ୍ତକି ଆହାମାନେ, “ନିଜେ ହାରେକା କୃତାତି ଲକ୍ଷ୍ମି ତାଞ୍ଜି କିହାମାଞ୍ଜାନମି
□”*

୧୮ ଆସା କିନାୟି ଏନାୟି ହିଲାଆତି ଜିକେଏ ଅବ୍ରାହାମ ନାମିତେସି ଇଞ୍ଜା ଆସା ଇରିତେସି,
ଏଦାଆଁତାକି “ହାରେକା କୃତାତି ତାଞ୍ଜି” ଆଡେସି □ ଦାମ୍ବୁ ସାପ୍ତେରିତା ରାସ୍ତକି ଆହାମାନେ, “ନୀ କୃତା
ହୁକାୟାଁ ଲେହେଁ ଏପାଆନେରି □”*

୧୯ ଏଞ୍ଜାଣାକି ଏରିବେଲା ପାସାକଡ଼ି ବାସା ଆହାମାତାକି ଏଞ୍ଜାସି ତାନି ଆଜାତି ହାଡାୟି ଇଞ୍ଜା ସାରା
ଅଡେ କକାରି ପଦାଁ ଆନି ଗାରା ଜିକେଏ ହାଡାୟି ଇଞ୍ଜା ଅଣ୍ଡପିତି ଜିକେଏ ନାମୁତା ଉଣା ଆଆତେସି
□

୨୦ ଏଞ୍ଜାସି ତାନି ନାମୁ ପିହୁଆତେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆତେସି □ ଏଞ୍ଜାସି
ନାମୁତା ବାଡୁରୁ ଆଡେସି ଇଞ୍ଜା ମାହାପୁରୁଇଁ ଜହରା କିତେସି □

୨୧ ମାହାପୁରୁ ଏନାଆଁ ଆଞ୍ଜାମାଚେସି, ଏଞ୍ଜାସି ଏଦାଆଁ ମାନି କିନେସି ଇଞ୍ଜା ଏଞ୍ଜାଣାକି ଜାଣେ ନାମୁ
ମାଚେ □

୨୨ ଏଦାଆଁତାକି ତାନି ନାମୁତଲେ ଅବ୍ରାହାମ, “ମାହାପୁରୁ ତାଣାଟି ଦାମ୍ବୁଗାଟାସି ଆହାମାଚେସି □”*

୨୩ “ଅବ୍ରାହାମ ଦାମ୍ବୁଗାଟାସି ଇଞ୍ଜା ଝେଙ୍ଗାମାଟି” କାତା ଖାଉଇ ଏଞ୍ଜାଣି ତାକିଏଦେଁ ରାସ୍ତକି
ଆହାହିଲେଏ □

୨୪ ସାମା ଇ କାତା ମାଜେତାକି ଜିକେଏ ରାସ୍ତକି ଆହାମାନେ; ଇରିହୁଁ ଆମ୍ବାଆସି ମା ପ୍ରବୁ ଜୀସୁଇଁ
ହାଡାଟି ତାଣାଟି ନିକହାମାନେସି, ଏଞ୍ଜାଣି ତାଣା ମାର ନାମିମାନାୟି, ମାଜେତାକି ଜିକେଏ ଏଡି ଆନେ □

୨୫ ଏ ପ୍ରବୁ ଜୀସୁ ମା ପାପୁତି ବାଦୁଲି ହାହାଲି ହେଉପିଆହା ମାଚେସି ଇଞ୍ଜା ମାହାପୁରୁ ନକିତା ମାଜେ
ଦାମ୍ବୁ ଗାଟାତାୟି କିହାଲି ଝେଣେ ନିଜାତେସି □*

୫

ମାହାପୁରୁ ନକିତା ନେହୁଁ ତଞ୍ଜା ଆନାୟି

୧ ନୀଏଁ ନାମୁତଲେ ମାର ମାହାପୁରୁ ନକିତା ଦାମ୍ବୁ ଗାଟାତାୟି ଆହାମାନାୟି ଇଞ୍ଜା ପ୍ରବୁ ଜୀସୁ କ୍ରୀସ୍ତ
ତାଣାଟି ମାହାପୁରୁ ତଲେ ମାର ହିଡ଼ି ତଲେ ମାନାୟି;

୨ ଏନିନି କାମାତା ମାର ମାଞ୍ଜାମାନାୟି, ଏମାଟି ଏଞ୍ଜାଣି ତାଣାଟି ନାମୁତା ଜିକେଏ ମାନାୟି; ଇଞ୍ଜା ମାର
ମାହାପୁରୁଟି ଗାଞ୍ଜୁରମିତି ବାସୁତା ବତପଣ କିହିମାନାୟି □

୩ ଖାଉଇ ଏଡି ଆଏ, ବାରେ ଦୁକୁ କସ୍ତା ଜିକେଏ ମାର ରାହାଁ କିହିମାନାୟି, ଇରିହୁଁ କସ୍ତି ସାସା
ଖାନେ,

୪ ସାସାଟି ବାଡୁରୁ ମାଣକି ଖାନେ ଇଞ୍ଜା ବାଡୁରୁ ମାଣକିଟି ବାସୁ ଖାନେ □

୫ ବାସୁ ମାଜେ ହାଣି ଆହାଲି ହିୟେଏ, ଏଦାଆଁତାକି ଇରିହୁଁ ମାହାପୁରୁ ମାଜେ ସୁଦୁଜୀଞ୍ଜୁ ହୀହାନା
ମା ହିୟାତା ତାନି ଜୀଞ୍ଜୁ ନନାଣି ହାହାମାଞ୍ଜାନେସି □

୬ ଏରିବେଲାତା ମାର ଏନି ଉପେୟି ହିଲାଆଗାଟାତାୟି ମାଚାୟି, ଏରିବେଲା ମାହାପୁରୁ ତାରି
କିହାମାଟି ବେଲାତା କ୍ରୀସ୍ତ ପାପୁ ଲକ୍ଷ୍ମିତାକି ହାଡେସି □

୭ ଦାମ୍ବୁଟି ଲକ୍ଷ୍ମିତାକି ଆମ୍ବାଆସି ଜିକେଏ ହାଅସି, ନେହୁଁ ଲକ୍ଷ୍ମିତାକି ଆମ୍ବାଆସି ଜୀଞ୍ଜୁ ହୀହାଲି
ଅଣ୍ଡପିନେସି □

୮ ସାମା ମାର ପାପୁଗାଟି ଲକ୍ଷ୍ମି ମାଚାଟି ଜିକେଏ କ୍ରୀସ୍ତ ମା ତାକି ତାନି ଜୀଞ୍ଜୁ ହୀତେସି, ଇଦାଆଁ ତଲେ
ମାହାପୁରୁ ମାଜେ ଏଚେକା ଜୀଞ୍ଜୁନହୁଁ ମାଞ୍ଜାନେସି, ଏଦାଆଁ ତସାମାଞ୍ଜାନେସି □

୯ ଏଦାଆଁତାକି ଇ କାତା ସାତା, ମାର ନୀଏଁ ଏଞ୍ଜାଣି ନେତେରି ତଲେ ଦାମ୍ବୁ ଗାଟାତାୟି ଆହାମାନାକି
ଏଞ୍ଜାଣି ତାଣାଟି ମାହାପୁରୁ କପାଟି ଗେଲପି ଆହାଲି ଆଡ଼ିନାୟି □

୧୦ ମାର ମାହାପୁରୁଟି ସାଡୁୟାଁ ମାଚାୟି, ସାମା ମାର ତାନି ମୀରଏଣା ହାକିଟି ତାନିତଲେ ଆଣ୍ଡିତାୟି,
ନୀଏଁ ମାର ମାହାପୁରୁ ତଲେ ଆଣ୍ଡା କ୍ରୀସ୍ତ ଜୀଞ୍ଜୁତଲେ ଗେଲପି ଆନାୟି □

୧୧ ଖାଉଇ ଏଚେକା ଆଏ, ସାମା ପ୍ରବୁ ଜୀସୁ କ୍ରୀସ୍ତ ତାକି ମାର ନୀଏଁ ମାହାପୁରୁ ତଲେ ଆଣ୍ଡାମାନାୟି;
ଏଞ୍ଜାଣି ତାଣାଟି ମାର ମାହାପୁରୁ ତାଣା ବତପଣ ଜିକେଏ ଆହିମାନାୟି □

* ୪:୧୭ ୪:୧୭ ମୂଲ୍ ୧୭:୫ * ୪:୧୮ ୪:୧୮ ମୂଲ୍ ୧୫:୫ * ୪:୧୯ ୪:୧୯ ମୂଲ୍ ୧୭:୧୭ * ୪:୨୨ ୪:୨୨ ମୂଲ୍ ୧୫:୭
* ୪:୨୫ ୪:୨୫ କିସା ୫୩:୪,୫

ଆଦମ ଅଡ଼େ କ୍ରୀସ୍ତ

୧୨ ରଅଣି ତାଣାଟି ପାପୁ ଦାର୍ତ୍ତିତା ଝାଡ଼େ ଅଡ଼େ ପାପୁ ତଲେ ହାକି ଝାଡ଼େ, ବାରେଜାଣା ପାପୁ କିତାକି ହାକି ବାରେ ମାଣସିତାକି ଝାଡ଼େ, ଇଞ୍ଜା ବାରେଜାଣା ପାପୁ କିତେରି □^{୧୦}

୧୩ ମେରା ହାପୁକି ଆଡ଼ି ନଡ଼କେଏ ଦାର୍ତ୍ତିତା ପାପୁ ମାତେ; ଯାମା ମେରା ହିଲାଆଟି ପାପୁଟି ଏଜିକିଝି ଆହି ହିଲାଆତେ □

୧୪ ଆଦମ ତାଣାଟିଏ ମସା ପାତେକା ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନ୍ନି କିଆନା ପାପୁ କିହାହିଲାଆତେ ଜିକେଏ ବାରେଜାଣା ହାକିତି ତୁଲ ମାଚେରି; ଆମିନିଗାଟାସି ଝାନ୍ଦାସି ମାଚେ, ଆଦମ ଏଝାଣି ର ଝାଣା □

୧୫ ଯାମା ଦହ ଏନିକେ, ମାହାପୁରୁତି କାର୍ମା ଜିକେଏ ଏଲେକେ, ଏଡ଼ି ଆଏ, ଇଚିହେଁ ରଅଣି ଦହ ତାକି ହାଡ଼େକା ଲକୁତି ହାକି ଆଡ଼େ, ଆତିହେଁ ମାହାପୁରୁତି କାର୍ମା ଅଡ଼େ ର ମାଣସି ଇଚିହେଁ ଜୀସୁ କ୍ରୀସ୍ତ ହାତି କାର୍ମାତି ଦାନା ହାଡ଼େକା ଲକୁତାକି ହାଡ଼େକା ଗାତି ଆଡ଼େ □

୧୬ ର ମାଣସି ପାପୁ କିତାକି ଏନିକେ ପାଡ଼େୟି ଆଡ଼େ, ଇ ଦାନାତି ପାଡ଼େୟି ଏଲେକେ ଆଏ, ଇଚିହେଁ ରଅଣି ତାକି ଏମିନି ନହାୟି, ଏମ୍ବାତି ପାଡ଼େୟି ତଣ୍ଡ ଆଡ଼େ, ଯାମା ହାଡ଼େକା ଲକୁତି ଦହ ତାକି ଏମିନି କାର୍ମାତି ଦାନା, ଏମ୍ବାତି ପାଡ଼େୟି ଦହ ହିଲାଆଗାଟାସି ଆଡ଼େ □

୧୭ ର ମାଣସିତି ପାପୁ ତାକି, ହାକି ସାଲୁଝି କିତେ; ଯାମା ଅର ରଅସି ଇଚିହେଁ ଜୀସୁ କ୍ରୀସ୍ତ ଏନାଆଁ କିହାମାନେସି, ଏଡ଼ି ଏଚେକା କାଜାସି □ ଆମିନି ବାରେଜାଣା ମାହାପୁରୁତି ହାଡ଼େକା କାର୍ମାମେହନାସି ଉଜେଏ ମୋଡ଼ା ଆନାଣି ତଲେ ମାହାପୁରୁତି ନକିତା ଦାମ୍ବୁଗାଟାରି ଇଞ୍ଜେ ଝେଜିନେରି, ଏଝାରି କ୍ରୀସ୍ତ ତଲେ ଜୀଣାଆହାନା ନାତିନେରି □

୧୮ ରଅଣି ପାପୁ ଏନିକିହେଁ ବାରେ ମାଣସି କୁଡ଼ାଇଁ ତଣ୍ଡ ବେଟା ଆଝିକିତେ, ଏଲେକିହେଁଏ ରଅଣି ଦାମ୍ବୁତି କାମା ବାରେ ମାଣସି କୁଡ଼ା ତାକି ଗେଲପି ଆନାଣି ଇଞ୍ଜା ରାଆଗାଟି ଜୀସୁ ତାତାହାତେ □

୧୯ ରଅସି ମାନ୍ନି କିଆତାକି ଏନିକିହେଁ ହାଡ଼େକା ଲକୁ ପାପୁ ଗାଟାରି ଆଡ଼େରି, ଏଲେକିହେଁଏ ରଅଣି ମାନ୍ନି କିନାଣି ତଲେ ବାରେଜାଣା ମାହାପୁରୁ ନକିତା ଦାମ୍ବୁଗାଟାରି ଆନେରି □

୨୦ ଇଦାଆଁ ପିସପେ ମେରା ଜିକେଏ ଝାଡ଼େ, ଏନିକେ ଦହ ହାଡ଼େକା ଗାତିଆନେ; ଯାମା ଆମ୍ବିୟା ପାପୁ ପାତାଆଡ଼େ, ଏମ୍ବାଆଁ ମାହାପୁରୁତି କାର୍ମାମେହନାସି ଜିକେଏ ହାଡ଼େକା ପାତାଆଡ଼େ □

୨୧ ଏନିକିହେଁ ପାପୁ ହାକି ତଲେ ସାଲୁଝି କିତେ, ଏଲେକିହେଁଏ ମାହାପୁରୁତି କାର୍ମାମେହନାସି ଜୀସୁ କ୍ରୀସ୍ତ ତାଣାଟି ମାଜେ ଦାମ୍ବୁ ଗାଟାଟାସି କିହାଁ ରାଆଗାଟି ଜୀସୁ ହିୟାତେ □



ପାପୁଟି ହାକି କ୍ରୀସ୍ତ ତାଣାଟି ଜୀସୁ

୧ ଆତିହେଁ ମାର ଏନାଆଁ ଇନାସି ? ମାହାପୁରୁତି କାର୍ମାମେହନାସି ଏନିକିହେଁ ହାଡ଼େକା ଆନେ, ଏଦାଆଁତାକି କି ପାପୁତେଏ ମାଞ୍ଜେମାନାସି ?

୨ ଏଡ଼ି ଏଚେଲା ଜିକେଏ ଆଆପେ □ ପାପୁ ତାକି ମାର ହାହାମାନାସି, ଏନିକିହେଁ ଏମ୍ବାଆଁ ଅଡ଼େ ମାର ନାତିନାସି ?

୩ ମାର ଏଚେକା ଲକୁତାସି କ୍ରୀସ୍ତ ଜୀସୁ ତାଣା ବାପ୍ତିସ୍ତ* ଅହାମାନାସି, ବାରେ ଜାଣାଟାସି ତାନି ହାକିତା ବାପ୍ତିସ୍ତ† ଅହାମାନାସି, ଇଦାଆଁ କି ମୀରୁ ପୁଞ୍ଜାହିଲଅତେରି ?

୪ ଏଦାଆଁତାକି ମାର ବାପ୍ତିସ୍ତ‡ ଅହାନା ହାକିତା ତାନିତଲେ ମୁସ୍ତସି ଅହାମାନାସି, କ୍ରୀସ୍ତ ଏନିକିହେଁ ଆବାତି ଗାଝୁରମି ତଲେ ହାଡ଼ାରି ତାଣାଟି ଝେଣ୍ଡେ ନିଜିତେସି, ମାର ଜିକେଏ ଏଲେକିହେଁଏ ପୁଞ୍ଜି ନିଜୁତି ମାଣିକି ତଲେ ନାତିନ □*

୫ ଏନାଆଁତାକି ଇଚିହେଁ ମାର ଏଝାଣି ହାକିତା ଆଣ୍ଡାନା ଏଝାଣିତଲେ ରଣ୍ଡିଏ ଅହାମାନାସି, ଆତିହେଁ ପାତେଏ ଏଝାସି ଝେଣ୍ଡେ ନିଜିତି ଲେହେଁ ମାର ଜିକେଏ ନିଜାନା ଏଝାଣିତଲେ ରଣ୍ଡିଏ ଆନାସି □

୬ ମାର ପୁଞ୍ଜାମାନାସି, ପାପୁଟି ହଲିୟାଜାଆ ଆଆପ, ଇଦାଆଁତାକି ପାପୁଟି ଆଜା ନାସା କିହାଲିତାକି ମା ପୁଞ୍ଜଇ ମାଣିକି ତାନିତଲେ ପାସି ମୁଣ୍ଡାତା ହାହାମାନେ □

* ୫:୧୨ ୫:୧୨ ମୁଲ୍ ୩:୨ † ୨:୩ ୨:୩ ମୁଞ୍ଜିନାସି ‡ ୨:୩ ୨:୩ ମୁଞ୍ଜିନାସି § ୨:୪ ୨:୪ କଲସି ୨:୧୨ † ୨:୪ ୨:୪ ମୁଞ୍ଜିନାସି
* ୨:୪ ୨:୪ କଲସି ୨:୧୨

୭ ଏନାଆଁତାକି ଇତିହାସି ମାଣସି ହାଡ଼ିସାରେ, ପାପୁତି ବାଡ଼ୁୟୁତି ଗେଲୁପି ଆନେସି ।

୮ ସାମା ମାରୁ କ୍ରୀସ୍ତ ତଲେ ହାଡ଼ାକି, ତାନିତଲେ ମାରୁ ଜିକେଏ ନୀତିନାୟି ଇଞ୍ଜି ନାମାମାନାୟି ।

୯ ମାରୁ ପୁଞ୍ଜାମାନାୟି, କ୍ରୀସ୍ତ ହାକିତି ନିଜାମାନାକି, ଏଞ୍ଜିସି ଅଡ଼େ ଖେଣ୍ଡେ ହାଅସିଦେଁ, ଏଞ୍ଜାଣାକ୍ ଅଡ଼େ ହାକି ସାଲୁଖି କିହାଲି ଆଡ଼େଏ ।

୧୦ ଏଞ୍ଜିସି ଆମିନି ହାକିତା ହାଡ଼େସି, ଏଦାଆଁ ତଲେ ପାପୁତି ବାଡ଼ୁୟୁତି ରଣ୍ଡିଏ ଦେବେଏ ଜୀଣା ଆଡ଼େସି । ଅଡ଼େ ନୀର୍ସି ଆମିନି ଜୀଞ୍ଜୁତଲେ ନୀତାମାନେସି, ଏଦି ମାହାପୁରୁ ତଲେ ଆଣ୍ଡିତି ଜୀଞ୍ଜୁ ।

୧୧ ଏଲେକିହାଁଏ ମୀରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜି ଅଣ୍ଡାପାଦୁ । ସାମା କ୍ରୀସ୍ତ ଜୀସ୍ତ ତାଣ୍ଡାଟି ଆଣ୍ଡାମା ମାହାପୁରୁ ତାକି ଜୀଞ୍ଜୁ ଗାଗାତମି ଇଞ୍ଜୁ ।

୧୨ ମୀ ହାନି ଆଜ୍ଞାତା ପାପୁ ସାଲୁଖି କିୟାଆପେ; ମୀରୁ ଅଡ଼େ ଆଜ୍ଞାତି ଲାଗେଏତି ଅଣ୍ଡାପୁ ତଲେ ତାକାଆଦୁ ।

୧୩ ମୀ ଆଜ୍ଞା ଉଡ଼େଲିତି ଲାଗେଏ କାମାତି ଜୁତି ଲେହେଁ ପାପୁ କାମାତା ହେରପାଆଦୁ, ସାମା ହାଡ଼ାରି ତାଣ୍ଡାଟି ନୀତାମାନି ଲେହେଁ ଜାହା ଜାହାରାକ୍ ମାହାପୁରୁ ନକିତା ହେରପା କତାଦୁ, ଇଞ୍ଜା ଜାହା ଜାହାରା ଆଜ୍ଞା ଉଡ଼େଲିତି ଦାମ୍ବୁତି ଜୁତି ଲେହେଁ ମାହାପୁରୁ ନକିତା ହେରପାଦୁ ।

୧୪ ପାପୁ ମିଜେ ସାଲୁଖି କିୟାଆପେ, ମୀରୁ ଅଡ଼େ ମସାତି ମେରା ଡ଼ଇ ହିଲଅଡ଼େରି, ସାମା ମାହାପୁରୁତି କାର୍ମାତି ଡ଼ଇ ମାଞ୍ଜେରି ।

ଦାମ୍ବୁତି ହଲିୟାଜା

୧୫ ଆତିହାଁ ଏନାଆଁ ? ମାରୁ ମସାତି ମେରା ଡ଼ଇ ହିଲାଆୟି, ସାମା ମାହାପୁରୁତି କାର୍ମାମେହନି ଡ଼ଇ ମାନାୟି, ଇଦାଆଁତାକି କି ପାପୁ କିନାୟି ? ଏଲେଆହାଁ ଏତେଲା ଜିକେଏ ଆଆପେ ।

୧୬ ମୀରୁ ସାତେଏ ପୁଞ୍ଜାମାଞ୍ଜେରି, ମୀରୁ ରଅଣି ହଲିୟାଜା ଆହାନା ଏଞ୍ଜାଣି କାତା ମାନ୍ତୁଖି ଆଡ଼ିସାରେ, ଆତିହାଁ ମୀରୁ ଏଞ୍ଜାଣି ହଲିୟାଜାତେରି, ପାପୁତି ହଲିୟାଜା ଆଡ଼ିସାରେ, ପାପୁ ମାଣ୍ଡକିଟି ହାକି ଖାନେ; ଦାମ୍ବୁତି ଜେଟ ହାଟିସାରେ, ଜୀଞ୍ଜୁ ବେଟାଆଡ଼େରି ।

୧୭ ସାମା ମାହାପୁରୁକ୍ ଜହରା କିହିମାକ୍, ମୀରୁ ର ଦିନା ପାପୁତି ହଲିୟାଜାତେରି ମାତେରି, ମୀରୁ ନୀର୍ସି ନେହାଁ ବଲୁତି ଜାମ୍ବୁନି ତାଣ୍ଡା ହେରପିଆହା ମାଞ୍ଜେରି, ଅଡ଼େ ହିୟାଁ ତଲେ ଏମ୍ବାତି ମାନି କିହିମାଞ୍ଜେରି ।

୧୮ ପାପୁତି ପିସ୍ପି ଆହାନା ଦାମ୍ବୁତି ହଲିୟାଜା ଆହାମାଞ୍ଜେରି ।

୧୯ ମୀ ଆଜ୍ଞାତି ବାଡ଼ୁୟୁ ହିଲାଆକି ମାଣ୍ଡିତି ହାଡ଼ାତଲେ ଖେସିମାଞ୍ଜାକ୍; ମୀରୁ ଏନିକିହାଁ ଲାଗେଏତି କାମାତାକି ଜାହାରା ଆଜ୍ଞା ଉଡ଼େଲିତି ପଲେଏତି ଇଞ୍ଜା ଦାମ୍ବୁ ହିଲାଆତାଣ୍ଡା ହଲିୟାଜା ଲେହେଁ ହେରପାମାତେରି, ଏଲେକିହାଁଏ ନୀର୍ସି ଜାହାରା ଆଜ୍ଞା ଉଡ଼େଲିତି ସୁଦୁଜୀଞ୍ଜୁ ତାକି ଦାମ୍ବୁତି ନକିତା ହଲିୟାଜା ଲେହେଁ ହେରପାଦୁ ।

୨୦ ମୀରୁ ପାପୁତି ହଲିୟାଜା ମାଗାଟି, ଦାମ୍ବୁତାକି ମେଲା ପିସ୍ପି ଆହାମାତେରି ।

୨୧ ଆତିହାଁ ନୀର୍ସି ମିଜେ ଆମିନି କାମା କିହାଲିତାକି ଲାଜା ହଡ଼ିମାଞ୍ଜାନେ, ଏତିବେଲା ବାରେ କିହିମାତେରି, ଏଦି ଏମ୍ବାଟି ଏନାଆଁ ଲାବା ବେଟାଆଡ଼େରି ? ଏ ବାରେ କାମାତି ପାଡ଼େୟି ହାକି ।

୨୨ ସାମା ନୀର୍ସି ମୀରୁ ପାପୁତି ପିସ୍ପି ଆହାନା ମାହାପୁରୁତି ହଲିୟାଜା ଆହାମାଞ୍ଜେରି । ଇଦାଆଁତି ଲାବା ଆହିମାନେ, ମାହାପୁରୁ ତାଣ୍ଡା ସୁଦୁଜୀଞ୍ଜୁ ତଲେ ହେରପି ଆନାୟି ଇଞ୍ଜା ରାଆଗାଟି ଜୀଞ୍ଜୁ ବେଟାଆନାୟି ।

୨୩ ଏନାଆଁତାକି ଇତିହାଁ ପାପୁତି କୁଲି ହାକି, ସାମା ମାହାପୁରୁତି କାର୍ମାମେହନି ଦାନା ମା ପ୍ରବୁ ଜୀସ୍ତ କ୍ରୀସ୍ତ ତଲେ ଆଣ୍ଡିନି ତାଣ୍ଡା ରାଆଗାଟି ଜୀଞ୍ଜୁ ମାନେ ।



ବାହା ଆନି କାତା

୧ ତାୟି ତାଜିସ୍ତାତେରି, ନୀର୍ସି ଏନାଆଁ ଖେସାଲି ଅଣ୍ଡାପିମାକ୍, ଏଦାଆଁ ମୀରୁ ତେଲୁହଦେରି, ଏନାଆଁତାକି ଇତିହାଁ ମୀରୁ ପୁଞ୍ଜାମାଞ୍ଜେରି, “ମେରା” ଏନାୟି । ମାଣ୍ଡିସି ଖାନ୍ତୁ ତାନି ନୀତାମାନି ପାତେକା ମେରାତି ଡ଼ଇ ଡ଼ୟିନେସି ।

୨ ତକ୍ରା ନୀତାମାନି ପାତେକା ତାନି ତକ୍ତି ଏଞ୍ଜାଣିତଲେ ବୀହା ଫେରା ତଲେ ଦସ୍ପି ଆହ୍ୱାନା ହୁୟିନେ
□ ସାମା ତକ୍ରା ହାଡ଼ିସାରେ, ଏଞ୍ଜାଣି ତକ୍ତି ଛ ଫେରାଟି ପିସ୍ପି ଆନେ □

୩ ତକ୍ରା ନୀତା ମାନାଟିଏ, ତକ୍ତି ଅର ରଥଣାକି ବୀହା ଆଡ଼ିସାରେ, ଏଦାନି ଦାଢ଼େଣି ଇଞ୍ଜିଁ ଇନେରି;
ସାମା ତକ୍ରା ହାଡ଼ି ତାୟୁ ଫେରାଟି ପିସ୍ପି ଆନେ, ଅଡ଼େ ଏଡ଼ି ଅର ରଥଣାକି ବୀହା ଆଡ଼ିସାରେ, ଏଡ଼ି
ଦାଢ଼େଣି ଆଏ □

୪ ଇଦାଆଁତାକି ତାୟି ତାଞ୍ଜିସ୍ୱାତେରି, କ୍ରୀସ୍ତତି ଆଙ୍ଗା ତଲେ ମୀରୁ ଜିକେଏ ଫେରାତାକି ହାହାମାଞ୍ଜେରି,
ଏନିକିହଁ ମୀରୁ ଏବକାତାରି ତଲେ ଆଣିଦେରି, ଇଚିହଁ ମା.ମାହାପୁରୁ ତାକି ପାଡ଼େୟି ଆୟାଲି
ଆମ୍ବାଆସି ହାଡ଼ାରି ତାଣାଟି ନୀତାମାନେସି, ଏଞ୍ଜାଣିତଲେ ଆଣ୍ଡାଦୁ □

୫ ଏତରଦିନା ପାତେକା ମାର ଆଙ୍ଗାତି ମାଣ୍ଡକି ତଲେ ମାତାୟି, ଏତରଦିନା ପାତେକା ମସା ଫେରାଟି
ପାପୁତି ଜୁପକା ମା ଆଙ୍ଗା ବିତ୍ରା ଜୀସ୍ତୁତି ହାଡ଼ି କିହାଲି କାମା କିହିମାତେ □

୬ ସାମା ଏନାଆଁତଲେ ଦସ୍ପି ଆହାମାତାୟି, ଏମ୍ବାଟି ହାହାମା ନୀଏଁ ମୀରୁ ଫେରାଟି ଅଦିକାରାଟି
ମୁକଲିଞ୍ଜି ଆହାମାନାୟି; ମୀରୁ ଅଡ଼େ ତଲିତିଲେହେଁ ରାସ୍ପକି ଆହାମାନି ଫେରାଟି ସେବା କିହି ହିଲାଆୟି,
ସୁଦୁଜୀସ୍ତୁ ତସାମାଞ୍ଜାନି ପୁଃନି ଜିରୁତା ନୀଏଁ ତାକି ମାନାୟି □

ଫେରା ଅଡ଼େ ପାପୁ

୭ ଆତିହଁ ଏନାଆଁ ଇନାୟି, ଫେରା ପାପୁ ଗାଟାୟି ? ଏଡ଼ି ଏତେଲାଞ୍ଜା ଆଏ □ ସାମା ପାପୁ ଏନାୟି,
ଏଦାଆଁ ଫେରା ନାଙ୍ଗେ ଝେସା ମାଞ୍ଜାନେ, “ଏବକା ଲକ୍ଷୁତି ଦିଶ୍ୱୁ ଜୁପକା ଆଆଦୁ,” ଇ ହୁକୁମି ଫେରା
ଝେସା ମାଞ୍ଜାଆତିହଁ ମା, ଜୁପକା ଏନାୟି, ନାନୁ ପୁନାଆତେଏଁମା □^୫

୮ ସାମା ପାପୁ ପାରୁ ବେଗାଆହ୍ୱାନା ହୁକୁମି ତଲେ ନା ତାଣା ବାରେଲେହେଁତି ଜୁପକା କିନାଣି ହିୟାତେ,
ଫେରା ପିସ୍ପେ ପାପୁ ହାଡ଼ାୟି □

୯ ର ଦିନା ନାନୁ ଫେରା ପୁନାଆନା ନାତିମାତେଏଁ, ସାମା ହୁକୁମି ଖାହାଲିଏ ପାପୁ ନାତିତେ, ଇଞ୍ଜାଁ ନାନୁ
ହାଡ଼େଏଁ;

୧୦ ଆମିନି ଫେରା ଜୀସ୍ତୁ ହାହାଲିତାକି ଚିକାଣା ତାୟି ମାତେ, ଏଡ଼ି ନା ଜୀସ୍ତୁତା ହାକି ଖାଡ଼େ □

୧୧ ଇଚିହଁ ପାପୁ ପାରୁ ବେଗାଆହ୍ୱାନା ହୁକୁମିଟି ନାଙ୍ଗେ ନାଡ଼ି କିୟାତେ ଇଞ୍ଜାଁ ଏମ୍ବାଟି ନାଙ୍ଗେ ପାୟାତେ
□^୬

୧୨ ଫେରା ସୁଦୁଗାଟାୟି, ଏଦାଣି ହୁକୁମିକା ବାରେ ସୁଦୁ ଗାଟାଲ, ଦାମ୍ବୁଗାଟାୟି ଇଞ୍ଜାଁ ନେହାୟି □

୧୩ ଆତିହଁ, ଏନାୟି ନେହାୟି, ଏଡ଼ି କି ନାଙ୍ଗେ ହାଡ଼ି କିୟାନେ ? ଏଡ଼ି ଏତେଲାଞ୍ଜା ଆଆପେ, ପାପୁଏ
ଏଦାଆଁ କିତେ, ନେହଁ ଫେରାଟି ଲେମ୍ବାନା ପାପୁ ନାଙ୍ଗେ ହାଡ଼ି କିୟାତେ, ଏଦାଆଁ ତଲେ ପାପୁତି ସାତା
ଞ୍ଜାଣା ତଞ୍ଜାଆଡେ, ଏଦାଆଁତାକି ଫେରା ତଲେ ପାପୁ ହାରେକା ଆଜିହସ୍ପେତାୟି ପୁଣ୍ଡିଆତେ □

ମାଣ୍ଡସି ଆଙ୍ଗାତା ମାନି ଗଡ଼ହା

୧୪ ମସାତି ଫେରା ସୁଦୁଜୀସ୍ତୁ ଗାଟାୟି, ଇଦାଆଁ ମୀରୁ ପୁଞ୍ଜାମାନାୟି; ସାମା ନାନୁ ପାପୁତି ଆଙ୍ଗାତା
କଡ଼ିଆଡ଼ି ହଲେଏଣାତେଏଁ □

୧୫ ନାନୁ ଏନାଆଁ କିହିମାଞ୍ଜ, ଏଦାଆଁ ନାନୁ ପୁଞ୍ଜିହିଲଥଁ; ଏନାଆଁ କିହାଲି ନା ଅଣ୍ଡପୁ, ଏଦାଆଁ ନାନୁ
କିଥଁ; ସାମା ଏନାଆଁ ଅପଥଁ, ଏଦାଆଁ କିଞ୍ଜ □^୭

୧୬ ସାମା ଏନାଆଁ ନାନୁ ଅଣ୍ଡପଥଁ, ଏଦାଆଁ କିତିସାରେ, ଆତିହଁ ମସାତି ଫେରା ନେହାୟି ଏଦାଆଁ
ନାନୁ ଜଲିମାଞ୍ଜ □

୧୭ ଏଦାଆଁତାକି ଏ କାମା ସାତେଏ ନାନୁ କିଆନା ନା ବିତ୍ରାମାନି ପାପୁଏ ଏଦାଆଁ କିହିମାନେ □

୧୮ ନାନୁ ପୁଞ୍ଜାମାଞ୍ଜ, ନା ବିତ୍ରା ଇଚିହଁ ମାଣ୍ଡସି ମାଣ୍ଡକିତା ନେହାୟି ଏନାୟି ଜିକେଏ ହିଲେଏ,
ଇଚିହଁ ନେହଁ କାମା କିହାଲି ନାଙ୍ଗେ ଅଣ୍ଡପୁ ମାଚିହଁ ଜିକେଏ ଏଦାଆଁ କିହାଲି ଆଡ଼ଥଁ □

୧୯ ଇଚିହଁ ଏମିନି ନେହଁ କାମା କିହାଲି ନାନୁ ମନ୍ କିଞ୍ଜ, ଏଦାଆଁ କିଥଁ, ସାମା ଏମିନି ଲାଗେଏତି
କାମା କିହାଲି ନାନୁ ମନ୍ କିଥଁ, ଏଦାଆଁ କିଞ୍ଜ □

୨୦ ନାନୁ ଏନାଆଁ ଅଣ୍ଡପି ହିଲଥଁ, ଏଦାଆଁ କିହିମାଞ୍ଜ, ଆତିହଁ ଏଦାଆଁ ନାନୁ ଅଡ଼େ କିଥଁ, ସାମା ନା
ତାଣା ବାସା କିହାମାନି ପାପୁ ଏଦାଆଁ କିନେ □

୫ ୭:୨ ୭:୨ ହାନାୟି ୨୦:୧୭; ଝେ ଫେରା ୫:୨୧ ୬ ୭:୧୧ ୭:୧୧ ମୁଲୁ ୩:୧୩ ୭ ୭:୧୫ ୭:୧୫ ଗାଲ ୫:୧୭ ୮ ୭:୧୫ ୭:୧୫ ମୁଲୁ ୫:୧୭

୨୧ ଏଦାଆଁତାକି ନାନୁ ନେହୁଁ କାମା କିହାଲି ମନ କିହିମାଲ୍, ଏଚିବେଲା ନା ତାଣା ୱାର୍ଜ ଲାଗେଏତାୟି ତଞ୍ଜା ଆହିମାନେ, ଇଦାଆଁ ଦୋରାତା ମେସିମାଲ୍ □

୨୨ ଇଚିହୁଁ ହିୟାତା ଅଣପିନି ମାଣସିଲେହେଁ, ମାହାପୁରୁତି ଦୋରା ମାନି କିହାଲି ନାଜେ ରାହୁଁ,

୨୩ ସାମା ନାନୁ ନା ଆଜ୍ଞାତା ଅର ରଲେତି ଦୋରା ତଞ୍ଜା ଆହିମାନେ, ଏଦି ନା ମନତି ଦୋରା କପାଟି ହୁଜୁ କିହିମାନେ, ଅଡେ ନା ଆଜ୍ଞାତା ଏପିନି ପାପୁତି ଦୋରା ମାନେ, ନାଜେ ଏସାଆଁ ଦସପାନା □

୨୪ ଆୟଡା, କାମା କପଲ ହିଲାଆଗାଟି ମାଣସିତେଏଁ ନାନୁ, ଇ ହାଝିକିନି ଆଜ୍ଞାଟି ନାଜେ ଆସାଆସି ଗେଲ୍ପାନେସି ?

୨୫ ମା ପୁବୁ ଜୀସୁ ଜୀସୁ ତାଣାଟି ଗେଲ୍ପି ଆହାମାନାକି ମାହାପୁରୁଲ୍ ଜହରା ଆପେ □ ଏନାଆଁତାକି ଇଚିହୁଁ ନାନୁଏ ନା ମନତଲେ ମାହାପୁରୁତି ଦୋରାଟି ହଲେଏଣାତେଏଁ, ସାମା ଆଜ୍ଞା ତଲେ ପାପୁ ଦୋରାଟି ହଲିୟା ଆହାମାନେ □

୮

ସୁଦୁଗାଟି ଜୀସୁ

୧ ଆମିନି ଗାଗାରି ଜୀସୁ ଜୀସୁତଲେ ଆଣ୍ଡାନା ନୀତିମାନେରି, ଏଞ୍ଜାରାକି ନୀଏଁ ଏନି ତଣ୍ଡ ହିଲେଏ □

୨ ଇଚିହୁଁ ଜୀସୁ ହିୟାନି ଜୀସୁତି ଦୋରା ଜୀସୁ ଜୀସୁ ତାଣା ଆଣ୍ଡାନା ମିଜେ ପାପୁ ଅଡେ ହାଝିକିନି ଦୋରାଟି ମୁକଲଝି କିହାମାଜ୍ଞାନେ □

୩ ମାଣସିତି ଆଜ୍ଞାତା ବାଡ଼ୁୟ ହିଲାଆକି ମସା ହାହାମାନି ଦୋରା ଏନାଆଁ କିହାଲି ଆଡାଆତେ, ମାହାପୁରୁ ଏଦାଆଁ ତାନି ମାରୁଏଣାଲ୍ ପାପୁଗାଟି ମାଣସିଲେହେଁ ପାପୁଲ୍ ନାସା କିହାଲି ପାଣ୍ଡାନା ଆଜ୍ଞାଟି ପାପୁତି ତଣ୍ଡ ହାହାଲି କିତେସି □

୪ ଏଦାଆଁତାକି ମାର ମାଣସିତି ମାଣକିତା ମାନାଆନା ସୁଦୁଜୀସୁତି ମାଣକିତା ମାଜ୍ଞାନା ଇଞ୍ଜା ଇଦାଆଁ ତଲେ ମାର ଦୋରାଟି ପାଣାପାପୁ ମାନି କିହିମାନାୟି □

୫ ଆମିନି ଗାଗାରି ଆଜ୍ଞାଟି ମାଣକି ତଲେ ନୀତିନାରି ଏଞ୍ଜାରି ଆଜ୍ଞାଟି ମାଣକିତି କାତାତା ମନ ହୀନେରି, ସାମା ଆମିନି ଗାଗାରି ସୁଦୁଜୀସୁତି ମାଣକି ତଲେ ନୀତିନେରି, ଏଞ୍ଜାରି ହିୟାଁ ସୁଦୁଜୀସୁତି କାତାତା ମନ ହୀନେରି □

୬ ଇଚିହୁଁ ଆଜ୍ଞାଟି ମାଣକିତି ମନ ହାଝିକିନେ; ସାମା ସୁଦୁଜୀସୁତି ମାଣକିତି ମନ ଜୀସୁ ଇଞ୍ଜା ହିଡ଼ି ହିୟାନେ □

୭ ଇଚିହୁଁ ଆଜ୍ଞାଟି ମନତଲେ ନୀତିନାସି ମାହାପୁରୁ କପାଟି ସାତୁ ଆନେସି; ଇଚିହୁଁ ଏଞ୍ଜାରି ମାହାପୁରୁ ଦୋରାଟି ମାନି କିଅସି; ଇଞ୍ଜା ଏଞ୍ଜାସି ମାନଝି ଆହାଲି ଆଡ଼ଅସି □

୮ ଆମିନି ଗାଗାରି ଆଜ୍ଞାଟି ମାଣକି ତଲେ କାମା କିନେରି, ଏଞ୍ଜାରି ମାହାପୁରୁଲ୍ ରାହୁଁ କିହାଲି ଆଡ଼ଅରି □

୯ ମାହାପୁରୁତି ସୁଦୁଜୀସୁ ସାତା ତଲେ ମୀ ତାଣା ମାଟିସାରେ, ମୀରୁ ଅଡେ ଆଜ୍ଞାଟି ମାଣକି ଲେହେଁ ନୀତଅଡେରି, ସାମା ସୁଦୁଜୀସୁତି ହୁକୁମି ମାନି କିହିମାଞ୍ଜେରି □ ଜୀସୁତି ଜୀସୁ ଆସାଆରି ତାଣା ହିଲେଏ, ଏଞ୍ଜାସି ଏଚେଲା ଜିକେଏ ଏଞ୍ଜାଣି ଲକୁ ଆହାଲି ଆଡ଼ଅସି □

୧୦ ସାମା ଜୀସୁ ମୀ ତାଣା ମାଟିସାରେ, ମୀ ଆଜ୍ଞା ପାପୁ ତାକି ନାସା ଆହାଲି ହାଜିମାଟିହୁଁ ଜିକେଏ, ସୁଦୁଜୀସୁ ମିଜେ ଜୀସୁ ହାୟାନେ, ଏନାଆଁତାକି ଇଚିହୁଁ ମାହାପୁରୁ ନକିତା ମୀରୁ ଦାମୁଗାଗାତେରି ଆହାମାଞ୍ଜେରି □

୧୧ ଏସାଆସି ହାଡ଼ାରି ତାଣାଟି ଜୀସୁଲ୍ ନିକହେସି, ଏଞ୍ଜାଣି ଜୀସୁ ମୀ ତାଣା ମାଟିସାରେ, ଆତିହୁଁ ଆସାଆସି ହାଡ଼ାରି ତାଣାଟି ଜୀସୁ ଜୀସୁଲ୍ ନିକହେସି, ଏଞ୍ଜାସି ମୀ ତାଣା ମାନି ତାନି ଜୀସୁତଲେ ମୀ ହାଡ଼ି ଆଜ୍ଞାଟି ଜିକେଏ ନୀଟନେସି □

୧୨ ଏଦାଆଁତାକି, ତାୟି ତାଜିସ୍ତାତେରି, ମାର ରାଣାଗାଗାତାୟି, ସାମା ଆଜ୍ଞାଟି ମାଣକି ତଲେ ନୀତାଲି ଆଏ □

୧୩ ଇଚିହୁଁ ଆଜ୍ଞାଟି ମାଣକି ତଲେ ମୀରୁ ନୀତିଦେରି, ଆତିହୁଁ ସାତେଏ ହାଡେରି, ସାମା ସୁଦୁଜୀସୁତି ସାଝେମି ତଲେ ଆଜ୍ଞାଟି କାମା ବାରେ ନାସା କିଦେରି, ଆତିହୁଁ ନୀତିଦେରି □

୧୪ ଆମିନି ଗାଗାରି ମାହାପୁରୁତି ସୁଦୁଜୀସୁ ତଲେ ତାକିନେରି, ଏଞ୍ଜାରି ମାହାପୁରୁତି ମୀରକା □

୧୫ **ଇତିହାସଂ ମୀରୁ ଖେଣ୍ଡେ ଆଜାଲି ହଲିୟାଜାତି ଜୀଝୁ ବେଗାଆହା ହିଲଅତେରି, ସାମା ମୀରୁଏଣାତି ଜୀଝୁ ବେଗାଆହାମାଖେରି; ଏମ୍ବାତି ମୀରୁ “ଆବା ତାଞ୍ଜି” ଇଞ୍ଜି ହାଡ଼ିମାନାୟି □

୧୬ ମୀରୁ ମାହାପୁରୁତି ମୀରୁକା ମାସ୍ତକା ଇଞ୍ଜି ଏ ଜୀଝୁଏ ମା ଜୀଝୁତଲେ ଆଣ୍ଡାମା ସାକି ହାହିମାନେ □

୧୭ ଏନାଆଁତାକି ଇତିହାସଂ ମୀରୁ ମାହାପୁରୁତି ମୀରୁକା ମାସ୍ତକାତାୟି, ତାନି ଲକ୍ଷ୍ମତାକି ଲଡ଼ାମାନି ବରୁତି ବାଗା ପାଣ୍ଡନାୟି, ଇଞ୍ଜି କ୍ରୀସ୍ତ ତଲେ ଗାଝୁରମି ବେଗାଆହାଲି ମୀରୁ ଜିକେଏ ଏଞ୍ଜାଣିତଲେ ଦୁକୁ କସ୍ତ ପାଣ୍ଡନାୟି ମାନେ, ଆତିହାସଂ ମାହାପୁରୁତି ବରୁତି ବାଗା ଅଡ଼େ କ୍ରୀସ୍ତ ତଲେ ବାଗାତା ଆଣ୍ଡାଲି ଆଡ଼ିନାୟି □

ଝାହିମାନି ଗାଝୁରମି

୧୮ ଅଣ୍ଡାପାଦୁ, ଆମିନି ଗାଝୁରମିତା ଝାହିମାନି ଦିନାତା ମୀରୁ ଏଗାହାନାୟି, ଏଦାଆଁ କିହାଁ ନୀଏଁତି ଦୁକୁ କାକୁଲି ଇଚାୟି ଜିକେଏ ଆଏ, ଏତିବେଲାତା ମାହାପୁରୁ ତାନି ମୀରୁକା ମାସ୍ତକାଣି ତହ୍ନେସି □

୧୯ ମାହାପୁରୁ ତାନି ମୀରୁକା ମାସ୍ତକାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡ଼ାୟି କାପୁ କାଡ଼ାମାନେ □

୨୦ ଏନାଆଁତାକି ଇତିହାସଂ ଗାଡ଼ିଆଡ଼ାୟି ମାହାପୁରୁ ତାଣ୍ଡାତି ବାକା ବେଗାଆହାନା ତାନି ଏଗାହାନି ଚାୟୁ ବାଣା ଆହାମାନେ □ ଆଡ଼ିଜିକେଏ ତାନି ଆସା ମାନେ,

୨୧ ଅଡ଼େ ଏଦି ବାସୁଁ ବେଗାଆଡ଼େ, ଇଞ୍ଜି ଗାଡ଼ି ଆଡ଼ାୟି ତାନ୍ତୁଏ ଜିକେଏ ମାହାପୁରୁତି ମୀରୁକା ଗାଝୁରମି ତାକି ପିସ୍ତି ଆହାଲିତାକି ନାସା ଆନି ହଲିୟାତି ପିସ୍ତି ଆନେ

୨୨ ସାମା ନୀଏଁ ପାତେକା ବାରେ ଦାରୁତି ଜାନି କିନି ବୀସା ତଲେ କସ୍ତ ପାଣ୍ଡନି ଲେହେଁ କସ୍ତ ତାକି ତାହିମାନେ □

୨୩ *ସାମା ମୀରୁ ମୁଲୁତି ପାଡ଼େୟି ଲେହେଁ ସୁଦୁଜୀଝୁତି ବେଗାଆହାମାନାୟି, ଆତିହାସଂ ଜିକେଏ ମୀରୁ ମାହାପୁରୁତି ମୀରୁକା ଇତିହାସଂ ଜାହା ଜାହାରା ଆଜାତି ବାରେଜାଣା ଗେଲ୍ପି ଆୟାଲିତାକି କାପୁ କାଡ଼ାମା ମା ହିୟାତା ତାହି ମାନାୟି □

୨୪ ଏନାଆଁତାକି ଇତିହାସଂ ବାସୁଁତି ମୀରୁ ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏନାଆଁତାକି ବାସୁଁ ଇତିନାୟି ଏଦି ସାତାତି ବାସୁଁ ଆଏ, ଇତିହାସଂ ଏନାଆଁ ମେସିମାନାୟି ଏନାଆଁତାକି ଏନାଆଁତାକି ବାସୁଁ ଇତିନାୟି ?

୨୫ ସାମା ମୀରୁ ଏନାଆଁ ମେସି ହିଲଆୟି ଏନାଆଁତାକି ବାସୁଁ ଇତିନାୟି, ଆତିହାସଂ ମାଜେ ସାସାତଲେ କାପୁ କାଝିଆନାୟି ମାନେ □

୨୬ ମୀରୁ ବାଡ଼ୁୟି ହିଲଆଗାଗାତାୟି, ସାମା ସୁଦୁଜୀଝୁ ମାଜା ସାୟେମି କିୟାନେ; ଏନିକିହାଁ ପ୍ରାତାନା କିନାୟି, ଏନାଆଁ ମୀରୁ ପୁଞ୍ଜାହିଲଆୟି, ଏନାଆଁତାକି ସୁଦୁଜୀଝୁ ଜଲିନି ହାଡ଼ାତଲେ ମା ତାକି ମାହାପୁରୁଇଁ ଗହାରା କିନେ;

୨୭ ଆମ୍ବାଆସି ମା ହିୟାଁ ବିତ୍ରା ମାନାଣି ପୁନେସି, ଏଞ୍ଜାସି ସୁଦୁଜୀଝୁତି ଅଣ୍ଡାପୁ ଏନାୟି ଏନାଆଁ ପୁନେସି, ଇତିହାସଂ ଏଞ୍ଜାସି ମାହାପୁରୁତି ଅଣ୍ଡାପୁ ତଲେ ମାହାପୁରୁ ଲକ୍ଷ୍ମତାକି ଗହାରା କିନେସି □

୨୮ ମୀରୁ ପୁଞ୍ଜାମାନାୟି, ଆମିନି ଗାଗାରି ମାହାପୁରୁଇଁ ଜୀଝୁ ନଡ଼େରି ଇଞ୍ଜି ମାହାପୁରୁତି ଲଡ଼ା ତାକି ବାତି କିଝି ଆହାମାନେରି, ଏଞ୍ଜାରାକି ବାରେ ନେହାୟି ଆନେ □

୨୯ ଆମ୍ବାଆରାଇଁ ମାହାପୁରୁ ହାଡ଼ାମାନେସି, ଏଞ୍ଜାରାକି ତାନି ମୀରୁଏଣା ଝାଣା ଲେହେଁ ଆହାଲି ତଲିଟିଏ ତାରି କିହାମାନେସି, ଆତିହାସଂ ମାହାପୁରୁତି ମୀରୁଏସି, ଏନିକିହାଁ ଏଞ୍ଜାସି ହାଡ଼େକା ତାୟି ତାଜିୟା କିହାଁ ମୁଲୁ ଜାନାଁ ଆଡ଼ାସି ଆନେସି □

୩୦ ଆମ୍ବାଆରାଇଁ ନଡ଼େଏ ଆଡ଼ାମାତେସି, ଏଞ୍ଜାରାଇଁ ଏଞ୍ଜାସି ହାଡ଼ିତେସି, ଏଞ୍ଜାରି ମାହାପୁରୁ ନକିତା ଦାମ୍ବାଗାଗାରି ଇଞ୍ଜି ତଞ୍ଜି କିତେସି, ଅଡ଼େ ଆମିନି ଗାଗାରାଇଁ ଦାମ୍ବାଗାଗାରି ଇଞ୍ଜି ତଞ୍ଜି କିତେସି ଏଞ୍ଜାରାଇଁ ଜିକେଏ ଏଞ୍ଜାସି ଗାଝୁରମି କିତେସି □

ମାହାପୁରୁତି ଜୀଝୁନନାୟି

୩୧ ଆତିହ୍ ଇ ବାରେତି ମେସାନା ମାର ଏନାଆଁ ଇନାୟି ? ମାହାପୁରୁ ମା ୱାକି ମାତିସାରେ, ଆମ୍ବାଆସି ମା କପାତଲେ ନିଜନେସି ?

୩୨ ଆମ୍ବାଆସି ତାନି ମୀରୁଏଶାଲ୍ ଜିକେଏ ଗେଲୁପାଆତେସି, ସାମା ମା ବାରେତାକି ଏଞ୍ଜାଣାଲ୍ ହେରୁପିତେସି, ଏଞ୍ଜାସି ଏନିକ୍ ଏଞ୍ଜାଣିତଲେ ମାଜେ ଜିକେଏ ବାରେ କାମାତି ଦାନା ହିୟଅସିକି ?

୩୩ ମାହାପୁରୁ ହାଟାମାନି ଲକୁ କପାତଲେ ଆମ୍ବାଆସି ଦହ୍ ଦସାଲି ଆଡିନେସି ? ଏଞ୍ଜାରି ଦହ୍ ହିଲାଆ ଗାଟାରି ଇଞ୍ଜି ମାହାପୁରୁ ତାନୁଏ ଝେକହା ମାନେସି □

୩୪ ଆମ୍ବାଆସି ଡଣ୍ଡ ହାନେସି ? କ୍ରୀସ୍ତ ଜୀସୁ ହାଡାରି ତାଣାଟି ଝେଣ୍ଡେ ନିଜ୍ଜାନା ମାହାପୁରୁଟି ଚିଃନି ଚଟତା ମାଞ୍ଜାନା ମାଜେତାକି ଗହାରା କିହିମାନେସି □

୩୫ ଆତିହ୍ ଆମ୍ବାଆସି ମାଜେ କ୍ରୀସ୍ତୁଟି ଜୀସୁ ନନି ତାଣାଟି ଏଟ୍ଟକା କିୟାନେସି ? ଦୁକୁ, କସ୍ତ, କାକୁଲି କି କାଡାରା, ହାକି, ଏସ୍ତକି, ସନି କି କାଣ୍ଡା, ଏନାୟି ଜିକେଏ ଏଦାଆଁ କିହାଲି ଆଡେତଏ □

୩୬ ସାଡସ୍ତରତା ରାସ୍ତକି ଆହାମାନେ;
“ମିଜେ ତାକି ମାମ୍ବୁ ବାରେଦିନା ହାକିତି ନକିତା,
ହାହାଲି ହାଜିମାନି ମେଣ୍ଡା ଲେହେଁ ମାମ୍ବୁ ତୁଞ୍ଜା ଆହିମାନମି □”

୩୭ ଆଡିଜିକେଏ ଆମ୍ବାଆସି ମାଜେ ଜୀସୁ ନୟାଁତେସି, ଏଞ୍ଜାଣି ସାଡୟନି ତଲେ ମାର ଇ ବାରେତି ଲାକ ଜୀଣା ଆହାମାନାୟି □

୩୮ ନାନୁ ସାତେଏ ନେହ୍ କି ପୁଞ୍ଜାମାଲ୍ ତାନି ଜୀସୁ ନନି ତାଣାଟି ମାର ଏରେଲା ଜିକେଏ ଏଟ୍ଟକା ଆଆୟି, ହାକି କି ଜୀସୁ, ଲାକପୁରୁଟି ଦୁଡୁୟାଁ କି ସାଲ୍ଡି କିହିମାନାକି କି ବାଡୁୟୁ ଗାଟାକ, ନୀଏଁ କି ୱାନି ଦିନା କି ଏନି ବାଡୁୟୁ,

୩୯ ଲାକପୁରୁଟି କାତା କି ଡ଼ଇପୁରୁଟି କାତା ଏନାୟି ଜିକେଏ; ବାରେ ଗାଡ଼ିଆଡି ଦିଶସୁ ପ୍ରବୁ କ୍ରୀସ୍ତ ଜୀସୁ ତାଣାଟି ତୁଞ୍ଜାଆହାମାନି ମାହାପୁରୁଟି ଜୀସୁ ନନି ତାଣାଟି ମାଜେ ଏଟ୍ଟକା କିୟାନେ □



ମାହାପୁରୁ ଅଡେ ତାନି ଲକୁ

୧ ନାନୁ କ୍ରୀସ୍ତୁଟି ଲକୁ ଆହାମାନାକି ସାତା ଝେସିମାଲ୍, ମିତି ଝେସିହିଲଅଁ □ ସୁଦୁଜୀସୁଟି ସେଡନା ହୀନାଣି ତଲେ ନା ଅଣପୁ ଇଦାଣିତି ସାକି □

୨ ନାନୁ ଏରେକା ଦୁକୁ ଅଡେ କସ୍ତତଲେ ନା ହିୟାତା ଏରେକା ବକୁ ଆହାମାନେ, ଇଦାଆଁ ନାଡ଼ିକିହାଁ ଝେସିହିଲଅଁ □

୩ ନା ଜାହାରା କୁଡାତି ତାୟିୟାକି ନାନୁ କ୍ରୀସ୍ତ ତାଣାଟି ଏଟ୍ଟକା ଆହାନା ମାହାପୁରୁ ତାଣାଟି ବାକା ବେଟାଆହାଲି ନା ଅଣପୁ, ଇତିହ୍ ଏଞ୍ଜାରି ମାହାପୁରୁଟି ଲକୁ □

୪ ଏନାଆଁତାକି ଇତିହ୍ ଏଞ୍ଜାରି ଇସ୍ତାୟେଲ ଲକୁ; ତାନି ମୀରୁକା ଲେହେଁ ଆବାନା ଏଞ୍ଜାରି ନକିତା ତାନି ଗାଞ୍ଜୁରନି ତସାମାରେସି; ଏଞ୍ଜାରିତଲେ ରାଜିମାନା ଆହାନା ଏଞ୍ଜାରାକି ମୋରା ହାହାମାରେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୁରୁ ତାଣାଟି ଆଞ୍ଜାମାନାଣି ବେଟାଆହାମାନେରି;

୫ ଏଞ୍ଜାରି ବାରେଜାଣା ଝେଜାମାନି ଆକୁ ଆବାୟାଁତି ମୀରୁକା ଇଞ୍ଜା ମାଣସି ୱାଣାଟି କ୍ରୀସ୍ତ ଏଞ୍ଜାରି ତାଣାଟି ଜାନାଁ ଆହାମାରେସି; ବାରେ ଅଦିକାରାଗାଟି ମାହାପୁରୁକି କାଲ୍ଲାକାଲ୍ଲାତାକି ଜହରା ଆଡେ □ ଆଡେନ □

୬ ମାହାପୁରୁଟି ବଲ୍ଲୁ ଉଜେଏ ଆହାମାନେ ଇଞ୍ଜି ନାନୁ ଝେସିହିଲଅଁ, ଇତିହ୍ ଇସ୍ତାୟେଲ କୁଡାତି ବାରେ ଲକୁ ମାହାପୁରୁଟି ଲକୁ ଆଏ,

୭ ଅବ୍ରାହାମ କୁଡାତି ବାରେ ଲକୁ ମାହାପୁରୁ ମୀରୁକା ମାସ୍ତା ଏଡି ଆଏ; ମାହାପୁରୁ ଅବ୍ରାହାମଲ୍ ଝେସାମାରେସି, “ଇସାହାକ ତାଣାଟି ନୀ କୁଡା ଝେଜିନେରି □”

୮ ଇଦାଣି କାତା ଇଦି, ମାଣସି ମୀରୁକା ମାସ୍ତା ମାହାପୁରୁ ମୀରୁକା ମାସ୍ତା ଆହାଲି ଆଡଅରି, ମାହାପୁରୁଟି ଆଞ୍ଜାମାନି ଲେହେଁ ଜାନାଁ ଆହାମାନି ମୀରୁକା ମାସ୍ତା ମାହାପୁରୁ ନକିତା ସାତା ମୀରୁକା ମାସ୍ତା ଲେହେଁ ଆନେରି □

୯ ମାହାପୁରୁ ଇଦାଆଁ ଆଞ୍ଜାମାରେସି, “ଇ କାଲ୍ଲମିତା ମାମ୍ବୁ ଝେଣ୍ଡେ ୱାନମି, ଏତିବେଲାତା ସାରା ର ମୀରୁଏଶାଲ୍ ଜାନାଁ କିହାମାଣମିନେ □”

୧୦ ଅତ୍ତେ ଝାରୁଇ ଏଚେକା ଆଏ, ରିବିକାନି ତାଣା ଜିକେଏ ଜାଣ୍ଡା ମୀରୁକା ର ତାଞ୍ଜି ଇସାହାକ ତାଣାଟି ଜାର୍ନା ଆହାମାଚେରି,

୧୧ ଏଝାରି ଜାର୍ନା ଆନି ନଚେଏ, ଅତ୍ତେ ଏଝାରି ନେହାଣି ଲାଗେଏତାଣି କିନି ନଚେଏ, ଇଝାରି ବିତ୍ରାଟି ରଅସି ମାହାପୁରୁ ଲଡ଼ା ତାକି ବାଟି କିଞ୍ଚିଆଡ଼େସି,

୧୨ ରିବିକାଇ ମାହାପୁରୁ ଏଲେଇଞ୍ଜାମାଚେସି, “କାଜା ତାୟି ଉଣା ତାୟିତି ସେବା କିନେସି □” ମାହାପୁରୁ ଏଦାଆଁ ଝେସାମାଚେସି ଏଝାରି କାମା କିତି ତାଣାଟି ଆଏ, ଝାରୁଇ ମାହାପୁରୁ ଆଡ଼ିତାକି ଏଝାରି ହାଟୁକି ଆଡ଼େରି □

୧୩ ସାତ୍ତେରିତା ରାସ୍ତିକି ଆହାମାନେ, “ନାନୁ ଜାକୁବଇଁ ଜୀଝୁ ନଚେଏ, ସାମା ଏସାଝୁଇଁ ଅପାଆଡ଼େଏଁ □”

୧୪ ଆତିହଁ ଏଦାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଦି ଏଚେଲା ଜିକେଏ ଆଆପେ □

୧୫ ଏଦାଆଁତାକି ମସାଇଁ ଏଲେଇଚେସି, “ଆମ୍ବାଆରାଇଁ ନା କାର୍ମା ଆନାୟି ମାନେ ଏଝାଣାଇଁ କାର୍ମା ଆଇଁ, ଆମ୍ବାଆରାଇଁ ସାତ୍ତେମି କିନାୟିମାନେ ଏଝାଣାଇଁ ନାନୁ ସାତ୍ତେମି କିଇଁ □”

୧୬ ଏଦାଆଁତାକି ଆମ୍ବାଆସି ମନ କିନେସି, ଆଆତଁ ଆମ୍ବାଆସି ପାରିନାସି କି କିନାସି, ଏଝାଣି ତାଣାଟି ଏନାୟି ଆହାଲି ଆଡେଏ, ସାମା କାର୍ମାମେହନି ମାହାପୁରୁ ତାଣାଟି ଆନେ □

୧୭ ଦାମ୍ବୁ ସାତ୍ତେରିତା ରାସ୍ତିକି ଆହାମାନି ଲେହେଁ, ମାହାପୁରୁ ମିସରତି ରାଜା ପାରୁଇଁ ଏଲେଇଚେସି, “ନୀ ତାଣାଟି ନା ବାଡ଼ୁଡୁ ତସାଲି ଇଞ୍ଜା ବାରେ ଦାରୁତିତା ନା ଗାଝୁରମି ତସାଲି ତାକି ନାନୁ ନିଜେ ରାଜା କିହାମାଞ୍ଜାଇଁ □”

୧୮ ଏଦାଆଁତାକି ମାହାପୁରୁଟି ଅଣ୍ଡୁ ଲେହେଁ ଆମ୍ବାଆରାଇଁ କାର୍ମା ମେହନେସି ଇଞ୍ଜା ଆମ୍ବାଆରାଇଁ ଆଟୁଝା ହିୟାଁ କିନେସି □

ମାହାପୁରୁଟି କାରୁବି ଇଞ୍ଜା କାର୍ମାମେହନାୟି

୧୯ ଏମ୍ବାଟିଏ ନୀନୁ ନାଜେ ଏଲେଇଞ୍ଜାଦି, “ମାହାପୁରୁ ଏଦାଆଁତାକି ଦହ ଆହନେସି ? ଆମ୍ବାଆସି ମାହାପୁରୁଟି କପାତଲେ ଏଦାଆଁ କିହାଲି ଆଡ଼ିମାନେସି ?”

୨୦ ସାମା ଏ ସୟି, ନୀନୁ ଆମ୍ବାଆତି, ମାହାପୁରୁଇଁ ଝେଣ୍ଡେ ଝେସାଲି ନିଜେ ସାସା ମାନେକି, ଗାଡ଼ି ଆଡ଼ି ଆସି ଗାଡ଼ି କିତାଣାଇଁ “ନାଜେ ଏଦାଆଁତାକି ଇଲେକଁ ଗାଡ଼ି କିୟାତି ଇଞ୍ଜା ଏଲେଇଞ୍ଜାଲି ଆଡ଼ିନେ କି ?”

୨୧ ର ଇର୍ଆ ତେପଲାଟି ଜାହାରା ଇଟା ତଲେ ତ:କା କେପାଲି କୁମ୍ବେ ଏଣାକି ବାରେ ଅଦିକାରା ମାନେ, ରଣ୍ଡାଆଁ ବାରେ କାମାତି ଦିନାତା ଲେମ୍ବାଲି ଅତ୍ତେ ରଣ୍ଡାଆଁ ଉଜେଏ ଦିନାତା ଲେମ୍ବାଲି ତାକି □

୨୨ ମାହାପୁରୁ ଜିକେଏ ଏଲେକଁ କିହାମାନେସି, ତାନି କାରୁବି ତସାଲି ଇଞ୍ଜା ବାଡ଼ୁଡୁଟି ପୁଣ୍ଡା କିହାଲି ଅଣ୍ଡିମାଚେସି, ସାମା ଆନିନି ଗାଟାରି ଏଝାଣି କପାତଲେ ନାସା ଆନାୟି ମାଚେ, ଏଝାରି ତାକି ମାହାପୁରୁ ହାଚେକା କାର୍ମା ଆହାମା ଅରହା ମାନେସି □

୨୩ ଅତ୍ତେ ଗାଝୁରମି ତାକି ତାନିତାଣାଟି ନଚେଏ ଆହାମାନି ସାତ୍ତେମିତି ଲକୁ ମାରୁ ଇତିହଁ, ମା ତାଣା ତାନି ଗାଝୁରମିତି ଦନ ତସାଲି କିହାମାନେସି, ଆତିହଁ ନୀନୁ ଏଦାଆଁ ଇଞ୍ଜା ?

୨୪ ଏଦାଆଁତାକି ଏଝାସି ଝାରୁଇ ଜୀହୁଦି ଲକୁ ତାଣାଟି ମାଜେ ହାଟା ମାଞ୍ଜାସି, ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଜେ ହାଟାମାଞ୍ଜାନେସି,

୨୫ ଇ କାତାତି ହସେୟ ପତିତା ମାହାପୁରୁ ଝେସାମାନେସି; “ଆମ୍ବାଆରି ମା ଲକୁ ହିଲାଆଡେରି, ଏଝାରାଇଁ ‘ମା ଲକୁ’ ଲେହେଁ ହାଟା କଡ଼ିତମି; ଆମିନି କୁଡ଼ାତାରାଇଁ ଜୀଝୁ ନହାଁ ହିଲାଆତମି ଏଝାରାଇଁ ମା ‘ଜୀଝୁତି ଲକୁ’ ଇଚମି,

୨୬ ଆମିନି ଚାୟୁତା ଏଝାରାଇଁ ଝେସାମାଚମି, ‘ମୀରୁ ମା ଲକୁ ଆଏ’ ଏମ୍ବାଆଁ ଏଝାରି ଜୀଝୁଗାଟି ମାହାପୁରୁଟି ମୀରୁକା ଇଞ୍ଜା ଝେଜିନେରି □”

୨୭ ଇଞ୍ଜା ଇସାୟେଲି ଲକୁଟି କାତା ଜିସାୟ କାଜା ଗିୟାତଲେ ଝେସାମାନେସି, “ଇସାୟେଲିଟି ଲକୁ ସାମ୍ବୁରିତି ଏଜିକିହାଲି ଆଡ଼ାଆଗାଟି ବାଃଲି ଲେହେଁ ଆତିହଁ ଜିକେଏ, ଏଝାରି ବିତ୍ରାଟି ଏଚର ଜାଣାଦେଁ ଗେଲ୍ପି ଆନେରି;

୨୮ ଏଦାଆଁତାକି ଇତିହଁ ପ୍ରବୁ ତବେ ଦାରୁତିତା ବାରେ ନୀହାୟି ବିଚାରା କିନେସି □”

୨୯ ଏନିକିହୁଁ ଜିସାୟ ତଲିଏ ଅଡ଼େ ଝେସାମାତେସି, “ବାରେ ବାଡ଼ୁୟୁ ଗାଟି ପ୍ରବୁ ଏଚେକା ମା କୁଡ଼ାତି ଲକୁଣି ଗେଲ୍‌ପାଆଡ଼ିମାଁ, ସଦମ ଅଡ଼େ ଗମରାତି ଲକୁଲେହେଁ ମାଜେ ଜିକେଏ ଆୟାତେମା ।”

ପାଞ୍ଚୁଲ ଇସ୍ରାୟେଲ ତାକି ପ୍ରାତାନା

୩୦ ଏଦାଆଁତାକି ଜାହୁଦିଆଆତି ଲକୁଡ଼ି କାତାତା ଇଲେ ଇଞ୍ଜାଲି ଆଡ଼ିନାୟି, ଏଞ୍ଜାରି ଦାମ୍ବୁଗାଟାରି ଆହାଲି ଅଣ୍ଡିପି ହିଲ୍‌ଆତେରି, ସାମା ଏଞ୍ଜାରି ନାମୁ ତାକି ଦାମ୍ବୁଗାଟାରି ଆଡ଼େରି ।

୩୧ ସାମା ଇସ୍ରାୟେଲ ଲକୁ ଦାମ୍ବୁଗାଟାରି ଆହାଲି ଅଣ୍ଡିପାନା ମେରା ତଲେ ଦାମ୍ବୁଗାଟାରି ଆହାଲି ଆଡ଼ାଆତେରି ।

୩୨ ଏଦାଆଁତାକି ଇତିହୁଁ ଏଞ୍ଜାରି ନାମୁତଲେ ଏଦାଆଁ ପାଆଆନା, କାମା ତଲେ ପାରିମାତେରି । ଏଦାଆଁତାକି ଏଞ୍ଜାରି ଆଜ୍ଞାମାନି ଖାଲିତା ପୁଟି କିହାନା ତରରିତେରି ।

୩୩ ସାସ୍ତେରିତା ରାସ୍‌କି ଆହାମାନେ;
“ସିନିକିପୁ, ମାମୁ ସିୟନତା ର ପୁଟିକିନି କଟା ଖାଲି
ଇଞ୍ଜା ଆଜ୍ଞାନି ପାକା ଖାଲି କେପାମାନମି,
ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା ବେଟାଆଅସି ।”

୧୦

୧ ଏ ତାୟି ତାଜିସ୍ତାତେରି, ମା ଲକୁ ଏନିକିହୁଁ ଗେଲ୍‌ପି ଆନେରି, ଏଡ଼ି ନା ହିୟାଁତି ଅଣ୍ଡିପୁ, ଇଞ୍ଜା ଏଞ୍ଜାରି ତାକି ମାହାପୁରୁ ତାଣା ରଣ୍ଡିଏ ଅଣ୍ଡିପୁ ତଲେ ନା ପ୍ରାତାନା ।

୨ ଇତିହୁଁ ମାହାପୁରୁ ସେବା କିହାଲି ଏଞ୍ଜାରାକି ହାଡ଼େକା ମନ ଅଡ଼େ ରାହାଁ ମାନେ, ଇଦାଆଁ ନାନୁ ଏଞ୍ଜାରି ଖାକିଟି ଝେସିମାଜ୍, ସାମା ଏ ମନ ଅଡ଼େ ରାହାଁ ବୁଦିଗାଟାୟି ଆଏ ।

୩ ମାହାପୁରୁ ହାଟି ଦାମ୍ବୁତି ଜିରୁ ପୁନାଆନା ଜାହାରା ତାରି କିହାମାନି ଦାମ୍ବୁତି ଜିରୁଟି ତାକାନା ମାହାପୁରୁ ହାଟି ଦାମ୍ବୁତି ଜିରୁ ଆସିହଲଅରି ।

୪ କ୍ରୀସ୍ତ ମେରାତି ରାପ୍‌ନାସି, ଖାଡ଼ଇ ଏଞ୍ଜାଣି ତାଣା ନାମିସାରେ ମାଣସି ମାହାପୁରୁ ନକିତା ଦାମ୍ବୁଗାଟାସି ଆନେସି ।

ବାରେ ଜାଣାକି ଗେଲ୍‌ପି ଆନାୟି

୫ ମସା ରାତାମାନେସି, “ଆମିନି ମାଣସି ମେରା ମାନି କିହାନା ଦାମ୍ବୁଗାଟାସି ଆନେସି, ଏଞ୍ଜାସି ଏମ୍ବାଟି ନୀତିନେସି ।”

୬ ସାମା ନାମୁତଲେ ଦାମ୍ବୁ ଗାଟାତାୟି ଆନାୟି ଇଞ୍ଜା ସାସ୍ତେରିତା ରାସ୍‌କି ଆହାମାନେ, “କ୍ରୀସ୍ତଇଁ ରେପୁହା ତାଗାଲି ତାକି ଆମ୍ବାଆସି ଲାକପୁରୁ ହାଜାଲି ଆଡ଼ିନେସି ?” ମୀରୁ ଇ କାତା ଏଲେଇନାଆଦୁ ।

୭ ଇଞ୍ଜା “କ୍ରୀସ୍ତଇଁ ହାଡ଼ାରି ତାଣାଟି ନିକହା ତାଗାଲି, ଆମ୍ବାଆସି ତାଡ଼େପୁରୁ ହାନେସି ? ଇ କାତା ଜିକେଏ ମୀରୁ ଏଲେଇନାଆଦୁ ।”

୮ ଏଦାଆଁତାକି ଇତିହୁଁ ସାସ୍ତେରିତା ରାସ୍‌କି ଆହାମାନି ଲେହେଁ, “ମାହାପୁରୁଟି ବଲୁ ମୀ ତାଣା ମାନେ, ଅଡ଼େ ମୀ ଗୁଡ଼ି ଇଞ୍ଜା ହିୟାଁତା ମାନେ, ଆମିନି ନାମୁତି ବଲୁ ମାମୁ ଝେକ୍‌କହି ମାନମି, ଏ ବଲୁ ।”

୯ ମୀରୁ ଜୀସୁଇଁ ଗୁଡ଼ି ତଲେ ପ୍ରବୁ ଇଞ୍ଜା ଜଲିଦେରି, ଇଞ୍ଜା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣାଟି ନିକହାମାନେସି ଇଞ୍ଜା ହିୟାଁ ତଲେ ନାମିସାରେ, ଆତିହୁଁ ମୀରୁ ଗେଲ୍‌ପି ଆଦେରି;

୧୦ ଇତିହୁଁ ଦାମ୍ବୁଗାଟି ଲକୁ ଆହାଲି ମାଣସି ହିୟାଁ ତଲେ ନାମିନେସି, ଇଞ୍ଜା ଗେଲ୍‌ପି ଆହାଲି ଗୁଡ଼ି ତଲେ ଜଲିନେସି ।

୧୧ ଦାମ୍ବୁ ସାସ୍ତେରିତା ରାସ୍‌କି ଆହାମାନେ, “ଆମ୍ବାଆସି ଜିକେଏ ତାନି ତାଣା ନାମିନେସି, ଏଞ୍ଜାସି ଲାଜା ବେଟାଆଅସି ।”

୧୨ ଜୀହୁଦି ଇଞ୍ଜା ଜୀହୁଦିଆଆତାରି ବିଡ଼ା ପାରଡ଼ା ବାଟି କିନାୟି ହିଲେଏ; ବାରେଜାଣା ତାକି ରଣ୍ଡିଏ ପ୍ରବୁ, ଏଚେକା ଲକୁ ଏଞ୍ଜାଣି ତାଣା ପ୍ରାତାନା କିନେରି, ବାରେ ଜାଣାକି ଏ କାମାମେହନାୟି ଆନେ ।

୧୩ “ଆମ୍ବାଆସି ପ୍ରବୁଟି ଦରୁ ଆସାନା ପ୍ରାତାନା କିନେସି, ଏଞ୍ଜାସି ଗେଲ୍‌ପି ଆନେସି ।”

୧୪ ସାମା ଆମ୍ବାଆରାଇଁ ନାମା ହିଲଅରି ଏନିକିହୁଁ ଏଞ୍ଜାରି ଏଞ୍ଜାଣି ତାଣା ପ୍ରାତାନା କିନେରି ? ଇଞ୍ଜା ଏଞ୍ଜାଣି ନେହୁଁ ବଲୁ ଝେନାଆନା ଏଞ୍ଜାରି ଏନିକିହୁଁ ନାମିନେରି ? ଝେକ୍‌ନାରି ଝେକ୍‌ଆସାରେ ଏ ବଲୁ ଏଞ୍ଜାରି ଏନିକିହୁଁ ଝେନେରି ?

୧୫ ଅଡ଼େ ବଲ୍ଲୁ ଝେକହାଲି ତାକି ପାଣ୍ଡୁଝି ଆଥାପାରେ ରଥସି ଏନିକିହିଁ ବଲ୍ଲୁ ଝେକନେସି ? ଇ କାତା ସାସ୍ତେରିତା ରାସ୍ତକି ଆହାମାନେ, “ଆମିନି ଗାଟାରି ନେହିଁ ବଲ୍ଲୁତି କାତୁ ତାନେରି ଏଝାରି କତାୟାଁ ଏଚେକା ଅଢ଼ିତାଇ ।”

୧୬ ସାମା ବାରେଜାଣା ଏ ନେହିଁ ବଲ୍ଲୁ ଆଡ଼ା ହିଲଅରି, ଏଦାଆଁତାକି ଜିସାୟ ଏଲେଇଞ୍ଜି ମାନେସି, “ପୁରୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?”

୧୭ ଏନିକିହିଁ ନାମୁ ଝେନି ତାଣ୍ଡାଟି ଝାନ୍ଦେ, ଅଡ଼େ ଝେନାୟି କ୍ରୀସ୍ତତି ନେହିଁ ବଲ୍ଲୁତି ।

୧୮ ସାମା ନାମୁ ଏଲେଇଇଁ, ଏଝାରି ଏନାଆଁ ଏ ବଲ୍ଲୁ ଝେଞ୍ଜାହିଲଅରି କି ? ଝେଞ୍ଜାମାନେରି, ଏନାଆଁତାକି ଇଚିହିଁ ସାସ୍ତେରିତା ରାସ୍ତକି ଆହାମାନେ;

“ଏଝାରି ହାଡ଼ା ବାରେ ଦାର୍ତତିତା ଝେଞ୍ଜାମାନେ, ଏଝାରି କାତା ବାରେ ଦାର୍ତ ମୁଟ୍ଟପୁଲି ପାତେକା ଝେଞ୍ଜାମାନେ ।”

୧୯ ଅଡ଼େ ତ ଦେବା ନାମୁ ଝେଞ୍ଜାଲି ଅଣ୍ଡପିମାଇଁ, ଇସ୍ରାୟେଲ ଲକୁ ଏଦାଆଁ ତେଲହାଲି ଆଡ଼ାଆତେରି କି ? ହାରେକା ବାସୀ ନକେଏ ମସା ଇ କାତା ଝେସାମାନେସି, “ମା ଲକୁଣି କାରୁବି କିହାଲିତାକି ର ଉଣା କୁଡ଼ାତି ଲେସିନମି, ଏଲେକିହିଁ ଏ ବୁଦି ହିଲାଆଗାଟି କୁଡ଼ା ତଲେ ଏଝାରାଇଁ କାରୁବି କିଝି କିନମି ।”

୨୦ ଅଡ଼େ ଜିସାୟ ସାସ୍ତାତଲେ ଝେସାମାନେସି, “ଆମିନି ଗାଟାରି ମାଜେ ପାରିମାଞ୍ଜାଆତେରି, ଏ ଲକୁ ମାଜେ ବେଟାଆୟାତେରି; ଆମିନି ଗାଟାରି ମା କାତା ଝେଞ୍ଜିମାଞ୍ଜାଆତେରି, ଏଝାରି ନକିତା ମାମୁ ତୁଞ୍ଜାଆତମି ।”

୨୧ ସାମା ଏଝାସି ଇସ୍ରାୟେଲ ଲକୁତି କାତା ଝେସାମାନେସି, “ର ମାନି କିଆନା ନା କପାଟି ନିଞ୍ଜିନି କୁଡ଼ାତି ନାମୁ ଝେଡ଼ା ତୁମ୍ବେ କେୟୁ ଦାସା ମାଇଁ ।”

୧୧

ଇସ୍ରାୟେଲ ଲକୁଣି ମାହାପୁରୁତି କାର୍ମା

୧ *ଅଡ଼େ ନାମୁ ଝେଞ୍ଜାଲି ଆଡ଼ିଇଁ, ଆଡ଼ିହିଁ ମାହାପୁରୁ ତାନି ଲକୁଣି ପିସାମାନେସି କି ? ଏଲେଆହିଁ ଏଚେଲ ଜିକେଏ ଆଆପେ, ଏନାଆଁତାକି ଇଚିହିଁ ନାମୁ ଜିକେଏ ଅବ୍ରାହାମତି କୁଡ଼ାତା ଜାର୍ନାଆଡ଼ି ବିନାମାନିନ୍ ଗତିତି ଇସ୍ରାୟେଲ ଲକୁତେଏଁ ।

୨ ମାହାପୁରୁ ତଲିଟିଏ ବାଟି କିହାଁ ହାଟାମାନି ତାନି ଲକୁଣି ଏଚେଲ ଜିକେଏ ପିସାହିଲଅସି, ମୀରୁ ଦାମ୍ବୁ ସାସ୍ତେରିତା ପଡ଼ଝି ଆହାହିଲଅତେରି ? ଏନିକିହିଁ ଏଲିୟ ମାହାପୁରୁ ନକିତା ଇସ୍ରାୟେଲ ଲକୁ କପାତଲେ କାତା ଜିଲାମାଚେସି,

୩ “ପୁରୁ ଏଝାରି ମାହାପୁରୁ ଅଣ୍ଡପୁତି ବଲ୍ଲୁ ଝେହ୍ନାରାଇଁ ଏନିକିହିଁ ପାୟାମାନେରି ଇଞ୍ଜାଁ ପୂଜା ପିଣ୍ଡାଣି ଡ଼ିକହାନା ନାସଝି କିହାମାନେରି, ଝାରଇ ନାମୁ ରଅତେଏଁ ଗେଲୁପି ଆହାମାଇଁ; ଏଝାରି ନା ଜୀଝୁ ଜିକେଏ ଅହାଲି ଅଣ୍ଡପିମାଞ୍ଜାନେରି ।”

୪ ଏଲିୟଇଁ ମାହାପୁରୁ ଝେଣ୍ଡେ ଏନାଆଁ ଏଲେଇଚେସି, “ନାଡ଼ିକିନି ବାଲ୍ ଦେନୁ, ପୂଜଲା ନକିତା ମେଣ୍ଡା କୁଡ଼ା ହିଲଅରି ଇଲେତି ସାତା ମାଣା ଲକୁଣି ମାଜେତାକି ଇଟାମାନମି ।”

୫ ଏଲେକିହିଁ ଏ ନାଏଁ ଜିକେଏ କାର୍ମାମେସାନା ଆଟାମାଚେସି, ଏଝାରି ବିତ୍ରାଟି ଏଚର ଜାଣାଦେଁ ମାନେରି ।

୬ ସାମା ତାନି କାର୍ମାମେହ୍ନି ତାଣ୍ଡାଟି ଆଡ଼ିହିଁ, ଏଦି କାମାଲଡ଼ା ତାକି ଆହାଲି ଆଡ଼େଏ; ଇଞ୍ଜାଁ ତାନି କାର୍ମାମେହ୍ନାୟି ସାତା ତଲେ କାର୍ମାମେହ୍ନାୟି ଆଏ ।

୭ ଆଡ଼ିହିଁ ଏନାଆଁ ଆଡ଼େ ? ଇସ୍ରାୟେଲତି ଲକୁ ଏନାଆଁ ପାରିମାଚେରି, ଏଦାଆଁ ବେଟାଆଆତେରି; ଝାରଇ ମାହାପୁରୁ ଆଟାମାନି ଏଚରଜାଣା ଲକୁ ଏଦାଆଁ ବେଟାଆତେରି, ଏଟକାତାରି ଆମ୍ବାଆରି ଜିକେଏ ମାହାପୁରୁ ହାଟାମାନାଣି ମନ୍ ହାଆତେରି ।

୮ ସାସ୍ତେରିତା ରାସ୍ତକି ଆହାମାନେ, “ମାହାପୁରୁ ନୀଞ୍ଜୁପାତେକା ଏଝାରାକି ଆଡ଼ଝା ଜୀଝୁ ହାହାମାନେସି, ଅଡ଼େ ଇଲେତି କାଣକା ହାହାମାନେସି, ଏନିକିହିଁ ଏଝାରି ମେସାଲି ଆଡ଼ି ହିଲଅରି, ଅଡ଼େ ଇଲେତି କାର୍ମା ହାହାମାନେସି ଏଝାରି ଝେଞ୍ଜାଲି ଆଡ଼ିହିଲଅରି ।”

୯ ଏଝାରି କାତା ଦାଝୁଦ ରାଟାମାନେସି,

* ୧୧:୧ ୧୧:୧ ପିଲିପି ୩:୫

“ଏଞ୍ଜାରି ପାର୍ବୁତି ରାନ୍ଦା ତିନା ଭନାଟି ପାନ୍ଦାତା ରିପାରି,
ଏଞ୍ଜାରି ତରଗାନା ଡଣ୍ଡ ବେଟାଆଡ଼ପରି □

୧୦ ଏଞ୍ଜାରି ଏନିକ୍ ମେସାଲି ଆଡ଼ଅରି, ଏଦାଆଁତାକି ଏଞ୍ଜାରି କାଣାୟାଁ ଆଡ଼ପରି,
କାଲେଏ ଦୁକୁ କସ୍ତ ବେଟାଆହାନା ଏଞ୍ଜାରି ଗେଡେଲି ଚୁଡ଼ୁଞ୍ଜା ଆଡ଼େ □”

୧୧ ନାନୁ ଏଲେ ଇଞ୍ଜିମାଲ୍, ଏଞ୍ଜାରି ନାସ୍ତ୍ର ଆହାଲି ପୁଟି କିହା ମାନେରି କି ? ଆଏ ଏତେଲା
ଜିକେଏ ଆଆପେ, ସାମା ଏଞ୍ଜାରି ପାପୁ କିତାକି, ଏଞ୍ଜାରାଲ୍ କାର୍ବି କିହାଲିତାକି ଜାହୁଦିଆଆତାରି ନକ୍ତିତା
ଗେଲ୍ପିଆନି ଅଦିକାରା ମେଡାଆଡ଼େ □

୧୨ ଜାହୁଦି ଲକୁଟି ପାପୁ ଦାର୍ଡିତି ବାରେ ଲକୁଟାକି ହାରେକା ବାଡ଼କୁ ଲେହେଁ ଆହାମାନେ, ଜାହୁଦି
ଲକୁ ରିତାକି ଜାହୁଦିଆଆତି ଲକୁଟାକି ବର ହାରେଏ ଗାଡି ଲାବା କିହାମାନେରି, ଇଞ୍ଜା ବାରେ ଜାହୁଦି
କୃଡ଼ା ଗେଲ୍ପି ଆଡ଼ିହଁମା ଏମ୍ପାଟି ଏତେକା ଗାଡି ବଡ଼ ବେଟାଆଅରି □

ଜାହୁଦିଆଆତାରି ଗେଲ୍ପି ଆନାୟି

୧୩ ଜାହୁଦିଆଆତି ଲକୁଣି ନାନୁ ଏଲେ ଇଞ୍ଜିମାଲ୍, ନାନୁ ଜାହୁଦିଆଆତି ଲକୁଟାକି ପାଣ୍ଡୁ ଆହାମାନାକି
ନା ସେବା କାମାତି ପାଣ୍ଡା ତାକି ନାନୁ ବତପଣ ଆହୁମାଲ୍ □

୧୪ ଏନିକିହଁ ଆପେ ଜାହାରା କୃଡ଼ାତି ଲକୁଣି ରାହାଁ କିଞ୍ଜିକିହାନା ଏଞ୍ଜାରି ତାଣ୍ଡାଟି ଏତର ଜାଣାଲ୍
ଗେଲ୍ପାଲି ଆଡ଼ିଲ୍ □

୧୫ ଏନାଆଁତାକି ଇତିହଁ ଏଞ୍ଜାରି ପିସ୍ପିଆଡ଼ାକି ଦାର୍ଡିତି ତଡ଼ଣ ଆଡ଼େ □ ଆଡ଼ିହଁ, ମାହାପୁରୁ ବାରେ
ଜାହୁଦି କୃଡ଼ାତି ଆବିସାରେ, ଏଦାଆଁତି ପାଡ଼େୟି ଏନାଆଁ ଆନେ ? ଏଡ଼ି ହାଡ଼ି ମାଣ୍ଡି ଜାହୁ ବେଟାଆଡ଼ି
ଲେହେଁ □

୧୬ ରଗାଣି ରୁଟି ମାହାପୁରୁ ଦରୁତଲେ ହେରୁପି ଆହାମାରିହଁ, ବାରେ ରୁଟି ଜିକେଏ ହେରୁପି
ଆହାମାନେ ଇଞ୍ଜି ଇନାୟି; ର ମାରୁନୁତି ହାରୁ ହେରୁପି ଆହାମାରିହଁ, ଏଦାଣି କମା କାନ୍ଦି ଜିକେଏ
ହେରୁପି ଆହାମାନୁ ଇଞ୍ଜି ଅଣ୍ଡିପିନାୟି □

୧୭ ସାମା ଏତେକା କମାୟାଁ ରାଡ଼ପି ଆଡ଼ୁ ଅଡ଼େ ମାରୁ ଜାଡ଼ାତି ଜୀତ ମାରୁନୁତି କମାୟାଁ ଆଡ଼ିଜିକେଏ
ଏ ବିତ୍ତା ଦୁସ୍ପିଆଡ଼େରି, ଅଡ଼େ ଏଞ୍ଜାରିତଲେ ଜୀତ ମାରୁନୁତି ତାକିତି ରାସାତା ଆଣ୍ଡିତେରି □

୧୮ ଆଡ଼ିହଁ ଏ କମାୟାଁ କପାତଲେ ବତପଣ ଆଆଦୁ; ସାମା ମାରୁ ବତପଣ କିଦେରି, ମାରୁ ମାରୁନୁତି
ତାକିତି ଆସା ହିଲଅତେରି, ସାମା ତାକି ମିଜେ ଆସାମାଞ୍ଜାନେ, ଇଦାଆଁ ମାରୁ ପୁଞ୍ଜା ଡ଼ୟାଦୁ □

୧୯ ଆଡ଼ିହଁ ମାରୁ ଏଲେଇଞ୍ଜାଲି ଆଡ଼ିଦେରି, “ନାଜେ ଚାୟୁ ହାହାନା ଦୁରସାଲି ତାକି ଏ କମାଣି
ରାଡ଼ପି ଆହାମାଡ଼ୁ □”

୨୦ ଏଡ଼ି ସାତା, ଏଞ୍ଜାରି ନାମାଆଲିଏ ରାଡ଼ପି ଆଡ଼େରି, ମାରୁ ଖରଇ ନାମାଲିଏ ଏ ଚାୟୁ ଅଦିକାରା
କିହାମାଞ୍ଜେରି, ସାମା ବତପଣ ଆଆନା ଆଜାଦୁ;

୨୧ ମାରୁନୁତା ଗାଲ୍‌ହାମାନି କମାୟାଁ ଲେହେଁ ଜାହୁଦି ଲକୁଣି ମାହାପୁରୁ ଡ଼ଣ୍ଡ ହାଆନା ପିସାହିଲଅସି
ଇଟିସାରେ, ଏଞ୍ଜାସି ମିଜେ ଜିକେଏ ପିସ୍ପିଅସି □

୨୨ ଇଦାଆଁ ସିନିକିନି କାତା, ମାହାପୁରୁ ଏନିକିହଁ କାର୍ମା ମେହ୍‌ନାସି ଇଞ୍ଜା କାର୍ବି ଆନାସି; ଆମ୍ପାଆରି
ପାପୁତା ତରଗା ମାନେରି, ଏଞ୍ଜାରାଲ୍ ଏଞ୍ଜାସି କାର୍ବି ଆନେସି; ସାମା ଏତରଦିନା ପାତେକା ତାନି
କାର୍ମାମେହ୍‌ନି ତାଣ୍ଡା ଡ଼ୟିଦେରି, ଏତରଦିନା ମିଜେତାକି କାର୍ମା ମେସ୍ତାନେସି, ତାନି କାର୍ମାମେହ୍‌ନାଣି
ଜାକ୍‌ହିସାରେ; ମାରୁ ଜିକେଏ ରାଡ଼ପି ଆଡ଼େରି □

୨୩ ଜାହୁଦି ଲକୁ ଏଞ୍ଜାରି ନାମୁତି ପିହ୍‌ଅରି, ଆଡ଼ିହଁ ଏଞ୍ଜାରି ତଲିମାଟି ଚାୟୁତା ଖେଣ୍ଡେ ଡ଼ାରି ଆନେରି
□ ମାହାପୁରୁ ଇଦାଆଁ କିହାଲି ଆଡ଼ିମାନେସି □

୨୪ ଜାହୁଦିଆଆତି ଲକୁ ଜାଡ଼ାତି ଜୀତ ମାରୁନୁତି ଗମାୟାଁ ଲେହେଁ □ ଏଡ଼ି ରାଡ଼ପି ଆହାନା ଏମ୍ପାତାଲ୍
ଆଆତି ଜିକେଏ ବାଡ଼ାତା ପାଡ଼ିକିହାମାନି ଜୀତ ମାରୁନୁ ତଲେ ଦୁସ୍ପି ଆହାମାନୁ □ ଜାହୁଦି କୃଡ଼ାତି ଲକୁ
ବାଡ଼ାତା ପାଡ଼ିକିହାମାନି ଜୀତ ମାରୁନୁ ଲେହେଁ □ ଇ ମାରୁନୁତି ରାଡ଼ପି ଆହାମାନି ଗମାଣି ଖେଣ୍ଡେ ମାରୁନୁ
ତଲେ ଦୁରସାଲି ମାହାପୁରୁ ଆଡ଼ିନେସି □

ବାରେ ଜାଣାକି ମାହାପୁରୁତି କାର୍ମାମେହ୍‌ନାୟି

୨୫ ଏ ତାୟି ତାଜିସ୍ତାତେରି, ମାରୁ ଏନିକିମି ଫିଙ୍ଗେତାକି ମାରୁଏ ବୁଦିଗାଟାତମି ଇଞ୍ଜି ଅଣପଅତେରି, ଇଦାଆଁତାକି ମାରୁ ଇ ତୁଗାମାନି କାତାତ ପୁନାଆନା ମାଣ୍ଡେମ୍ବେରି ଇଞ୍ଜି ନା ମନ ହିଲେଏ, ଇତିହୁଁ ଜାହୁଦିଆଆତି ଲକୁ ବାରେ ହତୁଆ ପାତେକା ଇସ୍ତାୟେଲତି ଏତେକା ଲକୁ ନାମାଆନା ତୁୟିନେରି;

୨୬ ଇଲେଆହୁଁ ବାରେ ଇସ୍ତାୟେଲ ଲକୁ ଗେଲ୍ପି ଆନ୍ଦେରି, ଏନିକିମି ରାସ୍ତି ଆହାମାନେ, "ଗେଲ୍ପି କିନାସି ସିୟନଟି ଖାନ୍ଦେସି, ଜାକୁବ କୃତାତା ମାନି ବାରେ ଲାଗେଏତାଣି ହେକ କିନେସି □

୨୭ ଏତିବେଲା ନାନୁ ଏଞ୍ଜାରି ପାପୁ ବାରେ ହେକ କିଇଁ, ଏତିବେଲା ଏଞ୍ଜାରିତଲେ ଇ ରାଜିମାନା କିନମି □"

୨୮ ନେହୁଁ କାହୁତି ଆହୁଆ ଜାହୁଦି ଲକୁ ମିଙ୍ଗେତାକି ମାହାପୁରୁକି ସାତୁୟାଁ ଆହାମାନେରି, ସାମା ମାହାପୁରୁ ଆତାମାନି ଆକୁ ଆବାୟାଁ ତାକି ଏଞ୍ଜାରି ମାହାପୁରୁକି ଜୀଞ୍ଜୁ ନନାରି ଆହାମାନେରି □

୨୯ ଇତିହୁଁ ମାହାପୁରୁ ଆତାମାନାୟି ଅଡେତ ତାନି କାର୍ମାତି ଦାନା ଏତେଲାଞ୍ଜା ଉଜେଏ ଆଏ □

୩୦ ଜାହୁଦିଆଆତି ଲକୁତେରି ତଲି ମାରୁ ମାହାପୁରୁଇଁ ମାନି କିହାହିଲାଆତେରି; ସାମା ନୀଏଁ ଜାହୁଦି ଲକୁ ମାନି କିଆତାକି ମାହାପୁରୁତି କାର୍ମାମେହନାଣି ବେଟାଆଡେତେରି,

୩୧ ଏଲେଆହୁଁଏ ଏଞ୍ଜାରି ଜିକେଏ ନୀଏଁ ମାନି କିହାହିଲଅରି, ଏନିକିହୁଁ ମିଙ୍ଗେତାକି ତଞ୍ଜାଆହାମାନି କାର୍ମାମେହନାଣି ତଲେ ଏଞ୍ଜାରି ଜିକେଏ ନୀଏଁ କାର୍ମାମେହନାଣି ବେଟାଆନ୍ଦେରି □

୩୨ ଏନିକିହୁଁ ମାହାପୁରୁ ବାରେ ଜାଣାଇଁ କାର୍ମା ମେସାଲି ତାକି ମାହାପୁରୁ ବାରେଜାଣାତି ମାନି କିଆରେଟୁ ହେନ୍ଦା ମାନେସି □

ମାହାପୁରୁକି ଗାଧୁରମି

୩୩ ଅହତା! ମାହାପୁରୁତି ବୁଦି ଇଞ୍ଜାଁ ପୁନି ବାତୁୟୁ ଏବେକା କାଜାୟି! ତାନି ଅଣ୍ଡପୁତି ଆମ୍ବାଆସି ତେଲୁହି କିୟାନେସି ? ଇଞ୍ଜାଁ ତାନି ଜିରୁତି ଆମ୍ବାଆସି ପୁଞ୍ଜାଲି ଆଡ଼ିମାନେସି ?

୩୪ ସାତୁସ୍ତରିତା ରାସ୍ତି ଆହାମାନେ;

"ଆମ୍ବାଆସି ମାହାପୁରୁତି ଅଣ୍ଡପୁତା ମାନାଣି ତେଲୁହିନେସି ?

ଆମ୍ବାଆସି ଏଞ୍ଜାଣାଇଁ ଖେସାଲି ଆଡ଼ିନେସି ?

୩୫ ମାହାପୁରୁକି ଆମ୍ବାଆସି ଏତେଲା ଏନାଆଁ ହାହାମାନେସି, ଏଦାଆଁତାକି ଏଞ୍ଜାଣାକି ଏଞ୍ଜାସି ଖେଣ୍ଡେ ହାନାୟି ମାନେ ?"

୩୬ ଏବାରେ ଗାଡ଼ି ଆତାୟି ତାନିତାଣାଟି, ତାନି କେୟୁତଲେ, ଅଡେତ ତାଙ୍ଗେତାକି ଆହାମାନେ; କାଲାକାଲା ତାକି ଏଞ୍ଜାଣାକି ଗାଧୁରମି ଆପେ, ଆନ୍ଦେନି □

୧୨

କ୍ରୀସ୍ତ ତାଣା ପୁଞ୍ଜନି ଜୀଞ୍ଜୁ

୧ ଇଦାଆଁତାକି ତାୟି ତାଜିସ୍ତାତେରି, ମାଙ୍ଗେତାକି ମାହାପୁରୁତି ହାବେକା କାର୍ମାମେହନାଣି ତାକି ମିଙ୍ଗେ ନାନୁ ବାତିମାଲିମାଞ୍ଜାଇଁ, ମାରୁ ମୀ ଆଜାମି ଜୀଞ୍ଜୁ, ସୁଦୁ ତଲେ ଇଞ୍ଜାଁ ମାହାପୁରୁ ଅପିନି ଲେହେତି ପୂଜା ହୀଦୁ, ଇଦିଏ ମାହାପୁରୁତି ସାତା ସେବା □

୨ ମାରୁ ଇ ଜୁଗୁତି ମାଣକିତା ମାନାଆଦୁ, ସାମା ଏନିକିହୁଁ ମାହାପୁରୁତି ଅଣ୍ଡପୁ ଏନାୟି, ଇତିହୁଁ ନେହାୟି, ଅପିନାୟି ଇଞ୍ଜାଁ ଟିକଣାତାୟି ଏନାୟି, ଇଦାଆଁ ତାୟିପାରି କିହାନା ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ହିୟାଁତି ପୁଞ୍ଜନି କିହାନା ବାଦଲି କିଦୁ □

୩ ମାହାପୁରୁ ନାଙ୍ଗେ କାର୍ମାମେହନାଣି ହାହାମାଞ୍ଜାନାକି ବାରେଜାଣା ତେରି ମିଙ୍ଗେ ନାନୁ ଖେସିମାଞ୍ଜାଇଁ, ଆମ୍ବାଆତେରି ଜିକେଏ ମୀ ତାକି ମାରୁ ଏନିକିମି ଅଣ୍ଡପିନାୟି ମାନେ ଏଦାଆଁ କିହାଁ କାଜାତମି ଇଞ୍ଜି ଅଣ୍ଡପାଆଦୁ; ସାମା ମାହାପୁରୁ ଆମ୍ବାଆରାକି ଏବେକା ନାମୁ ହାହାମାନେସି, ଏଲେକିହୁଁଏ ବାରେଜାଣା ପୁଞ୍ଜାକତିନି ଲେହେଁ ମୀ ତାକି ମାରୁ ଅଣ୍ଡପା କତାଦୁ □

୪ ଏକିତିହୁଁ ଏନିକିମି ମା ଆଜାତା ହାବେକା ଆଜା ଉଡେଲିକା ମାନୁ, ସାମା ବାରେ ଆଜା ଉଡେଲିକାକି କାମା ରଲେଏତାୟି ଆଏ □

୫ ଏଲେଆହୁଁଏ, ମାର ହାରେକା ଜାଣାତାୟି, ସାମା ବାରେକାଣା କ୍ରୀସ୍ତ ତଲେ ଆଣ୍ଡାମାନାକି, ମାର ରଣ୍ଡିଏ ଆଜ୍ଞା ଇଞ୍ଜା ଆଜ୍ଞାତି ଆଜ୍ଞା ଉଡେଲିକା ଲେହେଁ ମାର ରଅସି ରଅଣା ତଲେ ଆଣ୍ଡାମାନାୟି □

୬ ଏଦାଆଁତାକି ମାଜେ ମାହାପୁରୁ ହାହାମାଞ୍ଜାନି କାର୍ମାତଲେ ହାରେକା ଦାନା ବେଟା ଆହାମାନାୟି, ମାର ମାହାପୁରୁତି ବଲୁ ଝେକହାଲି ତାକି ବାଡୁୟୁ ବେଟା ଆହାମାନାୟି, ମାର ଆଟ୍ଝା ନାମୁତଲେ ଏ କାମା କିନାୟିମାନେ;

୭ ଏଦାଆଁ ସେବା କାମା କିହାଲି ବାଡୁୟୁ ବେଟାଆହାମାନାୟି, ଆତିହୁଁ ମାର ସେବା କାମା କିନାୟିମାନେ; ଜାପୁହାଲି ବାଡୁୟୁ ବେଟାଆହାମାନାୟି, ଆତିହୁଁ ଜାପୁନାୟି ମାନେ;

୮ ବାସୁତି କାତା ଝେସାଲି ବାଡୁୟୁ ବେଟାଆହାମାଟିହୁଁ, ବାସୁତି କାତା ଝେସପାସି; ଦାନା କିହାଲି ବାଡୁୟୁ ବେଟାଆହାମାନି ମାଣସି ରାହୁଁତଲେ ଦାନା ହାପେସି □ ଏଟକା ଲକ୍ଷୁତି କାମାତି ସିନିକିହାଲି ଅଦିକାରା ବେଟାଆହାମାଟିହୁଁ ଝାହୁତଲେ କାମା କିନାୟିମାନେ; ଆମ୍ବାଆସି କାର୍ମା ମେହନାସି, ରାହୁଁ ମନୁତଲେ ସାୟେମି କିପାସି □

୯ ଜୀସୁନନାୟି କୁଟୁ ହିଲାଆଗାଗାୟି ଆଟପେ; ଏନାୟି ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ ଆହଦୁ;

୧୦ କ୍ରୀସ୍ତ ନାମୁତି ତାୟି ତାଜି ଲେହେଁ ରଅତେରି ରଅଣାକ୍ ଜୀସୁ ନଦୁ; ଇଞ୍ଜା ରଅତେରି ରଅଣାକ୍ ମାନି କିହାଲି ରାହୁଁ ଆଦୁ;

୧୧ ରାହୁଁତା ଉଣା ଆଆଦୁ; ସୁଦୁଜୀସୁତା ପାରସାଡା ଆହୁଁ ଡୟାଦୁ; ହିୟାଁ ଜୀସୁ ହାହାନା ପ୍ରବୁକ୍ ସେବା କିଦୁ □

୧୨ ବାସୁଁ ଇଗାନା ରାହୁଁ କିଦୁ; ଦୁକୁ କସ୍ତ ବେଲତା ସାସା ଆହଦୁ; ଜମାଆନା ପ୍ରାତାନା କିଦୁ;

୧୩ ମାହାପୁରୁ ଲକ୍ଷୁକି ଲଡ଼ାମାନାଣି ସାୟେମି କିଦୁ; ଇଜ ଝାନ୍ତି ଗତାୟାଣି ସେବା କିଦୁ □

୧୪ ଏମ୍ବାଆରାରି ମିଜେ ସାସ୍ତି ହିୟାନେରି, ଏଞ୍ଜାରି ନେହେଁତାକି ମାହାପୁରୁ ତାଣା ପ୍ରାତାନା କିଦୁ; ଏଞ୍ଜାରାକି ବର ହାଦୁ; ବାକା ଇଟାଆଦୁ □

୧୫ ଆମିନି ଗାଟାରି ରାହୁଁ କିନେରି ଏଞ୍ଜାରିତଲେ ରାହୁଁ କିଦୁ; ଆମ୍ବାଆରି ଡାନେରି ଏଞ୍ଜାରିତଲେ ଡାଦୁ □

୧୬ ବାରେକାଣା ରଣ୍ଡିଏ ଅଣପୁ ଅଣପାଦୁ, ଝାରୁଇ କାଜାରି ତଲେ ତଣେ ଦହୁଆନା ଇଗାରି ତଲେ ଜିକେଏ ଆଣ୍ଡି ଆହାନା ମାଞ୍ଜୁ □ ମୀରୁ ମୀ ବୁଦିତଲେ ବୁଦିଗାଟାମି ଇଞ୍ଜା କତାଆଦୁ □

୧୭ ଆମ୍ବାଆସି ମିଜେ ଲାଗେଏ କିୟାତିହୁଁ, ଏଞ୍ଜାଣାକି ଲାଗେଏ କିଆଦୁ; ବାରେ ଲକ୍ଷୁ ନକିତା ଏନାୟି ନେହାୟି, ଏଦାଆଁ କିଦୁ □

୧୮ ଆଡିତିହୁଁ ବାରେକାଣା ତଲେ ହିଡ଼ିତି ତଲେ ନୀତାବାଡ଼କାଲି ତାକି ଏନ୍ତି କିନାୟିମାନେ ଏଲେକିଦୁ □

୧୯ ଏ ଜୀସୁତି ତଣେସିଜା, ମୀରୁ ଆମ୍ବାଆରି କପାତି ବାଦୁଲି ଅଆଦୁ □ ମାହାପୁରୁତି କପାତି ଲକ୍ଷୁ ଆହାଲି ପିସାଡୁହଦୁ □ ଏନାଆଁତାକି ଇତିହୁଁ ସାୟେରିତା ରାସ୍ତିକି ଆହାମାନେ, ପ୍ରବୁ ଏଲେଇଞ୍ଜି ମାନେସି, “ବାଦୁଲି ଅନାୟି ନା ଅଦିକାରା, ନାମୁ ତାମି କାମାତି ପାଡ଼େୟି ହାକି □”

୨୦ ଅଡ଼େ ଜିକେଏ, “ମୀ ସାଡୁ ହାକି ଆହାମାଟିସାରେ, ଏଞ୍ଜାଣାକି ତିଞ୍ଜାଲି ହାଦୁ; ଏଞ୍ଜାସି ଏସ୍ତିକି ଆହାମାଟିସାରେ ଗସାଲି ହାଦୁ; ଇଲେ କିତିସାରେ ଏଞ୍ଜାଣିଲାକ ଡାଞ୍ଜିମାନି ହିଚୁତି ରାଜାୟାଁ ଏକ୍‌ହି ମାଞ୍ଜେରି □”

୨୧ ଲାଗେଏତି କାମା ତଲେ ଜୀଣା ଆଆନା, ନେହୁଁ କାମା ତଲେ ଲାଗେଏତି କାମାତି ଜୀଣା ଆଦୁ □

୧୩

ସାଲୁଝି କିନାରାକ୍ ମାନି କିନାୟି

୧ ବାରେକାଣା ସାଲୁଝି କିନାରାକ୍ ମାନି କିନାୟିମାନେ, ଏନାଆଁତାକି ଇତିହୁଁ ମାହାପୁରୁତି ହେଲ ଆଆଡିହୁଁ ଆମ୍ବାଆସି ଜିକେଏ ସାଲୁଝି କିନି ପାଣା ବେଟାଆଅସି, ପାଣାତା ମାନି, ସାଲୁଝି କିନାରି ମାନେରି; ଏଞ୍ଜାରି ମାହାପୁରୁ ତାଣାଟି ଆଡ଼ି ଆହାମାନେରି □

୫ ୧୨:୬ ୧୨:୭ ୧୧କ ୧୨:୪-୧୧ ୫ ୧୨:୧୪ ୧୨:୧୪ ମାତି ୫:୪୪; ଲୁକ ୬:୨୮

୨ ଏଦାଆଁତାକି ଆମ୍ବାଆସି ପାଣ୍ଡାତା ମାନି ସାଲୁଖି କିନାରି କପାତଲେ ନିଜିନେସି, ଏଞ୍ଜାସି ମାହାପୁରୁ ମୋରତି କପାତଲେ ନିଜିନେସି; ଆମ୍ବାଆରି ଏଲେକିନେରି ଏଞ୍ଜାରି ତାମୁ ତାମୁଜେ ଡଣ୍ଡ ବେଟାଆହାଲି ତାକି କିନେରି □

୩ ଇତିହିଁ ସାଲୁଖି କିନାରି ନେହିଁଁ କାମାତାକି ଆଜିଗାଟାରି ଆସ, ସାମା ଲାଗେଏତି କାମାତାକି ଆଜିଗାଟାରି ଆନେରି □ ସାଲୁଖି କିନାରାଇଁ ଆଜାଆନା ଡ଼ୟାଲି ମନ ମାନେକି ? ଆତିହିଁଁ ନେହିଁଁ କାମା କିଦୁ, ଆତିହିଁଁ ଏଞ୍ଜାରି ତାଣ୍ଡାଟି ନେହିଁଁ ବେଟାଆଦେରି,

୪ ମୀ ନେହିଁଁ ତାକି ଏଞ୍ଜାସି ମାହାପୁରୁତି ସେବା କାମା କିନାସି ଆହାମାନେସି □ ସାମା ମୀରୁ ଲାଗେଏତି କାମା କିଦେରି, ଆତିହିଁଁଁ ସାଲୁଖି କିନାଣାଇଁ ଆଜାଦୁ, ଏନାଆଁତାକି ଇତିହିଁଁ ଏଞ୍ଜାସି ଉଜେଏ କାଣ୍ଡା ଆହୁଆସି, ଏନିଇତିହିଁଁ ଏଞ୍ଜାସି ମାହାପୁରୁତି ସେବା କିନାସି, ଇତିହିଁଁ ଏଞ୍ଜାସି ତାନି କପାତଲେ ଲାଗେଏତି କାମା କିନାରାକି ଡଣ୍ଡ ହୀନାସି □

୫ ଏନିଇତିହିଁଁ, ଝାରଇ କାରବିତି ଆଜିତାକି ଆସ, ସାମା ମା ହିୟାଁତା ମାନି ଅଣ୍ଡୁ ପୁଞ୍ଜାହାଁ ସାଲୁଖି କିନାରି କାତା ମାନି କିନାୟିମାନେ □

୬* ଇଦାଆଁତାକି ମୀରୁ ସିସୁ ଜିକେଏ ହାହିମାଞ୍ଜେରି, ଏନାଆଁତାକି ଇତିହିଁଁ ମାହାପୁରୁତି ସେବା କିନାରି ଲେହେଁ ଆହାନା ସାଲୁଖି କିନି କାମା ଜିକେଏ କିନେରି □

୭ ଏଦାଆଁତାକି ଏଞ୍ଜାରି ଏନାଆଁ ବେଟାଆନାୟି ମାନେ, ଏଦାଆଁ ହୀଦୁ; ଆମ୍ବାଆରାକି ସିସୁ ହୀନାୟି ମାନେ ଏଞ୍ଜାଣାକି ସିସୁ ହୀଦୁ; ଆମ୍ବାଆରାକି ଆସଲି ହୀନାୟି ମାନେ ଏଞ୍ଜାଣାକି ଆସଲି ହୀଦୁ; ଆମ୍ବାଆରାଇଁ ଆଜିନାୟି ମାନେ ଏଞ୍ଜାଣାଇଁ ଆଜାଦୁ; ଆମ୍ବାଆରାଇଁ ମାନି କିନାୟିମାନେ ଏଞ୍ଜାଣାଇଁ ମାନି କିଦୁ □

ରଥସି ରଥଣାଇଁ ଜୀଞ୍ଜୁନନାୟି

୮ ରଥଡେରି ରଥଣାଇଁ ଜୀଞ୍ଜୁ ନଞ୍ଜିଆନି ପିସ୍‌ପେ ଅଡେ ଏନଞ୍ଜା ଆମ୍ବାଆରି ତାଣ୍ଡା ଜିକେଏ ରୀଣା ଆଆଦୁ; ଏନାଆଁତାକି ଇତିହିଁଁ ଆମ୍ବାଆସି ଏଟକାତାଣ୍ଡାଇଁ ଜୀଞ୍ଜୁ ନନେସି, ଏଞ୍ଜାସି ମସାତି ମୋରା ମାନୁଞ୍ଜି ଆହିମାନେସି □

୯ “ଦାରି କିଆଦୁ, ଲକୁଣି ପାୟାଆଦୁ, ସରୁ କିଆଦୁ, ଏଟକା ଲକୁତି ଦିଶୁପୁତି ଜୁପକା ଆଆଦୁ,” ଇ ବାରେ ହୁକୁମି ର ହୁକୁମିତା ମାନେ, “ପାଡିତି ଲକୁଇଁ ମୀ ଜୀଞ୍ଜୁତି ଜୀଞ୍ଜୁ ନହାଁ କଡିନି ଲେହେଁ ଜୀଞ୍ଜୁନଦୁ □”

୧୦ ଜୀଞ୍ଜୁନନାୟି ପାଡିତି ଲକୁଣି ଲାଗେଏ କିଏ; ଏନିଇତିହିଁଁ ଜୀଞ୍ଜୁନନାୟି ମସାତି ମୋରା ପୁରା କିନେ □

୧୧ ଇତିହିଁଁ ଇଦାତି ତେଃଏଲିନି ବେଲା ଏଦାଡେୟିଏ, ଇଦାଆଁ ପୁଞ୍ଜା ନୀଏଁ ମୀରୁ ଇ ବାରେ କିଦୁ; ଇତିହିଁଁ ମୀରୁ ନାମିତି ଦିନାଟିଏ ଗେଲୁପି ଆନାୟି ତଲିତି କିହାଁ ହାରେକା ତାଗେ ଝାଡେୟିଏ □

୧୨ ଆଦେରି ହାଜିମାନେ, ଲାଲ ଝେୟିମାନେ □ ଏଦାଆଁତାକି ଝାଦୁ ମୀରୁ ଆଦେରିତି କାମା ବାରେ ପିସାନା ଉଜେଡିତା ଜୁକୁ କିହାଲି ଟିକାଣାତି ସାକୁ ତୁରନ □

୧୩ କାଡୁ ଗୁସାହାଁ ମନକିତି ରାହାଁ, କାଡୁ ଗୁସାହାଁ ହଡିନାୟି, ମାନି ହିଲାଆଗାଗାୟି, ଲାଗେଏତି ମାଣିକି, ତାହାରା, ଗଡୁହା କିନିତାଣା କାମାତା ଆଣ୍ଡାଆନା ଝାଦୁ, ଉଜେଡିତି କାମାତା ମାନି ଲକୁ ଲେହେଁ ନେହିଁଁ ମାଣିକି ତଲେ ମାନ □

୧୪ ପୁବୁ ଜୀସୁ ଜୀସୁଇଁ ମୀରୁ ହିମ୍ବୁରିଲେହେଁ ପରୁଦୁ, ପାପୁ ଇଞ୍ଜା ଆଜାତି ଲାଗେଏତି ଅଣ୍ଡୁ ତଲେ ରାହାଁ କିହାଲିତାକି ହିୟାଁତା ଅଣ୍ଡାଆଦୁ □

୧୪

ଏଟକା ଲକୁଣି ଦହ ଦହଆଦୁ

୧ *ନାମୁତା ଆଟ୍‌ଞ୍ଜା ହିଲାଆଗାଗାରାଇଁ ଆବାଦୁ, ସାମା ତାନି କାତାତି ଅଣ୍ଡୁ ତାକି ତାନିତଲେ ବାଦହାରା କିଆଦୁ □

୨ ବାରେ ତିଞ୍ଜାଲି ତାକି ରଥଣାକି ନାମୁ ମାନେ, ସାମା ଆମ୍ବାଆସି ନାମୁତା ଡଣ୍ଡା ମାନେସି ଏଞ୍ଜାସି ଝାରଇ ଜାୟୁ କୁଟା ତିନାପେସି □

* ୧୩:୨ ୧୩:୨ ମାତି ୨୨:୨୧; ମାର୍କି ୧୨:୧୭; ଲୁକ ୨୦:୨୫ * ୧୪:୧ ୧୪:୧ କଲସି ୨:୧୭

୩ ଆତ୍ମାଆସି ବାରେ ତିନେସି, ଏଝାସି ତିନାଆଗାଟାଣାଇଁ ହୀଣି କିଆପେସି; ଇଞ୍ଜା ତିନାଆଗାଟାସି ତିନାଣାଇଁ ନାହାଁୟି କିଆପେସି, ଏନିଈଚିହିଁ ମାହାପୁରୁ ଏଝାଣାଇଁ ଆବା ମାନେସି □

୪ ନାନୁ ଆତ୍ମାଆତି ଅର ରଅଣି ହଲେଏଣାଇଁ ନାହାଁୟି କିହିମାଞ୍ଜି ? ଏଝାସି ତାନି ସାଞ୍ଜୁକାରି ତାଣା ତାରି ଆନେସି କି ତାରି ଆଅସି; ଏଝାଣାଇଁ ତାରିକିହାଁ ଇଟାଲି ପ୍ରବୁ କେୟୁତା ବାଡ଼ୁୟୁ ମାନେ □

୫ ରଅସି ର ଦିନାତି କିହାଁ ଅର ଦିନାତି ହାରେକା ମାନି କିନେସି, ଅଡ଼େ ରଅସି ବାରେ ଦିନାତି ରଲେଏତାଇଁ ଇଞ୍ଜିଁ ଅଣ୍ପିନେସି, ବାରେଜାଣା ତାନି ମନତା ତାରି କିହାନା ମାନୁଞ୍ଜି ଆପେରି □

୬ ଆତ୍ମାଆସି ର ଦିନାତି ହାରେକା ନେହାୟି ଇଞ୍ଜିଁ ଅଣ୍ପିମାନେସି, ମାହାପୁରୁଟି ଗାଞ୍ଜୁରମି ତାକି ଏଲେଇଞ୍ଜି ଅଣ୍ପିପାପେସି □ ଆତ୍ମାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜା ମାହାପୁରୁଇଁ ଜହରା କିନେସି; ଆତ୍ମାଆସି ତିଞ୍ଜାଲି କୁନେସି, ଏଝାସି ମାହାପୁରୁ ଦରୁତଲେ କୁନେସି ଇଞ୍ଜା ମାହାପୁରୁଇଁ ଜହରା କିନେସି □

୭ ଆତ୍ମାଆସି ତାଙ୍ଗେତାକି ନୀତଅସି, କି ଆତ୍ମାଆସି ତାଙ୍ଗେତାକି ହାଅସି □
୮ ମାର ନୀତାମାନାୟି ଇତିସାରେ, ପ୍ରବୁ ତାକି ନୀତାମାନାୟି ଇଞ୍ଜା ହାଡ଼ିସାରେ ପ୍ରବୁ ତାକି ହାନାୟି □ ଏଦାଆଁତାକି ନୀତନାୟି କି ହାନାୟି ମାର ପ୍ରବୁତି ଲକୁ □

୯ ଏନାଆଁତାକି ଇତିହିଁ କ୍ରୀସ୍ତ ହାହାନା ଝେଣ୍ଡେ ନିଙ୍ଗାମାନି ତାଣାଟି ନୀତାମାନାରି ଇଞ୍ଜା ହାଡ଼ାରି ବାରେଜାଣାଟି ପ୍ରବୁ ଆହାମାନେସି □

୧୦ ନାନୁ ଏନାଆଁତାକି ମୀ ତାୟିଇଁ ବେରଣି କିହିମାଞ୍ଜି ? ଏନାଆଁତାକି ମୀ ତାୟିଇଁ ହୀଣି କିହିମାଞ୍ଜି ? ମାର ବାରେଜାଣା ବେରଣି ଆହାଲି ମାହାପୁରୁ ନକିତା ନିନାୟି □

୧୧ ଏନାଆଁତାକି ଇତିହିଁ ସାପ୍ରେରିତା ରାସ୍ତକି ଆହାମାନେ;
“ପ୍ରବୁ ଏଲେଇଞ୍ଜି ମାନେସି, ଇତିହିଁ ନାନୁ ଜୀଞ୍ଜୁଗାଟି ମାହାପୁରୁ,
ବାରେଜାଣା ନା ନକିତା ମେଣ୍ଡା କୁତିନେରି,
ବାରେଜାଣା ନାଙ୍ଗେ ମାହାପୁରୁ ଇଞ୍ଜିଁ ଜଳିନେରି □”

୧୨ ମାର ବାରେଜାଣା ମାହାପୁରୁ ନକିତା ମାର କିତି କାମାତି ଲେକା ହୀନାୟି □

ତାୟିଇଁ ପାପୁ କିଞ୍ଜି କିଆଦୁ

୧୩ ଏଦାଆଁତାକି ରଅତେରି ରଅଣାଇଁ ବେରଣି କିଆଦୁ; ଇଲେକିହିଁ ଏନାଆଁ ଜିକେଏ କିଆଦୁ, ଏନିକିଁ ମୀ ତାୟି ପୁଟି କିହାନା ପାପୁତି ପାନ୍ଦାତା ରିଅସି □

୧୪ ପ୍ରବୁ ଜୀସୁ ତାଣାଟି ପୁଞ୍ଜାନା ସାତା ତଲେ ଝେସିମାଞ୍ଜାଇଁ, ଏନି କାଦି ତାନୁଏ ଲାଗେଏତାୟି ଆଏ □ ସାମା ଆତ୍ମାଆସି ଏନି କାଦିତି ଲାଗେଏତାୟି ଇଞ୍ଜିଁ ଅଣ୍ପିନେସି, ଏଝାଣାଇଁ ଏଦି ଲାଗେଏତାୟି ଆନେ □

୧୫ ମୀରୁ ଏନି କାଦି ତିନି ତାଣାଟି ର ତାୟି ଅଣ୍ପିପୁତା କସ୍ତ ହାହିମାଞ୍ଜେରି, ଆତିହିଁ ଏଝାଣାଇଁ ମୀରୁ ଜୀଞ୍ଜୁନଞ୍ଜୁତା ତାକି ହିଲଅତେରି, ଆମିନି ତାୟି ତାକି କ୍ରୀସ୍ତ ହାଡ଼େସି, ଏ କାଦି ତାକି ଏଝାଣାଇଁ ଲାଗେଏ କିଆଦୁ □

୧୬ ମୀରୁ ଏନାଆଁ ନେହାୟି ଇଞ୍ଜିଁ ଅଣ୍ପିମାଞ୍ଜେରି, ଏଦାଆଁତାକି ମୀରୁ ଲାଗେଏତାତେରି ଆଆଦୁ;

୧୭ ମାହାପୁରୁଟି ରାକି ତିନାୟି ଭନାୟି ଆଏ □ ସାମା ଏଦି ଦାମ୍, ହିଡ଼ଡ଼ି ଇଞ୍ଜା ସୁଦୁଜୀଞ୍ଜୁ ହାଡ଼ି ରାହାଁଗାଟାୟି □

୧୮ ଆତ୍ମାଆସି ଇଲେକିହିଁ କ୍ରୀସ୍ତତି ସେବା କିନେସି; ଏଝାସି ମାହାପୁରୁ ନକିତା ନେହାସି ଇଞ୍ଜା ମାଣ୍ଡସିୟାଁ ନକିତି ତାୟିପାରିତା ଜାଣା ଆଡ଼ାସି ତଞ୍ଜାଆନେସି □

୧୯ ଏଦାଆଁତାକି ଝାଦୁ, ଏନା ଏନାୟି ହିଡ଼ଡ଼ି ଗାଟାୟି, ଅଡ଼େ ଏନା ଏନାଆଁତଲେ ରଅସି ରଅଣାକି ବାସ୍ତୁ ହୀନେସି, ଏ ବାରେତି ମାରୁ ଅଣ୍ପିନି

୨୦ ଏ ଭଜେଏତି କାଦି ତାକି ମାହାପୁରୁଟି କାମାଇଁ ନାସଞ୍ଜି କିଆଦୁ, ବାରେଏ ସୁଦୁ କିଞ୍ଜିଆହାମାନେ, ସାମା ଏନି କାଦି ତିନି ତାଣାଟି ମୀରୁ ଏଡ଼କା ଲକୁଣି କସ୍ତ ହାହିମାଞ୍ଜେରି, ଆତିହିଁ ଏ କାଦି ତିନାଆଦୁ □

୨୧ ମୀରୁ ଭଙ୍ଗା ତିନାୟି, ଅଙ୍ଗୁରି ରାସା ଗହନି ତାଣାଟି ମୀ ତାୟିକି କସ୍ତ ଆହିମାଟିସାରେ ତିନି ଭନି ତାଣାଟି ହେକ ଆନାୟି ନେହେଁ □

☆ ୧୪:୧୦ ୧୪:୧୦ ୨କର ୫:୧୦

୨୨ ମୀ ଏନିନି ନାମୁ ମାନେ, ଏଦାଆଁ ମୀରୁ ମୀ ହିୟାଁତା ମାହାପୁରୁଇଁ ନକିତା ଇଗାଦୁ, ଆମ୍ବାଆସି ଏନାଆଁ ନେହାୟି ଇଞ୍ଜି ଅଣ୍ଡିନେସି, ଏଞ୍ଜାସି ଏମ୍ବାଆଁ ତାଙ୍ଗେ ଦହଗାଗାସି କିଅସି, ଆତିହ୍ ଏଞ୍ଜାସି ନେହାଁସି □

୨୩ ସାମା ଆମ୍ବାଆସି ଆନାମାନା ଆହାନା ରାନ୍ଦା ତିନେସି, ଏଞ୍ଜାସି ମାହାପୁରୁ ନକିତା ଦହଗାଗାସି ଆନେସି, ଇତିହ୍ ଏଞ୍ଜାସି ନାମୁତଲେ ତିଞ୍ଜା ହିଲଅସି; ଅଡେ ଏନ୍ଦାୟି ନାମୁତଲେ ଆଏ, ଏଡି ପାପୁ □

୧୫

ଏବ୍‌କା ଲକୁଣି ରାହାଁ କିଦୁ

୧ ମାର ନାମୁତା ଆବ୍‌ଞ୍ଜା ଗାଗାତାୟି, ବାଡୁୟୁ ହିଲଆଗାତି ଲକୁଣି ମାର ସାସା ହୀନାୟି ମାନେ, ଆମ୍ବାଆସି ଜିକେଏ ଜାହାରାଇଁ ରାହାଁ କିହାଲି ଅଣ୍ଡିଆପେସି □

୨ ସାମା ଏବ୍‌କା ଲକୁତି ନେହେଁତାକି ଇଞ୍ଜା ଏଞ୍ଜାରି ନାମୁତି ଆବ୍‌ଞ୍ଜା କିହାଲିତାକି ଏଞ୍ଜାରାଇଁ ରାହାଁତଲେ ଇଟିନାୟି ମା କାମା □

୩ କ୍ରୀସ୍ତ ଜିକେଏ ତାନି ସୁକୁ ତାକି ଏନାଆଁ କିହି ହିଲଆତେସି; ସାମା ସାଡେସ୍ତରିତା ରାସ୍‌କି ଆହାମାନି ଲେହେଁ, “ମିଙ୍ଗେ ନିନ୍ଦା କିୟାତାରା ନିନ୍ଦା ନା ମୁହେଁ ଖାଡେ □”

୪ ସାଡେସ୍ତରିତି ଜାପୁନାଇ ବାରେ ମା ନେହେଁତାକି ଲଡା ଆନୁ □ ବାସୁଁ ତଲେ ତୀରିଆହାଁ ଡୟାଲି ତାକି ସାଡେସ୍ତରି ମାଙ୍ଗେ ସାସା ଇଞ୍ଜା ରାହାଁ ହାହିମାଞ୍ଜାନେ □

୫ ଆବ୍‌ଞ୍ଜା ଅଡେ ଦୁକୁ ତୁକହାନି ମାହାପୁରୁ ମିଙ୍ଗେ କ୍ରୀସ୍ତ ଜୀସୁତି ମାଣ୍ଡକି ତଲେ ବାରେଡେରି ମିଙ୍ଗେ ରଣ୍ଡିଏ ମନ ଆହାଲି ହିୟାପେସି,

୬ ବାରେଜାଣା ଆଣ୍ଡି ଆହାନା ରଣ୍ଡିଏ ହିୟାଁ ରଣ୍ଡିଏ ଗୁତି ତଲେ ପ୍ରୁ କ୍ରୀସ୍ତ କ୍ରୀସ୍ତ ଆବା ମାହାପୁରୁତି ଜହରା କିଡେରି □

ଜୀହୁଦି ଇଞ୍ଜା ଜୀହୁଦିଆଆତି ଲକୁତାକି ନେହ୍ କାଦୁ

୭ ମାହାପୁରୁତି ଗାବୁରମି ତାକି କ୍ରୀସ୍ତ ଏନିକିହ୍ ମିଙ୍ଗେ ଆବା ମାଞ୍ଜାନେସି, ମୀରୁ ଜିକେଏ ଏଲେକିହ୍ ରଅଡେରି ରଅଣାଇଁ ଆବାଦୁ □

୮ ଇତିହ୍ ନାନ୍ ଏଲେ ଇଞ୍ଜିମାଇଁ, କ୍ରୀସ୍ତ ମାହାପୁରୁତି ସାତା ତାକି ତଲୁ ଦାପି ଆଡି ଲକୁତି ସେବା କିନାସି କିଞ୍ଜିଆହା ମାରେସି, ଏନିକ୍ ଏଞ୍ଜାସି ଆକୁ ଆବାୟାଁକି ଆଞ୍ଜାନା ହାହାମାନାଣି ତୀରି କିନେସି,

୯ ଅଡେ ମାହାପୁରୁତି କାର୍ମାମେହନାଣି ତାକି ଜୀହୁଦିଆଆତି ଲକୁ ଜିକେଏ ଏଞ୍ଜାଣି ଗାବୁରମି କିନେରି; ଇ କାତା ସାଡେସ୍ତରିତା ରାସ୍‌କି ଆହାମାନେ;

“ଇଦାଆଁତାକି ଜୀହୁଦିଆଆତି ଲକୁତାଣା ନୀ ଜହରା କିଇଁ,

ବାରେଦିନା ନୀ ପାରୁ ପାଡିଇଁ □”

୧୦ ଅଡେ ଜିକେଏ ଏଲେଇଞ୍ଜି ମାନେସି,

“ଜୀହୁଦିଆଆତି ଲକୁ ମାହାପୁରୁତି ଲକୁତଲେ ରାହାଁ କିଦୁ □”

୧୧ ଅଡେ ଜିକେଏ,

“ଜୀହୁଦିଆଆତି ଲକୁ ବାରେ ପ୍ରୁଇଁ ଜହରା କିଦୁ,

ଅଡେ ବାରେ ଲକୁ ଏଞ୍ଜାଣି ପାରୁ ପାଡାପେରି □”

୧୨ ଅଡେ ଖେଣ୍ଡେ ଜିସାୟ ଖେସାମାନେସି,

“ଜିସି କୁଡାତି ରଅସି ତଞ୍ଜାଆନେସି,

ଏଞ୍ଜାସି ଜୀହୁଦିଆଆତି ଲକୁଣି ସାଲ୍‌ଞ୍ଜି କିନେସି,

ଇଞ୍ଜା ଜୀହୁଦିଆଆତିରୀ ଏଞ୍ଜାଣି ତାଣା ବାସୁଁ ଇଟିନେରି □”

୧୩ ବାରେ ବାସୁଁଗାତି, ମାହାପୁରୁ ମୀ ନାମୁ ତାକି ମିଙ୍ଗେ ରାହାଁ ଇଞ୍ଜା ହିଡୁଡି ହିୟାପେସି □ ଏନିକ୍ ସୁଦୁଜୀସୁତି ବାଡୁୟୁ ତଲେ ମୀ ବାସୁଁ ପାତାଆନେ □

ଜୀହୁଦିଆଆତି ଲକୁତାଣା ପାସ୍ତଲତି ସେବା

୧୪ ତାୟି ତାଙ୍ଗିସ୍ତାଡେରି, ମୀରୁ ବାରେ ନେହ୍ ଗୁଣ୍ଡ, ଏନିକିହ୍ ବାରେ ବୁଦିତଲେ ଇଞ୍ଜା ରଅଡେରି ରଅଣାଇଁ ଜାପୁହାଲି ତାକି ଆଡିଦେରି ନା ନାମୁ ମାନେ □

୧୫ ଆଡ଼ିଜିକେଏ ମାହାପୁରୁ ହାହାମାଞ୍ଜାନି କାର୍ମାତି ବାଡ଼ୁରୁଟି ନାନୁ ମିଙ୍ଗେ ଅଣ୍ଡି କିହାଲି ହାଡ଼େକା ସାସାତଲେ ମୀ ତାଣା ଇ ଆକୁ ରାଡ଼ିମାଞ୍ଜାଇଁ □

୧୬ ଏନାଆଁତାକି ଇତିହ~ କ୍ରୀସ୍ତ ଜୀସୁତି ହଲେଏଣା ଲେହେଁ ଜୀହୁଦିଆଆତି ଲକ୍ଷ୍ମତାକି କାମା କିହାଲି ମାହାପୁରୁ ନାଙ୍ଗେ ପାରୁ ହାହାମାଞ୍ଜାନେସି □ ମାହାପୁରୁତି ନେହ~ କାରୁ ଝେକହାଲି ତାକି ନାନୁ ର ପୂଜେରାତି କାମା କିହିମାଇଁ □ ଜୀହୁଦିଆଆତି ଲକ୍ଷ୍ମ ସୁଦୁଜୀଝୁ ତଲେ ହେରୁପିଆଡ଼ି ଲେହେଁ ମାହାପୁରୁ ତାଣା ଆବିନାରି ଆପେରି, ଇତି ନା ଅଣ୍ଡିପୁ □

୧୭ କ୍ରୀସ୍ତ ଜୀସୁତଲେ ଆଣ୍ଡାନା ମାହାପୁରୁ ତାକି ଇ ସେବା କାମା କିହାମାନାକି ନାନୁ ବତପଣ ଆହିମାଇଁ □

୧୮ ଇତିହ~ ଜୀହୁଦିଆଆତାରାଇଁ ମାହାପୁରୁ ତାଣା ତାତାଲି କ୍ରୀସ୍ତ ନା ତାଣାଟି ବଲୁତା ଅଡ଼େ କାମାତା ଇତିହ~ ହାରେକା ସିନାୟାଁ କାବାଆନି କାମାୟାଁ ତଲେ, ସୁଦୁଜୀଝୁତି ବାଡ଼ୁରୁଟି ଏନା ଏନାଆଁ କିହାହିଲଅସି, ଇଲେତି ଏନି କାମା କିହାଲି ସାସା କିହିହିଲଅଁ □

୧୯ ସିନା ଅଡ଼େ କାବାଆନି କାମାତି ବାଡ଼ୁରୁଟି ଅଡ଼େ ମାହାପୁରୁ ସୁଦୁଜୀଝୁତି ବାଡ଼ୁରୁଟି ନା ତାଣାଟି କିହାମାନେସି □ ଏନିକ~ ନାନୁ ଜିରୁସାଲମ ଟଟ ସାରିଝାକି ଇଞ୍ଜା ଇଲୁରିକମ ପାତେକା କ୍ରୀସ୍ତତି ନେହ~ କାରୁ ଝେକହାମାଇଁ □

୨୦ ଆମ୍ବିୟା ଲକ୍ଷ୍ମ କ୍ରୀସ୍ତତି କାତା ଝେଞ୍ଜାହିଲଅରି, ଏମ୍ବାଆଁ ଏଝାଣି ବଲୁ ଝେକହାଲି ନା ଅଣ୍ଡିପୁ, ଏନାଆଁତାକି ଇତିହ~ ଏଡ଼କାତି ଲକ୍ଷ୍ମ କିହାମାନି ପୁନାଦି ଲାକ ଇଲୁ କିହାଲି ନାନୁ ଅଣ୍ଡିପି ହିଲଅଁ □

୨୧ ସାପ୍ତରାତି ଏନିକିହ~ ରାସ୍ତକି ଆହାମାନେ;
“ଆମିନି ଗାଟାରି ଏଝାଣି ବଲୁ ବେଟାଆହା ହିଲଅରି,
ଏଝାରି ମେହ୍ନେରି; ଆମ୍ବାଆରି ଝେଞ୍ଜାହିଲଅରି, ଏଝାରି ତେଲ୍‌ହିନେରି □”

ରମ୍ଭା ହାଜାଲି ପାଞ୍ଜୁଲତି ଅଣ୍ଡିପୁ

୨୨ *ହାଡ଼େକା ଦେବା ମୀ ତାଣା ଝାହାଲି ତାକି ନା ଅଣ୍ଡିପୁ ଉଜେଏତାୟି ଆଡ଼େ □
୨୩ ସାମା ଇ ରାଜିତା ନା ସେବା କାମା ରାହାମାନେ ଅଡ଼େ ନା ଆସା, ମିଙ୍ଗେ ମେସାଲି ତାକି ନା ହାଡ଼େକା ବାର୍ସାତି ଅଣ୍ଡିପୁ ନାଏଁ ପୁରା ଆନେ □

୨୪ ନାନୁ ସ୍ତେନ୍ ଦେସା ହାନିବେଲାତା ମୀ ତାଣା ଝାହାଁ; ଇତିହ~ ଜିରୁତା ମୀ ତଲେ ତଲିଏ ଆଣ୍ଡାନା କାତା ଆହାଁ ଏବରଦିନା ତ୍ଵୟିତି ତାୟୁ ଏ ଚାୟୁତା ହାଜାଲି ଜିରୁତା ଇତିଝାୟାଦେରି ଇଞ୍ଜ~ ଆସା କିହିମାଇଁ □

୨୫ *ନାଏଁ ମାହାପୁରୁ ଲକ୍ଷ୍ମତି ସେବା କିହାଲି ନାନୁ ଜିରୁସାଲମତା ହାଜିମାଇଁ □
୨୬ ଜିରୁସାଲମତା ମାହାପୁରୁ ଲକ୍ଷ୍ମ, ଆମ୍ବାଆରି ହିଲାଆ ଗାଟାରି ମାନେରି, ଏଝାରି ତାକି ମାକିଦନିୟା ଅଡ଼େ ଆକାୟାତି କୁଲମିକା ଆଣ୍ଡାଲି ତାବୁୟାଁ କୃଡ଼କିହାଲି ତୀରି କିହାମାନେରି □

୨୭ *ହାଅ ଏଝାରି ଏଦାଆଁ ନେହେଁ ଅଣ୍ଡିପା ମାନେରି ସାତା, ଆତିହ~ ଏଝାରି ଏଝାରିତାଣା ରୀଣା ଜିକେଏ ଆହାମାନେରି; ଜୀହୁଦିଆଆତାରି ଏଝାରି ଦାମ୍ବୁତି ଜୀଝୁତା ଆଣ୍ଡାମାନେରି ଇତିହ~, ଏଝାରି ଦାରୁତିତି କାମାତା ଜିକେଏ ସେବା କିହାଲି ରୀଣା ଆହାମାନେରି □

୨୮ ଜିରୁସାଲମତା ଏ ତାବୁୟାଁ ଲକ୍ଷ୍ମକି ହାହାନା ନା କାମା ରାସ୍ତହି ତାୟୁ, ନାନୁ ସ୍ତେନ୍ ଦେସାତା ହାନାତି ଏ ଜିରୁଟିଏ ମିଙ୍ଗେ ବେଟି ଝାହାଁ □

୨୯ ନାନୁ ପୁଞ୍ଜାମାଇଁ, କ୍ରୀସ୍ତ ତାଣାଟି ହାଡ଼େପୁରେ ବର ବେଟାଆହାନା ନାନୁ ମୀ ତାଣା ଝାହାଁ □
୩୦ ଜୀଝୁତି ତାୟି ତାଜି, ନାନୁ ମା ପୁରୁ ଜୀସୁ କ୍ରୀସ୍ତ ଦରୁତଲେ ଇଞ୍ଜା ସୁଦୁଜୀଝୁ ହାହାମାଞ୍ଜାନି ଜୀଝୁ ନନାଣି ତାକି ମିଙ୍ଗେ ବାତିମାଲିମାଞ୍ଜାଇଁ, ନାଙ୍ଗେ ତାକି ମାହାପୁରୁ ତାଣା ରଣ୍ଡିଏ ଅଣ୍ଡିପୁ ତଲେ ପ୍ରାତାନା କିଦୁ □

୩୧ ନାନୁ ଜୀହୁଦା ଦେସାତି ନାମାଆତି ଲକ୍ଷ୍ମ ତାଣାଟି ଏନିକିହ~ ଗେଲୁପି ଆହାଁ ଇଞ୍ଜା ଜିରୁସାଲମତା ନା ଏମିନି ସେବା କାମା, ଏଦିଏନାଆଁ ମାହାପୁରୁ ଲକ୍ଷ୍ମ ଅପିନେରି, ଏଦାଆଁତାକି ପ୍ରାତାନା କିହେମାଞ୍ଜୁ □

୩୨ ମାହାପୁରୁ ଅଣ୍ଡିପୁ ତଲେ, ନାନୁ ମୀ ତାଣା ହାଡ଼େକା ରାହାଁତଲେ ଝାହାଁ ଇଞ୍ଜା ମୀ ତଲେ ଏବରଦିନା ପାତେକା ତ୍ଵୟାନା ନା ହିୟାଁତା ରାହାଁ ବେଟାଆହାଁ □

୩୩ ବାରେ ହିଡ଼ି ହିୟାନି ମାହାପୁରୁ ମୀ ତଲେ ମାଣ୍ଡେସି □ ଆମେନ୍ □



ପାଞ୍ଚୁଲତି ଜହରା

୯ କେଲେ ଯା କୁଲମିତା ସେବା କାମା କିହିମାନି ମା ତାଜି ପୟିବିକ୍ ମୀ ତାଣା ପାଣ୍ଡିମାଞ୍ଜାଇଁ,

୧୦ ପ୍ରବୃତ୍ତି ଦରୁତଲେ ଏଦାନି ଆବାଦୁ, ମାହାପୁରୁ ଲକୁ ଲେହେଁ ଲେମ୍ବାଦୁ □ ତାନି ଲଡ଼ାମାନି ଲେହେଁ ସାୟେମି କିଦୁ □ ଏଦି ନାଜେତାକି ଅଡ଼େ ହାରେକା ଲକୁତି ସାୟେମିତି ତଡ଼ୁ □

୧୧ *କ୍ରୀସୁ ଜୀସୁତି ସେବା କାମାତା ନା ତଲେ କାମା କିହିମାନି ପ୍ରିସ୍ୱିଲା ଇଞ୍ଜା ଆକ୍ୱିଲାଇଁ ନା ଜହରା ଷ୍ଟେହ୍ନୁ □

୧୨ ଏ ଲକୁ ନା ତାକି ତାନି ଜୀସୁତା କସୁ ଆହାମାନେ □ ଖାରଇ ନାନୁ ଆଏ, ବାରେ ଜୀହୁଦିଆଆତି କୁଲମି ତାନି ତାଣା ଜହରା □

୧୩ ଏ ଲକୁତି ଇଜ ରୁଣ୍ଡା ଆହିମାନି କୁଲମିତି ଲକୁଣି ଜିକେଏ ନା ଜହରା ଷ୍ଟେସିମାଇଁ □ ନା ଜୀସୁତି ତଡ଼ୁ ଏପାୟିନେତଇଁ ନା ଜହରା ଷ୍ଟେହ୍ନୁ □ ଆସିୟା ଦେସାତି ଏଘାସି ରଅସି ମୂଲୁଏ କ୍ରୀସୁଇଁ ନାମିତାସି □

୧୪ ମୀ ନେହେଁତାକି ଜମାଆନା କାମା କିହିମାନି ମରିୟମଇଁ ନା ଜହରା □

୧୫ ଆହୁନିକ ଇଞ୍ଜା ଜୁନିୟାଇଁ ନା ଜହରା □ ଇ ରିଆରି ଜୀହୁଦିୟାଁ ନା ତଲେ କାୟିଦି ଇଲୁତା ମାତେରି □ ନା ନକେଏ କ୍ରୀସୁଇଁ ନାମା ମାତେରି ଇଞ୍ଜା ପାଣ୍ଡିଆଡ଼ି ସୀସୁ ତାଣାଟି ଏଞ୍ଜାରି ପୁଣ୍ଡି ଆଡ଼ାରି □

୧୬ ପ୍ରବୁ ତାଣା ନା ଜୀସୁତି ତଡ଼ୁ ଆସିୟାତଇଁ ଜହରା □

୧୭ କ୍ରୀସୁତି ସେବା କାମାତା ନାଜେ ସାୟେମି କିହିମାଞ୍ଜାନି ଉର୍ବାନ ଇଞ୍ଜା ଜୀସୁତି ତଡ଼ୁ ସ୍ତ୍ରାକିୟଇଁ ଜିକେଏ ନା ଜହରା □

୧୮ କ୍ରୀସୁତି ମାନି ତଲେ କାମା କିନି ଆପେଲା ଇଞ୍ଜା ଆରିସ୍ତ୍ରୁଲ କୁଟମିତି ବାରେ ଜାଣାଇଁ ନା ଜହରା ଷ୍ଟେହ୍ନୁ □

୧୯ ନା କୁଡ଼ାତି ହେରଦିୟନ ଇଞ୍ଜା ନାକିଏ କୁଟମିତି କ୍ରୀସୁତି ତାୟିୟାଣି ଜିକେଏ ନା ଜହରା □

୨୦ ପ୍ରବୃତ୍ତି ସେବା କାମାତା ମାନି ତ୍ରିପେନା ଇଞ୍ଜା ତ୍ରିପସାଇଁ ଇଞ୍ଜା ପ୍ରବୁ ତାକି ହାରେକା କାମା କିହାମାନି ଜୀସୁତି ପସିଏଇଁ ନା ଜହରା □

୨୧ *ପ୍ରବୁ ଆଡ଼ାମାନି ରୁପସ ଇଞ୍ଜା ନା ତାଲି ଲେହେଁତି ତାନି ଇୟାନି ଜିକେଏ ନା ଜହରା □

୨୨ ଅସୁକ୍ତିତ, ପ୍ଲେଗନ, ହର୍ମିଏ, ପାତ୍ରବା, ହର୍ମିଏ ଇଞ୍ଜା ଏଞ୍ଜାରିତଲେ ମାନି ବାରେ କ୍ରୀସୁଇଁ ନାମିମାନି ତାୟି ତାଜିଇଁ ଜହରା ଷ୍ଟେହ୍ନୁ □

୨୩ ପିଲଲଗ ଇଞ୍ଜା ଜୁଲିୟା, ନିରୁସ ଇଞ୍ଜା ତାନି ତାଜି ଅଡ଼େ ଅଲୁମା ଅଡ଼େ ଏଞ୍ଜାରିତଲେ ମାନି ବାରେ ମାହାପୁରୁ ଲକୁଣି ନା ଜହରା ଷ୍ଟେହ୍ନୁ □

୨୪ ସୁଦୁ ହିୟାଁ ତଲେ ନଖ୍ୱି ଆହାନା ଜହରା ଷ୍ଟେହ୍ନୁ □ କ୍ରୀସୁତି ବାରେ କୁଲମିକା ମିଙ୍ଗେ ଜହରା କିହିମାଞ୍ଜାନୁ □

ପାଞ୍ଚୁଲତି ରାନି ବେଲାତି ବଲୁ

୨୫ ତାୟି ତାଜିସ୍ତାତେରି, ମୀରୁ ଆମିନି କାତା ଜାପାମାଞ୍ଜେରି, ଏ କାତାତି ପିସାନା ଗତି ଗତି କିନାସି ଅଡ଼େ ଲାଗେଏ କିୟାନେସି ଏଞ୍ଜାରିଇଁ ପୁଞ୍ଜା ତୟାଦୁ, ଏଞ୍ଜାରି ତାଣାଟି ଏବ୍କା ଆୟାଲି ନାନୁ ବାଡ଼ିମାଲିମାଞ୍ଜାଇଁ □

୨୬ ଇତିହିଁ ଇଲେତି ଲକୁ ମା ପ୍ରବୁ କ୍ରୀସୁତି ହଲିୟାଙ୍ଗା ଆଏ, ସାମା ତାନି ବାଣ୍ଡିତି ହଲିୟାଙ୍ଗା ଆହାମାନେରି, ଅଡ଼େ ସୁଞ୍ଜାଲା ହାଡ଼ାତଲେ ଲକୁ ମନତି ନାଡ଼ି କିନେରି □

୨୭ ନେହିଁ ବଲୁ ତାକି ମୀ ତୀରପୁ କାମା ବାରେ ଲକୁ ଷ୍ଟେଞ୍ଜାମାନେରି, ଇଦାଆଁତାକି ନାନୁ ହାରେକା ରାହାଁ □ ନାନୁ ଅଣପିମାଇଁ, ମୀରୁ ସାତା କାତାତା ବୁଦି ଗାଗାତେରି ଆଦୁ ଇଞ୍ଜା ଉଜେଏତି କାତାତା ଆଣ୍ଡାଆଦୁ □

୨୮ ଆତିହିଁ ହିଡ଼ଡ଼ି ହିୟାନି ମାହାପୁରୁ ତବେ ସୟତାନଇଁ ମୀ କଡ଼ାଁ ଡ଼ଇ କିନେସି □ ମା ପ୍ରବୁ କ୍ରୀସୁତି କାର୍ମାମେହନାୟି ମୀ ତଲେ ମାଣ୍ଡେମ୍ □

୨୯ ନା ତଲେ କାମା କିହିମାନି ତିମତି ଇଞ୍ଜା ମା ଜୀହୁଦି ତାୟିୟାଁ ଲୁକିୟ, ଜାସନ ଇଞ୍ଜା ସସିପାତ୍ର ମିଙ୍ଗେ ଜହରା କିହିମାଞ୍ଜାନେରି □

୩୦ ଇ ଆକୁ ରାଡ଼ାମାନି ତତୟ, ପ୍ରବୃତ୍ତି ଦରୁତଲେ ମିଙ୍ଗେ ଜହରା କିହିମାଞ୍ଜାଇଁ □

* ୧୭:୩ ୧୭:୩ କାମା ୧୮:୨ * ୧୭:୧୩ ୧୭:୧୩ ମାର୍କ ୧୫:୨୧ * ୧୭:୨୧ ୧୭:୨୧ କାମା ୧୭:୧

୨୩ *ନାଙ୍ଗେ ଅଡ଼େ କୁଲମିତି ସେବା କିନି ଗାୟସ ମିଙ୍ଗେ ଜହରା କିହିମାଞ୍ଜାନେସି, ଅଡ଼େ ଇ ଗାଡ଼ାତି
ଗୁମୁସ୍ତା ଏରାସ୍ତ ଇଞ୍ଜା ତାୟି କୁଞ୍ଜାର୍ତ ଜିକେଏ ମିଙ୍ଗେ ଜହରା କିହିମାଞ୍ଜାନେରି □

୨୪ ପ୍ରବୁ ଜୀସୁତି କାର୍ନାମେହ୍ନାୟି ମୀ ବାରେ ଜାଣାକି ଆପେ □

ପ୍ରାତାନ ଇଞ୍ଜା ଜହରା ତଲେ ଆକୁ ରାପ୍ନାୟି

୨୫ ୱାଦୁ, ମାର ମାହାପୁରୁତି ଗାଞ୍ଜୁରମି କିନ □ ନାନୁ ୱେକହାମାନି ଜୀସୁ କ୍ରୀସ୍ତତି ନେହ୍ ବଲୁ ଇଞ୍ଜା
ତଲି କାଲ୍ଲାଟିଏ ତ୍ତୁଗୁମାନି ସାତା ଲେହେଁ ମୀ ନାମୁ ତାରିକିହାଁ ଇଟାଲି ମାହାପୁରୁ ଆଡ଼ିନେସି □

୨୬ ଏ ତ୍ତୁଗୁମାନି ସାତା ମାହାପୁରୁ ଅଣ୍ଟପୁତି ବଲୁ ୱେହ୍ନାରି ସାସ୍ତେରିତା ରାସ୍କି ଆହ୍ମାମାନେ ଅଡ଼େ
ଏଡ଼ି ନାଏଁ କାଲ୍ଲାକାଲ୍ଲାତି ପ୍ରବୁ ମାହାପୁରୁ ତାଣାଟି ବାରେ କୁଡ଼ା ବିତ୍ତା ୱେପ୍କି ଆହିମାନେ □ ଇଦାଆଁ
ତଲେ ବାରେଜାଣା ନାମାନା ମାହାପୁରୁଇ ମାନି କିହାଲି ଆଡ଼ିନେରି □

୨୭ ବାରେ କାତା ପୁନି ମାହାପୁରୁ ପ୍ରବୁ ଜୀସୁ ତାଣା କାଲ୍ଲାକାଲ୍ଲା ତାକି ଗାଞ୍ଜୁରମି ବେଟାଆପେସି □
ଆଡ଼େନ □

କରନ୍ତି ମଣ୍ଡଳୀ ନିମନ୍ତେ ପାତଳକ ଲିଖିତ ପ୍ରଥମ ପତ୍ର କରନ୍ତି କୁଲମିତାକି ପାଞ୍ଚଲ ରାଢ଼ାମାନି ର ଲମ୍ବର ଆକୁ ମୂନୁ ହାଡ଼ା

କରନ୍ତି କୁଲମିତା ର ଲମ୍ବର ଆକୁ ପାଞ୍ଚଲ ଆହାମାନି ପାଞ୍ଚଲ ତାଣାଟି ଜୀସୁ କ୍ରୀସ୍ତତି ଜାର୍ନତି ୫୫ ବାର୍ଷା ଜେତ ରାସ୍ତି ଆହାମାତେ ୧:୧ □ ପାଞ୍ଚଲ ତାଣାଟି ରାସ୍ତି ଆହାମାନି ଜଡ଼େକା ଆକା ବିଭାଟି ଛଦି ଆହିମାନେ ର ଲମ୍ବର ଆକୁ □ ଏଞ୍ଜାସି ଏପିସିୟତା ମାଟିବେଲାତା ଛ ଆକୁ ରାଢ଼ା ମାଣ୍ଡିତେସି ୧୭:୫-୯ □ ମାକିଦନିୟାଟି କରନ୍ତିତା ହାଜାଲି ମନ କିନି ନଡ଼େକ୍ୟ ଛ ଆକୁ ରାଢ଼ାମାତେସି □

ପାଞ୍ଚଲ ଛ ଆକୁତା କୁଲମି ଗତି ଗତି ଆନାସି ଲାଗେଏତି କାମାତି ଜୁପକା ତଲେ ହାରେକା ପାପୁ କାମା ଆହିମାନାଣି କୁଲମିତି ଲକୁ ତାଣାଟି ଖେଞ୍ଜାନା ଖେଣ୍ଡେ ଖେସାଲି ମନୁ ହାହିମାନେସି □ କରନ୍ତି ଗାଡ଼ା ଲାଗେଏ ପଲେଏ ପାପୁ କାମାୟା କିହିମାନାସି ଖେଞ୍ଜାମାତେ □ ଇଞ୍ଜା ଗାଡ଼ାତା ମାଟି କୁଲମି ହାରେକା କାଞ୍ଜାଲା ଆହିମାତେରି □ ଏଦାଆଁ ଅଣପାନା ଏଞ୍ଜାରାକି ତିନା ଉନାଣି, ବୀହା ଆନାଣି ଅଡ଼େ କିନାଣି, ହାକି ଅଡ଼େ ଖେଣ୍ଡେ ନିଜିନାଣି, ସାତା ଜୀଞ୍ଜନନାସି ଏନାସି ଛ ବାରେ କାତା ଆକୁତା ରାଢ଼ାନା ତସାମାନେସି ୧୩ □

ପତିତା ମାନାସି

- ୧ ଜହରା କିହାନା ପୁଣ୍ଡିକିନାସି □ ୧:୧-୯
- ୨ କୁଲମିକା ଗତି ଆନି କାତା ଜାପୁନାସି □ ୧:୧୦-୪:୨୧
- ୩ ଲାଗେଏତି ପାପୁ କାମା ଅଡ଼େ ଦାଞ୍ଜକିନି କାତା □ ୫:୧-୭:୨୦
- ୪ ବୀହା, ପେଣ୍ଡକା ବମାୟାତି ବଗୁ, ଜାଡୁ ଆହାନା ପ୍ରାଡ଼ାନା, ସୁଦୁଜୀଞ୍ଜୁତି ଦାନା, ଇଞ୍ଜା ଖେଣ୍ଡେ ନିଜିନି କାତା □ ୭:୧-୧୫:୫୮
- ୫ ଲେମ୍ବିନି କାତା, ଜାହାରା ଅଣ୍ଡପୁ ଇଞ୍ଜା ରାପୁନାସି □ ୧୭

୧ ନାନୁ ପାଞ୍ଚଲ, ମାହାପୁରୁତି ମନତଲେ କ୍ରୀସ୍ତ ଜୀସୁ ତାଣାଟି ଆଡ଼ାନା ପାଞ୍ଚଲ ଆହାମାନାତେସି, ଅଡ଼େ ମା ଚାସି ସସିନା ତଲେ,

୨ *କରନ୍ତି ଗାଡ଼ାତା ମାନି ମାହାପୁରୁ କୁଲମିତାକି ଛ ଆକୁ ରାଡ଼ିମାନେରି; ଆନିନି ବାରେଜାଣା ଏଞ୍ଜାରିତାଣା, ପ୍ରବୁ ଜୀସୁ କ୍ରୀସ୍ତ ଦରୁତଲେ ପ୍ରାଡ଼ାନା କିହିମାନେରି, ଏଞ୍ଜାରିତଲେ କ୍ରୀସ୍ତ ଜୀସୁ ତାଣା ସୁଦୁ ଆହାନା ହାଟୁକି ଆହାମାନି ମାହାପୁରୁ ଲକୁତେରି ମୀରୁ □

୩ ମିଜେତାକି ମା ଆଡ଼ା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାସି ଅଡ଼େ ହିଡ଼ତି ଆପେ □

କ୍ରୀସ୍ତ ତାଣାଟି ବର

୪ କ୍ରୀସ୍ତ ଜୀସୁ ତାଣାଟି ମିଜେ ହାହାମାଞ୍ଜାନି ମାହାପୁରୁତି ଆନିନି କାର୍ମାମେହନାସି, ଏଦାଆଁତାକି ନାନୁ କାଟ୍ଲେଏ ମିଜେତାକି ମାହାପୁରୁଜି ଜହରା କିହିମାଜି,

୫ ଏନାଆଁତାକି ଇତିହି ଏଞ୍ଜାଣି ତାଣା ବାରେ କାତାତା, ହାରେକା କିହି ବାରେଲେହେତି ଜାପୁନି ତାଣା ଅଡ଼େ ବାରେଲେହେତି ବୁଦିତା ମୀରୁ ଗାତି ବାଡ଼କା ମାଞ୍ଜେରି;

୬ ଇଲେଆହି କ୍ରୀସ୍ତତି ସାକି ମୀ ତାଣା ତୀରି ଆହାମାନେ □

୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସ୍ତତି ତଞ୍ଜା ଆହାଲିତାକି କାପୁ କାଡ଼ାନା ଏନି କାର୍ମାତି ଦାନାତା ଉଣା ଆହାହିଲଅଡ଼େରି;

୮ ମା ପ୍ରବୁ ଜୀସୁ କ୍ରୀସ୍ତତି ଦିନାତା ଏନିକି ମୀରୁ ଦହ ହିଲାଆଗାଟାତେରି ଆଡ଼େରି, ଇଦାଆଁତାକି ଏଞ୍ଜାସି ମିଜେ ରାନି ଦିନା ପାତେକା ତୀରିକିହା ଇଟାନେସି □

୯ ମାହାପୁରୁ ନାମୁଗାଗାସି, ଆମ୍ବାଆରି ତାଣାଟି ମୀରୁ ତାନି ମୀରଏସି ଜୀସୁ କ୍ରୀସ୍ତ, ମା ପ୍ରବୁ ତାଣା ଆଣ୍ଡିନାଣାକି ହାଟୁକି ଆହାମାଞ୍ଜେରି □

ନାନିତି କୁଲମି ବିଭା ଗତି ଆନାସି

* ୧:୨ ୧:୨ କାମା ୧୮:୧

୧୦ ଏ ତାୟିୟା ଅଡ଼େ ତାଜିୟାତେରି, ମା ପୁତ୍ର ଜୀସୁ କ୍ରୀସ୍ତ ଦରୁତଲେ ନାନୁ ମିଙ୍ଗେ ବାତିମାଲିମାଞ୍ଜାଇଁ, ଏନିକି ମୀରୁ ବାରେଜାଣା ତେରି ରଣିଏ କାତା ଜଲିଦେରି, ଅଡ଼େ ମୀ ବିତ୍ରା ଗତି ଆଅତେରି, ସାମା ମୀରୁ ରଣିଏ ମନ ରଣିଏ ଅଣପୁ ତଲେ କାଲୁଞ୍ଚି ଆବୁ ।

୧୧ ଇତିହ, ଏ ନା ତାୟିୟା ଅଡ଼େ ତାଜିୟାତେରି, କ୍ଲୟିତି କୁଟମିତି ମୀ କାତା ନା ତାଣା ଇଦି ତଞ୍ଜା ଆହାମାନେ, ମୀ ବିତ୍ରା ଗଡ଼ହା ମାନେ ।

୧୨ ନାନୁ ଝେସ୍ତାନି କାତା ଇଦି, ମୀ ବିତ୍ରାତି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଜୁଲ ଝାକି ତାତେଏ, ଇଞ୍ଜା ଆମ୍ବାଆରି ନାନୁ ଆପଲ ଝାକି ତାତେଏ, ନାନୁ କେପା ଝାକି ତାତେଏ ଅଡ଼େ ଏଚରଜାଣା ନାନୁ କ୍ରୀସ୍ତ ଝାକି ତାତେଏ ଇଞ୍ଜା ମାନେରି ।

୧୩ କ୍ରୀସ୍ତ ବାଗା ଆହାମାନେସି କି ? ମିଙ୍ଗେତାକି ପାଞ୍ଜୁଲ କି ପାସି ମୁଣ୍ଡାତା ହାହାମାନେସି ? ଆଆତ ମୀରୁ କି ପାଞ୍ଜୁଲ ଦରୁତଲେ ବାପ୍ତିସ୍ତା* ଅହାମାଞ୍ଜେରି ?

୧୪ *ଇଦାଆଁତାକି କ୍ରିସ୍ତ ଅଡ଼େ ଗାୟ ପିସ୍ତେ ମୀ ବିତ୍ରା ଆମ୍ବାଆରାଇଁ ଜିକେଏ ବାପ୍ତିସ୍ତା* ହୀହାହିଲଅଁ ଇଞ୍ଜା ନାନୁ ମାହାପୁରୁଇଁ ଜହରା କିହିମାଇଁ,

୧୫ ଏଡ଼େତା ମୀରୁ ନୀ ଦରୁତଲେ ବାପ୍ତିସ୍ତା* ଅହାମାଇଁ ଇଞ୍ଜା ଆମ୍ବାଆରି ଏଲେଇଞ୍ଜଅରି ।

୧୬ *ଅଡ଼େ ସ୍ତ୍ରୀପାନତି କୁଟମିଇଁ ଜିକେଏ ବାପ୍ତିସ୍ତା* ହୀହାମାଇଁ; ଇଝାରି ପିସ୍ତେ ନାନୁ ଅଡ଼େ ଆମ୍ବାଆରାଇଁ ବାପ୍ତିସ୍ତା* ହୀହାମାଇଁ ଇଞ୍ଜା ନା ଅଣପୁତା ହିଲେଏ ।

୧୭ ଇତିହ କ୍ରୀସ୍ତ ନାଙ୍ଗେ ବାପ୍ତିସ୍ତା* ହୀହାଲିତାକି ପାଣ୍ଡାମାଞ୍ଜଅସି, ସାମା ନେହ କାବୁ ଝେସାଲି ପାଣ୍ଡାମାଞ୍ଜାନେସି; ଏଦି ଜିକେଏ ବଲୁତି ରାହାଁ କିନି ତାଣା ଆଏ, ଏଡ଼େତା ପାଟେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ ।

କ୍ରୀସ୍ତ ମାହାପୁରୁତି ବାଡ଼ୟୁ ଅଡ଼େ ବୁଦି

୧୮ ଇତିହ ନାସା ଆହିମାନି ଲକ୍ଷ୍ମତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍ପି ଆହିମାନି ମା ବାରେଜାଣା ତାକି ଏଦି ମାହାପୁରୁତି ବାଡ଼ୟୁ ।

୧୯ ଇଦାଆଁତାକି ରାସ୍ତକି ଆହାମାନେ,
“ନାନୁ ବୁଦିଗାଟାରି ବୁଦି ନାସଞ୍ଚି କିଇଁ,
ଅଡ଼େ ବୁଦିଗାଟାରି ବୁଦି ଅପଅଁ ।”

୨୦ ବୁଦିଗାଟାରି ଆମ୍ବିୟା ? ମେରା ଜାପୁନାରି ଆମ୍ବିୟା ? ଇ ଜୁଗୁତି କାତା କାଟଞ୍ଚିକିହାଁ ଝେହ୍ନାରି ଆମ୍ବିୟା ? ମାହାପୁରୁ କି ଦାର୍ତତି ବୁଦିଇଁ ଉଜେଏତାୟି ଇଞ୍ଜା ଝେସାହିଲଅସି ?

୨୧ ଇତିହ ମାହାପୁରୁତି ବୁଦି ତଞ୍ଜାଆହାମାନି ଜିକେଏ ଦାର୍ତତି ଜାହାରା ବୁଦିତଲେ ମାହାପୁରୁଇଁ ପୁନାଆତାକି ମାମୁ ଝେକହାମାନି କାତା ଉଜେଏତାୟି, ଆଡ଼ିଜିକେଏ ନାମୁ ଗାଟାରାଇଁ ଗେଲ୍ପାଲିତାକି ମାହାପୁରୁ ଅଣପିତେସି ।

୨୨ ଇତିହ ଜାହୁଦିଙ୍ଗା ସିନା ପାରିନେରି, ସାମା ଗ୍ରିକ୍ ଲକ୍ଷ୍ମ ବୁଦିତି ପାରିନେରି ।

୨୩ ସାମା ମାମୁ ପାସି ମୁଣ୍ଡାତା ହାଡ଼ି କ୍ରୀସ୍ତତି କାତା ଝେକହି ମାନମି, ଏଝାସି ଜାହୁଦି ଲକ୍ଷ୍ମତାକି ସାତୁ ଲେହେଁତାସି ଅଡ଼େ ଜାହୁଦିଆଆତି ଲକ୍ଷ୍ମତାକି ବୁଦି ହିଲ୍ଲାଆଲେହେଁ ।

୨୪ ସାମା ଜାହୁଦି ଆପାରି କି ଜାହୁଦିଆଆତାରି ଆପାରି, ଆମ୍ବାଆରି ହାଟ୍ଟକି ଆଡାରି, ଏଝାଚାକି କ୍ରୀସ୍ତ ମାହାପୁରୁତି ବାଡ଼ୟୁ ଅଡ଼େ ମାହାପୁରୁତି ବୁଦି ଲେହେଁ ।

୨୫ ଇତିହ ମାହାପୁରୁତି ବୁଦି ହିଲ୍ଲାଆଗାଟାୟି ମାଣସିୟାତି ବୁଦି କିହାଁ ହାରେକା ବୁଦି, ଅଡ଼େ ମାହାପୁରୁତି ଆଡାଆ ଗାଟାୟି ମାଣସିୟାତି ବାଡ଼ୟୁ କିହାଁ ହାରେକା ବାଡ଼ୟୁ ଗାଟାୟି ।

୨୬ ଏ ତାୟିୟା ଅଡ଼େ ତାଜିୟା ମିଙ୍ଗେ ହାଟାମାନି କାତା ଅଣପାପୁ, ଦାର୍ତତି ଲକ୍ଷ୍ମତି ଅଣପୁ ଲେହେଁ ହାରେକା ବୁଦିଗାଟାରି, ହାରେକା ବାଡ଼ୟୁ ଗାଟାରି, କି କାଜା କୁଡା ଗାଟାରି ହାଟ୍ଟକି ଆହାହିଲଅରି;

୨୭ ଏଦାଆଁତାକି ମାହାପୁରୁ ବୁଦି ଗାଟାରାଇଁ ଲାଜା କିହାଲିତାକି ଦାର୍ତତି ବୁଦି ହିଲ୍ଲାଆଗାଟାଣି ଆଡ଼ିତେସି, ଅଡ଼େ ବାଡ଼ୟୁ ଗାଟାଣି ଲାଜା କିହାଲିତାକି ମାହାପୁରୁ ଦାର୍ତତି ବାଡ଼ୟୁ ହିଲ୍ଲାଆଗାଟାରାଇଁ ଆଡ଼ିତେସି ।

* ୧:୧୨ ୧:୧୨ କାମା ୧୮:୨୪ * ୧:୧୩ ୧:୧୩ମୁଞ୍ଜିନାୟି * ୧:୧୪ ୧:୧୪ କାମା ୧୮:୮; କାମା ୧୯:୨୯; ରମି ୧୬:୨୩
† ୧:୧୪ ୧:୧୪ମୁଞ୍ଜିନାୟି ‡ ୧:୧୫ ୧:୧୫ମୁଞ୍ଜିନାୟି * ୧:୧୬ ୧:୧୬ ୧କର ୧୬:୧୫ § ୧:୧୭ ୧:୧୭ମୁଞ୍ଜିନାୟି * ୧:୧୭ ୧:୧୭ମୁଞ୍ଜିନାୟି † ୧:୧୭ ୧:୧୭ମୁଞ୍ଜିନାୟି

୨୮ ଅଡ଼େ ଏନାୟି ଦାରୁତି ନକିତା ମାନି ଗାଗାୟି, ଏ ବାରେ ଉଜେଏ କିହାଲି, ମାହାପୁରୁ ଦାରୁତିତି ହାଣି, ଇଞ୍ଜା ଅପାଆଗାଗାଣି ହାଅ, ମାନି ହିଲୁଆଗାଗାଣି ଆଡ଼ିତେସି □

୨୯ ଅଡ଼େ ଏନାୟି ଦାରୁତି ନକିତା ମାନି ଗାଗାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାରୁତିତି ଉଣା ଅଡ଼େ ଅପାଆଗାଗାଣି ହାଅ ଉଜେଏତାଣି ଆଡ଼ିତେସି □

୩୦ ସାମା ଏଞ୍ଜାଣି ତାକି ମାରୁ କ୍ରୀସ୍ତ ଜୀସୁ ତାଣା ମାଞ୍ଜେରି, ଏଞ୍ଜାସି ମାହାପୁରୁ ତାଣାଟି ମାଞ୍ଜେତାକି ବୁଦି, ଇଚିହିଁ ଦାମ୍ବୁଗାଗାସି, ସୁଦୁଗାଗାସି ଅଡ଼େ ଗେଲ୍‌ପିନି ଲେହେଁ ଆହାମାନେସି □

୩୧ ଇଦାଆଁତାକି, ଦାମ୍ବୁପତିତା ରାସ୍‌କି ଆହାମାନେ, “ଆମ୍ବାଆସି ବତପଣ ଆନେସି, ଏଞ୍ଜାସି ମାହାପୁରୁ ତାଣା ବତପଣ ଆପାସି □”

୨

ପାସି ମୁଣ୍ଡାତା କ୍ରୀସ୍ତ ହାଡ଼ି କାବୁ

୧ ଏଦାଆଁତାକି ଏ ତାୟିୟାଁ ଅଡ଼େ ତାଞ୍ଜିସ୍ତାତେରି, ଏଡ଼େତା ନାନୁ ମୀ ତାଣା ହାଜାମାତେସି, ଏଚିବେଲ୍ଲା ମାହାପୁରୁତି ତ୍ତୁଗାମାନି ସାତା କାତାତି ଗାଡ଼ି ବୁଦି ଗାଗାରିଲେହେଁ ମୀ ତାଣା ଝେକହାମାତେସି ଏଲେକିଁ ଆଏ □

୨ ଇଚିହିଁ ଜୀସୁ କ୍ରୀସ୍ତ, ଇଚିହିଁ ପାସି ମୁଣ୍ଡାତା ହାଡ଼ି ଜୀସୁ କ୍ରୀସ୍ତ ପିସ୍‌ପେ ମୀ ତାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଣ୍‌ପାଆତେସି □

୩ ଅଡ଼େ, ନାନୁ ବାଡ଼ୁଲୁ ହିଲୁଆନା, ଆଜି ଅଡ଼େ ତାବ୍‌ରି ତୀବ୍‌ରିହିଁ ମୀ ତାଣା ମାତେସି;

୪ ଇଦାଆଁତାକି ନା ଜାପୁନାୟି ଅଡ଼େ ଝେକନାୟି ମାଣ୍‌ସି ବୁଦିତି ନେହିଁ ହାଡ଼ାଲେହେଁ ଆଆନା ମାହାପୁରୁତି ସୁଦୁଜୀଞ୍ଜୁତି ବାଡ଼ୁଲୁ ତସ୍‌ପି ଆହାମାନେ □

୫ ମୀ ନାମୁ ଏନିକିଁ ମାଣ୍‌ସିୟାଁତି ବୁଦିତା ତୀରି ଆଆନା ମାହାପୁରୁତି ବାଡ଼ୁଲୁତା ତୀରି ଆନେ □

ମାହାପୁରୁତି ବୁଦି

୬ ଆଡ଼ିଜିକେଏ ମାମ୍ବୁ ସୁଦୁଜୀଞ୍ଜୁତା ପାତାଆନି ବୁଦିଗାଟି ଲକୁତାଣା ବୁଦିତିକାତା ଝେହନମି, ସାମା ଏଦି ଇ ଜୁଗୁତି ବୁଦି ଆଏ, ଅଡ଼େ ଇ ଜୁଗୁତି ଗାଡ଼େକା ତାକି ନାସା ଆନି ସାଲ୍‌ଝି କିନାରି ବାଡ଼ୁଲୁତି ହାବ୍‌ଝି କିନାରି ବୁଦି ଆଏ □

୭ ସାମା ନାନୁ ତ୍ତୁଗାମାନି ଲେହେଁତି ମାହାପୁରୁତି ବୁଦିତିକାତା ଝେସିମାଜ୍; ଏ ତ୍ତୁଗାମାନି ମାହାପୁରୁ ବୁଦି ମା ଗାଞ୍ଜୁରମି ତାକି ଦାରୁତିତି ଗାଡ଼ି ଆଆ ନକେଏ ଏତାନା ଇଚିକି ଆହାମାତେ □

୮ ଇ ଜୁଗୁତି ସାଲ୍‌ଝି କିନାରି ଜିକେଏ ଆମ୍ବାଆରି ଏଦାଆଁ ପୁଞ୍ଜାହିଲଅରି, ଏଦାଆଁତାକି ଇଚିହିଁ ଏଞ୍ଜାରି ଏଦାଆଁ ପୁଞ୍ଜାମାଚିହିଁ ମା ଗାଞ୍ଜୁରମିଗାଟି ପ୍ରବୁଇଁ ଜୁସତା ପାୟାଆତେରିମା □

୯ ସାମା ଏନିକିହିଁ ଦାମ୍ବୁପତିତା ରାସ୍‌କି ଆହାମାନେ,

“କାନୁ ଏନିନାଣି ମେସା ହିଲେଏ, କିୟିଁ ଏନିନାଣି ଝେଞ୍ଜା ହିଲେଏ,

ଅଡ଼େ ମାଣ୍‌ସିୟାଁ ହିୟାଁତା ଏନିନାଣି ଅଣ୍‌ପା ହିଲଅରି,

ଏ ବାରେତି ମାହାପୁରୁ ତାଞ୍ଜେ ଜୀଞ୍ଜୁ ନନାରାକି କିହାମାନେସି □”

୧୦ ସାମା ମାହାପୁରୁ ମାଞ୍ଜେତାକି ସୁଦୁଜୀଞ୍ଜୁ ତଲେ ବାରେ ତସାମାଞ୍ଜାନେସି; ଏନିକିଁ ଏ ସୁଦୁଜୀଞ୍ଜୁ ବାରେ କାତା, ହାଅ, ମାହାପୁରୁତି ତ୍ତୁଗାମାନି କାତା ଜିକେଏ ପାରିନେସି □

୧୧ ମାଣ୍‌ସିତି କାତା ବାରେ ମାଣ୍‌ସି ତାଣା ମାନି ଜୀଞ୍ଜୁ ପିସ୍‌ପେ ଅଡ଼େ ଆମ୍ବାଆସି ପୁନେସି ? ଏଲେକିହିଁ ଏ ମାହାପୁରୁ କାତା ବାରେ ମାହାପୁରୁ ଜୀଞ୍ଜୁ ପିସ୍‌ପେ ଆମ୍ବାଆସି ପୁନଅସି □

୧୨ ଏନିକିଁ ମାହାପୁରୁ ତାଣାଟି ମାଞ୍ଜେ କାର୍‌ମାନେହ୍‌ନି ତାଣାଟି ହାପକି ଆହାମାନି କାତା ବାରେ ମାରୁ ପୁଞ୍ଜାଲି ଆଡ଼ିନାୟି, ଏଦାଆଁତାକି ମାରୁ ଦାରୁତିତି ଜୀଞ୍ଜୁ ପୁଞ୍ଜାଆନା ମାହାପୁରୁତି ଜୀଞ୍ଜୁ ବେଟା ଆହାମାନାୟି □

୧୩ ଏ ବାରେ କାତା ଜିକେଏ ମାରୁ ମାଣ୍‌ସିତି ବୁଦିତି ଜାପାମାନି ବଲୁ ତଲେ ଝେସିହିଲୁଆୟି, ସାମା ସୁଦୁଜୀଞ୍ଜୁତି କାତା ବାରେ ସୁଦୁଜୀଞ୍ଜୁତି କାତାତଲେ ତେଲ୍‌ହି କିହନା ସୁଦୁଜୀଞ୍ଜୁ ତଲେ ଜାପାମାନି ବଲୁ ତଲେ ଝେସିମାନାୟି □

* ୨:୩ ୨:୩ କାମା ୧୮:୯

୧୪ ସାମା ଦାରୁଡ଼ି ମାଣସି ମାହାପୁରୁତି ସୁଦୁଜୀଝୁତି କାତା ବାରେ ଅପଅସି, ଏନାଆଁତାକି ଇଚିହଁ ଏ ବାରେ ତାନି ନକିତା ଉଜେଏତାୟି, ଅଡ଼େ ଏଝାସି ଏ ବାରେତି ତେଲହାଲି ଆଡ଼ଅସି, ଇଚିହଁ ଏ ବାରେ ସୁଦୁଜୀଝୁ ତଲେ ନୀହାୟି କିଝିଆଡ଼େନ □

୧୫ ସାମା ଆମ୍ବାଆରାକି ସୁଦୁଜୀଝୁ ମାନେ, ଏଝାସି ବାରେ କାତା ନେହଁକଁ ଅଣ୍ପିନେସି, ଆଡ଼ିକିକେଏ ଆମ୍ବାଆସି ଏଝାଣାଇଁ ଅଣ୍ପିଅସି □

୧୬ ଏନାଆଁତାକି ଇଚିହଁ,
“ଆମ୍ବାଆସି ମାହାପୁରୁତି ଅଣ୍ପି ପୁଞ୍ଜାମାନେସି,
ଇଞ୍ଜାଁ ଏଝାସି ଏଝାଣାଇଁ ଜାପୁହାଲି ଆଡ଼ିନେସି ?”
ସାମା ମାମ୍ବୁ ଜ୍ଞାସୁତି ମନ୍ଦ ବେଟା ଆହାମାନମି □

୩

କୁଲମିତା ଗଡ଼ହା

୧ ଏ ନା ତାୟିୟାଁ ଅଡ଼େ ତାଜିସ୍ତାତେରି ନାନୁ ସୁଦୁଜୀଝୁ ବେଟାଆହାମାନି ଲକୁଣି ଝେହ୍ନିଲେହେଁ ମିଜେ ଝେସାଲି ଆଡ଼ାଆତେଏଁ, ସାମା ଆଜାମ ତଲେ ମାନି ଲକୁ ଅଡ଼େ ଜ୍ଞାସୁ ତାଣା ନାମୁତି କକାରି ପଦାଁଣି ଝେହ୍ନିଲେହେଁ ମିଜେ ଝେସ୍ତାତେଏଁ □

୨ ନାନୁ ମିଜେ ପାଲୁ ଉଡ଼ହାନା ଆଟ଼ଝା ରାନ୍ଦା ହିୟାଆତେଏଁ, ଏନାଆଁତାକି ଇଚିହଁ ଏଲେତି ରାନ୍ଦା ତିଞ୍ଜାଲି ଆଡ଼ିହଲିଆତେରି, ଅଡ଼େ ନୀଏଁ ଜିକେଏ ଆଡ଼ଅତେରି,

୩ ନୀଏଁ ପାତେକା ମୀରୁ ଦାରୁଡ଼ି ନାମାଆତି ଲକୁ ମାଣକି ତଲେ ମାଞ୍ଜେରି, ଏନାଆଁତାକି ଇଚିହଁ ମୀ ବିଡ଼ା ତାହାରା ଅଡ଼େ ଗଡ଼ହା କିନାୟିମାନେ, ଏନାଆଁତାକି ମୀରୁ ଦାରୁଡ଼ି ନାମାଆତି ଲକୁତେରି ଆଏକି ଇଞ୍ଜାଁ ମାଣସି ନୀତିନି ଲେହେଁ ନୀତି ହିଲଅତେରି ?

୪ ଏଡ଼େତା ରଅସି ଏଲେଇନେସି, “ନାନୁ ପାଝୁଲ ତାଣା ତାତେଏଁ” ଅଡ଼େ ରଅସି ଏଲେଇନେସି “ନାନୁ ଆପଲ ତାଣା ତାତେଏଁ” ଏଚେଟିଏ ମୀରୁ ଦାରୁଡ଼ି ନାମାଆତି ଲକୁତେରି ଆଏକି ?

୫ ଆପଲ ଆମ୍ବାଆସି ? ପାଝୁଲ ଆମ୍ବାଆସି ? ଏଝାରି ଝାଉଇ ସେବା କିନାରି, ଆମ୍ବାଆରି ତାଣାଟି ବାରେତାକି ପ୍ରୁ ଏନିକଁ ହୀହାମାନେସି ଏଲେକଁ ମୀରୁ ନାମାମାଞ୍ଜେରି □

୬ ନାନୁ ଉହାମାଇଁ, ଆପଲ ଏୟୁ ହୀହାମାନେସି, ସାମା ମାହାପୁରୁ ପାତି କିହାମାନେସି □

୭ ଇଚିହଁ ଆମ୍ବାଆସି ଉହିନେସି ଇଞ୍ଜାଁ ଆମ୍ବାଆସି ଏୟୁ ହୀନେସି ଏଝାସି ଏନାସି ଆଏ, ସାମା ଆମ୍ବାଆସି ପାତି କିନି ମାହାପୁରୁ ଏଝାସି କାଜାସି □

୮ ଆମ୍ବାଆସି ଉହିନେସି ଅଡ଼େ ଆମ୍ବାଆସି ଏୟୁ ହୀନେସି ଏଝାରି ରିଆରି ରଲେଏତାରି, ସାମା ବାରେଜାଣା ତାନି କସୁତି ଲେକାତଲେ କୁଲି ବେଟାଆଡ଼େନରି □

୯ ଇଚିହଁ ମାମ୍ବୁ ମାହାପୁରୁ ତଲେ ଆଣ୍ଡାନା କାମା କିନାତମି, ମୀରୁ ମାହାପୁରୁତି ତାସା ବୁମି ଅଡ଼େ ମାହାପୁରୁତି ଇଲୁ □

୧୦ ନାଜେ ହୀପୁକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ବୁଦିଗାଟି ଇଲୁ ଦହ୍ନି ଲକୁ ଲେହେଁ ପୁନାଦି କିହାମାଇଁ, ଅର ରଅସି ଏଦାଣି ଲାକ ଇଲୁ ଦସି ମାନେସି, ସାମା ବାରେଜାଣା ତାନି ଲାକ ଏନିକଁ ଦସି ମାନେସି ଏଦାଆଁତାକି ଜାଗ୍ରାତା ଆଡ଼ପରି □

୧୧ ଇଚିହଁ ଆମିନି ପୁନାଦି କିଝିଆହାମାନେ, ଏଦାଣି ପିସ୍ପେ ଏଟ଼କାତି ପୁନାଦି ଆମ୍ବାଆସି କିହାଲି ଆଡ଼ଅସି, ଏ ପୁନାଦି ଜୀସୁ ଜ୍ଞାସୁ □

୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା, ଝେଣ୍ଡି, ଗାତି ଦାରାଗାଟି ଝାଲୁକା, ମାରୁକା, ଜାଡ଼ା, ଅଡ଼େ ଝିକା ତଲେ କିନେସି,

୧୩ ଆତିହଁ ଆମ୍ବାଆରି କାମା ଏନିଲେହେଁତାୟି ଏଡ଼ି ତଞ୍ଜାଆଡ଼େ, ଇଚିହଁ ଏ ନେଚୁ ଏଡ଼ି ତହ୍ନେ, ଏ ନେଚୁ ହିଚୁତଲେ ତଞ୍ଜାଆଡ଼େ, ଇଞ୍ଜାଁ ବାରେଜାଣାତି କାମା ଏନିଲେହେଁତାୟି ଏ ହିଚୁ ତାୟିପାରି କିନେ □

୧୪ ଆମ୍ବାଆସି ଏନିକଁ ଇଲୁ ଦସା ମାନେସି ଏଝାଣି କାମା ଏଲେକଁ ତୁୟିତିହଁ ଏଝାସି ଏ ଦାନା ବେଟା ଆଡ଼େନସି □

☆ ୩:୨ ୩:୨ ଏକ୍ତି ୫:୧୨,୧୩ ☆ ୩:୪ ୩:୪ ୧କର ୧:୧୨ ☆ ୩:୨ ୩:୨ କାମା ୧୮:୪-୧୧; କାମା ୧୮:୨୪-୨୮

୧୫ ଇଞ୍ଜି ଆମ୍ବାଆରି କାମା ଝେହାହାନ୍ତେ, ଏଞ୍ଜାଣିଞ୍ଜାୟି ନାସଞ୍ଜି ଆନ୍ତେ, ଆଡ଼ିଜିକେଏ ଏଞ୍ଜାସି ଗେଲ୍‌ପି ଆନ୍ତେସି, ସାମା ଏଦି ହିରୁ ବିତ୍ତାଟି ହଟା ହାଟି ସମାନା ଆନ୍ତେ □

୧୬ *ମୀରୁ ପୁଞ୍ଜାହିଲଅତେରି କି ମୀରୁ ମାହାପୁରୁତି ଇଲ୍ଲୁତେରି, ଅଡ଼େ ମାହାପୁରୁତି ସୁଦୁଜୀଞ୍ଜୁ ମୀ ହିୟାଁତା ବାସା କିନେ □

୧୭ ଆମ୍ବାଆସି ମାହାପୁରୁ ଲକୁଇଁ ନାସା କିନେସି, ମାହାପୁରୁ ଏଞ୍ଜାଣାଇଁ ନାସା କିନେସି, ଇତିହଁ ମାହାପୁରୁତି ଇଲ୍ଲୁ ଅଡ଼ହାୟି ଇଞ୍ଜା ମୀରୁଏ ଏଞ୍ଜାଣି ଇଲ୍ଲୁ □

୧୮ ଆମ୍ବାଆସି ତାନୁଏ ତାଙ୍ଗେ ନାଡ଼ିକିହା କତାଆପେସି, ଆମିନି ଲକୁ ଇ ଦାରୁଡିତା ବୁଦି ଗାଟାତେଏଁ ଇଞ୍ଜି ଅଣ୍ଡପିନେସି, ଆଡିହଁ ଏଞ୍ଜାସି ଏନିକଁ ବୁଦିଗାଟାସି ଆନ୍ତେସି ଏଦାଆଁତାକି ଦାରୁଡିତି ଲକୁତାଣା ବୁଦି ହିଲ୍ଲାଆଗାଟି ଲକୁ ଲେହେଁ ଆଡପସି □

୧୯ ଇତିହଁ ଇ ଦାରୁଡିତି ବୁଦି ମାହାପୁରୁ ନକିତା ବୁଦି ହିଲ୍ଲାଆଗାଟାୟି, ଏଦାଆଁତାକି ରାସ୍‌କି ଆହାମାନେ, “ମାହାପୁରୁ ବୁଦି ଗାଟାରାଇଁ ତାମି ସୁତୁମି ତଲେ ପାନ୍ଦାତା ଆହ୍‌ନେସି;”

୨୦ ଅଡ଼େ ରାସ୍‌କି ଆହାମାନେ “ବୁଦିଗାଟାରି ଅଣ୍ଡପୁ ବାରେ ଉଜେଏତାୟି ଇଞ୍ଜି ପ୍ରବୁ ପୁଞ୍ଜାମାନେସି □”

୨୧ ମାଣସି ତାଣା ଆମ୍ବାଆସି ବତପଣ ଆଆପେସି, ଇତିହଁ ବାରେ ମୀଦିଏ □

୨୨ ପାଞ୍ଜୁଲ, ଇଞ୍ଜୁ କି ଆପଲ, ଇଞ୍ଜୁ କେପା*, ଇଞ୍ଜୁ ଅଡ଼େ ଦାରୁଡି ଇଞ୍ଜୁ କି ଜୀଞ୍ଜୁ ଇଞ୍ଜୁ, କି ହାନାୟି ଆଡପ, ନୀଏଁ ତାୟି ଆଡପ, କି ତାୟୁତାୟି ଆଡପ, ଏ ବାରେଏ ମୀଦି □

୨୩ ସାମା ମୀରୁ କ୍ରୀସ୍ତତି ଲକୁତେରି ଅଡ଼େ କ୍ରୀସ୍ତ ମାହାପୁରୁ ତାଣାତାସି □

୪

ଜୀସୁ ତାଣାଟି ପାଣ୍ଡୁଞ୍ଜି ଆହାମାନାରି

୧ ଲକୁ ମାଙ୍ଗେ କ୍ରୀସ୍ତତି ସେବା କିନାରି, ଅଡ଼େ ମାହାପୁରୁତି ତୁଗୁମାନି ଇଲ୍ଲୁତି ଗୁମୁସା ଇଞ୍ଜି ଅଣ୍ଡପାପେରି □

୨ ଇଲ୍ଲେଆହଁ ଗୁମୁସା ବେଟାଆହାମାନି ମାଣସି ଜାହାରା ପ୍ରବୁ ତାଣା ମାନ୍ତିଗାଟାସି ତଞ୍ଜା ଆପାସି □

୩ ସାମା ମୀ ତାଣାଟି ଆଡପେ କି ଆମିନି ନାହାଁୟି କିନି ତାଣା ନାହାଁୟି କିଞ୍ଜି ଆନାୟି ନା ତାକି ଏଦି କାଜା କାତା ଆଏ, ଇଲ୍ଲେକଁ ନାନୁ ଜାହାରାଇଁ ନାହାଁୟି କିହା କତଅଁ □

୪ ଇତିହଁ ନାନୁ ନା କପାଟି ଏନାଆଁ ପୁଞ୍ଜାହିଲଅଁ, ଆଡ଼ିଜିକେଏ ନାନୁ ଇମ୍ବାଆଁ ଦହ୍ ହିଲ୍ଲାଆ ଗାଟାତେଏଁ ଇଞ୍ଜି ତଞ୍ଜା ଆହାହିଲଅଁ, ସାମା ଆମ୍ବାଆସି ନା ନାହାଁୟି କିୟାନେସି, ଏଞ୍ଜାସି ପ୍ରବୁ □

୫ ଏଦାଆଁତାକି, ତାରିକିତି ଦିନା ଝାଆ ନକେଏ ଇତିହଁ ପ୍ରବୁ ଝାଆ ନକେଏ ମୀରୁ ଆମ୍ବାଆରାଇଁ ନାହାଁୟି କିଆଦୁ, ଏଞ୍ଜାସି ଆନ୍ଦେରିତା ତୁଗୁମାନି ବାରେ ଉଜେଡ଼ିତା ତହ୍‌ନେସି, ଅଡ଼େ ହିୟାଁତି ଅଣ୍ଡପୁ ବାରେ ଏଞ୍ଜାସି ଝେହ୍‌ନେସି, ଏରିବେଲା ବାରେଜାଣା ମାହାପୁରୁ ତାଣାଟି ଗାଞ୍ଜୁରମି ବେଟାଆଡ଼େରି □

୬ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି, ନାନୁ ମୀରୁ ଜାପାଲି ତାକି ଇ ବାରେ କାତା ନାନୁ ନାଙ୍ଗେ ଅଡ଼େ ଆପଲଇଁ ତସାଁ ଝେସିମାଞ୍ଜାଇଁ, “ଇତିହଁ ଏନାୟି ରାସ୍‌କି ଆହାମାନେ ଏ କାତାଟି ଗାଣ୍ଡିଆଦୁ,” ଇଦାଆଁ ମୀରୁ ମା ତାଣାଟି ଜାପାଦୁ, ଅଡ଼େ ଏନିକଁ ମୀ ବିତ୍ତାଟି ଆମ୍ବାଆସି ରଅଣି ଝାକିଟି ଅଡ଼େ ରଅଣାଇଁ ଅପାଆନା ବତପଣ ଆଆଦୁ □

୭ ମିଙ୍ଗେ ଆମ୍ବାଆସି କାଜାସି କିହାଁ ମାଞ୍ଜାନେସି ? ଅଡ଼େ ମୀରୁ ଏନାଆଁ ଦାନା ଲେହେଁ ବେଟାଆହା ହିଲ୍ଲାଅତେରି, ଇଲ୍ଲେକଁ ମୀଦି ଏନାୟି ମାନେ ? ସାମା ମୀରୁ ଏଦାଆଁ ଦାନା ଲେହେଁ ବେଟାଆହାମାଞ୍ଜେରି, ଆଡିହଁ ମୀରୁ ଦାନା ଆଏ ଇନି ଲେହେଁ ଏନାଆଁତାକି ବତପଣ ଆହିମାଞ୍ଜେରି ?

୮ ମୀ ବାରେ ଲତ୍ତାମାନାଣି ବେଟାଆଡ଼େରିଏ କି ? ଇତେକାଟିଏ ମୀରୁ ବାଡ଼କା ହାତେରିଏ କି ? ମା ପିସ୍‌ପେ ମୀରୁ ରାଜା ଆହାମାଞ୍ଜେରି ? ହାଅ, ମୀରୁ ରାଜା ଆହାମାଟିହଁ ନେହଁ ଆଡ଼େମା, ଏନିକଁ ମୀମ୍ବୁ ଜିକେଏ ମୀ ତଲେ ସାଲ୍‌ଞ୍ଜି କିହାଲି ଆଡ଼ିତମିମା □

୯ ଏନାଆଁତାକି ଇତିହଁ ନା ଅଣ୍ଡପୁତା ମାର ପାଣ୍ଡୁଞ୍ଜି ଆହାମାନାତାୟି, ମାର ମାହାପୁରୁତି ତଣ୍ଡତା ହେରୁପି ଆହାମାନି ତାୟୁତି ଲକୁ ସମାନା ତସାମାଞ୍ଜାନେସି, ଇତିହଁ ମୀମ୍ବୁ ଦାରୁଡିତା, ମାହାପୁରୁତି ଦୁତୁୟାଁ ଇଞ୍ଜା ମାଣ୍ଡିୟାଁ ନକିତା ଲାଜାକିଞ୍ଜି ଆନାତମି ଲେହେଁ ଆହାମାନମି □

* ୩:୧୬ ୩:୧୭ ୧କର ୬:୧୯; ୨କର ୬:୧୭ * ୩:୨୨ ୩:୨୨ ପିତର

୧୦ ମାମ୍ବୁ କ୍ରୀସ୍ତ ତାକି ବୁଦି ହିଲାଆ ଗାଗାତମି, ସାମା ମୀରୁ କ୍ରୀସ୍ତତି ତାକି ବୁଦି ଗାଗାତେରି; ମାମ୍ବୁ ବାଡ଼ୁୟୁ ହିଲାଆ ଗାଗାତମି, ସାମା ମୀରୁ ବାଡ଼ୁୟୁ ଗାଗାତେରି; ମୀରୁ ଗାଢ଼ୁରମି ବେଟା ଆନାତେରି, ସାମା ମାମ୍ବୁ ବେଟା ଆଆଗାଗାତମି □

୧୧ ନୀର୍ଦ୍ଦେଶି ପାତେକା ମାମ୍ବୁ ହାକି, ଅଡ଼େ ଏସ୍ତକି ଗାଗାତମି, ଗେଞ୍ଜିତି ହିମ୍ବୁରି ହୁଟାମାନମି, ଅଡ଼େ ମାଡ଼ା ବେଟାଆହି ମାନମି, ଇଞ୍ଜା ବାସାଗାୟୁ ହିଲାଆନା ରେଜିମାନମି □

୧୨ *ମା କେୟୁଡ଼ି ଖାହୁତି କାମା କିହିମାନମି, ଆମ୍ବାଆସି ବାକା ଇଟାସାରେ, ମାମ୍ବୁ ଏଝାରିଇଁ ବଡ଼ ହାହିମାନମି, ସାସ୍ତି ହିୟାତିହିଁ ଜିକେଏ ଅରୁହିମାନମି □

୧୩ ମାଜେ ଲାଜା କିୟାତିହିଁ ଜିକେଏ ମାମ୍ବୁ ଆଣ୍ଡିଆନି କାତା ଝେସିମାନମି; ନୀର୍ଦ୍ଦେଶି ପାତେକା ମାମ୍ବୁ ଦାରୁତିତି ତୁକ୍ତ ଜାଣୁ ଅଡ଼େ କିଟସି ରୁତିତି ଲେହେଁ ଆହାମାନମି □

୧୪ ନାନୁ ମିଜେ ଲାଜା ହାହାଲି ଇ ବାରେ କାତା ରାଡ଼ିମାଞ୍ଜିଅଁ, ସାମା ନା ଜୀଢୁତି ମୀରୁକା ଇଞ୍ଜି ଅଣ୍ଡାପାନା ମିଜେ ସେଡ଼ନା ହାହାଲିତାକି ଇ ବାରେ କାତା ରାଡ଼ିମାଞ୍ଜାଇଁ □

୧୫ ଇତିହିଁ କ୍ରୀସ୍ତ କାତା ମିଜେ ଜାପୁନାରି ଦସ ମାଣା ଲକୁ ଡ଼ୟିନେରି, ଆଡ଼ିଜିକେଏ ହାରେକା ତାଞ୍ଜିୟାଁ ହିଲଅରି; ଇତିହିଁ କ୍ରୀସ୍ତ ଜୀସୁ ତାଣା ନାନୁ ମିଜେ ନେହିଁ କାବୁତଲେ ମୀ ତାଞ୍ଜି ଲେହେଁ ଆହାମାଇଁ □

୧୬ *ଏଦାଆଁତାକି ନାନୁ ମିଜେ ବାତିମାଲିମାଞ୍ଜାଇଁ ନାନୁ କିହିମାନି ଲେହେଁ କିତୁ □

୧୭ ଏଦାଆଁତାକି ନାନୁ ତିମତିଇଁ ମୀ ତାଣା ପାଣ୍ଡିମାଞ୍ଜାଇଁ, ଏଝାସି ମାହାପୁରୁ ତାଣା ନା ଜୀଢୁତି ନାନୁତି ମୀରୁଏସି; ଏନିକ୍ ନାନୁ ବାରେଖାକି ବାରେ କୁଲମିକାଣା ଜାପୁହି ମାଇଁ, ଏଲେକ୍ ଏଝାସି ମିଜେ ନା କ୍ରୀସ୍ତ ଲେମ୍ବିନାଣି ଅଣ୍ଡିପି କିୟାନେସି □

୧୮ ନାନୁ ମୀ ତାଣା ଖାହିଁ ହିଲଅଁ ଇଞ୍ଜି ଅଣ୍ଡାପାନା ଏତରଜାଣା ବତପଣ ଆହିମାଞ୍ଜେରି □

୧୯ ସାମା ମାହାପୁରୁ ମନ କିତିହିଁ, ନାନୁ ମୀ ତାଣା ତବେ ଖାଢ଼ି; ଅଡ଼େ ଆମ୍ବାଆରି ବତପଣ ଆହିମାନେରି, ଏଝାରି କାତାତଲେ ଆଏ, ସାମା ବାଡ଼ୁୟୁତି ସିନିକିଇଁ □

୨୦ ଇତିହିଁ ମାହାପୁରୁତି ରାଜି ଖାଠୁଇ ଜଳିନି କାତାତଲେ ଆଏ, ସାମା ବାଡ଼ୁୟୁ ତଲେ ତଞ୍ଜାଆଡ଼ନ □

୨୧ ମୀ ଅଣ୍ଡପୁ ଏନାୟି ? ନାନୁ ବାଡ଼ୁଗା ଆସାଁ ମୀ ତାଣା ଖାଢ଼ି କି ଜୀଢୁ ନନାଣି ଆସାନା ଇଞ୍ଜା ସୁବୁ ପୁଞ୍ଜାଲା ଗାଟି ଜୀଢୁ ଆସାଁ ଖାଢ଼ି ?

୫

କୁଲମି ବିତ୍ତାମାନି ଲାଗେଏତାୟି

୧ ସାତେଏ ଝେଙ୍ଗାମାନେ କି ମୀ ବିତ୍ତା ଦାରିକାମା ମାନେ, ଅଡ଼େ ମୀ ତାଣା ଇଲେତି ଦାରିକାମା ମାନେ, ଅଡ଼େ ଇଲେତାୟି ଜୀହୁଦିଆଆତାରି ତାଣା ଜିକେଏ ଆଏ, ଇଲେକ୍ ରଅସି ତାମି ଆବା ତକ୍ରିନି ଇଟାମାନେସି □

୨ ଅଡ଼େ, ଆମ୍ବାଆସି ଇଲେତି କାମା କିହାମାନେସି, ଏଝାସି ଏନିକ୍ ମୀ ତାଣାଟି ହେକ କିଞ୍ଜିଆନେସି, ଏଦାଆଁତାକି ଦୁକୁଆହିଁ ଡ଼ାଆନା ବତପଣ ଆହିମାଞ୍ଜେରି ?

୩ ସାମା ନାନୁ ଆଜା ତଲେ ହିଲାଆତି ଜିକେଏ ଏମ୍ବାଆଁ ମାନିଲେହେଁ ମାଇଁ, ଆମ୍ବାଆସି ଇଲେତି କାମା କିହାମାନେସି, ନାନୁ ମାନି ଲେହେଁ ପ୍ରବୁ ଜୀସୁ ଦରୁତଲେ ଏଝାଣି ବିଚାରା କିହା ରାହାମାଇଁ,

୪ ଇତିହିଁ ମୀରୁ ଅଡ଼େ ନା ପ୍ରବୁ ଜୀସୁ ବାଡ଼ୁୟୁ ତଲେ କୃତା ଆନାଟି ନା ଜୀଢୁ ଜିକେଏ ଏମ୍ବାଆଁ ଡ଼ୟିନେ ଇଞ୍ଜି ପୁଞ୍ଜାମାଇଁ,

୫ ଇଞ୍ଜା ଇଲେତି ଲକୁଇଁ ଆଜା ତଲେ ନାସା ଆହାଲି ସୟତାନ କେୟୁତା ହେରପିନାୟି ମାନେ, ଏନିକ୍ ପ୍ରବୁ ଜୀସୁତି ଦିନାତା ଏଝାଣି ଜୀଢୁ ଗେଲ୍ପି ଆହାଲି ଆଡ଼ିନେ □

୬ *ମୀରୁ ଇଲେଆହିଁ ବତପଣ ଆନାୟି ନେହେଁ ଆଏ □ ମୀରୁ ପୁଞ୍ଜାହିଲଅତେରି, “ଇତରା ପୁଲାଏୟୁ ବିତିତା ମାନି ଗୁଣ୍ଡାତି ପୁଲା କିନେ □”

* ୪:୧୨ ୪:୧୨ କାମା ୧୮:୩ * ୪:୧୨ ୪:୧୨ ୧କର ୧୧:୧; ପିଲିପି ୩:୧୭ * ୫:୨ ୫:୨ ଗାଲା ୫:୯

୭ ମୀରୁ ପୁଲା ତିନାଆ ଲକ୍ଷ୍ମଣଦେବି, ଏଦାଆଁତାକି ଏନିକ୍ ମୀରୁ ପୁଣି ତ:କା ଆହାଲି ଆଡ଼ିଦେବି, ଏଦାଆଁତାକି ପୁଣିକ ପୁଲା ଏୟୁତି ହପ୍ପହା ତୁହପ୍ପ; ଏଦାଆଁତାକି ଇତିହ୍ ମା ପିପ୍ପିଆନି ପାର୍ବୁତି ମେଣ୍ଡା ତାଲୁ, ଇତିହ୍ କ୍ରୀସ୍ତ, ଜିକେଏ ପୁଜା କିଞ୍ଚିଆହାମାନେସି □

୮ ଏଦାଆଁତାକି ଖାଦୁ, ମୀର ପାପୁ ଅଡ଼େ ଲାଗେଏତି ପୁଣିକ କାମାତି ରୁତି ପଞ୍ଜିକିନି ଗୁଣ୍ଡା ତଲେ ପାର୍ବୁ କିଆନା ତୀରି ଅଡ଼େ ସାତା ତଲେ ପୁଲାଏୟୁ ହିଲାଆ ରୁତିତି ପାର୍ବୁ କିନ □

୯ ଦାରି କାମାକିନାରି ତଲେ ଆଣ୍ଡାଆଦୁ ଇଞ୍ଜି ନାନ୍ତୁ ନା ଆକୃତା ରାତାମାଚେଏ;

୧୦ ଇ ଦାରିତିତି ଦାରିକାମା କି ଦନ ଜୁପକା, ଏଡ଼କାତାରି ଦିଶ୍ପୁ ସରୁ ଆନାରି, ପେଣ୍ଡକା ବମାୟା ପୁଜା କିନାରି ତଲେ ଆମ୍ବାଆସି ଏଚେଲା ଆଣ୍ଡାସି, ଏଡ଼ି ଆଏ, ଏଲେଆଡ଼ିହ୍ ଦାରିତିତି ହଡ଼ା ହାନାୟିମାନେ;

୧୧ ଇତିହ୍ ନା ରାଡ଼ିନି ଅଣ୍ଡାପୁ ଇଦି ମାଚେ, ଇତିହ୍ ଆମିନି ଲକ୍ଷ୍ମଣ ଦାୟି ଇଞ୍ଜି ଝେଙ୍ଗାନା, ଦାରିକାମା, ଦନ ଜୁପକା, ପେଣ୍ଡକା ବମାୟା ପୁଜା, ନିନ୍ଦା ଗାଟାରି, କାଡ଼ୁ ରୁହୁ, ଏଡ଼କାତାରି ଦିଶ୍ପୁତି ସରୁ ଆନେରି, ଆତିହ୍ ଏଲେତାରି ତଲେ କୃତାଆଦୁ, ଅଡ଼େ ଏଞ୍ଜାରିତଲେ ରାନ୍ଦା ଜିକେଏ ତିନାଆଦୁ □

୧୨ ପାଙ୍ଗାତି ଲକ୍ଷ୍ମଣ ନିହାୟି କିହାଲି ନାନ୍ତୁ ଆମ୍ବାଆଚେଏ ? ସାମା କୁଲମି ବିତ୍ରା ଆମ୍ବାଆରି ମାନେରି ଏଞ୍ଜାରି ବିଚାରା ମୀରୁ କିଅଡ଼େରି କି ?

୧୩ ସାମା ଆମ୍ବାଆରି ପାଙ୍ଗାତା ମାନେରି ମାହାପୁରୁ ଏଞ୍ଜାରି ବିଚାରା କିନେସି □ ଦାର୍ପୁ ସାସ୍ତେରିତା ରାସ୍ତକି ଆହାମାନେ, “ମୀ ତାଣ୍ଡାଟି ଲାଗେଏତି ଲକ୍ଷ୍ମଣି ଏଡ଼କା କିପୁ □”



କ୍ରୀସ୍ତାନା ତାୟିୟାଣି ଦାଞ୍ଜାକିନି ମେରା

୧ ମୀ ବିତ୍ରାଟି ଆମ୍ବାଆରି କପାଟି କାତା ମାଟିସାରେ ଏଞ୍ଜାସି ନିହାୟି କିହାଲି ମାହାପୁରୁ ଲକ୍ଷ୍ମଣାଣ୍ଡା ହାଲାଆନା ଦାର୍ପୁ ହିଲାଆଗାଟି ନିହାୟି କିନାଣି ତାଣ୍ଡା ଅହାଲି ଏନିକ୍ ସାସା ମାନେ ?

୨ ମାହାପୁରୁ ଲକ୍ଷ୍ମଣ ଦାରିତିତି ନିହାୟି କିନେରି, ଇ କାତା କି ମୀରୁ ପୁଞ୍ଜାହିଲଅଡ଼େରି ? ଇଞ୍ଜା ଦାରିତି ମୀ ତାଣ୍ଡା ନିହାୟି କିଞ୍ଚିଆନେ, ଆତିହ୍ ଇ ଇତି ଇତି କାତାତି ନିହାୟି କିୟାଲି ଆଡ଼ଅଡ଼େରି କି ?

୩ ମୀରୁ ଲାକପୁରୁତି ଦୁହୁୟାୟି ଜିକେଏ ବିଚାରା କିନାୟି ଇ କାତା ମୀରୁ ପୁଞ୍ଜାହିଲଅଡ଼େରି କି ? ଆତିହ୍ ଦାରିତିତି ଜାମ୍ଲିତି ଜିକେଏ ନିହାୟି କିନାୟି ମାଙ୍ଗେତାକି ତସାସା ଆୟେଏ କି ?

୪ ମୀ ଜୀଞ୍ଜୁତି କାତା ଏନାୟି, ସାମା ନିହାୟି କିୟାଲି ଏନି ଦାରିତିତି କାତା ମାଟିହ୍, ଏଦାଆଁ ନିହାୟି କିୟାଲି କୁଲମିତି ପୁନାଆ ଗାଟାରାଇଁ ନିହାୟି କିୟାଲି ହାଟିଦେରି କି ?

୫ ନାନ୍ତୁ ମିଙ୍ଗେ ଲାଜା ହାହାଲିତାକି ଇଦାଆଁ ଝେସିମାଞ୍ଜାଇଁ □ କ୍ରୀସ୍ତଇଁ ନାମାମାନି ତାୟିୟା ବିତ୍ରା ଆହିମାନି ଗଡ଼ହାତି ତୁକହାଲି, ଇଲେତି ର ବୁଦିଗାଟାସି ଜିକେଏ କୁଲମିତା ଆମ୍ବାଆସି ହିଲଅସି କି ?

୬ ସାମା ନାମ୍ବାଗାଟି ତାୟି ଅର ତାୟି କପାଟି ନିହାୟି ଲକ୍ଷ୍ମଣା ଦାଞ୍ଜା କିନେସି, ଏଡ଼ି ଜିକେଏ ନାମାଆଗାଟାରି ତାଣ୍ଡା □

୭ ସାମା ମୀ ମୀ ବିତ୍ରାତି କାତାତାକି କର୍ତ୍ତା ଦାଞ୍ଜା କିହିମାଞ୍ଜେରି, ଏମ୍ବାଆଁ ସାଚେଏ ଦହ ଗାଟାଚେରି, ଏନାଆଁତାକି ଲାଗେଏତାଣି ଅରହି ହିଲଅଡ଼େରି ? ଏନାଆଁତାକି ନାସଞ୍ଚି ଆନାଣି ଅପିହିଲଅଡ଼େରି ?

୮ ସାମା ମୀରୁ ମୀରୁଏ ଲାଗେଏ ଅଡ଼େ ନାସା କିହିମାଞ୍ଜେରି, ଅଡ଼େ ଏଦାଆଁ ତାୟିୟାଣି କିହିମାଞ୍ଜେରି □

୯ ଅଡ଼େ ଦାର୍ପୁ ହିଲାଆ ଗାଟାରି ମାହାପୁରୁ ରାଜିତି ଅଦିକାରା ଆଅରି, ଇଦାଆଁ କି ମୀରୁ ପୁଞ୍ଜାହିଲଅଡ଼େରି ? ନାଡ଼ିକିଞ୍ଚି ଆଆଦୁ, ଦାରିକାମା, କି ପେଣ୍ଡକା ବମାୟା ପୁଜା କିନାରି, ଲାଗେଏତି କାମାକିନାରି, ଆବା ଆବାୟା ଦହ କିଞ୍ଚିଆନାରି,

୧୦ ସରୁ କିନାରି, ଦନ ଜୁପକା, କାଡ଼ୁ ରୁହୁ, ଲକ୍ଷ୍ମଣି ନିନ୍ଦା କିନାରି, ଏଡ଼କାତାରି ଦିଶ୍ପୁ ମୀଞ୍ଜନାରି, ଇଞ୍ଜାରି ମାହାପୁରୁ ରାଜିତା ଅଦିକାରା କିହାଲି ଆଡ଼ଅରି □

୧୧ ଅଡ଼େ, ମୀ ବିତ୍ରା ଆମ୍ବା ଆମ୍ବାଆରି ଇଲେକ୍ ମାଚେରି; ସାମା ପ୍ରବୁ ଜୀସୁ କ୍ରୀସ୍ତ ଦରୁତଲେ ଇଞ୍ଜା ମାହାପୁରୁତି ସୁଦୁଜୀସୁ ତଲେ ମୀରୁ ନରଞ୍ଚି ଆହାମାଞ୍ଜେରି, ଇଞ୍ଜା ସୁଦୁଗାଟାଚେରି ଆହାନା ତାରିଗାଟାଚେରି ଇଞ୍ଜା ଝେଙ୍ଗା ମାଞ୍ଜେରି □

ମାହାପୁରୁତି ଗାଞ୍ଜୁରମି ତାକି ଆଙ୍ଗାତି ଲେମ୍ବିନାୟି

୧୭ *ଆମ୍ଭାଆସି ଏଲେଇନେସି “ନାଙ୍ଗେ ବାରେ କାମା କିହାଲି ଅଦିକାରା ହାପୁକି ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଙ୍ଗେତାକି ନେହାୟି ଆଏ, ନାଙ୍ଗେ ବାରେ କାମା କିହାଲି ହେଲ ମାନେ ସାମା ନାଙ୍ଗେ ଲକ୍‌ହାଲି ଆମ୍ଭାଆରାକି ଏଚେଲା ପାରୁ ହାଅଁ □

୧୮ ଏଚରକାଣା ଏଲେଇନେରି “ରାନ୍ଦା ବାଣ୍ଟି ତାକି ଇଞ୍ଜା ବାଣ୍ଟି ରାନ୍ଦା ତାକି □” ସାମା ମାହାପୁରୁ ଇ ରିଣ୍ଡାଆତି ଜିକେଏ ମ୍ପେକ୍‌ନେସି □ ଆଙ୍ଗା ଦାରି କାମାତାକି ଆଏ, ସାମା ପୁରୁତି ସେବାତାକି, ଅଡ଼େ ପୁରୁ ଆଙ୍ଗା ତାକି □

୧୯ ମାହାପୁରୁ ପୁରୁ ଜୀସୁଇଁ ହାକିଟି ନିକ୍‌ହେସି, ଇଞ୍ଜା ତାନି ବାଡ଼ୁମୁ ତଲେ ମାଙ୍ଗେ ଜିକେଏ ନିକ୍‌ହାନେସି □

୨୦ ମୀ ଆଙ୍ଗା କ୍ରୀସ୍ତତି ଆଙ୍ଗା ଲେହେଁ, ଇଦାଆଁ ପୁଞ୍ଜାହିଲଅତେରି କି ? ଆତିହଁ ନାନୁ କ୍ରୀସ୍ତତି ର ଆଙ୍ଗା ଅହାନା ଦାରେଣି ଆଙ୍ଗା କିଇଁ ? ଏଦି ଏଚେଲା ଜିକେଏ ଆଆପେ □

୨୧ ଅଡ଼େ ଆମ୍ଭାଆସି ଦାରେଣି ତଲେ ଆଣ୍ଟିନେସି ଏଞ୍ଜାସି ଏଦାନିତଲେ ରଣ୍ଡିଏ ଆଙ୍ଗା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ଏଦାଆଁତାକି ଦାମ୍ପୁପତିତା ରାସ୍‌କି ଆହାମାନେ “ଏ ତକ୍ତି ତକ୍ରା ରଣ୍ଡିଏ ଆଙ୍ଗା ଆନୁ □”

୨୨ ସାମା ଆମ୍ଭାଆସି ପୁରୁ ତଲେ ଆଣ୍ଟିନେସି, ଏଞ୍ଜାସି ଏଞ୍ଜାଣିତଲେ ରଣ୍ଡିଏ ଜୀସୁ ଆନେସି □

୨୩ ଦାରିକାମାଟି ହେକ ଆଦୁ, ମାଣ୍ଡସି ଏନି ପାପୁ କିନେସି, ଏନି ଆଙ୍ଗାତି ଲାଗେଏ କିନେସି, ସାମା ଆମ୍ଭାଆସି ଦାରିକାମା କିନେସି, ଏଞ୍ଜାସି ତାନି ଆଙ୍ଗା କପାଟି ପାପୁ କିହିମାନେସି □

୨୪ *ମୀ ଆଙ୍ଗା ମାହାପୁରୁ ତାଣ୍ଡାଟି ବେଗାଆହାମାନି ମୀ ହିୟାଁ ବିଡ଼ା ସୁଦୁଜୀସୁ ବାସାଆନି ଦେଞ୍ଜୁଡ଼ି, ଇଦାଆଁ ମୀରୁ ପୁଞ୍ଜାହିଲଅତେରି କି ? ଅଡ଼େ ମୀରୁ ମୀରୁଏ ମିଆତେରି ଆଏ; ସାମା ମାହାପୁରୁତି ଲକ୍‌ଚେରି □

୨୫ ଇତିହଁ ମୀରୁ ଗାତି ଦାରାତଲେ କଡ଼ଞ୍ଜି ଆହାମାଞ୍ଜେରି; ଏଦାଆଁତାକି ମୀ ଆଙ୍ଗା ତଲେ ମାହାପୁରୁତି ଗାଞ୍ଜୁରମି କିପୁ □

୭

ବୀହା ଆନି ମୋରା

୧ ମୀରୁ ମୀ ଆକୁତା ଆମିନି କାତା ରାଡ଼ା ମାଞ୍ଜେରି, ଏ ବାରେତାକି ନାନୁ ଝେସ୍ତାନାୟି ଇଦି, “ଇୟାନି ତୀଗାଆ ଗାଟାୟି ଆବାକି ନେହେଁ;”

୨ ସାମା ଦାରି କାମାଟି ଆଜିତାକି ବାରେ ଆବାୟାକି ଜାହାରା ତକ୍ତି ମାଣ୍ଡମ୍ପେ, ଅଡ଼େ ଇୟାସିକାକି ଜାହାରା ତକ୍ରା ମାଣ୍ଡମ୍ପେସି □

୩ ତକ୍ରା, ତକ୍ତିନାକି ଏନାୟି ଲଡ଼ା ଏଦାଆଁ ହାପାସି, ଇଞ୍ଜା ଏଲେକିହଁଏ ତକ୍ତି ତକ୍ରାକି ତାନି ଲଡ଼ାମାନାଣି ହାପେ, ଅଡ଼େ ତାମ୍ପେ ଏନାୟି ଲଡ଼ାମାନାଣି ପୁରା କିନାୟିମାନେ □

୪ ତକ୍ତି ତାନି ଆଙ୍ଗାତି ମୁହେଁ ଅଦିକାରା ହିଲେଏ, ସାମା ତକ୍ରାକି ମାନେ □ ଏଲେକିହଁଏ ତକ୍ରାକି ତାନି ଆଙ୍ଗାତି ମୁହେଁ ଅଦିକାରା ହିଲେଏ, ସାମା ତକ୍ତିନାକି ମାନେ □

୫ ତାମ୍ପୁତାନି ତାଣ୍ଡାଟି ଏଟକା ଆହାନା ତୁୟାଆପୁ; ସାମା ପ୍ରାଡ଼ାନା କିହାଲି ଏଚରଦିନା ପାତେକା ରିଆତେରି ରଣ୍ଡିଏ ମନ ଆହାନା ଏଟକା ତୁୟାଲି ଆଡ଼ିଦେରି; ଅଡ଼େ ମୀ ଆଙ୍ଗାତି ଜୁପକାତାକି ତୁୟାଲି ଆଡ଼ାଆକି ସୟତାନ ଏନିକଁ ମିଙ୍ଗେ ତାୟିପାରି କିୟେଏ, ଏଦାଆଁତାକି ଝେଣ୍ଡେ ଆଣ୍ଡୁଆଦୁ □

୬ ସାମା ନାନୁ ହୁକୁମି ହାନି ଲେହେଁ ଝେହ୍‌ଆନାହାଁ ଜାପୁନି ଲେହେଁ ଝେସିମାଇଁ □

୭ ଆତିହଁ ଜିକେଏ ଏନିକଁ ବାରେ ଲକ୍‌କୁ ନାଲେହେଁକଁ ଆନେରି, ଇଦି ନା ଅଣ୍ଡପୁ □ ସାମା ଆମ୍ଭାଆରି ଇଲେତି ଦାନା, ଅଡ଼େ ଆମ୍ଭାଆରି ଏଲେତି ଦାନା ମାହାପୁରୁ ତାଣ୍ଡାଟି ବେଗାଆହାମାନେରି □

୮ ସାମା ନାନୁ ବୀହା ଆଆତି ଲକ୍‌କୁଇଁ ଇଞ୍ଜା ରାଣ୍ଡେଣିସିକାଣି ଝେସିମାଇଁ, ଏଞ୍ଜି ନାଲେହେଁକଁ ତୁୟିତିହଁ ଏଞ୍ଜାସିକାକି ନେହେଁ □

୯ ସାମା ଏଞ୍ଜି ଆଙ୍ଗାତି ଲକ୍‌ହାଲି ଆଡ଼ିହିଲାର ଇତିହଁ ଏଞ୍ଜି ବୀହା ଆପୁ; ଇତିହଁ ଆଙ୍ଗା ଲାଗେଏତି କାମାତା ଝେନିକିହାଁ, ବୀହା ଆନାୟି ନେହେଁ □

୧୦ *ସାମା ବାହା ଆଡ଼ି ଲକ୍ଷ୍ମୀ ନାନୁ ହୁକୁମି ହାହିମାଲ୍, ନାନୁ ଆଏ ସାମା ପ୍ରବୁ ହୁକୁମି ହାହିମାନେସି, ତକ୍ତି ତାନି ତକ୍ତା ତାଣାଟି ଏଟ୍ଟକା ଆଆପେ □

୧୧ ସାମା ଏଡ଼ି ରଣ୍ଡିଏ ଏଟ୍ଟକା ଆନେ, ଆତିହ୍ ଏଡ଼ି ବାହା ଆଆପେ, ଇଞ୍ଜା ତାନି ତକ୍ତାତଲେ ଅଡ଼େ ଆଣ୍ଡାପେ; ଅଡ଼େ ତକ୍ତା ତାନି ତକ୍ତିନି ହେଲ ହାଆପେସି □

୧୨ ଏଟ୍ଟକା ତାରାଲ୍ ନାନୁ ଝେସିମାଲ୍, ମା ବିତ୍ତା ଆମ୍ବାଆରି ତକ୍ତି କ୍ରାସ୍ତୁଲ୍ ନାମାହିଲାଆତି ଜିକେଏ ତକ୍ତାତଲେ ଡ଼ୟାଲି ମନ୍ କିତିସାରେ, ଆତିହ୍ ଏ ତାୟି ଏ ତାଲିନି ହେଲ ହାଆପେସି □

୧୩ ଏଲେକିହ୍ ଆମିନି ତକ୍ତି ମାହାପୁରୁଲ୍ ନାମାଆତି ତକ୍ତାକି ବାହା ଆହାମାନେ, ଇଞ୍ଜା ଏଡ଼ି ଏଞ୍ଜାଣିତଲେ ଡ଼ୟାଲି ମନ୍ କିନେ, ଏଡ଼ି ତାନି ତକ୍ତାଲ୍ ପିହ୍ଆପେ □

୧୪ ଇତିହ୍ ନାମାଆତି ତକ୍ତା ନାମିତି ତକ୍ତି ତାକି ମାହାପୁରୁ ତାଣାଟି ସୁରୁ ଆହାମାନେ; ଆଆତିହ୍ ମା ମୀର୍ଟକା ମାୟ୍ଟକା ଲାଗେଏ ଆଡ଼େରିମା, ସାମା ନୀଏ ଏଞ୍ଜାରି ସୁଦୁଗାଟାରି □

୧୫ ସାମା ନାମାଆ ଗାଟାସି କି ନାମାଆ ଗାଟାୟି ଏଟ୍ଟକା ଆହାଲି ମନ୍ କିତିହ୍ ତାନି ମନ୍ଲେହେ ଏଟ୍ଟକା ଆପାରି; ଇଲେତି ତାଣା ତାୟି କି ତାଲି ଦସ୍ପି ଆହାହିଲାତ; ମାହାପୁରୁ ମିଙ୍ଗେ ହିଡ଼ଡ଼ି ତଲେ ମାଞ୍ଜାଲି ଆଟାମାଞ୍ଜାନେସି □

୧୬ ନାନୁ ନାମିତି ତକ୍ତି ଆହାନା ନୀ ତକ୍ତାକି ଗେଲ୍ପିନାତି ଆଡ଼ି, ଇଦାଆଁ ପୁଞ୍ଜାହିଲଅତିକି ? ଇଞ୍ଜା ନାନୁ ନାମିତି ତକ୍ତା ଆହାନା ନୀ ତକ୍ତିନାକି ଗେଲ୍ପିନାତି ଆଡ଼ି, ଇଦାଆଁ ପୁଞ୍ଜାହିଲଅତିକି ?

ମାହାପୁରୁ ଆଟାମାନି ମାଣ୍ଡକି ଲେହେ ନୀତିନାୟି

୧୭ ଇତିହ୍ ପ୍ରବୁ ଆମ୍ବାଆରାକି ଏନିକ୍ ଦାନା ହାହାମାନେସି, ମାହାପୁରୁ ଆମ୍ବାଆରାଲ୍ ଏନିକ୍ ହାଟାମାନେସି, ଏଞ୍ଜାସି ଏଲେକ୍ ତାକାପେସି, ନାନୁ ବାରେ କୁଲ୍ମିତି ଏଲେକିହ୍ ଏ ହୁକୁମି ହାହିମାଲ୍ □

୧୮ ଆମ୍ବାଆସି ତଲୁ ଦାପିଆହାଁ ହାଟୁକି ଆହାମାନେସି ? ଏଞ୍ଜାସି ତଲୁ ଦାପି ଆଡ଼ି ସିନାତି ତଲୁଆପେସି; ଆମ୍ବାଆସି ତଲୁ ଦାପି ଆଆନା ହାଟୁକି ଆହାମାନେସି ? ଏଞ୍ଜାସି ତଲୁ ଦାପି ଆଆପେସି □

୧୯ ତଲୁ ଦାପି ଆନାୟି କି ଆଆଗାଟାୟି କାକା କାତା ଆଏ, ସାମା ମାହାପୁରୁ ହୁକୁମି ମାନ୍ତ୍ର ଆନାୟି କାକା କାତା □

୨୦ ବାରେ ଜାଣାଲ୍ ଏନିକ୍ ମାହାପୁରୁ ହାଟାମାନେସି ଏଲେକ୍ ମାଣ୍ଡକିସି □

୨୧ ମୀରୁ ହଲ୍ଲିୟାଙ୍ଗା ଆହାମାଟାଟି ହାଟୁକି ଆହାମାଞ୍ଜେରି ? ଅଣ୍ଡାପାଦୁ; ସାମା ଗେଲ୍ପିଆୟାଲି ଆଡ଼ିଦେରି ଆତିହ୍ ଗେଲ୍ପି ଆୟାଲି ପାରୁ ପାରାଦୁ □

୨୨ ଆମ୍ବାଆସି ହଲେଏସି ଆହାଁ ପ୍ରବୁ ତାଣା ହାଟୁକି ଆହାମାନେସି, ଏଞ୍ଜାସି ପ୍ରବୁତି ଗେଲ୍ପି ଆଟାସି; ଏଲେକିହ୍ ଏ ଆମ୍ବାଆସି ଗେଲ୍ପିଆହାଁ ହାଟୁକି ଆହାମାନେସି ଏଞ୍ଜାସି କ୍ରାସ୍ତୁତି ହଲେଏସି □

୨୩ ମୀରୁ ହାଟେରକା ଦାରାତଲେ କଡ଼ୁଞ୍ଜି ଆହାମାଞ୍ଜେରି; ମାଣ୍ଡକିୟାତି ହଲ୍ଲିୟାଙ୍ଗାତେରି ଆଆଦୁ □

୨୪ ତାୟିୟାଁ ଅଡ଼େ ତାଲିସ୍ତାତେରି, ମାହାପୁରୁ ମିଙ୍ଗେ ହାଟାଟାଟି ମୀରୁ ଏନିକ୍ ମାତେରି ଏଲେଆହ୍ ଏ ମାହାପୁରୁ ତଲେ ଡ଼ୟିନାୟି ମାନେ □

ବାହା ଆଆତି ଲକ୍ଷ୍ମୀ ରାଡ଼େଣ୍ଡିସିକା କାତା

୨୫ ଡ଼ାଆସିକା କାତା, ନାନୁ ପ୍ରବୁ ତାଣାଟି ଏନି ହୁକୁମି ବେଟା ଆହାହିଲଅଁ; ସାମା ପ୍ରବୁତି କାର୍ମାଟି ନାମୁଗାଟାସି ଆହାନା ନା ଅଣ୍ଡପୁତା ଝେସିମାଞ୍ଜାଲ୍ □

୨୬ ନାନୁ ଅଣ୍ଡପିମାଲ୍, ମାଣ୍ଡକି ଏନିକ୍ ମାନେସି, ନୀଏତି କସ୍ତ ବାଦା ତାକି ଏଲେକିହ୍ ଏ ମାନାୟି ନେହେଁ □

୨୭ ନାନୁ ତକ୍ତି ତଲେ ଦସ୍ପି ଆହାମାଞ୍ଜି ? ଆତିହ୍ ପିସ୍ପି ଆହାଲି ଅଣ୍ଡପାଆନି, ଇଞ୍ଜା ନାନୁ ତକ୍ତି ତାଣାଟି ପିସ୍ପି ଆହାମାଞ୍ଜି ? ଆତିହ୍ ତକ୍ତିନି ଇଟାଲି ଅଣ୍ଡପାଆନି □

୨୮ ସାମା ନାନୁ ବାହା ଆହାମାଞ୍ଜି, ଆଡ଼ିଜିକେଏ ପାପୁ କିହାହିଲଅତି; ଅଡ଼େ ଡ଼ାଆପଦା ବାହା ଆହାମାନେ, ଆଡ଼ିଜିକେଏ ଏଡ଼ି ପାପୁ କିହାହିଲେଏ, ଆଡ଼ିଜିକେଏ ଇଲେତି ଲକ୍ଷ୍ମୀ ଆଙ୍ଗାତା ହାଟେରକା କସ୍ତ ବେଟାଆଦୁ, ଅଡ଼େ ମୀରୁ ଏମ୍ବାଟି ଏନିକ୍ ଗେଲ୍ପି ଆଡ଼େଦରି ଇଦି ନା ଅଣ୍ଡପୁ □

* ୭:୧୦ ୭:୧୦ ମାତି ୫:୩୭; ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮

୨୯ ସାମା ଏ ତାୟିୟା ଅଡ଼େ ତାଜିସ୍ତାତେରି ନା ଅଣପୁ ଇଦି, ଦିନା ତାଗେ ଏଦାତେୟିଏ, ଏଦାଆଁତାକି ଆମ୍ବାଆରାକି ତକ୍ତି ମାନେ, ଏଞ୍ଜାସି ତକ୍ତି ହିଲାଆଲେହେଁ ମାଣପେସି □

୩୦ ଅଡ଼େ ଆମ୍ବାଆରି ଡ଼ାହି ମାନେରି, ଏଞ୍ଜାରି ଡ଼ାହି ହିଲାଆ ଲକୁ ଲେହେଁ ଆପେରି; ଅଡ଼େ ଆମ୍ବାଆରି ରାହାଁ କିହିମାନେରି, ଏଞ୍ଜାରି ରାହାଁ କିହି ହିଲାଆ ଲକୁ ଲେହେଁ ଆପେରି; ଇଞ୍ଜା ଆମ୍ବାଆରି କଡ଼ିନେରି ଏଞ୍ଜାରି ଅଦିକାରା ବେଟାଆଆତି ଲେହେଁ ଆପେରି;

୩୧ ଅଡ଼େ ଆମ୍ବାଆରି ଦାରତିତି ଦିଶସୁ ଲେମ୍ବିମାନେରି ଏଞ୍ଜାରି ଲେମ୍ବାଆଗାଟି ଲକୁ ଲେହେଁ ଆପେରି; ଏଦାଆଁତାକି ଇଚିହଁ ଇ ଦାରତିତି ଖାଣା ତିରିମୁହିଁ ମାନେ □

୩୨ ସାମା ମାରୁ ଏନିକଁ ଅଣପଅତେରି ଏଦି ନା ଅଣପୁ, ଆମ୍ବାଆସି ବାହା ଆଆତାସି ଏଞ୍ଜାସି ଏନିକଁ ପ୍ରବୁଇଁ ରାହାଁ କିଞ୍ଜିକିହାଲି ଖାରଇ ପ୍ରବୁତି କାମା ଅଣପିନେସି;

୩୩ ସାମା ଆମ୍ବାଆସି ବାହା ଆହାମାନେସି ଏଞ୍ଜାସି ଏନିକଁ ତାନି ତକ୍ତିନି ରାହାଁ ଗାଟାସି ଆନେସି, ଏଦାଆଁତାକି ଦାରତିତି କାତା ଅଣପିନେସି ଇଞ୍ଜା ତାନି ମନ୍ ବାଟା ଆନେ □

୩୪ ବାହା ଆଆତି ଇୟାସିକା ଅଡ଼େ ଡ଼ାଆସିକା ଆଲ୍ଲା ଇଞ୍ଜା ଜୀଝୁତା ସୁଦୁ ଆହାଲି ପ୍ରବୁତି କାତା ଆସାନି ଅଣପିନୁ; ସାମା ଆମ୍ବାଆସି ବାହା ଆହାମାନେ ଏଦି ଏନିକଁ ଜାହାରା ତକ୍ରାଇଁ ରାହାଁ କିୟାଲି ଆଡ଼ିନେ, ଏଦାଆଁତାକି ଦାରତିତି କାତା ଅଣପିନେ □

୩୫ ଇ କାତା ନାନୁ ମୀ ନେହେଁତାକି ଝେସିମାଞ୍ଜାଇଁ, ମିଙ୍ଗେ କସ୍ତ ହାନି ମେରା ତଲେ ଦସ୍ତି ଆହାଲି ଝେସିମାଞ୍ଜାଅଁ, ସାମା ମାରୁ ଏନିକଁ ମାନି କିହାଁ ରଣିଏ ମନତଲେ ପ୍ରବୁ ତାଣା ଡ଼ୟିଦେରି, ଏଦାଆଁତାକି ଝେସିମାଞ୍ଜାଇଁ □

୩୬ ସାମା, ଆମ୍ବାଆସି ତାଙ୍ଗେତାକି ରାସ୍ତପାଡ଼ି ମାଜ୍ଜାନି ଡ଼ାଆବେଲା ରାଡ଼େୟିଏ ଇଞ୍ଜା ଅଣପିନେସି, ଅଡ଼େ ଏଞ୍ଜାସି ମୁସାନା ମାଞ୍ଜାଲି ଆଡ଼ାଆସାରେ ଅଡ଼େ ତାଙ୍ଗେ ଲଡ଼ାଆନେ ଆତିହଁ ତାନି ମନତା ଏନାୟି ମାନେ ଏଲେଆହଁ ବାହା ଆନାୟି ମାନେ, ଏମ୍ବାଆଁ ପାପୁ ହିଲେଏ, ଏଦାଆଁତାକି ଏଞ୍ଜି ବାହା ଆପୁ □

୩୭ ସାମା ଆମ୍ବାଆସି ହିୟାଁତା ତାରି ମାନେସି, ଅଡ଼େ ବାହା ଆହାଲି ମନ କିଅସି ଇଞ୍ଜା ଆମ୍ବାଆସି ତାନି ମନତି ଲକହାଲି ଆଡ଼ିନେସି ଅଡ଼େ ଏଞ୍ଜାସି ତାନି ମନତା ଏନାଆଁ କିହାଲି ଅଣପାମାନେସି ଆତିହଁ ଏଞ୍ଜାସି ତାଙ୍ଗେ ରାସାମାନି ଡ଼ାଆ ପଦାଇଁ ବାହା ଆଆତଁ ନେହେଁ □

୩୮ ଏଦାଆଁତାକି ଆମ୍ବାଆସି ତାଙ୍ଗେ ରାସାମାନି ଡ଼ାଆ ମାଜ୍ଜାନି ବାହା କିନେସି ଏଞ୍ଜାସି ନେହଁ କିନେସି, ଅଡ଼େ ଆମ୍ବାଆସି ବାହା ଆଅସି ଏଞ୍ଜାସି ଏଦାଆଁ କିହାଁ ହାରେକା ନେହଁ କିନେସି □

୩୯ ବାହା ଆଡ଼ି ତକ୍ତି ତାନି ତକ୍ରା ଜୀଝୁ ମାନି ପାତେକା ଦସ୍ତି ଆହା ଡ଼ୟିନେ; ସାମା ତକ୍ରା ହାଡ଼ିସାରେ ଏ ତକ୍ତି କ୍ରାସ୍ତ ତାଣା ନାମାମାନି ଆମ୍ବାଆରାଇଁ ମନ ଏଞ୍ଜାଣାକି ବାହା ଆୟାଲି ଆଡ଼ିନେ □

୪୦ ସାମା ନା ଅଣପୁତା, ଏଦି ଏନିକଁ ମାନେ ଏଲେକିହଁ ଏ ଡ଼ୟିତିହଁ ହାରେକା ରାହାଁତଲେ ଡ଼ୟିନେ, ଇଦି ମାହାପୁରୁ ଜୀଝୁତି ହେଲ ଇଞ୍ଜା ନାନୁ ଅଣପିମାଇଁ □

୮

ପେଣକା ବମାୟାକି ଡ଼ାକାମାନି ରାନ୍ଦାତି କାତା

୧ ପେଣକା ବମାୟାକି ଡ଼ାକାମାନି ବଗୁତି କାତା ନାନୁ ଝେହ୍ନାୟି ଇଦି, “ବାରେତାକି ବୁଦି ମାନେ” ଇଞ୍ଜା ମାରୁ ଝେସିମାଞ୍ଜେରି, ଏଦାଆଁ ମାମ୍ବୁପୁଞ୍ଜାମାନି □ ବୁଦି ତାହାରା କିଞ୍ଜିକିୟାନେ, ସାମା ଜୀଝୁନାୟି କାଲ୍ଝି କିୟାନେ □

୨ ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଇଁ ଇଞ୍ଜା ଅଣପିନେସି, ଆତିହଁ ଏଞ୍ଜାଣାକି ଏନିକଁ ପୁନାୟିମାନେ, ଏଞ୍ଜାସି ନୀର୍ଏ ପାତେକା ଏଲେକଁ ପୁଞ୍ଜାହିଲଅସି □

୩ ସାମା ଆମ୍ବାଆସି ମାହାପୁରୁଇଁ ଜୀଝୁ ନନେସି, ଏଞ୍ଜାଣାଇଁ ମାହାପୁରୁ ପୁଞ୍ଜାମାନେସି □

୪ ଏଦାଆଁତାକି ପେଣକା ବମାୟାକି ଡ଼ାକାମାନି ବଗୁତି ତିନି କାତା ମାରୁ ପୁଞ୍ଜାମାନାୟି, ଦାରତିତା ପେଣକା ଇଞ୍ଜିହଁ ଏନାଲ ହିଲାଡ, ଅଡ଼େ ରଣିଏ ମାହାପୁରୁ ପିସ୍ତପେ ଅଡ଼େ ରଅସି ହିଲଅସି □

୫ ଇଚିହଁ ଲାକପୁରୁ ଆପେ କି ଦାରତିତା ଆପେ, ଆମ୍ବାଆରାଇଁ ମାହାପୁରୁ ଇନେରି, ପେଣକା ମାତିହଁ ଜିକେଏ ସାତେଏ ହାରେକା “ପେଣକା” ଅଡ଼େ ହାରେକା “ପ୍ରବୁୟା” ମାନୁ,

୬ ଆଡ଼ିଜିକେଏ ମାଙ୍ଗେତାକି ରଣିଏ ମାହାପୁରୁ ଇଚିହଁ ଏ ଆବା ତାଣାଟି ବାରେ ଗାଡ଼ି ଆହାମାନେ, ଇଞ୍ଜା ମାରୁ ଏଞ୍ଜାଣି ତାକି ନୀତାମାନାୟି; ଇଞ୍ଜା ରଣିଏ ପ୍ରବୁ ଇଚିହଁ ଜୀଝୁ କ୍ରାସ୍ତ, ଏଞ୍ଜାଣି ତାଣାଟି ବାରେ ଗାଡ଼ି ଆହାମାନେ, ଅଡ଼େ ମାରୁ ଏଞ୍ଜାଣି ତାଣାଟି ନୀତାମାନାୟି □

୭ ଆଡ଼ିଜିକେଏ ବାରେତାକି ଇ ବୁଦି ହିଲେଏ; ସାମା ଏତେକା ଲକ୍ଷୁ ନୀର୍ବ ପାତେକା ପେଶକା ମାନୁ ଇଞ୍ଜି ଅଣ୍ଡପାନା ପେଶକା ବମାୟାକି ଡାକାମାନି ବଗୁ ତିନେରି, ଇଞ୍ଜା ଏଞ୍ଜାରି ଅଣ୍ଡପୁତି ବାଡ଼ୁଛୁ ଉଣା ମାନାକି ଦହଗାଟାରି ଆନେରି □

୮ ସାମା ତାନି ରାନ୍ଧା ମାଙ୍ଗେ ମାହାପୁରୁ ନକିତା ନେହୁଁ କି ଲାଗେଏ କିୟେଏ; ତିନାଆତିହୁଁ ମା ଏନାୟି ନସ୍ତ ଆଏ ଅଡ଼େ ତିତି ସାରେ ମାଙ୍ଗେ ଏନି ଲାଡ଼ା ଆଏ □

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡ଼ୁଛୁ ହିଲାଆ ଗାଟାରାକି କସ୍ତ ବାଡ଼ା ହାନାୟି ଆନେ □

୧୦ ବୁଦି ଗାଟାତେରି ମୀରୁ, ମିଙ୍ଗେ ଆମ୍ବାଆସି ପେନୁତି ଦେଖୁଡ଼ି ବକିତା କୁଗାମାନାଣି ମେସ୍ତାତିହୁଁ, ଏଞ୍ଜାସି ନାମୁତା ଉଣା ମାଟିହୁଁ, ତାନି ଅଣ୍ଡପୁତି ବାଡ଼ୁଛୁ ଉଣା ମାନାକି ପେଶକା ବମାୟାକି ଡାକାମାନି ବଗୁ ତିଞ୍ଜାଲି ସାସା ଆଅସି କି ?

୧୧ ଇଞ୍ଜା ଆନିନି ବାଡ଼ୁଛୁ ହିଲାଆ ନାମିତି ତାୟି କି ତାଜି ତାକି କ୍ରୀସ୍ତ ହାଡେସି, ଏଞ୍ଜାସି ନୀ ଏ “ବୁଦି” ତଲେ ନାସା ଆହିମାନେସି □

୧୨ ଇଲେକିହୁଁ ମୀ ତାଣା ମାନି ନାମିତି ତାୟିକି କପାଟି ପାପୁ କିହୁଁ ଇଞ୍ଜା ଏଞ୍ଜାରି ବାଡ଼ୁଛୁ ହିଲାଆ ଅଣ୍ଡପୁତି କସ୍ତ ହାହାନା ମୀ କ୍ରୀସ୍ତତି କପାଟି ପାପୁ କିହିମାଞ୍ଜେରି □

୧୩ ଇଦାଆଁତାକି ତିନି କାଦି ନା ତାୟିକି କସ୍ତ ହନେ, ଆତିହୁଁ ନା ତାୟି ଏନିକିଁ ନା ତାଣାଟି କସ୍ତ ଆଅସି, ଏଦାଆଁତାକି ନାନୁ ଏତେଲା ଉଞ୍ଜା ତିନଅଁ □



ପାଣ୍ଡୁଞ୍ଜି ଆଡ଼ାରି ଅଦିକାରା ଅଡ଼େ ଦାୟିପତି

୧ ନାନୁ ନା ମନତଲେ ମାଞ୍ଜାଲି ଆଡ଼ଅଁ ? ନାନୁ ର ପାଣ୍ଡୁଞ୍ଜି ଆଡ଼ାତେଅଁ ଆଏ ? ନାନୁ ଏନାଆଁ ମା ପ୍ରବୁ ଜାସ୍ତୁଲି ମେସାହିଲଅଁ ? ମୀରୁ କି ମାହାପୁରୁ ତାଣା ନା କିତି କାମାତି ପାଡ଼େୟି ଆଏ ?

୨ ନାନୁ ଏବକାତାରି ତାଣା ପାଣ୍ଡୁଞ୍ଜି ଆହାହିଲାଆତି ଜିକେଏ, ମିଙ୍ଗେତାକି ନାନୁ ସାତେଏ ପାଣ୍ଡୁଞ୍ଜି ଆହାମାନାତେଅଁ, ଇତିହୁଁ ପ୍ରବୁ ତାଣା ମୀରୁ ନା ପାଣ୍ଡୁଞ୍ଜିଆହାମାନି ପାଣାତା ଝେତାମାନି ବୁଟୁ ମୁଦ୍ରା ଲେହେଁ ଆହାମାଞ୍ଜେରି □

୩ ନାଙ୍ଗେ ନୀହାଁୟି କିୟାନାରିକି ନାନୁ ଝେଣ୍ଡେ ଝେସ୍ତାନି କାତା ଇଦି □

୪ ନା କାମାତାକି ତିଞ୍ଜା ଉଣ୍ଡାଲି ମାଙ୍ଗେ ଅଦିକାରା ହିଲେଏ ?

୫ ଅର୍ ପାଣ୍ଡୁଞ୍ଜି ଆହାମାନାରି ପ୍ରବୁତି ତାୟିକି ଅଡ଼େ କେପା* ଲେହେଁ କ୍ରୀସ୍ତାନା ତାଜିନି ବୀହା ଆହୁଁ ଏ ଇୟାନି ତଲେ ରେଜାଲି ମାଙ୍ଗେ ଅଦିକାରା ହିଲେଏ କି ?

୬ ଅଡ଼େ ଜୀଝୁତା ନୀତାଲିତାକି କାମାତି ପିସାଲି ନାଙ୍ଗେ ଅଡ଼େ ବର୍ନବାତି ଅଦିକାରା ହିଲେଏ କି ?

୭ ର ଡୁଜୁ କିନାସି ଡୁଜୁତା ମାନି ବେଲା ତାନୁଏ ତାଙ୍ଗେତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଜୁରି ବାଡ଼ା କିହୁଁ ଏମାତି ପାଡ଼େୟି ତିନଅସି କି ? ଇଞ୍ଜା ର ଗଡ଼ୁ ତାନି ମାଦାତି ପାଲୁ ଗହୁଅସି କି ?

୮ ନାନୁ ମାଣସି ଆହୁଁ ଇ ବାରେ କାତା ଝେସିମାଞ୍ଜାଲୁଁ ? ଇଞ୍ଜା ସାପ୍ତେରି ଜିକେଏ ଇ ବାରେ କାତା ଝେସିମାଞ୍ଜେଏ କି ?

୯ *ଇତିହୁଁ ମସାତି ମୋରାତା ଇଲେଇଞ୍ଜୁଁ ରାସ୍ତି ଆହାମାନେ, “ନପ” ମାନି କଡ଼ିତି ଗୁଡିତା କତ୍ରା ଦହୁଆଡୁ,” ମାହାପୁରୁ ୱାବୁଇ ଏ କଡ଼ିତି ଅଣ୍ଡପିମାନେସି କି ?

୧୦ ଏଞ୍ଜାସି ଇଦାଆଁ ମାଙ୍ଗେତାକି ଝେସା ମାଞ୍ଜାଅସି ? ହାଅ, ମାଙ୍ଗେତାକି ଇଦି ରାସ୍ତି ଆହାମାନେ, ଏନାଆଁତାକି ଇତିହୁଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡ଼େ ନପ ନାସି ଗାତି ବାଗା ବେଗାଆହାଲି କତ୍ରା ଦହନେସି □

୧୧ ମାମୁ ମୁଙ୍ଗେତାକି ନେହୁଁ ଜୀଝୁତି ବିତା ମାଟା ମାଟାମାନମି, ଅଡ଼େ ମୀ ତାଣାଟି ଇ ଦାବୁତିତି ତାସା ଦାଡ଼ିହୁଁ ଏଦି ଏନି କାଜା କାତା ଆଏକି ?

୧୨ ଏବକା ଲକ୍ଷୁ ମୀ ତାଣାଟି ବାଗା ବେଗାଆହାଲି ଅଦିକାରା ମାଟିହୁଁ, ଏଦାଆଁ କିହୁଁ ଆଗାଡ଼ା ବେଗାଆହାଲି ମା ଅଦିକାରା ହିଲେଏ କି ? ଆଡ଼ିଜିକେଏ ମାମୁ ଏ ଅଦିକାରା ଲେସା ହିଲଅମି □ ସାମା ଏନିକିଁ ମାମୁ କ୍ରୀସ୍ତତି ନେହୁଁ କାବୁ ଝେଜି କିନି କାମାତା ଏନି ବାଡ଼ା ୱାଆପେ ଇଞ୍ଜୁଁ ବାରେ ଅରୁହିମାନମି

* ୧:୫ ୧:୫ ପିତର ✨ ୧:୯ ୧:୯ ଶ୍ରେମି ୫:୧୮

୧୩ ଆତ୍ମାଆରି ଦେଖୁଡ଼ିତା ପୂଜା କିନାରି ଏଝାରି ଦେଖୁଡ଼ିତି ରାନ୍ଧା ବେଟାଆନେରି, ଇଞ୍ଜା ଆତ୍ମାଆରି ପୂଜା କିନାରି ପୂଜା କିହାଲି ପୂଜା ପିଣ୍ଡାତା ଇତିତି ବଗୁଡ଼ି ବାଗା ବେଟାଆନେରି, ଇଞ୍ଜା ମୀରୁ ପୁଞ୍ଜାହିଲଅତେରି କି ?

୧୪ ଏଲେକିହ ଏ ଆତ୍ମାଆରି ନେହ କାବୁଡ଼ି ଝେକହି ମାନେରି, ଏଝାରି ନେହ କାବୁ ଝେକନ୍ତି ତାଣାଟିଏ ନୀତିନେରି, ଇ କାତା ପ୍ରବୁ ହୁକୁମି ହାହାମାନେସି □

୧୫ ସାମା ନାନୁ ଇ ବାରେ ଏଦାଆଁଖା ଲେମ୍ବାହିଲଅଁ, ଅଡ଼େ ନାଜେତାକି ଏଲେ କିଝିଆଡ଼େ, ଏଦାଆଁତାକି ରାଡ଼ିମାଞ୍ଜଅଁ; ଇତିହ ଏଆତ୍ମାଆରି ନା ନେହ ବତପଣାତି ଉଜେଏ କିନି କିହଁ ନାନୁ ହାହାହାନାୟି ନେହେଁ □

୧୬ ଇତିହ ନାନୁ ନେହ କାବୁ ଝେକଇଁ, ଏଦାଆଁ ନା ବତପଣା ଆନାୟି ହିଲେଏ, ଏଦାଆଁତାକି ଇତିହ ଏଦାଆଁ କିହାଲି ହୁକୁମି ବେଟାଆହାମାଇଁ, ଇଞ୍ଜା ନାନୁ ନେହ କାବୁ ଝେକଆଡ଼େଏଁ ଇତିହ ନାନୁ ଏଚେକା ତଣ୍ଡ ବେଟାଆନାଡ଼େଏଁ □

୧୭ ଇତିହ ନାନୁ ଜାହାରା ମନତଲେ ଇ କାମା କିଇଁ, ଆତିହ ନାଜେତାକି ଦାନା ମାନେ; ସାମା ନାନୁ ନା ମନତଲେ କାମା କିଆତିହ ଜିକେଏ ମାହାପୁରୁ ନାଜେ ସେବାକିନି କାମାତି ବକୁ ହେରୁଏ ମାଞ୍ଜାନେସି □

୧୮ ଆତିହ ନା ଦାନା ଏନାୟି ? ଏଡ଼ି ଇଦି ନାନୁ ନା ନେହ କାବୁତା ମାନି ଅଦିକାରା ଲେମ୍ବାଆନା ନେହ କାବୁ ଝେସି ଝେସି ଏ ନେହ କାବୁଡ଼ି ଉଜେଏ ଝେକଇଁ □

୧୯ ନାନୁ ଆତ୍ମାଆରି ହଲେଏଣା ଆଆତି ଜିକେଏ, ଏନିକ ନାନୁ ହାରେକା ଗାତି ଲକୁଣି ବେଟାଆହାଲି ଆଡ଼ିଇଁ, ଏଦାଆଁତାକି ନାନୁ ଜାହାରାଇଁ ବାରେତି ହଲେଏସି କିଡେଏଁ □

୨୦ ଏନିକ ନାନୁ ଜୀହୁଦିୟାଣି କ୍ରୀସ୍ତ ତାକି ଜୀଣା ଆହାଲି ଆଡ଼ିଇଁ, ଏଦାଆଁତାକି ଜୀହୁଦି ଲକୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକ ମସାତି ମେରାତା ଦସପି ଆହାମାନାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ନାନୁ ମେରାତା ଦସପି ଆଆତି ଜିକେଏ ମେରାତା ଦସପି ଆଡ଼ି ଲକୁଲେହେଁ ଆଡ଼େଏଁ □

୨୧ ଏନିକ ନାନୁ ମସାତି ମେରା ପୁନାଆତି ଏବକା କୁଡ଼ାତି ଲକୁଣି ବେଟାଆହାଲି ଆଡ଼ିଇଁ, ଇଦାଆଁତାକି ନାନୁ ମାହାପୁରୁଡ଼ି ମେରାତା ହିଲାଆ ଲକୁ ଆଆନା କ୍ରୀସ୍ତତି ମେରା ମାନୁଡ଼ି ଆଡ଼ିଜିକେଏ ମସାତି ମେରାତା ହିଲାଆ ଲକୁ ନକିତା ମସାତି ମେରାତା ହିଲାଆ ଲକୁଲେହେଁ ଆଡ଼େଏଁ □

୨୨ ଏନିକ ନାନୁ ବାଡ଼ୁୟି ହିଲାଆଗାଗାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ବାଡ଼ୁୟି ହିଲାଆ ଗାଗାରି ନକିତା ବାଡ଼ୁୟି ହିଲାଆଲେହେଁ ଆଡ଼େଏଁ; ଏନିଇତିହ ଜିକେଏ ନାନୁ ଏଚେରି ଜାଣାଇଁ ଗେଲପାଲି ଆଡ଼ିଇଁ, ଇଦାଆଁତାକି ବାରେ ଲକୁ ଏନିଲେହେଁତାରି ନାନୁ ଏଝାରିଲେହେଁ ଆଡ଼େଏଁ □

୨୩ ନାନୁ ଏନିକ ନେହ କାବୁଡ଼ି ବରତା ଆଣ୍ଡାଲି ଆଡ଼ିଇଁ, ଏଦାଆଁତାକି ନାନୁ ନେହ କାବୁଡ଼ାକି ବାରେ କିଇଁ □

୨୪ ଆତ୍ମାଆରି କାହିନି ତାଣା ହଣନେରି ଏଝାରି ବାରେଜାଣା ହଣନେରି ସାତା, ସାମା ରଅସିଏ ଜୀଣା ଆହାଁ ଦାନା ବେଟା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ମୀରୁ ଏନିକ ଦାନା ବେଟାଆଡ଼େରି ଏଦାଆଁତାକି ଏଲେକି ହଣଦୁ □

୨୫ ଆତ୍ମାଆସି ବାଦହାରା ତଲେ କାହିନି ତାଣା ଆଣ୍ଡିନେସି ଏଝାସି ବାରେ ନେହ କି ଲାପିନେସି; ଏଝାରି ଗାଡ଼େକେଏ ନାସଡ଼ି ଆନି ଟପେରି ବେଟାଆହାଲି କାହିମାନେରି; ସାମା ମାର ଏଚେଲାଞ୍ଜା ନାସା ଆଆଗାଟି ଟପେରି ବେଟାଆହାଲି ଏଲେ କିନ □

୨୬ ଏଦାଆଁତାକି ନାନୁ ହଟିମାଇଁ, ସାମା ଗୁରି ହିଲାଆ ତାଣା ଆଏ, ନାନୁ ମୁଡ଼ିତଲେ କୁଡ଼କି ଆନି ଜୁଜୁ କିହିମାଇଁ, ସାମା ଝାଡ଼ଇ ଗାଲିତି ଝେନି ଲକୁଲେହେଁ ଆଏ □

୨୭ ଏବକା ଲକୁତାଣା ନେହ କାବୁ ଝେସିହ ନାନୁ ଏନିକ ଅପାଆ ଗାଟାଡ଼େଏଁ ଆଅଁ ଏଦାଆଁତାକି ନା ଆଜାତି କସ୍ତ ବାଦା ହାହାନା ଲକୁହିମାଇଁ □

୧୦

ପେଣ୍ଡାକା ବମାୟାଁ ସେବାଟି ଜାଗ୍ରାତା କିନାୟି

୧ ଇତିହ ଏ ତାୟିୟାଁ ଅଡ଼େ ତାଜିୟାତେରି ମା ଆକୁ ଆବାୟାଁ ବାରେ ଦୁହା ଦୁଇକା ମାଚେରି □

୧୯୯୪ ୯:୧୪ ମାତି ୧୦:୧୦; ଲୁକ ୧୦:୭

୨ ଅଡ଼େ ବାରେଜାଣା ସାମ୍ବଦୁରି ବିଦ୍ରାଠି ହାଚେରି, ଇଞ୍ଜା ବାରେଜାଣା ଦୁହା ଅଡ଼େ ସାମ୍ବଦୁରିତା ମସା ଚାଣାଟି ବାପୁସ୍ତୁ* ଅଡ଼େରି □

୩ ଅଡ଼େ ଏଞ୍ଜାରି ବାରେଜାଣା ରଣିଏ ଜୀଞ୍ଜୁତି ରାନ୍ଦା ତିଚେରି □

୪ ଅଡ଼େ ବାରେଜାଣା ରଣିଏ ମାହାପୁରୁ ହୀତି ଜୀଞ୍ଜୁତି ଏମୁ ଗସ୍ତେରି, ଇଚିହ~ ଏଞ୍ଜାରିତଲେ ହାଜିମାଟି ମାହାପୁରୁ ହୀତି ଜୀଞ୍ଜୁତି ପାକା ଖାଲିତି ଏମୁ ଗସ୍ତେରି ଏ ପାକା ଖାଲି ଜୀସ୍ତୁ,

୫ ଆଡ଼ିଜିକେଏ ଏଞ୍ଜାରି ବିଦ୍ରାଠି ହାଚେରିକା ଲକ୍ଷ୍ମୀତାଣା ମାହାପୁରୁତି ରାହାଁ ହିଲାଆଡେ, ଇଞ୍ଜା ଏଞ୍ଜାରି ଲକ୍ଷ୍ମ ହିଲାଆ ଚାୟୁତା ହାହାହାଚେରି, ଇ ବାରେ କାତା ମୀରୁ ପୁନାଆନା ମାଞ୍ଜୁ ଇଞ୍ଜୁ ନା ମନ ହିଲେଏ □

୬ ଏଞ୍ଜାରି ଏନିକ~ ଲାଗେଏ ପଲେଏତାଣି ତାକି ଜୁପକା ଆହାମାଚେରି, ଏଲେକ~ ମାର ଏଲେତି ଜୁପକା ଆଆୟି, ଏଦାଣିତାକି ଇ ବାରେ କାତା ମାଙ୍ଗେତାକି ପୁଣିକିନାୟି ଆହାମାନେ □

୭ ଏନିକ~ ଏଞ୍ଜାରି ବିଦ୍ରାଠି ଏଚରଜାଣା ପେଣକା ପୂଜା କିନାରି ଆଡେରି, ଏଲେକ~ ମୀରୁ ପେଣକା ପୂଜା କିନାଚେରି ଆଆଦୁ; ଏନିକ~ ରାସକି ଆହାମାନେ, “ଲକ୍ଷ୍ମ ତିଞ୍ଜା ଉଣ୍ଡାଲି କୁରିଚେରି, ଅଡ଼େ ଏନିହ~ ରାହାଁ କିହାଲି ନିଜିଚେରି □”

୮ ଏନିକ~ ଏଞ୍ଜାରିତାଣା ଏଚରଜାଣା ଦାରିକାମା କିହାନା ରଣିଏ ନେରୁ କଡ଼େ ତାନି ମାଣା ଲକ୍ଷ୍ମ ହାଚେରି, ଏଲେକ~ ମାର ଦାରିକାମା କିଆପ □

୯ ଏନିକ~ ଏଞ୍ଜାରି ବିଦ୍ରାଠି ଏଚରଜାଣା ପ୍ରବୁଇଁ ତାୟିପାରି କିହାଁ ରାଚୁ ତଲେ ହାଡ଼େରି, ଏଲେକ~ ମାର ପ୍ରବୁଇଁ ତାୟିପାରି କିଆପ □

୧୦ ଏନିକ~ ଏଞ୍ଜାରି ବିଦ୍ରାଠି ଏଚରଜାଣା ବାଡ଼ା କିହାଲିଏ ନାସାକିନି ଦୂତୁ କେୟୁତି ହାଡ଼େରି, ଏଲେକ~ ମୀରୁ ବାଡ଼ା କିଆଦୁ □

୧୧ ଇ ବାରେ ପୁଣିକିନିଲେହେଁ ଏଞ୍ଜାରିକି ଆଡେ, ଅଡ଼େ ଆମ୍ବାଆରି ବେଲାତା ଜୁଗୁରାନ୍ତି ଦିନା ଏଜିମାଞ୍ଜାନେ, ଏଲେକିହ~ ମାର ମା ସେଦନା ତାକି ଏ ବାରେ ରାସକି ଆହାମାନେ □

୧୨ ଏଦାଆଁତାକି ଆମ୍ବାଆସି ନାନୁ ତୀରି ଗାଗାତେଏଁ ଇଞ୍ଜିହ~ ଅଣ୍ଡିପ ମାନାସି, ଏଞ୍ଜାସି ଏନିକ~ ତରଗଅସି, ଏଦାଆଁତାକି ଏଞ୍ଜାସି ଜାଗ୍ରାତା ଆପାସି □

୧୩ ମାଣସିତାକି ଏନିଲେହେଁତି ତାୟିପାରି କିନାୟି କସ୍ତାଗାୟି ଆଏ, ଏଦାଆଁ ପିସପେ ମିଙ୍ଗେତାକି ଏଚକାତି ତାୟିପାରି କିନାୟି ଆହା ହିଲେଏ, ସାମା ମାହାପୁରୁ ଟିକାଣାତାସି, ଏଞ୍ଜାସି ମିଙ୍ଗେ ଏନି ଆଡ଼ାଆଗାଟି ତାୟିପାରି କିହାଲି ହିୟଅସି, ସାମା ମୀରୁ ଏନିକ~ ଅରୁହାଲି ଆଡ଼ିଦେରି, ଏଦାଆଁତାକି ତାୟିପାରି କିଞ୍ଜନିଏ ଏଞ୍ଜାସି ଗେଲ୍‌ପିନି ଜିରୁ ଜିକେଏ କେପିନେସି □

୧୪ ଏ ନା ଜୀଞ୍ଜୁତି ତାୟିୟାଁ ଅଡ଼େ ଚାଙ୍ଗିସ୍ତାଚେରି ପେଣକା ବମାୟାଁ ପୂଜା କିନି ଚାଣାଟି ଏଚକା ଆଦୁ □

୧୫ ନାନୁ ବୁଦିଗାଟି ଲକ୍ଷ୍ମଣି ଖେହ୍ନିଲେହେଁ ଖେସିମାଞ୍ଜାଇଁ, ନାନୁ ଏନାଆଁ ଖେସିମାଇଁ ଏଦାଆଁ ମୀରୁ ମୀରୁଏ ଅଣ୍ଡିପାଦୁ □

୧୬ ଆମିନି ପ୍ରବୁତି ବଜି ସଲା ତାକି ଜହରା କିନାୟି, ଏଦି ଜୀସ୍ତୁତି ନେତେରିତା ଆଣ୍ଡିହିଲେଏ ? ଆମିନି ରୁଟି ମାର ଡିକିହି ମାନାୟି ଏଦି କି ଜୀସ୍ତୁତି ଆଙ୍ଗାତା ଆଣ୍ଡିହିଲେଏ ?

୧୭ ଇଚିହ~ ରୁଟି ରଣିଏ ଆଡ଼ାକି ମାର ହାଚେରିକା ଆଡ଼ିଜିକେଏ ରଣିଏ ଆଙ୍ଗା ଲେହେଁ, ଏଦାଆଁତାକି ମାର ବାରେଜାଣା ରଣିଏ ରୁଟିତି ବାଗା □

୧୮ ଆଙ୍ଗାତି ଜାର୍ନା ତଲେ ଆମ୍ବାଆରି ଇସ୍ତାୟେଲ ଲକ୍ଷ୍ମ, ଏଞ୍ଜାରିଇଁ ସିନିକିଦୁ ଆମ୍ବାଆରି ପୂଜା କିତି ଉଙ୍ଗା ତିନେରି, ଏଞ୍ଜାରି ପୂଜା ପିଣ୍ଡାତି ପୂଜାତା ଆଣ୍ଡିହିଲଅରି ?

୧୯ ଆତିହ~ ପେଣକା ବମାୟାଁ ବଗୁ ଇଞ୍ଜିହ~ ଏନାୟି ମାନେ, ଅଡ଼େ ପେଣକା ବମାୟାଁ ଇଞ୍ଜୁ ଏନାଲ ମାନୁ, ଏଦାଆଁ କି ନାନୁ ଖେସିମାଞ୍ଜାଇଁ ?

୨୦ ଆଏ, ସାମା ନାନୁ ଖେସିମାଞ୍ଜାଇଁ, ଏନାଆଁ ଜୀହୁଦିଆଆତାରି ପୂଜା କିନେରି ଏ ବାରେ ଏଞ୍ଜାରି ମାହାପୁରୁ ତାକି ପୂଜା କିଆନା ବୁତୁୟାଁକି କିନେରି, ଅଡ଼େ ମୀରୁ ବୁତୁୟାଁ ତଲେ ଆଣ୍ଡାଦୁ, ଇଦି ନା ମନ ଅଣ୍ଡପୁଟି ଆଏ □

* ୧୦:୨ ୧୦:୨ମୁଞ୍ଜନାୟି ☆ ୧୦:୧୭ ୧୦:୧୭ ମାତି ୨୭:୨୭-୨୮; ମାର୍କି ୧୪:୨୨-୨୪; ଲୁକ ୨୨:୧୯,୨୦

୨୧ ମୀରୁ ପ୍ରବୁ ବକ୍ତିତା ରାସା ଗହନିତାଣା ଅଡ଼େ ବୁହୁୟାଁ ଗହନିତାଣା ଗସାଲି ଆଡ଼ଅଡ଼େରି; ମୀରୁ ପ୍ରବୁତି ବକ୍ତି ଅଡ଼େ ବୁଡ଼ୁ ବକ୍ତିତା ଆଣ୍ଠାଲି ଆଡ଼ଅଡ଼େରି □

୨୨ ମୀରୁ ଏନାଆଁ ପ୍ରବୁଇଁ କାରୁବି କିନାୟି ? ମୀରୁ କି ଏଞ୍ଜାଣି କିହଁ ଗାଡ଼ି ବାଡ଼ୁୟୁ ଗାଗାତାୟି ?

୨୩ ବାରେ କିହାଲି ମୀରୁ ଆଡ଼ିନାୟି, ସାମା ବାରେ ମା ତାକି ନେହାୟି ଆଏ, ବାରେ କିହାଲି ଆଡ଼ିନାୟି, ସାମା ବାରେ ମା ତାକି ଲାବାଗାଟାୟି ଆଏ □

୨୪ ଆଦାଆସି ଜାହାରାତାକି ଅଣ୍ଠାଆପେସି, ସାମା ବାରେଜାଣା ତାକି ନେହାଁଣି ଅଣ୍ଠାଆପେସି □

୨୫ ମନୁତି ନେହଁକଁ ଇଗାଲି ହାଟା ବାଜାରାତା ପାରୁପି ଆହିମାନି ଉଜ୍ଜା, ଆଦାଆରାଇଁ ଖେନାଆନା ଅଡ଼େ ଇଗାଣି ଅଣ୍ଠାଆନା ତିଞ୍ଜୁ □

୨୬ ଦୀର୍ଘପତିତା ରାସୁକି ଆହାମାନେ; “ଇତିହଁ ଦାରୁତି ଅଡ଼େ ଏଦାଆଁ ମାନାୟି ବାରେ ମାହାପୁରୁଖାୟି □”

୨୭ ନାମାଆତାରି ମିଜେ ତିଞ୍ଜାଲି ହାଟାତିହଁ, ଇଞ୍ଜା ମୀରୁ ହାଜାଲି ମନୁ କିତିସାରେ, ଅଡ଼େ ଏଦାଆଁ ଏନାଆଁ ତିଞ୍ଜାଲି ହାପକିଆନେ, ମୀ ଅଣ୍ଠାପୁ ତାକି ଇଗାଣି ଖେନାଆନା ତିଞ୍ଜୁ □

୨୮ ସାମା ଆଦାଆସି ମିଜେ ଏଲେଇଞ୍ଜାନେସି, ଇଦି ପେଣକା ବନାୟାକି ତାକି କିଞ୍ଜିଆହାମାନେ, ଆତିହଁ ଏଞ୍ଜାଣି ତାକି ଇଞ୍ଜା ମୀ ଅଣ୍ଠାପୁ ତାକି ତିନାଆଦୁ;

୨୯ ମୀ ଅଣ୍ଠାପୁ ତାକି ଇଞ୍ଜାଁ ଖେସିମାଞ୍ଜିଅଁ, ସାମା ଏଞ୍ଜାଣି ଅଣ୍ଠାପୁ ତାକି □ ଏନାଆଁତାକି ନା ମନତଲେ ମାନାୟି ଏଟକା ଲକ୍ଷୁତି ନେହାଁଣି ଲାଗେଏତାଣି ପୁନାଣି ତଲେ ବିଚାରା ଆନେ ?

୩୦ “ନାନୁ ମାହାପୁରୁଇଁ ଜହରା କିହାନା ଆମିନି ରାନ୍ଦା ତିଞ୍ଜିମାଇଁ, ଏ ରାନ୍ଦା ତାକି ନାଜେ ଏନାଆଁତାକି ରଅସି ଲାଜାକିହଁ ଜଲାନେସି ?”

୩୧ ଏଦାଆଁତାକି ମୀରୁ ତିଞ୍ଜୁ ଉଣ୍ଡୁକି ଏନାଆଁ କିଦୁ, ଏଦାଆଁ ମାହାପୁରୁତି ଗାଞ୍ଜୁରମି ତାକି କିଦୁ □

୩୨ ଜୀହୁଦି ଆପେ, ଜୀହୁଦିଆଆତାରି, ଇଞ୍ଜା ମାହାପୁରୁତି କୁଲମିତି ଲକ୍ଷୁ ଆପାରି, ଆଦାଆରାକି କସ୍ତ ହୀନାଡ଼େରି ଆଆଦୁ □

୩୩ ଏନିକଁ ନାନୁ ଜିକେଏ ଜାହାରାତାକି ଅଣ୍ଠାଆନା ହାଟେରକା ଲକ୍ଷୁତି ଗେଲୁପି ଆୟାଲିତାକି ଏଞ୍ଜାରି ନେହାଁଣି ଅଣ୍ଠାପିମାଇଁ, ଅଡ଼େ ବାରେ କାତାତା ବାରେ ଜାଣାଇଁ ରାହାଁ କିୟାଲି ଅଣ୍ଠାପିମାଇଁ □

୧୧

୧ *ନାନୁ ଏନିକଁ କ୍ରୀସ୍ତ କିତିଲେହେଁ କାମା କିହିମାଇଁ, ମୀରୁ ଜିକେଏ ନାନୁ କିହିମାନି ଲେହେଁ କିଦୁ □

ପ୍ରାତାନା କିନାଟି ତାୟଁ ୟୁକନାୟି

୨ ନାନୁ ମିଜେ ଗାଞ୍ଜୁରମି କିହିମାଞ୍ଜାଇଁ ଏନାଆଁତାକି ଇତିହଁ ମୀରୁ ନାଜେ ବାରେବେଲା ଅଣ୍ଠାପିମାଞ୍ଜାଦେରି ଅଡ଼େ ନାନୁ ଆମିନି ମେରା ହୀହାମାଞ୍ଜାଇଁ, ଏଦାଆଁ ବାରେ ମାନୁଞ୍ଜି ଆହିମାଞ୍ଜେରି □

୩ ସାମା କ୍ରୀସ୍ତ ବାରେ ଆବାୟାଁ ତାୟଁ ଚୁଲହେଁ ଅଡ଼େ ଆବା ଇୟାନି ତାୟଁ ଚୁଲହେଁ ଇଞ୍ଜା ମାହାପୁରୁ କ୍ରୀସ୍ତତି ତାୟଁ ଚୁଲହେଁ, ଇଦାଆଁ ମୀରୁ ପୁଞ୍ଜୁ ଇଞ୍ଜାଁ ନା ଅଣ୍ଠାପୁ □

୪ ଆମିନି ଆବା ତାନି ତାୟଁ ୟୁକିହାନା ପ୍ରାତାନା କିନେସି, ତାୟଁ ଆନି କାତା ଖେହନେସି, ଏଞ୍ଜାସି ତାନି ତାୟଁ ତୁଁ ହୀଣି ପାଣ୍ଡି କିନେସି □

୫ ସାମା ଆମିନି ଆୟାଟି ତାନି ତାୟଁ ୟୁଗାଆନା ପ୍ରାତାନା କିନେ ଅଡ଼େ ମାହାପୁରୁ ଅଣ୍ଠାପୁତି ବଲୁ ଖେକନେ ଏଦି ତାନି ତାୟଁ ତୁଁ ଲାଜା ପାଣ୍ଡି କିନେ ଇତିହଁ ତାନି ତାୟଁ ୟୁଗାପି ଆଡ଼ି ଇୟା ସମାନା □

୬ ଇତିହଁ ତାୟଁ ୟୁଗାଆଗାଟି ଆୟାଟି ତାନି ତାୟଁ ୟୁଗାୟାଁ ରାଡ଼ହା କତାପେ; ଇତିହଁ ଇୟାନାକି ତାୟଁ ରାଡ଼ନାୟି କି ହିଶନାୟି ଲାଜାଟି କାତା ଆତିହଁ ଏଦି ତାୟଁ ୟୁଗାପେ □

୭ ଆବା ମାହାପୁରୁତି ଖାଣା ଇଞ୍ଜା ଗାଞ୍ଜୁରମି ଲେହେଁ ଆଡ଼ାକି ତାନି ତାୟଁ ତୁଁ ୟୁକନାୟି ଲଡ଼ା ହିଲେଏ, ସାମା ଇୟା ଆବାଟି ଗାଞ୍ଜୁରମି ଲେହେଁ □

୮ ଇତିହଁ ଆବା ଇୟାନି ତାଣାଟି ଗାଡ଼ି ଆହାହିଲଅସି ସାମା ଇୟା ଆବା ତାଣାଟି ଗାଡ଼ି ଆହାମାନେ □

୯ ଅଡ଼େ ଇୟା କି ଆବା ଗାଡ଼ି ଆହାହିଲଅସି ସାମା ଆବାକି ଇୟା ଗାଡ଼ି ଆହାମାନେ □

* ୧୧:୧ ୧୧:୧ ୧କର ୪:୧୭; ପିଲିପି ୩:୧୭

୧୦ ଏଦାଆଁତାକି ଦୁହୁୟାଁ ତାକି ତକ୍ତି ତାନି ତକ୍ତି ଅଦିକାରାତି ସିନାଲେହେଁ ତାୟଁ ତୁଁ ପୁକ୍‌ହା କତାପେ
□

୧୧ ଆଡ଼ିଜିକେଏ ପ୍ରବୁ ତାଣା ଆବା ତାଣାଟି ଆୟାଟି କାଜାୟି ଆଏ, ସାମା ଇୟା ତାଣାଟି ଆବା କାଜାୟି
ଆଏ,

୧୨ ଇତିହଁ ଆୟାଟି ଏନିକଁ ଆବା ତାଣାଟି ଗାଡ଼ି ଆହାମାନେ □ ଏଲେକିହଁ ଏ ଆବା ଜିକେଏ
ଇୟା ତାଣାଟି ଗାଡ଼ି ଆହାମାନେସି, ସାମା ବାରେ ମାହାପୁରୁ ତାଣାଟି ଗାଡ଼ି ଆହାମାନେ □

୧୩ ମୀରୁ ମୀରୁଏ ବିଚାରା କିହଁ କତାଦୁ, ତାୟଁ ପୁଣିଗାଆନା ମାହାପୁରୁ ନକିତା ପ୍ରାଚୀନା କିନାୟି
ଇୟାନାକି ନେହେଁ କି ?

୧୪ ମାଣକି ମାଜେ ଝେସିମାଞ୍ଜାନେ ଆବା ଲାମ୍ବା ତାୟଁ ବୁଣାଁ ପିହ୍‌ନାୟି ତାଜେତାକି ଲାଜାତି କାତା
□

୧୫ ସାମା ଆୟାଟି ଲାମ୍ବା ତାୟଁ ବାଣାୟାଁ ପିସ୍ତି ସାରେ ତାଜେତାକି ଗାଝୁରମି ସମାନା, ଇତିହଁ
ତାୟଁ ପୁପକି ଆୟାଲି ଇୟାନାକି ଲାମ୍ବା ତାୟଁ ବାଣାୟାଁ ହାପକି ଆହାମାନେ □

୧୬ ସାମା ଆମ୍ବାଆସି ଏ କାତାତାକି ବାଦିବାଦା କିହାଲି ଅଣପିତିହଁ ଏଝାସି ପୁନାପେସି, ମାଜେ
ଇଲେତି ମେରା ହିଲେଏ, ଇଞ୍ଜା ମାହାପୁରୁ କୁଲମିତା ଜିକେଏ ହିଲେଏ □

ପ୍ରବୁତି ବକ୍ତି

୧୭ ସାମା ମୀ ଆଣ୍ଡି ଆନାୟି ନେହାୟି ଆଆନା ସାମା ଲାଗେଏ ପୁଲେଏତାୟି ଆହିମାନେ,
ଏଦାଆଁତାକି ମିଜେ ନେହାଁତେରି ଇଞ୍ଜାଲି ଆଡ଼ାଆନା ଇ ହୁକୁମି ହାହାମାଞ୍ଜାଇଁ □

୧୮ ଏନାଆଁତାକି ଇତିହଁ ନାନୁ ତଲିଏ ଝେଞ୍ଜିମାଇଁ, କୁଲମି ଲେହେଁ ରୁଣ୍ଡା ଆନାଟି, ମୀ ବିତ୍ରା ଗତି ଗତି
ଆହିମାଞ୍ଜେରି, ଇଞ୍ଜା ଇ କାତା ବିତ୍ରା ଏଚେକା ସାତା ଇଞ୍ଜାଁ ନାନୁ ନାମିମାଇଁ □

୧୯ ଏନିକଁ ମୀ ବିତ୍ରାଟି ଆମ୍ବାଆରି ସାତା ତାୟିପାରିତା ଜାଣା ଆଡ଼ାରି ଏ ତଞ୍ଜାଆନେରି, ଏଦାଣିତାକି
ମୀ ବିତ୍ରା ଗତି ଗତି ଆନାୟି ପିଟିଏ ଆଏ □

୨୦ ଏଚେତା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରବୁତି ବକ୍ତି ଆଏ,”

୨୧ ଏନାଆଁତାକି ଇତିହଁ ବକ୍ତି ତିନାଟି, ରଥସି ଅଡ଼େ ରଥଶାଇଁ କାଆନା ତାନି ରାଦା ତିନେରି,
ଏଦାଆଁତାକି ରଥସି ହାକିଟି ମାନାଟି ଅଡ଼େ ରଥସି ହବାହାଁ ତୁୟିମାନେସି □

୨୨ ଏନାଆଁ ମିଜେ ତିଞ୍ଜା ଉଣ୍ଡାଲି ଇଲ୍‌କା ହିଲାର ? ମୀରୁ ଏନାଆଁ ମାହାପୁରୁ କୁଲମିତି ମାନୁଞ୍ଜି ଆହି
ହିଲଅତେରି, ଅଡ଼େ ଆମ୍ବାଆରାକି ହିଲାର ଏଝାରାଇଁ ଲାଜା କିହମାଞ୍ଜେରି, ନାନୁ ମିଜେ ଏନାଆଁ ଝେସ୍ତାଇଁ
? ମିଜେ ଏନିକଁ ଗାଝୁରମି କିୟାଇଁ ? ଇଦାଆଁତାକି ମିଜେ ଗାଝୁରମି କିହମାଞ୍ଜି □

୨୩ ଇତିହଁ ନାନୁ ପ୍ରବୁ ତାଣାଟି ବେଟାଆହାମାନି ଜାପୁନାଣି ମିଜେ ଜାପୁହି ମାଞ୍ଜାଇଁ, ଏଦି ଇଦି ପ୍ରବୁ
ଜାସୁ ସାତୁୟାଁ କେୟୁତା ହେରପିଆଡ଼ି ଲାଆୟାଁ ରୁଟି ଅହାନା, ମାହାପୁରୁଇଁ ଜହରା କିହାନା, ଏଦାଆଁ
ତିକ୍‌ହାନା ଏଲେଇଚେସି,

୨୪ ଇଦି ମିଜେତାକି ନା ଆଞ୍ଜା; ନାଜେ ଅଣପାଲିତାକି ଇଦାଆଁ କିଦୁ □

୨୫ ଏଲେକିହଁ ଏ ତିତି ତାୟୁ ଗହନି ସଲ୍‌କା ଅହାନା ଏଲେଇଚେସି, ଇ ସଲ୍‌କା ନା ନେତେରିତା ତାରିକିତି
ପୁଞ୍ଜି ରାଜିମାନା; ମୀରୁ ଇ ସଲ୍‌କାଟି ଏଚର ଦେବା ଗହଦେରି ଏଚର ଦେବା ନାଜେ ଅଣପାଲିତାକି କିଦୁ
□

୨୬ ଇତିହଁ ଏଚର ଦେବା ମୀରୁ ଇ ରୁଟି ତିଞ୍ଜେରି ଅଡ଼େ ଇ ସଲ୍‌କାଟି ଗହଦେରି, ଏଚର ଦେବା ମୀରୁ
ପ୍ରବୁତି ଝାନି ଦିନା ପାତେକା ତାନି ହାକିତି କାବୁ ଝେକ୍‌ଦେରି □

୨୭ ଇତିହଁ ଆମ୍ବାଆସି ଜଗେ ଆଆନା ପ୍ରବୁ ବକ୍ତିଟି ରୁଟି ତିନେସି ଅଡ଼େ ଇ ସଲ୍‌କାଟି ଗହନେସି, ଏଝାସି
ପ୍ରବୁତି ଆଞ୍ଜା ଅଡ଼େ ନେତେରିତି ଦାୟି ଆନେସି □

୨୮ ଏଦାଆଁତାକି ମାଣସି ତଲିଏ ତାନୁଏ ତାଜେ ତାୟିପାରି କିହାଁ କତାହାଁ ଇ ରୁଟି ତିଣ୍ଡେସି ଅଡ଼େ ଇ
ଗହନି ସଲ୍‌କାଟି ଗସପେସି □

୨୯ ଇତିହଁ ଆମ୍ବାଆସି ପ୍ରବୁତି ଆଞ୍ଜାତି ଏନାୟି ଇଞ୍ଜାଁ ଅଣପାଆନା ତିନେସି ଅଡ଼େ ଗହନେସି ଏଝାସି
ତାନି ମୁହେଁ ତଣ୍ଡ ବେଟାଆହାଲି ତିନେସି ଅଡ଼େ ଗହନେସି □

୩୦ ଏଦାଆଁତାକି ମୀ ବିତ୍ରାଟି ହାଚେରକା ଲକୁ ବାଡ଼ୁୟୁ ହିଲାଆଗାଟେରି ଇଞ୍ଜାଁ ହାଚେରକା ଲକୁ ନମେରି
ଗାଟାରି ଅଡ଼େ ହାଚେରକା ଜାଣା ହାହା ହାଜାମାନେରି □

୩୧ ସାମା ମାର ତଲିଏ ଜାହା ଜାହାରାଇଁ ତାୟିପାରି କିତିହଁମା ମାହାପୁରୁ ମାଙ୍ଗେ ବିଚାରା କିୟାଆତେସିମା □

୩୨ ଅଡ଼େ ଦାବତି ତଲେ ଏନିକଁ ମାର ତଣ୍ଡ ପୁଃଆୟି, ଏଦାଆଁତାକି ପ୍ରବୁତି ତାଣା ବିଚାରା କିଞ୍ଚି ଆହଁ ସାସ୍ତି ବେଟାଆହି ମାନାୟି □

୩୩ ଏଦାଆଁତାକି ନା ତାୟିୟାଁ, ମାରୁ ପ୍ରବୁତି ବକି ତିଞ୍ଜାଲି ତାକି ରୁଣ୍ଡା ଆନାତି ମାରୁ ରଅତେରି ରଅଣାଇଁ କାଦୁ □

୩୪ ମାରୁ ରୁଣ୍ଡା ଆନାୟି ଏନିକଁ ମାହାପୁରୁତି ତଣ୍ଡ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଞ୍ଜାସି ତାମି ଇଜ ତିନାପେସି, ଅଡ଼େ ଆଗାଡ଼ା ଖେସ୍ତାନି କାତା ନାନୁ ଖାଡ଼ିସାରେ ତେଲ୍‌ହ କିୟାଲ୍ □

୧୨

ସୁଦୁଜୀଞ୍ଜୁତି ଦାନା

୧ ତାୟିୟାଁ ଅଡ଼େ ତାଙ୍ଗିସ୍ତାତେରି ସୁଦୁଜୀଞ୍ଜୁ ଦାନାତି କାତା ମାରୁ ନେହଁକଁ ପୁଞ୍ଜୁ ଇଞ୍ଜଁ ନାନୁ ଅଣସିମାଇଁ □

୨ ମାରୁ ପୁଞ୍ଜାମାଞ୍ଜେରି, ଏତିବେଲା ମାରୁ ଜୀହୁଦିଆଆତାତେରି ମାତେରି, ଏରେତା ଏନିକଁ ସାଲ୍‌ଞ୍ଚି ଆହିମାତେରି, ଏଲେକିହଁଏ ନାଡ଼ିକିଞ୍ଚି ଆହାନା ଜୀଞ୍ଜୁ ହିଲିଆଗାଟି ଯେଣ୍‌କା ବମାୟାଁତି ଜେଜ ହାଜିମାତେରି □

୩ ଏଦାଆଁତାକି ନାନୁ ମିଙ୍ଗା ଖେସିମାଞ୍ଜାଇଁ, ମାହାପୁରୁତି ସୁଦୁଜୀଞ୍ଜୁ ତଲେ ସାଲ୍‌ଞ୍ଚି ଆହାନା ଆମ୍ବାଆସି ଜିକେଏ ଜୀସ୍‌କଁ ବାକା ଗଟାଲି ଆଡ଼ଅସି, ଅଡ଼େ ଆମ୍ବାଆସି ସୁଦୁଜୀଞ୍ଜୁ ପୁଃଆତାସି ଜୀସ୍‌କଁ ପ୍ରବୁ ଇଞ୍ଜଁ ଖେସାଲି ଆଡ଼ଅସି □

୪ *ସୁଦୁଜୀଞ୍ଜୁ ହାନି ଦାନା ଏବକା ଏବକାତାୟି ସାମା ଏ ରଣ୍ଡିଏ ସୁଦୁଜୀଞ୍ଜୁ □

୫ ସେବା ଏବକା ଏବକାତାୟି ସାମା ପ୍ରବୁ ରଅସିଏ □

୬ କାମା କିନି ବାଡ଼ୁୟୁ ଏବକା ଏବକାତାୟି ସାମା ମାହାପୁରୁ ରଅସିଏ, ଏଞ୍ଜାସି ବାରେ ତାଣା ବାରେ କାମା କିନେସି □

୭ ସାମା ବାରେ ଜାଣାତାତି ସୁଦୁଜୀଞ୍ଜୁତି ଗୁଣ୍ଡୁ ତହନି ଦାନା ବାରେ ଲକ୍ଷୁତି ନେହେଁତାକି ହୀପକିଆଡ଼େନ □

୮ ରଅଣାକି ସୁଦୁଜୀଞ୍ଜୁ ତଲେ ବୁଦିତି କାବୁ ଖେସାଲି ହାନେ, ଅଡ଼େ ରଅଣାକି ଏ ସୁଦୁଜୀଞ୍ଜୁ ତଲେ ବୁଦିତିକାତା ଜାପୁହାଲି ହାନେ,

୯ ଅଡ଼େ ରଅଣାକି ଏ ସୁଦୁଜୀଞ୍ଜୁ ତଲେ ନାମାଲି, ଅଡ଼େ ରଅଣାକି ଏ ରଣ୍ଡିଏ ଜୀଞ୍ଜୁତି ଦାନା ତଲେ ରଗତି ନେହଁ କିୟାଲି ବାଡ଼ୁୟୁ ହାନେ,

୧୦ ରଅଣାକି କାବାଆନି ବାଡ଼ୁୟୁତି କାମାୟାଁ କିୟାଲି, ଅଡ଼େ ରଅଣାକି ମାହାପୁରୁ ଅଣ୍ଡପୁତି କାତା ଖେକହାଲି, ଅଡ଼େ ରଅଣାକି ଏବକା ଏବକାତି ଜୀଞ୍ଜୁୟାଁକଁ ପୁଞ୍ଜାଲି ଆଡ଼ିନି ବାଡ଼ୁୟୁ, ଅଡ଼େ ରଅଣାକି ପୁନାଆତି ପୁଃନି ହାଡ଼ା ଜଲାଲି, ଅଡ଼େ ଏବକାତାରାକି ପୁନାଆତି ହାଡ଼ାତି ଅର୍ତ ପୁଣ୍ଡିକିନି ବାଡ଼ୁୟୁତି ଦାନା ହୀପକିଆଡ଼େନ □

୧୧ ସାମା ଏ ରଣ୍ଡିଏ ଜୀଞ୍ଜୁ ତାନି ମନ କିତିଲେହେଁ ବାରେଜାଣାତି ଏବକା ଏବକାତି ଦାନା ହୀହାନା ଇ ବାରେ କାମା କିହିମାନେ □

ରଣ୍ଡିଏ ଆଙ୍ଗାତି ଆଙ୍ଗା ରଡ଼େଲି

୧୨ *ଈତିହଁ ଏନିକଁ ଆଙ୍ଗା ରଣ୍ଡିଏ, ଅଡ଼େ ଆଙ୍ଗାତି ଏବକା ଏବକା ବାଗାୟାଁ ମାନୁ, ସାମା ଆଙ୍ଗାତି ବାଗାୟାଁ ହାଡ଼େରା ଆଡ଼ିଜିକେଏ ରଣ୍ଡିଏ ଆଙ୍ଗା ଆଡ଼େ, ଏଲେକିହଁଏ କ୍ରାପୁ □

୧୩ ଈତିହଁ ମାର ଜୀହୁଦି କି ଜୀହୁଦିଆଆତି ଜିକେଏ, ହଲେଏସି ଆପେସି ହଲେଏସି ଆଆପେସି, ବାରେତାୟି ରଣ୍ଡିଏ ଜୀଞ୍ଜୁତଲେ ରଣ୍ଡିଏ ଆଙ୍ଗା ଆହାଲି ବାପ୍ତିସ୍ତ* ଆହାମାନାୟି; ଅଡ଼େ ବାରେତାୟି ରଣ୍ଡିଏ ଜୀଞ୍ଜୁତଲେ ଗସି ମାନାୟି □

୧୪ ଏଦାଆଁତାକି ଆଙ୍ଗା ରଣ୍ଡିଏ ବାଗା ଆଏ, ସାମା ଆଙ୍ଗାତି ଏବକା ଏବକା ବାଗାୟାଁ ଆଣ୍ଡାନା ର ଆଙ୍ଗା ଆହାମାନେ □

* ୧୨:୪ ୧୨:୪ ରନି ୧୨:୭-୮ * ୧୨:୧୨ ୧୨:୧୨ ରନି ୧୨:୪,୫ * ୧୨:୧୩ ୧୨:୧୩ ମୁଞ୍ଜନାୟି

୧୫ କତା ଏଲେଇନେ ନାନୁ କେୟୁଡେଏଁ ଆଏ, ଏଦି ଆଜ୍ଞାତି ବାଗା ଆଏ, ଏଦାଆଁତାକି ଏଦି ଆଜ୍ଞାତି ବାଗା ଆଏ ଏଲେକ ଆଏ □

୧୬ ଅଡ଼େ କିୟୁ ଏଲେଇନେ ନାନୁ କାନୁ ଆଏ, ଏଦି ଆଜ୍ଞାତି ବାଗା ଆଏ, ଏଦାଆଁତାକି ଏଦି ଆଜ୍ଞାତି ବାଗା ଆଏ ଏଲେକ ଆଏ □

୧୭ ବାରେ ଆଜ୍ଞା କାଣକା ଆନୁ, ଆତିହ ଏନିକ ଏନେନାୟି ? ବାରେ ଆଜ୍ଞା କାର୍ଜା ଆନୁ ଆତିହ ଆମ୍ବିଟି ମୁଞ୍ଜିନାୟି ?

୧୮ ସାମା ମାହାପୁରୁ ଆଜ୍ଞା ଉଡ଼େଲିଇଁ ରଣ୍ଡା ରଣ୍ଡାଆଁ କିହଁ ତାନି ମନତଲେ ଆଜ୍ଞାତା ଆହାମାନେସି □

୧୯ ଅଡ଼େ ଏ ବାରେ ଆଜ୍ଞାତି ରଣ୍ଡିଏ ବାଗା ଆତିହଁ ମା ଆତିହଁ ଆଜ୍ଞା ଆମ୍ବିୟା ?

୨୦ ସାମା ସାତେଏ ଆଜ୍ଞାତି ବାଗାୟାଁ ହାଡ଼େକା, ସାମା ଆଜ୍ଞା ରଣ୍ଡିଏ □

୨୧ ନୀ ତାଣା ନାଜେ ଲଡ଼ା ହିଲେଏ ଇଞ୍ଜଁ କାନୁ କେୟୁଡି ଏଲେଇଞ୍ଜାଲି ଆଡ଼େଏ, ଇଞ୍ଜା ନୀ ତାଣା ନା ଲଡ଼ା ହିଲେଏ ଇଞ୍ଜଁ ତାୟଁ କୁଡାତି ଏଲେଇଞ୍ଜାଲି ଆଡ଼େଏ □

୨୨ ଅରଞ୍ଜାକି ଆଜ୍ଞାତି ଆମିନି ଆଜ୍ଞା ଉଡ଼େଲି ବାଡ଼ୁୟୁ ହିଲାଆଗାଟାଇ ଇଞ୍ଜଁ ପୁଚିହଁ ଜିକେଏ ଏଢ଼ି ବାରେ ଲଡ଼ାତା ମାନୁ;

୨୩ ଅଡ଼େ ଆଜ୍ଞାତି ଆମିନି ଆଜ୍ଞା ଉଡ଼େଲି ଲଡ଼ାହିଲାଆ ଗାଟାଇ ଇଞ୍ଜଁ ଅଣ୍ଡିନାୟି, ଏ ବାରେ ଆଜ୍ଞାତି ଆଜ୍ଞା ଉଡ଼େଲିକାଇଁ ମାର ହାଡ଼େକା ଜାଡ଼ୁ କିନାୟି; ଅଡ଼େ ମା ଲଡ଼ାହିଲାଆ ଆଜ୍ଞା ଉଡ଼େଲି ହାଡ଼େକା ନେହଁ ତଞ୍ଜିକିୟାନୁ,

୨୪ ସାମା ମା ଅଜ୍ଞିତି ଆଜ୍ଞା ଉଡ଼େଲି ନେହଁ କଁ ତଞ୍ଜା ଆନାୟି ଲଡ଼ା ଆଏ,

୨୫ ସାମା ଏନିକଁ ଆଜ୍ଞାତି ବିଡ଼ା ଗଡ଼ୁହା ଆଏ, ଇଞ୍ଜା ଆଜ୍ଞାତି ବାଗାୟାଁ ସମାନା ତଲେ ବାରେଜାଣାତି ନେହଁଣି ଅଣ୍ଡିନୁ □ ଏଦାଆଁତାକି ଲଡ଼ାହିଲାଆ ଆଜ୍ଞାତି ହାଡ଼େକା ଅଜ୍ଞି କିହାନା ମାହାପୁରୁ ଜାଟୁ କିହାମାନେସି □

୨୬ ଏଦାଆଁତାକି ର ଆଜ୍ଞା କସ୍ତ ବେଟାଆଡ଼ିସାରେ ବାରେ ଆଜ୍ଞା ତାନିତଲେ ଦୁକୁ କିନୁ, ସାମା ର ଆଜ୍ଞା ଗାଞ୍ଜୁରମି ବେଟାଆଡ଼ିସାରେ ବାରେ ଆଜ୍ଞା ତାନିତଲେ ରାହଁ କିନୁ □

୨୭ ଏଲେକିହଁ ଏ ମାରୁ କ୍ରୀସ୍ତତି ଆଜ୍ଞାତି ବାଗାୟାଁତେରି, ଅଡ଼େ ର ର ଲକୁ ର ର ଆଜ୍ଞାତି ବାଗାୟାଁ ଲେହେଁ □

୨୮ *ଅଡ଼େ ମାହାପୁରୁ କୁଲମିତା ତଲିଏ ପାଣ୍ଡୁଢ଼ି ଆତାରାଇଁ, ଇଞ୍ଜା ତାୟୁ ମାହାପୁରୁ ଅଣ୍ଡପୁଡି ବଲୁ ଝେହ୍ନାରାଇଁ, ତାୟୁ ଜାପୁନାରାଇଁ, ଏଲେକିହଁ ହାଡ଼େକା ଲକୁଣି ନିପହାମାନେସି; ଅଡ଼େ କାବାଆନି କାମା କିନାରାଇଁ, ତାୟୁ ରଗଟି ନେହଁ କିନାରାଇଁ, ଇଞ୍ଜା ଲକୁଞ୍ଜି ସାଡ଼େମି କିନାୟି, ସାଲୁଢ଼ି କିନାରି ବାଡ଼ୁୟୁ ଅଡ଼େ ଏବ୍‌କାତି ପୁନାଆତି ହାଡ଼ା ଜଲିନି ଦାନା ହାହାମାନେସି □

୨୯ ବାରେଜାଣା କି ପାଣ୍ଡୁଢ଼ି ଆହାମାନାରି ? ବାରେଜାଣା କି ମାହାପୁରୁ ଅଣ୍ଡପୁଡି ବଲୁ ଝେହ୍ନାରି ? ବାରେଜାଣା କି ଜାପୁନାରି ? ବାରେଜାଣା କି କାବାଆନି କାମାକିନାରି ?

୩୦ ବାରେଜାଣା କି ନେହଁ କିନି ବାଡ଼ୁୟୁଡି ଦାନା ବେଟା ଆହାମାନାରି ? ବାରେ ଜାଣାକି ଏବ୍‌କା ହାଡ଼ାତଲେ ଜଲିନେରି ? ବାରେଜାଣା କି ଏବ୍‌କା ହାଡ଼ାତି ଅର୍ଥ ଝେହ୍ନେନେରି ?

୩୧ ସାମା ବାରେତେରି ନେହଁ ଦାନା ବେଟାଆହାଲି ଅଣ୍ଡପାଦୁ, ସାମା ଏ ବାରେକିହଁ ଅଡ଼େ ହାଡ଼େକା ଆଗାଡ଼ା ମାନି ର ନେହଁ ଜିରୁ ତସିମାଞ୍ଜାଇଁ □

୧୩

ଜୀଞ୍ଜୁନନାୟି

୧ ଇତିହଁ ନାନୁ ମାଣସିୟାଁ ଅଡ଼େ ଦୁଡୁୟାଁ ହାଡ଼ାତଲେ ଜଲିଇଁ, ସାମା ନା ଜୀଞ୍ଜୁନନାୟି ହିଲେଏ, ଆତିହଁ ନାନୁ ଟିଣି ଟିଣି ଆନି ଜିଣଜା ଅଡ଼େ ଗାପୁଡ଼ି ଝେନି ହାଡ଼ାଲେହେଁ ତାତେଏଁ □

୨ *ଇତିହଁ ନାନୁ ମାହାପୁରୁ ଅଣ୍ଡପୁଡି ବଲୁ ଝେହ୍ନି ବାଡ଼ୁୟୁ ମାନେ, ଅଡ଼େ ବାରେ ଡ଼ଗୁମାନାଣି ଇଞ୍ଜା ବୁଦିତକାତା ପୁନାତେଏଁ, ଅଡ଼େ ହରୁଇଁ ଏବ୍‌କା ଗୁଡି କିହାଲି ନାଜେ ହାଡ଼େକା ନାମୁ ମାତି ଜିକେଏ, ସାମା ନା ତାଣା ଜୀଞ୍ଜୁନନାୟି ହିଲେଏ, ଆତିହଁ ନାନୁ ଏନାତେଏଁ ଆଏ □

୩ ଇଚିହଁ ନାନୁ ହିଲାଆଗାଟି ଲକୁତାକି ତିଞ୍ଜାଲି ବାରେ ଦନୁ ହୀଇଁ, ଅଡ଼େ ନାନୁ ନା ଆଙ୍ଗାତି ଝେହାଲି ତାକି ହେରପିଇଁ, ସାମା ନା ତାଣା ଜୀଞ୍ଜନନାୟି ହିଲେଏ ଇଚିହଁ ନାଦି ଏନି ଲାବା ଆଏ ।

୪ ଜୀଞ୍ଜନନାୟି ଅରହିନାୟି, ଜୀଞ୍ଜନନାୟି ନେହାଁଣି ଅଣପିନାୟି, ତାହାରା କିଆଗାଟାୟି, ବତପଣ ଆଆଗାଟାୟି, ଆଙ୍କାରା କିଆଗାଟାୟି ।

୫ ଲାଗେଏ କିହଁ ଲେଗ୍‌ଏଏ, ଜାହାରା ତାକି ଅଣପେଏ, ବିରିବିରା ଆଏ, ଲାଗେଏ କିହାଲି ଅଣପୁତା ଇଚେଏ ।

୬ ଲାଗେଏତି କାମାତାକି ରାହାଁ ଆଆଗାଟାୟି, ସାମା ସାତାତା ରାହାଁ କିନାୟି;

୭ ଜୀଞ୍ଜ ନନିତାଣା ବାରେ ଅରହିନାୟି, ବାରେ ତାଣା ନାମିନାୟି, ବାରେ ତାଣା ବାସୁଁ ହୀନାୟି, ବାରେ କାତାତା ସାସା ଆହନାୟି ।

୮ ଜୀଞ୍ଜନନାୟି ଏଚେଲା ରାଏ; ସାମା ମାହାପୁରୁ ଅଣପୁତି ବଲୁ ଝେକହା ମାନାୟି, ଦିନା ଝାଡ଼ିସାରେ ମିଚି ଜିକେଏ ଆନେ; ଏଚକା ଏଚକା ଜଲିନି ହାଡ଼ା ମାଚି ଜିକେଏ ଏଦି ର ଦିନା ସାପି ଆନେ; ବୁଦିତିକାତା ମାଚି ଜିକେଏ ଏଦି ମେଣ୍ଡାଞ୍ଜାହାନେ ।

୯ ଇଚିହଁ ମାର ରଗାଣିଏ ପୁନାୟି ଅଡ଼େ ମାହାପୁରୁ ଅଣପୁତି ବଲୁ ଇଚେକେଏ ଝେକହାଲି ଆଡ଼ିନାୟି ।

୧୦ ସାମା ପୁରା ଆନାୟି ଝାଡ଼ିହଁ ଉଜେଏତାୟି ମେଣ୍ଡାଞ୍ଜାହାନେ ।

୧୧ ନାନୁ ଉଣା ମାଚିବେଲା ଉଣା କକାରି ଲେହେଁ ଜଲି ମାଚେଏଁ, ଉଣା କକାରି ଲେହେଁ ଅଣପିମାଚେଏଁ, ଉଣା କକାରି ଲେହେଁ ପୁଞ୍ଜିମାଚେଏଁ; ନାନୁ ପାତାଆଡ଼ି ମାଣସି ଆୟାଲିଏ ନାନୁ ଉଣା କକାରି କାତା ପିସାଡୁସ୍ତେଏଁ ।

୧୨ ଇଚିହଁ ନାଏଁ ମାର ଡ଼ଗୁମାନି କାତା ଲେହେଁତି ଦାପେଣିତା ମେସିମାନାୟି, ସାମା ଏଚିବେଲା ମୁମୁମୁମୁତୁ ମେସି ଆନାୟି; ନାଏଁ ନାନୁ ଏନିକଁ ପୁଞ୍ଜାମାଇଁ, ସାମା ଏଚିବେଲା ନାଜେ ଏନିକଁ ପୁଞ୍ଜାମାଞ୍ଜାନେସି, ନାନୁ ଜିକେଏ ଏଲେକଁ ତାୟୁ ପୁଇଁ ।

୧୩ ଏଦାଆଁତାକି ନାମିନାୟି, ଆସା କିନାୟି, ଜୀଞ୍ଜନନାୟି, ଈ ତାନିଗଟା କାଚେଲଏତାଇ, ସାମା ଈ ବିଡ଼ାଟି ଜୀଞ୍ଜନନାୟି ବାରେକିହାଁ କାଜାୟି ।

୧୪

ମାହାପୁରୁ ଜୀଞ୍ଜୁତି କାତା ପୁନାୟି

୧ ଜୀଞ୍ଜୁ ନନାଣି ପାରାଦୁ, ଅଡ଼େ ସୁଦୁଜୀଞ୍ଜୁତି ଦାନା ବେଟାଆହାଲି ବାରେତି କିହାଁ ଏନିକଁ ମାହାପୁରୁ ଅଣପୁତି ବଲୁ ଝେକହାଲି ଆଡ଼ିଦେରି, ଈଦାଆଁତାକି ହାଚେରକା ଅଣପାଦୁ ।

୨ ଇଚିହଁ ଆମ୍ବାଆସି ଏଚକା ଏଚକାତି ହାଡ଼ାତଲେ ଜଲିନେସି, ଏଞ୍ଜାସି ମାଣସିୟାଁଇଁ ଜଲଅସି, ସାମା ମାହାପୁରୁଇଁ ଜଲିନେସି, ଆମ୍ବାଆସି ଏଦାଆଁ ତେଲହଅସି, ସାମା ଏଞ୍ଜାସି ସୁଦୁଜୀଞ୍ଜୁ ବାଡ଼ୁଡ଼ୁଟି ଡ଼ଗୁମାନାଣି ଝେହ୍‌ନେସି ।

୩ ସାମା ଆମ୍ବାଆସି ମାହାପୁରୁ ଅଣପୁତି ବଲୁ ଝେହ୍‌ନେସି, ଏଞ୍ଜାସି ଲକୁଇଁ ସାଚେୟି କିହାନା, ସାସା ଅଡ଼େ ବାସୁଁତି କାତା ଝେହ୍‌ନେସି ।

୪ ଆମ୍ବାଆସି ଏଚକାତି ହାଡ଼ାତଲେ ଜଲିନେସି ଏଞ୍ଜାସି ଜାହାରା ନାମୁତା ପାତିକିହାଁ କତିନେସି, ସାମା ଆମ୍ବାଆସି ମାହାପୁରୁ ଅଣପୁତି ବଲୁ ଝେକ୍‌ନେସି ଏଞ୍ଜାସି କୁଲମିଇଁ ନାମୁତା ପାତିକିନେସି ।

୫ ମାରୁ ବାରେତେରି ଏଚକା ହାଡ଼ାତଲେ ଜଲାଦୁ ଇଞ୍ଜୁ ନା ଅଣପୁ, ସାମା ମାରୁ ମାହାପୁରୁ ଅଣପୁତି ବଲୁ ଝେହ୍‌ଦୁ ଈଦି ହାଚେକା ନା ଅଣପୁ; ଆମ୍ବାଆସି ଏଚକା ଏଚକାତି ହାଡ଼ାତଲେ ଜଲିନେସି ଏଞ୍ଜାସି କୁଲମିତି ପାତିକିହାଲି ଏ କାତାତି ଅତି ଝେହ୍‌ଅସି ଇଚିହଁ ଏଦାଣିକିହାଁ ଆମ୍ବାଆସି ମାହାପୁରୁ ଅଣପୁତି ବଲୁ ଝେକ୍‌ନେସି ଏଞ୍ଜାସି କାଜାୟି ।

୬ ଏଦାଆଁତାକି ତାୟିୟାତେରି ନାନୁ ମୀ ତାଣା ଝାହାନା ମାହାପୁରୁତି ଝେକହି ବଲୁ, ବୁଦିତିକାତା, ମାହାପୁରୁ ଅଣପୁତି କାତା ଝେକ୍‌ନାଣି କି ଜାପିନି କାତା ଝେହ୍‌ଆନା, ଏଚକା ଏଚକାତି ହାଡ଼ାତଲେ ଜଲିଇଁ, ଆଡ଼ିହଁ ଏମ୍ବାଆଁ ନାନୁ ମୀ ଏନି ଲାବା କିଚେଏଁ ।

୭ ପାରୁଡ଼ି ଅଡ଼େ ସେଚ୍‌ଜି ଲେହେଁତି ଜୀଞ୍ଜୁ ହିଲାଆଗାଟି ବାଜାୟା ଉକିତିହଁ ଜିକେଏ ଏମ୍ବାଆଁ ତାନି ତିସା ହଏ ଇଚିହଁ ପାରୁଡ଼ି ଏନିକଁ ଡ଼ାହିମାନେ ସେଚ୍‌ଜି ଏନିକଁ ଡ଼ାହିମାନେ ଏଦାନି ତିସା ଏନିକଁ ପୁନେରି ?

୮ ଇଞ୍ଜା ତାତ୍ପ୍ରି ଉକିନାସି ନେହଁକଁ ଉକଅସି ଆତିହଁ ଆମ୍ବାଆସି କୁକୁ ତାକି ତିୟାରା ଆନେସି □
 ୯ ଏଲେକିହଁଏ ମୀରୁ ଜିକେଏ ଏବ୍‌କା ହାଡ଼ାତଲେ ନେହଁ ତୀରତଲେ ଜଲ୍ଲଅତେରି, ମୀରୁ ଏନାଆଁ ଜଲ୍ଲିତେରି ଏନିକଁ ପୁନେରି, ଇତିହଁ ମୀରୁ ଜଲ୍ଲିନାୟି ଗାଲ୍ଲିତି ଜଲ୍ଲିନିଲେହେଁ ଆନେ □

୧୦ ଦାବ୍‌ତତା ହାରେକା ତିସା ମାନେ, ଅଡ଼େ ଆମିନି ତିସାତି ଅର୍ତ୍ତ ହିଲ୍ଲଆଗାଗଲ୍ଲ ଆଏ □

୧୧ ସାମା ନାନୁ ଏ ଜଲ୍ଲିନି ହାଡ଼ା ତେଲ୍‌ହଅଁ ଆତିହଁ ଆମ୍ବାଆସି ଜଲ୍ଲିନେସି ନାନୁ ଏଞ୍ଜାଣାକି ପୁନାଆତାତେର୍ଏ ଲେହେଁ ଆଲ୍ଲ, ଅଡ଼େ ଏଞ୍ଜାସି ନା ତାଣାଟି ପୁନାଆତାସି ଲେହେଁ ଆନେସି □

୧୨ ଏଲେକିହଁଏ ମୀରୁ ଜିକେଏ ଜୀଞ୍ଜୁତି ଦାନା ବେଟାଆହାଲି ଅଣ୍ଡପି ମାନାକି କୁଲମିତି ପାଡ଼ିକିହାଲି ଗାତି ବେଟାଆହାଲି ଅଣ୍ଡପାଦୁ □

୧୩ ଆମ୍ବାଆସି ଏବ୍‌କାତି ହାଡ଼ାତଲେ ଜଲ୍ଲିନେସି, ଏଞ୍ଜାସି ଏନିକଁ ଏମ୍ବାତି ଅର୍ତ୍ତ ଝେସାଲି ଆଡ଼ିନେସି, ଏଦାଆଁତାକି ପ୍ରାଡ଼ାନା କିପେସି □

୧୪ ଇତିହଁ ନାନୁ ଏବ୍‌କା ହାଡ଼ାତଲେ ପ୍ରାଡ଼ାନା କିଲ୍, ଇତିହଁ ନା ଜୀଞ୍ଜୁ ପ୍ରାଡ଼ାନା କିନେ, ସାମା ନା ଅଣ୍ଡପୁ ଏମ୍ବାତି ଏନି ଲାଡ଼ା ହିଲେଏ □

୧୫ ଆତିହଁ ନାନୁ ଏନାଆଁ କିନାୟିମାନେ, ନାନୁ ସୁଦୁଜୀଞ୍ଜୁ ତଲେ ପ୍ରାଡ଼ାନା କିଲ୍; ଇଞ୍ଜା ବୁଦିତଲେ ଜିକେଏ ପ୍ରାଡ଼ାନା କିଲ୍; ସୁଦୁଜୀଞ୍ଜୁ ତଲେ ଜହରା ପାରୁ ପାଡ଼ିଲ୍, ଅଡ଼େ ବୁଦିତଲେ ଜିକେଏ ଜହରା ପାରୁ ପାଡ଼ିଲ୍ □

୧୬ ନାନୁ ଖାବ୍‌ରୁ ସୁଦୁଜୀଞ୍ଜୁ ତଲେ ମାହାପୁରୁଲ୍ ଜହରା କିଦି, ଏମ୍ବାଆଁ କୁଗାମାନାସି ପୁନାଆନା ଏନିକଁ ନା ପ୍ରାଡ଼ାନାତା ତାୟୁ ଆନେନି ଇନେସି □

୧୭ ଇତିହଁ ନାନୁ ନେହଁକଁ ମାହାପୁରୁଲ୍ ଜହରା କିହିମାଞ୍ଜି ସାତା, ସାମା ଏବ୍‌କାତାସି ପାତାଆଅସି □

୧୮ ନାନୁ ମୀ ବାରେକିହାଁ ହାରେକା ଗାତି ଏବ୍‌କାତି ହାଡ଼ାତଲେ ଜଲ୍ଲିଲ୍ ଇଞ୍ଜା ନାନୁ ମାହାପୁରୁଲ୍ ଜହରା କିହିମାଲ୍;

୧୯ ଆଡ଼ିଜିକେଏ ନାନୁ ଏନିକଁ ଏବ୍‌କାତାରାଲ୍ ଜାପୁହାଲି ଆଡ଼ିଲ୍, ଏଦାଆଁତାକି କୁଲମିତା ଦସ ମାଣା ଏବ୍‌କାତି କାତାୟି ଜଲ୍ଲିନି କିହାଁ ବୁଦିତଲେ ପାସାଗଟା କାତା ଝେହ୍‌ନାୟି ନେହେଁ □

୨୦ ଏ ତାୟିୟାତେରି ବୁଦିତା ଉଣା କକାରି ଲେହେଁ ଆଆଦୁ, ସାମା ଲାଗେଏ ପଲେଏ କାତାତାକି ଉଣା କକାରି ଲେହେଁ ଆଦୁ, ସାମା ବୁଦିତା ଅଡ଼େ ଅଣ୍ଡପୁତା ପାତାଆଡ଼ି ଲକୁଲେହେଁ ଆଦୁ □

୨୧ ମସା ମେରାତା ରାୟ୍‌କି ଆହାମାନେ,

“ପ୍ରବୁ ଏଲେ ଇଞ୍ଜିମାନେସି, ଏବ୍‌କା ଦେସାତି ଜଲ୍ଲିମାନି ହାଡ଼ାତଲେ, ଏବ୍‌କା ଲକୁତି ଗୁଡ଼ି ତଲେ ନାନୁ ଇ ଲକୁଣି ଜଲ୍ଲିଲ୍,

ଆଡ଼ିଜିକେଏ ଏଞ୍ଜାରି ନା କାତା ଝେନଅରି □”

୨୨ ଏଦାଆଁତାକି ଏବ୍‌କା ହାଡ଼ାତଲେ ଜଲ୍ଲିନାୟି ନାମୁ ଗାଗରାକି ର ସିନାଲେହେଁ ଆଏ, ସାମା ନାମାଆ ଗାଗରାକି ସିନା ସମାନା; ଅଡ଼େ ଅରଞ୍ଜାକି ମାହାପୁରୁ ଅଣ୍ଡପୁତି ବଲ୍ଲୁ ଝେକ୍‌ନାୟି ନାମାଆ ଗାଗରାକି ସିନାଲେହେଁ ଆଏ, ସାମା ନାମିନାରାକି ସିନା ସମାନା □

୨୩ ଅଡ଼େ ଜିକେଏ ବାରେ କୁଲମିତି ଲକୁ ରୁଣ୍ଡା ଆତିହଁ, ଇଞ୍ଜା ବାରେଜାଣା ଏବ୍‌କା ଏବ୍‌କା ହାଡ଼ାତଲେ ଜଲ୍ଲିନେରି, ଅଡ଼େ ପୁନାଆତାରି କି ନାମାଆତାରି ଏମ୍ବାଆଁ ଖାନେରି, ଆତିହଁ ମିଜେ ବାୟା ଆଡ଼ାରି ଇଞ୍ଜା ଇନଅରି କି ?

୨୪ ସାମା ବାରେଜାଣା ମାହାପୁରୁ ଅଣ୍ଡପୁତି ବଲ୍ଲୁ ଝେକ୍‌ନେରି, ରଅସି ପୁନାଆତାସି କି ନାମାଆତାସି ଖାନେସି, ଆତିହଁ ଏଞ୍ଜାସି ନାନୁ ପାପୁ ଗାଗତେର୍ଏ ଇଞ୍ଜା ପୁଞ୍ଜା କତିନେସି ଅଡ଼େ ଏଞ୍ଜାସି ବାରେ ଲକୁତାଣା ଦହ୍‌ଗାଗାସି ଇଞ୍ଜା ବିଚାରା ଆନେସି □

୨୫ ଅଡ଼େ ତାନି ହିୟାତା ତୁଗୁମାନି ପାପୁତି ଅଣ୍ଡପୁ ବାରେ ତଞ୍ଜାଆନେ; ଇଞ୍ଜା ଏଞ୍ଜାସି ମୁନୁ କୁତାହାଁ ମାହାପୁରୁଲ୍ ଜହରା କିନେସି, ଇଞ୍ଜା “ସାତେଏ ମାହାପୁରୁ ମୀ ତାଣା ମାନେସି ଇଞ୍ଜା ଇନେସି □”

କୁଲମିତି ମେରା

୨୬ ଏଦାଆଁତାକି ଏ ତାୟିୟା ଅଡ଼େ ତାକ୍‌ସ୍ମାତେରି, ଏନାଆଁ କିନାୟିମାନେ ? ମୀରୁ ରୁଣ୍ଡା ଆନାଟି ଆମ୍ବାଆରି ର ପାରୁ, ଆମ୍ବାଆରି ର କାତା ଜାପୁନାୟି, ଆମ୍ବାଆରି ମାହାପୁରୁ ତସାମାନି ବଲ୍ଲୁ ଝେକ୍‌ନାୟି,

ଆତ୍ମାଆରି ଏବଂ ଏବଂକାତି ହାଡ଼ା ଜଲ୍ଲିନାୟି, ଆତ୍ମାଆରି ହାଡ଼ାତି ଅର୍ତ୍ତ ପୁଣ୍ଡିକିନାୟି, ଇଲେକ୍ ବାରେତାକି ଏନାୟି ଆଆତ୍ ଏନାୟି ମାନେ, ଇ ବାରେ କୁଲମିତି ପାଡ଼ିକିହାଲି କିଞ୍ଚିଆପେ □

୨୭ ଆତ୍ମାଆରି ଏବଂକା ହାଡ଼ାତଲେ ଜଲ୍ଲିନେରି ଇତିହ ରିଆରି ଆଆତ୍ ତାନିଜାଣା ପାଲି କିହ ଜଲ୍ଲାପେରି ଅଡ଼େ ରଅସି ତାନି ଅର୍ତ୍ତ ଖେସପାସି □

୨୮ ସାମା ଆତ୍ମାଆସି ଅର୍ତ୍ତ ତେଲ୍ଲୁହି କିନାସି ହିଲଅସି ଇତିହ ଏଞ୍ଜାସି କୁଲମିତା ପାଲେଏ ମାଣ୍ଡେସି, ଇଞ୍ଜା ତାନୁ ତାନି ହିୟାତା ମାହାପୁରୁଇଁ ଖେସପାସି □

୨୯ ଅଡ଼େ ରିଆରି କି ତାନି ଜାଣା ମାହାପୁରୁ ଅଣ୍ଡପୁତି ବଲ୍ଲୁ ଖେସପେରି, ଅଡ଼େ ଏବଂକାତାରି ଖେସିମାନାଣି ନେହ୍ କି ଖେଣ୍ଡାରି □

୩୦ ସାମା ଏମ୍ପାଆଁ କୁଗାମାନାରି ବିଡ଼ା ଆତ୍ମାଆରାକି ମାହାପୁରୁତି ଏନି ବଲ୍ଲୁ ଖାଡ଼ିସାରେ ନକେଏ ଖେସିମାନାସି ପାଲେଏ ମାଣ୍ଡେସି □

୩୧ ଇତିହ ଏନିକ୍ ବାରେଜାଣା ଜାପିନେରି, ଇଞ୍ଜା ବାରେଜାଣା ସେଡ଼ନା ଆନେରି, ଏଦାଆଁତାକି ରଅଅତେରି ମାହାପୁରୁ ଅଣ୍ଡପୁତି ବଲ୍ଲୁ ଖେସାଲି ଆଡ଼ିଦେରି □

୩୨ ସାମା ମାହାପୁରୁତି ବଲ୍ଲୁ ଖେହ୍ନି ବାଡ଼ୁୟୁ ଖେହ୍ନାଣି ତାଣାଟି ଲପୁକି ଆନାୟି ମାନେ □

୩୩ ଏଦାଆଁତାକି ଇତିହ ମାହାପୁରୁ ଗଡ଼ହା କିନି ମାହାପୁରୁ ଆଏ, ସାମା ହିଡ଼ଡ଼ିତି ମାହାପୁରୁ ଏନିକ୍ ମାହାପୁରୁ ସୁଦୁ ଲକୁତି କୁଲମିତା ଆନେ □

୩୪ ଏଲେକ୍ ଇୟାସିକା କୁଲମିତା ପାଲେଏ ମାଣ୍ଡୁ ଇତିହ କାତା ଜଲ୍ଲାଲି ଏଞ୍ଜି ହେଲ ବେଟା ଆହାହିଲାର, ମସା ମୋରାତା ରାସ୍ତକି ଆହାମାନି ଲେହେଁ ଏଞ୍ଜି ମାନି ତଲେ ମାନାପୁ □

୩୫ ସାମା ଇୟାସିକା ଏନାଆଁ ପୁଞ୍ଜାଲି ଅଣ୍ଡପିତିହ, ତାନି ଇଜ ତାନି ଡକ୍ରାୟାଣି ଖେଣ୍ଡାୟି ଇତିହ କୁଲମିତା କାତା ଜଲ୍ଲିନାୟି ଇୟାନାକି ଲାଜାତି କାତା □

୩୬ ମାହାପୁରୁତି ବଲ୍ଲୁ ମୀ ତାଣାଟି ହରାମାନେ କି ? ଇଞ୍ଜା ଖାରଇ ମିଙ୍ଗେତାକି ଖାହାମାନେ କି ?

୩୭ ଆତ୍ମାଆସି ନାନୁ ମାହାପୁରୁ ଅଣ୍ଡପୁତି ବଲ୍ଲୁ ଖେହ୍ନାତେଏଁ, ଇଞ୍ଜା ନେହ୍ ଜାପୁତି ଦାନା ବେଗାଆହାମାଇଁ ଇଞ୍ଜା ଅଣ୍ଡପିନେସି, ଆତିହ ନାନୁ ମିଙ୍ଗ ଏନା ଏନାଆଁ ରାଡ଼ିମାଞ୍ଜାଇଁ, ଏନି ବାରେ ମାହାପୁରୁତି ହୁକୁମି ଏଦାଆଁ ଏଞ୍ଜାସି ପୁନାପେସି □

୩୮ ସାମା ଆତ୍ମାଆସି ତେଲ୍ଲୁହଅସି ଆତିହ ଏଞ୍ଜାସି ଏନାଆଁ ତେଲ୍ଲୁହାଆନା ମାନାପେସି □

୩୯ ଏଦାଆଁତାକି ତାୟିୟା, ମାହାପୁରୁ ଅଣ୍ଡପୁତି ବଲ୍ଲୁ ଖେକ୍ହାଲି ଅଣ୍ଡପେମାଞ୍ଜୁ; ଇଞ୍ଜା ଏବଂକାତି ହାଡ଼ା ଜଲ୍ଲାଲି କାହିକିଆଦୁ □

୪୦ ସାମା ବାରେ କାମା ନେହ୍ ତଲେ ସୁସି ତଲେ କିନାୟିମାନେ □

୧୫

କ୍ରୀସ୍ତ ହାକିତି ନିଜ୍ଜିନାୟି

୧ ନା ତାୟିୟା ଅଡ଼େ ତାଜିସ୍ତାତେରି, ନାନୁ ମୀ ତାଣା ଆମିନି ନେହ୍ କାବୁ ଖେକ୍ହାମାତେଏଁ, ଆମିନି କାବୁ ମୀରୁ ତାରିତଲେ ଆସାମାତେରି ଆମିନି ତାଣା ତାରିତଲେ ମାଞ୍ଜାମାଞ୍ଜେରି, ନାନୁ ଏନିକ୍ ମୀ ତାଣା ଖେକ୍ହାମାତେଏଁ, ଏଦାଆଁ ମିଙ୍ଗେ ଅଣ୍ଡପି କିହମାଞ୍ଜାଇଁ □

୨ ମିଙ୍ଗେ ଖେକ୍ହା ମାଞ୍ଜାନି ନେହ୍ କାବୁ ମୀରୁ ଜାଣ୍ଡେ ଆସା ମାତିହ, ଇ ନେହ୍ ବଲ୍ଲୁ ତାକି ମୀରୁ ଗେଲ୍ପି ଆହାମାଞ୍ଜେରି, ଆଆତ୍ ମୀରୁ ଉଜେଏ ନାମୁ ଗାଟାତେରି ଆହାମାତେରି □

୩ ଇତିହ ନାନୁ ଆମିନି ଜାପ୍ନାଣି ବେଗା ଆହାମାତେଏଁ, ଏ ବିଡ଼ାଟି ଇ କାଜା କାତା ମିଙ୍ଗେ ହାହାମାଞ୍ଜାତେଏଁ, ଇତିହ କ୍ରୀସ୍ତ ଦାମ୍ ପତିତା ରାସ୍ତକି ଆହାମାନି ଲେହେଁ ମା ପାପୁ ତାକି ହାଡ଼େସି □

୪ ଏମ୍ପୁସି ଆଡ଼େସି, ଇଞ୍ଜା ଦାମ୍ ପତିତା ରାସ୍ତକି ଆହାମାନି ଲେହେଁ; ତାନିଦିନା ତାୟୁ ହାକିତି ଖେଣ୍ଡେ ନିଜ୍ଜିତେସି □

୫ ଏଞ୍ଜାସି କେପା* ଅଡ଼େ ବାରଜାଣା ସୀୟୁୟାଣି ତଞ୍ଜାଆଡ଼େସି □

* ୧୫:୪ ୧୫:୪ ମାତି ୧୨:୪୦; କାମା ୨:୨୪-୩୨ * ୧୫:୫ ୧୫:୫ ଲୁକ ୨୪:୩୪; ମାତି ୨୮:୧୭,୧୭; ମାର୍କ ୧୭:୧୪; ଲୁକ ୨୪:୩୭; ଜହ ୨୦:୧୯ * ୧୫:୫ ୧୫:୫ ପିତର

୨ ତାମ୍ଭୁ ରଣ୍ଡିଏ ଦେବା ପାସା ଖାଞ୍ଜାଟିଏ ଆଗାଡ଼ା ତାନି ଜେତ ହାନି ତାୟିୟାଁଇଁ ତଞ୍ଜାଆଡେସି; ଏଝାରି ବିତ୍ରାଟି ହାରେକା ଲକୁ ନାଞ୍ଜୁପାତେକା ନୀତାମାନେରି, ସାମା ଏତେକା ଲକୁ ହାହାମାନେରି □

୩ ଏତେଟିଏ ଏଝାସି ଜାକୁବଇଁ ଇଞ୍ଜାଁ ତାମ୍ଭୁ ବାରେ ପାଣ୍ଡି ଆଡ଼ାରାଇଁ ତଞ୍ଜାଆଡେସି □

୮ *ବାରେତି ତାମ୍ଭୁ ଲେଞ୍ଜୁ ପୁରାଆଧାନା ଜାନାଆଡ଼ି ଲେହେଁ ତାଡେଏଁ ନାଜେ ଜିକେଏ ତଞ୍ଜା ଆୟାଡେସି □

୯ *ଇତିହଁ ମାହାପୁରୁତି କୁଲମିତି ଲକୁଇଁ ସାସ୍ତି ହାହିମାଗାଟି ପାଣ୍ଡି ଆହାମାନାରି ତାଣା ବାରେକିହାଁ ନାନୁ ଉଣାଡେଏଁ, ଇଞ୍ଜାଁ ପାଣ୍ଡିଆହାମାନି ଦରୁ ବେଟାଆହାଲି ପାଡ଼ା ଆଆଗାଟାଡେଏଁ □

୧୦ ସାମା ନାନୁ ଏନି ଆହାମାଇଁ, ଏଡ଼ି ମାହାପୁରୁ କାର୍ମାମେହନି ତାଣାଟି ଆହାମାନେ, ଇଞ୍ଜାଁ ନା ତାକି ତାନି କାର୍ମାମେହନାୟି ଉଜେଏ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାରେକା କାମା କିହାମାଇଁ, ଆଡ଼ିଜିକେଏ ନାନୁ ଆଏ, ସାମା ମାହାପୁରୁତି କାର୍ମାମେହନାୟି ଏଡ଼ାଆଁ କିହାମାନେ □

୧୧ ଏଡ଼ାଆଁତାକି ନାନୁ ଆଡ଼େ କି ଏଝାରି ଆଡ଼ପରି ଏଲେକିହଁ ମାମ୍ଭୁ ଚୁଝିସିମାନମି ଅଡ଼େ ମୀରୁ ଜିକେଏ ଏଲେକିହଁ ନାମାମାଞ୍ଜେରି □

ମାର ହାକିଟି ନିଜିନାୟି

୧୨ କ୍ରୀସ୍ତ ହାକିଟି ନିଜାମାନେସି ଇଞ୍ଜୁଁ ଇ କାବୁ ଝେସ୍ପି ଆହିମାନେ, ଆତିହଁ ହାଡ଼ାରି ଝେଣ୍ଡେ ନିଜିନାୟି ହିଲେଏ ଇଞ୍ଜୁଁ ଏନିକଁ ମୀ ବିତ୍ରାଟି ଏତରଜାଣା ଏଲେ ଇଞ୍ଜିମାନେରି ?

୧୩ ହାଡ଼ାରି ଝେଣ୍ଡେ ନିଜିନାୟି ହିଲେଏ, ଇତିହଁ କ୍ରୀସ୍ତ ଜିକେଏ ଝେଣ୍ଡେ ନିଜା ହିଲଅସି □

୧୪ ଇଞ୍ଜାଁ କ୍ରୀସ୍ତ ହାକିଟି ଝେଣ୍ଡେ ନିଜା ହିଲଅସି, ମାମ୍ଭୁ ଚୁଝିକିହାମାନାୟି ବାରେ ଉଜେଏତାୟି, ଅଡ଼େ ମୀ ନାମ୍ଭୁ ଜିକେଏ ଉଜେଏତାୟି □

୧୫ ଅଡ଼େ ମାମ୍ଭୁ ମାହାପୁରୁତି ମିତି ଝେହନିଲେହେଁ ତଞ୍ଜାଆନେ, ଏନାଆଁତାକି ଇତିହଁ ମାମ୍ଭୁ ମାହାପୁରୁ କପାଟି ଇ କାତା ସାକି ହୀତମିମା କି କ୍ରୀସ୍ତଇଁ ନିକହାମାନେସି, ସାମା ହାଡ଼ାରି ନିଜଅରି, ଆତିହଁ ଏଝାସି କ୍ରୀସ୍ତଇଁ ଜିକେଏ ନିକହା ହିଲଅସି □

୧୬ ଏଲେଆହଁ ହାଡ଼ାରି ନିଜାହିଲଅରି, ଆତିହଁ କ୍ରୀସ୍ତ ଜିକେଏ ନିଜା ହିଲଅସି □

୧୭ ଇଞ୍ଜାଁ କ୍ରୀସ୍ତ ନିଜା ହିଲଅସି ଇତିହଁ ମୀ ନାମ୍ଭୁ ଜିକେଏ ଉଜେଏତାୟି ଆନେ, ଇଞ୍ଜାଁ ମୀରୁ ନୀଏଁ ପାତେକା ମୀ ପାପୁ ତଲେ ମାଞ୍ଜାମାଞ୍ଜେରି □

୧୮ ଆତିହଁ ଆଦାଆରି କ୍ରୀସ୍ତ ତାଣା ନାମାମାଞ୍ଜାନା ହାହାମାନେରି, ଏଝାରି ଜିକେଏ ନାସା ଆହାମାନେରି □

୧୯ ମାରୁ ଖାରଇ ଇ ଜୀବୁତାକି କ୍ରୀସ୍ତଇଁ ଆସା କିହିମାନାୟି, ଆତିହଁ ମାରୁ ବାରେ ମାଣସିୟାଁ କିହାଁ କାର୍ମା ହିଲଆଗାଟାୟି □

୨୦ ସାମା ସାତାତଲେ କ୍ରୀସ୍ତ ହାଡ଼ି ଲକୁତି ମୂଲୁତି ପାଡ଼ଡ଼ୟି ଲେହେଁ ହାଡ଼ାରି ବିତ୍ରାଟି ଝେଣ୍ଡେ ନିଜାମାନେସି □

୨୧ ଇତିହଁ ମାଣସି ତାଣାଟି ହାନାୟି ଖାହାମାନାକି ଅଡ଼େ ମାଣସି ତାଣାଟିଏ ହାଡ଼ାରି ବିତ୍ରାଟି ଝେଣ୍ଡେ ନିଜିନାୟି ଜିକେଏ ଖାହାମାନେ □

୨୨ ଇତିହଁ ଆଦମ ତାଣାଟି ବାରେ ମାଣସିକି ହାକି ଖାଡ଼େ, ଏଲେକିହଁ ଏ କ୍ରୀସ୍ତ ତାଣାଟି ବାରେଜାଣା ଜୀବୁ ବେଟାଆନେରି □

୨୩ ସାମା ବାରେଜାଣା ତାନି ପାଲି ଏତିସାରେ ତଲିତି ପାଡ଼ଡ଼ୟି କ୍ରୀସ୍ତ, ତାମ୍ଭୁ କ୍ରୀସ୍ତତି ଖାନ୍ଦିନିନାଟି କାଟାମାନାରି ଝେଣ୍ଡେ ନିଜିନେରି □

୨୪ ଏତେଟିଏ ଜୁଗୁ ରାନି ଦିନା ଖାନେ, ଏତିବେଲାତା କ୍ରୀସ୍ତ ବାରେ କାଜାପାଣା, ବାରେ ଅଦିକାରା, ବାଡ଼ୁ ମେକ୍‌ହି ତାମ୍ଭୁ ଆଡ଼ା ମାହାପୁରୁକି ସାଲୁଝି କିନି ପାଣା ହେବ୍‌ପିନେସି □

୨୫ ମାହାପୁରୁ ବାରେ ସାବୁୟାଁଇଁ ହାରୁଝି କିହାଁ କ୍ରୀସ୍ତତି କତାୟାଁ ଡ଼ଇ ଇଟାଆ ପାତେକା ଏଝାସି ସାଲୁଝି କିନାୟିମାନେ □

୨୬ ତାମ୍ଭୁତି ସାବୁ ସମାନା ହାକିଟି ଜିକେଏ ମେକ୍‌ନାୟି ମାନେ;

୨୭ ଏନାଆଁତାକି ଇଚିହଁ ଦାମ୍ଭୁପତିତା ରାସ୍ତାକି ଆହାମାନେ, “ମାହାପୁରୁ ବାରେଚି ତାନି କର୍ତ୍ତା ତୁଇ ଲକ୍ଷନେସି,” ଇଞ୍ଜା ଏଚେତା ଏଞ୍ଜାସି ଏଲେଇନେସି, “ବାରେ ଲକ୍ଷହାମାନେସି,” ଏଦି ସାତା କ୍ରୀସ୍ତ ବାରେ ତାନୁ ଲକ୍ଷହେସି, ଏ ବାରେ ତାଣା ତାନୁ ଆଣ୍ଡା ହାଲଅସି □

୨୮ ଅଚେତ ବାରେଚି କ୍ରୀସ୍ତ କତାୟାଁ ତୁଇ ଲକ୍ଷହି ଜେଚ, ଆମ୍ବାଆସି ବାରେଚି ତାନି ତାଣା ଲକ୍ଷହେସି, ମୀରୁଏସି ଜିକେଏ ତାନି ଆବା ମାହାପୁରୁ ତୁଇ ତୁୟିନେସି; ଅଚେତ ମାହାପୁରୁ ବାରେଚି ଲାକ ସାଲଞ୍ଜି କିନେସି □

୨୯ ହାଡ଼ାରି ନିଜାଆସାରେ, ଆମ୍ବାଆରି ହାଡ଼ାରି ତାକି ବାପ୍ତିସ୍ତା ଅନେରି, ଏଞ୍ଜାରି ଏନାଆଁ କିନେରି ? ଆତିହଁ ହାଡ଼ାରି ନିଜାଆସାରେ, ଏଞ୍ଜାରି ତାକି ଏନାଆଁତାକି ବାପ୍ତିସ୍ତା ଆନେରି □

୩୦ ଅଚେତ ମାରୁ ଜିକେଏ ଏନାଆଁତାକି ବାରେବେଲା ତଣ୍ଡ ତଲେ ନାସା ଆନି ତାଣା ହାନାୟି ?

୩୧ ତାୟିୟାଁ ଅଚେତ ତାଜିୟାତେରି, ମା ପ୍ରବୁ କ୍ରୀସ୍ତ ତାଣା ମିଜେତାକି ନାନୁ ଆମିନି ବତପଣ ଆହିମାଜ୍, ଏମ୍ବାତି ମାନି କିହାଁ ଏଲେ ଇଞ୍ଜିମାଜ୍, ନାନୁ ବାରେଦିନା ହାନିଲେହେତି କସ୍ତ ବେଟାଆହିମାଜ୍ □

୩୨ ଇଚିହଁ ମାଣ୍ଡିୟିକ୍ ଅଣ୍ଡିପିନି ଲେହେଁ ଏପିସିୟ ଗାଡ଼ାତା ନାନୁ ଖାରଇ “ଜାଡ଼ା ଜନ୍ତୟାଁ” ତଲେ ଜୁଜୁ କିହାମାଜ୍, ଆତିହଁ ଏମ୍ବାଆଁ ନାଜେ “ଏନି ଲାବା ?” ସାମା ହାଡ଼ାରି ନିଜାଅରି, “ଆତିହଁ ଖାଦୁ ମାରୁ ତିନି ଉନ ଇଚିହଁ ଓଏ ମାରୁ ହାନାୟି □”

୩୩ ମୀରୁ ନାଡ଼ି ଆଆଦୁ, “ଇଚିହଁ ପଲ୍ଲଆ ଗାଟାରି ତଡ଼ୁ ଚୁନହଁ ଲକ୍ଷ୍ମି ଗୁଣୁ ନସ୍ତ କିନେ □”

୩୪ ମୀରୁ ନେହଁ କି ଜାଗ୍ରାତା ଆଦୁ, ପାପୁ କିଆଦୁ, ଇଚିହଁ ଆମ୍ବା ଆମ୍ବାଆରାକି ମାହାପୁରୁଇଁ ପୁନି ବୁଦି ହିଲେଏ; ନାନୁ ମୀ ଲାଜା ତାକି ଇ କାତା ଖେସିମାଞ୍ଜାଜ୍ □

ହାକିଚି ଖେଣ୍ଡେ ନିଜିନି ଆଜା

୩୫ ସାମା ଆମ୍ବାଆରି ଏଲେଇନେରି, “ହାଡ଼ାରି ଏନିକିଁ ନିଜିନେରି ? ଏନିଲେହେତି ଆଜା ତଲେ ଏଞ୍ଜାରି ଖାନେରି ?”

୩୬ ବୁଦି ହିଲାଆ ଗାଟାତେରି, ମୀରୁ ଏନାଆଁ ମାଟିମାଞ୍ଜେରି ଏଦି ହାଆସାରେ ଖେଣ୍ଡେ ଜୀଞ୍ଜୁଆହାଁ ଗଜା ଆଏ □

୩୭ ଅଚେତ ଏମିନି ଆଜା ଆନେ ଏଦାଆଁ ମୀରୁ ମାଟିହିଲଅତେରି, ସାମା ଗହଁୟାଁ ଆପୁ କି ଏନି ଆର୍ନା ଆପେ, ଏଦି ପାଚେତୁୟି ଲେହେଁ □

୩୮ ସାମା ମାହାପୁରୁ ତାନି ଅଣ୍ଡପୁ ଲେହେଁ ଏଞ୍ଜାରାକି ଆଜା ହାନେସି, ଅଚେତ ବାରେ ପାଚେତୁୟି ତାକି ତାନି ଆଜା ହାନେସି □

୩୯ ବାରେ ଆଜା ରଣ୍ଡିଏ ରଲେଏତି ଆଜା ଆଏ, ସାମା ମାଣ୍ଡିୟିକି ରଲେଚି ଆଜା, ଜନ୍ତୟାଁକି ରଲେଚି ଆଜା, ଅଚେତ ପଟାୟାଁକି ଅର ରଲେଚି ଆଜା, ଅଚେତ ମୀଣ୍ଡକା ତାକି ଅର ରଲେଚି ଆଜା □

୪୦ ଲାକପୁରୁକି ଆଜା ମାନେ, ଅଚେତ ଦାରୁଚିକି ଆଜା ଜିକେଏ ମାନେ, ଲାକପୁରୁଚି ଆଜା ରଲେଚି ଅଜୁ, ଅଚେତ ଦାରୁଚିକି ଆଜାଚି ଅଜୁ ଅର ରଲେଚାୟି □

୪୧ ଖେଡ଼ାତି ଉଜେଡ଼ି ରଲେଚାୟି, ଅଚେତ ଲେଞ୍ଜୁଚି ଉଜେଡ଼ି ଅର ରଲେଚାୟି, ଅଚେତ ହୁକାୟାଁଚି ଉଜେଡ଼ି ରଲେଚାୟି, ଇଞ୍ଜା ର ହୁକା ଚିଏ ଅର ହୁକାଚି ଉଜେଡ଼ି ଅର ରଲେଚାୟି □

୪୨ ହାଡ଼ାରି ନିଜିନାୟି ଜିକେଏ ଏଲେଚାୟିଏ, ନାସା ଆନିଲେହେଁ ମାଟ୍ଟକି ଆନେ, ସାମା ନାସା ଆଆଗାଟାୟି ଲେହେଁ ନିଜିନେ;

୪୩ ଲଡ଼ାହିଲାଆ ଗାଟାୟି ଲେହେଁ ମାଟ୍ଟକି ଆନେ ଏଦି ଗାଞ୍ଜୁରମି ତଲେ ନିଜିନେ; ବାଡ଼ୁୟୁ ହିଲାଆଗାଟାୟି ଲେହେଁ ମାଟ୍ଟକି ଆନେ, ବାଡ଼ୁୟୁ ଗାଟାୟି ଆହାଁ ନିଜିନେ □

୪୪ ଇରୁଆତି ଆଜା ତଲେ ମୁସ୍ତାପାନେ ଜୀଞ୍ଜୁତି ଆଜା ତଲେ ନିଜିନେ; ସାମା ଇରୁଆତି ଆଜା ମାନେ ଇଚିହଁ ଜୀଞ୍ଜୁତି ଆଜା ଜିକେଏ ମାନେ □

୪୫ ଦାମ୍ଭୁପତିତା ରାସ୍ତାକି ଆହାମାନେ, ତଲିଚି ମାଣ୍ଡିଏ ଆଦମ ଜୀଞ୍ଜୁତି ମାଣ୍ଡିଏ କିହଁ ଗାଡ଼ି ଆଚେତସି; ସାମା ତାୟୁଚି ଆଦମ ପୁଣ୍ଡା ହାନି ଜୀଞ୍ଜୁ ଆଚେତସି □

୪୬ ସାମା ଜୀଞ୍ଜୁ ଗାଟାସି ନଚକଏ ଆଏ, ଆଜା ତଲେଚାସି ନଚକଏ, ଅଚେତ ତାୟୁ ଜୀଞ୍ଜୁ ଗାଟାସି ଆଚେତସି □

† ୧୫:୨୯ ୧୫:୨୯ମୁଞ୍ଜିନାୟି

୪୭ ନକେଏତି ମାଣସି ଆଦମ ଦାର୍ତତି ମାନି ଇରୁଆ ତଲେ ଗାଡ଼ି ଆହାମାଚେସି, ଅଡ଼େ ତାୟୁତି ମାଣସି ଲାକପୁରୁତି ଖାହାମାଚେସି □

୪୮ ଆମ୍ବାଆରି ଇରୁଆ ତଲେ ଗାଡ଼ି ଆହାମାନେରି, ଏଞ୍ଜାରି ଇରୁଆତି ଗାଡ଼ି ଆଡ଼ି ଏ ମାଣସିଲେହେଁ, ଇଞ୍ଜା ଆମ୍ବାଆରି ଲାକପୁରୁତାରି ଏଞ୍ଜାରି ଲାକପୁରୁତି ଖାହାମାନି ଏ ମାଣସି ଲେହେଁତାରି □

୪୯ ଅଡ଼େ ମାରୁ ଇରୁଆତି ଗାଡ଼ି ଆହାମାନି ଏ ମାଣସିତି ଖାଣା ଆସାମାନାୟି, ଏଲେକିହଁଏ ଏ ଲାକପୁରୁତି ମାଣସିତି ଖାଣା ଜିକେଏ ଅହନାୟି □

୫୦ ତାୟିୟାଁ ଅଡ଼େ ତାଜିୟାତେରି ନାନୁ ଖେସିମାଞ୍ଜାଇଁ, ନେତେରି ଅଡ଼େ ଉଞ୍ଜା ମାହାପୁରୁତି ରାଜିତି ଅଦିକାରା କିହାଲି ଆଡ଼େଏ, ସାମା ହାନାୟି ହାଆଗାଟାଣି ଅଦିକାରା କିହାଲି ଆଡ଼େଏ □

୫୧ ମେହଦୁ ନାନୁ ମିଜେ ର ଡ଼ରୁମାନି କାତା ଖେସିମାଞ୍ଜାଇଁ, ମାରୁ ବାରେ ଜାଣାତାୟି ହାଆୟି, ସାମା ମାରୁ ବାଦଲଞ୍ଜି ଆନାୟି,

୫୨ ଦେବୁଣିଏ, କାନୁ ମିରି କିନିଲେହେଁ, ତାୟୁତି ତୀତ୍ରି ମହୁରି କାଜା ହାଡ଼ା ଖେଟିସାରେ ମାରୁ ବାରେତାୟି ଅରୁ ଖାଣା ଆନାୟି; ଇତିହଁ କମୁ ତୀନେ ଅଡ଼େ ହାଡ଼ାରି ନାସା ଆଆନା ନିଜିନେରି, ଅଡ଼େ ମାରୁ ବାଦଲଞ୍ଜି ଆନାୟି □

୫୩ ଇତିହଁ ଇ ମେଣଜିନି ଆଜାତି ମେଣଜାଆଗାଟି ହିମ୍ବୁରି ପରନାୟି ମାନେ, ଅଡ଼େ ଇ ହାନି ଆଜାତି ହାଆଗାଟି ହିମ୍ବୁରି ପରନାୟି ମାନେ □

୫୪ ସାମା ଇ ମେଣଜିନି ଆଜାତି ମେଣଜାଆଗାଟି ହିମ୍ବୁରି ଅଡ଼େ ହାନି ଆଜାତି ହାଆଗାଟି ହିମ୍ବୁରି ହୁଟିତି ଜେଟ, ଇ ରାଡ଼ାମାନି ବଲୁ ସାତା ଆନେ; “ହାକି ନାସା ଆହାମାନେ; ଜାଣା ଆନାୟି ଆହାମାନେ □”

୫୫ “ଏ ହାକି ନା ଜାଣା ଆନାୟି ଆମ୍ବିୟା ?

ଏ ହାକି ନା ନାସାକିନି ବାଡ଼ୁୟୁ ଆମ୍ବିୟା ?”

୫୬ ହାକିତି ସାତୁ ପାପୁ, ଅଡ଼େ ପାପୁତି ବାଡ଼ୁୟୁ ମସାତି ମୋର;

୫୭ ସାମା ଏମିନି ମାହାପୁରୁ ମା ପ୍ରୁବୁ ଜୀସୁ ଜୀସୁତି ତାକି ମାଜେ ଜୀଣି କିୟାନେସି ଏଞ୍ଜାଣାକି ଜହରା ଆପେ □

୫୮ ଏଦାଆଁତାକି ଏ ନା ଜୀସୁତି ତାୟିୟାଁ ଅଡ଼େ ତାଜିୟାତେରି, ପ୍ରୁବୁତି ସେବାତା ମୀ କସ୍ତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପ୍ରୁବୁତି କାମାତା ତୀରିଆହାଁ ବାଡ଼ୁୟୁ ତଲେ ସେବାତା ହାରେ ହାରେକା ଜାଡ଼ୁ ଆପୁ □

୧୭

ମାହାପୁରୁତି ଲକ୍ଷ୍ମତାକି ଦାନା

୧ ମାହାପୁରୁ ଲକ୍ଷ୍ମ ତାକି ତାବୁୟାଁ କୁଡ଼ିକିନି କାତା ନାନୁ ଏନିକଁ ଗାଲାତିୟା ଜୀସୁନା କୁଲମିତା ଖେସାମାଚେଏ, ମୀରୁ ଜିକେଏ ଏଲେକଁ କିଦୁ □

୨ ମୀରୁ ବେଟାଆହିମାନି ଲେହେଁ ବାରେ ଖାରାତି ମୁଲୁ ଦିନା ମୀରୁ ବାରେତେରି ମୀ ଆଡ଼ିନି ଲେହେଁ ମୀ ବିତ୍ତା ଏଚେକା ତାବୁୟାଁ କୁଡ଼ିକିହାଁ ଇଟାଦୁ, ଆତିହଁ ନାନୁ ଖାଡ଼ିସାରେ ମିଜେ ଅଡ଼େ ତାବୁୟାଁ ଚାସାଲି ଲଡ଼ା ଆଏ □

୩ ଅଡ଼େ ନାନୁ ଖାଡ଼ିଜେଟ, ମୀରୁ ଆମ୍ବାଆରାଇଁ ଜଚେ ଇଞ୍ଜାଁ ଆଡ଼ାମାଞ୍ଜେରି ନାନୁ ଏଞ୍ଜାରାକି ଆକୁ ରାଡ଼ାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଇଁ;

୪ ସାମା ନାଜେ ଜିକେଏ ହାଜାଲି ଲଡ଼ାଆନେ ଇତିହଁ ଏଞ୍ଜାରି ନା ତଲେ ଖାଡ଼ପରି □

କାମାତାକି ପାଞ୍ଜୁଲତି ଅଣପୁ

୫ ସାମା ନାନୁ ମାକିଦନିୟା ହାଟି ତାୟୁ ମୀ ତାଣା ଖାଇଁ, ଏନାଆଁତାକି ଇତିହଁ ନାଜେ ମାକିଦନିୟାଟି ହାନାୟି ମାନେ □

୬ ଆଆତଁ ନାନୁ ଖାଡ଼ିସାରେ ଏଚରଦିନା ମୀ ତାଣା ଡ଼ୟିଇଁ, ଇତିହଁ ପେନିବେଲା ହାଲୁଖେ ମାଞ୍ଜାଲି ଅଣପିମାଇଁ, ଏଚେତା ନାନୁ ଆମିନି ଚାୟୁତା ହାଇଁ, ଏମ୍ବାଆଁ ହାନାଟି ମୀରୁ ନାଜେ ଇତିଘାୟାଦେରି □

୭ ଇତିହଁ ନୀଏଁ ନାନୁ ହାନାଟି ମୀ ତାଣା ଗାଡ଼େକା ତାକି ତଞ୍ଜାଆହାଲି ଅଣପି ହିଲଅଁ, ଇତିହଁ ପ୍ରୁବୁ ନାଜେ ହେଲ ହିୟାତିହଁ, ନାନୁ ମୀ ତଲେ ଏଚରଦିନା ମାଞ୍ଜାଲି ଆସା କିହିମାଇଁ □

☆ ୧୫:୫୧ ୧୫:୫୧ ଡେସେ ୪:୧୫-୧୭ ☆ ୧୭:୧ ୧୭:୧ ରିନି ୧୫:୨୫,୨୭ ☆ ୧୭:୫ ୧୭:୫ କାମା ୧୯:୨୧

୮ *ସାମା ନାନୁ ପେନ୍ତିକସ୍ତୁ ଦିନା ପାତେକା ଏପିସିୟ ଗାଡ଼ାତା ତ୍ତୟିଇଁ;
 ୯ ଇଚିହିଁ ପ୍ରବୃତ୍ତି କାମା କିହାଲି ଅସାରା ଦାରା ଦେପିଆହାମାନେ, ଆଆତ୍ ଜିକେଏ ନାଜେ ଅପାଆଗାଟାରି ହାରେକା ମାନେରି □

୧୦ *ତିମତି ମୀ ତାଣ୍ଡା ଖାଡ଼ିସାରେ ଏଝାସି ଏନିକ୍ ଆଜାଆନା ମୀ ତାଣ୍ଡା ତ୍ତୟିନେସି, ଏଦାଆଁତାକି ମୀରୁ ଅଣପାଦୁ, ଇଚିହିଁ ନାନୁ ଏନିକ୍ ଏଝାସି ଜିକେଏ ଏଲେକିହିଁ ଏ ପ୍ରବୃତ୍ତି କାମାକିନାସି □

୧୧ ଏଦାଆଁତାକି ଆମ୍ବାଆତେରି ଏଝାଣାଇଁ ହାଣି କିଆଦୁ, ସାମା ଏଝାସି ଏନିକ୍ ନା ତାଣ୍ଡା ଖାହାଲି ଆଡ଼ିମାନେସି, ଏଦାଆଁତାକି ଏଝାଣାଇଁ ହିଡ଼ି ଜୀଝୁତଲେ ଜିରୁ ତସା ପାଣ୍ଡାଦୁ; ଏଦାଆଁତାକି ଇଚିହିଁ ଏଝାସି ତାୟିୟାଁ ତଲେ ଖାନ୍ନେସି ଇଞ୍ଜିଁ ନାନୁ କାଡ଼ିମାଇଁ □

୧୨ ସାମା ତାୟି ଆପଲ ତାକି ଝେସିମାଞ୍ଜାଇଁ, ନାନୁ ଏବକାତି ତାୟିୟାଁ ତଲେ ମୀ ତାଣ୍ଡା ହାଜାଲି ଏଚେକା ବାଡ଼ିମାଲିଚେସଁ, ସାମା ନୀଏଁ ଖାହାଲି ମନ କିଆତେସି, ସାମା ପାରୁ ସିନକିହାନା ଏଝାସି ଖାନ୍ନେସି □

ଆକୁତି ରାନ୍ତି କାତା

୧୩ ମୀରୁ ଜାଗ୍ରାତା ଆହଁ ନାମୁତା ଚାରିତଲେ ମାଞ୍ଜୁ, ଅଡ଼େ ସାସା ଗାଟାତେରି ଆହାନା ବାଡ଼ୁୟୁ ଆହ୍‌ଦୁ □

୧୪ ମୀ ବାରେ କାମା ଜୀଝୁ ନନାଣି ତଲେ ଆପେ □

୧୫ *ଏ ତାୟିୟାଁ ଅଡ଼େ ତାଜିସ୍ତାତେରି ସ୍ତ୍ରୀପାନ ଇଲୁ କୁଟମି ଆକାୟାତି ମୂଲୁଏ ନାମିତାରି; ଅଡ଼େ ମାହାପୁରୁ ଲକୁଣି ସେବା କିନି କାମାତାକି ହେରପା କଡ଼ାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି □

୧୬ ମୀରୁ ଏଲେତି ଲକୁତି ଅଡ଼େ ତାମିତଲେ ଆଣ୍ଡାନା ଖାହୁତଲେ କାମା କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଜା ବାଡ଼ିମାଲିମାଞ୍ଜାଇଁ □

୧୭ ସ୍ତ୍ରୀପାନ, ପର୍ତୁନାତ, ଅଡ଼େ ଆକାୟିକ ଖାଡ଼ାକି ନାନୁ ହାରେକା ରାହଁ ଆହିମାଇଁ, ଇଚିହିଁ ମୀରୁ ହିଲ୍‌ଆତାକି ନାଜେ ଏନାୟି ଲଡ଼ା ମାତେ, ଏଝାରି ଏଦାଆଁ ହାହାମାଞ୍ଜାନେରି □

୧୮ ଇଚିହିଁ ଏଝାରି ମୀ ଜୀଝୁତି ଅଡ଼େ ନା ଜୀଝୁତି ରାହଁ କିହଁ ମାଞ୍ଜାନେରି; ଏଲେତି ଲକୁଇଁ ଜଟେ ଇଞ୍ଜିଁ ପୁଞ୍ଜାନା ମାନି କିଦୁ □

୧୯ *ଆସିୟା ଦେସାତା ମାନି କୁଲମିକା ମିଜେ ଜହରା କିହିମାଞ୍ଜାନେରି, ଆକ୍‌ଝିଲା ଅଡ଼େ ପ୍ରିସ୍ତିଲା ତାମି ଇଜ ରୁଣ୍ଡା ଆନି କୁଲମି ତଲେ ପ୍ରବୁ ତାଣ୍ଡା ମିଜେ ହାରେକା ଜହରା କିହିମାଞ୍ଜାନେରି □

୨୦ ଇମ୍ବାଆଁ ମାନି ବାରେ ତାୟିୟାଁ ଅଡ଼େ ତାଜିସ୍ତା ମିଜେ ଜହରା କିହିମାଞ୍ଜାନେରି □ ମୀରୁ ରଅତେରି ରଅଣାଇଁ ତାୟି ତାୟିୟାଁ ଲେହେଁ କ୍ରୀସ୍ତିତି ଜୀଝୁନହିଁ ସୁଦୁ ତଲେ ନଶ୍‌ଝି ଆହାନା ଜହରା କିଝିଆଦୁ □

୨୧ ନାନୁ ପାଝୁଲଚେସଁ ନା କେୟୁତି ରାଡ଼ାହଁ ରାହଁ ତଲେ ଜହରା କିହିମାଞ୍ଜାଇଁ □

୨୨ ଆମ୍ବାଆସି ମାହାପୁରୁଇଁ ଜୀଝୁ ନଅସି ଏଝାସି ବାକା ବେଟାଆପେସି, ମାରାନାତା ମା ପ୍ରବୁ ତବେ ଖାମ୍‌ଦୁ □

୨୩ ପ୍ରବୁ ଜୀସୁତି କାର୍ମାମେହନାୟି ମିଜେତାକି ଆୟାପେ;

୨୪ କ୍ରୀସ୍ତ ଜୀସୁ ତାଣ୍ଡାତି ନା ଜୀଝୁନନାୟି ମୀ ବାରେଜାଣା ତାକି ଆୟାପେ □ ଆମେନ୍ □

କରନ୍ତି ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ଦ୍ଵୀତୀୟ ପତ୍ର କରନ୍ତି କୁଲମିତାକି ପାଞ୍ଚୁଲ ରାଫାମାନି ରୀ ଲମ୍ବର ଆକୁ ମୂଳୁ ହାଡ଼ା

କରନ୍ତି କୁଲମିତା ରୀ ଲମ୍ବର ଆକୁ ପାଣ୍ଡୁଆହାମାନି ପାଞ୍ଚୁଲ ତାଣ୍ଡାଟି ଜୀସୁ ଜୀସୁ ଜାର୍ନତି ୫୫-୫୬ ବାର୍ଯ୍ୟା ତାହୁ ରାସ୍ତକି ଆହାମାଚେ ୧:୧ □ ମା ତାଣ୍ଡା ମାନି କରନ୍ତି କୁଲମିକି ରାଫାମାନି ଆକୁ ବିଦ୍ରାଟି ଇଦି ଆହିମାନେ ପାଞ୍ଚୁଲଟି ରୀ ଲମ୍ବର ଆକୁ □ ମୋରାପୁନାରି ନାମିମାନେରି ଇଦାଆଁ ନକେଏ ପାଞ୍ଚୁଲ କରନ୍ତି କୁଲମିତା ଦାକା ହାହାନା ରାଫାମାଚେସି ୨:୩-୪ ପଦୁତା ଏଞ୍ଜାସି ଖେସିମାନେସି □

ପାଞ୍ଚୁଲ ମାକିଦନିୟାତା ମାନି ବେଲାତା କରନ୍ତିଟି ରୀ ଲମ୍ବର ଆକୁ ରାଫାମାନେସି ୨:୧୩ □ କରନ୍ତିତା ମାନି କୁଲମିତା କାତା ତିତସ ତାଣ୍ଡାଟି ନେହୁଁ କାକୁ ବେଟାଆହାମାନି ରାହ୍ଣା ଆହିମାନେସି □ ଈ ଆକୁତା ପୁଃନି ମୋରା ଅଣ୍ଡପୁଟି ଦାନା ହାନି କାତା ଜାପିନାୟି □ ଈ ଆକୁତା ଜିରୁସାଲମତା ମାନି ଜୀସୁଇଁ ନାମାମାନି ଲକୁଇଁ ସାଢେୟି କିହାଲି ଟାକାର୍ଯ୍ୟା କୃତ୍ତିକିହାଲି ଖେସିମାନେସି ୮-୯ □ ଅଡେ ଜିକେଏ କୁଲମି ପାଞ୍ଚାଟି କଡେକା ମିତି ପାଣ୍ଡୁଞ୍ଜି ଆହାମାନାରି ଜାହାରାଇଁ କାଜାରି କିହାକତାଲି ପାଞ୍ଚୁଲ କପାଟି କୁଲମିତା ଏତରଜାଣା କାଜାରାଇଁ ନିନ୍ଦା କାତା ଖେସିମାନେରି □ ଏଞ୍ଜାରି ପାଞ୍ଚୁଲଟି ଅଦିକାରାଟି ଆନାମାନା ଆହିମାନେରି □ ଏମିନିଗାଗାଣି ରୀ ଲମ୍ବର କରନ୍ତି ଆକୁଟି ରାନ୍ତିଞ୍ଜାକି ଏଞ୍ଜାସି ର ଜୀସୁଟି ଅଦିକାରା ତଲେ ପାଣ୍ଡୁଞ୍ଜି ଆଡାସି ଇଞ୍ଜୁଁ ଜାଣ୍ଡେତଲେ ଖେସିମାନେସି □

ପତିତା ମାନାୟି

- ୧ ପାଞ୍ଚୁଲ ଜହରା କିହାନା ଆକୁ ରାନ୍ତିନାୟି □ ୧:୧-୭
- ୨ ପାଞ୍ଚୁଲ ତାନି ହାନି ଜିରୁଟି ବାଦଲି କିନାୟି ଇଞ୍ଜାଁ ଏଞ୍ଜାରି ତାଣ୍ଡାଟି ବେଟାଆହାମାନି କାତାତାକି ଖେଣ୍ଡେ ଖେହ୍ନାୟି □ ୧:୮-୭:୧୭
- ୩ ଜିରୁସାଲମତା ନାମୁଗାଟି ତାୟିୟାକି ଦାନା କୃତ୍ତିକିହାଲି ଖେହ୍ନାୟି □ ୮:୧-୯:୧୫
- ୪ ପାଞ୍ଚୁଲ ତାନି ପାଣ୍ଡୁଞ୍ଜିଆହାମାନି ପାଣ୍ଡାଟି ଜାଣ୍ଡେ ଖେହ୍ନାୟି □ ୧୦:୧-୧୩:୧୦
- ୫ ଆକୁଟି ରାପିନି କାତା □ ୧୩:୧୧-୧୪

୧ ପାଞ୍ଚୁଲ ମାହାପୁରୁଟି ଅଣ୍ଡପୁ ତଲେ ଜୀସୁ ଜୀସୁ ତାଣ୍ଡାଟି ପାଣ୍ଡୁଞ୍ଜି ଆହାମାନାଚେଏଁ ଇଞ୍ଜାଁ ମା ତାୟି ତିମତି କରନ୍ତି ଗାଡ଼ାତା ମାନି ମାହାପୁରୁଟି କୁଲମି ଅଡେ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାନ୍ତିମାନମି □

୨ ମା ଆବା ମାହାପୁରୁ ଅଡେ ପ୍ରବୁ ଜୀସୁ ଜୀସୁ ତାଣ୍ଡାଟି କାର୍ମାମୋହନାୟି ଇଞ୍ଜାଁ ହିଡ଼ି ମିଜୋତାକି ଆୟାପେ □

ପାଞ୍ଚୁଲ ମାହାପୁରୁଇଁ ଜହରା କିନାୟି

- ୩ ମା ପ୍ରବୁ ଜୀସୁ ଜୀସୁଟି ଆବା ମାହାପୁରୁଟି ଜହରା, ଏଞ୍ଜାସି କାର୍ମାମୋହନି ଆବା ଅଡେ ଦୁକୁ ତକୁନି ମାହାପୁରୁ □
- ୪ ମାହାପୁରୁ ତାଣ୍ଡାଟି ଆମିନି ଦୁକୁ ତୁକ୍ନି ତାଣ୍ଡା ମାର ଦୁକୁ ତୁପକି ଆହିମାନାୟି, ଏ ଦୁକୁ ତୁକ୍ନାଣି ତଲେ ଏନିକିହୁଁ ବାରେ ଲେହେଟି ଦୁକୁ ବେଟାଆହିମାନି ଲକୁଣି ଦୁକୁ ତୁକ୍ନାଲି ଆଡିନାୟି, ଇଦାଆଁତାକି ଏଞ୍ଜାସି ବାରେ ଦୁକୁତା ମାଜେ ଦୁକୁ ତୁକ୍ନାଣି ହାହାମାଞ୍ଜାନେସି
- ୫ ଇତିହୁଁ ଜୀସୁଟି ତାକି ମାର ଏନିକିହୁଁ ହାରେକା ଦୁକୁ କସ୍ତ ହାରେକା ବେଟାଆନାୟି, ଏଲେକିହୁଁ ଏ ଜୀସୁ ତାଣ୍ଡାଟି ମାହାପୁରୁଟି ଦୁକୁ ତୁକ୍ନାୟି ହାରେକା □
- ୬ ସାମା ମାମ୍ବୁଦୁକୁ କସ୍ତ ବେଟାଆଡିସାରେ ଏଦି ମା ତାକି ଦୁକୁ ତୁକ୍ନାୟି, ଅଡେ ଗେଲପି ଆହାଲିତାକି; ଇଞ୍ଜାଁ ମାମ୍ବୁଦୁକୁ ତୁପକି ଆଡିହୁଁ, ଏଦି ମା ଦୁକୁ ତୁକ୍ନାଲି ତାକି; ମାମ୍ବୁଏନିଲେହେଟି ଦୁକୁ କସ୍ତ ବେଟାଆନମି ମାରୁ ଏନିକିହୁଁ ସାସା ଅଡେ କସ୍ତତଲେ ଦୁକୁ ବେଟାଆହି ମାଞ୍ଜେରି ମାମ୍ବୁଜିକେଏ ଏଲେକିହୁଁ ଏ ଦୁକୁ ତୁକ୍ନି କାମା କିହିମାନମି □
- ୭ ଅଡେ ମା ତାଣ୍ଡା ମା ବାସ୍ତୁ ହାରେକା ମାନେ □ ମାରୁ ମା ଦୁକୁ କସ୍ତ ପାଣ୍ଡିନିତାଣ୍ଡା ଏନିକିହୁଁ ଆଣ୍ଡାମାଞ୍ଜେରି, ଏଲେକିହୁଁ ଏ ମାମ୍ବୁଦୁକୁ ତୁକ୍ନି ତାଣ୍ଡା ଆଣ୍ଡଦେରି, ଇଞ୍ଜୁଁ ମାମ୍ବୁପୁଞ୍ଜାମାନମି □

୮ *ଇଚିହଁ ଏ ତାୟିୟାଁ ଅଡ଼େ ତାଜିସ୍ତାତେରି, ଆସିୟା ରାଜିତା ମାଙ୍ଗେତାକି ଆହାମାନି ସାସ୍ତି ମୀରୁ ପୁନାଆନା ମାଷ୍ଟୁ ଇଞ୍ଜିହଁ ମାମ୍ମୁ ଅଣପି ହିଲଅମି; ମାମ୍ମୁ ମା ବାଡ଼ୁରୁତି ବେଟାଆହାମାନି ସାସ୍ତି ସହଞ୍ଜି ଆହାଲି ଆଡ଼ାଆରେଡ଼ୁ ଆହାମାତମି, ଇଞ୍ଜାଁ ମାମ୍ମୁ ନୁନୀତାମାଞ୍ଜାଲି ଜିକେଏ ଆସା ପିସାମାତମି;

୯ ହାଅ, ମାଙ୍ଗେ ପାୟାଲି ହୁକୁମି ହାପକି ଆହାମାନେ ଇଞ୍ଜି ଅଣପିମାତମି, ଏନିକଁ ମାମ୍ମୁ ମା ମୁହେଁ ବାସ୍ତି କିହାକତାଆନା ଏମିନି ମାହାପୁରୁ ହାକିଟି ନିକ୍ନେସି ଏଞ୍ଜାଣି ତାଣା ବାସ୍ତି କିନମି;

୧୦ ଏଞ୍ଜାସି ଆଜିହପେତି ହାକିଟି ମାଙ୍ଗେ ଗେଲ୍ପାତେସି ଅଡ଼େ ଗେଲ୍ପାତେସି, ଅଡ଼େ ତାୟି ଜିକେଏ ଗେଲ୍ପାତେସି ଇଞ୍ଜାଁ ତାନିତାଣା ମା ଆସା ମାନେ;

୧୧ ମୀରୁ ଜିକେଏ ମା ତାକି ପ୍ରାତାନା କିହାଁ ମାଙ୍ଗେ ସାୟେମି କିହାମାଞ୍ଜାଦେରି, ଏନିକଁ ମାଙ୍ଗେ ଏମିନି କାର୍ମାତି ଦାନା ହାପକି ଆହାମାଞ୍ଜାନେ, ଏଦାଆଁତାକି ହାରେକା ଲକୁତି ଗୁଡିତି ମା ତାକି ହାରେକା ଜହରା କିଞ୍ଜିଆହିମାନେ □

ପାଞ୍ଜୁଲ ତାନି ଅଣପୁ ବାଦଲି କିନାୟି

୧୨ ବାରେକିହାଁ ଦାଡ଼ିତା ମୀ ତାକି ମାମ୍ମୁ ମାଣସିତି ବୁଦିତଲେ ତାକାଆନା ମାହାପୁରୁତି କାର୍ମାତି ତାନି ସୁରୁ ଅଡ଼େ ନାମୁତଲେ ତାକିମାତମି ଇଞ୍ଜି ମା ଅଣପୁ ସାକି ହାହିମାଞ୍ଜାନେ, ଇଦି ମା ବଡ଼ପଣତି କାତା □

୧୩ ୱାଉଇ ମୀରୁ ଏନାଆଁ ପଡ଼ଞ୍ଜି ଆହାନା ତେଲ୍ପାଦେରି, ଏ ବାରେ ପିସ୍ପେ ମାମ୍ମୁମିଙ୍ଗେ ଅଡ଼େ ଏନାଆଁ ରାଡ଼ିମାଞ୍ଜାଅମି,

୧୪ ଅଡ଼େ ମା ପୁରୁ ଜୀସୁ କ୍ରୀସ୍ତିତି ଦିନାତା ମାମ୍ମୁ ମା ତାକି ବଡ଼ପଣ ତସାଲି ଆଡ଼ିନମି, ଅଡ଼େ ମୀରୁ ଜିକେଏ ମା ତାକି ବଡ଼ପଣ ତସାଲି ଆଡ଼ିଦେରି, ମୀରୁ ନୀର୍ବ ଇରେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାୟି ପାତେକା ପୁଞ୍ଜେରି ଇଞ୍ଜି ନା ଆସା □

୧୫ ଇ କାତା ନେହଁକଁ ପୁଞ୍ଜାମାନାକି ମୁଲୁଏ ମୀ ତାଣା ୱାହାଲି ତାକି ନାଙ୍ଗେ ଅଣପୁ ମାତେ, ଆତିହଁ ମୀରୁ ରା ଦେବା ରାହାଁ ବେଟାଆଡ଼େରିମା

୧୬ *ମୀ ତାଣାଟି ମାକିଦନିୟାତା ହାଜାନା ଅଡ଼େ ୱେଣ୍ଡେ ମାକିଦନିୟାଟି ମୀ ତାଣା ୱାହାନା ମା ସାୟେମି ତଲେ ଜୀହୁଦା ଦେସାତା ହାଜାଲି ଆଡ଼ିଇଁ, ଏଦାଆଁତାକି ଏ ନାମୁତି ତଲିଏ ମୀ ତାଣା ହାଜାଲି ମନ କିହାମାତେର୍ଏ □

୧୭ ଆତିହଁ ଇଲେତି ଅଣପୁ ଅଣପିନାୟି ନାନୁ ଏନାଆଁ ଆନାମାନା ଆହାନା କିହାମାତେର୍ଏ ? ଇଞ୍ଜାଁ ନାନୁ ଏନାଆଁ ତାରିକିହା ତୁୟିଇଁ, ଏଦି ଏନାଆଁ ଏଦାଆଁ ଦାଡ଼ିତତି ଅଣପୁ ତଲେ କିହିମାଇଁ, ଇଞ୍ଜାଁ ନା କାତା “ହାଅ କି ଆଏ” ଇ ରା କାତା ରଣିଏ ଦେବା ହପୁଇଁ କି ?

୧୮ ମାହାପୁରୁ ଟିକାଣାତାସି, ଏଦାଆଁତାକି ନା କାତା ମିଙ୍ଗେତାକି “ହାଅ କି ଆଏ” ଇନି ରା କାତା ଆଏ □

୧୯ *ଇଚିହଁ କ୍ରୀସ୍ତି ଜୀସୁ ମାହାପୁରୁ ମୀରୁଏସି, ଆମ୍ମାଆସି ମା ତାଣାଟି ଇଚିହଁ ସିଲା, ଚିମତି ଅଡ଼େ ନାନୁ ମୀ ତାଣା ୱେକ୍‌ହା ମାତମି, ଏଞ୍ଜାସି “ହାଅ” ଅଡ଼େ “ଆଏ” ଇନାସି ଆହାହିଲଅସି, ଇଚିହଁ ଏଞ୍ଜାଣି ତାଣା ହାଅ ଆହାମାନେ □

୨୦ ଏନାଆଁତାକି ଇଚିହଁ ମାହାପୁରୁତି ବାରେ ଆଞ୍ଜାମାନାୟି ଏଞ୍ଜାଣି ତାଣା “ହାଅ” ମାନେ; ଇଦାଆଁତାକି ଜୀସୁ କ୍ରୀସ୍ତି ତାଣାଟି ମାହାପୁରୁଇଁ ଗାଞ୍ଜୁରମି କିହାଲି ମାର “ଆମେନ୍,” ଏଲେଆହଁ ଆପେ” ଇନାୟି □

୨୧ ତାନୁଏ ମାଙ୍ଗେ ଅଡ଼େ ମିଙ୍ଗେ କ୍ରୀସ୍ତି ତାଣା ତୀରି କିହାମାଞ୍ଜାନେସି, ଇଞ୍ଜାଁ ମାଙ୍ଗେ ବର ହାହାମାଞ୍ଜାନେସି, ଏଞ୍ଜାସି ମାହାପୁରୁ;

୨୨ ଏଞ୍ଜାସି ତାନି ବୁରୁ ମୁଦ୍ରା ମାଙ୍ଗେ ୱେଟା ମାଞ୍ଜାନେସି, ଇଞ୍ଜାଁ ଏଞ୍ଜାସି ମା ହିୟାଁ ବିତ୍ରା ସୁରୁଜୀସୁ ସିନାଲେହେଁ ହାହାମାଞ୍ଜାନେସି □

୨୩ ସାମା ନାନୁ ମାହାପୁରୁଇଁ ସାକି କିହାନା ନା ଜୀସୁତି ମାନି କିହିମାଇଁ, ନାନୁ ମିଙ୍ଗେ କାର୍ମା ଆହାନା କରନ୍ତିତା ୱେଣ୍ଡେ ହାଜାହିଲଅଁ □

୨୪ ମୀ ନାମୁତି ମୁହେଁ ମା ଅଦିକାରା ମାନେ, ଏଲେକଁ ଆଏ, ସାମା ମୀ ରାହାଁତାକି ମୀ ସାୟେମି କିନାତମି ଆହାମାନମି, ଏଦାଆଁତାକି ନାମୁତା ତୀରିଆହାନା ମାଷ୍ଟୁ □

୨

୧ ନାନୁ ମୀ ତାଣା ହାନାୟି ମିଙ୍ଗେତାକି ଅଡ଼େ ଖେଣ୍ଡେ କସ୍ତ ଆୟେଏ, ଇଦାଆଁ ମନତା ତାରି କିତେଏଁ □

୨ ନାନୁ ମିଙ୍ଗେ ଦୁକୁ ହିୟାଲ୍, ଆତିହ୍ ନାନୁ ଆମ୍ବାଆରାଲ୍ ଦୁକୁ ହୀଲ୍, ଏଞ୍ଜାଣି ପିସ୍ପେ ନାଙ୍ଗେ ଆମ୍ବାଆସି ରାହାଁ ହିୟାନେସି ?

୩ ଇଞ୍ଜାଁ ନାନୁ ଆମ୍ବାଆରି ତାଣାଟି ରାହାଁ ପାଣ୍ଡନାୟି ମାନେ, ଏଞ୍ଜାରିତାଣା ନାନୁ ଖାହାନା ଏନିକ୍ ଦୁକୁ ବେଟାଆଅଁ, ଏଦାଆଁତାକି ନାନୁ ଈ କାତା ରାଟାମାଚେଏଁ, ଏନାଆଁତାକି ଇତିହ୍ ନା.ରାହାଁତା ମୀ ରାହାଁ ଆନେ, ଏଦି ମୀ ବାରେତାକି ନା ଅଣ୍ପୁ □

୪ ଇତିହ୍ ହାରେକା କସ୍ତ ଅଡ଼େ ହିୟାଁ କାତାତାକି ହାରେକା ଦୁକୁତଲେ କାଣ୍ଡୁ, ଚୁକ୍‌ହିହ୍ ମିଙ୍ଗେ ରାଟାମାଞ୍ଜାତେଏଁ; ଏନିକ୍ ମୀରୁ ଦୁକୁ ଆଦେରି, ଏଲେକ୍ ଆଏ, ସାମା ମିଙ୍ଗେତାକି ନା ଜାଞ୍ଜୁନନାୟି ହାରେକା ମାନେ, ଈ କାତା ମୀରୁ ଏନିକ୍ ପୁଞ୍ଜେରି □

ମାଣ୍ଡିତି ଦହ୍ ମେକ୍‌ନାୟି

୫ ସାମା ଆମ୍ବାଆସି ଦୁକୁ ହାହାମାନେସି, ଏଞ୍ଜାସି ନାଙ୍ଗେ ଦୁକୁ ହାହାମାଞ୍ଜଅସି, ସାମା ବାରେତେରି ମିଙ୍ଗେ ଦୁକୁ ହାହାମାଞ୍ଜାନେସି ନାନୁ ହାରେକା ଗାତିକିହ୍ ଖେହ୍ ଅଁ □

୬ ମୀ ବିତ୍ରାଟି ହାରେକା ଲକୁ ତାଣାଟି ଏଞ୍ଜାସି ଏନି ତଣ୍ଡ ବେଟା ଆହାମାନେସି ଏଞ୍ଜାଣାକି ଏତେକେଏ ସାରି □

୭ ଏଦାଣିତାକି ଏଲେତି ଲକୁ ଏଡ଼େତା ହାରେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନୀଏଁ ଏଞ୍ଜାଣାଲ୍ ପାପୁ ମେକ୍‌ହାନା ବାସ୍ ହୀଦୁ □

୮ ଇତିହ୍ ଏଞ୍ଜାଣାଲ୍ ଜାଞ୍ଜୁ ନନାଣି ତହ୍‌ଦୁ ଇଞ୍ଜ୍ ବାତିମାଲିମାଞ୍ଜାଲ୍ □

୯ ଇତିହ୍ ମୀରୁ ବାରେ କାତାତି ମାନଞ୍ଜି ଆହିମାଞ୍ଜେରି, ଇଞ୍ଜ୍ ମିଙ୍ଗେତାକି ଏମ୍ବାତି ପାର୍‌ମାଣା ଏନିକ୍ ନାନୁ ବେଟାଆଅଁ, ଈ ବାରେତାକି ରାଟାମାଚେଏଁ □

୧୦ ଇଞ୍ଜାଁ ମୀରୁ ଆମ୍ବାଆରି ଦହ୍ ପିହ୍‌ଦେରି, ନାନୁ ଜିକେଏ ଏଞ୍ଜାଣି ଦହ୍ ପିହ୍‌ଲ୍; ଇତିହ୍ ନାନୁ ଏନାଆଁ ଦହ୍ ପିସାମାଲ୍, ଇଞ୍ଜାଁ ଏନିନି ଦହ୍ ପିସାମାଲ୍, ଏଦାଆଁ କ୍ରୀସ୍ତତି ନକିତା ମୀ ତାକି ପିସାମାଲ୍ □

୧୧ ଏନିକ୍ ସୟତାନ ମାଙ୍ଗେ ଲାଗେଏ କିହାଲି ପାରୁ ବେଟାଆଏ, ଇତିହ୍ ମାରୁ ବାରେ ତାନି ଅଣ୍ପୁତି ପୁଞ୍ଜାମାନାୟି □

ତ୍ରୟାତା ପାଞ୍ଜୁଲ ମନତା କସ୍ତ ପାଣ୍ଡନାୟି

୧୨ ଅଡ଼େ କ୍ରୀସ୍ତତି ନେହ୍ କାରୁ ଝେକ୍‌ହାଲି ତାକି ନାନୁ ତ୍ରୟାତା ଞ୍ଜାତି ତାୟୁ ପ୍ରବୁତି କାମା କିହାଲି ଦାରା ଦେପି ଆହାମାଟି ଜିକେଏ,

୧୩ ନାନୁ ନା ତାୟି ତିତସଲ୍ ଏମ୍ବାଆଁ ମେହ୍‌ଆଲିଏ ନା ଜାଞ୍ଜୁ ହିଡ଼ି ଆଆତାକି ଏଞ୍ଜାରି ତାଣାଟି ହେଲ ବେଟାଆହାନା ମାକିଦନିୟାତା ହାଚେଏଁ □

କ୍ରୀସ୍ତ ତାଣାଟି ଜାଣା ଆନାୟି

୧୪ ସାମା ମାହାପୁରୁଲ୍ ଜହରା ଆପେ, ଏଞ୍ଜାସି ବାରେବେଲ୍ ମାଙ୍ଗେ ଅହାନା କ୍ରୀସ୍ତ ତାଣା ଜାଣାଆଡ଼ି ଲେହେଁ ହାଜାମାନେସି, ଇଞ୍ଜାଁ ବାରେ ଚାୟୁତା ତାନି ବୁଦି ଲେହେଁତି ଗାନ୍ଦା ମା. ତାଣାଟି ଝେକ୍‌ହିମାନେସି □

୧୫ ଇତିହ୍ ଗେଲ୍‌ପି ଆହିମାନି ଲକୁତାଣା ଇଞ୍ଜାଁ ନାସା ଆହିମାନି ଲକୁତାଣା ମାରୁ ମାହାପୁରୁ ନକିତା କ୍ରୀସ୍ତତି ହାରେକା ନେହ୍ ଗାନ୍ଦା ଲେହେଁ ଆହାମାନାୟି □

୧୬ ରକଞ୍ଜାକି ଲକୁତାକି ହାକି ହୀନାୟି ଅଡ଼େ ରକଞ୍ଜାକି ଲକୁତାକି ଜାଞ୍ଜୁହୀନି ଲେହେଁତି ନେହ୍ ଗାନ୍ଦା ଲେହେଁ □ ସାମା ଈ ବାରେ କାମା କିହାଲି ଆମ୍ବାଆସି ଆଡ଼ିନେସି ?

୧୭ ହାରେକା ଲକୁ ବାଡ଼କାଲି ତାକି ମାହାପୁରୁତି କାରୁ ଝେକ୍‌ହି ମାନେରି, ମାମ୍ବୁ ଏଞ୍ଜାରିଲେହେଁ କିହିଲିଲିଆସି, ସାମା ତୀରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବୁ କ୍ରୀସ୍ତ ତାଣା ମାଞ୍ଜାନା କାତା ଜଲିମାନମି □

୩

ପୁଃନି ମେରାତି ହଲିୟା

୧ ମାର କି ଜାହାରାଇଁ ବତପଣ କିହାଲି ମାଟୁହା ମାନାୟି ? ଆମ୍ବା ଆମ୍ବାଆରି ଲେହେଁ ଏନାଆଁ ମା ତାଣା ଆଆତି ମା ତାଣାତି ମା ତପସି ଆନାୟି ଲତାମାନେ ?

୨ ମାରୁତ ମା ହିୟାତା ରାସ୍‌କି ଆହାମାନାତେରି ଇଞ୍ଜା ବାରେଜାଣା ପୁଞ୍ଜାମାନାୟି ଅଡ଼େ ପଡ଼଼ି ଆହାମାନି ମା ଆକୁ ଲେହେଁ;

୩ ଅଡ଼େ, ମାରୁ ମା ସେବା କାମାତା ରାସ୍‌କି ଆହାମାନି କ୍ରୀସ୍‌ତି ଆକୁ ଲେହେଁ, ଇଦି ତଞ୍ଜା ଆହିମାନେ; ଏଦି ସୀରା ତଲେ ରାସ୍‌କି ଆହାହିଲେଏ, ସାମା ଜୀସ୍‌ତୁତି ମାହାପୁରୁତି ସୁଦୁଜୀସ୍‌ତୁ ତଲେ ରାସ୍‌କି ଆହାମାନେ, ଖାଲି ପାଟାତା ଆଏ, ସାମା ଉୟୁଗାତି ହିୟାଁ ପାଟାତା []

୪ କ୍ରୀସ୍‌ତୁ ତାଣାତି, ମାହାପୁରୁ ନକିତା ବାସୁଁ ଇଟାନା ମାଦି ଇଲେତି ଆଡ଼଼ା ନାମୁ ମାନେ []

୫ ମାର ମା ତାଣାତି ଏନାଆଁ କିହାଲି ଆଡ଼ାଆୟି, ଏଲେକିଁ ଆଏ, ସାମା ମାହାପୁରୁ ତାଣାତି ଆଡ଼ିନି ବାଡ଼ୁ ମାନେ;

୬ ଏଞ୍ଜାସି ମାଜେ ରାସ୍‌କି ଆହାମାନି ମେରାତି ସେବା କିନାରି କିହାମାଞ୍ଜଅସି, ସାମା ନେହୁଁ ଜୀସ୍‌ତୁତି ଇତିହୁଁ ପୁଃନି ମେରାତି ସେବା କାମା କିହାଲି ବାଡ଼ୁ ହାହାମାଞ୍ଜାନେସି; ଇତିହୁଁ ରାସ୍‌କି ଆହାମାନି ରାଜିମାନା ହାଞ୍ଜିକିନେ ସାମା ନେହୁଁ ଜୀସ୍‌ତୁ ନୀତିକିନାୟି []

୭ ଅଡ଼େ ତାସିଁ ତ ଖାଲି ପାଟାତା ରାସ୍‌କି ଆହାମାନି ହାଞ୍ଜି କିନି ମସା ମେରାତି ସେବା କାମା ଇଲେତି ଗାସ୍‌ତୁରି ତଞ୍ଜାଆହାମାତେ, ଇତିହୁଁ ଇସ୍‌ପାୟେଲ ଲକୁ ମସା ମୁସ୍‌ତୁ ନାସା ଆନି ଉଜେଡ଼ି ତାକି ଏଞ୍ଜାଣି ମୁସ୍‌ତୁ ଫେସାଲି ଆଡ଼ାଆତେରି,

୮ ଆଡ଼ିହୁଁ ନେହୁଁ ନାସ୍‌ତୁତି ସେବା କାମା ଏତେକା ଗାଡ଼ି ଗାସ୍‌ତୁରି ଆଏକି ?

୯ ତଣ୍ଡ ଆଞ୍ଜିକିନି ସେବା କାମା ଗାସ୍‌ତୁରି ଗାଟାୟି, ଆଡ଼ୁଁ ଦାମୁତି ସେବା କାମା ଏଦାଆଁ କିହାଁ ଆଗାଡ଼ା ଗାସ୍‌ତୁରି ଗାଟାୟି ଆନେ []

୧୦ ଇତିହୁଁ ଆମିନି ଗାଟାୟି ଗାସ୍‌ତୁରି ଗାଟାୟି ମାତେ, ଏଦି ଏଦାନି କିହାଁ ଆଗାଡ଼ା ଗାସ୍‌ତୁରି ଆନି କିହାଁ ଗାସ୍‌ତୁରି ହିଲିଆଗାଟାୟି ଆଡ଼େ []

୧୧ ଗାଡ଼େକା ତାକି ନାସା ଆନାୟି ଗାସ୍‌ତୁରି ବେଟାଆହୁଁ, କାଲ୍‌କାଲ୍‌କା ତାକି ମାନାୟି ଏତେକା ଆଗାଡ଼ା ଗାସ୍‌ତୁରି ତଞ୍ଜାଆନେ []

୧୨ ଇତିହୁଁ ମାଜେ ଏଲେତି ବାସୁଁ ମାନାକି ହାଡ଼େକା ସାସା ଆହାମାନି []

୧୩ ଅଡ଼େ ଇସ୍‌ପାୟେଲ ଲକୁ ଏନିକିଁ ଗାଡ଼େକା ତାକି ନାସାଆନି ଗାସ୍‌ତୁରିତି ସିନିକିଅରି, ଏଦାଆଁତାକି ମସା ଏନିକିଁ ତାନି ମୁସ୍‌ତୁ ହିମ୍‌ବି ଚିକ୍‌ହା କତିମାତେସି, ମାମୁ ଏଲେକିଁ କିହିଲିଆନି []

୧୪ ସାମା ଏଞ୍ଜାରି ବୁଦିତି କାଣକା ପଜ୍‌ଜି ଆହାମାନୁ, ଇତିହୁଁ ନାସ୍‌ତୁପାତେକା ପୁଞ୍ଜା ରାଜିମାନା ପତି ପଡ଼଼ି ଆନାତି ଏ ହିମ୍‌ବି ପିଡ଼ିନାୟି ନାଏଁ ପାତେକା ଡ଼ୟାମାନେ, ଇଞ୍ଜା କ୍ରୀସ୍‌ତୁ ତାଣାତି ଏ ହିମ୍‌ବି ଗୁଚା ଆହାମାନେ, ଏଦି ତଞ୍ଜା ଆହିଲେଏ []

୧୫ ସାମା ନାଏଁ ପାତେକା ମସାତି ମେରା ପଡ଼଼ି ଆନାତି ଏଞ୍ଜାରି ହିୟାଁ ହିମ୍‌ବି ଚିକ୍‌ପି ଆହାଁ ଡ଼ୟିନେ []

୧୬ “ସାମା ଆମ୍ବାଆସି ଆଡ଼େସି ପ୍ରବୁ ଖାକି ଖେଣ୍ଡାଞ୍ଜାଡ଼ିହୁଁ ଏଞ୍ଜାଣି ଚିକ୍‌ପି ଆହାମାନି ହିମ୍‌ବି ଗୁଚାଆନେ []”

୧୭ “ପ୍ରବୁ” ଏ ଜୀସ୍‌ତୁ, ଇଞ୍ଜା ଏନିୟା “ପ୍ରବୁତି ଜୀସ୍‌ତୁ” ମାନେ ଏମ୍ବାଆଁ ବାରେ ମେଲ୍‌ଆ ଆନାୟି ମାନେ []

୧୮ ସାମା ମାର ବାରେତାୟି ମୁସ୍‌ତୁ ଚିକ୍‌ଆନା ଦାପେଣିତା ମେହନି ଲେହେଁ ପ୍ରବୁତି ଗାସ୍‌ତୁରି ମେସି ମେସିହୁଁ ଗାସ୍‌ତୁରିତି ହାଡ଼େକା ଗାସ୍‌ତୁରି ଆହାନା ତାନି ଏ ଖାଣା ତଲେ ବାଦ୍‌ଲି ଆହିମାନାୟି; ଇଞ୍ଜା ପ୍ରବୁ ଆମ୍ବାଆସିକି ଜୀସ୍‌ତୁ ଏଞ୍ଜାଣି ତାଣାତି ଇ ବାରେ ଆହିମାନେ []

୪

ଇରଥା ତ:କା ବିତ୍ତା ନେହୁଁ ଜୀସ୍‌ତୁତି ଦନ୍

୧ ମାର ମାହାପୁରୁତି କାର୍ମା ବେଟାଆହାନା ଇ ସେବାକିନି ପାଣା ବେଟାଆହାମାନାକି ସାସା ହିଲିଆ ଲକୁଲେହେଁ ଆହାହିଲିଆୟି,

୨ ଯାମା ମାମ୍ବୁ ଲାଜା ଗାଡ଼ି ତଞ୍ଜା ଆଆଗାଟି ଲାଗେଏତି କାମା ପିସାମାନମି; ଇଞ୍ଜା ମାମ୍ବୁ ନାଡ଼ି କିଅମି ଅଡ଼େ ମାହାପୁରୁ କାତାଟି ମିତି କାଲହାନା ଝେସିହିଲଅମି, ମାହାପୁରୁ କାନୁତା ନେହଁ କାବୁତି ସାତା କିହଁ ଝେକହାନା ବାରେଜାଣାତି ନେହଁ ଅଣ୍ଟାପୁ ତାକି ନେହଁତମି ତଞ୍ଜା ଆହିମାନମି □

୩ ଏନାଆଁତାକି ଇଚିହଁ ମାରୁ ଝେକହାମାନି ନେହଁ କାବୁ ତୁଗୁା ମାଟିହଁ, ଏଦି ଝାରୁଇ ଜାଞ୍ଜା ମାନାରାକି ତୁଗୁାମାନେ □

୪ ମାହାପୁରୁ ଖାଣା ଲେହେଁତି କ୍ରୀସ୍ତ ତାନି ଗାଝୁରମିଗାଟି ନେହଁ କାବୁତି ଉଜେଡ଼ି ଏନିକଁ ଇଲେତି ଲକ୍ଷୁକି ତଞ୍ଜା ଆଏ, ଏଦାଆଁତାକି ନାମାଆଗାଟାରି ବୁଦି ଦାରୁତିତି ପଲୁଆ ପେନୁ କାଣାୟା କିହାମାନେ □

୫ ମାମ୍ବୁ ମାଜେତାକି ଝେସାକତିହିଲଅମି, ସାମା କ୍ରୀସ୍ତଇଁ ପ୍ରବୁ ଇଞ୍ଜଁ ଅଡ଼େ ଜୀସୁ କ୍ରୀସ୍ତ ତାକି ଜାହାରାଇ ମା ହଲିୟାଜାତମି ଇଞ୍ଜଁ ଝେକହି ମାନମି,

୬ ଏନାଆଁତାକି ଇଚିହଁ ଆମିନି ମାହାପୁରୁ ଏଲେଇଞ୍ଜାମାଚେସି, “ଆନେରିଚି ଉଜେଡ଼ି ତଞ୍ଜା ଆପେ,” ଏଝାସି କ୍ରୀସ୍ତ ପ୍ରମୁତୁ ତଞ୍ଜା ଆହିମାନି ମାହାପୁରୁଟି ଗାଝୁରମିଗାଟି ବୁଦିତି ଉଜେଡ଼ି ତସାଲି ତାକି ମା ହିୟାତି ଉଜେଡ଼ି କିହାମାନେସି □

୭ ସାମା ମାରୁ ଝାରୁଇ ଇଚିଆ ତ:କାତା ଇ ଲାକପୁରୁତି ଦନ ବେଟାଆହାମାନାୟି □ ଇମାଆଁ ପୁଣ୍ଡି ଆହିମାନେ ଇଲେତି ଲାକପୁରୁତି ବାଡ଼ୁରୁ ମାଦି ଆଏ ସାମା ମାହାପୁରୁଖାୟି □

୮ ମାମ୍ବୁ ବାରେଲେହେଁତି ଦୁକୁ କସ୍ତ ବେଟାଆହାମାନମି, ସାମା ମାମ୍ବୁ ପୁଣ୍ଡୁକି ଆହି ହିଲଅମି □ ଏଚେ ଏଚେଲା ଆତାଜାକା ଆଡ଼ି ଜିକେଏ ନରୀୟା ଆହାହିଲଅମି □

୯ ମାମ୍ବୁ ସାସ୍ତି ବେଟା ଆହିମାନମି ସାମା ମାହାପୁରୁ ମାଜେ ଏଚେଲା ପିସାମାଞ୍ଜଅସି □ ଏଚେ ଏଚେକା ମାତା ବେଟାଆହି ମାନମି ସାମା ନାସା ଆହାହିଲଅମି □

୧୦ ଜୀସୁତି ଜୀଝୁ ଏନିକଁ ମା ତାଣା ତଞ୍ଜାଆନେ, ଏଦାଆଁତାକି ମାରୁ ବାରେ ବେଲା ମା ଆଜାତା ଜୀସୁତି ହାକି ଡେକା ମାନାୟି □

୧୧ ଇଚିହଁ ଜୀସୁତି ଜୀଝୁ ଏନିକଁ ମା ହାନି ଆଜାତା ତଞ୍ଜାଆନେ, ଏଦାଆଁତାକି ମାରୁ ନୀତାମାଟି ଜିକେଏ ବାରେବେଲା ଜୀସୁତି କସ୍ତ ହାକିତା ହେରପି ଆହିମାନାୟି □

୧୨ ଇଲାଆହଁ ମା ତାଣା ହାକି, ଅଡ଼େ ମା ତାଣା ଜୀଝୁ କାମା କିହାମାନେ □

୧୩ ରାସ୍ତକି ଆହାମାନେ, “ନାନୁ ନାନିତାକି ଜଲିଡେଏଁ □” ମାରୁ ଏ ନାମୁତି ଜୀଝୁ ବେଟାଆହାମାନାୟି, ଇଞ୍ଜା ମାରୁ ନାମାମାନାୟି ଏଦାଆଁତାକି ଝେକହି ଜିକେଏ ମାନାୟି □

୧୪ ମାମ୍ବୁ ପୁଞ୍ଜାମାନମି, ମାହାପୁରୁ ପ୍ରବୁ ଜୀସୁଇଁ ହାକିଚି ଝେଣେ ନିକହାମାନେସି □ ଏ ମାହାପୁରୁ, ଜୀସୁତଲେ ମାଜେ ଜିକେଏ ନିକହାନେସି ଅଡ଼େ ମା ତଲେ ମାଜେ ତାନି ତାଗେ ଅୟାନେସି □

୧୫ ମା ନେହେଁତାକି ଇ ବାରେ ଆହିମାନେ □ ମାହାପୁରୁଟି କାର୍ମାମେହନାୟି ଅଡ଼େ ହାରେ ଗାଡ଼ି ପାତାଆହାନା ଲକ୍ଷୁଣି ତାଗିଚେ, ଅଡ଼େ ହାରେକା ଲକ୍ଷୁ ରାହାଁ ଅଣ୍ଟାପୁ ତଲେ ମାହାପୁରୁଇଁ ଗାଝୁରମି କିନେରି □

ନାମୁତି ଜୀଝୁ

୧୬ ଏଦାଆଁତାକି ମାମ୍ବୁ ଝାହା ହିଲଅମି, ସାମା ମା ଦାରୁତିତି ଆଜା ମେଣ୍ଡକିତି ଜିକେଏ ମା ହିୟା ବିଦ୍ରାତି ଜୀଝୁ ପୁଞ୍ଜନାୟି ଆହିମାନେ □

୧୭ ଇଚିହଁ ଇ ଗାଡ଼େକାତି କସ୍ତ ହାରେକା ଗାଡ଼ି ମାଜେ ତାକି କାଲାକାଲା ରାଆଗାଟି ଗାଝୁରମି ତାନେ;

୧୮ ମାରୁ ତଞ୍ଜା ଆହିମାନାଣି ଗୁରି କିଆନା ତଞ୍ଜା ଆଆଗାଟାଣି ଗୁରି କିହାମାନାୟି; ଇଚିହଁ ତଞ୍ଜା ଆହିମାନାୟି ଗାଡ଼େକା ତାକି, ସାମା ତଞ୍ଜା ଆଆଗାଟାୟି କାଲାକାଲାତାୟି □



୧ ମାରୁ ପୁଞ୍ଜାମାନାୟି, ଆମିନି ଦାରୁତିତି ତୁମୁ ଲେହେଁତି ଇଲୁତା ନୀଏଁ ମାରୁ ବାସା କିହାମାନାୟି, ଏଦି ନସ୍ତ ଆଡ଼ିସାରେ ମାହାପୁରୁ ମାଜେ ଲାକପୁରୁ ର କାଲାକାଲାତି ଇଲୁ ମେଡ଼ି କିୟାନେସି □ ଏଦି ମାଣ୍ଡି କେୟୁଚି କେପିତାୟି ଆଏ, ମାହାପୁରୁ ତାନୁଏ ଏଦାନି ଗାଡ଼ିକିତାସି □

୨ ଇ ଦାରୁତିତି ଇଲୁତା ମାଞ୍ଜାନା ମାରୁ ଲାକପୁରୁ ଇଲୁତି ହିମ୍ବିରି ହୁତାଲି ମନ କିହାନା ଦ୍ରାହି ମାନାୟି □

୩ ଯାମା ଲାକପୁରୁତି ବାସା ଚାନ୍ଦୁତା ହଠିସାରେ ମାର ଆଜ୍ଞା ହିଲାଆଗାଟାତାୟି ଆଥାନା ନାଗୁଡ଼ା ତଞ୍ଜା ଆଥାୟି □

୪ ଇଚିହଁ ମାର ଇ ଦାରୁତିତି ତୁମୁତା ବାସା ଆହାନା ବଜୁଗାଟି ହିୟା ତଲେ ତୁହି ମାନାୟି; ଇଚିହଁ ମାର ଦାରୁତିତି ଆଜ୍ଞା ପିସାଲି ଅଣ୍ଠିପିମାନାୟି ଏଡ଼ି ଆଏ, ଯାମା ଜୀଝୁ ଏନିକଁ ଦାରୁତିତି ନାସାକିନେ, ଇଦାଆଁତାକି ଇ ହାନ୍ତି ଆଜ୍ଞାତି ମୁହେଁ ଲାକପୁରୁତି ହିମୁରି ହୁଟାଲି ମାର ମନ କିହିମାନାୟି □

୫ ମାହାପୁରୁ ମାଜେ ଇ ବାଦଲୁଝି ଆନାଣି ତାକି ତିୟାରା କିହାଁ ମାଞ୍ଜାନେସି □ ଅଡ଼େ ଇଦାଣି ତାରପୁକିନାଣି ଲେହେଁ ତାନି ସୁଦୁଜୀଝୁ ଏଞ୍ଜାସି ମାଜେ ହାହାମାଞ୍ଜାନେସି □

୬ ଏଦାଆଁତାକି ମାମୁ ରୁରେବେଲ୍ଲା ସାସା ଆସାମାନମି □ ମାମୁ ପୁଞ୍ଜାମାନମି, ଏତରଦିନା ପାତେକା ଇ ଆଜ୍ଞାତା ବାସା କିହାମାନମି, ଏତରଦିନା ପାତେକା ପ୍ରବୁତି ଇଲୁଟି ହେକ ମାଞ୍ଜାନା ନୀତା ବାଡ଼କିମାନମି,

୭ ଏନାଆଁତାକି ଇଚିହଁ ମାର ତଞ୍ଜାଆହିମାନି ଦିଶସୁ ଲାକ ଆଏ ସାମା ନାମୁ ଲାକ ନୀତା ବାଡ଼କି ମାନାୟି □

୮ ଏନାଆଁତାକି ଇଚିହଁ ମାମୁ ସାସା ଗାଟାତମି, ଇଞ୍ଜା ଇ ଆଜ୍ଞା ପିସାଲି ପ୍ରବୁ ତଲେ ବାସା କିହାଲି ମାମୁ ହାଡ଼େକା ରାହାଁ □

୯ ଏଦାଆଁତାକି ଇମାଆଁ ଜାହାରା ଇଲୁତା ମାଚିହଁ କି ହେକ ରାଜ୍ଠି ମାଚିହଁ ଜିକେଏ, ମାହାପୁରୁଇଁ ରାହାଁ କିନାୟି ଏ ମା ରଣ୍ଠିଏ ଅଣ୍ଠପୁ □

୧୦ ଇଚିହଁ ନେହେଁ ଆପେ କି ଲାଗେଏ ଆପେ, ବାରେଜାଣା ଜାହାରା ଆଜ୍ଞା ତଲେ କିତି କାମାତି ଲେକାତଲେ ପାଡ଼େୟି ବେଟାଆହାଲି ତାକି କ୍ରୀସ୍ତତି ନୀହାଁୟି କିନି ଚାନ୍ଦୁ ନକିତା ବାରେତାୟି ମାଜେ ନିକା ହାଜାଲି ଆନେ □

କ୍ରୀସ୍ତ ତାଣାଟି ମାହାପୁରୁତି ତଣେସିଜା ଆନାୟି

୧୧ ପ୍ରବୁଇଁ ଆଜିନାଣି ପୁଞ୍ଜାମାନାକି ମାମୁ ମାଣ୍ଠିସିୟାଁଇଁ ମାଡ଼ଝିକିହି ମାନମି, ସାମା ମାମୁ ମାହାପୁରୁ ନକିତା ତଞ୍ଜା ଆହାମାନମି ଇଞ୍ଜା ମୀ ଅଣ୍ଠପୁତା ଜିକେଏ ତଞ୍ଜା ଆହାମାନମି, ଇ କାତା ନାମୁ ଆସା କିହିମାଲି □

୧୨ ମାମୁ ମୀ ତାଣା ଅଡ଼େ ବତପଣ ତସାଲି କିହିହିଲଅମି, ସାମା ଲକ୍ଷୁତି ନେହଁ ଅଣ୍ଠପୁ ତାକି ବତପଣ ତହୁଆନା ଖାରଇ ଏଞ୍ଜାରି ଆଜ୍ଞାତି ରାହାଁତାକି ବତପଣ ତହୁନାରାଇଁ ମୀରୁ ଖେଣ୍ଡେ ଖେସାଲି ଆଡ଼ିଦେରି, ଏଦାଆଁତାକି ମୀରୁ ମା ତାକି ବତପଣ ତସାଲି ଆଡ଼ିଦେରି ଇଞ୍ଜାଁ ଖେସିମାଞ୍ଜାନମି □

୧୩ ମାମୁ କି ବୁଦି ହିଲାଆ ଗାଟାତମି ? ଏଡ଼ି ମାହାପୁରୁ ତାକି ଆହାମାନେ ମାମୁ କି ବୁଦିଗାଟାତମି ଆହାମାନମି ? ମା ନେହେଁ ମାଚିସାରେ, ମୀ ତାକି ଏଲେଆହଁ ମାନମି □

୧୪ ଇଚିହଁ କ୍ରୀସ୍ତତି ଜୀଝୁ ନନି ତାଣାଟି ସାଲୁଝି ଆହିମାନାୟି, ଏଦାଆଁତାକି ମାର ଇ କାତା ଅଣ୍ଠପିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଠମାନେରି □

୧୫ ଏଞ୍ଜାସି ବାରେଜାଣା ତାକି ହାହାମାନାକି ଆମିନି ଗାଟାରି ନୀତାମାନେରି, ଏଞ୍ଜାରି ଅଡ଼େ ଜାହାରାତାକି ନୀତାଆନା ଏଞ୍ଜାଣି ତାକି ନୀତିନେରି, ଏନାଆଁତାକି ଇଚିହଁ ଏଞ୍ଜାରି ତାକି ଏଞ୍ଜାସି ହାହାନା ଖେଣ୍ଡେ ନୀତାମାନେସି □

୧୬ ଇଦାଆଁତାକି ମାମୁ ଆମ୍ବାଆରାଇଁ ମାଣ୍ଠିସି ଅଣ୍ଠପୁ ତଲେ ବିଚାରା କିହିଲଅମି □ ଦିନା ମାଚେ ଏଚିବେଲ୍ଲା ମାମୁ କ୍ରୀସ୍ତଇଁ ଜିକେଏ ମାଣ୍ଠିସି ଅଣ୍ଠପୁ ତଲେ ଅଣ୍ଠପିମାଚେମି, ସାମା ନାଏଁ ମାମୁ ଅଡ଼େ ଏଲେ କିହିହିଲଅମି □

୧୭ ଇଦାଆଁତାକି ଆମ୍ବାଆସି କ୍ରୀସ୍ତ ତାଣା ମାନେସି ଆତିହଁ ଏଞ୍ଜାସି ପୁଞ୍ଜନି ଗାଡ଼ି ଆହାମାନେସି □ ପୁଞ୍ଜାୟି ବାରେ ମେଣ୍ଠାମାନେ, ମେହ୍ତୁ ପୁଞ୍ଜନାୟି ବାରେ ଆହାମାନେ □

୧୮ ଇ ବାରେ ମାହାପୁରୁ ତାଣାଟି ଆହାମାନେ, ଏଞ୍ଜାସି କ୍ରୀସ୍ତ ତାଣାଟି ମାଜେ ତାନିତଲେ ଅଡ଼େ ଆଟ୍ଟହା ମାଞ୍ଜାନେସି ଇଞ୍ଜାଁ ତାନିତଲେ ସେବାକିନି ପାଣା ଆଟ୍ଟହାଲି ଏଞ୍ଜାସି ମାଜେ ଦାୟିପତି ହାହାମାଞ୍ଜାନେସି □

୧୯ ଏ ଆଣ୍ଠିନି ବଲୁ ଇଦି, ମାହାପୁରୁ କ୍ରୀସ୍ତ ତାଣା ଦାରୁତିତି ତାନିତଲେ ଆଟ୍ଟହାମାଚେସି; ଏଞ୍ଜାସି ଦାରୁତିତି ଲକ୍ଷୁତି ଦହୁ ଆହୁଆନା ଏ ଆଣ୍ଠିନି ବଲୁତି ମା ତାଣା ହେଡ଼ପା ମାଞ୍ଜାନେସି □

୨୦ ଏଦାଆଁତାକି ମାହାପୁରୁ ମା ଖାକିଟି ହାଡ଼ିମାଞ୍ଜାନାକି ମାର କ୍ରୀସ୍ତତି ଖାକିଟି ରାଜାଟି କାତୁ ଖେହ୍ନାତାୟି ଆହାମାନାୟି; କ୍ରୀସ୍ତ ତଲେ ମାର ବାଡ଼ିମାଲି ମାଞ୍ଜାନମି, ମାହାପୁରୁ ତଲେ ଅଡ଼େ ଆଣ୍ଠପୁ □

୨୧ ଇତିହାସ କ୍ରୀଷ୍ଟି ଇଚ୍ଛାୟା ପାପୁ ହିଲୀଆତି ଜିକେଏ, ମାହାପୁରୁ ତାଙ୍ଗେ ମା. ତାକି ପାପୁ ଗାଗାଣିଲେହେଁ କିତେସି, ମାର ଏନିକି ତାନିତଲେ ଆଣ୍ଡାନା ମାହାପୁରୁତି ଦାମ୍ଭୁତା ଆଣ୍ଡାଲି ଆଡ଼ିନାୟି
□



୧ ମାହାପୁରୁ ତଲେ ଆଣ୍ଡାୟି ଆହାନା କାମା କିହିମାନାକି ମାମ୍ବୁ ମୁଜେ ବାଡ଼ିମାଲି ମାଞ୍ଜାନମି, ମୀ ଜୀଞ୍ଜୁତା ମାହାପୁରୁତି କାର୍ମାମେହନାଣି ଉଜେଏ କିଆଦୁ □

୨ ମାହାପୁରୁ ଏଲେଇଞ୍ଜି ମାନେସି,

“ମିଙ୍ଗେତାକି କାର୍ମା ମେସ୍ତାନି ଦିନା ଝାହାଲିଏ ନାନୁ ମୀ ଗହାରା ଝେତେଏଁ,
ଗେଲ୍‌ପିନି ଦିନା ନାନୁ ମୀ ସାୟେମି ଆୟାତେଏଁ”

ମେହଦୁ, ଇଦି ଆହିମାନେ ମାହାପୁରୁତି କାର୍ମାମେହନାଣି ବେଗାଆନି ବେଲା □ ନୀଞ୍ଜୁ ଆହିମାନେ ଗେଲ୍‌ପିଆନି ଦିନା □

୩ ଏନିକି ମା ସେବା କାମା ନିନ୍ଦା ଆଏ, ଏଦାଆଁତାକି ମାମ୍ବୁ ମୁଆଆରି କାମାତା ବାଦା ହାଆପ ଇଞ୍ଜି ଅଣ୍ଡିମାନମି □

୪ ଏଦାଆଁତାକି ମାମ୍ବୁ ବାରେବେଲା ମାହାପୁରୁତି ସେବା କିନାରା ଲେହେଁ ତସାକଡ଼ିମାନମି, ସାମା ଆଟୁଝା ତଲେ ବାରେଲେହେଁତ ବାଦାତା, ହିଲୀଆ ବେଲାତା କସ୍ତୁ ଅର୍‌ହିମାନମି,

୫ ମାମ୍ବୁ ମୁଆତା ବେଗାଆହାନା, କାୟିଦିତା, ଲକୁ ନକିତା ନିନ୍ଦା ବେଗାଆହାନା, ଇଞ୍ଜା ଝାହୁ କାମାତା, ଇଦା କିଆନା, ରାନ୍ଦା ତିନାଆନା ମାତମି,

୬ ସୁଦୁଟି, ବୁଦିଟି, ଅର୍‌ହିନି ତାଣାଟି, କାର୍ମାମେହନି ତାଣାଟି, ସୁଦୁଜୀଞ୍ଜୁତା, କୁଚୁ ହିଲୀଆନା ଜୀଞ୍ଜୁନାୟି,

୭ ଅଡ଼େ ସାତା ନେହଁ ବଲୁତା, ମାହାପୁରୁତି ବାଡ଼ୁୟୁ ତଲେ, ଚିଃନି ଚେହି କେୟୁଟି ଦାମ୍ଭୁତି ସାକୁ ତଲେ,

୮ ଗାଞ୍ଜୁରମି ଅଡ଼େ ଅପାଆ ତାଣା, ମାମ୍ବୁ ମୁଆନି ବେଗାଆହି ମାନମି ଇଞ୍ଜା ଲାଜା ବେଗାଆହି ମାନମି; ଇଞ୍ଜା ନାଡ଼ିକିଞ୍ଜି ଆହିମାନମି, ଆଡ଼ିଜିକେଏ ସାତା ଗାଟାତମି □

୯ ପୁଣ୍ଡି ଆଆତି ଲକୁ ଲେହେଁ, ଆଡ଼ି ଜିକେଏ ନେହଁ ପୁଣ୍ଡିଆଡ଼ି ଲକୁ, ହାତାରି ଲେହେଁ ଆଡ଼ି ଜିକେଏ ମେହଦୁ ମାମ୍ବୁ ମୁଆତାମାନମି, ମାମ୍ବୁ ତୁଣ୍ଡ ବେଗାଆହାମାନମି ସାମା ହାହା ହିଲିଅମି,

୧୦ ମାମ୍ବୁ ମୁକୁତଲେ ମାଟିହଁ ଜିକେଏ ବାରେବେଲା ରାହାଁ ତଲେ ମାନମି, ମାମ୍ବୁ କାକୁଲି ଗାଟାତମି ଲେହେଁ, ସାମା ହାଡ଼େକା ଲକୁତାକି ବାଡ଼କା ମାନମି, ମାଙ୍ଗେ ଏନାୟି ହିଲୀଆଲେହେଁ ସାମା ମାମ୍ବୁ ସାତାତଲେ ବାରେତି ଅଦିକାରା ଗାଟାତମି; ଇ ବାରେତାଣା ମାମ୍ବୁ ମୁଆହାପୁରୁତି ସେବା କିନାତମି ଲେହେଁ ଜାହାରାଲ୍ ଜଗେ ଗାଟାତମି ଇଞ୍ଜି ତସାକଡ଼ି ମାନମି □

୧୧ କରନ୍ତିତା ମାନି ଜୀଞ୍ଜୁତି ତାୟିୟାଁ ଅଡ଼େ ତାଙ୍ଗିସ୍ତାତେରି, କୁଚୁ ହିଲୀଆଲେହେଁ ମିଙ୍ଗେ ବାରେ ଝେସା ମାଞ୍ଜାନମି □ ମୀ ତାଣା ମା ହିୟାଁ ଦେଦାମାନମି □

୧୨ ମିଙ୍ଗେତାକି ମା ଜୀଞ୍ଜୁନାୟି ଉଣା ଆହା ହିଲେଏ ସାମା ମା. ତାକି ମୀ ଜୀଞ୍ଜୁନାୟି ଉଣା ଆହାମାନେ □

୧୩ ମିଙ୍ଗେ ନା ମୀରକା ମାସ୍କା ଇଞ୍ଜି ଅଣ୍ଡାମାନା ଇ ବାରେ ଝେସିମାଞ୍ଜାଲ୍, ମାମ୍ବୁ ଜୀଞ୍ଜୁନହଁ ମାଞ୍ଜାନାକି ମୀ ହିୟାଁ ଦେଦି ଆପେ □

ଲାଗେଏ ତାଣାଟି ଜାଗ୍ରାତା କିନାୟି

୧୪ ମୀରୁ ନାମାଆଗାଟାରି ତଲେ ରଲେଏତାତେରି ଆଡ଼ି ଲେହେଁ କାମା କିଆଦୁ, ଦାମ୍ଭୁ କାମାତା ଲାଗେଏତି କାମା ଏନିକି ଆଣ୍ଡିନେ ? ଅଡ଼େ ଆନ୍ଦେରି ତଲେ ଉଜେଡ଼ି ଏନିକି ଆଣ୍ଡିନେ ?

୧୫ କ୍ରୀଷ୍ଟ ଇଞ୍ଜା ବିଲିୟାଡ଼ି ଏନିକି ଜାଚୁ ଆନେରି ? ନାମିତାରି ଇଞ୍ଜା ନାମାଆତାରି ଆମିନି କାତାତା ରଣ୍ଡିଏ ଆନେରି ?

୧୬ ମାହାପୁରୁତି ଇଲୁତା, ଏନିକି ପେଣକାଡ଼ି ପୁଜା ଆନେ ? ସାମା ମାର ନାତାମାନି ମାହାପୁରୁତି ଇଲୁତାୟି, ଇତିହାସ ମାହାପୁରୁ ତାନୁଏ ଏଲେଇଞ୍ଜା ମାନେସି,

“ନା ଲକୁତଲେ ନାନୁ ବାସା କିର୍ଜା,

☆ ୬:୫ ୬:୫ କାମା ୧୭:୨୩ ☆ ୬:୧୭ ୬:୧୭ ୧କର ୩:୧୭; ୬:୧୯

ଅଡ଼େ ଏଞ୍ଜାରିତଲେ ମାଲ୍,
 ନାନୁ ଏଞ୍ଜାରି ମାହାପୁରୁ ଆଲ୍,
 ଅଡ଼େ ଏଞ୍ଜାରି ନା ଲକୁ ଆନେରି □”

୧୭ ଏଦାଆଁତାକି ପ୍ରବୁ ଏଲେଇଞ୍ଜି ମାନେସି,
 “ମୀରୁ ଏଞ୍ଜାରି ତାଣାଟି ହଡ଼ା ଖାଦୁ,
 ଏଞ୍ଜାରି ତାଣାଟି ଏବକା ଆଦୁ,
 ଏନ୍ତି ଲାଗେଏଡ଼ି ଦିଶସୁ ତାଗାଆଦୁ,
 ଆତିହୁଁ ନାନୁ ମିଙ୍ଗେ ଆବାଇଲ୍,

୧୮ ନାନୁ ମୀ ଆବା ଆଇଲ୍,
 ଅଡ଼େ ମୀରୁ ନା ମୀରକା ମାସ୍କାତେରି ଆଡ଼େରି,
 ବାରେକିହାଁ ବାଡ଼ୁରୁଗାଟି ପ୍ରବୁ ଇଦାଆଁ ଝେସିମାଞ୍ଜାନେସି □”

୭

୧ ଇତିହୁଁ, ଏ ତାୟିୟାଁ ଅଡ଼େ ତାଙ୍ଗିସାତେରି, ଇ ବାରେ ଆଞ୍ଜାମାତାଣି ମେଡ଼ା ଆହାମାନାକି ଖାଦୁ,
 ମାର ମା ଆଙ୍ଗା ଅଡ଼େ ଜୀଞ୍ଜୁତି ଲାଗେଏ ତାଣାଟି ଆବହା କଡ଼ିନ, ଇଞ୍ଜା ମାହାପୁରୁଇଁ ଆଜାନା ସୁଦୁ
 ମାଣ୍ଡକିତା ନେହୁଁ ଆନ □

ପାଞ୍ଜୁଲତି ରାହାଁ

୨ ମୀ ହିୟାଁତା ମାଙ୍ଗେ ଚାୟୁ ହିୟାଦୁ, ମାମ୍ ଆମ୍ବାଆରାଇଁ ଲାଗେଏ କିହାହିଲଅମି, ଆମ୍ବାଆରାଇଁ ନାୟା
 କିହାହିଲଅମି କି ଆମ୍ବାଆରାଇଁ ବୁଡ଼ି କିହାହିଲଅମି □

୩ ନାନୁ ମିଙ୍ଗେ ଦହ ଦସାଲି ଇଦାଆଁ ଝେସିମାଞ୍ଜାଅଁ; ଇତିହୁଁ ନାନୁ ତଲିଏ ଝେସାମାଞ୍ଜାଇଁ, ମୀରୁ ମା
 ହିୟାଁତା ଏଚେକା ଚାୟୁ ବେଗାଆହାମାନାକି ମାର ହାଡ଼ିହୁଁ ରଣ୍ଡିଏ ତାଣା ହାନ, ନୀଡ଼ିତିହୁଁ ରଣ୍ଡିଏ ତାଣା
 ନୀଡ଼ିନ □

୪ ମୀ ତାଣା ନାଙ୍ଗେ ହାରେକା ନାମ୍ ମାନେ, ମିଙ୍ଗେତାକି ନାଙ୍ଗେ ହାରେକା ବଡ଼ପଣ ହଡ଼ି ମାଞ୍ଜାନେ;
 ନାନୁ ଦୁକୁ ତୁକହା ମାଲ୍, ମା ବାରେ କସତା ନାନୁ ସାସା ଆହାମାଲ୍, ଅଡ଼େ ନା ହିୟାଁତା ରାହାଁ ହଡ଼ିମାଞ୍ଜାନେ
 □

୫ *ମାକିଦନିୟାତା ଏଜାଲିଏ ଜିକେଏ ପାଙ୍ଗାତା ଗଡ଼ହା ବିତ୍ରା ଆଜି, ଇଲେତି କସ୍ତ ବେଗାଆହାଲିଏ
 ମା ଆଙ୍ଗା ଜିକେଏ ଜମାଲି ପ୍ଲାଞ୍ଜାତେ □

୬ ସାମା ହେଲା ଗାଟାରାଇଁ ସାସା ହାନି ତିତସଲ୍ ମାହାପୁରୁ ପାଣ୍ଡାନା ମାଙ୍ଗେ ସାସା ହିୟାତେସି □

୭ ଖରଇ ତାନି ଖାଡ଼ାକି ରାହାଁ ଆଏ, ସାମା ଏଞ୍ଜାସି ମୀ ତାଣା ହାଜାନା ଏମିନି ସାସା ବେଗାଆହାମାନେସି
 □ ଏଦାଟି ମାଙ୍ଗେ ସାସା ହିୟାତେସି, ଏଚେକା ନାଙ୍ଗେ ମେସାଲି ମୀରୁ ଅଣ୍ଡପିମାଞ୍ଜେରି, ଏଚେକା ମୀରୁ
 ଦୁକୁ କିହିମାଞ୍ଜେରି, ମୀରୁ ନା ତାଣା ବାସୁଁ ଇଟାଲି ଏଚେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ
 ନୀସଁ ହାରେକା ରାହାଁ ଆହିମାଲ୍ □

୮ ନାନୁ ନା ତଲିତି ଆକୁତା ମିଙ୍ଗେ ଦୁକୁ ହାହାମାଞ୍ଜାତିହୁଁ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ
 ଗାଡ଼େକା ତାକି ମିଙ୍ଗେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆଡ଼ିଜିକେଏ

୯ ନୀସଁ ରାହାଁ ଆହିମାଲ୍, ମୀରୁ ନୀସଁ ଦୁକୁ ଆଡ଼େରି ଏଦାଆଁତାକି ଆଏ, ସାମା ମୀ ଦୁକୁ ମିଙ୍ଗେ ମନ
 ଝେଟ୍ପି କିତାକି ରାହାଁ ଆହାମାଲ୍; ଇତିହୁଁ ମା ତାଣାଟି ମୀଦି ଏନ୍ଦାୟିଞ୍ଜା ବୁଡ଼ି ଆଆପେ, ଏଦାଆଁତାକି
 ମୀରୁ ମାହାପୁରୁ ତାଣାଟି ଦୁକୁ ବେଗା ଆହାମାଞ୍ଜେରି □

୧୦ ମାହାପୁରୁ ତାଣାଟି ଖାନ୍ତି ଦୁକୁ ଗେଲପାଲିତାକି ମନ ଝେଟ୍ପି କିଡ଼ିକିନେ, ଏଦାଆଁତାକି ଅଣ୍ଡପିନାୟି
 ଲଡ଼ା ହିଲେଏ; ସାମା ଇ ଦାଡ଼ିତି ଦୁକୁ ହାଞ୍ଜିକିନେ □

୧୧ ମେହ୍ଦୁ ମାହାପୁରୁତି ମନତଲେ ଆମିନି ଦୁକୁ ବେଗାଆଡ଼େରି, ଏନ୍ତି ମୀ ତାଣା ଏଚେକା
 ରାହାଁଗାଟାୟି, ହାଅ, ମୀ ଦହ ହିଲିଆଗାଟାଣି ତସାମାନେ, ହାଅ ଏଚେକା ଅଣ୍ଡପୁ, ଏଚେକା ଆଜି,
 ଏଚେକା ମନ, ଏଚେକା ସେବା, ଲାଗେଏତାଣି ତଣ୍ଡ ହାହାଲି ଏଚେକା ଅଣ୍ଡପୁ, ଏ ବାରେ ତାଣାଟି ମୀରୁ
 ଅବହାତେରି ଇଞ୍ଜା ତଞ୍ଜା ଆହିମାଞ୍ଜେରି □

୧୭ ଇଦାଆଁତାକି ନାନୁ ମୀ ତାଣା ଏ ଆକୁ ରାଡ଼ିତେଏଁ, ଆଡ଼ିହୁଁ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅରୁହା ମାନେସି, ଏଞ୍ଜାଣାକି ରାଡ଼ିତେଏଁ, ଏଡ଼ି ଆଏ, ସାମା ମାଜେ ତାକି ମୀ ରାହୁଁ ଏନିକିଁ ମାହାପୁରୁ ନକିତା ମୀ ତାଣା ସାତେଏ ଇଞ୍ଜୁଁ ତଞ୍ଜାଆନେ, ଏଦାଆଁତାକି ରାଡ଼ିତେଏଁ □ ଇଡ଼ିହୁଁ, ମାମୁ ସୁସା ସାବେଆହାମାନମି □

୧୮ ଅଡ଼େ ମା ବାସୁତା ମାମୁ ତିତସ ରାହୁଁତାକି ହାରେକା ରାହୁଁ ଆଡ଼ମି, ଇଡ଼ିହୁଁ ଏଞ୍ଜାଣି ଜୀଞ୍ଜୁ ମୀ ବାରେ ଜାଣା ତାଣାଟି ରାହୁଁ କିହାମାଞ୍ଜେରି □

୧୯ ଆଡ଼ିହୁଁ ଏନି କାତା ତିତସ ତାଣା ମୀ ତାକି ନାନୁ ବତପଣ କିହାମାଜୁଁ, ଆଡ଼ିଁ ଲାଜା ଆହାହିଲଅଁ, ସାମା ଏନିକିଁ ମାମୁ ବାରେ କାତାତା ମିଜେ ସାତା ଝେସାମାଞ୍ଜାତମି, ଏଲେକିହୁଁ ତିତସ ନକିତା ମା ବତପଣ ଆନାୟି ଜିକେଏ ସାତା ଇଞ୍ଜୁଁ ପୁଣ୍ଡିଆହାମାନେ □

୨୦ ଇଞ୍ଜାଁ ମୀରୁ ଏନିକିଁ ଆଜି ଅଡ଼େ ତୀରୁଗିହୁଁ ଏଞ୍ଜାଣାଜୁଁ ଆବାହୁଁ ଏଞ୍ଜାଣି ତାଣା ବାରେଜାଣା ତେରି ମାନୁଞ୍ଜି ଆଡ଼େରି, ଏ ବାରେ ଅଣସାମା ମିଜେତାକି ତାନି ହିୟାଁତ ଜୀଞ୍ଜୁନନାୟି ହାରେକା ପାତା ଆଡ଼େ □

୨୧ ନାନୁ ବାରେ ତାଣାଟି ମିଜେ ହାରେକା ନାମାଲି ଆଡ଼ାଜୁଁ ଏଦାଆଁତାକି ନାଜେ ହାରେକା ରାହୁଁ ହଡ଼ିମାଞ୍ଜାନେ □

୮

କ୍ରୀସ୍ତାନା ଲକୁ ଦାନା ହାନାୟି

୧ ଏ ମା ତାୟିୟାଁ ଅଡ଼େ ତାଜିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହୀହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାମୁ ମିଜେ ଝେସିମାଞ୍ଜାନମି;

୨ ଏଞ୍ଜାରି ବେଟାଆହାମାନି ହାରେକା କସ୍ତତଲେ ତାୟିପାରି କିଞ୍ଜି ଆହାମାନେରି; ଏଞ୍ଜାରି ହାରେକା ହାକି କାକୁଲି ଗାଟାରି ଇଡ଼ିହୁଁ ଜିକେଏ; ଜାହାରା ଅଣପୁ ତଲେ ତାମି ଦାନା ହାନି ତାଣା ଏଞ୍ଜାରି ରାହୁଁ ହାରେକା ମାତେ □

୩ ଏଦାଆଁତାକି ଇଡ଼ିହୁଁ ନାନୁ ସାକି ହାହିମାଜୁଁ, ଏଞ୍ଜାରି ଆଡ଼ିନି ପାତେକା, ସାମା ଏଞ୍ଜାରି ଆଡ଼ିନି ବାଡ଼ୁମୁ କିହାଁ ଜିକେଏ ହାରେକା ଗାଡ଼ି ଦାନା ହୀହାମାନେରି □

୪ ଜୀହୁଦାତା ମାନି ମାହାପୁରୁ ଲକୁତି ସେବା କାମାତା ଆଣ୍ଡିଆନି କାର୍ମାମେହନାଣି ମେଡ଼ା ଆହାଲିତାକି ଏଞ୍ଜାରି ଜାହାରା ଅଣପୁ ତଲେ ବାଡ଼ିମାଲିହୁଁ ମାଜେ ହେଲ ରୀସ୍ତାତେରି;

୫ ଏଞ୍ଜାରି ଝାରୁଇ ମା ଆସା କିହାମାନିଲେହେଁ କିହାହିଲାଆଡ଼େରି, ସାମା ମାହାପୁରୁ ମନତଲେ ସାଲୁଞ୍ଜି ଆହାନା ତଲିଏ ଜାହା ଜାହାରାଜୁଁ ପ୍ରୁ ତାଣା ଇଞ୍ଜାଁ ମା ତାଣା ହେରୁପାତେରି □

୬ ତିତସ ମୀ ତାଣା ଏ କାର୍ମାମେହନି କାମା ଏନିକିଁ ମାଟୁହା ମାରେସି, ଏଲେକିହୁଁ ଏ ଏଦାଆଁ ରାପୁହାଲି ଏଞ୍ଜାଣାଜୁଁ ସାସା ହୀତମି □

୭ ମୀରୁ ବାରେ ତାଣାଟି ନକିତା ଆହାମାଞ୍ଜେରି, ଇଡ଼ିହୁଁ ନାମୁ, କହୁଗାଟାରି, ବୁଦି ଇଞ୍ଜାଁ ବାରେଲେହେଁତ ରାହୁଁ, ମିଜେତାକି ମା ଜୀଞ୍ଜୁନନାୟି, ଏଲେକିହୁଁ ବାରେ କାତା ଏନିକିଁ ମୀ ତାଣା ହାରେକା ତଞ୍ଜା ଆହାମାନେ, ଏଲେକିହୁଁ ଏ ଇ କାର୍ମାମେହନି କାମା ଜିକେଏ ମୀ ତାଣା ହାରେକା ତଞ୍ଜାଆପେ □

୮ ନାନୁ ହୁକୁମି ହାନି ଲେହେଁ ଝେସିମାଞ୍ଜଅଁ, ସାମା ଅର ଲକୁତି ରାହୁଁ ଆହାଲି ତସାନା ମୀ ଜୀଞ୍ଜୁନନାୟି ସାତା କି ଆଏ ତାୟିପାରି କିହାଲି ଝେସିମାଞ୍ଜାଜୁଁ □

୯ ଇଡ଼ିହୁଁ ମା ପ୍ରୁ ଜୀସୁ କ୍ରୀସ୍ତତି କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି, ମୀରୁ ଏନିକିଁ ଏଞ୍ଜାଣି ହିଲାଆଗାଟି ତାଣାଟି ଦନ ଗାଟାତେରି ଆଡ଼େରି, ଏଦାଆଁତାକି ଏଞ୍ଜାସି ଦନଗାଟାସି ଆଡ଼ିଜିକେଏ ମୀ ତାକି ହିଲାଆଗାଟାସି ଆଡ଼େସି □

୧୦ ଏଦାଆଁତାକି ନା ଅଣପୁ ଇଦି, ଏ ବାରେ ମିଜେତାକି ନେହେଁ, ଏନିକିହୁଁ ଡ଼ାଣ୍ଡୁରୁଏ ମୀରୁ ମୁଲୁଏ କାମା ମାଟୁହେରି, ଏଡ଼ି ଆଏ, ସାମା ଏ କାମା କିୟାଲି ନକେଏ ଜିକେଏ ଅଣପାମାତେରି □

୧୧ ନୀଏଁ ଏ କାମା ଜିକେଏ ରାପୁ, ମୀରୁ ଏ କାମା କିହାଲି ଏନିକିଁ ଅଣପାମାତେରି, ଏଲେକିହୁଁ ରାହୁଁତି ଅଣପୁ ତଲେ ଏ କାମା ରାନେ □

୧୨ ଇଡ଼ିହୁଁ ହାହାଲିତାକି ରାହୁଁ ମାଡ଼ିହୁଁ ମାଣସି ତାନି ଆଡ଼ିନିଲେହେଁ ଏଦାଆଁ ହୀନେସି, ମାହାପୁରୁ ନକିତା ନେହାୟି ଆନେ □

୧୩ ଇତିହଂ ଏବଂକାତାରି ଏନିକଂ ସୁକୁ ବେଟାଆନେରି, ଇଞ୍ଜା ମୀରୁ କସ୍ତ୍ର ବେଟାଆନୁ, ଏଦାଆଁତାକି ନାନୁ ଇଦାଆଁ ଝେସିମାଞ୍ଜଅଁ;

୧୪ ସାମା ସମାନା ଆହାଲିତାକି ନୀର୍ଥ ମୀ ବାଟକୁ ତଲେ ଏଞ୍ଜାରି ଲଡ଼ା ମାନାଣି କିଞ୍ଚି ଆହିମାନେ, ଏନିକିହଂ ଏଞ୍ଜାରି ବାଟକୁ ତଲେ ମୀ ହିଲାଆଗାଟାଣି ପୁରା କିଞ୍ଚିଆନେ, ଇଞ୍ଜା ଇଲେଆହଂ ସମାନା ତଞ୍ଜାଆନେ,

୧୫ ଦାମ୍ପୁପତିତା ଏନିକିହଂ ରାସ୍ତକି ଆହାମାନେ, “ଆମ୍ବାଆସି ହାରେକା କୁଡ଼ି କିତେସି, ଏଞ୍ଜାଣିଞ୍ଜାସି ହାଟାଆତେ, ଇଞ୍ଜା ଆମ୍ବାଆସି ଉଣା କୁଡ଼ି କିତେସି, ଏଞ୍ଜାଣାକି ଉଣା ଆଆତେ □”

ତିତସ ଅଡ଼େ ତାନି ଆର୍ହତାରି

୧୬ ମାହାପୁରୁକି ଜହରା ଆପେ, ଏଞ୍ଜାସି ମିଙ୍ଗେତାକି ତିତସ ହିୟାଁତା ରାହାଁ କିହାଲି ସମାନା ଅଣପିନି ମନ ହାତେସି □

୧୭ ଇତିହଂ ଏଞ୍ଜାସି ଖାଉଇ ମା ବାତିମାଲିତାଣି ଅପିତେସି, ଏଦି ଆଏ, ସାମା ଏଞ୍ଜାସି ତାନୁଏ ହାରେକା ରାହାଁ ଆହାଁ ମୀ ତାଣା ଖାହାଲି ଏଞ୍ଜାସି ମନ କିହିମାନେସି □

୧୮ ଏଞ୍ଜାଣିତଲେ ମାମ୍ବୁ ଅରୁ ତାୟିଇଁ ପାଣ୍ଡିମାଞ୍ଜାନମି; ଏଞ୍ଜାସି ନେହଂ କାବୁ ଝେକ୍‌ନି କାମାତାକି ତାନି ଗାଞ୍ଜୁରମି ବାରେ କ୍ରୀସ୍ତାନା କୁଲମିତା ଝେଙ୍ଗାମାନେ,

୧୯ ଖାଉଇ ଏଦି ଆଏ, ସାମା ଏଞ୍ଜାସି ଜିକେଏ ମା ସେବା ତଲେ ଆହିମାନି ଇ କାର୍ମାମେହ୍‌ନି କାମା ତଲେ ପ୍ରବୁତି ଗାଞ୍ଜୁରମି ଇଞ୍ଜା ରାହାଁ ଅଣପୁ ତାକି ମା ତଲେ ତାକିନାସି ଆହାଲିତାକି କୁଲମିତା ତଲେ ଆଚ୍ଚି ଆହାମାନେସି □

୨୦ ମା ତଲେ କିହିମାନି ଇ ସେବା କାମା ଲେହେଁ ହାରେକା ଦାନାତି କାତାତା ଆମ୍ବାଆସି ଏନିକିହଂ ମାଙ୍ଗେ ଦହ ଦସ୍ତ୍ରାଆପେସି, ଏଦାଆଁତାକି ଜାଗ୍ରାତା ଆହିମାନମି;

୨୧ ଇତିହଂ ଖାଉଇ ପ୍ରବୁ କାନୁତାକି ଆଏ, ସାମା ଲକୁ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହାଲି ଅଣପିମାନମି □

୨୨ ଅଡ଼େ, ମାମ୍ବୁ ମା ଅରୁ ତାୟିଇଁ ଜିକେଏ ଏଞ୍ଜାରିତଲେ ପାଣ୍ଡିମାଞ୍ଜାନମି, ଏଞ୍ଜାଣାଇଁ ମାମ୍ବୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଲେ କାମାକିନାସି ଇଞ୍ଜା ନେହଂ କଂ ପୁଞ୍ଜାମାନମି, ଇଞ୍ଜା ମୀ ତାଣା ଆଟ୍‌ଞ୍ଜା ନାମୁ କିହାଁ ମାନାକି ଏଞ୍ଜାସି ନୀର୍ଥ ହାରେକା ରାହାଁ ଆହାମାନେସି □

୨୩ ତିତସ କାତା ଆମ୍ବାଆସି ଝେଞ୍ଜାତିହଂ, ଏଞ୍ଜାସି ନା ଆର୍‌ହତାସି ଇଞ୍ଜା ମୀ ତାକି ନା ତଲେ କାମାକିନାସି; ଇଞ୍ଜା ମା ତାୟିୟାଁ କାତା ଝେଞ୍ଜାତିହଂ, ଏଞ୍ଜାରି କୁଲମିତା ତାଣାତି ପାଣ୍ଡି ଆହାମାନାରି, ଅଡ଼େ କ୍ରୀସ୍ତତି ଗାଞ୍ଜୁରମି ଝେଙ୍ଗି କିହି ମାନାରି □

୨୪ ଇତିହଂ ମୀ ଜୀଞ୍ଜୁନନାୟି ଇଞ୍ଜା ମୀ କାତାତା ମା ବତପଣତି ପାର୍‌ମାଣା କୁଲମିତା ନକିତା ଏଞ୍ଜାରାକି ତହ୍‌ଦୁ □



ହାକିଗାତି କ୍ରୀସ୍ତାନା ଲକୁଣି ସାୟେମି

୧ ଜୀହ୍‌ଦାତା ମାନି ମାହାପୁରୁ ଲକୁଇଁ ସାୟେମି କିନି କାତା ଅଡ଼େ ମିଙ୍ଗେ ରାଚାଲି ଲଡ଼ା ଆଏ;

୨ ନାନୁ ପୁଞ୍ଜାମାଇଁ ମୀରୁ ବାରେବେଲା ସାୟେମି କିହାଲି ତିୟାରା ଆହାମାଞ୍ଜେରି ଇଞ୍ଜା ମାକିଦନିୟାତି ଲକୁ ତାଣା ମୀ ତାକି ନାନୁ ବତପଣ ଆହିମାଇଁ □ ନାନୁ ଝେସାମାଚେର୍ଥ, “ଆକାୟାତି ତାୟିୟାଁ ସାୟେମି କିହାଲି ହାତି ବାସାଟିଏ ତିୟାରା ଆହାମାନେରି □” ମୀରୁ ଏଲେକଂ ସାୟେମି କିନାୟି ଏଞ୍ଜାରି ବିତ୍ରାତି ହାରେକା ଲକୁଣି ଜାଗ୍ରାତା କିହାମାନେ □

୩ ଆଡ଼ିଜିକେଏ ନାନୁ ତାୟିୟାଁଇଁ ପାଣ୍ଡିମାଞ୍ଜାଇଁ, ମୀ ତାକି ବତପଣ ତହ୍‌ନାୟି ଏନିକଂ ଉଜେଏ ଆଏ, ସାମା ନା କାତାଲେହେଁ ହାହାଲିତାକି ଜାଗ୍ରାତା ଆପୁ,

୪ ଏଚେତା ଆପେ ନା ତଲେ ଆମିନି ଲକୁ ପାଚେ ମାକିଦନିୟାତି ଖାହାଁ ମୀ ଦାନା କୁଡ଼ି କିହା ହିଲାଆ ଗାଟାଣି ମେସିହଂ ମୀରୁ ପାଣ୍ଡିନି ଲାଜା ପିସାନା ମାମ୍ବୁ ଛୁ ଆଟ୍‌ଞ୍ଜା ନାମୁତି କାତାତାକି ଲାଜା ବେଟାଆନମି

୫ ମୀରୁ ତଲିଏ ଆଞ୍ଜାମାତି ଦାନା ଏନିକଂ ଗୁରୁମୁରୁ ଆହଂ ହାନାୟି ଆଆନା ଜାହାରା ଅଣପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୁଡ଼ିକିହାଲି ତିୟାରା କିହାଲି ନବେଏ ମୀ ତାଣା ହାଜାଲିତାକି ନାନୁ ଏ ତାୟିୟାଁଣି ବାତିମାଲି ଅଣପାମାଚେର୍ଥ □

୭ ସାମା ଈ କାତା ସାତା, ଆମ୍ବାଆସି ରଗାଣି ବିଚା ମାଟିନେସି, ଏଝାସି ଇଚାଣି ତାସା ବେଟା ଆନେସି; ଅଡ଼େ ଆମ୍ବାଆସି ଗାତି ବିଚା ମାଟିନେସି, ଏଝାସି ଗାତି ତାସା ବେଟାଆନେସି □

୮ ବାରେକାଣା ଜାହାରା ହିୟା ଏନିକ୍ ଅଣ୍ଠା ମାନେ, ଏଲେକ୍ କିପେରି, ମୁସ୍ କି ବାଲାମାତମି ତଲେ ଆସ; ଏନାଆଁତାକି ଇଚିହ୍ ମାହାପୁରୁ ଜାହାରା ଅଣ୍ଠା ତଲେ ଦାନାହାନି ଲକ୍ଷୁଣି ଜାଝୁ ନନେସି □

୯ ଅଡ଼େ, ବାରେ ଦିଶ୍ମୁ ବାରେବେଲା ହାରେପୁରେ ବେଟାଆହାଁ ମୀରୁ ଏନିକ୍ ବାରେ ନେହ୍ କାମାତାକି ହାରେକା ଇଞ୍ଜା ହାରେକା ଦାନା କିହାଲି ଆଡ଼ିଦେରି, ଏଡାଆଁତାକି ମାହାପୁରୁ ମିଙ୍ଗେ ବାରେଲେହେଟି କାର୍ମା ହାରେପୁରେ ହାହାଲି ଆଡାନେସି □

୧୦ ଦାମ୍ପୁପତିତା ରାସ୍ କି ଆହାମାନେ, “ଏଝାସି କେୟୁ ଦେତାନା ଦାନା ହାହାମାନେସି,

ଏଝାସି ହିଲାଆ ଗାଟାରାକି ହାରେପୁରେ ହାହାମାନେସି; ଏଝାଣି ଦାମ୍ପୁ ଏରେଲାଝା ରାସ □”

୧୧ ମାହାପୁରୁ ମାଟିନାଣାକି ବିଚା ଅଡ଼େ ତିଞ୍ଜାଲି ରାନ୍ଦା ହାନେସି, ଏଝାସି ମାଟାଲିତାକି ମିଙ୍ଗେ ବିଚା ହିୟାନେସି ଇଞ୍ଜା ଏଡାଆଁ ପାତିକିନେସି, ଅଡ଼େ ମୀ ଦାମ୍ପୁତି ପାଡ଼େୟି ଗାତି କିନେସି □

୧୨ ଏଲେକ୍ ମୀରୁ ବାରେ ଦିଶ୍ମୁତା ବାଡ଼କାନା ଜାହାରା ଅଣ୍ଠା ତଲେ ଦାନା କିହାଲି ଆଡ଼ିଦେରି, ଇଞ୍ଜା ଏଡ଼ି ମା ତାଣାଟି ମାହାପୁରୁକ୍ ଜହରା କିନାୟି ଆନେ □

୧୩ ଇଚିହ୍ ଇ ଦାନା ହାନି ସେବା କାମା ମାହାପୁରୁ ଲକ୍ଷୁତି ଲଡ଼ାମାନାଣି ପୁରା କିହିମାନେ, ଏଡ଼ି ଆସ, ସାମା ଏଡାଆଁ ତଲେ ଜିକେଏ ମାହାପୁରୁତି କାମାତା ହାରେକା ଲକ୍ଷୁ ରାହାଁତଲେ ଜହରା କିହିମାନେରି □

୧୪ ଇଚିହ୍ ଇ ସେବା କାମାଟି ପାର୍ମାଣା ତାକି ଲକ୍ଷୁ ମିଙ୍ଗେ ଆବିମାଞ୍ଜାନି କ୍ରୀସ୍ତତି ନେହ୍ କାବୁତି ନାମ୍, ଇଞ୍ଜା ମାହାପୁରୁତି ଲକ୍ଷୁ ଅଡ଼େ ବାରେତାକି ମୀ ଆଣ୍ଡିନାୟି ତୀରୁ ତାକି ମାହାପୁରୁତି ଗାଧୁରମି କିହିମାନେରି □

୧୫ ମିଙ୍ଗେ ମାହାପୁରୁତି ହାରେପୁରେ କାର୍ମାମେହନାଣି ତାକି ଏଝାରି ଜିକେଏ ହାରେକା ରାହାଁତଲେ ପ୍ରାଡାନାତା ମିଙ୍ଗେ ଅଣ୍ଠିମାଞ୍ଜାନେରି □

୧୬ ମାହାପୁରୁତି ହାରେପୁରେ ଦାନା ତାକି ତାଙ୍ଗେ ଜହରା ଆପେ □

୧୦

ପାଞ୍ଜୁଲ ତାନି ସେବା କାମାତାକି ଷ୍ଟେଣ୍ଡେହ୍ନାୟି

୧ ନାନୁ ପାଞ୍ଜୁଲତେଏଁ ମୀ ନକିତା ସାପି ଆହା ମାନାତେଏଁ ସାମା ହେକ ମାନାଟି ବାଡ଼ୁ ତହ୍ନାତେଏଁ, ନାନୁଏ କ୍ରୀସ୍ତତି ସୁଦୁଗାଟି ଅଣ୍ଠା ତଲେ ମିଙ୍ଗେ ବାଡ଼ିମାଲିହ୍ ରାସିମାଞ୍ଜାକ୍,

୨ ହାଅ ନାନୁ ପ୍ରାଡାନା କିହିମାକ୍, ମୀରୁ ମାଣସିତି ଅଣ୍ଠା ତଲେ ତାକିମାନାୟି ଇଞ୍ଜା ଅଣ୍ଠିମାନାରି କପାଟି ବାଡ଼ୁ ତସାଲି ଅଣ୍ଠାମାକ୍, ଇଞ୍ଜା ନାନୁ ଝାଡ଼ିସାରେ ଏଲେତି ବାଡ଼ୁ ତସାଲି ଆସ;

୩ ମୀରୁ ଇ ଦାବ୍ତିତା ଆଙ୍ଗା ତଲେ ନୀତାମାନାୟି ସାତା, ସାମା ମୀରୁ ଦାବ୍ତିତି ଅଣ୍ଠା ତଲେ ଜୁଜୁ କିହି ହିଲାଆୟି,

୪ ଇଚିହ୍ ମା ଜୁଜୁତି ସାଜୁ ଆଙ୍ଗାତି ଜୁତି ତଲେ ଆସ, ସାମା କାଜା କଟା ଇଲୁ ମେକ୍‌ହାଲି ମାହାପୁରୁ ନକିତା ଏ ବାରେ ବାଡ଼ୁ ଆନେ;

୫ ମାମ୍ପୁ ମିତି ଅଣ୍ଠା କାତା ବାରେ ଅଡ଼େ ମାହାପୁରୁତି ବୁଦି କପାଟି ନିଜିନି ବତପଣ ତହ୍ନି କାଜା କାତାଟି ବାରେ ମେକ୍‌ନମି; ଅଡ଼େ ବାରେଲେହେଟି ଅଣ୍ଠିମାଣି ଆସାନା କ୍ରୀସ୍ତତି ମାନି ଆୟାଲି ଦସ୍ପି କିହିମାନମି □

୬ ଏତିବେଲା ମୀରୁ ବାରେ ଝାକିଟି ମାନଝି ଆଡ଼େରି, ଏତିବେଲା ମାମ୍ପୁ ମାନଝି ଆଆଗାଟାଣି ବାରେ ତଣ୍ଡ ହାନମି □

୭ ମୀରୁ ସାରିସୁର ପାଙ୍ଗାତା ତଞ୍ଜା ଆହିମାନାଣି ମେସିମାଞ୍ଜେରି □ ଆମ୍ବାଆସି ଜାହାରାକ୍ କ୍ରୀସ୍ତତି ଲକ୍ଷୁତେଏଁ ଇଞ୍ଜା ନାମିନେସି, ଆତିହ୍ ଏଝାସି ଏନିକ୍ କ୍ରୀସ୍ତତି ଲକ୍ଷୁ, ମାମ୍ପୁ ଜିକେଏ ଏଲେକ୍ କ୍ରୀସ୍ତତି ଲକ୍ଷୁ, ଇଦାଆଁ ତାନୁଏ ଅଣ୍ଠାପାପେସି □

୮ ଇଚିହ୍ ମା ଅଦିକାରା ତାକି ନାନୁ ଅଲ୍ପ ଗାତି ବତପଣ ତସି ଜିକେଏ ଲାଜା ଆଅଁ; ମିଙ୍ଗେ ନାସଝି କିହାଲି ପ୍ରୁ ମାଙ୍ଗେ ଅଦିକାରା ହାଆନା ମିଙ୍ଗେ ତିୟାରା କିହାଲି ହାହାମାଞ୍ଜାନେସି □

୯ ନା ରାଡ଼ିତି ଆକ୍‌ୟାଁ ତଲେ ନାନୁ ମିଙ୍ଗେ ଆଜିକିହି ମାଞ୍ଜାନେସି ଇଞ୍ଜା ଅଣ୍ଠାଆପୁ □

୧୦ “ଏବରଜାଣା ଏଲେଇନେରି, ପାଞ୍ଚୁଲ ତାନି ଆକୁ ରାଚିନାଟି ଅଦିକାରା ଅଡେ କାଜା ବାଡୁୟୁ ଗାଟାଜ, ସାମା ମା ତଲେ ଆଜ୍ଞାତା ମାନାଟି ଏଞ୍ଜାସି ବାଡୁୟୁ ହିଲ୍ଲାଆଗାଟାସି ଅଡେ ତାନି କାତା ବାରେ ଉଜେଏତାୟି □”

୧୧ ମାମ୍ନୁ ହେକ ମାଞ୍ଜାନା ଆକୁତା ରାଚିନି କାତା ଏନିଲେହେତାୟି, ମୀ ତଲେ ମାଞ୍ଜାନା କିନି କାମା ଜିକେଏ ଏଲେତାୟିଏ ଇଞ୍ଜୁ ଲକୁ ଅଣପାପେରି □

୧୨ ଇଚିହୁ ଆମ୍ବାଆରି ଜାହାରାଇଁ ବତପଣ ତସା କଡିନେରି, ଏଞ୍ଜାରି ତଲେ ମାଜେ ଲେକା କିହାଲି ଜିକେଏ ମା ସାସା ହିଲେଏ; ସାମା ଏଞ୍ଜାରି ତାମ୍ନୁତାମି ତାଣାଟି ଜାହାରାଇଁ ଲେକା କିହାନା ବୁଦି ହିଲ୍ଲାଆଗାଟାରି ତଞ୍ଜା ଆନେରି □

୧୩ ସାମା ମାମ୍ନୁ ହାୟି ଗାଣ୍ଡା ହାଜାନା ବତପଣ ତହୁଅସି; ମୀରୁ ଜିକେଏ ମାହାପୁରୁ ମାଜେ ହେରପା ମାଞ୍ଜାନି କାମାଟି ହାୟି ବିତ୍ତା ତାତେରି, ଏ ଲେକା ତଲେ ବତପଣ କିତେରି □

୧୪ ଇଚିହୁ ମୀରୁ ମା ହାୟି ବିତ୍ତା ହିଲ୍ଲାଆତି ଲେହେ ମାମ୍ନୁ ହାୟି ଗାଣ୍ଡା ମାନମି, ଏଦି ଆଏ; ଏନିଇଚିହୁ କ୍ରୀସ୍ତତି ନେହୁ କାତୁ ଝେକହିହୁ ମାମ୍ନୁ ମୀ ତାଣା ଜିକେଏ ତଲିଏ ଝାହାମାଟମି;

୧୫ ମାହାପୁରୁ କିହାମାନି ମା କାମାଟି ପାଜ୍ଞାତା ଏବକା ଲକୁତି କାମାତା ବତପଣ କିହିଲିଅସି, ସାମା ମାମ୍ନୁ ଆସା କିହିମାନମି ମୀରୁ ନାମ୍ନୁତା ପାତା ଆନାଣିତଲେ ମୀ ତାଣାଟି ମା କାମା ଅଡେ ହାଚେରକା ପାତା ଆନେରି □

୧୬ ମାମ୍ନୁ ଅର ରଅଣି ହାୟି ବିତ୍ତା ଏଞ୍ଜାସି ତଲିଏ କିହାମାନି କାମାତାକି ବତପଣ ତହୁଆନା, ମାମ୍ନୁ ମୀ ତାଣାଟି ଅର ଦେସାତା ହାଜାନା ନେହୁ କାତୁ ଝେକହିଲି ଆଡିନମି ଇଞ୍ଜୁ ଆସା କିହିମାନମି □

୧୭ ସାମା ଦାମ୍ନୁପତିତା ରାୟ୍‌କି ଆହାମାନେ, “ବତପଣ ତହୁନାସି ପ୍ରବୁ କିତି କାମାତାକି ବତପଣ ତପ୍ପେସି □”

୧୮ ଜାହାରାଇଁ ନେହୁତେଏଁ ଇଞ୍ଜୁ ଅଣପିନାସି ଏଞ୍ଜାସି ତାୟିପାରିତା ଜଣା ଆଡାସି ଆଏ, ସାମା ପ୍ରବୁ ଆମ୍ବାଆରାଇଁ ସାତା ନେହୁସି ଇଞ୍ଜୁ ଇନେସି ଏଞ୍ଜାସି ତାୟିପାରିତା ଜଣା ଆଡାସି □

୧୧

ପାଞ୍ଚୁଲ ଅଡେ ମିଚି ଜାପ୍‌ନାରି

୧ ନାମ୍ନୁ ବୁଦି ହିଲ୍ଲାଆ ଗାଟାତେଏଁ ଲେହେଁ ଇଚେକା ଝେସାଲି ନାଜେ ହେଲ ହିୟାତିହୁ ନେହେଁ ଇଞ୍ଜୁ ଅଣପିମାଇଁ, ମୀରୁ ନାଜେ ହେଲ ହିୟାଦେରି □

୨ ମାହାପୁରୁ ତାକି ହାଚେରକା ରାହୁଁତା ନାମ୍ନୁ ମିଜେତାକି ହାଚେରକା ରାହୁଁ, ଇଚିହୁ ନାମ୍ନୁ ମିଜେ ସୁରୁ ତାଆ ମାଜ୍ଞାଲେହେଁ ର ତକ୍ତା ତାଣା ଇଚିହୁ କ୍ରୀସ୍ତଇଁ ବୀହା ଆୟାଲି କାତା ହାହାମାଇଁ □

୩ ସାମା ରାତୁ ତାନି ସୁତ୍ରମି ତଲେ ହବାଇଁ ନାଡି କିତେ, ଏଲେକିହୁ ଏଡେତା ଆଡେ ମୀ ମନ କ୍ରୀସ୍ତ ତାଣା ମାନି ତାବପୁତାୟି ଇଞ୍ଜୁ ସୁଦୁତା ମାନାୟି ନାସା ଆନେ, ଈଦାଆଁ ନାଜେ ଆଜି ହଡିମାଞ୍ଜାନେ □

୪ ଇଚିହୁ ଆମିନି ଜୀସୁଇଁ ମାମ୍ନୁ ଝେକଆତମି, ଇଲେକିହୁ ଏବକା ଜୀସୁଇଁ ଆମ୍ବାଆସି ଆଡେ ଝାହୁଁ ଝେକନେସି, କି ଆମିନି ସୁଦୁଜୀସୁ ମୀରୁ ବେଗାଆଆତେରି, ଇଲେକିହୁ ଏବକାଟି ର ସୁଦୁଜୀସୁ ବେଗାଆଦେରି, କି ଆମିନି ନେହୁ ବଲୁ ମୀରୁ ଆବାଆତେରି, ଇଲେକିହୁ ଏବକାଟି ର ନେହୁ ବଲୁ ବେଗାଆଦେରି, ଏଲେଆଡିହୁ ମୀରୁ ଗାଡି ଅରହିନାତେରି □

୫ ଇଚିହୁ ଏ କାଜାପାଣା ଗାଡି “ପାଣ୍ଡୁ ଆଡାରି” ତାଣାଟି ନାମ୍ନୁ ଏନିକିହୁ ଜିକେଏ ଉଣା ତାତେଏଁ ଆଏ ଇଞ୍ଜୁ ଅଣପିମାଇଁ □

୬ ସାମା ନାମ୍ନୁ କାତା ଜଲ୍ଲାଲି ପୁନାଆତି ଜିକେଏ ବୁଦିତା ଉଣାତେଏଁ ଆଏ; ସାତାତଲେ ମାମ୍ନୁ ବାରେଲେହେଁଟି ବାରେ କାତାତା ମିଜେତାକି ଈଦାଆଁ ଝେସାତମି □

୭ ମୀରୁ ଏନିକିହୁ କାଜାତେରି ଆଦେରି, ଏଦାଆଁତାକି ନାମ୍ନୁ ଜାହାରାଇଁ ଉଣା କିହାକତାନା ମୀ ତାଣା ଉଜେଏନେଏ ମାହାପୁରୁତି ନେହୁ କାତୁ ଝେକହିତେଏଁ; ଏଲେକିୟାଲିଏ ନାମ୍ନୁ ଏନି ପାପୁ କିତେଏଁ □

୮ ମୀ ତାଣା କାମା କିହୁ ମିଜେ ସେବା କିୟାଲି ଏବକା କୁଲମିଚି ବର୍ଡନ ବେଗାଆହୁଁ ଏଞ୍ଜାରି ତାଣାଟି ମାଞ୍ଜା ଅହିମାଚେଏଁ □

୯ ମୀ ତାଣା ମାଚିବେଲା ନାଜେ ଏନାଆଁ ହିଲ୍ଲାଆତି ଜିକେଏ ଆମ୍ବାଆରାକି ବାଦା ହାହାହିଲଅଁ; ମାକିଦନିୟାଟି ଝାଡି ତାୟିୟାଁ ନାଜେ ଲଡା ଆନାଣି ବାରେ ହିୟାତେରି, ମିଜେ ବଲୁ ହାଆରେଟୁ ନାମ୍ନୁ ଜାଗ୍ରାତା ଆହାମାଚେଏଁ, ଅଡେ ଜାଗ୍ରାତା ଆହୁଁ ଡୟଇଁ □

୧୦ ନା ତାଣା ମାନି କ୍ରୀସ୍ତତି ସାତାଈଁ ସାକି ଇଟାନା ଝେସିମାଈଁ, ଆକାୟା ଗାଡ଼ାୟାତି ନା ଈ ବତପଣତି ଆମ୍ବାଆସି ଜିକେଏ ସାପି କିହାଲି ଆଡ଼ଅରି ଏନାଆଁକି ?

୧୧ ନାନୁ ମିଜେ ଜୀଝୁନହୁଁ ମାଞ୍ଜାଆକି କି ? ମାହାପୁରୁ ପୁଞ୍ଜାମାନେସି ନାନୁ ମିଜେ ଜୀଝୁ ନହୁଁ ମାଞ୍ଜାଈଁ □

୧୨ ସାମା ବତପଣ ଆନ୍ତିତାଣା ମା ଲେହେଁ ତଞ୍ଜାଆହାଲି ଆମିନି “ଉଜେଏତି ପାଣ୍ଡୁଆଡ଼ାରି” ପାରୁ ପାରିମାନେରି ନାନୁ ଏନ୍ତିକି ଏଞ୍ଜରାକି ପାରୁ ହାଅଁ, ଈଦାଆଁତାକି ନାନୁ ଏନାଆଁ କିହିମାଈଁ, ଏଦାଆଁ କିହେମାଈଁ □

୧୩ ଇଚିହୁଁ ଏଲେତି ଲକୁ ନାଡ଼ିକିନି ପାଣ୍ଡୁ ଆଡ଼ାରି, ଇଞ୍ଜା ଝାଣା ବାଦଲଝିକିହାଁ କାମାକିନାରି, ଏଞ୍ଜାରି କ୍ରୀସ୍ତତି ପାଣ୍ଡୁ ଆଡ଼ାରି ଝାଣା ଆହନେରି □

୧୪ ଇଚିହୁଁ ଏଡ଼ି କାବାଆନ୍ତି କାତା ଆଏ, ଇଚିହୁଁ ସୟତାନ ତାନୁଏ ଉଜେଡ଼ିତି ଦୁଡୁତି ଝାଣା ଆହନେ □

୧୫ ଏତେଟିଏ ତାନି ହଲିୟାଈଁ ଜିକେଏ ଦାମ୍ବୁଗାଟାରି ଝାଣା ଆହନେରି, ଆତିହୁଁ ଏଡ଼ି କାଜା କାତା ଆଏ; ରାନ୍ତି ଦିନାତା ଏଞ୍ଜାରି ତାନି କିତି କାମା ତଲେ ତଣ୍ଡୁ ବେଟାଆନେରି □

ପାଣ୍ଡୁଆଡ଼ି ପାଣା ତାକି ପାଝୁଲ କସ୍ତୁ ବେଟାଆନାୟି

୧୬ ନାନୁ ଅଡ଼େ ଝେସିମାଞ୍ଜାଈଁ, ଆମ୍ବାଆସି ନାଜେ ବୁଦି ହିଲାଆଗାଟାସି ଇଞ୍ଜୁଁ ଅଣପାଆପେସି; ସାମା ମାରୁ ଏଲେକିଁ ଅଣପିଦେରି, ଆଡ଼ିଜିକେଏ ବୁଦିହିଲାଆଗାଟାସି ଲେହେଁ ନାଜେ ଆବାଦୁ, ଏନ୍ତିକିହୁଁ ନାନୁ ଜିକେଏ ଅଲ୍ପ ବତପଣ ତସାଲି ଆଡ଼ିଈଁ □

୧୭ ନାଏଁ ନାନୁ ଏନାଆଁ ଝେସିମାଈଁ ପ୍ରବୁତି ଅଣପୁ ତଲେ ଝେସିମାଞ୍ଜୁଅଁ, ସାମା ବୁଦି ହିଲାଆ ଗାଟାଡେଏଁ ଲେହେଁ ହାରେକା ସାସାତଲେ ବତପଣ ତସାନା ଝେସିମାଞ୍ଜାଈଁ □

୧୮ ହାରେକା ଲକୁ ଦାବ୍ତିତି ଲେହେଁ ବତପଣ ଆହିମାନାକି ନାନୁ ଜିକେଏ ବତପଣ ତହୁଈଁ □

୧୯ ଇଚିହୁଁ ମାରୁ ହାରେକା ବୁଦି ଗାଟାଡେରି ଇଞ୍ଜିହୁଁ, ରାହାଁ ତଲେ ବୁଦି ହିଲାଆଗାଟାଠାଈଁ ଅର୍ହୁ ମାଞ୍ଜେରି □

୨୦ ଆମ୍ବାଆସି ମିଜେ ହଲିୟାଈଁ କିହାନା ଇଟାନେସି, ମୀ ଦନ ମୀଞ୍ଜା ଅୟାନେସି; ମିଜେ ପାନ୍ଦାତା ମେଡ଼ହାଁ ଆସାନେସି, ତାହାରା ଆୟାନେସି କି ମୀ ଗେଏଲାତା ସାପୁଡ଼ା ଝେଟାନେସି ଏ ବାରେ ଅର୍ହୁ ମାଞ୍ଜେରି □

୨୧ ନାନୁ ଲାଜାତଲେ ଝେସିମାଞ୍ଜାଈଁ, ମାରୁ ବାଡ଼ୁୟୁ ହିଲାଆ ଗାଟାଟାୟି ଆହାମାନାୟି □ ଆଡ଼ି ଜିକେଏ ଏନ୍ତି କାତାତା ଆମ୍ବାଆସି ସାସା ଗାଟାସି, (ନାନୁ ବୁଦି ହିଲାଆନା ଝେସିମାଈଁ) ନାନୁ ଜିକେଏ ସାସା ଗାଟାଡେଏଁ □

୨୨ ଏଞ୍ଜାରି କି ଏନ୍ତି ଲକୁ ? ଇଚିହୁଁ ନାନୁ ଜିକେଏ ଏନ୍ତି ଲକୁଡେଏଁ □ ଏଞ୍ଜାରି ଇସାୟେଲ ଲକୁ ? ଇଚିହୁଁ ନାନୁ ଜିକେଏ ଇସାୟେଲ ଲକୁଡେଏଁ □ ଏଞ୍ଜାରି ଅବ୍ରାହାମତି କୁଡ଼ାତାରି ? ଇଚିହୁଁ ନାନୁ ଜିକେଏ ଅବ୍ରାହାମ କୁଡ଼ାତାଡେଏଁ □

୨୩ ଏଞ୍ଜାରି କି କ୍ରୀସ୍ତତି ସେବା କିନାରି ? ଇଚିହୁଁ; (ନାନୁ ବାୟା ଆଡ଼ିଲେହେଁ ଏଲେଇଞ୍ଜିମାଈଁ), ନାନୁ ଏଞ୍ଜାରି କିହାଁ ଆଗାଡ଼ା ନେହେଁ ସେବା କିନାଡେଏଁ, ନାନୁ ଏଞ୍ଜାରି କିହାଁ ଗାଡ଼ି ଝାହୁ କାମା କିହାମାଈଁ, ହାରେକା କାନ୍ତିଦି ଇଲୁତା ମାଡେଏଁ, ହାରେକା ଇରୁନି ମାଡ଼ା ବେଟାଆହା ମାଡେଏଁ, ଅଲେ ଅଲେ ହାକିତା ହେରୁଞ୍ଜା ମାଡେଏଁ □

୨୪ ନାନୁ ଜୀହୁଦି ଲକୁ ତାଣାଟି ପାସା ଦେବା ତୀରିସି ନ ଗଟା ବେତି ବାଡ଼ୁଗା ମାଡ଼ା ବେଟାଆହାମାଈଁ;

୨୫ ରମ୍ପତି ଲକୁ ତାଣାଟି ତାନି ପାଲି ସାଡ଼ୁଣି ତ:ରିତଲେ ନାଜେ ଇର୍ହାଡେରି, ର ପାଲି ନାଜେ ଝାଲକାତଲେ ଇର୍ହାଡେରି, ତାନି ପାଲି ଜାଜା ତୀତି ତାଣାଟି ଗେଲୁହା ମାଈଁ, ର ଲାଆଁ ର ମାଦେନା ସାମ୍ବୁରିତି ଏୟୁଡ଼ା ମାଡେଏଁ,

୨୬ ନାନୁ ହାରେକା ଦେବା ଜିରୁ ତାକିନାଟି, କାତା ଆକ୍ତିନିତାଣା, ସରକା ତାଣାଟି, ନା କୁଡ଼ାତି ଜୀହୁଦି ଲକୁ ତାଣାଟି, ଏଟକା କୁଡ଼ାତି ଲକୁ ତାଣାଟି, କାଜା ନାୟକାତି ଆଜିତି, ଲକୁ ହିଲାଆ ଜାଡ଼ାଟି, କାଜା ସାମ୍ବୁରି ଆଜିତି, ଅଡ଼େ ନାଡ଼ିକିନି ତଣ୍ଡେସିଜା ଆଜିତି □

୨୭ ନାନୁ ହାରେକା କାମା କିହାନା କସ୍ତ ବେଗାଆହାମାଈ, ଏତର ପାଲି ଲାଆଁୟାଁ ଇଦା କିଆନା ହାକି ଅଡ଼େ ଏସ୍‌କିଟି ମାରେଏ, ଏତର ପାଲି ଉପାସା ତଲେ, ପେନି ଇଞ୍ଜା ନାଗୁଡ଼ାଟି ମାରେଏ □

୨୮ ଏଲେତି ବାରେ ବାଦା ପିସ୍‌ପେ ନାଜେ ଅଡ଼େ ର କାଜା ବଜୁମାନେ, ଇତିହୂ ବାରେଦିନା କୁଲମିକା ତାକି ନାନୁ ଅଣପିମାଈ □

୨୯ ଆମ୍ବାଆସି ବାଡ଼ୁଲୁ ହିଲାଆଗାଟାସି ଆଡ଼ିସାରେ ନାନୁ ଜିକେଏ ବାଡ଼ୁଲୁ ହିଲାଆ ଗାଟାଟେଏଁ ଆଏକି ? ଆମ୍ବାଆସି ପାପୁ କିତିହୂ ନାନୁ ହିୟାତା ବୁକୁ ଆଅଁ କି ?

୩୦ ନା ବଡ଼ପଣ ତସାଲି ଲଡ଼ା ଆତିହୂ, ନାନୁ ନା ଆଡ଼ାଆଗାଟାଣି ତାକି ବଡ଼ପଣ ତହୁଇଁ □

୩୧ ନାନୁ ମିରି ଜଳି ହିଲଅଁ, ଏଦାଆଁ ପ୍ରୁ ଜାସୁ କ୍ରାସ୍ତି ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଝାସି କାଲାକାଲା ତାକି ଜହରା □

୩୨ ଧଦମେସକତା ହାରେତା ରାଜାତି ସାଲୁଞ୍ଜି କିନାସି ନାଜେ ଆସାଲି ଏ ଗାଡ଼ାତି ତାନି କାପୁ କାହନି କସ୍‌କାଣି ପାଣ୍ଡାନା କାପି କିହିମାରେସି □

୩୩ ଇଞ୍ଜା ର ତାଲିତା କିଡ଼କିତି କାତି ଲାକଟି ନାଜେ ରେପହାଲିଏ ନାନୁ ଏଝାଣି କେୟୁଟି ଗେଲ୍‌ପିଆଡ଼େଏଁ □

୧୨

ପାଞ୍ଜୁଲ ତଞ୍ଜାଆନାଣି ମେହନାୟି

୧ ବଡ଼ପଣ କିନାୟି ନେହାୟି ଆଥାତି ଜିକେଏ ନାଜେ ବଡ଼ପଣ କିନାୟିମାନେ, ନାନୁ ପ୍ରୁତି ମେହନାଣି ଅଡ଼େ ତଞ୍ଜାଆନାଣି ମିଜେ ଝେସ୍ତାଇଁ □

୨ ନାନୁ ର କ୍ରୀସ୍ତାନା ଲକୁଇଁ ପୁଞ୍ଜାମାଈ, ଏଝାସି ସଦ ବାର୍ଯା ନକେଏ ଲାକପୁରୁତି ତାନି ପୁରୁ ପାତେକା ଅଢ଼ିଆଡ଼େସି ଏଝାସି ଆଞ୍ଜା ତଲେ ମାରେସି କି ଆଞ୍ଜା ହିଲାଆନା ମାରେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି □

୩ ହାଅ ନାନୁ ଏଲେତି ର ଲକୁଇଁ ପୁଞ୍ଜାମାଈ, ଏଝାସି ପାରାଦିସତା ଅଢ଼ିଆଡ଼େସି ଏଝାସି ଆଞ୍ଜା ତଲେ ମାନେସି କି ଆଞ୍ଜା ହିଲାଆନା ମାରେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି □

୪ ଏଝାସି ଲାକପୁରୁ ଅଢ଼ିଆଡ଼େସି, ଅଡ଼େ ଇଲେତି ହାଡ଼ା ଝେଡ଼େସି, ଏଦାଆଁ ମାଣସି ଜଲୁଲି ଆଡ଼ାଆଗାଟାୟି ଅଡ଼େ ଗୁଡିତା ଅହାଲି ଆଡ଼ାଆଗାଟାୟି □

୫ ଇଲେତି ର ଲକୁଡାକି ନାନୁ ବଡ଼ପଣ କିଇଁ, ସାମା ନା ତାକି ନାନୁ ନା ବାଡ଼ୁଲୁ ହିଲାଆଗାଟାଣି ପିସ୍‌ପେ ଅଡ଼େ ଏଦାଆଁତାକିଞ୍ଜା ବଡ଼ପଣ କିଅଁ □

୬ ବଡ଼ପଣ ତସାଲି ଅଣପିତିହୂ ଜିକେଏ, ନାନୁ ବୁଦି ହିଲାଆ ଗାଟାଟେଏଁ ଆଅଁ, ଇତିହୂ ନାନୁ ସାତା କାତା ଝେହୁଇଁ, ସାମା ଲକୁ ନାଜେ ଏନିକୂ ମେସ୍ତାନେରି ଇଞ୍ଜା ନା ତାଣାଟି ଏନିକୂ କାତା ଝେନେରି, ନାଜେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକୂ ନା କାତାତା ହାରେକା ଅଣପିତିହୂ ଇଞ୍ଜା, ଇଦାଆଁତାକି ନାନୁ ସାପି ଆହାମାଈ □

୭ ନାନୁ ଏନିକୂ ଗାଡ଼ି ବଡ଼ପଣ କିଅଁ, ଇଦାଆଁତାକି ନା ଆଞ୍ଜାଟା ନା ସାସି ହାପକି ଆୟାତେ, ନାଜେ ସାସି ହାହାଲି ସୟତାନତି ଦୁଡ଼ୁଇଁ ପାଣ୍ଡିଆଡ଼େ, ଏନିକୂ ନାନୁ ଗାଡ଼ି ବଡ଼ପଣ ଆଅଁ □

୮ ଏ କସ୍ତ ନା ତାଣାଟି ହେକ ଆୟାଲି ତାନି ପାଲି ପ୍ରୁଇଁ ବାଡ଼ିମାଲିହୂ ରାସ୍ତେଏଁ □

୯ ଅଡ଼େ ଏଝାସି ନାଜେ ଏଲେଇଞ୍ଜାନେସି, “ନା କାର୍ମାମେହନାୟି ନିଜେତାକି ହାରେପୁରେ,” ଇତିହୂ ନୀ ବାଡ଼ୁଲୁ ହିଲାଆତାଣା ନା ବାଡ଼ୁଲୁ ହାରେ ଗାଡ଼ିଆହୂ ତଞ୍ଜାଆନେ, ଇତିହୂ ଏନିକୂ କ୍ରାସ୍ତି ବାଡ଼ୁଲୁ ନା ତାଣା ତୁୟିନେ, ଏଦାଆଁତାକି ନା ବାଡ଼ୁଲୁ ହିଲାଆ ବେଲାତା ହାରେକା ରାହାଁ ତଲେ ବଡ଼ପଣ ତହୁଇଁ □

୧୦ ଏଦାଆଁତାକି କ୍ରାସ୍ତି ତାକି ବାଡ଼ୁଲୁ ହିଲାଆଟି, ଲାଜା ପାଣ୍ଡନାଟି, ହାକି ବେଲାତା, ସାସି ଝାନି ବେଲା, କସ୍ତତା ନାନୁ ରାହାଁଆଇଁ, ଇତିହୂ ଏତିବେଲା ବାଡ଼ୁଲୁ ହିଲାଆ ଗାଟାଟେଏଁ ଏତିବେଲା ବାଡ଼ୁଲୁ ଗାଟାଟେଏଁ □

କରିନ୍ତ ତାରାକି ପାଞ୍ଜୁଲ ଅଣପିନାୟି

☆ ୧୧:୩୨ ୧୧:୩୨ କାମା ୯:୨୩-୨୫

୧୧ ନାନୁ ବୁଦ୍ଧି ହିଲାଆ ଗାଟାତେଏଁ ଲେହେଁ ଆହାମାଜ୍, ମୀରୁ ନାଜେ ଏଲେକିଓ କିୟାତେରି, ମୀରୁ ନାଜେ ନେହାଁସି ଇଜାନାୟି ମାତେ; ନାନୁ ଏନାତେଏଁ ଆଏ, ଆଡ଼ି ଜିକେଏ ଏ. “କାଜା ପାଣ୍ଡି ଆହାମାନାରି” କିହାଁ ଉଣାତେଏଁ ଆଏ □

୧୨ ଆମ୍ବାଆସି ହାରେକା ସିନାୟାଁ, କାବାଆନି କାମା, ଅଡ଼େ ବାଡ଼ୁରୁତି କାମା ପାଣ୍ଡି ଆହାମାନାରି ସିନାୟାଁଲେହେଁ, ଏ ବାରେ ସାତେଏ ମୀ ତାଣା ସାସାତଲେ କିଓଆହାମାନେ □

୧୩ ଇତିହଁ ନାନୁ ମୀ ବଜୁ ଲେହେଁ ଆହାହିଲଅଁ, ଇ ରଣ୍ଡିଏ କାତା ପିସ୍ପେ ଅର କୁଲମିତି ଲକୁ କିହାଁ ମିଜେ ଅଡ଼େ ଏନିକଁ ଉଣା ମେସାମାଞ୍ଜାଇଁ, ଏ ନା ଦହ ଆସ୍ତାଆଦୁ □

୧୪ ମେହ୍ଦୁ ମୀ ତାଣା ଖାହାଲି ନୀଏଁ ତଲେ ତାନି ପାଲି ତିୟା ରା ଆହିମାଜ୍, ଅଡ଼େ ନାନୁ ମିଜେ ଏନି ବଜୁ ହିୟଅଁ, ଇତିହଁ ନାନୁ ମୀ ଦନ ପାରାଆନା ମିଜେ ପାରିମାଞ୍ଜାଇଁ, ମୀରୁକା ମାସ୍ତାକା ତାନି ଇୟା ଆବାକି କୁଡ଼ିକିର ସାମା ଇୟା ଆବା ଦେଁ ତାନି ମୀରୁକା ମାସ୍ତାକା କୁଡ଼ିକିନାୟି ମାନେ □

୧୫ ନାନୁ ମୀ ଜୀଝୁତାକି ହାରେକା ରାହାଁତଲେ ହାାଇଁ, ହାଅ ନା ଜୀଝୁ ଜିକେଏ ହାାଇଁ, ନାନୁ ମିଜେ ହାରେକା ଜୀଝୁନହଁ ମାଞ୍ଜାତିହଁ ଏନାଆଁ ମୀରୁ ନାଜେ ଉଣା ଜୀଝୁନହଁ ମାଞ୍ଜାଦେରି ?

୧୬ ସାମା ନାନୁ ଜାହାରାଇଁ ମିଜେ ବଜୁ କିୟାଆତେଏଁ, ସାମା ମୀ ବିତ୍ରାଟି ଆମ୍ବାଆରି ଏଲେଇଜାନେରି ନା ସୁତରି ମାନାକି ମିଜେ ମିତି ତଲେ ଆସ୍ତାତେଏଁ □

୧୭ ନାନୁ ମୀ ତାଣା ଆମ୍ବାଆରାଇଁ ପାଣ୍ଡାମାଞ୍ଜାଇଁ, ଏଞ୍ଜାରି ବିତ୍ରାଟି ରଅଣି ତଲେ ମୀ ତାଣାଟି ଏନି ଲାବା ବେଟାଆଡ଼େଏଁ କି ?

୧୮ ନାନୁ ତିତସଇଁ ହାଜାଲି ବାତିମାଲ୍ ମାତେଏଁ, ଇଞ୍ଜା ଏଞ୍ଜାଣିତଲେ ଅର ତାୟିଇଁ ମୀ ତାଣା ପାଣ୍ଡାତେଏଁ □ ତିତସ ମୀ ତାଣାଟି ଏନାଆଁ ଲାବା କିତେସି ? ମାମ୍ବୁ କୁ ରଣ୍ଡିଏ ଜୀଝୁତଲେ ତାକିହିଲଅନି ? ମାମ୍ବୁ ଏନାଆଁ ରଣ୍ଡିଏ ପାଞ୍ଜୁଲିତା ତାକିହିଲଅନି ?

୧୯ ନୀଏଁ ପାତେକା ମୀରୁ ଅଣ୍ଡାପିମାଞ୍ଜେରି, ମାମ୍ବୁ ମୀ ନକିତା ଜାହାରାଇଁ ନେହଁ କିହିମାନମି ? ମାହାପୁରୁ ନକିତା କ୍ରୀସ୍ତତି ସେବା କିନାତମି ଲେହେଁ ମାମ୍ବୁ ଜାତା ଜଲିମାନମି, ଇଞ୍ଜା ଏ ଜୀଝୁତି ତାୟିୟା ବାରେ କାତା ମୀ ନେହେଁତାକି ଷ୍ଟେସିମାନମି □

୨୦ ଇତିହଁ ଏଡ଼େତା ନାନୁ ମୀ ତାଣା ଖାଡ଼ିସାରେ, ମିଜେ ଏନିକଁ ମେସାଲି ମନ କିହିମାଜ୍ ଏଲେକିହଁ ମିଜେ ମେସ୍ତାଆସାରେ, ଅଡ଼େ ମୀରୁ ନାଜେ ଏନିକଁ ମେସାଲି ମନ କିହାଁ ହିଲଅତେରି ଏଲେକଁ ମେସ୍ତାଦେରି, ଏଦାଆଁତାକି ନାନୁ ଆଜିମାଜ୍; ଇତିହଁ ମା ବିତ୍ରା ବାଦିବାଦା, ତାହାରା, କପା ଅଡ଼େ ଗତି ଗତି ଆନାୟି, ରଅସି ରଆଣାଇଁ ନିନ୍ଦା କିନାୟି, ସାକ୍ତି କାତା ଜଲିନାୟି, ବତପଣ ତସ୍ପି ଆହାଁ ଗଡ଼ହା ଆନେ;

୨୧ ଇଞ୍ଜା ନାନୁ ଅଡ଼େ ଷ୍ଟେଣ୍ଡେ ଖାଡ଼ିସାରେ ନା ମାହାପୁରୁ ମୀ ତାକି ନାଜେ ଅଡ଼େ ଲାଜା କିଓକିୟାନେସି, ଇଞ୍ଜା ମୀ ବିତ୍ରା ତଲିଏ ପାପୁ କିହାମାନାରି ତାନି ଲାଗେଏତି କାମା, ଦାରିକାମା ଅଡ଼େ ଦାରି କାମାତାକି ଜୁପକା ଆନାଣି ତାକି ନୀଏଁ ପାତେକା ମନ ଷ୍ଟେଟହା ହିଲଅରି ଏଞ୍ଜାରି ତାକି ନାନୁ ଦୁକୁଆହଁ ଦୀହାଲିଆନେ □

୧୩

ଜାଗ୍ରାତା କିହାଁ ଜହରା ତଲେ ଆକୁତି ରାପ୍ତନାୟି

୧ ନୀଏଁ ତଲେ ତାନି ପାଲି ନାନୁ ମୀ ତାଣା ଖାହିମାଜ୍, ଦାମ୍ପପତିତା ରାସ୍ତି ଆହାମାନେ, “ଆମିନି ଦହ୍ତି କାତା ନାହାଁୟି କିନାୟି ରିଆରି କି ତାନି ଜାଣା ସାକ୍ତିୟାଁ ତଲେ ତାନି କିଓଆନେ”

୨ ଆମ୍ବାଆରି ନଡ଼େଏ ପାପୁ କିହାମାତେରି ଏଞ୍ଜାରାଇଁ ଇଞ୍ଜା ବାରେଡି ଏନିକଁ ତଲି ରା ପାଲି ଷ୍ଟେସାମାଞ୍ଜାତେଏଁ, ନୀଏଁ ହେକ ମାଞ୍ଜାନା ଏଲେକିହଁ ଏ ନକେଏ ଷ୍ଟେସିମାଞ୍ଜାଇଁ, ନାନୁ ଅଡ଼େ ଖାଡ଼ିହଁ ଏଞ୍ଜାରାଇଁ ତଣ୍ଡ ହାଆନା ପିହ୍ଅଁ □

୩ ଏନିକଁ କ୍ରୀସ୍ତ ନା ତାଣା ଜଲିମାଞ୍ଜାନେସି ମୀରୁ ଏଞ୍ଜାଣି ପାର୍ମାଣା ପାରିମାଞ୍ଜେରି; ଏଞ୍ଜାସି ମିଜେତାକି ବାଡ଼ୁରୁ ହିଲାଆଗାଟାସି ଆଏ, ସାମା ମୀ ତାଣା ବାଡ଼ୁରୁ ଗାଟାସି ଆନେସି,

୪ ଏଞ୍ଜାସି ବାଡ଼ୁରୁ ହିଲାଆତାକି ପାସି ମୁଣ୍ଡାତା ଏପୁକି ଆଡେସି, ଆଡ଼ିଜିକେଏ ମାହାପୁରୁ ବାଡ଼ୁରୁଟି ଏଞ୍ଜାସି ନୀତାମାନେସି □ ମାମ୍ବୁ ଜିକେଏ ଏଲେକଁ ତାନି ତାଣା ବାଡ଼ୁରୁ ହିଲାଆ ଗାଟାତମି, ସାମା ମାହାପୁରୁଟି ବାଡ଼ୁରୁ ତାକି ମାମ୍ବୁ ମୀ ତାଣା ଏଞ୍ଜାଣିତଲେ ନୀତାମାନମି □

^୫ ମୀରୁ ନାମୁତଲେ ମାଞ୍ଜେରିକି ଆଏ, ଏ କାତାତା ଜାହା ଜାହାରାଇଁ ତାୟିପାରି କିହାକତାକୁ ଇଞ୍ଜା ଅଣ୍ଡାପାଦୁ, କି ଜୀମୁ କ୍ରୀସ୍ତ ମୀ ତାଣା ମାନେସି, ଇଦାଆଁ କି ମୀରୁ ଜାହା ଜାହାରା କାତାତା ପୁଞ୍ଜାହିଲଅତେରି ? ଏଲେଆହ୍ ଆତିହ୍ ମୀରୁ ତାୟିପାରି କିନି ତାଣା ଜୀଣା ଆହା ହିଲଅତେରି □

^୬ ସାମା ନାନୁ ବାସୁଁ ଇଟାମାଜ୍, ମାର ତାୟିପାରି କିଞ୍ଜିଆହା ଜୀଣା ଆହାମାନାୟି, ଇଦାଆଁ ମୀରୁ ପୁଞ୍ଜେରି □

^୭ ମୀରୁ ଏନିକ୍ ଏନି ଲାଗେଏତି କାମା କିଅତେରି, ଇଦାଆଁତାକି ମାହାପୁରୁ ତାଣା ମାମୁ ପ୍ରାତାନା କିହିମାନମି; ମାମୁ ଏନିକ୍ ତାୟିପାରି କିଞ୍ଜି ଆହାଁ ଜୀଣା ଆହାମାନି ଲେହେଁ ତଞ୍ଜାଆନମି, ଇଦାଆଁତାକି ପ୍ରାତାନା କିହିଲଅମି, ସାମା ମାମୁ ତାୟିପାରି କିଞ୍ଜି ଆହାଁ ଜୀଣା ଆଆତିଲେହେଁ ତଞ୍ଜା ଆଆତ୍ ଜିକେଏ ଏନିକ୍ ମୀରୁ ନେହ୍ କାମା କିଦେରି, ଇଦାଆଁତାକି ପ୍ରାତାନା କିହିମାନମି □

^୮ ଇଚିହ୍ ମାମୁ ସାତା କପାଟି ଏନାଆଁ କିହାଲି ଆଡିହିଲଅମି, ସାମା ସାତା ଖାକିଟି ଦେହେଁ ବାରେ କିହାଲି ଆଡିନମି □

^୯ ଏଚିଦେଲା ମାମୁ ବାଡୁୟୁ ହିଲଆ ଗାଟାତମି ଆନମି ସାମା ମୀରୁ ବାଡୁୟୁ ଗାଟାତେରି ଆଦେରି, ଏଡେତା ମାଙ୍ଗେ ରାହାଁ ହଡାନେ; ମୀରୁ ଏନିକ୍ ବାରେ ଖାକିଟି ନେହାଁତେରି ଆଦେରି ଏଦାଆଁତାକି ଜିକେଏ ପ୍ରାତାନା କିହେମାନମି □

^{୧୦} ଏଦାଆଁତାକି ମୀ ତାଣାଟି ହେକ ମାଞ୍ଜାନା ନାନୁ ଇ ବାରେ ରାଡିମାଞ୍ଜାଇଁ, ଏନିକ୍ ମୀ ତାଣା ଖାହାନା ପ୍ରୁ ନାଙ୍ଗେ ମ୍ବେକ୍‌ହାଲି ହୀଆନା, ପାତିକିହାଲି ହୀହାମାଞ୍ଜାନେସି, ଏ ଅଦିକାରା ଲେହେଁ ମୀ କପାଟି ନିଙ୍ଗାନା ବାଡୁୟୁ ତସାଲି ମିଙ୍ଗେ ଲଡା ଆଏ □

^{୧୧} ତାୟିୟାଁ ଅଡଡ ତାଙ୍ଗିସ୍ତାତେରି, ରାହାଁ କିଦୁ, ନେହାଁତେରି ଆଦୁ, ରଅତେରି ରଅଣାଇଁ ବାସୁଁ ହୀଞ୍ଜିଆଦୁ, ରଣ୍ଡିଏ ମନ୍ ଆଦୁ, ହିଡଡି ତଲେ ବାସା ଆଦୁ, ଅଡଡ ହିଡଡି ଇଞ୍ଜା ଜୀଞ୍ଜୁ ନନ୍ ମାହାପୁରୁ ମୀ ତଲେ ଡୁୟିନେସି □

^{୧୨} କ୍ରୀସ୍ତାନା ତାୟିୟାଁ ଲେହେଁ ସୁଦୁଜୀଞ୍ଜୁ ନଞ୍ଜୁ ତଲେ ଜୀଞ୍ଜୁ ନଞ୍ଜିଆହାନା ମୀରୁ ମୀରୁଏ ରଅତେରି ରଅଣାଇଁ ନଣ୍ଡାନା ଜହରା କିଞ୍ଜିଆଦୁ □

^{୧୩} ଇଦାଆଁ ମାନି ମାହାପୁରୁ ଲକୁ ମିଙ୍ଗେ ଜହରା ଖେସିମାଞ୍ଜାନେରି □

^{୧୪} ପ୍ରୁ ଜୀସୁ କ୍ରୀସ୍ତତି କାର୍ମାମେହନାୟି ମାହାପୁରୁତି ଜୀଞ୍ଜୁନନାୟି ଅଡଡ ସୁଦୁଜୀଞ୍ଜୁ ତଲେ ଆଣ୍ଡିନାୟି ମୀ ବାରେତାକି ଆୟାପେ □

ଗାଲାତିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ଗାଲାତିୟ କୁଲମିତାକି ପାଞ୍ଚଲ ରାଟାମାନି ଆକୁ ମୂଳ ହାତୀ

ଗାଲାତିୟ ଆକୁ ପାଣ୍ଡିଆହାମାନି ପାଞ୍ଚଲ ତାଣାଟି ରାସ୍ତକି ଆହାମାନେ ୧:୧ □ ଇ ଆକୁ ଜୀସୁ କ୍ରୀସ୍ତ ଜାର୍ନାତି ତାମୁ ୪୮ ଟିଏ ୫୭ ବାର୍ଯା ବିତ୍ତା ଗାଲାତିୟ କୁଲମିତି ନାମିତି ତାୟିୟାକି ରାସ୍ତକି ଆହାମାନେ □ ଗାଲାତିୟ ଲକୁ ରମିୟ ଦେସାତି ଗାଲାତିୟ ଇନି ଗାମୁତା ବାସା କିହା ମାଣ୍ଡିନେରି □ ପାଞ୍ଚଲ ଇ ଆକୁ ରାଟିତି ବେଲା ଆମ୍ବିୟା ମାଚେସି ଇଦାଆଁ ବୁଦିଗାଟାରି ଜିକେଏ ପୁଞ୍ଜାହଲଅରି □ ସାମା ଏପିସିୟ ଆଆତ କରନ୍ତି ଇ ରା ଗାମୁତା ମାଞ୍ଜା ତୁୟିନେସି ଇଞ୍ଜ ଇନେରି □

ପାଞ୍ଚଲ ଗାଲାତିୟ କୁଲମିତି ଜାହୁଦି ଅଡେ ଜାହୁଦିଆଆତି କ୍ରୀସ୍ତାନା ଲକୁଣି ଗାମୁ ପୁଣ୍ଡି କିହାନା ଆକୁ ରାଟିମାନେସି □ ଏଞ୍ଜାସି ମିତି ଜାପୁନାରି ତାଣାଟି ହେକ ଆହାଲି ରାଟାମାନେସି, କ୍ରୀସ୍ତାନା ଲକୁଣି ପୁଞ୍ଜା ଡେରାତି ଜାହୁଦି ହୁକୁମିତି ମାନୁଡି ଆହାଲି ଅଡେ ବାରେକିହାଁ ତଲୁ ଦାପିଆନି ଡେରା ଡେସିମାନେସି, କ୍ରୀସ୍ତାନା ଲକୁ ବିତ୍ତା ଏଚେକା ମାଚେରି ଏମିନିଗାଟାରି ଜାହୁଦି ଦାମୁତି ଆବିତାରି □ ଏଞ୍ଜାରି ଜିକେଏ ପାଞ୍ଚଲତି ପାଣ୍ଡିଆହାମାନି ଅଦିକାରାତି ଡେଞ୍ଜିମାଚେରି □ ପାଞ୍ଚଲ ଏଚେକା ପୁସ୍ତପନିକା ତଲେ ତାନି ପାଣ୍ଡିଆହାମାନି କାତା ଡେସାନା ଏଞ୍ଜାରାଲ୍ ମୁଦା କିହାମାଚେସି ୧:୧୧; ୨:୧୪ ଅଡେ ଜୀସୁ କ୍ରୀସ୍ତଲ୍ ନାମିସାରେ ଗେଲ୍ପି ଆନାୟି ଇ କାତା ଡେସାନା ନେହଁ କାବୁତି ଗେଲ୍ପି ମାନେସି ୨:୧୭ □ ମାଣ୍ଡି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ □

ପଟିବା ମାନାୟି

- ୧ ପାଞ୍ଚଲତି ଜହରା □ ୧:୧-୫
- ୨ ପାଞ୍ଚଲତି ତଲିତି ଜାହୁ ଅଡେ ଜାପୁନି ଅଦିକାରା କାମା କିନାୟି □ ୧:୬-୨:୨୧
- ୩ ଡେରାତି କାମା ଅଡେ ମାହାପୁରୁ କାର୍ମାଟି ଗେଲ୍ପି ଆନାୟି □ ୩:୧-୪:୩୧
- ୪ ନେହଁ କ୍ରୀସ୍ତାନା ଆହାନା ନୀତାଲି ଡେହ୍ନାୟି □ ୫:୧-୬:୧୦
- ୫ ପାଞ୍ଚଲ ଜହରା କିହାନା ଆକୁତି ରାପୁନାୟି □ ୬:୧୧-୧୮

ପାଞ୍ଚଲତି ଜହରା

୧ ନାମୁ, ପାଣ୍ଡିଆତି ସୀସୁ ପାଞ୍ଚଲଚେଏଁ, ପାଣ୍ଡି ଆହାଲିତାକି ନାମୁ ମାଣ୍ଡି ତାଣାଟି ଆଏ, ସାମା ଜୀସୁ କ୍ରୀସ୍ତ ତାଣାଟି ଇଞ୍ଜା ଆମିନି ଆବା ମାହାପୁରୁ ଏଞ୍ଜାଣାଲ୍ ହାତାରି ତାଣାଟି ନିକହାମାନେସି ଏଞ୍ଜାଣି ତାଣାଟି ବେଟାଆହାମାଲ୍,

- ୨ ନା ତଲେ ମାନି ନାମୁତି ବାରେ ତାୟି ତାଜିୟା ଗାଲାତିୟା କୁଲମିତି ଜହରା କିହାମାଞ୍ଜାନେରି □
- ୩ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ କାର୍ମାମେହ୍ନାଣି ଅଡେ ହିଡ଼ି ଜୀସୁ ମିଜେ ହାୟାପେସି □
- ୪ ନୀଏଁତି ଇ ପାପୁତି ଦାର୍ତତା ମାଜେ ଗେଲ୍ପାଲିତାକି, ମା ଆବା ମାହାପୁରୁତି ଅଣ୍ପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଲ୍ ହେବ୍ପାକତିଚେସି;
- ୫ କାଲାକାଲାତାକି ମାହାପୁରୁଲ୍ ଗାଞ୍ଜୁରମି ଆପେ □ ଆଡ଼ମନ୍ □

ରଣ୍ଡି ନେହଁ କାବୁ

୨ କ୍ରୀସ୍ତିତି କାର୍ମାତଲେ ଆମ୍ବାଆସି ମିଜେ ହାଟା ମାଞ୍ଜାଚେସି, ଏଞ୍ଜାଣାଲ୍ ମୀରୁ ଗାଡ଼କେଏ ପିସାନା ଏଟକାତି ନେହଁ କାବୁତି ଆସାମାଞ୍ଜେରି, ଏଦାଣିତାକି ନାମୁ କାବା ଆହିମାଲ୍ □

୩ ସାତାତଲେ, “ଏଟକାତି ନେହଁ କାବୁ” ଆଏ, ସାମା ଏଚରଜାଣା ମିଜେ ତୀରି ମାଞ୍ଜାଲି ହୀଆନା, କ୍ରୀସ୍ତିତି ନେହଁ କାବୁତି କିଲିବିଲି କିହାଲି ଅଣ୍ଡିମାନେରି □

୮ ସାମା ଆମିନି ନେହଁ କାବୁ ମାମୁ ମୀ ତାଣା ଡେକହା ମାଚେରି, ଇଞ୍ଜା ମାମୁ କି ଲାକପୁରୁତି ଦୁତୁୟା ଜିକେଏ ଏଦାଣି ପିସପେ ଏଟକାତି ନେହଁ କାବୁ ଡେକନେସି, ଆତିହଁ ଏଞ୍ଜାସି ବାକା ବେଟାଆପେସି □

୯ ଏନିକ୍ ମାମୁ ତଲିଏ ଝେସାମାନମି, ନୀର୍ବ୍ ଜିକେଏ ନାନୁ ଏଲେକିହିଏ ଅଡ଼େ ଝେଣ୍ଡେ ଝେସିମାଞ୍ଜାଇ, ଆମିନି ନେହି କାରୁଇଁ ମୀରୁ ଆସାମାରେରି, ଏଦାଣି ପିସ୍‌ସେ ଆମିନି ଲକୁ ଏବ୍‌କାତି ନେହି କାରୁ ମୀ ତାଣା ଝେକ୍‌ହାନେସି ଏଝାସି ବାକା ବେଗାଆପେସି □

୧୦ ନୀର୍ବ୍ ନାନୁ ମାଣସିୟାଁ ନକିତା କି ମାହାପୁରୁ ନକିତା ନେହି ତଞ୍ଜାଆୟାଲି ଅଣପିମାଇଁ, ଏଦି ଏଚେଲା ଜିକେଏ ଆଏ □ ଇତିହିଁ ମାଣସିୟାଁଇଁ ରାହାଁ କିହାଲି ଅଣପିମାଇଁ, ନାନୁ ନୀର୍ବ୍ ପାତେକା ମାଣସିୟାଁଇଁ ରାହାଁ କିଝିକିହାଲି ଅଣପି ମାଟିହିଁମା ନାନୁ କ୍ରୀସ୍ତତି ହଲେଏଣାତେର୍ଏ ଆଆତେର୍ଏମା □

ପାଞ୍ଚୁଲ ଏନିକ୍ ଆଡ଼଼ି ଆନାୟି

୧୧ ତାୟି ତାଜିସ୍ତାତେରି ଆମିନି ନେହି କାରୁ ନା ତାଣାଟି ଝେସ୍‌ପି ଆହାମାନେ, ଏଦାଣି ମିଜେ ନାନୁ ଝେସିମାଞ୍ଜାଇ ଏଦି ମାଣସିୟାଁ ତାଣାଟି ଆଏ;

୧୨ ନାନୁ ଏଦାଆଁ ମାଣସି ତାଣାଟି ବେଗାଆହା ହିଲଅଁ କି ଜାପାହିଲଅଁ, ସାମା ଜୀସୁ କ୍ରୀସ୍ତ ତସାମାଞ୍ଜାନି ତାଣାଟି ବେଗାଆହାମାଇଁ □

୧୩ *ନାନୁ ତଲି ଜୀହୁଦି ଦାମ୍‌ପୁତା ମାଟିବେଲା ଏନି ମାଣକିତା ମାତେର୍ଏ ମୀରୁ ଝେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହାହିମାତେର୍ଏ, ଅଡ଼େ ଏଦାଆଁ ମ୍ଲେକ୍‌ହାଲି ଅଣପିମାତେର୍ଏ □

୧୪ *ଅଡ଼େ ମା ଆକୁ ଆବାର୍ଯ୍ୟା ପାଣାପାରୁ ମେରା ତାକି ରାହାଁଟି ମାନି କିହାଁ ନା ତଲେତି ହାରେକା ଲକୁ ବିତ୍ରାଟି ଜୀହୁଦି ଦାମ୍‌ପୁତି ହାରେକା ମାନି କିହିମାତେର୍ଏ □

୧୫ *ସାମା ମାହାପୁରୁ ନାନୁ ଜାର୍ନା ଆଆ ନଡ଼କଏ ତାନି କାର୍ମାମେହନାଣି ତଲେ ଆଡାନା ତାନି ସେବା କିହାଲି ହାଗାତେସି,

୧୬ ଅଡ଼େ ଜୀହୁଦିଆଆତି ଲକୁତାଣା ନେହି କାରୁ ଝେକ୍‌ହାଲି ତାକି ଏଟିବେଲା ନାଜେ ଏଝାସି ତାନି ମୀରୁଏଣାଇଁ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏବ୍‌କା ମାଣସି ତାଣା ହାଜା ହିଲାଆତେର୍ଏ □

୧୭ ଇଲେକିହିଁ ନା ନଡ଼କଏ ଆମିନି ଗାଗାରି ପାଣ୍ଡ଼ିଆଡ଼ି ସୀସୁ ଆହାମାରେରି, ଏଝାରାଇଁ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେର୍ଏ □ ସାମା ନାନୁ ଦେବୁଣିଏ ଆରବ ଦେସାତା ହାଜାମାତେର୍ଏ; ଅଡ଼େ ତାୟୁ ଦମେକକତା ଝେଣ୍ଡା ଝାତେର୍ଏ □

୧୮ *ତାନି ବାର୍ଯା ହାତି ତାୟୁ ନାନୁ ପିତରଇଁ ଆଣ୍ଡାଲି ତାକି ଜିରୁସାଲମତା ହାତେର୍ଏ, ଇଞ୍ଜା ଏଝାଣିତଲେ ପଦର ଦିନା ଏମ୍‌ଆଁ ମାତେର୍ଏ □

୧୯ ସାମା ପ୍ରବୁତି ତାୟି ଜାକୁବ ପିସ୍‌ସେ ପାଣ୍ଡ଼ି ଆହାମାନାରି ବିତ୍ରା ଆମ୍‌ଆରାଇଁ ମେହ୍‌ଆତେର୍ଏ □

୨୦ ନାନୁ ମିଜେ ଏନାଆଁ ରାଟିମାଞ୍ଜାଇ, ମାହାପୁରୁ ନକିତା ସାତା ଝେସିମାଞ୍ଜାଇ, ମିତି ଝେସିମାଞ୍ଜଅଁ □

୨୧ ତାୟୁ ନାନୁ ସିରିୟା ଅଡ଼େ କିଲିକିୟାତି ହାରେକା ଗାମ୍‌ଣା ହାତେର୍ଏ □

୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଜେ ନେହିକ୍ ପୁଞ୍ଜାମାଞ୍ଜାଆତେରି □

୨୩ ଏଝାରି ଏବ୍‌କା ଲକୁ ତାଣାଟି ଝେଞ୍ଜାମାରେରି, “ଆମିନି ମାଣସି ତଲି ମାଜେ ସାସ୍ତି ହାହି ମାଞ୍ଜାତେସି, ଇଞ୍ଜା ମା ନାମୁତି ମ୍ଲେକ୍‌ହାଲି ଅଣପିମାତେସି, ଏଝାସି ନୀର୍ବ୍ ନାମୁତି କାତା ଝେକ୍‌ହି ମାନେସି □”

୨୪ ଇଞ୍ଜା ଏଝାରି ନା ତାକି ମାହାପୁରୁଇଁ ଗାଞ୍ଜୁରିନି କିହିମାତେରି □

୨

ପାଞ୍ଚୁଲ ଅଡ଼େ ପାଣ୍ଡ଼ି ଆଡ଼ି ସୀସୁୟାଁ

୧ *ସଦ ବାର୍ଯା ତାୟୁ ନାନୁ ବର୍ନବା ତଲେ ଜିରୁସାଲମତା ଅଡ଼େ ଝେଣ୍ଡେ ହାତେର୍ଏ, ଇଞ୍ଜା ଡିତସଇଁ ଜିକେଏ ନା ତଲେ ଅହାମାତେର୍ଏ □

୨ ନାନୁ ଏମ୍‌ଆଁ ହାନାୟିମାନେ ଇଞ୍ଜାଁ ମାହାପୁରୁ ତାଣାଟି ହୁକୁମି ବେଗାଆହାନା ହାତେର୍ଏ; ଅଡ଼େ ନାନୁ ଏବ୍‌କା କୃତାତି ଲକୁତାଣା ଆମିନି ନେହି କାରୁ ଝେକ୍‌ହିମାଇଁ, ଏଦାଆଁ ଏଝାରାଇଁ ଝେସ୍‌ସେର୍ଏ, ସାମା ନା ତଲିତି ଅଡ଼େ ନୀର୍ବ୍‌ତି କାମା ଉଜେଏ ଆଏ, ଏଦାଆଁତାକି ଆମିନି ଗାଗାରି ମାନି ବେଗାଆହାଲି ଜଡ଼ଗ ନାନୁ ଏଝାରାଇଁ ଏବ୍‌କା କିହାନା ଝେସ୍‌ସେର୍ଏ □

* ୧:୧୩ ୧:୧୩ କାମା ୮:୩; ୨୨:୪,୫; ୨୨:୯-୧୧ * ୧:୧୪ ୧:୧୪ କାମା ୨୨:୩ * ୧:୧୫ ୧:୧୫ କାମା ୯:୩-୬; ୨୨:୨-୧୦; ୨୨:୧୩-୧୮ * ୧:୧୮ ୧:୧୮ କାମା ୯:୨୨-୩୦ * ୨:୧ ୨:୧ କାମା ୧୧:୩୦; ୧୫:୨

୩ ଯାମା ନା ତତ୍ତ୍ୱ ଚିତ୍ତସ ଗ୍ରିକ୍ ଲକ୍ଷ୍ମୀ ମାତି ଜିକେଏ ଏଞ୍ଜାଣାକ୍ ତଲ୍ଲୁ ଦାପ୍ତି କିହାଲି ବାଲାମାତମି କିଞ୍ଚିଆହା ହିଲାଆତେ,

୪ ଆତିହ୍ ଜିକେଏ ଏଚରଜାଣା ଲକ୍ଷ୍ମୀ ଏଞ୍ଜାଣାକ୍ ତଲ୍ଲୁ ଦାପ୍ତି କିହାଲି ଅଣ୍ଡିପିମାତେରି □ ଏଞ୍ଜାରି ନାମିତି ତାୟିୟା ଇଞ୍ଜି ତସା କତନା ମେଣେଏ ପାରୁ ପାରିନି ଲେହେଁ ଜାଟୁତା ଆଣ୍ଡାମାତେରି □ କ୍ରୀସ୍ତ ଜୀସୁତାଣା ଆଣ୍ଡିତାକି ମାତ୍ ଆମିନି ମେଲା ବେତାଆହାମାନାୟି, ଏଦାଆଁ ପୁଞ୍ଜାଲିତାକି ଏଞ୍ଜାରି ଅଣ୍ଡିପୁ ମାତେ, ମାଜେ ଏଞ୍ଜାରି ଅଡେ ଝେଣେ ମେରାତି ହଲିୟାଜା କିହାଲି ଅଣ୍ଡିପିମାତେରି □

୫ ଯାମା ନେହ୍ କାତୁତି ସାତା ଏନିକ୍ ମା ତାଣା ତାରିଆହାନା ତ୍ୱୟିନେ, ଏଦାଆଁତାକି ମାମ୍ ଗାଡେକା ତାକି ଜିକେଏ ଏଞ୍ଜାରାକି ପାରୁ ହାହାହିଲାଆତମି □

୬ ଆମ୍ବାଆରି ମାନ୍ତିଗାଟାରି ଇଞ୍ଜି ଝେଜା ମାତେରି, ଏଞ୍ଜାରି ଏନିଲେହେଁତି ଲକ୍ଷ୍ମୀ ମାତେରି, ଏମ୍ବାଆଁ ନାଡି ଏନାୟି ହିଲେଏ; ମାହାପୁରୁ ଆମ୍ବାଆରି ପାରୁଡା ବାତି କିଅସି, ଏ ମାନ୍ତିଗାଟାରି ନାଜେ ଏନି ପୁଞ୍ଜି ବଲ୍ଲୁ ଝେସାମାଞ୍ଜଅରି □

୭ ଏବକା ଝାକି ଏଞ୍ଜାରି ପୁଞ୍ଜାଲି ଆଡିତେରି, ପିତରଇଁ ଏନିକ୍ ଜୀହୁଦି ଲକ୍ଷ୍ମୀତାଣା ନେହ୍ କାତୁ ଝେକ୍ତିନି କାମା ହେରପିତେସି ଏଲେକିହ୍ ଏ ନାଜେ ଜିକେଏ ଜୀହୁଦିଆଆତି ଲକ୍ଷ୍ମୀତାଣା ନେହ୍ କାତୁ ଝେକ୍ତିନି ବଲ୍ଲୁ ହେରପା ମାଞ୍ଜାନେସି □

୮ ଏନାଆଁତାକି ଇଚିହ୍ ଜୀହୁଦି ଲକ୍ଷ୍ମୀତାଣା ପାଣ୍ଡି ଆହାମାନାରି କାମା କିହାଲି ଏନିକିହ୍ ପିତରକି ମାହାପୁରୁ ବାଡୁୟୁ ହାହାମାନେସି, ଏଲେକିହ୍ ଏ ଜୀହୁଦିଆଆତି ଲକ୍ଷ୍ମୀତାଣା ଏ କାମା କିହାଲି ନାଜେ ମାହାପୁରୁ ବାଡୁୟୁ ହାହାମାଞ୍ଜାନେସି □

୯ ଅଡେ ଏଚିବେଲାତା ଏଞ୍ଜାରି ମାହାପୁରୁ ନାଜେ ହାହାମାଞ୍ଜାନି କାମାତି କାତା ପୁଚେରି, ଏଚିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜି ଝେଜାମାନେରି, ଜାକୁବ, ପିତର, ଅଡେ ଜହନ ନାଜେ ଇଞ୍ଜି ବର୍ନବାଇଁ କାମାତା ଆଣ୍ଡାତମି ଇଞ୍ଜି ଚିଠିନି କେୟୁ ଆସାନା ଆବାତେରି, ଏନିକିହ୍ ନାନୁ ଅଡେ ବର୍ନବା ଜୀହୁଦିଆଆତି ଲକ୍ଷ୍ମୀତାଣା କାମା କିନମି ଅଡେ ଏଞ୍ଜାରି ଜୀହୁଦି ଲକ୍ଷ୍ମୀତାଣା କାମା କିନେରି □

୧୦ ଏଞ୍ଜାରି ଝାବଇ ଇଚେକା ବାତିମାଲା ମାଞ୍ଜାତେରି ମାମ୍ ଏଞ୍ଜାରି ଜାଟୁତା ମାନ୍ତି ହିଲାଆଗାଟାରାଇଁ ଅଣ୍ଡିପିନମି; ଏ କାତାତା ନାନୁ ରାହାଁ ଆହାମାତେସି □

ପାଞ୍ଚୁଲ ପିତରଇଁ ଲାଗିନାୟି

୧୧ ଯାମା କେପା* ଏଚିବେଲା ଆଡିୟକିୟାତା ଝାହାମାତେସି, ନାନୁ ଏଞ୍ଜାଣାକ୍ ବାରେ ଲକ୍ଷ୍ମୀ ନକିତା ଲାଗିତେସି, ଇଚିହ୍ ଏଞ୍ଜାସି ଦହ୍ କିହିମାତେସି □

୧୨ ଜାକୁବ ତାଣାତି ଏଚରଜାଣା ଝାଆ ନଚ୍ଚେଏ ପିତର ଜୀହୁଦିଆଆତି ତାୟି ତାଜିସ୍ତା ତଲେ ଚିଞ୍ଜିମାତେସି, ଯାମା ଏଞ୍ଜାରି ଝାହାଲିଏ, ଏଞ୍ଜାସି ଏ ତାୟି ତାଜିସ୍ତାଇଁ ଆଜାନା ଜୀହୁଦିଆଆତି ତାୟି ତାଜିସ୍ତାଇଁ ପିସାନା ଏବକା ଆଡେସି □

୧୩ ଇଞ୍ଜି ଏଚରଜାଣା ଜୀହୁଦି ତାୟିୟା ଜିକେଏ ପିତର ତଲେ ଆଣ୍ଡାମା ପୁଞ୍ଜି ପୁଞ୍ଜିହ୍ ପୁନାଆତାରି ଲେହେଁ ନାଡିକିଞ୍ଚି ଆଡେରି, ଏଲେଆହ୍ ବର୍ନବା ଜିକେଏ ଏଞ୍ଜାରି କାତା ଆସେସି □

୧୪ ଏଚିବେଲା ନାନୁ ମେସ୍ତେସି, ଏଞ୍ଜାରି ନେହ୍ କାତୁତି ସାତା ତଲେ ତାକିହିଲଅରି, ଏଚିବେଲାତା ନାନୁ ବାରେ ଲକ୍ଷ୍ମୀ ନକିତା କେପାଇଁ ଏଲେଇଚେସି, “ନାନୁ ଜୀହୁଦି ଆହାନା ଜୀହୁଦି ଲକ୍ଷ୍ମୀ ଲେହେଁ ଲେୟାଆନାହାଁ ଜୀହୁଦିଆଆତି ଲକ୍ଷ୍ମୀଲେହେଁ ନାଡିମାଞ୍ଜି, ଆତିହ୍ ନାନୁ ଏନିକିହ୍ ଜୀହୁଦିଆଆତି ଲକ୍ଷ୍ମୀ ଜୀହୁଦି ଲକ୍ଷ୍ମୀଲେହେଁ ଲେୟାଲି ବାଲାମାତମି କିହିମାଞ୍ଜି □”

ନାମୁତଲେ ଗେଲ୍ପି ଆନାୟି

୧୫ ସାତେଏ ମାମ୍ ଜ୍ଞାନିଚିଏ ଜୀହୁଦି ଲକ୍ଷ୍ମୀତମି, “ଜୀହୁଦିଆଆତି ଲକ୍ଷ୍ମୀ ଲେହେଁ ପାପୁ ଗାଟାତମି ଆଏ □”

୧୬ ଅଡିକିକେଏ ମେରାତି କାମା ତଲେ ମାଣ୍ଡି ତାରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତାରିଗାଟାସି ଆନେସି, ଇଦାଆଁ ପୁଞ୍ଜାନା ମାମ୍ ଜୀସୁ କ୍ରୀସ୍ତ ତାଣା ନାମା ମାନମି, ଏନିକ୍ ମେରାତି କାମା ତଲେ ତାରିଗାଟାତମି ଆଆନା କ୍ରୀସ୍ତ ତାଣା ନାମାନା ତାରିଗାଟାତମି ଆନମି; ଇଚିହ୍ ମସାତି ମେରାତି କାମା ତଲେ ଆମିନି ମାଣ୍ଡି ତାରିଗାଟାସି ଆଅସି □

* ୨:୧୧ ୨:୧୧ ପିତର † ୨:୧୪ ୨:୧୪ ପିତର ☆ ୨:୧୭ ୨:୧୭ ରମି ୩:୨୦; ରମି ୩:୨୨

୧୭ ଯାମା କ୍ରୀସ୍ତ ତାଣ୍ଡାଟି ତୀରି ଗାଟାତାୟି ଆୟାଲି ଅଣ୍ଟାପାନା ମାମ୍ବୁ କ୍ରିକେଏ ପାପୁ ଗାଟାତମି ଇଞ୍ଜିହିଁ ତଞ୍ଜା ଆଡ଼ମି, କ୍ରୀସ୍ତ ପାପୁତି ସେବା କିନାସି କି ? ଏଦି ଏଚେଲାଞ୍ଜା ଆଆପେ □

୧୮ ଇଚିହିଁ ନାନୁ ଏନି ଫେରାଟି ମ୍ବେକ୍‌ହାମାଲ୍ ଏ ବାରେତି ଅଡ଼େ ଝେଣ୍ଡେ ଗାଡ଼ି କିଲ୍, ଆତିହିଁ ନାନୁଏ ଜାହାରାଇଁ ଦହ ଗାଟାତେଏଁ ଇଞ୍ଜିଁ ତସାକତିମାଲ୍ □

୧୯ ମାହାପୁରୁ ତାକି ନୀତାଲି ନାନୁ ଫେରାଟି ଫେରାତାକି ପାସି ମୁଣ୍ଡାତା ହାହାମାଲ୍,

୨୦ ନାନୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାଲ୍; ନାନୁ ଅଡ଼େ ନୀତା ହିଲଅଁ, ଯାମା କ୍ରୀସ୍ତ ନା ତାଣ୍ଡା ନୀତାମାନେସି; ଅଡ଼େ ନାନୁ ନୀଏଁ ଏନିନି ଆଙ୍ଗା ତଲେ ନୀତାମାଲ୍, ଏଦି ନାମୁତଲେ, ଇଚିହିଁ ମାହାପୁରୁତି ଏନିନି ମାଟ୍‌ଏସି ନାଙ୍ଗେ ଜୀଞ୍ଜୁନହ୍‌ନା ନା ତାକି ତାନି ଜୀଞ୍ଜୁ ହାହାମାନେସି, ଏଞ୍ଜାଣି ତାଣ୍ଡା ନାମାନା ନୀତାମାଲ୍ □

୨୧ ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇଚିହିଁ ଫେରା ତଲେ ମାଣ୍ଡସି ମାହାପୁରୁ ନକିତା ତୀରିଗାଟାସି ଆନେସି, ଆତିହିଁ କ୍ରୀସ୍ତ ହାଡ଼ାୟି ଉଜେଏତାୟି □

୩

ଫେରା ଆଆତଁ ନାମ୍ବୁ

୧ ଏ ବୁଦି ହିଲାଆଗାଟି ଗାଳାତିୟତି ଲକୁଡେରି! ଆମ୍ବାଆସି ମିଙ୍ଗେ ମାଡ଼ଓ଼ି କିହାମାଞ୍ଜାନେସି ? ମା କାଣ୍ଡକା ନକିତା ଜାସ୍ତୁ କ୍ରୀସ୍ତ ପାସି ମୁଣ୍ଡାତା ହାଡ଼ି କାତା ନେହିଁକଁ ତଞ୍ଜାଆହିମାଞ୍ଜାତେ □

୨ ନାନୁ ମା ତାଣ୍ଡାଟି ଇଚେକା ପୁଞ୍ଜାଲି ଅଣ୍ଟାପିମାଲ୍; ମାରୁ ମସା ଫେରା ତଲେ କାମା କିତାକି କି ନେହିଁ କାବୁ ଝେଞ୍ଜାନା ନାନିତାକି ସୁଦୁଜୀଞ୍ଜୁ ବେଟାଆହାମାଚେରି ?

୩ ମାରୁ ଏନିଲେହେଟି ବୁଦି ହିଲାଆଗାଟାଚେରି ? ମାହାପୁରୁତି ଜୀଞ୍ଜୁତଲେ ମାଟ୍‌ହାନା; ଆଙ୍ଗାତି ବାଡ଼ୁୟି ତଲେ ରାପ୍‌ହାଲି ଅଣ୍ଟାପିମାଞ୍ଜେରି ?

୪ ମାରୁ କି ଉଜେଏ ଇଚେକା କସ୍ତ ବେଟାଆହାମାଞ୍ଜେରି ? ଏଦି ଏନାଆଁ ଉଜେଏତାୟି ?

୫ ଇଚିହିଁ ଆମ୍ବାଆସି ମିଙ୍ଗେ ଜୀଞ୍ଜୁ ହାହାମାଞ୍ଜାନେସି, ଅଡ଼େ ମା ତାଣ୍ଡା କାବାଆନି କାମା କିନେସି, ଏଞ୍ଜାସି ଫେରାତାକି କିନେସି କି ନାମୁତାକି ଝେଞ୍ଜାହ୍‌ କିନେସି ?

୬ *ଅବ୍ରାହାମ କାତା ଅଣ୍ଟାପାପୁ, ସାସ୍ତେରିତା ରାସ୍‌କି ଆହାମାନେ, “ଏଞ୍ଜାସି ମାହାପୁରୁ ତାଣ୍ଡା ନାନିଚେସି, ଇଞ୍ଜାଁ ନାମାଲିଏ ତୀରିଗାଟାସି ଆଡ଼େସି □”

୭ *ଇଦାଆଁତାକି ଆମ୍ବାଆରି ନାନିନେରି ଏଞ୍ଜାରିଦେଁ ଅବ୍ରାହାମତି ମୀରୁକା ମାସ୍‌କା, ଇଦାଆଁ ମୀରୁ ପୁନାୟିମାନେ □

୮ ଅଡ଼େ ମାହାପୁରୁ ଜୀଞ୍ଜୁଦିଆଆତାରାଇଁ ନାମୁଟି ତୀରିଗାଟାରି କିନେସି, ଏଦାଆଁ ଦାମ୍ବୁ ପତିତା ନକେଏ ମେସାନା ଅବ୍ରାହାମ ତାଣ୍ଡା ନେହିଁ କାବୁ ଝେସାନା ଏଲେଇଚେସି; “ନୀ ତାଣ୍ଡାଟି ଦାଡ଼ିତି ବାରେ କୂଲୁତି ଲକୁ ବର ବେଟାଆନେରି □”

୯ ଅବ୍ରାହାମ ନାନିଚେସି ଇଞ୍ଜାଁ ବର ବେଟାଆଡ଼େସି, ଏଲେକିହିଁଏ ଆମ୍ବାଆରି ନାନିନାରି ବାରେଜାଣା ଏଞ୍ଜାଣିଲେହେଁ ବର ବେଟାଆନେରି □

୧୦ ଇଚିହିଁ ଏଚେକା ଲକୁ ମସାତି ଫେରା ଆସାନା କାମା କିନେରି, ଏଞ୍ଜାରି ବାକା ବେଟାଆନେରି, ଦାମ୍ବୁପତିତା ରାସ୍‌କି ଆହାମାନେ, “ଆମ୍ବାଆସି ଫେରା ପତିତା ରାସ୍‌କି ଆହାମାନି ବାରେ କାତାତି ମାନ୍‌ଓ଼ି ଆଅସି ଏଞ୍ଜାସି ମାହାପୁରୁ ତାଣ୍ଡାଟି ବାକା ବେଟା ଆନେସି □”

୧୧ ଫେରା ମାନ୍‌ଓ଼ି ଆହାନା ଆମ୍ବାଆସି ମାହାପୁରୁ ନକିତା ତୀରିଗାଟାସି ଆଅସି, ନେହିଁକଁ ପୁଞ୍ଜାମାନାୟି, ରାସ୍‌କି ଆହାମାନେ, “ଇଚିହିଁ ତୀରିଗାଟାସି ନାମୁଟି ନୀତିନେସି □”

୧୨ ଅଡ଼େ ନାମୁ ଫେରାଟି ମୂଲୁ କାତା ଆଏ; ଫେରାଟି ମୂଲୁ ଆହାମାନେ “ଆମ୍ବାଆସି ବାରେ ହୁକୁମି ମାନ୍‌ଓ଼ି ଆନେସି, ଏମ୍ବାଟି ଏଞ୍ଜାସି ନୀତିନେସି □”

୧୩ କ୍ରୀସ୍ତ ମା ତାକି ବାକା ବେଟାଆହାନା ଫେରାଟି ମାଙ୍ଗେ ଖାନି ବାକାଟି ପିସ୍‌ପି କିହାମାଞ୍ଜାନେସି; ଇଚିହିଁ ରାସ୍‌କି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପ୍‌କି ଆନେସି ଏଞ୍ଜାସି ବାକା ଗାଟାସି □”

୧୪ ମାହାପୁରୁ ଅବାହାମଇଁ ଆମିନି ବର ହୀହାଲିତାକି ଆଞ୍ଜାମାରେସି, ଜୀହୁଦିଆଆତି ଲକ୍ଷୁ ଜିକେଏ ଏନିକି ଏଦାଆଁ ବେଟାଆହାଲି ଆଡ଼ିନେରି, ଏଦାଆଁତାକି କ୍ରୀସ୍ତ ଈ କାମା କିହାମାନେସି, ଏଦାଆଁତାକି ମାରୁ ଜିକେଏ ମାହାପୁରୁ ଖେସାମାନି ଲେହେଁ ନାମୁତଲେ ସୁଦୁଜୀଞ୍ଜୁ ବେଟାଆହାଲି ଆଡ଼ିନାୟି □

ମେରା ଅଡ଼େ ଆଞ୍ଜନାୟି

୧୫ ଏ ଚାୟି ତାଜିସ୍ତା, ନାନୁ ମାଣସିୟାଁ ଲେହେଁ ଖେସିମାଞ୍ଜାଇଁ; ରାଜିମାନା ମାଣସି ତାଣାଟି କିତି ଜିକେଏ, ରିଆରି ସନ୍ତକି କିହାନା ଏଦାଆଁ ତାରି କିନେରି, ଏଚେତା ଏଦାନି ଆମ୍ବାଆସି ଏଟ୍ଟକା କିହାଲି ଆଡ଼ଅସି କି ଏମ୍ବାଆଁ ଏନାଆଁ କାଲୁହାଲି ଆଡ଼ଅସି □

୧୬ ମାହାପୁରୁ ଆଞ୍ଜାମାନାୟି ଅବାହାମ ଇଞ୍ଜାଁ ତାନି କୁଲୁ ତାକି ହୀପ୍ତକି ଆହାମାଚେ; ଏଞ୍ଜାସି ଏଲେଇଞ୍ଜା ହିଲଅସି, “କୃଡ଼ା ତାରାକି” ଏନିକି ହାରେକା ଲକ୍ଷୁତାକି ସାସ୍ତେରିତା ଖେସିଲେହେଁ ଆଏ, ଇତିହିଁ ଏନିକି ରଥଣି କାତା ଖେସ୍ତେସି, ନୀ “କୃଡ଼ା ତାକି” ଏଞ୍ଜାସି କ୍ରୀସ୍ତ ଜୀସୁ □

୧୭ ନା ଅଣ୍ଡପୁ ଇଦି, ମାହାପୁରୁ ଅବାହାମ ତଲେ ର ରାଜିମାନା କିହାମାଚେସି, ଅଡ଼େ ଏଦାଆଁ ତାରିକିହାଁ ଇଗାଲି ଆଞ୍ଜାମାଚେସି, ଆମିନି ମେରା ସାରି ଖାଞ୍ଜା କଡ଼େଦସ ବାସା ତାୟୁ ହୀପ୍ତକିଆଡ଼େ, ଏଦି ଏ ରାଜିମାନାତି ମାନି କିଆନା ମାହାପୁରୁତି ଆଞ୍ଜାମାନାଣି ଆଞ୍ଜାଲି ଆଡ଼େଏ □

୧୮ *ମାହାପୁରୁତି ଆଞ୍ଜାମାନି ବର ମେରା ମାନିକିନି ତାଣା ବାସୁଁ କିନେ, ଆତିହିଁ ଏଦି ଅଡ଼େ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅବାହାମକି ଏଦାଆଁ ହୀହାମାନେସି □

୧୯ ଆତିହିଁ ମେରା ଏନାଆଁତାକି ହୀପ୍ତକିଆଡ଼େ ? ମାଣସିତି ଲାଗେଏତି କାମା ତସାଲି ତାକି ହୀପ୍ତକିଆଡ଼େ, ଇଞ୍ଜାଁ ଅବାହାମକି ଏମିନି କୃଡ଼ାତି ମେସାନା ମାହାପୁରୁ ଆଞ୍ଜାମାଚେସି, ଏଞ୍ଜାସି ଖାନ୍ତି ପାଡେକା ମେରା ଲଡ଼ା ମାଚେ, ର ମାଣସିତି ମାଦି ତଲେ ଲାକପୁରୁତି ଦୁଡୁୟାଁ ସାୟେମିତି ମେରା ହୀପ୍ତକି ଆହାମାଚେ □

୨୦ ସାମା ନୀସଁ ମାଦିତି ମାଣସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ □

ମେରାତି କାତା

୨୧ ଇତିହିଁ ମେରା ମାହାପୁରୁ ଆଞ୍ଜାମାନାଣି କପାତି କାତା ଖେକନେ ? ଏଦି ଏଚେଲାଞ୍ଜା ଆଆପେ; ଇତିହିଁ ଲକ୍ଷୁତାକି ଜୀସୁ ହୀହାଲି ଆଡ଼ିନି ଇଲେତି ମେରା ହୀପ୍ତକି ଆହାମାଚିହିଁମା, ଆତିହିଁ ମେରା ସାଚେଏ ତାରି ଗାଟାୟି ଆଡ଼େମା □

୨୨ ସାମା ଦାମ୍ବୁ ସାସ୍ତେରିତା ରାସ୍ତକି ଆହାମାନେ, “ବାରେ ମାଣସି କୃଡ଼ା ପାପୁତି ବାଡ଼ୁୟୁତା ମାନେରି, ଏଦାଆଁତାକି ଏନିକି ଜୀସୁ କ୍ରୀସ୍ତ ତାଣା ନାମିତି ପାଡ଼େୟି ଲେହେଁ ଆଞ୍ଜାମାନି ବର କ୍ରୀସ୍ତଇଁ ନାମିତି ଲକ୍ଷୁ ବେଟାଆନେରି □”

୨୩ ସାମା ଏ ନାମୁ ଖାନ୍ତି ନଡ଼କଏ, ତଞ୍ଜାଆହାଲି ହାଜିମାନି ଏ ନାମୁତି ମେଡ଼ା ଆହାଲି, ମାରୁ ମସା ମେରାତା ଦସ୍ତି ଆହିମାୟି □

୨୪ ଇଲେତି ନାମୁ ତାକି ମାରୁ ଦାମ୍ବୁ ଗାଟାୟି ଆହାଲିତାକି କ୍ରୀସ୍ତ ଖାନ୍ତି ଦିନା ପାଡେକା ମେରା ମାଞ୍ଜେ ଜାପୁହାନାୟି ଲେହେଁ ମାଚେ □

୨୫ ସାମା ନୀସଁ ଏ ନାମୁ ଖାହାଲିଏ, ମାରୁ ଅଡ଼େ ମେରାତି ବାଡ଼ୁୟୁତା ହିଲଆୟି □

୨୬ ଇତିହିଁ ମାରୁ ବାରେକାଣା ଜୀସୁ କ୍ରୀସ୍ତଇଁ ନାମିନି ତାଣାଟି ମାହାପୁରୁତି ମୀରକା ମାସ୍ତକା ଆହାମାଞ୍ଜେରି □

୨୭ ଇଞ୍ଜାଁ ମୀରୁ ଏଚେକା ଲକ୍ଷୁ କ୍ରୀସ୍ତ ଦରୁତି ବାପ୍ତିସ୍ତ* ବେଟାଆହାମାଞ୍ଜେରି, ନୀସଁ ମୀରୁ ବାରେତେରି କ୍ରୀସ୍ତଇଁ ହିମ୍ବୁରିଲେହେଁ ପର୍ତ୍ତାମାଞ୍ଜେରି □

୨୮ ଜୀହୁଦି ଆଡ଼େସି କି ଜୀହୁଦିଆଆତି ଲକ୍ଷୁ ଆଡ଼େସି, ହଡ଼େଲଏସି ଆଡ଼େସି କି ହଡ଼େଲଏସି ଆଆତାସି ଆଡ଼େସି, ଆବା ଆଡ଼େସି କି ଇୟା ଆଡ଼େ; ମୀ ବିତ୍ରା ଏନି ପାରୁଡ଼ା ହିଲେଏ, ମୀରୁ ବାରେ କ୍ରୀସ୍ତ ଜୀସୁ ତାଣା ଆଣ୍ଡାନା ରଣ୍ଡିଏ ଆହାମାଞ୍ଜେରି □

୨୯ *ଅଡ଼େ ମୀରୁ କ୍ରୀସ୍ତତି ଲକ୍ଷୁ, ଆତିହିଁ ମୀରୁ ଅବାହାମତି କୃଡ଼ାଚେରି, ଆଞ୍ଜାମାନି ଲେହେଁ ଅଦିକାରା ଗାଟାଚେରି ଆହାମାଞ୍ଜେରି □

* ୩:୧୮ ୩:୧୮ ରିନି ୪:୧୪ * ୩:୨୭ ୩:୨୭ମୁଞ୍ଜନାୟି * ୩:୨୯ ୩:୨୯ ରିନି ୪:୧୩

୪

୧ ନାନୁ ଝେସିମାଞ୍ଜାଇଁ, ମୀରୁଏସି ଆବାତି ବାରେ ଦନ୍ତତି ଅଦିକାରା ଗାଟାସି, ସାମା ବାରେତି ଅଦିକାରା ଗାଟାସି ଆଡ଼ିଜିକେଏ, ପାତାଆନି ପାତେକା ହଲେଏସି ଲେହେଁ ଆନେସି □

୨ ସାମା ଆବାତି ତୀରି କିହାମାନି ଦିନା ପାତେକା ଏଝାସି ତାଲି ତାଞ୍ଜି ଅଡେ ଗୁମୁସ୍ତାତି କାତାତା ତୁୟିନେସି □

୩ ଏଲେକିହେଁଏ ମାରୁ ଜିକେଏ ଏଡିବେଲା ଦାମ୍ପୁତା ପାଡାଆହା ହିଲାଆତାୟି, ଏଡିବେଲା ଦାଡ଼ତିତି ବାରେ ସାଲୁଝି କିନି ବାଡ଼ୁୟୁତା ହଲିୟା ମାଟାୟି □

୪ ସାମା ଦିନା ପୁରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରୁଏଣାଇଁ ପାଣ୍ଡାତେସି; ଏଝାସି ଇୟାନି ବାଣ୍ଡିଟି ଜାନା ଆହାନା ଜୀହୁଦିୟାଁ ମେରା ତଲେ ନୀତିତେସି,

୫ ଏନିକିହେଁଏ ଏଝାସି ମେରାତା ମାନି ଲକୁଣି ମୁଲୁ ହାହାନା ପିସ୍ପି କିନେସି, ଅଡେ ମାରୁ ମାହାପୁରୁତି ମୀରୁକା ମାସ୍କାତି ଅଦିକାରା ବେଟାଆନାୟି □

୬ ଇଞ୍ଜା ମୀରୁ ମୀରୁକା ମାସ୍କାତେରି, ଅଡେ ମାହାପୁରୁ ମୀ ହିୟାତା ତୁୟାଲି ତାକି ତାନି ମୀରୁଏଣାତି ସୁଦୁଜୀଝୁ ପାଣ୍ଡାତେସି, ଏ ଜୀଝୁ ମୀ ତାଣା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜା” ହାଡ଼ିମାନେ □

୭ ଏଦାଆଁତାକି ମୀରୁ ଅଡେ ହଲିୟାଙ୍ଗା ଆଏ, ସାମା ମୀରୁକା ମାସ୍କାତେରି, ମୀରୁ ତାନି ମୀରୁକା ମାସ୍କାତେରି ଆହାମାନାକି ମାହାପୁରୁ ତାନି ମୀରୁକା ମାସ୍କାକି ଏନାଆଁ ଇଟାମାନେସି ଏ ବାରେ ମିଙ୍ଗେ ହିୟାନେସି □

ଗାଳାତିୟ ଲକ୍ଷ୍ମତାକି ପାଞ୍ଚୁଲ ଅଣ୍ଡପିନାୟି

୮ ସାମା ମୀରୁ ନକେଏ ମାହାପୁରୁଇଁ ପୁଞ୍ଜାହିଲାଆତେରି, ଅଡେ ଏମିନି ଗାଟାଲ ସାତା ମାହାପୁରୁ ଆଏ, ଏଝାଆଁତି ହଲିୟାଙ୍ଗା ମାତେରି □

୯ ସାମା ମୀରୁ ନାଏଁ ମାହାପୁରୁଇଁ ପୁଚେରି; ଇଞ୍ଜା ମାହାପୁରୁ ମିଙ୍ଗେ ପୁଞ୍ଜାତେସି, ଆତିହେଁ ମୀରୁ ଏନିକିହେଁଏ ବାଡ଼ୁୟୁ ହିଲାଆଗାଟାଲ ଅଡେ ଏନାଆଁ ହିୟାଲି ଆଡାଆଗାତି ଦାଡ଼ତି ଝାକି ଝେଣ୍ଡେ ହାଜାଲି ଅଣ୍ଡପିମାଞ୍ଜେରି, ମୀରୁ ଏନାଆଁତାକି ଝେଣ୍ଡେ ଏ ବାରେତି ହଲିୟାଙ୍ଗା ଆୟାଲି ଅଣ୍ଡପିମାଞ୍ଜେରି □

୧୦ ଦୁକୁତି କାତା, ମୀରୁ ତୀରି କିହାମାନି ଦିନା, ଲେଞ୍ଜୁ, ପାର୍ବୁ ଅଡେ ବାସା ମାନୁଝି ଆହିମାଞ୍ଜେରି □

୧୧ ମିଙ୍ଗେତାକି ନାନୁ କିହାମାନି କାମା ଏଡେତା ଉଜେଏ ଆନେ, ମୀ ତାକି ନାଙ୍ଗେ ହାଡ଼େରକା ଆଜି ହଡ଼ିମାଞ୍ଜାନେ □

୧୨ ଏ ତାୟି ତାଞ୍ଜିସ୍ତାତେରି, ନାନୁ ମିଙ୍ଗ ବାଡିମାଲିମାଞ୍ଜାଇଁ, ମୀରୁ ନାଲେହେଁ ଆଦୁ, ଇତିହେଁ ନାନୁ ଜିକେଏ ମୀ ଲେହେଁ ଆହାମାଇଁ, ମୀରୁ ନାଙ୍ଗେତାକି ଏନାଆଁ ଲାଗେଏ ପଡ଼ଲେଏ କିହାମାଞ୍ଜଅଡେରି □

୧୩ ନାନୁ ତଲିଏ ମୀ ତାଣା ନେହେଁ କାରୁ ଝେକହାମାତେଏଁ ମୀରୁ ପୁଞ୍ଜାମାଞ୍ଜେରି ଏଡେତା ନା ଆଙ୍ଗାତି ବାଦା ମାଞ୍ଜାନା ଝେକହାମାତେଏଁ;

୧୪ ଅଡେ ନା ଆଙ୍ଗାତି ବାଦା ମିଙ୍ଗେତାକି କସ୍ତାଗାଟାୟି ଆହିମାଟିହେଁ ଜିକେଏ ମୀରୁ ନାଙ୍ଗେ ହାଣି ତଲେ ଅପୁଅମି ଇଞ୍ଜା ମାଞ୍ଜଅଡେରି, ସାମା ମୀରୁ ମାହାପୁରୁତି ର ଦୁଡୁ ଲେହେଁ ଇତିହେଁ କ୍ରୀସ୍ତ ଜୀସୁଇଁ ଆବିନି ଲେହେଁ ନାଙ୍ଗେ ଆବାତେରି □

୧୫ ମୀରୁ ଏଡେକା ରାହାଁ ମାତେରି, ମୀ ଏ ରାହାଁ ଆମ୍ବିୟା ହାଚେ ? ଇତିହେଁ ନାନୁ ମୀ କାତା ଆଡ଼ଝା ତଲେ ଝେସାଲି ଆଡ଼ିଇଁ, ଏ ବେଲାତା ମୀରୁ ଜାହାରା କାନୁ ପିଡ଼ହାନା ନାଙ୍ଗେ ହିୟାତେରିମା □

୧୬ ସାମା ନାଏଁ ନାନୁ ମିଙ୍ଗେ ସାତା ଝେସାଲିଏ, ମୀ ସାତୁ ଆହାମାଇଁ କି ?

୧୭ ଏଝାରି ମୀ ନେହେଁ ତାକି ହାଡ଼େରକା ରାହାଁ ଗାଟାରି ଇଞ୍ଜା ତଞ୍ଜାଆହାଲି ଅଣ୍ଡପିମାନେରି, ସାମା ତାନି ସାତା ଅଣ୍ଡପୁ ତଲେ ଆଏ, ଏଝାରି ରଣ୍ଡିଏ ଅଣ୍ଡପୁ, ଏନିକିହେଁ ମୀରୁ ନା ତାଣାଟି ଏଡ଼କା ଆହାନା ଏଝାରି ଝାକି ରାହାଁ ଆଦେରି □

୧୮ ଇତିହେଁ ନାନୁ ମୀ ତାଣା ମାନି ବେଲାତା ଆଏ, ସାମା ବାରେ ବେଲାତା ନେହେଁ କାମାତାକି ଅଣ୍ଡପିନାୟି ନେହେଁ □

୧୯ ଏ ନା ଜୀଝୁତି ମୀରୁକା ମାସ୍କାତେରି, ଏଡେ ପାତେକା କ୍ରୀସ୍ତ ଲେହେଁ ଆଅଡେରି, ଏଡେ ପାତେକା ନାନୁ ମୀ ତାକି ଜାନ କିନାଟି ଲୁଞ୍ଜିନି ବୀସା ଲେହେଁତି କସ୍ତ ବେଟାଆହିମାଇଁ □

* ୪:୫ ୪:୫ ରିମି ୮:୧୫-୧୭

୨୦ ନାନୁ ଏନିକି ନୀର୍ଦ୍ଦେଶୀ ତାହା ଖାହାନା ଅର ରଚେତ ହାତା ଖେସାଲି ଆଡ଼ିତେର୍ଦ୍ଦିମା, ଇଦି ନା ଅଣ୍ଡପୁ ମାତେ; ଏନାଆଁତାକି ଇଚିହ୍ ନାନୁ ମୀ ତାକି ହାଚେରଏ ଅଣ୍ଡପିମାକ୍ସି □

ହାଗାର୍ ଅଡ଼େ ସାରାନି ପୁଣ୍ଡିକିନାୟି

୨୧ ମସାତି ମେରାତା ମାଞ୍ଜାଲି ମନ କିହିମାଞ୍ଜେରି ମୀରୁ, ନାଙ୍ଗେ ଖେସ୍ତାଦୁ, ମେରାତା ଏନାଆଁ ରାସ୍ତି ଆହାମାନେ, ଏନାଆଁ ମୀରୁ ଖେଞ୍ଜା ହିଲଅତେରି ?

୨୨ ଇଚିହ୍ ରାସ୍ତିକି ଆହାମାନେ, ଅଦ୍ରାହାମତି ରୀ ମୀର୍କା ମାଚେରି ରଅସି ହଚ୍ଚେଲଣି ତାଣାଟି ଅଡ଼େ ରଅସି ତାନି ତକ୍ତିନି ତାଣାଟି ଜାର୍ନା ଆହାମାଚେସି,

୨୩ ହଚ୍ଚେଲଣି ମୀରୁଏସି ଆଙ୍ଗାତି ଗୁଣ୍ଡତଲେ ଜାର୍ନା ଆଡ଼େସି, ସାମା ଆମିନିଗାଗାସି ତାନି ତକ୍ତିନି ମୀରୁଏସି ମାହାପୁରୁ ଆଞ୍ଜାମାଟି ବାଡ଼ୁଚ୍ଚି ଜାର୍ନା ଆଡ଼େସି □

୨୪ ଇଦାଆଁ ର ପୁଣ୍ଡିକି କିନି କାତାଲେହେଁ ଖେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାକ୍; ଆମିନି ଗାଗାନି ମୀର୍କା ହଲିୟାଙ୍ଗା ଆୟାଲି ଜାର୍ନା ଆଡ଼େରି, ଏ ହାଗାର୍ ସିନୟ ହଚ୍ଚୁଟି ଖାହାମାନି ରାଜିମାନା ଲେହେଁ □

୨୫ ହାଗାର୍ ଆରବ ଦେସାତା ମାନି ସିନୟ ହଚ୍ଚୁ ଲେହେଁ, ଏଦି ନୀର୍ଦ୍ଦେଶୀ ଜିରୁସାଲମ ଗାତା ଲେହେଁ □ ହାଗାର୍ ଲେହେଁ ଜିରୁସାଲମ ଅଡ଼େ ଏଦାନି ସାଲୁଝି କିନାରି ନୀର୍ଦ୍ଦେଶୀ ହଲିୟାଙ୍ଗା ଆହାମାନେରି □

୨୬ ସାମା ଲାକପୁରୁ ମାନି ଜିରୁସାଲମ ହଚ୍ଚେଲଣି ଆଆଗାଗାୟି, ଏଦି ମା ତାଲି

୨୭ ଏନାଆଁତାକି ଇଚିହ୍ ସାପ୍ରେରିତା ରାସ୍ତିକି ଆହାମାନେ,

“ଆଲ ବାଚ୍ଚେଣି, ଏଚେଲା ପଦି ପଦା ଜାର୍ନା କିଆଗାଟି ଇୟା, ରାହ୍ନା କିମ୍ପୁ, ଜାର୍ନା କିନି ବେଲାତି ଲୁଞ୍ଜିନି ବାସା ଏଚେଲା ପୁଞ୍ଜା ହିଲାଆତି ଜିକେଏ ନାନୁ କାଜା ଗିୟାତଲେ ରାହ୍ନା କିମ୍ପୁ;

ଇଚିହ୍ ତକ୍ତା ତଲେ ବାସା କିହିମାନି ଇୟାନି କିହ୍ନି
ର ପିସ୍ତି ଇୟାନି କକାରି ପଦାୟା ହାଚେରକା ଜାଣି ଆନେରି ଆନୁ □”

୨୮ “ଏ ନା ତାୟି ତାଜିସ୍ତାତେରି, ମୀରୁ ଇସାହାକ ଲେହେଁ ଆଞ୍ଜାମାନି ମାହାପୁରୁଟି ମୀର୍କା ମାସ୍ତକାତେରି □

୨୯ ସାମା ଆମ୍ବାଆସି ଆଙ୍ଗାତି ଗୁଣ୍ଡ ତଲେ ଜାର୍ନା ଆଡ଼େସି, ଏଝାସି ଏନିକି ଏଚିବେଲାତା ମାହାପୁରୁଟି ସୁଦୁଜାସ୍ତୁଟି ଆଞ୍ଜାମାନି ତାଣାଟି ଆମ୍ବାଆସି ଜାର୍ନା ଆହାମାନେସି, ଏଝାଣାକ୍ ସାସ୍ତି ହାହାମାଚେସି ଏଲେକିହ୍ ଏ ନୀର୍ଦ୍ଦେଶୀ ଆହିମାନେ □

୩୦ ଦାମ୍ପୁ ପତି ଏନାଆଁ ଖେସିମାନେ ? ହଚ୍ଚେଲଣି ଇୟା ଅଡ଼େ ଏଦାଣି ମୀରୁଏଣାକ୍ ପିହ୍ମୁ; ଇଚିହ୍ ହଚ୍ଚେଲଣି ମୀରୁଏସି ତାନି ବାହା ତକ୍ତିନି ମୀରୁଏଣା ତଲେ ଅଦିକାରା ଗାଗାସି ଆୟାଲି ଆଡ଼ଅସି □”

୩୧ ଏନାଆଁତାକି ଏ ନା ତାୟି ତାଜିସ୍ତାତେରି, ମୀରୁ ହଚ୍ଚେଲଣି ମୀର୍କା ମାସ୍ତକା ଆଏ, ସାମା ବାହା ତକ୍ତିନି ମୀର୍କା ମାସ୍ତକାତାୟି □



କ୍ରୀସ୍ତ ତାଣା ମେଲା ଆନାୟି

୧ ମୀରୁ ମେଲା ଆହାମାନାୟି, କ୍ରୀସ୍ତ ମାଙ୍ଗେ ମେଲା କିହାମାଞ୍ଜାନେସି □ ଇଦାଆଁତାକି ମୀରୁ ମେଲା ଆଡ଼ିତାଣା ତୀରିଆହ୍ନା ମାଞ୍ଜୁ □ ଅଡ଼େ ଖେଣ୍ଡେ ହଲିୟାଙ୍ଗା ଜୁଖେଡ଼ିତା ମୀରୁ ଜାହାରାକ୍ ହେବ୍ପାକତାଆଦୁ □

୨ ନାନୁ ପାସ୍ତୁଲ ମିଙ୍ଗେ ଖେସିମାଞ୍ଜାକ୍, ମୀରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତ ତାଣାଟି ମାନି ଏନି ଲାଡ଼ା ହିଲେଏ □

୩ ନାନୁ ତଲୁ ଦାପି ଆହିମାନି ବାରେ ଜାଣାକ୍ ଖେଣ୍ଡେ ଖେସିମାକ୍, ଇଚିହ୍ ଏଝାସି ବାରେ ମସାତି ମେରା ମାନଝି ଆନାୟି ମାନେ □

୪ ମୀରୁ ଏଚେକା ଲକ୍ଷୁ ମେରାଟି ମାହାପୁରୁ କାନୁତା ତୀରିଗାଗାତେରି ଆୟାଲି ଅଣ୍ଡପିମାଞ୍ଜେରି, ମୀରୁ କ୍ରୀସ୍ତ ତାଣାଟି ଏଚ୍ଚକା ଆହାମାଞ୍ଜେରି, ଇଞ୍ଜା ମାହାପୁରୁ କାର୍ମାମେହ୍ନି ତାଣାଟି ଗୁତା ଆହାମାଞ୍ଜେରି □

୫ ଇଚିହ୍ ମୀରୁ ମାହାପୁରୁଟି ଜୀସ୍ତୁତଲେ ନାନୁ ତାକି ଦାମ୍ପୁଗାଟି ଲକ୍ଷୁ ଆନି ଆସାକ୍ କାଡ଼ିମାନାୟି □

୨ ଇଦାଆଁତାକି ଜୀସୁ କ୍ରୀସ୍ତ ତାଣା ଆଣ୍ଡାନା ନୀତାମାଟିସାରେ ତଲୁ ଦାପି ଆନାୟି କି ଦାପି ଆଆଗାଗାୟି ଏନାୟି ହିଲେଏ, ସାମା ନାମୁତା ଅଜିକିହିଁ ମାଞ୍ଜାନା ଜୀସୁ ନନାଣି ତଲେ କାମା କିନାୟି □

୩ ମାରୁତ ନେହିଁକିଁ ନକିତା ହାଜିମାଚେରି; ଆମ୍ବାଆସି, ମିଜେ ସାତାତି ମାନୁଞ୍ଜି ଆଆଦୁ ଇଞ୍ଜି ଆଜ୍ଞାତେସି ?

୪ ମିଜେ ହାଟାମାଞ୍ଜାନି ମାହାପୁରୁ ତାଣାଟି ଇଦି ଆହା ହିଲେଏ □

୫ କାତାତା ମାନେ, ଇତାୟି ପୁଲା ତ:କାତି ଗୁଣ୍ଡା ବାରେ ପୁଲା କିନେ □

୬ ମାରୁ ଏଟକାତି ଅଣପୁ ଅଣପଅତେରି, ଇଦାଆଁ ନାନୁ ମିଜେ ତାକି ପ୍ରବୁ ତାଣା ହାରେକା ନାମିମାଜ୍; ସାମା ମିଜେ ଆମ୍ବାଆସି ନାଡ଼ି କିହାମାଞ୍ଜାନାସି ଏଞ୍ଜାସି ଆମ୍ବାଆସି ଆଚେସି ମାହାପୁରୁ ଏଞ୍ଜାଣାକି ତଣ୍ଡ ହୀନେସି □

୭ ନା ତାୟି ତାଜିସ୍ତାତେରି, ନାନୁ ନାଏଁ ପାତେକା ତଲୁ ବାଝିନି ମେରା ଝେକ୍‌ହିମାଜ୍, ଆତିହିଁ ଏନାଆଁତାକି ନାଏଁ ପାତେକା ସାସି ବେଟାଆହିମାଜ୍ ? ନାନୁ ସାତେଏ ଏଲେକିଁ ଝେକ୍‌ହିହିଁ, କ୍ରସତା ହାଡ଼ି କ୍ରୀସ୍ତତି କାତା ଝେକ୍‌ନି ତାଣାଟି ନାଜେ ଏନି ବାଦା ଆଆତେମା □

୮ ନାନୁ ଅଣପିମାଜ୍, ତଲୁ ଦାନାଣି ଏମିନିଗାଟାରି ମିଜେ ଏଲେକିଁ କିଲିବିଲି କିହିମାଞ୍ଜାନେରି ଏଞ୍ଜାରି ପେକ୍‌ୟାଁ ଲେହେଁ ଆତିହିଁ ନେହିଁ ଆଚେମା □

୯ ଏ ତାୟି ତାଜିସ୍ତା, ମାରୁ ମେଲା ଆହାଲିତାକି ହାଟ୍‌କି ଆହାମାଞ୍ଜେରି; ସାମା ଜାଗ୍ରାତା, ଆଜ୍ଞାତି ଜୁପକା କାମା କିହାଲି ମୀ ଆଜ୍ଞାତି ପାରୁ ବେଟାଆଡ଼ିସାରେ ଏ ମେଲାତି ଲେମ୍‌ଆଦୁ, ସାମା ରଅତେରି ରଅଣାଜ୍ ଜୀସୁ ନଞ୍ଜିଆହାନା ସେବା କିଦୁ □

୧୦ ଇତିହିଁ ବାରେ ମେରା ଇ ରଣ୍ଡିଏ ହୁକୁମିତା ତାରି ଆନେ, “ନାନୁ ନୀ ଆଟ୍‌ହିତାଣାଜ୍ ନୀ ଜୀସୁତି ଜୀସୁନନ୍ଦି ଲେହେଁ ଜୀସୁନଦୁ □”

୧୧ ମାରୁ ରଅତେରି ରଅଣାଜ୍ ବାଦା ହୀହାନା ନସ୍ତ କିଞ୍ଜି ଆହିମାଞ୍ଜେରି, ଆତିହିଁ ଜାଗ୍ରାତା ଆଦୁ, ଏନିକିଁ ମାରୁ ରଅତେରି ରଅଣି ତାଣାଟି ନାସା ଆଅତେରି □

ସୁଦୁଜୀସୁ ଅଚେ ମାଣସିତି ଗୁଣ୍ଡ

୧୨ ନା ଅଣପୁ ଇଦି, ମାରୁ ସୁଦୁଜୀସୁ ତଲେ ତାକାଦୁ, ଆତିହିଁ ମାରୁ ଆଜ୍ଞାତି ଜୁପକା ତଲେ କାମା କିଅତେରି □

୧୩ ମାଣସିତି ମାଣକି ସୁଦୁଜୀସୁ ଅପେଏ □ ଏଲେକିହିଁଏ ସୁଦୁଜୀସୁ ମାଣସିତି ମାଣକିତି ଅପେଏ □ ଏଞ୍ଜି ରିଣ୍ଡି ସାତୁ ଲେହେଁ □ ଇତିହିଁ ମାରୁ ଏନାଆଁ କିୟାଲି ଅଣପିଦେରି ଏଦାଆଁ କିୟାଲି ଆଡ଼ଅତେରି □

୧୪ ସୁଦୁଜୀସୁ ମିଜେ ସାଲୁଞ୍ଜି କିୟାନେ, ଆତିହିଁ ମାରୁ ଅଚେ ମସାତି ମେରା ଡ଼ଇ ହିଲଅତେରି □

୧୫ ଆଜ୍ଞାତି ଅଣପୁ ତଲେ କିନି କାମା ବାରେ ନେହିଁକିଁ ପୁଞ୍ଜାମାଞ୍ଜେରି, ଏଞ୍ଜି ଦାରିକାମା, ଲାଗେଏ ପଲେଏ କାମା □

୧୬ ଅଚେ ଅପାଆଗାଟି କାମା, ପେଣ୍‌କା ପୂଜା, ଲକ୍‌ଣି ପାୟିନାୟି, ଗୁଣି ଗାଟ୍‌ଡ଼ି, ସାତୁ ଆନାୟି, ଗଡ଼ହା କିନାୟି, ଆଇରା ଆନାୟି, କାଟ୍‌ବି ଆନାୟି, ଜାହାରାତାକି ଅଣପିନାୟି, ଗତି ଆହିଁ ବାଗା ଆନାୟି, ନାଡ଼ିକିହାଁ ବାଗା କିନାୟି, ତାହାରା ଆନାୟି,

୧୭ କାଡ଼ ଗ୍ରହନାରି ତଲେ ଆଣ୍ଡାନା ରାହାଁ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଜେ ଏନିକିଁ ଝେସାମାଞ୍ଜାତେଏଁ, ଏଲେକିହିଁ ନକେଏ ଜାଗ୍ରାତା କିହାଁ ଝେସିମାଞ୍ଜାଜ୍, ଆମ୍ବାଆରି ଇଲେତି କାମା କିନେରି, ଏଞ୍ଜାରିକି ମାହାପୁରୁ ରାଜିତା ଅଦିକାରା ହିଲେଏ □

୧୮ ସାମା ସୁଦୁଜୀସୁତି ପାଚେୟି, ଜୀସୁନନାୟି, ରାହାଁ ଆନାୟି, ହିଡ଼ି ଜୀସୁତଲେ ମାନାୟି, ଅଟ୍‌ହିନାୟି, ଲକ୍‌କୁଇଁ ସାୟେମି କିନାୟି, ସାତା ଗୁଣ୍ଡ, ମାନିଗାଟି ଲକ୍‌, ନାମୁତଲେ ମାନାୟି,

୧୯ ଅଚେ ଜାହାରାଜ୍ ଲକ୍‌ନାୟି, ଇ ବାରେ ନକିତା ମସାତି ଏନି ମେରା ହିଲେଏ □

୨୦ ଆମ୍ବାଆରି ଜୀସୁ କ୍ରୀସ୍ତ ତାଣା ମାନେରି, ଏଞ୍ଜାରି ତାନି ଆଜ୍ଞାତି ଅଣପୁ ଅଚେ ଜୁପକା ବାରେ ମାଣସି ମାଣକିତି ପାସି ମୁଣ୍ଡାତା ଏକ୍‌ହାନା ହାଞ୍ଜି କିହାମାନେରି □

୨୧ ମାରୁ ସୁଦୁଜୀସୁ ତଲେ ଜୀସୁ ବେଟାଆହାମାନାୟି, ଆତିହିଁ ସୁଦୁଜୀସୁ ତଲେ ନୀତିନ □

୨୨ ମାରୁ ବଡ଼ପଣ ଆହାନା ରଅତେରି ରଅଣାଜ୍ ବିତିବିତା କିଆପ ଅଚେ ମାରୁ ରଅତାୟି ରଅଣାଜ୍ ତାହାରା ଆଆପ □



ରଥସି ରଥଣି ବନ୍ଧୁ ଡେକିନାୟି

୧ ଏ ତାୟି ତାଜିୟା, ଆମ୍ବାଆସି ଏନି ଦହୁ କିହାମାନାଣି ପୁଚିହୁଁ, ସୁଦୁଜୀଝୁ ବେଟାଆହାମାଞ୍ଜେରି ମୀରୁ, ମୀରୁ ଟିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପୁଦୁ, ଏଡେତା ମୀରୁ ଜିକେଏ ପାନ୍ଦାତା ହେରୁଝିଦେରି, ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ □

୨ ରଥତେରି ରଥଣି ବନ୍ଧୁ ଡେକାଲି ସାଢ଼ୟମି କିଞ୍ଚିଆଦୁ; ଏଲେକିତିହୁଁ ମୀରୁ କ୍ରୀସ୍ତତି ଫେରା ମାନଞ୍ଚି ଆଢ଼େରି □

୩ ଆମ୍ବାଆସି ଲାଗେଏ ଆହାନା ଜାହାରାଇଁ ନାନୁ କାଜାତେଏଁ ଇଞ୍ଜୁଁ ଅଣ୍ଡା କତିନେସି ଏଝାସି ତାନୁଏ ତାଜେ ନାଡ଼ି କିହାକତିମାନେସି □

୪ ସାମା ବାରେଜାଣା ଜାହାରା କିତି କାମାତି ତାୟିପାରି କିପାସି, ଆତିହୁଁ ଏଝାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବତପଣ କିଆପେସି □

୫ ଏନିଇତିହୁଁ ବାରେଜାଣା ଜାହାରା ବନ୍ଧୁ ଜାହାରାଏ ଡେକିନାୟି ମାନେ □

୬ ସାମା ଆମ୍ବାଆସି ମାହାପୁରୁତି ବନ୍ଧୁ ଜାପିନେସି, ଏଝାସି ତାଜେ ଜାପୁନାଣାକି ତାନି ତାଣା ମାନି ବାରେକିହାଁ ନେହୁଁ ବାଗା ହାପେସି □

୭ ମୀରୁ ମିଜେ ନାଡ଼ିକିହା କତାଆଦୁ; ଆମ୍ବାଆସି ମାହାପୁରୁଇଁ ନାଡ଼ି କିହାଲି ଆଡ଼ଅସି, ଇତିହୁଁ ମାଣ୍ଡସି ଏନାଆଁ ମାଟିନେସି ଏଦାଆଁ ଦାଞ୍ଚିଆନେସି □

୮ ଆମ୍ବାଆସି ଆଜ୍ଞାତି ଅଣ୍ଡପୁ ତାକି ମାଟିନେସି, ଏଝାସି ଆଜ୍ଞାତି ହାଞ୍ଜିକିନି ପାଡ଼େୟି ଦାଞ୍ଚିଆନେସି; ସାମା ଆମ୍ବାଆସି ଜୀଝୁତାକି ମାଟିନେସି ଜୀଝୁତି ଗାଡ଼ିଆଡ଼ି କାଲାକାଲାତି ଜୀଝୁହାନି ପାଡ଼େୟି ଦାଞ୍ଚିଆନେସି □

୯ ମାରୁ ନେହୁଁ କାମା କିହାଲି ଝାହାଆପ; ଇତିହୁଁ ଝାହୁ ଆଆନା କାମା କିତିହୁଁ ସମାନା ଡେଲାତା ତାସା ଦାଞ୍ଚନାୟି □

୧୦ ଏନିଇତିହୁଁ ମାରୁ ପାରୁ ସିନିକିହାନା ବାରେତାକି ଇତିହୁଁ ବାରେକିହାଁ ରଣ୍ଡିଏ କୁଟମିତା ଆଣ୍ଡାମାନି ନାମୁ ଗାଗାରାଇଁ ନେହୁଁ କିନାୟିମାନେ □

ଜାଗ୍ରାତା କିହାଁ ଜହରା ତଲେ ଆକୁତି ରାପୁନାୟି

୧୧ ମେହୁଦୁ, ନାନୁ ଏନିକିଁ କାଜା କାଜା ଅଙ୍କରି ତଲେ ନା କେୟୁତଲେ ମୀ ତାଣା ରାଡ଼ାମାଞ୍ଜାଇଁ □

୧୨ ଆମ୍ବାଆରି ଆଜ୍ଞାତି କାମା ତଲେ ଝେଙ୍ଗାଲି ମନ କିନେରି, ଏଝାରି ମିଜେ ତଲୁ ଦାଞ୍ଚିଆନାୟିମାନେ ଇଞ୍ଜୁଁ ବାଲାମାତମି କିୟାନେରି, କ୍ରୀସ୍ତତି ପାସିମୁଣ୍ଡା ତାକି ଏନିକିଁ ନିନ୍ଦା ବେଟାଆଅରି ଝାଢ଼ଇ ଏଦାଣିତାକି ଏଲେକିନେରି □

୧୩ ଇତିହୁଁ ଆମ୍ବାଆରି ତଲୁ ଦାଞ୍ଚି ଫେରା ତଲେ ମାନେରି, ଏଝାରି ତାମୁ ଜିକେଏ ମସାତି ଫେରା ମାନଞ୍ଚି ଆଅରି, ଇଞ୍ଜାଁ ଏଝାରି ଏନିକିଁ ମୀ ଆଜ୍ଞା ତାକି ବତପଣ କିହାଲି ଆଡ଼ିନେରି, ଏଦାଆଁତାକି ଏଝାରି ମିଜେ ତଲୁ ଦାପି କିଞ୍ଚିକିହାଲି ଅଣ୍ଡିନେରି □

୧୪ ସାମା ନାନୁ ଝାଢ଼ଇ ମା ଜୀସୁ କ୍ରୀସ୍ତତି କୁସ ତାକି ବତପଣ ଆହିମାଇଁ; ଇତିହୁଁ ଏଝାଣି କୁସ ତାକି ଦାରୁତି ନାଜେତାକି ହାହାମାନେ ଇଞ୍ଜାଁ ନାନୁ ଦାରୁତି ତାକି ହାହାମାଇଁ □

୧୫ ତଲୁ ଦାପି ଆନାୟି କି ଦାପି ଆଆଗାଗାୟି ଏନାୟି ହିଲେଏ, ସାମା ପୁଞ୍ଚି ଗାଡ଼ି ଆନାୟି ଏଡ଼ି ବାରେ କିହାଁ ମୁଲୁତାୟି □

୧୬ ଏତେକା ଲକୁ ଇ ଫେରା ତଲେ ତାକିନେରି, ଏଝାରି ଲାକ ଅଡ଼େ ମାହାପୁରୁତି ଇସାୟେଲ ଲକୁ ଲାକ ହିଡ଼ଡ଼ି ଅଡ଼େ କାର୍ମା ଆପେ □

୧୭ ନୀଞ୍ଜୁଟିଏ ଆମ୍ବାଆସି ନାଜେ କସୁ ହିୟାଆପେସି, ଇତିହୁଁ କ୍ରୀସ୍ତ ତାକି ବେଟାଆହାମାନି ଗାହାଁ ଗାରିୟାଁ ନା ଆଜ୍ଞାତା ମାନୁ □

୧୮ ଏ ତାୟି ତାଜିୟା, ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାୟି ମୀ ଜୀଝୁତା ଡ଼ୟାପେ □ ଆଫେନ୍ □

ଏପିସୀୟ ମଣ୍ଡଳୀ ନିକଟକୁ ପାତଳକ ପତ୍ର ଏପିସୀୟ କୁଲମିତାକି ପାଞ୍ଚୁଲ ରାତ୍ନାମାନି ଆକୁ ମୂଲୁ ହାତ୍ତା

ଏପିସୀୟ କୁଲମିତି ଆକୁ ପାଞ୍ଚୁଲ ରାତ୍ନାମାନେସି, ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟୁ କଲସିୟ କୁଲମିତାକି ରାଡ଼ିତି ବେଲା ରାସ୍ତି ଆହାମାତେ □ ରାଡ଼ିନାସି ତାନୁଏ ପାଣ୍ଡୁଆହାମାନି ପାଞ୍ଚୁଲ ଇଞ୍ଜିମାନେସି ୧:୧ □ କଲସିୟ ଆକୁତା ତାନି ଜହରା ହିଲାଆତି ଜିକେଏ ବୁଦିଗାଟାରି ଏପିସୀୟ ଆକୁ ପାଞ୍ଚୁଲ ରାତ୍ନାମାନେସି ଇଞ୍ଜି ଇନେରି □ ଅଡ଼େ ବାରେ କୁଲମିକା ତାକି ଆକୁ ହାସାଲି ରାସ୍ତିକି ଆହାଡ଼ୟିନେ □ ପାଞ୍ଚୁଲ ଇଦାଆଁ ଜିକେଏ ଝେସାମାନେସି ଇ ଆକୁ ରାଡ଼ିନି ବେଲାତା ଏଝାସି କାୟିଦିତା ମାତେସି ୩:୧-୪:୧ ଅଡ଼େ ୬:୨୦ □ ପାଞ୍ଚୁଲ ତୁକିକଇଁ ଏପିସୀୟ କୁଲମିତା ପାଣ୍ଡାନା ଏଝାଣି କେୟୁତା ଇ ଆକୁ ହାହାମାତେସି ୭:୧୧-୨୨ □

ଏପିସୀୟ ଏସିୟା ରାଜିତି ର କାଜା ଗାଡ଼ା ମାତେ □ ଏପିସୀୟ ଗାଡ଼ାତି ଗ୍ରିକ୍ ପେନୁ ଆର୍ଡେନି ଅଡ଼େ ଏଦାନି ଦେଝୁଡ଼ି ଝେଜିତାୟି ମାତେ, କାମା ୯:୨୩-୩୧ □ ଏପିସୀୟ କୁଲମି ନକେଏ ବାଡ଼ୟୁ ଗାଟାୟି ମାତେ ତାୟୁ ରିହାଲି ମାଟ୍ତହେ ଝେ ବଲୁ ୨:୧-୭ □

ପାଞ୍ଚୁଲ ତାନି ଆଦା ଆକୁତା ମାହାପୁରୁ ଏନିକିଁ ତାନି ଲକୁଣି ଆଡ଼ିତେସି, ଅଡ଼େ ଏନିକିଁ ଜୀସୁ ତାଣାଟି ପାପୁଟି ଗେଲପିତେସି ଏଦାଆଁ ଝେସିମାନେସି □ ପାଞ୍ଚୁଲ କୁଲମିତି ଆଜାମ ତଲେ ତୁକହାନା କ୍ରୀସ୍ତ ଏଦାନି ତାୟୁଁ ଅଡ଼େ କନତି ମୂଲୁ ଝାଲି, କୁଲମି ର ତକ୍ତି ଲେହେଁ କ୍ରୀସ୍ତଏ ତକ୍ତା □ ଆକୁତି ତାୟୁ ବାଗାତା ପାଞ୍ଚୁଲ ପଡ଼ଝି ଆନାରାଇଁ କ୍ରୀସ୍ତ ତାଣା ରଣିଏ ଆହାଁ ଆଣ୍ଡାମାନି ଲକୁ ଲେହେଁ ନୀତାଲି ବାତିମାଲି ମାନେସି □

ପତିତା ମାନାୟି

- ୧ ପାଞ୍ଚୁଲ ଜହରା କିହାନା ପୁଣ୍ଡି କିହା କତିନାୟି □ ୧:୧-୨
- ୨ କ୍ରୀସ୍ତ ତଲେ କୁଲମିତି ତୁକନାୟି □ ୧:୩-୩:୨୧
- ୩ କ୍ରୀସ୍ତ ତାଣା ଏନିକିଁ ନାଡ଼ିନାୟି □ ୪:୧-୬:୨୦
- ୪ ଜହରା କିହାନା ଆକୁତି ରାପ୍ନାୟି □ ୭:୨୧-୨୪

୧ *ପାଞ୍ଚୁଲ, ମାହାପୁରୁତି ଅଣ୍ଡପୁ ତଲେ କ୍ରୀସ୍ତ ଜୀସୁତି ପାଣ୍ଡୁ ଆହାମାନାତେସି, ଏପିସୀୟତା ମାନି ମାହାପୁରୁ ଲକୁ ଇଞ୍ଜି କ୍ରୀସ୍ତ ଜୀସୁ ତାଣା ନାମୁତା ମାନି ଲକୁତାକି ଇ ଆକୁ ରାଡ଼ିମାଇଁ □

୨ ମା ଆବା ମାହାପୁରୁ ଇଞ୍ଜି ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ନାମେହନାୟି ଅଡ଼େ ହିଡ଼ି ଜୀଝୁ ମିଜେତାକି ଆୟାପେ □

ସୁଦୁଜୀଝୁତି ବର ପାଣ୍ଡନାୟି

୩ ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ ଅଡ଼େ ଆବାଇଁ ଜହରା ଆଡ଼େ □ ଏଝାସି କ୍ରୀସ୍ତ ତାଣା ମାଜେ ବାରେ ଜୀଝୁତି ବର ତଲେ ଲାକପୁରୁ ବର ହାହାମାଞ୍ଜାନେସି □

୪ ମାର ଏନିକିଁ ମାହାପୁରୁ ନକିତା ସୁଦୁ ଅଡ଼େ ଦହ ହିଲାଆଗାଗାତାୟି ଆନାୟି ଏଦାଆଁତାକି ଏଝାସି ଦାର୍ଡି ଗାଡ଼ି ଆଆ ନକେଏ ତାନି ତାଣା ମାଜେ ଆବାମାଞ୍ଜାତେସି □

୫ ଅଡ଼େ ଏଝାସି ମାଜେ କ୍ରୀସ୍ତ ଜୀସୁ ତାଣାଟି ତାଜେତାକି ମୀରକା ମାସ୍କା କିୟାଲି ତାନୁଏ ତଲିଏ ତୀରି କିତେସି; ଇଦି ଏଝାଣି ରାହାଁ ଅଡ଼େ ଅଣ୍ଡପୁ □

୬ ମାହାପୁରୁତି କାର୍ନାମେହନାଣି ତାକି ଇଞ୍ଜି ତାନି ମୀରୁଏଣାଇଁ ଉଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାର ମାହାପୁରୁଇଁ ଜହରା କିହିମାନାୟି □

୭ *କ୍ରୀସ୍ତ ହାଡ଼ି ତାଣାଟି ମାର ଗେଲପି ଆହାମାନାୟି, ଇତିହୁଁ ମା ବାରେ ପାପୁ ମେଣ୍ଡାମାନେ, ମାହାପୁରୁତି କାର୍ନା ଏତେକା କାଜାୟି □

୮ ଏଝାସି ଏ କାର୍ନାମେହନାଣି ବାରେ ବୁଦି ଅଡ଼େ ଅଣ୍ଡପୁ ମାଜେ ହାଡ଼େକା ହାହାମାଞ୍ଜାନେସି □

* ୧:୧ ୧:୧ କାମା ୧୮:୧୯-୨୧; ୧୯:୧ * ୧:୭ ୧:୭ କଲସି ୧:୧୪

୯ ନକେଏ ଅଣପାମାନି ତାନି କାର୍ମାତଲେ ଏଝାସି ମାଙ୍ଗେ ତାନି ଅଣପୁ ତଲେ ତରୁମାନି ଅଣପୁତି ତପାମାଞ୍ଜାନେସି □

୧୦ ଏନିକି କାଲୁତି ତାନି ଅଣପୁ ତଲେ ଲାକପୁରୁ କି ଦାତ୍ତିତା ମାନାଣି ବାରେ ଏଝାସି ତାଙ୍ଗେତାକି କ୍ରାସ୍ତ ତାଣା ରଣ୍ଡେଏ କିନେସି □

୧୧ ମାରୁ ଜିକେଏ ଏଝାଣି ତାଣା ଅଦିକାରା ଲେହେଁ ଆହାମାନାୟି, ଇଚିହଁ ଏମିନି ମାହାପୁରୁ ତାନି ମନତି ଅଣପୁ ତଲେ ବାରେ କାତା ତୀରି କିନେସି, ଇଞ୍ଜା ଏଝାସି ତଲିଚିଏ ମନତା ତୀରି କିହାମାଚିଲେହେଁ ମାରୁ ନକେଏ ଆବୁଝି ଆତାୟି

୧୨ ମାରୁ ଏନିକି କ୍ରାସ୍ତ ତାଣା ନକେଏ ବାସୁଁ କିହା ମାଚାୟି, ମାରୁ ବାରେତାୟି ମାହାପୁରୁ ଗାଝୁରମିତି ଜହରା କିନାତାୟି ଆନ □

୧୩ ଏଝାଣି ତାଣାଚି ମାରୁ ଜିକେଏ ସାତା ବଲୁ ଇଚିହଁ ମିଙ୍ଗେ ଗେଲପାନି ନେହଁ କାବୁ ଝେଞ୍ଜାନା ନାମାହାଁ ଆଞ୍ଜାମାନି ସୁଦୁଜୀଝୁ ତଲେ ବୁଚୁ ମୁଦ୍ରା ଆହାମାଞ୍ଜେରି;

୧୪ ମାହାପୁରୁ ତାନି ଲକ୍ଷୁତାକି ଏନାଆଁ ହାହାଲି ଆଞ୍ଜାମାନେସି ଏ ବାରେ ମାରୁ ବେଟାଆନାୟି ସୁଦୁଜୀଝୁ ତାନି ବାୟିଦା ଲେହେଁ □ ମାହାପୁରୁ ତାନି ଲକ୍ଷୁତାକି ଗେଲପି ଆନାଣି ହାନେସି ଈ ବାରେତାକି ମାହାପୁରୁତି ଗାଝୁରମି କିନ □

ପାଝୁଲତି ପ୍ରାତାନା

୧୫ ଇଦାଆଁତାକି, ପ୍ରବୁ ଜୀସୁ ତାଣା ମୀ ନାମୁ ଇଞ୍ଜା ବାରେ ମାହାପୁରୁ ଲକ୍ଷୁତାକି ଜୀଝୁନନାୟି ମାନେ,

୧୬ ଏ କାତା ଝେଞ୍ଜାନା ମିଙ୍ଗେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଇଁ □

୧୭ ମା ପ୍ରବୁ ଜୀସୁ କ୍ରୀସ୍ତତି ମାହାପୁରୁ, ଗାଝୁରମିଗାଚି ଆବା, ଏଝାସି ମିଙ୍ଗେ ସୁଦୁଜୀଝୁତି ହିୟାନେସି ଏ ଜୀଝୁ ମିଙ୍ଗେ ବୁଦି ହିୟାନେ, ଅଡେ ମାହାପୁରୁଇଁ ମୀ ତାଣା ତଞ୍ଜି କିୟାନେ, ଆତିହଁ ମାରୁ ଏଝାଣାଇଁ ପୁଞ୍ଜେରି □

୧୮ ଏମାଚିଏ ମୀ ହିୟାଁତି କାଣକା ଦେପି ଆଡିସାରେ, ତାନୁ ହାଟାମାଞ୍ଜାନି ବାସୁଁ ଏନାୟି, ମାହାପୁରୁ ଲକ୍ଷୁତାଣା ତାନି ଅଦିକାରାଚି ଗାଝୁରମିଗାଚି ଦନ ଏନାୟି,

୧୯ ତାନି ଲକ୍ଷୁତାକି ତାନି ଆଞ୍ଜାମାନାୟି ହାରେକା କାଜା ବରୁ ଅଡେ ନାମିମାନାତାୟି ମାରୁ, ତାନି ବାଡୁୟୁତି କାମା କିନାତାୟି, ଇଞ୍ଜା ମାଙ୍ଗେତାକି ତାନି ବାଡୁୟୁ ଏଚେକା କାଜାୟି ଈ ବାରେ ପୁଞ୍ଜାଲି ଆଡିଦେରି;

୨୦ ଏ ବାଡୁୟୁ କ୍ରୀସ୍ତ ତାଣା ତପାନା ଏଝାଣାଇଁ ହାଡାରି ତାଣାଚି ନିକହାନା ଲାକପୁରୁ ତାନି ଚିଃନି ଚଟତା କୁଗି କିହାମାନେସି □

୨୧ କ୍ରୀସ୍ତ ଲାକପୁରୁ ବାରେ ସାଲୁଝି କିନାସି, କାଜାପାଣା, ବାଡୁୟୁ, ମୁସ୍ତାଦାରିୟାଁ ଲାକ ସାଲୁଝି କିନାସି, ଈ ଜୁଗୁତା ଅଡେ ଏ ଜୁଗୁତା ଏଚେକା ଦରୁକା ଝେଞ୍ଜା ମାନୁ, ଏ ବାରେଚି ମୁହେଁ ଏଝାଣି ପାଣା କାଜାୟି □

୨୨ ମାହାପୁରୁ ବାରେ କ୍ରୀସ୍ତତି କତାୟାଁ ତୁଇ ଇଚିଚେସି, ଇଞ୍ଜା ଏଝାଣାଇଁ ବାରେଚି କିହାଁ କାଜାସି କିହାନା କ୍ରୀସ୍ତାନା କୁଲମିକା ହେରପା ମାନେସି □

୨୩ ଏ କୁଲମିକା କ୍ରୀସ୍ତତି ଆଙ୍ଗା ଲେହେଁ, ଇଚିହଁ ଆମ୍ବାଆସି ବାରେ କାମାଚି ବାରେ ତାଣା ପୁରା କିନେସି □

୨

ହାକିଚି ଜୀଝୁ ପାଣ୍ଡନାୟି

୧ ମୀ ଦହ ଅଡେ ପାପୁ ତାକି ତଲି ଜୀଝୁତା ହାହାମାଚେରି,

୨ ଇଚିହଁ ଏମିନି ଜୀଝୁ ନାଏଁ ଜିକେଏ କାତା ମାନୁଝି ଆଆଗାଚି ମୀରୁକା ତାଣା ଅଦିକାରା କିହାମାନେ, ଏ ଦାତ୍ତିଚି ମନତଲେ ମାରୁ ଜିକେଏ ତଲି କାଲ୍ଲା ଏ ଜିରୁତା ତାକିହଁ ଦହ କିହାନା ପାପୁତାକି ହାହାମାଚେରି □

୩ ଏ କାତା ମାନୁଝି ଆଆଗାଚି ମୀରୁକା ତଲେ ମାରୁ ବାରେ ଏ ବେଲତା ମା ଆଙ୍ଗାଚି ମାଣକି ତଲେ ନୀତାନା ଆଙ୍ଗା ଅଡେ ମନତି କାମା କିହିମାଚାୟି, ଇଞ୍ଜା ଏଚକାତାରି ଲେହେଁ ମାରୁ ଜିକେଏ ମାହାପୁରୁ କପାଚି ଲକ୍ଷୁ ମାଚାୟି □

☆ ୧:୨୨ ୧:୨୨ କଲସି ୧:୧୮

୪ ସାମା ମାହାପୁରୁ ହାରେକା କାର୍ମା ମେହନାସି; ଏଞ୍ଜସି ମାଙ୍ଗେ ହାରେକା ଜୀସୁ ନଞ୍ଜୁତା ଜୀସୁ ନୟାତେସି,

୫ ଏଚେତା ମାର ପାପୁ ତାକି ହାହା ମାଗାୟି, ଇଞ୍ଜା ମାଙ୍ଗେ କ୍ରୀସୁ ଜୀସୁ ତଲେ ନିକହାତେସି, ଅଚେ ମାହାପୁରୁତି କାର୍ମାଟି ମୀରୁ ଗେଲ୍ପି ଆହାମାଞ୍ଜେରି □

୬ ଇଞ୍ଜା ତାନି ତଲେ ମାଙ୍ଗେ ହାକିଟି ନିକହାନା କ୍ରୀସୁ ଜୀସୁ ତାଣା ଲାକପୁରୁ କୁଗି କିହାମାଞ୍ଜାନେସି □

୭ କ୍ରୀସୁ ଜୀସୁ ତାଣା ମାଙ୍ଗେତାକି ଜୀସୁନହାନା ଝାହିମାନି ଜୁଗୁତା ତାନି କାର୍ମାଟି ହାରେକା ଦନ ତସାଲି ମାହାପୁରୁ ଇଦାଆଁ କିତେସି □

୮ ଏନାଆଁତାକି ଇଚିହଁ ମୀରୁ ନାମିତାକି ମାହାପୁରୁତି କାର୍ମାଟି ଗେଲ୍ପି ଆହାମାଞ୍ଜେରି; ଏଦି ମୀ ତାଣାଟି ଆହା ହିଲେଏ, ଏଦି ମାହାପୁରୁତି ଦାନା,

୯ ଏଦି ମୀରୁ କାମା କିତାକି ଆଏ, ଏଦାଆଁତାକି ଆମ୍ବାଆସି ବତପଣ କିଆପେସି □

୧୦ ଇଚିହଁ ମୀରୁ ତାନି ତାଣାଟି ଗାଡ଼ି ଆହାମାନାୟି; ଆମିନି ନେହଁ କାମା କିଇଁ ଇଞ୍ଜାଁ ମାହାପୁରୁ ତଲିଏ କିହାଲି ତାକି ତିୟାରା କିହାମାତେସି ଏ ବାରେ ମାନଝି ଆହାଲି କ୍ରୀସୁ ଜୀସୁ ତାଣାଟି ଗାଡ଼ି ଆହାମାନେ □

କ୍ରୀସୁ ତାଣା ରଣିଏ ଆନାୟି

୧୧ ମୀରୁ ଏଚିବେଲା ତଲି ଆଙ୍ଗା ତଲେ ଜୀହୁଦିଆଆନା ମାଚେରି ଅଚେ ଆଙ୍ଗାଟି ଅଣ୍ଡପୁତା କେୟୁତଲେ ତଲୁ ଦାପି ଆଡି ଲକୁ ତାଣାଟି ତଲୁ ଦାପି ଆଆତାରି ଇଞ୍ଜାଁ ଝେଙ୍ଗିମାଚେରି □

୧୨ ଏଚିବେଲା ମୀରୁ କ୍ରୀସୁ ତାଣାଟି ହେକ ମାଚେରି, ମୀରୁ ଏଚକା ଦେସାତାଚେରି ମାଚେରି, ଅଚେ ମାହାପୁରୁତି ଆଡିତ ଇସ୍ତାୟେଲ କୃତାତା ଆଣ୍ଡାହିଲାଆଚେରି, ମାହାପୁରୁ ତାନି ଲକୁତାକି କିହାମାନି ରାକିମାନାତା ମୀ ଏଦି ବାଗା ହିଲାଆଚେ, ମାହାପୁରୁ ଅଚେ ବାସୁ ହିଲାଆ ଲକୁ ଲେହେଁ ଦାଚିତା ବାସା କିହାମାଚେରି □

୧୩ ନକେଏ ମୀରୁ ହେକ ମାଚେରି, ସାମା ନୀଏଁ ମୀରୁ କ୍ରୀସୁ ଜୀସୁ ତାଣାଟି ତାନି ନେଚେରି ତଲେ ତାଗେ ଆହାମାଞ୍ଜେରି □

୧୪ ଏନାଆଁତାକି ଇଚିହଁ ଏଞ୍ଜସି ମା ହିଡ଼ଡ଼ି, ଏଞ୍ଜସି ସାତୁ ଲେହେଁ ପାଡ଼ି କାତିନି କାତିତି ଡିକହାନା ବାରେତି କାଲହା ମାନେସି,

୧୫ *ଜୀହୁଦି ଲକୁତି ପାଣାପାରୁ ହୁକୁମିତି ମୋରାତି ତାନି ଆଙ୍ଗାଟି ହେକ କିହାମାନେସି, ଏନିକଁ ଏଞ୍ଜସି ହିଡ଼ଡ଼ି ହାହାନା ଜୀହୁଦି ଅଚେ ଜୀହୁଦିଆଆତି କୃତାତାରାଇଁ ତାନି ତାଣା ର ପୁଝନି ଲକୁଲେହେଁ ଗାଡ଼ି କିନେସି □

୧୬ *ଅଚେ କ୍ରସତା ହାହାନା ଜୀହୁଦି ଅଚେ ଜୀହୁଦିଆଆତାରି ସାତୁତି ନାସା କିହାନା ଏଦାଣି ତଲେ ରିଆରାଇଁ ରଣିଏ ଆଙ୍ଗା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି □

୧୭ ଅଚେ ହେକ ମାଟି ଜୀହୁଦିଆଆତି ଲକୁଣି ଅଚେ ତାନି ତାଗେ ମାନି ଜୀହୁଦି ଲକୁ ଇ ରିଆରି ତାଣା ଏଞ୍ଜସି ଝାହାନା ହିଡ଼ଡ଼ିତ ନେହଁ କାତୁ ଝେକହେସି;

୧୮ ଏନାଆଁତାକି ଇଚିହଁ କ୍ରୀସୁତି ତାକି ବାରେ ଜୀହୁଦିୟାଁ ଅଚେ ଜୀହୁଦିଆଆତି ଲକୁ ରଣିଏ ସୁଦୁଜୀସୁଟି ଲାକପୁରୁ ଆବା ତାଣା ହାଜାଲି ଜିରୁ ବେଟାଆହାମାନାୟି □

୧୯ ଏଦାଆଁତାକି ମୀରୁ ଏଚକା ଦେସାତାଚେରି ଇ ଦେସାତାଚେରି ଆଏ, ସାମା ମାହାପୁରୁ ଲକୁତଲେ ଆଣ୍ଡାନା ଏଞ୍ଜାରି ଦେସାତି ଲକୁ, ଅଚେ ମାହାପୁରୁ ଇଲୁ କୁଚିତେରି □

୨୦ ମୀରୁ ପାଣ୍ଡି ଆହାମାନାରି ଅଚେ ମାହାପୁରୁ ଅଣ୍ଡପୁତି ବଲୁ ଝେହନାରି ଇଗାମାନି ପୁନାଦି ମୁହେଁ ଇଚିକି ଆହାମାଞ୍ଜେରି, କ୍ରୀସୁ ଜୀସୁ ତାନୁଏ, ଏ କନତି ମୁଲୁ ଝାଲି □

୨୧ ଏଞ୍ଜାଣି ତାଣା ବାରେ ଇଲୁତି ବାରେ କାତିୟାଁ ଦୂର୍ସାନା ପ୍ରୁ ତାଣା ର ସୁଦୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ □

୨୨ ଏଞ୍ଜାଣି ତାଣା ମୀରୁ ଜିକେଏ ମା ତଲେ ଆଣ୍ଡାନା ସୁଦୁଜୀସୁଟି ମାହାପୁରୁ ବାସାଆନି ଇଲୁ ଲେହେଁ ଦସପି ଆହାମାଞ୍ଜେରି □



ଏବଂକା ଲକ୍ଷ୍ମୀତାଣା ପାଞ୍ଚୁଲତି କାମା

୧ ଇଦାଆଁତାକି ମୀ ଲେହେଁତି ଜୀହୁଦିଆଆତି ଲକ୍ଷ୍ମୀତାକି କ୍ରୀସ୍ତ ଜୀସୁ ତାକି ଦସ୍ପି ଆହାମାନି ପାଞ୍ଚୁଲତେଏଁ □

୨ ମିଜେତାକି ନାଜେ ହୀହାମାଞ୍ଜାନି ମାହାପୁରୁତି କାର୍ମାତି ସେବାକିନି କାମାତି କାତା ମୀରୁ ଖେଞ୍ଜାମାଞ୍ଜେରି,

୩ ଅଡେ ଡଗ୍ମାମାନି କାତା ମାହାପୁରୁ ତାନୁଏ ତସାନା ପୁଣ୍ଡି କିୟାତେସି, ଏନିକିଁ ନାନୁ ତଲି ଏ ବାରେ କାତା ଇଚାଣି ରାଡାମାଇଁ;

୪ ମୀରୁ ଏଦାଆଁ ପଡ଼ୁଞ୍ଚି ଆହାନା କ୍ରୀସ୍ତତି ଡଗ୍ମାମାନି କାତା ନାନୁ ଏଦାଆଁ ତେଲହାମାଇଁ ଏଦାଆଁ ମୀରୁ ତେଲହାଲି ଆଡ଼ିଦେରି,

୫ ତଲି କାଲ୍ଲାତା ମାଣ୍ଡସିୟାଁ ତାଣା ତଞ୍ଜା ଆହାହିଲ୍ଲାଆତେ, ଏ ଡଗ୍ମାମାନାୟି ନୀଏଁ ସୁଦୁଜୀସ୍ତୁତି ତାନି ସୁଦୁତି ପାଣ୍ଡୁଞ୍ଚି ଆହାମାନାରି ଅଡେ ମାହାପୁରୁ ଅଣ୍ଡପୁତି ବଲ୍ଲୁ ଖେହ୍ନାରି ତାଣା ଏନିକିଁ ତଞ୍ଜା ଆହାମାନେ,

୬ ଏ ଡଗ୍ମାମାନି କାତା ଇଦି ନେହଁ କାରୁ ତାଣାଟି ଜୀହୁଦିୟାଁ ମାହାପୁରୁତି ବର ବେଟାଆନି ଲେହେଁ, ଏବଂକା କୁଡାତାରି ଜିକେଏ ବାରେଜାଣା ଆଣ୍ଡନା ର ଆଜ୍ଞା ଲେହେଁ ଆହାନା କ୍ରୀସ୍ତ ଜୀସୁ ତାଣାଟି ମାହାପୁରୁ ଆଞ୍ଜାମାନାଣି ବାରେ ବେଟାଆନେରି □

୭ ମାହାପୁରୁତି କାମା କିନି ବାଡ଼ୁୟୁ ତଲେ ନାଜେ ଏମିନି କାର୍ମାତି ଦାନା ହୀହାମାଞ୍ଜାନେସି ଏଦାଆଁତାକି ଏ ନେହଁ କାରୁତି ଖେକ୍ନାତେଏଁ ଆହାମାଇଁ □

୮ ମାହାପୁରୁ ଲକ୍ଷ୍ମୀ ବିତାଟି ନାନୁ ବାରେତି କିହାଁ ଉଣାତେଏଁ ମାତି ଜିକେଏ ଏବଂକା କୁଡାତି ଲକ୍ଷ୍ମୀତାଣା ଏଜିକିହାଲି ଆଡାଆଗାଟି କ୍ରୀସ୍ତତି କାର୍ମାତି ନେହଁ କାରୁ ଖେକ୍ନାଲି ମାହାପୁରୁ ପାରୁ ହୀହାମାଞ୍ଜାନେସି,

୯ ଅଡେ ବାରେ ଗାଡ଼ିକିତି ମାହାପୁରୁ ତାଣା ତଲି କାଲ୍ଲାଟିଏ ଡଗ୍ମାମାନି କାତାତାକି ଏଞ୍ଜାଣି ଅଣ୍ଡପୁ ଏନାୟି ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମେଡା ଆହାମାଞ୍ଜାନେ,

୧୦ ଏନିକିହଁ ନୀଏଁ କ୍ରୀସ୍ତାନା କୁଲ୍ଲମିତି କାମାଟି ଲାକପୁରୁତି ସାଲ୍ଲୁ କିନାରି ବାଡ଼ୁୟୁ ଗାଟି ମାହାପୁରୁତି ବୁଦି ନେହଁ କିଁ ପୁଞ୍ଜାଲି ଆଡ଼ିନେରି,

୧୧ ମାହାପୁରୁ ତାନି କାଲ୍ଲକାଲ୍ଲାତି ଅଣ୍ଡପୁ ଲେହେଁ ମା ପ୍ରବୁ କ୍ରୀସ୍ତ ଜୀସୁ ତାଣାଟି ବାରେ କିହାମାନେସି □

୧୨ ଏ ପ୍ରବୁ ତାଣା ନାମାମାନାକି ମାର ଏଞ୍ଜାଣି ତାଣା ସାସାଟି ଆଜାଆନା ମାହାପୁରୁ ତାଣା ହାଜାଲି ସାସା ବେଟାଆହାମାନାୟି □

୧୩ ଏଦାଆଁତାକି ନାନୁ ମିଜେ ବାତିମାଲ୍ଲିମାଞ୍ଜାଇଁ, ମିଜେତାକି ନାନୁ ବେଟାଆହିମାନି ଦୁକୁ କସ୍ତ ତାକି ସାସା ପିହ୍‌ଆଦୁ, ସାତେଏ ଏଦି ମୀ ଗାଞ୍ଜୁରିମି ତାକି ଆହାମାନେ □

କ୍ରୀସ୍ତତି ଜୀହୁନନାୟି

୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅଡେ ଦାଡ଼ିତି ବାରେ କୁଟମି, ତାନି କୁଡାତି ଦରୁ ବେଟାଆହାମାନେ,

୧୫ ଏ ମାହାପୁରୁ ଆବା ନକିଡା ମେଣ୍ଡାକୁତାନା ପ୍ରାଡାନା କିହମାଇଁ □

୧୬ ଏନିକିଁ ଏଞ୍ଜାସି ତାନି ଗାଞ୍ଜୁରିମିଗାଟି ଦନ୍ ତାନି ସୁଦୁଜୀସ୍ତୁ ତଲେ ମିଜେ ମୀ ଅଣ୍ଡପୁତା ତୀରି ମାଣ୍ଡସି ଆହାଲି ବାଡ଼ୁୟୁ ହିୟାନେସି,

୧୭ ମୀ ନାମୁତଲେ କ୍ରୀସ୍ତ ମୀ ହିୟାଁତା ବାସା କିନେସି, ଏନିକିଁ ମୀ ଜୀସୁ ନଖୁତା ପୁନାଦି ଅଡେ ଆଡ଼ୁଡା ତଲେ ତୀରିଆହାନା ଏଜିକିହାଲି ଆଡାଆଗାଟି କ୍ରୀସ୍ତତି ଜୀସୁ ନଖୁ,

୧୮ ଏଦାଆଁ ପୁଞ୍ଜୁ ଇଞ୍ଜାଁ ବାରେ ମାହାପୁରୁ ଲକ୍ଷ୍ମୀତଲେ ଏମ୍ବାତି ଅସାରା ଅଡେ ଲାମ୍ବା ପାଡ଼ଣି ଅଡେ ଗାଡ଼ୁୟୁତି ପୁଞ୍ଜାଲି ବାଡ଼ୁୟୁ ବେଟାଆଦି □

୧୯ ହାଅ ମୀରୁ ଏନିକିଁ କ୍ରୀସ୍ତତି ଜୀସୁ ନନାଣି ପୁଞ୍ଜେରି ଆତିହଁ ଜିକେଏ ଏଦାଆଁ ନେହଁ କିଁ ପୁଞ୍ଜାଲି ଆଏ, ଅଡେ ଏଲେକିହଁ ମାହାପୁରୁତି ଗୁଣ୍ଡୁତଲେ ପାଡାଆଦୁ □

* ୩:୪ ୩:୪ କଲସି ୧:୨୭,୨୭

୨୦ ଆମିନି ମାହାପୁରୁ ମା ହିୟାଁତା କାମା କିହିମାନି ତାନି ବାଡ଼ୁୟୁ ତଲେ ମାରୁ ରାହ୍ନାଣି ଅଡ଼େ ଅଣପିନାଣି କିହାଁ ହାଡ଼ରକା ଆଗାଡ଼ା ହିୟାଲି ଆଡ଼ାନେସି,

୨୧ କୁଲମିଟି ଅଡ଼େ କ୍ରାସ୍ତ ଜାସୁ ତାଣାଟି ଏ ମାହାପୁରୁତି ଗାଝୁରମି କାଲାକାଲାତାକି ମାଣ୍ଡେଏ ଆଡ଼େମନ୍

୪

ରଣ୍ଡିଏ ଆଜା

୧ ପ୍ରବୁତି ସେବାତାକି ନାନୁ କାୟିଦିତା ମାଇଁ, ମିଙ୍ଗେ ବାତିମାଲିମାଞ୍ଜାଇଁ, ଏନିକିଁ ନୀତାବାଡ଼କାଲି ତାକି ମାହାପୁରୁ ମିଙ୍ଗେ ହାଡ଼ାମାଞ୍ଜାନେସି, ଏଲେତି ମାଣ୍ଡକି ତଲେ ମାଞ୍ଜୁ

୨ ଇତିହିଁ ବାରେଲେହେଁତି ଉଣା ଗାଟାତେରି, ସୁଦୁ ସୁଝାଲା, ହାଡ଼ରକା ଅରୁହିନାତେରି ଅଡ଼େ ଜାଝୁନହାଁନା ରଅତେରି ରଅଣାଇଁ ଅରୁହିନାତେରି ଆଦୁ;

୩ ମୀରୁ ବାରେଜାଣା ତେରି ହଡ଼ଡ଼ିତି ତ:ରିତଲେ ଦସ୍ପି ଆହାନା ସୁଦୁଜାଝୁ ବାଡ଼ୁୟୁତି ରଣ୍ଡିଏ ଲେହେଁ ଆହାଲିତାକି ଜାଡ଼ନୁ ଆଦୁ

୪ ଆଜା ରଣ୍ଡିଏ, ସୁଦୁଜାଝୁ ଜିକେଏ ରଣ୍ଡିଏ, ଏନିକିଁ ମୀରୁ ମୀ ହାଡ଼ାମାନି ରଣ୍ଡିଏ ବାସୁଁ ତଲେ ହାଡ଼କି ଆହାମାଞ୍ଜେରି;

୫ ପ୍ରବୁ ରଅସିଏ, ନାମୁ ରଣ୍ଡିଏ ଅଡ଼େ ବାପ୍ତିସ୍ତ* ଜିକେଏ ରଣ୍ଡିଏ,

୬ ବାରେ ମାଣ୍ଡସିୟାଁତି ରଣ୍ଡିଏ ମାହାପୁରୁ ଅଡ଼େ ତାଞ୍ଜି; ଏଝାସି ବାରେତି ମୁହେଁ, ବାରେତି ବିତ୍ରା ଇଞ୍ଜା ବାରେତି ହିୟାଁତା ମାନେସି

୭ ସାମା କ୍ରାସ୍ତତି ଦାନା ଏଚେକା ବେଟାଆନାୟି ମାନେ ଏଚେକା ମାଙ୍ଗେ ବାରେଜାଣା ତାକି ମାହାପୁରୁତି କାର୍ମାମେହ୍ନାୟି ହାପୁକି ଆହାମାଞ୍ଜାନେ

୮ ଦାମ୍ବୁ ସାସ୍ତେରିତା ରାସ୍ତକି ଆହାମାନେ,

“ଏଝାସି ଲାକ ହାଜାନା, ହାଡ଼ରକା ଦସ୍ପି ଆହାମାନାରାଇଁ ତାନିତଲେ ଅଡ଼େସି;

ଅଡ଼େ ମାଣ୍ଡସିୟାଁକି ଏଟକା ଏଟକାତି ବରୁ ହୀତେସି

୯ “ଏଝାସି ଲାକ ହାଚେସି” ଇତିସାରେ ଏନାୟି ? ଏଲେଇତିସାରେ ମୁଲୁଏ ଏଝାସି ଦାରୁଡ଼ିତି ଡ଼ଇ ପାତେକା ରେଟା ଝାହାମାଚେସି

୧୦ ଆମ୍ବାଆସି ଡ଼ଇପୁରୁ ଝାହାମାଚେସି, ବାରେ ଦାରୁଡ଼ିତ୍ ତାନୁ ମାଞ୍ଜାନା ବାରେ ପୁରା କିହାଲିତାକି ଏଝାସି ଅଡ଼େ ଝେଣ୍ଡେ ଲାକପୁରୁ ହାଚେସି,

୧୧ ଏଝାସି ଲକ୍ଷ୍ମତାକି ହାଡ଼ରକା ଦାନା ହୀତେସି; ଆମ୍ବାଆରାଇଁ ପାଣ୍ଡୁଣ୍ଡି ଆଡ଼ାରି ଆହାଲି, ଆମ୍ବାଆରାଇଁ ମାହାପୁରୁ ଅଣ୍ଡପୁତି ବଲୁ ଝେକ୍ନାରି ଆହାଲି, ଆମ୍ବାଆରାଇଁ ନେହଁ କାବୁ ଝେକ୍ନାରି ଆହାଲି, ଅଡ଼େ ଏଚର ଜାଣାଇଁ କୁଲମି ଜାଡ଼ନୁ କିନାରି ଅଡ଼େ ଜାପୁନାରି ଆହାଲି ଦାନା ହାହାମାନେସି,

୧୨ ଏନିକିଁ ମାହାପୁରୁ ଲକ୍ଷ୍ମତି ସେବା କାମାତାକି ତୀରି ଆହାଲି ଆଡ଼ିନେ ଇଞ୍ଜା କ୍ରାସ୍ତତି ଆଜା ପାତାଆହାଲି ଆଡ଼ିନେ

୧୩ ଏନିକିଁ ମୀରୁ ବାରେଜାଣା ନାମୁତା ଅଡ଼େ ମାହାପୁରୁତି ମୀରୁଏଣା କାତାତି ବୁଦିତା ରଣ୍ଡିଏ ଆହାଲି ଆଡ଼ିନାୟି, ଇତିହିଁ କ୍ରାସ୍ତ ଲେହେଁ ଆହାନା ପାତାଆଡ଼ି ଲକ୍ଷ୍ମ ଲେହେଁ ଆନାୟି,

୧୪ ଗାଲି ଝାନାଟି ଅଡ଼େ ଏୟୁ ଉଣ୍ଡାତା ଦାକ୍ତିମାନି କକାରି ପଦାୟାଁ ଲେହେଁ ମୀରୁ ଇତାଲା ଆତାଲା ଆଆପ

ଏଟକା ଲକ୍ଷ୍ମଣି ଜିରୁ ବାଣି କିହିମାନି ନାଡ଼ିକିନି ଅଣ୍ଡପୁତି ଜାପୁନି ତାଣା ମୀରୁ ତରୁଗାଆପ

୧୫ ସାମା ସାତାତି ଆସାମା ତାୟୁଁ ଚୁଲହେଁତି କ୍ରାସ୍ତ ଏଝାଣି ତାକି ବାରେ ଜାଝୁ ନଝୁତା ପାତାଆନ

୧୬ ଏଝାଣି ତାଣାଟି ବାରେ ଆଜା ବାରେ ହାନ୍ଦୁଲିକା ସାୟେମି ତଲେ ଅଡ଼େ ବାରେ ଆଜାତି କାମା କିନି ବାଡ଼ୁୟୁ ତଲେ ଦୂରଞ୍ଜି ଆହାନା ଜାଝୁ ନଝୁତା ତାନି ନେହେଁତାକି ଜାହାରାଇଁ ପାତି କିହିମାନୁ

କ୍ରାସ୍ତ ତାଣା ପୁଃନି ଜାଝୁ

୧୭ ପ୍ରବୁ ଦରୁତଲେ, ନାନୁ ମିଙ୍ଗେ ଜାଗାତା କିହାଁ ଝେସିମାଞ୍ଜାଇଁ, ନାମାଆତାରି ଏନିକିଁ ତାନି ମନ୍ତା ଉଜେଏତି ଅଣ୍ଡପୁ ତଲେ ନୀଡ଼ିନେରି ମୀରୁ ଏଲେକିଁ ନୀତାଆଦୁ,

* ୪:୨ ୪:୨ କଲସି ୩:୧୨,୧୩ * ୪:୫ ୪:୫ମୁଞ୍ଜିନାୟି * ୪:୧୭ ୪:୧୭ କଲସି ୨:୧୯

୧୮ ଏଞ୍ଜାରି ତାମି ତାଣା ମାନି ମୁକୁଁ ତାକି ଜାହା ଜାହାରା ମନ ଆଟ୍ଟୁଆ ମାନାକି ଏଞ୍ଜାରି ମାହାପୁରୁ ହାହାମାନି ଜାହୁତି ବୁଦି ଆନ୍ଦେରି ଆହାମାନେ, ଅଡ଼େ ମାହାପୁରୁ ତାଣାଟି ଏଟ୍ଟୁକା ଆହାମାନେରି;

୧୯ ଏଞ୍ଜାରି ଆଟ୍ଟୁଆ ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଇଁ ହେର୍ପା କତାମାନେରି □

୨୦ ସାମା ମୀରୁ କ୍ରୀସୁଇଁ ଏଲେକିହିଁ ଜାପାହିଲଅତେରି □

୨୧ ମୀରୁ ତାନି କାତା ସାତାତଲେ ଝେଞ୍ଜାମାଞ୍ଜେରି, ଅଡ଼େ ଜୀସୁ ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି,

୨୨ *ଇଚିହିଁ, ମୀରୁ ମୀ ନଡ଼େଏତି ମାଣ୍ଡକିତା ନାଡ଼ିକିନି ରାହୁଁତା ହାରେ ହାରେକା ଲାଗେଏ ଆହିମାଟେ □

୨୩ ମୀ ମନତା ପୁଃନି ଗୁଣୁ ଆହାନା □

୨୪ *ଏନିନି ପୁଃନି ଗୁଣୁ ମାହାପୁରୁତି ଖାଣା ତଲେ ଦାମୁଁ ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପରହାଲି ଜାପାମାଞ୍ଜେରି □

୨୫ ଈଦାଆଁତାକି ମିଚିତି ପିସାନା ମୀରୁ ବାରେଜାଣା ତେରି ନାମିତି ତାୟିୟାଁ ତଲେ ସାତା କାତା ଝେସ୍ପି ଆଦୁ, ଇଚିହିଁ ମୀରୁ ରଣ୍ଡିଏ ଆଜ୍ଞାତାୟି □

୨୬ କାର୍ବି ଆଦୁ, ସାମା ପାପୁ କିଆଦୁ; ଝେଡ଼ା ହାଲାଆ ନଡ଼େଏ କାର୍ବି ପିହ୍ପୁ;

୨୭ ଅଡ଼େ ସୟତାନକି ଟାୟୁ ହାଆଦୁ □

୨୮ ସରୁ ଅଡ଼େ ସରୁ କିଆପେସି, ଇଚିହିଁ ହିଲାଆ ଗାଟାରାକି ହାହାଲିତାକି ଏନିକିହିଁ ତାନି ତାଣା ଏନାୟି ତୁୟିନେ, ଈଦାଆଁତାକି ତାନି କେୟୁତଲେ ନେହିଁ କାମା କିହାନା କସ୍ପ କିପେସି □

୨୯ ମୀ ଗୁଡ଼ିଟି ଏନି ଲାଗେଏତି କାତା ହଆପେ, ମୀ ଲଡ଼ାମାନି ଲେହେଁ ନେହିଁ କାତା ହପେ ଏନିକିହିଁ ଏନି ଝେନାରାକି ନେହାୟି ଆନେ □

୩୦ ମାହାପୁରୁତି ସୁଦୁଜାହୁଁ ତଲେ ମିଙ୍ଗେ ଗେଲ୍ପିନି ଦିନାତାକି ବୁଟୁ ମୁଦୁ କିଝି ଆହାମାଞ୍ଜେରି ଏଦାଣି ଦୁକୁ ହାଆଦୁ □

୩୧ ବାରେଲେହେଁଟି କୁଟୁ ଅଣ୍ଡାପୁ, କାର୍ବି, କପା, ଗଡ଼ହା ଅଡ଼େ ନିନ୍ଦା, ଇଞ୍ଜା ବାରେଲେହେଁଟି ଅପାଆଗାଗାୟି ମୀ ତାଣାଟି ହେକ ଆପେ □

୩୨ *ଅଡ଼େ, ରଅତେରି ରଅଣାଇଁ କାର୍ମା ଅଣ୍ଡାପାଦୁ, ହିଡ଼ଡ଼ି ହିୟାଁ, ଅଡ଼େ ମାହାପୁରୁ କ୍ରୀସୁ ତାଣା ମିଙ୍ଗେ ଏନିକିହିଁ ଦହ ପିସ୍ତାନେସି, ଏଲେକିହିଁ ରଅତେରି ରଅଣି ଦହ ପିହ୍ପୁ □

୫

ଉଜେଡ଼ିତା ନୀତିନାୟି

୧ ମୀରୁ ମାହାପୁରୁତି ଜୀହୁତି ମୀରୁକା ମାସ୍ତକାତେରି ଆହାମାନାକି, ମାହାପୁରୁ ଲେହେଁ ଆଦୁ;

୨ କ୍ରୀସୁ ଏନିକିହିଁ ମିଙ୍ଗେ ଜୀହୁ ନୟାଁତେସି, ଅଡ଼େ ମା.ତାକି ମାହାପୁରୁ ତାକି ଗାନ୍ଦାଗାଟି ନେହିଁ ପୂଜାଲେହେଁ ଜାହାରାଇଁ ହେର୍ପାକଡ଼ିତେସି, ମୀ ଜୀହୁତା ଜିକେଏ ଏଲେକିହିଁ ଜୀହୁ ନଝିଆହାନା ନୀତାଦୁ □

୩ ସାମା ଦାରିକାମା, ବାରେଲେହେଁଟି ଲାଗେଏତି କାମା କି ଜୁପକା, ଈ ବାରେ ମୀ ତାଣା ଟାୟୁ ବେଟା ଆଆପେ; ଏନି ମାହାପୁରୁ ଲକୁତାଣା ନେହାୟି ଆଏ;

୪ ଅଡ଼େ ଏନାୟି ଆଆଗାଗାୟି, ଅଜାଆତି କାତା, ଲାଗେଏତି କାତା, ଲକୁଣି ଲାଜା କିହାଁ କାକନାୟି ମୀ ବିଡ଼ା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଇଁ ଜହରା କିଦୁ □

୫ ଇଚିହିଁ ମୀରୁ ସାତେଏ ପୁଞ୍ଜାମାଞ୍ଜେରି, ଏନିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ପେଣକା ବମାୟାଁତି ପୂଜା କିନାସି, ଏଲେଟି ଲକୁକି କ୍ରୀସୁ ଅଡ଼େ ମାହାପୁରୁତି ରାଜିତା ଅଦିକାରା ହିଲେଏ □

୬ ଆଦାଆସି ମିଙ୍ଗେ ଉଜେଏତି କାତା ଝେସାନା ନାଡ଼ି କିୟାଆପେସି, ଏନାଆଁତାକି ଇଚିହିଁ ଈ ବାରେ ଲାଗେଏତି କାମାତାକି କାତା ମାନଝି ଆଆଗାଟି ମୀରୁକା ମୁହେଁ ମାହାପୁରୁତି କାର୍ବି ଝାନ୍ଦେ □

୭ ଈଦାଆଁତାକି, ମୀରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ;

୮ ଏନାଆଁତାକି ଇଚିହଁ ମୀରୁ ତଲି ଆନ୍ଦେରି ଲେହେଁ ମାଚେରି, ସାମା ନୀଏଁ ପ୍ରବୁତି ଲକୁ ଆଡାକି
ଉଜେଡ଼ି ଲେହେଁ ଆହାମାଞ୍ଜେରି; ଉଜେଡ଼ିତି ମୀରକା ଲେହେଁ ତାକାଦୁ,

୯ ଇଚିହଁ ବାରେଲେହେଁତି ନେହାୟି, ଦାମ୍ବୁଗାଗାୟି ଅଡ଼େ ସାତା ଉଜେଡ଼ିତି ପାଡ଼େୟି ଲେହେଁ,

୧୦ ପ୍ରବୁକି ଏନାୟି ନେହେଁ, ଏଲେତି କାମା କିହାଲି ଜାପାଦୁ;

୧୧ ଲକୁ ଆନ୍ଦେରିତା ଆମିନି ବାରେ ଲାଗେଏତି କାମା କିହିମାନେରି, ଏ ବାରେ କାମାତା ଆଣ୍ଡାଆଦୁ,
ଇଞ୍ଜା ଏଞ୍ଜାରି ବାରେ କାମାତି ଦହ୍ ତହ୍ଦୁ □

୧୨ ଏନାଆଁତାକି ଇଚିହଁ ଏଞ୍ଜାରି ଏନାଆଁ ଡ଼ଗୁନା କିନେରି, ଏ ବାରେ କାତା ଖେହ୍ନାୟି ଜିକେଏ
ଲାଜାତି କାତା,

୧୩ ସାମା ବାରେ ଲାଗେଏତି କାମା ଉଜେଡ଼ି ତଲେ ତସ୍ପିଆନେ, ଏନାୟି ବାରେ ତଞ୍ଜାଆନେ ଏଦି
ବାରେ ଉଜେଡ଼ି □

୧୪ ଏନାଆଁତାକି ରାସ୍ତକି ଆହାମାନେ,

“ଇଦା କିହାମାନାତେରି, ନିଜାଦୁ,

ହାଡ଼ାରି ତାଣାଟି ନିଜାଦୁ,

ଅଡ଼େ କ୍ରୀସ୍ତ ମିଜେ ଉଜେଡ଼ି ହିୟାନେସି □”

୧୫ ଇଚିହଁ ବୁଦି ହିଲାଆ ଗାଟାରିଲେହେଁ ଆଆନା ବୁଦି ମାନାରି ଲେହେଁ ମୀ ନୀତିନାଣି ତାକି ଜାଗ୍ରାତା
ଆଦୁ. ବୁଦି ହିଲାଆଗାଟାରେରି ଲେହେଁ ଆଆନା ବୁଦି ଗାଟାରେରି ଲେହେଁ ଆଦୁ □

୧୬ * ପାଗାତି ନେହଁ କଁ ଲେମ୍ବାଦୁ. ଏନାଆଁତାକି ଇଚିହଁ କାଲା ଲାଗେଏତାୟି □

୧୭ ଏନାଆଁତାକି, ବୁଦି ହିଲାଆ ଗାଟାରିଲେହେଁ ଆଆନା ପ୍ରବୁତି ଅଣ୍ଡୁ ଏନାୟି ଏନାଆଁ ତେଲହାଦୁ □

୧୮ ଅଡ଼େ କାଡ଼ୁ ଗସାନା ହଡ଼ାଆଦୁ, ଏନାଆଁତାକି ଇଚିହଁ ଏଞ୍ଜି ମିଜେ ନାସା କିୟାନ୍ତୁ; ସାମା ପାଡୁ,
ସୁଦୁଜୀଞ୍ଜୁତି ଜହରା କିହଁ ରଅତେରି ରଅଣାକ୍ ବାସ୍ତୁ ହାଦୁ,

୧୯ *ଅଡ଼େ ମୀ ହିୟା ମାହାପୁରୁ ତାକି ସୁଦୁଜୀଞ୍ଜୁ ତଲେ ଜହରା ପାଡୁ ପାଡ଼ାଦୁ □

୨୦ ବାରେବେଲା ବାରେ କାତାତାକି ପ୍ରବୁ ଜୀସୁ କ୍ରୀସ୍ତତି ଦରୁତଲେ ଆବା ମାହାପୁରୁକ୍ ଜହରା କିଦୁ □

ତକ୍ତି ଅଡ଼େ ତକ୍ତା

୨୧ ଅଡ଼େ କ୍ରୀସ୍ତକ୍ ଆଜାନା ରଅତେରି ରଅଣାକ୍ ମାନି କିଦୁ □

୨୨ *ଏ ଆୟାସିକା ମୀରୁ ଏନିକଁ କ୍ରୀସ୍ତକ୍ ମାନି କିହିମାନି ଲେହେଁ ମୀରୁ ମୀ ତକ୍ରୀୟାଣି ମାନି କିଦୁ,

୨୩ ଇଚିହଁ କ୍ରୀସ୍ତ ଏନିକଁ କୁଲମିତି ତାୟଁ ଲେହେଁ, ତକ୍ରୀ ଜିକେଏ ଏଲେକଁ ତକ୍ତିନି ତାୟଁ
ଲେହେଁତାସି, ଇଞ୍ଜା କ୍ରୀସ୍ତ ତାନି ଆଜା ଲେହେଁତି କୁଲମିତି ଗେଲ୍ପିନେସି □

୨୪ ହାଅ, କୁଲମି ଏନିକିହଁ କ୍ରୀସ୍ତକ୍ ମାନି କିନେ, ଏଲେକିହଁ ତକ୍ତିସିକା ଜିକେଏ ବାରେ କାତାତା
ତାନି ତକ୍ରୀୟାଣି ମାନି କିପୁ □

୨୫ *ଏ ତକ୍ରୀୟାତେରି, କ୍ରୀସ୍ତ ଏନିକଁ କୁଲମିତି ଜୀଞ୍ଜୁ ନଡେସି, ମୀରୁ ଜିକେଏ ଏଲେକିହଁ ମୀ
ତକ୍ତିସିକାଣି ଜୀଞ୍ଜୁନଦୁ; ଇଚିହଁ ଏଞ୍ଜାସି ଏଦାନାକି ତାନି ଜୀଞ୍ଜୁ ହାଡେସି,

୨୬ ଏଞ୍ଜାସି କୁଲମିତି ବଲୁ ଅଡ଼େ ଏୟୁତଲେ ନରହାନା ମାହାପୁରୁ ତାକି ସୁଦୁ କିହାନା ହେବ୍ପିତେସି,

୨୭ ଏନିକଁ କୁଲମି ଗାହାଁଗାରି, ଅଡ଼େ ଦହ୍ ହିଲାଆଗାଗାୟି ଆହାନା ସୁଦୁ ଗାଗାୟି ଆନେ, ଅଡ଼େ
ଏଲେକିହଁ ଏ ଗାଞ୍ଜୁରମି ତଲେ ମାହାପୁରୁ ତାନି ତାଣା ଅନେସି □

୨୮ ଏଲେକିହଁ ତକ୍ରୀୟା ଜିକେଏ ତାନି ତକ୍ତିସିକାଣି ଜାହାରା ଆଜା ଲେହେଁ ଜୀଞ୍ଜୁନନାୟି ମାନେ,
ଆମ୍ବାଆସି ଜାହାରା ତକ୍ତିନି ଜୀଞ୍ଜୁ ନନେସି, ଏଞ୍ଜାସି ଜାହାରାକ୍ ଜୀଞ୍ଜୁ ନନେସି;

୨୯ ଆମ୍ବାଆସି ଜିକେଏ ଜାହାରା ଆଜାତି ନାନୁ ଅପର୍ଥ ଇଞ୍ଜଁ ଜନଅସି, ସାମା ତାନି ଆଜା ତାକି
ତିନେସି ଉନେସି ଅଡ଼େ ଜାଡ଼ୁ ଇଚିନେସି, କ୍ରୀସ୍ତ ଜିକେଏ କୁଲମିତାକି ଏଲେକିହଁ କିନେସି,

୩୦ ଏନାଆଁତାକି ଇଚିହଁ ମୀରୁ ତାନି ଆଜାତି ଆଜା ଉଡ଼େଲି ତାୟି □

୩୧ ଦାମ୍ବୁପତିତା ରାସ୍ତକି ଆହାମାନେ, “ଇଦାଣି ତାକି ଆଡ଼ାତି ତାଲି ତାଞ୍ଜିକ୍ ପିସାନା ଜାହାରା ତକ୍ତି
ତାଣା ଆଣ୍ଡିନେସି, ଅଡ଼େ ଏ ରିଆରି ରଣ୍ଡିଏ ଆଜା ଆନେରି □”

☆ ୫:୧୭ ୫:୧୭ କଲସି ୪:୫ ☆ ୫:୧୯ ୫:୧୯ କଲସି ୩:୧୭,୧୭ ☆ ୫:୨୨ ୫:୨୨ କଲସି ୩:୧୮; ୧ପିତ ୩:୧ ☆ ୫:୨୫ ୫:୨୫
କଲସି ୩:୧୯; ୧ପିତ ୩:୭

୩୨ ଇ ଦାମ୍ବ୍ ସାପ୍ତରତ୍ନ ରାତ୍ନି ଆହାମାନି ତାଣା ହାରେକା ତୁରୁମାନି କାତା ମାନେ, ସାମା ନାନୁ କ୍ରୀସ୍ତ ଅଡ଼େ କୁଲମିତି କାତା ଝେସିମାଞ୍ଜାଈ ।

୩୩ ଏନାୟି ଆପେ, ମୀରୁ ବାରେକାଣା ଜାହାରା ତକ୍ତୁଇଁ ଜାହାରା ଜୀସୁ ଲେହେଁ ଜୀସୁନଦୁ, ଇଞ୍ଜା ତକ୍ତୁ ଜିକେଏ ଜାହାରା ତକ୍ତୁଇଁ ମାନି କିନାୟିମାନେ ।



ତାଲି ତାଞ୍ଜି ଅଡ଼େ କକାରି ପଦ୍ଠ

୧ *କକାରି ପଦାୟାତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନୁଞ୍ଜି ଆଦୁ; ଇତିହେଁ ଏଦି ମିଙ୍ଗେ ଡାକି ନେହାୟି ।

୨ “ମୀ ତାଲି ତାଞ୍ଜିଇଁ ମାନି କିଦୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି,

୩ ଏନିକିହେଁ ମିଙ୍ଗେ ନେହେଁ ଆନେ, ଇଞ୍ଜା ମୀରୁ ଦାରତତା ହାରେକା ଦିନା ନୀତିଦେରି ।”

୪ *ତାଲି ତାଞ୍ଜି ତେରି, ମୀ କକାରି ପଦାୟା କିପା କିଆଦୁ, ସାମା ଏଞ୍ଜାରାଇଁ ପ୍ରବୁତି କାତା ଜାପଦୁ ଅଡ଼େ ସେଦନା ତଲେ ପହିକିଦୁ ।

ହଲିୟା ଅଡ଼େ ସାସୁକାରି

୫ *ଏ ହଲିୟାଙ୍ଗାତେରି, ମୀରୁ ଏନିକିହେଁ କ୍ରୀସ୍ତଇଁ ମାନୁଞ୍ଜି ଆହିମାଞ୍ଜେରି, ଏଲେକିହେଁ ଆଜି ଅଡ଼େ ତାର୍ଗିହେଁ ତୀରି ହିୟା ତଲେ ମୀ ଦାରତତି ସାସୁକାରିୟା କାତା ଆହଦୁ;

୬ ମାଣ୍ଡିଇଁ ରାହାଁ କିନିଲେହେଁ ତାମି ନକିତା ଏଦାଆଁ କିଆଦୁ, ସାମା କ୍ରୀସ୍ତତି ହଲିୟା ଲେହେଁ ହିୟା ତଲେ ମାହାପୁରୁତି ଅଣପୁ ତାରିକିଦୁ ।

୭ ୱାରୁଇ ମାଣ୍ଡିୟାଁତି ସେବା କିହିମାନି ଇଞ୍ଜାଁ ଅଣ୍ଡାପାନା ପ୍ରବୁତି ସେବା କିନିଲେହେଁ ରାହାଁତଲେ ଏଦାଆଁ କିଦୁ,

୮ ଇଦାଆଁ ପୁଞ୍ଜାନା, ଏଞ୍ଜାସି କଡିତି ହଲେଏସି ଆପେସି କି ହଲେଏସି ଆଆପେସି ପ୍ରବୁ ବାରେ ଲକ୍ତୁକି ଏଞ୍ଜାରି ନେହେଁ କାମାତାକି ଏଞ୍ଜାରି ଏନାଆଁ ବେଟାଆନାୟି ମାନେ ଏଦାଆଁ ହାନେସି ।

୯ *ଏ ସାସୁକାରିୟାତେରି, ହଲିୟାଙ୍ଗାଣି ଲାଗେଏ ତଲେ ଲେମ୍ବାଆଦୁ କି ଏଞ୍ଜାରାଇଁ ଆଜିକିଆଦୁ; ମୀରୁ ଅଡ଼େ ମୀ ହଲିୟାଙ୍ଗା ବାରେକାଣା ତେରି ଲାକପୁରୁତି ପ୍ରବୁତି ହଲିୟାଙ୍ଗାତେରି; ଏଞ୍ଜାସି ବାରେକାଣାତି ପାର୍ଡା ବାତି କିଆନା ବିଚାରା କିନେସି ।

ମାହାପୁରୁତି ଜୁଜୁକିନି ଜୁତି

୧୦ ତାୟୁତି କାତା ଇଦି, ପ୍ରବୁ ତାଣାଟି ବାଡ଼ୁଲୁ ବେଟାଆହାନା ଏଞ୍ଜାଣି ବାଡ଼ୁଲୁଟି ବାଡ଼ୁଲୁ ଗାଟାତେରି ଆଦୁ ।

୧୧ ମୀରୁ ଏନିକିହେଁ ସୟତାନତି ବାରେ ପଲ୍ଲଆ କାମାଟି ଜୀଣା ଆୟାଲି ଆଡ଼ିଦେରି, ଏଦାଆଁତାକି ମାହାପୁରୁ ହାହାମାଞ୍ଜାନି ଜୁଜୁକିନି ଜୁତି ବାରେ ତୁରୁଦୁ ।

୧୨ ଇତିହେଁ ମା ଜୁଜୁ ଦାରତତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲୁଞ୍ଜି କିନାରି କପାଟି ଇ ଆଦେରିତି ପାଣାଗାଟାରି କପାଟି ଅଡ଼େ ହାବୁ ପାକାତି ପଲ୍ଲଆ ଜୀସୁୟାଁ କପାଟି ଜୁଜୁ କିହିମାନାୟି ।

୧୩ ଏଦାଆଁତାକି ନୀଏଁ ମାହାପୁରୁ ହାହାମାଞ୍ଜାନି ଜୁଜୁକିନି ଜୁତିତି ତୁରୁଦୁ, ଆତିହେଁ ଲାଗେଏତି ବେଲାତା ମୀରୁ ସାତୁ ନକିତା ନିଗାଲି ଆଡ଼ିଦେରି ଇଞ୍ଜା ରାନ୍ଦି ପାଡେକା ଜୁଜୁକିହେଁ ତୀରିଆହାଁ ତୁୟାଲି ଆଡ଼ିଦେରି ।

୧୪ ଇତିହେଁ, ସାତାତି ଜାଟି ଟେଡେଲିତା ରୁପାକତାହାଁ, ଦାମ୍ବ୍ତି ବକ ପାଟା ଲେହେଁ ତୁରୁଦୁ,

୧୫ ହିଡ଼ି ହାନି ନେହେଁ କାବୁତାକି ଅକ୍ତିକିଞ୍ଜି ଆହାମାନି ସେପୁୟାଁ କତାଣା ତୁରୁହାନା ତାଟା ଆହାମାଞ୍ଜୁ;

୧୬ ବାରେବେଲା ନାମୁତି ଆତୁ ପାଟା ଆସାମାଞ୍ଜୁ, ଏଦାଣି ତଲେ ମୀରୁ ସୟତାନତି ବାରେ ତୁଞ୍ଜିମାନି ଆପ୍କାତି ହିରୁ ବାରେ ତୁପହାଲି ଆଡ଼ିଦେରି ।

୧୭ ଅଡ଼େ, ଗେଲ୍ପିନି ଚପେରି ତାୟୁଁ ତୁା ତୁରୁଦୁ ଅଡ଼େ ସୁଜୁଜୀସୁତି ହିୟାତି ମାହାପୁରୁତି ବଲ୍ଲୁତି କାଣା ଆହଦୁ;

* ୬:୧ ୬:୧ କଲସି ୩:୨୦ * ୬:୪ ୬:୪ କଲସି ୩:୨୧ * ୬:୫ ୬:୫ କଲସି ୩:୨୨-୨୫ * ୬:୯ ୬:୯ କଲସି ୪:୧; କଲସି ୩:୨୫

୧୮ ବାରେଲେହେଁତି ପ୍ରାତାନା ଅଡ଼େ ବାତିମାଲିନି ତାଣା ବାରେବେଲା ସୁଦୁଜୀଝୁ ସାଢ଼େୟି ତଲେ ପ୍ରାତାନା କିଦୁ, ଇଞ୍ଜା ବାରେ ମାହାପୁରୁ ଲକ୍ଷ୍ମତାକି କାପୁ କାତାନା ପ୍ରାତାନା କିହେମାଞ୍ଜୁ □

୧୯ ଅଡ଼େ, ନାଙ୍ଗେତାକି ଜିକେଏ ପ୍ରାତାନା କିଦୁ, ଏନିକି ନେହୁ କାବୁତାକି ଦୁରୁ ସମାନା ନାନୁ, ନାଙ୍ଗେ ଏ ଡ଼ଗୁମାନାଣି ପୁଣି କିହାଲି ସାସାତଲେ ବଲୁ ଖେସାଲି ମାହାପୁରୁ ନା ଗୁଡ଼ିତା ନେହୁ କାବୁ ହିୟାନେସି □

୨୦ ଅଡ଼େ ନାନୁ ଏନିକି ଏମ୍ବାତି ସାତା କାତା ସାସାତଲେ ଖେସାଲି ଆଡ଼ିଇଁ □

ଜହରା ଖେସାହାଁ ଆକୃତି ରାପୁନାୟି

୨୧ **ନା କାତା, ଇଚିହୁ ନାନୁ ଏନିକି ମାଇଁ, ଇଦାଆଁ ମୀରୁ ଜିକେଏ ଏନିକି ପୁଞ୍ଜାଲି ଆଡ଼ିଦେରି, ଇଦାଣି ତାକି ନା ଜୀଝୁତି ତାୟି ଅଡ଼େ କ୍ରୀସ୍ତତି କାମାତା ନାମୁତି ହଲେଏସି ତୁକିକ, ନା ବାରେ କାତା ଏଞ୍ଜାସି ଖେସ୍ତାନେସି;

୨୨ ଏ ବାରେ କାତା ଖେସାଲି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକି ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି ଅଡ଼େ ମୀ ହିୟାଁ ଏଞ୍ଜାଣି ତାଣାଟି ରାହାଁ ଆନେ □

୨୩ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତଇଁ ନାମିତି ତାୟି ତାଙ୍ଗିସ୍ତାକି ହିଡ଼ଡ଼ି, ଜୀଝୁନନାୟି ଅଡ଼େ ନାମୁ ହିୟାପେସି □

୨୪ ଏଚେକା ଲକ୍ଷ୍ମ ମା ପ୍ରବୁ ଜୀସୁ କ୍ରୀସ୍ତଇଁ କାଲେଏ ଜୀଝୁ ନନେରି, ମାହାପୁରୁତି କାର୍ମାମେହନାୟି ଏ ବାରେତାକି ଆପେ □

ପିଲିପୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ପିଲିପି କୁଲମିତାକି ପାଞ୍ଚୁଲ ରାଡ଼ାମାନି ଆକୁ ମୂଲୁ ହାଡ଼ା

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୬୧ ବାର୍ଷା ତାୟୁ ପାଞ୍ଚୁଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଡ଼ିମାନେସି ପାଞ୍ଚୁଲ ରମ୍ପତି କାୟିଦିତା ମାଚାଟି ଇ ଆକୁ ରାଡ଼ା ତୁୟିନେସି୧:୧୩ ପିଲିପି ଗାଡ଼ା ବିଡ଼ା ଆହାମାନି କୁଲମିତାକି ଇ ଆକୁ ରାସ୍ତକି ଆହାମାଚେ ପାର ପାଣ୍ଡୁଆହାମାନି ପତିତା ଜିକେସ ପିଲିପି ଆକୁତି କାତା ଇଚାଣି ପୁଞ୍ଜାଲି ଆଡ଼ିନାୟି ପିଲିପି ମାକିଦନିୟାତି ରାଜିତି କାଜା ଗାଡ଼ା ମାଚେ ଇଦି ମାକିଦନିୟାତା ଆଡ଼ି ମୂଲୁ କୁଲମି ମାଚେ ପାଞ୍ଚୁଲ ଅଡ଼େ ସିଲା ଆଣ୍ଡୁଓ ଆହାମା ଇ କୁଲମି ମାଚୁହା ମାଚେରି ଅଡ଼େ ଏମ୍ପାଆଁ ମାଚାଟି ର ଲାଆଁୟାଁ ତାକି କାୟିଦିତା ଇଡ଼କି ଆହାମାଚେରି କାମା ୧୭

ପାଞ୍ଚୁଲ ଇ ଆକୁ ରାଡ଼ାଲି ହାରେକା କାତା ତୁୟିନେ ପାଞ୍ଚୁଲି କାୟିଦିତା ମାନି କାତା ଖେଞ୍ଜାନା ଲକୁ ଦାନା କୃତି କିହାନା ପାଣ୍ଡାମାଚାକି କୁଲମିତି ଜହରା କିହାଲିତାକି ଆକୁ ରାଡ଼ିମାନେସି ୪:୧୦-୧୯ ପାଞ୍ଚୁଲି ତାନି କାୟିଦିତା ମାନି କାତା ଖେସାନା କୁଲମିତା ତିମତି ଅଡ଼େ ଏପାପୁଦିତାଲ୍ ହେରୁପି ମାନେସି, ନାମିତି ତାୟିୟାଁ ଏନିକି ଏଞ୍ଜାରାଇଁ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦

ପତିତା ମାନାୟି

- ୧ ପିଲିପି କୁଲମିତି ପାଞ୍ଚୁଲତି ଜହରା ୧:୧-୨
- ୨ ପାଞ୍ଚୁଲତି ମାଣ୍ଡକି ଅଡ଼େ ଏଞ୍ଜାଣି ଅଣ୍ଡପୁ ୧:୩-୨:୩୦
- ୩ ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଖେହ୍ନାୟି ୩:୧-୪:୯
- ୪ ପାଞ୍ଚୁଲ ଦାନା ତାକି ପିଲିପି କୁଲମିତା ଜହରା ଖେହ୍ନାୟି ୪:୧୦-୨୩

ପାଞ୍ଚୁଲତି ଜହରା ଅଡ଼େ ପ୍ରାଡ଼ାନା

୧ *ପାଞ୍ଚୁଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଙ୍ଗା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ତୁୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜାଁ କୁଲମିତି ସେବା କିନାରାକି ଇ ଆକୁ ରାସ୍ତକି ଆହାମାନେ

୨ ମା ଆବା ମାହାପୁରୁ ଅଡ଼େ ପ୍ରୁ କ୍ରୀସ୍ତ ଜୀସୁ ତାଣାଟି କାର୍ମାମେହ୍ନାୟି ଇଞ୍ଜାଁ ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ

ପାଞ୍ଚୁଲତି ପ୍ରାଡ଼ାନା

୩ ନାନୁ ମିଙ୍ଗେ ଏଚର ଦେବା ଅଣ୍ଡପି ମାଞ୍ଜାଇଁ, ଏଚର ଦେବା ନା ମାହାପୁରୁଇଁ ଜହରା କିହିମାଇଁ

୪ ନାନୁ ବାରେଦିନା ମିଙ୍ଗେତାକି ପ୍ରାଡ଼ାନା କିନାଟି ନାନୁ ହାରେକା ରାହାଁତଲେ ପ୍ରାଡ଼ାନା କିହିମାଇଁ,

୫ ଏନାଆଁତାକି ଇଚିହ୍ ମୀ ମୂଲୁ ଦିନାଟିଏ ନୀର୍ସ ପାଚେକା ନେହ୍ କାବୁ ଖେକହାଲି ମୀରୁ ନାଙ୍ଗେ ସାୟେମି କିହିମାଞ୍ଜାଦେରି,

୬ ଏନାଆଁତାକି ନାନୁ ଇ କାଚାଟି ସାତା ଇଞ୍ଜାଁ ଅଣ୍ଡପିମାଇଁ, ଆମିନି ପ୍ରୁ ମୀ ତାଣା ଇ ନେହ୍ କାମା ମାଚୁହାମାନେସି, କ୍ରୀସ୍ତ ଜୀସୁତି ଖେଣ୍ଡାଖାନି ଦିନା ରାନି ପାଚେକା ଏଞ୍ଜାସି ଏନାଆଁ କିନେସି

୭ ଅଡ଼େ ମୀ ବାରେତାକି ନା ଇଲେତି ଅଣ୍ଡପିନାୟି ମାନେ, ମୀରୁ ବାରେ ଏନିକି ନା ତଲେ ନେହ୍ କାବୁ ଖେକନି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମ୍ପାତି ସାତା ପାର୍ମାଣା ତୟାଲି ନା ତଲେ ଆଣ୍ଡାମାଞ୍ଜାଦେରି, ଏନାଆଁତାକି ନାନୁ ନା ହିୟାଁତା ମିଙ୍ଗେ ଆବାମାଞ୍ଜାଇଁ

୮ ମୀ ବାରେଜାଣା ତାକି ହାରେକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେଗାଆହାମାଇଁ ଇଞ୍ଜାଁ ଏତିବେଲାତା ନାନୁ ଖେହ୍ଇଲ୍, ଏଦି ସାତା, ଏନାଆଁତାକି ମାହାପୁରୁ ନା ସାକି

୯ ଅଡ଼େ, ନା ପ୍ରାଡ଼ାନା କିନାୟି ଇଦି, ମୀ ଜୀସୁନନାୟି, ନେହ୍ ବୁଦି ପୁନାୟି, ଅଡ଼େ ବାରେ ନେହ୍ ଅଣ୍ଡପୁ ହାରେ ହାରେକା ପାତା ଆପେ,

* ୧:୧ ୧:୧ କାମା ୧୭:୧୨

୧୦ ଏନିକିହିଁ ମୀରୁ ଏନାୟି ନେହାୟି ଏଦାଆଁ ଆଡାଲି ଆଡ଼ିଦେରି, ଆତିହିଁ ମୀରୁ କ୍ରୀସ୍ତତି ଖିନି ଦିନାତା ସୁଦୁ ଗାଟାତେରି ଆଡେରି, ଅଡ଼େ ନିନ୍ଦା ଗାଟାତେରି ଆଅଡେରି,

୧୧ ମାହାପୁରୁତି ଗାଝୁରମି ଇଞ୍ଜା ନେହିଁ ଝେହ୍ନାଣି ତାକି ମୀ ଜୀଝୁ ଜୀସୁ କ୍ରୀସ୍ତ ହାହାମାନି ବାରେ ନେହିଁ ଗୁଣ୍ଡ ବେଟାଆନେ □

କ୍ରୀସ୍ତ ତାଣା ନୀତିନାୟି

୧୨ ତାୟି ତାଙ୍ଗିସ୍ତାତେରି, ନାଙ୍ଗେତାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହିଁ କାରୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଙ୍ଗେ ପୁଣ୍ଡି କିହାଲି ଅଣ୍ଡିପାଲ୍;

୧୩ ଇତିହିଁ ନାନୁ କାୟିଦିତା ମାତାୟି କ୍ରୀସ୍ତ ତାକି, ଏଡ଼ି ରାଜା ଇଲୁତା କାଃଆନି ବାରେ କସ୍କା ଇଞ୍ଜା ଏବକାତି ବାରେଜାଣା ନକିତା ତଞ୍ଜାଆଡେ;

୧୪ ଅଡ଼େ ଜିକେଏ ହାରେକା ତାୟି ତାଙ୍ଗିସ୍ତା ନାନୁ କାୟିଦିତା ମାନାକି, ମାହାପୁରୁ ତାଣା ବାସୁ ଇଟାନା ଆଜାଆନା ମାହାପୁରୁତି କାରୁ ଝେକହାଲି ହାରେକା ସାସା ଗାଟାରି ଆହାମାନେରି □

୧୫ ଆମ୍ବା ଆମ୍ବାଆରି ତାହାରା ଅଡ଼େ ଗଡ଼ହା ତାକି କ୍ରୀସ୍ତତି କାତା ଝେକହି ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି;

୧୬ ନାଙ୍ଗେ ନେହିଁ କାରୁତି ସାକି ଆହାଲିତାକି ମାହାପୁରୁ ଆଡାମାଞ୍ଜାତେସି, ଏଦାଆଁ ପୁଞ୍ଜାନା ସାତା ଜୀଝୁ ନନାଣି ତାକି ଏଦାଆଁ କିନେରି,

୧୭ ଏବକାତାରି ମାନ୍ତି ତଲେ କ୍ରୀସ୍ତତି ବଲ୍ଲୁ ଝେହ୍ନାଆନା ଜାହାରା ଲାବା ତାକି କିହିମାନେରି □ ନାନୁ କାୟିଦିତା ମାନାତି ନା ହିୟାତା ହାରେକା କସ୍ତ ହାହାଲି ଏଝାରି ଏଦାଆଁ କିହିମାନେରି □

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସ୍ତ ସାତେଏ ଝେଙ୍ଗିମାନେସି, ଏଦାଆଁତାକି ନାନୁ ରାହାଁ କିହିମାଲ୍, ଅଡ଼େ ଜିକେଏ ରାହାଁ କିହିମାଲ୍ □

୧୯ ଇତିହିଁ ନାନୁ ପୁଞ୍ଜାମାଲ୍, ମୀ ପ୍ରାତାନା ଇଞ୍ଜା ଜୀସୁ କ୍ରୀସ୍ତତି ସୁଦୁଜୀଝୁତି ସାୟେମି ତଲେ ନା ଗେଲ୍ପିନାୟି ଆନେ,

୨୦ ଏଦାଆଁତାକି ନା ରଣିଏ ଆସା ଅଡ଼େ ବାସୁ ମାନେ, ନାନୁ ଏନି କାତାତା ଜିକେଏ ଲାଜା ଆଅଁ, ସାମା କାରେଏ ଏନିକି ଆହିମାରେଏଁ, ନୀଏଁ ଜିକେଏ ଏଲେକି ହାରେକା ବାଡ଼ୁୟୁ ତଲେ ହାଡ଼ିହିଁ କି ଜୀଝୁ ମାତିହିଁ, କ୍ରୀସ୍ତଇ ନା ଆଙ୍ଗା ତଲେ ଗାଝୁରମି କିଇଁ □

୨୧ ଇତିହିଁ ନା ନୀତାମାନାୟି ଖାଉଇ କ୍ରୀସ୍ତ, ଏଦାଆଁତାକି ନାନୁ ହାନାୟି ନାଙ୍ଗେତାକି ଲାବା □

୨୨ ସାମା ନାନୁ ଆଙ୍ଗା ତଲେ ନୀତା ମାଞ୍ଜାନା ହାରେକା ପାଡ଼େୟି ଆୟାଲି ଆଡ଼ିଇଁ, ଆତିହିଁ ନୀତାମାନାଣି କି ହାନାଣି ବାରି କିଇଁ ନାନୁ ପୁଞ୍ଜାଲି ଆଡ଼ିହିଲଅଁ □

୨୩ ନାନୁ ରୀ ଖାକି ରେସ୍କି ଆହିମାଲ୍; ଇ ଜୀଝୁତି ପିସାନା କ୍ରୀସ୍ତ ତଲେ ମାଞ୍ଜାଲି ଅଣ୍ଡିପାଲ୍, ଏଡ଼ି ହାରେକା ନେହାୟି;

୨୪ ସାମା ନାନୁ ଆଙ୍ଗା ତଲେ ମାନାୟି ମିଙ୍ଗେତାକି ହାରେକା ଲଡ଼ାମାନେ □

୨୫ ନାନୁ ନେହିଁକି ପୁଞ୍ଜାମାଲ୍, ନାନୁ ଡ଼ୟିଇଁ, ହାଅ ମୀ ନାନୁ ଅଡ଼େ ରାହାଁତି ପାଡ଼ିକିହାଲି ମୀ ବାରେ ତଲେ ଡ଼ୟିଇଁ,

୨୬ ଏନିକିଁ ମୀ ବିଡ଼ା ନା ଝେଣ୍ଡା ଖାଡ଼ାକି ନା ତାଣାଟି କ୍ରୀସ୍ତ ଜୀସୁ ତାଣା ମୀ ବଡପଣ ଗାଡ଼ିଆନେ □

୨୭ ନା ଅଣ୍ଡପୁ ଇଦି, କ୍ରୀସ୍ତତି ନେହିଁ କାରୁତି ଜିଗେତି ଲକ୍ଷୁ ଲେହେଁ ନୀତାଦୁ, ଏନିକିଁ ନାନୁ ମୀ ତାଣା ଖାହାନା କି ହେକ ମାଞ୍ଜାନା ମୀ କାତା ଝେଞ୍ଜାଆଁ ପୁଞ୍ଜାଲି ଆଡ଼ିଇଁ, ମୀରୁ ବାରେତେରି ରଣିଏ ଜୀଝୁ ରଣିଏ ଅଣ୍ଡପୁ ତଲେ ତୀରିଆହାନା ନେହିଁ କାରୁତି ନାମ୍ବୁ ତାକି ଲୁଜୁ କିହିମାଞ୍ଜେରି,

୨୮ ଇଞ୍ଜା ମିଙ୍ଗେ କସ୍ତ ନିନ୍ଦା ହାହିମାଞ୍ଜାନି ସାଡ଼ୁୟାଲ୍ ଏଚେଲାଖା ଆଜାଆଦୁ; ଏଡ଼ି ଏଝାରି ନାସା ଆନାୟି, ସାମା ମିଙ୍ଗେତାକି ଗେଲ୍ପିନାୟି ମାହାପୁରୁ ହାହାମାନି ର ସିନା;

୨୯ ଇତିହିଁ କ୍ରୀସ୍ତ ତାଣା ଖାଉଇ ନାମାଲି ତାକି ମୀରୁ ପାରୁ ଡୋଡ଼ା ଆହାମାଞ୍ଜେରି, ଏଡ଼ି ଆଏ, ସାମା ଏଝାଣି ତାକି ଦୁକୁ ବେଟାଆହାଲି ଜିକେଏ କାର୍ମା ଡୋଡ଼ା ଆହାମାଞ୍ଜାନେ;

୩୦ ଅଡ଼େ ନାନୁ ଏନିକିଁ ଲୁଜୁ କିହିମାତାଣି ମେସାମାଞ୍ଜାତେରି, ଇଞ୍ଜା ନୀଏଁ ଜିକେଏ କିହିମାନେସି ଇଞ୍ଜା ଝେଞ୍ଜିମାଞ୍ଜେରି, ଏଲେକିହିଁ ମୀରୁ ଜିକେଏ ଲୁଜୁ କିଦୁ □

☆ ୧:୧୩ ୧:୧୩ କାମା ୨୮:୩୦ ☆ ୧:୩୦ ୧:୩୦ କାମା ୧୭:୧୯-୪୦

୨

କ୍ରୀସ୍ତତି ମାଣ୍ଡକି ଅଡ଼େ କାଜାପାଣା

୧ କ୍ରୀସ୍ତ ତଲେ ମାନାକି ମୀରୁ ଜୀଝୁତା ବାସ୍ତୁ ବେଟାଆହାମାଞ୍ଜେରି, ଅଡ଼େ ତାନି ଜୀଝୁନନାୟି ମିଜେ ସାସା ହାହିମାଞ୍ଜାନେ □ ମୀରୁ ସୁଦୁଜୀଝୁତା ଆଣ୍ଡିମାଞ୍ଜେରି ପୁଞ୍ଜିମାଞ୍ଜେରି ଅଡ଼େ ରଅତେରି ରଅଣାକି ମୀ ଜୀଝୁନନାୟି ଅଡ଼େ କାର୍ମାମେହନାୟି ମାନେ,

୨ ନାନୁ ମିଜେ ବାତିମାଲିମାଞ୍ଜାଇଁ ମୀରୁ ରଣ୍ଡିଏ ଅଣ୍ଡପୁ ତଲେ, ରଣ୍ଡିଏ ଜୀଝୁ ନନାଣି ତଲେ, ରଣ୍ଡିଏ ହିୟାଁ, ରଣ୍ଡିଏ ଅଣ୍ଡପୁ ଆହାନା ନାଜେ ରାହାଁ କିୟାଦୁ,

୩ ମୀରୁ ମିଜେତାକି ନେହାଁଣି ଜୁପକା ଇଞ୍ଜାଁ ହାରେକା ବତପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା ଏଟକା ଲକୁଇଁ ନା କିହାଁ କାଜାସି ଇଞ୍ଜାଁ ଅଣ୍ଡପାଦୁ;

୪ ମୀରୁ ବାରେତେରି ଖାଠଲ ମିଜେତାକି ନେହାଁ ଆନାଣି ଅଣ୍ଡପାଆନା ଏଟକା ଲକୁତି ନେହାଁଣି ଜିକେଏ ଅଣ୍ଡପାଦୁ □

୫ କ୍ରୀସ୍ତ ଜୀଝୁତି ଏନିଲେହେଁତି ଅଣ୍ଡପୁ ମାଟେ ମୀ ଅଣ୍ଡପୁ ଜିକେଏ ଏଲେତାୟିଏ ଆପେ;

୬ ଏଞ୍ଜାସି ମାହାପୁରୁ ଆଡ଼ିହାଁ ଜିକେଏ,
ମାହାପୁରୁ ତଲେ ସମାନା ଆହାଁ ମାଞ୍ଜାଲି ଅଣ୍ଡପାଆନା ତାନି ଏ ଅଦିକାରା ପିସ୍ତେସି,

୭ ସାମା ଏଞ୍ଜାସି ମାଣ୍ଡସି ଖାଣା ଆହାନା ହଟଲଏସି ଲେହେଁ ଆଡ଼େସି □
ମାଣ୍ଡସିଲେହେଁ ଆହାନା ମାଣ୍ଡସି ଖାଣା ତଲେ ତଞ୍ଜାଆଡ଼େସି;

୮ ଏଞ୍ଜାସି ମାଣ୍ଡସିଲେହେଁ ତଞ୍ଜାଆହାନା ହାନି ପାତେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାତେକା ହୁକୁମି ମାନଝି ଆଡ଼େସି ଇଞ୍ଜାଁ ତାନୁଏ ତାଜେ ଉଣା କିହା କଡ଼ିତେସି □

୯ ଏନାଆଁତାକି ମାହାପୁରୁ ଏଞ୍ଜାଣାଇଁ ବାରେକିହାଁ କାଜାସି କିହାମାନେସି,
ଇଞ୍ଜାଁ ବାରେ ଦରକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,

୧୦ ଏନିକାଁ ଲାକପୁରୁ ଅଡ଼େ ଦାରୁତିତା ଅଡ଼େ ଦାରୁତିତି ତୁଇ ମାନାଇ;
ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିନୁ,

୧୧ ଅଡ଼େ ଆବା ମାହାପୁରୁତି ଗାଝୁରମି ତାକି ବାରେଜାଣା ତାନି ଗୁତି ତଲେ ଜୀସୁ କ୍ରୀସ୍ତ ପ୍ରବୁ ଇଞ୍ଜାଁ ଜଳିନେରି □

ଦାରୁତିତା ଉଜେଡ଼ି ଲେହେଁ ତାଞ୍ଜାଦୁ

୧୨ ନା ଜୀଝୁତି ତଣ୍ଡେସିଙ୍ଗା, ମୀରୁ ବାରେବେଲା ନାଜେ ମାନଝି ଆହିମାଞ୍ଜାଦେରି, ଇତିହାଁ ନା ନକିତା କିନିଲେହେଁ ଆଏ, ସାମା ନୀଏଁ ନା ହିଲାଆ ବେଲାତା ହାରେକା ଆଜିତଲେ ତାରୁଗିହାଁ ମୀରୁ ରେଲ୍ପି ଆହାଲି ତାଲି କାମା କିଦୁ

୧୩ ଇତିହାଁ ମିଜେ ତାନି କାମା କିହାଲିତାକି ଇଟା ଅଡ଼େ ବାଡ଼ୁଲୁ କିହାଲିତାକି ମାହାପୁରୁ ତାନୁଏ ମୀ ତାଣା କାଟଲଏ କାମା କିହିମାନେସି □

୧୪ ମୁରୁ ମୁରୁ ଅଡ଼େ ବାଦିବାଡା ଆଆନା ମୀ ବାରେ କାମା କିଦୁ,

୧୫ ଏଲେକିତିହାଁ ମୀରୁ ଦହ ହିଲାଆଗାଟାତେରି ଅଡ଼େ ସୁଦୁ ଗାଟାତେରି ଆହାନା, ଇ ଲାଗେଏତାଣି ତଲେ ନାଡ଼ିକିନି ଲକୁ ବିତ୍ତା ମାହାପୁରୁତି ଦହ ହିଲାଆଗାଟି ମୀରୁକା ମାସକାତେରି ଆଡ଼େରି; ଏଞ୍ଜାରିତାଣା ମୀରୁ ଜୀଝୁତି ବଲୁ ଆସାନା ଦାରୁତିତି ଉଜେଡ଼ି ଲେହେଁ ମୀରୁ ତଞ୍ଜା ଆହିମାଞ୍ଜେରି;

୧୬ ଏମାଟି ନାନୁ ଉଜେଏ ହଟି ହିଲଅଁ କି ଉଜେଏ କାମା କିହିହିଲଅଁ, ଏ ବାରେତାକି କ୍ରୀସ୍ତତି ଦିନାତା ବତପଣ କିହାଲି ଆଡ଼ିଇଁ □

୧୭ ନା ନେତେରି ମୀ ନାମୁ ତାକି ସେବାତା ଗସାଲି ପୂଜା ହାନି ନେତେରିଲେହେଁ ତାଞ୍ଜାଲି ଆହିମାନେ, ଆଡିହାଁ ନାନୁ ରାହାଁ ଆହିମାଇଁ, ଅଡ଼େ ମୀ ତଲେ ଆଣ୍ଡାନା ରାହାଁ କିହିମାଇଁ,

୧୮ ଅଡ଼େ ଏଲେକିହାଁ ମୀରୁ ରାହାଁ କିଦୁ ଇଞ୍ଜାଁ ନା ତଲେ ରାହାଁ କିଦୁ □

ତିମତି ଅଡ଼େ ଏପାପୁଦିତ

୧୯ ସାମା ନାନୁ ତିମତିଇଁ ତବେ ପାଣ୍ଡାଇଁ ଇଞ୍ଜାଁ ପ୍ରବୁ ଜୀସୁ ତାଣା ଆସା କିହାମାଇଁ, ଏନିକାଁ ମୀ କାତା ଖେଞ୍ଜାନା ନାନୁ ଜିକେଏ ରାହାଁ ଆଇଁ □

୨୦ ଏଝାସି ରଅସିଏ ନା ଲେହେଁତି ଅଣ୍ଟୁ ଗାଗାସି ଇଞ୍ଜା ଏଝାସି ସାତେଏ ମିଙ୍ଗେତାକି ଅଣ୍ଟି ମାଞ୍ଜାନେସି
□

୨୧ ଇତିହିଁ ବାରେଜାଣା ଜୀସୁ କ୍ରୀସ୍ତତି ସେବା କିହାଲି ଅଣ୍ଟପାଆନା, ଝାରଇ ତାନି ନେହାଁଣି ପାରାଲି
ଅଣ୍ଟପିନେରି □

୨୨ ତିମତି ତାୟିପାରି କିନିତାଣା ଜୀଣା ଆହାମାନାସି ଏଦାଆଁ ମୀରୁ ପୁଞ୍ଜାମାଞ୍ଜେରି; ମୀରୁଏସି ଆବାତି
ସେବା କିନିଲେହେଁ, ଏଝାସି ନେହିଁ କାତୁ ଝେକ୍‌ନି କାମାତା ନା ତଲେ ସେବା କିହାମାଚେସି □

୨୩ ଇତିହିଁ ନାଙ୍ଗେତାକି ଏନାୟି ଆନେ, ଏଦାଆଁ ପୁଟିସାରେ ଏଝାଣାଇଁ ମୀ ତାଣା ପାଣ୍ଡାଇଁ ଇଞ୍ଜିଁ
ଆସା କିହିମାଇଁ;

୨୪ ପ୍ରବୁ ତାଣା ବାସୁଁ କିହିମାଇଁ ନାନୁ ଜିକେଏ ମୀ ତାଣା ତବେ ଝାଇଁ □

୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଝାକିତି ଜୁଜୁ କିନାସି, ଇଞ୍ଜା ନା ଲଡ଼ାମାନାଣି
ସାୟେନି କିହାଲି ମୀ ତାଣାଟି ପାଣ୍ଡାଆହାମାନି ସେବାକିନି ଏଦାପୁଦିତାଇଁ ମୀ ତାଣା ପାଣ୍ଡାଇଁ ଅଣ୍ଟପିମାଇଁ;

୨୬ ଇତିହିଁ ଏଝାସି ବାରେତେରି ମିଙ୍ଗେ ମେସାଲି ହାଚେରକା ଅଣ୍ଟପିମାନେସି, ଅଡେ ଏଝାସି
ଆଡ଼ିହଲଅସି ଇଞ୍ଜିଁ ଝେଚାକି ହାଚେରକା କିଲିବିଲି ଆହିମାନେସି;

୨୭ ହାଅ, ଏଝାସି ହାନ୍ତିଲେହେଁ ଆହାମାଚେସି, ସାମା ମାହାପୁରୁ ଏଝାଣାଇଁ କାର୍ନା ମେସ୍ତେସି,
ଏଝାଣାଇଁଦେହେଁ ଆଏ ସାମା ଏନିକିଁ ନାଙ୍ଗେ ଦୁକୁ ଲାକ ଦୁକୁ ଝାଏ ଏଦାଆଁତାକି ନାଙ୍ଗେ ଜିକେଏ
କାର୍ନା ଆୟାଚେସି □

୨୮ ଏଦାଆଁତାକି ମୀରୁ ଏଝାଣାଇଁ ଝେଣ୍ଡେ ମେସାମା ରାହାଁ ଆଡେରି ଇଞ୍ଜା ନା ଦୁକୁ ଏନିକିଁ ଉଣା
ଆନେ, ଏଦାଆଁତାକି ନାନୁ ଏଝାଣାଇଁ ପାଣ୍ଡାଇଁ ହାଚେରକା ଜାଡନୁ ଆଡେଏଁ □

୨୯ ଏଦାଆଁତାକି ମୀରୁ ଏଝାଣାଇଁ ପ୍ରବୁତି ଦରୁତଲେ ହାଚେରକା ରାହାଁତଲେ ଆବାଦୁ, ଇଞ୍ଜା ଇଲେତି
ଗୁଣ୍ଡାଗାଟି ଲକୁଣି ମାନି କିଦୁ;

୩୦ ଏନାଆଁତାକି ଇତିହିଁ ମୀରୁ ନାଙ୍ଗେ ଏନିନି ସାୟେନି କିହାଲି ଆଡ଼ାଆତାଣି, ଏଦାଆଁ କିହାଲି ଏଝାସି
କ୍ରୀସ୍ତତି କାମାତା ତାନି ଜୀଝୁତି ବାଦା ହାହାନା ହାନ୍ତିଲେହେଁ ଆହାମାଚେସି □

୩

ସାତା ତାରିଗାଗାୟି

୧ ନା ତାୟି ଅଡେ ତାଙ୍ଗିସାତେରି, ବାରେତି ତାୟୁ ପ୍ରବୁ ତାଣା ରାହାଁ କିଦୁ, ରଲେଏତି କାତା ଅଲେ
ଅଲେ ରାଚାଲି ନାଙ୍ଗେତାକି ଝାହୁ ହଡ଼ିମାଞ୍ଜେଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ □

୨ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଝିଆନାରି ତାଣାଟି
ଜାଗ୍ରାତା;

୩ ଏନାଆଁତାକି ଇତିହିଁ ମୀରୁ ସାତେଏ ତଲୁ ଦାପି ଆହାମାନାତାୟି, ଇତିହିଁ ମୀରୁ ସୁଦୁକୀଝୁତି
ସାୟେନି ବେଗାଆହାନା ମାହାପୁରୁଇଁ ସେବା କିହିମାନାୟି, ଇଞ୍ଜା ଆଞ୍ଜାତି ଲଡ଼ା ଆନ୍ତି ମୋରା ବାସୁଁ କିଆନା
କ୍ରୀସ୍ତ ଜୀସୁ ତାଣା ବତପଣ ଆନ୍ତି □

୪ ନାନୁ ଆଞ୍ଜାତି ପାଣାପାରୁତା ଜିକେଏ ବାସୁଁ ଇଟାଲି ଆଡିତେଏଁମା; ଅଡେ ଆମ୍ବାଆସି ଆଞ୍ଜାତି
ମେରାତା ବାସୁଁ ଇଟାଲି ଆଡିତେଏଁମା ଇଞ୍ଜିଁ ଅଣ୍ଟପିନେସି, ଆତିହିଁ ନାନୁ ଏଝାଣି ଆଗାଡ଼ା ଆଡିଇଁ;

୫ ନାନୁ ଜାର୍ନା ଆହାଁ ଆଡାଦିନା ଆହାଲିଏ ତଲୁ ଦାପି ଆଡାତେଏଁ, ଇଞ୍ଜା ଇସାୟେଲ ଲକୁତି
ବିନ୍ୟାମିନି କୁଡାତା ଜାର୍ନା ଆଡାତେଏଁ, ମା ଆକୁ ଆବାୟାଁ ର ଏବ୍ରିୟ ଲକୁ ମାଚେରି, ମୋରା ମାନଝି
ଆନ୍ତି ତାଣାଟି ନାନୁ ର ପାରୁସି ଲକୁତେଏଁ,

୬ ହାଚେରକା ରାହାଁତଲେ ନାନୁ କ୍ରୀସ୍ତାନା କୁଲମିତି ସାସି ହାନାଚେଏ, ଇଞ୍ଜା ମସାତି ମୋରାତି ଦାମ୍ପୁତା
ନାନୁ ଦହ ହଲଆଗାଟତେଏଁ ତଞ୍ଜା ଆହିମାଚେଏଁ □

୭ ସାମା ଏନାୟି ନାଙ୍ଗେତାକି ଲାବା ମାଚେ, ଏ ବାରେତି ନାନୁ କ୍ରୀସ୍ତତି କସିନି ଉଜେଏତାୟି ଇଞ୍ଜିଁ
ଅଣ୍ଟପିମାଇଁ □

୫:୫ ୩:୫ ରିନି ୧୧:୧; କାମା ୨୩:୬; ୨୬:୫ ୩:୬ ୩:୬ କାମା ୮:୩; ୨୨:୪; ୨୬:୯-୧୧

୮ ନାନୁ ନା ପ୍ରବୁ ଜୀସୁ କ୍ରୀସ୍ତତି ବୁଦି ହାରେକା ଦାରାଗାଟାୟି ଇଞ୍ଜି ପୁଞ୍ଜାନା ଏବଂକାତାଣି ଉଜେଏତାୟି ଇଞ୍ଜି ପିସାତୁସ୍ତେଏ; ଏଞ୍ଜାଣି କସମି ବାରେ ହିଲାଆଗାଟାଣି ଅରୁହିତେଏ ଅଡେ ଏ ବାରେ ତୁକ୍ ଗମ୍ ଲେହେ ଆଡେଏ, ଏନିକ୍ ନାନୁ କ୍ରୀସ୍ତଇଁ ମେଡାଆଇଁ, ଇଞ୍ଜା ତାନି ଲକୁ ଇଞ୍ଜି ତଞ୍ଜା ଆଇଁ ।

୯ ଅଡେ ମସାତି ମେରା ମାନୁଞ୍ଜି ଆହ୍ଁ ତାରିଗାଟାଣି ମେଡା ଆଆନା, ଏନିକ୍ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହାହାମାଞ୍ଜାନି ନାମୁତି ତାରିଗାଟାଣି ମେଡାଆଇଁ,

୧୦ ଏନିକ୍ ନାନୁ ଏଞ୍ଜାଣାଇଁ ତାନି ଝେଣ୍ଡେ ନିଜ୍ଜିତି ବାଡୁୟୁ ଇଞ୍ଜା ଏଞ୍ଜାଣି ହାକିତା ଏଞ୍ଜାଣିଲେହେଁ ଦୁକୁ କସ୍ତତା ଆଣ୍ଡିନାଣି ପୁଞ୍ଜାଲି ଆଡ଼ଇଁ,

୧୧ ଏଦାଣିତାକି ହାଡାରି ତାଣାଟି ନାଜେ ନିକ୍ହାନେସି ଇଞ୍ଜି ଆସା କିହମାଇଁ ।

ଗୁରି ଇଟାମାନି ଚାୟୁତା ହଣନାୟି

୧୨ ନାନୁ ନୀଏ ଏ ବାରେ ବେଟାଆହାମାଇଁ ଇଞ୍ଜା ନେହାଁତେଏ ଆହାମାଇଁ, ଏଡି ଆଏ, ସାମା କ୍ରୀସ୍ତ ଜୀସୁ ତାଣାଟି ଆଡ଼ଞ୍ଜି ଆହାମାନାକି ଏଦାଆଁ ଆସାଲି ହଟିମାଇଁ ।

୧୩ ନା ତାୟି ଅଡେ ତାଜିସ୍ତା ନାନୁ ନୀଏ ପାତେକା ଆସାମାଇଁ ଇଞ୍ଜି ଅଣ୍ଡି ହିଲଅଁ, ସାମା ନାନୁ ର କାମା କିହମାଇଁ, ଇତିହ ତାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାଇଁ,

୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଜେ ହାଟାମାଞ୍ଜାନେସି ଏ ଦାନ୍ଦା ବେଟାଆହାଲି ତାକି ଗୁରି କିହମାନି ଚାୟୁ ଖାକି ଜୀସୁ ତୁସାନା ହଟିମାଇଁ ।

୧୫ ଏଦାଆଁତାକି ଖାଦୁ, ମାର ଏତେକା ଲକୁ ଟିକାଣା ଗାଟାଟାୟି, ଇଲେତି ମନତଲେ ଅଣ୍ଡିପିନ, ସାମା ଏ ବାରେ କାତାତାକି ମୀ ଏବଂକାତି ଅଣ୍ଡିପୁ ମାତିହ, ଆତିହ ଇଦାଆଁ ଜିକେଏ ମାହାପୁରୁ ମୀ ନକିତା ପୁଣ୍ଡି କିୟାନେସି;

୧୬ ନୀଞ୍ଜୁପାତେକା ମାର ଏମିନି ମେରା ମାନୁଞ୍ଜି ଆହାନା ଖାହାମାନାୟି, ଏଲେକିହ ଏ ନକିତା ହାଜାଅନ ।

୧୭ ତାୟି ତାଜିସ୍ତା ମୀରୁ ବାରେ ଆଣ୍ଡି ଆହାନା ନା ଲେହେକି ତାକାଦୁ, ଇଞ୍ଜା ମା ତାଣା ଏମିନି ତାରିଗାଟାଣି ମେସିମାଞ୍ଜେରି ଇଞ୍ଜା ଆମିନି ଗାଟାରି ଏଲେକିହ ତାକିନେରି ଏଞ୍ଜାରିଇଁ ସିନିକିଦୁ ।

୧୮ ଇତିହ ହାରେକା ଇଲେକ୍ ମାନେରି, ଆସାଆରି ମାଣକିତି କାତା ଅଲେ ଅଲେ ମିଜେ ଝେସାମାଞ୍ଜାଇଁ, ଇଞ୍ଜା ନୀଏ ଜିକେଏ ମିଜେ ଡାହି ଡାହି ଝେସିମାଞ୍ଜାଇଁ, ଏଞ୍ଜାରି ବାରେ କ୍ରୀସ୍ତତି ପାସି ମୁଣ୍ଡିତି ସାଡୁ ଆହାମାନେରି;

୧୯ ଏଞ୍ଜାରି ବାରେ ନକିତା ନାସା ଆନାରି, ଆଜାତି ଅଣ୍ଡିପୁ ଏଞ୍ଜାରି ମାହାପୁରୁ, ଏଦାୟି ଲାଜାଗାଟାୟି ଏଦାଆଁତାକି ଏଞ୍ଜାରି ବଡପଣ କିନେରି, ଇଞ୍ଜା ଦାଡତି ତାଣି ବାରେ ଅଣ୍ଡିପେ ମାନେରି ।

୨୦ ମାର ବାରେ ଲାକପୁରୁତି ଲକୁତାୟି, ଇଞ୍ଜା ଏମ୍ପାଟି ଜିକେଏ ମାଜେ ଗେଲ୍ପାନି ପ୍ରବୁ ଜୀସୁ କ୍ରୀସ୍ତତି ଝେଣ୍ଡେ ଖାନାଣି କାଡିମାନମି;

୨୧ ଏଞ୍ଜାସି ତାନି ଏମିନି କାମା କିନି ବାଡୁୟୁତି ବାରେତି ତାନି ତାଣା ଇଟାଲି ଆଡ଼ିମାନେସି, ଏମ୍ପାଟି ମା ବାଡୁୟୁ ହିଲାଆଗାଟି ଆଜାତି ତାରି ମୁୟହାନା ତାନି ଗାଞ୍ଜୁରିମାଗାଟି ଆଜା ଲେହେଁ କିୟାନେସି ।

୪

ହୁକୁମି ହାନାୟି

୧ ଏଦାଆଁତାକି ଏ ନା ଜୀସୁତି ତାୟି ତାଜିସ୍ତା । ମିଜେତାକି ନାଜେ ଏତେକା ରାହାଁତି ଟଡେରି ଲେହେଁ । ନାନୁ ଜାପୁହାତି ଲେହେଁ ପ୍ରବୁ ତାଣା ତାରିଆହ୍ଁ ନାତାବାଡକାଦୁ ।

୨ ପ୍ରବୁ ତାଣା ରଣିଏ ଅଣ୍ଡିପୁ ତଲେ ମାଞ୍ଜାଲି ଇୟଦିୟା ଅଡେ ସୁଞ୍ଜୁକି ରିଣ୍ଡିସିକାଣି ବାଡିମାଲିମାଇଁ ।

୩ ନା କାମାତା ଆଣ୍ଡାନା ମାନି ତଲେ କାମା କିନାତି, ନିଜେ ଜିକେଏ ବାଡିମାଲିମାଞ୍ଜାଇଁ ଇ ରୀ ତାଜିସ୍ତାଣି ସାୟେମି କିମ୍, ଏନାଆଁତାକି ଇତିହ ଲ୍ଲେମେନ୍ଦ୍ ଅଡେ ନା ତଲେ କାମାକିନାରି ତଲେ ନେହଁ କାରୁ ଝେକହାଲି ନା ତଲେ କାମା କିହାମାନୁ; ଇଞ୍ଜା ନା ତଲେ କାମା କିହାମାନାରି ଦର୍ବକା ଜୀସୁତି ପତିତା ରାସ୍ତକି ଆହାମାନୁ ।

୪ ପ୍ରବୁ ତାଣା ଆଣ୍ଡାନା କାଲେଏ ରାହାଁ କିଦୁ, ଅଡେ ଝେଣ୍ଡେ ଝେସିମାଞ୍ଜାଇଁ ରାହାଁ କିଦୁ ।

* ୩:୧୭ ୩:୧୭ ୧କର ୪:୧୭; ୧୧:୧

୫ ବାରେ ଲକ୍ଷ୍ମ ନକିତା ମୀ ସ୍ୱପ୍ନ ସୁଖଲା ଅଣ୍ଡପୁ ତଞ୍ଜା ଆପେ □ ପ୍ରବୁ ଖାନାୟି ତାଗେ ଖାତେୟିଏ □

୬ ଏନାଆଁତାକି ଜିକେଏ ଅଣ୍ଡପାଆବୁ, ଯାମା ବାରେତାକି ପ୍ରାତାନା ଇଞ୍ଜା ଜହରା ତଲେ ମୀ ଲଡ଼ାମାନାଣି ମାହାପୁରୁ ନକିତା ଷ୍ଟେହ୍ନୁ □

୭ ଏଚେଟିଏ ତେଲହାଲି ଆଡ଼ାଆଗାଟି ମାହାପୁରୁତି ହିଡ଼ଡ଼ି ମୀ ହିୟାଁ ଅଡ଼େ ଅଣ୍ଡପୁତା କ୍ରୀସ୍ତ ଜୀସ୍ତ ସାଢ଼େମି ତଲେ ଗେଲ୍‌ପାନା ଇଡ଼ାନେସି □

୮ ଏ ତାୟି ତାଜିମ୍ପା, ଏନାୟି ନେହାୟି, ଏନାୟି ସାତା, ଏନାୟି ଲଡ଼ା ମାନାୟି, ଏନାୟି ଟିକାଣାତାୟି, ଏନା ଏନାୟି ଅଡ଼ିତାୟି, ଏନାୟି ଜୀଝୁନନାୟି, ଏନାୟି ମନ କିତି ରାନ୍ଦା, ଏନାୟି ଜୀଝୁତା ନେହାୟି, ଏନାୟି ସାତା ଗୁଣ୍ଡୁ ମାନେ ଏ ବାରେ କାତା ଅଣ୍ଡପେମାଞ୍ଜୁ □

୯ ମୀରୁ ନା ତାଣାଟି ଏନାଆଁ ଜାପାମାଞ୍ଜେରି, ଷ୍ଟେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିତୁ; ଏମାଆଁ ହିଡ଼ଡ଼ି ହିୟାନି ମାହାପୁରୁ ମୀ ତଲେ ସାଢ଼େମି ଆୟାନେସି □

ଦାନା ତାକି ଜହରା

୧୦ ବାରେତି ତାୟୁ ନା ତାକି ମୀ ଅଣ୍ଡପୁ ତଞ୍ଜା ଆହାମାନେ, ଏନାଆଁତାକି ପ୍ରବୁ ତାଣା ରାହାଁ କିହିମାଞ୍ଜୁ; ସାତେଏ ନା ତାକି ମୀ ଅଣ୍ଡପୁ ମାତେ, ଯାମା ପାରୁ ମେଡ଼ା ଆହି ହିଲ୍ଲାଆତେରି □

୧୧ ନାଞ୍ଜେ ଏନାୟି ଉଣା ମାନାକି ଷ୍ଟେସିମାଞ୍ଜୁଆଁ, ଏନାଆଁତାକି ଇଚିହଁ ନାନୁ ଏନିଆହଁ ମାଚିହଁ ଜିକେଏ ରାହାଁତଲେ ମାଞ୍ଜାଲି ଜାପାମାଞ୍ଜୁ □

୧୨ ନାନୁ ହିଲ୍ଲାଆ ବେଲାତା ବାଡ଼କାଲି ଇଞ୍ଜା ହାରେପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଞ୍ଜୁ, ବାରେବେଲା ବାରେଖାକି ରାହାଁତଲେ ମାଞ୍ଜାଲି, ବାଣ୍ଡି ପାଞ୍ଜେ ଡିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜାଲି, ଇଞ୍ଜା ହାରେକା ବେଟାଆହାମାନାଣି ଲେମ୍ପାଲି ଇଞ୍ଜା ହିଲ୍ଲାଆ ବେଲାତା ନୀତାଲି ଜିକେଏ ଜାପାମାଞ୍ଜୁ □

୧୩ ନାଞ୍ଜେ ବାଡ଼ୟୁ ହିୟାନି କ୍ରୀସ୍ତ ତାଣାଟି ବାରେ କିହାଲି ଆଡ଼ିଞ୍ଜୁ □

୧୪ ଆଡ଼ିଜିକେଏ ମୀରୁ ନା କସ୍ତତା ଆଣ୍ଡାମାନାକି ନେହଁ କାମା କିହାମାଞ୍ଜେରି □

୧୫ ପିଲିପିୟ ଲକ୍ଷ୍ମତେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହଁ କାବୁ ଷ୍ଟେକହାଲି ମାଡ଼ୁହି ବେଲାତା ଏଚେତା ନାନୁ ମାକିଦନିୟାଟି ହାଚାଟି ଏଚିବେଲା ମୀ ପିସ୍‌ପେ ଏମିନି କୁଲମି ନା ତଲେ ଆଣ୍ଡାମା ନା ତାଣାଟି ହାନାଣି ଅନାଣି ଲେକା ଇଟାହିଲ୍ଲାଆତେରି □

୧୬ ଇଚିହଁ ନାନୁ ତେସଲନିକିତା ମାଟିବେଲାତା ଜିକେଏ ମୀରୁ ନା ଲଡ଼ା ମାଚାଣି ମେସାନା ହାରେକା ଦେବା ଦାନା ପାଣ୍ଡାତେରି □

୧୭ ନାନୁ ମୀ ତାଣାଟି ଦାନା ଅହାଲି ଅଣ୍ଡପି ହିଲ୍ଲାଆଁ, ଯାମା ଏମିନି ପାଡ଼େୟିଟି ମୀ ଲେକା ହାରେ ହାରେକା ପାତାଆହିମାନେ, ଏନାଆଁତି ନାନୁ ମେସାଲି ଅଣ୍ଡପିମାଞ୍ଜୁ □

୧୮ ନାନୁ ବାରେ ବେଟାଆହାମାଞ୍ଜୁ, ଇଞ୍ଜା ନାଞ୍ଜେ ହାରେପୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି ବାରେ ଏପାପୁଦିତ ତାଣାଟି ବେଟାଆହାମାଞ୍ଜୁ, ଏ ବାରେ ନାଞ୍ଜେତାକି ସାରି; ଏ ବାରେ ମାହାପୁରୁ ନକିତା ହେରପାନା ହୁଡ଼ିମାନି ଗାନ୍ଦାଗାଟି ଦୁପ୍‌ପି ଲେହେଁତାୟି □

୧୯ ଅଡ଼େ ନା ମାହାପୁରୁ କ୍ରୀସ୍ତ ଜୀସ୍ତ ତାଣା ତାନି ଗାଝୁରମି ଦନଟି ମୀ ଲଡ଼ାମାନାଣି ହିୟାନେସି □

୨୦ ମା ଆବା ମାହାପୁରୁକି କାଲ୍‌କାଲ୍‌ତାକି ଗାଝୁରମି ଆପେ □ ଆମେନ୍ □

ଜହରା କିହାନା ଆକୁତି ରାପ୍‌ନାୟି

୨୧ କ୍ରୀସ୍ତ ଜୀସ୍ତ ଦରୁତଲେ ବାରେ ମାହାପୁରୁ ଲକ୍ଷ୍ମୁ ଜହରା ଷ୍ଟେହ୍ନୁ, ନା ତଲେ ଇ ଚାୟୁତା ମାନି ତାୟି ତାଜିମ୍ପା ମିଙ୍ଗେ ଜହରା ପାଣ୍ଡିମାଞ୍ଜାନେରି □

୨୨ ବାରେ ମାହାପୁରୁ ଲକ୍ଷ୍ମ ଇଚିହଁ ବାରେକିହାଁ କାୟିସର ଲକ୍ଷ୍ମତା ମାନାରି ଏଞ୍ଜାରି ମିଙ୍ଗେ ଜହରା ପାଣ୍ଡିମାଞ୍ଜାନେରି □

୨୩ ପ୍ରବୁ ଜୀସ୍ତ କ୍ରୀସ୍ତତି କାର୍ମାମେହନାୟି ମୀ ବାରେ ଜୀଝୁତା ମାଣ୍ଡମ୍ପେ □

କଲସିୟ ମଣ୍ଡଳୀ ନିକଟକୁ ପାତଳକ ପତ୍ର କଲସିୟ କୁଲମିତାକି ପାଞ୍ଚଲ ରାଡ଼ାମାନି ଆକୁ ମୂଳୁ ହାଡ଼ା

କଲସିୟ ଆକୁ ଆହିମାନେ ପାଞ୍ଚଲ ତାଣାଟି ରାଟିତି ଆକୁ ୧:୧ □ ପାଞ୍ଚଲ ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ଷୀ ତାରୁ ଏଝାସି ରମ୍ ଗାଡ଼ାତି କାୟିଦିତା ମାଗାଟି ଈ ଆକୁ ରାଡ଼ାମାନେସି □ କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଇନେର □ ଇତିହିଁ ପାଞ୍ଚଲ କାୟିଦିତା ମାଗାଟି ଈ ଆକୁ ରାଡ଼ାମାନେସି □ ଏଝାସି କଲସିୟ ଗାଡ଼ାତା ମାନି କୁଲମିତାକି ଈ ଆକୁ ରାଡ଼ାମାନେସି □ ପାଞ୍ଚଲ ଈ କୁଲମିତି ମାଟୁହା ହିଲିଆଥେସି ୨:୧ ସାମା ଝେସିମାନେ, ହାରେକା ଏମ୍ବାତି ଦାୟିପତି ମାନି କାତା ଏଝାସି ଝେସିମାନେସି □ ଏପାପୁସ ଈ କୁଲମି କିହାମାନେସି ଇତିହିଁ ଏଝାସି କଲସିୟତାସି ମାରେସି □

ପାଞ୍ଚଲ କଲସିୟ କୁଲମିତି ଏରେକା ମିତି ଜାପୁନାରି କାତାତାକି ଅଣପିମାନେସି □ ଏଝାସି ଈ କାତାତାକି ହାରେକା ଗାତିକିହିଁ ରାଡ଼ାମାନେସି □ ଇମ୍ବାଆଁ ର ଗତି ଜାହୁଦି କ୍ରୀସ୍ତାନା ଆମିନି ଗାଗାରି ଜାହୁଦିଆଆତି କ୍ରୀସ୍ତାନା ଲକୁଇଁ ପ୍ଲାଃଇ ନେରାତି ଜାହୁଦି ପାଣାପାଟୁ, ଇତିହିଁ ତଲୁ ଦାପିଆନି ନେରା ମାନିଝି ଆହାଲି ବାଲୀମାତମି କିହାଲି ଅଣପିମାନେସି □ ପାଞ୍ଚଲ ବାରେକିହାଁ ଲଡ଼ାହିଲିଆ କ୍ରୀସ୍ତାନା ଲକୁତି କାତା ରାଡ଼ିମାନେସି, ରଥସି ଆମ୍ବାଆସି ଜିକେଏ ଆପେସି କ୍ରୀସ୍ତତି ପିସପେ ମାହାପୁରୁ ତାଣା ନେହାସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣସି ବାଦିବାଦା ତଲେ ଜାପୁନି କାତା ଉଜେଏତାୟି ୨:୮ □

ପତିତା ମାନାୟି

- ୧ ଜହରା କିହାନା ଆକୁତି ମାଟୁନାୟି □ ୧:୧-୨
- ୨ କ୍ରୀସ୍ତତି କାଜାପାଣା ଅଡ଼େ ମିତି ଜାପୁନାରି ଝେଣ୍ଡେ ଜଲିନାୟି □ ୧:୩-୩:୪
- ୩ ନେହିଁ କ୍ରୀସ୍ତାନା ଲକୁ ଆହାନା ନୀତାଲି ଝେହ୍ନାୟି □ ୩:୫-୪:୬
- ୪ ଆକୁତି ଏବକା କୁଲମିତା ପତ୍ରଝି ଆହାଲି ଇଞ୍ଜା ଜହରା ତଲେ ଆକୁତି ରାପୁନାୟି □ ୪:୭-୧୮

- ୧ ପାଞ୍ଚଲ, ମାହାପୁରୁତି ଅଣପୁ ତଲେ କ୍ରୀସ୍ତ ଜୀସୁତି ପାଣ୍ଡିଆହାମାନି ସୀସୁ ଅଡ଼େ ମା ତାୟି ତିମତି □
- ୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଜିସ୍ତାକି ଆକୁ ରାଡ଼ିମାନି; ମା ଆଡ଼ା ମାହାପୁରୁ ତାଣାଟି କାର୍ନାମେହ୍ନାୟି ଅଡ଼େ ହିଡ଼ତି ଜୀଞ୍ଜୁ ମିଜେତାକି ଆୟାପେ □

ଜହରା ପ୍ରାଡ଼ାନା

୩ ମାମ୍ବୁ ମିଜେ ତାକି ପ୍ରାଡ଼ାନା କିହାନା ମା ପୁରୁ ଜୀସୁ କ୍ରୀସ୍ତତି ଆଡ଼ା ମାହାପୁରୁଇଁ କାଲେଏ ଜହରା କିହିମାନି;

୪ ଏନାଆଁତାକି ଇତିହିଁ ମାମ୍ବୁ କ୍ରୀସ୍ତ ଜୀସୁ ତାଣା ମୀ ନାମ୍ବୁ ଅଡ଼େ ମାହାପୁରୁ ଲକୁଣି ଜୀଞ୍ଜୁନହାଁ ମାନାଣି ଝେଞ୍ଜାମାନମି □

୫ ଏତିବେଲା ନେହିଁ କାବୁତି ସାତା ବଲୁ ମୀ ତାଣା ମୂଲୁଏ ଝାତେ, ମୀରୁ ଏଦାନି ତାଣାଟି ହାପକିଆତି ବାସ୍ତୁତି କାତା ଝେଚେରି □ ମୀରୁ ଏନାଆଁ ବାସ୍ତୁ କିଦେରି, ଏନାୟି ମୀ ତାକି ଲାକପୁରୁ ଇବକି ଆହାମାନେ, ଏମ୍ବାଆଁ ମୀ ନାମ୍ବୁ ଅଡ଼େ ଜୀଞ୍ଜୁନନାୟି ତୁୟାମାନେ □

୬ ଏ ନେହିଁ କାବୁ ମୀ ତାଣା ଝାହାମାନେ, ଇଞ୍ଜା, ଏଦି ଏନିକିଁ ବାରେ ଦାର୍ତତିତା ପାଡ଼େୟି କାମ୍ବାନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଝେଞ୍ଜାନା ସାତା ତଲେ ମାହାପୁରୁତି କାର୍ନା ମେଡ଼ାଆଡ଼େରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ □

୭ ମା ତଲେ କାମା କିନି ଜୀଞ୍ଜୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ନାମେହ୍ନି କାତା ଜାପାମାଞ୍ଜେରି; ଏଝାସି ମିଜେ ତାକି କ୍ରୀସ୍ତତି ର ମାନି ତଲେ ସେବା କାମାକିନାସି;

୮ ଏଝାସି ସୁଦୁଜୀଞ୍ଜୁ ତଲେ ମିଜେ ହାହାମାଞ୍ଜାନି ଜୀଞ୍ଜୁ ନଝିଆନି କାତା ମାଜେ ଝେସାମାଞ୍ଜାନେସି □

* ୧:୭ ୧:୭ କଲସି ୪:୧୨; ପିଲିମ ୧:୨୩

୯ ଇଦାଆଁତାକି ମୀ କାତା ୱେଡି ଦିନାଟିଏ ମାମ୍ନୁ କାଲେଏ ମୀ ତାକି ପ୍ରାଡାନା କିହିମାନମି □ ମୀରୁ ବାରେ ସୁଦୁଜୀଝୁତି ବୁଦି ଅଡେ ତେଲୁହିନି ବାଡୁୟୁ ତଲେ ମାହାପୁରୁତି ବାରେ ଅଣ୍ଟପୁ ଏନିକିହିଁ ମୀରୁ ପୁଞ୍ଜାଲି ଆଡିଦେରି, ଇଦାଆଁତାକି ମୀ ତାକି ପ୍ରାଡାନା କିହିମାନମି □

୧୦ ବାରେ ଜୀଝୁତି ବୁଦିତା ପ୍ରବୁଇଁ ବାରେ ତାଣା ରାହୁଁ କିୟାଲି ତାନି ଜଗେତି ମାଣ୍ଡିକି ତଲେ ତାକାଦୁ, ଇତିହିଁ ମାହାପୁରୁତି ବୁଦିତା ପାତାଆହାନା ନେହିଁ କାମାତି ପାଡେୟି ଆୟାଦୁ □

୧୧ ଇଞ୍ଜାଁ ବାରେ କାମାତା ସାସାତଲେ ଅରୁହାଲି ତାକି ତାନି ଗାଝୁରମି ଇଞ୍ଜାଁ କାଜାପାଣା ତଲେ ବାରେ ବାଡୁୟୁତି ବାଡୁୟୁ ଗାଟାତେରି ଆଦୁ,

୧୨ ଇଞ୍ଜାଁ ଆମିନି ଆଦା ମାହାପୁରୁ ଲକୁଣି ଉଜେଡି ରାଜିତା ଆଣ୍ଡାଲି ତାକି ଜଗେ କିହାନା ଅଦିକାରା ହାହାମାଞ୍ଜାନେସି, ଏଦାଆଁତାକି ଏଞ୍ଜାଣାଇଁ ରାହୁଁତଲେ ଜହରା କିଦୁ □

୧୩ ଏଞ୍ଜାସି ମାଜେ ଆନେରିତି ବାଡୁୟୁତି ପିସିପି କିୟାତେସି ଅଡେ ତାନି ଜୀଝୁତି ମାରୁଏଣାତି ରାଜିତା ମାଜେ ତାତାତେସି □

୧୪ *ଏ ମାରୁଏଣି ତାଣାଟି ମାରୁ ଗେଲୁପି ଆହାମାନାୟି ଇତିହିଁ ମା ପାପୁ ବାରେ ଗ୍ରେପୁକି ଆହାମାନେ □

କ୍ରୀସ୍ତ ଅଡେ ତାନି କାମା

୧୫ କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନି ୱାଣା ଗାଟାସି, ଏଞ୍ଜାସି ନବେଏ ଜାର୍ନାଆଡି ମାରୁଏସି, ଇଞ୍ଜାଁ ବାରେ ଗାଡି ଆଡି କିହାଁ କାଜାସି,

୧୬ ତଞ୍ଜା ଆନାୟି ଅଡେ ତଞ୍ଜା ଆଆଗାଟାୟି ଲାକପୁରୁ ଅଡେ ଦାରୁତିତା ବାରେ ଏଞ୍ଜାଣି ତାଣାଟି ଗାଡି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲୁଝି କିନାୟି ବାରେ ଏଞ୍ଜାଣି ତାଣାଟି ଇଞ୍ଜାଁ ଏଞ୍ଜାଣି ତାକି ଗାଡି ଆହାମାନେ;

୧୭ ବାରେ ଗାଡି ଆଡି ନବେଏ କ୍ରୀସ୍ତ ମାତେସି, ଇଞ୍ଜାଁ ଏଞ୍ଜାଣି ତାଣା ଆଣ୍ଡାମାନାକି ବାରେ ଗାଡିଆଡାଇ ତାମ୍ନୁ ମାନି ଚାୟୁତା ମାମ୍ନୁ □

୧୮ *କ୍ରୀସ୍ତ କୁଲମି ଲେହେଡି ଆଜାଡି ତାୟୁଁ ଚୁଲହେଡାସି, ଏ ଆଜାଡି ଜୀଝୁ ବାଡୁୟୁ □ ବାରେ ତାଣା ନକିତା ଆହାଲି ତାକି ଏଞ୍ଜାସି ହାଡାରି ତାଣାଟି ନବେଏ ନିଜାମାନେସି □

୧୯ ଏନାଆଁତାକି ଇତିହିଁ ମାହାପୁରୁତି ଅଣ୍ଟପୁ ଲେହେଁ ମାରୁଏସି ତାନ୍ତୁଏ ମାହାପୁରୁତି ବାରେ ମାଣ୍ଡିକି ଆସା କତାମାନେସି,

୨୦ *ଅଡେ ତାନି ମାରୁଏଣା କୁସତି ନେତେରି* ତଲେ ଏଞ୍ଜାସି ହିଡ଼ି ତାରି କିହାନା ଏଞ୍ଜାଣି ତାଣାଟି ତାନିତଲେ ବାରେ ଲକୁଣି କାଲନେସି, ହାଅ ଏଞ୍ଜାଣି ତାଣାଟି ଦାରୁତିତା ଅଡେ ଲାକପୁରୁ ମାନାଣି ବାରେ କାଲୁଝି କିନେସି □

୨୧ ଅଡେ ନବେଏ ର ବେଲାତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏବ୍‌କା ଅଡେ ହେକ ମାତେରି ଇଞ୍ଜାଁ ମନତା ତାନି ସାଡୁ ମାତେରି,

୨୨ ସାମା ନୀଏଁ ମାହାପୁରୁ ମିଜେ ଜିକେଏ ତାନି ନକିତା ସୁଦୁ ଗାଟାତେରି, ନିୟା ଅଡେ ଦହ୍ ହିଲାଆଗାଟାତେରି କିହାଲି ତାନି ମାରୁଏଣା ଆଜାଡି ହାକି ତଲେ ମିଜ୍ଜା ତାନିତଲେ କାଲୁହା ମାଞ୍ଜାନେସି;

୨୩ ମୀରୁ ର ତୀରୁପୁ ଆଟ୍‌ଝା ପୁନାଦି ଲାକ ତୁୟାଦୁ ଅଡେ ନେହିଁ କାବୁ ୱେନି ବେଲାତା ଏମିନି ବାସୁ ଇଟାମାତେରି ଏମାଡି ଇତାଲା ଆତାଲା ଆଆଦୁ, ଆଡିହିଁ ସାତେଏ ଏମାଡି ପାଡେୟି ବେଟାଆଡେରି; ଏ ନେହିଁ କାବୁ ମୀରୁତ ୱେଞ୍ଜାମାଞ୍ଜେରି; ଏଡି ହାଗୁପାକା ଡଳ ମାନି ବାରେ ଗାଡି ଆଡିତାଣା ଏ ନେହିଁ କାବୁ ୱେଞ୍ଜାମାନେ ଅଡେ ନାନ୍ତୁ ପାଝୁଲ ଏମାଡି ନାମୁଡି ହଲେଏଣାତେଏଁ □

କୁଲମିତା ପାଝୁଲତି କାମା

୨୪ ନାନ୍ତୁ ମିଜେତାକି ଆମିନି ଦୁକୁ କସ୍ତ ବେଟାଆହି ମାଇଁ, ଏମାଆଁ ନାନ୍ତୁ ନୀଏଁ ରାହୁଁ କିହିମାଇଁ, ଇଞ୍ଜାଁ କ୍ରୀସ୍ତତି ଦୁକୁ କସ୍ତ ଏନାୟି ତୁୟାମାନେ ଏଦାଆଁ ନାନ୍ତୁ କୁଲମିତାକି ଆଜା ତଲେ ଦୁକୁ କସ୍ତ ଅରୁହାନା ରାପୁହାଲି ସାୟେମି କିହିମାଇଁ □

୨୫ ମାହାପୁରୁ ନାଜେ ସେବାକିନି କାମା ହେବପା ମାଞ୍ଜାନେସି, ଏଲେଆହିଁ ଏ ଏ କୁଲମିତି ନାନ୍ତୁ ର ସେବା କିନାତେଏଁ ଆହାମାଇଁ, ଏନିକିହିଁ ନାନ୍ତୁ ମାହାପୁରୁତି ବଲୁ ତାରିତଲେ ୱେକଇଁ,

* ୧:୧୪ ୧:୧୫ ଏପିସି ୧:୭ * ୧:୧୮ ୧:୧୮ ଏପିସି ୧:୨୨,୨୩ * ୧:୨୦ ୧:୨୦ ଏପିସି ୨:୧୭ * ୧:୨୦ ୧:୨୦ ନେତେରି ଇତିହିଁ ମାରୁଏଣା ହାକି

୨୭ ଏ ନେହୁଁ କାହୁଁ ର ତୁଗ୍ନାମାନି କାତା ତଲି କାଲ୍ଲା ଅଡ଼େ ଆକୁ ଆବାୟାଁ ତାଣାଟି ତୁଗ୍ନାମାତେ, ସାମା ନୀର୍ବୀଁ ତାନି ଲକୁତାଣା ତସାମାନେସି □

୨୮ ଜୀହୁଦିଆଆତି ଲକୁତାଣା ଏ ତୁଗ୍ନାମାନି ଗାଝୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକୁତାଣା ତସାଲି ଅଣ୍ଠପିତେସି; ଏ ତୁଗ୍ନାମାନାୟି ଇଦି, ମୀ ତାଣା କ୍ରୀସ୍ତ ଏଝାସି ଗାଝୁରମି ଅଡ଼େ ବାସ୍ତୁ ଲେହେଁତାସି;

୨୯ ମାମୁ ଏ କ୍ରୀସ୍ତୁଇଁ ଝେକହି ମାନମି, ଇଞ୍ଜାଁ ବାରେଜାଣାତି ସେତୁନା ଇଞ୍ଜାଁ ବାରେ ବୁଦିତଲେ ଜାପୁହି ମାନମି, ମାମୁ ଏନିକିଁ ମାହାପୁରୁ ନକିତା ତୀରପୁତି ଲକୁ ଲେହେଁ ତାତାଲି ଆଡ଼ିନମି;

୩୦ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ ହାହିମାଞ୍ଜାନି କାଜା ବାଡ଼ୁୟୁତି ଲେମ୍ବାନା ନାନୁ ଜୀସୁ ତୁସାନା କାମା କିହିମାଇଁ □

୨

୧ ମୀ ତାକି ଲାଝୁଦିକିୟାତି ଲକୁ ଅଡ଼େ ନାଜେ ସାତେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏତେକା ଜୀସୁ ତୁସାନା କାମା କିହାମାଇଁ, ଇ ବାରେ ମୀରୁ ପୁଞ୍ଜୁ ଇଞ୍ଜୁଁ ନାନୁ ଅଣ୍ଠପିମାଇଁ;

୨ ନା ଅଣ୍ଠପୁ ଇଦି, ଏନିକିଁ ଏଝାରି ହିୟାଁ ରାହାଁ ଆନେ, ଇଞ୍ଜାଁ ଏଝାରି ସାତା ବୁଦିତି ବାରେ ଦନ ବେଟାଆହାଲି ତାକି, ଇରିହୁଁ ମାହାପୁରୁତି ତୁଗ୍ନାମାନାୟି କ୍ରୀସ୍ତ, ଏଝାଣାଇଁ ପୁଞ୍ଜାଲିତାକି ରଅସି ରଅଣି ତଲେ ଜୀସୁ ନଝି ଆନେରି □

୩ ଜୀସୁ କ୍ରୀସ୍ତ କୁଟିକାଡ଼ି ଏନାୟି ମାହାପୁରୁତି ବୁଦି ଅଡ଼େ ପୁନାଣି ତୁଗ୍ନାମାନି ବାରେ ଦନ ଦେନେସି □

୪ ମିଜେ ଆମ୍ବାଆସି ନାଡ଼ିକିନି ଲେହେଁତି ମିଟି କାତା ଝେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଇଁ □

୫ ଇତିହୁଁ ନାନୁ ଆଜ୍ଞା ତଲେ ହିଲ୍ଲାଆତି ଜିକେଏ ନା ଜୀସୁତଲେ ମୀ ତାଣା ମାଞ୍ଜାମାଇଁ, ଇଞ୍ଜାଁ ମୀ ନେହୁଁ କିଁ ଜୀରୁ ଆନାଣି ଅଡ଼େ କ୍ରୀସ୍ତ ତାଣା ତୀରପୁତଲେ ନାମାମାନାଣି ମେସାନା ରାହାଁ ଆହିମାଇଁ □

କ୍ରୀସ୍ତ ତାଣା ଜୀସୁ

୬ ଇତିହୁଁ ମୀରୁ କ୍ରୀସ୍ତ ଜୀସୁଇଁ ପ୍ରବୁ ଇଞ୍ଜୁଁ ଏନିକିଁ ନାମାମାଞ୍ଜେରି, ଏଲେକିହୁଁ ଏ ଏଝାଣି ତାଣା ମାଞ୍ଜାନା ନାତାପୁ;

୭ ଏଝାଣି ତାଣା ଜାଣେ ତୁୟାଦୁ, ମୀ ଜୀସୁତି ତୀରିକିଦୁ ଇଞ୍ଜାଁ ମୀରୁ ଜାପାମାନି ନାମୁତା ଏଝାଣି ତାଣା ବାଡ଼ୁୟୁ ବେଟାଆଦୁ □ ମୀ ହିୟାଁ ଜହରା କିନାୟି ଆପେ □

୮ ସିନିକିଦୁ, ଏଚେତା ଆମ୍ବାଆସି କ୍ରୀସ୍ତତି ଜାପୁନାୟି ଲାଗେଏତି ମାଣସିତି ପାଣାପାବୁ ଅଡ଼େ ଦାଡ଼ିତି ମୁଲୁ ଜାପୁନି ପାଞ୍ଜି ସିନି କିନାୟି ଅଡ଼େ ଉଜେଏତି ନାଡ଼ିକିନି ତାଣାଟି ମିଜେ କାୟିଦି କିହା ଅୟାନେ;

୯ ଇତିହୁଁ କ୍ରୀସ୍ତ ତାଣା ମାହାପୁରୁତି ଗୁଣୁ ମାଣସି ଝାଣା ଆହାନା ବାସା ଆନେ □

୧୦ ଏଝାସି ବାରେ ସାଲୁଝି କିନାରି ଇଞ୍ଜାଁ ଅଦିକାରା ବେଟାଆଡ଼ାରି ତାୟୁଁ ଚୁଲହେଁ, ଇଞ୍ଜାଁ ଏଝାଣି ତାଣା ମାଞ୍ଜାନା ମୀରୁ ବାଡ଼ୁୟୁ ବେଟାଆହା ମାଞ୍ଜେରି □

୧୧ କ୍ରୀସ୍ତ ତଲେ ଆଣ୍ଠିତି ଜୀସୁଏ ମୀ ତଲୁ ଦାପି ଆଡ଼ି ଲେହେଁତାୟି □ ଏ ତଲୁ ଦାପି ଆଡ଼ାୟି ମାଣସି କିତାୟି ଆଏ, ଏଡ଼ି କ୍ରୀସ୍ତ ତାଣାଟି ଆହାମାନେ □ ଏଡ଼ି ମାଣସିଇଁ ପାପୁ ଆଜ୍ଞାଟି ଗେଲୁପି କିନେ □

୧୨ ମୀରୁ ଏଟିବେଲା ବାପ୍ତିସ୍ତ* ବେଟାଆଡେରି ଏଟିବେଲା ମୀରୁ କ୍ରୀସ୍ତ ତଲେ ମୁସ୍ତିଆଡେରି, ଇଞ୍ଜାଁ ଆମିନି ମାହାପୁରୁ କ୍ରୀସ୍ତୁଇଁ ହାଡ଼ାରି ତାଣାଟି ନିକହେସି, ଏଝାଣି କାମା କିନି ବାଡ଼ୁୟୁତି ନାମାଲିଏ ଏ ବେଲାତା ଏଝାସି ମିଜେ କ୍ରୀସ୍ତ ତଲେ ନିକହାତେସି □

୧୩ ମୀରୁ ଆଜ୍ଞାତା ପାପୁ ଗାଟାତେରି ଜୀହୁଦି ଆଆମାଗାଟି ହାହାମାତେରି, ମିଜେ ଜିକେଏ ମାହାପୁରୁ ତାନିତଲେ ମିଜେ ଜୀସୁ କିହାଁ ମାଞ୍ଜାନେସି, ମାହାପୁରୁ ମା ବାରେତି ପାପୁ ମ୍ଲେକହା ମାଞ୍ଜାନେସି;

୧୪ ଏଝାସି ମେରାତା ମା କପାଟି ଆମିନି ଦହ ଦହନି ଆକୁ ମାତେ, ଏଦାଆଁ ଏଝାସି ମ୍ଲେକହାନା ପାସି ମୁଣ୍ଡାତା କୁଟିୟାଁ ଝେଟାନା ମା ତାଣାଟି ହେକ କିହାମାନେସି;

୧୫ ଅଡ଼େ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁତି ବାଡ଼ୁୟୁ ଇଞ୍ଜାଁ ସାଲୁଝି କିନାଆଁ ତାଣାଟି ଜାହାରାଇଁ ପିସ୍ତି କିହାକତାମାନେସି ଇଞ୍ଜାଁ ଏଝାଆଁତି ଦସ୍ତପାନା ତାନୁ ଜୀଣାଆହାନା ହାନିବେଲାତା ବାରେ ଲକୁ ନକିତା ଏଝାଆଁତି ଲାଜା ବେଟାଆଝି କିହାମାନେସି □

* ୨:୧୨ ୨:୧୨ ରିନି ୨:୪ * ୨:୧୨ ୨:୧୨ମୁଞ୍ଜାନାୟି * ୨:୧୩ ୨:୧୩ ଏପିସି ୨:୧-୫ * ୨:୧୪ ୨:୧୪ ଏପିସି ୨:୧୫

୧୭ ଏଦୀଆଁତାକି ମୀ ତିନାୟି, ଉନାୟି, ପାର୍ବୁତାକି କ୍ଳୁତି ଲେଞ୍ଜୁ ପାର୍ବୁ କି ଜମିନି ଦିନାତି ଆମ୍ବାଆସି ମିଙ୍ଗେ ବିଚାରା କିୟାଆପେସି □

୧୮ ଏ ବାରେ ଖାହିମାନି ଦିନାତା ଆହାଲି ହାଜିମାନି ସାୟ୍ ଲେହେଁ; ସାମା ଏମ୍ବାତି ସାତା କାତା କ୍ରୀସ୍ତ □

୧୯ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୁରୁୟାଁ ସେବାତା ରାହାଁ ଆହାନା ସେୟାଁଣା ହାପାନା ମେସାମାନାଆଁ ପାରାନା ଅଡ଼େ ଦାର୍ତତି ଅଣ୍ଡପୁ ତଲେ ଉଜେଏ ବତପଣ ଆହାନା ଆମ୍ବାଆସି ତାୟ୍ ଲେହେଁତି କ୍ରୀସ୍ତ, ଏଞ୍ଜାଣାକ୍ ଆହ୍‌ଆନା ମାହାପୁରୁ ବରତି ଏଟ୍‌କା କିୟାଆପେସି □

୧୯ ଏଞ୍ଜାଣି ତାଣାଟି ବାରେ ଆଜା ହାନ୍ତୁଲିକା ଅଡ଼େ ଈଶାୟାଁଟି ନେହ୍ ଆହାନା ରଣ୍ଡି ରଣ୍ଡାଣି ତଲେ କାଲ୍‌ଞ୍ଜି ଆହାନା ମାହାପୁରୁ ହାତି ପାଡ଼ଣିତା ପାତାଆହିମାନୁ □

କ୍ରୀସ୍ତ ତଲେ ହାନାୟି ଅଡ଼େ ନୀତିନାୟି

୨୦ ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡ଼େ ଈ ଦାର୍ତତା ସାଲ୍‌ଞ୍ଜି କିହିମାନି ବାଡ଼ୁୟାଁଟି ଗେଲ୍‌ପି ଆହାମାଞ୍ଜେରି □ ଆତିହ୍ ମୀରୁ ଏନାଆଁତାକି ଦାର୍ତତି ଲକ୍ଷୁ ଅଣ୍ଡପୁ ତଲେ ନୀତିମାଞ୍ଜେରି ? ଏନାଆଁତାକି ମୀରୁ ଇଲେତି ମେରା ବାରେ ମାନି କିହିମାଞ୍ଜେରି,

୨୧ ଆତିହ୍ “ମାଣ୍ଡସି ଜାପୁହିମାନି ମେରା ଆହ୍‌ଆଦୁ, ଏଦୀଆଁ ତିନାଆଦୁ, ଏଦୀଆଁ ତୀଗାଆଦୁ ଦାର୍ତତି ଲକ୍ଷୁ ଲେହେଁ ଇଲେତି ପାଣ୍ଡାପାଦୁ ଏନାଆଁତାକି ମାନ୍‌ଞ୍ଜି ଆହିମାଞ୍ଜେରି ?”

୨୨ ଏ ବାରେ ଆସ୍ତି ଗାଡ଼େକା ତାଲ୍ □ ଇଞ୍ଜି ଲେମ୍‌ସାରେ ଉଜେଏତାଲ୍ ଆନୁ □

୨୩ ଏଲେତି ଜାପୁନାୟି ଜାହାରା ଅଣ୍ଡପୁଟି ସେବା କିନାୟି, ଜାହାରାକ୍ ଉଣା କିନାୟି ଇଞ୍ଜା ଆଜାତି ହାରେକା କସ୍ତ ହୀହାନା ବୁଦିତି ଦରୁ ବେଟାଆହାମାକ୍ ସାମା ଏଡ଼ି ଉଜେଏତାୟି ଏଦୀଆଁ ତଲେ ଆଜାତି ଅଣ୍ଡପୁ ରାହାଁ ଆନେ □

୩

୧ ମୀରୁ କ୍ରୀସ୍ତ ତଲେ ହାକିଟି ନିଙ୍ଗା ମାଞ୍ଜେରି, ଆତିହ୍ ମାହାପୁରୁତି ଚିଠିନି ଚଟତା କୁଗାମାନି କ୍ରୀସ୍ତତି ଆମିନି ବାସାଗାୟ୍, ଏ ଲାକପୁରୁ ମାନାଣି ପାରାଦୁ □

୨ ଦାର୍ତତା ମାନି ବାରେ କାତାତି ଅଣ୍ଡପାଆନା, ଲାକପୁରୁ ମାନାଣି ବାରେ ଅଣ୍ଡପାଦୁ □

୩ ଏନାଆଁତାକି ଇତିହ୍ ମୀରୁ ହାହାମାଞ୍ଜେରି, ଅଡ଼େ ମୀ ଜୀଞ୍ଜୁ ମାହାପୁରୁ ତାଣା କ୍ରୀସ୍ତ ତଲେ ଡ଼ଗ୍‌ମାନେ □

୪ ମା ଜୀଞ୍ଜୁ ଲେହେଁତାସି କ୍ରୀସ୍ତ, ଏଟିବେଲ୍ଲା ଏଞ୍ଜାସି ତଞ୍ଜାଆନେସି, ଏଟିବେଲ୍ଲା ମୀରୁ ଜିକେଏ ଗାଞ୍ଜୁନିଟି ଏଞ୍ଜାଣିତଲେ ଆଣ୍ଡାନା ତଞ୍ଜା ଆଦେରି □

ପୁଃଈ ଜୀଞ୍ଜୁ ଅଡ଼େ ପୁଃନି ଜୀଞ୍ଜୁ

୫ ଏଦୀଆଁତାକି ମୀ ଦାର୍ତତି ଲାଗେଏ ପଲେଏ ତାଣାଟି ଇତିହ୍ ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣ୍ଡକା ପୂଜା କିନାୟି, ଜୁପକା ଆନାୟି, ଈ ବାରେତାକି ହାଞ୍ଜି କିହାଁ କତାଦୁ;

୬ ଈ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁକ୍ ମାନି କିଅରି, ଏଞ୍ଜାରିକି ମାହାପୁରୁତି କପା ଖାନେ;

୭ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହ୍ ନୀତିମାରେରି □

୮ ସାମା ନୀର୍ବ୍ୟ ମୀରୁ ଜିକେଏ ଈ ବାରେ କାତା ଇତିହ୍, କପା, କାର୍‌ବି, ଇର୍‌ସା ଇଞ୍ଜା ମୀ ଗୁତିଟି ନିନ୍ଦା କାତା ଅଡ଼େ ଅପାଆଗାଟି ହାଡ଼ା ଜଲ୍ଲାଆଦୁ □

୯ ଏମୀ ବିତ୍ତା ମିତି କାତା ଖେସ୍‌ପି ଆଆଦୁ; ଏନାଆଁତାକି ଇତିହ୍ ମୀରୁ ବାରେ ପୁଃଈ ଗୁଣ୍ଡୁ ମାଣ୍ଡକି ପିସାମାଞ୍ଜେରି,

୧୦ ଏଡ଼େ ଏଲେତି ବାରେ କାମା ପିସାନା ପୁଃନି ଗୁଣ୍ଡୁ ପର୍ହାମାଞ୍ଜେରି; ଏ ପୁଃନି ଗୁଣ୍ଡୁ ମାଙ୍ଗେ ଗାଡ଼ିକିତାଣି ଖାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି □

୧୧ ଏଚେଟିଏ ଜୀହୁଦି ଲକ୍ଷୁ ଅଡ଼େ ଜୀହୁଦିଆଆତି ଲକ୍ଷୁ, ତଲ୍ଲୁ ଦାପିଆଡାରି କି ଦାପି ଆଆଡାରି, ଏଟ୍‌କା ରାକ୍ତିଡାରି, ସ୍ୱତ୍ୱିୟାଡାରି, ହଲେଏସି, ହଲେଏସି ଆଆଡାସି, ଈ ବାରେତି ବିତ୍ତା ଏଡ଼ି ପାର୍‌ଡ଼ା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଞ୍ଜାସି ବାରେ ତାଣା ବାସା କିନେସି □

୧୨ *ମୀରୁ ମାହାପୁରୁତି ଲକ୍ଷ୍ମଣେରି; ଏଝାସି ମିଙ୍ଗେ ଜୀଝୁନହାଁନା ତାଙ୍ଗେତାକି ଆଚାମାଞ୍ଜାନେସି □ ଏଦାଆଁତାକି ମୀରୁ ହିଡ଼ଡ଼ି ହିୟାଁ, କାମାମେହନାଣି, ଉଣା ଆନାୟି, ସୁଦୁ ସୁଝାଲା ମାଣ୍ଡକି ଅଡ଼େ ଅରୁହିନାଣି ପରଦୁ □

୧୩ *ମୀ ବିତ୍ତା କସ୍ତ୍ର ଅରୁହି ଆଦୁ, ରଅସି ରଅଣି କପାଟି ଏନି କାତା ଜଲିନାୟି ମାଟିସାରେ ମୀରୁ ରଅଡେରି ରଅଣି ଦହ୍ ମେକ୍ତୁ; ପ୍ରବୁ ଏନିକ୍ ମୀ ଦହ୍ ମେକ୍ତହା ମାଞ୍ଜାନେସି, ମୀରୁ ଜିକେଏ ଏଲେକିହ୍ ଏ କିଦୁ □

୧୪ ଅଡ଼େ ଈ ବାରେ ଗୁଣ୍ଡୁତଲେ ଜୀଝୁନନାୟି ମୀ ବିତ୍ତା ମାଣ୍ଡମେ, ଇଚିହ୍ ଜୀଝୁନନାୟି ବାରେ ଗୁଣ୍ଡୁତି ରୁଣ୍ଡି କିନେ □

୧୫ କ୍ରୀସ୍ତ୍ର ହିୟାତି ହିଡ଼ଡ଼ି ମୀ ହିୟାଁତି ସାଲ୍ଡି କିପେ □ ଇଚିହ୍ ଈ ହିଡ଼ଡ଼ି ତାକି ମାହାପୁରୁ ମିଙ୍ଗେ ରହେଏ ରଣିଏ ଆଙ୍ଗା ଆହାଲି ହାଚାମାଞ୍ଜାନେସି ଅଡ଼େ ବାରେବେଲା ମୀରୁ ମାହାପୁରୁଇଁ ଜହରା କିଦୁ

୧୬ *କ୍ରୀସ୍ତ୍ରତି ବଲ୍ଲୁ ହାରେକା ମୀ ହିୟାଁତା ତୁୟାପେ; ବୁଦିତଲେ ମୀରୁ ରଅଡେରି ରଅଣାଇଁ ହାଡ଼େପୁରେ ଜାପୁହାନା ସେଡ଼ନା ହୀପକିଆଦୁ, ଇଞ୍ଜା ମୀ ସୁଦୁଜୀଝୁ ତଲେ ମାହାପୁରୁଇଁ ଜହରା କିହ୍ ହିୟାଁ ତଲେ ପାରୁ ପାଚାଦୁ □

୧୭ ଅଡ଼େ ମୀରୁ କାତାତାକି କାମାତା ଏନାଆଁ କିଦେରି, ଇଚିହ୍ ଏ ବାରେ ପ୍ରବୁ ଜୀସୁ ଦରୁତଲେ କିହାନା ଏଝାଣି ଦରୁତଲେ ଆଚା ମାହାପୁରୁଇଁ ଜହରା କିଦୁ □

ପୁଃନି ଜୀଝୁତା ଆଣ୍ଡିନାୟି

୧୮ *ଏ ତକ୍ତିସିକାଡେରି, ମୀରୁ ମୀ ତକ୍ତାୟାଁଣି ମାନି କିଦୁ, ଏନାଆଁତାକି ଇଚିହ୍ ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ କିନାୟିମାନେ □

୧୯ *ଏ ତକ୍ତାୟାଁଡେରି, ମୀରୁ ମୀ ତକ୍ତିସିକାଣି ଜୀଝୁନଦୁ, ଏଝାସିକାଣି ହଲେଣିସିକା ଲେହେଁ ଲେମ୍ବାନା ଦୁକୁ ହୀଆଦୁ □

୨୦ *ଆଡ଼େ କକାରି ପଦାୟାଁଡେରି, ବାରେ କାତାତା ତାଲି ତାଞ୍ଜିତି କାତା ମାନୁଝି ଆଦୁ, ଏନାଆଁତାକି ଇଚିହ୍ ଇଦି ମାହାପୁରୁ ନକିତା ରାହାଁତି ଲେମ୍ବୁନାୟି □

୨୧ *ଏ ତାଲି ତାଞ୍ଜିତେରି, ମୀ କକାରି ପଦାଁଣି କାର୍ବି କିଆଦୁ, ଏନିକ୍ ଏଝାରି ନୀରାସା ଆଅରି □

୨୨ *ଏ ହଲିୟାଙ୍ଗାଡେରି, ମାଣ୍ଡସିଇଁ ରାହାଁ କିନିଲେହେଁ ଦାରୁତିତି ସାଝୁକାରିୟାଁ ନକିତା ଏ କାମା କିଆଦୁ, ସାମା ମାହାପୁରୁଇଁ ଆଜାନା ହିୟାଁତି ସୁଦୁ ମାଣ୍ଡକି ତଲେ ବାରେ କାମାତା ଏଝାରାଇଁ ମାନୁଝି ଆଦୁ □

୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟାଁ ତଲେ କିଦୁ, ମାଣ୍ଡସିୟାଁ ତାକି କିନିଲେହେଁ କିଆଦୁ;

୨୪ ପ୍ରବୁ ତାନି ଲକ୍ଷ୍ମଣାକି ଇଟାମାନି ଦାନା ମିଙ୍ଗେ ହିୟାନେସି ଇଞ୍ଜି ପୁଞ୍ଜାମାଞ୍ଜୁ, ଏନାଆଁତାକି ଇଚିହ୍ କ୍ରୀସ୍ତ୍ରଏ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି □

୨୫ *ଇଚିହ୍ ଆମ୍ବାଆସି ଲାଗେଏ କାମା କିନେସି ଏଝାସି ଲାଗେଏ କାମାଟି ପାଡ଼େୟି ବେଟାଆନେସି, ଇଚିହ୍ ମାହାପୁରୁ ଲକ୍ଷ୍ମଣତି ପାର୍ଡା ବାଟି କିଆନା ନାହାଁୟି କିନେସି □

୪

୧ *ଏ ସାଝୁକାରିୟାଁଡେରି ଲାକପୁରୁ ମୀ ସାଝୁକାରି ମାନେସି ଇଞ୍ଜି ପୁଞ୍ଜାନା ମୀ ହଲିୟାଙ୍ଗାଇଁ ଜୀଝୁନହାଁନା ନେହ୍ କି ଲେମ୍ବାଦୁ □

ଜାପୁନାୟି

୨ କାଲେଏ ପ୍ରାଚାନାତା ରଣିଏ ଅଣପୁ ତଲେ ମାଞ୍ଜୁ, ଅଡ଼େ ମାହାପୁରୁଇଁ ଜହରା କିହ୍ ଏନାଆଁ ଜାଗ୍ରାତା ମାଞ୍ଜୁ;

* ୩:୧୨ ୩:୧୨ ଏପିସି ୪:୨ * ୩:୧୩ ୩:୧୩ ଏପିସି ୪:୩୨ * ୩:୧୬ ୩:୧୬ ଏପିସି ୫:୧୯,୨୦ * ୩:୧୮ ୩:୧୮ ଏପିସି ୫:୨୨; ଏପିତ ୩:୧ * ୩:୧୯ ୩:୧୯ ଏପିସି ୫:୨୫; ଏପିତ ୩:୬ * ୩:୨୦ ୩:୨୦ ଏପିସି ୬:୧ * ୩:୨୧ ୩:୨୧ ଏପିସି ୬:୪
* ୩:୨୨ ୩:୨୨ ଏପିସି ୬:୫-୮ * ୩:୨୫ ୩:୨୫ ଏପିସି ୬:୯ * ୪:୧ ୪:୧ ଏପିସି ୬:୯

୩ ମାଙ୍ଗୋଡାକି ଜିକେଏ ପ୍ରାଡାନା କିଦୁ, ଏନିକି ନେହିଁ କାବୁତି କାତା ଝେକହାଲି ମାହାପୁରୁ ମାଙ୍ଗୋଡାକି ଦାଋ ଦେତାନେସି □ କ୍ରୀସ୍ତତି ଆମିନି ତୁଗୁମାନି କାତାତାକି ନାନୁ ନୀଏଁ କାୟିଦି ଇଲୁତା ମାଲ୍ □

୪ ନାନୁ ଝେକନାଟି ନେହିଁ କିଁ ପୁଣ୍ଡିକିନିଲେହେଁ ଝେକହାଲି ଆଡ଼ିଇଁ ଇଞ୍ଜିଁ ନାଙ୍ଗୋଡାକି ପ୍ରାଡାନା କିଦୁ □

୫ *ପାଗାତି ନେହିଁ କିଁ ଲେମ୍ବାନା ନାମାଆତି ଲକୁ ତାଣା ବୁଦିତି ମାଣିକି ତଲେ ଲେମ୍ବାଦୁ □

୬ ମୀ ବଲୁ କାଲେଏ ନେହାୟି, ଅଡେ, ଅଣ୍ଡିନାୟି, ଅଡେ ହାରୁ ଲେହେଁ ମୀରୁ ଏନିକିଁ ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ □

ରାନ୍ତି ଜହରା

୭ *ପ୍ରବୁତି କାମାତା ନା ତଲେ ନାମୁଟି ସେବା କାମା କିନି ଜୀସ୍ତୁତି ତାୟି ତୁକିକ, ନା ବାରେ କାତା ମିଙ୍ଗେ ଝେସ୍ତାନେସି;

୮ ଏଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକିଁ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜାଁ ମୀ ବାରେତି ହିୟାଁ ଏଞ୍ଜାଣି ତାଣାଟି ରାହାଁ ବେଟାଆନେ □

୯ *ଏଞ୍ଜାଣିତଲେ ନାନୁ ନାମୁତା ଜୀସ୍ତୁତି ତାୟି ଅନସିମଇଁ ପାଣ୍ଡାତେଏଁ, ଏଞ୍ଜାସି ମୀ ବିତ୍ରାଟି ରଅସି, ଏଞ୍ଜାରି ଇମ୍ପାଆଁ ଆହିମାନି ବାରେ କାତା ମିଙ୍ଗେ ଝେସ୍ତାନେରି □

୧୦ *ନା ତଲେ କାୟିଦିତା ମାନି ଆରିସ୍ତାକି ଅଡେ ବର୍ନବା କୁଟମିତି ତାୟି ମାର୍କି ଏଞ୍ଜାରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କି ମୀ ତାଣା ଝାଡ଼ିସାରେ, ଏଞ୍ଜାଣାଇଁ ଆବାଦୁ, ଏଞ୍ଜାରି ମିଙ୍ଗେ ଜହରା ଝେସି ମାଞ୍ଜାନେରି,

୧୧ ଅଡେ କ୍ରସ୍ତ ଦରୁଟି ଝେଜିତି ଜୀସୁ ମିଙ୍ଗେ ଜହରା ଝେସିମାଞ୍ଜାନେସି, କ୍ରୀସ୍ତ ଦାମ୍ପୁତି ଆବାମାନି ଇ ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଲେ କାମାକିନାରି, ଏଞ୍ଜାରି ନାଙ୍ଗେ ହାରେକା ସାୟେମି କିହାମାଞ୍ଜାନେରି □

୧୨ *ଏପାପ୍ପା ମୀ ବିତ୍ରାଟି ରଅସି, ଏଞ୍ଜାସି ମିଙ୍ଗେ ଜହରା କିହିମାଞ୍ଜାନେସି, ଏଞ୍ଜାସି କ୍ରୀସ୍ତ ଜୀସ୍ତୁତି ର ହଲେଏସି ଇଞ୍ଜାଁ ତାନୁ ପ୍ରାଡାନା କିନାଟି ବାରେବେଲା ମିଙ୍ଗେ ତାକି ପ୍ରାଡାନା କିହିମାନେସି, ଏନିକିଁ ମୀରୁ ନାମୁତା ନେହାଁତେରି ଆହାନା ମାହାପୁରୁଟି ବୁଦି ଅଡେ ଅଣ୍ଡିପୁତି ତୀରେ ପୁଞ୍ଜାନା ଝାତାଆନା ମାଞ୍ଜେରି □

୧୩ ଇତିହିଁ ଏଞ୍ଜାସି ମିଙ୍ଗୋଡାକି ଇଞ୍ଜାଁ, ଲାସୁଦିକିୟା ଅଡେ ହିଏରାପଲିତା ମାନାରି ତାକି ହାରେକା କସ୍ତ ବେଟାଆହୁଁ କାମା କିହାମାନେସି, ଏଞ୍ଜାଣି ତାକି ନାନୁ ଇ ସାକି ହାହିମାଞ୍ଜାଇଁ □

୧୪ *ମୀ ଜୀସ୍ତୁତି ତାଙ୍କାଦର ଲୁକ ଅଡେ ଦିମା, ମିଙ୍ଗେ ଜହରା ଝେସିମାଞ୍ଜାନେରି □

୧୫ ଲାସୁଦିକିୟାତା ମାନି ତାୟି ତାଙ୍କାସା, ତାଙ୍କି ନୁମ୍ପା ଅଡେ ତାମି ଇଲୁତା ମାନି କୁଲମିତି ମା ଜହରା ଝେହ୍ନୁ ଦୁ □

୧୬ ଅଡେ ମୀ ତାଣା ଇ ଆକୁ ପଡ଼ୁଝି ଆଡ଼ି ତାୟି ଲାସୁଦିକିୟା କୁଲମିତା ଜିକେଏ ଏନିକିଁ ପଡ଼ୁଝି ଆନେରି, ଇଞ୍ଜାଁ ଲାସୁଦିକିୟାଟି ଆମିନି ଆକୁ ଝାନେ ଏଦାଆଁ ମୀରୁ ଜିକେଏ ପଡ଼ୁଝି ଆଦେରି ଏଦାଆଁତାକି ଜାଗ୍ରାତା ଆଦୁ □

୧୭ *ଆକିଁ ପଇଁ ଝେହ୍ନୁ, “ନାନୁ ଆମିନି ପ୍ରବୁତି ସେବା କିନି ପାଣା ବେଟାଆହାମାଞ୍ଜି ଏଦାଆଁ ରାପୁହାଲି ଜାଗ୍ରାତା ମାନାମୁ □”

୧୮ ନାନୁ ପାସୁଲ, ନା କେୟୁତଲେ ଇ ଜହରା ରାଡ଼ିମାଲ୍, ନା କାୟିଦିତା ମାନାଣି ଅଣ୍ଡାପାଦୁ, ମାହାପୁରୁଟି କାର୍ନାମେହ୍ନାୟି ମୀ ବାରେତାକି ଆୟାପେ □

* ୪:୫ ୪:୫ ଏସିସି ୫:୭ * ୪:୭ ୪:୭ କାମା ୨୦:୪; ୨ଟିମ ୪:୧୨ * ୪:୭ ୪:୭ ଏସିସି ୭:୨୧,୨୨ * ୪:୯ ୪:୯ ପିଲିମ ୧:୧୦-୧୨ * ୪:୧୦ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯ * ୪:୧୨ ୪:୧୨ କଲସି ୧:୭; ପିଲିମ ୧:୨୩ * ୪:୧୪ ୪:୧୪ ୨ଟିମ ୪:୧୧; ପିଲିମ ୧:୨୪; ୨ଟିମ ୪:୧୦; ପିଲିମ ୧:୨୪ * ୪:୧୭ ୪:୧୭ ପିଲିମ ୧:୨

ଥେସଲନିକୀ ମଣ୍ଡଳୀ ନିକଟକୁ ପାଉଲଙ୍କ ପ୍ରଥମ ପତ୍ର ତେସଲନିକି କୁଲମିତାକି ପାଞ୍ଜୁଲ ରାଫାମାନି ର ଲମ୍ବର ଆକୁ ମୁକୁ ହାଡ଼ା

ତେସଲନିକି ର ଲମ୍ବର ଆକୁ ପାଞ୍ଜୁଆହାମାନି ପାଞ୍ଜୁଲ ତାଣାଟି ରାଞ୍ଜି ଆହାମାନେ ୧:୧ □ ଇଦି ଜୀସୁ କ୍ରୀସ୍ତ ଜାର୍ନାଆଡି ୫୧ ବାର୍ଯା ତାୟୁ ରାଞ୍ଜି ଆହାମାନେ □ ତେସଲନିକି ପିଲିପ ଦେସାତି ର କାଜା ଗାଡ଼ା ମାତେ □ ପାଞ୍ଜୁଲ ଏଡେତା ଆକୁ ରାଫିମାନେସି ଏତିବେଲା ଏଞ୍ଜାସି କରନ୍ତି ଗାଡ଼ାତି କୁଲମିତା ମାତେସି □ ଏମିନି କୁଲମିତା ଖେଣ୍ଡେ ରୀ ଦେବାତାକି ମାହାପୁରୁ କାତା ଖେକହାଲି ହାଚେସି ଏତିବେଲା ତେସଲନିକି କୁଲମି ଗାଡ଼ି ଆହାମାତେ କାମା ୧୭:୧-୧୦ □ ଏମ୍ବାଆଁ ଜୀହୁଦି ଅଡେ ଗ୍ରିକ୍ ଜଲିନି ଲକୁ ତାଣାଟି କୁଲମି ଆହାମାତେ □ ତାୟୁ ଜୀହୁଦି ଲକୁ ତାହାରା ଆହାନା ପାଞ୍ଜୁଲ କପାଟି ନିଜାଲିଏ ତେସଲନିକି ଗାଡ଼ା ପିସାଲି ଆଡେ □

ପାଞ୍ଜୁଲ କରନ୍ତିତା ଏତି ତାୟୁ ତାନି ଆବୁହିତାସି ତିମତି ତାଣାଟି ତେସଲନିକି କୁଲମିତି କାତା ବାରେ ଖେଚେସି □ ଏଞ୍ଜାରି ଜୀସୁ ନଡ଼ିଆହିମାନାଣି ଖେଞ୍ଜାନା ହାଚେକା ରାହାଁ ଆହାନା ତାନି ଇ ରାହାଁ ତସାନା ରାଫାମାନେସି □ କ୍ରୀସ୍ତ ଖେଣ୍ଡା ଖାନି କାତା ଏଞ୍ଜାରି ତାନି ବିଦ୍ବା ଅଣ୍ଡପିମାତେରି ଅଡେ କ୍ରୀସ୍ତଇଁ ନାମାହାଁ ହାଡ଼ିହୁଁ କ୍ରୀସ୍ତ ଖେଣ୍ଡା ଖାନାଟି କାଲାକାଲାତି ଜୀସୁ ବେଟା ଆନେସି, ଇ ବାରେ କାତାତି ପୁଣ୍ଡି କିହାଲି ରାଫିମାନେସି ୫:୭-୮ □

ପତିତା ମାନାୟି

୧ ଜହରା ତଲେ ପୁଣ୍ଡି କିହାନା ଆକୁତି ମାଟ୍ଟନାୟି □ ୧

୨ ତିମତି ତେସଲନିକିତି କାକୁ ଅଡେ କାମାତି କାତା ଉଜ୍ଜନାୟି □ ୨:୧-୩:୧୩

୩ କ୍ରୀସ୍ତଇଁ ନାମିତି ଲକୁ ଏନିକିଁ ଜୀସୁ ଖେଣ୍ଡା ଖାନାଟି ଉଜେଡ଼ିତା ଡ଼ୟିନେସି □ ୪:୧-୫:୫୫

୪ ତାୟୁତି କାତା ଖେସାନା ଆକୁତି ରାଫନାୟି □ ୫:୧୭-୨୮

୧ ପାଞ୍ଜୁଲ, ସିଲା ଅଡେ ତିମତି ଆବା ମାହାପୁରୁ ଅଡେ ପ୍ରଭୁ ଜୀସୁ କ୍ରୀସ୍ତ ତାଣା ମାନି ତେସଲନିକି କୁଲମିତା ମାନି ଲକୁତାକି ଆକୁ; ମାହାପୁରୁତି କାର୍ମାମେହନାୟି ଅଡେ ହିଡ଼ି ନିଜେତାକି ଆପେ □

ତେସଲନିକିତା ମାନାରି ନାଡିନାୟି ଅଡେ ନାମିନାୟି

୨ ମା ପ୍ରାଡାନାତା ମୀ ଦରୁକା ଆସାନା ବାରେତାକି ବାରେବେଲା ମାହାପୁରୁଇଁ ଜହରା କିହିମାନମି,

୩ ମା ଆବା ମାହାପୁରୁ ନକିତା ମାମ୍ବୁ ମୀ ନାମୁତି କାମା, ଜୀସୁ ନଡି କାମା ଅଡେ ମା ପ୍ରଭୁ ଜୀସୁ କ୍ରୀସ୍ତ ତାଣାଟି ମୀ ବାର୍ସୁ ତଲେ ଅରୁହିନାୟି ଏନିକିଁ ଆବୁଞ୍ଜା □

୪ ଏ ମା ତାୟିୟାଁ ଅଡେ ତାଜିସାତେରି ମାମ୍ବୁ ପୁଞ୍ଜାମାନମି, ମାହାପୁରୁ ମିଜେ ଜୀସୁ ନହାଁ ମାଞ୍ଜାନେସି ଇଞ୍ଜା ତାନି ଲକୁ ଆହାଲି ଆଡାମାଞ୍ଜାନେସି □

୫ ଇତିହୁଁ ମା ନେହୁଁ କାକୁ ଖେକନାଣି ତଲେ ଆଏ, ସାମା ବାଡ଼ୟୁ, ସୁଦୁଜୀସୁ, ସାତା ତଲେ, ମୀ ତାଣା ଏଜା ମାଞ୍ଜାତେ, ଇଞ୍ଜା ମୀ ତାଣା ମାଚାଟି ମୀ ତଲେ ମାମ୍ବୁ ଏନିକିଁ ଲେମ୍ବା ମାଚମି, ଏଦାଆଁ ମୀରୁ ପୁଞ୍ଜାମାଞ୍ଜେରି □

୬ ଅଡେ, ମୀରୁ ହାଚେକା ଦୁକୁତା ମାଞ୍ଜାହାଁ ଜିକେଏ ସୁଦୁଜୀସୁତି ହୀପକି ଆହାମାନି ରାହାଁତଲେ ଏ ବଲୁ ଅପାକତାନା ମା ଜେଚ ଅଡେ ପ୍ରଭୁ ଜେଚ ତାକିନାତେରି ଆହାମାତେରି,

୭ ଏନିକିହୁଁ ମୀରୁ ମାକିଦନିୟା ଅଡେ ଆକାୟାତା ମାନି ବାରେ ନାମୁଗାଚାରି ତାଣା ନାମୁତା ନେହୁଁ ଗୁଣୁ ତହନାତେରି ଆହାମାତେରି □

୮ ଇତିହୁଁ ତେସଲନିକିତି ନାମୁଗାଚାରି ତାଣାଟି ପ୍ରଭୁତି ନେହୁଁ କାକୁତି କାତା ଖାରୁଇ ମାକିଦନିୟା ଅଡେ ଆକାୟାତା ଖେଜାମାନେ, ଏଦି ଆଏ, ସାମା ମାହାପୁରୁ ତାଣା ମୀ ନାମୁତି କାକୁ ଜିକେଏ ବାରେଖାକି ଖେଜାହାଚେ, ଏଦାଣି ତାକି ମାଜେ ଅଡେ ଖେସାଲି ଲଡ଼ା ହିଲେଏ □

୯ ଏନାଆଁତାକି ଇତିହୁଁ ଲକୁ ତାମ୍ବୁ ମା କାତା ଖେସପି ଆନେରି, ମୀ ତାଣା ମାମ୍ବୁ ଖାଡ଼ମି ଏନାଆଁ ଆହାମାତେ, ଅଡେ ଏନିକିଁ ମୀରୁ ପେଣ୍ଡାକା ବମାୟାଣି ପିସେରି, ଇଞ୍ଜା ଜୀସୁଗାଟି ଅଡେ ସାତା ମାହାପୁରୁଇଁ ସେବା କିହାଲି,

୧୦ ଅତ୍ତେ ଏଞ୍ଜିସି ଜାହାରା ଆମିନି ମୀରୁଏଣାଲ୍ ହାଡ଼ାରି ତାଣାଟି ଝାହିମାନି ମାହାପୁରୁତି କାରବିତି ଗେଲପାଲି ନିକହାମାନେସି, ମା ଏ ଗେଲପାଲି ଜୀସୁଇଁ ଲାକପୁରୁତି ଝେଣ୍ଡା ଝାନାଣି କାପୁ କାଡ଼ାନା ଡ଼ୟାଲି □

୨

ତେସଲନିକିତା ପାଞ୍ଜୁଲତି କାମା

୧ ଏ ତାୟିୟାଁ ଅତ୍ତେ ତାଜିସ୍ତାତେରି, ମୀରୁ ଜାହାରାଲ୍ ପୁଞ୍ଜାମାଞ୍ଜେରି, ମାମ୍ବୁ ମୀ ତାଣା ଝାହାମାନାୟି ଉଜେଏତାୟି ଆହା ହିଲେଏ;

୨ ଯାମା ଏନିକ୍ ମୀରୁ ପୁଞ୍ଜାମାଞ୍ଜେରି, ମାମ୍ବୁ ତେସଲନିକିତା ଝାନି ନଟ୍ଟେଏ ପିଲିପିତା ହାରେକା ଦୁକୁ କସ୍ତୁ ଅତ୍ତେ ନିୟା ବେଟାଆଡ଼ି ତାୟୁ ମୀ ତାଣା ଜୀଞ୍ଜୁତି ପିସାହାଁ ମାହାପୁରୁତି ନେହଁ କାବୁ ଝେକହାଲି ତକି ମା ମାହାପୁରୁ ତଲେ ସାସା ବେଟା ଆହାମାତମି □

୩ ଏନାଆଁତାକି ଇତିହଁ ମା ଝେକନି କାତା, ଲାଗେଏତାୟି କି ନାଡ଼ିକିନି ଲେହେଁତାୟି ଆଏ □

୪ ସାମା ମା କେୟୁତା ନେହଁ କାବୁ ଝେକନି ବଜୁ ହେଉପି ଆହାଲିତାକି ମୀରୁ ଏନିକ୍ ମାହାପୁରୁତି ଅଦିକାରା ଜଟେ ଆହାମାନାୟି, ଏଲେକିହଁ ଏ ମୀରୁ ଝେକହିମାନାୟି, ମା ହିୟାଁତି ମାହାପୁରୁ ତାୟିପାରି କିନାସି, ମାଣସିଲ୍ ରାହାଁ କିହାଲିତାକି ଏଦାଆଁ କିଆନା ସାମା ମାହାପୁରୁଇଁ ରାହାଁ କିହାଲିତାକି ଏଦାଆଁ କିହିମାନାୟି □

୫ ମୀରୁ ନେହଁକ୍ ପୁଞ୍ଜାମାଞ୍ଜେରି, ମାମ୍ବୁ ଏତେଲା ଜିକେଏ ନାଡ଼ିକିନି ହାଡ଼ାୟାଁ ତଲେ ଝେସାମାଞ୍ଜଅମି, କି ଜୁପକା ଆନିଲେହେଁତି କାତା ଝେସାମାଞ୍ଜଅମି, ଏ ବାରେତାକି ମାହାପୁରୁ ସାକି ମାନେସି □

୬ ମାମ୍ବୁ ଆମ୍ବାଆରି ତାଣାଟି ଗାଞ୍ଜୁରମି ବେଟାଆହାଲି ଅଣପି ହିଲାଆତମି, ଆଡ଼ିଜିକେଏ ମୀ ତାଣାଟି କି ଏଟ୍ଟକା ଆମ୍ବାଆରି ତାଣାଟି ଆପେ ଆମିନି ମାଣସି ତାଣାଟି ଗାଞ୍ଜୁରମି ବେଟାଆହାଲି ଅଣପାହିଲଅମି □

୭ କ୍ରୀସ୍ତିତି ପାଣ୍ଡୁଆଡ଼ି ସାୟୁୟାଁ ଲେହେଁ ମାମ୍ବୁ ମୀ ତାଣାଟି ଗାଞ୍ଜୁରମି ବେଟାଆହାଲି ଅଣପିତମିମା, ସାମା ତାଲି ଏନିକିହଁ ଜାହାରା କକାରି ପଦାଁଣି ଜୀଞ୍ଜୁନହାଁନା ଜାଡ଼କୁ କିନେ ମାମ୍ବୁଜିକେଏ ମିଜେ ଏଲେକିହଁ ଏ ଜାଡ଼କୁ କିୟାତମି □

୮ ଏଲେକିହଁ ମିଜେତାକି ମା ଜୀଞ୍ଜୁନହାଁନା ମାନାକି, ମିଜେ ଝାରୁଇ ମାହାପୁରୁତି ନେହଁ ବଲୁତା ଆଣ୍ଡୁ କିହାମାଞ୍ଜାଆତମି, ସାମା ମିଜେତାକି ଜାହାରାଲ୍ ଦାନା କିହାଲି ଜିକେଏ ମାମ୍ବୁତିୟାରା ଆହାମାତମି □ ମୀରୁ ଏତେକା ଜୀଞ୍ଜୁ ନଡ଼ାତେରି ମାତେରି □

୯ ଏ ତାୟିୟାଁ ଅତ୍ତେ ତାଜିସ୍ତାତେରି, ମାମ୍ବୁ କାମାଲଡ଼ା ଇଞ୍ଜା ଝାହୁ କାମା କିହାମାନାୟି ମୀ ଅଣପୁତା ମାନେ, ଏନିକ୍ ମାମ୍ବୁ ଆମ୍ବାଆତେରି ମିଜେ ବଜୁଲେହେଁ ଆୟଅମି, ଇଦାଆଁତାକି ଲାଆଁ ମାଦେନା ଝାହୁ କାମା କିହାଁ ମାହାପୁରୁତି ନେହଁ ବଲୁ ମୀ ତାଣା ଝେକହା ମାତମି □

୧୦ ମାହାପୁରୁ ତାଣା ନାମିନାତେରି ମୀରୁ, ମିଜେତାକି ମାମ୍ବୁ ଏନିକ୍ ସୁପୁ ତଲେ, ଦାମ୍ବୁତଲେ, ଦହ୍ ହିଲାଆଲେହେଁ ଲେମ୍ବାମାଞ୍ଜାତମି, ଏଦାଆଁ ମୀରୁ ଅତ୍ତେ ମାହାପୁରୁ ସାକି □

୧୧ ଅତ୍ତେ ମୀରୁତ ପୁଞ୍ଜାମାଞ୍ଜେରି, ଆବା ଏନିକ୍ ଜାହାରା ମୀରକା ମାସକାଣି ଜାପୁନେସି, ଏଲେକିହଁ ଏ ମାମ୍ବୁ ମୀ ବାରେଜାଣା ତାକି ବୁଦିଜାପୁହାଁ ଅତ୍ତେ ରାହାଁ କିହାଁ ରଣ୍ଡିଏ ଅଣପୁ ତଲେ ବାତିମାଲା ମାଞ୍ଜାତମି,

୧୨ ଏନିକ୍ ମିଜେ ହାଟାମାଞ୍ଜାନି ମାହାପୁରୁ ରାଜିତି ଜଟେ ମାଣ୍ଡିକି ତଲେ ତାକିଦେରି, ଇଞ୍ଜା ତାନି ଗାଞ୍ଜୁରମିତା ଆଣ୍ଡାଲି ଆଡ଼ିଦେରି ଇଞ୍ଜୁ ବାତିମାଲି ମାଞ୍ଜାନମି □

୧୩ ଅତ୍ତେ ଇଦାଆଁତାକି ମାମ୍ବୁ ଜିକେଏ ଜମାଆନା ମାହାପୁରୁଇଁ ଜହରା କିହିମାନମି, ଏତିବେଲା ମୀରୁ ମାମ୍ବୁ ଝେକହାମାନି ମାହାପୁରୁତି ବଲୁ ଆବିତେରି, ଏତିବେଲା ଏ ବଲୁଇଁ ମାଣସିତି ବଲୁ ଲେହେଁ ଆବାଆନା ସାମା ମାହାପୁରୁତି ବଲୁଲେହେଁ ଆବାମାତେରି, ଅତ୍ତେ ସାତା ତଲେ ଏଦି ମାହାପୁରୁତି ବଲୁ, ଇଞ୍ଜା ନାମିନାତେରି ମୀରୁ, ମୀ ହିୟାଁତା ଏଦି ଜିକେଏ କାମା କିହିମାନେ

୧୪ ଈଜିତିହଁ ଏ ତାୟିୟାଁ ଅତ୍ତେ ତାଜିସ୍ତାତେରି, ମୀରୁ କ୍ରୀସ୍ତ ଜୀସୁ ତାଣା ମାନି ଜୀହୁଦା ଡେସାଡ଼ି ମାହାପୁରୁ କୁଲମିତା ଏନିଆହଁ ମାତେରି ଏଲେ ଆହାମାଞ୍ଜେରି, ଏଞ୍ଜାରି ଜୀହୁଦିଜା ତାଣାଟି ଆମିନି

ଦୁକୁ ବେଟା ଆହାମାଚେରି, ମୀରୁ ଜିକେଏ ଜାହାରା କୁଡ଼ାତି ଲକୁ ତାଣାତି ଏ ବାରେ ଦୁକୁ ବେଟାଆହି ମାଞ୍ଜେରି □

୧୫ *ଏ ଜୀହୁଦି ଲକୁ ମା ପ୍ରବୁ ଜୀସୁଙ୍କ ଅଡ଼େ ମାହାପୁରୁ ଅଣପୁତି ବଲୁ ଖେହନାରାଙ୍କ ପାୟାମାଚେରି, ଅଡ଼େ ମାଞ୍ଜେୱା ସାସ୍ତି କିୟାଚେରି, ଏଞ୍ଜାରି ମାହାପୁରୁତି ରାହାଁ ଗାଟାରି ଆଏ! ବାରେ ନଡ଼ ନାରିତି ସାତୁୟାଁ □

୧୬ ଇଚିହଁ ଏଚକା କୁଡ଼ାତାରି ଗେଲ୍ପି ଆହାଲିତାକି ଏଞ୍ଜାରିତାଣା ମାଞ୍ଜେ ନେହଁ କାବୁ ଖେକହାଲି ହାହିମାଞ୍ଜାଚେରି, ଇଞ୍ଜାଁ ଏଞ୍ଜାରି ପାପୁଡା ଜାହାରାଙ୍କ ନେଞ୍ଜିକିହାମାନେରି; ଏଞ୍ଜାରି ଲାକ ମାହାପୁରୁତି କାବୁରି ନିଜିଚେୟିଏ □

ପାଞ୍ଜୁଲ ଏଞ୍ଜାରିତାଣା ଅଡ଼େ ଖେଶ୍ଟେ ବେତି ହାଜାଲି ମନ କିନାୟି

୧୭ ଏ ତାୟିୟାଁ ଅଡ଼େ ତାଜିସ୍ତାଚେରି, ମାମୁ ହୁୟାଁତା ଆଏ, ସାମା ଆଜାମାତା ଗାଡ଼େକା ତାକି ମୀ ତାଣାତି ଏଚକା ଆହାମାନାକି ମୀ ମମୁ ମେସାଲି ଗାତି ପଣ୍ଡୁ ତଲେ ହାଚେକା ଅଣ୍ପାମାଚେରି □

୧୮ ଏଦାଆଁତାକି ମାମୁ ମୁୀ ତାଣା ଖାହାଲି ଅଣ୍ପାମାଚେରି, ଏଦାଆଁ କିହାଁ ନାନ୍ତୁ ପାଞ୍ଜୁଲ ର ଦେବା, ହାଅ, ରୀ ଦେବା ଖାୟାଲି ଅଣ୍ପାମାଚେରାଁ, ସାମା ସୟତାନ ମାଞ୍ଜେ ଖାୟାଲି ହାୟାଆଚେ □

୧୯ ଇଚିହଁ ମା ପ୍ରବୁ ଜୀସୁ ଖେଶ୍ଟାଞ୍ଜାଦି ଦିନା ତାନି ନକିତା ମା ବାସୁଁ, ରାହାଁ କି ଚପେରି ଏନାୟି ? ଏଦି କି ମୀରୁ ଆଏ ?

୨୦ ମୀରୁ ମା ରାହାଁ ଅଡ଼େ ମା ଗାଞ୍ଜୁରମି ଲେହେଁ ତାଚେରି □

୩

୧ *ଏଦାଆଁତାକି ମାମୁ ଅରହାଲି ଆଡ଼ାଆନା ଆଡିନି ଗାଡ଼ାତା ରଅତମି ତୁୟାଲି ତୀରି କିତମି* □

୨ ଇଞ୍ଜାଁ ମିଞ୍ଜେ ସୁସ୍ତି କିହାଲି ଅଡ଼େ ମୀ ନାମୁତା ମିଞ୍ଜେ ରାହାଁ ହାହାଲି କ୍ରୀସ୍ତିତି ନେହଁ କାବୁତି କାମାତା ମାହାପୁରୁ ତଲେ ଆଶ୍ୱାନା କାମା କିନି ମା ତାୟି ତିମତିଲ୍ ପାଶ୍ଚାତେରି □

୩ ଏନିକଁ ଆମୁଆରି ଇ ବାରେ କସ୍ତ ତାକି କିଲିବିଲି ଆଅରି, ମାମୁ ଏଦାଆଁତାକି ହେରପି ଆହାମାଚେରି ଇଞ୍ଜାଁ ମୀରୁଏ ପୁଞ୍ଜାମାଚେରି □

୪ ଇଚିହଁ ମାଞ୍ଜେ ନିଦା କସ୍ତ ବେଟାଆହାଲି ଆନେ, ଇଦାଆଁ ମାମୁ ମୁୀ ତାଣା ମାତି ବେଲାତେଏ ମିଞ୍ଜେ ନକେଏ ଏଚର ପାଲି ଖେସାମାଞ୍ଜାଚେରି, ଇଞ୍ଜାଁ ସାତେଏ ଏଲେ ଆହାମାନେ, ଇଞ୍ଜାଁ ମୀରୁ ଏଦାଆଁ ପୁଞ୍ଜାମାଞ୍ଜେରି □

୫ ଏଦାଆଁତାକି ଏଚେତା ତାୟିପାରି କିନାସି ମିଞ୍ଜେ ତାୟିପାରି କିୟାନେସି ଅଡ଼େ ମା ଖାହୁତି କାମା ଉଜେଏତାୟି ଆହାଡ଼ୟିନେ, ଇଦାଆଁ ଅଣ୍ପାପାନା ନାନ୍ତୁ ଜିକେଏ ଅରହାଲି ଆଡ଼ାଆନା, ମୀ ନାମୁ ଏଚେକା ମାନେ ଇଞ୍ଜାଁ ପୁଞ୍ଜାଲି ତିମତିଲ୍ ମୀ ତାଣା ପାଶ୍ଚାତେରାଁ □

୬ ସାମା ନାସି ତିମତି ମୀ ତାଣାତି ମା ତାଣା ଖେଶ୍ଟା ଖାହାନା ମୀ ନାମୁ ଅଡ଼େ ଜୀଞ୍ଜୁ ନନାଣି ରାହାଁତି କାବୁ ମାଞ୍ଜେ ଖେସାମାଞ୍ଜାନେସି, ମୀରୁ ମାଞ୍ଜେ ନେହଁକଁ ଅଣ୍ପାମାଞ୍ଜାଦେରି, ଅଡ଼େ ମାମୁ ମୁୀଜାଁ ଏଚେକା ମେସାଲି ଅଣ୍ପାପାନମି, ମୀରୁ ଜିକେଏ ମାଞ୍ଜା ମେସାଲି ଏଚେକା ଅଣ୍ପା ମାଞ୍ଜାଦେରି, ଏଲେକଁ ମାଞ୍ଜେ ନେହଁ କାବୁ ଖେସାମାଞ୍ଜାନେସି □

୭ ଏଦାଆଁତାକି ଏ ତାୟିୟାଁ, ମୀ ନାମୁତି ମାମୁ ମୁୀ ବାରେ ଦୁକୁ ଅଡ଼େ କସ୍ତତା ମୀ ତାକି ସାସା ବେଟା ଆହାମାନମି □

୮ ମାମୁ ନାସି ନୀତାମାନମି ଆଡିହଁ ମୀରୁ ପ୍ରବୁ ତାଣା ତାରିଆହାଁ ମାଞ୍ଜୁ □

୯ ହାଅ, ମାମୁ ମାହାପୁରୁ ନକିତା ମୀ ତାକି ବେଟାଆହାମାନି ରାହାଁତାକି ରାହାଁ ଆହାମାନମି, ମାମୁ ଏନିକଁ ଖେଶ୍ଟେ ହାନି ଦାନା ଲେହେଁ, ମୀ ତାକି ମାହାପୁରୁଙ୍କ ଏନିକଁ ଜହରା କିହାଲି ଆଡିନମି □

୧୦ ମୀ ନାମୁତା ଏନାୟି ଲଡ଼ାମାନେ, ଏଦାଆଁ ମିଞ୍ଜେ କିହାଲି ଅଡ଼େ ମୀ ମମୁ ମେସାଲି ଆଡିନମି ଏଦାଆଁତାକି ଲାଆଁ ମାଦେନା ବାରେ ହିୟାଁ ତଲେ ବାତିମାଲି ରାସି ମାନମି □

୧୧ ମା ଆଡ଼ା ମାହାପୁରୁ ତାନ୍ତୁଏ ଅଡ଼େ ପ୍ରବୁ ଜୀସୁ ମାଞ୍ଜେ ମୀ ତାଣା ଖାୟାଲି ତବେ ଜିରୁ ତସ୍ତାପେସି □

* ୨:୧୫ ୨:୧୫ କାମା ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨ * ୩:୧ ୩:୧ କାମା ୧୭:୧୫ * ୩:୧ ୩:୧ କାମା ୧୭:୧ * ୩:୨ ୩:୨ କାମା ୧୮:୫

୧୨ ଅଡ଼େ, ମାମୁ ମିଙ୍ଗେ ଜାହୁନହୁଁ ମାଞ୍ଜାନି ଲେହେଁ ମୀରୁ ରଅତେରି ରଅଣାଇଁ ଜାହୁ ନଞ୍ଜିଆହୁଁ
ବାରେ ଲକୁଇଁ ଜାହୁ ନୟାଲି ପ୍ରବୁ ମୀ ଜାହୁ ନନାଣି ଦିନାତାକି ଦିନା ପାତି କିୟାପେସି □

୧୩ ଏଞ୍ଜାସି ମୀ ହିୟାତି ସୁସି କିୟାପେସି ଏତିବେଲା ମା ପ୍ରବୁ ଜାମୁ ତାନି ଲକୁତଲେ ଖେଣ୍ଡା ଖାନାତି
ମୀରୁ ମା ଆବା ମାହାପୁରୁ ନକିତା ଦହୁ ହିଲାଆନା ସୁଦୁ ଗାଟାତେରି ତଞ୍ଜା ଆଦେରି □

୪

ମାହାପୁରୁ ରାହାଁ ଆନିଲେହେଁ ନୀତିନାୟି

୧ ଏ ମା ତାୟିୟାତେରି, ମାହାପୁରୁଇଁ ରାହାଁ କିଞ୍ଜି କିୟାଲି ଏନିକିଁ ନୀତିନାୟି ମାନେ, ଏଦାଆଁ ମୀରୁ
ମା ତାଣାତି ଏନିକିଁ ଜାପାମାଞ୍ଜେରି ଅଡ଼େ ଏଲେକିହୁଁ ଏ ନୀତାମାଞ୍ଜେରି, ସାମା ଏଦାଣିକିହାଁ ହାଠେରକା
ନେହୁଁ କିୟାଲି ମାମୁ ପ୍ରବୁ ଜାମୁ ଦରୁତଲେ ମିଙ୍ଗେ ହାଠେରକା ବାତିମାଲି ମାଞ୍ଜାନମି □

୨ ଏନାଆଁତାକି ଇତିହୁଁ ମାମୁ ପ୍ରବୁ ଜାମୁ ତାଣାତି ମିଙ୍ଗେ ଏନି ଏନି ହୁକୁମି ହାହାମାଞ୍ଜାତମି ଏଦାଆଁ
ମୀରୁ ପୁଞ୍ଜାମାଞ୍ଜେରି □

୩ ମୀରୁ ସୁଦୁ ଗାଟାତେରି ଆହାଁ ମାଞ୍ଜୁ, ଈଦିଏ ମାହାପୁରୁତି ଅଣ୍ଡପୁ ତଲେ ମାଞ୍ଜୁ, ଅଡ଼େ ବାରେ ଲେହେଁତି
ଦାରିକାମାଟି ଏଟକା ଆହାନା ମାଞ୍ଜୁ □

୪ ମାହାପୁରୁଇଁ ପୁନାଆତି ଲକୁ ଲେହେଁ ଆଙ୍ଗାତି କୁପକାତି ଅଣ୍ଡପୁ ତଲେ ମାନାଆନା ମୀରୁ ରଅ
ରଅତେରି ମୀ ମୀ ତକ୍ତି ତଲେ ଲକୁ କାନୁତା ସୁଦୁ ଅଡ଼େ ମାନି ତଲେ ମାଞ୍ଜାଲି ପୁଞ୍ଜୁ □

୫ ଇଞ୍ଜା ମାହାପୁରୁଇଁ ପୁନାଆତି ଏଟକା କୁଡାତି ଲକୁ ଲେହେଁ ଆଙ୍ଗାତି ଅଣ୍ଡପୁ ତଲେ ମାନାଆନା □

୬ ଏମାଟିଏ ଈ ବାରେ କାତାତା ଆମ୍ବାଆସି ତାନି କ୍ରାସ୍ତାନା ତାୟିଇଁ ଦହୁ କିଆପେସି, କି ନାଡ଼ି କିଆପେସି,
ଏନାଆଁତାକି ଇତିହୁଁ ପ୍ରବୁ ଏଲେ କିନାଣାଇଁ ତଣ୍ଡ ହାନେସି ଇଞ୍ଜୁଁ ମାମୁ ତଲିଏ ମିଙ୍ଗେ ଖେସାନା
ଜାଗ୍ରାତା କିହାଁ ସାକି ହାହାମାଞ୍ଜାତମି □

୭ ଇତିହୁଁ ମାହାପୁରୁ ମାଙ୍ଗେ ପଲ୍ଲୁଆଗାଟି କାମାତା ନୀତାଲି ଆଏ, ସାମା ସୁଦୁ ଗାଟାତାୟି ଆୟାଲି
ଆଡାମାଞ୍ଜାନେସି □

୮ ଏନାଆଁତାକି ଇତିହୁଁ ଆମ୍ବାଆସି ଈ ଜାପୁନାଣି ଅପଅସି, ଏଞ୍ଜାସି ମାଣ୍ଡସିଇଁ ଆଏ, ସାମା ମିଙ୍ଗେ ମୀ
ହିୟାତା ଆମିନି ମାହାପୁରୁ ସୁଦୁଜାହୁଁ ହାହାମାଞ୍ଜାନେସି ଏଞ୍ଜାଣାଇଁ ଅପଅସି □

୯ ତାୟିୟା ଅଡ଼େ ତାଙ୍ଗିସ୍ତାଣି ଜାହୁ ନନାଣି ରାଡାଲି ଲଡା ଆଏ, ଇତିହୁଁ ମୀରୁ ମୀରୁଏ ଜାହୁ
ନଞ୍ଜିଆୟାଲି ମାହାପୁରୁ ତାଣାତି ଜାପାମାଞ୍ଜେରି □

୧୦ ଅଡ଼େ, ମୀରୁ ଏଲେକିହୁଁ ଏ ମାକିଦନିୟାତା ମାନି ବାରେ କ୍ରାସ୍ତାନା ତାୟିୟା ଅଡ଼େ ତାଙ୍ଗିସ୍ତାଣି
ଜିକେଏ ଜାହୁ ନହିମାଞ୍ଜେରି □ ସାମା ଆତିହୁଁ ଜିକେଏ ଏ ତାୟିୟା ଅଡ଼େ ତାଙ୍ଗିସ୍ତାତେରି, ମୀରୁ ଏନିକିଁ
ଅଡ଼େ ଆଗାଡା କିହାଲି ରାହାଁ କିଦେରି,

୧୧ ଅଡ଼େ ମିଙ୍ଗେ ହାପୁକିଆହାମାନି ମା ହୁକୁମି ଲେହେଁ ମୀରୁ ଏନିକିଁ ହିଡ଼ି ତଲେ ନୀତା
ବାଡ଼କିଦେରି, ଜାହାରା କାମାତା ହିକିଦେରି ଅଡ଼େ ଜାହାରା କେୟୁତଲେ କାମା କିହାଲି ପାଡାଆଡାୟି
ଇଞ୍ଜୁଁ ଅଣ୍ଡପାଦୁ, ଈଦାଆଁତାକି ମାମୁ ମିଙ୍ଗେ ବାତିମାଲି ମାଞ୍ଜାନମି,

୧୨ ଏନିକିଁ ପାଙ୍ଗାତି ଲକୁତାକି ମୀରୁ ନେହୁଁ ମାଣ୍ଡକି ତହୁନାତେରି ଆଦେରି ଇଞ୍ଜା ମିଙ୍ଗେ ଏନାୟି
ଜିକେଏ କାଡାରା ଆୟେଏ □

ପ୍ରବୁତି ଖେଣ୍ଡା ଖାନାୟି

୧୩ ଏ ମା ତାୟିୟା ଅଡ଼େ ତାଙ୍ଗିସ୍ତାତେରି, ବାସୁ ହିଲାଆ ଏଟକାତି ବାରେ ଲକୁ ଲେହେଁ ମୀରୁ ଏନିକିଁ
ଦୁକୁ ଗାଟାତେରି ଆଡ଼ତେରି, ଈଦାଆଁତାକି ହାଡାରି କାତାତି ମୀରୁ ପୁନାଆନା ମାଞ୍ଜୁ ଈଦି ମା ଅଣ୍ଡପୁ ଆଏ
□

୧୪ ଏନାଆଁତାକି ଇତିହୁଁ ମାରୁ ନାମିନାୟି, ଜାମୁ ହାହାନା ଖେଣ୍ଡେ ନିଙ୍ଗାମାନେସି, ଆତିହୁଁ ମାହାପୁରୁ
ଜାମୁ ତାଣାତି ହାହାମାନି ଲକୁଣି ଏଲେଆହୁଁ ତାନିତଲେ ତାନେସି, ଈଦାଆଁ ଜିକେଏ ନାମିନାୟିମାନେ
□

୧୫ *ମାମୁ ପ୍ରବୁତି ବଲୁଲେହେଁ ମିଙ୍ଗେ ଈଦାଆଁ ଖେସିମାଞ୍ଜାନମି, ମାରୁ ଏତେକା ଲକୁ ପ୍ରବୁତି ଖେଣ୍ଡେ
ଖାନି ଦିନା ପାତେକା ନୀତାହାଁ ତୟା ମାନାୟି, ମାମୁ ଏନିକିଁ ଜିକେଏ ହାହାମାନି ଲକୁତି ନକିତା
ହାଲଅମି □

୧୭ ଏ ଚେଟିଏ ପ୍ରବୃତ୍ତି କାଜା ଦୁରୁତି ହୁକୁମି ହାହାମାନି ହାଡ଼ା ଅଡ଼େ ମାହାପୁରୁତି ତାଡ଼ି ମହୁରି ହାଡ଼ାତଲେ ଲାକପୁରୁତି ରେଚା ଖାନେସି, ଇଞ୍ଜାହାଁ କ୍ରାସୁଇଁ ନାମାହାଁ ହାହାମାନାରି ଏଞ୍ଜାରି ନକେଏ ନିଜ୍ଜାନେରି;

୧୮ ଅଡ଼େ ତାୟୁ ଏ ଦିନା ନୀତାମାନି ଲକୁତାୟି ବାରେ, ଏଞ୍ଜାରିତଲେ ପ୍ରବୁଇଁ ବେଟାଆହାଲି ଦୂୟା ତଲେ ଖାରଇ ହାଗୁତା ଅଞ୍ଜିଆନାୟି ଏଲେକିହଁ ଏ ମାର ପ୍ରବୁ ତଲେ କାଲାକାଲା ତାକି ତୃୟିନାୟି □

୧୯ ଏଦାଆଁତାକି ଇଚିହଁ ଈ ବାରେ କାତା ଆସାନା ମାରୁ ମାରୁଏ ରଅତେରି ରଅଣାଇଁ ସାସା ହାଞ୍ଜି ଆଦୁ □

୫

ପ୍ରବୁ ଖାନ୍ତି ଦିନାତାକି ଜାଗ୍ରାତା ଆନାୟି

୧ ଏ ମା ତାୟିୟାଁ ଅଡ଼େ ତାଜିସ୍ତା କାଲା ଅଡ଼େ ତୀରି କିହାମାନି ବେଲାତି କାତା ମିଜେ ରାଚାଲି ଲଡ଼ା ଆଏ,

୨ *ଇଚିହଁ ପ୍ରବୁ ଖାନ୍ତି ଦିନା ଲାଆଁୟାଁ ତଂଗେଏସି ଖାନ୍ତି ଲେହେଁ ଖାନ୍ତି ଇଞ୍ଜିଁ ମାରୁ ପୁଞ୍ଜାମାଞ୍ଜେରି □

୩ ନୀଏଁ ବାରେଖାକି ହିଡ଼ଡ଼ି ଇଞ୍ଜାଁ ଆଜି ହିଲେଏ ଇଞ୍ଜିଁ ଲକୁ ଖେହୁନି ବେଲାତା ଦେବୁଣିଏ କକାରି ପଦା ଆନି ଇୟାନାକି ଲୁଞ୍ଜିନି ବୀସା ଲେହେଁ ଏଞ୍ଜାରାକି ନାସା ଖାନ୍ତି, ଅଡ଼େ ଏଞ୍ଜାରି ଏମ୍ବାଟି ଏନିଜିକେଏ ଗେଲୁଁସି ଆଅରି □

୪ ସାମା ଏ ତାୟିୟାଁତେରି ମାରୁ ଆନ୍ଦେରିତା ହିଲଅତେରି, ଏ ଦିନା ମାରୁ ପୁନାଆରେଟୁ ତଂଗେଏସି ଖାନ୍ତିଲେହେଁ ମାରୁ କାଚାହିଲାଆ ବେଲାତା ଖାନ୍ତିଏସି □

୫ ମାରୁ ବାରେଜାଣା ଉଜେଡ଼ି ଅଡ଼େ ମାଦେନାତି ମାରୁକା ଇଞ୍ଜାଁ ମାସ୍କାତେରି, ମାରୁ ଆନ୍ଦେରି ଅଡ଼େ ଲାଆଁୟାଁତି ମାରୁକା ମାସ୍କାତେରି ଆଏ;

୬ ଏଦାଆଁତାକି ଖାଦୁ ମାର ଏଟକାତାରି ଲେହେଁ ଇଦା କିଆପ, ମାର ଜାଗ୍ରାତା ଆହାଁ ସେଡ଼ନା ତଲେ ତୃୟିନ □

୭ ଇଚିହଁ ଆମ୍ବାଆରି ଇଦା କିନେରି, ଲାଆଁୟାଁ ଇଦା କିନେରି, ଅଡ଼େ ଆମ୍ବାଆରି କାଡ଼ ହୁଡ଼ିନେରି ଲାଆଁୟାଁ ହୁଡ଼ିନେରି,

୮ *ସାମା ମାର ମାଦେନାତି ମାରୁକା ମାସ୍କା ଆହାମାନାକି ଜୀଝୁ ନନ୍ତି ଲେହେଁତି ନାମୁତି ବକ ପାଚା ତୁରହାଁ, ଗେଲୁପିଆନି ବାସୁତି ଗଡ଼େରି ତାୟିଁ ତୁ ତୁରହାଁ ଜାଗ୍ରାତା ତଲେ ତୃୟିନ □

୯ ମାହାପୁରୁ ମାଜେ ତାନି କାରବି ତାକି ତଣ୍ଡ ହିୟାଲି ଆଏ, ସାମା ମା ପ୍ରବୁ ଜୀସୁ କ୍ରୀସୁ ତାଣାଟି ଗେଲୁପିଆୟାଲି ଆଚାମାଞ୍ଜାନେସି □

୧୦ ଏଞ୍ଜାସି ମା ତାକି ହାଡ଼େସି, ମାର ହାଡ଼ିହଁ କି ଜୀଝୁତଲେ ମାଚିହଁ ମାର ଏନିକିଁ ଏଞ୍ଜାଣିତଲେ ନୀତିନାୟି □

୧୧ ଏଦାଆଁତାକି ନୀଏଁ କିହିମାନି ଲେହେଁ, ମାରୁ ରଅତେରି ରଅଣାଇଁ ସାସା ଅଡ଼େ ସାୟେନି କିଞ୍ଜିଆଦୁ □

ଜାପୁନାୟି ଅଡ଼େ ଜହରା କିହାଁ ଆକୁତି ରାପୁନାୟି

୧୨ ଏ ତାୟିୟାଁ ଅଡ଼େ ତାଜିସ୍ତାତେରି, ମାମ୍ବୁମିଜେ ବାତିମାଲି ମାଞ୍ଜାନମି, ଆମ୍ବାଆରି ମୀ ତାଣା ଖାହୁତଲେ କାମା କିନେରି ଇଞ୍ଜାଁ ପ୍ରବୁତି କାମାତା ମୀ ସାଲୁଞ୍ଜି କିନାରି ଲେହେଁ ମିଜେ ସେଡ଼ନା ହିୟାନେରି, ଏଞ୍ଜାରାଇଁ ମାନୁଞ୍ଜି ଆଦୁ.

୧୩ ଅଡ଼େ ଏଞ୍ଜାରି ମୀ ତାଣା କିହିମାନି କାମାତାକି ଏଞ୍ଜାରାଇଁ ହାରେକା ଜୀଝୁନଦୁ □ ମାରୁ ମାରୁଏ ହିଡ଼ଡ଼ି ତଲେ ମାଞ୍ଜୁ □

୧୪ ଏ ମା ତାୟିୟାଁ ଅଡ଼େ ତାଜିସ୍ତାତେରି, ମିଜେ ବାତିମାଲି ମାଞ୍ଜାନମି ନିସ୍ତା ଗାଟାରାଇଁ ଜାଗ୍ରାତା କିଦୁ, ଆଜି ଗାଟାରାଇଁ ସାସା ହାଦୁ, ବାଡ଼ୁୟୁ ହିଲାଆଗାଟାରାଇଁ ସାୟେନି କିଦୁ, ଅଡ଼େ ବାରେଜାଣା ତାକି ସୁଦୁ ଗାଟାତେରି ଆଦୁ,

୧୫ ଜାଗ୍ରାତା ଆଦୁ ଲାଗେଏ କିୟାତାଣାଇଁ ଖେଣ୍ଡେ ଲାଗେଏ କିଆଦୁ, ସାମା ବାରେବେଲା ମାରୁ ମାରୁଏ ରଅତେରି ରଅଣାକି ଅଡ଼େ ବାରେ ଲକୁତାକି ନେହଁ କିୟାଲି ଅଣପେମାଞ୍ଜୁ □

* ୫:୨ ୫:୨ ମାତି ୨୪:୪୩; ଲୁକ ୧୨:୩୯; ୨ପିତ ୩:୧୦ * ୫:୮ ୫:୮ ଏପିସି ୧:୩୯-୧୭

- ୧୬ ବାରେବେଲା ରାହାଁ ଆଦୁ □
- ୧୭ କାଲେଏ ପ୍ରାଡାନା କିହେ ମାଞ୍ଜୁ □
- ୧୮ ମୀରୁ ଏନିଆହୁଁ ମାଟିହୁଁ ଜିକେଏ ମାହାପୁରୁଇଁ ଜହରା କିଦୁ, ଇଟିହୁଁ ମୀରୁ କ୍ରୀସୁ ଜୀସୁ ତାଣା ଆଣ୍ଡାନା ଏଲେକିହୁଁଏ ନୀତାନା ମାଞ୍ଜୁ ଇଞ୍ଜୁଁ ମାହାପୁରୁତି ଅଣ୍ଡାପୁ □
- ୧୯ ମାହାପୁରୁତି ଜୀସୁଇଁ ଆଂଗାଆଦୁ;
- ୨୦ ମାହାପୁରୁ ବଲୁ ଝେହନାଣି ଉଜେଏ ଇଞ୍ଜୁଁ ଇନାଆଦୁ □
- ୨୧ ବାରେ ତାୟିପାରି କିହାନା ଏନାୟି ନେହାୟି ଏଡାଆଁ ଆହୁଦୁ □
- ୨୨ ବାରେ ପଲୁଆ ତାଣାଟି ଏବକା ଆଦୁ □
- ୨୩ ହିଡ଼ଡ଼ି ହାନି ମାହାପୁରୁ ମିଙ୍ଗେ ବାରେ ଝାକିଟି ସୁଦୁ ଗାଟାତେରି କିୟାପେସି, ମୀ ଜୀସୁ, ପୁଣ୍ଡା, ଅଡ଼େ ମୀ ଆଙ୍ଗା ବାରେତି ମା ପ୍ରବୁ ଜୀସୁ କ୍ରୀସୁ ଝାନି ପାତେକା ଦହୁ ହିଲାଆଗାଟାୟି ଆହା ମାଞ୍ଜାଲି ହିୟାପେସି □
- ୨୪ ଆମ୍ବାଆସି ମିଙ୍ଗେ ଆଡାମାଞ୍ଜାନେସି ଏଝାସି ଟିକାଣା ଗାଟାସି ଏଝାସି ଇ ବାରେ କିନେସି □
- ୨୫ ଏ ତାୟିୟାଁ ମାଙ୍ଗେତାକି ପ୍ରାଡାନା କିଦୁ □
- ୨୬ ବାରେ ତାୟିୟାଁଇଁ ସୁଦୁଜୀସୁଟି ନଣ୍ଡିନି ଲେହେଁ ବାରେଜାଣାଟି ଜହରା କିଦୁ □
- ୨୭ ବାରେ ତାୟିୟାଁ ନକିତା ଇ ଆକୁ ପଡ଼ୁଝି ଆହାଲିତାକି ନାନୁ ପ୍ରବୁତି ଦରୁତଲେ ମିଙ୍ଗେ ପାରମାଣା କିହିମାଞ୍ଜାଇଁ □
- ୨୮ ମା ପ୍ରବୁ ଜୀସୁ କ୍ରୀସୁତି କାର୍ମାମେହନାୟି ମିଙ୍ଗେ ଆୟାପେ □

କୁଲମିକି ପାଞ୍ଚଲ ରାଡ଼ାମାନି ରୀ ଲମ୍ବର ଆକୁ ତେସଲନିକି କୁଲମିତାକି ପାଞ୍ଚଲ ରାଡ଼ାମାନି ରୀ ଲମ୍ବର ଆକୁ ମୂଲୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣାଟି ରାସ୍ତକି ଆହାମାନେ ୧:୧ □ ତେସଲନିକି ମୂଲୁ ଆକୁ ରାଡ଼ିତି ଏଚରଦିନା ତାମୁ ଇତିହଂ କ୍ରୀସ୍ତ ଜାର୍ନାଆଡ଼ି ୫୧ ବାର୍ଯା ତାମୁ ଇ ଆକୁ ରାସ୍ତକି ଆହାମାନେ □ ଏତିବେଲାତା ପାଞ୍ଚଲ କରନ୍ତି କୁଲମିତା ମାଗେସି କାମା ୧୭:୧-୧୦ □

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନି କାତାତି ନେହଂକଂ ପୁନାଆନା ତାନି ଅଣ୍ଡପୁତା କିଲିବିଲି ଆହିମାଗେରି □ ଏଞ୍ଜାରି ତାମୁ କୁଞ୍ଜିତି କାମା ପିସାନା ନିସ୍ତା ଆଡେରି ଇଞ୍ଜା ଅର କ୍ରୀସ୍ତାନା ଲକୁ ଏଞ୍ଜାରାଇଁ ସାଢ଼େମି କିହିମାଗେରି □

ଏଚରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାଗେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଡ଼ିମାଗେସି, ଇତିହଂ କ୍ରୀସ୍ତ ଖାଆ ନକେଏ ହାଡ଼ରକା ଲାଗେଏ ପଢେଏ ଆହିମାଗେ, ଇଞ୍ଜା ଏଞ୍ଜାରାଇଁ ବାଡ଼ିମାଲିହଂ ରାଡ଼ିମାଗେସି □ ମୀରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଗାଆହାଲି ଅରହାଦୁ, ନା ଆଡ଼ିତାରି ଖାହୁ ତଲେ କାମା କିତିଲେହେଁ ମୀରୁ ଜିକେଏ ନାମୁତି କାମା କିଦୁ ଇଞ୍ଜା ଏଞ୍ଜାରାଇଁ ବାଡ଼ିମାଲିହଂ ରାଡ଼ିମାଗେସି □

ପତିତା ମାନାୟି

- ୧ ପାଞ୍ଚଲ ତାଙ୍ଗେ ଅଡ଼େ ତାନି ଆଡ଼ିତାରାଇଁ ପୁଣ୍ଡିକିନାୟି □ ୧:୧-୨
- ୨ ତେସଲନିକି କୁଲମିତାକି ଜହରା ଅଡ଼େ ପ୍ରାତାନା □ ୧:୩-୧୨
- ୩ ରାଡ଼ି ଦିନାତି କାତା □ ୨:୧-୧୭
- ୪ ଏଞ୍ଜାରି ନିସ୍ତା କପାଟି ଅଡ଼େ କାମା କିହାଲି ଖେହନାୟି □ ୩:୧-୧୫
- ୫ କୁଲମିତି ଜହରା କିହାନା ଆକୁତି ରାପୁନାୟି □ ୩:୧୬-୧୮

୧*ପାଞ୍ଚଲ, ସିଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣା ମାନି ତେସଲନିକିତି କୁଲମିକି ଆକୁ ରାଡ଼ିମାନମି □

୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ □

ଜୀସୁ ଖେଣ୍ଡେ ଖାନାୟି ଅଡ଼େ ନାହାୟି କିନାୟି

୩ ଏ.ମା.ତାୟିୟାଁ ଅଡ଼େ ତାଙ୍ଗିସ୍ତାତେରି ମୀ ତାକି ମାମୁ ବାରେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହେଁ, ମୀ ନାମୁ ଅଡ଼େ ରଅତେରି ରଅଣାଇଁ ଜୀସୁନନାୟି ଦିନମି ତାକି ଦିନମି ପାତାଆହିମାନେ □

୪ ଏଚେଟିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଗା ଆହାମାଞ୍ଜେରି, ଏମ୍ବାଟି ମୀରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମୁ ମାହାପୁରୁ କୁଲମିକାଣା ମିଙ୍ଗେ ତାକି ବତପଣ ଆହିମାନମି □

୫ ମାହାପୁରୁତି ଆମିନି ରାଜିତି ତାକି ଦୁକୁ ବେଗାଆହି ମାଞ୍ଜେରି, ଏଦିଏମ୍ବାଆଁ ଜଟେ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁତି ନେହଂ ନାହାୟିତି ପାରମାଣା □

୬ ଏତିବେଲା ମିଙ୍ଗେ କସ୍ତ ହାହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହାନାୟି ଇଞ୍ଜା କସ୍ତ ବେଗାଆହି ମାଞ୍ଜେରି ମୀରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହଂ କାତା;

୭ ଇତିହଂ ପ୍ରବୁ ଜୀସୁ ଏତିବେଲା ଜାହାରା ବାଡ଼ୁୟି ଗାଟି ଦୁଡୁୟାଁ ତଲେ ଡ଼ାଞ୍ଜି ମାନି ହିଦୁ ଗୁଦଞ୍ଜା ତଲେ ଲାକପୁରୁତି ତଞ୍ଜାଆନେସି □

୮ ଆମ୍ବାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହଂ କାବୁ ମାନଞ୍ଜି ଆଅରି, ଏଞ୍ଜାରାଇଁ ଏଞ୍ଜାସି ଏତିବେଲା ତଣ୍ଡ ହାନେସି □

* ୧:୧ ୧:୧ କାମା ୧୭:୧

୯ ଇତିହାସ, ଆମିନି ଦିନା ଏଝାସି ଜାହାରା ଦାମ୍ଭୁଗାଗାରି ତଲେ ଗାଝୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକୁ ତାଣାଟି କାବାଆନି ସିନାଲେହେଁ ଆହାଲି ଝାନେସି □ ଇତିହାସ ମାରୁ ମାମ୍ବୁ ହାହାମାଞ୍ଜାନି ସାକ୍ତି ନାମାମାଞ୍ଜେରି □

୧୦ ଏ ଦିନା ଏଝାରି ତଣ୍ଡ ବେଟାଆନେରି, ଇତିହାସ ପ୍ରବୁତି ତାଗେଟି ଇଞ୍ଜା ତାନି ବାଡ଼ୁରୁଗାଟି ଗାଝୁରମିଟି ହେକ ହାଜାନା କାଲାକାଲା ତାକି ନାସା ଆନେରି □

୧୧ ଏଦାଆଁତାକି ମା ମାହାପୁରୁ ଏନିକିହିଁ ମିଙ୍ଗେ ହାଟାମାଞ୍ଜାନି ଜଗେ ଇଞ୍ଜାନେସି, ଏଦାଆଁତାକି ମାମ୍ବୁ ଜିକେଏ ବାରେବେଲା ମିଙ୍ଗେତାକି ପ୍ରାତାନା କିହିମାନମି; ଏନିକିହିଁ ନାମୁତି ବାରେ କାମା ନେହଁକିହିଁ କିହାଲି ଆଡ଼ିଦେରି □

୧୨ ଏଲେଆଡ଼ିହାସ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ଲେହେଁ ପ୍ରବୁ ଜୀସୁତି ଦରୁ ମା ତାଣା ଗାଝୁରମି ଆନେ, ଅଡ଼େ ମାରୁ ତାନିତାଣାଟି ଗାଝୁରମି ବେଟାଆଦେରି □

୨

ଲାଗେଏତି ମାଣସି

୧ *ତାୟିୟାଁ ଅଡ଼େ ତାଜିସ୍ତାତେରି, ପ୍ରବୁ ଜୀସୁ କ୍ରୀସ୍ତ ଝେଣ୍ଡେ ଝାନାଣି ଅଡ଼େ ମାରୁ ତାନିତଲେ କୁଡ଼ା ଆନାଣି ତାକି ମିଙ୍ଗେ ବାତିମାଲି ମାଞ୍ଜାନମି □

୨ ପ୍ରବୁତି ଦିନା ଏଗାଝାଡ଼େୟିଏ ଇଞ୍ଜିହାସ ମା ଏନି ଜୀସୁ କି ବଲୁ କି ମା ତାଣାଟି ରାସ୍ତକି ଆହାମାନେ ଇଞ୍ଜି ଅଣ୍ଡାପାନା ଆମିନି ଆକୁ ତଲେ ଗାଡ଼େକେଏ ଗୁଟା ଆଆଦୁ କି କିଲିବିଲି ଆଆଦୁ □

୩ ଆମ୍ବାଆସି ଏନିକିହିଁ ଜିକେଏ ମିଙ୍ଗେ ନାଡ଼ି କିୟାଆପେସି, ଏନାଆଁତାକି ଇତିହାସ ମୁଲୁଏ ଦାମ୍ଭୁ ବିତ୍ତା ଗଡ଼ହା ଆନେ, ଅଡ଼େ ନାସାକିନି ଦାମ୍ଭୁ ହିଲାଆ ମାଣସି ତଞ୍ଜା ଆନାୟି ମାନେ, ଆଆତା ପ୍ରବୁତି ଦିନା ଝାଏ □

୪ ଇଝାସି ଏ ଦାମ୍ଭୁ ହିଲାଆଗାଟି ମାଣସି ପୁଜା ବେଟାଆହିମାନି ପେଣକା କି ମାହାପୁରୁ କପାଟି ନିଜିନେସି ଅଡ଼େ ବାରେତି କିହାଁ ଜାହାରାଇଁ ହାରେକା ଗାଝୁରମି କିହାକତିନେସି, ଇଲେକିହିଁ ମାହାପୁରୁତି ଇଲୁତା ଜିକେଏ କୁଗାନା ଏଝାସି ନାନୁ ମାହାପୁରୁତେଏଁ ଇନେସି □

୫ ମାରୁ ଏଦାଆଁ ଅଣ୍ଡି ହିଲଅଡ଼େରି କି ? ନାନୁ ମା ତଲେ ମାଟିବେଲା ମିଙ୍ଗେ ଇ ବାରେ କାତା ଝେସାମାଞ୍ଜାତେଏଁ □

୬ ତାରିକିହା ମାନି ଦିନା ଏଝାସି ତଞ୍ଜାଆନେସି, ଆଡ଼ିଜିକେଏ ତାନୁ ଝାନାଣି ଏନାୟି ଆଜିମାନେ ଏଦାଆଁ ମାରୁ ପୁଞ୍ଜାମାଞ୍ଜେରି □

୭ ଏ ପାପୁତା ଡ଼ଗୁମାନି ବାଡ଼ୁରୁ ନାଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆକ୍ମ ମାନାସି ଗୁଟା ଆଆପାତେକା ଝାଏ □

୮ ଏତିବେଲା ଲାଗେଏତି ଜୀସୁଗାଟି ମାଣସି ତଞ୍ଜାଆନେସି, ଏଝାଣାଇଁ ପ୍ରବୁ ଜୀସୁ ଗୁଟିଟି ହନି ଉକଅଡ଼ି ତଲେ ପାୟିନେସି ଇଞ୍ଜା ତାନୁ ଝେଣ୍ଡେ ଝାନାଟି ତଞ୍ଜାଆନି ଉଜେଡ଼ି ତଲେ ନାସା କିନେସି □

୯ ସୟତାନତି ବାଡ଼ୁରୁ ହାପୁକି ଆହାମାନି ଲେହେଁ ବାରେଲେହେଁଟି ମିଟିତି ବାଡ଼ୁରୁ, ସିନା ଇଞ୍ଜା କାବାଆନି କାମା, ଅଡ଼େ ନାସା ଆହିମାନି ଲକୁତାଣା ବାରେଲେହେଁଟି ଦାମ୍ଭୁ ନାଡ଼ି କିନାଆଁ ତଲେ ଲାଗେଏତି ମାଣସି ଝାନେସି,

୧୦ ଇଞ୍ଜା ନାସା ଆନାରାଇଁ ବାରେଲେହେଁଟି ଲାଗେଏ ଗାଟି ନାଡ଼ିକିନି କାମା କିନେସି, ଏନାଆଁତାକି ଇତିହାସ ଗେଲୁପିଆୟାଲି ସାତାତି ଜୀସୁ ନଆନା ଅପାଆଗାଗାରି ନାସା ଆନେରି □

୧୧ ଇଦାଆଁତାକି ଏଝାରି ଏନିକିହିଁ ମିଟିତାଣି ନାମିନେରି, ଏଦାଆଁତାକି ମାହାପୁରୁ ଏଝାରିତାଣା ନାଡ଼ିକିନି ବାଡ଼ୁରୁ ପାଣ୍ଡାମାଞ୍ଜାନେସି □

୧୨ ଏନିକିହିଁ ଆମ୍ବାଆସି ସାତାତି ନାମାଆନା ଦାମ୍ଭୁ ହିଲାଆଗାଟି ତାଣା ରାହାଁ ଆହାମାନେରି, ଏଝାରି ବାରେଜାଣା ତଣ୍ଡ ବେଟାଆନେରି □

ଗେଲୁପିଆୟାଲି ହାଟୁକି ଆହାମାଞ୍ଜେରି

୧୩ ମା ପ୍ରବୃତ୍ତି ଜୀବୁତି ତାୟିୟାଁ ଅଡ଼େ ତାଜିସ୍ତାତେରି, ମିଜେତାକି ବାରେଦିନା ମାହାପୁରୁଇଁ ଜହରା କିନାୟି ମା କାମା, ଏନାଆଁତାକି ଇଚିହଁ ମାହାପୁରୁ ଜୀବୁତି ସୁଦୁ ଇଞ୍ଜାଁ ସାତାତି ନାମୁତଲେ ଗେଲୁପି ଆହାଲି ମିଜେ ମୁଲୁତି ପାଡ଼େୟିଲେଁ ବାତି କିହାମାଞ୍ଜାନେସି □

୧୪ ଏନାଆଁତାକି ଜିକେଏ ଏଞ୍ଜାସି, ମାମୁ ଝେକହାମାନି ନେହଁ କାରୁତଲେ ମା ପ୍ରବୁ ଜୀସୁ କ୍ରୀସ୍ତତି ଗାଞ୍ଜୁରମି ବେଟାଆହାଲି ମିଜେ ହାଟାମାଞ୍ଜାନେସି □

୧୫ ଏଲେଆହଁ ଏ ଏ ମା ତାୟିୟାଁ ଅଡ଼େ ତାଜିସ୍ତାତେରି ତୀରିଆହଁ ମାଞ୍ଜୁ, ଅଡ଼େ ମାମୁ ଝେସ୍ତାତି ବଲୁ କି ଆକୁ ତଲେ ମାରୁ ଏନାଆଁ ଜାପାମାଞ୍ଜେରି, ଏନାଆଁ ଜାଣ୍ଡେ ଆୟାଁ ମାଞ୍ଜୁ □

୧୬ ମା ପ୍ରବୁ ଜୀସୁ କ୍ରୀସ୍ତ ତାନୁଏ ଅଡ଼େ ମା ଆବା ମାହାପୁରୁ ଅଡ଼େ ମାଜେ ଜୀଞ୍ଜୁନହଁନା ତାନି କାର୍ମାତି କାଲାକାଲାତି ସାସା ଅଡ଼େ ନେହଁ ବାସୁଁ ହାହାମାଞ୍ଜାନେସି □

୧୭ ଏଞ୍ଜାସି ତାନୁଏ ମା ହିୟାଁ ସୁସି ହାହାଁ ମିଜେ ବାରେଲେହେଁତି ନେହଁ କାମା ଇଞ୍ଜାଁ ବଲୁତା ତାରିକିୟାପେସି □

୩

ମା ତାକି ପ୍ରାତାନା କିଦୁ

୧ ବାରେତି ତାୟୁ, ଏ ମା ତାୟିୟାଁ ଅଡ଼େ ତାଜିସ୍ତାତେରି ମାଜେ ତାକି ପ୍ରାତାନା କିଦୁ, ଏନିକଁ ପ୍ରବୃତି ନେହଁ ବଲୁ ମୀ ତାଣ୍ଡା ଆଡ଼ି ଲେହେଁ ବାରେଞ୍ଜାକି ଝେଙ୍ଗା ହାଜାନା ଗାଞ୍ଜୁରମି ପାଣ୍ଡନେ,

୨ ଅଡ଼େ ଏନିକଁ ମାମୁ ଝୁଦି ହିଲାଆ ଗାଟାରି ଅଡ଼େ ଦହଗାଟାରି ତାଣ୍ଡାଟି ଗେଲୁପି ଆନିମି, ଏନାଆଁତାକି ଇଚିହଁ ବାରେ ତାଣ୍ଡା ନେହଁ ବଲୁ ନାମା ହିଲଅରି □

୩ ସାମା ପ୍ରବୁ ଟିକାଣାତାସି, ଏଞ୍ଜାସି ମିଜେ ତାରି କିହାନା ଲାଗେଏ ପଲେଏ ତାଣ୍ଡାଟି ଗେଲୁପାନେସି □

୪ ମାମୁ ମିଜେ ଏନିକଁ ହୁକୁମି ହାହିମାଞ୍ଜାନିମି, ଏ ବାରେ ମୀରୁ କିହିମାଞ୍ଜେରି, ଅଡ଼େ କିଦେରି, ଇଦି ମୀ ତାକି ପ୍ରବୁ ତାଣ୍ଡା ମା ଆଟୁଞ୍ଜା ନାମୁ ମାନେ □

୫ ଅଡ଼େ ପ୍ରବୁ ମୀ ହିୟାଁତି ମାହାପୁରୁତି ଜୀଞ୍ଜୁ ନନାଣି ଇଞ୍ଜାଁ କ୍ରୀସ୍ତତି ସାସା ବେଟାଆହାଲି ସାୟେନି କିୟାପେସି □

ବାରେଜାଣା କାମା କିନାୟିମାନେ

୬ ଏ ମା ତାୟିୟାଁ ଅଡ଼େ ତାଜିସ୍ତାତେରି, ମାମୁ ପ୍ରବୁ ଜୀସୁ କ୍ରୀସ୍ତତି ଦରୁତଲେ ମାମୁ ମିଜେ ଇ ହୁକୁମି ହାହିମାଞ୍ଜାନିମି, ଆନିନି ତାୟି ମା ତାଣ୍ଡାଟି ଜାପାମାନିଲେହେଁ ମାଣ୍ଡକିତା ମାନାଆନା ନିସ୍ତା ତଲେ ନୀତିନେସି, ଏଞ୍ଜାଣି ତାଣ୍ଡାଟି ଜାହା ଜାହାରାଇଁ ଏଟକା କିଦୁ □

୭ ଇଚିହଁ ମାମୁ ଏନିକଁ କିହି ମାତମି ଏଲେକଁ ମୀରୁଞ୍ଜା କିନାୟିମାନେ, ଏନାଆଁ ମୀରୁ ମୀରୁଏ ନେହଁକଁ ପୁଞ୍ଜାମାଞ୍ଜେରି, ଏନିକଁ ମାମୁ ମୀ ତାଣ୍ଡା ନିସ୍ତା ତଲେ ନୀତି ହିଲାଆତମି □

୮ ମାମୁ ଉଜେଏ ଆମ୍ବାଆରି ରାନ୍ଦା ତିଞ୍ଜି ହିଲାଆତମି, ସାମା ମିଜେ ବଲୁ ଆଆପେଞ୍ଜା ଇଞ୍ଜାଁ ଲାଆଁ ମାଦେନା ଝାହୁରାତା ଅଡ଼େ କସ୍ତତଲେ କାମା କିହି ମାତମି;

୯ ମୀ ତାଣ୍ଡାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଡ଼ି ଆଏ, ସାମା ଏନିକଁ ମୀରୁ, ମାମୁ କିହିମାଟିଲେହେଁ କିଦେରି; ଇଦାଆଁତାକି ମାମୁ ମୀ ନକିତା ଜାହାରାଇଁ ନେହଁ ମାଣ୍ଡକି ତସାଲି ତାକି ଏଲେକିତମି □

୧୦ ଇଚିହଁ ମୀ ତଲେ ମାମୁ ମାଟାଟି ମିଜେ ଇ ହୁକୁମି ହିୟାତମି, “ଆମ୍ବାଆସି କାମା କିହାଲି ମନ କିଅସି, ଏଞ୍ଜାସି ରାନ୍ଦା ଜିକେଏ ତିନାଆପେସି □”

୧୧ ଇଚିହଁ ମୀ ତାଣ୍ଡା ଏଚେକା ଲକୁ ନିସ୍ତା ତଲେ ନୀତିମାଞ୍ଜେରି ଇଞ୍ଜାଁ ଏଞ୍ଜାରି ଏନି କାମା କିଆନା ଉଜେ ଉଜେଏ ଏଟକା ଲକୁତି କାତା ଅଣପିମାନେରି, ଇଞ୍ଜାଁ ମାମୁ ଝେଞ୍ଜାମାନିମି □

୧୨ ଇଲେତାରାଇଁ ନେହଁ ଆହଁ ନୀତାଲି ଅଡ଼େ ତାନି ରାନ୍ଦା ତାମୁ ନେହଁ ଅଣ୍ଡପୁ ତଲେ କାମା କିହାଲି, ମାମୁ ଜୀସୁ କ୍ରୀସ୍ତ ଦରୁତଲେ ସେଡନା ଅଡ଼େ ହୁକୁମି ହାହିମାଞ୍ଜାନିମି □

୧୩ ସାମା ଏ ମା ତାୟିୟାଁ ଅଡ଼େ ତାଜିସ୍ତାତେରି ମୀରୁ ନେହଁ କାମା କିୟାଲି ଏଚେଲାଞ୍ଜା ଝାହାଆଦୁ □

୧୪ ଇ ଆକୁତା ମାମୁ ରାଟାମାନାଣି ଆମ୍ବାଆସି ମାନୁଞ୍ଜି ଆଅସି, ଏଞ୍ଜାଣାଇଁ ଗୁରି କିଦୁ, ଅଡ଼େ ଏଞ୍ଜାସି ଏନିକଁ ଲାଜା ବେଟା ଆନେସି, ଏଦାଣିତାକି ଏଞ୍ଜାଣିତଲେ ଆଣ୍ଡାଆଦୁ;

^{୧୫} ଆଡ଼ିଜିକେଏ ଏଞ୍ଜାଣାଇଁ ସାତୁ ଲେହେଁ ମେହ୍‌ଆଦୁ, ସାମା ଏଞ୍ଜାଣାଇଁ ତାୟିଲେହେଁ ମେସାନା ସେଡ଼ନା ହୀଦୁ □

ଆକୁତି ରାପୁନି କାତା

^{୧୬} ହିଡ଼ଡ଼ି ଜୀଞ୍ଜୁହାନି ପ୍ରବୁ ତାନୁଏ, ବାରେବେଲା ଅଡ଼େ ବାରେ ଖାକିଟି ମିଙ୍ଗେ ହିଡ଼ଡ଼ି ହିୟାପେସି □
ପ୍ରବୁ ମୀ ବାରେଜାଣା ତଲେ ମାନାପେସି □

^{୧୭} ନାନୁ ପାଞ୍ଜୁଲଡେଏଁ, ନା କେୟୁତଲେ ରାଚାନା ଜୀଞ୍ଜୁତି ଜହରା କିହିମାଞ୍ଜାଇଁ; ନା ବାରେ ଆକୁତା ନା ସିନା ହୀନି ଲେହେଁ ରାଡ଼ିମାଞ୍ଜାଇଁ, ନା ରାଡ଼ିନାୟି ଏଲେତାୟି □

^{୧୮} ମା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍‌ନାୟି ବାରେତେରି ମିଙ୍ଗେ ଆୟାପେ □

ତୀମଥୁକ ନିକଟକୁ ପାଉଲକ ପ୍ରଥମ ପତ୍ର ତିମତି ତାଣା ପାଞ୍ଜୁଲ ରାଟାମାନି ର ଲମ୍ବର ଆକୁ ମୁକୁ ହାତା

ମୁକୁ ପତି ତିମତି ର ଲମ୍ବର ଆକୁ, ପାଣ୍ଡୁଆଡ଼ି ପାଞ୍ଜୁଲ ତାଣାଟି ତାନି ସୀସୁ ତିମତିକି ରାସ୍ତି ଆହାମାନେ □ ଜୀସୁ କ୍ରୀସ୍ତ ଜାର୍ନାଆଡ଼ି ୬୧-୬୪ ବାର୍ଯା ତାୟୁ ର ଲମ୍ବର ତିମତି ରାସ୍ତି ଆହାମାଣ୍ଡିନେ □ ଛଦି ପାଞ୍ଜୁଲତି ଜୀସୁ ରାଡ଼ି ବେଲାତା ରାସ୍ତି ଆହାମାଣ୍ଡିନେ □ ପାଞ୍ଜୁଲ ତିମତି ତଲେ ହାରେକା ଜାଟୁ ମାଚେସି, ଏଞ୍ଜାସି ହାରେକା ଦେବା ତିମତିକ୍ ମୀରୁଏସି ଇଞ୍ଜି ଇଞ୍ଜା ମାନେସି ପିଲିପି ୨:୨୨; ୧ତିମ ୧:୨, ୧:୧୮ □

ଛଦି ପାଞ୍ଜୁଲ ରାଟାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନ ର ମାଣ୍ଡିସିକ୍ ଖେସିମାନେ □ ଅଡ଼େ ତାନିଗଟା ଆକୁ ତିମତି ରୀ ଲମ୍ବର ଆକୁ, ତିତସ, ଅଡ଼େ ପିଲମନ □ ର ଲମ୍ବର ତିମତିତା କୁଲମିତି ହାରେକା ପ୍ରାତାନା କିନି ମୋରାତି କାତା ୨:୧-୧୫, କୁଲମିତି କାଜା ଲକୁତି ଜଗେତି କାତା ୩:୧-୧୩ଅଡ଼େ ମିତି ଜାପୁନାରି କାତାତା ଜାଗ୍ରାତା କିନି କାତା ରାସ୍ତି ଆହାମାନେ ୧:୩-୧୧; ୪:୧-୫; ୬:୨-୫ □ ପାଞ୍ଜୁଲ ତିମତିକ୍ ଏନିକିହି କୁଲମିତି ନେହି ସାଲ୍ଡି କିନାସି ଆହାଲି ଜାପୁହି ମାଚେସି ଏ କାତା ରାସ୍ତି ଆହାମାନେ □

ତିମତି ର ଲମ୍ବର ଆକୁତା ହାରେକା ପାଣା ପାରୁୟା ମାନୁ, ଏଞ୍ଜି କୁଲମିତି ସାଲ୍ଡି କିନାରାକ୍ ନୀଞ୍ଜୁ ଓଏତି କୁଲମିକାଣି ନେହି କି ଜାଟୁନୁ କିହାଲି ସାଢ଼େନି କିନୁ □

ପତିତା ମାନାୟି

- ୧ ପାଞ୍ଜୁଲ ତିମତିକ୍ ଜହରା କିହା ମାଟୁନାୟି □ ୧:୧-୨
- ୨ ପାଞ୍ଜୁଲ ତିମତିକ୍ ମିତି ଜାପୁନାରି କାତାତା ଜାଗ୍ରାତା କିନାୟି □ ୧:୩-୧୧
- ୩ ପାଞ୍ଜୁଲ କ୍ରୀସ୍ତ ତାକି ଏଚେକା ନେହି ତସାମାନେସି ଏଦାଆଁ ଖେସାନା ଆକୁତି ରାଟିନାୟି □ ୧:୧୨-୧୯
- ୪ ପାଞ୍ଜୁଲ ତିମତିକ୍ ପ୍ରାତାନାତି ପାଣାପାରୁ ଅଡ଼େ ସାଲ୍ଡି କିନାରି କାତା ଜାପୁହାମାନେସି □ ୨-୩
- ୫ ପାଞ୍ଜୁଲ ତିମତିକି ଏଚେକା ତାୟୁତି କାତା ଖେସାନା ଆକୁ ରାଟିନାଣି ରାପୁନାୟି □ ୪-୬

୧ ନାନୁ ପାଞ୍ଜୁଲ, ମା ଗେଲପାନି ମାହାପୁରୁ ଅଡ଼େ ବାର୍ସୁ ହାନି କ୍ରୀସ୍ତ ଜୀସୁ ହୁକୁମି ତଲେ ପାଣ୍ଡୁ ଆହାମାନାଚେସି □

୨ *ନାନୁତା ନା ଦାମୁତି ଜାଞ୍ଜୁତି ମୀରୁଏଣାତି ତିମତି; ଆବା ମାହାପୁରୁ ମା ପ୍ରବୁ ଜୀସୁ କ୍ରୀସ୍ତ ତାଣାଟି ଜାଞ୍ଜୁନାୟି କାର୍ମାମେହନାୟି ଅଡ଼େ ହିଡ଼ଡ଼ି ନିଜେତାକି ଆୟାପେ □

ମିତି ଜାପୁନାରି ତାଣାଟି ଜାଗ୍ରାତା

୩ ନାନୁ ମାକିଦନିୟାତା ହାଜିମାଗାଟି ମିଜେ ଖେସାମାଞ୍ଜାତି ଲେହେଁ, ନାନୁ ଏପିସିୟ ଗାଡ଼ାତା ତୁୟାମୁ ଏଦାଆଁ ଏଚରଜାଣା ଲାଗେଏତି କାତା ଜାପୁହିମାନେରି ଏମାଟି ଏଞ୍ଜାରାକ୍ କାହି କିମୁ,

୪ କହୁୟା ଇଞ୍ଜା ରାଆଗାଟି ଆକୁ ଆବାର୍ଯା ଦରକାଣି ଆହୁଆପେରି ଇଞ୍ଜି ଏଞ୍ଜାରାକ୍ ଖେହମୁ, ଏ ବାରେ ନାମୁ ତାକି ମାହାପୁରୁତି କାମାତାକି ଆଆନା ସାମା ବାଦିବଦା କିଞ୍ଜିକିନେ □

୫ ସୁରୁ ହିୟା, ନେହି ଅଣ୍ଡୁ ଅଡ଼େ କୁଟୁ ହିଲାଆ ନାମୁଟି ହଟିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି ହାହିମାଞ୍ଜାକ୍ □

୬ ଏଚରଜାଣା ଇ ବାରେ କାତାତି ବାଣା ଆହାନା ଉଜେଏତି କାତା ଆସାନା ଏଟକା ଜିରୁ ହାଜିମାନେରି;

୭ ଏଞ୍ଜାରି ମୋରା ଜାପୁନାତମି ଇଞ୍ଜି ଅଣ୍ଡିନେରି, ସାମା ଏଞ୍ଜାରି ଏଦାଆଁ ଖେହନେରି, ଅଡ଼େ ଏନାଆଁ ଜାଣ୍ଡେନାକା ଜାପୁନେରି, ଏଦାଆଁ ତାମ୍ବୁ ଡେଲ୍‌ହଅରି □

୮ ମାମୁ ପୁଞ୍ଜାମାନମି; ମୋରାତି ନେହି କି ଲେସିସାରେ, ଏଦି ନେହେଁ □

* ୧:୨ ୧:୨ କାମା ୧୭:୧

୯ ସାମା ମୋର ଦାର୍ମଗାତି ଲକ୍ଷ୍ମଣକି କିଞ୍ଚିଆଥାନା, ଜାହାରା ମନ, ଅଡ଼େ ମାନୁଞ୍ଚି ଆଥାଗାଗାରି, ଦାର୍ମ ହିଲିଆ ଗାଗାରି, ଅଡ଼େ ପାପୁ ଗାଗାରି, ଲାଗେଏତାରି, ଦାର୍ମୁତି ନାମାଆଗାଗାରି, ତାଲି ତାଞ୍ଜିଲ୍ ପାୟିନାରି, ଲକ୍ଷ୍ମଣି ପାୟିନାରି,

୧୦ ଦାରି କିନାରି, ଆବା ଆବାୟା ଦହ କିଞ୍ଚିଆନାରି, ଲକ୍ଷ୍ମଣି ପାୟିନାରି, ମିତି ସାକି ହାନାରି, ଅଡ଼େ ମିତି କାତାତାକି ପାରମାଣା କିନାରାକି, ଅଡ଼େ ଆମ୍ବାଆରି ନେହଁ ଜାପୁନାଣି, ତାକି ନିଜ୍ଜନେରି, ଏଦାଆଁତାକି ମୋରା ମାନୁଞ୍ଚି ଆଥାଗାଗାଗାରି ହାପୁକି ଆହାମାନେ,

୧୧ ଇତି ନା ତାଣା ହେରପି ଆହାମାନାୟି ହାଡ଼େକା ନେହେଁ ମାହାପୁରୁତି ଗାଞ୍ଜୁରମିଗାତି ନେହଁ କାବୁତି ଜାପୁନି ଲେହେଁ ଆନେ □

ମାହାପୁରୁତି କାର୍ମା ତାକି ଜହରା

୧୨ ନାଜେ କାମାତା ବାଡ଼ପୁ ହାହାମାଞ୍ଜାନି ମା ପ୍ରବୁ କ୍ରୀସୁ ଜୀସୁଇଁ ଜହରା କିହିମାଇଁ, ଏନାଆଁତାକି ଇତିହଁ ନାଜେ ଏଞ୍ଚାସି ମାନୁଗାଗାତି ଇଞ୍ଜି ଅଣପାନା ସେବା କାମା ହେରପା ମାଞ୍ଜାନେସି □

୧୩ ଆଡ଼ିଜକେଏ ତଲି ନାନୁ ଜୀସୁଇଁ ନିନ୍ଦା କିନାତେସଁ, ତଣ୍ଡୁ ହାନାତେସଁ, ଅଡ଼େ ଲାଗେଏ କିନାତେସଁ ମାତେସଁ; ସାମା ନାନୁ ନାମା ହିଲିଆତାକି ବୁଦି ହିଲିଆଲେହେଁ ଏଦାଆଁ କିହିମାତେସଁ ଇଞ୍ଜି କାର୍ମା ବେଗାଆଡ଼େସଁ;

୧୪ ଅଡ଼େ ମା ପ୍ରବୁତି କାର୍ମା କ୍ରୀସୁ ଜୀସୁ ତାଣାତି ନାନୁ ଅଡ଼େ ଜୀଞ୍ଜୁ ନନି ତାଣାତି ନାଜେତାକି ହାଡ଼େକା ଆୟାତେ □

୧୫ ପାପୁ ଗାଗାରାଇଁ ଗେଲ୍‌ପାଲିତାକି କ୍ରୀସୁ ଜୀସୁ ଦାର୍ତତିତା ଖାଡ଼େସି, ଇ ବଲ୍ଲୁ ସାତା ଅଡ଼େ ବାରେଞ୍ଚାକି ଆବିନାୟି ଅଡ଼େ ନାନିନାୟି; ଏ ପାପୁ ଗାଗାରି ବିତ୍ରାତି ନାନୁ ବାରେକିହାଁ କାଜା ପାପୁ ଗାଗାତେସଁ

୧୬ ଆଡ଼ିଜକେଏ ଆମିନି ଗାଗାରି ଖାଡ଼ିମାନି ଦିନାତା କାଲ୍‌କାଲ୍‌କାଜି ଜୀଞ୍ଜୁ ବେଗାଆହାଲି ଜୀସୁ କ୍ରୀସୁ ତାଣା ନାନିନେରି, ଏଞ୍ଚାରି ନକିତା ତସ୍‌ପି ଆହାଲି ନାନୁ ର କାଜା ପାପୁ ଗାଗାତେସଁ, ନା ତାଣା ଏଞ୍ଚାସି ଏନିକଁ ତାନି କାଟ୍‌ଲଏତି ଅହୁନାଣି ତହୁନେସି ଏଦାଆଁତାକି ନାନୁ କାର୍ମା ବେଗା ଆଡ଼େସଁ □

୧୭ ଏଚେଲାଞ୍ଚା ନାସା ଆଥାଗାଗାୟି ଇଞ୍ଜା ତଞ୍ଜାଆଥାଗାତି ରଣ୍ଡିଏ ମାହାପୁରୁ ଆମ୍ବାଆସି କାଲ୍‌କାଲ୍‌କାଜି ରାଜା ଏଞ୍ଚାଣାକି ମାନି ଅଡ଼େ ଗାଞ୍ଜୁରମି କାଲ୍‌କାଲ୍‌କା ତାକି ଆପେ □ ଆମେନୁ □

୧୮ ଡିମତି, ନା ମୀରୁଏଣାତି, ନିଜେତାକି ତଲି ଝେସିମାଞ୍ଜାତି ଲେହେଁ ନାନୁ ନିଜେ ଇ ହୁକୁମି ହାହିମାଞ୍ଜାଇଁ, ଏନିକଁ ନାନୁ ଇ ବାରେ କାତାତଲେ ନେହଁ ଜୁଜୁ କିହାଲି ଆଡ଼ିଦି □

୧୯ ଦାର୍ମ ଅଡ଼େ ନାମୁ ନେହଁ ଅଣପୁ ଆହ୍‌ମୁ; ଏଦାଆଁ ପିସା ମାନାକି ଏଚରଜାଣାତି ନାନୁ ଲେହେଁତି ଜାଜା ତାହା ହାଜାମାନେ,

୨୦ ଏଞ୍ଚାରି ବିତ୍ରାତି ହୁମନାୟ, ଅଡ଼େ ଆଲେକ୍‌କାଣ୍ଡାର ମାନେରି, ଏଦାଆଁତାକି ନାନୁ ଏଞ୍ଚାବାଇଁ ସୟତାନ କେୟୁତା ହେରପିତେସଁ, ଏନିକଁ ଇ ରିଆରି ପାଣା ବେଗାଆହାନା ମାହାପୁରୁଇଁ ନିନ୍ଦା କିଅରି □

୨

କୁଲମିତା ପାଣାପାପୁ

୧ ଇଦାଆଁତାକି ନା ବାତିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଗାରି,

୨ ଏଦାଆଁତାକି ବାରେ ଲକ୍ଷ୍ମଣକି ରାଜାୟା ସାଲ୍‌ଞ୍ଚି କିନାରି, ବାରେତାକି ପ୍ରାତାନା, ଗହାରା ଅଡ଼େ ଜହରା କିପୁ, ମାର ଏନିକଁ ମାହାପୁରୁ ଆଜିତଲେ କିଲିବିଲି ଆଥାନା ତୁୟିନାୟି ଅଡ଼େ ଏଟ୍‌କା ଲକ୍ଷ୍ମଣ ତାଣା ନେହଁ ମାଣକି ମାଞ୍ଜାନା ସୁକୁ ଅଡ଼େ ହିଡ଼ଡ଼ି ତଲେ ନୀତାଲି ଆଡ଼ିନାୟି □

୩ ଇଲେତି ପ୍ରାତାନା ମା ଗେଲ୍‌ପାନି ମାହାପୁରୁ ନକିତା ଲଡ଼ା ଆନାୟି ଅଡ଼େ ଅପିନାୟି ଆନେ □

୪ ବାରେଜାଣା ଏନିକଁ ଗେଲ୍‌ପିଆନାଣି ଅଡ଼େ ସାତାତି ବୁଦି ବେଗାଆନେରି ଇଞ୍ଜି ଏଞ୍ଚାସି ଅଣପି ମାନେସି □

୫ ଇତିହଁ ରଣ୍ଡିଏ ମାହାପୁରୁ ମାନେସି, ଅଡ଼େ ମାହାପୁରୁ ଇଞ୍ଜା ମାଣସିୟା, ମାଦିତି ମାଣସି ରଅସିଏ ମାନେସି, ଏଞ୍ଚାସି ଜୀସୁ କ୍ରୀସୁ, ର ମାଣସି □

* ୧:୧୩ ୧:୧୩ କାମା ମା ୮:୩; ୯:୪,୫

୭ ଏଝାସି ମାଣସିକ୍ ଗେଲ୍‌ପାଲିତାକି ତାନୁଏ ହେରୁସି ଆଡେସି, ଇଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣସିକ୍ ଗେଲ୍‌ପାଲି ଅଣ୍ଡି ମାନେସି ଇଦାଆଁ ସାକି ହାହାମାନେସି □

୮ ଏଦାଆଁତାକି ନାନୁ ର ନେହଁ କାରୁ ଝେକନାଡେସଁ, ପାଣ୍ଡି ଆହାମାନାଡେସଁ, ଇଞ୍ଜା ନାମୁ ଅଡେ ସାତାତା ଏବ୍‌କା କୁଡାତି ଲକୁ ତାଣା ଜାପୁନାଡେସଁ ଆୟାଲି ମାହାପୁରୁ ନାଜେ ଆଡାମାଞ୍ଜାଡେସି, ନାନୁ ସାତା ଝେସିମାଞ୍ଜାକ୍ ନାନୁ ମିତି ଝେସିମାଞ୍ଜାଅଁ □

୯ ଏଦାଆଁତାକି ନା ଅଣ୍ଡପୁ ବାରେଜାଣା ଆବାୟା କୁଡା ଆନାଟି, ସୁଦୁ ଅଣ୍ଡପୁ ତଲେ କେସ୍ମା ପେରହାନା, କପା ଇଞ୍ଜା ତାହାରା ଆଆନା, ପ୍ରାଡାନା କିପାରି □

୧୦ ଏଲେକିହଁଏ ଇୟାସିକା ଜିକେଏ ତାୟଁ ଅଢି କିହାନା, ଅଡେ ବାଂଗାରା ସାକୁ ତୁରୁଆନା, କି ଦାରାଗାଟି ହିମ୍ବୁରିକା ତଲେ ତାମ୍ବୁ ଡାମ୍‌ଜେ ଅଢି କିହାକତାଆନା, ମାନି ଅଡେ ନେହଁ ବୁଦିତଲେ ଉଣା ଦାରାଟି ହିମ୍ବୁରିକା ହୁତାନା,

୧୧ ଦାମ୍‌ଗାଟି ଇୟାସିକା ରାହାଁ ଅଣ୍ଡପୁଟି ନେହଁ କାମାତି ଅଜୁତା ତାମ୍ବୁ ଡାମ୍‌ଜେ ଅଢି କିହା କତାପୁ □

୧୨ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍ଡପୁ ତଲେ ଜାପାପୁ □

୧୩ ନାନୁ ଇୟାସିକାଣି ଜାପୁହାଲି କି ଆବାୟା ମୁହେଁ ସାଲ୍‌ଝି କିହାଲି ହେଲ ହାହି ହିଲଅଁ, ସାମା ଏଝି ପାଲେଏ ମାନାପୁ □

୧୪ ଏନିଇତିହଁ ମାହାପୁରୁ ନକେଏ ଆଦମକ୍ ଗାଡ଼ିକିଡେସି ଅଡେ ତାୟଁ ହବାକ୍

୧୫ ଅଡେ ଆଦମ ନାଡ଼ିକିଝି ଆହା ହିଲାଆଡେସି, ସାମା ଇୟା ନାଡ଼ିକିଝି ଆହାନା ମାହାପୁରୁଟି ମେରାଟି ଦହ ଗାଗାୟି ଆଡେ;

୧୬ ସାମା ଇୟାସିକା ତାମ୍‌ଜେ ଉଣା କିହାଁ କତାନା ନାମୁତଲେ ଜୀଝୁ ନଝିଆହାନା, ସୁଦୁଜୀଝୁ ତଲେ ମାଞ୍ଜାନା କକାରି ପଦାଁ ଜାନି କିହାନା ଗେଲ୍‌ସି ଆନୁ □

୩

କୁଲମିତି କାଜାରି

୧ ଇ କାତା ସାତା, ଆମ୍‌ଆସି କ୍ରୀସ୍ତାନା କୁଲମିତା ଜାଡ଼ନୁ କିନି ପାଣା ବେଟାଆହାଲି ଅଣ୍ଡିମାଟିସାରେ, ଏଝାସି ନେହଁ କାମା କିକ୍ ଇଞ୍ଜାଁ ଅଣ୍ଡିମାନେସି □

୨ ଇଦାଆଁତାକି କୁଲମିତି କାଜାସି ଦହ ହିଲାଆଗାଗାସି ଆନାୟି ମାନେ, ରଣ୍ଡିଏ ଡକ୍ରିନି ଡକ୍ତା, ଟିକାଣାତାସି, ନେହଁ ଅଣ୍ଡପୁ ଗାଗାସି, ପୁନାଆତି ଗତାୟାଣି ସେବା କିନାସି, ଅଡେ ନେହଁ କଁ ଜାପୁନାସି ଆନାୟି ମାନେ □

୩ ଅଡେ କାଡ଼ ଗୁହନାସି କି ଗଡ଼ହା କିନାସି ଆଆନା, ସୁଦୁ ସୁଝାଲା, କପା ଇଟାଆଗାଗାସି, ଅଡେ ଦନ ଜୁପକା ଗାଗାସି ଆଆୟି ମାନେ,

୪ ଏଝାସି ତାନି ଇଲୁ କୁଟମିତି ନେହଁ କଁ ସାଲ୍‌ଝି କିନାସି, ଅଡେ କକାରି ପଦାଁଣି ତୀରୁପୁତଲେ ଜାଡ଼ନୁ କିନାୟିମାନେ □

୫ ଆମ୍‌ଆସି ତାନି ଇଲୁ କୁଟମିତି ନେହଁ କଁ ଜାଡ଼ନୁ କିହାଲି ଆଡ଼ଅସି, ଏଝାସି ଏନିକଁ ମାହାପୁରୁ କୁଲମିତି ଜାଡ଼ନୁ କିନେସି ?

୬ ଏଝାସି ପୁଝନି ନାମିତାସି ଆଆୟି ମାନେ, ଇତିହଁ ଏଡେତା ପାଟେ ନାନୁ କାଜାଡେସଁ ଇଞ୍ଜାଁ ବଡପଣ ଆହାନା, ସୟତାନ ଡଣ୍ଡ ପାଣ୍ଡିଲେହେଁ ଡଣ୍ଡ ବେଟା ଆନେସି □

୭ ଅଡେ ଏଝାସି ନାମାଆଗାଗାଟି ତାଣାଟି ଜିକେଏ ମାନି ବେଟାଆନାୟି ମାନେ, ଆଆଡ଼ଁ ଲାଜା ବେଟାଆହାନା ସୟତାନ ପାନ୍ଦାତା ହେରୁନେସି □

କୁଲମିତି ସାୟେମି କିନାରି

୮ ଏଲେକିହଁଏ କୁଲମିତି ସେବା କିନାରି ନେହଁ ଅଣ୍ଡପୁ ତଲେ ନାମୁତା ଡଗୁମାନାଣି ଆସାନା ତାରିତଲେ ମାଞ୍ଜାନା ନାଡ଼ି କିନାସି ଆଆପେସି,

୯ କାଡ଼ ଗୁସିହଁ ଡୟିନାସି, ଉଜେଏତି ଦନତି ଜୁପକା ଆଆୟି ମାନେ

୧୦ ଏହାର ସେବା ପାଣ୍ଠା ପୁଣ୍ୟ ନକେଏ ଏହାର ତାୟିପାରି କିଞ୍ଚିଆପାରି, ଅଡ଼େ ଏହାରିତାଣା ଏନ୍ ଦହ୍ ତଞ୍ଜା ଆଆତିହ୍, କୁଲମିତି ସାୟେମି କିନାରି ଆଡ଼ପରି □

୧୧ ଏଲେକିହ୍ ଏ ଏହାରି ତକ୍ତସିକା ଜିକେଏ ନେହ୍ ଗୁଣୁ ଗାଗାଇ* ଆହ୍ନାନା ସାକ୍ତି ହିଲ୍ଲୀଆଗାଗାଇ ଆହ୍ନାନା ତୀରପୁ, ପାଲେଏ ମାଞ୍ଜାନା ବାରେ କାମା ଚିକାଣା ତଲେ କିପୁ □

୧୨ ସେବା କିନାରି ରଣ୍ଡିଏ ତକ୍ତସିକା ତକ୍ତା ଆପେରି, ଅଡ଼େ ଏହାରି ତାମି କକାରି ପଦାୟିଣି ଅଡ଼େ ତାମି ଇଲ୍ଲୁ କୁଟମିତି ନେହ୍ କିଲ୍ଲି ସାଲ୍ଲିକିପେରି □

୧୩ ଇତିହ୍ ଆମିନି ଗାଗାରି ନେହ୍ କିଲ୍ଲି ସେବା କାମା କିହାମାନେରି, ଏହାରି କୁଲମିତା ମାନିଗାଗାରି ଇଞ୍ଜି ଖେଜିନେରି ଅଡ଼େ କ୍ରୀସୁ ଜୀସୁ ତାଣା ନାମୁତା ହାରେକା ସାସା ବେତାଆନେରି □

ତୁରାମାନି କାଜା କାତା

୧୪ ଇ ଆକୁ ରାଡିନି ବେଲ୍ଲୀତା, ନାନୁ ନୀ ତାଣା ତବେ ଖାହାଲି ଆସା କିହିମାଲ୍;

୧୫ ସାମା ନା ଖାନାୟି ଖେଡ଼ା ଆତିହ୍, ମାହାପୁରୁ ଇଲ୍ଲୁ କୁଟମିତା ଇତିହ୍ ସାତାତି ମୁଣ୍ଡା ଅଡ଼େ ପୁନାଦି ଲେହେଁ ଜୀସୁତି ମାହାପୁରୁ କୁଲମିତା, ଏନ୍ ମାଣକିତା ମାନାୟି ମାନେ, ଏତାଆଁ ନାନୁ ଏନିକିଲ୍ଲୁ ପୁଞ୍ଜାଲି ଆଡ଼ିଦି, ଇଦାଆଁତାକି ଇ ବାରେ କାତା ନାନୁ ରାଡିମାଞ୍ଜାଲ୍ □

୧୬ ମାହାପୁରୁ ଦାମୁତି ବାରେ କାତା ହାରେକା କାଜାୟି, ଇଦାଆଁ ବାରେ ଲକୁ ଖେଜିନେରି □ ଏଦି ଇଦି, କ୍ରୀସୁ ମାଣସି ଖାଣା ଆହ୍ନାନା ତଞ୍ଜାଆଡେସି,

ସୁଦୁଜୀସୁତା ଦାମୁଗାଗାସି ଇଞ୍ଜି ଖେଜିଡେସି,

ଦୂତୁୟି ତଲେ ତଞ୍ଜାଆଡେସି,

ଏଡ଼କା ଲକୁତାଣା ଖେଜିଡେସି,

ଦାରୁଡିତା ନାମୁଗାଗାସି ଆଡେସି,

ଇଞ୍ଜା ମାହାପୁରୁ ଗାବୁରମି ତଲେ ଲାକପୁରୁ ଅଡ଼ିଆଡେସି □

୪

ମିତି ଜାପୁନାରି

୧ ସୁଦୁଜୀସୁ ତୀରିତଲେ ଖେସିମାଞ୍ଜାନେ, ଜୁଗୁ ରାଡି ବେଲ୍ଲୀତା ଏତେକା ଲକୁ ଲାଗେଏତି ନାଡିକିନି ଜାପୁନି ତାଣାଟି କୁଲମିତି ନାମୁତି ହେକ ଆନେରି,

୨ ଏହାରି ଏତରଜାଣା ନାଡିକିନାରି, ଏହାରି ଅଣପୁ ହାଡାୟି,

୩ ଏହାରି ବାହା କିନାୟି ଅଡ଼େ ଏନ୍ ଏନ୍ କାଦି ତିନାୟି ଇଞ୍ଜି ନେହେଁ ଆଏ ଇଞ୍ଜିମାନେରି □ ସାମା ଆମିନି କ୍ରୀସୁଲ୍ ନାମିତି ଲକୁ ସାତାତି ପୁଞ୍ଜାମାନେରି, ଏହାରି ମାହାପୁରୁ ଗାଡିକିତି ବାରେ କାଦି ତାକି ଏହାଣାଲ୍ ଜହରା କିହାନା ଏଦି ନେହାୟି ଇଞ୍ଜି ତିଞ୍ଜାଲି ଆଡିନେରି □

୪ ଇତିହ୍ ମାହାପୁରୁ ଗାଡିକିତି ଆସି ବାରେ ନେହାୟି, ଇଞ୍ଜା ମାହାପୁରୁଲ୍ ଜହରା କିତିସାରେ ଏନାୟି ଜିକେଏ ତିନାଆଗାଗାୟି ଆଏ □

୫ ଏନାଆଁତାକି ଇତିହ୍ ମାହାପୁରୁତି ବଲ୍ଲୁ ଅଡ଼େ ପ୍ରାତାନା ତଲେ ଏଦାଆଁ ସୁଦୁ କିଞ୍ଚିଆନେରି □

ଜୀସୁ କ୍ରୀସୁତି ନେହ୍ ସେବା କିନାସି

୬ ଇ ବାରେ କାତା ମୀରୁ ତାୟି ତାଜିଲ୍ ଜାପୁହିସାରେ କ୍ରୀସୁ ଜୀସୁତି ର ନେହ୍ ସେବା କିନାତେରି ଆବେରି, ଇଞ୍ଜା ମୀରୁ ଆମିନି ନାମୁ ଅଡ଼େ ନେହ୍ କାତା ଆସାମାଞ୍ଜେରି, ଏଲେତି ବଲ୍ଲୁ ତଲେ ପାତା ଆବେରି;

୭ ସାମା ଉଜେଏ ଖେହ୍ନି କାତାୟି ଖେନାଆନି, ମାହାପୁରୁଲ୍ ଆଜାନା ନୀତାମାଞ୍ଜାଲି ଜାପୁମୁ,

୮ ଇତିହ୍ ଆଜାତି ପାତି କିନାୟି ଗାଡ଼େକା ତାକି ଲାବା ଆନେ, ସାମା ମାହାପୁରୁଲ୍ ଆଜିନାୟି ଇ କାଲାତା ଅଡ଼େ ଖାହିମାନି କାଲାତି ଜୀସୁତାକି ମାହାପୁରୁ ଆଞ୍ଜାମାନି ଲାବାଗାଗାୟି ଆନେ □

୯ ଇ କାତା ନାମିନାୟି ଅଡ଼େ ବାରେ ଲକୁ ଅପିନାୟି □

* ୩:୧୧ ୩:୧୧ ଇୟାସିକା ସେବା କିନାଲ † ୩:୧୨ ୩:୧୨ ରଣ୍ଡିଏ ବାହା ତକ୍ତ

୧୦ ଈଦାଆଁ ତାକି ମାର ମନ ହାହାନା ଖାହୁ ତଲେ ଜୀଝୁ ତୁଫାନା କାମା କିହିମାନାୟି, ଏଦାଆଁତାକି ଇଚିହି ଆମିନି ଜୀଝୁଗାଟି ମାହାପୁରୁ ବାରେ ମାଣସିକ୍ ଇଚିହି ନାମିନାରାଇଁ ଗେଲ୍ପିନାସି, ତାନି ତାଣା ମା ବାସ୍ତୁ ମାନେ □

୧୧ ନୀନୁ ଈ ବାରେ କାତା ହୁକୁମି ହାହାନା ଜାପୁମୁ □

୧୨ ନୀ ଦାଂଗଣା ବେଲ୍ପାତି ଆମ୍ବାଆସି ହାଣି କିୟାଆପେସି, ସାମା ନୀ କାତାତା, ନୀ ଲେମ୍ପିନି ତାଣା, ନୀ ଜୀଝୁ ନନି ତାଣା, ନୀ ନାମୁତା, ଇଞ୍ଜା ନୀ ସୁଦୁତା, ନାମିନାରାକି ନୀନୁ ନେହି ତହ୍ନାତି ଆମୁ □

୧୩ ନୀନୁ ନୀ ତାଣା ଖାଆ ପାତେକା ନୀନୁ ଦାମ୍ବୁ ପତିକ୍ ପଡ଼଼ି ଆହାନା, ମାହାପୁରୁ କାତା ଝେକ୍ମୁ, ଇଞ୍ଜା ଜାପୁନି ତାଣା ମନ ହାହାନା ମାନାମୁ □

୧୪ ମାହାପୁରୁ ବଲ୍ଲୁ ଝେକ୍ମହା ମାଞ୍ଜାନି କୁଲମିତି କାଜାରି ନୀ ତାୟ୍ ତୁା କେସ୍ମା ଇଚାନା ନିଜେ କାର୍ମାତି ଦାନା ହାହାମାଞ୍ଜାନେରି, ଏଦାଆଁ ହେଲା କିଆନି □

୧୫ ନୀ ପାତା ଆହିମାନାୟି ଏନିକ୍ ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଈ ବାରେ କାତାତା ମନ ହାହାନା ଏ ବାରେ କିହେମାନାମୁ □

୧୬ ନିଜା ତାକି ଅଡ଼େ ନୀ ଜାପୁନାଣି ତାକି ଜାଗ୍ରାତା ଆମୁ, ଈ ବାରେ କାମା କିହି ମାନାମୁ, ଇଚିହି ଏଦାଆଁ କିତିସାରେ ନୀନୁ ନୀ ଗେଲ୍ପିନାଣି ଅଡ଼େ ନୀ କାତା ଝେଞ୍ଜି ମାନାରାଇଁ ଜିକେଏ ଗେଲ୍ପିଦି □



ନାମିନି ଲକୁତି ଦାୟିପତି

୧ ବୁଡ଼ହା ଲକୁଣି ଲାଗାଆନି, ସାମା ଏଝାଣାଇଁ ଆବା ଇଞ୍ଜି ଅଣ୍ପାପାନା ଲେମ୍ବାମୁ; ଅଡ଼େ ଦାଂଗଣା କକାରାଇଁ ତାୟିଲେହେଁ ମେହ୍ମୁ,

୨ ବୁଡ଼ହି ଇୟାସିକାଣି ତାଲି ଇଞ୍ଜିହି ଅଡ଼େ ତାଆସିକାଣି ସୁଦୁ ମନତଲେ ତାଜିସ୍ମା ଇଞ୍ଜିହି ଅଣ୍ପାପାନା ଏଲେକ୍ ସିନିକମୁ □

୩ ଏଦାଆଁ ହିଲାଆଗାଟି ରାଣ୍ଡେଣି ଇୟାସିକାଣି ମାନି କିମୁ □

୪ ସାମା ଆମିନି ରାଣ୍ଡେଣି ଇୟା କି ମୀରକା ମାସ୍ମକାକି ତାଙ୍ଗା ମୀରକା ମାସ୍ମକା ମାଚିହି, ଏଝି ନକେଏ ତାନି ଇଲୁ କୁଟମି ତାରାଇଁ ମାନି କିହାଲି ଲକ୍ନାୟି ମାନେ, ତାଲି ତାଞ୍ଜିକ୍ ନେହି କିହାଲି ଜାପାପୁ; ଏନିଇଚିହି ଈଦି ମାହାପୁରୁ ନକିତା ନେହାୟି □

୫ ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାଡ଼ୁନୁ ଅନାରି ହିଲଅରି ଏଝି ମାହାପୁରୁ ତାଣା ବାସ୍ତୁ ଇଚାନା ଲାଆଁ ମାଦେନା ବାଡ଼ିମାଲିହି କାଲେଏ ପ୍ରାତାନା କିପୁ;

୬ ସାମା ଆମ୍ବାଆୟି ଆଙ୍ଗାତି ରାହାଁତା ମୁଞ୍ଜାନା ତୁୟିନି ରାଣ୍ଡେଣିସିକା ଏଝି ଜୀଝୁତଲେ ମାଚିହି ଜିକେଏ ହାଡ଼ି ଲେହେଁତାଇଁ □

୭ ଏଝି ଏନିକ୍ ଦହ୍ ହିଲାଆଗାଗାଇଁ ଆନୁ, ଈଦାଆଁତାକି ଈ ବାରେ କାତା ଜିକେଏ ଜାପୁମୁ □

୮ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ ତାନି ଇଲୁ କୁଟମିତି ଲକୁଣି କେରଅସି, ଏଝାସି ନାମୁତି କାତାଇଁ ଆବାହିଲଅସି, ଇଞ୍ଜା ଏଝାସି ନାମାଆଗାଟାଣି କିହାଁ ହାରେକା ଲାଗେଏ ଆନେସି □

୯ ଆମିନି ରାଣ୍ଡେଣି ତାନିକଡ଼ି ବାସ୍ତୁତିଏ ଉଣା ଆଏ, ଅଡ଼େ ରଣ୍ଡିଏ ତଞ୍ଜାଇଁ ବାହା ଆହାମାନେ, ଏଝାସିକା ଦରୁ ରାଚାମୁ,

୧୦ ଅଡ଼େ ନେହି କାମାତାକି ଝେଙ୍ଗାମାନେ, ଅଡ଼େ ଏଦି ମୀରକା ମାସ୍ମକାଣି ପହିପାତି କିହାନା, ପାଡ଼ିତି ଗତାୟିଣି ସେବା କିହିମାନେ, ମାହାପୁରୁ ଲକୁତି କତାୟି ନରହା ମାନେ, ଦୁକୁ ଗାଗାରାଇଁ ଦୁକୁ ତୁକ୍ତୁହିମାନେ, ଅଡ଼େ ବାରେ ନେହି କାମା କିହାଲି ରାହାଁ ଆହିମାନେ, ଆତିହି ଏଦାନି ଦରୁ ରାଣ୍ଡେଣିସିକା ଆକୁତା ରାସ୍ମକି ଆପେ □

୧୧ ସାମା ତାଆ ରାଣ୍ଡେଣିସିକା ଦରୁ ରାଚାଆନି, ଇଚିହି ଏଝି ଆଙ୍ଗାତି ରାହାଁତା ଜୁଦ୍ଦକା ଆହାନା କ୍ରୀସ୍ତ ତାଣାଟି ଏଚକା ଆହାନା ବାହା ଆୟାଲି ମନ କିନୁ;

୧୨ ଏଝି ତାନି ତଲିତି ଆଞ୍ଜାମାଟାଣି ମାନି କିହାହିଲାଆକି, ତଣ୍ଡ ଗାଗାଇଁ ଆନୁ,

୧୩ ଅଡ଼େ ଜିକେଏ ଏଝି ଇଲୁତାକି ଇଲୁ ରେଜିହି ନିସ୍ତା ଆହାଲି ଜାପୁନୁ, ଅଡ଼େ ଝାଉଲ ନିସ୍ତା ଆଏ, ସାମା ଲାଗେଏ ପଢ଼େଏତି ପୁସ୍ପପନିକା, ଅଡ଼େ ସାକ୍ତ ଜଳାଲି ଜାପାନା ଉଜେ ଉଜେଏତି ଲଡ଼ାହିଲାଆ କାତାୟି ବାସ୍ତୁ ଆନୁ □

୧୪ ଇଦାଆଁତାକି ନା ଅଣ୍ଡପୁ ଡାଆ ରାଣ୍ଡେଣିସିକା ବାହା ଆପୁ, କକାରି ପଢ଼ା ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜା ନିନ୍ଦା କିହାଲି ସାତୁୟାକି ଏନ୍ନି ପାରୁ ହାଆପୁ;

୧୫ ଇଚିହଁ ନୀର୍ବ ଜିକେଏ ଆମ୍ବା ଆମ୍ବାଆୟି କ୍ରୀସ୍ତ ତାଣ୍ଡାଟି ହେକ ଆହାନା ସୟତାନତି ଜେଟ ହାଜାମାନୁ □

୧୬ ଅଡେ ଆମିନି ନାମାମାନି ଇୟାସିକା ଇଜ ରାଣ୍ଡେଣିସିକା ମାଚିହଁ, ଆତିହଁ ଏଞ୍ଜି ଏଞ୍ଜାସିକା ଜାଡୁନୁ ଅପୁ, ଅଡେ କୁଲମିତାକି ବଜୁ କିଆପୁ, ଏନ୍ନିକଁ କୁଲମି ଏନାଆଁ ହିଲୀଆଗାଟି ରାଣ୍ଡେଣିସିକାଣି ଜାଡୁନୁ ଅଡେନି □

୧୭ ଆମିନି ପ୍ରାଚିନାଜା କୁଲମିତି ନେହଁକଁ ଜାଡୁନୁ କିନେରି, ବାରେକିହାଁ ଆମିନି ଗାଟାରି ବଲୁ ଖେକହାଲି, ଅଡେ ଜାପୁହାଲି ଖାହୁ ତଲେ କାମା କିନେରି, ଏଞ୍ଜାରି ରୀ ଗୁଣୁ ମାନ୍ନି ବେଟାଆନ୍ନି ଜରେନି □

୧୮ *ଦାମ୍ବୁ ପତିତା ରାସ୍ତକି ଆହାମାନେ, “ନପୁଁନି କଡ଼ି ମୂତିତା କଡ଼ା ଦହୁଆନି” ଅଡେ “କାମାକିନାସି ତାନି କାମାତି ପାଡେୟି ବେଟାଆନାୟି ମାନେନି □”

୧୯ ରିଆରି କି ତାନି ଜାଣା ସାକିୟାଁ ହିଲୀଆନା ଆମିନି ପ୍ରାଚିନା କପାଟି ଏନ୍ନି କାତା ଖେସ୍ତାତିହଁ ଆହୁଆନି □

୨୦ ଆମିନି ଗାଟାରି ଦହୁ କିନେରି, ଏଞ୍ଜାରାଇଁ ବାରେ ଲକୁ ନକିତା ଲାଗାମୁ, ଏନ୍ନିକଁ ଏଦାଆଁ ମେସାନା ଏଟକାତି ଲକୁ ଆଜିନେରି □

୨୧ ନାମୁ ମାହାପୁରୁ, ନକିତା ଅଡେ କ୍ରୀସ୍ତ ଜୀସୁ ନକିତା ଅଡେ ମାହାପୁରୁ ଆଡିତି ଦୁତୁୟାଁ ନକିତା ଜାଣ୍ଡେ ହୁକୁମି ହାହିମାଞ୍ଜାଇଁ ନୀମୁ ତଲିତିଲେହେଁ ଆଆନା ଇ ବାରେ ମାନ୍ନି ଆପୁ, ଅଡେ ଆମ୍ବାଆରାଇଁ ପାରଡ଼ା କିଆନା ଇ ବାରେ କାମା କିମୁ □

୨୨ ଦାଗା ଆହାନା କେୟୁ ଇଟାହାଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆଟୁଆନି □ ଏଟକା ଲକୁତି ପାପୁତା ଜାହାରାଇଁ ଆଟୁଆନି □ ନୀମୁ ଜାହାରାଇଁ ସୁଦୁ କିହାକତାମୁ □

୨୩ ନୀ ବାଣ୍ଡି ଆଗଁ ହିଲୀଆକି ଅଡେ ନୀ ଆଜାତା ଅଲେ ଅଲେ ରଟା ଆହିମାନାକି ଖାଡ଼ଇ ଏୟୁ ଗହୁଆନି ଅଜୁରି ରାସା ଇଚରା ଲାକା ଗହୁମୁ □

୨୪ ଏଚରଜାଣାତି ପାପୁ ନୀହାୟି କିଆ ନକେଏ, ତଞ୍ଜାଆଡେନ, ଅଡେ ଏଚରଜାଣାତି ପାପୁ ତାୟୁ ତଞ୍ଜାଆଡେନ □

୨୫ ଏଲେକିହଁଏ ସାତା କାମା ତଲିଏ ତଞ୍ଜାଆଡେନ, ଅଡେ ଏନା ଏନାୟି ତଞ୍ଜା ଆଏ, ଏନ୍ନି ତୁଗୁାନା ତୁୟାଲି ଆଡେଏ □



୧ ଏମିନି ଲକୁ ହଲିୟାଜା କୁଖେଡ଼ିତା ହେରଞ୍ଜାମାନେରି, ଏଞ୍ଜାରି ତାନି ସାସୁକାରିୟାଁଇଁ ନେହଁକଁ ମାନ୍ନି ବେଟାଆନାରି ଇଞ୍ଜଁ ଅଣ୍ଡପାପେରି, ଏନ୍ନିକଁ ମାହାପୁରୁ ଦରୁ ଅଡେ ଜାପୁନି ତାଣ୍ଡାଟି ନିନ୍ଦା ଆଏ □

୨ ଅଡେ ଆମିନି ଗାଟାରି ସାସୁକାରିୟାଁ କ୍ରୀସ୍ତାନା ଆହାମାନେରି, ଏଞ୍ଜାରି ଏଞ୍ଜାରାଇଁ ମା ଚାୟି ଇଞ୍ଜଁ ଅଣ୍ଡପାନା ହାଣି କିଆପେରି, ସାମା ହାରେକା ଜାଡୁନୁ ତଲେ ଏଞ୍ଜାରି ସେବା କିପାରି, ଇଚିହଁ ଆମିନି ଗାଟାରି କାମା ତଲେ ଲାବା ବେଟାଆଡେନି, ଏଞ୍ଜାରି ନାନିନାରି ଅଡେ ମା ଜାସୁ ନଜାରି, ଇ ବାରେ କାତା ଜାପୁହାନା ଖେହୁମୁ □

ମିତି ଜାପୁନାୟି ଅଡେ ସାତା ଦନ

୩ ଆମ୍ବାଆସି ଅର ରଲେତି କାତା ଜାପୁହାନା ମା ପୁବୁ ଜୀସୁ କ୍ରୀସ୍ତତି ନେହଁ ବଲୁ ଅଡେ ମାହାପୁରୁ ଆଜିନି କାତାତି ଜାପୁନାୟି ଆହୁଅସି,

୪ ଆତିହଁ ଏଞ୍ଜାସି ଲାଗେଏତି ବଡପଣ ଗାଟାସି, ବୁଦି ହିଲୀଆଗାଟାସି, ବାଦିବାଦା, ଅଡେ ଗଡ଼ହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରା, ଗଡ଼ହା, ରଅଣାଇଁ ଉଜେଏ ନିନ୍ଦା କିନାୟି, ଲାଗେଏ ଆନାମାନା ଆନାୟି ହନେ,

୫ ଇଞ୍ଜା ବୁଦି ହିଲୀଆ ଗାଟାରି ଅଡେ ସାତାତି ପିସା ମାନାରି ବିତ୍ରା କାଲେଏ ବାଦିବାଦା ହନେ, ଇଚିହଁ ମାହାପୁରୁଇଁ ଆଜିନାୟି ଏନ୍ନି ଲାବା ବେଟାଆନ୍ନି ଜିରୁ ଇଞ୍ଜଁ ଏଞ୍ଜାରି ଅଣ୍ଡପିନେରି □

୬ ମାହାପୁରୁଇଁ ଆଜାନା, ନୀଡିନାୟି ନେହେଁ ଆଡିସାରେ ସାତେଏ ଏନ୍ନି ଲାବାଗାଟାୟି;

* ୫:୧୮ ମାତି ୧୦:୧୦; ଲୁକ ୧୦:୬

୭ ଏନାଆଁତାକି ଇତିହାସଂ ମାର ଦାବତତା ଏନାଆଁ ତାତା ହିଲାଆୟି, ଅଡ଼େ ଇ ଦାବତତି ଏନାଆଁ ଅହାଲି ଆତାଆୟି;

୮ ଇଦାଆଁତାକି ବାଣ୍ଟିତି କାଦି ଆଜା ତାକି ହିମ୍ବରକା ମାତିହାଁ ଇଚେକେଏ ସାରି □

୯ ସାମା ଆମ୍ବାଆରି ଗାତି ବାଡ଼କାଲି ଅଣ୍ଟାପିନେରି, ଏଞ୍ଜାରି ତାୟିପାରି କିନି ତାଣା ଅଡ଼େ ପାନ୍ଦାତା ହେରୁଜାନା, ଅଡ଼େ ବୁଦି ହିଲାଆଗାଟି ନାୟାକିନି ଅଣ୍ଟାପୁତି ପାନ୍ଦାତା ହେରୁନେରି, ଇ ବାରେ ମାଣ୍ଟସିଲ୍ ବୁଡ଼ଞ୍ଜି ଆନ୍ତିଞ୍ଜାକି ଅଡ଼େ ନାୟା ଆନ୍ତିଞ୍ଜାକି ଅନେନି □

୧୦ ଏନାଆଁତାକି ଇତିହାସଂ ଦନତି ଜୁପକା ବାରେ ଲାଗେଏତି ମୂଲୁ; ଆମ୍ବା ଆମ୍ବାଆରି ଏମ୍ବାଆଁ ଜୁପକା ଆହାନା ଦାମ୍ବୁତି ନାମୁ ପିସାନା ଜିରୁ ବାଣା ଆହାମାନେରି, ଇଞ୍ଜା ହାରେକା ବୁକୁଡ଼ଲେ ତାମି ହିୟାଁତା ବୁକୁ କିହାମାନେରି □

ପାଞ୍ଜୁଲତି ରାପ୍ତନି କାତା

୧୧ ସାମା ଏ ତିମତି ନୀନୁ ର ମାହାପୁରୁ ଲକୁତି, ନୀନୁ ଇ ବାରେ ତାଣାଟି ହେକ ଆହାନା ଦାମ୍ବୁ ଗାଗାତି, ମାହାପୁରୁ ଉଜିନାୟି, ନାନିନାୟି, ଜୀଞ୍ଜୁନନାୟି, ସାୟା, ଅରୁହିନାୟି, ଇ ବାରେ ନେହାଁ ଗୁଣୁତା ତାକାମୁ □

୧୨ ନାମୁତି ନେହାଁ ଜୁକୁତା ଜୀଞ୍ଜୁ ତୁସାନା ଜୁକୁ କିମୁ, କାଲାକାଲାତି ଜୀଞ୍ଜୁ ଆସାନା ଇଗାମୁ; ଏନାଆଁତାକି ନୀନୁ ହାଟକି ଆହାମାଞ୍ଜି ଅଡ଼େ ହାରେକା ସାକିୟାଁ ନକିତା ନେହାଁ ସାକି ହୀହାମାଞ୍ଜି □

୧୩ *ବାରେତି ଜୀଞ୍ଜୁହୀନି ମାହାପୁରୁ ନକିତା, ଅଡ଼େ ପନ୍ତିୟ ପିଲାଡ଼ ନକିତା ନେହାଁ ସାକି ହୀନି କ୍ରୀସୁ ଜୀସୁ ନକିତା ନୀନୁ ନିଜେ ହୁକୁମି ହୀହିମାଞ୍ଜାଲ୍,

୧୪ ନୀନୁ ମା ପ୍ରବୁ ଜୀସୁ କ୍ରୀସୁତି ଖାନ୍ତି ଦିନା ପାଡେକା ଦାମ୍ବୁତି ମେରା ମାନୁଞ୍ଜି ଆହାନା ଏନ୍ତି ପାପୁ ଅଡ଼େ ନିନ୍ଦା ହିଲାଆଗାଗାଟି ଆହାଁ ତୁୟାମୁ □

୧୫ ଏଞ୍ଜାସି ହାରେକା ନେହାଁସି, ରଅସିଏ ବାରେକିହାଁ କାଜା ସାଲୁଞ୍ଜି କିନାସି, ଏଞ୍ଜାସିଏ ରାଜା କିହାଁ ରାଜା ଅଡ଼େ ପ୍ରବୁ କିହାଁ ପ୍ରବୁ,

୧୬ ଏଞ୍ଜାସିଏ ରଅସି ହାଆଗାଗାସି ଅଡ଼େ ମେସାଲି ଆଡ଼ାଆଗାଟି ଉଜେଡ଼ିତା ମାନେସି, ଏତେଲାଞ୍ଜା ଏଞ୍ଜାଣାଲ୍ ଆମ୍ବାଆସି ମେସାହିଲଅସି କି ମେସାଲି ଆଡ଼ଅସି, ଏଞ୍ଜାସି ତୀରିକିତି ଦିନାତା ଏଦାଆଁ ତହୁନେସି; କାଲାକାଲାତାକି ତାନି ସାମୁ_ମି ଅଡ଼େ କାଜାପାଣା ତଞ୍ଜା ଆପେ □ ଆମେନି □

୧୭ ଆମିନି ଗାଗାରି ଇ ଜୁଗୁତା ବାଡ଼କିତାରି, ଏଞ୍ଜାରି ଏନ୍ତିକାଁ ଆକାରା ଆଅରି ଅଡ଼େ କାରେଲଏ ତୁୟାଆ ଦନ ଲାକ ବାସୁଁ ଇଚଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଜେ ଲଡ଼ାମାନାଣି ହିୟାନେସି, ଏଞ୍ଜାଣି ତାଣା ବାସୁଁ ଇଚିନେରି,

୧୮ ଅଡ଼େ ଏଟକା ଲକୁତି ସାୟେମି କିହାନା ନେହାଁ କାମା ତଲେ ବାଡ଼କୁ ଗାଗାରି ଆନେରି ଅଡ଼େ କେୟୁ ଦେତାନା ଅଡ଼େ ରାହାଁଟି ଦାନା ହୀହାଲି ଅଣ୍ଟାପିନେରି, ଏଦାଆଁତାକି ଏଞ୍ଜାଣାଲ୍ ହୁକୁମି ହୀମୁ;

୧୯ ଇଲେ କିତିସାରେ ଏଞ୍ଜାରି ତାମି ଖାହିମାନି ଜୀଞ୍ଜୁତାକି ନେହାଁ ପୁନାଦି କିହାମାନେରି, ଏନ୍ତିକାଁ ଏଞ୍ଜାରି ସାତା ଜୀଞ୍ଜୁ ବେଗାଆନେରି □

୨୦ ଏ ତିମତି, ନିଜେ ଏନା ଏନାୟି ହୀପକି ଆହାମାଞ୍ଜାନେ, ଏଦାଆଁ ଜାଡ଼ୁନୁ କିହାଁ ଇଗାମୁ; ଉଜେଏତି କାତାୟାଁ ଅଡ଼େ ସାତା କାତାତି ବୁଦିତାଣି ବାସୁଁ ଆନାରି ତାଣାଟି ହେକ ଆମୁ;

୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନୁଞ୍ଜି ଆଆନା ନାମୁତି ଜିରୁ ବାଣା ଆହାମାନେରି □ କାର୍ମାମେହନାୟି ନୀ ତଲେ ମାଣ୍ଟମେ □

ତୀମଥ୍ୟୁଙ୍କ ନିକଟକୁ ପାଉଲଙ୍କ ଦ୍ଵୀତୀୟ ପତ୍ର ତିମତି ତାଣ୍ଡା ପାଞ୍ଚୁଲ ରାଡ଼ାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତମ ଆକୁ ପାଞ୍ଚୁଲ ତାଣ୍ଡାଟି ତାନି ସୀସୁ ତିମତି ତାଣ୍ଡା ରାଡ଼ାମାନି ଆକୁ ଠିମତି ରୀ ଲମ୍ବର ଆକୁ ପାଞ୍ଚୁଲତି ବାରେତି କିହାଁ ତାମୁ ରାଡ଼ିତି ଆକୁ ଠି ଇଦି ପାଞ୍ଚୁଲତି ଜୀଞ୍ଵୁ ରାନି ବେଲାତା ରାସ୍ଵକି ଆହାମାଣ୍ଡିନେ ଠି ଏତିବେଲାତା ଏଞ୍ଵାସି ରମ୍ ଗାଡ଼ାତି କାୟିଦି ଇଲୁତା ମାତେସି ୧:୧୭ ପାଞ୍ଚୁଲ ତିମତି ତଲେ ହାରେକା ଜାଟୁ ମାତେ, ଅଡ଼େ ବାରେବେଲା ଏଞ୍ଵାଣାଇଁ ମୀର୍-ଏଣା ଲେହେଁ ରାଡ଼ିମାନେସି ପିଲିପି ୨:୨୨; ୧ତିମ ୧:୨; ୧:୧୮ ଠି

ଇଦି ପାଞ୍ଚୁଲ ରାଡ଼ାମାନି ସାଡ଼ିଗଟା ଆକୁ ବିତ୍ରାଟି କୁଲମିତି ପିସାନା ର ମାଣସିକି ରାଡ଼ିମାନେସି ଠି ଅଡ଼େ ଏଟକାତି ତାନିଗଟା ଆକୁ ତିମତି ମୂଲୁ ଆକୁ, ତିତସ, ଅଡ଼େ ପିଲିମନ ଠି ତିମତି ରୀ ଲମ୍ବର ଆକୁ ରାଡ଼ିତି ବେଲାତା ରମ୍ ଗାଡ଼ାତା ସାଲୁଞ୍ଵି କିନାରି ହାରେକା ସାସ୍ତି ହୀହିମାତେରି ଠି ଇଲେତି ସାସ୍ତି ଆହିମାଟାକି ପାଞ୍ଚୁଲ କାୟିଦିତା ତୟମାତେସି ଠି ମୂଲୁତି ଆକୁ ଲେହେଁ ପାଞ୍ଚୁଲ ତିମତିଲ୍ ମିତି ଜାପୁନାରି ତାଣ୍ଡାଟି ଜାଗ୍ରାତା ଆହାଲି ଝେସିମାନେସି ଠି ୧ତିମ ୧:୧୬-୧୮ ପାଞ୍ଚୁଲ ତିମତିଲ୍ ଏଲେଇଞ୍ଞି ମାନେସି ତାମୁ ହାରେକା କସ୍ତୁତି ଦିନା ମାନେ ୩:୧ ଠି

ପତିତା ମାନାୟି

- ୧ ପାଞ୍ଚୁଲ ତିମତିଲ୍ ଜହରା କିହାନା ମାଟୁନାୟି ଅଡ଼େ ଏଞ୍ଵାଣାଇଁ ସାସା ହୀନାୟି ଠି ୧:୧-୧୮
- ୨ ପାଞ୍ଚୁଲ ତିମତିଲ୍ କସ୍ତୁ ଅର୍ହାଲି ସାସା ହୀହିମାନେସି ଠି ୨:୧-୧୩
- ୩ ତିମତିଲ୍ ଏତେକା କାତା ଝେହନାୟି ଠି ୨:୧୪-୨୬
- ୪ ରାନି ଦିନାତା ଗଟ୍ଢି ଆନାଆଁ ଅଡ଼େ ସାତା ଜିରୁ ବାତି କିହାଲି ଜାଗ୍ରାତା କିନାୟି ଠି ୩:୧-୪:୮
- ୫ ପାଞ୍ଚୁଲ ତିମତିଲ୍ ଏତେକା ଅଣ୍ଡପୁତି କାତା ଝେସାନା ଆକୁତି ରାପୁନାୟି ଠି ୪:୯-୨୨

୧ ନାନୁ ପାଞ୍ଚୁଲ, ଜୀସୁ ଜୀସୁ ତାଣ୍ଡା ମାନି ଜୀଞ୍ଵୁତି ଆଞ୍ଝାମାନି ଲେହେଁ, ମାହାପୁରୁ ଅଣ୍ଡପୁ ତଲେ ଜୀସୁ ଜୀସୁତି ର ପାଣ୍ଡୁଞ୍ଵି ଆହାମାନାତେର୍ଷ ଠି

୨ *ତିମତି, ନା ଜୀଞ୍ଵୁତି ମୀର୍-ଏଣାଟି ଆବା ମାହାପୁରୁ ଜୀସୁ ଜୀସୁ ତାଣ୍ଡାଟି କାର୍ମାମେହନାୟି ଅଡ଼େ ହିଡ଼ି ଜୀଞ୍ଵୁ ନିଜେଟାକି ଆୟାପେ ଠି

ମାହାପୁରୁଲ୍ ଜହରା ଅଡ଼େ ବାସୁଁ ହୀନାୟି

୩ ମା ତଲିତି ଆକୁ ଆବାୟାଁ ଲେହେଁ ନାନୁ ସୁବୁ ଅଣ୍ଡପୁ ତଲେ ମାହାପୁରୁଲ୍ ସେବା କିହିମାଲ୍, ନାନୁ ଏ ମାହାପୁରୁ ତାଣ୍ଡା ଲାଆଁ ମାଦେନା ପ୍ରାତାନାତା ନୀ ଦରୁ ରାଡ଼ାହାଁ ମାହାପୁରୁଲ୍ ଜହରା କିହିମାଲ୍;

୪ ଏନିକ୍ ନା ରାହାଁ ଗାଡ଼ିଆନେ, ଇଦାଆଁତାକି ନୀ କାଣ୍ଡୁ ଅଣ୍ଡପାନା ନିଜେ ମେସାଲି ତାକି ହାରେକା ମନ କିହିମାଲ୍;

୫ *ଇତିହଁ ଆମିନି କୁଟୁ ହିଲିଆଗାଟି ନାମୁ, ମୀ ବାୟି ଲୟି ଅଡ଼େ ମୀ ଲୟା ଇଞ୍ଵୁନିକି ତାଣ୍ଡା ମାତେ, ଅଡ଼େ ନୀ ତାଣ୍ଡା ଜିକେଏ ମାନେ ଇଞ୍ଞିହଁ ନା ହାରେକା ନାମୁ, ନୀ କୁଟୁ ହିଲିଆ ନାମୁତି କାତା ନାନୁ କାଟୁ ବେଟାଆହାମାଲ୍ ଠି

୬ ନାନୁ ନୀ ଲାକ କେୟୁ ଇଟାଟି ବେଲାତା ନାନୁ ମାହାପୁରୁ ତାଣ୍ଡାଟି ଆମିନି ବର ବେଟାଆଡ଼ି ଏଦାଆଁ ଜାଡ଼ୁ କିହାଁ ଇଟାଲି ନାନୁ ନିଜେ ଅଣ୍ଡପି କିହିମାଞ୍ଝାଇଁ ଠି

୭ ଇତିହଁ ମାହାପୁରୁ ମାଜେ ଆଜିନି ଜୀଞ୍ଵୁ ହୀହିମାଞ୍ଝଅସି, ସାମା ବାଡ଼ୁୟୁ, ଜୀଞ୍ଵୁ ନନାଣି, ଅଡ଼େ ନେହଁ ଅଣ୍ଡପି କିନି ଜୀଞ୍ଵୁ ହୀହିମାଞ୍ଝାନେସି ଠି

୮ ଏଦାଆଁତାକି ମୀର୍ ପ୍ରବୁତି କାତାତା ସାକି ହୀହିଲି ଅଡ଼େ ନାନୁ ପ୍ରବୁ ତାକି କାୟିଦି ଇଲୁତା ଦସ୍ପି ଆହାମାଲ୍, ନା ତାକି ଲାଜା ଆଆନି, ସାମା ମାହାପୁରୁ ହୀହିମାଞ୍ଝାନି ବାଡ଼ୁୟୁ ତଲେ ନେହଁ କାଟୁ ଝେକ୍ଵାଲି ବେଟାଆହାମାନି କସ୍ତୁତି ଅର୍ହାମୁ ଠି

୯ ଏଝାସି ମାଙ୍ଗେ ଗେଲ୍‌ପା ମାଞ୍ଜାନେସି, ଅଡ଼େ ନା ନେହ୍ ଲକ୍ଷ୍ମତେରି ଇଞ୍ଜିହ୍ ହାଟାମାଞ୍ଜାନେସି; ଅଡ଼େ ମା କିହାମାନି କାମା ଲେହେଁ କିହାଁ ମାଞ୍ଜଅସି, ସାମା ତାନି ଅଣ୍ଟାପୁ ତଲେ ତାନୁ କାର୍ମା ମେସ୍ତାନି ଲେହେଁ କିହାଁ ମାଞ୍ଜାନେସି; ଏ କାର୍ମା ତଲି କାଲ୍ଲା ନକେଏ କ୍ରୀସ୍ତ ଜୀସୁ ତାଣ୍ଡାଟି ମାଙ୍ଗେ ହୀଝି ଆହାମାଟେ, ୧୦ ସାମା ନୀର୍ଦ୍ଦା ମା ଗେଲ୍‌ପାନି କ୍ରୀସ୍ତ ଜୀସୁ ଦାରୁତିତା ଝାହାମାନାକି ମାଙ୍ଗେ ତସାମାଞ୍ଜାନେସି; ଏଝାସି ହାକିତି ମ୍ଲେକ୍‌ହା ମାନେସି; ଅଡ଼େ ତାନି ନେହ୍ କାବୁତଲେ ଜୀସୁ ଅଡ଼େ ହାଆଗାଟାଣି ଉଜେଡ଼ିତା ତସାମାନେସି □

୧୧ ଇ ନେହ୍ କାବୁ ଝେକ୍‌ହାନା ତେଲ୍‌ହିକିହାଲି ମାହାପୁରୁ ନାଙ୍ଗେ ର ପାଣ୍ଡୁଣ୍ଡିଆଡ଼ି ସୀସୁ ଇଞ୍ଜା ଜାପୁନାସି ଲେହେଁ ହେରପା ମାଞ୍ଜାନେସି □

୧୨ ଏଦାଆଁତାକି ନାନୁ ଇ ବାରେ ଦୁକୁ ବେଟା ଆହିମାଲ୍; ଆଡ଼ିକିକେଏ ନାନୁ ଆଜା ହିଲଅଁ, ଇଚିହ୍ ନାନୁ ଆମ୍ବାଆରି ତାଣା ନାମାମାଲ୍, ଏଝାଣାଲ୍ ପୁଞ୍ଜାମାଲ୍, ଅଡ଼େ ନାନୁ ତାନି କେମୁତା ଏଦାଆଁ ହେରପାମାଲ୍, ବିଚାରା ଦିନା ଖାନ୍ନି ପାତେକା ଏଦାଆଁ ଏଝାସି ଜାଡ଼ନୁ ତଲେ ଇଟାଲି ଆଡ଼ିମାନେସି, ଇଦାଆଁ ନାନୁ ତୀରପୁତଲେ ନାନିମାଲ୍ □

୧୩ ନା ତାଣ୍ଡାଟି ଆମିନି ନେହ୍ ବଲ୍ଲୁ ଝେଞ୍ଜାମାଞ୍ଜି, କ୍ରୀସ୍ତ ଜୀସୁ ତାଣ୍ଡାଟି ନାମୁ ଇଞ୍ଜା ଜୀସୁ ନନ୍ଦାଣି ଏଦାଆଁ ନେହ୍ କ ଆସା ମାନାମୁ □

୧୪ ଆମିନି ନେହ୍ କାତାତି ଦାୟିପତି ନିଙ୍ଗେ ହୀପୁକି ଆହାମାଞ୍ଜାନେ, ମା ତାଣା ବାସା କିହିମାନି ସୁଦୁଜୀସୁତି ବାଡ଼ୁଲୁ ତଲେ ଏ ବାରେତି ଜାଡ଼ନୁ କିହା ଇଟାମୁ □

୧୫ ନାନୁ ପୁଞ୍ଜାମାଞ୍ଜି; ପୁଗେଲ ଅଡ଼େ ହର୍ମାଗେନା ତଲେ ଆସିୟାତି ବାରେ ଲକ୍ଷ୍ମ ନାଙ୍ଗେ ପିସା ମାଞ୍ଜାନେରି □

୧୬ ଅନିସିପର କୁଟମିତି ପୁରୁ କାର୍ମା ମେସ୍‌ପେସି, ଏଦାଆଁତାକି ଇଚିହ୍ ଏଝାରି ଅଲେ ଅଲେ ଝାହାନା ନା ଦୁକୁ ତୁକ୍‌ହାତେରି, ଇଚିହ୍ ନାନୁ କାୟିଦି ଇଲ୍ଲୁତା ମାଟିହ୍ ଜିକେଏ ଲାଜା ଆହାହିଲଅରି,

୧୭ ରମ୍ ଗାଡ଼ାତା ଏଜାଲିଏ ଏଝାସି ନାଙ୍ଗେ ପାରାନା ନା ତାଣା ଝାଡେସି,

୧୮ ରାନ୍ନି ଦିନାତା ଏନିକ୍ ମାହାପୁରୁ ତାଣ୍ଡାଟି କାର୍ମା ବେଟାଆନେସି, ଏଲେକ୍ ମାହାପୁରୁ ଏଝାଣାକି କାର୍ମା ଆପେସି, ଅଡ଼େ ଏଝାସି ଏପିସିୟ ଗାଡ଼ାତା ନାଙ୍ଗେ ଏନିକ୍ ସେବା କିହାମାଞ୍ଜାନେସି, ଏଦାଆଁ ନାନୁ ନେହ୍ କ ପୁଞ୍ଜାମାଞ୍ଜି □

୨

କ୍ରୀସ୍ତ ଜୀସୁତି ନେହ୍ ଜୁଜୁ କିନାସି

୧ ଏଦାଆଁତାକି ଏ ନା ଜୀସୁତି ମୀରୁଏଣାତି, କ୍ରୀସ୍ତ ଜୀସୁତଲେ ଆଣ୍ଡିତାକି ତାନି କାର୍ମାମେହ୍‌ନି ତାଣ୍ଡାଟି ଆମିନି ବାଡ଼ୁଲୁ ମେଡ଼ା ଆନେ ଏମ୍ବାଆଁ ନାନୁ ବାଡ଼ୁଲୁ ଗାଟାତି ଆମୁ,

୨ ଅଡ଼େ ହାଡ଼େକା ସାକିୟାଁ ନକିତା ଆମିନି ବାରେ କାତା ନା ତାଣ୍ଡାଟି ନାନୁ ଝେଞ୍ଜାମାଞ୍ଜି, ଅଡ଼େ ଏମିନିଗାଟାରି ଏଟ୍‌କା ଲକ୍ଷ୍ମଜି ଜିକେଏ ଜାପୁହାଲି ଆଡ଼ିନାରି, ଏଲେତି ନାମୁଗାଟି ଲକ୍ଷ୍ମ ନକିତା ଇ ବାରେ ହେରପାମୁ □

୩ ନାନୁ କ୍ରୀସ୍ତ ଜୀସୁତି ର ନେହ୍ ଜୁଜୁ କିନାତି ଲେହେଁ ଏଝାଣି ତାକି କସ୍ତ ଅରୁହାମୁ □

୪ ଆମ୍ବାଆସି ଜୁଜୁକିନି କାମାତା ମାଞ୍ଜାନା, ଦାରୁତିତ ଏଟ୍‌କା କାମାତା ହେରପି ଆଅସି, ଏନିକ୍ ଏଝାସି ତାନି ମୁହେଁତି କାଜାଣାଲ୍ ରାହାଁ କିନେସି □

୫ ଅଡ଼େ ଆମ୍ବାଆସି କାହୁ ତାକି ବାଡ଼ୁହାଲି ଆନେସି, ଏଝାସି ମେରା ତଲେ କାହାଆସାରେ ଜୀଣା ଆଅସି □

୬ ଆମିନି ତାସା କାମାକିନାସି ଝାହୁ ତଲେ କିନାସି, ଏଝାସି କାମାତି ମୁଲୁତି ବାଗା ବେଟାଆନାୟି ମାନେ □

୭ ନାନୁ ଏଦାଆଁ ଝେସିମାଞ୍ଜାଲ୍, ଏଦାଆଁ ଅଣ୍ଟାପୁ; ଇଚିହ୍ ପୁରୁ ନିଙ୍ଗେ ବାରେ ପୁଞ୍ଜାଲି ବୁଦି ହିୟାନେସି □

୮ ନା ତାଣ୍ଡାଟି ଝେସିଆହାମାନି ନେହ୍ କାବୁ ଲେହେଁ ହାଡ଼ାରି ତାଣ୍ଡାଟି ନିଙ୍ଗିତାଣି ଅଡ଼େ ଦାସୁଦ କୁଡ଼ାତା ଜାନା ଆହାମାନି ଜୀସୁ କ୍ରୀସ୍ତଲ୍ ଅଣ୍ଟାପୁ □

☆ ୧:୧୧ ୧:୧୧ ୧ତମ ୨:୭

୯୯ ଛ ନେହଁ କାବୁତାକି ନାନୁ ଦହଗାଟି ଲକୁ ଲେହେଁ କାୟିଦି ଇଲୁତା ଦସ୍‌ପିଆନି ପାତେକା କସ୍ତ ବେଟା ଆହିମାଈ; ସାମା ମାହାପୁରୁତି ବଲୁ ଦସ୍‌ପି ଆହା ହିଲେଏ □

୧୦ ଛଦାଆଁତାକି ମାହାପୁରୁ ଆଡ଼ାମାନି ଲକୁ ଜିକେଏ ଏନିକଁ କାଲ୍ଲକାଲ୍ଲାତି ଗାଝୁରମି ତଲେ କ୍ରାସ୍ତ ଜୀସୁ ହାହାମାନି ଗେଲୁପି ଆନାଣି ବେଟାଆନେରି, ଏଦାଆଁତାକି ନାନୁ ଏଝାରି ତାକି ଛ ବାରେ ସାସାତଲେ କସ୍ତ ଅରହିମାଈ □

୧୧ ଛ କାତା ସାତା
“ମାରୁ କ୍ରାସ୍ତ ତଲେ ହାହାମାନାୟି,
ଅଡ଼େ ଏଝାଣିତଲେ ଜିକେଏ ନୀତିନାୟି;

୧୨ ଅଡ଼େ ମାରୁ ସାସାଆସାଁ କସ୍ତ ଅରହିନାୟି,
ଆତିହଁ ଏଝାଣିତଲେ ଜିକେଏ ସାଲୁଝି କିନାୟି;

ମାରୁ ଏଝାଣାଈଁ ପୁଞ୍ଜାହିଲଅମି ଇନାୟି,
ଆତିହଁ ଏଝାସି ଜିକେଏ ମାଈଈଁ ପୁଞ୍ଜାହିଲଅଁ ଇଞ୍ଜାନେସି;

୧୩ ଏଚେତା ମାରୁ ନାମାଆ ଗାଟାତାୟି ଆନାୟି,
ଆଡ଼ିଜିକେଏ ଏଝାସି ବାରେବେଲା ଟିକାଣାତାସି,
ଈତିହଁ ଏଝାସି ଜାହାରାଈଁ ଆଏ ଇଞ୍ଜାଲି ଆଡ଼ଅସି □”

ନାମୁତି କାମାକିନାସି

୧୪ ନାନୁ ବାରେ ନାମୁ ଗାଟାରାଈଁ ଛ ବାରେ କାତା ମାହାପୁରୁଈଁ ଅଣସି କିମ୍ପୁ, ସାଡ଼େସ୍ତରିତି କାତା ଉଜେଏ ବାଦିବାଦା ଆନି ତାଣାଟି ଜାଗ୍ରାତା କିମ୍ପୁ, ଇଲେତି ବାଦିବାଦା ଆମ୍ପାଆରାଈଁ ନେହଁ କିଏ, ସାମା ଆମ୍ପାଆରି ଏମ୍ପାଆଁ ମନ୍ ହାନେରି ଏଝାରି ନାସା ଆନେରି □

୧୫ ସାତା ବଲୁ ଟିକାଣା ତଲେ ଲେମ୍ପାନା, ଆମିନି କାମାକିନାସି କାମାତା ଏନିକଁ ଲାଜା ଆଅସି, ଏଝାଣିଲେହେଁ ମାହାପୁରୁ ନକିତା ଜାହାରାଈଁ ତାୟିପାରିତା ଜାଣା ଆହାମାନି ଲେହେଁ ତସାଲି ଜାଡ଼ନୁ କିମ୍ପୁ □

୧୬ ସାମା ଲାଗେଏତି ଉଜେଏତି କାତାୟାଁ ବାସଁ ଆନି ତାଣାଟି ହେକ ତୁୟାଦୁ; ଈତିହଁ ଆମ୍ପାଆରି ଏଲେତି କାମା କିନେରି, ଏଝାରି ଲାଗେଏତି କାମାତା ହାରେକା ପାତା ଆନେରି,

ଅଡ଼େ ଏଝାରି କାତା ସୀରନି ଗାଈଁ ଲେହେଁତାୟି; ଏଝାରି ବିତ୍ରାଟି ହୁମନାୟ, ଅଡ଼େ ପିଲିତ, ଇ ରିଆରି ମାନେରି □

୧୭ ଏଝାରି ହାହାନା ଝେଣ୍ଡେ ନିଜିତାୟିଏ ଇଞ୍ଜଁ ସାତାତି ପିସାମାନେରି, ଅଡ଼େ ଏଚରଜାଣାତି ତାମି ନାମୁତି ତୀରି ମୁପୁହି ମାନେରି □

୧୮ ଆଡ଼ିଜିକେଏ, ମାହାପୁରୁ କେପିତି ପୁନାଦି ଆଡ଼ଝା ଆହାନା ତୁୟାମାନେ, ଅଡ଼େ ଏ ଝାଲିତା ଛ ବୁରୁ ମୁଦା ଆହାମାନେ, “ପ୍ରବୁ ତାନି ଲକୁଣି ପୁଞ୍ଜାମାନେସି” ଅଡ଼େ, “ଆମ୍ପାଆସି ପ୍ରବୁତି ଦରୁ ଆହନାସି, ଏଝାସି ଲାଗେଏ ତାଣାଟି ହେକ ମାଣ୍ଡେସି ପ”

୧୯ ର କାଜା ଇଜ ଝାରୁଇ ବାଂଗାରା ଝେଣ୍ଡିତି ତ:କା ମାଣ୍ଡି ମାନୁ, ଏଚେକା ଆଏ, ଅଡ଼େ ମାରୁକା ଇଞ୍ଜା ଇରୁଆତି ତ:କା ମାଣ୍ଡି ଜିକେଏ ମାନୁ; କଚେକା ତ:କା ମାଣ୍ଡି କାଜା କାଜା କାମାତାକି ମାନୁ, ଅଡ଼େ କଚେକା ଉଜେଏ ଦିନା ଲେମ୍ପାଲି ତାକି ମାନୁ □

୨୦ ଛଦାଆଁତାକି ଆମ୍ପାଆସି ଏ ବାରେ ତାଣାଟି ଜାହାରାଈଁ ଅଡ଼ହା କତିନେସି, ଏଝାସି ହେରୁପି ଆହାନା, ସାଝୁକାରି କାମାତା ପାଡ଼ାଆନେସି, ଏଝାସି ବାରେ ନେହଁ କାମାତାକି ଆଡ଼ା ଇଟାମାନି ମାନିଗାଟି ତ:କା ମାଣ୍ଡି ଲେହେଁ ଆନେସି □

୨୧ ସାମା ନାନୁ ଦାଂଗଣା ବେଲା ଲାଗେଏତି ଜୁପକାଟି ହେକ ଆମ୍ପୁ, ଆମ୍ପାଆରି ସୁରୁ ହିୟାଁ ତଲେ ପ୍ରବୁ ତାଣା ପ୍ରାତାନା କିନେରି, ଏଝାରିତଲେ ଦାମ୍ପୁ, ନାମ୍ପୁ, ଜୀଝୁ ନନାଣି, ଅଡ଼େ ହିଡ଼ଡ଼ି ଜୀଝୁ ଜେତ ହାଲ୍ଲାମ୍ପୁ □

୨୨ ବୁଦି ହିଲ୍ଲାଆ ମୁକୁଁ ଗାଟାରି ବାଦିବାଦା ଗଡ଼ହା କିନେ, ଛଦାଆଁ ପୁଞ୍ଜାନା ଏ ବାରେ ତାଣାଟି ହେକ ଆମ୍ପୁ □

୨୩ ମାହାପୁରୁତି ହଲେଏସି ଗଡ଼ହା କିନାୟି ନେହେଁ ଆଏ, ସାମା ବାରେଜାଣାତି ହିଡ଼ଡ଼ି ହାଡ଼ା ଜାପୁନାସି, ଅଡ଼େ ଅରହିନାସି ଇଞ୍ଜା ମା କପାଟି ନିଜିନି ଲକୁଣି ହିଡ଼ଡ଼ି ହାଡ଼ାତଲେ ଜାପୁନାସି ଆନାୟି ମାନେ,

୨୫ ଅତ୍ତେ ଗଡ଼ହା ଗାଟାରାଇଁ ସୁଦୁ ସୁଖାଲା ତଲେ ଲେଦିନାସି ଆନାୟି ମାନେ, ଆତିହୁଁ ଏଝାରି ସାତାତି ବୁଦି ପୁଞ୍ଜାଲି, ମାହାପୁରୁ ଏଝାରାଇଁ ମନୁ ଝେଟ୍ଟନି ଅଣ୍ଟପୁ ହାନେସି,

୨୬ ଅତ୍ତେ, ଆମିନି ସୟତାନ ଏଝାରାଇଁ ତାନି ଅଣ୍ଟପୁ ତଲେ କିହାଲି ଦସପାମାନେ, ଏମ୍ବାତି ଏଝାରି ସେଟ୍ଟନା ଆହାନା ଏ ପାନ୍ଦାଟି ଗେଲ୍ଲପି ଆନ୍ଦେରି □

୩

ରାନ୍ଦି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନ୍ଦି ଦିନାତା ନାସା ଆନି ଦିନା ଝାନ୍ଦେ;

୨ ଇତିହୁଁ ଲକୁ ତାମୁ ଜାହାରାଇଁ ଅଣ୍ଟପା କତିନେରି, ଦନ ଜୁପକା, ଜୀଝୁତା ବତପଣ, ଆଙ୍କାରା, ନିନ୍ଦା କିନେରି, ତାଲି ତାଞ୍ଜି କାତା ଆହୁଅରି,

୩ ରାହୁଁ ଆଆଗାଟାରି, ଦାମୁଁ ହିଲାଆ ଗାଟାରି, ଜୀଝୁ ନଆଗାଟାରି, ଆଣ୍ଡି ଆନାୟି ହିଲାଆ ଗାଟାରି, ଲାଗେଏ କାତା ଝେସାନା ଲକୁଣି ନାଡ଼ିକିନାରି, ଦେବୁଣିଏ କପା ଆନାରି, ବାଡ଼ୟୁ ତସାନା ଆଜି କିନାରି, ନେହୁଁ କାତାତି ଅପାଆଗାଟାରି ଆନ୍ଦେରି;

୪ ଅତ୍ତେ ଏଝାରି ହାରୁ ଦାଝଅନାରି, ତାୟୁ ଏସକି ଅଣ୍ଟପାଆ ଗାଟାରି, ବତପଣ ଗାଟାରି ଆନ୍ଦେରି, ଅତ୍ତେ ମାହାପୁରୁ ଜୀଝୁ ନନାରି ଆଆନା ଦାବୁତିତି ରାହୁଁତି ଜୀଝୁ ନନାରି ଆନ୍ଦେରି;

୫ ଏଝାରି ମାହାପୁରୁତି ଆଜିନି ମେରା ଆହନେରି ସାମା ଏମ୍ବାତି ବାଡ଼ୟୁତି ଆସାଲି କୁନେରି; ଇଲେତି ଲକୁ ତାଣାଟି ହେକ ମାନାମୁ □

୬ ଇତିହୁଁ ଇଝାରି ତାଣା ଇଲେତି ଲକୁ ମାନେରି, ଏମିନିଗାଟାରି ଇଲକା ତାକି ଇଲକା ହଡ଼ିହୁଁ ପାପୁତି ବଜୁତା ଅତ୍ତେ ତାମି ମନୁତି ଜୁପକା ଗାଟି ଅଣ୍ଟପୁ ତଲେ ତାକିନି ବୁଦି ହିଲାଆଗାଟି ଇୟାସିକାଣି ତାମି ତାଣା ଇତିନେରି;

୭ ଇ ଇୟାସିକା କାଟ୍ଟଲଏ ଜାପିମାଟି ଜିକେଏ, ଏଚେଲା ସାତାତି ପୁଞ୍ଜାଲି ଆଡ଼ାତା □

୮ ଏନିକଁ ଜନସି ଅତ୍ତେ ଜାମ୍ବି_ସ ମସା କପାଟି ନିଜାମାଟେରି, ଏଲେକିହୁଁ ଏଝାରି ଜିକେଏ ସାତାତି ଆଜିନେରି, ଏଝାରି ତାୟୁଁ ଲାଗେଏ ଆହାମାନେ ଅତ୍ତେ ଏଝାରି ଦାମୁତି ନାମୁ ଉଜେଏ ଆହାମାନେ □

୯ ସାମା ଏଝାରି ଅତ୍ତେ ହାଡ଼େକା ଆଗାଡ଼ା ହାଲଅରି; ଇତିହୁଁ ଏ ରିଆରି ଏଝାରି ବୁଦି ହିଲାଆଗାଟାରି ଇଞ୍ଜୁଁ ର ଦିନା ବାରେଜାଣା ପୁନେରି, ଜନସି ଅତ୍ତେ ଜାମ୍ବି_ସ ଜୀଝୁତା ଏନାୟି ଗଟାଞ୍ଜି ଆହାମାଟେ, ଏଝାରି ଜୀଝୁତା ଏଦିଏ ଆନ୍ଦେ □

ରାନ୍ଦିବେଲାତି କାତା

୧୦ ସାମା ନାନୁ ନା ଜାପୁନାଣି, ମାଣ୍ଡକି, ନା ଅଣ୍ଟପୁ, ନା ନାମୁ, କସୁ ଅରୁହିନାଣି, ଜୀଝୁ ନନାଣି, ଅରୁହିନାୟି,

୧୧ ଏସାସି ବେଟା ଆଡ଼ାଣି, ଦୁକୁ କସୁ ବେଟା ଆଡ଼ାଣି, ଇ ବାରେ ଆସାମାଞ୍ଜି; ଆଣ୍ଡିୟକିୟା, ଇକନିୟ, ଅତ୍ତେ ଲୁସ୍ତାତା, ନା ତାକି ଏଲେକିହୁଁ ଏ ନିନ୍ଦା କସୁ ଆହାମାଟେ; ଏଦାଆଁ ନାନୁ ଅରୁହା ମାଟେଏଁ, ଅତ୍ତେ ପୁରୁ ନାଜେ ଏ ବାରେଟି ଗେଲ୍ଲପା ମାଞ୍ଜାତେସି □

୧୨ ସାତେଏ ଆମିନି ଗାଟାରି କ୍ରାସୁ ଜୀସୁ ତାଣାଟି ଦାମୁଁ ଜୀଝୁ ନୀତାଲି ଅଣ୍ଟପିନେରି, ଏଝାରି ନିନ୍ଦା ବେଟାଆନ୍ଦେରି □

୧୩ ସାମା ଲାଗେଏତି କାମାକିନାରି ଅତ୍ତେ ନାଡ଼ିକିନାରି ନାଡ଼ି ଆହାନା ହାଡ଼େକା ଲାଗେଏତି କାମା କିନେରି □

୧୪ ସାମା ନାନୁ ଏନା ଏନାଆଁ ଜାପାମାଞ୍ଜି, ଅତ୍ତେ ଆମିନି କାତା ବାରେ ସାତେଏ ନାମାମାଞ୍ଜି, ଏ ବାରେ ତାଣା ତୀରିତଲେ ମାନାମୁ, ଇତିହୁଁ ନାନୁ ପୁଞ୍ଜାମାଞ୍ଜି, ଆମିନି ଗାଟାରି ତାଣାଟି ଏ ବାରେ ଜାପାମାଞ୍ଜି;

୧୫ ଅତ୍ତେ ଆମିନି ଦାମୁଁ ସାଫ୍ଟେରି କ୍ରାସୁ ଜୀସୁ ତାଣା ନାମୁଟି ନିଜେ ଗେଲ୍ଲପିକିନି ବୁଦି ହିୟାଲି ଆଡ଼ାନେ, ଏଦାଆଁ ନାନୁ ଉଣା ଝେଡ଼ାଟିଏ ପୁଞ୍ଜାମାଞ୍ଜି □

୧୬ ବାରେ ଦାମୁଁ ସାଫ୍ଟେରିତା ରାସକି ଆହାମାନି ବାରେ ବଲୁ ମାହାପୁରୁ ଜଲିତାୟି, ଅତ୍ତେ ଜାପୁନାୟି, ଲାଗିନାୟି, ତୀରିକିନାୟି, ଅତ୍ତେ ଦାମୁଁତା ନୀତାଲି ସାଫ୍ଟେରି କିନାୟି,

୧୭ ଏନିକଁ ମାହାପୁରୁତି ଲକୁ ତାରପୁ ଆହାନା ବାରେ ନେହୁଁ କାମାତା ଜଗେ ଗାଟାରି ଆନ୍ଦେରି □

* ୩:୧୧ ୩:୧୨ କାମା ୧୪:୫୨; କାମା ୧୪:୧୭; କାମା ୧୪:୮-୨୦

୪

୧ ନାନୁ ମାହାପୁରୁ ନକିତା, ଅଡ଼େ ଆମିନି କ୍ରୀସ୍ତ ହାଡ଼ାରାଇଁ ଇର୍ଜା ନୀତାମାନାରାଇଁ ନୀହାୟି କିହାଲି ହାଜିମାନେସି, ତାନି ଝେଣ୍ଡେ ଖାନାଣି ଅଡ଼େ ରାଜିତି ମାନି କିହାନା ହୁକୁମି ହାହିମାଞ୍ଜାଇଁ,

୨ ମାହାପୁରୁ ବଲୁ ଝେକ୍‌ମ୍, ନେହଁ ବେଲାତା କି ଲାଗେଏତି ବେଲାତା ବଲୁ ଝେକହାଲି ତିୟାରା ଆହା ମାନାମ୍, ନାନୁ ବାରେ କସ୍ତ ଅରହାନା ଜାପୁହିହଁ ଲାଗାମ୍, ଅଡ଼େ ଦାକା ହାହାନା ସାସା ବାସ୍ତ ହାମ୍ ।

୩ ଇତିହଁ ଦିନା ଖାନେ, ଏତିବେଲା ଲକୁ ନେହଁ ଜାପୁନାଣି ଝେଞ୍ଜାଲି ଅପୁଅରି, ସାମା ତାନି କୀର୍କା ତାକି ସୁରୁ ସୁଖାଲା ହାଡ଼ା ଝେଞ୍ଜାଲି ମନ ହୀନେରି ଇର୍ଜା କାତା ତୁପକାତାକି ଲାଗେଏତାଣି ଜାପୁନାରାଇଁ କୁଡ଼ି କିନେରି ।

୪ ଅଡ଼େ ସାତା କାତାତି ଝେଞ୍ଜାଲି କୁହାନା ଅଣ୍ଡ଼ାପାନା ଝେହ୍ନି ପୁସପନିକାଣି ମନ ହୀନେରି ।

୫ ସାମା ନାନୁ ବାରେ ତାଣା ସେଡ଼ନା ଆମ୍, କସ୍ତି ଅରହାମ୍, ମାହାପୁରୁତି ନେହଁ କାବୁ ଝେକ୍‌ମ୍ କାମା ପୁରା କିମ୍ ଅଡ଼େ ନୀ ସେବା କାମା ରାପୁମ୍ ।

୬ ଇତିହଁ ନୀର୍ବ ଜିକେଏ ନା ଜୀଞ୍ଜୁ ଗସାଲି ତାକି ଖାକ୍‌ହିମାନି ଲେହେଁ ହେର୍ପି ଆହିମାନେ, ନା ହାନ୍ତି ଦିନା ଏଗାଞ୍ଜେତୟି ।

୭ ନାନୁ ନେହଁ ଜୁଜୁତା ଜୀଞ୍ଜୁ ତୁସାନା ଜୁଜୁ କିହିମାଇଁ, ନାଜେତାକି କେପାମାନି ପାହେରି ରାଝେତାକି ହଗାମାଇଁ, ନାନୁ ନାମୁତି ଜାଣ୍ଡେ ଆସାମାଇଁ;

୮ ନାଜେତାକି ଦାମୁତି ଗପେରି ଇଟ୍‌କି ଆହାମାନେ, ଏଦାଆଁ ଏ କାଜା ନୀହାୟି ଦିନତା ନୀହାୟି କିନି ପ୍ରବୁ ନାଜେ ହିୟାନେସି, ଖାରଇ ନାଜେ ଆଏ, ତାନି ଝେଣ୍ଡେ ଖାନାଣି ନେହଁ ମନତଲେ କାଡ଼ାମାନି ବାରେଜାଣା ତାକି ଜୀଞ୍ଜୁନହାଁନା ହାନେସି ।

ତାନି କାତା ଝେହ୍ନାୟି

୯ ତବେ ନା ତାଣା ଖାହାଲି ଜାଗ୍ରାତା ଆମ୍;

୧୦ *ଇତିହଁ ଦିନା ନାଜେ ପିସାହାଁ ନୀର୍ବତି ଦାରୁତିତି ଜୀଞ୍ଜୁନହାଁନା ତେସଲନିକିତା ହାଜାମାନେସି, କ୍ରେସକେନସ୍ ଗାଲାତିୟାତା ଅଡ଼େ ତିତସ ଦଲମତିୟାତା ହାଜାମାନେରି ।

୧୧ *ଅଡ଼େ ଲୁକ ରଅସିଏ ନା ତଲେ ମାନେସି । ମାର୍କଇଁ ନୀ ତଲେ ତାଚିହଁ ଖାମ୍, ଇତିହଁ ନା ସେବା କାମାତା ସାୟେମି କିୟାନେସି ।

୧୨ *ନାନୁ ତୁକିକଇଁ ଏପିସିୟତା ପାଣ୍ଡା ମାଇଁ ।

୧୩ *ତୁୟାତା କାର୍ପ ତାଣା ଆମିନି ଉସିନି ସକା ପିସା ଖାହାମାଇଁ, ନାନୁ ଖାନାଟି ସକା ଅଡ଼େ ପତିୟାଁ ବାରେକିହାଁ ତଲୁ ପତିୟାଁ ତାଚିହଁ ଖାମ୍ ।

୧୪ *ପିତାତା ବେବାରାଗାଟି ଆଲେକଜାଣ୍ଡାର ନାଜେ ହାଡ଼େକା କସ୍ତ ହାହାମାଞ୍ଜାନେସି; ପ୍ରବୁ ଏଞ୍ଜାଣାଇଁ ତାନୁ କିତି କାମା ଲେହେଁ ପାଡ଼େୟି ହାନେସି;

୧୫ ନାନୁ ଜିକେଏ ଏଞ୍ଜାଣି ତାଣାଟି ଜାଗ୍ରାତା ଆହା ମାନାମ୍, ଇତିହଁ ଏଞ୍ଜାସି ମାରୁ ଝେକ୍‌ନି କାତା କପାଟି ନିଜାମା କାହି କିହିମାଞ୍ଜାତେସି ।

୧୬ ତଲି ମୁଲୁ ନାଜେ ନୀହାୟି କିୟାତାଟି ଆମ୍‌ଆରି ନା ଖାକିଟି ଆଆଡେରି, ସାମା ବାରେଜାଣା ନାଜେ ପିସାଡେରି, ଏଦାଆଁ ମାହାପୁରୁ ଏଞ୍ଜାରି କପାଟି ଦହ କିଆପେସି ।

୧୭ ସାମା ପ୍ରବୁ ନା ତଲେ ମାଞ୍ଜାନା ନାଜେ ବାଡ଼ୁୟି କିୟାତେସି, ଅଡ଼େ ନାନୁ ସିହ୍‌କ୍‌ୱାଟି ଗୁଡିଟି ଗେଲ୍‌ପିଆଡେଟ୍‌ଏ, ଏନିକିଁ ନା ତାଣାଟି ନେହଁ କାବୁ ବାରେ ତାଣା ଝେଜ୍‌ନେ ଅଡ଼େ ଜୀଞ୍ଜୁଦିଆଆତି ଲକୁ ବାରେଜାଣା ଏଦାଆଁ ଝେଞ୍ଜାଲି ଆଡିନେରି;

୧୮ ପ୍ରବୁ ନାଜେ ବାରେ ଲାଗେଏ କାମାଟି ଗେଲ୍‌ପାନେସି, ଅଡ଼େ ନାଜେ ଗେଲ୍‌ପାନା ତାନି ଲାକପୁରୁ ରାଜିତା ଅୟାନେସି; ଏଞ୍ଜାଣି ଗାଞ୍ଜୁନି କାଲାକାଲା ତାକି ଆପେ! ଆଡ଼େମନ୍ ।

ରାନ୍‌ବେଲାତି ଜହରା

* ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର ୮:୨୩; ଗାଲା ୨:୩; ତିପସ ୧:୪ * ୪:୧୧ ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ * ୪:୧୨ ୪:୧୨ କାମା ୨୦:୪; ଏପିସି ୬:୨୧,୨୨; କଲସି ୫:୬,୮ * ୪:୧୩ ୪:୧୩ କାମା ୨୦:୭ * ୪:୧୪ ୪:୧୪ ୧ତିମ ୧:୨୦; ରିନି ୨:୬

୧୯ ✧ ପ୍ରିୟାଳା ଅତ୍ତ ଆକ୍ଷିଲା ଇଞ୍ଜା ଅନିସିପର ଇଲୁ କୁଟମିକି ନା ଜହରା ଝେହ୍ମୁ □

୨୦ ✧ ଏରାସ୍ତ କରନ୍ତି ଗାଡ଼ାତା ଡ଼ୟା ମାନେସି, ସାମା ତ୍ରପିମ ଆଡ଼ିହିଲାଆକି ନାନୁ ଏଝାଣାଈ ମିଲିତତା ପିସା ଝାଡ଼େସ୍ □

୨୧ ନୀନୁ ପେନିରେଲା ଝାଆ ନବେଏ ଝାଡ଼ିହ୍ ନେହ୍ ଆଡ଼େମା □ ଇୟୁବୁଲ, ପୁଦେନସ, ଲିନ, କ୍ଲୁଝୁଦିୟା, ଅଡ଼େ ବାରେ କ୍ରୀସ୍ତାନା ତାୟିୟା ନିଜେ ଜହରା ଝେସିମାଞ୍ଜାନେରି □

୨୨ ପ୍ରବୁ ନୀ ଜୀଝୁତା ମାଣ୍ଡେସି, ମାହାପୁରୁତି କାର୍ମାମେହ୍ନାୟି ମୀ ବାରେତାକି ଆୟାପେ □

ତୀର୍ଥକ ନିକଟକୁ ପାଉଲଙ୍କ ପତ୍ର ଚିତ୍ର ତାଣ୍ଡା ପାଞ୍ଚଲ ରାଫାମାନି ଆକୁ ମୂଲୁ ହାଡ଼ା

ପାଞ୍ଚଲଟି ସାରିଗଟା ଆକୁ ବିତ୍ତା ଚିତ୍ର ଆକୁ କୁଲମି ପିସପେ ର ମାଣସିତି ଖେସିମାନେ, ଏଟକାତି ତାନିଗଟା ଆହିମାନୁ, ତିମତି ମୂଲୁ ଆକୁ, ତିମତି ରୀ ଲମ୍ବର ଆକୁ ଅଡେ ପିଲିମନ □ ଈ ଆକୁ କ୍ରୀସ୍ତ ଜାର୍ନାଆଡ଼ି ୨୩ ଟିଏ ୨୫ ବିତ୍ତା ରାସ୍ତି ଆହାମାନେ □

ଚିତ୍ର ଏଟକା କୃତାତାସି ଆହାନା କ୍ରୀସ୍ତାନା ଆହାମାତି ର ଦାଂଗଣେଏସି ମାଚେସି, ଏଞ୍ଜାସି ମାହାପୁରୁ କାତା ଖେହ୍ନି ପାଞ୍ଚଲ ତଲେତାସି □ କ୍ରିତିତା ମାନି ମାହାପୁରୁ କୁଲମି ସାଲୁଓ କିହାଲି ପାଞ୍ଚଲ ଏଞ୍ଜାଣାଇ ଏମ୍ବାଆଁ ପିସାନା ଈ ଆକୁ ପାଣ୍ଡାନା ତାନିଗଟା ନେହ୍ନି କି ଅଣ୍ପାଲି ରାଫିମାନେସି □ ର କାତା ଈଦି କ୍ରିତିତା ମାନରି ବିତ୍ତାଟି ହାରେକା ଲକୁ ଲାଗେଏ ପଲେଏ ଅଣ୍ପାପୁ ଗାଟାରି ମାତାକି ଏନିଲେହେଟି ଅଣ୍ପାପୁ ଗାଟାରାଇ କୁଲମିତି କାଜାରି କିହାନା ଈଚିନାୟି ମାନେ □ ଅର କାତା ଈଦି ବୁଡ଼ହାୟିଲ୍, ବୁଡ଼ହିସିକାଣି, ଡାଆସିକାଣି, ଦାଂଗଣାୟିଣି, ହଲିୟାଙ୍ଗାଣି ଏନିକି ଗତି ଗତି କିହାନା ଜାପୁହାଲି ଆନେ □ ତାୟୁତି କାତା ଈଦି କ୍ରୀସ୍ତାନା ଆହାମାନାରି ଏନିକି ନୀତିନାୟି ମାନେ □ ଏଞ୍ଜାରି ଜୀଞ୍ଜୁ ନନାରି ଅଡେ ସୁଦୁଗାଟାରି ଆପେରି, ଲାଗେଏତି କାତାୟି ପିସପେରି, ଗଡ଼ହା କିଓ କିହାନା କୁଲମିତି ଗତି ଗତି କିଆପେରି □

ପତିତା ମାନାୟି

- ୧ କୁଲମିତା ଦାମ୍ବୁଗାଟାରାଇଁ ଆଡାଲି ଖେହ୍ନାୟି □ ୧:୧-୧୬
- ୨ ଦାମ୍ବୁ ଜୀଞ୍ଜୁତଲେ ନୀତାଲି ଅଡେ ଜାପୁହାଲି ଖେହ୍ନାୟି □ ୨:୧-୩:୧୧
- ୩ ତାୟୁତି କାତା ଅଡେ ଜହରା ତଲେ ଆକୁତି ରାପୁନାୟି □ ୩:୧୨-୧୫

୧ ପାଞ୍ଚଲ, ମାହାପୁରୁତି ହଲେଏଣାତେଏଁ ଈଞ୍ଜା ଜୀସୁ କ୍ରୀସ୍ତ ତାଣ୍ଡାଟି ପାଣ୍ଡୁଓ ଆହାମାନାତେଏଁ □ ମାହାପୁରୁ ଆଡାମାନି ଲକୁତି ନାମୁ ପାତିକିହାଲି ଅଡେ କାଲ୍ଲକାଲ୍ଲାତି ଜୀଞ୍ଜୁ ମେଡାଆନି ଆସାତି ଦାମ୍ବୁତି ନାମୁତା ସାତାତି ଜାଗାତା କିହାଲିତାକି ନାମୁ ପାଣ୍ଡୁଓ ଆହାମାଇଁ □

୨ କାଲ୍ଲକାଲ୍ଲାତି ଜୀଞ୍ଜୁତି ଆସା ହାହାଲିତାକି, ଏମିନି ମାହାପୁରୁ ଆଞ୍ଜାମାଚେସି, ଏଞ୍ଜାସି ଏଚେଲ୍ଲା ମିଚି ଜଲ୍ଲାଆଗାଟାସି □

୩ ଏ କାଲ୍ଲକାଲ୍ଲାତି ଜୀଞ୍ଜୁ ସାତା ମାହାପୁରୁ, ହାରେକା କାଲ୍ଲା ନଟେଏ ଆଞ୍ଜାନା ସମାନା ବେଲ୍ଲାତା ତାନି ବଲ୍ଲୁ ଖେକ୍ନି ତାଣ୍ଡାଟି ତସାମାନେସି; ଏ ବଲ୍ଲୁ ଖେକ୍ନି ବଲ୍ଲୁ ମା ଗେଲ୍ପାନି ମାହାପୁରୁ ହୁକୁମି ତଲେ ନା ତାଣ୍ଡା ହେରପି ଆହାମାଞ୍ଜାନେ □

୪ *ନା ସମାନା ନାମିତାସି ଅଡେ ନାମୁତା ନା ଜୀଞ୍ଜୁତି ମାରଏସି ଚିତ୍ର ତାଣ୍ଡା ଈ ଆକୁ ରାଫିମାଇଁ □ ଆଡା ମାହାପୁରୁ ଅଡେ ମାଜେ ଗେଲ୍ପାନି କ୍ରୀସ୍ତ ଜୀସୁ ମିଜେ କାର୍ନା ଅଡେ ହିଡ଼ି ହିୟାପେସି □

କ୍ରିତିତା ଚିତ୍ର କାମା କିନାୟି

୫ ନାମୁ ଖେସ୍ତାତିଲେହେଁ ରାଆତି କାମାତି ରାପୁହାଲି ତାକି, ଅଡେ ବାରେ ଗାଡ଼ାତା ପ୍ରାଚିନାଙ୍ଗାଣି କାମା ହେରପାଲି ତାକି ନାମୁ କ୍ରିତିତା ନିଜେ ପିସା ଝାୟାତେଏଁ;

୬ *ଆମ୍ବାଆସି ଦହ ହିଲ୍ଲାଆଗାଟାସି, ରଣ୍ଡିଏ ଡକ୍ରିନି* ତକ୍ତା, ଆମ୍ବାଆରି ମାରକା ମାସ୍କା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନୁଓ ଆଆଗାଟି କାମା କିଅରି ଏଞ୍ଜାରାଇଁ ଆଡାହାଁ ପ୍ରାଚିନା କିମ୍ବୁ □

୭ ଈଚିହ୍ନି କାଜାସି, ମାହାପୁରୁତି ଗୁମ୍ବସା ଆହାଁ ଦହ ହିଲ୍ଲାଆଗାଟାସି ଆନାୟି ମାନେ; ଏଞ୍ଜାସି ଜାହାରା ମନଡତଲେ କିନାସି କି ଦେବୁଣିଏ କାରବି ଆନାସି କି କାଡ଼ ଗୁହ୍ନାସି କି ଗଡ଼ହା କିନାସି କି ଦନ କୁପକା ଗାଟାସି ଆଆନା,

୮ ଏଞ୍ଜାସି ଗତାୟିଣି ଆକ୍ତା କିନାସି, ଏନାୟି ନେହାୟି ଏଦାଆଁ ଜୀଞ୍ଜୁ ନନାସି, ଜାହାରାଇଁ ଲକ୍ନାସି, ଦାମ୍ବୁଗାଟାସି, ସୁଦୁଗାଟାସି, ଈଞ୍ଜା ମେରା ମାନୁଓ ଆନାସି ଆପେସି □

* ୧:୪ ୧:୪ ୨କର ୮:୨୩; ଗାଲ ୨:୩; ୨ତିମ ୪:୧୦ * ୧:୬ ୧:୬ ୧ତିମ ୩:୨-୬ * ୧:୬ ୧:୬ ରଣ୍ଡିଏ ବାହା ଡକ୍ରି

୯ ଅଡ଼େ ଏନିକ୍ ଏଞ୍ଜାସି ଲକ୍ଷ୍ମୀତାକି ନେହାଁଣି ଜାପୁହାନା ରାହାଁ ହୀହାଲି ଇଞ୍ଜା ମାହାପୁରୁ କାତା କପାଟି
ଝେହ୍ନାରାଇଁ ଲାଗାଲି ଆଡ଼ିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣେ ଆସାଁ ମାଞ୍ଜୁ □

୧୦ ଇଚିହ୍ ହାରେକା ନାମାଆଗାଟି ଲକ୍ଷ୍ମୀ, ଉଜେଏତି କାତାତଲେ ନାଡ଼ିକିନାରି ମାନେରି, ହାରେକା
ଜୀହୁଦି କ୍ରୀସ୍ତାନା ଲକ୍ଷ୍ମୀ ବିଦ୍ରାଟି ମାନେରି □

୧୧ ଲାଗେଏତି କାତାଟି ଏଞ୍ଜାରି ଗୁଡ଼ି ମୁଦା କିନାୟିମାନେ, ଏନାଆଁତାକି ଇଚିହ୍ ଏଞ୍ଜାରି ଦନ୍
ଜୁପକାତାକି ଲାଗେଏତି କାତା ଜାପୁହିହ୍ ର ର ଇଲୁ କୁଟମିତି ମାହାପୁରୁ ଜିରୁ ବାଣି କିନେରି □

୧୨ ଏଞ୍ଜାରି ବିଦ୍ରାଟି ରଅସି ଏଞ୍ଜାରି ମାହାପୁରୁ ଅଣପୁତି ବଲୁ ଝେହ୍ନାସି ଏଲେ ଇଞ୍ଜାମାନେସି, କ୍ରିତିତା
ବାସା ଆହାମାନାରି ବାରେଡେଲା ମିତି ଝେହ୍ନାରି, ଜନ୍ତ ସମାନା ଅଡ଼େ ନିସ୍ତା ଇଞ୍ଜା ଚିଣ୍ଡିକାଞ୍ଜୁୟାଁ □

୧୩ ଇ କାତା ସାତା □ ଏଦାଆଁତାକି ଏଞ୍ଜାରାଇଁ ଗାତି ଦାକା ହୀହାଁ ଲାଗାମୁ, ଏନିକ୍ ଏଞ୍ଜାରି ନାମୁତା
ପାତା ଆନେରି □

୧୪ ସାତାଟି ପିସାମାନି ଲକ୍ଷ୍ମୀତି ମେରା, ଜୀହୁଦି ଲକ୍ଷ୍ମୀତି କହୁୟାଁ, ମନ୍ ହୀଅରି ଏଦାଆଁତାକି ଏଞ୍ଜାରାଇଁ
ଜାପୁମୁ □

୧୫ ଅଟ୍ଟି ଆଡ଼ି ଲକ୍ଷ୍ମୀତାକି ବାରେଏ ଅତିନେ, ସାମା ପଲୁଆ ଗାଟାରାକି, ମାହାପୁରୁଇଁ ନାମାଆ
ଗାଟାରାକି ଏନାୟି ଜିକେଏ ଅଡେଏ, ଇଚିହ୍ ଏଞ୍ଜାରି ମନ୍ ଅଡ଼େ ଅଣପୁ ବାରେ ପଲୁଆଗାଟାୟି □

୧୬ ଏଞ୍ଜାରି ମାହାପୁରୁଇଁ ପୁଞ୍ଜାମାନମି ଇଞ୍ଜା ଜଲିନେରି, ସାମା ଏଞ୍ଜାରି କାମା ତଲେ ମାହାପୁରୁଇଁ
ପୁନାଆତି ଲେହେଁ ଆନେରି, ଏଞ୍ଜାରି ଅପାଆଗାଟାରି, ଅଡ଼େ କାତା ଆହ୍‌ଆଗାଟାରି ବାରେ ନେହ୍
କାମାତା ପାଡ଼ାଆଅରି □

୨

ନେହ୍ ଦାମ୍ ଜାପୁନାୟି

୯ ମା ଦାମ୍‌ତି କାତାୟାଁ ନେହ୍ କି ଜାପୁମୁ □

୧ ବୁଡ଼ହା ଆବାୟାଁଇଁ ତଣେ ଆୟାଲି, ନେହ୍ ଅଣପୁ, ନେହ୍ ବୁଦି, ଅଡ଼େ ନାମୁ, ଜୀଞ୍ଜୁନନାୟି,
ଇଞ୍ଜା ଅରୁହିନି ତାଣା ବାଡ଼ୁରୁ ଆୟାଲି;

୩ ଅଡ଼େ ବୁଡ଼ହା ଇୟାସିକାଣି ଜିକେଏ ଏଲେକିହ୍ ଏ ସାକ୍ତି ଗାଟାଇ ଇଞ୍ଜା କାଡ଼ୁ ଗୁହ୍‌ନାଇ ଆଆନା
ସୁରୁଜୀଞ୍ଜୁ ତଲେ ନୀତାନା ନେହ୍ କାତା ଜାପୁହାଲି ବାତିମାଲିହ୍ ଝେହ୍ମୁ;

୪ ଏଦାଆଁତାକି ଡାଆ ଆୟାସିକା ତାମି ତକ୍ରାୟାଁଣି, ମୀରକା ମାୟକାଣି ଜୀଞ୍ଜୁ ନହାଁ,

୫ ଜାହାରାଇଁ ସାପି ଆୟାଲି, ଅଟ୍ଟି କତାନା, ଇଲୁତି ନେହ୍ କି ଲେମ୍‌ଲି, ନେହ୍ ଗୁଣ୍ଡ, ଇଞ୍ଜା
ଜାହାରା ତକ୍ରାୟାଁ କାତା ମାନୁ ଆୟାଲି, ଜାପୁମୁ, ଏନିକ୍ ମାହାପୁରୁତି ବଲୁ ନିହାଆଏ □

୬ ଏଲେକିହ୍ ଏ ଦାଂଗଣାୟାଁଣି ବାରେ କାତାତା ନେହ୍ ବୁଦି ଆହାଲି ରାହାଁ କିଞ୍ଜି କିମ୍;

୭ ନୀ ବାରେ ମାଣ୍ଡକିତା ସାତା କାମାତି ନେହ୍ ଗୁଣ୍ଡ ତହ୍ମୁ, ଜାପୁନି ତାଣା ଆଟ୍ଟି ଅଡ଼େ ମାନିଗାଟି
ମାଣ୍ଡସି ଆହାନା ନେହ୍ ହାଡ଼ା ତଲେ ଝେହ୍ମୁ □

୮ ଏନିକ୍ ମିଙ୍ଗେ ଲାଗେଏ କିହାଲି ଅଣପିମାନି ଲକ୍ଷ୍ମୀ ମିଙ୍ଗେ ଝେଣ୍ଡେ ଝେସାଲି ଆଡ଼ାଆନା ଲାଜା
ବେଟାଆନେରି □

୯ ହଲିୟାଜା ତାମି ସାଞ୍ଜୁକାରି କାତା ମାନୁ ଆହା ତୟାପେରି, ଅଡ଼େ ବାରେ କାମାତା ସାଞ୍ଜୁକାରିଇଁ
ରାହାଁ କିନାରି ଆପେରି, ଏଞ୍ଜାରି ଝେଣ୍ଡେ ଜଲୁଆପେରି,

୧୦ ଏନାଆଁ ସରୁ କିଆନା ନେହ୍ ନାମୁତଲେ ଚିକାଣା କାମା ତୟାପାରି, ଆଡ଼ିହ୍ ମାଙ୍ଗେ ଗେଲ୍‌ପାନି
ମାହାପୁରୁତି ଦାମ୍ ଜାପୁନାୟି ନେହାୟି ଇଞ୍ଜା ଝେଜି କିନେରି □

୧୧ ଇଚିହ୍ ବାରେ ମାଣ୍ଡସି କୁଡ଼ାଇଁ ଗେଲ୍‌ପାଲି ମାହାପୁରୁତି କାର୍ମାମେହ୍‌ନାଣି ତୟାମାନେସି,

୧୨ ଅଡ଼େ ମାର ଏନିକ୍ ଲାଗେଏତି ଦାମ୍, ଦାରତିତି ଜୁପକା ପିସାନା ଇ ନୀଏତି ଜୁଗୁତା ନେହ୍
ବୁଦି, ଦାମ୍ ଅଡ଼େ ମାହାପୁରୁତି ଆଜିତଲେ ନୀତିନ,

୧୩ ଅଡ଼େ ଏ ରାହାଁତି ଦାମ୍ ମା କାଜା ମାହାପୁରୁ ଗେଲ୍‌ପାନି କ୍ରୀସ୍ତ ଜୀସୁତି ଗାଞ୍ଜୁରମି ତଞ୍ଜାଆନାଣି
କାଡ଼ିହ୍ ତୟିନ, ଇଦାଆଁତାକି ମାଙ୍ଗେ ଜାପୁହି ମାଞ୍ଜାନେ □

୧୪ *ଏ କ୍ରୀସ୍ତ ଜୀବୁ ମା ବାରେ ଲାଗେଏ ପଲେଏ ତାଣାଟି ଗେଲ୍‌ପି କିୟାଲି ଅଡ଼େ ତାଙ୍ଗେତାକି ସାତା କାମାତାକି ରାହାଟି ତାନି ଲକ୍ଷୁ ଲେହେଁ ଅଡ଼ହାଲି ତାନ୍‌ଏ ମା ତାକି ହେରୁପି ଆଡେସି □

୧୫ ଈ ବାରେ କାତା ଜଲ୍‌ହିଁ ବାରେ ଅଦିକାରା ତଲେ ସାସା ହାମ୍‌ମୁ, ଅଡ଼େ ଦାକା ହାମ୍‌ମୁ □ ଏନିକିଁ ଆମ୍‌ମାଆରି ନିଙ୍ଗେ ହାଣି କିୟାଆପେରି □

୩

କ୍ରୀସ୍ତାନା ଲକ୍ଷୁଟି କାମା ଇଞ୍ଜା ଗୁଣ୍ଡୁ

୧ ଦେସାତି ସାଲ୍‌ଖି କିନାରି ଅଦିକାରା ବେଟାଆହା ମାନାରି ତୁଇ ମାଞ୍ଜାନା, ଏଞ୍ଜାରାଈଁ ମାନି କିହାନା, ଅଡ଼େ ବାରେ ନେହଁ କାମା କିହାଲି ଜାଗ୍ରାତା ଆଦୁ,

୨ ଆମ୍‌ମାଆରାଈଁ ନିନ୍ଦା କିଆନା, ଆମ୍‌ମାଆରି କପାଟି କାମା କିଆନା, ବାରେ ଲକ୍ଷୁ ନକିତା ଉଣା ଆହାଲି, ସୁଦୁ ପୁଞ୍ଜାଲି ତସାଲି ବାରେ ଲକ୍ଷୁ ନକିତା ଅଣପି କମ୍‌ମୁ □

୩ ଇତିହଁ ମାରୁ ଜିକେଏ ନଚକଏ ବୁଦିହିଲାଆ ଗାଟାତାୟି, କାତା ଆହୁଆ ଗାଟାତାୟି, ଲାଗେଏତି ଜିରୁଟି ହାଜିମାତାୟି, ଏନି ଏନି ଜୁପକା ଅଡ଼େ ସୁକୁ ବୁକୁଟି ହଲିୟା ମାଟାୟି, ତାହାରା ଅଡ଼େ ତାହାରା ତଲେ ମାଟାୟି ଇଞ୍ଜା ଅପ୍‌ଡ଼ି ଆଆଗାଟି ଲକ୍ଷୁ ଆହା ଅପ୍‌ଡ଼ି ଆହି ହିଲାଆତାୟି □

୪ ସାମା ଏଟିବେଲା ମାଙ୍ଗେ ଗେଲ୍‌ପାନି ମାହାପୁରୁତି କାର୍ମା ଅଡ଼େ ମାଣସି ଜାତି ତାକି ତାନି ଜୀଞ୍ଜୁନନାୟି ତଞ୍ଜାଆଡେ,

୫ ଏଟିବେଲା ଏଞ୍ଜାସି ମା କିତି ଦାମ୍‌ କାମାତାକି ଆଏ, ସାମା ତାନି କାର୍ମାତଲେ ପୁଞ୍ଜିନି ଜାନିତି ଏୟୁତଲେ ନରହାନା, ତାନି ସୁଦୁଜୀଞ୍ଜୁ ତଲେ ପୁଞ୍ଜିନି ଗାଡ଼ିକିହାଁ ଗେଲ୍‌ପାମାଞ୍ଜାନେସି,

୬ ଏ ନେହଁ ଜୀଞ୍ଜୁଟି ମାଙ୍ଗେ ଗେଲ୍‌ପାନି ଜୀବୁ କ୍ରୀସ୍ତ ତାଣାଟି ହାରେପୁରେ ମା ଲାକ ହାୟାତେସି,

୭ ଏନିକିଁ ମାରୁ ତାନି କାର୍ମାଦେହନାଣି ତଲେ ଦାମ୍‌ ଗାଟାତାୟି ଆହାନା ବାସୁଁ ତଲେ କାଲାକାଲାତି ଜୀଞ୍ଜୁଟି ଅଦିକାରା ଆନାୟି □

୮ ଈ କାତା ସାତା ଆନେ □ ଅଡ଼େ ଏନିକିଁ ମାହାପୁରୁଈଁ ନାମିନାରି ବାରେ ନେହଁ କାମାତି ଅଣପିହଁ କିନେରି, ଏଦାଆଁତାକି ଈ ବାରେ ଜାଣ୍ଡେତଲେ ଜାମ୍‌ମୁ ଇଞ୍ଜାଁ ନା ଅଣପୁ, ଈ ବାରେ ଲକ୍ଷୁତାକି ନେହାୟି ଇଞ୍ଜାଁ ଅଜିତାୟି □

୯ ସାମା ଲେନିପନିଏ ବାଦିବାଦା କାତା ଜଲ୍‌ଲିନି ତାଣାଟି, ଆକୁ ଆବାୟାଁ ଦରକା ତାକି, ଗଡ଼ହା ଅଡ଼େ ମୋରାତାକି ଗଡ଼ହାଟି ହେକ ମାନାମୁ, ଇତିହଁ ଏ ବାରେ ଲାଦା ହିଲାଆ ଉଜେଏତାଇ □

୧୦ ଜିରୁ ବାଣି କିନି ଲକ୍ଷୁଈଁ, ର ଦେବା ରୀ ଦେବା ଦାକା ହାହାଁ ଜାଗ୍ରାତା କିଦୁ, ଅଡ଼େ ତାୟୁ ଏଞ୍ଜାଣି ତାଣାଟି ହେକ ଆଦୁ;

୧୧ ଇଲେଟି ଲକ୍ଷୁ ତାମି ଜିରୁ ବାଣାଆହା ମାନେରି, ଇଞ୍ଜାଁ ପାପୁ କିହାଁ ଜାହାରାତି ଦହ କିନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି □

ରାନି ବେଲାତା ଜାମ୍‌ନାୟି

୧୨ *ଏଟିବେଲା ନାମୁ ମୀ ତାଣା ଆତ ମା କି ତୁକିକଇଁ ପାଞ୍ଜାଈଁ, ଏଟିବେଲା ନିକପଲିତା ନା ତାଣା ଖାହାଲି ଜାଡ଼ନୁ ଆମ୍‌, ଇତିହଁ ପେନିଞ୍ଜେଡ଼ା ରାଞ୍ଜେ ଏଦାଆଁ ମାଞ୍ଜାଲି ଅଣପାମାଈଁ □

୧୩ ଅକିଲା ଜିନା, ଅଡ଼େ ଆପଲକି ଏନାୟି ଲଡ଼ାମାନେ ଏଦାଆଁ ହାହାନା ଜିରୁ ତହ୍‌ମୁ, ଏନିକିଁ ଏଞ୍ଜାରି ଜିରୁତା ଏଞ୍ଜାରାକି ଏନାୟି ଲଡ଼ା ଆଆପେ □

୧୪ ମା ଲକ୍ଷୁ ଜିକେଏ ଲଡ଼ାମାନି ତାର୍‌ପୁ କାମାତା ଲେମ୍‌ପୁଟି ଆହାଲି ଜାପିନାୟି ମାନେ, ଏନିକିଁ ଏଞ୍ଜାରି ପାଡ଼େୟି ହିଲାଆ ଗାଟାରିଲେହେଁ ଆଅରି □

୧୫ ନା ତଲେ ମାନି ବାରେଜାଣା ନିଙ୍ଗେ ଜହରା କିହିମାଞ୍ଜାନେରି □ ନାମୁତା ଆମ୍‌ମାଆରି ମାଙ୍ଗେ ଜୀଞ୍ଜୁ ନହିମାଞ୍ଜାନେରି ଏଞ୍ଜାରାଈଁ ଜହରା କିଦୁ, ଅଡ଼େ ମାହାପୁରୁଟି କାର୍ମାମେହନାୟି ମୀ ବାରେତାକି ଆପେ □

ଫିଲିମନଙ୍କ ନିକଟକୁ ପାତଳଙ୍କ ପତ୍ର ପିଲିମନ ତାଣ୍ଡା ପାଞ୍ଜୁଲ ରାଢ଼ାମାନି ଆକୁ ମୂକୁ ହାଡ଼ା

ପିଲିମନ ଆକୁ ପାଞ୍ଜୁଲ ତାଣ୍ଡାଟି ରାଢ଼ି ଆହାମାନେ ୧:୧ □ ପାଞ୍ଜୁଲ ରମ୍ ଗାଡ଼ାତି କାୟିଦି ଇଲୁଡା ମାଗାଟି ଇ ଆକୁ ରାଢ଼ାମାନେସି □ ଏଞ୍ଜାସି ରମ୍ ଗାଡ଼ାତା ମାଚେସି କ୍ରୀସ୍ତ ଜାନ୍ନାଆଡ଼ି ୬୧ ବାସୀ ତାୟୁ ଇ ଆକୁ ରାଢ଼ା ତୁୟିନେସି □ ଏଚିବେଲୀତା କଲସିୟ କୁଲମିତାକି ରାଢ଼ା ତୁୟିନେସି □ ଏଞ୍ଜାସି ଇ ଆକୁ ପିଲିମନ ଇନି ର ମାଣ୍ଡସିକି ରାଢ଼ିମାନେସି □ ପିଲିମନ କୁଲମିତି କାଜାସି ଅଡ଼େ ହଲିୟାଙ୍ଗାତି ସାଞ୍ଜୁକାରି ମାଚେସି □ ଏଞ୍ଜାରି ବିତୁଟି ଅନିସିମ ଇନି ର ହଲେଏସି ମାଚେସି ଏଞ୍ଜାସି ପିଲିମନ ତାଣ୍ଡାଟି ହଟାତୁସା ମାଚେସି ଏଞ୍ଜାସି ପାଞ୍ଜୁଲ ତାଣ୍ଡାଟି କ୍ରୀସ୍ତାନା ଆହାମାଚେସି □ ରମିୟ ଲକ୍ଷୁତି ମେରା ତଲେ ଅନିସିମଇଁ ହାନ୍ତି ତଣ୍ଡ ହାନାୟି ମାଚେ □

ଅନିସିମଇଁ କାର୍ମାମେସାନା ଏଞ୍ଜାଣାଇଁ ହଲେଏସି ଲେହେଁ ଆଏ ସାମା କ୍ରୀସ୍ତାନା ତାୟିଲେହେଁ ଖେଣ୍ଡେ ଆବାମୁ ଇଞ୍ଜି ପିଲିମନଇଁ ବାଡ଼ିମାଲିହଁ ଇ ଆକୁ ରାଢ଼ିମାନେସି ୧:୧୩-୧୪ □

ପତିତା ମାନାୟି

- ୧ ପିଲିମନଇଁ ଜହରା ଖେହନାୟି □ ୧:୧-୩
- ୨ ଅନିସିମଇଁ କ୍ରୀସ୍ତାନା ତାୟିଲେହେଁ ଆବାଲି ଏଲେଇନାୟି □ ୧:୪-୨୧
- ୩ ଆକୁତି ରାପ୍ତନି କାତା □ ୧:୨୨-୨୫

୧ ନାନୁ ପାଞ୍ଜୁଲ, ଜୀସୁ କ୍ରୀସ୍ତ ତାକି ଦସପି ଆହାମାନାଚେସି, ତାୟି ତିମତି, ମା ତଲେ କାମା କିହିମାନି ଜୀଞ୍ଜୁତି ପିଲିମନ,

୨ *ଅଡ଼େ ତାଜି ଅପିୟା ଇଞ୍ଜା ମା ତଲେ ଜୁକୁକିନି ଆକି ପପ ଇଞ୍ଜା ମୀ ଇଜ ମାନି କୁଲମିତାକି ଆକୁ ରାଢ଼ାମାଇଁ;

୩ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହନାୟି ଅଡ଼େ ହିଡ଼ଡ଼ି ମିଙ୍ଗେତାକି ଆୟାପେ □

ପିଲିମନ ଜୀଞ୍ଜୁନନାୟି ଅଡ଼େ ନାମିନାୟି

- ୪ ନାନୁ ନା ପ୍ରାଡ଼ାନାତା ମୀ ଦରୁ ଆସାନା କାଲେଏ ନା ମାହାପୁରୁଇଁ ଜହରା କିହିମାଇଁ,
- ୫ ପ୍ରବୁ ଜୀସୁ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକ୍ଷୁତାକି ମୀ ଜୀଞ୍ଜୁନନାୟି ଅଡ଼େ ନାମୁତି କାତା ଖେଞ୍ଜାନା
- ୬ ଏଲେକିହଁଏ ମୀ ନାମୁତଲେ ଆଣ୍ଡୁଞ୍ଜି ଆନାୟି, ମାଙ୍ଗେ ହୀପ୍ତକିଆଡ଼ି ବାରେ ନେହଁ କାତାତି ପୁନାଣି ତଲେ କ୍ରୀସ୍ତ ତାଣ୍ଡା କାମା ଆନେ □
- ୭ ଏନାଆଁତାକି ଇଚିହଁଏ, ଏ ନା ତାୟି, ମାହାପୁରୁ ଲକ୍ଷୁତି ହିୟାଁ ମୀ ତାଣ୍ଡା ସୁସି ମେଡ଼ା ଆହାମାନାକି ନାନୁ ମୀ ଜୀଞ୍ଜୁ ନନି ତାଣ୍ଡା ରାହାଁ ଅଡ଼େ ସାସା ବେଟା ଆହାମାଇଁ □

ଅନିସିମ ତାକି ବାଡ଼ିମାଲିନାୟି

୮ ଆଡ଼ିହଁଏ ନେହାୟି, ଏ କାବୁତାକି ନିଙ୍ଗେ ହୁକୁମି ହୀହାଲି କ୍ରୀସ୍ତତି ହଲେଏଣା ଲେହେଁ ଆଡ଼ିଜିକେଏ ନାଙ୍ଗେ ହାଡ଼େ ପୁରେ ସାସା ମାନେ,

୯ ଆଡ଼ିଜିକେଏ ନାନୁ ବୁଡ଼ହା ପାଞ୍ଜୁଲ ଜୀଞ୍ଜୁ ନନାଣି ତାକି ମିଙ୍ଗେ ବାଡ଼ିମାଲିମାଞ୍ଜାଇଁ, କ୍ରୀସ୍ତ ଜୀସୁ ତାକି ନାଏଁ ନାନୁ ଦସପି ଆହାମାଇଁ,

- ୧୦ *ନାନୁ ଇଲେକି ଦସପି ଆହାମାନାଟି ନା ମୀରଏସି ଅନିସିମ ତାକି ନିଙ୍ଗେ ବାଡ଼ିମାଲିମାଞ୍ଜାଇଁ;
- ୧୧ ଏଞ୍ଜାସି ନକେଏ ନିଙ୍ଗେ ଅଡ଼େ ନାଙ୍ଗେତାକି ଲଡ଼ା ହୀଆଗାଟାସି ମାଚେସି, ସାମା ନାଏଁ ନିଙ୍ଗେତାକି ଅଡ଼େ ନାଙ୍ଗେତାକି ଜିକେଏ ଲଡ଼ା ଗାଟାସି ଆହାମାନେସି □
- ୧୨ ନାନୁ ଏଞ୍ଜାଣାଇଁ ନୀ ତାଣ୍ଡା ଖେଣ୍ଡେ ପାଣ୍ଡିମାଞ୍ଜାଇଁ, ଏଞ୍ଜାସି ନା ହିୟାଁ ଲେହେଁ □

☆ ୧:୨ ୧:୨ କଲସି ୪:୧୭ ☆ ୧:୧୦ ୧:୧୦ କଲସି ୪:୯

୧୩ ନେହଁ କାହୁତାକି ନାନୁ କାୟିଦିତା ମାଞ୍ଜାନା ଏଞ୍ଜାଣାଇଁ ନୀ କିନି ଜାତୁନୁ ନାଜେ କିହାଲି ତାକି ତାଗେ ଇଟାଲି ଅଣ୍ଡାପିମାଚେଏଁ,

୧୪ ସାମା ନାନୁ ରାକ୍ତି ଆଆପାତେକା ନାନୁ ଏନାଆଁ କିହାଲି ଅଣ୍ଡାପାଆତେଏଁ, ଏନିକଁ ନୀ ନେହଁ କାମା ନୀ ମନୁତଲେ କିନିଲେହେଁ ଆଆନା ନେହଁ ଅଣ୍ଡାପୁ ତଲେ ଆନେ □

୧୫ ଆତିହଁ ଇଦି ଆହାଲି ଆଡ଼ିନେ, ଏନିକଁ ନାନୁ ଏଞ୍ଜାଣାଇଁ ହଲେଏଣା ଲେହେଁ ମେହୁଆନା ସାମା ହଲେଏଣା କିହାଁ କାଜାସି ଲେହେଁ, ଇତିହଁ ଜୀଞ୍ଜୁତି ତାୟିଲେହେଁ କାଲେଏତାକି ବେଟାଆଦି, ଏଦାଆଁତାକି ଏଞ୍ଜାସି ଏଚରଦିନା ତାକି ଏଚକା ଆହାମାଚେସି;

୧୬ ସାମା ଏଞ୍ଜାସି ଖାଉଇ ହଲେଏସି ଆଏ, ନୀଏଁ ଏଞ୍ଜାସି ଜୀଞ୍ଜୁତି ତାୟି, ଇତିହଁ ଆଜାମା ତଲେ ଅଡ଼େ ମାହାପୁରୁ ତାଣା ନିଜେତାକି ଏଚେକା ଜୀଞ୍ଜୁ ନନାସି ଆଅସି □

୧୭ ଏଦାଆଁତାକି, ନାନୁ ନାଜେ ନା .ତଡ଼ତୁସି ଇଞ୍ଜଁ ଅଣ୍ଡାପି ମାଞ୍ଜାସାରେ, ଆତିହଁ ନାଜେ ଆବାତି ଲେହେଁ ଏଞ୍ଜାଣାଇଁ ଆବାମୁ □

୧୮ ଇତିହଁ ନିଜେତାକି ଏନି ଲାଗେଏ କିହାମାଞ୍ଜାତଁ କି ନୀ ତାଣା ରାଣା ଆହା ମାଞ୍ଜାତିହଁ, ଏଦାଆଁ ନା .ଦରୁତା ରାତାମୁ □

୧୯ ନାନୁ ପାଞ୍ଜୁଲତେଏଁ, ନା କେୟୁତଲେ ଇଦାଆଁ ରାଡ଼ିମାଇଁ, ନାନୁ ଏଦାଆଁ ଖେଚହାଇଁ □ ନୀନୁଏ ନା .ତାଣା ରାଣା ମାଞ୍ଜି, ଇ କାତା ଅଡ଼େ ନାନୁ ଖେସାଲି ଅଣ୍ଡାପି ହିଲଅଁ □

୨୦ ହାଅ, ତାୟି, ପ୍ରବୁ ତାଣା ଆଣ୍ଡିତଁ ନୀ ତାଣାଟି ନା .ଲାବା ଆୟାନେ, କ୍ରୀସ୍ତତି ତାଣା ନା .ଜୀଞ୍ଜୁତା ବାର୍ସୁ ହିୟାମୁ □

୨୧ ନାନୁ ନା .ଖେସ୍ତାତିଲେହେଁ କିଦି ଇଞ୍ଜଁ ନାମୁ ମାନାକି ନାନୁ ଇ ଆକୁ ରାଡ଼ିମାଇଁ; ସାତେଏ ନାନୁ ପୁଞ୍ଜାମାଇଁ, ନାନୁ ଏଚେକା ଖେସିମାଞ୍ଜାଇଁ, ନୀନୁ ଏଦାଣିକିହାଁ ଆଗାଡ଼ା ଜିକେଏ କିଦି □

୨୨ ଇଦାଆଁ ତଲେ ନା .ଡ଼ୟିନି ଇଲୁ ଜିକେଏ କିହାନା ଇଟାମୁ, ଇତିହଁ ମୀ ପ୍ରାଡ଼ାନା ତଲେ ମୀରୁ ନାଜେ ଖେଣ୍ଡେ ବେଟା ଆୟାଦେରି, ଇଦାଆଁ ନାନୁ ଆସା କିହିମାଇଁ □

ରାନ୍ତିବେଲାତି ଜହରା

୨୩ ☆କ୍ରୀସ୍ତ ଜୀସୁ ତାକି ନା .ତଲେ କାୟିଦି ଇଲୁତା ମାନି ଏପାପୁ

୨୪ ☆ଇଞ୍ଜା ନା .ତଲେ କାମା କିହିମାନି ମାର୍କ, ଆରିସ୍ତାର୍କ, ଦିମା ଅଡ଼େ ଲୁକ ନିଜେ ଜହରା କିହିମାଞ୍ଜାନେରି □

୨୫ ମା .ପ୍ରବୁ ଜୀସୁ କ୍ରୀସ୍ତତି କାର୍ମାମେହନାୟି ନେହଁ ଜୀଞ୍ଜୁ ମୀ ତଲେ ମାଣ୍ଡମ୍ବେ □

☆ ୧:୨୩ ୧:୨୩ କଲସି ୧:୭; ୪:୧୨ ☆ ୧:୨୪ ୧:୨୪ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; କାମା ୧୯:୨୯; ୨୭:୨; କଲସି ୪:୧୦; କଲସି ୪:୧୪; ୨ଟିମ ୪:୧୦; କଲସି ୪:୧୪; ୨ଟିମ ୪:୧୧

ହିବୁମାନଙ୍କୁ ଲିଖିତ ପତ୍ର ଏହି ଲକ୍ଷ୍ମଣାକି ରାଚିତି ଆକୁ ମୂଳୁ ହାଡ଼ା

ଏହି ପତ୍ର ର ରାହାଁ ହାନି ପତ୍ର □ ପୁଃଈ ଫେରାଚି ହାରେକା ମାହାପୁରୁ ଅଣପୁତି ବଲୁୟାଁ ପୁଃଆଇ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି □ ଈ ପତି ର ନେହଁ କାତାଚି ଝେହ୍ନି ପତି □ ଇମ୍ପାଆଁ ତାନିକଡ଼ିଚିଏ ହାରେକା ପୁଃଈ ଫେରାଚି କାତାୟାଁ ରାସ୍ତି ଆହାମାନୁ □ ଜୀସୁ କ୍ରୀସୁ ଏନିକଁ ମାହାପୁରୁ ଅଣପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୁରା କିତେସି ଇମ୍ପାଆଁ ମାରୁ ମେସାଲି ଆଡ଼ିମାନାୟି □

ଇଦାଆଁତାକି ଈ ପତି ଜୀହୁଦି କ୍ରୀସୁନା ଲକ୍ଷ୍ମଣି ସାସା ଅଡ଼େ ବାସୁଁ ହାନି ପତି □ ଏହି ପତି ଝେସିମାନେ, ଜୀସୁ ଏନିକଁ ଫେରାଚି ପୁରା କିତେସି, ଏନିକଁ ପୂଜେରାଜା ଅଡ଼େ ଝେଶ୍ଟେ ପୂଜା ହାହାଲି ଲଡ଼ା ହିଲେଏ □ ଜୀସୁ କ୍ରୀସୁ ବାରେ କାଚଲଏତାକି ରଣିଏ ଦେବା ପାପୁତି ପୂଜା ହାତେସି □ ନୀଏତି ଜୁଗୁତି କ୍ରୀସୁନା ଲକ୍ଷ୍ମଣି ଏହି ପତି ସାସା ଅଡ଼େ ବାସୁଁ ତସିମାନେ □ କ୍ରୀସୁ ମାଜେ ମାହାପୁରୁ ତାଣା ବାସୁଁ କିଝିକିହାଲି ଆଡ଼ାମାଞ୍ଜାନେସି □ ଅଡ଼େ ଏଞ୍ଜାଣି ତାଣା ବାସୁଁ ଇଟାନା ତାନିକ ୧୨:୨ □

ଏହି ପତି ଆମ୍ପାଆସି ରାଡ଼ାମାନେସି ପୁଣ୍ଡସି ଆହା ହିଲେଏ, ସାମା ବୁଦିଗାଟାରି ଏଲେ ଇଞ୍ଜିମାନେରି ପାଣ୍ଡିଆହାମାନି ପାଞ୍ଜୁଲ, ଲୁକ, ଆଥାଅଁ ବର୍ନବା ଆହାଡ଼ୟିନେରି □ ଇଦାନି ରାଚିତି କାଲମି ଜିକେଏ ପୁନାଆତାୟି, ସାମା ହାରେକା ଲକ୍ଷ୍ମଣ ଏଲେଇନେରି ଇଦି ଜୀସୁ କ୍ରୀସୁ ଜାର୍ନାଆଡ଼ି ୭୦ ବାର୍ଯା ତାୟୁ ରାସ୍ତି ଆହାମାନେ □ ଇଚିହଁ ଜିରୁସାଲମ ଇଲୁ କ୍ରୀସୁ ଜାର୍ନାଆଡ଼ି ୭୦ ବାର୍ଯା ତାୟୁ ନାସା ଆଡେ ସାମା ଈ ଆକୃତି ରାଚିନାସି ଇଦି ନାସା ଆଆଡିଲେହେ ରାଚିମାନେସି □ ଏହି ପତି ରମ୍ପ ଗାଡ଼ାତା ରାସ୍ତି ଆହାମାତେ ୧୩:୨୪ ଅଡ଼େ ହାରେକା କୁଲମିକାଣା ବାଚିକିଝି ଆହାମାତେ □

ପତିବା ମାନାୟି

- ୧ ଜୀସୁ କ୍ରୀସୁ ମାହାପୁରୁ ଅଣପୁତି ବଲୁ ଝେହ୍ନାସି ଅଡ଼େ ଦୁତୁୟାଁ କିହାଁ ଜିକେଏ କାଜାସି □ ୧:୧-୪:୧୩
- ୨ ଜିରୁସାଲମତା ସେବା କିହମାନି ପୂଜେରାଜା କିହାଁ ଜିକେଏ ଜୀସୁ କାଜାସି □ ୪:୧୪-୭:୮
- ୩ ମାହାପୁରୁ ମସାକି ଫେରା ହାହାନା ତାନି ଲକ୍ଷ୍ମଣଲେ କିହାମାଚି ରାଜିମାନା କିହାଁ ଜୀସୁତି ସେବା କାମା କାଜାୟି □ ୮:୧-୧୦:୩୧
- ୪ ଜୀସୁଇଁ ବାରେ ତାଣା କାଜାସି କିହାନା ଝେସାମାନେସି □ ୧୦:୩୨-୧୩:୧୭
- ୫ ସାସା ଅଡ଼େ ବାସୁଁତି କାତା ଝେସାନା ଜହରା ତଲେ ଆକୃତି ରାପ୍ନାୟି □ ୧୩:୧୮-୨୫

ମୀରଏଣା ତାଣାଚି ମାହାପୁରୁତି ବଲୁ

୧ ମାହାପୁରୁ ତଲି କାଲ୍ଲାତା ଏଟକା ଏଟକା ଟାୟୁତା ଅଡ଼େ ଏଟକା ଏଟକାଚି ମାହାପୁରୁ ଅଣପୁତି ବଲୁ ଝେହ୍ନାନି ତାଣାଚି ମା ଆକୁ ଆବାୟାଣି କାତା ଝେସାମାତେସି,

୨ ସାମା ଈ ରାନି ବେଲାତା ମୀରଏଣା ତାଣାଚି ମାଜେ କାତା ଝେସାମାଞ୍ଜାନେସି □ ଏଞ୍ଜାଣାଲ୍ ଏଞ୍ଜାସି ବାରେଚି ମୁହେଁ କାଜାସି କିହାଁ ଆଡ଼ାମାନେସି, ଏଞ୍ଜାଣି ତାଣାଚି ହାପୁପାକା ଦାରୁତି ବାରେ ଗାଡ଼ିକିତେସି;

୩ ଏ ମୀରଏସି ତାନି ଡ଼ାଞ୍ଜିମାନି ଗାଞ୍ଜୁରମିତି ଉଜେଡ଼ି ଅଡ଼େ ଏଞ୍ଜାଣି ଝାଣା ମାନେ, ଏଞ୍ଜାସି ତାନି ବାଡ଼ୁୟୁ ଗାଚି ବଲୁ ତଲେ ବାରେ ଦାରୁତିତି ସାଲୁଝି କିନେସି, ଇଞ୍ଜାଁ ମା ପାପୁ ବାରେ ମ୍ପେକ୍‌ହି ତାୟୁ ଲାକପୁରୁତି ବାଡ଼ୁୟୁ ଗାଚି ମାହାପୁରୁତି ଚିଃନି ଚଟତା କୁଗାମାନେସି □

ମାହାପୁରୁ ମୀରଏସି ବାରେକିହାଁ କାଜାସି

୪ ମୀରଏସି ଏନିକଁ ଲାକପୁରୁତି ଦୁତୁୟାଁ କିହାଁ ହାରେକା କାଜା ଦରୁତି ଅଦିକାରା ବେଟାଆହା ମାନେସି, ଏଲେକିହଁ ଏ ଏଞ୍ଜାସି ଏଞ୍ଜାସିକା କିହାଁ ହାରେକା କାଜାସି ଆହାମାନେସି □

୫ ଇଚିହଁ ମାହାପୁରୁ ଦୁତୁୟାଁ ବିତ୍ରାଚି ଆମ୍ପାଆରାଇଁ ଏତେଲା ଏଲେଇଞ୍ଜା ହିଲଅସି, "ନାନୁ ନା ମୀରଏଣାଚି, ନୀଞ୍ଜୁଚିଏ ନାନୁ ନୀ ତାଞ୍ଜିତେଏଁ" ଅଡ଼େ ଜିକେଏ ମାହାପୁରୁ ଏଲେଇଚେସି,

“ନାନୁ ମୀ ଆବାତେଏଁ ଆହାମାଇଁ,

ଅଡ଼େ ନାନୁ ନା ମାରୁଏଣାତି ଆଦି □”

୭ ଅଡ଼େ ମାହାପୁରୁ ତାନି ପାଣ୍ଡା ମାରୁଏଣାଇଁ ଅଡ଼େ ଖେଣ୍ଡେ ଦାରୁତିତା ପାଣ୍ଡାତେସି, ଏ ବେଲାତି ସିନକିହାନା ଏଲେଇନେସି, “ମାହାପୁରୁତି ବାରେ ଦୁତୁୟାଁ ଏଞ୍ଜାଣାଇଁ ଜହରା କିପେରି □”

୯ ର ଝାକିଟି ମାହାପୁରୁ ଦୁତୁୟାଁ କାତା ଏଲେଇଞ୍ଜି ମାନେସି,

“ମାହାପୁରୁ ତାନି ଦୁତୁୟାଁଇଁ ଗାଲି ଲେହେଁତି ଜୀଝୁ ହାନେସି,

ଅଡ଼େ ତାନି ସେବା କିନାରାଇଁ ହିଚୁ ଗୁଦ୍‌ଝା ଲେହେଁ କିନେସି □”

୮ ଅରଝାକି ମାହାପୁରୁ ତାନି ମାରୁଏଣା ତାକି ଏଲେଇଞ୍ଜି ମାନେସି,

“ଏ ମାହାପୁରୁ ନୀ ସିଂଗାସାଣି କାଲାକାଲା ତାକି ତୁୟିନେ,

ଅଡ଼େ ନାନୁ ସାଲଝି କିନାୟି ନୀହାୟି ତଲେ ଆନେ □

୯ ନାନୁ ଦାମ୍ବୁ ଗାଟାଣାଇଁ ଜୀଝୁ ନହୁଁ ମାଞ୍ଜି

ଅଡ଼େ ଦାମ୍ବୁ ହିଲାଆଗାଟାରାଇଁ ଅପାହିଲଅତି,

ଏଦାଆଁତାକି ମାହାପୁରୁ ନୀ ମାହାପୁରୁ ନିଙ୍ଗେ ଆଟାନେସି,

ମୀ ତଡ଼େସିଙ୍ଗା କିହାଁ ନିଙ୍ଗେ ହାରେକା ରାହାଁତି ନିହୁଁ ଖାଜୁହାନା ନିଙ୍ଗେ ଆଟାନେସି □”

୧୦ ଏଞ୍ଜାସି ଅଡ଼େ ଝେସିମାନେସି,

“ଏ ପ୍ରୁ, ନାନୁ ମୁଲୁଏ ଦାରୁତିତି ପୁନାଦି ଗାଡ଼ିକିତି,

ଅଡ଼େ ହାଗୁପାକା ବାରେ ନୀ କେୟୁତଲେ କେପିତି □”

୧୧ “ଏ ବାରେ ର ଦିନା ମେଣ୍ଡାଙ୍ଗାହାନେ, ସାମା ନାନୁ କାଟଲଏ ତୁୟିଦି;

ଅଡ଼େ ଏ ବାରେ ପ୍ଲାଝଇ ହିମ୍ବୁରିକା ଲେହେଁ ଗେଞ୍ଜା ହାନୁ

୧୨ ଅଡ଼େ, ନାନୁ ହିମ୍ବୁରି ଲେହେଁ, ହାଅ, ହିମ୍ବୁରି ଲେହେଁ ମୁଦାକିଦି

ଅଡ଼େ ଏଝି ବାରେ ହିମ୍ବୁରିକା ଲେହେଁ ବାଦ୍‌ଲି ଆନୁ;

ସାମା ନାନୁ ବାରେବେଲା ଏଞ୍ଜାତିଏ,

ଅଡ଼େ ନୀ ଜୀଝୁ ଏଚେଲାଝା ରାଏ □”

୧୩ ମାହାପୁରୁ ତାନି ଦୁତୁୟାଁଇଁ ଏଚେଲାଝା ଏଲେଇଞ୍ଜା ହିଲଅସି,

“ନାନୁ ନୀ ସାତୁୟାଁଣି ନୀ କଡାୟାଁ ତୁଇ ଇଟାଆ ପାତେକା

ନାନୁ ନୀ ଚିଃନି ଟଟତା କୁଗାମାନାମୁ □”

୧୪ ଆତିହୁଁ ଲାକପୁରୁତି ଦୁତୁୟାଁ ଆମ୍ବାଆରି ? ଏଞ୍ଜାରି ଆହିମାନେରି ମାହାପୁରୁତି ସେବା କିନାରି ମାଣ୍ଡସିୟାଁଇଁ ସାୟେମି କିହାନା ଗେଲ୍‌ପାଲିତାକି ମାହାପୁରୁ ତାଣାଟି ପାଣ୍ଡୁଅତି ଜୀଝୁୟାଁ □

୨

ଗେଲ୍‌ପିନାୟି

୧ ଏଦାଆଁତାକି, ମାରୁ ଝେଞ୍ଜାମାନି କାତାତି ହାରେକା ଝେଞ୍ଜାଲି ମନ ହାନାୟି ମାନେ, ଆଆତୁଁ ମାରୁ ଏଚେତା ଜିରୁ ବାଣ୍ଡି ଆଆୟି □

୨ ଇତିହୁଁ ନକେଏ ଲାକପୁରୁତି ଦୁତୁୟାଁ ତାଣାଟି ଏଲେଇଞ୍ଜା ମାନେସି, ଏଦି ସାତା ଇଞ୍ଜୁଁ ତାରିଆହାଁ ମାନେ, ଅଡ଼େ ଆମ୍ବାଆରି କାତା ଆହଆନା ମାନୁଝି ଆହାହିଲଅରି, ଏଞ୍ଜାରି ତାମ୍ବୁବେଟାଆନ୍ତି ଡ଼ଣ୍ଡ ବେଟାଆହାମାନେରି □

୩ ଆତିହୁଁ ଇଲେତି ଗେଲ୍‌ପିନାୟିଇଁ ହେଲା କିତିହୁଁ ମାରୁ ଏନିକିଁ ଗେଲ୍‌ହିନାୟି ? ଏଦି ନକେଏ ପ୍ରୁ ତାଣାଟି ଝେସପି ଆହାଁ ଝେଞ୍ଜାମାନି ଲକୁ ତାଣାଟି ମା ତାଣା ଝେସପିଆହାମାନାୟି ସାତା ଆହାମାନେ;

୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ ହାରେକା ସିନାୟାଁ ଅଡ଼େ କାବାଆନ୍ତି କାମାୟାଁ ଇଞ୍ଜା, ବାଡ଼ୁୟାଟା କାମାୟାଁ ଅଡ଼େ ସୁଦୁଜୀଝୁତି ଏଟକା ଏଟକାତି ଦାନା ହାହାନା ସାକି ହାହାମାନେସି □

ଜୀମୁ ମାଣ୍ଡସି ଝାଣା ଆଡ଼େସି

୫ ମାହାପୁରୁ ଆମିନି ପୁଃନି ଦାରୁତିତି ଗାଡ଼ି କିନେସି, ଅଡ଼େ ଆମିନି ଦାରୁତିତି କାତା ମାମୁଁ ଝେସିମାଞ୍ଜାନମି, ଏଦାନି ଅଦିକାରା କିହାଲି ଏଞ୍ଜାସି ଲାକପୁରୁତି ଦୁତୁୟାଁ କେୟୁତା ହେର୍‌ପା ହିଲଅସି □

୨ ସାମା ରଥସି ର ଚାନ୍ଦୁତା ସାକି ହାହାମାନେସି;

“ଏ ମାହାପୁରୁ, ମାଣସି ଆମ୍ବାଆସି, ନାନୁ ଏଞ୍ଜାଣାକ୍ ଅଣପିମାଞ୍ଜି ?

ମାଣସି ମାର୍ବସି ଆମ୍ବାଆସି ନାନୁ ଏଞ୍ଜାଣି ଜାତନ୍ ଅହିମାଞ୍ଜି ?

୩ ନାନୁ ଏଞ୍ଜାଣାକ୍ ଲାକପୁରୁତି ଦୂତୁୟାଁ କିହାଁ ରଚାଣି ଉଣା କିହାମାଞ୍ଜି;

ନାନୁ ଏଞ୍ଜାଣାକ୍ ଗାଞ୍ଜୁରମି ଅଡ଼େ ମାନିତି ଚପେରି ତୁରୁଞ୍ଜି କିହାମାଞ୍ଜି,

“ ନାନୁ ବାରେ ଏଞ୍ଜାଣି କତାୟାଁ ତୁଇ ଇଚାମାଞ୍ଜି ।”

ସାତେଏ ମାହାପୁରୁ “ବାରେତି” ଇଚିହୁଁ ଏନାଆଁଞ୍ଜା ପିହୁଆନା ବାରେତି ତାନି କର୍ତ୍ତା ତୁଇ ଇଚାମାନେସି; ଆଡ଼ିଜିକେଏ ମାର ନାର୍ବି ପାତେକା ବାରେ ତାନି ତୁଇ ଆହାମାନାଣି ମେସି ହିଲାଆୟି ସାତା ।

୯ ମାର ମେସିମାନାୟି ଲାକପୁରୁତି ଦୂତୁୟାଁ କିହାଁ “ଇଚାନି ଉଣା” କିଞ୍ଜିଆହା ମାଚେସି, ଏଞ୍ଜାଣାକ୍ ଇଚିହୁଁ ଜୀମୁଇଁ ହାକିତି ଦୁକୁ ବେଚା ଆହାମାନାକି ଗାଞ୍ଜୁରମି ଅଡ଼େ ମାନିତି ଚପେରି ତୁରୁହା ମାନାଣି ମେସିମାନାୟି, ଏନିକ୍ ମାହାପୁରୁତି କାର୍ମାଟି ବାରେ ମାଣସିୟାଁ ତାକି ଏଞ୍ଜାସି ହାକିତି ଖାଣ୍ଡା ମାନେସି ।

୧୦ ଇଚିହୁଁ ଆମ୍ବାଆରି ତାକି ଇଞ୍ଜା ଆମିନି ଗାଗଣା ତାଣାଟି ବାରେ ଗାଡ଼ି ଆହାମାନେ, ହାଡ଼େକା ମାର୍କାଣି ଜୀସୁତି ଗାଞ୍ଜୁରମି ପାଣ୍ଡି କିହାଲି, ଜୀସୁ ଦୁକୁ କସ୍ତ ବେଚାଆହାନା ଏଞ୍ଜାରାକ୍ ଗେଲ୍ପିନି ଜିରୁତା ଅନେସି ।

୧୧ ଆମ୍ବାଆସି ପାପୁତି ସୁଦୁ କିନେସି ଅଡ଼େ ଆମ୍ବାଆରି ସୁଦୁ ଆନେରି, ଏଞ୍ଜାରି ବାରେ ରଣ୍ଡିଏ ତାଞ୍ଜିତି ମାର୍କା; ଏଦାଆଁତାକି ଏଞ୍ଜାରାକ୍ ଜୀସୁ ତାୟି ତାଞ୍ଜି ଇଞ୍ଜାଲି ଲାଜା ଆଅସି,

୧୨ ଏଞ୍ଜାସି ମାହାପୁରୁକ୍ ଏଲେଇଞ୍ଜି ମାନେସି,

“ନାନୁ ନା ତାୟି ତାଞ୍ଜିୟା ନକିତା ନୀ ବାରେ କାମା ଝେକ୍‌କ୍‌କ୍,

ବାରେ କୁଲମି ନକିତା ନୀ ଜହରା ପାତୁ ପାଡ଼ିକ୍ ।”

୧୩ ଅଡ଼େ ଝେଞ୍ଜେ ଏଲେଇଞ୍ଜି ମାନେସି, “ନାନୁ ଏଞ୍ଜାଣି ତାଣା ନା ନାମୁ ତାରି କିକ୍ ।” ଅଡ଼େ ସିନିକିଦୁ “ମାହାପୁରୁ ନାଜେ ହାହାମାଞ୍ଜାନି ମାର୍କା ମାସ୍କା ନା ତଲେ ମାନେରି ।”

୧୪ ଏନାଆଁତାକି ଇଚିହୁଁ ମାର୍କା ଉଞ୍ଜା ଅଡ଼େ ନେତେରିତି ଆଞ୍ଜାତା ଆଣ୍ଡାମାନାକି କ୍ରୀସ୍ତ ଜିକେଏ ଏଲେକିହୁଁ ଏ ମାଣସି ଖାଣ୍ଡା ଆଡ଼େସି, ଏନିକ୍ ତାନି ହାକିତି ସୟତାନକ୍ ନାସା କିନେସି; ଇଚିହୁଁ ହାକି ସୟତାନତି ଅଦିକାରାତା ମାଚେ ।

୧୫ ଇଞ୍ଜା ହାକିତି ଆଜିତଲେ ଆମ୍ବାଆରି କାଲେଏତାକି ହଲିୟାଞ୍ଜା ଆହାନା ଦସ୍ପି ଆହାମାଚେରି, ଏଞ୍ଜାସି ଏଞ୍ଜାରାକ୍ ଗେଲ୍ପିନେସି ।

୧୬ ଇଚିହୁଁ ଏଞ୍ଜାସି ସାତେଏ ଲାକପୁରୁତି ଦୂତୁୟାଁଣି ସାଢ଼େମି କିଆନା ଅବାହାମତି ମାର୍କାଣି ସାଢ଼େମି କିହିମାନେସି ।

୧୭ ଏଦାଆଁତାକି ଏଞ୍ଜାସି ବାରେ ଖାକିତି ତାନି ତାୟିୟାଁ ଲେହେଁ ଆନାୟି ମାଚେ, ଏନିକ୍ ଏଞ୍ଜାସି ବାରେ ଲକ୍ଷୁତି ପାପୁତି ବାଦୁଲି ପୂଜା ହାହାଲିତାକି ମାହାପୁରୁତି ସେବା କାମାତା ର କାର୍ମାମେହ୍ନି ଅଡ଼େ ନାମୁତି କାଜା ପୂଜେରା ଆନେସି ।

୧୮ ଇଚିହୁଁ ଏଞ୍ଜାସି ତାନୁ ତାୟିପାରି କିଞ୍ଜି ଆହାଁ ଦୁକୁ ବେଚାଆହା ମାନାକି ତାୟିପାରି କିଞ୍ଜି ଆହିମାନି ଲକ୍ଷୁଣି ସାଢ଼େମି ଆହାଲି ଆଡ଼ିମାନେସି ।

୩

ଜୀସୁ ମସା କିହାଁ କାଜାସି

୧ ଏଦାଆଁତାକି ଏ ନା ସୁଦୁଗାଟି ତାୟିୟାଁ ଅଡ଼େ ତାଞ୍ଜିୟା ମୀରୁ ଆମିନି ମାହାପୁରୁତି ହାଡ଼କି ଆହାମାନି ତାଣା ଆଣ୍ଡାମାନାଚେରି ମା ନାମୁତଲେ ପାଣ୍ଡିଆହାମାନି କାଜା ପୂଜେରା ଜୀସୁତି କାତା ଅଣ୍ଡପାଦୁ;

୨ ମସା ଏନିକ୍ ମାହାପୁରୁ ଇଲୁତା ମାନିତଲେ କାମା କିହାମାଚେସି, ଜୀସୁ ଜିକେଏ ଏଲେକିହୁଁ ତାଜେ ଆଚାମାନି ମାହାପୁରୁ ନକିତା ମାନିଗାଗାସି ଆଡ଼େସି ।

୩ ଇଲୁ କିହାଁ ଇଲୁ କେପିତାସି ଏନିକ୍ ମାନି ବେଚା ଆନେସି, ଏଲେକିହୁଁ ଏ ମସା କିହାଁ ଜୀସୁ ହାଡ଼େକା ଗାଞ୍ଜୁରମିତି ଜଗେ ଆହାମାନେସି ।

୪ ଇଚିହୁଁ ବାରେ ଇଲୁକା ଆମ୍ବାଆରି ଆଆଡ଼ ଆମ୍ବାଆରି ତାଣାଟି କେପ୍‌ଞ୍ଜି ଆନୁ, ସାମା ମାହାପୁରୁ ବାରେତି ଗାଡ଼ି କିନାସି ।

୫ ମସା ମାହାପୁରୁ ଇକ୍ଷୁତା ହଲେଏସି ଲେହେଁ ନାମୁତଲେ ସେବା କାମା କିହାମାଚେସି, ଇଞ୍ଜା ଏମିନି କାତା ମାହାପୁରୁ ତାମୁ ଖେସାଲି ମନ କିହାମାଚେସି ଏ କାତେଏ ଇଦି □

୬ ସାମା ଜୀସୁ କ୍ରୀସ୍ତ ତାନି ଆବା ଇକ୍ଷୁତି ମୁହେଁ ମୀରଏଣା ଲେହେଁ ମାନିଗାଟାସି; ଇଞ୍ଜା ମାର ମା ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜୁ ମା ବାସୁତି ତାମୁ ପାତେକା ଜାଣେ ଆସା ତୁୟିନ, ଆତିହୁଁ ମାର ଜିକେଏ ଏଞ୍ଜାଣି ଇକ୍ଷୁ ଲେହେଁ ଆନାୟି □

ମାହାପୁରୁ ଲକ୍ଷ୍ମତାକି ଜମିନାୟି

୭ ଏଦାଆଁତାକି ସୁଦୁଜୀସୁ ଖେସିମାନିଲେହେଁ,

“ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଖେଞ୍ଜେରି,

୮ ଆତିହୁଁ ମୀ ଆକୁ ଆବାୟାଁ ଲେହେଁ ମୀ ହିୟାଁତି ଆଟ୍‌ଝା କିଆଦୁ, ଲକ୍ଷୁ ହିଲାଆ ବାଟାତା ଏ ଦିନା ଏଞ୍ଜାରି ମାହାପୁରୁଇଁ ତାୟିପାରି କିହାନା

ଏଞ୍ଜାଣି କପାଟି ନିଜାମାଚେରି,

୯ ଏ ବାଟାତା ମୀ ଆକୁ ଆବାୟାଁ ନାଜେ ତାୟିପାରି କିହାଁ ନାଜେ ମେସ୍ତାଚେରି, ଅଡ଼େ ରୀ କଡ଼ି ବାସା ପାତେକା ମା କାମା ସିନିକିତେରି □

୧୦ ଇଦାଆଁତାକି ନାନୁ ଇ କୁଡ଼ାତି ଲକ୍ଷୁଇଁ କାରୁବି ଆହାନା ଏଲେଇଚେଏଁ,

‘ଏଞ୍ଜାରି ବାରେଚେଲା ହିୟାଁତା ମାନି ହିଲାଆ ଗାଟାରି,

ଏଞ୍ଜାରି ନା ଜିରୁ ପୁଞ୍ଜାହିଲଅରି □’

୧୧ ଇଦାଆଁତାକି ନାନୁ ନା କପାଟି ପାରମାଣା କିତେଏଁ,

ନାନୁ ଆମିନି ଦେସାତା ଏଞ୍ଜାରିଇଁ ଜମାଲି ହାତେଏଁମା ଏ ଦେସାତା ଏଞ୍ଜାରି ଏଚେଲାଞ୍ଜା ହଡ଼ାଲି ଆଡ଼ଅରି □”

୧୨ ଏ ତାୟି ତାଜିସ୍ତା, ଜାଗ୍ରାତା, ପାପୁ ଅଡ଼େ ନାମାଆଗାଟି ହିୟାଁ ମୀ ଆମ୍ବାଆରି ତାଣା ହିଲେଏ, ଏନିକିଁ ମୀରୁ ଜୀସୁଗାଟି ମାହାପୁରୁ ତାଣାଟି ହେକ ଆଅଅଚେରି □

୧୩ ସାମା ଏଚେତା ପାପୁ ତଲେ ନାଡ଼ିକିଞ୍ଜି ଆହାନା ମୀ ବିଡ଼ାଟି ଆମ୍ବାଆରି ହିୟାଁ ଆଟ୍‌ଝା ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅଚେରି ରଅଣାଇଁ ବାସୁତି କାତା ଜଲାନା ସାୟେମି କିଦୁ;

୧୪ ଇତିହୁଁ ନଚେଏ ମା ଆମିନି ନାମୁ ମାଚେ, ଏଦାଆଁ ତାମୁ ପାତେକା ଜାଣେ ଆସା ତୁୟିନାୟି ଆତିହୁଁ କ୍ରୀସ୍ତ ତାଣା ଆଣ୍ଡାନା ତୁୟିନାୟି □

୧୫ ଦାମୁ ସାସ୍ତେରିତା ରାସ୍‌କି ଆହାମାନେ,

“ନୀଞ୍ଜୁ ମାହାପୁରୁତି ହାଡ଼ା ଖେଟିସାଚେ,

ଏନିକିଁ କାରୁବି କିଞ୍ଜିକିନି ଟାମୁତା ଆହାମାଚେ,

ଏଲେକିହୁଁ ମୀ ଆକୁ ଆବାୟାଁ ଲେହେଁ ହିୟାଁତି ଆଟ୍‌ଝା କିଆଦୁ □”

୧୬ ଆତିହୁଁ ଆମ୍ବାଆରି ମାହାପୁରୁତି ହାଡ଼ା ଖେଞ୍ଜାନା ଏଞ୍ଜାଣାଇଁ କାକ୍ତି କିହାମାଚେରି, ମସା ତାଣାଟି ଆମିନି ଗାଟାରି ମିସର ଦେସାଟି ହଡ଼ା ଖାହାମାଚେରି, ଏଞ୍ଜାରି ବାରେ ଆଏକି ?

୧୭ ଅଡ଼େ ଆମ୍ବାଆରି ମୁହେଁ ରୀ କଡ଼ି ବାସା ପାତେକା ଏଞ୍ଜାସି କାରୁବି ଆହାମାଚେସି, ଆମ୍ବାଆରି ପାପୁ କିହାମାଚେରି, ଆମ୍ବାଆରି ମଡ଼ା ଲକ୍ଷୁ ତୁୟିଆ ବାଟାତା ରିହାମାଚେ, ଏଞ୍ଜାରି ଆଏକି ?

୧୮ ମାହାପୁରୁ ଏଟିବେଲା ପାରମାଣା କିହାନା ଏଲେଇଞ୍ଜାମାଚେସି, ଏଞ୍ଜାରି ଏଚେଲାଞ୍ଜା ମାହାପୁରୁତି ଜମିନି ତାଣା ହଡ଼ଅରି, ଏଟିବେଲା ଏଞ୍ଜାସି ଆମ୍ବାଆରି କାତା ଏଲେଇଞ୍ଜାମାଚେସି ? ଆମ୍ବାଆରି କାତା ମାନୁଞ୍ଜି ଆହା ହିଲାଆଚେରି, ଏଞ୍ଜାରି ତାକି ଏ କାତା ଏଲେଇଞ୍ଜାମାଚେସି □

୧୯ ଇଲେକିହୁଁ ନାନୁ ମେସିମାଇଁ, ଏଞ୍ଜାରି ନାମାଆତାକି ଏ ଆଞ୍ଜାମାନି କିଶାନ ଦେସାତା ହଡ଼ାଲି ଆଡ଼ାଆଚେରି □

୪

୧ ଏଦାଆଁତାକି ଖାଦୁ ମାର ଜାଗ୍ରାତା ଆନ, ଏଚେତା ତାନି ଜମିନି ତାଣା ହଡ଼ାଲି ଆଞ୍ଜାମାଟି ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି ଏଚ୍‌କା ଆନିଲେହେଁ ତଞ୍ଜା ଆହିମାନେରି □

୨ ଇତିହାସ ଏହାର ନକ୍ସା ଏନିକ, ମା ନକ୍ସା ଜିକେଏ ଏଲେକିହ ଏ ନେହ କାବୁ ଝେପ୍ଟି ଆହାମାରେ, ସାମା ଝେନାରି ନାମୁତି ଝେଞ୍ଜାମାନି କାତା ଆହାଆଲିଏ, ଏଦି ଏହାର ତାକି ଲାଡ଼ା ଆଆତେ

୩ ଅଡ଼େ ମା ବିତ୍ରାତି ଆମ୍ବାଆରି ନାମିନେରି, ଝାରଇ ଏହାର ମାହାପୁରୁ ଆଞ୍ଜାମାନି ଜମିନି ଦେସାତା ହାଜାଲି ଆଡ଼ିନେରି, ଏନିକ ଏହାସି ଝେସାମାନେସି, “ଏଦାଆଁତାକି ନାନ୍ତୁ ନା କପା ତାକି ପାରମାଣା କିତେସି, ଏହାର ମା ଜମିନି ଝାରାତା ହତଅରି”

ଦାରତି ଗାଡ଼ିକିତି ବେଲାଟିଏ ବାରେ କାମା ରାହାମାରେ

୪ ଇତିହାସ ଜମିନି ଦିନାତି କାତା ଏହାସି ର ଚାୟୁତା ଇଲେକିହ ଏହାମାନେସି; “ମାହାପୁରୁ ସାଡ଼ା ଦିନାତା ତାନି ବାରେ କାମା ରାହାମାନା ଜମିତେସି;”

୫ ଅଡ଼େ ଇ ବାରେ କାତା ମାହାପୁରୁ ଝେଣେ ଏଲେଇଞ୍ଜା ମାନେସି, “ଏହାର ମା ଜମିନି ତାଣା ହଡ଼ାଲି ଆଡ଼ଅରି”

୬ ଆମିନି ଗାଗାରି ମୂଲୁଏ ନେହ କାବୁ ଝେଞ୍ଜାମାରେରି, ଏହାର ମାହାପୁରୁ କାତା ମାନୁଡ଼ି ଆଆତାକି ଏ ଜମିନି* ତାଣା ହାଜାଲି ଆଡ଼ାଆତେରି, ନୀଏ ଏ ଜମିନାଣି† ଏବକାତାରି ବେଟାଆହାମାନେରି

୭ ଅଡ଼େ ର ଦିନା, ଇତିହାସ “ନୀଞ୍ଜୁ ଦିନା” ଆଗାନା, ଇତେକା କାଲି ତାୟୁ ଦାଝୁଦତି ସାସ୍ତେରିତା ଏଲେଇଞ୍ଜି ମାନେସି, ଏନିକ ନକେଏ ଝେସି ଆହାମାନେ, “ନୀଞ୍ଜୁ ମାରୁ ଏହାଣି ହାଡ଼ା ଝେଞ୍ଜେରି, ଜାହାରା ହିୟା ଆଡ଼ଞ୍ଜା କିଆବୁ”

୮ ଇତିହାସ ଜିହସୁୟ ଏହାରାକି ଜମାଲି ହାତିହାସି ମା, ଆତିହାସି ମାହାପୁରୁ ଅର ଜମିନି ଦିନାତି କାତା ଜଲିଆତେସିମା

୯ ଏଲେକିହ ଇ କାତା ସାତା ମାହାପୁରୁ ତାନି ବାରେ କାମାଟି ଜମିତି ଲେହେଁ ତାନି ଲକୁତାକି ଜମିନି ଦିନା ତାରି କିଞ୍ଚିଆହାମାନେ

୧୦ ଇଦାଆଁତାକି ମାହାପୁରୁ ତାନି କାମାଟି ଏନିକ ଜମିତେସି, ଆମ୍ବାଆସି ମାହାପୁରୁଟି ଜମିନି ଦେସାତା ହଡ଼ା ମାନେସି, ଏଲେକିହ ଏ ଏହାସି ଜିକେଏ ତାନି କାମାଟି ଜମିନାଣି ମେଡ଼ିକିହା ମାନେସି

୧୧ ଇଦାଆଁତାକି ମା ବିତ୍ରାତି ଆମ୍ବାଆସି ଏନିକ ନାମାଆତାକି ଏ ଲକୁତି ଲେହେଁ ଏ ଜମିନି ତାଣା ହଡ଼ାନା ତୁୟଅସି, ଇଦାଆଁତାକି ଆଡ଼ିନି ପାତେକା ଜାଡ଼ୁ ଆନ

୧୨ ଇତିହାସ ମାହାପୁରୁଟି ବଲୁ ଜୀଝୁଗାଗାୟି ଅଡ଼େ କାମା କିନାୟି ଇଞ୍ଜା ରିକିଞ୍ଜାକି ଦାରାଗାଟି ଝାହନି କାଣ୍ଡା କିହା ହାରେକା ଝାସାୟି, ଅଡ଼େ ହିୟା ଅଡ଼େ ଜୀଝୁ ଇଞ୍ଜା ହାୟୁଲି ଅଡ଼େ ତୁମକାତି ନିଜେଡ଼ି ପାତେକା ହଡ଼ାଲି ଆଡ଼ିନେ ଏ ବଲୁ ମାଣସିତି ତୁଗୁମାନି ଅଣପୁତି ବାରେ ନୀହାୟି କିନାୟି

୧୩ ମାହାପୁରୁ ନକ୍ସା ଏନାୟିଞ୍ଜା ତଞ୍ଜା ଆଆଗାଗାୟି ଆଏ, ସାମା ଗାଡ଼ି କିହାମାନି ମାହାପୁରୁ ନକ୍ସା ମାଞ୍ଜେ ଲେକା ହାନାୟି ମାନେ, ଏହାଣି ନକ୍ସା ବାରେ ଦେପି ଆଡ଼ାୟି ଅଡ଼େ ପୁକିଆତାୟି

ଜୀସୁ କାଜା ପୂଜେରା

୧୪ ଏଦାଆଁତାକି ଲାକପୁରୁ ହାଜାମାନେସି, ଆମ୍ବାଆସି ମାହାପୁରୁ ମାରୁଏସି ଜୀସୁ ଏହାସି ମା କାଜା ପୂଜେରା ଆହାମାନାକି, ଝାବୁ ମାର ମା ନାମୁତି ଜାଣେତଲେ ଆହନ

୧୫ ଆମ୍ବାଆସି ମା ଦହ ପୁଞ୍ଜାଲି ଆଡ଼ିନେସି, ଏଲେତି କାଜା ପୂଜେରା ଏହାସି ଆଏ ସାମା ମା କାଜା ପୂଜେରା, ମା ଲେହେଁ ବାରେଞ୍ଜାକି ତାୟିପାରି ଆହାମାନେସି, ଆତ ଜିକେଏ ଏହାସି ପାପୁ କିହାହିଲାଆତେସି

୧୬ ଏଦାଆଁତାକି ଝାବୁ, କାର୍ମା ମେଡ଼ା ଆହାଲିତାକି ଅଡ଼େ, ଏ ବେଲାତେଏ ସାୟେମି କିନାଣି କାର୍ମାମେହନାଣି ବେଟାଆହାଲି ତାକି ମାରୁ ସାସାତଲେ କାର୍ମାମେହନି ସିଂଗାସାଣି ନକ୍ସା ହାନ



୧୭ ଇତିହାସ ବାରେ କାଜା ପୂଜେରାଞ୍ଜା ଜାହାରା ଲକୁ ତାଣାଟି ଆଡ଼ଞ୍ଜି ଆନେରି, ଏହାସି ଏହାର ଝାକିତି ପାପୁ ମେକିହାଲି ପୂଜା ଅଡ଼େ ଦାନା ହେରୁପାନା ମାହାପୁରୁଟି ସେବା କିନେସି

* ୪:୨ ୪:୨ ଆଞ୍ଜାମାନି ଦେସା କିଶାନ † ୪:୨ ୪:୨ ଆଞ୍ଜାମାନି ଦେସା କିଶାନ

୨ ଏଝାସି ବୁଦି ହିଲାଆ ଗାଟାରି ଅଡ଼େ ନାଡ଼ିକିଝି ଆହିମାନି ଲକୁଣି ଅରୁହନାଣି ତସାଲି ଆଡ଼ିନାସି, ଇଚିହଁ ଏଝାସି ତାନୁଏ ଜିକେଏ ବାଡ଼ୁୟୁ ହିଲାଆଗାଟାସି;

୩ ଅଡ଼େ ଝାଉଲ ଏବଂକା ଲକୁଡ଼ି ପାପୁ ତାକି ଏଝାସି ପୂଜା କିହାଲି ଆନେ ଏଦି ଆଏ ସାମା ତାନି ପାପୁ ତାକି ଜିକେଏ ତାନୁ ପୂଜା କିହାଲି ଆନେ □

୪ ଅଡ଼େ ଆମ୍ବାଆରି ଇ କାଜା ପୂଜେରା ପାଣାତି ତାମ୍ବାୟୁ ଅହାକତାଲି ଆଡ଼ଅରି, ସାମା ହାରେଣ ଏନିକଁ ଆଡ଼ି ଆହାମାଟେସି, ଏଲେକିହଁ ଏ ମାହାପୁରୁ ତାଣାତି ଏଝାସି ଆଡ଼ି ଆନାୟି ମାନେ □

୫ ଏଲେକିହଁ ଏ କ୍ରାପୁ ଜିକେଏ କାଜା ପୂଜେରା ପାଣାତି ଗାଝୁରମି ତାନୁଏ ପାରା ହିଲାଆଟେସି, ସାମା ମାହାପୁରୁ ଏଝାଣାକି ଏ ଗାଝୁରମି ପାଣା ହାହାମାଟେସି, ଇଚିହଁ ଏଝାସି ଏଝାଣାକି ଏଲେକିହାମାଟେସି, “ନାନୁ ନା ମାରୁଏଣାତି;

ନୀଞ୍ଜୁ ନାନୁ ନୀ ତାଞ୍ଜି ଆହାମାକି □”

୬ ଏଲେକିହଁ ଏ ଅଡ଼େ ର ତାଣା ଜିକେଏ ଏଲେକିଞ୍ଜି ମାନେସି,

“ନାନୁ ମଲ୍ଲକିସେଦକ ଲେହେଁ କାଲେଏତି ପୂଜେରା ଆଡ଼ି □”

୭ ଅମ୍ବାଆସି ଏଝାଣାକି ହାକିଟି ନୀଟହାଲି ଆଡ଼ିମାନେସି, ଏଝାସି ତାନି ଆଙ୍ଗା ତଲେ ନୀତା ମାଟାଟି, ମାହାପୁରୁ ନକିତା ହାରେକା ଡାହି ଡାହି ଅଡ଼େ କାଣ୍ଡୁଲେ ପ୍ରାତାନା ଅଡ଼େ ବାଡ଼ିମାଲିହଁ ହେରୁପା ମାଟେସି, ଇଞ୍ଜା ତାନୁଏ ଜାହାରାକି ଉଣା କିହାକତିନାସି ଅଡ଼େ ତାରିତାସି ମାଟାକି ମାହାପୁରୁ ଏଝାଣି ରୀସାଣି ଝେଟେସି,

୮ ଏଝାସି ମାହାପୁରୁ ମାରୁଏସି ଆଡ଼ିଜିକେଏ ଦୁକୁଡ଼ି ଅରୁହାନା ମାନୁଝି ଆହାଲି ଜାପିଟେସି □

୯ ଇଲେଆହଁ ତାରିଆହାନା ତାନି ହୁକୁମି ମାନୁଝି ଆନାରାକି କାଲେଏ ଗେଲପିନାସି ଆନେସି;

୧୦ ଏଦାଆଁତାକି ଏଝାସି ମାହାପୁରୁ ତାଣାତି ମଲ୍ଲକିସେଦକତି ମେରାଲେହେଁ କାଜା ପୂଜେରା ଇଞ୍ଜି ଅଦିକାରା ବେଟା ଆଡ଼େସି □

ନାମୁ ଉଣାଆନି କାତା

୧୧ ଜୀୟୁ କ୍ରୀସ୍ତତି କାତା ମାଙ୍ଗେ ହାରେକା ଝେହ୍ନାୟି ମାନେ, ସାମା ମିଙ୍ଗେ ତେଲ୍ଲିହି କିୟାଲି ହାରେକା କସ୍ତ, ଇଚିହଁ ମୀ ଜୀଝୁତା ଝେନାୟି ହାରେକା ଉଣା ବାଡ଼ୁୟୁ ମାନେ □

୧୨ ଇଚିହଁ ଇଚର ଦିନା ବିତ୍ତା ମୀରୁ ଜାପୁନାଟେରି ଆନାୟି ମାଟେ, ଆଡ଼ିଜିକେଏ ମାହାପୁରୁତି ବଲୁ ଏବଂକା ଲକୁ ଜାପୁହାଲି ତାକି ମିଙ୍ଗେ ଲଡ଼ା ଆହିମାଞ୍ଜାନେ; ଝାଜିତି ରାନ୍ଦା ଲଡ଼ା କିଆନା ପାଲୁ ମିଙ୍ଗେତାକି ଲଡ଼ା ଆହିମାଞ୍ଜାନେ □

୧୩ ଆମ୍ବାଆସି ପାଲୁ ଗହ୍ନାସି ଏଝାସି ନେହାଁଣି ଲାଗେଏତି କାତା ପୁଞ୍ଜାଲି ଆଡ଼ଅସି, ଇଚିହଁ ଏଝାସି ଉଣା କକାସି □

୧୪ ସାମା ପାତାଆଡ଼ି ଲକୁ, ଇଚିହଁ ଆମ୍ବାଆରି ବୁଦିତଲେ ନେହାଁଣି ଲାଗେଏତାଣି ଆଡ଼ାଲି ଆଡ଼ିନେରି, ଏଝାରାକି ଝାଜିତି ରାନ୍ଦା ଲଡ଼ାମାନେ □



୧୫ ଏଦାଆଁତାକି ଝାଦୁ ମାରୁ କ୍ରୀସ୍ତତି ମୂଲୁଏ ଜାପିତି କାତା ପିସାନା, ତାରିତଲେ ପାତାଆହାନା, ହାହାମାନି କାମାଟି ମନୁ ଝେହ୍ନାୟି, ମାହାପୁରୁ ତାଣା ନାମିନ,

୧୬ ବାପ୍ତିସ୍ତତି* କାତା ଜାପୁନାୟି, ତାୟଁ ତୁା କେୟୁ ଇଚିନାଣି, ହାଡ଼ାରି ଝେଣ୍ଡେ ନିଞ୍ଜିନାୟି, କାଲେଏତି ତଣ୍ଡୁତି ପୁନାଦି ଝେଣ୍ଡେ କିନାୟିମାନେ □

୧୭ ନୀର୍ବ ମାରୁ ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡ଼ିସାରେ ମାରୁ ଇଦାଆଁ କିନ □

୧୮ ଆମିନି ଗାଟାରି ନାମୁତି ଉଣା କିହାମାନେରି, ଏଝାରି ଅଣ୍ଡାପାନା ଝେଣ୍ଡା ଝାହାଲି ଆଡ଼ିନେରିକି ? ଏଝାରି ମାହାପୁରୁ ଉଜେଡ଼ିତା ବାସା କିହମାଟେରି, ଲାକପୁରୁ ଦାନାତି ଝାଣ୍ଡାନା, ସୁଦୁଜୀଝୁତା ଆଣ୍ଡାମାଟେରି,

୧୯ ମାହାପୁରୁତି ନେହଁ ବଲୁ ଇଞ୍ଜା ଝାହିମାନି ଜୁଗୁଡ଼ି ବାଡ଼ୁୟୁତି ଡ଼ାକନାଣି ଏଝାରି ଝାଣ୍ଡା ମାନେରି,

* ୫:୨ ୫:୨ ମାତି ୨୬:୩୬-୪୬; ମାର୍କି ୧୪:୩୨-୪୨; ଲୁକ ୨୨:୩୯-୪୭ * ୬:୨ ୬:୨ ପୁଞ୍ଜିନାୟି

୭ ଏଞ୍ଜରୀ ସାତାତି ପିସାନା ଲାଗେଏ ଆନେରି, ଆତିହ୍ମଂ ମନତି ବାଦଲି କିଞ୍ଜିକିହାଲି ଅଡେ ଖେଣ୍ଡେ ଏଞ୍ଜରୀରାଞ୍ଜ ପୁଞ୍ଜି କିଞ୍ଜିକିହାଲି ଆଡ଼ାଆୟି, ଏଦାଆଁତାକି ଏଞ୍ଜରୀ ତାମି ନାସା ଆହାଲିତାକି ମାହାପୁରୁ ମୀରୁଏଣାଞ୍ଜ ପାସି ମୁଣ୍ଡାତା ଏକ୍ସହାନା ଲକ୍ଷୁ ନକିତା ଏଞ୍ଜାଣାଞ୍ଜ ଲାଜା କିହିମାନେରି □

୮ ଇତିହ୍ମଂ ଆମିନି ବୁମି ପିୟୁ ରିନି ଏୟୁ ଗହ୍ନେନ ଇଞ୍ଜା ଆମିନି ତାସା କିନାରାକି ଲଡ଼ା ଆନି ଆନି କାମ୍ବି କିନେ, ଏ ବୁମିତି ମାହାପୁରୁ ବରୁ ହୀନେସି □

୯ ସାମା ଏମ୍ବାଆଁ ହାପୁକା ଅଡେ ଜାଡ଼ା ନେୟ୍ନେ, ଆତିହ୍ମଂ ଏଦି ଏନି ଲାଡ଼ା ଆଏ, ଏଦି ମାହାପୁରୁତି ବାକା ବେଟାଆନେ, ଅଡେ ତାୟୁ ହିରୁତା ଡ଼ାଞ୍ଜାହାନେ □

୧୦ ସାମା ଏ ଜୀଞ୍ଜୁତି ତାୟିୟା, ମାୟୁ ଇଲେକ୍ସ କାତା ଖେସ୍ତି ଜିକେଏ ମୀ ତାଣା ମା ହାରେକା ନାମୁ ମାନେ; ମୀରୁ ଗେଲ୍ପିଆହାଲି ମାହାପୁରୁତି ବରୁ ବେଟାଆହାମାଞ୍ଜେରି □

୧୧ ଇତିହ୍ମଂ ମାହାପୁରୁ ମୀ କାମା, ଅଡେ ମାହାପୁରୁ ଲକ୍ଷୁଣି ସେବା କିହିମାନାଣି ଅଡେ ନାଏଁ ଜିକେଏ କିହିମାନାଣି ଅଡେ ତାନି ଦରୁ ତାକି ମୀରୁ ଆମିନି ଜୀଞ୍ଜୁନହ୍ମଂ ମାଞ୍ଜେରି, ଏଦାଆଁ ମାହାପୁରୁ ବାଣ୍ଡି ଆନେସି ଇଲେତି ଦାମ୍ବୁ ହିଲାଆଗାତାସି ଏଞ୍ଜାସି ଆଏ □

୧୨ ସାମା ମାଦି ରଣ୍ଡିଏ ଏଶ୍ପୁ, ମୀରୁ ତାୟୁ ପାତେକା ମାଞ୍ଜେତାକି ମୀ ଜୀଞ୍ଜୁନନ୍ଦାୟି କାଢେଲଏ ଡ଼ୟାପେ ଆତିହ୍ମଂ ମୀ ବାରେ ଆସା ପୁତା ଆନେ □

୧୩ ଏନିକ୍ସଂ ମୀରୁ ନିସ୍ତା ଆଆନା ଆମ୍ବାଆରି ନାମୁ ଅଡେ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଞ୍ଜାରିଲେହେଁ ଆୟୁ □

ମାହାପୁରୁତି ଆଞ୍ଜନାୟି ସାତା ଆନେ

୧୪ ଇତିହ୍ମଂ ମାହାପୁରୁ ଏତିବେଲା ଅବ୍ରାହାମଞ୍ଜ ଆଞ୍ଜାମାତେସି, ଏତିବେଲା ଏଞ୍ଜାସି ତାନି ଆଞ୍ଜାମାନାଣି ମାନଞ୍ଜି ଆହାଲି ପାରମାଣା କିହାମାତେସି, ଏଞ୍ଜାଣି କିହାଁ ଆମ୍ବାଆସି କାଜାସି ହିଲାଆକି ଏଞ୍ଜାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାତେସି,

୧୫ ଏଞ୍ଜାସି ଏଲେଇତେସି, “ନାମୁ ନିଞ୍ଜେ ସାତେଏ ବରୁ ହିୟାଞ୍ଜ ଅଡେ ନୀ କୁଡ଼ାତି ହାରେକା ପାତିକିଞ୍ଜି □”

୧୬ ଅଡେ ଇଲାଆହ୍ମଂ ହାରେକା ଅରୁହାନା ଅବ୍ରାହାମ ଆଞ୍ଜାମାନାଣି କାଡ଼ାମାତାକି ଏଦାଆଁ ମେଡ଼ା ଆହାମାତେସି □

୧୭ ମାଣ୍ଡାସିୟାଁ ଏଞ୍ଜାରି କିହାଁ କାଜା ଦରୁତଲେ ପାରମାଣା କିନେରି, ଅଡେ କାତା ତୀରି କିହାଲି ଏଞ୍ଜାରି ବାରେ ଗଡ଼ହା ପାରମାଣା ତଲେ ତୀରି ଆନେ □

୧୮ ମାହାପୁରୁ ଆମ୍ବାଆରାଞ୍ଜ ଇ ବାରେ ହୀଞ୍ଜି ଇଞ୍ଜା ଆଞ୍ଜାମାତେସି, ଏ ଆଞ୍ଜାମାନାଣି ମାନଞ୍ଜି ଆହାଲି ତାନି ଆଞ୍ଜାମାନାଣି ତାକି ପାରମାଣା କିହାମାତେସି □

୧୯ ଏନିକ୍ସଂ ଆମିନି ରୀ ବାଦଲି ଆଆଗାତି କାତାତି ମାହାପୁରୁ ମିତି ଖେସାଲି ଆଡ଼ଅସି, ଏଦାଣି ତଲେ ନକିତି ବାସ୍ତୁତି ଆସାଲି ତାକି ବାସା ଟାୟୁତା ମାରୁ ହତି ମାନାୟି, ଇଞ୍ଜା ମାରୁ ବାଡ଼ୟୁତି ରାହାଁ ବେଟାଆନାୟି □

୨୦ ଏୟୁ ଜାଜା ଦହ୍ନି ଲହ୍ ମୁଣ୍ଡାଲେହେଁ, ଏ ବାସ୍ତୁ ମା ଜୀଞ୍ଜୁତି ଗେଲ୍ପି କିନାୟି ଅଡେ ଆକ୍ଳିନାୟି, ଏଦି ମାହାପୁରୁ ଇଲୁତି ଏଟ୍ଟାକି କିନି ହିମ୍ବୁରି ଲେଟାମାନି ଟାୟୁତା ହଡ଼ାନା ଆଟ୍ଟା ଅଡେ ତୀରି ଆହାମାନେ,

୨୧ ଅଡେ, ଜୀୟୁ ଏ ଟାୟୁତା ମଲ୍ଲକିସେଦକ ଲେହେଁ କାଲ୍ଲକାଲ୍ଲାତି କାଜା ପୂଜେରା ଆହାନା ମା ନକିତା ତାକିନି ଲେହେଁ ହଡ଼ାମାନେସି □



ମଲ୍ଲକିସେଦକତି ପୂଜେରା ପାଣା

୧ ଇ ମଲ୍ଲକିସେଦକ ସାଲେମ ଦେସାତି ରାଜା ଅଡେ ବାରେକିହାଁ କାଜା ମାହାପୁରୁତି ପୂଜେରା ମାତେସି □ ଅବ୍ରାହାମ ଅଡେ ତାନି ତଡ଼ଡ଼ାରି, ସାରି ଜାଣା ରାଜାୟାଁ ତଲେ ଜୁଜୁତା ଜୀଣା ଆହାଁ ଖେଣ୍ଡେ ଖାହିମାତି ବେଲାତା ମଲ୍ଲକିସେଦକ ଅବ୍ରାହାମଞ୍ଜ ବେଟାଆହାନା ବରୁ ହୀତେସି;

୨ ଅବ୍ରାହାମ ଜିକେଏ ଏଞ୍ଜାଣାକି ଜୁଜୁତା ଜୀଣାଆହାମାତି ଆସ୍ତିତି ଦସ ବାଗାତି ର ବାଗା ହୀହାମାତେସି □ ମଲ୍ଲକିସେଦକ, ଇତିହ୍ମଂ “ଦାମ୍ବୁତି ରାଜା” ଅଡେ ସାଲେମତି ରାଜା, ଇତିହ୍ମଂ “ହିଡ଼ଡ଼ିତି ରାଜା □”

୩ ଏଞ୍ଜାଣି ତାଲି ତାଞ୍ଜି ଆକୁ ଆବାୟାଁ ଦରୁକା କି ଏଞ୍ଜାଣି ଜାନାଁ ଦିନା କି ଜୀଝୁତି ରାଡ଼ି ଦିନା ଆମ୍ବିୟାଞ୍ଜା ରାୟକି ଆହାହିଲେଏ; ଏଞ୍ଜାସି ମାହାପୁରୁ ମୀରୁଏସି ଲେହେଁ କାଲା କାଲାକି ପୂଜେରା ଆହାମାଚେସି □

୪ ଅଣପାରି କିଦୁ, ମଲ୍ଲକିସେଦକ ଏଚେକା କାଜାସି ମାଚେସି, ଆକୁ ଅତ୍ରାହାମ ଜୁକୃତା ଜୀଣାଆହାନା ତାଚାମାତି ଆସ୍ତିତି ହାରେକା ନେହୁଁ ଆସ୍ତିତି ଦସ ବାଗାତି ର ବାଗା ଏଞ୍ଜାଣାକି ହାହାମାଚେସି □

୫ ଲେବି କୃତାତି ମୀରୁକା ବିତ୍ରାତି ଆମିନି ଗାଟାରି ପୂଜେରା ପାଣା ବେଟାଆଡ଼େନି, ଏଞ୍ଜାରି ମସାତି ମେରାଲେହେଁ ଇସ୍ତାୟେଲ ଲକୁ ତାଣାଟି ଇତିହୁଁ ତାନି ତାୟିୟାଁ ତାଣାଟି ଦସ ବାଗାଟି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଞ୍ଜାରି ଅତ୍ରାହାମ ଆଜାଟି ଜାନାଁ ଆଡ଼ିଜିକେଏ ତାନି ଲକୁ ତାଣାଟି ଦସ ବାଗାଟି ର ବାଗା ଅନେରି;

୬ ମଲ୍ଲକିସେଦକ ଲେବି କୃତାତାସି ଆଏ, ଆଆତି ଜିକେଏ ଏଞ୍ଜାସି ଅତ୍ରାହାମ ତାଣାଟି ଦସ ବାଗାଟି ର ବାଗା ଅଚେସି, ଇଞ୍ଜାଁ ମାହାପୁରୁ ଆଞ୍ଜାମାନାଣି ବେଟାଆନାକି ବର ହାଚେସି □

୭ ବର ହାନାସି ବର ବେଟାଆନାଣି କିହାଁ କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି □

୮ ଇଲେକିହୁଁ ହାନି ମାଣସିୟାଁ ଦସ ବାଗାଟି ର ବାଗା ଅହିମାନେରି ଏଞ୍ଜାରି ଜିକେଏ ର ଦିନା ହାନେରି, ସାମା ଏତିବେଲାତା ଆମ୍ବାଆସି ଅତ୍ରାହାମତି ଦସ ବାଗାଟି ର ବାଗା ଅହାମାଚେସି ଏଞ୍ଜାଣି କାତା ସାକି ହାପକି ଆହିମାନେ, ଏଞ୍ଜାସି ହାହା ହିଲଅସି □

୯ ମାର ଏଲେଇଞ୍ଜାଲି ଆଡ଼ିନାୟି, ଦସ ବାଗାଟି ର ବାଗା ଅହିମାନି ଲେବି ତାନୁ ଜିକେଏ ଅତ୍ରାହାମ ତାଣାଟି ଦସ ବାଗାଟି ର ବାଗା ହାହାମାନେସି □

୧୦ ଏନାଆଁତାକି ଇତିହୁଁ ଅତ୍ରାହାମଇଁ ମଲ୍ଲକିସେଦକ ଆଣ୍ଡିତାଟି ଲେବି ଏତିବେଲାତା ଜାନାଁ ଆହା ହିଲାଆଚେସି ସାମା ଲେବି ଏଞ୍ଜାଣି ଆଜା ବିତ୍ରା ମାଚେସି □

୧୧ ଇ ଲେବିୟ ଲକୁତି ପୂଜେରା ପାଣା ତଲେ ଇସ୍ତାୟେଲ କୃତାତି ଲକୁ ତାକି ମସାତି ମେରା ହାପକି ଆହାମାଚେ □ ଅଡ଼େ ଲେବି ଲକୁତି କାମା ନେହୁଁ କିହାଲି ଆଡ଼ିତିହୁଁମା, ହାରଣାତି ଅଦିକାରାଗାଟି ଇ ଲେବି ପୂଜେରାଜା ପିସାନା ମଲ୍ଲକିସେଦକ ଅଦିକାରା ଲେହେଁ ଅର କୃତାତି ପୂଜେରା ଲଡ଼ା ହିଲାଆଚେ □

୧୨ ଇତିହୁଁ ପୂଜେରା ପାଣା ବାଦଲି ଆନେ, ଆତିହୁଁ ମସା ମେରା ଜିକେଏ ବାଦଲି ଆନାୟି ମାନେ □

୧୩ ଇତିହୁଁ ଆମ୍ବାଆରି ତାକି ଇ ବାରେ ଝେସ୍ପି ଆହାମାନେ, ଏଞ୍ଜାସି ଅର କୃତାତି ଲକୁ ମାଚେସି, ଆମିନି କୃତାତାରି ଆମ୍ବାଆସି ଏଚେଲାଞ୍ଜା ପୂଜା ପିଣ୍ଡାତି ସେବା କାମା କିହାଲି ଆଣ୍ଡିହିଲଅସି □

୧୪ ଇତିହୁଁ ଇଦି ସାତା ମା ପ୍ରବୁ ଜାହୁଦା କୃତାଟି ଜାନାଁ ଆହାମାନେସି ଇଞ୍ଜାଁ ମସା ଇ କୃତାତି ପୂଜେରା ପାଣା ତାକି ଏନାଆଁ ଝେସାହିଲଅସି □

ମଲ୍ଲକିସେଦକ ଲେହେଁ ଅଡ଼େ ର ପୂଜେରା

୧୫ ଅଡ଼େ ଇଦି ଇମ୍ପାଟି ଜିକେଏ ନେହୁଁ କୁଁ ପୁନାୟି, ମଲ୍ଲକିସେଦକ ଲେହେଁ ଅଡ଼େ ର ପୂଜେରା ହରାମାନେସି □

୧୬ ଏଞ୍ଜାସି ଆଜା ତଲେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜୀଝୁତି ବାଡ଼ୁୟୁତି ପୂଜେରା ପାଣା ମେଡ଼ିକିଞ୍ଜି ଆହାମାନେସି □

୧୭ ଇତିହୁଁ ବାମ୍ବୁପତିତା ଏଞ୍ଜାଣି ତାକି ଇଲେକି ବାମ୍ବୁ ସାସ୍ତେରିତା ସାକି ହାପକି ଆହାମାନେ; “ନୀନୁ ମଲ୍ଲକିସେଦକ ଲେହେଁ କାଲାକାଲାତି ପୂଜେରା ଆଡ଼ି □”

୧୮ ଇଦାଆଁ ତଲିତି ହୁକୁମି ବାଡ଼ୁୟୁ ହିଲାଆଗାଟାୟି, ଉଜେଏତାୟି ଲାକା ଏଦି ମେଣ୍ଡା ହାଜାମାନେ □

୧୯ ଏନାଆଁତାକି ଇତିହୁଁ ମସାତି ମେରା ଏନାଆଁଞ୍ଜା ତୀରି କିହାଲି ଆଡ଼ାଆଚେ □ ଅରଞ୍ଜାକି ବାରେକିହାଁ ହାରେକା ନେହୁଁ ବାସ୍ତୁ ହରାମାନେ, ଏ ବାସ୍ତୁଟି ମାର ମାହାପୁରୁ ତାଗେ ହାଜାଲି ଆଡ଼ିନାୟି □

୨୦ ମା ତାକି ମାହାପୁରୁତି ପାରମାଣା ହାରେକା ମାନେ □ ହାରଣା କୃତାତି ପୂଜେରା ପାଣାତା ଆଡ଼ି ଆଡ଼ାଟି ଇଲେତି ଏନି ପାରମାଣା ହାପକି ଆହାହିଲାଆଚେ □

୨୧ ସାମା କ୍ରୀସ୍ତ ପୂଜେରା ଆନି ବେଲାତା ମାହାପୁରୁ ପାରମାଣା କିହାନା ଏଞ୍ଜାଣାଇଁ ଏଲେଇଞ୍ଜାମାଚେସି, “ପ୍ରବୁ ର ପାରମାଣା କିହାମାନେସି,

ଏଞ୍ଜାସି ତାନି ଅଣପୁତି ବାଦଲି କିଅସି, ନୀନୁ କାଲାକାଲାତି ପୂଜେରା ଆଡ଼ି □”

୨୨ ପ୍ରଭୁ ଇଲେକି ପାର୍ମାଣା କିହାମାନାକି ଜୀସୁ ଅଡ଼େ ର ହାରେକା ନେହି ରାଜିମାନା କିନାସି ଆହାମାନେସି □

୨୩ ପୁଣି ତାଣା ଜିକେଏ ଏଟକା ପୂଜେରାଜା ହାନାରି ଆହାମାନାକି ଏଞ୍ଜାରି ହାଡ଼ି ତାମୁ ଏଟକାତାରି ପୂଜେରା ପାଣା ବେଟାଆଡ଼େନି ଏଦାଆଁତାକି ଏଞ୍ଜାରି ହାରେକା □

୨୪ ସାମା ଜୀସୁ କାଲ୍ଲକାଲ୍ଲ ନୀତାମାନାକି, ଏତେଲ୍ୟାଞ୍ଜା ବାଦଲି ଆଆ ପୂଜେରା ପାଣା ବେଟାଆହାମାନେସି □

୨୫ ଏଦାଆଁତାକି ଏଞ୍ଜାଣି ତାଣାଟି ଆମିନି ଗାଗାରି ମାହାପୁରୁ ତାଗେ ହାନେରି, ଏଞ୍ଜାରାକି ଏଞ୍ଜାସି ହାରେପୁରେ ନୀଏଁ ଅଡ଼େ କାରେଲ୍ୟ ଗେଲ୍ପାଲି ଆଡ଼ିମାନେସି, ଏନାଆଁତାକି ଇଚିହିଁ ଏଞ୍ଜାରି ତାକି ମାହାପୁରୁ ତାଣା ଗହାରା କିହାଲି ଏଞ୍ଜାସି କାରେଲ୍ୟ ନୀତାମାନେସି □

୨୬ ଏନାଆଁତାକି ଇଚିହିଁ ଇଲେକି କାଜା ପୂଜେରା ମା ତାକି ନେହାଁସି, ଆମ୍ବାଆସି ସୁଦୁଗାଗାସି, ଦହ ହିଲ୍ଲାଆଗାଗାସି, ଲାଗେଏତି ସିନା ହିଲ୍ଲାଆଗାଗାସି ପାପୁ ଗାଗାରି ତାଣାଟି ଏଟକା ଆହାମାନାସି, ଲାକପୁରୁ ଅଞ୍ଜିଆଡ଼େସି □

୨୭ ଏ କାଜା ପୂଜେରା ଲେହେଁ ବାରେଦିନା ନଚକଏ ତାନି ପାପୁ ତାକି ଅଡ଼େ ତାମୁ ଲକ୍ଷ୍ମତାକି ବାରେଦିନା ପୂଜା ହାହାଲି ଲଡ଼ା ହିଲେଏ, ଇଚିହିଁ ତାଙ୍ଗେ ପୂଜା ହୀତାକି ଏଞ୍ଜାସି ରଣ୍ଡିଏ ପାଲି ଇଦାଆଁ କିହାମାନେସି □

୨୮ ଏନାଆଁତାକି ଇଚିହିଁ ମସାତି ମେରା ବାଡ଼ୁମୁ ହିଲ୍ଲାଆଗାଟି ମାଣସିକ୍ କାଜା ପୂଜେରା ପାଣାତା ଆଡ଼ିନେ, ସାମା ଆମିନି ପାର୍ମାଣାଟି ବଲୁ ମସାତି ମେରା ଜେଟ ଆହାମାନେ, ଏଦି କାଲ୍ଲକାଲ୍ଲା ତାକି ତାରିଗାଟି ମୀର୍ଦ୍ଦଣାକ୍ ଆଡ଼ିମାନେ □

୮

ଜୀସୁ ମା କାଜା ପୂଜେରା

୧ ମାମୁ ଏନାଆଁ ଝେସିମାଞ୍ଜାନମି ଏମ୍ବାତି କାଜା କାତା ଇଦି, ମାଙ୍ଗେତାକି ଇଲେକି ର କାଜା ପୂଜେରା ମାନେସି, ଏଞ୍ଜାସି ଲାକପୁରୁ କାଜା ଗାଞ୍ଜୁରମିଗାଟି ମାହାପୁରୁ ସିଂଗାସାଣିତି ଚିଠିନି ଚଟତା କୁଗାମାନେସି □

୨ ଏଞ୍ଜାସି ବାରେତି କିହାଁ ସୁଦୁ ଚାମୁତା ଇଞ୍ଜା ଆମିନି ସାତା ତୁମୁ ଇଲୁ ମାଣସି କେୟୁଟି କେପି ଆଆନା ପ୍ରଭୁ ତାଣାଟି ତାରି ଆହାମାନେ ଏମ୍ବାତି ସେବା କାମା କିନେସି □

୩ ଇଚିହିଁ ବାରେ କାଜା ପୂଜେରାଜା ଦାନା ଅଡ଼େ ଜନ୍ତୁତି ଡାକାହାଁ ପୂଜା କିହାଲି ଆଡ଼ି ଆହାମାନେରି, ଇଦାଆଁତାକି ଇ କାଜା ପୂଜେରାକି ଜିକେଏ ପୂଜା ହେରପାଲି ତାକି ଲଡ଼ାମାନେ □

୪ ଜୀସୁ କ୍ରୀସୁ ଦାର୍ଡିତା ମାଟିହିଁ ମା, ପୂଜେରା ଜିକେଏ ଆୟାଲି ଆଡ଼ାଆଡେସିମା, ଏନାଆଁତାକି ଇଚିହିଁ ଜୀହୁଦି ଲକ୍ଷ୍ମତି ମେରା ଲେହେଁ ଦାନା ହେରପିନେରି ଇଲେକି ପୂଜେରାଜା ଏମ୍ବାଆଁ ମାନେରି;

୫ ପୂଜେରାଜା ଆମ୍ବାଆରି ସେବା କିନେରି, ଏଦି ଲାକପୁରୁତି କାତା ପୁଣିକିନିଲେହେଁତି ସାୟ୍ ସାୟ୍ ସମାନା, ମସା ଏଟିବେଲ୍ଲା ପୂଜା କିହାଲିତାକି ର ତୁମୁ କେପିନି ବେଲାତା ଏଞ୍ଜାଣାକ୍ ମାହାପୁରୁ ଏଲେଇଞ୍ଜାମାନେସି, "ଜାଗାତା, ହରୁତା ନିଜେ ଆମିନି ହୁକୁମି ତସ୍ପି ଆହାମାଞ୍ଜାତେ, ଏଲେକିହିଁ ଏ ବାରେ କେପାମୁ □"

୬ ସାମା ନୀଏଁ ଜୀସୁକି ଆମିନି ପୂଜେରା କାମା ହୀପକି ଆହାମାନେ, ଏଦି ଏଟକାଟି ପୂଜେରାଜା କାମା କିହାଁ କାଜାସି □ ଏଲେକିହିଁ ଏ ମାହାପୁରୁ ଅଡ଼େ ମାଣସିୟାଁ ମାଦି ଏଞ୍ଜାସି ଆମିନି ରାଜିମାନା କିହାମାନେସି ଏଦି କାଜାସି, ଇଚିହିଁ ଇ ମେରାତା ହାରେକା କାଜା କାତା ହାହାଲି ଆଞ୍ଜାମାନାସି ମାନେ □

୭ ଇଚିହିଁ ତଲିତି ରାଜିମାନା ଏନି ଦହ ହିଲ୍ଲାଆତିହିଁ ମା, ତାମୁ ଅଡ଼େ ଅର୍ ରାଜିମାନା ଲଡ଼ା ଆଆଡେମା □

୮ ସାମା ମାହାପୁରୁ ତାନି ଲକ୍ଷ୍ମକ୍ ଦହ ଦସାନା ଏଞ୍ଜାରାକ୍ ଏଲେଇଞ୍ଜା ମାନେସି,

"ପ୍ରଭୁ ଏଲେଇଞ୍ଜା ମାନେସି, ମେହ୍ପୁ ର ଦିନା ଖାହିମାନେ, ଏଟିବେଲ୍ଲା ନାନୁ ଇସାୟେଲ କୃତ୍ତା ଅଡ଼େ ଜୀହୁଦା କୃତ୍ତା ତଲେ ର ପୁଠିନି ରାଜିମାନା ତାରି କିକ୍;

୯ ଆମିନି କାଲ୍ଲତା ନାନୁ ଏଞ୍ଜାରି ଆକୁୟାଁଣି କେସ୍ଲା ଆସାନା ମିସର ଦେସାଟି ହପୁହା ତାତାମାନେସି, ଏ ବେଲାତା ଏଞ୍ଜାରିତଲେ ନାନୁ ଆମିନି ରାଜିମାନା କିହାମାନେସି, ଇ ରାଜିମାନା ଏଲେକିହିଁ ଆଏ;

ଇଞ୍ଜା ଏଞ୍ଜାରି ନା ରାଜିମାନାତା ତାରି ଆହିଁ ମାନାଆଡେରି,

- ଈର୍ଣ୍ଣା ନାନୁ ଏଞ୍ଜାରାଇଁ ମନ ହାଆତେଏଁ, ପ୍ରବୁ ଈ କାତା ଏଲେ ଈର୍ଣ୍ଣିମାନେସି □
 ୧୦ ପ୍ରବୁ ଏଲେଇର୍ଣ୍ଣି ମାନେସି,
 ତାମ୍ଭୁ ନାନୁ ଇସ୍ରାୟେଲ କୃତା ତଲେ ଈ ରାଜିମାନା କିଇଁ, ଏଦି ଈଦି,
 ନାନୁ ଏଞ୍ଜାରି ମନତା ନା ମେରା ହାଈ,
 ଏଞ୍ଜାରି ହିୟାତା ଏ ବାରେ ରାଜିଇଁ,
 ଅଡ଼େ ଏଞ୍ଜାରି ମାହାପୁରୁ ନାନୁ ଆଇଁ,
 ଅଡ଼େ ଏଞ୍ଜାରି ନା ଲକୁ ଆନେରି □
 ୧୧ ମାହାପୁରୁଇଁ ପୁଞ୍ଜୁ ଈର୍ଣ୍ଣି ଏଞ୍ଜାରି ବିତ୍ରାଟି ରଅସିଞ୍ଜା ତାମି କୃତାତି ଗାଡ଼ାତାରାଇଁ ଖେହଅସି,
 ଈର୍ଣ୍ଣା ତାମି ତାୟିୟାଈଁ କି ପାଡ଼ିତାରାଇଁ ଜାପଅରି,
 ଏନାଆଁତାକି ଇରିହଁ ଉଣାଟିଏ କାଜାରି ପାତେକା ଏଞ୍ଜାରି ବାରେଜାଣା ନାଜେ ପୁଞ୍ଜାମାନେରି □
 ୧୨ ନାନୁ କାର୍ମାମେସାନା ଏଞ୍ଜାରି ବାରେ ପାପୁ ମ୍ବେକଇଁ,
 ଅଡ଼େ ଏଞ୍ଜାରି ଲାଗେଏ କିନାଣି ଏତେଲାଞ୍ଜା ଅଣପଅଁ □”
 ୧୩ ମାହାପୁରୁ ର ପୁଞ୍ଜି ରାଜିମାନା କିତାକି ତଲିତି ରାଜିମାନାଈଁ ପୁଞ୍ଜଇ ରାଜିମାନା କିହାମାନେସି; ଈର୍ଣ୍ଣା
 ଅଡ଼େ ଆମିନି ପୁଞ୍ଜଆୟି ଲଡ଼ା ହାଆଗାଗାୟି ଆହାମାନେ, ଏଦି ଗାଡ଼େକେଏ ମେଣ୍ଡିଜିନେ □



ଦାର୍ତ୍ତି ଅଡ଼େ ଲାକପୁରୁତି ପ୍ରାତାନା

- ୧ ପାତେଏ ଏ ତଲିତି ରାଜିମାନା ଜିକେଏ ପ୍ରାତାନା କିନି ମେରା ଅଡ଼େ ର ଦାର୍ତ୍ତିତି ସୁଦୁ ଟାମ୍ଭୁ କିଞ୍ଜି
 ଆହାମାଗେ □
 ୨ ଏଦି ର ତୁମ୍ବୁ ତଲେ କେପିତି ଇଲୁ ଆହାମାଗେ, ଏମ୍ବାତି ତଲିତି ବାକ୍ତା ଈର୍ଣ୍ଣି ଇନେରି ଏମ୍ବାଆଁ ର
 ଦାଞ୍ଜି ସଡ଼ା, ର ପିଣ୍ଡା ଅଡ଼େ ମାହାପୁରୁକି ହେରପାମାନି ରୁଟି ମାଗେ, ଏଦାନି ସୁଦୁ ଟାମ୍ଭୁ ଇନେରି □
 ୩ ଏମ୍ବାଆଁ ଲେଟାମାଟି ରା ଟାଟିନି ହିମ୍ବିରକା ତାମ୍ଭୁଞ୍ଜାକି ଆମିନି ତୁମ୍ବୁ ମାଗେ, ଏଦାଆଁ ହାରେକା ସୁଦୁ
 ବାକ୍ତା ଈର୍ଣ୍ଣି ଇନେରି;
 ୪ ଏମ୍ବାଆଁ ବାଂଗାରା ତଲେ ଖାରି କିହାମାଟି ଦୁପଣି ହୁଡିନି ର ପିଣ୍ଡା ଅଡ଼େ ବାଂଗାରା ତଲେ ଖାରି
 କିହାମାଟି ରାଜିମାନା ପେଡ଼ା ମାଗେ □ ଏ ରାଜିମାନା ପେଡ଼ାତା ମାନା ଇଡ଼କି ଆହାମାଟି ର ବାଂଗାରା
 ମୁତା ଅଡ଼େ ହାରଣଞ୍ଜାୟି ଆକୁ ଗାଲୁହାମାଟି ବାଡ଼ଗା ଈର୍ଣ୍ଣା ରାଜିମାନା ରାୟିକି ଆହାମାଟି ରା ଖାଲି
 ପାଟାୟାଁ ମାଡୁ,
 ୫ ରାଜିମାନା ପେଡ଼ା ଲାକ ମାହାପୁରୁ ନକିତା ନିଟାମାନି ଲେହେଁ ଗାଞ୍ଜୁରମିଗାଟି ଜଡ଼େକା କିରୁବ
 ଦୁଡୁୟାତି ବମା ମାଡୁ, ଏଞ୍ଜି ପାପୁ ମେଣ୍ଡିଜି କିନି ଟାମ୍ଭୁତି ପୁକ୍ତହାମାଡୁ; ଏଞ୍ଜି ପାପୁ ମ୍ବେକନି ଟାମ୍ଭୁ ଲାକ
 ମାଟାୟାଁ ପୁକ୍ତହାମାଡୁ, ଏ ବାରେତି କାତା ନାଏଁ ନେହଁକଁ ଖେସାଲି ଲଡ଼ା ହିଲେଏ □
 ୬ ଏମ୍ବାଆଁ ଈଲେତି ମେରା ମାନେ; ପୂଜେରାଜା ଦିନାତାକି ଦିନା ତୁମ୍ବୁତି ତଲିତି ବାକ୍ତା ବିତ୍ରା ତାମି
 ସେବା କାମା କିନେରି,
 ୭ ସାମା ତାମ୍ଭୁତି ବିତ୍ରା ବାକ୍ତାତା ଖାରଇ କାଜା ପୂଜେରା ବାର୍ଯ୍ୟା ତାକି ରଣିଏ ଦେବା ହଡ଼ନେସି, ତାନି ପାପୁ
 ଈର୍ଣ୍ଣା ଲକୁତି ପୁନାଆତି ପାପୁ ତାକି ମାହାପୁରୁକି ପୂଜା ହେରପାଲି ଏଞ୍ଜାସି ନେତେରି ଅହାନା ହାରେକା
 ସୁଦୁ ଟାମ୍ଭୁତା ହଡ଼ନେସି □
 ୮ ଈଦାଆଁତାକି ସୁଦୁଜାପୁ ମାଜେ ଜାପୁହି ମାଞ୍ଜାନେ, ନକିତି ସୁଦୁ ତୁମ୍ବୁ ମାନି ପାତେକା ହାରେକା ସୁଦୁ
 ଟାମ୍ଭୁତା ହଡ଼ାଲି ଜିରୁ ତଞ୍ଜାଆହାଁ ହିଲେଏ □
 ୯ ଈ ତଲିତି ବାକ୍ତା ନାଏଁ କାଲ୍ଲା ତାକି ପୁଣ୍ଡି କିଞ୍ଜିକିନି ସିନା, ଅଡ଼େ ଏଲେକିହଁ ଏ ଦାନା ଅଡ଼େ ପୂଜା
 ଈ ବାରେ ହାପୁକିଆନେ, ସାମା ଈ ବାରେ ସେବା କିନାରାଇଁ ନେହଁ ଅଣପୁତି ଦାନା ହାହାଲି ଆଡ଼େଏ;
 ୧୦ ଈଡିହଁ ଏ ବାରେ ଖାରଇ ତିନାଣି ଉନାଣି ଅଡ଼େ ଅବହାଲି ଆଞ୍ଜା ତାକି କିନି କାମାୟାଁ ସାମା
 ମାହାପୁରୁତି ପୁଞ୍ଜି ମେରା ଆନି ପାତେକା ଈଦି ବାରେ ଲଡ଼ାଗାଗାୟି ଆହାମାଗେ □
 ୧୧ ସାମା କ୍ରାସୁ ନାଏଁ ନେହଁ କାମାଟି କାଜା ପୂଜେରା ସମାନା ଆହାନା ଖାହାମାନେସି, ଈର୍ଣ୍ଣା ଏମିନି
 ତୁମ୍ବୁ ଇଲୁତା ଏଞ୍ଜାସି ତାନି ସେବା କାମା କିହାମାନେସି, ଈ ଇଲୁ ଦାର୍ତ୍ତିତା ମାନି ତୁମ୍ବୁ ଇଲୁ କିହାଁ ହାରେକା
 କାଜାୟି ଅଡ଼େ ନେହାୟି, ଏଦି ମାଣସି କେୟୁତଲେ କେପାଆତି ତୁମ୍ବୁ ଇଲୁ, ଏଦି ତଞ୍ଜାଆହାମାନି ଦାର୍ତ୍ତି
 ବିତ୍ରା ହିଲାଆତେ □

୧୨ କ୍ରୀସ୍ତ ଗରି କି ବାଗା କଡ଼ି ନେତେରି ତଲେ ଆଏ, ସାମା ଜାହାରା ନେତେରି ତଲେ ରଣ୍ଡିଏ ଦେବା ସୁଦୁ ଚାୟୁତା ହଡ଼ାନା କାଲ୍ଲକାଲ୍ଲତାକି ଗେଲ୍ଲପି ଆନାଣି କିହାମାନେସି □

୧୩ ଆମ୍ବାଆରି ପାଣ୍ଡାପାଟୁ ମାନୁଞ୍ଚି ଆଆନା ପାପୁ କିନେରି, ଏଞ୍ଜାରି ପଲ୍ଲଆ ଗାଟାରି ଲାକ ଗରି ଅଡ଼େ ବାଟା କଡ଼ିତ ନେତେରି ଡ଼ାଞ୍ଜାନା ହୁଡ଼ିତ ଦାର୍ମ୍ବୁତଲେ ଏଞ୍ଜାରି ଆଞ୍ଜାତି ବାରେ ପାପୁ ସୁଦୁ କିହମାତେରି,

୧୪ ଇଦି ସାତା ଆହାମାନେ, ଇତିହଂ କ୍ରୀସ୍ତତି ନେତେରି ସାତା ଆଏ, କି କାଲେଏତି ଜୀଞ୍ଜୁତି ସାୟେମି ତଲେ ଏଞ୍ଜାରି ଜାହାରାଲ୍ଲ ମାହାପୁରୁ ନକ୍ତିତା ର ଦହ ହିଲ୍ଲଆ ପୂଜାଲେହେଁ ହେର୍ପିତେସି, ତାନି ନେତେରି ଏତେକା ଗାଡ଼ି ନୀତାମାନି ମାହାପୁରୁଲ୍ଲ ସେବା କିହାଲି, ହାଞ୍ଚି କିନି କାମାଟି ମା ଜୀଞ୍ଜୁତି ଅଣ୍ଡପୁତି ସୁଦୁ କିନେ □

୧୫ ଇଦାଆଁତାକି କ୍ରୀସ୍ତଏ ପୁଃନି ରାଜିମାନାତି ମାଦିତାସି ଆହାମାନେସି, ଏନିକଂ ମୁଲୁ ରାଜିମାନାତି ପାପୁ ମ୍ଲେକ୍ହାଲି ତାକି ହାହାମାନାକି ମାହାପୁରୁ ହାଟାମାନି ଲକ୍ଷୁ କାଲ୍ଲକାଲ୍ଲତି ଅଦିକାରା ଆହାଲି ଆଞ୍ଜାମାନି ଗେଲ୍ଲପି ଆନାଣି ବେଟାଆନେରି □

୧୬ ଇତିହଂ ରାଜିମାନା କିଞ୍ଚି ଆହାମାଟି ରାଜିମାନା ଆହାମାନି ମାଣ୍ଡସିତି ହାନ୍ତି ପାର୍ମାଣା ଲଡ଼ାମାନେ □

୧୭ ଇଞ୍ଜା ହାଡ଼ିସାରେ ରାଜିମାନା କିହାମାନାୟି ବାଡ଼ୁରୁ ଆନେ, ଇତିହଂ ରାଜିମାନା କିହାମାନାସି ନୀତାମାନି ପାତେକା ଏଦି ଏତେଲା ଜିକେଏ କାମାତା ଖାଏ □

୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲ୍ଲଆନା ତୀରି ଆହାହିଲ୍ଲଆତେ □

୧୯ ତଲିଏ ମସା ମେରାଡ଼ି ହୁକୁମି ଲକ୍ଷୁତାଣା ଖେକ୍ହେସି, ତାୟୁ ଏଞ୍ଜାସି କଡ଼ି ଅଡ଼େ ଗରିତି ନେତେରି ଏୟୁତଲେ ଆଟ୍ଟହାନା ଏସବ ଜାଡ଼ାତି ଆକା ଅଡ଼େ ନେତେରି ଖାଣାଗାଟି ମେଣ୍ଡା ବାଣାୟି ତଲେ ମେରା ପତି ଅଡ଼େ ବାରେ ଲକ୍ଷୁ ଲାକ ଡ଼ାଞ୍ଜିତେସି □

୨୦ ଏଞ୍ଜାସି ଏଲେଇତେସି, “ଏମିନି ରାଜିମାନା ମାନୁଞ୍ଚି ଆହାଲି ମାହାପୁରୁ ମିଙ୍ଗେ ହୁକୁମି ହାହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ □”

୨୧ ଅଡ଼େ ଜିକେଏ ଏଲେକିହଂ ଏଞ୍ଜାସି ତୁମୁ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶସୁ ଲାକ ଜିକେଏ ନେତେରି ଡ଼ାଞ୍ଜିତେସି □

୨୨ ସାତେଏ ମସାଡ଼ି ମେରା ତଲେ ବାରେ ନେତେରି ତଲେ ଅର୍ବ୍ହ କିଞ୍ଚିଆନେ, ଅଡ଼େ ନେତେରି ଖାକ୍ଆନା ପାପୁ ମେଣ୍ଡେଖେଏ □

କ୍ରୀସ୍ତତି ହାକିଟି ପାପୁ ମେଣ୍ଡିଜିନେ

୨୩ ଏଦାଆଁତାକି ଲାକପୁରୁ କେପିତି ବାରେ ଦିଶସୁ ପୁଣ୍ଡିକିନିଲେହେଁ ପୂଜା ତଲେ ଅର୍ବ୍ହ ଆନାୟି ମାତେ; ସାମା ଲାକପୁରୁ କେପିତି ବାରେ ଦିଶସୁ ଇ କାଜା ପୂଜା ତଲେ ଅର୍ବ୍ହନାୟି ମାନେ □

୨୪ ଏନାୟି ମାଣ୍ଡସିୟା କେୟୁତି କେପାଆତାୟି ଇଲେତି ସୁଦୁ ଚାୟୁତା କ୍ରୀସ୍ତ ହାଜାମାନେସି, ଇଦି ସାତା କାତା, ଏଞ୍ଜାସି ଲାକପୁରୁ ହାଜାମାନେସି, ଏମ୍ବାଆଁ ଏଞ୍ଜାସି ମା ଖାକିଟି ନୀର୍ବ ମାହାପୁରୁ ନକ୍ତିତା ମାନେସି □

୨୫ ଜୀହୁଦିୟା କାଜା ପୂଜେରାଞ୍ଜା ଏନିକଂ ବାର୍ସା ତାକି ବାର୍ସା ଏର୍ବକା ଲକ୍ଷୁ ତାକି ପୂଜା ହୀନି ନେତେରି ଅହାନା ସୁଦୁ ଚାୟୁତା ହଡ଼ନେରି, ଏଲେକିହଂ ଏ କ୍ରୀସ୍ତ ଅଲେ ଅଲେ ତାଙ୍ଗେ ପୂଜା କିହାଲି ଏଦି ଏମ୍ବାଆଁ ହାଜାହିଲ୍ଲଅସି □

୨୬ ଆତିହଂ ଦାରୁତି ଗାଡ଼ିଆଡ଼ି ବେଲାଟିଏ ଅଲେ ଅଲେ ତାଙ୍ଗେ ହାହାଲି ଆଡ଼େମା; ସାମା ନୀର୍ବ ଏଞ୍ଜାସି ଜୁଗୁ ରାନ୍ତି ବେଲାତା ତାନୁଏ ପୂଜାଲେହେଁ ହେର୍ପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି □

୨୭ ବାରେ ଲକ୍ଷୁତାକି ଏନିକଂ ରଣ୍ଡିଏ ଦେବା ହାନାୟି, ଅଡ଼େ ଏଦାନି ତାୟୁ ନୀହାୟି ମାନେ □

୨୮ ଏଲେକିହଂ ଏ କ୍ରୀସ୍ତ ଜିକେଏ ହାରେକା ଲକ୍ଷୁତି ପାପୁ ତେକା ଅହାଲି ରଣ୍ଡିଏ ଦେବା ପୂଜା ଆହାଲି ହେର୍ପାକତିତେସି, ଅଡ଼େ ଖେଣ୍ଡେ ପାପୁ ତାକି ଆଏ, ସାମା ଆମିନି ଗାଟାରି ଏଞ୍ଜାଣାଲ୍ଲ କାଟାମାନେରି, ଏଞ୍ଜାରାଲ୍ଲ ଗେଲ୍ଲପାଲିତାକି ତଞ୍ଜାଆନେସି □

୧୦

୧ ଇତିହଂ ମସାଡ଼ି ମେରା ଖାହିମାନି ଦିନାତି ନେହଂ ସାୟୁଲେହେଁ ଆହାନା ଏ ବାରେତି ଖାଣା ଆଆତାକି ପୂଜେରାଞ୍ଜା ବାର୍ସା ତାକି ବାର୍ସା ଏ ରଣ୍ଡିଏ ରଲେତି ପୂଜା କିହମାନାକି ପ୍ରାଡ଼ାନା କିନାରାଲ୍ଲ ଏତେଲାଖା ତୀରି କିହାଲି ଆଡ଼ଅରି □

୨ ଏଲେକିହିଁ ମାହାପୁରୁତି ସେବା କିନାରି ସାତେଏ ପାପୁଚି ନରୁଝି ଆଡ଼ିହିଁମା, ଆତିହିଁ ଏଞ୍ଜାରି ଅଡ଼େ ଜାହାରାଇଁ ପାପୁ ଗାଟାତମି ଇଞ୍ଜିଁ ଅଣ୍ଡପାଆତେରିମା, ଅଡ଼େ ବାରେ ପୂଜା କିନାୟି ତୁଞ୍ଜିତେମା
□

୩ ସାମା ଏଲେକିଁ ଆଆନା ବାସୀ ତାକି ବାସୀ ପୂଜା କିହିମାନାକି ମାଣ୍ଡିଇଁ ତାନି ପାପୁଚି ଅଣ୍ଡପି କିଞ୍ଜିଆହିମାନେ
□

୪ ଇତିହିଁ ବାଟା କଡ଼ିତି ନେତେରି ଆଢ଼େ କି ଗରିତି ନେତେରି ଆଢ଼େ ଏଡ଼ି ଏଚେଲାଞ୍ଜା ମା ପାପୁ ମ୍ଲୋକହାଲି ଆଡ଼େଏ
□

୫ କ୍ରୀସୁ ଦାର୍ତତା ଖାହାନା ଏଲେଇଞ୍ଜାମାଚେସି,
“ନୀନୁ ପୂଜା ଅଡ଼େ ଦାନା ହୀନାଣି ରାହାଁ ଆଆତି,
ସାମା ନୀନୁ ନାଞ୍ଜେତାକି ର ଆଞ୍ଜା କେପିତି;

୬ ପାପୁଚି ମ୍ଲୋକହାଲି ନୀନୁ ହିରୁତା ହୁଡ଼ିନି ପୂଜା ଅଡ଼େ ଜନ୍ତୁ ଡାକିନାଣି ରାହାଁ ଆଆତି □

୭ ଏଚିବେଲା ନୀନୁ ଏଲେଇଚେସି, ମାହାପୁରୁ, ନୀନୁ ଇମ୍ପାଆଁ ମାଇଁ,
ନୀ ଅଣ୍ଡପୁତି କାମା କିହାଲି,
ଏନିକିହିଁ ସାପ୍ତେରିତା ନା କାତା ରାସ୍ତକି ଆହାମାନେ □”

୮ ଏଞ୍ଜାସି ତଲିଏ ଖେପ୍ରେସି, “ନୀନୁ ମାଣ୍ଡିସିତି ପାପୁ ମ୍ଲୋକହାଲି ପୂଜା କିନାଣି, ଦାନା ଇଞ୍ଜା ଜନ୍ତୁତି ହିରୁତା ହୁଡ଼ିନାଣି ଅପିହିଲଅତି; ଏ ବାରେ ନିଞ୍ଜେ ରାହାଁ କିୟାଲି ଆଡ଼େଏ □” ଈ ବାରେ ପୂଜା ମୋରାଲେହେଁ କିଞ୍ଜି ଆହାମାତି ଜିକେଏ,

୯ ଅଡ଼େ ଜିକେଏ ଏଞ୍ଜାସି ଏଲେଇଚେସି, “ମାହାପୁରୁ ମେହ୍ମୁ, ନୀନୁ ନୀ ମନଲେହେଁ କାମା କିହାଲି ଖାହାମାଇଁ” ଏଦାଆଁତାକି ମାହାପୁରୁ ଈ ବାରେ ପୂଜା ଅପାଆନା, ଏଦାଣି ପିସାନା କ୍ରୀସୁତି ପୂଜା ଅପିତେସି
□

୧୦ ଜୀସୁ କ୍ରୀସୁ ରଣ୍ଡିଏ ଦେବା କାଲାକାଲାତାକି ତାନି ଆଞ୍ଜାତି ହେରପାନା ମାହାପୁରୁତି ମନତଲେ କାମା କିହାଲିଏ, ତାନି ଏ ପୂଜାଟି, ମାର ବାରେ ଜାଣାତାୟି ପାପୁଚି ଗେଲ୍ପି ଆହାନା ସୁଦୁ ଗାଟାତାୟି ଆହାମାନାୟି □

୧୧ ଅଡ଼େ ଜିକେଏ ବାରେ ଜୀହୁଦି ପୂଜେରାଞ୍ଜା ବାରେଦିନା ସେବା କାମା କିହାଲି ଅଲେ ଅଲେ ରଲେଏତି ପୂଜା ହୀହାଲି ନିନେରି; ଈ ବାରେ ଏଚେଲା ପାପୁ ମ୍ଲୋକହାଲି ଆଡ଼େଏ □

୧୨ ସାମା କ୍ରୀସୁ ପାପୁ ତାକି ରଣ୍ଡିଏ ଦେବା ତାଞ୍ଜେ ପୂଜା ଅହାଲି ହେରପାକଡ଼ିତି ତାମୁ କାଲେଏତାକି ମାହାପୁରୁ ଟିଝିନି ଟଟତା କୁରିତେସି;

୧୩ ମାହାପୁରୁ ତାନି ସାଡ଼ୁୟାଁଇଁ ଏଞ୍ଜାଣି କତାୟାଁ ଡ଼ଇ ଇଟାଆ ପାତେକା ଏଞ୍ଜାସି ଏମ୍ପାଆଁ କାଡ଼ିମାନେସି
□

୧୪ ଇତିହିଁ ଖାରଇ ରଣ୍ଡିଏ ପୂଜା ହାତି ତାଣାଟି ଏଞ୍ଜାସି ପାପୁଚି ସୁଦୁ ଆହାମାନି ଲକ୍ଷୁଇଁ କାଲେଏ ତାକି ତାରି କିହାମାନେସି □

୧୫ ସୁଦୁଜୀସୁ ଜିକେଏ ମାଞ୍ଜେ ସାକି ହୀହାନା ଖେସିମାଞ୍ଜାନେ □

୧୬ ଇତିହିଁ ପ୍ରବୁ ଈ କାତା ଏଲେଇଞ୍ଜି ମାନେସି,
“ଏ ଖାନି ଦିନା ନୀନୁ ଏଞ୍ଜାରିତଲେ ଆମିନି ପୁଝିନି ରାଜିମାନା କିଇଁ,
ଏଡ଼ି ଈଦି, ନୀନୁ ଏଞ୍ଜାରି ହିୟାଁତା ମସାତି ମୋରା ହୀଇଁ,
ଇଞ୍ଜାଁ ଏଞ୍ଜାରି ମନତା ଏ ବାରେ ରାଡ଼ିଇଁ □”

୧୭ ଅଡ଼େ ଏଞ୍ଜାସି ଏଲେଇଞ୍ଜି ମାନେସି, “ନୀନୁ ଏଞ୍ଜାରି ପାପୁ ଅଡ଼େ ଲାଗେଏତି କାମାୟାଁ ଏଚେଲାଞ୍ଜା ଖେଣ୍ଡେ ଅଣ୍ଡପଅଁ □”

୧୮ ଈଦାଆଁତାକି ବାରେ ପାପୁ ଦହ୍ ମେଣ୍ଡିସାରେ ଅଡ଼େ ଏଚେଲାଞ୍ଜା ପୂଜା ହୀହାଲି ଲଡ଼ା ଆଏ □

ମାହାପୁରୁ ତାଗେ ହାନାୟି

୧୯ ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତା, ଜୀସୁ ହାହାମାନାକି ମାର ସୁଦୁ ଟାୟୁତା ହଡ଼ାଲି କାଜା ଅଦିକାରା ବେଟା ଆହାମାନାୟି,

୨୦ ଏଞ୍ଜାସି ଲେଟାମାନି ତାନି ଆଞ୍ଜା ଲେହେଁତି ଟାଡ଼ିନି ହିମ୍ପରି ତଲେ ମାଞ୍ଜେତାକି ର ପୁଝିନି ଇଞ୍ଜାଁ ନୀତିନି ଜିରୁ ଦେଟାମାନେସି □

୨୧ ମାହାପୁରୁ ଇଲୁ ନୀର୍ସ ମା କାଜା ପୂଜେରା ତାଣା ମାନେ,

୨୨ ଏଦାଆଁତାକି ଖାଦୁ, ମାର ସୁଦୁ ହିୟାଁ ଅଡେ ଆଡ଼଼ା ନାମୁଟି ମାହାପୁରୁ ନକିତା ହାନ; ଇତିହଁ ମାର ନାଏଁ ପାପୁ ଅଣପୁଟି ଅଡ଼଼ି ଆହାମାନାୟି ଅଡେ ମା ଆଜା କ୍ରୀସୁତି ନେତେରି ତଲେ ନରୁ଼ି ଆହାମାନେ
□

୨୩ ମାର ଝେକହାମାନି ଆସା ବାସୁତି ବାଡ଼ୁ ତଲେ ଆହନ, ଏନାଆଁତାକି ଇତିହଁ ମାହାପୁରୁ ଆଜ୍ଞାମାନେସି, ଏଞ୍ଜାସି ଟିକାଣାତାସି;

୨୪ ଅଡେ ଜୀସୁ ନ଼ି ଅହାଲି ଇଞ୍ଜା ନେହଁ କାମା କି଼ି କିହାଲିତାକି ରଅତାୟି ରଅଣାଇଁ ସା଼େୟି କିହାଲି ମନ ହାନ,

୨୫ ଅଡେ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକଁ କିଆପ; ସାମା ରଅତାୟି ରଅଣାଇଁ ବାସୁଁ ହା଼ିଆନ, ଏନାଆଁତାକି ଇତିହଁ ପ୍ରବୁ ଖାନି ଦିନା ତାଗେ ଖାହିମାନେ ଇଞ୍ଜା ମେସିମାନାୟି □

୨୬ ମା ନକିତା ସାତା ତଞ୍ଜା ଆଡ଼ି ଜେଚ ମାର ପୁଞ୍ଜି ପୁଞ୍ଜିହଁ ପାପୁ କିହିମାନାୟି, ଆତିହଁ ଏନି ପୂଜା ପାପୁଟି ଗେଲପାଲି ଆଡେଏ,

୨୭ ଆଡ଼ିହଁ ମାର ଖାହିମାନି କାଜା ନାହାଁୟି ନକିତା ମାହାପୁରୁଇଁ ଅପାଆଗାଟି ଲକୁ ତାକି ମାନି ହିରୁତା ନାସା ଆନାଣି ଆଜାନା ଡ଼ୟିନି ପିସପେ ମାଡ଼ି ଅଡେ ଏଚକା ଏନି ତଣ୍ଡ ହିଲେଏ □

୨୮ ଆମ୍ବାଆସି ମସା ମେରାଟି ମାନ଼ି ଆଆସାରେ, ଏଞ୍ଜାସି କାର୍ମା ମେସପି ଆଆନା ରିଆରି କି ତାନି ଜାଣା ସାକି ତଲେ ଦହଗାଗାସି ଇଞ୍ଜା ପୁଞ୍ଜାନା, ଏଞ୍ଜାଣାଇଁ କାର୍ମା ମେହଆନା ହାନି ତଣ୍ଡ ହା଼ିଆନେ □

୨୯ ଇଞ୍ଜା ଅଣପାଦୁ ଆମ୍ବାଆସି ମାହାପୁରୁ ମାରଏଣାଇଁ କର୍ତ୍ତା ତୁଲ ଓସାମାନେସି, ପୁଞ୍ଜି ରାକ୍ତିମାନାତି ଆମିନି ନେତେରି ତଲେ ଏଞ୍ଜାସି ସୁଦୁ ଆହାମାରେସି, ଏଞ୍ଜାଣାଇଁ ଡ଼ଣା ଇଞ୍ଜା ଅଣପାମାନେସି ଅଡେ କାର୍ମା ହାନି ଜୀସୁଟି ଅପାହିଲଅସି, ଏଞ୍ଜାସି ଏଚେକା ହା଼େରଏ ତଣ୍ଡ ବେଗଆଅସି □

୩୦ ଇତିହଁ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାମି କାମାତି ପାଡ଼େୟି ହାଇଁ” ଆମ୍ବାଆସି ଇ କାତା ଏଲେଇଞ୍ଜା ମାନେସି, ଏଞ୍ଜାଣାଇଁ ନାନୁ ପୁଞ୍ଜାମାଇଁ, ଅଡେ ଜିକେଏ “ପ୍ରବୁ ତାନି ଲକୁଇଁ ନାହାଁୟି କିନେସି □”

୩୧ ନାତାମାନି ମାହାପୁରୁ କେୟୁତା ହେର଼ିନାୟି ଏଡ଼ି ହା଼େରକା ଆଜିହ଼ପତାୟି □

୩୨ ସାମା ଉଜେଡ଼ି ମେସି ତାୟୁ ଏତିବେଲ୍ଲାତା ମୀରୁ ହା଼େରକା ଦୁକୁ କସୁ ବେଗାଆହାନା ହା଼ର଼ି ଆହାହିଲଅତେରି, ମୀରୁ ଏ ତଲି କାଲାତି ଅଣପାଦୁ; ସାମା ମୀରୁ ଏଚେଲାଞ୍ଜା ହା଼ର଼ି ଆହା ହାଲଅତେରି □

୩୩ ରକ଼ାକି ଅପାଆ ଗାଗାତେରି ଅଡେ କସୁତା ଲାଜା କି଼ିଆହିମାରେରି, ଅର଼ାକି ଏଲେକିହଁ ଏ ମାହାପୁରୁ ଲେମ୍ବିମାନି ଲକୁତଲେ ଆଣ୍ଡିମାରେରି □

୩୪ ଇତିହଁ ମୀରୁ କାୟିଦି ଗାଗାରି ତଲେ ଆଣ୍ଡାନା ଦୁକୁ ବେଗା ଆହାମାରେରି, ଅଡେ ମିଙ୍ଗେ ମୀ ହା଼େରକା ନେହଁ କା଼େଲଏତି ବାଡ଼କୁ ମାନେ, ଇଦାଆଁ ପୁଞ୍ଜାନା ରାହାଁତଲେ ମୀ ଦନ ମାଣ୍ଡା ଅନାଣି ମୀରୁ ଅରହିମାରେରି □

୩୫ ଇଦାଆଁତାକି ମୀରୁ, ମୀ ସାସା ପିହଆଦୁ ଇତିହଁ ଏମ୍ବାଟି ହା଼େରକା ଦାନା ମାନେ □

୩୬ ମାହାପୁରୁଟି ଅଣପୁ ପୂଜା କିହାନା ଏଞ୍ଜାସି ଆଜ୍ଞାମାନାଣି ବେଗାଆହାଲି ଆଡ଼ିଦେରି, ଏଦାଆଁତାକି ମୀରୁ ସାସା ଆସାନା ଡ଼ୟାଦୁ □

୩୭ ଇତିହଁ ଦାମ୍ବୁପତିତା ରାସକି ଆହାମାନେ,

“ଇତିହଁ ହା଼େରକା ଡ଼ଣା ବେଲା ମାନେ,
ଆମ୍ବାଆସି ଖାନାୟି ମାନେ, ଏଞ୍ଜାସି ଖାନେସି;
ଅଡେ ଏଞ୍ଜାସି ଝେଡ଼ା କିଅସି □

୩୮ ନା ଦାମ୍ବୁଟି ମାଣ୍ଡସି ନାମୁତଲେ ନାତିନାସି,
ସାମା ଆମ୍ବାଆସି ନା ତାଣାଟି ଗୁଗା ଆନେସି,
ଆତିହଁ ଏଞ୍ଜାଣି ତାଣା ନା ଜୀସୁ ରାହାଁ ଆଏ □”

୩୯ ସାମା ଆମ୍ବାଆରି ନାସା ଆହାଲି ଝେଣ୍ଡେ ଗୁଗା ଆନେରି, ମାମ୍ବୁ ଏଞ୍ଜାରି ଗିଟି ଲକୁ ଆଏ, ସାମା ଆମ୍ବାଆରି ଜୀସୁଟି ଗେଲପି ଆହାଲି ନାମିନେରି, ମାମ୍ବୁ ଏଞ୍ଜାରି ଗିଟି ଲକୁତମି □

୧୧

ନାମ୍ନୁ

୧ ନାମ୍ନୁ ଇଚିହଁ ଆସା କିହିମାନାଣି ବାରେ ସାତେଏ ବେଟାଆନାୟି, ଇଞ୍ଜା ତଞ୍ଜାଆଆଗାଗାୟି ସାତେଏ ମାନେ ଇଞ୍ଜା ପୁନାୟିଏ ନାମ୍ନୁ □

୨ ତଲିତି ମା ଆକୁୟାଁ ମାହାପୁରୁଇଁ ନାମାଲିଏ ମାହାପୁରୁ ତାଣା ଖେଜିତେରି □

୩ *ମାର ନାମ୍ନୁଟି ପୁନାୟି, ବାରେ ଦାରୁତି ମାହାପୁରୁତି ବଲୁ ତଲେ ଗାଡ଼ି ଆଡେ, ଅଡେ ଏନାୟିଝା ତଞ୍ଜା ଆଆଗାଟି ତାଣାଟି ତଞ୍ଜା ଆନାୟି ଗାଡ଼ି ଆହା ହିଲେଏ □

୪ ନାମ୍ନୁଟି ହେବଲ ମାହାପୁରୁ ନକିତା କୟିନ କିହାଁ ନେହଁ ପୁଜା ହେବପିତେସି ଇଞ୍ଜା ଏଦାଣି ତଲେ ଏଝାସି ଦାମ୍ନୁଗାଗାସି ଆଡେସି; ମାହାପୁରୁ ତାନୁଏ ତାନି ଦାନାତାକି ସାକି ହାତେସି, ଅଡେ ଏଝାସି ହାଡ଼ି ଜିକେଏ ନାଞ୍ଜୁପାତେକା ନାମ୍ନୁଟି କାତା ଆହିମାନେସି □

୫ ନାମ୍ନୁଟି ହନକ ହାଆନା ମାହାପୁରୁ ତାଣା ଅଝିଆଡେସି ଇଞ୍ଜା ମେଣଜିତେସି; ଅଡେ ଏଝାସି ତଞ୍ଜା ଆଆଡେସି, ଇଚିହଁ ମାହାପୁରୁ ଏଝାଣାଇଁ ଅହାନା ମେଣଜିକିତେସି, ଏଝାସି ମାହାପୁରୁତି ରାହାଁ ଗାଗାସି, ମେଣଜିନି ନକେଏ ଏଝାସି ଏ କାତା ଖେଞ୍ଜାମାଚେସି;

୬ ଅଡେ ନାମ୍ନୁ ହିଲାଆନା ଆମ୍ବାଆସି ମାହାପୁରୁଇଁ ରାହାଁ କିହାଲି ଆଡପସି, ଇଚିହଁ ମାହାପୁରୁ ସାତେଏ ମାନେସି ଇଞ୍ଜା, ଅଡେ ଏଝାସି ତାଙ୍ଗେ ପାରିନାରାଇଁ ତାନି କିତି କାମାଟି ପାଡେୟି ହାନେସି, ଇଦାଆଁ ଏଝାସି ତାଣା ଖାନି ଲକୁ ନାମିନାୟିମାନେ □

୭ ନାମ୍ନୁଟି ନହଁ ଏ ବେଲା ପାତେକା ତଞ୍ଜା ଆଆଗାଟି କାତାତାକି ହୁକୁମି ବେଟାଆହାନା ଆଜିତଲେ ତାନି କୁଟି ଗେଲପାଲିତାକି ର ଜାକା କେପିତେସି, ଇଞ୍ଜା ଏ ନାମ୍ନୁତଲେ ଏଝାସି ଦାରୁତିତି ଦହଁ କିହାନା ନାମ୍ନୁତଲେ ମାହାପୁରୁ ନକିତା ଦାମ୍ନୁଗାଗାସି ଆଡେସି □

୮ ନାମ୍ନୁଟି ଅବ୍ରାହାମ ମାହାପୁରୁ ତାଣାଟି ହାବୁକି ଆହାଲିଏ, ଆମିନି ଦେସା ଏଝାସି ବେଟାଆହାଲି ହାଜିମାଚେସି, କାତା ମାନଝି ଆହାନା ଏମ୍ବାଆଁ ହାଜାଲି ହଡେସି, ଏଝାସି ଏମ୍ବିୟା ହାଜିମାନେସି, ଏଦାଆଁ ଏଝାସି ପୁନାଆନା ଜିକେଏ ହଡାହାଚେସି □

୯ ନାମ୍ନୁଟି ଏଝାସି ଏବୁକା ଦେସାତାରିଲେହେଁ ଆଞ୍ଜାମାନି ଦେସାତା ବାସା କିତେସି, ଏଝାସି ତୁମୁତା ବାସା କିତେସି ଅଡେ ଏଝାଣିଲେହେଁ ମାହାପୁରୁ ଆଞ୍ଜାଲିଏ ଇସାହାକ ଅଡେ ଜାକୁବ ଜିକେଏ ତୁମୁ ଇଲୁତା ବାସା କିତେରି □

୧୦ ଇଚିହଁ ଆମିନି ଗାଡ଼ା କାଲେଏ ତାକି ପୁନାଦି ଲେହେଁ ଅଡେ ମାହାପୁରୁ ତାନୁଏ କେପାମାନେସି, ଅବ୍ରାହାମ ଏ ଗାଡ଼ା ବେଟାଆହାଲି କାଟାମାଚେସି □

୧୧ ନାମ୍ନୁତଲେ ସାଚା ବାଝେଣି ଆହାଁ ତାନୁଏ ଜିକେଏ ଆଞ୍ଜାମାନାଣାଇଁ ଦୁତି ବୁଡ଼ହି ଆହାମାଟି ଜିକେଏ ପୁରାମାସା ଆହାଲି ବାଡ଼ୁୟି ବେଟାଆଡେ;

୧୨ ଅବ୍ରାହାମ ଦୁତି ବୁଡ଼ହା ଆହାମାଟି ଜିକେଏ ଏଝାଣି ତାଣାଟି ହାଗୁତି ହୁକାୟାଁ ଅଡେ ସାମ୍ବୁରିତି ବାଝଲି ଲେହେଁ ଏଜିକିହାଲି ଆଡାଆଗାଟି ର ହାଝେକା କୁଡ଼ା ଜାନା ଆଡେରି □

୧୩ ଏ ବାରେଜାଣା ମାହାପୁରୁଇଁ ନାମାହାଁ ହାଡେରି; ଏଝାରି ମାହାପୁରୁ ଆଞ୍ଜାମାତାଣି ପୁଞ୍ଜାଆତି ଜିକେଏ ହେକଟି ଏ ବାରେ ମେସାନା ରାହାଁ ଆଡେରି ଇଞ୍ଜା ଦାରୁତିତା ମାମ୍ନୁ ବନାଦେସା ଅଡେ ବାସା କିହାମାନି ଇଞ୍ଜା ଜିଲିତେରି □

୧୪ ଇଚିହଁ ଆମିନି ଗାଗାରି ଇଲେତି କାତା ଜିଲିନେରି, ଏଝାରି ତାନି ଅଡେ ର ଦେସା ପାରିମାନେରି ଇଞ୍ଜା ଖେସିମାନେରି □

୧୫ ଏଝାରି ଆମିନି ଦେସା ପିସା ଖାହାମାଚେରି, ଏ ଦେସାତି ଅଡେ ଅଣପି ହିଲାଆଡେରି □ ଏଝାରି ଅଣପିତିହଁ ମା ଏ ଦେସାତା ଖେଶେ ହାଜାଲି ଆଡ଼ିତେରିମା □

୧୬ ସାମା ଏଝାରି ର ହାଝେକା ନେହାଁଣି ଇଚିହଁ ଲାକପୁରୁ ଦେସାତି ଅଣପିମାଚେରି; ଏଦାଆଁତାକି ମାହାପୁରୁଇଁ ଏଝାରି ମା ମାହାପୁରୁ ଇଞ୍ଜା ଖେଜି କିହାଲି ଲାଜା ଆହା ହିଲାଆଡେରି, ଇଚିହଁ ଏଝାସି ଏଝାରି ତାକି ର ଗାଡ଼ା ତାରି କିହାମାନେସି □

୧୭ ନାମ୍ନୁତଲେ ଅବ୍ରାହାମ ତାୟିପାରି କିଝିଆହାଁ ଇସାହାକଇଁ ପୁଜା କିହାଲି ହେବପିତେସି, ଆମିନି ମାଣସି ଆଞ୍ଜାମାତାଣି ମୋଡ଼ା ଆହାମାଚେସି, ଆମ୍ବାଆରାଇଁ ଏଲେଇଞ୍ଜାମାଚେସି,

* ୧୧:୩ ୧୧:୩ ଜହ ୧:୩

୧୮ “ଇସାହାକ ତାଣାଟି ନୀ କୃତା ଝେଜିନେରି, ଏ ମାଣସି ତାନି ରଣ୍ଡିଏ ମାର୍‌ଏଣାକ୍ ଡାକିନି ପୂଜା ହାହାଲି ହାଜିମାଟେସି □”

୧୯ ଇସାହାକକ୍ ମାହାପୁରୁ ହାଡାରି ତାଣାଟି ଜିକେଏ ନିକହାଲି ଆଡିନେସି ଇଞ୍ଜି ଅଣ୍ଡାମାଟେସି, ଇଞ୍ଜି ଅବ୍ରାହାମ ସାତେଏ ଇସାହାକକ୍ ହାକିଟି ଝେଣ୍ଡେ ବେଟାଆଡେସି □

୨୦ ନାମୁତଲେ ଇସାହାକ ଖାହିନ ଦିନାତା ନେହ୍ ଆଡେ ଇଞ୍ଜି ଅଣ୍ଡାମାନା ଜାକୁବ ଅଡେ ଏସାଝୁକ୍ ବର ହାଡେସି □

୨୧ ନାମୁତଲେ ଜାକୁବ ହାନି ବେଲାତା ଜସେପତି ରୀ ମାର୍‌କାଣି ବର ହାଡେସି, ଇଞ୍ଜି ତାନି କୁତା ବାଡ଼ଗାତା ଗେଣ୍ଡାନା ମାହାପୁରୁକ୍ ଜହରା କିଡେସି □

୨୨ ଜସେପ ହାନି ବେଲାତା ନାମୁତଲେ ଇସ୍ରାୟେଲ ଲକୁ ମିସର ଦେସାଟି ହଡାହାନି କାତା ଝେସ୍ତେସି □ ଇଞ୍ଜି ତାନି ପେଡ଼କା ତୁମକା ତାକି ହୁକୁମି ହାଡେସି □

୨୩ ନାମୁତଲେ ମସାତି ତାଲି ତାଞ୍ଜି ଏଞ୍ଜାଣି ଜାର୍‌ଆଡି ଦିନାଟିଏ ଏଞ୍ଜାଣାକ୍ ର ଅକିତି କକାସି ଇଞ୍ଜି ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାଡେକା ଏଞ୍ଜାଣାକ୍ ଡକୁହାନା ଇଟାମାଟୁ □

୨୪ ମସା ନାମୁତଲେ ପାତାଆଡି ଡାୟୁ ପାର ରାଜା ମାଜାଟି ମାର୍‌ଏସି ଇଞ୍ଜି ଝେଜାଲି କୁଡେସି □

୨୫ ଗାଡ଼େକା ତାକି ପାପୁ ତଲେ ରାହାଁ ବେଟାଆନାଣି କିହାଁ ମାହାପୁରୁ ଲକୁତଲେ ଦୁକୁ କସ୍ତୁ ଅରୁହିନାୟି ନେହାୟି ଇଞ୍ଜି ଅପିଡେସି □

୨୬ ବାରେ ମିସର ଦେସାଟି ଦନ କିହାଁ କ୍ରାସ୍ତତି ନିୟା ବେଟାଆନାୟି ବାରେକିହାଁ କାଜା ଦନ ଇଞ୍ଜି ଅଣ୍ଡପିଡେସି, ଇଡିହ୍ ଏଞ୍ଜାସି ଖାନି ଦିନାଣା ବେଟାଆନି ଦନତି ସିନକିଡେସି □

୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାଟେସି, ଇଞ୍ଜି ଆମ୍ବାଆସି ମେହ୍‌ଆଗାଟି ମାହାପୁରୁକ୍ ମେସ୍ତିଲେହେଁ ଅରୁହାନା ଡୟିଡେସି □

୨୮ ନାମୁତଲେ ଏଞ୍ଜାସି ପିସ୍‌ପିଆନି ପାରୁତି ଅଡେ ନେଡେରି ଡାଞ୍ଜିନି ମେରା ମାନୁଞ୍ଜି ଆଡେସି, ଏନିକ୍ ପାଣ୍ଡାମା ମାର୍‌କାଣି ପାୟିନାୟି ଇସ୍ରାୟେଲ ମାର୍‌କାଣି ଡାଗେଏ □

୨୯ ଇସ୍ରାୟେଲ ଲକୁ ନାମୁତଲେ ଖାୟିତି ବୁମିତା ଡାକିନି ଲେହେଁ ସୁପ ସାମ୍‌ପୁରି ଗାଣ୍ଡେରି, ସାମା ମିସର ଦେସାଡାରି ଏଲେକ୍ ଗାଣ୍ଡଗାଲି ଅଣ୍ଡାମାନା ସାମ୍‌ପୁରିତା ମୁଞ୍ଜାନା ହାଡେରି □

୩୦ ଇସ୍ରାୟେଲ ଲକୁ ନାମୁତଲେ ସାତା ଦିନା ପାଡେକା ଜିରିହ ଗାଡାଡି କଟା ସାରିସୁଟୁ ରେଟିଡାୟୁ ବିଡହାହାଟେ □

୩୧ ନାମୁତଲେ ରାହାବ୍ ଦାଡେରି ଦେସା ସିନକିହାଲି ମେଣେଏ ଖାହାମାଟାରାକ୍ ଟାୟୁ ହାତାକି ମାହାପୁରୁକ୍ ମାନୁଞ୍ଜି ଆଆଗାଟାରି ତଲେ ନାସା ଆଆନା ହିଡଡି ବେଟାଆଡେ □

୩୨ ଅଡେ ଆଗାଡା ଏନାଆଁ ଝେସ୍ତାକ୍, ରିଦିୟନ, ବାରକ୍, ସାମସନ, ଜିପୁହ, ଦାଝୁଦ, ସାମୁୟେଲ ଅଡେ ମାହାପୁରୁ ଅଣ୍ଡପୁଡି ବକୁ ଝେହ୍‌ନାରି କାତା ମିଜେ ଝେସାଲି ବେଲା ହାଲେଏ □

୩୩ ନାମୁତଲେ ଏଞ୍ଜାରି ହାରେକା ରାଜିୟାଣି ଜୁକୁ କିହାନା ଜାଣା ଆଡେରି, ଦାମ୍‌କାମା କିଡେରି, ମାହାପୁରୁ ଆଞ୍ଜାମାନାଣି ବେଟାଆଡେରି, ସିଃହ୍ କ୍ଷାଃନିୟାଁ ଗୁଡି ମୁଦା କିଡେରି □

୩୪ ଏଞ୍ଜାରି ଆଜିହପେଡି ଡାଞ୍ଜିନି ହିଡୁ ତୁପ୍‌ହେରି, ଟୁଣିନି ତାଣାଟି ପିସ୍‌ପିଆଡେରି, ଏଞ୍ଜାରି ବାଡୁୟୁ ହିଲାଆ ବେଲାତା ବାଡୁୟୁ ବେଟାଆଡେରି, ଜୁଜୁତା ଜାଣା ଆଡେରି, ଅଡେ ମାହାପୁରୁକ୍ ନାମାଆତାରି ଜୁଜୁକିନି କସ୍‌କାଣି ଜାଣାଆହାନା ପେରୁହାଡୁସ୍ତେରି □

୩୫ ନାମୁଟି ଆୟାସିକା ତାନି ଲକୁ ବିଡାଡି ହାଡାଠାକ୍ ନିପ୍‌କି ଆହାନା ଝେଣ୍ଡେ ବେଟାଆଡୁ; ଏତରଜାଣା ଝେଣ୍ଡେ ନିଜିନାଣି ମେଡ଼ା ଆହାଲିଡାକି ଗେଲ୍‌ପି ଆହାଲି ମନ୍ କିଆନା ଆଜିହପେଡି କସ୍ତୁ ବେଟାଆଡେରି □

୩୬ ଏତର ଜାଣାକ୍ ନିୟା କିହାନା କାକ୍‌ହେରି, ଏତର ଜାଣାକ୍ ସାବୁଣି ଡାଃରି ତଲେ ଝେଡେରି, ଏତର ଜାଣାକ୍ ହିକଣିୟାଁ ତଲେ ଦସାନା କାୟିଡି ଇଲୁଟି ଡାୟିପାରି କିଞ୍ଜି ଆଡେରି □

୩୭ ଆମ୍ବାଆରି ଖାଲକାତଲେ ପାୟୁଞ୍ଜି ଆଡେରି, ଆମ୍ବାଆରି କରୁଡ ତଲେ ରୀ ଗାଣ୍ଡା କିହ୍ ରାଡ଼ପିଆଡେରି, ଇଞ୍ଜି କାଣ୍ଡାତଲେ ପାୟୁଞ୍ଜି ଆଡେରି, ଆମ୍ବା ଆମ୍ବାଆରି ମେଣ୍ଡା ଅଡେ ଗରି ତଲ୍‌କା, ହୁଟାନା ରାନ୍‌କାକା ବେଟାଆଆନା କସ୍ତୁ, ଲାଗି ବେଟାଆହ୍ ଇତାଲା ଆତାଲା ରେଡେରି □

୩୮ ଏଞ୍ଜାରି ଦେସାଟି ଲକୁ ହିଲାଆ ତାଣା, ହରକାଣା, ପାଝୁୟାଣା ଅଡେ ଗାଣ୍ଡାଣା ବାସା କିଡେରି; ଦାରୁଡିତା ଏଞ୍ଜାରାକି ନୀତାଲି ଜଡେ ହିଲାଆଡେ □

୩୯ ଏଞ୍ଜାରି ନାମୁତଲେ ଇ ବାରେ ନେହ୍ ଝେଜାମାଟି ଜିକେଏ ଆଞ୍ଜାମାଟାଣି ବେଟାଆଆଡେରି,

୪୦ ଇତିହାସୀମାନଙ୍କୁ ମାହାପୁରୁ ମାତ୍ର ଯୋଗ୍ୟ କରିବାକୁ ହାତକୁ ନେହାଣି କିଛି ଲଗାମାନେସି, ଏହିକିଛି ଏହାର ମାତ୍ର ତଳେ ଏହିକିଛି ତୀର ଆନେର ଇଚ୍ଛା ମାହାପୁରୁତି ଅଣ୍ଟା ମାତେ ।

୧୨

ମାହାପୁରୁ ମା ଆବା

୧ ଇଦାଆଁତାକି ଇଚେକା କାଜା ହାଗୁଲେହେଁ ସାକି ହାହାମାନାର ମା ସାରିସୁରୁ ମାନାକି, ଖାଦୁ ମାତ୍ର ବାରେଡି ବଜୁ ଅଡେ ଆଜ୍ଞାମାଜ୍ଞାନି ପାପୁ ପିସାନା ନାମୁତା ନକିନାସି ଅଡେ ତାରିକିନି ଜୀସୁଇଁ ସିନିକିହାନା ସାସାତଲେ ମା ନକିତା ତାରିଆହାମାନି ଚାୟୁତା ହଣନ ।

୨ ମା ନାମୁ ତାକି ନକିନାସି ଅଡେ ନାମୁତା ବାସୁକିନି ଜୀସୁଇଁ ମାତ୍ର ସିନିକିନି । ଏହାସି ନକିତା ମାନି ରାହାଁ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାନି ପାତେକା ଅରୁହିତେସି ଇଚ୍ଛା ଏହାସି ନାଏଁ ମାହାପୁରୁତି ସିଂଗାସାଣି ଚିଷିନି ଚଟତା କୁଗାମାନେସି ।

୩ ମାତ୍ର ଏହିକିଛି ମା ମନତା ଖାହୁ ଖାହୁଅଡେତେ; ଇଦାଆଁତାକି ପାପୁ ଗାଟାରି ତାଣାଟି ତାନି କପାଟି ଏଚେକା କସ୍ତ୍ର ଅରୁହିତେସି, ଏହାଣି କାତା ମାତ୍ରୁ ଅଣ୍ଟାପାଦୁ ।

୪ ମାତ୍ରୁ ପାପୁ କପାଟି ଜୁକୁ କିହାନା ନାଏଁ ପାତେକା ମା ନେତେରି ହାନି ପାତେକା ଆଜ୍ଞା ହିଲଅଡେରି ।

୫ ମାହାପୁରୁ ମିଜେ ମାତ୍ରକାତେରି ଲେହେଁ ଖେସାମାଜ୍ଞାନି, ସାସାହାନି କାତା ବାଣାଆଡେରି କି ?
“ଏ ନା ମାତ୍ରଏଣାତି, ପ୍ରବୁ ସାଲୁଝି କିୟାନାଣି ଉଜେଏତାୟି ଇଚ୍ଛା ଇନାଆନି,
ଆଆତ ଏହାଣି ତାଣାଟି ଦାକା ବେଟାଆଡିସାରେ ସାସା ପିହୁଆନି;

୬ ଏନାଆଁତାକି ଇତିହାସୀ ପ୍ରବୁ ଆମ୍ବାଆରାଇଁ ଜୀସୁ ନନେସି,
ଏହାଣାଇଁ ଜାଗ୍ରାତା କିଛି ଜାପୁନେସି ଅଡେ ଆମିନି ମାତ୍ରଏଣାଇଁ ଆବିନେସି, ଏହାଣାଇଁ ସାସି ହାନେସି ।”

୭ ନେହାଁତେରି ଆହାଲି କସ୍ତ୍ର ଅରୁହି ମାଖେରି, ମାହାପୁରୁ ମିଜେ ମାତ୍ରକା ଲେହେଁ ଲେମ୍ବିମାଜ୍ଞାନେସି, ଇତିହାସୀ ଆବା ଆମ୍ବାଆରାଇଁ ତଣ୍ଡ ହାଅସି ଇଲେଡି ମାତ୍ରଏସି ଆମ୍ବାଆସି ମାନେସି ?

୮ ସାମା ଆମିନି ତଣ୍ଡତା ବାରେ ଆଣ୍ଡିନେସି, ଇଚ୍ଛା ମାତ୍ରୁ ଏମ୍ବାଆଁ ଆଣ୍ଡାଆତାତେରି, ଆଡିହାଁ ମାତ୍ରୁ ମାତ୍ରକା ଆଆନା ଦାରେଣି ମାତ୍ରକା ଆଡେରି ।

୯ ଅଡେ ଜିକେଏ, ମା ଦାଉଡିଡି ତାଞ୍ଜିୟାଁ ମାଜେ ସାସି ହାୟାତି ଜିକେଏ ଏହାଣାଇଁ ମାତ୍ର ମାନି କିତାୟି, ଆଡିହାଁ ମା ଲାକପୁରୁତି ଆବାଇଁ ଏଚେ ହାରେକା ମାତ୍ରୁ ଆହାନା ଜୀସୁ ବେଟା ଆଆୟି ?

୧୦ ମା ଦାଉଡିଡି ତାଞ୍ଜିୟାଁ ତାମି ଅଣ୍ଟାପୁତା ନେହାଁ ଆନିଲେହେଁ ମାଜେ ଗାଡେକା ଦିନାତାକି ସାସି ହିୟାତେରି; ସାମା ମାତ୍ର ଏହିକିଛି ମାହାପୁରୁତି ସୁଦୁତା ଆଣ୍ଡାଲି ଆଡିନାୟି, ଇଦାଆଁତାକି ମାହାପୁରୁ ମା ନେହାଁ ତାକି ମାଜେ ତଣ୍ଡ ହିୟାନେସି ।

୧୧ ମାତ୍ର ସାସି ବେଟାଆନାୟି ରାହାଁଗାଟାୟି ଆଆନା ଦୁକୁ ଗାଟାୟି ଆନେ, ଆଡିଜିକେଏ ଆମିନି ଗାଟାରି ଏମ୍ବାଟି ଜାପାମାନେରି, ତାୟୁ ଏହାଣାକି ହିଡ଼ିଡି ପାଡେଡି ଲେହେଁ ଦାମୁଡି ପାଡେଡି ବେଟାଆନେରି ।

ଖେହନାୟି ଇଚ୍ଛା ଜାଗ୍ରାତା କିନାୟି

୧୨ ଇଦାଆଁତାକି ମାତ୍ରୁ ବାଡୁୟୁ ହିଲାଆ କେସା ପେଡୁଁ ଅଡେ ବାଡୁୟୁ ହିଲାଆ ମେଣ୍ଡାୟାଁ ବାଡୁୟୁ କିଦୁ ।

୧୩ ସଲକେ ଜିରୁତା ତାକାଦୁ; ଆଡିହାଁ, ମା ସଟା ଆଡି କତା ଆଡାଆଗାଟାୟି ଆଆନା ନେହାଁ ଆନେ ।

୧୪ ବାରେକାଣା ତଲେ ହିଡ଼ିଡି ତଲେ ମାଜ୍ଞାଲି ଅଣ୍ଟାପାଦୁ, ଅଡେ ସୁଦୁଗାଟାସି ଆଆନା ଆମ୍ବାଆସି ପ୍ରବୁଇଁ ମେସାଲି ଆଡ଼ଅସି, ଏମ୍ବାଆଁ ତୀରେତଲେ ସିନିକିଦୁ ।

୧୫ ଏଡେତା ଆମ୍ବାଆସି ମାହାପୁରୁତି କାର୍ମାମେହୁନି ତାଣାଟି ନସ୍ତ୍ର ଆନେସି ଇଚ୍ଛା ଏନି କାମ୍ବେଲି ତାକି ନେୟାଁନା ପାତା ଆହାଁ ମିଜେ ନସ୍ତ୍ର କିୟାନେ ଅଡେ ଏମ୍ବାଟି ହାରେକା ପଲୁଆ ଗାଟାରି ଆନେରି;

୧୬ ଏସାସୁ ଲେହେଁ ଆମ୍ବାଆସି ଦାରିଗାଟାସି କି ଦାମୁଁ ହିଲାଆଗାଟାଣି ଲେହେଁ ଆଆପେସି; ଏହାସି ର ଅଲିଡି ରାଜା ତାକି ତାନି କାଜା ମାତ୍ରଏଣି ପାଣା ପାଟା ମାତେସି ।

୧୭ ମୀରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଝାସି ଆଡ଼ା ତାଣାଟି ବରୁ ବେଟାଆହାଲି ଅଣପିତିହୁଁ ଜିକେଏ ବେଟାଆହାଲି ଆଡ଼ାଆଡେସି, ଅଡ଼େ ମନୁ ଝେଟହାଲି ତାକି କାଣ୍ଡୁ ବକ୍ସିହୁଁ ପାରାଲି ଅଣପିଡେସି ଆଡ଼ିଜିକେଏ ଏଦାଆଁ କିହାଲି ପାରୁ ବେଟାଆଆଡେସି []

୧୮ ଇସ୍ତାୟେଲତ ଲକୁ ଲେହେଁ ମୀରୁ ସିୟନ ହରୁତା ତଞ୍ଜିମାଟି ହିରୁ, କିଟକିଟି ଆନ୍ଦେରି, ରୁଝାଗାଲି,

୧୯ ତ୍ରାଡ଼ି ଉକିନି ହାଡ଼ା ଇଞ୍ଜା କାତା ଝେହୁନି ହାଡ଼ା ତାଗେ ଝାଆଡେ, ଝେନାରି ଏ ହାଡ଼ା ଝେଞ୍ଜାନା ଏନିକି ଏଝାରାକି ଅଡ଼େ ଏନି କାତା ଝେସପି ଆଏ, ଇଦାଆଁ ବାଡ଼ିମାଲ୍ଲା ମାରେରି;

୨୦ “ଇତିହୁଁ ଏନି ଜଡ଼ ଜିକେଏ ଏ ହରୁତି ତାରିନେ, ଆତିହୁଁ ଏଦାନି ଝାଲକାତଲେ ଇରହାନା ପାୟିଝିଆନେ []” ଇ ଆମିନି ହୁକୁମି ହାପକି ଆହାମାରେ, ଏଦାଆଁ ଏଝାରି ଅରହାଲି ଆଡ଼ାଆଡେସି;

୨୧ ଏଦି ଆଜିହପେ ତଞ୍ଜା ଆହିମାଚାକି ମସା ଜିକେଏ ଏଲେଇଡେସି, “ନାନୁ ଜିକେଏ ଆଜିତାକି ତାରୁଗିମାଲ୍ []”

୨୨ ସାମା ମୀରୁ ସିୟନ ହରୁ ଅଡ଼େ ନୀତାମାନି ମାହାପୁରୁତି ଗାଡ଼ା, ଇତିହୁଁ ଲାକପୁରୁତି ଜିରୁସାଲମତା, ହାରେକା ଦୁଡୁୟାଁ ଝାହାମାରେରି ଏମ୍ବାଆଁ ଝାହାମାଞ୍ଜେରି []

୨୩ ଅଡ଼େ ଏ ପାଣ୍ଡା ମୀରୁକାତି କୁଲମି ଆମ୍ବାଆରି ଦରୁ ଲାକପୁରୁ ରାସକି ଆହାମାନେ ଅଡ଼େ ବାରେତି ନାହାଁୟି କିନି ମାହାପୁରୁ ନକିତା ତାରିକିଝି ଆହାମାନି ଦାମୁତି ଜାଝୁୟାଁ []

୨୪ ପୁଞ୍ଜି ରାଜିମାନା ମାଦିତି ଜାସୁ, ଇଞ୍ଜା ଆମିନି ତଞ୍ଜାମାନି ତାନି ନେଡେରି, ହେବଲ ନେଡେରି କିହାଁ ହାରେକା ନେହୁଁ, ଏ ନେଡେରି ତାଗେ ଝାହାମାଞ୍ଜେରି []

୨୫ ହେଣ୍ଡ, ଆମ୍ବାଆସି କାତା ଝେସିମାଞ୍ଜାନେସି ଏଦାଆଁ ଝେନଅମି ଇନାଆଦୁ, ଇତିହୁଁ ଆମ୍ବାଆସି ଦାରୁତିତା ହୁକୁମି ହାଡେସି, ଏଝାଣାଲ୍ ତାକି ଗେଲପି ଆଆଡେରି, ଆତିହୁଁ ଆମ୍ବାଆସି ଲାକପୁରୁତି ହୁକୁମି ହାହିମାଞ୍ଜାନେସି, ଏଝାଣି ତାଣାଟି ଏଟକା ହାଟିସାରେ ମାରୁ ଗେଲପିଆଆସି, ଇଦି ଏଟେକା ସାତା ଆଏ ?

୨୬ ଏରିବେଲା ଏଝାଣି ହାଡ଼ା ଦାରୁତିଲ୍ ଝାଟହେ, ସାମା ନୀଏଁ ଏଝାସି ପାରୁମାଣା କିହାଁ ଝେସାମାଞ୍ଜାନେସି, “ନାନୁ ଅଡ଼େ ଝେଣ୍ଡେ ଝାବଲ ଦାରୁତିଲ୍ ଝାଟଲ୍, ଏଦି ଆଏ ସାମା ହାଗୁ ପାକାଲ୍ ଜିକେଏ ଝାଟଲ୍ []”

୨୭ ଅଡ଼େ ଝେଣ୍ଡେ ଇଞ୍ଜୁଁ ଇନି ତାଣାଟି ଇଦାଆଁ ପୁଞ୍ଜାମାନାୟି, ଆଟ୍ଝା ଗାଟାୟି ତୁୟାଲି ତାକି ଝାଡିନାୟି, ଇତିହୁଁ ଗାଡ଼ି ଆହାମାନାୟି ବାରେ ତିରି ମାଣ୍ଡନେ []

୨୮ ଇଦାଆଁତାକି ଝାଦୁ ଝାତାଆଗାଟି ରାଜିତି ବେଟାଆହାନା ମାରୁ ଏ କାମାଟି ପିହପାପ ଇଞ୍ଜା ରାହାଁତଲେ ଆଜି ଅଡ଼େ ମାନିଟି ମାହାପୁରୁ ରାହାଁ ଆନିଲେହେଁ ଜହରା କିନି []

୨୯ ଏନାଆଁତାକି ଇତିହୁଁ ମା ମାହାପୁରୁ ନାସାକିନି ହିରୁ ଲେହେଁତାସି []

୧୩

ମାହାପୁରୁଲ୍ ରାହାଁ କିନାୟି

୧ କ୍ରୀସ୍ତାନା ତାୟିୟାଁ ଅଡ଼େ ତାଜିସ୍ତା ରଅଡେରି ରଅଣାଲ୍ ଜୀଝୁ ନଦୁ []

୨ ପୁନାଆତି ଗତାୟିଣି ସେବା କିହାଲି ବାଣା ଆଆଦୁ, ଇତିହୁଁ ଏଲେକିତାକି ଏଟରଜାଣା ପୁନାଆନା ଲାକପୁରୁତି ଦୁଡୁୟାଁସି ସେବା କିହାମାନେରି []

୩ କାୟିଦିତା ମାନାରାଲ୍ ମୀରୁ ଏଝାରିତଲେ କାୟିଦିତା ମାନି ଲେହେଁ ଅଣପାଦୁ ଇଞ୍ଜା ଆଜ୍ଞା ତଲେ ମାନାକି ଦୁକୁ କସ୍ତ ବେଟାଆହିମାନାରି ତଲେ ସମାନା ଦୁକୁ କସ୍ତ ବେଟାଆହାଲି ଅଣପାଦୁ []

୪ ବୀହା ବାରେ ଲକୁ ନକିତା ନେହାୟି ଆପେ, ଇଞ୍ଜା ତକ୍ତି ଅଡ଼େ ତକ୍ତା ମାନି ତଲେ ତୁୟାପୁ, ଏନାଆଁତାକି ଇତିହୁଁ ମାହାପୁରୁ ଲାଗେଏତି କାମା ଅଡ଼େ ଦାରିକାମା କିନାରାଲ୍ ନାହାଁୟି କିନେସି []

୫ ତାକିନି ତାକୁତା ଦନ ଜୁପକା ଆଆଦୁ, ମିଜେ ଏନାୟି ମାନେ, ଏମ୍ବାଆଁ ରାହାଁତଲେ ମାଞ୍ଜୁ, ଇତିହୁଁ ମାହାପୁରୁ ଏଲେଇଞ୍ଜା ମାନେସି, “ନାନୁ ନିଜେ ଏଟେଲାଝା ପିସ୍ତଅଁ, ନାନୁ ନିଜେ ଏଟେଲାଝା ବାଣାଆୟଅଁ []”

୬ ଇଦାଆଁତାକି ମାରୁ ସାସାତଲେ ଏଲେଇଞ୍ଜାଲି ଆଡ଼ିନାୟି,

“ପୁରୁ ନା ସାୟେମି ଆନାସି,

ନାନୁ ଇଚାଣି ଆଜଅଁ,

ମାଣସି ନାଜେ ଏନାଆଁ କିହାଲି ଆଡ଼ାନେସି ?”

୭ ଆମିନି ଗାଗାରି ମିଙ୍ଗେ ମାହାପୁରୁତି ବଲ୍ଲୁ ଝେସାମାଞ୍ଜାତେରି, ମୀରୁ ଏଲେତି କାଜାରାଇଁ ମାନି କିପୁ; ଏଝାରି ଏନିକି ନୀତାମାଚେରି ଇଞ୍ଜା ହାଡେରି, ଏଦାଆଁ ଅଣପାନା ଏଝାରି ନାମିତି ଲେହେଁ ମୀରୁ ଜିକେଏ ନାମାଦୁ □

୮ ଜୀସୁ କ୍ରୀସ୍ତ ରେଃଏନି, ନୀଞ୍ଜୁ ଅଡେତ କାଲେଏ ଡାକି ସମାନା ତୁୟିନେସି □

୯ ଏବକା ଅଡେତ ଅର ରଲେତି ଜୀପୁନି ତାଣା କିଲିବିଲି ଆଆଦୁ, ଇଚିହଁ ତିନି ରାନ୍ଦାତା ଆଏ, ସାମା ମାହାପୁରୁ କାର୍ମାତି ହିୟାଁ ତୀରି ଆନ୍ଦାୟି ନେହେଁ; ଆମିନି ଗାଗାରି ତିନି ରାନ୍ଦାତି ଦେରା ମାନୁଞ୍ଜି ଆନେରି, ଏଝାରାକି ଏନି ଲାବ୍ବା ଆଏ □

୧୦ ମା ଇଲେତି ର ପୂଜାପିଣ୍ଡା ମାନେ, ଆମିନି ପୂଜା ପିଣ୍ଡାତି ଦିଶସୁଇଁ ତୁମ୍ଭୁ ଇଲୁଡା ସେବାକିନି ପୂଜେରାଙ୍ଗା ତିଞ୍ଜାଲି ଅଦିକାରା ହିଲେଏ □

୧୧ ଇଚିହଁ ଜୀହୁଦିୟାତି କାଜା ପୂଜେରା ପାପୁ ଡାକି ହେରପାମାନି ଜନ୍ତୁତି ନେତେରି ସୁଦୁ ଚାନ୍ଦୁତା ଅନେସି; ସାମା ଏ ଜନ୍ତୁତି ଆଙ୍ଗା ବାରେ ସାମଣ୍ଡା ପାଙ୍ଗାତା ତାଚାହାଁ ହୁଡ଼ଞ୍ଜିଆନେ □

୧୨ ଇଦାଆଁତାକି ଜୀସୁ ଜିକେଏ ତାନି ନେତେରି ତଲେ ଏନିକି ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଙ୍ଗାତା ହାଡେସି □

୧୩ ଇଦାଆଁତାକି ଝାଦୁ, ମାରୁ ଜିକେଏ ଏଝାଣିଲେହେଁ ନିନ୍ଦା ଅରହାନା ଗାଡ଼ା ପାଙ୍ଗାତା ଏଝାଣି ତାଣା ହାନ □

୧୪ ଏନାଆଁତାକି ଇଚିହଁ ଇମ୍ବାଆଁ ବାରେ ଦିନାତାକି ମାଙ୍ଗେ ତୁୟିନି ଗାଡ଼ା ହିଲେଏ, ସାମା ମାରୁ ତାନ୍ତୁ ଝାହୁମାନି ଗାଡ଼ାତି ବେଟାଆହାଲି ପାରିମାନାୟି □

୧୫ ଇଦାଆଁତାକି ଝାଦୁ, ମାରୁ ଜୀସୁ ତାଣାଟି ମାହାପୁରୁଇଁ ଜହରାତି ପୂଜା କିନ, ଇଚିହଁ ତାନି ଦରୁ ଜଲିମାନି ଗୂତିତି ବାରେଦିନା ହେରପିନ □

୧୬ ଏବକା ତାରାଇଁ ସାଡ଼ୟିନି କିହାଲି ବାଣା ଆଆଦୁ, ଇଚିହଁ ଇଲେତି ପୂଜା କାମାତା ମାହାପୁରୁ ରାହାଁ ଆନେସି □

୧୭ ମୀ କାଜାରାଇଁ ମାନୁଞ୍ଜି ଆହାନା ଏଝାରାଇଁ ମାନି କିପୁ, ଇଚିହଁ ଆମିନି ଗାଗାରି ମାହାପୁରୁକି ଲେକା ହାନାୟି ମାନେ, ଏଝାରିଲେହେଁ ଏଝାରି ମୀ ଜୀସୁତି କାଡ଼ିମାନେରି, ଏନିକି ଏଝାରି ଏଦାଆଁ ଦୁକୁତଲେ କିଆନା ରାହାଁତଲେ କିହାଲି ଆଡ଼ିନେରି; ଦୁକୁତଲେ କିତିସାରେ ମିଙ୍ଗେ ଏନି ଲାବ୍ବା ହିଲେଏ □

୧୮ ମାଙ୍ଗେଡାକି ପ୍ରାଡ଼ାନା କିପୁ, ଇଚିହଁ ମା ନାମ୍ବୁ ମାନେ, ମା ଅଣପୁ ନେହାୟି ଆପେ, ଅଡେତ ବାରେ କାମାତା ନେହଁ ମାଣକି ଆହାଲି ମାମ୍ବୁ ଅଣପିମାନମି □

୧୯ ଅଡେତ ନାମ୍ବୁ ମୀ ତାଣା ଏନିକି ତବେ ଝାୟାଲି ଆଡ଼ିଇଁ, ଏଦାଆଁତାକି ମାହାପୁରୁ ତାଣା ପ୍ରାଡ଼ାନା କିହାଲି ନାମ୍ବୁ ମିଙ୍ଗେ ହାଡେରକା ବାଡ଼ିମାଲିମାଞ୍ଜାଇଁ □

ରାନ୍ତି ପ୍ରାଡ଼ାନା

୨୦ ଆମିନି ହିଡ଼ଡ଼ି ହିୟାନି ମାହାପୁରୁ କାଲ୍ଲାକାଲ୍ଲା ତୁୟିନି ରାନ୍ତିମାନାତି ନେତେରି ଡାକି, କାଜା ମେଣ୍ଡା ଗଡ଼ୁ ଇଚିହଁ ମା ପ୍ରବୁ ଜୀସୁଇଁ ହାଡ଼ାରି ତାଣାଟି ନୀବହା ମାନେସି;

୨୧ ଏଝାଣି ନକିତା ଏନ୍ଦାୟି ନେହାୟି, ଏଦାଆଁ ଏଝାସି ମା ହିୟାଁତା ଜୀସୁ କ୍ରୀସ୍ତ ତାଣାଟି ରାପୁହାନା ତାନି ମନଲେହେଁ କିହାଲି ମିଙ୍ଗେ ବାରେ ନେହଁ କାମା କିୟାପେସି □ ଏଝାଣାକି କାଲ୍ଲାକାଲ୍ଲାତି ଗାଞ୍ଜୁରମି ଆପେ □ ଆନେନି □

ଆକୁତି ରାନ୍ତି କାତା

୨୨ ଏ ତାୟି ତାଙ୍ଗିସ୍ତା, ନାମ୍ବୁ ମିଙ୍ଗେ ବାଡ଼ିମାଲିମାଞ୍ଜାଇଁ, ଇ ଜାଗ୍ରାତା କିଞ୍ଜିକିନି କାତା ସାସା ଇଗାନା ମନ ହୀଦୁ, ଇଞ୍ଜା ନାମ୍ବୁ ରାହାଁ କିହାଲି ଇ ଉଣା ଆକୁ ମିଙ୍ଗେ ରାଡ଼ାମାଇଁ □

୨୩ ମା ତାୟି ତିମତି କାୟିକିତି ତବେ ପିସିପି ଆହାମାଜେସି ଇଞ୍ଜୁଁ ପୁଞ୍ଜେରି, ଏଝାସି ତବେ ଝାଡ଼ିସାରେ ଏଝାଣିତଲେ ନାମ୍ବୁ ମୀ ତାଣା ବେଡ଼ିଝାହାଲି ଝାଇଁ □

୨୪ ମୀ ବାରେ କାଜାରାଇଁ ଅଡେତ ମାହାପୁରୁ ଲକୁଇଁ ଜହରା ଝେହୁଦୁ □ ଏମିନି ତାୟିୟାଁ ଇଗାଲି ଦେସାତି ଝାହାମାନେରି, ଏଝାରି ମିଙ୍ଗେ ଜହରା ଝେସିମାଞ୍ଜାନେରି □

୨୫ ମାହାପୁରୁତି କାର୍ମାମେହନାୟି ବାରେତେରି ମିଙ୍ଗେଡାକି ଆୟାପେ □

ଯାକୁବଙ୍କ ପତ୍ର ଜାକୁବ ରାଚାମାନି ଆକୁ ମୂଲୁ ହାଡ଼ା

ଇ ଜାକୁବ ପତିତି ଜାକୁବ ଇନାସି ରାଚାମାରେସି □ ଏଝାସି ଜୀସୁ କ୍ରୀସ୍ତ ତାୟି ଆହାମାଣସିନେସି, ଏମ୍ବାଆସିକି କୁଲମିତି ସାଲୁଝି କିନାସି ଅଡ଼େ ଜିରୁସାଲମତା ବେରଣି କିନାସି ମାତେସି କାମା ୧୫:୧୩ □ ପାଝୁଲ ଗାଲା ୨:୯ ଜାକୁବଇଁ କୁଲମିତି “ତୁଡ଼ିୟା ମୁଣ୍ଡା” ଇଞ୍ଜାମାନେସି □ ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ବାସୀ ତାମ୍ଭୁ ଇ ଜାକୁବ ପତି ରାସ୍ତିକି ଆହାମାରେ ଇଞ୍ଜିଁ ବୁଦିଗାଟାରି ଏଲେ ଇଞ୍ଜାମାନେରି □ ଜାକୁବ ଜିରୁସାଲମତି କୁଲମି ସାଲୁଝି କିନାସି ମାତିବେଲାତା ଇ ପତିଇଁ ରାଚାମାରେସି □

ଜାକୁବ ତାନି ପତିତା “ଇତାଲା ଆତାଲା ଦେସାଣା ରାଞ୍ଜାଣା ବିଚାଣା ଆହାମାନି ବାର ଗଟା କୁଲୁ ଲକୁ” କାତା ରାଚାମାନେସି ୧:୧ □ ଜାକୁବ ଝେହ୍ନି କାତା ବାରେ କ୍ରୀସ୍ତାନା ଲକୁକି ଲଡ଼ାମାନେ ସାମା “ବାର ଗଟା କୁଲୁ ଲକୁ” ଇତିସାରେ ଜୀହୁଦି କ୍ରୀସ୍ତାନା ଲକୁ □ ଏନାଆଁତାକି ଇତିହଁ ଇ ପତି ପଡ଼ୁଝିଆନି ବାରେ ଲକୁତାକି ହାରେକା କାତା ଏପହାଲି ତାକି ରାସ୍ତିକି ଆହାମାନେ □ ଜାକୁବ ନାମୁ ଅଡ଼େ କାମାତି କାତା ଝେସାମାନେସି □ କାମାତା ସାତା ନାମୁ ତଞ୍ଜାଆନେ ୨:୧୭ □ ଏଝାସି ବାଡ଼କୁ ଗାଟି ଲକୁତି ପାରଡ଼ା ବାଟି କିନାଣି ୨:୧-୪ ଅଡ଼େ ମାରୁ ଏନାଆଁ ଜଲିନାୟି ଜାଡ଼କୁ ତଲେ ଜଲଲି ଝେସାମାନେସି ୩:୧-୧୨

ପତିତା ମାନାୟି

- ୧ ଜାକୁବ ତାନି ପତି ପଡ଼ୁଝି ଆନାରାଇଁ ଜହରା କିନାୟି □ ୧:୧
- ୨ କ୍ରୀସ୍ତାନା ଲକୁଣି କସ୍ତ ବେଲାତା ସୁସ୍ତି ତଲେ ମାଞ୍ଜାଲି ଝେହ୍ନନାୟି □ ୧:୨-୨୭
- ୩ କାମା ତଲେ ନାମୁତି ତହ୍ନନାୟି ମାନେ □ ୨:୧-୨୬
- ୪ ଜଲିନି ବଲୁୟାତି ବାଡ଼କୁ □ ୩:୧-୧୨
- ୫ ମାହାପୁରୁତି ବୁଦି ଦାଡ଼ତିତି ବୁଦି କିହାଁ ହାରେକା ପାରଡ଼ା ମାନେ □ ୩:୧୩-୪:୧୦
- ୬ ବଡ଼ପଣ ଆନି କାତା □ ୪:୧୧-୫:୬
- ୭ ଜାକୁବ ରାନି ବେଲାତା ନେହେଁତାକି ଜାପିନି କାତା ରାଡ଼ିନାୟି □ ୫:୭-୨୦

୧ *ନାମୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତତି ହଲେଏସି, ଦାଡ଼ିତା ଇତାଲା ଆତାଲା ଆହାମାନି ମାହାପୁରୁ ଲକୁଇଁ ଜହରା □

ନାମୁତି ତାୟିପାରି କିନାୟି

- ୨ ଏ ନା ତାୟିୟାଁ ଅଡ଼େ ତାଜିସ୍ତା, ମୀରୁ ଏତିବେଲା ତାୟିପାରି କିନି ତାଣା ତାୟିପାରି କିଞ୍ଚିଆଦେରି, ଏତିବେଲା ଏଡ଼ି ହାରେକା ରାହାଁତି କାତା ଇଞ୍ଜିଁ ଅଣ୍ଡପାଦୁ;
 - ୩ ତାୟିପାରି କିନାଣି ଜୀଣା ଆନି ନାମୁ ଏଡ଼ି ଅରହାଲି ହାୟାନେ, ଇଦାଆଁ ପୁଞ୍ଜାମାଞ୍ଜେରି □
 - ୪ ଅଡ଼େ, ମୀରୁ ଏନିକିଁ ଏନି ଗୁଣ୍ଡାତା ଉଣା ଆଆନା ନେହଁ ତୀରି ଅଡ଼େ ସୁଦୁ ଗାଟାତେରି ଆଦୁ, ଏଦାଆଁତାକି ଅରହନାୟି ହାରେପୁରେ କାମା କିନେ □
 - ୫ ସାମା ମୀ ବିଡ଼ା ଆମ୍ବାଆରାକି ବୁଦି ଉଣା ମାଟିସାରି, ଆମିନି ମାହାପୁରୁ ଦହ ଆହୁଆନା ବାରେତାକି ହାରେପୁରେ କେନ୍ଦୁ ଦେତାନା ଦାନା କିନେସି, ଏଝାଣି ତାଣା ପ୍ରାତାନା କିପାସି, ଏମ୍ବାଟିଏ ଏଞ୍ଜାଣାକି ହାପୁକିଆନେ □
 - ୬ ସାମା ଏଝାସି ଇତାଣି ଆନାମାନା ଆଆନା ନାମୁତଲେ ପ୍ରାତାନା କିପାସି, ଇତିହଁ ଆମ୍ବାଆସି ଆନାମାନା ଆନେସି, ଏଝାସି ଗାଲି ତଲେ ଇତାଲା ଆତାଲା ଆହୁମାନି ସାମୁଦୁରିତି ତୀରି ଆଆଗାଟି ଏମ୍ଭୁ ଉଣ୍ଡା ଲେହେଁତାସି □
 - ୭ ଏଲେତି ଲକୁ ପ୍ରବୁ ତାଣାଟି ଏନାଆଁ ବେଟାଆଇଁ ଇଞ୍ଜିଁ ଆସା କିଆପେସି;
 - ୮ ଏଝାସି ରୀ ମନ ଗାଟାସି, ଇଞ୍ଜାଁ ତାନି ବାରେ କାମାତା ତୀରି ଆଆଗାଟାସି □
- ବାଡ଼କୁ ଗାଟାସି ଅଡ଼େ ବାଡ଼କୁ ହିଲାଆଗାଟାସି

* ୧:୧ ୧:୧ ମାତି ୧୩:୫୫; ମାର୍କି ୬:୩; କାମା ୧୫:୧୩; ଗାଲା ୧:୧୯

୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହୁଁ କିପାସି,

୧୦ ବାଡ଼କୁ ଗାଗାସି ତାନି ଉଣା ଆହିମାନାଣି ତାକି ବଡ଼ପଣ କିପେସି, ଏନାଆଁତାକି ଇତିହ^{୪୩} ବାଡ଼କୁ ଗାଗାସି ଜାଡ଼ାତି ପୁରୁବଣ୍ଡା ଲେହେଁ ତୁଲା ହାନେସି □

୧୧ ଏନିକ^{୪୪} ଝେଡ଼ା ଲାଭ ହତାପାରେ ଜାଡ଼ା ଏନିକ^{୪୫} ଖାୟାହାନେ ଅଡ଼େ ଏଦାନି ପୂଜା ତୁଲିନୁ ଇଞ୍ଜା ତାନି ଅକ୍ତତି ଖାଣା ମେଣ୍ଟାହାନେ, ଏଲେକିହ^{୪୬}ଏ ବାଡ଼କୁ ଗାଗାସି ଜିକେଏ ତାନି ବାରେ କାମାତା ଖାଡ଼ିନେସି □

ତାୟିପାରି ଅଡ଼େ ଜୁପକା ତହୁନାୟି

୧୨ ଆମିନି ଗାଗାସି ତାୟିପାରି କିନାଣି ଅରୁହିନେସି ଏଞ୍ଜାଣାକି ନେହେଁ, ଇତିହ^{୪୭} ମାହାପୁରୁ ତାନୁ ଜାଝୁ ନନି ଲକୁଣି ଆମିନି ଜାଝୁଗାଟି ଚଢ଼େରି ହାହାଲି ଆଞ୍ଜାମାନେସି, ତାୟିପାରି କିତାଣି ଜାଣାଆଡ଼ି ଜେତ ଏ ଲକୁ ଏ ଆଞ୍ଜାମାନି ଚଢ଼େରି ବେଟା ଆନେସି □

୧୩ ଆମ୍ବାଆସି ତାୟିପାରି କିଝି ଆଡ଼ିପାରେ, “ନା ଇ ତାୟିପାରି କିଝି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଜିହ^{୪୮} ଇନାଆପେସି, ଇତିହ^{୪୯} ମାହାପୁରୁ ଲାଗେଏତି ପାନ୍ଦାଟି ତାୟିପାରି କିଝି ଆସିସି, ଅଡ଼େ ଏଞ୍ଜାସି ତାନୁଏ ଆମ୍ବାଆରାଈଁ ତାୟିପାରି କିଅସି □

୧୪ ସାମା ମାଣସି ତାନି ଲାଗେଏତି କାମା ତଲେ ଜୁପକା ଅଡ଼େ ନାଡ଼ିକିଝି ଆହାନା ତାୟିପାରି କିଝିଆନେସି;

୧୫ ଅଡ଼େ ତାୟୁ ଲାଗେଏତି କାମା ପୁରାମାସା ଆହାନା ପାପୁତି ଜାନି^{୫୦} କିନେ, ଇଞ୍ଜା ପାପୁ ଗାତି ପାତାଆହାନା ହାକିତି ଜାନି^{୫୧} କିନେ □

୧୬ ଏ ନା ଜାଝୁତି ତାୟିୟାଁ ଅଡ଼େ ତାଜିସ୍ତା ମୀରୁ ନାଡ଼ି ଆଆଡୁ □

୧୭ ବାରେ ନେହ^{୫୨} ଦାନା ଅଡ଼େ ବାରେ ତୀରିତି ବର ଲାକଟି; ଇତିହ^{୫୩} ଉଜେଡ଼ି ଗାଡ଼ିକିତି ଆବା ତାଣାଟି ଖାନେ, ଆମ୍ବାଆରି ତାଣା ଏନି ବାଦଲି ଆନାୟି କି ଇତାୟିଞ୍ଜା ସାୟି^{୫୪} କିହାନା ଆନେରି ଆନାୟି ହିଲେଏ □

୧୮ ମାର ଏନିକ^{୫୫} ତାନି ଗାଡ଼ି ଆଡ଼ି ତାଣାଟି ରଲେଏତି ର ମୁଲୁତି ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଜାସି ତାନି ଅଣ୍ଡପୁ ତଲେ ସାତା ବଲୁ ତଲେ ମାଙ୍ଗେ ଗାଡ଼ି କିୟାଡେସି □

ଝେନାୟି ଅଡ଼େ କାମା କିନାୟି

୧୯ ଏ ନା ଜାଝୁତି ତାୟିୟାଁ ଅଡ଼େ ତାଜିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେତେରି ଝେଞ୍ଜାଲି ଜାଗ୍ରାତା ଆଡୁ, ଇଞ୍ଜା ଝେସାଲି ଦାଗା ଆଆଡୁ ଅଡ଼େ ଦେବୁଣିଏ କପା ଆଆଡୁ,

୨୦ ଇତିହ^{୫୬} ମାଣସିତି କପା ମାହାପୁରୁତି ନକିତା ଦାମ୍ବୁ^{୫୭} କିହାଲି ଆଡେଏ □

୨୧ ଏଦାଆଁତାକି, ମୀରୁ ବାରେ ପଲୁଆ ଗାଗାଣି ଅଡ଼େ ବାରେ ଲାଗେଏତାଣି ପିସାଡୁହୁଦୁ, ଆମିନି ମାହାପୁରୁ ହିୟାତି ବଲୁ, ମୀ ଜାଝୁତି ଗେଲପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣ୍ଡପୁ ତଲେ ଆହୁଦୁ □

୨୨ ସାମା ମୀରୁ ଏଞ୍ଜାଣି ବଲୁ ଝେନାତେରି ଆହୁଁ ଜାହାରାଈଁ ନାଡ଼ି କିହାକତାଆନା, ବଲୁତି କାମା କିନାତେରି ଆଡୁ □

୨୩ ଇତିହ^{୫୮} ଆମିନିଗାଗାସି ବଲୁତି କାମା କିନି ଲକୁ ଆଆନା ଖାବର ଝେନି ଲକୁ ଆନେସି, ଆତିହ^{୫୯} ଏଞ୍ଜାସି ଦାପେଣିତା ତାନୁଏ ତାନି ମୁପୁ ସିନିକିହା କତିମାନି ମାଣସି ଲେହେଁତାସି,

୨୪ ଏଡ଼େତା ଏଞ୍ଜାସି ତାଙ୍ଗେ ସିନିକିତି ଜେତ ହାଜାନା, ଏଞ୍ଜାସି ଏମ୍ବାଟି ହଡ଼ା ହାଟି ତାୟୁ ଏନିଲେହେଁତି ମାଣସି ଦେବୁଣିଏ ବାଣାଆନେସି □

୨୫ ସାମା ଆମ୍ବାଆସି ତାରପୁ ଇତିହ^{୬୦} ଗେଲପାଲି ଆଡ଼ିନି ନେହ^{୬୧} ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ଝେନି ଲକୁ ଆଆନା କାମାକିନାସି ଆନେସି, ଏଞ୍ଜାସି ତାନି କାମାତା ନେହାସି □

୨୬ ଇତିହ^{୬୨} ଆମ୍ବାଆସି ଜାହାରାଈଁ ତୀରି ଗାଗାତେଏଁ ଇଞ୍ଜ^{୬୩} ଅଣ୍ଡପା କତିନେସି, ଇଞ୍ଜା ତାନି ଝେନରିତି ଲକଆନା ତାନୁ ତାନି ହିୟାଁତି ନାଡ଼ି କିନେସି, ଇତିହ^{୬୪} ତାନି ଦାମ୍ବୁକାମା କିନାୟି ଉଜେଏତାୟି □

୨୭ ତାଲି ତାଞ୍ଜି ହିଲାଆ କକାରି ପଦାଣି ଅଡ଼େ ରାଣ୍ଡେଣି ଇୟାସିକାଣି ତାନି ଦୁକୁ କାକୁଲି ବେଲାତା ସାଢ଼େମି କିନାୟି ଅଡ଼େ ଦାରଡିତା ମାନି ବାରେ ଲାଗେଏତି କାମାଟି ଗେଲପା କତିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମ୍ବୁତି କାମା □

୨

ପାରତ୍ନା ବାଚି କିନାୟି

୧ ଏ ନା ତାୟିୟାଁ ଅଡ଼େ ତାଜିୟା, ମା ଗାଝୁରମିଗାଚି ପ୍ରବୁ ଜୀସୁ କ୍ରୀସ୍ତ ତାଣା ନାମା ମାନାତେରି ମାଣସିୟାତି ମୁମ୍ଭୁ ଫମସାନା ଲେମ୍ବାଆଦୁ □

୨ ଇତିହୁଁ ରଅସି ବାଂଗାରା ମୁଦି ଅଡ଼େ ଦାରାଗାଚି ନେହୁଁ ଅଜ୍ଜିତି ହିମ୍ବୁରି ହୁତାନା କୁଟମି କୁଡା ଆହାମାନି ତାଣା ଝାନ୍ନେସି, ଅଡ଼େ ର ହିଲ୍ଲାଆଗାଗାସି ଗେଞ୍ଜାମାନି ମାହୁଁତି ହିମ୍ବୁରି ହୁତାନା ଝାନ୍ନେସି,

୩ ଅଡ଼େ, ମାରୁ ଦାରାଗାଚି ଅଜ୍ଜିତି ହିମ୍ବୁରି ହୁଚିତି ଲକୁଇଁ ମାନି କିହାଁ ଏଲେଇଞ୍ଜେରି, “ଇମ୍ବାଆଁ ନେହୁଁ ଟାୟୁତା କୁଗାମୁ,” ଅଡ଼େ ହିଲ୍ଲାଆଗାଗାଣାଇଁ ଏଲେଇଞ୍ଜେରି “ଏମ୍ବାଆଁ ନିତାମାନାମୁ, ଆଆତୁଁ ନା କିତାୟାଁ ତୁଇକା କୁଗାମୁ,”

୪ ଆଆତୁଁ ମାରୁ ମୀ ବିତ୍ତା କାଜା ଲକୁ ଉଣା ଲକୁ ପାରତ୍ନା ବାଚି କିଝି ଆହାଁ ଏଟକା ଏଟକା କିହାଁ ଲାଗେଏତି ନାହାଁୟି କିହିମାଞ୍ଜେରି □

୫ ଏ ନା ଜୀଝୁତି ତାୟିୟାଁ ଅଡ଼େ ତାଜିୟା, ଝେଞ୍ଜୁ, ମାହାପୁରୁ ଇ ଦାଢ଼ିତା ବାଦକୁ ହିଲ୍ଲାଆଗାଗାଠାଇଁ ତାମି ନାମୁତା ଦନ ଗାଗାରି ଆହାଲି, ଅଡ଼େ ତାନି ଜୀଝୁନହୁଁ ମାନାରାଇଁ ଆମିନି ରାଜି ହାହାଲି ଆଞ୍ଜାମାନେସି, ଏମ୍ବାତି ଅଦିକାରା କିହାଲି ଆଡା ହିଲଅସି ?

୬ ସାମା ମାରୁ କାକୁଲି ଗାଟାରାଇଁ ଅପିହିଲଅତେରି □ ବାଦକୁ ଗାଗାରି ମୀ ମୁହେଁ ରାଜି କିୟଅରି କି ? ଅଡ଼େ ମିଙ୍ଗେ ନାହାଁୟି ପାଙ୍ଗାତା ରେଜା ଅୟଅରି କି ?

୭ ଆମିନି କାଜା ଦରୁତଲେ ଝେଙ୍ଗା ମାଞ୍ଜେରି, ଏନାଆଁ ଏଝାରି ଏ ଦରୁତି ନିନ୍ଦା କିଅରି □

୮ ମାରୁ ମୀ ପାଡ଼ିତି ଲକୁଣି ମୀ ଜୀଝୁତି ଜୀଝୁ ନନି ଲେହେଁ ଜୀଝୁନଦୁ, ସାସ୍ତେରିତା ରାୟକି ଆହାମାନି ମାହାପୁରୁ ରାଜିତି ମେରା ସାତେଏ ମାନୁଝି ଆଢ଼େରି, ଆତିହୁଁ ମାରୁ ନେହୁଁ କିହିମାଞ୍ଜେରି,

୯ ସାମା ଲକୁ ମୁମ୍ଭୁ ମେସାନା ଲେମ୍ବିମାଞ୍ଜେରି, ଆତିହୁଁ ମାରୁ ପାପୁ କିହିମାଞ୍ଜେରି, ଅଡ଼େ ଏ ମେରା ତଲେ ଦହ ଗାଟାତେରି ଇଞ୍ଜୁଁ ତଞ୍ଜା ଆହିମାଞ୍ଜେରି □

୧୦ ଆମ୍ବାଆସି ବାରେ ମସାତି ମେରା ମାନୁଝି ଆହାଁ ରଣିଏ ମେରାତି ଉରିନେସି, ଇତିହୁଁ ଏଝାସି ବାରେ ମେରାତି ଦହ ତଲେ ତଣ୍ଡ ବେଟା ଆନ୍ନେସି □

୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜୁଁ ଝେସା ମାତାସି, ଏଝାସି ଲକୁଣି ପାୟାଆଦୁ ଇଞ୍ଜୁଁ ଜିକେଏ ଝେସାମାନେସି, ମାରୁ ଦାରିକାମା କିଆନା ଲକୁଣି ପାୟିଦେରି ଇତିହୁଁ ମେରାତି ଉରିନାତେରି ଆଢ଼େରି □

୧୨ ଗେଲ୍ଲପିଆଡ଼ି ମସାତି ମେରାତି ମାରୁ ନାହାଁୟି କିଝିଆଢ଼େରି, ଇଦାଆଁ ପୁଞ୍ଜାନା ଏଲେତି କାତା ଜଲ୍ଲାଦୁ ଇଞ୍ଜାଁ କାମା କିଦୁ □

୧୩ ଇତିହୁଁ ଆମ୍ବାଆସି କାର୍ମା ମେହୁଅସି ମାହାପୁରୁ ଏଝାଣାଇଁ କାର୍ମା ମେହୁଆନା ନାହାଁୟି କିନେସି, ସାମା କାର୍ମା ମେହୁନାସି ନାହାଁୟିତା ଜୀଣା ଆନ୍ନେସି □

ନାମୁ ଅଡ଼େ କାମା

୧୪ ଏ ନା ତାୟିୟାଁ ଅଡ଼େ ତାଜିୟା, ଆମ୍ବାଆସି ନାଙ୍ଗେ ନାମୁ ମାନେ ଇଞ୍ଜୁଁ ଇନେସି, ସାମା ଏଝାଣି କାମା ହିଲେଏ, ଆତୁଁ ଏଦି ଏନି ଲାବ୍ବା ? ଇଲେତି ନାମୁ ଆମ୍ବାଆରାଇଁ ଗେଲ୍ଲପାଲି ଆଡ଼ିନେ କି ?

୧୫ ଏତିବେଲା ର ତାୟି କି ତାଜିନାକି ହୁତାଲି ହିମ୍ବୁରି କି ତିଞ୍ଜାଲି ରାନ୍ଦା ହିଲ୍ଲାଆତିହୁଁ ,

୧୬ ଇଞ୍ଜାଁ ମୀ ବିତ୍ତାତି ଆମ୍ବାଆତେରି ତାନି ଆଙ୍ଗାତି ଲଡ଼ାମାନାଣି ହାଆନା, “ମାହାପୁରୁ ନିଙ୍ଗେ ବରୁ ହିୟାପେସି, ବାଣ୍ଟି ପାଞ୍ଜାହାଁ ହିଡ଼ିତି ନେହୁଁ କି ହାଲାମୁ” ଇଞ୍ଜୁଁ ଇତିହୁଁ ଏଦି ଏନି ଲାବ୍ବା ?

୧୭ ଏଲେକିହୁଁଏ, କାମା ହିଲ୍ଲାଆସାରେ ନାମୁ ହାଡ଼ାୟି □

୧୮ ସାମା ଆମ୍ବାଆସି ଏଲେଇନେସି, “ରଅଣି ନାମୁ ମାନେ ଅଡ଼େ ରଅଣି କାମା ମାନେ;” କାମା ହିଲ୍ଲାଆନା ନା ନାମୁ ତସ୍ତାମୁ, ଅଡ଼େ ନାମୁ କାମା ତଲେ ନା ନାମୁତି ତସ୍ତାଇଁ □

୧୯ ମାହାପୁରୁ ରଅସିଏ, ଇଦାଆଁ ମାରୁ ନାମିମାଞ୍ଜେରି; ଏଦି ନେହୁଁ କାତା, ବୃତୁୟାଁ ଜିକେଏ ନାମାହାଁ ଆଜିତାକି ତାଢ଼ଗିମାନୁ □

୨୦ ସାମା ଏ ବୁଦି ହିଲ୍ଲାଆଗାଟାତେରି, କାମା ହିଲ୍ଲାଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲଅତେରି ?

୨୧ ମା ଆକୁ ଅବ୍ରାହାମ, ପୂଜାପିଣ୍ଡା ଲାକ ତାନି ମୀରୁଏଣା ଇସାହାକଙ୍କୁ ପୂଜା କିହିମାଚାଟି କାମା ତଲେ ଦାର୍ମୁଗାଟାସି ଇଞ୍ଜିଁ ୱେଙ୍ଗା ହିଲାଆତେସି ?

୨୨ ମୀରୁ ମେସିମାଞ୍ଜେରି, ଅବ୍ରାହାମତି ନାମୁ ତାନି କାମାତା ତଞ୍ଜାଆଡେ, ଅଡେତ କାମା ତଲେ ନାମୁ ପୂରାଆଡେ;

୨୩ ଏତେଟିଏ ସାପ୍ତେରିତି ଇ ବଲୁ ସାତା ଆଡେ, ଅବ୍ରାହାମ ମାହାପୁରୁ ତାଣା ନାମିତେସି, ଅଡେତ ତାଙ୍ଗେତାକି ଏଡି ଦାର୍ମୁଗାଟାସି ଇଞ୍ଜିଁ ୱେଙ୍ଗିତେସି, ଇଞ୍ଜାଁ ଏଝାସି ମାହାପୁରୁତି ତଣେଏସି ଇଞ୍ଜିଁ ୱେଙ୍ଗିତେସି □

୨୪ ଇତିହଁ ମାଣ୍ଡସି ୱାରୁଇ ନାମୁଟି ଆଏ, ସାମା ତାନି କାମାଟି ଦାର୍ମୁଗାଟାସି ଆନେସି ଇଞ୍ଜିଁ ମୀରୁ ପୁଞ୍ଜିମାଞ୍ଜେରି □

୨୫ ଏଲେକିହଁଏ ଦାରେଣି ରାହାବ ଦାର୍ମୁଗାଟାସି ଇଞ୍ଜିଁ ୱେଙ୍ଗାମାତେ, ଏଡି ପାରୁ ପାରାଲି ମେଣେଏ ୱାହାମାଚାରାଇଁ ତାନି ଇଜ ଅହାନା ଇତିତେ ଇଞ୍ଜାଁ ଏଟକା ଜିରୁଟି ପାଣ୍ଡାଲି ସାୟେମି କିହାମାତେ □

୨୬ ଇତିହଁ ଜାଝୁ ହିଲାଆସାରେ ଆଙ୍ଗା ହାଡ଼ି ମାଡହା, ଏଲେକିହଁଏ କାମା ହିଲାଆସାରେ ନାମୁ ଜିକେଏ ହାଡାୟି □

୩

ଝେନ୍ଦରିତି ଲକ୍ନାୟି

୧ ଏ ନା ତାୟିୟାଁ ଅଡେ ତାଙ୍ଗିସ୍ତା, ମୀରୁ ହାରେକା ଜାପୁନାତେରି ଆଆପୁ; ଜାପୁନାତାୟି ମାର, ମାର ଅର ଲକୁ କିହି ହାରେକା ତଣ୍ଡ ପାଣ୍ଡନାୟି ଇଦାର୍ଥା ପୁଞ୍ଜାମାଞ୍ଜୁ □

୨ ଇତିହଁ ମାର ଏନି ଏନି କାମାତା ପୁଟି କିହିମାନାୟି, ସାମା ଆମ୍ବାଆସି ମାହାପୁରୁ ବଲୁତା ପିଟଝି ଆଅସି, ଆତିହଁଏ ଏଝାସି ନେହଁ ମାଣ୍ଡସି, ଅଡେ ଏଝାସି ତାନି ବାରେ ଆଙ୍ଗାଟି ତାନୁଏ ଲକ୍ନାୟି ଆଡ଼ିମାନେସି □

୩ ମାର ଗଡ଼ାୟାଣି ଲକ୍ନାୟି ତାକି ତାମି ଗୁଡିତା ବାକେରି କାଟିକିହିମାନାୟି, ଅଡେ ଏଦାନିତଲେ ମାର ତାମି ବାରେ ଆଙ୍ଗାଟି ଝେଡ଼ହି ମାନାୟି □

୪ ଏମୁ ଜାଜାତି କାତା ଜିକେଏ ଅଣ୍ଡପାପୁ, ଏଡି ଏତେକା କାଜାୟି ଅଡେ କାଜା ଗାଲି ତଲେ ତାକିତଁ ଜିକେଏ, ଜାଜାତି ତାୟୁଝାକି ମାନି ର ଉଣା ମାରା ତଲେ ତାକିନେ, ଏ ମାରା ଆହନାସି ଆମ୍ବିୟାଝାକି ମନ କିନେସି ଏନିକା ହାନେ □

୫ ଏଲେକିହଁଏ ଝେନ୍ଦରି ଜିକେଏ ଆଙ୍ଗାଟି ର ଉଣା ବାଗା ଆତିହଁ ଜିକେଏ, ଏଡି କାଜା ବଡପଣତି କାତା ଜଲ୍ଲାଲି ଆଡିନେ □ ମେହୁଦୁ ର ଉଣା ହିରୁ ପୁୟାଁ ତଲେ ଏତେ କାଜା ଜାଡ଼ା ଝେହାହାନେ □

୬ ଝେନ୍ଦରି ଜିକେଏ ହିରୁ ଲେହେଁତାୟି; ଏଡି ମା ଆଙ୍ଗା ବିତ୍ରା ବାରେ ଲାଗେଏ ପଲେଏ ତାଣାଟି ସାଲ୍ଲଝି ଆହିମାନେ, ଏଡି ବାରେ ଆଙ୍ଗାଟି ଲାଗେଏ କିନେ, ଅଡେ ତାନୁ ନକଟି ହଡ଼ିମାନି ହିରୁତଲେ ତୃଞ୍ଜାନା ଗାଡ଼ି ଆହାମାନି ଦାର୍ତତି ହୁଡିନେ □

୭ ଇଞ୍ଜାଁ ବାରେ ଲେହେଁତେ ଜନ୍ତ ଜିଝେଡ଼ି, ପଟା କାଟି, ବାଣ୍ଡିତଲେ ତାକିନାଇ, ଅଡେ ଏମୁଡି ଜନ୍ତ, ମାଣ୍ଡସି ଏ ବାରେ ଜନ୍ତୟାଣି ଲକ୍ନାୟି ଆଡ଼ିମାନେସି □

୮ ସାମା ଝେନ୍ଦରିତି ଆମ୍ବାଆସି ଲକ୍ନାୟି ସାପି କିହାଲି ଆଡ଼ସି, ଏଡି ପଲୁଆ ଗାଟାୟି ଇଞ୍ଜାଁ ଲଙ୍ଗାଆ ଗାଟାୟି, ଅଡେ ଏଡିଏମ୍ବାଆଁ ହାନ୍ତିମାନି ବୀସା ମାନେ □

୯ ଝେନ୍ଦରି ତଲେ ପ୍ରବୁ ଆବାଇଁ ଜହରା କିହିମାନାୟି, ଇଞ୍ଜାଁ ଏ ଝେନ୍ଦରି ତଲେ ମାହାପୁରୁ ଲେହେଁ ଗାଡ଼ି ଆଡ଼ି ମାଣ୍ଡସି ବାକା ଇତି ମାନାୟି;

୧୦ ଏ ରଣ୍ଡିଏ ଗୁଡିଟି ଜହରା କିନାୟି ଅଡେ ବାକା ହାନି କାତା ହଡ଼ିମାନେ ଏ ନା ତାୟିୟାଁ ଅଡେ ତାଙ୍ଗିସ୍ତା ଏଲେଆନାୟି ନେହେଁ ଆଏ □

୧୧ ର ଜାବଣାଟି ଡାକନି ଅଡେ କାମ୍ବେଲି ଏମୁ ହଦୁ କି ?

୧୨ ଏ ନା ତାୟିୟାଁ ଅଡେ ତାଙ୍ଗିସ୍ତା, ତୟା ମାରୁନୁତା ଜୀତ ପାଡେୟି ଅଡେ ଅଲୁରିମାଡ଼ାତା ତୟା ପାଡେୟି ଆୟାଲି ଆଡିନେ କି ? ଏଲେକିହଁଏ ହାରୁ ଜାବଣା ଡାକନି ଏମୁହାହାଲି ଆଡେଏ □

୧୩ ମୀ ବିଭ୍ରା ବୁଦ୍ଧିଗାଗାସି ଅଡ଼େ ତେଲହିନାସି ଆମ୍ବାଆସି ମାନେସି ? ଏଝାସି ବୁଦ୍ଧିଗାଗାସି ଲେହେଁ ଉଣା ଆହାନା ଇଞ୍ଜା ସୁଦୁଗାଗାସି ଆହାନା ତାନି ନେହେଁ ମାଣକି ତଲେ କାମା ତସ୍ପେସି □

୧୪ ସାମା ମୀ ହିୟାଁତା ଗାଡ଼ି ତାହାରା, କପା ଅଡ଼େ ଝାରଇ ଜାହାରାତାକି ଅଣ୍ଠପିନାସି ମାନେ, ଆତିହେଁ ସାତାତି କପାଟି ବଡ଼ପଣ ଆଆଦୁ ଅଡ଼େ ମିତି ଜଲ୍ଲାଆଦୁ □

୧୫ ଇଲେତି ବୁଦ୍ଧି ମାହାପୁରୁ ତାଣାଟି ଝାଏ, ଏଡ଼ି ଇ ଦାର୍ତତିତାସି, ମାଣ୍ଠସିତି ଅଣ୍ଠପୁ ଗାଗାସି ଅଡ଼େ ଲାଗେଏ ପଲେଏତି ବୁଦ୍ଧିୟାଁ ଝାସି □

୧୬ ଇତିହେଁ ଆମିନି ତାଣା ତାହାରା ଅଡ଼େ ଜାହାରାତାକି ଅଣ୍ଠପିନାସି ମାନେ, ଏ ଗାୟୁତା ବାରେଲେହେଁତି ଲାଗେଏତି କାମା ମାନେ □

୧୭ ସାମା ଲାକଟି ଝାନି ବୁଦ୍ଧି, ତଲିଏ ସୁଦୁଗାଗାସି, ତାୟୁ ହିଡ଼ଡ଼ି ଜୀଝୁଗାଗାସି ଅଡ଼େ ସୁଦୁ ସୁଝାଲା, ମାନଝି ଆନାସି, କାର୍ମାମେହନାସି ଅଡ଼େ ନେହେଁ ପାଡ଼େୟିକା ତଲେ ନେଞ୍ଜାମାନାସି, ଆନାମାନା ଆଆଗାଗାସି ଅଡ଼େ କୁଟୁ ହିଲ୍ଲାଆଗାଗାସି □

୧୮ ଅଡ଼େ ହିଡ଼ଡ଼ି ହାନି ଲକୁ ତାଣାଟି ହିଡ଼ଡ଼ିତି ବିଚା ମାଝିଆନେ, ଦାର୍ମୁଗାଟି ପାଡ଼େୟି ଦାପି ଆନେ □

୪

ଦାର୍ତତି ତଲେ ତଟେ ଦହନାସି

୧ ମୀ ତାଣା ମାତାଗଡ଼ି ଅଡ଼େ ଗଡ଼ହା ଆମ୍ବିତି ଝାହିମାନେ ? ଏଝି ମୀ ତାଣା ମାନି ସୁକୁତି ଅଣ୍ଠପୁଟି ଝାହିମାନୁ ଏଝି ବାରେ ବେଲା ଗଡ଼ହା କିଝିକିହିମାନୁ □

୨ ମୀରୁ ଏନାଆଁ ବେଟାଆହାଲି ଅଣ୍ଠପା ମାଞ୍ଜେରି, ଏଦାଆଁ ବେଟା ଆଆସାରେ ଲକୁଣି ପାୟାଲି ଅଣ୍ଠପା ମାଞ୍ଜେରି, ଏନାଆଁ ବେଟାଆହାଲି ହାଡ଼େକା ଜୁପକା ଆନେ ଏଦାଆଁ ବେଟା ଆଆସାରେ ଗଡ଼ହା ଅଡ଼େ ମାତାଗଡ଼ି କିହିମାଞ୍ଜେରି, ଏନାଆଁତାକି ଇତିହେଁ ମୀରୁ ମାହାପୁରୁଇଁ ରାସି ହିଲ୍ଲାଅଡ଼େରି;

୩ ମୀରୁ ରାସିମାଞ୍ଜେରି ସାମା ବେଟାଆହି ହିଲ୍ଲାଅଡ଼େରି, ଏନାଆଁତାକି ଇତିହେଁ ମୀରୁ ମୀ ଆଙ୍ଗାଟି ଜୁପକାଟି ଲେମ୍ବାଲି ତାକି ପାପୁ କାମା କିହାଲି ରାସିମାଞ୍ଜେରି □

୪ ଏ ଦାରେଣିସିକାଡ଼େରି, ମୀରୁ ପୁଞ୍ଜାହିଲ୍ଲାଅଡ଼େରି ? ଦାର୍ତତିତି ତଟେ ଆନାସି ଏଝାସି ମାହାପୁରୁତି ସାତୁ, ଇତିହେଁ ଆମ୍ବାଆସି ଇ ଦାର୍ତତିତି ତଟେ ଆହାଲି ଅଣ୍ଠପିନେସି; ଏଝାସି ମାହାପୁରୁତି ସାତୁ □

୫ ମୀରୁ ଏନାଆଁ ଦାର୍ମୁ ପତିତା ରାସ୍ତିକି ଆହାମାନି ବଲୁ ଉଜେଏ ଇଞ୍ଜା ଅଣ୍ଠପିମାଞ୍ଜେରି କି, “ମାହାପୁରୁ ଆମିନି ଜୀଝୁତି ମା ତାଣା ବାସା ଆହାଲି ହୀହାମାଞ୍ଜାନେସି, ଏଝାସି ମାଞ୍ଜେ ବାରେ ଝାକିଟି ସାଲଝି କିହାଲି ଅଣ୍ଠପିମାନେସି □”

୬ ସାମା ମାହାପୁରୁ ହାଡ଼େକା କାର୍ମାମେହନାଣି ହିୟାନେସି; ଏଦାଆଁତାକି ସାପ୍ପେରିତା ରାସ୍ତିକି ଆହାମାନେ, “ମାହାପୁରୁ ଆଙ୍ଗାରା ଆନାରି କପାଟି ନିଜିନେସି, ସାମା ଜାହାରାଇଁ ଉଣା କିହା କତାମାନାରାଇଁ କାର୍ମା ମେହନେସି, ମାହାପୁରୁତି କାର୍ମା ହାଡ଼େକା ବାଡ଼ୟୁ ଗାଗାସି □”

୭ ଏଦାଆଁତାକି ମୀରୁ ମାହାପୁରୁ ତାଣା ହେରପା କତାଦୁ; ଅଡ଼େ ସୟତାନଇଁ ଆବାଆଦୁ, ଆତିହେଁ ଏଡ଼ି ମୀ ତାଣାଟି ହେକ ହାନେ □

୮ ମାହାପୁରୁ ତାଗେ ଝାଦୁ ଆତିହେଁ ଏଝାସି ମୀ ତାଗେ ଝାନେସି, ଏ ପାପୁ ଗାଗାଡ଼େରି, ମୀ କେସ୍ତାଣି ନେହେଁ କିଁ ନରଦୁ, ଅଡ଼େ ରୀ ଅଣ୍ଠପୁ ଗାଗାଡ଼େରି, ମୀ ହିୟାଁତି ଅବହା କତାଦୁ □

୯ ହିୟାଁ କାଡ଼ି କିହାଁ ଦୁକୁତଲେ ଡ଼ାଦୁ; ମୀ କାକନାସି ଡ଼ାକିତା ଅଡ଼େ ମୀ ରାହାଁ ଦୁକୁତା ତୀରି ମ୍ପିପେ □

୧୦ ପ୍ରବୁତି ନକିତା ମୀରୁ ମିଞ୍ଜେ ଉଣା କିହାକତାଦୁ, ଏବେଟିଏ ଏଝାସି ମିଞ୍ଜେ କାଜା ଲକୁ କିୟାନେସି □

ଏଟ୍‌କା ଲକୁଣି ନୀହାଁସି କିଆଦୁ

୧୧ ଏ ତାୟି ତାଜିସ୍ତା, ମୀରୁ ରଅଡ଼େରି ରଅଣା କପାଟି ନିନ୍ଦା କାତା ଜଲ୍ଲାଆଦୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲ୍ଲିନେସି କି ନୀହାଁସି କିନେସି, ଏଝାସି ମସା ମେରା କପାଟି ଜଲ୍ଲିମାନେସି, ଇଞ୍ଜା ଏମ୍ବାତି ନୀହାଁସି କିହିମାନେସି □ ସାମା ମୀରୁ ମସା ମେରାତି ନୀହାଁସି କିଦେରି, ଇତିହେଁ ମୀରୁ ମସା ମେରାତି ମାନଝି ଆନାଡ଼େରି ଆଆନା ଏମ୍ବାତି ନୀହାଁସି କିନାଡ଼େରି □

୧୨ ମାହାପୁରୁ ରଅସିଏ ମୋରା ହାନାସି ଅଡେ ନାହାଁୟି କିନାସି, ଏଝାସି ଗେଲୁପାଲି ଅଡେ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆବ୍‌ହିତାଣାଜ୍ ନାହାଁୟି କିହିମାଞ୍ଜି ?

ବତପଣ କିଆଦୁ

୧୩ ନୀର୍ବ ମେହ୍‌ଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଓଁଏ ମାମ୍‌ସୁ ଏ ଗାଡ଼ାତା ହାନମି ଇଞ୍ଜି ଏମ୍‌ଆଁ ର ବାସୀ ପାତେକା ତୁୟନା ବେବାରା କିହାଁ ଗାତି ଲାଡ଼ା କିନମି;”

୧୪ ସାମା ଓଁଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅଡେରି, ମୀ ଜୀଝୁ ଏନିକ୍ ଗାଡ଼େକା ତଞ୍ଜାଆହାନା ଗାଡ଼େକା ମେଣ୍‌ଜାହାନି ଉକଅଡ଼ି, ମୀରୁ ଏଲେତାଡେରି □

୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍‌ପୁ ଆଡ଼ିସାରେ ମାର ଜୀଝୁତଲେ ନୀତା ମାଞ୍ଜାନା ଇଦାଆଁ କିନ ଆଆତ୍ ଏଦାଆଁ କିନ □”

୧୬ ସାମା ମୀରୁ ନୀର୍ବ ମୀ ବତପଣ ତସାକଡ଼ିମାଞ୍ଜେରି; ଇଲେତି ବତପଣ ଲାଗେଏତାୟି □

୧୭ ଏନାଆଁତାକି ଇଚିହ୍, ଆମ୍ବାଆସି ନେହ୍ କାମା କିହାଲି ପୁଞ୍ଜାନା କିଅସି ଏଝାସି ପାପୁ କିନେସି □



ବାଡ଼କୁ ଗାଗାରାଇଁ ଜାଗ୍ରାତା କିନାୟି

୧ ଏ ବାଡ଼କୁ ଗାଗାତେରି ନା କାତା ଝେଞ୍ଜୁ, କସ୍ତତି ଦିନା ଝାହିମାନେ ଏଦାଆଁତାକି ଦୁକୁଆହ୍ ଡ଼ାପୁ ଇଞ୍ଜି କାନିକାର୍ମା ଆଦୁ □

୨ *ମୀ ବାରେ ଦନ ସୀରୁହା ହାଚେୟିଏ, ଅଡେ ମୀ ହିମ୍‌ବିକାଇଁ ଲୀମ୍‌ ଡ୍ରିଚେୟିଏ,

୩ ଅଡେ ମୀ ବାଂଗାରା ଇଞ୍ଜି ଝେଣ୍ଡି କିରୁଞ୍ଜୁ ଆଡେୟିଏ; ଏଚେଟିଏ ଏ କିରୁଞ୍ଜୁ ମୀ କପାଟି ସାକି ହୀହାନା ହିରୁ ଲେହେଁ ମୀ ଆଜା ଜିକେଏ ନାସା କିୟାନେ, ଇ ରାନି ବେଲାତା ମିଙ୍ଗେତାକି ଦନ କୃଡ଼ି କିହାମାଞ୍ଜେରି □

୪ ହେଣ୍ଡୁ, ମୀ ଗୁଡ଼ିୟାତି ତାସା ଦାଃଆନାରାକି ନାଡ଼ିକିହାନା ଆମିନି କୁଲି ହୀହା ହିଲଅଡେରି, ଏନି ଗାତି କାଲୁଓଁ ଆହିମାନେ, ଅଡେ ତାସାତି ଦାଃଆନାରି ଡ଼ାନାୟି ବାରେ ବାଡ଼ମୁଡ଼ି ପ୍ରବୁତି କିୟ୍‌ ଡୁା ଏଗା ହାଚେୟିଏ □

୫ ମୀରୁ ଦାରତିତି ସୁକୁ ଅଡେ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଇଁ ଆଜା କିହାମାଞ୍ଜେରି □

୬ ମୀରୁ ଦହ୍ ହିଲଆଗାଗାରାଇଁ ଦହ୍ କିହାନା ପାୟିମାଞ୍ଜେରି; ଏଝାସି ମିଙ୍ଗେ ଝେଣ୍ଡେ ଏନାଆଁ କିୟଅସି □

ସାସାତଲେ ପ୍ରାଡ଼ାନା କିନାୟି

୭ ଏଦାଆଁତାକି ଏ ତାୟି ତାଜିସ୍‌ସା, ପ୍ରବୁତି ଝାନ୍ତି ଦିନା ପାତେକା ସାସାତଲେ କାଚାନା ମାଞ୍ଜୁ, ର ତାସା କିନାସି ଏନିକ୍ ତାନି ଦୁମିତି ପାଡେୟି ବେଗାଆହାଲି ତାକି ମୁଲୁତି ପିୟୁ ଅଡେ ତାୟୁତି ପିୟୁ ରିନି ଦିନା ପାତେକା ସାସାତଲେ କାପୁ କାଚାନା ତୁୟିନେସି □

୮ ମୀରୁ ଜିକେଏ ଏଲେକ୍ ସାସାତଲେ ମାଞ୍ଜାନା ମୀ ହିୟାଁତି ସୁସ୍ତି କିଦୁ, ଇଚିହ୍ ପ୍ରବୁତି ଝାନ୍ତି ଦିନା ତାଗେ ଝାଡେୟିଏ □

୯ ଏ ତାୟି ତାଜିସ୍‌ସା, ମୀରୁ ଏନିକ୍ ନାହାଁୟି କିଓଁ ଆଅଡେରି, ଏଦାଆଁତାକି ରଅଡେରି ରଅଣା କପାଟି ଏନି କାତା ଜଲ୍‌ଆଦୁ, ସିନିକିଦୁ, ନାହାଁୟି କିନାସି ଦୁଝେରିତା ନିଗାମାନେସି □

୧୦ ଏ ତାୟି ତାଜିସ୍‌ସା, ଆମିନି ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ପ୍ରବୁ ଦରୁଡ଼ି କାତା ଝେସାମାଚେରି, ଏଝାରାଇଁ ମୀରୁ ଅଣ୍‌ପାଦୁ, ଦୁକୁ କସ୍ତ ବେଗାଆନାତି ସାସା ଅଡେ ଅରୁହାଲି ଜିରୁ ତସାମାଞ୍ଜାନେରି □

୧୧ ମେହ୍‌ଦୁ ଆମ୍ବାଆରି କସ୍ତ ଅରୁହା ମାଚେରି, ମାମ୍‌ସୁ ଏଝାରାଇଁ ନେହାଁରି ଇଞ୍ଜି ଇନମି, ମୀରୁ ଆୟୁବତି ଅରୁହାନାଣି ଝେଞ୍ଜାମାଞ୍ଜେରି, ଅଡେ ପ୍ରବୁ ତାୟୁତି କାମା ମେସାନା ପୁଞ୍ଜାମାଞ୍ଜେରି, ଏଝାସି କାର୍ମା ମେହ୍‌ନାସି ଅଡେ ଜୀଝୁ ନନାସି □

୧୨ *ଏ ନା ତାୟି ତାଜିସ୍‌ସାତେରି, ମୀରୁ ପାର୍‌ମାଣା କିଝୁଏ କିଆଦୁ, ଲାକପୁରୁତି ଦରୁତଲେ ପାର୍‌ମାଣା କି ଦାଡ଼ତିତି ଦରୁତି ପାର୍‌ମାଣା କି ଏଟକାତି ଏନି ଦରୁ ଆସାନା ପାର୍‌ମାଣା କିଆଦୁ, ସାମା ମୀଦି ହାଅ

ଇନି କାତା ହାଅ ଆପେ ଇଞ୍ଜା ଆଏ ଇନି କାତା ଆଏ ଆପେ, ଏନିକି ମୀରୁ ନୀହାୟି ଦିନାତା ତଣ୍ଡ ଗାଟାତେରି ଆଅତେରି □

୧୩ ମୀ ବିଭ୍ରାଟି ଆମ୍ବାଆସି ଦୁକୁ କିହିମାନେସି ? ଆତିହି ଏଝାସି ପ୍ରାଡାନା କିପାସି, ଆମ୍ବାଆସି ରାହାଟି ମାନେସି ? ଇତିହି ଏଝାସି ଜହରା ପାରୁ ପାଟାପେସି □

୧୪ ଆମ୍ବାଆସି ମୀ ବିଭ୍ରାଟି ଆଡାଆ ଗାଟାସି ମାତିହି ଏଝାସି କୁଲମିତି ପ୍ରାଟିନାଙ୍ଗାଣି ହାଟାପେସି; ଇଞ୍ଜା ଏଝାରି ପ୍ରବୁତି ଦରୁତଲେ ନିୟୁଁ ଝାକ୍‌ହାନା ଏଝାଣି ତାକି ପ୍ରାଡାନା କିପାରି □

୧୫ ଏ ନାମ୍ବାଗାଟି ପ୍ରାଡାନା ରଗ ଗାଟାଣାଇଁ ନେହି କିନେ, ଇଞ୍ଜା ପ୍ରବୁ ଏଝାଣାଇଁ ନିକ୍‌ନେସି, ଇଞ୍ଜା ଏଝାସି ପାପୁ କିହାମାତିହି, ଆତିହି ଏଝାଣି ପାପୁ ମେଣଙ୍ଗି କିଝିଆନେ □

୧୬ ଏଦାଆଁତାକି ମୀରୁ ରଅତେରି ରଅଣା ନକିତା ମୀ ପାପୁ ଝେକ୍‌ଦୁ, ଅଡେ ନେହି ଆହାଲିତାକି ରଅତେରି ରଅଣି ତାକି ପ୍ରାଡାନା କିଦୁ, ଆତିହି ମୀରୁ ନେହି ଆଡେରି, ଏନାଆଁତାକି ଇତିହି ଦାମ୍ବୁ ଗାଟାଣି ପ୍ରାଡାନା ହାଡେରକା କାଜା କାମା କିହାଲି ଆଡିନେ □

୧୭ ଏଲିୟ ଜିକେଏ ମା ଲେହେତି ଦୁକୁ ସୁକୁ ଗାଟି ମାଣ୍ଡସି; ଏଝାସି ପିୟୁ ଆଆପେ ଇଞ୍ଜା ରଣ୍ଡିଏ ମନତଲେ ପ୍ରାଡାନା କିତେସି, ଅଡେ ତାନି ବାସା ସ ଲେଞ୍ଜୁ ପାତେକା ଏ ବୁମିତା ପିୟୁ ଆଆତେ □

୧୮ ଇଞ୍ଜା ଏଝାସି ଅଡେ ଝେଣ୍ଡେ ପ୍ରାଡାନା କିହାଲିଏ ହାଗୁଟି ପିୟୁ ରୀତେ, ଅଡେ ବୁମିତା ଆନା କାମିତେ □

୧୯ ଏ ନା ତାୟିୟା ଅଡେ ତାଙ୍ଗିୟା, ମୀ ବିଭ୍ରାଟି ଆମ୍ବାଆସି ସାତା ଜିରୁତି ବାଣା ଆତିହି ଅଡେ ଆମ୍ବାଆସି ଏଝାଣାଇଁ ଝେଣ୍ଡେ ଝେଟ୍‌ହା ତାନେସି,

୨୦ ଆତିହି ଆମ୍ବାଆସି ପାପୁ ଗାଟାଣାଇଁ ତାନି ପଲ୍‌ଆ ଜିରୁଟି ଝେଟ୍‌ହା ତାନେସି, ଏଝାସି ଏଝାଣି ଜାଝୁତି ହାକିଟି ଗେଲ୍‌ପିନେସି, ଇଞ୍ଜା ହାଡେରକା ପାପୁତି ମ୍ବେପ୍‌କି କିନେସି, ଇଦାଆଁ ମୀରୁ ପୁଞ୍ଜୁ □

ପିତରଙ୍କ ପ୍ରଥମ ପତ୍ର ପିତର ରାଡ଼ାଫାନି ର ଲମ୍ବର ଆକୁ ମୂଲ୍ୟ ହାଡ଼ା

ପିତର ର ଲମ୍ବର ଆକୁ ପାଣ୍ଡୁଆଡ଼ି ପିତର ରାଡ଼ାଫାରେସି □ ପିତର ଏଝାସି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୁ ରାଡ଼ିଫାରେସି ଏ କାତା ଝେସାନା ତାନି ଆକୁ ରାଡ଼ାଲି ମାଟ୍‌ହେସି □ ଏଝାସି ଆମ୍ବାଆରାଲି ପୁଣ୍ଡି ମେସପି ଆଆଡି ଲକୁ ଇଞ୍ଜି ଇଚେସି ଏ ବାରେ କ୍ରୀସ୍ତୁଲି ନାମିତି ଲକୁଣି ଆକୁତା ଝେକ୍‌ହେସି ୧:୧; ୧:୧୭; ୨:୧୧ □ ଏଝାସି ତାନି ଆକୁତି ପତ୍ରଝି ଆନାରାଲି ଏଲେକିହିଁ ଝେସ୍ତେସି ଏନାଆଁତାକି ଇଚିହିଁ ଏଝାରି ହାଡ଼େକା ଦେବା ଇତାଲା ଆତାଲା ଦେସାଣା ହଣପି ଆହାମାଚେରି □ ଇଚିହିଁ ଇ ଆକୁ ଏଚର ବାଡ଼ା ପାଞ୍ଜୁଲି ଏପିସିୟ କୁଲମିକି ରାଡ଼ାଫାନି ଆକୁ ଲେହେଁତାସି, ହାଡ଼େକା ଲକୁ ନାମିମାନେରି ଏପିସିୟତି ତାୟୁ ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାର୍ନାଆଡ଼ି ୬୫ ବାର୍ଯା ତାୟୁ ରାସ୍ତୁକି ଆହାମାଚେ □ ପିତର ଇ ଆକୁତି ରମିତି ରାଡ଼ିଚେସି, ଆମିନିଗାଟାଣି ଏଝାସି ବାବିଲନ ଇଚେସି ୫:୧୩ □

ମିଙ୍ଗେ ରାହାଁ କିହିଁ ଅଡ଼େ ସାକି ହାହିଁ ଇଦି ଏ ମାହାପୁରୁତି ସାତା କାର୍ମାମେହ୍‌ନାସି ଇଞ୍ଜିଁ ପିତର ଝେସାନା ଇ ଆକୁତି ରାଡ଼ିଚେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୬:୯ ଅଡ଼େ କଲସିୟ ୩:୧୮-୪:୬ ହାଡ଼େକା ରଲେଏତି କାତା ରାସ୍ତୁକି ଆହାମାନେ □ ଇ ବାରେ ତାନିଗଟା ଆକୁତା ଲକୁ କୁଟମିତା ଆଣ୍ଡି ଆହାନା ତୁୟିନାସି ଅଡ଼େ କାଜା ଲକୁତି ମାନଝି ଆହାନା ତୁୟାଲି ଜାପୁଝି ଆହାମାନେ □ ଏତିବେଲାତା ସାସ୍ତି ଝାନେ ତାରିଆହାନା ମାଞ୍ଜାଲି ଏଝାସି କ୍ରୀସ୍ତୁଲି ନାମିତି ଲକୁଣି ସାସା ହାହିମାନେସି ଏନାଆଁତାକି ଇଚିହିଁ ଜୁଗୁ ରାନ୍ଦି ଦିନା ତାଗେ ଝାଡ଼େୟିଏ ୪:୧ □

ପତିତା ମାନାସି

- ୧ ପିତର ତାଙ୍ଗେ ଝେକ୍‌ହା କତିନାସି ଅଡ଼େ ତାନି ଆକୁତି ପତ୍ରଝି ଆନାରାଲି ଝେହ୍‌ନାସି □ ୧:୧-୨
- ୨ ଗେଲୁପି ଆନାସି ବାରେ ଲକୁତାଣା ଏଜାମାନାକି ଅଡ଼େ ତାନି ଜୀସୁ ଏନାସି ଇଞ୍ଜିଁ ପୁଞ୍ଜାମାନାକି ଏଝାସି ମାହାପୁରୁଲି ଜହରା କିନାସି □ ୧:୩-୨:୧୦
- ୩ କ୍ରୀସ୍ତୁଲି ନାମିତି ଲକୁ ଏନିକିହିଁ ଇ ଦାରୁତିତା ନାତିନାସି ଅଡ଼େ ଏନିକିହିଁ କି ତକ୍ରା ଅଡ଼େ ତକ୍ରୁ ଇଞ୍ଜାଁ ସାଞ୍ଜୁକାରି ଅଡ଼େ ହଢେଏସି ନେହିଁକିଁ ତୁୟିନେରି ଏ କାତା ଏଝାସି ଜାପୁନାସି □ ୨:୧୧-୪:୧୧
- ୪ ପିତର ଏଝାରାକି ସାସ୍ତି ଝାଡ଼ିସାରେ ତାରିଆହାନା ତୁୟାଲି ସାସା ହାନାସି □ ୪:୧୨-୫:୧୧
- ୫ ପିତର ତାନି ଆକୁ ରାପୁନାସି □ ୫:୧୨-୧୪

୧ ନାନୁ, ପିତର, କ୍ରୀସ୍ତୁ ଜୀସୁ ତାଣାଟି ପାଣ୍ଡୁଆହାମାନି ସୀସୁ, ପତ୍ର, ଗାଲାତିୟା, କାପାଦକିୟା, ଆସିୟା ଅଡ଼େ ବେତନିୟାଁ ରାକିତା ଇତାଲା ଆତାଲା ବାସାଆହାମାନି ମାହାପୁରୁ ଆଡ଼ାଫାନି ଲକୁତାକି ଆକୁ ରାଡ଼ିଫାଲି,

୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀଞ୍ଜୁ ତଲେ ସୁଦୁ ଆହା ମାନି ଗାଟାଚେରି ଅଡ଼େ ଜୀସୁ କ୍ରୀସ୍ତୁତି ନେଚେରି ତାଞ୍ଜିଝି କିହାକତାଲି ଆଡ଼ିଝି ଆହାମାନେରି □ ମିଙ୍ଗେତାକି ମାହାପୁରୁତି କାର୍ମାମେହ୍‌ନାସି ଇଞ୍ଜାଁ ହିଡ଼ି ଆପେ □

ଜୀସୁତି ବାର୍ଯୁ

୩ ମା ପ୍ରବୁ ଜୀସୁ କ୍ରୀସ୍ତୁତି ଆବା ଅଡ଼େ ମାହାପୁରୁଲି ଜହରା; ଇଚିହିଁ ଏଝାସି ତାନି କାର୍ମାଟି ଜୀସୁ କ୍ରୀସ୍ତୁଲି ହାକିଟି ନିକହାନା ମାଙ୍ଗେ ପୁଞ୍ଜି ଜୀସୁ ହାହାମାଞ୍ଜାନେସି, ଏଡ଼ି ମାଙ୍ଗେତାକି ନାତିନି ବାର୍ଯୁ ହାହାମାଞ୍ଜାନେ,

୪ ଏନାଆଁତାକି ମାହାପୁରୁ ତାନି ଲକୁତାକି ଆମିନି ଦାରାଗାଟି ବର ଇଟାମାନେସି, ଏନାଆଁ ବେଟାଆହାଲି ମାର କାପୁ କାଡ଼ାମାନାସି, ଏଝାସି ଲାକପୁରୁ ମିଙ୍ଗେତାକି ଏନାଆଁ ଜାଡ଼ୁ ତଲେ ଇଟାମାନେସି, ଏମ୍ବାଆଁ ଏଡ଼ି ନସୁ ଆଏ କି ଝାଡ଼େଏ □

୫ ଆମିନି ଗେଲ୍‌ପିନାୟି ରାନ୍ ଦିନାତା ତଞ୍ଜାଆହାଲି କିଓ୍ଵିଆହାମାନେ, ଏଦାଆଁ ବେଟାଆହାଲି ତାକି ମାରୁ ମାହାପୁରୁତି ବାଡ଼ୁରୁତା ନାମୁତଲେ ଜାଗ୍ରାତା କିଓ୍ଵି ଆହାମାଞ୍ଜେରି □

୬ ଏଦାଆଁତାକି ମାରୁ ରାହାଁ କିଦୁ, ଆଡ଼ିଜିକେଏ ନୀର୍ବ ଗାଡ଼େକା ତାକି ହାରେକା ତାୟିପାରି କିନି ତାଣାଟି ଦୁକୁ କସ୍ତ ବେଟାଆନାୟି ମିଜେତାକି ଲଡ଼ାଆନ୍,

୭ ଏନିକି ଗାଡ଼େକା ନସ୍ତ ଆନି ବାଂଗାରା ହିରୁତା ହୁଡ଼ିନି କିହାଁ ହାରେକା ଦାରା ମୀ ତାୟିପାରି କିଓ୍ଵିଆଡ଼ି ନାମୁ, ଏଡ଼ି ଜୀସ୍ତ୍ର କ୍ରୀସ୍ତ ତଞ୍ଜାଆନି ବେଲ୍‌ତା ମାନି ତଲେ ଜହରାତି, ଗାଞ୍ଜୁରମି ଅଡ଼େ ମାନି ବେଟାଆନାୟି □

୮ ନୀର୍ବ ମାରୁ ଏଞ୍ଜାଣାଇଁ ମେସା ହିଲାଆତି ଜିକେଏ ଜୀଞ୍ଜୁନହୁଁ ମାଞ୍ଜେରି, ଇଞ୍ଜାଁ ନୀର୍ବ ମେହୁଆତୁଁ ଜିକେଏ ତାନି ତାଣା ନାମାହାଁ ଝେସାଲି ଆଡ଼ାଆରେଟୁ ଗାଞ୍ଜୁରମିତି ରାହାଁତା

୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜୀଞ୍ଜୁତି ଗେଲ୍‌ପିନାୟି ବେଟାଆହାମାଞ୍ଜେରି □

୧୦ ଇ ଗେଲ୍‌ପିନି କାତା ମାହାପୁରୁ ଅଣ୍ଟପୁତି ବଲୁ ଝେହନାରି ମନ ହାହାନା ପାରିହୁଁ ସିନିକିତେରି, ଆମ୍ବାଆରି ଏମିନି କାର୍ମାମେହନାୟି ମିଜେ ଆନାୟି ମାଚେ, ଏ ତାୟୁତି କାତା ଝେସାହାଁ ତସାମାଚେରି,

୧୧ କ୍ରୀସ୍ତତି ଦୁକୁ ବେଟାଆନାୟି ଇଞ୍ଜାଁ ଅଡ଼େ ତାୟୁତି ଗାଞ୍ଜୁରମି ବେଟାଆନାୟି ନକେଏ ପାର୍‌ମାଣା ହାନାସି ଇଞ୍ଜାଁ ଏଞ୍ଜାରିତାଣା ମାନି କ୍ରୀସ୍ତତି ଜୀଞ୍ଜୁ ଏ ବାରେ ଏଟିବେଲ୍‌ତା ଝାନ୍ ମେ ଅଡ଼େ ଏନିକିଁ ଝାନ୍ ଏଞ୍ଜାରି ପୁଞ୍ଜାଲି ନକେଏ ଅଣ୍ଟପାମାଚେରି □

୧୨ ଏଞ୍ଜାରି ଏ ବାରେ କାତା ତାମି ତାକି ସେବା କିଆନା ମୀ ଲାଡ଼ା ତାକି ସେବା କିହିମାଚେରି, ଇଦି ଏଞ୍ଜାରିତାଣା ତଞ୍ଜା ଆହାମାଚେ, ଇଞ୍ଜାଁ ଏ ବାରେ କାତା ଲାକପୁରୁତି ପାଣ୍ଡୁଓ୍ଵିଆହାମାନି ସୁଦୁଜୀଞ୍ଜୁତି ବାଡ଼ୁରୁ ତଲେ ମୀ ନକିତା ନେହୁଁ କାତୁ ଝେହନାରି ତାଣାଟି ନୀର୍ବ ମିଜେ ଝେସ୍‌ପି ଆହିମାଞ୍ଜାନ୍; ଏ ବାରେ କାତା ଦୁଦୁୟାଁ ଜିକେଏ ପୁଞ୍ଜାଲି ଅଣ୍ଟପି ମାନ୍‌ରେରି □

ସୁଦୁଜୀଞ୍ଜୁ ତଲେ ମାଞ୍ଜାଲି ହାଟ୍‌କି ଆନାୟି

୧୩ ନେହୁଁ କାମା କିହାଲି ତିୟାରା ଆଦୁ □ କାପୁ କାଟାନା ଜୀସ୍ତ୍ର କ୍ରୀସ୍ତ ତଞ୍ଜା ଆନି ବେଲ୍‌ତା ଆମିନି ବର ମିଜେ ହୀପୁକି ଆୟାନେ, ଏଦାଆଁତାକି ତୀରେତଲେ ବାସୁଁ ଇଟାଦୁ □

୧୪ ମାହାପୁରୁଇଁ ମାନି କିଦୁ, ମାରୁ ତଲି ପୁଞ୍ଜାହିଲାଆତି ବେଲ୍‌ତା ଆମିନି ଲାଗେଏ ପଲେଏତି ଜୁପକା ତଲେ ମାଚେରି ନୀର୍ବ ଏଲେଆଆଦୁ □

୧୫ ସାମା ମିଜେ ହାଟ୍‌ମାଞ୍ଜାନି ମାହାପୁରୁ ଏନିକିଁ ସୁଦୁଗାଟାସି ମାରୁ ଜିକେଏ ଏଲେକିଁ ମୀ ବାରେ ମାଣ୍‌କିତା ସୁଦୁ ଗାଟାଚେରି ଆଦୁ □

୧୬ ଦାମ୍‌ପୁତିତା ରାସ୍‌କି ଆହାମାନେ, “ମାରୁ ସୁଦୁ ଗାଟାଚେରି ଆଦୁ, ଏନାଆଁତାକି ଇତିହୁଁ ନାନୁ ସୁଦୁ ଗାଟାଚେର୍ବି □”

୧୭ ଅଡ଼େ ଆମ୍ବାଆରି ମୁମ୍ବୁ ଚୁମହୁଆନା ବାରେ ଲକ୍ଷୁତି ଏଞ୍ଜାରି କାମା କିହାମାନିଲେହେଁ ନାହାୟି କିନେସି, ଏଞ୍ଜାଣି ତାଣା ପ୍ରାଟାନା କିନାଟି ଆବା ଇଞ୍ଜୁଁ ହାଟିତିହୁଁ, ମାରୁ ଇ ଦାରୁତିତା ବାସାଆହାମାନି ପାତେକା ମାନି ତଲେ ଏଞ୍ଜାଣାଇଁ ଆଜାନା ମାଞ୍ଜୁ;

୧୮ ଇତିହୁଁ ମାରୁ ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଉଜେଏତି ମାଣ୍‌କି ତଲେ ନାଡ଼ିନି ତାଣାଟି ମାରୁ ଝେଣ୍ଡି କି ବାଂଗାରା ଲେହେଁତି ନାସା ଆନି ଆସି ତଲେ ପିସ୍‌ପି ଆହାହିଲଅତେରି,

୧୯ ସାମା ଏନି ସିନା ଅଡ଼େ ଦହୁଁ ହିଲାଆଗାଟି ମେଣ୍ଡା ତାଲୁ ଲେହେଁତି କ୍ରୀସ୍ତତି ଗାତି ଦାରାଗାଟି ନେତେରି ତଲେ ପିସ୍‌ପି ଆହାମାଞ୍ଜେରି □

୨୦ ଦାରୁତି ଗାଡ଼ିଆଡ଼ି ନକେଏ ମାହାପୁରୁ ଏଞ୍ଜାଣାଇଁ ଆଡ଼ିତେସି ଇଞ୍ଜାଁ ଇ ରାନ୍ ଜୁଗୁତା ଏଞ୍ଜାସି ମିଜେତାକି ତଞ୍ଜା ଆହାମାଞ୍ଜାନ୍;

୨୧ ଆମିନି ମାହାପୁରୁ ଏଞ୍ଜାଣାଇଁ ହାକିଟି ନିକହାନା ଗାଞ୍ଜୁରମି ହାହାମାନେସି, ଏଞ୍ଜାଣି ତାଣାଟି ମାରୁ ଏ ମାହାପୁରୁଇଁ ନାମିମାଞ୍ଜେରି, ଇଦାଆଁତାକି ମୀ ବାରେ ନାମୁ ଅଡ଼େ ବାସୁଁ ମାହାପୁରୁ ତାଣା ଆଟ୍‌ଞ୍ଜା ଆହାମାନେଁ □

୨୨ ନୀର୍ବ ମାରୁ ସାତାତି ମାନୁଓ୍ଵି ଆହାନା କୁରୁ ହିଲାଆ ତାୟିଇଁ ଜୀଞ୍ଜୁ ନହାଲି ତାକି ମୀ ହିୟାଁତି ଅଟ୍‌ହା କତାମାନାକି ମୀ ବାରେ ହିୟାଁ ତଲେ ମାରୁ ରଣ୍ଡିଏ ମନତଲେ ରଅତେରି ରଅଣାଇଁ ଜୀଞ୍ଜୁନଦୁ □

୩୩ ଇତିହାସଂ ମୀରୁ ନାସା ଆଦି ପାଠେୟିତି ଆଏ, ସାମା ଏତେଲା ନାସା ଆଆଗାଟି ପାଠେୟିତି, ଇତିହାସଂ ମାହାପୁରୁତି ଜୀଞ୍ଜୁ ଅତେ ବାରେବେଲା ଡ଼ୟିନି ବଲୁ ତଲେ ଖେଣ୍ଡେ ଜାର୍ନୀ ଆହାମାଞ୍ଜେରି □

୩୪ ଦାମ୍ଭୁ ସାପ୍ତେରିତା ରାସ୍ତି ଆହାମାନେ,
“ଇତିହାସଂ ଦାମ୍ଭୁତି ବାରେ ଲକୁ ଗାକଂ ଜାଡ଼ା ଲେହେତାରି,
ଏଞ୍ଜାରି ଅଲୁ ବାରେ ଜାଡ଼ାତି ପୂଜା ଲେହେତାୟି □
ଗାକଂ ଜାଡ଼ା ଖାୟାହାନେ ଇଞ୍ଜା ପୂଜା ବାରେ ହୁଲାହାନୁ □

୩୫ ସାମା ମାହାପୁରୁତି ବଲୁ କାଲାକାଲାତାକି ଡ଼ୟିନେ □” ଇଦି ଏ ନେହଂ କାବୁତି ବଲୁ, ଆମିନି ଗାଟାୟି ମୀ ତାଣା ଖେପ୍ତିକି ଆହାମାତେ □

୨

ଜୀଞ୍ଜୁତି ଖାଲି ଅତେ ସୁଦୁଗାଟି କୂଡ଼ା

୧ ଇତିହାସଂ ପ୍ରବୁ କାର୍ମା ମେହନାସି ଇଞ୍ଜଂ ମୀରୁ ନୀଏଁ ପୂଞ୍ଜମାନାକି, ଇଞ୍ଜା ବାରେ ଲାଗେଏ ପଲେଏତାଣି, ନାଡ଼ି କିନାଣି, କୁରୁ, ଲକୁଣି ତାହାରା ଇଞ୍ଜା ଲକୁଣି ନିନ୍ଦା କାତା ଜଲିନାଣି ପିହୁଦୁ,

୨ ପୁଞ୍ଜି ଜାର୍ନୀଆଡ଼ି କୁଟି କକାରି ପଦାଲେହେଁ ଏନାଆଁ ଆଣ୍ଡାଆତି ପାଲୁ ଗସାଲି ଅଣ୍ଡାପିଦେରି, ଆଡ଼ିହଂ ମୀରୁ ପାତାଆହାନା ଗେଲ୍ପି ଆଦେରି □

୩ ଦାମ୍ଭୁପତିତା ରାସ୍ତି ଆହାମାନେ, “ମାହାପୁରୁ ଏତେକା କାର୍ମା ମେହନାସି, ଏଦାଆଁ ମୀରୁ ପୂଜାମାଞ୍ଜେରି □”

୪ ଜୀଞ୍ଜୁଗାଟି ଖାଲି ଲେହେତି ପ୍ରବୁ, ଏଞ୍ଜାଣାଲ୍ ମାଣ୍ଡସିୟାଁ ତାଣାଟି ଅପାଆତେରି ସାତା, ସାମା ମାହାପୁରୁ ତାଣା ଆଡ଼ି ଆହାନା ଗାତି ଦାରାଗାଟାସି ଆଡେସି □

୫ ତାନି ତାଣା ଖାହାନା ମୀରୁ ଜିକେଏ ଜୀସୁ କ୍ରୀସୁ ତାଣାଟି ମାହାପୁରୁ ନକିତା ନେହଂ ଜୀଞ୍ଜୁତି ପୂଜା ହାହାଲିତାକି ସୁଦୁଗାଟି ପୂଜେରାଜା ଲେହେଁ ଆହାଲିତାକି ଜୀଞ୍ଜୁତି ଖାଲି ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆଦୁ □

୬ ଇତିହାସଂ ଦାମ୍ଭୁ ପତିତା ରାସ୍ତି ଆହାମାନେ;
“ନାନ୍ତୁ ସିୟନତା ର ଆଡ଼ି ଆହାମାନି
ଅତେ ଦାରାଗାଟି କନତି ମୂଲୁ ଖାଲି କିହାମାଲ୍
ଇଞ୍ଜା ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଏତେଲାଖା ଲାଜା ବେଟାଆଅସି □”

୭ ମୀରୁ ପ୍ରବୁଲ୍ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି,
“ଇଲୁ କେପିନାରି ଆମିନି ଖାଲିତି ଅପାଆତେରି,
ଏଡ଼ି ଏଞ୍ଜାରାକି ଇଲୁ କନତି ମୂଲୁ ଖାଲି ଆଡେ □”

୮ ଅତେ ଦାମ୍ଭୁପତିତା ରାସ୍ତି ଆହାମାନେ,
“ଏ ଖାଲିତା ହାଡେକା ଲକୁ ପୁଟି କିନେରି,
ଏ ପାକା ଖାଲି ଏଞ୍ଜାରାଲ୍ ଡ଼ଇ ତରୁଟି କିନାୟି ଆନେ;”
ମାହାପୁରୁ ବଲୁ ଆହାଆତାକି ଏଞ୍ଜାରି ଏମ୍ବାଆଁ ବାଦା ବେଟାଆନେରି ଇଞ୍ଜା ଏଦାଆଁତାକି ଏଞ୍ଜାରି ମାହାପୁରୁ ତାଣାଟି ଆଡ଼ି ଆହାମାତେରି □

୯ ସାମା ଆମ୍ବାଆସି ମିଜେ ଆନ୍ଦେରିଟି ତାନି କାବାଆଦି ଉଜେଡ଼ିତା ହାଟାମାଞ୍ଜାନେସି, ମୀରୁ ଏନିକଂ ଏଞ୍ଜାଣି ଗୁଣ୍ଡୁ ପାଟିଦେରି, ଏଦାଆଁତାକି ମୀରୁ ମାହାପୁରୁ ଆଚାମାଞ୍ଜାନି କୂଡ଼ାତେରି, ରାଜାଡ଼ି ସେବାକିନି ପୂଜେରାଜା, ମାହାପୁରୁ ସେବାତାକି ଏଡ଼ିକା ଆହାମାନି ସୁଦୁ କୂଡ଼ାତେରି, ଇଞ୍ଜା ମାହାପୁରୁତି ଲକୁଡେରି ଆହାମାଞ୍ଜେରି □

୧୦ “ତଲି ମୀରୁ ମାହାପୁରୁତି ଲକୁ ଆହା ହିଲାଆତେରି, ସାମା ନୀଏଁ ମୀରୁ ମାହାପୁରୁତି ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁତି କାର୍ମା ବେଟାଆହା ହିଲାଆତେରି, ସାମା ନୀଏଁ ତାନି କାର୍ମାଆନାଣି ବେଟାଆହାମାଞ୍ଜେରି □”

ମାହାପୁରୁତି ହଲିୟାଜା

୧୧ ଏ ଜୀବୁତି ତାୟି ତାଜିସ୍ତା, ନାନୁ ମିଙ୍ଗେ ଇ ଦାର୍ତତିତା ଏଟକା ଦେସାତାତେରି ଇଞ୍ଜା ହେକ ଦେସାତି
ଝାହାମାନାତେରି ଇଞ୍ଜି ଅଣପାନା ବାତିମାଲିମାଞ୍ଜାଇ, ମୀରୁ ମୀ ଆଜ୍ଞାତି ଜୁପକାଟି ହେକ ଆଦୁ, ଏଞ୍ଜି
ମୀ ଜୀବୁ କପାଟି ଜୁଜୁ କିହେମାନୁ □

୧୨ ମୀରୁ ଜୀହୁଦିଆଆତି ଲକ୍ଷତାଣା ମୀ ମାଣକି ଦହ୍ ହିଲ୍ଲାଆଗାଟାୟି ଆପେ, ଏନିକି ଏଞ୍ଜାରି ନୀଏ
ମିଙ୍ଗେ ପାପୁ ଦହ୍ ଗାଟାତେରି ଇଞ୍ଜି ନିନ୍ଦା କିୟାନେରି, ତାୟୁ କ୍ରୀସ୍ତ ଖିନି ଦିନାତା ମୀ ନେହ୍ କାମା
ମେସାନା ମାହାପୁରୁଇଁ ଜହରା କିନେରି □

୧୩ ପ୍ରବୁ ତାକି ବାତିମାଲିମାଞ୍ଜାଇ, ମୀ ମୁହେଁ ସାଲ୍ଲୁଡି କିନାରାଇଁ ମାନୁଡି ଆଦୁ □

୧୪ ବାରେତି କିହାଁ କାଜା ରାଜା ଆପେସି, ଲାଗେଏ ପଲେଏତାରାଇଁ ତଣ୍ଡ ହୀହାଲି ଅଡେ ନେହ୍
କାମା କିନାରାଇଁ ରାହାଁ କିହାଲିତାକି ତାନିତାଣାଟି ପାଣ୍ଡୁଆହାମାନି ସାଲ୍ଲୁଡି କିନାସି ଆପେସି, ଏଞ୍ଜାରାଇଁ
ମାନି କିଦୁ □

୧୫ ଇତିହ୍ ମୀରୁ ନେହ୍ କାମା କିହାଁ ବୁଦି ହିଲ୍ଲାଆ ଉଜେଏତି କାତା ଷେହ୍ନାରାଇଁ ସାପି କିଦୁ, ଏଦି
ମାହାପୁରୁତି ଅଣପୁ □

୧୬ ମୀରୁ ମେଲା ମାନାତେରି ଆଡିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଲେଏ
ଲେମ୍ବାଆଦୁ, ସାମା ମାହାପୁରୁତି ହଲିୟା ଆହାନା ନେହ୍ କାମା କିଦୁ □

୧୭ ବାରେ ଲକ୍ଷୁଇଁ ଆବାଦୁ, କ୍ରୀସ୍ତାନା ତାୟି ତାଜିଇଁ ଜୀବୁନଦୁ, ମାହାପୁରୁଇଁ ଆଜାଦୁ, ରାଜାଇଁ ମାନି
କିଦୁ □

କ୍ରୀସ୍ତ କସ୍ତତି ଜାପିନାୟି

୧୮ ହଲିୟାଙ୍ଗାତେରି ମୀରୁ ଆଜିତଲେ ମୀ ସାବୁକାରିୟାଁଇଁ ମାନୁଡି ଆଦୁ, ଝାରୁଇ ନେହାଁରାଇଁ ଅଡେ
କାର୍ମା ମେହ୍ନାରାଇଁ ଆଏ, ସାମା ଲାଗେଏତି ସାବୁକାରିୟାଁଇଁ ଜିକେଏ ଏଲେକି ମାନୁଡିଆଦୁ □

୧୯ ଇତିହ୍ ଆମ୍ବାଆସି ମାହାପୁରୁଇଁ ନାମିତାକି ଲାଗେଏତାଣି ତାକି ଦୁକୁ କସ୍ତ ବେଟାଆହାନା
ଅରୁହିନେସି, ଆଡିହ୍ ଏଦି ରାହାଁତି କାତା □

୨୦ ମୀରୁ ମୀ ଦହ୍ ତାକି ତଣ୍ଡ ବେଟାଆଡେଦରି, ଏମ୍ବାଆଁ ଏନି ଲାବା ? ସାମା ନେହ୍ କାମାତାକି କସ୍ତ
ଅରୁହିତିହ୍, ମାହାପୁରୁ ମିଙ୍ଗେ ବର ହିୟାନେସି □

୨୧ ମାହାପୁରୁ ତାଣା ବାରେତାକି ହାଟୁକିଆହା ମାଞ୍ଜେରି, ଇତିହ୍ ମୀରୁ ଏନିକି କ୍ରୀସ୍ତତି ପାସ୍ତୁଲି
ତଲେ ତାକିଦେରି ଏଦାଆଁତାକି ଏଞ୍ଜାସି ଜିକେଏ ମିଙ୍ଗେତାକି ଦୁକୁ କସ୍ତ ଅରୁହାନା, ମିଙ୍ଗେତାକି
ଏଲେଆହାଲି ତସାମାଞ୍ଜାନେସି;

୨୨ ଏଞ୍ଜାସି ଏନି ପାପୁ ଦହ୍ କିହାହିଲ୍ଲାଆତେସି କି ଏଞ୍ଜାଣି ଗୁଡିତି ମିଟି କାତା ଏରେଲାଝା ହଡାହିଲ୍ଲାଆତେ
□

୨୩ ଏଞ୍ଜାସି ନିନ୍ଦା ବେଟାଆହି ମାଟାଟି ଷେଣ୍ଡେ ନିନ୍ଦା କିଆତେସି; ଦୁକୁ କସ୍ତ ବେଟାଆହି ମାଟାଟି ଷେଣ୍ଡେ
କସ୍ତ ହିୟାଁଇଁ ଇଞ୍ଜି ଆଜି ତସାନା ଷେହ୍ନାଆତେସି, ସାମା ସାତା ନାହାଁୟି କିନି ମାହାପୁରୁ ତାଣା ତାନି
ବାରେତି ହେରୁପିତେସି □

୨୪ ମୀରୁ ଏନିକି ପାପୁ ତାକି ହାହାନା, ଦାର୍ମୁତାକି ଜୀବୁତଲେ ନାଡିନାୟି, ଏଦାଆଁତାକି ଏଞ୍ଜାସି
ପାସି ମୁଣ୍ଡା ଲାକି ତାନି ଆଜ୍ଞା ତଲେ ମା ବାରେ ପାପୁ ଡେକା ଅଡେସି, ଏଞ୍ଜାଣି ରାହାଁତି ମୀରୁ ନେହ୍
ଆହାମାଞ୍ଜେରି □

୨୫ ଇତିହ୍ ମୀରୁ ଜିରୁ ବାଣାଆହାମାନି ମେଣ୍ଡାୟାଁ ଲେହେଁ ଆହାମାତେରି, ସାମା ନୀଏ ମୀରୁ ଜୀବୁତି
ଗଡ଼ ଛୁଲମିତି କାଜାଣା ଢେଟ ଢେଟ ତାକାଲି ମୀରୁ ଷେଣ୍ଡା ଝାହାମାଞ୍ଜେରି □

୩

ତକ୍ତି ତକ୍ରାତି କାତା

୧ ଏଲେକିହ୍ ଏ ଏ ତକ୍ତିସିକାତେରି, ମୀରୁ ମୀ ତକ୍ରାୟାଁଇଁ ମାନୁଡିଆଦୁ, ଏନିକିହ୍ ଏଞ୍ଜାରି ବିତ୍ରାତି
ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହ୍ ମାଣକି ମେସାନା, ମୀରୁ ଷେହ୍ନାଆନା
ଜିକେଏ ମାହାପୁରୁ ତାଣା ନାମାଲି ଆଡିନେରି □

☆ ୩:୧ ୩:୧ ଏପିସି ୫:୨୨; କଲସି ୩:୧୮

୨ ଏନିକି ଏଞ୍ଜର ବିଦ୍ରାଢି ଆମ୍ବା ଆମ୍ବାଆରି ବଲ୍ଲତି ମାନୁଞ୍ଜି ଆଆଡି ଜିକେଏ ମୀ ମାହାପୁରୁତି ଆଜି ଅଡେ ମାଣକି ମେସାନା କାତା ଝେନାଆନା ଜାହାରା ତକ୍ତିନି ସୁଦୁଗାଟି ମାଣକି ମେସାନା ନାମିନେରି □

୩ *ତାୟି ବାଣାୟା ହାରେକା ଅଜିକିହୁଁ କିଣହା କତାନା, ବାଂଗାରା ତୁରହାନା, ଅଜିତି ହିମ୍ବରକା ହୁତିନାୟି, ଝାବରଇ ଛ ବାରେ ତଲେ ମୀ ଆଜାତି ଅଜି କିହାକତାଆଦୁ,

୪ ମୀ ହିୟାତା ଏମିନି ହିଡ଼ି ଜୀଝୁତି ଗୁଣୁ ମାହାପୁରୁ ନକିତା ହାରେକା ଦାରାଗାଟାୟି, ଏଦିଏ ମୀ ନାୟା ଆଆଗାଟି ଅଜୁ ଆଡେ

୫ ଏନାଆଁତାକି ଇତିହୁଁ ତଲି କାଲାତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାସୁଁ ଇଟାନା ତାନି ତକ୍ତିୟାୟି ମାନିକିହୁଁ ଜାହାରାଇଁ ଅଜିକିହା କଡମାରୁ □

୬ ଏଲେକିହୁଁ ଏ ସାରା ଜିକେଏ ଅହାହାମଇଁ ମାନୁଞ୍ଜି ଆହୁଁ ଏଞ୍ଜାଣାଇଁ ନା ପ୍ରବୁ ଇଞ୍ଜିମାତେ; ମୀରୁ ଜିକେଏ ନାଏଁ ଏନାଆଁ ଆଜାଆନା ନେହୁଁ କାମା କିତିହୁଁ ଏଦାଣି ମାସ୍କାତେରି ଆଦେରି □

୭ *ତକ୍ତିୟାତେରି, ଏଲେକିହୁଁ ଏ ମୀ ତକ୍ତିସିକାଣି ମୀ କିହୁଁ ବାଡ଼ୁୟୁତା ଉଣାଗାଟାକ ଇଞ୍ଜୁଁ ପୁଞ୍ଜାନା ଏଞ୍ଜାସିକାକି ମାନି କିଦୁ, ଇଞ୍ଜା ଏଞ୍ଜାସିକା ତଲେ ଆଣ୍ଡାନା ବୁଦିତଲେ ତୁୟାଦୁ, ଏଞ୍ଜି ଜିକେଏ ମୀ ତଲେ ମାହାପୁରୁ ତାଣା କାଳାକାଳା ଜୀଝୁତି କାମାତି ଦାନା ବେଟାଆଦୁ, ଏନିକିଁ ମୀ ପ୍ରାତାନା କିନିତାଣା ବାଦା ଝାଏ □

ନେହୁଁ କାମାତାକି କସ୍ତ ପାଣ୍ଡନାୟି

୮ ତାୟୁତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡପୁ ତଲେ ବାରେତି ସୁକୁ ଦୁକୁତା ଆଣ୍ଡି ଆନାୟି, ତାୟି ତାଜିଇଁ ଜୀଝୁନନାୟି, ନେହୁଁ ହିୟା ଅଡେ ଜାହାରାଇଁ ଉଣା କିହାକତାଦୁ □

୯ ଲକୁ ମିଜେ ଲାଗେଏ କିୟାତିହୁଁ ଜିକେଏ ଏଞ୍ଜାରାଇଁ ଝେଣ୍ଡେ ଲାଗେଏ କିଆଦୁ, ନିନ୍ଦା କିୟାତିହୁଁ ଝେଣ୍ଡେ ନିନ୍ଦା କିଆଦୁ, ସାମା ଏଞ୍ଜାରାଇଁ ବର ହାଦୁ, ଏନାଆଁତାକି ଇତିହୁଁ ଏଲେକିହାଲି ମାହାପୁରୁ ମିଜେ ଆଟାନା ହାଟାମାଞ୍ଜାନେସି □

୧୦ ଦାମ୍ବୁ ସାପ୍ତେରିତା ରାସ୍କି ଆହାମାନି ଲେହେଁ

“ଆମ୍ବାଆସି ଜୀଝୁତା ସୁକୁ ତଲେ ତୁୟାଲି ଇଞ୍ଜା ରାହୁଁତି ଦିନାୟା ମେସାଲି ଅଣ୍ଡପିନେସି, ଏଞ୍ଜାସି ଲାଗେଏ ପଲେଏ କାତାୟା ତାନି ଝେନ୍ଦରିତି ଜଲ୍ଲାଆପେସି, ଅଡେ ମିତି କାତାୟା ତାନି ଗୁଡିତି ଏତେଲାଞ୍ଜା ହଆପୁ □

୧୧ ଏଞ୍ଜାସି ଲାଗେଏ ପଲେଏ ତାଣାଟି ହେକ ଆହାନା ନେହୁଁ କାମା କିପେସି, ଇଞ୍ଜା ତାନି ବାରେ ହିୟା ତଲେ ହିଡ଼ି ଜୀଝୁ ପାରାନା ଏ ଜିରୁତି ତାକାପେସି □

୧୨ ଏନାଆଁତାକି ଇତିହୁଁ ଦାମ୍ବୁ ଗାଟାରକି ପ୍ରବୁତି କାନୁ ମାନେ, ଇଞ୍ଜା ଏଞ୍ଜାରି ପ୍ରାତାନାଟି କାକା ଅତାହାଁ ଝେନେସି, ସାମା ପାପୁ ଗାଟାରି କପାଟି ପ୍ରବୁ ନିଜିନେସି □”

୧୩ ମୀରୁ ନେହୁଁ କାମାତାକି ରାହୁଁ ଗାଟାତେରି ଆଦେରି, ଆତିହୁଁ ଆମ୍ବାଆସି ମିଜେ ଲାଗେଏ କିୟାଲି ଆଡାନେସି ?

୧୪ *ସାମା ନେହୁଁ କାମା କିହାନା କସ୍ତ ବେଟାଆଡି ଜିକେଏ, ଏଦି ମୀ ତାକି ନେହେଁ, ଆମ୍ବାଆସି ମିଜେ ଆଜି କିୟାତିହୁଁ ଆଜିତାକି ଆତାଜାକା ଆଆଦୁ;

୧୫ ସାମା କ୍ରୀସ୍ତଇଁ ପ୍ରବୁ ଇଞ୍ଜୁଁ ମୀ ହିୟାତା ସୁଦୁ ତଲେ ମାନି କିଦୁ, ଆମ୍ବାଆସି ଏତେଲାଞ୍ଜା ମୀ ତାଣା ମାନି ବାସୁତି କାତା ପୁଞ୍ଜାଲି ଝେଞ୍ଜାତିହୁଁ, ଏଞ୍ଜାଣାଇଁ ଝେଣ୍ଡେ ଝେସାଲି ମୀ ଅଣ୍ଡପୁ ତଲେ ତିୟାରା ଆହାମାଞ୍ଜୁ,

୧୬ ସାମା ଝେନ୍ଦନାଟି ସୁଦୁ ଅଡେ ମାନିଗାଟି ଅଣ୍ଡପୁ ତଲେ ଆଜାଆନା ନେହୁଁ ବୁଦିତି ଝେନ୍ଦୁ. ମୀରୁ କ୍ରୀସ୍ତ ତାଣା ଆଣ୍ଡାନା ନେହୁଁ ମାଣକି ମାନାକି ମିଜେ ନିନ୍ଦା କିହାନା ଦହ ଦହନାରି ଏମ୍ବେଏ ଲାଜା ପାଣ୍ଡପେରି ଇଞ୍ଜୁଁ ମୀରୁ ତାରିତି ଅଣ୍ଡପୁ ତଲେ ମାଞ୍ଜୁ □

୧୭ ଏନାଆଁତାକି ଇତିହୁଁ ଲାଗେଏ ପଲେଏ କାମାତାକି ଦୁକୁ ବେଟାଆଡି କିହୁଁ ମାହାପୁରୁ ଇଟା ଆତିହୁଁ, ନେହୁଁ କାମାତାକି ଦୁକୁ ବେଟାଆନାୟି ନେହେଁ □

୧୮ କ୍ରୀସ୍ତ ମିଜେ ମାହାପୁରୁ ତାଣା ତାଚାଲି ତାକି ଏଞ୍ଜାସି ଦାମ୍ଭୁଗାଟାସି ଆହ୍ୱାନା ଦାମ୍ଭୁ ହିଲ୍ଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡେସି, ଏଞ୍ଜାସି ଆଜ୍ଞା ତଲେ ହାଡେସି ସାତା, ସାମା ଜୀଞ୍ଜୁତଲେ ନୀତିତେସି,

୧୯ ଏମ୍ବାରିଏ ଏଞ୍ଜାସି ସୁଦୁଜୀଞ୍ଜୁ ତଲେ ମାଞ୍ଜାନା ଦସ୍ପି ଆହ୍ୱାମାତି ଜୀଞ୍ଜୁୟାଁ ତାଣା ହାଜାନା ମାହାପୁରୁ ବଲୁ ଝେକ୍‌ହେସି;

୨୦ ତଲି କାଲ୍ଲାତା ନହ ଜାଜା କେପିତି ବେଲା, ମାହାପୁରୁ ସାସ୍ତାତଲେ କାଟିମାରେସି, ଆଡିଜିକେଏ ଏଞ୍ଜାଣାଇଁ ମାନ୍‌ଞ୍ଜି ଆଆତେରି, ଏ ଜାଜାତା ହାରେକା ଲକୁ ଆଏ, ଆଟା ଜାଣା ହଡାନା ଏମ୍ବୁଟି ଗେଲ୍‌ପି ଆଡେରି;

୨୧ ଏ ଏମ୍ବୁ ଇ କାଲ୍ଲାତି ବାପ୍ତିସ୍ମ* ଇତିହ~ ଏଦି ମା ଆଜ୍ଞାତି ମାତି ନରୁନାୟି ଆଏ, ସାମା ମାହାପୁରୁ ତାଣା ନେହ~ ଅଣ୍ଡପୁ ବେଟାଆହ୍ୱାଲି ପ୍ରାଡାନା କିନାୟି, ଇଞ୍ଜାଁ ଜୀମ୍ବୁ କ୍ରୀସ୍ତ ହାକିଟି ନିଜିତାକି ଗେଲ୍‌ପି ଆନାୟି □

୨୨ ଏ ଜୀମ୍ବୁ କ୍ରୀସ୍ତ ଲାକପୁରୁ ହାଜାନା ମାହାପୁରୁଟି ଚିଃନି ଚଟତା କୁଗାମାନେସି, ଏମ୍ବାଆଁ ଦୁଡୁୟାଁ, ପାଣା ବେଟାଆଡାରି ଅଡେ ବାଡୁୟୁ ଗାଟାରି, ଏଞ୍ଜାଣାଇଁ ମାନ୍‌ଞ୍ଜି ଆହ୍ୱାନା ତାନି ଡଲ ମାନେରି □

୪

ମାହାପୁରୁ ତାକି ନୀତିନାୟି

୧ କ୍ରୀସ୍ତତି ଆଜ୍ଞା ତଲେ ଦୁକୁ କସ୍ତ ବେଟାଆହ୍ୱା ମାନାକି ମୀରୁ ଜିକେଏ ଏଲେକିହ~ଏ ଏଞ୍ଜାଣି ଲେହେଁତି ଅଣ୍ଡପୁ ତଲେ ଜାହାରାଇଁ ତିୟାରା କିହାକତାଦୁ, ଏନାଆଁତାକି ଇତିହ~ ଆମ୍ବାଆସି କ୍ରୀସ୍ତତି ତାକି ଆଜ୍ଞାତା ଦୁକୁ କସ୍ତ ବେଟା ଆହ୍ୱାମାନେସି, ଏଞ୍ଜାସି ପାପୁଟି ହେକ ଆହ୍ୱାମାନେସି,

୨ ଏନିକ~ ମୀରୁ ଦାର୍‌ତତା ନୀତାମାନି ପାତେକା ପାପୁଗାଟି ମାଣସିତି ଲାଗେଏ ଜୁପକାତି ଅଣ୍ଡପୁ ତଲେ ନୀତାଆନା ମାହାପୁରୁଟି ଅଣ୍ଡପୁ ଲେହେଁ ନୀତାଦୁ □

୩ ହାରେକା ଦିନା ମୀରୁ ନାମାଆଗାଟାରି ଇତା ତଲେ କାମା କିହାଁ ମୀରୁ ଏତେ କାଲ୍ଲା ଲାଗେଏ ପଲେଏ କାମାତା, ଲାଗେଏତି ଜୁପକା, କାଡୁ ରୁଡୁ ଆନାୟି, କାଡୁ ଗୁସାନା ରାହାଁ କିନାୟି, କାଡୁ ଗୁସାନା ହଡିନାୟି, ଇଞ୍ଜାଁ ଅପାଆଗାଟି ପେଣକା ବମାୟାଁଣି ପୂଜା କିହିମାତେରି,

୪ ମୀରୁ ନାଏଁ ଏଞ୍ଜାରିତଲେ ଏ ବାରେ ଲାଗେଏ ପଲେଏ କାମାତା ରାହାଁତଲେ ଆଣ୍ଡିହିଲଅତେରି, ଏଦାଆଁତାକି ଏଞ୍ଜାରି ଆତାଜାକା ଆହ୍ୱାନା ମିଜେ ହାରେକା ନିନ୍ଦା କିୟାନେରି □

୫ ସାମା ଆମିନି ମାହାପୁରୁ ନୀତାମାନାରାଇଁ ଅଡେ ହାଡାଚାରାଇଁ ନୀହାଁୟି କିହାଲି ହାଜିମାନେସି, ଏ ମାହାପୁରୁ ନକିତା ଏଞ୍ଜାରି ତାମି ବାରେ କିତି କାମାତି ଲେକା ହୀନାୟି ମାନେ □

୬ ଏଦାଆଁତାକି ହାଡାରି ତାଣା ଜିକେଏ ମାହାପୁରୁଟି ନେହ~ କାବୁ ଝେସ୍‌ପିଆଡେ, ଏନିକ~ ଏଞ୍ଜାରି ମାଣସିୟାଁ ଲେହେଁ ଆଜ୍ଞା ତଲେ ନୀହାଁୟି କିଞ୍ଜି ଆତିହ~ ଜିକେଏ ମାହାପୁରୁ ଲେହେଁ ଜୀଞ୍ଜୁତଲେ ନୀତିନେରି □

ମାହାପୁରୁଟି ଦାନା ଅଡେ ନେହ~ ଗୁମ୍ବୁସା

୭ ଏ ବାରେତି ରାନ୍ତି ଦିନା ତାଗେ ଝାଡେସିଏ, ଏଦାଆଁତାକି ମୀରୁ ନେହ~ ବୁଦି ଗାଟାତେରି ଆଦୁ, ଇଞ୍ଜାଁ ମାହାପୁରୁ ତାଣା ପ୍ରାଡାନା କିୟାଲି ତାକି ଜାଗ୍ରାତା ଆହ୍ୱାନା ମାଞ୍ଜୁ □

୮ ବାରେତି କିହାଁ ମୀରୁ ରଅତେରି ରଅଣାଇଁ ହାରେକା ଜୀଞ୍ଜୁନଦୁ, ଏନାଆଁତାକି ଇତିହ~ ଏଲେତି ଜୀଞ୍ଜୁନନାୟି ହାରେକା ପାପୁଟି ସ୍ଟିକ୍‌ନେ □

୯ ଗୁରୁମ୍ବୁରୁ ଆଆନା ରଅତେରି ରଅଣାଇଁ ଗତାୟାଁ ଲେହେଁକି ସେବା କିଦୁ □

୧୦ ବାରେଜାଣା ତେରି ଏନିକ~ ମାହାପୁରୁ କାର୍ମାତି ଦାନା ବେଟାଆହ୍ୱାମାଞ୍ଜେରି, ଏଲେକିହ~ଏ ମୀରୁ ମାହାପୁରୁ ମେରାତି ନେହ~ ଗୁମ୍ବୁସାୟାଁ ଲେହେଁ ଆହ୍ୱାନା ଏ ବାରେ ଦାନା ତଲେ ରଅତେରି ରଅଣାଇଁ ସେବା କିଞ୍ଜିଆଦୁ □

୧୧ ଆମ୍ବାଆସି ଝେକ୍‌ନେସି ମାହାପୁରୁଟି ନେହ~ କାବୁ ଝେକ୍‌ନାସି ଲେହେଁ ଝେକ୍‌ପେସି; ଇଞ୍ଜାଁ ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡୁୟୁ ବେଟାଆହ୍ୱାମାନି ଲେହେଁ ସେବା କିପାସି □

* ୩:୨୧ ୩:୨୧ମ୍ବୁଞ୍ଜିନାୟି

ଏନିକିଁ ଜୀସୁ କ୍ରୀସ୍ତ ତାଣାଟି ମାହାପୁରୁ ଗାଝୁରମି ବେଟା ଆନେସି; ଇଞ୍ଜା କାଲାକାଲାତି ଗାଝୁରମି ଅଡ଼େ କାଜାପାଣା ଏଞ୍ଜାଣିଞ୍ଜାୟି □ ଆଡ଼େନି □

କ୍ରୀସ୍ତାନା ଲକ୍ଷ୍ମି ଦୁକୁ କସ୍ତ

୧୨ ଏ ନା ଜୀସୁତି ତଣେସିଙ୍ଗାତେରି, ନୀର୍ବ୍ୟ ମିଙ୍ଗେ ହିରୁତା ତାୟିପାରି କିନି ଲେହେଁ ହାରେକା ଦୁକୁ କସ୍ତ ଖାହାମାନେ, ଏନି ମାଙ୍ଗେ ଖାନାୟି ହିଲାଆତେ ଇଞ୍ଜି ଅଣ୍ଡପାଆଦୁ □

୧୩ ସାମା କ୍ରୀସ୍ତତି ଦୁକୁ କସ୍ତତା ମୀରୁ ଏଚେକା ଆଣ୍ଡାମାଙ୍ଗେରି ଏଚେକେଏ ରାହାଁ ଆଦୁ, ଏନିକିଁ ଏଞ୍ଜାଣି ଗାଝୁରମି ତଞ୍ଜାଆନି ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଡ଼େରି □

୧୪ ସାମା ମୀରୁ କ୍ରୀସ୍ତତି ଦରୁ ତାକି ନିନ୍ଦା ବେଟାଆଦେରି ଆତିହଁ ମୀରୁ ନେହାଁତେରି, ଇତିହଁ ଗାଝୁରମିଗାଟି ଜୀସୁ, ଇତିହଁ ମାହାପୁରୁତି ଜୀସୁ ମୀ ତାଣା ତୟାମାନେ □

୧୫ ଏଡ଼ାଆଁତାକି ମୀ ବିତ୍ରାତି ଲକ୍ଷ୍ମି ପାୟିନାରି, ସରୁ କିନାରି, ଦହ କାମା କିହାନା, ଲକୁଇଁ ସାକ୍ତି କାତା ଜଲିନାରି ଆହାନା ସାସ୍ତି ବେଟାଆଦେରି □

୧୬ ସାମା ଆମ୍ବାଆସି କ୍ରୀସ୍ତାନା ଲକ୍ଷ୍ମି ଆହାମାନାକି ସାସ୍ତି ବେଟା ଆନେସି, ଆତିହଁ ଏଞ୍ଜାୟି ଲଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି □

୧୭ ଇତିହଁ ମାହାପୁରୁ ଇଲୁଟିଏ ନୀହାଁୟି କିଞ୍ଜି ଆହାଁ ବିଚାରା କିନି ଦିନା ଖାନେ; ଇତିହଁ ମାହାପୁରୁ ନକେଏ ମାଙ୍ଗେ ନୀହାଁୟି କିୟାତିହଁ, ଆତିହଁ ତାମି ନେହଁ କାବୁ ମାନଞ୍ଜି ଆହାହିଲଅରି ଏଞ୍ଜାରି ତାୟି ତଣ୍ଡ ଏଚେକା ଆଜିହପେତାୟି ଆଏ □

୧୮ ସାସ୍ତେରିତା ରାସ୍ତିକି ଆହାମାନେ,

“ଦାମ୍ବୁଗାଟାସି କସ୍ତତଲେ ଗେଲପି ଆନେସି,

ଆତିହଁ ଦାମ୍ବୁ ହିଲାଆ ଗାଟାରି ଅଡ଼େ ପାପୁଗାଟି ଲକ୍ଷ୍ମି ଏନିକିଁ ମ୍ବୁ ତୁହନେରି ?”

୧୯ ଇତିହଁ ଆମ୍ବାଆରି ମାହାପୁରୁତି ଅଣ୍ଡପୁ ଲେହେଁ ଦୁକୁ କସ୍ତ ବେଟାଆନେରି, ଏଞ୍ଜାରି ନେହଁ କାମା କିହାନା ଏଞ୍ଜାଣି ତାଣା ହାରେପୁରେ ବାସ୍ତିକିପାରି, ଆତିହଁ ଏଞ୍ଜାରାଇଁ ଗାଡ଼ିକିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି □

୫

ମାହାପୁରୁତି ମେଣ୍ଡାୟି

୧ ଇତିହଁ ନାନ୍ଦୁ ମୀ ତଲେତି ର କୁଲମିତି ପ୍ରାତିନାତେର୍ବ, ଅଡ଼େ କ୍ରୀସ୍ତତି ଦୁକୁ ବେଟାଆହାମାନି ତାଣାଟି ସାକି ଇଞ୍ଜା ଖାହିମାନି ଗାଝୁରମିତା ଆଣ୍ଡିନାତେର୍ବ ନାନ୍ଦୁ, ମୀ ତାଣା ମାନି ପ୍ରାତିନାଙ୍ଗାଣି ବାତିମାଲିମାଇଁ,

୨ *ମୀ ତାଣା ମାନି ମେଣ୍ଡାୟିଣି ଜାଡ଼ନ୍ କିଦୁ ମାହାପୁରୁ ମିଙ୍ଗେ ହେର୍ପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା କିନାକି ଆଏ, ସାମା ରାହାଁ ଅଣ୍ଡପୁ ତଲେ ମାହାପୁରୁ ଅଣ୍ଡପୁତି ଲେହେଁ ଜାଡ଼ନ୍ କିଦୁ, ଖାଡ଼ଇ ତାବୁୟା ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣ୍ଡପୁ ତଲେ କାମା କିଦୁ □

୩ ଅଡ଼େ ଆମ୍ବାଆରି ଦାୟିପତି ମୀ କେୟୁତା ହୀପ୍ତିକି ଆହାମାଞ୍ଜାନେ, ଏଞ୍ଜାରି ମୁହେଁ ସାଲଞ୍ଜି କିନାତେରି ଆଆନା ଏ ମାନ୍ଦାତି ମାନି ଗାଟାତେରି ଆହାନା କିଦୁ □

୪ ଏଚେଟିଏ “କାଜା ଗଡ଼” ତଞ୍ଜାଆନି ଦିନାତା ମୀରୁ ଗାଝୁରମିତି ଏଚେଲା ଖାଡ଼ାଆଗାଟି ଚପେରି ବେଟାଆଦେରି □ ତାନି ଉଜେଡ଼ି ଏଚେଲା ଖାଡ଼େଏ □

୫ ଏ ଦାଂଗଣାୟିତେରି, ଏଲେକିହଁଏ ମୀରୁ ଜିକେଏ ମୀ ପ୍ରାତିନାଙ୍ଗାଣି ମାନଞ୍ଜି ଆଦୁ, ମୀରୁ ବାରେକାଣା ତେରି ରଅତେରି ରଅଥି ନକିତା ସୁଦୁଗାଟି ଅଣ୍ଡପୁତି ହିମ୍ବିରି ଲେହେଁ ପରଦୁ, ଦାମ୍ବୁ ସାସ୍ତେରିତା ରାସ୍ତିକି ଆହାମାନେ, “ଇତିହଁ ମାହାପୁରୁ ତାହାରା ଗାଟାରି କପାଟି ନିଜ୍ଜାନା ସୁଦୁ ଗାଟାରାଇଁ କାର୍ମା ମେହନେସି □”

୬ *ମାହାପୁରୁତି ବାଡ଼ୟୁଗାଟି କେୟୁ ତଲେ ମୀରୁ ମିଙ୍ଗେ ଉଣା କିହାକତାଦୁ, ଏନିକିହଁ ଏଞ୍ଜାସି ତାୟି ସମାମା ଦିନାତା ମିଙ୍ଗେ କାଜାତେରି କିୟାନେସି;

୭ ମୀ ଅଣ୍ଡପୁତି ବକୁ ବାରେ ମାହାପୁରୁ ତାଣା ହେର୍ପାଦୁ ଇତିହଁ ଏଞ୍ଜାସି ମିଙ୍ଗେତାକି ଅଣ୍ଡପିନେସି □

* ୫:୨ ୫:୨ ଜହ ୨୧:୧୫-୧୭ * ୫:୨ ୫:୨ ମାତି ୨୩:୧୨; ଲୁକ ୧୪:୧୧; ୧୮:୧୪

୮ ସେତୁନା ଆହ୍ୱାନା ଜାଗ୍ରାତା ମାଞ୍ଜୁ, ଏନାଆଁତାକି ଇଚିହ୍ନି ଆମ୍ବାଆରାଇଁ ଗୁହ୍‌ଇଁ ଇଞ୍ଜିଁ ମୀ ସାତୁ ସୟତାନ ତୁକିମାନି ସିହ୍‌କ୍ୱାଃନି ଲେହେଁ ପାରିହ୍ନି ରେଜିମାନେ □

୯ ମୀରୁ ନାମୁତା ତାରି ମାଞ୍ଜାନା ସୟତାନଇଁ ପେର୍ବୁ, ଏନାଆଁତାକି ଇଚିହ୍ନି ଇ ଦାବ୍‌ତିତା ମାନି ମୀ ନାମିତି ତାୟିୟାକି ଇଲେତି ଦୁକୁ କସ୍ତୁ ଆହିମାନେ □

୧୦ କ୍ରୀସ୍ତ ତଲେ ଆଶ୍ୱାନା ତାନି କାଲ୍‌କାଲ୍‌କାତି ଗାଝୁରମିତା ଆଶ୍ୱାଲି କାର୍ମାମେହ୍‌ନି ମାହାପୁରୁ ମିଜେ ହାଟାମାଞ୍ଜାନେସି, ମୀ ଗାଡ଼କାତି ଦୁକୁ କସ୍ତୁ ବେଟାଆଡ଼ି ତାୟି ଏଝାସି ତାନୁଏ ମିଜେ ତୀରି ଆଟ୍‌ଝା, ବାଡ଼ୟି, ଅଡ଼େ ଏଚେଲ୍‌ଲା ଗୁଚା ଆଆଗାଟି ବାସ୍ତୁ ମିଜେ ହିୟାନେସି □

୧୧ ବାରେ ବାଡ଼ୟି ଜୁଗୁ ଜୁଗୁତାକି ଏଝାଣିଝାୟି □ ଆମେନ୍ □

ରାନ୍‌ବେଲ୍‌କାତି ଜହରା

୧୨ *ସିଲ୍‌ଇଁ ନାମୁତି ତାୟିଲେହେଁ ନାନୁ ଜୀଝୁନହ୍‌ନା ତାନିତାଣାଟି ନାନୁ ଇ ଉଣା ଆକୁ ରାଟାମାଇଁ □ ମାହାପୁରୁତି ସାତା କାର୍ମାତି ସାକି ହାହାନା ମିଜେ ରାହ୍‌ନି କିୟାନାୟି ନା କାମା □ ଏ କାର୍ମା ମେହ୍‌ନିତାଣା ଆଟ୍‌ଝାତିଲେ ମାଞ୍ଜୁ □

୧୩ *ମାହାପୁରୁ ତାକି ଆଡ଼ଝି ଆହ୍ୱାମାନି ବାବିଲନତା ମାନି କୁଲମି ଅଡ଼େ ନା ଦାମ୍‌ତୁତି ମୀରଏସି ମାକି ଜିକେଏ ମିଜେ ଜହରା କିହିମାଞ୍ଜାନେରି □

୧୪ କ୍ରୀସ୍ତାନା ଲକୁ ଲେହେଁ ଜୀଝୁନହ୍‌ନା ଜହରା କିଦୁ □ କ୍ରୀସ୍ତ ତାଣା ମାନି ଲକୁକି ହିଡ଼ଡ଼ି ଆପେ □

ପିଚର ଲିଖିତ ଦ୍ୱୀତିୟ ପଢ଼ ପିଚର ରାଜାମାନି ରୀ ଲମ୍ବର ଆକ୍ର ମୂଲ୍ୟ ହାତୀ

ପିଚର ରୀ ଲମ୍ବର ଆକ୍ରମିତ ପାଣ୍ଡୁଆଡ଼ି ପିଚର ରାଜାମାନେସି, ସାମା ହାରେକା ବୁଦିଗାଟାରି ନାଏଁ
ଝିଏ ଛଦି ସାତା ଇଞ୍ଜି ନାମିହଲଅରି □ ଛଦାଆଁ ପିଚର ତାଣ୍ଡାଟି ଆମ୍ବାଆସି ଆପେ ରାଜାମାନେସି
□ ରାଜାମାନାସି ଏଲେଇଞ୍ଜି ମାନେସି, ଏଝାସି ଜୀସୁ ଛ ଦାରୁଡିତା ନୀତାମାଟାଣି ଅଡ଼େ ମୁମ୍ବୁବାଦଲି
ଆହାମାଟାଣି ତାନ୍ଧୁ ମେସାମାନେସି ୧:୧୭-୧୮ □ ଇ ଆକ୍ରମିତ ପିଚର ରାଜାମାନେସିରେ ଏଝାସି ରମ୍ଭାତା
ମାଞ୍ଜାନା ତାନ୍ ହାଡ଼ି ନକେଏ ଜୀସୁ କ୍ରୀସ୍ତ ଜାର୍ନାଆଡ଼ି ୨୫-୨୯ ବର୍ସା ତାନ୍ ରାଜାମାନେସି □ ପିଚର ରୀ
ଲମ୍ବର ଆକ୍ରମିତ ତାନ୍ ପିଚର ରାଜିତି କାଲମି ଝେସାନା ଏଲେଇଚେସି ଛଦି ରୀ ପାଲିତି ଆକ୍ର ୩:୧□
ଏଝାସି ଛ ଆକ୍ରମା ବାରେ କ୍ରୀସ୍ତାନା ଲକ୍ଷୁତି ଦରୁ ଝେକହେସି □

କ୍ରୀସ୍ତଜ୍ଜି ନାମିତି ଲକ୍ଷୁ ନେହଁକଁ ନୀତାବାଡ଼କାଲି ସାସା ହାହାଲି ଅଡ଼େ ମିତିତାଣି ଜାପ୍ତନାରି ତାଣ୍ଡାଟି
ଜାଗ୍ରାତା କିହାଲି ଛ ଆକ୍ର ପିଚର ରାଜାମାନେସି ୨ ପାରୁଁ □ ପିଚର ଏଝାରାଇଁ ଜୀସୁ ତବେ ଝାହାହିଲଅସି
ଇଞ୍ଜିମାନି ଲକ୍ଷୁ କାତା ଆହୁଆଦୁ ଇଞ୍ଜିଁ ସାସା ହାତେସି □ ଏଝାସି ତସାନା ଝେସେସି ମାହାପୁରୁ ନିସ୍ତା
ଆହୁଁ କାମାକିନାସି ଆଏ ସାମା ଏଝାସି ବାରେଜାଣାଟି ଗେଲ୍ପି ଆହାଲି ଅଣପିମାନେସି ୨ପିଚ ୩:୮-୯
□ ଏଦାଆଁତାକି ନେହଁ ମାଣ୍ଡକିତି ଜୀସୁତଲେ ନୀତିନାସି ମାନେ ୩:୧୪ □

ପିଚର ମାନାସି

- ୧ ପିଚର ତାଙ୍ଗେ ଝେକହା କଡ଼ିନାସି ଅଡ଼େ ତାନି ଆକ୍ରମିତ ପଢ଼ୁଝି ଆନାରାଇଁ ଝେହନାସି □ ୧:୧-୨
- ୨ ଏଝାସି ଏଝାରାଇଁ ନେହଁକଁ ନୀତାବାଡ଼କାଲି ଅଣପି କିହିମାନେସି ଏନାଆଁତାକି ଛଡିହଁ
ମାହାପୁରୁ ମାଙ୍ଗେ ବାଡ଼ୁଲୁ ହାହାମାଞ୍ଜାନେସି □ ୧:୩-୨୧
- ୩ ଏଝାସି ମିତି ଜାପ୍ତନାରି ତାଣ୍ଡାଟି ଜାଗ୍ରାତା ଆହାଲି ଝେସାମାନେସି ଅଡ଼େ ଜୁଗୁ ରାନି ଦିନାତା ଏଝାରାକି
ଏନାଆଁ ଆନେ ଇଞ୍ଜିଁ ଝେସାମାନେସି □ ୨:୧-୨୨
- ୪ କ୍ରୀସ୍ତଜ୍ଜି ନାମିତି ଲକ୍ଷୁଣି ଜୀସୁ ଝେଣ୍ଡେ ଝାନି ଦିନା ପାତେକା ନେହଁ ଜୀସୁତଲେ ତିୟାରା ଆହା
ମାଞ୍ଜାଲି ସାସା ହାହାନା, ପିଚର ତାନି ଆକ୍ର ରାପ୍ତନାସି □ ୩:୧-୧୭

୧ ସିମନ ପିଚର, ର ହଲେଏସି ଅଡ଼େ ପାଣ୍ଡୁଝି ଆହାମାନାସି, ମା ମାହାପୁରୁ ଅଡ଼େ ଗେଲ୍ପାନି ଜୀସୁ
କ୍ରୀସ୍ତତି ଦାର୍ମତାକି ଆମିନି ଗାଟାରି ମା ଲେହେଁ ହାରେକା ଦାରାଗାଟି ନାମୁ ବେଟା ଆହାମାନେରି,
ଏଝାରିତାଣା ଆକ୍ର ରାଜିମାଇଁ □

୨ ମାହାପୁରୁ ଅଡ଼େ ମା ପ୍ରବୁ ଜୀସୁତି ବୁଦିତଲେ ମିଙ୍ଗେତାକି କାର୍ମାମେହନାସି ଅଡ଼େ ହିଡ଼ଡ଼ି ଜୀସୁ
ହାରେକା ଗାଡ଼ି ଆୟାପେ □

ମାହାପୁରୁ ହାଡ଼ିନାସି ଅଡ଼େ ଆଡ଼ିନାସି

୩ ଆମ୍ବାଆସି ତାନି ଗାଧୁରମି ଅଡ଼େ ନେହଁ ଗୁଣ୍ଡତଲେ ମାଙ୍ଗେ ହାଟାମାଞ୍ଜାନେସି, ମାହାପୁରୁ ତାନି
ବୁଦିତଲେ ଲାକପୁରୁତି ବାଡ଼ୁଲୁଟି ମାଙ୍ଗେ ଜୀସୁ ଅଡ଼େ ଦାର୍ମତି ଜିରୁ ତାକି ବାରେ ଲଡ଼ାମାନାଣି
ହାହାମାଞ୍ଜାନେସି □

୪ ଏଦାଆଁ ତଲେ ଏଝାସି ମାଙ୍ଗେ ଗାଡ଼ି ଦାରା ଅଡ଼େ ହାରେକା ଲଡ଼ାଗାଟି ଆଞ୍ଜାମାନି ଦାନା
ହାହାମାଞ୍ଜାନେସି, ଏନିକଁ ଏ ବାରେ ତଲେ ମୀରୁ ଲାଗେଏତି ଅଣପୁତା ଆହିମାନି ଆମିନି ନାସା ଆନି
ଦାରୁଡିତା ମାଞ୍ଜେରି, ଏମ୍ବାଟି ଗେଲ୍ପି ଆହାନା ଲାକପୁରୁତି ଗୁଣ୍ଡତଲେ ଆଣ୍ଡାଦୁ □

- ୫ ଛଦାଆଁତାକି ମୀରୁ ହାରେକା ଜାଡ଼ୁକିତି ନାମୁତଲେ ନେହଁ ଗୁଣ୍ଡ, ଅଡ଼େ ସାତା ଗୁଣ୍ଡତଲେ ବୁଦି,
- ୬ ବୁଦିତଲେ ଆଙ୍ଗାତି ଲକ୍ଷନାସି, ଆଙ୍ଗାତି ଲକ୍ଷନାଣି ତଲେ ସାସା, ସାସାତଲେ ଦାର୍ମତି କାମା କିନାସି,
- ୭ ଦାର୍ମତି କାମାକିନାଣି ତଲେ ତାୟିୟାଁଇଁ ଜୀସୁନନାସି, ତାୟିୟାଁଇଁ ଜୀସୁ ନନାଣି ତଲେ ବାରେ ଲକ୍ଷୁଜ୍ଜି
ଜୀସୁ ନନାଣି ଆଡ଼ୁଦୁ □

୮ ଈ ନେହିଁ ଗୁଣ୍ଠାୟାଁ ମିଙ୍ଗେ ଲଡ଼ାମାନେ; ଈ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତତି ବୁଦି ମିଙ୍ଗେ ପାରସାଡ଼ା ଅଡ଼େ ବାରେ ମେଡ଼ି କିହାମାଞ୍ଜାନେ □

୯ ସାମା ଈ ବାରେ ଗୁଣ୍ଠୁ ଆମ୍ବାଆରି ତାଣା ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ କାଣା ଆହାମାନେସି, ଅଡ଼େ ତାନି ନକେଏ କିତି ବାରେ ପାପୁଟି ନରୁଞ୍ଜି ଆଡ଼ାଣି ଏଞ୍ଜାସି ବାଣ୍ଡି ଆହାମାନେସି □

୧୦ ଈଦାଆଁତାକି, ଏ ତାୟି ତାଲିସ୍ତା, ମାହାପୁରୁ ମିଙ୍ଗେ ଆଡ଼ାନା ହାଟମାଞ୍ଜାନାଣି ଅଡ଼େ ମନତି ଅଣ୍ଠୁ ତାରି କିହାଲି ହାରେକା ଜାଡ଼ନୁ ଗାଟାତେରି ଆଦୁ; ଈଲେ କିତିସାରେ ମୀରୁ ଏଡେଲା ଜିକେଏ ମୀ ନାମୁଡ଼ା ଉଣା ଆଅଡେରି □

୧୧ ଈଞ୍ଜା ଈଲେକିହିଁ ଏ ମା ପ୍ରବୁ ଅଡ଼େ ଗେଲପାନି ଜୀସୁ କ୍ରୀସ୍ତତି କାଲକାଲାତି ରାଜିତା ରାହାଁତଲେ ହାଜାଲି ମିଙ୍ଗେ ହାପକି ଆୟାନେ □

୧୨ ଈଦାଆଁତାକି ମୀରୁ ଈ ବାରେ କାତା ପୁଞ୍ଜାମାଞ୍ଜେରି ଅଡ଼େ ମୀରୁ ବେଟାଆହାମାନି ସାତାତା ନେହିଁକିଁ ତାରି ଆହାମାଞ୍ଜେରି, ଆଡ଼ିଜିକେଏ ନାନୁ ଈ ବାରେ କାତା କାଲେଏ ମିଙ୍ଗେ ଅଣ୍ଠି କିଞ୍ଜିକିହାଲି ଜାଗ୍ରାତା ତୁୟିଇଁ □

୧୩ ନାନୁ ନୀତାମାନି ପାତେକା ଈ ବାରେ କାତା ତାକି ମିଙ୍ଗେ ସେଡନା କିହାଲି ନାନୁ କିନାୟି ମାନେ ଈଞ୍ଜା ଅଣ୍ଠିମାଇଁ □

୧୪ ମା ପ୍ରବୁ ଜୀସୁ କ୍ରୀସ୍ତ ନାଙ୍ଗେ ଏନିକିଁ ଝେସାମାଞ୍ଜାନେସି, ଏଲେକିହିଁ ନାଙ୍ଗେ ଦାପେ ଈ ନା ଆଞ୍ଜା ଲେହେଁତି ତୁମୁ ପିସାଲି ଆନେ,

୧୫ ଅଡ଼େ ନା ହାଡ଼ି ତାୟୁ ଜିକେଏ ମୀରୁ ଏନିକିଁ ଈ ବାରେ କାତା କାଲେଏ ଅଣ୍ଠପୁଡ଼ା ଇଚିଦେରି, ଈଦାଆଁତାକି ନାନୁ ଅଣ୍ଠିମାଇଁ □

କ୍ରୀସ୍ତତି ଗାଞ୍ଜୁରମି ମେସ୍ତାରି ସାକିଁ

୧୬ ଈଚିହିଁ ମାମ୍ବୁ ଏଚିବେଲା ମା ପ୍ରବୁ ଜୀସୁ କ୍ରୀସ୍ତତି ବାଡ଼ୁୟୁ ଅଡ଼େ ଝାହିମାନି କାତା ମିଙ୍ଗେ ପୁଣ୍ଡି କିୟାତମି, ଏଚିବେଲା ଏନି ସୁତମି ତଲେ କେପିତି ପୁସପନିକା ଆସା ହିଲାଆତମି, ସାମା ତାନି ଗାଞ୍ଜୁରମିତି କାଣକା ତଲେ ମେସ୍ତା ସାକିୟାଁ ଆହାମାତମି □

୧୭ ଏଚିବେଲା କାଜା ଗାଞ୍ଜୁରମିଚି ଏଞ୍ଜାଣାକି ଈ ହାଡ଼ା ଝାଡ଼େ, ଏଚିବେଲା ମାମ୍ବୁ ଏମ୍ବାଆଁ ମାତମି, “ଈଞ୍ଜାସି ନା ଜୀଞ୍ଜୁତି ମୀରୁଏସି ଈଞ୍ଜାଣି ତାଣେଏ ନା ହାରେକା ରାହାଁ ମାନେ □” ଏଚିବେଲା ଏଞ୍ଜାସି ଆଡ଼ା ମାହାପୁରୁ ତାଣାଚି ସାମ୍ବୁ ମି ଅଡ଼େ ଗାଞ୍ଜୁରମି ବେଟାଆଡେସି;

୧୮ ମାମ୍ବୁ ତାନିତଲେ ଏ ସୁଦୁ ହରୁ ଲାକ ମାଚିବେଲାତା ମାମ୍ବୁ ହାରୁ ଲାକଚି ଝେଜିତି ଈ ହାଡ଼ା ଝେଞ୍ଜାମାନି □

୧୯ ଏମ୍ବାଆଁ ମାହାପୁରୁ ଅଣ୍ଠପୁତି ବଲୁ ଝେକନାରି ଝେକହାମାଚି ମାହାପୁରୁ ଅଣ୍ଠପୁତି ବଲୁ ମାଙ୍ଗେତାକି ହାରେକା ଆଟ୍ଠା ଆଡ଼େ; ମୀରୁ ଏଦାଆଁ ଆନେରିତା ତାଞ୍ଜାମାନି ଦୀର୍ଘି ଲେହେଁ ଅଣ୍ଠପାନା ଲାଆଁ ଝେୟାଆ ପାତେକା ମା ହିୟାଁତା ଝେୟାଜାରା ହୁକା ହଥା ପାତେକା ଏଦାଣି ମନ ହାଡ଼ିହିଁ ନେହେଁ ଆନେ □

୨୦ ମୀରୁ ବାରେତି କିହାଁ ତଲିଏ ଈଦାଆଁ ପୁଞ୍ଜୁ, ଦାମ୍ବୁ ପତିତା ରାସ୍ତକି ଆହାମାନି ମାହାପୁରୁ ବଲୁତି ଜାହାରା ବୁଦିତଲେ ତେଲହାଲି ଆଡ଼ାଆୟି □

୨୧ ଈଚିହିଁ ଆମିନି ମାହାପୁରୁ ଅଣ୍ଠପୁତି ବଲୁ ଝେହନାରି ଝାଡ଼ଇ ତାମ୍ବୁ ମାଣସି ଅଣ୍ଠପୁତି ଆମ୍ବାଆସି ଜିକେଏ ଝେକହା ହିଲଅରି, ସାମା ମାହାପୁରୁ ପାଣ୍ଡିତି ମାଣ୍ଡିୟାଁ ସୁଦୁଜୀଞ୍ଜୁତି ସାଲୁଞ୍ଜି ଆହାନା ଏଞ୍ଜାରି ଅଣ୍ଠପୁତି ବଲୁ ଝେସାମାଚେରି □

୨

ମିଚି ଜାପ୍ତନାରି

୧ ସାମା ଲକ୍ଷୁ ତାଣାଚି ମିଚି ମାହାପୁରୁ ବଲୁ ଝେହନାରି ହଡ଼େରି; ଏଲେକିହିଁ ଏ ମୀ ବିତ୍ରାଚି ମିଚି ଜାପ୍ତନାରି ହନେରି; ଏଞ୍ଜାରି ନାସା ଆନିଲେହେଁତି ନାଡ଼ିକିନି ଅଣ୍ଠପୁ, ତୁଗ୍ନାନା ଝେକହାନା ଏଞ୍ଜାରାଇଁ କତାମାନି ପ୍ରବୁଇଁ ଜିକେଏ ପୁଞ୍ଜାହିଲଅମି ଈନେରି, ଅଡ଼େ ଜାହାରାଇଁ ଦେବୁଣିଏ ନାସା କିୟାନେରି □

୨ ଅଡ଼େ ହାରେକା ଲକ୍ଷୁ ଏଞ୍ଜାରି ଲାଗେଏ କାମାଚି ଜେତ ହାନେରି, ଈଞ୍ଜା ଈଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ □

* ୧:୧୭ ୧:୧୭ ମାଚି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

୩ ଏଞ୍ଜର ଦନ ଜୁପକାତାକି ମିଚି ଜାପୁହାନା ମୀ ତାଣାଟି ତାତୁୟାଁ ଲାବା ବେଟାଆହାଲି ଅଣ୍ଡପିନେରି, ଏଞ୍ଜର ଡଣ୍ଡ ତଲି କାଲାର୍ଟିଏ ଆହିମାନେ ଅଡେ ହାରେକା ଦିନାଟିଏ ମାହାପୁରୁ ଏଞ୍ଜରାଇଁ ବିଚାରା କିହାମାନେସି, ଏଞ୍ଜର ନାସା ଆନାୟି ଝାଡେୟିଏ □

୪ ଇଚିହଁ ମାହାପୁରୁ ପାପୁ କିଚି ଦୁତୁୟାଁଇଁ ପିହୁଆନା ହିବୁ ଗାଡୁରୁତା ମେଡହା ମାନେସି, ଏମ୍ବାଆଁ ଏଞ୍ଜରାକା ନାହାଁୟି ଆନି ଦିନା ପାତେକା ଆନ୍ଦେରି ଗାଡୁରୁତା ଇଟାମାନେସି □

୫ ମାହାପୁରୁ ପୁଃଋଜ ଦାଡୁଚିଚି ଜିକେଏ ପିସାହିଲଅସି, ସାମା ଦାମ୍ବୁ କାତା ଝେହ୍ନି ନହ ଇଞ୍ଜା ତାନିତଲେ ସାଡା ଜାଣାଇ ଗେଲ୍ପାମାନ ପାପୁଚି ଦାଡୁଚିଚି ଏରୁତଲେ ବୀଡ଼ଞ୍ଜି କିତେସି;

୬ ଏଞ୍ଜରାସି ସଦମ ଅଡେ ଗମରା ଗାଡାଟି ଦାଡୁମ୍ବୁ ପୁଂପୁହାନା ନାସା କିହାଲି ଡଣ୍ଡି ହୁକୁମି ହାଡେସି ଅଡେ ଏଞ୍ଜରାଇଁ ତାୟୁ କାଲାଟି ଦାମ୍ବୁ ହିଲ୍ଲାଆଗାଟାରି ପୁଣ୍ଡିକିନିଲେହେଁ କିତେସି □

୭ ଅଡେ ପାପୁ ଦହଗାଟି ଲକୁଚି ଲାଗେଏ ପଲେଏ କାମାଟି ହେକ ଆହାମାନି ଦାମ୍ବୁଗାଟି ଲଟାଇଁ ମାହାପୁରୁ ଗେଲ୍ପିତେସି,

୮ ଏ ଦାମ୍ବୁଗାଟାସି ଏଞ୍ଜରାଚଲେ ବାସା କିହାଁ ଏଞ୍ଜରା ଲାଗେଏଟି କାମା ମେସା ଅଡେ ଝେଞ୍ଜାନା ଦିନମି ତାକି ଦିନମି ଦାମ୍ବୁଗାଟାସି ଆହାନା ହାରେକା ଦୁକୁ ବେଟାଆହିମାତେସି □

୯ ଇଲେକିହଁଏ ପ୍ରବୁ ଦାମ୍ବୁଗାଟାରେଇଁ ତାୟିପାରି କିନି ତାଣାଟି ଗେଲ୍ପାଲି ଇଚିହଁ ଦାମ୍ବୁ ହିଲ୍ଲାଆଗାଟାରେଇଁ, ଆମ୍ବାଆରି ଆଜାଟି ଲାଗେଏଟି କାମାତା ସାଲ୍ଲଞ୍ଜି ଆହାନା ପ୍ରବୁଇଁ ମାନି କିଅରି, ଏଞ୍ଜରାଇଁ ବିଚାରା ଦିନାଟି ଡଣ୍ଡ ତାକି ଇଟାଲି ପୁଞ୍ଜାମାନେସି □

୧୦ ଇଚିହଁ ଆମ୍ବାଆରି ମାହାପୁରୁଚି ଅଦିକାରାଟି ହାଣି କିହାନା ଜାହାରା ଆଜାଟି ଜୁପକାତା ଡୁୟିମାନେରି, ଏଞ୍ଜରା ଏ କାଲା ନାହାଁୟି ଦିନା ପାତେକା ଏନିକଁ ଡଣ୍ଡ ହାହାନା ଇଟାଲି ଆନେ □ ଏ ମିଚି ଜାପୁନାରି ଆଜାଆ ଗାଟାରି, ଏଞ୍ଜରା ଲାକପୁରୁ ଗାଧୁରମି ଗାଟାରେଇଁ ମାନି କିଆନା ଏଞ୍ଜରାଇଁ ଲାଜା କିହିମାଞ୍ଜେରି □

୧୧ ଆଡିଜିକେଏ ହାରେକା ବାଡୁରୁ ଅଡେ କାଜାପାଣା ବେଟାଆହାମାନି ଦୁତୁୟାଁ ପ୍ରବୁ ନକିତା ଏଞ୍ଜରା କପାଟି ନିଜାମା ନିନ୍ଦାକିହଁ ବିଚାରା କିଅରି □

୧୨ ସାମା ଇଞ୍ଜରା ବିଦି ହିଲ୍ଲାଆ ଜନ୍ତ ଲେହେଁଡାରି, ଏଞ୍ଜରାଲେହେଁ ଇ ମିଚି ଜାପୁନାରି ଜିକେଏ, ଏନାଆଁ ଏଞ୍ଜରା ପୁଞ୍ଜାଲି ଆଡ଼ଅରି ଏନାଆଁ ଏଞ୍ଜରା ନିନ୍ଦା କିନେରି, ସାମା ଏଞ୍ଜରା ଜାଡାଟି ଜନ୍ତ ଲେହେଁ ନାସା ଆନେରି,

୧୩ ଏଞ୍ଜରା ଲାଗେଏଟି କାମା କିହାମାଟିସାରେ ଲାଗେଏ କମାଟି ପାଡ଼ଡୁୟି ବେଟାଆନେରି □ ଏନାୟି ଏଞ୍ଜରା ଆଜା ତାକି ନେହେଁ ହଡେ, ଏନାଆଁ ଏଞ୍ଜରା ମାଦେନା କିହାନା ରାହାଁ ବେଟାଆନେରି □ ଏଞ୍ଜରା ଜାହାରା ନାଡି କିଞ୍ଜିଆନି କାମାତା ରାହାଁ କିହଁ ମୀ ତଲେ ଡିଞ୍ଜାଲି କୁଡା ଆନେରି □

୧୪ ଏଞ୍ଜରା କାଣକା ଦାରି କାମାତା ନେଞ୍ଜା ଡୁୟିନୁ, ପାପୁ ପିସାଲି ମନ କିଅରି, ଏଞ୍ଜରା ଡିକିତାକାଗାଟି ହାରେକା ଲକୁଇଁ ଜୁପକା ତହନେରି, ଏଞ୍ଜରା ହିୟାଁ ଦନତି ଜୁପକାତା ଡୁୟିନେ, ଏଞ୍ଜରା ବାରେ ବାକା ବେଟାଆନାରି □

୧୫ ଆମ୍ବାଆସି ଲାଗେଏଟି ବାଡୁକୁ ଜୁପକାଟି ଜାଧୁ ନନି ବିୟରା ମୀରୁଏସି ବିଲିୟମତି ଜେଟ ଜେଟ ହାଡେସି ଅଡେ ସାଡା ଜିରୁ ପିସାନା ଲାଗେଏ ଜିରୁ ହାଡେସି □

୧୬ ସାମା ଏଞ୍ଜରାସି ତାନି କିଚି ଦହତାକି ଲାଗି ବେଟାଆଡେସି, ଇଞ୍ଜା ର ଜଲ୍ଲାଲି ଆଆଗାଟି ଗାଡୁଡେ ମାଣ୍ଡସି ହାଡାତଲେ ଜଲ୍ଲାହାଁ ମାହାପୁରୁ ଅଣ୍ଡପୁଚି ବଲ୍ଲୁ ଝେହ୍ନି ତାଣାଟିଏ ସାପି କିତେ □

୧୭ ଇ ମିଚି ଜାପୁନାରି ଏରୁ ଝାୟିଚି ଜାଡ଼ଣା ଲେହେଁଡାରି ଅଡେ କାଜା ଗାଲିତା ଡୁମ୍ବିନି ହାଗୁ ଲେହେଁଡାରି, ମାହାପୁରୁ ଏଞ୍ଜରାକି ହାରେଏ ଆନ୍ଦେରିଗାଟି ଗାୟୁ ଇଟାମାନେସି □

୧୮ ଇଚିହଁ ଏଞ୍ଜରା ଉଜେଏଟି ବଡପଣଟି ଡାହାରା କାତାୟାଁ ଝେହ୍ନେରି ଇଞ୍ଜା ନାଡିକିନି ମାଣ୍ଡକିଗାଟି ଲକୁ ତାଣାଟି ଗେଲ୍ପି ଆହାମାନି ଲକୁଣି, ତାନି ଆଜାଟି ଜୁପକାଟି କାମା କିହାନା ପାନ୍ଦାତା ମେଡନେରି;

୧୯ ଏଞ୍ଜରା ଏଞ୍ଜରାଇଁ ମେଲା ଆହାନା ମାଞ୍ଜାଲି ଆଡିଦେରି ଇଞ୍ଜା ଆଞ୍ଜିନେରି, ସାମା ଏଞ୍ଜରା ତାମ୍ବୁ ନାସା କିଞ୍ଜିକିନି କାମାଟି ହଲିୟାଜା ଆନେରି; ଏନାଆଁତାକି ଇଚିହଁ ଆମ୍ବାଆସି ଆମ୍ବାଆରି ତାଣା ହାଡ଼ଞ୍ଜି ଆନେସି ଏଞ୍ଜରାସି ଏମ୍ବାଟି ହଲେଏସି ଆନେସି □

୨୦ ଇଚିହଁ ଏଞ୍ଜରା ପ୍ରବୁ ଅଡେ ଗେଲ୍ପିନି ଜାମ୍ବୁ କ୍ରୀସ୍ତଟି ବୁଦିତଲେ ଦାଡୁଚିଚି ଲାଗେଏଟି ତାଣାଟି ଗେଲ୍ପି ଆହାନା ଝେଣ୍ଡେ ଏମ୍ବାଟି ପାନ୍ଦାତା ଦସ୍ପି ଆହାନା ହାଡ଼ଞ୍ଜି ଆନେରି, ଆଚିହଁ ଏଞ୍ଜରାକି ତଲିଚି

ତଣ୍ଡୁଳି କିମ୍ବା ତାମ୍ବୁଳି ତଣ୍ଡୁଳି ହାରେକା କସ୍ତୁରୀଆନି ଆନେ ।।

୨୧ ଇତିହାସ ଦାମ୍ଭିତ ଜିନ୍ଦୁ ପୁଞ୍ଜାନା ଏଞ୍ଜରାକି ହେରପି ଆହାମାନି ସୁଦୁ ହୁକୁମି ପିହ୍ନି କିହ୍ନି ଏଦାଆଁ ଏଚେଲାଞ୍ଜା ପୁଞ୍ଜାହଲିଆତିହାଁ ନେହଁ ଆଚେମା ।।

୨୨ “ନେଃଉଡ଼ି ତାନୁ କାକଞ୍ଜାନା ଖେଣ୍ଡେ ତିଞ୍ଜାଲି ଇଞ୍ଜାଁ ନରଞ୍ଜି ଆହାମାନି ପାଳି ଅଡ଼େ ଖେଣ୍ଡେ ଲାଦିତା ଚେରଞ୍ଜାଲି ହାନେ” ଏଞ୍ଜରାକି ଏ ଖେକହାମାନି ସାତା କାତା ଏଞ୍ଜରାକି ଆହାମାନେ ।।

୩

ପ୍ରବୁ ଖେଣ୍ଡେ ଖାନି ଦିନା

୧ ଏ ଜୀଞ୍ଜୁତି ତାୟି ତାଜିସ୍ତା, ନାନୁ ନାଏଁ ମୀ ତାଣା ଇ ରା ଲମ୍ବର ଆକୁ ରାଡ଼ିମାଲ୍, ଇଦାଆଁତାକି ଇ ରୀ ଆକୁତା ନାନୁ ମିଜେ ଏ ବାରେ ଅଣପି କିହାନା ମୀ ସୁଦୁ ମନତି ପାତିକିହାଲି ଅଣପିମାଲ୍ ।।

୨ ମୀରୁ ଏନିକଁ ସୁଦୁଗାଟି ମାହାପୁରୁ ଅଣପୁତି ବଲୁ ଖେହନାରି ତାଣାଟି ତଲି କାଲାତା ଖେସାମାନି ବାରେ ବଲୁ ଇଞ୍ଜାଁ ପାଣ୍ଡୁଞ୍ଜି ଆହାମାନାରି ତାଣାଟି ଖେସପିଆହାମାନି ପ୍ରବୁ ଇଞ୍ଜାଁ ଗେଲପାନାଣା ହୁକୁମି ଅଣପୁତା ଇଗାଡୁ ।।

୩ *ତଲିଏ ମୀରୁ ଇ କାତା ପୁଞ୍ଜୁ, ଇ ରାନି ବେଲାତା ଏଚରଜାଣା ତାମି ଲାଗେଏ ପଲେଏ କାମା ତଲେ ତାକିନେରି; ଏଞ୍ଜରି ମିଜେ ଲାଜା କିୟାନେରି ।।

୪ ଏ ଲାଜା କିୟାନାରି ଖାହାନା ଏଞ୍ଜରି ମିଜେ ଲାଜାକିହଁ ଏଲେଇଞ୍ଜାନେରି “ଜୀସୁ ଖେଣ୍ଡେ ଖାଲ୍ ଇଞ୍ଜୁଁ ଖେସାମାଞ୍ଜାତେସି ଆତିହଁ ଏଞ୍ଜାସି ଏଚେଲା ଖାନେସି ? ଇତିହଁ ମା ଆକୁ ଆବାୟାଁ ହାଡ଼ି ଦିନାଟିଏ ନାଏଁ ପାତେକା ବାରେ ଦାରୁଡ଼ିତି ଗାଡ଼ି ଆଡ଼ି ଦିନାଟିଏ ଏନିକଁ ମାଚେ, ଏଲେକିହଁ ଏ ନାଏଁ ଜିକେଏ ତୁୟାମାନେ ।।”

୫ ଏଞ୍ଜରି ପୁଞ୍ଜା ପୁଞ୍ଜାନା ବାଣ୍ଡି ଆନେରି, ତଲି କାଲାତା ମାହାପୁରୁ ହୁକୁମି ହୀତେସି ଅଡ଼େ ହାଗୁପାକା ଅଡ଼େ ଦାରୁଡ଼ି ଗାଡ଼ି ଆଡ଼େ ଅଡ଼େ ଦାରୁଡ଼ି ଏୟୁ ତାଣାଟି ଏୟୁ ଗୁରତାନା ଗାଡ଼ି ଆଡ଼େ ।।

୬ ଅଡ଼େ, ଏଞ୍ଜାଣି ତାଣାଟି ଏ ତଲି କାଲାତି ଦାରୁଡ଼ି ଏୟୁତଲେ ନାସା ଆଡ଼େ;

୭ ସାମା ନାଏଁତ ହାଗୁପାକା ଅଡ଼େ ଦାରୁଡ଼ି ଏ ମାହାପୁରୁତି ବଲୁ ତଲେ ଲାଗେଏ ପଲେଏତି ଲକୁତି ନାହାଁସି ଅଡ଼େ ନାସାତି ଦିନା ପାତେକା କୃଡ଼ି ଆହାନା ହିରୁତା ହୁଡାଲି ଇବକି ଆହାମାନେ ।।

୮ ସାମା ଏ ଜୀଞ୍ଜୁତି ତାୟି ତାଜିସ୍ତା, ମାହାପୁରୁ ନକିତା ର ଦିନା ର ମାଣା ବାସା ସମାନା ଅଡ଼େ ର ମାଣା ବାସା ର ଦିନା ସମାନା; ଇ କାତାତି ଏଚେଲା ବାଣା ଆଆଡୁ ।।

୯ ହାରେକା ଲକୁ ପ୍ରବୁ ଖେଣ୍ଡେ ଖାନି ଦିନା ମାନେୟିଏ ଇଞ୍ଜୁଁ ଅଣପିନେରି, ସାମା ପ୍ରବୁ ତାନୁ ଏଲେଇଞ୍ଜା ମାନାଣି ଏଚେଲାଞ୍ଜା ଖେଡ଼ା କିଅସି; ଏନିକଁ ଆମ୍ବାଆରି ନାସା ଆଅରି, ସାମା ବାରେଜାଣା ମନ ଖେବହା କଡ଼ିନେରି; ଇଦାଆଁ ଅଣପାନା ଏଞ୍ଜାସି ମୀ ତାକି କାର୍ମା ମେସି ମାଞ୍ଜାନେସି ।।

୧୦ *ମାହାପୁରୁ ଖାନି ଦିନା ର ସରୁ ଖାନି ଲେହେଁ ଖାନେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡାଞ୍ଜାହାନେ, ଅଡ଼େ ଦାରୁଡ଼ିତା ମାନି ବାରେ ଦିଶସୁ ଗାଡ଼ି ଖେସାନା ରୁୟାହାନୁ, ଇଞ୍ଜାଁ ଦାରୁଡ଼ି ଅଡ଼େ ଏଦାଆଁ ମାନି ଆସି ବାରେ ହିରୁତା ଡ଼ାଞ୍ଜାହାନେ ।।

୧୧ ଇ ବାରେ ଇଲେଆହଁ ମେଣ୍ଡାଞ୍ଜାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ାଞ୍ଜାହାଁ ମେଣ୍ଡାଞ୍ଜାହାନେ ଅଡ଼େ ଦାରୁଡ଼ିତି ବାରେ ଦିଶସୁ ହାରେକା ଖେସାନା ରୁୟାହାନେ,

୧୨ ପ୍ରବୁ ଖାନି ଦିନା କାପୁ କାଚାଡ଼ୟିନି ଲକୁ, ଏଦି ଏନିକଁ ତବେ ଖାନେ, ଇଦାଆଁତାକି ମୀରୁ ଜାଗ୍ରାତା ଆଦୁ, ଏ ଦିନା ହାଗୁଲାଇ ମାନି ଖେଡ଼ା ଲେଞ୍ଜୁ ହୁକାୟାଁ ଖେସାହାନାକି ଖିରଲାହାନୁ ।।

୧୩ *ମୀରୁ ମାହାପୁରୁ ଆଞ୍ଜାମାନି ଲେହେଁ ର ପୁଃନି ହାଗୁପାକା ଅଡ଼େ ପୁଃନି ଦାରୁଡ଼ିକ୍ କାଚାମାନାୟି, ଆମିନି ଗାଗାୟି ଦାମ୍ଭିତଲେ ବାସାଆନି ଗାୟୁ ଆନେ ।।

୧୪ ଇଦାଆଁତାକି ଏ ଜୀଞ୍ଜୁତି ତାୟି ତାଜିସ୍ତା, ମୀରୁ ଇ ବାରେ କାଡ଼ିମାନାକି ମାହାପୁରୁ ନକିତା ଏନିକଁ ପାପୁ ହିଲିଆଗାଗାତେରି ଅଡ଼େ ଦହ ହିଲାଆଗାଗାତେରି ଆହାଁ ହିଡ଼ଡ଼ି ତଲେ ମାନାତେରି ଆହଁ ତଞ୍ଜା ଆଡ଼େରି, ଏଦାଆଁତାକି ଜାଡ଼ୁ ତଲେ ମାଞ୍ଜୁ;

୧୫ ଅଡ଼େ, ମା ପ୍ରବୁତି ହାରେକା ଅରହିନାୟି ଗେଲପାନାୟି ଇଞ୍ଜୁଁ ଅଣପାଦୁ, ମା ଜୀଞ୍ଜୁତି ତାୟି ପାଞ୍ଜୁଲ ଜିକେଏ ମାହାପୁରୁ ହାହାମାନି ବୁଦିତଲେ ମିଜେଡାକି ଏଲେକଁ ରାଡ଼ା ମାଞ୍ଜାନେସି ।।

* ୩:୧୩ ୩:୧୩ ଜୀହୁଦା ୧:୧୮ * ୩:୧୦ ୩:୧୦ ମାତି ୨୪:୪୩; ଲୁକ ୧୨:୩୯; ୧ତେସ ୫:୨; ଖେ ବଲୁ ୧୨:୧୫ * ୩:୧୩ ୩:୧୩ ଖେ ବଲୁ ୨୧:୧

^{୧୭} ଏହାସି ତାନି ରାତ୍ନାମାନି ବାରେ ଆକ୍ରୁତା ଇ ବାରେ କାତା ରାତ୍ନାମା ଏଲେକ୍ଟ୍ ସ୍ତେସାମାନେସି; ଏ ବାରେ ଆକ୍ରୁତା ଏଚେକା କାତା ମାନେ, ଏମିନିଗାଟାଣି ତେଲ୍‌ହାଲି ଆଡାଆୟି, ଇଞ୍ଜା ପୁନାଆଗାଟି ଇତାଲା ଆତାଲା ଅଣ୍ଡପୁଗାଟି ଲକ୍ତୁ, ତାମ୍ବୁ ନୁସା ଆୟାଲି ଏଟ୍‌କାଡି ସାଟ୍‌ସ୍ତରିତା ଏନିକ୍ଟ ରାସ୍‌କି ଆହ୍‌ମାନେ, ଏ ବାରେ ତାଣା ଜିକେଏ ଏଲେକ୍ଟ୍ ଉଜେଏଡି କାତା ସ୍ତେହ୍‌ନେରି □

^{୧୭} ସାମା ଜାହ୍‌ଡି ତାୟି ତାଜିସ୍‌ସାତେରି, ମୀରୁ ଇଦାଆଁ ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା, ଏନିକ୍ଟ କିଲିବିଲି କିନି ଲକ୍ତୁ ତାଣାଟି ନାଡ଼ି କିଞ୍ଜି ଆଆନା ମୀରୁ ଆଟ୍‌ସା ନାମୁତା ଉଣା ଆଅତେରି □

^{୧୮} ସାମା ମା ପ୍ରବୁ ଅଡେ ଗେଲ୍‌ପାନି ଜୀସୁ କ୍ରୀସ୍ତୁଡି କାର୍ମା ଅଡେ ବୁଦିତା ପାତାଆବୁ □ ଏଞ୍ଜାଣାକି ନାଏଁ ଅଡେ କାଲ୍‌କାଲ୍‌ତାକି ଗାହ୍‌ରମି ଆପେ □ ଆଡେନ □

ଯୋହନଙ୍କ ପ୍ରଥମ ପତ୍ର ଜହନ ରାଡ଼ାମାନି ର ଲମ୍ବର ଆକୁ ମୂଲୁ ହାଡ଼ା

ଜହନ ରାଡ଼ିତି ର ଲମ୍ବର ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷା ତାମ୍ନୁ ପାଣ୍ଡୁଝିଆହାମାନି ଜହନ ରାଡ଼ାମାନେସି □ ଜହନ ଜାହାରାଇଁ ଛ ଆକୁତି ରାଡ଼ାମାଇଁ ଇଞ୍ଜି ସେସି ହିଲଥସି, ସାମା ଜହନ ତଲିତି ଆକୁତା ଏଝାସି ଜୀସୁ କ୍ରୀସ୍ତତି ନୀତାମାଗାଣି ଅଡ଼େ ହାହାନା ଝେଣ୍ଡେ ନିଜିତାଣି କାନୁ ତଲେ ମେସାମାନି ଇଞ୍ଜି ସାକି ହାହିମାନେସି ୧:୧-୩ □ ଜହନତି ର ଲମ୍ବର ପତି ଅଡ଼େ ଜହନ ରାଡ଼ିତି ନେହଁ କାତୁତି କାତା ରଣ୍ଡିଏ ସମାନା ଲେହେଁ ଆହିମାନେ □ ଏତିବେଲାତା ଏଝାସି ଏପିସିୟ ଗାଡ଼ାତା ମାଚେସି ଏଦାଆଁ ଏଝାସି ଜହନ ରାଡ଼ିତି ନେହଁ କାତୁ ଅଡ଼େ ଜହନ ର ଲମ୍ବର ଆକୁ, ଜହନ ରୀ ଲମ୍ବର ଆକୁ, ତାନି ଲମ୍ବର ଆକୁ ରାଡ଼ାମାଚେସି ଇଞ୍ଜି ନାନିମାନେରି □

ବୁଦିଗାଟାତମି ଇଞ୍ଜାକତିମାନି ର ଗତିତି ଲକୁ ତାଣ୍ଡାଟି କୁଲମି କସ୍ତ ବେଟାଆହି ମାଗାଟି ଜହନ କ୍ରୀସ୍ତାନା ଲକୁକି ଛ ଆକୁ ରାଡ଼ିମାଚେସି □ ଏଝାରି ନାମୁ ଜୀସୁ ସାଚେଏ ମାହାପୁରୁ ମାଚେସି ସାମା ଦାରୁଡ଼ିତା ମାଚିବେଲାତା ଏଝାସି ଉଞ୍ଜା ଅଡ଼େ ନେତେରିତି ମାଣସି ହିଲଆଚେସି □ ଜହନ ଜୀସୁ କ୍ରୀସ୍ତାଇଁ କାନୁ ତଲେ ମେସାମାନି ସାକି ଅଡ଼େ ତାନି କେୟୁ ଏଝାଣାଇଁ ତୀଗାମାନାକି ଏଝାସି ଛଦାଆଁ ରାଡ଼ାମାନେସି, ୧:୧-୩ □ ଜହନ ଛ ଆକୁତି ରାଡ଼ିନି କାତା ଆହିମାନେ ତାନି ରାହାଁତି ହାଚେପୁରେ କିନାସି ୧ଜହ ୧:୪ ଅଡ଼େ ନାମୁ ଗାଗାରାଇଁ ପାପୁ ପିସାଲି ତାକି ୧ଜହ ୨:୧ ଅଡ଼େ ମିତି ଜାମ୍ପାନି ତାଣ୍ଡାଟି ନାମୁ ଗାଗାରାଇଁ ଗେଲପାଲି ୧ଜହ ୨:୨୬ ନାମୁ ଗାଗାରାଇଁ ଗେଲପି ଆହାମାଞ୍ଜେରି ଇଞ୍ଜାଲି ୫:୧୩ □

ପତିତା ମାନାସି

- ୧ ଆକୁତି ପୁଣ୍ଡିକିନାସି ଅଡ଼େ ରାଡ଼ିମାନି କାତା ଝେହନାସି □ ୧:୧-୪
- ୨ ମାହାପୁରୁ ଏନିକିଁ ଉଜେଡ଼ି ଅଡ଼େ ଜୀସୁ ଲେହେଁ ନୀତାଲି ଝେସାମାନେସି □ ୧:୫-୩:୧୦
- ୩ ରଅସି ରଅଣାଇଁ ଜୀସୁ ନନାଣି ଝେଣ୍ଡେ ଅଣସି କିନାସି □ ୩:୧୧-୫:୧୨
- ୪ ଆକୁତି ରାମ୍ପାନାସି □ ୫:୧୩-୨୧

ଜୀସୁତି ବଲୁ

୧ *ମୂଲୁଏ ଆମ୍ବାଆସି ମାଚେସି, ମାମ୍ନୁ ଏଝାଣି ବଲୁ ଝେଞ୍ଜାମାନି, ଆମ୍ବାଆରାଇଁ ମା କାନୁ ତଲେ ମେସାମାନି, ଆମ୍ବାଆରାଇଁ ନେହକିଁ ସିନିକିହା ମାନି ଅଡ଼େ ମା କେସ୍ତାତଲେ ତୀଗାମାନି, ଏ ଜୀସୁଲେହେଁତି ବଲୁତି କାତା ଝେସିମାଞ୍ଜାନି □

୨ *ଏ ଜୀସୁ ତଞ୍ଜାଆଚେ, ଇଞ୍ଜା ମାମ୍ନୁ ମେସ୍ତମି ଅଡ଼େ ସାକି ହାହିମାଞ୍ଜାନି; ଆମିନି କାଲ୍ଲକାଲ୍ଲାତି ସୁଦୁଜୀସୁ ଆବା ତଲେ ମାଚେ, ଅଡ଼େ ମା ତାଣ୍ଡା ତଞ୍ଜାଆଚେସି ଏଝାଣି କାତା ମିଚ୍ଚେ ଝେସିମାଞ୍ଜାନି □

୩ ମାମ୍ନୁ ଏନାଆଁ ମେସାମାନି ଅଡ଼େ ଝେଞ୍ଜାମାନି, ଏଦାଆଁ ମିଚ୍ଚେ ଜିକେଏ ଝେସିମାଞ୍ଜାନି, ଏନିକିଁ ମାରୁ ଜିକେଏ ମା ତଲେ ଆଣ୍ଡାଲି ଆଡାଦେରି; ଅଡ଼େ ମା ଆଣ୍ଡାମାନାସି ଆବା ଅଡ଼େ ତାନି ମୀର୍ଏଣା ଜୀସୁ କ୍ରୀସ୍ତ ତଲେ ମାନେ □

୪ ମା ରାହାଁ ଏନିକିଁ ହାଚେ ପୁରେ ଆନେ ଛଦାଣିତାକି ଛ ବାରେ ମାମ୍ନୁ ରାଡ଼ିମାଞ୍ଜାନି □

ମାହାପୁରୁ ଉଜେଡ଼ି

୫ ମାମ୍ନୁ ଏଝାଣି ତାଣ୍ଡାଟି ଆମିନି କାତୁ ଝେଞ୍ଜାମାନି, ଅଡ଼େ ଝେସିମାଞ୍ଜାନି, ଏ କାତୁ ଛଦି, ମାହାପୁରୁ ଉଜେଡ଼ି, ତାନି ତାଣ୍ଡା ଆନେରି ହିଲ୍ଡୁଏ ହିଲେଏ □

୬ ମାମ୍ନୁ ଆନେରିତା ମାଞ୍ଜାନା ମାହାପୁରୁ ତଲେ ଆଣ୍ଡୁଝିଆହା ମାନାସି ଇଞ୍ଜି ସେସିହଁ, ମାର ମିତି ଝେହନାତାସି, ଅଡ଼େ ମାରୁ ସାତା ତଲେ ତାକିହିଲଆସି □

୭ ସାମା ଏଝାସି ଏନିକିଁ ଉଜେଡ଼ିତା ବାସା ଆହାମାନେସି, ମାର ଜିକେଏ ଏଲେକିହଁଏ ଉଜେଡ଼ିତା ତାକିନାସି, ଆତିହଁ ମାର ରଅସି ରଅଣି ତଲେ ଆଣ୍ଡୁଝିଆହା ମାନେ, ଅଡ଼େ ତାନି ମୀର୍ଏଣା ଜୀସୁ ନେତେରି ମା ବାରେ ପାପୁତି ନରହାନେ □

* ୧:୧ ୧:୧ ଜହ ୧:୧ * ୧:୨ ୧:୨ ଜହ ୧:୧୪

୮ ମା ଚାଣା ପାପୁ ହିଲେଏ ଇଞ୍ଜିଁ ଖେହ୍ନାୟି, ଆତିହ୍ଁ ମାର ମାଜେଏ ନାଡ଼ି କିହାକତିମାନାୟି, ଅଡ଼େ ମା ଚାଣା ସାତା ହିଲେଏ □

୯ ସାମା ମାମୁ ପାପୁ କିହାମାନମି ଇଞ୍ଜିଁ ମାହାପୁରୁ ନକିତା ଖେହ୍ନାୟି, ଆତିହ୍ଁ ଏଝାସି ମା ପାପୁ ବାରେ ମେକ୍‌ହାଲି ଅଡ଼େ ବାରେ ଲାଗେଏ ପଲେଏ ଚାଣାଟି ଅଡ଼ହାଲି ନାମୁ ଅଡ଼େ ତାରିଗାଟାସି □

୧୦ ମାର ପାପୁ କିହା ହିଲାଆୟି ଇଞ୍ଜିଁ ଇନାୟି, ଆତିହ୍ଁ ମାର ମାହାପୁରୁଇଁ ମିତି ଗାଟାସି କିହିମାନାୟି, ଅଡ଼େ ତାନି ବଲୁ ମା ଚାଣା ହିଲେଏ □

୨

କ୍ରାସ୍ତ ଗେଲ୍‌ପାନାସି

୧ ଏ ନା ମାରକା ମାସକାତେରି ମାରୁ ଏନିକ୍ଁ ପାପୁ କିଅତେରି, ଇଦାଆଁତାକି ଇ ବାରେ ମା ଚାଣା ରାଡ଼ିମାଞ୍ଜାଇଁ □ ସାମା ଆମ୍ବାଆସି ପାପୁ କିନେସି, ଆତିହ୍ଁ ମା ଝାକି ଆହାନା ଆବା ଚାଣା ବାତିମାଲିନାସି ରଅସି ମାନେସି, ଏଝାସି ଦାମ୍ବୁଗାଟି ଜାସୁ କ୍ରାସ୍ତ □

୨ କ୍ରାସ୍ତ ମା ପାପୁ ତାକି, ଝାରୁଲ ମା ପାପୁ ତାକି ଆଏ, ସାମା ଦାରଡ଼ିତି ବାରେ ଲକୁଡ଼ି ପାପୁ ତାକି ଡାକିଡ଼ି ପୂଜାଲେହେ ଆତେସି □

୩ ମାର ମାହାପୁରୁତି ହୁକୁମି ମାନୁଝି ଆନାୟି, ଆତିହ୍ଁ ଏମ୍ବାଟି ପୁଞ୍ଜାଲି ଆଡ଼ିନାୟି, ଏଝାଣାଇଁ ସାତାତଲେ ପୁଞ୍ଜାମାନାୟି □

୪ ତାନି ହୁକୁମି ମାନୁଝି ଆଆନା ଆମ୍ବାଆସି ନାନୁ ଏଝାଣାଇଁ ପୁଞ୍ଜାମାଇଁ ଇଞ୍ଜିଁ ଜଲିନେସି, ଏଝାସି ମିତି ଗାଟାସି ଏଝାଣି ଚାଣା ସାତା ହିଲେଏ □

୫ ସାମା ଆମ୍ବାଆସି ତାନି ହୁକୁମି ମାନୁଝି ଆନେସି, ଏଝାଣି ଚାଣା ମାହାପୁରୁତି ସାତା ଜୀଝୁନନାୟି ପୂରା ଆହାମାନେ, ଏମ୍ବାଟିଏ ମାର ପୁଞ୍ଜାଲି ଆଡ଼ିନାୟି ମାର ମାହାପୁରୁ ଚାଣା ମାନାୟି □

୬ ଆମ୍ବାଆସି ନାନୁ ମାହାପୁରୁ ତଲେ ଡ଼ୟିଇଁ ଇଞ୍ଜିଁ ଇନେସି, ଏଝାସି ଜୀସୁ କ୍ରାସ୍ତ ନାତା ମାଟିଲେହେଁ ନାତିନାୟି ମାନେ □

ପୁଝନି ହୁକୁମି

୭ ଏ ନା ଜୀଝୁଡ଼ି ତଣେସିଜାତେରି ନାନୁ ମା ଚାଣା ଏନି ପୁଝନି ହୁକୁମି ରାଡ଼ିମାଞ୍ଜାଅଁ, ସାମା ତଲିଟିଏ ଆମିନି ପୁଝଇ ହୁକୁମି ବେଟା ଆହାମାଞ୍ଜେରି, ଏଦାଆଁ ରାଡ଼ିମାଞ୍ଜାଇଁ; ମାରୁ ଆମିନି ବଲୁ ଖେଞ୍ଜାମାଞ୍ଜେରି, ଏଦିଏ ପୁଝଇ ହୁକୁମି □

୮ ଅଡ଼େ ନାନୁ ନୀଏଁ ମିଜେ ପୁଝନି ହୁକୁମି ଲେହେଁ ରାଡ଼ିମାଞ୍ଜାଇଁ, ଇତିହ୍ଁ ଏଦି କ୍ରାସ୍ତ ଚାଣା ଅଡ଼େ ମା ଚାଣା ଜିକେଏ ସାତା ଇଞ୍ଜିଁ ତଞ୍ଜାଆନେ, ଇତିହ୍ଁ ଆନେରି ଗୁତା ଆହିମାନେ ଅଡ଼େ ସାତା ଉଜେଡ଼ି ତଞ୍ଜାଆତେସିଏ □

୯ ଆମ୍ବାଆସି ତାନି ତାୟି ତାଜିଇଁ ଅପାଆନା ନାନୁ ଉଜେଡ଼ିତା ମାଇଁ ଇଞ୍ଜିଁ ଇନେସି ଏଝାସି ନୀଏଁ ପାତେକା ଆନେରିତା ମାଞ୍ଜାମାନେସି □

୧୦ ଆମ୍ବାଆସି ତାନି ତାୟି ତାଜିଇଁ ଜୀଝୁ ନନେସି ଏଝାସି ଉଜେଡ଼ିତା ମାଞ୍ଜାମାନେସି, ଇଞ୍ଜା ଏଝାଣି ଚାଣା ପୁଟି କିନାୟି ଏନାୟି ହିଲେଏ □

୧୧ ସାମା ଆମ୍ବାଆସି ତାନି ତାୟି ଅପିହିଲଅସି ଏଝାସି ଆନେରିତା ମାନେସି, ଅଡ଼େ ଆନେରିତା ତାକି ତାକିହ୍ଁ ଆମ୍ବୁୟାଝାକି ହାଜିମାନେସି, ଏଦାଆଁ ପୁନଅସି, ଇତିହ୍ଁ ଆନେରି ତାନି କାଣ୍ଡକାଣି କାଣା କିହାମାନେ □

୧୨ ଜୀଝୁଡ଼ି କକାରି ପଦାଁତେରି ନାନୁ ମିଜେ ରାଡ଼ିମାଞ୍ଜାଇଁ, ଏନାଆଁତାକି ଇତିହ୍ଁ କ୍ରାସ୍ତ ଦରୁତଲେ ମା ପାପୁ ବାରେ ମେଶ୍‌ଜାମାନେ □

୧୩ ତାଞ୍ଜିଁତେରି ନାନୁ ମିଜେ ରାଡ଼ିମାଞ୍ଜାଇଁ, ଏନାଆଁତାକି ଇତିହ୍ଁ ଆମ୍ବାଆସି ମୁଲୁଟିଏ ମାନେସି, ଏଝାଣାଇଁ ମାରୁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟାଁତେରି ନାନୁ ମିଜେ ରାଡ଼ିମାଞ୍ଜାଇଁ, ଇତିହ୍ଁ ମାରୁ ବାରେ ଲାଗେଏ ପଲେଏ ଚାଣାଟି ଜୀଣା ଆହାମାଞ୍ଜେରି □

୧୪ କକାରି ପଦାଁତେରି ନାନୁ ମିଜେ ରାଡ଼ିମାଞ୍ଜାଇଁ ଏନାଆଁତାକି ଇତିହ୍ଁ ମାରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟାଁତେରି ନାନୁ ମିଜେ ରାଡ଼ିମାଞ୍ଜାଇଁ ଏନାଆଁତାକି ଇତିହ୍ଁ ଆମ୍ବାଆସି ମୁଲୁଟିଏ ମାନେସି ଏ କ୍ରାସ୍ତଇଁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟାଁତେରି ନାନୁ ମିଜେ ରାଡ଼ିମାଞ୍ଜାଇଁ ଏନାଆଁତାକି

ଇଚିହଁ ମୀରୁ ବାଡ଼ୁୟୁ ଗାଗାତେରି, ଅଡ଼େ ମାହାପୁରୁତି ବଲୁ ମୀ ତାଣା ମାନେ ଅଡ଼େ ମୀରୁ ଲାଗେଏ ପଢ଼ଲଏତାଣି ଜୀଣା ଆହାମାଞ୍ଜେରି □

ଦାରୁତି ଜୀଝୁ ନଆଦୁ

- ୧୫ ଦାରୁତି ଅଡ଼େ ଏମାଆଁ ମାନାଣି ବାରେତି ଜୀଝୁ ନଆଦୁ, ଆମ୍ବାଆସି ଦାରୁତି ଜୀଝୁ ନନେସି, ଏଝାଣି ତାଣା ମାହାପୁରୁ ଆବାତି ଜୀଝୁନନାୟି ହିଲେଏ □
- ୧୬ ଇଚିହଁ ଆଙ୍ଗାତି ଜୁପକା, କାନୁତି ଜୁପକା, ଅଡ଼େ ଦନତି ବଡ଼ପଣ, ଦାରୁତିତା ମାନାୟି ଇ ବାରେ ମାହାପୁରୁ ଆବା ତାଣାଟି ଝାହାହିଲେଏ ସାମା ଦାରୁତିଟି ଗାଡ଼ି ଆହାମାନେ □
- ୧୭ ଦାରୁତି ଅଡ଼େ ଏମାଆଁ ମାନି ଜୁପକା କାଢ଼ଲେଏ ତାକି ଆଏ, ସାମା ଆମ୍ବାଆସି ମାହାପୁରୁତି ଇଚାତି ମାନୁଝି ଆନେସି ଏଝାସି କାଢ଼ଲେଏ ତାକି ତୀରି ଆନେସି □

କ୍ରୀସୁତି ସାଡ଼ୁ

- ୧୮ ଜୀଝୁତି କକାରି ପଦାଁତେରି ରାନି କାଲା ଏଗାଝାତେୟିଏ, ନାଡ଼ିକିନି କ୍ରୀସୁ ଝାନେସି ଇଞ୍ଜଁ ମୀରୁ ଏନିକଁ ଝେଞ୍ଜାମାତେରି, ଏଲେକିହଁ ଏ ନୀଏଁ ଜିକେଏ ହାବେରକା ନାଡ଼ିକିନି କ୍ରୀସୁୟାଁ ନିଜିତେରିଏ; ଇଦାଆଁତାକି ମାରୁ ପୁଞ୍ଜାମାନାୟି ଜୁଗୁ ରାନି କାଲା ଏଦାତେୟିଏ □
- ୧୯ ଏଝାରି ମା ବିଡ଼ାଟି ହଡ଼େରି, ସାମା ମା ଗଟିତି ଲକୁ ହିଲାଆତେରି; ଏଝାରି ମା ଗଟିତି ଲକୁ ଆଡ଼ିହଁ ମା, ଏଝାରି ମା ତଲେ ଡ଼ୟିତେରିମା; ସାମା ବାରେ ମା ଗଟିତି ଲକୁ ଆଏ, ଇଦି ଏନିକଁ ତଞ୍ଜାଆନେ, ଇଦାଆଁତାକି ଏଝାରି ହଡ଼ାହାତେରି □
- ୨୦ ସାମା ମୀରୁ ଏ ସୁଦୁ ଗାଗାଣା ତାଣାଟି ବର ବେଗାଆହାମାନାକି ମୀରୁ ବାରେତେରି ବୁଦି ବେଗାଆହାମାଞ୍ଜେରି □
- ୨୧ ମୀରୁ ସାତାତି ପୁଞ୍ଜାହିଲାଆକି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏଦି ଆଏ, ସାମା ମୀରୁ ସାତାତି ପୁଞ୍ଜାମାନାକି ଅଡ଼େ ସାତାଟି ଏଚେଲାଝା ମିତି ହଏ ଇଞ୍ଜଁ ମୀରୁ ପୁଞ୍ଜାମାନାକି ନାନୁ ମିଙ୍ଗେ ରାଡ଼ିମାଞ୍ଜାଇଁ □

୨୨ ଜୀସୁଇଁ କ୍ରୀସୁ ଆଏ ଇଞ୍ଜଁ ଆମ୍ବାଆସି ଝେହ୍ନେସି, ଏଝାଣି ତାଣାଟିଏ ମିତି ଝେହ୍ନାସି ଆମ୍ବାଆସି ? ଅଡ଼େ ଆମ୍ବାଆସି ଆବା ଅଡ଼େ ମୀରୁଏଣାଇଁ ଇ ରିଆରାଇଁ ଜିକେଏ ଅପଅସି ଏଝାସିଏ ନାଡ଼ିକିନି କ୍ରୀସୁ □

୨୩ ଆମ୍ବାଆସି ମୀରୁଏଣାଇଁ ଅପଅସି ଏଝାସି ଆବାଇଁ ବେଗାଆହାହିଲଅସି, ଆମ୍ବାଆସି ମୀରୁଏଣାଇଁ ଆବିନେସି, ଏଝାସି ଆବାଇଁ ଜିକେଏ ବେଗାଆହାମାନେସି □

୨୪ ମୀରୁ ତଲିଟିଏ ଏନାଆଁ ଝେଞ୍ଜାମାଞ୍ଜେରି, ଏଦି ମୀ ତାଣା ଡ଼ୟାପେ, ମୀରୁ ତଲିଟିଏ ଏନାଆଁ ଝେଞ୍ଜାମାଞ୍ଜେରି, ଏଦି ମୀ ତାଣା ଡ଼ୟିତିହଁ, ଆତିହଁ ମୀରୁ ଜିକେଏ କାଢ଼ଲେଏ ଆବା ଅଡ଼େ ମୀରୁଏସି ଜୀସୁ ତାଣା ଡ଼ୟିଦେରି □

୨୫ ଅଡ଼େ କ୍ରୀସୁ ମାଙ୍ଗେ ଏନାଆଁ ଆଞ୍ଜାମାଞ୍ଜାନେସି ଏଦି କାଲାକାଲାତି ଜୀଝୁ □

୨୬ ଆମ୍ବାଆରି ମିଙ୍ଗେ ନାଡ଼ି କିୟାଲି ଅଣ୍ଡାପାନେରି, ଏଝାରି ତାଣାଟି ଜାଗ୍ରାତା ଆହାଲି ନାନୁ ମୀ ତାଣା ଇ ବାରେ ରାଡ଼ିମାଞ୍ଜାଇଁ □

୨୭ ସାମା ମୀରୁ ଏଝାଣି ତାଣାଟି ଆମିନି ସୁଦୁଜୀଝୁତି ବର ବେଗାଆହାମାଞ୍ଜେରି, ଏଦି ମୀ ତାଣା ଡ଼ୟାମାନେ, ଇଞ୍ଜା ଆମ୍ବାଆସି ମିଙ୍ଗେ ଜାପୁହାନେସି, ଏଦି ମିଙ୍ଗେତାକି ଲଡ଼ା ହିଲେଏ, ସାମା ଏଝାଣି ତାଣାଟି ଆମିନି ବର ବେଗାଆହାମାଞ୍ଜେରି ଏଦି ମିଙ୍ଗେ ଆମିନି କାତା ଜାପୁହାନେ, ଏଦି ସାତା, ମିତି ଆଏ; ଇଦାଆଁତାକି ଏ ଜାପୁନାଣି ତଲେ ଏଝାଣି ତାଣା ଡ଼ୟାଦୁ □

୨୮ ନା ଜୀଝୁତି ମୀରୁକା ମାସ୍‌କାତେରି, କ୍ରୀସୁ ତଲେ ଆଣ୍ଡାନା ଡ଼ୟାଦୁ, ଏନିକଁ ଏଝାସି ଏଚିବେଲା ତଞ୍ଜାଆନେସି, ଏଚିବେଲା ତାନୁ ଝାନାଟି ତାନି ନକିତା ମାରୁ ଲାଜା ଆଆନା ସାସା ମେଡ଼ାଆନାୟି □

୨୯ କ୍ରୀସୁ ଦାର୍ମଗାଗାସି, ଇଦାଆଁ ପୁନାୟିମାନେ, ଆତିହଁ ଆମ୍ବାଆସି ଦାର୍ମକାମା କିନେସି, ଏଝାସି ଏଝାଣି ତାଣାଟି ଜାର୍ନା ଆହାମାନେସି, ଇଦାଆଁ ଜିକେଏ ପୁଞ୍ଜୁ □



୧ *ମେହଦୁ ଆବା ମାଙ୍ଗେ ଏନିକିଁ ଜୀଝୁ ନନାଣି ହୀହାମାଞ୍ଜାନେସି, ମାରୁ ମାହାପୁରୁତି ମୀରକା ମାସ୍କା ଇଞ୍ଜିଁ ଝେଜିନାୟି, ଅଡ଼େ ମାରୁ ଏଲେକିହିଁ ଏ ଆହାମାନାୟି □ ଇଦାଆଁତାକି ଦାରୁତି ମାଙ୍ଗେ ପୁଞ୍ଜିମାଞ୍ଜେଏ, ଇଚିହିଁ ଏଦି ଏଞ୍ଜାଣାଇଁ ଜିକେଏ ପୁଞ୍ଜା ହିଲାଆତେ □

୨ ଏ ନା ଜୀଝୁତି ତଡ଼େସିଙ୍ଗା, ନୀର୍ସି ମାରୁ ମାହାପୁରୁତି ମୀରକା ମାସ୍କାତାୟି, ଅଡ଼େ ତାୟୁ ଏନି ଆନାୟି, ଏଦି ନୀର୍ସି ପାତେକା ତଞ୍ଜା ଆହା ହିଲେଏ, ମାରୁ ପୁଞ୍ଜାମାନାୟି, କ୍ରୀସୁ ଏଚିବେଲା ତଞ୍ଜାଆନେସି, ଏଚିବେଲା ମାରୁ ଜିକେଏ ଏଲେକିହିଁ ଏ ଆନାୟି, ଇଚିହିଁ ଏଞ୍ଜାସି ଏନିଲେହେଁକି ମାରୁ ଏଲେକିହିଁ ଏ ଏଞ୍ଜାଣାଇଁ ମେହନାୟି □

୩ ଅଡ଼େ ଆମ୍ବାଆସି ଜିକେଏ କ୍ରୀସୁ ଜୀସୁ ତାଣା ଇ ବାସୁ ଇଗାମାନାସି, ଏଞ୍ଜାସି ଏନିକିଁ ସୁଦୁଗାଗାସି, ଏଞ୍ଜାସି ଏଲେକିହିଁ ଏ ତାଙ୍ଗେ ଅଡ଼ହା କଡିନେସି □

୪ ଆମ୍ବାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଉରିନାସି, ଏନିଇଚିହିଁ ହୁକୁମି ଉରିନାୟିଏ ପାପୁ □

୫ *ମାରୁ ପୁଞ୍ଜାମାନାୟି, କ୍ରୀସୁ ପାପୁ ତେକା ଅହାଲି ଖାଡ଼େସି, ଇଞ୍ଜାଁ ଏଞ୍ଜାଣି ତାଣା ପାପୁ ହିଲେଏ □

୬ ଆମ୍ବାଆସି କ୍ରୀସୁ ତାଣା ତୟିନେସି, ଏଞ୍ଜାସି ପାପୁ କିଅସି; ସାମା ଆମ୍ବାଆସି ପାପୁ କିନେସି, ଏଞ୍ଜାସି କ୍ରୀସୁଇଁ ମେସାହିଲଅସି କି ଏଞ୍ଜାଣାଇଁ ପୁଞ୍ଜାହିଲଅସି □

୭ ନା ଜୀଝୁତି କକାରି ପଦାଁତେରି ଆମ୍ବାଆରି ମିଙ୍ଗେ ନାଡ଼ି କିୟାଆପେରି; ଆମ୍ବାଆସି ଦାମ୍ବୁକାମା କିନେସି, କ୍ରୀସୁ ଏନିକିଁ ଦାମ୍ବୁଗାଗାସି, ଏଞ୍ଜାସି ଜିକେଏ ଏଲେକିଁ ଦାମ୍ବୁଗାଗାସି ଆନେସି;

୮ ଆମ୍ବାଆସି ପାପୁ କିନେସି, ଏଞ୍ଜାସି ସୟତାନଚି ଜାର୍ନା ଆଡାସି, ଇଚିହିଁ ସୟତାନ ତଲିଚିଏ ପାପୁ କିହିଁ ଖାହୁମାନେ, ସୟତାନଚି କାମା ନାସା କିୟାଲି ମାହାପୁରୁ ମୀରଏସି ଖାଡ଼େସି □

୯ ଆମ୍ବାଆସି ମାହାପୁରୁ ତାଣାଚି ଜାର୍ନା ଆହାମାନେସି, ଏଞ୍ଜାସି ପାପୁ ଅଡ଼େ ଝେଣ୍ଡେ କିଅସି, ଇଚିହିଁ ମାହାପୁରୁଚି ଗୁଣ୍ଡୁ ଏଞ୍ଜାଣି ତାଣା ମାନେ, ଅଡ଼େ ଏଞ୍ଜାସି ମାହାପୁରୁ ତାଣାଚି ଜାର୍ନା ଆହାମାନାକି ପାପୁ କିହାଲି ଆଡ଼ଅସି □

୧୦ ଆମ୍ବାଆରି ମାହାପୁରୁଚି ମୀରକା ମାସ୍କା ଅଡ଼େ ଆମ୍ବାଆରି ସୟତାନଚି ମୀରକା ମାସ୍କା, ଏଦି ତଞ୍ଜାଆନେ; ଆମ୍ବାଆସି ଦାମ୍ବୁକାମା କିଅସି, ଇଞ୍ଜାଁ ତାୟି ତାଙ୍ଗିଇଁ ଜୀଝୁ ନଅସି, ଏଞ୍ଜାସି ମାହାପୁରୁ ତାଣାଚି ଜାର୍ନା ଆହାହିଲଅସି □

ରଅସି ରଅଣାଇଁ ଜୀଝୁନନାୟି

୧୧ *ଇଚିହିଁ ରଅସି ରଅଣାଇଁ ଜୀଝୁନନାୟି ମାନେ ଇ ହାଡ଼ା ମୁକୁଚିଏ ଝେଞ୍ଜା ମାଞ୍ଜେରି;

୧୨ ପାପୁଚି ମୀରଏସି କୟିନ, ଏଞ୍ଜାଣିଲେହେଁ ଆଆପୁ, ଏଞ୍ଜାସି ତାନି ତାୟି ହେବଲଇଁ ପାୟିତେସି; କୟିନ ଏଞ୍ଜାଣାଇଁ ଏନାଆଁତାକି ପାୟିତେସି ? ଇଚିହିଁ ତାନି କାମା ପାପୁ ଗାଗାସି, ଅଡ଼େ ହେବଲଚି କାମା ଦାମ୍ବୁଗାଗାସି ମାତେ □

୧୩ ନା ତାୟି ତାଙ୍ଗିସ୍ତାତେରି ଦାରୁତିଚି ଲକୁ ମିଙ୍ଗେ ଅପାଆତେଁ ଜିକେଏ ମୀରୁ କାବା ଆଆପୁ □

୧୪ *ମାରୁ ପୁଞ୍ଜାମାନାୟି, ମାରୁ ହାକିତି ଜୀଣାଆହାନା ଜୀଝୁ ବେଗାଆହାମାନାୟି, ଇଚିହିଁ ମାରୁ ତାୟି ତାଙ୍ଗିସ୍ତାଣି ଜୀଝୁନହିଁ ମାନାୟି, ଆମ୍ବାଆସି ଜୀଝୁ ନଅସି, ଏଞ୍ଜାସି ହାହାଲି ମାନେସି □

୧୫ ଆମ୍ବାଆସି ଜାହାରା କ୍ରୀସ୍ତାନା ତାୟି ତାଙ୍ଗିଇଁ ଅପଅସି, ଏଞ୍ଜାସି ଲକୁଣି ପାୟିନାସି; ଅଡ଼େ ଲକୁଣି ପାୟିନାରି ତାଣା କାଲାକାଲାତି ଜୀଝୁ ତୟେଏ, ଇଦାଆଁ ମୀରୁ ପୁଞ୍ଜାମାଞ୍ଜେରି □

୧୬ ଜୀସୁ କ୍ରୀସୁ ମା ତାକି ଜୀଝୁ ହୀତାକି ମାରୁ ଜୀଝୁନନାୟି ଏନାୟି ଇଞ୍ଜିଁ ପୁଞ୍ଜାମାନାୟି; ଅଡ଼େ ତାୟି ତାଙ୍ଗି ତାକି ମା ଜୀଝୁ ଜିକେଏ ହୀନାୟି ମାନେ □

୧୭ ସାମା ଆମ୍ବାଆସି ଦାରୁତିତା ଦନ ଗାଗାସି ଆହାନା ତାନି ତାୟିଚି ଲଡ଼ାମାନାଣି ମେସାନା ଜିକେଏ ଏଞ୍ଜାଣାଇଁ କାର୍ମା ମେହଅସି ଇଚିସାରେ, ତାନି ହିୟାତା ମାହାପୁରୁଚି ଜୀଝୁନନାୟି ମାନେ ଇଞ୍ଜିଁ ଏନିକିଁ ଏଲେଇନାୟି ?

୧୮ ନା ମୀରକା ମାସ୍କା ଖାପୁ, ମାରୁ ଜଲା ଜକଡ଼ି ତଲେ ଜୀଝୁ ନଆନା କାମା ଅଡ଼େ ସାତା ତଲେ ଜୀଝୁ ନନାଣି ତହୁନାୟି ମାନେ □

୧୯ ଏଲେ କିତିସାରେ ମାର ସାତାତି ମୀରୁକା ମାସକାତାୟି ଇଦାଆଁ ପୁଞ୍ଜାମାନାୟି, ଅଡ଼େ ଏନ୍ କାତା ମା ହିୟାଁ ମାଜେ ଦହ କିୟାନେ, ଏ କାତାତା ଏଞ୍ଜାଣି ନକିତା ମା ହିୟାଁ ସୁସ୍ତି କିୟାଲି ଆଡ଼ିନାୟି;

୨୦ ଏମିନି କାମାତା ମା ହିୟାଁ ମାଜେ ଦହ ଦସ୍ତାନେ, ଏମ୍ବାଟି ଏଞ୍ଜାଣି ନକିତା ଏ କାତାତାକି ମା ହିୟାଁତି ସୁସ୍ତି କିହାଲି ଆଡ଼ିନାୟି; ଇତିହଁ ମାହାପୁରୁ ମା ହିୟାଁଟିଏ କାଜାସି, ଏଞ୍ଜାସି ବାରେ ପୁନେସି □

୨୧ ନା ଜୀଞ୍ଜୁତି ତଣେସିଜା ମା ହିୟାଁ ମାଜେ ଦହ ଦସ୍ତାଆତିହଁ, ଆତିହଁ ମାର ମାହାପୁରୁ ନକିତା ସାସାତଲେ ନିଚାଲି ଆଡ଼ିନାୟି □

୨୨ ଅଡ଼େ ମାର ଏନାଆଁ ରାହନାୟି, ଏ ବାରେ ଏଞ୍ଜାଣି ତାଣାଟି ବେଟାଆହି ମାନାୟି, ଇତିହଁ ମାର ତାନି ହୁକୁମି ମାନଡ଼ି ଆହିମାନାୟି, ଅଡ଼େ ତାନି ନକିତା ଏନାୟି ନେହାୟି ଏଦାଆଁ କିହିମାନାୟି □

୨୩ *ତାନି ହୁକୁମି ହାହାମାନିଲେହେଁ, ମାର ତାନି ମୀରୁଏସି ଜୀସୁ କ୍ରୀସ୍ତ ଦରୁତଲେ ନାମିନାୟି ଅଡ଼େ ତାନି ହାତି ହୁକୁମି ତଲେ ରଅତାୟି ରଅଣାଲ୍ ଜୀଞ୍ଜୁନନାୟି □

୨୪ ଆମ୍ବାଆସି ମାହାପୁରୁତି ହୁକୁମି ମାନଡ଼ି ଆନେସି, ଏଞ୍ଜାସି ମାହାପୁରୁ ତଲେ ତୁୟିନେସି, ଅଡ଼େ ମାହାପୁରୁ ଏଞ୍ଜାଣି ତାଣା ତୁୟିନେସି; ଇଞ୍ଜା ମାହାପୁରୁ ମା ତାଣା ତୁୟିନେସି, ଇଦାଆଁ ମାର ତାନି ହାହାମାଞ୍ଜାନି ଜୀଞ୍ଜୁତଲେ ପୁଞ୍ଜାମାନାୟି □

୪

ସାତା ମାହାପୁରୁତି ଜୀଞ୍ଜୁ ଅଡ଼େ ମିତି ଜୀଞ୍ଜୁ

୧ ନା ଜୀଞ୍ଜୁତି ତାୟି ତାଜିସ୍ତା, ବାରେ ଜୀଞ୍ଜୁୟାଁଲ୍ ନାମାଆତୁ, ସାମା ଏଞ୍ଜାରି ବେଟାଆହାମାନି ଜୀଞ୍ଜୁୟାଁ ମାହାପୁରୁ ତାଣାଟି ଖାହାମାନୁ କି ଆଏ ଇଦାଆଁ ନେହଁକଁ ତାୟିପାରି କିଦୁ, ଏନାଆଁତାକି ଇତିହଁ ଦାରୁତିତା ହାରେକା ମିତି ମାହାପୁରୁ ବଲୁ ଖେହନାରି ହଟାମାନେରି □

୨ ଇଲେ କିତିହଁ ମୀରୁ ମାହାପୁରୁତି ଜୀଞ୍ଜୁତି ପୁଞ୍ଜାଲି ଆଡ଼ିଦେରି, କ୍ରୀସ୍ତ ଜୀସୁ ମାଣସି ଆଜା ଖାଣା ତଲେ ଖାହାମାନେସି, ଇଦାଆଁ ଆମିନି ଜୀଞ୍ଜୁ ଜଲିନେ, ଏଡ଼ି ମାହାପୁରୁ ତାଣାଟି ଖାହାମାନେ □

୩ ଅଡ଼େ ଆମିନି ଜୀଞ୍ଜୁ ଜୀସୁଲ୍ ନାନ୍ତୁ ପୁଞ୍ଜାହିଲଅଁ ଇଞ୍ଜଁ ଜଲିନେ, ଏଡ଼ି ମାହାପୁରୁ ତାଣାଟି ଖାହାହିଲେଏ; ସାମା ଏଡ଼ି ନାଡ଼ିକିନି କ୍ରୀସ୍ତତି ଜୀଞ୍ଜୁ, ଆମିନି ଜୀଞ୍ଜୁତି ଖାନ୍ କାତା ମୀରୁ ଖେଞ୍ଜାମାଞ୍ଜେରି, ଇଞ୍ଜା ଏଡ଼ି ନାଏଁ ଜିକେଏ ଦାରୁତିତା ଖାଡ଼େୟିଏ □

୪ ଜୀଞ୍ଜୁତି କକାରି ପଦାଁତେରି, ମୀରୁ ମାହାପୁରୁ ତାଣାଟି ଜାର୍ନା ଆଡାତେରି, ଅଡ଼େ ମୀରୁ ନାଡ଼ିକିନି ବଲୁ ଖେହନାରାଲ୍ ଜୀଣା ଆହାମାଞ୍ଜେରି, ଇତିହଁ ମୀ ତାଣା ଆମ୍ବାଆସି ମାନେସି, ଏଞ୍ଜାସି, ଦାରୁତିତା ଆମ୍ବାଆସି ମାନେସି ଏଞ୍ଜାଣି କିହାଁ କାଜାସି □

୫ ନାଡ଼ିକିନାରି ଦାରୁତିତି ଖାହାମାନେରି, ଇଦାଆଁତାକି ଏଞ୍ଜାରି ଦାରୁତିତି କାତା ଖେହନେରି, ଅଡ଼େ ଦାରୁତିତାରି ଏଞ୍ଜାରି କାତା ଖେନେରି □

୬ ସାମା ମାର ମାହାପୁରୁ ତାଣାଟି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଲ୍ ପୁନେସି, ଏଞ୍ଜାସି ମା କାତା ଖେନେସି; ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାହିଲଅସି, ଏଞ୍ଜାସି ମା କାତା ଖେନଅସି, ଏମ୍ବାଟି ସାତାତି ଜୀଞ୍ଜୁ ଅଡ଼େ ନାଡ଼ିକିନି ଜୀଞ୍ଜୁ ପୁଞ୍ଜାଲି ଆଡ଼ିନାୟି □

ଜୀଞ୍ଜୁ ନଡ଼ିଆନାୟି

୭ ନା ଜୀଞ୍ଜୁତି ତଣେସିଜା, ରଅତେରି ରଅଣାଲ୍ ଜୀଞ୍ଜୁନଦୁ, ଇତିହଁ ଜୀଞ୍ଜୁନନାୟି ମାହାପୁରୁ ତାଣାଟି ଖାନେ, ଆମ୍ବାଆସି ଜୀଞ୍ଜୁ ନନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି, ଇଞ୍ଜା ଏଞ୍ଜାସି ମାହାପୁରୁଲ୍ ପୁଞ୍ଜାମାନେସି □

୮ ଆମ୍ବାଆସି ଜୀଞ୍ଜୁ ନଅସି, ଏଞ୍ଜାସି ମାହାପୁରୁଲ୍ ପୁନଅସି, ଏନାଆଁତାକି ଇତିହଁ ମାହାପୁରୁ ଜୀଞ୍ଜୁ ନନାସି □

୯ ଇମ୍ବାଆଁ ମାହାପୁରୁତି ଜୀଞ୍ଜୁନନାୟି ତଞ୍ଜା ଆହାମାନେ, ଏଞ୍ଜାସି ତାନି ରଣ୍ଡିଏ ମୀରୁଏଣାଲ୍ ଦାରୁତିତା ପାଣ୍ଡାତେସି, ଏନିକଁ ମାର ଏଞ୍ଜାଣି ତାଣାଟି କାଲାକାଲାତି ଜୀଞ୍ଜୁ ବେଟାଆନାୟି □

୧୦ ମାର, ମାହାପୁରୁଲ୍ ଜୀଞ୍ଜୁ ନଡାୟି, ଏଡ଼ି ଆଏ, ସାମା ଏଞ୍ଜାସି ମାଜେ ଜୀଞ୍ଜୁ ନୟାଁତେସି, ଇଞ୍ଜା ତାନି ମୀରୁଏଣାଲ୍ ମା ପାପୁ ତାକି ପୂଜା ଆହାଲି ପାଣ୍ଡାତେସି; ଏଡ଼ି ଏମ୍ବାଟିଏ ଜୀଞ୍ଜୁନନାୟି ତଞ୍ଜା ଆହି ମାନେ □

* ୩:୨୩ ୩:୨୩ ଜହ ୧୩:୩୪; ୧୫:୧୨,୧୭

୧୧ ନା ଜାହାଜ୍ ତରଫିକ୍, ମାହାପୁରୁ ମାଜେ ଏନିକ୍ ଜାହୁ ନହାଁ ମାଜାନେସି, ମାରୁ ଜିକେଏ ରଅତାୟି ରଅଣାକ୍ ଜାହୁ ନହୁଆନାୟି ମାନେ □

୧୨ ଆମ୍ବାଆସି ଏଚେଲାଝା ମାହାପୁରୁକ୍ ମେସାହିଲଅସି; ସାମା ମାରୁ ରଅତାୟି ରଅଣାକ୍ ଜାହୁନହୁଆନ, ଆତିହ୍ ମାହାପୁରୁ ମା ତାଣା ମାନେସି, ଅଡ଼େ ତାନି ଜାହୁନନାୟି ମା ତାଣା ମାନେ □

୧୩ ମାରୁ ମାହାପୁରୁ ତାଣା ମାନାୟି ଅଡ଼େ ଏଝାସି ମା ତାଣା ମାନେସି, ଇଦାଆଁ ମାରୁ ପୁଞ୍ଜାମାନାୟି, ଇତିହ୍ ଏଝାସି ମାଜେ ତାନି ଜାହୁ ହାହାମାଜାନେସି □

୧୪ ମାହାପୁରୁ ଆବା ତାନି ମାରୁଏଣାକ୍ ଦାରୁତିତି ଲକୁଣି ଗେଲପିନାସି ଆହାଲିତାକି ପାଣ୍ଡାତେସି, ଇଦାଆଁ ମାରୁ ମେସାମାନାୟି ଅଡ଼େ ସାକି ହାହି ମାନାୟି □

୧୫ ଆମ୍ବାଆସି ଜାହୁକ୍ ମାହାପୁରୁତି ମାରୁଏସି ଇଞ୍ଜି ଝେକନେସି, ମାହାପୁରୁ ଏଝାଣି ତାଣା ମାନେସି, ଅଡ଼େ ଏଝାସି ମାହାପୁରୁ ତାଣା ମାନେସି □

୧୬ ଅଡ଼େ ମାଜେତାକି ମାହାପୁରୁତି ଆନିନି ଜାହୁନନାୟି ମାନେ, ଏଦାଆଁ ମାରୁ ପୁଞ୍ଜାମାନାୟି ଅଡ଼େ ନାମାମାନାୟି □ ମାହାପୁରୁ ଜାହୁ ନନାସି; ଆମ୍ବାଆସି ଜାହୁ ନହୁ ମାନେସି ଏଝାସି ମାହାପୁରୁ ତାଣା ମାନେସି ଅଡ଼େ ମାହାପୁରୁ ଏଝାଣି ତାଣା ଡ଼ୟିନେସି □

୧୭ ଦାମୁତି ଜାହୁତା ନାତାମାନାକି ମାହାପୁରୁତି ଜାହୁନନାୟି ମା ତାଣା ତୀରି ଆହାମାନେ, ମାରୁ ନାହାୟି ଦିନାତା ସାସା ବେଟାଆନାୟି, ଇତିହ୍ କ୍ରାସ୍ ଏନିକ୍ ମାନେସି, ମାରୁ ଜିକେଏ ଇ ଦାରୁତିତା ଏଲେକିହ୍ ଏ ମାନାୟି □

୧୮ ଜାହୁ ନନି ତାଣା ଆଜି ଡ଼ୟେଏ, ସାମା ସାତା ଜାହୁନନାୟି ଆଜିତି ହେକ କିନେ, ଇତିହ୍ ଆଜି ତଣ୍ଡ ବେଟାଆନାଣି ତଲେ ଆଣ୍ଡାମାନେ, ଇଞ୍ଜା ଆମ୍ବାଆସି ଆଜିନେସି ଏଝାସି ଜାହୁ ନନି ତାଣା ତୀରିତାସି ଆସ୍ □

୧୯ ମାହାପୁରୁ ତଲିଏ ମାଜେ ଜାହୁ ନୟାତାକି ମାରୁ ଜାହୁ ନହିମାନାୟି □

୨୦ ଆମ୍ବାଆସି ନାମୁ ମାହାପୁରୁକ୍ ଜାହୁ ନହୁ ମାକ୍ ଇଞ୍ଜାନା, ଏଝାସି ତାନି ନାନିତି ତାୟି ତାଜିକ୍ ଅପସି, ଆତିହ୍ ଏଝାସି ମିତି ଝେହନାୟି, ଇତିହ୍ ଆନିନି ତାୟିକ୍ ମେସାମାନେସି, ଏଝାଣାକ୍ ଜାହୁ ନଅସି, ଇତିହ୍ ଆନିନି ମାହାପୁରୁକ୍ ମେସାହିଲଅସି, ଏଝାଣାକ୍ ଜାହୁ ନହାଲି ଆଡ଼ଅସି □

୨୧ ଆମ୍ବାଆସି ମାହାପୁରୁକ୍ ଜାହୁ ନନେସି, ଏଝାସି ତାନି ତାୟିକ୍ ଜିକେଏ ଜାହୁ ନଡ଼େସି, ଇ ହୁକୁମି ମାମୁ କ୍ରାସ୍ ତାଣାଟି ବେଟା ଆହାମାନି □

୫

ଦାରୁତିତା ଜାଣା ଆନାୟି

୧ ଆମ୍ବାଆସି ଜାହୁକ୍ କ୍ରାସ୍ ଇଞ୍ଜି ନାନିନେସି, ଏଝାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଜାର୍ନାକିତି ଆବାକ୍ ଜାହୁ ନନେସି, ଏଝାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜାହୁ ନନେସି □

୨ ମାରୁ ଏତିବେଲା ମାହାପୁରୁକ୍ ଜାହୁନନାୟି ଅଡ଼େ ତାନି ହୁକୁମି ମାନଝି ଆନାୟି, ଏତିବେଲା ଏଦାଆଁ ତଲେ ମାରୁ ମାହାପୁରୁତି ମାରୁକା ମାସକାକ୍ ଜାହୁ ନହିମାନାୟି ଇଞ୍ଜି ପୁଞ୍ଜାଲି ଆଡ଼ିନାୟି □

୩ ମାହାପୁରୁକ୍ ଜାହୁନନାୟି ମା ତାଣା ମାନେ, ଇତିହ୍ ମାରୁ ଏଝାଣି ହୁକୁମି ମାନଝି ଆନ, ଏଝାଣି ହୁକୁମି ମାନଝି ଆନାୟି ହାଡ଼େକା କସ୍ ଆଏ

୪ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଝାସି ଦାରୁତିତି ଜାଣାଆନେସି, ଅଡ଼େ ଏଦାଆଁ ଦାରୁତିତି ଜାଣା ଆହାମାନେସି, ଏଡ଼ି ମା ନାମୁ □

୫ ଜାହୁ ମାହାପୁରୁ ମାରୁଏସି, ଇଦାଆଁ ଆମ୍ବାଆସି ନାନିନେସି, ଏଝାଣି ପିସ୍ପେ ଆମ୍ବାଆସି ଦାରୁତିତି ଜାଣା ଆନେସି ?

ଜାହୁ କ୍ରାସ୍ ତାକି ସାକି

୭ ଜୀବୁ ଜୀବୁ ଏମ୍ଭ ଅଡ଼େ ନେତେରିଟି ଖାହାମାଚେସି, ଖାବୁଲ ଏମ୍ଭତଲେ ଆଏ, ସାମା ଏମ୍ଭ ଅଡ଼େ ନେତେରି ଛ ରା କୁଡ଼ା ତଲେ ଖାହାମାଚେସି; ଅଡ଼େ ସୁଦୁଜୀବୁ ଜିକେଏ ଏମ୍ବାତି ସାକି ହାହିମାନେ, ଛଚିହଁ ଜୀବୁଏ ସାତା □

୮ ଛ ତାନି ଜାଣା ସାକି ମାନୁ □

୯ ସୁଦୁଜୀବୁ, ଏମ୍ଭ ଅଡ଼େ ନେତେରି ଏଞ୍ଜି ରଣ୍ଡିଏ ସାକି ହାହିମାନୁ □

୧୦ ମାର ଲକୁ ହାତି ସାକି ନାମିନାୟି, ଆତିହଁ ମାହାପୁରୁ ହାତି ସାକି ଏଦାଣିକିହଁ ହାରେକା କାଜାୟି, ଅଡ଼େ ମାହାପୁରୁତି ସାକି ଛଦି, ଏଞ୍ଜାସି ତାନି ମାରଏଣା ଖାକିଟି ସାକି ହାହାମାନେସି □

୧୧ ଆମ୍ବାଆସି ମାହାପୁରୁ ମାରଏଣା ତାଣା ନାମିନେସି, ଏଞ୍ଜାସି ତାନି ହିୟାଁତା ଛ ସାକି ବେଟାଆହାମାନେସି; ଅଡ଼େ ଆମ୍ବାଆସି ମାହାପୁରୁତି ସାକି ନାମଅସି, ଏଞ୍ଜାସି ମାହାପୁରୁଇଁ ମିତି ଗାଟାସି କିହାମାନେସି, ଛଚିହଁ ମାହାପୁରୁ ତାନି ମାରଏଣା ଖାକିଟି ଆମିନି ସାକି ହାହାମାନେସି, ଏମ୍ବାଆଁ ଏଞ୍ଜାସି ନାମାହିଲଅସି □

୧୨ ଏ ସାକି ଛଦି, ମାହାପୁରୁ ମାଙ୍ଗେ ରାଆଗାଟି ଜୀବୁ ହାହାମାଞ୍ଜାନେସି, ଅଡ଼େ, ଏ ଜୀବୁ ତାନି ମାରଏଣା ତାଣା ମାନେ □

୧୩ ଆମ୍ବାଆସି ମାହାପୁରୁ ମାରଏଣାଇଁ ବେଟାଆହାମାନେସି, ଏଞ୍ଜାସି ଜୀବୁ ବେଟାଆହାମାନେସି; ଆମ୍ବାଆସି ମାହାପୁରୁ ମାରଏଣାଇଁ ବେଟାଆହାହିଲଅସି, ଏଞ୍ଜାସି ଜୀବୁ ଜିକେଏ ବେଟାଆହାହିଲଅସି □

ରାଆଗାଟି ଜୀବୁ

୧୪ ମାରୁ ମାହାପୁରୁ ମାରଏଣା ଦରୁ ନାମାମାଞ୍ଜେରି, ମାରୁ ଏନିକଁ ପୁଞ୍ଜାମାଞ୍ଜେରି, ରାଆଗାଟି ଜୀବୁ ବେଟା ଆହାମାଞ୍ଜେରି, ଛଦାଆଁତାକି ନାନୁ ମିଙ୍ଗେ ଛ ବାରେ ରାଟାମାଞ୍ଜାଇଁ □

୧୫ ଇଞ୍ଜା ମାରୁ ମାହାପୁରୁ ଅଣପୁତି ଲେହେଁ ପ୍ରାତାନା କିନାୟି, ଆତିହଁ ଏଞ୍ଜାସି ମା ପ୍ରାତାନା ଖେଞ୍ଜାନେସି, ଇଞ୍ଜା ମାହାପୁରୁ ତାଣା ମା ବାସୁଁ ମାନେ □

୧୬ ଅଡ଼େ ମାରୁ ଏଞ୍ଜାଣି ତାଣା ଏନାଆଁ ପ୍ରାତାନା କିନାୟି, ଏଦାଆଁ ଏଞ୍ଜାସି ଖେଞ୍ଜାନେସି ଇଞ୍ଜା ମାରୁ ପୁଞ୍ଜାମାନାୟି, ଆତିହଁ ଏଞ୍ଜାଣି ତାଣା ମାରୁ ଏନାଆଁ ପ୍ରାତାନା କିହିମାନାୟି, ଏ ବାରେ ବେଟାଆହାମାନାୟି, ଛଦାଆଁ ଜିକେଏ ପୁଞ୍ଜାମାନାୟି □

୧୭ ମା ନାମିତି ତାୟି କି ତାଜିଇଁ ପାପୁ କିହିମାନାଣି ମେହଦେରି ଛଚିସାରେ, ଅଡ଼େ ଏ ପାପୁ ହାଞ୍ଜି କିନାୟି ଆଏ, ଏ ତାୟି ତାଜି ତାକି ମାହାପୁରୁ ତାଣା ପ୍ରାତାନା କିଦୁ, ଅଡ଼େ ମାହାପୁରୁ ଏନିକଁ ହାନିହଗେତି ପାପୁ କିହାହିଲାଆ ଲକୁଣି ଜୀବୁ ହାନେସି, ଏଲେକିହଁ ଏ ଏଞ୍ଜାରାକି ଜିକେଏ ଜୀବୁ ହାନେସି, ହାନିହଗେତି ପାପୁ ମାନେ ଇଞ୍ଜା ଏଞ୍ଜାରି ତାକି ପ୍ରାତାନା କିହାଲି ଖେସିହିଲଅଁ □

୧୮ ବାରେ ଲାଗେଏତି କାମା ପାପୁ, ସାମା ବାରେ ପାପୁ ହାଞ୍ଜି କିଏ □

୧୯ ଆମ୍ବାଆସି ମାହାପୁରୁ ତାଣାଟି ଜାନା ଆହାମାନାସି, ଏଞ୍ଜାସି ପାପୁ କିଅସି, ଏନାଆଁତାକି ଛଚିହଁ ଏଞ୍ଜାସି ମାହାପୁରୁ ତାଣାଟି ଜାନା ଆହାଁ ଜାହାରାଇଁ ଗେଲପା କଡିନେସି, ଅଡ଼େ ପାପୁତି ଜୀବୁ ଏଞ୍ଜାଣାଇଁ ତାଗେଏ, ଛଦାଆଁ ମାରୁ ପୁଞ୍ଜାମାନାୟି □

୨୦ ମାରୁ ମାହାପୁରୁ ତାଣାଟି ଜାନା ଆହାମାନାତାୟି ଇଞ୍ଜା ବାରେ ଦାବୁତିଇଁ ସୟତାନ ଲକହାମାନେ, ଛଦାଆଁ ମାରୁ ପୁଞ୍ଜାମାନାୟି □

୨୧ ମାରୁ ପୁଞ୍ଜାମାନାୟି, ମାହାପୁରୁ ମାରଏସି ଖାହାମାନେସି, ଇଞ୍ଜା ଏଞ୍ଜାସି ମାଙ୍ଗେ ସାତାତାଣାଇଁ ପୁଞ୍ଜାଲି ବୁଦି ହାହାମାଞ୍ଜାନେସି; ଅଡ଼େ ମାରୁ ଏ ସାତାଗାଟାଣି ତାଣା, ଛଚିହଁ ତାନି ମାରଏସି ଜୀବୁ ଜୀବୁ ତାଣା ନୀତାମାନାୟି, ଏଞ୍ଜାସି ସାତା ମାହାପୁରୁ ଅଡ଼େ ରାଆଗାଟି ଜୀବୁ ଗାଟାସି □

୨୨ ନା ଜୀବୁତି ମାରୁକା ମାସ୍କାତେରି ପେଣକା ବମାୟାଁ ତାଣାଟି ମାରୁ ହେକ ଆହାନା ମାଞ୍ଜୁ □

ଯୋଜନକ ଦ୍ଵୀତୟ ପତ୍ର ଜହନ ରାଜାମାନି ରୀ ଲମ୍ବର ଆକୁ ମୂଲ୍ୟ ହାତୀ

ରୀ ଲମ୍ବର ଜହନ ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷୀ ତାମ୍ଭୁ ପାଣ୍ଡୁଆହାମାନି ଜହନ ତାଣ୍ଡାଟି ରାସ୍ତକି ଆହାମାନେ □ ଜହନ ଜାହାରାଇଁ ଆକୁ ରାଡ଼ିତାସି ଇଞ୍ଜିଁ ଖେସ୍ତଆନା କୁଲମିତି ପ୍ରାତିନାତେର୍ଏ ଇଞ୍ଜିଁ ଖେସିମାନେସି □ ଜହନ ରୀ ଲମ୍ବର ଆକୁତି ଜହନ ରାଡ଼ିତି ନେହଁ କାବୁତଲେ ସମାନା ମାନେ □ ଇ ପତିତା ଜୀସୁ ଏନିକିଁ ରଅସି ରଅଣାଇଁ ଜୀସୁ ନନି କାତା ଖେସାମାତେସି, ଜୀସୁତି ହୁକୁମିତି ହାରେକା ମାନି କିହିମାନେସି □ ଏଲେକିହିଁଏ ଜୀସୁତି ହୁକୁମି ମାନୁଞ୍ଜି ଆନାୟି ଆହିମାନେ ଏଞ୍ଜାଣାଇଁ ଜୀସୁନନାୟି ଜହ ୧:୫-୬; ଜହ ୧୫:୯-୧୦ □

ଏତିବେଲାତା ଏଞ୍ଜାସି ଏପିସିୟ ଗାଡ଼ାତା ମାତେସି ଏମ୍ପାଆଁ ଏଞ୍ଜାସି ଜହନ ରାଡ଼ିତି ନେହଁ କାବୁ ଅଡେ ଜହନ ମୂଲ୍ୟ ଆକୁ, ଜହନତି ରୀ ଲମ୍ବର, ଅଡେ ଜହନ ତାନି ଲମ୍ବର ଆକୁ ରାଜାମାତେସି ଇଞ୍ଜିଁ ଲକୁ ନାମିମାନେରି □ ଜହନ ଇ ଆକୁତା ଆଚାମାନି ଇୟା ଅଡେ ତାନି ମୀରକା ମାସ୍ତକା ଇଞ୍ଜିଁ କୁଲମିତି ରାଡ଼ିମାନେସି □ ଜହନ ଇ ଆକୁ ରାଡ଼ିନି କାତା ଆହିମାନେ ନାମୁତା ମାନି ଲକୁଣି ସାସା ହୀନାୟି ଅଡେ ମିତି କାତା ଖେସ୍ତନାରି ତାଣ୍ଡାଟି ଜାଗ୍ରାତା କିହାଲି ରାଜାମାନେସି □

ପତିତା ମାନାୟି

- ୧ ଜହନ ଆକୁ ପତ୍ରଞ୍ଜି ଆନାରାଇଁ ଜହରା କିନାୟି □ ୧:୧-୩
- ୨ କୁଲମିତି ସାସା ହୀହାନା ମାହାପୁରୁତି କାଜା ହୁକୁମିତି ଅଣ୍ଡପି କିନାୟି □ ୧:୪-୭
- ୩ ମିତି ଜୀସୁନାରି ତାଣ୍ଡାଟି ଜାଗ୍ରାତା କିନାୟି □ ୧:୭-୧୧
- ୪ କୁଲମିତି ନାମୁଗାଟି ଲକୁଣି ଜହରା କିହାନା ଆକୁତି ରାପୁନାୟି □ ୧:୧୨-୧୩

୧ ନାନୁ, କୁଲମିତି ପ୍ରାତିନାତେର୍ଏ, ମାହାପୁରୁ ଆଚାମାନି ଇୟା ଅଡେ ତାନି ମୀରକା ମାସ୍ତକା ଇ ଆକୁ ରାଡ଼ିମାଇଁ, ନାନୁ ଏଞ୍ଜାରାଇଁ ସାତା ଜୀସୁ ନହଁ ମାଇଁ, ଅଡେ ଖାରଇ ନାନୁ ଆଏ, ସାମା ସାତାତି ପୁଞ୍ଜାମାନି ବାରେଜାଣା ଜୀସୁନହଁ ମାଞ୍ଜାନେରି □

- ୨ ଆମିନି ସାତା ମା ହିର୍ଯାତା ତୟାମାନେ ଅଡେ କାଲାକାଲାତାକି ମା ତାଣ୍ଡା ତୟିନେ □
- ୩ ଆବା ମାହାପୁରୁ ଅଡେ ତାନି ମୀରଏଣା ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହନାୟି, ହିଡ଼ି ଜୀସୁ ହୀହାନା, ସାତା ଅଡେ ଜୀସୁ ନଞ୍ଜିଆହାନା ତୟିଦେରି □

ସାତା ଅଡେ ଜୀସୁନନାୟି

୪ ନୀ ମୀରକା ମାସ୍ତକା ବିତ୍ରାତି ଏତରଜାଣା ଆବା ତାଣ୍ଡାଟି ମାଜେ ହୀହାମାଞ୍ଜାନି ହୁକୁମି ଲେହେଁ ସାତାତି ତାକିନି ତାକୁ ମେସାନା ନାନୁ ହାରେକା ରାହିଁ ଆହିମାଇଁ □

୫ ଏ ଜୀସୁତି ଇୟା ନାନୁ ନୀର୍ଏ ନିଜେ ର ପୁଞ୍ଜି ହୁକୁମି ରାଡ଼ିମାଞ୍ଜାଇଁ ଏଡ଼ି ଆଏ, ସାମା ତଲିଟିଏ ବେଟାଆହାମାନି ହୁକୁମି ରାଚାନା ବାତିମାଲିମାଞ୍ଜାଇଁ, ମୀର ରଅତାୟି ରଅଣାଇଁ ଜୀସୁନନାୟି ମାନେ □

୬ ମୀର ତାନି ହୁକୁମି ମାନୁଞ୍ଜି ଆହାନା ମାଞ୍ଜେ ମାନାୟି, ଇଦିଏ ଜୀସୁ ନନି କାତା, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଲେଆହିଁଏ ମାଞ୍ଜୁ, ଇଦି ଏ ହୁକୁମି □

୭ ନାନୁ ଖେସିମାଇଁ, ଇତିହିଁ ଆମିନି ଗାଗାରି ଜୀସୁ କ୍ରୀସ୍ତ ମାଣସି ଖାଣା ତଲେ ଖାହାହିଲଅସି ଇଞ୍ଜିଁ ଇନେରି, ଇଲେତି ହାରେକା ନାଡ଼ିକିନାରି ଦାରତିତା ହଡ଼ା ଖାହାମାନେରି, ଇଲେତି ଲକୁ ନାଡ଼ିକିନାରି ଅଡେ ନାଡ଼ିକିନି କ୍ରୀସ୍ତ □

୮ ସାମା ମୀ ତାକି ମାମୁ କିହାମାନି କାମାତି ପାଡ଼େୟି ବାରେ ଜାକ୍‌ଆନା ଏନିକିଁ ଏମ୍ପାଟି ହାରେ ପୁରେ ବର ବେଟାଆଡେରି ଏଦାଆଁତାକି ଜାଗ୍ରାତା ଆଦୁ □

୫ ୧:୫ ୧:୫ ଜହ ୧୩:୩୪; ୧୫:୧୨,୧୭

୯ ଆତ୍ମାଆସି କ୍ରୀସ୍ତ ଜାପୁହା ମାନାଣି କିହ୍ନା ଆଗାଡ଼ା ଗାଣନେସି, ଏଞ୍ଜାସି ମାହାପୁରୁଛୁ
ବେଟାଆହାହିଲଅସି; ଆତ୍ମାଆସି କ୍ରୀସ୍ତ ଜାପୁହା ମାନାଣି ତଲେ ଡ଼ିନେସି, ଏଞ୍ଜାସି ଆବା ଅଡ଼େ ମୀରୁଏସି
ଇ ରିଆରାଛୁ ଜିକେଏ ବେଟାଆହାମାନେସି □

୧୦ ଆତ୍ମାଆସି ଇଲେକ୍ତ୍ର ଜାପୁନାଣି ଆସାନା ମୀ ତାଣା ଖାଅସି, ଏଞ୍ଜାଣାଛୁ ମୀ ଇଜ ହାଟାଆଦୁ, ଇଞ୍ଜା
ନେହ୍ ମାଞ୍ଜି କି ଜିକେଏ ଇନାଆଦୁ;

୧୧ ଏନାଆଁତାକି ଇଚିହ୍ ଆତ୍ମାଆସି ଏଞ୍ଜାଣାଛୁ ନେହ୍ ମାଞ୍ଜି କି ଇନେସି, ଏଞ୍ଜାସି ତାନି ଲାଗେଏତି
କାମାତା ଆଣ୍ଡିନାସି ଆନେସି □

ଆକୃତି ରାଜି କାତା

୧୨ ନାନୁ ମିଙ୍ଗେ ହାରେକା କାତା ରାଜିନାୟି ମାନେ, ସାମା ଆକୃତା ଇଞ୍ଜା ସୀରା ତଲେ ରାଜାଲି ଅଣ୍ଡି
ହିଲଅ; ମୀ ତାଣା ଖାହାନା ମୁମ୍ ଚୁମସ୍ପି ଆହାନା ଗୁଡି ତଲେ ଜଲ୍ଲକି ଆୟାଲି ଆସା କିହିମାଛୁ, ଏନିକ୍
ମା ରାହ୍ନା ହାରେକା ଆନେ □

୧୩ ମାହାପୁରୁ ଆତ୍ମାମାନି ନୀ ତାଜିନି ମୀରକା ମାସ୍ତକା ମିଙ୍ଗେ ଜହରା କିହିମାଞ୍ଜାନେରି □ ଆନେନ୍ □

ଯୋହନଙ୍କ ତୃତୀୟ ପତ୍ର ଜହନ ରାଡ଼ାମାନି ତାନି ଲମ୍ବର ଆକୁ ମୂକୁ ହାଡ଼ା

ଜହନତି ତାନି ଲମ୍ବର ଆକୁ ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଯା ତାୟୁ ପାଣ୍ଡୁଆହାମାନି ଜହନ ତାଣ୍ଡାଟି ରାସ୍ତକି ଆହାମାନେ □ ଜହନ ଜାହାରାଇଁ ଆକୁ ରାଡ଼ିତାସି ଇଞ୍ଜିଁ ଖେହ୍‌ଆନା କୁଲମିତି ପ୍ରାଚିନାତେର୍ସି ଇଞ୍ଜିଁ ଖେସିମାନେସି ୧:୧; ୨ଜହ ୧:୧ □ ଇମ୍ବାର୍ଥୀ ପୁଞ୍ଜାଲି ଆହିମାନେ ଏଞ୍ଜାସି ଏପିସିୟୁ ରାଡ଼ାତା ମାଟିବେଲାତା ଜହନ ରାଡ଼ିତି ନେହଁ କାବୁତଲେ ତାନିଗଟା ଆକୁ ଜିକେଏ ରାଡ଼ାମାତେସି ଇ ନାମ୍ବୁ, ଇତିହଁ ଜହନତି ତଲିତି ଆକୁ, ରା ଲମ୍ବର ଜହନ, ଅଡ଼େ ତାନି ଲମ୍ବର ଜହନ □ ଜହନ ଗାୟସ ଦରୁ ଇନି ର ନାମ୍ବୁଗାଟି ତାୟିକି ଇ ଆକୁ ରାଡ଼ାମାନେସି □

ଏଞ୍ଜାସି ଗାୟସଇଁ ର ତଣେଏସି ଇଞ୍ଜାନା ଏ ରାଡ଼ିତା ରେଜିମାନି କ୍ରୀସ୍ତାନା ତାୟିୟାଁଇଁ ଜୀସୁ ନହାଲି ହୁକୁମି ହାହିମାନେସି □

ପତିତା ମାନାୟି

- ୧ ଜହନ ଜାହାରାଇଁ ଖେସାକତିନାୟି □ ୧:୧
- ୨ ଗାୟସଇଁ ସାସା ହାହାନା ରେଜିମାନି କ୍ରୀସ୍ତାନା ତାୟିୟାଁଇଁ ଆବାନା ଜୀସୁ ନହାଲି ଖେହ୍‌ନାୟି □ ୧:୨-୮
- ୩ ତାୟିଗ୍ରେପିସ୍ ଅଡ଼େ ତିମିଗ୍ରିଅସ୍ କାତା ଖେହ୍‌ନାୟି □ ୧:୯-୧୨
- ୪ ଆକୁତି ରାମ୍ବୁନାୟି □ ୧:୧୩-୧୪

୧ *ନାନ୍, କୁଲମିତି ପ୍ରାଚିନା ଜହନତେର୍ସି, ନାନ୍ ସାତା ତଲେ ଜୀସୁ ନହଁ ମାନି ନା ଜୀସୁତି ଗାୟସଇଁ ଜହରା ପାଣ୍ଡାନା ଇ ଆକୁ ରାଡ଼ିମାଇଁ □

୨ ଏ ନା ଜୀସୁତି ତଣେ ନାନ୍ ଜୀସୁତା ଏନିକଁ ନେହଁ ଆହଁ ମାଞ୍ଜି ଏଲେକିହଁ ନାନ୍ ବାରେ ଖାକିତି ନୀ ନେହେଁ ଆଡ଼େ ଅଡ଼େ ନୀ ଆଞ୍ଜା ଜିକେଏ ନେହଁ ମାଣ୍ଡେ ଇଞ୍ଜିଁ ନାନ୍ ପ୍ରାଡ଼ାନା କିହିମାଇଁ □

୩ ନାନ୍ ବାରେଦିନା ସାତା ତଲେ ତୟିମାଞ୍ଜି, ଏଲେକିହଁ ଏ ଏଚରଜାଣା ନାମିତି ତାୟିୟାଁ ଖାହାନା, ନାନ୍ ତାରିତଲେ ସାତାତା ନୀତାମାନାଣି ସାକି ହିୟାଲିଏ ନାନ୍ ହାଚେରକା ରାହଁ ଆତେର୍ସି □

୪ ନା ମୀରକା ମାସ୍କା ସାତା ଅଡ଼େ ସାତା ତଲେ ନୀତାମାନାଣି ଖେଞ୍ଜାନା, ଏଚେକା ରାହଁ ଆହିମାଇଁ, ଏଦାଣିକିହଁ ଆଗାଡ଼ା ନାଞ୍ଜେ ଅଡ଼େ ଏନି ରାହଁ ହିଲେଏ □

ଗାୟସ କିତି କାମାତାକି ଜହରା

୫ ଏ ନା ଜୀସୁତି ତଣେ ନାନ୍ କ୍ରୀସ୍ତାନା ତାୟିୟାଁ ତାକି ଅଡ଼େ ଏବକା ଦେସାତି କ୍ରୀସ୍ତାନା ତାୟିୟାଁ ତାକି ନାମ୍ବୁ ଅଡ଼େ ଚିକାଣା ତଲେ ସେବା କାମା କିହିମାଞ୍ଜି □

୬ ଏଞ୍ଜାରି ଇମ୍ବାର୍ଥୀ ମା କୁଲମିତା ନୀ ଜୀସୁ ନଡ଼ି କାତା ଖେସିମାନେରି; ନାନ୍ ଏଞ୍ଜାରାଇଁ ମାହାପୁରୁତି ରାହଁ ଆନିଲେହେଁ ତାନି ଜିରୁ ତାକି ଲଡ଼ାମାନାଣି ହାହାନା ସାୟେମି କିମ୍ବୁ □

୭ ଏନାଆଁତାକି ଇତିହଁ ଏଞ୍ଜାରି ନାମାଆଗାଟାରି ତାଣ୍ଡାଟି ଏନାଆଁ ରାହ୍‌ଆନା କ୍ରୀସ୍ତତି ସେବା କାମାତାକି ହଡ଼ାମାନେରି □

୮ ଏନାଆଁତାକି ମାର୍ ଏନିକଁ ଏଞ୍ଜାରାଇଁ ସାୟେମି କିହାନା ସାତାତି ତସାଲି ଏଞ୍ଜାରି ସେବା କାମାତା ଆଣ୍ଡିନାୟି ମା କାମା □

ଦିୟତ୍ରପା ଅଡ଼େ ଦିମତ୍ରିୟ

୯ ନାନ୍ କୁଲମିତାକି ର ଇଚାଣି ଆକୁ ରାଡ଼ିତେର୍ସି, ସାମା ଦିୟତ୍ରପା କୁଲମିତି କାଜାସି ଆହାଲି ଅଣ୍ଡାପାନା, ନା କାତା ଖେଞ୍ଜାହିଲଅସି □

୧୦ ନାନ୍ ଖାଡ଼ିସାରେ ଏଞ୍ଜାସି କିହାମାନି ବାରେ ଲାଗେଏତି କାମା ଖେହ୍‌ଇଁ, ଏଞ୍ଜାସି ଏନିକଁ ମା କପାଟି ଲାଗେଏତି କାତା ଖେସାନା ମାଞ୍ଜେ ନିନ୍ଦାକିହଁ ମିତି କାତା ଖେସିମାନେସି, ଖାଚୁଇ ଏଚେକେଏ

* ୧:୧ ୧:୧ କାମା ୧୯:୨୯; ରମି ୧୨:୨୩; ୧କର ୧:୧୪

ଆସ, ସାମା କ୍ରୀଷ୍ଣାନା ତାୟିୟାଁ ଖାଡ଼ିହୁଁ ଅପିହିଲଅସି କି ଆମ୍ବାଆରାଜ୍ ଅପାଲି ହାହି ହିଲଅସି, ଅଡ଼ତ୍ ଆମ୍ବାଆରି ଆବିନାରି ଏଞ୍ଜାରାଜ୍ କୁଲମିଟି ହପହାଲି ଅଣ୍ଡପିମାନେସି □

୧୧ ଏ ନା ଜୀଞ୍ଜୁତି ତଡ଼େତି, ନୀନୁ ଲାଗେଏ ପଡ଼େଏତାଣି ଆହୁଆନା, ସାମା ନେହୁଁ କାମାତି ଆହୁମ୍ବା, ଆମ୍ବାଆସି ନେହୁଁ କାମା କିନେସି ଏଞ୍ଜାସି ମାହାପୁରୁ ତାଣାଟି ଜାନ୍ନା ଆହାମାନେସି; ଆମ୍ବାଆସି ଲାଗେଏ ପଡ଼େଏ କାମା କିନେସି ଏଞ୍ଜାସି ମାହାପୁରୁଜ୍ ପୁଞ୍ଜାହିଲଅସି □

୧୨ ବାରେଜାଣା ଦିମିଡ଼ିୟଇଁ ନେହାସି ଇନେରି, ଏଞ୍ଜାସି କିହାମାନି ସାତା ନେହୁଁ କାମା ଜିକେଏ ଏଦାଆଁ ତସିମାନେ, ମାମ୍ବା ଜିକେଏ ଏଦାଆଁ ସାକି ହାହିମାନମି, ଇଞ୍ଜା ମାମ୍ବା ଡୁଞ୍ଜହୁନି କାତା ସାତା ଇଞ୍ଜୁଁ ନୀନୁ ପୁଞ୍ଜାମାଞ୍ଜି □

ଜହରା ତଲେ ଆକୁ ରାପ୍ନାୟି

୧୩ ନୀନୁ ନିଜେ ହାଡ଼େକା କାତା ଷ୍ଟେସ୍ତାନାୟିମାନେ ସାମା ଏଦାଆଁ ଆକୁତା ସୀରା କାଡ଼ିତଲେ ରାଡ଼ାଲି ଅଣ୍ଡପି ହିଲଅଁ □

୧୪ ମାର୍ ମୁମ୍ବା ଡୁମେସପି ଆହାମା ଜଲ୍ଲକି ଆୟାଲି ଆଡ଼ିନାୟି ଇଞ୍ଜୁଁ ଆସା କିହିମାଇଁ □

୧୫ ମିଜେତାକି ହିଡ଼ଡ଼ି ଆୟାପେ, ତଡ଼େସିଜା ମିଜେତାକି ଜହରା ପାଣ୍ଡିମାଞ୍ଜାନେରି, ବାରେଜାଣାଟି ଦରୁ ଆସାନା ଜହରା ଷ୍ଟେହ୍ମୁ □

ଯିହୁଦୀଙ୍କ ପତ୍ନୀ ଜାହୁଦୀ ରାଜାମାନି ଆକୁ ମୂଲ୍ୟ ହାତୀ

ରାଜାମାନି ଜାହୁଦୀ ଦରୁତଲେ ଲ ପତିଲ୍ ଜାହୁଦୀ ଆକୁ ଜନେରି □ ଜାହୁଦୀ ଜାହାରାଇଁ ଜାକୁବ ତାୟି ଇଞ୍ଜିଁ ଝେସାମାନେସି, ଜାକୁବ ଜାସୁକି ତାୟି ମାରେସି, ଏଦାଆଁତାକି ଜାହୁଦୀ ଜିକେଏ ଜାସୁକି ତାୟି ଆନେସି ୧ □ ଲ ଆକୁ ଆମିନି କୁଲମିତାକି ରାସୁକି ଆହାମାରେ ଇଞ୍ଜିଁ ମାର ନେହଁକିଁ ପୁଞ୍ଜାହିଲୀଆୟି ଅଡେ ଇମ୍ବାଆଁ ହାରେକା ପୁଞ୍ଜାଲ ମେରାତି କାତା ମାନ୍, ଜାହୁଦୀ ଆକୁତି ଜାହୁଦି ଲକୁ ପତ୍ନୀ ଆନାରି ମାରେରି □ ଆତିହଁ ଜିକେଏ, ଏଞ୍ଜାସି ମାହାପୁରୁ ଆବା “ହାଟାମାନି ଲକୁ, ଜାହୁଦିଆଁମାନି ଲକୁ, ଅଡେ ଜାସୁ କ୍ରୀସୁକି ତାରି କିହାମାନି ଲକୁତି” କାତା ଝେସାମାନେସି ୧ □ ଲ ଆକୁ ଜାସୁ କ୍ରୀସୁ ଜାନାଆଡ଼ି ୬୦ ବାର୍ଯା ତାୟୁ ରାସୁକି ଆହାମାରେ □

ମିତି ଜାମ୍ନାରି ତାଣାଟି ହେକ ମାଞ୍ଜାଲି ବାରେ ଲ ପତି ରାଜାମାରେସି ଜାହୁଦୀ ୪ □ ଏଞ୍ଜାସି ପୁଞ୍ଜାଲ ମେରାତା ଗଟ୍ଟି ଆଡ଼ି କାତା ଆଟହାମାନେସି ଅଡେ ତାନି ରୁକୁବାଡ଼ିତି ଆଟ୍ଟା କିହାମାନେସି □ ଲ ଆକୁତା ପିତରତି ରା ଲମ୍ବର ଆକୁତା ମାନି ନାଡ଼ି କିନାଣି ଜାମ୍ନାରି କାତା ଜାହୁଦୀ ୪; ୨ପିତ ୨:୧ ଅଡେ ଜିକେଏ ଦୁତୁୟାଁ, ସଦମ ଅଡେ ଗମରାତି କାତା ରାଜାମାନେସି □

ପତିତା ମାନାୟି

- ୧ ଜାହୁଦୀ ତାନି ପତି ପତ୍ନୀ ଆନାରାଇଁ ଜହରା କିନାୟି □ ୧-୨
- ୨ ଏଞ୍ଜାସି ମିତି ଜାମ୍ନାରି କାତା ଝେହ୍ନାୟି □ ୩-୪
- ୩ ପୁଞ୍ଜାଲ ମେରାତି କାତା ଅଡେ ଲକୁତି କାତା ଝେହ୍ନାୟି □ ୫-୧୬
- ୪ ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜିଁ ଝେହ୍ନାୟି □ ୧୭-୨୩
- ୫ ମାହାପୁରୁଇଁ ଜହରା କିହାନା ଆକୁ ରାମ୍ନାୟି □ ୨୪-୨୫

୧ ନାନ୍ ଜାହୁଦୀତେଏଁ, କ୍ରୀସୁ ଜାସୁତି ହଟ୍ଟେଏସି ଅଡେ ଜାକୁବତି ତାୟି, ଆବା ମାହାପୁରୁ ଆଟା ମାନାତେରି ଅଡେ ତାନି ଜାସୁ ନନାତେରି ଇଞ୍ଜାଁ ଜାସୁ କ୍ରୀସୁ ତାକି ଆଟ୍ଟି ଆହାମାନାତେରି ମିଜେତାକି ଲ ଆକୁ ରାଟିମାଞ୍ଜାଇଁ □

୨ ମିଜେତାକି ମାହାପୁରୁତି କାର୍ମାମେହ୍ନାୟି ଅଡେ ହିଡ଼ିତି ଜାସୁ ଇଞ୍ଜାଁ ଜାସୁନନାୟି ହାରେପୁରେ ଆୟାପେ □

ମିତି ଜାମ୍ନାରି

୩ ଏ ନା ଜାସୁତି ତଟେସିଜା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଣ୍ଡାମାନାୟି, ଏ କାତା ମିଜେ ତାକି ରାଟାଲି ଅଣପିମାରେଏଁ □ ସାମା ମାହାପୁରୁ ତାନି ଲକୁଣି କାଲ୍ଲକାଲ୍ଲାତାକି ହାହାମାନି ନାମୁ ଝାକିତି କୁକୁ କିହାଲି ମିଜେ ରାହାଁ କିଝି କିୟାଲି ଲଡ଼ାମାନେ ଇଞ୍ଜିଁ ଅଣପିତେଏଁ □

୪ ଏନାଆଁତାକି ଇତିହଁ ଏଚରଜାଣା ମାହାପୁରୁଇଁ ମାନୁଝି ଆଆଗାଗାରି ମେଣେଏ ମୀ ବିତ୍ତା ଝାହାମାନେରି, ଏଞ୍ଜାରି ମାହାପୁରୁ କାର୍ମାମେହ୍ନି କାତା ତିରିମ୍ପୁହହାନା ତାମ୍ନୁ ତାମ୍ନୁ ଅଣପିତି ଲେହେଁ ଲାଣେଏ ପଟ୍ଟେଏତି କାମା କିହିମାନେରି, ଅଡେ ଜାସୁ କ୍ରୀସୁ ରଅସିଏ କାଜାସି ଅଡେ ପ୍ରୁ, ଏଞ୍ଜାରି ଏଞ୍ଜାଣାଇଁ ଅପଅରି, ଏଞ୍ଜାରି ବେଟାଆନି ତଣ୍ଡତି କାତା ତଲି କାଲ୍ଲାଟିଏ ଦାମ୍ନୁପତିତା ରାସୁକି ଆହାମାନେ □

୫ ପ୍ରୁ ତଲିଏ ଏଚରଜାଣା ତାନି ଲକୁଣି ମିସର ଦେସାଟି ପିସପି କିତେସି, ସାମା ଏଞ୍ଜାରି ବିତ୍ତାଟି ନାମାଆଗାଗାରାଇଁ ନାସା କିତେସି, ଇତିହଁ ବାରେ କାତା ପୁଞ୍ଜାମାଟି ଜିକେଏ ମିଜେ ଅଡେ ଝେଣ୍ଡେ ଅଣପି କିଝି କିୟାଲି ଅଣପିମାଇଁ □

୬ ଅଡେ ଏମିନି ଦୁତୁୟାଁ ମାହାପୁରୁ ହାହାମାଟି ପାଣା ପିସାନା ତାନି ବାସାଆନି ଟାୟୁ ପିସୁ ମାହାପୁରୁ ଏ ଦୁତୁୟାଁଇଁ ନୀହାୟି କିନି ଦିନା ପାତେକା ଆନ୍ଦେରି ଟାୟୁତା କାଲ୍ଲକାଲ୍ଲା ତାକି ହିକ୍ଟିୟାଁ ତଲେ ଦସା ଇଟାମାନେସି □

୭ ଏଲେକିହିଁଏ ସଦମ ଅଡେ ଗମରା ଅଡେ ତାନି ସାରିସୁଟୁ ମାଟି ଗାଡ଼ାୟିତାରି, ଦାରିକାମା ଅଡେ ତାନି ବିତ୍ତା ଲାଗେଏ ଅଡେ ଅପାଆଗାଟି ଲାଜା ଆନି କାମା କିତେରି, ଏଦାଆଁତାକି କାଲ୍ଲକାଲ୍ଲା ତାକି ତାଞ୍ଜିମାନି ହିତୁତା ସାସ୍ତି ବେଟାଆଡେରି, ମା ବାରେଜାଣା ତାକି ଜାଗ୍ରାତା କିଞ୍ଜିକିନି କାତା ଲେହେଁତାୟି ଇଞ୍ଜିଁ ମାରୁ ଅଣ୍ଡପାଦୁ □

୮ ଏଲେକିହିଁଏ ହାପାନା ହେଣନାରି ଜିକେଏ, ଅପାଆଗାଟି କାମା ତଲେ ତାନି ଆଜ୍ଞାତି ଲାଗେଏ କିହିମାନେରି, ଅଡେ ମାହାପୁରୁତି ଅଦିକାରାତି ଅପାଆନା ଲାକପୁରୁତି ଦୁଡୁୟିକି ନିନ୍ଦା କିହିମାନେରି □

୯ ସାମା ବାରେକିହିଁ କାଜା ଦୁଡୁ ମିକାୟେଲ ମସାତି ମାଡୁହା ତାକି ସୟତାନ ତଲେ ବାଦିବାଦା ଆଡାଟି ନିନ୍ଦା କିହାନା ଏଦାନି ବିଚାରା କିହାଲି ସାସା କିଆନା, ଝାଉଲ ଏଚେକା ଏଲେଇଚେ, “ପ୍ରବୁ ନିଜେ ଦକା ହିୟାପେସି □”

୧୦ ସାମା ଈ ଲକ୍ଷୁ ତାମ୍ବୁ ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜିଁ ବୁଦି ହିଲାଆଗାଟି ଜନ୍ତୁ ଲେହେଁ ତାମ୍ବୁ ତାନି ଆଜ୍ଞାତି ଅଣ୍ଡପୁ ତଲେ ପୁଞ୍ଜାମାନି ତାଣାଟି ନାସା ଆନେରି □

୧୧ ଆୟତା, ଏଝାରି ତଣ୍ଡ ବେଟାଆନାରି, ଇତିହିଁ ଏଝାରି କୟିନ ଜିରୁତା ହାଜାମାନେରି, ତାବୁୟି ଜୁପକାତାକି ଏଝାରି ବିଲିୟମ ଦହ କିତିଲେହେଁ ଦହ କିହାମାନେରି, ଏଝାରି କରହ ଲେହେଁ ହଆଗାଟି ଗଡୁହା କିହାନା ଏଝାଣିଲେହେଁ ନାସା ଆନେରି □

୧୨ ଏଝାରି ଲାଜା ଆଆନା ମୀ ତଲେ ତିଞ୍ଜା ଉଣ୍ଡାନା ମୀ ରାହୁଁତି ବଜିତା ଆଣ୍ଡାନା ମାହୁଁତି ଗାରି ଲେହେଁତାରି, ଏଝାରି ଝାଉଲ ଜାହାରା ତାକି ଅଣ୍ଡପିନେରି, ଏଝାରି ଗାଲି ଝେନି ପିୟୁ ରାଆଗାଟି ଦୁହା ଲେହେଁତାରି, ଏଝାରି ତାକି ମେଗାନା ପେନିବେଲା ପାଡ଼େୟି ଆୟାଆଗାଟି ଝାୟିତି ମାରୁ ଲେହେଁତାରି □

୧୩ ଏଝାରି ସାମପୁରି ଝାଡିସାରି ହନି ମାଡିଗାଟି ପମ୍ବୁଲି ଲେହେଁ ଏଝାରି ଲାଜାଗାଟି କାମାୟି ତଞ୍ଜାଆନେ, ଏଝାରି ତାନି ଟାୟୁ ପିସାନା ଇତାଲ୍ଲା ଆତାଲ୍ଲା ରେନି ହୁକାୟି ଲେହେଁତାରି, ଏଝାରାକି ମାହାପୁରୁ କାଲେଏତାକି ଆନ୍ଦେରିଗାଟି ଟାୟୁ ତିୟାରା କିହିଁ ଇଗାମାନେସି □

୧୪ ଆଦମ ଟିଏ ସାତା ଲମ୍ବୁରି ହନକ, ଜିକେଏ ତାୟୁ ଆନି କାତା ଏଝାରି ତାକି ଝେକହା ମାଚେସି, “ମେହ୍ମୁ ପ୍ରବୁ ତାନି ମାଣା ମାଣା ସୁଡୁଗାଟି ଦୁଡୁୟି ତଲେ ଝାନ୍ଦେସି □”

୧୫ ମେହ୍ମୁ ପ୍ରବୁ ନାହୁଁୟି କିୟାଲି ଝାନ୍ଦେସି, ଏଝାସି ଦାମ୍ବୁ ହିଲାଆଗାଟାଗଇଁ ତାନି ପଲ୍ଲଆ କାମାତାକି ଅଡେ ଏଝାରି ମାହାପୁରୁଇଁ ମାନ୍ତୁଞ୍ଜି ଆଆନା ଏଝାଣି କପାଟି ଝେସ୍ତି ଅପାଆଗାଟି କାତାତାକି ଏଝାରାଇଁ ଦହଗାଟାରି କିହାନା ତଣ୍ଡ ହାନ୍ଦେସି □

୧୬ ଈ ଲକ୍ଷୁ ବାରେବେଲା ତାମ୍ବୁ ତାମ୍ବୁଏ ଏଚେକା ବେଟାଆଡି ଜିକେଏ ରାହୁଁ ଆଅରି □ ଏଝାରି ଝାଉଲ ତାନି ଲାଗେଏ ପଲେଏତି ଅଣ୍ଡପୁ ତଲେ ସାଲ୍ଲୁଞ୍ଜି ଆନେରି; ଏଝାରି ବଡପଣ ତସାନା କାଜା କାତା ଝେହ୍ନେରି, ଅଡେ ଲାଜା ବେଟାଆହାଲି ଜୁପକା ତସାନା ଲକ୍ଷୁ ନକିତା ଅଜିତି କାତା ଝେହ୍ନେରି □

ଜାଗ୍ରାତା ଅଡେ ଜାପୁନି କାତା

୧୭ ସାମା ଏ ନା ଜାପୁତି ତଣ୍ଡେସିଜା ମା ପ୍ରବୁ ଜାସୁ ଜ୍ରାସୁତି ପାଣ୍ଡୁଞ୍ଜି ଆହାମାନାରି ତଲିଟିଏ ଏନି ବାରେ କାତା ଝେସାମାନାଣି ବାରେ ଅଣ୍ଡପାଦୁ □

୧୮ ଏଝାରି ଏନିକିଁ ନିଜେ ଝେସାମାଞ୍ଜାତେରି ରାନ୍ତି ବେଲା ମାହାପୁରୁଇଁ ମାନ୍ତୁଞ୍ଜି ଆହାନା ତାନି ଅଣ୍ଡପୁ ତଲେ ମାଞ୍ଜାନା ନିନ୍ଦା କାତା ଝେହ୍ନାରି ହନେରି ଇଞ୍ଜିଁ ଲାଜା କିହାନା ଏଲେଇଞ୍ଜାନେରି □

୧୯ ଏଝାରି ଗଡୁହା କିଞ୍ଜିକିହିଁ ଜାଟୁ ତିକନେରି, ଅଡେ ଆଜ୍ଞାତି ଅଣ୍ଡପୁଟି ସାଲ୍ଲୁଞ୍ଜି ଆହାନା, ମାହାପୁରୁତି ନେହଁ ଜାପୁ ବେଟାଆଆତାରି □

୨୦ ସାମା ଏ ତଣ୍ଡେସିଜା ମାରୁ ମୀ ତାରିଗାଟି ନାମୁଗାଟି ଦାମ୍ବୁତି ଇଲ୍ଲୁ ପାଡିକିହିଁ କତାପୁ, ଅଡେ ସୁଡୁଜାପୁ ତଲେ ପ୍ରାତାନା କିପୁ □

୨୧ ମା ପ୍ରବୁ ଜାସୁ ଜ୍ରାସୁତି କାର୍ମାଟି କାଲ୍ଲକାଲ୍ଲାତି ଜାପୁ ହିୟାନେସି, ମାରୁ ଏଦାଆଁ ବେଟାଆହାଲି କାଚାନା ମାହାପୁରୁ ଜାପୁନହଁ ମାଞ୍ଜାନି ତାଣା ମାଞ୍ଜେମାଞ୍ଜୁ □

୨୨ ଆନାମାନା ଆନି ଲକ୍ଷୁଣି କାର୍ମାମେସାନା ନାମୁତା ପାଡିକିପୁ □

୨୩ ଏଚକା ତାରାଇଁ ହିତୁଟି ଡେଞ୍ଜିତି ଲେହେଁ ଗେଲ୍ପାଦୁ, ଆଜ୍ଞାତି ପାପୁ କାମାତା ମାହୁଁମାନି ହିମ୍ବୁରିକା ଅପାଆଦୁ, ଏଚର ଲକ୍ଷୁଣି କାର୍ମା ମେସୁମି ଜିକେଏ ଏଝାରାଇଁ ଆଜିନାୟି ମାନେ □

* ୧:୯ ୧:୯ ଝେ ବଲ୍ଲ ୧୨:୭

ଜହରାତି ପାଠୁ

୨୪ ଆତ୍ମାଆସି ମିଙ୍ଗେ ପୁଟିକିନି ତାଣାଟି ଗେଲ୍‌ପାଲି ଆଡ଼ାନେସି, ଅଡ଼େ ତାନି ଗାଝୁରମିତି ହାଟ୍‌ରେକା ରାହାଁତଲେ ନକିତା ତାଚାଲି, ମାଙ୍ଗେ ଦହ୍ ହିଲ୍‌ଆଗାଟି ଲକୁ ଲେହେଁ କିହାଲି ଆଡ଼ାନେସି □

୨୫ ଏ.ମା ପ୍ରବୁ ଜୀସୁ କ୍ରୀସ୍ତ ତାକି ମା ଗେଲ୍‌ପାନି ମାହାପୁରୁ ରଅସିଏ, ଗାଝୁରମି, କାଜାପାଣା, ବାଡ଼ୁୟୁ ଅଡ଼େ ସାଲ୍‌ଝି କିନାୟି କାଲେଏତାୟି, ନୀଏଁ, ଅଡ଼େ ଜୁଗୁ ଜୁଗୁତାକି ଏଝାଣିଝାୟି □ ଆମେନ୍ □

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହାଁ ଝେକ୍‌ହି ବଲ୍ଲୁ ମୂଲୁ ହାଡ଼ା

ଝେକ୍‌ହି ବଲ୍ଲୁ ପୁଠନି ମୋରାତି ରାତି ପତି □ ଇଦି ଜିକେଏ ଜହନ ତାଣାଟି ଜୀସୁ କ୍ରୀସୁ ଜାନୀଆତି ୯୫ ବାର୍ଯା ତାୟୁ ରାସ୍‌କି ଆହାମାଚେ ୧:୧ □ ଏଞ୍ଜାସି ଜହନତି ନେହଁ କାବୁତଲେ ତାନିଗଟା ଆକୁ ପତିୟାଁ ରାତାମାଚେସି ଏଞ୍ଜି ୧ଜହ, ୨ଜହ ଅଡ଼େ ୩ଜହ □ ଜହନ ଆମିନି ଗାଟାଣାଇଁ ଜୀସୁ ହାଚେକା ଜୀସୁ ନହଁ ମାଚେସି □ ଜହନ ଏୟୁ ମାଦିମାନି ବୁମିତି ପାଡ଼ମସ୍ ଗାୟୁତା ମାନି ବେଲାତା ଇ ଝେକ୍‌ହି ବଲ୍ଲୁ ରାତାମାଚେସି, ଇତିହଁ ଜୀସୁ କ୍ରୀସୁତି ନେହଁ କାବୁତାକି ଏଞ୍ଜାଣାଇଁ ଏମାଆଁ ଅଞ୍ଜିଆହାମାଚେ ଜହ ୧୩:୨୩ □

ଜୀସୁ ଝେଣ୍ଡା ଖାନି ଦିନା ତାଗେ ଖାହି ମାନାକି ଜୀସୁ କ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଞ୍ଜି ଆନାରାକି ସାସା ଅଡ଼େ ଆସା ହାହାଲିତାକି ଇ ଝେକ୍‌ହି ବଲ୍ଲୁ ରାତିଚେସି ୧:୩; ୨୨:୭ □ ଏଞ୍ଜାସି ବାରେ ନାମିତି ଲକୁ ଅଡ଼େ ବାରେକିହାଁ ସାଡ଼ାଗଟା କୁଲମିତାକି ରାତିମାନେସି ୨-୩ □ ଜହନ ତାନି ରାତିନି ତାଣା ମାହାପୁରୁ ଅଣ୍ଡପୁତି ବଲ୍ଲୁ୧:୩ ଅଡ଼େ ତାନି ମେସାମାନି ହାଚେକା ସିନାୟାତି କାତା ରାତିମାନେସି □ ଇ ପତିତି ଏଚେକା ତାଣା ପୁଠଇ ପତି ତଲେ ସମାନା ମାନାଣି, ଜିକ ୬:୧-୮ ମେସାଲି ଆଡ଼ିନାୟି □ ସାଡ଼ାଗଟା ତାଡ଼ି ଅଡ଼େ ସାଡ଼ାଗଟା ଗିନାୟାଁ ଏମିନି ଗାଟାକି ମାହାପୁରୁ ମିସରତି ଲକୁଣି ତଣ୍ଡ ହାହାଲିତାକି କସୟାଁ ପାଣ୍ଡାନେସି ହାନାୟି ୭-୯ □

ଝେକ୍‌ହି ବଲ୍ଲୁ ରାନି ବେଲାତି କାତା ଝେସିମାନେ, ଜୀସୁ ତାୟୁ ଜୀଣା ଆନେସି ଅଡ଼େ ଆମିନି ଗାଟାରି ଏଞ୍ଜାଣି ତାଣା ବାସୁଁ ଇତିନେରି ଏଞ୍ଜାରି ବାରେବେଲା ଏଞ୍ଜାଣିତଲେ ତୁୟିନେରି □ ଇ ପତି ନିଙ୍ଗେ ଜାଗ୍ରାତା କିୟାପେ ଅଡ଼େ ଆସା ହିୟାପେ, ଇତିହଁ ଜୀସୁ ତବେ ଝେଣ୍ଡା ଖାହିମାନେସି □

ପତିତ ମାନାୟି

- ୧ ଜହନ ତାଙ୍ଗେ ପୁଣ୍ଡିକିନାୟି ଅଡ଼େ ତାୟୁତି କାତା ମେହନାୟି □ ୧:୧-୨୦
- ୨ ସାଡ଼ାଗଟା କୁଲମିତାକି ଜୀସୁ କ୍ରୀସୁ ତାଣାଟି ଜହନତି କାବୁ □ ୨:୧-୩:୨୨
- ୩ ସାଡ଼ାଗଟା ବୁଟୁ ମୁଦ୍ରା ଅଡ଼େ ସାଡ଼ାଗଟା ତାଡ଼ି □ ୪:୧-୧୧:୧୯
- ୪ ମୀରକା ଅଡ଼େ ସାଡ଼ାଗଟା ତାର୍କାଗାଟି ରାବୁ ତଲେ ଜୁଜୁ □ ୧୨:୧-୧୪:୨୦
- ୫ ସାଡ଼ାଗଟା କପାଗାଟି ଗିନାୟାଁ □ ୧୫:୧-୧୭:୧୮
- ୬ ମାହାପୁରୁ ଲାକପୁରୁ ତାନି ସାବୁଇଁ ଜୀଣା ଆନାୟି □ ୧୭:୧-୨୦:୧୫
- ୭ ପୁଠନି ଲାକପୁରୁ ଅଡ଼େ ପୁଠନି ଦାରତି □ ୨୧:୧-୨୨:୨୧

୧ ଜୀସୁ କ୍ରୀସୁତି ଝେକ୍‌ହି ବଲ୍ଲୁ; ଝେଡ଼ା ଆଆନା ଏନାୟି ଗଟଞ୍ଜି ଆନେ ଏଦାଆଁ ବାରେ ଏଞ୍ଜାସି ଏନିକଁ ତାନି ହଲ୍ଲିୟାଙ୍ଗାଣି ଝେହ୍‌ନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେଚପିଚେସି, ଅଡ଼େ ଏଞ୍ଜାସି ତାନି ବୁଟୁଇଁ ପାଣ୍ଡାନା ତାନି ହଲ୍ଲିୟା ଜହନଇଁ ଏଦାଆଁ ଝେସେସି □

୨ ଏ ଜହନ ମାହାପୁରୁତି ବଲ୍ଲୁ ଅଡ଼େ ଜୀସୁ କ୍ରୀସୁତି ସାକି କାତା ଇତିହଁ ଏଞ୍ଜାସି ଏନାଆଁ ମେସେସି ଏ ବାରେ କାତାତି ସାକି ହାହିମାନେସି □

୩ ଆମ୍ବାଆସି ଇ ପତି ପଡ଼ଞ୍ଜି ଆନେସି ଇଞ୍ଜାଁ ମାହାପୁରୁତି ବଲ୍ଲୁ ଝେଞ୍ଜାନା, ଇ ପତିତା ରାସ୍‌କି ଆହାମାନାଣି ବାରେ ମାନଞ୍ଜି ଆନାରି ନେହାଁରି, ଏନାଆଁତାକି ଇତିହଁ ଇ ବାରେ ଗଟଞ୍ଜି ଆନି କାଲମି ତାଗେ ଖାଡ଼େୟିଏ □

ସାଡ଼ାଗଟା କୁଲମିକି ଜହରା କିନାୟି

୪ *ନାନୁ ଜହନଚେସି, ଆସିୟାତା ମାନି ସାଡ଼ାଗଟା କୁଲମିକାଣି ଜହରା ଝେସାନା ରାତିମାଞ୍ଜାଇଁ, ମାହାପୁରୁତି କାମାମେହନାୟି ଅଡ଼େ ହିଡ଼ି ଜୀସୁ ମିଙ୍ଗେ ଆୟାପେ, ନୀସି ଆମ୍ବାଆସି ମାନେସି ତଲି ମାଗାସି ଅଡ଼େ ଜିକେଏ ତାୟୁ ଦିନା ଖାଚେସି, ଅଡ଼େ ତାନି ରାଜିତି ସିଂଗାସାଣି ନକିତା ନିତାମାନି ସାଡ଼ାଗଟା ଜୀସୁୟାଁ ତାଣାଟି,

* ୧:୪ ୧:୪ ଝେ ବଲ୍ଲୁ ୪:୫

୫ ଜୀସୁ କ୍ରୀସ୍ତ ନାମୁତି ସାତା ସାକି ହାନାସି, ହାତାରି ବିଦ୍ରାଢି ତଲିଏ ଜାର୍ନା ଆଡାସି, ଅଡେ ଦାଡ଼ତିଚି ରାଜାୟାଣି ସାଲୁଝି କିନାସି □ ଏଝାସି ମାଜେ ଜୀସୁ ନହାଁମାଞ୍ଜାନେସି, ଅଡେ ତାନି ନେତେରିଚି ମାଜେ ପାପୁଟି ଗେଲ୍ପାତେସି □

୬ *ଅଡେ ମାଜେ ର. ରାଜାତି କୁଲ୍ଲୁଲେହେଁ କିହାନା ଆବା ମାହାପୁରୁ ନକିତା ପୂଜେରା ଲେହେଁ ଆଡାମାଞ୍ଜାନେସି, ତାନି ଗାଝୁରମି କାଜାପାଣା କାଲ୍ଲକାଲ୍ଲ ତାକି ଆପେ □ ଆମେନ୍ □

୭ *ମେହଦୁ ଏଝାସି ଦୁହା ତଲେ ଝାହିମାନେସି, ଏତେଟିଏ ବାରେ କାଣକା ଏଝାଣାଇଁ ମେହଦୁ, ଅଡେ ଏଝାଣାଇଁ ଗ୍ଲୁକ୍‌ହା ମାଗାରି ଜିକେଏ ମେହନେରି, ଦାଡ଼ତିଚାରି ବାରେ କୁଡା ଏଝାସି ଝାହିମାନାକି ତାନେରି ଏଡ଼ି ସାତା ଆନେ □ ଆମେନ୍ □

୮ ବାରେ ବାଡ଼ୁଲୁ ଗାଟି ପ୍ରବୁ ମାହାପୁରୁ ଝେସିମାନେସି, ନାନୁ ମାଟ୍‌ନାତେଏଁ ଅଡେ ରାପ୍‌ନାତେଏଁ, ଆମ୍ବାଆସି ନାଏଁ ମାନେସି ତଲିଏ ମାରେସି ଅଡେ ତାଲୁ ଦିନା ଝାନାସି ନାନୁ ଏଝାତେଏଁ □

କ୍ରୀସ୍ତାଇଁ ମେହନାସି

୯ ନାନୁ ଜହନତେଏଁ, ମୀ ତାୟିତେଏଁ, ଜୀସୁତି ସୀସୁ ଆହାଁ ତାନି ରାକି ଲକୁତାକି ଝାହିମାନି କସ୍ତ ଅରୁହାଲି ନାନୁ ମୀ ତଲେତି ର. ମାଣସିତେଏଁ □ ଜୀସୁ ତସାମାନି ସାତା ଇଞ୍ଜା ମାହାପୁରୁତି ବଲ୍ଲୁ ଝେସିମାତାକି ନାଜେ ପାଡ଼ମସ୍ ସାମୁଦୁରି ମାଦି ମାନି ଚାଲୁତା ପାଣ୍ଡାମାଞ୍ଜାତେରି □

୧୦ ପ୍ରବୁତି ଦିନାତା ସୁଦୁଜୀସୁ ନା ଲାକ ରେଟାଝାଡେ, ଅଡେ ନାନୁ ତାଲୁ ଝାକିଚି ତାଡ଼ି ମହୁରି ଲେହେଁତି କାଜା ଗିୟାତଲେ ଏଲେ ଇଞ୍ଜିମାଟି ର ହାଡା ଝେରେଏଁ □

୧୧ ନାନୁ ମେସିମାନାଣି ରାଡାମୁ ଅଡେ ଈ ପତିତି ଈ ସାଡାଗାଟା କ୍ରୀସ୍ତାନି କୁଲମି ଇଚିହୁଁ ଏପିସି, ସ୍ପୁର୍ନା, ପର୍ଗମ, ତୁୟାତିରା, ସାଦ, ପିଲାଦେଲ୍ପିୟା ଅଡେ ଲାସୁଦିକିୟାତି କୁଲମିତା ପାଣ୍ଡାମୁ □

୧୨ ଆମ୍ବାଆସି ନା ତଲେ କାତା ଆହିମାନେସି, ଇଦାଆଁ ମେସାଲି ଝେଣ୍ଡେ ସିନିକିତେଏଁ, ଇଞ୍ଜା ସାଡାଗାଟା ବାଂଗାରା ଦୀଝିୟା,

୧୩ ଇଞ୍ଜା ଏ ଦୀଝିୟା ମାଦିଏ ମାଣସି ମୀରଏଣା ଲେହେଁ ର ମାଣସି; ଏଝାଣି ପାଞ୍ଚଆନାୟା ପାତେକା ହିମୁରି ସୁକ୍‌ହା ମାଚେ ଅଡେ ବକତା ବାଂଗାରା ପାଟାତି ତ:ରି ରୁପାମାଚେ;

୧୪ ଏଝାଣି ତାୟିଁ ରାଣାୟା ଅପ୍‌ହି ଲୁଲୁ ଅଡେ ପେଣ୍ଡି ମାରୁ ଲେହେଁ ଦବ୍‌ଲା, ଅଡେ ଏଝାଣି କାଣକା ହିରୁ ଲେହେଁ ତୀଞ୍ଜି ମାରୁ □

୧୫ ତାନି ପାଞ୍ଚଆନାୟା ହଲୁତା ହୁଡିତି ପିତାଡା ମୁସିମାନି ଲେହେଁ ମିଣସି ମାରୁ, ଅଡେ ତାନି ଗିୟା ଲଦ ଲଦ ଇଞ୍ଜା ରିହିମାନି ଏୟୁତି ହାଡା ଲେହେଁତାୟି □

୧୬ ତାନି ଚିଝନି କେୟୁତା ସାଡାଗାଟା ହୁକାୟା ମାରୁ, ତାନି ଗୁଡିଚି ରିକଝାକି ଦାଋଗାଟି କାଣ୍ଡା ହଡେ, ତାନି ମୁମୁ ମୁଦେନା ବେଲା ତୀଞ୍ଜିମାନି କାରା ଲେହେଁ ଉଜେଡ଼ି ଗାଟାୟି □

୧୭ *ନାନୁ ଏଝାଣାଇଁ ମେସପନିଏ ହାଡ଼ିଲେହେଁ ତାନି କଡାୟା ତୁ ଇ ରିତେଏଁ, ଏମ୍ବାଟିଏ ଏଝାସି ନା ଲାକ ତାନି ଚିଝନି କେୟୁ ଇଗାନା ଇଲେ ଇଞ୍ଜାତେସି, ଆଜାଆନି ନାନୁ ମାଟ୍‌ନାତେଏଁ ଅଡେ ରାପ୍‌ନାତେଏଁ □

୧୮ ଆଜାଆଦୁ ନାନୁ ନୀତା ମାନାତେଏଁ ହାଡାତେଏଁ, ନାନୁ କାଲ୍ଲା କାଟଲେଏତାକି ନୀତାମାଇଁ, ହାନାୟି ଅଡେ ହାଡାରି ରାକିତି କୁଚିକାଡ଼ି ନା କେୟୁତା ମାନେ □

୧୯ ଇଚିହୁଁ ନାନୁ ଏନାଆଁ ମେସାମାଞ୍ଜି, ଅଡେ ଏନାୟି ନାଏଁ ଆହିମାନେ ଇଞ୍ଜା ଇଦାଣି ଜେଚ ଏନାୟି ଆନେ ଈ ବାରେ ରାଡା ଇଗାମୁ □

୨୦ ନା ଚିଝନି କେୟୁତା ମେସାମାନି ସାଡାଗାଟା ହୁକାୟା ଅଡେ ସାଡାଗାଟା ବାଂଗାରା ଦୀଝି ସଡାୟାତି ତୁଗୁମାନି କାତା ଇଦି, ସାଡାଗାଟା ହୁକାୟା ସାଡାଗାଟା କୁଲମିତି ଦୁତୁୟା, ଅଡେ ସାଡାଗାଟା ବାଂଗାରା ଦୀଝି ସଡାୟା ସାଡାଗାଟା କୁଲମିକା □

୨

ଏପିସି କୁଲମିତାକି କାରୁ

* ୧:୬ ୧:୭ ଝେ ବଲ୍ଲୁ ୫:୧୦ * ୧:୭ ୧:୭ ମାତି ୨୪:୩୦; ମାର୍କ ୧୩:୨୭; ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪,୩୭; ମାତି ୨୪:୩୦ * ୧:୧୭ ୧:୧୭ ଝେ ବଲ୍ଲୁ ୨:୮; ୨୨:୧୩

୧ “ଏପିସି କୁଲମିତି ଦୁତୁ ତାଣା ରାତାମ୍ବୁ, ଆମ୍ବାଆସି ଚିଃନି କେୟୁତା ସାତାଗଟା ହୁକାୟା ଆସାମାନେସି ଅଡେ ସାତାଗଟା ବାଂଗାରା ଦୀଝି ସତାୟା ମାଦି ରେଜିମାନେସି,

୨ ଏଝାସି ଏଲେଇଞ୍ଜି ମାନେସି, ନାନୁ କିହାମାନି କାମା ନାନୁ ପୁଞ୍ଜାମାଇଁ, ନାନୁ ଏନିକିଁ ଖାହୁତଲେ କାମା କିହିମାଞ୍ଜି, ଅଡେ ଏଚେକା ଅରୁହିମାଞ୍ଜି ଏଦାଆଁ ପୁଞ୍ଜାମାଇଁ, ନାନୁ ଲାଗେଏ ପଲେଏ କାମା କିନାରାଇଁ ଅପିହିଲଅତି, ଅଡେ ପାଣ୍ଡୁଝି ଆଆନା ମାମ୍ବୁ ପାଣ୍ଡୁଝି ଆହାମାନି ଇଞ୍ଜିଁ ଝେସା କତିନେରି, ନାନୁ ତାୟିପାରି କିହାଁ ଏଝାରି ମିତି କାତା ଝେହନାରି ଇଞ୍ଜିଁ ପୁଞ୍ଜାମାଞ୍ଜି □

୩ ନା ଦରୁ ତାକି ଦୁକୁ କସ୍ତୁ ଅରୁହିମାଞ୍ଜି ଇଞ୍ଜିଁ ଖାହାହିଲଅତି ଇଦାଆଁ ଜିକେଏ ନାନୁ ପୁଞ୍ଜାମାଇଁ □

୪ ଆଡିହିଁ ଜିକେଏ ନା କପାଡି ନା ଇ କାତା ମାନେ, ତଲି ଜାଝୁନହୁଁ ମାଞ୍ଜାତିଲେହେଁ ନୀଏଁ ଜାଝୁନହୁଁ ମାଞ୍ଜଅତି □

୫ ଅଡେ ନାନୁ ଏନିକିଁ ତୁଇ ତରୁଗା ମାଞ୍ଜି ଏଦାଆଁ ଅଣପାନା ନୀ ପାପୁ ପିସାହାଁ ମନ ଝେଟ୍ଟୁ ଅଡେ ତଲିତିଲେହେଁ ସାତା କାମା କିମ୍ବୁ, ଆଆତଁ ଏଚେତା ନାନୁ ହିୟାଁ ଝେଟ୍ଟଅତି, ନାନୁ ନୀ ତାଣା ତବେ ଖାହାନା ନୀ ଦୀଝି ନୀ ତାଣାଟି ଏଟକା ଗୁଟିକିୟାଇଁ □

୬ ଆଡିଜିକେଏ ନୀ ତାଣା ର ନେହୁଁ ଗୁଣୁ ମାନେ ନାନୁ ଏନିକିଁ ନିକଲାୟତାରି ବାରେ କାମା ଅପିହିଲଅତି ଏଲେକିଁ ନାନୁଝା ଅପିହିଲଅତି □”

୭ * “କୁଲମିକାଣି ସୁଦୁଜାଝୁ ଏନାଆଁ ଝେସିମାନେ ଆମ୍ବାଆରି କୀର୍କା ମାନୁ ଏଦାଆଁ ଝେଣ୍ଡାସି □ ଆମ୍ବାଆସି ଜାଣା ଆନେସି, ଏଝାଣାଇଁ ନାନୁ ମାହାପୁରୁ ରାଜିତା ମାନି ଜାଝୁଗାଟି ମାରୁନୁତି ପାଡ଼ୟି ତିଞ୍ଜାଲି ହୀଇଁ □”

ସ୍ପର୍ନା କୁଲମିତାକି କାବୁ

୮ * “ସ୍ପର୍ନା କୁଲମିତି ଦୁତୁ ତାଣା ରାତାମ୍ବୁ, ଆମ୍ବାଆସି ତଲିତାସି ଅଡେ ତାୟୁତାସି, ଆମ୍ବାଆସି ହାହାମାଚେସି ଅଡେ ଝେଣ୍ଡେ ନୀତିଚେସି, ଏଝାସି ଏଲେଇଞ୍ଜି ମାନେସି □

୯ ନାନୁ ନୀ ବାରେ କସ୍ତୁ ଅଡେ ହାକି କାକୁଲି ପୁଞ୍ଜାମାଇଁ, ସାମା ନାନୁ ବାଡ଼କୁ ଗାଟାତି ଅଡେ ଆମ୍ବାଆରି ଜାହୁତି ଲକୁ ଆଆନା ମାମ୍ବୁ ଜାହୁତି ଲକୁତମି ଇଞ୍ଜିଁ ଇନେରି, ଏଝାରି ସୟତାନ ଗତିତାରି ଏଝାରି ନିନ୍ଦା ଜିକେଏ ନାନୁ ପୁଞ୍ଜାମାଇଁ □

୧୦ ମାରୁ ଏନିନି ଦୁକୁ ବେଗାଆହାଲି ହାଜି ମାଞ୍ଜେରି, ଏ ବାରେ ଆଜାଆଦୁ; ମେହୁଦୁ ମିଙ୍ଗେ ତାୟିପାରି କିହାଲି ସୟତାନ ମୀ ବିତ୍ରାଟି ଆମ୍ବା ଆମ୍ବାଆରାଇଁ କାୟିଦିତା ଇଚିନେ, ଅଡେ ମାରୁ ଦସ ଦିନା କସ୍ତୁ ବେଗାଆଦେରି □ ମାରୁ ହାଜି ପାଡେକା ନାମୁତଲେ ମାଞ୍ଜୁ, ଆତିହୁଁ ନାନୁ ମିଙ୍ଗେ ଜାଝୁତି ଟପେରି ହିୟାଇଁ □”

୧୧ * “କୁଲମିତି ସୁଦୁଜାଝୁ ଏନାଆଁ ଝେସିମାନେ, ଝେଞ୍ଜାଲି କୀର୍କା ମାତିସାରେ ଝେଣ୍ଡାସି, ଆମ୍ବାଆସି ଜାଣା ଆନେସି ଏଝାଣାଇଁ ଅର ଦେବାତି ହାକି ତଲେ ନସ୍ତୁ କିହାଲି ଆଡେଏ □”

ପର୍ଗମ କୁଲମିତାକି କାବୁ

୧୨ “ପର୍ଗମ କୁଲମିତି ଦୁତୁ ତାଣା ରାତାମ୍ବୁ, ଆମିନି ଗାଟାଣି ତାଣା ରିକଞ୍ଜାକି ଦାୟା ଗାଟି କାଣ୍ଡା ମାନେ ଏଝାସି ଏଲେଇଞ୍ଜି ମାନେସି □

୧୩ ଆମିନି ତାଣା ସୟତାନତି ସିଂଗାସାଣି, ଏମ୍ବାଆଁ ନାନୁ ବାସା କିହିମାଞ୍ଜି, ଇଦାଆଁ ନାନୁ ପୁଞ୍ଜାମାଇଁ, ଆତିହୁଁ ଜିକେଏ ନାନୁ ନା ଦରୁତି ଆଡ଼ଝା ତଲେ ଆସାମାଞ୍ଜି, ଅଡେ ନା ସାକି ଆଡିପା ଏତିବେଲା ମୀ ତାଣା ସୟତାନତି ବାସା ଟାୟୁତା ପାୟୁଝି ଆହାମାଚେସି, ମାରୁ ନା ତାଣା ନାମାମାନାକି ଏତିବେଲାତା ଜିକେଏ ନାଙ୍ଗେ ପୁଞ୍ଜାହିଲଅତି ଇଞ୍ଜାଆତି □

୧୪ ଆଡିଜିକେଏ ନୀ କପାଡି ର କାତା ମାନେ, ଇତିହୁଁ ଆମିନି ବିଲିୟମ ପେଣକା ବମାୟାକି ତାକାମାନି ବସ୍ତୁ ତିନି ତାଣାଟି ପାପୁ ଅଡେ ଦାରିକାମା କିଞ୍ଜିକିନି ପାନ୍ଦା ମେଡ଼ହାଲି ଇସାୟେଲ ମୀରୁକା ବାଲାକଇଁ ଜାପୁହା ମାଚେସି, ଏଲେତି କାମା କିନି ଲକୁ ମୀ ବିତ୍ରାଟି ଏଚରଜାଣା ତାକିନାରି ମାନେରି □

୧୫ ଏଲେକିହିଁ ଏ ନିକଲାୟ ଜାପୁନାଣି ଆସାମାନି ଲକୁ ମୀ ବିତ୍ରା ମାନେରି □

୧୬ ଏଦାଆଁତାକି ମୀ ପାପୁ ପିସାନା ହିୟାଁ ଝେଟ୍ଟୁ ଆଆତଁ ନାନୁ ମୀ ତାଣା ତବେ ଖାହାନା ନା ଗୁଟିତି ହନି କାଣ୍ଡାତଲେ ଏଝାରି କପାଡି ଜୁଜୁ କିଇଁ □”

୧୭ * “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରି କୀର୍କା ମାନୁ ଏଦାଆଁ ଝେଣ୍ଡମାସି □ ଆମ୍ବାଆସି ଜାଣା ଆନେସି ଏଝାଣାକି ତୁଗ୍ଗାମାନି ମାନା ତିଞ୍ଜାଲି ହାଇଁ ଅଡେ ଏଝାରି ବିତ୍ରାଟି ବାରେଜାଣାତି ପୁଝନି ଦରୁ ରାସ୍ତକି ଆହାମାନି ର ଦବଲା ଝାଲି ହାଇଁ, ଏ ପୁଝନି ଦରୁ ଏନାୟି ଝାଲି ଆନାଣା ପିସପେ ଆମ୍ବାଆସି ପୁନଅସି □”

ତୁୟାତିରା କୁଲମିତାକି କାରୁ

୧୮ “ତୁୟାତିରା କୁଲମିତି ଦୁତୁ ତାଣା ଇଲେଇଞ୍ଜିଁ ରାତାମୁ, ମାହାପୁରୁତି ଆମିନି ମୀରୁଏଣା କାଣକା ତୁଞ୍ଜିମାନି ହିରୁ ଲେହେଁ ଇଞ୍ଜିଁ ପାଠଆନା କତାୟାଁ ମୁସିମାନି ପିତାଡ଼ା ଲେହେଁ ଏଝାସି ଏଦାଆଁ ଏଲେଇଞ୍ଜିଁ ମାନେସି □

୧୯ ନାନୁ ନୀ କାମା, ଜୀଝୁ ନନାଣି, ନାମୁତଲେ ସେବା କିନାଣି, ଅରୁହିନାଣି ପୁଞ୍ଜାମାଇଁ, ଅଡେ ନୀ ତଲିତି କାମା କିହାଁ ନୀଏଁ ହାରେକା ଗାତି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାଇଁ □

୨୦ ଆଡିଜିକେଏ ନୀ କପାଟି ର ଇତି କାତା ମାନେ, ଜିଜେବଲ୍ ଦରୁଗାଟି ଆମିନି ଇୟା ଜାହାରାଇଁ ମାହାପୁରୁ ଅଣ୍ଡପୁତି ବକ୍ତ ଝେକନାତେଏଁ ଇଞ୍ଜିଁ ଝେସାକତାନା, ନା ସେବା କିନାରାଇଁ ଦାରିକାମା ଅଡେ ପୋଣକା ବମାୟାକି ତାକାମାନି ବଗୁ ତିଞ୍ଜାଲି ଜାପୁହାନା ଲାଗେଏ କିଝି କିହାମାନେ, ମୀରୁ ଏଦାଣି ଅରୁହି ମାଞ୍ଜେରି □

୨୧ ନାନୁ ଏଦାନାକି ତାନି ପାପୁ କାମା ପିସାନା ମନୁ ଝେଟ୍ଟହାଲି ହୀତି ଜିକେଏ, ତାନି ଦାରିକାମା ପିସାଲି ମନୁ କିଆଡେ □

୨୨ ଇଦାଆଁତାକି ନାନୁ ଏଦାନି ମାଡୁ ହୁଞ୍ଜିକିଇଁ, ଅଡେ ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଝାରି ତାନି ପାପୁ କାମାଟି ହିୟାଁ ଝେଟ୍ଟଆତେଁ ନାନୁ ଏଝାରାଇଁ ଆଜିହଡପତି ସାସି ହାଇଁ □

୨୩ ଅଡେ ନାନୁ ତାନି ମୀରକା ମାସ୍ତକାଇଁ ହାକି ତଲେ ନାସାକିଇଁ, ଏଚେଟିଏ ନାନୁ ବାରେ ଲକ୍ଷୁତି ହିୟାଁ ଅଡେ ମନତି ଅଣ୍ଡପୁ ପୁନାତେଏଁ, ଅଡେ ବାରେଜାଣାକି ତାନି କାମାଟି ପାଡେୟି ହୀନାତେଏଁ ଇଞ୍ଜିଁ ବାରେ କୁଲମିକା ପୁଞ୍ଜାନୁ □”

୨୪ “ସାମା ମୀରୁ ତୁୟାତିରାତା ଏଚରଜାଣା ମାନାତେରି ଏ ଲାଗେଏତି ଜାପୁନାଣି ଆସା ହିଲଅତେରି, ଇଞ୍ଜିଁ ଏଟକାତାରି ଏନାଆଁ ସୟତାନତି ତୁଗ୍ଗାମାନି କାତା ଇଞ୍ଜିଁ ଇନେରି, ଏଦାଆଁ ମୀରୁ ଜାପାହିଲଅତେରି, ନାନୁ ଏଝାରି ଲାକ ଏନି ପୁଝନି ବକ୍ତ ହୀଅଁ □

୨୫ ଇତିହଁ ମୀ ତାଣା ଏନାୟି ମାନେ ଏଦାଆଁ ନା ଝାନ୍ତି ଦିନା ପାତେକା ତୀରିତଲେ ଆସାମାଞ୍ଜୁ □”

୨୬ ଆମ୍ବାଆସି ଜାଣା ଆନେସି, ଅଡେ ତାରୁ ପାତେକା ନା କାମା କିନେସି, ନାନୁ ଏନିକିହଁ ନା ଆବା ତାଣାଟି ଅଦିକାରା ବେଟାଆହାମାଇଁ, ଏଲେକିହଁଏ ଏଝାଣାକି ଏ ଦେସାତି ଅଦିକାରା ହାଇଁ □

୨୭ ଏଝାସି ବାରେ କୁଡାତି ଲକ୍ଷୁଣି ଲହ ବାଡ଼ା ତଲେ ସାଲଝି କିନେସି ଅଡେ ଇରୁଆ ତ:କାୟାଁ ଲେହେଁ କୁରୁକୁଟା କିନେସି □

୨୮ ଅଡେ ନାନୁ ଏଝାରାକି ଝେୟାଜାରା ହୁକା ଜିକେଏ ହାଇଁ □

୨୯ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରାକି କୀର୍କା ମାନୁ ଏଦାଆଁ ଝେଣ୍ଡମାସି □”

୩

ସାଦଁ କୁଲମିକି କାରୁ

୧ “ସାଦଁ କୁଲମିତି ଦୁତୁ ତାଣା ରାତାମୁ, ଆମ୍ବାଆସି ମାହାପୁରୁତି ସାତାଗଟା ଜୀଝୁୟାଁ ଅଡେ ସାତାଗଟା ହୁକାୟାଁ ଆସାମାନେସି ଏଝାସି ଏଲେଇଞ୍ଜିଁ ମାନେସି, ନାନୁ ମୀ କାମା ବାରେ ପୁଞ୍ଜାମାଇଁ ମୀରୁ ଦରୁ ତାକି ଜୀଝୁ ଗାଟାତେରି, ସାମା ସାତା ତଲେ ହାତାତେରି □

୨ ଜାଗ୍ରାତା ଆଦୁ ଅଡେ ମୀ ତାଣା ଏନାୟି ମାନେ ଏ ବାରେ ତୁଗ୍ଗିନି ନକେଏ ଏଝାଆଁ ବାଡୁୟୁ କିଦୁ, ଇତିହଁ ନାନୁ ମୀ ବାରେ କାମା ନା ମାହାପୁରୁ ନକିତା ଦହ ହିଲଆଗାଗାୟି ତଞ୍ଜା ଆହା ହିଲେଏ □

୩ *ଏଦାଆଁତାକି ମୀରୁ ଏନିକିଁ ଜାପାମାଞ୍ଜେରି ଅଡେ ଝେଞ୍ଜାମାଞ୍ଜେରି ଏଦାଣି ଅଣ୍ଡପାନା ମାନୁଝି ଆଦୁ ଇଞ୍ଜିଁ ପାପୁତି ହିୟାଁ ଝେଟ୍ଟଦୁ; ମୀରୁ ଜାଗ୍ରାତା ଆଆଡିହଁ ନାନୁ ସରୁଲେହେଁ ମୀ ତାଣା ଝାକ୍, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡଅଡେରି □

୪ ସାମା ସାଦର୍ତ୍ତ୍ୟ ତମା ବିଭ୍ରା ଏଚରଜାଣା ମାନେରି, ଏଝାରି ତାମି ହିମ୍ବରିକା ମାହୁଁ କିହାଁ ହିଲଅରି, ଏଝାରି ଅପ୍‌ନି ହିମ୍ବରିକା ହୁତାନା ନା ତଲେ ତାକିନେରି, ଏନାଆଁତାକି ଇତିହୁଁ ଏଝାରି ପାଡ଼ା ଆଡ଼ାରି □

୫ *ଆମ୍ବାଆରି ଜାଣା ଆନେରି ଏଝାରି ଏଲେତି ଅପ୍‌ନି ହିମ୍ବରିକା ହୁତିନେରି, ଅଡ଼େ ନାନୁ ଏଝାରି ଦରୁ ଜାଝୁଗାଟି ପତିତି ଏଚେଲାଝା ମ୍ଲୋକ୍‌ଅଁ, ଇଞ୍ଜାଁ ନାନୁ ନା ଆବା ଅଡ଼େ ତାନି ଦୃତୁୟାଁ ନକିତା ନା ତଲେତାରି ଇଞ୍ଜିହୁଁ ଏଝାରି ଦରୁ ଝେକ୍‌ଇଁ □”

୬ “କୁଲମିକାଣି ସୁଦୁଜାଝୁ ଏନାଆଁ ଝେସିମାନେ ଆମ୍ବାଆରି କୀର୍କା ମାନୁ ଏଦାଆଁ ଝେଣମ୍ବାସି □”

ପିଲାଦେଲ୍‌ପିୟା କୁଲମିତାକି କାଡୁ

୭ “ପିଲାଦେଲ୍‌ପିୟା କୁଲମିତି ଦୁରୁ ତାଣା ରାଡ଼ାମ୍, ଆମ୍ବାଆସି ସୁଦୁଗାଟାସି ଅଡ଼େ ସାତାତାସି ଆମିନିଗାଟାଣି କେୟୁତା ଦାଝୁଦତି କୁଟିକାଡ଼ି ମାନେ, ଏଝାସି ଦା଼ା ଦେତିସାରେ ଆମ୍ବାଆସି ସୁଣ୍ଡାଲି ଆଡ଼ଅସି, ଅଡ଼େ ଦା଼ା ସୁଣ୍ଡିସାରେ ଆମ୍ବାଆସି ଦେଚାଲି ଆଡ଼ଅସି,

୮ ଏଝାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଲ୍, ସିନିକିଦୁ ନାନୁ ମୀ ନକିତା ର ଦା଼ା ଦେଚାମାଲ୍, ଏଦାଆଁ ଆମ୍ବାଆସି ସୁଣ୍ଡାଲି ଆଡ଼ଅସି, ଇତିହୁଁ ମୀ ବାଡ଼ୁୟୁ ଉଣା ମାତି ଜିକେଏ ନା ଜାପ୍‌ନାଣି ମୀରୁ ମାନୁଝି ଆହାମାଞ୍ଜେରି, ଇଞ୍ଜାଁ ନା ଦରୁ ଏଚେଲା ପୁଞ୍ଜାହିଲଅତି ଇଞ୍ଜୁଁ ଇଞ୍ଜାହିଲଅତେରି □

୯ ମେହଦୁ ଆମ୍ବାଆରି ଜାହୁଦି ଲକୁ ଆଏ, ସାମା ମିତି ତଲେ ଜାହୁଦି ଲକୁତମି ଇଞ୍ଜୁଁ ଇଞ୍ଜିମାନେରି ଇଲେତି ସୟତାନ ଗିତି ଲକୁଣି ନାନୁ ମୀ କତାଣା ଜହରା କିଝି କିୟାଲ୍, ଇଞ୍ଜାଁ ନାନୁ ମିଙ୍ଗେ ଜାଝୁନହୁଁ ମାଞ୍ଜାଲ୍ ଇଞ୍ଜୁଁ ଏଝାରି ପୁଞ୍ଜାଲି ଆଡ଼ିନେରି □

୧୦ ନା ହୁକୁମି ତଲେ ସାସା ଆସାନା ମାଞ୍ଜେରି, ଇଦାଆଁତାକି ଦା଼ରତିତି ଲକୁଣି ତାୟିପାରି କିହାଲି ବାରେ ଦା଼ରତିତା ଆମିନି ତାୟିପାରି କିନି ଦିନା ଝାନେ, ଏମ୍ବାଟି ନାନୁ ଜିକେଏ ମିଙ୍ଗେ ଗେଲ୍‌ପାଲ୍ □

୧୧ ନାନୁ ତବେ ଝାହିମାଲ୍ ମୀ ଜାଣାଆଡ଼ି ଚଟପରି ଏନିକିଁ ଆମ୍ବାଆସି ମାଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଟା ତଲେ ଆସାଁ ତୁୟାଦୁ □

୧୨ *ଆମ୍ବାଆସି ଜାଣା ଆନେସି ନାନୁ ଏଝାଣାଲ୍ ନା ମାହାପୁରୁ ଇଲୁତି ମୁଣ୍ଡାଲେହେଁ କିଇଁ, ଏଝାସି ଏମ୍ବାଟି ପାଞ୍ଜାତା ହାଲଅସି, ନାନୁ ନା ମାହାପୁରୁତି ଦରୁ ଅଡ଼େ ଲାକପୁରୁତି ଝାହାମାନି ପୁଞ୍ଜି ଜିରୁସାଲମ ମା ମାହାପୁରୁତି ଗାଡ଼ାତି ଦରୁ ଇଞ୍ଜାଁ ନା ପୁଞ୍ଜି ଦରୁ ତାନି ଲାକ ରାଡ଼ିଲ୍ □”

୧୩ “କୁଲମିକାଣି ସୁଦୁଜାଝୁ ଏନାଆଁ ଝେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଝେଣମ୍ବାସି □”

ଲାଝୁଦିକିୟା କୁଲମିକି କାଡୁ

୧୪ “ଲାଝୁଦିକିୟା କୁଲମିତି ଦୁରୁ ତାଣା ରାଡ଼ାମ୍, ଆମ୍ବାଆସି ସାତା ଇଞ୍ଜାଁ ନାମ୍ବାଗାଟାସି ଅଡ଼େ ସାତା ସାକି ହାନେସି, ଅଡ଼େ ଆମ୍ବାଆସି ମାହାପୁରୁ ଗାଡ଼ିକିତାଣି ମୁଲୁଏ ଗାଡ଼ିକିତାସି ଏଝାସି ଏଲେଇଞ୍ଜି ମାନେସି □

୧୫ ନାନୁ ମୀ କାମା ପୁଞ୍ଜାମାଲ୍, ମୀରୁ ହିଡ଼ତି ଆଏ କି ଉସମି ଜିକେଏ ଆଏ, ମୀରୁ ହିଡ଼ତି କି ଉସମି ଆହାମାଟି ନେହୁଁ ଆଡେମା □

୧୬ ସାମା ମୀରୁ ହିଡ଼ତି କି ଉସମି ଆଆନା କାଝିନି ଆହାମାନାକି ନାନୁ ମିଙ୍ଗେ ନା ଗୁଡ଼ିତି ହୁପାଲି ହାଜିମାଲ୍ □

୧୭ ନାନୁ ଏଲେ ଇଞ୍ଜିମାଞ୍ଜି, ‘ନାନୁ ବାଡ଼କୁ ଗାଟାତେଏଁ ନାଙ୍ଗେ ହାରେକା ଦନ ମାନେ; ନାଙ୍ଗେ ଏନାୟି ଲଡ଼ା ହିଲେଏ □’ ସାମା ନାନୁ କାର୍ମା କାକୁଲି ଗାଟାଟି ଅଡ଼େ ସାୟେମି ହିଲଆଗାଟାଟି, ହାକି ଗାଟାଟି, କାଣା ଅଡ଼େ ନାଗୁଡ଼ା ଗାଟାଟି, ଇଦାଆଁ ପୁଞ୍ଜାହିଲଅତି;

୧୮ ଇଦାଆଁତାକି ନାନୁ ନିଙ୍ଗେ ଇ କାତା ଝେସିମାଞ୍ଜାଲ୍ ନାନୁ ବାଡ଼କୁ ଗାଟାଟି ଆହାଲିତାକି ହିରୁତା ହୁଡ଼ିତି ବା଼ଗାରା ଅଡ଼େ ନୀ ନାଗୁଡ଼ାଟି ଲାଜା ଏନିକିହୁଁ ତଞ୍ଜା ଆଏ ଇଦାଆଁତାକି ହୁଚାଲି ଦବ୍‌ଲା ହିମ୍ବରି ଇଞ୍ଜାଁ କାଣିକା ମେସାଲି ତାକି କାଣିକାଣାଁ ରୁବାକତିନାଣି ନା ତାଣାଟି କତାମ୍ □

୧୯ *ନାନୁ ଏଚେକା ଲକୁଣି ଜାଝୁ ନଲ୍ ଏଝାରିଇଁ ଦାକା ଅଡ଼େ ତଣ୍ଡ ହାଲ୍ ଏଦାଣିତାକି ରାହାଁ ଆହାଁ ମନ ଝେଡ଼ହା କତାମ୍ □

☆ ୩:୫ ୩:୫ ଝେ ବଲ୍ଲୁ ୨୦:୧୨; ମାତି ୧୦:୩୨; ଲୁକ ୧୨:୮ ☆ ୩:୧୨ ୩:୧୨ ଝେ ବଲ୍ଲୁ ୨୧:୨ ☆ ୩:୧୯ ୩:୧୯ ଏବି ୧୨:୭

୨୦ ମେହଦୁ ନାନୁ ଦୁଝେରି ତାକିତା ନିତାନା ଦାରା ଝେଟିମାଇଁ ଆମ୍ବାଆସି ନା ଗିୟାଁ ଝେଞ୍ଜାନା ଦାରା ଦେନେସି ଆଡ଼ ନାନୁ ବିତ୍ରା ହଡ଼ାନା ତାନି ତାଣା ହାଇଁ ଅଡ଼େ ନାନୁ ଏଞ୍ଜାଣିତଲେ ରାନ୍ଦା ତିଇଁ ଅଡ଼େ ଏଞ୍ଜାସି ନା ତଲେ ରାନ୍ଦା ତିନେସି □

୨୧ ନାନୁ ଏନିକିହଁ ଜାଣାଆହାନା ନା ଆଡ଼ା ତଲେ ସିଂଗାସାଣିତା କୁଗାମାଇଁ ଏଲେକିହଁ ଏ ଆମ୍ବାଆସି ଜାଣା ଆନେସି ନାନୁ ଏଞ୍ଜାଣାଇଁ ନା ତଲେ ନା ସିଂଗାସାଣିତା କୁଗାଲି ହାଇଁ □

୨୨ “ସୁଦୁଜୀଝୁ କୁଲିମିକାଣି ଏନାଆଁ ଝେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଝେଞ୍ଜାସି □”

୪

ଲାକପୁରୁ ପ୍ରାତାନ

୧ ଏତେଟିଏ ନାନୁ ମେସ୍ତେସି, ମେହଦୁ ଲାକପୁରୁଟି ର ଦାରା ଦେପିଆହାମାନେ; ଅଡ଼େ ତୀତ୍ରି ମହୁରି ହାଡ଼ାଲେହେଁ ନା ତଲେ ନଡ଼କଏ ଜଲିମାତାଣି ଝେଞ୍ଜା ମାତେସି, ଏଦି ଏଲେଇଞ୍ଜାତେ “ଇମ୍ବାଆଁ ନିଜା ଖାମ୍ବୁ, ଏନାୟି ଇଦାଆଁ ତାୟୁ ଗଟେଞ୍ଜି ଆନେ ଏ ବାରେ ନିଜେ ନାନୁ ତସାଇଁ □”

୨ ଏ ଦେବୁଣିଏ ସୁଦୁଜୀଝୁ ନାଜେ ଆଲଗାତେ, ମେହଦୁ ଲାକପୁରୁ ର ସିଂଗାସାଣି ମାତେ, ଇଞ୍ଜା ସିଂଗାସାଣି ଲାକ ରଅସି କୁଗାମାନେସି □

୩ କୁଗାମାନାଣି ଖାଣା ହୀରା ଅଡ଼େ ମାଣିକ୍ୟ ଇନି ଦାରାଗାଟି ଖାଲି ଲେହେଁ, ଅଡ଼େ ସିଂଗାସାଣିତ ମରକତ ଇନି ଦାରା ଗାଟି ଖାଲିକା ଲେହେଁ ସାରିସୁରୁ ର ଦାରାଣି ଗୁରତାମାତେ □

୪ ଅଡ଼େ ସିଂଗାସାଣି ସାରିସୁରୁ କଡ଼େ ସାରିଗଟା ସିଂଗାସାଣି ମାନୁ, ଅଡ଼େ ସିଂଗାସାଣିୟାଁ ଲାକ କଡ଼େ ସାରି ଜାଣା ପ୍ରାତିନାଜା କୁଗାମାନେରି, ଏଞ୍ଜାରି ଦବଲା ହିମ୍ବୁରିକା ହୁରାମାନେରି ଇଞ୍ଜା ଏଞ୍ଜାରି ତାୟୁଁ ତୁ ବାଂଗାରା ଟପେରି □

୫ *ସିଂଗାସାଣିଟି ବିଲିବାଲା ମୁହନାୟି ଅଡ଼େ ହାଗୁ ଗୁଣି ହାଡ଼ା ହଡ଼େ, ଅଡ଼େ ସିଂଗାସାଣି ନକିତା ହିରୁଗାଟି ସାତାଗଟା ଦୀଝିୟାଁ ତାଞ୍ଜିମାନୁ, ଇ ସାତାଗଟା ହିରୁ ବନ୍ଦାୟାଁ ମାହାପୁରୁଟି ସୁଦୁଜୀଝୁୟାଁ

୬ ସିଂଗାସାଣି ନକିତା ଦାପେଣିଲେହେଁ ର ନେହଁ ସାମଦୁରି ତଞ୍ଜାଆହିମାତେ, ସିଂଗାସାଣି ସାରିସୁରୁଟି ମାଦିଏ ସାରିଗଟା ଜନ୍ତ ଜୀଝେଡ଼ିକା, ଏଞ୍ଜାସିକା ନକିତା ଅଡ଼େ ତାୟୁତା କାଣକା ମାନୁ □

୭ ନକିତି ଜନ୍ତ ସିହଁ କାଞ୍ଜିଆନି ଲେହେଁ, ଅଡ଼େ ରୀ ଲମ୍ବର ଜନ୍ତ ବାତା କଡ଼ି ଲେହେଁ, ତାନି ଲମ୍ବର ଜନ୍ତ ମୁମ୍ବୁ ମାଣସିତି ମୁମ୍ବୁ ଲେହେଁ, ଅଡ଼େ ସାରି ଲମ୍ବର ଜନ୍ତ ଲାକ ଉମ୍ବିମାନି ଲେଡ଼ ଲେହେଁ ତଞ୍ଜାଆହିମାତେ □

୮ ବାରେ ଜନ୍ତୟାଁକି ସ ଗଟା ମାରାୟାଁ ଏ ମାରାୟାଁ ବିତ୍ରା ଅଡ଼େ ପାଜାତା କାଣକା ମାନୁ ଏଞ୍ଜି ଲାଆଁ ମାଦେନା ଜମାଆନା ଏଲେଇଞ୍ଜି ମାନୁ □

“ସୁଦୁ, ସୁଦୁ, ସୁଦୁ, ବାରେ ବାଡ଼ୁଗାଟି ମାହାପୁରୁ, ଆମ୍ବାଆସି ତଲିଏ ମାତେସି ନୀସିଁ ମାନେସି ଅଡ଼େ କାଲେଏ ମାନେସି, ଏ ପ୍ରବୁ □”

୯ ଜନ୍ତୟାଁ ଏତିବେଲା ଏ ସିଂଗାସାଣିତା କୁଗାମାନି କାଲାକାଲାତି ଜୀଝୁଗାଟି ମାଣସିଇଁ ଗାଝୁରମି ସାମ୍ବୁମି ଅଡ଼େ ଜହରା କିନେରି □

୧୦ ଏତିବେଲା କଡ଼େ ସାରି ଜାଣା ପ୍ରାତିନାଜା ସିଂଗାସାଣିତା କୁଗାମାନି ମାଣସିଇଁ ମେଣ୍ଡାକୁତାନା କାଲେଏ ନୀତାମାନି ମାଣସିଇଁ ଜହରା କିତେରି, ଇଞ୍ଜା ସିଂଗାସାଣି ନକିତା ତାନି ଟପେରିକା ଇଗାନା ଏଲେଇଚେରି □

୧୧ ମା ପ୍ରବୁ ଅଡ଼େ ମାହାପୁରୁ □
ନାନୁ ଗାଝୁରମି ସାମ୍ବୁମି ଅଡ଼େ ବାଡ଼ୁଗୁ ବେଟାଆହାଲି ଜଟେ ଗାଟାଟି □

ଏନାଆଁତାକି ଇତିହଁ ନାନୁ ବାରେ ଗାଡ଼ିକିହା ମାଞ୍ଜି □
ଅଡ଼େ ନୀ ଅଣପୁ ତଲେ ବାରେ ଗାଡ଼ି ଆହାମାନୁ, ଅଡ଼େ ଜୀଝୁତଲେ ନୀତାମାନୁ □

୫

ରୁପିନି ପତି ଅଡ଼େ ମେଣ୍ଡା ତାଲୁ

୧ ନାନୁ ସିଂଗାସାଣିତା କୁଗାମାନାଣି ଚିଞ୍ଚି କେୟୁତା ର ପୁଞ୍ଜଇ ପତି ମେସ୍ତେସି, ଏଦି ରିକଞ୍ଜାକି ରାସ୍ତକି ଆହାମାତେ ଇଞ୍ଜା ସାତାଗଟା ମୁଦ୍ରା ଝେପି ଆହାମାତେ □

* ୪:୫ ୪:୫ ଝେ ବଲ୍ଲୁ ୮:୫; ୧୧:୧୯; ୧୭:୧୮; ଝେ ବଲ୍ଲୁ ୧:୪

୨ ଅଡ଼େ ନାନୁ ବାଡ଼ୁୟୁ ଗାଟି ର ଲାକପୁରୁତି ଦୁରୁଇଁ ମେସ୍ତେଏଁ, ଏଝାସି କାଜା ଗିୟାଁତଲେ ଏଲେଇରେସି, ଆମ୍ବାଆସି ଇ ମୁଦ୍ରା ହୁକହାନା ପତିତି ଦେଗାଲି ପାଡ଼ାଆନେସି □

୩ ସାମା ପତିତି ଦେଗାଲି, ଏମ୍ବାଆଁ ଏନାୟି ରାସୁକି ଆହାମାନେ, ସିନିକିହାଲି ଲାକପୁରୁ, ଦାର୍ତତିତା ଅଡ଼େ ତାଡ଼େପୁରୁତା ଆମ୍ବାଆସି ସାସା କିଆଡେସି □

୪ ଏ ପତିତି ଦେଗାଲି କି ଏଦାଆଁ ସିନିକିହାଲି ଆମ୍ବାଆସି ସାସା କିଆଲିଏ ନାନୁ ହାରେକା ଡ଼ାଡେଏଁ □

୫ ଏମ୍ବାଟିଏ ପ୍ରାତିନାଜା ବିଡ୍ରାଟି ରଅସି ନାଜେ ସାସା ହାହାନା ଏଲେଇଞ୍ଜାଡେସି, “ଡ଼ାଆନି, ସିନିକିମୁ ଜାହୁଦା ଗଟିତି ଦାଝୁଦ କୁଡ଼ାତି ସିଃହଁ ଜୀଣା ଆହାମାନେସି; ଏଝାସି ଇ ପତିତି ସାଡ଼ାଗଟା ମୁଦ୍ରା ଦେଗାଲି ଅଡ଼େ ଏ ରୁପିତି ପତି ଏକହାଲି ପାଡ଼ା ଆହାମାନେସି □”

୬ ଏବେଟିଏ ନାନୁ ସିନିକିଡେଏଁ ସିଂଗାସାଣି, ଅଡ଼େ ପ୍ରାତିନାଜା ମାଦିଏ ସାରିଗଟା ଜନ୍ତ ତଲେ ର ମେଣ୍ଡା ତାଲୁ ନିତାମାନାଣି ମେସ୍ତେଏଁ, ଏ ମେଣ୍ଡା ତାଲୁ ପାୟୁଝି ଆଡ଼ି ଲେହେଁ ତଞ୍ଜାଆହିମାଡେ, ଏଦାନାକି ସାଡ଼ାଗଟା କମ୍ବାକ ଅଡ଼େ ସାଡ଼ାଗଟା କାଣକା ମାରୁ, ଏ କାଣକା ଦାର୍ତତିତି ବାରେଝାକି ପାଣ୍ଡୁଝି ଆହାମାଟି ମାହାପୁରୁତି ସାଡ଼ାଗଟା ସୁଦୁଜାଝୁୟାଁ □

୭ ମେଣ୍ଡା ତାଲୁ ସିଂଗାସାଣିତା କୁଗାମାନାଣି ତାଗେ ହାଜାନା ଏଝାଣି ଟିଃନି କେୟୁତି ଏ ରୁପିତି ପତି ଅଡେସି □

୮ ଏ ପତି ଅହାଲିଏ ସାରିଗଟା ଜନ୍ତ ଅଡ଼େ କଡେ ସାରି ଜାଣା ପ୍ରାତିନାଜା ଏ ମେଣ୍ଡା ତାଲୁ ନକିତା ମୁନୁ କୁଡ଼ାହାଁ ଜହରା କିଡେରି, ଏ ବାରେଜାଣା ତାକି ର ର ସେରଜି ଅଡ଼େ ମାହାପୁରୁ ଲକୁ ପ୍ରାଡାନାତି ଦୁପା ଦୁପୁଣି ନେଞ୍ଜାମାନି ର ବାଂଗାରା ଗିନା ମାଡେ □

୯ ଏଝାରି ର ପୁଃନି ପାଚୁ ପାଡ଼ିମାଡେରି;

“ନାନୁ ଏ ରୁପିତି ପତି ଅହାଲି ଅଡ଼େ ଏମ୍ବାଟି ମୁଦ୍ରା ଦେଗାଲି ପାଡ଼ା ଆନାତି, ନାନୁ ପାୟୁଝିଆହାମାଟି, ନୀ ନେଡେରିତି ବାରେ ଗଟି, ବାରେ ହାଡ଼ା, ଡ଼େସା, ଅଡ଼େ ବାରେ କୁଡ଼ାତି ଲକୁଇଁ ମାହାପୁରୁ ତାକି କଡାମାଞ୍ଜି,

୧୦ ନାନୁ ଏଝାରାଇଁ ରାଜାୟାଁ କୁଡ଼ା ଅଡ଼େ ମାହାପୁରୁ ସେବା କିୟାଲି ପୂଜେରାଜା କିହାମାଞ୍ଜି □ ଏଝାରି ଦାର୍ତତିତି ସାଲୁଝି କିନେରି □”

୧୧ ଏମ୍ବାଟିଏ ନାନୁ ସିନିକିଡେଏଁ, ସିଂଗାସାଣି, ଜନ୍ତୟାଁ ଅଡ଼େ ପ୍ରାତିନାଜା ସାରିସୁରୁ ହାରେକା ଦୁଡୁୟାଁତି ହାଡ଼ା ଝେଡେଏଁ, ଏଝି ମାଣା ମାଣା ଅଡ଼େ ଲାକେ ଲାକେ ଜାଣା ନିତାମାରୁ □

୧୨ ଏଝି କାଜା ଗିୟାଁତଲେ ପାଡ଼ିମାରୁ;

“ପାୟୁଝି ଆହାମାନି ମେଣ୍ଡା ତାଲୁଦେଁ, କାଜାପାଣା, ଦନ, ବୁଦି, ବପୁ, ସାମ୍ବୁ_ମି, ଗାଝୁରମି, ଜହରା ବେଗାଆହାଲି ପାଡ଼ାଆନେସି □”

୧୩ ଅଡ଼େ ନାନୁ ଲାକପୁରୁ, ଦାର୍ତତି, ତାଡ଼େପୁରୁ ଅଡ଼େ ସାମ୍ବୁରୁତିତା ମାନି ବାରେ ଜୀଝୁ ଗାଟାଇ ଇଞ୍ଜା ଦାର୍ତତିତା ମାନି ବାରେ ଜୀଝୁ ଗାଟାଇ ପାରୁ ପାଡ଼ିମାନାଣି ଝେଡେଏଁ □ ଏଝି ପାଡ଼ିମାରୁ;

“ସିଂଗାସାଣିତା କୁଗାମାନି ମାଣ୍ଡସିଇଁ ଇଞ୍ଜା ତାନି ମେଣ୍ଡା ତାଲୁଇଁ ଜହରା କିଦୁ; ତାନି ସାମ୍ବୁ_ମି, ଗାଝୁରମି ଅଡ଼େ ବାଡ଼ୁୟୁ କାଲିକାଲିତାୟି □”

୧୪ ଏବେଟିଏ ସାରିଗଟା ଜନ୍ତ ପାଲି ଆସାନା ଏଲେଇଚୁ, “ଆଡେମନ୍” ଅଡ଼େ ପ୍ରାତିନାଜା ମୁନୁ କୁଡ଼ାହାଁ ଜହରା କିଡେରି □



ସାଡ଼ା ଗଟା ସାଲିୟାଁ

୧ ଅଡ଼େ ନାନୁ ମେଣ୍ଡା ତାଲୁଇଁ ସାଡ଼ାଗଟା ମୁଦ୍ରା ବିଡ୍ରାଟି ର ଲମ୍ବର ମୁଦ୍ରା ଦେଗାଣି ମେସ୍ତେଏଁ, ଅଡ଼େ ସାରିଗଟା ଜନ୍ତ ବିଡ୍ରାଟି ର ଜନ୍ତ ହାକୁ ଗୁଣିନି ହାଡ଼ାତଲେ ହାଡ଼ିମାଗାଣି ଝେଡେଏଁ “ଝାମ୍ବୁ!”

୨ ଏମ୍ବାଟିଏ ନାନୁ ସିନିକିଡେଏଁ ଅଡ଼େ ର ଦବଲ ଗଡ଼ା ଇଞ୍ଜା ତାନି ଲାକ ହଡ଼ାମାଗାଣି କେୟୁତା ର ଆମ୍ବୁ ଆସାମାଡେସି, ଅଡ଼େ ଏଝାଣାକି ର ଟଡ଼ପରି ହାପକିଆଡେ, ଅଡ଼େ ଏଝାସି ଜୀଣା ଆହାଁ ଜୀଣା ଆୟାଲି ହଡ଼ାହାଡେସି □

୩ ମେଣ୍ଡା ତାଲୁ ଏତିବେଲା ରୀ ଲମ୍ବର ମୁଦ୍ରା ଦେଡେସି, ଏତିବେଲା ଅଡ଼େ ରୀ ଲମ୍ବର ଜନ୍ତ ଏଲେଇଚାଣି ଝେଡେଏଁ “ଝାମ୍ବୁ,”

* ୫:୧୦ ୫:୧୦ ଝେ ବଲ୍ଲ ୧:୬

୪ ଏମ୍ବାଟିଏ ଅଡ଼େ ର ଗଡ଼ା ହଡ଼ା ଖାଡ଼େ, ଏଦି ନେତେରି ଖାଣାଗାଗାୟି; ଲକୁ ଏନିକିଁ ତାମ୍ବୁତାମ୍ବୁ ପାୟୁଝି ଆନେରି, ଏଦାଆଁତାକି ଦାରୁଡ଼ିଟି ହିଡ଼ଡ଼ି ହେକ କିହାଲି ତାନି ଲାକ ହଡ଼ାମାନାଣାକି ବାଡ଼ୁୟୁ ହାପୁକିଆଡ଼େ ଅଡ଼େ ଏଝାଣାକି କାଜା କାଣ୍ଡା ହାପୁକିଆଡ଼େ □

୫ ମେଣ୍ଡା ତାଲୁ ଏରିବେଲା ତାନି ଲମ୍ବର ମୁଦ୍ରା ଦେତେସି, ଏରିବେଲା ତାନି ଲମ୍ବର ଜନ୍ତ ଏଲେଇଞ୍ଜିମାନାଣି ଝେରେଏଁ, “ଝାହ୍ଣାଁ ସିନିକିମୁ” ଏମ୍ବାଟିଏ ନାନୁ ସିନିକିତେଏଁ, ମେହ୍ଦୁ ର କାଡ଼ିନି ଗଡ଼ା; ଅଡ଼େ ଏମ୍ବାଆଁ ହଡ଼ାମାନାଣି କେୟୁତା ର କେଜି ତୁକ୍‌ନାୟି ମାରେ □

୬ ଅଡ଼େ ନାନୁ, ସାରିଗଟା ଜନ୍ତୁଟି ଗୁଡ଼ିଟି ହଡ଼ି ଲେହେଁତି ର ହାଡ଼ା ଝେରେଏଁ; “ର ଟାକା ତାକି ର କେଜି ଗହଁ ଅଡ଼େ ତାନି କେଜି କାଝିଆ ଜନାୟିଁ ମେଡ଼ା ଆନୁ ସାମା ମାରୁ ଜାତ ମାରୁନୁତି ନିୟୁଁ ଅଡ଼େ ଅଜୁରି ରାସା ନସ୍ତ କିଆଦୁ □”

୭ ମେଣ୍ଡା ତାଲୁ ଏରିବେଲା ସାରି ଲମ୍ବର ମୁଦ୍ରା ଦେତେସି, ଇଞ୍ଜାଁ ନାନୁ ସାରି ଲମ୍ବର ଜନ୍ତ ଏଲେ ଇଞ୍ଜିମାଗାଣି ଝେରେଏଁ, “ଝାମ୍ବୁ!”

୮ ଏମ୍ବାଟିଏ ନାନୁ ସିନିକିତେଏଁ ଦାରୁମ୍ବୁ ଝାଣାଗାଟି ଗଡ଼ା, ତାନି ଲାକ ହଡ଼ାମାନାଣି ଦରୁ ହାକି, ଏଝାଣି ଜେଟ ଜେଟ ଦାରୁଡ଼ି ହାଜିମାରେ, ଏଝାଣାକି ଦାରୁଡ଼ିଟି ସାରି ବାଗା ବିଡ଼ା ର ବାଗା ମୁହେଁ କାଣ୍ଡା, ହାକି, ରଗ ଅଡ଼େ ଜାଡ଼ାଟି ଜନ୍ତୁ ଜାଝେଡ଼ିକା ତଲେ ପାୟାଲି ବାଡ଼ୁୟୁ ହାପୁକିଆଡ଼େ □

୯ ମେଣ୍ଡା ତାଲୁ ଏରିବେଲା ପାସା ଲମ୍ବର ମୁଦ୍ରା ଦେତେସି, ଏରିବେଲା ଆମିନି ଲକୁ ମାହାପୁରୁତି ବଲ୍ଲୁ ତାକି ଅଡ଼େ ଏଝାଣାକି ହାପୁକି ଆହାମାନି ସାକି ତାକି ହାହାମାରେରି, ଏଝାରି ଜାଝୁୟିଁ ନାନୁ ପୂଜାପିଣ୍ଡା ଡ଼କ ମେସ୍ତେଏଁ □

୧୦ ଏଝାରି କାଜା ଗିୟାଁତଲେ ହାଡ଼ିହେଁ ଏଲେ ଇଞ୍ଜିମାରେରି, “ସୁଦୁ ଅଡ଼େ ସାତା ପ୍ରବୁ, ନାନୁ ଏରରଦିନା ପାତେକା ଦାରୁଡ଼ିଟି ଲକୁଇଁ ନାହାଁୟି କିଆନା ମାଜେ ପାୟାଲି ତାକି ଏଝାଣାକି ତଣ୍ଡ ହାଆନା ପିହୁଦି ?”

୧୧ ଏରେଟିଏ ଏ ବାରେଜାଣା ତାକି ଦବଲା ହିମ୍ବରିକା ହାପୁକିଆଡ଼େ, ଇଞ୍ଜାଁ ଏଝାରି ତଲେତି ତାୟିୟାଁ ସେବା କିନାରି ଏରେଜାଣା ପାୟୁଝି ଆନି କାତା ପାୟୁଝି ଆଆପାତେକା ଏଝାଣାକି ଅଡ଼େ ଏରେଦିନା ଜମାଲି ଝେସ୍ପିଆଡ଼େ □

୧୨ ମେଣ୍ଡା ତାଲୁ ସି ଲମ୍ବର ମୁଦ୍ରା ଦେଟିମାଗାଟି ନାନୁ ମେସ୍ତେଏଁ; ଦେବୁଣିଏ ଆଜିହପେତି ବୁମି ଝାଡ଼ିତେ □ ଝେଡ଼ା କାଡ଼ିନି ଝାଣା ହିମ୍ବରି ଲେହେଁ ଆଡ଼େ, ଅଡ଼େ ଲେଞ୍ଜୁ ନେତେରି ଝାଣା ଆଡ଼େ □

୧୩ କାଜା ଗାଲି ଏନିକିଁ ମାରୁନୁଇଁ ଝାଡ଼ିହସାରେ ହିଇଲି ତୟା ପାଡ଼େୟିକା ତରଗିନି ଲେହେଁ ହାଗୁଲାକତି ହୁକାୟିଁ ଦାରୁଡ଼ିତା ତରଗା ହାରୁ □

୧୪ ହାଗୁପାକା ତଲୁ ପତି ରୁପୁଝି ଆଡ଼ି ଲେହେଁ ରୁପୁଝିଆହାଁ ମେଣ୍ଡାଖାହାରେ □ ଅଡ଼େ ହରକା ଇଞ୍ଜାଁ ସାମ୍ବୁରି ବିଡ଼ାମାନି ଇତି ଇତି ଦେସାୟିଁ ତାନି ଟାୟୁଟି ଗୁଟା ଆହାହାରୁ □

୧୫ ଅଡ଼େ ଦାରୁଡ଼ିଟି ରାଜାୟିଁ, ସାଲୁଝି କିନାରି, ଜୁଜୁକିନି କାଜାରି, ଦନ ଗାଗାରି, ବାଡ଼ୁୟୁ ଗାଗାରି, ହଲିୟାଞ୍ଜା ଅଡ଼େ ହଲିୟାଞ୍ଜା ଆଆତାରି ଏଝାରି ବାରେଜାଣା ପାଝୁତା ଇଞ୍ଜାଁ ହରକାଟି କାଜା ଝାଲୁକା ପାରୁଡ଼ା ଡ଼କ ହାଜାନା ଡ଼ଗୁଡ଼େରି □

୧୬ ଅଡ଼େ ଏଝାରି ହରକା ଇଞ୍ଜାଁ ଝାଲୁକାଣି ହାଡ଼ିହେଁ ଏଲେଇତେରି, “ମା ମୁହେଁ ତରଗାନା ସିଂଗାସାଣିତା କୁଗାମାନାଣି ତାଣାଟି ଅଡ଼େ ମେଣ୍ଡା ତାଲୁ କପାଟି ମାଜେ ଡ଼କୁହାମୁ □

୧୭ ଇତିହେଁ ଏଝାଣାକି ଆଜିହପେତି କପାଟି ଦିନା ଏଦାତେୟିଏ, ଇଞ୍ଜାଁ ଏମ୍ବାଆଁ ଆମ୍ବାଆସି ନିଚାଲି ଆଡ଼ିନେସି ?”



ଇସ୍ତାୟେଲତି ୧୪୪,୦୦୦ ଲକୁ

୧ ଏରେଟିଏ ନାନୁ ଦାରୁଡ଼ିଟି ସାରି କନତା ସାରିଗଟା ଦୁଡ଼ୁୟିଁଇଁ ନିଚାମାନାଣି ମେସ୍ତେଏଁ, ଅଡ଼େ ଦାରୁଡ଼ିଟି ସାରିଝାକିତି ଗାଲି ଆଞ୍ଜାମାନେରି, ଏରେଟିଏ ଦାରୁଡ଼ି ସାମ୍ବୁରି ଅଡ଼େ ଆମିନି ମାରୁନୁ ମୁହେଁ ଗାଲି ଝାଆପେଝା ଇଞ୍ଜାଁ ଗାଲିତି ଆଞ୍ଜାମାନେରି □

☆ ୭:୧୭ ୭:୧୭ ଝେ ବଲ୍ଲୁ ୧୧:୧୩; ୧୭:୧୮; ମାଟି ୨୪:୨୯; ମାର୍କି ୧୩:୨୪,୨୫; ଲୁକ ୨୧:୨୫ ☆ ୭:୧୭ ୭:୧୭ ଲୁକ ୨୩:୩୦

୨ ଅଡ଼େ ନାନୁ ର ଦୂତୁଇଁ ଝେଡ଼ା ହପୁଞ୍ଜାକିଟି ହଡ଼ାଞ୍ଜାତାଣି ମେସ୍ତେସ୍, ଏଦାନି କେମୁତା ଜୀଞ୍ଜୁତି ମାହାପୁରତି ବୁଟୁ ମୁଦ୍ରା ମାଟେ, ଏ ଦୂତୁ ଦାରତି ଅଡ଼େ ସାମଦୁରି ନସ୍ତ କିହାଲିତାକି ସାରିଗଟା ଦୂତୁକି ଅଦିକାରା ହାହାମାଟେ, ଏଦି କାଜା ଗିୟାତଲେ ହାଡ଼ାନା ଏଲେଇଟେ,

୩ "ମାମୁ ମାହାପୁରତି ସେବା କିନାରି ମୁଞ୍ଜୁତା ବୁଟୁ ମୁଦ୍ରା ନାବଗାଆ ପାତେକା ମୀରୁ ଦାରତି, ସାମଦୁରି, କି ମାରକାଣି ନସ୍ତ କିଆଡ଼ୁ □"

୪ ଏଟେଟିଏ ମୁଞ୍ଜୁତା ବୁଟୁ ମୁଦ୍ରା ନାବଗା କଡ଼ିତାରି ୧୪୪,୦୦୦ ଲକୁ ମାଟେରି ଇଞ୍ଜି ନାନୁ ଝେଟେସ୍ ଏଞ୍ଜାରି ଇସାୟେଲତି ବାର କୁଡ଼ାତି ଲକୁ ମାଟେରି □

୫ ଜୀହୁଦା କୁଡ଼ାଟି ବାର ମାଣା ଲକୁଇଁ ବୁଟୁ ମୁଦ୍ରା କିହାମାନେସି, ରୁବେନ କୁଡ଼ାଟି ବାର ମାଣା, ଗାଦ କୁଡ଼ାଟି ବାର ମାଣା,

୬ ଆସେର କୁଡ଼ାଟି ବାର ମାଣା, ନପ୍ତାଲି କୁଡ଼ାଟି ବାର ମାଣା, ମନସି କୁଡ଼ାଟି ବାର ମାଣା,

୭ ସିମିୟନ କୁଡ଼ାଟି ବାର ମାଣା, ଲେବି କୁଡ଼ାଟି ବାର ମାଣା, ଇସାକାର କୁଡ଼ାଟି ବାର ମାଣା,

୮ ସୁବୁଲୁନ୍ କୁଡ଼ାଟି ବାର ମାଣା, ଜସେପ କୁଡ଼ାଟି ବାର ମାଣା, ବିନ୍ୟାମିନ୍ କୁଡ଼ାଟି ବାର ମାଣା ଲକୁଇଁ ବୁଟୁ ମୁଦ୍ରା କିହାମାନେସି □

ଗାଡ଼ି ମାୟା ଲକୁ

୯ ଏଟେଟିଏ ନାନୁ ସିନିକିଡେସ୍ ମେହଦୁ ବାରେ ଜାଡ଼ି, ବାରେ କୁଡ଼ା, ବାରେ ଦେସା, ବାରେ ହାଡ଼ା, ଏଜିକିହାଲି ଆଡ଼ାଆଗାଟି ର ମାୟା ଲକୁ ଅଜିତି ଦବଲା ହିମ୍ବରିକା ହୁଚାନା କାଜୁରି ମାଟାୟା କେମୁତା ଆସାନା ସିଂଗାସାଣି ଅଡ଼େ ମେଣ୍ଡା ତାଲୁ ନକିତା ନିଚାମାନେରି □

୧୦ ଏଞ୍ଜାରି କାଜା ଗିୟାତଲେ ଏଲେଇଟେରି, "ଞ୍ଜାରଇ ସିଂଗାସାଣିତା କୁଗାମାନି ମାହାପୁରୁ ଅଡ଼େ ମେଣ୍ଡା ତାଲୁ ମାଙ୍ଗେ ଗେଲପାନାସି □"

୧୧ ସିଂଗାସାଣି, ପ୍ରାଚିନାଙ୍ଗା ଅଡ଼େ ବାରେ ସାରିଗଟା ଜନ୍ତ ସାରିସୁରୁ ଲାକପୁରତି ଦୂତୁୟା ନିଚାମାନେରି, ଅଡ଼େ ସିଂଗାସାଣି ନକିତା ମୁନୁ କୁଡାନା ମାହାପୁରୁଇଁ ଜହରା କିହାନା,

୧୨ ଏଲେଇଟେରି, "ଆମେନ ନେହାୟି, ଗାଞ୍ଜୁରମି, ବୁଦି, ଜହରା, ସାମ୍, ଅଦିକାରା ଅଡ଼େ ବାଡ଼ୁୟୁ, କାଲାକାଲା ତାକି ମା ମାହାପୁରୁଞ୍ଜାୟି! ଆମେନ □"

୧୩ ଅଡ଼େ ପ୍ରାଚିନାଙ୍ଗା ବିଡ୍ରାଟି ରଅସି ନାଙ୍ଗେ ଝେଞ୍ଜାଡେସି, "ଦବଲା ହିମ୍ବରିକା ହୁଚାମାନି ଇ ଲକୁ ଆମ୍ବାଆରି ? ଅଡ଼େ ଏଞ୍ଜାରି ଏମ୍ବିଟି ଝାଞ୍ଜାମାନେରି ?"

୧୪ ନାନୁ ଏଞ୍ଜାଣାଇଁ ଏଲେଇଟେସ୍, "ଏ ନା ପ୍ରୁ ନାନୁଏ ଏଦାଆଁ ପୁଞ୍ଜାମାଞ୍ଜି" ଏମ୍ବାଟିଏ ଏଞ୍ଜାସି ଏଲେଇଞ୍ଜାଡେସି, "ଇଞ୍ଜାରି ଆଜିହଡେପତି ସାସି ଅର୍ହାନା ହଡ଼ା ଝାହାମାନେରି, ଇଞ୍ଜା ମେଣ୍ଡା ତାଲୁତି ନେଡେରି ତଲେ ଏଞ୍ଜାରି ତାମି ହିମ୍ବରିକା ରାଡ଼ାନା ଦବଲା କିହାମାନେରି □

୧୫ ଏଦାଆଁତାକି ଏଞ୍ଜାରି ମାହାପୁରୁ ଇଲୁତି ସିଂଗାସାଣି ନକିତା ନିଚାନା ଲାଆଁ ମାଦେନା ଏଞ୍ଜାଣି ଜହରା କିନେରି, ଇଞ୍ଜା ସିଂଗାସାଣିତା କୁଗାମାନାସି ଏଞ୍ଜାରାକି ବାସାଗାୟୁ ହାନେସି □

୧୬ ଏଞ୍ଜାରାକି ଏଟେଲାଞ୍ଜା ହାକି କି ଏସକି ଆସ; ଇଞ୍ଜା କାରା କି ଏନି ଝେହନାୟି ତାଗାଲି ଆଡେଏ □

୧୭ ଇଟିହିଁ ସିଂଗାସାଣି ମାଦିତି ମେଣ୍ଡା ତାଲୁ ଏଞ୍ଜାରି ମେଣ୍ଡା ଗଡୁ ଆନେସି □ ଅଡ଼େ ଜୀଞ୍ଜୁହାନି ଏୟୁ ହଡ଼ିମାନି ତାଣା ଏଞ୍ଜାରାଇଁ ତାକିକିହା ଅନେସି, ଅଡ଼େ ମାହାପୁରୁ ଏଞ୍ଜାରି କାନୁତି ବାରେ କାଣ୍ଡୁ ଛେଜାଡୁହନେସି □"

୮

ସାଡ଼ା ଲମ୍ବର ସାଲି

୧ ମେଣ୍ଡା ତାଲୁ ଏରିବେଲା ସାଡ଼ା ଲମ୍ବର ମୁଦ୍ରା ଦେତି ଦେବୁଣିଏ ଲାକପୁରୁ ଆଦା ଗଟା ପାତେକା ସାପିଆଡେଟ □

୨ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାଡ଼ା ଜାଣା ଦୂତୁୟାଈଁ ମେସ୍ତେସ୍, ଏଞ୍ଜାରାକି ସାଡ଼ାଗଟା ତାଡ଼ି ମହୁରି ହାପୁକି ଆଡୁ □

☆ ୭:୧୪ ୭:୧୪ ମାଡି ୨୪:୨୧; ମାର୍କି ୧୩:୧୯

୩ ଏମ୍ବାଟିଏ ଅଡ଼େ ର ଦୁତୁ ଖାହାଁ ପିଣ୍ଡା ନକିତା ନିତେସି, ଏଝାଣି କେୟୁତା ବାଂଗାରା ଦୁପ୍ପଣି ସାଡ଼ଝା ମାତେ, ଅଡ଼େ ସିଂଗାସାଣି ନକିତି ବାଂଗାରା ପୂଜାପିଣ୍ଡା ଲାକ ବାରେ ମାହାପୁରୁ ଲକ୍ଷ୍ମି ପ୍ରାଡ଼ାନା ତଲେ ହେରପାଲି ତାକି ହାରେକା ଦୁପ୍ପଣି ହାପକିଆଡ଼େ □

୪ ଏମ୍ବାଟିଏ ଲାକପୁରୁ ଦୁତୁ କେୟୁତି ଦୁପ୍ପଣି ବୟ୍ଁ ମାହାପୁରୁ ଲକ୍ଷ୍ମି ପ୍ରାଡ଼ାନା ତଲେ ଆଣ୍ଡାନା ମାହାପୁରୁ ନକିତା ଏଗାଡ଼େ □

୫ ତାୟୁ ଏ ଦୁତୁ ଦୁପ୍ପଣି ସାଡ଼ଝାତା ପୂଜା ପିଣ୍ଡାଟି ହିତୁତଲେ ନେଞ୍ଜିକିହାନା ଦାରୁତି ଲାକ ଡ଼ାଞ୍ଜିତେସି, ଏମ୍ବାଟି ହାଗୁ ଗୁଣ୍ଡେତେ ବିଜା ରିନିହାଡ଼ା ଝେଞ୍ଜିତେ ଇଞ୍ଜା ବୁମି ଖାଡ଼ିତେ □

ତାତ୍ରି ଉକିନାୟି

୬ ଏତିବେଲା ସାଡ଼ା ଜାଣା ତାତ୍ରି ଆସାମାନି ଦୁତୁୟାଁ ସାଡ଼ା ଜାଣା ତାତ୍ରି ଉକାଲି ତିୟାରା ଆଡ଼େତି □

୭ ର ଲମ୍ବର ଦୁତୁ ତାନି ତାତ୍ରି ଉକିତେସି ଏଚେଟିଏ ନେତେରି ତଲେ ଆଜିୟାଁ ଅଡ଼େ ହିତୁ ଆଣ୍ଡି ଆହାଁ ଦାରୁତି ଲାକ ରିତୁ, ଇଞ୍ଜା ବାରେ ମାରୁନୁ ମାଡ଼ା, ହିଇଲି ଜାଡ଼ା ତଲେ ଦାରୁତିତି ତାନି ବାଗାଟି ର ବାଗା ବାରେ ଝେହା ହାଡ଼େ □

୮ ଏଚେଟିଏ ରା ଲମ୍ବର ଦୁତୁ ତାନି ତାତ୍ରି ଉକିନି ଦେବୁଣିଏ ଡ଼ାଞ୍ଜିମାନି ର କାଜା ହରୁ ଲେହେଁତାୟି ସାମ୍ବୁରି ଲାକ ରାତେ ଇଞ୍ଜା ସାମ୍ବୁରିତି ଏୟୁ ତାନି ବାଗାଟି ର ବାଗା ନେତେରି ଆହାହାତୁ □

୯ ସାମ୍ବୁରିତା ମାନି ତାନି ବାଗାଟି ର ବାଗା ଜୀଝୁ ଗାଗଲ ହାହାହାତୁ, ଅଡ଼େ ସାମ୍ବୁରିତା ମାନି ଜାଜାୟାଁ ତାନି ବାଗାଟି ର ବାଗା ଜାଜାୟାଁ ବିଡ଼ହାହାତୁ □

୧୦ ତାନି ଲମ୍ବର ଦୁତୁ ତାତ୍ରି ଉକିତେସି, ଇଞ୍ଜା ଦେବୁଣିଏ ହିତୁ ବନ୍ଦାଲେହେଁ ଡ଼ାଞ୍ଜିମାନି ର କାଜା ହୁକା ହାଗୁଟି ତାନି ବାଗା କାଡ଼ା ଅଡ଼େ ଉସାଣାଁ ରାତେ □

୧୧ ଏ ହୁକାଟି ଦରୁ “କାମ୍ବେଲି” ଏଚେଟିଏ ତାନି ବାଗାଟିଏ ର ବାଗା ଏୟୁ କାମ୍ବେଲି ଆତୁ, ଇଞ୍ଜା ହାରେକା ଲକ୍ଷ୍ମି ଏୟୁ ଗସାନା ହାଡ଼େତି, ଇତିହଁ ଏଞ୍ଜି କାମ୍ବେଲି କିଞ୍ଜି ଆହାମାତୁ □

୧୨ ସାରି ଲମ୍ବର ଦୁତୁ ତାତ୍ରି ଉକିତେସି ଇଞ୍ଜା ଝେଡ଼ା, ଲେଞ୍ଜୁ, ହୁକାୟାଁତି ବାରେ ତାନି ବାଗାଟି ର ବାଗା ନସ୍ତୁ ଆତୁ, ଇଞ୍ଜା ତାନି ବାଗାଟି ର ବାଗା ଉଜେଡ଼ି ଉଣା ଆଡ଼େ, ଇଞ୍ଜା ଲାଆଁୟାଁ ମାଦେନା ତାନି ବାଗାଟି ର ବାଗା ଉଜେଡ଼ି ଉଣା ଆଡ଼େ □

୧୩ ତାୟୁ ନାନୁ ମେସ୍ତେସ୍, ହାଗୁତି ମାତି ଉମ୍ବିମାନି ର ଲେଡ଼ୁ କାଜା ହାଡ଼ାତଲେ ଏଲେଇଞ୍ଜିମାତାଣି ଝେବେସ୍, “ଆହା! ଦାରୁତିତା ବାସା ଆହାମାନି ଲକ୍ଷ୍ମି ଆଜିହପେତି ତଣ୍ଡ ବେଗାଆନାରି, ଇତିହଁ ଅଡ଼େ ତାନି ଜାଣା ଦୁତୁୟାଁ ତାତ୍ରି ଉକାଲି ହାଜିମାନେରି □”



୧୪ ଏଚେଟିଏ ପାସା ଲମ୍ବର ଦୁତୁ ତାତ୍ରି ଉକିତେସି ନାନୁ ର ହୁକା ହାଗୁଟି ଦାରୁତିତା ରିତାଣି ମେସ୍ତେସ୍, ଏଝାଣାକି ତାଡ଼େପୁରୁତି କୁଟିକାଡ଼ି ହାପକି ଆହାମାତେ □

୧୫ ଏଝାସି ଏ ତାଡ଼େପୁରୁ ଗାଡ଼ୁୟୁ ଦେଗାଲିଏ ଏମ୍ବାଟି କାଜା ହଲୁତା ହନିଲେହେଁ ବୟ୍ଁ ହଡ଼ାଝାତେ, ଇଞ୍ଜା ଏ ହିତୁ ଗାଡ଼ୁୟୁତି ବୟ୍ଁ ତାକି ଝେଡ଼ା ଇଞ୍ଜା ହାଗୁ ଆଦେରି ଆଡ଼େ □

୧୬ ଏ ବୟ୍ଁ ଟି ଗପ୍ପବରିକା ହଡ଼ାନା ଦାରୁତିତା ଝାଡ଼ୁ, ଏଝାସିକାକି ଦାରୁତିତି କାଚାକୁପିତା ମାନି ବାସାତି ବାଡ଼ୁୟୁ ହାପକିଆଡ଼େ □

୧୭ ଏଞ୍ଜି ଦାରୁତିତି ମାରୁକା ଗଗା ଜାଡ଼ାତି ନସ୍ତୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁତୁ ମୁଦା ହିଲାଆତେ ଏଝାରାଇଁ କସ୍ତ ହାହାଲି ଏଲେଇଞ୍ଜିମ୍ବି ଆଡ଼େ □

୧୮ ଏଝାରାଇଁ ପାୟାଆନା ପାସା ଲେଞ୍ଜୁ ତାକି କସ୍ତ ହାହାଲି ଗପ୍ପବରିକାକି ଅଦିକାରା ହାପକିଆଡ଼େ, କାଚାକୁପି କାଚିତେ ଇତିସାରେ ଏନିକଁ ବାସା ଆନେ ଏ କସ୍ତ ଏଲେତାୟି □

୧୯ ଏତିବେଲା ଲକ୍ଷ୍ମି ହାହାଲି ଅଣ୍ଡିନେରି ସାମା ହାଅରି, ଏଝାରି ହାହାଲି ଅଣ୍ଡିନେରି, ସାମା ହାକି ଏଝାରି ତାଣାଟି ହଡ଼ାତୁହନେ □

୨୦ ଏ ଗପ୍ପବରିକା ଜୁଜୁତା ହାଜାଲି ତିୟାରା ଆହାମାନି ଗଡ଼ାୟାଁ ଲେହେଁ ତଞ୍ଜାଆହିମାତୁ, ଏଝାସିକା ତାକାଣା ବାଂଗାରା ଚପେରି ଲେହେଁ ପିଡ଼ୁଟି ଆହାମାତେ, ଏଝାସିକା ମୁମ୍ବୁ ମାଣସି ମୁମ୍ବୁ ଲେହେଁ ମାତେ □

୨୧ ଲୟାସିକା ତାୟୁ ବାଣାୟାଁ ଲେହେଁ ଏଝାସିକା ବାଣାୟାଁ, ସିହଁ କ୍ଷାଣିତି ପାଲ୍ଲକା ଲେହେଁତି ତାମି ପାଲ୍ଲକା ମାତୁ □

୯ ତାନି ବକତା ଲହ ପାଟା ଲେହେଁତି ପାଟା, ତାନି ମାରାୟାଁ ଖାତିମାନି ହାଡ଼ା ଜୁଜୁ ତାକି ଗଡ଼ାୟାଁ ରାତାୟାଁଣି ରେଜା ଅହିମାନି ଲେହେଁତି ହାଡ଼ା □

୧୦ କାଚାକୁପିତି ଲେଂଗୁଣି ଇଞ୍ଜା ବାସା ସୁଜା ଲେହେଁ ଏଞ୍ଜାସିକାକି ଲେଂଗୁଣି ଅଡ଼େ ବାସା ସୁଜା ମାଚେ, ପାସା ଲେଞ୍ଜୁ ତାକି ମାଣସିୟାଈଁ ସାସ୍ତି ହିୟାଲି ଏଞ୍ଜାସିକା ଲେଂଗୁଣିକାଣା ବାଡ଼ୁୟୁ ବେଟାଆହାମାଚୁ □

୧୧ ଏଞ୍ଜାସିକା ମୁହେଁ ର ରାଜା ସାଲୁଝି କିହିମାନେସି, ଏଞ୍ଜାସି ତାଡ଼େପୁରୁ ଗାଡ଼ୁୟୁତି ଦୁଡୁ, ଏଦାନି ଦରୁ ଏଡ଼ି ହାଡ଼ାତଲେ ଆବାଦନ୍ ଅଡ଼େ ଗ୍ରିକ୍ ହାଡ଼ାତଲେ ଅପଲିୟନ୍ ଇତିସାରେ “ନାସା କିନାଲ □”

୧୨ ତଲିତି ଆଜିହପେତି ତଣ୍ଡ ଉଣା ଆଡେ ଅଡ଼େ ଜଡ଼େକା ଆଜିହପେତି ତଣ୍ଡୟାଁ ଖାହିମାନୁ □

୧୩ ସ ଲମ୍ବର ଦୁଡୁ ତୀତ୍ରି ଉକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗାରା ପୂଜା ପିଣ୍ଡାତି ସାରିଗଟା କମକା ବିଡ୍ରାତି ର ହାଡ଼ା ଝେଚେଏଁ □

୧୪ ଏଞ୍ଜାସି ତୀତ୍ରି ଆସାମାନି ସ ଲମ୍ବର ଦୁଡୁଇଁ ଏଲେଇଚେସି, “ପରାଡ଼ କାଜା କାତାତା ଦସ୍ପି ଆହାମାନି ସାରି ଜାଣା ଦୁଡୁୟାଁଇଁ ପିସ୍ପି କିମ୍ପୁ □”

୧୫ ଏମ୍ବାଟିଏ ମାଣସିୟାଈଁ ତାନି ବାଗାଟି ର ବାଗା ଲକୁଇଁ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୁଡୁୟାଁଇଁ ଏ ଦିନା, ଲେଞ୍ଜୁ, ଅଡ଼େ ବାର୍ଯା କିଞ୍ଜି ଆହାମାଚେ ଏଞ୍ଜାରାଇଁ ପିସ୍ପି କିଞ୍ଜିଆଡେ □

୧୬ ଗଡ଼ାୟାଁ ଲାକ କୁଗାନା ଜୁଜୁ କିନାରି ରା କଟି ମାଚେରି ନାନୁ ଝେଚେଏଁ □

୧୭ ଅଡ଼େ ନାନୁ ଗଡ଼ା ଇଞ୍ଜା ଏମ୍ବାଆଁ ହଡ଼ାମାନାରାଇଁ ମେସ୍ତେଏଁ, ଏଞ୍ଜାରି ବକ ପାଟା ହିଚୁ ଅଡ଼େ ନାଲି, ହାଜେରି ଖାଣା; ଗଡ଼ାୟାଁତି ତାକାଁ ସିହଂକ୍ଷାଣି ତାକାଁ ଲେହେଁ, ଇଞ୍ଜା ଏଞ୍ଜାସିକା ଗୁତିଚି ହିଚୁ, ବୟ୍, ଅଡ଼େ ଗାନ୍ଦାଗୁଣ୍ଡା ହଡ଼ିମାଚେ □

୧୮ ଏଞ୍ଜାସିକା ଗୁତିଚି ହିଚୁ, ବୟ୍, ଅଡ଼େ ଗାନ୍ଦାଗୁଣ୍ଡା ଲେହେଁ ଇ ତାନିଗଟା ତଣ୍ଡୟାଁ ହଚୁ, ଇ ତଣ୍ଡୟାଁତି ମାଣସିୟାଁ ତାନି ବାଗାଟି ର ବାଗା ପାୟାଞ୍ଜି ଆଡେଚି □

୧୯ ଏନାଆଁତାକି ଇଚିହଁ ଗଡ଼ାୟାଁତି ବାଡ଼ୁୟୁ ତାନି ଗୁତି ଅଡ଼େ ଲେଂଗୁଣିତା ମାଚେ, ଇଚିହଁ ଏଞ୍ଜାସିକା ଲେଂଗୁଣିକା ତାୟ୍ ଗାଟି ରାଚୁ ଲେହେଁ ମାଚାକି ତାନି ଲେଂଗୁଣିକା ତଲେ ଲକୁଣି ନସ୍ପ କିହିମାଚୁ □

୨୦ ଆମିନି ଲକୁ ଇ କସ୍ତତଲେ ପାୟାଞ୍ଜି ଆହା ହିଲାଆଡେଚି, ଏଞ୍ଜାରି ତାନି କେୟୁତଲେ କିତି କାମାତାକି ମନ ଝେବ୍ପି କିଆଡେଚି, ଇଚିହଁ ବୁଡୁୟାଁଣି ପୂଜା, ଅଡ଼େ ମେସାଲି, ଝେଞ୍ଜାଲି, ତାକାଲି ଆଡ଼ାଆଗାଟି ବାଂଗାରା, ଝେଣ୍ଡି, ପିତାଡ଼ା, ଖାଲକା ଅଡ଼େ ମାରକା ତଲେ କେପିତି ପେଣକା ବମାୟାଁଣି ପୂଜା କିହାଲି ପିହୁଆଡେଚି □

୨୧ ଅଡ଼େ ଏଞ୍ଜାରି ଲକୁଣି ପାୟନାୟି, ଗୁଣି ଗାରଡ଼ି, ଦାରିକାମା, ଅଡ଼େ ସରୁ କାମା କିନିତାଣାଟି ମନ ଝେବ୍ପିଆଡେଚି □

୧୦

ଲାକପୁରୁତି ଦୁଡୁ ଅଡ଼େ ରୁପିତି ଉଣା ପତି

୧ ଏଚେଟିଏ ନାନୁ ର ବାଡ଼ୁୟୁଗାଟି ଦୁଡୁଇଁ ଲାକପୁରୁତି ଚେଟା ଖାହିମାଚାଣି ମେସ୍ତେଏଁ, ଏଞ୍ଜାଣି ସାରିସୁଚୁ ଦୁହା ଇଞ୍ଜା ତାନି ତାୟ୍ ଲାକ ଦାରଣକି ଅଡ଼େ ତାନି ମୁମ୍ପୁଝେଡ଼ା ଲେହେଁ ଅଡ଼େ ତାନି କତାୟାଁ ହିଚୁ ମୁଣ୍ଡାଲେହେଁ ତଞ୍ଜାଆହିମାଚୁ;

୨ ତାନି କେୟୁତା ଦେପି ଆହାମାନି ର ଉଣା ତଲୁ ପତି, ଏଞ୍ଜାସି ତାନି ଚିଠିନି କତା ସାମ୍ପଦୁରିତା ଅଡ଼େ ଚେଡ଼ି କତା ଦାରତିତା ଇଗାମାଚେସି;

୩ ସିହଂକ୍ଷାଣି ଗାଜିନିଲେହେଁ କାଜା ହାଡ଼ାତଲେ ହାଟିତେସି, ଏଞ୍ଜାସି ହାଟାଲିଏ ଏଲେକିହଁଏ ସାଡ଼ାଗଟା ହାଗୁ ଗୁଣନାଲ ତାନି ହାଡ଼ା ଝେଜି କିଚୁ □

୪ ଏ ସାଡ଼ାଗଟା ହାଗୁ ଗୁଣନାଲ ଝେସାଲିଏ ନାନୁ ରାଡ଼ିଇଁ ଇଞ୍ଜା ତିୟାରା ଆଡେଏଁ, ଏଚେଟିଏ ନା ତାକି ହାଗୁଚି ଇ ହାଡ଼ା ଝେଚେଏଁ, “ଏ ସାଡ଼ାଗଟା ହାଗୁ ଗୁଣନିତାଣାଟି ଏନାଆଁ ଝେଞ୍ଜାମାଞ୍ଜି ଏଦାଆଁ ରାଡ଼ାଆନା ଡ଼କ୍ତୁହା ଇଗାମ୍ପୁ □”

୫ ଏଚେଟିଏ ଆମିନି ଦୁଡୁଇଁ ସାମ୍ପଦୁରି ଅଡ଼େ ଦାରତି ଲାକ ନିଚାମାଚାଣି ନାନୁ ମେସାମାଚେଏଁ, ଏଞ୍ଜାସି ତାନି ଚିଠିନି କେୟୁ ଲାକପୁରୁ ଖାକି ଦାସାନା

୬ ଆମ୍ବାଆସି ଲାକପୁରୁ, ଦାରତି, ସାମ୍ପଦୁରି, ଅଡ଼େ ଏମ୍ବାଆଁ ମାନାଣି ବାରେ ଗାଡ଼ି କିହାମାନେସି, ଏ କାଲେଏ ତାକି ନାତାମାନାଣି ଦରୁଚି ପାର୍ମାଣା କିହାନା ଏଲେଇଚେସି, “ଅଡ଼େ ଝେଡ଼ା ଆଏଦେଁ”

୭ ଏଚିବେଲାତା ସାତା ଲମ୍ବର ଦୁତୁ ତାଡ଼ି ଉକିନେସି, ମାହାପୁରୁ ଅଣପୁତି ବଲ୍ଲ ଝେକନାରି ଅଡ଼େ ତାନି ସେବା କିନାରାଇଁ ନେହୁଁ କାରୁ ଝେସାମାରେସି, ଏଚିବେଲା ମାହାପୁରୁ ତାନି ତୁଗୁମାନି ଅଣପୁ ପୁରା କିନେସି □

୮ ଇଞ୍ଜା ନାନୁ ଲାକପୁରୁଟି ଆମିନି ହାଡ଼ା ଝେଞ୍ଜା ମାରେସୁଁ, ଅଡ଼େ ଝେଣ୍ଡେ ନା.ତାକି ଏଲେଇଞ୍ଜି ଝେଞ୍ଜାତେ, “ହାଲାମ୍, ସାମ୍ପୁରି ଅଡ଼େ ଦାରୁତି ଲାକ ନିଚାମାନି ଦୁତୁ କେୟୁତା ଆମିନି ତଲୁ ପତି ଦେପିଆହାମାନେ ଏଦାଆଁ ଅମ୍ମୁ □”

୯ ଏଚେଟିଏ ନାନୁ ଏ. ଦୁତୁ ତାଗେ ହାଜାହୁଁ ଏ. ଉଣା ତଲୁ ପତିତି ରାସ୍ତେସୁଁ, ଏଝାସି ନାଞ୍ଜେ ଏଲେଇଞ୍ଜାତେସି, “ଇଦାଆଁ ଅହୁଁ ତିନାମ୍; ଇଦି ନୀ ବାଣ୍ଡିତି କାମ୍ବେଲି କିୟାନେ ସାମା ନୀ ଗୁତି ତାକି କିରୁୟାଁ ଲେହେଁ ଆନେ □”

୧୦ ଏଚେଟିଏ ନାନୁ ଦୁତୁ କେୟୁତି ଏ. ଉଣା ତଲୁ ପତି ଅହୁଁ ତିଚେସୁଁ, ଏଦି ନା. ଗୁତି ତାକି କିରୁୟାଁ ଲେହେଁ ଆଡ଼େ, ସାମା ଏଦାଆଁ ତିଚି ତାୟୁ ନା ବାଣ୍ଡି କାମ୍ବେଲି ଆହାହାଚେ □

୧୧ ଏଚେଟିଏ ନାଞ୍ଜେ ଏଲେଇଞ୍ଜି ଝେସାତେସି ହାଚେରକା ଗଚି, କୁଡ଼ା, ହାଡ଼ା ଗାଚାରି ଅଡ଼େ ରାଜାୟାଁ କପାଚି ତାୟୁ ଏନାୟି ଗଚଝି ଆନେ ଏଦାଆଁ ନାନୁ ଅଡ଼େ ଝେଣ୍ଡେ ଝେହନାୟି ମାନେ □

୧୧

ରିଆରି ସାକି ହାନାରି

୧ ଏଚେଟିଏ ନାଞ୍ଜେ ଲାଡ଼ିନି ଲେହେଁତି ର. ବାଡ଼ଗା ହାପୁକିଆଡ଼େ, ରଅସି ନାଞ୍ଜେ ଏଲେଇଞ୍ଜାତେସି, “ହାଲାମ୍, ମାହାପୁରୁ ଦେଝୁଡ଼ି, ପୂଜାପିଣ୍ଡା ଲାଡ଼ାମ୍ ଅଡ଼େ ଆମ୍ବାଆରି ଏମ୍ବାଆଁ ପ୍ରାତାନା କିନେରି ଏଝାରାଇଁ ଏଜକମ୍ମୁ □

୨*ସାମା ଦେଝୁଡ଼ି ପାଞ୍ଜାତି ଆଂଗେଣିତି ପିହମ୍ ଏଦାଆଁ ଲାଡ଼ାଆନି, ଇଚିହୁଁ ଏଦି ଜୀହୁଦିଆଆତାରାକି ହାପୁକି ଆହାମାନେ, ଏଝାରି ରୀ କଡ଼ି ରୀ ଲେଞ୍ଜୁ ପାତେକା ମାହାପୁରୁ ସୁଦୁ ଗାଡ଼ାତି କଡ଼ାତଲେ ଝିସାନା ଦୁଡ଼ି କିନେରି □

୩ ଅଡ଼େ ନାନୁ ନା.ରୀ ସାକିୟାଁଇଁ ପାଣ୍ଡିଇଁ ଏଝାରି ବାସ୍ତାୟାଁ ପରହାନା ୧,୨୭୦ ଦିନା ପାତେକା ମାହାପୁରୁ ଅଣପୁତି ବଲ୍ଲ ଝେକନେରି □”

୪ ଏଝାରି ଦାରୁତିତି ପ୍ରବୁତି ନକିତା ନିଚାମାନି ରୀ ଜାତ ମାରୁକା ଅଡ଼େ ରୀ ଦୀଝିଁ ସଡ଼ାୟାଁ ଲେହେଁତାରି □

୫ ଆମ୍ବାଆସି ଏଝାରାଇଁ ନସ୍ତୁ କିହାଲି ଅଣପିନେସି, ଆତିହୁଁ ଏଝାରି ଗୁଡ଼ିଚି ହିରୁ ହଡ଼ାହୁଁ ଏଝାରି ସାଡ଼ୁୟାଁଇଁ ନାସାକିନେ, ଆମ୍ବାଆସି ଏଝାରାଇଁ ନସ୍ତୁ କିହାଲି ଅଣପିତିହୁଁ, ଏଝାସି ନାସା ଆନେସି □

୬ ଏଝାରି ମାହାପୁରୁ ବଲ୍ଲ ଝେକନାଟି ଏନିକିଁ ପିୟୁ ଆଏ ଏଦାଆଁତାକି ହାଗୁଡ଼ି ସୁଣ୍ଡାଲି ଅଦିକାରା ହାପୁକି ଆହାମାନେ, ଏଚର ଦେବା ଏଝାରି ମନୁ ଆନେ ଏଚର ଦେବା ଏଝାରି ଏୟୁଣି ନେତେରି ମିୟୁହାଲି ଅଡ଼େ ଦାରୁତିତି ଏନି ଇଚି ଏଲେତି ମରଡ଼ି ତଲେ ତଣ୍ଡ ହାହାଲି ଏଝାରାକି ଅଦିକାରା ମାନେ □

୭*ଏଝାରି ସାକି ହାହାଲି ରାଡ଼ି ତାୟୁ ତାଡ଼େପୁରୁ ଗାଡ଼ୁୟୁଚି ର. ଜନ୍ତୁ ହଡ଼ାଝାହାନା, ଏଝାରିତଲେ ଜୁଜୁ କିନେ □

୮ ଏମ୍ବାତି ଏମିନି କାଜା ଗାଡ଼ା ସୁଦୁଜାସୁ ତଲେ ସଦମ ଅଡ଼େ ମିସର ଇଞ୍ଜୁଁ ଇନେରି, ଏମିନିତାଣା ତାମି ପ୍ରବୁ ଜିକେଏ ପାସିତା ହାହାମାରେସି, ଏ.କାଜା ଗାଡ଼ାତି ଆଂଗେଣିତା ଏଝାରି ମାଡ଼ହାୟାଁ ତୁୟିନୁ □

୯ ଅଡ଼େ ବାରେ ଦେସା ଗଚି, ହାଡ଼ା, ଇଞ୍ଜା କୁଲୁଡ଼ି ଲକୁ ତାନିଦିନା ଆଦା ପାତେକା ଏଝାରି ମାଡ଼ହାୟାଁଇଁ ମେହନେରି ଅଡ଼େ ଏ.ମାଡ଼ହାୟାଁଇଁ ମୁସାଲି ହେଲ ହାଅରି □

୧୦ ଏଚେଟିଏ ଦାରୁତିତା ବାସା ଆହାମାନାରି ଏଝାରି ହାଡ଼ି କାରୁ ଝେଞ୍ଜାନା ତିଞ୍ଜି ଉଣ୍ଡିହୁଁ ରାହୁଁ କିନେରି, ଅଡ଼େ ରଅସି ରଅଣାକି ରାହୁଁତଲେ ବେଟୁ ହାପୁକି ଆନେରି, ଇଚିହୁଁ ଇ ରୀ ମାହାପୁରୁ ଅଣପୁତି ବଲ୍ଲ ଝେହନାରି ଦାରୁତିତି ଲକ୍ଷଣି କସ୍ତ ହାହିମାଚେରି □

୧୧ ତାନିଦିନା ଆଦା ତାୟୁ ମାହାପୁରୁ ତାଣାଟି ଜୀଝୁତି ଗାଲି ଝାହୁଁ ଏଝାରି ଆଜ୍ଞାତା ହଚେ, ଏଚେଟିଏ ଏଝାରି କଡ଼ାଣି ବାଡ଼ୁୟୁ କିହାନା ନିତେରି, ଅଡ଼େ ଆମ୍ବାଆରି ଇ କାମାତି ମେସ୍ତେରି ଏଝାରି ଆଜାହାଚେରି □

☆ ୧୧:୨ ୧୧:୨ ଲୁକ ୨୧:୨୪ ☆ ୧୧:୭ ୧୧:୭ ଝେ ବଲ୍ଲ ୧୩:୫-୭; ୧୭:୮

୧୬ ଏତେଟିଏ ଏଞ୍ଜାରି ଲାକପୁରୁଟି ର କାଜା ହାତାତଲେ ଏ ରିଆରାକି ଏଲେ ଇଞ୍ଜିମାତାଣି ଝେଚେରି, "ଇମ୍ପାଆଁ ଖାଦୁ" ଏତେଟିଏ ଏଞ୍ଜାରି ତାନି ସାତୁୟାଁ ଏଞ୍ଜାରାଇଁ ମେସପନିଏ ଦୁନ୍ଦା ତଲେ ଲାକପୁରୁ ହାଚେରି □

୧୭ ✧ଏ ଦେବୁଣିଏ ବୁନି ହାଚେରକା ଖାଡିତେ ଅଡେ ଗାଡାଡି ଦସ ବାଗାଟି ର ବାଗା ନାସା ଆଡେ, ଅଡେ ୭,୦୦୦ ଲକ୍ଷ ହାଡେରି, ଇଞ୍ଜାଁ ଏତେକା ଲକ୍ଷ ନୀତାମାଚେରି ଆଜିତାକି ଲାକପୁରୁଟି ମାହାପୁରୁଇଁ ଗାଧୁରିନି କିତେରି □

୧୮ ରୀ ଲମ୍ବର ଆଜିହପେତି ତଣ୍ଡ ରାଡେ, ସାମା ତାନି ଲମ୍ବର ଆଜିହପେତି ତଣ୍ଡ ତବେ ଖାହିମାନେ □

ସାତା ଲମ୍ବର ତୀତ୍ରି ମହୁରି

୧୯ ତାୟୁ ସାତା ଲମ୍ବର ଦୁତୁ ତୀତ୍ରି ଉକିତେସି ଇଞ୍ଜାଁ ଲାକପୁରୁ କାଜା ହାତାତଲେ ଇ ହାତା ଝେଜିତେ, "ମା ପ୍ରଭୁ ଅଡେ ଏଞ୍ଜାଣି ମସିହା ଦାରତତି ସାଲୁଝି କିନି ଅଦିକାରା ନୀଏଁ ତାନି କେୟୁତା ଅହାମାନେସି, ଏଞ୍ଜାସି କାଲେଏ ତାକି ରାଜି କିନେସି □"

୧୯ ଏତେଟିଏ ମାହାପୁରୁ ନକିତା ଜାହା ଜାହାରା ସିଂଗାସାଣିତା କୁଗାମାନି କଡେ ସାରି ଜାଣା ପ୍ରାତିନାଜା ମୁନୁ କୁତାହାଁ ମାହାପୁରୁଇଁ ଜହରା କିହାଁ,

୧୯ ଏଲେଇଚେରି,

"ପ୍ରଭୁ, ବାରେକିହାଁ ବାଡୁୟୁଗାଟି ମାହାପୁରୁ, ନୀନୁ ନୀଏଁ ଅଡେ ତଲିତାତି, ମାମ୍ବୁ ନିଜେ ଜହରା କିହମାଞ୍ଜାନମି;

ଏନାଆଁତାକି ଇତହଁ ନୀନୁ ନୀ କାଜା ବାଡୁୟୁ ତଲେ ସାଲୁଝି କିୟାଲି ଅଦିକାରା ନୀଞ୍ଜୁଟିଏ ଅହାମାଞ୍ଜି □

୧୮ ଜୀହୁଦିଆଆତାରି କାରୁରି ଆହାମାଚେରି,

ସାମା ନୀଏଁ ନୀ କପା ଆନି ଦିନା ଖାଡେ, ଇଞ୍ଜାଁ ହାତାରି ନୀଏଁ ନୀହାୟି କିଝିଆନେରି,

ଇଞ୍ଜାଁ ନୀ ହଲିୟାଜା ମାହାପୁରୁ ଅଣପୁତି ବଲ୍ଲ ଝେହନାରି, ମାହାପୁରୁ ଲକ୍ଷ, ଅଡେ ନୀ ଦରୁତି ଆଜିନି କାଜାରି ଇତାରି ବାରେ ଲକ୍ଷ ଦାନା ବେଟାଆନେରି, ଅଡେ ଆମ୍ବାଆରି ଦାରତତି ନାସା କିନେରି ଏଞ୍ଜାରି ଜିକେଏ ନାସା ଆନେରି □"

୧୯ ✧ଏତେଟିଏ ଲାକପୁରୁ ମାନି ମାହାପୁରୁ ଇଲୁତି ଦାରା ଦେପିଆଡେ, ଅଡେ ତାନି ଇଲୁତା ମାନି ରାଜିମାନାତି ପେଡା ତଞ୍ଜାଆଡେ, ଅଡେ ବିଲିବାଲା ମୁହନାୟି, ହାଡେରକା ଗିୟାଁ, ହାଗୁ ଗୁଣିନି ହାଡା, ଇଞ୍ଜାଁ ବୁନି ଖାଡିତେ ଅଡେ ହାଚେରକା ଆଜିୟାଁ ରିତୁ □

୧୨

ଆୟାଟି ଅଡେ ରାତୁ

୧ ତାୟୁ କାବାଆନି ଲେହେତି ସିନା ହାଗୁତା ତଞ୍ଜାଆଡେ, ର ଆୟାଟି ଲେଞ୍ଜୁ ଲାକ ନିତାମାଚେ ଅଡେ ଝେଡାଡି ଉଜେଡି ପରହାମାଚେ □ ଏଦାଣି ତାୟୁଁ ତୁ ବାରଗଟା ହୁକାୟାଁଗାଟି ଟପେରି ମାଚେ □

୨ ଏଡି ପୁରା ମାସା ଆହାନା ଜାନି କିନି ବେଲାତା ଲୁଞ୍ଜିନି ବାସା ତାକି କସ ବେଟାଆହିମାଚେ □

୩ ଏଟିବେଲା ହାଗୁ ଲାକ କାବାଆନି ର ସିନା ତଞ୍ଜାଆଡେ, ଏମ୍ବାଆଁ ପାତୁ ଖାଣାଗାଟି କାଜା ରାତୁ ଏ ରାତୁକି ସାତାଗଟା ତାକାଁ, ଇଞ୍ଜାଁ ଦସଗଟା କମ୍ବକା, ଅଡେ ତାକାଁ ଲାକ ସାତାଗଟା ଟପେରିକା ମାତୁ □

୪ ତାନି ଲେଂଗୁଣି ତଲେ ହାଗୁତି ତାନି ବାଗା ହୁକାୟାଁଣି ଦାରତି ଲାକ ମେଡହେ, ଇଞ୍ଜାଁ ଏ ରାତୁ, ଜାନି କିନି ଦେବୁଣିଏ ଇୟାନି ତାଲୁତି ଗୁସାଲି ଏଦାନି ନକିତା ନିତେ □

୫ ଆମ୍ବାଆସି ବାରେ କୁଡାଡି ଲକ୍ଷୁଣି ଲହ ବାଡୁଗା ତଲେ ସାଲୁଝି କିନେସି ଇଲେତି ର କକାଣି ତାଲୁଇଁ ଏ ଇୟା ଜାନି କିତେ, ଅଡେ କକାଣି ତାଲୁଇଁ ମାହାପୁରୁ ଇଞ୍ଜାଁ ତାନି ସିଂଗାସାଣି ନକିତା ପେରହା ଅଝିଆଡେ □

୬ ଅଡେ ଏ ଇୟା ଲକ୍ଷୁ ହିଲାଆ ବାଗାତା ହଟେ, ଏମ୍ବାଆଁ ୧,୨୬୦ ଦିନା ପାତେକା ପହିକିଝି ଆୟାଲି ମାହାପୁରୁ ତାଣାଟି ଏମ୍ବାଆଁ ଏଦାନାକି ର ଟାୟୁ କେପି ଆହାମାଚେ □

✧ ୧୧:୧୩ ୧୧:୧୩ ଝେ ବଲ୍ଲ ୭:୧୨; ୧୭:୧୮ ✧ ୧୧:୧୯ ୧୧:୧୯ ଝେ ବଲ୍ଲ ୮:୫; ୧୭:୧୮; ଝେ ବଲ୍ଲ ୧୭:୨୧

୭ *ଏମ୍ବାଟିଏ ଲାକପୁରୁ ଜୁଜୁ ଆଡେ, ମିକାୟେଲ ଅଡେ ତାନି ଦୁତୁୟାଁ ଏ ରାତୁ ତଲେ ଜୁଜୁ କିରୁ, ଏରେଟିଏ ଏ ରାତୁ ଅଡେ ତାନି ଦୁତୁୟାଁ ଜିକେଏ ଜୁଜୁ କିଡେରି □

୮ ଯାମା ରାତୁ ଇଞ୍ଜାଁ ତାନି ଦୁତୁୟାଁ ଜାଣା ଆହାଲି ଆଡାଆତୁ, ଇଞ୍ଜାଁ ଲାକପୁରୁ ଏଝି ଚାୟୁ ବେଟାଆଆତୁ □

୯ *ଏଟିବେଲା ଦାରୁଡିତି ନାଡିକିନି ପଲୁଆ ପେନୁ ଇଞ୍ଜାଁ ସୟତାନ ଦରୁଟି ଝେଜିତି କାଜା ରାତୁ ଏ ପୁଞ୍ଜଇ ନାଗା, ଏଡି ତାନି ଦୁତୁୟାଁ ତଲେ ଦାରୁଡିତା ମେଡ଼ପି ଆଡେ □

୧୦ ଏରେଟିଏ ଲାକପୁରୁଟି ଏଲେଇଞ୍ଜି ର କାଜା ହାଡା ଝେବେଏଁ, ନୀଏଁ ମାହାପୁରୁ ତାଣାଟି ଗେଲପିନାୟି ଏଗାଝାଡେ, ତାନି ରାଜି ଅଡେ ବାଡୁୟୁ ଇଞ୍ଜାଁ କ୍ରୀସୁତି ଅଦିକାରା ଝାହାମାନେ, ଇଡିହୁ ଆମିନି ସାତୁ ମା ତାୟି ତାଜିୟା କପାଟି ନିଜାନା ଲାଆଁ ମାଦେନା ମାହାପୁରୁ ନକିତା ଦାଝା କିହିମାଟେ, ଏଡି ଲାକପୁରୁଟି ଦାରୁଡିତା ମେଡ଼ପି ଆହାମାନେ □

୧୧ ଏଝାରି ମେଣ୍ଡା ତାଲୁଡି ନେଡେରି ତଲେ ଅଡେ ଝେକହାମାନି ସାତା କାତାତଲେ ଜାଣା ଆହାମାନେରି ଇଞ୍ଜାଁ ଏଝାରି ହାହାଲିତାକି ଜିକେଏ ତାନି ଜୀଝୁଇଁ ଜୀଝୁ ନହାଁ ହିଲାଆଡେରି □

୧୨ ଏଦାଆଁତାକି ଏ ଲାକପୁରୁ ଅଡେ ଏମ୍ବାଆଁ ବାସା ଆହାମାନାତେରି ରାହାଁ ଆଦୁ, ସାମା ଦାରୁଡି ଅଡେ ସାମ୍ବୁରି ମୀରୁ ତଣ୍ଡ ବେଟା ଆନାତେରି ଏନାଆଁତାକି ଇଡିହୁ ତାନି ବେଲା ହାରେକା ଉଣା ମାନେ ଇଞ୍ଜାଁ ପୁଞ୍ଜାନା ପଲୁଆ ପେନୁ ସୟତାନ ହାରେକା କପାତଲେ ମୀ ତାଣା ରେଟା ଝାହାମାନେ □

୧୩ ରାତୁ ଜାହାରାଇଁ ଦାରୁଡିତା ମେଡ଼ପି ଆହାମାନାଣି ମେସାନା ଏ କକାଣି ତାଲୁଇଁ ଜାନି କିତି ଇୟାନି ଜେଟ ଜେଟ ପେରୁହା ଅଡେ □

୧୪ ଏରେଟିଏ ଏ ଇୟାନି ରାତୁ ଗୁଡିଟି ଏନିକିଁ ଗେଲପିଆହାଁ ତାନି ବାସା ସ ଲେଞ୍ଜୁ ପାତେକା ପଝିକିଝି ଆନେ, ଏଦାଆଁତାକି ଲକୁ ହିଲାଆ ବାଟାତି ତାନି ଚାୟୁତା ଉମ୍ବାହାଜାଲି ଲେଡ଼ତୁ ରୀ ମାଚାୟାଁ ହାପୁକି ଆତୁ □

୧୫ ଏରେଟିଏ ଏ ଇୟାନି ଅଝି କିୟାଲି ରାତୁ ତାନି ଗୁଡିଟି ର କାଜା କାତା ଏୟୁ ହପୁହେ □

୧୬ ସାମା ଏ ଇୟାନି ସାୟେମି କିହାଲି ଦାରୁଡି ତାନି ଗୁଡିଟି ଦେଟାନା ରାତୁ ଗୁଡିଟି ହଡ଼ି କାତା ଏୟୁଣି ଗୁସ୍ତେ □

୧୭ ଏରେଟିଏ ରାତୁ ଏ ଇୟାନି ହାରେକା କପା ଆହାଁ ତାନି କୁଡାତାରି ଏରେକା ଲକୁ ମାହାପୁରୁଟି ହୁକୁମି ମାନୁଝି ଆହାଁ ଜୀସୁତି କାତା ଝେସିମାନେରି, ଏଝାରିତଲେ ଜୁଜୁ କିହାଲି ହାଟେ □

୧୮ ଇଞ୍ଜାଁ ରାତୁ ସାମ୍ବୁରି ଗାଟୁଡି ବାଞ୍ଚିତା ନିଡେ □

୧୩

ରା ଜନ୍ତୁୟାଁ

୯ *ଏରେଟିଏ ନାନୁ ସାମ୍ବୁରି ମାଦିଟି ହଡ଼ାଝାହିମାନି ର ଜନ୍ତୁ ମେସ୍ତେଏଁ, ଏଝାଣାକି ଦସଗଟା କମ୍ବା ର ଅଡେ ସାତାଗଟା ତାକାଁ, ତାନି କମ୍ବାଣା ଦସଗଟା ଚଡ଼ପରିକା ଇଞ୍ଜାଁ ତାକାଁ ଲାକ ମାହାପୁରୁ ନିଦାକିନି ର ର ଦରକା ମାତୁ □

୨ ଏ ଜନ୍ତୁ ତୀରିରେଞ୍ଜାଁ କ୍ଷୀନି ଲେହେଁ ତଞ୍ଜାଆହିମାଟେ, ତାନି କତାୟାଁ ଅଞ୍ଜଡ଼ି କତାୟାଁ ଲେହେଁ ଇଞ୍ଜାଁ ଗୁଡି ସିହୁକ୍ଷୀନି ଗୁଡି ଲେହେଁ ଏ କାଜା ରାତୁ ଜନ୍ତୁକି ତାନି ବାଡୁୟୁ, ସିଂଗାସାଣି, ଅଡେ ବାରେ ଅଦିକାରା ହାଟେ □

୩ ଏ ଜନ୍ତୁଡି ତାୟୁଁ ତୁଆଁ ଆମିନି ହାନିଲେହେଁଟି ଗାହାଁ ତଞ୍ଜାଆହିମାଟେ, ସାମା ଏ ଗାହାଁ ନେହୁଁ ଆଡେ, ଅଡେ ଦାରୁଡିତା ମାନାରି ବାରେ କାବା ଆହାଁ ତାନି ଜେଟ ହାରେରି □

୪ ଅଡେ କାଜା ରାତୁ ଜନ୍ତୁକି ତାନି ଅଦିକାରା ହାତାକି ଏଝାରି ରାତୁଇଁ ଜହରା କିଡେରି, ଏଝାରି ଏ ଜନ୍ତୁଇଁ ଜିକେଏ ଜହରା କିହାଁ ଏଲେଇଡେରି, “ଆମ୍ବାଆସି ଇ ଜନ୍ତୁ ଲେହେଁ ଆନେସି ଅଡେ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜାଣା ଆନେସି □”

୫ ଏଦାନାକି ଆଜାରା ଅଡେ ମାହାପୁରୁ ନିଦାତି କାତା ଝେସାଲି ଗୁଡି ହାଝିଆଡେ, ଅଡେ ରା କଡ଼ି ରା ଲେଞ୍ଜୁ ପାତେକା ସାଲୁଝି କିୟାଲି ଅଦିକାରା ହାପୁକିଆଡେ □

୬ ଏମ୍ବାଟିଏ ଏଡି ତାନି ଗୁଡି ଏକହାନା ମାହାପୁରୁ ନିଦା କାତା ଜଲାନା, ମାହାପୁରୁ ଦରୁ, ମାହାପୁରୁ ବାସାଆନି ଚାୟୁ, ଅଡେ ଲାକପୁରୁ ବାସା ଆହାମାନାରାଇଁ, ବାରେଡି ନିଦା କିଡେ □

* ୧୨:୭ ୧୨:୭ ଜାହୁଦା ୧:୯ * ୧୨:୯ ୧୨:୯ ଲୁକ ୧୦:୧୮ * ୧୩:୧ ୧୩:୧ ଝେ ବଲ୍ଲ ୧୭:୩,୭-୧୨

୭ ବାରେ ମାହାପୁରୁ ଲକ୍ଷ୍ମୀଙ୍କୁ କିଛି ଜାଣା ଆହାଲି ଅଦିକାରା ହାଣ୍ଡିଆହାମାଚେ, ଅଡ଼େ ବାରେ ଗତି, କୁଡ଼ା, ହାଡ଼ା, ଦେସା, ଲାକ ଅଦିକାରା ହାଣ୍ଡିଆହାମାଚେ □

୮ ଆମ୍ବାଆରି ଦରୁ ଦାରୁଡିତି ଗାଡ଼ି ଆଥା ନଚେଏ ପୂଜା ମେଣ୍ଡା ତାଲୁତି ଜୀଝୁଗାଟି ପତିତା ରାସ୍ତକି ଆହାହିଲେଏ, ଦାରୁଡିତା ବାସା କିହାମାନି ଏ ବାରେ ଲକ୍ଷ୍ମୀ ଏ ଜନ୍ମଜି ଜହରା କିନେରି □

୯ “ଆମ୍ବାଆରାକି କୀର୍କୀ ମାନୁ ଏଝାସି ଝେଣ୍ଡାମ୍ବାସି!

୧୦ ଆମ୍ବାଆସି ଦସାହାଁ ଅନେସି, ଏଝାସି ଏଲେକିହିଁଏ ଦସ୍ପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହିଁଏ ଏଝାସି ଏଲେଆହିଁଏ କାଣ୍ଡାତଲେ ପାୟିଝି ଆନେସି, ଏତିବେଲାତା ମାହାପୁରୁ ଲକ୍ଷ୍ମୀକି ନାମୁ ଅଡ଼େ ଅରୁହିନାୟି ଲଡ଼ାମାନେ □”

୧୧ ଏଚେଟିଏ ନାନୁ ର ଜନ୍ମଜି ବୁଫି ବିଦ୍ରାତି ହଡ଼ାଝାଡ଼ାଣି ମେସ୍ପେସ୍, ମେଣ୍ଡା ତାଲୁ ଲେହେଁ ଜଡ଼େକା କମ୍ବାକା, ଅଡ଼େ ଏଦି ରାତୁ ଲେହେଁ କାତା ଆହିମାଚେ □

୧୨ ଏ ଜନ୍ମ ନଚେଏତି ଜନ୍ମ ନକିତା ତାନି ବାଡ଼ୁୟୁ ତସାନା ଏମିନି ନଚେଏତି ଜନ୍ମକି ହାନିଲେହେଁତି ଗାହାଁ ମାଡ଼ାମାଚେ, ଏଦାନି ଜହରା କିହାଲି ଦାରୁଡି ଅଡ଼େ ଏମ୍ବାଆଁ ବାସା ଆହାମାନାରାକି ବାଲାମାତମି କିନେ □

୧୩ ଏ ଜନ୍ମ କାବାଆନି କାମାୟାଁ କିନେ, ଏଦି ବାରେ ଲକ୍ଷ୍ମୀ ନକିତା ହାଗୁଟି ଦାରୁଡିତା ହିତୁ ରିଝିକିନେ □

୧୪ ଇଞ୍ଜା ଏ ତଲିତି ଜନ୍ମ ନକିତା ଆମିନି କାବାଆନି କାମା କିହାଲି ଅଦିକାରା ବେଟାଆହାମାଚେ, ଏମ୍ବାଟି ଦାରୁଡିତା ବାସାଆହାମାନି ଲକ୍ଷ୍ମୀ ନାଡ଼ିକିହାଁ, ଆମିନି ଜନ୍ମ କାଣ୍ଡାତଲେ ଗାହାଁ ଆହାମାଟି ଜିକେଏ ନାଡିତେ, ଏଦାନି ର ବମା କିହାଲି ଏଝାରାକି ଏଲେକିନେ □

୧୫ ଏ ଜନ୍ମଜି ବମା ଏନିକିଁ ଜଲ୍ଲାଲି ଆଡିନେ ଅଡ଼େ ଏଚେକା ଲକ୍ଷ୍ମୀ ଜନ୍ମଜି ବମାଟି ଜହରା କିଅରି, ଏଝାରି ଏନିକିଁ ପାୟିଝି ଆନେରି, ଏଦାଆଁତାକି ତାୟୁଡି ଜନ୍ମକି ତଲିତି ଜନ୍ମଜି ବମାକି ଜୀଝୁ ହାହାଲି ଅଦିକାରା ହାପକିଆଡେ □

୧୬ ଅଡ଼େ ଏ ଜନ୍ମ ଉଣା, କାଜାରି, ବାଡ଼କୁ ଗାଟାରାକି, ହାକି ଗାଟାରାକି, ହଲିୟାକା, ହଲିୟାକା ଆଆତାରାକି, ବାରେଜାଣାତି ତାମି ଚିଷିନି କେୟୁତା ଆଆତୁଁ ମୁଞ୍ଚୁତା ର ସିନା ଇଟା କଡ଼ାଲି ବାଲାମାତମି କିନେ □

୧୭ ଅଡ଼େ ଏ ସିନା ଇତିହିଁ ଜନ୍ମଜି ଦରୁ ଆଆତୁଁ ତାନି ଦରୁଡି ଲମ୍ବର ଇଟା କଡ଼ାଆତି ଲକ୍ଷ୍ମୀ ଏନାଆଁ କଡ଼ାଲି କି ପାଡ଼ାଚାଲି ହାଏ □

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଝାସି ଏ ଜନ୍ମଜି ଲମ୍ବର ଏଜିକିପାସି, ଏନାଆଁତାକି ଇତିହିଁ ଏଦି ର ମାଣସିତି ଲମ୍ବର ଅଡ଼େ ଏ ଲମ୍ବର ଆହିମାନେ ସ ଝାଞ୍ଜା ତାନିକଡ଼ି ସ □

୧୪

ମେଣ୍ଡା ତାଲୁ ଅଡ଼େ ତାନି ଲକ୍ଷ୍ମୀ

୧ *ଏଚେଟିଏ ନାନୁ ସିନିକିହାଁ ମେସ୍ପେସ୍, ଅଡ଼େ ମେଣ୍ଡା ତାଲୁ ସିୟନ ହରୁତା ନିଚାମାନେ, ଅଡ଼େ ଆମ୍ବାଆରି ମୁଞ୍ଚୁତା ମେଣ୍ଡା ତାଲୁ ଇଞ୍ଜା ତାନି ଆବାତି ଦରୁ ରାସ୍ତକି ଆହାମାଚେ ଇଲେତି ଲକ୍ଷ୍ମୀ ସାଡ଼ାକଡ଼ି ସାରି ମାଣା ଲକ୍ଷ୍ମୀ ତାନିତଲେ ନିଚାମାଚାଣି ମେସ୍ପେସ୍ □

୨ ଅଡ଼େ ଲାକପୁରୁତି ଲଦ ଲଦ ଆହି ରିନି ଏୟୁ ଇଞ୍ଜା ହାଗୁ ଗୁଣିନିଲେହେଁତି ର କାଜା ହାଡ଼ା ଝେଚେସ୍, ଆମିନି ହାଡ଼ା ନାନୁ ଝେଚେସ୍ ଏଦି ସେରୁଜି ଡିଡ଼ିହମାନାରି ହାଡ଼ାଲେହେଁ ଝେଜିମାଚେ □

୩ ସିଂଗାସାଣି ସାରିଗଟା ଜନ୍ମ ଅଡ଼େ ପ୍ରାଚିନାକା ନକିତା ର ପୁଞ୍ଜି ପାତୁ ପାଡ଼ିମାଚେରି, ଅଡ଼େ ଦାରୁଡିତି କଡ଼ି ଆହାମାନି ସାଡ଼ାକଡ଼ି ସାରି ମାଣା ଲକ୍ଷ୍ମୀ ପିସ୍ପେ ଆମ୍ବାଆରି ଏ ପାତୁ ପାଡ଼ାଲି ଆଡ଼ାଆଚେରି □ ବାରେ ମାଣସି କୁଡ଼ା ବିଦ୍ରାତି ଝାରୁଇ ଏଝାରିଦେଁ ଗେଲ୍ପି ଆହାମାଚେରି □

୪ ଏଝାରି ଇୟାସିକା ତଲେ କାଲ୍‌ହାନା ତାମୁ ଜାହାରାକି ଦହ କିହାଁ କଡ଼ା ହିଲାଆଚେରି, ଇତିହିଁଏ ଏଝାରି ଅବହାରି, ମେଣ୍ଡା ତାଲୁ ଆମିୟାଝାକି ହାନେ ଏଝାରି ତାନି ଜେଟ ହାନେରି, ଏଝାରି ମାହାପୁରୁ ମେଣ୍ଡା ତାଲୁତି ତଲିତି ପାଡ଼େୟି ସମାନା ମାଣସିୟାଁ ବିଦ୍ରାତି ଗେଲ୍ପି ଆହାମାନା ମେଣ୍ଡା ତାଲୁ ନକିତା ହେରୁପିଆହାମାନେରି □

୫ ଏଝାରି ଗୁଡିତା ଏନି ମିତି ଜଲ୍ଲିନାୟି ହିଲେଏ, ଏଝାରି ଦହ ହିଲାଆ ଗାଟାରି □

* ୧୪:୧ ୧୪:୧ ଝେ ବଲ୍ଲ ୭:୩

ତାନି ଜାଣା ଦୁତୁ

୨ ଏତେଟିଏ ନାନୁ ହାଗୁଡ଼ି ମାଦି ଉଦ୍‌ମାନି ର ଦୁତୁଇଁ ମେସ୍‌ସେସ୍, ଏଝାସି ଦାର୍‌ତିତା ବାସାଆହାମାନି ବାରେ ଗତି, କୁଡ଼ା, ହାଡ଼ା ଅଡ଼େ ଦେସାତି ଲକୁଡାଣା ଝେକହାଲି କାଲାକାଲା ତାକି ତୁୟିନି ନେହଁ କାରୁ ଝେକହି ମାନେସି □

୩ ଏଝାସି କାଜା ଗିୟାଁତଲେ ଏଲେଇଚେସି, “ମାହାପୁରୁଇଁ ଆଜାଦୁ ଅଡ଼େ ଏଝାଣାଇଁ ଗାଝୁରମି ହୀଦୁ, ଇଚିହଁ ମାଣସିତି ନାହାୟି କିନି ଦିନା ଏଗାଝାଡ଼େ, ଅଡ଼େ ଆମ୍ବାଆସି ହାଗୁ, ଦାର୍‌ତି, ସାମ୍‌ଦୁରି ଇଞ୍ଜା ଜାରୁଣା ଏମୁଡ଼ି ଗାଡ଼ିକିହା ମାନେସି, ଏଝାଣାଇଁ ଜହରା କିଦୁ □”

୪ ତାନି ତାୟୁ ଅଡ଼େ ର ଦୁତୁ ଇଚିହଁ ରୀ ଲମ୍ବର ଦୁତୁ ଝାହାନା ଏଲେଇଚେସି, “ଆମିନି କାଜା ଗାଡ଼ା ବାବିଲାନ ବାରେ କୁଡ଼ାତି ଲକୁଇଁ ତାନି ଦାରିକାମା କିଝିକିନି କାଡ଼ୁ ଉଡ଼ହାନା ହଡ଼ିକିହାମାଚେ, ଏଡ଼ି ରିହା ହାଜାମାନେ □”

୫ ଏଦାଣି ତାୟୁ ଅଡ଼େ ର ଦୁତୁ ଇଚିହଁ ତାନି ଲମ୍ବର ଦୁତୁ ଝାହାନା କାଜା ଗିୟାଁତଲେ ଏଲେଇଚେସି, “ଆମ୍ବାଆସି ଏ ଜନ୍ତୁ ଅଡ଼େ ତାନି କିହାମାନି ବମାତି ଜହରା କିନେସି ଅଡ଼େ ମୁଞ୍ଜୁତା କି କେୟୁତା ତାନି ସିନା ଇଟା କଡ଼ିନେସି,

୬ ଏଝାସି ମାହାପୁରୁତି କପାଗାଟି ସଲ୍‌କାତା ଝାକହାମାନି ହାରେକା କାର୍‌ବିତି କାଡ଼ୁ ଗହ୍‌ନେସି, ଆମ୍ବାଆରି ଇ କାମା କିନେରି ଏଝାରି ବାରେ ମେଣ୍ଡା ତାଲୁ ଅଡ଼େ ସୁଦୁ ଲାକପୁରୁତି ଦୁତୁୟାଁ ନକିତା ହିଚୁ ଅଡ଼େ ଗାନ୍ଦାଗାଟି ଗୁଣ୍ଡା ତଲେ କସ୍ତ ବେଟା ଆନେସି □

୭ ଇଲେତି ଲକୁଣି କସ୍ତ ହୀନି ହିଚୁ ବୟଁ କାଲାକାଲା ତାକି ହଡ଼େମାନେ, ଆମିନି ଗାଗାରି ଜନ୍ତୁ ଅଡ଼େ ବମାତି ଜହରା କିନେରି ଅଡ଼େ ତାନି ଦରୁ ଇଞ୍ଜା ସିନା ବେଟା ଆହାମାନେରି, ଏଝାରି ଲାଆଁ ମାଦେନା ଜମାଲି ବେଟାଆଅରି □”

୮ ଇମ୍ବାଆଁ ମାହାପୁରୁ ଲକୁ ଇଚିହଁ ମାହାପୁରୁତି ହୁକୁମି ମାନଝିଆନେରି, ଇଞ୍ଜା ଜୀସୁଇଁ ନାମିନେରି, ଏଝାରାକି ଅରୁହନାୟି ଲଡ଼ାମାନେ □

୯ ଇଞ୍ଜା ଲାକପୁରୁତି ଇ ହାଡ଼ା ଝେଚେସ୍, ଇ କାତା ରାଡ଼ାମୁ, “ନୀସ୍ ଆମ୍ବାଆରି ମାହାପୁରୁ ତାଣା ମାଞ୍ଜାନା ହାରେରି, ଏଝାରି ନେହେଁ □” ଅଡ଼େ ନାନୁ ଝେଚେସ୍ ସୁଦୁଜୀଝୁ ଝେସିମାଞ୍ଜାନେ, “ଏଝାରି ତାନି କାମାତି ଝାହୁଡ଼ି ଜମିନେରି, ଇଚିହଁ ଏଝାରି କାମାତି ପାଡ଼େୟି ଏଝାରିତଲେ ତୁୟିନେ □”

ତାସା ଦାନାୟି

୧୦ ଅଡ଼େ ନାନୁ ମେସ୍‌ସେସ୍, ଇଚାୟି ଦବଲା ହାଗୁ ଇଞ୍ଜା ଏଦାଣି ଲାକ କୁଗାମାନେସି ର ମାଣସି ମୀର୍‌ସସି ଲେହେଁତାସି; ତାନି ତାୟୁଁ ତୁା ବାଂଗାରା ଗଡ଼ପରି, ଇଞ୍ଜା କେୟୁତା ର ଝାହନି କଡ଼ାତଖେଲି □

୧୧ ଏମ୍ବାଟିଏ ମାହାପୁରୁତି ଇଲୁଚି ର ଦୁତୁ ଝାହାନା ହାଗୁଡ଼ା କୁଗାମାନାଣାଇଁ କାଜା ଗିୟାଁତଲେ ଏଲେଇଚେସି, “ନୀ କଡ଼ାତଖେଲି ଆସାନା ତାସା ଦାମୁ □ ଦାର୍‌ତିତି ତାସା ଦାଝିନି କାରୁ ଏଗାଝାଡ଼େୟିଏ □”

୧୨ ଇଦାଆଁ ଝେଞ୍ଜାନା ହାଗୁଡ଼ା କୁଗାମାନି ମାଣସି ତାନି କଡ଼ାତଖେଲି ଅଗିଡେସି ଇଞ୍ଜା ଦାର୍‌ତିତି ତାସା ବାରେ କୁଡ଼ିକିଝିଆଡ଼େ □

୧୩ ଏଦାଆଁ ତାୟୁ ଲାକପୁରୁତି ମାହାପୁରୁ ଇଲୁଚି ଅଡ଼େ ର ଦୁତୁ ହଡ଼ାଝାଡ଼େସି, ଏ ଦୁତୁ କେୟୁତା ଜିକେଏ ଝାହନି କଡ଼ାତଖେଲି ମାଚେ □

୧୪ ଅଡ଼େ ପୂଜା ପିଣ୍ଡାତି ହିଚୁ ଅଦିକାରାତା ମାନି ର ଦୁତୁ କଡ଼ାତଖେଲି ଆସାମାନି ଅର ଦୁତୁଇଁ କାଜା ଗିୟାଁତଲେ ଏଲେଇଚେସି, “କଡ଼ାତଖେଲି ଅଗାନା ଦାର୍‌ତିତି ଅଞ୍ଜୁରି ବାଡ଼ାଟି ଅଞ୍ଜୁରିକା ବାରେ ତଡ଼ହା ତୁହମ୍; ଏଝି ବାରେ କାମ୍ବାମାନୁ □”

୧୫ ଏମ୍ବାଟିଏ ଦୁତୁ ଦାର୍‌ତିତା ତାନି କଡ଼ାତଖେଲି ଅଗାନା ଅଞ୍ଜୁରିମାଡ଼ାୟାଁଟି ଅଞ୍ଜୁରି ତଡ଼ହେ ଇଞ୍ଜା ଏଝାସି ମାହାପୁରୁ କାର୍‌ବିତି ଅଞ୍ଜୁରି ପାଡ଼ିକିନି ଦନିତା ମେଡ଼ହେସି □

୧୬ ଗାଡ଼ାତି ପାଞ୍ଜାତା ମାନି ଏ ଦନିତା ଅଞ୍ଜୁରି ପାଡ଼ିକିଝିଆଡ଼େ ଇଞ୍ଜା ଏମ୍ବାଟି ଗଡ଼ାୟାଁ ବାକେରି ପାଡ଼େକା ନିଜ୍ଞାନା ତାନି ଝାଞ୍ଜା କିଲମିଚର ହେକ ପାଡ଼େକା ଇଞ୍ଜା ରୀ ମିଚର ଲାକ ପାଡ଼େକା ନେତେରି ଝାଞ୍ଜାଡ଼େ □

୧୫

ସାତାଗଟା ରଗ କିନି ସାତାଗଟା ଦୂତୁୟାଁ

୧ ଏମ୍ବାଟିଏ ନାନୁ ହାଗୁଡା ଅଡେ ର କାବାଆନି ଲେହେଁତି ସିନା ମେସ୍ତେଏଁ, ସାତାଗଟା ଦୂତୁୟାଁ ସାତାଗଟା ରଗୟାଁ ତାନି କେୟୁତା ଆସାନା ତଞ୍ଜାଆତୁ, ଏ ରଗୟାଁ ମାହାପୁରୁତି କପା ତହ୍ନାୟି ରାନାୟି ମାତେ □

୨ ଅଡେ ନାନୁ ମେସ୍ତେଏଁ, ହିତୁ କାଲ୍ଲୁହି ଦାପେଣି ଲେହେଁତି ସାମ୍ବୁତୁରି, ଆମ୍ବାଆରି ଜନ୍ତ, ଏଦାନି ବମା ଇଞ୍ଜା ଏଦାନି ଦରୁତି ଲମ୍ବରତି ଜୀଣା ଆଡାରି, ଏଞ୍ଜାରି ମାହାପୁରୁ ହାହାମାନି ସେବ୍ଜି ଆସାନା ଗାଲୁ ଲେହେଁତି ସାମ୍ବୁତୁରି ଗିତୁତା ନିତାମାତେରି □

୩ ଏଞ୍ଜାରି ମାହାପୁରୁ ହାତି ରାମାଟା ଖେଚିହଁ ମାହାପୁରୁତି ସେବାକିନି ମସାତି ପାତୁ ଇଞ୍ଜା ମେଣ୍ଡା ତାଲୁତି ପାତୁ ପାଟିହଁ ଏଲେ ଇଞ୍ଜା ମାନେରି,
“ବାରେତି କିହାଁ ବାଡ଼ୁୟୁ ଗାଟି ପୁବୁ ମାହାପୁରୁତି,
ନୀ କାମା ଏତେକା କାଜାୟି ଅଡେ କାବା ଆନାୟି,
ବାରେ ଲକୁତି ରାଜାତି,
ନୀ କାମାତି ଜିରୁ ବାରେ ନାହାଁୟି ଗାଟାୟି ଇଞ୍ଜା ସାତାତାୟି □

୪ ପୁବୁ! ନିଜେ ଆମ୍ବାଆସି ଆଜାଆ ଗାଟାସି ମାନେସି ?
ଆମ୍ବାଆସି ନୀ ଗାଞ୍ଜୁରମି ଝେକଆଗାଟାସି ମାନେସି ?
ଇଚିହଁ ନାନୁ ରଅତିଏ ସୁଦୁ ଗାଟାତି;
ବାରେ କୁଡାତି ଲକୁ ଖାହାନା ନୀ ପୂଜା କିନେରି,

ଏନାଆଁତାକି ଇଚିହଁ ନୀ ଦାମ୍ବୁଗାଟି ନାହାଁୟିତି କାମାୟାଁ ବାରେଜାଣା ମେସାମାନେରି □”

୫ ଏମ୍ବାଟିଏ ନାନୁ ମେସ୍ତେଏଁ, ଲାକପୁରୁତି ସାକି ହାନି ତୁମ୍ବୁ ଦେଝୁଡ଼ିତି ଦାରା ଦେପିଆଡେ
୬ ସାତାଗଟା କସ୍ତୟାଁ ଆସାମାନି ସାତାଗଟା ଦୂତୁୟାଁ ଲାକପୁରୁତି ଦେଝୁଡ଼ିତି ହଡ଼ାଞ୍ଜାଡେତେରି; ଏଞ୍ଜାରି ଅପୁହି ମ୍ବୁହନି ହିମ୍ବୁରିକା ହୁଟାମାତେରି ଇଞ୍ଜା ଏଞ୍ଜାସିକା ବକ ସାରିସୁରୁ ବାଂଗାରା ପାଟା ଦସାମାତେରି □
୭ ସାତାଗଟା ଜନ୍ତୟାଁ ବିତ୍ରାତି ର ଜନ୍ତ କାଲେଏତାକି ନୀତାମାନି ମାହାପୁରୁ କପାତଲେ ନେଞ୍ଜାମାନି ସାତାଗଟା ବାଂଗାରା ଗିନାୟାଁ ଏ ସାତାଗଟା ଦୂତୁୟାଁକି ହାତେସି □

୮ ମାହାପୁରୁତି ଗାଞ୍ଜୁରମି ଅଡେ ତାନି ବାଡ଼ୁୟୁତି ହଡ଼ିମାନି ବୟଁ ଦେଝୁଡ଼ିତା ନେଞ୍ଜାହାତେ; ସାତାଗଟା ଦୂତୁୟାଁ ତାଗାମାନି ସାତାଗଟା ରଗୟାଁ ରାଆ ପାତେକା ଏ ଦେଝୁଡ଼ି ବିତ୍ରା ଆମ୍ବାଆସି ହଡ଼ାଲି ଆଡାଆତେସି □

୧୭

ମାହାପୁରୁ କପାତି ସାତାଗଟା ଗିନାୟାଁ

୧ ଏଚେଟିଏ ନାନୁ ଝେଚେଏଁ, ଦେଝୁଡ଼ିତି ରଅସି କାଜା ଗିୟାଁତଲେ ଏ ସାତାଗଟା ଦୂତୁୟାଁକି ଝେସିମାତେସି, “ହାଲୁ, ସାତାଗଟା ଗିନାୟାଁଣା ନେଞ୍ଜାମାନି ମାହାପୁରୁତି କପାତି ବାଡ଼ିତି ଲାକ ଖାକ୍ଦୁ □”

୨ ଏଚେଟିଏ ମୁଲୁତି ଦୁତୁ ହାଜାନା ତାନି ଗିନାତା ଏନାୟି ମାତେ, ଦାରୁତି ଲାକ ଖାକ୍ଦେସି; ଏ ଦେବୁଣିଏ ଆମ୍ବାଆରି ତାଣା ଜନ୍ତୁତି ସିନା ମାତେ, ଇଞ୍ଜା ତାନି ବମାତି ପୂଜା କିହାମାତେରି, ଏଞ୍ଜାରି ଆଜାତା ହାରେକା କସ୍ତଗାଟି ବସା ପଟ୍ଟକାୟାଁ ହତୁ □

୩ ଏଚେଟିଏ ରୀ ଲମ୍ବର ଦୁତୁ ତାନି ଗିନାତାଣି ସାମ୍ବୁତୁରି ଲାକ ଖାକ୍ଦେ; ଇଞ୍ଜା ସାମ୍ବୁତୁରିତି ଏୟୁ ହାତି ଲକୁତି ନେତେରିଲେହେଁ ଆତୁ, ଇଞ୍ଜା ସାମ୍ବୁତୁରିତା ମାତି ବାରେ ଜନ୍ତୟାଁ ହାହାହାତୁ □

୪ ତାନି ଲମ୍ବର ଦୁତୁ ତାନି ଗିନାତା ଏନାୟି ମାତେ, କାତା ଇଞ୍ଜା ଉସା ଏୟୁ ଲାକ ଖାକ୍ଦେସି; ଇଞ୍ଜା ଏ ଏୟୁ ବାରେ ନେତେରି ମିଣ୍ଡାହା ହାତୁ □

୫ ଏଚିବେଲ୍ଲାତା ନାନୁ ଝେଚେଏଁ, ଏୟୁ ଲାକ ଅଦିକାରା ବେଟାଆହାମାନି ଦୁତୁ ଏଲେଇଞ୍ଜାମାତେସି, “ନାନୁ ସୁଦୁ ଗାଟାତି, ନୀଏଁ ମାନାତି ଅଡେ ତଲିଏ ମାଟାତି; ନାନୁ ତାବୁପୁତଲେ ନାହାଁୟି କିହାମାଞ୍ଜି □

୬ ଏଞ୍ଜାରି ମାହାପୁରୁ ଲକୁଇଁ ଇଞ୍ଜା ମାହାପୁରୁ ଅଣପୁତି ବଲ୍ଲୁ ଝେହ୍ନାରି ଆମିନି ନେତେରି ବକ୍ତାମାତେରି, ଏଦାଆଁ ମୀରୁ ଏଞ୍ଜାରାଇଁ ଉଟ୍ଟହାମାଞ୍ଜି □ ଏଞ୍ଜାରି ଏନାଆଁ ବେଟାଆନାଣି ବେଟାଆହାମାନେରି □”

୭ ଏଚେଟିଏ ପୂଜା ପିଣ୍ଡାଟି ର ହାତା ଝେଚେଏ, ବାରେତି କିହାଁ ବାଡ଼ୁୟୁଗାଟି ମାହାପୁରୁ ପ୍ରବୁ! ନୀ ନାହାଁୟି ବାରେ ସାତା ଅଡ଼େ ଚିକାଣାତାୟି □

୮ ସାରି ଲମ୍ବର ଦୁତୁ ତାନି ଗିନାତା ମାଚାଣି ଝେଡ଼ା ଲାକ ଝାକ୍‌ହେସି, ଏଦାଆଁତାକି ଝେଡ଼ା ହାରେକା ଦୃଞ୍ଜାନା ଲକୁଣି ହୁଡ଼ିତେ □

୯ ଏଚିବେଲା ଲକୁ କଣତା ହାଚି କାରାତା ଝେହାହାଚେରି, ଅଡ଼େ ଛ ସାସି ଲାକ ଅଦିକାରା ମାନି ମାହାପୁରୁ ଦରୁତି ନିନ୍ଦାକିତେରି □ ସାମା ହିୟାଁ ବାଦଲି କିହାଁ ଏଞ୍ଜାଣି ଗାଝୁରମି କିଆତେରି □

୧୦ ପାସା ଲମ୍ବର ଦୁତୁ ତାନି ଗିନାତା ମାଚାଣି ଜନ୍ତୁତି ସିଂଗାସାଣି ଲାକ ଝାକ୍‌ହେସି, ଜନ୍ତୁତି ରାଜିତା ଆନ୍ଦେରି ଆହାହାଚେ, ଇଞ୍ଜାଁ ଲକୁ କସ୍ତଲେ ତାନି ଝେନ୍ଦରିକା କାଡ଼ା କଡ଼ିତେରି □

୧୧ ଅଡ଼େ ଏଞ୍ଜାରି ଆଜ୍ଞାତି ରାଣାରାକା ତାକି ଇଞ୍ଜାଁ ପଟ୍‌କାୟାଁ ବୀସା ତାକି ଲାକପୁରୁତି ମାହାପୁରୁଇଁ ବାକା ଇଚିତେରି □ ସାମା ତାନି ଲାଗେଏତି କାମାଟି ମନ୍ ଝେଟ୍‌ଆତେରି □

୧୨ ସ ଲମ୍ବର ଦୁତୁ ତାନି ଗିନାତା ମାଚାଣି ପରାଡ଼ କାଜା କାତା ଲାକ ଝାକ୍‌ହେସି, ଏ କାତାତି ଏୟୁ ଝାୟାହାରୁ, ଝେଡ଼ା ହପୁ ଝାକିଟି ଝାହିମାନି ରାଜାୟାଁକି ଜିରୁ ପାରଲିଆତେ □

୧୩ ଏଚେଟିଏ ନାନୁ ମେସ୍‌ସେଏ, ପାନାୟାଁଲେହେଁ ତଞ୍ଜାଆହିମାନି ତାନିଗଟା ଲାଗେଏତି ଜୀଝୁୟାଁ □ ଏଞ୍ଜି ରାତୁ ଗୁଡ଼ିଟି, ଜନ୍ତୁ ଗୁଡ଼ିଟି, ମିଚି ବଲ୍ଲୁ ଝେହ୍‌ନାରି ଗୁଡ଼ିଟି ହଞ୍ଜାଝିମାରୁ □

୧୪ ଏ ଲାଗେଏତି ଜୀଝୁଗାଟି ବୁଡୁୟାଁ କାବାଆନି କାମା କିହାଲି ଆଡ଼ିମି, ଏଞ୍ଜି ବାଡ଼ୁୟୁ ଗାଟି ମାହାପୁରୁତି ଦିନାତା ଜୁଜୁ କିହାଲିତାକି ଦାରୁଡ଼ିତି ରାଜାୟାଁଣି କୁଡ଼ିକିହାଲି ହାଚାହାରୁ □

୧୫ *ଝେଞ୍ଜୁ! ନାନୁ ସରୁଲେହେଁ ଝାଲୁଁ, ଆମ୍ବାଆସି ଜାଗ୍ରାତା ଆହାଁ ସରୁ ତାଣାଟି ଜାହାରା ହିମ୍ବିରିକା ତୁକୁହାଲି ଆଡ଼ିମାନେସି, ଏଞ୍ଜାସି ନେହେଁ □ ଏଞ୍ଜାସି ନାଗଡ଼ା ଆହାଁ ରେଅସି, ଅଡ଼େ ଏଞ୍ଜାସି ଲାଜା ବେଗାଆଅସି □”

୧୬ ପଲୁଆ ଜୀଝୁୟାଁ ଏ ବେଲାତା ଦାରୁଡ଼ିତି ରାଜାୟାଁଣି ଆମିନି ଗାୟୁତା କୁଡ଼ିକିତୁ ଏଡ଼ି ହାଡ଼ାତଲେ ଏଦାନି ଦରୁ ଆମାଗାତେନ □

୧୭ ସାତା ଲମ୍ବର ଦୁତୁ ତାନି ଗିନାତା ମାଚାଣି ଗାଲି ଲାକ ଝାକ୍‌ହେସି, ଏଚେଟିଏ ଦେଝୁଡ଼ିତି ସିଂଗାସାଣିଟି ର କାଜା ହାଡ଼ା ଝେଜ୍‌ଜିତେ, “ଇଦାଆଁ କିଞ୍ଜିଆତେ!”

୧୮ *ଦେବୁଣିଏ ବିଲିବାଲା ଆହୁଁ ମିସ୍ତେ ଇଞ୍ଜାଁ ହାଗୁ ଗୁଣିନି ହାଡ଼ା ଆତେ, ଇଞ୍ଜାଁ ହାରେକା ବୁମି ଝାଡ଼ିତେ, ଇଚିହୁଁ ଦାରୁଡ଼ିତା ମାଣସିୟାଁ ଗାଡ଼ିଆଡ଼ି ଦିନାତା ଏଚେଲାଞ୍ଜା ଇଲେତି ବୁମି ଝାଡ଼ାହିଲାଆତେ, ଇଦି ବାରେକିହାଁ ଆଜିହଡ଼ପତି ବୁମି ଝାଡ଼ିନାୟି ମାଚେ □

୧୯ ଏମ୍ବାଟିଏ ଏ କାଜା ଗାଡ଼ା ତାନି ବାଗା ତଲେ ବାଗା ଆତେ ଅଡ଼େ ଦାରୁଡ଼ିତି ବାରେ ଗାଡ଼ାୟାଁ ବିଡ଼ୁହାହାରୁ, ଅଡ଼େ କାଜା ଗାଡ଼ା ବାବିଲନତି ମାହାପୁରୁ ବାଣା ଆହାଁ ହିଲଆତେସି, ଏଞ୍ଜାସି ତାନି ଗହ୍‌ନି ସଲ୍ଲାଟି ତାନି ହାରେକା କପାଗାଟି କାଡ଼ୁ ଏଦାଣି ଉଟ୍‌ହେସି □

୨୦ *ସାମପୁରି ମାଦି ମାନି ଦେସାୟାଁ ମେଣ୍‌ଜାହାରୁ ଇଞ୍ଜାଁ ହରକା ବାରେ ତୁଗୁା ହାରୁ □

୨୧ *ରୀ କଡ଼ି ଦସ କେଜି ବଲୁଗାଟି ଆଜିୟାଁ ହାଗୁ ଲାକଟି ମାଣସିୟାଁ ଲାକ ରିତୁ, ଲକୁ ଛ ମର୍ଡ଼ି ତାକି ମାହାପୁରୁଇଁ ନିନ୍ଦାକିତେରି □

୧୭

ଝେଜ୍‌ଜିତି ଦାରେଣି

୧ ଏମ୍ବାଟିଏ ସାଡ଼ାଗଟା ଗିନାୟାଁ ଆସାମାନି ଦୁତୁ ବିଡ଼ାଟି ରଅସି ନା ତାଗେ ଝାହାନା ଏଲେଇଞ୍ଜାତେସି, “ଇଦାଆଁ ଝାମୁ ହାରେକା କାତା ଦାରି ଗାଡ଼ି ଆହାମାନି ଦାରେଣି ଲେହେଁତି କାଜା ଗାଡ଼ା ଏନି ସାସି ବେଗାଆନେ ଏଦାଆଁ ତସ୍ତାଇଁ □

୨ ଦାରୁଡ଼ିତି ରାଜାୟାଁ ଏ ଦାରେଣି ତଲେ ଦାରିକାମା କିହାମାନେରି, ଇଞ୍ଜାଁ ଦାରୁଡ଼ିତା ବାସା ଆହାମାନାରି ବାରେ ଦାରି କାମାଲେହେଁତି କାଡ଼ୁ ଗସାହାଁ ହଚାମାନେରି □”

* ୧୭:୧୫ ୧୭:୧୫ ମାଟି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୩:୩ * ୧୭:୧୮ ୧୭:୧୮ ଝେ ବଲ୍ଲୁ ୮:୫; ୧୧:୧୩,୧୯
* ୧୭:୨୦ ୧୭:୨୦ ଝେ ବଲ୍ଲୁ ୬:୧୪ * ୧୭:୨୧ ୧୭:୨୧ ଝେ ବଲ୍ଲୁ ୧୧:୧୯

୩ ଏବିବେଲତା ସୁଦୁଜୀଝୁ ନା ତାଣା ଝାବେ ଇଞ୍ଜା ଏ ଦୁତୁ ନାଞେ ବାଠଲି ଦୁମିତା ଅୟାତେସି □ ଏମ୍ମାଆଁ ନାନୁ ମେସ୍ତେସ୍, ର ପାଟୁ ଝାଣାଗାଟି ଜନ୍ତୁ ଲାକ ର ଇୟା କୁଗାମାତେ □ ଏ ଜନ୍ତୁଟି ଆଜ୍ଞାତା ମାହାପୁରୁ ନିନ୍ଦାକିନି ଦରକା ରାସ୍ତି ଆହାମାତୁ, ଅଡେ ଏଦାନାକି ସାଡାଗଟା ତାର୍କା ଇଞ୍ଜା ଦସଗଟା କମକା ମାତୁ □

୪ ଏ ଇୟା ହେୟାଁ ଲେହେଟି ଝାଣା ଅଡେ ପାଟୁ ଝାଣାଗାଟି ହିମ୍ବରି ହୁଗାମାତେ, ଇଞ୍ଜା ଏଦି ବାଂଗାରା ଅଡେ ଗାତି ଦାରାଗାଟି ମଣି, ମୁକ୍ତା ତଲେ ସାକୁ ଆହାମାତେ, ତାନି ନାଡ଼ିକିନି ପାଡେୟିକା ଲେହେଟି ଅପାଆଗାଟି ଦିଶସୁ ଇଞ୍ଜା ଦାରିକାମା କିନି ଲାଗେଏତି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାତେ □

୫ ଏଦାନି ମୁଞ୍ଚୁତା ତୁଗୁମାନି ର ଦରୁ ରାସ୍ତି ଆହାମାତେ, “କାଜା ଗାଡ଼ା ବାବିଲନ ଦାରୁତିତି ବାରେ ଦାରି ଇଞ୍ଜା ଅପାଆଗାଟି କାମାଟି ତାଲି □”

୬ ନାନୁ ଅଡେ ମେସ୍ତେସ୍, ଏ ଆୟାଟି ମାହାପୁରୁ ଲକୁ ଇଞ୍ଜା ଜୀସୁ ତାଣା ମାନି ତଲେ ମାଞ୍ଜା ସାକି ହୀହାନା ହାହାମାନି ଲକୁତି ନେତେରି ଗସାନା ହଡ଼ାମାତେ □ ନାନୁ ଏଦାନି ମେସାନା ହାରେକା କାବା ଆଡେଏସ୍ □

୭ ଅଡେ ଦୁତୁ ନାଞେ ଏଲେଇଞ୍ଜାତେସି, “ଏନାଆଁତାକି କାବା ଆହିମାଞ୍ଜି ? ନାନୁ ଏ ଆୟାଟି ଅଡେ ସାତା ଗଟା ତାର୍କା ଇଞ୍ଜା ଦସଗଟା କମକା ଗାଟି ଏଦାଣି ଡେକାମାନି ଜନ୍ତୁଟି ତୁଗୁମାନି କାତା ନାନୁ ନିଞେ ଝେସିମାଞ୍ଜାଇ, ଝେନାମୁ □

୮ *ଜନ୍ତୁ ର ଦିନା ନୀତାମାତେ; ନୀଏଁ ଅଡେ ନୀତାହିଲେଏ, ସାମା ତବେ ତାଡେପୁରୁଟି ନିଜା ଝାନ୍ଦେ ଇଞ୍ଜା ଅର ଦେବା ନାସା ଆନେ □ ଦାରୁତି ଗାଡ଼ି ଆଡ଼ି ନକେଏ ଆମ୍ମାଆରି ଦରୁ ଜୀଝୁଟି ପତିତା ରାସ୍ତି ଆହାହିଲେଏ, ଦାରୁତିତା ବାସାଆହାମାନି ବାରେ ଲକୁ ଜନ୍ତୁଇଁ ମେସାଁ କାବାଆନେରି □ ଏଦି ର ଦିନା ନୀତାମାତେ, ନୀଏଁ ଅଡେ ହିଲେଏ, ସାମା ଅଡେ ର ଦେବା ତଞ୍ଜାଆନେ □”

୯ “ଇ ବାରେ କାତା ତେଲହାଲି ତାକି ବୁଦି ଲଡ଼ାମାନେ □ ଜନ୍ତୁଟି ସାଡାଗଟା ତାର୍କା ସାତେଏ ସାଡାଗଟା ହରକା, ଆମିନି ଲାକ ଆୟାଟି କୁଗାମାନେ □ ଏଝାରି ଜିକେଏ ସାଡ଼ା ଜାଣା ରାଜାୟାଁ ଲେହେଁ □

୧୦ ଏଝାରି ବିତ୍ରାଟି ପାସାଜାଣା ମେଶଜା ହାଜାମାନେରି, ନୀଏଁ ରଅସି ମାନେସି, ଅଡେ ରଅସି ନୀଏଁ ପାତେକା ଝାହାହିଲଅସି, ଏଝାସି ଝାଡ଼ିସାରେ ଗାଡେକା ତାକିଏ ସାଲୁଝି କିନେସି □

୧୧ ଅଡେ ଆମିନି ଜନ୍ତୁ ର ଦିନା ନୀତାମାତେ, ଏଦି ଆଡ଼ା ଲମ୍ବର ରାଜା, ଏ ବାରେ ରାଜାୟାଁ ବିତ୍ରାଟି ରଅସି ଇଞ୍ଜା ଏଝାସି ଜିକେଏ ତବେ ନାସା ଆନେସି □”

୧୨ “ମୀରୁ ମେସାମାନି ଦସଗଟା କମକା, ଦସ ଜାଣା ରାଜାୟାଁ ଲେହେଁ, ଏଝାରି ନୀଏଁ ପାତେକା ସାଲୁଝି କିହାହିଲଅସି □ ସାମା ଜନ୍ତୁ ତଲେ ସାଲୁଝି କିହାଲିତାକି ର ଗଂଟା ତାକି ଏଝାରାକି ବାଡ଼ୁୟୁ ହୀପ୍ତିଆନେ □

୧୩ ଏଝାରି ରଣ୍ଡିଏ ଅଣ୍ଡପୁ ତଲେ ମାଞ୍ଜାନା ତାନି ବାଡ଼ୁୟୁ ଅଡେ ଅଦିକାରା ଏ ଜନ୍ତୁକି ହୀନେରି □

୧୪ ଏଝାରି ମେଣ୍ଡା ତାଲୁ ତଲେ କୁକୁ କିନେରି, ଅଡେ ମେଣ୍ଡା ତାଲୁ ଏଝାରାଇଁ ଜାଣା ଆନେ, ଇଚିହଁ ଏଝାସି ପ୍ରୁ କିହାଁ ପ୍ରୁ ଅଡେ ରାଜା କିହାଁ ରାଜା, ଅଡେ ଆମିନି ଗାଗାରି ଏଝାଣିତଲେ ମାନେରି ଏ ହାଡ଼ାମାନାରି, ଆଡ଼ାମାନାରି ଅଡେ ନାମୁଗାଗାରି ଜିକେଏ ଜୀଣା ଆନେରି □”

୧୫ ଦୁତୁ ନାଞେ ଅଡେ ଏଲେଇଞ୍ଜାତେସି, “ନାନୁ ଆମିନି ଏୟୁଣି ମେସି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଡ଼କା ଏଡ଼କାଟି ଦେସା, କୁଡ଼ା, ଗତି ଇଞ୍ଜା ହାଡ଼ାଗାଟି କୁଲମି □

୧୬ ନାନୁ ମେସାମାନି ଦସଗଟା କମକା ଇଞ୍ଜା ଏ ଜନ୍ତୁ, ଦାରେଣିନି ଅପାଠ; ଏଝି ଏଦାନି ତାଣାଟି ବାରେ ପିସ୍ପିକିହା ଅହାନା ନାଗଡ଼ା କିହାନା ପିହୁକୁ □ ଏଝି ଏଦାନି ଉଜ୍ଜା ତିଞ୍ଜାନା ହିତୁତା ହୁଡାନା ନାସା କିନୁ □

୧୭ ଏନାଆଁତାକି ଇଚିହଁ, ମାହାପୁରୁ ତାନୁ ଅଣ୍ଡପାମାନାଣି କିହାଲିତାକି ଏଝାଆଁତାକି ଇ ଅଣ୍ଡପୁ ହାହାମାନେସି □ ଏଝି ରଣ୍ଡିଏ ମନୁ ଆହାନା କାମା କିନୁ ଇଞ୍ଜା ମାହାପୁରୁଟି ବଲ୍ଲୁ ସାତାତଲେ ଆଆପାତେକା ରାଜିତି ସାଲୁଝି କିନି ବଲ୍ଲୁ ଏ ଜନ୍ତୁ କେୟୁତା ପିସାହୀନେସି □”

୧୮ “ଇଞ୍ଜା ଆମିନି ଆୟାଟି ମେସି, ଏଦି ଆହିମାନେ, ଦାରୁତିତି ରାଜାୟାଁଣି ସାଲୁଝି କିହିମାନି ଏ କାଜା ଗାଡ଼ା □”

୧୮

ବାବିଲନ ନାସା ଆନାୟି

୧ ଏତେଟିଏ ନାନୁ ଅଡ଼େ ର ଦୁଡ଼ୁଇଁ ଲାକପୁରୁଟି ରେଚା ଝାହୁଁମାଗଣି ମେସ୍ତେଏଁ; ଏଝାସି କାଜା ଅଦିକାରା ଗାଟାସି, ତାନି ଗାଝୁରମି ତାକି ଦାରୁତି ବାରେ ଭଜେଡ଼ି ଆହାହାଟେ □

୨ ଏଝାସି କାଜା ହାଡ଼ାତଲେ କାଲୁଝି ଆହୁଁ ଏଲେଇଚେସି, “କାଜା ଗାଡ଼ା ବାଦିଲନ ମେଶଜିତେ! ଏଡ଼ି ବାରେ ମେଶଜିତେ! ଏଡ଼ି ବୁଡୁୟାଁ ବାସାଟାୟୁ ଅଡ଼େ ପଲୁଆ ଜାଝୁୟାଁ ଅଡ଼େ ପଲୁଆ କାମାୟାଁ, ଇଞ୍ଜା ଅପାଆଗାଟି ପଟାୟାଁତି ବାସାଟାୟୁ ଆହାମାନେ □

୩ ଇଚିହୁଁ ବାରେ ଜାଡ଼ିତାରି ତାନି ଦାରି କାମାଲେହେଡ଼ି କାଡ଼ୁ ଗୁସାମାନେରି, ଦାରୁତିତି ରାଜାୟାଁ ତାନିତଲେ ଦାରିକାମା କିହାମାନେରି, ଅଡ଼େ ଦାରୁତିତି ବେବାରା ଗାଟାରି ତାନି ଜୁପକାଟି ବାଡ଼କୁ ଗାଟାରି ଆହାମାନେରି □”

୪ ଏତେଟିଏ ନାନୁ ଲାକପୁରୁଟି ଅଡ଼େ ର ହାଡ଼ା ଏଲେ ଇଞ୍ଜାମାନାଣି ଝେଚେଏଁ,
“ଏ ମା ଲକ୍ଷ୍ମତେରି! ଏଦାଆଁତାକି ଏଦାନି ତାଣାଟି ହଟା ଝାଡ଼ୁ!

ମୀରୁ ଏନିକ ଏଦାନି ପାପୁତା ଆଣୁଅଡ଼େରି;
ଇଞ୍ଜାଁ ତାନି ଡ଼ଣ୍ଡୁତି ବାଟା ବେଟାଆଅଡ଼େରି;

୫ ଏନାଆଁତାକି ଇଚିହୁଁ ଏଦାନି ପାପୁ ବାରେ ଲାକପୁରୁ ପାତେକା ଏଜାମାନେ,
ଅଡ଼େ ଏଡ଼ି କିହାମାନି ଲାଗେଏତି କାମା ମାହାପୁରୁ ମନତା ଅଣପାମାନେସି □

୬ ଏଡ଼ି ମିଙ୍ଗେ ଏନି କିହାମାଞ୍ଜାନେ ଏଲେକ ଏମୀରୁ ଏଦାନାକି କିଦୁ;
ତାନି କିହାମାନାଣି କିହାଁ ରୀ ଗୁଣୁ ଝେଟୁଦୁ,

ଏଡ଼ି ଆମିନି ସଲ୍ଲାତା କାଡ଼ୁ ଆଟହାମାନେ,
ଏମ୍ପାଆଁ ରୀ ଗୁଣୁ କାଡ଼ୁ ତାନି ସଲ୍ଲାତା ଆଟଦୁ □

୭ ଏଡ଼ି ଏତେକା ତାନି ଗାଝୁରମି କିହାମାନେ ଅଡ଼େ ବଡ଼ପଣ ତଲେ ମାଞ୍ଜାମାନେ,
ଏଲେକ ଏଦାନାକି ଦୁକୁ କସ୍ତ ହୀଦୁ;

ଏନାଆଁତାକି ଇଚିହୁଁ ଏଡ଼ି ଜାହାରାଇଁ ମନତା ଝେସା କଡ଼ିମାନେ,
‘ନାନୁ ରାଣି ଆହାଁ କୁଗାମାଇଁ,

ନାନୁ ରାଣେଣିତେଏଁ ଆଏ,
ନାଙ୍ଗେ ଏତେଲାଝା ଦୁକୁ କିହାଲି ଆଏ □’

୮ ଇଦାଣିତାକି ର ଦିନା ବିଦ୍ରା ଡ଼ଣ୍ଡୁ ପାଣେନ,
ଇଚିହୁଁ ହାକି, ଡ଼ାକି, ଅଡ଼େ କାରୁଝୁ ଆନେ,
ଅଡ଼େ ଏଡ଼ି ହିଚୁତା ଝେହାହାନେ,

ଇଚିହୁଁ ଏଦାନି ନୀହାଁୟି କିନାସି ପ୍ରବୁ ମାହାପୁରୁ ବାରେ ବାଡ଼ୁରୁ ଗାଟାସି □”

୯ ଦାରୁତିତି ବାରେ ରାଜାୟାଁ ତାନିତଲେ ଦାରିକାମା କିହାନା ରାହାଁଟି ନୀତାମାନେରି, ଏଝାରି ଏଦାନି ହୁଡ଼ିମାନି ହିଚୁ ବୟୁଁ ମେହନେରି, ଇଞ୍ଜାଁ ଏଦାନି ତାକି ଦୁକୁ ଆହାଁ ଡ଼ାନେରି;

୧୦ ଏଝାରି ଏଦାନି କାକୁଲିଟି ଆଜିତାକି ହେକ ନିତାନା ଏଲେଇନେରି, “ଆୟଡ଼ା, ଆୟଡ଼ା, କାଜା ଗାଡ଼ା, ବାଡ଼ୁରୁ ଗାଟି ଗାଡ଼ା ବାଦିଲନ ନାନୁ ବାକା ପଣାଟି, ଇଚିହୁଁ ରଣ୍ଡିଏ ଗଂଟା ବିଦ୍ରା ନୀ ଡ଼ଣ୍ଡୁ ଝାଡ଼େ □”

୧୧ ଅଡ଼େ ଦାରୁତିତି ବେବାରା ଗାଟାରି ଏଦାନି ତାକି ଦୁକୁ ଆହାଁ ଡ଼ାନେରି, ଏନାଆଁତାକି ଇଚିହୁଁ ଆମ୍ପାଆରି ଏଝାରି ପାରୁନି ଦିଶସ୍ତ କଡ଼ଅରି,

୧୨ ଇଚିହୁଁ ବାଂଗାରା, ଝେଣ୍ଡି, ଦାରା ଗାଟି ମଣି ଅଡ଼େ ମୁଲ୍ଲାୟାଁ, ସିଲ୍ଲକୁ ହିମ୍ପରିକା, ହେୟାଁ ଝାଣାଗାଟି ହିମ୍ପରିକା, ପାରୁ ହିମ୍ପରିକା, ଏଟକା ଏଟକାଟି ଅଜିତି ହିମ୍ପରିକା, ଚନ୍ଦନ ଇଞ୍ଜାଁ ଏଦାନି ଲେହେଡ଼ି ଗାନ୍ଦା ଗାଟି ମାରକା, ହାତି ପାଲକା, ଦାରା ଗାଟି ଝେସକା, ପିତାଡ଼ା, ଲହ, ଅଜିତି ଡ଼ୁପା ଝାଲକାତଲେ କେପିତି ବାରେ ଆସ୍ତି □

୧୩ ଡ଼ାକନି ସାଲି, ଗାନ୍ଦାଗାଟି ଆସ୍ତି, ଦୁପଣି, ଗାନ୍ଦାଗାଟି ରୁବିନି ନିୟୁଁ, ଗାନ୍ଦାଗାଟି ଦୁପଣି, କାଡ଼ୁ ନିୟୁଁ, ଗୁଣ୍ଡା, ଗହଁ, କଡ଼ିୟାଁ, ମେଣ୍ଡାୟାଁ, ଗଡ଼ାୟାଁ, ରାତାୟାଁ, କଡ଼ାମାନି ହଲ୍ଲିୟାଙ୍ଗା, ଅଡ଼େ ମାଣସିୟାଁତି ଜୀଝୁ □

୧୪ “ନୀ ଜୀଝୁତି ଜୁପକା ଗାଟି ଅଣ୍ଡୁପୁତି ପାଡ଼େୟିକା ନୀ ତାଣାଟି ମେଶଜା ହାଡ଼ୁ, ଅଡ଼େ ବାରେ ଡ଼ାକନାୟି, ରାହାଁତି ବାରେ ନୀ ତାଣାଟି ଏଟକା କିଝି ଆହାଁ ନାସା ଆହାମାନେ, ଅଡ଼େ ଏତେଲାଝା ଏ ବାରେ ମେଡ଼ା ଆୟେଏ □”

୧୫ ଈ ବାରେ ଦିଶପୁତ୍ରି ବେବାରା କିନାରି ଏ କାଜା ଗାଡ଼ା ତଲେ ବାଡ଼କୁ ଗାଟାରି ଆହାମାଚେରି, ଏଝାରି ଏଦାନି କସ୍ତତି ଆଜିତାକି ହେକ ନିତାନା ଦୁକୁତଲେ ଡ଼ାହି ଏଲେଇନେରି ।

୧୬ “ଆୟଡ଼ା! କାଜା ଗାଡ଼ାତି! ନିଜେତାକି ଏଚେକା ଆଜିହସ୍ତପତି କସ୍ତ ଝାଡେ, ନୀନୁ ଅକ୍ତିତ ହିମ୍ବୁରିକା, ହେୟାଁ ଝାଣାଗାଟି ହିମ୍ବୁରିକା, ପାଟୁ ହିମ୍ବୁରିକା ହୁଟାମାଟି, ଅଡେ ବାଂଗାରା, ଦାରାଗାଟି ମଣି ଇଞ୍ଜା ମୁକ୍ତାୟାଁ ତଲେ ମିଶ୍ୱି ମାଟି ସାଜୁୟାଁ ତୁହାମାଟି ।

୧୭ ଇଚିହ ଏ ରଣ୍ଡିଏ ଗଂଟା ବିଡ଼ା ଏ ବାରେ ଦନ ମେଶଞ୍ଜାହାଚେ ।

ଏୟୁ ଜାଜାୟାଁ ସାଲୁଞ୍ଜି କିନାରି ଏମୁଆଁ କୁଗାମାନାରି ତଂଗାଁୟାଁ ସାଲୁଞ୍ଜି କିନାରି ଇଞ୍ଜା ସାମଦୁରିତା ଇତାଲା ଆତାଲା ରେଜିହ ଏ ବେବାରା କିନାରି ହେକ ନିତାନା,

୧୮ ଏ ଗାଡ଼ାତି ହୁଡ଼ିମାନି ହିବୁ ବୟ୍ ମେସାନା କାଜା ଗିୟାଁତଲେ ଏଲେଇନେରି, ଈ କାଜା ଗାଡ଼ା ଲେହେଁ ଆମିନି ଗାଡ଼ାମାନେ ।

୧୯ ଏଝାରି ତାମି ତାକାଁ ଲାକ ଦୁଡ଼ି ଡ଼ାଞ୍ଜା କତାନା ଦୁକୁତଲେ ଡ଼ାହି ଡ଼ାହି ଏଲେଇଚେରି, ଆୟଡ଼ା ଏ କାଜା ଗାଡ଼ାତି, ନିଜେ ଏଚେକା ଆଜିହସ୍ତପତି ତଣ୍ଡ ଆଡେ, ନୀ ବାଡ଼କୁ ତଲେ ସାମଦୁରିତି ଜାଜାଣା ରେଜିହ ଏ ବାଡ଼କା ମାଚେରି, ନୀଏଁ ରଣ୍ଡିଏ ଗଂଟା ବିଡ଼ା ଏ ବାରେ ମେଶଞ୍ଜାହାଚେ ।

୨୦ ଲାକପୁରୁ, ମାହାପୁରୁ ଲକୁ, ପାଣ୍ଡି ଆହାମାନାଚେରି, ମାହାପୁରୁ ଅଣପୁତ୍ରି ବଲ୍ଲୁ ଝେହନାଚେରି, ମୀରୁ ଏଦାନି ନାସା ଆନାଣି ତାକି ରାହାଁ ଆଦୁ, ଏନାଆଁତାକି ଇଚିହ ଏ ମାହାପୁରୁ ମିଜେ କିହା ମାଞ୍ଜାନାଣି ତାକି ବାଦୁଲି ଅହାମାନେସି ।

୨୧ ଏଚେଟିଏ ତାୟୁ ର କାଜା ଦୁଡ଼ି, ର ଜେତାଝାଲି ଲେହେଁତ ର ଝାଲି ସାମଦୁରି ଲାକ ମେଡ଼ହାନା ଏଲେଇଚେସି, “ଇଲେକ କାଜା ଗାଡ଼ା ବାବିଲନ ମେଡ଼ପି ଆନେ, ଅଡେ ଏଡି ଏଚେଲାଝା ତଞ୍ଜା ଆଏ ।

୨୨ ସେରଞ୍ଜାୟାଁ ଅଡେ ପାଟିନାରି ହାଡ଼ା, ପୀରୁଡ଼ି ଉକିନାରି, ତାଡ଼ି ଉକିନାରି ହାଡ଼ା ଏଚେଲାଝା ଏଦାନି ତାଣା ଝେଜେଏ, ନେହ ଏନେହ ଏଲୁ ଇଞ୍ଜା ଏଚକାତି ଆସି କେପିନାରି ନୀ ତାଣା ତଞ୍ଜା ଆଧିରି, ଅଡେ ଜେତାଝାଲକା ତଲେ ନୁୟ ନାୟି ଏଚେଲାଝା ହାଡ଼ା ଝେଜେଏ ।

୨୩ ଦୀଝୟାଁତି ଉଜେଡ଼ି ନୀ ତାଣା ଏଚେଲାଝା ଡ଼ାଞ୍ଜେଏ, ବାହା ଆନି ମାୟକା ଅଡେ ବାହା ଆନି କକାରି ହାଡ଼ା ନୀ ତାଣା ଏଚେଲାଝା ଝେଜେଏ, ଏନାଆଁତାକି ଇଚିହ ଏ ନୀ ତାଣା ବେବାରା କିନାରି ଦାର୍ତ୍ତିତା କାଜାରି ମାଚେରି, ଅଡେ ନୀ ମାୟାମନ୍ତରତା ବାରେ କୁଡ଼ାତି ଲକୁ ମୁଞ୍ଜା ହାଜାମାଚେରି ।

୨୪ ଗାଡ଼ାତା ମାହାପୁରୁ ଅଣପୁତ୍ରି ବଲ୍ଲୁ ଝେହନାରି, ମାହାପୁରୁ ଲକୁ, ଇଞ୍ଜା ଦାର୍ତ୍ତିତା ପାୟୁଞ୍ଜିଆହାମାନି ଲକୁତି ନେଚେରି ଏଦାନି ତାଣା ତଞ୍ଜାଆହାମାଚେ ।

୧୯

୧ ଏଚେଟିଏ ଲାକପୁରୁ ର କାଜା ମାୟା ଲକୁତି ହାଡ଼ାଲେହେଁତ ର କାଜା ହାଡ଼ା ଏଲେଇଞ୍ଜିମାଚାଣି ଝେଚେଏ, “ହାଲେଲୁୟା! ଗେଲପିନି, ଗାଝୁରମି ଅଡେ କାଜାପାଣା ମା ମାହାପୁରୁଝାୟି ।

୨ ଇଚିହ ଏଝାଣି ନୀହାୟି ସାତା ଅଡେ ନେହାୟି, ଆମିନି କାଜା ଦାରେଣି ତାନି ଦାରିକାମା ତଲେ ଦାର୍ତ୍ତିତି ଲକୁଣି ପଲୁଆ କିହାମାଚେ, ମାହାପୁରୁ ଏଦାନି ତଣ୍ଡ ହାହାନା ତାନି ହଲିୟାଜାଣି ପାୟିତି ନେଚେରିତି ବାଦୁଲି ଅଡେସି ।

୩ ଅଡେ ଏଝାରି ରା ପାଲି ଏଲେଇଚେରି “ହାଲେଲୁୟା! ଏ ଗାଡ଼ା ଝେହମାନି ବୟ୍ କାଲାକାଲାତାକି ହଚେମାନେ ।

୪ ଏଚେଟିଏ କଡେ ସାରି ଜାଣା ପ୍ରାତିନାଜା ଅଡେ ସାରିଗଟା ଜନ୍ତୟାଁ ମୁନୁ କୁତାନା ସିଂଗାସାଣିତା କୁଗାମାନି ମାହାପୁରୁଇଁ ଜହରା କିହାନା ଏଲେଇଚୁ, “ଆମେନ୍ ହାଲେଲୁୟା ।

ମେଣ୍ଡା ତାଲୁତି ବାହା ବକ୍ତି

୫ ଏଚିବେଲା ସିଂଗାସାଣିତି ର ହାଡ଼ା ହଚାନା ଝେଜେତେ, “ଏ ମାହାପୁରୁତି ହଲିୟାଜାଚେରି, ଏଝାଣାଇଁ ଆଜିନି କାଜାରି ଇଚାରି ବାରେଜାଣା ଚେରି ମୀରୁ ମାହାପୁରୁଇଁ ଜହରା କିଦୁ ।

୬ ଅଡେ ନାନୁ କାଜା ମାୟା ଲକୁ ଲେହେଁତ ହାଡ଼ା, ଲଦ ଲଦ ରିହିମାନି ଏୟୁ ଲେହେଁତ ହାଡ଼ା, ଅଡେ ହାଗୁ ଗୁଣ୍ଡିମାନି କାଜା ହାଡ଼ାଲେହେଁ ଏଲେଇଞ୍ଜି ଝେସିମାନାଣି ଝେଚେଏ, “ହାଲେଲୁୟା! ଇଚିହ ପ୍ରବୁ ମା ବାଡ଼ୁଗାଟି ମାହାପୁରୁ ରାଜା ଆହାନା ପାଣା ବେଟା ଆହାମାନେସି ।

୭ ଖାଦୁ ମାର ରାହାଁ ଆନ, ଇଞ୍ଜାଁ ଏଝାଣି ଗାଝୁରମି ତାକି ଏଝାଣାଇଁ ଜହରା କିନ, ଏନାଆଁତାକି ଇଚିହିଁ ମେଣ୍ଡା ତାଲୁତି ବାହା ଆନି ଦିନା ଏଦାତେୟିଏ, ଇଞ୍ଜାଁ ଏଝାସି ବାହା ଆନି ମାଜାମା ତିୟାରା ଆହାମାନେ □
 ୮ ଏଦାନାକି ମୁହ୍ନି ଅଡେ ଅପନି ହିମ୍ବରି ହୁଚାଲି ହୀପକି ଆତୁ;” ଏ ଦବଲା ହିମ୍ବରି ଇଚିହିଁ ମାହାପୁରୁ ଲକ୍ଷ୍ମି ଦାମ୍ବୁ କାମାୟାଁ □

୯*ଏଚିବେଲା ଦୁତୁ ନାଜେ ଏଲେଇଞ୍ଜାତେସି, “ରାଡ଼ାମୁ, ଆମିନି ଗାଗାରି ମେଣ୍ଡା ତାଲୁତି ବାହା ବଜିତା ହାଟୁକି ଆହାମାନେରି, ଏଝାରାକି ନେହେଁ □” ଅଡେ ଏଝାସି ନାଜେ ଏଲେଇଞ୍ଜାତେସି, “ଇ ବାରେ ମାହାପୁରୁତି ସାତା ବଲ୍ଲୁ □”

୧୦ ଏଚେଟିଏ ନାନୁ ଏଝାଣାଇଁ ଜହରା କିହାଲି ତାନି କଡାୟାଁ ତୁଇ ରିତେସି, ଏଚେଟିଏ ଏଝାସି ନାଜେ ଏଲେଇଞ୍ଜାତେସି, “ଜାଗ୍ରାତା, ଇଲେ କିଆନି, ନାନୁ ଜୀସୁ ଅଡେ ମୀ ସାକି ଇଞ୍ଜାଁ ମୀ ତାୟାୟାଁ ତଲେ ର. ହଲେଏଣା ଲେହେଁ; ନାନୁ ମାହାପୁରୁଇଁ ଜହରା କିମ୍ବୁ,” ଜୀସୁତି ସାକି ଏଦି ସାତା, ମାହାପୁରୁ ବଲ୍ଲୁ ଝେହ୍ନାରି ଜୀଝୁ □

ଦବଲା ଗଡ଼ା ମୁହେଁ କୁଗାମାନାସି

୧୧ ଏଚେଟିଏ ନାନୁ ଲାକପୁରୁତି ଦେପିଆହାମାନାଣି ମେସ୍ତେସି, ଏମ୍ବାଆଁ ର ଦବଲା ଝାଣାଗାଟି ଗଡ଼ା ମାଚେ, ଏମ୍ବାଆଁ ହଚାମାନାଣି ଦରୁ ନାମିତାୟି ଅଡେ ସାତାତାୟି; ଏଝାସି ନେହିଁ କଁ ନାହାଁୟି କିନେସି, ଅଡେ ଜୁଜୁ କିନେସି □

୧୨ ଏଝାଣି କାଣକା ହିତୁ ଗୁଦଝା ଲେହେଁତାଇ, ତାନି ତାୟାଁ ତୁ ହାଚେରକା ଚଢେରିକା, ଅଡେ ଏଝାଣି ର ଦରୁ ରାସ୍ତକି ଆହାମାନେ, ଏ ଦରୁ ଏଝାଣି ପିସ୍ତେ ଆମ୍ବାଆରି ପୁନଅରି □

୧୩ ଏଝାସି ନେତେରିତା ଉଡ଼ହା ମାନି ର ହିମ୍ବରି ହୁଚାମାନେସି, ଇଞ୍ଜାଁ ଏଝାଣି ଦରୁ “ମାହାପୁରୁତି ବଲ୍ଲୁ □”

୧୪ ଲାକପୁରୁତି ଜୁଜୁ କିନାରି ଅପନି ଦବଲା ହିମ୍ବରିକା ହୁଚାନା ଦବଲା ଝାଣା ଗଡ଼ାୟାଁ ଲାକ କୁଗାନା ତାନି ଜେଚ ହାଚେ □

୧୫ *ଏଝାଣି ଗୁଚିଟି ଝାସ୍ତି କାଣ୍ଡା ହନେ, ଏ କାଣ୍ଡାତଲେ ବାରେ ଦେସାତି ଲକ୍ଷ୍ମି ଚୁଣନେସି; ଏଝାସି ଏଝାରାଇଁ ଲହ ବାଡ଼ଗା ତଲେ ସାଲଝି କିନେସି, ଅଡେ ଏଝାସି ତାନୁଏ ବାରେ ବାଡ଼ମୁଗାଟି ମାହାପୁରୁ କାଜା କପା ଲେହେଁତି ଅଜ୍ଜୁରି ପାଡ଼େୟିକା ପାଟିନି ଗାଡ଼ମୁତା ମାନି ପାଡ଼େୟିକା ଝିହନେସି □

୧୬ ଏଝାଣି ହିମ୍ବରିତା ଅଡେ ଏଝାଣି କୁଦଗୁତା ଇ ଦରୁ ରାସ୍ତକି ଆହାମାନେ, “ରାଜା କିହାଁ ରାଜା ଅଡେ ପୁରୁ କିହାଁ ପୁରୁ □”

୧୭ ଏଚେଟିଏ ନାନୁ ର ଦୁତୁଇଁ ଝେଡ଼ା ଲାକ ନିଚାମାନାଣି ମେସ୍ତେସି; ଏଝାସି ହାଗୁତି ମାଦି ଉଦିମାନି ବାରେ ପଚାୟାଁଣି କାଜା ହାଡ଼ାତଲେ ହାଚାନା ଏଲେଇଚେସି, “ଝାଦୁ ମାହାପୁରୁତି କାଜା ବଜିତା କୁଡ଼ା ଆଦୁ □

୧୮ ଏନିକଁ ମୀରୁ ରାଜାୟାଁ, ଜୁଜୁ ତାକି କାଜାରି, ବାଡ଼ମୁ ଗାଗାରି, ଗଡ଼ାୟାଁ ଅଡେ ଗଡ଼ା ଲାକ କୁଗାମାନାରି, କଡ଼ାମାନି ହଲିୟାଜା, ହଲିୟାଜା ଆଆତାରି, କାଜାରି ଅଡେ ଇଚାରି ବାରେତି ଉଜା ତିଞ୍ଜେରି □”

୧୯ ତାୟାଁ ନାନୁ ଜନ୍ତତି ଅଡେ ଦାନ୍ତତି ରାଜାୟାଁଣି ଅଡେ ଏଝାରି ଜୁଜୁ କିନାରାଇଁ, ଏଝାରି ଗଡ଼ାୟାଁ ଲାକ କୁଗାମାନାରି ଇଞ୍ଜାଁ ଏଝାରି ଜୁଜୁ କିନାରି କପାଟି ଜୁଜୁ କିହାଲି କୁଡ଼ା ଆହାମାନାଣି ମେସ୍ତେସି □

୨୦ ଏ ଜୁଜୁତା ଜନ୍ତ ଅଡେ ଏଦାନି ନକିତା କାବାଆନି କାମା କିହମାନି ଏ ନାଡ଼ିକିନି କ୍ରୀସ୍ତଇଁ ଆସାନା ଦସପିଆଡେ □ ଆମିନି ଲକ୍ଷ୍ମିତାଣା ଏ ଜନ୍ତତି ସିନା ମାଚେ ଇଞ୍ଜାଁ ଆମ୍ବାଆରି ଏଦାନି ବମାତି ପୂଜା କିହମାଚେରି, ଜନ୍ତ ତାନି କାବାଆନି କାମା ତଲେ ଏଝାରାଇଁ ନାଡ଼ି କିହମାଚେ □ ଜନ୍ତ ଇଞ୍ଜାଁ ନାଡ଼ିକିନି କ୍ରୀସ୍ତଇଁ ଡ଼ାଞ୍ଜିମାନି ହିଚୁତା ଜୀଝୁତଲେ ମେଦପିଆଡେ □

୨୧ ଅଡେ ଏଚେକା ତୁୟିତି ଲକ୍ଷ୍ମି ଗଡ଼ା ଲାକ କୁଗାମାନାଣି ଗୁଚିଟି ହଚିମାନି କାଣ୍ଡାତଲେ ପାୟାଝିଆଡେରି; ଏଚେଟିଏ ବାରେ ପଚାୟାଁ ଏଝାରି ଉଜା ତିଞ୍ଜାନା ବାଣି ପାଞ୍ଜୁ □

୧୧ ଏତେଟିଏ ନାନୁ ର ଦୁଡୁଇଁ ଲାକପୁରୁତି ରେତା ଖାହିମାଗଣି ମେସ୍ତେଏଁ, ଏଝାଣି କେୟୁତା ତାଡ଼େପୁରୁ ଗାଡ଼ୟୁତି କୁଟିକାଡ଼ି ଅଡ଼େ ର କାଜା ହିକଣି ମାରୁ □

୧୨ ଏଝାସି କାଜା ରାବୁତି, ଏ ପୁଞ୍ଜଇ ନାଗା, ଇତିହିଁ ଦିୟାବଲ ଅଡ଼େ ସୟତାନତି ଆସାନା ର ମାଣା ବାସୀ ପାତେକା ଦସପା ଇତିତେସି □

୧୩ ଅଡ଼େ ଏଦାନି ତାଡ଼େପୁରୁ ଗାଡ଼ୟୁତା ମେଡ଼ହାନା ଗାଡ଼ୟୁତି ଦୁଝେରି ସୁଣ୍ଡାନା ଏଦାନି ଲାକ ହାକିତି ମୁଦା ଝେତେସି, ଇଞ୍ଜା ଏନିକିଁ ଏଡ଼ି ର ମାଣା ବାସୀ ରାଆ ପାତେକା ଦେସାତି ଲକ୍ଷଣି ନାଡ଼ି କିହାଲି ଆଡ଼େଏ; ଅଡ଼େ ତାୟୁ ଗାଡ଼େକା ତାକି ପିସପି କିଝି ଆଡ଼େନ □

୧୪ ଏତେଟିଏ ନାନୁ ଏତରଗଟା ସିଂଗାସାଣିୟାଁ ମେସ୍ତେଏଁ, ଏ ବାରେ ଲାକ ଏତରଜାଣା କୁରିତେରି, ଏଝାରାକି ନାହାଁୟି କିହାଲି ଅଦିକାରା ହାପକିଆଡ଼େ, ଅଡ଼େ ଜୀସୁତି କାତା ଇଞ୍ଜା ମାହାପୁରୁତି ବଲ୍ଲୁ ତାକି ଆମ୍ବାଆରି ତାକା ଦାପି ଆହାମାରୁ, ଇଞ୍ଜା ଆମ୍ବାଆରି ଏ ଜଡ଼ ଅଡ଼େ ତାନି ବମାତି ଜହରା କିହାଁ ହିଲାଆତେରି ଅଡ଼େ ତାନି ସିନାତି ମୁଞ୍ଜୁତା କି କେୟୁତା ବେଟାଆହା ହିଲାଆତେରି, ଏଝାରି ଜୀସୁୟାଁ ମେସ୍ତେଏଁ; ଏଝାରି ଝେଣ୍ଡେ ନୀତାନା କ୍ରୀସ୍ତ ତଲେ ର ମାଣା ବାସୀ ପାତେକା ସାଲୁଝି କିତେରି □

୧୫ ଅଡ଼େ ଏତେକା ହାଡ଼ି ଲକ୍ଷୁ ଏ ର ମାଣା ବାସୀ ରାଆ ପାତେକା ନୀତାଆତେରି, ଇଦିଏ ତଲିତି ହାକିତି ନିଜିନାୟି □

୧୬ ଆମ୍ବାଆରି ମୁଲ୍ଲୁ ଝେଣ୍ଡେ ନିଜିନି ତାଣା ଆଣ୍ଡିନେରି ଏଝାରି ନେହେଁ, ଅଡ଼େ ଏଝାରି ସୁଦୁଗାଟାରି; ଅଡ଼େ ଏଝାରି ମୁହେଁ ତାୟୁତି ହାକିତି ଏନି ଅଦିକାରା ହିଲେଏ, ସାମା ଏଝାରି ମାହାପୁରୁ ଅଡ଼େ କ୍ରୀସ୍ତତି ପୁଜେରାଜା ଆହାନା ଏଝାଣିତଲେ ର ମାଣା ବାସୀ ପାତେକା ସାଲୁଝି କିନେରି □

ସୟତାନତି ହାରୁଝି ଆନାୟି

୧୭ ଏ ର ମାଣା ବାସୀ ରାଡ଼ିସାରେ ସୟତାନ ଦସପି ଆହାମାତି ଇଲୁଟି ପିସପି ଆଡ଼େନ □

୧୮ ଏତେଟିଏ ସୟତାନ ଦାରୁତିତି ସାରିସୁରୁ ମାନି ଦେସାତାରାଇଁ ଇତିହିଁଁ ସାମଦୁରିତି ବାଝଲି ସମାନା ହାଡ଼େକା ଗଗ ଅଡ଼େ ମେଗଗ ଏଝାରାଇଁ ନାଡ଼ିକିହାନା ଜୁଜୁ ତାକି କୁଡ଼ିକିହାଲି ହଡ଼ାହାନେ □

୧୯ ଏଝାରି ଦାରୁତିତି ସାରିସୁରୁ ହାଜାନା ମାହାପୁରୁ ଲକ୍ଷୁ ବାସାଆନି ତାଣା ଅଡ଼େ ମାହାପୁରୁ ଜୀସୁ ନହାଁମାନି କାଜା ଗାଡ଼ାତା ମୁରିତେରି, ଏଚିବେଲା ଲାକପୁରୁତି ହିରୁ ରିହାନା ଏଝାରାଇଁ ନାସା କିତେ □

୨୦ ଆମିନି ସୟତାନ ଏଝାରାଇଁ ନାଡ଼ି କିହାମାଟେ, ଏଦାନି ହିରୁ ଅଡ଼େ ଗାନ୍ଦାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ୟୁତା ମେଡ଼ପିଆଡ଼େ, ଏମ୍ବାଆଁ ଏ ଜଡ଼ ଇଞ୍ଜା ମାହାପୁରୁ ବଲ୍ଲୁ ମିତି ଝେହ୍ନସାସି ଜିକେଏ ମାନେସି; ଅଡ଼େ ଏଝାରି ଏମ୍ବାଆଁ ଲାଆଁ ମାଦେନା କାଲାକାଲା ତାକି ତଣ୍ଡ ବେଟାଆଡ଼େନି □

ରାନି କାଲାତି ନାହାଁୟି

୨୧ ଏତେଟିଏ ନାନୁ ର କାଜା ଦବ୍‌ଲା ସିଂଗାସାଣି ଇଞ୍ଜା ଏମ୍ବାଆଁ ରଅସି କୁଗାମାନାଣି ମେସ୍ତେଏଁ; ଏଝାଣି ନକିଟି ଦାରୁତି ଅଡ଼େ ହାଗୁପାକା ହଟାଡୁସ୍ତୁ ଏଝାସିକାକି ଅଡ଼େ ଚାୟୁ ମେଡ଼ା ଆଆତେ □

୨୨ ଅଡ଼େ ନାନୁ ଇଚାରି କାଜାରି ବାରେ ହାଡ଼ାରାଇଁ ସିଂଗାସାଣି ନକିତା ନିଚାମାନାଣି ମେସ୍ତେଏଁ, ଅଡ଼େ ପତିୟାଁ ବାରେ ଦେପିଆଡ଼ୁ; ତାୟୁ ଜୀସୁତି ପତି ଇଞ୍ଜାଁ ଅଡ଼େ ର ପତି ଦେପିଆଡ଼େ; ଏ ପତିଣାଁ ରାସ୍‌କି ଆହାମାନି ଲେହେଁ ହାଡ଼ାରି ତାମି କିତି କାମା ଲେହେଁ ନାହାଁୟି କିଝି ଆଡ଼େରି □

୨୩ ସାମଦୁରି ତାନିତାଣାଟି ହାଡ଼ାରାଇଁ ହେରପିତେ, ଇଞ୍ଜାଁ ହାକି ଅଡ଼େ ତାଡ଼େପୁରୁ ତାନି ତାଣା ହାଡ଼ାରାଇଁ ହେରପିତୁ; ଇଞ୍ଜାଁ ଏଝାରି ବାରେ ତାମି କିତି କାମା ତଲେ ନାହାଁୟି କିଝି ଆଡ଼େରି □

୨୪ ଏତେଟିଏ ହାକି ଅଡ଼େ ତାଡ଼େପୁରୁତି* ହିରୁତଲେ ଡ଼ାଞ୍ଜିମାନି ଗାଡ଼ୟୁତା ମେଡ଼ପିଆଡ଼େ, ଇ ତାୟୁତି ହାକି ଇତିହିଁଁ ହିରୁ ଗାଡ଼ୟୁ □

୨୫ ଆମ୍ବାଆରି ଦରୁ ଜୀସୁତି ପତିତା ରାସ୍‌କି ଆହା ହିଲାଆତେ ଏଝାରାଇଁ ଡ଼ାଞ୍ଜିମାନି ହିରୁ ଗାଡ଼ୟୁତା ମେଡ଼ପିଆଡ଼େ □



ପୁଞ୍ଜନି ହାଗୁପାକା ଅଡ଼େ ପୁଞ୍ଜନି ଦାରୁତି

* ୨୦:୧୪ ୨୦:୧୪ ହାଡ଼ାରି ମାନି ଦେସାତି

୧୦ ଏମ୍ବାଟିଏ ନାନୁ ର ପୁଝନି ହାଗୁପାକା ଅଡେ ପୁଝନି ଦାରୁତି ମେସ୍ତେଏଁ, ଇଚିହିଁ ତଲିତି ହାଗୁପାକା ଅଡେ ତଲିତି ଦାରୁତି ମେଶଜା ହାଜାମାତେ, ଇଞ୍ଜା ସାମଦୁରି ଅଡେ ହିଲ୍ଲାଆତେ □

୨୦ ଅଡେ ନାନୁ ସୁଦୁ ଗାଡ଼ା ଇଚିହିଁ ପୁଝନି ଜିରୁସାଲମତା ତାନି ବାହା ଆନି ତକ୍ରାଜ୍ ବେଗାଆୟାଲି ତିୟାରା ଆହାମାନି ତାଆ ମାକ୍ମାଲେହେଁ ଲାକପୁରୁତି ମାହାପୁରୁ ତାଣାଟି ରେଚାଝାହି ମାଚାଣି ମେସ୍ତେଏଁ □

୩୦ ଅଡେ ନାନୁ ସିଂଗାସାଣିଚି ର କାଜା ହାଡ଼ା ଏଲେ ଇଞ୍ଜିମାଚାଣି ଝେଚେଏଁ, “ମେହୁଦୁ ମାଣସିୟାଁ ତାଣା ମାହାପୁରୁତି ବାସାଗାୟା ମାନେ, ଏଝାସି ଏଝାରିତଲେ ବାସା ଆନେସି, ଇଞ୍ଜା ଏଝାରି ଏଝାଣି ଲକ୍ମୁ ଆନେରି,

୪୦ ଅଡେ ମାହାପୁରୁ ତାନୁଏ ଏଝାରିତଲେ ଡୟନେସି, ଇଞ୍ଜା ଏଝାରି କାନୁତି ବାରେ କାଣ୍ଡୁ ଡେଜାଡୁହନେସି; ଏମ୍ବାଆଁ ହାକି ଅଡେ ଝାସ; ଦୁକୁ, ଡାକି, ଇଞ୍ଜା ବାସା ଅଡେ ଡୟେସ; ଇଚିହିଁ ପୁଝଆୟି ବାରେ ମେଶଜା ହାଜାମାନେ □”

୫୦ ଏଚେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହୁଦୁ ନାନୁ ବାରେ ପୁଝନି କିହିମାଜ୍!” ଅଡେ ଏଝାସି ଏଲେଇଞ୍ଜାଚେସି, “ରାଡାମୁ, ଏନାଆଁତାକି ଇଚିହିଁ ଈ ବାରେ କାତା ସାତାତାୟି ଅଡେ ନାମୁଗାଚାୟି □”

୬୦ ଏଝାସି ନାଜେ ଅଡେ ଏଲେଇଞ୍ଜାଚେସି, “ବାରେ ରାଚେୟିଏ, ନାନୁ ଆଲ୍ପା ଅଡେ ଅମେଗା, ମାଚନାଚେଏଁ ଅଡେ ରାପୁନାଚେଏଁ, ଆମ୍ବାଆସି ଏସ୍କି ଗାଚାସି ଏଝାଣାକି ଜୀଝୁହାନି ଜାରୁଣାଟି ତାକୁୟାଁ ହୀଆନା ଏୟୁ ଗସାଲି ହାଜ୍ □

୭୦ ଆମ୍ବାଆସି ଜାଣା ଆନେସି, ଏଝାସି ଈ ବାରେତି ଅଦିକାରା ଆନେସି; ନାନୁ ଏଝାଣି ମାହାପୁରୁ ଆଜ୍, ଇଞ୍ଜା ଏଝାସି ନା ମୀରଏସି ଆନେସି □

୮୦ ସାମା ଆମ୍ବାଆରି ଆଜିନାରି, ନାମୁ ହିଲ୍ଲାଆ ଗାଚାରି, ଅପାଆଗାଟି କାମାକିନାରି, ଲକ୍ମୁଣି ପାୟିନାରି, ଦାରି କିନାରି, ଗୁଣି ଗାରୁଡ଼ି କିନାରି, ପେଶକା ବମାୟାଁ ପୁଜା କିନାରି, ଏଝାରି ଅଡେ ବାରେ ମିଚି କାତା ଝେହନାରି, ହିଚୁ ଅଡେ ଗାଦାଗୁଣ୍ଡା ତଲେ ଡାଞ୍ଜିମାନି ଗାଡ଼ୁୟୁତା ଗାୟୁ ବେଗାଆନେରି, ଏଦି ତାୟୁତି ହାକି □”

ପୁଝନି ଜିରୁସାଲମ

୯୦ ଏଚେଟିଏ ସାଡାଗଟା ଦୁଡୁୟାଁ ତାୟୁତି ସାଡାଗଟା ତଣ୍ଡୁୟାଁଜ୍ ଆସାମାନି ସାଡାଗଟା ଗିନାୟାଁଣା ସାଡାଗଟା ଦୁଡୁୟାଁ ବିଡ୍ରାଚି ର ଦୁଡୁ ନା ତାଣା ଝାହାନା ଏଲେଇଞ୍ଜାଚେସି, “ଇମ୍ବାଆଁ ଝାମୁ, ବାହା ଆହିମାନି ଡାଆମାକ୍ମା ଇଚିହିଁ ମେଶ୍ଟା ତାଲୁତି ଡକ୍ଜିନି ନିକି ତସ୍ତାଜ୍ □”

୧୦ ଏଚେଟିଏ ଏ ଦୁଡୁ ନାଜେ ସୁଦୁଜାଝୁ ବାଡ଼ୁୟୁତି ର କାଜାୟି ଅଡେ ପାତାଆଡ଼ି ହରୁତା ଅହାନା ଏ ସୁଦୁ ଗାଡ଼ା ଜିରୁସାଲମତି ତସ୍ତାଚେସି, ଏଦି ଲାକପୁରୁତି ଇଚିହିଁ ମାହାପୁରୁ ତାଣାଟି ରେଚା ଝାହିମାତେ,

୧୧ ଅଡେ ଏଦି ମାହାପୁରୁତି ଗାଝୁରମି ତଲେ ମୁସିମାତେ, ଏଦାନି ଉଜେଡ଼ି ହାଚେରକା ଦାରାଗାଟି ମଣି ଅଡେ ଝେଡ଼ାତି ଅପ୍ପନି ଦାପେର୍ଣିଲେହେଁ □

୧୨ ଏଦାନି ସାରିସ୍ପୁରୁ ର କାଜାୟି ଅଡେ ପାତାଆଡ଼ି କଟା ମାନେ, ଏମ୍ବାଆଁ ବାରଗଟା ଦୁଝେରିକା, ଏ ଦୁଝେରିକାଣା ବାରଜାଣା ଦୁଡୁୟାଁ ଇଞ୍ଜା ଦୁଝେରିକା ଲାକ ଇସ୍ତାୟେଲ ମୀର୍କାଚି ବାର କୁଡାତି ଦରକା ରାସ୍କି ଆହାମାନେ □

୧୩ ଝେଡ଼ା ହପୁଝାକି ତାନିଗଟା ଦୁଝେରିକା, ଚିଝନିଝାକି ତାନିଗଟା ଦୁଝେରିକା, ଚେବୁଝାକି ତାନିଗଟା ଦୁଝେରିକା, ଅଡେ ଝେଡ଼ା କୁଡ଼ନି ଝାକି ତାନିଗଟା ଦୁଝେରିକା □

୧୪ ଏ ଗାଡ଼ାତି କଟା ବାରଗଟା ପୁନାଦିକା ଇଚିକି ଆହାମାନୁ, ଏ ଝାଲ୍ଲକା ଲାକ ମେଶ୍ଟା ତାଲୁ ତାଣାଟି ବାରଜାଣା ପାଣ୍ଡୁ ଆହାମାନାରି ବାରଗଟା ଦରକା ରାସ୍କି ଆହାମାନୁ

୧୫ ନା ତଲେ କାତା ଆହିମାଚି ଦୁଡୁତି କେୟୁତା ଗାଡ଼ାତି, ଇଞ୍ଜା ଏମ୍ବାତି ଦୁଝେରିକା ଅଡେ ସାରିସ୍ପୁରୁତି କଟା ଲାଡାଲି ର ବାଂଗାରା ବାଡ଼ଗା ମାଚେ □

୧୬ ଏ ଗାଡ଼ାତି ସାରି କନ, ତାନି ଲାମ୍ବା ଅଡେ ଅସାରା ରଣ୍ଡିଏ ସମାନା; ଏଝାସି ଏ ଗାଡ଼ାତି ଏ ବାଡ଼ଗା ତଲେ ଲାଡାଲିଏ ବାର ମାଣା ବାଡ଼ଗା ଆଡେ; ଏମ୍ବାତି ଲାମ୍ବା ଅସାରା ଅଡେ ପାଡ଼ଣି ଜିକେଏ ସମାନା ଆଡେ □

୧୭ ଅଡ଼େ ତାମ୍ଭୁ ଏହି ଗାଡ଼ାତି ସାରିସୁଟୁ କଟା ଲାଟାଲିଏ ଏହି ମାଣସିତି ଲେକାତଲେ ସାଡ଼ାକଡ଼ି ସାରି ହାଡ଼ା ଆଡ଼େ, ଦୁତୁ ଏ ଲେକାତଲେ ଲାଟି ମାଡ଼େସି []

୧୮ ଏ ସାରିସୁଟୁ କଟା ଝେଡ଼ାତି ଅପ୍ନି ଦାପେଣି ଲେହେତି ମଣି ତଲେ କେପି ଆହାମାନେ, ଅଡ଼େ ଗାଡ଼ା ଅପ୍ନି ଦାପେଣି ଲେହେତି ସୁଦୁ ବାଂଗାରା ତଲେ କେପି ଆହାମାନେ []

୧୯ ଗାଡ଼ାତି ସାରିସୁଟୁ କଟାତି ପୁନାଦି ଏଟକା ଏଟକାତି ହାରେ ଦାରାଗାଟି ମଣି ଖାଲକାତଲେ ଅଜ୍ଜିକିଝି ଆହାମାନେ, ତଲିତି ପୁନାଦି ଜାସପର, ରୀ ଲମ୍ବର ପୁନାଦି ନିଲକାଡ଼ମଣି, ତାନି ଲମ୍ବର ପୁନାଦି ବଦୁଜ୍ୟମଣି, ସାରି ଲମ୍ବର ପୁନାଦି ମରକତମଣି,

୨୦ ପାସା ଲମ୍ବର ପୁନାଦି ପଲକମଣି, ସ ଲମ୍ବର ପୁନାଦି ମାଣିକ୍ୟ ମଣି, ସାଡ଼ା ଲମ୍ବର ପୁନାଦି ପୁସପରାଗମଣି, ଆଟା ଲମ୍ବର ପୁନାଦି ପିରଜମଣି, ନ ଲମ୍ବର ପୁନାଦି ଗମେସଦକ ମଣି, ଦସ ଲମ୍ବର ପୁନାଦି ଇସୁନିୟମଣି, ଏଗାର ଲମ୍ବର ପୁନାଦି ଦାରଣକି ଖାଣାଗାଟି ମଣି, ବାର ଲମ୍ବର ପୁନାଦି ନେହଁ ଗାନ୍ଧାଗାଟି ମଣି ମାଡ଼େ []

୨୧ ବାର ଗଟା ଦୁଝେରିକାଣି ବାରଗଟା ମୁକ୍ତାୟା, ର ଦୁଝେରିତି ର ମୁକ୍ତା ତଲେ କେପି ଆହାମାନୁ; ଅଡ଼େ ଗାଡ଼ାତି ଆଂଗେଣିକା ନେହଁ ଦାପେଣି ଲେହେତି ସୁଦୁ ବାଂଗାରା ତଲେ ଆହାମାନୁ []

୨୨ ନାନୁ ଏ ଗାଡ଼ାତା ଏନି ଦେଝୁଡ଼ି ଜିକେଏ ମେହୁଆଡେସଁ, ଇତିହଁ ପ୍ରବୁ ବାରେ ବାଡ଼ୁଲୁ ଗାଟି ମାହାପୁରୁ ଅଡ଼େ ମେଣ୍ଡା ତାଲୁଏ ଏମ୍ବାତି ଦେଝୁଡ଼ି ସମାନା []

୨୩ ଉଜେଡ଼ି ତାକି ଏମ୍ବାଆଁ ଝେଡ଼ା କି ଲେଝୁଡ଼ି ଲଡ଼ା ଆଏ, ଇତିହଁ ମାହାପୁରୁତି ଗାଝୁରମିଏ ଏମ୍ବାଆଁ ଉଜେଡ଼ି କିନେ, ଅଡ଼େ ମେଣ୍ଡା ତାଲୁ ଏମ୍ବାତି ଦାଝି ସମାନା []

୨୪ ଏମ୍ବାତି ଉଜେଡ଼ି ତଲେ ବାରେ ଦାରତିତି ଲକୁ ତାକିନେରି, ଅଡ଼େ ଦାରତିତି ରାଜାୟା ତାନି ହାରେକା ଦନ ଏ ଗାଡ଼ା ବିଡ଼ା ତାନେରି []

୨୫ ଏମ୍ବାତି ଦୁଝେରିକା ମାଦେନା ବେଲା ଦେପି ଆହାଁ ଡ଼ୟିନୁ; ଏଝି ଏଗେଲା ଜିକେଏ ସୁଣ୍ଠକି ଆଡ଼, ଇତିହଁ ଏ ଗାମୁଡ଼ା ଲାଆଁୟା ଇନାୟି ହିଲେଏ []

୨୬ ବାରେ କୁଡ଼ାତି ଲକୁ ତାନି ଗାଝୁରମି ଅଡ଼େ ହାରେକା ଦନ ଏ ଗାଡ଼ାତା ତାନେରି []

୨୭ ଏନି ପଲୁଆ ଗାଟାରି କି ଅପାଆଗାଟି କାମାକିନାରି, ମିତି ଜଲିନାରି ଆମ୍ବାଆରି ଏମ୍ବାଆଁ ହଡ଼ାଲି ଆଡ଼ଅରି; ସାମା ଆମ୍ବାଆରି ଦରୁ ମେଣ୍ଡା ତାଲୁତି ଜାଝୁତି ପତିତା ରାସ୍କି ଆହାମାନେ, ଏଝାରି ହଡ଼ାଲି ଆଡ଼ିନେରି []

୨୨

୧ ତାମ୍ଭୁ ଦୁତୁ ନାଙ୍ଗେ ଜାଝୁହାନି ଏମୁତି ର କାଡ଼ା ତସ୍ତାଡେସି, ଏହି ଅପ୍ନି ଦାପେଣିଲେହେଁ ଉଜେଡ଼ି, ଅଡ଼େ ମାହାପୁରୁ ଇଞ୍ଜା ମେଣ୍ଡା ତାଲୁତି ସିଂଗାସାଣିଟି ହଟାନା ଗାଡ଼ାତି ଜିରୁ ମାଦିତି ହାଜିମାନେ []

୨ ଏ କାଡ଼ାତି ରିକଝାକି ବାର ଦେବା ପାଡ଼େୟି ଆୟିନି ଜାଝୁତି ମାରୁନୁ ମାନେ, ଏମ୍ବାଆଁ ଲେଝୁ ତାକି ଲେଝୁ ପାଡ଼େୟି ଆୟିନେ, ଇଞ୍ଜା ଏ ମାରୁନୁତି ଆକା ବାରେ କୁଡ଼ାତାରାଇଁ ରଗଟି ନେହଁ କିନାଇ []

୩ ଏମ୍ବାଆଁ ଏନି ବାକା ଡ଼ୟେଏ, ମାହାପୁରୁ ଅଡ଼େ ମେଣ୍ଡା ତାଲୁତି ସିଂଗାସାଣି ଗାଡ଼ା ମାଦିଏ ଡ଼ୟିନେ, ଇଞ୍ଜା ଏଝାଣି ହଲିୟାଙ୍ଗା ଏଝାଣି ସେବା କିନେରି []

୪ ଏଝାରି ତାନି ମୁମୁ ମେହୁନେରି, ଇଞ୍ଜା ତାନି ଦରୁ ଏଝାରି ମୁଝୁଡ଼ା ରାଡ଼ିନେସି []

୫ ଏମ୍ବାଆଁ ଲାଆଁୟା ଆଏ, ଏଝାରାକି ଦାଝି କି ଝେଡ଼ାତି ଉଜେଡ଼ି ଲଡ଼ା ଆଏ, ଇତିହଁ ପ୍ରବୁ ମାହାପୁରୁ ଏଝାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଜା ଏଝାରି କାଲାକାଲା ତାକି ରାଡ଼ି କିନେରି []

ଜାସୁ ଝେଣ୍ଡା ଖାନାୟି

୬ ଏଗେଟିଏ ଦୁତୁ ନାଙ୍ଗେ ଏଲେଇଡେସି, “ଇ ବଲ୍ଲୁ ସାଡ଼ା ଇଞ୍ଜା ନାମୁଗାଟାୟି; ଏନାୟି ଗାଡ଼େକେଏ ଗଟଝି ଆନେ, ଏ ବାରେ ତାନି ସେବା କିନାରାଇଁ ତସାଲି ତାକି, ପ୍ରବୁ, ମାହାପୁରୁ ଅଣପୁତି ବଲ୍ଲୁ ଝେହନାରି ଜାଝୁୟାତି ମାହାପୁରୁ, ତାନି ଦୁତୁଇଁ ପାଣ୍ଡାମାଞ୍ଜାନେସି []”

୭ “ମେହୁମୁ ନାନୁ ତବେ ଖାହିମାଇଁ; ଆମ୍ବାଆସି ଇ ପତିତି ବଲ୍ଲୁତି ମାନଝି ଆନେସି ଏଝାସି ନେହେଁ []”

୮ ନାନୁ ଜହନଡେସଁ, ଇ ବାରେ ଝେଟି ଅଡ଼େ ମେସ୍ତି ତାମ୍ଭୁ ଆମିନି ଦୁତୁ ନାଙ୍ଗେ ଏ ବାରେ ତସ୍ତାଡେସି, ନାନୁ ଏଦାନି ଜହରା କିହାଲି ତାନି ପାଃଆନା କଡ଼ାଣା ରିଡେସଁ []

୯ ଯାମା ଏଝାସି ନାଜେ ଏଲେଇଞ୍ଜାତେସି, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ ମାହାପୁରୁ ଅଣପୁତି ବଲ୍ଲୁ ଝେହ୍ନି ନୀ ତାୟିୟାଁ ତଲେ, ଅଡ଼େ ଇ ପତିତା ରାସ୍‌କି ଆହାମାନି ବଲ୍ଲୁତି ବାରେ ମାନୁଝି ଆନାରି ତଲେ ର ହ୍ରେଲଏଣା ଲେହେଁ; ମାହାପୁରୁଇଁ ଜହରା କିମୁ □”

୧୦ ଅଡ଼େ ଏଦି ନାଜେ ଏଲେଇଞ୍ଜାତେସି, “ନାନୁ ଇ ପତିତି ତାୟୁ ଗଟଝି ଆନି ବଲ୍ଲୁତି ସୀଲି କିଆନି, ଏନାଆଁତାକି ଇତିହ୍ କାଲ୍ଲମି ଏଦାତେୟିଏ □

୧୧ ଆମ୍ବାଆସି ଦାମ୍ବୁ ହିଲାଆଗାଟାସି, ଏଝାସି ଅଡ଼େ ଦାମ୍ବୁ ହିଲାଆ କାମା କିପାସି, ଆମ୍ବାଆସି ଲାଗେଏ କାମା କିନେସି, ଏଝାସି ଅଡ଼େ ଲାଗେଏ କାମା କିପାସି, ଆମ୍ବାଆସି ଦାମ୍ବୁଗାଟାସି, ଏଝାସି ଅଡ଼େ ଦାମ୍ବୁଗାଟାସି ଆପେସି, ଆମ୍ବାଆସି ସୁଦୁଗାଟାସି, ଏଝାସି ଅଡ଼େ ସୁଦୁ ଆପେସି □”

୧୨ “ମେହ୍‌ମୁ, ନାନୁ ତବେ ଝାହିମାଲ୍, ବାରେଜାଣା ତାକି ତାମି କାମାତି ଲେକାତଲେ ପାଡ଼େୟି ହୀହାଲି ନା ଦାନା ନା ତାଣା ମାନେ □

୧୩ *ନାନୁ ଆଲ୍‌ପା ଅଡ଼େ ଅମେଗାତେଏଁ, ନକିତାତେଏଁ ଇଞ୍ଜା ତାୟୁତାତେଏଁ, ମୁଲୁତାତେଏଁ ଅଡ଼େ ରାପୁନାତେଏଁ □”

୧୪ ଜୀଝୁତି ମାରୁନୁତି ଅଦିକାରା ଆୟାଲି ଅଡ଼େ ଦୁଝେରିଚି ଗାଡ଼ାତା ହଡ଼ାଲି ତାକି ଆମ୍ବାଆରି ତାମି ହିମ୍ବୁରିକା ରାତାମାନେରି ଏଝାରି ନେହେଁ □

୧୫ ସାମା ରେଜିମାନି ନେସକା ଲେହେଁତାରି, ଗୁଣି ଗାଡ଼ୁଡ଼ି କିନାରି, ଦାରିକାମା କିନାରି, ଲକୁଣି ପାୟିନାରି, ପେଣକା ବମାୟିଣି ପୁଜା କିନାରି, ମିତିକାତାତି ଜୀଝୁ ନନାରି, ମିତି କାମାତି କିହାଲି ରାହ୍ଁ ଆନାରି ବାରେ ପାଙ୍ଗାତା ଡ଼ୟିନେରି □

୧୬ “ନାନୁ ଜୀସୁତେଏଁ, ମାହାପୁରୁ କୁଲମିକା ତାକି ମିଜେ ଇ କାତା ଝେସାଲି ନା ଦୁଡୁଇଁ ପାଣ୍ଡାମାଞ୍ଜାଇଁ, ନାନୁଏ ଦାଝୁଦତି ମୁଲୁ ଅଡ଼େ କୁଡ଼ାତାତେଏଁ; ଏ ଉଜେଡ଼ିତି ଝେୟାଜାରା ହୁକାତେଏଁ □”

୧୭ ସୁଦୁଜୀଝୁ ଅଡ଼େ ବୀହା ଆନି ଡ଼ାଆ ମାଙ୍ଗା ଏଲେଇନୁ, “ଝାମୁ!” ଆମ୍ବାଆସି ଝେନେସି ଏଝାସି ଏଲେଇଣମ୍ବାସି, “ଝାମୁ!” ଏସ୍‌କି ଗାଟାସି, ଝାପାସି, ଆମ୍ବାଆସି ମନ କିନେସି; ଏଝାସି ଜୀଝୁହାନି ଏୟୁ ଉଜେଏ ଗସ୍‌ପେସି □

ରାନ୍ତି କାତା

୧୮ ଆମ୍ବାଆରି ଇ ପତିତା ମାନି ତାୟୁ ଗଟଝି ଆନି କାତାତି ଝେନେରି, ନାନୁ ଏଝାରାଇଁ ଜାଗ୍ରାତା କିହ୍ଁ ଝେସିମାଲ୍, ଆମ୍ବାଆସି ଇ ପତିତା ଏନାଆଁ ଆଟ୍‌ନେସି, ଆତିହ୍ଁ ମାହାପୁରୁ ଇ ପତିତା ରାସ୍‌କି ଆହାମାନି ତଣ୍ଡୟାଁ ଏଝାଣାକି ହୀନେସି;

୧୯ ଅଡ଼େ ଆମ୍ବାଆସି ଇ ପତିତି ବଲ୍ଲୁତି ମ୍ଲୋକ୍‌ନେସି, ଆତିହ୍ଁ ମାହାପୁରୁ ଇ ପତିତା ରାସ୍‌କି ଆହାମାନି ଜୀଝୁତି ମାରୁନୁ, ଅଡ଼େ ସୁଦୁ ଗାଡ଼ାତି ତାନି ବାଗା ମ୍ଲୋକ୍‌ନେସି □

୨୦ ଆମ୍ବାଆସି ଇ ବାରେତାକି ସାକି ହାହିମାନେସି, ଏଝାସି ଏଲେଇଞ୍ଜି ମାନେସି, ସାତା, “ନାନୁ ତବେ ଝାହିମାଲ୍!” ଆମେନ □ ପ୍ରବୁ ଜୀସୁ ଝାମୁ □

୨୧ ପ୍ରବୁ ଜୀସୁତି କାର୍ମାମେହ୍‌ନାୟି ବାରେତାୟି ମାଜେ ଆୟାପେ □ ଆମେନ □